

ANGLIA SACRA,  
SIVE  
COLLECTIO HISTORIARUM,  
Partim antiquitus, partim recenter scriptarum,  
DE  
ARCHIEPISCOPIS & EPISCOPIS  
ANGLIÆ,  
A prima Fidei Christianæ susceptione ad Annum  
MDXL.

Nunc primùm in Lucem editarum.


---

PARS PRIMA

---

De ARCHIEPISCOPIS & EPISCOPIS Ecclesiarum  
Cathedralium, quas Monachi possederunt.

---



---

LONDINI:  
Impensis RICHARDI CHISWEL ad Insigne Rosæ Coronatæ  
in Cœmeterio S. Pauli. MDCXCI.



ANGELIA SACRA

COLLECTIO

ARCHIEPISCOPI & EPISCOPI

2d  
0018

AMERICA

LONDON

Reverendissimo in Christo

P A T R I ac D O M I N O  
D. W I L H E L M O

Providentiâ Divinâ

Archiepiscopo Cantuariensi,

Totius Angliæ Primati.

*Illustrissime Præsul,*

**O**PUS alieno ferè labore compositum, adhuc imperfectum, nullâque seu Scriptorum elegantia seu Editoris judicio commendatum, Vestræ Clementiæ nuncupare vix ausus fuisssem ; nisi argumenti dignitas audaciæ crimen amoliretur. Æquum est enim Angliæ Episcopos à throno Cantuariensi patrociniū quærere, & totius Angliæ Primatem Episcopis & vivis præesse & defunctis patrocinari. Certè favorem vestrum non incassum ambiunt Præsules longâ serie præcedentes ; qui eodem, quo vos, amplissimo munere, eâdemque vitæ sanctimoniâ Ecclesiam Anglicanam rexerunt & ornârunt. Temporis quidem injuria nobis abstulit notitiam sanctissimorum Episcoporum, qui fidem Christianam Britanniae primū intulerunt (quod Apostolicis temporibus factum fuisse argumentis non vanis ducti credimus)

A

mus)



mus) quique à primis Fundatoribus susceptam propagârunt & tutati sunt; donec gens infoelix ab Anglis expugnata, sedes mutare & in montana Insulæ loca secedere coacta fuerit. Desideratur à nobis Historia optimorum Præfulum, qui hanc Insulam quingentis ferè annis fide, miraculis, aliisque virtutibus illi sæculo familiaribus, sequenti raris, illustraverunt. Nobis igitur Historiæ Ecclesiasticæ certitudo & sacri Ordinis successio à primâ Sedis Cantuariensis foundatione pendenda est. Illa siquidem nostræ Genti, eradicatâ barbarie atque superstitione avitâ, Religionis & Literaturæ elementa tradidit; illa transmissis per Insulam Verbi divini Prædicatoribus, & ordinatis Episcopis, fidem Christianam orbi Britannico postliminiò induxit, eandemque inviolatæ hætenus authoritatis beneficio millecentum fermè annis conservavit. Vestræ itaque Sedi, tanquam Religionis apud nos & Purpurati Ordinis matri, hos omnes, quos præsens Volumen laudat & sequentia sunt laudatura, Episcopos debemus. Horum plures eandem vobiscum Provinciam administrârunt, vestræque virtute tuendam transmiserunt: omnes autem ordinis atque muneris similitudine conjuncti sunt. Singulorum memoriam aut tenebris ereptam aut luce clariori à me donatam fuisse, tibi non ingratum opus esse confido. Nullum, sat scio, favoris officium denegabis iis, qui Ecclesiam, quam dignissimè regis, Anglicanam fundârunt & auxerunt; qui populos, quibus præes, à Diaboli seu vitiorum tyrannide sanctissimo labore eduxerunt; a quibus Ordinem, quem ornas, Episcopalem longâ successione devolutum accepisti; quorum dignitatis hæredem te Deus constituit. Plura quidem illis, Ecclesiam, plebem, Ordinem, atque dignitatem, debes; sed nec minori ipsos beneficio astrinxisse censendus es, qui Ecclesiam

ab

ab illis fundatam fortissimè tueris, &, nisi aliorum invidia obstiterit, infractam ad posteros transmissurus es. Sed neque minimi antecessoribus Episcopis præstiti beneficii loco ascribendum est, quòd auspiciis atque auctoritate tuâ ipsorum memoria seu tenebris prius involuta lucem accipiat, seu alienis erroribus vitiata restau- retur. Illi suam tibi dignitatem contulerunt, Ecclesi- am quam regas fundârunt, auctoritatem & opes quibus prodesse possis transmiserunt: tu vicissim illorum fa- mam apud posteros renovâsti, neve illis bonorum ope- rum memoria intereat effecisti. Etsi enim meis vigi- liis Opus istud elucubratum fuerit, mihi que quòd imperfectum & argumento longè impar prodeat sit im- putandum; quicquid tamen honoris Ecclesiæ matri, quicquid incrementi Præsulum Anglicanorum famæ ex illo accesserit, tibi rectiùs acceptum referri debet; qui mihi ad hoc aliaque Opera (quibus utilitati publicæ pauxillum conferre studui) aggredienda otium & ani- mos fecisti; qui me nullis meritis sed neque amicis in- tercedentibus commendatum ad clientelam tuam asci- visti, rebus sacris obeundis adhibuisti; voce, præmiis & exemplo ad urgenda literarum studia provocâsti; maximis denique, quibus mortales obstringi possunt, beneficiis devinxisti. Puduit sanè juvenem studiis non invigilare, & quacunque meliùs posset viâ Ecclesiæ pro- desse; eùm in Amplissimo Præsule, cui exhausta jam- diu erant omnium literarum studia, eodemque sene plusquam septuagenario, maximisque Ecclesiæ & Rei- publicæ curis impedito, indefessam legendi scribendi- que diligentiam viderem. Alias quidem virtutes tuas mihi inferioris subfellii viro duntaxat admirari, hanc solam imitari licuit. Tu ne alterius (impari licet) diligen- tiæ otium, argumentum atque præmium deesset, vo- luisti. Faxit Deus, ut summum, quem in Ecclesiis Britan-



Britannicis tenes, locum diu obtineas, in Ecclesiæ commodum, in Reipublicæ utilitatem, in bonorum omnium solamen, utque mihi, quod postremo orandum est loco, Opus vestris auspiciis inchoatum iisdem absolvere liceat. Sic animitus vovet

Clementiæ Vestræ

Ex Ædibus vestris Lambethanis, iv. Cal. Augusti  
MDCLXXXIX.

Sacellanus obsequentissimus

E T

Cliens humillimus

HEN. WHARTON.

---

PRÆ

# PRÆFATIO

AD

PARTEM PRIMAM

## Angliæ Sacræ.

De ratione totius Operis, & Scriptoribus in eo editis.

I. **C**UM ad rei literariæ incrementum vitæ à teneris annis institutæ ratio, ad Ecclesiæ Anglicanæ honorem sacrum quo (licet indignus) fungor munus pro viribus promovendum impellant; nullum refugiendum esse decrevi laborem, ex quo emolumentum aliquid utrique vel alteri possit accedere. In eâ igitur statione positus, in qua & otio non indigeo, & amplissima librorum cujuscunque generis fit copia, & ad omnia, quæ in gente nostrâ supersunt, archiva aditus non difficilis datur, loco atque tempore opportunis utendum duxi, & aliquod aggrediendum opus, quod ad aliam stationem translatus frustra tentarem. Ad illustrandas itaque Ecclesiæ Anglicanæ antiquitates & res gestas, statui antiquas de rebus nostræ gentis ecclesiasticis Historias & Monumenta quamplurima è tenebris, quibus involuta delitescunt, educere & luce publicâ donare.

II. Civiles Anglorum Historias plures eruditissimi viri evulgandas curârunt, & hodiernum curant. Ex Ecclesiasticis autem Historiis paucissimæ prodierunt. Vix in Historiæ enim justæ censum venit amplissima Chartarum & Instrumentorum Ecclesiasticorum congeries, quam Cl. V. Gulielmus Dugdale in Monastico suo Anglicano dedit. Plures tamen ejusmodi Historiæ supersunt; non omnibus quidem obviæ, & in Bibliothecarum forulis seu Ecclesiarum archivis abditæ, luce autem dignissimæ, & in Ecclesiæ honorem, in rei antiquariæ augmentum, plurimum collaturæ. Has conquirere & quascunque melioris notæ evulgare statui; ut si quis aliquando, tanto operi non impar, Historiam nostræ gentis Ecclesiasticam aggressus fuerit, illi materia atque monumenta non deessent. Quas enim Harpsfeildius, Alfordus, Smithæus, Fullerus  
a alii que



aliique hætenus scripserunt Historias Ecclesiasticas, longè infra argumenti dignitatem subsederunt.

III. Ista quidem Operis hujus primùm suscepti unica fuit ratio. Dum eo autem animo Bibliothecas excuterem, & monumenta Ecclesiæ antiqua undique congererem; plures de Archiepiscoporum & Episcoporum Angliæ Vitis Historiæ sese obtulerunt. His perlectis, aliisque quorum uberrima facta est copia monumentis adhibitis, postea in mentem venit accuratam Episcoporum Angliæ Historiam ex iisdem consarcinari posse. Atque hoc longè utilius & orbi literato gratius fore videbatur; si ejusmodi Historiam, non adeò elimatam quidem, nec Ughelli aut Sammarthanorum æmulam, aliis tamen antea scriptis multoties uberiores ac certiores, emitterem. Primam interim intentionem de antiquis Historiis Ecclesiasticis evulgandis dimittere nolui; cùm difficile non fuerit opus eâ methodo disponere, ut insigniores quæ supererant rerum Ecclesiasticarum Historiæ exhiberentur, & Historia Episcoporum satis ampla methodo non incertâ simul prodiret. Huic itaque perficiendo operam dedi, & in volumen secundum rejectis Historiis, quæ Episcoporum certæ alicujus Sedis successionem non tradiderunt, Episcoporum, quorum Sedes Cathedralis Monachi possederunt, Historiam juxta Provinciarum & antiquitatis ordinem hoc primo volumine congeffi; de reliquis Angliæ Episcopis tertium volumen forsan aliquando editurus.

IV. Frustra quis à nobis expectabit, ut Hierarchiæ Anglicanæ Historiam eâ ubertate atque certitudine contexamus, qua suam Itali, suam & Galli contexuerunt. Apud hos enim Ecclesiarum & Cœnobiorum Archiva ut plurimùm manent integra: quæ nobis fœlicitas hominum malefactorum sacrilegio ablata est. Neutiquam Anglis olim defuerunt Scriptores, qui res gestas memoriæ commendarent seu in tabulas referrent: quinimo nulla Orbis Christiani regio nostram Scriptorum numero antecelluit. Horum autem pars minima ad nos transmissa est; haud ita temporis injuriâ tamen quàm sacrilegio intercepta. Perierunt pars maxima, quando avarâ sæculi superioris iniquitate Monasteria everfa sunt, Ecclesiæ Collegiatae demolitæ, Bibliothecæ utrarumque direptæ, lacertæ, vilissimis usibus vel etiam flammis damantæ. Atque utinam Ecclesiæ Cathedralis sacrilegorum rapinam effugere potuissent! Harum etiam aliquot Archiva homines nequissimi nutilârunt, distraxerunt, fœdârunt. Id in plurimis avaritia & impietas, in nonnullis superstitio effecit. Comperi enim Episcopum quendam ante centum & quod excurrit annos, avitæ superstitionis delendæ prætextu

textu, omnia Ecclesiæ suæ monumenta & Registra igni tradidisse.

V. Præclarè tamen cum Ecclesiâ Anglicanâ actum fuisset, ni in literaturæ & pietatis excidium Puritanorum gens pullulâisset. Infana ista, quodque magis indignamur, indocta tenebrionum coluvies, abducto ante quadraginta annos in partes suas popello, Episcopos & Canonicos Sæculares Ecclesiarum Cathedralium custodes sedibus suis ejecerunt, Ecclesias à mille retro annis cultui divino sacras polluerunt, Ecclesiarum tabulata diripuerunt, detruncârunt, nonnullibi etiam flammis cremârunt. Factum id ab astutioribus, ne Episcopi & Canonici aliquando restituti Chartulariorum suorum subsidio prædia & fundos ecclesiasticos repetere possent, ab aliis autem stultâ superstitione & literarum odio. His enim Patres omnes ante Reformationem nostri atque ipsimet etiam Sanctissimi Religionis Christianæ apud nos Fundatores pro Antichristianis habentur; & antiqua religionis monumenta, seu sacra ædificia, seu scripta in sacris locis asservata, tanquam totidem idolatriæ vestigia, sunt exosa. Ipsam etiam Anglicanam Ecclesiam, quod Apostolicæ disciplinæ & primævi in sacris obeundis decoris observantissima cum stultis insanire nolle, superstitionis & idololatriæ apud vulgus insimulant; nondum illam à pristinis sordibus repurgatam ad Christianæ simplicitatis normam accessisse, ritus Antichristianos adhuc usurpare. Hisce offuciis viri maleferiati credulam plebem obcæcant, in Schisma pessimum abducunt, & in sanctissimæ Matris excidium incitant. Si disciplinam Antichristianam quæras; causabuntur Ordinem Episcopalem, qui ab ipsis Apostolis exordium sumens, per omnia sæcula honoris prærogativam & Ecclesiæ clavum tenuit, & quamdiu in terris futura sit Ecclesia, tenebit. Si cæremonias tanto clamore impugnatas petas; narrabunt tibi Crucis signum, quod in Primitivâ Ecclesia in honore fuit, neque in nostrâ desuevisse, incusabunt infulas Sacerdotales non minùs simplices quàm decoras; præscriptam orantibus, quam neque ipsi negare audent esse piissimam, Liturgiæ formulam; & Divini Numinis adorationem genibus flexis inter Eucharistiæ symbola suscipienda factam. En criminum portenta, quibus Schismatici nostrates Ecclesiam optimam impugnant; eandemque patrum nostrorum memoriâ strenuè calumniando in supremum discrimen adduxerunt. Tunc quidem Numen, cujus inscrutabilia sunt judicia, sceleri prosperitatem indulgit. Non sine insigni tamen providentiâ factum credo, quod Ecclesias Cathedrales, quas ipsas superstitionis arces nuncupare solebant, in potestatem suam redactas Puritani funditus non everterint, neque in omnibus Archiva & tabulata pessumdederint.



rint. Quòd si Deus, qui priscos Christianos Ethnicis persecutoribus cruciandos sæpiùs concessit, Ecclesiam Anglicanam à Schismaticis opprimi iterum permiserit; vix aliud est expectandum, quàm ut omnia apud nos antiquitatis & religionis monumenta intereant. Præclarum superstitionis suæ non immutatæ indicium illi dederunt; quando tumultu in Provinciâ Somersetensi anno 1685. excitato, archiva Episcopatus Wellensis maximo studio conquesta igne combusserunt. Atque istud quidem ad hoc opus aggrediendum argumentum non leve fuit; ne per invalescentem indies Atheorum & Puritanorum colluviem exulante à nobis religione Catholicâ, aliorum conatus præverterentur.

VI. Historiam nostram, seu potiùs farraginem Historicam, in anno 1540. terminavi; quando Canonicis Sæcularibus loco Monachorum in Ecclesias Cathedrales introductis, & restauratâ, quæ plurium sæculorum incuriâ collapsa fuerat, disciplinâ insignem mutationem res ecclesiastica subiit. Ordo quidem Episcopalis continuâ serie ad nos transmissus viget, præclaris etiam numeri, virtutis & eruditionis incrementis auctus. Præsulum autem ab hoc termino succedentium res gestæ hominum memoriâ nondum exciderunt, neque ad antiquæ Historiæ (quam nunc illustrandam suscipimus) ætatem assurgunt. Erit tamen quandoque, quod sperare liceat, qui Episcoporum Reformatæ Ecclesiæ Anglicanæ vitas & res gestas scripto consignaverit. Sanè tunc universo orbi Christiano constabit huic Ecclesiæ nunquam defuisse Præsules sanctitate conspicuos, doctrinâ illustres, omnibus numeris consummatus; quinimo sæculis postremis illi præsedisse Episcopos, decessoribus suis antiquioribus pietate non impares, eruditione superiores, mediis autem utrâque præstantiores. Quod non eo animo dictum velim, quasi Episcopi intermedii summis ingenii & virtutis dotibus præditi non fuerint; è quibus aliqui Sanctorum albo meritò sunt ascripti, plures ob incomparabilem doctrinam stupori erant; nonnulli etiam antecessoribus palmam præripuerunt, successoribus quibuscunque haud faciliè imitandi. His siquidem annumerem Johannem Peckham Archiepiscopum Cantuariensem & Robertum Grosthead Episcopum Lincolnensem; quorum si quis Vitas latius tradiderit (quod mihi aliquando in animo fuit) optimam is Christiani Præsulis normam dabit. Tot tantorumque virorum ab Ecclesiâ Christi, ac præsertim Anglicanâ, egregiè meritorum tempora & res gestas luce aliquali donasse maximæ mihi voluptati fuit, atque aliis (sic voveo) non inutile erit.

VII. Hi-

VII. Historias de Episcopis Angliæ plures conscripserunt. In his primo loco commemorandus venit *Willelmus Somerses*, Cœnobii Malmsburiensis Monachus & Bibliothecarius; qui *Gesta Pontificum Anglorum* ab anno 596, ad 1125. circiter quatuor libris complexus est. Extabant eo tempore in præcipuis Angliæ Ecclesiis & Monasteriis Catalogi Episcoporum uniuscujusque Sedis, quales hodiernum asseratos vidi quamplurimos. Catalogum itaq; in Monasterio Malmsburiensi repertum Willelmus descripsit; quicquid de antiquioribus Episcopis invenire poterat apposuit, de recentioribus quæ sibi erant comperta aut ab aliis delata tradidit. Quod dolendum est autem, Catalogo admodum vitioso ipse usus est; & vir illustris D. Henricus Savilius Historiam illius ex mendosissimo Codice descriptam evulgavit *Londini* 1596. f. Willelmi Historiam Simeon Dunelmensis abbreviâsse dicitur. Extat quidem ejusmodi Abbreviatio in Bibliothecâ Lambethanâ, nullius planè pretii.

Baleus de Scri-  
ptor. Angl.  
Cent. 2. c. 98.

VIII. Proximo post Willelmum loco de Præsulibus Angliæ Commentarium edidit *Radulphus de Diceto*, Decanus Londinensis; cujus *Abbreviationes Chronicorum & Imagines Historiarum* inter x. Scriptores Historiæ Anglicanæ editæ habentur. Historiam is de Præsulibus Angliæ à S. Augustini adventu exorsus, ad Johannis Regis Coronationem (cui ipse anno 1199. interfuit) deduxit; & de Episcopis etiam Wallensibus, quos Malmsburiensis prætermiserat, quæcunque invenire poterat congeffit. Opus tamen luce indignum judicavi; ideò quòd omnia ferè ante annum 1120. ex Bedâ & Malmsburiensi haulerit, quæcunque autem ab anno 1120, ad 1199. habet, in Historias suas prædictas iisdem verbis retulerit; si Archiepiscoporum Cantuariensem demas Historiam, quæ proinde in secundi voluminis calce locum habebit.

IX. Plures alios gesta Pontificum Anglorum literis olim commisisse perquam verisimile est. Nulla enim gens Historicorum feracior Angliâ fuit. Plurima certè compendia, tabulas, Indiculos, aliaque ejusmodi, de Episcopis Angliæ vidi, justæ tamen Historiæ titulo indigna. *Johannem Everisden* Monachum Buriensem de *Regibus & Episcopis Angliæ* commentatum fuisse Baleus prodidit. Excerpta ex illius Chronico manu Johannis Jocelini facta perlegi; neque aliud opus fuisse arbitror, quamvis ea solummodo quæ ad Cœnobium Buriense spectabant Jocelinus descripserit. Tempus Eversdeni paulò certiùs Baleo Placita Parlamentaria dabunt. In his enim legitur Abbatem S. Edmundi ad Parlamentum Carleolense anno 1307. citatum misisse Procuratorem suum Johannem de Eversden

P. 323.

Com-



Cent. 8. c. 25. Commonachum suum. Præter hunc *Nicolaus Montacutus* circa annum 1460. de Episcopis Angliæ conscripsit librum, quem in Bibliothecâ Collegii Etonensis post centum annos asservatum fuisse Baleus & Jocelinus produnt. Eiusdem de Pontificibus Romanis librum in Bibliothecâ Lambethanâ inspexi, & nullius esse pretii deprehendi.

De Script. Ang.  
cap. 96.

Præc. Doctr.  
l. 13. c. 7.

X. Hactenus de antiquis hujus argumenti Scriptoribus. Postquam autem literæ meliores apud Angliam reflorescere & antiquitatis studia vigere cœperunt; primus omnium Polydorus Virgilius, Archidiaconus Wellensis, vir undequaque doctissimus, & Anglicanæ Historiæ peritissimus, de Præsulibus Angliæ commentatus est. Opus nondum prodiit, nunquam forsitan prodire dignum, inter exules Anglos asservatum. Vix enim alia præter nuda nomina atque tempora complecti videtur. Notitiam ejus Stapletonus dedit hisce verbis. *Habemus omnium Episcoporum, quos annis penè mille Anglia habuit, paratum catalogum & ordinem, à Polydoro Virgilio descriptum.*

Cent. 8. c. 81.

XI. Majori molimine Historiam de Pontificibus Angliæ adornavit *Johannes Lelandus*, Antiquarius nostræ gentis longè eruditissimus; qui Henrici VIII. Regis jussu atque autoritate omnes Ecclesiarum & Monasteriorum (antequam subverterentur) bibliothecas & archiva rimatus, quæcunque ad Antiquitates Anglicanas illustrandas faciebant, in adversaria conjecit: & ex his postea, otium nactus, plurima egregia de rebus Anglicanis Commentaria contexuit. Opus ejus aliis uberius de Scriptoribus Angliæ Baleus compilavit, & in Centurias suas ferè integrum descripsit. Plurima ejusdem adversaria in Bibliothecis Oxoniensi, Cottonianâ atq; aliis asservantur. Opus autem de Pontificibus nondum vidi. Simplicem ejus mentionem Baleus facit, qui alia ferè omnia scripta illius viderat. Ampliorem illius notitiam ipse Lelandus exhibuit in Commentario suo in Cygneam Cantionem. *De Antonio (inquit) Dunelmensi Episcopo fusiùs in Opere, cui titulus de Pontificibus Britannicis, dicemus. Nam illorum res gestas magnâ curâ exquisivi, & majori propediem in ordinem redigam.*

XII. Post viginti circiter annos Historiam Angliæ Ecclesiasticam molitus est *Nicolaus Harpsfeldius*, Archidiaconus Cantuariensis, sed Archidiaconatu exauthoratus anno 1559. quòd juramentum de suprematu regio agnoscendo præstare noller. Exauthorationi annis 24. superfuit, otio interim, quiete & rerum necessariarum copiâ fruens; carcere quidem (quod vult Pitseus) adeò non constrictus, ut Archiepiscopus Cantuariensis erudito labori favens, omnium Sed-

dis suæ Registorum usum ipsi indulserit. Integro hoc tempore Ecclesiasticæ Historiæ conscribendæ incubuit; eidemque Episcoporum Angliæ successionem & res gestas ordine intexuit. In antiquioribus Episcopis Bedam, Malmsburiensem, Florilegum & Florentii Indiculum describere contentus, nuda plerumque nomina apposuit, de verâ successione atque Chronologiâ parum sollicitus. In sequentibus quæcunque apud Historicos sibi familiares & Registra occurrebant, apposuit; adeò tamen ut per integra plerunque sæcula nuda Episcoporum nomina habeantur, & in his tam crassi errores sæpius inveniantur, ut mirum sit hominem, cui neque industria nec ingenium defuit, tam miserè labi potuisse. Prodiit Historia illius *Duaci 1622. fol.*

XIII. Proximus Historiam de Episcopis Angliæ universis contextuit *Johannes Pitfius*, exul Anglus, *Commentario de Illustribus Angliæ Scriptoribus* edito satis notus. In hoc Opere ad Catalogum suum, quem composuit, de Archiepiscopis Cant. de Episcopis Londin. Dunelm. &c. Lectorem sæpissimè remittit; & in Prolegomenis suis se Catalogos suos Regum, Episcoporum, Apostolicorumque virorum Angliæ aliquando editurum spondet. Nam omnia suæ gentis monumenta (sic Author Vitæ ejus habet) quæ vel ad Ecclesiasticam Hierarchiam vel ad reipublicæ politiam pertinere videbantur, diligenter observans, & in *Adversaria* conjiciens, quatuor magna volumina collegit, Regum unum, alterum Episcoporum, tertium virorum Apostolicorum, quartum *Illustrium virorum*. Frustra autem aliquis Historiam Pontificum Angliæ meditatur, cui ad Registra omnia & Ecclesiarum archiva aditus non patet. Gloriantur quidem Angli exules haberi penès se nobilissima nostræ gentis monumenta, à Monachis aliisque exulibus sæculo postremo in exteras regiones avecta. Si quis tamen ex *Alfordi Annalibus* aliorumque exulùm circa res Anglicanas conatibus conjecturam fecerit; vanam esse jactantiam facile reperiet. Vix enim ulla ab his citata monumenta seu Historias inveniet, nisi quæ nostrates typis domesticis evulgârunt, aut *Harpseildius* in Opere suo protulerat. Quod *Pitfeum* imprimis attinet, is intolerandæ arrogantiae indicia dedit manifesta. Se enim sua de Scriptoribus Anglicis potissima ex *Lelandi Collectaneis* hausisse, *Balei* autem Centurias vix levi inspectione dignatum esse, præ se fert; quamvis mihi abunde compertum sit illum *Lelandi* opus nunquam vidisse, sed quæ *Baleus* ex *Lelando* non ingratus compilavit, ipsum ex *Baleo* ingratissimum descripsisse.

XIV. Fælicius in hoc argumento desudavit R. P. *Franciscus Godwinus*, Episcopus Landavensis ac postea Herefordensis; qui *Commentarium*



mentarium de Præsulibus Angliæ vernaculo sermone edidit *Londini* 1601. 4°. auctiorem 1615. Latinè versum 1616. 4°. opus tum ob rerum memoriæ consignatarum præstantiam tum ob eximiam styli elegantiam laude dignissimum. Vitas Pontificum Anglorum à primâ fidei susceptione ad annum 1616. juxta Provinciarum ordinem complectitur. Breve postmodum supplementum unius vel alterius schedæ anno 1621. Author dedit. Ampliorem tamen Historiam de sui temporis Præsulibus vir eruditus meditatus est, quam paginâ 333. editionis Latinæ hisce verbis pollicetur. *Erit fortassis tempus, quando me ad speratam in cælis patriam traslato, de meorum temporum Pontificibus scripta (quæ jam nunc meditor) edi possint, sine vel metu offensæ vel adulationis suspitione.* Voto quidem perficiendo tempus illi non deerat, neque enim ante initium anni 1633. vivis excessit; nil tamen ejusmodi ab eo scriptum superest. Narrare solebat amico cuidam meo filius ejus Carolus Godwyn, Ecclesiæ Monumethensis Vicarius, patrem auctiorem longè Commentarii sui editionem molitum, morte præreptum fuisse; nil autem prælo paratum invenire potuit. Vereor ne & nova illa, quam molitus esse dicitur, editio famâ magis quàm re auctior fuerit. Vidi enim ipsius Episcopi Codicem, in cujus orâ additiones & emendationes suas apposuerat. Stylum quidem millenis ferè locis emendaverat, vix centenis autem Historiam seu auxerat seu correxerat. Sanè Author Reverendus de styli magis nitore quàm de rerum gestarum temporumve certitudine sollicitus fuisse videtur: ut in illo potissimum expoliendo integros viginti annos, quos Operi præsentī sese impendisse in Præfatione dicit, exegisse non immeritò censeri possit. Vix sesquiannus enim præteriiit, ex quo Præsulum Anglorum Historiam illustrandam suscepi; meque duplo plura atque certiora invenisse non vanâ opinione ductus confido; quin & Historicorum loca, ex quibus ille sua hausert, in singulis ferè lineis notavi. Hoc enim inter alia habemus, quod de Godwino conqueramur, illum Authorum quos sequitur nomina non apposuisse, quin & pluries darâ operâ dissimulasse; ut alii postmodum ab ipso mutuari cogerentur, quod ipse à prioribus parum gratus accepit. Nollem quidem plagii crimen viro erudito inferre; vix tamen sine indignatione quadam insignem ejus erga Illustrissimum *Antiquitatum Britannicarum* Authorem ingratitudinem memorare possum. Ex hoc certè integram ferè Archiepiscoporum Cantuariensium Historiam, non minimam etiam Episcoporum sequentium Historiæ partem, stylo arte familiari immutato, descripsit; vix tamen semel nisi carpendi & obtrectandi animo ejusdem nomen protulit. Si quando autem res ita ferat, ut Historiæ alicujus seu sententiæ Author necessariò sit laudandus; verba illius hisce formulis, *Addit nonnemo, Dicunt nonnulli,*  
*Opi-*

*Opinantur quidam, &c. inducere solet. Adeò Authori huic clarissimo aliquid se debere profiteri noluit. Sic etiam Camdenum, sic Baleum, sic alias injuriâ affecit. Neque enim contentus fragmenta ab his prolata ex Historiâ Dunelmensi, Radulpho de Diceto, Lelando, & aliis, surripuisse, & tanquam ex autographis (quæ revera nunquam vidit) hausta Commentario suo intexuisse; integras plerunque de Episcopis narratiunculas ex aliis, Camdeno præcipuè, stylo levissimè mutato & Authoribus dissimulatis, congestit. Sic etiam in Consecrationibus & Translationibus Episcoporum ab anno 1559, ad sua tempora exhibendis, omnia ex Registris Archiepiscopalibus hausisse videri voluit. Reipsâ tamen ex Jocelini Indiculo Episcoporum tempore Matthæi Parker Archiepiscopi consecratorum & confirmatorum, & Masoni Opere vernaculo de *Ministerio Anglicano* securus accepit; quod Registra consulenti facile constabit. Omnia enim Jocelini & Masoni sphalmata descripsit. Ante hæc tempora quidem Registra Archiepiscopalia Historiæ suæ contexendæ adhibuit; adeò raptim autem & festinatò pervolvit, ut vix unicam horam singulis Registris impendisse videatur. Nonnullibi etiam fides desideratur. Quod si Episcopi enim alicujus testamentum certo die probatum inibi legerit, & diem illius obitualem alibi non invenerit, obitum ejus illo die sæpissimè reposuit; quamvis morti & tabularum supremarum probationi plures plerunque dies nonnunquam etiam septimanæ intercedere soleant. His adde maximam in re Chronologicâ incuriam, defectusque & errores (qui ubique occurrunt) gravissimos; & illum omnem posterorum diligentiam vicennali suo labore minimè prævertisse liquebit. In temporibus etenim antiquorum Episcoporum designandis Florilegum, Hovedenum & Florentium (quodque magis infauftum erat) commentitiarum Ingulfi Chartarum subscriptiones, nullo examine adhibito, sequi solet; annum modò à S. Michaelis Festo, modò à Natali Dominico, modò à Calendis Januarii, sæpissimè autem ab Annuntiatione B. Virginis, pro diverso Authorum, quos sequitur, calculo exorditur; in nullis itidem tabulas Astronomicas & Calendarium consuluit, utrùm dies, quem consecrationi Episcoporum posuit, fuerit Dominicus. Denique Episcoporum successionem in plerisque ita mancarn dedit; ut in unicâ Alaphensi Historiâ annos inter 1140, & 1540. duos qui Episcopatum neutiquam obtinuerunt immiserit, novem autem Episcopos penitus prætermiserit.*

In fronte Antiq. Britan.

XV. Ultimo loco commemorandus venit (ideo quòd non de universis Angliæ Episcopis sed Archiepiscopis duntaxat Cantuariensibus scripserit, qui tamen ad elucidandas Ecclesiæ Anglicanæ anti-



quitates plus omnibus contulit) RR. P. *Matthæus Parker*, Archiepiscopus Cantuariensis. Huic præsertim restitutam Historiæ Anglicanæ lucem debemus; ab hoc unico Ecclesiæ Anglo-Saxonicae notitiam & monumenta accepimus. Ipse omni doctrinæ genere cumulatissimus, antiquitati Anglicanæ illustrandæ plurimum insudavit; aliisque ut eandem susciperent provinciam author fuit. Libros è Monasteriorum & Ecclesiarum Bibliothecis projectos, disceptos, & per tabernas, per fœda loca dissipatos conquisivit, melioris notæ Historias luce publicâ donavit; viros eruditos ad parile studium incitavit, eosdemque voto suo obsequentes præmiis laudissimis & dignitatibus Ecclesiasticis provexit; alios in familiam suam ascivit, quos ad antiquitates nostræ gentis enucleandas muneribus provocavit, & exemplo præivit. Hac ratione inducti plures isti Operi incubuerunt, Georgius Acworth, L. D. Willelmus Lambard Juris Anglicani peritus, Willelmus Darell Canonicus Cantuariensis, Robertus Talbot Canonicus Norwicensis, Laurentius Nowel Hospitii Lincolnensis Jurisconsultus, Franciscus Thynne, Thomas Yale L. D. Registrarius Archiepiscopi principalis, ac postea Decanus de Arcubus; aliique quamplures; quorum industriâ excerpta ex antiquis nostræ gentis Historiis & monumentis amplissima facta & in libros digesta vidi. Præ aliis autem omnibus eminuit Johannes Jocelinus, Antiquarius Archiepiscopi domesticus; cujus operâ in conscribendâ Historiâ de *Antiquitate Britannicæ Ecclesiæ* seu de *Vitis Archiepiscoporum Cantuariensium* Archiepiscopus usus est. Innumeras is pervolvit Historias, Saxonicae linguæ notitiam primus ex recentioribus obtinuit; volumina multa Collectaneorum propriâ manu descripsit; Vitas Archiepiscoporum pluries digessit, modò tenuiori, modò uberiori stylo, antequam ea quam cernimus Historia prodiret; cui ultimam adhibuisse manum Matthæum Archiepiscopum opinor. Prodiit demum Historia tanto molimini non impar, tanto nomine non indigna; quæ in Ecclesiæ Anglicanæ rebus ab anno 596, ad 1575. tradendis alias (quæ hætenus scriptæ sunt) omnes fide, elegantia, ac gravitate longè superat. Maximam illi quidem injuriam fecerunt Typographi tum Londinenses tum Hano-vienses. Verùm editionem perfectiorem, manuscriptis Authoris additamentis auctam, brevi exituram fore speramus.

XVI. In Historiâ Archiepiscoporum Cant. tradendâ omnem ferè nobis diligentiam Jocelinus præclusit. In Birchingtoni itaque Historiâ notis illustrandâ, seu ad annum 1540. continuandâ, gesta moresque Archiepiscoporum describere frustra fuisset; cùm ex *Antiquitatibus Britannicis* ea meliùs peti possint. Unicum id agendum restabat; ut temporum ratio, quam Jocelinus aut neglexit aut conturbavit,

turbavit, uberiùs atque certiùs traderetur. Feci id itaque in Dissertatione *de verâ Successione Archiepiscoporum Cant.* quam juxta methodum postea receptam in Annotationes ad Birchingtoni Historiam distribuissè usque ad annum 1374. & reliquam partem Continuationis loco subjecissè forsitan præstitisset. Quo minùs id facerem improvisa corporis invaletudo in causâ erat, quæ dum Birchingtoni Historia typis exprimeretur, à studiis me avocavit. Quòd si prælo iterum emitti hoc Opus aliquando contigerit; velim Historiam Radulphi Dicetensis de Archiepiscopis Cant. ab anno 596, ad 1199. (quæ in secundi voluminis Calce modò collocatur) ad primi frontem transferri. Hanc excipiant Continuationes Stephani Birchingtoni ab anno 1199, ad 1374. Willelmi Chartham ab anno 1374, ad 1381. distributâ inter singulos vice Notarum paginis suppositarum Dissertatione nostrâ ad annum 1381. subjectâque ad calcem reliquâ; loco etiam suo interpositis singulis additamentis & emendationibus, quæ in Voluminis hujusce fine reperiuntur.

XVII. De Scriptoribus in hac primâ Parte editis æquum est ut nonnulla præmittamus; quòd proximè faciendum est. Qui primum tenet locum, *Stephanus Birchington* Ecclesiæ Cantuariensis Metropoliticæ Monachus fuit, vico de Birchington in Insulâ Taneto oriundus. Mentio ejus habetur apud Thomam Cawston Monachum Cantuariensem, qui Historiam de Monachis Ecclesiæ Christi Cant. duplicem scripsit, viz. quo die singuli professi fuerint ab anno 1207, ad 1486. & quo die singuli obierint ab anno 1286. Iste Birchingtonum anno 1382. solenni ritu professionem fecisse refert. Longè tamen antea se Monachorum Cantuariensium consortio adjunxisse Stephanus censerì potest. Obitum ejusdem Obituarium Ecclesiæ Cant. his verbis exhibet: *xii. Cal. Septembr. obiit Stephanus Brychinton, Sacerdos & Monachus nostræ Congregationis.* Historiam Archiepiscoporum Cantuariensium ab illo scriptam fuisse, atque hanc, quam, nunc primùm edimus, ipsius esse ex Jocelino didici. Iste librum illius frequentissimè citat; & in Johannis Stratfordi Vitâ multa ex Birchingtoni Historiâ adducit, quæ in nostrâ totidem verbis reperiuntur. Plura ejusmodi ad Historiæ nostræ marginem notata occurrunt; plura alia notaveram, à Typographo perperam omissa. Quinimo idem Author Edwardi Regis & Johannis Archiepiscopi invectivas in Historiâ suâ reponens, præfatur eas se à Birchingtono accepisse, & apud alium Historicum commemoras non invenisse. Ille autem, quo Jocelinus usus est Codex, nostro uberior fuit. In antiquioribus enim Archiepiscopis multa ex Birchingtoni Historiâ citat, quæ in nostrâ desiderantur; eundemque in Sudburii & Courtneii Archiepiscoporum Vitis laudat. Du-

In Archivis  
Eccl. Cant.

Antiqu. Britan.  
P. 224.



plicem itaque Historiæ suæ editionem Birchingtonus adornavit. Prima, quæ in anno 1368. desit, nunc prodit, ex Codice Bibliothecæ Archiepiscopalis Lambethanæ ejusdem ætatis descripta. In eodem Codice habentur Historiæ de Regibus Anglorum, de Pontificibus Romanis, & de Imperatoribus Romanis. Illa desinit in anno 1367. ista in anno 1378. hæc in anno circiter eodem. Ab eodem Authore, à quo Historia sequens de Pontificibus Cant. omnes fuisse profectas jurare ausim. Tanta styli ac methodi similitudo in singulis intercedit. Quatuor istæ Historiæ extabant simul olim penès Willelmum Reede, Episcopum ab anno 1368. Cice-  
Julius B. 3.
Append. cent. 4  
c. 39.
P. 246, 248.
De Histor. Lat.  
L. 3. c. 2.

 strensem; qui easdem resectis epistolis, invektivis, & narrationibus longiusculis, abbreviavit, verbis tamen in his quæ manebant minimè immutatis. Abbreviatio extat in Bibliothecâ Cottonianâ. Ex eâ variantes Lectiones descripsi, quæ ex adverso primæ paginæ conspiciuntur. Aliam postmodum Historiæ de Archiepiscopis Cant. editionem auctiorem & ad annum circiter 1382. deductam Stephanus dedit; cujus facta est Jocelino copia, nobis frustra quæsitâ. Hujus Scriptoris notitiam Pitseus ex unico Jocelino hausit; quamvis id iniquus plagiarius pro more dissimulaverit. Plagii autem crimen turpissimo errore non injustè luit. Stephano enim aliud Opus ascribit, *Episcoporum Eliensium Catalogum*. Si testem quæras, nullum laudabit. Erroris autem fontem digito monstrare possum. Legerat vir incautus apud Jocelinum nonnulla; quibus ex Birchingtono pariter ac Historiâ Eliensi narratis iste testem utrumque in margine simul adhibuerat hoc modo, *Steph. Birch. Catal. Episc. Eli.* Hinc arrepto errore Pitseus Birchingtonum Catalogi Eliensis authorem posuit; quod Jocelino nunquam in mentem venit. Quæ ex utroque Jocelinus narravit, apud utrumque in hac primâ Collectionis nostræ parte reperiri possunt. Pitsei errorem Gerardus Johannes Vossius secutus est; quod extraneo homini facilè ignoscendum erat.

XVIII. Vita, quæ sequitur, Simonis Sudburii Archiepiscopi Cant. desumpta est ex prolixo Opere cui titulus est *Speculum Parvulorum*, in Bibliothecâ Lambethanâ asservato. Illi eadem manu scripta præfigitur istiusmodi nota *Liber compositus & perquisitus Domini Willelmi Chartam Monachi hujus Ecclesie anno Domini MCCCCXLVIII.* Monachum Cantuariensem authorem fuisse ostendunt plurima, quæ in Ecclesiâ Cantuariensi post annum 1400. facta ibidem narrantur. Plures Monachos Cantuarienses hoc nomine insignitos invenio. Apud Historiam enim Thomæ Cawston quidam Willelmus Chartam habitum Monasticum induisse legitur 1329. 9. Octobr. alius anno 1418. alter 1430. quartus 1473. quintus 1487. Ex his  
alter

alter obiit 1488. 14. Cal. Sept. cujus obitum eo die etiam Obituari-um Cant. memoravit ; & alium cognominem 7. Cal. Febr. obiisse retulit.

XIX. Excerpta subjeci quædam de Roberto Winchelse Archi-episcopo ex Chronico Ecclesiæ Cant. circa annum 1306. scripto, quod penès RR. in Christo Patrem D. Wilhelmum Archiepiscopum Cant. habetur. Id eo animo feci, ut ex iis lucem acciperet Bir-chingtoni de Roberto Historia ; quæ encomiastico magis quàm Hi-storico more scripta, rerum gestarum causas atque tempora minùs accuratè distinxit.

XX. Dies Obituales Archiepiscoporum Cant. ex Martyrologio (Martilogium sequiores vocant) & Obituario Ecclesiæ Christi Cant. quæ in volumine quodam Bibliothecæ Lambethanæ pulcherrimè ex-arata extant, descripsi. Martyrologium à Romano in paucis discre-pat, nisi quòd Sanctorum omnium Anglorum nomina suis quæque diebus apposuerit, Obituarium autem Monachorum omnium, Ar-chiepiscoporum, Benefactorum Ecclesiæ Cantuariensis & aliorum spiritali societate Cantuariensibus conjunctorum à primâ Ecclesiæ fundatione ad annum circiter 1530. dies obituales, additis plerun-que insigniorum elogiis, juxta mensium & dierum ordinem com-plectitur. Ejusmodi Obituaria in singulis ferè Cœnobiis majoribus asservabantur ; in quæ Monachorum & Benefactorum obitus refer-re solebant ; & quamprimùm Codex nominibus repleti cœperit, ea-dem in alium Codicem describere. Hinc ex vetustioribus Ecclesiæ Nro C. 9. Cant. Obituariis bina in Bibliothecâ Cottonianâ habentur ; aliud recentius in Bibliothecâ Arundellianâ, omnium autem novissimum in hac nostrâ Lambethanâ ; quod proinde reliqua omnia com-plectitur, utpote post annum 1517. conscriptum, & obitus etiam usque ad annum 1538. sequentes suis locis manu alienâ adjun-gens. Hæc Archiepiscoporum elogia obituaia indecoris hiatibus diduxisse Typographum plurimùm piget.

XXI. Historiam Controversiæ inter Archiepiscopos Cant. & Ebor. de Primatu in calce voluminis Lambethani, quod Bir-chingtoni Historias complectitur, scriptam inveni. Author, qui è Cantuariensi cœtu prodiisse videtur, omnia quæ Anselmi & Ra-dulphi Archiepiscoporum tempora spectant ex Eadmero verbatim desumpsit. Aliam longè fabulam de hac controversiâ texunt Hi-storici Eboracenses. Veritatem autem penès Cantuarienses fuisse, Sedemque Eboracensem Cantuariensi ab anno 1664, ad 1119. subjectam fuisse luculenter ostendemus, si quando Eboracensium Pon-



Pontificum historiam aggressi fuerimus. Codex noster plurimis inquinabatur mendis.

XXII. Formulas plures Professionum obedientiæ canonicæ Sedi Cantuariensi à Suffraganeis Episcopis olim factarum subjeci. Quando primùm Suffraganei Metropolitanis suis obedientiam profiteri cœperint, parum constat. Id autem omnibus notum est, à primævis Ecclesiæ sæculis receptum fuisse morem, ut Patriarchæ ad thronos suos recenter evecti fidei suæ formulas seu Symbola aliis Patriarchis scripta transmitterent; ut ex his se catholicè sentire & catholicam communionem fovere ostenderent. Sic etiam Metropolitanis Patriarchis, sic Episcopi Metropolitanis suis literas non ab similes destinare solebant. Invaluit postea consuetudo, ut iisdem scriptis Episcopi Suffraganei catholicam fidem & canonicam subjectionem profiterentur. Antiquiores itaque, quas exhibemus, formulæ utriusque professionem continent. Postremò resectâ fidei confessione, formula in nudam obedientiæ professionem transiit. Ex Professionibus ante Normannorum adventum nullam vidi autographam. Plusquam centenas autem bene prolixas, omnesque ab invicem diversas, perlegi in Registro quodam Ecclesiæ Cant. pulcherrimo congestas. Extant ferè totidem in Codice quodam *Cleopatra E. 1.* Cottoniano, manu elegantissimâ ante annos 500. juxta temporis ordinem digestæ. Ex his nonnullæ in Codice Cantuariensi desiderantur; longè autem plures in hoc habentur, quæ in illo frustra quærentur. Ex Professionibus post Conquestum factis innumeras ferè in Archivis Ecclesiæ Cant. autographas vidi. Tunc primùm formula omnibus Episcopis communis esse cœpit. Solebant itaque Clerici & Officiales Archiepiscopales plura ejusmodi Instrumenta nitidè scripta comparare, relicto ad inscribendum Episcopi professuri nomen chasmate. Huic Episcopus inter consecrationem suscipiendam nomen propriâ manu inscripsit; dein formulam clarâ voce legit, lectamque Archiepiscopo in manus tradidit. Eandem Archiepiscopus Monachis Cantuariensibus in archiva Ecclesiæ referendam consignavit. Quòd si Episcopus ab alio, vel extra Ecclesiam Cant. consecratus fuerit; professionem Archiepiscopo similem facere, quamprimùm illi obvius esset, tenebatur; Ecclesiam quinetiam Metropolitanicam adire, & renovatam Professionis formulam super altare summum reponere. In horum instrumentorum tergo Monachi seu Notarii, Clericive, præsentes solebant inscribere Episcopi consecrati seu confirmati & Archiepiscopi consecrantis seu confirmantis nomina, consecrationis tempus, locum, aliasque circumstantias insigniores, Episcoporum etiam assistantium & testium præsentium nomina. Ex his consutis & juxta temporis  
seriem

seriem dispositis Monachi plurimos immensæ prolixitatis rotulos contexuerunt : quales in Ecclesiâ Cant. nonnulli hodiernum supersunt. Horum plures, simul ac ante-Normannicas Professiones, in Registrum quoddam transcripsit Johannes Cranborn circa annum 1360. qui nonnulla de Episcopis sui temporis scitu digna intexuit. Pauca de Episcoporum Professionibus usque ad annum 1400. manus recentior apposuit. Johannes autem Clericus erat Simonis Mepham Archiepiscopi Cant. Capellâ de Cortynton in Diocesi Sarum ab ipso donatus anno 1331. & professioni Johannis Assavenfis Episcopi anno 1353. factæ intererat.

XXIII. Catalogum Henrici de Estriâ & Annales Roffenses nactus sum, postquam Dissertationem de verâ successione Archiepiscoporum Cant. scripto commissem. Illa itaque apposui; ut Chronologia Archiepiscoporum nostra ex iis seu robur seu medelam acciperet. Sanè maximè mihi gratulatus sum, quòd in S. Augustini obitu designando suffragium obtinuerim Annalium Roffensium, qui ante quingentos annos scripti plurimam fidem meruerunt. Radulphi Dicetensis Indiculum ex binis Codicibus Lambethanis perpulchris hausi.

XXIV. Dissertationem de verâ successione Archiepiscoporum Cant. operis instituti ratio exegit. Huic aliam de duobus Elfricis adjunxi. Pigebat summopere historiam Elfrici Grammatici, qui de Ecclesiâ Anglo-Saxonica transmissis ad posteros scriptis quamplurimis tam præclare meruit, adeò conturbatam, involutam, ac ferè ignotam esse. In designandis illius tempore, dignitate, & rebus gestis, me sententiam planè novam inivisse fateor; tot tamen tantisque argumentis firmatam, ut non facilè aliis rejicienda fuerit. Nullum ferè argumentum nobis adversatur, nisi quòd ætas penè centenariâ Elfrico juxta calculum nostrum sit concedenda; ætas quidem rara, quæ tamen apud nos exemplo non caret, quamque Herewaldus Landavenfis Episcopus eodem sæculo superavit.

XXV. Annum obitûs S. Augustini Cant. & Elfrici historiam certâ luce donâsse ad elucidendam Ecclesiæ Anglicanæ Historiam magni erat momenti. Subjeci itaque monumenta quædam antiqua, quæ calculum seu sententiam à nobis superiùs positum confirmant. Primum in his locum tenet Chronicon breve; quod ad calcem Historiæ Hugonis Floriacensis manu perantiquâ scriptum inveni in Bibliothecâ Lambethanâ. Prima ejus pars sc. ad annum 734. ex Bedæ Historiâ & Epitome verbatim desumpta est, additis duntaxat annorum numeris, qui apud Bedam plerunque desiderantur.



tur. Pars posterior ab anno 1065, ad 1163. de rebus Scotorum præsertim agit; ut Scotum quendam authorem habuisse meritò quis suspicetur. Eundem Cœnobii S. Crucis Edinburgensis Monachum fuisse indigitant quæ de isto Cœnobio ejusque Præpositis uberiùs narrantur.

L. 22. c. 3.

XXVI. Succedit Historia Abendonienſis, quæ Elfrici temporibus definiendis aliisque difficultatibus expediendis plurimum contulit. Illam decerpsi ex Annalibus Mariani Scoti seu potiùs Florentii Wigornienſis, in Bibliothecâ Lambethanâ asservatis. Codex, qui manu longè elegantissimâ exaratus est, ad Cœnobium Abendonienſe olim spectabat; & à Monacho quodam ejusce Cœnobii ista additamenta suis quæque annis intertexta accepit. Chronicon quoddam ab orbe condito ad annum 1083. Marianus Scotus, Monachus Moguntinus, novâ methodo conscriptum evulgaverat; quod in Angliam brevi perlatum, Monachis nostris adeò probatum est, ut id in singulis ferè Monasteriis describerent. In his Robertus Herefordensis Episcopus, omnium liberalium artium peritus, *Cronicam Mariani Scoti diffusam defloravit; ut magis valere videatur Defloratio, quàm ingentis voluminis diffusio*: prout habet Johannes Tinmuthensis in Historiâ Aureâ. Robertus ille anno 1095. obiit. Defloratio ista (sic mea fert sententia) loco integri Mariani edita est Basileæ 1559, & in Historicorum Germanicorum Collectiones postea translata. Genuinum Mariani Chronicon Florentius Monachus Wigornienſis anno 1117. transcripsit, res Anglicanas singulis annis maximâ fide ac diligentia intexuit, & ad sua tempora deduxit. Florentii anno 1118. defuncti laborem exceperunt alii Wigornienſes Monachi; resque annis sequentibus gestas apposuerunt. Hujus Historiæ Wigornienſis exemplar nactus Monachus quidam Abendonienſis anno 1131. eam in Cœnobii sui usum eleganter descripsit, additis his (quæ nunc primò evulgamus) laciniiis. Quæcunque ille de Ethelwaldo habet, ex *Vitâ* ejus per Wlstanum Cantorem scriptâ (extat ea apud Mabillon. Sæc. Benedict. V. p. 608.) ferè hausit; reliqua de suo dedit. Nusquam meliorem Historiæ Mariani ac Florentii codicem exstare arbitror. Qui Florentii enim Annales postea descripserunt, plurima Mariani rescuerunt, atque ipsos Florentii numeros sæpissimè vitiarunt. Manco ejusmodi ac vitioso Codice usus est vir nobilissimus Gulielmus Howardus, qui Florentii Chronicon primus evulgavit Londini 1592. 4°. Noster autem Abendonienſis habet Mariani tractatum *de computo Paschali*, Chronico suo vice Præfationis præmissum, & ejusdem *de Concordiâ Evangelistarum* librum satis prolixum, primæ ac secundæ Chronici partibus ad illustrandas D. N. J. Christi res gestas interpositum.

fitum. Cæterum ingratus essem si dissimularem Historiam Ecclesiasticam Anglicanam, præsertim antiquiorem, Monachorum Abendonensium diligentiam plurimum debere. Ex nullo enim Cœnobio plures prodierunt Annales Saxonici, Latini, Latino-Saxonici, rerum antiquitus gestarum monumenta, Historiæ, Chartularia, & librorum melioris notæ apographa.

XXVII. Chartam Ethelredi Regis Wlffino datam ad definienda Wlffini tempora exhibui ex Instrumento autographo in Bibliothecâ Cottonianâ *Otho A. 17.*

XXVIII. De Epistolâ sequenti Alexandri Papæ aqua mihi hæret. Spuriam esse tum ex insolitâ salutationis formulâ in initio, tum ex tempore malè posito in fine, constat. Nondum enim Thomas thronum Archiepiscopalem conscenderat, quando hæc epistola scripta dicitur. Illam autem ex Codice ante annos circiter 270. scripto accepi; ut mirari subeat, in quem finem & à quo conficta fuerit. Thomas quidem alter erat Archiepiscopus Cant. tempore Alexandri V. Papæ; qui variam subinde fortunam expertus est. Verum in hac Epistolâ ille qui vapulat Archiepiscopus iis designatur indicibus, quæ nulli nisi Thomæ Becket conveniunt. Incredibile forsân videatur Papam huic Thomæ, pugili suo fortissimo, ejusmodi contumelias inferre voluisse. Quamvis ortâ primum inter ipsum & Regem contentione, nondum Thomas Papæ innotuerat; vereor etiam ne in utrâque aulâ tam Regis Angliæ quàm Pontificis Romani eo tempore stultitiæ notam subierit, & Archiepiscopali Sede indignus haberetur. Sic enim Petrus Blesensis in epistolâ circa annum 1173. scriptâ, Reginaldum Bathoniensem Electum à suspitione cædis Thomæ purgans, habet. *Beatus Martyr suspenderat patrem suum Episcopum Sarisberiensem. Nec mirum eo tempore videbatur, si filius afflicto patri compatiens, quandoque durius aut minus consultè de dicto Martyre loquebatur. Nam & nos insensati vitam ipsius putabamus insaniam; & finem illius sine honore. Quicquid faciebat caritatis obtentu & zelo justitiæ, in crimen odii & invidiæ vertebatur, &c.* Si ergo Bathoniensis Electus, sicut & nos omnes, vitam Martyris quandoque habuit in derisum; non est quod ei debeat imputari in crimen. Gilbertus etiam Londinensis Episcopus Thomæ, antequam exularet, in os palàm dixit. *Stultus hætenus fu-* Epist. 43.  
Alanus in Quadri-  
logio c. 30.

XXIX. De Roberto Winchelse Archiepiscopo Cant. Birchingtonus multa supra contulerat. Epistolam itaque de canonizatione ejus impetrandâ, præclarum adeò de sanctitate illius testimonium  
c  
rejicere



Archiva Eccl.  
Cant.

rejicere nolui. Paucis post obitum annis fama increbuit de miraculis ad sepulchrum illius factis. Harum certam sibi relationem transmitti Thomas Lancastriæ Dux, magnus Angliæ Seneschallus, à Conventu Cantuariensi petiit literis (quas vidi) Gallicè scriptis. Idem de his miraculis Papam mox certiore reddidit; & Robertum Sanctorum catalogo inferri enixè postulavit. Rescribit Johannes Papa fieri id non posse, antequam miraculorum veritas solenni examine instituto comprobata fuerit. Ad examen hujusmodi instituendum Walterus Archiepiscopus, jubente Papâ, potestatem dedit Londinensi & Cicestrensi Episcopis 1319. 14. Novembr. Neque aliud postea in hac causâ factum reperio. Epistolam Walteri & Suffraganeorum à nobis editam Registrum quoddam Ecclesiæ Cantuariensis dedit. •

Cent. 7. c. 95.

Cap. 879.

De Hist. Lat. 1.  
3. c. 9.

Cap. 89.

L. 3. c. 5.

Antiqu. Brit.  
c. 6. p. 66.

XXX. Ecclesiæ Wintoniensis historiam fusè præ aliis digessit Thomas Rudburn Ecclesiæ ejusdem Monachus. Novi Monasterii Wintoniensis, quod ab Hidâ nomen accepit, fuisse Monachum Baleus malè tradidit. Ecclesiæ enim Cathedralis S. Swithuni Cœnobitam fuisse tum ex plurimis Historiæ Majoris locis tum ex Prologo ad Historiam Minorem liquet. Balei errorem Pitsius & Vossius transcripserunt. Junior dictus est iste Thomas, ut à Thomâ Rudburno seniore, Episcopo Menevensi, qui sub ejusdem sæculi initium Chronicon de rebus Anglicanis contexuit, distinguere-  
tur. Perperam tamen Johannes Jocelinus in Commentario MS. de Historicis Angliæ, Rudburnum Seniore Novum Cœnobiū Wintoniensis Monachum fuisse retulit; & Historiam Junioris Majorem Vossius Seniori inscripsit. Scripsit ille Junior primū Historiam brevem de fundatione, incrementis, atque Episcopis Ecclesiæ Wintoniensis, à Lucio Rege ad tempora Henrici VI. Regis. Istam Cl. Usserius in Opere suo de Antiquitatibus Britannicis titulo *Historiolæ Wintoniensis* sæpius laudavit; nosque illam modò eodem modò *Epitomes Historiæ Majoris* nomine insignitam crebrò citavimus; partesque ejus primam ac postremam in Opere sequenti p. 179, 180, 181, 285, 286. exhibuimus. Justa est enim *Historiæ Majoris*, quantum ad Ecclesiæ Wintoniensis res spectat, Epitome, iisdemque ferè verbis utitur: ut ab eodem Authore, quantumvis nomen illius in fronte non gerat, fuisse profectam dubitari nequeat. Scripta autem ante *Historiam Majorem* fuit, tempore Henrici Beaufort Episcopi, qui anno 1447. obiit. Circa annum 1440. scriptam fuisse Usserius non malè conjecit. Habetur in Bibliothecâ Cottonianâ *Galba A. 15*. Præcedunt in eodem Codice Annales breves Ecclesiæ Wintoniensis à Bruto ad Henricum VI. Regem; qui *Historiæ Majoris* quoad res civiles narrandas epitomen

men constituunt, eosdemque Authores sc. Vigilantium de Basilicâ Petri, Dolensem de gestis Dacorum super Anglos, &c. passim citant. Scripti sunt anno 1454. quod ex innumeris ferè locis constat : unicum ponam. Dedicata est Ecclesia Wintoniensis anno CLXIX. iv. Cal. Novembr. A primâ fundatione & dedicatione Winton. Ecclesiæ fluxerunt anni MCCLXXXV. Post Ethelwaldi Episcopi tempora paucissima habent de Ecclesiâ Wintoniensi, in successionem Regum Angliæ narrandâ insumpti. Præter hæc justam de rebus Anglicis Historiam Rudburnus scripsit à Bruto ad annum 18. Henrici III. Regis, viz. Christi 1234. cui Breviarium Chronicorum titulum fecit : nos Historiam Minorem eam passim appellavimus. Inibi Regum Britonum à Bruto ad Codwalladum, Saxonum etiam in unaquaque Heptarchiâ successionem & res gestas contexuit. Totus est in Historiâ Civili. Pauca admodum habet de Episcopis Winton. præter nudam illorum successionem, & quæ de Alwyni Episcopi & Emmæ Reginae purgatione fusiùs narravit. In hac autem narrandâ Annales Wintonienses ferè verbatim descripsit. In posterioribus annis unicum penè Matthæum Paris sequitur ; & de Episcopis Winton. post annum 1150. paucissima dedit. Ubique autem tempora infœlicissimè digessit. Insigniores hujus ab Historiâ Majore diversitates in Annotationibus exhibui. Facta est enim illius copia ex Bibliothecâ Cottonianâ Nero A. 17. Scripta est ea ante Historiam Majorem. Sic enim legitur in ejusdem Prologo : *Et quæ hîc le-vitèr pertranseo, in majori nostrâ Cronicâ opitulante Dei clementiâ supplebo.* Et iterum ad annum 1189. de Henrici II. Regis obitu loquens ista habet. *Et ista sufficiant in præsentî nostro Libello Minori. Plura dicenda sunt in Cronicâ nostrâ Majori, ut patebit intuentibus, & etiam de cæteris Anglorum Regibus.* Demum itaque Rudburnus stilo uberiore & diligentîâ longè subtiliori Historiam Majorem composuit. Eam neque Baleus nec Jocelinus nec Lambardus, viderant ; qui tamen perlectâ Historiâ Minori ejusmodi Opus à Rudburno adornatum fuisse collegerunt. Illam nos ex Codice Lambethano evulgavimus ; resectis ut plurimum iis quæ aliunde hauserat, indicatis tamen singulis ex quibus hausta sunt fontibus. Inutile enim fuisset amplissima aliorum Historicorum fragmenta, quæ historiæ suæ Rudburnus intexuit, exhibuisse ; cum ad Ecclesiam Wintoniensem neutiquam spectarent, & ex Authoribus suis jamdiu vulgatis meliùs peti possint. Codex Lambethanus & in fronte & in fine mutilus integram Rudburni Historiam nobis denegavit ; neque Codex alter in Collegio Corporis Christi Cantabr. asservatus aliquid subsidii tulit. Incertum igitur manet, à quo tempore exorsa fuerit & in quo desierit *Historia Major.* Mihi tamen videtur initio ejus perpauca deesse, & ex



Historiolâ Wintoniensi non malè restituta esse. In hoc opere Rudburnus ad annum 1071. continuam Ecclesiæ Dunelmensis historiam à primâ Sedis Episcopalis foundatione ad annum 1083. dedit. Illam inter alias Ecclesiæ Dunelmensis Historias edere nobis aliquando in animo fuit. Postea autem collarâ Simeonis Dunelmensis Historiâ, illam ex hac (paucissimis demptis) congestam esseprehendens, omittere consultius duxi. Deest quidem apud Simeonem Willelmi Episcopi de Monachis introducendis Charta. Verùm hanc paulò corruptiorem tamen, Monasticon Anglicanum dabit tom. 1. p. 42. Historiam suam Dunelmensem Rudburnus his verbis claudit. *Ista quæ hîc scripsi de Dunelmensi Ecclesiâ, habui in libro Privilegiorum ejusdem Ecclesiæ ex accommodatione M. Roberti Nevyle Dunelmensis Episcopi.* Robertus Sedi Dunelmensi præfuit ab anno 1438, ad 1457. Atque hinc Rudburni ætas non malè definiri potest. Illam Baleus & Baleum secuti Pitius & Vossius ad annum 1480. producunt; hac ratione moti, quòd Johannes Rossus, qui anno 1491. obiit, se Rudburni præsentiam aliquando usum fuisse scripserit. Quem de rebus Hidenfis Monasterii Baleus Rudburno inscripsit, librum ex errore superiùs indicato natum arbitror.

XXXI. Chronicon Cœnobii Wintoniensis Ecclesiæ succedit. Id ex Codice Cottoniano *Domitian A. 13.* descripsi. Partem ejus priorem, ab initio sc. ad annum 1086. Cl. V. Willelmus Dugdale ex eodem Codice evulgavit in *Monastico Angl.* tom. 1. p. 31. In his Annalibus, (quod de Rossensibus etiam & Wigorniensibus dicendum est) omnia retinui quæ ad Historiam illius Ecclesiæ vel etiam ad totius Ecclesiæ Anglicanæ vel Sedis alicujus Episcopalis aut Cœnobii faciebant, nisi quæ nullius planè pretii lectuque indigna viderentur. In iis quæ historiam sæcularem spectabant, hanc rationem inii, ut adhiberentur omnia alicujus momenti, quæ apud alios Historicos vulgatos desunt, vel in his uberiora sive diversa habentur; quæ autem apud Historias publici juris factas prostant, vel certiùs, aut sine insigni differentiâ traduntur, mitterentur. Authorem fuisse Monachum Wintoniensium ex plurimis Annalium locis constat.

XXXII. In sequenti Historiæ Wintoniensis Continuatione mirabitur forsan Lector me Episcoporum omnium Wintoniensium res gestas stilo latiori prosecutum non esse. Sanè ingratum mihi semper erat ea omnia, quæ antea ab aliis dicta fuerant, convasare, laudemque aliis debitam subfurari. Nos tempora præ aliis certa dedimus, res aliis intactas narravimus. Si quis uberiora

rora velit, fontes omnibus patentes petat. Willelmi Wickham & Henrici Beaufort Episcoporum vitis eleganter atque ubertim scriptis, laudem Godwinus meruisset; nisi Willelmi historiam se ex Jocelino verbis nonnihil immutatis hausisse ingratus dissimulasset. Aliorum Episcoporum res, antequam ad Sedem Winton. transferrentur gestæ, rectius in primarum Sedium historiis quærendæ erunt. Sic Adami Orleton historia apud H. refordenses, Petri Courtney & Ricardi Fox apud Exonienses Episcopos justius est collocanda. Stephani Gardineri Vita latius est enarranda; si quando Episcoporum post Reformationem degentium historiam susceperimus.

XXXIII. Epistolas tres de Monachis Ecclesiâ Cathedrali Wintoniensi non ejiciendis accepi ex Codice Cottoniano *Vitellius E. 4.* manu pervetustâ scriptas. Narrat Eadmerus Episcoporum Angliæ conatum de eliminandis ex Ecclesiis Cathedralibus Monachis Hist. Nov. l. 1.  
p. 10. tempore Willelmi I. Regis factum. *Omnes circiter, inquit, qui ex Clericali Ordine per Regem Willelmum in Angliâ constituti Pontifices erant, Monachos qui in nonnullis Episcopatibus Angliæ ab antiquo vitam agebant, inde eliminare moliti sunt; & Regem ipsum in hoc sibi consentaneum effecerunt; in quo tam se effectum potituros certi extiterant, ut Walchelinus Episcopus adunatos penè quadraginta Clericos, Canonorum more tonsurâ ac veste redimitos haberet; quos ejectis Monachis Wentonæ Ecclesiæ, cui præsidebat, mox intromitteret. Sola mora hæc peragendi, nondum requisita ab Archiepiscopo Lanfranco licentia fuit. Lanfrancus autem, qui è grege Monastico prodierat, totis viribus obnixus Episcoporum conatum elusit, & Monachis Ecclesiarum suarum possessionem asseruit. Hac spe dejecti Episcopi, Monachos ab Ecclesiâ saltem metropolitica Cant. ejicere moliti sunt, Rege ac Principibus conspirantibus. Omnibus tamen prævaluit industria Lanfranci; qui ab Alexandro Papâ Ecclesias Monachis confirmari & anathema adversaturis incuti obtinuit. Sequitur Alexandri Bulla in Codice Cottoniano. Cùm autem apud Eadmerum & inter Lanfranci Epistolas & in Conciliorum tomis ea habeatur; missam feci.*

XXXIV. Lantfredi Epistola præfatoria extabat inter alias Epistolas vetustissimâ manu semi-Saxonicâ exaratus in Bibliothecâ Cottonianâ *Vespasian A. 14.* Integer autem Lantfredi liber in alio eximie antiquitatis atque pulchritudinis Codice *Nero E. 1.* habetur. Titulum habet *De Miraculis S. Swithuni.* Agit autem solummodo de miraculis post obitum illius patratis: de rebus enim à Swithuno vivente gestis se perparum scire Lantfredus fatetur. Inter alios libros Saxonicâ linguâ scriptos, quos penè se extitisse Joce-



Jocelinus refert, memoratur *Deposito Swithuni per Lantfredum*. Commentarium itaque Lantfredi, saltem partem ejus nonnullam, ab alio Saxonice versam esse conjicio. Ipse autem Lantfredus circa annum 980. claruisse à Pitseo atque Vossio non malè dicitur.

XXXV. Ernulfus Roffensis Episcopus, qui Sedem ab anno 1114, ad 1124. tenuit, librum compilavit de Ecclesiæ Roffensis fundatione, dotatione, chartis, placitis, aliisque rebus ad eam spectantibus. Codicem in Archivo Ecclesiæ Roffensis asservatum Decanus & Capitulum Roffense benignitate summâ mihi trans miserunt. Plurimis nostræ gentis Antiquariis *Textus Roffensis* titulo innotuit. In fronte libri hanc inscriptionem manus antiquissima apposuit *Textus de Ecclesiâ Roffensi per Ernulfum Episcopum*. Continet autem plura monumenta tam Latine quàm Saxonice scripta, viz. Leges Ethelberti, Alfredi, Guthrunni, Edwardi, Edmundi & Ethelredi Regum, Saxonice; Exorcismum Ordalii, Leges Canuti Regis, Constitutiones Willelmi I. Regis, Excerpta ex decretis Pontificum, Institutiones Henrici I. Regis anno 1101. latas, successionem Pontificum & Imperatorum Romanorum, Pontificum Jerosolymitanorum & quatuor Sedium Patriarchalium, Nomina Archiepiscoporum & Episcoporum Angliæ à S. Augustino per singulas Sedes distributa, Latine; Judicia civitatis Lundo niæ, Genealogiam Edwardi Regis ab Adamo, Genealogias omnium Angliæ Heptarcharum ab Adamo, Saxonice; Privilegia, Chartas, Ordinationes, &c. Ecclesiæ Roffensis Latine & Saxonice. Nulla habentur in Codice, Ernulfi ætate inferiora; si de mas 13. nomina in Catalogo Archiepiscoporum Cant. & 15. nomina in Catalogo Episcoporum Roff. quæ ab alienâ manu diversis sæculis accesserunt; ut ex literis & atramento constat. Quædam enim manus Episcoporum sex Ernulfum sequentium nomina adjecit; cui alia manus recentior Episcoporum novem succedentium nomina apposuit. His addenda sunt pauca quædam de rebus tempore Johannis & Ascelini Episcoporum gestis, post folium 203. congesta. Cætera omnia manu Ernulfo coævâ scripta sunt. Leviora forsitan hæc videri possent; ni quis ea quæ ad Historiam Roffensem ex hoc Codice adnotantur inspexerit. Ista enim nos præfari debuisse tunc facilè liquebit. Cæterum aliis ingenii monumentis Ernulfus inclaruit. In his extat Epistola ad Walkelinum Wintoniensem Episcopum de *Incertis Conjugiis* præclara; quam R. P. Lucas Dacherius in Spicilegio suo evulgavit tom. 2. p. 410. Habetur eadem Ernulfo inscripta in Codice vetustissimo Bibliothecæ Lambethanæ, vix unico apice à Dacheriana diversa. Turpissimè verò hallucinatus est Baleus; qui Opera quædam

quædam Arnulphi Lexoviensis Episcopi & Arnoldi Bonævallis Ab-  
batis Arnulpho Roffensi Episcopo inscripsit, eundemque permis-  
cuit cum Arnulpho Presbytero, quem Romanorum Clericorum  
insidiis Honorii II. Papæ tempore Platina refert fuisse sublatum, Vita Honor. 2.  
dum in Romanæ Curia vitia acrius inveheretur. Reipsa enim  
Arnulphus ille Concionator toto cælo diversus erat à Roffensi no-  
stro, qui ante inceptum Honorii Pontificatum obiit. Veritas au-  
tem Baleo parum curæ erat, dummodo Romanæ Ecclesiæ inimi-  
corum numerum augere posset. Cæterum nos insigniora Eccle-  
siæ Roffensis monumenta ex Ernulfi farragine delectu habito ex-  
scripsimus, & nunc primum evulgavimus.

XXXVI. Annales Ecclesiæ Roffensis accepti sunt ex Historiâ  
amplissimâ, quæ in Codice Cottoniano Nero D. 2. elegantissimè  
exarato reperitur. Ei manus recentior titulum apposuit; *Histo-  
ria Ecclesiastica Monachi Roffensis*. Ab orbe condito ad annum  
Christi 1307. manu perpetuâ deducitur. Dein aliâ manu sub-  
jungitur Continuatio ab anno 1307, ad 1377. multò succinctior.  
Prima pars eadem planè est cum Historiâ, quæ Matthæo West-  
monasteriensi inscripta prodiit; si ea demas, quæ ad Ecclesiam  
Roffensem spectantia nos excepimus, & nunc primum publici  
juris fecimus. Pars secunda de rebus Ecclesiæ Roffensis nil om-  
nino habet. Chronicon istud, saltem Additamenta Roffensia, Ed-  
mundo de Hadenham deberi ex Willelmi Lambardi Collectaneis  
didici. In his enim multa ex Chronico Roffensi Edmundi de  
Hadenham ad annum 1307. deducto proferuntur, quæ cum no-  
stris verbatim conveniunt. Chronicon Roffense ab anno 1185, ad  
1377. aliquis sæculo superiore descripserat manu pessimâ & lectu  
difficili. Codex (in Bibliothecâ Cottonianâ modo asservatus Ne-  
ro C. 3.) Johanni Jocelini olim fuerat; cujus annotationes fre-  
quentes in margine reperiuntur. Multa iste prætermiserat. Jo-  
celinus itaque manu propriâ omnia Chronici Roffensis quæ de re-  
bus Ecclesiasticis agunt in Collectanea sua transcripsit; de rebus  
autem Roffensibus nil omnino dimisit. Hujus Excerpta ad an-  
num 1377. pertingunt. Nil tamen de Roffensi Ecclesiâ post  
annum 1307. in iisdem occurrit: ut eodem vel simili planè Co-  
dice Jocelinus usus fuerit. Ad calcem ejus Jocelinus ista subno-  
tavit. *Præscripta omnia desumpta sunt ex Historiâ Roffensi; quam (ut  
verisimile est) tres Monachi ejusdem Ecclesiæ, sese ordine in opere succe-  
dentes, composuerunt. Non est enim unus tonus totius orationis, non i-  
dem stilus, quin etiam triplex constructionis ratio. Horum Monachorum  
primus deduxit Historiam à mundi initio ad obitum Henrici III. viz. an-  
num Domini 1273. quando apparet Monachum claruisse. Alter adiecit  
historiam*



historiam Edwardi I. filii præfati Henrici, qui obiit anno Domini 1307. Reliquam persecutus est Monachus tertius. Ista usquequaque vera non sunt. Vix enim fieri potuit, ut tertiæ partis author fuerit Monachus Roffensis; cum in eâ nil de Ecclesiâ Roffensi habeatur. Paulò aliter Jocelinus in Libello MS. de Historicis Angliæ, cap. 77. *Matthæus Westmonasteriensis, ejusdem Cænobii Monachus, qui à collectis Chronicorum floribus etiam Florilegi nomen est sortitus——collegit Historiarum Flores in tribus libris——usque ad annum MCCCVII.——Scripsit etiam Additiones lxx. annorum, quibus Historiam priorem continuavit; quæ sic incipiunt Sequuntur tempora duorum Regum.* Cap. 78. *Historia Roffensis est omnino eadem cum Historiâ Matthæi Westmonasteriensis, nisi quando agat de rebus Ecclesiæ Roffensis. Ita uter ab altero Historiam mutuatus sit, difficile est mihi affirmare. Habet hanc totam Historiam Ecclesiæ Roffensis, &c. Post eam Historiam Roffensem sequuntur in libro Additiones lxx. annorum; quas arbitror esse quæ attribuuntur Matthæo Westm.* Additiones ejusmodi à Matthæo scriptas fuisse Jocelinus ex unico Baleo hausit, Baleo non aliud argumentum erat, quàm quòd eas Calci Historiæ Matthæi ad annum 1307. deductæ subjectas in eodem Codice invenerit. Cum verò aliâ planè manu, methodo diversâ, & contractioni stylo scriptæ fuerint; ab alio authore confectas esse veriùs quis suspicabitur. Baleum sequuntur Pitius & Vossius; atque ille Additiones hæc à Matthæo in parte suâ priori ad annum 1259. memorari adjicit. Sanè Matthæus ad librum Additamentorum lectorem remittit. Additamenta autem ista ad eadem tempora, non sæculum sequens, spectant, & Matthæo Parisio debentur, cujus verba Florilegus incautus exscripsit. Horum etiam gratiâ Matthæi Westmonasteriensis ætatem Baleus & Baleum secuti ad annum 1377. producant. Mea autem fert sententia Matthæum circa annum 1307. claruisse, & in eodem Historiam suam terminâsse. Certè hanc, quæ sub Matthæi nomine typis impressa circumfertur, eo tempore scriptam fuisse & in anno 1307. ultimam authoris manum subiisse constat ex plurimis Codicibus coævis, ex aliorum Continuationibus ab hoc anno deductis, præsertim autem ex Continuatione Adami Merimuth, qui ab anno 1313. rebus maximis gerendis interfuit, & Historiam Matthæi nomine modò vulgatam ab anno 1307, ad 1343. produxit. Historiam verò suam Matthæus neque à Monacho Roffensi nec à Wigornienti, qui multa illi habent communia, accepit. Nil enim de utrâvis Ecclesiâ intexuit; quod fieri, vix potuisset, si utriusvis scrinia compilasset. Neque enim Monachi in describendis in pugillares suos aliorum Annalibus res ad Authoris primi Cænobium spectantes subticere solent. Ut alias enim mittam, ipse Matthæus Westm. qui  
mediam

mediam Chronici sui partem ex Matthæo Paris hausit, multa de Cœnobio S. Albani dedit; & Monachus Wigornienſis, Annalium Wigorn. author, Annales Wintonienſes Chronico ſuo intexens, amplam Eccleſiæ Wintonienſis hiftoriam ſimul exhibuit. Reſtat itaque vero maximè ſimillimum Matthæum Annales ſuo Marte elucubratos ad annum 1307. deduxiſſe, aliisque pro ſuo lubitu augendos vel ulteriùs producendos tranſmiſiſſe.

XXXVII. Annales Roſſenſes ab anno 1314, ad 1350. dedit Codex Cottonianus *Fauſtina B. 5.* Author res geſtas Hamonis Epifcopi Roſſenſis literis conſignare aggreſſus, juxta annorum ſeriem digeſſit; & ad res minutiffimas descendens, alia etiam tam in Eccleſiâ quàm republicâ eodem tempore geſta interponens, ſpiſſum opus confeſcit. Nos delectu habito inſigniora duntaxat Hamonis geſta, quæque in Hiftoriâ Eccleſiaſtica & Civili magis utilia videbantur, excerptimus; nil autem luce dignum prætermiſiſſe ſpondemus. Authorem fuiſſe Hamonis clientem familiarem ex innumeris locis conſtat. Eundem Notarium publicum fuiſſe ipſemet ſæpiùs indicat. Ferè omnia enim acta fuiſſe dicit *in præſentiâ mei Notarii publici inſcripti.* Nomen tamen ſuum nullibi apertè exhibet. In Hiftoriâ iſtâ duo Notarii publici rebus Eccleſiæ Roſſenſis interfuiſſe commemorantur Willelmus de Dene & Gilbertus de Segeford. Crebriùs illius parciùs iſtius nomina occurrunt. Demum Willelmo hanc deberi hiftoriam me certiorẽ reddidit Johannes Jocelinus in Commentario de Hiftoricis Angliæ. Cap. 73. *Willelmus Dene* (inquit) *fuit Eccleſiæ Roſſenſis Notarius publicus; qui ſcripſit Hiftoriam ab anno Domini MCCCXV, ad annum MCCCLVIII. in qua pertractat res geſtas Eccleſiæ Roſſenſis & Epifcoporum Roſſenſium qui illo tempore ſedebant.* Incipit anno Domini MCCCXV. cedente Fr. Johanne de Greneftede. Codex autem noſter (quod plurimum dolendum eſt) in anno 1350. deſiit. Willelmus Hamonis Epifcopi famulitio ab anno 1314, ad exitum vitæ adhæſit.

XXXVIII. Libellus Monachorum Roſſenſium de electione Epifcopi in Registro *Iſlip* fol. 224. extat. Indultus olim Archiepiſcopis Cantuarienſibus fuerat Sedis Roſſenſis patronatus ab Angliæ Regibus. In aliis autem omnibus Eccleſiis Cathedralibus patronatu regio ſervato, Monachi ſeu Canonici Epifcopum defuncti vel tranſlati loco eligendi licentiam à Rege petere conſueverunt. Monachi itaque Roſſenſes Sede poſt Johannis Epifcopi obitum anno 1360. vacante, ſpreto Archiepiſcopo eligendi licentiam ſibi dari à Rege poſtulârunt, morem in aliis Eccleſiis receptam



ptam prætexentes. Reclamante & patronatum Ecclesiæ Roffensis ad se spectare contendente Archiepiscopo, procaces Monachi Patronatum Regis esse affirmare non erubuerunt; & ad id probandum hunc Libellum Regi obtulerunt. Ex eodem Registro f. 223. *Jura Ecclesiæ Roffensis* accepi.

XXXIX. Historia de Episcopis Norwicensibus justò brevior est. Quicquid tamen inveniri poterat, exhibuimus. Extat in Bibliothecâ Cottonianâ *Nero C. 5.* Historia Anglicana bene prolixa, & in tres libros divisa. Primus (qui in Codice desideratur) agebat de rebus Britonum. Secundus de Regibus Saxonum & Normannorum usque ad annum 1298. agit. Tertius *de Archiepiscopis & Episcopis Angliæ* inscribitur; si Sedem autem Norwicensem demas, nil habet ex Malmsburiensis Historiâ de eodem argumento non emendicatum, præter nuda Episcoporum ab anno 1125, ad 1292. nomina. Codex ante 400. circiter annos scriptus videtur. In calce illius nota manu eâdem apposita testatur triplex hoc Opus anno 1292. conscriptum fuisse à Bartholomæo de Cotton Monacho Norwicensi. Parti itaque secundæ historiam sexennalem, tertiæ septennalem Author postea adjecit. Ex secundâ parte exscripsi omnia Ecclesiam Norwicensem spectantia, factoque *Annalium Norwicensium* titulo edidi. Ex tertiâ parte integram Norwicensium Episcoporum Historiam desumpsi. Aliud hujusce Historiæ exemplar in Bibliothecâ Lambethanâ reperitur, nulli Authori inscriptum, & sine aliqua divisionis notâ ad annum 1445. productum, ulterius etiam producendum, ni Codex mutilatus fuisset. Partis posterioris ab anno 1299. inchoatæ Authorem fuisse Monachum quendam Norwicensem ex pluribus ejusdem locis non obscurè colligitur.

XL. Historiæ Lichfeldensis ad annum usque 1347. quinque exemplaria mihi præsto fuerunt. Primum ex Bibliothecâ Cottonianâ *Cleopatra D. 9.* ante 300. annos exaratum. Secundum, ejusdem circiter ætatis, ad calcem Chronici insignis Lichfeldensis (quod amicus quidam possidet) reperitur, In his nullam invenire potui variationem; adeoque Historiæ textum ex iisdem expressi. Reliquorum variantes lectiones in marginem rejeci. Duo enim alia exemplaria habet Bibliotheca Cottoniana: tertium mihi transmisit vir optimus Lancelotus Addison S. T. D. Lichfeldensis Decanus: Singula Authoris nomine destituta erant. Nomen ejus hoc modo expiscatus sum. Codex Cottonianus *Vespasian E. 16.* in usum Canoniorum Lichfeldensium à Gulielmo Whitloco exaratus est anno 1569. Iste Præfationem eidem præmisit, notas appo-

apposuit, & Continuationem ab anno 1347, ad sua tempora deductam subjecit. In Præfatione ista habet: *Exscribi curavi præcipuam partem illius Chronici, quod visendum patet à levâ subeuntibus ostium australe Cathedralis Ecclesiæ. Continet enim tam foundationem ipsius Ecclesiæ quàm instaurationem & successionem Episcoporum.* Addit nota manu recentiore Anglicè apposita: *Ista Chronica verbatim concordat cum illâ, quæ in Ecclesiâ asservabatur, tabulis ligneis insculpta parieti affixis prope australe ostium. Hanc Baronis Brooks satellites dilacerârunt.* Anno enim circiter 1643. impii Puritani Diocesis Lichfeldensis duce Brookefio, armis contra Carolum I. Regem piissimum motis, Ecclesiam Cathedralem Lichfeldensem obsederunt, & post diuturnum certamen expugnârunt. Expugnatae ornamenta omnia diripuerunt, partes ejus fragiliores manibus sceleratis effreguerunt, firmiores bombardarum ictibus dejecerunt; Registra & Archiva omnia, cum sacris vestimentis atque libris, ignibus injece-  
runt. Quòd se partem duntaxat Chronicæ lignæ Whitlocus exscripsisse dicat, huc referendum est. Constabat illa duplici tabellâ: altera, cui titulus erat *De Episcopis Merciensis Ecclesiæ*, Episcoporum successionem complexa est; altera brevior Regum Heptarchiæ Saxoniciæ & Monarcharum Angliæ usque ad annum 1320. successionem dedit. Hujus rei testem habeo Franciscum Thynne, Antiquarium sæculo postremo non indiligentem. Is Collectaneis suis intulit Chronicon breve Lichfeldensis Ecclesiæ; cui intextam esse dicit Tabellam quæ in navi Ecclesiæ servatur, tabellam autem ad annum 1320. pervenisse. Chronicon verò istud de Episcopis Lichfeld. nil omnino habet, soli Regum successionem enarrandæ insumptum; adeò ut tabella memorata de Regibus duntaxat egerit necesse est. Idem Thynnus sibi famâ delatum refert Historiam hanc extare in antiquo libro cujusdam Thomæ Chesterton Canonici ejusdem Ecclesiæ, qui Ecclesiæ anno 1303. donabatur. In hoc quidem nonnihil lapsus. Chronicon autem suum à Willelmo Whitlocke Canonico Lichfeldensi se 1583. 3. Dec. accepisse dicit. Porro ut ad Codicem Whitloci Cottonianum revertamur; post Rogerum de Northburgh Episcopum succedit Continuatio brevis Historiæ Episcoporum Lichfeld. usque ad initia Elizabethæ Reginæ; his præmissis, *Confratribus suis Gulielmus Whitlocke S. D. Hactenus ex veteri decerpfi quæque Tabellâ. Quod superest, vobis lectio nostra dabit.* Sic quidem Codex Cottonianus. Codex autem Addisonianus, qui anno circiter 1570. scriptus est, multo uberior est, ac justam Ecclesiæ Lichfeldensis à primâ foundatione ad istum annum Historiam complectitur. Author eadem, quæ Whitlocus supra, de Historiâ Mercensi (sic antiquam Episcoporum Historiam in anno 1347. finitam appellare liceat)



præfatur; multa itidem de fundatione fidei Christianæ in Angliâ adjicit; dein Historiam Merciensem verbatim exscribit, nonnulli-  
bi tamen apponens ea quæ Beda uberius refert, & observationes  
suas ecclesiasticas (exigui ut plurimum pretii) interserens. Sin-  
gulis autem juxta temporum seriem intermiscet Historiam Re-  
gum Merciorum, ac postmodum Anglorum & Normannorum.  
Post annum 1347. nullum quem sequatur Authorem habens,  
suis verbis Historiam usque ad annum 1559. contexuit. Ampli-  
or est multò ista Historia Continuatione Whitloci supra memo-  
ratâ; ita tamen ut integra Historia minor, ne verbis quidem mu-  
tatis, ex Majore conflata fuerit; si duo vel tria additamenta ex-  
cipias. Totidem enim in Minore comparent, quæ in Majore de-  
siderantur. Pronum est itaque arbitrari Gulielmum Whitlocum  
Codicem Addisonianum in usum proprium conscripsisse; postea  
autem à Concanonicis suis rogatum, ut Historiam Ecclesiæ Lich-  
feldensis in Archivis ejus servandam daret, cum integræ suæ Hi-  
storiæ Majoris transcribendæ tedium subesset, Codicem Cottoni-  
anum contexuisse, additis post annum 1400. paucis, quæ ei tunc  
primùm in mentem seu notitiam venerant, in Historiâ Majore  
antea non repositis. Ex Codice Addisoniano nos omnia ad Ec-  
clesiam Lichfeldensem ante annum 1347. spectantia, quæ in Hi-  
storiâ Mercienfi locum non habent, excerpimus, & titulo Addi-  
tamentorum ipsi subjecimus. Dein Historiam sequentem (omis-  
sâ Regum successione) expressimus, interjectis etiam Historiæ  
Minoris Additamentis. Historiam autem Merciensem ex Codi-  
cum antiquorum fide evulgavimus. Authorem ejus Gulielmus  
Whitlocus in Historiâ suâ Majori indicavit; dum ad finem Vitæ  
Alexandri Episcopi (quam ex Historiâ Mercienfi recitaverat) ista  
subdit. *Hæc verbatim ex libro Thomæ Chesterfeld Canonici Lichfelden-  
sis scripto circa annum Domini MCCCL.* Rem confirmat Registrum  
Stafford. Cant. in quo legitur Johannem Archiepiscopum Cant.  
Thomæ Chesterfeld L. B. Canonico Lichfeldensi 1347. 24. Mar-  
tii commisisse custodiam Spiritualium Episcopatus Coventrensis  
& Lichfeldensis, quæ in potestatem suam tunc (nescio qua ratio-  
ne Sede Lichfeldensi tunc plenâ) devenerant.

XLI. Epistolam Leonis III. Papæ ad Kenulphum Regem, at-  
que aliam Episcoporum Angliæ ad Leonem, descripsi ex Codice  
Cottoniano longè antiquissimo, literis Saxonice exarato, *Vespasi-  
an A. 14.* Epistola Kenulphi ad Leonem, cum aliâ Leonis ad  
Kenulphum responsione, de eodem argumento, apud Malmsburi-  
ensem exstant *lib. 1. de gest. Reg. cap. 4.*

XLII. Chronicon Ecclesiæ Wigorniensis à Christo nato ad annum 1308. deducitur. Pars prior ad annum usque 1190. res gestas brevissimè perstringit; siquæ Episcoporum Wigorn. successionem demas, pauca habet. Postea stylo uberiore adhibito amplam rerum historiam congeffit. Ab anno circiter 900, ad 1050. series annorum est perturbatissima; Codicis etiam partes Bibliopegæ vicio dislocatæ. Post annum 1270. multa habet cum Florilego verbatim communia Wigorniensem tamen potius ex Florilego quàm Florilegum ex illo descripsisse suspicor; ideò quòd in iis quæ communia sunt multa repetantur, quæ Wigorniensis supra aliis verbis narraverat. Historiæ Wigornienfi Florilegi Historia in singulis annis nusquam immutata subnecti solet. Porro ab anno 1270, ad 1280. inclusive omnia ferè sunt communia Annalibus Waverleiensibus, nisi quæ ad Wigorniensem Ecclesiam spectant. Ab anno autem 1281, ad 1287. Florilegus & Waverleiensis Historici nostri annos uno anticipant; ita sc. ut quæ noster anno 1282. facta narrat, illi in anno 1281. reponant; & sic in sequentibus. Rectius illi. Chronicon à pluribus sese invicem excipientibus concinnatum fuisse clarissimè constat. Ut Præfationem enim mittam, ad annum 1219. sic legitur: *Terra matris meæ traditur H. fratri meo, &c.* Similiter & in aliis ejusdem locis. Codex, quo usus sum, in Bibliotheca Cottonianâ *Caligula A. 10.* asservatur. In eo exscribendo plurima minoris momenti rejeci, insigniora atque antea inedita exhibuisse contentus.

XLIII. Vitam S. Wlstanii brevem antiquitatis ergo dimittere nolui. Author ejus Hemmingus Monachus Wigorniensis opus de Ecclesiæ Wigorniensis dotatione, privilegiis & possessionibus contextuit libris quinque. Extat etiamnum exemplar autographum, ab Ecclesiâ Wigornienfi ante centum annos subreptum, & in Bibliothecam Cottonianam denuo translata *Tiberius A. 13.* Ex eo nonnulla evulgavit Cl. V. Gulielmus Dugdale in *Monastico Angl. tom. 1.* Nomen atque tempus suum multis ejusdem locis Author ipse prodidit. Sic enim fol. 138. b. habet. *Hunc Libellum de possessionibus hujus nostri Monasterii ego Hemmingus Monachus & Sacerdos quamvis indignus, & conservus servorum Dei habitantium in Monasterio sanctæ Genitricis Mariæ sito in urbe quæ Anglicè Wigorneceaster nominatur, multorum antiquorum hominum & maxime Domini Wlstanii Episcopi piissimi patris nostri edoctus relatione, composui.* Et fol. 188. b. *Hunc libellum piissimus & reverentissimus Wlstanus hujus sanctæ Sedis Episcopus scribi fecit, utilitati consulens successorum suorum.* Vitam, quam damus, S. Wlstanii inibi habetur f. 186.

XLIV.



XLIV. Acta Synodi S. Wlſtani; & Compositio de electione Prioris Wigorn. ex monumentis utrique cœvis, in Archivo Ecclesiæ Wigorn. asservatis, hausta sunt.

XLV. Historiam Episcoporum Bathon. & Wellen. subministravit Codex Cottonianus *Vitellius E. 5.* quem Franciscus Thynne ex Laurentii Noelli apographo scripsit in ædibus Willelmi Lambarde apud Hallinge in Cantio anno 1592. In hoc Codice duplex Episcoporum Bathon. exstabat Historia, altera brevior, uberior altera. Habuit illa nonnulla, quæ in istâ desiderantur. Utrique inter-positæ erant, quas Noellus aliunde corrogaverat, Chartæ nonnullæ Saxonico-Latinæ de terris, quas Eadredus & Eadgarus Reges servis suis vel Cœnobiis Somersetensibus contulerunt. Utraque Historia reperitur etiam in magno libro Cartarum Ecclesiæ Wellensis penès Decanum & Capitulum Wellense fol. 296, &c. Meum itaque Apographum ex Codice Cottoniano factum cum Wellensi Cartulario contuli; & ex ista multa à Noello omiſſa & corrupta restitui atque emendavi. Ex Historiâ autem Minori, quæcunque Majori defuerant, huic intexui.

XLVI. Historiam de controversiâ inter Episcopos Bathon. & Monachos Glaſton. idem Laurentius Noellus descripserat, ex Laurentii autem apographo Franciscus Thynne in eundem Codicem Cottonianum transtulerat. Authoris nomen deerat. Id aliunde obtinui. Extat siquidem in Bibliothecâ Cottonianâ *Tiberius A. 5.* iuxta Cœnobii Glaſtonienſis Historia à primâ ejus fundatione ad annum 1334. Codex enim in hoc anno mutilatus ulterius non pergit; quamvis ad annum usque 1400. historiam suam Author deduxerit. Is Johannes erat Monachus Glaſtonienſis; qui in Præfatione præmiſſâ testatur, se in Historiâ Glaſtonienſi contexendâ Willelmi Malmsburiensis verba ab initio ad annum 1126. secutum esse, dein ab 1126, ad 1290. Adami de Domersham Monachi Glaſtonienſis historiam transcripsisse, ab anno autem 1290, ad 1400. historiam suo Marte proſecutum esse. Scripsit enim Willelmus Malmsburiensis Cœnobii Glaſtonienſis Historiam; cujus plurima supersunt exemplaria. Factâ hujus collatione deprehendi Johannem verba ejus rarissimè immutâſſe. Collatâ etiam Historiâ Glaſtonienſi Noellianâ & illa Johannis Historiæ parte, quam se ex Adamo tranſtulisse testatur, perfectam utriusque concordiam inveni; nisi quod Noellus brevitati studens aliqua prætermiserit. Ex his quæcunque controversiam inter Episcopos Bathon. & Monachos Glaſton. agitatam spectabant restitui. Reliqua  
autem

autem utriusque Codicis missa feci. Adami ætas ex ipsius Historiâ certissimè constat. Se etenim pro Monasterio suo appellationem anno 1272. interposuisse testatur.

Pag. 984. l. 49.

XLVII. Historiæ Eliensis plura exemplaria mihi præsto erant. Ut Registra enim, Chartularia & alia Ecclesiæ Eliensis monumenta mittam, quæ in annotationibus ad Episcoporum historiam concinnandis subsidium tulerunt; illius, quam evulgamus, Historiæ quatuor exemplaria adfuerunt. Primum atque optimum in Bibliothecâ Lambethanâ asservatur; quod Robertum Stewarde Priorem Eliensem olim habuit possessorem. Secundum in Bibliothecâ Collegii Corporis Christi apud Cantabrigiam manet, caractere pessimo conscriptum, & in anno 1434. terminatum. Huic convenit tertium; quod in Bibliothecâ Cottonianâ *Titus A. 1.* extat, simili caractere scriptum, eodemque anno finitum. Quartum in eâdem Bibliothecâ *Nero A. 15, 16.* habetur; quod in anno 1486. clauditur. Ex primo Historiæ textum, ex reliquis variantes lectiones descripsimus. Historia ipsa plurimum Authorum labore concinnata est; de quibus proximè est agendum.

XLVIII. Thomas primam Historiæ Eliensis partem conscripsit. Is à primâ Ecclesiæ fundatione exorsus, in Ricardi Abbatis ultimi obitu anno 1107. defecit. Prolixum ejus Opus extat in Bibliothecâ Cottonianâ (*Domitian A. 15.*) Bodleianâ Oxoniensi, & alibi. Partem ejus priorem Cl. Mabillonius edidit *Act. Benedictin. Sæc. 11. p. 739.* Generalem autem totius Operis Præfationem vir eruditus nequaquam viderat. Ea operis à Thoma instituti rationem exhibet, nonnullaque de Eliensi Insulâ scitu non indigna tradit. Illam proinde ex Codice Cottoniano describere & hic loci subnectere operæ pretium duxi.

“ Cùm animadverterem excellentiam Elyensis Insulæ, & animo versarem quæ ob merita sanctarum Virginum in eâ quiescentium collata & conscripta sunt admiranda opera, & eventus Insulæ ac gesta magnorum; animum contuli ad ea quæ minùs per seriem annorum & temporum & Regum atque Dominorum Insulæ inclita gesta, quæve dispersè vel confusè Anglico stilo incerta sunt, & bona facta atque miracula Sanctorum Sanctarumque ibidem Deo militantium secundum ordinem in hac Historiâ explicare temptavi. Apud nos enim hujusmodi congesta per ordinem & insimul historialiter scripta adhuc minimè habentur, nisi vita & miracula Sanctorum illic quiescentium, de Historiis, de Chronicis, de scriptis Anglicis & Latinis,  
“ de



“ de testamentis, de relatione collecta fidelium. Unde exarare  
 “ coepi aliqua; ne quæ dignè prædicanda sunt, inscripta remane-  
 “ rent, quasi incognita seu vetustate consumpta atque abolita.  
 “ Nam diu expectatus Philosophus aut bonus Historiographus,  
 “ dum stilum advertere temptaverit, in multis materiam non in-  
 “ veniet. Et si fortè quis Opusculum istud exprobare temptave-  
 “ rit; oramus ut manum myrram distillantium adponat, & opus  
 “ Poetæ suscipiat; ut in memoriam posteris, si explicaverit, re-  
 “ linquatur. De cætero parvitatem scribendi & prolixitatem  
 “ tractandi ne causetur, quæso; sciens in brevi velut repentè  
 “ facta plurimorum & tempora comprehendere non posse, nisi  
 “ lectorem magis fastidiret & ingrueret. Nam & regio An-  
 “ glorum cum una terra sit, plures in eâ per provincias vario  
 “ sub eventu principabantur; & contigit, ut ad regnandi emo-  
 “ lumentum primùm Ducibus, deinde Regibus sufficeret una  
 “ eademque Britannia. Sed nisi flexibilem seriem Lector se-  
 “ dulò intendat, nunc de uno, nunc de altero regno, ac Regum  
 “ nomina; variè differentem ordinem non facilè advertet. Id-  
 “ circo Historiam in tres libros distinctè per capitula partiri ag-  
 “ gressus sum, ac singula in suis locis & quorum temporibus  
 “ contigerunt enarrare. Liber verò primus constat de situ In-  
 “ sulæ & de gloriosâ Reginâ Etheldredâ & de succedentibus ei  
 “ sanctis Virginibus, quibusve infortuniis Insula subjacuit usque  
 “ ad ingressionem Monachorum in Ely. Secundus autem de  
 “ temporibus Monachorum in Ely, & de libertate loci, & quo-  
 “ modo Ecclesia renovata fuit, & de obsidione Normannorum  
 “ usque ad tempora Episcoporum, quod nunc est. Et quo-  
 “ niam ad hujusmodi narrationem divertere Fratrum sollicitudo  
 “ & gratia provocaverunt me; necessarium reor opus memora-  
 “ bile caritatis, & quæ sumus experti, volumini commendare;  
 “ quo puritas caritatis operi inserta propensius enitescat, pul-  
 “ chrâ varietate distincta; & sic initium experiar, cooperatorem  
 “ omnium invocans Deum.

Explicit Prologus; incipit de situ Eliensis Insulæ.

“ Omnes præclari & nobiles suum penitus oppidum decorare  
 “ & magnificare contendunt; & statum Provinciæ atque suo-  
 “ rum facta majorum memoriæ digna literis commendare non-  
 “ nulli intendunt. Quod rectè fit. Nos autem majorum facta  
 “ sequentes, priusquam interius progrediatur Historia, videtur  
 “ congrui ordinis de loci nomine narrationem incipere; quia  
 “ Ely stagnensium maxima Insularum, quam omnino dignam  
 “ titulo

“ titulo prædicare incipimus, opibus & oppidis magnificam, fil-  
 “ vis, vineis & aquis æquè laudabilem omni fructu, foetu ac ger-  
 “ mine uberrimam. Dicimus autem Ely Anglicè, i. e. à copiâ  
 “ anguillarum, quæ in eisdem capiuntur paludibus, nomen sum-  
 “ fit; sicut Beda Anglorum disertissimus docet: quæ immutato  
 “ nomine meliorando Ely nuncupatur modò; scilicet *Digna Dei*  
 “ *domus, cui nomen convenit ejus.* Inter civitates regionis An-  
 “ gliaë decentissima atque nominatissima, miraculis famosa, Reli-  
 “ quis gloriosa, utile & quietum videtur præferre habitaculum.  
 “ Et ut verè fatear, validâ virorum præmunita manu atque belli-  
 “ cosa, animis & armis hostibus ad resistendum parata. Sed ne  
 “ auditorem nimis fastidiret de domesticis animantibus, de feris  
 “ silvarum, de volucris, de piscibus multis & magnis, qui per  
 “ circuitum sæpe capiuntur in aquis, quæ maria vocantur, quanta  
 “ ibi copia sit diceremus. In libro autem hujus Operis secundo  
 “ juxta seriem, ubi legitur à Normannis Insula fuisse subacta, sin-  
 “ gula memorantur. Et quid amplius? Interiùs ubere glebæ satis  
 “ admodum læta, hortorum nemorumque amœnitate gratissima,  
 “ ferarum venatione insignis, pascuis pecorum & jumentorum  
 “ non mediocriter fertilis, & piscosis fluminibus maximis undique  
 “ circumdata. Non enim Insula maris est, sed stagnorum refu-  
 “ sionibus & paludibus inaccessa, navigio adiri poterat. Sed quo-  
 “ niam volentibus illuc ire quondam periculosum navibus, nunc  
 “ facta via est per palustre arundinetum pedibus transitui. Restat  
 “ autem Insula in longitudine milliaribus vii. à Cotingelade usque  
 “ ad Litleporte, vel ad Abbotesdelf nunc verò Biscopesdelf vo-  
 “ citatum, & in latitudine iv. hoc est à Cherchewere usque ad  
 “ mare de Straham cum adjacentibus Insulis per girum, præter  
 “ Dudintone quæ ex Insulâ est, in qua villulæ sunt & nemora  
 “ cum insularis pertinentiis, cum aliis non sine semine incolis,  
 “ cum pascuis uberrimis. Nominatur etiam ad prædictam Insu-  
 “ lam Chateriz, ubi Abbatia est Sanctimonialium, & pagus  
 “ Witleseya, atque Abbatia Monachorum de Thorneiâ. Dicitur  
 “ autem Insula nunc esse in Comitatu Cantebrigiaë duorum Cen-  
 “ turiatum, sed unus est, cum appendiciis quæ deforis sunt.  
 “ Atque his metis juxta antiquitus infra se constare perhibetur at-  
 “ que dinoscitur, hoc est, à mediate pontis Detro usque ad Up-  
 “ were, & à Biscopesdelf usque ad fluvium juxta Burch quod vo-  
 “ catur Nien, in provinciâ Girviorum. Girvii sunt omnes Au-  
 “ strales Angli in magnâ palude habitantes, in qua est Insula de  
 “ Ely. Sed veriùs secundum Bedæ attestationem de provinciâ est  
 “ Orientalium Anglorum, in ejusdem ingressu provinciæ sita.  
 “ Antiquitus autem, ut fertur, villa apud Cratendune, id est Val-  
 “ lem



“ lem Crati, sita fuit, ab urbe quæ nunc est milliario distans; ubi  
 “ ferramentorum utensilia & Regum numisma multoties reperitur  
 “ antiquorum; & quòd illic hominum diu fuit habitatio, nonnul-  
 “ lis designatur indiciis. At Deo amabilis Ætheldreda acceptâ  
 “ jure dotis Insulâ à Tonberto primo sponso suo, postquam illic  
 “ mansionem elegit, prope fluentis alveum in loco eminentiore  
 “ habitacula posuit. Illic deinceps constructâ urbe potius ac de-  
 “ centius habitatur. In primitivâ etenim Ecclesiâ nascentis fidei  
 “ & Christianitatis, in honore semper Virginis Mariæ Monasteri-  
 “ um ibi fuerat fabricatum per B. Augustinum Anglorum Aposto-  
 “ lum; cujus operis Rex Ædelbrihtus primus fundator extitit; in  
 “ quo ministros Dei officium complentes instituit; quos Pendæ  
 “ Regis exercitus, patriam atque viciniam devastans, inde postea  
 “ fugavit, locumque in solitudinem commutavit. Talibus ita-  
 “ que fundatoribus Elge Monasterium primitus fundatum est; ut  
 “ in antiquis legimus scriptis; quanquam B. Etheldreda post lon-  
 “ gam desolationem suum hîc mereatur primatum, ubi Christo  
 “ servante usque impræsentiarum habetur Ecclesia; quam Sedem  
 “ Episcopalem postea factam novimus, & ipsius Metropolem fo-  
 “ re provinciæ. Ab omnium namque judicio & potestate Insula  
 “ admodum libera est; quòd neque Episcopus neque alicujus ex-  
 “ actionis minister sine advocacy Fratrum se intromittat, vel  
 “ rem Sanctæ inquietare præsumat: quod per privilegia & muni-  
 “ menta suis locis plenius inferemus, dignum ducentes prius histo-  
 “ riam tractare famosæ Insulæ, quæ floruit ac floret Christo patro-  
 “ cinante, præsentia, beneficiis atque miraculis sanctarum fœmi-  
 “ narum, Etheldredæ videlicet, Withburgæ, Sexburgæ, Ærme-  
 “ nildæ, quarum suffragiis fœliciter gratulatur. Continentur illic  
 “ etiam Sanctorum Sanctarumque plurimarum Reliquiæ; quæ  
 “ post ipsas Christo famulantes in Ecclesiâ successerant usque ad  
 “ tempora Danorum, videlicet Inguare Pagani Regis ac socio-  
 “ rum ejus, qui habitatricibus partim peremptis partim fugatis lo-  
 “ cum penitus subverterunt. Sunt autem in gremio Insulæ xii. Ec-  
 “ clesiæ cum villis campestribus & modicis insulanicis; quæ ab anti-  
 “ quo ad Cœnobium tanquam Capellæ ad matricem Ecclesiam  
 “ pertinent; nec extra Cœnobium nisi serò ad Ecclesias facta sunt  
 “ Cœmeteria, sed apud Ely ex totâ Insulâ defunctorum sepeliebantur  
 “ corpora.

XLIX. Proximo loco sequitur *Vita Sanctæ Virginis & Reginae E-*  
*theldredæ*, Vitæ à Mabillonio evulgatæ planè consona, iisdemque  
 Sectionum numeris distincta. In fine ejus sic scribitur: *Explicit Li-*  
*ber primus de Historiâ Elyensis Insulæ, in Vitam beatissimam Virginis E-*  
*theldredæ,*

theldredæ, & quomodo fabricavit illic Ecclesiam, & à quibus destructa fuit. Pertingit iste Liber usque ad initia Edgari Regis, quo regnante Ecclesia Eliensis ab Ethelwoldo Episcopo restaurata est & Monachis repleta. Verbis ejus postremis Author se Historiam Eliensem libro sequenti persecuturum esse pollicetur. Primo tamen atque secundo libris in Codice Cottoniano intercedunt duæ aliæ Historiæ de S. Etheldredâ. Prior titulum habet, *De secundâ Translatione S. Etheldredæ Virginis, quæ facta est à Ricardo Abbate, cum cæteris Virginibus*. Capitulis sex constat. Capitulo secundo Author ætatem suam indicat his verbis: *Hæc de translatione sacratissimæ Virginis Reginae Etheldredæ ad eternam referimus memoriam; quod fidelium innumeri adhuc superstites, & patres nostri qui viderunt & adfuerunt, narra-verunt nobis*. Facta est autem Translatio anno 1106. Historiam istam Cl. Mabillonius se inter Acta Benedictinorum Sæculi undecimi editurum spondet. Posterior inscribitur *de Miraculis S. Etheldredæ; & Capitula 54. complectitur*. Capite secundo Author de Ethelwoldi Episcopi donis mentionem injiciens, ista addit. *Alias quoque terras quamplurimas ab aliis emens Ecclesiæ adjecit; quis per singula numerare otiosi negotii est, cum proprio alibi contineantur volumine*. Unus igitur idemque Author singularum istarum Historiarum extitit. Liber enim Historiæ Eliensis, qui librum hunc de Miraculis S. Etheldredæ proximus excipit, secundus Ethelwoldi donis enarrandis ferè totus insumitur. Postea itidem cap. 34. ad supradicta in *Libro suo primo de Virtutibus ipsius Virginis S. Etheldredæ edito*, Lectorem remittit. Ex pluribus hujus libri locis constat Authorem sub Hervei & Nigelli Episcoporum præsulatu in Ecclesiâ Eliensi vitam Monasticam egisse, Nigello autem superfuisse. Capite enim 29. Nigelli anno 1169. defuncti obitum narrat iisdem, quibus Historicus à nobis vulgatus, verbis. Capite 51. Gaufridum Episcopum, qui anno 1174. successit, memorat. Capite ultimo plura de seipso tradit; sibi sc. fuisse patrem literarum peritum, qui sedulò Scripturarum expositiones necnon Sanctorum gesta & vitas meditator assiduus legebat, & ea scire volentibus affectuose differebat: hunc librum de Vitâ S. Etheldredæ Anglico idiomate scriptum sibi tradidisse, ex quo tempore summa erga S. Virginem devotio ipsum incessit. Denique capitulo 28. nomen ipsius prodit, se B. Etheldredæ meritis febre liberatum esse narrans. *Quoddam, inquit, quod contigit miraculum in instanti tempore in meipso Thoma nomine B. Etheldredæ meritis & intercessione, dignum duxi omnibus exponere*. Libro de miraculis S. Etheldredæ proximè succedit Liber Historiæ Eliensis secundus, hoc titulo insignitus: *Liber secundus in Historiâ Eliensis Insulæ, & quomodo Ecclesia est restaurata vel a quibus ditata*. Proœmium ejus sic incipit. In præcedente monstra-



tum est opere, qualiter in Ely S. Etheldreda & post illius sequaces fabricaverunt, si ve illic Deo complacentes vixerunt; vel a quibus locus ille fuerat desolandus, liquidè apparet. Tandem importunè compellentibus me quibusdam ex nostris, ne ab incæpto vacarem, sed gesta nostræ Insulæ, ut sponsoveram, exsequerem——ad rogata exequendum festino, & in unum congesto volumine applicare si ve majora seu minora, ut res exposulat, præsertim qui locum restauraverunt, & illorum testamenta; quæ vix & maximo labore exquisivi, & ea de vulgo in Latinum commutavi; sed singula in diversis sparsa locis demum collegi.——Operæ pretium est Sanctorum facta memorari; ex quorum collegio Domini Confessor Æthelwoldus doctrinâ & sanctitate extitit: qui Ecclesiam nostram à Danis destructam restauravit, magna illic & dignè memoranda gessit, quæ non plenè in Libro Vitæ illius exarata sunt. Quæ dum vir egregius & prudens Herveus, primus Elyensis Episcopus, ut relatu digna compererat, de Anglico in Latinum transferri fecit. Sicque opere expleto, Librum de terris S. Edhelwoldi nominavit. Constat autem iste Liber de tempore Monachorum, prospera eorum si ve adversa plenè denuntians. Capitulis 69. Liber iste absolvitur; & Historiam Ecclesiæ Eliensis ab anno 970, ad annum circiter 1025. tradit. Aliud ejusdem exemplar extat in Bibliothecâ Cottonianâ Titus A. 1. cui subjicitur insigne Registrum Chartarum, donationum & privilegiorum, Ecclesiæ Eliensi concessorum ab anno circiter 1070, ad 1170. Porro in eâdem Bibliothecâ Vespasian A. 19. reperitur Liber antiquus de Vitâ S. Ethelwoldi, ab eodem Authore contextus. Prologus illi præmissus ista habet. De quo (Æthelwoldo) si cui minùs claret, & plenius scire desiderat; legat Librum, qui de ortu & vitâ necnon de obitu ejus contextus est; & inveniet liquido, quanti meriti quantæque sanctitatis fuerit. Quædam verò insignia ejus quæ gesserat in vitâ suâ, in illo libro non sunt contexta, nec erant stilo exarata Latino. Quæ dum vir prudens & egregius Herveus, venerabilis Eliensis Ecclesiæ Episcopus, relatu digna comperibat; rogatu quorundam Fratrum mihi injunxit, ut ea de Anglico idiomate in Latinum sermonem transferrem. Cui præcepto nullatenus contraire ausus parui, & injunctum opus suscepi, ac pro facultate meâ ad unguem perducere curavi. Is autem Liber à secundo Eliensis Historiæ libro diversus non est; nisi quòd in prioribus Capitulis res gestæ phalerato atque uberiori stilo exprimantur, & carmina encomiastica de S. Ethelwoldo plurimis subjiciantur. Thomas in Prologo generali Historiam suam in tres libros distribui dixit; tertii autem libri argumentum neutiquam tradidit. Quinimo se libro secundo de obsidione Normannorum egisse, & quomodo Insula à Normannis fuerit subacta docuisse, & Historiæ filum usque ad tempora Episcoporum perduxisse testatur. Ejus autem, qui superest, libri secundi Historia in omnibus Codicibus in anno circiter

circiter 1025. clauditur : ita ut pars ejusdem potior desideretur. Nescio an tertius sit Historiæ à Thomâ conscriptæ liber, qui Vitæ S. Ethelwoldi in Codice Cottoniano *Vespasian A. 19.* proximè succedit, manu antiquâ satis, longè tamen aliâ. Titulus huic est: *Liber tertius in Historiâ Eliensis Insulæ, constans de duorum temporibus Episcoporum* (sc. Hervei & Nigelli) *quid plus vel minus utile gesserint plenè insinuans.* Quisquis autem Librum hunc tertium contexuerit, semet omnia ex Ricardi Historiâ desumpsisse sæpiùs agnoscit. Sic enim post narratam Nigelli Episcopi intronizationem scribit. *Prætermitto plurima, quæ in Opusculis fratris nostri Ricardi, historiarum studiosissimi, disertis & eloquentissimi viri, plenius referuntur.* Et Capitulo ii. *Hæc quidem latius scriberem. Sed quoniam in venerabilis jam dicti patris Ricardi Opusculis plenè inveniuntur, ad alia festinamus.* Ricardum Ecclesiæ Eliensis Priorem fuisse Baleus ex Lelando, Pitius & Vossius ex Cent. 3. c. 82. Baleo, referunt; atque alia quædam ingenii monumenta ab illo scripta memorant, ætatem verò ejus in anno 1220. malè reposuerunt. Ricardus enim Prior Eliensis alius non erat; quàm qui Prioratum anno 1177. adeptus, ante annum 1195. obiit. Atque hic quidem Historiam Eliensem supra laudatam scripsisse optimè censerì potest. Historia enim in anno 1169. terminatur; & Ricardus in Ecclesiâ Eliensi à teneris annis vitam degens, rebus gerendis interfuit. Siquidem in vetusto Ecclesiæ Eliensis Registro Epistolam Monachorum Eliensium inveni ad Eugenium Papam annos inter 1149, & 1154. scriptam adversus Henricum Clericum, Archidiaconi Eliensis filium nothum, qui terras quasdam Monachis injustè subtraxerat. In hac Monachi Ricardum sic laudant. *Misimus ad S. V. per Dominum Ricardum Monachum nostrum, bonæ vitæ & honestæ conversationis à pueritiâ Monachum.* Cap. 65. Postea anno circiter 1173. Henrico Rege jubente, Ibid. cap. 101, 103. ut eligendi Episcopi causâ *quinque vel sex de honestioribus Ecclesiæ Eliensis personis* ad seipsum in Normanniam transirent, scriptis ad Regem literis Conventus Eliensis indicavit se misisse Solomonem Priorem suum, Ricardum Subpriorem, A. Sacristam, Johannem Camerarium, &c.

L. Hactenus de Thomâ & Ricardo Eliensibus, & ipsorum Historiis. Historias hæc integras edidisse labor insanus fuisset. Se itaque foeliciter obtulit illa, quam evulgamus, utriusque Epitome, ab Authore anonymo concinnata. Illam tamen Thomæ atque Ricardi nominibus inscribendam esse duxi; quoniam ex illorum monumentis, ne verbis quidem mutatis, integra fuerit conflata: quod diligenti singulorum collatione facilè patuit. Pars prior à primâ Ecclesiæ fundatione ad annum 970. ex primo Thomæ libro descripta est. Ad partem autem secundam, quæ  
ab



ab anno 970, ad 1107. pertingit, contexendam in subsidium venerunt ejusdem Liber de miraculis S. Etheldredæ, Liber de translatione ejusdem, & Liber Historiæ Eliensis secundus ad Episcoporum tempora deductus. Historia de Vitis Hervei & Niggelli ex Libro Historiæ Eliensis tertio suprâ memorato conflatus est, adhibitis insuper Libro Thomæ de miraculis S. Etheldredæ, & antiquo Ecclesiæ Eliensis Registro, de quo mentio superius est facta. Cæterum Author in epitome suâ adornanda verba Historicorum quos sequitur (Thomæ sc. & Ricardi) ubique retinuit; & utrobique judicio satis laudando usus, omnia ferè scitu digna intexuit; magis tamen laudandus, si omnia lectu indigna rejecisset. Historia de *Conversione Abbatiae Eliensis in Episcopatum* quatuor priora Libri tertii Historiæ Eliensis Capitula conficit. Bullæ & diplomata ejusdem in antiquo Registro sæpius laudato reperiuntur. Illam ex utroque Codice Johannes Seldenus evulgavit in *Spicilegio* suo ad Eadmerum p. 212. Nostram etiam Historiæ Eliensis antiquæ epitomen usque ad annum 970. Gulielmus Dugdale in *Monastico Anglicano* tom. 1. p. 87. antea edidit, pluribus tamen locis mutilam & hiulcam. Cæterum ne locum insignem de utroque S. Scripturæ instrumento ab Alfredo Rege Anglicè converso, à Caio, Jocelino & aliis ex Historiâ Eliensi citatum apud nostram frustra quærat, monendus est Lector illum apud Thomam libro Historiæ genuinæ primo, cap. 39. reperiri, & in Vitâ S. Etheldredæ à Mabillonio editâ haberi pag. 739.

LI. Historia Episcoporum Eliensium ab anno 1169, ad 1486. à duobus Monachis Eliensibus sese invicem excipientibus conscripta est. Quonam verò anno horum primus desierit, haud satis constat. Codex enim Cantabrigiensis, atque ille, quo usus est olim Godwinus, in anno 1434. defecerunt. Sic etiam Codex primus Cottonianus. Singuli autem manu recentiore descripti, parum lucis in hac re conferunt. Charactere paululùm antiquiore exaratus est Codex Cottonianus secundus. Atque hic quidem in anno 1388. deficit. Dein aliâ manu Historia ad annum 1434. scripta deducitur; cui ad annum usque 1486. diversa manus succedit. Si quis itaque Historici secundi exitum in anno 1434. posuerit, atque huic tertium, Historiæ ad annum 1486. productæ authorem, substituerit; non refrabor.

LII. Postremam Historiæ Eliensis partem dedit Robertus Stewarde, Prior ultimus Eliensis; de quo Historia Priorum Eliensium consulenda est. Iste Codicem Lambethanum olim possederat, eundemque diligentiam suâ egregiè auxit, suppletis aliorum Codicum subsidio

subsidio lacunis, apposis unicuique Episcopo armis gentilitiis tam verbo quàm picturâ delineatis, subjunctis plurimorum historiæ beneficiis & donis Ecclesiæ Eliensi collatis, productâ denique historiâ ab anno 1486, ad sua tempora. Plures ille melioris notæ Codices possedit, ab Ecclesiâ Eliensi in propriam (ut videtur) Bibliothecam translatis. In singulis ferè insignia sua gentilitia depingi fecit. Horum complures in Bibliothecâ Lambethanâ & Cottonianâ reperiuntur.

LIII. Historiam Ecclesiæ & Episcoporum Dunelmensium à primâ fundatione ad annum 1097. stilo uberrimo conscripsit Turgotus Prior Eliensis. Illam post quinquaginta ferè annos Simeon Monachus Dunelmensis exscripsit, & tribus vel quatuor solummodo locis leviter immutatam nomini proprio inscripsit. Hujus inscripta nomini prodiit inter Scriptores x. Anglicanæ Historiæ edita *Londini* 1652. De Historiâ, & vero ejus atque adulterino pariter Authoribus Johannes Seldenus in Præfatione ad x. Scriptores fusè egit. Mihi itaque Historia Episcoporum Dunelmensium à primâ Sedis fundatione ad annum 1097. proprio Marte contexenda erat, & Hagustaldensium intexenda. Ricardi enim Hagustaldensis Historia de Episcopis Hagustald. quæ unica extat, ibidem evulgata est. In adornandâ Dunelmensium historiâ usus sum Turgoti commentario genuino, sc. Simeonis interpolationes nondum passio; qualis in vetusto & pulcherrimo Codice Cottonianæ Bibliothecæ *Faustina A. 5.* extat.

LIV. Turgoti Historiam de Ecclesiâ Dunelmensi ab anno 1097, ad 1144. produxit Monachus Dunelmensis ignoti nominis; sive is Simeon Dunelmensis Ecclesiæ Præcentor, sive quispiam alius fuerit. Medio certè sæculo undecimo Simeon floruit, & Turgoti Historiam in pugillares suos integram descripsit. In plurimis autem Codicibus ista Continuatio parti Historiæ Dunelmensis priori sine ullâ distinctione vel intercapedine, continuato itidem capitum numero, subjuncta reperitur. Ut quod sentio autem dicam; vereor, ne Simeon ante hunc annum obierit. Baleus quidem atque illius sequaces illum anno 1164. floruisse tradunt. Clausis verò plerunque oculis Scriptorum Anglicorum ætates Baleus definivit; & Historia Simeonis *de gestis Regum Anglorum* in anno 1129. terminata Authorem brevi post tempore defunctum esse suadet; præsertim cum Johannes Hagustaldensis Historiam illius continuare anno circiter 1154. suscepit; quod Simeone adhuc superstite vix ausus fuisset. Johannis equidem ætas haud ita constat. Ipsum tamen rebus, quas narrat, gestis coævum fuisse plurima ejus loca demonstrant; quod  
&



Præf. ad x.  
Script. p. 26.

Cent. 3. c. 31.

& Seldenus antea observavit, ut mirum sit virum eruditissimum Ricardi Prioris Hagustaldensis ætatem in anno 1190. statuere potuisse. Johannis enim ipsius Historia docet Ascherillum Priorem primum Hagustald. anno 1130. obisse, huic Robertum Biseth successisse, & Ricardo lampadem anno 1143. tradidisse. Johannes itaque post Ricardum Prioratu functus est; adeò ut si ætatem ipsius in anno 1160. cum Baleo, Pitseo, Seldeno & aliis reponamus, Ricardi obitus longè ante annum 1190. statuendus erit. Ut ad Continuationem autem Historiæ Dunelmensis ab anno 1097, ad 1144. redeamus; pars ejus prior, sc. usque ad mediam paginam 710. cum Continuatione inter Scriptores x. Anglicos à Twisdeno edita verbatim convenit. In sequentibus à Twisdeniana planè diversa est, ac multò auctior; quamvis hæc in anno 1144. illa in 1154. claudatur. Non possum itaque non suspicari Simeonem Dunelmensem utramque suam Historiam sc. *tam de gestis Regum*, quàm *de Ecclesiâ Dunelmensi*, ad annum 1129. deduxisse, & in hoc anno utramque terminasse. Eousque enim Continuatio Twisdeniana atque nostra conveniunt. Reliquam utriusque partem diversi Authores, quibus Simeonis Historiam continuare propositum fuisse videtur, conscripserunt. Nostra ex Codice Cottoniano *Titus A. 2.* descripta est. Complectitur ille Codex integram Dunelmensem Historiam ab anno 635, ad 1345. in unum corpus ex pluribus congestam, & in Capitula 184. distributam. In his primum habet locum Simeonis Dunelmensis (verius Turgoti) Historia ab anno 635, ad 1097. capitulis 96. comprehensa. Succedit Continuatio à nobis jam primum edita, capitulis ii. constans. Dein Gaufridi de Coldingham Historia capitulis 24. proximis conficitur. Capitula 53. postrema Roberti Historiam exhibent. Mitto libellum de miraculis S. Cuthberti, his, loco non suo, interpositum. Eadem planè Historiarum Collectio ibidem extat *Vespasian A. 6.* nisi quòd in anno circiter 1152. mutilata deficiat.

LV. De Gaufrido nulla apud Baleum vel Pitium mentio habetur. Fuit is Sacrista Monasterii de Coldingham in Scotiâ; Monachis tamen Dunelmensibus jure merito annumerandus. Erat enim Cœnobium Coldinghamense cella Monasterii Dunelmensis; & ex eo acceptos quoscunque habuit Monachos ad idem post aliquod tempus aliis succedentibus remittere solebat. Historiam iste suam ab anno 1144, exorsus, in anno 1214. terminavit. Rebus, quas narrat, gestis testem oculatum adfuisse ex pluribus Historiæ locis patet. Hujus nonnulla, quæ ad Ecclesiam Dunelmensem minùs spectabant, & ab aliis Historicis vulgatis uberiùs sunt tradita, pauca tamen, prætermisi. Historiam Dunelmensem à primâ Sedis fundatione

datione ad hæc circiter tempora longè majori molimine congeffit Author quidam anonymus; qui præter Turgoti, Simeonis, Continuatoris nostri & Gaufridi, quas verbatim exscripsit, Historias, sarragini suæ intexuit innumera ferè instrumenta, Chartas, Bullas, & Brevia, ad cuiusque Episcopi vel Ecclesiæ illo tempore res gestas spectantia, quicquid itidem Willelmus Malmsburienfis, Rogerus Hovedenus & Johannes Tinmuthensis de Episcopis & Sanctis Dunelmensibus habent. Opus in anno 1194. clauditur, & in Bibliothecâ Cottonianâ *Claudius D. 4.* asservatur. Ex eo ad Historiam Dunelmensem elucidandam nonnulla hausi. Author post medium sæculum 14. scripsit.

LVI. Robertus Gaufridum excepit, & Historiam ejus ad 1336. produxit; quo demum anno semet opus suum absolvisse Author in fine testatur. Nomen ejus tum titulus Operis fronti in Codice MS. præmissus exhibuit, tum in Historiâ suâ ad annum 1307. ipse prodidit, se Monachum in Ecclesiâ Dunelmensi tunc fuisse adtestatus. Porro Robertum istum de Graystones cognomen traxisse, & non alium ab infœlici illo Episcopo, qui anno 1333. ritè electus & consecratus, dignitate suâ frui non est permixsus, fuisse multa suadent. Robertus ex Subpriori in Episcopum electus fuerat: Subprioratu Monachi seniores fungi solebant. Noster autem Historicus ante annos saltem 26. vitam Monasticam in Ecclesiâ Dunelmensi tunc egerat. Robertus Episcopus brevi post annum 1334. vitam clausit, ex Willelmi Chambre, Walsinghami & aliorum fide: & Historici nostri opus in anno 1336. abrumpitur. Porro noster Roberti Episcopi electionem & dejectionem narrans, nullas ei laudes contulit; quod, modò alius ab Episcopo esset, iniquissimum planè fuisset. Is enim erat Robertus Episcopus; qui ob eximias virtutis & eruditionis dotes cumulatissimam laudem meruit; adeò ut iudice ipso Ricardo Bury, qui Episcopatum illi præripuit, supra omnes mortales Papatu, multò magis Episcopatu Dunelmensi, dignus fuerit. Laudes quidem Roberto Episcopo cumulare Historicus meritò erubuit; sic tamen electionem ejus & exautorationem narravit, ut Scriptorem propriam tunc egisse causam Lector facile deprehendat. Cæterum ab initio ad annum 1285. Robertus sua ferè omnia descripsit ex Ecclesiæ Dunelm. Annalibus, qui in Bibliothecâ Cottonianâ *Julius D. 4.* asservantur. Exordiantur Annales isti à Bruti, primi Britannorum (sic fabulæ volunt) Regis temporibus; & in anno 1285. desinunt. De rebus Ecclesiæ Dunelmensis ante annum 1070. paucillum habent; dein historiam ejus justam exhibent. Ab anno 1204. uberiori stilo texuntur, adhibitis etiam bullis, diplomatibus, aliisque rerum gestarum instrumentis brevioribus.

Vid. pag. 767.



bus. Ab anno autem 1272, usque ad finem stilo longè uberri-  
mo contexti, omnia cujuscunque generis instrumenta, & in his pro-  
lixissimum litis inter Willelmum Archiepiscopum Ebor. & Con-  
ventum Dunelmensem de jurisdictione anno 1280. motæ proces-  
sum, complectuntur. Ab Annalium fine ad sua tempora Rober-  
tus Historiam, utpote de rebus sibi visis & probè cognitis, pro-  
prio Marte concinnavit. Nimiâ autem ubertate usus, quampluri-  
ma perexigui momenti fusiùs retulit. Delectu itaque habito inu-  
tilia rejeci; alia compendio reddita caractere diverso exprimi fe-  
ci: me tamen omnia luce digna propriis Authoris verbis exhibuisse  
Lectori spondere ausim.

LVII. Historiam, quæ sequitur, Dunelmensem ab anno 1333,  
ad 1559. productam Wilhelmo de Chambre inscripti, autoritate  
fretus Codicis Cottoniani, in quo Roberti Historiæ manu recenti-  
ore exarata subjicitur pars prior Vitæ Ricardi de Bury Episcopi  
Dunelmensis; quæ ab Historiæ nostratis initio vix unico verbo  
discedit; eâdemque manu apposita nota testatur fragmentum illud  
ex Willelmi de Chambre Historiâ Dunelmensi delumptum esse.  
Quisnam verò fuerit ille Willelmus, quove anno Historiam suam  
terminaverit, mihi planè incompertum est. Historiæ istius copiam  
fecit Bibliotheca Bodleiana Oxoniensis. Codex autem, ex quo  
exscripta fuit, nullius Authoris nomen præ se tulit. Plura Author  
admiscuit scitu parum digna. Ea, libertate familiari usus, præ-  
termisi.

LVIII. De Additamentis & Emendationibus, in Voluminis isti-  
us calce collocatis, nil opus est præfari. Errores suos fateri atque  
emendare virum ingenuum decet. Lectorem tamen monitum ve-  
lim, maximam secundi voluminis partem typis expressam fuisse,  
antequam hæc conscripta essent; adeò ut si quando repugnantia le-  
vis in utriusque Chronologiâ intercesserit, primæ potius parti ejusque  
appendici fidem adhiberi postularem.

LIX. Ingenui est errores suos, grati animi beneficia aliena ag-  
noscere. Mihi in hac palæstrâ desudanti subsidium tulerunt multi;  
qui loco postremo exorandi sunt, ut beneficia sua laudari permit-  
tant. Certè suam Bibliothecis, ex quibus maximè profeci, lau-  
dem tribuere nulla verecundia obstabit. Multa mihi dedit Biblio-  
theca Archiepiscopalis in Ædibus Lambethanis asservata; quæ cum  
amplissimâ librorum tum impressorum tum manuscriptorum supel-  
lectile instructa sit, plurima etiam de rebus nostræ gentis ecclesiasti-  
cis monumenta autographa complectitur. Huic accensenda sunt  
Registra

Registra Sedis Archiepiscopalis Cantuariensis ; ex quibus Episcoporum ferè omnium Provinciæ Cantuariensis ab anno 1278. tempora, sæpe & res gestæ, certissimè sunt accepta. Quamvis enim hodiernum extra Palatium Lambethanum in Archiepiscopalis Curia primariæ secretario reponantur ; in illo tamen & conscripta sunt, & ad adultum usque sæculum superius in eodem custodita. Ex his duo, sc. Archiepiscoporum *Mepham* & *Statford*, interiisse mihi perquam dolebat. Hujus quidem jactura olim facta est, id enim neque *Jocelinus* nec *Harpsfeldius* unquam viderunt ; alterum autem nostro sæculo est deperditum ; eo enim sub superioris sæculi finem *Yaleus* usus est. Præter ista, Registri *Bourchier* pars longè potior interiit. Post Lambethanam Bibliothecam profuit illa ex adversa fluminis ripâ in ædibus Cottonianis posita ; quæ Codicum Manuscriptorum numero atque pretio omnes nostræ gentis longè superat. Ista mihi semper patuit egregiâ humanitate generosi possessoris *D. Johannis Cotton*, Baronetti, viri non magis ob clarissimam stirpis nobilitatem quàm eximiam virtutem & penitissimam utriusque linguæ ac cujuscunque melioris literaturæ scientiam summo honore recolendi. Denique, ut alias mittam, Bibliotheca Collegii Corporis Christi in Academiâ Cantabrigiensi plurima quantivis pretii monumenta atque Historias suppeditavit. Hanc primus idemque maximus antiquitatis Anglicanæ restaurator *D. Matthæus Parker* Archiepiscopus Cantuariensis fundavit ; & in eam omnia ferè meliora atque antiquiora, quæ diligentiam atque sumptu maximis undique conquissiverat, monumenta transtulit. Illam mihi reseravit, & plurimorum Codicum exscribendorum copiam fecit ejusdem Collegii Præses, vir scriptis eruditissimis orbi literario notissimus, *Johannes Spencer*, S. T. P. Decanus Eliensis, Collegii Sociis assensum humanissimè adhibentibus.

LX. Ex Bibliothecis quæcunque accepi, labore proprio eruenda erant. Fuerunt autem viri plures doctissimi, qui multa suo labore eruta atque conquissita mihi transmiserunt vel præsentī communicârunt ; atque his me maximè debere profiteor. In his est Præsul omni laude major RR. P. *Willelmus Lloyd*, Episcopus Assa-vensis ; qui Dissertationem meam de verâ successione Archiepiscoporum Cant. observationibus suis augere & emendationibus ad veritatem propiùs adducere dignatus est ; multaque de Episcoporum Assavensium Historiâ, aliis antehac incognita, ex Adversariis suis suppeditavit. *D. Johannes Battely*, S. T. D. Archidiaconus Cantuariensis, Ecclesiæ Metropoliticae archiva summâ diligentiam rimatus, quæcunque è re nostrâ fore arbitratus est, collegit. *D. Matthæus Hutton* S. T. P. postquam omnia Ecclesiarum Eboracensis



ensis & Wellensis Registra & Chartularia labore incredibili pervolvisset, & compendio reddita in pugillares suos transtulisset, Collectanea sua, quæ volumina plusquam viginti confecerunt, mihi benignissimè transmisit. Plurimam illa lucem mihi in primâ hac Operis instituti parte concinnandâ contulerant, majorem adhuc in parte tertiâ adornandâ datura. Denique *D. Wilhelmus Hopkins*, S. T. B. Canonicus Wigorniensis, qui perlectis Ecclesiæ Wigorniensis Registris & antiquis tabulis, multa mihi præclara excerpta, nonnulla etiam majoris pretii integra monumenta, suâ manu descripta donavit.

Ad vitandam ambiguitatem monendus est Lector, me in notis ad antiquas Historias & in Historiis proprio labore concinnatis initium anni à Calendis Januarii ubique duxisse; nisi ubi res mensibus Januario, Febuario, vel Martio, *anno exeunte* gestæ dicantur.

---

INDEX

# INDEX SEDIUM

Archiepiscopatum & Episcopatum,

Quarum Historia in hac primâ parte traditur.

Ex Provinciâ Cantuariensi.

<b>C</b> ANTUARIENSIS Archiepiscopatus.	Pag. 1
<b>W</b> INTONIENSIS Episcopatus.	177
<b>R</b> OFFENSIS Episcopatus.	327
<b>N</b> ORWICENSIS Episcopatus.	395
<b>C</b> OVENTRENSIS & <b>L</b> ICHFEL- DENSIS Episcopatus.	421
<b>W</b> IGORNIENSIS Episcopatus.	467
<b>B</b> ATHONIENSIS & <b>W</b> ELLEN- SIS Episcopatus.	551
<b>E</b> LIENSIS Episcopatus.	591

Ex Provinciâ Eboracensi.

<b>D</b> UNELMENSIS Episcopatus.	689
----------------------------------	-----



## INDEX HISTORIARUM

I N

## Hac Primâ Parte

EDITARUM.

*Quæ antiquitus scripta sunt, charactere Romano, quæ recenter, Italico, inferius exprimuntur.*

## De Sede CANTUARIENSI.

<b>S</b> tephani Birchingtoni Historia de Archiepiscopis Cantuariensibus, à primâ Sedis fundatione ad annum 1369. —————	Pag. 49
Willelmi Charrtham Historiola de Vitâ Simonis Sudbury Archiepiscopi Cantuariensis ab anno 1370, ad 1381. —————	49
Excerpta ex Chronico Cantuariensi de Roberti Winchelsey Archiepiscopi rebus gestis. —	50
Dies Obituales Archiepiscoporum Cantuariensium ex Obituario Ecclesiæ Cantuariensis. —	52
Anonymi Historia de Controversiâ inter Sedes Cantuariensem & Eboracensem circa Primatum. —————	65
Formulæ Professionum antiquarum Archiepiscopis Cant. factarum. —————	78
Formula Certificationis antiquæ de electione Episcopi Suffraganei & præsentationis ejusdem. —————	82
Henrici de Estriâ Catalogus de successione Archiepiscoporum Cant. & Vacationibus intermediis. —————	83
Successio Archiepiscoporum Cant. ex Annalibus vetustis Rossensibus. —————	85
Radulphi de Diceto Indiculus de temporibus Archiepiscoporum Cant. —————	87
Jura Archiepiscopatus Cantuariensis. —————	88
Canonici Lichfeldensis Indiculus de successione Archiepiscoporum Cant. —————	89
<i>Dissertatio de verâ successione Archiepiscoporum Cant. —————</i>	<i>89</i>
<i>Dissertatio de duobus Elfricis. —————</i>	<i>125</i>
<i>Historia de Decanis &amp; Prioribus Ecclesiæ Cantuariensis. —————</i>	<i>135</i>
Historia de institutione Archidiaconatus Cantuariensis. —————	150
Chronicon Cœnobii S. Crucis Edinburgensis. —————	152
Historia vetusta Abendonensis. —————	163

Charta Æthelredi Regis data Cœnobio Scireburnensi. —————	Pag. 170
Epistola Alexandri III. Papæ de Thomâ Becket Archiepiscopo Cant. ———	171
Epistola Walteri Reynold Archiepiscopi Cant. & Episcoporum Angliæ de canonizando Roberto Winchelsey. —————	173
Testimonium Walteri de Suthfeld Episcopi Norwicensis de potestate Archiepiscopi Cant. in Prioratu Cant. —————	174
Beneficia pertinentia ad collationem Archiepiscopi Cant. anno 1400. ———	175

## De Sede WINTONIENSIS.

<b>T</b> homæ Rudborne Historia Major de fundatione Ecclesiæ Wintoniensis & successione Episcoporum ejusdem ad annum 1138. —————	179
Ejusdem Prologus in Historiam suam Minorem. —————	287
Monachi Wintoniensis Annales Ecclesiæ Wintoniensis ab anno 633, ad annum 1277. ———	288
<i>Continuatio Historiæ Wintoniensis ab anno 1277, ad 1540.</i> —————	315
Epistolæ tres antiquæ de Monachis ex Ecclesiâ Wintoniensi non ejiciendis. ———	320
Lantfredi Prologus ad Historiam de miraculis S. Swithuni Episcopi Wintoniensis. —	322
<i>Successio Priorum Ecclesiæ Wintoniensis.</i> —————	323

## De Sede ROFFENSIS.

<b>E</b> rnulfi Episcopi Roffensis Collectanea de rebus Ecclesiæ Roffensis. —————	329
Edmundi de Hadenham Annales Ecclesiæ Roffensis à primâ Sedis fundatione ad annum 1307. —————	341
Willelmi de Dene Historia Roffensis ab anno 1314, ad 1350. —————	356
<i>Continuatio Historiæ Roffensis ab anno 1350, ad 1540.</i> —————	378
Libellus Monachorum Roffensium anno 1360. Regi oblatus de patronatu Ecclesiæ Roffensis, seu de jure eligendi Episcopi. —————	384
Charta Johannis Regis de patronatu Episcopatus Roffensis. —————	386
Jura Episcopatus Roffensis anno 1360. —————	388
Consuetudines Ecclesiæ Roffensis. —————	390
<i>Successio Priorum Ecclesiæ Roffensis.</i> —————	392

## De Sede NORWICENSIS.

<b>B</b> artholomæi de Cotton Annales Ecclesiæ Norwicensis ab anno 1042, ad annum 1295. —————	397
Ejusdem Historia de Episcopis Norwicensibus à primâ Sedis fundatione ad annum 1299. —————	403



Monachi Norwicensis Historia de Episcopis Norwicensibus ab anno 1299, ad annum 1446. —————	Pag. 413
<i>Continuatio Historie Norwicensis ab anno 1446, ad 1540.</i> —————	418
<i>Successio Priorum Ecclesie Norwicensis.</i> —————	420

## De Sede COVENTRENSI & LICHFELDENSIS.

<b>T</b> homæ de Chesterfeld Historia de Episcopis Coventrensibus & Lichfeldensibus à primâ Sedis fundatione ad annum 1347. —————	423
Willelmi Whitlocke Additamenta ad Historiam præcedentem. —————	444
Ejusdem Historia de Episcopis Coventr. & Lichfeld. ab anno 1347, ad annum 1559. ———	448
Epistola Leonis III. Papæ ad Kenulphum Regem de Archiepiscopatu Lichfeldensi. —	460
Epistola Episcoporum Angliæ ad Leonem III. Papam. —————	461
<i>Successio Priorum Coventrensium Ecclesie.</i> —————	463
<i>Successio Decanorum Lichfeldensium Ecclesie.</i> —————	465

## De Sede WIGORNIENSIS.

<b>M</b> onachi Wigorniensis Annales Ecclesiæ Wigorniensis à primâ ejus fundatione ad annum 1308. —————	469
<i>Continuatio Historie Wigorniensis ab anno 1302, ad 1540.</i> —————	531
Hemmingi Historiola de Vitâ S. Wistani Episcopi Wigorniensis. —————	541
Acta Synodi Wigorniensis anno 1092. habitæ. —————	542
Compositio inter Episcopum & Monachos Wigorniensis de electione Prioris. ———	543
<i>Successio Priorum Wigorniensium Ecclesie.</i> —————	546

## De Sede BATHONIENSIS & WELLENSIS.

<b>C</b> anonici Wellensis Historia de Episcopis Bathoniensibus & Wellensibus à primâ Sedis fundatione ad annum 1423. —————	553
<i>Continuatio Historie de Episcopis Bathon. &amp; Wellen. ab anno 1423, ad annum 1540.</i> ———	572
Adami de Domersham Historia de contentione inter Episcopos Bathonienses & Monachos Glastonienses ab anno 1192, ad 1290. —————	578
<i>Successio Priorum Ecclesie Bathoniensis.</i> —————	586
<i>Successio Decanorum Ecclesie Wellensis.</i> —————	588

**De Sede ELIENSIS.**

<b>T</b> HOMÆ Monachi Eliensis Historia Ecclesiæ Eliensis à primâ ejus fundatione ad annum 1107. —————	<i>Pag.</i> 593
Richardi Prioris Eliensis Continuatio Historiæ Eliensis ab anno 1107, ad annum 1169. ———	615
Monachi Eliensis Continuatio Historiæ Eliensis ab anno 1169, ad annum 1388. ———	631
Monachi Eliensis Continuatio Historiæ Eliensis ab anno 1388, ad annum 1486. ———	666
Roberti Stewarde, Prioris ultimi Eliensis, Continuatio Historiæ Eliensis ab anno 1486, ad annum 1554. —————	675
Richardi Eliensis Historia de Conversione Abbatæ Eliensis in Episcopatum. ———	678
Thomæ Eliensis Fragmentum de dignitate Abbatis Eliensis. ———	682
<i>Successio Priorum Ecclesiæ Eliensis.</i> —————	683
Genealogia Roberti Stewarde, Prioris ultimi, ab ipso conscripta. ———	686

**De Sede DUNELMENSIS.**

<b>H</b> istoria de Episcopis Dunelmensibus à primâ Sedis fundatione ad annum 1096. ———	691
Monachi anonymi Dunelmensis Historia de Episcopis Dunelmensibus ab anno 1096, ad annum 1144. —————	705
Gaufridi Sacristæ de Coldingham Continuatio Historiæ Dunelmensis ab anno 1144, ad annum 1214. —————	718
Roberti de Graystanes Episcopi Dunelmensis Continuatio Historiæ Dunelmensis ab anno 1214, ad annum 1336. ———	732
Willelmi de Chambre Continuatio Historiæ Dunelmensis ab anno 1333, ad annum 1559. —————	765
<i>Historia de Episcopis Hagustaldensibus.</i> —————	694
<i>Successio Priorum Dunelmensis Ecclesiæ.</i> —————	784
<i>Addenda &amp; Emendanda.</i> —————	790



## Errata Typographica.

*Librum, postquam pralo exierit, non perlegi. Nonnulla autem Typographorum Sphalmata obiter notata subjeci, eaque à Lectoribus emendari peto.*

PAG. 86. lin. 45. pro iv. Non. lege iii. Non. P. 91. col. 2. l. ult. l. si cavos. P. 103. col. 1. l. 12. pro 989. l. 988. P. 109. col. 1. l. antepenult. pro consecratum l. intronizatum. P. 130. l. 40. pro 908. l. 980. P. 133. l. 17. pro demonstrant l. demonstravit, *Ibid.* l. 23. pro 787. l. 987. P. 139. l. 36. pro Bisto l. Bristo. P. 408. l. 35. pro Toftes l. Toftes. P. 551. l. mediâ, pro ejus l. Sedis. P. 555. col. 1. l. 46. lege Wintoniensis & Scireburnensis. P. 530. l. 11. pro Diocelin l. Diocesi. P. 554. l. 27. pro consecratus l. consecratos. P. 538. l. 44. pro 1489. l. 1488. 18. Sept. P. 565. l. 29. pro vii. l. viii. P. 578. l. 22. pro hæc l. hoc. P. 591. l. mediâ, pro MCLIV. l. MDLIV. P. 473. l. 42. pro Oswaldus & Wlstanus lege Oswaldus & Aldulfus, P. 478. l. 16. pro Cicestr. l. Cestr. P. 486. l. 45. pro Henrico l. Hugone. P. 489. l. 34. pro Henricus l. Hugo; sic etiam p. 491. l. 24. P. 491. l. ult. pro Johannes l. Jocelinus. P. 612. l. antepenult. pro quadam l. quædam. L. ult. l. Quadragesimali. P. 619. l. antepenult. pro proditiōnibus l. proditiōnis.

### In Præfatione.

Pag. 17. lin. 3. pro alias lege alios. P. 21. l. penult. pro 1664. l. 664. P. 23. l. 3. l. elucidandam. P. 25. l. 29. l. filius. P. 27. l. 12. l. Cadwalladrum, l. 21. l. exhibui. P. 29. l. 22. l. Wentanæ, l. 35. l. exaratas. P. 32. l. ult. l. alios. P. 33. l. ult. l. receptum. P. 37. l. penult. l. Vita.

STEPHANI BIRCHINGTONI

Monachi Cantuariensis

HISTORIA

DE

Archiepiscopis Cantuariensibus

A primâ Sedis fundatione ad annum MCCCLXIX.

---

ACCEDUNT

Dies Obituales Archiepiscoporum Cantuariensium ex  
Obituariio Cantuariensi.

Historia Controversiæ inter Sedes Cantuariensem &  
Eboracensem de Primatu, autore Anonymo.

Dissertatio de verâ successione Archiepiscoporum Can-  
tuariensium.

Successio Priorum Ecclesiæ Cantuariensis.

*Alia ad Sedem Cantuariensem spectantia.*



Variantes Lectiones ad Historiam Stephani Birchingtoni descriptæ ex  
Codice Cottoniano *Julius B. 3.*

PAG. 1. lin. 4. DXCVII.  
l. 13. post sacrauit  
l. 16. post successorum

P. 2. l. 24. Ethelblaudo  
l. 33. Ecclesia

P. 3. l. 3. Geulade  
l. 13. Bridum  
ibid. in Kalendis  
l. 21. xvii. & obiit vii.

P. 4. l. 9. post Plegmundus  
l. 12. xxxiv.  
l. 14. Wallensis  
l. 29. post uerique  
l. 32. etiam  
ibid. xxviii.  
l. penult. ... nis

P. 5. l. 5. cum  
l. 7. demolitur  
l. 10. decimantur  
l. 21. iii. Calend.  
l. 27. Normannorum

P. 7. l. 13. xiii. Cal.  
l. 26. Pontif. sui anno xv.

P. 8. l. 30. post xxii.  
l. 38. & 44. Archiepiscopatum

P. 9. l. 9. deflekti  
l. 19. iste pervektores  
l. 20. pulchra  
l. 25. consensu  
l. 33. execrationi  
l. 35. appellationis

P. 10. l. 17. post annis ii.  
l. 26. menses  
l. 38. decante cum Chr.

P. 11. l. 7. Sebaudiâ  
l. 24. post Robertus  
l. 27. xvi.

P. 12. l. 46. effectum

P. 15. l. 5. deputati

P. 17. l. antepenult. menses

P. 18. l. 20. Catharina

l. 21. Edwardus  
l. 26. Hanovia  
l. 31. post extremum  
l. 39. post Veneris

P. 19. l. 18. MCCCXXIII.

P. 20. l. 9. Gregorii  
l. 11. Hamonis  
l. 48. Septembris

P. 40. l. 51. Cistr.  
l. 53. Exon.

P. 41. l. 1. Warkele  
l. 2. Feres  
l. 4. Burgerst  
l. 45. l. 25. v. Id.  
l. 30. primi  
l. 38. Werghane  
l. 44. MCCCLXXI.

P. 45. l. 25. demolitans

DXCVI.  
& ad Orientalem plagam civitatis  
suorum  
Ethelbaldo.  
Sedes.  
Genlade.  
Bredon.  
iii. Kalendis. Sic etiam Codex Lambeth.  
xvi. & obiit viii.

qui  
xxiv.  
Wellensis.  
Ecclesie  
dist.  
xviii.  
Danis.  
nec  
demolitis.  
detinentur.  
iv. Calend.  
Normannus.  
xiv. Cal. Sic etiam Codex Lambeth.  
sedit annis xv. &  
obiit.

Archiepiscopum.  
avelli.  
Iste provektiores.  
publica.  
confessu.  
consecrationi  
appellationem.  
mensibus xi.  
mensibus.  
docente cum Chr. matre sua.

Sabaudiâ.  
de  
xiv.  
affectum.  
deputarunt.  
mensibus.  
Andrez.  
Edmundus.  
Hamoniz.  
anno Domini MCCCXXVIII.  
in  
MCCCXXIII.

Georgii  
Hamonis  
Decembris.

Cicestr.

Oxon.

Barkele.

Ferrers

Burwarst.

Id.

dist.

Wergrave.

MCCCLXII.

demolitas.

Stephani Birchingtoni  
 HISTORIA  
 DE  
 VITIS  
 Archiepiscoporum Cantuariensium.

S. AUGUSTINUS.

**S**ANCTUS *Augustinus*, Natione Romanus, Monachus, primus fuit Cantuariensis Archiepiscopus, missus cum sociis ferme XL. à B. Gregorio Papâ ad prædicandum Verbum Dei genti Anglorum, Anno Domini DXCVII. qui Regem Ethelbertum potentissimum usque ad flumen de Humbre fines sui imperii extendentem ad fidem Christi suis prædicationibus convertebat. Qui postquam gratiam baptismatis suscepit: amore Dei B. Augustino & Successoribus suis Archiepiscopis dedit Palatium suum & Curiam suam, & jure perpetuo habere concessit; ubi Sedem Archiepiscopalem sibi & Successoribus haberet. Et Rex ad Rayculphum, quod secus mare situm est, transiens, pro se & successoribus suis Sedem Regalem paravit. Hic Augustinus regio fultus adminiculo, Ecclesiam, quam antiquo Romanorum opere in palatio Regis olim fuisse factam didicerat, in nomine Salvatoris D. N. Jesu Christi sacrauit. Cantuariæ fecit Cœmeterium extra muros; ubi Rex Ethelbertus rogatu Augustini parvo post intervallo temporis Monasterium in honore Beatorum Petri & Pauli fabricavit; in quo dicti Augustini & Successorum corpora necnon Monachorum & aliorum fidelium Doroberniæ possent honorificè sepeliri. Augustinus in Natale Domini die plusquam X. millia Anglorum, absque parvulorum & mulierum infinito numero in aqua, quæ dicitur *Swalwe*, sacri baptismatis lavacro regeneravit. Et ipse Augustinus ab Archiepiscopo Arelateni ordinatus secundum missa B. Gregorii Papæ; qui ei misit pallium per Mellitum, Justum & Paulinum Anno DCI. Qui quidem Augustinus Anno Domini DCIV. ordinavit Episcopos Mellitum & Justum ad prædicandum provinciæ Orientalium Saxonum, qui Thamesi fluvio dirimuntur à Cantiâ, & ipsi Orientali mari contigui. Quorum Rex Segbertus nepos Ethelberti Regis sancto prædicante Mellito fidem Christi accepit. In cujus Metropoli Civitate Londoniensi ipse Rex Ethelbertus fecit Ecclesiam S. Pauli. Sanctum verò Justum in ipsâ Cantiâ, quam gens Anglorum Rovecestriam nominat, Episcopum ordinavit: ubi Rex Ethelbertus Ecclesiam in honore S. Andreæ Apostoli rogatu Augustini à fundamento construxit. Sanctum Laurentium Presbyterum ordinans Archiepiscopum



copum pro se, parvo post tempore migravit ad cœlum VII. Cal. Junii, feriâ tertiâ : qui sedit Annis XVI. & sepultus est in Monasterio Beatorum Petri & Pauli extra muros Cantuariæ.

#### LAURENTIUS.

*Laurentius*, Natione Romanus, Monachus, successit Augustino ; quem ipse adhuc vivens ideo ordinavit ; ne eo defuncto status Ecclesiæ tam tenera & rudis inciperet vacillare : secundum quod B. Petrus fundatâ Romæ Christi Ecclesiâ Clementem sibi successorem dicitur consecrasse. Laurentius Archiepiscopus sedit annis V. III. Nonas Februarii obiit ; & sepultus est, ubi Augustinus.

#### MELLITUS.

*Mellitus*, Romanus Monachus, prius Londoniensis Episcopus, successit, ordinatus à B. Augustino. Sedit annis V. Obiit VIII. Cal. Maii. Sepultus est, ubi B. Augustinus.

#### IUSTUS.

*Iustus*, Episcopus Roffensis, Monachus Romanus, successit : cui Papa Bonifacius sic scripsit : *Auctoritate B. Petri firmamus precipientes ; ut in Doroberniæ Civitate in posterum Metropolitanus locus totius Britannia habeatur.* Hic Iustus Archiepiscopus genti Northumbrorum Paulinum Episcopum ordinavit. Quo prædicante ibidem, Eadwinus Rex baptisma cum gente suâ suscepit, anno Regni sui XI. Qui Rex Eadwinus Sedem Eboracensem S. Paulino donavit. Qui Eadwinus Anno ætatis XLIV. à Pagano Rege Merciorum & Cedwallâ Rege Britonum in gravi prælio est occisus. Sanctusque Paulinus assumptâ secum Reginâ Ethelburga rediit Cantuariam navigio ; & à Iusto Archiepiscopo honorificè est susceptus & Ethelblaudo Rege Cantuariæ filio Ethelberti. Deinde Paulinus ab Archiepiscopo Iusto suscepit Episcopatum Roffensem. Iustus sedit annis III. & obiit IV. Idus Novembris ; & in dicto Monasterio Petri & Pauli sepelitur.

#### HONORIUS.

*Honorius*, Romanus Monachus, successit ; cui Papa primum Ecclesiæ Doroberniensis confirmavit. Et sedit annis XXVI. & obiit II. Cal. Octobr. Vacavit Ecclesia anno uno, mensibus sex.

#### DEUSDEDIT.

*Deusdedit* successit, & sedit annis X. & obiit II. Idus Julii. Vacavit Ecclesia annis III. & sepultus est in dicto Monasterio.

#### THEODORUS.

*Theodorus*, Natione Romanus, Monachus, Tharsis Siciliæ natus, successit ; cui Vitalianus Papa Primum Doroberniensem confirmavit. Hic Græcâ & Latinâ linguâ eruditus, ob harum eminentiam vocatus est Magnus Theodorus, Hic Sanctum Wilfridum Archiepiscopum Eboracensem emergentibus causis deposuit, & iterum eundem restituit. Hic anno ætatis suæ LXXXVIII. obiit ; & sedit annis XXII. mensibus III. diebus XXVI. Vacavit Ecclesia anno uno. Et sepultus est in dicto Monasterio. Huc usque Archiepiscopi fuerunt Monachi Romani.

B R I C.

BRICWALDUS.

*Bricwaldus*, Primus Anglicus, ordinatus à B. Godwino Metropolitano Episcopo Galliarum, successit; qui erat Abbas de Geulade tunc, & nunc Recolure dicitur: cui Sergius Papa primum totius Britanniae confirmavit; & tribus Regibus tunc in Angliam regnantibus, viz. Athelredo, Alfredo & Adulpho, super Confirmatione Primatus Ecclesiae Cantuariensis destinavit. Et iterum super eodem primatu scripsit Episcopis Angliae universis. Hic sedit annis XXXVII. mensibus VI. diebus XXIV. & obiit V. Idus Januarii.

TADWYNUS.

*Tadwynus* successit, consecratus in Civitate Doroberniae à Daniele Wentano & Ingwaldo Londoniensi & aliis duobus Episcopis: cui Gregorius Papa primum totius Britanniae confirmavit. Hic presbyter Monasterii quod vocatur Bridun fuit de provincia Merciorum. Iste sedit annis III. & obiit in Kalendis Augusti.

NOTHELMUS.

*Notelmus* Ecclesiae Londoniensis Presbyter, successit. Hic à B. Gregorio pallium suscepit; & sedit annis V. & obiit XVI. Calend. Novembris.

CUTHBERTUS.

*Cuthbertus*, primò Herefordensis Episcopus, successit. Hic primò sepulturam Ecclesiae Christi Cantuariensi infra Civitatem à Romanâ Curia impetravit; & primus sepelitur ibidem: & sedit annis XVII. & obiit VII. Calend. Novembris.

BREGWINUS.

*Bregwinus*, Vir magnae religionis, [successit] & sedit annis III. & obiit VIII. Calend. Septembris.

LAMBERTUS.

*Lambertus*, Abbas S. Augustini, successit, à Beato Papâ Paulo Stephanî Papae praedecessoris sui germano, Pallium suscepit.

ATHELARDUS.

*Athelardus* Abbas successit; qui primò fuit Wintoniensis Episcopus: cui Leo Papa scripsit super Primatu Ecclesiae Cantuariensis, & obiit Anno XIII.

WLFREDUS.

*Wlfredus* Monachus successit, qui recepit Pallium à B. Leone Papâ; & sedit Annis XXXVIII.

FLEOGILDUS.

*Fleogildus*, prius Abbas, successit; & sedit anno uno, & obiit III. Calend. Septembris.



## CHELNOTHUS.

*Chelnothus* Decanus successit; qui à B. Gregorio Papâ Pallium recepit. Sedit annis XLI. & obiit.

## ATHELREDUS.

*Athelredus*, Episcopus Wyntonienſis, successit de dono Regis Athelredi, eò quòd priùs Monachus fuit Ecclesiæ Christi: & sedit annis XVIII. Vacavit Ecclesia annis duobus.

## PLEGMUNDUS.

*Plegmundus* fuit Magister Aluredi Regis, bene literatus, successit; qui iussu Papæ Formosi destitutas Ecclesias Episcoporum per Angliam instituit Episcopos, & in Urbe Dorobernii VII. Episcopos uno die consecravit: & sedit annis XXXIV.

## WLFELMUS.

*Wlfelmus*, Episcopus Wallensis, successit; & sedit annis X. & obiit.

## O D O.

*Odo*, Wyntonienſis Episcopus, successit; qui fuit de stirpe Danicæ gentis oriundus; qui Edwardum fratrem Athelſtani, & eo mortuo Eldredum apud Kyngeston. coronavit in Reges Angliæ. Idem Odo apud Rypon. profectus, Reliquias S. Wilfridi Cantuariam tranſtulit: & electus est in habitu Clericali, & perpendens tot Sanctos Monachos in Archiepiscopatu præcessisse, mari tranſito apud Floriacum Monachalia suscepit; & in Angliam rediens, Archiepiscopus ordinatus est: & sedit annis .... & obiit ....

## S. DUNSTANUS.

S. *Dunstanus* priùs Wigornienſis Episcopus, quem Alphegus cognomento Calvus, Wentanus Episcopus Monachatus & Presbyteratus gradu decoravit. Item *Dunstanus* Badgarum coronavit in Regem, & Edwardum filium Edgari, ac Ethelredum, in Reges Anglorum apud Kyngeston. Et iste *Dunstanus* primò fuit Abbas Glastonienſis, postea Episcopus Wygornienſis, & deinde Episcopus Londonienſis, non relinquens Wygornienſem Ecclesiam, sed utrique præſidens, & utramque Ecclesiam iste rexit. Hic pallium à Papâ Johanne recepit. Perduravit *Dunstanus* septem Regum temporibus; serviens Deo in fide ac etiam sanctitate: & sedit XXVIII. annos; & obiit XIV. Calend. Junii.

## ETHELGARUS.

*Ethelgarus*, primò Abbas Wyntonienſis, & postea Episcopus Ciceſtrienſis successit. Sedit annis duobus.

## SIRICIUS.

*Siricius Danegeld*, priùs Wyntonienſis Episcopus. Hic incepit tributum X. mille librarum argenti dare pro pace habendâ cum ... nis pro Christianis. Hic sedit annis V. & obiit.

ALURICUS.

A L U R I C U S.

*Aluricus*, prius Abbas Abendonensis; & deinde Episcopus Wiltoniensis, successit. Sedit annis XI.

A L P H E G U S.

*Alphegus*, Wyntonensis Episcopus, successit: cum diu dabantur Danis XXXVI. M. libræ argenti Et tandem multis provinciis Anglorum flamma demolitur. Rex Etheldredus & primates Angliæ miserunt Legatos, pacem à Danis petentes. Tum ipsi debacchantes & quasi furibundi acriter Cantuariam obsederunt. Demum Urbs capitur; Elphegus ligatur; Ecclesia Cantuariensis comburitur; & Monachi & plebs decimantur. Elphegus in carcerem detruditur apud Grenwych; ubi post VII. menses variis cruciatus tormentis, tandem furentium manibus lapidatur. Sed illos Danos ira Dei consumpsit. Hic Archiepiscopus primò Abbas Bathoniensis fuit; & sedit annis VII. & Martyrio occubuit.

L I V I N G U S.

*Livingus* Cognomento Ethelstanus, Episcopus Wellensis, successit. Sedit annis VII.

A T H E L N O T U S.

*Arbelnotus*, Filius nobilis viri Agelmari, hic *Bonus* vocabatur, successit; & à Benedicto Papâ Pallium recepit. Hic corpus S. Elphegi de Londeniam Cantuariam transtulit; & sedit annis XVIII. & obiit III. Calend. Aprilis.

E A D S I N U S.

*Eadsinus*, Haroldi Regis Capellanus, successit; & sedit annis XI. & obiit.

R O B E R T U S.

*Robertus*, Episcopus Londoniensis, genere Normannorum, successit; qui expulsus est de Angliâ; & sedit annis duobus.

S T I G A N D U S.

*Stigandus*, Capellanus Regis Willelmi primi. Hic in Habitu Clericali primus Archiepiscopatu functus est. Hic fuit post Wyntonensis Episcopus, qui dimisso Anglorum Orientalium Episcopatu sublimiorem gradum Wyntonensem Ecclesiam invaserat. Regis innocentis simplicitatem circumveniens, vivente Roberto Cantuariensi, Archiepiscopatum Cantuariensem obtinuit. Iste Stigandus in Concilio apud Wyntoniam celebrato, anno Domini MLXX. iubente & præidente Rege Willelmo Bastardo, Domino Alexandro Papâ consentiente & per Legatos suos Hermenfredum Sedunensem Episcopum & Johannem & Petrum Cardinales suam auctoritatem exhibente, degradatur ex tribus causis: quia Episcopatum Wyntonensem cum Archiepiscopatu tenebat injustè; & quia vivente Archiepiscopo Roberto, qui ab Angliâ vi  
expulsus



expulsus est, ejus Pallio, quod Cantuariæ remansit, in Missarum celebratione usus est; & quia à Benedicto, quem Romana excommunicavit Ecclesia, eò quòd pecuniis Apostolicam Sedem invasit, pallium recepit. Hic sedit annis XVII. & Wyntoniz incarcerationatus obiit. Vacavit Ecclesia annis duobus.

### LANFRANCUS.

*Lanfrancus* primò Prior Beccensis, & deinde Cadomenfis Abbas, natione Lombardus, omnium liberalium artium & divinarum Scripturarum & secularium literarum scientiâ peritissimus, successit, compellente Rege Wilhelmo primo, eligentibus eum Monachis Ecclesiæ Cantuariensis senioribus; & consecratus est à VII. Suffraganeis & aliis. Eodem anno Thomas Eboracensis Archiepiscopus ex prisca consuetudine ab Archiepiscopo Lanfranco consecrandus venit Cantuariam. Cumque Lanfrancus ab eo professionem scriptam de professione suâ cum juramento obedientiæ secundum morem Antecessorum suorum exposceret; respondit se nunquam facturum; nisi de hac rescriptas auctoritates legeret, & testes hujusmodi iniquitatis & rationes audiret. Tandem Lanfrancus hoc ostendit ei; & ipse aspernans omnia, non sacratus abscessit. Quod Rex audiens, graviter æstimans Lanfrancum injusta petere, & scientiâ literarum magis quàm ratione & veritate confidere. Et paucis postea diebus ad Curiam Regis veniens, à Rege audientiam postulavit; & dictis ejus rationibus Regis animum mitigavit. Anglici verò, qui rem noverant, Archiepiscopi assertionibus testimonium perhibebant. Et ita Edicto Regio communique omnium Decreto est statutum, debere Thomam ad Ecclesiam Cantuariensem matrem redire, professionem facere, Lanfranco tradere secundum consuetudinem antiquam: in quâ professione sibi & successoribus suis absolute nullâ conditione interpositâ, sibi obedientiam promitteret faciendam. Et sic ille Thomas rediit; quæ jussa sunt, implevit; & sacratus abscessit. Hic Lanfrancus Romam pro pallio veniens, & se Papæ Alexandro offerens cum humili prostratione ad pedes ejus, mox ab illo Papâ ad osculum erigitur. Cui, dixit Papa: *Honorem exhibuimus*. Duo Pallia ei dedit, ob signum amoris præcipui, quorum unum recepit ab altari; alterum ipse Papa, unde Missas celebrare consueverat, tradidit manu suâ. Cum autem in Paschali Solempnitate ventilata fuerit causa de jure & primatu Cantuariensis Ecclesiæ super Eboracensem Ecclesiam, hoc decernente ipso Papâ: quæ causa post ventilata fuit apud Wintoniam in Regis Sitâ, in Castro postea apud Wyndesore. Et dicta Causa finem accepit in præsentia Regis, Episcoporum, Abbatum, diversorum Ordinum, congregatorum in Festo Pentecostes in Curia Regis, & in scriptis redacta, Sigillo Regio munita; quæ in Ecclesiâ Cantuariensi servatur, signis Regis Wilhelmi, Matildis Reginae, Huberti S. R. E. Cardinalis, Alexandri Legati Papæ, & ipsius Thomæ Ebor. Archiepiscopi, XIII. Episcoporum & Abbatum XII. subscriptis. Hic multas bonas consuetudines fecit; easque perpetim observari debere statuit & præcepit. Hic sedit annis XIX. & obiit V. Cal. Junii. Vacavit Ecclesia quinquennio. Sepelitur ibidem.

### ANCELMUS.

*Anselmus*, Abbas Beccensis in Normanniâ, successit. Hujus tempore Rex venales fecit Ecclesias: & inter Regem & Anselmum pro statu Universalis Ecclesiæ laborantem discordia suscitatur. Qui Rex XXX. Cœmeteria in pascua ferarum redegit. Ab Anselmo Gyrardus Thomæ Eboracensis Archiepiscopi successor, factâ professione de obedientiâ, consecratur. Hic [pro] tutione Ecclesiæ Universalis persecutione Regum Angliæ passus est exilium binâ vice; & sedit annis

annis XVI. & obiit XI. Calend. Maii, anno ætatis suæ LXXVI. Vacavit Ecclesia annis V. & humatur in Ecclesiâ Cantuariensi.

R A D U L F U S.

*Radulfus*, Episcopus Roffensis, primò Abbas Saginensis in Normanniâ, successit : & inter eum & Thurstanum Capellanum Regis tunc Electum Eboracensem Episcopum, Radulfo professionem facere recusantem, causâ per annum integrum est versata. Rex autem Henricus protestatus est ipsum professionem facere debere, aut Archiepiscopatu Eboracensi carere. Sed rebellio Thurstani finem non fuit sortita ; eò quòd iste Archiepiscopus paralyfis morbo correptus, & tribus ferme annis usque ad obitum suum in huiusmodi infirmitate laborans, curari non poterat quovis modo. Unde Thurstanus in suâ obstinatione robustior factus, arbitrabatur sibi cuncta cessisse. Et sedit annis VIII. mensibus VI. & obiit XIII. Cal. Novembr. feriâ quintâ.

W I L L E L M U S C O R B O Y L.

*Willelmus Corboyl*, Vir eximie religionis, Canonicus & Prior S. Osithæ de Chit, successit, & Pallium à Calixto Papâ accepit. Qui legatus post Concilium Generale apud Westmonasterium ab eo celebratum omnium Episcoporum & Abbatum Angliæ, pro utilitate [Ecclesiæ] Anglicanæ, Cantuariensem Ecclesiam dedicavit, post horribilem combustionem, IV. Nonas Maii ; præsentibus non solum Anglis, sed & exterarum provinciarum Episcopis & Abbatibus, ac Rege Henrico & Reginâ & Primoribus Regni. David Rex Scotorum affuit, & Nobilium multitudo. Et acta est hæc Consecratio anno Domini MCXXXIV. Rex autem in dotem præfatæ Ecclesiæ Christi Capellam suam, Regina suam Ecclesiam S. Martini Dovorriæ, cum omnibus pertinentiis suis & proVectibus, tam in terrâ quàm in mari ; & suâ Cartâ liberè confirmavit. Iste Archiepiscopus Pontificatus sui anno XV. in pace requievit. Vacavit Ecclesia annis II. mense I. & in Ecclesiâ Cantuariensi humatur.

T H E O B A L D U S.

*Theobaldus*, Abbas Beccensis, successit, consecratus Cantuariæ ab Alberico Ostiensi Episcopo Apostolicæ Sedis Legato ad altare Christi Cantuariensis Anno Domini MCXXXIX. VI. Idus Januarii, astantibus & cooperantibus omnibus ferè Episcopis Angliæ. Post Consecrationem suam XII. Monachos de Ecclesiâ Christi Cantuariensis misit ad novam Ecclesiam Dovorriæ ; & eis præposuit priorem Ascelinum Ecclesiæ Cantuariensis Sacristam. Prædictus Albericus Legatus celebravit Concilium apud Westmonasterium auctoritate Innocentii Papæ : Post mensem Theobaldo transfretante Romam pro Pallio profecturo. Tandem à Româ est reversus Archiepiscopus, & Primas totius Angliæ, & Apostolicæ Sedis Legatus. Et anno Domini MCXLVII. Apostolicis scriptis vocatus est ad Concilium ab Eugenio Papâ Remis celebratum ; & petita à Rege Srephano licentiâ sed non obtentâ, per multos labores accessit. Egit verbò Episcopus Henricus, frater Regis, invidiâ stimulante ; ut si Archiepiscopus transfretaret, proscriberetur à Rege : Si verbò ad Concilium non veniret, propter contemptum suspenderetur à Papâ vel deponeretur. Rex commotus, post multos sermones inter ipsum & Archiepiscopum per internuncios habitos, tandem Rex Archiepiscopum, quia terram absque licentiâ exivit, Angliam celeriter coegit exire. Postea redditus Archiepiscopi & maneria & omnia quæ habebat, rapiebantur ; hominesque illius spoliabantur sine misericordiâ bonis suis. Quod audiens Archiepiscopus, apud Goseford



ford in Norfolchiâ accedens, & tantum nefas tolerare non valens, totam terram Angliæ interdixit; sed apud Framelyngham in Norfolchiâ inter ipsum & Regem reformatâ pace, cum honore & lætitiâ Archiepiscopus Cantuariam est perductus. Hujus autem temporibus Conventus totus Cantuariensis Ecclesiæ ex quibusdam causis omnia Maneria sua cum Advocationibus Ecclesiarum in Maneriis posuit sub ordinatione dicti Archiepiscopi; ipsisque Monachis ad tempus victualia ministravit. Et tandem ad rogatum dictorum Monachorum ipse Archiepiscopus eisdem dicta sua Maneria omnia liberavit, penes se & successores suos Advocationes Ecclesiarum hujusmodi retinens in perpetuum. Hic Archiepiscopus consecravit Rogerium Cantuariensem Archidiaconum ad regimen Eboracensis Ecclesiæ apud Westmonasterium VI. Idus Octobr. lectâ prius professione suâ Archiepiscopo Cantuariensi de obedientiâ sibi & suis Successoribus faciendâ; astantibus Richardo Londoniensi, Roberto Lincolnensi, Gilberto Herefordensi, Waltero Roffensi, & multis aliis Episcopis tunc ibidem. Et statim idem Archiepiscopus contulit Archidiaconatum Cantuariensem Thomæ Beket de Londonia Clerico suo; cujus pater Gilbertus, mater verò Matildis dicebantur. Hic Theobaldus coronavit apud Westmonasterium Henricum filium Matildis Imperatricis in Regem Angliæ, assistentibus Archiepiscopis duobus, & Episcopis XIV. & Comitibus, Baronibus & aliis in multitudine copiosâ. Considerans hic Archiepiscopus mutabilitatem juvenis Regis, luporum Aulicorum cupiditatem; & prædictum Thomam Archidiaconum Cantuariensem in agendis virum expertum & strenuum, in consiliis providum, in bonitate conspicuum, & in omni opere providum & discretum, & talem Aulæ Regiæ necessarium; ejus ope & opere sperans inter regnum & sacerdotium vinculum pacis fore firmum; ut idem Thomas officium Cancellariæ haberet, egit idem Archiepiscopus quantum potuit erga Regem. Thomas Cancellarius Angliæ factus, omnes Anglicos fascesciâ superavit & gloriâ; ut in brevi Rector & Magister. Hic Theobaldus XIV. Calend. Maii, Pontificatus sui anno XXII. anno Domini MCLXI. [obiit] & vacavit Ecclesia anno I. mense I. diebus XIV.

#### THOMAS BEKET.

*Thomas Beket*, Archidiaconus Cantuariensis & Henrici Regis Cancellarius, ac præpositus Beverlaci, & Canonicus in diversis Ecclesiis, tunc in Angliâ potentissimus, & in omnium oculis gloriosus, sapientiâ præditus, nobilitate cordis omnibus admirabilis; inimicis & æmulis terribilis, utpote Regis amicus, & in regno secundus. Hic à Wiberto Priore Ecclesiæ Christi Cantuariensis assensu totius Conventus ejusdem in Archiepiscopatum est electus, Rege Henrico tunc in transmarinis partibus existente. Factâ autem Electione, statim idem Thomas constituit sibi Magistrum qui ejus errata corrigeret, & si fortè in aliquo excederet. Et Sabbato in Ebdomadâ Pentecostes in Presbyterum ordinatus, & in crastino die S. Trinitatis ab Henrico Wyntonienſi Episcopo consecratus est; quia Sedes Londoniensis tunc vacabat, qui de jure antiquo <sup>b</sup> Archiepiscopatum consecrare deberet. Consecratus igitur III. Nonas Junii, anno ætatis suæ circiter XL. astantibus omnibus ferè Suffraganeis Ecclesiæ Cantuariensis præsentibus tunc ibidem. Hic post Consecrationem suam instituit Festivitatem principalem S. Trinitatis annis singulis in perpetuum celebrandam, quo die primam Missam suam celebravit. Alexander Papa Imperatoris Frederici impetum ferre non valens, navibus ad-  
 vectus primò apud Montem Pessulanum applicavit; secundò apud Senonas in Galliâ venit; ad quem misit Archiepiscopus literas rogans & petens, ut sibi & Ecclesiæ Pallium mitteret; & ex antiquo jure debitam & consuetam dignitatem

<sup>b</sup> Archiepiscopum.

dignitatem Metropolitanæ omnibus conservaret. Nuncii Papam benignum inveniunt, accepto pallio, in Festo S. Laurentii sunt reversi. Anno Domini MCLXIII. congregati sunt præfules & proceres Regni Angliæ apud Clarindonam in Festo S. Hilarii, ubi Henricus Rex quæsit a Clero suas avitas Consuetudines observari. Ac ipsi cum suo primate seorsim loquentes, ex condito responderunt, se velle illas consuetudines salvo ordine suo & jure Ecclesiæ observare. Et Rex indignatus juravit verbum illud; *salvo ordine meo*, penitus amovendum. Sed Episcopi primati suo inhærentes firmiter, à proposito suo non potuerunt [desecti.] Conversi tamen minis Regis & terroribus, Archiepiscopum, qui à promisso proposuit resilire, eo quod promissionem factam Regi suspectam habuit, deprecantur flebiliter; ut sui animi pertinaciam relaxaret. Unde miseratione compunctus Archiepiscopus, Regis voluntati parere annuit; & promisit in verbo Sacerdotii de plano se velle Consuetudines illas custodire. Similiter promiserunt Episcopi & juraverunt. Dicebatur enim quod Rex Papæ & Cardinalibus promisit; quod nichil in præjudicium quæreret Ecclesiæ, sed solum coram suis Optimatibus honorari. Sed statim Archiepiscopo cecidit in verbo; & in brevi ad cor rediens, fortior surrexit in opere; & quæ essent illæ Consuetudines <sup>a</sup> nescientes, sed prævas esse <sup>b</sup> suspicantes, eo quod tantâ instantiâ petebantur. Rex ait iste <sup>c</sup> per-  
<sup>a</sup> I. nesciens.  
<sup>b</sup> I. suspicans.  
<sup>c</sup> I. progenitorum.

ectores & Avi mei investigate consuetudines, ut scripturâ pulchrâ redigantur. Qui cum pravitates & actus veteres revolvissent, XVI. articulos protulerunt; quos brevitatis causâ hîc dimittimus exarandos. Cumque consuetudines illas noller Archiepiscopus confirmare; iratus est Rex valde, eo quod eum solum videret suis petitionibus resistere. Et curiali judicio Episcoporum consensu condemnatus est; ut sua mobilia in Regis manum ponerentur. Fugiens igitur Thomas de nocte, & subiens exilium, apud S. Bertinum & Senonensem Civitatem aliquamdiu hospitatus, tandem coram Papâ & Cardinalibus causam sui exilii cum lacrimis explicabat; & Papâ jubente apud Pontiniacum ferè per biennium morabatur: & tandem pace factâ rediit ad suam Ecclesiam, & Martyrio occubuit. In eadem sedit annis VIII. Vacavit Ecclesia anno uno.

# RICHARDUS.

Richardus, Prior Dovoræ, successit; qui cum omnia <sup>d</sup> execrationi suæ necessaria fuissent parata; Ecclesiæ literæ novi Regis ex adversâ parte allatæ sunt; & propter quandam <sup>e</sup> Appellationis in literis contentam fatigatus est multis laboribus & expensis; & Romam veniens, contra se fortes adversarios invenit; quia cum Rege seniore quidam cum juvene, & quidam cum Electo [stabant.] Propterea Electus desperatus quasi de electione redire volens, revocatur ab Alexandro Papâ & ab eo consecratur Dominicâ, quâ cantatur *Misericordia Domini*: & recepto Pallio, Legatione & literis privilegii munitus, versus Angliam iter flexit: & apud Westmonasterium Concilium celebravit. Et cum Dominus Hugucius celebraret Concilium, Archiepiscopus Cantuariensis obtineret dextram in sedendo; Rogerus Ebor. Archiepiscopus innatâ arrogantia residere ad sinistram respuit; inter Hugucium Legatum & Cantuariensem Archiepiscopum irreverenter natibus innitens, sedere nilus est, adeo [ut] in Primatis sui gremio resideret. Ab Episcopis, Clericis & Laicis turpiter apprehensus, in terram dejectus est; & cum baculis & pugnis impeteretur; Archiepiscopus exiliens, reddens bonum pro malo, ab olim Cantuar. Ecclesiæ inimicum surripuit tantæ cladi. Et cum ipse Cantuar. Archiepiscopus postea in Villâ de Wrotham nocte sobrius membra sopori dedisset in lecto suo; in visu noctis apparuit ei persona terribilis & magestativa, dicens ei semel & secundo: *Tu quis es?* Cui cum Archiepiscopus timore percussus non respon-  
<sup>d</sup> I. consecrationi.  
<sup>e</sup> I. appellati- onem.

deret;



deret; subjunxit illa persona dicens: *Tu es, qui dissipasti bona Ecclesie tibi commissa: & ego dissipabo te de terrâ*, Quo dicto disparuit, & Archiepiscopus non dormivit iterum; nec mirum. Et cum Rossam tenderet, causas tractaturus; quibusdam familiaribus suis, quæ videret, cuncta enarravit. Sed vix ultimo verbo dicto subito circumcinxit eum frigus & ægritudo; ut vix ad Villam de Hallynges veniret; ubi collicâ passione vexatus, spiritum exhalavit, anno XI. à consecratione suâ; & humatus est in Ecclesiâ Cantuar. Vacavit Ecclesia Cantuar. menses IX. diebus XII.

## BALDEWYNUS.

*Baldewynus*, Episcopus Wygorniensis successit; & pallio sibi transmissio, intronizatur in Sede suâ Cantuar. & in Terrâ Sanctâ in obsidione Civitatis de Achon obiit, & sepultus est. Postquam hic Archiepiscopus Jerusalem [iter] arripuit; rumor invaluit de Gaufrido Ebor. Electo de mandato Papæ in Franciâ consecrando. Unde Episcopi stupentes Ecclesiæ Cantuar. dignitatem minui, appellarunt. Huic autem Baldewyno Lucius Papa III. sic scripsit: *Tibi Baldewyno Pallium transmittimus per Notarium nostrum Raymundum*. Hic sedet annis V. Vacavit Ecclesia annis II.

## REGINALDUS.

*Reginaldus*, Episcopus Bathon. successit; & missi nuncii ad Papam, confirmata est Electio benigne; & pallio sibi transmissio, Hic ægrotare cœpit in veniendo Cantuariam apud Dogmerefeld; & cucullum induens, sub titulo Cantaur. Ecclesiæ quievit in pace.

## HUBERTUS.

*Hubertus*, Episcopus Sarum, successit; & pro pallio petendo missi sunt Nuncii ad Papam, & pallio accepto à Cœlestino Papâ unâ cum Papæ Legato Cantuariam sunt reversi. Hic sedet annis XI. menses VIII. Vacavit Ecclesia anno I. & in Ecclesiâ Cantuariensi est humatus.

## STEPHANUS.

*Stephanus*, Romanæ Ecclesiæ Cardinalis, successit; qui per Monachos Ecclesiæ Cantuariensis in Archiepiscopum est electus, & consecratus à Papâ. Hic B. Thomam Martyrem transtulit; & sedet annis XXII. & vacavit Ecclesia anno I. & in Ecclesiâ Cantuariensi sepelitur.

## RICHARDUS.

*Richardus*, cognomento Magnus, qui prius fuit Cancellarius Lincolnensis, successit; & sedet annis II. Vacavit Ecclesia annis II. Pastore defolata.

## EDMUNDUS.

*Edmundus* de Abendoniam, Thesaurarius Sarum, successit. Hic in omni munditiâ & sanctitate decente eum Christianissimâ degens; Dominicâ, quâ cantatur Officium: *Exultate Jerusalem* <sup>f</sup> extitit consecratus. Hic post multas persecutiones & injurias, insurgentibus contra eum Monachis Ecclesiæ suæ Cantuariensis, sibi lites voluntate magis quàm necessitate inferentibus; & Magnatibus terræ sibi undique injuriantibus; ipse ascendens ex adverso, de Concilio

Concilio Suffraganeorum suorum in pacis Ecclesiæ perturbatores sententiam Excommunicationis tulit. Et ob hoc & alia exilium passus, apud Pontiniacum per Papam commendatus, ibidem quievit <sup>a</sup> in Domino; & sedit annis VIII. & ab Innocentio Papâ IV. Canonizatus est anno Domini MCCXLVI. Et vacavit Ecclesia annis III. mensibus II.

<sup>a</sup> Obiit anno MCCXL. XVI. Cal. Decembr. Sic Marthæus Pa-

ris ad an. 1240. Author Vitæ ejus apud Surium. Martyrologium Ecclesiæ Christi Cantuariensis MS. Monachus Pontiniacensis, qui Vitam ejus operosè descripsit inter annos 1240. & 1247. MS. in Bibliothecâ Lamæthanâ, & Antiquitates Britannicæ. Ut falsus sit Author Vitæ ejus vetustæ MS. in Collegio S. Trinitatis. Cantab. qui obitum ejus ponit XVI. Cal. Novembr. & Sepulturam XI. Cal. ejusdem Mensis.

## BONIFACIUS.

*Bonifacius*, filius Comitis de Sebaudiâ, & procurator Belvacensis Ecclesiæ in Burgundiâ, successit; & consecratus est Lugduni à Papâ Innocentio IV. Hic pauperum amator erat; & magnum thesaurum pro Ecclesiâ Christi construendâ in navi Ecclesiæ congregavit; qui morte præventus, pro animâ suâ ea quæ sic congregârat, fecit pauperibus erogari. Hic acquieverat Archiepiscopatum de XXII. millibus marcarum, in quibus tenebatur per prædecessores suos Stephanum, Richardum Magnum, & S. Edmundum Archiepiscopos. Unde de Aulâ nobilissimâ, quæ in palatio Archiepiscopi Cantuariensis sita est, solebat Bonifacius inter familiares suos quasi ludendo dicere, Eya per Christum, prædecessores mei Aulam istam cum magnis expensis fecerunt; sed expensas ad illam construendam nisi de summâ mutuâtâ non invenerunt. Videtur quidem mihi, quòd ego illam Aulam feci; quia illorum debita persolvi. Iste Archiepiscopus cum Reginâ & Edwardo primogenito suo perrexit versus Vasconiam; & postea rediit ad partes suas Sebaudiæ; & ibidem mortuus est in Castro vocato S. Elenâ. Hic sedit annis XXVI. Vacavit Ecclesia annis II.

## ROBERTUS <sup>b</sup> KWARDEBY.

<sup>b</sup> *rectius* Kilwarby.

*Robertus Kwardeby*, de Ordine prædicatorum, successit, præfectus in Archiepiscopum per Papam Gregorium X. Viterbii, & in Ecclesia Cantuariensi fuerat consecratus. Postea factus est Cardinalis Episcopatûs Portuensis à Nicolao Papâ III. & sedit annis VI. Vacavit Ecclesia XLVI. septimanis.

## JOHANNES de PECCHAM.

*Johannes de Peccham*, de Ordine Minorum, vir magnæ eloquentiæ, divinarum Scripturarum Doctör peritissimus, consecratus est à Papâ in Curiâ Romanâ. Hic apud Lamhethe Provinciale Concilium celebravit; & bis Cantuariensem Provinciam visitavit; & sedit annis XIII. Vacavit Ecclesia anno uno, mensibus IX. diebus IV.

## ROBERTUS de WINCHELSEE.

*Robertus de Winchelsea*, Magnus Theologus, successit, anno Domini MCCXCV. electus à Conventu Cantuariensi qui prius in Ecclesiâ Londoniensi fuit Archidiaconus Essexiæ, à Papâ Cœlestino, qui dicebatur ante Papatum Petrus de Murrone, in Romanâ Curiâ consecratus. Hic vir Dei Robertus in ætate puerili fuit toto corpore speciosus, omnibus amabilis & graciosus, bonæ indolis, docilis & ingeniosus, Grammaticamque didicit



<sup>a</sup> l. commendabilis.

cautus excellenter ; adeò quòd in brevi nullus temporibus anterioribus in eâ sibi existeret coequalis : Sic vitâ, conversatione, moribus & literaturâ cæteros antecellens ; quòd communi vaticinio futurus Archiepiscopus clamaretur. Itaque in adolescentiâ Parisiis studio literarum intendens, ibi in facultate illâ Artium Liberalium sic profecit : quòd in brevi Magister Artium fieret ex prærogativâ nobili meritorum : & citò post in Rectorem totius Universitatis concorditer crearetur : dictosque status tam providè gesserat ; quod multis retroactis temporibus nullus erat, qui hujusmodi status laudabilius exerceret. Inde ad universitatem transiens Oxoniensem, ibi ad statum Magistralem in Theologiâ vocatus ex condignis meritis & assumptus. Et postea Officium Cancellariatûs Universitatis Oxoniensis sibi impositum administrans, malas observantias tangentes ad diminutionem statûs Studentium, bonos inducendo, tam prudenter se habuit ; quòd inde <sup>a</sup> commendabiliter omnibus reddebatur. Postmodum Archidiaconatum Essexiæ in Londoniensi Ecclesiâ affectus & residens in eadem, ejusdem Ecclesiæ nocturnis & diurnis officiis deservivit devotè ; Lecturam Theologiæ ibidem ordinare resumendo, verbum Dei prædicando frequenter, Archidiaconatum tam per se quàm per suos in puritate vitæ & conscientiæ feliciter gubernando. Tandem vacante Sede Cantuariensi Metropolitica, Prior & omnes de Capitulo Spiritûs Sancti gratiâ eundem concorditer elegerunt : de quâ Electione Rex, Magnates, Clerus & populus in Domino exultarunt. Cui quidem Electioni sibi præsentatæ post triduum vix annuit & consensit. Postmodum idem Robertus apud Sedem Apostolicam pro confirmatione Electionis hujusmodi constitutus, in puritate vitæ & moribus, in literarum eminentiâ sic effulsit : quòd majores ejusdem firmiter tenebant, se non vidisse de Regno Angliæ virum in tot meritis sibi parem : adeoque ad summi Pontificatûs honorem tunc vacantem ipsum reputaverant dignum fore. Ubi post creationem Papæ fuit Electio confirmata, & in Archiepiscopum consecratus, & fuit divulgatum, quòd Papa cum Cardinalem intendebat fecisse : Robertus Archiepiscopus considerans dispendium summum Cantuariensis Ecclesiæ, ex causis voluntatem Papæ optinuit immutari, migrandique ad suam Ecclesiam sibi licentiam impertiri. Deinde ad Ecclesiam suam veniens, in vitâ, moribus & cæteris virtutibus, non solum ut prius, sed plus solito coruscavit ; & circa curæ pastoralis officium diligenter insistens, subditos suos à lasciviâ ad devotionem, ab erroribus ad virtutes feliciter inducendo : adeò quòd populi multitudo ad sermonem ejus audiendum à locis multum distantibus confluebat ; summè delectabile reputantes ipsum dicentem audire, suis doctrinis instrui ac etiam informari. Et vix potuit de passione Christi aut ejus morte dicere, legere vel prædicare quicquam nisi cum lacrimis, quæ astantes ad lacrimas excitabant. Unde cum sibi à Sede Apostolicâ attributum fuisset ; ut Landavensi Ecclesiæ diutius vacanti de Episcopo provideret ; eidem de Magistro Johanne de Monemuta, Doctore in Theologiâ, præ cunctis regni probitate meritorum suorum indicio celsiore providit. Et decem Beneficia opulenta Magistris Regentibus in Theologiâ, & paulò minus contulit Bacalaureis studentibus in eadem. Et in aliis Beneficiis, quæ contulit, non sequens carnalitatis effectum, [ad] preces, minas vel munera mentis oculum non convertit. Et si quenquam promovere intendisset, si pro eo rogaretur, statim propositum immutavit. Aliorum etiam Scolarum facultatum indigentibus quibusdam 40. Solidos, quibusdam 20. annuatim fecerat ministrari. Pauperibus etiam Religiosis Mendicantibus quibusdam XX. marcas, quibusdam X. ac plus & minus contulit intuitu caritatis. In eleemosynarum largitione pauperibus hostiatim mendicantibus, debilibus & ægrotis tantam abundantiam tribuit ; quòd Prælatos alios excellebat : unde quolibet Die Dominico & feriâ quintâ per annum cuilibet pauperi viventi fecit dari ; quorum numerus

tempore

tempore caristiæ ad MMMM. vel circiter ; & fertilitatis tempore ad tria millia se extendebat ; ut communiter credebatur. Et præter hæc in quatuor Festis solempnioribus Beatæ Mariæ CL. denarios totidem pauperibus ad laudem S. Virginis erogari fecit ; & in festo conceptionis ejusdem , & in 4. Vigiliis antedictis, & in omnibus Festis Apostolorum, & aliorum Festorum festis duplicibus C. denarios, & totidem <sup>a</sup> fecit misericorditer dispensari. Insuper languidis & confectis senio & pauperibus mulieribus in puerperio <sup>a</sup> Dieß aliquid, seu panes, seu vestimenta. centibus unum panem frumentum cum dimidio ferculo carniū & piscium, ubi degebat, fecerat assignari. Et præter hæc egenis non valentibus mendicare pro pudore, in locis quibus degebat per quatuor milliaria circumquaque vicinis fecit inquiri ; quorum aliquibus de 1. denario, & aliis de 2. & aliis de 3. & 4. & aliis de 12. secundum onera liberorum <sup>b</sup> ejusdem fecit <sup>b</sup> eisdem. per annum sæpius provideri. Vestes suo vestitui deputatas pauperibus viris ægrotis & aliis egenis distribuit. Itaque ultra duas robas sibi noluit reservare ; & sibi sæpius jussit meliora vestimenta fieri ; ut de his posset uberius respicere indigentes. Et si quicumque pro culpis subditorum aut pœnis pecuniariis inflictis fuissent subditi multati, eas noluit imbutari ; quin potius religiosis, pauperibus & in aliis piis operibus erogari. Castitatis fervans mundiciam, & cum mulieribus nisi in confessione loqui noluit vel tractatum habere ; manus etiam suas ab omni <sup>c</sup> onere foetido tenuit impolutas. Et licet in judiciis & congregationibus quandam præminentiam appetere videretur ; Collegam suorum se exhibuit Clericorum. In omnibus Horis Canonicis interfuit ; & Missas solempniter decantare voluit, dum tamen sospes esset, & à principio verbi ad finem personaliter interesse : ita quod nullius nisi solius Dei timuit potestatem. His igitur & aliis occupationibus expeditus, solebat solus in conclave modicum intrare, ostium <sup>d</sup> observando ; <sup>d</sup> l. observando. nolens ut quisquam quid ibi faceret, exploraret. Et communiter suspicabatur à suis, quod se affligeret ibidem aliquando pœnitentiâ corporali ; eò quod post ejus obitum in utroque femore suo ossa patuerant denudata, caro ejus livida, & humor sanguineus sanguine mixtus apparebat ; quibusdam conjicientibus hoc de terrâ seu lecto duro ; & aliis suspicantibus, quod carnis aculeos ad refrænandum taliter infixisset. Fuit insuper in mensâ affabilis & benignus, jocundus ; adulatores, proditores & jaculatores & vastatores odians & detestans. Et cum vir esset corpulentus & bene complexionatus, ad subeundum onera curæ pastoralis multipliciter incumbentia, ne præ nimietate laboris arceretur ; aliquoties ad necessariam sui corporis sustentationem gulæ fugiens appetitum, uteretur lautioribus alimentis ; nihilominus in animo temperantiâ æqualiter post prandium sicut ante stabilis & rectus. Et cum ante se delicata cibaria ponerentur ; ea debilibus & ægrotis senibus & mulieribus in puerperio decubantibus post modicam degustationem, & multoties his non tactis, fecit communiter assignari, non obstante murmure Provisorum sui hospitii cibaria delicata ad suorum & fervientium epulas satagentium reservare, & hujusmodi egenis de grossioribus providere ; quos ob id arguere consuevit, dicens : Sanis bene convenit cibus grossus ; infirmis cibus nutritivus ac etiam delicatus ; & omnia cibaria incommesta suæ eleemosynæ fecit integrè reservari ; nec aliquis hospitii sui audebat de appositis cibariis cuiquam quicquam intervertere. Virginem Mariam amore spiritualissimo prædilexit ; & ipsam post Deum præ Sanctis omnibus honorabat. Unde Salutationem Angelicam finitis occupationibus necessariis, per numerum digitorum suorum, quocunque se diverteret, semper dixit : quæ quasi ad numerum infinitum extendebant. Unde post ejus obitum accidit admirandum ; quod qui Domini sui devoti stantes juxta funus ejus, dum dictam Virginis Salutationem more ipsius dixissent ; oculatâ fide dixerant se vidisse pollicem manûs dicti defuncti discurrere per articulos digitorum ;



rum, prout ipse, dum vixit, consuevit facere cum devotione corporis & cordis.

Videntes autem humani generis inimici dictum virum Dei in commisso sibi regimine tam feliciter prosperari, ex hoc condolebant, [ & ] ad reprimendum, animum Regis Angliæ contra dictum Archiepiscopum illum inflammaverunt; eo quod ipse Archiepiscopus quibusdam exactionibus & talliis, quas ab Ecclesiâ Anglicana & clero ejusdem decreverat faciendas, noluit idem Archiepiscopus, sicut nec potuit, his conscientiam consentire: adeo quod ipse Archiepiscopus à gratiâ, pace & protectione Regis extrapositus, est à suis possessionibus & bonis omnibus destitutus; loco nullo, ubi caput reclinaret, aut unde victualia, equitaturam & alia necessaria sumeret, sibi dimisso: Ita quod oportuit ipsum & suos pedibus proficisci, & ex inopiâ victualia mendicare; nisi quidam viri misericordes de suâ adversitate compatiens, sibi & suis necessaria caritatis intuitu ministrassent. Ex his ipsius viri animus in petrâ Christo firmiter radicans, pacem Regis transitoriam parvipendens, ad annuendum voluntati Regis in præmissis flecti non potuit vel induci. Cùmque per aliquos magni statûs viros, Regis Consiliarios, se sibi amicos & benevolos, tranquillitatis & honorum Ecclesiæ zelatores existere minus veraciter congingentes, eidem Archiepiscopo persuasum fuisset; ut protectionem Regiam pro bonis suis ab ipso primitus expetitam per aliquem de suis permetteret impetrare, & sic Regis benevolentias mereri, prædictaque recuperare, & inter suos vivere in quiete: aliis verò consimilis statûs viris offerentibus, ut eidem Archiepiscopo huiusmodi protectionem impetrari facerent, eam quoque pro nichilo sibi dari. Sed vir Dei conspiciens hos & illos latenti veneno coronari, per capitis declinationem cætera corporis membra suo desiderio facilius inclinare, caputque cum membris pœnis gehennalibus mancipare: cùm tot mortibus dignus esset, quot subditorum membra perderet per exempla: noluit alicui de dictis consiliis, ne tanta temeritas traheretur exquisitis coloribus in exemplum, remordente in his suâ conscientiam, consentire; protestans coram eis[quod] in Ecclesiâ suâ morari sibi licuit cum Conventu, & ibidem liberationem percipere consuetam, protectionem huiusmodi per se vel alium nullatenus impetraret, aut impetratam seu impetrandam aliquammodo acceptaret. Hanc igitur protestationem coram suis Suffraganeis ac Clero suarum Diocesium & provinciæ inspectu fecit publicè innovari; inhibens omnibus & singulis suis subditis sub gravibus pœnis, ne quis Protectionem huiusmodi sumeret aut in fraudem Canonis impetraret. Curiales verò his auditis, conjicientes quod ex dictâ liberationis confidentiam cum eodem Conventu voluit commorari, quæque per dampna & gravamina contra eum machinata ipsius animum non poterant immutare aut ipsum ad tristitiam provocare; Sed ex his magis hilarem & constantem & jocundum; plurimum tristabantur; & ad ipsum pervertendum & excludendum à spe liberationis huiusmodi inauditam crudelitatem invenerunt. Nam quidam viri crudeles & malefactis famosi, quodam die Mercurii, die Cinerum, Prioratum Ecclesiæ Christi Cantuariensis pompaticè ingredienti; & cùm Conventus ejusdem Refectorium ad prandendum introibat, ad coquinam Conventualem ibidem transeuntes, omnia victualia ad sustentationem Conventus de potestate Ministrorum dicti Conventus rapuerunt, & sub clausurâ firmiter obserârunt. Inde ad Cellarium, bracinum, granaria, granarias & lardarium, & ad cæteras transeuntes Officinas; Celerarios, Granarios, & omnes alios Monachos administrationibus huiusmodi præsidentes de officiis expulerunt; & omnia locorum eorum hostia obserârunt & sigillârunt; sicque serata & signata per mensem & amplius tenuerunt. Ita quod per totum tempus prædictum idem Conventus ex octoginta Monachorum personis congregatis pro se & suis victualia & alia sibi necessaria capere non sinebant;

sed

sed eis sumere volentibus hostiliter restiterunt; honorabilium sacerdotum & aliorum Ordinum facies non erubescences, aut <sup>a</sup> differentes venerabili se-  
nectuti. Et non habentibus Monachis locum, ubi reponerent eorum capita,  
ex mendicatis suffragiis adquisitam Capellam B. Nicolai in dictâ Ecclesiâ  
ad hoc <sup>b</sup> deputari necessario; quod nunquam antea fuit visum. Quumque  
idem Conventus Statui pristino restitutus fuisset; eorum bonorum sic abla-  
torum maxima [pars] hostiis referatis humanis usibus inutilis existeret. Jani-  
tores quoque portis Prioratûs pro libito collocârunt. Unde ejusdem Provin-  
ciæ tota Gens & alii per eandem de diversis partibus transeuntes, tam horri-  
bile factum pensantes, & ipsius causam immunitati & honore Sanctæ Can-  
tuariensi Ecclesiæ aut Conventui supradicto, cunctas Regni Ecclesias tam in  
obsequio servitii divini, quàm in hospitalitate, eleemosynarum largitione ac  
cæteris pietatis operibus præcellenti, considerantes non <sup>c</sup> differri, sed plus quam  
aliâ Regni Ecclesiâ ad tantam penuriam tantumque desolationis opprobri-  
um absque culpâ aut causâ rationabili descendisse; quæ eis solebat esse refu-  
gium, omnes recipere cum honore, omnibus quæ congruè oportuit, victualia  
& alia vitæ necessaria miserabiliter mendicare; tot fletibus & gemitibus to-  
tam Villam Cantuariensem repleverunt; quod à sæculo non est visum factum  
cum tantâ fuisse lacrimarum amaritudine deploratum. Audiens igitur dictus  
Archiepiscopus hujusmodi perditionis filios factum tam horribile perpetrâsse  
[in] ipsius Patris contumeliam, sed etiam personam suam propriam subtra-  
ctionem victualium & famem nimiam victumare; ut ipsum hoc <sup>d</sup> timere com-  
pellerent, à rectitudine veritatis & conscientiæ deviare. Sc. quatenus hoc suam  
personam propriam concernebat [perum curavit] quatenus tamen præmissa ad  
magestatis injuriam, & Conventus sui subversionem & necem redundabant;  
dictæ miserabiliter fleverat & tristabatur; præsertim cum nil sibi remansisset,  
unde illorum indigentia subveniret. Idem quoque Monachi versâ vice vi-  
dentes se non posse paternam inopiam sublevare, plus de Patris quàm de  
suâ propriâ gravabantur. Sicque vicissim alter alterius detrimenta tot sus-  
piriis, ululatibus & lacrimis deplorabant; quod <sup>e</sup> videbat iterum impletum <sup>e</sup> l. videbatur  
illud Propheticum, <sup>f</sup> *Vox in Rama audita est ploratus & ululatus multus; noluit*  
*consolari, quia non sunt.* Et ne de negligentia culparetur; Regi totius facti  
seriem in præmissis, ac etiam pœnas & pericula, in quas & quæ operadores  
& fautores & incentores præmissorum inciderant, intimavit. Et ut hujusmodi  
errores & gravamina, & præcipue Priori & Conventui suo illata, faceret  
revocari; exhortationibus cœlestium præmiorum, terroribus pœnarum in-  
fernalium cum reverentiâ debitâ monuit & induxit. Rex igitur his auditis,  
præmissa Priorem & Conventum concernentia, doluit vehementer, dicens:  
Hæc de suâ conscientia nullatenus processisse. Unde misit hoc concito re-  
vocari. Sed gravamina in his Archiepiscopo irrogata non revocavit; quin  
potius conturbatius intulit, quod eidem Archiepiscopo alia tollerentur. Sed  
Archiepiscopus dixit Regi reverenter, se tot ablationibus antea denudatum,  
quod nil aliud ad perdendum sibi superfuit nisi vita; quam pro Dei &  
Ecclesiæ honore perdere ad minimum reputavit. Videns Archiepiscopus  
supervacuum apud Regem induratum amplius insistere hâc de causâ, ab  
ejus præsentia se subtraxit, Deum per se & alios exorando, ut hos errores  
corrigere sibi gratiam infundere dignaretur. Tandem considerans Rex dicti  
Archiepiscopi constantiam & ejus conscientiam, & animarum periculum  
grave se & suos incidisse, ob hoc didicit, ex salutaribus monitis & dictis se  
malignorum consiliis ad hæc fuisse temerè circumventum; pacem suam &  
protectionem & gratiam & omnia sibi oblata gratis sibi restituere impera-  
vit. Et cum per majores de Concilio Curialium iterum eidem Archie-  
piscopo fuisset persuasum; ut de tantâ gratiâ sibi acceptâ, flexis genibus  
quanto devotionis affectu potuit, Regi gratias exhiberet, suæque submitte-  
ret

<sup>a</sup> viz. defe-  
rentes.

<sup>b</sup> l. deputa-  
runt.

<sup>c</sup> viz. deferre.

<sup>d</sup> l. timore.

<sup>e</sup> l. videbatur  
<sup>f</sup> Jerom.  
XXX. 15:



ret voluntati ; sed vir Dei considerans, quod non decuit, ut in Prælatūrā tantā servetur humilitas ; quod ex hoc regendi auctoritas invalescat, incentivumque tribuat delinquendi : spreto eorum Consilio, sibi calitus Consilium inspiratum [sequens] Regi gratias egit in hunc modum. *Benedictus Altissimus, Domine Rex, qui lumen oculorum menti vestra suā per lustravit gratiā ; ut cognoscere possitis vestrum statum, & eligere quod vobis proficit ad salutem.* Quibusdam Curialibus has gratias indignas tanto beneficio reputantibus, gratias petentibus ampliores, respondit coram Rege ; quod dictæ gratiæ meritō debebant Regi sufficere pro injuriis, quas receperat ab eodem. Unde Bonifacius Papa, intellecto quod idem Archiepiscopus pro defensione suæ Constitutionis tot persecutionum genera pertulisset ; recommendationis gratiā dixit publicè de eodem ; quod ipse solus Ecclesiæ Anglicanæ pugil erat invincibilis, inflexibilisque columpna.

Cumque in amicitia & gratiā Regis aliquantulum permanisset ; hostis antiquus hoc à se proprium habens, ut quos improborum actuum perpetratione dejicere non valet, divinā sibi potentiā resistente ; eorum opinionem & famam invidiæ stimulo per suos dilaceret, & subvertat omnium virtutum & suarum operationum dulcedinem, & sanctitatem retorfit in amaritudinem & devia viti-  
a f. propter. tiorum. Unde quia ipse Prælatis & proceribus Regni <sup>a</sup> per ambulationem de Forestā, & quadam alia jura regali potentiā usurpata, petentibus pro se & utilitate publicā, se conjunxit : Regis æmulus, & suorum æmulorum fautor & temerarius censebatur. Quod pro honore Regis & Regni totiusque statūs efficere certabat, totis semper viribus zelabat ; hoc ad ostentationem præ-  
e eminentiæ notamque supercilii & inanis gloriæ retorquebant. Zelum veritatis & justitiæ congruæ in maleficiis, ne traherentur ad consequentiam, puniendis severitatis & vindictæ desiderium reputabant. Et de genere eorum si aliqua faciebat ; hoc eum fecisse ad humanæ laudis habendum præconium mendaciter simulabant. Et per hoc & alia plura, in quibus ipsum notabilem proclamabant, cor dicti Regis ad tantum odium & inimicitias tam graves contra eundem Archiepiscopum iterum inflammârunt ; quod Rex ipsum hostem & suum inimicum censuit manifestum. Et dicto Archiepiscopo innocentiam suam in Regis personæ planissimè declaranti, insultando cum iracundiæ impetu magno dixit ; quod ipse Archiepiscopus aut ipsemet regnum Angliæ vacuaret. His etiam non contenti dictæ malignitatis diabolicæ Principes, quin potius ad pravitatis suæ fulcimentum graviolem malitiam cumulant, ad summi Pontificis audientiam ex confictâ sanctitate mendaciter detulerunt dictum Archiepiscopum nedum contra Regem sed contra statum Apostolicum sacrorumque Canonum instituta multipliciter excessisse ; propter quod meruit, ut dicebant, ad Sedem Apostolicam personaliter evocari canonicè puniendus. Quorum callidis commentis Summus Pontifex fidem adhibens excitatus, sæpius dictum Archiepiscopum ab administratione spiritualium & temporalium suspendebat ; & coram eo fecit ad certum terminum personaliter evocari. Quas quidem Suspensionem & Citationem idem Archiepiscopus sustinens reverenter, depositis omnibus suæ Prælaturæ insigniis, effusis orationibus ad Deum, ut hæc & alia gravamina, quæ sæpius pertulit innocenter, in remissionem sibi cederent peccatorum ; iter statim arripuit ad Curiam antedictam ; & in termino sibi assignato apud Sedem Apostolicam constitutus, omnibus possessionibus suis primitus destitutus, de innocentia suā & veritate plurimum confidens, sæpius obtulit se paratum omnibus mandatis Apostolicis obedire. Ubi ex nimia fatigatione per æstus intemperiem sæpius ad dictam Papæ Curiam accedendo ibidemque diutius morando, morbum tam gravem noscitur incurrisse ; quod omnem membrorum suorum vigorem diutius perdidit atque motum : ubi cum quidam magnæ potentiæ viri debilitatem corporis, suorumque Persecutorum potentiam, favo-  
rem

& gratiam eis impertitam, multaque alia incommoda & dispendia ponderantes, ut aut à persecutoribus suis redimeret sibi pacem, aut ultro statui suo cederet, ipsum Archiepiscopum obnixius hortarentur; spem sibi promittentes, quòd ad Ecclesiæ alterius regimen ex Papali gratiâ intra tempus modicum transferretur: dictus Archiepiscopus attendens se per electionem Canonicam tam puram & concordem, à Sede Apostolicâ discussione habitâ confirmatam, Domino inspirante ad statum prædictum ascendisse, seque nullius culpæ conscius, ex quâ suo displicuit Creatori: de ipsius inspiratoris misericordiâ & caritatis quam fovit potentiâ roboratus, respondit se nullam pertimescere potestatem: protestans & quasi vovendo promittens, quòd pro pace prædictâ aut restitutione suâ procurandâ nunquam daret aut pro se dari promitteret munera cuicunque, nec etiam statui cederet aut se submitteret gratiæ cujuscunque; Christo Matrique suæ & B. Thomæ Martyri totum statum suum specialiter recommendans; adjiciens quòd omnibus æmulis invitis & renitentibus, ad Ecclesiam suam cum gaudio & honore ex dispositione divinâ infra certum tempus, quòd limitaverat, remearet. Tandem cum summo Pontifici tam per insinuationes Domini Edwardi Regis Angliæ, multorumque Magnatum dicti Regis, vitæ ejus, morum, conversationis & famæ plenam notitiam habentium, quàm ex aliis informationibus sufficientibus, & documentis literisque constitisset; veridicum & perfectum dictum Archiepiscopum esse, virumque bonum & constantem, & Ecclesiæ Anglicanæ & Regno plurimum profuturum, quodque omnibus insinuationibus de eodem quæ ob æmulis suis typo maliciæ noverat processisse: <sup>1</sup> pœnitens erat in- 1 penitus. nocens & immunis, Summus Pontifex de hujus innocentia Archiepiscopi, quæ tam evidenter enituit [certior factus, ad dignitatem.] Archiepiscopalem & ad omnia bona sua cum omnibus proventibus & fructibus medio tempore quacunque autoritate occupatis & perceptis plenariè restituit, & fecit restitui cum effectu.

Tandem biennali exilio dicti Archiepiscopi consummato, ad Angliam cum gloria est reversus: & ex ejus in Angliam reversione omnes Regni incolæ Deum præ gaudio collaudabant. Ipse etiam Regnum ingressus, licet corporali vigore debilis, spiritu tamen fortis ad caritatem, veritatem & justitiam, ac etiam ad Ecclesiæ & Angliæ Regni pacem, utilitatem & honorem conservandum absque acceptatione personarum cum summâ conscientiæ puritate præ cunctis se exposuit indefessè; & ad omnium virtutum exercitia sublimius re-ascendit. Hic contra Abbatem & Conventum S. Augustini Cantuariæ super Appellationibus Ecclesiarum vocatos, melius & plenius per Bullæ declarationem quàm consuevit, viriliter impetravit. Hic non timuit Principem nec Magnatem neque hominem, præter solum Deum. Regem Angliæ in Parliamentis & Consiliis super suis abusibus redarguit; & ad omne bonum, quòd potuit, monuit & induxit: non permittens ipsum errare, quatenus scire potuit, quin ipsum reprimeret; ut ab oppressiõibus populi & malefactis suis desisteret, & bonis operibus inhæreret. Hic tempore suo suam quasi totam Provinciam jure Metropolitico visitavit; & Ecclesiam suam Cantuariensem usque ad finem vitæ suæ rexit nobiliter; non parcens ipsam opprimentibus & injuriantibus: quin correctionem debitam apponeret contra illos. Hic sedit annis XIX. Vacavit Ecclesia menses IX. hebdomadâ unâ. Et XI. die Maii anno Domini MCCCXIII. obiit; & in Ecclesiâ Cantuariensi honorificè est sepultus.



## WALTERUS REGINALDI.

*Walterus Reginaldi*, de Windesore, Clericus Regis Angliæ, ad ipsius preces factus est primò Wygornienſis Epiſcopus, & deinde primo die Octobris, anno Domini MCCCXIII. apud Prioratum de Granſello juxta Maulaſaunum Vaſionenſis Diœceſeos per Clementem Papam V. Pont. fui anno VIII. ſpretâ electione concordî de Magiſtro Thomâ de Cobbeham Theologiæ Doctore in Cantuarienſem Archiepiſcopum, fuit ad preces ipſius Regis ad Cantuarienſem Epiſcopatum promotus. Hic dedit Manerium de Caldecote, quod fuit membrum dicti Archiepiſcopatûs, Monachis Cantuarienſibus pro ſolaciis eorundem. Hujus autem temporibus fuit gravis contentio inter Regem Angliæ, Nobiles & Barones ſuſcitata; cujus prætextu multi ex ipſis & militibus Angliæ morte turpiſſimâ perierunt. Equibus Thomas Comes Lancaſtriæ decapitatus fuit apud Pontefractum XXII. die Martii, anno Domini MCCCXXI. Et poſtea omnes quaſi Conſiliarii dicti Regis anno Domini MCCCXXVI. morte turpiſſimâ ſimiliter perierunt; viz. Walterus de Stapulton tunc Exonienſis in Chepe London. decapitatus fuit XV. diē Octobris dicto anno. Et Hugo Deſpenſer Comes Wintonienſis in vigiliâ Apoſtolorum Simonis & Judæ apud Briſtol. tractus, ſuſpenſus & decollatus fuit. Et Hugo Deſpenſer filius & Camerarius dicti Regis apud Hereford in Vigiliâ S. Catharinæ fuit tractus, ſuſpenſus & penitus laceratus. Et Edwardus Comes Arundel. XVII. die Novembr. apud Salop. decapitatus fuerat dicto anno. Et Magiſter Robertus de Baldok Cancellarius Domini Regis captus fuit & poſtea mortuus eſt in priſonâ de Newgate London. Hic Archiepiſcopus Edwardum filium dicti Regis primogenitum patre ſuo vivente in Regem Angliæ & Philippam filiam Comitum Hanoviæ in Reginam Angliæ primo die Februarii apud Weſtmonaſterium coronavit. Et tempore iſtius Archiepiſcopi fuit tempus Ryſſariorum London. in dictâ Civitate, & extra circumquaque. Hic tempore ſuo jure Metropolitico Lincolniēſem Diœceſin & partem Norwiciēſis Diœceſeos viſitavit. Et ſedit annis XIV. menſem I. In vigilia S. Edmundi Archiepiſcopi apud Mortelak diem ſuum clauſit extremum; & in Eccleſiâ Cantuarienſi per Johannem Stratford tunc Epiſcopum Wyntonienſem honorificè eſt ſepultus.

## SIMON de MEPHAM.

*Simon de Mepham*, Doct̃or Theologiæ, Canonicus Ciceſtrenſis, dicto Archiepiſcopo ſucceſſit per electionem canonicam & concordem Prioris & Capituli Cantuarienſis: cujus Electio fuit per Johannem Papam XXII. apud Avinionem anno Domini MCCCXXVIII. ſicut Canonica confirmata. Hic celebravit Concilium in Eccleſiâ Londonienſi die Veneris Feſto Converſationis S. Pauli: In quo provincialia Statuta quædam edidit utilia pro libertate Eccleſiæ Anglicanæ, quæ incipiunt: *Zelari oportet*. Hic viſitavit jure Metropolitico Diœceſes, Roſſenſem, Ciceſtrenſem, Sarisburienſem, Bathonienſem & Wellenſem. Et cū vellet Diœceſin Exonienſem jure Metropolitico viſitâſſe; impeditus fuit nequiter vi armatâ per Joannem Grandiſono Epiſcopum Exonienſem, ne viſitationem ſuam hujusmodi impenderet, ſicut ad officium ſuum pertinuit: Sicque Archiepiſcopus ille literis Regiis & aliisurbationibus illicitis de dictâ recedere Diœceſi, infecto Viſitationis hujus negotio, eſt compulſus: Et acceſſit apud Maghfeld. Ibidem XII. die Octobris, anno Domini MCCCXXXIII. diem ſuum extremum clauſit. Hic ſedit annis V. menſibus VI. diebus XII. Et corpus ejus VII. Cal. Novembr. traditum fuit in Eccleſiâ Cantuarienſi ſepulturæ.

JOHANNES

JOHANNES de STRETFORD.

Johannes de Stretford, Legum Doctor eximius, qui primò fuit Lincolnienſis Archidiaconus, & poſtmodum per provisionem Apoſtolice Sedis Joannis Papæ XXII. in Episcopatum Wyntonienſem vacan-tem poſt mortem Rygandi de Aſſerio apud Avinionem decedentis die Dominicâ in Feſto SS. Johannis & Pauli anno Domini MCCCXXII. à Fratre Vitale Albanenſi Episcopo Cardinale fuerat conſecratus, cum officio Miſſæ: *Multæ tribulationes juſtorum*, ſibi bene conveniente & aptato; prout in ſequentibus apparebit. Nam cum licentiâ Papæ & Cardinalium ad Angliam poſtmodum veniens, ad procurationem Roberti de Baldock, Cancellarii Angliæ, dictum Episcopatum Wyntonienſem affectantis, innumeras tribulationes & perſecutiones in diverſis Angliæ partibus contra juſticiam eſt perpeſſus: adeò quòd nullus ſibi viſtuala vendere, aut domos ad inhabitandum vel morandum conducere ac accommodare audebat. Et per unum annum & ampliùs variis Brevibus Regiis fuit nequiter impeditus. Tandem nullis cauſis, propter quas offenſam Regis deberet incurrere, in ipſo repertis, ad Regis gratiam eſt admiſſus apud Thonebrugge in Vigiliâ Apoſtolorum Petri & Pauli, anno Domini MCCCXXIII. & ibidem fidelitatem & homagium fecerat dicto Regi, qui ſtatim præcepit Temporalia ſibi liberari. Quo facto, tam in partibus tranſmarinis, quàm alibi, tanquam ipſius Nuncius pro ipſius jurium deſenſione labores ſuſtinuit indefeſſos.

Poſtea per Iſabellam Reginam Angliæ adverſus Hugonem & Hugonem Deſpenſer patrem & filium concepto rancore, ipſa cum Edwardo filio ſuo primogenito cum multitudine armatorum Hannoniæ, anno Domini MCCCXXVI. VI. die Octobris Angliam eſt ingreſſa cum principali Conſiliario Rogero de Mortuo Mari, ipſos uſque ad necem hoſtiliter ſequebatur. Quo anno cœpit tempus Ryſſariorum in Angliâ; & Walterus de Stapelton. Episcopus Exoniensis in Chepe London. XV. die Octob. is decapitatus eſt; ut prædicatur. Poſtmodum apud Sarum anno Domini MCCCXXIX. ipſo Rogero de Mortuo Mari in Comitem Marchiæ præfecto, ipſe dictum Episcopum Wyntonienſem tunc in Monasterio Monialium de Wiltonia hoſpitatum de Concilio quorundam ab hâc luce perimere ordinavit. Sed dictus Episcopus de hoc præmunitus, ſecretè à dicto Monasterio cum paucis de ſuis noctanter aufugit; in campis per totam noctem latitans; & in craſtino in Manerio ſuo de Honiton pro tempore Concilii ſibi cum magnâ instantiâ liberatur. Ibi mors ſibi fuit certitudinaliter præparata; ſed iterum ipſe de hoc præmunitus ſecretè, quodam die Dominico, quo ipſe Rogerus Comes Marchiæ fuit factus, de dicto Manerio aufugit, apud Wyntoniam veniens; & ibidem quibuſdam familiaribus ſuis ipſum ſpernentibus præ timore apud Waltham Manerium ſuum accedens, ibi fuit ad inſidias dicti Rogeri [mors] ſibi iterum intentata. <sup>1. Qui</sup> Quo in nemore de Hordereswode præ timore latitans, in Manerio ſuo degens, ipſe poſtea à ſuorum æmuloꝝ furore in pace dimiſſus eſt. Et in craſtino S. Catharinæ ipſe Episcopus poſt mortem dicti Rogerii Cancellarius Angliæ effectus eſt, & Eccleſiam Wyntonienſem rexit uſque ad annum Domini MCCCXXXIII, & conſecrationis ſuæ XI. quo tunc fuit ad Eccleſiam Cantuarienſem tranſſatus.

Nam fede Cantuarienſi Metropolitana per mortem dicti Simonis vacante; Prior & Capitulum Cantuarien. ipſum Johannem tunc Wyntonienſem Episcopum eodem anno in craſtino Commemorationis Animarum in Archiepiscopum Cantuarienſem unanimiter poſtularunt. Et VI. Cal. Decembr. dicto anno Johannes Papa XXII. de dictâ poſtulatione inſcius, eundem Johannem Apoſtolicâ Authoritate de dicto Archiepiscopatu providit; & inter-



veniente consensu Cardinalium, præfecit ipsum in Archiepiscopum & Pastorem. Sicque currente consensu unanimi tam Romanæ Curia quam Prioris & Capituli Cantuariensis & Domini Edwardi Regis Angliæ, in Archiepiscopum est præfectus; & super suâ præfectione hujusmodi anno Domini MCCCXXXIII. primo die Februarii apud Certeseye literas Apostolicas suæ translationis recepit. Et quinto die Februarii apud Wodestoke fuit ad Temporalia dicti Archiepiscopatus admissus; & XI. die dicti mensis Literæ Apostolicæ super Translatione hujusmodi in Ecclesiâ Cantuariensi coram Clero & populo ibidem publicatæ fuerunt. Et subsequenter in Festo S. Gregorii eodem anno apud la Rue in Comitatu Pontini Anno Domini MCCCXXXIV. ubi tunc pro Rege & Regni Angliæ negotiis fuerat, per manus Hamonii Roffensis Episcopi pallium Archiepiscopale accepit. Et dicto anno die Dominica in Festo S. Dionysii fuit solempniter intronizatus in Ecclesia Cantuariensi, præsentibus provinciæ suæ Cantuariensis Episcopis, Domino Johanne Eltham germano Regis Angliæ, aliis proceribus & magnatibus præsentibus tunc ibidem.

Eodem anno Papa Johannes obiit apud Avinionem IV. die Decembris, & XX. die dicti Mensis, Dominus Jacobus Fornerius, Abbas, Monachus, Presbyter Cardinalis in Papam eligitur; & XXVII. die mensis ejusdem in Papam coronatus, & Benedictus Papa XII. vocatus est. Qui exortâ discordiâ inter Regem Angliæ Edwardum & Philippum Valoys dicentem se Regem Franciæ; quod ad ipsum Edwardum ex propinquitate sanguinis dicebatur pertinere; Dominus Papa Benedictus pro reformatione pacis inter dictos Reges Dominos P. titulo S. Praxedis & Bertrandum de Monte Faventio S. Mariæ in Aquino Diaconum Cardinalem Legatos & Nuncios suos misit. Ipsique Cardinales II. die Decembr. anno Domini MCCCXXVII. venientes, & usque ad XI. diem Julii, anno Domini MCCCXXVIII. moram traxerunt in Angliâ. Et IV. denarios de marcâ pro Procurationibus suis à Clero receperunt; nil quoad pacem hujusmodi proficientes ibidem.

Tum autem idem Archiepiscopus, à tempore Translationis suæ usque ad annum VII. tam in partibus Angliæ circa officium Cancellarii Regis & Regni Angliæ, quam aliqua alia negotia temporalia procuranda, tum propter juvenilem ætatem dicti Regis, tum propter effœminatorum in Regno Angliæ dominationem in Regno Angliæ reprimendam, ac etiam in partibus Franciæ negotia Angliæ expedienda, multipliciter occupatus hujusmodi negotiis sæcularibus, & non Ecclesiasticis, ut debebat; mundus, cui per idem tempus serviebat, volens sibi pro impensis præmium reddere & laborem, invidit, multosque & magnos elegit incentores discordiæ; per quos in corde Regis & Curialium odii seminariûm magnum sparfit. Ita liquidem his procurantibus, gravi dissentione eidem Archiepiscopo nondum notâ, supra dorsum ejus in partibus exteris fabricârunt; diversa flagitia impingentes, sibi que insurrexerunt tanquam testes iniqui; in omnibus ex adverso malignas facientes interpretationes de eo; dicentes ipsum esse Regis & Regni Angliæ proditorem; & nonnulli in mortem ipsius Archiepiscopi in Flandriæ partibus machinarunt. Verum non solum Milites sed & Clerici hoc fecerunt; & pro his nequiter terminandis ipsi in necem dicti Archiepiscopi conspirantes, duxerunt Regem ad Angliam in Vigiliâ S. Andreæ Apostoli, anno Domini MCCCXL. ad Civitatem Londoniensem latenter circa mediam noctem; & intrare fecerunt Turrim Londoniensem. Et primo die Septembris anno prædicto credentes ipsum Archiepiscopum apud Lamheth. fuisse; ibidem, sicut Deus voluit, tunc non erat, sed apud Cherrynge, frustrati erant à proposito quoad ipsum. Alios tamen dicto die in Civitate Londoniensi, videlicet Dominum R. Episcopum Cicestrensem Cancellarium, Rogerium Coventr. & Lichfeld. Episcopum Thesaurarium, Dominos Johannem de S. Paulo, Michaelem de Wath, & H. Stretford, Clericos Cancellarii

larii Regis ; Dominos Thomam de Wake, Johannem de Stonore & Richardum de Wylughby Milites, Justiciarios Regis, & J. de Pulteney Militem, & quosdam Advocatos subito arrestari fecerunt ; dictis Episcopis duntaxat exceptis. Et secundo die dicti mensis Decembris in Festo Regressionis S. Thomæ ab exilio, idem Archiepiscopus in Manerio suo de Cherrynge existens, inopinatè recessit ante diem ; & venit eodem die ad Ecclesiam Cantuariensem bene pro futuris evitandis periculis ; <sup>a</sup> priùs tamen pro profes-<sup>a</sup> l. præten-  
sione Monachorum dictæ Ecclesiæ eodem die faciendâ, sicut priùs ordinaverat, accessisse. dens.

Die verò secundo mensis Decembris Dominus T. Scrope principalis Consiliarius Regis, & Henricus Lincolnienſis Episcopus, in ea parte Consiliarii, ut creditur, die Lunæ sequenti, qui ipsius Archiepiscopi facti sunt hostes in capite, [&] multa illicita ordinarunt, ut creditur, contra eum, apud Gaunt in Flandriâ dies suos clauferunt extremos. Sicque dictus Archiepiscopus à duobus inimicis suis fuerat ex Dei Providentiâ liberatus. Et eodem secundo die Decembris Dominus Nicholaus de Cantilupo Miles ex parte Regis cum literis Credentiæ apud Cantuariam venit quasi horâ vesperarum ; & præfatum Archiepiscopum in Camerâ Prioris inveniens, sibi Credentiam suam in præsentia Johannis Farendon, Notarii publici, astantibus ibidem multis, exposuit ; atque dixit : Domine Archiepiscope, bene scitis, qualiter Mercatoribus de Lovayn in certâ pecuniâ certo die solvendâ pro Rege, estis obligati. Ex parte Regis vobis facio summonitionem : quòd paretis vos ad transfretandum : & præcipio vobis, quòd die Dominicâ proximâ sitis cum Rege Londoniæ ad recipiendum onus vestrum. Et super his responsum perit idem Miles. Et Archiepiscopus dixit ; quòd hujusmodi negotia erant ardua & onerosa ; & super his deliberare vellet, & sibi respondere per unum de suis. Et post paucos dies misit sibi super his Literas responsales & exhortatorias ; ut juxta juramentum suum pacem Regni Angliæ conservaret ; Paresque Magnates & populum dirigeret in pace & quiete ; ipsum Regem salubriter monitis fecit moneri : sed literæ dicti Archiepiscopi non fuerunt auditæ. Postea in Festo passionis anno Domini MCCCXL. quod Festum tunc die Veneris contingebat, idem Archiepiscopus in Ecclesiâ Cantuariensis Missam celebrans, post Offertorium verbum Dei populo prædicans, assumpsit pro themate : *In diebus suis non timuit principem*, Eccl. cap. XLVIII. & in suo Sermone per gradus S. Thomam multipliciter commendavit. Et in fine Sermonis seipsum de curis sæcularibus potissimè circa negotia Regis & Regni Angliæ procuranda, à tempore præfectionis suæ in Archiepiscopum inculpavit ; & de oppressionibus Cleri & Communitatis Angliæ ac solutionibus Decimarum ad opus Regis procuratis meritò condemnavit : errorem suum circa hac & alia sæcularia publicè recognoscens ; totam vitam suam linguâ maternâ de negligentis in Officiis divinis [&] sæculi occupationibus in genere recitavit ; à Populo circumstante petens veniam lacrimando. Et hoc asseruit publicè ; se velle jura & libertates Ecclesiasticas & viros Ecclesiæ, quatenus sibi Deus dederit, protegere ; & in Parlamento Clero & Communitati assistere ; his & non aliis intendere, officiumque Pastorale exequi, prætermisſis sæcularibus, divino præsidio mediante. Et quia in odium capitis dicti Archiepiscopi quidam juxta latus Regis sibi malevoli existentes, quosdam Clericos Cancellarii Regis ac etiam Justiciarios & Milites contra Magnam Cartam indebitè arrestando, ac ipsum Archiepiscopum de prodicione nequiter diffamando, necnon plura alia contra Magnam [ Cartam ] & libertates Ecclesiasticas attemptare notare præsumpserunt : idem Archiepiscopus volens, sicut dixit, quicquid de eo acciderit, contra præsumptores hujusmodi insurgere, Majoris Excommunicationis articulos stante Clero Civitatis Cantuariensis sacris induto vestibus & candelas in manibus suis gestante,



<sup>a</sup> I. cum in  
Magna Charta,  
ut  
<sup>b</sup> Vox ista o-  
tiosa est.

stante, cruce erectâ, in genere publicavit. Et contra omnes, Primò, qui Ecclesiâs suo jure privare, aut per maliciam infringere vel turbare præsumunt, libertates & liberas consuetudines Cantuariensis Ecclesiæ violaverint seu diminuerint; & contra privilegia eidem indulta scienter venerint, aut contra ea fecerint: immò illos qui pacem & tranquillitatem Regis & Regni Angliæ injuriosè perturbare præsumunt, & ad hoc dederunt Consilium vel favorem. Secundò quòd <sup>a</sup> cum nullus liber homo in Magnâ capiatur vel imprisonetur, aut disseisiat de libero tenemento suo, seu utlagetur, aut alio modo destruetur; inter cætera contineatur: <sup>b</sup> Tertiò quidam contra dictas Cartas libertatum & de Forestâ temerè venire & eas infringere moliantur; monuit omnes, qui hujusmodi Cartas [&] Statuta ediderint, vel edita servaverint, consuetudines introduxerint, vel servaverint introductas, scriptores statutorum necnon Conciliarios, & qui secundum eas præsumpserint judicare; quòd debitè se corrigant sub pœnâ excommunicationis. Quartò, qui Clericis Laicos tradit infestos opidò; qui ipsos capiunt invitos, ac quò abire voluerint libere non permittunt: quos monuit solempniter & in scriptis. Quintò, cum omnes & singuli, qui in Cantuariensi Provinciâ alicui crimen falsò imponunt, cum super hoc prius non fuerat infamatus, cujus impositionis prætextu status ipsius læditur, majoris Excommunicationis sententiâ innodantur in Concilio Oxoniensi; ac delinquentes scienter in Archiepiscopos, Episcopos, Patres spirituales, Christi Legatos, Ecclesiæ columpnas, ex dignitate offensorum culpam graviolem committunt: monuit, ut ea emendarent sub pœnâ Excommunicationis Majoris. Et subsequenter idem Archiepiscopus hujusmodi Excommunicationis sententias mandavit & fecit per totam Provinciam publicari †.

Demum IV. die Januarii, anno Domini MCCCXL. Dominus Radulphus Baro de tafford, Senescallus Hospitii Regii, veniens Cantuariam cum literis Credentiæ quorundam Comitum dicto Archiepiscopo directis, sibi exponens credentiâ; per quam petiit declarationem Articulorum Excommunicationum in Ecclesiâ Cantuariensi publicatarum. Cui dictus Archiepiscopus, [respondit] quòd hujusmodi Excommunicationes, quas in genere publicavit, non fuerant latæ per eum, sed Canones & Sanctorum Patrum Constitutiones, contra malefactores hujusmodi providè promulgatæ. Nec opus tunc erat dictas Excommunicationes aliter declarare: contra Canones ac Sanctorum Patrum constitutiones eas declarant. Et idem Baro monuit dictum Archiepiscopum; ut ad præsentiam dicti Regis accederet; <sup>c</sup> & super negotiis ipsum Regem & Regnum suum tangentibus tractaturus. Et sic recessit idem Baro unâ cum Magistro Johanne de Burton Advocato & Johanne Farendon Notario; quos ad hoc de London. secum duxit. Et post hoc audiens idem Archiepiscopus, quod Concilium Regis ipsos Clericos de Cancellariâ artare voluit, ac etiam illos de Clero ad Parliamentum Regis, necnon nonam garbarum vellerum & agnorum, sicut Prælati & Magnates Regni Angliæ Regi concesserant in subsidium guerræ suæ: mandavit Suffraganeis, quòd ab illis viris Ecclesiasticis, qui Decimam tenebantur solvere juxta conductam hujusmodi, Nonam hujusmodi solvere non permetterentur quovis modo.

Posthæc die Dominicâ, sc. XVIII. die Februarii, anno prædicto, venit Cantuariam principalis incentor discordiæ, Dominus Willelmus Kildesby, cum quibusdam Mercatoribus Brabantiæ, circa horam nonam dicti diei: & post prandium Mercatores hujusmodi, ex parte Ducis Brabantiæ ad dictum

† Epistolam illius hac de re ad Suffraganeos mandatoriam habes apud Walsingham. Hist. Angl. ad an. 1340.

Archiepiscopum missi, ut dicebant, ad Prioratum Cantuariensem, ubi tunc fuerat, accesserant; cum Willelmo de Natyngdon & Galfrido Baron, Notariis, petentes colloquium habere cum Archiepiscopo supradicto. Et Dominus Thomas Brokhulle Miles, unâ cum Simone de Cherryngge Notario, ex parte dicti Archiepiscopi ad eos missus, illis ore tenus intimârunt, primò, secundo & tertio, quòd libenter intrarent ad dictum Archiepiscopum cum Willelmo de Natyngdon. sed cum Galfredo Baron sibi suspecto nullo modo ad ipsum Archiepiscopum ingressum haberent. Sicque ipsi finaliter recesserunt. Et habito postmodum cum Willelmo de Kildesby modico tractatu, dicti Nuncii ex parte Ducis Brabantiae absque mandato regio, quod nunquam factum fuerat vel visum in Angliâ, Proclamationes suas in stratâ publicâ ad Crucem extra portam Prioratûs Cantuariensis præsente populo ac etiam summonito, quòd ipse Archiepiscopus ad Flandriam accederet, de debitis Regis Angliæ, pro quibus obligatus fuerat, satisfactorius, & ibi moraturus quousque omnia debita fuerint persoluta. Et hoc facto, Willelmus de Kildesby à Civitate Cantuariensi & alii subito recesserunt.

Subsequenter die Mercurii in Festo Cinerum, XXI. die mensis Februarii, dicto Anno, idem Archiepiscopus in pulpito Ecclesiæ Cantuariensis prædicans verbum Dei, assumpsit pro Themate: *Convertimini ad me in toto corde vestro*. Joel. II. inducens populum sibi commissum ad confitendum celeriter peccata sua infra Hebdomadam proximè sequentem. Confitentibus peccata Indulgentiam XX. dierum concessit: & finito Sermone dixit populo astanti, quòd quædam Literæ Regiæ fuerant Priori Ecclesiæ Cantuariensis contra eum directæ, quas petiit publicari. Et statim Prior hujusmodi Literas per Fratrem J. de Edecrone Monachum in audientiâ legi fecit. Quibus lectis articulatim effectus earum in linguâ maternâ publicati fuerunt: quibus Archiepiscopus ad omnia circumquaque suam innocentiam & excusationem seriatim <sup>a</sup> allegans. Et his peractis, idem Archiepiscopus <sup>a</sup> l. allegavit. monuit populum circumstantem; ut pro Rege & Regina Angliæ ac liberis suis intercederent apud Deum. Et idem Archiepiscopus indulgit Christicolis cunctis pro statu Ecclesiæ Anglicanæ, dictorum Regis & Reginæ, [&] liberorum, devotè rogantibus; ac etiam omnibus, qui prædicationem audierunt, de peccatis suis verè pœnitentibus & confessis concessit XL. dies. Et die Jovis, in Cathedrâ S. Petri, consimiles Regias Literas contra dictum Archiepiscopum contemptas Abbati & Conventui S. Augustini Cantuariensis directas, idem Abbas singula contenta in his Literis Regiis populo astanti exposuit ac publicavit in odium dicti Archiepiscopi; ut sic fieret à cordibus Anglicorum remotus.

## LIBELLUS FAMOSUS.

**E**dwardus Dei gratia Rex Angliæ & Franciæ, & Dominus Hiberniæ, Priori & Capitulo Cantuariensi salutem. Veteribus probatur historiis, ut ex his quæ quotidie geruntur clariùs elucescit, quomodo multi <sup>b</sup> bonitate Principum & honore qui in <sup>c</sup> eos collatus est in superbiâ abutentes, nituntur interdum malitiæ suæ commentis Regum studia laudabilia <sup>d</sup> dampnare. Et ut manifestiùs quod dicimus cunctis fidelibus innotescat; à vestrà & eorum

Eandem Epistolam Johannes Tinmuthensis inseruit Historiæ suæ Aureæ, MS. lib. 23. cap. 43. ex quâ proinde Lectiones, quæ sequuntur, variantes descripsi. <sup>b</sup> probitate <sup>c</sup> eis. <sup>d</sup> depravare.





cula varia, quibus expositi propter defectum promissi subsidii memorati utilitatem insuper & honorem quos ex succursu pecuniæ conspeximus nos posse faciliter obtinere, nullum tamen emolumentum ab eis recipere potuimus; quia sua non nostra negotia curantes, & commoda propria procurantes, frivolis excusationibus, & fucatis verborum phaleris, <sup>p</sup> similes <sup>q</sup> irrisoribus, qui (ut Esaias ait) deridendo ludificant dicentes: *Manda remanda, manda remanda, expectare expecta, modicum ibi, modicum ibi.* Unde prohi dolor factum est, ut dum triumphandi super inimicos nostros arridetur nobis gratiosissime spes propinqua, prævalente penuria cogeremur inviti treugis <sup>r</sup> initis consentire, cum verecunda nostræ expeditionis retardatione & exultatione non modica æmulum. Reversis igitur nobis in Flandriam, cum essemus pecunia vacui, & æris alieni mole pressi, nec superesset quicquam in nostris aut nostrorum marsupiiis unde possemus necessitatibus nostris consulere, & debita stipendia nostro obsequio militantibus erogare: compulsi sumus usurarum <sup>s</sup> voragini nos immergere, & humeros supponere cumulatis <sup>t</sup> oneribus debitorum. Tandem convenerunt ad nos amici fideles peregrinationis nostræ comites, & <sup>u</sup> tribulationis participes, cum quibus tractatum habuimus diligentem super optatis remediis, quibus à tanta infortuniorum tempestate possemus commodius respirare. Visum est omnibus præfata retardationis eventum <sup>x</sup> tristabilem & egestatis nostræ incommoda multiplicia culpa vel defidia, ne dicamus malicia, præfati Archiepiscopi: de cuius discretione tota Regni nostri dispositio pendere videbatur, & cæterorum Officialium quos ejus Consilio super <sup>y</sup> Regni negocia constituimus, accidisse, & vehementer <sup>a</sup> injuriantes, ac contra nos <sup>b</sup> tacite murmurantes, super <sup>c</sup> quodd dictorum Archiepiscopi & Officialium insolentiam Regia mansuetudo tanto tempore <sup>d</sup> pati voluit incorrectam, sunt publice protestati, quodd nisi super his <sup>e</sup> congruum remedium celeriter adhiberetur, oporteret eos <sup>f</sup> se nostris obsequiis subtrahere, & ab inito fœdere retroire. Et hoc utique in regni nostri subversionem, & nostram perpetuam ignominiam, & nationis Anglicanæ <sup>g</sup> perpetuum opprobrium redundare: quod avertat temporibus nostris Clementissimi Patris benignitas, in cuius soliditate fixa est <sup>h</sup> inviolabiliter anchora nostræ spei. Unde nos ad disciplinam & correctionem hujusmodi nostrorum Officialium mentis aciem dirigentes, quosdam ex eis, quos ex causis probabilibus de mala administratione, justitiæ subversione, ac subditorum nostrorum oppressione, acceptorum munerum corruptione, ac aliis offensis gravibus suspectos habuimus: à suis fecimus officiis prout nobis licuit amoveri: alios quoque inferioris gradûs in <sup>i</sup> his culpabiles sub tuta custodia detineri, ne si <sup>k</sup> libertate solita potirentur, supplantaretur eorum astutiâ executio justitiæ, & deluderetur callide inquisitio veritatis: quoniam <sup>\*</sup> eam ex dicti Archiepiscopi animi latebris eò certius & plenius elicere crederemus, quo nihil eorum quæ ad informationem nostram in hac parte conferre poterant, ipsum verisimiliter latere debuerat, cui totius Reipublicæ nostræ administrationem, & summam rerum gerendarum à multo tempore duximus committendam: sibi per fidelem nostrum Nicolaum de Cantilupo ad hoc specialiter destinatum mandavimus, quod ad nostram præsentiam, <sup>l</sup> qui ejus personali colloquio perfrui volebamus, Londinum venire maturius non tardaret. Ipse vero semper tumidus in prosperis, & timidus in adver-

<sup>p</sup> Suam defidiam, ne dicamus fraudem vel maliciam, palliabant. <sup>q</sup> delusoribus. <sup>r</sup> deest. <sup>s</sup> voragine nos submergere. <sup>t</sup> generibus. <sup>u</sup> tribulationis nostræ. <sup>x</sup> tristabilem. <sup>y</sup> regni nostri. <sup>a</sup> mirantes. <sup>b</sup> deest. <sup>c</sup> hoc <sup>d</sup> relinquere. <sup>e</sup> his faceremus con. rem. cel. adhiberi. <sup>f</sup> eos de. <sup>g</sup> sempiternum. <sup>h</sup> immobiliter. <sup>i</sup> præmissis <sup>k</sup> liberatione. <sup>\*</sup> cum. <sup>l</sup> quia.



sis, trepidans timore, ubi non erat timor, <sup>a</sup> nec mortis periculum per aliquos nobis assistentes intentatum & comminatum, si ab Ecclesia Cantuariensi recederet imminere minus veraciter allegavit: quia hoc teste Deo <sup>b</sup> ex pura conscientia nunquam in mentem nostram cecidit: nec alicujus nobis assistentis ut credimus tetigit cogitatum, <sup>c</sup> quanquam Clero & populo Regni nostri malignitatis suæ se merito reddidit odiosum. Nos autem qui cunctos ad nostram præsentiam accedere <sup>d</sup> volentes, præcipuè nostris <sup>e</sup> ob hoc literis vel nunciis convocatos, plenâ volumus securitate gaudere: ad convincendam ejus maliciam dilectum & fidelem nostrum Radulphum de Stafford hospitii nostri Seneschallum, ad <sup>f</sup> eum destinavimus, ut ei securum conductum offerret, & faceret. Nihilominus <sup>g</sup> Regias literas de conductu ei fecimus præsentari, iterato mandantes, quòd ad nos personaliter accederet, sollicitudinem nostram informaturus super <sup>h</sup> nostris negotiis, quæ longo tempore gesserat, ut præfertur. Ipse verò precum & mandatorum nostrorum lenitate contempta, vultu & animo indignato respondit, quòd se nostris conspectibus seu colloquiis nequaquam conferret, nisi in pleno <sup>i</sup> Parlamento, quod his diebus <sup>k</sup> poterit nullatenus convocari.

Sicque idem Archiepiscopus quem Regalis benignitas beneficiis & honoribus magnificis ampliavit, & in suæ familiaritatis sacrarium & unanimitatem amicitiae, & vinculum fœderis accersivit, super quem sicut patrem charissimum totus noster spiritus & animus requievit: qui <sup>l</sup> etiam dum ejus voluntatibus per omnia acquievimus, sophisticæ dilectionis faciem <sup>m</sup> suæ mandatis benevolentiae palliatam more patris amabilis nobis prætereundum consuevit, subito in vitricum onerosum & gravem crudeliter est conversus: & beneficiis acceptis ingratus, <sup>n</sup> timoris arrogantia <sup>o</sup> beneficiatorem persequitur: & illam nobis retributionem impendit, quam juxta vulgare proverbium, Mus in pera: Serpens in gremio: Ignis in sinu, suis consueverunt hospitibus exhibere. Nam licet in nobis ad Regale fastigium jure hæreditario divina cooperante gratia sublimatis detestabile semper sit ac fuerit abuti potentiae magnitudine, qui summis desideriis affectamus clementia & lenitate cum moderamine justitiæ gubernare <sup>p</sup> subjectos, ut optata cunctis mortalibus pace fruantur: ipse tamen nostram innocentiam, ac Consiliariorum, & Officialium nostrorum Regalem justiciam <sup>q</sup> persequentium fidelitatem & diligentiam convitiis lacerat: publice prædicando, & suis literis patentibus in diversis partibus publicari mandando, quod potestate Regia modernis temporibus contra justiciam opprimatur populus, Clerus confunditur, & <sup>r</sup> Ecclesia variis exactionibus, collectis, & talliis prægravatur. Et <sup>s</sup> quia nomen boni pastoris, quo hactenus semper caruit, cum sit revera juxta communem opinionem & confessionem propriam <sup>t</sup> publice emissam notorie mercenarius, fallaciter nititur usurpare. Fucatum zelum vulpinæ calliditatis fuco perizomate palliatum, ad liberationem Ecclesiæ cujus vexationes, si quas in rebus vel personis nostro tempore sustinuit, præfati Archiepiscopi duntaxat remissioni & callidis adinventionibus, ac reprobis consiliis sunt veraciter ascribendæ, nequiter simulat se habere; & quasdam excommunicationis sententias in libertatis Ecclesiasticæ, & Magnæ Chartæ violatores in genere dudum latas, ad sugillandam opinionem nostram Regiam & præfatos Ministros Regios defamandos, ac <sup>u</sup> seditionem in populo nobis commisso proditorie suscitandam, & devotionem Comitum, Procerum, & Magnatum

<sup>a</sup> sibi mortis <sup>b</sup> & <sup>c</sup> & quanquam.  
<sup>d</sup> deest. <sup>e</sup> ad <sup>f</sup> ipsum. <sup>g</sup> Regias super  
hoc nichilominus literas patentes sigillo  
Regio consignatas. <sup>h</sup> regni <sup>i</sup> Parlamento  
nostro. <sup>k</sup> ex causis rationabilibus nulla-

tenus expedit convocari. <sup>l</sup> & <sup>m</sup> fuco  
mendacis ben. <sup>n</sup> tumoris. <sup>o</sup> beneficium.  
<sup>p</sup> subditos. <sup>q</sup> prosequentium. <sup>r</sup> regnum.  
<sup>s</sup> quòd <sup>t</sup> publice ut fertur. <sup>u</sup> Seditiones...

Regni <sup>a</sup> nostri, Majestati Regiæ subtrahendam, specificatis nonnullis articulis præter & contra solitum modum in Concilio Provinciali traditum mandavit per suas literas in pluribus locis insignibus publicari. Quamobrem nos volentes ( ut tenemur ) integritati famæ nostræ prospicere, & præfati Archiepiscopi maliciæ obviare, <sup>b</sup> paratisque nobis & nostris ab ipsis laqueis cautius declinare providimus, præter ea quæ superius expressa sunt, ut ad præfens de multis ejus actibus perversis taceamus, aliqua deducere in publicam notationem. Nempe ejus improvido consilio & <sup>c</sup> suasu in minore ætate constituti, tot donationes prodigas & alienationes prohibitas ac gratias fecimus excessivas, quod per eas ararium nostrum totaliter est exhaustum, & fiscales redditus sunt enormiter diminuti: ipsumque munerum acceptione corruptum, magnas pecuniarum summas nobis debitas quibusdam sine rationabili causâ cum id nulla necessitas vel utilitas exposcebat comperimus remisisse, & plurimos <sup>d</sup> proventus & redditus qui pro nostris utilitatibus & necessitatibus conservari debuerant, suis suorumque usibus applicasse, & aliis personis male meritis erogasse. Qui etiam nedum munerum sed & personarum <sup>e</sup> acceptor contra votum nostrum, & præstitum nobis fidelitatis solitum juramentum ad officia publica in terris nostræ ditioni subjectis, dignis & bene meritis postpositis & <sup>f</sup> repulsis, indignos admittit, multaque alia animo infrunito temere attentare præsumpsit, in statûs nostri detrimentum, & dignitatis Regiæ læsionem, ac populi nobis subditi damnum non modicum & gravamen, potestate <sup>g</sup> sibi traditâ, & commisso sibi officio abutendo; quæ si in elatâ obstinatione & obstinatâ rebellionem, & continuatâ perstiterit, congruis loco & tempore intendimus apertius declarare. Vobis firmiter injungendo mandamus, quod hæc <sup>h</sup> omnia singillatim & clarè in locis quibus expedire videritis publicetis, & faciatis per alios publicari piam intentionem quam habemus ad subducenda incommoda & promovenda commoda subditorum; ipsis juxta datam à Deo vobis sapientiam <sup>i</sup> efficaciter commendantes & in his taliter vos habentes, quod vestram debeamus sollicitudinem meritò commendare. Teste meipso apud Westm. XII. die Febr. Anno Regni nostri Angliæ XV. <sup>k</sup> Regni vero nostri Franciæ secundo.

<sup>a</sup> deest. <sup>b</sup> paratosque nobis & nostris ab ipso laqueos. <sup>c</sup> succursu. <sup>d</sup> plures. <sup>e</sup> ac-ceptores. <sup>f</sup> repulsos. <sup>g</sup> deest. <sup>h</sup> omnia & singula. <sup>i</sup> deest. <sup>k</sup> desunt.

## Excusatio Archiepiscopi, ad Libellum famosum.

**R**everendo Domino suo Edwardo Dei gratiâ Franciæ & Angliæ Regi Illustrissimo Johannes permissione divinâ Ecclesiæ Cantuariensis minister humilis suus olim temporaliter, nunc autem magis in Domino, animæque & corporis salutem & omni tempore perseverare in bono, ac reniti viriliter suggestionibus malignis & pravis quæ corrumpunt faciliter bonos mores. Duo sunt quibus principaliter regitur iste mundus: sacra pontificalis auctoritas & regalis ordinata potestas, in quibus est pondus tantò gravius & sublimius Sacerdotum. Quantò & de Regibus illi in divino reddituri sunt examine rationem, Et ideo scire debet Regia Celsitudo ex illorum vos dependere judicio, non illos ad vestram posse dirigi voluntatem. Quis enim dubitat Sacerdotes Christi Regum & principum, omniumque fidelium, patres & magistros censeri? Nonne miserabilis infaniæ esse dignoscitur, si filius patrem, discipulus magistrum sibi subjugare conetur? plurimique pontificum alii Reges, alii Imperatores, excommunicasse testatur auctoritas canonica scripturarum.



1 Cor. II. 15.

Sap. VI. 2.

Et si speciale aliquid de personis Principum inquiratis, Beatus Innocentius Archadium Imp. excommunicationis vinculo innodavit, quia concessit Johannem Chrysostomum violenter à sede suâ expelli. Sanctus etiam Ambrosius Mediolan. Archiepiscopus pro culpâ, quæ aliis sacerdotibus non adeo videbatur enormis, Theodosium Magnum Imperatorem excommunicationis percussit mucrone. Qui postea præstitâ satisfactione condigna meruit ab eodem absolvi: & de tempore certiori & de consimilibus exempla plurima possunt poni. Ideo qualescunque Pontifices, & si errore humanitus accidente, non tamen contra religionem fidei nullatenus excedentes, nullatenus videntur à potestate seculari posse vel debere percelli. Boni principis est contritas & concussas Ecclesias restaurare, ac novas ædificare, sacerdotes Dei honorare, & cum reverentiâ summâ tueri, adinstar pii principis Constantini dicentis, cum ad eum fuisset delata quæstio Clericorum. Vos à nemine judicari potestis secularium Judicum, qui estis solius Dei reservati iudicio juxta asseverationem Apostoli dicentis: *Spiritualis homo à nemine judicatur*. Consideret igitur vestra Serenitas, quanta & qualis sit filii pœna divino jure & humano debita & inflicta patris verenda inhumaniter detegentis, patremque innocentem nequiter diffamantis, cui filius ut præmittitur tenetur impendere reverentiam & honorem. Paganorum Princeps templorum & Idolorum suorum Pontificibus, quos Flamines appellarunt, non modicum honorem exhibuerunt & exhibent suo more. Quamto magis Christi Ministros & Pontifices revereri tenentur Christianorum Principes veri Dei, fideique Christianæ cultores? Sed proh dolor, ordine præpostero & turbato, honor nobis occasione dignitatis, cui præsidemus licet indigni, tanquam patri vestro exhibendus, conversus est in opprobrium, devotio in blasphemiam, & reverentia in contemptum. Dum vestras regias regio sigillo signatas Epistolas, quin verius libellos famosos per æmulos & inimicos nostros amare dictatos & scriptos, crimina varia & multa enormia contra nos in infamiam nostri falsò fabricata convitia continentes, sicut ex ipsorum lectione luculenter poterit apparere, Suffraganeis omnibus nostræ Cantuar. Provinciæ, Decanis, Abbatibus, Prioribus & ipsorum Capitulis aliisque viris Ecclesiasticis publicandos, in nostram utinam & non divinam injuriam demandastis. Ut sic ipsorum subditorum nostrorum erga nos devotio tepesceret, & verteretur obedientia in contemptum. Ex quo inopinabili, ne dicamus factò detestabili, cunctis intuentibus ostenditur manifestè, quòd Regia potestas quæ à Deo procedit secundum dicta Salomonis Regis. *Audite Reges & intelligite, discite judices finium terræ, quoniam data est à Domino vobis potestas, & virtus ab altissimo est infusa*. Ipsum Dominum Deum in personis ministrorum & suorum sacerdotum non solum in divinæ legis injuriam judicare præsumunt, sed contra Dei legis humanæ & rationis naturalis ordinem, patrem suum spiritua-lem & Parem terræ majorem, non vocatum, non convictum per recordum vestrum, ut vulgaribus verbis illis utamur, condemnare videmini inauditum, in animæ vestræ periculum, & nostrum omnium Parium Regni terræ Angliæ præjudicium manifestum ac perniciosum exemplum. Nec quisquam calumniando causetur, quòd propter criminis conscientiam quæramus subterfugia, ne per vos objiendorum ineamus certamen. Novit enim Altissimus, quòd præ cunctis mortalibus vos videre corditer affectamus; ut vestri regni que pericula, subditorum vestrorum affectiones & corda, adulatione omnimodâ circumscriptâ vestræ Celsitudini intimemus; & ut gesta vestra utinam laudabilia aliis cederent in decorem juxta illud Sapientis, *Componitur orbis Regis ad exemplum*: & etiam ut visâ facie nostrâ reduceretis ad memoriam servitia, quæ dum in vestris ageremus obsequiis, devote & fideliter [præstitimus] juxta animi nostri conscientiam; Sic Deus nos aduget in examine ultimo, quando omnes astabunt ante tribunal Christi recepturi prout gesserint in suo corpore bonum sive malum

malum. Et maxime ut coram vobis, Prælati, Proceribus & Paribus Regni famam nostram Epistolis & libellis vestris prædictis turpiter laceratam, ac etiam suggillatam, purgatam, veram, & puram, sicut est Deo teste, ducere-  
mus in publicam notionem. Sed propter quorundam principalium Consilia-  
riorum vestrorum vobis assistentium notorias nobis minas mortis illatas, qui  
in terrâ istâ non sunt sicut Joseph in Ægypto, sed sicut tyranni dominan-  
tur in folio his diebus juxta dictum Sapientis : *Multi tyranni sederunt in* Eccles. XI. 5.  
*folio, & insuspicabilis portavit diadema.* Existente sic gladio in manibus fu-  
riosorum non superba elatione vel inobedientia ducti, sed currenti cedendo  
furori ipsorum hucusque ad vos accessum nostrum distulimus, nos metu qui in  
constantissimum caderet excusante; parati tamen in omnibus parere vestræ Ma-  
jestati, honore Dei & Ecclesiæ suæ sanctæ statu & ordine nostris in omnibus  
semper salvis. Sane ne medii temporis intervallo hujusmodi tyrannorum pote-  
state durante ad quam evellendam Oriens ex alto vos juvare dignetur, ut im-  
pleatur dictum Sapientis : *Oportebat tamen illis sine cessatione supervenire* Sap. XVI. 4.  
*interitum exercentibus tyrannidem,* infamiæ nostræ clamor amplius invales-  
cat ad detegendam innocentiam nostram, singulis articulis in ipsis libellis  
famosis contentis, non sophisticè sed veraciter in formâ quæ sequitur re-  
spondemus.

Continent siquidem Epistolarum vestrarum seu Libelli Famosi primordia  
probris plena, quòd vobis dudum in annis adolescentiæ ad Regni solium ex-  
altatis, in ejusdem suscepto Regimine fanis consiliis dirigi cupientes, nostro  
consilio super his, quæ animæ vestræ saluti expediebant & Regni vestri aug-  
mentum & conservationem respiciebant, spiritualiter ac temporaliter usi fu-  
istis; quòdque postmodum Regno Franciæ ad vos jure successorio devoluto  
& à Philippo de Valesio de facto notoriè occupato, Regiæ majestati persua-  
simus, importune fœdus inire cum Alemannis pro recuperando jure vestro;  
quòdque solummodo de personis ad arma doctis & strenuis cogitaretis, Quia nos  
pecuniam necessariam pro vestris vestrorumque necessitatibus & stipendiis  
provideremus: & quia hujusmodi subsidio caruistis, vos gravissimo debito sup-  
ponere oportuit usurarum. Ad hæc Serenissime Princeps, nobis tacentibus &  
linguâ minimè palpitantibus, facti notorietas congruū novit dare respon-  
sum. In principio enim regiminis vestri, dum Ecclesiæ Wintoniensi præ-  
fuimus, quorum consilio regebatur Majestas Regia, constat regno. Novit  
enim qui nihil ignorat, quòd cum quæstio de regno post mortem Regis Ca-  
roli fratris Serenissimæ Matris vestræ in Parlamento tunc apud Northamp-  
ton celebrato, tractata & discussa fuisset; quòdque idem regnum Franciæ ad  
vos jure hæreditario extiterat devolutum: & super hoc fuit ordinatum quod  
duo Episcopi Wygorn. tunc, nunc autem Wintoniensi. ac Coventren. &  
Lych. in Franciam dirigerent gressus suos, nomineque vestro Regnum Fran-  
ciæ vendicarent, & Philippi de Valesio coronationem pro viribus impedirent.  
Qui juxta ordinationem hujusmodi eis legationem injunctam tunc assumentes,  
gressus suos versus Franciam direxerunt: quæ quidem legatio maximam guerræ  
præsentis materiam ministravit. Nulla fuit tunc dispositio nostra penes vos  
& adolescentiam vestram vel alios in spiritualibus & temporalibus vos re-  
gentes accepta; quia tunc de Regiis negociis non intromisimus quovis mo-  
do, sed in curia Regia, qua de causâ novit Deus, omnibus fuimus odiosi.  
Postmodum verò Regalibus mutatis temporibus, ex quo vestræ placuit Maje-  
stati quòd vestra negotia una cum aliis vestris Secretariis tractaremus; pro  
pace inter duo Regna Angliæ scilicet & Franciæ faciendâ, considerando ani-  
marum, corporum rerumque pericula ex guerrarum voragine imminencia,  
iustitimus toto posse; pluriesque mare propterea transeuntes non absque peri-  
culis multis, laboribus, & expensis cum Prælati variisque proceribus Reg-  
ni vestri ipsius Philippi quærivimus præsentiam personalem; mensuramque  
omnem



omnem non dicamus sufficientem sed superhabundantem ante hæc tempora satis publicatam pro pace habenda obtulimus cum effectu. Ipso verò Philippo obturante more aspidis aures suas & nos audire nolente, missi fuerunt ad eundem ex parte vestra duo Legati Spirituales, scilicet Dunelmensis & nunc Winton. pro pace hujusmodi procuranda, & ex alio latere bonæ memoriæ Hugo Lincoln. Episcopus & Wilhelmus de Monte acuto, & Wilhelmus de Clynton. nunc Comites Sarum & Huntingdon; qui nec pacem poterant procurare nec guerræ dilationem aliquam obtinere. Sed ipsis nunciis adhuc in transmarinis partibus existentibus dictus Philippus de Valesio ad omnes partes maritimas commissiones varias mox transmisit ad interficiendum & destruendum homines & naves Angliæ ubicunque in mari poterant inveniri, manum armatam nihilominus ad invadendum terram vestram Vasconia cum omni festinatione mittendo. Sicque per ipsum Philippum & non per vos guerrâ inchoatâ juxta deliberationem & consensum Parlamenti vestri apud Westm. tunc ea occasione convocati & non solius nostri, occasione gravis sævitia & obstinationis animi indurati Philippi prædicti Anglicos invadentis & mensuram omnimodam recusantis, & pro vestro jure in Regno Franciæ adipiscendo per dictum Philippum nequiter occupato cum Alemannis & aliis fœdus inire ordinatum extitit & consensus. Pro vestris verò & vestrorum stipendiis in hac parte solvendis in Concilio quodam apud Staunford tunc propterea convocato cum certis mercatoribus terræ vestræ nobis præsentibus conventiones certæ factæ fuerunt: de quarum forma in Cancellaria apparere poterit satis clarè. Quæ si observatæ fuissent una cum aliis subsidiis per Clerum & populum in subsidium guerræ vestræ & magnis lanarum custumis; non solum nostro sed omni Consiliariorum vestrorum arbitrio pro tota guerra hujusmodi satisfecissent: dum tamen omnia ad hoc ordinata subsidia bene disposita & ordinata fuissent. Et satis novis vestra Majestas, quod conventiones prædictæ per nos nec violatæ nec immutatæ fuerunt, quodque ad manus nostras subsidia illa nullatenus devenerunt. Si ergo infortunium aliquod propter defectum pecuniæ contigerit, quod nos tædet; hoc illis qui dictas conventiones fregerunt & dicta subsidia male expenderunt & dilapidaverunt, & non nobis qui portavimus pondus diei & æstus, est totaliter imputandum. ex eo maxime quod post primum vestrum transitum non remansimus in hoc regno; Sed cum Reverendis patribus Dominis Cardinalibus & Dunelm. Episcopo pro pacis reformatione in Franciam præcessimus, ad vos tunc in Brabantia moram facientes occasione prædicta eundo & redeundo vicibus iteratis. Et demum dicto pacis negotio tanquam desperato totaliter derelicto, vobiscum in Brabantia per aliqua tempora moram traximus, nobis utique satis gravem. Vestræque necessitatis participes effecti, pro debitis gravissimis sub magnâ usurarum quantitate contractis, de quibus in Epistolis vestris plenior fit mentio, unâ vobiscum & aliis Prælati ac Proceribus vestri regni Angliæ & pro vobis diversimodas, utinam non in præjudicium status vestri, affectione paterna quocunque circumscripto obligationes fecimus valde graves. Sicque, Serenissime Princeps, non in illuoris baculo arundineo spem vestram nostris consideratis operibus posuistis, sicut in Epistolis vestris dicitur, sed in baculo firmissimo illi simili in quo Jacob Jordanem transivit, & cum duabus turmis gloriose est reversus. Cum quanta enim gloria vice secunda vestra decorata est reversio, novit Deus: utinam continetur ad Dei laudem honoremque vestrum temporibus secuturis.

Subsequenter & mirabile majus nobis imponitur in dictis Epistolis; quod retardata expeditione vestra ulteriori coacti fuistis ab inchoatis magnanimitè hostium aggressibus ea vice desistere, in Angliam remeare, convocatoque

Convocatoque Parlamento Prælati, Proceres cæterique fideles ejusdem regni vestri nonæ partis garbarum, agnorum & vellerum suorum præter decimam vobis à Clero concessam pro expeditione guerræ vestræ subsidium concesserunt. Ad cujus subsidii collectionem & aliorum vobis necessario- rum administrationem efficaciter promissimus interponere partes nostras. Cujus promissionis occasione post gloriosissimam victoriam vobis in mari à Deo concessam castrametati juxta civitatem Tornacens. In cujus obsidi- one per aliqua tempora fatigati spe recipiendi subsidium memoratum co- gente penuria cogebarini inviti treugis initis consentire.

Princeps Serenissime, ut cum Reverentiâ devotâ loquamur : Vestra non ignorat Excellentia, quod totius nonæ subsidium ante transitum vestrum secun- dum, creditoribus vestris variis pro primo anno de consensu vestro ac totius Consilii vestri extitit totaliter assignatum, prout ex ipsis assignationibus lu- culenter poterit apparere. Et ut assignationes prædictæ firmiter servaren- tur, pluries post transitum vestrum secundum literatorie præcepistis.

Ex quo potest manifeste liquere, quod ad obsidionem prædictam, cujus etiam obsidionis initium ignoravimus, nihil Deo teste transmittere potuimus nec promissimus destinare. Nec nobis imputari potuit dicti subsidii retar- data solutio, cujus terminorum satisfactio in Parlamento extitit ordinata. Et ideo his & aliis causis nos & alii Consiliarii vestri præmissa pensantes, vestræ nunciaverant Majestati, quod sine vestra præsentia vobis subvenire minimè potuerunt. Non ergo dici potuerunt illutores Consiliarii vestri di- centes : *Manda remanda*, &c. Sed servi veraces & perfecti. Non ficta sed verissima nunciantes, secundum illud Evangelii : <sup>a</sup> *Cognoscetis veritatem*, <sup>1</sup> Joan. VIII. & *veritas liberabit vos*. Et sic fiet Domino concedente. Modicum <sup>32.</sup> etiam vel nihil de subsidio prædicto ante vestram secundam reversionem extitit persolutum, sed omnia ad ministrorum vestrorum præsentium ma- nus devenient. Utinam ad honorem vestrum bene in posterum dispo- nantur.

Ad hæc Domine metuende, quod in vestris inseritur Epistolis, quod reversis vo- bis in Flandriam post obsidionem hujusmodi non fuit aliquid in vestris vel ve- strorum marsupiiis unde potuistis vestris necessitatibus consulere, & stipendia de- bita vestro militantibus obsequio erogare : Compulsi fuistis usurarum voragini vos immergere, visumque fuit amicis vestris fidelibus & peregrinationis vestræ participibus hujusmodi incommoda & infortunia, culpa, vel desidia, & ut prætenditur malitia nostra & aliorum vestrorum Officialium contigisse, quorum ducti consilio, ne à vestro recederent juvamine remedium volen- tes ponere in præmissis, quosdam vestros Officiales amovistis. Alios sub tuta custodia detineri fecistis, Credentes per informationem de com- missis per eisdem plenius informari. Per Dominos Nicholaum de Cantilu- po primò, & Radulphum de Stafford hospitii vestri Senescallum secundò, nobis postmodum demandastis, ut ad vestram præsentiam personalem ea occasione maturius accedere curaremus ; nobis nichilominus propter timo- rem varium à nobis præensum salvi & securi conductûs literas Regias destinando. Nos tamen precum & Regionum mandatorum lenitate con- tempta vultu & animo indignato prætenditur tale dedisse responsum, quod nos aspectibus & colloquiis vestris nequaquam offerremus nisi in pleno Parliamen- to coram Proceribus & Paribus vestri Regni. Quod Parlamentum ut testantur Literæ certis de causis non expedit facere istâ vice. Reverende Domine veritate considerata perspicua præmissorum, levis est responsio ad eadem. Non enim justo Dei judicio nobis imputari potuit in Flandriam vestra reversio ; cum nulla ut præmittitur, præcesserit nostra promissio, & per consequens de frau- dis vel negligentia commento nostro conqueri non poterunt vestro obsequio militantes. Novit enim Altissimus, quod tunc & omni tempore quo vestro operam



operam dedimus officio, fideliter & diligenter vestra profecuti fuimus negocia & mandata: & juxta vulgare dictum: Ultra posse viri non vult Deus ulla requiri. De eo verò quòd fideles amici & vestra peregrinationis Comites super his affectant congruum adhiberi remedium: credendum est, prout verba sonant, quod iusto præcedente processu non voluntario sed maturo ut culpabiles pro culpa pœna legitima percellant.

Quòd autem Clerici à iudicio secularis potestatis exempti Laicique liberi contra leges & regni consuetudines ac contra formam Magnæ Chartæ capiantur & detineantur inimici, quantum qualeque sit eorum facinus qui hæc agunt; non potest esse incognitum Regiæ Majestati, cum pericula animarum ex his contingentia non solum sacris constitutionibus sint expressa, sed per nos & Suffraganeos nostros per totam nostram Provinciam divulgata sint, & tam clero quàm populo publicata. Et certe Domine Princeps multum timemus; quòd processus in terra vestra facti & habiti his diebus, utinam legitimi & maturi, populi vestri corda (quod absit) à vobis avertent, nisi celerius adhibeatur remedium opportunum.

Nuncii verò vestri qualia ex parte vestra nobis nunciaverunt, non possunt esse tacita vel occulta, ut puta coram Notariis & testibus publice nunciata. Quorum primus, videlicet Dominus Nicolaus de Cantilupo, literas Regias credentiæ sub secreto sigillo secum deferens, credentiamque suam exponens. Nobis injunxit, nosque citavit, ut in Brabantiam infra octo dies tunc sequentes pro certis vestris Regiis debitis quibus fuimus obligati transfretando celeriter dirigeremus gressus nostros, illuc continuè moraturi donec plenè solverentur debita supradicta. Sane alius nuncius, Dominus Radulphus de Stafford quasi peregrè proficiscens & nullam secum literam deferens, nobis dixerat nudo verbo sic. Cito te, quod te trahas versus Regem. Asserens similiter nudo verbo quod minantium insidias non oportuit nos timere. Si ergo nunciata hujusmodi insertis in Epistolis vestris in ea parte clausulis consonantia fuerint, iudicet iustus iudex. Videbuntur cuique circumspecto repugnantia continere, in Brabantiam videlicet divertere & in Angliam pro informationibus hujusmodi obtinendis jugiter permanere. Sciat vestra Serenitas, quòd non timor vanus, superbia, inobedientia, contemptus, vel criminis conscientia à faciei vestra visione delectabili nos retraxit. Sed causa iustissima superius allegata, æquo libramine ponderata. Et ut cum reverentia debita loquamur, licet literæ Regiæ conductus ad Consilia vestra veniendi, morandi & revertendi sufficientes prima facie viderentur, si ad vestra Consilia fuissetis vocati, sicuti non fuimus: Eodem tamen die quo porrectæ fuerant nobis literæ memoratæ, directæ fuere literæ Regiæ Vicecomiti Cantuar. quod nos venire faceret coram vobis & Concilio vestro London. ad respondendum super contemptu hujusmodi Breve de veniendo. Quo tamen zelo iustitiæ vestra conceptum fuerat, novit Deus. Licet ergo Regius conductus in suo casu liberam nobis tribueret recedendi facultatem, natura tamen Brevis hujusmodi coactam nobis imposuit necessitatem inimicorum nostrorum manibus remanendi. Quod non decuit nec decuisset Regiam Majestatem. Semper tamen, sicut prædiximus, parati fuimus & erimus in præsentia vestra Prælatorum, Procerum ac Parium terræ ad obijcienda nobis singula respondere, Statu nostro & ordine semper salvis. Illi autem qui Parlamenti Convocationem impedire nituntur, occasionem non causam legitimam prætendentes, declarationem nituntur effugere veritatis, testante veritate quæ dicitur: *Omnis enim qui male agit, odit lucem.*

<sup>a</sup> Joan III.  
20.

Ad illud autem quod inferitur in Epistolis vestris, videlicet nos Regalis benignitatis beneficiis & honoribus magnificis ampliatos, super quem ut patrem charissimum vester animus requievit; nosque vobis in vitricum onerosum crudeliter esse conversum, beneficiorum acceptorum immemorem & ingratum, illamque retributionem impendimus, quam mus in pera, serpens in gremio, & ignis in sinu suis consueverunt hospitibus exhibere. Tacita falsitate, veritate expressa, ad ingratitudinem hujusmodi nobis Reverentia vestra salva minus veraciter impositam, & magis ex odio dictantis Epistolam quam mittentis, taliter respondemus: ad vocem veritatis.

<sup>a</sup> *Omnis qui dereliquerit propter me patrem vel matrem, uxorem aut filios, domum vel agros, centuplum accipiet, & vitam possidebit æternam.* <sup>a</sup> Marc. X. 29.

Præmissa dicentem invocamus in testem, quod à tempore illo quo vestris insudavimus obsequiis, in tantum juxta scientiam ab Altissimo nobis datam cum omni fidelitate, & diligentia sicut præmissimus, negotiorum vestrorum expeditioni pro honore vestro & salvatione Regni vestri animum nostrum dedimus adeo integrum ad eadem; quod non solum patrem & parentes, & uxorem, id est, Ecclesiam nostram & filios spirituales, domuum & agrorum nostrorum emendationem & culturam reliquimus atque curam; sed die nocteque de vobis & negotiis vestris solliciti multoties transivimus noctes insomnes, nostris laboribus transmarinis & cismarinis aliququaliter non parcentes, utinam non in periculum animæ nostræ, corpus exinanivimus; bona nostra temporalia expendendo quasi pauperes facti sumus.

Et si ista sunt facta vitrici, judicet qui mentiri nescit Omnipotens verax Deus: vobis enim semper fuimus pater gratus, filiis autem nostris spiritualibus, quod dolentes referimus, occasione vestri vitricus onerosus. Mus enim in pera vestra non fuimus, quia in vestris obsequiis non vestra sed nostra corrosimus, quod sentimus; serpentis prudentiam exercendo, non veneni malitiam in gremio effundendo. Ignemque divini amoris & charitatis in sinu vestro non comburentem, sed juxta nobis datum à Domino intellectum illuminantem affectu sedulo accendendo. Pro quibus, ex quo deest humana retributio, nobis retributionem impendat qui est bonorum omnium retributor.

Nec nostram apud Altissimum minuere poterit retributionem Regalium beneficiorum ampliatio nobis imposita ex malitia ut convicimus dictatoris, præsertim cum Magnificentiam Regiam non deceret talia impropria recitare. Non enim per Principum Secularium quorumcunque collationem vel procurationem beneficiis & honoribus magnificis, quibus hætenus potiti sumus, aliququaliter ampliamur, sed per gratam Dei munificentiam, <sup>b</sup> qui de <sup>b</sup> Jac. I. 4. bonis collatis nulli impropert, & omnibus tribuit affluenter.

De illo verò, quod nobis velamine quodam impingitur, nos Regis innocentiam, suorumque Consiliariorum & Officialium Regalem justitiam prosequentium & fidelitatem & diligentiam lacerare, publicè prædicando & literis demandando, quod potestate Regia modernis temporibus contra justitiam populus opprimitur, Clerus confunditur, & Ecclesia exactionibus variis & talliis prægravatur, Si præmissa veritati nitantur, Altissimus bene novit. Vestram enim innocentiam conservare & aliis publicè prædicare mente & spiritu studuimus incessanter omni postposita fictione, pro qua conservanda Deum hætenus deprecati sumus & quotidie deprecamur; & ut subditi nostri pro statu vestro incolumi conservando & foeliciter dirigendo effunderent orationum suffragia, nostris patentibus literis pluries direximus & in posterum faciemus.

Si tamen quorundam vestrorum Officialium præsumptione damnabili absque vestra, ut credimus, conniventia contra justitiam populus plus solito sit oppressus, Clerus & Ecclesia taxationibus variis & talliis prægraventur,



singulis evidenter apparet; cum jam à viris Ecclesiasticis exigatur quod nullatenus concesserunt. Novis etiam legibus non voluntariis & inusitatis sic populus vester regitur his diebus; quod ipsius substantia vix ad victum sufficiens ad ultimam (nisi Deus avertat) paupertatem in vestrum opprobrium deducetur.

Nec talia ad vestram seu Officialium vestrorum, cum in specie nullum nominaverimus, innocentiam lacerandam diximus, proposuimus, seu publicavimus intentione finistrâ; sed ut per ea Regia Majestas remedium apponeret eo citius opportunum, ne per illicita gravamina populi vestri affectio devotionem consuetam, quod absit, <sup>a</sup> averterent amorem in odium divertendo.

<sup>a</sup> l. amitteret.

Et quia Serenitas Regia nobis imponere per suæ literæ dictatoris malevolam voluntatem videtur, quod nomen boni Pastoris quo semper caruimus juxta communem opinionem & confessionem propriam, qua nos Mercenarium nominavimus, nitimur usurpare, fucatum zelum vulpinæ calliditatis fugo perizomate palliatum ad liberationem Ecclesiæ; cujus vexationes si quas in rebus vel personis vestris temporibus sustinuit, nostris duntaxat remissioni & callidis adinventionibus ac reprobis Consiliis sunt tantummodo ascribendæ.

<sup>b</sup> f. respondet.

<sup>c</sup> Joan. XI.

14.

<sup>d</sup> Matth. XIX.

17.

<sup>e</sup> Luc. XVII.

10.

Ad quæ <sup>b</sup> respondemus veritas, sicut materia subjecta permittit. Nam veritas bonum Pastorum se nominat dicens: <sup>c</sup> *Ego sum Pastor bonus*. Nullusque alius dicere se potest bonum pastorem, testante ipsa veritate quæ dicit: <sup>d</sup> *Nullus est bonus nisi solus Deus*. Si ergo prædicando publicè dixerimus nos bonum pastorem non esse sed mercenarium; juxta doctrinam diximus Salvatoris dicentis: <sup>e</sup> *Cum omnia præcepta feceritis, dicite vos servos inutiles*. Et ipsa novit veritas quod nunquam fallaciter seu alio quæsito colore nomen boni pastoris quæsimus usurpare, sicuti non sumus nec esse possumus; sed rejectis calliditate vulpinâ & perizomate antiqui peccati velamento, tales quales sumus pro necessitatis vestræ relevamine & Regni vestri utilitate, quin potius salvatione, cum cæteris Prælati & Cleri nostræ Provinciæ Procuratoribus interposuimus partes nostras, & concedi procuravimus tallias & subsidia alia in Cleri prædicti onus maximum & gravamen, quod per vos nulla culpa nobis possit impingi, communi proverbio attestante. *Si culpent alii: te me laudare necesse est*.

Super eo quod nobis imponitur, quod quasdam Excommunicationum sententias in libertatis Ecclesiasticæ & Magnæ Chartæ violatores in genere dudum latas ad suggillandam opinionem Regiam, & ministros Regios diffamandos, ac seditionem in populo proditoriè fuscitandam, & devotionem Comitum, Baronum, Procerum, & Magnatum Regni vestræ Majestati Regiæ subtrahendam, mandavimus per nostras literas in locis pluribus insignibus publicari. Quia præmissa proditoris crimen in caput nostrum retorquere videntur, quo casu Rex nullus vel Dominus Temporalis judex noster competens esse potest, sicut satis superius est ostensum; protestamur palam & publicè per præsentem, quod per dicta vel dicenda in nullo statui nostro præjudicare intendimus in hac parte, sed Judicis cujuscunque Secularis examen totaliter declinare. Extrajudicialiter tamen ad nostram innocentiam detegendam bene fatemur nec possumus diffiteri; quod excommunicationum quasdam sententias in libertatis Ecclesiæ & Magnæ Chartæ violatores & alios, à sanctis Patribus olim latas, in genere denunciavimus & per alios fecimus nunciari. Regiam tamen personam Regiæ & liberorum suorum, quatenus potuimus, excipiendo specificè atque clarè. Quibus neminem diffamavimus, cum nullum nominaverimus in eisdem. Nec per hoc in populo, salvâ dictantis Reverentiâ, seditionem proditoriè procuravimus, qui vobis in omnibus est in præsentem obediens [nec devotionem] subtrahi fecimus, qui vobis

vobis intendunt per omnia, sicut decet : prout mundus totus poterit intueri. Sed nobis qui novit omnia testis erit quod Magnates & populares Regni vestri quatenus nobis fuit possibile semper induximus publicè & privatim, ut vos intimè diligerent, vobis in agendis publicè assisterent, & vos toto posse juvarent.

In fine verò Epistolarum vestrarum multa videntur contra nos ad fuggillationem famæ nostræ dicta, & generaliter recitata, videlicet quòd vos in minori ætate constituti improvido nostro Consilio donationes prodigas, alienationes prohibitas, gratiasque fecistis aliquas excessivas, ita quòd per eas ærarium vestrum totaliter est exhaustum : ulterius asserentes quòd munerum acceptione corruptos magnas pecuniarum summas vobis debitas sine causâ rationabili remisisse, pluresque fiscales redditus & proventus nostris nostrorumque usibus applicasse; quodque non solum munerum sed etiam personarum acceptor existens contra votum vestrum & præstitum vobis fidelitatis solitum iuramentum, ad officia publica, in terris vestræ ditioni subjectis, dignis & bene meritis postpositis & repulsis, indignos admisimus; multaque alia animo infrunito temere attentare præsumpsimus in Statûs Regii detrimentum, & dignitatis Regiæ læsionem, in damnum populi & gravamen : potestate nobis traditâ, & commisso nobis officio abutendo.

Præmissâ iterum protestatione huiusmodi, quòd Regia Majestas in his perjurium per viam criminis nobis ut videtur imponit, quo casu iudex noster non estis, sicut necesse potestis. Ad generalia tamen generaliter respondemus, quod juxta discretionem nobis à Deo datam in vestris existentes Officiis, Regiæ Majestati vestræ fideliter deservivimus, sanaque Consilia iudicio nostro vobis dedimus in agendis : donationibus prodigis ac alienationibus prohibitis, gratiisve excessivis, seu magnarum pecuniarum summarum vobis debitarum remissionibus sine causâ rationabili per vos factis, munerum corruptione, odio, amore vel favore, nullum fallaciter præbentes assensum, sed honorem vestrum & commodum in his & aliis pro viribus conservando. Et quia donationibus variis aliquoties restitimus, à Regiis servitoribus reportavimus sæpius malas grates. Et si in specie constiterit de præmissis singulis; congruum daremus responsum.

Nostræ enim memoriæ non occurrit ad præsens, quòd donationes aliquas magnas nobis præsentibus & scientibus fecerit Regia Celsitudo. His dumtaxat exceptis, quas certis Comitibus per vos nuper creatis denuo ex consensu Parliamenti in Regio vestro Palatio tunc apud Westmonast. celebrati, largitione Regia contulistis, quas tunc credidimus & adhuc credimus non in præjudicium Regium factas esse, sed & ad vestrum cedere commodum & honorem. Docet enim rerum experientia, qualem locum pro vobis & regno hætenus tenuerunt, quantaque pro vobis passi sunt & patiuntur ad præsens. De excessivis verò gratiis seu remissionibus Regiâ liberalitate factis non recolimus in præsentem nisi de remissione debitorum toti populo vestro Anglicano, in ultimo Parlamento vestro nobis tunc præsentibus apud Westmonast. convocato, voluerit intelligere vestra Serenitas; quæ eâ occasione ex consensu Regio & totius Parliamenti concessa fuerat vestra majori utilitate pensata, ut Communitas nonam concederet supradictam, nec alio modo consentire voluit dicta Communitas ad nonam prædictæ subsidium faciendum : quod nobis ratione prævia non poterit imputari.

Dictis vero generalibus juxta juris exigentiam specialius declaratis, ad declarata responsa dabimus satis clara. Unum tamen non omittimus, de quo miramur nobis objectum, quod nostris & nostrorum usibus Regios applicavimus redditus & proventus : quia novit in cælo justus iudex residens, quod nec terras Regias, redditus vel proventus aliquos nobis vel nostris hætenus applicavimus, nec unquam applicare volumus; sed in vestris & parentum



vestrorum negotiis, pro quibus triginta duabus vicibus mare transivimus, & versus Scotiam eundo multoties & redeundo, aliisque variis vestris agendis in tantum de nostro expendimus, quod de marsupiiis nostris dici potuit sicut superius dicitur: *Modicum ibi, modicum ibi*. A principio enim guerræ usque in diem præsentem ab ærario Regio nihil recepimus trecentis libris exceptis. Sicque malum excogitatum contra nos proponitur; laborum, expensarum, & nostræ gratitudinis nullus memoriter recordatur. Ideo dicere potero cum

<sup>a</sup> Job VI. 2. Job: <sup>a</sup> *Utinam appenderentur peccata mea quibus iram merui, & calamitas quam patior in faterâ.* Certe quasi arena maris hæc gravior appareret. Personarum verò acceptatores, Deo teste, nunquam fuimus; sed Regiam utilitatem semper præponere cupientes, ad officia publica quibuscunque terris & locis vestræ ditioni subjectis dignos præfecimus & præfici procuravimus, quatenus humana conditio mores hominum scire permisit juxta scientiam & possibilitatem desuper nobis datam, dona vel munera propterea à nemine admittentes. Et si quis dicere voluerit & probare, quod munera vel pecuniam ab aliquibus receperimus occasione præmissâ; parati erimus querelantibus omnibus & etiam specificandis quandocunque Regiæ placuerit Majestati secundum legem Regni & consuetudinem respondere: Honore Dei, statu & ordine nostris in omnibus semper salvis. Scientes, Serenissime Princeps, quod si sanâ conscientia Consilii vestri arcana vobis revelare liceret, ostenderemus apertissime toti mundo, quibus omnium præmissorum defectus justo Dei ac hominum veracium judicio imputari debet. Hæc ad Libellum famosum responsa sufficiant in præsentem: & utinam propter honorem Regium nunquam scriptus & publicatus fuisset. Quin licet famam nostram suggillare prima facie videatur; consideratis tamen considerandis & scriptis in illo, non sine proditoris Regis & Regni maculâ & animæ suæ periculo justo judicio evadere poterunt qui libellum hujusmodi dictaverunt, seu in his præbuerunt consilium vel consensum, vel in eo contenta ad nostram injuriam recitarunt, seu ad nostram infamiam publicarunt. Quod corde perfecto considerare dignetur Majestas Regia: quam incolumem & sibi placabilem conservare Rex ille dignetur per quem Reges regnant & Principes dominantur.

Rex contra dictum Archiepiscopum fecit postea publicari alias literas.

#### Literæ Excusatoriæ Domini Regis, contra Archiepiscopum.

**E**Dwardus Dei gratiâ Rex Angliæ & Franciæ & Dominus Hybernæ, Episcopis Angliæ salutem. Cicatrix cordium superbia quæ semper ascendit, plerumque morbos generat ex remediis, & ex medicina languorem. Et hoc probat Johannes Cantuariensis Archiepiscopus & ejus fastidiosa præsumptio; qui cum pridem de nobis & nostris quædam sinistra, sicut incusatoriis literis super hoc vobis & aliis directis plenius continetur, publice prædicasset, & ea mandasset in locis pluribus insignibus publicari; jam prioribus injuriis injurias cumulans graviores, excusationes nostras veras, quas ad medellam læsæ dignitatis & famæ Regiæ providimus nostris literis intimari: nititur exquisitis machinationibus impugnare, & per novas literas vobis & aliis destinatas calumnioso calamo stiloque mendaci gravius & durius diffamare. Et licet sit de more Summorum Pontificum, Cardinalium, & Prælatorum inferiorum affatus & Regias literas benigne accipere; ipse tamen dictas excusatorias nostras iusta & vera, quod congruis loco & tempore clarè probare proponimus, continentes, detestabiles & libellos famosos intitulat: in nostro nomine maculam falsam ponens, quia si quis gerens salutis publicæ custodiam,

scripta



scripta probare crimina sit paratus, si assertionibus suis opitulata fuerit veri fides, à culpa famosi carminis excusatur, & habetur ex hoc laude dignus. Ipse etiam non servato more majorum, qui Principes suos colere solent & diligere, & pro eis obsecrationes, orationes, postulationes, ac gratiarum actiones à se & aliis fieri, facere, & ipsos instruere in spiritu lenitatis; contra nos & laterales nostros in elationis spiritu temerariæ factionis & inventionis perversæ telam orditur, iniquitatem suam prolongando, & quærens solatium miserorum plures habere consortes in pœna, & quod deterius est, in peccato. Suffraganeos suos & alios devotos, & fideles nostros mendacii sermonibus in nostros præcipitare sategit irreverentiam & contemptum; & quamvis apud Deum non gradus elongatior, sed vitæ melioris actio comprobetur, glorians in altitudine status sui sibi tanquam Christo legato reverentiam exigit, quam nobis à se debitam non impendit. Quinimo cum ipse & alii Regni Prælati, qui de nobis Ecclesiarum suarum recipiunt Temporalia, ex debito fidelitatis juratæ fidem, honorem & reverentiam debeant exhibere, solus ipse pro fide perfidiam, pro honore contumeliam, & contemptum pro reverentia reddere non veretur. Unde etsi parati simus & semper fuerimus Patres Spirituales ut convenit revereri; eorum tamen offensas, quas in nostri & regni nostri periculum redundare conspiciamus, non debemus conniventibus oculis præterire. Conqueritur idem Archiep. contra se absentem inauditum, & indefensum crimina quædam in præfatis literis nostris excusatoriis objecta fuisse, & se capitalium scelerum judicatum; ac si nos ut fatue prætendit, processerimus criminaliter ad summam contra ipsum: quod utique non est verum, cum solius excusatoris vices dumtaxat implevimus necessitate compulsi, ne famam nostram negligere videremur. Sed videat calumniosus reprehensor, si in caput suum hæc querela iuste valeat retorqueri, qui nos Regem suum & Consiliarios nostros absentes, & inauditos, & indefensos, nec convictos, oppressores & transgressores falsò & malitiosè verbis assertivis descripsit. Eum meritò culpa redarguit, qui reprobatum à se crimen incurrit, & in quo alium judicat seipsum condemnat, dum in eodem ipse reprobus invenitur. Ad hoc licet non nostris utilitatibus sed propriis cupiditatibus studuerit inservire; improperat tamen & jactat se Regiis negotiis, ut verbis ejus utamur, laborum fastigio defudasse, unde Dei & hominum timer gravissimas offensas multipliciter incurrisse. Et hoc jussè timere poterit, cum in illorum sorte censetur, qui juxta Propheticum improprium docuerunt linguas suas loqui mendacium: & ut iniquè agerent, laborarunt. Cæterum ad alia quædam fabulosa & fucata verba in ipsius literis Archiep. comprehensa, licet ea possemus rationibus luce clarioribus confutare, ne sermonem protrahamus, duximus ad præsens non dare responsum. Sed quia non decet cum homine contentioso funem trahere, nec ejus perversitatibus consentire; vobis in fide & dilectione, quibus nobis tenemini, firmiter injungendo mandamus; quòd non obstante quocunque mandato ipsius Archiepiscopi, cui in derogationem honoris & juris Regii contra fidelitatis juramentum nobis præstitum obedire non debetis, ad publicationem eorum, quæ in præfatis literis nostris excusatoriis continentur, juxta ipsarum seriem procedatis. Et quia de conservatione jurium & prærogativarum nostrarum Regalium, quæ progenitorum nostrorum Regum digne recolenda prioritas magnificè defensavit, sumus, ut debemus, solliciti; ac idem Archiepiscopus ad concitandum contra nos Clerum & populum, & ad impediendum expeditionem guerræ nostræ, quam per ejus Consilium assumpsimus, quasdam denunciationes & publicationes sententiarum, excommunicationum, ac monitiones injuriosas, ac juri coronæ & Regiæ dignitati nostræ præjudiciales, cum per eas nitatur in multis articulis à nobis auferre jurisdictionem nobis notoriè competentem, ejus cum sumus Rex inunctus, capaces esse dignoscimur, & qua nos & progenitores nostri



nostri scientibus & tolerantibus Summis Pontificibus ac Prælatibus & Clero Regni nostri usi sumus pacificè ab antiquo, fecit & per alios fieri & publicari mandavit, in Majestatis nostræ læsionem & jurium ac prærogativarum nostrarum Regalium derogationem manifestam: vobis districtè & sub incumbenti periculo prohibemus; ne publicationes, denuntiationes seu monitiones hujusmodi indebitas, & juribus ac prærogativis Regiis derogatorias & præjudiciales, vel alia per quæ fideles nostri contra nos concitari, vel expeditioni guerræ nostræ in subversionem nostri & fidelium nostrorum possit, quod absit, aliququaliter impediri, ad mandatum ipsius Archiepiscopi vel alterius cujuscunque per vos vel alios faciatis, vel quantum in vobis est, ab aliis fieri permittatis. Et si quid per vos attentatum fuerit, celeriter revocetis. Teste meipso apud Turrim London. 31. die Martii, Anno Regni nostri Angliæ XV. regni vero nostri Franciæ secundo.

Qualiter Archiepiscopus recessit de Cantuariâ versùs  
Parliamentum.

Cumque idem Archiepiscopus pro suis æmulorum vitandis insidiis in Ecclesiâ Cantuariensi à secundo die Decembris in Festo Regressionis S. Thomæ Martyris ab exilio, usque in diem Mercurii XVII. diem Aprilis, anno Domini MCCCXLI. continuam moram traxisset; ipse summonitus ad Parliamentum apud Westmonasterium in quindenâ Paschæ tenendum, & habitâ Protectione Regiâ salvi conductus de veniendo & redeundo, continuatis dietis suis per Maneria Archiepiscopatus, tandem idem Archiepiscopus in Festo S. Georgii, qui fuit primus dies Parliamenti, venit apud Lamheth. Sed illo die non ad Parliamentum accessit; & in crastino una cum London. & Cicestr. Episcopis, & magnâ multitudine Clericorum & Armigerorum apud Westmonasterium [venit]; & in introitu hostii Magnæ Aulæ obviavit eidem Archiepiscopo Dominus Radulphus Baro de Stafford, Hospitii Regii Senescallus, & Dominus Johannes Darfy, Camerarius Regis, cum Servientibus Armorum, dicentes sibi ex parte Regis; quòd obijcienda sibi primò in Scaccario Regis respondere deberet, antequam Parliamentum intraret. Et ipse Archiepiscopus respondebat statim eis; quòd ad hoc tunc diem non habuit, sed ad interessendum Parlamento Regi unâ cum Paribus dicti Regni. Nichilominus ad placendum Regi, intravit Scaccarium; & Articulis sibi expositis, dixit se velle deliberare super ipsis. Et hoc peracto, ad Cameram Regis depictam accessit; & ibi in loco Parliamenti assignato sedebat, cum London. Cicestr. Coventr. & Lichfeld. ac Menevensi Episcopis; quibus dixit: quòd hæc est causa adventus nostri. Et primò pro honore, juribus & libertatibus Ecclesiæ Anglicanæ. Secundò, pro utilitate publicâ & commodo Regni & populi. Tertiò, pro honore Regis, & bono Reginæ ejus. Quartò, ad purgandum se in pleno Parlamento super criminibus sibi impositis & publicatis. Quintò, quòd vocatus ad Parliamentum per Breve Regis, venit ad faciendum quod sibi incumbit. Et quasi hora nona tunc erat; ex præmunitione Robertus Bourser Cancellarius Angliæ prorogavit diem usque in Crastinum. Dicti Episcopi ad propria redierunt. Et in Festo S. Marci Evangelistæ, idem Archiepiscopus rediit apud Westmonasterium, intrans Cameram depictam; & sedebat ibi cum Episcopis. Sed Rex tunc præsentiam suam non exhibuit; & unusquisque ad propria remeavit. Et die Jovis sequenti idem Archiepiscopus intravit Scaccarium, super Articulis sibi objectis Regis Consiliarios informavit; nil aliud faciens illo die. Die Veneris post Festum S. Marci, idem Archiepiscopus apud Westmonasterium rediens,



diens, obviârunt sibi in ostio Magnæ Aulae Domini Johannes Darfy. Egidius de Bello campo, Radulphus de Nevyle; præcipientes sibi, ut Scaccarium intraret, super Articulis sibi objectis informationem facturum pleniorum. Quibus respondit; quod ad Parliamentum citatus erat, & ideo locum Parliamenti intrare vellet, & non Scaccarium illâ vice: & sic recessit ad Cameram Depictam: ibi sedens cum Radulpho London. Roberto Cicestr. Simone Elien. Roberto Coventr. Radulpho Bathon. Thoma Herford. Roberto Sarum, & H. Meneven. Episcopis: ad quos Rex non curavit venire: & Adam Episcopus Wynton. & Bouffer, & Johannes Darfy intrantes ad eos, ex parte Regis injunxerunt Archiepiscopo, quod obediret & humiliaret se Regi; asserentes, quod in eo gratiam inveniret. Quibus Archiepiscopus dixit; quod semper fuit sibi obediens & erit, salvo ordine suo & statu. At post hæc idem Wynton. Episcopus erga Cantuariensem [dixit] quod Literas Regias famosas contra eum publicatas, per ipsum, ut dicitur, factas non concepit; sed se excusavit ore tenus. Cui Archiepiscopus dixit nihil: sed juxta assignationem, omnes ad propria recesserunt. Et die Sabbati sequenti, in Festo S. Vitalis idem Archiepiscopus apud Westmonasterium rediens, venerunt ad eum duo Servientes Armorum, dicentes Archiepiscopo ista verba: Pater, non capiatis pro malo. Inhibitum est nobis, ne vos Cameram Depictam Regis, ubi Rex Parliamentum suum tenet, ingredi permittamus: quibus ipse Archiepiscopus dixit molestè: [Amici mei, Dominus meus Rex me Johannem Archiepiscopum ad hoc Parliamentum per Breve suum vocavit; & ego major post Regem primam vocem habere debens, jura Ecclesiæ meæ Cantuariensis vendico; & ideo ingressum istius Camerae peto. Sed idem Servientes sibi & Episcopis London. & Cicestr. secum assistantibus negârunt expressè. Et Archiepiscopus Crucem suam bajulans, se à dicto loco nullatenus recessurum asseruit, donec à Rege aliud in præceptis haberet]. Et modico facto intervallo, accesserunt ad Archiepiscopum Johannes Darfy senior, Egidius de Bello campo, Johannes Darfy junior, & Thomas Medham, Milites. Et voce furibundâ Johannes Darfy senior dictum Archiepiscopum sic alloquitur: En quid facis hîc? Cui Archiepiscopus respondit: Ego ex Breve Regis ad hoc Parliamentum vocatus, pro jure Ecclesiæ meæ vindicandæ hîc sto & stabo ad ingrediendum Parliamentum. Cui Johannes Darfy malefico vultu dixit: Utinam ibi stes perpetuò, & nunquam recedas. Ad hæc Archiepiscopus malitiam eorum considerans, dixit: Hîc est corpus paratum; de quo facere poteris, quod volueris. Animam meam spero reddere Creatori. Cui Tyrannus. Non sic, non sic: non tu ita dignus, nec nos ita fatui; sed tu inobedienter ad Ligium Dominum tuum venis. Cui Archiepiscopus. Ego tanquam obediens Domino meo Regi humiliter venio; & Crucem meam hîc in manibus meis gesto: Et paratus sum hîc pro jure Ecclesiæ meæ mortem subire. Cui Tyrannus: Non es dignus Cruce illâ, quam gestas, nec ingredi Parliamentum; quia semper fuisti malus, & falsò deservisti Domino tui Regi. Et quicumque dixerit, quod Dominus Rex non sit seniori ductus Consilio, quàm fuit tempore tuo; mentitur per os suum: & hoc probabitur, si sit opus, in corpus cujusunque, corpore tuo salvo propter honorem dignitatis. Et consequenter alius Tyrannus Egidius dixit Archiepiscopo. Tu maledictè in malâ horâ fuisti natus; quod tu nobiliorem hujus mundi Principem & negotia Regni Franciæ impedis, & impedivisti à diu. Cui Archiepiscopus [Maledictio Dei & B. Mariæ, & S. Thomæ, & mea, qui dictum Regem impedierunt taliter, sit super eorum capita nunc & semper, Amen.] Cui Johannes & Egidius: Tunc illa maledictio super caput tuum veniet. Et Archiepiscopus dicto Johanni dixit: De verbis tuis probrosis non curo. Sic maledicti Milites cum indignatione populi recesserunt. Et idem Archiepiscopus cum Episcopis prædictis adhuc ante ostium Camerae expectantes.

Verba ista ex  
Byringtono  
citât Parkerus,  
Antiq. Britan.  
pag. 236.

Ista itidem ex  
Byringtono  
citât Parkerus  
ibid.



<sup>a</sup> Sensus legendum postulat non permit-  
tor.

<sup>b</sup> l. dicebat.

Ista etiam ex  
Byrchingtono  
citatur Parkerus  
ibid.

<sup>c</sup> Cicestr.

tes. Tandem exierunt Comites Northampton. & Sarum. quibus ibidem Archiepiscopus sic alloquitur: Ego Archiepiscopus Cantuariensis vocatus ad Parliamentum Regium veni, sicut teneor; sed ingredi non <sup>a</sup> deberent. Rogo vos Dominos, quod hoc Domino Regi intimare velitis; ex parte meâ ipsum rogantes, quod jus Ecclesiæ Cantuariensis dignetur servare. Qui quidem Comites hoc sibi annuentes, idem Archiepiscopus postmodum cum Episcopis, & cum Domino Simone Eliensi Episcopo crucem dicti Archiepiscopi de manu suâ capiente, parvam Aulam Westmonasteriensem est ingressus; & ibidem cum Co-episcopis suis per aliquod tempus mansit. Tandemque cum ipsis Prælati & Paribus Regni Cameram Depictam & Albam ingrediens; ubi tractatu pacis habito ab eodem Archiepiscopo Rex Angliæ se retraxit. In quo quidem tractatu Adam Wynton. Episcopus cæcus, tanquam amator discordiæ, tunc dicti Regis Consiliarius principalis, de falsitate per Pares prædictos convictus fuit super eo, quod falsò imponebatur dicto Archiepiscopo; quod ipse, dum erat Regis Consiliarius, quandam declarationem Homagii Regis Angliæ faciendam Regi Franciæ ex capite suo absque consultu fecisse <sup>b</sup> debebat, quod idem Wynton. nichil scivit de tractatu aliquo nec recoluit; quia tunc fuit Nuncius Regis unâ cum Domino W. Ayreminine tunc Episcopo Norwicensi, & cum Domino Comite Hanoniæ, Henrico de Percy, Johanne Sordych, ad tractandum cum Rege Franciæ; & deputatus ab eo super negotio antedicto. Et quia Rex Angliæ non venit ad tractandum super his cum Proceribus suis; ipsi Nuncii discordes ab invicem recesserunt. Die Dominicâ sequente idem Archiepiscopus apud Lamhetham pausavit in pace. Et eodem die Domini Johannes Darfy & Wilhelmus Kylesby, totius discordiæ incentores, coram Majore, Aldermannis ac Communitate Londoniæ, in Capitulo Westmonasteriensi congregatis, tractatu habito, plures Articulos fabricarunt, & contra eundem exposuerunt Archiepiscopum; ut sic contra eum dictam Civitatem malitiosè excitarent. Et die Lunæ sequenti, ultimo die Aprilis, simili modo Communitati Angliæ hujusmodi Articuli, per conspirationem, ut præmittitur, fabricati, fuerant publicati: ut sic ipse Archiepiscopus totius Communitatis Angliæ perderet voluntatem; volentes ipsum Archiepiscopum exulem fore à cordibus Anglicorum; personarumque Ecclesiasticas & totum populum avertere ab eodem: nil aliud ipso die in Parlamento agentes. Primo die Maii, anno Domini MCCCXLI. idem Dominus Archiepiscopus veniens bene manè apud Westmonasterium [de omnibus Articulis sibi undecunque impositis in pleno Parlamento se optulit purgaturum. Unde electi fuerunt XII. Pares Regni Angliæ; viz. London. Herford. Bathon. & Exon. Episcopi; necnon Arundel. Sarum. Huntingdon. & Suffolc. Comites: ac etiam Domini Henricus de Percy, Thomas de Wak, Radulphus Basset, & Radulphus de Nevil Barones;] ut ipsi habitis in eâ parte informationibus dicerent Regi, quod consultius sit agendum. Die Mercurii sequenti, idem Archiepiscopus in Albâ Camerâ Westmonasterii coram Rege existens, iteratò petiit, quod de sibi impositis se posset in pleno Parlamento purgare. Sed dicti Regis Consilarii nolebant ipsum audire. Unde idem Archiepiscopus dixit, *Imminente periculo, necessitate laborare*, volens se coram omnibus excusasse publicè. Sed dicti Regis Consilarii verba sua interrumpentes non permittebant ipsum ulterius prosequi; quod continuantes Parliamentum usque in Crastinum tunc sequentem. Die Jovis in Festo Inventionis Sanctæ Crucis, anno prædicto coram Rege, in pleno Parlamento apud Westmonasterium, idem Archiepiscopus cum London. <sup>c</sup> Cistr. Sarum. Bathon. Coventr. Herford. Exon. Meneven. Dunelm. & Karolien. Episcopis, necnon Arundel. Sarum. Huntingd. Exon. Meneven. Pembrok. Suffolk. & Anegos, Comitibus; ac Westmonast. S. Augustini Cantuariens. S. Albani, S. Edmundi, & de Wynchestr. Abbati-



Abbatibus, ac etiam Dominis de Wak, de Percy, de Warkle, Henrico de Spenſer, Henrico de Feres, Petro de Monteforti, Richardo Talebot, ac Johanne de Gray, Baronibus; ac domino Johanne Darſy, Camerario Regis, Bartholomæo de Burgerſh, & cum Majore London. ac Baronibus Quinque Portuum, ac Militibus Communitatis Angliæ, coram Domino Rege ſtantibus, & pro dicto Archiepiſcopo ſupplicantibus; Rex idem Archiepiſcopum ad ſuam admittit gratiam, & ipſum ſuper criminibus ſibi impoſitis excuſatum habuit undequaque.

### Reaſſumptio Archiepiſcopi ad Concilium Regis.

**P**oſtmodum poſt dies paucos Dominus Rex reaſſumpſit eundem Archiepiſcopum, tanquam prudentiorem & ſagaciorẽ totius Regni Angliæ, ad ſuum Privatum Concilium; & factus eſt ei principalis Conſiliarius in agendis, anno Domini MCCCXLII. [apud] Hogges in Normanniâ. Anno Domini MCCCXLVI. idem Rex Angliæ pro recuperatione juris ſui quod ad Regnum & in regno Franciæ ex ſucceſſione hæreditatis obtinebat, XVII. die Julii cum Exercitu ſuo applicuit apud Hogges in Normanniâ: & ibidem præſens erat Bertrandus Senecaſſus Franciæ; qui ſub pœnâ capitis ſui erga Dominum Philippum de Valeys dicentem ſe Regem Franciæ manuceperat; quod cum ducentis viris armatis dictum portum de Hogges viriliter cuſtodiret, ne rex Angliæ cum ſuo exercitu Terram Franciæ ibidem intraret. Unde ipſe Mariſcallus tam dictum Portum quàm apud Warſlete cum palis, ſicut potuit, obturavit; & ad reſiſtendum regi Angliæ cum potentiâ & manu armatâ mille equites & ſex millia peditum congregavit. Sed ab eis ipſum Regem Dei potentia liberavit. Itaque Rex Angliæ de inimicis ſuis victoriam reportavit. Quibus ſic peractis, idem Cantuarienſis Archiepiſcopus circa bonum regimen Regni Angliæ totis viribus laborabat. Poſt hæc circa regimen curæ paſtoralis intentus, apud Maydeſtan. graviter infirmatur; & de diebus indies languescens, tandem continuatis diebus ductus fuerat apud Maghfeld: ubi condito Teſtamento omnia quaſi per eum legata Familiæ ſuæ, dum vixit, donavit inter vivos, & ſerè Teſtamentum ſuum complevit. Prædicens familiaribus ſuis ſæpius mortem ſuam, & die Sabbati in Vigiliâ S. Bartholomæi Apoſtoli, anno Domini MCCCXLVIII. & ſuæ Tranſlationis XV. idem Archiepiſcopus, auditâ Miſſâ, de B. Mariâ, circa horam primam dicti diei in ſanâ memoriâ obiit apud Maghfeld. Et ante mortem ſuam prædixit Magiſtrum Simonem de Iſlep ſuum Succeſſorem futurum fore debere. Hic ſingulis diebus XIII. pauperibus de manè, [eleemoſynam dedit] quibus XIII. denarios & cuilibet unum panem. Et ad nonam aliis XIII. pauperibus ante prandium; quibus unum panem album, potellum cereviſiæ, potagium, bonum ferculũ carniũ ſive piſcium, omni die; & poſt Veſperas aliis XIII. pauperibus, quibus unum panem & unum denarium; propriâ manu, dum vixit, humiliter miniſtravit; præter eleemoſynas fragmentorum domũ ſuæ ad magnam multitudinem pauperum undique confluentium; quibus largiter diſtribui per Eleemoſynarium ſuum fecit: & multas eleemoſynas mulieribus puerperio decubantibus; & aliis indigentibus privatas eleemoſynas multas fecit. Hic erga ſubditos benignus & miſericors nullum privando, ſed potiùs in omnibus quibus potuit diſpenſando. Die Martis in craſſino Nativitatis eodem anno corpus ipſius Archiepiſcopi in Eccleſiâ Cantuarienſi juxta Summum Altare in parte Auſtrali honorificè traditur ſepultura.



## JOHANNES OFFORD.

*Johannes Offord*, Legum Doctor eximius, Decanus Lincoln. & Cancellarius Angliæ successit : & ad preces Regis Angliæ Clemens Papa VI. pontificatus sui anno VII. & VIII. Calend. Novembr. anno Domini MCCCXLVIII. spretâ Electione concordî de Magistro Thoma Bredwardyn, magno Theologo, providit eidem Johanni ; & ipsum per Bullas suas præfecit in Archiepiscopum & Pastorem. Hic Johannes fuit vir magnæ eloquentiæ, & in Concilio providus. Ab ipso Papa multas grates reportavit ; quod ipsemet vel alius effectum nullum habuit, quia ipse tempore parvo vixit. Anno Domini MCCCXLVIII. statim post finem Natalis Domini incoepit communis mortalitas gentium ; & duravit continuè usque ad finem mensis Maii anno Domini MCCCXLIX. In quâ quidem pestilentia vix tertia pars hominum remansit in vitâ. Tunc quoque tantâ raritas Presbyterorum & paucitas erat ; quod Parochiales Ecclesiæ inofficiatæ penitus remanserunt : & personæ Beneficiatæ à curis Beneficiorum suorum præ timore mortis diverterant ; ubi morari poterant, nescientes. Et quia tunc nullus servitores habere poterat ; necnon mendicare malentes ocio, quàm per laborem quærere vitam suam : Dominus Rex cum suo ordinavit Concilio, & statuit ; quod quilibet homo & fœmina Regni Angliæ potens in corpore ad laborandum, infra ætatem LX. annorum, non vivens de mercaturâ, nec certum exercens artificium, non habens de proprio unde vivere, vel terram propriam de qua circâ agriculturam se poterit occupare, & alteri non serviens, si de serviendo requisitus fuerit ; illi servire tenetur, qui illum sic duceret requirendum ; quodque percipiet vadia, liberationes & stipendia consueta. Et præterea ordinatum fuit ; quod omnes artifices & operarii pro labore non caperent ultra id quod fieri communiter consuevit. Hic Cantuariensis Electus circa finem Mortalitatis hujus in Vigiliâ S. Augustini Anglorum Apostoli apud Totenham mense Maii diem suum clausit extremum ; & VII. Die Junii anno Domini MCCCXLIX. post Matutinas in Ecclesiâ Christi decantatas, secretè juxta locum ubi S. Thomas Martyrizatus fuerat, est sepultus de nocte.

## THOMAS BREDWARDYN.

*Thomas Bredwardyn*, sacre paginæ professor Solempnis, de Parochiâ de Hertfeld Cicestrensis Dioceseos oriundus, Canonicus Lincolnienfis, per Electionem Canonicam & per provisionem Apostolicam successit. Hic primò erat Confessor Regis Angliæ ; cum quo in Regno Franciæ & in Normanniâ fuerat ; ipsum Regem & exercitum suum salubribus monitis docuit & exemplis ; adeò quòd solius Dei potentiâ, & non in multitudine armatorum Rex Angliæ tandem suorum habuit victoriam æmulatorum. Hic Thomas, magnus Theologus & famosus primò post mortem Johannis de Stretford Cantuariensis Archiepiscopi per Priorem & Capirulum Cantuariensem penultimo die Augusti, anno Domini MCCCXLVIII. primitus, & deinde IV. die Junii, an. Domini MCCCXLIX. iteratis vicibus est electus. Sed Dominus Clemens Papa VI. de hujusmodi Electione inscius, & antequam præsentata fuerat Electio hujusmodi, providit auctoritate Apostolicâ eidem Magistro de hujusmodi Archiepiscopatu XIII. Calend. Julii anno prædicto. Die Dominicâ in Vigiliâ S. Margarete eodem anno, dictus Thomas Cantuariensis Electus, apud Avinionem existens, ibidem tunc consecratus fuit in Archiepiscopum Cantuariensem in Ecclesiâ Fratrum Minorum per Dominum Bertrandum Ebre-

dunensem

dunensem titulo S. Marci Presbyterum Cardinalem, una cum aliis Episcopis & Abbatibus astantibus aliisque Cardinalibus in Curia presentibus tunc ibidem. Die autem consecrationis hujusmodi Dominus Hugo Cardinalis Tutelenfis, germanus Papæ, dum ipse Archiepiscopus in mensa sederet, fecit fieri eidem Archiepiscopo magnum vituperium per quendam super asinum equitantem; de quo malè contentabantur ceteri Cardinales. Deinde Domino Papæ & Cardinalibus, ut moris est, visitatis, Archiepiscopus iter suum versus Angliam arripiens, die Mercurii XIX. die Augusti applicuit Dovorram; & dicto die apud Castrum fuerat hospitatus; & deinde progrediens, apud Chertham; & continuatis diebus veniens apud Dertford, & die Sabbati in Vigiliâ Assumptionis B. Mariæ veniens ad Regem apud Eltham, ibidem liberationem Temporalium suorum habebat. Et eodem die accedens ad Manerium Roffensis Episcopi apud Lamheth. ibidem hospitatus fuit die Dominicâ in Festo Assumptionis B. Mariæ, die Lunæ, die Martis, & die Mercurii sequentibus: quo die Mercurii ibidem mortuus est; & die Sabbati in Festo Decollationis S. Johannis Baptistæ in Ecclesiâ Cantuariensi humatus est. Sicque tres Vacationes Cantuariensis Ecclesiæ in uno & eodem anno, exceptis quinque diebus, casualiter contingerunt.

S I M O N de I S L E P.

*Simon de Islep*, Canonicus Lincoln. eidem Thomæ successit per Provisionem Apostolicam, ipsetâ electione factâ de eo. Hic erat prius Portitor Sigilli privati Regis, & ejus Secretarius, homo quidem Deo devotus, & hominibus graciosus. Die Dominicâ in Vigiliâ S. Thomæ Apostoli anno Domini MCCCXLIX. in Ecclesiâ S. Pauli London. per Dominum Radulphum Episcopum London. adscitis Domino Willelmo Wynton. Episcopo, & Domino J. Menevensi Episcopo, Comprovincialibus, fuit auctoritate Apostolicâ consecratus, & postmodum in Ecclesiâ Cantuariensi intronizatus secretè, moderatis sumptibus & expensis. Hic visitavit Diocesin Cantuariensem in quâ certas Ecclesiasticas personas privavit; & contra alios cum rigore processit. Et deinde Diocesim Roffensem & Cicestrensem perfunctoriè visitans, postmodum in suis Maneriis morabatur, suos subditos per citationes multipliciter fatigando. Hic autem Palatium Cantuariense receptis ab executoribus Johannis Archiepiscopi Cantuariensis pro destructibus domorum mille Marcis, fecit nobiliter reparari; & Manerium de Wrotham penitus demoliri, & ex lapidibus ibidem Manerium de Maydestan, quod ibidem Archiepiscopus Johannes incœperat construere, emendari fecit, novam ibidem Cameram faciendo. Hic impetravit Literas Apostolicas pro subsidio communi in relevationem suorum onerum eidem concessio per Diocesin & provinciam Cantuariensem, videlicet IV. denariorum de Marcâ; sed per astutiam Clericorum suorum, ostensis Clero dictis Literis Apostolicis in Ecclesiâ de Maydestan, sed non lectis, à subditis suis plenam Decimam sic extorsit; & ab aliis Provinciæ Cantuariensis IV. denarios de Marcâ duntaxat habuit secundum Bullam. Anno Domini MCCCCLIII. XX. die Aprilis apud Westmonasterium coram Rege Angliæ, Simon Cantuariensis & Johannes Eborac. Archiepiscopi, <sup>a</sup> antequam contentionem super bajulatione Crucis utriusque Archiepiscopi de concessu Regis in utraq. Provinciâ faciendâ, præter consensum Prioris & Capituli Cantuariensis privatim formâ quæ sequitur concordârunt. *Videlicet idem Cantuariensis Archiepiscopus & successores sui Archiepiscopi Crucem suam in Civitate, Diœcesi & Provinciâ Ebor. ante se liberè deferri facient ubicunque. Et idem Ebor. Archiepiscopus & Successores sui ibidem Archiepiscopi, in Civitate, Diœcesi & provinciâ Cantuariensi ante se liberè deferri facient absque turbatione quacunque. Sed idem Johannes Archiepiscopus & quilibet ejus successor*



cessor infra duas menses, quò primò Cantuariensem Provinciam post consecrationem de cetero fuerit ingressus, pro delatione pacificâ Crucis ejus in Civitate, Diœcesi & Provinciâ Cantuariensi faciendâ liberè, unum Nuncium solempnem ad Ecclesiam Cantuariensem cum Imagine aureâ valoris XL. librarum sterlingorum sculptâ ad similitudinem Archiepiscopi, vel jocali altero aureo ejusdem valoris, fideliter destinabit. Et hujusmodi Nuncius ad Ecclesiam Cantuariensem dictam Imaginem vel jocale ad feretrum S. Thoma in præsentia Prioris vel Supprioris aut alterius offerret præsentis. Et cum Ebor. Archiepiscopus ad Parliamentum Regis venerit; Archiepiscopus Cantuariensis tanquam Præminentior ad dexteram partem Regis sedebit, & Ebor. in sinistrâ: Et Crux Cantuariensis in dexterâ parte lecti, & Crux Ebor. in sinistrâ. Et Cantuariensis & Ebor. Archiepiscopi, si via lata fuerit, simul incedent; sed in introitu ostiorum vel aliis locis strictis, ubi Cruces simul deferri non possunt, Crux Cantuariensis præcedet, & Crux Ebor. Archiepiscopi subsequetur. Quam quidem Compositionem Innocentius Papa VI. Pontificatus sui anno tertio ex certâ scientiâ confirmavit, omnem defectum in eâ supplendo, non obstante quòd tunc in Compositione hujusmodi Suffraganeorum Prælatorum & Capitulorum, aliorumque consensus non intervenerit, ut debebat.

Cùm autem Dominus Robertus de Stretton. ad preces Principis Walliæ in Episcopum Coventriensis & Lichfeld. Ecclesiæ electus fuisset; & idem Dominus Papa ipsius Electi & ejus literaturæ notitiam non obtinens, voluit quòd dictus Electus ad Romanam Curiam veniret, examinationem personaliter subiturus. Et quia Rex Angliæ pro dicto Electo scriberet Papæ; & ampliùs Rex quoque interim Temporalia dicti Episcopatus, & Archiepiscopus Spiritualia, toto tempore vacationis ejusdem habebat. Et cùm dictus Episcopatus propter insufficientiam Roberti de Stretton Electi in literaturâ & in Romanâ Curia examinati propter defectum literaturæ repulsi, per biennium vacavisset; tandem ad preces dicti Principis idem Papa per Bullas suas examinationem dicti Electi in Angliâ Archiepiscopo Cantuariensis & Episcopo Roffensi commisit. Unde dicti Principis precibus Dominus Cantuariensis Archiepiscopus excitatus, eundem Electum ad dignitatem Episcopalem insufficientem post examinationem personæ suæ factam tam ipse Archiepiscopus quàm Episcopus Roffensis inveniētes, propter remorsum conscientie ipsum acceptare non poterant nec volebant. Unde idem Electus non expeditus sic recesserat illâ vice. Sed postmodum idem Electus à Domino Michaelē London. Episcopo, cui etiam Dominus Papa vices suas commiserat, fuerat gratiose acceptatus, & die Dominicâ, in SS. Cosmæ & Damiani, anno Domini MCCCLX. in Episcopum consecratus. Anno Domini MCCCLVIII. Fr. Thomas de Lile, Episcopus Eliensis, super homicidiis & roberiis & aliis felonis in Curia Regis Angliæ malitiose ad sectam Comitissæ de Marescal. per inquisitionem de facto convictus, & eidem secundum consuetudinem Angliæ tanquam Clericus liberatus, perpetuo carceri mancipandus, captatâ temporis opportunitate latenter aufugit; & ad Romanam Curiam veniens, Domino Innocentio Papæ VI. de hujusmodi injuriis est conquestus. Unde idem Papa commotus graviter, Magistrum Johannem Lech. Officialem Curie Cantuariensis, Dominos Willelmum Shareshul, Willelmum de Thorp. Henricum de Grene, & Willelmum de Norton. Justiciarios Regis Angliæ, & Dominos Simonem Drayton Militem & quosdam alios, per literas Bullatas in ostio Ecclesiæ S. Pauli London. affixas, ad Romanam Curiam peremptorie mandavit citari; & tandem ipsos propter contumaciam excommunicatos publicè nunciari, & contra eos ad hujusmodi sententiæ aggravationem processit. Et postea idem Dominus Simon in hujusmodi Excommunicatione decedens, per Episcopum Lincoln. auctoritate Domini Papæ fuerat exhumatus; ejusque corpus in paludem viliorē projectum:



projectum: Et idem Officialis Cantuariensis ab Excommunicatione huiusmodi absolutus. Quibus sic pendentibus, quidam Eliensis Episcopi Clerici, de Romanâ Curiâ ad Angliam destinati, Fr. Johanni Episcopo Roffensi, Thesaurario Angliæ, Papales Bullas extra London. tradiderunt. Et ob hoc dicti Clerici capti, incarcerati in Turri London. & ad perpetuam pœnitentiam condemnati. Hic siquidem Eliensis Episcopus, Frater Prædicator, undique litem obtinens, in Romanâ Curiâ in tribulatione & miseriâ sic decessit. Anno Domini MCCCLX. Fr. Johannes Roffensis Episcopus in crastino S. Lucæ Evangelistæ in Manerio suo juxta Lamheth. obiit. Cui successit per Electionem Canonicam Magister Willelmus de Wytleseye, Archidiaconus Huntynston. & postmodum per dictum Innocentium Papam in pleno Concilio confirmatus. Et die Dominicâ in Crastino S. Agathæ Virginis anno domini MCCCLXI. per Simonem tunc Cantuariensem Archiepiscopum in Capellâ de Otteforde fuerat consecratus. Anno domini MCCCLX. quasi per totum orbem incepit pestilentia & mortalitas gentium undequaque. Fr. Thomas Lile Episcopus Eliensis obiit; cui successit dominus Simon de Langham, Abbas Westmonasteriensis Dominus Johannes Tryllek Episcopus Herefordensis; cui successit Magister Ludovicus Cherlton. Dominus Thomas Fastolf Episcopus Menevensis; cui successit Magister Adam Houghton. Dominus Michael Episcopus London. cui successit Magister Simon Suthbury. Dominus Reginaldus Brian Episcopus Wygorn. cui successit Magister Johannes Barnet. Fr. Thomas Pascal Episcopus Landavensis; cui successit Fr. Johannes Godrich. Minorum. Et isti septem Episcopi tempore mortalitatis hujus mortui; loco eorum surrogati fuerunt boni Clerici & Doctores per Innocentium Papam. Anno domini MCCCLXII. V. Id. Aprilis in Vigiliâ Ramis Palmarum obiit Robertus de Stretford Episcopus Cicestrensis apud Aldyngborne; cui successit Magister Willelmus de Lenn. Decanus Cicestrensis, Doctor Juris Civilis, per Provisionem Apostolicam. Eodem tempore Johannes Gynewell. Episcopus Lincoln. obiit, tempore suo exemptus per Sedem Apostolicam ad preces Domini<sup>a</sup> primi Ducis Lancastriæ; cui successit dominus Johannes Bokyngham, Canonicus Lincoln. Portitor privati Sigilli Regis tempore Papæ Urbani, & de ejus mandato super literaturâ apud Sanctum Omerum per duos Abbates examinatus, & idoneus ad dignitatem Episcopalem repertus, factâ relatione Papæ de & super examinatione huiusmodi, idem Papa præfecit ipsum in Episcopum Lincoln. Qui die Dominicâ in crastino Nativitatis S. Johannis Baptistæ, anno domini MCCCLXIII. per Dominum Willelmum Wynton, Episcopum in Capellâ Manerii sui de Werghane fuit auctoritate Apostolicâ consecratus per Bullam gratiosam. Postmodum Magister Radulphus de Salop. Bathon. & Wellen. Episcopus obiit. Cui successit per provisionem Apostolicam Dominus Johannes Barnet. Et Magister Willelmus Wytleseye Episcopus Roffensis successit ad Episcopatum Wygorn. per Translationem. Et Magister Thomas Tryllek præfectus fuit auctoritate Apostolicâ in Episcopum Roffensem; Anno Domini MCCCLXXI. apud Lamheth. VI. die mensis Januarii.

<sup>a</sup> Legendum  
pato D. Jo-  
hannis Ducis.

Hic Simon Cantuariensis Archiepiscopus, irrequisito Capituli sui consensu, vendidit annum redditum XIII. damarum vel cervorum tempore pinguedinis, & aliarum XIII. damarum vel cervorum in tempore deffermesoun, ad Archiepiscopum Cantuariensem & ad Manerium suum de Slyndon. ab antiquo notoriè pertinentium percipiendum annuatim à Nemoribus, Forestis, sive Chaseis Domini Comitis de Arundel. ad duos anni terminos ad opus domini Cantuariensis Archiepiscopi, qui fuerit pro tempore: ac dimisit & concessit in perpetuum nobili viro Richardo Comiti Arundell. & Surriæ pro CCXL. Marcis sterlingis. Et Archiepiscopi Cantuarienses fuerunt huiusmodi ferarum



ferarum [possessores] temporibus suis usque ad tempus alienationis factæ contra juramentum suum de non alienando bona Archiepiscopatus sui, Romano Pontifice inconsulto. Cum autem solemnibus & diligens tractatus, qui in talibus concessionibus perpetuis super alienationibus rerum Ecclesiasticarum exigitur, non fuerit juxta juris exigentiam habitus; hujusmodi venditio & concessus annui redditus non poterit de jure subsistere; non poterit, nec debet; præsertim cum urgens necessitas vel evidens, quare hoc fieri debuit, non subesset. Idem insuper Archiepiscopus vendidit arbores in & super terris tenentiæ Cantuariensis Archiepiscopi in Waldâ crescentes, communiter vocatâ Dornedennes, ad Archiepiscopum & ad Ecclesiam Cantuariensem ab antiquo pertinentes: quas nullus dictorum Tenentium prosternere potuit vel audebat, pro suo tempore alienavit; pro facto duplicando redditum dictorum Tenentium suorum ex hac causâ.

Eodem anno, circa finem mensis Januarii, idem Archiepiscopus in equitando de Otteford versus Maghfeld inter Sevenok & Tonebreg, in loco luto & aquoso de equo suo casualiter cecidit; adeo quod ipse quam sub equo quam desuper fuerat penitus madefactus. Sicque absque vestimentorum suorum mutatione necessariâ equitavit. Et dehinc apud Maghfeld veniens, ibidem in quadam lapideâ Camerâ dormiens in meridie, morbo Paralysis est percussus. Sicque ibidem morando non valens post prandium bene loqui. Tandem circa principium mensis Julii, anno domini MCCCLXIII. equitavit versus Cherryngæ suaviter in literâ. Circa idem tempus idem Archiepiscopus sumptuose incepit facere Aulam Sclarium in Oxoniâ in Parochiâ B. Mariæ Oxon. quam vocari fecit Aulam Cantuariensem. Et quasdam Aulas Oxon, vicinas  
 I. demolitas. alias per nimietatem venti<sup>a</sup> demolitans, pro Sclariis ibi morari volentibus de suo ærario perquisivit. In quâ quidem Aulâ Sclares in Jure Civili & Canonico & in Arte Dialecticâ sub certo numero studere debentes disposuit in parte; & illos sub regimine unius Magistri communiter vivere voluit; quibus Ecclesias de Pageham & de Ivechirche pro suâ sustentatione appropriari decrevit. Sed morte præventus, hujusmodi opus imperfectum dimisit. Hic Archiepiscopus paralyticus apud Cantuariam per vices veniens, & quandoque apud Cherryngæ rediens, & tandem principio Augusti apud Maghfeld veniens, & ibidem per annum & dimidium moram trahens: tandem die Dominicâ in crastino S. Marci Evangelistæ anno domini MCCCLXVI. circa mediam noctem ejusdem diei obiit apud Maghfeld, anno Consecrationis suæ XVII. Et die Sabbati, II. die Maii anno prædicto absque tumultu & expensis ante Magnam Crucem in navi Ecclesiæ Cantuariensis similiter est humatus. Et die Veneris, VIII. Id. Maii anno prædicto Prior & Capitulum Venerabilem Patrem dominum Willelmum Edyndon. Episcopum Wynton. in Archiepiscopum Cantuariensem unanimiter postulârunt. Quâ postulatione eidem Episcopo modo debito præsentatâ; ipse hujusmodi postulationi dissensit, & renunciavit eidem omnino.

#### S I M O N de L A N G H A M.

*Simon de Langham*, primò Monachus Westmonasteriensis, deinde Abbas, & deinde Episcopus Eliensis, & Cancellarius Angliæ, successit per Provisionem Apostolicam, spretâ postulatione factâ de domino Willelmo de Edyndon. Episcopo Wynton. per Priorem & Capitulum Cantuariensem, ut præfertur. Et in Vigiliâ S. Jacobi, anno domini MCCCLXVI. Urbanus Papa VI. eundem Simonem tunc Episcopum Eliensem transtulit ad Archiepiscopum Cantuariensem sic vacantem; & V. die Novembris eodem anno Dominus Edwardus Rex Angliæ in Palatio suo Westmonasterii existens, eundem Simonem Archiepiscopum sic præfectum admisit, & præstito per ipsum eidem

eidem Regi fidelitatis solito juramento, ac renunciatione purâ & spontaneâ per ipsum factâ de verbis præjudicialibus in Bullis suis contentis, Temporalia dicti Archiepiscopatus eidem liberavit. Et post hæc die Jovis in Festo Annuntiationis B. Mariæ, anno domini MCCCLXVII. inchoante idem Archiepiscopus intronizatus fuit in Ecclesiâ Cantuariensi honorificè, sicut decet. Quæ quidem Translatio, ut dicebatur, pluribus non placebat : unde de eâ quidem metricè sic ait

*Exultent Coeli ; quia Simon transit ab Ely.*

*Ad cujus adventum flent in Kent millia centum.*

Hujus siquidem temporibus Papa Urbanus existens apud Viterbium, anno Pontificatus sui VI. & anno domini MCCCLXVII. providit Ecclesiæ Wynton. quæ annum & amplius vacaverat, de domino Willemo de Wykham<sup>a</sup> Portitore Privati Sigilli Regii, aliter ad eundem per Priorem & Capitulum Wynton. concorditer electo, spretâ electione ejus ; & ipsum Willemum idem Papa præfecit in Wynton. Episcopum & Pastorem, eodem anno XII. die mensis Julii, postmodum die Dominicâ, viz. VI. Id. Octob. idem Electus Wynton. per dictum dominum Archiepiscopum Cantuariens. adscitis Dominis Simone Suthbury London. & Roberto Sarum, Episcopis comprovincialibus præsentibus, in Ecclesiâ S. Pauli London. in Episcopum Winton. fuit solempniter consecratus ; & eodem die apud Lamheth. præfatus Archiepiscopus tenuit Festum Consecrationis hujusmodi maximo cum honore. Post hæc idem Archiepiscopus officium Cancellarii Angliæ [dimisit] statimque Rex Angliæ Dominum Willemum Wykham Episcopum Wynton. in Cancellarium suum fecit. Quo facto Archiepiscopus ipse Maneria Temporalitatis suæ undique peragrans, modumque vivendi apud se prudenter disponens, incoepit esse moderatus. Et ecce quasi in principio Translationis suæ ad Ecclesiam Cantuariensem infortunium sibi dicitur contigisse ; ut sicut erat per stratam regiam itinerando versùs Otteford, de equo Cruciferarius suus ad terram cadens, hasta Crucis enormiter fracta fuit, sed celeriter reparata. Cum autem idem Simon per biennium eidem Cantuariensi Ecclesiæ præfuisset : idem Papa Urbanus ipsum Archiepiscopum Cantuariensem die Sabbati Quatuor Temporum, viz. XXIII. die mensis Septembris, anno domini MCCCLXVIII. in Cardinalem S. Romanæ Ecclesiæ ordinavit, unâ cum aliis diversarum regionum Prælatibus. Et ipse Papa hujusmodi creationem & ordinationem suam eidem Simoni apud Otteford die S. Fidis anno prædicto per Literas Apostolicas intimavit. Et postmodum idem Simon hujusmodi creationem in Cardinalem domino Regi Angliæ in Concilio suo apud Westmonasterium convocato coram Prælatibus & Proceribus regni Angliæ publicavit. Quo audito, idem Dominus Rex prædictis novis mente turbatus, super his deliberatione cum Concilio suo seorsim habitâ, Temporalia Archiepiscopatus Cantuariensis tanquam vacantis in manum suam cepit. Deinde ipse Simon novus, ut præmittitur, Cardinalis, ad morandum apud Otteford pro tempore licentiatu per Regem ibidem, multi de suâ familiâ nolentes ab Angliâ recedere, recesserunt ab eodem. Et post dies paucos Sigilla & Registrum Archiepiscopatus Cantuariensis liberavit Priori Cantuariensi & Crucem Archiepiscopalem ad Ecclesiam Cantuariensem transmisit : & ipse in familiâ suâ modicâ, ut Cardinalis parçè vivendo apud Otteford ad tempus simpliciter morabatur. Et ad ejus petitionem à clero Decanatus de Shorham IV. denarios de Marcâ secundum taxam Beneficiorum Ecclesiasticorum ejusdem solummodò reportavit : & dum apud Otteford morabatur, staurum suum vendidit, pecuniam quam potuit colligendo. Et deinde ipse Cardinalis ad capiendam licentiam à Domino Rege transfretandi, apud Westmonasterium die

<sup>a</sup> Willemo Edyngdon successit per electionem Dominus Willemus de Wykham ad procuratoriam Domini Regis Edwardi. Cujus tamen electionem Dominus Papa per annum & ultra certis de causis distulit confirmare. Chron. Angl. ab Adam ad an. 1400. MS. Lambeth.



die Lunæ post Festum S. Hilarii accedens, apud Lambeth. tempore Concilii Regni morabatur. Et eodem anno die Mercurii, ultimo die Februarii apud Doverram mare intravit; & die Jovis sequente, videlicet primo die Marcii transfretavit. <sup>a</sup> Nec est mirandum, quod dictus Simon, sic Cardinalis creatus, de Angliâ natus extitit: quia non est primus nec secundus Anglicus Cardinalis. Nam anno domini MCCLXXIX. Nicholaus Papa IV. apud Viterbium Pontificatus sui anno primo [fecit] ordinationem IX. Cardinalium, inter quos erat Fr. Robertus Kylwardeby, Anglicus, Ord. Præd. in Theologiâ Magister, Archiepiscopus Cantuariensis, quem fecit Portuensem Episcopum Cardinalem. Alii Archiepiscopi antiquitus erant in Cardinales creati; sicut & Dominus Stephanus de Langeton. qui fecit Translationem S. Thomæ Martyris gloriosi.

### WILLELMUS de WITTESEYE.

*Willelmus de Wittleseye*, secundus hoc nomine Willelmus Archiepiscopus Cantuariensis, qui primo fuit Archidiaconus Huntyngdon. deinde Episcopus Roffensis, postea Wygorn. Episcopus, & demum <sup>b</sup> per Dominum Urbanum Papam V. ad Ecclesiam Cantuariensem per creationem domini Simonis Langham ultimi Archiepiscopi Cantuariensis in Cardinalem factam, vacantem apud Viterbium XI. die Octobris anno domini MCCCLXVIII. translatus, eidem Simoni in Archiepiscopatu successit, Qui die videlicet XV. Januarii eodem anno per dominum Regem Angliæ ad Temporalia dicti Archiepiscopatus Cantuariensis admissus fuerat, ut est moris, fidelitatis per ipsum præstito solito juramento.

<sup>a</sup> Obiit apud Avinionem anno 1376. die 22. Julii. Chron. Angl. ab Adam ad an. 1400. MS. Lambeth.  
<sup>b</sup> Tunc Papa M. Willelmum Lyme E. piscopum Cycestriæ ad Ecclesiam Wigorn. & M. Willelmum Bede in Episcopum Cicestriæ promovit. Chron. Angl. ab Adam ad an. 1400. MS. Lambeth.

### SIMONIS

# V I T A SIMONIS SUDBURY,

Ex Speculo Parvulorum, Lib. 5. cap. 27.

**I**N quantum exhorrendum detrimentum inevitabileque periculum animarum se precipitant; qui livoris faucibus præsumptione nepharia his quos sacrosancta Ecclesia militans, nonnullis crebris miraculis & signis insolitis ostensis, Sanctorum [numero] conjungit, insidiando detrahunt, & pro posse omnem derogationem inferunt ablatrando illis; quanto pœnali laqueo strictius arceri merentur, qui Indulgentiis Summorum Pontificum pronis rogatibus obtentibus obviant detrahendo; ac piorum corda peregrinantium dogmate pernicioso palliant & perturbant; noverit ipse, qui non fallitur neque fallit. Nihilominus nonnullos de præmissis versutis machinationibus grassantes, culpis demeritisque exigentibus, ultione divinâ vidimus nostris temporibus gravissimè afflictos pariter & punitos. Unde ut cæteri metum habeant, qui extollunt & edocent adversantia veritati; unum de multis dignum duxi memoriæ commendare: quod anno Domini MCCCLXX. & in quarto Jubilæo celeberrimi Martyris S. Thomæ in parte noscitur contigisse; sed in anno Domini MCCCLXXXI. ad effectum conclusivum deducitur & finalem. Igitur supradicto anno Domini MCCCLXX. & in quarto Jubilæo Martyris memorati, populus undique mirabiliter catervatim Cantuariam magno cordis affectu & desiderio confluebant. Sicque eodem tempore in Vigiliâ Translationis prædictæ Venerabilem patrem dominum Symonem de Suthberi tunc Episcopum Londoniensem versùs Cantuariam iter suum contigit direxisse. Qui ductus spiritu erroneo, populum per viam versùs Cantuariam gradientem ausu temerario informabat assertivè: quòd illa Indulgentia plenaria, quæ apud Cantuariam fore sperabatur, nullius commodi fuerat vel valoris. Super quo multi confluentium mente consternati dimissis vultibus in terram cum cordis amaritudine obtupescunt super prolatis eloquiis tanti Patris. Unde nonnulli mox abierunt retrorsum; nonnulli etiam elevatis vocibus maledicebant eidem Patri in faciem, dicentes & optantes acclamando, ut morte probrosâ & turpissimâ moreretur: qui tantam injuriam molestiamque inferre glorioso Martyri non veretur. Cui etiam occurrit quidam Miles de Kanciâ, ni fallor, nomine dominus Thomas de Aldoun: ira motus intrinsecus, impropere & redarguens tanquam impatiens, prædictum Episcopum Londoniensem, prout multi alii prædixerunt, prædixit eidem dicens: Domine Episcopo, quòd fecisti hanc rem seditiosam in populo contra S. Thomam; sub periculo animæ meæ morte nephandissimâ finies vitam tuam. Ad hoc autem succlamabant omnis populus: Amen, Amen. Procedente verò tempore, & Willelmo Withlesey Cantuariensi Archiepiscopo ex hac luce substracto, idem dominus Symon de Suthbury Episcopus London. per Papam Gregorium XI. ad Ecclesiam Cantuariensem est translatus, IV. Nonas Maii, anno Gratiae MCCCLXXV. qui licet Monachos Ecclesiæ antedictæ paternâ tenerrimâque dilectione minimè prætulerit; Ecclesiam tamen Cantuariensem cui præfuit, honoribus quibus potuit exaltavit. Duas alas enim in parte posteriori ejusdem Ecclesiæ, nec non Portam Occidentalem Civitatis à fundamentis & muros ejusdem tunc quasi præcipites erexit, & fieri fecit sumptibus propriis & expensis. Tandem anno IV. Regis Ricardi II. Vulgares seu Communes Regni, sed maximè in Cantia & Essexiâ, furiam inveci sub unâ conspiratione insurrexerunt in Proceres regni, in Justiciarios, & in eos qui leges Regni observare videbantur. Qui tanquam ministri Sathanæ catervatim

H

Londonium



Londonium properantes, prædictum dominum Simonem de Suthbery Cantuariensem Archiepiscopum inter ceteros violenter de Turri London. ubi pro ampliori securitate moram traxit, omni abjectâ humanitate extraxerunt; & eum ibidem finaliter decapitaverunt XIV. die mensis Junii anno Domini MCCCLXXXI. ut vox populi, i. e. vox Dei, prout prædicitur, in suo congruo tempore impleteretur. Unde dicit idem egregius Martyr S. Thomas in suâ Magna Cartâ. A sæculis enim inauditum est, quod aliquis Ecclesiam Cantuariensem læserit; & non contritus aut correctus à Christo Domino. Ductor & prælocutor præmissorum hominum sic furentium sub nomine ficto Jakke Straw fuerat appellatus.

De Roberto Winchelse Archiepiscopo Cantuariensi  
Excerpta quædam ex Chronico Ecclesiæ Christi  
Cantuariensis MS.

**A**NNO MCCXCIV. Confirmatio Electi Cantuariensis Roberti de Winchelse in Curiâ Romanâ à Papâ Cœlestino V. VIII. Idus Septembris: & Consecratio ejusdem II. Idus Septembris in eadem Curiâ ab Episcopo Cardinali titulo Sabino.

Eodem anno Archiepiscopus Robertus Cantuariensis de Româ veniens per Almaniam iter suum arripiens causâ guerræ jam motæ, ut prædictum est, inter Reges Franciæ & Angliæ, applicuit apud Gernemouthe die Circumcisionis Domini. Et statim Regem adiit in Walliâ; & venit apud Aberconwey; & juramento fidelitatis prædito Temporalia sua recepit. Postea verò XV. Kalend. Aprilis Cantuariam venit: & Conventus solempniter in capis usque ad portam Cœmeterii obviam processit. Et sic Conventu præcedente Ecclesiam intravit; & Sanctuaria, ut moris est, adoravit. Deinde Priorem & singulos Fratres in osculum pacis suscepit.

Anno MCCXCV. prædictus Archiepiscopus Cantuariensis Robertus Dominicâ post Festum S. Michaelis in Ecclesia suâ Cantuariensi intronizatus fuit per Henricum de Estriâ tunc Priorem ejusdem Ecclesiæ & eodem die Gilbertus Comes Gloucestriæ à dicto Archiepiscopo citatus venit; & fecit totum servitium suum plenariè tam in officio Senescalli quàm Pincernarii; & cepit totum feodum suum de Archiepiscopo; ut continetur in Compositione inter eosdem.

Isto anno applicuerunt duo Cardinales apud Dovoram, missi ad pacem reformandam inter Regem Franciæ & Angliæ; viz. Albanensis & Penestrinensis. Quibus recedentibus de Cantuariâ usque Londoniam apud Herbaldoune occurrit Archiepiscopus Cantuariensis Robertus. In occursum eorum præceperunt Cardinales Crucem ipsius Archiepiscopi post ipsos à tergo deferri non erectam. Et ita factum est, usque dum veniret apud Osprenge. Receptis itaque Cardinalibus suis in domibus ibidem, Archiepiscopus Cruce erectâ ad Manerium suum de Oetoun est reversus. Et in crastino idem Archiepiscopus comitativam Cardinalibus fecit usque Newynton sine Cruce; & apud Gillingham declinavit: & Cardinales Londoniam sunt profecti. Isto etiam anno, secundo die Augusti combustio facta fuit domorum per homines Regis Franciæ in Prioratu & Villâ; & Monachus quidam ejusdem Ecclesiæ Thomas nomine fuerat in Dormitorio ab eisdem alienigenis occisus.

Anno MCCXCVI. Rex Angliæ Edwardus apud S. Edmundum <sup>a</sup> in Cra-  
stino Animarum Parliamentum suum tenuit; & vocati venerant ibi per lite-  
ras regias Prælati & totus Clerus. Rex tandem à Clero petiit subsidium ad  
defensionem sui regni. Sed quoniam Clerus vocatus fuit ibidem ad manda-  
tum Regis, & non auctoritate ecclesiasticâ; noluit ibidem finaliter respondere.  
Sed prorogata dies fuit quoad Clerum usque in Crastinum S. Hillarii. A Laicis  
tamen ibidem duodecimam partem bonorum mobilium suorum sibi solvere  
recepit. Sed Cives & Burghenses octavam partem mobilium suorum sibi sol-  
verunt. In Festo verò S. Hillarii proximè sequenti Rex petebat à Clero, tunc  
Londoniæ eadem causâ congregatis auctoritate ecclesiasticâ, auxilium pro guer-  
râ suâ & defensione regni. Sed quia Bonifacius Papa VIII. Constitutio-  
nem novam ediderat; quod de bonis Ecclesiasticis nulla Subventio vel Sub-  
sidium Principibus Sæcularibus absque licentiâ Sedis Apostolicæ speciali sub  
pœnâ gravissimâ in eadem Constitutione contentâ [concederetur] Ideo Cle-  
rus in pœnam Constitutionis incidere nolens, excusabat se de tali auxilio Re-  
gi faciendo absque licentiâ prædictâ. Rex verò turbatus deinde omnes terras  
& tenementa Laica feoda omnium Ecclesiasticarum personarum de Regno  
Angliæ in manum suam capere præcepit; & ea tenuit, quousque de Clero  
singuli quintam partem omnium bonorum temporalium suorum & spirituali-  
um Regi solvendo bona sua prædicta redemissent. Solus tamen Archiepisco-  
pus Cantuariensis Robertus Regi restitit; & bona sua omnia mobilia & im-  
mobilia in manu Regis esse permisit; nec illa redimere voluit in formâ præ-  
dictâ propter pœnam Constitutionis prædictæ. Ita quod spoliatus fuit in om-  
nibus possessionibus Archiepiscopatus tam mobilibus quàm immobilibus per  
XXI. septimanas & V. dies. Videns tamen Rex constantiam Archiepif-  
copi, nec ipsum posse ad voluntatem suam inclinare per occupationem bono-  
rum suorum, XIV. Kalend. Augusti proximè sequenti restituit eidem Archie-  
piscopo omnes possessiones simpliciter & absolutè.

Anno MCCXCIX. V. Id Septembr. Archiepiscopus Cantuariensis Rober-  
tus celebravit Sponsalia inter prædictum Regem Edwardum & Margaretam  
sororem Regis Franciæ in hostiis Ecclesiæ Christi Cantuariensis versùs Clau-  
strum juxta hostium Martyrii S. Thomæ: & subsequenter idem Archiepif-  
copus celebravit Missam Sponsalium ad altare feretri S. Thomæ Martyris.

Anno MCCCVIII. & ipsius Regis Edwardi secundo, Robertus de Canrua-  
riâ Archiepiscopus rediit de curiâ Romanâ plenè restitutus. Mandavit enim  
Papa Domino W. qui fuit in ejus absentia administrator Temporalium & Spi-  
ritualium Archiepiscopatus Cantuariensis, quod sibi redderet omnes fructus  
& proventus dicti Archiepiscopatus medio tempore perceptos; qui illud  
mandatum fideliter adimplevit. Ita quod idem Archiepiscopus postea fuit  
ditior, quàm unquam suis temporibus prius existerat. Et sic cessit sibi ad  
utilitatem, quod fuit ordinatum ad noxam; quoniam sine causâ extitit fati-  
gatus. Et Dominus Robertus de Awrewalsch & Magister Johannes Martel,  
qui fuerunt missi ad Curiam contra eum, ibidem subito expirarunt. Unde  
verificata fuit una propositio: qua consuevit dictus Archiepiscopus consolari.  
*Nichil nocebit adversitas, ubi nulla dominatur iniquitas.* [Ista ex Matthæi  
Westmonasteriensis Continuatione MS.]

Archiepiscopus Cantuariensis Robertus de Canruaria Archiepiscopus rediit de curia Romana plenè restitutus. Mandavit enim Papa Domino W. qui fuit in ejus absentia administrator Temporalium & Spiritualium Archiepiscopatus Cantuariensis, quod sibi redderet omnes fructus & proventus dicti Archiepiscopatus medio tempore perceptos; qui illud mandatum fideliter adimplevit. Ita quod idem Archiepiscopus postea fuit ditior, quàm unquam suis temporibus prius existerat. Et sic cessit sibi ad utilitatem, quod fuit ordinatum ad noxam; quoniam sine causâ extitit fatigatus. Et Dominus Robertus de Awrewalsch & Magister Johannes Martel, qui fuerunt missi ad Curiam contra eum, ibidem subito expirarunt. Unde verificata fuit una propositio: qua consuevit dictus Archiepiscopus consolari. Nichil nocebit adversitas, ubi nulla dominatur iniquitas. [Ista ex Matthæi Westmonasteriensis Continuatione MS.]

R E G I N U S

VII. Cal. Septembr. Cantuariensis Archiepiscopus Robertus de Canruaria Archiepiscopus rediit de curia Romana plenè restitutus. Mandavit enim Papa Domino W. qui fuit in ejus absentia administrator Temporalium & Spiritualium Archiepiscopatus Cantuariensis, quod sibi redderet omnes fructus & proventus dicti Archiepiscopatus medio tempore perceptos; qui illud mandatum fideliter adimplevit. Ita quod idem Archiepiscopus postea fuit ditior, quàm unquam suis temporibus prius existerat. Et sic cessit sibi ad utilitatem, quod fuit ordinatum ad noxam; quoniam sine causâ extitit fatigatus. Et Dominus Robertus de Awrewalsch & Magister Johannes Martel, qui fuerunt missi ad Curiam contra eum, ibidem subito expirarunt. Unde verificata fuit una propositio: qua consuevit dictus Archiepiscopus consolari. Nichil nocebit adversitas, ubi nulla dominatur iniquitas. [Ista ex Matthæi Westmonasteriensis Continuatione MS.]

L M I



**Dies Obituales Archiepiscoporum Cantuariensium, ex  
Martyrologio & Obituario Ecclesiæ Christi Can-  
tuariensis.**

**AUGUSTINUS.**

**VII.** **C**al. Junii. In Angliâ civitate Cantuariæ S. Augustini Archiepiscopi & Confessoris; qui missus à Beato Episcopo Gregorio, primus genti Anglorum Christi Evangelium prædicavit; crebrisque adhuc refulget miraculis.

Id. Septembr. Ipso die Translatio S. Augustini Archiepiscopi & Confessoris.

**LAURENTIUS.**

**MELLITUS.**

**VIII.** Cal. Maii. Depositio S. Melliti Episcopi in Britannia.

**IUSTUS.**

**HONORIUS.**

**DEUSDEDIT.**

**THEODORUS.**

**XIII.** Cal. Octob. Cantuariæ Depositio B. Theodori ejusdem civitatis Archiepiscopi & Confessoris.

**BRICHWALDUS.**

**VI.** Id. Januar. Obiit Archipræsul Brichwaldus.

**NOTHELMUS.**

**XVII.** Cal. Novembr. Obiit Nothelmus Archiepiscopus Cantuariæ.

**CUTHBERTUS.**

**VIII.** Cal. Novemb. Obiit bonæ memoriæ Cuthbertus condæm Archiepiscopus.

**BREGWINUS.**

**VII.** Cal. Septembr. Cantuariæ Depositio beatæ memoriæ Bregvini ejusdem civitatis Archiepiscopi & Confessoris.

L A M B E R T U S.

III. Id. Augusti. Obiit piæ memoriæ Lambertus Archiepiscopus.

A T H E L A R D U S.

IV. Idus Maii. Obiit venerandæ memoriæ Athelardus Archiepiscopus; per quem Ecclesia Christi has terras olim ablatas recuperavit, Thenham, Charryngis, Celebecces, Charte, Bremlande, Burnam; & sex mansuras in Doroberniâ juxta Edburgewell.

W L F R E D U S.

IX. Cal. April. Obiit Wlfredus Archiepiscopus; cujus procuratione Rex Kenulphus dedit Ecclesiæ Christi Ritherlege, Kyngestulande, Ibintone, Casinborne, Elmeftede, Barcham, Gravenie, Apynglonde, Bynnene, Mylton, Godmersham, Byxle, Coppentane, Gretmerse, Scaledword, Eathorne, Langdone, Castonre, Waldyntone, Folqueslande, Botewell, Heldefrede, Tyngeland, Wamble in Middelfexiâ, Geddyng, Cumbe, Herghefe, Ottforde, Borne.

F E L O G E L D U S.

IV. Cal. Septembr. Obierunt piæ memoriæ Felogeldus Archiepiscopus, Wallerannus Episcopus Rosensis, Turgedus Episcopus S. Andree de Scotia.

C E L N O D U S.

II. Non. Februar. Obiit Celnodus Archiepiscopus; qui à Principe nomine Heled Villam, quæ dicitur Chert, propriâ pecuniâ emit, & Christi Ecclesiæ dedit.

A T H E L R E D U S.

II. Cal. Julii. Obiit Dominus Athelredus Archiepiscopus.

P L E G M U N D U S.

IV. Non. Augusti. Cantuariæ Depositio S. Plegemundi Archiepiscopi & Confessoris.

A C H E L M U S.

VI. Id. Januar. Obiit Archipræsul Achelmus.

II. Id. Februar. Obiit Achelmus Archiepiscopus.

W L F E L M U S.

*Dierum immediate precedentium alterum ad hunc pertinere arbitror. Athelmum enim cum Wifelmo confundi apud Historicos nostros non est infrequens.*



## O D O.

IV. Non. Junii. In Cantia S. Odonis Archiepiscopi & Confessoris.

## D U N S T A N U S.

XIV. Cal. Junii. In civitate Doroberniâ Natale Sancti Patris nostri Dunstani Archeipiscopi; qui ab ipso matris utero sanctificatus, omne tempus vite suæ magnificè duxit; unde & glorioso fine quievit.

XII. Cal. Novemb. Cantuariæ Ordinatio B. Dunstani Archiepiscopi; cujus vita quàm fuerit pontificatu digna, etiam divinâ revelatione innotuit.

## E T H E L G A R U S.

III. Non. Decembr. Obiit piæ memoriæ Lotarius Archiepiscopus.

## S I R I C I U S.

V. Cal. Novembr. Obiit piæ memoriæ Siricius Archiepiscopus Cantuariæ.

## A L F R I C U S.

XVI. Cal. Decembr. Cantuariæ Depositiō beatæ memoriæ Alfrici ejusdem civitatis Archiepiscopi & Confessoris.

## E L P H E G U S.

XVI. Cal. Decembr. Ipso die Ordinatio S. Elphegi Cantuariensis Archiepiscopi & Martyris; quam Deus per Apostolum suum revelare dignatus est.

XIII. Cal. Maii. Eodem die S. Elphegi Cantuariensis Archiepiscopi, qui ab exercitu Paganorum post dirutam illius urbem, post ruentem innocentis populi cadem, post templi expoliationem victus abductus est; & per septem menses variis tormentorum suppliciis cruciatus, tandem furentium manibus Paganorum lapidatus, Martyrii coronam suscepit.

VI. Idus Junii. Eodem die Translatio S. Elphegi Archiepiscopi & Martyris de Lundoniâ in Cantiam ad Ecclesiam Christi.

## L I V I N G U S.

II. Idus Junii. Obiit bonæ memoriæ Livingus Archiepiscopus; qui de-  
dit Mersham & Cheyham Ecclesiæ Christi Cantuariæ.

## A T H E L N I O T H U S.

V. Cal. Novembr. Obiit piæ memoriæ Achelnodus Archiepiscopus Cantuariæ.

## E D S I U S.

EDS I U S.

III. Cal. Novembr. Obiit Sywardus Episcopus [*Edsi Chorepiscopus.*]

ROBERTUS. [*ejectus.*]

STYGANDUS. [*depositus.*]

LANFRANCUS.

V. Cal. Junii. Obiit felicis memoriae Lanfrancus Archiepiscopus, Catholicae fidei fidelissimus observator & firmissimus roborator: qui cooperante gratia Dei istam Ecclesiam a fundamentis fundavit & consummavit; & multis ac honestis ornamentis, aliis ex auro mundissimo factis, aliis auro gemisque paratis, aliis etsi sine auro ac gemmis, magnifice tamen laudandis, ornavit; multis ac religiosis Monachorum personis ditavit, multā multūque reverendā religione decoravit. Hic etiam claustra, celaria, refectoria, dormitoria, ceterasque omnes officinas necessarias, & omnia aedificia infra ambitum Curiae consistentia cum ipso ambitu mirabiliter miranda aedificavit. Precioso insuper ornamento librorum istam Ecclesiam apprimè honestavit; [ex] quibus \* quamplurimos per semetipsum emendavit. Archiepiscopum quoque Eboracensem ceterosque hujus regni Episcopos a subjectione hujus Ecclesiae resiliētes ad veram & debitam subjectionem revocavit. Per \* hoc etiam & ipso faciente omnes illas terras, quae in anniversaria die Regis Willelmi commemorantur, longo tempore amissas Ecclesia ista recuperavit. Extra Civitatem larga habitacula fecit; quae pauperibus & infirmis replevit; quibus de propriis rebus victum & vestitum largiri praecepit. Similiter foris Civitatem Ecclesiam B. Gregorii composuit; in qua

\* l. hunc.

\* Grave crimen Lanfranco nuper intenuit vir doctus Edwardus Brown in Praefatione sua ad nuperam *Fasticuli Rerum Expend.* editionem, p. 33. quasi verò S. Scripturae & SS. Patrum scripta ab illo vitata fuerint; argumento criminis desumpto à Notā brevi RR. Matthæi Parkeri ad Marginem Textus Rossensis. Lanfrancus — quia Scriptura scriptorum vitio erant nimium corrupta; omnes tam V. quam N. Testamenti libros, necnon etiam scripta SS. Patrum secundum orthodoxam fidem studuit corrigere. Hinc à Lanfranco vitata, adulterata, abasa, priscorum Scriptorum monumenta Praefator suspicatur; & in illum gravissimam censuram strinxit; ea R. R. Parkerum ex probò aliquo & authentico testimonio proculdubio hausisse contestatus. Id quidem libenter concederem; neque enim eruditissimus iste Primas aliquid unquam temere vel otiose adnotavit; nec tamen ejusmodi crimen Lanfranco impingere in animo habuit. Non aliud ille adnotavit; quam quòd in vulgatissimis Historicorum nostrae gentis monumentis ho-

die omnibus legendum prostat. Sic enim Matthæus Paris (ad annum 1089. Hist. p. 15.) Lanfrancus lectioni assidue vacavit. Libros Veteris ac Novi Testamenti Scriptorum vitio corruptos corrigere studuit; cujus emendationis luce tam Anglorum Ecclesia quam Gallorum se gaudet illustrari. His adde quae habent Matthæus Westmonasteriensis & optimae notae Chronicon MS. in Bibliotheca Lambethana, (ad an. 1089.) Lanfrancus Archiepiscopus libros, quos rudis simplicitas Anglicana corruperat ab antiquo, diligenter sane correxit; quorum corroborazione, (correctione legit Codex MS Florilegi) se gaudet Ecclesia communiri. Laudabile sane studium, & si quis caecam Latinae linguae in Clero Anglicano ante-Normanico ignorantiam perspexerit, cum primis necessarium. Quod tamen libros solummodo Ecclesiasticos, sc. Missalia, Lectionaria & ejusmodi alia, spectasse arbitror. Atque his dictis viro amico & erudito minime detractum velim; cui ob praeclaram Operis utilissimi editionem Respublica Literata multum debet.

Clericos



Clericos posuit, à quibus morientes & unde sepulturam sibi possent præparare non habentes, & absque pretio susciperentur, suscepti illuc differrentur, delati honestè sepelirentur. In Maneriis ad Archiepiscopum pertinentibus multas & honestas Ecclesias ædificavit; multas & honestissimas domos præparavit; quòd & Archiepiscopis essent delectationi & honori; & pauperibus hominibus, qui Archiepiscopis domos sæpissime præparabant, essent [in] tanti laboris sublevationem. Ecclesiam etiam Rossensem à fundamentis incoepit, incoeptam honestè perfecit; quam multis & honestis decoravit ornamentis. Insuper & reverendam inibi Monachorum religionem instituit. Terras de Ecclesiâ longè tempore ablatas adquisivit; quas Monachis ad victum & vestitum habere permisit. Necnon Ecclesiam S. Albani fundavit & ferè consummavit; quam etiam multis & pretiosis ornamentis ampliavit.

† l. cantent.

Semper legatur obitus Lanfranci in ordine suo; licet in ebdomadâ Pentecostes contigerit. Pronunciato Anniversario Domini Lanfranci Archiepiscopi in Capitulo, omnes simul Fratres procedant in Ecclesiam canentes verba mea, interim sonantibus omnibus signis. Post cenam pulsato signo ad vigiliis, omnes solito more conveniant; ipsas Vigiliis festivè peragant; duo tertium, tres sextum, quatuor nonum Responsorium canant. In crastino quisque Sacerdos Missam unam pro eo celebrare debet; & qui Missam non cantant, quinquaginta Psalmos † cantet. Missa in Conventu in Albis festivè celebretur; ad quam Cantor & cum eo duo alii Fratres sint, capis induti; tres ad Responsorium, quatuor ad tractum, similiter in capis. Ad pauperes pascendos ipso die Thesaurarii debent dare quadraginta solidos. Servitium Refectorii festivè fieri debet, sicut in Festivitate unius Apostoli. Ecclesia parata permaneat, sicut in Festivitate S. Augustini; donec peragatur Servitium.

### A N S E L M U S.

### R A D U L P H U S.

XIII. Cal. Novembr. Obiit Radulphus Archiepiscopus.

### W I L L E L M U S.

XI. Cal. Decembr. Obiit bonæ memoriæ Dominus Willelmus Archiepiscopus.

### T H E O B A L D U S.

XIV. Cal. Maii. Obiit venerandæ memoriæ Dominus Theobaldus Archiepiscopus Cantuariæ.

### T H O M A S B E C K E T.

IV. Non. Decembr. Eodem die Regressio S. Thomæ Martyris ab exilio; quem post diuturna supplicia, quibus cotidie novus Martyr effulserat, velut aurum in fornace triphariè probatum, in thesauros Regum assumptum, septimo anno Dominus ad palmam sub gladii cautione revocavit; ac si ostensis ei gladiis voce Dominica diceretur: *Amice, vide ad quid venisti.*

IV. Cal. Januar. Eodem die Cantuariæ Passio venerandi Patris Thomæ ejusdem civitatis Archiepiscopi & Martyris gloriosi. Hic post longos exilii labores, quos pro justitiâ patienter pertulit, tandem Deo miserante reversus;  
&

& in Ecclesiâ suâ cum honore susceptus, in eâdem pro defensione libertatis ipsius gladiis impiorum percussus occubuit. Tali modo fortis athleta, agone suo constanter expleto, proprio sanguine laureatus, ac triumphali more insignis, ad Christum, pro quo fideliter decertavit, foeliciter pervenit. Cujus gloriæ Miraculorum frequentia testimonium perhibet; quæ post Passionem ipsius eveſtigio tanta ſecuta ſunt, & adhuc cotidie multiplicantur; quanta retro-actis temporibus pro aliquo Sanctorum vix uſpam ſacta leguntur.

Nonis Julii. Eodem die Translatio S. Thomæ Martyris Cantuariensis Archiepiscopi, anno gratiæ MCCXX. passionis autem ejusdem Martyris quinquagesimo, feriâ tertiâ. Ut eadem die & nasceretur ad pœnam, & pateretur ad gloriam, & transferretur ad honorem. In cujus Translatione Passionis ipsius Dominus miracula suscitavit; ut dum novis supervenientibus vetera fuissent renovata, ex signis coruscantibus & ipse Martyr gloriosior appareret.

RICHARDUS.

XIV. Calend. Martii. Obiit piæ memoriæ Richardus Archiepiscopus, Monachus nostræ Congregationis; qui Ecclesias de Eſtria, de Moncketone, de Mepeham, & de Eynesforde nobis restituit.

BALDWINUS.

XII. Cal. Decembr. Obiit Baldwynus Archiepiscopus.  
Idibus Septembr. Obiit piæ memoriæ Dominus Adam<sup>a</sup> de Chillynden, Prior Ecclesiæ Christi Cantuariæ, & in Archiepiscopum ejusdem Ecclesiæ electus.

REGINALDUS.

VII. Cal. Januar. Obiit piæ recordationis Reginaldus Episcopus Batoniensis, quondam Electus Cantuariensis; pro quo fiet servitium in Conventu, sicut pro uno Archiepiscopo.

HUBERTUS.

III. Idus Julii. Obiit Hubertus Archiepiscopus.

III. Non. Augusti. Obiit piæ memoriæ Hubertus Archiepiscopus<sup>b</sup>.

STEPHANUS.

VII. Idus Julii. Obiit bonæ memoriæ Dominus Stephanus Archiepiscopus.

RICHARDUS.

III. Non. Augusti. Obiit piæ memoriæ Richardus Archiepiscopus.

<sup>a</sup> Willelmum alii appellant.

<sup>b</sup> Quod Hubertus utroq; die obiisse dicitur; error est Codicis manifestus. Verè

obiit Hubertus 3. Idus Julii. Vide infra in Dissertatione de verâ Successione Archiepiscoporum Cant.



## EDMUNDUS.

XVI. Cal. Decembr. Eodem die Deposito S. Eadmundi Cantuariensis Archiepiscopi & Confessoris.

V. Idus Junii. Eodem die Translatio S. Edmundi Cantuariensis Archiepiscopi & Confessoris.

## BONIFACIUS.

XV. Cal. Augusti. Obiit bonæ memoriæ Bonifacius Archiepiscopus.

Memorandum quod anno Domini millesimo ducentesimo sexagesimo tertio Johannes de Westgate tunc Supprior & Capitulum Christi Cantuariæ Prioris destituti regimine, domino Bonifacio Cantuariensi Archiepiscopo quod faciant anniversarium ejus singulis annis post obitum suum, in formâ subterius scripta. Reverendo Patri ac domino domino Bonifacio Dei gratiâ Cantuariensi Archiepiscopo, totius Angliæ Primati, Johannes Supprior & Capitulum Ecclesiæ Christi Cantuariæ salutem & tam devotam quam debitam in Domino obedientiam & reverentiam. Noverit Reverenda vestra Paternitas, nos devoto corde concepisse, mente jocunda decrevisse, ac communi Fratrum voluntate ordinasse, juxta & vestræ Clementiæ magnificæ conscientiam quam in vobis jam invenimus, & in rebus expeditis experti sumus; omnium honorum & beneficiorum quæ in nostra sunt & in perpetuum fiant Ecclesiæ, sitis particeps, speciales augentes orationes in Domino; Ut ipse actus & gressus vestros in hac vitâ prosperè & per tempora foeliciora in suâ voluntate conservet. Ad hæc quod sancta & salubris est cogitatio pro fidelibus defunctis exorare, ut à peccatis solvantur: Statuimus ut Anniversarium vestrum singulis annis post hujus vitæ cursum in Ecclesiâ nostrâ festivè celebretur. Ita quod die Anniversarii vestri quilibet Sacerdos Missam pro fidelibus celebrabit specialem. Cæteri verò Fratres inferioris Ordinis, qui Missam non celebrant vel à casu debilitatis celebrare nequeunt, quinquaginta Psalmos dicent pro animâ vestrâ. Nomen verò vestrum per totam Angliam deferri faciemus; ut in singulis Religiosorum Capitulis à præsidentibus anima vestra plenius absolvatur. Præsentem igitur paginam in Martyrologio nostro transcriptam annotari fecimus; ut die obitus vestri revoluta solempniùs recitetur in Capitulo. Et eandem sigillo nostro signatam vobis transmitti curavimus: ne oblivioni tradatur humanæ; & quod pie conceptum est & à nobis salubriter ordinatum, majorum memorabiliore jugiter maneat confessione.

## ROBERTUS KILWARBY.

III. Idus Septembr. Obiit bonæ memoriæ dominus Robertus Archiepiscopus Cantuariæ, & postea factus Cardinalis.

## JOHANNES PECHAM.

VI. Idus Decembr. Obiit venerandæ memoriæ dominus Johannes de Pecham Archiepiscopus Cantuariæ, de ordine Fratrum Minorum.

ROBER-

ROBERTIUS WYNCHELSE.

V. Idus Maii. Obiit celeberrimæ memoriæ dominus Robertus de Wynchylse, quondam Archiepiscopus Cantuariensis; iste profecto pastor egregius, insigne speculum Prælatorum, moribus & virtutibus antecellens alios; sic cordis mundiciæ pudicitiam sociavit; sic carnis stimulos subreptantes cautiùs mortificavit; ut à multis putaretur in carne præter carnem vivere. Cujus solida constantia molestis eventibus non tepuit, nec minis terri nec muneribus flecti potuit viam veritatis deserere. Casulam, tunicam, & dalmaticam & capam Chori pretiosissimam ac omnes libros suos Ecclesiæ Cantuariensi in vitâ suâ donavit. Demum consummato malitiæ mundialis triumpho, V. Idus Maii, anno gratiæ millesimo trecentesimo tertiodécimo in Manerio suo de Otforde universæ carnis inevitabile solvit tributum; cuius corpus in Ecclesiâ Cantuariensi juxta altare S. Gregorii collocatur.

VI Cal. Septembr. Obiit piæ recordationis dominus Thomas de Cobeham, Episcopus Wygorniensis, quondam Electus Cantuariæ.

WALTERUS.

XV. Cal. Decembr. Obiit bonæ memoriæ Dominus Walterus Archiepiscopus; qui primò Episcopus Wygornia & Domini Regis Cancellarius fuit; & postmodum ad primaciam Ecclesiæ Cantuariensis translatus est. Vir quidem mansuetus & affabilis, & divinorum celebratione valde devotus. Dedit autem Conventui Manerium de Caldecote cum bosco de Thorholde juxta bartonam nostram; & per Cartam suam confirmavit libere & quiete pro se & successoribus suis in perpetuum. Et fiet Servitium pro eo in Conventu solempniter, sicut pro Wyberto Priore.

SIMON MEPHAM.

IV. Idus Octobr. Obiit bonæ memoriæ Dominus Simon de Mephram, quondam Archiepiscopus Cantuariensis, totius Angliæ Primas, & Apostolicæ Sedis Legatus, & S. Theologiæ Doctor, per Capitulum canonicè electus, & in Curiâ Romanâ confirmatus. Pro quo fiet Servitium in Conventu solempniter. Cujus testamenti executor Magister Laurentius Falstof dedit Conventui quinquaginta libras ad emendos redditus quadraginta solidorum annuatim expendendos in Anniversario ejus.

JOHANNES STRATFORDE.

X. Cal. Septembr. Obiit piæ memoriæ dominus Johannes Stratforde Cantuariensis Archiepiscopus; qui dedit Ecclesiæ suæ cappam pretiosissimam simul & mitram peroptimam & duos libros Juris, viz. unum Decretalium & alium Decretorum. Et assignavit Conventui annualem pensionem centum solidorum de Ecclesiâ de Preston & de Boctone; quas appropriavit Monasterio de Fevirisham. Pro quo fiet Servitium in Conventu sicut pro Edivâ Reginâ; & quisque sacerdos Missam unam dicet, ceteri Psalmos quinquaginta.



## JOHANNES UFFORD.

XI. Cal. Junii. Obiit Johannes Electus Cantuariensis.

## THOMAS BRADWARDYN.

VII. Cal. Septembr. Obiit dominus Thomas Bredwarden Archiepiscopus Cantuariæ.

## SIMON ISLIP.

VI. Cal. Maii. Memorandum quodd sexto Kalendas Maii circa unam horam post mediam noctem anno Domini millesimo trecentesimo [sexagesimo] sexto recolendæ memoriæ dominus Simon de Iselep Cantuariensis Archiepiscopus apud Magefeld diem suum clausit extremum. Et certa bona Priori & Conventui Ecclesiæ suæ Cantuariæ sub formâ quæ sequitur, prout in testamento suo evidenter apparet, reliquit atque legavit. ‘Item lego Priori & Conventui, qui circa sepulturam meam laborabunt, pro onere dictæ diei ad unam pitanciam decem libras. Item lego Capitulo seu Conventui meo sex duodecim discorum argenteorum, & tot falsaria argentea meliora & noviter fabricata, & quatuor pelves argenteas de armis meis, cum quatuor lavatoriis ejusdem sectæ. Item viginti quatuor pecias argenti, & sex ollas de argento pro vino; ut de eis ipsi Conventui in Refectorio & non alibi ministraretur. Decet enim sublimitatem tanti Capituli exclusâ vanâ gloriâ honestiori præferri ministerio & honorificentius deserviri. Et volo quodd ista vasa semper in dominio & possessione Conventûs remaneant. Nec liceat Priori aut cujuscvis alteri singulari personæ, cujuscunque statûs aut præminentie fuerit, nec etiam cuiquam Successori meo, contra hanc voluntatem meam ultimam & anathematis sententiam, quam ex hoc contraveniens poterit formidare, ipsa vasa aut partem eorum quamcunque sub accommodationis aut mutui cujuscunque specie, cum causâ vel sine causâ, extra dictum Refectorium recipere, nec ipsa Conventui accommodare, distrahere, deponere, aut ad aliquos usus alios transferre. Item lego Priori & ejus successoribus Prioribus Ecclesiæ Cantuariæ duas pelves argenteas majores & meliores præmissis, quæ sunt de armis meis similiter. Item lego Priori & Conventui mille oves matrices de melioribus quas habuero tempore mortis meæ. Et volo & ordino, quodd sætus earum vividi & proficui singulis annis reserventur ad numeri prædicti conservationem, vel augmentationem ejusdem; si Deus hoc permiserit. Alioquin de lanâ earum proveniente semper ad minus prædictus numerus habeatur. Et quodd residuum lanæ fuerit, vel aliàs ipsa tota, ut prædicitur, cum aliis proventibus siqui fuerint, in aliquos usus necessarios Monachorum, in pecuniam vel aliàs, prout Capitulum assignaverit, per manus Camerarii qui fuerit, distribuatur annis singulis & fideliter dividatur: ita quodd Monachi singuli quodd eis fuerit distributum habeant diebus Anniversarii mei: ut sic remunerati specialiùs pro animâ meâ valeant exorare. Et volo, quodd saltem unus, duo, vel tres Monachi ad hoc communiter electi singulis annis supervideant dictas oves; & de numero capitum ac etiam incremento agnorum & diminutione ac commodo tam ex lanis quàm ex ovibus ipsis aliunde proveniente: quorum omnium sunt computum audituri; quodd & fideliter Capitulo nostro referant & declarent. Et hæc omnia præter vestimentum meum aureum, quodd ante hæc tempora Ecclesiæ meæ dedi, unâ cum quadam cappâ preciosâ, sub tali conditione, & non aliter, Lego & concedo; quodd dictus Prior & Conventus mihi

‘ mihi faciant unam Cantariam perpetuam per unum de Fratribus meis, vel  
 ‘ alium quemcunque Sæcularem vel Religiosum in Ecclesiâ meâ prædictâ cele-  
 ‘ brandam seu faciendam secundum ordinationem eorum de consensu Execu-  
 ‘ torum meorum pro me & singulis Archiepiscopis tam præteritis quàm fu-  
 ‘ turis; & quòd singulis diebus sic celebrans, de quocunque celebraverit,  
 ‘ semper hanc Orationem & secundum formam hanc dicere teneatur. *Deus*  
 ‘ *qui inter Apostolicos Sacerdotes famulos tuos Dominum Simonem & Johannem*  
 ‘ *ac ceteros Archiepiscopos hujus Ecclesiæ Pontificali & Archiepiscopali dignitate*  
 ‘ *censeri fecisti; præsta, quasumus, ut quorum vicem gerebant in terris, eorum*  
 ‘ *perpetuo consortio latentur in cælis.* Item quòd singuli Monachi sacerdotes  
 ‘ in dictâ Ecclesiâ singulis annis quatuor vicibus, saltem in quolibet quar-  
 ‘ terio anni semel, quando Capitulo hoc placuerit ordinare, pro animâ meâ  
 ‘ specialiter celebret Missam de Beatâ Virgine cum Oratione prædictâ. Item  
 ‘ volo & ordino, quòd Prior & Capitulum singulis annis celebrari & pulsari  
 ‘ solempniter faciant, sicut pro aliis Archiepiscopis fieri consuevit, diem an-  
 ‘ niversarii mortis meæ. Super quibus omnibus, quatenus eos concernit, li-  
 ‘ teras suas faciant testimoniales sub sigillo eorum communi consignatas, &  
 ‘ Executoribus meis protinus liberandas.

Nonis Octobris. Obiit bonæ memoriæ dominus Willelmus Edynton Epif-  
 copus Wintoniensis, quondam Electus Cantuariæ, benefactor noster. Qui in-  
 ter cætera amicitiae bona, dedit Conventui centum marcas, videlicet cuilibet  
 Monacho unam marcâ, residuum ad usus necessarios Ecclesiæ. Item  
 dedit præfatæ Ecclesiæ quinque cappas, unam casulam, & tres tunicas ru-  
 beas cum appendiciis & pertinentiis suis. In cujus Anniversario solempne  
 fiet servitium in Conventu, sicut pro uno Archiepiscopo.

S I M O N L A N G H A M.

XI. Cal. Augusti. Obiit venerabilis Dominus, Dominus Simon Langham  
 quondam Archiepiscopus hujus Ecclesiæ, deinde Cardinalis effectus.

W I L L E L M U S W I T T L E S E Y.

VIII. Idus Junii. Obiit dominus Willelmus Wytelesee Archiepiscopus.

S I M O N S U D B U R Y.

XVIII. Cal. Julii. Obiit bonæ memoriæ dominus Simon Sudbury Archie-  
 piscopus hujus Ecclesiæ.

W I L L E L M U S C O U R T N A Y

II. Cal. Augusti. Obiit recolendæ memoriæ dominus Willelmus Cour-  
 tenay Archiepiscopus hujus Ecclesiæ; qui vixit in Archiepiscopatu per qua-  
 tuordecim annos & amplius. Et plura bona in vitâ suâ fecit Ecclesiæ suæ  
 Cantuariæ, scilicet ad fabricam navis Ecclesiæ, claustrum, & murorum clau-  
 suram circa gardinum Celerarii, mille marcas & ultra suâ gratiâ contulit;  
 unam cappam preciosam de rubio cum perilis, unam Trinitatem cum sex  
 Apostolis ponderis centum sexaginta librarum summo Altari dedit; unum  
 vestimentum album cum sex capis & aliud viride cum septem capis in testa-  
 mento suo legavit. Monachus istius Ecclesiæ, erat affabilis, pius & miseri-

cors.



cors. Ecclesiam de Mepham reintegravit ad usum Fratrum infirmorum; & quatuor domos fieri fecit expensis suis: pro quo fiet Anniversarium suum singulis annis sicut pro domino Simone Illepe quondam Archiepiscopo istius Ecclesie; & duo Monachi pro animâ suâ celebrabunt. Item legavit Ecclesie suæ Cantuariensi sex libros preciosos, sc. Milleloquium Augustini, & unum Dictionarium in tribus voluminibus, & Doctorem de Lirâ in duobus voluminibus. Quos libros occupat Magister Richardus Courtney ad terminum vitæ suæ de voluntate dicti Reverendi Patris; quos libros restitui faciat ad Ecclesiam Cantuariensem dictus Magister Richardus per executores suos post mortem suam sub penâ trecentarum librarum; sicut in quodam obligatorio & indenturâ inde factâ, quæ in Cancellariâ nostrâ habentur, plenius continetur.

### THOMAS ARUNDELL.

XI. Cal. Martii. Obiit recolendæ memoriæ Reverendissimus in Christo & Dominus Dominus Thomas Arundell Cantuariensis Archiepiscopus, totius Angliæ Primas, & Apostolicæ Sedis Legatus, filius spectabilis domini domini Richardi Counte Arundellæ & Warrenæ, primitus Episcopus Eliensis, deinde Archiepiscopus Eboracensis, & postea ad hanc sanctam Ecclesiam Cantuariensem, per ipsius Priorem & Capitulum concorditer postulatus, translatus existit. Erat autem vir eximiæ scientiæ, clari ingenii, in singulis agilibus providus & circumspectus, atque in Pontificalis officii executione sedulus & multum devotus, Regibus ipsius tempore regnantibus ac regno pro sui maturitate sani consilii multiplicitè acceptatus, necnon ejusdem regni vicibus iteratis sæpius Cancellarius. Contulitque idem Dominus Archiepiscopus huic Ecclesie multa meritò laudanda; videlicet unum vestimentum viride cum viginti & unâ cappis unius sectæ, aliamque cappam de aureo panno solempni, unam mitram auream diversis gemmis & lapidibus pretiosis ornatam, unum baculum pastorem magnum argenteum & totaliter deauratum; unum calicem aureum ad majus altare cum duobus urceolis de auro valoris ducentarum marcarum, aliumque calicem aureum ad Festum S. Thomæ quadraginta libras valentem; cum aliis diversis jocalibus, tria bacilla argentea ante summum altare pendentia, quinque campanas in sonitu dulcissimas Arundell ryng vulgariter nuncupatas. Duo quoque dedit Missalia; quamplures libros pretiosos, cum aliis ornamentis Ecclesiasticis. Contulit etiam ad fabricam navis Ecclesie mille marcas: Ecclesiam insuper Parochialem de Godmersham huic Ecclesie annecti & uniri procuravit; ex cuius fructibus & proventibus cuilibet Monacho hujus Ecclesie sex solidos & octo denarios in die regressionis pretiosi Martyris Thomæ singulis annis in ejus memoriam distribui præcepit. Item legavit huic Ecclesie unum librum pretiosum; in quo omnes libri B. Gregorii continentur; inhibens sub Excommunicationis majoris pœnâ, quam de facto fulminavit, quòd nullus librum ipsum ab Ecclesia Cantuariensi quovis modo alienaret. Et post dicti Domini Archiepiscopi mortem testamenti sui sive ultimæ suæ voluntatis Executores dederunt Priori & Monachis hujus Ecclesie centum libras monetæ Anglicanæ, secundum voluntatem ejusdem Ecclesie tunc Prioris & Confratrum suorum distribuendas. Nec est silentio omittendum, quòd inter alia ipsius Domini Archiepiscopi facta laude digna perhenni, ipse perfidam sectam \* Lauredorum, quæ tunc in regno invalescebat, ut pugil potens Ecclesie, potenter compescuit. Et tandem Translationis suæ ad hanc Ecclesiam anno decimo octavo, anno verbò Incarnationis Dominicæ millesimo quadringentesimo decimo tertio, undecim Kalendas Martii, in Rectoriâ Ecclesie

\* *Vulgò Lol-lardorum.*

clesiæ de Hakynton sine quievit glorioso. Pro quo fiet Servitium in Conventu  
solempniter in perpetuum.

HENRICUS CHICHELE.

II. Idus April. Obiit Dominus Henricus Chichele Archiepiscopus hujus  
Ecclesiæ; cujus animæ propitiatur Altissimus.

JOHANNES STAFFORDE.

VIII. Cal. Junii. Obiit recolendæ memoriæ Reverendissimus in Chri-  
sto Pater & Dominus Dominus Johannes Stafforde Archiepiscopus hujus  
Ecclesiæ.

JOHANNES KEMP.

XI. Cal. April. Obiit Reverendissimus in Christo Pater & Dominus Domi-  
nus Johannes Kempe titulo S. Rufinæ sacrosanctæ Romanæ Ecclesiæ Epif-  
copus Cardinalis, & hujus sanctæ Cantuariensis Ecclesiæ Archiepiscopus.

THOMAS BOURCHIER.

III. Cal. April. Obiit Reverendissimus in Christo Pater & Dominus Do-  
minus Thomas Bourschyre titulo S. Ciriaci in Termis sacrosanctæ Romanæ  
Ecclesiæ Presbyter Cardinalis & hujus sanctæ Cantuariensis [Ecclesiæ] Archi-  
episcopus. Qui contulit huic Ecclesiæ pulcherrimam Imaginem de S. Trini-  
tate de auro & gemmis ornatam, atque viginti septem cappas de rubio tessuto,  
cum toto apparatu pro sacerdote, diacono & subdiacono unius sectæ.

JOHANNES MORTON.

XVI. Cal. Octobr. Obiit colendissimus in Christo Pater & Dominus Do-  
minus Johannes Morton, Legum Doctor, quondam Rotularum Magister,  
deinde in Episcopum Eliensem exigitur. Et postea ad sanctam Cantuari-  
ensem Ecclesiam tanquam ad sedem superiorem transfertur. Postremò Re-  
giæ Majestatis, Universitatique Oxonii Cancellarius efficitur: & ita à Sum-  
mo Pontifice in Presbyterum Cardinalem intitulatur. Hic enim divini cul-  
tûs zelator fuit ardentissimus, & Regiæ Majestatis totiusque reipublicæ con-  
sultor magnificus. In viro enim isto tanta vigeat auctoritas animique vir-  
tus; ut Ecclesia Anglicana & dignitate & libertate suâ potita est. Si quid  
præterea ad ipsius Ecclesiæ gloriam augendam ampliandamve sibi visum fu-  
erit pertinere; id omni studio curâque maximâ procuraret; quod verò eam  
offenderet, summâ cum diligentia propulsaret. Tanto enim amore matrem  
suam sanctissimam Cantuariensem videlicet Ecclesiam amplexus est; ut eam  
munere amplissimo, cappis scilicet octoginta albi coloris ditissimis ornatissi-  
misque, cum omnibus aliis ad Presbyterum, Diaconum, Subdiaconumque  
pertinentibus, suo nomine armis propriis, ex omni parte auro purissimo de-  
super textis, literisque decentissimis hanc sententiam suavissimam, *Deo sit  
gratiarum actio*, componentibus, ad Dei laudem suique memoriam relinque-  
ret donatam. Pallium etiam funerale ex nigro bisso pulcherrimum, corpori-  
bus defunctorum deputatum, auro purissimo undique circumseptum, mag-  
nâ ex suâ munificentia contulit. Sui denique ope sumptibusque magna pars  
Turris in Ecclesiæ medio constructa est. Duos insuper Confratres in Uni-  
versitate



veritate Oxoniensi studio incumbentes, ad fidem orthodoxam augendam & verbum Dei prædicandum, viginti annorum circulo post ipsius obitum, septemque dum idem Venerabilis Dominus superstes erat, suis propriis sumptibus educaverat. Plura insuper alia exaratu digna contulisset; si natura sibi vitam prolixiorē donasset. Cū enim vitam hanc humanam ad annum ferè octogesimum Deo favente duxisset haud dubium fœlicem; febris tandem quartana ipsius naturæ inimica præsentī luce privavit. Et ubi à nonnullis sæpissimè persuasus erat; ut sibi sepulchrum satis amplum, dignum, honorificumve construeret; non in publico, non in tumultu, sed in secreto subterraneoque loco in Criptis nuncupato, lapide duntaxat coopertus marmoreo, coram Imagine Beatissimæ Virginis Mariæ, quam ex intimo diligebat, sepulturæ locum elegit: Ubi ipsius corpus fœlicissimum jam quiescit. Quo quidem in loco duo Confratres cotidie Missas duas cum *Placebo* & *Dirige*, durante viginti annorum spatio pro ipsius animâ devotissimè celebrant. Et dictus Venerabilis Dominus illis duobus Fratribus instituit pro mercede eorum quadraginta denarios septimanatim impendi; prout in præsentī libro plenius continetur. Quæ quidem anima ut requie perfruatur æternâ, concedat Altissimus.

#### H E N R I C U S D E N E.

XV. Cal. Martii. Obiit Dominus Henricus Dene Archiepiscopus hujus Ecclesiæ.

XV. Cal. Octobr. \* Obiit Dominus Thomas Wellys Episcopus Sidoniæ ae Prior S. Gregorii.

XIII. Cal. Decembr. Obiit Reverendus in Christo Pater Dominus Ricardus Marten Suffraganeus; qui dedit Ecclesiæ Christi Cantuariæ unam mitram cum baculo suo pastoralī, Frater & Benefactor noster.

---

\* Quoniam tempore isti duo Chorepiscopi vixerint, mihi incompertum est. Thomas Wellys Monachus Ecclesiæ Christi Cantuariensis ab Henrico Chichele Archiepiscopo sub initia pontificatus sui Cantuariensis Acolithus, Subdiaconus, Diaconus & Presbyter successivè ordinatus legitur in Registro *Chichele* vol. 2.

## Anonymi Historia Controversiæ inter Sedes Cantuariensem & Eboracensem de Primatu.

**P**aulinus vir Deo dilectus primus Norhamhumborum Archiepiscopus à Justo Cantuariensi Archiepiscopo ordinatur<sup>a</sup>, & ab Honorio Papâ primo accepit Pallium ad Dorobernensem Archipræsulem consecrandum<sup>b</sup>. Hac enim de causâ habuit Pallium; sicut habet Episcopus Ostiensis, qui in consecratione Papæ Pallio utitur duntaxat. Iste Paulinus Regem Norhamhumborum Eadwynam ad fidem Christi convertit; ac ipso Rege postmodum perempto, Canciam idem Paulinus rediit \* navigio; ac ab Honorio Cantuariensi Archiepiscopo & à Rege Egbaldo honorificè est susceptus: Eorum invitatione suscipiens Roffensis Ecclesiæ præsulatum, Pallium quod à Papâ susceperat ex toto relinquens.

### De S C O T I S.

Scoti postmodum missi à Scotiâ successerunt, videlicet S. Aidanus, Finanus, Colmannus. Aidanus provinciis, quibus regnavit Rex<sup>c</sup> Edwardus, verbum Dei prædicavit; & ab ipso Rege in insulâ Lyndeferrensi sedem Episcopalem<sup>d</sup> ut petebat, [impetravit]. Cui successerunt prædicti. Finanus, Colmannus [qui] nec Pallio nec Urbis nobilitate voluerunt attolli. Colmanno per Wilfridum convicto & ad patriam reverso<sup>e</sup>, Tuda per illum Episcopatum accepit; & à Scotis Præsul ordinatus est. Quo defuncto, ipse Wilfridus ad Archiepiscopatum Ebor. eligitur<sup>f</sup>, & ab Alfrido Rege filio Oswy Regis mittitur in Galliam<sup>g</sup> consecrandus. Quo ultra mare vertente, Sanctus vir Cedda<sup>h</sup> intronizatur. Sed hæc iniquitas ab Archiepiscopo Cantuariensi Theodoro est correctâ; excussoque Cedda<sup>h</sup> intronizatur Wilfridus. Quo iterum à Rege Egfrido expulso<sup>i</sup> duo pro ipso<sup>k</sup> expulsi sunt de Eboraco, Bosa in Haugulstaldo, & eo defuncto Johannes pro eo ordinatur ibidem; & sic Episcopatus dividebatur in duos. Tempore verò Alfridi Regis rediit<sup>l</sup> in totum Episcopatum Wylfridus quinque annis, expulsis Johanne de Augustaleo & Bosâ de Eboraco. Post quinque annos Wilfrido iterum ab Alfrido expulso<sup>m</sup>, illi sunt sedibus<sup>n</sup> destituti. Et defuncto Alfrido, iterum Wilfridus in concordia susceptus<sup>n</sup>, sedem apud Haugustald habuit, Johanne in Eboracum migrante, quod Bosâ defunctus erat; & successit<sup>o</sup> in

<sup>a</sup> Ordinatus est anno 625. 12. Cal. Augusti. Tho. Stubbs Act. Pontif. Ebor. pag. 1687. Beda in Epitome. <sup>b</sup> Honorium enim Archiepiscopum Cantuariensem post Justi mortem Paulinus consecravit. Beda. \* Anno 633. Simeon Dunelm. Epist. ad Hugonem. p. 77. Beda in Epitom. <sup>c</sup> Legendum forsan Oswaldus. <sup>d</sup> Anno 635. Simeon Dunelm. pag. 2. <sup>e</sup> Anno 664. Idem pag. 3. <sup>f</sup> Anno 664. Richardus Hagulstad. Hist. lib. 1. cap. 6. <sup>g</sup> Anno 665. Radulphus de Diceto Abbrev. Chron. p. 439. <sup>h</sup> Anno 669. Richardus Hagulstad. l. 1. c. 6. <sup>i</sup> An. 678. Beda, l. 4.

c. 12. <sup>1</sup> Anno 685. Rich. Hagulstad. l. 1. c. 11. rectius 688. Stubbs. <sup>m</sup> Post quinque annos. Id. l. 1. c. 12. Simeon Dun. Epist. ad Hugonem, p. 78. <sup>k</sup> Lege constituti sunt; in Eboraco Bosa, in Haug. Eta, & eo defuncto. <sup>n</sup> Post annos tredecim. Idem ibid. Anno 705. Radulphus de Diceto Abbrev. Chron. p. 442. <sup>o</sup> Anno 717. Th. Stubbs, p. 1693. Sedit annos 15. Id. p. 1694. obiit circa an. 736. Id. ibid. Male Simeon Dunel. illum anno 745. 3. Cal. Maii obiisse ex aliena fide refert. de gest. Reg. p. 104.



Eboraco Wilfridus Presbyter suus. Unde lis maxima inter Cantuariensem Archiepiscopum & Ebor. vertebatur: quia dicunt Cantuarienses se Wilfridum habere seniore. Contra Eboracenses contendunt hunc juniorem ab Archiepiscopo Odone Cantiam fuisse translatum. Hoc defuncto substituitur Egbertus<sup>p</sup> frater ejusdem Provinciæ Regis. Hic suâ prudentiâ & fratris potentiâ sedem illam in statum genuinum reformavit. Ceteri Episcopi inter Paulinum & Egbertum nichil altius quàm simplicis Episcopi vocabulo anhelarunt. Sui autem successores erant Cocna, Eadbaldus. Post Eadbaldum hi fuerunt Archiepiscopi Eboracenses. Wlfius, Wygmundus, Wlferus, Atelbaldus, Rodewardus, Wlstanus, Osketel. Hic floruit tempore \* Oldredi & Edgari Regum Angliæ; habuitque successores Oswaldum, Aldulphum & Wlstanum. Hi tres fuerunt Episcopi Wygornienfes & Archiepiscopi Eboracenses successive.

\* f. Edredi.

#### De THOMA Eboracensi Archiepiscopo.

Thomas Canonicus Baiocensis in Archiepiscopum Eboracensem successit per Willelmum Regem<sup>q</sup> Angliæ; duravitque annis XXX. Omni vitâ honestus; semper benefaciens in honore, nisi quod primo Archiepiscopatus sui tempore in causâ Primatus Cantuariæ certavit; dicens se nolle Cantuariensi Electo Lanfranco professionem facere, ut debebat. Postea sic ductus rationibus Lanfranci, coram eo professionem suam fecit; sicut sui Predecessores fecerunt. Lanfrancus Romam pro debito sibi Pallio iens<sup>r</sup>, Remigium Lincolnensem Episcopum & Thomam Eboracensem Archiepiscopum comites itineris sui habebat. Qui simul Romam venientes, honore congruo sunt recepti. Postea Lanfrancus Alexandro Summo Pontifici præsentatur. Et ipse Papa assurgens, cum ut gressum figeret, hortatus est, subdens: Honorem, inquit, exhibuimus non tuo Archiepiscopatu, sed quem Magistro debuimus, cujus stilo fuimus in illis quæ scimus imbuti. Hinc quod ad te pertinet ob reverentiam B. Petri te exequi par est. Et humiliavit se Lanfrancus ad pedes Papæ: Sed mox erigitur ad osculum ejus; lætantes ad invicem illa die. Sequenti verò luce negotia diversa ad invicem tractantes, calumpniatus est coram Papâ Thomas Eboracensis cum Remigio, quod neuter eorum canonicè fuerat ad Pontificatum promotus. Eboracensis eò quod sacri canones filios Presbyterorum, quos Religionis ordo non ornat, à sacrorum Ordinum promotione removeant; alius verò pro eo quod factâ conventionem Episcopatum à Rege Wilhelmo emerit, fuit indignus. Ad hæc illi excusationem aliquam non habentes, redditis baculis & annulis cum curâ Pontificali ad petendum misericordiam sunt conversi. Quorum precibus se Lanfrancus exponens, coram Papâ dicens novo Regi in novis dispensationibus & dispositionibus regni necessarios oratoriâ facultate ostendit. Et his auditis Papa ad eum conversus; Tu videris, inquit; pater es illius patriæ; ac consideret tua industria quid expediat in hac parte. Virgæ pastorales, quas reddiderunt; ecce hæc sunt. Accipe illas; & dispensa, prout utilius Christianitati regionis illius agnoscere poteris. At ille baculos pastorales suscipiens, in præsentia Papæ statim dictos viros suis baculis pontificalibus investivit.

<sup>p</sup> Anno 735. Id. Epist. ad Hugon. p. 78. Anno 736. Tho. Stubbs pag. 1697. <sup>q</sup> Nominatus à Rege anno 1070. die Pen-  
tecostes. Simeon. Dun. de gest. Reg. p. 202. Anno 1071. Id. p. 205.

## De G I R A R D O Archiepiscopo.

Girardus, qui erat nepos Walkelini Episcopi Wyntonienſis, & ipſe Gy-  
 rardus prius Episcopus Herefordenſis <sup>a</sup>. Literas ei miſit ſub hac formâ Paſchalis  
 ' Papâ. ' Paſchalis Episcopus, ſervus ſervorum Dei, Gyrardo Eboracenſi Ar-  
 ' chiepiscopo ſalutem & Apoſtolicam benediſtionem. <sup>b</sup> Quam grave contra  
 ' nos immo contra matrem tuam Sanctam Romanam Eccleſiam te non ig-  
 ' noramus egiſſe; præſentibus tamen literis tibi mandamus; ut profeſſionem  
 ' tuam Venerabili fratri noſtro Ancelmo Cantuarienſi Archiepiscopo facere  
 ' non negligas. Audivimus enim Thomam prædeceſſorem tuum ex eadem  
 ' re contentionem moviſſe. Et cùm in præſentia Alexandri Papæ cauſa  
 ' ventilata fuiſſet, ex præcepto ejus, diſcuſſione habitâ, Lanfranco, ſucceſ-  
 ' ſori ſuo & ſucceſſoribus ſuis eadem feciſſe. Nos igitur quod tunc defini-  
 ' tum eſt, volumus firmum & illibatum obſervari. Hanc Epiſtolam ſibi fi-  
 ' deliter miſſam Girardus non legit; quia neceſſe non fuit. Prævenit enim  
 ' juſſum Apoſtolicum; & hortatu Regis ſuâ manu impoſitâ manui Ancelmi,  
 ' pollicitus eſt <sup>c</sup> ſe eandem <sup>d</sup> objectionem & obedientiam ſibi & ſucceſſori-  
 ' bus ſuis in Archiepiſcopatu exhibiturum, quam Herefordenſis Episcopus  
 prius promiſerat juramento.

## De T H O M A.

Poſt obitum dicti Girardi Thomas fratruelis <sup>e</sup> eligitur. <sup>f</sup> Cùm ad con-  
 ſecrationem ſuam pro more Cantuariam venire invitaretur ab Ancelmo;  
 primò benignè reſpondit grates ſe velle hoc agere; ſed petiit inducias ad agen-  
 dum: & deinde ipſe ſubterfugia quærens; Ancelmus ſcripſit eidem. ' Ancelmus  
 ' miniſter Eccleſiæ Cantuarienſis Thomæ Electo Eboracenſi ſalutem. Tibi  
 ' Thoma in conſpectu Dei omnipotentis ego Ancelmus Archiepiſcopus Cantua-  
 ' rienſis & totius Britanniæ Primas ex parte ipſius Dei. Officium ſacerdotale,  
 ' quod meo juſſu per meum Suffraganeum ſuſcepisti; tibi interdico; ac præ-  
 ' cipio ne te de aliquo Paſtorali curâ præſumas intromittere ullo modo; donec  
 ' à rebellionem, quam contra Eccleſiam Cantuarienſem incœpiſti, diſcedas;  
 ' & ei ſubjectionem quam Anteceſſores tui Thomas & Girardus Archiepiſco-  
 ' pi Eboracenſes ex antiquâ Anteceſſorum conſuetudine profeſſi ſunt, juxta ut  
 ' teneris, profitearis. Quòd ſi in his quæ cœpiſti magis perſeverare quàm ab  
 ' eis deſiſtere delegeris; omnibus Episcopis totius Britanniæ ſub anathemate  
 ' perpetuo interdico; ne tibi ullus manus ad promotionem Pontificatûs im-  
 ' ponat: vel ſi promotus ab exteris fueris, nec pro Episcopo vel in aliqua  
 ' Chriſtianâ communionem te ſuſcipiant. Tibi quoque Thomæ ſub eodem  
 ' anathemate ex parte Dei interdico; ne unquam benediſtionem Episcopatus  
 ' Eboracenſis ſuſcipias; niſi prius profeſſionem, quam Anteceſſores tui fece-  
 ' runt, Eccleſiæ Cantuarienſi facias, ut teneris. Si autem Episcopatum  
 ' Eboracenſem ex toto dimiſeris; concedo, ut officio ſacerdotali, quod jam  
 ' ſuſcepisti, utaris. Erat enim <sup>g</sup> Normanniæ, & cùm in regnum Angliæ re-

<sup>a</sup> Succedit anno 1100. <sup>b</sup> Quanquam 1711. <sup>d</sup> Lege ſubjectionem. <sup>e</sup> Non  
 pravé. Sic legit Malmsburienſis. <sup>c</sup> Anno Girardi, ſed Thomæ prædeceſſoris.  
 1107. obiit anno 1108. Sim. Dunelm. de <sup>f</sup> Septimo poſt Girardi obitum die. Stubbs  
 geſt. Reg. 12. Cal. Junii. T. Stubbs p. 1711. <sup>g</sup> Lege Erat enim Rex



disset, cœpit ventilare dictam causam ipso tempore Girardi. Anno incarnationis Verbi MCIX. in sede metropoli Cantuariensi in bonâ memoriâ Ancelmus Cantuariensis Archiepiscopus ad caput Archiepiscopi Lanfranci sui prædecessoris honorificè sepelitur. Evolutis postmodum paucis diebus venit in Angliam missus à Pascali Papâ Ulricus Cardinalis, Pallium Eboracensi Ecclesiæ secum deferens. Ubi audivit Ancelmum vitam finisse, nam obitum ejus non longè extra Angliam famæ pertulerat certitudo; consternatus animo quid faceret dubitabat, eò [quòd] Pallium à Papâ acceperat deferendum Ancelmo. Postea Henricus Rex Angliæ in magnâ mundi gloriâ Londoniæ Curiam suam celebrans, quid agendum esset de consecratione Thomæ Eboracensis Electi quasivit. At ubi expositâ sibi Epistolâ Ancelmi super & de interdicto benedictionis ejus intellexit; per Robertum de Mellente Comitem sciscitatus est qui sc. ausus fuit præter imperium Regis recipere dictam Epistolam. [Episcopi] habito Concilio statuerunt inter se, se malle suis omnibus spoliari, quàm quæ Ancelmus præceperat non obtemperare. Erant enim hi Ricardus London. Willelmus Wyntonienfis, Robertus Lincoln. Herebertus Norwycensis, Rogerus Sarum, Radulphus Roffensis, Remenilus Herefordensis, Robertus Cicestrensis, Johannes Bathoniensis, Robertus Cestrensis, & Willelmus Exoniensis. Istis firmato concilio inter se visum est Sampsonem Wygorniensẽ Episcopum accersendum, & quam de negotio sententiam ipse ferret perquirendum. Et respondit. ‘Et licet hunc Electum Eboracensem olim ex conjuge † fidelium susceperim; eique carnis naturam, honoris & dignitatis provectum æquissimè debeam; multò magis sanctæ Cantuariensi Ecclesiæ teneor, \* qui me in eum, in quo sum, honorem pro-  
vexit; & gratiæ, quam à Domino Jesu Christo meruit, me per Pontificale ministerium fecit participem. Et propterea notum omnibus esse volo me & literis Patris nostri Ancelmi de causâ, quam nunc inter nos agimus, sanctis modis omnibus obediturum; nec unquam Ancelmum proditurum; ut is qui electus est in Archiepiscopum Eboracensem, aliquatenus consecratur, donec de subjectione suâ Ecclesiæ Cantuariensi debitam & Canonicam obedientiam profiteatur. Ego enim præsens fui, quando frater meus Thomas nuper Eboracensis Archiepiscopus juxta consuetudinem antiquam eandem professionem Cantuariensi Archiepiscopo Lanfranco & cunctis successoribus suis fecit. His dictis, omnes Episcopi simul ad Regem sunt reversi; dicentes constanter literas Ancelmi, de quibus Comes de Mellente sciscitatus erat, se recepisse; & contra eas nullâ ratione statuturos asserentes unanimiter. Ad quæ dixit Rex. ‘Quicquid in his aliorum sententia dicet; de me constat, quòd cum Episcopis sentio; [nec] excommunicatoni Patris Ancelmi aliququaliter subjacebo. Quibus auditis, omnes Episcopi sunt gavisi; & agentes Deo grates, pariter clamaverunt, Ancelmum adesse; & quod in corpore degens facere non poterat, jam mundo absentem causam suæ Ecclesiæ terminasse. Postea in laudem dicti Regis demoratum est; ut ipse dignitatem Primaciæ Ecclesiæ Cantuariæ humiliari à nullo permetteret. Postulatus autem jussit consuetudines & scripta antiqua Ecclesiæ Cantuariensis sibi afferri, & coram eo publicè recitari. Quod & factum est. ‘Quid amplius quæritur? dixit Rex. ‘Auctoritates & privilegia Sedis Apostolicæ, & quæ in præsentia Patris & Matris meæ testimonio ac confirmatione Prælatorum & Procerum Regni Angliæ diffinita sunt; ut quasi de Epistolâ Ancelmi penitus taceatur; ego vobis ambagibus permetterem agitari? Immo sciat Thomas, sciat se aut subjectionem Ecclesiæ Cantuariensi & obedientiam ejusque Primatibus, ut sui Antecessores professi sunt, professurum; aut Archiepiscopatui Eboracensi cessurum ex toto. Eligat autem quodcunque vult. Consideratis auctoritatibus, quibus Ecclesiam Cantuariensem circumvallari videbat, spretis Clericis, quorum consilio se credidisse

† l. fidei.

\* l. quæ.

disse dolebat, se contra eorum auctoritates nolle stare, sed morem Antecessorum suorum sequendo, & Ecclesiam ipsam deinceps diligere se velle dixit ac etiam honorare. Præcepit Rex; ut Professio, quam Thomas facturus esset, in sui præsentia dictaretur, scriberetur, & sigillo suo servaretur inclusa. Dominicâ autem die, quæ fuit V. Kalend. Julii, jubente Rege convenerunt Ricardus Londoniensis, Willelmus Wyntonienſis, Radulphus Roffensis, Herebertus Norwycensis, Radulphus Ciceſtrenſis, Ranulphus Dunelmensis, Herveus Brancorensis, Episcopi in Ecclesiâ S. Pauli London. pro consecratione Thomæ Eboracensis Archiepiscopi Electi. Ricardus Episcopus Londoniensis, qui ipsum Thomam erat sacraturus, Professionem ab eo exegit; quæ sicut erat sigillata, sic ab eo lecta est. 'Ego Thomas Eboracensis Ecclesiæ consecrandus Metropolitanus profiteor subjectionem & Canonicam obedientiam Sanctæ Dorobernensi Ecclesiæ & ejus Ecclesiæ Electo & Consecrato & suis Successoribus canonicè intronizatis, salvâ fidelitate Domino Regi Angliæ, & suâ obedientiâ ex parte meâ tenendâ, quam Thomas antecessor meus Sanctæ Romanæ Ecclesiæ ex parte suâ professus est. Intererant huic Professioni idem Rex, Conradus Ecclesiæ Cantuariensis Prior & Monachi plures ejus. Et lectam Professionem ab ipso Thoma eidem Episcopo oblatam accepit; & eidem Priori & Monachis tradidit, ita dicens. 'Hanc Fratres mei Professionem suscipite; & servate in testimonio rei gestæ. Deinde à Radulpho Ciceſtrenſi Episcopo dictum est populo, hujusmodi Consecrationem ex recto & antiqua consuetudine debere fieri in Cantuariensi Ecclesia; & adjecit: verum quod Civitas Cantuariensis defuncto Anselmo Archiepiscopo [Metropolitano careret] sufficit, quod est factum eâ ratione; quod Episcopus Londoniensis inter ceteros Episcopos est Decanus Ecclesiæ Cantuariensis; & ideo quadam speciali dignitate anteponendus est. Itaque Thomas Eboracensis consecratus est à ministro: quod fieri \* voluit à magistro. Dum vi- \* *Legit. oluit.* ta præſenti superfuit; pœnitudo hujus facti ab ejus animo non recessit. Quibus sic peractis, Cardinalis qui cum Pallio ad Angliam venerat, dictum Archiepiscopum illo investivit<sup>a</sup>; sicque Romam rediit festinanter.

## De THURSTANO Electo Eboracensi.

Thurstanus Regis Capellanus ad Archiepiscopatum Eboracensem eligitur die Assumptionis B. Mariæ apud Wyntoniam anno gratiæ MCXIV. Postea duobus annis elapsis Convocatio Optimatum & Baronum totius Angliæ apud Sarum XIII. Kal. Aprilis facta est; qui in præsentia Regis Henrici homagium filio suo Willelmo fecerunt, & fidelitatem juraverunt eidem. Habita est ibidem causa de querelâ, quæ inter Archiepiscopum Cantuariensem Radulphum & Electum Eboracensem Trustanum per annum integrum versata est. Et Electus cum à Cantuariensi moneretur, ut Ecclesiæ Cantuariensi faceret quod debuerat, & benedictionem suam Ecclesiastico more susciperet: Hic respondit; Benedictionem se libenter suscipere velle; sed Professionem, quam exigebat, se nullâ ratione facturum. Rex verò Henricus ubi animadvertit Trustanum in suâ stare pertinaciâ; protestabatur morem Antecessorum suorum tam in professione faciendâ quàm in aliis Cantuariensis Ecclesiæ dignitatibus ex antiquo jure competentibus se nullo modo executurum; sed Episcopatu Eboracensi cum benedictione se potius cariturum; & statim Pontificatui Eboracensi renunciavit expressè: spondens Regi Archi-

<sup>a</sup> Factum in Eboraci eodem | Dominica, Florentius Wigornien-  
anno in Calendis Augusti, die | sis refert.



\* *Lege cui-  
cunque qui.  
† Lege suo-  
rum.*

episcopatum Eboracensem dum viveret non reclamaturum, nec calumpni-  
am inde moturum \* quibuscunque ibidem substitutus fuisset. Verunta-  
men de † suo consilio Clericorum Romam profectus, huiusmodi Episto-  
lam impetravit.

## B U L L A P A P Æ.

\* *Malmsburi-  
ensis legit Re-  
gni.*

† *deest apud  
Malmsbur.*

‘ Paschalis Episcopus, servus servorum Dei, dilecto filio Henrico illustri  
‘ Anglorum Regi salutem & Apostolicam benedictionem. Nos auctore Deo  
‘ de tuâ probitate non tantum bona sed & confidimus meliora; & ideo mo-  
‘ nemus Excellentiam tuam; ut gratiæ divinæ memor semper existas, quæ  
‘ tibi & \* Regi pacem & justitiæ notitiam tribuit. Honorem igitur Dei &  
‘ Ecclesiarum ejus in regno tuo diligenter observa, & justiciam efficaciter ex-  
‘ equaris. Audivimus Eboracensis Ecclesiæ Electum, virum sapientem & pro-  
‘ vidum, sine judicio à suâ sequestratum Ecclesiâ quod nimirum divinæ ju-  
‘ stitiæ & Sanctorum Patrum constitutionibus adversatur. Nos quidem ne-  
‘ que Cantuariensem Ecclesiam minui, neque Eboracensi Ecclesiæ volumus  
‘ præjudicium pati; sed † in eam Constitutionem, quæ à Gregorio inter  
‘ easdem Ecclesias constituta est, firmam censemus & illibatam servari. Nos  
‘ ut idem Electus, ut justitia exigit, ad Ecclesiam revocetur, volentes; &  
‘ siquid quæstionis inter easdem partes nascitur, præsentibus utrisque partibus  
‘ in nostrâ præsentia pertractetur.

\* *Lege eo.*

† *Lege liga-  
tus.*

\* *Lege Roma-  
nis.*

† *Malmsburi-  
ensis legit mu-  
taret.*

\* *Lege hoc.*

Hac Epistola fretus Trustanus repetit Sedem suam. Augebatur indies dis-  
cidium inter eum & Cantuariensem Archiepiscopum Radulphum; quia ipse  
blandiciis vel minis adduci nequeat; ut ei manus ad consecrandum impone-  
ret, nisi Professionem faceret: nec Trustanus hoc futurum sub capitis peri-  
culo promittebat. Successori autem Paschalis Papæ Gelasio citra montes ve-  
nienti ambo Archiepiscopi statuerunt occurrere, causarum suarum patrocinio  
affuturi. Calixtus, qui successerat, Remis ad celebrandum venit Concili-  
um. Trustanus eo tempore erat cum Rege Angliæ, petens ab \* eis licenti-  
am ad dictum Concilium transeundi. Tandem optinuit, eâ interpositâ fide,  
ut Episcopalem benedictionem à Papâ non reciperet. Tali sponfione † le-  
gatus arripuit iter suum. Sed mox, ut opportunum viderat, oblitus est  
Regis; & \* Romanos, ut suam sustinerent causam, largiter exhibuit; & à  
Papâ contra consuetudines omnes benedictionem Episcopalem accepit. Sanè  
præcesserat Trustanum ad Papam Legatus Regis Segfredus, postea Cice-  
strensis Episcopus, denuntiaturus Papæ ne ullo modo Trustanum consecra-  
ret, aut ab aliquo nisi à Cantuariensi Archiepiscopo consecrari permetteret:  
& si contra hoc ipse Papa faceret, certus existeret, quod nec pro amissione  
coronæ suæ suum propositum non † haberet. Et respondit Papa: ‘ Ne  
‘ putet Rex me de quo agitur negotio aliter acturum quàm ipse velit. Ne-  
‘ que enim me ad hoc voluntas mea unquam tulit: ut Cantuariensis Eccle-  
‘ siæ dignitatem, cui tot præclari Patres præfuerunt, læderem. Et his blan-  
‘ diciis persuasus Legatus mature rediit ad Regem. Post cujus discessum Papa,  
[Romanorum] jussis obnoxius, qui in amicitiam Trustani transierant,  
eum \* sacrauit; palàm interdicente Johanne Archidiacono Cantuari-  
ensi. Responditque ei Apostolicus: ‘ Nullam injustitiam Ecclesiæ Can-  
tuariensi volumus facere, sed salvis justitiâ & dignitate illius \* quod fa-  
cimus. Id audientes frivolum judicarunt; cum discordaret factum à dicto.

Hoc audito, Rex interdixit Truſtano omnem dominationis ſuæ terram. Quam ſeveritatem nec tunc voluit diminuerẽ; licet Papa rogaffet; & Papa aſſeruit ſe eum de fide, qua ſe Rex obligatum eſſe dicebat, eum auctoritate B. Petri ſoluturum. Quod cum \* fruſtratum fuiſſet; tunc quidem [reſ] \* l. fruſtra. impacata remanſit. Sed anno ſequenti † tam Papa in ſede Apoſtolatûs + l. cum jam, et Malmsburienſi. corroboratus, liberius quæ vellet diſponeret; miſit Epiſtolam, ut aut Truſtanus Archiepiſcopatu potiretur, aut Rex anathemate & Archiepiſcopus Cantuarienſis ſuſpenſione ſacerdotalis officiî plecterentur. Hic metus coegit Regem cœptis deſiſtere: & ſic receptus \* eſt Truſtanus in Sede. Et ita ille quamvis Radulphus & Willelmus Archiepiſcopi Cantuarienſes multas expenſas effunderent; omnes allegationes eorum inſtantiâ ſuâ irritas fecit. Poſtea Truſtanus abrenunciâs ſæculo & Epiſcopatui, factus eſt Monachus apud Pontem-fractum Ordinis Cluniacenſis anno Domini MCXL<sup>a</sup>.

## De WILLELMO Eboracenſi Archiepiſcopo.

<sup>22</sup> Rex Stephanus anno Domini MCXLII. Archiepiſcopatum Eboracenſem dedit cuidam Clerico nomine Willelmo, quibuſdam conſentientibus, aliis diſſentientibus: & † audebant. <sup>b</sup> Unde cum Theobaldus Cantuarienſis Archiepiſcopus electione ſic factâ nullatenus conſentiret; frater Regis Henricus Wyntonienſis Epiſcopus & Apoſtolice Sedis Legatus præſumptuoſe ipſum Electum apud Wyntoniam <sup>c</sup> conſecravit. Habuit itaque novus ſacratus Eboracenſem [Archiepiſcopatum;] & vix duobus annis ſedit in pace. Anno igitur Domini MCXLVII. in mediâ Quadrageſimâ Eugenius Papa celebravit Concilium magnum Remis; ad quod Theobaldus Archiepiſcopus ſcriptis & nunciis Papæ cum cæteris Prælatis vocatus, petiit à Rege ſed non conceſſâ licentiâ, per multos labores acceſſit. Clerici Eboracenſis Eccleſiæ ad hoc acceſſerunt Concilium una cum Henrico Murdak tunc Abbate de Fontibus \* accuſantibus Willelmum Eboracenſem Archiepiſcopum; di-<sup>†</sup> centes eum neque Canonice electum nec conſecratum, ſed Regiâ auctori-<sup>†</sup> tate intruſum. Unde præſatus Willelmus convictus & depositus ab Alberico Epiſcopo Oſtienſi ponuntiante taliter & dicente. 'Decernimus auctori-<sup>†</sup> tate Apoſtolicâ Willelmum Eboracenſem Archiepiſcopum à Pontificatu de-<sup>†</sup> ponendum; eò quod Stephanus Rex Angliæ eum ante Electionem Canoni-<sup>†</sup> cam nominavit. Cum igitur Eugenius Beatum Willelmum Eboracenſem Archiepiſcopum, pariter † minori parte Cardinalium ſibi conſentiente, de-<sup>†</sup> poſuiſſet; propriâ voluntate Capitulum Eboracenſe ad ejus mandatum con-<sup>†</sup> veniens <sup>d</sup> elegerunt in Archiepiſcopum pars major Capituli Dominum Hil-<sup>†</sup> larium Ciceſtrenſem Epiſcopum; & altera pars Henricum Murdak Abba-<sup>†</sup> tem de Fontibus. Idem Papa Eugenius utraque electione hujusmodi ſic præſentatâ, electionem Henrici Murdak confirmavit, & aliam caſſavit; ipſum

\* Anno 1121. Simeon. Dunelm. ibid. p. 244. \* Monachicum ſumpſit habitum XII. Calend. Febr. (die Conſervationis S. Pauli. Tho. Stubbs p. 1720.) & No- nis Februarii in bonâ ſenectute vita deceſſit; ibidemque humatus requieſcit, anno Epiſcopatus ſui XXVII. *Continuator Florentii Wigorn. ad an. 1140.* <sup>22</sup> Hinc error Rogeri Hoveden corrigi poteſt: qui Willelmum & Henricum Murdak

eodem anno 1140. ſimul à diver- ſis Capituli partibus electos fuiſſe reſert. *Hiſt. ad an. 1140.* <sup>b</sup> Anno 1142. menſe Januario Johannes Hagulſtad. in continuat. Sim. Dunelm. de geſt. Reg. p. 268. <sup>c</sup> Anno 1144. 6. Cal. Octobr. Johannes Hagulſtad. in continuat. Simeonis Dunelm. p. 273. <sup>d</sup> Anno 1148. in Vigilia S. Jacobi. Idem p. 276.



Henricum propriis manibus \* consecrando: Willelmus hoc modo depositus, rediit in Angliam; & mansit Wyntoniam cum Henrico Wyntonienſi Episcopo usque ad obitum Papæ Eugenii; & consilio dicti Episcopi in omnibus inhærebat. Anno Domini MCLIV. mense Januarii die S. Vincentii cum Hugo Tihes Eboracensis & Wyntonienſis Archidiaconus ad Ecclesiam Dunelmensem vacantem communiter eligeretur, Henricus Eboracensis Archiepiscopus Electionem, quantum in eo fuit, cassavit. <sup>b</sup> Sed prædictus Electus cum suis Electoribus appellavit [Romam;] & ibi suam consecrationem à Papâ Anastasio Eugenii Papæ successore accepit. Beatus igitur Willelmus tertiâ die sequente ad Curiam Romanam accessit: quem idem Dunelmensis Episcopus honorificè suscipiens, & ejus negotia usque adeò procuravit; quòd ei restitutionem sui Archiepiscopatus Eboracensis à dicto Papâ Anastasio perquisivit; & ei Pallium, quod nunquam prius <sup>c</sup> habuerat, impetravit. Postea Willelmus Archiepiscopus Eboracensis in Angliam rediens & suam alumpnam Wyntonienſem Ecclesiam visitans, ad Sedem propriam Eboracensem <sup>d</sup> veniens in solempnitate Pentecostes inter Missarum solennia veneno <sup>e</sup> interfectus est; & post paucos dies migravit ad Christum.

#### De R O G E R O Archiepiscopo.

Rogerus Cantuariensis Archidiaconus eodem anno electus est ad regimen Eboracensis Ecclesiæ; & consecratus est à Theobaldo Cantuariensi Archiepiscopo apud Westmonasterium VI. Idus Octobris, <sup>f</sup> astantibus Richardo Londonienſi, Roberto Lincolnienſi, Gilberto Herefordenſi, Waltero Roffenſi, Roberto Bathonienſi, Nigello Elienſi, Wilhelmo Norwycenſi, & Johanne Wygornienſi. Anno gratiæ MCLXXII. venit Rex Londoniam [cum] Domino Hugone Papæ Legato; qui convocato Clero proposuit Concilium celebrare. Cum in medio sederet Legatus, Cantuariensis Archiepiscopus dextram optineret; Rogerus Eboracensis Archiepiscopus innatâ sibi invectus arrogantia, sinistram sibi debitam respuens, inter Legatum & Cantuariensem Archiepiscopum irreverenter innitens sedere visus est; adeò ut in sui Primatis gremio resideret: cum ipse [à] Clericis & Laicis turpiter dejectus est cum baculis & pugnis ad terram. Et exiliens Cantuariensis Archiepiscopus bonum pro malo reddidit: æmulum suum & Cantuariensis Ecclesiæ inimicum furripuit tantæ cladi. Tandem Eboracensis à terrâ resurgens cum capâ suâ turpiter discissâ, Regis prostratus vestigiis, in Cantuariensem Archiepiscopum calumpniam intulit \* mendosam. Sed auditâ præsumptionis suæ veritate, suæ vesaniæ dignos catulos reportavit. Dum autem ad Regem fugeret pluries; in consilio clamare cœperunt: 'Vade, vade traditor S. Thomæ: adhuc fœtent illius sanguine manus tuæ illæ: Rogerus semper capitalis inimicus Ecclesiæ Cantuariensis erat & B. Thomæ Martyris.

\* vult mendacem.

<sup>a</sup> Anno 1148. in Octavis S. Andreae | Id. p. 274. <sup>d</sup> Eboracum intravit 1154. 7. Dominica secunda Adventus Domini. Id. | Id. Maii. Stubbs p. 1722. <sup>e</sup> Obiit 1104. ibid. <sup>b</sup> Obiit Henricus 1154. prid. Id. | 6. Id. Junii. Id. ibid. <sup>f</sup> Anno 1154. die Octobr. Id. p. 282. Anno 1153. Stubbs | S. Paulini. Diceto Imag. Hist. p. 529. Dies autem VI. Id. Octobr. Paulino sacer erat. p. 1721. <sup>c</sup> Missum illi fuerat à Lucio | Vide Bedam Hist. Eccl. l. 3. c. 14. Papa anno 1146. sed à Legato reportatum.

## De G A L F R I D O Electo Eboracensi.

Galfridus, filius Regis Henrici sed nothus, resignavit <sup>a</sup> Episcopatum Lincolnensem anno suo octavo in manum Richardi Cantuariensis Archiepiscopi; & factus est Cancellarius Regis Angliæ patris sui. Postea ad Archiepiscopatum Eboracensem <sup>b</sup> eligitur: & rumor dispersus est in Angliam; quod ipse electus ex mandato Papæ deberet in Franciâ consecrari. Unde stupefacti Episcopi videntes in hoc matris suæ Cantuariensis Ecclesiæ dignitatem minui; cum debeat ab antiquo Eboracensis Electus ab Archiepiscopo Cantuariensi professione præmissâ Cantuariæ consecrari; factâ solempnitate Appellatio propter gravamina hujusmodi in Franciam destinata est.

Willelmus Episcopus Eliensis, Apostolicæ Sedis Legatus, & cæteri Provincie Cantuariensis Episcopi, Archiepiscopis & Episcopis salutem. Quantis hucusque sancta Cantuariensis [Ecclesia] immunitatibus sit gavisa; vestram notitiam credimus non latere. Inter quas [est] ne Eboracensis alibi quàm Cantuariæ & ab ejusdem Ecclesiæ Archiepiscopo consecratur. Unde Baldwinus Cantuariensis Archiepiscopus edoctus, antequam iter suum Hierosolymitanum arriperet, adversus Eboracensem Electum Galfridum, ne ipse ab alio quàm à se & in Ecclesiâ Cantuariensi factâ sibi professione & obedientiâ consecratur, appellavit. Nos eandem appellationem nomine Cantuariensis Ecclesiæ innovamus; & ne idem <sup>†</sup> Cantuariensis Electus alibi munus consecrationis accipiat, ad Sedem Apostolicam appellamus.

<sup>†</sup> l. Eboracensis.

Sed ex mandato Cœlestini Papæ Turonis ab ejusdem Archiepiscopo contra antiqua jura Cantuariensis Ecclesiæ & appellationes hujusmodi extitit <sup>c</sup> consecratus. Cui [cum] milites Dovorræ manus <sup>d</sup> injecissent; ipse viriliter tenentium eum manus evasit; & Ecclesiam Monachorum S. Martini ingressus est. In qua fere per octo dies à comprovincialibus militibus januis clausis & obseratis obsessus est. Et postmodum missi milites, ut egrederetur dictam Ecclesiam, monuerunt ex parte Regis. Quo nolente, reversi sunt armati & loricati Ecclesiam ingressi, ipsum Eboracensem Archiepiscopum ab altari Crucem portantem de medio Monachorum eum defendere nolentium abstractum per medium aquæ fluentis, quæ Brok appellatur, eum peditem <sup>e</sup> duxerunt in Castrum Dovorræ. Unde consternati sunt Monachi Ecclesiæ Cantuariensis [&] miserunt Monachos, ut eum repeterent; eò quod à Cellâ Cantuariensis Ecclesiæ abstractus fuisset. Qui cum à petitione tam justâ repulsi Cantuariam redirent; habito in commune Concilio sic scripserunt.

Reverendo in Christo Patri Domino Willelmo Eliensi Episcopo, Regis Angliæ Cancellario, G. Prior & Conventus Ecclesiæ Christi Cantuar. salutem. Ecce Eboracensis ab Ecclesiâ nostrâ Dovorræ ab ipso altari militum manu armatâ violenter extractus, Crucem bajulans, per abrupta locorum in Castrum Dovorræ ad carcerem pertrahitur, populo ejulante. Clamat Ecclesia; petit & repetit; ut ei restituatur ablatas. Miratur mundus in factò enormi Cantuariensem Ecclesiam tam segnius agere, & matrem tam importabilem filix dissimulare mœrorem. Genibus itaque [flexis] vos rogat Cant. Ecclesia, ut Dominum adjurat, & ut filium interpellat; quatenus in tam arduo negotio non denegetis auxilium; quo honor Sanctæ Ecclesiæ conservetur illæsus.

Vid. Gervaf. Chron. p. 1576.

<sup>a</sup> Anno 1182. in Epiphaniâ Domini. | Septembr. Diceto Imag. Hist. p. 662.  
<sup>b</sup> Anno 1189. | Anno 1191. 18. Cal. Octobr. Id. p.  
 die S. Laurentii feriâ quintâ. Bromton. | 663. Gervaf. in Chron. p. 1576. <sup>c</sup> 14.  
 Chron p. 1156. <sup>c</sup> Anno 1191. 15. Cal. | Cal. Octob. Id. ibid.



## Rescriptum Cancellarii Angliæ Regis.

Vid. Gervasi  
Chron. P.  
1577.

Willelmus Dei gratiâ Eliensis Episcopus, Regis Angliæ Cancellarius, Priori & Conventui Cantuariensi salutem. Dilectionem vestram nullatenus perturbari volumus super eo quod Archiepiscopus Eboracensis apud Dovorram est detentus. Vobis enim indubitanter significamus; quod nec per nos nec de mandato nostro captus fuit in Ecclesiâ, nec detentus. Sed præcipiebamus; quod si ibidem forsitan applicaret; & fidelitatem Domino Regi, quam nunquam fecit, noller facere; ita [cum] plenâ restitutione omnium rerum suarum & suorum reverteretur liberè apud Wiffand; quia Regi interposito juramento promiserat, quod dum ipse Rex in suâ peregrinatione existeret, in Angliam non veniret.

Post hanc Cancellarii responsionem convocato Concilio Episcoporum & aliorum, Archiepiscopus Eboracensis eâdem viâ, qua educebatur, <sup>a</sup> redditus est in Ecclesiam S. Martini Dovoræ. Factâ postmodum Episcoporum coadunatione unâ cum Johanne Comite & duobus Archiepiscopis Rotomagenfi & Eboracensi, anathematis sententiam in captores hujusmodi consentaneos & participes fulminarunt. Et solus Cancellarius absentavit se, fugiens Londoniam. Quem Comes sequens obsedit Londoniæ: & deinde Castro Dovoræ receptus est, & Justiciarii Angliæ prohibuerunt Baronibus Dovoræ, ne Cancellarium permetterent transfretare. Præ nimîâ tamen angustîâ gemens, veste virili depositâ, habitum induit muliebrem; & dum lintheo caput involutus, navem expectans; & quasi telam, quam gestabat, vendans, deambulare in littore; eundem pauperculæ mulieres ceperunt, & turpiter cædentes projecerunt in terram. Unde exorto terribili clamore, accurrerunt Burgenfes; eumque vix ab earum manibus extrahentes, arctius custodiebant; donec datâ à Justiciariis licentiâ <sup>b</sup> transfretaret. Sic igitur à suo amotus officio, cum pudore ab Angliâ est fugatus.

## De Compositione Litis.

Succedentibus igitur diversorum Cantuariensium & Eboracensium Archiepiscoporum temporibus Cantuariensis Ecclesia à professione & obedientiâ Eboracensis Ecclesiæ abrogata est & abolita per abusum. Nova briga inter Cantuarienses & Eboracenses Archiepiscopos super bajulatione Crucis in utraque Provincia inchoavit; & per multorum Archiepiscoporum tempora non sine scripturis magnis, laboribus & expensis perduravit. Quod Excellentissimus Princeps Dominus Edwardus Rex Anglorum, accorporum & animarum pericula considerans, ac pacem & quietem populi sui affectans, dictos Archiepiscopos sc. Dominos Simonem Islep Cantuariensem & Johannem Thoresby Eboracensem ad pacis concordiam invitavit. Qui apud Westmonasterium in ipsius Regis & aliorum præsentia quandam compositionem super bajulatione Crucium suarum fecerunt: quam Papa confirmavit postmodum sub hac forma.

<sup>a</sup> 6. Cal. Octobr. Dicero ibid. <sup>b</sup> 4. Cal. Novembr. Idem p. 665.

## Confirmatio Compositionis per Innocentium.

‘ Innocentius Episcopus, servus servorum Dei, ad perpetuam rei memo-  
 ‘ riam. In supremæ dignitatis folio, licet immeriti, disponente Domino  
 ‘ constituti, de universarum orbis Ecclesiarum, quarum cura nobis imminet  
 ‘ generalis, statu pacifico, quantum nobis ex alto permittitur, sollicitè  
 ‘ cogitamus; ac eis quæ ut inter ipsarum Ecclesiarum Antistites pacis  
 ‘ tranquillitas vigeat, & concordie unitas invaleseat, providè facta sunt, ut  
 ‘ illibata persistant, libenter adjicimus Apostolici muniminis firmitatem. Sanè  
 ‘ petitio Venerabilium fratrum Simonis Cantuariensis & Johannis Eboracen-  
 ‘ sis Archiepiscoporum nobis nuper exhibita continebat; quòd ortâ dudum  
 ‘ inter Prædecessores eorum Cantuarienses & Eboracenses Archiepiscopos,  
 ‘ qui fuerunt pro tempore, quinetiam inter eos, super eo quòd Simon Can-  
 ‘ tuariensis & ejus prædecessores se per totam Eboracensem, & Johannes Ebo-  
 ‘ racensis & ipsius prædecessores prædicti se per totam Cantuariensem, Pro-  
 ‘ vincias Crucem erectam ante se deferre facere tam de indulto Sedis Apo-  
 ‘ stolicæ quàm etiam de antiquâ & approbatâ consuetudine posse dicebant;  
 ‘ materiâ quæstionis; tandem post multas & diuturnas controversias & lites  
 ‘ inter ipsos & eorum prædecessores prædictos super [hoc] habitas, dicti  
 ‘ Simon & Johannes Archiepiscopi controversiis & litibus hujusmodi finem  
 ‘ imponere, ac periculis quæ exinde verisimiliter provenire poterant obviare  
 ‘ salubriter, intentis desideriis affectantes, quandam Compositionem super  
 ‘ præmissis inter se pro ipsorum & Ecclesiarum suarum statu pacifico & con-  
 ‘ cordi fecerunt: prout Instrumento publico inde confecto, ipsorum Simonis  
 ‘ & Johannis Archiepiscoporum sigillis munito; cujus tenorem de verbo ad  
 ‘ verbum inferi præsentibus fecimus, plenius continetur. Quare pro parte  
 ‘ eorundem Simonis & Johannis Archiepiscoporum nobis fuit humiliter sup-  
 ‘ plicatum; ut Compositionem hujusmodi, non obstante quòd in eâ consen-  
 ‘ sus venerabilium fratrum nostrorum Suffraganeorum eorum Simonis &  
 ‘ Johannis Archiepiscoporum, ac dilectorum filiorum Prælatorum Ecclesia-  
 ‘ sticorum in eisdem Provinciis consistentium, & Cantuariensis ac Eboracen-  
 ‘ sis Ecclesiarum Capitulorum, & Clericorum aliorum Provinciarum prædi-  
 ‘ ctarum, consensus minimè intervenerit, ex certâ scientiâ confirmare, om-  
 ‘ nemque alium defectum, si quis invenerit, in eâ parte supplere, de be-  
 ‘ nignitate Apostolicâ dignaremur. Nos itaque prædictorum Simonis & Jo-  
 ‘ hannis Archiepiscoporum supplicationibus inclinati, hujusmodi Compositi-  
 ‘ onem ratam & gratam habentes; illam, non obstante quòd in eâ eorundem  
 ‘ Suffraganeorum, Prælatorum, Capitulorum & Clericorum consensus, ut  
 ‘ præfertur, minimè intervenerit, ex certâ scientiâ confirmamus; & præsen-  
 ‘ tis scripti patrocinio communimus, suppletes omnem alium defectum, si  
 ‘ quis forsan intervenerit in eadem. Tenor verò dicti Instrumentalis est.

‘ In Dei nomine, Amen. Anno à nativitate ejusdem MCCCLIII. men-  
 ‘ se Aprilis, die XX. Indictione VI. Pontificatûs Sanctissimi in Christo Patris Anno 1252.  
 ‘ Domini Innocentii Papæ VI. anno primo, in Palatio Regio Westmonasterii sic Registrum  
 ‘ Londoniensis Diocesis, in mei Willelmi Notarii publici infra scripti & MS. Eccl.  
 ‘ discretorum virorum Magistrorum Johannis de Lecch Decretorum Docto- Chr. Cant.  
 ‘ ris, Walteri de Merstoun Jurisperiti, ac Adæ de Hiltoun Clerici, Apo-  
 ‘ stolicâ auctoritate Notarii publici, testimonium ad hoc vocatorum & roga-  
 ‘ torum præsentia constituti personaliter Reverendi Patres Domini Simon  
 ‘ Cantuariensis & Johannes Eboracensis Archiepiscopi quandam Compositi-  
 ‘ onem super bajulatione Crucium suarum inierunt; & ipsam in scriptis in  
 ‘ forma sequenti redigi, & suis sigillis unanimiter communiri [fecerunt.]



' Universis pateat præsentis literas inspecturis ; quòd cum propter impedimenta  
 ' delationum crucium Reverendorum Patrum Dominorum Cantuariensis &  
 ' Eboracensis Archiepiscoporum in suis Provinciis indifferenter per eorum  
 ' utrumq; ubique liberè faciendarum varia possent in futurum scandala proveni-  
 ' re ; mediante Illustrissimo Principe Domino Rege Angliæ, in ejus præsentia  
 ' pro bono pacis & concordia, pro se suisque successoribus prædictorum Archi-  
 ' episcopis futuris, inter Reverendos Patres Dominos Simonem Dei gratia Can-  
 ' tuariensem Archiepiscopum, totius Angliæ Primatem & Apostolicæ Sedis Le-  
 ' gatum, ac Johannem eadem gratia Eboracensem Archiepiscopum, Angliæ Pri-  
 ' matem & Apostolicæ Sedis Legatum, amicabiliter sic convenit. Inprimis  
 ' quòd idem Reverendus Pater Dominus Simon Cantuariensis Archiepiscopus  
 ' & successores ejusdem Archiepiscopi Cantuariense Crucem suam in Civi-  
 ' tate, Diœcesi & totâ Provinciâ Eboracensi & per eas ante se deferri liberè faci-  
 ' ent, ubicunque, quandocunque, & quotiescunque sibi placuerit, absque  
 ' turbatione & impedimento Domini Johannis Eboracensis Archiepiscopi su-  
 ' prædicti, & cujullibet Successoris ejusdem, seu alterius cujuscunque ipsorum  
 ' nomine vel mandato, clam vel palam vel occultè. Item inter eos convenit ;  
 ' quòd idem Reverendus Pater Dominus Johannes Eboracensis Archiepiscopus  
 ' supradictus & Successores ejusdem ibidem Archiepiscopi Crucem suam in  
 ' Civitate Cantuariæ & totâ Provinciâ Cantuariensi & per eas ante se ubi-  
 ' que deferri liberè facient, quandocunque & quotiescunque sibi placuerit, ab-  
 ' sque turbatione & impedimento ejusdem Reverendi Patris Domini Simonis  
 ' Archiepiscopi Cant. prædicti, & cujuslibet Successorum ejusdem, seu alterius  
 ' cujuscunque nomine vel mandato suis, clam vel palam, publicè vel occultè.  
 ' Sed idem Dominus Johannes Eboracensis Archiepiscopus prædictus infra  
 ' duos menses post datam præsentium proximè sequentes, ac quivis ejus Suc-  
 ' cessor Eboracensis Archiepiscopus infra similes duos menses à tempore quo  
 ' primò Cantuariensem Provinciam post Consecrationem de cætero ingressus  
 ' fuit, pro delatione pacificâ Crucis suæ in Civitate, Diœcesi & totâ Provin-  
 ' ciâ Cantuariensi absque impedimento dicti Reverendi Patris Domini Si-  
 ' monis Cantuariensis Archiepiscopi & cujuslibet sui Successoris in posterum  
 ' faciendo, eidem Domino, Eboracensi Archiepiscopo & Successoribus suis  
 ' per dictum Dominum Archiepiscopum Cantuariensem concessâ, & per eum  
 ' & successores suos liberè permittendâ, unum Nuncium solempnem, viz.  
 ' Officialem suum, Cancellarium suum, Auditorem Causarum, vel unum  
 ' Doctorem Legum, seu unum Militem, ad Ecclesiam Cathedralem Can-  
 ' tuariensem cum unâ Imagine aureâ valoris XL. librarum sterlingorum sculp-  
 ' tâ ad similitudinem Archiepiscopi Crucem in manu suâ deferentis, vel jo-  
 ' cali aliquo notabili aureo ejusdem valoris, videlicet XL. librarum : quem qui-  
 ' dem valorem idem Dominus Rex, cum cujus voluntate & arbitrio iidem Do-  
 ' mini Cantuariensis & Eboracensis Archiepiscopi quantum ad hoc se submise-  
 ' runt, specialiter declaravit : efficaciter mittere : Et quilibet Nuncius sic mitten-  
 ' dus, statim postquam sic destinatus & ordinatus fuerit pro delatione Imaginis  
 ' vel jocalis prædicti, iter effectualiter arripere, & gressus suos versus dictam  
 ' Cant. Ecclesiam continuare, & infra duos menses prædictos consummare fide-  
 ' liter, teneantur. Et cum hujusmodi Nuncius ad Ecclesiam ipsam Cant. sic  
 ' ante jam dictam Imaginem vel jocale ad feretrum gloriosi Martyris B. Thomæ  
 ' dudum Cantuariensis Archiepiscopi, in honorem & reverentiam Dei ac ipsius  
 ' Martyris ; præmunitis ante ingressum dictæ Ecclesiæ Domino Priore vel Sup-  
 ' priore seu Præcentore ipsius Ecclesiæ, si præsentis fuerint, aut saltem Monacho  
 ' custode feretri ipsius ; effectualiter, palam & publicè offeret & devotè. Si  
 ' verò contingat dictum Dominum Eboracensem Archiepiscopum aliquem,  
 ' postquam ingressus fuerit Provinciam Cantuariensem, & delationem Crucis  
 ' suæ per tres dies fecerit in eadem ; ante finem duorum mensium oblatione  
 prædicta

prædicta feretro B. Thomæ, ut præmittitur, non facta decedere; Successor  
 ejus proximus quicumque ipsam oblationem pro factâ delatione Crucis suæ  
 per præfatum Prædecessorem suum realiter facere teneatur. In Parliamen-  
 tis autem, tractatibus, & Conciliis Regiis, quando Cantuariensis & Eboracensis  
 Archiepiscopi simul præsentés fuerint; quicumque Cantuariensis Ar-  
 chiepiscopus, quod Cantuariensis Ecclesia antiquior & præminentior fore  
 noscitur, ad Domini Regis dexteram affidebit, & præfatus Eboracensis  
 Archiepiscopus existens pro tempore ad sinistram. Crux etiam Cantuari-  
 ensis Archiepiscopi ex parte dextrâ lecti Regii seu alterius loci, in quo Re-  
 gem sedere continget, & Crux Eboracensis ex sinistrâ parte, si Cantuarien-  
 sis præsens fuerit, reponentur. In Conciliis verò, Convocationibus seu lo-  
 cis aliis quibuscunque, in quibus Cantuariensem & Eboracensem Archie-  
 piscopos convenire continget, Dominus Cantuariensis Archiepiscopus pro  
 tempore existens primum locum seu sedem eminentiorem, Eboracensis verò  
 locum alium secundum eminentiorem, optinere debebunt. Cruciferarii  
 verò dictorum Archiepiscoporum cum in viâ amplâ, ubi Cruces eorum de-  
 ferri simul potuerint, convenerint; Cruces proprias deferentes incedere si-  
 mul debent. Sed in introitu ostiorum vel in aliis locis strictis, quibus  
 Cruces simul deferri nequeunt, Crux dicti Cantuariensis Archiepiscopi  
 præcedet, & Crux Eboracensis subsequetur. In quorum omnium testimo-  
 nium & fidem nos Simon Cantuariensis & Johannes Eboracensis Archie-  
 piscopi sigilla nostra fecimus his apponi. Datum in Palatio Regis apud  
 Westmonasterium XX. die mensis Aprilis anno Domini <sup>a</sup> MCCCLIII.  
 Et ego Wilhelmus Bradele, Wyntonienſis Diœcesis Clericus, publicâ au-  
 thoritate Notarius, præmissis omnibus & singulis sub anno, Indictione, Pon-  
 tificatu, mense, die, & loco prædictis, sic, ut præmittitur, actis, gestis, &  
 habitis, unâ cum dictis testibus, præsens interfui: eaque omnia & singula  
 sic vidi fieri & audivi; & in hanc publicam formam redegei, meoque signo  
 consueto signavi rogatus, in fidem & testimonium præmissorum. Et ego Adam  
 de Hiltoun, Clericus Lichfeldensis Diœcesis, publicus Apostolica & Imperiali  
 auctoritate Notarius, præmissis omnibus & singulis, dum sic, ut præmitti-  
 tur, agerentur & fierent, unâ cum Magistro Wilhelmo Notario publico &  
 testibus superscriptis, sub anno, Indictione, Pontificatu, mense, die, & loco  
 prædicto præsens interfui; eaque sic vidi fieri & audivi; & huic publico  
 Instrumento me subscripsi, & signum meum apposui consuetum in præmis-  
 sorum testimonium.

Nulli ergo hominum liceat hanc paginam nostræ confirmationis, commu-  
 nationis & suppletionis infringere vel ei ausu temerario contraire. Si quis  
 autem hoc attemptare præsumpserit: indignationem omnipotentis Dei ac  
 Beatorum Petri & Pauli Apostolorum ejus se noverit incursum. Datum  
 Avinione V. Calendas Martii, Pontificatus nostri anno tertio <sup>a</sup>.

<sup>a</sup> Anno 1352.  
 in Registro L.  
 Bothe Ebor.  
 1353. in Re-  
 gistro I/rip.

<sup>a</sup> Anno 1354.  
 Reg. Eccl.  
 Cant.

Quamdiu Compositio ista observata fue- | Bothe Archiepiscopo Ebor. missam ad Eccle-  
 rit, mihi parum constat. Comperio tamen | siam Cant. detulisse 1452. 30. Novembris.  
 Thomam Tirell Militem jocale à Wilhelmo | Ex Registro W. Bothe Ebor.

Pro



## Professiones Episcoporum factæ Sedi Cantuariensi.

### Professio Eadulfi Eboracensis Archiepiscopi.

<sup>a</sup> Interim.  
Cod. Cor.

<sup>b</sup> Psal. XLV.  
17.

**D**omino meo verè amantissimo Ethelardo Archiepiscopo, Eadulfus Eboracensis humilis Episcopus tuusque amicus, perennem in Domino salutem. Solet namque sancta Ecclesia juxta normulam paternæ traditionis, gloriosissimis verbi prædicatoribus, scil. Episcopis, ex hac luce migrantibus, alios iterum Deo auspice in regimen Christianæ plebis Præsules promovere. Quatinus per eos <sup>a</sup> interius fides sancta augeatur; & verbum Dei non deficiat, sed magis crescat & currat & multiplicetur in laudem & gloriam Domini nostri Jesu Christi secundum illud Psalmistæ. <sup>b</sup> *Pro patribus tuis nati sunt tibi filii.* Cujus viz. Episcopi, quisquis ille est, fides primum discutienda est, si de Domino bene ipse sentiat, quod aliis prædicare conatur: ac sic paulatim quæritur; si docibilis, si moribus temperatus, si sobrius, si vitâ castus, si humilis, si affabilis, si misericors, si literatus, si in lege Domini instructus, si in Scripturarum sensibus cautus, si in dogmatibus Ecclesiasticis exercitatus. Ad hæc, tibi amantissime Pater, me idoneum, ut fertur, non esse respondeo; tamen quantum in me puræ fidei cognitionis est, tibi ocius expedire curabo. Credo Deum Patrem & Filium & Spiritum Sanctum, atque in Trinitate Deum plenum confirmans, & totas tres personas unum Deum: Incarnationem quoque divinam non in Patre factam neque in Spiritu Sancto sed in Filio tantum, ut qui erat in divinitate Dei Patris filius, ipse fieret in homine hominis Matris filius, Deus verus ex Patre, homo verus ex Matre; qui est unus Deus, Creator omnium quæ sunt cum Patre & Spiritu sancto, qui passus est verâ carnis passionem, & resurrexit verâ carnis resurrectione & animæ resumptione, in qua veniet judicare vivos & mortuos iudicio perenni. Hoc absque ambiguitate credo, hoc laudo, hoc confiteor, & per populos prædicare desidero. In hujus etiam summâ professionis à R. R. Ethelardo Pontifice eruditus, Pontificatus licet indignus promerui dignitatem. Cujus etiam, quanto tempore aurâ vescar æthereâ, jussionibus non reluctor; sed semper obedientiæ meæ humilis colla submittere curabo tibi, Ethelarde Archiepiscopo, tuisque successoribus in perpetuum. Etsi diversi quondam diversa sectarentur; meæ saltem obtemperantiæ servatur diligentia; unde honoris experientiam percepturus sum, ac gloriosissimi quique gentis nostræ Præsules perceperunt. Nec ab re est, si ad Episcopalem B. Augustini sedem, cui prius præsidet Ethelardus Archiepiscopus, non ego tantum sed & omnes mecum Præsules prospiciant ad Doroberniam civitatem, unde nobis omnibus Ecclesiasticæ dignitatis ordo B. Gregorio dirigente ministratur. Sed te precor, amantissime Pater; ut quem solitâ pietate rudimentis fidei imbuisti, tuâ paternâ benedictione non deseras: ut quos effectuosâ junxit familiaritas, beata remuneratio non separet sempiternos. Hanc præscriptam paginam ego Eadulphus Episcopus meâ propriâ manu cum vexillo sanctæ crucis Christi confirmabo & subscribo. Opto bene valeas, Pater beatissime, semper. Plurimis annis incolumitatem vestram gratulabundus audire merear.

## Professio Berthredi Lindisfarorum Episcopi.

**E**GO Berthredus divinâ favente pietate humilis Lindisfarorum Antistes, cum ambabus subnuncupatorum congregationibus Ecclesiarum, pariterque cum Abbatibus, Abbatissis & universis famulis Christi quibus præsum & à quamdiu, Sancto merito, ut credimus, beato Celnod Pontifici eximio, & suæ satis fidei famosæque Doroverniæ civitatis Ecclesiæ perennem inextricabilis caritatis obedientiæq; salutem optamus. Testificor coram Deo & Christo Jesu, qui judicaturus est vivos ac mortuos, ac profiteor me unâ cum cæteris comilitonibus meis, Episcopis, viz. nostris, professionem meam, quam illis præsentibus tibi tuæque sanctæ Sedis auctoritate vestro judicio fiducialiter porrexī, in quantum Dominus donabit, ut possum fideliter, impleturum: stabilemque me esse permanentem sine aliquâ dissimulatione & deceptione tibi venerande pater Celnod Archiepiscopo tuisque successoribus atque tuo Metropolitano throno Dorovernensis Ecclesiæ me semper humili devotione obedire velle profiteor usque ad finem vitæ meæ. Sic etiam orthodoxam catholicam apostolicamque fidem profiteor. Suscipio etiam decreta Pontificum, & sex Synodos Catholicas sanctorum & antiquorum virorum; & præfixam ab eis fidem ac regulam sincerâ devotione conservo; & per omnia, sicut prædecessor meus beatæ memoriæ Eadwalsus Episcopus, cujus nos licet indigni vicem tamen gerimus, præceptis juris obedivit; tantoque humilis nostri oris documento & sanctæ Sedis auctoritate subiectum me esse gaudeo; quanto me vel indoctiorem scientiâ vel infirmiorē meritis apud Deum & homines, ab illius comparatione reminiscor. Sed hoc est unum quod à te petam, & hanc requiram; ut si quid in meis actibus ineptum, pravum vel incorrectum inveneris vel audieris; statim mihi pariter modum & culpæ quam egerim, & pœnitentiæ quam agam ostendas. Libenter enim, quæ jusseris, juxta vires nostras Deo juvante complere gaudebimus. In his igitur curis pastoralibus tuæ sanctæ eruditionis indigemus auxilio sapissimè; ut tuâ sanctâ admonitione nos jugiter de somno ignaviæ & torpore negligentia & universis periculis eripere & suscitare digneris. Ego Berhtrede Episcopus pace confirmatâ, omnium Dei sacerdotum Ecclesiarumque sancta decreta canonum catholicorum & diffinitionem priorum modernorumque Pontificum consentiens subscripsi.

## Professio Bermodi Rossensis Episcopi Ethelardo Archiepiscopo facta.

**Q**uoscumque ad recipiendum sacerdotii apicem gratia Domini Dei nostri Jesu Christi per ora suorum fidelium vocat, hos nimirum Sanctæ Ecclesiæ ritus per assidua hortatur exempla & docet, quatinus ei qui inter Provinciales Episcopos Primatum habere ex concessâ desuper auctoritate conspicitur, libellos fidei suæ pariter & obedientiæ sinceriter offerant, scil. ut tanto promptius alacriusque subiectis benedictionem favente Spiritu Sancto Prælatus impendat; quanto securior certiorque redditus fuerit de rectâ credulitate & religiosâ vitâ ipsorum, &c.

## Professio Sciraburnensis Episcopi.

**A**Thelardo Archiepiscopo confessio fidei breviter dicendâ, & tamen firmiter tenenda. <sup>c</sup> *Est enim fides sperandarum rerum argumentum non apparentium*: Ut Apostolus ait. Habeo namque unam Trinitatis majestatem in animâ meâ conditam: ut Job de resurrectione. Etenim hæc spes mea in sinu meo composita. Diffidebam enim aliquid de majore gradu, quem accipere cogor; recordatus Apostolum Paulum dixisse. <sup>d</sup> *Qui Episcopatum desiderat, <sup>e</sup> bonum*

Heb. XI. 1.

1 Tim. III. 1.



\* Non. Cod.  
Cor.

\* 1 Tim. VI. 8.

† Inviolabili  
fide. Cod. Cor.

† Vestri. Cod.  
Cor.

*bonum opus desiderat.* Sed & hoc pietatis vestrae praecordiis latere non patiar; quia hujus regiminis fastigium non spontaneâ voluntate, sed plurimorum Scireburnensis Ecclesiae famulorum precibus, necnon Principum jussionibus coactus ascendi; \* nec illo decreto, quo nos aut Rex aut Principes nostri beneficiis suis ad hoc invitent, sed cotidie, quod pejus est, miseriarum damnis Ecclesiasticos viros affligi cernimus. Non enim desiderium habui hujus ministerii laborem intrandi, quia prius cœnobialis vitae congregationem circumplexi & omnem sæcularem vel spiritualem sufficientiam in illâ conversatione tenui, secundum Apostoli dictum: \* *Si habemus victum & vestimentum, in his contenti simus.* Et maximè quia meipsum coram Deo & hominibus nimium peccatorem novi & indignum tam magni honoris etiam nomen accipere; ut quidam sapientum ait. Magnus quidem honor, sed grandis labor: Et Sanctus Gregorius pater noster in Deo. Difficilè possum alios ad littus perfectionis deducere; qui adhuc in delictorum fluctibus verfor. Hoc saltem de nobis ultimis & penè pessimis dicendum est, quod sanctitatis vir de semetipso proferbat. Et alibi. Quis ergo regnum, quis opes, quis gloriam quærit innoxie, si & illi extiterunt noxia, qui ea habuit non quæsit? Idcirco his sententiis admonitus, Excellentiae vestrae almitatem humillimâ prece depono; cum vestris obtutibus praesentabimur, si hoc vobis placet, ut gradum nobis imponatis, vestris orationibus adjuvemur, & divinis astipulationibus sustentemur: & nos cum omni humilitate promptam obedientiam vobis & verbis confitebimur & actibus subsequemur; favendo, fulciendo, firmando Archiprimatum Pontificalis apicis Metropolitanæ Dorobornensis Ecclesiae † inviolabiliter sectando, laborando, certando, quamdiu vita comes fuerit, in omnibus ubique viribus meis; ut clemens omnipotens indultor adjuvet statum regni † nostri prosperis successibus. Testem invoco Deum in omnibus me sine fine mansurum absque ullâ ambiguitate usque ad calcem vitae meae perseverando ad illam praedictam Sedem, tibi Ethelarde Archiepiscopo tuisque successoribus, perenni titulo crucis Christi firmando roboravi.

#### Profectio Herfasti Helmeamensis Episcopi.

**S**acris sanctae Ecclesiae institutionibus commonemur Metropolitanis nostris secundum Canones in omnibus obedire, eisque priusquam sacremur de obedientia nostrâ professionem porrigere. Verum tempore ordinationis meae sancta Cant. Ecclesia proprio fuerat destituta Pastore. Deposito enim Stigando, qui praefatam Ecclesiam expulso Archiepiscopo Roberto invaserat, usumque sibi Pallii sine Sedis Apostolicæ auctoritate usurpare praesumpserat, necdum alius pro eo praefata Ecclesiae fuerat ordinatus Antistes. Propterea ego Herfastus Helmeamensis seu Tetfortensis Ecclesiae jam sacratus Episcopus tibi Lanfrance Dorobornensis Archiepiscopo scriptam de obedientia meâ professionem porrigo; tuisque tuorumque successorum jussionibus secundum canones me in omnibus obtemperaturum esse promitto.

#### Profectio Patricii Dublinensis Episcopi.

**Q**uifquis aliis praesidet, si & ipse aliis subiaceat, dedignari non debet, sed potius obedientiam, quam a subjectis suis desiderat habere, propter Deum studeat praelatis sibi per omnia exhibere. Propterea ego Patricius ad regendam Dublinam Metropolem Hiberniae electus Antistes, tibi, reverende pater Lanfrance, Britanniarum Primas & Sanctae Dorobornensis Ecclesiae Archiepiscopo, professionis meae cartam porrigo; meque tibi tuisque successoribus in omnibus quae ad Christianam religionem pertinent obtemperaturum esse promitto.

Pro-

Professio Donati Dublinensis Episcopi.

**E**GO Donatus electus Dublinensis Ecclesie Antistes, quæ in Hibernia sita est, canonicam obedientiam tibi promitto & successoribus tuis, o Lanfrance sanctæ Dorobernensis Ecclesie Archiepiscopo.

Forma professionis à temporibus Lanfranci ad media tempora Bonifacii Archiepiscopi usitata.

**E**GO Ricardus Londoniensis Ecclesie electus, & à te Reverende Pater Anselme sanctæ Cant. Ecclesie Archiepiscopo & totius Britannie Primas, Episcopus consecrandus, tibi & omnibus successoribus tuis canonicam per omnia subjectionem & obedientiam me servaturum promitto.

Formula professionis Archiepiscopi Eboracensis.

**E**GO Thomas Ebor. Ecclesie consecrandus Metropolitanus profiteor subjectionem & canonicam obedientiam sanctæ Dorobernensi Ecclesie & ejusdem Ecclesie Primati canonicè electo & consecrato & successoribus suis canonicè intronizatis, salvâ fidelitate Domini mei Henrici Regis Anglorum, & salvâ obedientiâ ex parte meâ tenendâ, quam Thomas antecessor meus sanctæ Romanæ Ecclesie ex parte suâ professus est.

Forma professionis à mediis Bonifacii temporibus usitata.

**E**GO Johannes Ecclesie Cycestr. electus, & à te, Reverende Pater Bonifaci sanctæ Cant. Ecclesie Archiepiscopo totius Angliæ Primas, consecrandus Antistes, tibi & Cant. Ecclesie & successoribus tuis canonicè substituendis debitam & canonicam obedientiam & subjectionem me per omnia exhibiturum profiteor & promitto secundum decreta Romanorum Pontificum. Tuorumque & Cant. Ecclesie jura adjutor ero ad defendendum & retinendum salvo ordine meo. Sic me Deus adjuvet. Et prædicta omnia propriâ manu subscribendo confirmo.

Forma professionis vacante Sede factæ.

**E**GO Robertus Ecclesie Exon. Electus Antistes Archiepiscopo Cant. futuro ejusque successoribus canonicè successoris canonicam obedientiam me per omnia servaturum promitto.

Professio Scotlandi Abbatis S. Augustini.

**E**GO Scotlandus Ecclesie Beatorum Petri & Pauli & S. Augustini electus Abbas profiteor sanctæ Dorobernensi Ecclesie ejusque Vicariis canonicam subjectionem.



Formula Certificatoriae Epistolae de electione alicujus Episcopi Suffraganei ad Archiepiscopum Cantuariensem missae.

Ex Rotulo  
MS. quam-  
plurimas e-  
jusmodi Lite-  
ras continen-  
te, ad Ansel-  
mum & Ra-  
dolphum  
Archiepisco-  
pos scriptas.

**V**enerando Sanctae Cantuariensis Ecclesiae Metropolitano Anselmio Clerus & populus Ecclesiae Wintoniensis debitam subjectionem. Vestrae Paternitati est cognitum, quantum temporis est, ex quo accidentibus variis eventibus Ecclesia Wintoniensis suo sit viduata Pastore ac destituta Rectore: quod non solum ad nostrum, verum & ad vestrum ac omnis vestrae Dioeceseos detrimentum pertinere dinoscitur; cum totius Provinciae sollicitudinem Metropolitano constet esse commissam. Propterea elegimus ipsius Wintoniensis Ecclesiae Presbyterum nomine Willelmum, nobis sufficientissimè cognitum, natalibus & moribus nobilem, Apostolicam & Ecclesiasticam disciplinam imbutum, fide Catholicum, naturam prudentem, docilem, patientem, moribus temperatum, vitam castum, sobrium, humilem, affabilem, misericordem, literatum, in lege Dei instructum, in Scripturarum sensibus cautum, in dogmatibus Ecclesiasticis exercitatum, & secundum Scripturarum tramitem traditionemque Orthodoxorum & Canonum ac Decretorum Sedis Apostolicae Praesulum Constitutiones sano sensu Ecclesiasticas regulas intelligentem, sanoque sermone docentem atque servantem, amplectentem eum qui secundum doctrinam est, fidelem sermonem, & cum modestia corripientem eos qui resistunt, & qui sanae doctrinae adversantur, eis resistere & redarguere prevalentem, hospitalem, modestum, suae domui bene praepositum, non Neophytum, habentem testimonium bonum in gradibus singulis, secundum traditionem Ecclesiasticam ministrantem, ad omne opus bonum & ad satisfactionem omni poscenti rationem de ea qua in illo est spe paratum. Quem nobis quantocius petimus ordinari Pontificem: quatinus auctore Domino regulariter nobis praesse valeat & prodesse, & nos sub ejus regimine salubriter militare possimus. Quia integritas praesidentium salus est subditorum; & ubi est incolumitas obedientiae, ibi sana est forma doctrinae.

Formula in praesentatione Archiepiscopi Cantuariensis.

**S**icut Sanctorum Patrum auctoritas [ jubet ] de ipsa Ecclesia nostra hunc Presbyterum, propter vitae munditiam, morum elegantiam, Metropolitanum nobis elegimus; nihil in ejus vita, quod sacris Canonibus obviaret, invenientes: Immo eum, qualem ad tantum Sacerdotium sacri Canones exigunt, cognoscentes; castum, pudicum, sobrium, in pauperes Christi largum, literis adprimè eruditum, Ecclesiae Dei bene praesse scientem, eum noveramus, in [ quantum ] hominibus nosse datur novimus. Unde in ejus Electionem omnium, tam Cleri quam populi, tam divitum quam pauperum, vota sic unanimiter convenerunt; ut nec unus inveniretur, qui de ejus promotione non lataretur.

† Formula in praesentatione Archiepiscopi Eboracensis.

**R**everendi Patres, qui vice Primatis Cantuariensis convenistis facere officium ejus, postulat Sancta Eboracensis Ecclesia sibi succurrere ad Episcopatus officium hunc Presbyterum N. quem sicut SS. Patrum docet auctoritas, &c. [ sicut in praesentatione Archiepiscopi Cantuariensis. ]

<sup>a</sup> Ea formula usurpata est in praesentatione Thomae II. Archiepiscopi Ebor. in Historia MS. de Controversia inter Archie-

piscopos Cant. & Ebor. in Biblioth. Cotton. Domitian. A. 5. num. 2.

# CATALOGUS

ARCHIEPISCOPORUM CANTUARIENSIIUM

Ex Registro MS.

HENRICI de ESTRIA

Prioris Ecclesiæ Christi Cantuariensis

In Bibliothecâ Cottonianâ, Galba E. 4.

Isti Archiepiscopi præsidébant in Ecclesiâ Cantuariensi ab anno Domini DXCIX.

**A**ugustinus, qui fuit primus missus à B. Gregorio Papâ ad conversionem Anglorum, tempore Regis Ethelberti tunc regnantis in Cantia & usque ad fluvium Humbriæ, ab Etherio Archiepiscopo Arelatensi jussu S. Gregorii Papæ Archiepiscopus genti Anglorum ordinatus, fedit XVI. annis. Vacatio nulla.

Laurentius fedit V. annis. Vacatio nulla.

Mellitus fedit V. annis. Vacatio nulla.

Justus fedit XIII. annis. Vacatio nulla.

Honorius fedit XVIII. annis. Vacavit annum I. & VI. menses.

Deusdedit fedit X. annos. Vacavit III. annis.

Theodorus, fedit XXII. annos. Vacavit I. annum.

Briethwaldus fedit XXXVII. annos, menses VI. dies XIV. Vacatio nulla.

Tadwynus fedit III. annos. Vacatio nulla.

Nothelmus fedit V. annos. Vacatio nulla.

Cuthbertus fedit XVII. annos. Hic primus in Ecclesiâ suâ sepultus est, & omnes successores sui præter Jambertum.

Bregwinus fedit III. annos. Vacatio nulla.

Jambertus fedit XXVII. annos. Vacatio nulla.

Ethelardus fedit XIII. annos. Vacatio nulla.

Wilfridus fedit XXXVIII. annos. Vacatio nulla.

Fleolgildus fedit III. menses. Vacavit II. annos.

Eynnothetus fedit XI. annos. Vacatio nulla.

Athelredus fedit XVIII. annos. Vacavit II. annos.

Plegemundus fedit XXXIV. annos. Vacatio nulla.

Adhelmus fedit IX. annos. Vacatio nulla.

Wolfelmus fedit XIII. annos. Vacatio nulla.

Odo fedit XXIV. annos. Vacatio nulla.

Dunstanus fedit XXVII. annos. Vacatio nulla.

Athelgarus fedit I. annum, III. menses. Vacavit I. annum.

Siricus fedit V. annos. Vacatio nulla.



Aluricus fedit XI. annos. Vacatio nulla.  
 Elphegus fedit VI. annos & VIII. menses. Vacavit I. annum.  
 Livyngus fedit VII. annos. Vacatio nulla.  
 Eylnothus fedit XVIII. annos. Vacatio nulla.  
 Eadfinus fedit XI. annos. Vacatio nulla.  
 Robertus fedit II. annos. Vacavit II. annos.  
 Stigandus fedit XVII. annos. Vacavit II. annos.  
 Lanfrancus fedit XIX. annos. Vacavit V. annos.  
 Anselmus fedit XVI. annos. Vacavit V. annos.  
 Radulphus fedit VIII. annos, VI. (1) menses. Vacavit <sup>a</sup> an. I. mensem I. dies XVI.  
 Willelmus fedit XIII. annos, IX. menses (2) Vacavit II. annos, I. mensem, XIV. dies.  
 Theobaldus fedit XXII. annos, IV. menses (3) Vacavit I. annum, I. mensem, XVI. dies.  
 Thomas fedit VIII. annos, VI. menses XVIII. dies (4) Vacavit II. annos, V. menses <sup>b</sup> XXVIII. dies.  
 Ricardus fedit X. annos, <sup>c</sup> VIII. menses, XVI. dies (5) Vacavit I. annum, II. menses XXX. dies.  
 Baldewynus fedit V. annos, XI. menses, V. dies (6) Vacavit II. annos, XI. menses, IV. dies.  
 Hubertus fedit XI. annos, VIII. menses, VI. dies. (7) Vacavit I. annum, XI. menses, IV. dies.  
 Stephanus fedit XXI. annos, XXIII. dies. Vacavit <sup>d</sup> annum I. menses IV. dies XXIII.  
 Ricardus Magnus fedit II. annos. Vacavit I. annum, XVIII. hebdomadas.  
 Eadmundus fedit VIII. annos. Vacavit III. annos, II. menses, III. dies.  
 Bonifacius fedit XXVI. annos, VI. menses, XVIII. dies. Vacavit II. annos, X. ebdomadas, III. dies.  
 Robertus de Kilwarbi, de Ordine Prædicatorum, fedit VI. annos. Vacavit XLIV. septimanas, III. dies.  
 Johannes de Pecham, de Ordine Minorum, fedit XIII. annos, XLV. septimanas, V. dies. Vacavit annum I. menses IX. dies XVI.  
 Robertus de Wynchelessee fedit annos XVIII. menses VIII. dies XX. Vacavit <sup>e</sup> VIII. menses & XIX. dies.  
 Walterus fedit annos XIII. menses XI. dies III.

Exemplar aliud ejusdem Catalogi, Vitell. E. 17.

<sup>a</sup> IV. menses.  
<sup>b</sup> XVIII. dies.  
<sup>c</sup> XIII. menses.  
<sup>d</sup> Annum I. & dimidium, & IX. dies.  
<sup>e</sup> Menses IX. & ebdomadam unam.

Catalogus alius MS. ibidem in his tantum discrepat à præcedenti. Jul. D. 2.

(1) Menses. IV.  
 (2) An. II. mens. I. di. XIV.  
 (3) An. I. di. XVI.  
 (4) An. II. mens. V.  
 (5) Mens. IX.  
 (6) An. I. mens. VI.  
 (7) An. I. mens. VIII. di. VI.

SUCCESSIO

SUCCESSIO Archiepiscoporum CANTUARIENSIVM ex Anna-  
libus brevibus ROFFENSIBUS à Christo ad annum MCLX.

Anno Domini.

- DXCVI. **H**IC Gregorius Papa misit Augustinum ad Anglos, Indi-  
etione XI. Nero, A. 86
- DCIV. **H** Consecrato sibi in successorem Laurentio, migravit Au-  
gustinus.
- DCXXII. Obiit Laurentius IV. Non. Februar. Succedit Mellitus.
- DCXXVI. Obiit Mellitus VIII. Kal. Maii. Succedit Justus.
- DCXXXIV. Obiit Justus IV. Idus Novembr. Succedit Honorius.
- DCLIII. Obitus Honorii Archiepiscopi XII. Cal. Octobr.
- DCLV. Consecratur Deusdedit à S. Ithamaro VII. Kal. April.
- DCLXIV. Obitus Deusdedit II. Idus Junii.
- DCLXVIII. Consecratur Theodorus Romæ à Vitaliano VII. Kal. April.  
die Dominicâ.
- DCLXIX. Venit Theodorus Archiepiscopus in Cantiam VI. Kal. Januar.  
die Dominicâ.
- DCXC. Obitus Theodori Archiepiscopi XIII. Kal. Octobr.
- DCXCII. Eligitur Brihtwaldus Abbas Raculfæ.
- DCXCIII. Brihtwaldus consecratur III. Kal. Julii.
- DCCXXXI. Obiit Brihtwaldus Archiepiscopus VI. Id. Januar. Successit  
Tadwynus, consecratus eodem anno IV. Idus Novembr.
- DCCXXXIV. Obiit Tadwynus Archiepiscopus II. Kal. Febr. Succedit  
Nothelmus Londoniensis Presbyter.
- DCCXXXVI. Gregorius Papa Nothelmo Pallium mittit.
- DCCXL. Obiit Nothelmus XVI. Kal. Novembr. Succedit Cuthbertus  
Herefordensis Episcopus.
- DCCLVIII. Obiit Cuthbertus Archiepiscopus VII. Cal. Novembr. & in Ec-  
clesiâ suâ sepultus est primus, & omnes successores sui præ-  
ter Jambertum.
- DCCLIX. Consecratur Bregewinus Archiepiscopus in die S. Michaelis.
- DCCLXII. Obiit Bregewinus Archiepiscopus VIII. Kal. Septembr.
- DCCLXIII. Jambertus in die Purificationis S. Mariæ consecratur Archie-  
piscopus.
- DCCLXIV. Jambertus à Paulo Papâ Pallium suscepit.
- DCCXC. Obiit Jambertus Archiepiscopus II. Id. Augusti. Succedit Adelardus  
Abbas.
- DCCXCIII. Ordinatur Adelardus Archiepiscopus XII. Cal. Augusti.
- DCCXCIX. Adelardus Archiepiscopus Romam proficiscitur.
- DCCCIII. Obiit Adelardus Episcopus. Succedit Wlfredus.
- DCCCXII. Wlfredus Archiepiscopus Romam proficiscitur.
- DCCCXXIX. Obiit Wlfredus Archiepiscopus; cui Feologildus successit  
V. Id. Junii ordinatus.  
III. Kal. Septembr. obiit.
- DCCCXXX. Chelnothus Decanus III. Kal. Julii electus, VI. Kal. Septembr.  
consecratur.
- DCCCLXX. Obiit Chelnothus Archiepiscopus. Succedit Adelredus.
- DCCCLXXXIX. Obiit Adelredus Archiepiscopus. Succedit Pleimundus.
- DCCCCXXIV. Dunstanus Archiepiscopus nascitur. Adelmo Archiepif-  
cupo succedit Wlfhelmus.

DCCCCXXXIII.



- DCCCCXXXIII. Defuncto Wlhelmo Archiepiscopo succedit Odo.  
 DCCCCLVIII. Migravit S. Odo Archiepiscopus. Succedit Alfsinus.  
 DCCCCCLIX. Alfsinus Romam proficiscens, in Alpinis frigore interit. Brihtwaldus eligitur; eoque repulso, Dunstanus consecratur.  
 DCCCCCLXXXVIII. Obiit Dunstanus Archiepiscopus XIV. Cal. Junii. Succedit Edelgarus Selesigenfis Episcopus; unoque anno & tribus mensibus tenuit.  
 DCCCCXC. Siricus Archiepiscopus consecratur.  
 DCCCCXCV. Obiit Siricus Archiepiscopus. Succedit Elfricus Wiltoniensis Episcopus.  
 MVI. Obiit Alfricus Archiepiscopus. Succedit S. Ælfegus Wentanus Episcopus.  
 MXII. Hic martyrizatus est Ælfegus Archiepiscopus XIII. Kal. Maii.  
 MXIII. Livingus, qui & Ædelstanus, Wellensis Episcopus, Archiepiscopatum suscepit.  
 MXX. Livingus Archiepiscopus obiit. Succedit Athelnothus.  
 MXXII. Athelnothus Romam profectus, à Benedicto Papâ Pallium suscepit.  
 MXXXVIII. Obiit Athelnothus Cant. Archiepiscopus. Succedit Capellanus Regis Edsius.  
 ML. Edsius Archiepiscopus obiit; & succedit Robertus.  
 MLIV. Robertus Archiepiscopus ab Angliâ expellitur; & apud Gemeticum obiit. Succedit Stigandus.  
 MLVIII. Benedictus Papa Stigando Pallium mittit.  
 MLXX. Connivente Papâ Alexandro, degradatur Stigandus, instituitur Lanfrancus.  
 MLXXI. Lanfrancus Romam profectus ab Alexandro Papâ Pallium suscipit.  
 MLXXII. Obitus Stigandi Archiepiscopi.  
 MLXXXIX. Obiit Lanfrancus V. Kal. Junii. Sedit autem annis XVIII. mensibus IX. diebus II.  
 MXCIII. Eligitur Anselmus II. Non. Martii, & consecratur II. Non. Decemb.  
 MXCV. B. Anselmus Pallium suscepit ab Urbano II. Papâ Wilhelmo Regi missum.  
 MXCVII. Anselmus transfretat.  
 MCII. Celebratum est Concilium apud Westmonasterium præsidente B. Anselmo.  
 MCIX. Obiit Anselmus Archiepiscopus XI. Cal. Maii.  
 MCXIV. Radulfus Roffensis Episcopus VI. Kal. Maii ad Archiepiscopatum est electus.  
 MCXXII. Obiit Radulphus Archiepiscopus XIV. Cal. Novembr.  
 MCXXIII. Willemus Prior de Chich. eligitur in Archiepiscopum die Purificationis, & XII. Kal. Martii consecratur, & à Calixto Papâ Pallium suscipit.  
 MCXXX. Ecclesia Christi Cantuariensis dedicatur IV. Non. Maii.  
 MCXXXV. Obiit Willemus Archiepiscopus Cant. XI. Cal. Decembr.  
 MCXXXVII. Hoc anno IV. Non. Junii combusta est Ecclesia Roffensis & tota civitas cum omnibus officinis Episcopi & Monachorum; & eodem anno obiit Johannes Roffensis Ecclesiæ Episcopus XII. Kal. Julii.  
 MCXXXVIII. Hoc anno ordinatus est Teobaldus Archiepiscopus VI. Id. Januarii.  
 MCXLVIII. Obiit Ascelinus Roffensis Episcopus; cui successit Galfridus frater Teobaldi Archiepiscopi.

Radulphi de Diceto Indiculus de Successione Archiepiscoporum Cantuariensium, & à quibus Apostolicis Pallia susceperunt.

<i>Papa Pallium dedit.</i>	<i>Archiepiscopo</i>	<i>Iste sedit annos.</i>	<i>Menses.</i>	<i>Dies.</i>	<i>Vacavit Sedes ann.</i>	<i>Menses.</i>	<i>Dies.</i>	<i>Variantes lectiones ex alio ejusdem Codice appellantur.</i>
Gregorius	Augustino	XVI.						
Idem	Laurentio	V.						
Idem	Mellito	V.						
Bonifacius	Iusto	III.						
Honorius	Honorio	XXVI.			I.	VI.		
Idem	Deus dedit	X.			III.			
Vitalianus	Theodoro	XXII.			I.			
Idem	Brichtwaldo	XXXVII.	VI.	XIV.				<sup>a</sup> Deest.
Gregorius	Tatwino	III.						
Idem	Nothelmo	V.						
Idem	Cuthberto	XVII.						
Paulus	Bregwino	III.						
Idem	Lamberto	<sup>b</sup> XXXII.						<sup>b</sup> XXVII.
Adrianus	Athelardo	XIII.						
Leo	Wlfredo	XXXVIII.			<sup>c</sup> I.			<sup>c</sup> Codex alter Sedem unico mense vacasse dicit.
Johannes	Feologildo		III.					
Gregorius	Ethelnotho	XLI.			II.			
Adrianus	Ethelredo	XVIII.						
Formosus	Pleimundo	<sup>d</sup> XXXIV.						<sup>d</sup> XXXVIII.
Johannes	Athelmo	XXXV.						
Idem	<sup>e</sup> Wlfermo							<sup>e</sup> Alfermo.
Agapitus	Odoni							
Johannes	Dunstano	XXVII.						
Idem	Ethelgaro	I.	III.					
Johannes	Sirico	V.						
Idem	<sup>f</sup> Elurico	XI.						<sup>f</sup> Alurico.
Idem	Elfego	VI.						
Benedictus	Livingo	VII.						
Idem	Egelnode	XVIII.						
Alexander	Adfno	XI.						
Idem	Roberto	II.						
Victor	Stigando	XVII.			II.			
Alexander	Lanfranco	XIX.			IV.			
Urbanus	Anselmo	XVI.			V.			
Paschalis	Radulpho	VIII.	VI.		IV.			
Calixtus	Willelmo	XIII.	IX.		II.	I.	XIII.	<sup>g</sup> II.
Innocentius	Theobaldo	XXII.	IV.		I.	II.	XVI.	<sup>h</sup> X. <sup>i</sup> VIII.
Alexander	Thomæ	VIII.	VI.	XXVIII.	<sup>j</sup> I.	V.	IV.	<sup>k</sup> XVI. <sup>l</sup> IX.
Idem	Richardo	<sup>h</sup> IX.	IX.	<sup>l</sup> XIII.		<sup>m</sup> X.	<sup>n</sup> IX.	<sup>n</sup> XXVII.
Lucius	Baldewino	VI.		<sup>o</sup> XVII.				<sup>o</sup> III.
Celestinus	Huberto.				III.	minus 16 diebus.		



**Jura Ecclesiæ Christi Cantuariensis debita post mortem Suffraganeorum suorum.**

Ex Bibliotheca Cottonianâ  
Vitellius, E. 17.

**M**emorandum, quòd Dominus Archiepiscopus Sede plenâ & Prior Cantuariensis Sede vacante, de jure & consuetudine Cantuariensis Ecclesiæ debet habere omnia sigilla & annulum secundo meliorem cujuslibet Episcopi Cantuariensis Provinciæ defuncti. Item de Episcopis Assavensi & Bangorensi defunctis idem Archiepiscopus Sede plenâ & Prior Cantuariensis Sede vacante, debet habere Palefridos suos cum fræno & sellas & capam pluvialem cum capello & similiter omnia sigilla & annulos suos secundo meliores, sicut de aliis Episcopis Provinciæ Cantuariensis defunctis. Item de Episcopo Rossensi defuncto debet Archiepiscopus Sede plenâ habere Palefridum suum & cuppam suam argenteam, & mutam canum suorum currentium ac etiâ omnia sigilla sua & annulum suum meliorem, & similiter custodiam omnium Temporalium Episcopatus Rossensis, quoniam de Archiepiscopo & Ecclesiâ Cantuariensi tenentur. Sede Cantuariensi vacante Dominus Rex ratione Archiepiscopatus in custodiâ suâ existentis debet habere de Episcopo Rossensi defuncto Palefridum suum & totam mutam canum suorum currentium, & custodiam Temporalium totius Episcopatus Rossensis & cuppam suam & annulum meliorem. Prior verò Cantuariensis habebit omnia Sigilla & annulum secundo meliorem dicti Episcopi, sicut de aliis Episcopis Provinciæ Cantuariensis defunctis Sede Cantuariensi vacante. Item de Archiepiscopo Cantuariensi defuncto Dominus Rex habebit meliorem Palefridum suum & annulum suum meliorem usualem & totam mutam canum suorum currentium & cuppam suam. Prior verò Cantuariensis habebit omnia sigilla & unum annulum secundo meliorem.

**Epistola Bonifacii Archiepiscopi Cantuariensis ad Henricum Regem de jure suo in Episcopatu Rossensi.**

Ex Bibliotheca Cottonianâ  
Vitellius, E. 5.

**E**xcellentissimo Domino suo H. Dei gratiâ illustri Regi Angliæ, Domino Hiberniæ, Duci Normanniæ & Aquitaniæ & Comiti Andegaviæ B. miseratione divinâ Cantuariensis Archiepiscopus, totius Angliæ Primas, gaudium & foelicitatem vitæ præsentis & futuræ. Cùm Rossensis Episcopus à nobis nomine Cantuariensis Ecclesiæ omnia Temporalia teneat, quæ in Episcopatu suo obtinet; & servitium quod ratione prædicti Episcopatus debet Regiæ Majestati, nobis integraliter fieri debeat: Et consequenter per manum nostram servitium ab eodem Episcopo sic receptum vobis sit per nos faciendum; sicut in Cartâ Domini J. quondam Regis Angliæ patris vestri (cujus transcriptum per latorem præsentium vobis transmittimus) plenius continetur. Excellentem Dominationem vestram duximus deprecandam; quatenus libertatem Cantuariensis Ecclesiæ conservetis; servitium Militum quod debetur vobis ratione Episcopatus supradicti non recipiendo ab alio quàm à nobis. Jura enim Cantuariensis Ecclesiæ vestri gratiâ hæcenus protexistis & etiam defendistis. Insuper Regiæ Serenitati notum facimus; quòd cùm quædam vestra Brevia de vestra Cancellariâ nuper emanaverint, ut super quibusdam debitis distringeretur idem Episcopus in quibus est vobis obligatus; & Senescalli, Ballivi & homines nostri distractiones fecissent ut debebant; præfatus Episcopus propter hoc Senescallum, Ballivos & alios homines nostros fere usque ad triginta fecit citari ad Curiam Apostolicam in præjudicium dignitatis Regiæ & coronæ, necnon contra privilegium vobis à Sede Apostolicâ indultum, ne Anglici extra regnum Angliæ per literas Apostolicas poterint conveniri. Attendat etiâ Dominatio vestra; quòd postquam dicto Episcopo inhibitionem vestram direxistis, ne nos vel nostros super talibus distractionibus vel juribus temporalibus in Curia Christianitatis conveniret; prædictam citationem procuravit, intendens pro posse sup jura regalia subvertere; prout apparet per facti evidentiam manifestè. Et quia factum istud periculosum est, & in perniciosum exemplum à posteris trahi possit, rogamus vos; quatenus super præmissis consilium utile & honorificum apponatis. Parati enim sumus facere in dicto negotio quod poterimus, secundum vestræ placitum voluntatis. Valeat Excellentia vestra diu. & foeliciter.

# CANONICI LICHFELDENSIS

Indiculus de Successione

ARCHIEPISCOPORUM CANTUARIENSIIUM,

Additâ Dissertatione de verâ Successione Archiepiscoporum Cantuariensium.

**E**Xtitit penes me Historia Archiepiscoporum Cantuariensium ab Augustino ad Simonem Mephram, scripta ab eodem Canonico Lichfeldensi, qui Historiam Episcoporum Lichfeldensium, qua suo loco sequetur, compilavit. Illam, cum nihil, quod non alii uberius, contineret, typis mandare minus consultum duxi. Eiusdem tamen Chronologiam, utpote ab aliis Historicis haud parum diversam, luce non indignam judicavi.

## AUGUSTINUS

Consecratus anno DC. fedit annos XVI. obiit anno DCXVI.

**A**ugustinum anno 596. à Gregorio Papâ missum, anno 597. Angliam appulisse, ex Bedâ constat (Hist. Eccl. l. 1. & in Epitome) Antequam verò in Angliam trajiceret; in Galliâ seu Germaniâ partibus Episcopus consecratus est. Id Historicos nostros, atque adeò Bedam ipsum, penitus fugit. Solum Willelmus Thorn (in Chronico S. Augustini) ex vetustioris monumenti fide consecratum dicit anno 597. 16. Cal. Decem. de die quidem lapsus; de anno autem res clarissimè constat ex Epistolis Gregorii illo & sequenti annis conscriptis. Siquidem in Epistola ad Brunechildem Reginam Franciâ, datâ anno 597. Indictione 1. mense Octobri (in Registro, lib. 7. ep. 5.) gratias illi agit, quòd Augustinum fratrem & Coepiscopum suum humaniter susceperit. Anno sequente Indictione 1. datâ ad Eulogium Patriarcham Alexandrinum Epistolâ (Registr. l. 7. ep. 30.) de miraculorum dono adhuc in occidentali Ecclesiâ vigente gloriatus, narrat Augustinum à se in Angliam

ad fidem prædicandam missum, & datâ à se licentiâ à Germaniarum Episcopis Episcopum factum, Miracula in Angliâ patrare; seque jam nunc literis ejus receptis didicisse, quòd in die Nativitatis Christi decem millia Anglorum baptizaverit. Ante finem igitur anni 597. Augustinus consecratus erat, & in Angliam trajece- rat. Lapsus est itaque Beda noster; qui Augustinum narrat post prædicatam foeliciter in Cantuariâ fidem, Arelas profectum, & ab Archiepiscopo Etherio juxta quod jussa sancti patris Gregorii acceperat, Archiepiscopum genti Anglorum ordinatum fuisse. (l. 1. c. 27.) Reversusque, inquit, Britanniam, Laurentium & Petrum ad Gregorium Papam continuò misit: Nec mora, Gregorius responsum simul ac Pallium Augustino per Nuncios remisit. Missum autem à Gregorio Pallium fuisse anno 601. Idem prodit in Epitome. Adèò ut anno 600. consecratus ex Bedæ sententiâ censi possit. Idque omnes credidisse videntur, qui Augustinum 16.

N

annis



annis sedisse ponunt. Isto Bedæ errore semel posito, pronum Lichfeldensi fuit obitum ejusdem in annum 616. referre. Siquidem Augustinum sedecim annos sedisse multos sibi suffragantes habuit, Gervasium in Actis Pontif. Cant. Radulphum de Diceto in Indiculo præcedenti, & Malmsburiensem, cujus quidem vulgati Codices habent annos 15. Manuscripti autem, tam ille Collegii Trinitatis Cantab. quam qui Lichfeldensis à me nuncupandus est, in eodem volumine cum Chronico Lichfeldensi compactus, legunt annos 16. Quin & Abbreviatio MS. Historiæ Malmsburiensis de Gestis Pontif. in Biblioth. Lambeth. eundem numerum exhibet. Ex corruptâ Malmsburiensis lectione in nonnullis Codicibus deceptus videtur Johannes Brompton, qui Malmsburiensem in rebus vetustioribus pro more secutus, annos 15. Augustino assignat. Paulò inferius descendunt Author Antiquitatum Britannicarum, & Polydorus Virgilius; qui illum anno 611. obiisse ponunt. Matthæus Westminsteriensis anno 608. Vir Doctissimus Mabillonius in Notis ad Augustini Vitam (inter Acta Benedict. Tom. 1. p. 532.) anno 607. Willelmus Thorn. (in Chronico Cænobii S. Augustini) anno 605. Florentius Wigorniensis 604. cui succinit Chronicon Anonymum breve atque antiquissimum MS. in Bibliothecâ Lambethanâ à Monacho quodam S. Crucis Edinburgensis (ut videtur) scriptum. Inter tot diversas sententias veritatem expiscari haud ita facile est. Tentabimus tamen. Primò itaque id constat Augustinum neque ante annum 604. neque post annum 616. obiisse. Anno enim 604. Mellitum & Justum ordinavit Episcopos; teste Bedâ l. 2. c. 3. Anno 616. obiit Ethelbertus Cantuariæ Rex. Sic Idem in Epitome. In Latinis quidem Codicibus Historiæ suæ, l. 2. c. 5. legitur anno 613. anno 21. ex quo Augustinus ad prædicandum genti Anglorum missus est. Verum error manifestus in numero priore cubat. Ver-

sio enim Saxonica Alfredi Regis habet *þa þær ýmb rýx hund þintpa 7 rýxtýne þintep.* Et annus præterea 21. adventus Augustini in annum 616. incidit. Obiisse autem Augustinum ante Ethelbertum Beda prodit l. 2. c. 3. Porro eundem VII. Cal. Junii fato cessisse Beda eodem loco narrat; de anno quo obierit, penitus silet. Et hætenus quidem cæteri omnes Historici consentiunt, neque enim Bedæ refragari fas erat. Annus interim manet incompertus. In re igitur tam obscurâ tutius esset antiquiores Historicos sequi; videlicet Florentium Wigorniensis & Anonymum Lambethanum, qui Augustini obitum in anno 604. reponunt. Quin & Goscelinus, utroque antiquior, in Vita S. Augustini cap. 38. refert Laurentium ordinatum esse ab Augustino quum mortem sibi imminere iste præsentiret. Sunt autem, & in his Radulphus de Diceto, qui Laurentium isto circiter anno ordinatum produunt. Age tamen; Singulorum calculos examini subjiciamus. Anno Octavo imperii Phocatis, Indictione 13. (authore Bedâ l. 2. c. 4.) viz. anno Christi 610. Bonifacius Papa Synodum Episcoporum in Italiâ coegit; & ex Synodo Epistolam Laurentio Archiepiscopo & Ethelberto Regi inscriptam per Mellitum Episcopum Londoniensem transmisit. Ante annum igitur 610. Augustinus obiit. Tabella Ecclesiæ Christi Cant. posita an. 1240. (cujus Iconem videre est in Monastico Anglicano Tom. 1. p. 24.) refert antiquam Ecclesiam fuisse dedicatam à Laurentio Archiepiscopo anno 613. anno 16. ab adventu S. Augustini in Angliam, *quo anno translatus fuit corpus S. Augustini à loco, quo prius jacuit per 7. annos.* Historia autem, (quæ sequitur, quæque extat in Monastico Angl. Tom. 1. p. 87.) Eliensis Cænobii dicit Ecclesiam Eliensem ab Augustino fundatam fuisse anno 607. Ex his duobus testimoniis Cl. Mabillonius (loc. cit.) concludit Augustinum anno 607. diem clausisse. Neque sic tamen res conficitur, Parum enim fidei meruit in

in re Chronologicâ Tabella post sexcentos plusquam annos posita ; & ne minimam quidem fidem Historia de Fundatione Monasterii Eliensis. Mihi enim in comperto est nullam Monachorum Historiis in Cœnobiorum suorum Chartis donativis aut fundatione referendis fidem esse adhibendam. Præterquam quod Augustinum Ecclesiam inter Orientales Anglos anno 607. posuisse, fabulam primâ facie sapiat putidissimam. Restat, ut & alios infra annum 610. subsidentes calculos exploremus. Refert Willelmus Thorn in Chronico suo ex fide libri antiqui de Vitâ & Miraculis S. Adriani, Augustinum obiisse anno 605. eodem sc. quo Gregorius Papa, anno, die 7. Cal. Junii feriâ tertiâ. Illum 7. Cal. Junii obiisse & ipse & Beda & cæteri omnes scribunt. Hinc igitur annus, quo vitâ migravit Augustinus, optimè definiri potest. Anno enim 604. dies

26. Maii seu 7. Cal. Junii incidit in feriam tertiam ; nullo autem alio anno, quo Augustini obitum contigisse alii posuerunt. Anno enim 605. is dies incidit in feriam 4. anno 607. in feriam 6. anno 608. in diem Dominicum, anno 611. in feriam 4. anno 616. in feriam 4. Non alio igitur quàm anno 604. Augustinus obiisse potuit. Idem confirmat testimonium libri Antiqui à Willelmo Thorn adducti. Cùm Augustinum enim & Gregorium eodem anno obiisse tradat ; & Gregorium anno 604. decessisse certissimè constet : superest, ut Augustinus anno 604. defunctus sit. Operam igitur ludunt, qui nulum non lapidem movent, ut Augustinum Monachorum Bannochorensium cædi superfuisse probent. Clementiora sanè de nostræ gentis Apostolo conjectari libet ; & alia opinari Chronologia non permittit.

## LAURENTIUS

Sedit annos V. obiit anno DCXIX. IV. Nonas Februarii.

Compertâ Augustini Chronologiâ haud difficile erit sequentium Archiepiscoporum usque ad ætatem Bedæ Chronologiam subijcere. Siquidem Augustinus obierit anno 604. & Mellitus anno 624. postquam annis 5. præfuisset ; quod prodit Beda l. 2. c. 7. & Augustino Laurentius, Laurentio Mellitus sine ullo interregno successerint, quippe qui vivente adhuc Augustino consecrati fuerint ; *ne se defuncto status Ecclesia tam rudis vel ad horam Pastore destitutus vacillare inciperet* [ Beda, l. 2. c. 4. ] necesse erit Laurentium circa annum 619. obiisse : Atque illo quidem anno defunctum esse Gotselinus con-

firmit in Vitâ Laurentii MS. de die tamen lapsus, quem 3. Non. Febr. ponit. Die 4. Non. Februar. obiisse tradit Beda, l. 2. c. 7. de anno silens. Anno 620. obitum ejus ponit Anonymus Lambethanus Chronici brevis MS. Author anno 621. Florilegus, & Florentius Wigorn. vulgatus, 623. Florentius MS. in Bibliothecâ Lambethanâ. Neque ab ludunt adeò à nobis illi, qui Augustini obitum in anno 616. reponunt, Historici. Omnes enim Laurentium annis 5. sedisse volunt. Ex quo quidem calculo Laurentius anno 621. obierit, si annos plenos numeres, anno 620. cavos.



## M E L L I T U S

Sedit annos V. Obiit anno DCXXIV. VIII. Calend. Maii.

Hanc quidem Melliti Chronologiam Beda nobis certam dedit, l. 2. c. 7. Florentius tamen Wigorn. anno 625. Melliti obitum retulit. Et annus quidem in Bedæ Versione Saxonicâ desideratur; reperitur autem in exemplari Latino; cujus Addita-

menta Bedæ ætate paulò inferiora sunt, forsân ab ipsomet Authore profecta: quamvis exemplar illius auctius Alfredo Regi videre non contigit. Annis 5. dies 16. addidit Radulphus de Diceto, lib. de Præsulibus Angl. cap. 1.

## J U S T U S

Sedit annos IX. obiit IV. Id Novembr. anno DCXXXIII.

Diem obitus solummodo Beda notavit, l. 2. c. 18. Hinc aliis facilis errandi ansa. Malmsburiensis, Gervasius, Radulphus de Diceto, Stephanus Birchingtonus, & Catalogus MS. Usserianus, Justum Sedi Cant. nonnisi tres annos præfuisse narrant. Et alii quidem sibi satis consoni; cum Honorium annos 26. sedisse ponant. Pessimè autem Gervasius Chronologiam perturbavit, tribus tantummodo annis assignatis Justo, & novendecim Honorio, quem anno 653. obiisse constat; adeò ut Sedes ex illius sententiâ 7. annis vacaverit; quod tamen nullus prodidit; quin potius Beda invictè refutat, dicens Paulinum à Justo consecratum fuisse anno 625. (in Epitome.) Paulò melius Chronici Anonymi Lambethani Author; qui Justî mortem in annum 634. retulit: cui quidem calculo satis conveniret Gervasii supputatio de pontificatus Honorii annis; modò ipse in cæteris sibi conveniret. Sed neque Anonymum verum attigisse arbitror. Refert enim Beda, l. 2. c. 18. Honorium Justî successorem ordinatum fuisse à Paulino Archiepiscopo Ebor. occurrente sibi in Lindocolino, antequam ab Eboraco iste fugaretur. Fugatus autem in Cantiam rediit anno 633. teste eodem in Epi-

tome, & Simeone Dunelmensi in Epist. ad Hugonem, p. 77. Ante annum igitur 633. & Justus obiit, & Honorius successit. Quòd si tamen Paulinus eodem anno & Honorium sacraverit, & fugam inierit; haud ita multum à veritate recedet Anonymus noster; quem in reliquis satis accuratum comperimus. Nescio annon Westmonasteriensis rem propius attigerit: cui Justus anno 630. (Radulpho de Diceto anno 629.) defunctus est. Perpensis tamen utrinque rationibus in eam magis accedo sententiam Justum sedisse annis duntaxat 3. & obiisse anno 627. quod maxima pars Historicorum tradit. Certè Honorius à Paulino anno 633. ordinari non potuit. Justum enim sub exitu ejusdem anni obiisse Beda fidem facit l. 2. c. 18. Paulinum autem baptizasse Edwinum Regem anno 627. prid. Id. April. die Paschæ, l. c. 2. 14. & exinde sedisse Eboraci annis sex. ibid. demum occiso Edwino anno 633. die 2. Octobr. fugam citato iniisse, l. 2. c. 20. Neque enim ausus fuerat Paulinus Cedwallæ victoris, hostis Christianorum Romanorum capitalis, adventum præstolari; multò minùs à Lindocolino Eboracum eo imperante remeare. Porro Honorium anno 653. obiisse constat. Idem autem Fœlicem

cem Episcopum Orientalibus Anglis præfecit; & illi defuncto Thomam, Thomæ Bonifacium, successores dedit; teste Bedâ l. 2. c. 15. l. 3. c. 20. | Fœlix autem sedit annis 17. Thomas annis 5. ex ejusdem calculo; adeo ut anno saltem 631. Honorius Archiepiscopatum obtinuerit.

## HONORIUS

Sedit annos XX. Obiit II. Cal. Octobris, anno DCLIII. Vacavit Sedes annum & sex menses.

Annum atque diem obitus, quin & tempus succedentis Vacationis Beda dedit, l. 3. c. 20. Quo anno Pontificatum suscepit, tot sunt sententiarum, quot de obitu Justici decessoris; | de quo superius dictum est. Annis Pontificatus 26. à se atque aliis Honorio assignatis Radulphus de Diceto dies 55. apposuit, lib. de Præsul. Angl. cap. 1.

## DEUSDEDIT

Consecratus VII. Cal. April. anno DCLV. sedit annos IX. menses IV. dies II. Obiit II. Id. Julii, anno DCLXII.

Ista omnia tradidit Beda, l. 3. c. 20. & l. 4. c. 1. nisi quod obitum illius in anno 664. juxta quod veritas postulat, certius posuerit: adeo ut annum 663. in nostro Codice errorem Librarii potius quam Authoris putarem. Error etiam in Bedâ deprehendi potest. Si ab anno enim 655. 7. Cal. April. annos 9. menses 4. dies 2. numeres: (quot Deusdedit | sedisse Beda in utroque loco citato asserit) obitus istius in annum 664. diem 28. Julii incidet. Ut isthoc potius die illum obiisse suspicaret. Neutri calculo convenit, priori tamen propè accedit codex MS. Cantuar. à Wheloco citatus (not. ad Bedam p. 257.) qui Sedem post Deusdedit obitum vacasse refert annis 3. mens. 8. diebus 15.

## THEODORUS

Consecratus VII. Cal. April. anno DCLXV. obiit anno DCLXXXIX. Sedit annos XXII. menses III. dies XXVI.

Lichfeldensis nescius Episcopatum Cantuariensem post Deusdedit obitum non parvo tempore celsasse (quod habet Beda, l. 4. c. 1.) Theodori introitum malè designavit. Bedâ enim auctore, l. 4. c. 1. 2. 5. is consecratus est Romæ à Vitaliano Papâ anno ætatis suæ 66. Christi 668. 7. Calend. Aprilis [Calendis Aprilis male habet Author Antiquitatum Britannicarum, quique illum cæco pede sequi solet, Godwinus in Commentario de Præsulibus Angliæ.] venit ad Ecclesiam suam anno 669. 6. Cal. | Junii, die Dominicâ; & sedit in eâ annos 21. menses 3. dies 26. Annos 22. numerant Malmsburiensis, Radulphus de Diceto, & alii qui ad menses & dies supputandos non descendunt; rotundo numero, licet minus vero, contenti. Atque hinc fraus Lichfeldensi & Stephano Birchingtono facta videtur. Uterque enim annos 22. præter menses 3. dies 26. Theodoro assignant. Obiit Theodorus anno 690. die 19. Septembris juxta Bedam, l. 5. c. 8. cui suffragatur Martyrologium Ecclesiæ Christi Cantuariensis



Cantuariensis MS. in Bibliothecâ Lambethanâ. Noster Pontificatus annos à Beda datos non ab Intronizatione sed à Consecratione numerans, lapsus est ; & Theodori mortem in an. 689. posuit. Alium quendam, cæteris ignotum Historicis, Archiepiscopum Wilfricum nomine Gervasius Dorobernensis confinxit, & circa hoc tempus deposuit ; narrans (in Chronico Ecclesiæ

Cantuariensis in Monastico Angl. Tom. 1. p. 18, 19. ) Cedwallam Regem anno 680. villam de Pagham cum appendiciis Wilfrico Archiepiscopo donasse, anno itidem 687. multa Theodoro contulisse. Ut vel hinc pateat ; quàm parum fidei Monachis sit adhibenda, quodcumque sui Cœnobii res agitur.

### B R E C T W A L D U S

Electus I. die Julii anno DCXCI. consecratus III. Calend. Julii, intronizatus II. Cal. Septembr. anno DCXCII. fedit annos XXXVIII. Obiit V. Idus Januarii anno DCCXXX.

Non satis mirari possum, quid sibi velint Historici nostri, qui in hisce rebus à Bedâ seorsum abire sibi licitum putant. Juxta hunc enim Brectwaldus electus est anno 692. die 1. Julii, ordinatus anno sequente, 3. Calend. Juliarum à Godwino Metropolitano Episcopo Galliarum, die Dominicâ : fedit in Sede suâ pridie Cal. Septembr. Dominicâ. Sedit annos 37. menses 6. dies 14. Obiit anno 731. 5. Idus Januarii, Hist. Eccl.

l. 5. c. 9. 24. Iste calculus & sibi invicem & Chronologiæ consentit. Anno enim 693. dies 29. Junii in diem Dominicum reverâ incidit. Sic & in cæteris. Aliam tamen initiam Lichfeldensis, anno in singulis ferè numeris detruncato. Male etiam Hovedenus Brectwaldi obitum in anno 732. reposuit, & Antiquitatum Britannicarum Author diem fatalem in Idus Januarii rejecit.

### T A T W I N U S

Consecratus die X. Junii, anno DCCXXX. fedit annis IV. Obiit anno DCCXXXIV.

Consecratus est die X. Junii Dominicâ ; Sic Beda, l. 5. c. 24. Anno igitur 731. Eo enim anno dies X. Junii in Dominicam incidit. Quin & eo anno sacratum fuisse disertè tradit Beda in Epitome, Chronologia Saxonica ad fidem Historiæ ejus à Wheloco edita, p. 520. Sedit annos 3. ex omnium præter Lichfeldensem

& Osbernum (in Vitâ Bregwini) sententiâ. Obiit anno 734. eodem scilicet quo Beda anno, ex fide Chronologiæ Saxonice, (ibid.) Anonymi Continuatoris Epitomes Bedæ, Hovedeni, & Florentii. Isti duo diem etiam obitus designant, sc. 3. Calend. Augusti : ipsis Calendis Augusti illum obiisse vult Birchingtonus.

NOTHEL

NOTHELMUS

Consecratus anno DCCXXXVI. obiit anno DCCXLI. Sedit annos V.

Haecenus nobis in difficili itinere praeluxit Beda. Dein verò usque ad Normannorum tempora, omnia sunt conturbata, incerta, tenebris atq; spinis involuta. Nothelmus Consecratus est anno 735. Sic Anonymus Continuator Epitomes Bedæ, Chronicon Mailrosense, & Hovedenus. Pallium accepit anno 736. Chronol. Saxon. p. 520. & Huntindoniensis, l. 4. f. 198. Sedit annos 5. ex communi sententiâ Malmsburiensis, Birchynghoni, Ra-

dulphi de Diceto, & his omnibus antiquioris Osberni in Vitâ Bregwini. Falsus itaque Hovedenus, qui illum anno 738. obiisse narrat: Magis eligendus videretur Florentii calculus; juxta quem an. 741. 16. Cal. Novembr. defunctus est (in obituário Cant. die 17. Cal. Novembr.) nisi quòd potior sit autoritas Continuatoris Epitomes Bedæ; qui illum anno 739. obiisse dicit. Huic etiam suffragatur Westmonasteriensis.

CUTHBERTUS

Sedit annos XVII. obiit anno DCCLX.

Successit Nothelmo anno 742. Sic Osbernus in Vitâ Bregwini: errore manifesto. Anno enim præcedente obierat Gregorius Papa, qui Pallium Cuthberto dedit, teste Radulpho de Diceto. Consecratus est anno 740. si Hovedeno, Florilego, & Continuatori Epitomes Bedæ fides. His maxime tribuendum; quamvis Chronologia Saxonica Wheloci consecratum anno 741. refert p. 521. Huic etiam succinit Wilhelmus Thorn; in eo tamen crasse hallucinatus, quod Cuthberti obitum anno 748. reponat. Se-

dit enim annos 17. ex fide Malmsburiensis, Birchynghoni, & Radulphi de Diceto. Solus Osbernus annos duntaxat 15. illi attribuit. Obiisse anno 758. fidem faciunt Chronologia Saxonica, p. 523. Continuator Epitomes Bedæ, & Florentius Wigorniensis. Annum 761. malè ponit Chronicon Mailrosense, 760. Westmonasteriensis. Dies obitus contigit 7. Cal. Novembr. juxta Continuatorem Epitomes Bedæ, Florentium, Gervasium, & Birchynghonum; 8. Cal. Nov. juxta Obituarium Cantuariense.

BREGWINUS

Consecratus anno DCCLXI. obiit anno DCCLXIV.

Anno 759. die S. Michaelis Chronologia Saxonica consecratum dicit, p. 523. cui quidem & Authoris antiquitas, & sequentium Archiepiscoporum Chronologia magis assentire suadent: quamvis dies S. Michaelis neque isto, neque proximis utrinque annis in Dominicam inciderit. Sedisse annos tres unica est omnium Historicorum sententia, præter Osbernum in Vitâ

ejus, qui illum anno septimo Pontificatus sui decessisse prodit; cui quidem robur adderent Hovedenus & Mailrosensis, obitum illius in annum 765. rejicientes; nisi potiora argumenta Lambertum ante id tempus Episcopatum inisse suaderent. Quin & alter Vitæ Osberni ascriptæ Codex MS. obitum Bregwini anno Pontificatus secundo ponit. Obiit itaque Bregwinus



Bregwinus anno 762. (763. juxta Florilegum) die 8. Cal. Septembr. Sic Willelmus Thorn, & Florentius in Codice MS. Lambethano, quamvis impressa exemplaria legant 9. Cal. Septembr. Willelmo & Florentio de die obitus concordant Birching-

tonus, & Gervasius. Calendis tamen Septembris eundem obiisse referunt Martyrologium Ecclesiæ Christi Cant. MS. & Osbernus in Vitâ ejus, quamvis alter Osborni Codex MS. notâ ad finem appositâ Bregwinum die 7. Cal. Decembr. obiisse perhibet.

## L A M B R I T H U S

Consecratus anno DCCLXVI. fedit annos XXVII. obiit anno DCCXCIII.

Sedisse annos 27. Westmonasteriensis, Malmsburiensis, Gervasius & Catalogus Usserianus MS. disertè affirmant. Unicus Radulphus de Diceto annos 32. habet in Indiculo præmisso. Idem tamen annos 27. in Historiâ sequente, & in altero ejusdem Indiculi exemplari MS. numerat. Si annorum 27. igitur exordium à Bregwini obitu ducamus, & annos plenos numeremus; obibit circa annum 789. Malè itaque Florilegus annum 794. posuit; neque tamen Sedem aliquanto tempore vacasse memoravit. Et fanè assumptus est ad Archiepiscopatum anno 762. 7. Id. Januar. juxta

Willelmum Thorn; consecratus anno 763. die 14. post hiemem mediam. Pallium accepit anno 764. atque obiit anno 790. juxta Chronologiam Saxoniam p. 524. 525. Cui concordat Florentius Wigorn. & diem obitus 2. Id. Augusti. contigisse notat. Annum 789. posuit Willelmus Thorn, annos sc. pontificatus 27. ab anno 762. supputans; de die etiam obitus minùs convenit. Lambertum enim prid. Id. Augusti sepultum dicit. Cui favet Obituarium Cantuariense, mortem ejus 3. Id. Augusti statuens. Hovedenus deniq; & Mailrosensis illum anno 791. obiisse referunt.

## A T H E L A R D U S

Translatus anno DCCXCIV. fedit annos XXIII. obiit anno DCCCXVII.

Electus anno 790. consecratus est anno 793. 12. Cal. Augusti. Sic Florentius Wigorn. Cui lubens assentior. Is enim dies anno 793. in Dominicam incidit. Anno 790. electum fuisse Chronologia etiam Saxonica testatur p. 525. Incertior longe obitus. Inter omnes tamen convenit, si nostrum Lichfeldensem excipias, illum annos 13. Sedi Cantuariensi præfuisse. Sic Malmsburiensis, Gervasius, Radulphus de Diceto, Westmonasteriensis, & Birchingtonus. Hos 13. annos ab electione illius inchoantes Florentius & Chronologia Saxonica obitum ejusdem in anno 803.

referunt. Alii minùs rectè à Consecratione exordium ducentes, obitum in anno 805. ponunt. Sic Mailrosensis & Florilegus. Huntingdoniensis anno 804. qui illum Edelredum vocat. Gervasius itidem (in Chronico suo in Monastico Angl. Tom. 1. p. 19.) illum anno 805. villam Burne Cœnobio Cant. dedisse, atque eodem anno Cuthredum Regem Wlfredo Archiepiscopo quædam contulisse narrat. Annum 806. magis elegit Hovedenus. Obiit autem 4. Idus Maii juxta Obituarium Cantuariense.

## W L F R E D U S

Consecratus anno DCCCXIX. fedit annos XXVIII. obiit anno DCCCXLVII.

Successit anno 803. Quo quidem anno Cunedum Abbatem S. Augustini benedixit, teste Wilhelmo Thorn. Anno 804. pallium accepit, anno 812. Romam petiit, anno 813. rediit, anno 829. obiit. Sic Florentius Wigorniensis; quem quidem annum obitus rectè designasse arbitror. Consentiant enim Huntindoniensis, Mailrosensis, & Chronologia Saxonica p. 527. Solus Hovedenus annum. 831. ponit; non alia ductus ratione, quàm quòd scriptum invenerit Wlfredum obiisse anno 29. Egberti Regis, quem ipse Christi annum esse 831. supputat; quamvis alios anno 801. Egberti

Regnum inchoare ibidem fateatur. Porro eundem annos 28. sedisse referunt Malmsburiensis, & Westmonasteriensis: annos 38. Gervasius, Radulphus de Diceto, & Birchyngtonus. Posteriores autem calculum tempora sequentium Archiepiscoporum ab ipsis ejus Authoribus tradita satis superque refutant. Prior calculus (siquidem annos cavos numeres) anno 829. exeunti sc. & in Annuntiatione B. Mariæ terminato, bene convenit. Et Wlfredum quidem in ipso anni fine denatum esse fidem facit Obituarium Cantuariense, obitum ejus die IX. Cal. April. contigisse narrans.

## F E O L G E L D U S

Sedit menses III. Obiit anno DCCCXLIX.

Hunc prætermittunt Westmonasteriensis & Mailrosensis. Immeritò tamen. Ritè enim consecratus fuit; quamvis Sedem parvo tempore tenuerit. Non nisi tres sedisse menses omnes consentiunt. Birchyngtonus quidem menses supputare parum curans, annum regimini ejus assignat. Et Radulphus de Diceto (in Historia de Præful. Angl.) pro tribus mensibus totidem annos reposuit. Ipsemet autem veriora tradidit tam in Indiculo præmisso, quàm in Abbrev. Chron. p. 449. adeò ut error potius librarii videatur. Circa annum quo sederit, nonnulli lapsi sunt. Crasse qui-

dem Radulphus de Diceto, qui anno 839. (Abbrev. Chron. col. 449.) omnium autem crassissimè Lichfeldensis noster qui anno 849. sedisse volunt. Certiora tradit Gervasius, Theogildum sc. electum fuisse 7. Cal. Maii, consecratum 5. Id. Junii, obiisse Calendis Septembris. Annum obitus atque adeò introitus, dedit Chronologia Saxonica (p. 528.) viz. 830. De die solummodo obitus litem Gervasio movent Birchyngtonus & Obituarium Cantuariense; ille Theogildum 3. Cal. Septemb. istud 4. Cal. Septemb. obiisse narrans.



## CEOLNOTHUS

Consecratus anno DCCCLII. sedit XLI. menses; obiit anno DCCCLVI.

Plures Historici, qui præcedentium Archiepiscoporum Pontificatum ultra justum tempus produxerunt, Ceolnothi Pontificatum contrahere necesse habuerunt: neque sic tamen Chronologiæ satisfecerunt. Rectius itaque Gervasius illum annos 41. sedisse perhibet. Electus enim & consecratus anno 830. juxta Florentium Wigorniensem & Chronologiam Saxoniam (utriusque tempus assignat Gervasius, viz. electionis 3. Calend. Julii, consecrationis 6. Cal. Septembr. anno nominato; qui quidem annus 831. erit, si Consecrationis dies recte positus fuerit, & recte posuisse credendum. Eo enim anno dies iste in Dominicam incidit.) Pallium ac-

cepit anno 831. Chronol. Saxoniæ subscripsit Chartæ Witlasi Merciorum Regis datæ Cœnobio Croilanden- si anno 833. Chartæ Bertulphi Regis anno 851. Chartæ Beorredi Regis anno 860. teste Ingulpho, Hist. Croiland. f. 488. 490. 492. Chartæ Ethelwulfi Regis datæ Cœnobio Malmsburiensi anno 855. autore Malmsburiensi in Vitâ Aldhelmi. Denique obiit anno 870. quod certissime constat. Præter Hovedenum enim, Florentium, Mailrosensem, Chronologiam Saxoniam, & Ethelwerdum testes, prodit id Author cœtaneus, Asserius in vitâ Ælfredi Regis.

## ETHEREDUS

Consecratus anno DCCCLVIII. sedit XVIII. annos, obiit anno DCCCLXXVI.

Ethelredum vocat Gulielmi Malmsbur. Codex MS. Lichfeldensis; Athelredum Gervasius. Ceolnotho non longè post obitum successit. Anno enim 872. obiit Hadrianus Papa, à quo pallium acceperat, autore Radulfo de Diceto: & antea anno 871. Ælfredus Dux dedit illi & Ecclesiæ Cantuariensi villam de Chertham, teste Gervasio in Chronico Ecclesiæ Cant. in Monastico Angl. Tom. 1. p. 20. Gervasio tamen in rebus Ecclesiæ suæ tradendis fidem perexiguam adhiberem: nisi fortiora argumenta suppetere. Etheredum igitur annos 18. sedisse produnt Malmsburiensis atque idem Gervasius in Actis Pontificum Cant. Obit autem anno 888. ex fide Hovedeni, Ethelwerdi,

lib. 4. & Chronologiæ Saxonice, p. 539. Annum quidem 893. habet Gervasius loco cit. Verum illi in Chronologiâ infelicitissime omnium successit. Si enim ab obitu Lamberti, cujus tempus ferè constat, annos singulis Archiepiscopis à Gervasio assignatos in unum redigamus; Etheredi obitus non in annum 893. sed in an. 900. incidet. Magis suspicendi Westmonasteriensis, Florentius, & Mailrosensis; juxta quos Etheredus obiit anno 889. Diem obitus nos docet Obituarium Cantuariense, viz. prid. Cal. Julii. Post obitum ejus vacasse Sedem annis 2. Gervasius, Radulphus de Diceto, & Birchingtonus tradunt.

## PLEMUNDUS

Consecratus anno DCCCLXXVIII. sedit annos XXXIV. obiit anno DCCCCX.

Plegmundus in aulam accitus ab Elfrede Rege anno 886. nonnisi post tres annos Ethelredo defuncto subrogatus est; teste Simeone Dunelmensi (lib. de gest. Reg. Angl.) Si Sedem igitur post Etheredi obitum anno 888. biennio vacasse perhibeamus, prout Scriptores supra citati produnt: Plegmundus anno 890. Pontificatum inibit. Atque eo quidem anno electum fuisse Chronologia Saxonica testatur, p. 539. Non multum abludit Westmonasteriensis; ex cujus sententiâ anno 889. Ethelredo successit. Electus mox Romam iter suscepit; ubi à Formoso Papa consecratus est, & Pallium accepit. Quo anno, parum liquet. Certè non ante finem anni 891. quo ipse Formosus Papatum iniit. Interim Pontificatus gesti annos Historici nostri ab ipsius electione numerant; & annos 34. cum se-

disse narrant. Sic Gervasius, Birchingtonus, Radulphus de Diceto, Catalogus Usserianus MS. & Malmsburiensis. Impressa quidem Malmsburiensis exemplaria habent annos 33. Verum & Codex MS. Lichfeldensis, & Abbreviatio ejus MS. Lambethana annos 34. reponunt. His consonat Chronologia Saxonica, quæ illum anno 923. obiisse refert, p. 554. Obiitum ejus in annum 915. conjicit Westmonasteriensis; quique illum fequi solet, Godwinus, quoties Antiquitates Britannicæ lucem non præferant. Nec minùs crasse ante Westmonasteriensem erravit Rogerus Hoveden, qui Pleimundum anno 884. Sedi Cant. præfuisse refert; què tamen ipsemet postea Ethelredo anno 888. successisse dicit. Cæterum diem obitus Pleimundi nobis dedit Martyrologium Cant. MS. sc. 4. Nonas Augusti.

## ATHELMUS

Translatus anno DCCCCXI. sedit annos XIII. obiit anno DCCCCXXIV.

Athelmus in Wellensem Episcopum ordinatus est à Plegmundo Archiepiscopo una cum sex aliis Episcopis anno 905. juxta Cl. Spelmanni calculum Concil. Angl. Tom. 1. qui quidem ex Malmsburiensi (lib. 2. de gestis Reg. Angl.) tantum non constat. Plegmundo anno 923. saltem 924. successit, si Historicis optimæ notæ nonnullis fides Isto enim anno Athelstanum Regem ab eo sacratum legimus apud Florentium Wigorniensem & Chronicon Mailrosense Anno 915. successisse Westmonasteriensis & Godwinus scribunt. Verùm eorum in hac re calculum supra in Plegmundo rejecimus. Eadem de Radulpho de Diceto dicenda sunt, ex cujus sententiâ (Abbreviat. Chron.

p. 453.) anno 914. pontificatum Athelmus iniit; Palliumque accepit à Johanne Papâ; qui nonnisi anno sequente Papatum obtinuit. Obiit *post annos aliquot*; inquit Gervasius in Act. Pontif. Cant. anno 924. juxta Florilegium; saltem anno 927. quo Athelstanus Rex regnum iniit. Annos 22. numerat Catalogus MS. Usserianus, ducto sc. initio à suscepto Episcopatu Wellensi, & in anno 927. terminato. Atque isto quidem anno in vivis fuisse Athelmum necesse erit, si quod plurimi produnt, Athelstanum Regem coronaverit. Diligenter enim excusâ Chronologiâ (cujus rationes fusius explicare istius loci non est) reperietur Athelstanum ante annum 927. regnum non obtinuisse. Sanè



isti computo Wlfelmi successoris tempora minimè refragantur, Afferit fanè Chronologia Saxonica Wlfelmum Sedem Cant. obtinuisse eodem anno, quo regnum Athelstanus, sc. anno 925. Quum verò in Athelstani introitu lapsus sit, in Wlfelmi etiam successione errabit. Sin fidem Chronologiæ Saxonice nullo modo derogandam existimemus; dicendum erit cum Hovedeno Athelstanum Regem non ab Athelmo, sed

à Wlfelmo coronatum fuisse. Eo enim anno Wlfelmum successisse ponit Chronologia Saxonica p. 555. quæ ob breve pontificatûs gesti tempus de Athelmo nil dicendum habuit. Sic nec Birchynghonus. Annos quidem 12. illi assignat Abbreviatio Gulielmi Malmsbur. MS. atque ipsius Malmsbur. Codex MS. Coll. Trin. Verum de eo silent & impressa Gulielmi exemplaria & Codex MS. Lichfeldensis;

## W L F E L M U S

Translatus anno DCCCCXXVI. Sedit annos XIV. obiit anno DCCCCXL.

Athelmo Wlfelmus successit, & in Sede Wellensi, & in Archiepiscopatu Cantuariensi: illic circa annum 923. isthic anno 925. auctore Chronologiâ Saxonica p. 555. de cuius calculo quid statuendum sit, supra in Athelmo attigimus. Lapsus est Gervasius in Chronico Ecclesiæ Cant. (in Monastico Tom. 1. p. 20.) quum illum Ecclesiæ Cant. agros quosdam anno 923. comparasse refert. Ignoscendum autem illi; qui non Chronologiæ, sed Cœnobii sui rem agebat. Veritatem propius attigerunt Radulphus de Diceto (Abbrev. Chron. p. 453.) & Westmonasteriensis; qui introitum ejus anno 924. ponunt. Sedit annos 13. inquiunt Malmsburiensis & Gervasius. Decem solummodo agnoscunt Birchynghonus & Westmonasteriensis, ac Westmonasteriensem secutus Godwinus. Florilegus itaque

illum anno 934. obiisse scribit. Si quæ tamen Monachis in donationibus Ecclesiarum suarum referendis fides sit habenda; Wlfelmus subscripsit Chartæ Ethelstani Regis datæ Cœnobio Malmsburiensi anno 938. teste Wilhelmo in Vitâ Aldhelmi, par. 2. Illo quinetiam præsentē Dux Eadulphus dedit Mepeham Ecclesiæ Cantuarien. anno 940. teste Gervasio. in Monastico p. 20. Quod verò restitutioni bonorum factæ Ecclesiæ Cant. ab Eadmundo Rege anno 941. Wlfelmum subscripsisse in libro Evidentiæ Ecclesiæ Cant. dicto *Thorn*, col. 2221. habetur, planè commentitium videtur, & post Gervasii ætatem confictum. De Wlfelmi enim subscriptione, Gervasius, qui restitutionem Eadmundi Regis (loc. cit.) anno 941. factam narrat, penitus tacet.

## O D O

Translatus anno DCCCCXL. fedit annos XX. obiit anno DCCCCLXI.

*Quot annis Odo sederit, vel duo prædecessores ipsius, nondum ad nostram pervenit notitiam:* inquit Gervasius, in Actis Pontif. Cant. col. 1645. Nec minus incertus Radulphus de Diceto in Indiculo suo, qui tribus hisce simul Archiepiscopis annos 35. attribuit. Ex his si duos Athelmo, tredecim Wlfelmo, seu (quod magis placet) quinque Athelmo, Wlfelmo decem

demus; manent Odoni viginti. Et fane istum 20. annos sedisse præter Lichfeldensem nostrum Malmsburiensis prodit. Florilegus quidem, Radulphus de Diceto (in Historiâ de Præsul. Angl.) & Bromtonus annos 24. ponunt; tempus nimirum à Wlfelmi pontificatu injustè detractum Odoni adjicientes; ut sic vitam ejus ad annum 958. producant. Isto enim

enim Odonem obiisse anno præter Westmonasteriensem recte tradunt Florentius Wigorniensis, Mailrosensis, & Hovedenus : annos videlicet Pontificatus viginti ab anno 938. numerantes; quo obiisse Wlfelmus optimè censerì potest. Verùm sive illo obierit anno, & Sedes triennio vacaverit; seu quod Geruasius præfert, anno 940. super fuerit : Constat Odonem ante annum 942. saltem exitum anni 941. Sedem Cant. non obtinuisse; si Osberno & Chronologiæ Saxonice fides. Eâ enim dignitate auctus est ab Ead-mundo Rege, quamprimum Ethel-

stano fratri successit, teste Osberno in Vitâ ejus. Ethelstanus autem decessit anno 941. 6. Cal. Novembr. juxta Chronologiam Saxon. p. 559. Ab anno igitur 941. numeratis annis 20. Odonis obitus circa annum 961. incidit. Atque eo ipso quidem anno illum obiisse Chronologia Saxonica confirmat, p. 558. Tam Osbernum autem quam Chronologum Saxonem errasse in Elfino ostendemus. Diem obitus IV. Nonas Junii ponit Martyrologium Cantuariense MS. IV. Non. Julii Capgravius in Legenda Novâ, fol. 244.

## E L S I N U S

Obiit anno DCCCCLXI. in Alpibus.

Quo anno Elsinus Archipræfatum Cant. adeptus fuerit, eadem est controversia ac de Odonis obitu. Id tamen inter omnes constat, Elsinum quam citissimè post Odonis mortem dignitatem istam obtinuisse : & suscepto Romam impetrandi Pallii causâ itinere, frigore enectum in Alpibus periisse. Factum id anno Odonis obitum sequente omnes consentiunt. Allato in Angliam rei nuncio, Bri-thelmus Episcopus Wellensis substitutus est; qui post paucos dies regio jussu dignitati abrenunciavit, & ad Sedem pristinam se recepit. Hæc concordî omnium Historicorum voce narrantur. Ad investiganda autem rerum singularum tempora, nulla potior est via, quam ut à Regum successione & regni statu conjecturas ducamus. Gravissima à nonnullis retro annis adoleverat contentio inter Sacerdotes Sæculares & Monachos, his possessiones Ecclesiarum & Monasteriorum, quæ Canonici Sæculares ubivis ferè tenuerunt, sibi arripere annitentibus, illis avita patrimonialia mordicus retinentibus. Inter has partes divisa erant omnium studia; pars Monachorum ambitionem & avaritiam detestata, Sæculares tutabatur; pars simulatæ religionis fucò & præstigiis

capta, Monastico Ordini adhærebat. Istiusmodi dissidia tectis ut plurimum consiliis jamdiu agitata, post sæculi decimi medium impetu maximo exarserunt. Post Edredi enim Regis obitum rerum summa ad Edmundi fratris filios juvenes Edwium & Edgarum devoluta est. Edwius natu maximus regnum capeffivit. Qui Dunstani & Monachorum petulantiam exosus, illum Aulâ, in qua diu dominatus fuerat, ejecit; hos ab invadendis Sæcularium fundis compescuit. Quin & nonnullibi Monachis expulsis, Clericos induxit. Immo, si Malmsburiensi (de gest. Reg. l. 2. c. 7.) fides: *omnes in totâ Angliâ Monastici Ordinis homines, prius nudatos facultatum auxilio, post etiam deportatos exilio, calamitatibus indignis affecti. Eâ tempestate facies Monachorum fæda & miserabilis erat.* Id minimè ferentes Monachi, Edgarum fratrem in partes traxerunt; & excitatâ plebe, illum sibi Regem statuerunt. *Mercenses & Northumbri, contemnentes Edwium, elegerunt fratrem Edgarum; qui mox Dunstanum ab exilio revocavit; & Wigornensem Episcopum constituit: anno 957.* Fortunâ belli in Edgari partes propendente, pax tandem eâ lege coiit ut regnum inter utrumque



utrumque divideretur; Thameſis fluvius imperii limes eſſet; omnia ab Auſtrali parte Edwio, à Septentrionali Edgardo cederent. Pax tamen inter Clericos & Monachos nondum coit. Edwius in ſua ditione nil non Clericis, Edgarus in ſua nil non Monachis conceſſit. Hinc fit, ut Monachi Hiſtorici integra convitiſſimum plauſtra in Edwium conjecerint. Edgarum è contra, ut ſcortatorem perditiffimum, exquisitiſſimis laudibus extulerint. In Edwii ditione ſitæ erant urbes Wintonia & Cantuaria. Edwius itaque Odoni deſuncto Elſinum Episcopum Wintonienſem (Monachorum hoſtem inſenſiffimum; quod ex Malmsburienſi patet, f. 114. b.) Elſino Brithelmum ſubſtituit. Hinc tam graves Monachorum in utrumque cenſuræ: Elſinum Sedem Cant. datâ pecuniâ obtinuiſſe, demum inter horrendos animi cruciatus extinctum: Brithelmum literarum & legis Eccleſiaſtica penitus ignarum, vel ſolo pudore adactum, ut dignitate Archiepiſcopali cederet. Inanes hæ calumina. Dolebant potiùs Manachi Primatum Dunſtano Antefignano ſuo præreptum; & nil non mali in Edwii, Elſini & Brithelmi capita cudebant. Ceſſit tandem ſeu fatiſ ſeu inſidiis Rex Edwius anno 959. Integram Monarchiam Edgarus deinceps

tenuit; qui ejeſto ſtatim Brithelmo, Dunſtanum Cantuarienſi Throno præfecit; Clericos Eccleſiis & Monafteriis eliminavit; Monachos induxit, redditibus ampliſſimis auxit; omnia pro arbitrio illorum fecit. Iſta omnia narrant Florentius Wigornienſis, Chronicon Mailroſenſe, & Simeon Dunelmenſis. Alio quidem anno ſc. 957. Edwii mortem Chronologia Saxonica repoſuit. Verùm rectè illam poſuiſſe Authores ſupra citatos poſt ſubtiliſſimam diſquiſitionem clariſſimè deprehendi. Ante annum igitur 959. Archiepiſcopatum Cant. Elſinus & Brithelmus obtinuiſſe debent. Illos enim Edgarum præficere voluiſſe incredibile eſt; qui Monachorum nutu omnia egit; & Brithelmum Sede ſua, quam recenſter intraverat, injuriâ ſubmovit, ut Dunſtano locum faceret. Si Odonem itaque anno 958. obiſſe, Elſinum ſucceſſiſſe, ponamus cum Florentio, Mailroſenſi, Hovedeno, & Florilego: & ex eorundem fide, hieme ſequenti in Alpibus periſſe: Brithelmum etiam, quamprimum iſtius calamitatis nunciuſ ad Edwii aulam advenit, ſubſtitutum, Edwio deſuncto poſt paucos dies ab Edgardo amotum ſub exitum anni 959. rectè omnia ſuccedent.

## DUNSTANUS

Translatus anno DCCCCLXII. ſedit annos XXVI. obiit anno DCCCCLXXXVIII.

Ejeſto Brithelmo, Dunſtanus anno 960. Romam iter ſucepit, Pallii obtinendi gratiâ. Sic Florentius, Dunelmenſis, & Mailroſenſis. A medio huiusce anni ad Maium anni 988. ſunt anni 28. cavi, quot Birchingtonus, anni 27. pleni, quot Malmsburienſis & Radulphus de Diceto illud ſediſſe referunt. Mitto fabuloſam illam Hiſtoriam Translationis ejus in Cœnobium Glaſtonienſe, quod inter Acta Benedictinorum, Sæc. V.

p. 713. Cl. Mabillonius evulgavit. Statuit ea Dunſtanum anno 27. Pontificatus ſui obiſſe, anno Domini 988. Calendis Auguſti, circa diem quidem turpiſſimè lapſa, annum autem rectè designavit. Eundem enim ponunt Hovedenus, Florentius, Mailroſenſis, Gervafius, Weſtmonaſterienſis, & Osbernus in Vita ejus; qui addit Dunſtanum obiſſe die tertio poſt Aſcenſionem Domini. Produnt alii omnes (præter ineptam Hiſtoriam Glaſtonienſem)

stoniensem) defunctum esse 14. Cal. Junii. Sic Florentius, Mailrosensis, Florilegus, Hovedenus, Simeon Dunelmensis, Birchyngtonus, & Martyrologium Cantuariense MS. Anno autem memorato dies 14. Cal. Junii tertiâ post Ascensionem luce, viz. die

Sabbati contigit; & die Sabbati obiisse Dunstanum narrant Simeon Dunelm. Florentius & Hovedenus. Osbernus, & illum verbatim secutus in Dunstani obitu narrando Gervasius, annos 33. regimini illius dederunt. Istorum autem errorem notasse sat erit.

### ETHELGARUS

Translatus anno DCCCCLXXXVIII. sedit annum I. obiit anno DCCCCLXXXIX.

Ethelgarum Dunstano successisse anno 989. refert etiam Florilegus. Sed *annum unum*; inquit Malmsburiensis. *Annum unum & tres menses*; sic Simeon Dunelmensis, Florentius, Mailrosensis, Hovedenus, Gervasius,

Willelmus Thorn, & Bromtonus, qui Stilgarum vocat. Rectè itaque anno 989. obiisse ponitur; quod & Florilegus confirmat. Obiit 3. Non. Decembr. juxta Obituarium Cantuariense MS.

### ELFRICUS

Translatus anno DCCCCLXXXIX. sedit annos XI. obiit anno M.

Circa Elfricum duo insignes Controversiæ discutiendæ sunt. Primo an Siricum in Sede Cant. præcesserit, vel secutus fuerit? Dein an Elfricus Archiepiscopus idem fuerit cum egregio illo Elfrico, qui circa hoc tempus tot scriptis & versionibus in lucem editis enituit? De secundâ quæstione peculiari Dissertatione agemus. Quoad primam, Elfricum Siricio successisse audacter pronuncio. E parte nostrâ stant Chronologia Saxonica, Florentius Wigornienfis, Hovedenus, Mailrosensis, Simeon Dunelmensis, Radulphus de Diceto, Birchyngtonus, Bromtonus, Willelmus Thorn, & Gervasius in Actis Pontif. Cant. Ex adversâ Malmsburiensis, Westmonasteriensis, Historia Glastonienfis, (in Monastico Angl. Tom. 1. p. 7.) & alii recentiores. Id verò inter omnes constat horum priorem, quisquis ille fuerit, Episcopatum iniisse anno 989. posteriorem anno 1006. vel 1005. obiisse. Quinetiam tantum non constat Siricum sedisse annos 5. Elfricum annos 11. Sic Malmsburiensis, Hovedenus, Flo-

rentius, Mailrosensis, Gervasius (in Actis Pontif. Cant.) Bromtonus, Willelmus Thorn, & his omnibus major Chronologia Saxonica. Florilegus quidem unicum tantum annum Elfrico concedit, & anno 989. subrogatum, anno 790. Siricio locum mortis fecisse scribit. Nescio an in censum venire debeat Gervasii Historia de Donationibus Ecclesiæ Christi Cant. factis (in Monastico Tom. 1. p. 21.) qui inibi versâ vice unicum Siricio, eundem nempe, quem Florilegus Elfrico, annum 790. reliquit. Anno enim 1006. Ethelredus Rex possessiones Ecclesiæ Cant. confirmasse, & super hoc Chartam suam Elfrico, Archiepiscopo dedisse dicitur. Anno 991. Aschwinus Dorsetensis Episcopus reddidisse villam de Risbergh Ecclesiæ Cant. & eidem Elfrico narratur. Verum parvi hæc momenti; quum in accumulandis Ecclesiæ suæ donationibus adeo cæcutierit bonus ille Monachus, ut Siricum Archiepiscopum donationi Brithnodi Ducis anno 941. factæ testem interfuisse assermet. His præmissis, sententiæ nostræ



stræ rationes sunt expediendæ. Primò itaque unica Saxonica Chronologiæ autoritas, utpote Authoris ætate paulò inferioris, vel omnibus aliis meritò præferri deberet. 2º. Accedunt Mailrosensis, Florentius Wigornienfis & Simeon Dunelmensis, reliquis omnibus longè potiores. 3º. Extat in Bibliothecâ Lambethanâ Codex MS. Historiæ Florentii miræ pulchritudinis; qui in Monasterio Abendonensi (ad quod olim spectasse nota præfixa testatur) exaratus circa annum, ut videtur, 1131. multa passim habet de rebus & Abbatibus illius Cœnobii; quæ in vulgatis Florentii Codicibus frustra quærentur. Inter alia huiusmodi additamenta, in Catalogo Episcoporum Wintoniensium Historiæ præmisso (in vulgatis exemplaribus subnexo) ad Ælfegum Martyrem habetur hæc nota: *Hic post Alfricum suscepit Archiepiscopatum Dorobernæ.* Non Siricius ergo sed Alfricus Elphego immediate præcessit. 4º. In confesso est Elfricum Cœnobium Ecclesiæ Christi Cant. reformasse; seu factum id fuerit expulsis Clericis, quod fide dignissimi narrant, seu stabilitis fortius & reformatis in melius Monachis; quod ab Alfrico factum neque ipsi negant Malmsburiensis & Westmonasteriensis; qui expulsos ab illo Clericos ficulneâ quâdam ratione ducti negant. Facta est autem hæc Reformatio saltem post annum millesimum, anno 1005. juxta Willelmum Thorn; anno 1006. (quamvis Spelmannus annum 1002. substituendum censeat) juxta Diploma Ethelberti Regis super eâ re, quod suadente Alfrico scriptum extat in Conciliis Angl. Tom. 1. p. 504. quod in vetusto admodum Ecclesiæ Christi Cant. Registro scriptum vidi. Non vanam veritatis speciem Diploma istud præ se fert; sic etiam Charta MS. Ethelredi Regis data Cœnobio Scireburnensi anno 988. cui subscripsit Alfricus Archiepiscopus Cant. Nescio an & aliæ Chartæ, quas si tanti esset, in subsidium adducere possem. In Chartâ enim Ethelredi Regis datâ Cœnobio S. Albani anno 996. (in

Auctario Additamentorum Matthæi Paris p. 24.) Elfricus inter testes nomen apposuit. Quicquid autem sit de huiusmodi Chartis Donativis; forsân durum esset fidem derogare iis Instrumentis & Chirographis, ex quibus nil emolumenti Cœnobio seu Ecclesiæ quærebat. Ejusmodi duo Instrumenta ex perantiquo Ecclesiæ Christi Cant. Registro MS. descripsi; quæ rem nobis controversam abunde conficient. Ex his primum continet; quomodo Siricius Archiepiscopus posuit Risburgam in vadimonium Elpigo Episcopo pro nonaginta libris argenti & ducentis marculis auri, anno 995. Indictione 7. subscriptum ab Ethelredo Rege, Siricio Archiepiscopo, Ælphego Wintoniensi, Athelstano Londoniensi, Aestano Cicestrensi, Athelstano Rovenfi, Orbbryht Seolesiensi, Sigar Villanensi, Ælfrico Wiltuniensi Episcopis. &c. Instrumentum aliud sic incipit. 'Anno 'Dominicæ Incarnationis 995. Indicti- 'one 7. ego Asewinus Dorcestren- 'sis Ecclesiæ Pontifex reddo Ecclesiæ 'Christi & Alfrico Archiepiscopo Me- 'tropolitane Sedis terram de Ris- 'berghe cum libro ejusdem Ecclesiæ 'pro salute animæ meæ. Quam vi- 'delicet terram Sigericus Archiepis- 'copus ejusdem Ecclesiæ Christi, præ- 'decessor præfati Archiepiscopi Al- 'frici, dedit in vadimonium pro pe- 'cuniâ quam à me mutuo accepit. Harum quidem Chartarum falsitatem Indictio malè posita subindicat. Indictio enim 7. incidit in annum 993. Hinc tamen nihilominus patet, Siricium Elfrico præcessisse apud Monachos Cantuarienses receptum fuisse, cum Ecclesiæ suæ Chartas comminiscerentur, quod factum videtur sæculo undecimo. Postremò Malmsburiensis, qui primus omnium Alfricum Siricio præposuit, aliisque omnibus eandem sententiam tenentibus erroris author fuit, ipse alio in loco errorem emendavit. In Gestis enim Archiepiscoporum Cant. Alfricum Siricio priorem statuit; postea verò de Episcopis Wiltoniensibus agens, certiora jam edoctus, ordinem immutavit.

tavit. Sic enim scribit f. 142. *Sextus Siricius, septimus Alfricus: qui ambo, ut superius memoratum est, Archiepiscopi fuerunt Cantuarienses.* Hinc mirari subit adeò hallucinari potuisse Godvinum; qui in Commentario suo de Præfulibus Angliæ dicit Alfricum in suo Archiepiscoporum Cantuariensium Catalogo Malmsburiensem non habere.

Hactenus de ordine Siricii & Elfrici. De initio atque exitu regiminis utriusque nonnulla sunt adjicienda. Successisse Elfricum Siricio, qui obiit anno 994. prodit Chronologia Saxonica p. 561. Concedi tamen poterit nonnihil intervalli. Adeoque Simeon Dunelmensis, Mailrosensis, Floren-

tius & Hovedenus introitum ejus anno 996. reponunt; quamvis ante annum in Archiepiscopatum successisse Florentius referat. Non malè itaque Instrumenta bina MSS. Ecclesiæ Christi Cant. (quæ superius attuli) annum 995. designant. Sedit annos 11. ex concordia omnium Historicorum, præter Florilegum, sententiâ; Obiit anno 1004. juxta Radulphum de Diceto (Abbrev. Chron. p. 461.) 1006. juxta Simeonem Dunelm. Florentium, Mailrosensem, Bromtonum & Hovedenum. Anno 1005. juxta Chronologiam Saxoniam, p. 562. cujus autoritas aliis præferenda est. Dies obitus contigit 16. Calend. Decem. juxta Martyrologium Cant. MS.

## SIRICIUS

Translatus anno M. Sedit annis V. obiit anno MV.

Siricius à Sede Wiltoniensi ad Cantuariensem translatus est anno 989. Ita Simeon Dunelmensis, & Willelmus Thorn, qui de Wintoniâ translatus male scribit. Successit anno 990. inquit Florentius & Westmonasteriensis. Addit iste obiisse eundem anno 1006. Verùm illius computum supra refutavimus. Sedit annos 5. ex aliorum omnium sententiâ:

adeoque anno 994. obiisse rectè ponitur à Chronologiâ Saxonica p. 561. & Radulpho de Diceto, Abbrev. Chron. p. 461. Obiisse tamen anno 995. dicitur à Florentio Wigornienfi, anno 996. à Chronico Mailrosensi. Diem obitus dedit Obituarium Cantuariense, sc. V. Calend. Novembris.

## ELFEGUS

Translatus anno MV. Sedit annos VI. menses VII. obiit anno MXII.

Successit Elfrico anno 1006. Sic Chronologia Saxonica, Gervasius, Florilegus, & his omnibus antiquior Adelardus Blandiniensis in Vitâ Dunstani MS. quam ipsi Elphego Archiepiscopo nuncupavit. Ordinatus est 16. Calend. Decembr. juxta Martyrologium Cantuariense MS. Sedit annos 6. menses 7. Ita Malmsburienfis, Gervasius & Radulphus de Diceto. A Danis interfectus obiit 1012. ex fide Florentii & Hovedeni. Malè Westmonasteriensis annum 1011. po-

nit. Accuratiores alii Author Historiæ Translationis ejus quæ sequitur. Iste sic scribit. *Occubuit anno ab Incarnatione Domini 1012. Indictione 10. advesperante Sabbato Paschalis ebdomada & inchoante Dominicâ die Octavarum Pasche, 13. Calend. Maii anno Patriarchatus 7°. nativitatibus autem ejus 59. Eodem die viz. 13. Calend. Maii Elphegum Martyrii tulisse palmam Florentius, Gervasius, & Martyrologium Cant. MS. produunt. Et rectè quidem. Dies enim*



13. Calend. Maii eo anno in Sabbatum incidit. Adeò ut si annos 6. menses 7. federit, necesse sit ut anno 1005. mense Septembri successerit ;

quamvis fortè anno sequenti intronizatus fuerit. Nec refragantur Adlardus & Chronologia Saxonica, quorum potior est autoritas.

## L I V I N G U S

Translatus anno MXIII. fedit annos VII. obiit anno MXX.

Hunc alio nomine Æthelstanum vocârunt, teste Westmonasteriensi ; qui illum anno 1012. Elphego successisse narrat. Rectius Florentius & Hovedenus annum 1013. ponunt. Sedit annos 7. Sic Malmsburiensis,

Gervasius, Radulphus de Diceto, Catalogus Usserianus MS. & Birchingtonus. Obiit anno 1020. ex omnium sententiâ. Diem obitus exhibuit Obituarium Ecclesiæ Christi Cant. MS. viz. pridie Idus Junii.

## E T H E L N O T H U S

Consecratus anno MXX. fedit annos XVIII. obiit anno MXXXVIII.

Ethelnothum, cui Boni cognomen datum est, fedissee annos 18. referunt Malmsburiensis, Radulphus de Diceto Catalogus Usserianus MS. & Birchingtonus. Solus Gervasius annos 17. assignavit. Obiit anno 1038. Sic Florentius, Huntindoniensis, Hovedenus, & Westmonasteriensis. Dies obitus contigit 4. Calend. Novembr. juxta Floren-

tium, Gervasium, Hovedenum, Radulfum de Diceto, & Florilegum : die 5. Calend. Novembr. juxta Obituarium Cantuariense MS. die autem 3. Calend. Aprilis ex mente Stephani Birchingtoni. Die 30. Octobr. juxta Martyrologium MS. citatum ab Editoribus Actorum Sanctorum Aprilis Antverpiensibus, Tom. 2. p. 642.

## E A D S I U S

Consecratus anno MXXXVIII. fedit annos XI. obiit anno MXLIX.

Ethelnotho successit anno 1038. Sic Mailrosensis & Westmonasteriensis. Sedit annos 11. ex concordia omnium suffragio. Anno 1043. post Edwardum Regem à se coronatum (quod anno eodem factum juxta Hovedenum) in morbum incurabilem incidens, Siwardum sibi Vicarium seu Corepiscopum ascivit. Ita Malmsburiensis, cui suffragatur Florilegus. Obiit anno 1050. juxta Florentium, Mailrosensem, Chronologiam Saxoniam, Hovedenum, & Westmonasteriensem ; die 5. Calend. Novembr. auctore Gervasio. Inchoatum Siwardi Chorepiscopatum Historia vetusta Ab-

bendonensis, quæ sequitur, in annum 1044. rejicit. Illum postea Sedem Roffensem obtinuisse receptus est apud omnes ferè recentiores Scriptores nostrates error, à Gulielmo Malmsburiensi derivatus. Iste etenim Siwardum quendam circa hæc tempora in Episcoporum Roffensium Catalogo deprehendens, eundem fuisse ac Chorepiscopum Cantuariensem statim putavit. Hinc arreptâ occasione narrat Siwardum turpissimâ ingratitude Eadsio seni necessaria alimenta subtrahentem. Vicariatu submotum fuisse ab Edwardo Rege, intercedente tamen Eadsio Sedi Roffensi præfectum esse. Eundem postea

stea (capite de Episcopis Roffens. f. 132.) Normannorum adventui anno 1066. paucis diebus superfuisse tradit. Siwardum tamen Episcopum Roffensem in Lanfranci consecratione anno 1070. partes egisse comperimus apud eundem fol. 117. Malmsburiensem secuti sunt Thomas Rudburn in Historiâ Majori MS. l. 4. c. 4. & ab illo citatus Auctor deperditus de concordantiis Historiarum Angliæ: ut Godvinum aliosque recentiores taceam. Florilegi verba in eandem sententiam Rudburnus adducit. Verum nil tale neque in vulgatis neque in Manuscriptis ejus Codicibus reperire potui. Horum traditionem refutat obitus Siwardi Chorepiscopi; qui ante Eadsii mortem contigit ex fide Florentii, Westmonasteriensis, & Monachi antiqui Abendonienſis mox citandi: idemque Bromtonus subdubitanter refert. Sed neque cre-

dendum est Siwardum Episcopum Roffensem factum ante Eadsium decessisse. Unicum enim Siwardum Sedi Roffensi præfuisse legimus; atque illum Lanfranci consecrationi anno 1070. interfuisse novimus. Obiit Siwardus noster anno 1050. juxta Westmonasteriensē, anno 1049 juxta Florentium. Rei totius veritatem & honestiorem simul abdicati chorepiscopatus causam nos docebit Monachus Abendonienſis Author Additamentorum ad Historiam Florentii MS. qui sub initium sequentis sæculi ista scripsit. *Anno 1049. Archiepiscopi vices moderans Siwardus aegritudine correptus, Abandoniam à Cantia æger defertur; & duobus illic mensibus lecto detentus, ab hac vitâ educitur, atque ibidem sepelitur.* Diem obitus fuisse 3. Calend. Novembr. Obituariū Cant. MS. prodit.

## ROBERTUS

Vix biennio expleto pulsus est anno MLI.

Hunc post amotum Siwardum Chorepiscopi Cantuariensis vices usque ad obitum Eadsii egisse Thomas Rudburn (loco citato) contendit, allatâ auctoritate Malmsburienſis; qui narratâ Siwardi depositione, dein Robertum throno Cantuariensi præfectum refert. Quod post Eadsii mortem primò factum fuisse rectius intelligendum est. Interim facile concedi potest Robertum maximo Regis favo-

re jam diu cumulatum omnia post Siwardi cessionem pro nutu administrasse. Eadsio defuncto successit anno 1050. juxta Florilegum, anno 10. Edwardi Regis, i. e. Christi 1051. juxta Huntindoniensem. Biennio sedisse Gervasius, Radulphus de Diceto, Malmsburienſis & Birchingtonus; expulsum anno 1052. Florentius, Mailrosenſis & Westmonasterienſis produnt.

## STIGANDUS

Translatus anno MLI. depositus est anno MLXVIII. sedit annos XVII.

Stigandus Roberto expulso subrogatus est anno 1052. Sedit annos 17. (sc. plenos) juxta Malmsburienſem, Radulphum de Diceto & Birchingtonum: annos 18. (viz. cavi) juxta Gervasium: Depositus est in Synodo Wintonienſi in Octavis Paschæ (viz. die 11. April.) anno 1070.

(malè Bromtonus 1069.) habitâ. Ita Simeon Dunelmenſis (p. 201.) Radulphus de Diceto Westmonasterienſis, Matthæus Paris, Birchingtonus, Florentius Wigornienſis, qui- que Florentium pro more exscribit Hovedenus. Factum id in Synodo Windleshorienſi in crastino Pentecostes



anno eodem habitâ, in qua degradatus est Agelricus Suthsaxonum Episcopus, malè narrant Ordericus Vitalis (lib. 4.) & Monachus Beccensis in Vitâ Lanfranci (cap. 6.) Quid verò sibi velint Gervasius, Radulphus de Diceto, Catalogus Usserianus MS. & Birchingtonus; qui Sedem post Stigandi depositionem biennio vacâsse ponunt; vix augurari possum; cùm Stigandum anno 1070. depositum non negent, eodemque

Lanfrancum consecratum esse constet. Melius sibi constat Lichfeldensis noster; qui ut vacationi locum faciat, Stigandum anno 1068. depositum asserit. Erroris istius vix alia causa excogitari potest; quàm quòd Willelmus Rex Stigandum anno 1067. secum in Normanniam quasi captivum duxerit; & quamvis anno finito reduxerit; vix tamen unquam ad Sedem suam redeundi copiam indulserit.

### LANFRANCUS

Consecratus anno MLXX. IV. Calend. Septemb. obiit anno MLXXXIX. fedit annos XIX. Vacavit Sedes annos IV.

Nominatus est à Rege Willelmo die Assumptionis B. Virginis, viz. 18. Cal. Septembr. consecratus in Festivitate S. Johannis Baptistæ, viz. 4. Calend. Septembr. die Dominicâ anno 1070. sic Eadmerus, Florentius, Simon Dunelmensis, & Hovedenus. De tempore Consecrationis conveniunt Chronologia Saxonica (p. 563.) Malmsburiensis, Ordericus Vitalis, & Monachus Beccensis in Vitâ Lanfranci (cap. 10.) Atque illo quidem anno Decollatio S. Johannis in Dominicam incidit. Litem tamen movent Radulphus de Diceto (Abbrev. Chron. p. 483.) & Florilegus. Ille anno 1071. die 4. Cal. Septembr. Dominicâ: Iste anno eodem 8. Cal. Maii Lanfrancum consecratum asserit. Sedit annos 18. menses 9. dies 2. juxta Chronol. Sax. satis recte; annos 19. ex aliorum sententiâ; atque obiit anno 1089. 9. Calend. Junii feriâ quintâ, juxta Florentium, Hovedenum & Ra-

dulphum de Diceto: die 5. Calend. Junii, juxta Monachum Beccensem (cap. 18.) Birchingtonum, & Obituarium Cantuariense MS. die 5. Calend. Junii, feriâ 2<sup>a</sup> post Octavas pentecostes, juxta Gervasium. Uterque quidem dies anno 1089. in feriam datam incidit; adeò ut quis calculus potior sit habendus, parum constet. Si conjectandum esset; vellem Lanfrancum die 9. Calend. Junii defunctum, die 5. Calend. Junii sepultum esse. Undenam verò Author Antiq. Britann. & Godwinus diem obitus ab ipsis Lanfranco positum, viz. diem 4. Junii, hauserint; planè divinare nequeo. Post Lanfranci obitum vacavit Sedes annos 4. seu juxta alios 5. quòd facile conciliari potest; si hîc cavos, illic plenos annos intelligamus: seu unum ab electione, alium à consecratione Anselmi computum duci supponamus.

ANSEL-

## ANSELMUS

Consecratus anno MXCIII. II. Non. Decembris, obiit anno MCIX. XI. Calend. Maii. Sedit annos XVI. Vacavit Sedes annis V.

Postquam vacasset Sedes annos 4. (rectius 3.) menses 9. dies 9. inquit Chronol. Saxonica : Lanfranco successor designatus est à Rege anno 1093. pridie Nonas Martii, primâ Dominicâ Quadragesimæ ; authore Malmshuriensi & Radulfo de Diceto. Consecratus anno eodem pridie Nonas Decembris, ex fide Chronologiæ Saxonicæ, Radulphi, Malmshuriensis, Florentii & Gervasii ; ut alios taceam. Pallium Cantuariæ accepit die 4. Idus Junii, referentibus Malmshuriensi & Radulpho de Diceto. Obiit anno 1109. die 11. Calend. Maii. Sic Florentius, Eadmerus, Johannes Carnotensis (in Vitâ ejus MS. cap. 16.) & Birching-

tonus. Addunt Florentius & Carnotensis diem istum feriâ quartâ contigisse, atque Anselmum die sequenti sepultum esse. Singulis diebus supra positis apprimè conveniunt Tabulæ Astronomicæ. Sedit itaque Anselmus à Consecratione annos 15. menses 4. dies 17. Crasè igitur hallucinatur Godvinus ; qui illum annos 19. sedisse perhibet. Vacavit Sedes annos 5. dies 5. juxta Abbreviationem Malmshuriensis Historiæ de gestis Pontificum Angl. MS. quod ipse Malmshuriensis confirmat, Radulphum quinto die post exactum quinquennium à morte Anselmi nominatum dicens.

## RADULPHUS

Translatus anno MCXIV. sedit annos IX. obiit anno MCXXI. XIII. Calend. Novembris.

Nominatus est à Rege anno 1114. die 6. Calend. Maii juxta Matthæum Paris, Radulphum, & Florentium, seu die quinto post exactum quinquennium ab Anselmi obitu juxta Malmshuriensem, *Consecratus est ab Anselmo Domini Papa Legato, anno 1115. die V. Calend. Julii, & Pallium ab eodem suscepit* : inquit optimæ notæ Chronicon à Conquestu ad annum 1321. MS. in Bibliothecâ Lambethanâ. Pallium illo die ab eo susceptum fuisse testantur etiam Florentius, Radulphus de Diceto & Eadmerus : Consecratum esse Matth. Paris. Magis tamen credendum Eadmero, qui consecratum scribit anno 1114. die 17. Maii. Sedit annos 8. menses 6. Sic Gervasius, Ra-

dulphus de Diceto & Birchingtonus ; à nominatione illius calculum ducentes. Obiit anno 1122. die 13. Calend. Novembr. authore Eadmero ipsius familiari (Hist. Nov. in fine) cui suffragantur Malmshuriensis, Birchingtonus & Obituarium Cantuariense MS. Diem 3. Calend. Novemb. Gervasius malè posuit. Non tamen contemnendus Florentii Wigorniensis Continuator ; qui Radulphi obitum anno 1122. die 14. Calend. Novembr. feriâ 5. contigisse ponit. Isto enim anno dies is in feriam quintam incidit. Eademque habet codex Florentii Historiæ MS. Lambethanus, post novennium à Radulphi morte exaratus.

WILLEL-



## WILLELMUS

Confecratus anno MCXXII. sedit annos XV. obiit anno MCXXXVI.

Post Radulphi obitum vacavit Sedes menses 4. auctore Radulpho de Diceto. Demum anno 1124. (rectius 1123.) Willelmus Corboil nominatus est à Rege ad Festum Purificationis, narrante eodem Radulpho & Hovedeno; consecratus anno eodem, die 14. Calend. Martii, juxta Radulphum & Continuatores Florentii. Rectius Gervasius anno 1122. (sc. exeunte, seu 1123 inchoante) die 12. Calend. Martii consecratum scribit. Iste enim dies eo anno in Dominicam incidit. Anno 1130. die 4. Nonas Maii Ecclesiam Christi Cant. recenter instauratam dedicavit;

Sic Gervasius atque alii. Sedit annos 15. ex mente Birchingtoni; annos 13. menses 9. ex calculo Radulphi de Diceto. Rectius iste. Obiisse enim Willelmum anno 1136. die 11. Calend. Decembris produnt Obituarium Cantuariense MS. & Gervasius in Chronico: quamvis iste in Actis Pontif. Cantuar. die 6. Calend. Decembr. eundem decessisse scribat. Diem 12. Calend. Decembr. Florentii Continuator præfert. Radulphum annos 15. menses 9. sedisse, Author Antiquitatum Britann. falsò existimavit.

## THEOBALDUS

Confecratus anno MCXXXVIII. obiit anno MCLXI.

Postquam vacasset Sedes Cantuariensis annos 2. mensem 1. dies 14. ex fide Gervasii; an. 2. mens. 1. dies 13. juxta Radulphum de Diceto; Theobaldus electus est ab Episcopis Angliæ in Concilio Londinensi habito in adventu Domini. Sic Matthæus Paris. Anno 1138. Sabbato proximo ante Natale, viz. IX. Calend. Januar. Sic Gervasius. Consecratum ibidem ab Henrico Wintoniensi Episcopo Matthæus Paris malè refert. Factum enim id Cantuariæ ab Alberico Papæ Legato anno 1139. circa Epiphaniam Domini secundum Mailrosensem;

anno 1139. 6. Idus Januar. secundum Gervasium & Birchingtonum. Sedit annos 22. menses 4. juxta Radulphum de Diceto, ab Electione quidem numerandos. Obiit enim anno 1161. (minus recte Matthæus 1160.) die 14. Calend. Maii ex fide Gervasii, Birchingtoni & Obituarii Cantuariensis MS. Vacavit Ecclesia annum 1. mensem 1. dies paucos; auctore Gervasio: an. 1. mens. 1. dies 14. Birchingtono, an. 1. mens. 1. dies 16. Radulpho de Diceto. Rectior Birchingtoni calculus.

THOMAS

T H O M A S

Consecratus anno MCLXII. die S. Trinitatis, obiit anno MCLXX.  
IV. Calend. Januarii.

Archiepiscopus electus, Presbyter ordinatus est Sabbato Pentecostes (sc. in hebdomade Pentecostes) anno 1162. consecratus in Episcopum die sequente ab Henrico Wintoniensi Episcopo. Sic Matthæus Paris & Radulphus de Diceto. Consecratus anno 1162. pridie Nonas Junii, die Octavarum Pentecostes: Sic Gervasius. Verius Bir-chingtonus, Chronicon Cestrense MS. & Thomas Wikes, anno 1162. die 3. Nonas Junii. Isto enim anno ea dies Dominica fuit, & S. Trinitati sacra. Sedit annos 8. menses 6. dies 28. Ita Radulphus de Diceto, unicum diem plus justò numerans. Thomas enim à sicariis interfectus occubuit anno 1170. die 4. Calend. Januarii, feriâ tertiâ: juxta Gervasium, aliosque ferè innumeros, (& in his Monachum Cantuariensem, qui Martyrio illius

interfuit, & ante biennium exactum conscripsit Vitam, MS. in Biblioth. Lambeth.) Nil enim apud Historicos nostrates magis decantatum est, quam Martyrium S. Thomæ. Hovedenus tamen in anno erravit, annum 1171. reponens: & Abbreviator Gulielmi Malmsburiensis MS. lepidò errore diem 4. Cal. Januar. diem 4. post Calendas Januarii esse putavit; adeoque Thomæ necem die quinto anni 1171. collocavit. Uterque autem defendi poterint, modò, quod nonnulli faciunt Historici, annum à Nativitate Domini exordiantur. Minus tamen excusandi Author Antiquitatum Britan. & illius sequax Godvinus; qui in tantâ Historiæ luce cæcutientes, Thomæ obitum die 28. Decembris contigisse scribunt.

R I C H A R D U S

Consecratus anno MCLXXV. obiit anno MCLXXXIV. Dominicâ proximâ post Adventum Domini.

Post Thomæ obitum vacavit Ecclesia Cantuariensis annis 2. juxta Bir-chingtonum; anno 1. mensibus 5. diebus 4. juxta Radulphum de Diceto. Qui calculum rectè posuisset; si pro anno uno duos substituisset. Sedem namque annis 2. mens. 5. diebus 4. vacasse ex Gervasio constat. Sic enim Gervasius *Electus est apud Westmonasterium anno 1173. Dominicâ Octavarum Pentecostes, 3. Nonas Junii.* Et sanè is dies illo anno in Dominicam incidit. Radulphus de Diceto tamen pridie nonas Junii electum minus rectè tradit. *Sequenti die Sabbati*, inquit Gervasius, *ab Episcopis & Electis Angliæ Clero & populo Cantuariensis Ecclesiæ honorifice susceptus est, in crastino, sicut dicebatur, consecrandus.*

Verùm appellatione interpositâ Consecratio dilata est. Gervasio astipulatur Radulphus de Diceto (in Abbrev. Chron. p. 570.) nisi quòd Sabbatum istud, quo Cantuariæ Richardus susceptus est, die 6. Idus Junii ponat; quod revera contigit die 5. Idus Junii. Minus rectè igitur Matthæus Paris Electionem anno 1173. prid. Nonas Julii institutam refert. Richardus Electus Romam profectus, confirmatus est à Papâ anno 1174. 4. Nonas Aprilis, authore Radulpho de Diceto: consecratus ab eodem Dominicâ (secundâ) post Pascha, qua canitur ad introitum *Misericordias Domini*, teste Gervasio, & Hovedeno, qui post diem tertium Pallio donatum addit. Sedit annos 10. menses 8. Sic Gervasius:



vafius : annos 9. feptimanas 45. dies 5. Sic Radulphus de Diceto (in Imag. Hift. pag. 18.) annos 9. menses 9. dies 13. Idem (in Catalogo Archiepifcoporum Cant. præmiſſo). Obiiffe Richardum anno 1184. die 14. Cal. Martii (malè Hovedenus, 14. Cal. Maii) feriâ 6. Gervafius prodit, rectiffimè. Anno 1184. die 13. Calend.

Martii Radulphus. Iſte igitur annos pontificatûs geſti à conſecratione, ille ab electione numerat. Sepultum eſſe Richardum in Eccleſiâ Chriſti Cant. die XII. Calend. Martii Gervafius refert. Craſſè erravit Lichfeldenſis noſter; qui diem electionis Baldwini pro die obitûs Richardi poſuit.

## BALDWINUS

Translatus anno MCLXXXIV. obiit anno MCXCI.

Post Richardi obitum vacavit Ecclesia Cant. menses 9. dies 26. juxta Gervasium : menses 10. dies 9. juxta Radulphum de Diceto. Rectè Gervafius; qui vacationem in electione Baldwini à Monachis Cantuarienſibus confirmatâ terminavit. Præceſſerat enim Electio ante 14. dies ab Episcopis & Clero facta; in qua ſi unquam aliàs, Radulphus (utpote Clericus Sæcularis) vacationem terminare debuiffet. Inverſo itaque ordine apud Radulphum, legendum putarem : *Vacavit Sedes menses 9. dies 10.* Et ſic quidem calculus veritati quàm proximè accederet. Electus enim fuit Baldwinus ab Episcopis Angliæ in Synodo Weſtmonaſterienſi anno 1184. Dominicâ primâ in Adventu Domini; ſic Radulphus : ſeu quod ad idem redit, anno 1184. die 4. Nonas Decembris. Sic Hovedenus. Electio poſt multas tergiverſationes confirmata eſt (ſeu potius de novo electus eſt Baldwinus) à Monachis Cantuarienſibus anno eodem Dominicâ qua cantatur *Gaudete in Domino* (viz. Dominicâ tertiâ in Adventu Domini) Ita idem Radulphus. Contigit ea Dominica die 17. Calend. Januar. ex fide Gervafii; cui ſuffragantur Tabulæ Aſtronomiæ. Demum inthronizatus eſt anno 1185. die S. Dunſtani (ſeu 14. Calend. Junii) authore Wilhelmo Thorn : quo die etiam Pallio redimitus fuit; referente Gervafio. Faſſi itaque Matthæus Paris & Radulphus; qui pallium anno 1186. ab

illo acceptum ſcribunt. Ut alios enim mittam; Gilbertum de Glanvilla Episcopum Roſſenſem anno 1185. die S. Michaelis ab illo conſecratum legimus apud Gervafium. Anno 1191. die 2. Non. Martii apud Dovoriam transfretavit, in Terram Sanctam profecturus. Obiit ibi in obſidione urbis Acon anno eodem die 13. Calend. Decembr. Hæc Gervafius. Obitum tamen die 12. Cal. Decembr. Obituarium Cantuarienſe MS. poſuit. Baldwinum Hieroſolymam profectum obiſſe anno 1191. communis eſt Gervafio cum plurimis aliis error; hinc videlicet natus; quod anno demum 1191. nuncius de illius obitu in Angliam perlatus ſit. Obiit autem revera anno 1190. Id ex Florilego & Johanne Bromtono conſtat; ex tempore Pontificatûs ab ipſomet Gervafio affignato; ex tempore Vacationis mortis ſuccedentis à Radulpho de Diceto & Catalogo MS. Uſſeriano poſito. Mirum ſane, quomodo omnia hiſce circiter annis apud Gervafium (in Chronico) & Radulphum de Diceto (in Imag. Hift.) ſeu Auctorum errore; ſeu quod magis crederem, Editoris incuriâ conturbata ſunt. Ut de Gervafio enim exemplum ſumamus; omnia quæ ad annos 1190. 1191. & 1192. refert, annis ſingulos præcedentibus evenerunt. Anno 1190. Episcopi Londonienſis & Elienſis conſecrati dicuntur (p. 1564.) prid. Cal. Januar. Anno autem 1190. iſta dies in Dominicam non incidit; anno 1189.

1189. incidit. Sic etiam Anno 1191. Hugo Cestrensis Episcopus Monachos Coventrenses eliminasse dicitur (p. 1566.) Factum id anno MCXC. teste Chronico Lichfeldensi MS. Anno 1192. Clemens III. Papa obiisse dicitur (p. 1567.) quem anno 1191. mense Aprili decessisse omnes norunt. Dicuntur ibidem Episcopi Angliæ convenisse Westmonasterii ad consecrationem Roberti Wigorniensis Episcopi anno 1192. *Dominicâ Palmarum, sc. VII. Idus Aprilis.* Annus autem is fuit 1191. quo Dominica Palmarum contigit 7. Id. April. Pari errore Baldwinus anno 1191. obiisse dicitur (p. 1566.) quem anno 1190. decessisse certum est. Sedit itaque Baldwinus annos 5. menses 11. juxta Gervasium (in Actis Pontif. Cant. p.

1678.) Rectissime, si ab electione posteriori supputes, & in anno 1190. obitum illius ponas. Annos 6. menses 6. dies 17. juxta Radulphum de Diceto; qui duplici errore tenetur. Primus communis est Gervasii Chronico, unum sc. plus justo annum numerans. Alter ex Librarii culpâ natus videtur. Si enim (quod facile fuit) figuram VI. pro XI. in mensium numero apud Indiculum ejus corruptè positam concedamus; & annum redundantem auferamus; Rectè uterque Codex MS. Indiculi illius Baldwini Pontificatum designabit: Sedit enim annos 5. menses 11. dies 17. ab electione priori; annos 5. menses 11. dies 3. ab electione posteriori.

## REGINALDUS

Electus, obiit MCXCII.

Eadem ferè de Reginaldi tempore ac de Baldwini obitu dicenda sunt. Illum enim post annum circiter ab illius morte Sedem Archiepiscopalem obtinuisse inter omnes convenit; adeò ut qui Baldwinum anno 1191. defunctum esse prodant, Reginaldum anno 1192. electum & defunctum perhibeant. Sic enim Gervasius in Chronico suo refert. Electus est à Monachis Cantuariensibus anno 1192. die 5. Calend. Decembr. Electioni consensit die 4. Nonas Decembr. Obiit apud Dogemeresfeld. 7. Cal. Januarii ejusdem anni. Paulò aliter Radulphus de Diceto in Imag. Hist. qui illum ipso die Natali Christi anno bissextili (viz. 1192.) feriâ quarta, die 29. (pessimè Godwinus 49.) ab electione suâ obiisse narrat. Illo autem anno Natale Domini in feriam sextam, dies 7. Calend. Januar. in Sabbatum incidit. Anno quidem 1191. Natale Domini in feriam quartam incidit; atque illo anno Reginaldus defunctus est. Non tamen ipso die Natali (quod voluit Radulphus) sed sequenti, sc. die 7. Cal. Januar. Sic enim præter Gervasium, & Obituari-

um Cantuariense MS. testes sunt omni exceptionem majores Epistolæ R. Clerici ipsius Reginaldi, & G. Prioris Ecclesiæ Christi Cant. (quorum ille Reginaldi extremis adfuit; iste ad morientem à Conventu Cant. missus festinavit) MSS. inter Epistolas de causâ Hakin-tonensis Collegii in Bibliothecâ Lambethanâ. Inibi enim (lib. 2.) Clericus Dominum suum morbo correptum in Vigiliâ Natalis Domini decubuisse narrat. Prior autem Conventui rescribit; quòd *Dominus Electus diem clausit ultimum nocte, postquam dies Festivitatís B. Stephani illuxit.* Sepultus est in Ecclesiâ Bathoniensi die 29. Decembr. teste Radulpho de Diceto. De isto Archiepiscopo intelligenda esse opinor, quæ habet Petrus Prior Ecclesiæ S. Trinitatis London. in Opere prolixo *Revelationum seu Visionum de statu mortuorum* (quod circa annum 1200. se scripsisse dicit, lib. 1. cap. 6.) MS. in Bibliothecâ Lambethanâ. 'Jam quartus, ut arbitror, elapsus est annus; quo Pontifex quidam in Archiepiscopum electus, citâ morte præventus, Episcopatus onus ante deposuit, quàm honorem



‘consequeretur, ad quem petebatur,  
 ‘eminentioris gradûs. Exstiterat au-  
 ‘tem in abscondito interioris hominis  
 ‘bene religiosus, purèque devotus,  
 ‘asperrimo cilicio usus, &c. Verùm  
 ‘in Episcopali officio multa per neg-  
 ‘ligentiam gravius deliquerat.—  
 ‘De isto plurimorum jam vulgatum

‘assertione audiui; quòd per ipsum  
 ‘Miracula curationum in quibusdam  
 ‘debilibus & infirmis post ejus tran-  
 ‘situm divinitus fuerint perpetrata.  
 ‘—Verumptamen in pœnis [Purga-  
 ‘torii] adhuc & ipsum, restante sibi  
 ‘proculdubio multâ præmiorum re-  
 ‘compensatione, inveni.

## HUBERTUS

Translatus anno MCXCII. sedit annos XIII. obiit anno MCCV.  
 V. Idus Julii.

Cùm Reginaldi Electionem neque  
 Confirmatio neque Inthronizatio sub-  
 secuta fuerit; Pontificatus ipsius in  
 censum non venit Historicis supputan-  
 tibus tempus Vacationis post Baldwi-  
 ni mortem. Gervasius itaque Sedem  
 Cant. annos 2. menses 7. Radulphus  
 de Diceto anns 3. minus 16. diebus;  
 Catalogus Usserianus MS. annos 2.  
 menses 11. dies 16. vacasse scribunt.  
 Nulli veritatem attigerunt; singuli  
 tamen quàm proximè accesserunt.  
 Vacavit enim Ecclesia Cant. à Bald-  
 wini obitu ad Huberti Electionem  
 annos 2. menses 6. dies 8. ad ejus-  
 dem Inthronizationem annos 2. men-  
 ses 11. dies 19. Electus siquidem  
 est Hubertus anno 1193. die 3. Calend.  
 Junii; inthronizatus anno eodem, die  
 7. Idus Novembr. teste Gervasio.  
 Eodem quo Gervasius, illum die Ra-

dulphus de Diceto electum, Matthæ-  
 us Paris inthronizatum fuisse memo-  
 rat. Sedit annos 11. menses 8. dies  
 12. atque obiit die 3. Idus Julii, se-  
 pultus 2. Idus Julii, feriâ quintâ.  
 Sic Gervasius. Obiit anno 1205. 3.  
 Idus Julii. Sic Matthæus Paris, &  
 Thomas Wikes; anno 1205. 3. Cal-  
 lend. Julii, Chronicon MS. à Con-  
 questu ad an. 1321. die 3. Idus Julii:  
 Obituarium Cantuariense MS. Gerva-  
 sium autem cum aliis Historicis de  
 anno convenire necesse est; in illo  
 quippe anno dies 2. Idus Julii in  
 feriam quintam incidit. Sedit itaque  
 Hubertus ab electione annos 12. men-  
 sem 1. dies 17. ab inthronizatione an-  
 nos 11. menses 8. dies 7. Lapsus igitur  
 hîc, ut sæpe aliàs, Gervasius: ut mi-  
 rum sit Historicos nostros tam rudes  
 Abacedarios fuisse.

## STEPHANUS LANGTON

Confecratus anno MCCVII. obiit anno MCCXXVIII. VIII. Idus Julii.

Vacavit Sedes post Huberti obitum  
 annum 1. menses 11. dies 4. Sic Cata-  
 logus Usserianus MS. Rectè. Anno  
 enim 1207. Stephanus Viterbii con-  
 fecratus est ab Innocentio III. Papâ  
 die 15. Calend. Julii; juxta Matthæ-  
 um Paris & Annales Waverleienfes.  
*Die S. Trinitatis*; inquit Chronicon  
 Ecclesiæ Christi Cant. MS. (ex quo  
 supra Excerpta habes de Roberto

Winchelse) Obiit anno 1228. feriâ  
 6. proxime sequenti Nonas Julii (seu  
 pridie Idus Julii.) Sic Willelmus  
 Thorn. Legendum videtur *Dominicâ*  
*proximè sequenti Nonas Julii*. Obitu-  
 arium enim Cantuariense MS.  
 Langtonum decessisse memorat die 7.  
 Idus Julii; qui quidem anno 1228.  
 Dominica fuit proxima post Nonas  
 Julii.

RICHAR-

RICHARDUS

Consecratus anno MCCXXIX. obiit anno MCCXXXI.

Vacavit Sedes menses 11. Successit Stephano Richardus cognomento Magnus, consecratus Cantuariæ ab Henrico Roffensi Episcopo anno 1229. die S. Trinitatis, 4. Idus Junii. Sic Matthæus Paris, Tho. Wikes, Chronicon Cestrense MS. Continuator Radulphi de Diceto, & Chronicon MS. Lambethanum ad annum 1321. pertingens. Addit Matthæus Pallium ab eo receptum die 9. Calend. Decembr. ejusdem anni. Lapsus est Johannes Abbas Burgi in Chronico MS. qui Ricardum anno 1229. 4. Non. Augusti consecratum scribit. Sedit annos 2. juxta Birchingtonum; annos 2. mensem 1. dies 25. si calculos accuratè subducas. Obiit enim à Româ redeuns apud S. Gemmam tertiâ datâ citra Romam anno 1231. die 3. Nonas Augusti teste Matthæo: Anno 1230. obiisse Thomas Wikes minùs rectè tradidit. Vacavit Sedes anno 1. septimanis 18. Catalogus Usserianus MS. forte ad electionem Edmundi calculum ducens.

EDMUNDUS

Consecratus anno MCCXXXIV. in Festo Annuntiationis, obiit anno MCCXLI.

Consecratus est Cantuariæ à Rogero Episcopo Londoniensi anno 1234. die 4. Non. Aprilis, Dominica qua cantatur, *Latere Jerusalem* (viz. Dominicâ Mediâ Quadragesimæ.) Sic Matthæus Paris, Chronicon Cestrense MS. & Thomas Wikes. Sponte exulavit anno 1240. & apud Soyssy in Galliâ obiit anno eodem, die 16. Calend. Decembr. juxta Matthæum; cui de die convenit Martyrologium Cant. MS. & Chronicon Ecclesiæ Christi Cant. MS. anno 1240. die 16. Calend. Novembr. juxta Thomam Wikes. Vide quæ supra de Edmundi obitu adnotavimus ad Birchingtoni Historiam.

BONIFACIUS

Consecratus anno MCCXLIV. obiit anno MCCLXX.

Post Edmundi obitum Sedem Cant. vacasse dicit Birchingtonus annis 3. mensibus 2. Catalogus Usserianus MS. annis 3. mens. 2. diebus 3. Successit Bonifacius, electus anno 1241. confirmatus à Papâ 1243. consecratus ab eodem Lugduni 1245. inthronizatus die Omnium Sanctorum anno 1249. Ista Matthæus Paris. Obiisse illum in Sabaudiâ anno 1270. die 15. Calend. Augusti Annales Waverleienes docent. Diem confirmat Obituarium Cantuariense MS. resque apud omnes in confesso est. Si annos igitur 26. mens. 6. dies 16. à Consecratione federit (quod Author Antiquitatum Britannicarum refert, atq; illum secutus Godvinus) consecratus erit anno 1244. die 3. Non. Januarii. Quod nequaquam admittendum videtur. Lugduni enim ab Innocentio Papa anno 1245. una cum Rogero de Wescham Episcopo Cestrensi sacratum fuisse Florilegus & Matthæus Paris disertè asserunt; eodemque anno ac loco Rogerum consecratum fuisse Thomas Chesterfeld in Historiâ Episcoporum Lichfeld. confirmat. Undenam sua hauserit



Eruditissimus Antiquitatum Britan. Author, plane augurari nequeo. Nil ejusmodi in aliquo superioris ævi Scriptore reperire potui. Undecunque autem habuerit; falsum esse constat.

Consecratum Bonifacium anno 1245. Dominicâ post Epiphaniam ex Annalibus Wigorniensibus MSS. demum deprehendi.

### ROBERTUS KILWARBY

Consecratus anno MCCLXXII. resignavit anno MCCLXXVIII.

Defuncto Bonifacio electus est à Monachis Cantuariensibus Willelmus Chillenden Ecclesiæ Cant. Prior; qui *Electiōni de se factæ in præsentia Domini Gregorii Papæ renunciavit anno 1273. (rectius 1272.) die 16. Calend. Octobr.* authore Petro de Yckham in Historia sua MS. in Bibliotheca Lambethana. Quo facto, Robertus Kilwarby nominatus est à Papa anno 1272. in Crastino S. Jeronymi (seu ipsis Calendis Octobr.) ex fide Chronici Ecclesiæ Christi Cant. MS. Consecratus est Cantuariæ à Willelmo Bathoniensi Episcopo, præsentibus undecim Suffraganeis Episcopis Dominicâ primâ in Quadragesima anni sequentis. Sic Matthæus Paris, cui astipulantur Annales Waverleiensis, Chronicon Ecclesiæ Cant. MS. & Thomas Wikes. Quo verò anni die id contigerit, minimè inter se conveniunt. Waverleiensis id die 4. Idus Martii, alii duo die 4. Calend. Martii ponunt. Isti rectius. Vix audiendus Petrus de Yckham; qui id ipsis Calendis

Martii factum scribit; cùm eo anno Kalendæ Martiæ in feriam 3. incidant. Intronizatus est Robertus Dominica proxima post Exaltationem S. Crucis; narrante Thoma Wikes; quæ quidem illo anno 15. Cal. Octobr. contigit. Pallium antea acceperat die 8. Idus Maii, ex fide Annalium Waverleiensium. Anno 1278. (malè Petrus de Yckham 1277.) Cardinalis Portuensis à Papâ creatus, Sedi Cantuariensi cessit; & Suffraganeis suis vale dicto circa Festum S. Jacobi, statim transfretavit. Sic Thomas Wikes cum aliis. Obiit die 3. Idus Septembris, juxta Obituarium Cantuariense MS. Sedem 46. Septimanas, (43. septimanas, dies 3. Catalogus Usserianus MS.) vacasse Birchingtonus scribit, quorum computi ratio me fugit; falsumque esse nullus dubito. Robertus enim dignitati suæ certe non cessit ante 4. Calend. Junii; quo Willelmum Episcopum Norwicensem consecrasse dicitur à Thoma Wikes.

### JOHANNES PECHAM

Consecratus anno MCCLXXVIII. primâ Dominicâ Quadragesimæ, obiit anno MCCXCII.

Nominatus est à Papâ ineunte anno 1279. die Conversionis S. Pauli: Sic Petrus de Yckham & Chronicon Ecclesiæ Christi Cant. MSS. consecratus ab eodem primâ Dominicâ Quadragesimæ (viz. die 3. Non. Martii) juxta Lichfeldensem nostrum aliosque; Dominicâ mediâ Quadragesimæ (viz. 7. Calend. April.) juxta Thomam Wikes. Idem illum obiisse refert anno 1292. circa Festum S. Nicolai, sepultum die Jovis proximâ ante Na-

tale Domini, Diem obitus sexto Idus Decembr. contigisse Obituarium Cantuariense MS. docet. Catalogus Usserianus sedisse annos 13. septimanas 45. dies 2. narrat. Author Antiquitatum Britannicarum annos 13. septimanas 24. dies 2. illum sedisse, & die 13. Januarii obiisse asserit. Quæ, si quis calculos subducat, nequaquam vera comprobaverit. Cæterum Johannem inthronizatum fuisse anno 1279. die 8. Idus Octobris Annales Waverleiensis produunt.

produnt. Diem obitus pariter ac locum sepulturæ (Godvino ignotum) designat Registrum MS. Ecclesiæ Christi Cant. his verbis: *Obiit apud Mor-*

*telake 6. Id. Decembr. anno 1292. sepultus 14. Calend. Januar. in Ecclesiâ sua in parte Aquilonari juxta locum Martyrii B. Thoma Martyris.*

## ROBERTUS WINCHELSE

Electus anno MCCXCII. consecratus mensē Septembr. anno MCCXCIV. obiit anno MCCCXIII. die V. Idus Maii.

Post Johannis obitum vacasse Sedem annum 1. menses 9. dies 4. Birchingtonus scribit. Rectissime quidem; si à die 6. Id. Decembr. 1292. quo obiit Johannes, ad diem 2. Id. Septembr. quo consecratus est Robertus, numerum ducas. Duabus septimanis tempus Vacationis malè auget Catalogus Usserianus MS. Siquidem Robertus confirmatus est à Papâ Cœlestino V. anno 1294. die 8. Idus Septembr. consecratus prid. Idus Septembr. à Cardinali Episcopo Sabino. Cantuariam venit anno 1295. 15. Ca-

lend. April. Intronizatus est anno eodem Dominicâ post Festum S. Michaelis (viz. die 6. Non. Octobr.) Hæc omnia ex fide Chronici Ecclesiæ Christi Cant. MS. Obiit anno 1313. Idibus Maii, juxta Willelmum Thorn. die 5. Idus Maii, juxta Birchingtonum & Obituarium Cantuariense MS. Vacavit Sedes menses 9. septimanam 1. authore Birchingtono: qui in posterioribus Archiepiscopis tempora optimè disposuit. Hic certè veritatem attigit.

## GUALTERUS REYNALD

Translatus anno MCCCXIII. die XIII. Calend. Martii; obiit anno MCCCXXVII. die XVI. Calend. Decembris.

Translatum à Sede Wigornienſi dicit Willelmus Thorn anno 1313. die 6. Non. Octobr. Nominatum eo die puto à Papâ jure provisionis Willelmum velle (quamvis id primo die Octobris factum Birchingtonus scribat) Bullas enim Translationis post menses demum aliquot accepit. Intronizatus est anno 1313. (exeunte) die 13. Calend. Martii Dominicâ Quinquagesimæ: teste Thoma Walsingham (Hist. Angl. p. 103.) Pallium eo die recepisse, inthronizatum demum die 13. Calend. Maii, Author Antiquitatum Britann. asserit. Certiora omnibus tradit Registrum ejus MS. scilicet translatum fuisse Bulla Clementis V. data anno 1313. 8. Cal. Octobr. Bullam publicatam fuisse in Ecclesiâ S. Pauli die 2. Non. Januar. Pallium accepisse apud Chartham Idibus Februarii die Mercurii, intronizatum die Dominicâ sequente,

viz. die 13. Cal. Martii. Sedit annos 14. mensem 1. juxta Birchingtonum, à nominatione numerandos annos 13. menses 11. dies 3. juxta Catalogum Usserianum MS. Obiit anno 1327. mensē Novembri; Sic Walsinghamus: die S. Edmundi; Sic Willelmus Thorn. In Vigilia S. Edmundi Archiepisc. sic Birchingtonus. Die 15. Calend. Decembr. sic Obituarium Cant. MS. Die 16. Cal. Decembr. sic Lichfeldensis noster. Huic itaque & Willelmo convenit. Birchingtonus & Obituarium biduo distant. Litem dirimet Registrum cœvum MS. Ecclesiæ Christi Cant. Inibi Walterus obiisse dicitur in Manerio suo de Mortelak die Lunæ, 16. Calend. Decembr. anno 1327. post Solis occasum; sepultus in Ecclesia Cant. die Veneris 5. Cal. Decembris. Vacavit Sedes menses 6. septimanas 3. diem 1. Sic Catalogus Usserianus MS.

S I M O N



## SIMON MEPHAM

Consecratus anno MCCCXXVIII. die S. Trinitatis, IV. Calend. Junii;  
 obiit anno MCCCXXXIII. IV. Idus Octobris, die Martis.

Electus est anno 1327. die 6. Id. Decembr. Electionem ratam habuit die 12. Cal. Januar. Confirmatus est à Rege 4. Non. Januar. à Papa die 6. Cal. Maii anno 1328. consecratus mox Nonis Junii; Pallium accepit 4. Non. Julii: intronizatus die 11. Cal. Februar. ejusdem anni. Obiit anno 1333. 4. Idus Octobr. die Martis. Sepultus in Ecclesia Cant. 7. Cal. Novem. in quadam capella S. Petri ex parte Australi summi Altaris. Ista omnia exhibet Registrum Eccles. Christi Cant. MS. Consecrationem dicto die peractam confirmat Wilhelmus Thorn; Electionem die S. Lucie falsò posuit, Obi-

tum etiam in crastino S. Dionysii contigisse male scribit. Rectius Walsingham illum anno 1333. circa Festum S. Calixti Papæ obiisse, & die 7. Calend. Novembris Cantuariæ sepultum esse tradit. Diem obitus à Registro Cant. MS. assignatum confirmant Birchingtonus & Obituarium Cantuariense MS. Sedit Simon annos 5. menses 6. dies 12. juxta Birchingtoni calculum: veriùs à consecratione usque ad obitum annos 5. menses 4. diem 1. dies 17. inquit Catalogus Usserianus MS. qui Sedem post illius obitum vacasse dicit menses 4. dies 10.

## JOHANNES STRATFORD

Electus est anno 1333. die 3. Nonas Novembr. electioni consensit 16. Calend. Decembris. Die 6. Calend. Decembr. Papa dissimulata Monachorum electione illum de Sede Wintoniensi ad Cantuariensem transferendum decrevit. Anno sequente Nonis Februarii dato Regi fidelitatis juramento, admissus est ad Temporalia. Die 9. Calend. Maii Pallium accepit: intronizatus die 7. Id. Octobris. Obiit anno 1348. in Vigilia S. Bartholomæi, die Sabbati. Sic habet Registrum Cant. MS. Electionem eo die factam esse confirmant Birchingtonus

& Wilhelmus Thorn: inthronizationem Birchingtonus & Walsingham: obitum Birchingtonus & Obituarium Cantuariense MS. provisionem Papalem, admissionem ad Temporalia, & Pallii receptionem idem Birchingtonus. Addit is Bullas Translationis papales receptas à Johanne fuisse anno 1333. Calendis Februarii, publicatas in Ecclesia Cant. die 11. Februarii. Sedit annos 13. menses 6. septimanas 4. dies 4. juxta Catalogum Usserianum MS. Rectè quidem, si pro annis 13. substituas 14.

## JOHANNES UFFORD

Hic à pluribus Historicis in Archiepiscoporum Cantuariensium Catalogum non admittitur; eò quòd Consecratione nondum suscepta obierit. Post mortem Johannis Stratford Sedi Cant. à Pontifice Romano præfectus

est provisionis titulo, anno 1348. die 8. Calend. Novembr. authore Birchingtono. Bullæ Papales ea de re lectæ fuerunt in Domo Capitulari Ecclesiæ Christi Cant. die 6. Calend. Decembr. Sic Registrum Cant. MS. Obiit

Obiit Johannes nondum consecratus anno 1349. mense Maio, in Vigilia S. Augusti Anglorum Apostoli (viz. die 8. Calend. Junii) ex fide Bir- chingtoni. Die 11. Cal. Junii juxta

Obituarium Cantuariense MS. die 20. Maii apud Totenhale, juxta Regi- strum aliud MS. Ecclesiæ Christi Cant.

THOMAS BRADWARDYN

Electus est à Conventu Cantuari- ensi anno 1348. post mortem Johan- nis Stratford die 3. Calend. Septembr. pridie Nonas Septembris electioni consensit. Verum ista Electio à Jo- hannis Ufford provisione abrogata est. Post mortem Uffordi iterum ele- ctus est à Monachis Cantuariensibus anno 1349. pridie Nonas Junii. Ele- ctionis iteratæ inscius Clemens VI. Papa eidem Archiepiscopatum jure provisionis contulit die 13. Calend. Julii. Consecratus est anno eodem die Dominicâ in Vigiliâ S. Margare- tæ, viz. die 14. Calend. Augusti. Ad temporalia admissus est die Sabbati in

Vigiliâ Assumptionis B. Mariæ, viz. die 19. Calend. Septembr. Obiit die Mercurii sequenti viz. die 15. Cal. Septembr. sepultus in Ecclesiâ Cant. die Sabbati in Festo Decollationis S. Johannis Baptistæ (rectius in Vi- giliâ Festi. Eo enim anno Festum id in Dominicam incidit.) Ista nos docent Birchingtonus & Registrum Cant. MS. Registrum tamen MS. Simonis Islip illum obiisse dicit in Manerio Episcopi Roffensis vocato *La Place* juxta Lamheth anno 1349. die 25. Augusti. Rectius puto Registrum aliud MS. die 26. obitum ponit.

SIMON ISLIP

Electus est à Conventu Cant. anno 1349. die 20. Septembr. provifus à Clemente Papa die 4. Octobr. Con- secratus est anno 1349. in Vigiliâ S. Thomæ Apostoli die 13. Calend. Januar. die Dominicâ in Ecclesia S. Pauli London. à Radulpho Epif- copo London. Willemo Wintoniensi & Johanne Menevesi. Pallium acce- pit anno 1350. in capella Manerii sui de Eythere, in Cœnâ Domini, die Jovis die 25. Martii. Sic Registrum

ejus MS. Obiit anno 1366. die Do- minicâ in Crastino S. Marci (viz. die 6. Calend. Maii) circa mediam noctem: sepultus in Ecclesia Cant. die Sabbati, 6. Nonas Maii. Sic Bir- chingtonus. Diem obitus confirmat Obituarium Cantuariense MS. & Re- gistrum Ecclesiæ Christi Cant. MS. Obi- isse illum dicit Willemus Thorn anno 1366. die Reliqu. Quænam autem dies in Cœnobio S. Augustini Reliquiis sacra fuerit, me latet.

SIMON LANGHAM

Translatus est à Sede Eliensi ad Cantuariensem provisione Papalian- no 1366. in Vigilia S. Jacobi, viz. die 9. Calend. Augusti: admissus à Rege ad Temporalia sua Nonis Novembr. intronizatus anno 1367. inchoante in Festo Annuntiationis B. Mariæ, die Jovis. Cardinalis re- nunciatus est ab Urbano Papa anno

1368. die Sabbati Quatuor tempo- rum, 9. Calend. Octobris (die 10. Calend. Octobr. inquit Catalo- gus Ufferianus MS.) quod Simoni per literas papales die S. Fidei inno- tuit, viz. pridie Nonas Octobr. Nuncio accepto ipse Archiepiscopatum post paucos dies missis Priori Cant. Cruce, Sigillo & Registro Archiepiscopalibus abdicavit;



abdicavit; & exeunte anno Calendis Martii die Jovis transfretavit. Ista omnia Birchingtonus refert. Paulo aliter Registrum ejus MS. juxta quod translatus est Bulla Urbani Papæ data anno 1366. 8. Cal. Augusti. Bulla publicata est in Capitulo Cant. die 5. Novembr. in Ecclesia S. Mariæ de Arcubus die 9. Novemb. Simon admissus est à Rege ad Temporalia apud Westmonasterium die 5. Novembr. Pallium acceperat in Capella S. Stephani infra Palatium Westmonasterienle die 4. Novembr. anno 1366. Demum Cardinalis factus, *antequam receperat aliquas Bullas super creatione hujus Cardinalatus seu Capelli, resignavit gratis in manus Prioris Ecclesiæ Christi Cant. jurisdictionem Archiepiscopalem* die 28. Novembr. anno 1368. apud Ottesford. Paulo aliter Registrum MS. Ecclesiæ Christi Cant. quod Cardinalem creatum fuisse die 22. Septembr. Archiepiscopatum resignasse die 27. Novembr.

anno 1368. perhibet. Errat itaque Walsinghamus; qui Simonem mense Aprili iter iniisse narrat: Nec minus Wilhelmus Thorn, qui eundem in Vigiliâ S. Nicholai ad Sedem Cant. translatum scribit. Obiit demum die 11. Calend. Augusti juxta Obituarium Cantuariense MS. & Historiam Roffensem MS. Concordat Epitaphium ejus apud Antiquitates Britann. in quo illum postmodum à Papa in Angliam fuisse legatum, & obiisse anno 1376. in Festo Magdalena, & Westmonasterii sepultum esse legitur. Annum atque diem obitus confirmat Chronicon MS. ab Adam ad an. 1400. in Biblioth. Lambeth. in urbe autem Avinione defunctum asserit. Nec adversatur quidem Epitaphium, si commodè intelligatur. In Vigiliâ S. Magdalena apud Avinionem obiisse refert Johannes Flete in Historiâ Westmonast. MS.

## WILLELMUS WITTESEY

Translatus est à Sede Wigornienfi ad Cantuariensem bullâ Urbani V. datâ anno 1368. die 5. Idus Octobr. Pallium accepit in Capellâ de Lambeth anno 1369. 13 Calend. Maii, die Jovis. Sic Registrum ejus MS. Translationem illo die factum esse Birchingtonus confirmat; & Temporalia Wilhelmo die 18. Calend. Februarii sequentis à Rege restituta fuisse prodit. Translatum tamen scribit Catalogus Usserianus MS. die 16. Januarii: Wilhelmus Thorn anno 1368. in Octavis Adriani Abbatis. Diem verò Adriano sacrum apud Monachos S. Augustini Cantuarienses invenire non potui. Obiit Wilhelmus Wittlesey anno 1374. juxta Wilhel mum Thorn, &c. die 8. Idus Junii juxta Obituarium Cantuariense MS. die 5. Julii juxta Walsinghamum; die 6. Julii juxta Catalogum Usserianum MS. die 15. Maii juxta Caxtoni Chronicon Angliæ MS. Post mortem ejus Monachi Cantuarienses in Archiepiscopum postulârunt Romanum quendam Cardinalem, qui

Patriam antea deseruerat; quo nomine Regem maximè insensum habuerunt. Cardinalis nomen Author Antiquitatum Britann. ignoravit, Godvinus autem malè posuit, Adamum quendam Eastonum substituens; qui (ut id obiter notem ex Roberti Wakfeldi Syntagmate de Hebræorum Codicum incorruptione) *integrum Vetus Instrumentum, excepto Psalterio, de verbo ad verbum juxta Hebraicam veritatem transtulit.* Verùm Eastonus, quod ex Onuphrii Catalogo constat, non nisi anno demum 1378. ad Cardinalatum assumptus est. Cardinalis à Monachis postulatus non alius erat quàm Simon Langham Wilhelmi Wittlesey decessor, quem abdicati Archiepiscopatus poenituisse videtur. Liquet id ex processu Postulationis MS. in Ecclesiâ Christi Cant. in quo Monachi postulant *Simonem Langham Episcopum Prænestinum & Cardinalem*; & in Epistolâ ad Papam de Electione illius ista elogio Electi adjiciunt: *Qui dicta Ecclesiæ Cantuariensi nuper præsuit plurimumque profecit.*

SIMON

## SIMON SUDBURY

Translatus est à Sede Londinensi ad Cantuariensem bullâ Gregorii XI. datâ anno 1375 die 4. Nonas Maii. Die 20. Octobris sequentis *transfretavit apud Dover pro pacis reformatione inter Angliam & Franciam.* Anno 1376. reversus applicuit ad portum Sandwici die 31. Martii die Lunæ: & Dominicâ, quæ proxima fuit, in Ramis Palmarum (die 6. Aprilis) intronizatus fuit in Ecclesia Cant. Hæc Registrum ejus MS. Translatum illo die fuisse confirmant Speculum parvulorum MS. & Chronicon MS. de rebus Angliæ, in anno 1447. definens,

in Bibliothecâ Lambethanâ. Malè Walsinghamus translatum refert die 4. Idus Maii, Catalogus Usserianus MS. die 5. Nonas Maii. Intronizatum fuisse Dominicâ in Palmis testatur etiam Willelmus Thorn; qui tamen in anno quem 1375. ponit, falsus est. Decapitatus est à tumultuante plebe juxta Turrim Londinensem anno 1381. die 18. Calend. Julii, die Veneris; ex fide Walsinghami, Obituarii Cantuariensis MS. & Speculi Parvulorum MS. Malè Registrum Courtney habet, die 31. Julii.

## WILLELMUS COURTNEY

Translatus est à Sede Londinensi ad Cantuariensem bullâ Urbani Papæ datâ anno 1381. 5. Id. Septembr. Bullam Papalem accepit apud Croydon anno 1381. die 10. Decembr. Publicari fecit in Ecclesiâ Cant. die 9. Januarii sequentis. Die 10. Januarii Prior Ecclesiæ Christi Cant. Vexillum sive Crucem Archiepiscopalem illi misit: quæ die 20. ejusdem mensis tradita est. Die 5. Januarii juramentum obedientiæ Papæ præstiterat apud Lambeth. Quo tempore ac loco Robertus Braybrook Episcopus Londinensis & Johannes Fordham Episcopus Dunelmensis consecrati sunt per Thomam Exoniensem, Thomam Roffensem & Johannem Bangorensem, Episcopos; præsentem Wilhelmo, sed manus non imponente, qui pallium nondum receperat. Pallium demum accepit apud Croydon anno 1382. die 6. Maii. Hæc Registrum Courtney MS. Malè igitur Catalogus Usserianus MS. Archiepiscopatus auspicia in annum 1382. diem 13. Ja-

nuarii retulit. Sedit annos 14. juxta Obituarium Cantuariense MS. Adde menses 10. dies 23. Malè Author Antiquitatum Britan. illum sedisse dicit annos 15. menses 11. dies 2. Obiit anno 1396. prid. Calend. Augusti ex fide Obituarii Cantuariensis & Willelmi Thorn. Minus rectè Walsinghamus diem 3. Augusti illi obitualem posuit. Cantuariæ sepulchrum Godwinus scribit. Verius Maydenstonæ tumulatum esse patet ex codicillo, qui Testamento suo annexus extat inter Archiva Ecclesiæ Christi Cant. *Languens in extremis in interiori camera Manerii de Maydenston, voluit & ordinavit, quòd quia non reputavit se dignum, ut dixit, in sua Metropolitana aut aliqua Cathedrali aut Collegiata Ecclesia sepeliri, voluit & elegit sepulchrum suum in Cimiterio Ecclesiæ Collegiatae de Maydenston, in loco designato Johanni Botelere Armigero suo.* Atque isthic quidem Sepulchrum illius hodiernum visendum restat.



## THOMAS ARUNDEL

Translatus est à Sede Eboracensi ad Cantuariensem bullâ Bonifacii IX. datâ anno 1396. 7. Calend. Octobr. Bullam accepit apud Lambeth. die 10. Januarii sequentis; publicari fecit in Ecclesia Cant. die 11. Januarii. Accepit Crucem Archiepiscopalem à Thoma Chillenden Priore Cant. die 12. Januarii: Pallium in Palatio Regio Westmonasteriensi anno 1399. die 10. Februarii. Hæc Registrum MS. *Arundel*. Ut deceptus sit Author Antiquitatum Britann. qui Pallium rece-

piſſe die 10. Februarii proximo poſt Translationem, intronizatum die 19. ejusdem menſis ſcribit. Die 18. Febr. intronizatum vult Willelmus Thorn. Obiit anno 1414. ineunte, die 11. Calend. Martii. Sic Obituarium Cantuarienſe MS. Anno 1413. (exeunte) die 19. Februarii, Indictione 7. die Lunæ, ſepultus die Martiſ Craſtino. Sic Registrum *Chichele* MS. Recte. Faſſi igitur Walsinghamus & Godvinus; qui illum die 20. Februarii obiſſe tradunt.

## HENRICUS CHICHELE

Electus est à Monachis Cantuariensibus anno 1413. (exeunte) Indictione 7 die 12. Martii, die Lunæ. Electioni conſenſit die 16. Martii, die Veneris. Electionem diſſimulans Papa Johannes XXIII. illum de Sede Menevenſi ad Cantuarienſem ſolito Proviſionis titulo tranſtulit bulla data anno 1414. 5. Calend. Maii. Admiſſus eſt à Rege ad Temporalia die 30. Maii. Pallium recepit die 29. Julii anno 1414. Electioni Monachorum Rex conſenſum præbuerat die 23. Martii. Hæc Registrum *Chichele* MS. Erravit itaque Godvinus; qui Regem electionem niſi ex ſententia Pontificis noluiſſe confirmare ſcribit; de Rege ſc. perperam intelligens, quod Author Antiquitatum Britann. de

Henrico Electo dixerat; ſc. quod aſſenſum rogatus reſpondit ſe neque conſentire neque diſſentire, ſed Papæ arbitrio rem totam committere. Quamvis nec id reſponſi conſenſus negationem (quod vult Godvinus) includat. Non aliâ enim formulâ Pontifices Electi conſenſum dare conſueverant. Sic Johannes Stratford, ſic Thomas Bradwardyn, aliiſque omnes, quorum Electionis proceſſus extant in Registro MS. Eccleſiæ Chriſti Cant. Obiit Henricus 2. Id. April. juxta Obituarium Cant. MS. anno 1443. die 12. Aprilis juxta Epitaphium tumulo ejus inſcriptum in Eccleſia Chriſti Cant. Malè Author Antiquitatum Britann. diem 3. Maii illi fatalem dedit.

## JOHANNES STAFFORD

Translatus est à Sede Wellenſi ad Cantuarienſem bullâ Eugenii IV. datâ anno 1443. 3. Idus Maii. Bullam accepit Londini die 5. Auguſti. Admiſſus eſt à Rege ad Temporalia die 6. Auguſti. Vexillum Archiepiscopale recepit die 7. Auguſti, die Mercurii. Pallium accepit die 23. Auguſti, die Veneris, eodem anno. Hæc

Registrum *Stafford* MS. Sedit annos 8. menſes 10. dies 13. juxta Authorem Antiquitatum Britan. Rectius annos 9. dies 13. Obiit anno 1452. die 8. Calend. Junii, ex fide Obituarii Cantuarienſis MS. Lambethani, & Regiſtri MS. Eccleſiæ Chriſti Cant. Minus recte Godvinus die 6. Julii obiſſe vult.

## JOHANNES KEMP

Translatus est à Sede Eboracensi ad Cantuariensem bullâ Nicolai V. datâ anno 1452. die 12. Calend. Augusti Cardinalis S. Rufinæ factus (mutato duntaxat titulo. Cardinalis S. Balbinæ jamdiu fuerat) alia Bulla eodem die data. Vexillum Archiepiscopale accepit in Capella de Fulham die 23.

Septembr. die Sabbati : Pallium in eodem loco die 24. Septembr. die Dominicâ. Intronizatus est in Ecclesiâ Cant. die 11. Decembr. die Lunæ. Hæc Registrum *Kemp* MS. Obiit anno 1454. ineunte, die 11. Calend. April. ex fide Antiquitatum Britann. & Obituarii Cantuariensis MS.

## THOMAS BOURCHIER

Electus est à Monachis Cantuariensibus anno 1454. die 9. Calend. Maii. Electione mense circiter Junio à Nicolao V. confirmatâ, Bulla confirmationis publicata est in Ecclesia Cant. die 11. Cal. Septembr. Mense Decembri sequente se Cardinalem S. Ciriaci in Thermis renunciatum esse nuncio accepit. Demum intronizatus est anno 1455. ineunte, die 7. Calend. Februar. Ista narrat Author Antiquitatum Britann. ex Registris puto. Mihi enim non nisi mutilum Registrum *Bourchier*

videre contigit ; in quo nihil de illius Translatione reperiebatur. Historia Eliensis refert illum translatum fuisse à Sede Eliensi ad Cantuariensem per Papam Nicholaum V. anno 1454. in Festo S. Bartholomæi. Illo forsan die Thomas Crucem Archiepiscopalem à Priore Cantuariensi accepit. Obiit anno 1486. die 3. Cal. April. juxta Obituarium Cantuariense MS. & Epitaphium ejus sepulchrale in Ecclesia Christi Cantuariensi.

## JOHANNES MORTON

Translatus est à Sede Eliensi ad Cantuariensem bulla Innocentii VIII. data anno 1486. pridie Non. Octobr. Vexillum Archiepiscopale accepit in Capella Hospitii Eliensis in Holborne anno 1486. die 9. Decembr. Hæc Registrum *Morton* MS. Anno 1494. die 20. Septembr. Cardinalis creatus est

titulo S. Anastasiæ ab Alexandro VI. Papa : quod Author Antiquitatum Britann. & Godvinus produnt. Obiit anno 1500. die 16. Calend. Octobr. juxta Obituarium Cantuariense MS. die 15. Septembr. juxta Registrum MS. Ecclesiæ Christi Cant. Malè Godvinus mense Octobri obiisse scribit.



## HENRICUS DENE

Translatus est à Sede Sarisburiensi ad Cantuariensem anno 1500. Pallium accepit anno 1501. Sedit annos 2. Obiit anno 1503. ineunte, die 15. Februarii apud Lametham. Ista solummodo habet Author Antiquitatum Britann. neque certiora invenire potui. Diem obitus confirmat Obituarium Cantuariense MS. in Bibliotheca Lambethana; cui consonat Indiculus MS. de Consecrationibus & successione Archiepiscoporum Cant. in Bibliotheca Cottoniana (Jul. C. 2.) & Epitaphium Sepulchrale. Minus rectè itaque aliud Obituarium Monachorum Can-

tuariensium MS. inter Archiva Ecclesiæ Christi Cant. cujus hæc sunt verba: *Anno 1503. obiit die 16. Februarii Reverendus in Christo Pater Henricus Deene, &c. Iste stetit Archiepiscopus quasi per tres annos; & nunquam erat installatus in propria persona in sancta Sede Cantuariensi. Iste Archiepiscopus non habuit memoriam 30. dierum, ut moris est Archiepiscoporum, propter paupertatem. Erat valde deceptus per Executores suos; multa bona reliquit post se; sed Executores sui sceleratissime furabantur, ut dictum est, &c. anno regni Regis Henrici Septimi 18.*

## WILLELMUS WARHAM

Translatus est à Sede Londinensi ad Cantuariensem Bulla Julii II. data anno 1503. 3. Calend. Decembr. Juramentum fidei Papæ præstitit in Capella S. Stephani in Palatio Regio Westmonasteriensi die 23. Januarii sequentis. Pallium accepit in Capella

de Lambeth anno 1503. (exeunte) die 2. Februarii. Hæc Registrum Warham MS. Intronizatum die 9. Martii sequentis refert Author Antiquitatum Britann. obiisse autem anno 1532. die 23. Augusti, Godvinus prodit.

# DISSERTATIO DE ELFRICO

ARCHIEPISCOPO CANTUARIENSI.

## Utrum is fuerit ELFRICUS Grammaticus.

**D**E ordine, quem inter Archiepiscopos Cantuarienses Elfricus tenuit, in superiori Dissertatione egimus; atque illum Siricio succedentem ab anno circiter 995. ad 1005. vel sequentem sedisse asseruimus. Restat adhuc alia eaque longe difficilior quaestio de Elfrico Archiepiscopo discutienda; nimirum utrum is fuerit ille doctus Elfricus, quem Grammaticum appellare solent; & cui totum ferè quod superest Saxonicae literaturae debemus. Atque id quidem libenter crederem, quod semper opandum, eruditionis Principatum cum Ecclesiae Primatu conjunctum esse. Vereor autem, ne rationibus utrinque subductis, Archiepiscopus Cantuariensis alius à Grammatico sit statuendus.

Unum eundemque fuisse Baleus, Pitseus, & post illos cuncti ferè Scriptores nostrates opinati sunt; meque illo quondam errore abreptum fuisse fateor. Et sanè sententiae istius rationes adsunt non contemnendae. Ut omnium enim Neotericorum consentientem auctoritatem mittam: uterque Elfricus Ethelwoldi discipulus fuit, & praeclaram doctrinae famam aetate sua consecutus est: uterque acerrimus Cleri conjugati adversarius; & uterque obiisse dicitur die 16. Calend. Decembr. Dierum quidem Obitualium concordiam nulli hactenus notarunt; qui tamen Antiquitates nostrae gentis summam solertiā rimati sunt, Lelandus, Baleus, Pitseus, Usserius, alique in eandem sententiam conspirant. Plurimas rationes Illustrissimus Usserius in Bibliothecā suā Theologicā MS. congeffit; ex quibus omnibus Hypothesin quandam efformavit; cuius Epitomen vir doctissimus Gulielmus Cave in *Historiam Literariam* transtulit, pag. 588. Scilicet Elfricum ante annum 956. Cœnobioli alicujus Abbatem fuisse & Wulfstano Eboracensi ac Wulfino Schireburnensi Episcopis literas illo tempore dedisse. Dein Ethelwaldo praeceptori in Abbatia Abbendonensi post Ordgarum intermedium successisse. Mox ab Oswaldo Abbatem S. Albani circa annum 969. constitutum esse: ad Malmesburienſis Cœnobii regimen anno 974. translatum. Proximo loco Cridienſem Episcopum factum, dein Wiltonienſem post Siricum, ac Devonienſem post Sidemannum. Denique ad Archiepiscopatum Cantuarienſem evectum, obiisse anno 1006. Sic quidem omnia, quae de Elfrico narrata sibi constitere, Reverendissimus Primas Chronologia conciliavit. Liceat mihi tamen pace tanti viri aliam inire sententiam, indubiis rei testimoniis freta, quae ille aut nescivit, aut minus advertit. Neque tamen opus esse arbitror; ut Hypothesin ejus ante omnia aggrediar. Error ejus ex inferius à me dicendis in singulis penè membris sponte patebit.

Elfrici



Elfrici Archiepiscopi ordinem, quem inter Antistites Cantuarienses tenuit, supra asseruimus. Illum nempe circa annum 995. Siricio in Archiepiscopatu successisse, & anno 1005. vel sequente obiisse. Neque magis dubitandum videtur, illum Siricio ad Archiepiscopatum evecto in Sede Wiltoniensi successisse, ab eâ demum ad Sedem Cantuariensem translatum. Id enim tradunt Malmsburiensis, Gervasius, Radulphus de Diceto & Chronologia Saxonica, ut alios taceam. Istius quidem Versio Latina à Wheloco confecta Episcopum prius Wintoniensem fuisse præfert. Id autem contra fidem Saxonici Chronologi manifestam. Saxonica enim sic se habent *Ælfric piltunyrce byrcop Elfricus Wiltoniensis Episcopus*, pag. 561. Neque melius Baleus (Cent. 2. cap. 21.) qui à Sede Wellensi ad Cantuariensem translatum scribit. Ut cunque autem illud certum jure sit habendum; nonnulla in Historicis nostris reperiuntur, quæ successionem Elfrici in Episcopatu Wiltoniensi perturbant. Ut paulò altius enim rem ducamus; post Odonis Episcopi translationem ad Archiepiscopatum Cant. circa annum 938. Osulfus successit ex concordi omnium sententiâ. Iste obiit anno 970. juxta Florentium. Osulfo Algarus, Algaro Elfstanus, juxta Malmsburiensem. Rectius verò Florentius Alfstanum Osulfo, Vulgarum Alfstano successisse ponit. Uterq; Elfstanum Monachum Abendoniensem & S. Ethelwoldi discipulum fuisse perhibent. Neque alius est Algarus Wilhelmi à Vulgato Florentii. Iste enim in Indiculo Episcoporum Historiæ suæ subnexo Alfstani successorem Alfgarum vocat. Alfgarum autem Alfstano successisse indicio est quod narrat Florentius; Ethelredum Regem ingentem collegisse classem, atque illi præfecisse Alfricum & Theoredum Duces, Alfstanum Wiltuniensem & Ælswinum (Dorcestrensis is fuit) Episcopos; classem demum Alfrici perfidiâ insignis victoriæ jacturam fecisse anno 992. Isto quidem anno Florentius rei exitum narrat; quamvis Classi ante plures annos præfici potuerint, & Episcopus ille Wiltunienensis ante rem gestam fato cesserit. Et certè ab anno 989. Alfricus Sedem Wiltoniensem insederat atque illi etiam præcesserat Siricius; quod in superiori Dissertatione probavimus. Quem Alfstanum autem hîc vocat Codex Florentii impressus, Codex MS. vetustissimus Ælfgarum appellat. Alfgarus igitur successit Alfstano, Alfstanus Osulfo: Alfstanus is obiit anno 980. Abendonix sepultus, juxta Historiam antiquissimam Abendoniensem, de qua infra. Exeunte forsitan anno, post Calendas Januarii. Anno enim 981. obiisse prodit Florentius. Certè consecrationi Ecclesiæ Wintoniensis anno 980. die 13. Calend. Novembr. Elfstanus adfuit; teste Wolstano in Vitâ Ethelwoldi, cap. 40. Illi successor Alfgarus sedem ad annum usque 988. tenuit. Siricius enim, si Wilhelmo Thorn fides, ex Abbate S. Augustini Cant. Episcopus Wintoniensis (lege Wiltoniensis) procurante Dunstano creatus est anno 988.

Elfricum ante susceptum Episcopatum Wiltoniens. fuisse Abbatem Abendoniensem Malmsburiensis & Westmonasteriensis scribunt; idque apud omnes Neotericos pro indubio habetur. Lapsi tamen omnes. Sequitur enim Historia Abendonensis à me primum edita; quæ nullam non fidem meretur. De venerandâ ejus antiquitate Præfationem consule. Ista successionem Abbatum Abendonienfium ab Ethelwoldo ad annum 1131. accurate contexuit; nullum autem Alfrico locum dedit. Ethelwoldo enim anno 963. successit Osgarus (quod Wolstanus etiam in Ethelwoldi Vitâ confirmat) Osgaro Edwinus anno 984. Edwino Vulgarus anno 990. Vulgato Adelwinus anno 1017. Adelwino Siwardus anno 1030. Quod tamen errori ansam dedit; Alfricus Cantuariensis prius fuit Monachus Abendonienfis, ex fide Historiæ supra citatæ (ad annum 1006.) In eo sc. Monasterio sub eximio Monastici Ordinis instauratore Ethelwoldo enutritus fuerat; in quo & plurimi alii istius ætatis Antistites. Ab initio enim Edgari Regis ad annum circiter millesimum singuli fere Angliæ Episcopi & Abbates ex Monasteriis Abendonienfi, Glaftoniensi &

& Wintoniensi delecti sunt. Adeo invaluerat Monachorum ordo; tantumque apud Reges nostros potuere Dunstanus, Ethelwoldus & Oswaldus, qui tribus hisce Monasteriis omnium primis Monachos Clericis ejectis induxerant; & quasi totidem cucullati Ordinis Seminaria instituerant.

Elfricum Cantuariensem Clericis expulsis Monachos Ecclesiæ Christi Cantuariensi induxisse supra notavimus. Obiit anno 1005. (juxta alios 1006.) & Abbendonæ, unde Monachus extiterat, sepultus est; translatus ad Ecclesiam Cant. sub Canuto Rege. Ista nos docet Historia Abendonensis. Diem obitus dedit Martyrologium Cantuariense MS. sc. XVI. Calend. Decembris. Eodem die Elfricum Grammaticum decessisse Carmen Glossario ejus, quod Somnerus edidit, præfixum refert. Suspicio tamen Carminis Authorem, nominis ac dignitatis ab utroque gestæ similitudine deceptum, diem Cantuariensi proprium Grammatico malè adsignasse. Alio enim die Grammaticum obiisse argumento verisimili inferius ostendemus: & Martyrologio Cantuariensi fidem in hac re derogari nequaquam par est. Cæterum Elfrici Cantuariensis eruditionis famam astruit non solum institutio sub doctissimo præfule Ethelwoldo, verum etiam Bridferthi Monachi Ramesiensis coævi fides; qui in Vitâ S. Dunstani ipsi Elfrico dicatâ illius nomen ob *enormitatem divulgata peritia* de prædicat [in Actis Sanctorum Maii, Tom. 4. p. 346.]

Ista solummodo de Elfrico Archiepiscopo Cantuariensi constant. Abbatem autem S. Albani prius fuisse admodum probabile est. Rationes expediam. Sic enim Johannes Capgravius in Vitâ Oswaldi præfulis Wigorniensis, postea Eboracensis. Dato illi ab Edgardo Rege & Dunstano Archiepiscopo negotio Canonicos Sæculares Monasteriis ejiciendi, Monachos introducendi, quod strenuè adimplevit; inter alios *instituit in Ecclesiâ S. Albani Elfricum Abbatem; qui ad Archiepiscopatum Cantuariensem postea sublimatus fuit; in Ecclesiâ Eliensi Brithnotum Abbatem.* (Legend. Nov. f. 252.) Nescio unde ista hauserit Capgravius. Sanè is, ex quo cætera ferè omnia desumpsit, Johannes Tinmuthensis in Historiâ suâ Aureâ MS. nil ejusmodi habet. Fidem tamen addit Traditio, quæ inter Monachos S. Albani vixit Alfricum seu Leofricum quendam Abbatem suum ad thronum Cantuariensem demum conscendisse. Istud ex Matthæi Paris Historiâ Abbatum S. Albani patet; quamvis ipse Abbatum tempora atque successionem malè disposuisse videatur. De Parachronismis in hoc Opere admissis nonnulla in notis ad Chronicon Episcoporum Lichfeldensium adnotavimus. Forsitan & error parilis in hac re deprehendi potest. Numerat enim Ulsinum Abbatem sextum, Alfricum septimum, Ealdredum octavum, Eadmerum nonum, Leofricum decimum, Alfricum undecimum. Leoffstanum duodecimum; qui tempore Edwardi Regis Confessoris Alfrico successit. Porro si quis tempora componat; inveniet Alfricum Abbatem septimum tempore Edgari Regis floruisse. Quod cum Capgravio apprimè convenit. Alfricum enim Cœnobio S. Albani & Brithnotum Eliensi eodem circiter tempore præpositos asserere videtur. Brithnotum autem Monasterio Eliensi anno 970. præfectum esse Historia Eliensis refert. Rem confirmat subscriptio Ælfrici Abbatis in Charta Edgari Regis data Cœnobio Ramesiensi anno 974. (in Monastico Angl. Tom. 1. p. 236.) Iste quidem Alfricus Sedem Cantuariensem postea obtinuisse perbene potuit. Id tantum de exitu ejus Matthæus docet; illum plenum dierum & sanctitate præclarum migrasse ad Dominum; seu potius, si verum fatendum esset, se nescire quid de eo factum sit. Honorem autem Archiepiscopatus gesti non Abbati septimo sed decimo, sc. Leofrico, defert. Sic enim rem disposuit. Leofricus filius erat Comitis Cantix, Alfricus frater ejus uterinus. Ille in Archiepiscopum Cant. electus, non consensit, asserens fratrem suum Alfricum ad hoc esse digniorem. Postea tamen consensit. Nam assumptus ad Archiepiscopatum, domum suam bonis omnimodis reliquit redundantem. Et huic successit Alfricus frater; qui

ope



ope fratris sui Archiepiscopi fultus, multos repressit insurgentes, &c. & ejusdem auctoritate Officium S. Albani à se compositum in multis Anglia locis publicari fecit. Inapte igitur Gulielmus Watfius Matthæi Paris editor, notam hanc marginalem apposuit. *Leofricus electus in Archiepiscopum non consensit, asserens fratrem suum Alfricum fuisse multò digniorem.* Alfricus igitur effectus est Archiepiscopus Cantuaria: Alfricus iste dum Sæcularis fuit, Regis Etheldredi Cancellarius fuit; & postea Abbas factus ab eodem Etheldredo nonnulla Cœnobio suo emit. Sub Etheldredo itaque Rege Leofricus Abbatia cessit, Alfricus successit. Ante annum igitur 978. quod ponit Usserius, Alfricus Abbas S. Albani esse non potuit. Sed neque multò post Abbatiam fortiri potuit. Leofricus enim iste ad Archipræsulatum à Matthæo euectus, alius non fuit, quàm Leofricus Episcopus Cridiensis; qui (prout in fronte Missalis Ecclesiæ Exoniensi ab ipso met donati scriptum reperitur) Cridionensem Episcopatum ab Edvardo Rege, cui Capellanus fuit, donatum tulit anno 1046. Sedem Exoniam transtulit anno 1050. obiit 1071. Nullum alium hujusce nominis inter Præsules Anglicos ejusdem ævi invenimus. Quòd si Alfricus tempore Etheldredi Regis Abbas fuerit; dicendum erit illum Leofrico ordine prævisse. Certe Radulphus de Diceto (Abbrev. Chron. p. 446.) isti sententiæ suffragatur. Sic enim Abbates S. Albani recenset; Wlfinum sextum, Elfricum, Eldredum, Edmarum, Aluricum decimum. *Hic factus est, inquit, Archiepiscopus Cantuariensis. Cui successit in Abbatia S. Albani Leofricus Abbas undecimus, frater ipsius Elurici.* Cautius igitur ordinem Radulphus disposuit; quamvis & ipse hallucinatus fuerit, Archiepiscopatum Alfrico Abbati non septimo sed decimo tribuendo. Leofricum autem Abbatem fuisse Episcopum Exoniensem idem confirmat; dum refert Leofstanum Abbatem duodecimum factum esse anno 1047. Anno enim præcedenti Leofricus Sedem Exon. adeptus fuerat. Nescio annon Matthæus fratrum officia pariter ac ordinem immutaverit. Leofricum enim Regis Cancellarium fuisse Westmonasteriensis & Wigorniensis produnt: Alfricum nullus. Ut quod sentio dicam: si Alfricus Cantuariensis prius fuerit Abbas S. Albani; ordine fuit septimus. Et fuisse quidem non affirmo, lubens tamen concedo. Atque ista quidem scripseram, antequam vitam Oswaldi ab Eadmero scriptam perlegissem. Ex illius enim fide certissime constat Elfricum Archiepiscopum Cant. fuisse prius Abbatem S. Albani, Cœnobio recens instaurato ab Oswaldo præfectum.

Ab Alfrico Cantuariensi ad Grammaticum transeundum est: & primò quidem quæ de isto Malmsburiensis narrat, examini subjicienda. Extat apud Malmsburiensem tam in Historia de gestis Regum (l. 2.c.8.) quam in Vita Aldelmi à me primum edita p. 32. Charta Edgari Regis data Cœnobio Malmsburiensi anno Domini 974. regni sui 14. quâ se *Elfricum virum in omnibus Ecclesiasticum* (sic in libro de gest. Reg. *virum moribus Ecclesiasticis expertissimum officii.* Legendum suspicor in omnibus Ecclesiasticis expertissimum officiis) Abbatem præfuisse dicit. Huic Abbati Willelmus in Vita Aldhelmi (p. 33.) ejusmodi apponit characteres, qui Grammatico proprii sunt. Sic enim ille. *Eum peritum literarum, præsertimque elegantissimum Interpretem nisi fallax tradit vetustas.* Moriens reliquit aliquantos Codices, non exigua ingenii monumenta: Vitam S. Adelwoldi, antequam eam Wolfstanus operosus concinnaret: Abbreviationem Passionis S. Edmundi; Libros multos ex Latino in patrium sermonem versos. Opera ista ad Elfricum Grammaticum spectare nullus non novit. Hujus enim innumeros ferè Sermones, Tractatus, & Libros S. Scripturæ è Latino in Saxonicum sermonem versos in Bibliothecis publicis etiamnum habemus. Vita Ethelwoldi ab eo contexta extat MS. (ex Bibliothecâ Fiscamnenfi descripta) penes eruditissimum Mabillonium, qui prologum ejus dedit in Actis Benedictin. Sæc. V. p. 608. in Notis ad Ethelwaldi Vitam à Wolfstano scriptam. Quam quidem Vitam, ut id obiter notem, Wolfstanum authorem habere (de quo

dubius hæsit Cl. Mabillonius) ex hoc Willelmi loco jam primum constat. Quæ de illo enim Wolstani Opere dicit Aldelmus, Vitæ Ethelwoldi à Mabillonio ibidem editæ adamussim conveniunt. Cæterum Abbreviationem Passionis S. Edmundi ab Elfrico adornatam non alius memoravit. Nescio an hodie supersit. Habetur quidem Vita S. Edmundi Regis Saxonice ab Elfrico scripta in Bibliothecâ Cotton. *Jul. E. 7.* Porro de Elfrico Abbate Malmsburiensi Willelmus adjungit; quod *cum jam grandævus esset, in Episcopum Cridiensem altatus, vix quatuor annis superfuit.* Longe igitur ille alius ab Alfrico Cantuariensi; qui ex ipsius Willelmi aliorumque omnium sententia Archiepiscopatum undecim annis, & antea Wiltoniensem quinque, tenuit. Falsus ergo Cl. Usserius, qui unum eundemque ponit. Quod vero Vir maximus Elfricum anno 978. Cridiatunensem Episcopum, anno 990. *Wiltoniensem post Siricium, sicut etiam Devoniensem eodem tempore post Sidemannum* fuisse factum conjiciat: pluries adhuc lapsus est. Sidemannus enim obiit anno 977. teste Florentio: aliusque Devoniensem Episcopus non fuit præter Cridiensem. Nec minus erravit ipse Willelmus; qui Elfricum Grammaticum eundem cum Cridiensi posuit. Scripsit enim Grammaticus Vitam Ethelwoldi Kenulpho Episcopo Wintoniensi anno 1006. Elfricus autem Cridiensis jamdiu fatis cesserat: quippe qui quatuor duntaxat annis Sedem tenuit; & ante annum 991. quatuor in Abbatia Malmsburiensi successores, Ethelwardum, Kinewardum, Brichtelmum, & Brithwoldum, habuit. Brithwoldus enim Danelgeldum solvit, teste Willelmo (in Vita Aldhelmi p. 35.) Id autem vectigalis anno 991. impositum fuisse constat. Propius adhuc veritatem attingere liceret, si Charta Ethelredi Regis Ethelwerdo Abbati data (loc. cit.) cui Elfricus *jam Episcopus* testis adfuit, veras temporum notas exhiberet, quæ Codicis vitio corruptæ sunt. Id tamen præfatur Willelmus Chartam datam fuisse ab Etheldredo, dum *adhuc in regno tenellus* esset. Regnum iste iniit anno 978. die 18. Martii. Testes adfuerunt præter Elfricum Escuinus Dorcestrensis Episcopus, & illi qui in *superiori Chartâ* (quâ Elfricus Abbas constitutus est) *subscripserunt*; viz. Dunstanus, Oswaldus, Ethelwoldus, tres Elfstani, sc. Londoniensis, Rossensis & Wiltunensis Episcopi. Ex his Elfstanus Wiltunensis obiit anno 981. prout supra observavimus. Adeoque Elfricus Cridiensis ante annum 985. obiit. Ista sufficiant. Cum Chartarum autem fides merito suspecta habeatur; non inutile erit successionem Episcoporum Cridiensium intueri. Illos sic enumerat Malmsburiensis (lib. 2. de gest. Pontif.) Edulfus, Edelgar, Elfwold, Sideman, Elfric, Elfwold. Eundem ordinem servat Florentius, qui annos plurimorum insuper exhibuit. Ethelgarus sc. obiit anno 953. Episcopatus sui 21. Alfwoldus successit anno 953. (anno 952. juxta Florilegum; qui tamen sibi malè constans ejusdem introitum totidem verbis refert in anno 976.) fedit annos 19. obiit anno 972. Sidemannum Edgarus Rex anno 968. Cœnobio Exoniensi Abbatem præfecit; anno 972. Alfwoldo successorem dedit. Obiit is anno 977. Addit Codex MS. Florentii Abbendonix sepultum esse. Sidemanni obitum confirmant Acta Synodi Kyrtlingtoniensis (Concil. Angl. Tom. 1. p. 493.) anno 977. habitæ. In ipsâ enim Synodo obiisse ibidem dicitur. Successit itaque Elfricus anno circiter 977. & circa annum 981. defunctus est. De isto Episcopo dictum puto, quod habet Historia Glastoniensis (Monastic. Angl. Tom. 1. p. 9.) *Elfricus Episcopus, Monachus & Abbas Glastoniae, obiit anno 988.* Annus quidem minùs convenit; neque tamen minùs verisimilis est conjectura. Authori enim istius Historiæ Chronologia infœlicissime solet succedere.

Rejectâ Malmsburiensis sententiâ, certiora de Elfrico Grammatico sunt investiganda. Id inprimis constat, illum Ethelwoldi Abbatis Abendonienfis & demum Episcopi Wintoniensis, discipulum fuisse. Hoc ipse pluries in



fuis scriptis testatur; & præceptoris virtutem & eruditionem deprædicat. Sic in præfatione primâ ad Grammaticam Saxoniam, *sicut didicimus in Schola venerabilis Præsulis Athelwoldi, qui multos ad bonum imbuit.* Et in præfatione secundâ dicit Dunstanum Archiepiscopum & Ethelwoldum Episcopum literas jamdiu apud Anglos sepultas in Monasteriis resuscitasse. Sanè præclarum Ethelwoldi in hac re studium alius ipsius discipulus Wolstanus nobis in Vitâ ejus (cap. 31.) testatum dedit. *Dulce namque erat ei (inquit) adolescentes & juvenes semper docere, & Latinos libros Anglicè eis solvere, & regulas Grammaticæ artis ac metricæ rationis tradere, & jocundis alloquiis ad meliora hortari.*

Ethelwoldus Monachos Abendonienſes ante, Wintonienſes post Præsulatum susceptum discipulos habuit. Elfricus è Wintonienſibus fuit. Ipse enim in Epistolâ ad Kenulphum, Vitæ Ethelwoldi præfixâ, sese *Wintonienſem alumnum* appellat. Eundem Elphegus Episcopus Wintonienſis ad Monasterium Cernelienſe legavit; adeo ut Monasterium, in quo degebat, ad Episcopi Wintonienſis ditionem spectâſſe jure cenſeatur. Poterat tamen Elfricus in utrovis Monasterio Ethelwoldi regimini ſubdi; modò ætas permetteret. Ethelwoldus enim (ut Johannis Timuthenſis verbis utar, in *Historiâ Aurâ MS. lib. 21. cap. 58.*) *expulſis de veteri Monasterio Wintonienſi Clericis, induxit Monachos de Abendonia, quibus ipſe Abbas & Episcopus fuit.* Ex horum autem numero Elfricum fuiſſe ætas ejus necdum adulta non permittit. Anno enim 963. quo Ethelwoldus ab Abbatia Abendonienſi ad Episcopatum Wintonienſem translatus eſt, nondum undecimum ætatis annum ſuperarat. Quod proximè probandum eſt.

Chronologiam Saxoniam à Julio Cæsare ad annum Chriſti 1070. Abrahamus Whelocus edidit ex duplici Codice MS. altero Collegii Corporis Chriſti Cantab. vetuſtiore, altero Cottoniano recentiore. Operis totius Auctor fruſtra quæritur. A diverſis enim ſcriptum eſt. Codex autem Cantabrigienſis notâ affixâ præfert Chronologiam iſtam ſcriptam eſſe ab Elfrico anno ætatis ſuæ 23. Quod de parte ejus poſteriore nequaquam intelligendum eſſe ſatis conſtat. Pars itaque prior Elfricum Authorem habet: quæ quidem res Eccleſiæ Wintonienſi tantâ præ aliis diligentiam perſequitur; ut à Monacho quodam Wintonienſi concinnata primo intuitu videatur. Deſinit iſta in anno 975. primo ſc. Edwardi Regis & Martyris anno: quod cuiſvis locum conſulenti facile patebit. Ibi enim Hiſtoricus poſt narratum Edwardi introitum, multos illi annos precatur. In proximo autem, cujus res geſtas Chronologia iſta exhibet, anno, ſc. 977. Edwardum Regem occiſum eſſe narratur. Quæ certe ab uno eodemque Authore proficiſci nequaquam potuerunt. Elfricus igitur in anno 975. Chronologiam ſuam terminavit, annos jam natus 23. adeoque anno circiter 952. natus eſt.

Idem Elfricus poſt annum 908. nondum Abbatis dignitate auctus ſcripſit ad Wulfinum Episcopum Schiburnenſem Epistolam celeberrimam, quæ ſæpius prodiit, & Canones Eccleſiaſticos, qui habentur apud Spelmanum, Concil. Angl. Tom. 1. p. 572. Spelmanus quidem (in Notis ad hos Canones, p. 583.) contendit Elfricum tunc Episcopum fuiſſe, ducto exinde argumento, quod Wulfino ſeſe parem innuat, Canones ſuos ſic exorſus: *Elfricus humilis frater venerabili Episcopo Wulfino.* Porro duos tantum hoc ſæculo Wulfinos Episcopos fuiſſe, unum Scirburnenſem ab anno 940. ad 958. alterum Dorceſtrenſem ab anno 1053 ad 1067. nullum autem utriſvis Elfricum Episcopum contemporaneum reperiri. Unici Alfrici Puttæ Archiepiscopi Eboracenſis ætatem ad rem propius accedere. Iſtum enim Sedem Eboracenſem ab anno 1003. ad 1051. tenuiſſe; adeo ut ſi Wulfinus cathedram Dorceſtrenſem paulò citius adierit, vel Alfricus Eboracenſem paulò diutiùs tenuerit; Alfricus Archiepiſcopus Wulfino Coepiſcopo Canones inſcribere commodè potuiſſet. Et in hanc ſe inclinare ſententiam.

†

Auctorem

Auctorem non fuisse illo tempore Episcopum; cum tamen aliunde constet Elfricum Canonum auctorem eundem cum Grammatico fuisse; & Grammaticus Ethelwoldi Wintoniensis (qui sedem iniit anno 963.) discipulus fuerit: nullo modo fieri posse, ut Wulfino Episcopo Scirburnensi anno 958. defuncto Canones isti inscriberentur. Huc redit Cl. Spelmanni sententia; quæ tot ferè errores habet quot argumenta. Quòd Alfricus Putta Sedem Eboracensem anno 1003. obtinuisse dicatur; Typographi erratum arbitror. Nescire enim non potuit Vir Doctissimus Alfricum anno 1023. Archiepiscopatu Eboracensi auctum esse. Neque etiam quo anno Wulfinus Episcopatum inierit, investigare refert. Canones enim hos ante annum saltem 1006. scriptos esse clarissime liquet ex Præfatione Elfrici Authoris ad Codicem MS. in quo Sermones Catholici; atque isti ipsi Canones, Saxonice habebantur. Præfationis initium Spelmannus ibidem dedit. In ea dicit Elfricus se ab Elphego Episcopo Wintoniensis ad Monasterium Cerneliense missum, librum istum è *Latino sermone in Anglicum transfuisse idioma*. Ante annum igitur 1006. quo Elphegus Wintoniensis Episcopus esse desiit: & post annum 983. quo esse cœpit. Poterat tamen Elfricus Canones Wulfino Scirburnensi Latine ante plures annos scripsisse; & postea hic loci Saxonice convertere. Quod illi non infrequens erat libros suos è Latino Saxonice, è Saxonico Latine transferre. Potuit quidem etiam Canones ante annum 1006. compositos Wulfino Dorcestrensi post annum 1053. inscribere: quod vult Spelmannus. Nimis tamen durum videtur Elfricum Canones conscripsisse in gratiam alicujus Præfulis: quem post quinquaginta plus minus annos futurum præviderat. Sin Wulfino Scirburnensi inscriptos dicamus; omnia optime convenient. Vitæ institutum & sectæ studium Wulfino & Elfrico communia fuerunt; quod amicitiam illis facile contrahere potuisset. Iste sub Ethelwoldo Wintoniæ, ille sub Dunstano Glastroniæ enutritus (teste Historiâ Glastroniensi, p. 9.) Elfricus capitali odio in Clericos Sæculares præsertim conjugatos ubivis invectus; quod & in Canonibus ad Wulfinum præ aliis argumentis persequitur. Wulfinus ejusdem sectæ studiosus, Clericis Ecclesiâ Scireburnensi ejectis confestim post acceptum Episcopatum, Monachos in Sede Episcopali instituit; authore Malmsburiensi (de gest. Pontif. lib. 2. f. 141.) In Epistolâ autem Canonibus præfixâ tantum abest; ut Wulfino se parem innuat; ut contrarium potius non obscure indicet. Sic enim Wulfinum alloquitur. *Obtemperavimus jussioni tuæ libenti animo; sed non ausi fuimus aliquid scribere de Episcopali gradu; quia vestrum est scire quomodo vos oporteat.* &c. Quod verò se Fratrem indiget; non aliud innuit quàm se Monachum esse, usurpato vocabulo apud Monachos etiam antiquiores frequentissimo. Elfrico autem præ aliis in omnibus suis scriptis solenne est nomini proprio nomen ordinis seu dignitatis apponere. Sic enim cunctæ fere illius lucubrationes exordiuntur *Elfric munuc* vel *Elfric abboð*, vel *Elfric byscop*. Denique Wulfinus iste Elfrico contemporaneus fuit. Anno enim 958. (quod vult Spelmannus) adeò non defunctus est; ut Episcopatum nondum obtinuerit. Namque anno 962. Wulfinus Abbas Westmonasterii à Dunstano Episcopo Londoniensi institutus est; ex fide Radulphi de Diceto (Abbrev. Chron. p. 456. & Hist. de præful. Angl. cap. 3.) Hunc postea fuisse Episcopum Schireburnensem constat ex Wilhelmo Malmsburiensi (de gest. Pontif. lib. 2. f. 141.) qui in Wulfini Scireburnensis rebus gestis narandis eadem, quæ Radulphus, de Abbatiâ Westmonasteriensi illi à Dunstano, cum esset Episcopus Londoniæ, commissâ refert; anno duntaxat prætermisso. Sane Radulphum in anno hallucinatum esse libenter crederem. Dunstanum enim à Sede Londoniensi ad Cantuariensem sub exitum anni 959. translatum esse in superiori Dissertatione probavimus. Factus est idem Episcopus Londoniensis anno præcedente, ex Florentii fide: ita ut anno 959.



vel 958. Wulfinus Abbas Westmonasterio præpositus fuerit. Et anno quidem 958. præpositum fuisse Florilegus disertè affirmat & Johannes Flete in Historia Westmonasteriensi. De Wulfini obitu disquirendum restat. Ante annum 978. is contigit, si Florentio simul & Malmsburiensi fides. Isto enim anno Alfwoldus ex illius sententiâ decessit; qui Wulfino in Sede Scireburnensi juxta Malmsburiensem aliosque successit. Wulfinum quendam Episcopum Wiltoniensem Evidentiæ Ecclesiæ Christi Cant. (col. 2223.) memorant subscripsisse donationi Etherici & Leofwennæ unâ cum Elfego Episcopo Wintoniensi. Factum id igitur post annum 984. quo Elfegus Episcopatum iniit. Pronum tamen est arbitrari Wulfini pro Wulgari nomine malè irrepsisse. Wulgarum enim post annum 981. Sedem Wiltoniensem tulisse supra probavimus. Utcunque autem conjectura se habeat: Evidentiæ istarum authoritati quàm minimum deferendum censeo. Nescio an Florentii authoritatem superet Charta Ethelredi Regis data Wlffino Episcopo Scireburnensi & Cœnobio suo anno 998. quæ in Bibliothecâ Cottonianâ manu valde vetustâ & semisaxonicâ reperitur, quæque exinde descripta in hoc Volumine paulò inferius locum habet. In tantâ testium discordiâ quid potissimum statuendum esset mihi prorsus incerto fœliciter ad manus devenit Johannis Flete Historia Westmonasteriensi MS. Iste ex Sulcardo Monacho Westmonasteriensi, qui 50. circiter post Wulfinum annis floruit, refert cap. 17. Wulfinum Episcopum Schireburnensem ab Ethelredo Rege paulò post annum 980. factum esse, & anno circiter 998. obiisse. In eam igitur adducor sententiam Alfwoldum illum à Florentio memoratum ante Wulfinum sedi Scirburnensi præfuisse; lapsumque esse Malmsburiensem atque illius sequaces in Catalogo Episcoporum Scireburnensium texendo. Eo quo Wulfinum Malmsburiensis loco Alffium reponit Florentius, Ulffium Florilegus, qui eundem Elfredo anno 940. successisse ponit. Noster autem Wulfinus inferius quarendus est, illo circiter loco, quem Ethelricus & Ethelsius in vulgatis Præfatum Scireburnensium Catalogis obtinent. Johanni Flete fidem asstruunt Chartæ perantiquæ Saxonice in Historicâ Cœnobii Abendonensis MS. in Bibliothecâ Cottonianâ *Claudius B. 6.* Quarum plurimis Wlffinus isto circiter tempore subscripsit. Verbi gratiâ Chartæ datæ anno 995. subscribunt Ælfricus Wiltoniensis Episcopus & Wlffige Scireburnensis fol. 96. Chartæ anno 995. Indictione 8. datæ Ælfricus electus Cant. Archiepiscopus & Wlffige Scireburnensis Episcopus fol. 95. Chartæ anno 996. Indictione 9. Ælfricus Cant. Archiepiscopus, & Wlffige Scireburnensis Episcopus, f. 99. Multæ quinetiam post annum 998. Chartæ editæ inibi singulis fere annis reperiuntur; in nullis autem harum Wlffini nomen compareret.

Post annum 987. Elfricus missus est ab Episcopo Wintoniensi Elfego ad Monasterium Cerneliense in agro Dorsetensi; ut disciplinam Monasticam inibi institueret, rogatu Æthelmari Comitis, qui Monasterium recens fundaverat. Ista scribit Elfricus in Præfatione ad Sermones Catholicos & Canones supra memoratâ. Charta autem foundationis dicti Monasterii extat (in Monastico Angl. Tom. 1. p. 254.) data anno 987. In hoc Monasterio degens, plurimos Sermones, quos Catholicos vocat, è Latina in Saxonice linguam transtulit: quod ipse loco citato prodit. Post annum itaque 987. Grammaticam suam concinnavit. In secunda enim Grammaticæ Præfatione dicit se *oðoginta libros Sermonum* vulgari sermone reddidisse. Et totidem quidem, neque plures, annumeratis etiam Codicis Cerneliensis Sermonibus ab illo versos hodie habemus. Simplex autem Monachus adhuc fuit; utpote qui in Præfatione dicti Codicis se *Monachum & Missalem Presbyterum* duntaxat indigitat. Nec mirum videri debet simplici Monacho Monasterii recens fundati instituendi curam commissam esse: cum præter eximiam eruditionis famam Elfrici meritis accesserit, quod Ethelwoldi discipulus fuerit. Illo enim tempore nulli ferè digni habebantur,

bebantur, qui Monasteria & Ecclesias seu regerent seu instituerent; nisi qui è Dunstani, Ethelwoldi aut Oswaldi scholis prodiissent. Hinc & ad alia Monasteria Elfricum legatum esse legimus. In Codice enim MS. Versionis Saxonice Evangeliorum (in Collegio Corporis Christi Cantab.) sub fine Evangelii S. Matthæi, ista reperiuntur caractere Saxonico scripta: *Ego Elfricus scripsi hunc librum in Monasterio Bathonio* (missus puto ab Elphego Episcopo, qui primus fuerat ipse Abbas Bathoniæ) & *dedit Brithwoldo præpositio*: teste Marechalco in Observat. ad Versionem Anglo-Saxon. p. 49c.

Post annum 1002. Elfricus scripsit Epistolam insignem (quæ extat) de Sacramento Altaris ad Wolstanum Archiepiscopum Eboracensem. Duo fuerunt isto sæculo Wolstani Archiepiscopi Eboracenses. Alter obiit anno 956. die 7. Cal. Januar. juxta Florentium & Chronicon Mailrosense. Alter Aldulfo successit anno 1002. juxta Florentium & Westmonasteriensem: obiit anno 1023. 5. Cal. Junii feriâ tertiâ, juxta Florentium & Thomam Stubbs. Abbatem fuisse, quando Epistolam scripsit, ipse assumpto in fronte Epistolæ Abbatis titulo demonstrant. Wolstano igitur seniori Epistola inscribi non potuit; cum Elfricus anno 987. triginta plusquam post illius obitum annis, nondum Abbatis dignitate cohonestaretur. Sunt tamen, qui Wolstano seniori scriptam volunt; quibus opposuisse saterit Elfricum fuisse Ethelwoldi discipulum; ipsum autem Ethelwoldum non longè ante Wolstani obitum Abbatem factum discipulos sibi adscivisse: ne dicam iterum Elfricum post annum 787. simplicem Monachum fuisse; & si de ætate ejus rectè conjecerimus, in cunis adhuc, quando Wolstanus obiit, vagiisse.

Anno 1005. Elfricus, Abbas jam factus, Vitam Ethelwoldi præceptoris conscripsit; & Kenulfo Episcopo Wintoniensi scriptam nuncupavit. Kenulfus enim successit Elphego; quem anno 1005. ad Sedem Cantuariensem translatus in superiori Dissertatione ostendimus; & ante mensem Julium anni sequentis obiit, teste Florentio Wigorniensis. Anno autem 1005. potius quam 1006. Ethelwoldi Vitam scriptam statui; ut veritati magis accedat calculus Elfrici, qui in Præfatione dicit annos viginti ab Ethelwoldi obitu transactos fuisse. Obit Ethelwoldus medio anno 984. Sin aliis annus 1006. magis placeat; non refragabor. Cujusnam Monasterii Abbas fuerit Elfricus, minus constat. Wintoniensis tamen fuisse videtur; tum quòd Opus Kenulpho Episcopo Wintoniensi inscripserit; tum quòd Monachus Wintoniensis antea fuerit; quod supra ostendimus. In Epistola etiam nuncupatoria cum & Abbatem & Wintoniensem alumnum se vocans, institutionis locum doceat, Abbatæ sedem taceat; unum eundemque & Abbati & Monacho fuisse locum subindicat. Rem extra dubium ponent Florentius Wigorniensis, Radulfus de Diceto, & Thomas Stubbs: qui Alfricum Puttam Archiepiscopum Eboracensem, prius Wintoniensem Præpositum fuisse produnt. Nostrium autem Elfricum fuisse illum Archiepiscopum Eboracensem unico eodemque certissimo argumento ostendimus.

Elfricum demum Episcopali dignitate auctum esse constat ex Epistola ejus MS. in Collegio Corporis Christi Cantab. quæ inscribitur: *Elfrici Episcopi ad jam nunc ordinatos*. Archiepiscopum apud Anglos fuisse patet ex vetusto Carmine Glossario ejus præmisso:

*Præsulis hic redolent Elfrici lypsana summi:  
Qui rector patria perstitit Angligena.  
Inter Pontifices rutilans seu mystica lampas:  
Defensor regni, necne salus populi.*

Denique



Denique Archiepiscopum Eboracensem fuisse liquet ex Epistolâ antiquâ, quæ in vetusto Codice Elfrici Glossario subiciebatur, & unâ cum Glossario à Somnero evulgata est. Inibi Religiosus vir quidam Elfricum orans, ut illi Regium favorem in negotio quodam tenui conciliaret, eum his verbis compellat: *Ita tu Sacerdos egregie Ælfrice, nostri Regis C. obtutibus semper assistis; & secreta ejusdem consilia à te non sunt abscondita; sed per tua industriam sapientie discernendo rimantur. Apud eundem vero multorum subvenis divitum & inopum miseriis. Unde totis imploro nisibus tua serenitatem benevolentia, &c.* Rex autem C. isto sæculo alius non fuit præter Canutum; & Canuti Regis tempore Elfricus Archiepiscopus alius non fuit præter Eboracensem.

Rei non leve pondus accedit ex cognomento Elfrici Archiepiscopi Eboracensis: qui ab aliis *Putta*, à Florentio Wigornienfi *Puttoc* appellatur. Vocem corruptam esse jamdiu suspicabar; & pro Saxonica literâ p literam p. malè esse repositam; quod ob literarum similitudinem perfacile fuit. Tandem subsidium foelicissimè tulit Codex MS. vetustus Florentii Lambethanus; qui pro *Puttoc* legit *puttunc*. Ista autem vox à voce Saxonica *putt*, quæ *ingenium* seu *doctrinam* significat, derivatur. Unde & *puttig* & *puttol*, *Doctus* seu *Sapiens*. Aded ut *Elfricus puttunc* nil aliud sit quàm *Elfricus Doctus* seu *Elfricus Sapiens*. Quod quidem cognomen jure illi datum fuit; quum ipse solus plus omnibus simul suæ ætatis Anglis in rem literariam contulerit.

Alfricus itaque Wolstano juniore in Archiepiscopatu Eboracensi successit. Wolstanus obiit anno 1023. die 5. Calend. Junii feriâ 3. ex fide Florentii Wigornienfis & Thomæ Stubbs. Ipse verò Elfricus obiit apud Suthwellam anno 1051. & apud Medeshamstede seu Monasterium Petroburgense sepultus est. Id iidem Authores & Radulphus de Diceto produnt: diem obitus prætermittunt. Carmen quidem supra memoratum Glossario præfixum die 16. Calend. Decembr. illum obiisse præfert. Istum autem diem obitualem ad Elfricum Cantuariensem Archiepiscopum certius spectare antea adnotavimus. Præstat, ut Elfrici Eboracensis obitum inter Monachos Petroburgenses quæramus. Siquidem is apud eos sepultus fuerit; diem ejus obitualem, quem Anniversarium vocant, illi quotannis celebrarunt. Habetur itaque MS. in Bibliothecâ Lambethanâ Consuetudinarium Monasterii Petroburgensis; cui præmittitur Calendarium. Calendario in totidem columnis seorsim positis interseruntur dies Anniversarii cujusvis mensis in illo Cœnobio celebrandi. Et in his obitus Elfrici hisce verbis notatur. *Die IX. Calend. Februarii. Depositio Dompni Elfrici Archiepiscopi.* Sic etiam Obituarium Cœnobii Ramesiensis (cujus Excerpta extant in Monastico Angl. Tom. I. p. 239.) *Nono Calend. Februarii, obiit Ailfricus Archiepiscopus.*

†

## Historia Decanorum & Priorum Ecclesiæ Christi CANTUARIENSIS.

Decani Ecclesiæ Christi Cant. ante Normannorum tempora.

**C***Eolnothus*, ad thronum Archiepiscopalem promotus an. DCCCXXX. Decanum antea fuisse Gervasius cum aliis fidem facit. *Aegelwinus* obiit VI. Cal. Augusti juxta Obituarium Cant. MS. Floruit autem tempore Ceolnothi Archiepiscopi ex fide vetusti monumenti à Somnero citati in Antiquitatibus Cant. linguâ vernaculâ scriptis, p. 275.

*Egelnothus*, ad Archiepiscopatum evectus anno MXX. Decanus antea fuerat, teste Gervasio atque aliis.

*Godricus* obiit VIII. Id. Julii, referente Obituario Cant. Elphegi is discipulus fuit; cujus Translationi à Londoniâ ad Cantuariam anno MXXIII. factæ interfuit. Decanus postea factus, rem gestam Osberno narravit: teste Osberno in Hist. de Translatione Elphegi p. 145.

*Henricus*, Decanorum ultimus; qui jubente Lanfranco, Ecclesiam Christi Cant. jam reformante, Decani titulum in Prioris nomen commutavit. Priorem demum fuisse infra docebimus. Decanum verò antea fuisse constat ex Anonymo Authore Vitæ Lanfranci operibus ejus in editione Dache-rianâ præfixæ, cap. 7. quæ eundem in Cœnobio Beccensi institutum fuisse prodit.

*Alfricus* obiit V. Idus Julii.

*Kynsinus* obiit IX. Cal. Decembris.

*Mauricius* obiit II. Non. Decembr.

*Alsinus* obiit II. Id. Decembr. Horum ætas atque ordo me penitus fugit. Nomina & obitus suppeditavit Obituarium Cantuariense MS. Plures adhuc Decani Ecclesiæ Cant. præfuisse videntur; quorum nec nomina supersunt. Quòd si singulos enim hosce Decanos post Ceolnothi tempora reponamus; vix tamen octo Decani annos circiter CCL. exhaurient. Constat enim Decanos Ecclesiæ præfecturam tenuisse usque restorationem ejus à Lanfranco post annum MLXXIV. factam. Nisi quis forsitan tempus excipiat intermedium institutioni Monachorum anno MIII. & devastationi Ecclesiæ anno MXII. Monachos enim Ecclesiæ Cantuariensi, ejectis Canonicis Sæcularibus, Elfricus Archiepiscopus primus induxit anno circiter MIII. impetrato eâ de re Diplomate Ethelredi Regis, quod extat apud Spelmannum, Concil. Angl. Tom. 1. p. 504. Clericis ejectis Decani titulum atque potestatem remansisse vix credibile videtur; tum quòd Diploma Regium Ecclesiam Monachis omnino subiciat; cum quòd Elfricus discipulus fuerit Ethelwoldi, qui in omnibus à se instauratis Cœnobiis seu Abbates seu Priores constituit. Anno MXII. spoliata à Danis Ecclesiâ Monachisque omnibus, si quatuor demas, interemptis, Clerici Ecclesiam subierunt, & antiquis legibus sub Decani regimine usque ad Lanfranci tempora tenuerunt. Id, ut alios taceam, confirmat Gervasius in Actis Pontif. Cant. p. 1650. qui refert Canonicos Cathedrales, regulæ Monasticæ impatientes, Ecclesiam post Elphegi martyrium insedissee. Hi *Præpositum suum Decanum vocabant, quem nos post ad ventum Lanfranci Priorem appellamus*. Monachi tamen nonnulli, quamvis minore numero & nullâ planè autoritate freti, Clericis permixti degebant; si Eadmero fides (in Epistola ad Glastonienfes de Reliquiis S. Dunstani) quod aliunde etiam comprobari posset,



posset. Demum anno MLXXIV. (juxta Gervasium in initio Chronici) conflagrante Ecclesiâ Cantuariensi, Canonici sedibus destituti sunt. Ecclesiam Lanfrancus Archiepiscopus summâ industriâ magnificentius restituit; & restitutam Monachis CL. replevit, ac Prioris regimini subjecit. Ista Gervasius in Vitâ Lanfranci refert. Paria ferè Eadmerus in Hist. Nov. lib. 1. scribit. Quod Clerici pristinas domos post restauratam Ecclesiam non obtinuerint; tum Lanfranci potentia & Monasticæ religionis zelus effecit, tum auctoritas Synodalis inhibuit. In Concilio enim Wintoniensi anno MLXXVI. habito decretum fuerat inter alia, *Ut nullus Canonicus uxorem habeat.* Canonici autem Cathedrales ferè omnes eo tempore uxorati fuerunt. Vi hujusce Canonis plurimis in Ecclesiis Canonici religionem Monasticam admittere compulsi sunt; & si qui Præbendas uxoribus cariores habuerint, cucullum induere inducti. Sic in Ecclesia Roffensi post pauculos annos Gundulpho Episcopo, *consilio, auxilio, assensu & ordinatione Lanfranci* vitam Monasticam instituyente; *Clerici consenserunt & habitum religionis devotè susceperunt*: pro-ut legitur in Chartâ eâ de re factâ apud Monasticon Angl. Tom. III. p. 1.

### Priores Ecclesiæ Christi Cantuariensis.

**H**ENRICUS, Prior à Lanfranco Archiepiscopo post restauratam Ecclesiam institutus, præfecturam tenuit usque ad Anselmi tempora, à quo successor illi datus est, teste Eadmero Hist. Nov. lib. 5. p. 108. Abbatem prius Cadomensem fuisse vult Somnerus. Errore manifesto. Nil magis enim Cœnobio Cadomensi Henricus commune habuit, quàm quod discipulus fuerit Lanfranci Prioris Beccensis, qui postea factus est Abbas Cadomensis. Nullum autem in Catalogo Abbatum Cadomensium, quem Dacherius exhibuit (Not. ad Vitam Lanfranci p. 31.) locum tenet. In illo enim Lanfranco successit Gulielmus, Gulielmo Gislebertus, huic Robertus, qui obiit anno MCVII. quo sc. Ernulfus Prior Henrici successor magistratu cessit. Addit Somnerus ex Raynerio Henricum Abbatem Belli circa annum MCIV. factum esse. Ex cujus fide id retulerit Raynerius, mihi incompertum est. Res tamen veri non est absimilis. Henricus enim in Obituario Cantuariensi locum non habet; quod quidem, si in Prioratu decesserit, vix fieri potuisse credendum est.

*Ernulfus*, Henrico Priori subrogatus ab Anselmo juxta Eadmerum (loc. cit.) ab eodem ad Abbatiam Burgi promotus anno MCVII. juxta Wigorniensem. Suffragatur Catalogus MS. Abbatum Burgenfium (in Bibliothecâ Cottonianâ, *Faustina*, B. 3.) qui Ernulfum Abbatem septem annis præsedisse perhibet. Anno autem MCXIV. Ernulfus Episcopatu Roffensi à Radulpho Archiepiscopo donatus est IV. Cal. Octobr. ex Eadmeri fide p. 111. Refert idem p. 96. Ernulpho ad Abbatiam Burgi translato nullum in Prioratu successisse usque ad inthronizationem Radulphi Episcopi Roffensis, quæ contigit anno MCVIII. prid. Cal. Julii, Antonio interim Subpriore res Ecclesiæ curante.

*Conradus*, Prior ab Anselmo creatus, referente Eadmero (p. 108.) adeoque inter prid. Cal. Julii MCVIII. quo vacasse Prioratum supra dixit, & XI. Calend. Maii MCIX. quo Anselmus obiit. Interfuit ille consecrationi Thomæ Eboracensis Archiepiscopi anno MCIX. V. Cal. Julii; & instrumentum de professione obedientiæ Sedi Cant. factâ in manus sibi consignatum reportavit. Postea Abbas S. Benedicti de Hulmo in agro Norfolciensi constitutus est. Quo anno, non liquet. Beneficia Ecclesiæ Cant. præstita Obituarium Cantuariense sic recenset.

Hic electione beati patris Anselmi per consensum totius Conventus Domino Ernulfo Priore ad Abbatiam de Burgh translato in Prioratu successit. Vir tam divinarum quam secularium literarum peritiâ sublimiter institutus, & monastici ordinis executione, magno tamen amore assiduus; qui curam tam exteriorem quam interiorem sibi commissam quam prudenter administraverit, ipsa sua operatione cunctis manifestari poterit. Cancellum quippe Ecclesie, quem venerabilis Ernulphus antecessor ejus imperfectum reliquerat, ipse sua industriâ magnifice consummavit, consummatumque egregia pictura decoravit, decoratum vero preciosis ornamentis locupletavit. Inter alia siquidem ista Ecclesie suæ dedit, schillas duo ex melioribus, tæpetum peroptimum, Pallia quatuor ex majoribus & melioribus totius Ecclesie, Pallium quoque unum bonum de mediocribus tamen; Candelabrum miræ magnitudinis de aurichalco fabricatum, habens tres hinc & tres inde ramos ex medio proprio prodeuntes stipite, unde septem recipit cereos; quinque sigda permaxima, quorum primum X. similiter secundum X. tertium XI. quartum VIII. quintum verò XXIV. homines ad sonandum trahunt. Veruntamen quintum signum venerabilis Prior Ernulfus primitus fecerat, sed postmodum fractum magnus Conradus refundendo magno sumptu expenso renovari fecit. In his autem ferè omnibus multum fretus est auxilio strenuissimorum Secretariorum Adewyni videlicet & postea Edmundi. Post excessum autem beati patris Anselmi Thomas Eboracensis Archiepiscopus Conrado agente cum Episcopis Angliæ professionem fecit; quam se patri Anselmo non fecisse doluerat. Postremum verò licet inter magnas adversitates quorundam malevolentia exortas, cappam pretiosissimam undique exterius auro purissimo intextam, inferius & per circuitum CXL. nolas argenteas sed deauratas habentem, nonnullis lapidibus pretiosissimis interpositis, fieri fecit; pro cujus expensione centum libras distribuit. Hic autem postea factus est Abbas Monasterii S. Benedicti de Holm, ibique XII. Kalendas Martii quievit in pace.

*Gosfridus*, [rectius *Gaufridus* ex fide Codicis vetusti MS. Florentii] De eo nil aliud occurrit præter quod habet Continuator Florentii Wigorniensis ad annum MCXXVIII. *Vir, inquit, religionis eximia Cantuarie Prior Gosfridus nomine, Rege Scotorum David petente & Archiepiscopo Gulielmo annuente, Abbas eligitur ad locum in Scotiâ qui Danfermelin dicitur. Ordinatus est autem à Roberto Episcopo Ecclesie S. Andreae.* De exitu igitur constat. Initia magistratus Gosfridi incomperta sunt. Videtur tamen Conrado post annum MCXXII. successisse. Eadmerus enim *Historiâ Novorum* eousque perductâ, de Conradi translatione silet.

*Elmerus* successit, atque obiit anno MCXXXVII. teste Gervasio (in Chronico, p. 1343.) die V. Idus Maii juxta Obituarium Cant. Lapsus igitur Balæus (de Scriptor. Cent. 2. cap. 72.) qui illum annis XVIII. Prioratum obtinuisse scribit.

*Jeremias* Elmero successit anno MCXXXVII. à Theobaldo Archiepiscopo Cant. depositus circa annum MCXLIII. restitutus ab Innocentio II. Papâ (qui obiit anno MCXLIII.) sed ab Archiepiscopo statim resignare coactus. Ista refert Gervasius, p. 1343. 1312, 1359.

*Walterus Durdens*, Jeremiæ deposito Theobaldi autoritate suffectus, eadem à Papâ restituto locum dedit, Dovoriam interim secedens. Jeremia autem paulò post fasces abrenunciante, Prioratum iterum obtinuit. Anno demum MCXLIX. Episcopus Coventriensis electus est. Ista Gervasius p. 1359. 1367. obiit VII. Idus Decembr. ex fide Obituarii Cantuariensis.

*Walterus Parvus*, Theobaldi Archiepiscopi Capellanus, Durdenti ab eo substitutus est; ab eodem depositus anno MCLIII. Ita Gervasius p. 1367. 1313. 1369. Dies obitus incertus est. Duo enim Walteri Priores, præter



Durdentem, in Obituario Cantuariensi reponuntur; alter VII. Id. Januar. alter VIII. Id. Februar. defunctus. Tertiū Walteri mentio alibi apud Somnerum non occurrit: illum tamen suo loco infra reposuimus, quamvis dies utriusvis obituales fecernere nequeamus.

*Wibertus*, antea Subprior, Prioratum Theobaldi dono post deturbatum Walterum accepit. Obiit anno MCLXVII. V. Cal. Octobr. Ista Gervasius habet p. 1369. 1403. Annum obitus confirmat Chronicon Ecclesie Christi Cant. MS. diem Obituarium Cant. quod de Wiberto ista exhibet: 'Hic inter multa bona opera, quæ fecit, isti Ecclesie contulit ornamenta; Sil-  
' lam unam, manellum unum. Signum quoque magnum in clorario po-  
' suit, quod triginta duo homines ad sonandum trahunt. Duo magna tapeta,  
' &c. Silvam magnam de Chatham XL. acras habentem, quam rustici longo  
' tempore tenuerunt, diratiocinavit & Ecclesie restituit. LXXI. solidatas  
' redditus Ecclesie adquisivit; quos in die Anniversarii sic instituit expendi.  
' Quadraginta solidos in Refectorio ad refectiōem Fratrum, Viginti solidos  
' verò ad usum Pauperum; de reliquo autem eleemosynam emendari præce-  
' pit. Aquæductum cum stagnis & lavatoriis & piscinis suis; quam aquam  
' ferè milliario ab urbe intra Curiam & sic per omnes ipsius Curie officinas  
' mirabiliter transduxit, &c.

*Odo*, in electione Richardi Archiepiscopi anno MCLXXIII. primas partes tulit. Abbas demum Monasterii de Bello anno MCLXXV. factus est; authore Gervasio, p. 1422. 1432. obiit XIII. Cal. Februar. juxta Obituarium Cant. Registrum quidem MS. Ecclesie Christi Cant. Bullam Alexandri III. Benedicto Priori inscriptam præfert anno MCLXXVII. Indictione X. die XII. Cal. Decembr. Annum autem ab aliena manu additum constar, nondum enim Pontifices annum Domini scriptis suis adhibuerunt; & falsò additum liquet ex Indictionis numero; qui anno MCLXXVI. potius convenit.

*Benedictus*, Richardi Archiepiscopi Cancellarius, Odonem excepit anno MCLXXV. Abbas Monasterii de Burgo factus ante Ascensionem Domini anno MCLXXVII. Ista Gervasius p. 1432. 1436. Obiit III. Cal. Octobr. ex fide Obituarii Cant.

*Herlewinus*, Richardi Archiepiscopi Capellanus, Benedicto subrogatus est anno MCLXXVII. Demum anno MCLXXIX. cæcutientibus oculis officio exequendo minùs idoneus factus, Prioratum resignavit die VIII. Id. Augusti. Sic Gervasius, p. 1436. 1456. Obiit VII. Id. Maii, prout habet Obituarium Cant.

*Alanus*, loco Herlewini à Ricardo Archiepiscopo eodem die promotus est; anno MCLXXXVI. Abbas Theokesbirie electus, & die XVII. Cal. Julii ejusdem anni benedictus: juxta Gervasium, p. 1456. 1480. Obitum die II. Non. Maii refert Obituarium Cant.

*Honorius*, quondam Baldwini Archiepiscopi Capellanus, tunc verò Cœnobii Celerarius, successor à Baldwino anno MCLXXXVI. XVII. Cal. Julii datus est. Peste extinctus Romæ obiit anno MCLXXXVIII. die XII. Cal. Novembr. Ista Gervasius, p. 1480. 1533. Merita illius Obituarium Cant. sic deprædicat. 'XII. Cal. Novembr. obiit venerandæ memoriæ venerabilis  
' Prior Honorius, honos & exemplum tam præcedentium quàm futurorum Pri-  
' orum. Hic spretis parentibus, Prioratu & patria, pro tuendâ libertate Ec-  
' clesie adiit Sedem Apostolicam. Ibi in prosecutione appellationis, quam  
' in Ecclesia istâ fecerat, penè per biennium commoratus est. Quem cum  
' nec laboris immensitas, nec tribulationis acerbitas aliquando possent evincere,  
' vel animum ejus ab amore & fide Conventus sui revocare; tandem in ur-  
' be Romanâ corrupti aeris correptus pestilentia, unâ cum quinque fratribus,  
' qui se similiter pro Ecclesia suâ periculo proposuerunt, debitum solvens  
† mortalium,

‘mortalium, in Ecclesiâ Lateranensi diem clausit extremum; ibidem honorificè sepultus est in ostio Capituli. Et fiet servitium pro eo per omnia, sicut pro Wyberto Priore.

*Rogerus Norreis*, Prior à Baldwino Archiepiscopo anno MCLXXXIX. II. Non. Octobr. invito Conventu factus; anno MCXC. Abbas Eveshamensis ab eodem creatus. Sic Gervasius, p. 1551. 1564. qui quidem Abbatem Eveshamensem anno MCXCI. Rogerum à Baldwino benedictum fuisse refert; quamvis Balwinum sub exitu anni MCXC. obiisse constet. Vide quæ supra annotavimus de Gervasii erroribus Chronologicis in his circiter annis in Dissertatione de verâ successione Archiep. Cant.

De Rogero ista habet Giraldus Cambrensis in Speculo Ecclesiæ MS. Dist. 2. cap. 23. ‘Sicut autem S. Augustini Cœnobium à Cant. Metropolis subjectione se per superbiam ex opulentiâ natam nostris diebus exemit; sic per Monachum quendam de supercilioso similiter & opulento S. Trinitatis Cantuariæ Cœnobio apud Evesham translatus, ibique in Abbatem promotum, Monasterium loci ejusdem à potestate Wigorniensis Ecclesiæ modernis similiter temporibus exemptum fuit. De divitiis enim ad divitias assumptus, & desidiosè pariter ac deliciosè nutritus, à divitum vitiis, & individuis lere comitibus superbiam sc. & luxuriâ non fuit exutus. Per superbiam enim matrem suam filia deferuit; & se ab ejusdem eximere gremio, debitæque subjectionis absolvere vinculo & emancipare curavit. Ingruente verò lasciviæ vitio & nimis enormiter invalescente, & vicos & villas Monasteriique maneria cuncta, tanquam equus emissarius ad omne jumentum hinniens, adeò in omnem libidinosa voluptatis illecebram, sensuales motus in nullo refrænans, perniciosas laxavit habenas; ut duodevigesimalium aut ampliore, juxta vicinam & veridicam assertionem, prolis suæ sexûs utriusque numerum cum scandalo gravi, nec Deum quippe nec hominem verens aut verecundiam habens, plectiliter adimpleverit. Veruntamen quoniam sicut nullum bonum irremuneratum, ita nullum malum in terris impunitum; processu temporis Nicolaus Tusculanensis Episcopus & S. R. E. Cardinalis vice Legationis in Anglia fungens, his auditis & propensius animadversis, belluam hanc ejecit; & à dignitate male quæsitâ, quia minùs canonicè per superiores atque potentes adepta, & longe pejus administrata cum dedecore, ut decuit, debitæque confusione deposuit. Depositus est Rogerus anno MCCXIII. die festo S. Edmundi, authore Matthæo Westmonasteriensi.

*Osbernus de Bisto*, à Baldwino Archiepiscopo promotus mense intermedio inter Octavas Epiphaniæ & diem XIX. Februarii anno MCXC. ineunte. Post Baldwini obitum depositus à Monachis suis anno MCXCI. VI. Idus Maii. Ista ex Gervasio constant, p. 1564. 1570.

*Galfridus*, Supprior Ecclesiæ Christi Cant. in Osbernii locum à Monachis eodem die successus est; tradente Gervasio p. 1570. Anno MCXCIII. Hubertum Archiepiscopum elegit. Anno MCXCIX. Ecclesiæ suæ causam adversus Hubertum Archiepiscopum in Curia Romana procuravit: ejusdemque decisionis anno MCCII. factæ superfuit; quod ex Epistolis MSS. de causâ Collegii Hakintonensis liquet. Ex Somneri calculo Prioratum ad annum usque MCCVI. obtinuit. Certe anno MCCV. in vivis erat; quo Huberti Archiepiscopi compositionem cum Monachis S. Augustini factam confirmavit; teste Wilhelmo Thorn p. 1863.

*Johannes Sittingborn*, à Somnero anno MCCVI. successisse dicitur, & tempore litis gravissimæ inter Johannem Regem & conventum Cantuariensem de electione Archiepiscopi Ecclesiæ præsedisse. Fervebat illa contentio ab anno MCCV. ad annum MCCXIV. Viderat forsan Somnerus, in Archivis Ecclesiæ Christi Cant. versatissimus, monumenta quædam, è quibus ista eliceret. Vulgati quidem Historici litem narrantes, Prioris nomen tacent.



Anno MCCXXXII. Johannes quidam Prior à Monachis electus in Archiepiscopum & à Rege confirmatus, electioni abrenunciare à Papa persuasus est; quod nimis esset senex & simplex, & ad tantam insufficiens dignitatem. Ista referunt Matthæus Paris & alter Westmonasteriensis. An Johannes is Electus non alius à Johanne Sittingborn fuerit, non habeo quod affirmem; affirmat tamen Somnerus; vereor ne invitâ veritate. Sanè illum in pluribus errasse constat. Ut mittam enim ordinem & Chronologiam Priorum à Conrado ad Galfridum; quem ex Gervasio Dorobornensi vir eruditus in margine libri cujusdam sui in Archivis Ecclesiæ Christi Cant. hodiernum aservati postea emendatum dedit; de plurimis ille filet Prioribus, quorum extat memoria in Obituario Cantuariensi MS. Id de Waltero tertio supra observavimus. Binos pariter Johannes, illi penitus incognitos, Obituarium recenset, sc. Johannem de Chetham, qui obiit VIII. Idus Julii; & Johannem alterum, qui obiit XV. Cal. Augusti; nisi quod horum non alius ab illo, quem Johannem Sittingborn Somnerus indigitat, fuisse rectè censerì posse videatur. Willelmum itidem Priorem, qui obiit VIII. Idus Februar. Somnero ignotum, Obituarium exhibet. De Johanne autem Sittingborn vide certiora paulò infra in Johanne II.

*Walterus III.* Præsedet Ecclesiæ Christi Cant. anno MCCXVII. quo Bullam Honorii III. Papæ ipsi directam II. Id. Decembr. Indictione VI. Registrum MS. Ecclesiæ Christi Cantuariensis exhibet. Bullæ apponitur annus MCCXVIII. Verum Indictionis numerus MCCXVII. reponendum suadet. De die obituari istius Prioris vide supra in Waltero II.

*Johannes II.* is nempe quem Archiepiscopum anno MCCXXXII. electum esse supra diximus. Atque hinc constat Johannem Sittingborn Galfridi successorem alium fuisse à Johanne Electo Archiepiscopo. Medius enim intercessit Walterus III. Johannem istum de Chetham cognomen traxisse arbitror, & VIII. Idus Julii obiisse, prout Obituarium Cant. habet.

*Rogerus de la Lee,* successit anno MCCXXXIV. obiit anno MCCXLIV. juxta Somnerum; qui Compositionem inter ipsum Rogerum & Abbatem S. Augustini anno MCCXLII. initam in Appendice suâ p. 448. evulgavit. Extat eadem apud Willelmum Thorn in Chronico suo p. 1888. Obiisse dicitur in Obituario IX. Cal. Septembr. Rogerus Prior; quem ab isto diversum non fuisse opinor.

*Nicholaus de Sandwico,* Prioratum iniit anno MCCXLIV. decessit anno MCCLVIII. ex Somneri calculo. Mihi nil aliud de eo constat præter id quod habet Obituarium Cant. illum III. Id. Februar. defunctum esse.

*Rogerus de S. Elphego,* Prioratum ab anno MCCLVIII. ad MCCLXIII. tenuit, autore Somnero. Sanè isto anno Prioratum vacasse liquet ex Charta Johannis Westgate Subprioris & Monachorum Ecclesiæ Christi Cant. Prioratu vacante datâ Bonifacio Archiepiscopo, quæ superius extat p. 58. Obiit Rogerus die III. Cal. Octobr. juxta Obituarium Cant. Annum obitus confirmat Chronicon Ecclesiæ Christi Cant. MS. cujus hæc sunt verba. 'Anno MCCLXIII. obiit Prior Ecclesiæ Christi Cant. Rogerus de S. Elphego; qui Capellam inter Dormitorium & Infirmariam honorifice perfecit. Et sequebatur in officio Prioris Adam de Chilindene Monachus ejusdem Ecclesiæ.

*Adam de Chillenden,* Willelmum male vocant Author Antiquitarum Britann. & Godvinus; hic ab illo deceptus, ille forsitan à Petro Yckham, in cujus Chronico MS. iste W. Prior appellatur. Post mortem Bonifacii electus à Monachis Archiepiscopus per viam compromissi anno MCCLXX. anno MCCLXXII. in Curia Romana resignavit Electionem de se factam in manus Domini Papæ manu propria & cum consilio suorum. Ista Chronicon Ecclesiæ Christi Cant. MS. Factum id anno MCCLXXIII. die XVI. Cal. Octobr. Petrus Yckham refert, in anno designando manifeste lapsus. Obiit anno MCCLXXIV.

ex fide dicti Chronici MS. Idibus Septembris, juxta Obituarium Cant. Falsus igitur Somnerus, qui illum anno MCCLXX. decessisse scribit.

Thomas de Ryngmere, Prior electus anno MCCLXXIV. XIII. Cal. Octobr. resignavit Prioratum anno MCCLXXXV. in Vigilia Palmarum, viz. XVI. Cal. Aprilis, habitum nigrum exuens. Induit habitum album Cisterciensis Ordinis apud Belk locum Regis in Diocesi Wintoniensi. Hæc Chronicon Ecclesie Christi Cant. MS. refert. Depositum eo die Prioratum confirmat Registrum MS. Ecclesie Cant. Obijt Thomas quidam Prior Cant. V. Idus Maii juxta Obituarium Cant. quod de isto dictum puto. Audita Thomæ cessione; sic pergit Chronicon Ecclesie Cant. *M. Henricus de Bray Regis Escheator cepit Prioratum vacantem in manus Domini Regis.* Id Ecclesie suæ privilegiis & Regni legibus adversari Monachi contendebant. Res in Parlamento proximo ventilata est; & custodiam Prioratûs vacantis ad Regem minime pertinere definitum est. Sententiam Rex datâ cartâ ratam habuit. Rei gesta & sententiæ latæ Historia reperitur in Chronico dicto; integer autem (quem vocant) Processus atque ejus instrumenta in Registro dicto MS.

Henricus de Estria, ejusdem Ecclesie Monachus Thomæ loco electus est anno MCCLXXXV. XI. Id. April. & eodem die installatus ab Archiepiscopo Cant. Johanne, juxta Chronicon Ecclesie Christi Cant. MS. Legendum arbitror XI. Cal. April. vel VI. Id. April. Henricum istum laudat Author Antiquitatum Britann. quod diu intermissam jurisdictionis Metropolitica vacante Sede Archiepiscopali executionem ad Ecclesiam suam revocarit. Suffragatur Chronicon dictum; quod ad annum MCCXCIII. hæc habet. Post mortem Johannis Archiepiscopi *Prior & Capitulum Cant. jurisdictionem Diocesani in omnibus pacifice exercebant in Diocesi Bathoniensi, Sancti David, & Sancti Asaph. Et in eisdem Diocesibus vacantibus dicti Prior & Conventus per Officiales suos visitarunt tam Capitula Cathedralia quàm Regularia, tam clerum quàm populum, tam in capite quàm in membris, sine contradictione cujuscunque.* Præfedit Ecclesie Christi Cant. annos XLVII. ex fide Obituarii Cant. Hos si cavos ponamus; obierit Henricus anno MCCCXXXI. Et sub exitum quidem istius anni Richardum Prioratum gessisse Willelmus Thorn fidei facit. Isto itaque anno Henrici obitum contigisse tantum non constat. Annos quidem duntaxat XXXVII. Somnerus regimini illius concedit, atque adeo obitum anno MCCCXXII. ponit. Verum Simonem Mephram Archiepiscopum ab Henrico Priore anno MCCCXXIX. mense Januario introizatum esse in Registro MS. Ecclesie Christi Cant. legitur. Quia & ad Walteri Archiepiscopi obitum anno MCCCXXVII. ipsius Henrici Registrum MS. (in Bibliothecâ Cotton. Galba, E. 4.) deducitur. Beneficia Ecclesie Christi Cant. ab illo collata Obituarium Cant. his verbis deprædicat: *Juvenis habitum Monasticum suscipiens, cœpit virtutum moribus florescere, & per studium Claustralis residentie fluentia Scripturarum sitibundo corde haurire. Prior autem postea factus, utilis & prudens dispositor in temporalibus efficitur. Conventum namque ære alieno ad tria millia marcarum oneratum suâ industriâ exoneravit; Chorum verò Ecclesie pulcherrimo opere lapideo subtiliter inciso decenter adornavit. Ornamentis quoque Ecclesiasticis, videlicet cappis, casulis, tunicis, dalmaticis diversi coloris, & Albis, ac annulis Pontificalibus pretiosis Ecclesiam decoravit & nobiliter ditavit. Aedes etiam novas infra Monasterium & extra sumptuosas fundavit; & plurimas dirutas reparavit. Terras insuper multas, redditus & silvas in diversis Maneriis; ac libros diversarum facultatum magni pretii, plures quam aliquis prædecessorum suorum perquisivit & Ecclesie reliquit. Qui cum XLVII. annis Prioratum laboriosè ac strenuè gubernâisset; tandem anno ætatis suæ XCII. inter Missarum celebrationem post Dominici Corporis elevationem, VI. Idus Aprilis ex hac luce substractus est, & beato fine quievit in pace.*

Ricardus



*Ricardus de Oxynden*, anno MCCCXXXI. VIII. Cal. Januar. Bullam Johannis XXII. Papæ sibi directam accepit; eamque anno MCCCXXXII. X. Cal. Martii executioni demandavit. Hæc Willelmus Thorn p. 2060. 2062. refert; neque ullam de eo antea mentionem factam apud vulgatos Historicos reperio. Certiora exhibet Registrum MS. Ecclesie Christi Cant. *Henrico, inquit, mortuo successus est Ricardus Oxynden crastinâ die post VII. Cal. Maii anno MCCCXXXI. Obiit anno MCCCXXXVIII. die IV. Augusti.* Id ex Epitaphio Sepulchrali constat. Diem obitus confirmat Obituarium Cant.

*Robertus Hathbrande*, Ricardo successit, & obiit anno MCCCLXX. XVII. Cal. Augusti, teste Obituario Cant. Error itaque in Epitaphio Sepulchrali, quod apud Somnerum extat, latere videtur. Id enim die XVII. Augusti Robertum obiisse præfert. Merita illius Obituarium Cant. sic enumerat. 'Recolendæ memoriæ Dominus Robertus Hathbrande, pridem hujus Ecclesie Prior, XVII. Cal. Augusti anno Domini MCCCLXX. diem suum clausit extremum. Qui mox post habitum susceptum, virtutibus & bonis moribus florere cœpit, & continuavit in eisdem. Prior autem effectus, modestum, benignum & affabilem cunctis se exhibuit. In divinis quoque officiis multum simplex erat & devotus. In ministerio altaris à fletibus & lacrimis perrarò se continuit. In temporalibus etiam admodum prudens extitit & circumspectus; quod ornamentis ecclesiasticis, libris, annulis, & variis jocalibus pretiosis Ecclesiam ditavit. Aulam quoque lapideam, quæ dicitur Mensa Magistri, cum septem cameris adjacentibus pro infirmis: Cameram aliam plumbo coopertam juxta *la Gloriet*: Novam coquinam Conventûs: Duas magnas campanas in clocario, viz. Jesu & Dunstan; Organa magna; Subtabulam altaris S. Thomæ: quamplures etiam domos infra Prioratum & extra de novo construi fecit & reparari. Maneria de Styfede, Bonyngton & Suthcherche, ac terras arabiles, boscos, prata, & pasturas, in aliis Maneriis Ecclesie ad numerum CCC. acrarum per suam industriam perquisivit. Mariscum de Apuldoure continentem CCCLXIII. acras, & Mariscum de Elwerton includi fecit. Et præter hæc graves & intolerabiles expensas circa Dominum Regem & Reginam & suos, ac homines ad arma multiplicatis vicibus versus partes externas suo tempore discurrentes, sustinuit & fecit. Sicque per XXXII. ferme annos Prioratum dictæ Ecclesie in temporalibus & spiritualibus exinde rexit & gubernavit; in quorum fine obdormivit in Domino.

*Ricardus Gillyngham* Robertum excepit; & anno MCCCLXXVI. decessit, juxta Somnerum. Die ultimo Augusti obitum contigisse Obituarium Cantuariense prodit.

*Stephanus Mongeham* successit anno MCCCLXXVI. obiit anno sequenti, ex Somneri calculo. Diem obitus dedit Obituarium Cant. XVIII. Cal. Julii is fuit.

*Johannes Finch*, Johannem Wynch de Wynchelse Obituarium Cant. & Registra fere omnia appellant. Prior creatus est anno MCCCLXXVII. mense Julio. Siquidem annos XIII. menses VI. & septimanas II. Prioratum gessit; atque obiit VIII. Cal. Februarii; juxta Obituarium Cant. Diem IX. Januarii Epitaphium ejus Sepulchrale apud Somnerum & Weaverum illi fatalem fuisse perhibet. Annus autem obitus MCCCXCI. ineuns reperitur; si tempora Prioratus sequentis conferantur.

*Thomas Chillinden*, promotus anno MCCCXC. exeunte, die XVI. Februarii, obiit anno MCCCCXI. die XV. Augusti circa horam nonam vespertinam. Ista prodit Registrum MS. Ecclesie Christi Cant. Tempus obitus confirmat Epitaphium Sepulchrale apud Somnerum & Weaverum; additque illum præfuisse annis XX. septimanis XXV. diebus V. Res gestas pluribus

persequitur Obituarium Cant. hisce verbis : "Obiit recolendæ memoriæ Dominus Thomas Chyllynden, quondam Prior hujus Ecclesiæ, Decretorum Doctor egregius. Qui ope & auxilio Reverendissimi in Christo Patris ac Domini Thomæ Arundell Dei gratiæ Cantuariensis Archiepiscopi, totius Angliæ Primatis & Apostolicæ Sedis Legati, navem istius Ecclesiæ, cum Capellâ B. Mariæ Virginis in eadem sitâ opereque decenti fabricatâ, totaliter renovavit. Claustrum quoque, Domum Capitularem, magnum Dormitorium cum novâ viâ versùs Ecclesiâ, & subtus domum rasturæ, de novo fieri fecit. Majus verò altare cum duobus altaribus Sanctorum Dunstani & Elphegi opere argenteo, aureo ac ligneo subtiliter inciso decenter ornavit. Tria etiam altaria, duo ex parte boreali SS. Stephani & Martini, & tertium ex parte australi S. Johannis Evangelistæ, laudabili picturâ & opere ligneo strenuè decoravit. Vestiarium ornamentis ecclesiasticis, videlicet cappis, casulis, tunicis, dalmaticis diversi coloris, turibulis, candlabris ac annulis Pontificalibus cæterisque jocalibus preciosis egregiè præditavit. Preciosos insuper quampluresque libros diversarum facultatum huic Ecclesiæ contulit. Privilegia quoque insignia, videlicet usum baculi pastoralis cum sandaliis & solemni benedictione post Horas præcipuas & processiones, Prioribus hujus Ecclesiæ in suorum Archiepiscoporum absentis, ac ultimam exemptionem Capituli generalis, à sanctissimo patre Domino Urbano Papâ suâ industriâ personaliter impertavit. Certa etiam ædificia intra ambitum Curie consistentia, viz. fartrinum, granarium, stabulumque Prioris & muros cum turribus ejusdem Curie, domosque quamplures necessarias longo tempore dirutas de novo fecit ac emendavit. Eadem quoque lapideam juxta aulam Prioris, quæ vocatur *Pavid chamber*, cum duabus aliis cameris, lectumque Prioris in Dormitorio cum Studio & aliis domibus annexis laudabiliter reparavit. In eleemosynaria verò aulam Presbyterorum & aulam puerorum cum aliis diversis ædificiis de novo construxit. In civitate quoque Cantuariæ unum Hospitium famosum, vocatum *Le Cheker*, cum aliis diversis mansionibus, nobiliter ædificavit. In eadem etiam civitate Hospitium *de la Crowne* ; Et in civitate Londoniensi redditus Roberti Lyttyll valoris XL. librarum, quos de novo reparavit, huic Ecclesiæ adquisivit. In Collegio quoque Oxoniæ Capellam pulcherrimam & plures cameras honestas præparavit ; quæ Scholaribus ibidem studentibus delectationi sunt & honori. In manerio verò de Icham omnia ædificia, præter columbarium & unam cameram, de novo erexit. In maneriis de Chartham & Godmersham, & in omnibus ferè aliis Maneriis ad Ecclesiâ pertinentibus, multas & honestissimas domos de novo construi fecit & reparari. Hic quoque duodecimo Prioratûs sui anno ad Ecclesiâ Rossensem per Priorem & Capitulum ejusdem Ecclesiæ canonicè fuerat electus. Cui electioni non consensit ; citius eligens in hac sanctâ Cantuariensi Ecclesiâ sub nobili Pontificis regimine deservire, quàm in aliâ Ecclesiâ Pontificali dignitate sublimari. Qui postquàm Prioratum hujus Ecclesiæ XX. annis, XXV. septimanis, & V. diebus, largifluis sumptibus & expensis honorificè gubernasset ; tandem in die Assumptionis B. Mariæ Virginis anno Domini MCCCCXI. ab hac mundiali miseriâ subtractus, beato fine quievit in pace.

*Johannes Woodnesbergh*, Prior creatus est anno MCCCCXI. in die Ordinationis S. Gregorii (viz. die III. Septembr.) Obiit anno MCCCCXXVII. [exeunte] anno bissextili, penultimo die mensis Februarii circa horam tertiam post mediam noctem. Sic Registrum MS. Ecclesiæ Cant. Obitum illius non commemorat Obituarium Cant. nisi ista forsitan de eo intelligenda sint. *V. Idus Augusti obiit Johannes Wodynysborow Supprior, Decretorum Doctor.*



*Willelmus Molash*, in Priorem eVectus anno MCCCCXXVIII. ultimo die Martii, quatuor dies ante Festum Paschæ; obiit anno MCCCCXXXVII. [exeunte] die XIX. Februarii, horâ noctis quasi decimâ. Ex Registro MS. Ecclesie Christi Cant. De illo Obituarium Cant. ista tantummodo habet: 'Die XI. Cal. Martii obiit fœlici memoriâ dignus Dominus Willelmus Molache, hujus Ecclesie Prior, vir magnæ puritatis atque religionis, in divinis celebrandis honestus & devotus; qui hanc Ecclesiam cum grege sibi commisso X. ferme annis fœliciter gubernavit.

*Johannes Sarisbury*, Sacræ paginæ Professor, Prior factus est anno MCCCCXXXVII. [exeunte] die IX. Martii; tradente Registro MS. Ecclesie Christi Cant. Obit XIV. Cal. Februar. juxta Obituarium Cant. cui suffragatur Epitaphium Sepulchrale apud Somnerum & Weaverum. Contingisse mors videtur circa exitum anni MCCCCXLV. vel introitum sequentis: successor enim post anni MCCCCXLVI. initia Prioratum sortitus est.

*Johannes Elham* electus videtur anno MCCCCXLVI. ineunte, die XVI. Martii. Obit enim anno MCCCCXLVIII. [exeunte] die XX. Februarii inter horas quintam & sextam matutinam; postquam præfuisset annos II. menses XI. dies IV. ex fide Registri MS. Ecclesie Christi Cant. & Epitaphii sepulchralis apud Somnerum & Weaverum: quamvis istud annum MCCCCXL. pro MCCCCXLVIII. & Thomæ nomen loco Johannis male reposuerit. Paulo aliter Obituarium Cant. 'Die XI. Cal. Martii obiit piæ recordationis Dominus Johannes Elham Prior hujus Ecclesie, vir bonæ honestatis & religionis; qui hanc Ecclesiam rexit tribus ferme annis.

*Thomas Goldston*, promotus anno MCCCCXLIX. die XVI. Aprilis, obiit anno MCCCCXLVIII. die VI. Augusti inter horas matutinas septimam & octavam. Ita quidem Registrum MS. Ecclesie Christi Cant. Quinque diebus hunc calculum superat Obituarium Cant. quod Prioratum annis XIX. mensibus III. diebus XXV. ab illo administratum refert. Beneficia Ecclesie sue præstita idem his verbis commemorat: 'Die VIII. Idus Augusti obiit recolendæ memoriæ Dominus Thomas Goldston, Prior hujus Ecclesie. Hic cum esset vir omnibus honestissimis moribus præditus, in fratres quidem suos pius & benignus; in omnes verò homines adeo erat humanus, affabilis atque benevolus; ut & fratribus carus & jocundus, amicis & omnibus denique hominibus amabilis, tam vulgo quàm nobilibus haberetur. In temporaliū verò administratione quantæ fuerit gravitatis & prudentiæ, etsi aliqua ex parte magnifica quædam ad honorem hujus Ecclesie ab eo constructa ædificia testantur, tamen id multo & pluribus & magnificentioribus ejus operibus declaratum fuisset, nisi incidisset in ea tempora calamitosa, quæ proventus Ecclesie in alios usus necessarios distraxerunt. In primis siquidem temporibus Prioratus illius accidit famosa totius Cantie populi insurrectio; quæ huic Ecclesie gravissima damna tam in domesticis expensis quàm in Maneriorum nostrorum redditibus intulit. Successerunt deinde post aliquot annos bella civilia; in quibus cum magnâ gravitate & prudentiâ ita hanc Ecclesiam fœliciter gubernabat; ut eam in tantâ discordiâ Principum, quod fieri sine gravi sumptu non potuit, non modò conservaret illasam, verum etiam omnibus Principibus gratam atque dilectam exhiberet. Ad hæc acciderunt temporibus ejus immanes atque insolitæ aquarum inundationes in Maneriis hujus Ecclesie maritimis, & præcipue in Manerio de Apuldore; ubi ut terras illius Manerii à maris irruptione defenderet, plusquam mille & ducentas libras sumptuum fudit. His igitur atque aliis temporis sui calamitatibus etsi facultas illi negata est explendi desiderii sui; tamen quanta esset illi voluntas, ut hanc Ecclesiam ædificiis & cæteris ornamentis decoraret, quanta prudentia in rebus Ecclesie dispensandis, hæc ab eo egregie constructa ædificia declarant. Ædificavit enim in Boreali partē hujus Ecclesie Capellam



in honorem beatæ Virginis Mariæ, in qua & sepultus est. Quam videlicet Capellam cum testudine lapideâ valde artificiosâ, cooperturâ & plumbo, fenestris vitreatis & aliis omnibus ad eum pertinentibus complevit. Atrii quoque ejusdem Capellæ parietes cum coopertura de plumbo absque testudine construxit. Turrem quoque sive campanile in australi parte navis Ecclesiæ ad altitudinem porticus Ecclesiæ supra pulchro artificio consummari fecit. Ædificavit etiam in civitate Cantuariæ prope portam cæmeterii unum ædificium ligneum plures mansiones continens, vocatum Anglicè *Le Bole*. Præter hæc in Collegio Cantuariæ Oxoniæ ad usum Studentium, quos mira benevolentia nutrit & fovit, Librariam quandam satis amplam prius incœptam ædificari non sine magnis sumptibus ad perfectionem duxit. Dum his igitur multisque aliis præclæ ab eo rebus gestis polleret; decimo nono anno Prioratûs sui circiter VI. Idus Martii gravi infirmitate correptus est. Qua cum V. mensibus labrasset, ea patientia & devotione quæ viam illius pudicam & religiosam decelat; tandem VIII. Idus Augusti cum magno mœrore suorum debitum universæ carnis absolvit; relicta Ecclesia, quam XIX. annos, menses III. dies XXV. foeliciter gubernaverat, ab omni onere æris alieni libera.

*Johannes Oxne*, Prior creatus est anno MCCCCLXVIII. die primo Septembris; obiit anno MCCCCLXXI. die II. Julii circiter horam decimam noctis. Ex Registro MS. Ecclesiæ Christi Cant. Diem obitus confirmat Obituarium Cant.

*Willelmus Petham*, Prior factus est anno MCCCCLXXI. die XIII. Augusti; obiit anno MCCCCLXXII. die XIX. Augusti, inter horas septimam & octavam matutinas. Sic Registrum MS. Ecclesiæ Christi Cant. Die XIII. Cal. Septembris obitum reponit Obituarium Cant.

*Willelmus Sellyng*, Prior electus anno MCCCCLXXII. die X. Septembris, obiit anno MCCCXCIV. die XXIX. Decembr. inter horas sextam & septimam matutinas. Ista Registrum MS. Ecclesiæ Christi Cant. exhibet. Annum atque diem obitus confirmat Epitaphium Sepulchrale apud Somnerum & Weaverum; quamvis anni Prioratûs ibidem assignati calculo superiori minus convenient. Willelmus enim annos XXII. menses V. dies XXIV. inibi præfuisse dicitur. Neque magis sibi convenit Obituarium Cant. quod obitum die II. Decembris anno MCCCXCV. ponit; & regimini annos XXII. menses III. dies XXV. tribuit. Magis eligendus videtur Registri calculus. Certe Obituarium errasse constabit; si tempora Successoris ab eodem data conferantur. Merita Willelmi Obituarium Cant. sic enarrat. 'Obiit recolendæ memoriæ Dominus Willelmus Sellyng, quondam Prior hujus Ecclesiæ, Sacræ Theologiæ meritissimus Professor atque præclarissimus. Vir siquidem tam divinarum quam sæcularium literarum peritia, Latina quoque & Græca lingua apprimè institutus. Hic cum esset omni morum honestate singularique vitæ sanctimonia præditus; adeo sane in eo piæ religionis resplenduit probitas; ut tam vulgus quam nobiles eum Monastici Ordinis & decus splendidum & dignissimum exemplar imitandum asseruisse probati sunt. In temporalium verò administratione quantæ fuerit diligentia & atque prudentia, hæc ab eo egregie acta experte declarant. Enimvero præter plurimos sumptus, quos continuò circa Ecclesiæ cooperturam ex plumbo fecerat; ædificavit turrin quandam cameræ Prioris vocatæ *La Glo-riet* contiguam. Quam quidem turrin modò Studium Prioris appellatam, opere lapideo à fundamentis erexit, erectamque interiùs decenter ornavit, ac cum cooperturâ de plumbo fenestrisque vitreatis plenè consummavit. Librariam etiam supra Capellam Prioris situatam perpulchrâ cœlaturâ adornavit; quam etiam nonnullis libris instaurari fecit, ad usum maxime literarum studiis deditorum; quos miro studio & benevolentia nutrit & fovit.



' Australem verò partem Clauſtri ad uſum ſtudioſorum Confratrum vitreari  
 ' fecit ; ac ibidem novos Textus, quos *Carolus* ex novo vocamus, perdecen-  
 ' fecit. Murum etiam, qui ab Eccleſiâ S. Michaelis uſque ad veterem mu-  
 ' rum hortum Conventûs claudentem ſe protendit, conſtruxit. In nonnullis  
 ' etiam Maneriis noſtris tam ad Prioris quàm ad Conventûs ſingulare ſola-  
 ' tium plurima ædificia vel ex novo conſtruxit, vel vetera renovari adornari-  
 ' que fecit. Videlicet in Manerio de Ykham non ſolum cameram Prioris ma-  
 ' gis delectabilem fecit ; ſed & Confratribus illuc cauſâ ſolatii confluentibus  
 ' novum Dormitorium conſtruxit. Itidem quoque fecit in Rectoriis tam  
 ' apud Eſtry quàm apud Monkton. In Maneriis verò de Godmerſham,  
 ' Holyngborne & Orpynton ; quod etiam fecit in Hoſpitio Prioris apud Suth-  
 ' werke, manſiones Prioris longe delectabiliſſimas reddidit. Præterea tam in-  
 ' fra Monafterium quàm in Maneriis extra, ædes plurimas & novas conſtruxit  
 ' & dirutas reparavit. In quibuſdam etiaſi dominiis noſtris nonnullos red-  
 ' ditus diu perditos ſuâ induſtriâ recuperavit. Manerium verò de Seſalter,  
 ' ubi ex multo tempore tantummodo tenebatur ad firmam VI. librarum,  
 ' XIII. ſolidorum, IV. denariorum, ſuâ ſummâ diligentiâ ad ſtatum  
 ' præſentem videlicet ultra valorem XX. librarum redegit. Apud Apul-  
 ' dore etiam & Feyrſelde, cùm onus deſenſionis wallarum maritimarum antea  
 ' ſoli Eccleſiæ noſtræ imponi ſolebat, quod continuò ſuſtinere eſſet revera  
 ' Eccleſiæ noſtræ intolerabile, ipſe ſuâ ſagacitate non ſine magnis ſumptibus  
 ' procuravit, ut ſinguli qui ſub periculo maris terras ibidem haberent, ad  
 ' ejuſmodi wallarum deſenſionem contribuerent. In adminiſtratione verò  
 ' ſpiritualis Eccleſiæ noſtræ juridiſctionis, Sede ipſa per mortem ſcælicis me-  
 ' moriæ Thomæ Bouchier Cardinalis vacante, quàm prudenter quàmque  
 ' circumſpecte ſe gerebat ; declarant non tam ejus pietas in tuendâ Eccleſiæ  
 ' libertate, quàm ejus & benignitas in fovendo bene beateque viventes, &  
 ' ſeveritas in corripiendo perditos moribus. Ab eodem quoque Domino Car-  
 ' dinali ſua induſtria fecit relinquere Eccleſiæ noſtræ XXVII. cappas de rubio  
 ' teſſew, unâ cum caſula & dalmaticis unius ejuſque ſectæ. Præterea cum  
 ' ad Summum Pontificem per Regem Henricum hujus nominis Septimum  
 ' gratia ſuæ obedientiæ præſtandæ una cum cæteris Oratoribus miſſus eſſet ;  
 ' munus orationis dicendæ, quod ſumma cum laude peregit, ei delatum eſt.  
 ' Alias item coram Rege Francorum ipſe Ambaſſiator cum aliis deſtinatus  
 ' elegantiffimam egit orationem. Cum verò apud Curiam Romanam con-  
 ' ſtitutus eſſet ; ipſe Eccleſiæ ſuæ adquiſivit non ſolum diverſa privilegia li-  
 ' teris Apoſtolicis communiri ; verum etiam perpetuas Indulgentias, tam pe-  
 ' culiaries Conventui, quas Stationarias vocamus, quàm cæteris fidelibus ge-  
 ' nerales, in Feſtis anni diverſis huc confluere volentibus, adeptus eſt. Dum  
 ' his igitur multiſque aliis præclare ab eo rebus geſtis polleret ; in die Regreſ-  
 ' ſionis ab exilio S. Thomæ ea patientia & devotione, quæ vitam illius pud-  
 ' cam & religioſam decebat, magno cum mœrore ſuorum debitum univerſæ car-  
 ' nis abſolvit, anno Incarnationis Dominicæ MCCCCXCV. relicta Eccleſia,  
 ' quam XXII. annos, III. menſes, dies XXV. ab omni onere æris alieni liberam  
 ' ſcæliciter gubernavit.

Thomas Goldſton, promotus videtur primo circiter die anni MCCCCXCV.  
 Siquidem obiit anno MDXVII. die XVI. Septembris juxta Obituarium  
 Cant. & Epitaphium Sepulchrale (apud Somnerum & Weaverum) poſtquam  
 præſuiſſet annos XXII. menſes VIII. dies XVI. ex Obituarii fide. Epita-  
 phium quidem annos XXIV. habet præter menſes VIII. dies XIV. Error  
 autem facile patebit ; ſi conferatur obitus Deceſſoris. Beneficia Eccleſiæ  
 Cant. ab iſto Priore præſtita Obituarium Cantuarienſe uberius commemorat.  
 ' Obiit percelebris memoriæ venerandus in Chriſto Pater & Dominus Do-  
 ' minus Thomas Goldſton, hujus Eccleſiæ Chriſti jam olim Prior digniſſi-  
 ' mus,

mus, ac Sacre Theologie Doctor insignis. Qui dum hic nobiscum hac luce mortalium potiretur in terris; & Deo & hominibus erat gratissimus; affabilis ac graciosus. Deo quidem humilis & devotus; in omnes religiosus, pius & benignus; ac precipue suum in gregem pastor extitit suavissimus. Ipsosque Christi gregis alumnos tanquam filios uterinos benigno ac paterno affectu indefinenter aluit, fovit, ipsosque divino amore sincere dilexit. Præterea hujus regni Magnatibus, viz. Principibus ac Dominis cæterisque hujus regni Proceribus seipsum summe amabilem exhibuit atque jocundum. Qui etiam Ambassiatores sive Oratores ad Illustrissimum Regem nostrum Henricum VII. destinatos ex ipsius Domini Regis decreto ipsos Oratores honorifice ac humanissime suscepit; ac etiam coram eis orationes perpulchras ac satis elegantes diserte ac splendide peroravit. In nostros verbò cives Cantuarienses tanta benignitate ac ignis divini ardore fervebat; ut quosque quavis occasione discordiæ sive dissentionis sejunctos esse dinosceret, ipsos in pristinam concordiam ac pacis unitatem gratiosè revocaret ac firmiter consolidaret. Pauperes quoque ac debiles quantalibet egestate oppressos sive gravatos continuo relevavit, ipsorumque miseriis pie compatiendo misericorditer subvenit. Cæterum rebus in agendis humanis disponendisque summâ prudentiâ ac divinâ sapientiâ mirifice præditus, nunc cum Mariâ ad pedes Domini contemplando cœlestia sive æterna, nunc cum Marthâ sagaciter ac circumspectè administrando terrena sive temporalia, & Marthæ & Mariæ partes tanquam strenuus dispensator egregie subiit ac magnifice supplevit. Qualiter igitur hic vir venerandus Prioratûs dignitatem adeptus, manus suas misit ad fortia; opera per ipsum egregie consummata satis declarant, ac manifestant. Primò igitur ad decorem domûs Dei, quam in vitâ suâ summe dilexerat, Turrim satis excelsam, *Angyl Stepyll* vulgariter nuncupatam, testudine pulcherrimâ concameratam ac opere decenti arificiose undique sculptam ac deauratam, cum fenestris vitreatis satis amplis & ferramentis, ope & auxilio honorabilium virorum Reverendissimi in Christo Patris & Domini Johannis Morton Cardinalis, necnon & Domini Willelmi Sellyng Prioris, in medio Ecclesiæ, videlicet inter chorum & navem Ecclesiæ, egregie erexit ac magnifice consummavit. Duos etiam arcus sive fornices opere lapideo subtiliter incisos cum quatuor aliis minoribus ad sustentationem dictæ Turris columnis eandem Turrim supportantibus satis industrie ac prudenter annexit. In choro etiam libros nonnullos ad Dei honorem & Ecclesiæ perpulcrâ literaturâ ac satis politâ exarari fecit. Magnum videlicet Gradale; quod quidem aureis literis, floribus & armis decenti picturâ inauratis pulcherrime ornavit. Missale quoque perpulchrum ad usum sacerdotum summæ Missæ inservientium, cum nonnullis aliis libris ad usum Fratrum Deo servientium, satis commode assignavit. Feretrum etiam sanctissimi Audoeni, in quo ejusdem Reliquiæ reverenter sunt reconditæ, de opere ligneo decenter inciso ac deaurato fieri fecit. Nec illud silendum est; quod ad omnem ambiguitatis scrupulum contra sanctissimi ac Divi patris nostri Dunstani reliquias penitus tollendum, autoritate Reverendissimi Patris Domini Willelmi Warham tunc Archiepiscopi solenne scrutinium fieri fecit, præsentè dicto Domino Archiepiscopo cum nonnullis aliis Venerabilibus viris Ecclesiasticis sibi in eodem Scrutinio honorabiliter coassistentibus. In cujus rei argumentum portiunculam quandam calvæ venerandi capitis sanctissimi patroni nostri Dunstani Dominus Archiepiscopus dicto Priori manu propria contradidit; ut eam reverenter in quadam massa argentea & honorifice reconderet. Quam quidem massam argenteam in formam capitis dictus Prior decenter ac satis artificiose fabricari fecit; in quo eandem portiunculam capitis satis honorifice ac reverenter fecit collocari; ipsumque inter Reliquias Ecclesiæ, ut decuit, voluit conservari.



Quod quidem ab omnibus caput S. Dunstani vulgariter nuncupatur. Ana-  
 logium quoque sive Aquilam æneam propriis expensis procurari fecit.  
 Tres etiam pannos pulcherrimos opere de Arysse subtiliter intextos, ortum  
 Virginis cum vita & obitu ejusdem clare & splendide configurantes, in parte  
 chori australi certis temporibus anni fecit appendi. Vestiarium quoque  
 variis ac diversis ornamentis Ecclesiasticis, videlicet casulis, dalmaticis,  
 tunicis, & cappis, diversi coloris ornando egregie instauravit. Duas præ-  
 cipue cappas, &c. Capellam quoque Prioris diversis ornamentis, viz. casu-  
 lis, curtinis ac tapetis, diversi coloris honeste decoravit: ac Oratorium dictæ Ca-  
 pellæ annexum cum clausura ex parte septentrionali Ecclesiæ contigua ad  
 Missas in Ecclesia commode audiendas ad summam delectationem & com-  
 moditatem suis successoribus reliquit. Ad decorem igitur domus Dei ista  
 à nobis recensita laudabiliter ac magnifice consummavit. Extra quoque  
 Ecclesiam aquæductum subterraneum satis onerosum ex parte australi prope  
 Ecclesiam ex lateribus & cæmento opere testudinario firmissime constructum  
 ad pluviarum inundationes commode recipiendas satis prudenter ac provide  
 construxit; quæ quidem pluviarum exuberantia totam Virginis Criptam  
 cum cæteris Capellis adjacentibus ex defectu aquæductus nonnunquam ope-  
 ruerat; sicque aditum satis difficilem ad Virginem gloriosam causâ devotionis  
 visitandam omnibus illuc confluentibus omnino exhibuit. Qui quidem aquædu-  
 ctus distenditur in longum à via quæ ducit ab hostio Ecclesiæ meridionali  
 versus civitatem per cœmeterium Ecclesiæ prope fundamenta ejusdem usque  
 ad cameram Supprioris, & à camera Supprioris per mansionem Domini  
 Prioris usque ad caput tertii Dormitorii finaliter protenditur atque traduci-  
 tur. Novum quoque ædificium vulgariter vocatum *New Lodgyng* juxta  
 antiquam Priorum mansionem vocatum *Le Gloriet* satis pulchrum atque  
 famosum cum cameris, cœnaculis, solariis ac cæteris appendiciis idem ædi-  
 ficiū concernentibus, cum porticu decenti versus curiam, ac cum omni  
 apparatu ad ornatum dictæ mansionis pertinente, magnificè ac laudabiliter  
 consummavit. Vasa quoque argentea ac deaurata ad mensam Prioris non  
 pauca non modò antiqua renovavit, verum etiam quamplura de novo satis  
 providè comparavit. In vestiario quoque Prioris vocato *Le Wardrop* non  
 modò vetera ac vetusta reparavit, sed & de novo quamplura instauravit.  
 Et extra Monasterium Londoniis in suburbio civitatis apud Suthworke  
 mansionem Prioris, nonnulla in eâ ac diversa in melius ac commodius  
 transponendo, satis ingeniosè ac honorificè renovavit; quæ quidem illuc  
 adventantibus quàm summam confert delectationem. In Maneriis etiam  
 ad Ecclesiam pertinentibus quamplura ædificia à fundamentis noviter  
 erexit ac satis egregie consummavit. Nam apud Chartham mansionem  
 firmarii ac stabula Prioris cum clausurâ eorundem ex lateribus & cæmen-  
 to satis commode constructa. Et apud Bekysborne in Manerio voca-  
 to Levynsborne mansionem Prioris satis pulchram cum Capellâ an-  
 nexâ in honorem Annuntiationis Dominicæ ac Patronorum Ecclesiæ cele-  
 briter dedicatâ, ac novam Aulam Dormitorio Fratrum adjacentem, cum  
 mansione firmarii ibidem cum omnibus aliis ad eandem mansionem perti-  
 nentibus, ædificio super portam & duobus horreis solum exceptis. Et in  
 Manerio etiam apud Mooncton in Taneto duo horrea satis ampla cum  
 aliis ædificiis ad idem Manerium spectantibus, præter mansionem Firmarii.  
 Et apud Sefalter in Rectoriâ totum ædificium horreo excepto. Et in Ma-  
 nerio apud Apuldoore hospitium Prioris cum duobus horreis, stabulis ac  
 cæteris ad idem Manerium pertinentibus, negligentia Firmarii noviter ex-  
 ustitis. Et apud Feyrfylde prope Apuldoore, ubi antiquitus nulla habitatio  
 erat, mansionem satis honestam de novo erexit; quam cum terris adjacen-  
 tibus ad firmam dimisit. Et in Aghycourte novam aulam cum diversis  
 \* cameris

‘ cameris annexis ad usum Firmarii ibidem. Et in Manerio de Ebney ca-  
‘ meras satis honestas cum caminis ad eosdem pertinentibus, ad usum Fir-  
‘ marii ibidem. Et ut paucis concludam; in omnibus aliis fere Maneriis  
‘ tam infra Comitatum Kanciae quam extra ad Ecclesiam pertinentibus aut  
‘ diruta honorifice renovavit, aut nova ædificia fundamentis erexit & egre-  
‘ gie consummavit. Etiam præter hæc omnia ab ipso egregie consummata,  
‘ in mariscis prope Apuldoore terras nonnullas falsuginosas, steriles ac satis  
‘ amaras sua prudentia ac summa industria reddidit frugiferas ac satis dulces.  
‘ Quæ quidem terræ tendunt ad summam DC. acrarum juxta fidelem com-  
‘ putationem easdem acras juste commensurantium. Ac denique portam  
‘ Ecclesie exteriorem versus civitatem opere decenti ac plucherrime insculptam  
‘ à fundamentis erexit. Sed necdum ad consummationem ejusdem Deo dis-  
‘ ponente attingere valens, impensas tamen ad consummationem ejusdem  
‘ sufficientes ejus successori prudenter ac satis provide reliquit. His igitur  
‘ ac plurimis aliis ab eo egregie peractis ac feliciter consummatis, tandem  
‘ febre acerrima correptus, summa mansuetudine ac patientia inter horam  
‘ septimam & octavam post auroram, die videlicet natalitii Virginis Eu-  
‘ femiæ, cum ingenti tristitia suorum, spiritum omnipotenti Deo, à quo  
‘ ipsum acceperat, cum multimodis bonorum operum fructibus devotissime  
‘ commendavit: anno scilicet Verbi incarnati MDXVII. Qui postquam  
‘ hanc Ecclesiam per XXII. annos, VIII. menses, II. ebdomadas, & II. dies  
‘ optime gubernasset; ipsam ob omni onere æris alieni liberam ac quietam  
‘ summâ cum laude gloriose reliquit. Cujus animæ precibus Sanctorum  
‘ mediantibus propitietur Altissimus.

*Thomas Goldwell*, in Prioratu successit; & annis circiter XXIII. dignitate  
potitus, extincto superfuit Cœnobio; quod in manus Henrici VIII. Regis  
assentiente Conventu resignavit anno Domini MDXL. Ejectis itaque Mona-  
chis, Rex eodem anno Ecclesiam Cant. nova fundatione instauravit; &  
eisdem fere possessionibus dotatam, Decani & Canonicorum Sæcularium diti-  
oni postliminio subjecit.



Fragmentum de Institutione Archidiaconatûs  
CANTUARIENSIS.

[ Ex Bibliothecâ Cottonianâ, *Tiber. C. 9.* ]

**A** Tempore B. Augustini primi Archiepiscopi Cantuariensis usque ad tempus bonæ memoriæ Lanfranci Archiepiscopi per CCCCLXII. annos nullus fuit Archidiaconus in civitate vel Diœcesi Cantuariensi. Sed à tempore B. Theodori Archiepiscopi, qui sextus erat à B. Augustino, usque ad tempus prædicti Lanfranci fuit in Ecclesia S. Martini suburbio Cantuariæ quidam Episcopus auctoritate Vitaliani Papæ à S. Theodoro ordinatus : Qui in tota civitate & Diœcesi Cantuariensi vices Archiepiscopi gerebat in Ordinibus celebrandis, Ecclesiis consecrandis & pueris confirmandis & aliis officiis Pontificalibus exequendis ipso absente. Idem etiam Episcopus omnimodam jurisdictionem in civitate & Diœcesi Cantuariensi sede plena auctoritate Archiepiscopi ipso absente, & Sede vacante in tota Provincia auctoritate Capituli exercebat per CCCXCIX. annos usque ad tempus prædicti Lanfranci.

Postmodum tempore prædicti Lanfranci Archiepiscopi prædictus Episcopus in fata decessit. Sed idem Archiepiscopus alium substituere non decrevit. Sed postmodum concessit cuidam Clerico suo nomine Valerio totam jurisdictionem in civitate Cantuariensi tantum, exceptis Ecclesiis de patronatu Archiepiscopi & causis matrimonialibus, de quibus se nihil intromittebat. Et incœpit idem Clericus tunc primò vocari Archidiaconus Cantuariensis. Contulit etiam eidem Clerico domicilium in Cantuaria extra Northgate juxta Monasterium S. Gregorii, in quo commune residebat usque ad tempus bonæ memoriæ Stephani Archiepiscopi per CLIX. annos.

Postmodum verò vacante Sede Cantuariensi per mortem dicti Lanfranci, Capitulum Cantuariense exercuit omnimodam jurisdictionem tam provincialem quam Diœcesanam, salva prædicto Archidiacono jurisdictione prius sibi concessa. Postea verò vacante eadem Sede per mortem B. Anselmi, Radulphi, Willelmi, Theobaldi, B. Thomæ Martyris, Richardi, Baldwini, Huberti Archiepiscoporum, Capitulum Cantuariense omnimodam hujusmodi jurisdictionem exercebat. Durante verò vacatione post mortem prædicti Huberti Archiepiscopi, Dominus Papa Innocentius III. providit Ecclesiæ Cant. in Archiepiscopum M. Stephanum de Langetone tunc Sedis Apostolicæ Cardinalem ; qui postea vacante Archidiaconatu Cant. per electionem M. Henrici de Sanford tunc Archidiaconi in Episcopum Roffensem, contulit Archidiaconatum Cant. M. Simoni de Langetoun fratri suo. Et quia dictus Archidiaconatus exilis erat in possessionibus ; concessit eidem Simoni totam jurisdictionem Diœcesanam in Decanatibus ruralibus, exceptis causis matrimonialibus & Ecclesiis quæ sunt in Maneriis Archiepiscopatûs & Monachorum, de quibus se nihil intromittebat.

Postmodum verò vacante Sede Cant. per mortem prædicti Archiepiscopi & Ricardi immediati successoris sui, Capitulum Cantuariense omnimodam jurisdictionem, ut supra, exercebat, per M. Willelmum Curteys Officialem suum, salvâ prædicto Magistro Archidiacono jurisdictione prius sibi concessâ. Subsequenter verò vacante Sede Cantuariensi per mortem B. Eadmundi Archiepiscopi, viz. anno Domini MCCXL. Capitulum Cant. omnimodam juris-

dictio-

ditionem tam Provinciale quam Diocesanam, ut supra, exercuit per M. Petrum dictum Lombard officialem suum. Quem predictus Simon Archidiaconus nitebatur postea impedire, vendicans omnimodam jurisdictionem tam Provinciale quam Diocesanam ad ipsum pertinere ratione Archidiaconatus sui predicti. Tandem multis hinc inde altercationibus habitis, omnes contentiones & calumnie inter Capitulum & predictum Simonem motæ per personalem compositionem amicabiliter conquieverunt; sicut clarius liquet per tenorem ejusdem Compositionis.

Postmodum verò vacante Sede per mortem bonæ memoriæ Bonifacii Archiepiscopi, Capitulum Cant. omnimodam jurisdictionem Provinciale & Diocesanam, ut supra, exercebat per Fr. Galfridum de Romenal Officialem suum. Postea verò M. Hugo de Mortuo mari tunc Archidiaconus Cant. ratione talis qualis possessionis Simonis prædecessoris sui vendicabat hujusmodi jurisdictionem ad ipsum & ad Archidiaconatum pertinere. Tandem inter Capitulum & predictum Hugonem personalis compositio intervenit, ad vitam ipsius Hugonis tantummodo duratura; prout patet per tenorem ejusdem.

Postmodum vacante Sede Cant. per translationem Domini Roberti de Kewardeby Archiepiscopi in Episcopum Portuensensem, Capitulum Cant. omnimodam hujusmodi jurisdictionem, ut supra, exercuit per M. Richardum de Stratford Officialem suum. Sed postea M. Robertus de Gernemutha Archidiaconus Cant. occasione talis qualis concessionis & commissionis factæ ad tempus predictis Simoni & Hugoni prædecessoribus suis vendicabat omnimodam hujusmodi jurisdictionem ad ipsum & ad Archidiaconatum suum pertinere, & super hoc Sedem Apostolicam appellavit; & predictum Capitulum Cant. in curiâ Romanâ traxit in causam; ut patet per processum inde habitum. Sed pendente causâ in Curia, predictus Robertus diem ibi clausit extremum.

Postmodum verò vacante Sede Cant. per mortem bonæ memoriæ Johannis Archiepiscopi, Capitulum omnimodam hujusmodi jurisdictionem, ut supra, exercuit per M. Johannem de Melveston Officialem suum. Sed M. Ricardus de Feringes tunc Archidiaconus Cant. litem sopitam per mortem predicti Roberti prædecessoris sui in Curia Romanâ resuscitavit, & usque ad examinationem testium est prosecutus. Et dati sunt Judices de consensu partium ad examinandos testes, viz. M. R. de Rowelle Archidiaconus Bedefordie, M. Philippus de Bardtone, & M. Johannes de Excestre, qui Bullam<sup>a</sup> remissionis ... receperunt.

<sup>a</sup> l. commissi-  
onis.

‘ Bonifacius Episcopus, servus servorum Dei, dilectis filiis M. Rogero de Rowelle Archidiacono Bedefordie & Johanni dicto Derewyne Exoniensis & Philippo de Barthona Lichfeldensis Canonicis Ecclesiarum salutem, &c. Orta dudum inter quondam Robertum Archidiaconum Ecclesie Cant. ex parte unâ & Priorem & Capitulum ejusdem Ecclesie ex alterâ super hoc quod utraque partium predictarum jurisdictionem Archiepiscopalem Sede Cant. vacante ad se spectare dicebat, &c.

CHRO



# CHRONICON COENOBII

Sanctæ Crucis EDINBURGENSIS.

[De quo insuperioribus Dissertationibus crebra fit mentio.]

**A**uthor ab ingressu Julii Caesaris in Britanniam exordium ducens, justam Bedæ Epitomen usque ad annum DCCXXXIV. contexuit, apposis plerumque rerum gestarum temporibus, quæ apud Bedam desiderantur. Quæ Augustini adventum præcedunt, & minus ad rem nostram faciunt, & Bedæ nil adjiciunt. Illa itaque missa feci.

**A**NNO ab Incarnatione Domini DXCVI. Gregorius Papa, divino ammonitus instinctu, anno decimo quarto præfati Principis, adventus verbò Anglorum in Britanniam anno circiter centesimo quinquagesimo, misit servum Dei Augustinum & alios plures cum eo Monachos timentes Deum, prædicare verbum Dei genti Anglorum.

Anno DXCVII. venerunt Britanniam præfati Doctores, qui fuit annus CL. adventus Anglorum in Britanniam.

Anno DCI. misit Papa Gregorius pallium Britanniam Augustino jam facto Episcopo, & plures verbi ministros, in quibus primi & præcipui erant Mellitus, Justus, Paulinus, Rufinianus.

Anno DCIII. Edan Rex Scottorum, qui Britanniam inhabitant, venit contra Ælfridum Northanhimbrorum [Regem] cum immenso ac forti exercitu; sed cum paucis victus aufugit. Siquidem in loco celeberrimo, qui dicitur Dexastan, id est, Dexa lapis, omnis penè ejus est cæsus exercitus. Quod videlicet bellum Ælfridus anno XI. Regni sui perfecit, porro anno Phocatis qui tunc Romani Regni apicem tenebat primo. Regnavit autem præfatus Ælfridus Rex XXIV. annis.

Anno DCIV. Orientales Saxones fidem Christi percipiunt, sub Rege Sigeberto, antistite Mellito. Ordinavit Sanctus Augustinus duos Episcopos Mellitum & Justum, Mellitum ad prædicandum Provinciæ Orientalium Saxonum, quorum Metropolis Lundonia civitas est; Justum verò in ipsâ Cantia ordinavit in civitate quæ Rovecestria cognominatur. Eodem tempore defunctus est Deo dilectus pater Augustinus septimo Kalendarum Junii, Ethelberto Rege regnante. Successit Augustino in Episcopatu Laurentius, quem ipse idcirco adhuc vivens ordinaverat, ne se defuncto status Ecclesiæ tam rudis vel ad horam pastore destitutus vacillare inciperet.

Anno DCXVI. qui est annus XXI. ex quo Augustinus cum sociis ad prædicandum genti Anglorum missus est, Æthelbertus Rex Cantuariorum post Regnum temporale, quod quinquaginta & tribus annis gloriosissime tenuerat, æterna cœlestis Regni gaudia subiit. Qui tertius quidem in Regibus gentis Anglorum cunctis Australibus eorum Provinciis, quæ Hambre fluvio & contiguis ei terminis sequestrantur à Borealibus, imperabat; sed primus omnium Cœli Regna conscendit. Nam primus Imperium hujusmodi Ælle Rex Hubrensiū Saxonum, Secundus Cœlin Rex Occidentalium Saxonum qui lingua ipsorum Ceaulin vocabatur, Tertius ut diximus Æthelbertus Rex Cantuariorum, Tuartus Redwald Rex Orientalium Anglorum, qui etiam vivente Æthelberto eidem suæ genti ducatum præbebat, obtinuit. Quintus

\*

Eadwinus

Eadwinus Rex Norhanhimbrorum gentis, id est, ejus quæ ad borealem Humbræ fluminis plagam, majore potentia cunctis qui Britanniam incolunt Anglorum pariter ac Britonum populis præfuit, præter Cantuarios tantum; necnon & Mevanias Britonum Insulas, quæ inter Hyberniam & Britanniam sitæ sunt, Anglorum subjecit imperio. Sextus Oswaldus & ipse Norhanhimbrorum Rex Christianissimus iisdem finibus Regnum tenuit. Septimus Oswinus frater ejus è quolibet pene termino Regnum nonnullo tempore cohercens, Pictorum quoque ac Scottorum gentes, quæ septentrionales Britanniae fines tenent, maximâ ex parte perdomuit ac tributarias fecit. Defunctus verò est Rex Æthelbertus die vicesimo quarto mensis Februarii, post viginti & unum annos acceptæ fidei? atque in porticu Sancti Martini intra Ecclesiam Beatorum Apostolorum Petri & Pauli sepultus, ubi & Berte Regina condita est. Erat autem idem Æthelbertus filius Irminrici, cujus pater Oeric cognomento Oyse, cujus pater Hengist, qui cum filio suo Oyse invitatus à Vortigerno, Britanniam primus intravit. At verò post mortem Æthelberti, filius ejus Edbald Regni gubernacula suscepit.

Anno DCXX. beatus Episcopus Laurentius Regnum cœleste conscendit, atque in Ecclesiâ Sancti Apostoli Petri juxta prædecessorem suum Augustinum sepultus est die quarto Nonarum Februariarum: post quem Mellitus, qui erat Londoniæ Episcopus, sedem Dorovernensis Ecclesiæ tertius ab Augustino suscepit. Justus autem adhuc superstes Rofensem regebat Ecclesiam.

Anno DCXXIV. Mellitus Archiepiscopus, postquam annis quinque rexit Ecclesiam, Eadbaldo regnante migravit ad cœlos, sepultusque est cum patribus suis in sæpe dicto Monasterio & Ecclesia beatissimi Apostolorum Principis die VIII. Kalendarum Maiarum. Cui statim successit in Pontificatu Justus qui erat Rofensis Ecclesiæ præsul. Illi autem Ecclesiæ Romanum consecravit Episcopum datâ sibi auctoritate ordinandi Episcopos à Pontifice Bonifacio.

Anno DCXXV. Paulinus à Justo Archiepiscopo ordinatur genti Northanhimbrorum antistes sub die XII. Kalendarum Augustarum.

Anno DCXXVI. Eanfled filia Eadwini Regis baptizata est cum duodecim aliis de familia ejus in Sabbato Pentecostes.

Anno DCXXVII. accepit Rex Edwinus cum cunctis gentis suæ Nobilibus ac plebe per plurima fidem & lavacrum sanctæ regenerationis, anno Regni sui undecimo, ab adventu Anglorum in Britanniam annus circiter centesimus octogesimus. Baptizatus est autem Eboraci die sancto Paschæ pridie Idus Aprilis, & in Ecclesia Sancti Petri Apostoli; & quam ibidem ipse de ligno ubi catechizaretur atque ad percipiendum baptismum imbueretur, citato opere construxit; in qua etiam civitate ipsi doctori atque antistiti suo Paulino sedem Episcopatus donavit.

Anno DCXXXIII. Eadwinus cum XVII. annis genti Anglorum simul & Britonum gloriosissime præesset, è quibus sex etiam annis ipse Christi Regno militavit: rebellavit adversus eum Cedwalla Rex Britonum, auxilium præbente illi Pendâ viro strenuissimo de Regio genere Merciorum, qui & ipse ex eo tempore gentis ejusdem Regno annis viginti duobus variâ sorte præfuit; & conferto gravi prælio in campo, qui vocatur Hatfeld, occisus est Edwinus die IV. Iduum Octobrium, cum esset annorum XLVIII. ejusque totus vel interemptus est vel dispersus exercitus. In quo etiam bello ante illum unus filius ejus Osfridus juvenis bellicosus cecidit. Alter Eadfridus necessitate cogente ad Pendam Regem transfugit; & ab eo postmodum regnante Oswaldo contra fidem jurisjurandi peremptus est. Eadwino itaque Rege perempto, Paulinus Cantiam rediit.



Anno DCXXXIV. Justus Archiepiscopus ad cœlestia Regna sullatus est quarto Iduum Novembrium die; & Honorius pro illo est in Præfulatu electus. Qui ordinandus venit ad Paulinum; & occurrente sibi illo in Lindocolino, quintus ab Augustino Dorvernensis Ecclesiæ consecratus est Antistes. Cui etiam Papa Honorius misit pallium & litteras, in quibus decernit hoc ipsum quod in Epistola ad Eadwinum Regem missa decreverat; ut cum Dorvernensis Antistes de hac vitâ transierit, hic qui superest consors ejusdem gradûs, habeat potestatem alterum ordinandi in loco ejus qui transierat Sacerdotem; nec sit necesse ad Romam usque civitatem per tam prolixa terrarum & maris spatia pro ordinando Archiepiscopo semper fatigari.

Anno DCXL. Eadbaldus Rex Cantuariorum transiens ex hac vitâ Erconberto filio Regni gubernacula reliquit; quæ ille suceptâ viginti quatuor annis & aliquot mensibus nobilissimè tenuit. Hic primus Regum Anglorum in toto Regno suo idola relinquere ac destrui, simul & jejunium quadraginta dierum observari, principali auctoritate præcepit; quæ ne facile à quopiam possit contemni, in transgressores dignas & competentes punitiones proposuit. Cujus filia Eorcangote, ut condigna parenti soboles, magnarum fuit virgo virtutum, serviens Domino in Monasterio, quod in regione Francorum constructum est ab Abbatissâ nobilissimâ vocabulo Sarâ, in loco qui dicitur Inbrigge. Nam eo tempore nec dum multis in regione Anglorum Monasteriis constructis, multi de Britannia Monachicæ conversationis gratiâ Francorum vel Galliarum Monasteria adire solebant; sed & filias suas eisdem erudiendas ac sponso cœlesti copulandas mittebant, maxime in Brige & in Cale & in Andilegum Monasterio.

Anno DCXLII. occisus est Oswaldus Christianissimus Rex Norhambrorum, commisso gravi prælio à Paganâ gente Paganoque Rege Merciorum Pendâ, à quo & prædecessor ejus Edwinus peremptus fuerat, in loco qui linguâ Anglorum nuncupatur *Maserfeld*, anno ætatis suæ trigesimo quinto, in die quinto Mensis Augusti. Suscepit Regni terrestris sedem pro eo frater ejus Oswin, juvenis triginta circiter Annorum; & per annos XXVIII. laboriosissime tenuit.

Anno DCXLIV. Reverendissimus Pater Paulinus, quondam quidem Eboracensis, sed tunc Rosenfis Episcopus civitatis, transivit ad Dominum sexto Iduum Octobrium die. Qui novendecim annis, mensibus duobus, diebus viginti & uno Episcopatum tenuit: sepultusque est in secretario Beati Andreæ Apostoli. In cujus locum Honorius Archiepiscopus ordinavit Ytamar, oriundum quidem de gente Cantuariorum, sed vitâ & eruditione antecessoribus suis æquandum.

Anno DCLI. occisus est Oswin Rex decimo tertio Kalendarum Septembrium die, anno Regni ejus nono, in loco qui dicitur Ingetlingum. Sed & Antistes Aidanus non plus quàm duodecim post occisionem Regis, quem amabat, dies, id est, pridie Kalendarum Septembris de sæculo sullatus, perpetua laborum suorum à Domino præmia recepit.

Anno DCLIII. Honorius Archiepiscopus, postquam metas sui cursûs implevit, ex hac luce migravit pridie Kalendarum Octobrium die. Et cessante Episcopatu per annum & sex menses, electus est Archiepiscopus cathedræ Dorvernensis sextus Deusdedit de gente Occidentalium Saxonum. Quem ordinaturus venit illuc Ytamar Antistes Ecclesiæ Rosenfis. Ordinatus est autem die septimo Kalendarum Aprilis; & rexit Ecclesiam annis novem & mensibus quatuor & duobus diebus. Et ipso defuncto Ytamar, consecravit pro eo Damianum; qui de genere Australium Saxonum erat oriundus. Midel-angli, id est, Mediterranei Angli, sub Principe Peadâ filio Pendan Regis fidem & sacramenta veritatis perceperunt.

Anno DCLV. Penda periit ; & Mercii facti sunt Christiani.

Anno DCLIX. Wlfhere filius Pendæ sullevatus est in Regnum Merciorum, regnavitque XVII. annis.

Anno DCLXIV. ab Incarnatione Domini facta est eclipsis solis die tertio Mensis Maii, horâ circiter decimâ dici. Quo etiam anno subita pestilentia lues depopulans primo [in] australibus Britanniaë plagis, Northanhimbrorum quoque Provinciam corripuens, atque acerbâ clade diutius longè lateque desævians, magnam hominum multitudinem stravit. Hæc plaga Hiberniam quoque Insulam pari clade premebat. Deusdedit Sextus Dorvernensis Ecclesiæ Episcopus obiit pridie Iduum Juliarum : Sed & Erchonbertus Rex Cantuariorum eodem mense ac die defunctus, Etberto filio ejus sedem Regni reliquit ; quam ille susceptam per XIX. annos tenuit. Colman cum Scottis ad suos reversus est ; & Cedda & Wilfridus Northanhimbrorum ordinantur Episcopi. Cessante Episcopatu Dorovernensis Ecclesiæ non paucò tempore.

Anno DCLXVIII. Theodorus Monachus, natus Tarso Ciliciæ, vir & sæcularis & divinæ literaturæ, & Græcè & Latine instructus, probis moribus & ætate venerandus, id est annos habens ætatis <sup>a</sup> XLVI. ordinatus . I. LXVI. est Dorvernensis Episcopus à Vitaliano Papâ sub die septimo Calend. Aprilium Dominicâ, & ita unâ cum sociis sexto Idus Junii missus est. Pervenit autem Theodorus ad Ecclesiam suam secundo postquam consecratus est anno, sub die sexto Kalendarum Juniarum Dominicâ, & sedit in eâ annos viginti & unum, menses tres, dies viginti & sex.

Anno DCLXX. qui est secundus annus ex quo Britanniam venit Theodorus, Oswinus Rex Northanhimbrorum pressus est infirmitate, qua & mortuus est anno ætatis suæ quinquagesimo octavo. Qui in tantum eo tempore tenebatur amore Romanæ & Apostolicæ institutionis ; ut si ab infirmitate salvaretur etiam Romam venire, ibique ad loca sancta vitam finire disponderet ; Wilfridumque Episcopum ducem sibi itineris fieri promissâ non parvâ pecuniarum donatione rogaret. Qui defunctus die quinto Kalendarum Martiarum, Egfridum filium Regni hæredem reliquit.

Anno DCLXXIII. Egbertus Rex Cantuariorum obiit mense Julio : successitque in Regnum frater ejus Lothere ; quod ipse annos undecim & menses septem tenuit. Et Synodus facta est ad Hereford die 24. mensis Septembris, præsentè Egfrido Rege, præsidente Archiepiscopo Theodoro.

Anno DCLXXV. Wlfhere Merciorum Rex postquam XVII. annos regnaverat, defunctus est, Ethilredo fratri suo relinquens Imperium.

Anno DCLXXVI. Ethelredus Rex Merciorum adducto maligno exercitu Cantiam vastavit ; & Ecclesias & Monasteria sine respectu divini timoris fœdavit. Eodem annò Insulam Farne vir Domini Cuthbertus [intravit] & per undecim annos mirâ animi alacritate Domino militabat.

Anno DCLXXVIII. Qui est annus Imperii Egfridi octavus, apparuit mense Augusto stella quæ dicitur cometa ; & tribus mensibus permanens, matutinis horis oriebatur, excelsam radiantis flammæ quasi columnam præferens. Quo etiam anno ortâ inter ipsum Regem Egfridum & reverentissimum Antistitem Wilfridum dissensione, pulsus est idem Antistes à sui sede Episcopatus, & pro eo Bosâ, Eatha & Eaded ordinati sunt Antistites à Theodoro Archiepiscopo.

Anno DCLXXIX. Anno Regni Egfridi nono, conferto gravi prælio inter ipsum & Ethelredum Regem Merciorum juxta fluvium Trente, occisus est Elwinus frater Regis Egfridi, juvenis circiter octodecim annorum, utrique Provinciæ multum amabilis. Nam & sororem ejus, quæ dicebatur Ostridh, Rex Ethelredus habebat uxorem. Cum materies belli acrioris & inimicitia inter Reges populosque feroces videretur exorta ; Theodorus Deo dilectus Antistes



divino functus auxilio salutifera exhortatione cœptum tanti periculi funditus extinguit incendium : adeo ut placatis alterutrūm Regibus ac populis, nullius anima hominis pro interfecto Regis fratre, sed debita tantummodo multa pecuniæ Regi ultori daretur. Cujus fœdera pacis multo exinde tempore inter eosdem Reges eorumque Regna duraverunt.

Anno DCLXX. Synodus facta est in campo Hetfeld de fide catholicâ, præsidente Archiepiscopo Theodoro ; in qua affuit Johannes Abbas Romanus, facta est Synodus sub die XV. Kalendarum Octobris, anno X. Egfridi Regis Humbronensium, Etilredi Regis Mercinensium VI. & Aldulfi Regis Est-Anglorum XVII. & Lotarii Regis Cantuariorum VII. anno Regni ejus. Quo etiam anno religiosa Christi famula Hilda Abbatisa Monasterii, quod dicitur Streneshalch, post multa quæ fecit in terris opera cœlestia, ad percipienda præmia vitæ cœlestis de terris ablata transit die XV. Kalendarum Decembrium, cum esset annorum LXVI. quibus æquâ partitione divisus, XXXIII. primos in sæculari habitu nobilissime converlata complevit ; & totidem sequentes nobilius in Monachicâ vitâ Domino consecravir. Nobilis etiam natu erat, hoc est, filia Nepotis Edwini Regis vocabulo Hereric.

Anno DCLXXXIV. Egfridus Rex Northanhimbrorum misso Hiberniam exercitu cum Duce Berchto, vastavit miserè gentem innoxiam, & nationi Anglorum semper amicissimam ; ita ut ne Ecclesiis quidem aut Monasteriis manus parceret hostilis.

Anno DCLXXXV. Egfridus Rex cum temere exercitum duxisset ad vastandam Pictorum Provinciam, multis prohibentibus amicis, & maxime beatæ memoriæ Cuthberto, qui nuper fuerat ordinatus Episcopus, introductus est simulantibus fugam hostibus in angustias inaccessorum montium ; & cum magnâ parte copiarum, quas secum adduxerat, extinctus est, anno ætatis suæ XL. Regni autem XV. die XIII. Kalendarum Juniarum. Successit autem Egfrido in Regnum Altridus, vir in scripturis doctissimus ; qui frater ejus & filius Oswini Regis esse dicebatur ; destructumque Regni <sup>1. statum.</sup> statum, quamvis intra fines angustiores nobiliter recuperavit. Quo videlicet anno Loterius Cantuariorum Rex, cum post Egbertum fratrem suum, qui novem annis regnaverat, ipse duodecim annis regnasset, mortuus est octavo Iduum Februarii. Vulneratus namque est in pugna Australium Saxonum, quos contra eum Edricus filius Egberti aggregaverat ; & inter medendum defunctus : ac post eum idem Edricus anno uno ac dimidio regnavit. Quo defuncto, Regnum aliquot temporis spatium Reges dubii vel externi disperdiderunt ; donec legitimus Rex Wichtredus, id est, filius Egberti, confortatus in Regno, religione simul & industriâ gentem suam ab extraneâ invasione liberaret. Ipso etiam anno, quo finem vitæ accepit Rex Egfridus, Episcopum fecerat ordinari Lindisfarnensium Ecclesiæ, virum sanctum & venerabilem Cuthbertum. Ordinatus est autem Eboracæ à Theodoro Do-robernenfi Archiepiscopo VII. Kalendarum Aprilis, ipso die Paschæ, convenientibus ad consecrationem ejus septem Episcopis, præsentibus præfato Rege Egfrido, quinto decimo anno Regni ejus.

Anno DCLXXXVII. Wilfridus à sede repulsus ab Egfrido Rege, post longum exilium in Episcopatum Hagustaldensis Ecclesiæ est receptus. Sanctus itaque Cuthbertus sciens in spiritu appropinquare diem sui transitus, repetiit Insulam mansionemque suam. Primâ igitur Ebdomadâ Quadragesimæ feria quarta cœpit agrotare ; & rursus quarta feria post mediam Quadragesimam tribus continuis Ebdomadibus in infirmitate decoctus, instante nocturnæ orationis tempore, perceptis sacramentis salutaribus, decimo tertio Kalendarum Aprilis migravit ad Dominum, luna prima anno Episcopatus sui III. anachorescos XII. Monachatus sui XXXIV. ex quo autem Rex Oswaldus & Aidanus Episcopus Pontificalem sedem in Lindisfarnea Insula institu-

erunt LIV. corpus illius ad Beati Petri Apostoli Ecclesiam, quæ in eadem insulâ est sita, delatum est; ibique ad dexteram Altaris petrino in sarcophago repositum.

Anno DCLXXXVIII. anno autem Regni Alfridi tertio, Cadwalla Rex Occidentalium Saxonum, cum genti suæ duobus annis strenuissime præesset, relicto Imperio propter Dominum Regnumque perpetuum venit Romam; hoc sibi gloriæ singularis desiderans adipisci, ut ad limina Beatorum Apostolorum fonte baptismatis ablueretur, in quo solo didicerat generi humano parere vitæ æternæ introitum; simul etiam sperans quia mox baptizatus carne solutus ad æterna gaudia jam mundus transiret; quod utrumque ut mente disposuerat, Domino juvante completum est. Etenim illò perveniens, Pontificatum agente Sergio, baptizatus est die sancto sabbati Paschalis; & in albis adhuc positus, languore correptus, XII. Kalendarum Maiarum die solutus à carne, & beatorum est Regno sociatus in cœlis: Qui vixit annos triginta imperante Domino Justiniano Augusto, anno consulatus ejus quarto. Successit in Regnum Yna de stirpe Regiâ; tenuitque Imperium XXXVII. annis.

Anno DCXC. Theodorus beatæ memoriæ Archiepiscopus senex & plenus dierum, id est, annorum LXXXVIII. defunctus est; quem se numerum annorum fuisse habiturum jamdudum somni revelatione edoctus suis prædicare solebat. Mansit autem in Episcopatu annis XXII. sepultusque in Ecclesiâ Sancti Petri in qua omnium Episcoporum Dorobernensium sunt corpora deposita. De quo una cum consortibus ejusdem sui gradûs recte ac veraciter dici potest; quod <sup>b</sup> corpora eorum in pace sepulta sunt; & nomen eorum vivet in <sup>b</sup> Eccl. XLIV. 13. generationes & generationes. Ut enim dicam; tantum profectûs spiritualis tempore præfulatus illius Anglorum Ecclesiæ, quantum nunquam antea potuere, ceperunt.

Anno DCXCII. successit Theodoro in Episcopatum Berchtwald; qui erat Abbas in Monasterio, quod juxta hostium aquilonale fluminis Genlade positum Racwlfus nuncupatur; vir & ipse scientiâ Scripturarum imbutus, sed & Ecclesiasticis simul ac Monasterialibus disciplinis summe instructus, tametsi prædecessori suo minime comparandus. Qui electus est quidem in Episcopatum die primo mensis Julii, regnantibus in Cantia Wichtredo & Sueshardo. Ordinatus est autem anno sequente tertio die Kalendarum Juliarum dominicâ à Godwino Metropolitano Episcopo Galliarum; & sedit in sede suâ secundo Kalendarum Septembrium die dominicâ. Qui inter multos, quos ordinavit Antistites, etiam Gelmundo Rosensis Ecclesiæ Præsule defuncto, Tobiam pro illo consecravit, virum Latina lingua & Græca & Saxonica atque eruditione multipliciter instructum. Wilfridus ab Alfrido Rege iterum expulsus est, & tredecim annis exulabat; & primò Romam adiit, & inde rediit, & in Mediterraneorum Anglorum regione morabatur; multaque diu loca pervagatus, Romam adiit, Britanniam rediit, divertens ad Australium Saxonum [partes qui] pagano adhuc <sup>c</sup> culturæ dediti [sunt.] ibi in illa patria <sup>c</sup> l. cultus. per quinque annos docebat evangelium.

Anno DCCIII. Æthelredus, postquam XXX. annis Merciorum genti præfuit, Monachus factus, Coenredo Regnum dedit.

Anno DCCV. Alfridus Rex Norhanhimbrorum defunctus est, anno Regni sui vigesimo necdum impleto, cui succedens in Imperium filius suus Osfred, puer octo circiter annorum, regnavit annis XI. & Wilfridus Episcopus in suam receptus est sedem; & IV. annis, id est, usque ad diem obitus sui vitam duxit in pace. Sicque eximius virtute venerabilis victor conscendit alti thronum anno XLV. accepti Episcopatus; corpusque ejus perlatum est in Monasterium ipsius, quod dicitur Ripun; & juxta honorem tanto Pontifici congruum in Ecclesia Beati Apostoli Petri sepultum.

Anno



Anno DCCVIII. Imperii autem Regis Ofredi quarto, Coenred qui Regno Merciorum nobilissime tempore aliquanto præfuerat, nobilius multo Regni sceptrum reliquit. Nam venit Romam, ibidem attonsus, Pontificatum habente Constantino; ac Monachus factus, ad limina Apostolorum in precibus, jejuniis & elemosynis usque ad diem permansit ultimum. Succedente Coelredo filio Æthelredi in Regnum; qui ante ipsum Coenredum idem Regnum tenebat.

Anno DCCXI. Bertfrihtus præfectus cum Pictis pugnavit.

Anno DCCXVI. Ofred Rex Norhanhimbriorum interfectus est & Coenred successit; & Rex Merciorum Ceolred defunctus est; & vir Domini Egbertus Hienenses Monachos ad catholicum Pasce & Ecclesiasticam correxit tonsuram.

Anno DCCXXV. qui erat annus septimus Ofrici Regis qui Coenredo successerat, Wihfredus filius Egberti Rex Cantuariorum defunctus est IX. die Kalendarum Maiarum; & Regni, quod per triginta quatuor semis annos tenebat, filios tres Ælbertum, Eadbertum & Alfricum reliquit hæredes. Anno quoque proximo Tobias Rotensis Ecclesiæ Præsul defunctus est, vir, ut supra meminimus, doctissimus. Erat enim discipulus beatæ memoriæ magistrorum Theodori Archiepiscopi & Abbatis Adriani; unde, ut dictum est, cum eruditione literarum vel Ecclesiasticarum vel generalium ita Græcam quoque cum Latinâ didicit linguam; ut tam notas ac familiares sibi eas quam nativitatibus suæ haberet loquelam. Sepultus verò est in porticu Sancti Pauli Apostoli, quam intra Ecclesiam Sancti Andreæ sibi ipse in locum sepulture fecerat. Post quod Episcopatus officium Aldulfus Berhtwaldo Archiepiscopo consecrante suscepit.

Anno DCCXXIX. apparuerunt Cometæ duæ circa solem, multum inuentibus terrorem incutientes. Una quippe solem præcedebat manè orientem; altera vespere sequebatur occidentem; quasi orienti simul & occidenti diræ cladis prælagæ. Vel certe una diei, altera noctis præcurrebat exortum; ut utroque tempore mala mortalibus imminere signarent. Portabant autem faciem ignis contra Aquilonem; quasi ad accendendum Arcturum. Apparebant mense Januario; & duobus ferme septimanis permanebant. Quo tempore gravissima Saracenorum lues Gallias miserâ cæde vastabat; & ipsi non multo post in eadem Provinciâ dignas suæ perfidiæ poenas luebant. Quo anno vir Domini Egbertus ipso die Paschæ, octavo Kalendarum Maii, migravit ad Dominum; & mox peracto Pascha, hoc est, septimo Idus Maii Ofricus Rex Norhanhimbriorum vitâ decessit; cum ipse Regni, quod XI. annis gubernabat, successorem pro eo Ceonulfum decrevisset, fratrem illius qui ante se regnaverat Coenredi Regis. Cujus Regni & principia & processus tot ac tantis redundare rerum adversantium motibus; ut quid de his scribi debeat, quemve habitura sunt singula finem, necdum scire valeat.

Anno DCCXXXI. Berhtwaldus Archiepiscopus longâ consumptus ætate, defunctus est die quinto Iduum Januarias; qui sedem annis XXXVII. mensibus VI. diebus XIV. gubernabat. Pro quo anno eodem factus est Archiepiscopus vocabulo Tatwinus, de Provincia Merciorum. Consecratus est autem in Dorvernensi civitate à viris venerabilibus Daniele Wentano & Igwaldo Lundoniensi & Aldulfo Rosenfi Antistitibus die X. Junii mensis Dominica; vir religione & prudentiâ insignis, sacris quoque litteris nobiliter instructus; anno adventus Anglorum in Angliam circiter CCLXXXV.

Anno <sup>a</sup> DCCXXX. eclipsis solis facta est XVIII. Kalendarum Septembris circa horam diei tertiam; ita ut pene totus orbis solis quasi nigerrimo & horrendo sicut videretur esse coopertus.

<sup>a</sup> Repone  
DCCXXXIII.  
ex Chronologia  
Saxonica  
p. 520. &  
Epitome Bedæ  
p. 490.

Anno DCCXXXIV. Luna sanguineo colore perfusa quasi horâ integrâ secundo Kalendarum Februarii circa gallicantum, dehinc nigredine subsequente ad lucem primam reversa est. In eodem verò anno Tatwinus Archiepiscopus & Beda Doctor cœli conscenderunt palatia.

Anno MLXV. ab Incarnatione Domini Sanctus Edwardus Rex, filius Æthelredi Regis, & filius Emmæ filiæ Ricardi Ducis Normanniæ, & frater Eadmundi Irneside ex parte patris, exactis in Regno XXIII. annis & mensibus VI. & XXVII. diebus, in vigiliâ Epiphaniæ fœlici monte vitam laudabilem terminavit; & secundo die Haraldus consecratus est in Regem. In sequenti verò anno Wilhelmus Comes Normanniæ venit in Angliam; & pugnavit contra eundem Haraldum Regem, & vicit eum cum exercitu suo apud Hastinge secundo Idus Octobris; & in proximâ nativitate Domini fullimatus est in Regem.

Anno<sup>b</sup> MXLVIII. Bellum in Bledunâ.

Anno MLXIX. ex quo corpus Beati Cuthberti ab Alduno Episcopo in Dunelmum est perlatum LXXXIII. tertio verò Regni Willelmi anno, idem Willelmus Rex Anglorum quendam Robertum cognomine Cumin populis Northanhimbrorum præfecit Comitem; qui cum mille ducentis hominibus Dunelmum veniens, & ibi per domos hostiliter agens, occisus est ibi cum suis omnibus, præter unum qui vulneratus evasit, V. Kalendarum Februarii. Unde Rex offensus ducem quendam, qui ejus mortem ulcisceretur, cum exercitu direxit. Cum autem ad Alvertuniam venissent, etiam manè factò Dunelmum profecturi essent; tantâ nebularum densitas est orta, ut vix astantes sese alterutrum videre, viam nec ullo modo valebant invenire. Stupentibus illis quid hoc esset, & conferentibus invicem quidnam facerent, affuit qui diceret homines illos quendam in urbe sua Sanctum habere nomine Cuthbertum, qui eis in adversis semper protector adesset; quos nemo impune illo vindicante lædere valeret. Quibus auditis, ad propria sunt reversi.

(b) Legendum videtur MLXVIII.

Anno MLXXI. Eadwinus Dux occisus est.

Anno MLXXV. obiit Eaditha Regina. Rogerus & Radulphus Duces voluerunt tradere Regem.

Anno MLXXVI. Walthevus Comes decollatus est.

Anno MLXXVIII. obiit Hermannus Episcopus Seresberiæ; & Osmundus successit.

Anno MLXXX. ventus validus in Natale Domini. Walcherus Episcopus Dunelmensis occisus est.

Anno MLXXXIII. obiit Matilda Regina.

Anno MLXXXIV. Wibertus Papa sedem accepit.

Anno MLXXXVII. obiit Willelmus Rex Anglorum; & Willelmus filius Regnum suscepit.

Anno MLXXXIX. Osmundus Episcopus constituit Canonicos triginta sex in Ecclesiâ Salesberienfi. Obiit Lanfrancus Archiepiscopus. Terræ motus factus est.

Anno MXCII. Osmundus dedicavit Ecclesiam Salesberiensem cum septem Episcopis.

Anno MXCIII. Anselmus ad Archiepiscopatum electus est.

Anno MXCIV. obierunt Malcolmus Rex Scottorum & Margarita Regina.

Anno MXCVI. Urbanus Papa iter Jerosolymis prædicavit.

Anno MXCVIII. Obiit Walchelinus Episcopus. Antiochia à Christianis capta est. Cometa apparuit.

Anno MXCIX. obierunt Osmundus Episcopus, & Urbanus Papa. Jerusalem à Christianis capta est.

Anno



Anno MC. obierunt Willelmus Rex junior, & Thomas Archiepiscopus senior. Henricus Regnum accepit.

Anno MCi. die natalis Domini in Basilicâ Beatæ Mariæ apud Bethleem [ Godefridus ] à Daiberto Patriarchâ unâ cum Episcopis Cleroque ac populo assistentibus in Regem honorificè sacrâ unctione sullimatus & coronatus est.

Anno MCII. Rogerus ad Episcopatum Seresberiæ electus est.

Anno MCIV. facta est incorrupti corporis Sancti Cuthberti translatio sive manifestatio post annos depositionis ejus CCCXVIII. & V. menses, & XII. dies; qui est quintus annus Regni Henrici Regis, Episcopatus verò Ranulfi sextus.

Anno MCV. Henricus Rex Baiocas incendit.

Anno MCVI. Henricus Rex Normanniam adquisivit. Cometa apparuit in mense Februarii.

Anno MCVII. ordinatio Rogeri Episcopi Sarisberiæ. Obiit Eadgarus Rex Scotiæ.

Anno MCVIII. obiit Gundulfus Episcopus, & Radulfus successit.

Anno MCIX. obiit Anselmus Archiepiscopus; & Henricus Rex Angliæ dedit Imperatori filiam suam.

Anno MCX. Cometa apparuit in mense Junio.

Anno MCXI. Boiamundus obiit & Eulalia Abbatissa. Papa Paschalis captus est Romæ.

Anno MCXIV. obiit Thomas Archiepiscopus junior.

Anno MCXV. obiit Maria Comitissa de Bolonia secundo Kalendarum Junii.

Anno MCXVIII. obierunt Paschalis Papa & Matildis Regina Angliæ & Arnulfus Patriarcha & Baldewinus Rex Jerusaleem.

Anno MCXIX. obiit Gelasius Papa: & terra mota est quarto Kalendarum Octobris.

Anno MCXX. Willelmus filius Henrici Regis & Ricardus frater ejus & Ricardus Comes de Cestriâ cum multis Nobilibus naufragio perierunt.

Anno MCXXII. obiit Radulfus Archiepiscopus Cantuariæ.

Anno MCXXIII. obierunt Johannes Episcopus Batoniæ & Robertus Episcopus Lincolnæ.

Anno MCXXIV. obiit bonæ memoriæ Alexander Rex Scottorum septimo Kalendarum Maii.

Anno MCXXV. Magna fames, & magnum Concilium: obiit Vicecomes.

Anno MCXXVIII. cœpit fundari Ecclesia sanctæ Crucis de Edenburgh.

Anno MCXXIX. obiit Willelmus Episcopus Wintoniæ, & Henricus consecratus est.

Anno MCXXX. Anegus Comes Muraviensis à Scottis interfectus est.

Anno MCXXXIII. eclipsis facta est Nonis Augusti.

Anno MCXXXV. obiit Henricus Rex Angliæ quarto Nonarum Decembris; & Stephanus ei successit.

Anno MCXXXVI. Willelmus Cantuariensis Archiepiscopus obiit; & Richardus filius Gilleberti. Dedicatio Glasguensis Ecclesiæ nonis Julii.

Anno MCXXXVII. quinto decimo Kalendarum Decembris, fuit bellum inter Scotos & Anglos.

Anno MCXXXVIII. Episcopus Salisburie & Episcopus Lincolnæ & Cancellarius capti sunt à Rege Stephano.

Anno MCXL. Stephanus Rex capitur Lincolnæ à Comite Glocestriæ & à cæteris qui sustentabat partem Imperatricis.

Anno MCXLVII. obiit Johannes Episcopus de Glasgu. Iter Jerosolymis secundo prædicatur.

Anno MCLI. dedicata est Ecclesia de Dunfermelin. Alwinus Abbas à curâ pastorali se sponte deposuit ; & Osbertus eandem suscepit. Obiit etiam ipse Osbertus Abbas eodem anno, XV. Kalendarum Decembris.

Anno MCLII. Willelmus Abbas electus est : obiit Matildis Regina Angliæ quinto Nonarum Maii. Obiit Henricus Comes Northanhumbro- rum filius David Regis Scotiæ secundo Idus Junii. Aſcalon à Christianis capta est.

Anno MCLIII. obiit piæ memoriæ David Rex Scottorum IX. Kalendarum Junii. Dominicâ ante Ascensionem Domini. Cui successit in Regnum Malcolm nepos ejus ætate XLII. annorum, filius Henrici prædicti Comitis Northumbriæ. Obiit Eugenius Papa ; Cui successit Anastasius. Et Abbas Bernardus Claravallensis, & Eustachius Comes filius Stephani Regis Anglorum. Rader quoque Comes Cestriæ, & Simon Comes Northamptoniæ. Henricus etiam Archiepiscopus Eboracensis. Stephanus Rex Angliæ cum Henrico nobilissimo Comite Andegaviæ pacem & fidem perpetuam in die festo Sancti Leonardi Abbatis iniit. Eo die apud Scotiam, Sumerled & nepotes sui, filii scilicet Malcolmi. associatis sibi plurimis insurrexerunt in Regem Malcolm ; & Scotiam in magna parte perturbantes inquietaverunt.

Anno MCLIV. Willelmus Archiepiscopus Eboracensis permittente piissimo Papâ Anastasio ad Archiepiscopalem Cathedram cum summo honore reversus est ; & intra septem septimanas defunctus est. Hugo etiam Romæ consecratus Dunelmensem Episcopatum suscepit. Maxima fames & pestilentia animalium apud Scotiam facta est. Arturus Regem Malcolm proditurus duello periit. Obiit Gaufridus primus Abbas de Dunfermelin ; Et nepos ejus Gaufridus in loco ejus successit. Rogerus de Ponte Episcopi in Archiepiscopatum Eboracensem consecratus est. Obiit Stephanus Rex Angliæ VIII. Kalendarum Novembris : Et Henricus Dux Normanniæ XIV. Kalendarum Januarii Regni diademate insignitur. Obiit Dunecan Comes de Fif. Malcolm Rex dedit Ecclesiam de Travernent Canonicis de Castello Puellarum. Christianus in Episcopum Galwariæ eodem die, quo & Rex Angliæ Henricus, ab Archiepiscopo Rotomagenſi apud Bermundeseiam consecratus est.

Anno MCLV. obiit Anastasius Papa ; cui successit Adrianus. Obiit Ailwinus Abbas primus Ecclesiæ Sanctæ Crucis.

Anno MCLVI. Doſnaldus filius Malcolm apud Witterne captus est, & à patre suo incarceratus.

Anno MCLVII. Malcolm Machel cum Rege Scottorum pacificatus est. Rex Angliæ Henricus exercitum duxit in Walliam ; & ibi Eustachius filius Johannis cum pluribus aliis cecidit. Tandem Walenses pacem cum Rege fecerunt. Rex Scotiæ reddidit Regi Angliæ Northanhimbriam & Cumberlandiam. Rex autem Angliæ reddit ei Comitatum Untenduniæ. Fratres plures Templi Jerosolymorum in prælio corruerunt.

Anno MCLVIII. Obiit bonæ memoriæ Robertus Episcopus Sancti Andree. Rex Scotiæ Malcolm ivit cum Rege Angliæ Henrico ad Tolosam ; & ab eodem Rege Henrico gladio militiæ accinctus est in Turonensi. Obiit Willelmus Comes Boloniæ filius Stephani Regis. Obiit Adrianus Papa ; cui successit Alexander, expulso Octaviano, qui in sedem Apostolicam profanè aspiravit. Willelmus Episcopus Muravenſis missus Romam à Rege Malcolmo, à præfato Papâ Alexandro cum summo honore susceptus, ad Scotiam cum gratia & electione sedis Apostolicæ remissus est.

Anno MCLX. Rex Malcolmus duxit exercitum in Galwaiam ter ; & ibidem inimicis suis devictis, fœderatus est cum pace ; & sine damno suo remeavit. Fergus princeps Galwaiæ habitum Canonicum in Ecclesia Sanctæ Crucis de Ednesburch suscepit ; & eis villam, quæ dicitur Dunroden, dedit. Ernaldus



Abbas de Chelcou in Episcopum Sancti Andree electus est ; & à Wilhelmo Muraviensi Episcopo & Apostolicæ sedis Legato in ipsâ Ecclesiâ Sancti Andree [consecratus est] & Walterus in ejus locum surrexit. Johannes in Abbatem de Chelcau electus est, & ab Hereberto Glasguensis Episcopo benedictus.

Anno MCLXI. Obiit Teodbaldus Cantuariensis Archiepiscopus. Obiit Fergus Princeps Galwaie quarto Idus Maii.

Anno MCLXII. Obiit Wilhelmus Muraviensis Episcopus & Apostolicæ sedis Legatus nono Kalendarum Februarii. Thomas Cancellarius Regis Angliæ in Archiepiscopum Cantuariæ consecratus est. Elda soror Malcolmi Regis Scotiæ nupsit Florentio nobili Comiti Hothlandiæ. Obiit Isaac Prior de Sconâ ; & Robertus Canonicus de Jedeuadere primus Abbas in eadem Ecclesia constitutus est. Obiit Ernaldus Episcopus Sancti Andree & Apostolicæ Sedis Legatus Idus Septembris.

Anno MCLXIII. Henricus Rex Angliæ pacatis transmarinis partibus \* \* \* \*

†

HISTO-

# HISTORIA

C O E N O B I I

## A B E N D O N I E N S I S

A primâ ejus Fundatione ad annum Domini MCXXXI. ex Ad-  
ditamentis Chronici FLORENTII WIGORNIENSIS, autore Mona-  
cho ABENDONIENSI.

[De qua in superioribus Dissertationibus sæpiùs facta est mentio.]

Æra Mariani Scoti  
DCCCCLXX.

Æra Dionysii Exigui  
DCCCCXLVIII.

**I**Nclyti Regis Edredi tempore vir Domini Æthelwoldus, qui in Mona-  
sterio Gleaſtonienſi in Monachico habitu ſub Abbate Dunſtano Domino  
Jeſu Chriſto devotè ſerviebat, cupiens ampliori ſcripturarum ſcientiâ  
doceri, decrevit ultra marinas adire partes. Sed Regina Eadgiſa ma-  
ter Regis memorati prævenit ejus conſilia, dans conſilium Regi, ne ta-  
lem virum fineret egredi de regno ſuo: inſuper aſſerens tantam in eo fuiſſe  
Dei ſapientiam, quæ & ſibi & aliis ſufficere poſſet; quamvis ad alienæ pa-  
triæ fines ob hanc cauſam minime tenderet. Quibus auditis delectatus Rex,  
magnam circa Dei famulum cœpit habere dilectionem; placuitque ei ſua-  
dente matre ſua <sup>a</sup> dare Sancto viro quendam locum vocabulo Abbandoniam;  
in quo modicum antiquitus Monasterium habebatur, ſed erat tunc neg-  
lectum ac deſtitutum, vilibus ædificiis conſiſtens, & XL. tantum manſas  
poſſidens; reliquam verò præfati loci terram, quæ centum caſſatorum luſtris  
hinc inde giratur, Regali dominio ſubjectam Rex ipſe poſſidebat. Quis au-  
tem antiquorum illius primum inſtitutor fuerit, monimento veterum accepi-  
mus; quod † Ciſſa Rex \* Heano cuidam religioſæ vitæ viro ac Abbati  
ſimulque ſorori ejusdem Ciſſæ nomine locum ad omnipotentis cultum con-  
ſtruendi cœnobii dedit, quod Abbandun antiquitus appellatur, collatis ad hoc  
Regio munere plurimis beneficiis & poſſeſſionibus ob vitæ neceſſarium inibi  
forte degentium. Verùm non multò poſt antequam inſiſteretur designato  
operi, Rex ipſe obiit. Rex autem Ina primò donationes ſupradictas irritas  
fieri decrevit; demum facti pœnitens, de ſuis etiam eaſdem longè uberius  
auxit; adeò <sup>b</sup> ut CCL. Caſſatorum deſcriptionem ſub anno Incarnationis  
Dominicæ DCXCIX. regali edicto ſanciret, prædicto Abbate Heano regi-  
men loci tenente. Horum poſteriori tempore teſtamentum Principum Æthel-  
baldus Rex ſuæ quoque authoritatis collatione ratum eſſe conſtituit ſub Da-  
nielis antiſtitis & † Cumani ejusdem loci Abbatis atteſtatione.

<sup>a</sup> Reperitur  
Charra hujus  
donativa in  
Monastico  
Angl. Tom. I.  
p. 101. data  
anno 955.

<sup>b</sup> Exat ea de  
re Charta Inæ  
Regis, in Mo-  
nastico Tom.  
I. pag. 99.  
quæ quidem  
CCLXXIII.  
caſſatos nume-  
rat.

† Regulis fuit Comitatum Wiltoni-  
enſis & Bearacenſis ſub Kinwino Weſt-  
ſaxonum Rege. Sic Hiſtoria Abbendo-  
nienſis in Monastico Angl. Tom. I. p. 97.

\* Heano Ciſſæ nepos fuit; Cœnobium

autem Abbandonienſe conſtruxit anno 675.  
ſi Hiſtoriæ modò citatæ fides.

† Conanum vocat, & Heano immediatè  
ſucceſſiſſe, Conano Rethuunm prodiit Hi-  
ſtoria Abandon. ibid. p. 98.



<sup>a</sup> Habetur  
privilegium  
iſtud in Mo-  
naſtico Tom.  
I. p. 100.

<sup>b</sup> f impetra-  
vit.

Succedentibus nonnullis poſtea annis, Kenulfo Rege juſ regium obtinente, Rethunus quidam officio Episcopali functus Abbatis locum in Abbandoniâ eſt adeptus. Qua tempeſtate idem Cœnobium tam gravibus implicabatur Regis officialiumque ejus exactionibus; ut maximum ſuarum rerum illic commanentibus fieret tadium. Siquidem Rex ipſe [plus] ſolito convivium ſibi requirere, & homines, quos ſolidarios dicimus, ſibi ſubdiurnandos conſueverat commendare. Officialium autem venatorum & falconariorum Regis quiſque pro poſſe poſſeſſiones Eccleſiæ vexabant. Unde vir ille unum invenit remedium, pretio cum precibus obviuſ ire. Centum itaque & XX. libras necnon & C. manentes ad Regalem villam, quæ Suthun dicitur, eo tenore Regi obtulit; quatinuſ omni poſt tempore in Abbandoniâ & in univerſis ejus poſſeſſionibus libertas prædictarum inquietudinum fieret. Cujus voluntati Rex in omnibus aſſenſum præbuit. <sup>a</sup> Quod decretum anno Regni ſui XXV. ab incarnatione vero Dominicâ DCCCXXI. fancitum eſt. Hiſ itaque peractis, Antiſtes ille Romam adiit; Sanctum Papam Leonem Petri Apoſtoli vicem tunc agentem repperit; qui ejus itineris cauſam audiens, benigne ut requirebat Abendonienſis loci libertatem Apoſtolicâ authoritate fancivit; Regique Kenulfo & cæteris in Anglia potentibus litteras dirigens, hortatuſ eſt eos ad reverentiam cultumque ejuſdem loci. Quæ poſtquam ille <sup>b</sup> patravit, in ſummâ quiete quoad vixit cœnobium illud gubernavit. Poſt cujuſ diſceſſum quid huic loci contigerit uſque ad glorioſi Principis Æthelſtani imperium, quia nuſquam certi quicquam addiſcere potui, ſuo meo ſtilo caruiſſe officio. Rege Æthelſtano regnante, & Abendonienſi cœnobio præſidente Cinatho Abbate, villas quæ ab incolis Swinford & Sanford vocantur & Dumeltun in Gloceſtræ Comitatu ſitam largituſ eſt Anno ab Incarnatione Dominicâ DCCCCXXXI. Nec multo poſt Rex ipſe obiit. Poſt obituſ verò ejus ad tantam eſt ſolitudinem redactum; ut omnibus ſibi adjacentibus poſſeſſionibus regio ſubactis dominio, à Monachis omnino deſtitueretur. Cujus infortunii malum quibus ex cauſis acciderit, nil veri ad meam pervenit noti- tiam. Veruntamen teſtamentorum libri poſſeſſiones Eccleſiæ continentium reſervati ſunt Dei providentiâ; à tempore autem Inæ Regis, ſub quo Cœnobium primò conſtructum eſt, ad hanc ejus deſolationem CC. & XL. revolutio annorum fuiſſe reputatur.

Factumque eſt conſentiente Dunſtano Abbate ſecundum Regis voluntatem, ut vir Dei Æthelwolduſ prænotati loci † ſuſciperet curam; quatinuſ in eo Monachos ordinaret regulariter Deo ſervientes. Venit ergo ſervuſ Dei ad locum ſibi commiſſum; congregavitque ſibi in brevi ſpatio gregem Monachorum, quibus ipſe Abbas jubente Rege ordinatuſ eſt. Dedit \* etiam Rex poſſeſſionem Regalem, quam in Abandonia poſſederat, hoc eſt, centum caſ- ſatos cum optimis ædificiis, Abbati & fratribus ad augmentum cotidiani vi- ctuſ; & de regio theſauro ſuo multum eos in pecuniis juvit. Sed mater ejus largiùſ ſolatia munerum eis direxit.

Venit ergo Rex quadam die ad Monasterium, ut ædificiorum ſtructuram per ſeipſum ordinaret; menſuſque eſt omnia fundamenta propriâ manu, quem- admodum muros erigere decreverat: rogavitque eum Abbas in hoſpitio cum ſuiſ prandere. Annuit Rex ilico; & contigit adeſſe ſibi non paucos Opti- matum ſuorum venientes ex gente Northanhimbrorum, qui omneſ cum Rege

† Ethelwolduſ primuſ Abbas Abban- doniæ factuſ eſt anno 954. juxta Hiſtoriam Glaſtonienſem in Monaſtico Angl. Tom. I. p. 16. Apud Ingulphum tamen ſubſcrip-

ſiſſe Chartæ Edredi Regiſ datæ Cœnobio Croilandenſi anno 948. reperitur.

\* Diploma Edgari Regiſ hac de re ex- tat in Monaſtico Tom. I. p. 102.

adierunt convivium. Latatusque est Rex, & jussit abunde propinare hoſpiti-  
bus hydromellum. Quid multa? hauserunt miniſtri liquorem tota die ad  
omnem ſufficientiam convivantibus; ſed nequivit ipſe liquor exhauriri de  
vaſe niſi ad menſuram palmi, gaudentibus Northanhimbris & veſperi cum  
lætitia recedentibus.

Operariorum providere alimenta Ælſtanus Monachus præcepto Abbatis  
curam acceperat. Accidit namque quadam die, dum Abbas more ſolito pe-  
ragraret Monasterium; ut aspiceret illum fratrem ſtatem juxta fervens cal-  
darium, in quo victualia præparabat artificibus. Et intrans vidit omnia vaſa  
mundiſſima ac pavementum ſcopatum. Coxitenim carnes cotidie ſolus, &  
operariis miniſtrabat, focum accendens, & aquam apportans, & vaſa denuo  
emundans. Dixitque ei Sanctus Æthelwoldus: 'O mi frater, ſi talis  
'miles Chriſti es, qualem te oſtendis; mitte manum tuam in bullientem  
'aquam, & unum fruſtum de imis mihi impiger attrahe. Quod ſine mora  
fecit, non ſentiens calorem ferventis aquæ. Quo viſo Abbas jussit deponi  
fruſtum, & nemini hoc indicare viventi. Qui cùm poſtea ob vitæ meritum  
Pontificatus culmen apud Wiltonam adeptus fuiſſet; adveniente ſui ab hac  
vita evocatione Abandoniam deportatus atque ſepultus eſt anno ab incarnati-  
one Chriſti DCCCCLXXX.

Erat & puer in eodem Monasterio puræ innocentiae ſtudii, nomine Ædme-  
rus, quem Abbas ac fratres nimium diligebant. In tali itaque ætate & gra-  
tiâ conſtitutus, infirmitate correptus pervenit ad vitæ ultima. Cumque ex-  
itûs horam præſtolaretur; ſubito in ecſtaſi factus, cœleſti ſe intereſſe curiæ at-  
que ibi matrem Dei Mariam reſidere conſpicatur. Ante eam itaque hic ado-  
leſcens adducitur, atque ab eadem an cum aſſiſtentibus ſibi amodo remanere,  
an in vitâ adhuc mortali degere velit, affabili ut ſemper eſt vultu ſciſcitatur.  
Ille nil triſtitiæ, nil indigentiae his, quos intendebat, aſſeſſe conſiderans, malle  
ſe illic dixit quam aliàs, ſi mereretur, jam aſſociari. Cujus delectationi cum  
effectus fore promitteretur; inter viſionis illius gaudia ad ſe reverſus, Abbati  
ſuo quæ viderat quæque audierat pandit. Et ut vera eſſe quæ narrarat pro-  
barentur; ſpiritus ejus à corpore exiens mox illius, quam acceperat, promiſ-  
ſionis in Sanctorum cœtu compos efficitur.

<sup>a</sup> Ut diſtriſtoris autem vitæ tramitem cùm è diverſis Angliæ partibus  
viri Dei Æthelwoldi auditâ ſanctitate plurimi differenti more legendi canen-  
dique inſtituti ad eum convenirent atque reciperentur: volens eos in Eccle-  
ſiâ conſonâ Deo voce jubilaré, ex Corbienſi Cænobio, quod in Francia ſitum  
eſt, Eccleſiaſtica eâ tempeſtate diſciplina famoſum, viros accerſiit ſolertiſſi-  
mos; ut illos in legendo pſallendoque ſui imitarentur.

<sup>a</sup> l. Ad.

Ad beati quoque Benedicti cænobium Floriacum de ſuis Monachis unum  
Oſgarum nomine tranſmiſit, normam vivendi, prout illic mos erat, diſcere  
ac in domum reverſum ſocios horum quæ didicerat participes efficere:  
Quibus rebus factum eſt; ut qui novitii in Eccleſiaſtico inſtituebantur diſci-  
pulu, brevi aliis in Anglia perfectiores doctioresque prædicarentur. San-  
ctus etiam Æthelwoldus trium Regum ſibi invicem in Regno ſuccedentium,  
dum regimen Abbatiae gereret, ſimul & Archiepiſcoporum, Antiftitum, Ab-  
batum, Primatumque Regni confirmatione ac auctoritate tria privilegia  
de loci libertate acquiſivit canonica ac regali deſcriptione roborata. Ea tem-  
peſtate non habebantur Monachi in gente Anglorum, niſi tantum qui in  
Glaſtonia morabantur & Abandonia. Quanta verò ipſa fratrum collectio  
profecerit, Regnum Angliæ quamdiu conſtiterit teſtabitur; in cujus multis  
regionibus à patre Æthelwoldo Cænobia fundata celeberrima, ac de ejus Mo-  
nachorum numero Abendoniae electi Abbates cum Monachis & illic ſunt di-  
recti. Quorum iſta ſunt vocabula, Heli, Burch, Torni. In quibus hujus  
hominis quanta fuerit probitas, <sup>a</sup> miranda eſt; cùm [quod] ſolus tot Ec-

<sup>a</sup> l. mirandum.  
cleſias



cleſias in Anglia conſtruxerit, tum quòd tales diſcipulos habuerit, ut quidam Archiepiſcopi, nonnulli Epifcopi, plures verò Abbates ac Monaſteriorum fundatores fierent. Ante verò quam ipſe vir Sanctus ad Epifcopatum eligeretur; ditatus eſt locus, quem regebat, ſcilicet Abendonienſis, ſexcentis & eo amplius caſſatis, inſuper & æternæ libertatis ſuffultus privilegiis divina ſimul & Regia auctoritate conſcriptis, quæ laminis aureis ſigillata inibi uſque hodie conſervantur.

DCCCCLXXXV.

DCCCCLXIII.

\* Sanctiſſimus Æthelwoldus venerabilis Abbas Abendonienſis Eccleſiæ, à Beato Dunſtano educatus, mortuo Brihthelmo Epifcopatum Wintonienſis Eccleſiæ ſuſcepit; & eodem anno juſſu Regis expulſis Clericis, Monachis Abendonienſibus vetus Monaſterium inſtituit. Hic namque Regem eximium, cujus erat Conſiliarius, ad hoc maxime provocavit; ut Clericos à Monaſteriis expelleret, & Monachos Sanctimonialesque in eis collocari juberet. Vice verò S. Æthelwoldi Abendonix Abbas conſtituitur Oſgarus ejuſdem Monaſterii Monachus. Sed quia Eccleſiam Abendonienſem ante ſuſceptum Epifcopatum dedicandam reliquerat; poſt ſui conſecrationem & ipſam unâ cum B. Dunſtano & aliis nonnullis Coepiſcopis ſuis in honore Dei Genitricis Mariæ conſecravit V. Kalend. Januarii.

DCCCCXCIX.

DCCCCLXXVII.

Domnaniæ Præſul Sidemannus obiit; cujus corpus Abandoniam deferretur, & in porticu S. Pauli Apoſtoli illic decenter humatur.

MVI.

DCCCCLXXXIV.

† Sanctus Æthelwoldus Wintonienſis Epifcopus, Indiſtione ſecundâ, Kalendis Auguſti è ſæculo migravit. Domnus etiam Oſgarus Abbas Abendonix per idem tempus diem clauſit ultimum.

MVII.

DCCCCLXXXV.

Erat tunc Major domûs regiæ Ælfricus quidam præpotens, fratrem habens \* Edwinum inſtitutione Monachum. Hic apud Regem pretio exegit; ut frater ejus Abendonix Abbas præficeretur. Quod & factum eſt.

MXII.

DCCCCXC.

† Edwinus Abbas Abendonienſis obiit; cui ſucceſſit vir venerabilis Wulgarus.

MXXVIII.

MVI.

Alfricus Dorobernenſis Archiepiſcopus obiit; & ſepultus eſt Abandonix, unde Monachus extiterat: ſed regnante Kanuto Rege ad ſedem ſuam tran-

\* De Ethelwoldi promotione paria habet Florentius vulgatus; de Oſgari ſucceſſione ſilet: quam tamen narrat *Historia Abendonienſis* in *Monastico Tom. 1.* pag. 105. & Wolſtanus in *Vita Ethelwoldi* cap. 21.

† Ethelwoldi obitum reſert etiam Florentius vulgatus; de Oſgaro tacet. Præter Florentium, Wolſtanus etiam Ethelwol-

dum die dicto obiſſe confirmat in *Vita* ejus, cap. 41. Elfricus tamen (in ejuſdem *Vita MS.* citata à Mabillonio, *Act. Benedict. Sæc. V.* pag. 619.) obitum illius die 3. Calend. Auguſti contigſſe narrat.

\* Eadwinum vocat Florentius vulgatus, qui ſucceſſionem ejus perfunctoriè narrat.

† Haud diſſimilia Florentius vulgatus.

ſtatus eſt. Cui Wintonienſis Epiſcopus Alfegus ſucceſſit ; & pro illo Kenul-  
fus Epiſcopatum ſuſcepit.

MXXXIX.

Pius Paſtor Abbas Abendonix Vulgarus obiit anno XXVIII. ex quo illum  
divina pietas eidem Eccleſiæ præfecit. Cuius Abbatis induſtriâ vigilante, nec-  
non & Dei miſericordiâ protegente, inter tam diſſidentes in Angliâ motus  
Cænobium Abendonenſe à Danorum devaſtatione permansit immune ; cum  
dextrâ lævâque hoſtium incurſio paſſim loca univerſa ſubrueret ; aut ſi bene-  
volentior fieret, maximo ſeſe pretio habitatores eorum redimere ſineret. Cui  
in Paſtoralitate Domnus Adelwinus ſucceſſit. Quem Rex Kanutus pro lau-  
dabilis vitæ merito ſecretorum ſuorum conſcium efficiens, à noxiis ſeſe re-  
trahere ac recta appetere ejus ſuaſionibus ſtudebat. Hinc & Cænobium Ab-  
endonenſe à Rege diligitur, & muneribus ejus cumulatur. Nam inter alia  
ſua donaria capſam de argento & auro parari fecit ; in qua S. Vincentii Le-  
vitæ & Martyris reliquiæ collocarentur.

MXVII.

MLII.

Venerabilis Abbas Abendonix Adelwinus obiit. Cui ex hac vitâ dece-  
denti Siwardus ex Gleſtonienſi Cænobio Monachus ſucceſſit, tam ſæcularium  
quàm eccleſiaſticarum vigore admodum ſultus.

MXXX.

MLXVI.

Hoc anno Cantuarienſis Metropoleos Archiepiſcopus Edſius accitum Siwar-  
dum Abbatem Abendonix, quem prudentiâ plurimum vigere noverat, Re-  
gis conſenſu & regni Primorum Pontificatûs decoravit apice, ac Patriarchatûs  
ſui vice ipſum fungi inſtituit. Nam ipſe privatis uti volebat ; quia ægritu-  
dine laborabat. Abendonienſi autem Eccleſiæ Æthelſtanus ejuſdem loci  
Sacriſta Abbas conſtitutus eſt.

MXLIV.

MLXX.

Vir Domini Æthelſtanus Abbas Abendonix obiit ; cui ſucceſſit quidam  
de Monafterio S. Eadmundi Monachus, in auri argentique fabrificio operator  
mirificus, nomine Speraſoc.

MXLVIII.

MLXXI.

Sed & Archiepiſcopi vices \* moderans Siwardus, ægritudine correptus,  
Abandoniam à Cantia æger deſertur ; & duobus illic menſibus lecto deten-  
tus, ab hac vitâ educitur ; atque ibidem ſepelitur.

MXLIX.

MLXXII.

Speraſoc Abbas Abendonienſis Londoniæ Præſulatum ſuſcepit ; ſed ante-  
quam eſſet conſecratus, à Rege Edwardo eſt ejeſtus. Venerat per hōs dies  
ad Regem quidam de Norwegiâ gente Epiſcopus vocabulo Rodulfus, regi  
propinquus. Hic Abendonienſibus Abbatis jure præficitur.

ML.

MLXXIV.

Rodulfus Epiſcopus & Abbas Abendonienſis Eccleſiæ obiit ; cui ſucceſſit  
Ordricus ejuſdem Monafterii Monachus.

MLII.

\* Archiepiſcopi Core- | vulgatus, qui obitum  
piſcopum vocat Florentius | ejus breviter perſtringit.

MLXXXVII.



MLXXXVII.

Abbas Abendonæ Ordricus postquam Domum sibi commissam honorificè gubernasset, & à memoriâ Principum Apostolorum ad sua remeasset; diutinâ coctus ægritudine, diem fortitur ultimum. Faldredus verò in eodem Monasterio Præposituræ officium exhibens, Abbatæ dominatum post illum adipiscitur.

MLXV.

MXCIII.

Aldredus etiam Abbas Abendonæ apud Castellum Walingafordense in captione ponitur. Sed aliquanto post tempore inde eductus, in manus Wintoniensis Episcopi Walchelini servandus committitur; apud quem mansit quoad vixit. Cui in Abbatiam successit Athelelmus de Monasterio Gemmetico Monachus.

MLXXI.

MCVI.

Abbas Athelelmus Abendonensis Ecclesiæ obiit. Cui successit Rainoldus, & ipse Monachus Gemmeticensis Ecclesiæ.

MLXXXIV.

MCXIX.

Decessit etiam Domnus Rainaldus Abbas Abendonæ [post cuius obitum Rex] Abbatiam Abendonæ & alias plures in manu suâ [usque ad obitum] tenuit.

MXCVII.

MCXXII.

Quarto itaque mense regni illius [*Henrici I. Angliæ Regis*] die omnium Sanctorum per mahum Episcopi Lincolnienfis Rotberti Domnum Faricium ex Malmesburiensi Cænobio Monachum Abendoniam direxit; & ut debitam illi subjectionem deferrent, Monachis mandavit: utiliore eis fore nusquam ut rebatur posse se providere Patronum contestans. Hic itaque genere Italicus, sæculari prudentiâ cautissimus, literarum adprimè scientiâ optime eruditus; medicinæ peritiâ adeò exercitatus, ut ejus solius <sup>a</sup> antidotum confectionibus Rex ipse se crederet sæpe medendum. Erat & Romanæ Ecclesiæ notus; cum & in eâ tum multis & in aliis Ecclesiis per Ausonias oras diu deguerit. Quare tantæ opinionis personam Archiepiscopo Anselmo ab hac vita migrato parasset Rex substituere; nisi normâ æquitatis ejus inflexibilis quibusdam majoris ordinis Ecclesiastici suspectâ, ipsorum factione id tum perturbaretur.

MC.

<sup>a</sup> l. antidoto-  
rum.

MCXXXIX.

Vir etiam laudabilis Domnus Faricius Abbas Abendonensis Ecclesiæ, cum ejus industria opes illius Ecclesiæ multiplicatæ de die in diem augmentarentur, decidit in ægritudinem: qua ex hac luce subtractus à laboribus suis beato fine quievit, XVII. videlicet regiminis sui anno, VII. Calend. Martii.

MCXVII.

MCXLIII.

Rex etiam Optimatum suorum consilio Abendonensi Ecclesiæ præfecit in Pastorem quendam bonæ famæ virum nomine Vincentium ex Gemmeticensi Ecclesia Monachum, cunctis qui aderant id laudantibus. Erat enim valde benignus, ac pietatis gratia plenus. Omnibus compatiebatur, omnes pro affectu diligebat.

MCXXI.

†

MCXLVII.

MCXLVII.

\* Vir non modicæ prudentiæ, duorum Episcoporum Wigornienſium, Samſonis videlicet & Teovulfi, Archidiaconus Hugo nomine XII. Calend. Aprilis obiit.

MCXXV.

MCLII.

Venerabilis Abbas Abendonix Dominus Vincentius decimo anno ſui regiminis IV. Calend. Aprilis ex hac vita deceſſit. —† Prior etiam Wintonienſis Eccleſiæ Ingulfus \* nomine apud Wudeſtoke Abbas electus Abendonienſi Eccleſiæ, à Rogero Selesberienſi Præſule VI. Idus Junii die Dominica conſecratur Salesbiriæ.

MCXXX.

\* Iſta quidem, quamvis ad Hiftoriam Abendonienſem parum facientia, addere conſultum duxi; ne quid noſtri Codicis Additamentorum prætermitteretur.

† Iſta habet & Continuator Florentii Wigornienſis.

\* Privilegium Eugenii III. Papæ illi datum invenitur in Hiftoriâ Abendonienſi in Monaſtico Tom. I. p. 107.

Additamenta ex Hiftoriâ prolixâ Cœnobii Abendonienſis à Lucio Rege ad Richardum I. Regem. MS. in Bibliothecâ Cottoniana *Claudus B. 6.*

**I**Ngulfus Abbas obiit † anno XXIX. regiminis ſui, anno quarto regni Henrici II. die XIII. Cal. Octobr. cui à Rege in loco Paſtoris ſubſtituitur Walkelinus, Eccleſiæ Eweſhamenſis Monachus, vir circa poſſeſſiones Eccleſiæ ſibi commiſſæ fidelis & prudens, in revocandis quoque priorum paſtorum negligentia perditis ſtudioſus. Qua de cauſâ à Rege plurimum dilectus, ab eo in Abbatem promotus eſt. Walkelino Abbate mortuo

Godefridus Episcopus de S. Aſaph, quem Henricus II. Rex iſtius domûs conſtituit Procuratorem, IX. annis & dimidio vicem gerens Abbatis in omnibus tam in ordine intrinſecus quàm in procuratione forinſecus. Godefrido demum ab Abbatia amoto, \* ſucceſſit ei

Rogerus, † qui IX. annis & dimidio præfuit huic domui. Iſto deſuncto Thomas de Huſſelburnâ Clericus tranſmiſſus eſt à Rege Henrico II. ad cuſtodiam Abbatia.

Amoto tandem Thoma à procuratione domûs iſtius, Henricus II. Rex dedit Abbatiam Abendonix Alfredo Priori Roveceſtriæ. Alfredus obiit eodem menſe quo Ricardus Rex Angliæ coronatus eſt. Succeſſit ei

Hugo Abbas, vir bonæ memoriæ.

† Anno Domini 1159. juxta Annales Wintonienſis.

\* Amotus eſt anno 1175. ex fide Be-

nedicti in Hiſt. MS. de geſtis H. II. Regis.

† Iſtum Bermundæſiæ Priorem antea fuiſſe tradunt Annales Wintonienſes.

Z

CHAR.



Charta ÆTHELREDI Regis data WLFSSINO Episcopo & Cœnobio SCIREBURNENSI.

[De qua facta est in superioribus Dissertationibus mentio.]

**A**NNO Dominicæ Incarnationis nongentesimo nonagesimo octavo ego Æthelredus totius Albionis Dei gubernante moderamine basileus, suadente Archiepiscopo Alfrico, de consilio meorum Principum seu nobilium inque . . . . . annui Episcopo Wlffino ordinare Monachicæ conversationis normam castam . . . & Deo amabilem secundum institutionem sancti patris Benedicti in . . . . . Scireburnensis Ecclesiæ; eâ ratione videlicet, ut quisquis successor ei advenerit sive Præsul, crudelis si fuerit, facultatem . . . tractare res Monachorum. Sit pastor non tyrannus . . . . . utilitatem secundum pastorem auctoritatem . . . . . pascat suos & se servientes. Habeat ipse solus victum inter fratres. Scriptum est enim . . . . . esto in illis quasi unus ex illis. Regat ipse . . . . . substantiam Monasterii . . . . . ita duntaxat, ut Fratrum consilium sit . . . . . quicquid. . . . . Et si quando quod absit evenierit, ut Pastor & grex discordent; semper iudex . . . Archiepiscopus se præbeat . . . . . ut iusta correctio sequatur. Et quia mos minimè . . . . . ut in Episcopali Sede Abbas constituatur; fiat ipse Episcopus eis Abbas & pater; & ipsi Fratres obedientes ei sint sicuti filii & Monachi cum castitate & humilitate & subiectione secundum disciplinam almi patris nostri Benedicti; ut unâ bravium æternæ coronæ accipere mereantur. Et quoniam sicut ait Apostolus: Nos sumus, in quos fines sæculorum devenerunt; & multiplicato jam genere humano; adeò ut per plures gratiâ inopiæ ruris non habentes, ubi vel arando vel fodiendo agriculturam exercentes victum adipiscantur: Insuper & crescente philargyriâ nonnullorum, ut quisque rapiat sibi quod potuerit; optimum duxerunt Priores nostri, ut omnis lis terminibus certis adnulletur; ideoque territoria causæ creberrimè adflescere nuper inter mundanos cœpere, in portione quisque propriæ telluris liberè excolet. Quorum ego exempla imitatus, rus prædicti . . . . . hac cartulâ annotari cenſeo. Hoc est, in ipsâ Scireburnâ centum agellos & prædium Monasterii; sicut Wlffinus Episcopus fossis sepibusque girare curavit. Deinde IX. Cassatos in agro qui ab incolis Holancumb nuncupatur. Item in Halganſtoce XV. in Thornford VII. in Hradanford X. in Wonburna V. in Westum VIII. in Stawilbryce XX. in Wulf . . . . . euntun VIII. In Osa . . . . . juxta ripam maris quæ dicitur Ætbun. Et quicquid Deus his auxerit ex donis . . . . . securitate & jugi libertate possideant Fratres inibi degentes; tribus exceptis, quæ omnibus communia sunt, sc. expeditione, pontis arcisve restauratione . . . . . nulli . . . . . constructione; eò quòd Monasteriis hoc opus ind . . . . . Si fortè, quod absit . . . . . donationem quispiam adnullare temptaverit & . . . . . defletere; sciat se æquissimo Judici rationem . . . . . tuba . . . in extremo examine . . . . . æquitas & justitia . . . . . manifestabuntur.

Ego Æthelredus Rex Anglorum hanc libertatem concedo . . . . . Monasterio . . . quod elegerit . . . . . doque signaculo Sanctæ Crucis hanc munificentiam . . . . . his testibus.

Ego Ælfricus Archiepiscopus hoc denunciata benedictione firmavi.

Ego Ealdulf Archiepiscopus . . . . . atque consensi.

Ego Wlffstanus Episcopus hoc adfirmavi.

Ego Ælfheagus Episcopus consului.

Ego

Ego Wlfinus Episcopus hoc meum desiderium . . . . . usque . . . . . concessi.

Ego Æthelward Dux . . . . . corroboravi.

Ego Ælfr . . . . . consentaneus fui.

Ego Ælflige Abbas . . . . .

Ego . . . . .

Ego Godwine Abbas.

Ego Æthelmær M. Osthulf. Wlfgot . . . . . Beo . . . . . Brih . . . . . Wlfnad . . . . .

## Epistola ALEXANDRI III. Papæ ad HENRICUM II. Regem, de THOMA BECKET Archiepiscopo Cantuariensi.

[Ex Bibliothecâ Cottonianâ. Vitellius E. 10.]

**A**lexander Episcopus, servus fervorum Dei, excellentissimo Principi Christianissimoque filio suo Domino Regi Collegii Cant. & omnibus Archiepiscopis & Episcopis in eodem Collegio existentibus salutem & Apostolicam benedictionem. Sancta & catholica mater Ecclesia suo sponso, qui Christus est, ineffabilis amoris dulcedine copulata, suscepit ab ipso dotes amplissimas, gratiarum ubertate fecundas, & specialiter inter eas beneficium libertatis. Voluit enim peramabilem sponsam ejus libero fidelibus præesse domino; ut haberet potestatem in singulos velut in filios more matris, cunctique ipsam reverentia filiali tanquam universalem matrem & Dominam honorent. Hæc est enim dilecta sua arca, in quam cor ejus tam die quam nocte invigilat indefessè. Hic est hortus illius fertilis, in cujus suavitatis odore præcipue delectatur. Quis itaque non verebitur illam offendere vel injuriis provocare? Quis credere poterit sponsum in sponsæ contumeliâ graviter non offendi? Quis violator Ecclesiæ libertatis contra Deum & hominem quavis defensione protegitur; ut supernæ virtutis malleo comminui in pulverem nequeat & favillam? Habet enim mater Ecclesia unde vehementer doleat, unde dolorem clamoribus exprimat, plena querelis; utpote gravibus injuriis lacerata & enormibus collisa sceleribus & jacturis. Dolet inquam, nec mirandum; inspicit quia qui forent ejus cari, facti sunt ejus inimici. Et qui suxerunt ipsius ubera, materni lactis resecti dulcedine, amaritudinis calicem illam compellunt prohi dolor degustare. Qui fecundati per ipsam grandium ubertate bonorum, hostilibus eam provocare conatibus, & libertatem ejus, quantum in eis est, deprimere non verentur. O ingratitude damnable vitium, res ingrata superis & terrenis, infesta res; quia omnis lex sacrosanctæ Ecclesiæ confunditur, dum sic matrem filii vili pendent. Hanc profecto querelam de quodam Thoma Cantuariensi Archiepiscopo per literas vestras ad Sedem Apostolicam destinatas inspeximus; & in illis reperimus, quod sine consilio vestro renunciârit juri suo; & factus est fatuus in Aulâ Regis. Et quia renunciare non debuisset sine licentiâ nostrâ speciali; cum in juribus cautum sit, quod est unus casus specialis Summo Pontifici reservatus; quamvis per Simoniam, ut dicitur, fuerit electus; ideo conscientiam de puritate commendamus, & scrupulosam reprehendimus curiositatem. Ne verò religionis puritas confusa succumberet, vel Symoniæ pravitas effugeret impunita; ab omni ordine Ecclesiastico & Archiepiscopatu illum degradamus, & stultissimum declaramus; mandantes vobis sub pœnâ excommunicationis majoris, quatenus pœnam condignam eidem imponatis;



scilicet ut in arcto Monasterio recludatur, ibidem perpetuam pœnitentiam peracturus. Quapropter tibi, fili carissime; præcipimus ut illum de tuâ Curiâ expellas; quia indecens est, ut qui fuerat Metropolitanus in tali sacro Collegio & inter religiosos conversatus, esset jocularior sive histrio in tuâ præsentia. Insuper, fili carissime, si Episcopi tui regni in nostro mandato Apostolico & Archiepiscopatu nimis negligentes, quod absit, extiterint; volumus, quod manus adiutrices extendas ad sustentandam Romanæ Ecclesiæ libertatem; & sic obtinebis Apostolicam benedictionem; quia post sententiam latam si incorrigibiles persistierint, sacrosancta Ecclesia non potest ultra facere nisi invocare brachium sæculare. Uterius, fili dilectissime, ad aures nostras pervenit; quod aliis loco prædicti Archiepiscopi successit; & plura enormia & sinistra in tuam personam illustrissimam lingua vulgari publicè prædicabat; & similiter Apostolico consilio inconsulto & ante Pallii missionem sacros ordines ministrabat. Unde visum est nobis, quia non voluntate Papali, nec etiam potestate regali rite fuerat electus, sed contra omnium voluntates regentium similiter & habentium interesse. Unde bene possumus per istum, quod est in titulo illo *de Clerico per saltum promotus*; quia non fuerat electus loco sacro sc. de Claustro, ut honestum erat, nec de Episcopo ad Archipræsulis dignitatem, sed quod dolendum est, de custode carceris in Archiepiscopum. Sed quamvis ordo in electione non servabatur, Electionem illam Apostolica authoritate cassamus, irritamus & adnihilamus; & pro sua inani electione illum excommunicamus, & ad præsentiam nostram personaliter jam citamus. Præterea secundum fratrum nostrorum consilium secum gratiosè volumus dispensare; scilicet ut cum comensalibus & sibi servientibus ad ministrationem & communicationem interim jam habeat usque quo poterit ad sedem Apostolicam viam commode arripere; mandantes, quatinus quamcitò poterit Apostolico conspectui seipsum præsentet. Sciens pro certo, nisi specialis illa dilectio, quam ad personam suam habuimus & habemus, justum motum animi nostri temperaret, pœna docente cognosceret, quantum excesserit, qui spretis canonicis sanctionibus & consuetudine generali præsumserat Archiepiscopatus officium usurpare. Scriptum Romæ II. die mensis Decembris, & nostri Apostolatus anno primo.

*Epistola Walteri Archiepiscopi Cant. ad Johannem  
XXII. Papam de Canonizando Roberto Winchelse  
Archiepiscopo Cantuariensi.*

Litera Domini W. Archiepiscopi & Suffraganeorum suorum mis-  
sa Domino Johanni Papæ XXII. pro Canonizatione bonæ  
memoriæ Roberti quondam Cant. Archiepiscopi, mense Mar-  
tii, anno Domini MCCCXXVI. finiente.

**S**ANCTISSIMO Patri, &c. devotus suus, W. Archiepiscopus Cant. & Suf-  
fraganei ejusdem Provinciæ, &c. Summi Regis ineffabilis providentiæ  
cellitudo nullis valens ambiri limitibus aut terminis comprehendi; etsi  
cunctos in ipso Catholicè obdormientes cœlestis beatitudinis commilitones  
efficiat, & præmiorum uberiorum retributione immarcessibilem æternæ  
gloriæ prosequatur; illos tamen convenienti censurâ judicii altioribus deco-  
rat honoribus & potioribus attollit insigniis dignitatum, quos suæ majesta-  
tis essentia digniores esse cognoscit, quosque commendat ingentior excellen-  
tia meritorum. Quo sacrosancta Sedes Apostolica exemplo ducta laudabili,  
ipsum venerando Sanctorum Cathalogo decrevit æternaliter ascribendum,  
quem magnitudo factorum in terris sublimatum esse testatur in cœlis; ut in  
ipso Christus in Ecclesiâ laudibus veneretur assiduus; qui in Sanctis suis  
semper est laudabilis ac etiam gloriosus. Idcirco, Pater Sanctissime, nos  
clamor cogit validus tam humilium quam sublimium regni Angliæ perso-  
narum, quinimo ipsa caritas nos compellit in notitiam vestræ Sanctitatis  
recolendæ memoriæ Domini Roberti de Winchelse nuper Cant. Archiepis-  
copi vitæ insignia deducere; ad quod eo ferventiùs afficimur, quò celebris  
memoriæ Thomas nuper Comes Lancastriæ adhuc rebus degens in humanis  
vestræ Beatitudini super hoc scripsisse legitur; ipsius mores, vitam & conver-  
sationem vestræ Sanctitati studiosè recommendando. Animadvertere ita-  
que dignetur vestra sancta Paternitas; quòd Dominus Robertus totam juveni-  
lem ætatem in liberalium Artium facultatibus transcurrentes, in his eminenter  
imbutum se reddidit; & exinde sacræ Theologiæ adhæsit jugiter disciplinæ.  
Et sic tandem innocentia Scholaris & Magister, Cant. sedem ascendit Archi-  
episcopalem; totoque tempore suo ministerium sibi creditum fideliter ac stu-  
diosè complevit. Et circa morum honestatem diligenter intentus, & in divinis  
officiis jugiter devotus existens, sibi ipsi vitæ sanctitate multipliciter profi-  
cere, aliosque prædicationibus, exemplis variis pariter & doctrinis indies in-  
struere salubriter satagebat. Quo exemplum illius imitatus, qui querelas  
populi tabernaculum ingressus ad Dominum referebat, staterem gestans in  
manibus, lances ejusque appendebat libramine, & solum Deum habendo  
præ oculis, sine delectu pariter justos & pauperes supportavit. Quo quot  
adversitates, quot tribulationes, quot anxietates & angustias pro juribus &  
libertatibus Ecclesiæ conservandis idem perpessus fuerat; satis notum extitit  
ac divulgatum. Nam ut verum fateamur; tuendo statum Ecclesiæ & li-  
bertatem, captis suis facultatibus, & Clericis suis & familiâ dispersis, pedes  
incedere compellebatur quasi solus miserabiliter mendicando; & consequen-  
ter extra regnum Angliæ relegatus; ac prædiis suis & possessionibus confis-  
catis,



catis, omnia constanter sustinuit, & jura Ecclesiæ suæ illibata conservavit. Ita quod nichil aliud arbitramur sibi de veritate Martyris defuisse; nisi quod prudentia, fides & sapientia Illustrissimi Regis Edwardi, sub cujus alis Ecclesiam erexit, hujusmodi atrocitati censuit esse cedendum. Ante aciem igitur oculorum vestræ Sanctitatis hiis vitæ suæ compendiosè expositis, quædam miracula, quæ inter alia innumerabilia pro ipso operatus est Altissimus, vestri dignissimi Apostolatus culmini humiliter duximus præsentari: Vestræ Sanctitati flexis genibus humiliter supplicantes, ut ex his, si libeat, aliquali informatione receptâ, vestræ Beatitudinis circumspecta discretio, actibus intenta salubribus & operibus exposita pietatis, æstimet, diffiniat, ordinet, & jubeat, quid ulterius in hoc casu fuerit faciendum, ad divini nominis honorem & gloriam, fideique Catholicæ exaltationem optatam.

**Testimonium Walteri de Suthfeld Episcopi Norwicensis de potestate Archiepiscopi Cantuariensis in Prioratu Cantuariensi.**

[Ex Registro *Arundel* fol. 15.]

**O**Mnibus præsentibus literas inspecturis, W. miseratione divinâ Norwicensis Episcopus salutem in Domino. Quoniam humanæ fragilitatis tam infirma est conditio; quod ea quæ in præsentî vitâ aguntur, à memoriâ citò decidunt, & non rarò oblivionis tenebris obumbrantur; quædam quæ per venerabilem patrem Bonifacium Dei gratiâ Cantuariensem Electum in Ecclesia Cantuariensi fieri vidimus, ad perpetuam ejus rei memoriam in scriptis duximus annotanda. Inprimis vidimus ipsum ingredi Capitulum; quo . . . omnes Officiales sua deposuerunt officia; & qui claves habebant, eas eidem reddiderunt. Et vidimus præfatum Dominum Electum deferre claves eorum usque ad cameram suam, & eas tradere cuidam Laico servienti suo sæculari. In creatione Prioris sic procedebat. Inprimis omnibus de Conventu in Capitulo præsentibus, inhibuit in virtute obedientiæ & sub pœnâ excommunicationis; ne quis eorum quenquam sibi nominaret gratia vel favore, nisi quem crederet idoneum ad regimen Prioratûs. Post hæc omnibus exeuntibus Capitulum, omnes sigillatim requisivit interrogando unumquemque sic: *Quis tibi videtur magis idoneus ad regimen Prioratus?* Et ipse Electus propriâ manu in talibus scribebat dicta singulorum; ita quod nullus Monachus quid à quo diceretur præscire valeret. Verùm quidam Monachus sedens à remotis scribebat nomina examinerum & personas nominatas nunc per signa nunc per figuras; prout idem Electus in animo concipiebat. Quid tamen sibi volebant illa signa vel figuræ, nullus sciebat nisi ipse Electus solus. Post hæc omnibus sic examinatis, vidimus Electum recedere: & eâdem nocte præfatus Electus apud Wengham in camerâ suâ nobis & aliis quos volebat præsentibus, excluso Monacho Cantuariensi, dicta sic examinerum sibi & suo consilio legebat; & quem vellet Priorem præficere tractabat, non multum innitens examinationi sed potius suæ propriæ conscientiæ & utilitati domûs. Et cum jam ordinasset cum suo consilio de Nicolao de Sandwich creando in Priorem; in crastino reversus est ad Capitulum; & eum eis nominavit & præfecit Priorem.

Et

Et statim surgens, & incipiens, *Miserere me Deus*, ingressus Ecclesiam, ipsum Priorem installavit. Post hæc volens de creatione Officialium tractare, iussit in camera sua ad se venire Priorem & alios Monachos pro sua voluntate; & ibidem de personis præficiendorum tractavit cum eis. Et postea ingressus est Capitulum; & quem volebat ad hanc vel illam nominabat Obedientiam, & officium committebat eidem; quosdam etiam, prout volebat, ad priora officia restituebat, Suppriorum sc. & alios; & hac una vice omnes infra scriptos creavit & præfecit; Priorem, Suppriorem, Præcentorem, Cellarium, Camerarium, Sacristam, Pœnitentarios extra & intra. Hæc siquidem acta fuerunt apud Cantuariam die Martis proxima ante Festum Apostolorum Simonis & Judæ, & duobus diebus sequentibus anno Domini MCCXLIV. In hujus rei testimonium nos & Archidiaconus Cantuariensis, qui omnia præmissa vidimus & tractavimus, præsentibus signa nostra apponi fecimus. Scripta etiam, quæ fecit Dominus Electus & Monachus cum examinarentur Monachi, similiter signavimus.

### Beneficia pertinentia ad collationem sive præsentationem Archiepiscopi Cantuariensis anno MCCCC.

[Ex Registro *Arundel* fol. 258.]

**I**N Decanatu Cantuariensi III. viz. Ecclesiæ S. Elphegi Cant. S. Martini Cant. & Michaelis de S. Herbaldoun.

In Decanatu de Brugge VII. viz. Præpositura de Wyngham, Ecclesiæ de Ikham, Adesham, Godmersham, Chartham, Byshopesborne, & Vicaria de Godmersham.

In Decanatu de Cherryng XII. viz. Ecclesiæ de Cherryng, Westwell, Cranebrok, Newendon, Sandhurst, Bydinden, Harhewelden, Plukele, Chart magna, Chart parva, Smerdenne, & Vicaria de Hedecrone.

In Decanatu de Sandwych II. viz. Ecclesiæ de Dale, & de Monyngham magna.

In Decanatu de Lymene XI. viz. Ecclesiæ de Aldyngton, Newechirche, Ivychirche, Wodecherche, Wytrichesham, Rokyngg, Snergate, Romeneye, Orgareswyke, Meresham, & Vicaria de Lyde.

In Decanatu de Sutton II. viz. Ecclesiæ de Maydistan & de Holyngborne.

In Decanatu de Sydyngborne Ecclesia de Tunstal.

In Decanatu de Elham III. viz. Ecclesiæ de Lymyng, & Saltwod, & Vicaria de Elham.

In Decanatu de Shoreham Roffensis Diœceseos, XVIII. viz. Ecclesiæ de Shorham, Sevenock, Chevenyng, Gynesford, Wrotham, Mepham, Penhurst, Chydingston, Sundresh, Bradsted, Pekham, Hegham, Orpington, Huntyngham, Northflete, Clyve, Vicariæ de Wrotham & Mepham.

In Decanatu de Croydon Wintoniensis Diœceseos XV. viz. Ecclesiæ de Croydon, Cheyham, Marstham, Cherlewode, Burstowe, Horslee, Wymbledon, Bernes, Newingtoun, juxta Lambhith, Harewe, Hefee, Preston, Lambhith, Vicariæ de Croydon & Harewe.



In Decanatu de Pagham Ciceſtrenſis Dioceſeos XVIII. viz. Eccleſiæ de Pagham, Lovente, Slynden, Tangmere, Bokſtede, Omnium Sanctorum in civitate Ciceſtriæ, Suthmallyng, Iſefeld, Adburton, Vicariæ de Pageham, & Maghefeld, Quatuor Præbendæ apud Southmallyng in laico feodo, Præcentoriata quæ habet Eccleſiam de Stanmere, Cancellaria, & Officium Sacriſtæ.

In Decanatu de Terryng VII. viz. Eccleſiæ de Terryng, Pacching, Glynde, Vicariæ de Terryng, Glynde, Ryngemere, Pacching.

In Decanatu de Arcubus in Civitate London VII. viz. Eccleſiæ de Arcubus, Omnium Sanctorum in Bredſtret, S. Dunſtani juxta Turrim, S. Pancratii, & Penſio Prioris in ſingulis tribus poſtremis.

In Decanatu de Bokkyng Dioceſeos London VII. viz. Eccleſiæ de Bokkyng, Stiſtede, Southchirche, Lachyndon. [Norwicensis Diœc.] Eccleſiæ de Hadelegh, Illegh, Malton.

In Decanatu de Ryſebergh Lincolniensis Dioceſeos IV. viz. Eccleſiæ de Ryſebergh, Newton, Halton, & Treng.

---

THOMÆ

---

---

---

THOMÆ RUDBORNE  
Monachi WINTONIENSIS  
HISTORIA MAJOR  
De Fundatione & Successione  
Ecclesiæ Wintoniensis.

ACCEDUNT

Annales Ecclesiæ Wintoniensis ab anno DCXXXIII. ad MCCLXXVII.

Successio Episcoporum Wintoniensium ab anno MCCLXXVII.  
ad Reformationem.

Epistola Monachorum Wintoniensium ad ALEXANDRUM II. Papam.

Epistola ALEXANDRI II. Papæ ad Monachos Wintonienses.

Epistola ejusdem ad LANFRANCUM Archiepiscopum Cantuarien-  
sem de Monachis Wintoniensibus.

LANTFREDI Prologus Historiæ de miraculis S. SWITHUNI.

Successio Priorum Wintoniensis Ecclesiæ.

---

---



FOR THE

OF THE

AND

AS

# THOMÆ RUDBORNE HISTORIA MAJOR WINTONIENSIS.

*Deest initium Operis, foliis plurimis in utroque Codice desideratis. Epitomen igitur partis desideratæ ab ipso Authore, prout videtur, conscriptam ex Codice MS. Cottoniano Galba A. 15. apponere erit opportunum. De hac Epitome vide plura in Præfatione.*

## PROLOGUS.

**T**Empore quo humanæ salutis benignissimus operator Jesus vera pax nostra atque perfecta proprii sub nominis titulo mundo sol nitens radioso lumine humano serenè illuxit generi plurimarum provinciarum; ut nebulosa perfidæ idololatriæ præclarefcerent umbracula solatio salutiferi fontis undæ sordida mundi diluentis crimina, in spaciola orbis climata fervidi caritatis igniferi sunt directi. Et cum sic patriam illuminantium dulcissimus in omnes terras sonus exivit; devenit in Britanno- rum confinia, quæ Anglia nunc vocitatur, per religiosissimos firmissimosque æternæ salutis bajulos sonitus tubalis evangelicæ veritatis. Et quamvis per Apostolos cæterosque Christi discipulos in cunctis mundi Partibus ab fidei Christianæ exordio prædicata sit fides & doctrina Evangelii; pauci tamen de populo crediderunt; & de his adhuc multi postea apostataverunt. Sed ex quo Britannia Christi fidem suscepit, semper inter eos ipsa fides remansit integra & à toto deperdito illæsa; licet per Pelagium Hæreticum & Gentiles Saxones terra sit multum contaminata. In Walliâ enim & in Cornubiâ semper fides grossos suos protulit præfulgidos. Unde inter cæteras nationes, quas invenimus in fide præceptâ stabiles fuisse, primus fuit populus Britan- nicus. Nam Francia, quæ per diversas ejus provincias à sanctis patribus fidei signaculo insignita fuisset, ut puta per B. Dionysium, B. Martialem, & cæ- teros quamplurimos; fides tamen in illis provinciis per aliquanta temporum curricula est extincta usque ad tempora B. Remigii; qui beatus Pater Clo- doveum sextum Regem Francorum cum toto sibi subiecto populo circa an- num Gratæ DXX. ad Christi convertit fidem. Qui Clodoveus Rex primus fuit omnium Francorum Regum Christianus; ut scribit Henricus Huntin- dunensis Archidiaconus libro 2.º & Vincentius Belvacensis in quartâ parte Speculi Historialis, & Ranulphus Cestrensis in suo Polycronico lib. 5. cap. 3. Unde B. Remigius & ejus successores in Sede Remensi Primates totius Fran- ciæ dicuntur ac Apostolicæ Sedis Legati nati. Eriam de Hispaniâ legimus, quodd fidem denuo suscepit Christi sub Papâ Cornello circa annuñt Domini CCLX. ut scribit Martinus in Chronicâ suâ. Item de Africâ legitur in Chro- nica Martini, quodd fidem Christi iterum recepit sub Marcello Pontifice circa annum Dominicæ Incarnationis CCC. Item de Italia invenimus in Ge- stis Romanorum Pontificum; quodd Christiana est effecta per beatum



Papam Silvestrem circa annum Domini CCCXL. Idemque patet de cæteris Regnis ac Provinciis; quæ omnia regnum Britannia, quæ Anglia nominatur, in stabilitate fidei præcessit, stetit & adhuc stat: sit benedictus conservator in altissimis. Sucepit igitur Britannia, quæ & Anglia, salutifera veritatis sacramenta modo quo in sequentibus utriusque hominis conclarescet luminibus.

## CAPITULUM I.

**H**onore ac regio diademate gloriosus Princeps Britannorum Lucius insulatus, Christianitatis odoriferamque famam audiens, supra humanæ æstimationis modum & se & regnum suum cum toto sibi subiecto populo caritativo fervore Christianorum cupiebat erudiri doctrinâ salutiferâ. Primo igitur imperii sui anno Legatos ac nuncios præclaros ad summum Romanum Pontificem destinabat, ea quæ pacis ac salutis perpetuæ sunt rogans; ut sc. tanto Principi ad viam æternæ vitæ adipiscendam anhelanti concessio cœlestis lavacri rivulo Christi Solis æterni serenetur radiolum. Orbe in toto tunc præsidente beatissimo Papâ Eleutherio, qui B. Petro Apostolorum Principi duodecimus in Apostolatûs successit cathedram, serenissimus Princeps Lucius sui propositi desideratissimi est consecutus effectum. Nam supra-nominatus Pontifex almi fluus Eleutherius,

Qui solet excelsos clave ligare polos.  
Qui præstante Deo, solvitque ligamina mundo;  
Et referat cunctis cœlica regna piis.

Circa annum Dominicæ Incarnationis CLXIV. ut refert † Venerabilis Beda de gestis Anglorum lib. 1. cap. 4. & Martinus in *Chronica* suâ, & Gildas Historicus, antiquus ille Britannorum conscriptor lib. 1. cap. 7. duos Pontifices, doctores, religiososque viros ac Monachos Faganum & Duvianum, cum plurimis ejusdem voti sibi associatis Monachis, obrutibus præsentavit regiis. Qui memoratum Principem cum totâ sibi subiectâ Provinciâ baptizantes, munusculo fidei ditaverunt insignissimo.

## CAPITULUM II.

**M**inistratâ itaque fideliter & devotè fidelium novellæ plantationi divini verbi annonâ omne delectamentum in se habente, Templisque Deorum & paganosâ purificatis superstitione, uni Deo ejusque Sanctis Ecclesias dedicantes diversas, Monachorum aliorumque Ordinatorum cœtibus prænominati Antistites repleverunt. Præcipuè, ut refert Girardus Cornubiensis

† Annum conversionis à Romanis Legatis Britannia Beda loco citato non apposuit. Dicit solummodo conversam esse tempore Eleutherii Papæ; quem anno demum 167. Papatum obrinuisse refert in Epitome, in eo tamen veritatem integro saltem quadriennio antevergens. Si quis autem diversissimas Historicorum de Lucii Regis conversione & tempore sententias exploratas velis, consulat eruditissimum Jacobi Ul-

serii Archiepiscopi Armachani Opus de Primordiis Ecclesiæ Britannicæ, cap. 2. Nobis tanti non sunt fabulæ utcunque splendide; ut earundem gratia in Cimмериis tenebris luctemur. Historiam tamen Wintoniensem evulganti prætermitti non debet, Annales breves Ecclesiæ Wintoniensis (in Bibliotheca Cottoniana *Domitian. A. 13.*) Lucii conversionem ad annum Christi 177. referre.

de gestis Britonum lib. 1. cap. 8. in Cathedralibus Ecclesiis Monachos cœlesti conversatione præditos introduxerunt. Fueruntque tunc in Britannia, quæ modo Anglia dicitur, XXIV. Flamines, qui dicebantur Templorum summi Pontifices; & tres Archiflamines, qui tres sedes habuerunt in tribus nobilioribus Insulæ civitatibus, viz. in Londonia, Eboraco, & in Urbe Legionum in Wallia, quæ Kaerusk olim Britannico sermone dicebatur. Regio Britannia quondam erat civitatibus nobilissimis XXVIII. insignita, præter castella innumera, quæ & ipsa muris, turribus, portis ac seris erant instructa firmissimis. Sic Alfredus. Civitatum nomina erant, *Kaerleud* i. e. London. *Kaerbranc* i. e. Eboracum. *Kaerkent* i. e. Cantuaria. *Kaergoragbn* i. e. Wigornia. *Kaerlirion* i. e. Leicestria. *Kaerclan* i. e. Gloucestria. *Kaercolden* i. e. Colcestria. *Kaerri* i. e. Cicestria, quæ olim apud Saxones vocabatur Cissancestre. *Kaerverti* i. e. Cirencestre. *Kaergwent* i. e. Wintonia. *Kaergrant* i. e. Cantebrigia. *Kaerleil* i. e. Lugubalia. *Caerperis* i. e. Porcestria. *Caerdorm* i. e. Dorcestria. *Caerludecote* i. e. Lyncolnia. *Caermerthin* i. e. Urbs Merlini. *Caersegent* i. e. Silcestria, quæ super Thamesin non longe à Ridingo ponitur. *Caerleon* sive *Caerlegion* i. e. Urbs Legionum, quæ postea Legecestria dicebatur, sed modò Cestria dicitur. *Caerbadon* i. e. Batonia, quæ aliquando Urbs Athamanni vocabatur. *Caerpaladgin* i. e. Septonia, quæ hodie vocatur Schafsbury. *Caerpendragon*, quæ & civitas Cridiensis olim, modò transfertur ad Exoniâ Sedes Episcopalis. *Caerpengren* i. e. Salopia. *Caersmotynham* i. e. Notynham. Principalis sedes Flaminum erat in urbe Wentana, quæ lingua Britannica nominata est *Kaergwent*.

*Hactenus Epitome. Dein rem prosequitur ab ultimis hisce verbis exorsa Historia Major.*

\* \* \* \* \* Tana quæ lingua Britannica Kaergwent . . . . . à Flamen dicitur & Filum, i. e. Sacerdotis insignium, quasi Filamen; quia reliquias à collo per filum pendentes portabant. Vel dicitur à filo, quia ubicunque erat Sacerdos, in signum Sacerdotii defererebat Almirium; sed ingruente calore, cum ex caloris nimietate non posset illud deferre, religabat sibi capillos quodam filo; vel flosculum lanæ filo in vertice ligatum defererebat, in signum Sacerdotii. Loco Flaminum prædicti Pontifices Episcopos constituerunt, & loco Archiflaminum Archiepiscopos posuerunt.

Aspiciens utroque lumine gloriosus ac Christianissimus Rex Lucius cultu veræ fidei mirificè esse Regnum magnificatum, maximoque gaudio repletus, possessiones, & terraria, quæ prius Templorum Flamines possederant, in meliorem usum vertens, ipsa Ecclesiis fidelium permanere concessit; augumentandoque eas, amplioribus aquis & mansis, omnique libertate sublimavit. Ecclesiam verò Wintoniensem, quam quadam speciali prærogativa dilexit, solummodò ex fundamentis renovavit, ut scribit Vigilancius in libro de Basilica Petri capit. 1°. Monachis verò quousque perficeretur opus pro posse consummandum, mansiusculum cum Oratorio, Dormitorio, ac Refectorio construxit, ut scribit idem Vigilancius.



## CAPITULUM III.

De Dedicatione Wintoniensis Ecclesiæ, & de Possessionibus eidem à Rege Lucio concessis.

Completo renovationis opere quinto anno Conversionis regiæ, dedicaverunt eam prædicti Antistites & Monachi Faganus & Duvianus in honorem sancti Salvatoris IV. Kalend. Novembris Anno gratiæ CLXIX. & Monachis ipsam repleverunt Deo devotè famulantibus, ac professis sanctam Regulam à Sancto Marco Evangelista traditam; de quâ Regulâ scribit Casianus *de Institutis Monachorum* libro primo. Abbatemque loci constituerunt Monachum quendam vocabulo *Devotum*.

Statuit insuper inclytus Princeps Lucius Episcopo & Monachis Wintoniensis Ecclesiæ dari Possessiones & Prædia, quæ quondam erant ejusdem Civitatis Flaminum, cum Privilegio eorundem, quorum limites extendebant; ut scribit ille antiquus Britannorum conscriptor Moracius libro primo cap. 9. per duodecim millia passuum per gyrum Civitatis Wentæ, sc. ab unaquaque plagâ Civitatis in duodecim millia passuum.

Insuper, ut scribit idem Moracius ibidem, dedit prædictus Christianissimus Rex Lucius prædictæ Ecclesiæ, quam de novo fundaverat, suburbana Civitatis ejusdem cum privilegio Dunwallonis Molmucii. Iste Dunwallo, ut scribit idem Moracius & Gildas Historiæ suæ 19. & Gaufridus Monumetenensis in *Historia Britonum*, cum sextus decimus esset Britonum Rex & Paganitate nimis obvolutus, Leges sancivit, quæ Molmucina dicebantur, usque ad tempora Willelmi Conquestoris satis celebres. Inter quæ statuit, ut Civitates & Tempia Deorum, viæ ad illa ducentes, ac aratra Colonorum immunitate confugii congauderent: ut quicumque fugitivus sive reus ad ea confugerent, cum veniâ coram inimico suo abiret.

In diebus illis Latronum mucrones cessabant, nec erat qui violentiam alicui ingereret, erantque ab unaquaque parte Civitatis in quolibet duodenario numero passuum octo Viculi optimi. Requievit ex tunc Religio Monastica in Ecclesia Wyntonienſi quieta in pace, & pacificâ possessione, Domino jugiter conjubilans, a centum duobus annis, viz. à primo anno Regni Lucii Christianissimi Principis usque annum secundum Diocletiani Tyranni.

\* Mirè cæcutiunt Monachi nostrates in Chronologia vetustiori. Diocletianus regnare incepit anno Christi 283. Si à secundo igitur illius anno annos 102. subducamus, Lucii Regis initia in annum 182. juxta Rudburni mentem incidisse depre-

hendentur. Ipsemet autem Lucium Regem anno 164. ad fidem conversum esse superius tradidit. Parilis in sequentibus error latet. Melius Rudburnus in *Historia sua Minori* MS. S. Albani martyrium in annum 296. conjecerat.

CAPITULUM IV.

De Persecutione Diocletiani Imperatoris in Britannia.

**A**NNO Gratiae CCLXVI. interfecti sunt Monachi in Wentanâ Ecclesiâ omnes præter paucos, qui fugam inierunt; & destructum est illud nobile Cœnobium à Ministris Diocletiani in Christi fideles crudelissimi Persecutoris; quum iniquissima & à retrò seculis inaudita in Christianos exercitata est Persecutio, ut refert Venerabilis Beda *de Gestis Anglorum* lib. 1. cap. 4. Quo Persecutionis tempore, illud exercente Maximiano Herculio Principe Militiæ Exercitus prænominati Tyranni, cujus etiam Imperio plurimæ destructæ sunt Ecclesiæ, sacræ Scripturæ Volumina igni sunt tradita, multi religiosissimi Monachi & electi Sacerdotes gladio traditi sunt; qui autem superstites fuerunt cum fidelibus sibi subditis in sylvis abditivæ speluncis se occuluerant. Inter quos Christi constantissimos Athletas passus est sanctus Albanus Verolamius in Urbe Verolamiâ, quæ nunc Villa Sancti Albani nuncupatur, in habitu monastico supposita veste peregrini. Nam ita scribit Volensis in libro *de laude Britonum* cap. 15. Passus est, inquit, Sanctus Albanus Verolamius sub caracalla & cucullâ Magistri sui Amphibali Monachi & Doctoris egregii oriundi in Urbe Legionum in Walliâ Britannico sermone *Kærusk* nominatâ. In cujus Urbis Ecclesia Cathedrali ac totius Walliæ Metropolitana Monachus ad officium Clericatus promotus est. Hæc Volensis.

Quod Sanctus Albanus passus sit in habitu Monachali, habetur per Bedam *de Gestis Anglorum* lib. 1. cap. 7. Sed loquor de libro quem composuit in linguâ Saxonica *de Gestis Anglorum*, quem scripserat Ceolwolpho Regi Northanhumborum, cujus copiam habui in Prioratu Canonicorum de Suthwyk, in quo libro Saxonice sic habetur: \* *ƿær ƿær ælbanur ƿor ƿæm cƿinan ƿæ hæ æ l. cuman. ƿeƿeomædæ 7 hiƿ mægistræ ƿegæpædæ hinæ ƿæ hiƿ munucan ƿægæpe-lanæ* Quod latine taliter sonat: *Tunc sanctus Albanus pro ipsis prius venit; & Magister suus informavit eum & stabilivit in Fide, & prestitit ei habitum suum Monachalem.* Et Thomas Walsingham in Chronicis suis, ubi agit de tempore Regis Edwardi Secundi post Conquestum, dicit, quod anno istius Regis Edwardi, viz. Anno Dominicæ Incarnationis MCCCXIV. Idem Dominus Rex in Vigiliâ Ramis Palmarum venit ad Sanctum Albanum, & obtulit beato Martyri quandam Crucem auream diversorum Sanctorum reliquiis insertam & lapidibus pretiosis, commendans se & suos Necessarios ejusdem Sancti tutelæ & precibus Monachorum. Cumque suggestum fuisset ei, quod Pater suus Chorum Sancti Albani renovasse proposuerat, desiderium Patris explere gestiens, contulit mox centum Marcas argenti & meremium apud Dynestegan quærendum ad opus illud; jubens ut pecuniæ nullo modo parcerent, quin opus illud ad hono-

\* Viderat Rudburnus Saxoniam Versionem Historiæ Bedæ ab Alfredo Rege elucubratam. Quam Alfredo deberi nefcius, ipsi Bedæ inscripsit. Locus habetur in editione Cantabrigiensi pag. 32. nonnihil castigatior. Verba Rudburnus, seu fraudi id seu literarum Saxoniarum in-

scitiæ tribuendum, pessimè convertit. Sic enim authentica Bedæ, quæ Alfredus Saxonice reddidit, verba habent: *Se S. Albannus pro hospite ac magistro suo ipsius habitum, id est caracallâ quâ vestiebatur, indutus militibus exhibuit.*



rem divi & beati Albani Anglorum Protomartyris irreprehensibiliter consummarent. In crastino Diei Palmarum Rex iter versus Insulam Eliensem arripuit, ubi solemnitatem Paschalem tenuit nobiliter & festivé. Quo tempore Elienses errantes dicentes se Corpus habere Sancti Anglorum Protomartyris manifestissimè confutavit coram Regni Nobilibus & Monachis dicti loci. Jam cum ad alleviandam moram suam in Monasterio oculis diversa subiret, variaque videre vellet ibidem; tandem incidit menti ejus, ut videret, quid esset contentum in feretro quod beati Albani vocant in Ecclesia memorata, dixitque Episcopo, qui tunc aderat, Eliensi: Scis, inquit, quod fratres mei apud Sanctum Albanum Corpus ejusdem Martyris putant se veraciter habere, & in hoc loco dicunt Monachi se dicti Sancti corpus tenere: Per animam Dei (inquit) volo videre, in quo loco reliquias Sancti Corporis debeo potissimum venerari. Cum Præsul verba Regis Priori & Fratribus retulisset; illi, viz. exsangues effecti, quid responderent, quidve facerent nesciebant; ex unâ parte timentes amittere tantum thesaurum, si verum esset, quod apud eos foret; ex alterâ convicti de mendacio metuentes, quia hoc prædicaverant se habere. Nesciebant epim pro tunc quid in dicto feretro contineretur. Episcopus videns suorum consternationem, animavit eos, ut confiderent; quia non ad auferendum tantum Thesaurum, sed venerandum Rex aspectum reliquiarum requisivit. Ventum est ergo in Ecclesiam, & Feretrum solutum & apertum est per quendam Monachum Alanum de Walsingham dictum, qui postea proficientibus meritis Prior factus est illius Ecclesiæ, qui & ipse peritus erat in opere aurifabrilis, & ideo ad solvendum feretrum tunc vocatus. Rex verò cum vidisset cunctos clavos extractos, ad feretrum patefaciendum accessit, & levavit operculum manu sua. Et ecce vident locellum illud à summo usque deorsum quodam panno villosò ita occupatum, ut nihil possit aliud continere. In superiori vero parte vestimenti conspiciunt cruoris coagula, densè respersa, ita nova, ita recentia quasi pridie fuissent effusa. Cum quo panno inventa est Scriptura antiqua ita se habens: *Hæc est Cuculla Sancti Amphibali Monachi & Sancti Albani Præceptoris, sub qua passus est Sanctus Albanus Angliæ Protomartyr sub Persecutione Diocletiani Imperatoris in omnes Christianos sævissimâ.* Et fas est credere, quòd ad honorem Sancti divino miraculo sanguis ejus sit in hæc veste servatus, sicut in pulvere sui sepulchri per multa sæcula legitur conservatus. Cujus pulveris massam, in qua rubebat adhuc sanguis Martyris, Sanctus Germanus Antissiodorensis Episcopus secum abstulit & detulit ad natale suum, Antissiodoræ capellam construens in honorem Martyris memorati. Rex igitur & omnes assistentes de tanto miraculo stupefacti proni corruerunt in terram; & facta est non parva hæsitatio, quis accederet ad deponendum operculum & feretrum contegendum. Tandem Rex ipse cæteris animosior operculum detraxit ad locum suum; & tunc primò cognoverunt Elienses, quid de Sancto Albano haberent, quid non haberent, cum oculatâ fide cernerent in dicto feretro præter caracallam sive cucullam nihil omnino contineri. Rex verò hilarior effectus de rei compertâ veritate, dedit illis dona varia: Residuum temporis, quo mansit ibidem, ducens in summâ lætitiâ, frequenter conferens de merito Martyris Albani & gloriâ, & indicans non sine Dominicâ factum providentiâ, ut in duobus locis tam celebribus specialis veneratio Sancti Martyris haberetur. Et ait Eliensibus: Gaudete de dicto munere, gaudete de tanti Martyris meritis & sanctitate: quia si, prout dicitis, hæc Deus per illum plura facit miracula ratione vestis, credatis quòd apud Sanctum Albanum ampliora facit miracula ratione corporis illius sanctissimi quiescentis.

## CAPITULUM V.

De Passione Sancti Amphibali Sociorumque ejus.

**N**ON multò post passionem Sancti Protomartyris Anglorum beati Albani martyrizatus est Sanctus Amphibalus cum novem Sociis apud Villam de Redborne per tria milliaria à villâ Sancti Albani. Ipse verò sanctus Amphibalus, ut ejus habet texta Passionis, primò patefactis visceribus, & intestinis ejectis, & post lanceis confossus, occubuit, tandem lapidibus conquassatus. De novem verò sociis suis quidam occubuerunt gladiis cæsi, alii lanceis transverberati, alii decapitati. Quorum corpora inventa sunt annò ab incarnatione Verbi MCLXXVIII. tempore Regis Henrici secundi, ut scribit Matthæus Parisiacensis in Chronicis suis, agens de temporibus ejusdem Principis. Inter reliquias autem Athletæ Christi Amphibali cultelli duo magni inventi fuerunt. Unus in testâ Capitis, & alter circa præcordia. Qui cultelli usque hodie apud Redborne in Capella Sancti Jacobi in magnâ habentur veneratione. In honorem istius Sancti Amphibali dedicata erat olim Ecclesia Wintoniensis ; ut in sequenti capitulo declarabitur.

## CAPITULUM VI.

De secunda fundatione Ecclesiæ Wyntonienſis, & secundo introitu Monachorum in ipsam Ecclesiam.

**C**UM enim multum valeant apud justum judicem Deum justorum preces assiduæ ; ascenderunt Lachrymæ suorum fidelium in conspectu Conditoris altissimi, & sedatum est gravissimæ Persecutionis ac infidelissimæ percussione jaculum fulminosum, completo viz. spatio viginti duorum annorum. Unde Christiani, qui prius in sylvis opacissimis que locis se posuerant in absconſo, in publicum se ostendentes renovant Ecclesias, quæ usque ad solum undique erant destructæ. Quo in tempore reædificata est Ecclesia Wyntonienſis secundo ab Christi Fidelium oblationibus : non tamen tantum spatium continebat Ecclesia, neque situs Monasterii, nec ejusdem loca, sicut prius Monasterium à Lucio Rege fundatum continebat. Eratque mensura Ecclesiæ, quam primitus Rex Lucius fundaverat, secundum Moracium Lib. 1. cap. 2. in longitudine ducentorum & novem passuum, in latitudine octoginta passuum, in altitudine nonaginta duorum passuum ; ab uno cornu ex transverso Ecclesiæ in alterum, erant passus centum octoginta. Situs Monasterii ex parte Orientali Ecclesiæ erat centum passuum in longitudine versus, vetus Templum Concordiæ, & quadraginta passuum in latitudine versus novum Templum Apollinis. Ex parte Aquilonari in longitudine erant passus centum sexaginta, in latitudine nonaginta octo. Ab occidentali plagâ Ecclesiæ erant passus centum nonaginta, in latitudine centum. Ex Australi plagâ, erant passus in longitudine quadringenti quinque, in latitudine quingenti octoginta. In hac plagâ situatum est Palatium Episcopale, domus necessariæ, ac officinæ Monachorum.



CONSTANS.

Constructa sic denuò Ecclesiâ Wentanâ, Monachi secundo ipsam re-  
trant, scilicet Anno Dominicæ Incarnationis CCXCIII. Et tunc ad requisi-  
tionem Deodati Abbatis de novo vetus Cœnobium in honorem Sancti Am-  
phibali Sociorumque ejus constructum est, ministerium Dedicationis solemp-  
niter perficiente Constante, tunc in eadem Ecclesia pontificante, Nonas Junii;  
ut scribunt Girardus Cornubiensis, *de Gestis Britonum* libr. 3. cap. 8. &  
Vigilantius in libro *de Basilica Petri* capitulo 5. Dedicata sic ac renovata  
Ecclesia Wintoniensis in honorem Sancti Amphibali Martyris, quæ extrunc  
hoc nomen sumpsit, sc. Vetus Cœnobium. Requieverunt in ea Monachi, in  
ymnis & spiritualibus Canticis Domino devotissimè vacantes, fermè ducen-  
tis decem annis, usque ad adventum Cerdici sive Cerdicii Saxonici viri,  
qui primus extitit Occidentalium Saxonum Rex, de quo plenius in se-  
quenti secundo libro aliqua dicentur.

**Explicit Liber primus de fundatione Wentanæ Ecclesiæ in tempore Brito-  
num. Incipit Liber secundus de Regibus & Pontificibus Wyntoniensibus  
in eorum temporibus ante Monarchiam, & de tertiâ fundatione Wyntoniensis  
Ecclesiæ per Kynegilsum Regem.**

LIBER

# LIBER II.

## CAPITULUM I.

### De Cerdico Rege.

**C**UM Provincia Britonum, quæ modò Anglia nominatur, Saxonum temporibus in octo Regna divisa fuerit, viz. in Regnum Cantia, Regnum Australium Saxonum, Regnum Orientalium Saxonum, Regnum Orientalium Anglorum, Regnum West-Saxonum, Regnum Merciorum, Regnum Northamhumborum, quod in duo dividebatur Regna, viz. in Regnum Deirorum, quod est pars Aquilonaris citra fluvium Humbræ, & in Regnum Berniciorum, quod est pars Aquilonaris ultra flumen Humbræ. Regnum Occidentalium Saxonum, ut scribit Willelmus Malmf-buriensis *de Regibus* Libr. primo, erat magnificentius & diuturnius, quia per Reges hujus Provinciæ incepit Monarchia totius Angliæ. Regnum istud Occidentalium Saxonum incepit à quodam Saxonico, qui Cerdicus, five Cerdicius dictus est. Hic genere Germanus à Wodeno quippe decimus, cum Kenrico filio suo in Britanniam venit Anno Dominicæ Incarnationis CCCCXCV. post mortem Hengisti Anno octavo; & applicuit in loco, qui postea de nomine ejus Cerdikysore i. e. Portus Cerdici dicebatur, ut scribit Auctor in Flores Historiarum sub Anno Gratia CCCCXCV. Eo verò die quo applicuit Cerdicus, convenit universa multitudo Provinciæ contra Cerdicum & suos, & pugnam viriliter commiserunt; sed tandem devictis Britonibus, Pagani non sine frequentibus bellis Incolarum, littora Maris ibidem magis ac magis occupare cœperunt. Ab isto Cerdico Reges Occidentalium Saxonum originem duxerunt. Venit enim in Britanniam secundum Auctorem in Flores Historiarum anno tricesimo Regni Regis Britonum Aurelii Ambrosii, Cerdicus five Cerdicius, super Britones plures exercens victorias. Post adventum suum Anno XXIV. Monarchiam Occidentalium Saxonumque adeptus Regni Diadema suscepit, coronatus more gentili apud Wyntoniam in loco quem de Christi Ecclesia, i. e. Wyntonienfi, Monachis interfectis, Pagani templum fecerant Dagon anno Dominicæ Incarnationis DXVI. anno secundo Regni Arthuri Regis Britonum. Isto anno Cerdicus five Cerdicius sapius cum Arthuro confliens, pertæsus Arthurus cum Cerdicio deinceps prælia inire, fœdus cum illo pepigit, & datis sibi Hampshiriâ, Suthreiâ, Wyltschirâ, Somersetonâ, has Provincias quondam Regni sui derelinquens, tradidit in manus hostiles; quas plagas, occisis Britonibus, novis replevit Saxonibus. Mordredus verò cognatus Arthuri, Cerdicium convocans in auxilium contra Arthurum, proponens dimicare, addidit Dominio Cerdicii præter prædictas Provincias Dorsetensem, Devoniensem & Cornubiam, quas Provincias, exceptâ Cornubiâ, Britonibus expulsi & interfecti, replevit Saxonibus. Concessit enim Cerdicius Cornubiensibus, ut sub annuo tributo ritum Christianæ Religionis observarent.

Quod de Rege Arthuro quidam scribunt Chronicantes, quòd duodecies Saxones debellavit, hoc quidem ejus laudi congruit. Sed quod addunt, viz. quòd omnes Anglos sibi tributarios fecit, primum ad hoc si placeat Britonibus, minimè videtur laude dignus; quia excæcatus timore, tædio, & munere, pro tributo datur patria alienigenis, trucidantur Britones, & de Terrâ Gewyseorum fit Occidentalium Saxonum Regnum & Dominium. Dicitur



enim Terra Gewyseorum ut scribit Auctor *de Concordantiis Chronicantium*, à Gewyfa filiâ Claudii Cæsaris, quæ desponsata erat Arvirago Regi Britonum cui, Provincia, quæ postmodum dicta est West-Saxonia, data est in sortem Matrimonii. Quod dicunt Arthurum circumjacentes Terras Britanniae in ditionem accepisse; quid commendabile aliena invadere, & sua negligere, & permittere ad exterminium devenire, si ita se haberet? Quod Lucium Imperatorem cum Romano exercitu Parisiis devicit, ut volunt Gaufridus Monumetensis, & Walterus Oxenfordensis Archidiaconus, quomodo stabit non sentio. Dicit enim prædictus Episcopus de Sancto Asaph Gaufridus cum præfato Archidiacono sub hiis verbis: *Tunc multa millia Romanorum ceciderunt, tunc & Lucius Imperator infra turmas occupatus*, cujusdam lancea confossus interiit. Et tunc nullus Imperator erat in diebus Arthuri, qui Lucius vocabatur. Nam Arthurus, \* ut scribunt Gaufridus, & Walterus coronatus est in Regem super Britones anno Dominicæ Incarnationis DXV. cum quindecim esset annorum; & sic regnavit super Britones viginti septem annis, quia defunctus est anno Dominicæ Incarnationis DXLII. Arthurus verò regnabat decem & novem annis tempore Justinii Imperatoris, qui Justinus coronatus est (per Beatum Ivonem Carnotensem libro suo *de Imperatoribus* cap. 53.) anno Dominicæ Incarnationis DXI. sic quòd imperabat antequam Arthurus regnaret in Britannia quatuor annis. Et imperavit in toto Justinus viginti tribus annis. Et etiam Arthurus regnabat octo annis tempore Justiniani Imperatoris, qui immediatè successit Justino. Et ita nullus Imperator erat, qui Lucius vocabatur temporibus Arthuri. Quomodo ergo conflictum haberet cum eo, qui non erat? Ætas Arthuri non excedebat XLII. annos. Dicunt & prædicti Gaufridus & Walterus, quòd cuidam Frolloni Romæ Tribuno Gallia Provincia commissa est sub Leone Imperatore, de quo Arthurus triumphavit, & Frollonem interfecit. Quod non videtur verum; cum nullus Leo imperavit diebus Arthuri. Nam ut tradit Beatus Ivo Carnotensis in Chronicis suis *de Romanorum Imperatoribus* cap. 59. Leo Magnus affectus est Imperium anno Dominicæ Incarnationis CCCCL. quo tempore non erat Arthurus natus in Mundo. Quomodo ergo pugnaret cum Frollone tempore primi Leonis Imperatoris, cum Leo secundus imperavit anno Dominicæ Incarnationis CCCCLXVIII. & adhuc Arthurus non oritur in lucem. Leo III. imperavit anno ab incarnato Verbo DCCVIII. & antea multo tempore Arthurus moriebatur. Et ut prædiximus, præfati Gaufridus & Walterus dicunt ipsum fore mortuum Anno Domini DXLII.

Anno octavo adventus Cerdici sive Cerdicii in terram Gewyseorum, viz. anno Gratiaë DI. quidem Saxonicus nomine Port, & duo Filii ejus Bleta & Magla, cum duabus navibus applicuerunt in Britanniam in loco qui de nomine Portemuthæ nomen accepit. Porro Ducem Regionis illius expellentes, Maris littora occupaverunt; ut scribit Auctor in Flores Historiarum sub anno Gratiaë DI. Postmodum se Cerdicio subdiderunt, Provinciam illam ab ipso tenentes, anno quinto decimo Cerdici sive Cerdicii & anno Dominicæ Incarnationis DVIII. secundum Auctorem in Flores Historiarum. Sub eodem annorum numero ipse Cerdicus & filius ejus Kenricus, Britones ad prælium provocaverunt. Infirmabatur enim Utherpendragon Rex Britannicæ

\* De Arthuri tempore inter Historicos non convenit. Regni initia posuit Vincentius Bellovacensis in anno 467. Florilegus & David Powelus in anno 516. Ranulphus Cestrensis & Johannes Tinmuthensis in anno 528. Exitum plures referunt in annum 542. Annales tamen Walterleiensis in annum 545.

Gentis, nec se potuit in latus declinare. Unde Ducem Nathanleoch Principem Militiæ suæ ordinavit. Convenientibus autem Saxonibus & Britonibus pugnam contra acriter commiserunt; sed Saxones aciebus perforatis Ducem Nathanleoch peremerunt. Corruerunt etiam cum eo ex Britonibus quinque millia Virorum, & Saxones cum victoriâ latantes recesserunt, Anno XXXV. post adventum Cerdici in Britanniam, & Anno Regni ejus in Provinciâ Occidentalium Saxonum duodecimo ipse Cerdicus & Filius ejus Kenricus, congregatis ingentibus Armatorum copiis, apud Vectam Insulam stragem magnam ibidem hominum fecerunt apud Wythgaresbyri; & locus ille dicitur Wythgaresbri propter quod postea secutum est sc. quod ibi Wythgarus, nepos Cerdici, cui ipse Cerdicus Insulam concessit, ibi sepultus est. Et sic Cerdicus cum Filio Kenrico totam Insulam subdiderunt. Et sic Cerdicus Regno Occidentalium Saxonum potitus, cum regnâisset quindecim annis, regnum totum relinquens Kenrico filio suo præter Insulam Vectam, quam dedit Wythgaro Nepoti suo, obiit, & Wyntoniæ in Templo Dagon more Paganorum sepultus est, Anno † Dominicæ Incarnationis DXXX.

Hæc Insula Vecta barbarice dicitur Wyth: à Wythgaro Principe illius Insulæ nomen sortita est; sed Latino eloquio dicitur Insula Vecta; quia nulus ibi venit vel ad Insulam ipsam aggreditur nisi navi vehatur; ut scribit Auctor *de Concordantiis Anglicarum Historiarum* sub literâ V. Legi etiam in quadam Chronicâ vetustissimâ, quod Insula Vecta dicebatur, quia tempore Britonum Vectigalia regia tributa Romanorum in Insulâ illâ numerabantur & solvebantur, & etiam in Insulâ illâ quasi Stapula totius Mercandiæ Regni Britannia.

Cerdico successerunt per ordinem in Regnum Occidentalium Saxonum Kenricus, Ceaulinus, Ceolricus, Kenulphus, deinde Kynegilsus Anno Dominicæ Incarnationis DCX. qui Regnum adeptus Occidentalium Saxonum vicesimo Regni sui anno ad Christi fidem conversus est cum totâ sibi subiectâ Provinciâ: & anno quarto suæ Conversionis incœpit fundare Ecclesiam Cathedralē Wynton, destruens illud templum Dagon, quod Cerdicus construxerat; sed morte invalescente non potuit perficere, quod incœperat. Propterea assignatâ totâ Terrâ in circuitu Civitatis Wentæ sc. ad spatium septem milliariorum ad constructionem Sedis Episcopalis & ad sustentationem Monachorum in Ecclesiâ Wyntoniensi, opus incœptum Filio suo Kynewaldo reliquit complendum. Sicque ritè dispositis per omnia Regni negotiis, cum regnâisset annis XXXI. diem clausit extremum, & in Wyntoniâ, quam fundare incœperat, honorificè sepelitur; ut tradit Giraldus Cornubiensis, *de Gestis Regum West-Saxonum* libr. 3. cap. 6. Et idem scribit Vigilantius in libr. *de Basilica Petri* cap. 1.

† Paulò aliter Chronologia Saxonica; juxta quam Cerdicus obiit anno 534. Cui successit Cynricus filius annos 26. Illi Ceaulinus successit anno 560. è vivis sublatus | anno 593. Ceolulphus seu Kenulphus regnare incœpit anno 597. Kinegilsus anno 611.



## CAPITULUM II.

De Sancto Birino Episcopo, & qualiter Kynegilsum Regem ad Christi fidem convertit.

BIRINUS.

**A**NNO ab incarnato Verbo DCXXXV, beatus Birinus \* Pontifex, Doctor egregius, & Monachus Ordinis Sancti Benedicti, qui habitum Monasticum suscepit in Monasterio Sancti Andreæ Romæ, quod Beatus Gregorius construxerat, missus ab Honorio venit in Terram Gewyseorum; & Regem illius Provinciæ Kynegilsum nomine, cum omni populo illius Regionis ad Christi fidem convertit. Suscepit enim Kynegilsum Regem de fonte Sanctus Oswaldus Rex Northamhumborum, qui nutu Dei tunc contigit affuisse, cuius Filiam erat accepturus in conjugem. Et donaverunt ei ambo Reges Villam de Darkestre, ad faciendum inibi sedem Episcopalem; Kynegilsum Rex donavit, & Oswaldus confirmavit donum, testimonium Donationis perhibendo: & propter hoc dicit, *donaverunt ei ambo Reges*, ut scribit Auctor *de Concordantis Historiarum Angliæ* sub litera U. Monachos † Ordinis Sancti Benedicti, quos secum ad prædicandum Verbum Dei adduxerat, posuit in veteri Cœnobio Wyntonix. Et anno sexto Kynewaldi Regis, \* perfectâ fabricâ Wentanæ Ecclesiæ, cœtuque Monachorum convenienti decoratâ, dedicavit ipsam Basilicam Christi Symmysta beatus Birinus in honorem summæ ac individuæ Trinitatis anno duodecimo sui Apostolatus. Venit enim almi fluvius Christi Confessor Birinus in Angliam XLI. anno post adventum Sancti Augustini; qui cum quatuordecim annis Pontificatum strenuè rexisset, spiritum Cœlis reddidit III. Nonas Decembris: & in Dorkecesteni Ecclesiâ corpus ejus super aurum & topazium preciosius honorificè primitus erat reconditum.

Quæstionem dignissimam piè legentibus proponimus cum supportatione eorum qui audiunt, ut non invidia mentes intellectusque oburget moventis, sed pia motio indulgentiam postulat interrogantis. Numquid cum Primas alicujus Provinciæ dicatur per Florentium in *Florario historiali* lib. 2. cap. 18. eo quod primitus Provinciam illam vel Regnum illud vel Provinciam aliquam in Regno ad fidem convertit Christianam; sedes Wyntonienſis Ecclesiæ sedes sit Angliæ primaria? Augustinus primus Anglorum Apostolus immediate à beato Gregorio in Angliam missus pro tunc adhuc Britanniam dictam nec immeritò Primas totius Angliæ dicitur, quia partem aliquotam Gentis illius in propriâ personâ salutaris undæ lavacro perfudit, & primus, anno Domini DXCIV. Ad Eboracensem verò Provinciam ipse Augustinus Monachus Paulinum, unum ex suis commonachis, destinavit; qui Gentem illam

\* Birinum in West-Saxonia appulſiſſe anno 634. Cinegilsum Regem baptizasse anno 635. nos docet Chronologia Saxonica; quæ cum ubivis alios post Bedam Historicos auctoritate superet, tum præcipue in rebus West-Saxonis fidem meretur, ab incola illius regni haud dubio scripta. Birini adventum Rudburnus in *Historia Minori* in annum 628. conjecerat. Paulo inferius autem in annum ab Augustini adventu 41. in hoc Malmsburienſem quàm proxime secutus.

† Addunt Annales breves Wintonienſes supra citati Birinum super Monachos

Wintoniæ positos constituiſſe Monachum quendam de Monte Cassino nomine Benedictum, quem secum adduxerat.

\* Uberius Annales breves Wintonienſes. Anno regni Kynewaldi VI. anno gratiæ DCXLVIII. Ab adventu B. Birini concurrunt anni DCCCCXIX. Scripti siquidem erant hi Annales anno 1454. quod ex innumeris locis constat. Rudburnus Basilicam consecratam dicit anno 12. Apostolatus Birini, viz. juxta calculum ipsius anno 647. Is autem annis non convenit cum anno sexto Kynewalchi Regis, qui regnum auspicatus est anno 643. teste Chronologia Saxonica.

convertit ad Fidem; & ille Paulinus, quamvis non immediate à Papâ, sed mediatè summi Pontificis Legato, fuerit directus, ipse tamen propter causam præactam & successores sui in sede Eboracensi nomine & dignitate Primatis, ac Apostolicæ Sedis Legati funguntur. Cur ergo Wyntonienſis Episcopus eodem non gaudet Privilegio? Nam beatus Birinus primus Gewyseorum Episcopus non mediante Papæ Legato, sed immediate XLI. anno post adventum beati Augustini missus est à beato Papâ Honorio, ut residuam Angliæ partem permaximam quidem, quam Augustinus inconversam reliquerat, Fidei signaculo insigniret. Mirum ergo videtur hanc moventi quæstionculam, cur non Primatis nomine & dignitate cum privilegio Wentani Pontifices sicut & cæteri Anglorum Primates quam glorioſe præpolleant.

### CAPITULUM III.

De Kynewaldo Rege & Agilberto, Wino & Eleutherio  
Episcopis Wyntonix.

**A**NNO \* Dominicæ Incarnationis DCXLVIII. & anno Regni Regis Kynewaldi VIII. beatus Birinus primus Occidentalium Saxonum Pontifex, migravit ad Dominum. Sibi Successorem providit Kynewaldus Rex de Agilberto Natione Gallo, hic Kynewaldus succedens Patri in Regnum Patris non erat immemor præcepti, sed opus à Patre incæptum quam studiosius adimplevit, & multipliciter Wyntonienſem Ecclesiam nobilitavit. Hic tria Maneria veteri Cœnobio Wintoniæ contulit, viz. ——— [Vide *Annales sequentes.*] Qui cum regnasset † XXXI. annis, quievit in Domino, & Wyntonix in Ecclesiâ Cathedrali sepelitur sub summo Altari. Hic Kynewaldus, ut scribit Willielmus Meldunensis *de Regibus* lib. 1. medio tempore & ultimo optimis Principibus erat comparandus.

AGILBERTUS.

Iste Kynewaldus Rex, defuncto sanctissimo Patre Birino, ut diximus, ordinavit in Episcopum Wyntonienſem Agilbertum, natione Gallum, ac Monachum; qui XV. annos curam exercuit pastorem. \* Sed demum per

\* Annus octavus Kynewaldi Regis componitur cum anno Christi 650. Atque illo quidem anno Birinum obiisse produnt Annales breves Wintonienſes. Rem confirmat Chronologia Saxonica, Agilbertum Birino anno 650. substitutum esse perhibens. Addunt tamen iidem Annales Birinum sedisse annis duntaxat 14. qui quidem calculus anno 648. melius congruit; nisi forſan à sede Episcopali Birino per Kynewaldum data Pontificatus exordium ducamus.

† Annos duntaxat 29. agnoscit Chronologia Saxonica; quæ regnum ejus in anno 643. inceptum in anno 672. terminat. Iste, ut Annalium brevium Winton. verbis utar, post mortem Birini propria auctoritate ac regia Sedem Episcopalem totius provincie Gewyseorum statuit Wyntonix in Ecclesia quæ modo Vetus nominatur Cœnobium.

\* Non expulsus à Rege Kynewalcho, seu injuria quadam sibi illata offensus Agilbertus Episcopatum deseruit. Rex enim fidei sacramenta linguâ sibi notâ (quod ab Agilberto Gallo fieri non potuit) tradi cupiens, suæ gentis hominem Wini in Gal-

liâ ordinatum sibi adhibuit, atque illi sedem Episcopalem in Wintonia posuit, inconsulto Agilberto, qui Dorsettriæ tunc Sedem habuit. Id ægrè ferens Agilbertus à Westsaxonix recessit. Ista constat ex Bedæ Historiâ lib. 3. cap. 7. Factum id anno 660. Chronologia Saxonica testatur. Non tamen recta in Galliam, sed in Northanbriam ad Alchfridum Regem, cui amicitia conjunctus erat, secessisse videtur. Anno enim 664. Colloquio Streaneschalchenſi interfuit, authore Bedâ l. 3. c. 25, 26. Nolle quidem Chronologiæ Saxonice fidem leviter abrogare. In id tamen propendet animus, rationibus non contemnendis ductus, ut Agilberti recessionem in annum 662. à Rudburno positum, vel potius in annum sequentem referam. Wini enim triennio Sedem Wintonienſem obtinuisse Chronologia Saxonica perhibet. Pulsus autem anno 666. fuisse & Florentius Wigornienſis & Radulphus de Diceto (Abbrev. Chron. p. 439.) produnt. Neque ipse Rudburnus refragatur; annos siquidem 15. Agilberti pontificatui datos ab anno 648. antea exorsus.

Kynewal-



Kynewaldum Regem expulsus factus est Episcopus Parisiacensis; † hic Agilbertus rogatu Oswii Regis Northamhumborum in partes illas deveniens causā prædicandi Verbum Dei, sicut erat Prædicator egregius, & Doctor, & Monachus, ut potest elici ex Vita sancti Eleutherii Episcopi, Wilfridum magnum puerum acris ingenii, qui XIV. ætatis suæ anno Monasterium Lyndisfarnense expetiit, ad ordinem promovit Sacerdotii; ut scribit Beda *de Gestis Anglorum* lib. 5. cap. 19.

WINE.

Expulso sic Agilberto, Wynus Natione Anglus, ac Monachus Wyntoniensis Ecclesiæ, successit in Episcopatu, Anno Dominicæ Incarnationis DCLXII. & Anno Regni Regis Kynewaldi XIV. ut habetur per Vigilantium in libro *de Basilica Petri*. Qui Wynus post biennium per Regem Kynewaldum similiter expulsus emit à Rege Merciorum Wilfero Sedem London Civitatis; ubi longo tempore Cathedram tenuit Pontificialem. Sed triennio \* ante mortem suam pœnitentiâ ductus pro Symoniâ, Episcopatum deferens, reliquam partem vitæ suæ in Wyntoniensi Ecclesiâ, ubi & primò infulatus est, sub monasticâ conversatione peregit, in qua corpus ejus decentissimè traditur sepulturæ; ut scribit Florentius in *Florario Historiali* lib. 3. cap. 6. Semper apud semetipsum hæc verba ruminabat. *Erravimus Juvenes, emendemus Senes.*

ELEUTHERIUS.

Post expulsionem Wyni, vacavit Sedes Wyntoniensis quatuor annis, & tunc ad rogatum Agilberti Episcopi Parisiacensis Eleutherius nepos ejusdem Agilberti, vir demirandæ Sanctitatis & Doctrinæ, ac monasticæ Religionis, in Pontificatum Wentanæ Civitatis assumitur; & sedit annis septem, & in Dorkcestensi Ecclesia sepultus est. Hic cum sancto Adelmo Doctore & Monacho fundavit Cœnobium Meldunense, ut scribit Willelmus Malmesburienfis *de Pontificibus* lib. 1. Istius Pontificis anno sexto, † obiit Kynewaldus Rex. Hic à Theodoro Archiepiscopo Cantuariæ consecratus est.

HEDDA.

Defuncto \* Eleutherio Antistite, Anno, viz. Gratiæ DCLXXIV. successit Hedda, qui prius fuit Monachus & Abbas in Monasterio, quod tunc Streneshalce sed nunc Whyteby nuncupatur; qui Miraculorum gloria nobiliter insignitus primum hujus Provinciæ Patronum & Apostolum sanctissimum Birinum à Dorkecestra simul cum sede transtulit in Wyntoniam in Ecclesiam quæ modò dicitur Apostolorum Petri & Pauli & Sancti Swythuni Confessoris, tunc dedicata erat, ut superius diximus, in honorem summæ Trinitatis. Cum ista translatione concordant Beda *de Gestis Anglorum*, Willelmus Meldunensis, Auctor in Flores Historiarum, & Ranulphus Cestrensis in suo *Polycronico*. Et metricè sic scribit Lantfredus in Libro de Fundatione Wentanæ Ecclesiæ, qui intitulatur *Liber Fundamenti*.

† Anno 664. Episcopus Parisiensis jam factus Wilfridum Episcopum in Gallia consecravit, authore Stephano Heddio in Vita Wilfridi cap. 12.

\* Contra Beda Hist. Eccl. lib. 3 cap. 7. Wini *Londonia civitatis Episcopum ad terminum usque vitæ suæ mansisse* refert. Tempus vacationis Ecclesiæ Winton. post expulsam Wini Rudburnus non malè posuit. *Tempore non paucò vacasse* Beda loco citato confirmat. Vacavit siquidem ab anno 666. ad 670. quo Lotharius sive Eleutherius à Theodoro Archiepiscopo Cant. consecratus Episcopatum Winton. accepit

juxta Chronologiam Saxoniam & Florentium.

† Rectius anno secundo vel tertio. Obiit enim Kynewalchius anno 672. authore Chronologo Saxone; Anno 671. juxta Rudburnum in *Historia Minori*.

\* Rectius Eleutherius anno 676 obiisse dicitur à Florentio Wigornienfi; cui suffragatur Chronologia Saxonica, quæ Hedda successoris introitum eodem anno reposuit; & Willelmus Malmesburienfis, qui Episcopatum 7 annis ab Eleutherio gestum scribit. Interfuit Eleutherius Synodo Herefordensi anno 673. Beda l. 4. c. 5.

Quisquis

Quisquis<sup>a</sup> ut hoc templum beneficia poscere quærit,  
Impetret à Domino gaudia plena pio.  
Qua Vir Apostolicus jacet almus & ille Birinus,  
Has lavacro Gentes qui lavit occiduas.

<sup>a</sup> l. ad.

Et in Decretis Theodori Dorobernensis Archiepiscopi, nunc Cantuariensis, Decreto secundo, sic habetur: *Nolumus, inquit summus Anglorum Pontifex Theodorus, imo nobis non congruit, ipso Fratre nostro sanctissimo Hedda superstite, qui Ecclesiam Wentanam tam insigniter nobilitavit, auctoritate summi Pontificis Agathonis transferendo corpus beatissimi Birini Occidentali Saxonum Apostoli, à Villa Dorkecestrensi, ubi reconditum erat, unà cum Sede in Wentanam civitatem, cujus etiam labore ac studio, Apostolicoque mandato ex tunc primo confirmata est in ipsa civitate Sedes Episcopalis Dignitatis: Parochiam suam in aliquo ledere diminuendo.* † Celebrataque est ista Translatio anno tertio sui Pontificatus, secundo anno Ercuini Regis Occidentali Saxonum, Anno Gratiae DCLXXVII. ut scribit Florentius in *Florario Historiali* libr. 3. cap. 8. Et Giraldus in *Libro de Gestis Regum West-Saxonum* cap. 13. Iste sanctissimus Pater \* consecratus est in Pontificem ultimo anno Kynewaldi Regis; & cum pontificasset annis XXX. Spiritum cœlo reddens, corpus in propria Ecclesia honorificè humatum est.

† De translatione Sedis Episcopalis & reliquiarum S. Birini ad Wintoniam ista habent Annales breves Wintonienses. *Sedes Episcoporum West-Saxonum in Ecclesiâ de Dorcestriâ mansit per spatium XLII, annorum usque ad tempora Hedde, qui quinto loco S. Birino in Episcopatum successit: qui Sedem transfudit de Dorcestriâ unà cum corpore sanctissimi Patris nostri Birini in Ecclesiam summae Trinitatis tunc, modo Apostolorum Petri & Pauli, Wintonia anno gratiae DCLXXXIII. anno Pontificatus sui X. anno vero Ercuini Regis West-*

*Saxonum III. A translatione Sedis Episcopalis de Dorcestriâ ad Wintoniam sunt anni DCCLXXI.*

\* Verius Hedda Episcopatum sortitus est triennio post Kynewaldi Regis obitum, anno ultimo Ercuini Regis. Christi verò 676. consecratus Londoniâ à Theodoro Archiepiscopo. Annum exhibet Chronologia Saxonica, locum Beda l. 4. c. 12. Sedit annos 27. obiit Wintoniâ anno 703. teste eadem Chronologiâ, cui fidem astruit Beda l. 5. c. 19.

## CAPITULUM IV.

De Ercuino, Kenwino, Cedwalla, Ina, Athelardo, Cuthredo, Sigiberto Regibus & de Daniele Wyntonienſi Episcopo, &c.

**A**NNO ab incarnato Verbo DCLXXV † Ercuinus Kynegilſi ex Fratre Cuthgiſto abnepos, successit Sexburgæ in Regnum Occidentali Saxonum. Ista Sexburga Regina erat & uxor Kynewaldi Regis: Quæ post ejus obitum, Regni gubernacula suscepit. *Nec deerat, inquit Willelmus Meldunensis de Regibus* libr. 1. *mulieri spiritus ad obeunda Regni munia.*

† Ercuinus regnare coepit anno 674. vivere desuit anno 676. ex fide Chronologiæ Saxonicae. Triennio illum re-

gnasse scripserat Rudburnus in Historiâ Minori. Sexburga unico anno clavum tenuit.



*Ipsa novos exercitus moliri, veteres tenere in officio, ipsa subjectos clementer moderare, Hostibus minaciter infremere; prorsus omnia facere, ut nihil prater Sexum discerneres: hæc Willelmus.* Addit autem Auctor in Flores Historiarum dictis Willelmi, hoc modo scribens. Sed indignantibus Regni Magnatibus, expulsa est à Regno, cum regnasset non plene anno uno, nolentes sub Sexu foemineo militare; propter quam quidem expulsionem in Cathalogo Regum West-Saxonum non est ponenda, & quia foemina; quamvis aliqui chronicantes eam ponant in Regum cathalogo. Expulsa sic Sexburga, regnavit Efcuinus duobus annis & mortuus est. Hic Efcuinus Mercii semper infestus aderat. Post mortem Efcuini successit in Regnum <sup>a</sup> Kentwynus, filius Kynegilsi Regis, Anno Gratiae DCLXXVII. qui multipliciter Britannos infestabat, ut scribit Willelmus Meldunensis *de Regibus* libro primo. Et cum regnasset novem annis, humanæ naturæ morti obediens debitum solvit. Kentwyno successit in Regnum Occidentalium Saxonum Anno Gratiae DCLXXXVI. <sup>b</sup> Cedwalla regiae indolis nobile germen, Ceaulini ex fratre Cuda pronepos. Iste in tantum ante Baptismum inferviebat Pietati; ut omnes manubias quas Jure prædatorio in suos transcripserat, Deo decimaret. Igitur cum regnasset duobus annis, Romam expetiit, ubi à Sergio baptizatus est, Petrusque vocatus: Et in Albis adhuc positus languore correptus XII. Kalend. Maii die, carne solutus & Beatorum in cœlis est Regno sociatus Anno Gratiae DCLXXXVIII.

Anno ab Incarnatione Salvatoris DCLXXXVIII. Ina Kynegilsi ex Fratre Cuthbaldo Pronepos, post Cedwallam successit in Regnum; & regnavit triginta octo annis. In XVII. anno Regni istius Regis Inæ, sanctus Hedda Wyntonienfis Episcopus migravit ad Dominum. Hic nobilis Ina Monasterii, quod Glastonia dicitur, primus extitit Fundator; qui postea Regnum sponte deferens, amore supernæ patriæ anhelans, Romæ inter Plebeios cum sua Regina Ethelburga vita sanctissima consenuit; ut scribit Willelmus Malmesbiriensis *de Regibus* lib. 1. Athelardus Rex successit <sup>c</sup> Inæ in Regnum Occidentalium Saxonum & regnavit XIV. annis. Hic Athelardus frater erat Frydewyth Reginae, quæ mater erat sanctæ Frydeswythæ, quæ Oxoniis miraculis coruscat. Frater enim & soror ambo jacent sepulti in Ecclesiâ Wyntonienfi. Scilicet Efcuinus & Kentwynus, quorum ossa postmodum tempore Henrici Blesensis Wyntonienfis Episcopi translata sunt, & propter ignorantiam qui essent Reges, & qui essent Episcopi, eò quòd non erant tituli inscripti super monumenta eorum; prædictus Henricus Episcopus posuit in sarcophagis plumbeis, Reges cum Episcopis, & Episcopos cum Regibus, simul permixtos; ut habetur in quodam libello Roberti Prioris Wyntonienfis, & postmodum Glastonienfis Abbatis, *de actibus Willelmi & Henrici, Episcoporum Wyntonie.*

Athelardo successit Cuthredus <sup>\*</sup> Anno Gratiae DCCXL. & regnavit annis XIV. cujus ossa in prædictis Sarcophagis cum ossibus aliorum Regum &

<sup>a</sup> Kentwynus regnum adiit anno 676. Cedwallæ tradidit anno 685. juxta Chronologiam Saxoniam. Initium regni in anno 675. exitum 685. Rudburnus in Historia Minori reposuerat.

<sup>b</sup> Cedwallæ regnum in anno 689. terminavit Chronologia Saxonica.

<sup>c</sup> Ina Romam adivit anno 628. cui successit Ethelhardus, regnumque annis 14. tenuit; obiit anno 741. Ita quidem Chronologia Saxonica. Obiitum ejus in annum

739. Rudburnus in Historia Minori retulit.

<sup>\*</sup> Regnavit annis XII. obiit anno DCCXLII. inquit Rudburnus in Historia Minori Aliter Chronologia Saxonica. Anno DCCXLI. Cuthredus regnum cepit, tenuitque annos XVII. Sic quidem versio Latina. Saxonica autem XVI. duntaxat annos numerat; pro quibus XIV. certissime substituendi sunt. Obiitum enim in anno 754. posuit eadem Chronologia.

Pontificum. Huic Cuthredo successit Sigibertus <sup>d</sup> Anno Gratiae DCCLIV. in Regnum Occidentalium Saxonum, & anno uno regnavit, & post ejus decessum sepultus est in Ecclesiâ Wyntonienſi. Offa vero ejus cum ossibus aliorum Regum in Sarcophagis prædictis recondita sunt. Hujus Regis tempore Daniel, <sup>e</sup> qui post beatissimum Patrem Heddâ in Wyntonienſi Ecclesiâ annis XXXIV. strenuè pontificâſſet, senio confectus, Meldunum rediit, cujus Monasterii per prius Monachus erat; ubi residuum vitæ sub Monasticâ Religione consumpsit, & Sanctus reputatur. Ascendebat enim Cathedram Pontificalem Anno XVII. Inæ Regis, Anno viz, Gratiae DCCIV. Cui per ordinem successerunt <sup>f</sup> Humfridus, <sup>g</sup> Kyneardus. Kyneardo successit <sup>h</sup> Athelardus, ex Abbate Melduni; deinde mox Archiepiscopus Doroberniæ, quæ modo dicitur Cantuaria, dignitatem Doroberniensis Ecclesiæ paulò ante per potestatem regiam Offæ, scil. Regis Merciorum, ad Mercios redactam, magnis laboribus ad pristinum statum revocavit. Cui successerunt per ordinem in sede Wyntonienſi <sup>i</sup> Egbladus, <sup>k</sup> Und, <sup>l</sup> Kynebirthus, <sup>m</sup> Almundus, <sup>n</sup> Wyderginus <sup>o</sup> Herefridus, <sup>p</sup> Edmundus. Herefridus in bello contra Danos cum Sigelmo Shireburnenſi Episcopo interfectus est à Danis.

DANIEL.  
HUMFRE-  
DUS.  
KINEBAR-  
DUS.  
ATHELAR-  
DUS.  
EGBLADUS  
DUDDA.  
KINEBER-  
TUS.  
ALMUND.  
WIGTHEN  
HERE-  
FRITH.  
EDMUND.

<sup>d</sup> Concordat Chronologica Saxonica.

<sup>e</sup> Daniel sedem Wintonienſem adeptus post Heddæ mortem anno 703. tenuit annis 42. Anno 721. Romam addiit; anno 731. Tatwinum Archiepiscopum consecravit; anno 744. Episcopatu cessit; anno 745. defunctus est. Ista tradit Chronologia Saxonica; cui de cessione, convenit Florentius, de obitu Huntindoniensis. Obitum tamen in anno 746. Mailrosensis cum Florilego collocavit; & unum plus justo annum Malmsburiensis Pontificatui dedit.

<sup>f</sup> Aliis Humfredus seu Hunferdus, Danieli successit anno 744. juxta Chronologiam Saxonica & Florentium. Concilio Cloveshoviensi interfuit anno 747. (Con-Angl. Tom. 1. p. 242.) Obiit anno 754. ex fide utriusque Authoris supra laudati, anno 756. juxta Westmonasteriensis.

<sup>g</sup> Humfredo successit anno 754. authore Chronologo Saxonico.

<sup>h</sup> Episcopatum Wintoniæ post Humfredum obtinuit anno 754. electus ad Archiepiscopatum Cantuariensem anno 790. Id tradit Chronologia Saxonica cum multis aliis.

<sup>i</sup> Egbaldum vocat Malmsburiensis. De eo nil aliud reperio præter subscriptionem Chartæ Offæ Regis datæ Coenobio Croilandenſi anno 793. appositam apud Ingulphum Hist. fol. 486.

<sup>k</sup> Dudd Malmsburiensi aliisque dicitur. In Codice tamen MS. Lichfeldenſi Historiæ Malmsburiensis de gestis Pontificum Angl. Cineberd appellatur. In eo enim duo Cineberdi Egbaldo & Almundo interjiciuntur.

<sup>l</sup> Romam adiit cum Ethelardo Archiepiscopo Cant. anno 799. narrante Chronologia Saxonica. Anno 806. Chartæ Kenulphi Merciorum Regis datæ Croilandenſibus subscripsisse dicitur apud Ingulphum Hist. fol. 486. Lubricæ autem sunt fidei Chartæ Monasticæ. Verius etenim Al-mundo successor ante annum 803. locum dedit.

<sup>m</sup> Anno 803. sedi Wintonienſi præfuit. Isto enim anno Concilio Cloveshoviensi adfuisse reperitur Concil. Angl. Tom. 1. p. 325. Dicitur etiam Synodo Becanceldenſi anno 798. interfuisse ibid. p. 318. Verum si quis Acta utriusque Concilii conferat, unicum tantum fuisse idque Cloveshoviæ habitum comperiet.

<sup>n</sup> Aliis Wigthen & Wigthegnus appellatur. Interfuit Synodo Celcuthenſi anno 816. Synodo Cloveshoviensi anno 824. Concil. Angl. Tom. 1. p. 328. 335. Obiit ante annum 829.

<sup>o</sup> Seu Hereferthus. Ante Wilfredi Archiep. Cant. obitum anno 829. Episcopatum sortitus est. Isti enim obtulit Professionem fidei & subjectionis, quæ extat in Registro MS. Ecclesiæ Christi Cant. Anno 833. in prælio Carrenſi à Danis interfectus est, juxta Chronologiam Saxonica & Mailrosense Chronicon. Malè Florilegus anno 834. interemptum scribit.

<sup>p</sup> De eo nil invenio præter professionem fidei & obedientiæ prolixam Ceolnotho Archiepiscopo Cant. factam, in Registro MS. Ecclesiæ Christi Cant.



## CAPITULUM V.

## De Kenewlpho &amp; Brietrico Regibus.

**A**NNO Gratia DCCLV, post Sigebertum regnavit Kynewlphus morum honestate, & militiæ probitate merito collaudandus. Iste Kynewlphus, ut scribit Auctor in Flores Historiarum, sub Anno † Gratia DCCLXXXVI. cum regnasset XXVI. annis, & contra Britones, & alios multos prælia plurima laudabiliter commisisset; exulavit tandem Juvenem quendam nomine Kynechardum fratrem Sigeberti Regis Occidentalium Saxonum, quem Kenewlphus à Regno privaverat, habens illum suspectum ne respiraret ad Regnum, vel denique necem Fratris sui in ipsum vindicaret. Kynechardus verò tempori cedendum credens, dissimulans animo quasi volens aufugit. Sed mox cum furtivis Prædonum conventiculis nemorosa petens abdita, in insidiis multis expectabat diebus, propter proverbium, quo dicitur: *Quod non longa mora dare solet, dat brevis hora.* Interea cum Rex Kenulphus alienis à bonis moribus serviens in Villâ, quæ Meritona dicitur, furtivæ Veneri indulgeret, & à hoc Kynechardo suprascripto compertum fuisset; cum suis Complicibus domum foris obsedit. Sed Rex qui cum parvo Comitatu, & quasi solus advenerat, ut se ab Hostibus undique vallatum comperisset, ostia domus obcluserat, sperans Latrones vel terrere Imperio vel mulcere eloquio. Sed frustra: Nam cum à multitudine Rex circumventus fuisset, dum cedere Hostibus dampnum gloriæ suæ arbitraretur, defensioni vacans ipsum Kynechardum crudeliter vulneravit. Hoc autem viso Kynechardus cum suis in Regem irruens ipsum interfecit. Pauci quoque ex clientelâ Regis, qui aderant, dum non manus dare, sed Dominum suum vindicare intendunt, omnes fuerunt pariter obtruncati. Continuè fama dilabitur ad Principes perempti Regis, qui non longè excubias agebant; inter quos Osfricus major cæteris socios hortatur, ne tantam ignominiam inultam dimitterent. Strictis ensibus irruunt in Hostes. Kynechardus hoc videns cognationem prætendit, multa pollicetur; sed ubi nihil perfecit, suos ad resistendum accendit. Tandem regiis Ministris fortiter pugnantibus, Kynechardum cum suis omnibus peremerunt. Corpus verò Regis Wyntaniæ in Ecclesiâ Cathedrali sepultum est; Kynechardi verò corpus apud Rependune, quod tunc nobile Cœnobium erat & famosum, sepelitur.

Kynewlpho successit Brietricus Filius ejus in Regnum. Hic ut amplior gratiam apud propinquos inveniret, filiam Offæ Regis Merciorum, eò quod potentissimus Rex esset, in conjugium accepit; cujus affinitate fultus Egbertum solum regalis Prosapiæ superstitem, quem metuebat, ne forte in Regnum succederet, eo expulso ut hostem fugavit in Franciam. Habuit Rex iste, ut diximus, Reginam nomine Ethelburgam Offæ Regis Merciorum Filiam; quæ multis suffulta honoribus miris se ambitionibus extollebat. Nam matrona tyrannide incitata omnes de Regno Nobiles ordinatos & viros Religiosos ad Regem accusare & execrari consuevit; unde & Principibus Ducibusque perosa extitit, cum Magistratibus, & Populis universis. Siquidem malefica illa ita Regem instruxit blanditiis; ut illos quos accusabat, aut vitâ aut Regno privaret. Et si hoc à Rege impetrare non potuit, veneno eos clam perdere consuevit. Erat autem eodem tempore adolescens quidam genere ac Regi valde familiaris, & amantissimus; quem

\* Id in annum 784. retulit | num 783. Historia Minor Rud-  
Chronologia Saxonica, in an- | burni.

cum malefica Regina accusare non valeret, veneno illum extinxit. De quo veneno cum Rex ignoranter gustasset, animam subito exhalavit. Nec tamen illa Regi dare proposuerat poculum mortis, sed adolescenti. Verumtamen ambo biberunt, & potu venenifero perierunt. Rege itaque in hunc modum perempto, mulier nequissimo timore perterrita. fugiens cum thesauris impreciables nare transiit, & Carolum Francorum Regem adiens, multa ei exenia præsensavit. Cui cum astaret inter Mulieres nequissima, licet pulchritudine pulcherrima: sic eam Rex allocutus ait: Elige Ethelburga sive Edburga quem volueris vel me, vel filium meum, qui me astat in solario, in societatem accipere conjugalem. At illa sine deliberatione, & fræno soluto pudicitiae, respondens ait, si mihi optio daretur vel libertas eligendi; filium tuum quàm te magis diligerem, qui junior esse videtur. Tunc Rex intelligens illam explendæ libidinis cupiditate ductam, eleganter respondit: Si me, inquit, elegisses, Filium meum haberes; & quia illum elegisti, nec me nec illum habebis. Contulit tamen illi Rex propter improbitatem ejus & nimiam pulchritudinem, nobile Monasterium fœminarum, in quo illa habitu deposito sæculari sub specie hypocrisis, indumento Monialium assumpto, Abbatissæ vices annis paucissimis fungebatur. Nam parvo post tempore, dum quæ sancta erant, exerceret; à quodam propriæ Gentis ignobili viro dicitur constuprata. Mulierem ergo in adulterio deprehensam Rex à Sancto Monasterio expelli præcepit; quæ deinceps miserrimè in paupertate tempora Vitæ suæ vituperabiliter ad finem usque perduxit. Hæc Auctor in Flores Historiarum sub anno Domini DCCC. Hic Brietricus cùm regnasset XVI. annis, veneno, ut diximus, interiit & apud Warram sepelitur.

Explicit Liber secundus, incipit tertius.

LIBER



## LIBER III.

## CAPITULUM I.

De Egbirto Rege & Primo Anglorum Monarcha, & de Helinstano venerabili Wentanæ Civitatis Episcopo.

**E**GBIRTUS Rex potentissimus, qui bellator egregius, qui primus totius Angliæ Monarcha fuisse dignoscitur, Brietrico successit in Regnum, Anno Domini DCCC. Propter quod imprimis notandum, quod Monarchas Anglorum sub triplici membro distinguunt Chronicantes: ut habetur in libro *de Concordantiis Chronicantium* sub literâ M. Uno modo dicitur Monarcha Anglorum, qui cum Regnum illud in septem particubatur divisiones: unus armipotens singulas Provincias cum suis Principibus suæ ditioni subjugavit, & sub se regnare tributaque sibi persolvere coegit: sicut agebat Diocletianus Syriæ cum Regibus, qui in suis proximis confinibus honorificè regnabant. Et talis Monarcha Anglorum etiam Egbirtus & primus in armis strenuus. Secundo modo dicitur primus Monarcha Anglorum, qui non solum alia regna conquirit, verum etiam Reges sub se habere dominantes renuit, Regnaque sibi conquesta in Comitatus dividens. Et hoc modo primus Monarcha Anglorum nominatus est Alfridus nepos Egbirti Regis. Tertio modo dicitur primus Monarcha, qui non solum terram, sed etiam mare circumjacens Provinciæ ad suum dominium primitus adquisivit, ut pacem ex omni parte retineret. Et sic dictus est primus Monarcha Edgarus Rex pacificus, nepos Edwardi senioris, & pronepos Alfreði inclyti Principis. Sed secundum sentire meum, cum benignâ supportatione tam egregii Historiographi, qui auctor extitit illius Libri in quo tractatur *de Concordantiis Chronicantium*, possum ponere quartum modum, quo dicitur primus Monarcha. Potest dici primus Monarcha ille, qui undique impugnatus a Barbaris sive alienigenis à propria Natione, ita quod Regnum suum ferè stat in puncto alienandi ad exterar Nationes per modum conquesti: tandem inter Principes utriusque partis talis conventio habita est, viz. ut fiat Duellum inter unum ex parte legitimi Hæredis, & alterum ex parte Usurpantis, & nemo utriusque Exercitus intromittat de pugnâ, præter ipsos duos viros robustissimos: & cui parti cedat Victoria, sit ipse Rex solus ut Conquestor super Anglicanam Gentem. Et hoc modo potest dici primus Monarcha Anglorum Athelstanus Rex filius Edwardi senioris. Tale enim pactum habitum est inter ipsum & Regem Dacorum; & assignato Gwydone de Warwyk ut pugnet pro Patriâ ex parte Regis Anglorum; Et similiter assignato Colbrondo immani Gigante, pro parte Regis Dacorum: Et nutu Domini vicit Christianus Paganum: & sic cessit victoria Anglis, & Athelstanus Rex solus regnabat super Anglos. Tale enim Duellum nunquam accidit ab adventu Dacorum, in Angliam, qui applicuerunt in Angliam tempore Egbirti Regis, usque ad tempora hujus gloriosi Principis Athelstani: nec ut mihi videtur, quantum ad pacem Dacorum. Quia post istud Duellum regnabat solus in pace Athelstanus absque Danorum infestatione; & sic non regnabant nec Pater ejus Edwardus Senior dictus neque Avus ejus Alfridus, nec

nec inclytus Princeps Egbirtus. Istis visis potest Athelstanus dici primus Monarcha, sicut quidam ipsum ita appellant. Et nescio propter quam causam aliam ab ista. Vir iste insignis Egbirtus apud Wyntoniam coronatus est in Regem in veteri Monasterio. Hic de rectâ lineâ Regalis Prosapiæ processit Occidentalium Saxonum. Fuit enim filius Edmundi subreguli Merciorum, qui filius extitit Offæ Regis Merciorum: qui quidem Offa erat filius Ingildis fratris Inæ Regis West-saxonum. Et erant Ina & Ingildus filii Kenredi, qui fuit Celwaldi filius, & ille Cuthaldi, qui frater erat Kynegilfi Regis, qui quidem Kynegilfus, ut dictum est, primo incœpit fundare vetus Monasterium in urbe Wyntoniâ. Hic dedit Veteri Cœnobio Wyntonienfi quatuor Maneria: viz, Peckenesford, Wordiam, Aweltone, & Bedamp-tone. Et \* tertio anno Regni morti obediens in Cathedrali Ecclesiâ Wyntonienfi jacet humatus.

Istius Regis tempore defuncto Edmundo Wyntonienfi Antistite successit Venerabilis † Helinstanus ex Monacho Wyntonienfi. Cui Rex Egbertus Anglorum Monarcha primus Filium suum commendavit Athulphum nutriendum. Qui Athulphus longo tempore cum Patre militans, tandem militiâ relictâ, ad priorem magistrum suum se transferens. Commendavit Helinstanus Athulphum Sancto Swythuno tunc Præposito Wyntonienfis Ecclesiæ, qui modo dicitur Prior Monachorum, à quo Athulphus accepit habitum Monachorum: Ac demum ab Helinstano Pontifice in gradum Subdiaconatûs promotus est: ut scribit Vigilancius libro de Basilica Petri Capitulo XI. Helinstanus in matrem omnium reversus, sepultus est in propriâ Ecclesiâ.

HELIN-  
STAN.

\* Lege tricesimo septimo. Rudburnus enim in Historia *Minori* Egbertum obiisse dicit anno 837. postquam regnasset annis 37. eundemque calculum in supputandis Athulphi Regis annis inferius secutus est. Verius tamen Egbertum anno 836. obiisse Chronologia Saxonica, Florentius, alique tradunt.

† Herefridum anno 833. interiisse supra annotatum est. Successit ei Ead-

mundus, qui paucissimo tempore præsedit; siquidem fides adhibenda sit Chartæ Witlasi Merciorum Regis datæ Monasterio Croilandenfi anno 833. cui subscripsit inter alia Helinstanus; apud Ingulphum fol. 488. Certè ante Egberti Regis mortem, quæ contigit anno 836. Episcopatum adeptus est. Obiisse anno 852. à Rudburno infra dicitur.

CAPITU-



## CAPITULUM II.

De Ethulpho Rege &amp; Sancto Swythuno Wyntonienſi Epifcopo.

**A**NNO Dominicæ Incarnationis DCCCXXXVII. defuncto Egbirto Rege potentiffimo, Athulphus filius ejus regnavit pro eo. Hic de Monachatu & de ordine Subdiaconatus à Wyntonienſi Eccleſiâ aſſumptus, permittente Sancto Papâ Leone, in Regem eſt coronatus; eò quòd Pater ejus Egbirtus abſque alio Hærede in fata deceſſit. Hic Athulphus habuit Alſtanum Shireburnenſem Epifcopum, qui quinquaginta annis Eccleſiæ præfuit Shireburnenſi, in rebus forinſecis, in rebus verò Eccleſiaſticis ſanctiſſimum Patrem Swythunum: Cujus providentiâ & conſilio decimam partem omnium terrarum in manibus ſuis exiſtentium Eccleſiæ donavit Anglicanæ perpetuis temporibus liberè poſſidendam. Cujus Scriptum libertatis Eccleſiarum ſequitur in hunc modum, quod toti conceſſit Angliæ.

Regnante Domino noſtro in perpetuum, dum in noſtris temporibus bellorum incendia & direptiones opum noſtrarum, necnon & vaſtantium crudeliſſimas deprædationes Hoſtium barbararum; Paganarumque Gentium multiplices tribulationes [ad] adfligendum uſque ad internecionem tempora cernimus incumbere periculofa. Quam ob rem ego Ethelwlfus Rex Occidentalium Saxonum cum conſilio Epifcoporum ac Principum meorum, conſilium ſalubre, atque uniforme remedium adfirmavi; ut aliquam portionem terrarum hæreditariam, antea poſſidentibus omnibus gradibus ſive famulis & famulabus Dei Deo ſervientibus ſive Laicis, decimam manſionem ubi minimum ſit, tamen decimam partem in libertatem perpetuam perdonari dijudicavi, ut ſit tuta atque munita ab omnibus ſæcularibus ſervitutibus, nec non regalibus tributis majoribus & minoribus, ſive taxationibus quod nos [dicimus] Wytereden: Sitque libera omnium rerum pro remiſſione animarum & peccatorum noſtrorum Deo ſoli ad ſerviendum ſine expeditione, & Pontis inſtructione, & Arcis munitione; ut eo diligentius pro nobis ad Deum preces ſine ceſſatione fundant, quo eorum ſervitutum in aliquâ parte levigamus. Placuit autem tunc poſtea Epifcopis Alſtano Shireburnenſis Eccleſiæ, & Swythuno Wyntaceſtrenſis Eccleſiæ, cum ſuis Abbatibus & ſervis dictum conſilium inire; ut omnes fratres & ſores noſtræ ad unamquamque Eccleſiam omni hebdomadâ Mercurii die, hoc eſt Wodneſdage: omnis congregatio cantet quinquaginta Pſalmos, unusquisque Prebiter duas Miſſas, unam pro Rege Ethelwlfho, & aliam pro Ducibus ejus huic dono conſentientibus, pro mercede & refrigerio delictorum ſuorum. Pro Rege vivente; *Deus qui juſtificas*: pro Ducibus viventibus: *Pratende Domine*. Poſtquam autem defuncti fuerint, pro Rege Defuncto ſingulariter: pro Principibus defunctis communiter: Et hoc ſit tam firmiter conſtitutum omnibus Chriſtianitatis diebus, ſicut libertas illa conſtituta eſt, quam diu Fides creſcit in Gente Anglorum. Scripta eſt autem hæc Donationis chartula Anno Dominicæ Incarnationis DCCCXLIV. In dictione IV. die \* quoque Nonas Novembris, in Civitate Wentanâ, in Eccleſiâ Sancti Petri ante Altare capitale. Et hoc fecerunt pro honore Sancti Michaelis Archangeli, & Sanctæ Mariæ glorioſæ Domini Genitricis, ſimulque & beati Petri Apoſtolorum Principis, nec non & Sancti Patris noſtris Gregorii Papæ, atque omnium Sanctorum: & tunc ampliore firmitate Rex Ethelwlfus poſuit Chartulam ſuper Altare Sancti Petri. Et Epifcopi pro fide Domini acceperunt, & poſtea per omnes Eccleſias tranſmiſerunt in ſuis Parochiis.

\* Quarto apud  
alios legitur.

Ecce quòd quàm plurimum tota Ecclesia Anglicana habet venerari Wyntonienſem Eccleſiam, in qua oblatum eſt iſtud Privilegium, ut ab eâ ad alias deſcenderet Eccleſias. Quod autem in iſtâ chartulâ præponitur Alſtanus Shireburnenſis Epicoſus Sancto Swythuno Wyntonienſi Epicoſo, non aliter eſt \*, niſi quia Cancellarius erat Regis, & per eum, ut per Gubernatorem (ſicut erat) omnia Regni negotia diſponebantur : ut ait Auctor *de Concordantiis Chronicantium*, ſub literâ *W*. Hæc Charta habetur in Chronicis Wilhelmi Malmesbirienſis, libro 2do.

Iſte Athulphus ſive Ethelwolphus in regem ſublimatus, ſceminam nobiliſſimam ac ſatis religioſam, nomine Oſburgam, duxit in uxorem ; quæ filia erat Aſlaci famoſi Pincernæ ejusdem Regis Athulphi ; ex quâ quatuor filios ac Principes inclytos generavit, & unicam filiam, viz. Ethelbaldum, Ethelbyrtum, Etheredum, & Alſfredum. Qui omnes per ordinem poſt patrem regnabant. Filiam verè ejus, nomine Ethelſytham, accepit Rex Merciorum Burthredus in conjugium : Habuit etiam quintum filium, cognomento Ethelſtanum, non de matrimonio generatum ; cui, ut ſcribit Auctor in *Flores Hiſtoriarum*, pater Athulphus omnia regna, quæ ejus Genitor potenter acquiſiverat, contulit, Occidentalium Saxonum ſolummodò ipſe contentus Regno ; propter quod factum filii ſui legitimi omnes, præter Alſfredum, contra Patrem inſurrexerunt ; & primogenitus Ethelbaldus, ut Abſalon contra David, qui

Aspirans regno per cunctas Iſrael Urbes,  
Legatos miſit Abſalon ipſe ſuos,  
Ut veniant armis ſuccincti, ſeq; ſequantur.  
Nam parat inſigni Regis honore frui.  
Inſignes ad eum Proceres glomerantur in Ebron,  
Poſt Regem ſequitur infima turba novum.

Ceſtrenſis verò in ſuâ *Policronicâ*, lib. 1. c. 3. ſcribit, quòd illa inſurrectio facta erat ; quia in redeundo de Româ Juditham filiam Caroli Calvi Regis Francorum, quam deſponſavit vicesimo anno regni ſui, in Angliam ſecum duxit ; & quia contra morem Weſtſaxonici regni in throno juxta ſe collocavit, inſurrexit in eum Primogenitus ſuus cum multis Proceribus ; ita ut traditâ Primogenito ſuo magnâ regni parte, vix tumultus ſedaretur. Nam obſervatum fuerat apud eos, ne Regina ſic honoraretur in odium Ethelburgæ filiæ Regis Offæ, quæ virum ſuum Brietricum intoxicaverat, ſedens in throno juxta Regem. Alii tamen aliter ſcribunt ; quòd Filii inſurrexerunt contra Patrem propter invidiam, quòd Frater minimus, viz. Alſfredus, ante omnes inunctus erat in Regem juffione paternâ. Primam tamen poſitionem approbant Girardus Cornubiensis de *Gestiſ Regum Weſtſaxonum*, lib. 2. c. 1. Et Auctor *de Concordantiis Chronicorum*, qui dicit, quòd antequam inunctus erat Alſfredus frater eorum in totius Angliæ Monarcham, rebellabant Ethelbaldus, Ethelbirtus. Ethelredus cum Athelſtano Shireburnenſi Epicoſo, propter cauſam primitus poſitam. Hic Athulphus miſit Alſfredum filium ſuum minorem Romam ; ut primus omnium Regum Angliæ inungeretur in Regem à ſanctiſſimo Papâ Leone, legationis officio in hac parte ſanctiſſimo Swythuno Wyntonienſi Pontifice fungente anno regni nonodecimo ; & quod devotè deprecabatur Rex, libenter annuebat ſummus Pontifex. Proximo ſequenti

\* Cauſa dubii Rudburno fuit, quòd more ipſius ætate recepto Wintonienſis Epicoſus omnibus Provinciæ Cantuarienſis ſuffraganeis poſt Londonienſem præcedat. Iſta autem conſuetudo Swithuni tempore nondum inoleverat. Verè Alſtani nomen Swythuno præponitur ; ideo quod Alſtanus ante Swithunum Epicoſatum ſortitus eſt.



anno post unctionem regiam filio Alfredo concessam pater Athulphus assumpto secum filio Alfredo, Romam adiit, limina visurus Apostolorum; ibique per annum demoratus, scolam Saxonum egregie reparavit, quæ ab Ina Rege Westsaxonum primitus erat instituta; sed anno præcedente conflagraverat. Pro hoc quod dicitur hic de scolâ Saxonum fundatâ Romæ: Notandum, quod Ina nobilis Occidentalium Saxonum Rex, cum pro amore Domini cum conjugæ suæ regnum reliquisset, & Romæ inter Plebeios residuum vitæ suæ transigisset, & videns nationes cæteras scholas inibi habere exceptis Anglis sive Saxonibus olim ex suâ gente & regno, bono zelo ductus scolam in Româ fundavit, & competentibus expensis dotavit pro victu Clericorum de propriâ patriâ vel Angliâ adventantium. Hanc scolam, ut diximus, combustam renovavit Athulphus Rex. Hic quoque Athulphus dum modo Romæ degeret, cum publicè pœnitentes ac exules ferro vinctos videret, impetravit à Domino Papâ, ut Angli deinceps extra patriam suam nunquam vincti pœniterent. Iste mitissimus in populum Domini denarium Sancto Petro de singulis domibus regni sui annuatim concessit, qui Romescot appellatur. Sic & omni anno ex tunc trecentas marcas Romam misit, viz. centum ad luminare Sancti Petri; centum ad luminare Sancti Pauli; centum domino Papæ. Insuper & Ecclesias regni sui ab omni tributo regali liberavit. Decimam rerum suarum Domino obtulit. Ecce alter extra orbis climata Magnus Constantinus hic.

SWITHUN.

Propterea in signum puræ affectionis, quam erga Wentanam Ecclesiam tenuit, villam de Chyltecomb cum appendiciis pro victu Monachorum ejusdem liberaliter condonavit. Nec non plurima ornamenta Ecclesiastica prædicto Cœnobio veteri benignissimè largitus est; in quo corpus ejus veneratione dignum honestissimè humatum est †, cum regnasset viginti duobus annis. Iste nobilis Anglorum Basileus Athulphus, defuncto Helinpfano Wyntonienfi Antistite, anno viz. XV. regni sui, & anno Dominicæ Incarnationis DCCCLII. || ordinavit sanctissimum Swythunum ex Præposito Wyntonienfi, qui modò dicitur Prior Monachorum, in Patrem & Pastorem ejusdem Ecclesiæ. Quod enim Sanctus Swythunus Monachus erat, & Prior Monachorum in Wyntonienfi Ecclesiâ, videamus quid scribat Bonagratia de Villâ Dei in Epistolâ suâ ad Nigros Monachos in Angliâ, quæ sic incipit: *O quam præclara, præfulgida, & omni morum compositione præluces est Religio Conversationis vestre, sanctissimi Monachi! O, inquit, sanctissimi Monachi, cum à propriâ exulans patriâ in Angliâ apud sanctissimos ac religiosos Monachos totius Regni vestri degerem in Wentanâ urbe Helinstanum venerabilem Abbatem Ca-*

† Obiitum ejus anno 857. contigisse Rudburnus in Historiâ *Minori* non malè scripsit. Chronologia enim Saxonica illum anno 854. Romam perrexisse, ibi mensibus duodecim moram traxisse, & post biennium à reditu defunctum esse refert.

|| Huic calculo adversatur Ethelwlfhi charta superius posita, quam obtinuit à Rege Swythunus Episcopus Wintoniensis, anno 844. Indictione 4. Indictio autem falsò posita (quæ tunc nona fuit) chartæ, saltem annorum numero in chartâ adhibito, fidem abrogat. Scribit Hovedenus, Chartam hanc fuisse datam

anno 19. regni Ethelwlfhi, viz. anno Christi 855. *Data est anno 855. indictione 4.* inquit Florilegus. Atq; huic quidem anno Indictionis numerus (de quo inter omnes convenit) adamussim convenit. Illo igitur chartam esse scriptam anno nullus dubito. Swythuni itaq; introitum anno 852. rectè à Rudburno positum arbitror. Helinstanum quidem anno 837. defunctum Godwinus asserit, ex incuriâ lapsus. Florentius enim, qui solus de Helinstani obitu mentionem facit, Ethelwlfhi Regis initia anno 837. tradens, Helinstanum illo regnante vivis excessisse refert.

thedralis Ecclesia & venerabilem Swythunum ejusdem Ecclesie Præpositum & in Professore sacra Theologia in studio \* Cantabriggensi cathedratum, me inter arumpnosa exilii discrimina speciali renumeranda recreationis gratiâ confovebant. Et Vigilantius in libro de Basilicâ Petri, capitulo 12. recitans Professionem Sancti Swythuni, quam fecit Archiepiscopo Doroberniæ tunc, nunc Cantuariæ, cum in Episcopum Wyntoniensem esset consecrandus. "Ego Swythunus Monachus, servulus fervorum Dei, licet indignus ad Episcopalem sedem electus Wentanæ Civitatis Ecclesiæ, imprimis confiteor tibi, reverendissime Pater Celnode Archiepiscopo, continentiam meam, quam prius in professione Monachali expressi, & dilectionem meam ad te, quod absque ambiguitatis scrupulo & absque ullâ falsitatis commentione est. Credo in Deum Patrem, & Filium, & Spiritum sanctum, natum ac passum pro humani generis redemptione & salute, cujus potestas & imperium erat ante sæculum, & Regni ejus non erit finis; & illam rectam & orthodoxam fidem, quam priores Patres nostri servaverunt, cum omni humilitate & sincerâ devotione sicut Prædecessores mei ipsi sanctæ sedi Dorovernensis Ecclesiæ subjecti, semper servare me velle humiliter per omnia fateor. Ut enim scribit Doctor Lantfredus in vitâ ipsius Sancti Patris Swythuni, quod semel apparuit Sanctus Swythunus beato Pontifici Athelwoldo successori suo, ut si fratres ejus Monachi Wyntonienfis Ecclesiæ, & si qui de populo quocunque aut cujuscunque conditionis fuerit, devotionem ad eum voluerit habere & ejus auxilium implorare, Deus velit pro eo tanta ostendere, & tot gratiosa munera bonitatis suæ per ejus merita concedere, quanta pro aliquo Sancto in cœlis propter virtutem humilitatis, quæ est Mater omnium virtutum, quâ excellentius præpollebat, dum in hoc sæculo viveret.

Jam verò valesfacturus cadaver suum extra Ecclesiam præcepit tumulari, ubi postea constructa est modica Capella, quæ adhuc cernitur ad Boreale ostium navis Ecclesiæ. Decessit autem anno Dominicæ Incarnationis † DCCCLXIII. Vixit Sanctus iste moribus præclarissimis exemplum præbens omnibus, serviebatque Altissimo in timore & exultabat cum tremore. Propterea eum multis virtutibus Dominus mirificavit. Unde de ejus sanctis moribus sic scribit Doctor Lantfredus in libro de vitâ ipsius gloriosi Antistitis Swythuni metro primo.

Pauperibus victum, nudis largiris amictum,  
Dividis & miseris munera larga pius.

Et metro quarto sic scribit idem Doctor venerabilis Lantfredus.

Mente humili in tantum Præsul fuit inclytus idem;  
Ut se post obitum fineret nullatenus intra  
Ecclesiæ propriæ penetralia corpore poni.

\* Vereor ne Swithunus senior, Wintoniensis etiam Episcopus, SS. Dubricii & Davidis familiaris, & literarum famâ celeberrimus, cum juniore malè permixtus fuerit. De illo vide Galfridum Monumetensem Hist. Britan. l. 9. c. 12. & Giraldum Cambrensem in vitâ S. Davidis. De antiquitate Academiæ Cantabrigiænsis splendide fabulatus erat Rudburnus in Historiâ Minori hisce verbis: Anno Domini 871. combusta est Universitas Cantabrigiensis; que fuit edificata anno à mundi creatione 4815. à Cantabro duce, & frequentata à

Philosophis ante Christi incarnationem per annos 394.

† Sic quidem Hovedenus, Mailrosensis, & plures alii. Verè autem obiit anno 862. 6. Non Julii, feriâ. 5. Quod ex Wigornienfi; & Westmonasterienti constat. Sic & historiola Wintoniensis MS. quæ Swithunum anno Christi 862. anno 3. Ethelberti Regis obiisse memorat. Grasse errant Annales breves Winton. qui nativitatem Swithuni in annum 826. obitum in 872. protelant. Pontificatus tamen gesti annos rectè numerant.



Qui tactus virtute humili se sprevit, & extra  
 Est templum quasi vilis homo indignusque sepultus.  
 Innumeris signis virtutibus, atque coruscis;  
 In quo sermonem divini dogmatis esse,  
 Cemimus implerum: Plebem qui dicit ad omnem:  
 (a) Ima subit præceps sese exultando superbus.  
 Ima petens humilis contra exultabitur omnis.

(a) Luc. XIV.  
 11.

Pontificavit enim sanctissimus Pater & Patronus Wyntonienſis Eccleſiæ ſpecialiſſimus Swythunus quatuor annis tempore regis Adulphi ſive Ethelwylphi, & toto tempore Ethelbaldi regis primogeniti Athulphi, & duobus annis tempore Regis Ethelbyrti, qui ſecundus erat filius Athulphi. Hoc eſt in toto pontificabat XI annis.

### C A P I T U L U M III.

De Ethelbaldo Rege, primogenito Athulphi Regis.

**D**Eſuncto Athulpho Rege, ſucceſſit in Regnum filius ejus primogenitus Ethelbaldus; ſicut Pater ejus vivens diſpoſuerat; hoc addito, ut Ethelbaldus primogenitus regnaret in Weſtſexiâ, & ſecundus Ethelbyrtus in Cantiâ & Eſtſexiâ dominatum teneret: Imperium tamen totius Monarchiæ remaneret Ethelbaldo; ut referunt Girardus Cornubiensis de *Gestis Regum Weſtſaxonum*, libro 2do. & Auctor in Flores hiſtoriarum, cum Mariano Scoto. Hic Ethelbaldus contra divinum præceptum & Chriſtiani nominis dignitatem & contra omnium Paganorum morem Juditham novercam ſuam in matrimonio ducens, eſſrænis duobus ac dimidio poſt patrem annis Occidentalium Saxonum apicem crudeliter gubernavit. Sed tandem ſacris exhortationibus beatiſſimi Patris noſtri Swythuni ab errore ſupradicto reſipſcens, dimiſſâ Judithâ novercâ ſuâ, cujus torum fœdaverat, peractâ pœnitentiâ, tempus quo ſupervixit, regnum pace & juſtitiâ temperavit. Scribit etiam Girardus Cornubiensis de *Gestis Regum Weſtſaxonum* lib. 2do. quod tanta humilitas erat in beatiſſimo Swythuno; quod quicquid regibus, quicquid principibus ſuadebat pro ſalute animarum ſuarum, ſine murmuratione, ſine contradictione dictis ipſius Sancti aſſenſum ex toto corde præbuerint. Erat iſte Ethelbaldus quantum ad crimen recitatum tanquam alter Ruben in facti commiſſo, non in pœna: de quo Ruben ſcribitur in Aurorâ.

Tu Primogenitus virtus mea, tuque doloris  
 Principium, donis imperioque prior.  
 Sicut aquæ liquor es effuſus; creſcere nunquam  
 Poſſes; læſiſti nempè cubile Patris.

Iſte Ethelbaldus inſtigante ſanctiſſimo Swythuno Cœnobium vetus munit contra hoſtiles Danorum incurſus; electus à Domino in Ducem ſuper gentem Anglorum, quemadmodum Aoth defendit populum Iſraeliticum contra Eglon Regem; de quo metricè ſic ſcribitur in Aurorâ.

Qui populum ſervet, qui dextram conterat hoſtis:  
 Illa Dei pietas pro pube mittit Aoth.

Qui

Qui Ethelwaldus || post quinquennium defunctus, & Shyreburniæ conditus, Regnum reliquit fratri suo Ethelbyrto.

C A P I T U L U M IV.

De Regno Ethelbirti, fratris Ethelbaldi, & filii Athulphi Regis.

**E**thilbyrtus in Regem coronatus, strenuè dulciterque illud moderatus; amorem populi erga se plurimum adauxit: ut Jobab, qui & Job, Rex regnum tractabat Edom. Hic multoties Danos debellavit ac devicit; prout de ipso scribunt plurimi Chronicantes. Hujus principis anno Regni tertio obiit specialis Wyntonienſis Eccleſiæ Patronus & Pontifex ſanctus Swythunus. Iſte Ethilbyrtus Wentanam Eccleſiam perplurimum adamavit. Nam tanquam valens Imperator in ſacrum templum veniens, obtulit Altari dona ſolempina; ut ſcribit Vigilancius in libro *de Baſilicâ Petri*, cap. 56. Et poſtquam regnabat \* annis quinque; morti obediens, apud Shyreburnam ſibi locum elegit ſepulturæ.

C A P I T U L U M V.

De Succeſſione Etheredi in regnum Occidentalium Saxonum.

**C**onceſſum eſt Regnum totius Provinciæ Occidentalium Saxonum poſt mortem Ethilbyrti Etheredo fratri ſuo. Qui novies uno anno contra hoſtes, Danos viz. conſixit variâ licet fortunâ, ſæpius tamen victor extiterat; interfecti à parte Danorum Comites novem, Rex unus, præterea populus ſine computo. Memorabilis præ cæteris pugna fuit, quam apud † Eſcedune fecit; ubi congregato utroque exercitu Danorum & Anglorum, Rex Etheredus contra Reges Danicos, & Alfredus frater Regis contra Duces pugnauerunt utrorumque exercituum animis erectis. Veſper jam occiduus bellum in craſtinum protelavit. Facto manè Alfredus frater Regis aderat; Rex verò Etheredus divino intentus officio remanſerat in tentorio. Ammonitus à ſuis ut ad pugnam properaret, negavit ſe ulterius progredi, quoad eſſet finis officii. Quæ fides Regis multum fratrem adjuvit. Completo Dei ſervitio, cruce ſeipſum Rex conſignans bellum adiit; cujus virtute & Dei miraculo Dani territi pedibus ſalutem committentes fugerunt. Cæſus eſt ibi Rex Oſeg, Duces quinque, vulgus innumerum. Reges Merciorum & Northanhbyrorum, qui ſibi tributarii forent, ſed rebellare incipientes, viriliter perdomuit. Ecce Chriſtianus miles cum Trajano.

Attamen primo anno Regni iſtius nobilis Baſilei Etheredi crudeliſſimi Dani Civitatem Wyntonienſem depopulantes, repentinè Monasterium intrantes,

|| Rectius poſt triennium. Obijt enim anno 860. teſte Chronologiâ Saxonica.

\* Conſonat Chronologia Saxonica, quæ Ethelbertum quinquennio regnaſſe, & anno

866. Ethelredum fratrem ſucceſſorem habuiſſe prodir.

† Vide hiftoriam commiſſæ apud Eſcedune pugna anno 871. apud Chronologiam Saxonicam, pag 533.



Monachos universos, non unus superfuit, trucidarunt; anno || Domini DCCCLXVII. ut tradit Girardus Cornubiensis *de Gestis Regum Westsaxonum*; & idem scribit Vigilancius in libro *de Basilicâ Petri*, cap. 13. Et hoc actum est anno secundo post obitum sanctissimi Patris nostri ac Antistitis Swythuni, postquam Monachi temporibus Anglorum prædictum Monasterium inhabitabant anno CCLXXXVII. Et Canonici Sæculares intraverunt Cœnobium istud permittente Rege Etheredo, graviter tamen id ferente post anni revolutionem, anno gratiæ DCCCLXVIII. anno tertio Pontificatus Alfrithi Wyntonienſis Episcopi. Hâc conditione concessit Rex Etheredus Alfritho Wyntonienſi Antistiti, ut Clerici Sæculares divinum officium in veteri Cœnobio Wintoniæ celebrarent, viz. quoadusque Monachi invenirentur, qui pristinâ hæreditate in ipsâ Ecclesiâ gauderent Domino vota laudis persolverentes. Sed Monachi in aliquâ multitudine non inveniebantur in Angliâ ab illo tempore usque ad tempora pacifici Regis Edgari & sanctorum Archipræsulum Dunstani Doroberniensis & Oswaldi Eboracensis, & Sancti Athelwoldi Wyntonienſis Præsulis; ut plenius infra dicetur.

Etheredus Rex cum humanissime Monarchiam suam \* quinque annis pertractasset, apud Wymbornam sepelitur: de quo merito poterit dici illud Metristæ cujusdam egregii:

Obsequiis, sensu, probitate meretur amorem.  
Claruit insignis laude, beatus obit.

TUNBERT. † Alfritho successit in Præsulatum Wyntonienſis Ecclesiæ ||| Tumbertus, qui Manerium de Stufhelyng contulit ad fabricam ipsius Ecclesiæ.

## CAPITULUM VI.

De Alfredo bono, qui primus omnium Britannorum & Anglorum Regum Rex erat inunctus.

Constitutus est post decessum præclari Principis Etheredi sive Ethelredi frater ipsius Alfredus miles invictissimus, qui natus est in Provinciâ Berkenſi in villâ regia quæ Wantynghe nuncupatur, qui in sacra Baptismatis regeneratione vocatus est Alfredus non Aluredus, sicut quidam indocti & inhonestè pronunciant; quia hoc non erat nomen ejus, sed Alfredus ipsomet attestante qui condendo Testamentum sic scribit in linguâ Saxonica, quod testamentum sic incipit: ic Ælfræd cýnn gæ cpað on þýrrym gæppitrym, &c. Mater verò ejus Osburga dicebatur, scæmina satis religiosa, nobilis genere &

|| Paulò aliter Annales breves Wintonienſes, MSS. ex quorum sententiâ Dani Monachos Wintonienſes trucidarunt anno 873. Canonici Sæculares intrarunt anno 875. & Ecclesiam Wintonienſem inhabitarunt annis 96. expulsi demum anno 969. Si conjecturis indulgendum esset; vellem potius stragem Wintonienſem anno 871. factam esse. Illo enim anno exercitus Danorum ex Mercia & Northanimbriâ in Westsaxoniam venit, atque integro anno ibi commoratus est; anno autem 873. per Orientales Saxones transiens, Northanimbriam repetiit: teste Chronologiâ Saxonica.

\* Rectè: Obiit enim post Pascha ineunte anno 872. Chronol. Sax. die 9. Cal. Maii. Florilegus. Nec abludit Historia Minor Rudburni.

† Successit ille Swithuno anno 862. defuncto. Nullam meretur fidem charta Beornredi Regis Merciorum data Cœnobio Croilandensi anno 860. cui subscripsisse dicitur, apud Ingulphum fol. 492. Eodem circiter tempore, quo Ethelredus Rex, obiisse videtur, viz. anno 871.

||| Dunbertum plerique vocant. Obiit is anno 879. auctore Florentio Wigornienſi.

ingenio,

ingenio, quæ filia erat Aflaci famosi pincernæ Regis Athulphi. Qui Alfredus in infantilibus agens annis, Sancto Swythuno Wyntonienſi Epifcopo traditus erat erudiendus. Nam idem Præful egregius quondam nutritius erat Athulphi Patris fui. Hic Alfredus dicitur primus Monarcha ſecundo modo. Hic vir admirandæ probitatis uxorem duxit de regali genere Merciorum, filiam ſcil. Athelredi Comitſ Ganiſ, nomine Ethelſwytham, ex quâ genuit Filios & Filias, qui hoc ordine prodierunt in lucem. Primogenitus omnium vocabatur Edmundus, quem Pater adhuc ipſomet in humanis agente fecit inungi, & in Regni Monarcham coronari; qui non multo poſt ante Patrem mortis nexibus deprimitur, & in veteri Monaſterio Wyntonienſi ſepelitur; ut ſatis clarè patet intuentibus lapidem marmoreum tumbæ ipſius, qui jacet adhuc in terrâ ex boreali parte Altaris, ubi Miſſa matutinalis ſive capitularis celebratur. Et eſt Epitaphium in marmore ſcriptum iſtud; *Hic jacet Edmundus Rex, filius Aldredi Regis.* Sic verò uno modo Alfredus vulgariſer nominabatur: Erat enim ſecundum vulgarem opinionem quinquomius, viz. A-lu-re-dus, Alnre-dus, E-lu-re-dus, Elnre-dus, Aldredus; & hoc habetur in libro *de Concordantiis Chronicantium*, ſub literâ *A.* Oſſa vero Edmundi Regis jam tranſlata ſunt in quoddam Sarcophagum locatum ſuper locum nuncupatum, *The holy Wole*; ut invenitur in quodam Libello [Roberti] quondam hujus Eccleſiæ Præpoſiti poſtmodum Abbatis Weſtmonaſterii de *Geſtis Wilhelmi & Henrici Pontificum.* Iſte Edmundus quia vivente Patre coronatus eſt, ſed tamen ante Patrem mortuus, Patre poſt Filii mortem iterum regnante, in catalogo Regum qui Monarchæ extiterant, non ponitur.

Poſt hunc Edmundum habuit Alfredus Rex Egellſwytham filiam, & Edwardum, qui poſt ſe regnabat, Elſledam filiam, quæ nupſit Comiti Merciorum Etheredo, quæ poſtquam obierat, ſepulta eſt Glovernâ in Eccleſiâ Sancti Petri, quam ipſam cum viro ſuo conſtruxerat, ſuper oſſa Sancti Oſwaldi Regis, quæ à Bardeneyâ ibidem attulerant. Sed & illa Eccleſiâ per Danos deſtructâ, Aluredus Eboracenſis Archiepiſcopus ex Monacho Cathedralis Eccleſiæ Wyntonienſis, aliud quod in urbe nunc præcipuum Monaſterium eſt, reparavit; in quod Monaſterium ipſa Elſleda, quæ Merciorum Domina dicebatur, cum viro ſuo tranſlata eſt. In hujus Elſledæ laudem Henricus Huntingdunenſis Archidiaconus, libro 5<sup>to</sup>. hanc decantat Camœnam.

O Elſleda potens, ô terror Virgo virorum,  
Victrix naturæ, nomine digna viri.  
Te quoque ſplendidior fecit natura puellam.  
Te probitas fecit nomen habere Viri.  
Te mutare docet, ſed ſolam, nomina ſexus:  
Te Regina potens, Rexque trophæa parans.  
Jam nec Cæſarei tantum meruere triumphi.  
Cæſare ſplendidior Virgo, Virago vale.

Habuit etiam Alfredus Ethelwardum, virum literatiſſimum, & Philoſophum in Univerſitate Oxenfordenſi, qui ſepultus eſt in Novo Monaſterio Wyntonix, quod modo Hyda nominatur; & Elfredam & Elgivam virgines. Ethelſwytha primogenita nupſit Baldewyno Comiti Flandriæ, ex qua ille genuit Arnulphum & Aldulphum. Aldulphus à Patre ſuſcepit Comitatum Bononiæ; ex Arnulpho Comites Flandriæ deſcendere. Elgiva verò poſtrema facta eſt Shaftoniæ Abbatiffa.

Nobilis iſte Alfredus Regna, quæ olim erant in Angliâ, in Comitatus dividebat; & ut fides Chriſtiana in Regno ſuo ſemper creſceret, florens in virtutum floribus, Univerſitatem Oxoniënſem fundavit. Ab ipſo etiam, ut diximus, deſcendit Inunctio Regum Angliæ. Et ut vitam æquè libraret, viginti quatuor horas, quibus dies naturalis integratur, in tres partes diviſit.



E quibus octo horas legendo, scribendo, orando; octo circa corporis curam; octo circa regni negotia transegit. Ad quæ distinguenda posuit in Capellâ suâ candelam viginti quatuor partium, quarum dispersitâ consumptione per ædituos suos de singulis prædictis moneretur. Hic etiam dedit Leges, quibus tantam pacem infudit Provinciæ, ut etiam ubi semitæ in quadrivium finduntur, aureas armillas homineo suspenderent, nec essent qui eas contingere metu Legum. Construxit etiam tria Monasteria, viz. \* Novum Monasterium Wyntonix, & hoc sonat quia incœpit fundare, Athelneyam, & hæc quidem Monachis, & Sheptoniam Sanctimonialibus, quibus præfecit filiam suam, ut diximus, Elfgivam. Mortuus † verò cum regnasset annis viginti novem, primus sepeliebatur in Veteri Cœnobio Wyntonix; sed propter deliramentum Clericorum dicentium regios Manes resumpto cadavere noctibus per domos aberrare, Filius ejus Edwardus genitoris ossa tulit, & in Novo Monasterio posuit. In laudem hujus inclyti Alfredi Henricus Huntungdunensis ponit hoc versus:

Nobilitas innata tibi probitatis honorem  
Armipotens Alfrede dedit, probitasque laborem;  
Perpetuumque labor nomen; cui mixta dolori  
Gaudia semper erant, spes semper mixta timori.  
Si modò (b) tutus erat, ad crastina bella parabat.  
Si modò victor erat, ad crastina bella pavebat.  
Jam post transactos regni vitæque labores,  
Christus sit ei vera quies, sceptrumque perenne.

(b) I. victus.

DENEWLPH. Hic Alfredus quendam Subulcum, || nomine Denewlphum, inveniens, ad scholas misit; qui postmodum Doctor in Theologiâ Oxoniis factus, per ipsum Alfredum Regem in Episcopum Wyntoniensem ordinatus est.

## CAPITULUM VII.

### De Edwardo Seniore, filio Alfredi Regis.

**L**ætabunda, ut creditur, gaudia ac coelica intrante Alfredo milite inclyto circa annum Dominicæ Incarnationis nongentesimum primum, successit filius ejus Edwardus, dictus Senior, qui,  
Tunc juvenis nomen Regni clamatur in omen;  
Ut fausto patrias titulo moderetur habenas.

Et inunctus ac coronatus est in Principem super gentem Anglicam apud Kyngeston, eodem anno quo Pater ejus decesserat; literarum cultu Patre inferior, sed potentiâ pariter & dignitate gloriosior. Nam multò latius fines imperii sui dilatavit. Totam revera Elsfaxoniam, Estangliam, Northanhymbriam, aliasque Provincias, quas diu Dani possederant vel dono Patris sui vel indulgentiâ, de manibus illorum extorsit; Scotos & Wallenses in deditionem accepit; fundavitque Castrum Herefordense. Unde de isto præ-

\* Anno 901. fundatum esse Novum Monasterium Wintoniæ Rudburnus in *Historiâ Minori* scribit.

† Obiit anno 901. die 28. Octobris, feriâ quartâ; juxta Florentium & Westmonasteriensem. Obitum biduo antevertit Chronologia Saxonica.

|| Denewlphum Subulcum Alfredo Regi apud Athelingiam latitanti familiarem factum, de-

munum Regis operâ literis institutum, ad Episcopatum Wintoniensem evectum esse vulgata est apud Historicos nostros fabula. Fabulam enim esse & res suadet, & Chronologia subindicat. Alfredus namq; Æthelingiam insulam non secessit ante annum 878. & anno sequenti Denewlphus Episcopatum sortitus est. Theologiæ autem Doctorem apud Oxoniam eundem creatum esse inane est Rudburni commentum.

claro Principe potest illud carmen resonare in ore omnium in ipsius laudem, quod de Judâ Machabæo canit sic Aurora :

Post Patris occasum Judas Machabæus, ut hostes

Extinguat, gentes conterat, arma parat.

Fratribus & sociis & cognatis & amicis

Fultus & adjutus, vulnus in hoste facit:

Iste Edwardus genuit ex Egwynnâ illustri fœminâ Athelstanum & Alfre-  
dum, quem in tantum dilexerat, ut ipsomet vivente fecit ipsum Juvenem  
coronari in Regem; ut habetur in Libro *de Concordantiis Chronicorum* sub  
lit. A. Et etiam invenitur in Libro *de Secretis Novi Monasterii Wyntonien-  
sis*: Quemadmodum Rex David fecit de filio suo Salomone, de quo metricè  
sic scribitur :

Ascendit Salomon, patre jubente, thronum.

Et iste Juvenis insignis ante Patrem naturæ debitum solvens, sepultus est cum  
Patre in Novo Monasterio Wyntonienfi. Genuit etiam iste Edwardus ex  
Egwynnâ filiam nomine Edgytham; quæ nupsit Sirichio Comiti Northan-  
humborum; quæ & requiescit apud Tanwitham, & pro Sanctâ colitur. E-  
thelwardum genuit ex Elfredâ filiâ Elfelmi Comitis, qui instructus litera-  
turâ, non diu vixit. Ex eâdem uxore genuit Edwynum, & sex filias, scil.  
Elfredam, Edgyvam, Etheftildam, Ethildam, Edgytham, & Elgivam. Pri-  
ma & tertia cœlibatum Domino voverunt, & apud Wyltoniam ambo requi-  
escunt juxta Matrem tumulatæ. Edgivam dedit Pater Karolo Regi Franco-  
corum, filio Lodowici filii Caroli Calvi. Ethilda nupsit Hugoni Capet Re-  
gi Occidentalium Francorum. Edgytha & Edgyva missæ sunt Henrico Ale-  
mannorum Imperatori maritandæ. Quarum secundam ille locavit filio suo  
Othoni; alteram cuidam Duci juxta Alpes. Ex uxore, Edgyvâ nomine,  
genuit Edwardus duos filios Edmundum & Edredum, qui ambo post Athel-  
stanum regnaverunt; & duas filias, Sanctam Edburgam Domino dicatam,  
quæ in Monasterio Monialium Wyntonienfium, quod Ethelswytha mater Ed-  
wardi fundaverat, requiescit; & Edgyvam, quæ nupsit Aquitanorum Prin-  
cipi Lodovico.

Iste Rex insignis reparavit Universitatem Cantebriggia, à Paganis, viz.  
Danis, combustam. Cujus filia Elfreda Merciorum Domina, de quâ superi-  
ùs memoriam fecimus, urbes multas condidit, & reparavit; quæ sunt Bre-  
nimsbyrii, Burgum supra Sabrinam, Tunneworth juxta Lychefeld, Stafford,  
Warewycum, Chyrysbyry, Watesbyry, Edysbyry in Forestâ juxta Cestri-  
am, quæ nunc omnino deleta est. Princeps iste incomparabilis Edwardus fe-  
cit commutationem cum Denewlpho Episcopo Wyntonienfi, pro Cœmiterio  
Veteris Cœnobii Wyntonienfis; ut fundaret in loco, ubi Cœmeterium illud  
erat, Novum Monasterium. Et terra quam commutavit pro Cœmiterio,  
se extendebat ad mensuram trium stadiorum & trium virgarum. Et obti-  
nebat totum spatium à medio Cœmiterii, quod modò est, cum terrâ in quâ  
stat Versorium, cum gardino Sacristæ, & cum terrâ in quâ ædificatum est  
Bracinum cum Gardino Infirmorum. Totum illud spatium vocabatur olim  
Antiquum Cœmiterium. Iste Denewlphus rexit || Episcopatum XXIV an-  
nis; & sic morti obediens, sepultus est in propriâ Ecclesiâ. Et ex tunc vaca-  
vit Sedes Wyntonienfis septem annis.

Anno Dominicæ Incarnationis DCCCCIV. secundum Wilhelmum Mal-  
mes-

<p>   Successit Dunberto anno 879. auctore Florentio. Hinc si ducas numerum ad annum 904. quo Frithestanus à multis consecratus perhibetur; anni 24. Pontificatûs à Denewl- pho gesti consurgunt. Nonnullis autem Denewl-</p>	<p>phus sedem Wintoniensem eo usque non rexit, (quamvis post quinquennium demum anno, sc. 909. vitâ functus fuerit, juxta Florentium &amp; Chronologiam Saxoniam.) Anno enim 904 sedes Wintoniensis integro septennio vacave- rat;</p>
---	--



mesbiriensem *de Regibus* lib. 2do. ex decreto Formosi Papæ, cum per septem annos plenos destituta fuerat Sede Episcopali omnis Regio Gewyseorum & Westsaxonum; Edwardus Rex congregavit Synodum Senatorum gentis Anglorum, cui præsidebat Pleimundus Archiepiscopus, interpretans distincta verba Apostolicæ Legationis. Tunc Rex & Episcopi elegerunt sibi, fuitque  
 (c) Matth. IX. consilium; & juxta vocem Dominicam; (c) *Messis quidem multa, Operarii au-*  
 37. *tem pauci*; elegerunt & constituerunt singulos Episcopos Provinciis Gewyseorum. Frithestanum ad Ecclesiam Wyntoniensem, Athelstanum ad Cornubiensem sive ad Sanctum Germanum, Werstanum ad Shyreburnensem, Aldelmum ad Wellensem, Edulfum ad Cridensem, Australibus Saxonibus virum idoneum Bernegum, & Mercii Ceowlphum, viz. ad civitatem Dorcestre. Iste Frithestanus discipulus fuit Sancti Grimbaldi; & ab eo suscepit habitum Monachalem; fuit enim primitus unus ex Clericis Sæcularibus, qui videns Monachorum sanctissimam conversationem, sæculum reliquit, & ad religionem convolvit; ut scribit Vigilantius in libro *de Basilicâ Petri*, cap. 9. Hic beatus Frithestanus ob eximiam sanctitatem factus est Episcopus; & viginti duobus annis in omni sanctitate pontificavit; sed postea amore divinæ contemplationis curam deferens pastorem, ordinavit Sanctum Brynstanum loco sui Episcopum, ac ipse pauperem & Monasticam vitam usque in finem transegit; ut habetur in quodam Scripto Edwyni Monachi in Saxonica Linguâ, quod sic incipit; Ic Æadpın moncen on ealden minytræ, &c. in quo Scripto fit mentio confirmationis cujusdam Compositionis per Sanctum Dunstanum Archiepiscopum, per Sanctum Athelwoldum Episcopum & Sanctum Frithestanum Episcopum, medium locum tenentem inter Sanctos Dunstanum & Athelwoldum, ob reverentiam eximiæ sanctitatis in eo, inter Vetus Monasterium & Novum.

FRITHE-  
STAN.

Edwardus dictus Senior, cum clementissimè Regnum Anglorum pertrahabat annis † viginti quatuor, in Villâ Regiâ, Farundunâ nuncupatâ, diem

rat, juxta Willelmum Malmsburiensem *de Gestis Regum*, fol. 26. Circa annum itaque 897. Denewlfus sedem Wintoniensem, hostili invasione fugatus, dereliquisse censei potest, atq; illi Frithestanus anno 905. in Concilio Pananglico subrogatus, unâ cum sex aliis Episcopis à Plegmundo Archiepiscopo Cantuariensi consecratus. Malmsburiensis quidem rem gestam ad annum 904. narrat, anno tamen sequenti contigisse non obscurè indicat. Et anno 905. factam esse septem Episcoporum consecrationem testantur Acta Concilii in Archivis Ecclesiæ Christi Cantuariensis, ut de Florilego taceam. Inextricabilis quidem scrupulus manet de Epistolâ Formosi Papæ, qui ante novennium obiit, si quis ei fidem adhibendam censeret. Commentitiam autem esse pluribus argumentis constat. Nonnulla videre est apud Papebrochium in Chronologiâ Pontificum Romanorum. Ut quod sentio autem dicam; non solum Formosi Epistolam, sed & integram de consecratione septem Episcoporum à Plegmundi factâ, & de septennali vacatione Episcopatum, quam Malmsburiensis & Florilegus narrant, historiam commentitiam esse arbitror. Sedem enim Schirburnensem anno 903. plenam fuisse ex inferius dicendis constabit: & Denewlfum rebus gerendis toto illo septennio interfuisse liquet. An-

no etenim 897. Prætor provinciæ Wintoniensis adversus invasiones Danorum ab Alfredo Rege constitutus est, authore Florilego, qui illum Berthulfum malè appellat. Anno 900. subscripsit chartæ Alfredi, & anno 904. chartæ Edwardi Regum datis Novo Monasterio Wintoniensi, in Registro Hideni MS. f. 72, 73. Neutiquam igitur ante obitum (qui anno 909. contigit) Denewlfus Episcopatus sui curam deseruit; sed neq; Frithestanus ante annum 910. consecratus est. Ejusce enim initia Chronologia Saxonica & Florentius in annum 910. rejiciunt. Idem & Rudburnus, sibi parum consonus; quod calculos in Historiâ suâ proximè sequentes ad invicem conferenti facile patebit. Hinc etiam anni 22. Pontificatui illius cedere deprehenduntur. Anno enim 932. die 4. Cal. Junii Byrnstanum sibi successorem ordinavit, & anno sequenti obiit. Id Chronologia Saxonica, Florentius, Chronicon, Mailrosense, & Radulphus de Diceto (in Abbrev. Chronic.) tradunt.

† Edwardum annis 23. regnâsse, anno 924 defunctum esse, Rudburnus in Historiâ *Minori* scripserat. Et argumenta sanè non contemnenda suadent Edwardum illo anno obiisse. Utrique tamen subductis calculis in eam propendeo sententiam illum anno demum 927. vitam finivisse.

clausit

clausit extremum; & Wyntonix in Novo Monasterio, regio more, sepultus est.

C A P I T U L U M VIII.

De Rege Athelstano, filio Regis Edwardi senioris, & de Episcopis Wyntonienfibus in ejus temporibus.

**D**E mundo ad cœleste Regnum translato nobili Principe Edwardo seniore, filius ejus Athelstanus apud Kyngstone coronatur in Regem. Hic Edgyvam sororem suam misit Henrico Alemannorum principi maritandum; quam ut superius diximus, tradidit Othoni filio suo in conjugium; qui quidem Otho post patrem imperatoris dignitatis diademate insignitus, gemmas & equos nec non quoddam vas ex onychino transparens & politum ita subtili cælatoris arte compositum, ut verè fluctuare segetes, gemmare vites, hominum imagines movere videantur. Accidit quodam tempore, Rex Athelstanus contra Scotiam properabat, & in eundo beatum Joannem Beverlacensem visitabat, super cujus Altare cultellum suum pro vadio posuit, promittens, quod si victor rediret, cultellum digno pretio redimeret; quod & implevit. Post victoriam verò in redeundo rogavit Deum; ut prece Sancti Johannis Beverlacenfis evidens aliquod signum ostenderet, quo præsentis & futuri cognoscere possent, quòd Scoti deberent de jure Anglis subjacere. Unde Rex cum gladio suo percussisset scopulum quoddam lapideum juxta Castrum de Dunbar, qui usque hodie ad mensuram unius ulnæ ex ictu ejus est cavatus; deinde in redeundo dignâ dotatione cultellum redemit. Recepit etiam Rex Athelstanus à prædicto Othone ensen Constantini Magni, in quo literis aureis nomen possessoris legebatur, in cujus capulo super crassas auri laminae figebatur clavus ferreus de quatuor quibus Christus in Cruce figebatur: Item & lanceam Caroli Magni, quâ vibratâ semper victor abibat, quam tradunt aperuisse latus Christi: Item & Vexillum Sancti Mauricii Martyris, quo Carolus usus est contra Saracenos; item partem sanctæ Crucis & partem Coronæ spinæ; quarum aliquas partes Rex Athelstanus Monasterio de Malmesbyry delegavit; ut scribit Wilhelmus Malmesbirienfis *de Regibus* lib. 2do.

Princeps iste insignis Athelstanus inter plurima bella intestina unum habuit cum Danis; ubi ceciderunt ex parte Danorum Rex Constantinus cum quinque Regulis, duodecim Ducibus, & tota pænè congeries Barbarorum. Athelstanus tertio Regni sui anno Monarchiam totius Angliæ suscepit sub quartâ distinctione, solusque absque aliquâ contradictione alicujus super totam Angliam regnavit; quod Alfredus Avus suus & Edwardus Pater suus, propter Danorum irruptiones & invasiones facere penitus non valebant. Nam tertio istius Athelstani Regni anno statutum fuit inter Regem Athelstanum & Regem Dacorum Anelafum, ut quilibet eorum eligeret virum fortissimum, ita quod inter eos fieret duellum pro jure Regni, ut eorum qui habuerit victoriam, Rex illius partis, quæ obtinuerit victoriam, habeatur pro Rege ex jure totius Angliæ. Pacto isto ex utroque parte firmato, eligitur ex parte Regis Danorum Gigas miræ longitudinis, invisus, inhumanus, ac non malæ meditationis ignarus, vir inter mille ducentos quinquaginta Danos fortissimus, nomine Colbrondus. Ex parte verò Athelstani Regis Angliæ eligitur Comes de Warewyke miles optimus, prudens, moderatus, sapiens, strenuus, justus, animosus & bellicosus. Unde & quasi inter sexaginta fortes ex fortissimis Israel, qui ambiunt lectulum Regis Salomonis omnes tenentes gladios & ad bella doctissimi. Et iste Miles cum fortitudine animosior, nomine Gwydo. Inter hos ponitur jus Angliæ. Quid plura? Statuitur locus con-



fiētūs extra Borealem plagam Civitatis in quodam loco, qui modò *The Wyde Mede* vocatur, olim Denemarch appellatus est, propè Monasterium de Hyda; conveniunt ambo Comes & Gigas. O viri præveteris pugnaces; qui dum mutuos enses alter in alterum mitteret, profiliebant ex ictibus ignes, ac si tonitrua coruscationes procrearent. Diu dubium fuit, cui præstantior vigor inesset. Quandoque enim prævalebat Comes Gwydo de Warewyk, & cedebat Gigas; cedebat Comes, & prævalebat Colbrond. Tandem post diuturnos conflictus gratiâ Dei opitulante Gwydoni conceditur victoria, & quæ propria sica erat Colbrond ejusdem Gigantis amputavit caput & ambobus Regibus obtulit. Gloria & ingens lætitia Anglis; pavor & itupor maximus invasit Danos; sic vero deinceps sub pace Dani degebant, quasi homines Ligii Regis Angliæ usque ad tempus Etheldredi Patris Sancti Edwardi. In signum verò victoriæ reservatur eadem sica prædicti Colbrond Gigantis, cum quâ truncatum erat caput ejus à Gwydone comite de Warewyk, in Thesaurariâ Ecclesiæ Cathedralis Apostolorum Petri & Pauli, & Sancti Swythuni Wyntonniæ usque in hodiernum diem; & vocatur eadem sica ab Anglis *Colbrond's Ar.* Iste Athelstanus Constantinum Regem Scotiæ & Dunwallum Regem omnium Wallensium regnis suis cedere compulit; quos postea sub se regnare permisit, gloriosius esse pronuncians Regem facere, quàm Regem esse. Actum est enim Duellum inter Gwydonem de Warewyk & Gigantem Colbrandum anno Dominicæ Incarnationis DCCCCXXVII. & anno ejusdem Regis Athelstani tertio.

Inclutus Princeps Athelstanus Veteri Cœnobio Wyntonienſi, ut necessaria præberentur Christo servientibus, tria maneria concessit, viz. Chylbolton, Eneford, Hamerysworde; insuper & inter cætera bona unum memoriâ dignum gessit, viz. Decretum composuit de dandis decimis in Regno suo.

BRINSTAN.

Sanctus Frithestanus Wyntonienſis Ecclesiæ Præsul pontificabat XVII. annis tempore Edwardi senioris, & quinque annis tempore istius Regis Athelstani: mortuus verò sepultus est in Ecclesiâ Cathedrali Wyntonienſi; cui successit Brynstanus, || quatuor tantum annis regens Episcopatum. Hic sanctus vir ex discipulo & Monacho Sancti Grimbladi factus est Wyntonienſis Episcopus. Primitus enim erat unus ex Clericis Sæcularibus, scil. in Wyntonienſi Ecclesiâ; sed postmodum sæculo relicto factus est Monachus. Istum purissimæ sanctitatis fuisse scribit Wilhelmus Malmesbyriensis *de Pontificibus* lib. 2do. Quotidiè missas pro defunctis cantabat. Singulis noctibus Cœmiteria prope Civitatem Wyntonienſem circumibat dicens, *Placebo et Dirige*; cum commendatione pro animabus fidelium ibi requiescentium. Hoc cum quadam vice faceret in Cœmiterio sanctæ Anastasiæ, expletisque omnibus subjungeret; *Requiescant in pace*; voces quasi exercitus infiniti è sepulchris audivit respondentium, *Amen*. Idem Dominici exempli ardentissimus executor pedes egenis omni die semotis arbitris lavabat, mensam & cibos apponens, nec pro disciplinâ famulantium reliquias abstergens. Obsequio consummato, pauperibusque dimissis, ad cæteras horas in Dei servitio complendas ibidem remanebat; orationibus, ut creditur, vacans. Quodam ergo die pro consuetudine ingressus nullâ antea interpellatus ægritudinis molestiâ subito clam omnibus spiritu vitali caruit. Clientes qui consuetudinem ejus nossent, tunc quoque orationibus occupatum crederent, totâ die jacere passi; at verb sequenti diluculo irrupentes inveniunt cadaver sine mente. Conclamatus est ergo, & sepulturæ datus; sed cives, quia interceptum morte videbant, omnes ejus memoriam oblitterare silentio, nescientes, quod scriptum est; *Non*

|| Brinstanum Episcopatum anno 932. iniisse Rudburnus in *Historiâ Minori* rectè tradit. Obiit autem anno 934. ad festum Omnium

Sanctorum, juxta Chronologiam Saxoniam, Florentium, Hovedenum, aliosque; adeoque biennio & quinque mensibus tantum sedit.

*poteſt male mori, qui bene vixerit : & juſtus quacunq; morte præoccupatus fuerit, in refrigerio erit.* Correxid id divina reſtitudo longo poſt tempore ſuccedente Sancto Athelwoldo Wyntonienſi pontifice hoc modo. Quadam enim nocte cum idem ſanctiſſimus pontifex Athelwoldus ſolus in Oratorio ſanctæ Dei genitricis Mariæ intentiſſimè devotis incumberet precibus ; repenſè vidit coram ſe aſtantes tres ſacerdotales viros pontificalibus infulis redimitos, & aſpectu præclaros. Apparuerunt iſti tres viri non in ecſtaſi, ſed in verâ vigiliâ ; ut ſcribit Wilhelmus Malmesbyrienſis ubi ſupra, & etiam habetur in Vitâ ejusdem Sancti. Oſtendebant enim ſe ſanctiſſimo Athelwoldo hoc modo. Cumque venerandus pontifex Athelwoldus pro claritate vultûs vix poſſet eos aſpicere ; unus eorum qui propior ſibi aſſiſtebat, officioliſſimè eum ſalutans ait : Pax tibi ſit, frater cariſſime, noſter Coepiſcope. Tum ille : Quis es tu inquit Domine ? & qui ſunt iſti ? At ille, ego ſum, inquit Brinſtanus hujus ſedis quondam Epiſcopus ; hic qui prior aſſiſtit Sanctus eſt Birinus, natione Romanus ; alter verò beatus eſt Swythunus, ſpecialis hujus urbis Patronus. Noveriſque quia ſicut me cum eis hîc vides in præſentiâ ; ita cum eis in cœlo non diſpari fruor gloriâ. Cur ergo fraudor honorificentîâ mortalium, qui magnificor confortio cœleſtium ſpirituum ? Finierat, & in aerem cum ſociis elapſus pretioſâ ſui memoriâ provincialibus appoſitâ nihil non venerationis deinceps emeruit. Sanctus ergo Athelwoldus divinâ revelatione inſtructus, factò manè in unum collectis fratribus, cuncta quæ viderat, per ordinem enarravit ; & beati Brynſtani feſtivitatem ſingulis annis perpetualiter celebrandam inſtituit. Deſuncto autem beato Brynſtano, ſepultus eſt in Eccleſiâ primæ ſedis in gente Gewyſeorum.

Poſt deceſſum verò beati patris Brynſtani, annuente Rege Athelſtano, cum acclamatione totius Cleri & populi Elphegus, \* ex Monacho Glaſtonienſi in ELPHEGUS. Paſtorem eligitur Wentanæ Eccleſiæ. Hic ad cæterarum virtutum cumulum, quibus laudabiliter quam abundè pollebat, etiam Prophetiâ clarus fuit. Huiusce dicti duo erunt cauſâ exempli. Dies erat Cinerum, & Pontifex pro more pœnitentes Eccleſiæ liminibus excludebat : cæteros adhortatus eſt ; ut jejunio & caſtitati vacantes etiam uxorias delicias abjicerent illis diebus ; fructum dignum pœnitentiæ eſſe, ſi qui multa illicita commiſeris, & licitis abſtineas. Doctrinam reverenter audientibus cæteris, unus joculari voce emiſſâ aliis riſum excuſſit : non poſſe ſe temperare à convivio ſimul & conjugio, ut pariter abſtineat à cibis & Venere ; quinimò uxorem, quam cubili aliquamdiu ſubmoviſſet, in proximo ad uſum noctis revocaturum ; petulantî & vulgari verbo exaggerans fatuitatem ſuam. Tum vox Epiſcopi ſubmurmurantis ab aſtantibus audita & intellecta eſt : Contriſtas me miſer, neſciens quid ventura pariat dies. Duram Prophetiam vicina mors nebulonis excepiſt. Poſtero enim manè in cubiculo repertus eſt exanimis, à Diaboloque guttur ejus eliuſus. Alioque tempore ordinavit pariter ad Presbyteratûs gradum tres Monachos, viz Dunſtanum, Athelwoldum, & quendam Athelſtanum, qui poſtmodum monaſticæ veſtis Apoſtata, cælibatu contempto in meretriciis amplexibus vitam effudit. Completis ſolempniis, ſanctæ recordationis Præſul adhærentes alloquitur : Hodie coram Deo tribus viris manus impoſui ; quorum duo pontificalis ordinis gratiam nanciſcentur ; unus in civitate Wygornîâ, deinde in Cantîâ ; alter meam ſedem quandoque implebit ſucceſſione legitimâ ; tertius voluptatum volutabro ſe ingurgitans miſerabilem ſortietur exitum. Hic Athelſtanus qui pro familiaritate cognationis præſens eſſet, protervâ conſultatione Sacerdotem invaſit, Num ego ero unus ex duobus, qui

\* Cognomento Calvus, ſucceſſit Brinſtano | anno 935. juxta Chronologiam Saxoniam, Florentium & Hovedenum.



Episcopali dignitate sullimandi sunt? Non, inquit, erit tibi pax, neque fors in eo, quem præfatus sum, ordine; neque permanens es in eâ, quâ hominum oculis lenocinaris, veste. Quanta sanctissimæ mentis dignitas, ut evidenter & sine fūco Cœlorum efferret secreta? Neque enim in terram ceciderunt verba ista, sed etiam in verum solidantur per consequentia. Dunstanus & Athelwoldus angustam viam, quæ ducit ad vitam, terentes insignes in prædictis Episcopatibus emicuere; tertius latas sæculi semitas cursavit. Hæc Wilhelmus Malmesbiriensis *de Pontificibus* lib. 2do.

Iste nobilissimus Basileus Athelstanus pro animâ fratris sui Edwyni, quem pravo usus consilio in mari fecerat submergi, duo Cœnobîa construxit, viz. Mydeltone & Mychelneye; & ea prædiis multis & possessionibus ampliavit; ut tradit auctor in Flores historiarum sub anno gratiæ 939. Et postquam Regnum Angliæ strenuè gubernasset annis XVI. † moriens apud Gloverniam sine liberis, apud urbem Madulf, i. e. Meldunensem ultimum diem resurrectionis expectat. In ejus laudem sic canit quidam Metrista & meritò.

Regia progenies produxit nobile stemma;  
Cum tenebris nostris illuxit splendida gemma.  
Magnus Athelstanus patriæ decus, orbitu recti,  
Illustris probitas à vero nescia flecti.

## C A P I T U L U M IX.

De Edmundo Rege & fratre Athelstani, & de Præsulibus Wyntonienſibus in ejus temporibus.

**S**UCCESSETH Athelstano Edmundus germanus ejus, apud Kyngeston coronatus, adolescens decem & octo circiter annorum, anno gratiæ DCCCCXL. Edmundus genuit ex Elgyvâ Reginâ suâ filios Edwynum & Edgarum pacificum. Iste in proprium dominium Northanhymbriam & terram Cumberland, devictis Danis & expulsis, suscepit: in quâ expeditione Rex Edmundus accepit secum ossa Galfridi Abbatis & Hyldæ Abbatissæ, & detulit usque Gloverniam. Rex Edmundus nobilissimas civitates in Angliâ, viz. Lyncolniam, Snotingham, Derbeiam, Staffordiam, Legecestriam, quas eatenus Dani incoluerant, de manibus eorum extorsit, & lucē fidei illustravit. Hic Edmundus Anelaf Danum & Paganum de sacro fonte levavit; & iste alter Heraclius, consilioque Sancti Dunstani tunc Glastonienſis Cœnobii Abbatis statuenda statuit, & corrigenda correxit; illudq; Monasterium rebus & personis plurimum nobilitavit: qui, ut scribunt Marianus Scorus & Galfridus, in septimo Regni sui anno, dum Dapiferum suum de manibus æmulorum suorum eripere vellet, interfectus ¶ est ab illis apud Pukylchyrche, sed apud Glastoniam sepelitur. Vetus Cœnobium Wyntonix in tantum confortatus est; ut quemadmodum de Salomone, sic de eo potuit dici in diebus suis:

In Templo Regis non est audita securis;  
Malleus hic tuus est, quo te patientia tundit,  
Ut sic ad cœli regna politus eas.

† Coronatus anno 924. regnavit annis 16. | Novembris. Chronol. Sax. p. 557.  
obiit anno 940. Sic Rudburnus in Historiâ | ¶ Interfectum esse anno 946. die festo S. Augustini Rudburnus in historiâ *Minori* refert, cui suffragatur Chronologia Saxonica, p. 558.  
*Minori*. Verius regnavit annis 14. & hebdomadibus 10. defunctus anno 941. 6. Cal.

In hujus Regis tempore per totum tempus regni sui pontificabat in Wyntonienſi Eccleſiâ Sanctus Elphegus, de quo ſupra mentionem fecimus:

CAPITULUM X.

De Edredo Rege, fratre Athelſtani Regis.

**I**Ngreſſo univerſæ carnis ſemitam Edmundo, poſt fratrem ſuum Edredus ſucceſſit in regnum; qui apud Kyngelton coronatur. Huic & Scoti, ſicut & prædeceſſoribus ſuis, colla ſubdiderunt. Princeps iſte nobilis multum dilexit Vetus Monaſterium Wyntonix; ita quod crucem magnam ex auro & imaginibus aureis eidem Eccleſiæ liberaliter contulerit; ut ſcribit Vigilancius in Libro *de Baſilicâ Petri*. Inſuper duo hæc Maneria redonavit, viz. Dunton & Huſſebourn. Qui dum graviter ægrotaret, Dunſtanum Confeſſorem ſuum accerſivit; cui feſtinè accedenti vox Angelorum obitum ejus clarè inſonuit; *Modò Rex Edredus requieſcit in pace*. Ad quam vocem equus, cui Dunſtanus inſedit, abſque ſeſſoris læſione in terram corruens exſpiravit. Dunſtanus autem ſepelivit Regem Edredum in Veteri Monaſterio Wyntonienſi. Hic etiam Edredus inter cætera pietatis inſignia Cænobium Abandonix funditus dirutum, quod Ciſſa pater Inæ priùs fundaverat, per Sanctum Athelwoldum ſicut in præſenti cernitur exaltavit. Poſt novem verbò annos cum dimidio regni ſui ſpiritum cœlo reddens, ut diximus, corpus ejus humanum Wyntonix in Veteri Cænobio dereliquit \*, anno Dominicæ Incarnationis DCCCCLV. Exemplum forte poſteris Princeipibus relinquens, quemadmodum

Sic Rex ſit conſtans, ſit fortis, mollia vitans.

Ipfum conſtantem flectere nemo queat.

Iſtius Regis Edredi anno ſexto † deceſſit Sanctus Elphegus Confeſſor & Wyntonienſis Pontifex, anno ſeptimo decimo ſui Epiſcopatûs, & in propriâ Eccleſiâ Cathedrali corpus ejus traditur ſepulturæ. Huic beato Elphego ſucceſſit Alſinus in Epiſcopatum Wyntonienſem, vir regalis proſapiæ & egregiæ literaturæ; ſi non Simoniacâ labe pollueretur. Supra modum enim ALEPINUS. aspirabat ad honorem Archiepiſcopatûs Dorobernenſis Eccleſiæ. Unde contigit ut mortuo Odone Dorobernenſi Archipræſule, iſte Alſinus paratîs advocatis, quorum manus palpaverat, ſubreptoque Regis Edgari edicto Cantiam intruſus eſt. Primoque exceptionis die non abſtinuit, quin furias mente confotas evomeret, tumultum beati viri Odonis pede pulſans, animam voce laceſſens; Tandem, ait, peſſime ſenex, vivacem animam effudiſti; ſerò meliori locum faciens abiſti; itaque quod diu cupiveram te invito teneo. Inde tibi malas gratias ago & habeo. Sed illo exacto die, cùm rabiei efflator cubili ſe dediſſet; vidit beati viri effigiem aſtantem, & improperare convicium, & velox minari exitium. Ille qui volatico phantaſmate ſe derideri cerneret vel putaret; nihilominus ad recipiendum pallium Romam per Alpes contendebat. Ibi nivali frigore gelatus nihil aliud remedii comminiſci potuit, quàm ut exenteratorum equorum adhuc ſpirantibus extis immergeret pe-

\* Minùs rectè Rudburnus in *Historia Minori*. Edredus regnavit annis novem & dimidio; obiit anno 956. E vivis enim exceſſit anno 955. die feſto S. Clementis; ſi Chrono-

logiæ Saxonice fides.

† Obiit Elphegus anno 951. die feſto S. Gregorii. Id Chronologia Saxonica, Florentius, Mailroſenſis & Hovedenus produnt.



BRITHELMUS.

des, quibus Sancti sepulchrum violaverat. Sed nec sic algore tepente, in mortem animâ fugiente dirigit. Tandem à servis suis multo labore in Angliam deportatus Wyntonix sepelitur. Willelmus Malmesbyriensis *de Pontificibus* libro primo. Alffino || successit Brithelmus; cui Sanctus Athelwoldus Glaftoniæ Monachus, & Abbas Abandoniæ, successit, & Præfulatum Wyntoniensem suscepit regendum: de quo plura inferiùs dicentur.

## CAPITULUM XI.

## De Edwyo Rege, primogenito Edmundi Regis.

**E**Dwys, primogenitus Edmundi fratris Athelstani & Edredi, apud Kyngeston coronatur anno Domini DCCCCLV. Hic præ omnibus Ecclesiasticis exosos habuit Monasticæ Religionis viros. Causam injustissimam talis odii recitat Willelmus Malmesbyriensis *de Regibus* libro 2do, Cestrensis in suo *Policronico*, lib. 6. c. 9. Marianus Scotus cum Alfrido. Utinam Alexandri, Scipionis & Nospurnæ exempla castimonix animum istius Regis ab illecebris revocarent. De primo narrat Vegetius *de re militari*, quod cum capta esset Virgo quædam nobilis eximiæ pulchritudinis cuidam Principi desponsata, summâ temperantiâ ei pepercit, ita ut illam respueret, sed ad sponsum intactum remisit; quâ remissâ, universæ gentis & Principis mentes sibi subjugavit. De secundo narrat Valerius Maximus *de Gestis Principum Romanorum*; Quod Scipio Princeps Romanus missus in Hispaniam, eo momento, quo castra intravit, edixit ut omnia, quæ voluptatis causâ comparata erant, amoverentur: unde & duo millia scortorum leguntur abiisse ab exercitu. De tertio narrat idem Valerius, quod cum Nospurnas pulcher adolescens, cum esset excellentis pulchritudinis & miræ speciei, & ex hoc plurium dominarum illustrium sollicitaretur aspectibus; faciei decorem confudit, & faciem suam obfuscavit, ne decor ejus esset incitamentum vel irritamentum alienæ libidinis. Hic \* duobus annis regnans, in tertio deponitur, in quarto moritur, sepultusque est in novo Monasterio Wyntonix; quia Respublica non augetur nisi moribus virtuosis. Unde Augustinus secundo *de Civitate Dei*, recitans verbum Ennii Poetæ, sic scribit:

*Moribus antiquis stat res, Romanaque virtus.*

Adeò enim erat petulans adolescens, & totus libidinibus deditus; ut beatum Dunstanum pro eo quod eum pro suis excessibus sæpius arguebat, multipliciter affligeret, & exilio dampnaverit. Hic etiam in tantum Monastici Ordinis professores, & non solum eos, verum etiam homines & servientes eorum in totâ Angliâ prius facultatibus suis nudatos jussit in exilium deportari. Cœnobium Malmesbyriense plusquam ducentis quinquaginta septem annis à Monachis inhabitatum stabulum fecit Clericorum; ut vult Willelmus

|| Alffinus successit Elphego seniori anno 951. Cantuariam translatus anno 958. in Alpibus interiit anno 959. Id produnt Florentius, Mailrosensis, & Hovedenus. Illi in sede Wintoniensi Brithelmus successit anno 958. authore Mailrosensi; atque obiit anno 963. juxta Florentium & Hovedenum. Brithelmum suscepit Ethelwoldus anno 963. consecratus in Vigiliâ S. Andreæ, die Solis, teste Chronolo-

giâ Saxonica, & Wolfano in vitâ Ethelwoldi, inter Acta Benedictin. Sæc. 5. p. 614.

\* Edwius regni parte aquilonari mulctatus est anno 957. obiit autem anno 959. mense Maio exeunte. Sic Florentius, Dunelmenis, &c. Chronologia quidem Saxonica obitum ejus in annum 957. quo regni parte spoliatus est, retulit: Rudbūrnus in Historiâ *Minori* in annum 960.

Malmes-

Malmesbyriensis. Hujus anima, ut quidam scribunt, creditur post mortem precibus Sancti Dunstani à pœnis Inferni liberatam, & in sortem Pœnitentium translata esse.

C A P I T U L U M XII.

De Edgardo Rege pacifico, fratre Edwyni sive Edwyi.

**E**Dgarus filius Edmundi, & frater Edwyi sive Edwini, successit fratri in Regnum. Hic Edgarus pacis amator & veritatis, æquitatis, & justitiæ cœlitus à nativitate suâ in Regem designatus, apud Bathoniam coronatus est anno Domini DCCCCLX. Hic pacificus fuit, & plures leges bonas condidit, easque per totum Regnum suum observari præcepit. Hic etiam Præsulatum (d) Wyntonienſis Ecclesiæ contulit S. Dunstano; qui adjuncto postea Londonensis Ecclesiæ Præsulatu gemino claruit Pontificio. Tandem Odone Archiepiscopo Cantuariæ defuncto, idem Sanctus Dunstanus Archiepiscopus Cantuariæ est effectus. Hujus Regis Edgari pacifici tempore nunquam exercitus advenarum Angliam infestabant; cujus dominio Reges Humbrorum, Scotorum & Wallensium colla dederunt. Hic tria millia sexcentas robustas naves congregaverat ad defensionem hujus Terræ. Nec ullus ferè annus regni sui fuit, quo non necessarium aliquod fecerit, quo non Monasterium novum fundaverit. Ob hæc ergo opera nullas domesticorum insidias, nullum exterminium aliorum sensit.

Istius Christianissimi Regis Edgari anno regni sui tertio, viz. anno Dominicæ Incarnationis DCCCLXIII. Sanctum Athelwoldum elegit Edgarus ad Episcopatum Wyntonienſis Ecclesiæ; consecravitq; illum beatus Dunstanus Dorobernensis Ecclesiæ, i. e. Cantuariensis Archiepiscopus. Iste sanctissimus pater Athelwoldus primò sub Sancto Dunstano Abbate Glastonienſi factus est in eodem Cœnobio Monachus; ac postmodum Rex Edredus audiens sanctitatem Athelwoldi, instinctu matris suæ Edgivæ, tradidit ei quendam locum Abendoniam nominatum, quo modicum antiquitus habebatur Monasterium, quod Cissus Regulus, pater Inæ, construxit, sed tunc neglectum ac destitutum. Contulitque ei Rex ad reparationem domorum de thesauro suo, ac Mater ejus largiùs munera ei direxit. Factus ibidem Abbas Athelwoldus Monachos congregavit, & in magnâ vitæ sanctitate illos rexit; ut scribit Johannes in *Historiâ Auræ* sub anno gratiæ 960. Qui Athelwoldus postmodum, ut dictum est, factus Wyntonienſis Episcopus, reclamavit Monachos in propriam hæreditatem, viz. ad Wyntonienſem Ecclesiam inhabitandam, expulsis Clericis; qui non nisi pro tempore substituti fuerant, quousque Monachi invenirentur in aliquo numero, qui ipsam Ecclesiam habitarent. A primævis enim temporibus Monachi erant in Wyntonienſi Ecclesiâ; quod bene cernens almiſſus Pontifex Athelwoldus, cum consensu Regis Edgari, & sanctissimi Dunstani Dorobernensis Archiepiscopi, & Sancti Oswaldi Eboracensis Archipræſulis, Clericos expulit à veteri Monasterio Wyntonix, adducens illuc Monachos de Abendonîa Sabbato in capite quadragesimæ, Clericis incipientibus post communionem, viz. *Servite Domino in timore, &c.* quibus ipse Abbas & Episcopus extitit. Sed postmodum respirandi ad pristinam dignitatem propositum arripientibus Clericis infra Refectorium veteris Monasterii Wyntonix, & expectantibus cunctis cum Sancto Athelwoldo sententiam Regis præsentis & Archiepiscopi Dorobernensis Sancti Dunstani, divinitus vox de imagine Crucifixi in muro collocatâ regiis auribus pariterque Archipræſulis intonuit sub hac formâ, cæteris omnibus hoc ignorantibus; *Abſit hoc ut fiat, Abſit hoc ut fiat; judicâstis bene, mutaretis non bene.* Ad hanc vocem stabilimentum suscepit



fufcepit Ordo Monasticus, ut inhabitet in domo Domini in longitudinem dierum, maligno confilio Clericorum diffipato. Qui videntes fuam nihil prævalere nequitiam, tamdiu per diverfas gentis Anglorum provincias huc illucque difperfi funt, quouſque vitam finierint. Iſte etiam ſanctiſſimus pater Athelwoldus anno revoluto, annuente Rege Edgardo, Canonicos expulit de Novo Monasterio Wyntonix, ab adventu Normanorum in Angliam *Wyntona* dicto; & Monachos cum Abbate introduxit; ordinavit autem illis Abbatem Ethelgarum ſive Algarum; qui poſtea Auſtraliū Saxonum Epifcopus factus, demum poſt Sanctum Dunſtanum Archiepiſcopus Dorobernenſis ſive Cantuarienſis eſt effectus.

Apud Wyntoniam quoque Monasterium Monialium in honorem beatæ Mariæ Virginis, ab Ethelſwythâ, matre Edwardi ſenioris, primitus fundatum, de novo reparavit, & competentibus poſſeſſionibus ampliavit. Locum quendam Ely dictum, ubi erat Monasterium Sanctæ Etheldridæ Virginis, pro tunc à Danis deſtructum, & regio fiſco redactum, non modico pretio Sanctus Athelwoldus emit; Monachos ibidem ordinavit, & Brythnothum Præpoſitum Veteris Monasterii Wyntonix Abbatem ipsis inſtituit, & locum ædificiis reparavit. Emitque à Rege Edgardo locum Medamſtede tunc, nunc Burgh nominatum, Baſilicamque congruis ædificiis ornatam in honorem beati Petri conſecravit, Monachos inibi ordinavit; Eadulphum eis Abbatem inſtituit, qui poſt Sanctum Oſwaldum Archiepiſcopus Eboracenſis factus eſt. Tertium nihilominus locum pretio acquiſivit, qui propter ſpineta circumquaque ſubcreſcentia Thorneia nuncupatur; & Monachos ibidem ſtatuit, & Godmannum eis Abbatem præfecit, circa annum Gratix DCCCCLXX. ut reſert Johannes in *Hiſtoriâ Auræâ*.

Quod ſuperius dictum eſt de expulſione Clericorum ab Eccleſiâ Cathedrali Wyntonix, & introductione Monachorum, ſcribit Wilhelmus Malmesbyrienſis, auctor in Flores hiſtoriarum, Florentius, Marianus Scotus, & plurimi alii Chronicantes: ſed modò quid de illâ expulſione & introductione ſcribat Johannes in *Hiſtoriâ auræâ* videamus. ‘Sanctus, inquit, Athelwoldus jubente Rege Edgardo, anno Domini DCCCCLXIII. à Sancto Dunſtano Dorobernenſi Archiepiſcopo Wyntonienſis Epifcopus conſecratus eſt; erant autem tunc in Veteri Monasterio Wyntonienſi Canonici nefandis moribus implicati, elatione, inſolentiâ atque luxuriâ præventi; adeò ut nonnulli eorum dedignarentur Miſſas ſuo ordine celebrare; repudiantes uxores, quas illicitè duxerant, & alias accipientes; gulæ & ebrietati jugiter vacabant; quod minimè ferens Epifcopus Sanctus Athelwoldus acceptâ à Rege Edgardo licentiâ expulit eos, & Monachos de Abendonâ introduxit; quibus ipſe Abbas & Epifcopus fuit. Miſit autem Rex miniſtros ſuos, Clericis præcipiens, ut conſeſtim loco renunciarent, aut habitum Monasticum ſuſciperent. Qui nimio pavore perterriti, & vitam execrantes Monasticam, intransibilibus Monachis illico exierunt; ſed tamen poſtmodum tres illorum habitum Monasticum ſuſceperunt. Itaque uſque tunc in gente Anglorum non erant Monachi niſi in Glaſtoniâ & Abendonâ. Hæc Johannes in *Hiſtoriâ Auræâ*. His viſis conſiderandum eſt, qualiter pro Monachis veteris Cœnobii Wyntonienſis, & quod Monachi erant in illâ Eccleſiâ ab antiquis temporibus; Pacificus Rex Edgarus. Sequitur Charta Regis Edgari.

‘Ad redemptionis ſuæ augmentum omni conatu cuncti ſtudent Orthodoxi; ut fidei, ſpei, charitatisque aliis veluti veſtium fulgore amiſti, pretioſarumque ſplendore gemmarum adornati, ſanctarum virtutum copiâ perſpicui, criminum pondere ſemoti, terreni corporis ergaſtulo verſantes, lachrymarumque valle cum nimio degentes certamine, totius animi cultum cœleſti habitatione theorico figant meditamine. (c) *Noſtra*, inquit Apoſtolus, con-  
 20. *verſatio in Cœlis eſt*. Hinc ergò ego Edgar Domini largiente gratiâ totius Al-

bionis

bionis Basileus, sedulâ procurans sollicitudine, ne Catholicorum quispiam actuali degens conversatione aliquâ sæcularium rerum vexatione à contemplativâ impeditus vitâ incongruè revocetur, quod olim à prædecessoribus nostris Ecclesiis Domini ad sui famulatûs obsequium egregiâ concessum libertate fuerat, renovando libentissime recuperō. Hujus rei gratiâ jura omnia prædicta & superius distinctis locis ordinatim novis literarum apicibus designata, Christi compunctus spiramine, justo utens judicio, ad usus Pontificum supradictæ Ecclesiæ vitâ religiosâ regentium, pro animæ meæ salute, regnique ac successorum meorum prosperitate, æternâ libertate cum optimatum meorum consilio devotus admodum restitui, omnique sæculari gloriōse soluta dicavi servitute; ne vexatione mundanæ afflictionis mens Præsulum pro nostris facinoribus intercedentium à divinâ contemplatione remota deficiendo lascesceret. In nomine almæ Trinitatis ac individue unitatis præcipio; ut succedentium temporum Episcopi ita gregem Dyrocheo. i. duplici pastu nutriant Monachorum; ut nostris temporibus per sapientium ordinatum est providentiam, & alimenta ex Chyltacombe Monachis copiosè tribuant, & sine ullâ retractatione hilariter subministrent, & nullius nimietatis inquietudine perturbent; ne à vita theorica vel immoderata superfluitas, vel intolerabilis paupertas cum magno animi detrimento illos amoveat; omnia in victu & vestitu secundum Regulæ modifcet præceptum. Certè Canonici omni vitiorum nævo deturpati, inani gloriâ tumidi, invidiæ livore tabidi, Philargyriæ maculis obcæcati, luxuriæ facibus lividi, gulæ omnimodo dediti, Regi terreno non Episcopo subjecti, præfati ruris usu veterano moderno tempore pascebantur alimentis. Ebrietatem siquidem & homicidia sectantes, conjuges suas turpiter nimia & inusitatâ libidine amplectentes, Ecclesiæ Dei rari & perpauci frequentare volebant, nec horas celebrare Canonicas dignabantur. Quo reatu ejectis cum Præposito Canonicis, & eliminatâ immundorum spurcitiâ, Monachi in sede constituti sunt Episcopali; qui sanctis adornati virtutibus, humilitate præcipui, vigiliis, hymnis, & orationibus assidui, abstinentiâ macti, castitate perspicui, legitime viverent, & obsequium Ecclesiæ regulariter implerent. Rura absque dubio superius notata renovare benivolâ studui intentione; & quæ injuste abstracta fuerant à Monachis ab antiquo Ecclesiæ illam occupantibus Duntoun, viz. Taunton, Alresford, Cleres, Tycheburn, Wordy, Funtell, Stoke, Fermesham, Ecclesiæ Dei devotus admodum ideo restitui; ut tali & tam necessario jocunditatis additamento Monachorum Christo humani generis Redemptori fideliter castèque servientium gregem facilius libentiusque pascere; dum præfatis ruribus sublatis Canonicis, [qui] turpiter contra fas inhonestèque degentes in tam augustâ rerum possessione usu pascebantur perpetuo. Alanatur igitur solito Monachi ab hujus vitæ curis remoti, unde alebantur Canonici ab iis quæ à Monachis in ipsâ Ecclesiâ degentibus olim injuste abstracta erant cum aviditate nimia, curis vitæ recidivæ intenti. Rura omnia superius notata Episcoporum usui peculiariter ad votum deserviant: illa verò quæ Canonici olim cum Præposito sine peculiari Præsulis dominio usu possederant veterano, hæc eadem Monachi communiter ad necessarios usus jure possideant perpetuo; & cum Antistitis consilio ac juvamine bene regant, & per Præpositum fratribus cunctis necessarium, Episcopoque, uti regula præcipit, cum omni humilitate subjectum sapienter disponant. Pastum ex Monachorum villis nequaquam Præsul Diocesim lustrando avidus exquirat: emptis necessariis fratrum indumentis, quicquid ex lucro villarum superfuerit, unito Episcopi fratrumque consilio hospitum necessitatibus & Ecclesiæ usibus, omni scupulatione remotâ, fideliter expendatur, & non loculis Episcopi peculiaribus ad animæ detrimentum reclusum custodiatur. Post unius Episcopi obitum alter ex eadem Monachorum congregatione, qui dignus sit Pontificatus



‘tificatus ordine fungi, & non aliunde eligatur. Si autem impredientibus  
 ‘peccatis vel imperitiâ, in eodem Monasterio talis, qui dignus sit, inveniri  
 ‘nequiverit; ex alio noto Monasterio Monachus, non autem Canonicus, ad  
 ‘tanti gradus dignitatem, qui dignus sit secundum meritum atque doctri-  
 ‘nam, unanimi Regis & Monachorum ejusdem Monasterii consilio sapienter  
 ‘eligatur. Et non solum in hac Pontificis electione, verum etiam omnibus  
 ‘rebus regulæ usus jugi teneatur custodiâ; ut in omnibus quæ egerint, vel  
 ‘regulæ normam hilariter custodiant, vel majorum cum omni devotione imi-  
 ‘tentur exempla. Electus vero nullâ superfluitate Monachos perturbet vel  
 ‘inquietet; nec Clericos sive Laicos in claustra vel refectorium introducat;  
 ‘sed Missam celebrans, Monachorum reverenter fungatur officio; ac in Re-  
 ‘fectorio quotiens voluerit comedens, eorum & non Canonicorum vel Laico-  
 ‘rum inibi utatur obsequio. Monachos si quoslibet secum suum lustrando  
 ‘Episcopatum habere voluerit; illos sumat, qui provectæ ætatis sunt, quo-  
 ‘rum profectu & moribus ad Christi roboretur famulatum, & non pueros vel  
 ‘juvenes lascivos, quorum levitate læsus in aliquibus depravetur. Rura tam  
 ‘à regibus, quam à diversis Catholicis ad usus fratrum Domino largifluè col-  
 ‘lata, hujus sæculi militibus sive propinquis carnalibus pro munere quolibet  
 ‘adulando tribuens ad animæ suæ detrimentum nequaquam disperdat. Qui  
 ‘prædicta statuta benivolâ servare voluntate studuerit, Domini nostri Jesu  
 ‘Christi benedictione in præsentī sæculo perfruatur, & post ejus obitum ad  
 ‘æternæ beatitudinis vitam Christo opitulante securus perveniat. Si quis au-  
 ‘tem philargyriâ seductus aliquid ex his, quæ cum consilio sapientium præ-  
 ‘cepta sunt, vel minuere præsumperit; deleatur nomen ejus de libro vitæ;  
 ‘& in Jesu Christi Salvatoris mundi, ejusque Genitricis Mariæ, omniumque  
 ‘Sanctorum persecutione maneat; & post vitæ suæ terminum cum Judâ  
 ‘Christi proditore ejusque complicitibus inferni miseriam punitus intereat, si  
 ‘non cum satisfactione emendaverit, quod nequiter peyorando deliquit. Et  
 ista Charta auctoritate Papæ confirmata est.

Ex istâ Chartâ habemus, quod Monachi erant in Wyntonienſi Ecclesiâ ab antiquis temporibus; immo, ut dictum in primo libro, infra ducentorum annorum numerum à Christi incarnatione Monachi inhabitabant Ecclesiam Wyntonienſem. Et sic Monachi erant multo tempore ante beatum Benedictum; quia in primitivâ Ecclesiâ. Quod quidam moderni negant, affirmantes quod qui dicebantur Monachi ante Sanctum Benedictum erant Sacerdotes & Clerici sæculares, & similiter Laici; quia omnes illi erant Custodes unius, quod est interpretatio hujus nominis Monachus; & utinam sic. Contra horum assertiones Sanctorum Patrum introducemus auctoritates. Doctor Uthredus in libello suo *de institutis Monachorum*, ponit quatuor distinctiones fidelium in primitivâ Ecclesiâ, viz. Apostolos, in gradibus Ecclesiasticis ab Apostolis constitutos, Cœnobitas, & fideles Laicos. In gradibus ecclesiasticis constituti dicebantur Sacerdotes & Clerici, qui plebi Christi spiritualia ministrarent. Cœnobitæ dicebantur Monachi, qui in communi & sine proprio vivebant in congregatione sub Apostolis, tanquam modò sub Abbatibus degentes. Fideles Laici erant, quotquot per prædicationem Apostolorum fidem Domini suscipiebant; qui venditis suis omnibus, precium eorum ad pedes Apostolorum ponebant, & sic rebus sæculi funditus expediti in socialem vitam cum Apostolis & Cœnobitis transiebant, & omnem curam Apostolicæ diligentiae & sollicitudini committebant, & (f) *dividebatur autem omnibus ab Apostolis, prout unicuique opus erat.* De quibus Apostolus Paulus ait ad Romanos XV. (g) *Nunc proficiscar Hierosolymam ministrare Sanctis.* Glossa! *Qui rerum suarum precia ad pedes Apostolorum posuerant.* Ecce generalem vitam & regularem duxerunt Apostoli & Cœnobitæ in primordio primitivæ Ecclesiæ; viz. in communi & sine proprio vivebant, & (h) *Nullus eorum*

(f) Act. XI.  
45.

(g) Rom. XV.  
25.

(h) Act. IV. 32.



eorum suum aliquid esse dicebat, sed erant illis omnia communia, nec quisquam egens erat inter illos; ut scribitur Actuum IV cap. Sed ista consuetudo vivendi in primitivâ Ecclesiâ, quoad Sacerdotes & Clericos sæculares cum fidelibus Laicis, non diu perduravit. Post ascensionem Domini Apostolis per Martyrium de medio sublati, multi retrocedentes cœperunt rursus sæculares ambire, easque non in communi, sicut prius cum Apostolis & Cœnobitis, sed proprio jure possidere: Et ita cœpit fervor communiter vivendi in unum repescere. Propterea quàmplures sancti Patres & probatissimi Monachi, quibus adhuc inerat fervor Apostolicus, Sancti Spiritus aspirante gratiâ, nolentes apostatâre ad sæculi curas non redibant; sed congregati in unum, sicut prius, communiter vivere satagentes sub uno eorum, qui adhuc electus fuerat, magisterio, ut eos Apostolorum vice regeret, pristinam religionem restaurare cupiebant. Et non solum illa magnifica retinebant, quæ primitus Ecclesia vel turbæ credentium in Actibus Apostolorum leguntur celebrasse; verum etiam multa his sublimiora cumulaverant. Eusebius enim narrat in *Historiâ Ecclesiasticâ* lib. 2do. beatum Marcum Evangelistam primum ad Ægyptum perrexisse, & ibi Evangelium prædicasse; & Ecclesiam apud Alexandriam primum constituisse; cujus sobrietatis exemplo primo ingressu ejus maxima multitudo virorum & mulierum credidit, & ab eo normam vivendi suscepit; quorum exemplo per universum mundum adolevit sancta institutio Monachorum. Philo etiam Judæus vir disertissimus tempore Neronis Imperatoris conversationes eorum qui per beatum Marcum crediderant, & abstinentiam & vitam eorum, qui vitæ Monasticæ inserviebant, librorum memoriæ commendabat; in quibus evidentissime abstinentium vitas, qui in Monasteriis degunt, describit ad liquidum; & specialiter in libello, quem *de vitâ Theoreticâ* attitulavit. *Pergit author antiquitatem vitæ Monasticæ ex Dionysii Areopagite aliorumque scriptis satis frigide probare. Argumenta ejus & testimonia prolata nos luce parum digna judicavimus.*

Ex prædictis ergo patet, quod Monachi erant in primitivâ Ecclesiâ distincti à Sacerdotibus, Clericis, & Plebeis sive fidelibus Laicis; & professi secundum diversas regulas à diversis patribus ante beatum Benedictum multo tempore editas. Marcus enim Evangelista primus apud Alexandriam Monachorum Congregationem ordinavit, & regulam ipsis imposuit; de quâ regulâ loquitur Cassianus *de institutis Monachorum*, lib. 1mo. cap. 5to. Pachomius etiam Abbas & Pater Monachorum Thebaydæ Provinciæ, quæ Tabennesium dicitur, vir Deo plenus fuit, cui Angelus Domini apparuit dicens; Scias te à Domino exauditum, ideo Monachos juniores collige, ac eos juxta regulam, quam à me accipies, institue. Acceptisque tabulis æreis inscriptis regulâ Monachali Monasteria fundavit: scripsitque Epistolas diversas ad Tyrum Abbatem, unam ad Cornelium, aliam ad omnium Præpositos Monasteriorum, ad fratres operarios, ut devotè laborent, quod eis injungitur adimplentes: Ut habetur secundum Gennadium, *de viris illustribus*, cap. 7mo. Item secundum Johannem in *Historiâ Aurâ* sub anno gratiæ 406. Sanctus Fructuosus etiam Monachus & Episcopus Traconensis scripsit regulam Monachorum circa annum Domini CCXLV. ut habetur in vitâ ipsius; & de eo fit mentio in decretis dist. 9. q. *Carnem*. Hic sub Hemuliano Præsidente apud Traconiam civitatem cum Augeria & Eulogio Diaconibus post carceris intrusionem flammis injectis, ut urerentur, precibus obtinuerunt. Septimâ verò nocte post passionem ipsi Judici apparuerunt, eum increpantes & ejus tormentis insultantes. Passi sunt anno Christi CCLVI. Sanctus Basilius Monachus & Doctor, ut habetur in vitâ ipsius, ac Episcopus Cappadociæ, inter multa, quæ scripsit, regulum composuit *de institutione Monachorum*. Floruit anno Christi CCCLII. Legitur etiam beatus Hieronimus post tempora Apostolorum Ambrosium & Augustinum ætate præcessisse, peragratisque pri-



us Cœnobarum & Heremitarum per deferta & Cœnobiis, & Cellulis, habitu prius Monachorum assumpto per ministerium beati Gregorii Nazianzeni, apud Bethleem Monasterium instituit; ibidem vitam Monasticam ducens, regulam Monachorum composuit, omnia cum fratribus communia possidendo; primitivam Ecclesiam & patres antiquos imitatus est. Istud etiam scribit de beato Hieronimo Doctor Uthredus in libello suo *de institutu Monachorum*. Et quamvis plures alii patres tempora beati Benedicti præcedentes regulas Monachorum scripserint; ut Ferreolus, Egippius, Isidorus, Aurelianus, Johannes Cassianus; non tamen differens erat religio Monachorum illis temporibus à religione Monasticâ à tempore & post tempora beati Benedicti; sed una & eadem religio erat tunc & nunc. Pro quo ulterius notandum, secundum enim Eusebium, lib. 2do. *Ecclesiastica Historie*, cap. 2do. Ante adventum Christi in carnem, immo ab ipsis parentibus nostris primis incepit secta & religio Christiana; quod declarans beatus Augustinus libro primo *Retractionum*, cap. 13. 'Res ipsa, quæ nunc Christiana religio nuncupatur; erat & apud antiquos; non defuit initio generis humani, quousque ipse Christus veniret in carnem. Unde vera religio, quæ jam est, potest appellari Christiana. Hæc est nostris temporibus Christiana religio, non quia prioribus temporibus non fuit, sed quia à posterioribus hoc nomen accepit: Et sic patet, quod res ipsa religionis Christianæ fuit ab initio generis humani, sed non nomen. Conformiter dicitur de religione ac ordine Monachorum; quod ab initio, quo vita monastica fuerat instituta, eadem quoad rem fuerat quæ & modo; quamvis sit novitas & diversitas quoad nomen. Unde à primo *Benedicere* Christo, qui mundum ingrediendo, in mundo progrediendo, de mundo ad patrem regrediendo semper in benedictionibus operatus est salutem nostram per servorum suorum hominum ministerio, religio Monastica instituta, & quantum ad rem eadem ab institutionis initio semper manens; licet in aliis & aliis observantiis propter diversitatem personarum, causarum, temporum, & locorum sicut Christiana religio nomen benedictionis de novo sumpsit à Patre sanctissimo re & nomine Benedicto, & specialiter ideo præelecto tanquam ministro aptissimo ipsius primi *Benedicere*, qui est Christus; quatenus ab ipso summo activo *Benedicere* passivè immediate descenderet *Benedictus*; ut regulam monasticam declararet, roboraret, & ei à suo nomine perpetuæ benedictionis nomen imponeret speciale. Ac ideo hæc ipsa regula & religio jam nominata beati Benedicti fuerat realiter à primâ institutione Monachorum; quamvis nomen illud receperat modo tardè; sicut religio Christiana fuerat ab initio generis humani, quamvis multò posterius receperat illud nomen. Et licet quamplures sanctissimi divinitus inspirati varias Monachorum regulas ordinârunt; beatus tamen Benedictus quasi primo *Benedicere* subordinatus, de Prædecessorum suorum regulis & statutis efficaciores tolerabilioreque observantias excerpens, in asperis super omnia mitigationis moderamine perusus, illas omnes regulas stabiliens & uniens, vitæ monasticæ nomen benedictionis attulit perpetuo duraturum; ut sempiternæ benedictionis religio veraciter nominetur. Stabilitas & morum conversio propter causam expressæ distinctionis & divisionis inter veros Monachos & alios falso Monachorum nomine appellatos, præcipue in professione monasticâ exprimuntur. Obedientia quidem continens omnia religioni necessaria, tanquam religionis materia sive genus; & hæc particula superaddita secundum regulam beati Benedicti, tanquam differentia seu forma ab omni alio vivendi modo est monasticæ vitæ divisiva & distinctiva, & in suo esse specifico positiva, non à genere religionis, sed à quibuscunque aliis religionis speciebus seu vivendi modis formaliter condistincta.

Rex pacificus Edgarus Monasterium Glastonia, Abendonæ, & Cœnobîa, quæ ipso annuente Sanctus Pater Athelwoldus fundaverat, multipliciter locupletavit.



cupletavit. Cœnobiorum enim maximus & indefessus erat fundator ; cooperantibus sibi sanctis Archiepiscopis Dunstano Cantuariæ, Oswaldo Eboraci, & Athelwoldo Episcopo Wyntonix. Nam tot fuerant Monasteria per Angliam de novo tunc per eum fundata, tot etiam reparata, quæ per Danos primitus fuerant complanata ; quod incredulitatem generaret audienti.

Hujus serenissimi principis Edgari tempore sanctissimus pater Athelwoldus transtulit beatum Birinum primum Gewyseorum Apostolum ; & in scrinio de argento & auro decentissime compositum collocavit. Nam postquam Sanctus Hedda Wintoniensis Ecclesiæ Præsul corpus sancti patris nostri Birini transtulit unâ cum sede à Dorkecestrensi Ecclesiâ ; humatum est illud venerabile corpus in Ecclesiâ Wyntonienſi ex parte boreali summi altaris, non more Sanctorum translatum usque ad tempora istius almi pontificis Athelwoldi ; ut scribit Vigilancius de Basilicâ Petri, & etiam habetur in Legendâ, quæ legitur in Ecclesiâ Wyntonienſi in octavis translationis Sancti Birini. Consentiente etiam rege Edgardo, Sanctus pater Athelwoldus, expulsis Clericis à Wyntonienſi Ecclesiâ, admonitus divinâ revelatione, Sanctum Swythunum hujus Wyntonienſis Ecclesiæ specialem patronum de vili sepulchro transtulit ; & in scrinio argento & auro à rege Edgardo cum summâ diligentia fabricato honorifice collocavit anno dormitationis suæ CX. Ibique ad declarandam ejusdem sanctissimi Swythuni gloriam, tantus factus est concursus populorum, tam frequens operatio miraculorum ; qualis in Angliâ rarò vel nunquam ostensa est temporibus antea. Quamdiu enim Clerici inhabitabant Ecclesiam Wentanam, nulla per Sanctum Swythunum Deus miracula operatus est ; sed ipsis ejectis statim miracula patrata sunt : ut scribit Lantfredus in ipsius gloriosi Antistitis Swythuni Vita, & Vigilancius in libro de Basilicâ Petri. Per hunc etiam Sanctum Athelwoldum corpora Sanctorum Frithestani, Brynstani, & Elphegi Confessoris, cum sanctissimâ virgine Edburgâ regis Edwardi senioris filiâ, [translata sunt.] Ipse etiam Sanctus Athelwoldus dedicari fecit Vetus Cœnobium Wyntonienſe, præsentibus Etheldredo rege & Sancto Dunstano Archiepiscopo, & octo aliis sibi cooperantibus Episcopis, anno Domini DCCCCLXXX. XIII Kalend. Novemb. Obiens † verò iste sanctissimus Pater Athelwoldus sepultus est infra propriam Ecclesiam ex Australi parte magni Altaris. Post obitum vero suum Domino Sanctum suum per miracula revelante, translatus est per Sanctum Elphegum suum || Successorem ex Abbate Bathoniæ ; qui postea Archiepiscopus Cantuariæ factus à Danis lapidatus est apud Grenewyche, & in Ecclesiâ Pauli Londonenſi sepultus, sed per Cuntone regem in Cantuariam est translatus.

ELPHEGUS.

Edgarus \* rex cum pacifice & legaliter regnasset annis XVI. obiit, & sepultus est Glastoniæ. Iste Edgarus Edmundi filius genuit Edmundum, qui obiit ante patrem, & Etheldredum, qui post eum regnavit de Elfrida filiâ Orgari ducis. De Elfredâ cognomento Candidâ filiâ [Ordmeri ducis] genuit Edwardum, qui regnavit ante Etheldredum. De Wlfridâ non Sanctimoniali, ut fertur, sed puellâ Laicâ quæ timore regis seipsam velaverat, genuit

† Obiit Ethelwoldus anno 984. Calendis Augusti. Sic Florentius, Mailrosensis, & Historia Glastoniensis (in Monastico Angl. Tom. I. p. 9.) Pridiè Calendas Augusti illum obiisse vult Hovedenus.

|| Is alio nomine Godwinus dictus, consecratus est anno 984. die 14. Cal. Novemb. in-tronizatus die SS. Simonis & Judæ ; authore Chronologiâ Saxonica p. 560. De translatio-

ne ipsius ad Cantuariam vide supra in Dissertatione de verâ successione Archiepiscoporum Cantuariensium.

\* Obiit Edgarus anno 975. die 8. Julii, feriâ 5. Sic Florentius cum aliis. Die 18. Julii obitum ponit Chronologia Saxonica. Rectius illi. Annum 976. Rudburnus in Historiâ Minori posuit, errore manifesto.



Sanctam Edytham. Hæc Edytha apud Wyltoniam requiescit, petentibus præstans beneficia pietatis. Iste Edgarus pacificus rex dedit Veteri Monasterio Wyntonienſi Manerium de Abyngton.

## CAPITULUM XIII.

## De Sancto Edwardo Martyre, filio Edgari regis.

**S**ANCTUS Edwardus Martyr, filius Edgari regis, successit patri in regnum. Hic Edwardus à Sancto Dunſtano cum cæteris Episcopis consentaneis in regem coronatur contra voluntatem quorundam Optimatum & novercæ suæ Elfridæ; ut scribit Wilhelmus Malmesbiriensis *de Regibus* lib. 2do. quæ Elfrida filium suum vix septennem Etheldredum in Regem conabatur provehere; ut ipsa potius sub ejus nomine potuisset imperare. Et tunc malitiâ hominum pullulante fœlicitas regni imminuta est. Tunc visus cometes, qui vel pestem provincialium, vel regni mutationem portendere pro vero asseveratur. Nec mora; secuta sterilitas arvi, fames hominum, mors jumentorum. Apud vicum regium qui vocatur Calna, casus accidit insolitus. Nam defuncto Edgardo Rege pacifico, Clerici quondam ab Ecclesiis expulsi rediiva prælia suscitârunt; ingens esse & miserabile dedecus, ut novus advena veteres colonos migrare compelleret; hoc nec Deo gratum putari, qui veterem habitationem concessisset, nec alicui probo homini, qui sibi idem timere posset, quod aliis præjudicio accidisse cerneret. Ea de re in clamores & iras prorupit populus; tumultusque ad Sanctum pervenit Dunſtanum. Præcipue proceribus, ut Laicorum est, succlamantibus, præjudicium quod Clerici passi fuerant injuste leniori consilio succidi debere. Hæc Wilhelmus.

Auctor verò in Flores Historiarum hoc modo procedit: Flos & Decus Anglorum, gloria & honor Regum, cujus largitas & magnificentia totam jam Europam repleverat, anno ætatis suæ XXXII. regni verò XVI. ex hac vitâ transiens, pro regno terreno commutavit æternum; cujus corpus Glastoniam delatum est, & ibidem more regio tumultum. Quo defuncto, de Rege eligendo magna inter regni principes dissensio est exorta. Quidam enim filium Regis primogenitum Edwardum, quidam verò fratrem ejus Etheldredum de secundâ uxore generatum unanimiter elegerunt. Quam ob causam duo Archipræsules, Dunſtanus Cantuariensis & Oswaldus Eboracensis, cum Coepiscopis, Abbatibus, Ducibusque in unum convenientes, Edwardum, ut pater ejus moriens dictaverat, elegerunt, electum consecraverunt, & in Regem quibusdam murmurantibus inunxerunt. Nam noverca ejus Alfritha filium suum Etheldredum vix septennem puerulum promovere conabatur; ut potius sub ejus nomine regnare videretur. Sicque post decessum ejus Regis pacifici regni status perturbatus est. Nam Principes plurimi & Optimates Morachos de Monasteriis, in quibus Rex Edgarus eos locaverat, expulerunt; & Clericos, ut prius, loco eorum cum uxoribus induxerunt. Nam unus eorum Elferius nomine omnia pene Monasteria, quæ reverendissimus Athelwoldus Wyntonienſis Præsul in provinciâ Merciorum construxerat, magnâ usus insolentiâ subvertit. Sed super his quæstionibus ad beatum Dunſtanum delatis, Synodum apud Calne congregavit; ubi cum in cœnaculo absente Rege propter imbecilem ætatem confidentibus totius regni Senatoribus, magno conflictu hinc inde allegantium res ageretur, & Dunſtanum quasi Ecclesiæ murum multorum jacula convitiis impeterent nec quaterent, suas partes cujusque ordinis viris summo studio tuentibus, solarium totum repente cum axibus & trabibus dissolvitur & concidit. Omnibus ad terram elisis,

sis, solus Dunstanus stans super unam trabem, quæ superstes erat, probè evasit. Reliqui vel exanimati, vel perpetui languoris compede detenti. Hoc miraculum pacem contulit beato Dunstano & Monachis ab impetu Clericorum & aliorum, gratiâ divinâ operante. Prima enim Synodus pro expulsionem Clericorum habita est Wyntonix in refectorio Monachorum tempore Regis Edgari; ubi in medio partium conflictu disputationis imago dominica, quæ altercantibus astant, expresse locuta Clericos omnes & eorum fautores confusos reddidit & elingues. Hæc Auctor in Flores Historiarum.

Alfrytha noverca Edwardi Regis filium suum Etheldredum omni nisu in Regem promovere studens, ut dictum est, Edwardum verbis adulatoriis circumvenire laboravit. Ille verò paternæ religionis & pietatis vestigia imitatus, Regis solummodo sibi nomen retinens, Etheldredo fratri & matri ejus omnia regni negotia ordinare permisit. Cum igitur † Edwardus die quodam in venatione lassus. *Sequitur narratio de Edwardi nece & Alfrythæ novercæ penitentiâ, ex Florilego verbatim desumpta.*

## CAPITULUM XIV.

### De Etheldredo Rege, filio Edgari Regis.

**E**theldredus frater Edwardi Regis & Martyris fratre occiso successit in regnum. Hic filius Alfrythæ novercæ Sancti Edwardi Regis, juvenis egregius, decorus aspectu, pulcher in vultu, procerus statu corporis, à Sanctis Præsulibus Dunstano Cantuariensi, & Oswaldo Eboracensi, & decem Episcopis die dominicâ || VIII. Calendas Maii in Kyngestone regni diadema suscepit. *Multa contexit Rudbournus de rebus forinsecis ad Ecclesiam Wyntonensem nil spectantibus, ex Florilego verbatim descripta, quæ idcirco omisi. Hic loci descripsit, quæ habet Florilegus ad annos 779, 780. Anno verò tertio regni sui viz. anno Dominicæ Incarnationis DCCCCLXXXI. Rex Etheldredus dictus Unredi, quod Latine sonat Inconsultus, citius enim consulere voluit cum suis perfidis proditoribus, qui eum blanditer decipiebant, quàm cum proceribus & fidelibus regni sui, ut erat luxuriosus valde, cujusdam Ducis filiam nomine Algyvam accepit in concubinam; ex quâ genuit filium nomine Edmundum Irynfyde. Quo utique anno Monasterium beati Petroci in Cornubiâ à Danicis devastatur piratis, qui & in Devoniâ tunc & Cornubiâ frequentes agebant rapinas, &c. Vide Westmonasteriensem ad annum 982, & 983.*

Anno ab incarnato verbo DCCCCLXXXIV. & anno regni Regis Etheldredi sexto, Sanctus Athelwoldus Wyntonienſis Episcopus anno pontificatus sui vicesimo secundo migravit ad Christum; cui Elphegus Abbas Bathoniensis, vir literatus & moribus ornatus, successit. Anno Domini DCCCCLXXXV. & regni Regis Etheldredi septimo, Alfricus filius Ducis Elferi, Comes Suthamptonensis, proditor Regis Etheldredi & totius Regni, justè à regno expellitur. Quicquid enim audiebat de Regis consilio & regni contra Dacos, ipsis Danis denudabat. Anno regni Regis Etheldredi octavo, & anno gratiæ DCCCCLXXXVI. Rex Anglorum Etheldredus, &c. Se-

† Edwardus regnavit annis 3. interiit anno 980. ex Rudbourni mente in Historiâ Minori. Verius insidiis novercæ sublatuſ est anno 978. die 18. Martii.

|| Sic quidem Florilegus ad annum 979. Rectius autem Florentius anno 978. die 18. Cal. Maii die Dominicâ Etheldredum coronatum scribit.



quentia ex Florilego descripta sunt ad annos 986, 990, 991, 992, 993, 997, 999, 1000. ubi pro Monam insulam apud Florilegum, legitur Angliam apud Rudburnum, rectius puto, & 1001.

Anno Domini MII. & anno regni Regis Etheldredi vicesimo quarto, Rex Etheldredus, consilio primatum suorum, Danis pro bono pacis tributum viginti quatuor [millium] librarum solvit. Auctor horum malorum præcipuus ex Anglis erat Edricus cognomento Streone, cui Rex Anglorum Etheldredus Ducatum Merciorum contulit. Hic proditor Regis & nationis suæ extiterat in omnibus; cui non nobilitas, sed opes Regis gratiam promeruerunt. Erat autem iniquus ille fax hominum, dedecus Anglorum, bilinguis, versutus, secreti disseminator, dissimulare doctus, fingere paratus. Sæpe ad hostes missus, ut pacis mediator, pugnam accendit; ut scribit auctor in Flores Historiarum; cum quo concordant Wilhelmus Malmesbyriensis, Henricus Huntingdonensis, & Cestrensis in suo Polichronico, cum pluribus aliis. De quo Edrico plura locis suis infra dicentur.

Anno Dominicæ Incarnationis MIV. & anno regni Regis Etheldredi vicesimo sexto, Dani tantâ exarserunt crudelitate & inauditâ, quod Angliam totam sicut locustæ cooperientes omnia spoliaverint, homines neci tradiderint; nec fuerit inventus quispiam, qui hostibus obviaret. Et anno sequenti multa famis miseria Angliam invasit.

ELPHEGUS. Anno gratiæ MVI. & anno regni Regis Etheldredi vicesimo octavo, defuncto \* Siricio Cantuariensi Archiepiscopo, Elphegus Wyntonienſis Episcopus successit. Hic Elphegus primò Abbas Bathoniensis, deinde beato Andréâ Apostolo apparente beato Dunſtano Cantuariensi Archiepiscopo post mortem Sancti Athelwoldi Wyntonienſis Antistitis, ac insinuante, ut Elphegum in Pontificatum susciperet sub his verbis, *Elphegum Abbatem Wyntoniam consecrabis Episcopum*, ad honorem Præſulatus assumptus est. Qui cum viginti duobus annis Pontificatum Wyntonienſem strenuè rexisset, in Archiepiscopum Cantuariensem electus est. Eodem anno dux perfidus Edricus, &c. *Reliqua hujus anni habes apud Westmonasteriensem. In sequentibus annis usque ad 1012. de Danorum invasionibus & Elphegi Archiepiscopi passione agitur ex eodem auctore.*

KENULPHUS. Hæc de Sancto Elphego scribit Auctor in Flores Historiarum ad annum MXI. Wilhelmus verò Malmesbyriensis de Regibus lib. 2do. scribit; quòd Elphegus cum cogeretur ad se redimendum, & abnueret; lapidibus & securi percussus animâ cælum glorificavit. Rex Etheldredus martyrizato Sancto Archipræsule Elphego, dedit Archiepiscopatum Cantuariæ Livyngo Wellensī Episcopo, qui Livyngus aliter dicitur Ethelstanus. Cui Elphego in Episcopatum Wyntoniam eodem anno successit Kenulphus, ejusdem Ecclesiæ Monachus; ut scribit Vigilancius in libro de Basilicâ Petri. Hic Kenulphus † sedit tribus annis non plenè; post ejus vero obitum sepultus est in Ecclesiâ Ca-

\* Non Siricio sed Elfrico Elphegus in Archiepiscopatu Cantuariensi successit; quod in Dissertatione de verâ successione Archiepiscoporum Cantuariensium, abundè probatum est. Rudburnus hîc Florilegum cæcus sequitur; atque adeò erroribus ejus abripitur.

† Quæ de trium istorum Præſulum successione Rudburnus tradit, aliis Historiæ suæ membris adversantur. Superiùs enim dixerat Elphegum anno 1006. ad thronum Can-

tuariensem translatum esse; & inferiùs dicit Alwinum sedi Wintonienſi anno 1033. præfectum esse; intermediis autem Episcopis triginta simul annos hîc attribuit. Potior est igitur auctoritas Florentii, qui Kenulphum eodem quo ordinatus est anno, scil. 1006. decessisse tradit. Rem confirmat Osbernus in Ephegi vitâ, Kenulphum decessisse referens, dum Elphegus pallii obtinendi causâ Romæ adhuc moram traheret.

thedrali Wyntonienſi. Cui ſucceſſit Ethelwoldus eodem anno; & ſedit || ſex <sup>ETHELWOL-</sup> annis, ac in Eccleſiâ propriâ ſepultus eſt. Ethelwoldo ſucceſſit Alſinus, \* & <sup>DUS.</sup> ſedit in cathedrâ Wyntonix viginti uno annis, & in eâdem Eccleſiâ ſepultus eſt.

Supra fecimus mentionem de quâdam diſcordiâ inter Regem Etheldredum & Ducem Normannorum Ricardum, & de cauſâ diſcordiæ. Emma uxor Etheldredi fuerat filia Ricardi Comitis Normanniæ filii Wilhelmi, qui poſt patrem quinquaginta duobus annis illi Ducatui præfuit, &c. *Sequitur hiſtoria brevis diſcordiæ, & epistoſta Johannis XV. Papa eâ de re; qua apud Malmsburienſem, lib. 2. de Geſtis Regum, cap. 10. totidem verbis reperiuntur. Succedit hiſtoria internecionis Danorum, & inſaſionis Swani Regis, & Canuti filii, ex Florilego in annis 1012, 1013, 1014, 1015. Paucis de Turkillo ex Malmsburienſi, fol. 38. b. lin. 23. additis; & poſt narratum incendium turris S. Frideſwyde apud Oxoniam ad annum MXV. his de ſuo appoſitis*—jubente Rege Eccleſia reconciliata & reâdificata eſt. Et tunc Clerici ſæculares introducti ſunt. Prius enim Moniales omnes cum Danis combuſtæ ſunt: ut ſcribit Girardus Cornubiensis *de Geſtis Regum Weſſaxonum.*

Eodem anno [viz. MXV.] deſuncto Ethelwoldo Wyntonienſi Epifcopo <sup>ALFINUS.</sup> † Alſinus ſucceſſit. Anno gratiæ MXVI. Rex Danorum Knuto & Dux iniquus Edricus, &c. *Dein res bellicas hoc anno geſtas narrat, Florilegi verbis uſus.*

Circa hos denique dies Rex Anglorum Etheldredus ||| poſt magnos labores, & multas hujus vitæ tribulationes IX. Calendas Maii diem clauſit extremum, & in Eccleſiâ Sancti Pauli Londonenſi ſepultus eſt; cùm regnaſſet annis XXXVIII. ſecundum Auctorem in Flores Hiſtoriarum ſub anno gratiæ 1016.

|| Sex Ethelwoldi annos Rudburnus ex Florilego hauſit. Iſte enim illius obitum ad annum 1015. refert; adeo ut ſi Kenulphus tres annos ſediſſe cum Rudburno ponatur, ſex Ethelwoldo reſtabunt. Non alius quod ſciam præter Florilegum Ethelwoldi obitum memoravit. Hunc itaque, donec certiora conſtent, ſequi debemus; & Ethelwoldo proinde novem Pontificatûs adminiſtrati annos dare.

\* Succedit Ethelwoldo anno 1015. juxta Weſtmonaſterienſem obiit autem anno 1032. juxta Hovedenum, Mailroſenſem, & Dunelmienſem. Sedit itaque annos circiter 17.

† Verba ſunt Florilegi, à Rudburno in ſaraginem ſuam deſcripta. Alſinum Ethelwoldo ſucceſſiſſe paulò ſuperiùs etiam ſcripſerat. Ipſe tamen ſui oblitus, infra ad annum 1033. Alwynum Ethelwoldo ſucceſſiſſe ponit anno 19. Monachatus ſui, cujus habitum ab Ethelwoldi manu primò acceperat. Idem autem ſex duntaxat annos Ethelwoldo ſupra dederat. Alſinum Alwino præviſſe & anno 1032. deſunctum eſſe Mailroſenſis, Hovedenus & Simeon Dunelmienſis confirmant. Godwinus qui-

dem ab authore Antiqu Britandeceptus, Eadſium Ethelwoldo anno 1015. ſucceſſiſſe, ab Haroldo, cui à ſacris erat, præſectum; & anno 1038. ad ſedem Cant. tranſlatum Alwino locum ſeciſſe aſſerit. Eadſium Cantuarienſem ſedi Wintonienſi priùs præſuiſſe unicus ex antiquis Gervafius prodit. Contra Florentius, Hovedenus, Dunelmienſis, Mailroſenſis, Birchingtonus, & Radulphus de Diceto ex Haroldi Regis capellano ad thronum Cantuarienſem evectum aſſerunt. Certè ab Haroldo Rege ſedi Wintonienſi præfici non potuit. Illam enim 20. annis ante Haroldi imperium adeptus eſt, ſiquidem anno 1015. adeptus fuerit; quod Godwinus ponit. Ut rem dicam; Ethelwoldo Alſinum, Alſino Alwynum anno circiter 1032. ſucceſſiſſe, & Eadſium ex ſimplici Presbytero Archiepiſcopum Cantuarienſem factum eſſe nullus dubito.

||| Rectè: Obiit enim Etheldredus anno 1016. 9. Cal. Maii, ſeriâ 2. ex fide Florentii, Simeonis Dunelmienſis, &c. Craſſè erraverat Rudburnus in Hiſtoriâ *Minori*; ubi Ethelredus annis 37. regnaſſe, & anno 1017. die 4. Idus Martii obiſſe dicitur.



## CAPITULUM XV.

## De Coronatione Edmundi Ironside, filii Etheldredi Regis.

**P**ost mortem Regis Etheldredi maxima pars regni tam Clericorum, quam Laicorum in unum congregata pari consensu Knutonem in Regem elegit; & ad eum Suthamptoniam venientes, pacem cum eo pepigerunt, & fidelitatem juraverunt. Soli cives Londonienses & pars Nobilium, qui tunc temporis ibidem consistebant, Edmundum filium Regis Etheldredi in Regem unanimiter acclamârunt. Qui in regali culmine sublimatus, Westsaxoniam intrepidus adiit; & ob omni populo grater susceptus, provinciam illam suæ ditioni subegit. Quibus auditis magna pars populi totius regni illi se voluntariè subdiderunt. Cnuto interim cum totâ classe suâ Londonias veniens, &c. *Sequiter historia belli inter Edmundum & Cnutonem Reges gesti usque ad pacem initam & regnum divisum, ex Westmonasteriensi pro more desumpta.*

Pro hac divisione regni Angliæ inter hos duos Principes, quas provincias occupaverunt, plenius & apertius ut declaretur, notandum, quod hæ duæ partes regni permaximæ olim continebant octo regna, de quibus occupavit Edmundus Cantiam totam, in quâ provinciâ proprius Rex sceptum ferebat, ultra ipsam aliam non possidens: & in illâ provinciâ sunt Archiepiscopus Cantuariæ & Episcopatus Roffensis. Westsaxonia remanebat similiter Edmundo, quæ has provincias continet, & erat ab antiquo regnum præ aliis virtutibus bellicis præcellens, viz. Wiltshiriam, quæ olim dicebatur provincia Severnia, sive provincia Severorum, & provinciam Berkensem cum pago Dorsetensi: Quibus est Episcopus unus, cujus est modo sedes Saresburiæ, quondam erat vel Ramesburiæ, vel Shyreburniæ, ut vult Wilhelmus Madulvensis libro primo *de Regibus*. Item dominio Westsaxonum subjacuit Suthsexia, quæ olim aliquanto tempore habuit proprium Regem. Eratque sedes Episcopalis ejusdem Pagi antiquitus in Seleseyâ, quæ est insula circumflua ponto, ut narrat Beda *de Gestis Anglorum*, ubi etiam beatus Wilfridus Monasterium Monachorum ordinis Sancti Benedicti construxit. Nunc habitat Episcopus Cicestriam. Similiter Westsaxonie subjacuerunt Suthamptoniensis provincia & Suthreyensis sive Surreyensis; quibus est Episcopus unus, qui habet sedem Wyntonie. Pagus etiam Sumersetensis subjacuit etiam dominio Westsaxonum; qui habet Episcopum, cujus sedes olim erat in civitate Wellensi, & adhuc est, sed non principalis; ejus enim sedes principalis modo est Bathoniæ. Comitatus etiam Dommonie sive Devonie pertinet Westsaxonie provinciæ & similiter Cornubia, quæ nunc Cornugallia dicitur. In quibus Pagis quodam erant duo Episcopatus, unus in Crydyn-tone, alter apud Sanctum Germanum; nunc est unus, & est sedes ejus Exoniæ. Estanglia, quæ paruit Edmundo, continebat infra se Pagos, viz. Cantebryggensem; & est ibi Episcopus unus, cujus sedes est apud Ely; & Norfolkiam & Suthfolchiam; & est ibi Episcopus, cujus sedes est apud civitatem Northwycensem, quondam erat apud Helmham vel Tethford. Habuit etiam Edmundus sub dominio suo Estsexiam; quæ continet dimidiam Harthfordensis Pagi & Comitatum qui dicitur Estsexia; & habetur ibi Episcopus Londoniensis. Edmundus igitur in his provinciis dominabatur.

Cnuto vero tenuit provinciam Merciorum; quæ continet hos Pagos, viz. Gloucestersensem, Wygornensem, Warewycensem, & in his est Episcopus unus, cujus sedes est Wygornia. Sed ad Diocesim huius Episcopi non pertinet nisi dimidia pars Gloucestersensis Pagi. Continet etiam provincia Merciorum hos Pagos, viz. Cestrensem, Derbensensem, & Staffordenensem. In his est Episcopus unus, & habet partem Warewycensis & Shrovesbyriensis, & est sedes apud civitatem Legionum, quæ nunc Cestria dicitur, vel Coventriam, quondam erat apud Lychesfield, sicut est modo, sed non sedes principalis, prima enim sedes est apud Coventriam. Insuper continebat provincia Merciorum pagos, viz. Herefordensem, & habetur ibi Episcopus unus habens dimidium Pagum Shrovesbyriæ & partem Warewycensis & Gloucestriæ, possidens sedem in Herefordâ. Insuper Oxenfordensem, Bugyngensem, Hartfordensem, Huntendunensem, dimidiam Bedefordensis, Northamptonensem, Legecestrensem, Lyncolniensem; quos regit Episcopus, qui modo habet sedem Lyncolniæ, quondam habebat apud Dorkecestram; ut plenius habetur per Cestrensem in suo *Polichronicon*. Legecestrensis Pagus antiquitus pertinebat ad Diocesim Eboracensem; ut scribit Wilhelmus Malmesbyriensis *de Regibus* libro primo. Insuper provincia Merciorum continebat infra se Pagum Snotingenensem; cujus Christianitas pertinet ad Archiepiscopum Eboracensem. Olim enim habebatur proprius Episcopus, qui rexit ipsos duos Pagos Legecestrensem & Snotyngensem; cujus sedes erat in Legecestriâ. Hæc Wilhelmus ubi supra. In tempore enim istius Wilhelmi bene potest esse, quod tam Legecestrensis quam Snotyngensis Pagus ambo erant in Diocesi Eboracensi; modo tamen eorum Christianitas pertinet ad Ecclesiam Lyncolniensem. Hæ provinciæ pertinebant dominio Knutonis cum totâ Northanhumbriâ, quæ est ultra Humbram fluvium usque ad Scoticum mare. Erantque ibi, ut scribit Wilhelmus *de Regibus* libro primo, Archiepiscopus Eboracensis, Episcopus Hangustaldensis & Ripensis, Lyndisfarnensis, & Episcopus de Candidâ Casâ. Haugustaldensis & Ripensis defecerunt; Lyndisfarnensis translatus est in Dunelmum.

Rex Anglorum Edmundus Ferreum Latus dum iustis in regno quasi mansuetus & pius fuit, ac terribilis apparens iniustis; invidit ejus prosperitati proditor & iniquus dux Merciorum Edricus; & qualiter Regem proderet, immutabiliter cogitavit. Tandem Rege apud Oxoniam pernoctante, dum ad domum secretiorem ad exquisita naturæ diverteret, filius dicti Edrici patris instinctu in foveâ delitescens secretariâ, in nocte Sancti Andreæ Apostoli eundem regem cultello bis acuto inter celanda percussit, & eo lethaliter vulnerato inter viscera fugiens ferrum reliquit. Rex vero Edmundus sepultus est apud Glastoniam juxta avum suum Edgarum Regem pacificum. Planxitque eum universa Anglia nimis; quia ipso duce sperabat se posse ab oppressione Danicâ respirare. Hæc scribit Auctor in Flores Historiarum sub anno gratiæ MXVI. Wilhelmus Malmesbyriensis *de Regibus* lib. 2do. sic scribit: 'Fama Edricum infamat, quod favore alterius, sc. Knutonis mortem ei, i. e. Edmundo per ministros porrexit. Cubicularios Regis fuisse duos, quibus omnem vitam suam commiserat. Quos pollicitationibus illectos & primo immanitatem flagitii exhorrentes brevi complices suos effecisse. Ejus consilio ferreum uncum ad naturæ requisita sedenti in locis posterioribus ad egisse. Iste Edmundus habuit ex matre fratrem, nomine Edwynum; qui erat adolescens insignis probitatis, sed per proditorem Edricum jubente Knutone Rege à patriâ exulatus; ac postea clam in Angliam veniens apud Anglos secreto delituit, & sic defunctus apud Tavestokiam inter Monachos tumulatur. Edmundus ex Aldgythâ filiâ Sygeberty Comitis, qui erat natione Danus, habuit duos filios, viz. Edwynum & Edwardum; qui consilio



lio Edrici nequissimi Ducis missi sunt, jubente Knutone, ad Regem Swevorum, ut perimerentur. Sed misertus Rex eorum, misit eos ad Regem Hunnorum, i.e. Hungarorum. Qui benignè eos suscipiens, dum aliquanto tempore inibi morarentur, Edwynus senior frater diem clausit extremum. Junior frater, scil. Edwardus Agatham sororem Regina Hungarorum accepit in uxorem; ex quâ genuit Edgarum filium, Cristinam & Margaretam filias; de quibus postea dicetur in capitulo quarto libri sequentis. Habuit namque Rex Edmundus ex Emmâ Regina fratres Alfredum, & Edwardum; qui toto tempore, quo vixit Cnuto Rex, in Normanniâ tutas habuerunt latebras: Regnavit \* iste Rex Edmundus mensibus novem. Et sic finit tertius hujus operis liber.

\* Paria habet Rudburnus in *Historiâ Mæ-*  
*tori: Regnavit, inquit, mensibus IX. occisus*

*pridie Cal. Novembris.* Reliqui etiam *Histo-*  
*rici suffragantur.*

**LIBER**

LIBER IV.

CAPITULUM I.

De Rege Cnutone.

**P**ost necem Edmundi Regis inclyti Cnuto regnare cœpit in Angliâ anno viz. Dominicæ Incarnationis MXVII. & viginti annis regnavit. Injustè quidem regnum ingressus, sed magnâ civilitate, & fortitudine regnum illud gubernaverat. Primis diebus regnum in quatuor partitus, sibi Westfaxes, Edrico, de quo superius diximus, proditori Mercios, Turkillo Orientales Anglos, Iricio Northanhumbros. Iste Knuto, ut scribit Wilhelmus Malmesbyriensis *de Regibus* lib. 2do. primò interfectores Edmundi, qui ultrò spe ingentis præmii rem detulerant, apud se interim celatos magnâ frequentiâ populi produxit in medium; palamque genus insidiarum professos supplicio affecit. Quomodo dictum istud Wilhelmi Malmesbirienfi debeat intelligi, inferius in eodem cap. declarabitur. Eodemque anno, Edricus, quem indignè infamare non possum, jussu Regis arte quâ multos frequenter circumvenerat, ipse quoque circumventus putidum spiritum transmisit ad inferos. Nam nescio quâ simultate ortâ, dum asperius colloquerentur Knuto Rex & Edricus; Edricus fiduciâ meritorum beneficia Regi sua quasi amicabiliter improperans ait: Edmundum pro te primò diserui, post etiam ob fidelitatem tui extinxi. Quo dicto, Cnutonis facies immutata iram rubore prodidit. Et continuo prolata sententiâ, Merito igitur, inquit, & tu morieris; cum sis læsæ Majestatis reus in Deum, & in me; qui proprium Dominum mihi occideris foederatum! Sanguis tuus super caput tuum, eo quod misisti manum in proprium Dominum. Et mox ne tumultus fieret in populo, ibidem faucibus suffocatus in Thamenſe flumen per faneſtram præcipitatus est, quia proditiſionis ſuæ pœnam ſubire meruit talionem. De morte hujus proditoris Edrici quidam Chronicantes aliter ſcribunt. Dicunt namque, quod dolo & inſidiis Edrici interfecto Edmundo, ipſe ad Cnutonem veniens ſalutavit eum dicens: Ave Rex ſolus. Qui interrogatus à Rege Cnutone de cauſâ ſalutationis, ſe Regem Edmundum pro ipſius amore interfeciſſe [dixit] Quod cum Cnutoni Regi denudaſſet; reſpondit Rex dicens: Ego te hodie ob tanti obſequii meritum cunctis Proceribus regni (i) ſuperior erit & ſupremus. Juſſit ergo eum Rex Cnuto excapitari, & caput in ſtipite fixum ſuper turrim Londoniarum avibus exponi. Auctor verò de *Concordantiis* in iſto concordans cum Auctore in Flores *Historiarum*, recitat verba ipſius *Historiographi* ſub hâc formâ; *Sed ſive ſic, ſive aliter vitam finierit proditor Edricus, non multum ad rem pertinet; quia hoc liquide conſtat, quod ille, qui multos circumvenerat, tandem eſt juſto Dei judicio circumventus.* His ita geſtis, ut ait Auctor in Flores *Historiarum* ſub anno gratiæ MXVII. cum quo concordat Auctor de *Concordantiis Chronicorum*, ſub lit. E. ſtatuit Cnuto immutabiliter in animo ſuo omne genus regni gentis Anglorum perdere, vel exilio perenni eliminare, &c. *Vide Weſtmonaſterienſem ad annum 1017.*

(i) l. Reddam  
celſiorem. ex  
Florilego.

Habuit



Habuit namque ex Elgyvâ Reginâ suâ Elfelmi Comitis filiâ duos filios, Swanum, viz. & Haroldum; licet fama referat Cnutonem minimè eos generasse. Quidam verò dicunt Haroldum filium cujusdam Presbyteri in regno Daciæ; qui natus eâdem nocte, quâ Regina peperit, sed filio Reginæ mortuo, dum nasceretur, ipse Haroldus ad Reginam adductus pro filio Cnutonis admissus est; & sic non naturalis filius Cnutonis, sed putativus fuit iste Haroldus, secundum quosdam Chronicantes. Cnuto Rex in principio regni exosos habuit Anglos, antequam Emmam relictam Etheldredi Regis duceret in uxorem. *Sequuntur gesta Cnutonis in annis 1018, 1019, 1020, 1021, 1022, 1023, 1024. ex Florilego descripta.*

Iste Cnuto Rex vetus Monasterium Wyntonienſis civitatis tantâ munificentiâ decoravit; ut aurum & argentum, splendorque gemmarum animos intuentium terreret advenarum; ut scribit Auctor in Flores Historiarum sub anno gratiæ MXXV. Wilhelmus etiam Malmesbyrienſis *de Regibus*, lib. 2do. de munificentia Regis Cnutonis, quantum ad Ecclesiam Wyntonienſem, sic scribit. Ita omnia, quæ ipse & Antecessores sui deliquerant, corrigere satagens, prioris injustitiæ nævum apud Deum fortassis, & apud homines certè absterſit. Wyntonix maximè munificentix suæ magnificentiam ostendit; ubi tanta intulit, ut moles metallorum terreat advenarum animos, splendor gemmarum reverberet intuentium oculos. Hoc autem fecit Rex hortatu Emmæ Reginæ. Cauto anno quinto decimo regni sui Romam profectus est, &c. *Succedunt acta Cnutonis isthoc anno, & Epistola ejusdem Episcopis Angliæ ex urbe Romanâ scriptâ; quæ totidem verbis apud Malmesburienſem inveniuntur*, lib. 2. de Gestis Regum, cap. 11. f. 41. b. *ordine nonnihil diverso.*

Erant tunc in Angliâ summi & sapientissimi viri; quorum præcipuus Egelnodus Archiepiscopus Cantuarienſis post Livingum. Hic ex Decano, i.e. ex Præposito Monachorum in Ecclesiâ Christi Cantuariæ secundum auctorem *de Concordantiis Chronicantium* sub lit. E. summus Sacerdos effectus multa opera commendabilia memoriâ [digna] fecit. Regem ipsum Cnutonem auctoritate sanctitudinis in bonis actibus mulcens, in excessibus plurimum terrebatur. Sedem Archiepiscopatus Romæ præſens in pristinam dignitatem reparavit. Domum rediens apud Papiam brachium Sancti Augustini Doctoris centum talentis argenti & talento auri comparatum apud Coventriam misit; quod inter Monachos Ecclesiæ Cathedralis ipsius civitatis in magnâ veneratione habetur. Ejus etiam monitu Rex Cnuto ad transmarinas Ecclesias pecunias mittens, maximè Camorum ditavit: Ubi tunc florebat Fulbertus Episcopus, in sanctitate & philosophiâ nominatissimus. Qui inter cætera industriæ suæ documenta Ecclesiæ dominæ nostræ Sanctæ Mariæ, cujus fundamenta jecerat, summam manum mirifico effectu imposuit. Quam etiam pro posse honorificare studens, musicis modulationibus crebrò extulit. Quanto enim amore in honorem Virginis anhelaverit, poterit conjicere, qui cantus audierit cælestia vota sonantes. Extat inter cætera opuscula ejus Epistolarum volumen; in quarum unâ gratias agit Cnutoni Regi magnificentissimo, quod largitatis suæ viscera in expensas Ecclesiæ Carnotensis effuderit.

Cnuto Rex potentissimus à Româ veniens, contra Scotos rebellantes hostilem expeditionem duxit; & Malcolmum Regem cum duobus aliis Regibus levi negotio superavit. Hic Cnuto rex fuit Angliæ, Daciæ, Norwegiæ, & partis Sweviæ; habuitque sibi subditos Regem Scotiæ, omnes Reges Walliæ, viz. Regem Demeciæ, & Regem Venedociæ, & Reges omnium Insularum in procinctu Angliæ adjacentium. Et cum eleganter floreret in regnis potenter acquisitis; regalem cathedram in littore maris; ut quidam dicunt, Suthamptoniæ, & illud vult auctor *in Concordantiis Historiarum* sub literâ K. ascendenti statui fecit. Et in ea residens comminando mari dixit: Tu me conditionis es, & terra in quâ sedeo mea est, nec est in eâ quisquam, qui impune

pune meo resistere imperio ausus existat. Impero nunc tibi ne in terram meam ascendas, nec vestes meas regales inadefacere præsumas. Sed mare de more ascendens non præceptis ejus obtemperans, pedes Regis & crura sine reverentiâ inadefecit. Rex igitur ferè nimis tarde exiliens ait: Sciant omnes habitatores orbis variam esse & frivolum Regum potentiam, nec Regis nomine quempiam fore dignum præter eum, cujus nutu Cælum, Terra, & Mare, cum omnibus quæ in eis sunt, legibus obediunt sempiternis. Rex quoque deinceps Cnuto nunquam coronam portavit; sed coronam suam super caput imaginis Crucifixi, quæ stat in fronte summi Altaris in Ecclesiâ Cathedrali Wyntoniæ, componens, magnum Regibus futuris præbuit humilitatis exemplum; ut scribit Auctor in *Concordantiis Historiarum* sub literâ K. Iste Rex Knuto Anglorum, Danorum, & Norwegenſium cum dimidio Sweciæ, filium suum ex Elgyvâ Swanum super Norwegenſes Regem constituit; atque filium suum Hardecanutum ex Emmâ Normannicâ susceptum in Regem Danorum coronari fecit anno gratiæ MXXXV. & sic ad Angliam remeavit.

Iste Rex invictissimus Cnuto decimo octavo anno regni sui, anno viz. Dominicæ Incarnationis MXXXIII. post decessum Ethelwoldi † Wyntoniensis Episcopi eidem Ecclesiæ Alwynum virum præclari generis ex Monacho ejusdem Monasterii ordinavit Antistitem. Iste Alwynus cognatus erat Emmæ Reginae, cujus custodiæ pater Emmæ Ricardus primus Dux Normannorum ipsam deputavit, quum misit filiam eam in Angliam Etheldredo Regi in matrimonium copulandam. Quem Alwynum Rex Etheldredus in ducem constituit Suthamptoniensis provinciæ; qui sub Rege Etheldredo multo tempore strenuissimè contra Danos & Paganos militabat, & defensor patriæ extitit invictissimus; ut scribit Auctor in *Concordantiis Historiarum* sub literâ A. Postmodum verò Alwynus eligens potius sub æterno quàm terreno Rege militare, factâ concordiam inter Edmundum Regem cognomento Ferreum latus, barbaricè sive Anglicè Irensyde, & Regem Danorum Cnutonem, in propriâ provinciâ, cujus dux & comes erat, militaribus renunciâns, Monachus effectus est, viz. in Ecclesiâ Wyntoniensi, habitum Monachalem ob reverentiam alti sanguinis & Regiæ affinitatis dante Ethelwoldo Wyntoniensi Antistite, ac in Monachum ipsum consecrante, i. e. benedicente. In quâ Ecclesiâ aliquanto tempore elapso in æditum Ecclesiæ i. Sacristam assumptus est, ac postmodum anno Monachatus sui nono decimo, ut diximus, per Cnutonem Regem, & hoc mediante Emmâ Reginâ, in Episcopum ordinatus est. Iste venerabilis pater Alwynus quia amore nimis consanguineorum favebat in omnibus Emmæ Reginae, diffamatus est cum ipsâ Reginâ Emmâ, quæ mater erat Sancti Edwardi Regis & Confessoris, apud ipsum sanctissimum Regem Edwardum sub hac formâ.

Gloriosus ac sanctissimus Rex Edwardus in Angliam veniens coronandus, inter alios nobiles Normannorum Clericum quendam nomine Robertum secum adduxit; quem defuncto Cantuariensi Archiepiscopo, i. e. Primate totius Angliæ, promovit. Qui in Archiepiscopum sublimatus, scandalum, de quo dolendum erat, contra Emmam Reginam & istum Alwynum Episcopum Wyntoniensem proposuit in tribus, viz. de consensu in mortem filii sui Alfredi, & quòd laboraret ad impediendum ne regnaret Edwardus, & de consensu turpitudinis cum Alwyno Episcopo. Super quâ diffamatione præcipiente Rege Archiepiscopus Robertus Synodum congregavit; de consilio

† Ethelwoldi nomen pro Alfino sive Elſio perperam irrepsit. Ethelwoldo enim Alfinum, Alfino Alwynum successisse ex pluribus Historicis supra observavimus; idque ipse Rudburnus ad annos 1012. & 1015. perhibuit.



fratrum, quid agendum sit, inquit. Decretumque tale ex ore Archiepiscopi personuit; quod Emma mater Regis nudis pedibus super novem vomeres igne candentes incederet coram clero & populo in choro Cathedralis Ecclesie Wyntonienſis: Et si pœnam aliquam aduſtionis non sentiret, immunis foret à crimine; sin autem, pœnam persolveret graviorem. Huic decreto consentiente Clero, statuitur dies, quo sententia Synodi fortiretur effectum. Quid multa? Adducta Regina & mater Regis de Monasterio Warewellæ, in quo vitam artam spoliata dotibus & possessionibus suis à filio suo duxerat, pervenit Wyntoniam. Totâ verò nocte examinationis suæ diem præcedente cum precibus & lachrymis pro superni omnipotentisque juvamine, tumbam visitabat Sancti Swythuni. Tandem necessitate naturæ oppressa paululum obdormivit. Soporì dedita videt Dei Antistitem Sanctum Swythunum sibi assistentem, taliterque alloquentem: Constans esto filia; ego sum Swythunus, quem invocas. Sententiam tuæ condemnationis ne paveas. Cum pertransieris per ignem, flamma non nocebit te. Culpam verò hanc in te commissam dimittes filio tuo. Illucescente die scopatur pavementum Ecclesie, & novem vomeres ponuntur in ordine. Clerus adest & populus. Rege sedente in choro pro tribunali, producit mater, sicque filium exorsa est: Domine inquit, & fili, Ego illa Emma, quæ te genui, pro te de tuis impetita de crimine in te & Alfredum filios meos, & de consensu turpitudinis & prodicionis cum hujus sedis Episcopo, invoco hodie Deum in testem in corpus meum, ut peream, si quid horum, quæ mihi imposita sunt, vel mente conceperim. Benedictis igitur vomeribus discalciatur Regina, subtractis caligis, deposito peplo, rejectâ clamyde, succincta à duobus Episcopis. Hinc inde deducitur Christi famula ad pœnam, flentibus ipsam ducentibus; animabant tamen eam, ne timeret. Resonat vox ab ore omnium per Ecclesiam permixtis fletibus. *Sancte Swythune, Sancte Swythune, tu illam adjuva.* Tantis viribus acclamabatur in cœlum; ut Sanctus Swythunus vel tunc vel nunquam festinanter accederet. Deus vim patitur, & servus suus Sanctus Swythunus quasi violenter extrahitur à cœlo. Emma verò corde tacito sine clamore, elevatis sursum oculis, nullam mamphoram sive pannum ante oculos habens, Episcopis pedes ejus dirigentibus, super novem vomeres novem passus faciens, & singulos eorum totius corporis pleno premens pondere, consimilem ad Deum obtulit orationem. *Deus qui liberâsti Susannam de senibus iniquis, qui liberâsti tres pueros de camino ignis, tu de incendio mihi parato per merita Sancti Swythuni me liberare digneris.* Sic omnes supergressa vomeres, nec ferrum vidit, nec sensit incendium. Unde & dixit Episcopis: Num quid non quod maximè petieram obtinebo? Quare a vobis ducor extra Ecclesiam, quæ in Ecclesiâ examinari debueram? Erat enim procedens ulterius; & nondum sciebat, quod sic examen injunctum consummâſſet. Cui Episcopi singultiendo, prout poterant, responderunt: Domina, inquit, nostra, respice, jam fecisti; jam completum est id, quod complendum existimas. Respexit, & jam aperti sunt oculi ejus; & tunc primò vidit ferrum, & intellexit miraculum. Ducite me, inquit, ad filium meum; ut videat pedes meos & sciat, quia nihil mali passa sum. Reversi Episcopi cum Regina invenerunt filium ejus Edwardum operto capite prostratum in terrâ; jamque ei pro miseratione verba defecerant, quia erumpebant uberius lachrymæ, & non poterat se continere. Qui cum elevatus rem ex integro cognovisset; procidit ille sanctissimus filius ad pedes matris, veniam postulans, & dicens: Mater peccavi in cœlum & in te, jam non sum dignus vocari filius tuus. Et vocato ad Regem Alwyno Episcopo, qui non federat in ordine Episcoporum, Rex veniam cum lacrymis postulavit, & obtinuit; & virgis cæsus à matre & à singulis Episcoporum, per manum enim flentis matris accepit tres ictus cum virgâ; & sic datis osculis & receptis Rex illos in gratiam

& illi Regem in veneratione receperunt. Et redditum est Reginae & Episcopo, quicquid illis sublatum fuerat. Archiepiscopus vero Robertus audiens Reginam Emmam cum Episcopo ita miraculose esse purgatam, discessit continuo in Normanniam; ibique expectans, donec à Rege, Regina, & Episcopo donum reconciliationis percipere mereretur; quod & postmodum granter obtinuit. Pro quo miraculo Wyntonienſi Eccleſiæ & Monachos inibi Domino ſervientibus XXI. dantur Maneria; ex dono Regis tres, viz. Portland, Wykhelewelle, & Waymthe. Ex dono Reginae Emmae novem, viz. Brandesbury, Bergefeld, Fyſhyde, Hoghtone, Mychelmeryſhe, Ivyngheo, Wycombe, Weregravys, & Haylynge. Ex dono Episcopi novem maneria, viz. Storcham, Eſtmeone, Weſtmeone, Hentone, Wytneye, Yelynge, Mylbroke, Polhampton, & Hodyngtone. Novem vero hi vomeres in occidentali parte clauſtri Wyntonienſis Eccleſiæ erant humati. Rex ſanctiſſimus Edwardus magnis poſt hæc in vitâ ſuâ cœpit coruſcare miraculis.

Per ſingulos te Chriſte dies benedicimus omnes.  
Laudamus nomenque tuum per ſæcula ſæcli.  
Sit jugiter noſtro laus & benediſtio Chriſto. } Amen.

Alwynus Præſul || ſedit in Cathedrâ Wyntonienſi XV. annis; & tunc morti obediens, ſepultus eſt in propriâ Eccleſiâ. In deceſſu vero ſuo contulit Wyntonienſi Eccleſiæ mille & quingentas libras ſterlingorum abſque aliis jocalibus pretioſis.

Cnuto Rex potentiffimus anno gratiæ MXXXV. à Dennemarchiâ in Angliam veniens, cum regnaſſet ſuper Anglos annis viginti, pridie Idus Novembris apud Septoniam diem clauſit \* extremum, & apud Wyntoniam in Veteri Monaſterio ſepelitur more regio, ut condecet; cujus anima gloriâ perfruatur æternâ. Rex Cnuto Monaſterium Sancti Edmundi Regis & Martyris ab Alfwyno Orientalium Anglorum Episcopo fundatum replevit Monachis anno gratiæ MXX. ut referunt Radulphus de Dyceto in *Chronicâ* ſuâ, & Wilhelmus Malmesbyrienſis de *Pontificibus* lib. 2do. & etiam de hoc dictum eſt ſupra. Iſte Rex Cnuto Abbatiam Sancti Benedicti de Hulme fundavit, Monachosque ibidem ſub regulâ Sancti Benedicti degentes collocavit anno gratiæ MXXXI. ut refert Radulphus de Dyceto in *Chronicâ* ſuâ.

## CAPITULUM II.

De Haroldo Rege dicto Harefoot five Harewode, filio Knutonis.

**D**Eſuncto Cnutone Rege potentiffimo, convenerunt apud Oxoniam ad colloquium procures Regni; ut de novo Rege creando tractarent ibidem. *Sequuntur geſta annorum 1035, & 1036. ex Weſtmonaſterienſi deſcripta.*

Haroldus Rex cum regnaſſet † annis quatuor & dimidio, apud Oxoniam deſunctus eſt, & apud Weſtmonaſterium ſepultus. Iſte Haroldus nil boni egit quamdiu regnaſſet.

|| Ab anno ſcilicet 1032 ad 1047. quo deſunctus obiit; prout Florilegus, Hovedenus, & alii produnt.

\* Rectè: obiit enim 1035. pridie Idus Novembris feriâ 4. Sic Florentius; ut Weſtmonaſterienſem & alios mittam. Rudburnus

in *Historiâ Minori* Canutum annis 18. regnaſſe, anno 1036. obiſſe ſcripſerat.

† Regnavit annis tribus cum dimidio; obiit anno MXL. Sic Rudburnus in *Historiâ Minori*. Annis quatuor, menſibusque totidem; inquit Wilhelmus Malmſburienſis. Rectius iſte.



## CAPITULUM III.

## De Hardeknuto Rege &amp; filio Cnutonis.

**P**ost mortem Haroldi Regis nequissimi Proceres tam Anglorum quam Danorum in unam concordantes sententiam, miserunt Legatos ad Breges in Flandriam ad Regem Daciæ Hardekanutum, qui cum matre suâ ibidem morabatur; rogantes ut ad Angliam veniret regni diadema suscepturus. Qui consiliis magnatum illico adquiescens, æstate mediâ venit in Angliam; & grater ab omnibus susceptus, ab Eadsio Cantuariensi Archiepiscopo in Regem est consecratus, &c. *Gesta Haroldi Rudburnus ex Florilego verbatim descripsit.*

Idem Rex VI. Idus Junii spiritum exhalavit; cum regnâset || duobus annis; & apud Wyntoniam in Veteri Monasterio juxta patrem suum Knutonem sepulturam accepit.

## CAPITULUM IV.

## De Sancto Edwardo Rege &amp; Confessore, filio Etheldredi Regis.

**V**iam universæ carnis ingresso Hardekanuto Rege, frater ejus Edwardus annuente Clero & populo Londoniis in Regem eligitur, & ab Archiepiscopis Cantuariensi Eadsio & Eboracensi Alfrico cum sibi subjectis Episcopis die Paschæ in Regem apud Wyntoniam consecratur. Rex Edwardus statim ut in Regem fuerat coronatus, Emmæ Reginae matri suæ, quæ tunc apud Wyntoniam degebat, quicquid habuit in auro & argento & rebus pretiosis ei abstulit; eo quod antequam Rex esset, nihil illi dederat quod petebat. Sed tamen præcepit sufficienter necessaria ei ministrari; & illam mandavit ibidem quietè demorari; ut ait Auctor in Flores Historiarum sub anno gratiæ MXLII. Et post hoc grave scandalum imponitur Emmæ Reginae & Alwyno Episcopo Wyntonienfi, mediante Roberto Cantuariensi Archiepiscopo; de quo supra fecimus mentionem capit. 1mo. Anno VI hujus Principis Edwardi obiit Alwynus Wyntonienfis Præful, viz. anno gratiæ MXLVII. Et anno gratiæ MXLIX. Rex Edwardus misit Legatos ad sedem Apostolicam; ut à voto, quod fecerat, absolveretur. Voverat enim ire Romam; si regna paterna eum adipisci contingeret. Quem Papa à voto penitus absolvens ei rescripsit, sub nomine sanctæ obedientiæ & pœnitentiæ firmiter injungendo; ut expensas quas ad iter paraverat, pauperibus erogaret, & Cœnobium Monachorum in honorem Sancti Petri Apostolorum principis aut novum construeret, aut vetustam emendaret, aut augeret, & sic sufficientia victualia fratribus de suis redditibus constitueret. Cui loco quicquid conferret vel collocatum esset, vel ab aliis conferendum fuisset, ut ratum esset Apostolicâ auctoritate præcepit; & quæcunque ibi privilegia instituere voluisset ad honorem Dei pertinentia concessit, & robustissimâ auctoritate confirmavit, & infractores eorum æternâ maledictione damnavit. Revertentibus itaque in

|| *Regnavit annis II. mens X. diebus.* | tē anno 1042. 6. Id. Junii, feriâ tertiâ.  
Rudburnus in *Historiâ Minori*. Obiit cer-

Angliam

Angliam nunciis, revelavit beatus Petrus cuidam probabilis vitæ Monacho incluso nomine Wlino voluntatem suam, ut restitueretur locus, qui dicebatur Westmonasterium. Cumque visionem Regi suisque retulisset; Rex totius regni consilio locum prædictum restruxit, & possessionibus, redditibus & libertatibus largifluis ampliavit. Ut scribit enim Johannes in *Historiâ Aurâ* sub anno gratiæ 1043. tempore quo Rex Cantia Ethelbyrtus prædicante beato Augustino fidem suscepit, nepos ejus Sebertus, qui Orientalibus (k) Anglis præfuit, fidem eodem Episcopo Evangelizante suscepit. Hic in Londoniâ, quæ regni sui caput habebatur, fundavit Ecclesiam beati Pauli Londoniæ, & Monachos inibi instituit; & Episcopali honore Mellitum Episcopum constituens honoravit. Extra muros verò in occidentali parte in honorem beati Petri Monasterium insigne fundavit & multis possessionibus ditavit. Quem locum per barbaros Danos & Paganos longo tempore destructum sanctus Rex & Confessor Edwardus factâ revelatione prædictâ in Monachorum habitaculum reparavit, ædificiis sublimavit, possessionibus ampliavit.

Quia verò fit hic quædam mentio de quodam scandalo imposito Emmæ Regina & Alwyno Wyntonienfi Pontifici, de quo scandalo qualiter fuerit purgatio facta per miraculum à Deo ostensum meritis beati Swythuni Episcopi, ac Wyntonienfis Ecclesiæ specialissimi patroni, sub compendio dictum est supra cap. 1mo. Et quia omissum est in illo capitulo declarare de illo Roberto Clerico egregio, qualis esset cujusve dignitatis; quia, ut videtur, vellent verba miraculi aliquantulum sonare, quod Archiepiscopus esset Cantuariæ, quum scandalum illud imposuit, quod non erat verum; ideo hic qualiter intelligendum sit, quod ibi dictum est, declarare intendimus ut verius est desiderantibus innotescere. Robertus iste vir magnæ erat literaturæ, alti ingenii consiliique, & Monachus Abbatia Gemeticensis in Normanniâ; qui in omnibus favebat & fovebat Alfredum & Edwardum fratres in eorum exilii discrimine. Propterea Edwardus, ut gratissimi viri est addere beneficia beneficiis, quia ut ait Seneca 30. de beneficiis, *Ingratus est, qui dissimulat; ingratus est, qui non reddit; ingratus omnium, qui oblitus est.* Propterea nutricium suum in exilio proposuit in gradum & dignitatem pontificatus promoveri. Veniens igitur Edwardus ut in Regem Angliæ coronaretur, istum Robertum secum adduxit; qui propter antiquum amorem primas partes, & aliis magnatibus præferri in conciliis regalibus vindicabat; ita quod secundum Wilhelmum Malmesbyriensem de *Pontificibus* libro primo, quoscunque vellet deponere, deponeret, & quoscunque ei placaret, ut exaltarentur, juxta ipsius voluntatem, nemine palam contradicente quamvis murmurante, sublimaret. Omnia enim regni negotia Rex per ipsum Robertum disponebat; nec sine ipsius consilio, vel consensu aliquid agere licebat. Quia verò Alwynus Præsul Wyntonienfis suis factis parere nollet, quemadmodum nec Godwynus dux Cantia neque filii ejus, neque sicut cæteri Magnates ei locum adulationis præbere; excogitabat, qualiter ipsum Alwynum pontificem, quomodo Godwynum ducem & duos filios suos de proditoris notâ apud Regem accusaret, & sic eum Angliâ expelleret. Misit denique Diabolus in cor ejus & mentem ipsius, ut accusatâ Reginâ Emmâ & matre Sancti Edwardi Regis de casibus capitulo primo prænotatis, & ipse Alwynus pontifex criminis particeps fieret. Causa enim præcipua inter alios & incentivum ipsius callidæ machinationis erat, quia ipsa Regina Emma in Monasterio veteri Wyntonie degens inter Monachos ipsum Episcopum Alwynum ut proximiorum consanguineum solatium & solamen permaximum suæ viduitatis habebat. Quod enim dicitur in miraculo, quod Robertus iste in Archiepiscopum sublimatus scandalum proposuit contra Emmam Reginam & Wyntoniensem Episcopum Alwynum; non sic intelligitur, quod pro tunc erat Archiepiscopus, sed quia tempore illo propterea quod Edsius Archiepiscopus



copus Cantuariæ, qui coronavit Sanctum Edwardum Confessorem in Regem, impotens erat, curam Archiepiscopatus sui tam in spiritualibus quam in temporalibus commisit, Vicarius Archiepiscopi extiterat; & in plerisque Chronicis in diversis locis Vicarii Archiepiscoporum sive Episcoporum, dummodo funguntur suis officiis, appellantur Archiepiscopi sive Episcopi. Et ad confirmationem hujus dicti unum Historiographum inter alios adducam in medium. Auctor in Flores Historiarum sub anno gratiæ 1043. agens de his, quæ acta sunt anno secundo regni sanctissimi Regis Edwardi inter cætera de Edsio Cantuariensi Archiepiscopo sic scribit. *Edsius Cantuariensis Archiepiscopus infirmitate gravi detentus*. i. impotens ad regendum Episcopatum propter sensus & membrorum corporis debilitatem, *Episcopatum dimisit*, non renunciando Præfultui, sed committendo Coadjutori, qui vicarius ejus erat: *In loco cujus Siwardus est Archiepiscopus creatus*, i. e. Vicarius effectus. Hæc expositio habetur per Auctorem *de Concordantiis Historiarum Angliæ*, sub literis E & S. Et idem Auctor in Flores Historiarum sub anno gratiæ 1050. agens de his, quæ gesta sunt anno nono regni Sancti Edwardi Regis & Confessoris, dicit sic inter cætera: *Hoc defuncti sunt Episcopi Ednothus Dorcestrensis & Sywardus \* Roffensis, & Vicarius olim Edsii Cantuariensis Archiepiscopi*. Sic enim post depositionem Siwardi ab officio Vicariatûs Cantuariensis Archiepiscopatus Robertus prædictus succedens in officium ejusdem vicariatûs, non in Archiepiscopatus dignitatem, crimina permaxima & enormia proposuit contra Emmam Reginam & Alwynum Wyntoniensem Præfulem; & ipse primus in Synodo congregatâ nomine & vice Archiepiscopi sententiam dedit supradictam in cap. 1mo. hujus libri, pro purgatione Emmæ Reginæ & Alwyni Episcopi. Cujus sententiæ paruerunt omnes Episcopi & Clerici in Synodo existentes; timentes quid eis accideret si in aliquo contradicerent; timebant enim eum valde. Et istud sentit Auctor *de Concordantiis Historiarum Angliæ*, sub literis E, S & R. Item quodd Siwardus supradictus non erat Archiepiscopus, sed Vicarius Edsii Cantuariensis Archiepiscopi; Wilhelmus Malmesbyriensis *de Pontificibus* libro ostendit, ubi dicit, quodd *Edsius Archiepiscopus incurabili morbo detentus, volens adhuc in humanis existens potestati decedere, & apud Regem impetrare, ut Siwardus Abendonienfis ei succederet, ipso vivente, quia ejus Vicarius erat; quia satis notum erat Regi Edwardo, quodd in officio vicariæ ingratus valde erat Siwardus Domino suo Edsio Cantuariensi Præsuli, defraudans infirmum Archipræsulem necessario victu; noluit Archiepiscopi postulationibus acquiescere; sed amoto Sywardo Abbate Abendonienfi ab officio Vicariatûs, datoque ei Episcopatu Roffensi, successit in vicariatum prædictus Robertus Monachus Gemeticensis; ut vult Wilhelmus Malmesbyriensis de Pontificibus libro primo.*

Sentiens verò Robertus iste Vicarius Archiepiscopi Emmam Reginam cum Episcopo Alwyno miraculosè [liberatam] ut declaratum est in 1mo. cap. hujus libri, transfretavit in Normanniam expectans reconciliationem; quam postmodum gratiosè à Rege, Reginâ matre Regis, & Episcopo Wyntonienfi Alwyno impetravit. Impetratâ verò reconciliatione in Angliam rediens, dedit ei Rex, post decessum Elfwordi Londoniensis Episcopi, ejusdem sedis Præfultum; qui prius Monachus erat, ut dictum est, Gemeticensis. Et postea mortuo Edsio Cantuariensi Archiepiscopo, eidem successit Robertus iste, quem in manu habemus, non plurimis annis ibi sedens. Duobus tan-

\* Vox *Roffensis* apud Florilegum neque in editis nec in manuscriptis exemplaribus occurrit. Addidit id Rudburnus ex Malmesburiensi. Istum autem hallucinatum esse, & Siwardum Episcopum Roffensem longè alium fuisse à Siwardo Edsii vicario supra demonstravimus in Dissertatione *de verâ successione Archiepiscoporum Cantuariensium*, pag. 107.

tummodò annis Archiepiscopatum rexit. In secundo enim Pontificatùs sui anno Romam ivit; à quâ veniens in Normanniam apud Gemeticum sive Gemegium finem vitæ invenit, ubi & requiescit. Anno Domini MLI. & anno regni sui decimo Edwardus Rex à vectigali gravissimo Anglos absolvit, &c. *Succedunt gesta anni 1051. ex Florilego.*

Anno regni Regis Edwardi undecimo & anno dominicæ Incarnationis MLII. Emma Regina uxor Regum Angliæ Etheldredi & Cnutonis, & mater Regum Angliæ Hardecanuti & Sancti Edwardi, obiit; & Wyntoniam in veteri Monasterio, quod plurimum adamavit, summo cum honore traditur sepulturæ. Per idem tempus Rex Wallensium Griffinus, &c. *Dein invasionem Godwini Comitis & alia hujus anni ex Westmonasteriensi refert.*

Robertus Cantuariensis Archiepiscopus, de quo supra mentionem fecimus, & Wilhelmus Præsul Londoniensis cum Ulf Antistite Dorkecestrensi & suis Normannis vix evadentes, mare transierunt. Sed non multò post Wilhelmus propter bonitatem suam revocatus, in suum restituitur Præsulatum, Roberto verò Cantuariensi Archiepiscopo in transmarinis agente partibus, Stigandus, qui quondam Helmhamensi sive Teorfordensi Episcopatu dimisso, STIGANDUS. sublimiorem gradum meditatus, Wyntonensem invaserat Episcopatum, nunc Regis Edwardi simplicitatem circumveniens, vivente Roberto Cantuariensi Archiepiscopo ipsius Angliæ Metropolis pro tunc obtinuit dignitatem. Qualiter Cantuariensis Ecclesia nomen perdidit Metropolis, dicetur infra in proximo libro sub tempore Wilhelmi Conquestoris.

Anno gratiæ MLIII. & anno regni Regis Edwardi duodecimo, frater Griffini Regis Wallanorum Rees nomine in loco qui Bulendune dicitur, occisus est; & caput ejus Regi Edwardo in vigiliâ Epiphaniæ apud Gloveriam præsentatur. Et anno sequente, viz. anno regni Regis Edwardi tertio decimo, Edwardus Paschalem solemnitatem apud Wyntoniam celebravit. Rege igitur in hac solemnitate ad mensam sedente, cum Pincerna ejus ciphum regium vino plenum mensâ tenus gestaret; pedem unum ad domûs pavimentum offendit, sed altero sese pede recolligens casum evasit. Quod videns Comes Godewynus ac *(l)* gener Regis, qui de more Regi prandenti assidebat (l) I. Socer. ait: Hic frater fratri auxilium fecit. Ad quem ironice loquens respondit Rex Edwardus dicens: Frater meus mihi modò possit auxiliari, ni fuissent insidiæ Godewyni. Quod verbum Regis Godewynus nimis moleste ferens, respondit: Scio Rex, inquit, scio, quia de morte fratris tui Alfredi me habes suspectum; sed Deus, qui verax & justus est, hanc quam teneo panis buccellam non permittat guttur meum sine suffocatione transire; si unquam frater tuus per me aut per consilium meum morti propior & à vitâ remotior fuerit. Et hoc dicto Rex buccellam benedixit; quam in os ejus mittens Godewynus sibi malè conscius ab illâ suffocatur. Quidam dicunt, quòd Episcopus Wigorniensis Sanctus Ulfstanus panem illum benedixit. Godewynum sic exanimem Rex videns & pallentem; extrahite inquit hunc canem, hunc & proditorem, & in quadrevio illum sepelite; indignus enim est, ut Christianam se habere gaudeat sepulturam. Quod videntes filii ejus, qui affuerunt, extraxerunt patrem de mensâ; & Rege ignorante in veteri Monasterio Wyntoniam sepelierunt eum. Tunc Rex Edwardus dedit Ducatum ejus Haroldo filio suo, &c. *Reliqua hujus & sequentis anni, annorum itidem 1057, & 1059. quare apud Florilegum.*

*Verba Florilegi ad annum 1059. extrema Rudburnus sic persequitur.* Addunt autem aliter alii, viz. quòd Haroldus à Rege Edwardo fuerit ad hoc in Normanniam missus, ut Ducem Wilhelmum in Angliam conduceret, quem idem Rex hæredem sibi constituere cogitavit. Sic verò scribentibus non consentit Wilhelmus Malmsbiriensis, veluti recitat ipse libro 2do. de Regibus. Auctor etiam de Concordantiis Historiarum Angliæ sub literâ H. dicit non posse stare quòd



quod Rex Edwardus mitteret Haroldum ad Wilhelmum Ducem Normannorum, ut eum constitueret in hæredem Angliæ, ex quo rei veritas sonat; quod ut superius recitatur, Edwardus pronus in senium, quia ipse non susceperat liberos, & Gowyni videret invalescere filios, ut scribit Wilhelmus Malmsbiriensis *de Regibus* libro 2do. misit ad Regem Hunnorum, i. e. Hungarorum, ut filium fratris Edmundi Ironside Edwardum cum omni familiâ suâ mitteret: Futurum ut aut ille aut filii sui succedant regno hæreditario Angliæ. Cum non multo post adventum in Angliam mortuo Edwardo, Edgarus filius Edwardi, in quantum Sanctus Edwardus Rex poterat, hæres Angliæ constituitur. Propterea Anglico vocabulo Edgar Athelyng, quod sonat *filius Regis*, dicebatur. Godewynus pater istius Haroldi, ut scribit Wilhelmus Malmsbiriensis *de Regibus* lib. 2do. primis annis sororem Cnutonis Regis habuit in uxorem, &c. *Pergit narrare sobolem Godwini à binis uxoribus susceptam; verba Wilhelmi mutuatus* ex lib. 2. de Gestis Regum, cap. 13. f. 4. lin. 46.

Anno regni Regis Edwardi nonodecimo, & anno gratiæ MLX. Kynsius Eboracensis Archiepiscopus humanæ naturæ debitum solvit; cui successit Aldredus Wygorniensis Episcopus; cui etiam propter suam industriam commissus fuerat Herefordensis Præsulatus. Hic Aldredus ex Monacho veteris cœnobii Wyntoniæ factus est Episcopus Wygorniensis. Qui verò Aldredus anno sequenti, viz. anno vicesimo regni Regis Edwardi, & anno gratiæ MLXI. cum Tostio Comite Romam perrexit, & à Papâ Nicolas pallium suscepit, &c. *Dehinc Rudburnus Florilegum verbatim describit usque ad obitum Edwardi Regis, omittis duntaxat S. Oswini Regis miraculis.*

Hæc Auctor in Flores Historiarum sub anno gratiæ MLXVI. Wilhelmus Malmsbyriensis *de Regibus* lib. 2do. ita dicit, sic loquens de hoc vaticinio: Nullus, inquit, hodie Anglus vel dux vel pontifex vel Abbas; advenæ quique divitias & viscera corrodunt Angliæ; nec ulla spes est finiendæ miseriæ. Pacificus igitur Rex Edwardus Anglorum decus, Regis Etheldredi filius, postquam viginti quatuor annis regnâset, in vigiliâ Epiphaniæ Domini feriâ quintâ pro regno temporali commutavit æternum. Defunctus autem Rex sanctissimus in crastino sepultus est Londoniæ in Ecclesiâ quam ipse novo compositionis genere construxerat. In hoc denique Rege linea regum Angliæ i. progenies Regum Westsaxonum, à quibus incœpit Monarchia Angliæ, defecit; quæ à Cerdico sive Cerdicio primò Westsaxonum Rege ex Anglis quingentis septuaginta uno annis non legitur interrupta, ab Egbyrto Rege ducentis sexaginta & uno annis, præter paucos Danos, qui peccatis exigentibus gentis Anglorum aliquamdiu regnaverunt. Insignis iste Edwardus Rex miraculis & prophetiæ spiritu claruit. In exactionibus vestigalium parcus, quippe qui & exactores execraretur. In cibis & potibus regalis luxûs immunis. In præcipuis festivitatis, quamvis amiciretur vestibus auro intextis, quas Regina sumptuosissimè elaboraverat, ita temperans erat; ut nec Majestati suæ deesset, nec tamen supercilium attolleret, magis Dei de his munificentiam quàm mundialem gloriam mente versans. Unum erat, quo in hoc seculo animum oblectaret suum, cursu canum velocium, quorum circa saltus latratibus solebat lætus applaudere; volatu volucrum, quorum natura est de cognitis avibus prædas agere. Ad hæc exercitia continuis diebus post audita manè divina officia intendebat. Cætera vir Deo voluntariè deditus inter regni negotia vivebat, ut Angelus, pauperibus hospitibusque maximè transmarinis, & religiosis Monachis benignus applaudendo, munificus dando, & ad illorum sanctitatem Monachos suæ patriæ invitando. Erat discretæ proceritatis, barbâ & capillis cygneus, facie roseus, toto corpore lacteus, membrorum habitudine commodâ peridoneus. Hæc Wilhelmus Malmsbyriensis *de Regibus* lib. 2do. De miraculis quibusdam istius sanctissimi

mi Regis Edwardi recitat Wilhelmus Malmesbyriensis de Regibus lib. 2do. & etiam Auctor in Flores Historiarum; nec non habentur ipsa miracula in Vitâ ejusdem Regis, &c. *Succedunt miracula S. Edwardi Regis ex Wilhelmo lib. 2. cap. 13. f. 51. & Florilego ad annum 1066. deprompta.*

Auctor in Flores Historiarum addit de munditiâ corporis & castitate Regis Edwardi, sub hâc formâ procedens. Hoc autem de Rege sanctissimo Edwardo non est tacendum; quod nec propriam læserit aliquando carnis munditiam, nec alicujus mulieris pudicitiam. Habuit tamen Reginam Godewyni Comitis filiam nomine Edytham; in cujus pectore omnium liberalium artium repositum est magisterium, sed modicum in rebus sæcularibus exercebat vel offendeat ingenium. Hanc quoque Rex ut conjugem tali arte tractavit; quod nec thoro removet, nec eam virili more carnaliter cognovit. Quod utrum patris illius, qui proditor convictus erat, & familiæ ejus odio, quod prudenter pro tempore dissimulabat; an amore castitatis id fecerit; incertum est aliquibus, qui in dubiis sinistra interpretantur. Veruntamen non benevoli, & veritati, ut videtur, dissoni dicere præsumunt; quod Rex charitatis & pacis munere ditatus, de genere proditoris hæredes, qui sibi succederent, corrupto semine noluerit procreare. Sciebat enim Rex pacificus, quod filia nihil criminis commisit cum patre proditore, & ideo non respuit thorum virginis; sed ambo unanimi assensu castitatem voverunt, parilique voluntate; ut scribit Auctor *de Concordantiis Chronicorum* sub literâ E. Neminem qui est ista perlecturus de Sancto Edwardo Rege & Confessore, quia ego Wyntonienſis Ecclesiæ Monachus sum, tædeat; quæ ideo scripsi, quia ut verum fatear, non delirant scribentes; immò & Ecclesiæ Wentanæ civitatis extiterat specialissimus benefactor & fundator. Præter enim illa, quæ suprà memoriæ commendavimus cap. 1mo. dona largiflua Veteri Monasterio Wyntonie contulerat, unum est, quod privilegium quoddam vocatum *God be gete*, dedit ita liberum, veluti lingua poterit enarrare, vel mens præcogitare humana:

## C A P I T U L U M V.

### De Haroldo filio Godwyni Regis:

**D**Efuncto, ut prædictum est, Edwardo Anglorum Rege sanctissimo, fluctuabant Proceres regni, quem sibi in Regem præficerent & rectorem. Quidam enim Wilhelmo Normannorum Duci, quidam Comiti Haroldo Godewyni filio, alii autem favebant Edgardo cognomento Atheling filio Edwardi, qui fuit filius Edmundi dicti Irensyde Regis Angliæ, cui de jure debebatur regnum Anglorum. Sed Haroldus vir callidus & astutus intelligens quia nocuit semper differre paratis, in die Epiphaniæ, quâ Rex Edwardus sepultus est, extortâ fide à majoribus capiti proprio imposuit regni diadema. Post cujus promotionem frater ejus Toftius à Flandriâ veniens cum navibus quadraginta in ostio Humbræ fluminis applicuit; ubi piraticum exercens ab Edwyno & Morcaro fratribus de provinciâ pulsus in Scotiam vela direxit. Qui ibidem Regi Noricorum, i. e. Northwygensium Haroldo dicto Harvagre in obviam veniens, foedus per fidem cum eo pepigit. Habet enim Northwegia tria vocabula, viz. Northwegia, Norregia, Norica, & inhabitantes vocantur Northwygenses, Norregenses, Norici. Verum ad hoc Rex Noricorum in Angliam trecentis cogonibus advectus, ut eam subjicere conaretur, tandem in Northanhumbriâ rerum depopulationi insistens Morcherum Comitem cum hominibus regionis bello victum infra Eboracum



intrusit. Quo divulgato Rex Anglorum Haroldus cunctis viribus collectis illuc cum festinatione contendit. Cumque ad villam, quæ Stanford dicitur, pervenisset; invenit ibi adversarios prædictos; ubi licet difficile credatur, unus solus Noricus in ingressu pontis stans, multis ex Anglis interemptis omnes à transitu percussit. Invitatus iste Noricus ab Anglis ad deditio- nem, ut tanti roboris homo largam clementiam Anglorum experiretur, in- vitantes ridebat; subinde rugato vultu increpitans, imbecillis animi homi- nes esse, qui nequirent uni resistere. Nemine itaque propius accedente, quoddam inconsultum æstimarent cum illo cominus congregi qui salutis omne viaticum desperatus effunderet; unus ex collateralibus Regis jaculum ferre- um in eum eminens vibrat; ut scribit Wilhelmus Malmesbyriensis *de Regibus* lib. 2do. Auctor verò in Flores Historiarum dicit, eum sagittâ fuisse per- cussum. Idem dicit Archidiaconus Lyncolniensis in *Chronicis* suis. Auctor verò *de Concordanties Historiarum Angliæ* approbat dictum Wilhelmi dicens: quod plus utebantur in bellis Angli ante Conquæstum jaculis, quàm sagittis: & hoc satis clarè apparebit, cum de Wilhelmo Conquæstore libro sequenti agendum sit. Jaculo verò ille Noricus dum gloriabundus proludit, ipsâ se- curitate incautior terebratus victoriam Anglis concessit. Continuo enim li- bero transitu exercitus trajectus Noricos palantes à tergo cecidit. Rex No- ricorum Haroldus Harvagre & Tostius sive Tostinus frater Haroldi Regis Anglorum interempti; Regis Noricorum filius cum omnibus navibus do- mum clementer est remissus. Haroldus triumphali eventu superbus, nullis partibus prædæ comilitones remunerare dignatus est. Quapropter multi, quo quisque poterat, dilapsi, Regem ad bellum Hastingense proficiscentem reliquerunt. Nam præter stipendiarios & mercenarios milites paucos ad- modum ex provincialibus habuit. Unde cum suis quos ductabat post novem menses & aliquot dies accepti regni, astutiâ Wilhelmi Normannorum Ducis circumventus occisus est. Utinam Haroldus non perjurus fuisset; & disci- plinam Aristotelis, quam dedit Alexandro Magno, secutus fuisset; fortè Dei auxilio, & non dubium, ut aliquibus videtur, vicisset Wilhelmum; quam doctrinam recitat Gilbertus in *Historiâ Alexandri* cap. 1mo. sic metricè.

Cumque vel intrâris victis tradentibus urbem;  
 Vel si restiterint, portas præfregeris urbis:  
 Thesauros aperi, plue donativa manipulis.  
 Vulneribus crudis & corde tumentibus ægro,  
 Muneris infundas oleum; gazisque reclusis,  
 Unge animos donis, aurique appone liquorem.  
 Hæc agræ menti poterit medicina mederi.  
 Sic inopi dives, largusque medetur avaro.  
 At si fortè animo res non respondeat alto;  
 Copia si desit, vel si minuatur acervus;  
 Non minuatur amor, nec desit copia mentis.  
 Allice pollicitis, promissaque tempore solve,  
 Munus enim confert, mores irretit avaros,  
 Occultat vitium, genus auget, subjicit hostem.  
 Non opus est vallo, quos dextera dapilis ambit.  
 Nam seu pax vigeat, seu rupto fœdere pacis  
 Regnet & in toto discordia sæviat orbe;  
 Principibus dubiis subitumque timentibus hostem  
 Est dare pro muro solidique muniminis instar.  
 Non murus non arma ducem tutantur avarum.

Iste

Iste Haroldus quamvis semetipsum propriis manibus coronâset ; nunquam tamen Rex inunctus erat ; ut scribit Auctor *de Concordantiis Historiarum* sub literâ *H.* Distulit enim recipere regiam inunctionem, quousque Aldredus Eboracensis Archiepiscopus sanitati restitueretur ; gravi enim infirmitate pro tunc detinebatur. Noluit enim inungi à Stigando Cantuariensi Archiepiscopo ; quia injustè duos pontificatus, viz. Cantuariensem & Wyntonien- sem detinuit. Archipræsul verò Eboracensis Aldredus ab infirmitate minime convaluit usque ad mortem seu occisionem Haroldi. Quod autem Radulphus de Dyseto Londoniensis Decanus, & quidam alii scribunt ; quòd iste Haroldus consecratus est ab Aldredo Eboracensi Archiepiscopo in Regem Angliæ, hoc intelligendum est, quia Aldredus Archiepiscopus sic consensit consecrationi ; non quòd egit, seu dedit munus consecrationis in actu. Et sic exponit prædictorum Historiographorum scripta Auctor *de Concordantiis Historiarum Angliæ* sub literâ *H.* Qui Haroldus postquam coronam portasset non uno anno, occisus in bello apud Hastingsum, sepultus est apud Waltham in Ecclesiâ, quam fundaverat, & collegium Canonicorum Sæcularium inibi constituerat.



## LIBER V.

## CAPITULUM I.

De Regibus Angliæ post Conquæstum, & de Pontificibus Wyntonienſis Eccleſiæ eorum temporibus, & de Wilhelmo Conquæſtore, & quando & à quibus Normannia incæpit.

**Q**UIA verò in hoc primo Capitulo tractaturi ſumus de Wilhelmo cognomento Baſtard Duce Normannorum, qualiter Angliam conquiſivit; primò convenit videre & conſiderare ſeriem generationis & ordinem Ducum, quorum progenies adhuc in Angliâ regnat. Primò igitur incipiendum eſt ab illo Dano, qui Rollo vocabatur, à quo Duces Normannorum initium ſumpſerunt. Rollo iſte natione Danus erat, qui maximè ſtipatus milite in Angliam veniens, locorum depopulationi vacavit. Eſt autem Dacia ſive Danemarchia maris Inſula, rerum & hominum maximo fertilitate ſœcunda; cujus Reges antiquitus ſancitâ lege ſtatu-erunt, ut ſcribunt Radulphus de Dyſeto, Wilhelmus Malmesbyrienſis, Auctor in Flores Hiſtoriarum, Auctor de Concordantiis Chronicorum ſive Hiſtoriarum Angliæ; ut nimis inſula eſſet hominibus repleta, viri audacio- res de propriis migrare ſedibus cogerentur. Ex hâc denique expulſorum for- te Rollo ſupradictus fuiſſe aſſeritur, vir ſtrenuus & potens; cujus pater, re- tento primogenito filio ut ſibi ſuccederet, Rollonem à ſe tranſmiſit, ut hære- ditatem armis quocunque fors concederet, obtineret. Illo igitur ut præ- dictum eſt, in Angliam appulſo, indigenæ ſtatim prælium cum ipſo commiſe- runt. Sed multis ſuorum interfectis, cæteri de loco certaminis aufugerunt. Rollo igitur cum poſt maris pericula ad ſui ſuorumque recreationem in An- gliâ hyemaret; viſum eſt ſibi de nocte dormienti ſupra ſe & exercituum ſuum examen apum volitare, & cum ſtridorè australem petere regionem, perque maris medium ad terram volando pervenire. Ubi etiam congregatim in frondibus arborum diverſarum inſidentes, omnemque mox regionem per- luſtrantes, cœperunt in locis diverſis variorum flores colorum in locum unum congregare. Evigilans itaque Rollo, poſt viſionem ſecum pertractat; ejuſ- que interpretationem diligenter examinans, requiem ſui laboris ſuorumque in eiſdem partibus, ubi apes viderat deſcendiſſe, conjectat. Mare igitur ipſe & commilitones ingrediuntur, flanteque ad votum vento emerſis flucti- bus pelagi, Gemeticum veniunt; ubi quandam virginem ſacram nomine Ame- truden, quam ab Angliâ aſportaverant, in capellâ ſancti Vedasti pontificis ſuper altare relinquunt. Quorum adventum Franco Rothomagenſis Archie- piſcopus recognoſcens, & de poſſibilitate reſiſtendi diffidens, decrevit utilius fore pacem ab eis quærere, quàm illos ad arma in ſui perniciem provocare. Qui feſtinus viator ad illos veniens, pacem petens impetravit, eamque ſœde- re fideliffimo confirmavit. Suſcepto itaque Rollo regionis dominio Rotho- magum adiit; & eleganter deſtructæ civitatis mœnia reparavit; circumja- centes regiones occupavit; caſtella in locis congruis firmavit; & terram to- tam, quæ tunc Neuſtria modò verò Normannia ab ipſis Norrenſibus dicitur, ſub

sub suâ potestate recepit. Dicebantur enim Rollo & sui Norrenses; quia Dacia & Norregia sub uno sceptro tunc temporis, quum Rollo venit in prædictam provinciam, regebatur; ut scribit Auctor in *Concordantiis Historiarum* sub literâ R. Antequam iste Rollo venit in Normanniam, Dani multo tempore illuc venerunt; & qualiter libet hic interferere. Japhet junior filius Noe genuit Magog, &c. *Ducum Normannie successionem & res gestas pertexens Rudburnus amplam sex priorum librorum Wilhelmi Gemeticensis de Ducibus Normannie epitomen exhibuit, ipsis Wilhelmi verbis ut plurimum retentis.* Edwardus postmodum completo termino vitæ felicitis anno † ab Incarnatione Domini MLXV. migravit ad Dominum. Sed hæc Chronica in dicto isto viz. quod Edwardus Rex Anglorum eo quod carebat hærede, hæredem constituerat Wilhelmum Normannorum Ducem, non potest stare; prout plenius declaratur supra libro quarto cap. 4to. Nam hæc Chronica, quæ hic inferitur in hoc capitulo, est de Normannia; & ideo nimis multum in favorem Normannorum edita in quibusdam locis.

Regnum Edwardi post ejus decessum continuò Haroldus invasit, spretâ fidelitate, quam Duci Wilhelmo juraverat. Circa dies istos stella radiis longius protensis per noctium quindecim spatium cœli faciem illustravit. Considerans itaque Dux Wilhelmus Haroldum viribus roborari, classem ad tria millia navium festinanter in Pontino construxit apud Sanctum Walericum. Inde vento flante secundo velis in alto expansis appulit Penenesellum; ubi statim firmissimo vallo Castrum condidit. Quod committens militibus, festinus Hastings venit, & aliud Castrum ibi firmavit. Haroldus Anglorum contrahens multitudinem, Duci festinanter occurrit. Dux legionibus militum in ordinibus tribus dispositis intrepidus obviam Haroldo processit. Haroldus in primo congressu militum lethaliter vulneratus occubuit. Angli versâ facie fugæ subsidium petierunt. Fortissimus igitur Dux ab inimicorum strage reversus, corporibus suorum charorum sepultis, iter arripuit quod tendit Londinum. Sed divertens ad Castrum Walyngford transmeato vado fluvii legiones ibi in castro collocare præcepit. Inde Londoniam est aggressus. Londonienses datis obsidibus, Ducem Wilhelmum receperunt in Principem; qui die natalis Domini ab omnibus tam Normannorum quam Anglorum proceribus in Regem est electus anno Dominicæ Incarnationis MLXVI. & ab Aldredo Eboracensi Archiepiscopo in Regem coronatur.

Circa dies istos Eustachius Comes Boloniensis, quorundam Anglorum virtutis depravatus, Doveriæ Castellum nisus est involare. Qui noctis in conticinio mare transfretans, diluculo cum militum exercitu copioso Castellum obsedit, totisque viribus expugnare præcepit. Milites Odonis Episcopi Baiocensis, milites etiam Hugonis de Monte forti, quibus erat commissa Castellum custodia, patefactis portis, repente foras porruunt unanimiter, consertoque certamine cunctos abigunt ab obsidione. Comes Eustachius cum paucis ad mare divertens aufugit navigio. Rex Wilhelmus tunc temporis in Normannia morabatur; qui post ea cunctis, pro quibus venerat, ad votum dispositis, Roberto filio suo primogenito Ducatum Normanniæ tradidit; & sic in regnum remeans, plurimos ejusdem gentis repperit, quos Dacorum ab ejus fidelitate conspiratio prævaricatrix averterat. Qui Regis Wilhelmi formidantes adventum, furtim ut maximi terroris festinum suavit. consilium, in quandam unius Comitatus partem, aquis pariter & sylvis inaccessibilem, se

† Edwardus Rex è vivis excessit anno 1065. exeunte in vigiliâ Epiphaniæ Domini feriâ 5. postquam regnasset annis 23. mensibus 6. & diebus 27. Illi die postero com-  
muni Procerum electione subrogatus est Haroldus; qui in prælio Hastingsensi eodem anno 11. Cal. Novembris sabbato occubuit. Sic Florentius cum aliis.



contulerunt, quod propriâ linguâ Dunelmum nuncupaverunt; ex quo diversos crebrius agitanter excursus, Swani Danorum Regis præstolabantur subventum: Quorum conatus temerarios Rex ut agnovit, perductis Normannorum copiis ad confutandam eorum contumaciam perrexerit quantocius. Porro duo filii Regis Haroldi Regem Hybernæ Dirmetum pro juvamine conferendo sunt aggressi. Qui cum LXVI. ab Hybernâ redeuntes navibus, Anglos ocyus repetierunt, rapinis & incendiis populum terræ exterminantes. Quibus Bryennus Eudonis Ducis Britannæ minoris filius cum suis obviis, protinus cum eis sub unâ die manus conseruit, cæsis Hybernensium bellatoribus septingentis. Reliqui fugientes è certamine navium præsidio necis exitium evaserunt. Rex autem Wilhelmus ad hostium arcendos excursus tutissima castella per loca stabiliens opportuna, militum electissimorum robore communivit. Tandem bellorum tempestate conquiescente, totius Angliæ monarchiæ potentiùs habenas temperat, & gloriâ prosperitatis potitur. *Ista ex Wilhelmi Gemeticensis lib. 6. cap. 39, ad 41. compendio sunt descripta. Sequuntur plura alia ex diversis ejusdem libri capitulis parili methodo desumpta.*

Hæc de Chronicis Normanniæ dicta sufficiunt. Modò ad propositum nostrum prosequendum, quod est tractare de Wilhelmo Duce Normannorum qualiter Angliam conquistavit, affectuosius mens nostra versabitur in hoc capitulo; prout in primis promissimus. Ut enim reperi in quadam vetustissimâ Chronicâ, & intitulabatur *Chronica Danorum in Angliâ regnantium*; Iste Dux Normannorum Wilhelmus erat Helenæ filius tertix filix Ricardi Saburpyr pelliparii Clitonis Edmundi Irensyde. Matthæus verò Parisiacensis vocat matrem Wilhelmi Matildem; sed Autor in Flores Historiarum cum Auctore de *Concordantiis Chronicorum*, & quamplures alii Chronicantes appellant eam Helenam. Qui Edmundus insignis princeps habuit ex Algythâ filiâ Sygeferthi Northanhumborum Comitum duos filios, viz. Edwynum & Edwardum, & filiam unicam, quam propter improbitatem seu illecebritatem ipsius litera filet nominare. Nam hanc Pelliparius supra nominatus concubitu fornicario cognovit. Clito verò Edmundus ut agnovit suam filiam illegitimè imprægnatam, tam virum quàm concubinam exlegavit. Qui Normanniam petentes, vir arte suâ mechanicâ victum & cætera necessaria, prout pauperem vitam gerentibus congruit, aliquanto tempore sibi & mulieri prægnanti adquisivit. Tandem postremo infortunio paupertatis nimium aggravati, mendicare ostiatim sunt compulsi. Qui quidem Pelliparius cum uxore suâ longo tempore mendicantium vitam ducens, venerunt ambo ex casu ad palatium Ducis Normannorum Ricardi secundi. Erat enim ipsa filia Clitonis Edmundi eleganti specie; quæ stans ad portam palatii Ducis Ricardi cum viro suo & tribus filiabus inter alios mendicantes, invenit gratiam mulier & mater in oculis janitorum, qui custodiebant introitus Palatii. Qui statim nunciaverunt Duci Ricardo ante ulteriorem portam palatii sceminam speciosissimam & facie pulcherrimam cum viro & tribus filiabus stantem & eleemosynam pro Jesu amore petentem; asserentes pro firmo, non posse quin de nobili orta esset genere. Dux Normannorum Richardus hæc audiens, jussit eam cum pueris & marito adduci ad se. Qui omnes introducti, & ante conspectum Ducis proni in terram procidentes, ac ipsum, ut decet, humiliter adorantes, optatum receperunt solamen. Interrogabat enim Dux matrem puellarum, unde esset, & de quâ progenie orta? At ipsa humiliter respondet, se in Angliâ exortam & de regali genere. Helena verò, quæ minor filia erat, sex viz. aut septem annorum, pomum tenuit in manu pulcherrimum, & Ducem intuens in birrum Ducis projecit. At Dux pomum recipiens gratias puellæ intulit dicens; Certè & ista erit nutrita in palatio meo; elegit enim me amore speciali præ cæteris. Providit itaque Dux nobilis Ricardus pro patre, matre, & sororibus puellæ possessiones sufficientes ad eorum victum

viſtum & veſtitum, ita quod de cætero mendicare minimè indigerent. Reſerebat enim mater Helenæ filiam ſe eſſe filii Regis Anglorum Edmundi; ſed quia ſe ignominioſè habebat erga patrem, diſcrimen exilii paſſam. Dux ut novit eam de regali proſapiâ ortam, multùm ipſam honorabat. Helena verò plurimis annis in curiâ Ducis Ricardi degens, ætatemque adoleſcentiæ attingens, propter elegantem ſpeciem, quâ enituit, inæſtimabiliter filio Ducis ſecundo natu & fratri Ricardi tertii Roberto placuit. Exarſit namque ſupra modum in concupiſcentiam ipſius; ſed ne patrem offenderet ad tempus abſtinuit. Tandem patre, viz. Duce Ricardo defuncto, Robertus filius ejus ſucceſſit in Ducatum. Qui ſtatim Princeps Normannorum effectus Helenam ſecum uxorio modo retinuit; non tamen matrimonium inter ipſos erat ſolemnizatum. Vovebat enim Robertus Dux ſe non velle uxorem ducere matrimoniali jure ſibi copulatam, quouſque Terram Sanctam viſitâſſet. Peraçtâ verò peregrinatione in redeundo verſus natale ſolum Dux Robertus obiit; ſed ante inceptam peregrinationem Robertus Dux per ſeptem annos ex Helenâ prænominatâ filium habuit nomine Wilhelmum, qui poſt patrem in Ducatum ſucceſſit. Hic eſt ille Wilhelmus dictus Baſtard Angliæ Conquæſtor, quẽ in manu habemus. De nativitate iſtius Wilhelmi ita ſcribit Auctor in Flores Historiarum ſub anno gratiæ MXXX. Robertus Ricardi ſecundi Normannorum Ducis alter filius, &c. *Vide locum, quem Rudburnus verbatim deſcripſit unâ cum initio anni ſequentis.*

Wilhelmus Dux Normannorum cùm cognovit Haroldum, de quo in ultimo capitulo quarti libri mentionem fecimus, diademate poſt mortem Edwardi redimitum, per nuncios illum leniter de rupto fœdere increpavit, &c. *Sequitur hiſtoria expeditionis Wilhelmi Ducis in Angliam uſque ad diſpoſitionem aciei in campo Haſtingenſi, ex Florilego verbatim deſumpta; hiſ verbis duntaxat additis de Vexillo ad Wilhelmum à Papâ miſſo;—*in quo depingebantur tres Leopardi glauci, ut quidam volunt, tres leones glauci.

Deinde partes adverſæ acies diſponunt; ſed Angli, qui noctem totam inſomnem fatigati tranſegerant, manè adhuc in ſeiſiſ penè deficientes contra hoſtes incunctanter procedunt, pedites omnes cum bipennibus conſertâ ante ſe ſcutorum protectione, cuneum impenetrabilem ordinaverunt. Matthæus Pariſiacenſis in *Chronicâ* ſuâ agens de geſtis Wilhelmi Conquæſtoris dicit; quòd Angli in ipſâ die belli erant fatigati, eò quod nocte præcedente vacabant ineptis vigiliis, comellationibus, potationibus, nihil cogitantes quid ſuperventurâ die eis eveniret. Erant enim in potibus iſebriati; quòd vix ſtare potuiſſent in prælio. Aliter ſcribit Auctor in Flores Historiarum, dicens, quòd Angliſ eo die belli ſaluti fuiſſet conſultum & eventum, ni Normanni more ſuo fugâ ſimulatâ conſertas acies diſſolviſſent. Rex Haroldus peſtris juxta vexillum ſtabat, &c. *Dein Rudburnus prælii Haſtingenſis hiſtoriam ex Florilego proſequitur, uſque ad finem libri primi ſingula deſcribens; ubi notandum illum Florilegi narrationem in Anglorum ſubmiſſione terminare; deſcriptionem autem morum Haroldi quæ ſequitur, incipiens: Rex autem Haroldus in multis patriſſans, aliaque uſque ad finem libri Mariano Scoto in ſuis Aditamentis libro 2do. accepta referre.*

Ut enim ſcribit Auctor de Concordantiis Historiarum Angliæ, duæ cauſæ principales fuerunt, quare Dux Wilhelmus in Angliam venerit. Prima, quia Alfredus cognatus ſuus & frater Sancti Edwardi Confefſoris per prodicionem comitis Godewyni patris Haroldi occiſus fuit, & quàm plures alii Nobiles de Normanniâ, quos ſecum adduxerat, ut dictum eſt in quarto libro, decimati & cum eo occiſi ſunt. Secunda cauſa erat, quia Haroldus in perjurium lapſus tum pro regno ſibi promiſſo, tum pro filiâ ſuâ, quam Haroldus vilificaverat, & regnum ſine jure invaſerat. Et non mirum, ſi regnum Angliæ tunc temporis deveniſſet ad exterâs nationes; quia teſte Salvato-



(*m*) Matth.  
XII. 25.

re in Evangelio ; (*m*) *Omne regnum in se ipsum divisum desolabitur.* Illis diebus bis orta est divisio in regno Anglorum. Prima facta est, quum Haroldus sibi imposuit diadema. Quidam enim Baronum consenserunt in Edgarum Athelyng, de quo superius dictum est libro quarto. Quidam consenserunt in Wilhelmum Ducem Normanniæ : quidam in Haroldum. Secunda divisio erat, quum Dux Wilhelmus in Angliam applicuit, & Haroldus à pugna Scotorum & Noricorum cum victoriâ rediit ; eò quòd ipse Haroldus omnem prædam & manubria in proprios usus, nulli quicquam impertiendo, convertit. Unde commilitones ejus plurimum indignantes à Rege Haroldo unanimiter recesserunt ; sicque secundo facta est divisio in regno ; ut tradit Matthæus Parisiacensis in *Chronica* suâ de gestis Regum Haroldi & Wilhelmi.

Wilhelmus victor effectus in subsequenti die natalis Domini secundum quosdam, anno viz. Domini MLXVI. apud Londoniam Rex totius Angliæ acclamatus, & coronatus est. Quidam || verò dicunt, quòd fuit coronatus Londoniæ anno Dominicæ incarnationis MLXVII. ab Aldredo Eboracensi Archiepiscopo cum magnâ exultatione cleri & populi, & Rex acclamatus Dominicæ Nativitatis die. Noluit munus consecrationis à Stigando Cantuariensi Archiepiscopo suscipere ; eò quòd illegitimè occupaverat illius dignitatis excellentiam. Et etiam tunc temporis vacavit sedes Londoniensis ; cujus sedis Episcopo spectat in absentia Archiepiscopi Cantuariensis Regis coronatio, nisi aliter decreverit Archiepiscopus.

Wilhelmus in Regem sublimatus pacificè tractabat Nobiliores regni Angliæ, post fidelitatis juramentum ab ipsis sibi præstitum, quamdiu fidem ei servabant ; sed postquam rebellare cœperunt, homagiis iterum ab ipsis acceptis, datisque obsidibus, omnibus, qui ad regnum aspiraverant, factus est terrori. Civitatibus quoque dispositis & castellis, propriisque ministris impositis, ad Normanniam cum obsidibus Angliæ & thesauris impretiabilibus navigavit. Quibus incarceratis & sub salvâ custodiâ deputatis, ad Angliam denudò remeavit ; ubi commilitonibus suis Normannis, qui in bello Hastingen- si patriam secum subjugaverant, terras Anglorum & possessiones ipsis expul- sis successivè manu distribuit affluentibus ; & modicum illud, quod eis remanser- rat, factus jam de rege tyrannus sub jugo detrussit perpetuæ servitutis. Et cum se viderat in sublimi elevatum, & in fastu regni confirmatum ; in alium virum subito est mutatus ; Nobiles terræ, quos antiquus sanguis ex antiquo sublimaverat, pro dolor ! exhæredando.

Ab Ecclesiâ Wyntonienſi abstulit tria maneria, viz. Estmeone, Westme- one, & Weregraves. Et à novo Monasterio Wyntonix, quod nunc Hyda dicitur, vi abstulit, & militibus suis dedit ista maneria, viz. Aburthoun cum quatuor hydibus & dimidio, Popham cum duobus hydibus & dimidio, Cranburn cum octo hydibus & dimidio, Draytonam juxta Nywetonem cum quatuor hydibus, Swarewetonam cum tribus hydibus & unâ virgatâ & di- midia, & Weststrattonam cum quinque hydibus ; quæ omnia Edwardus senior filius Alfredi Regis fundator ipsius Monasterii eidem dedit. Edmundus Rex filius Edwardi senioris dedit eidem Monasterio Lygeput cum duobus hydibus, Bekendenere cum decem hydibus pro animâ suâ & patris sui Edwardi cum per- tinentiis ; sed Wilhelmus Conquæstor ea abstulit, & militibus suis dedit.

|| Nulla est inter Historicos repugnantia ; modò dextrè intelligantur. Wilhelmum Londini coronatum esse die Natali victoriam Hastingenſem immediatè sequenti ex unâ om- nium voce constat. Cùm verò Historicorum

nonnulli annum à Nativitate, alii à Circumcisi- one Domini exordiantur, hinc fit, ut illi coro- nationem Wilhelmi in annum 1067. isti in annum 1066. referant.

Edredus Rex frater Edmundi, & filius Edwardi dedit novo Monasterio Wyntonix, quod nunc Hyda nominatur, Andevere cum quinque hydīs, & Wherewellam cum triginta hydīs cum pertinentiis & privilegiis. Quæ omnia Rex Wilhelmus Conquæstor pro voluntate suâ abstulit, & militibus suis dedit. Edwynus Rex dedit novo Monasterio Wyntonix, quod modò Hyda nominatur, Sotewelle cum decem hydīs & Ecclesiam cum pertinentiis & privilegiis; quod manerium cum Ecclesiâ Wilhelmus Conquæstor pro utilitate suâ ab ipso Monasterio vi abstulit. Etheldredus Rex filius Edgari Regis dedit novo Monasterio Wyntonienſi, quod modò dicitur Hyda, Lammere cum tribus hydīs & Ecclesiam, & in insulâ Etha Meton cum duabus hydīs. Badingborn cum quatuor hydīs, Velokedone cum tribus hydīs, Estede cum unâ hydâ, & in insulâ de Portefeye Frederingtonne cum quatuor hydīs, Suthingewerthe cum duabus hydīs, & apud Berntone juxta Wherewellam unam hydā, & apud Wrefordi unam hydā, & pratum quod jacet juxta Kyngesmille, quod dicitur Mune; & hoc Wilhelmus abstulit, & militibus suis dedit. Cnutus Rex dedit novo Monasterio Wyntonix, quod Hyda nominatur, Draytone juxta Byketone cum quinque hydīs, & crucem nobilissimā de auro cum lapidibus pretiosis, & multis sanctorum reliquiis decenter ornata, & duas magnas imagines auro & argento bene ornatas. Quæ omnia Wilhelmus Conquæstor vi abstulit. Brythwynus Comes dedit Opwarneforde cum octo hydīs permissione & licentiâ Etheldredi Regis. Quod manerium à novo Monasterio Wyntonix Wilhelmus Conquæstor pro voluntate suâ abstulit. Hugo Portuensis comes dedit novo Monasterio Wyntonix Bedhamtone cum decem hydīs & Ecclesiam cum pertinentiis & privilegiis permissione & licentiâ Sancti Regis Edwardi Londoniæ: Quod manerium Wilhelmus Conquæstor pro voluntate suâ abstulit, & militibus suis tradidit. Robertus dapifer Hugonis de Portu dedit novo Monasterio Wyntonix Fideleswerthe cum decem hydīs, & sex cum pertinentiis & privilegiis permissione & licentiâ Sancti Edwardi Regis. Sed Wilhelmus Conquæstor illud ab ipso Monasterio rapuit injuste, & militibus suis tradidit. Consimili modo se habuit Wilhelmus tyrannus aliis Monasteriis, & cæteris Nobilibus Angliæ. Unde Nobiliores de regno indignati ad Regem Scotorum Malcolmum confugerunt, &c. *In sequentibus Westmonasteriensem exscribit à medio anno 1067. ad medium annum 1070.*

Anno gratiæ MLXX. Wilhelmus Rex Concilium magnum in octavis Paschæ apud Wyntoniam celebravit cum totâ Ecclesiâ Anglicanâ; ubi multa regnum contingentia mutata sunt. Stigandus Archiepiscopus Cantuariensis degradatus est ignominiose; plures quoque Episcopi & Abbates ibidem depositi sunt. Solus inter omnes Angliæ prælatos Egelwynus Dunelmensis Episcopus videns fratrum injustas oppressiones, condolens & zelum Dei habens, exulavit spontaneus ab Angliâ; & violentos oppressores vinculo excommunicationis innodavit. Stigandus iste primitus erat Orientalium Anglorum Episcopus, viz. Helmhamensis Ecclesiæ, tandem ut scribit Wilhelmus Malmesbiriensis *de Pontificibus*, sublimiorem gradum meditatus, \* Wyntonienſem Pontificatum invaserat; at ut habetur *in Gestis Pontificum* libro primo: 'Non solum eo Episcopatu contentus, sed etiam innocentis Regis Edwardi simplicitatem circumveniens, Archiepiscopatum Cantuariensem decem & septem annis injuste detinuit. Quæcunque posset aliis præripere, sibi abscondere, nunquam avaritiæ suæ satisfecit. Sacros honores Ecclesiarum hos sibi pecuniâ comparans, istos aliis linguâ vendicans. Prorsus publicas nundinas ex Episcopatibus & Abbatibus faciens; & ibi cupiendi modestiam ad-

STIGANDUS

\* Stigandus sedem Wintonienſem post Alf- tium & Westmonasteriensem. Abrogati Episcopatus tempus Rudburnus recte assignavit.  
wynum adeptus est anno 1047. juxta Floren-



mittens, ubi quod cuperet, deesset. Nonne illud belluinæ rapacitatis dices, quod Wyntonix Episcopatum & Cantuariæ Archiepiscopatum, præterea multas Abbantias, solus ipse possidebat; quæ singula satis superque sufficerent alicui probo viro. Sed his ponit Wilhelmus Malmesbiriensis *de Pontificibus* quandam derisoriam excusationem, sic inquit: Sed ego conjicio illum non judicio, sed errore peccasse; eo quod homo illiteratus, sicut plerique & penè omnes tunc temporis Angliæ, qui Monachi non erant, nesciret, quantum delinqueret; rem Ecclesiasticorum negotiorum sicut publicorum actitari existimans. Quare nunquam Pallium à Româ meruit; quamvis & ibi venalitas multum operetur; nisi quod quidam Benedictus Apostolicæ sedis pervasor ipsi misit Pallium gratulatus, quod eum, quem alii Archiepiscopi ducebant ludibrio, ipse Papam appellasset. Sed illo Papâ non multum post dejecto, omnia ejus facta evacuata; decretumque erat consilio salubri, non eum potuisse dare legitimè pallium, qui justè non habuisset Papatum. Non resipuit super his Stigandus, sed perstitit, parum cogitans de animarum salute, tantum forensi frueretur honore. Interea Wilhelmus Comes Normanniæ Angliam veniens, armis provinciam perdomuit; cum & Dei promissio suffragaretur, & nonnullæ causæ suppeterent, quas non infirmas ipse arbitraretur. Qui cum & belli Hastingenensis victoriâ & Castelli Doverensis deditone terrorem sui nominis sparsisset, Lundoniam venit. Venienti Stigandus cum potentissimis Anglis processu & favore suo applausit. Consertisque loquelis, Wilhelmus eum Stigandum in patrem & Archiepiscopum, ipse Wilhelmum in Regem & filium recepit. Veruntamen coronam regni de ejus manu Rex detrectavit suscipere; astutiâ, quâ consueverat, prohibitores ex parte Apostolici subornans. Nec multò post in Normanniam navigans, sub velamine honoris renitentem secum traxit; ne quid perfidiæ se absente per ejus auctoritatem in Angliâ pullularet. Inter quæ difficile dictu est, quantis eum exceperit officiis, dignanter ubicunque locorum assurgendo, & contra eum in omnibus Episcopatibus Normanniæ & Abbatibus longâ serie pompæ procedi faciendo. Sed quicquid his tegebatur involucris erupit in clarum, veniente in Angliam Ermenfredo Sedunensi Episcopo Legato Alexandri Papæ; qui ad voluntatem Regis coacto præfato Concilio Stigandum deposuit fidem Wilhelmi appellantem, & violentiam reclamantem. Et quamvis ille se blandè excusans, præceptum Papæ objectaret; non tamen opinionem affectatæ depositionis exclusit, quod eum toto ævo in vinculis Wyntonix habuerit. Ibi ergo Stigandus tenui victu vitam toleravit; quod ei parum de fisco inferebatur, & ipse ingentia mentis duritiâ nihil de suo inferri pateretur. Qui & hortantibus amicis & præcipuè Reginâ Edwardi Sancti relictâ Edytha, ut se delicatius vestiret & pasceret, per omne sanctum jurabat, non se habere nummum nec valens. Huic sacramento soliditatis vim abfuisse probavit ingens vis opum post mortem ejus in subterraneis specubus inventarum. Ad quarum indicium ut veniretur, auxilio fuit clavicula collo exanimati dependens, quæ familiaris scrinii esset custos. Ea seræ immissa manifestavit per chartas inventas & qualitatem metallorum & quantitatem ponderum. Quod dicit hic Wilhelmus Malmesbiriensis, & est *de Pontificibus* libro primo, viz. quod Rex Wilhelmus tenuit Stigandum in vinculis; dicit Auctor *de Concordantiis* sub literâ S. non est verum; sed Wilhelmus inquit somniavit, quum ita scripsit. Habuit enim Wilhelmus eum in salvâ custodiâ, viz. in Castro Wyntonix; infra quam custodiam diverteret quo vellet, sed extra limites ei non liceret. Honestissimè enim cum eo tractavit, dimittens ei in pace omnes thesauros auri & argenti, & aliarum rerum, quos ante depositionem suam habebat, & nihil ex omnibus accepit Rex quamdiu Stigandus viveret. Atamen Stigandus ne minimum nummum ex omnibus divitiis super semetipsum expen-

expendere voluit. Eo verò defuncto assignavit Rex Wilhelmus corpus ejus sepeliri in Ecclesiâ Cathedrali Wyntonie, & crucem magnam ex argento cum duabus imaginibus in thesauro ipsius Stigandi inventam ex omnibus pretiosissimis divitiis quas Rex invenerat Ecclesiâ Wyntonienfi pro animâ Stigandi solummodò tranmisit. Iste Stigandus rexit Episcopatum Wyntoniensem viginti duobus annis, & in eadem Ecclesiâ sepultus est. Stigando in Archiepiscopatum Cantuariensem successit Lanfrancus Monachus, vir eleganter literatus & moribus multimodis ornatus; qui inter cætera magnifica opera librum composuit de *Sacramento Altaris* fidem roborando Catholicam. Iste Lanfrancus à Wilhelmo Duce Normannorum, antequam Angliam conquirit, Abbas efficitur Cadamensis; & post in Regem Anglorum sublimatus post Stigandum primatem totius Angliæ ipsum Lanfrancum Wilhelmus constituit. Iste Lanfrancus natione Longobardus, ex ingenuis parentibus ortus fuit. Literarum vir iste insignis, liberales artes; quæ jamdudum in Galliâ sorduerant, & ferè erant extinctæ, acumine sui ingenii fecit reviviscere, &c. *Sequitur Lanfranci vita ex Wilhelmo Malmesburiensi verbatim descripta* (de Pontificibus Angl. lib. 1.) *usque ad finem Epistole Bonifacii Papa ad Ethelbertum Regem. Ad cujus calcem Rudburnus ex occasione mentionis de Ecclesiâ Christi Cantuariensis inibi facta ista subjungit.*

Quia verò fit in hac Epistolâ mentio quodammodo de fundatione Ecclesiæ Christi Cantuariæ; aliquid diffusius de ipsâ fundatione in sequentibus pertractandum est. In civitate Doroberniæ, quæ modò Cantuaria dicitur, beatus Augustinus Ecclesiam reperiens antiquo Romanorum fidelium opere factam, eam in nomine sancti Salvatoris Dei & Domini nostri Jesu Christi consecravit, atque ibidem sibi & successoribus suis habitationem statuit; ut patet per Bedam de *Gestis Anglorum* libro 1mo. Non enim statuit Cathedrali Patriarchatus, ubi nunc Abbatia stat sancti Augustini, sed in Ecclesiâ sancti Salvatoris, quam Monachis repleverat. Fuerunt enim in eadem Ecclesiâ Monachi inhabitantes, sed in numero pauci, ex quo priùs fundata erat a Romanis fidelibus usque in hodiernum diem; quamvis sæva gentilitas in cæteris locis ubique Monachos à terrâ delevit. Monachis tamen ibidem commorantibus Gentiles ministrabant panem, vinum, & oleum, & cætera vitæ necessaria; ut habetur per Auctorem de *Contordantiis Historiarum Angliæ*. In hac Ecclesiâ antequam Rex Cantuaritarum Ethelbyrtus fidem Christianam suscepit, Bertha uxor ejus, quæ Christiana erat de gente Francorum, ritum fidei Christianæ inter Monachos observabat. Nam eâ conditione prædicto Regi Ethelbyrto erat desponsata, & à parentibus tradita; ut ritum fidei ac religionis suæ cum Episcopo, quem ei adiutorem fidei dederant, nomine Leodhardo, inviolatum servare licentiam haberet. Et hoc erat causa, quare tam citò Rex Ethelbyrtus paruit prædicationi Sancti Augustini & Commonachorum suorum.

Interea baptizato Rege Ethelbyrto cum totâ suâ provinciâ, cujus adjutorio usus beatus Augustinus, convocavit ad suum colloquium Episcopos sive doctores Britonum provinciæ, i. Walliæ, pro tunc sicut & nunc, ut scribit Beda de *Gestis Anglorum* libro 1mo. cap. 32do. Quod dum esset statutum, venerunt septem Britonum Episcopi, &c. *Succedit historia de colloquio Augustini & Episcoporum Britannicorum, de strage Monachorum Bannochoriensium, & de occasione conversionis Anglorum ex Bedâ, lib. 2. cap. 2. 1. desumpta.*

Elegit etiam beatissimus Augustinus locum ad Monasterium construendum non longè à civitate Dorobernensi, i. Cantuariensi ad Orientem; in quo ejus hortatu Ethelbertus Rex Ecclesiam beatorum Apostolorum Petri & Pauli à fundamentis construxit; ac diversis donis ditavit; in quâ ipsius Augustini & omnium Episcoporum Dorobernensium simul & Regum Cantix poni corpora possent. Quam tamen Ecclesiam non ipse Augustinus, sed suc-



Error manifestus.

cessor ejus Laurentius consecravit anno gratiæ quingentesimo nonagesimo sexto. Primus autem ejusdem Monasterii Abbas Petrus Presbyter fuit; ut scribit Beda *de Gestis Anglorum* libro primo. Hic etiam christianissimus Rex Ethelbertus construxit Ecclesiam Sancti Pauli Londoniæ, Monachosque ibi instituit, & Ecclesiam Roffensem, Monachosque inibi constituens. Hic solus in Regibus Cantia usque ad flumen Humbre imperii fines extendit, & pacem habens cum provincialibus. Qui pro merito sanctitatis Sanctorum catalogo est ascriptus. Primus enim omnium Regum gentis Anglorum cæli regna conscendit. *Dein vitam Lanfranci repetens Rudburnus Malmsburiensem exscribere pergit. Primo itaque loco succedit Epistola Bonifacii Papa ad Justum Archiepiscopum; cui historiam de Egbaldo Rege & fugâ Laurentii Archiepiscopi Rudburnus ex Bedâ subjecit: dein Epistola Honorii Papa ad Honorium Archiepiscopum, Vitaliani ad Theodorum, Sergii ad Ethelredum, Alfridum & Adulfum Reges. Huius postrema noster ista subjunxit.*

Isti tres Reges, quibus Sergius Papa hanc prædictam Epistolam scripserat, non erant Monarchi in Angliâ sed Provinciales Reges. Etheldredus namque qui fuit tertius filius Pendæ Regis, qui primis ex Saxonibus regnavit in Provinciâ Merciorum, quartus Rex imperabat Merciiis. Qui postquam regnasset triginta annis, apud Bardeneyam in Monachum tonsus est, & non multo post in Abbatem assumptus est. Et isti Etheldredo scripsit Sergius Papa; ut potest elici ex scriptis Auctoris in Flores Historiarum libro primo, & sub anno gratiæ sexcentesimo nonagesimo secundo; ubi inter cætera sic scribit. Hoc anno Wilfridus Eboracensis Archiepiscopus, &c. *Consule Florilegum, quem Rudburnus verbatim exscribit.*

Et quia Wyfridum istum sanctissimum patrem in manibus habemus; aliquid ulterius de ejus sanctitate intermiscendum est, quod scribit venerabilis Beda Presbyter in historiâ Anglorum. Quum divisum erat Regnum Angliæ olim in septem sive octo regna; secundum regnum fuit regnum Suthsexiæ sive Australium Saxonum; quod incepit sub nobilissimo Duce Elle circa tricesimum annum à primo adventu Anglorum. Hic Elle littora maris in Suthsaxoniâ occupavit, & magis magisque sibi regionis spatia adquisivit, & multa contra Britones bella gessit. Nam ut fertur, congregato exercitu maximo Saxonum pugnavit contra Britones apud urbem munitissimam Andredescestre; ubi post multas & letiferas congressiones urbem non sine magnâ suorum amissione expugnavit; omnesque Britones ibidem inventos cum mulieribus & parvulis interfecit in ore gladii. Et quia ibi tot suorum damna receperat, ita urbem solotenus destruxit, quod nunquam postea est reedificata; locus tamen nobilissimæ urbis videtur transeuntibus usque in hodiernum diem. Ella autem Rex cum regnasset potentissime annis XVII. mortuus est; cui successit filius ejus Gissa, & eorum progenies post eosdem usque ad Athelwoldum, qui primus Regum Suthsaxonum per Sanctum Byrinum Episcopum ad fidem Christi conversus est, & baptizatus in Provinciâ Merciorum præsentis ac suggerente Rege Wlfere, à quo etiam egressus de fonte, &c. *In sequentibus reliqua capitis 13. lib. 4. Beda describuntur.*

Interea superveniens cum exercitu Cedwalla juvenis strenuissimus, nondum fonte Baptismatis renatus, de gente Gewyseorum, cum exularet à patriâ suâ, interfecit Regem Athelwoldum; ac provinciam illam favâ cade ac depopulatione attrivit. Sed mox expulsus est à ducibus Regis Berchuno & Aldhuno, qui deinceps regnum Provinciæ tenuerunt. Quorum prior postea ab eodem Cedwalla, cum esset Rex Gewyseorum, occisus, & Provincia graviore servitio subacta. Sed & is qui post Cedwallam regnavit, simili modo Provinciam illam afflictione gravissimâ plurimo annorum tempore mancipavit. Quare factum est, ut toto illo tempore Episcopum proprium habere nequirit. Sed revocato domum Wyfrido primo suo Antistite ipsi Episcopo Gewy-

Gewyseorum, i. Occidentalium Saxonum, qui essent in Wentanâ civitate, subjacuerunt. Tandem postmodum anno Dominicæ Incarnationis septingentesimo quinto ex Synodali decreto statutum est; ut provincia Australium Saxonum, quæ eatenus ad civitatis Wentanæ, cui tunc Daniel præerat, Parochiam pertinebat; & ipsa Provincia Australium Saxonum proprium haberet Episcopum. Consecratusque est eis primus Antistes Edbertus, qui erat Abbas Monasterii beatæ memoriæ Wylfridi Episcopi, quod dicitur Selesey; cui successit Ella, quò defuncto. Episcopatus discrimen magnum incurrebat. Nam cessavit Episcopatus per multum tempus. Sicque hoc regnum Suthsaxonum processu temporis valde minoratum est; donec in aliorum Regum jura pertransiit, i. e. Westsaxonum. Postquam ergo Cedwalla regno potitus est Gewysedum sive Gewysorum; cœpit & insulam Vectam, quæ eatenus erat tota Idololatriæ dedita; ac stragicâ cæde omnes indigenas exterminare; ac suæ Provinciæ homines pro his substituere contendit; votoque se obligans, quamvis nondum regeneratus in Christo, quòd si cepisset insulam, quartam partem ejus simul & prædæ Domino daret. Quod ita solvit, ut huic Wylfrido Episcopo, qui tunc fortè de gente suâ superveniens aderat, utendam pro Domino affirmaret. Est autem mensura ejusdem insulæ juxta æstimationem Anglorum mille ducentarum familiarum. Inde data est Episcopo possessio terræ trecentarum familiarum. At ipse partem, quam accepit, commendavit cuidam de Clericis suis, cui nomen Brectwym, & erat filius sororis ejus, dâns illi Presbyterum nomine Hiddila, qui omnibus, qui salvari vellent, verbum ac lavacrum vitæ ministraret. Unde in Provinciâ eorum, qui de eadem insulâ credendo salvati sunt, duo Regii pueri, fratres viz. Arnualdi Regis insulæ, spirituali sunt Dei gratiâ coronati. Hoc ergo ordine postquam omnes Britannorum Provinciæ Christi fidem susceperant, suscepit & insula Vecta. Sicque transiit dominium Suthsaxonum, quod incœpit anno Dominicæ Incarnationis quadringentesimo nonagesimo primo, post mortem Hengisti anno tertio; & factum est dominio Regum Westsaxonum. Reges Suthsaxonum dominabantur aliquanto tempore in Suthsexiâ; eratque sedes Episcopalis ejusdem pagi antiquitus in Seleseyâ, modo est apud Cicestriam. Hæc quæ dicta sunt de hac Provinciâ Suthsaxonum, scribit Beda de *Gestis Anglorum*. Wilhelmus verò de *Gestis Pontificum* libro tertio (n) de eadem Provinciâ sic scribit: ‘Percensitis omnibus Episcopis Westsaxonix, ad Australium Saxonum Episcopos ordo narrandi dirigatur. Provincia illa collimitatur ex unâ parte Westsaxonibus, ab alterâ Cantuaritis; Occidentalium Regum ditioni semper subjecta cum regulis, postquam Cedwalla Regem eorum Edelwalk bello fudit. Is Edelwalk suadente Rege Wlfero baptizatus in Merciâ, beatissimum Wylfridum à sede suâ exulantem benigno dignatus hospitio, Episcopatus etiam sede extulerat loco qui Selesige dicitur, nec nisi uno introitu potest adiri, mari undique circumgyratus. Veruntamen, ut dixi, Rege occiso, & Wilfrido qui ibidem Monasterium ædificaverat, domum redditâ pace regresso, multis annis Episcopatus vacavit: spectabatque interim Pontificatus administratio ad Wintoniensem Antistitem, &c. *Sequuntur Epistola Sergii, Gregorii, Leonis, Formosi, & Joannis Pontificum Romanorum, & reliqua Epistola Lanfranci ad Alexandrum Papam, ex Malmsburiensi (loco cit.) desumptæ.*

(n) Restit in  
hoc. lib. 2.

Succubuit tantis rationibus Thomas; & placitum ad moderationem transferens, libenter conditioni concessit animum, ut ulterior ripa Humbre fluminis esset principium suæ Diocœsis, citerior esset limes Parochiæ Cantuariensis. Erat enim tunc temporis Lanfrancus in doctrinâ & mundi sapientiâ famosissimus; quem venerabiliter suspiceret Apostolicus Alexander. Porro Wilhelmus Rex in omnibus ei assurgebat, aggaudebatque & ei & aliis, quos in bono fervore audivisset, permisitque ei concilia congregare, quorum unius actio



actio hæc est. ‘Anno Incarnationis Dominicæ MLXXV. regnante Wilhelmo Rege anno nono; congregatum est Concilium in Londoniâ præfidente Lanfranco Archiepiscopo Dorobernensi, confidentibus secum Thomâ Archiepiscopo Eboracensi & cæteris Episcopis, Roffensis Ecclesia per id tempus pastore carebat, Lyndiffarnensis qui & Dunelmensis Episcopus canonicam excusationem habens concilio interesse non potuit. Et quia multis retro annis in Anglico regno usus Conciliorum absolverat, renovata sunt nonnulla, quæ antiquis etiam fuerant Canonibus definita. Ex Concilio igitur Toletano quarto, Milevitano, atque Bracharensi statutum est; ut singuli secundum ordinationis suæ tempora sedeant, præter eos qui ex antiquâ consuetudine sive suarum Ecclesiarum privilegiis digniores sedes habent. De quâ re interrogati sunt senes & ætate provecti, quid vel ipsi vidissent, vel à maioribus atque antiquioribus veraciter ac probabiliter ipsi vidissent vel audivissent. Super quo responso petitæ sunt induciæ, ac concessæ usque in crastinum. Crastinâ autem die concorditer perhibuere; quod Eboracensis Archiepiscopus ad dexteram Dorobernensis sedere debeat, Lundoniensis Episcopus ad sinistram, Wentanus juxta. Si verò Eboracensis desit; Londoniensis ad dexteram, Wentanus ad sinistram. Et sic claret, quod Wyntoniensis Præsul non secundum ordinationis suæ tempus, sicut cæteri Pontifices, sedet in Conciliis sive in Convocationibus, sed secundum dignitatem suæ Ecclesiæ quartum locum semper sive tertium ab Archiepiscopo Cantuariensi tenet. Et rogo carissimi hanc Chronicam inspecturi sive perlecturi; qualem gradum excellentioris dignitatis seu privilegii in Anselmo venerabili Cantuariensi Archiepiscopo recepit, ut creditis, ipsa Patriarchalis totius Angliæ Ecclesia? Ut enim ventum est ad Concilium apud Barum, ubi Apostolicus Dominus Urbanus ante corpus sancti Nicholai constratum tapetibus & palliis ipse casulâ cum pallio amictus tribunal ascendit, cæteri cum cappis sedebant. Omnibus ergo suum locum ex antiquo vendicantibus, Anselmus humilitate summus quo poterat assedit. Exciderat animo summi Pontificis ingruente tumultu, ut ei locum delegaret. Sed erroris admonitus est quæstionis necessitate à Græcis propositâ, probare volentibus Spiritum sanctum non à Patre procedere. Hanc ergo quæstionem dum expedire tentans magis involveret, Græcis contra non improbabilius occurrentibus, Anselmi recordatus exclamat vividè; tonitruum vocis ædis capacitas & turbæ multiplicitas ingeminant. Pater & magister Anselme Anglorum Archiepiscope ubi es? Ille ubi se vocari audivit, in pedes constitit. Quem Apostolicus compellans: Nunc, inquit, magister opus est scientiâ, opus eloquentiæ tuæ operâ: Veni ascende huc & defende matrem tuam Ecclesiam, quam Græci labefactare conantur. Succurre ergo quasi à Deo huc missus. Continuo cuncti astantes & assidentes oculos & ora in eum conversi percunctari cœperunt, quis esset? Annitentibusque proximis ad concessum Apostolici levatus sedere iussus est juxta Romanum Archidiaconum, cui ante Papam sedere moris est. Includamus, inquit Papa Urbanus, hunc in orbe nostro, tanquam alterius orbis Papam. Nec moratus omnibus palam exposuit Papa, qui genus, unde domo, cujus scientiæ, cujus facundiæ, quam religiosus, quanta pro fidelitate Romanæ Sedis passus esset. Dilatusque in posteram diem quæstionis tractatus, quamvis Anselmus statim respondere non dubitaret. Sed sequenti die solito maturius cœtu coacto promotus in editum ita pertractavit quæstionis latera, ita penetravit & enebulavit intima; ut Latini clamore testarentur gaudium, Græci de se præberi dolerent ridiculum, nullus porro inops & inanis scientiæ discederet. Senfa illius sermonis procedenti tempore luculenter digessit in libro de *Processione Spiritus Sancti* facto. Tunc verò ubi verbum absolvit, omnes in illum oculos & ora conversi, hic laudare fidem, ille scientiam, omnes eloquentiam. Sedato fragore, quem laus ejus suscitaverat, intendens in eum  
summus

summus Pontifex ait. Benedictum sit cor & sensus tuus & os, & sermo oris tui sit benedictus. Celebrato sic Concilio, omnibusque Episcopis Gallicanis sedes suas agnoscentibus, nulloque recordante aliquem Cantuariensem Archiepiscopum concilio Romano interfuisse, posita est ei sedes in coronâ cum Archidiacono Romanæ Ecclesiæ, & in æternum jus sibi & successoribus suis transcripta.

Post Stigandum, qui contra decreta Canonum ambas sedes occupaverat Cantuariensem viz. & Wyntoniensem, in sede Wyntonienfi Stigando deposito successit in Episcopatum Wentanæ civitatis Walkelinus, † vir magnæ WALKELINUS. literaturæ, doctor in Theologîâ egregius, in studio Parisiensi cathedram ascendit magistralem, consanguineus enim erat Wilhelmi Conquæstoris & natione Normannus. Hic primis temporibus suæ consecrationis Monachos Ordinis Sancti Benedicti supra modum exosos habebat; ut habetur in *Gestis Pontificum* lib. 2do. c. 30. Unde & trecentas libratas terræ Monachis Ecclesiæ suæ auferens, suis & successorum suorum usibus implicuit. Iste Walkelinus incitavit omnes Episcopos Angliæ ad expellendum Monachos à Cathedralibus Ecclesiis in Angliâ, ut habetur in *Gestis Pontificum* libro primo, cap. 7mo. ubi sic habetur. 'Jamque enim Episcoporum livor increverat volentium ab Episcopalibus sedibus Monachos Clericis immixtis extrudere. Auctor hujus factionis fuit Walkelinus Wentanus, ad cætera bonus, sed in hoc ad prævum consiliis susurronum flexus, plusquam quadraginta Canonicos cappis & superpelliciis ornauerat introducendos in propriam Ecclesiam Monachis expulsis, si potuisset trahere Regem Wilhelmum & Archiepiscopum Lanfrancum in suum consensum. Regem Wilhelmum in sententiam traxit; & toto conatu elaborabat; ut Archiepiscopi Lanfranci consensum eliceret. At ille Archiepiscopus Lanfrancus auditum facinus exhorruit; & tot potentum excogitatas machinas, ut casses araneorum, solo intuitu dissolvit. Quinetiam ne idem auderent posterius, egit, ut Alexander Papa scriptis inhiheret. Magnum id & laudandum, ut quod sedula Sanctorum benignitas tempore Regis Edgari inchoaverit, iste gloriosus Archi-Præsul labefactari non permiserit, quamvis iniquâ comparatione factum hujus cum illorum facto pensitetur. Nam illi totius Angliæ magistri arridente Rege facile quod vellent efficerent; iste autem solus contra tot obsistentes rem profligaverit & vicerit. Abbatiam Sancti Albani per Paulum Abbatem, quem ibi constituit, in eum, quo nunc est, statum provexit. In Rossensi Episcopatu Clerici fervientes vix ad quaternarium numerum assurgere poterant, & ipsi quotidiani panis egentes. Hos per Gundulphum Episcopum sustentans sumptibus propriis Monachos ad quinquaginta introduxit; quibus Villâ permagnificâ datâ procuravit, ut non solum non afficerentur inopiâ, sed etiam victualium gauderent copiâ. Walkelinus postmodum super proposito nefando vehementer doluit; & Monachus in propriâ Ecclesiâ factus: 'Monachos ut filios fovebat, dilexit ut fratres, honorabat ut Dominos; nihil minus pro dissimilitudine vestis exhibens eis vel adjutorii vel familiaritatis. Istud habetur in *Gestis Pontificum* lib. 2do. cap. 2do. Quod autem ponitur hic dissimilitudo vestis, intelligitur de habitu pontificali superposito Monachali; ut scribit Actor de *Concordantiis Chronicantium* sub literâ V. 'Nullum conviciis incessere, pronuncians quod Episcopalis gravitas suam indignâ maculâ respergat gloriam, si in pauperiorum descendat

† Nominatus est à Rege anno 1070. die Pentecostes, tradente Hovedeno; consecratus Dominicâ sequenti ab Armenfrido Sedunensi Episcopo & Legato Apostolico, ex Florentii & Simeonis fide. Obiit anno 1098. incunte, 3. Non Januar. die Dominicâ, ex singulorum concordia sententiâ.



‘contumeliam. Iste Walkelinus Episcopus constituit Symeonem fratrem suum, virum gloriosum ac religiosum, in Priorem Ecclesiæ suæ, qui postmodum factus est Abbas Elyensis. Symeone sic translato, contulit Walkelinus Episcopus Prioratum Wyntonienſis Ecclesiæ Godefrido cuidam ex Cameraco genito: ‘Qui religione & literaturâ insignis fuit. Literaturam protestantur Epistolæ familiari illo & dulci stylo editæ; maximèque Epigrammata, quæ Satirico modo absolvit, præterea versus de Primatum Angliæ laudibus. ‘Quid quodd omne divinum officium, quod vetustate quadam obsoletum, nativâ excultum venustate fecit splendescere. Religionis & hospitalitatis normam pulchrè inchoatam delineavit in Monachos; qui hodie in utrisque ita ‘Godefridi formam sectantur, ut aut nihil aut parum eis desit ad laudis cumulum. Denique est in eâ domo hospitem terrâ marique venientium, quantum libuerit, diversorium sumptu indeficienti, charitate indefatigatâ. ‘Inter hæc inerat sancto viro morum humilitas; ut nihil ex illo unico Philosophiæ promptuario redoleret nisi humile, procederet nisi dulce. Quantulaverò potest videri hæc ejus laudatio? Quotus verò quisque est, qui vel minimum imbutus literis non alios infra dignitatem suam opinetur, tumido gestu & pompatico incessu præ se ferens conscientiam literarum? Veruntamen ne quid perfectionis sanctæ deesset animæ; multis ille annis grabatum fovit camino diuturnæ tabis peccata excoctus. Walkelinus Episcopus fieri fecit turrim Ecclesiæ Wyntonienſis, ut modo cernitur; cœtum Monachorum in ipsâ Ecclesiâ augmentavit; & postquam strenuè rexisset Wyntonienſem Ecclesiâ viginti septem annis, quievit in Domino; illum nempe

Atropus occurit, Lachesis traxit, reparavit  
Clotho colum dirè; patriæ flos cœpit abire.  
O Walklyne pater salveris, quodd locus ater  
Nunquam te violet, qui malè semper olet.  
Sed plausu plena cuncto Paradisus amœna  
His animam teneat atque fovere queat.  
Sitque pater tibi dux, sit rector, sit tibi vita.  
Filius, & sua crux lux tibi fiat ita. *Amen.*

Sicque viam universæ carnis Walkelyno ingresso, in propriâ Ecclesiâ sepultus est idem Præsul benignissimus, ut ita dicam. Sed & quamvis Monachos omnes in Angliâ, & Ecclesiâ suam in principiis deliciarum exosos habuisset; infra breve tamen pœnituit, & quod per prius inordinate in animo conceperat, religiosissimè corripuit; & restitutionem de malefactis ordini Monachorum illatis cum omni humilitate fecit. Et hoc mihi & omnibus in testimonium suæ satisfactionis devenit; quia obitum suum tam solemniter celebrat Wyntonienſis Ecclesiâ, tanquam pro speciali Benefactore suo; quod non faceret, si ingratus eidem Ecclesiæ minimum extitisset. Jacet enim ejusdem Præsulis venerabile corpus humatum in navi Ecclesiæ ad gradus sub Pulpito, in quo erigitur crux argentea magna Stigandi Archiepiscopi cum duabus imaginibus argenteis magnis, ad pedes viz. Wilhelmi Gyffard quondam Wyntonienſis Episcopi; & in lapide marmoreo superposito sculpuntur hi versus;

Præsul Walklynus istic requiescit humatus,  
Tempore Wilhelmi Conquestoris cathedratus.

Anno gratiæ MLXXI. & Regis Wilhelmi primi quinto, cum Angliâ Normannis nimis injuriosè tractarentur; ad Helyensem Insulam & Insulam Thorneiæ fugientes, ibi castra refugii facientes, Herewardum militem in armis strenuissimum sibi ducem præfecerunt, &c. *Dein reliqua hujusce anni,*

& gesta annorum quatuor sequentium Rudburnus ex Florilego mutuatus (isthoc duntaxat addito, Waltheofum Comitem Wintonia decollatum esse) Ecclesia Dunelmensis exhibet historiam, quam inter alia de Sede Dunelmensi scripta inferius collocandam duxi. Arebus Dunelmensibus enarrandis Author ad res gestas anni 1083. saltn facto transit.

Anno gratiæ secundum computationem Auctoris in Flores Historiarum MLXXXIII. Idus Aprilis obiit Matildis Regina, uxor Wilhelmi Regis, filia Baldewyni Comitis Flandriæ; & sepulta est Cadomi in Monasterio Sancti Stephani, quod ipsa cum viro suo à fundamentis construxerat, & nobiliter dotaverat; anno XVII. regni Wilhelmi. Istius Matildis consilio Wilhelmus Rex pacificè cum Anglis tractabat, quamdiu ipsa vixisset; post mortem verò ipsius Matildis omnem induit tyrannidem. Unde statim misit Justitiarium per totam Angliam singillatim per Comitatus; & inquirere fecit & diligenter perscrutari, quot acræ vel jugera terræ, quidque uni militi sufficere posset; fecitque inquirere de urbibus & villis & viculis, ad quid in solidum ascenderent. Inquisivit etiam, quot animalia possent sufficere ad unius hydæ culturam. Quid hîc vocatur Hyda; notandum quòd tria grana ordeï sicca & rotunda faciunt pollicem, duodecim pollices faciunt pedem, tres pedes faciunt ulnam, quinque ulnæ & dimidia faciunt perticam, & viginti perticæ in longitudine & quatuor in latitudine faciunt unam acram. Item unus denarius, qui dicitur Starelyng, rotundus sine tonsurâ ponderabit XXXII. grana frumenti in medio spicæ; viginti denarii faciunt unciam, & duodecim uncia faciunt libram secundum cursum Angliæ, id est, viginti solidos. Octo libræ frumenti faciunt lagenam, octo lagenæ faciunt modium secundum mensuram Londoniarum, & est octava pars quarterii. Item ducentæ quinquagintæ libræ Sterlingorum faciunt bussellum. Item quatuor virgæ terræ faciunt Hydram, i. sexaginta quatuor acræ terræ. Quinque Hydæ terræ faciunt Feodum militis s. trecentæ acræ terræ & viginti. Quodlibet Feodum militis dabit pro scutagio quadraginta solidos. Dimidium Feodum militis, i. e. CLX. acræ terræ, dabit pro scutagio viginti solidos. Item pro XVI. parte feodi militis, i. e. viginti acræ terræ dabit pro scutagio viginti quatuor denarios, obolum, & quadrantem. Item pro decimâ parte Feodi militis, i. e. triginta tres acræ terræ dabit pro Scutagio quatuor solidos. Item pro quintâ parte Feodi militis, i. e. LXIV. acræ terræ dabit pro Scutagio octo solidos. Item pro unâ hydâ & quartâ parte hydæ dabit pro Scutagio X. solidos, i. e. (o) viginti quatuor acræ terræ. (o) l. Orogin- Item pro tertiâ parte Feodi militis, i. pro CVI. acris terræ & dimidiâ dabit ta. pro Scutagio XII. solidos. Fecit etiam Wilhelmus Rex de fluminibus, paludibus & sylvis, quem censum redderent per annum, & quot milites essent in unoquoque Comitatu regni. Quæ omnia in scriptis redacta & Westmonasterium delata, in thesauris Regum usque hodie reservantur. Deinde de unoquoque aratro, i. e. hydâ terræ, totius regni sex solidos cepit argenti. Hîc incæpit magna oppressio in Angliâ & manifesta. Consimile fecit, immo magis detestabile, anno regni sui quarto, pessimo usus consilio, omnia Anglorum Monasteria exspolians, auro & argento insatiabiliter appropiavit; & ad majora sanctæ Ecclesiæ opprobria calicibus & feretris non pepercit. Episcopus quoque & Abbatias omnesque qui Baronias tenebant, & eatenus ab omni servitio sæculari libertatem habuerant, sub servitute statuit militari. Inrotulans singulos Episcopatus & Abbatias pro voluntate suâ, quot milites sibi & successoribus suis hostilitatis tempore voluit à singulis exhiberi. Et Rotulos hujus servitutis Ecclesiasticæ ponens in thesauris, multos viros Ecclesiasticos huic constitutioni pessimæ reluctantes à regno fugavit. Eodem tempore factus est magnus Liber; qui habitus est in thesauro Westmonasterii, & alius in thesauro Ecclesiæ Cathedralis Wyntonix, vocatus Domyfday; & vocatur sic, quia nulli parcit, sicut nec magnus dies judicii. Anno verò sequenti,



viz. anno octavodecimo regni sui, instillato in auribus Regis quòd propter injustas & frequentes exactiones & oppressiones ejus universitas regni conspiraverat contra ipsum, Rex Wilhelmus in festo Pentecostes apud Westmonasterium cœpit homagium hominum totius Angliæ & juramentum fidelitatis, cujuscunque essent Feodi vel tenementi. Eodem tempore per prius Henricum filium suum juniorem cingulo donavit militari. Extorta igitur maximâ pecuniæ summâ, de quibus aliquam sophistice causam poterat invenire, in Normanniam innumeris maledictionibus laqueatus transfretavit.

Erat Rex Wilhelmus Bastard amator ferarum. In tantum hujusmodi bestiolas dilexit; quòd qui cervum caperet vel capreolum, exoculabatur, nec erat qui patrocina-retur. Amabat enim Rex ferus feras, ac si esset pater ferarum, humanam postponens charitatem. Unde asseritur, quòd per triginta & amplius milliaria, ubi erat hominum mansio, terra culturâ fructifera nec non frugifera, extirpatis domibus cum pomœriis & hooris, & etiam Ecclesiis cum Cœmiteriis, in Forestam vel potius in desertam & ferarum lustra Rege jubente sit redacta. Quæ Foresta Nova Foresta usque in præsens appellatur. Ad castra verò construenda omnes suos superabat Antecessores; armorum & militiæ amator fuit incomparabilis. Verumptamen pacis amator extitit singularis, sitiens sanguinem homicidarum & latronum, & ultor scelerum inexorabilis. Acierum dispositor & rector prudentissimus; & bellator, quasi esset Marti confœderatus, fortunatissimus & invictissimus. Unde qui diu prudenter Normanniam tanquam jure hæreditario, Cœnomanniam armis sibi adquisivit; Britannicam, Americam subjugavit, in Angliâ quoque solus regnavit. Scotiam & Walliam subegit. Omnes sibi Rebelles etiam conterminos potenter ac prudenter edomuit. Tantaque pax suis regnavit temporibus; quòd puella virguncula auro onusta indemnis ac intacta Angliam potuit peragrarè. Iste Rex Wilhelmus tria Cœnobìa fundavit. Unum in Angliâ in honorem Sancti Martini apud Hastyng, quod de Bello nuncupatur; ubi confertum legitur prælium inter ipsum & Haroldum. Quo in loco Monachis institutis, ut pro animâ Regis Haroldi & aliorum ibidem occisorum divina celebrarent, constituit; Cœnobiumque illud congruis possessionibus ampliavit. Et Abbatiam de Bermondesey in Suthreyâ. Aliud Monasterium unâ cum uxore suâ Matilde in Normanniâ apud Cadomum construxit; quod in honore Sancti Stephani Protomartyris consecratum prædiis optimis & donariis magnificis insignivit.

Iste Wilhelmus ex Reginâ Matilde liberos multos generavit, Robertum, sc. Wilhelmum, Ricardum, & Henricum. Quorum primogenitus Robertus adhuc patre vivente Normanniam sibi negari molestè ferens, in Italiam abiit irâ succensus; ut filiâ Bonifacii Marchionis sumptâ adversaretur patri partibus illius adjutus. Sed hâc petitione frustratus, Philippum Francorum Regem contra patrem suum excitavit. Quare ipsius benedictione & hæreditate cassatus, Angliâ post mortem patris sui caruit, Ducatu Normanniæ vix retento; ut infra plenius patebit. Maledixit enim Wilhelmus Roberto filio suo propter hanc causam præactam. Quam maledictionem, antequam obiret, expertus est evidenter. Ricardus magnificus & bonæ indolis adolescens & Dux Beormæ, primævæ florem juventutis acerbâ morte prævenit. Tradunt enim ipsum in novâ Forestâ, quam pater suus de novo construxerat, quæ nova Foresta modò appellatur, ut superius diximus, cervos insequentem morbum lethalem incurrisse, in loco viz. quem Rex pater ejus destructis villis, ut supra dictum est, & Ecclesiis subversis in sylvam redegerat densissimam & habitaculum bestiarum. Quidam scribunt, quòd prædictus Ricardus sic cervos insequendo ictu sagittæ vulneratus in sæpe nominatâ Forestâ interiit; & sepultus est in Ecclesiâ Cathedrali Wyntonix. Filix Regis Wilhelmi quinque erant; quarum Cœcilia Cadomis Abbatissa fuit. Constantia Comiti Britannix Alano erat in conjugium data. Tertia verò Adala Stephani Ble-sensis

senſis Comitſ uxor fuit. Viro tandem defuncto, apud Mercenniacum Sanctimonialis habitum ſuſcepit. Quarta Haroldo Anglorum Regi promiſſa fuerat, ut prædiximus. Et quinta Aldeſonſo Galiciæ Regi jurata erat; quarum duorum nomina penitus non audivi.

Rex præterea Wilhelmus in adoleſcentiâ primâ caſtitem adeo reſpexit; ut publicè diceretur ipſum in ſœminâ nihil poſſe. Verumptamen ex Procerum ſententiâ matrimonio addiſtus, ita ſe habuit; ut pluribus annis nullius probri ſuſpicionem notaretur. Subjectis humilis apparebat & facilis, inexorabilis erat rebellibus. Diebus ſingulis Miſſæ aſſiſtebat, matutinos hymnos & veſperinos diligenter cum Horis regularibus audiebat. Wilhelmus Rex ſolitus erat coronari ad Natale Domini Wygornia, ad Paſcha Wyntoniam, ad Pentecoſten Londoniam. Et hæc de moribus ejus dicta ſufficiant. Iſtius Regis Wilhelmi anno regni ſui viceſimo primo & anno Domini MLXXXVI. ſecundum computationem Auctoris *de Concordantiis Chronicorum*, in Provincia Walliarum quæ Ros vocatur, inventum eſt Walwennii ſepulchrum, qui fuit Arthuri Regis Britonum ex ſore nepos, ſuper ripam maris, longitudinem habens quatuordecim pedum. Regnavit autem in eâ parte Britannia, quæ uſque hodie Walweytha vocatur; vir in militiâ & in omni animoſitate ſamoſiſſimus, ut tradunt Britones.

Rex Wilhelmus erat Legum amator & emendator ſtudioſiſſimus. Unde apud Londoniam conſilio Baronum ſuorum fecit ſummonire per univerſos Angliæ Comitatus omnes Nobiles ſapientes & ſuâ lege eruditos; ut eorum leges & conſuetudines audiret. Et licet Rex Wilhelmus leges Norfolchiæ, Cantebriggia & Deiræ, ubi quondam maxima pars Danorum & Norwegenſium inhabitabat, prius magis approbaverat, & eas per totum regnum obſervari præceperat; pro eo quod omnes Antecellores ejus Duces & ferè omnes Barones Normanniæ Nothwygenſes exiſtiſſent, & quod de Northwegiâ olim veniſſent. Sed poſtea ad preces Communitatis Anglorum Rex adquevit. Qui deprecati ſunt, quatenus permetteret ſibi leges proprias & conſuetudines antiquas habere, in quibus vixerant patres eorum & ipſi autem eis nati & nutriti ſunt, ſc. leges Sancti Edwardi. Et ex illo die magnâ auctoritate veneratæ & obſervatæ ſunt præ cæteris regni legibus leges Sancti Edwardi; quæ quidem prius inventæ ſunt, & conſtitutæ fuerunt tempore Regis Edgari avi ſui. Verumptamen poſt mortem ipſius Regis Edgari uſque ad coronationem Sancti Regis Edwardi, quod tempus continet annos ſexaginta ſeptem, prædictæ Leges ſopitæ ſunt & penitus prætermiſſæ. Sed poſtquam Rex Edwardus in regno fuit ſublimatus, conſilio Baronum Angliæ legem ſexaginta ſeptem annis ſopitam excitavit, excitatam reparavit, reparatam decoravit, decoratam confirmavit; & confirmata vocata eſt lex Sancti Edwardi Regis, non quod ipſe prius adinveniſſet eam, ſed cum prætermiſſa fuiſſet & penitus oblivioni dedita à morte avi ſui Regis Edgari, qui primus inventor ejus fuiſſe dicitur, uſque ad ſua tempora viz. ſexaginta ſeptem annis. Unde ex præcepto Regis Wilhelmi electi ſunt de ſingulis totius Angliæ Comitatibus duodecim viri ſapientiores; quibus jure jurando injunctum erat coram Rege Wilhelmo, ut quoad poſſent recto tramite neque ad dexteram neque ad ſiniſtram declinantes legum ſuarum conſuetudinumque ſancita patefacere, nil præmittentes, nil addentes. Aldredus autem Eboraceniſis Archiepiſcopus, qui Regem Wilhelmum coronaverat, & Hugo Londonienſis Epicoſus per præceptum Regis ſcripſerunt propriis manibus omnia, quæ prædicti jurati dixerunt. A legibus namque ſanctæ matris Eccleſiæ ſumentes exordium, quia per eam Rex & regnum ſolidum ſubſiſtendi habent fundamentum, leges & libertates & pacem ipſius concionati ſunt dicentes: *Omniſ Clericus, &c.* Sic enim incipiunt Leges Sancti Edwardi. Sancivit namque primum leges in Britannia (p) Dumwalloniſ Molmucii, cujus leges Molmucina dicebantur, uſ-  
que



que ad tempora istius Wilhelmi Conquæstoris satis celebres. Inter quæ statuit, ut civitates & templa Deorum, viæ ad illa ducentes, ac aratra colonorum immunitate confugii gauderent. Deinde Mercia Regina Britonum uxor Gwotelini Regis, à quâ Provincia putatur Merciorum denominata, legem edidit discretione & iustitiâ plenam, quæ lex Marcia vocabatur. Has duas leges Gildas Historicus transtulit in Lâtinum, & Rex Alfredus postmodum de Latino in Saxoniam transmutavit, quæ Merchelege Saxonice dicebantur. Ille quoque Alfredus legem anglice conscriptam superadjecit, quæ Westfexnelage Saxonice vocabatur. Tandem Danis in hac terrâ dominantibus, tertia lex emanavit, quæ Danelage dicebatur. Ex his tribus legibus Sanctus Edwardus tertius ante Conquæstum unam legem communem edidit; quæ Leges Sancti Edwardi usque hodiè vocantur. De quibus nonnulla vocabula adhuc frequentata, inferere dignum duxi.

*Mundebyrche*, i. e. læsio Majestatis, Gallicè *blesure de Court ou de loys*.

*Trithbyrche*, i. e. fractio pacis.

*Mystrumyng* i. variatio loquelæ in Curiâ.

*Scheaumwunge*, i. e. propositio mercimonii, Gallicè *Displeyure de Marchaundyse*.

*Hamsokne* vel *Hamsfare*, i. e. insultus factus in domo.

*Forstallynge*, i. e. coactio vel obsistentia facta in stratâ regiâ.

*Frythesockne*, i. e. tutatio in iurisdictione, Gallicè *seurente en defens*.

*Infangthef pelsyn inward*, i. e. infra suum cupere reum, Gallicè *dedemez le Cœn athachement de laron*.

*Saka*, i. e. iurisdiction, Gallicè *Court justice forfet onacheson*.

*Soka*, i. e. secta curiæ, & inde dicitur *Sokne*: sed *Sokne* dicitur aliquando interpellatio majoris audientiæ.

*Wergelthef* Anglice *Eschape*, Gallicè *Solte de laron*.

*Tbean*, i. e. laudare auctorem, Gallicè *Renoch garant*; & quandoque dicitur sequela nativorum.

*Fythwyte*, i. e. amerciammentum pro conflictu.

*Wardwite* hoc est, esse quietum pro Wardis factis, Gallicè *sursise de garde*.

*Bloodwyte*, i. e. amerciammentum pro effusione sanguinis.

*Flythwyte*, i. e. emenda proveniens pro contentione.

*Leyrwyte*, i. e. emenda pro corruptione nativæ.

*Gultwyte*, i. e. emenda pro transgressione.

*Scot*, hoc est esse quietum de quadam consuetudine, sicut de omni tallagio ad opus Vicecomitis vel ejus Ballivorum, vel ad opus Ballivorum Domini.

*Hydage* vel *Talage*, i. tallagium datum Danis, i. tres denarios de qualibet hydâ terræ.

*Wapentak* & *Hundred* idem sunt; quia procinctus centum villarum solebat reddere arma in adventu Domini.

*Lestage*, i. e. consuetudo exacta in nundinis & mercatis.

*Stallage*, i. e. exactio pro statione in plateis tempore nundinarum.

Hæc expositio vocabulorum prædictorum habetur per Ranulphum Cestrensem in suâ *Polychronica*, ubi agit de Alfredo. Alibi verò legi ista vocabula explanata sub formâ quæ sequitur.

*Soka*, hoc est secta de homagio in Curiâ Domini secundum consuetudinem regni.

*Sak*, hoc est placitum & emenda de transgressione homagii in Curiâ Domini, quia *Sak* anglice *Achesun* gallicè, & dicitur *Forsichesak* idem quod *purquele a chesun* & *Sak* dicitur *pur forfet*.

*Tolle*, hoc est quod vos & homines vestri de toto homagio vestro sitis quieti de omnibus mercatis de tolneto, & de rebus emptis & venditis.

*Them*, hoc est quod habeatis totam generationem villanorum vestrorum cum eorum sectis & catallis, ubicunque in Angliâ inventi fuerint, excepto quod

quòd si quis Nativus quietus per unum annum & unum diem in aliqua Villâ privilegiatâ manserit ; ita quod in eorum Communitatem five Communam scilicet Gylldhallam & tanquam civis receptus fuerit, eo ipso à villenagio sit liberatus.

*Infangenethes*, hoc est quòd latrones capti in Dominio vel in Feodo vestro, & de suo latrocinio convicti, in Curiâ vestrâ judicentur.

*Utsfangenethes*, hoc est quòd latrones de terrâ vestra, vel de Feodo vestro extra terram vestram vel Feodum vestrum capti cum latrocinio ad curiam vestram revertantur, & ibidem judicentur.

*Hamsfokene*, hoc est, quietum esse de amerciamento pro ingressu hospitiorum violenter & sine licentiâ contra pacem Domini Regis, & quòd teneatis placita de hujusmodi transgressione factâ in terrâ vestrâ in curiâ vestrâ.

*Grythbreche*, hoc est pax Domini Regis infracta, quia *Gryth* Anglicè, *Pax* Latine, & *Pees* Romanè.

*Bloodwyte*, hoc est esse quietum de amerciamentis pro sanguine fuso, & quòd teneatis inde placitum in curiâ vestrâ, & habeatis amerciamenta inde provenientia ; quia *Wyte* Anglicè, *miser cordia* Latine.

*Pleythwyte*, hoc est esse quietum de amerciamentis pro medlettis, & quòd teneatis inde placitum in Curiâ vestrâ, & habeatis amerciamenta inde provenientia ; quia *Plyth* Anglicè, *Medelee* Romanè.

*Flythwyte*, hoc est esse quietum de contentione & convitiis, & quòd teneatis placita inde in Curiâ vestrâ, & habeatis inde amerciamenta ; quia *Flyth* Anglicè, *Tensun* Romanè.

*Ferdewyte*, hoc est esse quietum de amerciamentis, cum quis utlagus fugitivus veniat ad pacem Domini Regis sponte vel licentiatus.

*Flemenfryth*, hoc est quòd habeatis catalla five amerciamenta hominis vestri fugitivi.

*Leyrwyte*, hoc est, quòd capiatis emendationem ab ipso qui corrumpit nativam vestram sine licentiâ vestrâ.

*Chyldwyte*, hoc est, quòd capiatis geresum an de nativâ vestrâ corruptâ & prægnatâ sine licentiâ vestrâ.

*Forstalle*, hoc est esse quietum de merciamenis & de catallis arestatis infra terram vestram, vel exarestatis, & teneatis & habeatis placita inde in Curiâ vestrâ de hujusmodi catallis arestatis infra terram vestram, & amerciamenta inde provenientia.

*Scot*, hoc est esse quietum de quadam consuetudine, sicut de communi tallagio ad opus Vicecomitis vel ejus Ballivorum.

*Geld*, hoc est esse quietum de consuetudinibus servilibus quæ quondam dari consueverunt, sicut *Horn guld* & his similibus.

*Hydeage*, hoc est esse quietum, si Dominus Rex talliaverit totam terram per hydas.

*Caruage*, hoc est esse quietum, si Dominus Rex talliaverit totam terram per carucas.

*Daneguld*, hoc est esse quietum de quadam consuetudine, quæ currit aliquo loco, quam quondam Dani levaverunt in Angliâ.

*Horn guld*, hoc est esse quietum de quadam consuetudine exactâ pro talliâ sc. de quâcunque bestiâ cornutâ.

*Wapentake*, hoc est esse quietum de sectâ de quadam consuetudine pro placitis captis vel assignatis in nundinis vel mercatis.

*Shewynge*, hoc est esse quietum de atachiamenis in quadam Curiâ & coram quibuscunque de querelis ostensis & non advocatis.

*Myskennynge*, hoc est esse quietum de amerciamentis pro querelis coram quibuscunque five transumptivè prolatis.



*Burghbreche*, hoc est quietum esse de transgressionibus in Civitate vel in Burgo contra pacem factis.

*Wardwyte*, hoc est, quietum esse de consuetudine pro Wardis factis.

*Averpany*, hoc est esse quietum de denariis dandis pro Averragio Domini Regis.

*Hundredpany*, hoc est esse quietum de denariis dandis vel aliis consuetis faciendis præpositis Hundredi.

*Bordhalpany*, hoc est esse quietum de quadam consuetudine exactâ pro tabulis levatis.

*Tithyngpany*, hoc est esse quietum de tallagio decimæ per consuetudinem.

*Burgbote*, hoc est esse quietum de auxilio dando ad reficiendum Burgum, Castrum, vel muros prostratos.

*Bryggebote*, hoc est quietum esse de auxilio dando ad pontes reficiendos. Hæc vocabula ponuntur in Chartis Privilegiorum diversorum locorum.

Anno Domini MLXXXVII. Rex Anglorum Wilhelmus in Normanniâ moram faciens, aliquantulum se continuit ab inimiciis cum Rege Francorum contractis. Cujus Rex Francorum Philippus abutens patientiâ, opprobiose fertur dixisse: Rex, inquit, Anglorum jacet Rothomagi, cubile fovens more parturientium fœminarum; sed cum post partum sese purificaturus ad Ecclesiam exierit, centum millia candelas cum eo veniam oblaturus. Hiis igitur, & hiis similibus Rex conviciatus, adveniente mense Augusto, quum segetes in agris, botri in vineis, & poma in viridariis copiam sui ostendunt; coacto exercitu copioso Franciam infestus aggrediens omnia conterit, omnia depopulatur; nihil erat quod animum commoti Regis placaret, vel injuriam contumeliose acceptam multorum dispendio mitigaret. Postremò maritimam civitatem injectis ignibus concremavit; succensâ illic sanctæ Mariæ Ecclesiâ cum duabus reclusis; quæ nec in tali necessitate putarunt suas fore ædículas deferendas. Quo actu exhilaratus Rex dum suos incitavit, ut ignibus adjiciant pabulum, prope flammam accedens, ignium calore & autumnalis æstus inæqualitate morbum incurrit. Auxit præterea ægritudinis ejus molestiam; quoddam præruptam fossam equus Regis transiliens, interiora dirupit insidentis. Quo nimirum dolore acriter afflictus Rothomagum remeavit. Roberto filio suo, non tamen benivolo corde vel sereno vultu, Normanniam delegavit; indignum eum reputans regali dignitate. Sed nec ipse Robertus ipsum Ducatum gratanter suscepit. Verumptamen ut patrem pacaret moriturum, & solvens maledictionem eidem daret benedictionem; promisit ei Hierosolymitanam peregrinationem pro ejus animâ magnificè consummare: Quod & in postremo implevit. Wilhelmo autem Rufo filio suo Angliam sc. Conquæstum suum assignavit; supplicans ut Anglos, quos crudeliter & veluti ingratus malè tractaverat, mitius confoveret. Possessiones verò maternas cum thesauris impreciables Henrico filio suo, quem plùs dilexit, relinquens, obnixus deprecabatur; ut de parte ejusdem thesauri sufficienti nobile construeret Cœnobium pro animæ suæ redemptione. Multum se confitebatur peccasse in Anglorum Nobilitatem, quos falsis decepit pollicitis. Et hoc satis competenter complevit Henricus apud Redyng. Ritè ergo ordinatis rebus universis, octavo Idus Septembris viam universæ carnis est ingressus. Anno Regni sui vicesimo primo, Ducatûs verò quinquagesimo secundo, vitæ suæ septuagesimo, anno gratiæ MLXXXVII. & in Monasterio Cadomi, quod ipse fundaverat, unâ cum conjugē suâ Matilde sepultus est, ubi erat videre mundi miseriam, viz. quoddam tantus Europæ terror & honor sepulturam sine calumniâ habere non potuit. Nam ibi Miles quidam palam inhibuit sepulturam fieri, dicens illud solum esse suum, violenterque ab eo sublatum, nec debere quempiam in rapinâ sepeliri. Quod Henricus sentiens, qui solus ex filiis suis tunc aderat, centum libras illi militi dedit. Nam Robertus primogenitus tunc

tunc patriam debellabat. Wilhelmus Rufus Angliam navigaverat, qui tunc apud Wyntoniam eruptis paternis thesauris pro patris memoriâ erogaverat.

Quia verò sunt nonnulli, qui affirmant dictis suis, quamvis nullam habeant auctoritatem, quòd iste Wilhelmus Conquæstor non fundaverat Novam Forestam, sed filius suus Wilhelmus Rufus; quidam dicunt absque ullâ etiam auctoritate, quòd Rex Johannes ipsam Forestam fundaverat; ideo hîc inferam, quod super hâc re scribit Wilhelmus Malmesbiriensis *de Regibus* lib. 3. qui prope tempora ipsius Wilhelmi extiterat. Filios, inquit, habuit Wilhelmus Rex quatuor, &c. *Dein omnia verbatim exscribit, quæ Wilhelmus habet de prole, fratribus, & habitu corporeo Conquæstoris; & in his Capitulum claudit.*

## C A P I T U L U M II.

### De Wilhelmo Rufo Rege & filio Wilhelmi Conquæstoris.

**W**ilhelmus Rufus coronatus est in Regem post mortem patris die Sanctorum Cosmæ & Damiani anno Domini MLXXXVII. juvantibus eum Wlftano Wygornienfi Episcopo & Archiepiscopo Lanfranco, qui eum nutriverat & militem fecerat; & regnavit tredecim annis mense minùs. Quod audiens Robertus primogenitus, qui tunc in Almanniâ exercitum contra fratrem congregaverat, Normanniam redit, cujus mediam partem præter castella Henrico fratri suo inpignoravit; ut exercitum contra fratrem suum Wilhelmum conduceret. Tandem apud Hamptoniam applicuit. Cui Rex Wilhelmus misit nuncios, qui dicerent ei: Frater tuus Wilhelmus non se clamat Regem sed subregulum sub te, & per te regnaturum, qui illo major es, melior & natus prior; non usurpavit si placet, quod ad tempus pro tuâ absentiâ suscepit; ut jam quia coronatus petat, ut sub te regnet, solvendo annuatim tria millia Marcarum; & qui alteri supervixerit, honores utriusque possideat. Robertus velut arundo statim consensit, exercitum dimisit, Neustriam rediit, nil nisi promissa referens. Tota ferè nobilitas Angliæ voluerat erexisse Robertum in regem, excepto Lanfranco Archiepiscopo Cantuariensi cum Wlftano Episcopo Wygornienfi.

Rex Wilhelmus quædam Castella in Normanniâ Roberti adquisivit, custodes pecuniâ corrumpens, & Regem Franciæ, ne suo fratri faveret, impediens; sicque Normannia diu fluctuabat, modò uni, modò alteri favens; donec Robertus Cenomanniam, & Rex Wilhelmus quædam Castra in Normanniâ obtineret. Interea tertius frater Henricus infrendens, quòd nil sibi de terris impertiebatur, montem Michaelis occupavit; utrumque fratrem vicissim incurfavit. Ut ergo quadam die Rex Wilhelmus tabernaculum suum egressus, cum paucis irrumpit in multos hostes ipse improvisus; sed equo suo sub femoribus suis occiso ipse per pedem diu tractus probitate suæ lorice salvatus est, ne læderetur. Miles autem qui eum dejecerat, manum ad capulum gladii aptavit, ut Regem feriret. Cui Rex: Quiesce nebulo, Rex Angliæ sum ego. Tremuit vocem vulgus militum, alterum equum Regi adducunt. Quo ascenso, inquit quis eum dejecerit. Ego, ait miles ille qui hoc fecerat, nec putavi Regem dejicere sed militem. Et Rex per vultum delutatus, & tu, inquit, mihi de cætero carior eris. Cùm autem Henricus ab utrisque fratribus ita obsideretur, ut aqua sibi deficeret; misit ad Robertum fratrem suum, virum utique lenioris animi, dicens: Impium fore aquam negare, quæ omni homini mortali & bestiis communis est; magis namque civile foret pugnare virtute militum quàm violentiâ elementorum. Tunc ille aquam concessit. Quod Rex Wilhelmus audiens, derisit factum dicens: Siccine didicisti ô Roberte



berte hostes debellare, potum præbens? Cui Robertus: Numquid aquam præponderas fratri, dimittens eum mori? Si eum amiserimus, quem alium fratrem haberemus? Ad hæc Rex Wilhelmus resolvit prælium, ambos fratres in Angliam secum ducens.

Istius Wilhelmi tempore viz. anno Domini MLXXXIX. Lanfrancus Cantuariensis Archiepiscopus obiit nono Kalendas Aprilis. Qui inter cætera, &c. *Sequitur de gestis Lanfranci, de magnanimitate Malcolmi Regis Scotorum, de fundatione Ecclesiæ Tinnuthensis, & de peste Fuldensi ex Matthæi Paris Historiâ ad annos 1089, 1090, 1091.*

Wilhelmus Rex secundus dictus Rufus anno Domini MXCII. anno regni sui quinto, apud Gloverniam jacebat tempore Quadragesimali, gravi oppressus infirmitate. Promisit enim ex tunc timore mortis & ægritudinis leges emendaturum, & in domo Domini pacem positurum. Quâ de causâ dedit Archiepiscopatum Cantuariæ Anselmo Abbati Beccensi viro venerabili; atque Roberto cognomento Bloet Cancellario suo dedit Episcopatum Lyncolniensem. Sed ex quo sanus effectus est, ostendit seipsum deteriorem, [dolens] eo quod eosdem Episcopatus pretio non vendiderit. Hoc anno translata est principalis sedes Episcopalis ab Ecclesiâ Wellensi in Bathoniam (qui Episcopatus tertius fuit Westsaxonum) in Somersetenſi Pago pro copiâ fonticulorum ibidem ebullientium ita dictam. Hæc translatio facta est per laborem sive ad instantiam Johannis, qui fuit sextus decimus Episcopus apud Wellas natione Turo-nicus, assensum præbente Rege Wilhelmo, muneribusque intervenientibus. Monasterium verò apud Bathoniam, ad quod translata est prædicta sedes Episcopalis, fundavit Offa Rex Merciorum, ipse videlicet Offa, qui fundavit Abbatiam Sancti Albani Anglorum Protomartyris. Et quia fit hic mentio de Beato Anselmo, libet aliquid sub compendio de eo tractare. Sic enim scribitur *in Gestis Pontificum*. Post Lanfranci defunctionem vacavit sedes Archiepiscopatus Cantuariensis annis plus quatuor. Rex enim Wilhelmus Rufus malorum susurronum consiliis plus iusto credulus, omnes sibi redditus annumerabat, &c. *Succedit Anselmi vita ex Malmsburiensi, paucis omissis, descripta ex lib. 1. de Gestis Pontificum à folio 122. b. lin. 41. ad fol. 124. à lin. 15. Dein pergit Rudburnus Anselmi consecrationem & alia quadam narrare ex Matthæo Paris ad annum 1094.*

Anno Domini millesimo nonagesimo quinto, & anno regni Wilhelmi junioris octavo, translata est sedes Episcopalis à Theodfore ad Northwycum ab Hereberto Losyngâ, qui ex Abbate Ramesiensi à Wilhelmo Rufo emit Præsulatum Thedford. Apud Theodford olim erat sedes Episcoporum Orientalium Anglorum. Pro quo notandum, prout scribit Wilhelmus *in Gestis Pontificum*, lib. 2do. Primus Orientalium Anglorum Episcopus fuit Fœlix, &c. *Hoc loco Rudburnus integrum Wilhelmi capitulum de Episcopis Orientalium Anglorum (lib. 2. de Gestis Pontificum) in opus suum transcripsit. Exin prosequitur Anselmi exilium, expeditionem in Terram Sanctam motam, & vitam Wlſtani Episcopi Wigorniensis; Matthæi Paris (ad annos 1094, 1095.) verbis compendio datis.*

Eodem anno, mense Martio, Gwalterus cognomento Savor, vir nobilis & strenuus, cum ingenti multitudine primus omnium Cruce-signorum iter Peregrinationis arripuit. Qui in loco quidam Cnutoch vocato in confinio Turcorum posito cum triginta millibus peditum Cruce-signatorum & equitum quingentis interfectus est; ducatum belli præbente Petro Heremitâ, qui secundo post Gwalterum iter peregrinationis suscepit. Petrus cum reliquiis exercitus apud Constantinopolim remansit, Principum adventum præstolando. Circa istud tempus Dux Godefridus Lotharingiæ & Robertus Dux Normannorum, qui ultimus omnium Cruce-signatorum iter peregrinationis suscepit, Terram Sanctam petivit. Eodem anno Dux Normannorum Robertus Curthofe, frater Wilhelmi Rufi Regis, strenuitate magnanimus, venit in Angliam, fratri-

bus

bus suis antequam peregrinaretur valedicturus, simul & ab eis consilium & auxilium cum favore fraterno postulaturus. Quem Rex Angliæ Wilhelmus & Henricus frater ejus cum omni reverentiâ susceperunt. Dux autem Robertus dulci colloquio affatur utrumque, dicens: Nostis fratres charissimi, quod pater noster Wilhelmus Rex Anglorum magnificus nobis dixerit moriturus, viz. quod quum Angliam sibi subjugasset, multos hujus regni Nobiles multipliciter afflixit veritatem transgrediendo. Gravi igitur ductus pœnitentiâ in extremis mihi coram vobis præcepit, ut nactâ temporis opportunitate onus peregrinationis pro salute animæ suæ & meæ & animarum vestrarum fratrum meorum assumerem. Et ecce nunc tempus idoneum. Ego ergo paternæ exhortationis non immemor, cruce, vos nostis, pro ipso & nobis consignor. Unde sicut nobis commune est negotium, commune sit & suffragium. Unde attentius supplico; quatenus mihi de thesaurorum vestrorum copiis peregrinatori velit impertiri. Cui Rex Wilhelmus tam fratris quàm patris oblitus beneficiorum, torvo vultu respondit: Thesauris multis multum indigeo. Amicus enim tuus Rex Francorum, mihi ut noceat, insidiatur. Nolo pro te thesauro destitui, vel in aliquo decrescere vel depauperari. Cui Dux iratus: O fratrum medie, sed degener, tu me primogenito supplantato regnum Angliæ opulentissimum nequiter invasisti, quo & nequiter abuteris. Et si mihi succurrere dedignarere, animæ patris nostri, qui te in Regem creavit, teneris patrocinari. Et cum ad jurgia erigerentur, compescuit eos Henricus frater eorum junior intumentes; ad quem versâ facie Dux ait: Et tu frater de subsidio postulato quid dicis? Memorare quæso quantum thesaurum tibi delegavit pater noster. Cui Henricus: Nosti frater, quod mihi injunxit pater noster pro redemptione animæ suæ exinde unum nobile fundare Cœnobium, ad quod necesse habeo auri & argenti copiis habundare. Verumptamen ut asseris, commune nobis est negotium istud; unde non possum tibi penitus deesse. Commota namque fuerant viscera ejus affectu fraterno. Commodabo tibi, inquit, mille libras argenti. Et Rex Wilhelmus erubescens, ex quo vidit misericordiam Henrici, mitigato animo ipsi Duci Ducem millia librarum argenti commodavit, interposito Ducatu Normanniæ pro pignore. Cui Dux gratias agendo adquiescens supplicat; ut tutor Normanniæ incolas non depauperaret, lucos non explanaret, terminos non abbreviaret. Quod benignè concessit uterque fratrum. Et sic valedicto ipsis, recessit Dux magnificus Normannorum Robertus. Circa istud tempus fabricata est & perfecta Ecclesia Northwycensis; & pro Clericis Monachi fœliciter subrogantur. Anno Domini millesimo nonagesimo septimo, anno verò regni Regis Wilhelmi decimo, obsessa est civitas Nicæa, &c. Qui verò nomina aliarum civitatum scire desiderat, inspiciat Chronicam Matthæi Parisiæcensis Monachi Sancti Albani Protomartyris Angliæ, ubi agit de actibus Wilhelmi Ruffi Regis Anglorum. *Ex eo historiam rerum à Cruce-signatis anno 1097, & 1098. gestarum compendio redditam Rudburnus exhibet.*

Eodem anno (viz. MXCVIII.) obiit Walkelinus Wyntonienfis Episcopus, postquam strenuè rexerat Wyntoniensem Ecclesiam viginti septem annis; de quo in præcedenti Capitulo mentionem fecimus: & in propriâ Ecclesiâ sepultus est. Et ex tunc vacavit sedes Wyntonienfis plusquam duobus annis, immo fere tribus annis. Nam Wilhelmus Rex post mortem Walkelini tenuit Episcopatum Wyntoniensem in manu propriâ usque ad mortem ipsius, viz. ab anno Domini MXCVIII. usque ad annum Domini MC. Quo anno moritur Wilhelmus Rex, & Henricus frater ejus coronatur. Qui quidem Henricus Rex primo regni sui anno, viz. anno Domini MC. dedit Episcopatum Wyntoniensem Wilhelmo Gyffard. Sed quoniam ad voluntatem Regis quosdam Episcopos, qui institutiones à Rege susceperant, Anselmus Cantuariensis Archiepiscopus noluit consecrare, vel cum eisdem communicare,

WILHELMUS GYFFARD.



care; Rex versus in animum pravum contra eum irā incanduit vehementi. Præcepitque Rex Henricus Girardo Eboracensi Archiepiscopo, ut eos consecraret. Sed Wilhelmus Gyffard timens Sancti Anselmi rigorem, sprevit consecrationem Eboracensis Archiepiscopi. Quare Regis injusto iudicio à regno Wilhelmus Gyffard est eliminatus tertio anno post dationem prædictam, anno viz. Dominicæ Incarnationis MCII. Et sic stetit Wilhelmus Gyffard non consecratus minister Ecclesiæ Wyntonienfis per septem annos, viz. usque ad annum ab incarnatione verbi MCVII. Quo anno consecratus est Wilhelmus Gyffard ab Anselmo Cantuariensi Archiepiscopo apud Cantuariam die Dominicâ III. Idus Augusti. Et sic secundum Auctorem *de Concordantiis* totum illud tempus à morte Walkelini usque ad obitum Regis Wilhelmi junioris, quo etiam obitus anno coronatus erat Henricus primus frater ejusdem Wilhelmi Rufi, quando Rex Henricus dedit Episcopatum Wyntonix prædicto Wilhelmo Gyffard, assignatur pro tempore vacationis solummodo. Unde & quidam Chronicantes illos septem annos ante consecrationem Wilhelmi connumerantes inter annos Pontificatus ipsius, dicunt ipsum pontificasse annis viginti octo; sed in rei veritate non pontificabat consecratus nisi viginti uno in totum aut viginti duobus annis. Anno enim Gratix MCVII. consecratus est in Episcopum Wyntonix ab Anselmo Cantuariensi Archiepiscopo; & anno Gratix MCXXIX. Henricus Blesensis post ipsius Wilhelmi obitum successit in Episcopatum.

Anno gratix MXCIX. & anno regni Wilhelmi Rufi duodecimo XIII. Kalendaris Julii Christiani cœperunt urbem Acon. Postea verò Jerusalem pergunt Christiani; obsessâque civitate capta est à Godefrido & Roberto Normannorum Ducibus & aliis Nobilibus quàm plurimis. Ingressusque est universus exercitus sextâ feriâ horâ nonâ mense Julio, decimâ die mensis, anno Domini MXCIX. ex quo fideles Christiani peregrini votum & viam tantæ peregrinationis assumpserunt anno nono. Civitas sancta Jerusalem in sublimibus montibus sita est; ut habetur in Chronicâ Matthæi Parisiacensis. *Vide locum apud Matthæum Paris, quem Rudburnus transcripsit à pag. 51. lin. 50. ad pag. 52. lin. 12.*

Sed ad majorem horum declarationem & etiam sitûs totius terræ sanctæ, dignè duximus hîc inserendum, quæ venerabilis pater Dominus Jacobus de Vitriaco Jerosolymitanus Patriarcha & Apostolicæ sedis Legatus in libro suo, quem *de conquestu Terræ Sanctæ* composuit, & etiam quæ frater Brocardus Ordinis Fratrum Prædicatorum in libro suo *de Terrâ Sanctâ* scribit: in cujus Prologo sic idem Brocardus notabiliter procedit. ‘Cum in veteribus Historiis legamus, sicut dicit Beatus Jeronymus, quosdam lustrasse provincias, maria transisse, ut ea, quæ ex libris noverant composita viderent; quid mirum si Christiani terram illam, quam Christi sonant Ecclesiæ universæ, videre & visitare desiderent? Verum ego frater Brocardus Ordinis Prædicatorum videns quosdam affici desiderio ea saltem aliquantulum imaginari, quæ non possunt præsentialiter intueri, & cupiens eorum desiderio satisfacere, quantum possum, terram ipsam, quam pedibus meis pluries pertransivi, & quantum potui, consideravi, & notavi diligenter, & studiosè descripsi; scire volens, quòd nihil in hac descriptione posui, nisi quod vel præsentialiter in locis ipsis existens vidi vel stans in montibus aliquibus vel locis aliis, ubi accessum habere non potui à Syrianis vel Saracenis aut aliis terræ habitatoribus, diligentissimè, quod quærebam, interrogans annotavi. Totam terram ipsam à Dan usque Bersabee & à mari Mortuo usque ad mare magnum, qui sunt ejus termini, aut pedibus, ut dictum est, perambulavi; vel oculis, ubi accessum habere non potui, diligenter consideravi. Advertens autem quomodo possem hoc describere, ita ut posset à legentibus imaginatione comprehendere, cogitavi centrum aliquod ponere in eâ terrâ, & circa illud totam terram

‘ terram modo debito ordinare. Et ad hoc elegi civitatem Aconensem tan-  
‘ quam plus aliis notam, quæ tamen non est in medio sed in Occidentali ejus  
‘ fine supra mare sita; & ab ipsâ pertraxi quatuor lineas, quatuor mundi par-  
‘ tibus correspondentes; & quamlibet quartam divisi in tertiam, & in singu-  
‘ lis divisionibus posui civitates & loca in scriptis magis nota; ut singulorum  
‘ locorum situs posset de facili reperiri, ad quam partem mundi esset collocata.  
Hæc Brocardus in Prologo.

*Incipit Divisio Terræ sanctæ per loca & Provincias secundum Jacobum de  
Vitriaco & Brocardum.*

**S**Ciendum autem est in principio, quod terra ista, quam Sanctam dicimus,  
&c. Hoc loco Rudburnus integrum fere Brocardi librum (qui typis olim ex-  
cusus prostat) nonnullis refecatis & stilo nonnihil immutato, exscripsit usque ad  
finem capitis 2di. lib. 2di. Rudburnus quidem Jacobum Vitriacum etiam sequi  
præ se fert. Quantum autem augurari possum, ipse Vitriaci librum nunquam vi-  
dit; ea solummodo Vitriaci habens quæ Brocardus in opus suum transcripsit, &  
plurima sanè ex eo se transcripsisse ipse sub fine cap. 1. lib. 1. agnoscit. Prolo-  
gus Brocardi, qui superius invenitur, evulgato multò brevior est & valde diversus.  
Illum itaque solum exprimendum duxi. Ceterum Rudburnus ad lib. 2. cap. 2.  
§. 5. Brocardi (ubi de Sirorum & Græcorum fide differitur) sequentem de Conci-  
lio Florentino suâ ætate celebrato narrationem intexuit.

Græci similiter Christiani sunt, sed Schismatici, nisi quod in magnâ parte  
Concilio generali sub Domino Gregorio Papâ decimo ad obedientiam Roma-  
næ Ecclesiæ redierunt. Hæc sunt verba Brocardi de reditu Græcorum ad obe-  
dientiam Romanæ Ecclesiæ. Sed pro hoc ulterius notandum, quod anno  
Dominicæ Incarnationis millesimo quadringentesimo tricesimo septimo Domi-  
nus Papa Eugenius quartus Concilium Basiliæ per Prælatos & Doctores celebra-  
tum transfudit cum consensu Cleri sui per sententiam suam ad civitatem Fer-  
rariæ; cui translationi patres Basileæ congregati consentire noluerunt, affir-  
mantes Papam Romanum Concilium generale non posse dissolvere, nec ad  
aliud locum transferre legitime absque consensu ejusdem Concilii sic dissolu-  
ti vel translati; eo quod sic ordinavit & statuit Concilium sacrum Constan-  
tense in capite quod incipit, *Frequens*, Concilium generale esse super Papam  
in autoritate. Unde Papæ & prædictæ translationi per sententiam Papæ à  
Basileâ Ferrariæ Basilienses contradixerunt; & Dominum Papam Eugenium  
quartum citaverunt, ut compareret Basiliæ, recepturus & subiturus quod  
Basilienses judicarent. Et etiam sic mandaverunt, ut sententiam suam de  
translatione Concilii à Basileâ Ferrariæ revocaret; aliter enim affirmabant se  
ipsum Papam excommunicare & à Papatu per sententiam suam deposituros.  
Quod & postea indiscretè fecerunt. Sed isti citationi Papa Eugenius, qui  
ante Papatum vocabatur Gabriel, non obedivit, nec Basileæ comparuit, nec  
sententiam suam de translatione Concilii à Basileâ ad civitatem Ferrariæ revo-  
cavit. Sed anno Dominicæ Incarnationis millesimo quadringentesimo tricesi-  
mo octavo Ferrariæ Concilium generale celebravit, consentiente Clero Græ-  
corum & Latinorum in magno numero, in præsentia Johannis Imperatoris  
Romeorum, i. e. Græcorum sedentis in cathedrâ bassâ à terris non multum  
elevatâ à sinistris Papæ, & in præsentia Domini Joseph de ordine Sancti Basi-  
lii Monachi Episcopi. Et iste Joseph fuit Patriarcha Constantinopolitanus,  
qui sedebat etiam à sinistris Papæ post Imperatorem Græcorum. Et in dex-  
terâ parte Papæ ex opposito Imperatoris Græcorum fuit sedes parata Impera-  
tori Romanorum, qui ibi non interfuit. Et in præsentia istorum & Prælato-  
rum ac Magistrorum copiosæ multitudinis fuit decretum, Concilium gene-



rale ibidem Ferrariæ legitimè congregari & ibidem celebrari. Decreto publicato in ambone, i. e. pulpito per Episcopum, & sic viginti limitati ex parte Græcorum & viginti limitati ex parte Latinorum electi fuerunt ad arguendum & respondendum in materiis & articulis Græcorum, in quibus contra Latinos Ecclesia Græcorum à veritate diu recesserat. Quorum unus articulus fuit, Spiritum Sanctum procedere à Patre & Filio; quod negabant Græci dicentes, Spiritum Sanctum à Patre non à Filio procedere. Iste alius articulus fuit: Animas & spiritus dampnatorum puniri ante finale iudicium, & animas [impiorum] immediatè post separationem à corpore puniri, & animas sanctorum sine morâ post exitum à corporibus beatificè & clarè Deo frui; quod negabant Græci dicentes, hæc pœnalia, & beatitudinem in finale iudicium reservari. Item alius Articulus fuit; Animas plurimorum in Purgatorio fuisse, Græcis negantibus Purgatorium esse. Item quòd licitum fuit addere Symbolo illi, quod in Missis canitur, illud de Spiritu Sancto, *Qui à patre filioque procedit*; licet in uno Concilio priori dedaratum fuit, Spiritum Sanctum à Patre procedere per Filium; Græcis asserentibus, quòd non licebat addere, nec mutare Symbolum illud. Item alius articulus fuit, quòd Papa Romanus fuit in regendâ Ecclesiâ Domini verus successor Sancti Petri Apostoli, & caput præminens in auctoritate ante quemcunque Patriarcham & quemcunque alium Prælatum, & quòd Constantinopolitanus Patriarcha secundus post ipsum Papam est in dignitate. Et in istis Articulis Græci videntes se evidentibus Scripturarum & Sanctorum Doctorum testimoniis & rationibus Latinorum non posse satisfacere, nec allegata per Latinos posse evacuare, subscripserunt & fatebantur Ecclesiam Latinorum veram fidem in prædictis tenuisse, & Græcam Ecclesiam deviasse à veritate. Et Dominus Joseph Patriarcha per octo dies ante mortem suam subscripsit, Spiritum Sanctum procedere à Patre & Filio: & mortuus est, & sepultus infra octo dies, postquam illi articulo subscripserat; quia aliis articulis non subscripsit, quia dum ibi viveret, pertractati & decisi ibidem non fuerant; & sepultus fuit anno Dominicæ Incarnationis millesimo quadringentesimo tricesimo nono tertio Idus Junii in civitate Florentiæ inter Fratres Prædicatores; ad quam Civitatem Dominus Papa transtulit illud Concilium à Ferrariâ Civitate propter pestem Ferrariæ dominantem. Eodem anno in crastino Nativitatis Sancti Johannis Baptistæ Basilienses per suam sententiam in scriptis Dominum Eugenium vocatum & Basileæ non comparentem excommunicaverunt, & nequiter à Pontificatu per suam sententiam deposuerunt. In quâ sententiâ & depositione vocali & non reali fuit unus Cardinalis, sc. Arelatensis titulo Sanctæ Cecilie, & undecim Episcopi, quorum septem fuerunt Episcopi titulati, habentes nomen non populum subjectum, & fuerunt ibidem septem vel octo Abbates. In quâ depositione nulli Embassiatores alius regni nec Civitatis nec Universitatum nec Ducum interfuerunt, nec consenserunt illi depositioni. Et in eodem anno Domini post istam sententiam Basiliensium sic indiscretè prolatam, Græci prædicti in Concilio Florentiæ celebrato subscripserunt in publicâ sessione Domini Papæ & Imperatoris Romeorum, i. e. Græcorum, & in præsentia Orientalis & Occidentalis Ecclesiæ, sc. Græcorum & Latinorum, fatentes & confitentes fidem Latinæ Ecclesiæ in omnibus articulis prædictis. Quæ subscriptio fuit ab eis facta & scripta anno Dominicæ Incarnationis millesimo quadringentesimo tricesimo nono in octavis Sanctorum Apostolorum Petri & Pauli, sc. in vigiliâ Translationis beati Thomæ Martyris & Archiepiscopi Cantuariensis. Et fuit illa subscriptio Græcorum & Latinorum facta Florentiæ in publicâ sessione Domini Papæ & Ecclesiæ Græcorum & Latinorum; & subscripserunt omnes Prælati eorum ibidem existentes, exceptis tribus; & fuerunt in numero triginta sex de Prælatibus & Episcopis Græcorum, qui subscripserunt. Et in Concilio prædicto Ferrariæ & Florentiæ fuerunt tantum quatuor

quatuor Doctores de Angliâ, qui fuerunt Doctores sacre Theologiæ & Ordinis fratrum Carmelitarum, sc. Magister Johannes Kylyngal Provincialis, Magister Johannes Thorp, Magister Wilhelmus Thorp frater ejus, & Magister Walterus Hunt, qui fuit unus de viginti Doctoribus supra nominatis, qui fuerunt deputati ad disputandum & respondendum in materiis Græcorum in illo Concilio Ycumenico. Ycumenicus autem est, i. Orbicularis sive Universalis secundum Græcos, quando de toto orbe Christianitatis veniunt ad Concilium. Quando enim una pars sive patria à Concilio excipitur; tunc Concilium illud non est Orbiculare sive Universale; sicut si Francia, Italia, Hispania, & aliæ patriæ venirent ad Concilium seclusa Ecclesiâ Græcorum sive Græciâ; tunc Concilium illud non est Ycumenicum, i. Orbiculare, sive Universale; quia non veniunt de toto orbe sive rotunditate totius Christianitatis. Et ideo quia de toto Ecclesiâ, sc. Græcorum & Latinorum Florentiæ convenerunt; ideo Græci vocant illud Concilium Ycumenicum, i. Orbiculare sive Universale. Et octo fuerunt Concilia Ycumenica ante istud Concilium Florentiæ secundum Græcos. Unde nunquam fuit post primam separationem Græcorum ab Ecclesiâ Latinorum tanta & talis unio. In illâ enim Unione quæ fuit sub Gregorio nono in Concilio Lugdunensi, Patriarcha fuit in Concilio, qui non habuit, ut dicunt Græci, potestatem decidendi vel subscribendi nomine Ecclesiæ Græcorum; sed Ecclesia Græcorum dedit ei potestatem, ut idem Patriarcha cum Latinis in illo Concilio Lugdunensi conferret & allegata & responsa Latinorum reportaret, & secum in Græciam conferret, sed nihil cum Latinis contra Ecclesiam Græcorum vel ejus assertiones idem Patriarcha concluderet. Et tamen idem Patriarcha non consentiente Ecclesiâ Græcorum, nec Imperatore eorum cum Dominis temporalibus, conclusit cum Latinis in illo Concilio Lugdunensi; & viginti sex conclusiones abjuravit nomine suo & Ecclesiæ Græcorum; quæ isti abjuratori non consensit tunc. Sed in isto Ycumenico Concilio, i. e. totius orbis Christianitatis Concilio Florentiæ celebrato anno Dominicæ Incarnationis millesimo quadringentesimo tricesimo nono fuit Dominus Imperator Romeorum, i. e. Græcorum Johannes Palæologus cum Dominis suis temporalibus, cum Patriarchâ ipsorum Constantinopolitano & quadraginta Prælati, i. e. Episcopis; & omnes Prælati Græcorum subscripserunt fidem Latinorum, i. e. Ecclesiæ Occidentalis in die Sabbati ante Festum Sanctorum Apostolorum Petri & Pauli coram Imperatore & se ipsis Græcis. Tres tamen Græci non subscripserunt de Prælati, quorum unus fuit Episcopus Ephesinus habens titulum Episcopalem Civitatis Ephesinæ, ubi fuit Sanctus Johannes Evangelista; non tamen illam Civitatem rexit, sed tantum illius titulum habuit; & alius Prælatus Græcus fuit mortuus Ferrariæ, & Patriarcha Joseph fuit mortuus ante istam subscriptionem, & sepultus Florentiæ tertio Idus Junii, tamen per octo dies ante mortem suam subscripsit, & affirmavit articulum de Spiritu sancto, s. Spiritum Sanctum procedere à Patre & Filio. Alii enim articuli, in quibus postea subscripserunt, non fuerunt in morte Patriarchæ disputati & conclusi. Et Imperator Græcorum in Sabbato prædicto ante Natalitia Sanctorum Apostolorum Petri & Pauli suis Prælati dixit: Volo exonerare conscientiam meam, & onero. Vos sicut respondebitis coram summo Deo, deducto omni honore meo & timore & omni occasione in contrariam remotâ, dicatis an scitis vel possitis evacuare allegata, argumentationes Latinorum & eorum responsiones vestris argumentis; & habentes Deum solum præ oculis onero vos dicere, quæ intelligitis, & an poteritis ista evacuare an non. Et responderunt decem Prælati; quod non sciverunt nec potuerunt evacuare allegata Latinorum. Dignum ergo est, dixit Imperator, ut subscribatis. Et sic in octavâ die Sanctorum Apostolorum Petri & Pauli subscripserunt omnes Prælati Græci, exceptis tribus, publicè in Ecclesiâ majori Florentiæ, & fidem Latinorum in prædictis articulis



lis decreverunt, Domino Papâ eodem die, sc. die Lunæ Missam de Spiritu Sancto celebrante. Et iste Dominus Papa fuit Venetus, i. e. de Venetiâ ortus, & sæcularis Sacerdos, & non privatæ Religionis, neque professionis singularis, quando fuit electus in Cardinalem per Gregorium duodecimum. Et exhibuit in Concilio illo expensis suis propriis omnes Græcos in Concilio numero sexcentos. Et fuerunt decem & novem Doctores sacre Theologiæ & unus in Jure Canonico, qui disputarent cum quadraginta Græcis in articulis præfatis. Doctores autem Angliæ ibi non fuerunt, exceptis quatuor prædictis Carmelitibus; quia nec saluum conductum nec tutam viam habere potuerunt, resistentibus pluribus & specialiter Duce Burgundiæ tunc præcipuo inimico regni Angliæ. Et licet Papa pro salvo conducto pro Anglis illi Duci scriberet; tamen obtinere tunc non potuit. De Græcis etiam addit Brocardus in libro suo *de Terrâ Sanctâ*, quod sine dubio dicuntur multis erroribus implicati; sed hoc de eis communiter dici potest, quod apud eos Prælati sunt Monachi & multæ abstinentiæ, & conversationis mundæ, & devoti sunt valdè. Communiter Prælatos multum honorant, &c. *Exin Brocardi verba Author profertur usque ad finem cap. 2di. lib. 2di. ut supra annotatum est. Demum ad Cruce-signatos reversus, regnum Hierosolymitanum à Roberto repudiatum, Godfrido datum hisce verbis narrat.*

Et hæc de hiis dicta sufficiant. Captâ ergo, ut diximus, sanctâ Civitate Jerusalem ab inclytis Principibus Godfrido & Roberto Normannorum Duce, cum Principes in ipsâ sanctâ Civitate in quiete & lætitiâ spirituali quievissent, viz. in Sabbato Ramis palmarum, convenerunt octavâ die tractaturi per gratiam Spiritûs Sancti, ut aliquem de suo eligerent collegio, qui præsit Civitati Regiæ ac regioni regiam ritè obtinens dignitatem. Et cum diligenter fuis orationibus, & accensis super altaria cereis, commissisque eorum singulis candelis extinctis, ut per accensionem indicium panderetur divinæ voluntatis. Denique cum in Sabbato Paschali, quæ octava dies est hujus conventionis, Robertus Dux Normannorum apud Jerosolimam inter cæteros astaret, expectans ignem de supernis in cereum alicujus descendere; cereus ipsius Roberti Ducis Normannorum ter divinitus accensus est; ter, quod sine lachrymis recitare nequeo, clam extinxit, electioni de se divinitus factæ nullatenus consentiens. Ab omnibus enim in Regem Jerosolymorum electus est; sed auditâ morte fratris sui Wilhelmi Regis Angliæ, regnum Jerosolymitanum non reverentiæ contuitu recusavit, sed aut laborum metu, aut regni Anglicani cupidine; quâ de causâ nunquam postmodum in bello fortunatus fuit. Tandem omnes relicto Duce Roberto, unanimiter, constanter, imo obstinatè contradicente, Ducem Godfridum consonantes gaudenter elegerunt; & electum sepulchro Domini cum laudibus & ymnis solempniter erubescente Duce Roberto præsentaverunt. Et hoc meritò, ut primus ad capturam qui intravit, primus & dignissimus in dominatu acclamaretur. Erat nempe iste Robertus. *Dein Rudburnus Roberti Ducis mores ex Malmsburiensi fol. 86. depingit; & Wilhelmi Regis necem ex Matthæo Paris refert.*

Tandem Wyntonix deportatur, & in Ecclesiâ Cathedrali sepelitur in medio Chori. Hæc Mattheus Parisiæ de morte Regis Wilhelmi Rufi. Quid verò Wilhelmus Malmesbiriensis de istius Regis morte scribit, dignum duximus in sequentibus interferendum. Multa, inquit, de ipsius interitu & prævisa & prædicta homines ferunt, &c. *Vide locum quem Rudburnus exscripsit à fol. 70. b. lin. 54. ad fol. 71. à lin. 44.*

Pauci rusticanorum cadaver in rhedâ caballariâ compositum Wyntoniam in Episcopatum devexere, cruore undatim per totam viam stillante. Ibi infra ambitum turris multorum Procerum conventu, paucorum planctu terræ traditum. Neque desuere opiniones quorundam dicentium, ruinam turris, quæ posterioribus annis accidit, peccatis illius contigisse; quod injuria fuerit,

rit illum sancto tumulari loco, qui totâ vitâ petulans & lubricus, moriens etiam Christiano caruerit viatico. Sed videtur, quod hîc contrarietis possit oriri; ut enim habetur in scriptis Wyntonienſis Ecclesiæ, Walkelinus Episcopus Wyntonix turrim illam fabricavit, qui anno undecimo Wilhelmi Regis Rufi obiit, & non invenitur post illam fabricationem quæ facta est per Walkelinum, turrim illam cecidisse; quia fortissima turris facta est, & adhuc extat secundum latomos firmissima inter omnes hujusmodi turres in Regno Angliæ. Ad istud respondendum est; quod veritas taliter opinantium, quod pro peccatis Wilhelmi Regis Rufi eo ibidem sepulto turris ipsa cecidit, habetur isto modo. Walkelynus ejusdem sedis Episcopus in vitâ suâ turrim ipsam non fecit fieri; sed post ipsius mortem antiquâ turri ipsius Ecclesiæ, sepulto in eâ Wilhelmo Rege Rufo, cadente, de maximâ quantitate sive summa pecuniæ, quam Walkelynus Præsul suæ Ecclesiæ legavit in suo decessu ad ejusdem Ecclesiæ necessaria providenda, sufficiens portio sumpta est pro sumptibus ad novam Turrim fabricandam. Et quia de bonis ipsius Walkelyni fabricata est, quamvis post mortem ejus; tamen nomen fundatoris ipsius Turris, sicut dignum est, sibi retinet; quæ Turris usque hodie firmissimè stat. Istud est dictum Auctoris *de Concordantiis Historiarum Angliæ* sub literâ V. Ipse enim Auctor multa scribit de Ecclesiâ Wyntonienſi, in quâ quondam nutritus erat. Jam ad dicta Wilhelmi Malmesbiriensis de Rege Wilhelmo Rufo redeamus. Si quis verò desiderat scire corporis ejus qualitatem, &c. *Quare locum Malmesburiensis à Rudburno descriptum à fol. 70. à lin. 52. ad fol. 70. b. lin. 53. dein à fol. 69. à lin. 12. ad fol. 70. à lin. 48. istâ duntaxat clausulâ aliunde interjectâ.* Iste Rex Wilhelmus non permisit orationes fieri pro eo aut pro Ecclesiâ: Orate, inquit, quod vultis; ego faciam quod placet mihi.

Hæc Wilhelmus Malmesbiriensis *de Regibus* libro quarto. Matthæus Parisiensis in *Chronicâ* suâ de isto Rege Wilhelmo Rufo ita scribit. Rex Anglorum Wilhelmus cognomento, capite & mente Rufus & vulpinus fuit. Monasterium Sanctæ Mariæ Eboraci de rapinis & extorsionibus, quibus regnum Angliæ & Normanniæ multipliciter afflixit, fundavit. Et reædificavit Civitatem Karleoli per annos trecentos desolatione Danicâ desolatam; & ex Australibus Angliæ finibus, viz. ex terrâ Gewyseorum illuc habitatores transmisit. Urbem verò quondam insignem Alclud vocatam, sub tempore Britonum & Pictorum ad solum destructam circa annum Gratix octingentesimum septuagesimum vastantibus Danis partes Northanhumbrinas, hanc urbem sic destructam reliquit. In quo loco Britannia illa fuerat constructa, varia sunt scripta Auctorum. Beda dicit *de Gestis Anglorum* libro primo capitulo duodecimo, illam fuisse constructam ad Occidentalem sinum illius marini brachii, quod olim separabat Pictos à Britannis, ubi Vallum Severi sive murus extenditur. Iste famosus ad Occidentem terminatur; & sic videtur secundum ipsum, quod non multum distet à Lugubalia, i. e. Kaerlyl, quia & ipsa ad finem illius muri ponitur. Volunt aliqui, quod Alclud sit illa, quæ modò vocatur Aldeburg, quod sonat Villam veterem, quæ ponitur apud flumen Ouse non longè à Burbrigge, quæ distat ab Eboraco quindecim milliariibus ad Occidentem. Alii volunt, ut Alclud sit urbs ista, quæ nunc vocatur Burghame in Borealibus finibus Westmerlond juxta Cumberlond super flumen Edenæ sita; cujus adhuc miranda apparent vestigia. Ebrancus Rex illam condidit. Iste Wilhelmus Rufus perversorum semper usus est, consilio. Quicquid mali poterat, id semper agebat; suis nequam, alienis nequior, sibi nequissimus. Subjectos omnes continuis tallagiis vexabat, vicinos guerris, & exactionibus assiduis provocabat; nec respirare poterat Anglia sub ipso miserabiliter suffocata. Ipse namque, & qui ei famulabantur omnia rapiebant, omnia conterebant & subvertebant, adulteria violenter & impune committebant. Quicquid fraudis & nequitix antea non erat, hiis temporibus pul-



pullulavit. Ipsâ die, quâ obiit in proprio tenebat Archiepiscopatum Cantuariensem, Episcopatum Wyntoniensem, & Saresbiriensem cum duodecim Abbatiis, quos aut vendebat, aut ad firmam dabat, aut in manu suâ tenebat. Nec luxuriæ scelus exercebat occultè, sed ex impudentiâ coram sole. Clerum omnem exosum habuit. Et quamvis operibus fuisset levis, in verbis tamen stabilis fuerat; adeò ut si cui bonum, aut malum promitteret, inde securus esse posset. Et cum esset pecuniæ avidissimus, quoddam tamen semel gessit memoriâ dignum. Defuncto namque quodam Abbate semel in Angliâ, duo Monachi collectâ magnâ pecuniæ summâ Regem adeunt, ut Abbatis officium alter alterum supplantando obtineret. Cum quibus quidam eâ intentione tertius perrexerit; ut Abbatem constitutum humiliter domi reduceret. Cumque coram Rege duo starent, & unus altero plura promitteret, Rex à tertio Monacho tunc tacente, quid dare vellet, inquisivit. At ille nihil se promittere, aut dare velle, respondit. Accede ergo tu, Rex inquit, solus dignus es tam sacrum onus subire. Iste etiam Wilhelmus Rex fecit magnam Aulam Westmonasterii ad placita regni tenenda. In diebus hujus Regis, ut scribit Mattheus Parisiacensis, sub anno viz. Domini MXCI. qui est quartus regni hujus Regis, in Fuldensi Cœnobio lues exitialis adeò grassata est, &c. *Vide Matthæi locum, quem Rudburnus etiam supra descripserat. Huic narratione succedit Historia foundationis ordinis Cisterciensis ex Malmesburiensi desumpta à fol. 71. b. lin. 10. ad fol. 72. b. lin. 8.*

Hæc Wilhelmus Malmesbiriensis. De primo Abbate Cisterciensium, qui de Monasterio Molesmo in Burgundiâ venerat, in quo sunt Nigri Monachi Ordinis Sancti Benedicti, & in Cistellenses, i. e. Cistercienses aliquanto tempore dominabatur; & fecit secundum quod docuit, & alios facere compellebat, & post relicta hâc Religione ad Molesmense Cœnobium rediit, qui quidem Abbas Robertus vocabatur; scribuntur hii versus;

Abba Molismensis niger es bis Sancte Roberte.  
Ordo Cisterciensis cæpit fundamina per te.

Cui successit Albericus, cui Stephanus qui & Hardingus; sub quo Sanctus Bernardus, cum viginti duorum annorum esset ætatis, habitum Religionis assumpsit; ut scribit Martinus in *Chronicâ suâ de Pontificibus & Imperatoribus*. Quod autem quidam Chronicantes scribunt, quòd anno octavo Regis Henrici Beuclerk viz. anno Dominicæ Incarnationis millesimo centesimo octavo Ordo Cisterciensis incepit, hoc intelligitur secundum Mattheum Parisiacensem in *Chronicâ* suâ, ubi agit de tempore Regis Henrici primi, de quibusdam Monachis Monasterii sanctæ Mariæ Eboraci, viz. de Priore cum duodecim Monachis, qui Religionem istam incæperunt primitus in Angliâ, sed non diu permanserunt in ipsâ Religione, ut dicunt Monachi Monasterii Sanctæ Mariæ Eboraci; quia eò quòd sine licentiâ extra Monasterium abierunt, ad pristinam Religionem revocati sunt observandum. Sic ergo Wilhelmus Rufus Rex Anglorum obiit anno Dominicæ Incarnationis millesimo centesimo, regni sui anno tertio decimo, Nonas Augusti quarto, ætatis suæ quadragesimo quarto.

C A P I T U L U M III.

De Rege Henrico primo post Conquestum, dicto Beuclerk.

**A**Nno Domini millesimo centesimo, eodem viz. anno quo frater suus Wilhelmus Rex junior obierat, Henricus apud Westmonasterium à Mauricio Londoniensi Episcopo Nonas Augusti, quarto viz. post obitum fratris die, in Regem coronatus est, coronam illi imponente Thomâ Eboracensi Archiepiscopo. Nam Beatus Anselmus tunc exulabat. Coronatus est cum esset triginta unius annorum, maximè annuente Henrico Warwycensi Comite. Iste solus paterno funeri omnium fratrum suorum affuit; propter ea benedictione paternâ, maternâque hereditate thesaurisque multum ditabatur. Hic tertio paterni regni anno in thoro regio genitus, postmodum in liberalibus artibus in Universitate Cantebriggia suum primum protrivit tyrocinium, factusque est inibi Magister in Artibus. Istum aliquando à fratre suo Wilhelmo læsum pater perspiciens, hausto spiritu Prophetiæ, consolatus est dicens: Ne fleveris fili; & tu Rex eris. Hic Henricus ultimo paterni regni anno, ætatis verò suæ nonodecimo, à patre suo factus est Miles. Hoc anno Anselmus Cantuariensis Archiepiscopus rediit ab exilio. Misit namque Rex Henricus ad eum nuncios, ut de exilio rediret ad pastorem sui regiminis curam. Anselmus sic rediens ab exilio, desponsavit Matildem filiam Malcolmi Regis Scotia Henrico Regi Angliæ, ex quâ genuit Wilhelmum & filiam unam, nomine & honestate matrem repræsentantem. Pro genealogiâ hujus Matildis est notandum, quod Rex Anglorum Edmundus Ferreum latus Anglicè *Irensyde* filius Etheldredi Regis Angliæ, non ex Emmâ uxore legitimâ sed ex concubinâ genitus, habuit duos filios Edwynum, sc. & Edwardum. Hii duo pueri Edmundo patre interempto jussu Knuti Regis missi sunt ad Regem Swevorum, ut perimerentur; sed miseratione ejus conservati, misit eos Rex Swevorum ad Regem Hunnorum. Quos Rex terræ, ut cognovit qui essent, benignè eos retinuit. Deinde citò post major obiit, & junior Edwardus Agatham sororem Regina Hunorum, i. e. Hungarorum duxit in uxorem; ex quâ genuit Edgarum, Christinam & Margaretam; quæ Margareta postea nupta fuit prædicto Malcolmo Regi Scotia. Christina verò in sanctimoniali habitu consenuit apud Rameseyam. Edgarus, qui dictus est Adelyng, sine liberis discessit. Habuit enim Margareta filios ex Malcolmo Rege Scotia Edwardum, Edgarum, Alexandrum & David, qui post patrem regnaverunt in Scotiâ successionem continuâ. Senior frater Edwardus in bello cum patre occubuit; cæteri regnaverunt, ut dictum est. Habuit enim hæc Margareta Regina filias Matildem, sc. & Mariam. Matildem Rex Angliæ Henricus primus Wilhelmi Conquæstoris filius, ut diximus, duxit in uxorem. Mariam Eustachius junior Comes Bononiæ similiter duxit in uxorem. Hæc Matildis Regina Henrici primi Regis Angliæ fuit velo sacro Deo dicata, ac professa. Propter quam causam noluit consentire patri neque matri suadentibus, ut tam excellentissimum Principem causâ pacis reformandæ in maritalem thorum acciperet. Tandem ad ultimum quia consideravit, quod melior foret obedientia quàm victima, Abbatissæ hoc suggerentis paruit judicio, maledicens fructui ventris sui affuturo. Beatus Anselmus Archiepiscopus, ut dictum est, solennia desponsationis celebravit. Qualis verò vindicta de isto zelotypio, quo Christum de sponsâ suâ Rex Henricus defraudaverat, similiter & ex maledictione fructus per devotissimam Reginam subsecuta sit, par-



tim in immediate sequentibus, partim cum de Henrico secundo & de matre ejus filiâ istius nobilissimæ Reginæ nomine Matildi pertractabimus. Nam primogenitus istius Henrici Regis cognomento Beuclerk ex Matilde filiâ Malcolmi Regis Scotiæ nomine Wilhelmus post fidelitatem & homagium præstitum ab omnibus Magnatibus & Nobilissimis, & omnibus Plebanis, submersus est cum multis nobilibus non longè à terrâ, mari existente tranquillissimo quando absorbebantur, patrem in Angliam prosperè navigantem sequi gestiens, anno viz. Dominicæ Incarnationis MCXX. anno regni Regis Henrici vicesimo. Isti omnes qui submersi fuerunt, vel ferè omnes, ut fertur, sodomiticâ labe polluebantur. Iste Wilhelmus primogenitus Henrici palam comminatus fuerat Anglis; quòd si aliquando dominium super eos acciperet; quasi boves ad aratrum trahere eos faceret.

(q) Extrat apud Matthæum Paris ad annum 1100.

Rex Henricus assensu totius Cleri & Populi Londoniis congregati, pollicitis amplioribus, blandis fermocinationibus, legum emendationes quibus oppressa fuit injustè Anglia tempore Wilhelmi patris sui, & hoc juramentorum firmissimâ assertionem confirmabat, Chartam libertatum promissarum inde confectam, quæ sic incipit: *Henricus Dei gratiâ Rex Angliæ Hugoni de Bokelond Vicecomiti, &c.* (q) Factæ autem sunt hujus tenoris tot chartæ, quot sunt Comitatus in Angliâ; Et expedienter fabricato Sigillo consignatæ sunt Rege sic jubente. Transmissæ sunt & positæ in Abbatibus singulorum Comitatum ad hujusmodi rei perpetuandam memoriam. Successu verò temporis, quum maligno spiritu instigante pœnituit Regem hoc fecisse, sublatae sunt hæ cartæ diversis viribus vel fallaciis, vix tribus remanentibus, viz. apud Cantuariam, apud Sanctum Albanum, & apud Monasterium Sanctæ Mariæ Eboracæ.

Beatus Anselmus Cantuariensis Archiepiscopus, dummodo exulabat, procurabat in Curiâ Romanâ; quòd nullus Prælatus, Episcopus vel Abbas vel Clericus investituras alicujus Ecclesiasticæ dignitatis de manu suscipiat Laicorum. Unde Henricus Rex concessit Cathedralibus & Conventualibus Ecclesiis Angliæ primò ex concessione regiâ & permissione licentiam eligendi aliquem de earum gremio in Episcopum vel Abbatem, & hoc ad instantiam Domini Paschalis Papæ. Nam à tempore Conquæstus usque ad istud tempus Reges pro suis temporibus Episcopos in Episcopatibus & Abbates in Abbatibus ad eorum voluntatem præfecerunt, & quibuscunque voluerant, contulerunt.

Propterea dedit Henricus Rex Episcopatum Wyntonensem Wilhelmo Gyffard; & continuo de possessionibus suis cunctis ad Episcopatum pertinentibus liberam dedit potestatem. Sed in hoc facto, ut ait Matthæus Parisiensis in *Chronicâ* suâ de tempore hujus Regis, tam patrissans quàm fratrissans Wilhelmum Gyffard investivit contra nova statuta Concilii. Et quoniam ad voluntatem Regis quosdam Episcopos, qui institutiones à Rege susceperunt, Beatus Anselmus noluit consecrare, vel cum eisdem communicare; Rex versus in arcum pravam contra eum irâ incanduit vehementi. Propter quod iterum transfretat Beatus Anselmus Cantuariensis Archiepiscopus; & mansit in partibus transmarinis usque ad annum octavum Regis Henrici. Et cum Beato Anselmo Wilhelmus Gyffard toto tempore exulabat. Sprevit enim Wilhelmus Gyffard consecrari ab Archiepiscopo Eboracensi Girardo, cui præcepit Rex ut ipsum Wilhelmum consecraret. Quare Regis injusto judicio Wilhelmus Gyffard à regno est eliminatus; ut superius dictum est in præcedenti Capitulo. *Sequuntur gesta anni 1101. ex Florilego descripta.*

Anno tertio regni Regis Henrici primi, viz. anno gratiæ millesimo centesimo secundo, Rogerus ad Episcopatum Saresbyriensem est electus. Et hæc erat prima electio omnium Ecclesiarum Cathedralium in Angliâ sive Con-

ven-

ventualium post Conquæstum ; ut scribit auctor *de Concordantiis Historiarum Angliæ* sub literâ R. Hunc Rogerum habebat Rex Henricus à secretis, cuius maximè utebatur consilio. Nam & ante regnum omnibus suis præfecerat Rex primum Cancellarium, mox Episcopum constituerat, prudentiam viri expertus. Solerter amministrati Episcopatus officium spem infudit ; quod majori dignus haberetur munere. Itaque totius regni moderamen illius delegavit iustitiæ, sive ipse adesset Angliæ sive moraretur Normanniæ. Refugit Episcopus tantis se curis involvere ; nisi tres Archiepiscopi viz. Anselmus, Radulphus, Wilhelmus, & postremo Papa injunxissent ei munus obedientiæ. Satagit ita fieri Henricus Rex, non nescius, quod fideliter sua tractaret commoda Rogerus. Nec defuit ille spei regiæ ; sed tantâ integritate, tantâ se agebat industriâ, ut nulla contra eum conflaretur invidiâ. Denique plerumque Rex triennio, nonnunquam quadriennio & eo amplius in Normanniâ moratus, cum in regnum reverteretur deputabat Justiciarii modestiæ, quod nihil aut parum inveniebat molestiæ. Inter hæc Ecclesiastica officia non negligere, sed cotidie manè omnia honestè persolvere ; ut expeditius & tutius cæteris posset accedere : Pontifex magnanimus, & nullis unquam parcens sumptibus, dum quæ facienda proponeret ædificia præsertim consummaret. Quod cum alias tum maximè in Saresbiriâ est videre. Fecit enim ibi ædificia spatio diffusa, numero pecuniarum sumptuosa, specie formosissima. Ita justè composita ordine lapidum, ut junctura perstringat intuitum & totam maceriam unum mentiatur esse saxum. Ecclesiam Saresbiriensem & novam fecit, & ornamentis excoluit ; ut nulli in Angliâ cedat, sed multas præcedat ; ipseque non falsò possit dicere Deo : (r) *Domine dilexi decorem domus tue.* In veteri Anglorum Wilhelmus Malmesbiriensis non compotans annos de isto Rege Henrico sic scribit. *Ista quæ de Rogero Episcopo Rudburnus tradit, hausit ex Wilhelmo Malmsburiensi lib. 5. fol. 91. quem in sequentibus exscribere pergit à fol. 91. à lin. 19. ad lin. 45. & fol. 91. b. lin. 53. usque ad fol. 96. à lin. 30. ne verbo quidem mutato, istis duntaxat ex suo Wilhelmi codice additis ad fol. 94. à lin. 52. quæ in nostris exemplaribus desiderantur.*—Apostolorum ; & ibi unxit eum Holtiensis Episcopus inter scapulas & in brachio dextero. Posthæc à Domino Apostolico ad Altare eorundem Apostolorum deductus, & ibidem—

(r) Psalm. XXIII. 8.

Huic ut antè fatus sum filia Regis Angliæ nupta, exhibebat patrem fortitudine, matrem religione. Contendebat in eâ pietas industriæ ; nec quod magis probares, facile discerneres. De isto Henrico Imperatore plura inferius dicentur ; sed ista hic sufficiunt dicta. Modò ad ea quæ alii Chronicantes de Rege Angliæ Henrico Beuclerk scribunt, & nos cum favore legentium pennam dirigamus. Hoc anno viz. secundo regni Regis Henrici Beuclerk & anno Dominicæ Incarnationis MCI. incæpit ordo Templariorum.

Anno Dominicæ Incarnationis MCII. & anno regni Regis Henrici tertio, secundum Authorem in Flores Historiarum Beatus Anselmus Cantuariensis Archiepiscopus tenuit Concilium Londoniis in Ecclesiâ Sancti Pauli, &c. *Vide locum.* Sed Auctor *de Concordantiis Historiarum Angliæ* dicit Auctorem istum in Flores Historiarum & cum ipso opinantes in hoc à veritate deviare. Quia hoc Concilium celebratum est anno secundo regni Regis Henrici, anno viz. Dominicæ Incarnationis MCI. ut superius in principio hujus Capituli declaratum est. Ut enim declarat Auctor *de Concordantiis Historiarum Angliæ* sub literâ H. Primo anno regni sui, eodem viz. anno, quo frater suus Wilhelmus Rufus obiit, anno sc. Dominicæ Incarnationis MC. Anselmum revocavit ab exilio ; qui Anselmus eodem anno matrimonio copulavit Regi Henrico Matildem filiam Malcolmi Regis Scotiæ & Margaretæ Reginæ. Et non multa

De his quæ acciderunt anno tertio regni Regis Henrici Beuclerk.



multo post celebrationem nuptiarum Rex Malcolmus in eodem anno rediit in Scotiam; & quamdiu vixerit, ultra non est reversus in Angliam. Quomodo ergo Anselmus Cantuariensis Archipontifex in præsentiâ duorum Regum celebraret viz. anno gratiæ MCII. & qui erat annus regni Regis Angliæ Henrici primi tertius? Item dedit Episcopatum Wyntoniensem Henricus Rex Wilhelmo Gyffard Cancellario suo primo anno regni sui, qui Wilhelmus Gyffard à Rege investitus recusavit consecrationem suam à Girardo Eboracensi Archiepiscopo, quemadmodum velle Regis erat, secundo anno regni Regis Henrici, & hoc statim in initio regni viz. anno Dominicæ Incarnationis MCI. quum Anselmus Archiepiscopus videns contra investituras Ecclesiarum se nihil prodesse, eò quod cor Regis versum sit in arcum pravum, ut dictum est, exilium elegit, & cum eo Wilhelmus Gyffard à regno eliminatus est. Et ideo dictum istud Auctoris in Flores Historiarum non videtur posse stare. *Succedunt gesta annorum 1103, 1104. ex Florilego, congestis ex Matthæo Paris, quæ de Roberto Duce Normanniæ in sequentibus etiam annis refert.*

De his quæ ac-  
ciderant anno  
sexto Regis  
Henrici primi.

Anno Dominicæ Incarnationis MCV. & anno Regis Henrici primi sexto, David Rex Scotorum & frater Matildis Reginæ Anglicæ nominatæ, **Gold the good Queen** usque in hodiernum diem, Henrico Rege Anglorum existente in Normanniâ, venit in Angliam; ut sororem sibi valde dilectam fraternâ ductus dilectione visitaret. Qui cum quâdam die in thalamum ejus supervenisset; domum invenit Leprosis plenam. Regina in medio stans, deposito pallio suo lintheo se præcinxit, & aquâ pelvi impositâ cœpit lavare & extergere pedes singulorum; genibusque deflexis ore & oculis, deformes deosculabatur. Quod frater admirans, ait: Quid facit soror ac Domina mea nobilissima? Certè si Rex sciret ista, os vestrum labiis regiis nunquam deoscularetur. Et illa subridens ait: Pedes Regis æterni quis nescit labiis Regis morituri esse præferendos in paupere illius ministro qui ait: (f) *Quod uni ex minimis meis fecistis, mihi fecistis.* Peractoque præclarissimæ pietatis officio, fratrem cum omni corporis humanitate, & cordis alacritate recepit, altera Martha, in domum suam. Hæc autem Regina beatissima inter alia pietatis opera versùs Occidentalem Londoniarum plagam unam domum ad Leprosorum sustentationem cum oratorio & officinis ædificavit. Et vocatur Hospitale Sancti Ægidii. Et est istud Hospitale in Holborne.

(f) Matth.  
XXV. 40.

De his quæ ac-  
ciderunt anno  
septimo regni  
Regis Henrici I.

Anno gratiæ MCVI. & anno regni Regis Henrici primi septimo secundum Auctorem in Flores Historiarum, constitutus est in Ecclesiâ Sanctæ Mariæ de Suthwerk London Ordo Canonorum; quam Ecclesiam fundavit Wilhelmus Gyffard Wyntonienfis Episcopus: Et Henricus Rex multa Castella obsedit in Normanniâ. *Sequantur gesta annorum undecim proximè succedentium ex Westmonasteriensi, paucis admodum de Matthæo Paris interjectis, de prompta. De suo autem istas solummodo lacinias Rudburnus dedit, viz. ad annum 1107.* Consecrati sunt Wilhelmus Wintonienfis, Rogerus Sarum, Remelinus Herefordensis, qui secundum quosdam dicitur Reymundus, secundum verò quosdam Reginaldus, & ad annum 1110. Monachi Novi Monasterii Wintonienfis translati sunt ad Hydam extra civitatem, quæ data est eis in escambio.

De anno nono-  
decimo regni  
Regis Henrici I.

Anno Domini MCXVIII. & anno regni Regis Henrici primi nono decimo, obiit Matildis Regina Angliæ, Anglicè usque in hodiernum diem appellata **Gold the Good Quene**; & secundum Auctorem in Flores Historiarum Wyntonia in Veteri Monasterio sepulta est. Et idem habetur in scriptis ejusdem Monasterii. Nam habetur consimile Epitaphium ejusdem in quodam lapide

lapide marmoreo posito super locum sepulturæ ipsius Reginae in cryptâ Orientali: *Hic jacet Matildis Regina filia Margareta Reginae Scotie, & uxor Regis Henrici primi, ab Anglis vocata Holte the Good Queen.* Attamen in quibusdam Monasteriis Angliæ sit tumba ipsius, ac si ibidem jaceret; sed in rei veritate sepulturæ locum habuit in prædicto Veteri Cœnobio Wyntonix. Cujus sanctissimæ Reginae ossa modò per Henricum Blesensem & fratrem Regis Stephani ac nepotem hujus Regis Henrici primi ex sorore Adalâ translata sunt & posita in sarcophago plumbeo cum ossibus nobilissimæ Frytheswydæ Reginae matris Sanctæ Frytheswydæ virginis, supra locum vocatum, *The Holy Hole.* De cujus bonitate & morum probitate dicere per singula si volumus, dies deficiet; cujus animæ misereatur Altissimus. *Reliqua hujus anni gesta, uti & sex sequentium annorum ex Florilego & Matthæo Paris desumuntur. Notandum tamen Antipapam, quem Mauricium ipsi (ad annum 1121.) appellant, Burdinum à Rudburno rectius vocari. Ad finem anni 1124. ista adduntur.*

Eodem anno [viz. MCXXIV.] facta est concordia inter Wilhelmum Gyffard Wyntoniensem Episcopum & Monachos ejusdem Ecclesiæ; & Episcopus restituit eis omnia ablata. *Exin post exhibita ex Florilego anni 1125. gesta, & ex Wilhelmi Malmsburiensis Historiâ Novellâ anni 1126. gesta Rudburnus sic progreditur.*

Sed tamen antequam ulterius procedamus recitando scripta Wilhelmi de istâ materiâ, videndum est, quid quidam alii Chronicantes de prædicto Henrico Imperatore Alemannorum sentiant. Ranulphus Cestrensis recitat in suo *Policronicon*, agens de tempore regni Regis Henrici primi; quòd iste Henricus Imperator post patris sui carnalis incarcerationem, ac postea quia similiter patrem suum spirituales, viz. Papam custodiæ carcerali tradidit, tandem pœnitentiâ ductus, imperium relinquens in veste peregrini clam aufugit; & sic in Angliam veniens, in civitate Cestrensi quamdiu superstes esset, vitam heremiticam duxit, seipsūque Godefridum nominavit. Nesciebat enim Imperatrix, quò devenerat; æstimabat enim ipsum Imperatorem aliquo casu infortunii mortem incurrissē; sive per Neptunicas artes, sive per alias malignorum spirituum calliditates. Quæsit tamen diligenter dilectum, & non invenit; vocavit, sed non respondit sibi. Quod cum patri retulisset, misit nuncios solempnes ad Imperatricem filiam suam, ut ad se quàm citius veniret. Quod & fecit, secundum patris desiderare permaximum. Et sic secundum istos post longam & diuturnam & diligentem inquisitionem, ac ad ultimum inventionem minimè habitâ, misit ad patrem, qui auditâ relatione, ut dictum est, nuncios solempnes pro filiâ. Sed priusquam ulterius de adventu Imperatricis in Angliam stylum dirigamus; notandum, quòd iste Wilhelmus Malmesburiensis, & similiter Auctor in Flores Historiarum, & quidam alii, connotant annos hujus Henrici primi Regis ab incarnati Verbi centesimo primo; quem quidem annum faciunt annum primum Henrici Regis, & non attendunt partem anni centesimi Dominicæ Incarnationis; quâ parte regnavit post mortem fratris, qui interfectus est die ad Vincula Sancti Petri, & ipse Henricus quarto die post obitum fratris in Regem sublimatus est. Auctor verò de *Concordantiis Historiarum Angliæ* ipse sequitur connotationes ab anno centesimo Dominicæ Incarnationis, & ponit ipsum annum primum regni Henrici primi Regis, quæ secundum ipsum est verior connotatio. Hæc ideo hic scribo; ne quis miretur de nostrâ in hac parte computatione annorum; quia sequimur Auctorem de *Concordantiis Chronicantium Angliæ.* Et sic acta vicesimi septimi anni regni Regis Henrici primi hic terminantur cum anno regni ipsius vicesimo sexto. *Sequuntur gesta anni 1127. ex Malmsburiensis Historiâ Novellâ & Westmonasteriensi, gesta anni 1128. ex Westmonasteriensi solo.*

Item



WILHELMUS GIFFARD.

Item obiit eodem anno [viz. MCXXVIII.] præ memoriæ Dominus || Wilhelmus Gyffard Wyntonienſis Episcopus. Qui venerabilis pater Ecclesiæ ſibi commiſſæ non minus ſtudens prodeſſe quàm præſſe, in ſuavem memoriæ ſuæ poſteris redolentiam ea quæ hic exprimuntur, jamdudum Ecclesiæ proſectibus assignata, ſed proceſſu temporis potius de voluntate, quàm de ratione injuſtè ablata in debitum priſtinum reducens ſtatum, totam ſc. omnino oblationem ebdomadæ Pentecoſtes, & Eccleſiam de Clerà ad miniſterium Altaris jure perpetuo reſtituit, & dimidiam piſcaturam de Boteleia pari devotione in augmentum victûs Monachorum devotus reddidit. Ipſe verò ut in præmiſſis factum prædeceſſoris ſui Walkelini corrigens, in dignam & ſpecialem memoriæ ſuæ laudem juſ Patronatûs omnium Eccleſiarum, quæ ſunt in Maneriis Monachorum, nullo ſibi vel ſucceſſoribus ſuis jure Advocacionis in eiſdem Eccleſiis in poſterum retento, Priori & Conventui liberè in perpetuum poſſidendum debitâ reſignatione reſtituit. Et ne quis proceſſu temporis aliquâ temeritate ſeu malignitate contra factum ſuum venire audeat; omnes infractores vel violatores memorati ſui facti ſub generali clauſulâ debitâ cum ſolempnitate vinculo anathematis innodavit.

*Sequitur Chartæ tenor Privilegii quantum ad juſ Patronatûs Eccleſiarum à Wilhelmo Gyffard Wyntonienſi Episcopo eidem Wyntonienſi Eccleſiæ conceſſi.*

‘**W**ilhelmus Dei gratiâ Wyntonienſis Episcopus præſentibus & futuris fidelibus ſalutem & benediſtionem. Noverit univerſitas veſtra, quòd prædeceſſor meus Dominus Walkelinus Episcopus, poſtquam ſuſcepit Episcopatum, dimidiavit omnia quæ pertinebant ad Eccleſiam Wyntonienſem, medietatem ſibi & aliam medietatem Conventui assignans. Poſtea Symeon frater ejus, primus in Eccleſiâ Prior factus, reſignavit Episcopo omnes milites, qui pertinebant ad partem Conventûs pro diverſis expenſis. Episcopus deinde apruntavit trecentas libras terræ de parte Monachorum ad Eccleſiam faciendam; quâ perfectâ, reſtituerentur eis ſine omni occaſione. Procedente tempore favente eodem Priore uſurpavit ſibi juſ Patronatûs omnium Eccleſiarum ſuarum & Eccleſiam de Ellendune ad libros faciendos: Conventui debitâ reſignatione reſtitui, & præſenti chartâ confirmavi & dignitates eorum & libertates, poſſeſſiones & conſuetudines, & omnia jura ſua. Dominus etiam Rex Henricus præcepit & prohibuit, ne aliquis eos vexaret, infra civitatem vel extra, neque in ullo loco, & ne manus apponeret in illis, quæ ad eos pertinent ſine eorum aſſenſu. Hoc idem præcepto regio ſub anathemate confirmavi, adjiciens, quòd quicquid in præjudicium eorum fiet, pro infecto habeatur. Et ut liberi ſint ſtandi pro ſe & Eccleſiâ ſuâ; & ne aliqui ſucceſſorum meorum, nec aliqui alii quicquam auferunt ab eis de jure ſuo, malum potiùs quam bonum exemplum ſequendo, non attendentes nomen patris & paſtoris magis deligant, & beneficia filiis adulterinis, nepotibus &

|| Obiit iſte anno 1128. exeunte, 8. Cal. Februarii, ſeu anno 1129. ineunte, prout Florentii Continuator habet; poſtquam ſedi Wyntonienſi annis 21. cum dimidio à conſecratione præſuiſſet. Conſecratum enim fuiſſe anno 1107. 3. Id Auguſti Florentius, Eadmerus, Weſtmonaſterienſis & Stubbius produunt. Ma-

lè Hovedenus illum anno 1108. Malmsburienſis & Dicetenſis die 4. Id Auguſti conſecratum ſcribunt. Immani errore Rudburnus in Hiſtoriâ *Minori* Giffardum anno 1142. obiſſe ſcripſerat. Illi tamen prævit Chronicon MS. Lambethanum in anno 1321. deſignans.

‘ paren-

parentibus, quàm filiis spiritualibus, quibus loco Dei præsunt & per quos ferre omnia bona sua possident. Hanc chartam dedi dictis Monachis meis ad munimentum; ut diligentius orent pro salute animæ meæ, & Prædecessorum & Successorum eam manutinentium & Regum & omnium Benefactorum suorum, coram Rogero Episcopo Sarum, & Bernardo Episcopo de Sancto David, Ricardo Archidiacono, Ricardo Gere, Capellanis meis, Gaufrido Catel, Wilhelmo de Pontearch, & pluribus aliis. Quicumque hanc chartam firmam & stabilem esse permiserit; sit ei à Deo gratia & misericordia. Si verò aliquis contra eam fuerit, vel eam deleverit; debeat Deus nomen ejus de libro vitæ, nisi se emendaverit.

*Sequitur Charta restitutionis ejusdem Wilhelmi Pontificis de Ecclesiis Dominiorum Maneriorum totius Prioratûs.*

**W**ilhelmus Gyffardus Dei gratiâ Wyntonienſis Episcopus omnibus Baronibus & Ministris suis Francis & Anglis Salutem & Benedictionem Dei. Sciatis me reddidisse Deo & beato Petro & Ingulfo Priori & Monachis quasdam Ecclesias, quas ab eis injustè aliquando abstuleram, sicut eos inveni falsitos, quando veniebam ad Episcopatum, tali consideratione, ut Clerici mei, qui eas nunc tenent, de jure & manu Prioris eas teneant, quamdiu vixerint, & talem redditum ei reddant, qualem eo tempore redderant eadem & Ecclesiæ. Post obitum verò eorum liberè permaneant in manu Prioris. Sunt autem hæ Ecclesiæ, de Alwarestoke, de Drokenesford, de Estsexentum, de Crundele, de Aweltunâ, de Fyfhidâ, de Patteneiâ, de Wembergâ, de Celboldyntonâ, de Wils, de Nutstill, de Millebrok, de Weseneistunâ, de Wordiâ, de Portland, de Elledunâ. Præterea quicquid ad honorem Prioratus pertinet, sive in Præpositis Maneriorum, sive in fervientibus Curia providendis atque constituendis, ita plenè & perfectè concedo & confirmo ei qui nunc à Deo & à me consilio & assensu communi Monachorum ordinatus est, sicut ipsum Prioratum aliquis Antecessorum suorum aliquo tempore melius habuit. Si quis huic nostræ concessioni faverint, & ad hoc ut rata firmaque permaneant, adjuverint; augeat eis Dominus gratiam & misericordiam. Si quis verò hæc pervertere & adnihilare temptaverit; Dei maledictione & meâ se sciat alligari, nisi resipiscat, & emendatione congruâ, quod malefecit, emendet. Hujus rei testes & confirmatores fuerunt Rogerus Episcopus Sarum, Bernardus Episcopus de Sancto David, Gaufridus Cancellarius, Ricardus Archidiaconus, Rogerus de Melford, Ricardus Gere, Bernardus Capellani Episcopi.

Iste Præsul incomparabilis Wilhelmus Gyffard existens Wyntonienſis Episcopus habitum suscepit Monachalem in popriâ Ecclesiâ. Unde & Epitaphium istud metricè confectum ponitur, insculpitur in lapide marmoreo superposito loco sepulturæ ejusdem in navi Ecclesiæ Cathedralis Wyntonix, viz. ante magnam Crucem, quam dedit Stigandus Archiepiscopus eidem Wyntonienſi Ecclesiæ, ad cujus etiam pedes jacet Walkelinus ejusdem sedis Præsul humatus.

*Wilhelmus Gyffard Præsul jacet hic tumulatus;  
Qui suscepit adhuc vivens habitum Monachatus.*

Iste Wilhelmus Gyffard ex Cancellario Regis Henrici & regni Angliæ factus est Episcopus Wyntonix; qui qualis quantus fuerit in Ecclesiâ Dei, & quod vir alti sanguinis extiterat; ostendit titulus Monasterii Sancti Benedicti & Sanctæ Hildæ Wytebienſis Ecclesiæ metricè in ejus laudem sic compositus.

Gallia



Gallia flet prolem, Wyntonia filia patrem ;  
 Qui venit magni de semine Karolo-magni.  
 Nobilitando genus clarum de sydere sydus,  
 Cui Deus haud vilis curam commisit ovilis ;  
 Ut pro se regeret quos condidit, atque foveret.  
 Forma sacerdotis, decus ordinis, & vita lucis  
 Ornas, instituis, regali tramite ducis.  
 Qui te noverunt, notum fieri voluerunt,  
 Ac descripserunt quicquid potius potuerunt.  
 An placeat Christo laus tanta revolvere sisto.  
 Qui novit purè meritis, qui sunt sibi curæ,  
 Quicquid sit scriptum verum vel carmine fictum ;  
 Judicio totum Jesu discerno relictum.  
 Ergo precamina fundite concina concio Cleri,  
 Ut super æthera cœlicus incola possit haberi.  
 Nos quoque vobiscum pastus cœlestis ibiscum,  
 Post hoc naufragium maris accipiamus in ævum.  
 Dulce sit examen apud hunc, quod firmet & Amen.

Item lachrymando de morte istius nobilis Præfulis Wyntoniensis Wilhelmi  
 Gyssard metricè sic scribit Ecclesia Radyngensis de novo fundata.

Dum misero mundo mortem morsus dedit Adæ ;  
 Mordentem potuit sub iniquâ ponere clade :  
 Unius morsus communem fundere mortem,  
 Innotuit natis & in unam ducere sortem.  
 Omnes inde rei sumus, ut pariter moriamur,  
 Peccantisque patris vestigia dura sequamur.  
 Quid juvat ergo reos factos pro sorte parentis  
 Divitiæ, census, & abyssus plurima mentis ?  
 Quid juvat immensas ventris protendere pestes ?  
 Quid juvat intextas auro perquirere vestes ?  
 Si sensus si divitiæ, si splendida cœna  
 Propagare necis possent restringere fræna.  
 Nestoreos pluresque dies hic continuâssent,  
 Et formare dies per sæcula multa parâssent.  
 Sed valet hiis minimè spatiosum tempus haberi.  
 Nil igitur prodest per prædia longa teneri.  
 Non potuit per divitias confundere mortem,  
 Dives enim pariter subit hanc cum paupere sortem.  
 De paribus memores capiunt sibi fata futuri.  
 Non gerit exemplum solus generis perituri,  
 Totus in exemplo mundus fugit ; ast fugientem  
 Currit ad hunc homo, sed sequitur trux pœna sequentem.  
 Hiis ergo memor esto tui fortisque propinquæ.  
 Exitium fugiens vir gaudia tanta relinque.  
 Sed memorate pater, quem vita pudica probavit,  
 Quem pia simplicitas dignum Deitate paravit,  
 Elysiæ hic carpe vias sedesque piorum ;  
 Tartareas nunquam subeas, pœnæve malorum.  
 Nobilis ordo patrum, cor, dextra, facetia, virtus.  
 Te vir honeste nimis vivere non faciunt.  
 Dives eras Wilhelme, probus, pietatis amator.  
 Extendere dies non tamen ista tuos.

Contemptor laudis, laudanda sequendo beatus,  
Ecclesiæ sanctæ tutor amicus eras.  
Multa tibi species fuit & sapientia multa,  
Cultus honestatis sobrietasque comes.  
Formosam faciem, procerum corpus habebas.  
Lætitiâ vultus moribus exuperans.  
Tu miseros pasti, gazas super astra levâsti.  
Et largus cunctis, & tibi pauper eras.  
Odisti mundum, lutulenta negotia mundi.  
Justitiâ fervens, turpibus asper eras.  
Præfulis officio, pastoris honore levatus,  
Subjectis focius, inferior fociis.  
Pes fueras claudis, cæcis mutabile lumen,  
Portans invalidos, qui cecidère levans.  
Os tu plebis eras, Regis secretior auris;  
Illum subjectis, se sibi concilians.  
Ecce subis mortem; quam nulla scientia tollit  
Delitiæ nullæ, nullus honoris amor.  
Transitus iste gravis, gravis hæc mutatio carnis;  
Cum caro fit vermis, vermis & ipse cinis.  
Ex pietate suâ, quâ nos in mente reformat,  
Indiscreta Trias te super astra ferat.  
Wilhelmus fratres naturæ debita solvit;  
Ecclesiæ Præsul Wyntonienfis erat.  
Hoc in honore virum sese prudenter agebat,  
Præclaris ornans moribus officium.  
Ecclesiæ curam, Regi reddebat honorem;  
Debita distinguens Cæsaris atque Dei.  
Vita genus, vel honor, discretio, sive potestas  
Compellebant hunc libera verba loqui.  
Pontificale decus cum Nobilitatis honore  
Huic nomen dederant & satis extulerant.  
Simplex & rectus fuit & sub utroque modestus;  
Sic nec crudelis sive remissus erat.  
Stantibus auxilium, fuit & relevatio lapsis,  
Ecclesiæ decus & gloria Pontificum.  
Hæc bene firma fuit tali suffulta columpna:  
Illos consilio juvit & auxilio.  
Religione Deum, plebemque colebat amore.  
Sic fuit eximii nominis & meriti.  
Jam prope jam Clerus jam pæne Monasticus Ordo  
Hoc defecerunt deficiente patre.  
Plebs commissa sibi tali viduata parente,  
Nunquam se similem sperat habere virum.  
Anglia gaudebat vivo, nunc plorat ademptum;  
Nam multum patriæ proderat ille suæ.  
Anglia Pontificem, Normannia deflet alumpnum;  
Nam Præsul fuit hîc, traxit at inde genus.  
Sed quia post mortem jam nemo potest revocari  
Ad nos nec fletu, nec præce nec pretio;  
Jam Dominum fratres, jam toto corde precemur,  
Ut regni cœli gaudia dentur ei. *Amen.*



Sape igitur meritò recommendandus Præsul Wyntonienſis Wilhelmus Gyffard die quâ obiit Apoſtolicæ Sedis erat Legatus per totam Angliam, Scotiam, & Walliam; ſicque in ſenectute bonâ ſæculo vale faciens, ſepultus eſt in propriâ Eccleſiâ in navi Eccleſiæ prope gradus ſubpulpiti, ad caput Walkelini prædeceſſoris ſui pedes habens extenſos; cujus Epitaphium monumenti metricè ſuprà recitatum eſt.

De anno tricesimo regni Regis Henrici I.

Anno Dominicæ Incarnationis MCXXIX. & anno regni Regis Henrici primi tricesimo, ſecundum Auctorem in Flores Hiſtoriarum, Philippus filius Regis Francorum, &c. *Conſule Florilegum, cujus verbis ſubjicitur narratio de crinito pænitente ex Wilhelmi Hiſtoriâ Novellâ* fol. 99. b. lin. 20.

HENRICUS.

Hoc anno Wilhelmo Gyffard ſucceſſit in Episcopatum Wyntonix \* Henricus Bleſenſis, frater Regis Stephani & nepos iſtius Regis Henrici ex ſore Adalâ. Hic Henricus primævis temporibus Monachus apud Cluniacum efficitur, poſtmodum fit Episcopuſ Gurtonenſis. Deinde à Rege iſto Anglorum Henrico datur Abbatia Glaſtonienſis ei in commendam, Papâ hoc annuente; ad ultimum fit Episcopuſ Wyntonienſis. Wilhelmus ſenior Rex Angliæ ſive Conquæſtor filiam habuit nomine Adalam, quæ nupſit Stephano Bleſenſi Comiti, qui genuit ex eâ quatuor filios, ſc. Ottonem Soliacenſem Comitem, Stephanum, qui huic Henrico Regi ſucceſſit in regnum Angliæ; Henricum iſtum Gurtonenſem Episcopum ac poſteâ Wyntonienſem Pontificem, & Theobaldum magnum, à quo Theobaldo nati ſunt quatuor filii, ſc. Henricus Comes Campaniæ, Theobaldus Comes Bleſenſis, Stephanus Comes Saccécacenſis, & Wilhelmus Archiepiſcopuſ Senonenſis & poſteâ Remenſis. De iſto Henrico Bleſenſi ac Wyntonienſi Episcopuſ plura dicenda ſunt in ſequentibus. *Succedunt geſta anni 1130. ex Wilhelmi Hiſtoriâ Novellâ* à fol. 99. b. lin. 33. ad fol. 100. à lin. 43. *additis in fine nonnullis ex Florilego. Iſtis etiam loco poſtremo ſubjectis* [Obiit Algoduſ primuſ Prior S. Mariæ de Suthwerk quod Monasterium fundavit Willelmus Gyffard Wintonienſis Episcopuſ; cui Algoduſ ſucceſſit Algaruſ.] *Dein geſta anni 1131. ex utroque congeſta; quodque de geſtis anni 1132. Wilhelmus habet* à fol. 100. b. lin. 9. ad lin. 23.

Eodem anno viz. [MCXXXII.] tricesimo tertio anno regni ſui Henricuſ Rex Anglorum fecit novum Episcopatuſ apud Karleolum; & poſuit ibi primuſ Episcopuſ nomine Athelwlfuſ Sancti Oſwaldi Priorem, cui peccata ſolituſ erat confiteri. Hic autem creatuſ Antiſteſ, in Eccleſiâ ſedis ſuæ Canonicuſ poſuit Regulareſ, & eam multis honoribuſ ampliavit. Hoc anno naſcitur Henricuſ Rex poſteâ ſecunduſ. Eodem anno deſunctuſ eſt Robertuſ Ceſtrenſiſ Episcopuſ; qui Rege concedente ſedem Cathedralem tranſtulit ad Coventreyam, & locuſ illuſ caput conſtituit Mercioruſ. Habet ille Episcopatuſ uſque hodie treſ ſedeſ, viz. Ceſtrenſem, Lycheſeldenſem, & Coventrenſem. Ceſtria dicitur urbuſ Legionuſ; unde ſcienduſ, prout aliâſ ſcripſimuſ, quòd duplex eſt urbuſ Legionuſ Britannicè vocata *Kærlægion*, vel *Kærlæon*. Una eſt in Demeciâ, i. e. Suthwalliâ, quæ dicitur *Kæruſke*, ubi Uſca flumen cadit in Sabrinuſ mare juxta Glomerganciam, à Belino Rege Britonuſ quondam conſtructa, quæ Metropoliſ fuit Demeciæ. Dicta eſt urbuſ Legionuſ, eò quòd ad iſtantiam Reginæ Veſpaſiano & Arvirago concordatiſ miſſæ ſunt aliquæ Legionuſ Romanæ in Hyberniam. In quâ urbe treſ fuerunt egregiæ olim Eccleſiæ, ut ſcribunt Ganfriduſ Monumetenſiſ & Walteruſ Oxenfordenſiſ, viz. una Julii Martyriſ virginuſ choro venuſtata. Alia

\* Electuſ eſt Henricuſ anno 1129. menſe Octobri, conſecratuſ Wintoniæ à Willelmo Cantuarienſi Archiepiſcopo 15. Cal. Decembris ejuſdem anni, teſte Continuatore Florentii; adco ut ſedem antea Gurtonenſem non

tam Episcopali quàm commendatorio jure adminiſtraverit. De obitu iſtiuſ, pariter ac temporibuſ ſequentiuſ Episcoporuſ Wintonienſiuſ conſule Annales Wintonienſeſ.

beati Aaron Canonicorum ordine nobilitata. Tertia verò Metropolitanâ sede totius Cambriæ Monachis fuit insignita; de quâ postmodum usque Meheviam sedes illa est translata. In hac urbe Amphibalus doctor sancti Albani extitit oriundus. De quâ materiâ diffusius tractavimus in primo libro præsentis laboris. Est & alia urbs Legionum. Urbs quædam in confinio Angliæ ad prospectum Kambriæ inter duo marina brachia Dee & Messæe situata, quæ tempore Britonum caput fuit & Metropolis Venedociæ, i. Northwalliæ, cujus fundator fuit Marius Rex Britonum. Hæc autem aliquando vocata Britannicè *Kaerleon*, Latine *Legecestria*, nunc autem dicta est *Cestria* urbs *Legionum*; eo quod ibidem hyemarent Legiones militares, quas Julius Cæsar ad subjugandum Hyberniam, & postmodum Claudius Cæsar ad subigendum Orchades Insulas inde transmiserat. *Sequuntur gesta anni 1133. ex Westmonasteriensi, paucis ex Parisio additis; dein in anno 1134. obitus Roberti Ducis ex utroque.*

Anno Dominicæ Incarnationis MCXXXV. & anno regni Regis Henrici primi tricesimo sexto Henricus Rex in Normannia cum die quadam à venatu redisset, apud Sanctum Dionysium in sylvâ Leonum de muranâ comedisset avidius, quam amare præ cæteris cibariis consueverat; & cum medici eam ei prohibuissent, Rex minimè adquevit. Cum autem naturâ succumbente invaluisse infirmitas; Rex Henricus in fata concessit, cum regnasset annis completè triginta quinque, & à Nonis Augusti usque ad Kalendas Decembris, i.e. quatuor mensibus, diebus quatuor minùs, i.e. in tricesimo sexto anno regni sui. Hic Rex magnificus pro redemptione animæ suæ Cœnobîa fundavit de Radyng, de Cirencestre, de Prato ante Rothomagum, & de Mortuomari. Construxit etiam, ut fertur secundum Wilhelmum Malmesbyriensem de *Pontificibus* libro primo, Rex iste Henricus Monasterium de Hydâ extra muros Wyntonîæ, quod prius infra urbem fuerat. In quod Monasterium translati sunt Monachi Novi Monasterii anno Domini MCX. & anno regni Regis Henrici undecimo. Quo etiam anno Anselmus Cantuariæ Archiepiscopus obiit. Municipia verò præter turres & Castella viginti quinque Henricus Rex construxit opere sumptuoso, &c. *Exin Rudburnus sepulturam Henrici Regis narrat ex Matthæo Paris, obitum pariter & sepulturam ex Wilhelmi Historiâ Novellâ à fol. 100. b. lin. 25. ad fol. 101. à lin. 5. His succedunt elogia Serlonis, Lanzonis & Godefridi ex ejusdem Historiâ Veteri, à fol. 96. b. lin. 46. ad fol. 97. b. lin. 42.*

## CAPITULUM IV.

### De tempore Regis Stephani.

**A**Nno Dominicæ Incarnationis MCXXXV. undecimo Kalendas Januarii, vicecimâ secundâ die post mortem avunculi sui Henrici, Londoniæ Stephanus Comes Boloniæ coronatus est in Regem Angliæ à Wilhelmo Cantuariensi Archiepiscopo, antequam corpus Henrici Regis sepulturæ traderetur, & contra sacramentum fidelitatis, quod Matildi Imperatrici de regno Angliæ nunquam sibi usurpando præcipuè jurasset; diadema regni, Deum temptans, & fidem violans, temerè invasit. Unde obtenebrans benivolæ intentionis oculos in Matildem Imperatricem per Hugonem Bygot Henrici Regis senescalum præstito juramento, sicque probante cavillose coram Archiepiscopo Cantuariæ, quod Rex Henricus in extremis agens Imperatricem exhæredavit, Stephanum sic successorem constituendo. Omnium ferè Episcoporum, Comitum & Baronum, qui per prius juraverunt Matildi de successionem regni,



pervertit in Stephanum, virum quidem strenuum & audacem, sed contra juramentum suum Imperatrici factum. Die Sancti Stephani Londoniis coronatus est, qui prius sacramentum Imperatrici præstiterat. Qua propter idem Wilhelmus Archiepiscopus Cantuariæ minimè per annum supervixit; & omnes Magnates regni, qui Stephano juramentum fecerant, miserum sortiti sunt finem. Fertur etiam, quòd hostia Christi die coronationis Regi Stephano porrecta, subito disparuit. Coronatus Rex Stephanus juravit coram Proceribus apud Oxoniam, 1<sup>mo</sup>. quòd Prælaturas vacantes in manu suâ non teneret. 2<sup>do</sup>. Quòd neminem de sylvis propriis implacitaret. 3<sup>do</sup>. Quòd Electionibus canonicè celebratis consentiret, & electos continuo investiri permitteret. 4<sup>to</sup>. Quod nullius Clerici sylvas in manu retineret, sicut Rex Henricus fecerat. 5<sup>to</sup>. Vovit Danalwed, i. e. de qualibet Hydâ terræ duos solidos, quod Antecessores ejus accipere consueverant pro sustinendâ gwerrâ contra Danos, nec tempore pacis voluerunt remittere, ipse benignè in perpetuum condonaret. Hæc autem specialiter & alia multa generaliter se juravit servaturum. Sed humani generis inimico procurante, fidem in omnibus enormiter violans, nihil horum quæ promiserat, observavit. Hæc Matthæus Parisiæ acensis. Auctor verò in Flores Historiarum dicit, quòd ad prædictam Coronationem Regis Stephani tres solummodo fuerunt Episcopi cum Archiepiscopo Cantuariæ Wilhelmo. Rex autem Stephanus statim coronatus thesaurum, quem avunculus suus Henricus congefferat, occupavit sc. centum milia librarum, exceptis vasis aureis & argenteis & gemmis impretiabilibus. Wilhelmus Malmesbiriensis in *Novellâ Anglorum Historia* de Coronatione Regis Stephani ita scribit. Interea Stephanus Comes Moritonii & Bononiæ, &c. *Vide Willelmi locum, quem transcripsit Rudburnus à fol. 101. à lin. 5. ad lin. 23. & dein Chartam Stephani Regis de libertatibus ex eodem dedit, atque ista subnotavit.*

Notandum hîc sicut & in præcedenti Capitulo, quòd antiquitus Reges Angliæ enumerabant annos regni eorum, in quibus regnabant completè, & non quantitatem anni præcedentis, quam tenebant post mortem Prædecessoris. Nam iste Rex Stephanus coronatus est anno Dominicæ Incarnationis MCXXXV. quo anno Rex Henricus primus obiit; & tamen non scribit Stephanus Rex hunc annum primum annum regni sui, quamvis in isto anno primum & ipse regnabat, sed annum sequentem. Unde plurimi Historiographi falluntur quantum ad computationem annorum regni diversorum Regum; eò quòd non attendunt istam regni descriptionem. Coronatus est ergo Stephanus, &c. *Ad Willelmi verba redit fol. 101. à lin. 22. & persequitur usque ad lin. 30. Postremò reliqua hujusce anni gesta ex Matthæo Paris & Florilego breviter enarrat. Anni 1136. gesta referre exorsus, Willelmi Novellam Historiam describit à fol. 101. à lin. 39. ad 101. b. lin. 51. omissâ Stephani Regis Chartâ, quam supra posuerat.*

Eodem anno [viz. MCXXXVI.] obiit Wilhelmus Cantuariensis Archiepiscopus. Et Henricus Episcopus Wyntonix abstulit pollicem manûs Sancti Jacobi de Radyngo, & dedit Ecclesiæ suæ. *Sequuntur gesta anni 1137. ex Florilego simul & Wilhelmo desumpta.*

Hoc anno Henricus Wyntonienfis Episcopus incœpit facere domos de Wlvefeye & alias in maneriis pertinentibus ad Episcopatum Wyntonix, & similiter Hospitale Sanctæ Crucis juxta Wyntoniam. *Sequuntur quæcunque habet Wilhelmus de gestis anni 1138. obsidio Bedfordensis & expeditio Davidis Scotia Regis in Angliam ex Matthæo Paris.*

Circa hæc tempora [viz. annum MCXXXVIII.] obiit magister Hugo de Sancto Victore juxta Parisiam, litteris & religione summus. De quo ferunt, quòd cum in extremâ infirmitate laboraret, & nullum cibum retinere posset, corpus tamen Dominicum sibi dari instanter postulavit. Fratres verò ejus-  
tationem

bationem sedare volentes, simplicem oblatam non consecratam attulerunt hostiam. Quod ille in spiritu recognoscens, ait : Deus misereatur vestri fratres ; cur mihi illudere voluistis ? Iste non est Deus meus. Mox illi Eucharistiam consecratam attulerunt. Quod ille videns sed retinere non valens, erectis manibus ait : Ascendat filius ad patrem & Spiritus ad Deum, qui creavit illum ; & statim expiravit. Volunt tamen alii, quod iste Hugo propter ingentem vomitum non posset Eucharistiam retinere ; & cum hac de causâ fratres ei verum sacramentum afferre noluisent, rogavit ut saltem super latus ejus Sacramentum poneretur. Quo facto, latus infirmi se aperuit & hostia corpori se immerfit. Hæc Wilhelmus Mimacensis Episcopus in *Rationale Divinorum*.

*In sequentibus Author librum Wilhelmi Historia Novella secundum ab initio usque ad finem anni 1140. fol. 105. b. lin. 30. verbatim exscribit, additis in fine anni 1140. nonnullis ex Matthæo Paris de Stephani Regis & Roberti Comititis captione & liberatione mutuâ. Post hæc gesta anni 1141. ex Matthæo Paris & Westmonasteriensi narrantur. Postremò ad Malmsburiensem reversus, Novellam ejus Historiam pergit exscribere à fol. 105. b. lin. 32. (ubi prius desierat) ad 107. b. lin. 32. Et in his quidem deficit uterque Codex MS. magno Anglicana Historia dispendio. Quod unicum igitur restabat, sequentis Historia Epitomen brevissimam ex eodem Codice MS. quem in fronte operis laudavi, descriptam subnexui ; rem tamen paulò altiùs, à Normannorum sc. adventu, repetendo.*

Inter *Alwynum*, qui annis XV. fedit, & Henricum Blesensem fuerunt Episcopi tres per spatium LXXX. annorum, viz.

*Stigandus*, qui magnam Crucem ex argento cum imaginibus argenteis in pulpito Ecclesiæ contulit ; fedit annis XXII. & jacet in sarcophago plumbeo ex australi parte altaris summi juxta Cathedram Episcopalem.

*Walkelinus*, natione Normannus, qui turrin in medio Chori cum quatuor columnis à fundamentis renovavit ; feditque XXIX. annis ; & in navi Ecclesiæ ante gradus pulpiti jacet humatus. Hujus Episcopi anno XXIV. dilectus Deo Godfridus, qui miraculis coruscat, factus est Prior Wyntonix.

*Willelmus Gyffarde*, Domini Regis Cancellarius, non de genere Anglorum ; qui Monachus in Ecclesiâ suâ factus est ; qui Pentecostalia huic Ecclesiæ contulit : Sedit annis XXVIII. sepultusque est in medio voltæ in navi Ecclesiæ ad gradus pulpiti ad caput Willelmi Episcopi. Hujus anno VII. obiit Godfridus Prior Wyntonix ; qui in Prioratu vixit XIII. annis. Qui humatus est in domo capitulari in sinistrâ parte versùs Orientem, miraculis coruscans. Cui successit Gaufridus.

*Henricus Blesensis*, frater Regis Stephani, ex Abbate Glastoniensi. Qui S. Thomam in Archiepiscopum consecravit Cantuariensem ; & in omnibus ei favorabilis extitit, & consolator in tribulationibus suis mirificus. Iste benignissimus Præsul Henricus in tantum dilexit suam Ecclesiam ; quod omnia quæ habuit minima forent. Pedem S. Agathæ, magnam crucem cum imaginibus de auro purissimo ad majus Altare, & alia ornamenta plurima, quæ lingua non potest enarrare, suæ Ecclesiæ contulit. Dedit etiam Manerium de Elme propter causas prænominatas & alias quamplurimas magis impugnantes, cum de provinciâ Angliæ actum sit. Huic Henrico Episcopo Lucius Papa pallium milit anno Domini MCXLII. volens apud Wyntoniam Archiepiscopum constituere & secundum Angliæ Primatem, & septem ei Episcopos, qui olim ad regnum Westsaxonum pertinebant, additâ natâ Legaciâ. Sed subortis multorum murmurantium indignantiumque nec non invidentium contradictionibus, ad tempus dissimulavit Papa cum silentio propositum suum consummare ; volens in posterum vitâ comite invitis murmuratoribus, sicut  
justum



justum fuerat, propositum suum confirmare. Sed Papa non diu superfuit : ut scribit Matthæus Parisiensis in Historiâ Regis Stephani. Iste Henricus sedit annis XLIII. & sepultus est in Ecclesiâ suâ coram summo Altari. Cui successerunt per ordinem.

*Ricardus Toclyn*, qui Manerium de Hamme redemit, & de Cuol emit, & suæ contulit Ecclesiæ. Seditque annis XVII. & sepultus est ad aquilonarem partem summi Altaris Choro proximè.

*Godefridus Lucy*, ad altare B. Mariæ ad finem cum aliis voltam, ubi extra Capellam B. Virginis humatus est ; cum sedit XVII. annis.

*Petrus de Rupibus*, qui Ecclesiæ Wyntonienſi extitit in omnibus specialis pater & amicus. Qui pedem S. Philippi suæ Ecclesiæ contulit cum plurimis aliis ornamentis. Sepultusque est in Ecclesiâ suâ ; cum sedit annis XXXIV.

*Willelmus Rale*, qui sedit annis X.

*Andomarus*, frater Henrici III. qui sedem occupavit annis XII. cujus corpus ad aquilonarem plagam altaris reconditum est.

*Johannes Gervays*, annis VI.

*Nicolaus Ely*, hujus Ecclesiæ specialis patronus, XII. annis.

*Johannes de Pontissarâ*, cujus assensu inter ipsum & successores suos & Priorem & Conventum Ecclesiæ suæ facta est compositio ; quod de cætero Priores forent perpetui, cum antea erant dativi. Sedit annis XXIV. & sepultus est ex aquilonari plagâ majoris Altaris.

*Henricus Wodelok*, ex Priore ejusdem Ecclesiæ. Multa ornamenta huic Ecclesiæ contulit ; & sedit annis XIII. sepultusque est ad gradus Chori.

*Johannes Sendale*, sedit annis IV.

*Rigaldus de Asserio* annis III.

*Johannes Stratford* sedit X. annis ; & postmodum Archiepiscopus Cantuariæ ordinatus est.

*Adam Orleton* XII. annis.

*Willelmus de Edyngdone* sedit XXI. annis. Hic multa ornamenta & jocalia suæ Ecclesiæ contulit ; & sepultus est in eadem Ecclesiâ in Capellâ propriâ.

*Willelmus de Wykeham*, qui navem Ecclesiæ cum aliis, prout nunc cernitur, renovari & voltari fecit ; aliaque quamplurima beneficia suæ Ecclesiæ contulit. Seditque annis XXXVII. & in Ecclesiâ suâ in opere quod fecit honorifice in Capellâ ad Australem plagam tumulatus est.

*Henricus Beaufort*, frater Henrici IV. & S. R. E. Presbyter Cardinalis, successit in Episcopatum.

# THOMÆ RUDBORNE PROLOGUS

In Historiam suam Minorem.

**M**ulti nobiles ac pietatis studio maximè operam dantes viri extiterunt, qui prioribus sæculis Monasteria, Ecclesias, Xenodochias, in quibus ut à ministris in his degentibus devotè Deo vacaretur, quamplurimas fundavere. Quorum beneficia Deo placabilia sustentatis horum donis gratuitis minimè recognoscere est maximam ingratitudinem incurrisse; per quam ut degeneres possent à paternâ possessione exheredari. Et quia nostris temporibus, qui nostris Fundatoribus super hanc ingratitudinem maximè sunt invigilantes, & ad quæstiones ab ipsis motas de nominibus Fundatorum, de eorum donis & donatis, de eorum sepulturis, nos minimè propter ignorantiam eorum petitionibus satisfaciētes, efficimur illis omnibus exosi & despicabiles; pœnitetque eos sic nos sufficienter suis donativis ditasse & pavisse. Rogatus ergo à fratribus Wintoniensis Ecclesiæ Monachis, ut ego Commonachus & confrater ejusdem Ecclesiæ Thomas Rudborne de penuriâ ac tenuitate meâ qua habundo, inspectione Chronicorum aliquod libellum compendiosum de Regibus ac cæteris regni Magnatibus, qui essent fundatores & benefactores Ecclesiæ Anglicanæ, componerem. Cupiens igitur ipsis religiosis viris secundum ingenii mei exigentiam voluntati in aliquo parere, istud subsequens Breviarium Chronicorum de Regibus, Episcopis, Comitibus, Baronibus scribere disposui, excerptum de libris & dictis Sanctorum Bedæ & Gildæ, & de libris & scriptis venerabilium in Christo Patrum M. Thomæ Rudborne Menevensis & M. Johannis Langdene Rossensis Episcoporum, & Archidiaconi Lincolnensis, Archidiaconi Oxenfordensis, Gaufridi Monumetensis, & Matthæi Parisiacensis, virorum honorabilium, ad complacentiam & utilitatem dictorum fratrum; ne locus detur otio, cum otiositas inimica sit animæ. Et secundum Philosophorum honestum delectabile magis delectat & animos hominum ab otiositatis vitio repellit, quàm si fuerit honestum minimè delectans, puta obscura Doctorum scripta & difficilis sacræ paginæ intelligentia; quæ illos, qui non sunt profundioris scientiæ, lectores efficiunt pigros & somnolentos, ne carpant viam, ut convallium legant lilia. Sed narrationes de Regibus, de Episcopis, de cæteris Magnatibus, & quæ in eorum temporibus acciderunt audire vel legere, cum sint quædam honesta, maximè delectant & elucidant sensum audientis & legentis infirmiori scientiâ obvolutum. Ista propterea perspicuiens, Britannorum & Anglorum Regum, Episcoporum & Procerum medullam Cronicorum inserui. Et incipit hæc Cronica ab adventu Bruti in Britanniam usque ad octavum decimum annum Henrici Regis tertii. Et super quæ hic leviter pertranseo, in majori nostrâ Chronicâ opitulante Dei clementiâ supplebo. Et si quid nimis præsumptuosè in opere & indiscretè cancellavi; prudentiorum in hac facultate Doctorum correctioni me recomendo.

ANNA.



# ANNALIS

## Ecclesiæ Wintoniensis,

Ab anno DCXXXIII. ad annum MCCLXXVII.

*Authore Monacho Wintoniensi.*

**A**Nno DCXXXIII. Kinegilsus filius Celrici Rex Westsaxoniarum. Istum baptizavit S. Birinus Episcopus. Baptizatur ab eodem Birino filius Kinegilfi Kinewalchus; & omnes Saxones ejusdem regni credentes baptizati sunt. Iste dedit S. Birino civitatem Dorcestriam; ut sederet interim in eâ, donec conderet Ecclesiam tanto sacerdote dignam in regiâ civitate. In votis enim ejus erat in Wintoniâ ædificare templum præcipuum; & collectis jam plurimis ad opus ædificii, terram totam ambientem Wintoniam à centro Wintoniæ usque ad circumferentiam ab omni parte lineâ exeunte septem leucas habentem ædificandæ Ecclesiæ in dotem dare disposuit. Quæ quia letiferâ præventus ægritudine per se complere non potuit; vicario usus est; vocatumque ad se filium suum Kinewalchum fecit iurare coram S. Birino in animam suam, quod ipse Ecclesiam sede Episcopali dignam construeret in Wintoniâ, & terram quam circinaverat eidem Ecclesiæ ad opus ministeriorum ejus ex parte suâ Deo offerret, & in jus perpetuum confirmaret.

Anno DCXXXIX. Kinewalchus filius Kinegilfi. Iste post vexationes quas pertulit à Pendâ Rege Merciorum propter repudium filiæ suæ, Ecclesiam pulcherrimam construxit in Wyntoniâ; & totam terram, quam Pater voverat Ecclesiæ, contulit & confirmavit. Agilberto verò Episcopo Dorcestriæ successore Birini diffugiente ad votum Regis sedem transferre Wyntoniam, Rex qui linguam Agilberti (quia Gallus erat) parum noverat, fecit sibi nactâ occasione factari in Episcopum novæ sedis quendam Saxonem nomine Wine; & divisa est una Diocesis in duas. Apposuit Kinewalchus Rex post oblationem patris factam de Chiltecumbâ, de suo proprio dono ditare Wintoniensem Ecclesiam; cui tria Maneria, sc. Duntun, Alresford & Wordiam contulit; & in illâ humatus est.

Anno DCLXX. Ercuinus cognatus Kinegilfi Rex Westsaxonum: Iste humatus est Wintoniæ.

Anno DCLXXII. Centuinus Kinegilfi filius de acquisito Rex Westsaxonum, Wintoniæ quiescit.

Anno DCLXXXIII. Ina Rex Westsaxonum, dedit iste Ecclesiæ Wintoniensi in Vectâ insulâ, quæ nunc dicitur Wicth, in loco qui vocatur Ewerlande XXX. hidas terræ, & in Bredingâ L. hidas.

Anno

Anno DCCXXI. Ethelardus Rex Westsaxonum. Hujus conjux Frithef-witha Regina dedit Wintoniensi Ecclesiæ Tantonam de suo patrimonio. Et ipse Ethelardus de suâ parte addidit ad prædictum Manerium ad opus ejusdem Ecclesiæ VII. mansas.

Anno DCCXXXV. Cutredus cognatus Ethelardi Rex Westsaxonum. Hic dedit in Vectâ insulâ Wintoniensi Ecclesiæ apud Muleburnam XL. hidas & apud Banewadam XXV. hidas & apud Witthingebam XXII. hidas & terram que vocatur Drucam, & Manerium quod vocatur Clera.

Anno DCCC. Egbertus Rex Westsaxonum. Hic totius insulæ Monarchiam adeptus, non est oblitus pro collato sibi honore Deo gratias reddere; qui dedit Deo & Wintoniensi Ecclesiæ in Vectâ insulâ apud Cawelburnam XXX. hidas, apud Scaldeblotam XLII. hidas & IV. villas, sc. Drokenesford, Wordiam, Aweltonam, & Beddintonam. Sepultus est tandem in Ecclesiâ Wintoniæ.

Anno DCCCXXXVII. Edulfus filius Egbirti Rex Angliæ. Iste fuerat Subdiaconus in Ecclesiâ Wintoniensi; & quia Rex Egbirtus non habuit alium hæredem, dispensante summo Pontifice assumptus an dicam retractus fuit ad regnum de Clericatu. Iste totam terram de dominico suo decimavit, & decimam quamque hidam contulit Conventualibus Ecclesiis per regionem. Et hinc factum est, ut totam ex integro terram de Chiltecumba nomine decimæ pro unâ solâ hidâ Wintoniensi Ecclesiæ restitueret, quam Kinegilfus & Kinewalchus Reges prius dederant, sed inter istius & illorum tempora alienata fuerat ab Ecclesiâ. Dedit etiam idem Rex Edulfus eidem Wintoniensi Ecclesiæ ad augmentum Tantonæ CXLIII. hidas terræ, & II. Maneria, sc. Brichtwellam & Wembergam eidem contulit Ecclesiæ, in qua & sepultus est.

Anno DCCCLXXII. Eluredus filius Edulfi Rex Angliæ. Iste fecit in Wintoniâ in cœmiterio Episcopalis Ecclesiæ novum Monasterium; quod multis ditatum possessionibus S. Grimbaldo dedit, ut sic illum retineret in Angliâ. Iste Regum Anglorum ante dies suos rude & incompositum, totum erudivit & informavit ad regulam. In proverbii ita enituit, ut nemo post illum amplius. Rex Eluredus sepultus est in Novo Monasterio apud Wintoniam. Iste Eluredus dedit ad augmentum Tantonæ villam quæ dicitur Rinctune, ad opus Wintoniensis Ecclesiæ.

Anno DCCCCI. Edwardus filius Eluredi Rex Angliæ. Hujus filia fuit S. Edburga, cujus sacrum corpus in Wintoniâ requiescit apud Nunnemenstre sine fallaciâ; licet Monachi de Malverna se falso jactitent illud habere. Iste dedit Ecclesiæ Wintoniensi IV. Maneria, sc. Huseburnam, Whitchurche, Owertonam & unam Stokam. Dedit & Novo Monasterio, quod pater suus erexit in Wintoniâ, prædia multa; in quo quiescit humatus.

Anno DCCCCXXIV. Edelstanus filius Edwardi Rex Angliæ. Iste dedit Wintoniensi Ecclesiæ caput S. Justi Martyris & tria Maneria, sc. Chibeldinram, Enedford & Eismerefordam. Monasterio etiam Malmesberiæ multa contulit; in quo humatus fuit.

Anno DCCCCXLVI. Edredus frater Edmundi Rex Angliæ. Corpore ejus in Wintoniâ sepultum est; cui adhuc vivens duo Maneria dudum amissa restituerat, sc. Duntonam & Hesseburnam.

Anno DCCCCLIX. Edgarus frater Edwii filius Edmundi Rex Angliæ. Non fuit in Angliâ Monasterium sive Ecclesia, cujus non emendaret cultum vel ædificia. In Wintoniensi Ecclesiâ & Novo Monasterio, quod nunc ab eventu dicitur de Hida, Monachos posuit loco Clericorum; quia Clerici illi nomine tenus Canonici frequentationem chori, labores vigiliarum & ministerium altaris Vicariis suis utcunque sustentatis relinquentes, & ab Ecclesiæ conspectu ne dicam Dei plerunque absentes septennio, quicquid de Præbendis percipiebant locis & modis sibi placitis absolvebant. Nuda fuit Ecclesia intus &



extra; quia Vicarii non habebant unde eam vestirent & tegerent, nec Præbendarii qui prædicebantur talibus poterant intendere: vix inveniretur unus & is forte coactus, qui vel pauperem pallam aut calicem quinque solidorum conferret altari. Rex Edgarus ista considerans, & dolens tam divites eleemosinas collatas Ecclesiæ non in Ecclesiâ nec in ministris Ecclesiæ nec in pauperibus expendi, mandavit Trasonibus & sæpe consuluit per Episcopum eorum Athelwoldum & per Dunstanum Archiepiscopum; ut bona Ecclesiæ non sine causâ percipientes in Ecclesiâ perpetuò facerent stationem. Canonicis mandata Regis & monita surdâ aure transeuntibus, & nolentibus singulis pro annuo canone mille librarum auri vel per annum esse Claustralibus, Rex instans proposito, & malens per Canonicos quàm per aliud genus arctioris religionis administrari negotium, ablatas quibusdam eorum Præbendas contulit Vicariis, quos viderat in Ecclesiâ perstantes assiduò. Sed & illi promoti in Canonitum, Vicarios sibi facientes, facti sunt similes vel vagaciores & sæculariores prioribus. Rex itaque circa correptionem Canonicorum nihil proficiens, postquam genuinum fregit in illis, de Ecclesiâ & de Novo Monasterio illos ejiciens, & Monachos in locis illorum constituens, illorum dispersionem istorum aggregationem à Papâ Johanne XIII. ratam haberi meruit & confirmari. His ita factis, Rex Edgarus Novum Monasterium ampliavit possessionibus; & Wintoniensi Ecclesiæ dedit Manerium quod dicitur Awintona, & apud Itinstokam X. hidas, & apud Madanlegam III. hidas, & apud Breoudunam XIII. hidas & apud Aderingefeldam II. hidas & apud Thucam VII. hidas. Rex Edgarus habuit duos filios, Edwardum ex legitimâ suâ Reginâ, & Ethelredum ex relictâ Ethelwoldi Comitis filiâ. Qui Ethelwoldus Wintoniensi Ecclesiæ villam de Wilitha dederat; quem Rex pulchræ uxoris gratiâ in forestâ de Werewelle telo transjecerat.

Anno DCCCCLXXIX. Ethelredus frater Edwardi Martyris Rex Angliæ. Iste dedit Wintoniensi Ecclesiæ Hawntam & Sudtunam, & hidam & dimidiâ in loco qui dicitur Celfeshord, & duas piscaturas apud Brendefordam cum unâ virgatâ terræ, & apud Ginnahetche cum terrâ adjacente; & Duntonam bis amissam restituit.

Anno MXXXV. Rex Canutus dedit Wintoniensi Ecclesiæ terram trium hidarum quæ vocatur Hille, & feretrum ad reliquias S. Birini magnum & magni, & candelabrum argenteum cum VI. brachiis, qualia modò in Ecclesiis videmus pretiosissima de aurichalco, & II. signa; & in eâdem Ecclesiâ sepultus est.

Anno MXLII. Hardecanutus Rex oppetiit apud Lametham improvisâ morte præventus; & sepultus est in Ecclesiâ Episcopali apud Wintoniam. Tempore Hardecanuti Regis Emma Regina morabatur Wintoniæ, multum familiaris Elwino Wentanæ tunc civitatis Episcopo: Omnia in regno potens, plurimis referta divitiis, solo contenta filio qui regnabat, & soli intenta Pontifici quem colabat. Non deerant qui in Neustriam nunciarent Edwardo matris cum Episcopo suspectam familiaritatem; Episcopum esse in causâ præcipuum, quòd mater filiorum suorum alterum (a) non fletet, alterum non exhiberet. Emma Regina mater Hardecnuti pro animâ Hardecnuti Regis dedit Wintoniensi Ecclesiæ plurima ornamenta in auro & argento, in gemmis & vestibus pretiosis, & duo Maneria, sc. Westwode & Periperminster. Habebat enim Regina illa multa Maneria, quæ Ethelredus Rex illi in dotem dederat; & Cnutus & Hardecnutus Reges in jus hæreditarium confirmaverant, quibuscunque vellent assignanda locis & conferenda personis.

Anno MXLIII. Edwardus filius Ethelredi Rex Angliæ, post mortem Hardecnuti venit Wintoniam incognitus plebeio amictus habitu; quandoque in curiâ matris quandoque in domo Episcopi comedens, sed ignotus, affectus eorum sedulus explorabat. Demum agnitus, in Regem electus & consecratus est

(a) Eluredum  
sc. à Godwino  
Comite infidiis  
sublatum.

est Wintoniæ. Iste instituit & cartâ confirmavit, ut quoties ipse vel aliquis successorum suorum Regum Angliæ diadema portaret Wintoniæ vel Wigornię vel Westmonasterii, Præcentor loci recipiat de fisco ipsâ die dimidiam marcâ & Conventus centum sumnellos & unum modium vini. Hæc Carta est apud Westmonasterium. Iste accepit in conjugem Editham filiam Godwini, ab utroque perpetuâ virginitate servatâ. Godwinum ante omnes homines honorabat; matrem suam nec colebat nec publicè confundebat. De Neustriâ accersivit quosdam, qui sibi benefecerant exulanti, inter quos & Robertum, quem prius Episcopum Londini, & postea fecit Archiepiscopum Cantuariensem. Hujus Archiepiscopi crebras suggestiones Rex Edwardus mente revolvens, ad tantum acerbitalis perductus est vir mali nescius; ut Godwinum Comitem, qui illum Regem fecerat, & cujus filiam desponderat, de regno cum filiis suis expelleret: Matri suæ Emmæ Regina quicquid in hoc mundo possederat usque ad pretium quadrantis auferret, & illam in Abbatîâ de Warewellâ retrusâ cum summâ parcitate faceret exhiberi; Alwinum Wentanum Episcopum, matris ut dicebatur amasium, omnibus patrimonii sui prædiis spoliatum extra terminos civitatis Wentanæ proferre pedem sub capitis periculo prohiberet. Godwinus cum filiis suis regnum egreditur. Alwino Episcopo sedes sua mutatur in carcerem. Regina apud Warewellam custodiæ tradita, sed minùs arctam quàm filius dictaverat habens custodiam, permissa est scribere omnibus Episcopis quos sibi fidos crediderat & dolores suos exponere. Forma scriptorum talis erat: 'Se de Pontificis dedecore plùs torqueri & erubescere quàm de proprio; paratam se Dei probare judicio Pontificem injustè diffamatum nunquam carnem suam tetigisse; nunquam se vel illum contra Regem aliquid egisse vel agere voluisse. Accederent ad Regem Episcopi, & intercederent pro Coepiscopo; inducerent modis omnibus illum, ut matris pro se & Episcopo purgationem reciperet. Bonam conscientiam publicè impetitam de crimine non debere nisi publicâ satisfactione purgari, placere sibi candentis ferri examen. Tantum apponant, ut Rex jubeat examen fieri in Ecclesiâ S. Swithuni Wintoniensis. Securam se esse de Sancti suffragio pro conscientia testimonio. Si in exequendo negotio moram fecerint, se morturam, ne paupertas sua rideatur diutiùs: quia, *Nil habet infelix paupertas durius in se, Quàm quòd ridiculos homines facit.* Regem filium suum, si plùs eligat nec convictam nec confessam matrem punire quàm purgationem ejus admittere, ab omnibus hominibus infamandum. *Omne etenim vitium tantò conspectius in se Crimen habet, quantò qui peccat major habetur.* Filius hodie matrem persequitur, Rex Reginam, qui & manum misit in Christum Domini.

Singuli Episcoporum, ad quos Regina scripserat, rescriptis se invicem consuluerunt; & die condicito convenientes ad Regem, convenerunt eum super querelis suæ matris & precibus. Rex Edwardus, ut erat miræ simplicitatis & innocentia, qui nihil unquam egit perperam nisi ex alterius suggestionem, allegationibus Episcoporum se sustinuisset facillimè superari, & quicquid in matrem aut Episcopum falsâ seductus credulitate crudelitatis admiserat, non solum sine recipiendâ satisfactione purgatoriâ temperâset, immo ipse veniam petiturus ad arbitrium Episcoporum de præsumptione satisfacisset; nisi Robertus Archiepiscopus quem Rex adsciverat obstitisset. Tanti fuit homo ille in oculis Regis; ut si diceret nigram cornicem esse candidam, Rex citiùs ori illius quàm oculis suis crederet. Consummatum fuisset ipsâ die negotium ad honorem matris & filii; nisi cum assisterent filii Dei coram Domino, affuisset inter illos etiam ille Satan. Robertus Archiepiscopus non rogatus partis se fortioris faciens advocatum, talibus Coepiscoporum industriam illudere conatus est, & avertere mentem Regis à matre. 'Convenistis fratres Dominum meum Regem pro matre suâ ferâ non fœminâ: ut vobis parcam, non vestris sed illius verbis retorquetis crimen matris in filium. *En scelus, ecce Jovem*



*placidum nimis, hanc nimis aulam! Quæ sceleris tractat coram Jove de Jove causam.* Ausa est impudentissima mulierum in Regem injurias diffamatorium evomere; & illum frequentatorem suum, qui scit simulare sanctitatem, qui de virtute locutus clunem agitat, illum *Cujus ad effigiem non tantum meiere fas est*; ut Regem reum sacrilegii faceret, ausa est Christum Domini nominare. Notate malitiam mulieris. Ad hoc tantum Elwinum suum Christum Domini nominavit; ut Rex qui manum misit in illum, pro sacrilegio plecteretur. Sed accedamus ad causam. Fœmina vult purgare Pontificem. Et quis purgabit eam; quæ dicitur consensisse in necem filii sui Eluredi, & procasse venenum Edwardo? Sed esto: quod authoritatem habeat supra sexus conditionem, quia Regina est. Si vultis ut consentiam in inauditam à sæculis purgationem; & vos consentietis, ut ego disponam genus examinis; quod si penitus illæsa pertulerit, me in Deum & Regem reum condemnabitis honore privandum, & purgatis honores pristinos restituetis. Totam culpam Regis, quam nullam esse præsumo, in me recipio. Non vos suspendam diutius: fœmina illa infamis pro seipsa quatuor, pro Episcopo quinque, sc. novem continuos passus super novem ignitos vomeres faciat nudatis pedibus. Si titubaverit, si singulos vomeres pleno pede non prefferit, si quantulumcunque læsa fuerit; sententia proferatur in mæchum & fornicariam. Uterque religionis arctissimæ perpetuò claustrum recludatur in carcerem. Noveritis etiam, quod plus de indulgentiâ quàm de rigore procedit sententia; quæ non dicam decernit sed sustinet pedali examine crimen capitale purgari. Placere videbatur & Regi & Episcopis, quod Archiepiscopus decreverat; & die nominato statuitur convenire Wintoniam.

Ad Reginam refertur sententia; quæ non minùs inde turbata est quàm si vocaretur ad nuptias. Reginam taliter examinandam præconatur fama per regnum; tantusque populorum fit concursus ad civitatem Wentanam, quod nunquam antea illic unâ die tot visi sint homines convenisse. Rex ipse S. Edwardus venit Wintoniam; nec defuit unus ex omnibus regni Magnatibus præter Robertum Archiepiscopum, qui apud Douram ægritudinem simulabat; ut si fortè aliter accideret quàm sperabat, posset sine impedimento profugere; & ita factum est.

Regina de mandato Regis reducta est Wintoniam de Warewellâ; & totâ nocte proximè præcedente diem agonis sui pervigilavit ad sepulchrum S. Swithuni. Non est opus ut dicam, quod toto corde oraverit, quod parum nocte illâ dormierit, quod vota fecerit, ut in tanto mereretur salvari discrimine. Et tamen dormire nolens dormitavit paululum; & vidit B. Swithunum sibi assistentem, & hæc audivit dicentem sibi. Constans esto filia; ego sum Swithunus quem invocas; ego tecum sum, ne paveas. Confundentur qui te persequuntur; quia cum transferis per ignem, flamma non nocebit te. Tu autem remittes hanc noxam filio tuo. Die facto convenit ad Ecclesiam Cletus & populus; & Rex ipse sedebat pro tribunali. Regina producit ante filium; & an velit prosequi quod promiserat, convenitur. Quæ

Respondere parat; meruitque silentia vultus.  
Postquam fœmineo rediit mens mota stupore;  
Gratia verborum tenero distillat ab ore.

Domine, inquit, & fili. Ego illa Emma quæ te genui, pro te de tuis impetita de crimine in te & Eluredum filios meos, & de consensu turpitudinis & proditoris cum hujus sedis Episcopo, invoco hodie Deum testem in corpus meum, ut peream, siquid horum quæ mihi imposita sunt vel mente commiserim. In pavimento Ecclesiæ scopato novem vomeres igne candentes ponuntur in ordine. Quibus breviter benedictis, subtrahuntur Regine calcei & caligæ;

ligæ; & posito peplo & rejecto flamine succincta à duobus hinc inde Episcopis ducebatur ad tormentum. Flebant qui eam ducebant Episcopi; & qui multo plus timebant quàm illa, animabant illam ut non timeret. Fit per Ecclesiam fletus intolerabilis; & fuit omnium vox una dicentium *S. Swithune, S. Swithune, tu illam adjuva*. Si interim reboassent tonitrua, non audirentur à populo; tantis viribus tantis vocibus clamabatur in cœlum, ut S. Swithunus vel tunc vel nunquam festinanter accurreret. Deus vim patitur, & servus suus Swithunus extrahitur violenter de cœlo. Regina sine clamore hanc ineundo faciebat orationem. *Deus qui liberasti Susannam de senibus iniquis, qui liberasti tres pueros de camino ignis, tu de incendio mihi parato per merita S. Swithuni me liberare digneris*. Videte miraculum. Episcopis pedes illius dirigentibus, super novem vomeres novem passus faciens, & singulos eorum totius corporis pleno premens pondere, sic omnes supergressa vomeres, nec ferrum nudum nec sensit incendium. Unde & dixit Episcopis. Nunquid quod maximè petieram non obtinebo? Quare me ducitis extra Ecclesiam, quæ in Ecclesiâ debueram examinari? Erat enim procedens ulterius, & nondum sciebat quòd consummasset examen. Ad quod Episcopi, sicut singultiendo poterant, responderunt. Domina nostra respice, jam fecisti; jam res acta est, quam faciendam existimas. Respexit, & aperti sunt oculi ejus; & tunc primò vidit ferrum, & intellexit miraculum. Ducite me, inquit, ad filium meum: ut videat pedes meos, & sciat quia nihil mali passa sum. Reversi Episcopi cum Reginâ, inveniunt illum operto capite prostratum in terrâ; jamque ei pro miseratione verba defecerant, quia erumpebant cum verbis lacrimæ, & non poterat se continere. Qui cum elevatus rem agnovisset ex integro; procidit ille Sanctissimus ad pedes matris dicens: Mater peccavi in cœlum & in te; jam non sum dignus vocari filius tuus. Ad quem mater: Vocetur ad te Elwinus Episcopus; & cum illi satisfeceris, de me citius veniam consequeris. Vocato ad Regem Episcopo, qui non federat in ordine Episcoporum, Rex veniam cum lacrimis postulat & meretur; & virgis cæsus à singulis Episcoporum, per manum flentis matris tres ictus accepit. Et sic datis osculis & receptis, Rex illos in gratiam, & illi Regem in venerationem receperunt; & redditum est Reginæ & Episcopo quicquid illis sublatum fuerat. Declamatus est jubente Rege in Ecclesiâ & in atrio exterius per plorantes populos modus & ordo miraculi; & conversus est tam subito fletus illorum in risum, quòd simul videres illos ridentes & flentes.

Regina Emma donata omnibus Maneriis dotis suæ, quæ illi priores Reges confirmaverant, non est oblita liberatoris sui; deditque ipsâ die S. Swithuno in oblationem pro IX. vomeribus IX. Maneria, quorum hæc sunt nomina: ..... Elwinus Episcopus de suo patrimonio dedit S. Swithuno alia IX. Maneria, quæ sic nominantur: ..... Rex ipse Edwardus donationes Reginæ & Episcopi ratas habuit & confirmavit; & insuper de suo dominico dedit S. Swithuno duo Maneria, sc. Meones & Portlande, & terram V. hidarum, quæ vocatur Wrockeshale. Regina & Episcopus certabant se invicem superare in ornamentis faciendis Ecclesiæ S. Swithuni de thesauris suis. Sed ille superatus est; quia vel illa plus potuit, vel plus dilexit decorum domûs Dei.

Anno MXLVII. Elwinus Episcopus mortuus est; & Stigandus illi successit; qui de donis Emmæ Reginæ condidit magnam crucem cum duabus imaginibus, sc. Mariæ & Johannis; & illas cum trabe vestitas auro & argento copiosè dedit Wintoniensi Ecclesiæ.

Anno MLII. Emma Regina migravit à sæculo, & sepulta est in Ecclesiâ S. Swithuni Wintoniensis.

Anno MLIII. Godwinus Comes obiit. Githa uxor Godwini, fœmina multas habens facultates, pro animâ ejus multis Ecclesiis in eleemosinâ multa con-



contulit; & Wintonienſi Eccleſiæ dedit duo Maneria, ſc. Bleodonam & Eramkumbam, & ornamenta diverſi generis.

Anno MLXIX. Aldredus, qui de Monacho Wintonienſi Episcopus Herefordenſis, & de hoc Archiepiſcopus Eboracenſis factus eſt, Regem publicè excommunicavit; quia contra jus Eccleſiaſticum ſe habebat in regno; nec multò poſt de vitæ hujus inquietudine ad quietem tranſivit.

Anno MLXX. Petrus & Johannes Cardinales ab Alexandro Papâ miſſi pervenerunt in Angliam; & coaſto Concilio ad voluntatem Regis Stigandum Archiepiſcopum & alios plures Episcopos & Abbates degradaverunt aſſenſu & voluntate Willelmi Regis. Rex autem Archiepiſcopatum Cantuarienſem Lanfranco Abbati Cadomenſi, Thomæ Eboracenſem, Walkelino Episcopatum Wintonienſem conceſſit. Eodem verò anno quicquid auri vel argenti in Eccleſiis fuerat, abſtulit Rex. Stigandus Archiepiſcopatum Cantuarienſem, & Episcopatum Wintonienſem, & multas Abbatis antea ſolus poſſidebat; publicas nundinas ex Episcopatibus & Abbatis faciens; ſacros honores Eccleſiarum hoſ ſibi comparans pecuniâ, iſtòs aliis linguâ venditans. Sed ego conjicio illum errore peccâſſe, quòd homo illiteratus eſſet, & quòd nesciret quantum delinqueret, rem Eccleſiaſticorum negotiorum ſicut publicorum actitari debere exiſtimans. Nunquam verò à Româ Pallium meruit.

Anno MLXXII. Hoc anno Stigandus, qui dudum Archiepiſcopus, jūſſu Regis captus & in Wintoniæ oppido poſitus eſt; ubi eſſi invitus luit quicquid in Archiepiſcopatu deliquit. Gravius enim memor amiſſorum torquebatur, quàm delectaretur habendo. Ibi demum mortuus, & in Eccleſiâ Wintonienſi, cui aliquantulo præfuerat tempore, honorificè ſepultus eſt. Dederat autem idem Stigandus Eccleſiæ Wintonienſi maximam crucem cum duabus imaginibus auro & argento optimè compoſitis. Eodem anno Wlurico Novi Monasterii Abbate degradato, Rewalanus loco ejus ſubſtituitur.

Anno MLXXIII. Sciendum, quòd Rex Willelmus quolibet anno, dum quietus fuerat, ter coronari conſueverat, Wigornia ad Natale, Wintoniæ ad Paſcha, Londoniæ ad Pentecoſten.

Ab antiquo conſtitutum eſt, & in Concilio Lanfranci Archiepiſcopi diſſinitum; ut in Conciliis Archiepiſcopus Eboracenſis ad dextram Dorobernenſis ſedeat, Lundoniensis Episcopus ad ſiniſtram, Wintonienſis Episcopus juxta Eboracenſem. Si Eboracenſis deſit; Lundoniensis ad dextram, Wintonienſis ad ſiniſtram: cæteri in ordine ſicut fuerint ordinati.

Anno MLXXIX. Walkelinus Episcopus à fundamentis Wintonienſem cæpit reædificare Eccleſiam.

Anno MLXXXII. Simeon, vir virtutis amator, frater Walkelini Episcopi, ex Præpoſito Wintonienſi, quem nos Priorem vocamus, Abbas Elienſis factus eſt; & Godefridus ejusdem loci Monachus vir perfectæ bonitatis & pietatis loco ejus ſubſtituitur. Quantæ autem diſcretionis & bonitatis & caritatis prædicti præpoſiti Simeon & Godefridus fuerint, teſtantur quæ adhuc ſunt in Wintonienſi Eccleſiâ illorum donaria. Dictus itaque Simeon frater fuerat Walkelini Episcopi & Monachus de S. Audoeno. Factus itaque Prior Wintonienſis, cum videret Monachos in Refectorio carnibus aſſiduè veſci, fecit exquiſita piſcium parari cibaria & dari eis. Illi autem delectati in hiſ, rogabant hujusmodi eis donari cibaria, & tunc velle abſtinere à carnibus. Datæ ſunt autem eis piſces; & abſtinuerunt à carnibus.

Anno MLXXXIV. obiit Hugo Episcopus Londinenſis, & Arſtus Episcopus Nordfolchienſis. Wlunodus Abbas Certesiæ dimiſit morte præventus Abbatiam Odoni. Alicia ſucceſſit Beatrici in Abbatia Monialium Wintonienſium.

Anno MLXXXVI. Henricus Regis filius Miles factus eſt; & tres Capellani Regis tres ſuſceperunt Episcopatus, Mauricius Londonienſem, Willelmus Nord-

Nordfolchensem, Robertus Cestriensem; & Geroldus Monachus Wintoniensis Abbatiam de Cranebornâ, quam transtulit ad Teokesberiam. Cristina virgo Deo devota Regis filia Sanctimonialis facta est apud Rumesiam. Fertur Regem concessisse Episcopo Walkelino ad perficiendam Ecclesiam quam inchoaverat Wintoniensem tantum lignorum de Hanepinges, quantum quatuor diebus & noctibus per carpentarios acquirere poterat. Carpentariis igitur innumerabilibus congregatis, totum nemus in præfixo termino solo dejectum est & ad Wintoniam deductum. Post hæc venit Rex per Hanepingam, & postquam respexit illuc, admirans quasi in extasi factus: Nunquid fasciatus sum? an amens effectus? ubi inquit sum? Nonne hîc juxta Wintoniam nemus habui valde delectabile? Agnitâ denique re gestâ, in furorem versus est. Walkelinus itaque sumptâ circa se vetustâ capâ, impetravit ab ostiariis Regis ingressum usque in Regis cameram. Ad pedes autem ejus procidit. Domine, inquit, novi quod multos habeas Clericos & Capellanos promovendos; & ob hoc contra me quæris occasionem. Accipe ergo, si placet, quem mihi dedisti Episcopatum. Reservato mihi cum amicitia tuâ officium, quod dudum in Capellâ tuâ habui. Quid multa? Postremò Rex, certè, inquit, Walkeline ego nimis prodigus largitor, & tu nimis avidus extitisti acceptor. Pacificatur itaque Regi, cum amoris redintegratione ad Episcopatum suum rediit.

Anno MLXXXVII. Londonia cum Ecclesiâ S. Pauli combusta est. Stigandus Episcopus Cicestræ de hoc sæculo migravit.

Anno MLXXXVIII. Gila Wellensis Episcopus decessit; successitque ei Johannes Regis Capellanus & Medicus; qui datâ Regi multâ pecuniâ sedem Episcopalem Bathoniam transtulit. Godefridus Cicestrensis Episcopus obiit; & successit ei ..... Radulfo Abbate Wintoniensi defuncto, commisit Rex Abbatiam Radulfo Passeflabere Capellano suo.

Anno MLXXXIX. commisit Rex Radulfo Passeflabere Archiepiscopatum Cantuariensis defuncto Lanfranco. Ipse autem Regi quicquid inde aliquo modo lucrari poterat, ut de ejus cogitaret promotione, donavit.

Anno MXC. Rex abstulit magnum thesaurum de Wintoniensi Ecclesiâ.

Anno MXCI. Radulfus Episcopatum Cicestræ suscepit, & Herebertus Abbas Ramesiæ Episcopatum de Nordfolchiâ, & Willelmus Episcopatum Dunelmensem. Ecclesia Croilandia combusta est.

Anno MXCII. commisit Rex Radulfo Passeflabere Episcopatum Lincolnensem & Abbatiam Certesiæ. Odo enim Abbatiam Abbas dimisit, nolens eam de Rege more Sæcularium tenere. Prædictus verò Radulfus, vir quo in malo nemo subtilior, Ecclesias sibi commissas expoliavit bonis omnibus; & divites simul & pauperes ad tantam deduxit inopiam, ut mallent mori quàm sub ejus vivere dominatu.

Anno MXCIII. In præsentia omnium ferè Episcoporum atque Abbatum Angliæ cum maximâ exultatione & gloriâ de veteri Monasterio Wintoniensi ad novum venerunt Monachi VI. Idus Aprilis. Ad Festum verò S. Swithuni factâ processione de novo Monasterio ad vetus, tulerunt inde feretrum S. Swithuni, & in novo honorificè collocaverunt. Sequenti verò die Domini Walkelini Episcopi cœperunt homines primùm vetus frangere Monasterium; & fractum est totum in illo anno, excepto portico uno & magno altari.

Anno MXCIV. Fuit magna discordia inter Archiepiscopum Thomam & Robertum Electum Lincolnia, pro eo quod Archiepiscopus Episcopatum Lincolnensem sibi dixit esse debere subjectum, & quia prohibuit ne ab Anselmo consecraretur. Robertus denique tria millia marcarum Regi donavit; ut Episcopatum Lincolnensem de subjectione Archiepiscopatus Eboracensis liberaret. Quod & factum est, datis Archiepiscopo duabus Abbatiis, sc. de Selebi & S. Oswaldi in Glocestriâ. Inventæ sunt Reliquiæ S. Swithuni aliorumque



rumque plurimorum Sanctorum sub altari Veteris Monasterii. Simeon Abbas decessit.

Anno MXCVII. Transfretavit Rex, & regnum Walkelino & Radulfo Passeflabere commisit. Radulfus XVI. Ecclesias carentes Pastoribus sub tutela suâ habebat Episcopatus & Abbatias, quas ad extremam paupertatem perduxit. Ecclesiâ quibus Pastores præerant, dabant singulis annis Regi CCC. vel CCCC. marcas, aliâ plus, aliâ verò minus. In tantâ erant tam ordinati miseriâ quàm Laici; quod tædebat eos vitæ eorum.

Anno MXCVIII. Venerabilis & piæ memoriæ Walkelinus Episcopus migravit ad Dominum, quem toto corde dilexerat. Mandaverat enim ei Rex die Natalis Domini post incæptum Missarum officium; ut absque omni dilatione CC. libras ei transmitteret. Ipse autem intelligens, quod absque rapinâ pauperum vel thesauri Ecclesiarum exspoliatione ad præsens hoc facere non posset, pro huiusmodi rebus atque similibus tædebat eum vitæ suæ; & factâ oratione petiit, ut eum de hac ærumnosâ vitâ eriperet. Quod factum est X. die sequente. Erat itaque vir perfectæ pietatis & sanctitatis, immensaque prudentiâ, & tantæ demum abstinentiæ, ut nec carnes nec pisces comederet, nec cerevisiam vel vinum biberet nisi rarissime, & tunc permodicum. Semper secum Monachis habebat; & quoties celebrabat Missarum solennia in Capellâ suâ Wintoniensi, Diaconum & Subdiaconum Monachos habebat. Non enim minus Conventum suum diligebat, quàm si omnes Dii essent. Ecclesiam Wintoniensem in religione & numero Monachorum & in domorum ædificiis plurimum melioravit. Sed primum quidem novus advena Monachos exosus fuerat; sed facile correctus, umbraticum illud odium sæpe deploravit. Deinceps fovens eos ut filios, diligens ut fratres, honorans ut dominos, nonnumquam eis auxilium & familiaritatem exhibuit. Nullum conviciis inceserat, pronuntians quod Episcopalis gravitas suam indignâ maculâ respergeret gloriam, si in pauperiorum descenderet contumeliam. Unum est permaximè quod doluit; quod ad CCC. libratas terræ Monachis auferens suis & successorum usibus implicuit.

Anno MXCIX. Radulfus factus est Dunelmensis Episcopus. Osmundus Sarum Episcopus obiit. Ille idem Osmundus construi & consecrari fecit Sarum Ecclesiam.

Anno MC. Rex à sagittâ perforatus est in Novâ Forestâ à Waltero Tirel, & sepultus in Ecclesiâ S. Swithuni Wintoniensi. Henricus autem frater ejus in Regem consecratus à Mauricio Londoniensis Episcopo apud Londoniam. Dedit itaque Rex \* Willemo Cancellario suo Episcopatum Wintoniensem, sed ipse eam noluit suscipere nisi de Anselmo Archiepiscopo. Odoni reddidit Abbatiam Certeisæ. Roberto Episcopo Cestriæ dedit Coventriam. Radulfus Passeflabere in carcerem trusus est. Hugo de Monacho Wintoniensi Abbas Novi Monasterii factus est.

WILLELMUS GIFFARD.

\* Willemus nominatus à Rege anno 1100. consecrationem à Girardo Archiepiscopo Ebor. accipere noluit; ne injuriam Anselmo Cantuariensi faceret. Consecratus demum est ab Anselmo Cantuariæ 1107. 3. Idus Augusti. Cancellarius erat trium Regum, Wilhelmi I. Wilhelmi II. & Henrici I. abrogato illi plûs semel officio, atque iterum restituto. Primò itaq; Cancellarius erat sub exitum Wilhelmi I. & initia Wilhelmi II. atque eo titulo insignitur in donatione Wilhelmi I. factâ Ecclesiæ S. Petri de Scrobesbiri; quod constat ex *Inspecimus* Henrici III. Chart. 51. H. 3. m. 1.

Cancellarium fuisse inter annos 1093. & 1100. constat ex Subscriptionem ejus ad Chartam Wilhelmi II. Regis datam Ecclesiæ Roffensi, cui subscribit etiam Robertus Lincolnensis Episcopus, in Textu Roffensi f. 181. Roberto igitur & prævit & successit in Cancellariatûs munere. Eundem Cancellarium fuisse inter annos 1100. & 1108. liquet ex chartâ Henrici Regis datâ Gundulfo Episcopo Roffensi, ibid. f. 187. & ex aliâ ejusdem datâ Ecclesiæ Roffensi in Registro Roffensi cap. 6. Anno 1103. Waldricum quendam Cancellarium Regis fuisse comperio in Textu Roffensi f. 220.

Anno MCI. Evasit de carcere Radulfus de Passeflabere, & profectus est ad Ducem Normanniæ. Item coronatus est Rex apud Wintoniam ad Pascha; suscepitque Gifardus Episcopatum Wintoniensem assensu Anselmi. Dux Robertus venit in Angliam cum CC. navibus, & cum eo Radulfus Passeflabere. Post multa autem incommoda regno illata pacificati sunt fratres, sc. quod Rex daret ei singulis annis MM. libras. Radulfo autem reddidit Episcopatum suum.

Anno MCII. Londonia bis combusta est, Wintonia semel, & Glocestria cum Abbatia. Rogerus Cancellarius Regis factus est Episcopus Sarum.

Anno MCIII. Willelmus Giffard Episcopatum Winton. amisit, quia noluit illum de Geroldo Archiepiscopo Eboracensi recipere; & Romam profectus est. Reversusque idem Episcopatum suum suscepit omnibus bonis intus exteriusque exspoliatum.

Anno MCVI. Edulfus Monachus Wintoniensis suscepit Abbatiam de Malmesberia.

Anno MCVII. Consecrati sunt Willelmus Giffard & Rogerus Sarum ab Anselmo Archiepiscopo. Ernulfus Prior Cantuariæ suscepit Abbatiam de Burgo; Hugo Monachus Wintoniæ Cerresia, Petrus Glocestriæ. Obiit Mauricius Londoniensis Episcopus. Godetridus Prior Wintoniensis venerabilis memoriæ decessit; successitque ei Gaufridus Monachus loci ejusdem. Turris Ecclesiæ ejusdem cecidit Nonis Octobris.

Anno MCVIII. Radulfus Episcopus Cicestrensem fecit dedicari Ecclesiam. Gundulfus Episcopus Rovecestriæ obiit; deditque Archiepiscopus Anselmus Episcopatum Radulfo Abbati de Sais. Decessit Geroldus Archiepiscopus Eboracensis, & successit ei quidam Clericus Regis Thomas nomine. Ricardus etiam Clericus Comitis de Belesme Episcopatum Londoniensem suscepit.

Anno MCIX. Geroldus Abbas Theokesbiriæ Regis animum nolens nec valens satiari muneribus, Abbatia relicta ad Ecclesiam Wintoniensem, cujus professus fuerat, reversus est.

Anno MCX. Fecit Rex transponere Monasterium S. Grimaldi de atrio Episcopalis Ecclesiæ in suburbium civitatis ad aquilonem cum Monachis & Reliquiis. Robertus Theokesbiriæ Abbas factus est.

Anno MCXI. Willelmus Episcopus Gaufridum Priorem deposuit; & assensu Conventus substitutus est Gaufridus, qui fuit Hordarius. Eodem anno dedit Episcopus Willelmus Regi, vellet vel non, DCCC. marcas. Illo anno combusta est Cantuaria & Tantoniam & Oxonia, & multæ aliæ urbes. Ipso anno depositæ sunt Reliquiæ S. Adelwoldi de veteri feretro, & impositæ in novo. Interfuit autem Regina & tres Episcopi & quinque Abbates.

Anno MCXIII. Petrus Abbas Glocestriæ decessit; successitque ei Willelmus Monachus Ecclesiæ ejusdem.

Anno MCXIV. Suscepit Episcopatum Wigornensem Theobaldus. Eodem anno migravit Archiepiscopus Eboracensis Thomas; successitque ei Turstanus. Archiepiscopatum Cantuariensem suscepit Radulfus, qui fuerat Episcopus Rovecestriæ. Ecclesia Cicestria combusta est. Archiepiscopus Cantuariensis dedit Episcopatum Rovecestriæ Ernulfo Abbati de Burgo, Abbatiam de Burgo Johanni Monacho de Seis.

Anno MCXV. Reginaldus Episcopus Herefordensis decessit; successitque ei Gaufridus.

Anno MCXVI. Facta est discordia inter Archiepiscopos; quia Eboracensis à Cantuariensi consecrari volebat, gratis Archiepiscopatum dimisit. Eodem anno quæsit Papa à Rege quasdam consuetudines; quas nunquam prædecessores sui habuerant. Quæ de re misit Rex ad eum Radulfum Archiepiscopatum Cantuariensem, & Herebertum Episcopum Norvicensis, & Hugonem



gonem Abbatem de Certesie. Obiit Robertus Cestrensis Episcopus, & Herlewinus Abbas Glastoniensis.

Anno MCXVII. Reversi sunt à Romano Pontifice Turstanus Archiepiscopus Eboracensis, & Herebertus Norwicensis Episcopus, & Hugo Abbas Certesie: Radulfus Cantuariensis Archiepiscopus remansit in Normanniâ cum Rege. Robertus primus Prior locum Meretonii accepit. Gilebertus Abbas Westmonasterii obiit.

Anno MCXVIII. Edulfus Abbatiam Malmesberie sine causâ amisit.

Anno MCXIX. Gaufridus Herefordensis Episcopus obiit. Kalixtus Papa tenuit Concilium apud S. Remigium; & consecravat Turstanum Eboracensem Archiepiscopum. Gaufridus factus est Abbas S. Albani. Henricus Comes de Warewich obiit.

Anno MCXXI. Dedit Rex Ricardo Clerico suo Episcopatum Hereford. Roberto Episcopatum Cestrensem, Ewerardo Episcopatum Norwicensem, & Abbatiam Westmonasterii Hereberto Monacho ejusdem loci, & Abbatiam Abbandoniae Vincentio, & Abbatiam Glastoniae Sefrido Monacho de Sais.

MCXXII. Fuit enormis & non tam narranda quàm tacenda discordia inter Episcopum Willelmum Wintoniensem & Monachos suos pro dilapidatione, & præcipue pro IX. Ecclesiis, quæ de Maneriis Monachorum fuerant, quas eis abstulit. Nescientes igitur quid eis agendum esset, crucium pedes invertunt sursum & capita deorsum; & processionem nudis pedibus contra Solis cursum & morem Ecclesiasticum fecerunt; ut sicut Episcopus contra decreta canonica victus eis necessaria in Ecclesiâ Deo deservientibus abstulit, sic ipsi Ecclesiæ contra jus & decreta Ecclesiastica deservirent. Fovebant autem partem Monachorum Rex; Episcopi verò partem fovebant omnes fere Capitanei Angliæ. Glocestria cum Ecclesiâ S. Petri combusta est.

Anno MCXXIII. Hoc anno defuncto Radulfo Cantuariensi Archiepiscopo successit Willelmus de Curbuil Prior S. Osithæ; consecratusque est à Willelmo Giffard Wintoniensi Episcopo. Theobaldus Wigorniensis Episcopus decessit.

Anno MCXXIV. Facta est concordia inter Willelmum Giffard & Monachos mediante Rege. Jussu enim Regis venit Episcopus solus in Capitulum Monachorum. Monachi verò, ut eis mandaverat Rex, nudi pedes & corpore ad pedes illius prociderunt, omnem pro delicto satisfactionem spondentes. Visâ itaque humilitate & compunctione eorum, procidit ipse ad pedes illorum; ut erat vir pietatis perfectæ & mitissimus hominum; reddiditque eis omnia interrogata; & cartâ suâ hæc & alia multa sub anathematis vinculo confirmavit Conventui perpetuò possidenda.

Anno MCXXV. Mutilati sunt omnes monetarii totius Angliæ, exceptis tribus apud Wintoniam. Johannes de Crema generale Concilium apud Londonias tenuit. Radulfus ut fertur Passellabere apud prædictum Johannem de incontinentiâ & multis aliis quæ non decent sanctos accusatus est; sed degradandus citatus multoties, multas excusationes opponens citationibus, non apparuit judicio. Quocirca legatus venit Dunelmum, honorificèque susceptus est. Post vina cor bene bibentium lætificantia, captus est & accensus Legatus amore virginis miræ pulchritudinis neptis Pontificis. Convenit eam; conventa thalamum ejus thorumque moribus instituenda Romanis, ut ei ab Episcopo fuerat imperatum, ingressa est. Ingressâ illâ thorum, thalamum ingreditur Episcopus cum Clericis & pueris, poculisque & luminaribus noctis tenebras claritate suâ radiantibus. Circumstantesque Legati lectum, clarâ voce clamabant: Benedicite, benedicite. Ille inde stupefactus, Quid, inquit, facitis pro S. Petro? Domine, ait Episcopus, nostræ consuetudo est patriæ, quòd quoties quis generosus nupserit, hic ei ab amicis debetur honor & reverentia. Surge ergo, & bibe quod in hoc quem porto calice est. Quod si renueris;

eris; certe ecce jam bibiturus es calicem, post quem ultra non sities. Vellet denique vel nollet surrexit; & nudatus usque ad inguen, bibit ad novam nupram dimidium quod erat in Pontificis calice. Discessitque inde Pontifex, jam non sollicitus de Pontificatus amissione. Legatus vero priusquam discederet, cum concubinâ suâ & blando dedecore inde fugiens, quàm citò potuit Romam reversus est.

Anno MCXXVI. Gaufridus Prior obiit.

Anno MCXXVII. Randulfus Episcopus Dunelmensis obiit.

Anno MCXXVIII. † Willelmus Wintoniensis Ecclesie Episcopus, compatiensissimus & piissimus hominum, migravit ad Dominum. Hic vir venerabilis & suavis memoriæ post infestationes Monachis Wintoniensibus per pravorum hominum suggestionem & instinctu nefario illatas, & post factam inter eos concordiam, tanquam cor suum universos dilexit & singulos, in tantum quod quoties venit aliunde Wintoniam, ad Ecclesie ostia descendit, & factâ oratione cum gemitu & quandoque cum lacrimis Conventum adiit, sive in Claustro sive in Refectorio esset, deditque super eos benedictionem suam. Quoties verò poterat, occasionem quærebat esse cum illis; ita ut meridianam suam solitus esset facere cum illis in illorum Dormitorio, & in Refectorio cum eis reficere, etiam ad cœnam quandoque, & tamen in novissimo loco cum Novitiis. Demum siquidem suscepto Monachatu in Infirmariâ Monachorum Deo spiritum reddidit.

Anno MCXXIX. ‖ Henricus nepos Regis Henrici ex sorore Adelâ, frater HENRICUS  
Stephani Comitis Moretonii & Boloniæ, postea Regis, ex Abbate Glastoniæ BLESSENSIS.  
Episcopus Wintoniensis factus est.

Anno MCXXX. Robertus Episcopatum Herefordensem suscepit.

Anno MCXXXIV. Henricus Wintoniensis Episcopus Legationis officium gerebat in Angliâ.

Anno MCXXXVIII. fecit Henricus Episcopus ædificare domum quasi palatium cum turri fortissimâ in Wintoniâ, castellum de Merdonâ & de Fernham & de Wantham & de Duntonâ & de Tantonâ.

Anno MCXXXIX. Rogerus Episcopus Sarum obiit, & Archiepiscopus Eboracensis.

Anno MCXLI. Stephanus Rex à Roberto Comite Gloucestriæ captus est. Imperatrix igitur a Domino Legato Henrico Wintoniensi Episcopo & omnibus ferè Capitaneis Angliæ apud Wintoniam in Dominam suscepta est, suscepitque omnium homagium & fidelitates. Londonienses tamen non fecerunt fidelitatem, aut si fecerunt, hoc inviti. Licet autem fecerint annon, semper ei insidiabantur; ita ut cum fortè fuisset Londoniæ, illam capere modis omnibus tentaverunt; sed præmunita relictis suppellectilibus suis clanculo cum suis aufugit. Factâ demum inter Legatum & Imperatricem discordiâ, Imperatrix cum suis Castellum tenuit regium & orientalem partem Wintoniæ & Burgenfes cum eâ, Legatus cum suis Castrum suum cum parte occidentali & Londoniensibus. Quid multa? Combusta est civitas & depopulata. Ecclesia Sanctimonialium combusta & Ecclesia de Hidâ; & excrustata est magna Crux, inventæque sunt in illâ plusquam D. marcæ argenti & auri XXX.

Anno MCXLIII. decessit Innocentius Papa, successitque Cælestinus. Henricus Episcopus tempore prædicti Innocentii Papæ propter nimiam dilectionem, quæ fuit inter eos, Romam profectus est. Quo anno profectus fuerit,

† Obiit anno 1129. ineunte, 8. Cal. Februarii, juxta Continuatore Florentii. die 10. Cal. Febr. juxta Calendarium vetus Wintoniensis Ecclesie *Vitellius E* 18.

‖ Ille electus 1129. mense Octobri conse-

cratus est Wintoniæ à Willelmo Cant. Archiepiscopo eodem anno 15. Cal. Decembr. prout refert Continuator Florentii. Electum die 11. Octobris referunt Annales Winchelcumbenses.



non affirmo. Sed ipse exegit apud Papam, quod de Episcopatu Wintoniensi Archiepiscopatum faceret, & de Abbatia de Hidâ Episcopatum, & quod Episcopatum Cicestræ sibi subjiceret. Et hoc fecit propter crebram decertationem quæ fuit inter Episcopum & Archiepiscopum Cantuariensem. Iste enim major videri voluit quia Archiepiscopus, ille quia Legatus.

Anno MCXLV. Gaufridus Abbas S. Albani obiit; & successit ei Radulfus.

Anno MCXLVI. obiit Robertus Comes Glocestriæ. Hic Robertus vir bonus atque fidelissimus Magnatum totius Angliæ, cum fautores Henrici Episcopi Wintoniensis Ecclesiam Sanctimonialium Wintoniæ & de Werewellâ & Ecclesiam de Hidâ incenderent; pepercit Ecclesiæ S. Swithuni, cum eam facile posset si vellet comburere.

Anno MCXLVII. exulatus est Archiepiscopus Eboracensis Willelmus ab Archiepiscopatu suo. Henricus autem Wintoniensis Episcopus propter sanctitatem ejus, & quia eum ordinaverat & consecraverat, honorifice eum in domum suam suscepit cum suis, & necessaria sicut sibi & suis invenit. Ille autem, quantum potuit, & quantum passus est Henricus Episcopus, cum Monachis Wintoniensibus fuit; & illorum sanctitatem tanquam Angelorum dilexit, comedens & bibens cum illis, & in Dormitorio illorum dormiens.

Anno MCXLVIII. decessit Robertus Episcopus Herefordensis; successitq; ei Gilibertus Folioth Abbas Glocestriæ.

Anno MCXLIX. profecti sunt Romam Monachi plerique de Hidâ contra Hugonem de Lens Abbatem suum, appellato prius Abbate ipso ab eisdem Monachis pro quibusdam controversiis quæ vertebantur inter eos. Appellarant etiam iidem Monachi Henricum Episcopum de dilapidatione thesauri Ecclesiæ suæ, & maxime de excrustatione magnæ crucis Ecclesiæ suæ & ablatione.

Anno MCL. translatae sunt Reliquiæ sanctorum Confessorum Birini, Swithuni, Aeddæ, Birstani, Elfegi. Obiit Gaufridus Abbas S. Albani; cui successit Robertus de Gorram.

Anno MCLI. Henricus Episcopus Wintoniensis Romam profectus est purgare se coram Summo Pontifice de his quæ imponebantur ei à Bernardo Abbate Clarewallensi & Monachis de Hidâ & multis aliis. Pacificatus Papæ post multas cavillationes & multa munera ab Episcopo data, & multò plura promissa, cum priori potestate suâ reversus est ad propria.

Anno MCLII. obiit Theobaldus Blesensis frater Henrici Episcopi, & Gilebertus de Clarâ, & Radulfus de Perronâ.

Anno MCLIV. Willelmus Archiepiscopus Eboracensis pacificatus suis mediante Episcopo Henrico, cum reversus esset de exilio, veneno extinctus est, ut fertur, ab Archidiacono suo misso veneno in calice suo.

Anno MCLV. Robertus Episcopus Exoniæ, & Matildis Abbatissa Rume-siæ, & Robertus de Gorram Abbas S. Albani obierunt.

Anno MCLIX. obierunt Walterus Cestrensis Episcopus, & Ingulfus Abbas Abendonæ, & Rogerus de Hevesham, & Willelmus Comes de Warennâ in regressu de obsidione Tolosæ.

Anno MCLX. obierunt Robertus Episcopus Exoniæ, & Aluredus Wigornia.

Anno MCLXI. Magister Bartholomæus Episcopus Exoniensis factus est, & Ricardus Pecche Cestriensis. Londonia combusta est, & Wintonia, & Cantuaria, & Exonia.

Anno MCLXII. Thomas consecratus est in Archiepiscopum apud Cantuariam ab Henrico Wintoniensi Episcopo in præsentia XIV. Episcoporum in Octavis Pentecostes, quinque annis Cancellariæ functus officio, ætatis verò tæ annum ægens XLIV.

Anno MCLXIII. dimisit Gilbertus Folioth Episcopatum Hereford. & suscepit

cepit Episcopatum London. Rogerus verò Glauconienſis Comitſ filius factus eſt Episcopus Wigorn. & Robertus de Melundino Episcopus Hereford. consecratique ſunt ab Archiepiſcopo. Eodem anno dedicavit Archiepiſcopus Thomas Monasterium de Radingâ, præſente Rege Henrico & multis Angliæ Magnatibus. Henricus de Exſexâ victuſ eſt à Roberto de Munford, & factus eſt Monachus Radingæ.

Anno MCLXIV. obierunt Willelmus frater Regis & Rogerus Abbas de Radingâ & Walkelinus Abbas Abendonix.

Anno MCLXVI. obierunt Robertus Episcopus Bathoniensis & Robertus de Chenni Episcopus Lincolnienſis & Robertus de Melun Episcopus Herefordenſis, & Robertus de Gorram Abbas S. Albani, cui ſucceſſit Simeon, & Gaufridus Comes de Mandewillâ.

Anno MCLXVII. magna Crux consecrata eſt ab Henrico Episcopo.

Anno MCLXVIII. obierunt Robertus Comes Leiceſtriæ & Patricius (b) Episcopus Sarum.

(b) legi Comes

Anno MCLXIX. obierunt Nigellus Episcopus Elyenſis & Hilarius Ciceſtrenſis.

Anno MCLXX. obiit Symeon Abbas S. Albani.

Anno MCLXXI. Henricus \* Wintonienſis Episcopus, quo nemo unquam pudicitior vel prudentior, nemo miſericordior, vel in rebus eccleſiaſticis augendis vel decorandis ſollicitior, migravit ad Dominum, quem toto corde dilexerat, & cujus miniſtros Monachos ſc. & alios quoſque Religioſos tanquam ipſum Dominum honoraverat: Cujus anima in ſinu Abrahæ requieſcat. Obiit Selidus Abbas.

Anno MCLXXII. coronatus eſt Henricus filius Regis Henrici cum Margaretâ uxore ſuâ filiâ Regis Francorum Lodovici apud Wintoniam. Quidam Rogerus Sacerdos icu fulminis periit in Eccleſiâ de Andivre nocte Natalis Domini.

Anno MCLXXIII. Ricardus Prior Cant. electus eſt in Archiepiſcopum Cant. Ricardus † Archidiaconus Pictaviensis Kalendis Maii electus eſt in Episcopum Wintonienſem, Gaufridus Ridel in Elyenſem, Robertus Foliot in Herefordenſem, Johannes Decanus in Ciceſtrenſem, Robertus Prior Winton. in Abbatem Glaſtonienſem.

RICARDUS.

Anno MCLXXIV. Ricardus & cæteri Electi, de quibus ſuprà ſcriptum eſt, ordinati ſunt & consecrati II. Non. Octobr.

Anno MCLXXV. Walterus Prior Winton. factus eſt Abbas Weſtmonaſterii, & Thomas Prior Montis-acuti Abbas de Hida, & Prior Bermundeſiæ Abbas Abendonix.

Anno MCLXXVIII. combuſta eſt & redacta in pulverem Eccleſia de Theokesberia. Eodem anno obiit Fromundus Abbas Theokesberia. Willelmus Abbas Rameſiæ Abbas Cluniacenſis factus eſt.

\* Obiit menſe Septembri proximè ſequentem martyrium S. Thomæ Cant. (viz. anno 1171.) inquit Giraldus de jure Menev. Eccleſiæ, Diſt. 7. Obiit 1171. 6. Cal. Auguſti, inquit Bartholomæus Cotton in Annalibus Norvic. 6. Id. Auguſti, Hiſtoria Glaſtonienſis, & Radulſus de Diceto de Præſul. cap. 6. die 5. Id. Auguſti, Obituarium Cant. Sedes vacavit triennio.

† Ricardus Toclivius, aliis *Hokelin*, aliis de *Ivelceſtriâ* cognominatus, contra conſuetudinem antea receptam intronizatus eſt 1173. 16. Cal. Junii, ante consecrationem. Conſir-

matus anno ſequenti à Ricardo Cant. Archiepiſcopo die 1. Octob. consecratus eſt ab eadem Cantuariæ 6. Octobr. Sedit annis 14. ſeptimanis 11. obiit 1188. 11. Cal. Januar. Ita Diceto in Imag. Hiſt. p. 568, 582, 641. De die obituſ conveniunt Gervalius, Florilegus, & Obituarium Cant. Soli Annales de Lanercoſt illum in Feſto S. Thomæ Apoſtoli deceſſiſſe volunt. Iſte anno 1179. in magno Parlamento Windeſoræ habito conſtitutus eſt unus ex Juſticiariis itinerantibus; poſtea ab Henrico Rege Archijuſticiarius Angliæ renunciatuſ.



Anno MCLXXX. obiit Rogerus Ebor. Archiepiscopus. Eodem anno Thomas Abbas de Hidâ renunciavit Abbatîæ suæ. Nocte Vigiliæ S. Swithuni accensa est monetaria in Wintoniâ; & egressus inde ignis consumit majorem partem & meliorem Wintoniæ.

Anno MCLXXXII. innotuit se primùm S. Barnabas apud Hidam per miracula à Deo meritis ejus perpetrata; & tunc cœpit renovari & meliorari eadem Ecclesia.

Anno MCLXXXIV. obierunt Ricardus Cant. Archiepiscopus & Girardus Cestrensis Episcopus & Waleranus Roffensis. Glastonia tota combusta est.

Anno MCLXXXV. Venit Patriarcha Jerosolimitanus in Angliam; receptusque fuit honorificè apud Wintoniam ad processionem, præsentem tunc Rege & omnibus ferè Episcopis & Abbatibus totius Angliæ. Johannes Abbas de Hidâ Romam profectus est propter pallium Baldewini Electi Cant. Gilebertus de Glanwilla Roffensis Episcopus factus est.

Anno MCLXXXVI. Bartholomæus Exoniensis Episcopus obiit.

Anno MCLXXXVII. Robertus de Melun de Subpriori Wintoniensis Ecclesiæ factus est Abbas Malmesberiæ. Johannes Prior Wintoniensis Ecclesiæ, vir bonæ simplicitatis, migravit ad Dominum; cui successit Robertus filius Henrici.

Anno MCLXXXVIII. Introducti sunt in Ecclesiâ Wintoniensi viri armati; qui minimè metuentes mittere manus suas in Christos Domini, quosdam de ministris Dei extraxerunt nefario quorundam Magnatum instinctu atque imperio. Eodem anno migravit ad Dominum Ricardus bonæ memoriæ Wintoniensis Episcopus.

GODEFRIDUS DE  
LUCI.

Anno MCLXXXIX. suscepit Episcopatum Wintoniensem Dominus // Godefridus de Luci, & Ricardus Thesaurarius Episcopatum London. & Willelmus Cancellarius Regis Episcopatum Elyensem. Obiit Gaufridus Ridel Episcopus Elyensis.

Anno MCXC. Ricardus Rex Angliæ iter arripuit versùs Jerosolimam cum Baldewino Cant. Archiepiscopo & Huberto Walteri Episcopo Sarum & Radulfo de .....

*Deest in Codice folium unum aut alterum.*

..... Johannes de Custances, nepos Archiepiscopi Rothomagensis, Wigorniensis Episcopus factus est:

Anno MCXCVII. Willelmus de Longo-campo Elyensis Episcopus & Regis Cancellarius viam ingressus est moriens, quam vivens promeruerat; & Pictaviis ubi decesserat sepultus est; homo quidem prudentiâ sæculi & gratiâ laborum mirâ æstimatione insignis, & quo nemo unquam in integritate semel conceptæ dilectionis fidelior extitit; qui & meritò Pater Monachorum poterat appellari, nisi cum olim utrumque teneret gladium auctoritate Apostolicâ & Regiâ consiliis consensisset religioni adversantium, ut in magno Concilio suo apud Londonias ejectionem Monachorum de Coventre quantum in ipso fuerat confirmasset. In Normanniâ obierunt Willelmus Comes Sa-

// Godefridus, filius Ricardi de Luci, Angliæ Justiciarii, qui abdicato munere anno 1179. Canonicus Regularis factus est in Abbatîâ de Lesnes, quam in fundo suo ipse fundaverat, ante susceptum Episcopatum Decanus erat S. Martini London. & Justiciarius itinerans anno 1179. Vid. Hoveden. f. 337. Ad Sedem Wintoniensem nominatus à Ricardo Re-

ge apud Pipewelle 1189. 15. Sept. consecratus est apud Westmonasterium die 22. Octobris sequentis. Malè Matthæus Paris illum die 1. Nov. consecratum scribit. Anno 1197. Justiciarius Angliæ constitutus, obiit 1204. 12. Sept. juxta Waverleiensis Chronographum, 11. Sept. juxta Wintoniensem nostrum, cui suffragatur Obituarium Abbatîæ de Winteneiâ.

rum

rum & Willelmus de (c) Specioso-campo, viri quidem generositate naturæ ac liberalis animi benignitate valde illustres; quorum mors immatura ingentem mœstitiam parentibus suis intulit & amicis. Magister Martinus Monachus, olim Prior de Tudford, licet non electus canonicè, Abbas tamen Certesiæ factus est, cuicumque piguit vel cui non, vivente adhuc altero Abbate. In cuius susceptione quali infaustum aliquod accidit prognosticon. Cum enim ad processionem à Conventu de more susciperetur; serviens quidam deprensus pallia statim ut ingressus est Abbas Ecclesiam corruit; & tam citò minister introitus sensit pœnam, quàm citò ministraturus Abbas Abbatia suscepit honorem. Ricardus frater H. Episcopi Sarum Decanus Sarum effectus est. Eustachius Cancellarius Regis, vir multæ scientiæ & discretionis, in Episcopum Eliensem electus est. Accessit ad Rîsum Regem Walliæ Petrus Episcopus Menevensis, deprecans eum paterno affectu, ne pacem sanctæ Dei Ecclesiæ & Domini sui Regis Anglorum turbaret. Sed Episcopus super his nihil proficiens, conviciatus & plurimum exacerbatus de curiâ recessit. Sequenti verò nocte à Rege missi filii infideles Episcopum stramina tantum femoralibusque indutum de stratu suo extraxerunt; donec per manus hominum Willelmi de Breus ereptus est. Manè verò factò citatis Episcopus Archidiaconibus suis & totius Episcopatus Presbyteris, cum illis pariter Regem & Regis filios cum totâ terrâ suâ anathemate perculit. Intravit igitur sicut aqua in interiora obstinati Regis & sicut oleum in ossibus ejus Episcopi maledictio; & defunctus est sub anathematis vinculo non post multos hos dies. Grifinus autem paulo patre clementior cum fratribus suis & amicis ad Episcopum accessit, misericordiam cum lacrimis postulans, debitam omnem subjectionem & reverentiam Domino suo Regi Anglorum & sibi exhibiturum promittens. Episcopus igitur sub hac conditione vapulato Regis defuncti corpore jam fætido, vapulatis & filiis, cum mortuo vivos eorumque terram absolvit assensu & auctoritate Domini Archiepiscopi Cantuariensis.

Anno MCXCVIII. Eustachius Cancellarius Regis consecratus est apud Londoniam ab Archiepiscopo Cant. in Episcopum Eliensem VIII. Idus Martii. Hugo de Nunante Episcopus Cestrensis in languorem decedit. Monachi Coventrenses introducti sunt in Ecclesiam suam; & Prior de Wenloc Magister Jorbertus Prior eorum effectus est. Episcopus Sarum imperio Domini Regis de omnibus possessionibus suis disseisatus transfretavit mense Februarii. Dominus Godefridus Episcopus Wintoniensis transfretavit X. Cal. Aprilis; reversus est in Angliam mense Junii; XVI. Cal. Augusti apud Pevenese applicuit. Gaufridus filius Petri, vir ingenuus & specialis amator Wintoniensis Ecclesiæ, fecit transferri patrem suum, qui fuerat ejusdem loci Monachus conversus ad succurrendum, de cimiterio Monachorum in Ecclesiam & ibi honorificè recondi in præsentia Abbatis de Theokesberia & Abbatis de Hidâ & aliorum plurimorum virorum nobilium VIII. Idus Maii. Obiit Simon Abbas de Perforâ apud Bermundeseiam IV. Idus Maii. Archiepiscopus Eboracensis pacificatus est Regi fratri suo, mediante Episcopo Wintoniensi Godefrido; suscepitque eum Rex in osculo pacis. Hugo de Nunant Episcopus Cestrensis introductis Monachis de Coventre in Ecclesiam suam, de qua pereundem Episcopum ejecti fuerant, post diutinum languorem & pœnam intolerabilem miseram vitam meritâ morte terminavit VI. Cal. Aprilis in Parasceve; & in Ecclesiâ Becci Herlewini sepultus est. Herbertus Pauper Episcopus Sarum reversus de Normanniâ cum gratiâ Domini Regis, applicuit in Angliam VI. Idus Junii. Walterus Prior Bathoniensis, vir multæ scientiæ & religionis, apud Werewellam vitam in Christo finivit. Hic de Subpriorè Hideni pro bonâ sanctitatis suæ famâ Prior Bathoniensis factus, postquam Monachos Monastico Ordini ad unguem informaverat, cogitans intra se quàm frivola gloria mundi, Quàm rerum fugitivus honor, quàm nomen inane Prælatus, malens sibi



sibi tantum prodesse quam aliis præesse, contulit se ad Cartusienfes. Ubi cum quidam Monachus Hidenfis venisset causâ visendi eum, & vidisset eum circa ollas & olera valde intentum, qui multum paulò antè intenderat circa salvandas animas, quasi cum irrisione ait. Domine pater, quod facis est Kerere, quod tractas Kerewiwere. Ille autem ad se reversus post non multos hos dies tam prece quam præcepto magistrorum intelligens quòd sanctius est multas animas quam solam salvare, ad Prioratum suum reversus est, & ibi se strenuè usque ad obitum suum habuit; sepultusque est apud Bathoniam II. Cal. Junii. Lombardus Judæus commodavit conventui X. libras & unam marcam in Vigiliâ S. Swithuni. Gaufridus de Muschampo, qui fuerat Archidiaconus de Clivelande, Episcopus Cestrensis factus est, & consecratus ab Archiepiscopo Huberto Walteri in Ecclesiâ Cant. XI. Cal. Julii. Petrus Menevensis Episcopus, vir religionis eximiæ, & tam vitæ forma quam informatio morum, fracto fragilis luteo corporis vase migravit, ab eo stola immortalitatis vestiendus in cœlis, pro quo in terris multas multoties mundi pressuras perpeffus est. Magister Anselmus Monachus Radingæ factus est Abbas de Persforâ. Eustachius Sacrista de Mideltonâ ejusdem Ecclesiæ Abbas effectus est. Ricardus Nigelli quondam Eliensis Episcopi filius & Regis Henrici Apotecarius & demum Londoniensis Episcopus, vir venerandæ & piissimæ recordationis & scientiæ, cujus singula verba singulis quibus loquebatur visa sunt stillare dulcedinem, Exiit e medio, corpusque reliquit inane, IV. Idus Septembris. Iste vir benignissimus & misericordissimus in tantum totius Angliæ potentes & industrios viros præcelluit; quòd illius respectu omnes reputari poterant & reputabantur avari. Sciens itaque & memoriter recolens, quòd nil turpe magis, nil pejùs honores Inquinet excelsos quam cœna negata potentis; exactissimæ liberalitatis & munificentiæ vir ille, cujus est in cœlesti benedictione memoria, omnes ad mensam suam admittebat, nisi quos propria malitia aut reproba vita repulerat. Mense Septembri obiit Johannes de Custances Wigorniensis Episcopus.

Anno MCXCIX. obierunt Andreas Abbas de Burgo, & Juliana Abbatissa Rumesiæ mense Februario. Ricardus Rex apud oppidum Chaulew telo perfoffus est VII. Cal. Aprilis, obiitque VIII. Idus ejusdem mensis, die videlicet Martis. Sepultumque est corpus ejus ad pedes patris sui Henrici Regis apud Fontem Everardi. Scitu quidem dignum est, quòd dictus Rex sepultus est cum eadem coronâ & cæteris insignibus regalibus, quibus præcedenti quinto anno coronatus & insulatus fuerat apud Wintoniam. Magister Willelmus Pica electus est in Abbatem Glasloniæ. Matildis patria soror Walteri Walerandi facta est Abbatissa Rumesiæ III. Non. Junii. Hugo Abbas Radingæ Cluniacensis Abbas factus est. Dedicata est Ecclesia Cicestriæ à Sefrido ejusdem loci Episcopo II. Idus Septemb. Johannes Rex coronatus est apud Westmonasterium die Ascensionis Domini, sc. VI. Kal. Junii.

Anno MCC. inchoata est & perfecta turris Wintoniensis Ecclesiæ. Mense Martio obiit Odo Abbas de Bello; cui successit Johannes de Duvrà Monachus Cantuariensis. Eodem verò anno obiit Willelmus Simplex Abbas Ramesiæ; & successit ei Yvo Prior de Burgo. Eodem etiam mense Prior S. Albani nomine Acharius factus est Abbas de Burgo. Obiit Willelmus Postard Abbas Westmonasterii. Radulphus de Arundel, qui fuerat Prior de Herlie, factus est Abbas Westmonasterii. Johannes de Grai, qui fuerat Archidiaconus Oxon. factus est Episcopus Norwicensis; & consecratus est apud Londoniam ab Archiepiscopo Huberto Walteri. Eodem anno consecratus est Gilda filius Willelmi de Breus Episcopus Herefordensis. Obiit piæ & sanctæ recordationis Hugo Episcopus Lincolniensis, qui fuerat Prior Cartusiæ.

Anno MCCI. mediâ ferè horâ noctis Sanctorum septem Dormientium enormis quædam & nimis luctuosa evenit dissonantia inter duos pseudofratre de Hida

Hidâ & geminos ejusdem loci Abbates. Unde perplures plurimam, quam non moruerant, pœnam perpeffi sunt & grave dispendium.

Anno MCCII. Dominus Wintoniensis Godefridus de Lucy constituit Confratriam pro reparatione Ecclesiæ Winton. duraturam usque ad quinque annos completos. Obierunt Gaufridus Comes de Pertico, & Alanus Abbas Theokesberia, qui fuerat Prior Cantuariensis. Hoc anno formata & confirmata est pax & concordia inter Dominum Cantuariensem & Monachos loci ejusdem per arbitros eis à Summo Pontifice datos super causâ quæ vertebatur inter eos pro Ecclesiâ de Lameiâ; quam Dominus Cantuariensis fabricari fecerat in præjudicium, ut putabatur, Cantuariensis Ecclesiæ. Forma hæc est: 'Eustachius Eliensis Episcopus, Abbas S. Edmundi, Lincolnensis Decanus loco Domini H. Episcopi Lincoln. constitutus, electi arbitri à Domino Cantuariensi & Conventu juxta formam compromissi, pro bono pacis & tranquillitatis providimus & ordinavimus; ut si placet Domino Cantuariensi ædificare Ecclesiam apud Lameiam, hoc modo fiat. Ædificet ubi voluerit, dummodo non sit super fundamenta operis illius quod auctoritate Domini Papæ dictum est. Instituantur in Ecclesiâ illâ Canonici ordinis Præmonstratensis; ita quòd non sint plures quàm XX. nec pauciores quàm XIII. Hanc Ecclesiam poterit dotare Dominus Archiepiscopus usque ad quantitatem C. librarum annuarum de Ecclesiis ad ipsum pertinentibus, vel de aliis bonis quæ possidet nomine Cant. Ecclesiæ, exceptis Ecclesiis de Moncketon, de Estrie, de Hemesford & de Mepeham, & Ecclesiis quæ sunt in maneriis Monachorum, & exceptis aliis rebus quæ coram nobis in quæstionem ductæ sunt. Erit autem Ecclesia illa mediocris, juxta numerum personarum præfatum & prædictam dotem modificata; habito etiam respectu ad ..... mediocritatem ædificandi Ecclesiam, quibus utuntur Canonici ejusdem Ordinis. Sanè ad tollendam omnem materiam suspicionis & scandali, providimus, ne in Ecclesiâ illâ Archiepiscopi ordines aut concilia aut consecrationes Episcoporum aut benedictiones Abbatum non celebrent aut crisma conficiant. Nec faciant Archiepiscopi congregationem Sæcularium, & dotent de bonis Cant. Ecclesiæ sine assensu Conventus. Clerici verò habeant Ecclesias quas modò tenent, quoad vixerint, sub annuâ pensione. Post obitum verò singulorum ad Ecclesiam Cant. revertentur.

Anno MCCIV. obiit Godefridus de Lucy Episcopus Wintoniensis III. Idus Septembris. Obiit Alianora Regina & Sefredus Episcopus Cicestria.

Anno MCCV. obiit Hubertus Walteri Archiepiscopus Cant. VI. Idus Julii \* Petrus de Rupibus Romæ à Papâ Innocentio III. consecratus est in Episcopum Wintoniensem Dominicâ proximâ ante Festum S. Michaelis.

PETRUS DE  
RUPIBUS.

Anno MCCVI. Petrus Wintoniensis Episcopus Româ reversus, apud Wintoniam solenni processione receptus est, & intronizatus Dominicâ in Ramis Palmarum VII. Idus Aprilis.

Anno MCCVII. M. Stephanus de Langeton consecratus est in Archiepiscopum Cant. à Domino Papâ Innocentio apud Viterbium XV. Cal. Julii. Hoc anno natus apud Wintoniam Henricus filius Regis Johannis de Regina Isabellâ Kalendis Octobris vocatur nomine avi sui Henrici.

\* Rectè Chronicon MS. Lambethanum consecratum Romæ ab Innocentio Papâ 1205. 7. Cal. Octobris fuisse refert; malè Florilegus Cal. Octobris. Obiit anno 1238. 5. Id. Junii, authore Matthæo Paris, 5. Id. Julii ex sententiâ Wintoniensis nostri. Justiciarius Regis factus est anno 1214. die. 1. Februar. Plura extant Johannis Regis rescripta apud Prynnii

collect. vol. 2. p. 355. vol. 3. p. 22. de electione Ricardi de Marilco ad Sedem Wintoniensem anno 1214. factâ. Verùm errore manifesto vox *Winton.* pro *Dunelm.* irreplit seu scribæ seu editoris vitio. Illo enim tempore Petrus summâ apud Regem gratiâ viguit, & 24. annis superfuit.



Anno MCCIX. Regina Isabella peperit filium nomine Ricardum in die Epiphania.

Anno MCCXIII. Johannes Rex absolutus est à Pandulfo Domini Papæ Legato die S. Margaretae apud Wintoniam, durante tamen interdicto.

Anno MCCXVI. Lodovicus applicavit in Tanet Sabbato post Ascensionem. Johannes Rex terga dedit; licet facile posset resistere. In Vigiliâ Pentecostes venit Johannes Wintoniam & Galas Legatus. In crastino Pentecostes sc. feriâ secundâ veniente Lodovico, Rex recessit cum Petro Wintoniensi Episcopo, qui die Pentecostes excommunicaverat Ludovicum & omnes suos fautores. Rex autem tradidit Castrum Wyntonienſe Savarico de Maulyon ad custodiendum cum civitate; qui statim post discessum Regis Suburbium igne succendit, & recessit. Ludovicus obsedit Castrum; & post multos dies traditum est ei Castrum per consilium dicti Savarici; & postea in brevi cœpit cætera Castella Hantescyrvæ. Obiit Johannes Rex XIV. Cal. Novemb. apud Newerk; & corpus ejus humatum est Wygornia. Et Henricus filius ejus annorum X. coronatus in Regem est die Apostolorum Symonis & Judæ apud Gloverniam à Legato Gales & multis aliis.

Anno MCCXVII. Ricardus Episcopus Ciceſtria translatus est usq; Sarum.

Anno MCCXXI. Petrus Episcopus Wintoniensis profectus est apud S. Jacobum. Idem Episcopus suscepit crucem.

Anno MCCXXII. obiit Ranulfus Episcopus Cyceſtria, cui successit Radulphus de Nova-villâ. Obiit Johannes de Hydâ; cui successit Walterus ejusdem Ecclesiæ Monachus.

Anno MCCXXIV. Petrus Episcopus Wyntonienſis in plenâ Synodo excommunicavit moleſtatores & insurgentes contra jura Ecclesiæ. Ecclesia de Montefonte dedicata est.

Anno MCCXXVII. Petrus Episcopus Winton. & Willelmus Episcopus Exon. arripuerunt iter versus Terram Sanctam.

Anno MCCXXVIII. obiit Stephanus Archiepiscopus Cant. Nonis Julii. Ricardus Episcopus Sarum factus est Episcopus Dunelmensis. Walterus Monachus Cant. electus est in Archiepiscopum.

Anno MCCXXIX. Robertus de Byngemham factus est Episcopus Sarum. Ricardus Cancellarius Lincolnienſis factus est Archiepiscopus Cant.

Anno MCCXXX. Henricus Rex rediit in Angliam; post Festum Omnium Sanctorum in majori Ecclesiâ Wintoniensi cum solenni processione à Conventu susceptus est, præſente Ricardo Archiepiscopo Cant. cum quibusdam Suffraganeis suis.

Anno MCCXXXI. obiit Rogerus Archidiaconus Wintonienſis peregrinus. Ecclesia S. Ægidii Wintonia combusta est. Petrus Episcopus Wintonienſis reversus est à Terrâ Sanctâ, receptus in Ecclesiâ suâ die S. Petri ad Vincula; & optulit pedem S. Philippi.

Anno MCCXXXII. Henricus Rex commisit Petro Episcopo Wintoniensi plurimos Comitatus & Castella in custodiâ & Petro de Rywalles & Thesaurariam suam. M. Johannes Blundus electus est in Archiepiscopum Cant. sed cassatus à Domino Papâ. Puer quidam nomine Stephanus cruciatus est & occisus à Judæis Wintonia XVI. Cal. Novembris.

Anno MCCXXXIII. Magister Eadmundus Thesaurarius Sarum electus est in Archiepiscopum Cant. & à Domino Papâ confirmatus.

Anno MCCXXXIV. consecratus est M. Eadmundus in Archiepiscopum Cantuariensem IV. Non. Aprilis. Orta est dissentio inter Regem Henricum & Petrum Episcopum Wintoniensem & Petrum de Ryvallis. Inhibita eorum transfretatio est apud Dover; & in Vigiliâ Apostolorum Petri & Pauli venerunt apud Wintoniam. In Depositione S. Swythuni venit Ricardus Syward & multi alii, quærentes Petrum de Ryvallis; quem  
mini-

minimè invenientes, equos Episcopi & Prioris violenter abduxerunt. Episcopus verò hujusmodi invasores excommunicavit; & interdicta est Ecclesia & tota civitas. Manè autem pœnituerunt, & absoluti sunt. In crastino reconciliata est Ecclesia & civitas. Petrus Episcopus Wintoniensis in crastino Cinerum profectus est Romam, transfretavit IV. Non. Martii. Eodem mense pacificati sunt idem Episcopus Petrus & Monachi S. Swithuni die S. Cuthberti per W. Officialem & Magistrum R. de Stamford.

Anno MCCXXXV. M. Robertus Grosseteste factus est Episcopus Lincolnensis XV. Cal. Julii.

Anno MCCXXXVI. Petrus Episcopus Wintoniensis à Româ rediens venit Wintoniam in die S. Andrea. Quædam balæna capta fuit apud Molebrok mense Septembri; quæ adjudicata fuit coram Rege Priori & Conventui.

Anno MCCXXXVIII. obiit Petrus Episcopus Wintoniensis V. Idus Julii. Eadmundus Archiepiscopus Cant. à Româ reversus venit in Angliam mense Februario.

Anno MCCXXXIX. Edwardus primogenitus Regis Henrici & Alianoræ Reginae natus est Londoniæ XIV. Cal. Julii. Item Willelmus de Ralye consecratur in Episcopum Norwicensem ab Eadmundo Archiepiscopo Londoniæ. Otto Legatus interdixit Ecclesiam Wintoniensem; quia non poterit videre thesaurum.

Anno MCCXL. Postulatio † Willelmi de Raley Episcopi Norwicensis in WILLEL- Episcopum Wintoniensem VI. Idus Junii. S. Eadmundus transfretavit; quia non potuit facere officium suum pro Rege & Ottone Legato; & obiit LEY. apud Punteny XI. Cal. Septemb. & sepultum fuit corpus ejus in Abbatiâ de Pontiniaco.

Anno MCCXLI. feretrum S. Swithuni fractum est flabello de turri cadente. Reliquiæ ejusdem Sancti offensæ sunt XVI. Cal. Junii. M. Nicolaus de Franham consecratus est in Episcopum Dunelmensem V. Idus Junii. Obiit Gilbertus Marecallus V. Cal. Julii. Walterus frater ejus factus est Comes de Penbrok.

Anno MCCXLII. Henricus Rex & Alianora Regina venerunt Wintoniam V. Cal. Maii. Die Apostolorum Philippi & Jacobi venit Regina in Capitulo Wintoniensi receptura societatem. Die Translationis S. Nicolai Rex & Regina, Ricardus Comes frater Regis & R. Marecallus miserunt se in mare apud Portesmuthe versus Wasconiam.

Anno MCCXLIII. Rex rediens de Wasconiâ applicuit apud Portesmuthe VII. Cal. Octob. & in Vigiliâ S. Michaelis venit Wintoniam. Die Apostolorum Petri & Pauli Willelmus de Raley translatus est in Episcopum Wintoniensem & confirmatus; qui in Vigiliâ Natalis venit Wintoniam, sed intrare

† Electus est à Monachis Winton. anno 1238. antequam ad Episcopatum Norwic. promoveretur: quamvis Monachi minis regiis territi, ab electione citò post recesserint. Rex etenim Willelmum Episcopum electum Valentinum ad Sedem Winton. transferri voluit: quem Monachi constanter repulerunt; & loco ejus Radulphum de Nevil Episcopum Ciceriensem eodem anno elegerunt. Rex magis adhuc exandescens, electionem missis procuratoribus in Curia Romanâ cassari obtinuit anno sequenti. Priorem etiam alienigenam, natione Britonem, Conventui violenter præfecit; qui plures Monachos ad partes Regis trax-

it. Valentinus interim à Papâ impetraverat, ut ad Episcopatum Leodiensem eveheretur, & Wintoniensem simul teneret; quum Viterbii veneno extinctus obiit 1239. 1. Nov. Vide Matthæum Paris p. 473, 517. Anno 1240. Willelmus Raley iterum à Monachis invito & incio Rege electus, confirmatus est à Papâ 1243. 13. Sept. & post multas repulsas admissus à Rege 1244. mense Aprili, inthronizatus 20. Novembris. Obiit anno 1250. circa Festum S. Matthæi juxta Matthæum Paris; rectius circa Festum S. Egidii, quod vult Thomas Wikes. Die 1. Septembris obitum contigisse confirmat Obituarium de Wintenciâ.



non potuit. Et accessit nudis pedibus ad singulas portas civitatis, quæ clausæ fuerunt contra ipsum præcepto Regis. Hoc viso recessit; & in crastino S. Thomæ Martyris venit ad portam de Kyngate, prædicans populo verbum Dei. Quâ prædicatione finitâ, interdixit matricem Ecclesiam & cæteras Ecclesias infra muros civitatis existentes; & excommunicavit Monachos & Clericos & Majores civitatis & omnes Ballivos ejus. Item transfretavit IX. Cal. Martii; quia quidam machinabantur ei malum. Bonifacius admissus est ad Sedem Cant. & à Domino Papâ confirmatus in Nativitate B. Mariæ.

Anno MCCXLIV. Electus Cantuariensis venit in Angliam die S. Gregorii. Willelmus Episcopus Wintoniensis ad mandatum Regis reversus est in Angliam; & dedit ei Rex osculum pacis. Solutum est interdictum Wintoniensis Ecclesiæ die Decollationis S. Johannes Baptistæ; & recepit idem Willelmus Episcopus possessionem Episcopatus. Rogerus Præcentor Sarum consecratus est in Episcopum Bathoniensem III. Idus Septembris à Willelmo Episcopo Wintoniensi; & Fulco Basset in Episcopum Londoniensem ab eodem Willelmo apud Londoniam. Alienora Regina peperit filium nomine Eadmundum XVII. Cal. Februarii.

Anno MCCXLV. Reversio Episcopi Willelmi Wintoniensis à Concilio Lugdunensi: venit Wintoniam X. Cal. Julii. Privilegium quoddam redditum est Monachis Wintoniensibus, quod dolosè per Willelmum Episcopum fuerat sublatum.

Anno MCCXLVI. dedicatio Ecclesiæ Belli-loci Regis XV. Cal. Julii à Willelmo Episcopo Wintoniensi. Henricus Rex habuit apud Wintoniam grande Colloquium Idus Julii; ubi saisivit Comitissam de Warennâ de virgâ Marefcalli.

Anno MCCXLVII. Walterus Prior Wintoniensis III. Non. April. de Prioratu suo discessit; cui successit Johannes de Calceto. Willelmus de Ebor. consecratus est in Episcopum Sarum II. Idus Julii à Fulcone Episcopo Londoniensi. Rex fuit Wintoniæ ad Natale. Obiit Rogerus Episcopus Bathoniensis.

Anno MCCXLVIII. Nova moneta fabricata est apud Wintoniam post Octavas Epiphaniæ. Obiit Walterus Abbas de Hidâ; successit Rogerus de S. Walerico. Item V. Cal. Junii, sc. die Ascensionis, cecidit flabellum de turri S. Swithuni, quando classicum vespertinum pulsabatur, & ferè contrivit J. Monachum. Justiciarii itinerantes in crastino S. Hilarii apud Wintoniam, sc. Henricus de Bathoniâ, Rogerus de Cobham, Willelmus de Wilton & Rogerus de Cerne. Nicolaus Episcopus Dunelmensis renunciavit Episcopatu suo ad Purificationem B. Mariæ.

Anno MCCXLIX. Rex tenuit Pentecosten suam apud Wintoniam. Bonifacius Archiepiscopus Cant. applicuit in Angliâ die S. Matthæi Apostoli; & eodem die convocatum fuit generale Capitulum apud Exoniam; sed prolongatum fuit usque ad Festum S. Kalixti Papæ apud Londoniam, quia tunc omnes Prælati Exoniæ non convenerant. Bonifacius Cantuariæ intronizatus est in Festo Omnium Sanctorum. Item Rex tenuit Natale suum apud Wintoniam; & Bonifacius Cant. Archiepiscopus celebravit Missam; ubi Rex inimicos suos de Wasconiâ fecit sibi tributarios. Johannes de Calceto Prior Wintoniensis est electus in Abbatem de Burgo; cui successit Willelmus de Tanton die S. Scolasticæ Virginis. Transfretatio Willelmi Episcopi Wintoniensis & Episcopi Lincolniensis & aliorum plurimorum post mediam Quadragesimam.

Anno MCCL. Orta est gravis dissensio inter Bonifacium Cant. Archiepiscopum & inter Fulconem Londoniensem & Canonicos S. Pauli pro visitatione faciendâ in ipsâ Ecclesiâ. Item obiit Willelmus Episcopus Wintoniensis Turonibus, & Kalendis Septembris ibidem sepultus est in Ecclesiâ S. Martini. Ele-

Electus est || Adomarus frater Regis Angliæ ad Episcopatum Wintoniensem ADOMARUS DE LEZIGNAN.  
II. Non. Novembr. & XIX. Cal. Februarii à Domino Papâ confirmatus est.  
Henricus Rex tenuit Natale suum apud Wintoniam.

Anno MCCLI. Henricus Rex fuit in die Pentecostes apud Wintoniam. Dominus Adomarus Electus Wintoniensis applicuit in Angliâ apud Doveram die Natalis S. Johannis Baptistæ; qui in crastino Magdalenæ venit Wintoniam, & cum magnâ processione susceptus est Domino Rege præsentē & multis aliis. Dedicatio Ecclesiæ de Heyles Comit̃ Ricardi Nonis Novembris.

Anno MCCLII. post Octavas Paschæ data fuit diffinitiva sententia à Domino Papâ pro Domino Bonifacio Cant. Archiepiscopo contra Episcopum & Canonicos Londonienses pro visitatione faciendâ in ipsâ Ecclesiâ & in cunctis Ecclesiis provinciæ suæ. Henricus Rex tenuit Natale suum apud Wintoniam. Obiit M. Ricardus de Wyce Episcopus Cicestrîæ VI. Idus Aprilis; cui successit Johannes cognomento Episcopus, Canonicus ejusdem Ecclesiæ. Magna discordia inter Bonifacium Cant. Archiepiscopum & Adomarum Electum Wintoniensem pro advocacy Hospitalis B. Thomæ Martyris de Suthwerk. Tandem pacificati sunt.

Anno MCCLIII. In Festo S. Trinitatis, quod fuit XVII. Cal. Julii, Henricus Rex Angliæ fuit apud Wintoniam; & inde perrexit apud Portesmuthe ad transfretandum in Wasconiam. Convocatio omnium Abbatum & Priorum Nigri Ordinis facta fuit apud Exoniam in crastino S. Matthæi Apostoli propter quoddam privilegium à Domino Papâ omnibus Episcopis Angliæ transmissum in gravamen Ordinis Monastici. Obiit Robertus Grosseteste Episcopus Lincolnieñs IV. Non. Octobr. cui successit Henricus de Lexington Canoñ & Decanus ejusdem Ecclesiæ per electionem XVI. Cal. Junii. Item obiit Hugo de Rupibus Archidiaconus Wintoniensis. Item orta est magna dissensio inter Monachos Wintonienses & Adomarum Electum Winton. quare Willelmus de Tanton Prior transfretavit ad Papam.

Anno MCCLIV. Regina in Vigiliâ Pentecostes venit Wintoniam; & sextâ feriâ recessit versùs Portesmuthe ad transfretandum in Wasconiam cum Edwardo primogenito suo ad Regem. Consecratus est Henricus de Lexington in Episcopum Lincolniensem Dominicâ post Ascensionem à Bonifacio Cant. Archiepiscopo apud Londoniam. Obiit Hugo Eliensis Episcopus, quondam Abbas S. Eadmundi; cui successit M. Willelmus de Kylkenni Cancellarius Domini Regis. Willelmus Prior Wintoniensis venit Romam; cui Innocentius Papa ante obitum suum dederat de consensu fratrum annulum, mitram, baculum & alias dignitates. Quare adiit Curiam Romanam fuit causa hæc; quia Dominus Adomarus Electus ipsum privaverat Prioratu suo & cæteros Obedientiarios suis obedientiis, quod renuerunt reddere compotum de bonis Ecclesiæ apud Wlvensiam coram fidelibus Episcopis, sicut antea facere consueverant.

Anno MCCLV. obiit Walterus de Gray Archiepiscopus Eboracensis. Do-

|| Adomarus, frater Henrici Regis uterinus, de Lezignan in rescriptis regiis ejusce temporis cognominatus, juvenis 23. circiter annorum, adhuc existens Acolythus, enixis Henrici precibus intervenientibus, exeunte anno 1250. electus est, confirmatus à Papâ 1251. consecratus ab eodem 1260. medio mense Maio, invitis Angliæ Baronibus, qui Henricum de Wengham loco ipsius superstitis à Monachis eligi fecerant sub initium anni 1259. Anglis regem Adomarus ob turbatum regni

statum & prava consilia Henrico Regi data maximè invisus fuit; ab eisdem Angliâ depulsus 1258. 18. Julii. Quin & anno sequenti Proceres & Communitas regni scriptâ ad Papam gravi epistolâ orabant; ut illum ab administratione Wintoniensis Ecclesiæ amoveret; eò quod regnum multis annis turbaverit & exilaverit, & Henricum Regem ac Edwardum Principem infatuaverit. Extat Epistola in Annalibus Theokesbirîæ & in Registro Rame-



minus Rex voluit pacificare Adomarum Electum & Monachos Wintonienses. Sed Conventus sperabat meliorem pacem consequi per Dominum Papam; & ideo renuit pacem, & non deceptus fuit.

Anno MCCLVI. Pacificati sunt Adomarus Electus & Monachi Wintonienses. M. Egidius de Bridport electus est in Episcopum Sarum, & confirmatus a Domino Papâ, & consecratus a Domino Bonifacio Cant. Archiepiscopo V. Idus Marcii. Magister Sewallus Electus Eboracensis consecratus est X. Cal. Augusti in Ecclesiâ suâ Eboracensi. Obiit Abbas de Middeltonâ; cui successit Willelmus de Tanton quondam Prior Wintoniensis, qui obligaverat Kavorcinis Ecclesiâ Wintoniensem in VII. millibus marcarum propter placitum quod fuit inter Adomarum Electum & Monachos Wintonienses. Unde dictus Adomarus Electus solvit dictis Kavorcinis pro dictis Monachis IV. . . . . marcas unâ die apud Londoniam; pro quarum medietate Conventus Wintoniensis communi consensu & voluntate concessit dicto Electro & suis successoribus in perpetuum insulam de Portlande cum membris de Waynnie, Wylarum, & Helewelle; & fuit confirmatum tam per Papam Alexandrum quam Regem. Justiciarii itinerantes sederunt apud Wintoniam post Festum S. Hilarii, quorum R. Walerandus fuit capitalis. Adomarus Wintoniensis Electus transfretavit in patriam suam die Conversionis S. Pauli; & rediit Dominicâ proximâ post Festum Exaltationis S. Crucis.

Anno MCCLVII. In octavis Assumptionis B. Mariæ fuit Convocatio omnium Prælatorum apud Londoniam coram Bonifacio Cant. Archiepiscopo ad tractandum de statu Anglicanæ Ecclesiæ. Sed imperfectum fuit negotium propter gwerram Regis in Walliâ. Obiit Episcopus Exoniensis; cui successit Magister Walterus Archidiaconus Surreyæ mense Februario.

Anno MCCLVIII. Rex tenuit Pentecosten suam apud Wintoniam; & inde recessit usque Wodestok. Convocatio Comitum & Baronum & omnium Magnatum Angliæ apud Exoniam ad Parliamentum; & inde venientes Wintoniam circa Festum depositionis S. Swithuni, commorabant ibidem usque post Translationem S. Benedicti. Ubi exulârunt Willelmus de Valentia, Galfridus & Gwydo fratres ejus; & Adomarus Electus frater eorum, sævitiâ & austeritate Baronum compulsus, eligere debuit aut carcerem subire cum uno de fratribus prædictis ad voluntatem Baronum, aut cum aliis fratribus suis terram exire tanquam exul. Auditis hujusmodi conditionibus, timens seditionem Baronum, elegit potius cum dictis transfretare. Fuit etiam tunc temporis discordia inter Dominum Regem & Edwardum filium suum; sed in Capitulo S. Swithuni Winton. sunt pacificati. Obiit Abbas Westmonasterii tunc temporis Wintoniæ. Andræas de Londoniâ, quem dictus Electus Priorem fecit Wintoniensem, Prioratum suum resignavit IV. Idus Julii; & eodem die per compromissionem electus est iterum in Priorem ratione minarum Ricardi Comitis Gloucestræ & aliorum Magnatum. Dedicatio Ecclesiæ Sarum III. Calend. Octobris. Convocatio omnium Magnatum Angliæ Londoniæ ad Festum Translationis S. Edwardi. Dicto Adomaro Electro adhuc vivente & in Curiâ Romanâ pro jure suo existente, Monachi Wintonienses elegerunt Henricum de Wengham V. Non. Januarii in Episcopum Wintoniensem per formam compromissionis. Item in Octavis Purificationis B. Mariæ facta fuit Convocatio omnium Episcoporum & Abbatum Angliæ apud Londoniam coram Archiepiscopo Cant. & Magnatibus Angliæ; & duravit Parliamentum usque ad Quadragesimam.

Anno MCCLIX. Dominus Hugo Bigot, Gilbertus de Preston & Robertus Walerandus Justiciarii venerunt Wintoniam X. Cal. Junii; ubi Walterus de Scoteneye pro morte W. de Clare equis distractus, & post in patibulo suspensus est. Henricus de Wengham electus est in Episcopum Londoniensem.

Anno MCCLX. Rex venit Wintoniam VIII. Cal. Septembr. & solenni processione susceptus. Johannes de Calceto Abbas Burgi factus est Thesaurarius Angliæ. Præfatus Adomarus Wintoniensis Electus à Domino Papâ Alexandro consecratus in Episcopum Wintoniensem, obiit Parisiis in Vigiliâ S. Nicholai, sc. pridie Non. Decemb. Interdicta fuit Ecclesia S. Swithuni Winton. in Vigiliâ Epiphaniæ per Albericum Domini Papæ Notarium; sed solutum fuit interdictum in Vigiliâ Conversionis S. Pauli. In crastino Purificationis facta fuit Electio apud Wintoniam de Episcopo; ubi LIV. Monachi de Conventu & Oliverus de Tracy, qui se gerebat pro Archidiacono Surreyæ, Magistro P. de S. Omario vero Archidiacono Surreyæ in Curiâ Romanâ existente pro jure suo qui expulsus fuerat per potestatem sæcularem, elegerunt Wilhelmmum de Taunton Abbatem de Middeltoun in Episcopum; & septem alii Monachi illius Conventus elegerunt Andream de Londoniâ Priorem suum. Quam quidem electionem Dominus Papa postmodum cassavit: ut infra.

Anno MCCLXI. Andreas Prior S. Swithuni per quandam submissionem coram Bonifacio Archiepiscopo Cant. confectam Prioratu se privavit. Idem ad Dominum Papam pro illo facto & pro negotio electionis appellavit: & nuncios solennes cum exeniis pluribus Curiæ destinavit: sed in vacuum laboravit. Obit Johannes Episcopus Cicestræ; cui successit Magister Stephanus, cæteris Canonicis pauperior; qui per quorundam invidiam, ut dicitur, fuit electus. XIV. Cal. Aprilis delatum est cor Adomari quondam Episcopi Wintoniensis apud Wintoniam, & juxta magnum altare decenter humatum; ubi plurima coruscant miracula.

Anno MCCLXII. obiit Ricardus Comes Gloucestræ, apud Tewkesbiriā sepultus. S. Ricardus Episcopus Cicestrensis canonizatus est. Cassatâ electione Wintoniensi non vitio personæ sed aliunde quæsitâ occasione, M. \* Johannes Exoniensis, Cancellarius Eboracensis, stans in Curiâ Romanâ, in Episcopum Wintoniensem consecratus est. Obit Egidius Episcopus Sarum; electus est Walterus de Wyle Subdecanus Ecclesiæ Sarum, invidiâ ut dicitur mediante. Andreas Prior Wintoniensis per Johannem Episcopum cedens Prioratui quamvis invitatus, culpis suis exigentibus apud Hidam mittitur incarcerandus. Unde exiens per cantelam & fraudem, talia adinvenit falsitatis commenta, quod meritis B. Thomæ Martyris sit à compedibus & carcere liberatus. In cujus signum ipsi compedum annuli apud Cantuariam, ipso eos cum superscriptione offerente, pro ludibrio, ne dicam pro miraculo, reservantur. Obit Johannes de Chauce Abbas de Burgo, Thesaurarius Angliæ.

JOHANNES  
DE EXONIA.

Anno MCCLXIII. post Pascha N. de Traci, W. Bonquer, Willelmus de Englesfeld & Adam de Granvile Justiciarii Itinerantes federunt apud Wintoniam, sibi invicem dicentes, & non quæ Regis sed quæ sua sunt quærentes. Andreas Prior Wintoniensis Curiam Romanam adiit. Obit Rogerus de S. Walerico Abbas de Hidâ. Wintonienses in seipsos & suos vicinos insurgendo, tam intus quàm extra sæcularium & Ecclesiasticarum personarum possessiones præripiebant, & ad contribuendum coegerunt, sub specie juris Regis malitiam palliantes.

Anno MCCLXIV. quarto Nonas Maii Wintonienses contra Priorem & Conventum S. Swithuni insurrexerunt, & portam Prioratûs & portam quæ vocatur Kingate cum Ecclesiâ S. Swithuni supra & universis ædificiis & reddi-

\* Johannes Exoniensis, Oxoniensis Godwino perperam dictus, consecratus est in Curiâ Romanâ 1262. paulò ante Festum S. Michaelis, ex fide Chronici Dovorensis. Reversus in Angliam, professionem obedientiæ Bonifacio Archiepiscopo fecit apud Wengham. Obit in Curiâ Romanâ 1268. 20. Januarii, juxta Annales Londinenses, Wintonienses, & Waverleienes, 19. Januarii juxta Wigornien-  
tenses.



tibus Prioris & Conventûs prope murum combusserunt ; & quosdam de Prioratu infra septa Monasterii nequiter interfecerunt. IV. Non. Septemb. obiit Magister . . . . de Karvilla Thesaurarius Sarum.

Anno MCCLXV. obiit Radulphus Prior Wintoniensis VIII. Idus Julii ; cui successit Valentinus ejusdem Ecclesiæ Monachus XII. Cal. Augusti. Item civitas Wintoniæ capta fuit per Simonem de Monteforti juniorem XVII. Cal. Augusti. Item obiit Agnes Abbatissa B. Mariæ Winton. III. Cal. Septemb. Item III. Idus Septemb. venit Henricus Rex Wintoniam ; qua die electa est Eufemia Monacha illius Ecclesiæ in Abbatissam, & recepta à Rege eadem die. Interdicta est Ecclesia Wintoniensis in Vigiliâ S. Nicolai ; & die quartâ sequenti relaxatum fuit illud interdictum. Item XVII. Cal. Januarii interdicta est civitas Wintoniæ infra & extra propter ingressum Simonis de Monteforti junioris ; & in Vigiliâ B. Thomæ Apostoli relaxatum fuit illud interdictum.

Anno MCCLXVI. obierunt Walterus de Cantilupo Wigorniensis & Norwicensis Episcopi. Eodem anno suspensi sunt ab officio & beneficio Londoniensis & Cicestrensis Episcopi per Dominum Ottobonum ; qui post suas appellationes transfretavit. Similiter Dominus Johannes Episcopus Wintoniensis tunc temporis suspensus Romam profectus est. M. Nicolaus de Ely electus est in Episcopum Wigorniensem ; & consecratus est Dominicâ proximâ ante Festum S. Michaelis. M. Walterus Giffard ab Episcopatu Bathoniensi ad Archiepiscopatum Eboracensem postulatus, à Domino Papâ confirmatus est.

Anno MCCLXVII. quarto Nonas Augusti venit Dominus Legatus Wintoniam, & cum solenni processione receptus est ; qui die S. Oswaldi Regis & Martyris Ecclesiam S. Swithuni visitavit ; & VII. Idus Augusti Prioratum, quem Valentinus prius resignaverat, ordinavit, & custodes in Prioratu constituit, & omnem curam concessit eisdem. Et inde profectus est dictus Legatus versùs Walliam ad pacificandum Principem Walliæ cum Rege. Item XIX. Cal. Augusti venit Dominus Edwardus apud Wintoniam ; & inde ad insulam Vectam profectus, eam cepit & custodiæ suorum mancipavit. Item III. Calend. Novemb. venit Dominus Rex Wintoniam, & cum solenni processione receptus est. Item V. Idus Decemb. venit Legatus Wintoniam, & ad Abbatiam de Hidâ declinavit ; qui cum unâ cum Domino Rege Festum Natalis Domini celebrâisset ibidem ; quinto die sc. in Festo B. Thomæ Martyris manè recedens interdixit dictam Abbatiam de Hida & Ecclesiam propter quandam pugnam factam inter homines ipsius Legati & homines Abbatis ; & duravit illud interdictum per quatuor septimanas.

Anno MCCLXVIII. obiit Johannes Episcopus Wintoniensis in Curiâ Romanâ Viterbii XIII. Cal. Februarii ; cui successit † Nicholaus de Ely Episcopus Wigorniensis VI. Cal. Martii per ordinationem Domini Papæ Clementis ; qui in crastino Apostolorum Philippi & Jacobi à Domino Rege receptus, in die Pentecostes sc. VI. Cal. Junii apud Wintoniam cum solenni processione susceptus est & intronizatus, & Missam solenniter celebravit. Item XIX. Cal. Maii celebravit Dominus Legatus Concilium suum Londoniæ in Ecclesiâ S. Pauli ; ubi varias constitutiones & statuta præcepit observari. Item ad instantiam Domini Legati in crastino depositionis S. Swithuni Valentinus in Priorem Wintoniensem restitutus est, ordinatione tamen Legati illasâ remanente. Item M. Godefridus Giffard Cancellarius Domini Regis in Episco-

NICOLAUS  
DE ELY.

† Translationis & intronizationis tempora noster rectè assignavit. Obiit anno 1280. 12. Februarii, apud Waverleiam sepultus 16. Febr. Cor autem Wintoniam die tertio sequenti delatum, in Ecclesiâ Cathedrali tumu-

latum est. Annal. Waverl. & Tho. Wikes Milè Annales Wigorn. 12. Jan. decessisse, & Wintoniæ sepultum esse producit. Obituari-um Winteneiense obitum die 13. Februarii re-

pum Wigorniensem electus, à Domino Rege est susceptus & ab Archiepiscopo confirmatus. Item XVIII. Cal. Novemb. tenuit Dominus Rex Parlamentum suum apud Wintoniam; in quo fecit Edwardum filium suum Senescallum Angliæ: & ibidem tenuit Rex suum Natale; ubi constituit dictum Edwardum custodem Londoniæ & omnium castellorum suorum in Angliâ.

Anno MCCLXIX. tertio Nonas Junii consecratus est Johannes Breton in Episcopum Hereford. apud Waverley à Domino Nicolao Episcopo Wintoniensi. Item IX. Cal. Septemb. Dominus Ricardus Rex Alemanniæ reversus applicuit, & venit Wintoniam. In crastino S. Michaelis venientes Justiciarii de Forestâ apud Wintoniam, sc. Dominus R. de Clifford & focii sui, ibidem federunt usque ad Festum Omnium Sanctorum. Interim & alii Inquisitores ad inquirendum de felonâ & prodicione factis Domino Regi per Comitatum. Item translatus est corpus S. Edwardi Regis, &c. [*Vide reliqua apud Annales Wigorniensis.*]

Anno MCCLXX. Parlamentum omnium Magnatum Angliæ in quindenâ Paschæ ad tractandum de vicesimâ & de itinere Crucesignatorum sc. Domini Edwardi & aliorum Magnatum regni. Quod cum diu tractatum esset; tandem compromiserunt omnes se posituros in ordinatione Domini Ricardi Regis Alemanniæ, ut quod ille pronuntiaret omnes tenerent. Cujus pronuntiationi non consentiebant Gilbertus Comes Gloverniæ & multi alii. Unde prolongatum fuit illud negotium usque post octavas S. Johannis Baptistæ. Post octavas S. Johannis convenerunt ferè omnes Magnates apud Londoniam ad tractandum de præmissis. Interim orta est discordia inter J. Comitem de Warennâ & Alanum la Zuche coram Justiciariis de Bauco Londoniæ; ubi dictus Alanus letaliter fuit vulneratus, unde postea obiit. Dictus etiam Comes de Warennâ die Dominicâ post Festum S. Petri ad Vincula apud Wintoniam juramento XXV. Militum præstito, quod ex præcogitatâ malitiâ non perpetravit dictum facinus nec in contemptu Domini Regis, per MCC. marcas pacificatus est Domino Regi. Item Dominus Edwardus, &c. [*Reliqua dabunt Annales Wigorniensis.*] Item Dominus Rex Festum Natalis Domini celebravit in Castro Wintoniensi; & in crastino B. Thomæ Martyris inde recessit versus Londoniam.

Anno MCCLXXI. quinto Cal. Augusti federunt apud Wintoniam Justiciarii ad deliberandum carcerem & ad inquirendum super aliis, sc. Dominus W. de Wyntershyll & alii. III. Non. Januarii obiit Walterus de la Wyle Episcopus Sarum, &c. [*Vide Annales Wigorniensis.*]

Anno MCCLXXII. recessit Dominus Rex de Wintoniâ post Epiphaniam, &c. [*prout apud Annales Wigorniensis.*]

Anno MCCLXXIII. post Festum S. Hilarii factâ Convocatione, &c. [*Reliqua habes apud Annales Wigorniensis.*]

Anno MCCLXXIV. Andreas, qui quondam fuit Prior Wintoniensis, de Curiâ Romanâ reversus, &c. [*Reliqua verbatim ferè exscripsit Author Annalium Wigorn. præter ea quæ sequuntur.*]

Eodem anno dictus Robertus Archiepiscopus Cant. causâ visitationis transitum suum faciens per Episcopatum Wintoniensem, in crastino S. Katerinæ venit Wintoniam; & ibi à Domino Episcopo loci ac Clero & populo honorificè susceptus est cum processione. Qui feriâ III. & feriâ IV. sequentibus fecit suam visitationem in Prioratu S. Swythuni, & feriâ V. in Abbatiâ Sanctimonialium B. Mariæ ibidem, & III. Non. Decemb. in Abbatiâ de Hidâ. Inde progrediens per alia Monasteria ipsius Episcopatus, celebravit Festum Natalis Domini apud Byterne manerium Episcopi Wintoniensis prope Suthamp-toun.

Anno MCCLXXV. die XVIII. Cal. Aprilis peperit Alianora Regina Domino Edwardo Regi Angliæ apud Wyndesforam filiam, & vocavit eam Isabel-lam.



lam. Eodem anno, &c. [*Cetera quare apud Annales Wigornienſes.*]

Anno MCCLXXVI. cū diſſenſio inter illos de civitate Wintonienſi orta annis pluribus elapſis uſque ad hæc tempora perdurâſſet, & eorum diſcordia coram Domino Rege eſſet demonſtrata; præcepit Dominus Rex & injunxit, ut pax inter eos haberetur, ne ampliùs inde clamorem audiret. Quâ quidem occasione iram ſui remittens, conceſſit eis omnia quæ ad villam pertinebant in priſtino ſtatu obtinenda; & abſceſſit verſus Lutegershalle & Marlebergam VII. Cal. Februarii. Sequenti quidem die convenientes quidam ex parte Domini Regis, pacem inter illos reformabant. Quo factò, Majorem ſuum elegerunt & Præpoſitos, ac Baillivos ut pro more antea erat ſubſtituerunt. Eodem anno ortâ contentione inter Monachos S. Swithuni Winton. & Nicholaum Episcopum ejuſdem, eò quòd omnes ſerè de Conventu parti Andrea quondam Prioris adhærebant, nitentes ipſum habere in Priorem; Valentinus, qui tunc Prior extitit, ſiniſtro ductus conſilio ſe ſponte ſubmiſit & Prioratum reſignavit. Unde dictus Episcopus maneria ipſius Prioratûs in manus ſuas cepit circa Feſtum S. Dunſtani, ac tenuit uſque ad gulam Auguſti; & Alexandrum tunc Suppriorẽ à ſuo Supprioratu & quòſdam alios à ſuis obediẽtiis amovit, & Gilbertum de Froylle Monachum fecit Suppriorẽ. Tandem ex parte Domini Regis venientes apud Wintoniam & Decanus Sarum & quidam Miles, ut pacem inter partes reformarent, dictus Episcopus de eorum conſilio prædictum Valentinum in priſtinum ſtatum Prioratûs reſtituit die S. Petri ad Vincula apud Merdonam; & duos inſtituit de novo Obedientiarios, Infirmarium videlicet & Cuſtodem Anniverſariorum. Proceſſu verò temporis dictus Dominus Episcopus volens uti poteſtate & conſuetudine prædeceſſorum ſuorum, præſatum Valentinum Prioratu ſuo totaliter privavit, non tamen ſine cauſâ ut dicitur; & Johannem de Durevillâ Monachum ejuſdem Monasterii, natione Normannum, Priorem creavit, inſtituit, & inſtallavit per Officiale ſuum III. Non. Decemb. anno eodem. Hoc anno III. Idus Januarii, horâ vespertinâ venit Dominus Rex Edwardus, &c. [*Reliqua exhibent Annales Wigornienſes.*]

Anno MCCLXXVII. quarto Idus Januarii, Lunâ videlicet ſecundâ, audita ſunt primò tonitrua apud Wintoniam, ſc. mediâ nocte, cum inundatione pluviæ ſubſequentẽ, licet clarum fuerit tempus in die. Item menſe Februarii & menſe Martii inundatio pluviarum continua, &c. [*Cetera habent Annales Wigornienſes.*]

# S U C C E S S I O

## Episcoporum Wintoniensium

Ab anno MCCLXXVII. ad Reformationem.

JOHANNES DE PONTOYS.

**D**Efuncto Nicolao, Monachi Wintonienses Robertum Episcopum Bathon. electione factâ Antistitem sibi asciverunt. Electum Johannes Cant. Archiepiscopus ob crimen pluralitatis Beneficiorum olim commissum rejecit virtute canonis à Concilio Lugdunensi anno 1274. lati. Rejeto Bathoniensi, Monachi elegerunt Richardum de la More Archidiaconum Winton. & Subdecanum Lincoln. 1280. 6. Novembr. Admissus is à Rege fuit, sed ab Archiepiscopo Ecclesiasticæ disciplinæ observantissimo ob idem pluralitatis crimen reprobatus, Romam igitur petiit, inito itinere 1281. 5. Cal. Martii; & pro confirmatione electionis suæ obtinendâ multum desudavit. E contra Archiepiscopus missis ad Curiam procuratoribus nullum non lapidem movit, ut illum Episcopatu excluderet; tantâ usus instantiâ, ut nisi res pro voto cederet, Archiepiscopatum abdicare decreverit. Sic enim ad Procuratores suos scribit. *Nec excidat à memoriâ vestrâ vel linguis cum expedit; quòd presens Electus Wintoniensis primus est qui pro pluralitate beneficiorum extitit in Angliâ ab Episcopali repulsus honore. Quem si per gratiam vel quoquo modo confirmari contingat; confusum reputamus totius Angliæ Cleri statum, nec nobis ex tunc forè honestum in Angliâ remanere. Insurgent enim filii Diaboli, detentores Beneficiorum sacrilegi, contra nos uno impetu; qui nunc sunt de honoribus desperati.* Electio demum à Papâ cassatâ est anno 1282. haud ita tamen ob importunas Archiepiscopi preces, quàm quia Ricardus ne obolum quidem pro confirmatione habendâ Simonix metu dare vellet. Ricardo exauthorato, Papa Episcopatum contulit M. Johanni de Pontiffara Archidiacono Exoniensi, Juris civilis in urbe Mutinâ ante 12. annos Professori; & in Curiâ Romanâ consecrari fecit. Nunquam quidem electum fuisse Rotulus Cantuariensis Ecclesiæ dicit: rite tamen electum fuisse 1282. 9. Junii sui-ipsius Registrum affirmat. Temporalia ipsi restituta sunt ex mandato Regis 1282. 11. Augusti. Iste anno 1284. finem dedit controversiæ; quæ inter Episcopos & Monachos Winton. circa custodiam temporalium Prioratûs vacantis frequenter exarsit. Factâ enim compositione mutuâ, Prior & Conventus Episcopo & successoribus suis in perpetuum habenda concessit maneria de Drokenford, Alrareftok cum Goseport & Harontre, cum tenentibus eorum de Heling, & Hamelettam de Cnoel. Pro his autem Episcopus vicissim pro se & successoribus suis concessit & remisit totum jus quod habuit in temporalibus Prioratûs S. Swithuni durante quavis vacatione, & in omnibus maneriis & terris Prioratum spectantibus; salvâ duntaxat Episcopo & successoribus advocacione seu patronatu ejusdem: ita tamen, quòd potestatem habeat ponendi unicum servum in Prioratu nomine recognitionis patronatûs sui, cui durante vacatione Capitulum necessaria subministrabit. Obiit

Registr. Peckham f. 68.

Annal. Wigorn.

Registr. Peckham f. 143.

Waverley.

Registr. Giffard Ebor.

Ror. Profess. autogr. 5.

Pat. 10. E. 1. m. 6.

Registr. de Pontoys.



Annal. Lon-  
don. Chron.  
Winton. bre-  
ve.

apud Wolesey 1304. 4. [juxta alios 3.] Decembr. in australi pariete chori Ecclesiæ Wintoniensis sepultus.

### HENRICUS WOODLOCK.

Registra Win-  
chelsey,  
Woodlock,  
Morton.

Pat. 33. E. 1.  
m. 25.

Registr. Cant.

Registr. suum.

Annal. London.

Henricus Woodlock, alias de Merewelle, à loco natali puto, dictus, Prior Ecclesiæ Wintoniensis, successit, electus à Monachis suis 1305. sub initio Februarii, confirmatus ab Archiepiscopo in principio Quadragesimæ die 3. juridico post Festum S. Matthiæ, temporalia obtinuit à Rege die 12. Martii, consecratus ab Archiepiscopo in Ecclesiâ Cant. 1305. 30. Maii, intronizatus die 10. Octobr. Exulante Roberto Archiepiscopo, Edwardum II. Regem coronavit, 1308. 24. Februarii. Plurima dona contulit Ecclesiæ de Merewelle; in qua Henricus Blesensis Episcopus Collegium quatuor Sacerdotum olim fundaverat, à Petro Episcopo anno 1226. multis auctum. Obiit anno 1316. 29. [juxta alios 28.] Junii apud Farnham.

### JOHANNES DE SANDALE.

Pat. 6. E. 2.

par. 1.

Registr. Ebor.

Registr. Cant.

Registr. Mor-

ton. Chron. bre-

ve Winton.

Registr. Prio-

ratus de

Suthw.

Henrico subrogatus est Johannes de Sandale, Kendale Walsinghamo male appellatus, Clericus Regis. Is Locumtenens Thesaurarii Regis constitutus fuerat 1312. 4. Octobr. anno sequenti Thesaurarius; Canonicus Ebor. admissus 1314. 6. Maii, Cancellarius Angliæ anno 1315. creatus: Episcopus Wintoniensis electus 1316. mense Augusto. Obiit anno 1319. die 2. [juxta alios 8.] Novembris apud Suthwerk, in Ecclesiâ S. Mariæ ibidem sepultus.

### RIGAUDUS DE ASSERIO.

Registr. Prio-  
rat. de Suth-  
werk.

Johannes Tri-  
kelowe in An-  
nal.

Willelmus

Dene in Hist.

Registr. Cran-

born.

Henr. Blanford

in Contin. Jo-

Trikelowe.

Registr. Rey-

nold.

Post Johannis obitum Monachi Wintonienses Adamum commonachum suum die 30. Novembr. elegerunt. Verum antehac auditâ Johannis morte, Papa provisionem Episcopatus Winton. sibi reservavit, eidemque invito Rege præfecit Rigaudum de Asserio, nuncium suum in Angliâ per plures annos, & Canonicum Aurelianensem. Consecratus is fuit ex mandato Papæ ab Episcopis Londinensi, Eliensi, & Rossensi in Cœnobio S. Albani 1320. 16. Novembr. & professionem obedientiæ Waltero Archiepiscopo apud Cantuariam renovavit 1321. 16. Januarii. Obiit apud Avinionem in Curiâ Romanâ 1323. 12. April. Nuncius mortis ejus ad Archiepiscopum delatus est 1323. 25. April. Male itaque Chronicon breve Winton. obitum ejus in diem 11. Martii retulit.

### JOHANNES DE STRATFORD.

Registr. Cant.  
Chron. breve  
Winton.  
Birchington.

Will. Dene.

Registr. Cant.

Dugd. Orig.  
Jurid.

Post Rigaudi obitum, Johannes de Stratford, Archidiaconus Lincoln. & Canonicus Eboracensis, in Curiâ tunc presens, ad Episcopatum Winton. à Papâ provifus est die 20. consecratus à Vitali Cardinali Albanensi die 26. Junii anno 1323. non autem 1322. quem Birchingtonus male posuit. Rex Robertum de Baldok, Archidiaconum Midlessexiæ, Cancellarium suum, Rigaudum successorem designaverat; & Episcopatum à Johanne præreptum agere ferens, illi temporalia restituere diu recusavit. Anno demum sequenti Johannes sub finem mensis Junii Regis gratiam & temporalia Episcopatus sui obtinuit; professionem Archiepiscopo fecit apud Mortelak 1324. 1. Dec. apud Cantuariam renovavit 7. Decemb. Anno 1325. Willelmo de Melton Archiepiscopo Ebor. summo Scaccarii Thesaurario constituto die 30. Julii, iste Locumtenens Thesaurarii factus est 6. Nov. Anno 1331. Cancellarius Angliæ renunciatus est in Parlamento die 28. Nov. Sigillum Roberto fra-  
tri

tri custodiendum tradidit 1333. 23. Junii. Eodem anno electus ad Archiepiscopatum Cant. 3. Nov. Cancellarius iterum constitutus est. 1335. 6. April. dato sibi Vicario Roberto fratre. Tertiò etiam Cancellariatûs munere donatus est 1341. 28. April.

ADAM DE ORLETON.

Adamus Episcopus Wigorniensis, Legatione tunc fungens in aulâ Gallie Regis, redemptâ malis artibus Galli gratiâ, precibus ejus ad Sedem Wintoniensem transferri à Papâ obtinuit, inconsulto Rege Angliâ, qui Papæ in alterius gratiam scripserat. Rex igitur jure merito iratus, temporalia illi restituere distulit usque ad 1334. 16. Sept. quo die rogatus ab omnibus Episcopis in Parlamento London. coactis, temporalia reddi jussit. Translatus fuerat Adamus à Papâ 1333. 1. Dec. Obiit 1345. 18. Julii, multis annis ante obitum cæcus.

Adam Merimuth in Contin. Florilegi.

Regist. Priorat. de Suthwerk.

WILLELMUS DE EDYNDON.

Willelmus Edyndon, summus Angliæ Thesaurarius, quod muneris suscepit 1345. 10. April. Rege precibus intercedente provifus est à Papâ ad Sedem Wintoniensem eodem anno. Electus quidem fuerat à Monachis Winton. è grege suo quidam Johannes Devenesche; cui in Willelmi gratiam rejecto Papa beneficium ecclesiasticum majoris pretii proximè vacaturum in Angliâ reservavit. Vacante igitur mox Abbatiâ S. Augustini, Abbas creatus est. Willelmus Episcopus factus, pluribus adhuc annis Thesaurarii munus summâ laude gessit, ad Cancellariatum Angliæ promotus 1357. 19. Febr. Post Simonis Islip mortem Archiepiscopus Cantuariensis electus 1366. 10. Maii, diem ultimum imminere præsentiens, oblatam dignitatem adire noluit. Eodem anno die 11. Sept. Testamento condito præcepit, ut de bonis suis expenderetur ad perfectionem navis Ecclesiæ Cathedralis Winton. à se inchoatæ, & ad subsidium domûs sive Cantuariæ de Edyngdon à se fundatæ. Reliqua Domibus Religiosis quamplurimis & famulis suis legavit. Obiit 1366. 8. Octobr. juxta Registrum *Langham*, die 7. Octobr. juxta Obituarium Cant. rectius. Astipulatur enim Chronicon Anonymum infigne, additque ipsum omnem ferè thesaurum suum seipso vivente pauperibus erogasse, & apud Edyngdon sepultum esse in loco quem ipse fundaverat, & viris religiosis, qui Bon-hommes vocantur, repleverat.

Thorn. Hist. col. 2082.

Regist. Cant.

Regist. Langham.

Galba E. 7.

WILLELMUS WICKHAM.

Post Edindoni obitum Monachi Wintonienses sub ejusdem anni finem Willelmum Wickham, Privati Sigilli Regii Custodem, Rege sic volente, concorditer elegerunt. Natus is apud Wickham in agro Hantonensi, ex infimâ forte ad summam dignitatem mirâ industriâ & fœlicitate emerfit; favore & beneficiis ecclesiasticis ab Edwardo Rege, cui diutiùs fideliter inservierat, adeò cumulatus, ut anno 1366. mense Junio præter Archidiaconatum Lincoln. valoris annui 350. librarum, 13. Præbendas è pinguioribus in variis Ecclesiis Cathedralibus, & Ecclesiam de Manyhnet in Diocesi Exon. tenuisse memoretur. Electionem ejus nescio quam ob causam Papa diu confirmare distulit; à Rege tamen interpellatus administrationem Episcopatûs eidem contulit 1366. 11. Dec. quo nomine spiritualia Sedis Winton. Willelmus ab Archiepiscopo Cant. accepit 1367. 22. Febr. Post integrum annum Urbanus Papa electione dissimulata Episcopatum illi provisionis titulo donavit 1367. 12. Julii. Consecratus est Londini in Ecclesiâ S. Pauli à Simone Archiepiscopo

Regist. Langham.



Birchinton  
P. 47.  
Registr. Lang-  
ham. & Morten.

copo 1367. 10. Octobr. Cancellarius Angliæ circa eadem tempora die 17. Septembr. renunciatus. Anno 1376. Johannis Lancastriæ Ducis insidiis favore Regio, quem hætenus illæsum expertus fuerat, excidit; & dignitate sua pariter ac possessionibus spoliatus est. Causam Godwinus sibi notam datâ operâ reticere voluit. Scire autem volentibus Monachus Eveshamensis, qui Ranulphi Cestrensis Polychronicon continuavit, dabit. Refert is Willelmum de regiæ prolis successionem sollicitum, Edwardo Regi suggestisse, 'quod Philippa Regina quondam uxor ipsius dictum Ducem in utero suo nunquam portavit, sed supposuit eum pro filio; quod ob timorem Regis celavit, sed ante mortem suam, ut idem Episcopus asseruisse dicitur, ut debuit, sibi fatebatur; & ei injunxit, ut hoc Domino suo, cum videret opportunum, mandaret. Propter quod idem Dux fingens colorem eum persequendi, imposuit sibi, quod falsus fuit patri suo diversis modis, quando ipsius exitit Cancellarius. Unde erat Regi in magnâ summâ pecuniæ condemnatus. Pro quâ condemnatione in manus Regis omnia ejus Temporalia erant capta anno 1376. nec sibi ante mortem Regis (quæ medio anno sequenti contigit) fuerant restituta. Et licet totus Clerus & tota Communitas preces funderent pro eisdem, non tamen fuerant exauditi. Post Johannis obitum rebus iterum gerendis admotus, Cancellarius Angliæ constitutus est 1389. 4. Maii. Obiit anno 1404. 27. Septembris.

Registr. Arundell.

## HENRICUS BEAUFORT.

Registr. Arundell.

Dugd. Orig.  
Juridic.

Registr. Stafford

Obituar. Cant.

Registr. Well.

Henricus Johannis Lancastriæ Ducis ex Catharinâ Swinfordâ filius, Episcopus Lincolnienfis, Henrici Regis fratris sui operâ Willelmo successor per Papalem provisionem datus, spiritualia Episcopatus Winton. accepit ab Archiepiscopo Cant. in Palatio Episcopi Londinensis 1405. 18. Martii. Quater Angliæ Cancellarius factus est; primum anno 1404. dein anno 1414. exin anno 1417. 12. Octobr. munus deposuit 1418. 23. Julii. Anno denique 1424. 16. Julii magni Sigilli custodiam accepit. Anno 1426. Cardinalis Ecclesiæ Romanæ titulo S. Eusebii à Martino Papâ die 23. Junii renunciatus, galorum accepit die 25. Martii sequentis. Obiit 1447. 11. April. annis non minùs quàm divitiis gravis. Testamento ante biduum condito, singulis ferè totius Angliæ Ecclesiis Cathedralibus & Cœnobiis vasa argentea gemmasque ingentis pretii, & nominatim Ecclesiæ Wellensi vasa argentea deaurata ponderis 283. unciarum, & summam 148. librarum, legavit.

## WILLELMUS WAYNFLET.

Registr. Stafford

Dugd. Orig.  
Juridic.

Willelmus Waynflet, Canonicus Wellensis ab anno 1433. & Collegii regalis Etonensis Præpositus, à Nicolao Papâ ad Wintoniensem Sedem provifus 1447. 10. Maii; professionem obedientiæ Archiepiscopo Cant. fecit in ædibus Lambethanis 1447. 16. Junii, consecratus die 30. Julii sequentis. Cancellarius Angliæ constitutus est 1457. Octob. 11. & in eo munere Georgium Nevil Episcopum Exon. successorem habuit 1460. 25. Julii. Erravit Godwinus, qui illum ab anno 1449, ad 1458. Cancellariatum tenuisse scribit. In illo siquidem temporis intervallo Cancellarii ordine fuerunt Johannes Stafford Archiepiscopus Cant. Johannes Kemp Archiepiscopus Ebor. 1450. Ricardus Comes Sarum 1454. & Thomas Bouchier Archiepiscopus Cant. cui successit Willelmus noster anno 1457. Obiit iste 1486. 11. Augusti.

## PETRUS COURTNEY.

Post medii anni vacationem Petrus Courtney huc à Sede Exoniensi translatus

status est bullâ Innocentii Papæ datâ 1487. 29. Jan. mense Februario à Monachis provisionis Papalis inficiis ritè electus. Registra Morton & Kemp. Obiit anno 1492. die 22. Septembris.

**THOMAS LANGTON.**

Thomas Episcopus Sarum Wintoniam translatus, Spiritualia quæ vocant, Regist. Morton. seu jurisdictionem spirituales Sedis Winton. ab Archiepiscopo Cant. sibi commissam accepit 1493. 24. Junii. Obiit anno 1500. paulò antè 10. Octob. quo die Spiritualia Episcopatus Winton. à Monachis Ecclesiæ Cant. Sede Archiepiscopali vacante, in manus suas accepta sunt. Regist. Cant. Vitell. A. 15. Paucis ante obitum diebus ad Archiepiscopatum Cant. Johannis Morton morte nuperâ vacantem electus est, teste Chronico Londinensi; quod quidem obitum ejus mense Januario contigisse refert, errore manifesto.

**RICARDUS FOX.**

De Ricardo Foxo à Sede Dunelmensi ad Wintoniensem post Langtoni obitum translato, rebusque ab illo Wintoniæ gestis nil habeo quod adjiciam Godvini dictis, nisi quòd anno 1528. 14. Sept. obierit.

Obit Cant.**THOMAS WOLSEY.**

Wintoniensem Episcopatum per Foxii mortem vacantem Thomas Wolseus Archiepiscopus Eboracensis, qui nil tunc non poterat, Rege annuente & Papa è contra hiscere non audente, arripuit & jure commendatorio tenuit, relicto Episcopatu Dunelmensi, quem priùs eodem jure tenuerat. Liber niger Archidiaconi Cant. p. 63. Installatus est Wintoniæ per procuratorem 1529. 11. April. Obiit anno 1530. 29. Novembr.

**STEPHANUS GARDINER.**

Post quatuor fermè annorum vacationem Wintonia Episcopum accepit Stephanum Gardiner anno 1534. consecratum; qui Reformationi Ecclesiæ se invito & pro viribus adversante factæ superfuit.



## EPISTOLÆ TRES

DE

## MONACHIS

ex Ecclesiâ Wintoniensi non ejiciendis.

[Ex Bibliothecâ Cottonianâ Vitellius E. 4.]

EPISTOLA *Wintoniensis Ecclesiæ ad Alexandrum II. Papam, Anno ab Incarnatione Domini nostri Iesu Christi MLXXI. Indictione IX.*

Occasionem i-  
starum Episto-  
larum vide a-  
pud Rudbur-  
num pag. 245.  
& Eadmerum  
Hist. Nov. l. I.  
p. 10.

(a) viz. Wi-  
gorniensem.

**D**omino sancto & in Christo semper venerabili, universali Papæ Alex-  
andro, humilis fratrum congregatio in Ecclesiâ Sanctorum Birini,  
Swithuni & Adelwoldi Deo deserviens in civitate Wentanâ fideles  
orationes cum æterno famulatu per omnia sæcula. Inter innumeras omnium  
contritorum Anglicæ Ecclesiæ querelas, ô omnium moerentium unica respira-  
tio & periclitantium desiderabilis portus Domine Papa, extremæ prolis ve-  
stræ paternâ aure incumbite querimoniæ; & qui omnium vos invocantium  
gemitibus compati debetis ex officio pastoralitatis susceptæ, singultibus quoq;  
nostris & precibus quæsumus adestote pro Dei & B. Petri amore. Videatis  
nos humi prostratos coram majestate Apostolicæ Sedis vestræ, supplicantes  
videlicet & obtestantes per viscera misericordiæ Dei nostri & per pietatem  
B. Petri & hujus universalis matris Ecclesiarum, quæ sinu præcellentissimæ  
benignitatis ad se confugientes protegere consuevit; ne patiamini nos humi-  
lem Christi gregem nativo professionis nostræ septo violenter ejectos irruen-  
tibus lupis exponi; in quo sc. Ecclesiæ septo ab ipsâ infantiâ plantati & radi-  
cati, & vicissim bonis usi & mala perpeffi, jam per multa annorum sæcula  
inolevimus; ita videlicet ut ipsa antiquitas jam nobis pro auctoritate esse  
posset, etsi nullum auctorem haberemus. At inclitus & à Deo electus Rex  
Edgarus, pater B. Edwardi Regis & Martyris & sanctarum Virginum Edgi-  
thæ & Alfgivæ, ipse quoque adhuc in humanâ vivens carne plurimâ declara-  
tus sanctitate, cum per matrices Ecclesias Clericos à fœminarum consortio  
non posset compescere, habito Synodali Concilio per S. Dunstanum Cantia  
Archiepiscopum & S. Adelwoldum Wintoniæ Præsulem cum aliis totius Bri-  
tanniæ Episcopis Cœnobitis, instituit tres Anglorum Ecclesias, Metropolita-  
nam sc. Cantiam & Wentoniam & (a) Wyrensem Ecclesiam, de eisdem Cle-  
ricos castitatem profitentes ad Monasticam exhortatus vitam. Quorum san-  
ctorum Episcoporum merita, ut omnino sanctitati vestræ non sint incognita,  
prior Cantianæ Archipræsul Ecclesiæ adhuc mortalis sæpe Angelorum choris  
legitur interfuisse, eorumque harmoniam auditam retinuisse & discipulos su-  
os docuisse. Alter quoque noster sc. patronus S. Adelwoldus in utero matris  
Deo

Deo sanctificatus prægnanti genitrici demonstratur divinitus hoc modo. Videt enim futurorum uſa viſione, ſibi in ore creviſſe quaſi ſpeciem excelliſſimæ arboris, ejuſque univerſos ramos innumeris coopertos dependentibus cucullis. Demonstratâque cuidam Sancto viſione, didicit ſe in utero ferre patrem & inſtructorem multorum Monachorum in diverſis locis. Quod verum fuiſſe in eo etiam adhuc evidentiffimè edocet gratia Dei omnipotentis. Qui poſt multa conſtructa Cœnobia, cùm Præſul eſſet in noſtrâ, cui adhuc ſub B. Petro deſervimus, Eccleſiâ jam tunc Canonicoꝝ officiis Clericalibus deditâ; eumque exoſum haberent, quod ab eo pro ſuâ arguerentur incontinentiâ, ab eis veneno potatus, interiùs deſæviens virus orationis repreſſit antidoto, & mortis caruit periculo. Ex eorum tempore defluxerunt pluſquam centum anni; ſibiſque invicem ſucceſſerunt in ſede beati Patroni quamplures Dei gratiâ ſanctiſſimi Apoſtolici; & nullius tempore minitati ſumus à loco noſtro expelli. Quod verò nunc veſtro terrenur tempore, precamur item itemque millies veſtris paternis provoluti pedibus; ut malivolorum ſuggeſtione poſthabitâ, paternè agatis in nobis vos pro amore B. Benedicti & ſupradictorum terræ noſtræ patronoꝝ ſuppliciter exorantibus; ut nos & loco noſtro reinſeratis clementiùs, & Apoſtolicâ veſtri auctoritate, ne denuo evelli poſſimus, per privilegii veſtri gratuitum propugnaculum ſtabiliatis intentiùs. Nos verò quod pravâ conſuetudine in nobis eſt declamatum, ex veſtræ paternitatis inſtitutione emendare conabimur per Dei gratiam & auxilium.

*Epistoſa Alexandri Papæ vel Reſcriptio.*

**A**lexander Epiſcopus, ſervus ſervorum Dei, congregationi Monasterii Wintoniæ ſalutem & apoſtolicam benediſtionem. Legati noſtri, qui ad partes veſtras miſſi Concilium ibi celebraverunt, ſicut à pleriſque majoribus & antiquioribus gentis veſtræ ſe didiciſſe confeſſi ſunt, Eccleſiam veſtram à vetuſtâ conſtitutione in ordine & officio atque cultu Monachorum extitiſſe nobis indicaverunt. Sunt etiam nonnulli, qui aſſerunt ſerè omnes majores Eccleſias ejus terræ conſuetudinem Monastiſci Ordinis ex eo cepiſſe & tenuiſſe, quod S. Auguſtinus Legatus beatiſſimi Papæ Gregorii & ejus terræ prædicator, quos perceptâ fide ad obſequium divini miniſterii & Eccleſiaſticos ordines perducere potuit, in hâc formâ religionis & cultu præcipuè conſtituit & ordinavit. Quibus quoniam longè nos impares eſſe cognoscimur, ſtatuta mutare vel infringere indignum eſſe ducimus, præſertim cùm ea Catholica fidei eruditionibus obeſſe non invenimus. Unde per præſentiâ ſcripta ſtatuiſmus & confirmamus; ut Eccleſia veſtra in eo ſtatu Monastiſci Ordinis, quo hætenus manſit, deinceps ſine omni læſione & perturbatione conſiſtat. Vos autem ut cariſſimos filios admonemus; quatinus propoſitum veſtræ profeſſionis eâ ſinceritate & ſtudio de die in diem adjuvante Domino in melius proficiendo peragatis; ut ex interiori conſcientiâ veſtrâ ſervitus & devotio divino conſpectui placeat, & exterioris forma converſationis nulli reprehendendi vos occaſionem tribuat; ſed omnibus exemplum ſanctitatis & erga diligentiam veſtræ religionis amorem & deſiderium confirmandæ dilectionis præbeat. Cæterùm ſi quis audaci temeritate vel pravo ſtudio hunc ſtatum & ordinem Eccleſiæ veſtræ mutare vel confundere attemptaverit; proculdubio ſciat ſe iracundiam Apoſtolice Sedis incurrere, & niſi ceſſet anathematis in ſe judicium provocare.



*Epistola Alexandri Papæ ad Landfrancum Doroberniæ Archiepiscopum.*

**A**lexander Episcopus, servus servorum Dei, in Christo fratri Lanfranco Cantuariorum Archiepiscopo salutem & Apostolicam benedictionem. Pervenit ad aures nostras, quod Monasterium Wintoniæ multas persecutiones & indignas oppressiones ab his sustineat, quorum immoderata pravitas ordinem & officium Monachorum inde ejicere ac prorsus expellere certat. Verum quia nobis non leve videtur tam antiquas Constitutiones, & ut dicitur à B. Augustino prædicatore ejus terræ profectas & ductas, subitâ & inconsultâ permutatione diruere; nec eas Catholicæ fidei eruditionibus obviare videmus: fraternitatem rogando monemus, ut his qui talia conantur prudenti defensione resistat, & præfatum Monasterium à statu & ordine Monasticæ congregationis labefactari aut destitui quoad potest nullatenus patiatur neque permittat. Præterea de liberatione capti Episcopi, quod experientiæ tuæ commisimus, valde miramur, an hoc tua prætermiserit negligentia, an Regis poenam adjiciens contempserit inobedientia. Per præsentium etiam latorem dilectionem tuam interpellare curavimus; ut quæ apud te impetrare desiderat, dummodo concedenda sint, tua sibi benignitas pro nostrâ caritate concedat.

*Lantfredi Epistola præmissa Historiæ de Miraculis S. Swithuni Episcopi Wintoniensis.*

**D**ilectissimis fratribus Wintoniæ commorantibus in S. Petri Cœnobio quod nuncupatur Vetustissimum, jugis concordia, salus ac perhennis gloria, gaudium inenarrabile, splendor sine fine, pax sempiterna, caritas continua, hæc & in cœlo multiplicetur à Domino. Licet carissimi ac affabiles adelphi per universam ferme Europam sint divulgata penitus Miracula, quæ præpotens auctor miraculorum dignatus est largiri gentibus Anglorum per S. Swithuni meritum; tamen ne tanta Dei beneficia queant posteritatem latere succedentem, nequissimus cunctorum pravis actibus hominum, utpote nullâ divinæ prærogativæ scientiæ, nullâ fultus bonitatis autoritate, verum vestris obtemperans jussionibus, vestris confusus orationibus, tremens ad tantam pelagi magnitudinem accessi; & quasi stillam de undis oceani, ita de plurimis Sancti miraculis perpauca decerpfi. Quapropter efflagito conditorem rerum; quatinus non meum respiciat meritum sed affectus jubentium. Vos etiam pro meis precor orare delictis; ne me seducat spiritus falsitatis. Nimirum animus terrenis inretitus curis nihil veritatis excogitare poterit; nisi prius fallacis caligines erroris spiritus scientiæ & pietatis expulerit. Et quoniam perparum scimus de signis mirabilibus, prodigiis ac virtutibus, quæ Sanctus iste in suâ gessit orationibus vitâ: nimirum ut inquit Priscianus auctor Grammaticæ artis peritissimus, studiis literarum transeuntibus in negligentiam per scriptorum inopiam: veniamus ad ea quæ post ejus obitum indubitanter sunt peracta ad viri Dei tumulum. Idcircoque accessimus maximè ad evolvenda hujus Sancti miracula; quoniam ut beneficia Dei dignissimum est laudare, & justissimum eum nescientibus prædicare; sic impiissimum est illa filendo negare, & nequissimum eadem ignorantibus non enarrare. Humanus animus istius est natura; ut quotiescunque legendo didicerit vel audiendo sacros actus antiquorum vel mores patrum, relinquat cordis duritiam deseratque mentis coarctumaciam sectatricem vitiorum, & inclinetur ad misericordiam, secteturque humilitatem magistrâ virtutum.

# SUCCESSIO PRIORUM Ecclesiæ Wintoniensis.

**Q**UÆ de Monachis Ecclesiam Winton. ab ipso anno 169. inhabitantibus Rudburnus refert, meræ sunt nœniæ. Illam Canonicis Sæcularibus repletam puto, quando Kenwalchius Rex illuc Sedem Episcopalem à Dorcestriâ anno circiter 663. transferri voluit. Multis quidem Rudburnus (supra pag. 217, &c.) probare nititur Monachos in Ecclesia Winton. primitus institutos, Edwii Regis tyrannide brevi tempore locum Canonicis Sæcularibus dedisse, eundemque Ethelwoldi Episcopi favore sub Edgardo Rege recuperâsse. Incassum verò. Mihi enim tantum non constat Canonicos Sæculares Ecclesiam Winton. à primâ fundatione infedissee, usquedum ab Ethelwoldo Episcopo anno circiter 963. injuriâ expulsi essent. Ut alios enim sententiæ meæ testes mittam, Eadmerus *in Vitâ Oswaldi Archiepiscopi Ebor.* Vol. 2. par. 2. Canonicos tempore Odonis Archiepiscopi Ecclesiam tenuisse disertè tradit; p. 193. idemque refert Johannes Tinmuthensis in *Historiâ Auræâ.* Præ aliis autem fidem meretur Monachus Ramesiensis, qui Vitam S. Oswaldi anno circiter millesimo (certè ante annum 1006.) conscripsit. Is Oswaldum Decanum Wintoniensem factum esse narrans, hæc habet. *In diebus illis non Monastici viri nec ipsius sanctæ institutionis regula erant in regione Anglorum. Sed erant religiosi & dignissimi Clerici; qui tamen thesauros suos non ad Ecclesiæ honorem sed suis dare solebant uxoribus.* Præposito Canonicorum Decani titulus datus erat. Successio Decanorum nos penitus fugit; neque aliorum nomina occurrunt præter Oswaldum, quem Decanum curâ Odonis Archiepiscopi factum dignitate abdicatâ ad Monachos Floriacenses ante annum 938. recessisse Eadmerus refert, & Swithuni, quem ex Præposito Ecclesiæ Winton. Episcopum esse factum anno 852. Rudburnus suprà affirmavit. Anno demum 963. circiter Canonicis ab Ethelwoldo ejectis, Monachi de Abendoniâ introducti sunt, datusque ipsis Præpositus, quem Priorem vocant,

*Brithnothus*, Abbas Eliensis anno 970. ab Ethelwoldo factus, teste Historiâ Eliensi & Rudburno suprà p. 202.

*Brithwoldus*, Hunc Brithnotho in Prioratu successisse, & ad annum usque 1006. tenuisse, levibus tantum (ut verum fatear) conjecturis ductus suspicor. Opinor tamen; eundemque illum fuisse Brithwoldum Præpositum, cui Elfricus Monachus Winton. librum S. Matthæi à se Saxonice versum anno circiter 987. donavit, & ad Episcopatum Wiltoniensem anno 1006. evectum esse. Brithwoldum sanè Wiltoniensem isto anno consecratum esse infra ostendimus, & Alfricum eodem circiter Prioratum Winton. obtinuisse suprà demonstravimus; ut Brithnotho Brithwoldum, Brithwoldo Alfricum successisse non possim non suspicari.

*Elfricus*, ad Archiepiscopatum Ebor. anno 1023. evectus; de quo fatis superque in Dissertatione peculiari superius positâ. Ab hoc anno desideratur Successio Priorum usque ad annum 1070. nisi forsitan,



- Chron. breve Winton. vetus. *Wlffigius* Præpositus, qui anno 1065. obiisse dicitur, Wintoniensis (quod mihi videtur) perhibeatur.
- Annal. Winton. *Simeon*, Walkelini Episcopi frater, à Walkelino, ut videtur, Monachis Winton. præfectus, ejusdem operâ Abbas Eliensis factus est 1082.
- De gestis Pontif. l. 2. f. 140. *Godefridus*, loci Monachus, ex urbe Cameraco ortus, successit anno 1082. à Walkelino Episcopo successus, religione & literaturâ insignis juxta Malmf. buriensem, qui librum Epistolarum, & Epigrammata satyrica, & versus de Angliæ Primatum laudibus ab illo conscripta memorat. Extat adhuc liber Epigrammatum in Bibliothecâ Cottonianâ *Vitellius* A. 12. Obiit diuturno morbo confectus, anno 1107.
- Annal. Winton. *Gaufridus*, loci ejusdem Monachus, Godefridum excepit 1107. depositus à Willelmo Episcopo anno 1111.
- Annal. Burton Monastic. l. 272. *Gaufridus* alius, Cœnobii Hordarius, à Willelmo Episcopo substitutus anno 1111. Abbas Burtonensis factus est anno 1114. Obiit 1151. 2. Augusti. Scripsit ille Vitam S. Modwennæ Virginis. Notari non indignum est primos 7. Abbates Burtonenses è Cœnobio Wintoniensi delectos fuisse.
- Eustachius*, obiit anno 1120.
- Hugo* successit Eustachio anno 1120. Horum nomina atque successionem exhibent Annales vetusti Wintonienses inediti in Bibliothecâ Cotton. *Vitellius* A. 17.
- Gaufridus* III. obiit anno 1126. juxta Annales Wintonienses supra editos.
- Robertus*, Abbas Glaostoniensis electus anno 1173. fin Glaostoniensi Historiæ magis credendum sit, 1171.
- Walterus* successit, ad Abbatiam Westmonasteriensem translatus anno 1175. juxta Annales Winton. 1176. ex mente Johannis Flete. Scripsit ille librum de gestis Willelmi & Henrici Episcoporum Winton. à Rudburno aliquoties citatum.
- Annal. Winton. *Johannes*, obiit anno 1187.
- Robertus* filius Henrici successit eodem anno.
- S. electus in Abbatem Burtonensem, confirmatus est à Rege 1214. 23. Jan. [Par. 15. Johan. par. 1. m. 5. apud Prynn. vol. 2. p. 352.] Illum Historia Cœnobii Burtonensis non agnoscit. Certè brevi admodum tempore præfedit.
- Annal. Burton. *Rogerus* enim Normannus Abbas factus est anno 1215.
- Annal. Waverley. *Walterus*, obiit anno 1239. *Walterus* quidam Prior Winton. obiisse die 10. Novembr. in Obituario Cantuariensi dicitur.
- Annal. Teokefber. Hist. Ross. *Andreas*, natione Brito, successit à Rege invitis Monachis intrusus 1239. ut Willelmum Valentinum in Episcopum Winton. eligi per fas & nefas efficeret. Obiit anno 1243.
- Annal. Winton. *Walterus*, Prioratum resignavit 1247. 3. April. Illi Rex injuriâ Episcopo factâ Prioratum anno 1243. contulerat. Eundem itaque omnesque complices suos Episcopus excommunicavit, & civitatem supposuit interdicto.
- Annal. Teokefber. *Johannes de Calceto*, sive de *Chauce*, successit 1247. Abbas Petriburgensis electus 1249.
- Annal. Winton. *Willelmus de Tanton*, subrogatus est Johanni 1249. 10. Febr. ad Abbatiam Middletonæ translatus post medium annum 1256. Episcopus Wintoniensis à Monachis electus fuit 1261. 3. Febr. sed rejectus à Papâ, Episcopatu excidit.
- Annal. Winton. *Andreas de Londoniâ*, ab Adomaro Episcopo Electo invitis Monachis successus 1256. post sumptuosissimam litem adversus alium Priorem à Monachis electum Romæ agitatam, vi nummorum à Papâ confirmatus est. Postea tamen exulante patrono suo Adomaro, Prioratum resignavit 1258. 12. Jul. & eodem iterum die à Monachis vi minarum electus est, resignare denuo coactus à Bonifacio Archiepiscopo 1261.
- Mat. Paris. *Radulfus Russel* successit, qui obiit 1265. 8. Julii.
- Annal. Winton. *Radulfus Russel* successit, qui obiit 1265. 8. Julii.

*Valentinus* subrogatur 1265. 21. Julii, resignavit medio anno 1267. restitutus 1268. mense Julio, in crastino depositionis S. Swithuni; resignavit iterum anno 1276. ab Episcopo restitutus die 1. Augusti, & ab eodem privatus die 3. Decemb. ejusdem anni. Annal. Winton.

*Johannes de Durevillâ*, natione Normanus, ab Episcopo Conventu invito suffectus 1276. 3. Decemb. obiit anno 1278. Annal. Winton.  
Annal. Wignorn.

*Adam de Farnham*, Prior factus est anno 1279. Sede Winton. vacante post Nicolai Episcopi obitum, se visitationi Johannis Cant. Archiepiscopi subijcere recusavit. Excommunicatus igitur ab Archiepiscopo ob inobedientiâ crimen 1282. 10. Julii, sese cum Monachis suis Archiepiscopo submitit, & absolutus est 1282. 31. Aug. & visitationem pro more subiit. Obiit ante annum 1284. Annal. Waverley.  
Registr. Morton & Peckham.

*Willelmus de Basyng*, Prioratum resignavit anno 1284. obiit anno 1288. 3. April. teste Registro Prioratûs de Twinham. Registr. de Pontoys.

*Willelmus de Basyng* II. electus à Monachis, confirmatus est ab Archiepiscopo 1284. 25. Aug. Obiit 1295. mense Maio. Id.

*Henricus Wodelock*, alias *de Merewelle*, electus 1295. die Lunæ proximâ ante Festum S. Barnabæ, viz. die 6. Junii, Episcopus Winton. electus est anno 1305. Id. & Registra Woodlock & Morton.

*Nicolaus de Tarente*, confirmatus ab Henrico Episcopo 1305. 29. Julii, obiit anno 1309. mense Julio. Registr. Woodlock.

*Ricardus de Enford*, confirmatus ab eodem Episcopo 1309. 25. Aug. superfuit anno 1325. Id.

*Alexander*, Prior erat annis 1332, & 1346. quod ex Registro Cœnobii de Hidâ Domitian A. 14. f. 214, 219. constat.

*Hugo de Basyng*. Hugoni cuidam Priori Winton. Willelmus Edyndon Episcopus 20. libras legavit anno 1366. ad orandum pro animâ ipsius; & Hugonem de Basyng anno 1382. Prioratum tenuisse in Registro Collegii Wickhamici Wintoniensis comperio. Registr. Langham.

*Robertus de Rodeburne*, præfuit annis 1385, & 1393. quod ex eodem Registro liquet.

*Thomas Nevyle*, isto Prioratum tenente Ecclesia Winton. ab Archiepiscopo Cant. jure Metropolitico visitata est 1404. 17. Octobr. Registr. Morton.

*Willelmus Aulton*, Cœnobio Winton. præfedit annis 1444, & 1447. Willelmus quidam Prior Winton. die 10. Januarii obiisse in Obituario Cantuariensi fertur. Registr. Stafford.

*Ricardus Marlborough*, ex Hordario Prior factus, non longè post annum 1447. successit. Reg. Morton.

*Henricus Berle*, Prioratum gessit anno 1457. Reg. Coll. Winton.

*Thomas Sylkefede*, tempore ipsius, sede utraque Cant. & Winton. tunc vacante, Ecclesia Wintoniensis visitata est à Conventu Cantuariensi 1501. 27. Febr. Monachi tunc inerant Conventui Winton. 35. Valor annuus proventuum Cœnobii mille libræ. Registr. Cant.

*Willelmus Basyng*, Prioratum tenuit anno 1538. Idem, puto, Prior ultimus Cœnobium suum 1539. 15. Nov. tradidit in potestatem Henrici Regis, qui exauthoratis Monachis Canonicos Sæculares, quibus hodiernum Ecclesia subest, postliminio reduxit. Registr. Coll. Winton.



*Ne vacaret hac pagina, apposui elogium maximi Prasulis Willelmi Waynflete Episcopi Wintoniensis ex Epistolâ nuncupatoriâ Fr. Laurentii Gulielmi de Savonâ S. T. D. Ord. Minor. in Conventu Londinensi, libro suo, cui titulus est Triumphus amoris D. N. J. Christi, anno 1485. conscripto præmissâ.*

**O**Peræ prærium fore existimavi, Reverendissime Pater ac colendissime Domine, librum hunc caritati vestræ dirigere, tradere ac consignare; ut res amore & caritate referta ad patrem misericordiæ Dominumque clementissimum referatur; in cujus gremio blandè ac benignè suscepta foveatur, & pastoralis auctoritate illustrata ac defensata, plenius rutillet, securius degustetur, diutiusque in suo robore conservetur. Ut quod mea tenuitas majestati atque præstantiæ tantarum rerum conferre non potuit; pastoralis autoritas, veneranda canities, consummata prudentia, laudata prædicataque à multis sapientia, multis verò in rebus probata per pietatis opera caritas, quæ vestro in pectore conquiescunt, conferant & conservent. Optimo ergo jure, Reverendissime Pater, hunc librum, quasi amoris divini fasciculum, in sinu gremioque vestro fovendum conservandumque tradiderim; & tanto æquius atque congruentius, quanto major est benignitas, caritas atque misericordia, quæ passim atque publicè ubique in populo de tanto Pontifice prædicatur. Quippe cum nullus omnino existat, qui ad tanti Patris misericordiæ sinum confugerit, qui multâ cum clementiâ se susceptum fuisse non asserat. Addamus autem id quod nullâ invidiâ obscurari, nullâ tergiversatione negari, nullâ denique detractorum perfidiâ deleri potest. Quanta videlicet fuerit liberalitas, quanta charitas in pectore tanti Pontificis; quandoquidem Collegium tam magnificum, tam amplum & speciosum, tot sumptibus, tantâ cum sollicitudine, construi omnino & ab ipsis fundamentis usque ad summum elevari complerique fecit. In quo tot venerabiles Sacerdotes ad cultum Dei sanctissimum officiosissime constituti, tot Baccalarii sacratissimæ Theologiæ, tot Magistri Artium, tot sacrarum literarum studentes, continuè foveantur & sustentantur; ut sacris literis honestissimisque bonarum artium disciplinis libero animo incumbant, hauriantque hujusmodi disciplinas, maxima ornamenta humanæ vitæ; & has postquam adepti fuerint, aliis utiliter ac sine invidiâ impertiantur. Addamus autem, quàm speciosum Templum, quàm magnificum, quàm solenne, cum suis ornamentis, libris, casulis, jocalibusque, divino cultui dignè peragendo deputatis, eodem in Collegio constructum sit; spatiosumque Claustrum suis columnis sustentatum atque ornatum, pulcherrimisque deambulatoriis circumvallatum. Quàm splendida insuper Bibliotheca, cunctarum pænè facultatum diversorumque Doctorem voluminibus constructa atque munita. Quàm insuper aprico situ aquarumque circumfluentium commoditate maximâ circumdata existat tantorum ædificiorum spatiosa moles. Ut non modò Sacerdotum atque Studentium apta, commodissima, atque delectabilis mansio sive Collegium nomen sortitum sit; quin & longè verius Paradisus quædam deliciarum animi & corporis dici mereatur. Omitimus alia complura, quæ multis in Ecclesiis variisque locis & splendidissimis ædibus, quotidianisque & piis operibus, erga pauperes jussu piissimi Pastoris distributa conspiciuntur quotidieque elargiri videntur. Hoc solum de Collegio, quod gloriosæ Apostolicæ D. N. J. Christi Magdalenæ dedicatum est, sufficiens utique speculum & exemplar esse dinoscitur contestans ac prædicans, quanta sit caritas in pectore tanti Pontificis constituta.

**ERNULFI**  
**Episcopi Roffensis**  
**COLLECTANEA**  
**DE REBUS**  
**ECCLESIAE ROFFENSIS,**

A primâ Sedis Fundatione ad sua Tempora.

---

**ACCEDUNT**

**EDMUNDI DE HADENHAM,** Monachi Roffensis,  
Annales Ecclesiæ Roffensis ab anno DCIV. ad an-  
num MCCCVII.

**WILLELMI DE DENE** Historia Roffensis ab anno  
MCCCXIV. ad annum MCCCL.

Successio Episcoporum Roffensium ab anno MCCCL.  
ad Reformationem.

Libellus Monachorum Roffensium de jure eligendi  
Episcopi.

Jura & Consuetudines Episcopatus Roffensis.

Successio Priorum Ecclesiæ Roffensis.





# ERNULFI

## Episcopi Roffensis

### COLLECTANEA

De Rebus Ecclesiæ Roffensis.

A primâ Sedis Fundatione ad sua Tempora.

[Ex Textu Roffensi, quem composuit Ernulfus.]

#### Nomina Episcoporum Roffensium.

- I. **J**USTUS (a), obiit iv. Idus Novembris.
- II. **R**OMANUS (b).
- III. **P**AULINUS (c), obiit vi. Idus Octobris.
- IV. **Y**THAMAR (d).

(a) Justus, natione Romanus, à S. Gregorio Papâ in Britanniam missus est anno 601. ut S. Augustino Cantuariensi in propagandâ fide subsidium ferret; quod & sedulo nec infelicitè fecit. Diffusâ latius per regiones circumvicinas fide, Augustinus Episcopos in civitatibus vicinis constituere consultum duxit; & Mellitum Londoniæ, Justum Rovecestræ Episcopos ordinavit anno 604. Ecclesias Cathedrales in utrâque urbe Ethelbertus Rex Cantuariorum Augustini precibus, in illâ S. Paulo, in istâ S. Andree sacras construxerat, & possessionibus opimis dotaverat. Post Ethelberti obitum, qui anno 616. 24. Febr. contigit, solum vertere ab Eadbaldo, qui successit, rege Ethnico coactus, Galliam cum Mellito secessit. Eadbaldo brevi post ad fidem converso revocatus, Sedi Roffensi ad annum usque 624. præfuit; quando Cantuariam post Melliti obitum translatus est. *Beda Hist. Eccl. l. 1. c. 29. l. 2. c. 3, 5, 6, 7, 8.*

(b) Justus ad Archiepiscopatum Cant. translatus, Romanum pro se Rovecestræ Episcopum ordinavit; eundemque ad Honorium Papam, qui Pontificatum iniit 626. 28. Sept. legavit ante finem anni 627. quo ipse morti succubuit. Romanus legatione

susceptâ mare trajiciens naufragio interiit. *Beda l. 2. c. 8, 20.*

(c) Paulinus, missus à Gregorio Papâ in Britanniam unâ cum Justo anno 601. Archiepiscopus Eboracensis ordinatus est anno 625. Eboraco fugatus à Cedwallâ Britonum Rege anno 633. Cantuariam rediit; & Episcopatus Roffensis, qui sexennio vacaverat, curam sibi ab Eadbaldo Rege & Honorio Archiepiscopo commissam suscepit, & ad obitum tenuit. Obiit anno 644. 10. Octobr. sepultus in Ecclesiâ Roffensi; postquam sedi præfuisset annos 11. (sic enim Bedæ locum corrigendum puto) menses 2. dies 21. *Beda l. 1. c. 29. l. 2. c. 20. l. 3. c. 14.*

(d) Primus Anglorum Ithamar dignitatem Episcopalem obtinuit, Paulino in Sede Roffensi subrogatus ab Honorio Archiepiscopo anno 644. Ortu is Cantuariensis fuit, nulli tamen antecessorum moribus & doctrinâ, Bedâ judice, inferior. Introitum ejus in annum 647. referunt Annales MSS. sub Asserii Menevensis nomine circumlati. Malè puto. Beda enim illum Paulino è vestigio substitutum fuisse innuit. Anno 655. Deusdedit Archiepiscopum Cant. consecravit; eodemque Archiepiscopatum tenente, idque brevi post, ut videtur, fato cessit. *Beda l. 3. c. 14; 20.*



V. DAMIANUS (e).

VI. PUTTA (f).

VII. CUICHELMUS (g).

VIII. GYBMUNDUS (b).

IX. TOBIAS (i).

X. ALDUULFUS (k).

XI. DUNNO (l).

(e) Damianus de genere Australium Saxonum successit, à Deusdedit Archiepiscopo consecratus. Post ipsius obitum Sedes Roffensis auctore Bedâ diu vacavit. Obiisse videtur paulò ante Deusdedit, qui mortuus est 664. 4. Julii. Cedda enim Archiepiscopus Ebor. ordinandus Cantuariam veniens, compertâ Deusdedit Archiepiscopi morte, sine consecratione habitâ recessit: & Wighardus Presbyter, successor Deusdedit Archiepiscopo designatus, missus est Romam consecrandus. Sin verò Damianus Deusdedit Archiepiscopo superfuisset; uterque ab illo consecrationis munus suscepisset. Nec tamen diu ante Deusdedit obiisse potuit. Aliter enim Archiepiscopus ante obitum suum successorem illi subrogasset. *Beda l. 3. c. 20. l. 4. c. 1, 2.*

(f) Theodorus Archiepiscopus Cantuariam veniens medio anno 669. Puttam virum ecclesiasticis disciplinis instructum, & more Romano modulandi maximè peritum, Ecclesiæ Roffensi Episcopum ordinavit. Interfuit is Synodo Herefordensi à Theodoro coactæ anno 673. Anno 676. Cantia ab Ethelredo Merciorum Rege miserè vastatâ, & civitate Roffâ communem cladem passâ, Episcopus tunc absens, cui in rebus sæculi industria defuit, nunquam redire certus, ad Sexulfum Merciorum Episcopum secessit; acceptâque ab isto Ecclesiolâ quadam & agello modico, ibidem consenuit, regiones vicinas Romanis ecclesiastici cantûs legibus instituens; neque ut derelictum Episcopatum resumeret, ullis argumentis adduci potuit. Synodo tamen Hethfeldensi anno 680. interfuit. *Beda l. 4. c. 25, 12. Concil. Angl. Tom. I. p. 680.*

(g) Rectius Quichelmus; sic enim Bedâ dicitur. Consecratus is loco Puttæ à Theodoro Archiepiscopo anno circiter 676. post non multum temporis rerum inopiâ coactus Episcopatum deseruit. *Beda l. 4. c. 12.*

(b) Quichelmo recedente, Theodorus Gebmundum substituit. Dicitur is interfuisse Concilio Berghamstedeni anno 697. Indictione 1. & privilegio Witredi Regis subscripsisse anno 700. *Beda l. 4. c. 12. Concil. Angl. tom. 1. p. 194, 199.* Obitum ipsius in annum 692. Godwinus retulit. Qua Autoritate id fecerit, mihi est incompertum. Illum tamen ante medium

annum 693. quo Brechtwaldus Archiepiscopus à Godwino Galliarum Metropolitano consecratus est, obiisse conjicio. Archiepiscopi enim consecratio ad Episcopos Roffenses tunc temporis spectasse videtur. Quòd Concilio Berghamstedeni anno 697. adfuisse dicatur. Indictionis numerus errorem indicat; chartasq; & privilegia, si quæ alia adsint argumenta, parùm moramur, conjecturam confirmant Annales Roffenses. Illum anno 693. obiisse in Annalibus Saxon. Petriburg. demum comperi.

(i) Defuncto Gebmundo, Tobias, vir Græcæ pariter ac Latine linguarum cognitione & eruditione multiplici instructus, Theodori Archiepiscopi & Adriani Abbatis discipulus, loco illius à Brechtwaldo Archiepiscopo Cant. ordinatus est. Obiit anno 726. sepultus in porticu S. Pauli Apostoli, quam intra Ecclesiam Roffensem sibi ipsi in locum sepulchri fecerat. Ista de illo Beda l. 5. c. 9, 24. Consecratus videtur anno 693. quod & Florilegus innuit. Anno etenim sequenti Concilio Becanceldensi interfuit. *Concil. Angl. Tom. 1. p. 189.* Pessimè calculos subduxit Pseudo-Asserius in Annalibus MSS. qui introitum illius in annum 715. rejecit.

(k) Aldulf à Berchtwaldo Archiepiscopo loco Tobie ordinatus, anno 731. superfu- it. Atque ista tantummodo de illo refert Beda l. 5. c. 24. Consecratum anno 727. tradunt Annales Saxonici MSS. *Domitian A. 8.* Anno 731. Tatwinum Archiepiscopum Cantuariensem consecravit. Anno 732. obtinuit ab Ethelbaldo Rege Merciorum vestigal annuum unius navis sibi & successoribus suis concedi, chartâ datâ mense Septembri anno regni Ethelbaldi Regis 17. Idem dono accepit ab Eadberhto Rege Cantuariorum terram decem aratrorum in loco qui dicitur Andscowesham; & donationem à Nothelmo Archiepiscopo anno 738. confirmari obtinuit. *Textus Roff. f. 121, 119, 120.* Obiisse dicitur à Florentio anno 741. à Simeone Dunelm. autem, Chronico Mailros & Pseudo-Asserio anno 739.

(l) Dunno, Anglice Dun, successit Aldulfo anno 740. juxta Mailrosensem, consecratus anno 741. juxta Chronologiam Saxoniam. Interfuit Synodo Cloveshoviensi 747. *Concil. Angl. tom. 1. p. 242.*

XII. EAR-

- XII. EARDULFUS (m).  
 XIII. DIORA (n).  
 XIV. WEORMUNDUS (o).  
 XV. BEORNMODUS (p).  
 XVI. TADNOTHUS (q).  
 XVII. BADENOTHUS (r).  
 XVIII. CUTHUULFUS (s).

(m) Quonam anno Eardulfus Dunnoni successerit, incertum est. Prima de illo in Textu Roffensi fit mentio anno 761. quo sesqui-jugerum terræ in civitate Roffa ad augmentum Ecclesiæ à Sigiredo Cantia Rege obtinuit Indictione 15. Anno sequenti Eardwlfus Cantuariorum Rex illi pasqua 12. gregum porcorum donavit. Anno 764. Offa Merciorum Rex terram 20. aratorum in Ælingahain; anno 765. Ecgbertus Rex Cantia terram quandam intra Castelli mœnia eidem dedit. *Textus Roffen.* f. 122, 123, 124, 126. Magis adhuc ad rem faciunt Annales Roffenses; qui Woldham illi ab Ethelbirto Rege anno 750. donatam memorant.

(n) Diora, aliis Dyorannus, successit ante annum 778. quo Ecgbert Rex Cantia donavit illi atque Ecclesiæ Roffensi terram in Bromley & mariscum de Scaga; & donum eidem confirmavit anno 779. Idem dedit ipsi terram infra mœnia urbis anno 781. & terram decem aratorum in Hallinges. *Textus Roff.* f. 129, 130, 131, 128.

(o) Weremundus, Anglice Worre, successit. Illi terram sex aratorum in Trottesclib Offa Rex Merciorum anno 788. donavit; terram etiam unius aratri in Broomgeheg in Synodo Celcuthensi anno 789. Ethelbertus Cantuariorum Rex 20. jugera anno 790. *Textus Roff.* f. 132, 133, 135. Postrema tamen donatio addita Cealnothi Archiepiscopi subscriptione merito suspecta redditur. In Concilio equidem Calcuthensi anno 789. habito chartæ Offæ Regis datæ Ecclesiæ Wigorniensis subscripsisse reperitur in vetustissimo exemplari inter Archiva Ecclesiæ Wigorn. ipsi Concilio ætate parum inferiori. Interfuit Concilio Becanceldensi 798. seu potius Cloveshoviensi 803. (unicum enim fuit Concilium, idque Cloveshoviæ habitum) eodemque anno obiisse videtur. Florentius quidem obitum ejus & Chronologia Saxonica successoris introitum in annum 802. referunt. Verum aut Concilium anno 802. habitum esse, aut Weremundus anno 803. obiisse dicendus est. *Concil. Angl. tom. 1.* p. 318, 325.

(p) Beornmodus Weremundum excepit, anno 802. consecratus juxta Chronologi-

am Sax. & Florentium, seu potius 803. siquidem Concilium Cloveshoviæ isto anno coactum perhibeatur. Extat in Registro Ecclesiæ Cant. Professio ejus facta Ethelardo Archiepiscopo Cant. à quo consecratus erat. Obiit autem Ethelardus 803. mense Maio. Illi & Ecclesiæ suæ Roffensi Kenulfus Rex dedit tria aratra ad meridianam urbis partem anno 804. Indict. 11. Egbertus Rex terras plures anno 838. Indict. 1. Ethelwlfus Rex terram in Holanbeorges 841. Indict. 4. *Textus Roff.* f. 137, 138, 139. Interfuisse Synodo Celcuthensi 816. legitur in *Concil. Angl. tom. 1.* p. 328. Mitto plures ejus subscriptiones; quæ circa hæc tempora factæ in Regum Chartis in Monastico Angl. & alibi reperiuntur. Quod verò Florilegus & Annales Roffenses illum anno 804. defunctum Puthrico locum cessisse referunt, error est manifestus. Puthricus enim ille, rectius Burthricus dicendus, ante finem extremum sæculi Episcopatum non optinuit; & Tadnothum Beornmodo successisse Indiculus vetustus Episcoporum Roff. ad calcem Chronologiæ Saxonica confirmat.

(q) De Tadnotho nil aliud dicendum habeo, quam ex Textu Roffensi f. 122. constare, illum temporibus Cealnothi Archiepiscopi & Berhtwlf Merciorum Regis, viz. inter annos 841, & 852. Sedi Roffensi præfuisse.

(r) De Badenotho nil præter nomen ab Ernulfo asservatum superest. A Beornmodo enim ad Burhricum Willelmus Malmshurienfis & Florentius in Indiculis suis Episcoporum Roff. omnes prætermiserunt. Badenotho Godwinum quendam Godwinus *lib. de Prasulibus* p. 567. temerè subjecit, non aliâ ratione ductus, nisi quòd Godwinus Episcopus Roffensis Chartæ Witlasi Regis Merciorum datæ Cœnobio Croilandensi anno 833. & alteri Bertulfi Regis 851. apud Ingulphum p. 488, 490. subscripsisse reperiatur: quasi verò aliquid Monachorum chartis pro lubitu confectis contra aliorum monumentorum fidem tribuendum sit.

(s) Cuthwlf Episcopo Etheredus Rex plures terras anno 868. donasse dicitur in Textu Roffensi f. 141.



- XIX. SUITHULFUS (t).  
 XX. BURHRICUS (u).  
 XXI. CEOLMUNDUS (x).  
 XXII. CYNEFERTHUS (y).  
 XXIII. ÆLFSTANUS (z).  
 XXIV. GODUWINUS I. (a).  
 XXV. GODUWINUS II. (b).  
 XXVI. SYWARDUS (c).  
 XXVII. ERNOSTUS (d).

(t) Swithulfo Episcopo Ethelulfum Regem anno 880. Indict. 13. terram in Cuculanstan contulisse narrat Textus Roffensis f. 142. Idem anno 897. Custos occidentalis Cantii adversus Danorum irruptiones ab Alfredo Rege constitutus, brevi post tempore peste extinctus obiit. *Floril. & Chronol. Sax.*

(u) Burhricus, aliis Burthricus, & Burgrice, & Puthricus dictus, successit; cui Edmundus dedit tria aratra in Mallinges, donum confirmante Odone Archiepiscopo, apud *Textum Roff.* f. 143. Edmundus regnare cepit 941. desit 946. Eidem manerium de Frekingham ab Alfredo Rege, qui anno 901. obiit, donatum esse Libellus Monachorum Roff. prodit. Anno 938. subscripsit chartæ Athelstani Regis datæ Cœnobio Malmsburiensi apud *Willelmum in Vita Aldelmi* p. 32. Inania sunt, quæ de successionem ejus anno 804. Florilegus & Annales Roff. & de subscriptione Chartæ Berthulfi Regis datæ Cœnobio Wigorn. anno 841. *Monasticon* tom. 1. p. 122. & de ordine inter Chineferthum & Alfstanum medio Godwinus habent.

(x) Nil alibi de eo traditur. Successit Burhrico post annum 941.

(y) Solum nomen superest. Obiit ante annum 955.

(z) Alfstanus, aliis Athelstanus, confirmationem manerii de Bromleage ab Edgardo Rege obtinuit anno 955. in *Textu Roff.* f. 151. subscripsit chartis Edgari datis Cœnobio Ramensi & Malmsburiensi anno 974. *Monastic.* 1. p. 236. & *Vita Aldelmi* p. 33. Obiisse Episcopum quendam Roffensem anno circiter 984. Osbernus in *Vita Dunstani* p. 114. docet. Hunc Alfstanum fuisse Annales breves & admodum vetusti Roffenses MSS. *Vespasian A.* 22. à Benedicto Monacho conscripti hisce verbis confirmant. Anno 984. obiit *Elfstanus Episcopus Roffensis*; successit Godwinus. De contentione inter ipsum & Ethelredum Regem, & obsidione ejusce gratiâ urbi Roffensi anno 983. illatâ consule Florilegum in anno 983. & Osbernum in *Vita Dunstani* p. 114. Ista quidem Godwinus successor ejus con-

stanter tribuit; verum invitâ veritate, uti ex prædictis facile patebit.

(a) Godwinus, nonnullis Godricus, successit anno 984. Illi Ethelredus sex mansas in Woldham donavit anno 995. Indict. 8. & Bromley primis regni annis oblatum restituit 998. Indict. 11. eidem 15. mansas in Stantun & Hiltune contulit anno 1012. Indict. 10. *Textus Roff.* f. 155, 154, 158, 160. Mirto subscriptiones illius, quibus plurimas Ethelredi Chartas munivit. Magis notandum venit, quod Florentius, Hovedenus, alique tradunt, illum à Danis in expugnatione urbis Cantuariensis anno 1011. unâ cum Elphego Archiepiscopo captum fuisse.

(b) Hunc prætermittit Malmsburiensis, agnoscit tamen cum Ernulfo Florentius. Quo anno Episcopatum inerat, prorsus latet. Id solum constat, illum anno 1038. superfuisse. Quæ de vacatione mortem ejus succedente Godwinus habet, incerta sunt; nullo authore comprobata. Quin potius sedes Episcopales sub pacifico Edwardi regno aliquantisper vacasse nullibi reperitur; & binos Episcopos sedem aliquam 74. annis simul regere potuisse exemplo non caret. In obituario Cant. Godwinus alter 7. Id. Martii, alter 2. Id. April. obiisse dicitur.

(c) Siwardus, Abbas Certeseiæ, longè alius à Siwardo Abbate Abendonensi & Edli Archiepiscopi Vicario, quantumvis Godwinus Malmsburiensem secutus refragetur; prout supra p. 107. ostenditur, consecratus est Cantuariæ à Stigando Archiepiscopo anno 1058. ex fide Annalium Sax. MSS. *Dominian A.* 8. & Petriburg & Florentii. Anno 1070. Lanfranci Archiepiscopi consecrationi adfuit; & 1072. subscripsit concordie inter Lanfrancum Cant. & Thomam Ebor. Archiepiscopos initæ, apud *Ingulphum* p. 92. edit. Oxon. Obiit anno 1075. juxta Annales antiquos Roff. *Vespas. A.* 22. Malè Florentius id in annum 1067. rejecit.

(d) Ernostus, Monachus Beccensis, consecratus à Lanfranco in Ecclesia S. Pauli London. sub initium anni 1076. vix dimidio anno superstes, obiit die 15. Julii. *Chronol. Sax. & Obisuar. Cant.*

XXVIII. GUNDULFUS (e).

XXIX. RADULFUS (f).

XXX. ERNULFUS (g).

(e) Consecratum fuisse à Lanfranco anno 1077. Dominicâ 3. Quadragesimæ *Vita* ipsius refert pag. 291. Contigit ea dicto anno die 19. Martii; ut falsi sint & Author *Vita* & Annales vetusti breves; qui consecratum die 21. Martii fuisse narrant. Obiit anno 1108. die 8. Martii, Dominica 3. Quadragesimæ. Sic enim Author *Vita* p. 291. & Obituarium Cant. perhibent. Malè Dunelmensis diem 7. Martii posuit.

(f) Radulphus, antea Abbas Sagiensis in Normanniâ, successor ab Anselmo designatus 1108. 29. Junii, consecratus est die 9. Augusti sequentis. Electus ad Archiepiscopatum Cant. 1114. 26. April. in-

tronizatus est die 17. Maii, prout habet Eadmerus *Hist. Nov.* p. 96, 110. Malè Godwinus ex Florentio Radulfum die 11. Augusti consecratum scribit.

(g) Ernulfus, natione Gallus, Lanfranci discipulus, primùm Monachus apud Cœnobium S. Luciani in Belvaco, dein in Ecclesiâ Cant. mox Prior Cant. & exinde Abbas Petriburgensis, electus est in Episcopum Roffensem 1114. 28. Sept. intronizatus die 10. Octobr. sequentis, consecratus Cantuariæ Radulpho Archiepiscopo 1115. 26. Decembr. ex fide Eadmeri & Florentii. Sedit annos 9. & dies aliquot, atque obiit annos 84. natus, anno 1124. 15. Martii.

*Donationes Ecclesiæ Roffensz factæ.*

**A**Nno ab Incarnatione Domini DC. Rex Ethelbertus fundavit Ecclesiam S. Andreae Apostoli Rofi; & dedit ei Prestefeld, & omnem terram quæ est ad Meduwaie usque ad Orientalem portam civitatis in Australi parte, & alias terras extra murum civitatis versus partem Aquilonalem.

Anno ab Incarnatione Domini DCCXXXVIII. Eadberhtus Rex Cantuariorum dedit Ecclesiæ S. Andreae Apostoli Hrofi Stokes, & terram x. aratrorum in Hou quæ vocatur Andscohesham, & commendavit Ealdulfo Episcopo.

Anno ab Incarnatione Domini DCCLXIV. Offa Rex Merciorum, & Sigereus Rex Cantia donaverunt Ecclesiæ S. Andreae Æltingeham cum omnibus appendiciis suis, sc. Freondesberiam & Wicham, videlicet xx. aratrorum; & commendaverunt Earduulfo Episcopo. Item Rex Offa & Ecbertus Rex Cantuariorum dederunt Ecclesiæ S. Andreae Bromgeheg; & commendaverunt Episcopo Dioran, & postea Episcopo Waermundo.

Ecgberhtus Rex Cantia dedit Ecclesiæ S. Andreae Heallingas, id est, terram x. aratrorum; & commendavit Episcopo Dioran.

Anno ab Incarnatione Domini DCCLXXXVIII. Offa Rex Merciorum dedit Ecclesiæ S. Andreae Trottesclib; & commendavit Waermundo Episcopo. Obiit Offa Rex Anglorum ii. Idus Augusti.

Coenuulf Rex Merciorum dedit Ecclesiæ S. Andreae Borcstealle; & commendavit Beornmodo Episcopo.

Anno ab Incarnatione Domini DCCCXXXVIII. Ecbertus Rex Westsaxonum & Cantuariorum dedit Ecclesiæ S. Andreae magnas libertates, & ista Maneria, Hallinges & Snodigland; & commendavit Episcopo Beornmodo.

Anno ab Incarnatione Domini DCCCXLI. Æthelulf Rex Occidentalium Saxonum dedit Ecclesiæ S. Andreae Holanbeorgeftun; & commendavit Episcopo Beornmodo.

Anno Dominicæ Incarnationis DCCCLXXX. Æthelulf Rex Saxonum dedit



dedit Ecclesiæ S. Andreae Cuculanstan; & commendavit Suuithuulfo Episcopo.

Eadmundus Rex Anglorum dedit Ecclesiæ S. Andreae Meallingas; & commendavit Episcopo Burhrico.

Quidam præpotens ac probus homo nomine Brihtricus cum uxore Ælf-suuithâ dederunt Ecclesiæ S. Andreae Damtunam & Langafeldam & Dærente & Falcheham; & commendaverunt Ælffstano Episcopo.

Anno Dominicæ Incarnationis DCCCCLV. Edgarus Rex Anglorum dedit Ecclesiæ S. Andreae Bromleage; & commendavit Ælffstano Episcopo.

Anno Dominicæ Incarnationis DCCCCXCV. Ethelred Rex Anglorum dedit Ecclesiæ S. Andreae Wldeham & Litlanbroc; & commendavit Episcopo Goduuino. Idem dedit Ecclesiæ S. Andreae Stantun & Hiltun, sc. xv. man-sas terrarum; & commendavit Episcopo Goduuino.

Willelmus primus Rex Anglorum reddidit Fractenham terram S. Andreae Lanfranco Archiepiscopo, quam iniqui injustè abstulerant, & ipse justè reddidit Gundulfo Episcopo. Sic etiam Stoches terram S. Andreae eripuit ipse Lanfrancus de invasione tyrannorum; & reddidit prædicto Gundulfo Episcopo & Monachis ejusdem. Idem Willelmus Rex reddidit Roffensi Ecclesiæ Denintunam & Falcheham olim injustè ablatas. Præterea inter cetera bona magna, quæ eidem Ecclesiæ in vitâ suâ fecit, imminente articulo mortis suæ centum libras ei dedit, & tunicam propriam regalem, & cornu eburneum, & alia plura ornamenta. Obiit is V. Idus Septembris.

Willelmus filius Willelmi Regis dedit Ecclesiæ S. Andreae Manerium suum Lamhytham; & commendavit Gundulfo Episcopo. Idem concessit libertates, quas Ecclesia Roffensis huc usque obtinuit; & suâ Cartâ confirmavit omnium prædictorum dona. Obiit IV. Nonas Augusti.

Lanfrancus Archiepiscopus dedit Ecclesiæ S. Andreae Manerium Hedenham ad victum Monachorum; quod concessit prædictus Willelmus filius Willelmi Regis. Obiit Lanfrancus V. Cal. Junii.

Estunam Manerium idem Rex Willelmus filius Willelmi dedit Ecclesiæ S. Andreae; & commendavit Episcopo Gundulfo.

Nobilissimus Rex Henricus multa bona contulit, scilicet Ecclesias de Boxle, de Eilesford, Derenteford, Suttune, cum Capellis de Wilmintune, & de Kingesdune, item Ecclesias de Chiselherste & de Wlewich, item Decimas de Strodes & de Chealkes, & alia multa.

---

*De Placito apud Pinendenam inter Lanfrancum Archiepiscopum & Odonem Baiocensem Episcopum.*

**T**Empore magni Regis Willelmi, qui Anglicum regnum armis conqui-sivit & suis ditionibus subjugavit, contigit Odonem Baiocensem Episcopum & ejusdem Regis fratrem multò citius quàm Lanfrancum Archiepiscopum in Angliam venire, atque in Comitatu de Cant. cum magnâ potentiâ residere, ibique potestatem non modicam exercere. Et quia illis diebus in Comitatu illo quisquam non erat, qui tantæ fortitudinis viro resistere posset, propter magnam quam habuit potestatem, terras complures de Archiepiscopatu Cantuarberiæ & consuetudines nonnullas sibi arripuit, atque usurpans suæ dominationi ascripsit. Postea verò non multo tempore contigit præfatum Lanfrancum Cadomensis Ecclesiæ Abbatem jussu Regis in Angliam quoque venire, atque in Archiepiscopatu Cantuarberiæ Deo disponente totius Angliæ regni Primate[m] sullimatum esse. Ubi dum aliquamdiu resideret, & antiquas Ecclesiæ suæ terras multas sibi deesse inveniret, & suorum negligentiam ante-

antecessorum illas distributas atque distractas fuisse repperisset ; diligenter in-  
quisitâ & bene cognitâ veritate, Regem quàm citiùs potuit & impigrè inde  
requisivit. Præcepit ergo Rex Comitatum totum absque morâ considerare, &  
homines Comitatus omnes Francigenas, & præcipuè Anglos in antiquis legi-  
bus & consuetudinibus peritos, in unum convenire. Qui cùm convenerunt,  
apud Pinendenam omnes pariter confederunt. Et quoniam multa placita de  
diratiocinationibus terrarum & verba de consuetudinibus legum inter Archie-  
piscopum & prædictum Baiocensem Episcopum ibi surrexerunt, & etiam in-  
ter consuetudines Regales & Archiepiscopales, quæ primâ die expediri non  
potuerunt ; eâ causâ totus Comitatus per tres dies ibi fuit detentus. In illis  
tribus diebus diratiocinavit ibi Lanfrancus Archiepiscopus plures terras, quas  
tunc tenuerunt homines ipsius Episcopi, videlicet Herbertus filius Ivonis,  
Tuoldus de Hrovecestrâ, Radulfus de Curva-spinâ, & alii plures de homi-  
nibus suis ; cum omnibus consuetudinibus & rebus, quæ ad easdem terras per-  
tinebant, super ipsum Baiocensem Episcopum & super ipsos prædictos homi-  
nes illius & alios ; scilicet Derlinges, Estoces, Prestetuna, Damtuna, & mul-  
tas alias minutas terras. Et super Hugonem de Monte-forti diratiocinavit  
Hrocinges & Broc ; & super Radulfum de Curva-spinâ lx. solidatas de pasturâ  
in insulâ Grean. Et omnes illas terras & alias diratiocinavit ita liberas atque  
quietas ; quòd in illâ die qua ipsum Placitum finitum fuit, non remansit ho-  
mo in toto regno Angliæ, qui aliquid inde calumniaretur, neque super ipsas  
terras etiam parvum quicquam clamaret. Et in eodem Placito non solum  
istas prænominatas & alias terras, sed & omnes libertates Ecclesiæ suæ & om-  
nes consuetudines suas renovavit, & renovatas ibi diratiocinavit soca, saca,  
toll, team, flymena-fyrmthe, grithbrece, forestal, haimfare, infangenne-  
theof, cum omnibus aliis consuetudinibus paribus istis vel minoribus istis,  
in terris & in aquis, in sylvis, in viis, & in pratis, & in omnibus aliis rebus  
infra civitatem & extra, infra burgum & extra, & in omnibus aliis locis. Et  
ab omnibus illis probis & sapientibus hominibus qui affuerunt fuit ibi diratio-  
cinatum, & etiam à toto Comitatu concordatum atque judicatum ; quòd si-  
cut ipse Rex tenet suas terras liberas & quietas in suo dominico, ita Archie-  
piscopus Cantuarberix tenet suas terras omnino liberas & quietas in suo domi-  
nico. Huic Placito interfuerunt Goisfridus Episcopus Constantiensis, qui in  
loco Regis fuit, & justiciam illam tenuit ; Lanfrancus Archiepiscopus, qui  
(ut dictum est) placitavit, & totum diratiocinavit ; Comes Cantix, videnti-  
cet prædictus Odo Baiocensis Episcopus ; Ernostus Episcopus de Hrovecestrâ ;  
Ægelricus Episcopus de Cicestrâ, vir antiquissimus & legum terræ sapientis-  
simus, qui ex præcepto Regis advectus fuit ad ipsas antiquas legum consuetu-  
dines discutiendas & edocendas in unâ quadrigâ ; Ricardus de Tunebrigge,  
Hugo de Monte-forti, Willelmus Dearces, Hamo Vicecomes, & alii multi  
Barones Regis & ipsius Archiepiscopi, atque illorum Episcoporum homines  
multi ; & alii aliorum Comitatum homines etiam cum isto toto Comitatu,  
multæ & magnæ auctoritatis viri Francigenæ scilicet & Angli. In horum om-  
nium præsentia multis & apertissimis rationibus demonstratum fuit ; quòd  
Rex Anglorum nullas consuetudines habet in omnibus terris Cantuariensis  
Ecclesiæ nisi solummodo tres. Et illæ tres quas habet consuetudines hæ sunt.  
Una, si quis homo Archiepiscopi effodit illam regalem viam quæ vadit de ci-  
vitate ad civitatem. Altera, si quis arborem incidit juxta regalem viam, &  
eam super ipsam viam dejecerit. De istis duabus consuetudinibus, qui cul-  
pabiles inventi fuerint, atque detenti dum talia faciunt, sive vadimonium ab  
eis acceptum fuerit sive non, tamen ad infecutionem ministri Regis & per vadi-  
monium emendabunt quæ justè emendanda sunt. Tertia consuetudo talis est.  
Si quis in ipsâ regali viâ sanguinem fuderit aut homicidium, vel aliud aliquid  
reecerit quod nullatenus fieri licet, si dum hoc facit deprehensus atque deten-  
tus



tus fuerit; Regi emendabit. Si verò deprehensus ibi non fuerit, & inde absque vadē datā semel abierit; Rex ab eo nichil justè exigere poterit. Similiter fuit ostensum in eodem placito; quòd Archiepiscopus Cantuariensis Ecclesiæ in omnibus terris Regis & Comitis debet multas consuetudines justè habere. Etenim ab illo die quo clauditur *Allelujah*, usque ad Octavas Paschæ si quis sanguinem fuderit, Archiepiscopo emendabit. Et in omni tempore tam extra Quadragesimam quam, infra quicumque illam culpam fecerit, quæ Cilduuite vocatur; Archiepiscopus aut totam aut dimidiam emendationis partem habebit: infra Quadragesimam quidem totam, & extra aut totam aut dimidiam emendationem. Habet etiam in eisdem terris omnibus quæcunque ad curam & salutem animarum videntur pertinere. Hujus Placiti multis testibus multisque rationibus determinatum finem postquam Rex audivit, laudavit, laudans cum consensu omnium Principum suorum confirmavit; & ut deinceps incorruptus perseveraret, firmiter præcepit. Quod propterea scriptum est hic, ut futuræ in æternum memoriæ proficiat; & ipsi futuri ejusdem Ecclesiæ Christi Cantuarbericæ successores sciant, quæ & quanta in dignitatibus ipsius Ecclesiæ à Deo tenere atque à Regibus & Principibus hujus regni æterno jure debeant exigere.

*De Fracenham.*

**W**illelmus gratiâ Dei Rex Anglorum Episcopo Erfalti, Balduuino Ab-  
bati, Picoto & Rotberto Malet Vicecomitibus & cæteris fidelibus me-  
is salutem. Sciatis quòd ego concessi Archiepiscopo Lanfranco Manerium  
qui vocatur Fracensham; sicuti Heroldus tenebat eâ die quando mare transiui,  
& sicuti Turbertus & Gotinus ab ipso Heroldo tenebant; in omnibus terris,  
pratis, paschuis, sylvis, rusticis, & sochemanis, & cæteris omnibus.

Willelmi kīng gnet eppaſt biſcop ⁊ baldepine abbot ⁊ Picot reingeſeſan ⁊ pod-  
bapt malet ⁊ ealle þa þegenar þar þiſ geppit to cýmð ꝑneondlice. ic kýðe coy ꝥ ic  
an lanſſance aþcebiſcop ꝥ land at ꝑpacenham ſpa full ⁊ ſpaſoð ſpa hapold hit  
þýmmeſt hæfde þar degeſ þe ic þýmmeſt ꝑpam oþeſ ſe com. ⁊ ſpaſpa þuþbeapn  
⁊ goði of hapolde heolden on eallan landan. ⁊ mæde ⁊ laſe. ⁊ ꝑeode ⁊ geneatar  
⁊ ꝑocumen. ⁊ ealle þing þe þar togeþýrað.:

*Quomodo Lanfrancus terras extractas Ecclesie S. Andreae & alias acquisitas Monachis contradidit ; & de Gundulfo Episcopo.*

**P**raterea notandum, ac fidelibus omnibus futuris maximè temporibus, quantæ valentiæ quantæve Ecclesiæ Christi Cantuarberici necnon & Ecclesiæ S. Andreæ Hrovecestriæ hic piæ memoriæ Lanfrancus Archiepiscopus utilitati & honori dum vixit extiterit, sciendum est. Hic, namque non solum illas, quæ superius nominatæ sunt, terras Ecclesiæ Christi, verum etiam ex diversorum dominatione tyrannorum Ecclesiæ Hrovensi suæ ratione prudentiæ ac sapientiæ adquisivit; acquisitas verò Ecclesiæ, unde antiquorum negligentia fuerant extractæ atque dispersæ, contradidit; videlicet Denitnam, Stoches, Falcenham & Fracenham, de manibus prædicti Baiocensis Episcopi & hominum suorum & aliorum hominum quasi quadam placitorum violentiâ extorsit. Et hæc non solum sed & alia bona ad opus Monachorum, quos eidem Ecclesiæ ipse primùm instituit, quoad vixit impendit. Institutis verò servitio Dei & sancti Apostoli Andreæ omnia, quæ illorum victui vel vestitui necessaria fore videbantur, certo apparatu præparare procuravit. Annitente tamen ac per omnia suffragante beatæ memoriæ Gundulfo Episcopo, quem ipse Monachum & Sacristam S. Mariæ Beccensis Ecclesiæ, dum ipse quoque

quoque Prior ejusdem fuit Ecclesiæ, merito sanctitatis ac beatæ religionis præ cæteris omnibus adamavit; adamatum verò post se in Angliam quàm citius potuit venire fecit; & eum omni domui suæ immo rebus omnibus suis quas in Archiepiscopio habuit solum post sese præ omnibus aliis præposuit. Præpositum autem atque in omni sapientiæ & prudentiæ sensu diu probatum, tandem divino admonitus instinctu, à sese devotè consecratum prædictæ Ecclesiæ præfecit Antistitem. Qui xxxi. annis inibi superstes existens, Ecclesiam S. Andreæ, penè vetustate dirutam, novam ex integro ut hodiè apparet ædificavit. Officinas quoque Monachis necessarias, prout loci necessitas pati potuit, omnes construxit. Ipsos etiam Monachos xxii. suscepit, susceptos verò sanctæ religionis habitu induit; indutos postmodum sacris Ordinibus aptos vel sanctæ religionis benedictione dignos ipsemet benedixit, consecravit, & quantâcunque valuit diligentiam & per se & per alios in Dei timore & amore semper instruxit; instructos quidem post Deum super omnia amavit, honoravit, atque in eo quod potuit omnibus diebus vitæ suæ beneficiis multimodis augmentare non cessavit. Et cum non amplius in introitu Episcopatus sui quàm quinque invenisset in Ecclesiâ S. Andreæ Canonicos; die quâ sæculo præsentī decessit; plusquam sexaginta Monachos bene legentes & optimè cantantes in servitio Dei & Apostoli sui Deum timentes & super omnia amantes reliquit. Sed inter cætera quæ illis beneficia nonnulla contulit, unum illis dignum memoriâ fecit. Fracenham, quod (ut dictum est) ab alienorum injustâ potestate Archiepiscopus prudentiæ suæ ratione Lanfrancus extorsit, & ad victum Monachorum æternaliter fore constituit, Gundulfus Episcopus, quia ipsum Manerium longinquis regionibus à Hrovecestrâ nimis erat remotum, ipsum Manerium in suâ ac suorum omnium retinuit manu successorum; atque pro illo licentiâ & consilio sæpèdicti Archiepiscopi Lanfranci Wldeham Monachis æternaliter dedit; malens quidem sese ac suos successores annuis laboribus equitando victum ibi tam longè quæritare, quàm Monachos vel ejusdem villæ pauperes homines singulis annis in annonam deportando fatigare.

#### *De Falchenham.*

**I**Nter cætera beneficia ipsius Archiepiscopi, Falchenham quoque (sicut supra diximus) ab injustâ extorsit Baiocensis Episcopi potestate; partim auxilio magni Regis Willelmi, pro quâ re Radulfus Cadomensis Monachus ejus tunc existens Capellanus, ad Regem ipsum pro ipso auxilio in Normanniam fuit transmissus, partim pactione pecuniæ videlicet lx. librarum, quas Archiepiscopus Regi illi promisit se daturum; unde xxx. libras accepit, xxx. ei condonavit. Tandem literis Regis, quas secum Radulfus Episcopo detulit, ac pecuniâ promissâ adeptus est Archiepiscopus ipsum Manerium; statim illud constituens ad victum Monachorum, xv. reddens firmam dierum.

*Quomodo Willelmus Rex filius Willelmi Regis rogatu Lanfranci Archiepiscopi concessit & confirmavit Rofensi Ecclesiæ S. Andreæ Apostoli ad victum Monachorum Manerium nomine Hedenham; quare Gundulfus Episcopus Castrum Rofense lapideum totum de suo proprio Regi construxit.*

**A**liud quoque beatæ memoriæ Gundulfus Episcopus non minùs memorabile illis contulit beneficium, sed omni potiùs omnibus sæculis venturis dignum veneratione. Castrum etenim, quod situm est in pulchriori parte Hrovecestræ, pro regiâ concessione illius doni, quod sæpe dictus Archiepiscopus



copus prædictæ Ecclesiæ ad victum Monachorum disposuerat, dare Manerium videlicet quod situm est in Comitatu de Bucingham nomine Hedenham, non enim aliter ut ratum permaneret ipsi Ecclesiæ illud absque Regis concessione potuit dare, quia pater Regis illud dederat Archiepiscopo in vitâ suâ tantum, ut fullimatus fuit in Archiepiscopo. Unde Willelmo filio ejus ipsum patrem succedente in regno, ab Archiepiscopo & Episcopo de ejusdem Manerii concessione requisitus, respondit centum libras denariorum habere se velle pro ipsâ concessione. Quod postquam Archiepiscopus & Episcopus audierunt, consternati valde pariter responderunt; illam tantam pecuniam neque tunc in promptu sese habere, nec etiam unde eam acquirere potuissent sese scire. Duobus autem amicis utrique parti faventibus, Rodberto videlicet filio Haimonis & Henrico Comite de Warwic, hinc regium honorem & integram ejus observantibus voluntatem, hinc verò amicitiae favorem & pro Dei amore Ecclesiæ prædictæ magnificum & profuturum honorem, Regi consuluerunt, quatinus pro pecuniâ, quam pro concessione Manerii exigebat, Episcopus Gundulfus, quia in opere cæmentarii plurimum sciens & efficax erat, Castrum sibi Hrofsense lapideum de suo construeret. Quod ubi Archiepiscopo & Episcopo innotuit, tunc proculdubio magis consternati dixerunt & regiæ concessioni ex toto sese abnuere, etiam & ipsum Manerium in profundo maris potius situm iri malle, quàm prædictam Ecclesiam S. Andreæ futuris temporibus regiis exactionibus mancipari debere. Nam quotiescunque quilibet ex infortunio aliquo casu in Castro illo contingeret aut infractioe muri aut fissurâ maceriei; id protinus ab Episcopo vel Ecclesiâ exigetur usu reficiendum assiduo. Sicque Episcopus & Ecclesia futuri sæculi temporibus omnibus summâ districtioe regiæ summitteretur exactioni. Isto itaque metu perterritus uterque, Absit hoc à me, inquit Archiepiscopus; absit quoque à me, inquit & Episcopus. Responsum hoc audiens Comes Henricus, quasi modestæ stimulis iræ commotus; honestatis dans concito fremitus, inquit: Hactenus meâ æstimatione ratus sum Archiepiscopum Lanfrancum unum ex viris universi orbis extitisse sapientissimis; nunc autem nec insipientiæ (quod absit) esse dico, neque illâ quidem qua dudum sapientiâ callebat impræsenti- arum vigere ullatenus asserere audeo. Quid enim gravedinis, inquit, in hoc est, Castrum ad ultimum majus pro xl. libris ad voluntatem Regis facere, factum verò Comiti vel Vice-comiti Comitatus seu aliis etiam quibus Regi placuerit monstrare, monstratum etiam ex omni parte integrum liberare, semel verò liberato sese penitus expedire, nec unquam ulterius inde se intro- mittere, nec etiam eò respicere? Ad hoc Regem adversus Episcopum vel Ecclesiam futuræ servitutis occasionem nullatenus quærere, immo potius eos ab omni servituti liberare, atque sicut Regem decebat pro Dei timore & sæculi honore in summâ libertate eos conservare velle. His ergo & aliis nonnul- lis hujuscemodi rationibus tandem acquievit Archiepiscopus. Igitur hoc pacto coram Rege inito, fecit Castrum Gundulfus Episcopus de suo ex integro totum, costamine ut reor lx. librarum. Quod quamdiu in sæculo subsistere poterit, pro Gundulfo Episcopo manifesto indicio quasi loquens erit, æternum quidem illi ferens testimonium; quod Manerium Hedenham Ecclesiæ & Monachis S. Andreæ ab omni exactione & calumniâ Regis & omnium hominum permanebit liberrimum & quietissimum in sæcula sæculorum.

*Concessio Willelmi Magni Regis.*

**W**illelmus Dei gratiâ Rex Anglorum Haimoni Dapifero & omnibus suis teignis in Episcopatu Roffensi salutem. Mando & præcipio, ut eas consuetudines, quas Ecclesia S. Andreæ Rofensis civitatis habuit in terris vestris,

stris, seu in annonâ, seu in porcis, vel aliis rebus, tempore Edwardi Regis, habeat, & vos exolvatis.

*De Contentione inter Gundulfum & Pichot.*

**T**empore Willelmi Regis Anglorum magni, patris Willelmi Regis ejusdem gentis, fuit quædam contentio inter Gundulfum Hrofensem Episcopum & Pichot Vicecomitem de Grendeburge pro quadam terrâ quæ erat de Frachenham & jacebat in Giselham, quam quidam Regis serviens Olchete nomine Vicecomite dante præsumperat occupare. Hanc enim Vicecomes Regis esse terram dicebat; sed Episcopus eandem S. Andreae potius esse affirmabat. Quare ante Regem venerunt. Rex verò præcepit, ut omnes illius Comitatus homines congregarentur; & eorum judicio cujus terra deberet rectius esse probaretur. Illi autem congregati terram illam Regis esse potius quam B. Andreae timore Vicecomitis affirmaverunt. Sed cum illis Baiocensis Episcopus, qui Placito illi præerat, non bene crederet; præcepit ut si verum esse quod dicebant scirent, ex seipsis duodecim eligerent, qui quod omnes dixerant jurejurando confirmarent. Illi autem cum ad consilium secessissent, & inibi à Vicecomite per internuntium conterriti fuissent; revertentes verum esse quod dixerant juraverunt. Hi autem fuerunt Edwardus de Cipeham, Herulus & Leofuine saca de Extinge, Eadric de Giselham, Wlifuine de Landuade, Ordiner de Berlingeham, & alii sex de melioribus Comitatus. Quo facto, terra in manu Regis remansit. Eodem verò anno Monachus quidam Grim nomine, quasi à Domino missus, ad Episcopum venit. Qui cum audiret hoc quod illi juraverant; nimium admirans, & eos detestans, omnes esse perjuros affirmavit. Ipse enim Monachus diu Præpositus de Frachenham extiterat, & ex eadem terrâ servitia & costumae ut de aliis terris de Frachenham susceperat, & unum ex eisdem qui juraverant in eodem Manerio sub se habuerat. Quod postquam Episcopus Hrofenensis audivit; ad Episcopum Baiocensem venit, & Monachi verba per ordinem narravit. Quæ ut Episcopus audivit, Monachum ad se venire fecit, & ab ipso illa eadem didicit. Post hæc verò unum ex illis qui juraverant ad se fecit venire; qui statim ad ejus pedes procidens, confessus est se perjurum esse. Hinc autem cum illum qui prius juraverat ad se venire fecisset; requisitus se perjurum esse similiter confessus est. Denique mandavit Vicecomiti, ut reliquos obviam sibi Londoniam mitteret, & alios duodecim de melioribus ejusdem Comitatus, qui quod illi juraverant verum esse confirmaverant. Illuc quoque fecit venire multos ex melioribus totius Angliæ Baronibus. Quibus omnibus Londoniæ congregatis, judicatum est tam à Francis quam ab Anglis illos omnes perjuros esse; quandoquidem ille, post quem alii juraverant, se perjurum esse fatebatur. Quibus tali judicio condemnatis, Episcopus Hrofenensis terram suam ut justum erat habuit. Alii autem duodecim cum vellent affirmare iis qui juraverant se non consensisse; Baiocensis Episcopus dixit, ut hoc ipsum judicio ferri probarent. Quod quia se facturos promiserunt, & facere non potuerunt; judicantibus aliis sui Comitatus hominibus, trecentas libras Regi dederunt.



## DONATIONES.

**Æ**gelricus Presbyter de Cætham, qui quondam Canonicus Ecclesiæ S. Andreæ extiterat, pro animâ uxoris suæ Godgyfæ, & pro eo quòd sepelierunt eam honorificè Monachi, dedit eis unam mansam reddentem xii. denarios per annum.

Ælfuine p̃eort̃er sunu [*Presbyteri filius*] cum uxore suâ dederunt Ecclesiæ S. Andreæ & Monachis illic Deo servientibus unum mariscum infra insulam de Grean pro animabus suis in perpetuum. Pro quo beneficio ipsi Monachi servitium in fine promiserunt facere, sicuti pro fratre & sorore.

Golduinus Presbyter de Rovecestrâ dedit Ecclesiæ S. Andreæ dimidiam Hagam in Rovecestrâ pertinentem ad Freondesberiam. Pro quo beneficio Monachi S. Andreæ juxta petitionem suam fecerunt ibidem filium suum Monachum.

Hæc Conventio habita est inter Monachos Roffenses & uxorem Rodberti Latimarii. Hæc mulier tenebat quandam terram de Freondesburiâ, quæ post mortem suam Monachis Roffensibus cedere debebat. Diu ergo ante mortem suam placuit ei, ut terram eandem redderet S. Andreæ & Monachis. Monachi verò pro hac re magis confirmandâ dederunt illi lx. solidos; quos postea Brodo Presbyter, qui ejus filiam habebat, callidè extorsit, &c. Hujus conventionis sunt testes Rodbertus Presbyter filius Golduini Presbyteri, &c.

Gislebertus Clericus de Hedenham concessit Ecclesiæ Roffensi S. Andreæ tres hidas terræ, quas habuit in suo dominico in Hedenham, eâ conventionem quòd quando ipse voluerit fiet ibi Monachus. Et hoc idem concessit & confirmavit Radulfus filius suus ex toto. *Postea fit mentio Osmundi generi Gisleberti.*

ANNA-

# ANNALS

## Ecclesiæ Roffensis,

Ex Historiâ Ecclesiasticâ

EDMUNDI DE HADENHAM

Monachi Roffensis.

**A**Nno DCIV. Augustinus Archiepiscopus Cant. sacravit Justum primum Roffensem Episcopum; ut commemorat Beda cap. III. lib. II. & Presbyteros ad serviendum Deo in Ecclesiâ Roffensi ordinavit; ad quorum victum Rex Ethelbertus unam portionem terræ dedit, quam vocavit Prestefeld, eo quod Presbyteri Deo servientes jure perpetuo eam possiderent.

Anno DCXXXIV. hoc tempore Roffensis Ecclesia pastorem non habens, quomodo curam illius rexit Paulinus; habetur in xx. capite libri II. Bedæ.

Anno DCXLIV. S. Paulinus Archiepiscopus quondam Eboraci, sed tunc Roffensis Antistes, migravit ad Dominum; in cujus loco Honorius Archiepiscopus sacravit Itamarum Anglum genere, vitâ & eruditione antecessoribus suis æqualem.

Anno DCLXIX. Puttha Roffensis Episcopus ordinatus est à Theodoro Cant. Archiepiscopo.

Anno DCXCIII. Brithwaldus Archiepiscopus Cant. post Gibmundum Roffensis civitatis Episcopum, Thobiam Præsulem consecravit, virum sc. Latinâ linguâ & Græcâ multipliciter eruditum.

Anno DCCXV. hoc anno Thobias Roffensis Episcopus obiit; post quem Episcopatus officium Aldulphus Bertwaldo Archiepiscopo consecrante suscepit.

Anno DCCXXXVIII. Eadbertus Rex Cantuariæ dedit Ecclesiæ S. Andreæ Apostoli Roff. Stokes, & commendavit Eldulfo Episcopo; Rege Ethelberto & Nothelmo Archiepiscopo testibus, & hanc donationem confirmantibus.

Anno DCCL. Ethelbirtus Rex Cantuariorum hæreditavit S. Andream Apostolum de Woldeham; & commisit illud Erdulfo Episcopo.

Anno DCCLXII. Sigereus dimidiæ Cantix Rex dedit Eardulfo Episcopo Roffensi terram juris sui quasi unius & semis jugeri in civitate Roffi ad augmentum Monasterii B. Andreæ, jacentem ab aquilonari parte Monasterii, & pertingentem usque ad septentrionalem murum præfatæ civitatis, intra terras quas antea ab Oriente & Occidente possederat; Eadberto Rege Cantix & Bregwino Archiepiscopo confirmantibus.

Anno DCCLXIV. Offa Rex Merciorum & Sigereus Rex Cantix dederunt Ecclesiæ S. Andreæ Roffensis Esslingham, Frenesberiam & Wicham, viz. xx. aratorum, & commendaverunt Eardulfo Episcopo; Eadberto Rege & Bregwino Archiepiscopo confirmantibus.

Anno



Anno DCCLXXVIII. Egbertus Rex Cantuariæ dedit Ecclesiæ S. Andreae Roffensis Hallinges & quandam partem terræ apud Bromleye; Lamberto Archiepiscopo crucis signo confirmante.

Anno DCCLXXXVIII. Offa Rex Merciorum dedit Roffensi Ecclesiæ & Episcopo ejusdem loci nomine Vermudo Trottesclyve; Lamberto Archiepiscopo confirmante.

Anno DCCLXXXIX. Offa Rex dedit Ecclesiæ Roffensi & Vermudo Episcopo terram unius aratri apud Bromleiam, & terram in civitate Roffi ad augmentum Monasterii; Lamberto Archiepiscopo subscribente.

Anno DCCCIV. Beornredus Roffensis Antistes diem clausit extremum. Cui successit Puthricus in Episcopatum.

SIWARDUS.

Anno MLVIII. Siwardus Abbas de Certeseyâ consecratur Episcopus ad Roffensem Ecclesiam.

ARNOSTUS.

Anno MLXXV. Sywardus Roffensis Episcopus obiit; cui successit Arnustus, Beccensis Monachus. Tempore verò prædicti Sywardi veniens à Normanniâ in Angliam, paucis diebus supervivens, fatum explevit; derelictâ Ecclesiâ miserabili & vacuâ omnium rerum, indigentia intus & extra. In eâ enim quatuor tantum Canonici erant; qui victu exili & indumento plebeio vitam tolerarent. Has miseras corrigere parans sapientissimus Archiepiscopus Lanfrancus Arnustum Beccensem Monachum loco dedit. Sed is in eo anno tantum dimidio vixerat. Volens autem Lanfrancus Archiepiscopus, ut ex more antiquorum in Ecclesiâ Roffensi Monachus succederet, cogitare cœpit, qui hoc onus sibi injunctum portare valeret. Cogitanti tandem Gundulfi istius occurrit sanctitas, quæ jam certis experimentis satis ei fuerat approbata. Ordinatur itaque vir verè dignissimus Episcopatu Gundulfus in Ecclesiâ Dorobernensi xii. Cal. Aprilis, anno ab Incarnatione Domini MLXXVII. undecimo verò adventus Normannorum in Angliam sub Comite Willelmo, Rege postmodum Anglorum nobilissimo. Consecratus autem ex more propriam tendit invisere Sedem; tripudiantibus turbis Roffensem ingreditur urbem; Pontificali sedi intronizatus inducitur; Præsul omni veneratione ex eo habetur. *Ista ferè verbatim ex Gundulphi Vitâ, quam Author in sequentibus ferè totam intexnit.*

RADULFUS.

Anno MCXIV. Radulfus Roffensis Episcopus ad Archiepiscopatum Cant. eligitur v. Cal. Maii. Prædictus Radulphus inter cætera bona quæ fecit Ecclesiæ suæ Roffensi, dedit duas casulas optimas, & aliam ad Missam majorem, & tres capas, & Albam pretiosam cum amictu lapidibus pretiosis inserto, & stolam, &c. & parvum feretrum ex unâ parte argenteum; & Textum pulchrum deauratum, in quo vita & historia S. Andreae; & duo pallia ad pendendum. Dedit etiam decimam de Yfeld, Wenninate & de Dune.

ERNULFUS.

Anno MCXV. consecratus est Ernulfus Abbas de Burgo in Roffensem Episcopum; qui multa bona Ecclesiæ suæ contulit. Inter cætera verò bona sua dedit Ecclesiam de Hadenham, & dimidiam hidam & unam haghâ terræ, & Ecclesiam de Codinton & de Kingesleye. Fecit etiam Dormitorium, Capitulum, Refectarium. Et fecit fieri casulam principalem cum arbore de auro brudatam, & capam principalem cum skillis argenteis, & albam cum amictu lapidibus pretiosis inserto, &c. & Textum cum Evangeliiis & lectionibus in principalibus diebus, & Missalem & Benedictionale & Capitulare, & duo candelabra argentea deaurata, & nobili opere constructa, & ampullam vinariam ad Missam argenteam & deauratam, & dalmaticam principalem, & alias duas de albo serico, &c. Et notandum, quod non est aliquis Monachus de Angliâ natus postea factus Episcopus Roffensis, qui possit annotari inter Benefactores Ecclesiæ suæ, nisi Ernulphus.

Anno MCXXIII. Ernulfus Roffensis Episcopus obiit; cui successit Johannes (a) primus; qui dedit Ecclesiam de Frenesbury cum Capellâ de Strodes. Dedit etiam casulam & Albam paratam, & amictum cum lapidibus, & stollam, & phanum, & tapetum majorem, & crucem cum pede de argento. Transtulit corpus Ithamari Episcopi. Incœpit & plura bona facere; sed non permanfit in suo robore. Nam melius bonum non incipere, quàm post incœptum retrorsum ire. JOHANNES I.

Anno MCXXXVIII. Johannes Roffensis Episcopus obiit. (b) Eodem anno Ecclesia Roffensis & tota civitas combusta est cum omnibus officinis Monachorum. JOHANNES II.

Anno MCXLII. Ascelinus (c) Prior Doveriæ factus est Roffensis Episcopus; qui dedit Ecclesiam de Suthflete ad anniversarium ejus; & confirmavit terram Radulphi Clerici in Borstalle, & somam Bedæ Comitissæ in London. & hidam dimidiam in Hadingham, quæ fuit Radulphi Clerici. Iste primum præsumpsit dare Officialitates & Servantias in Ecclesiâ Roffensi. Et notandum, quòd bonum quòd fecit non habet effectum. Quod autem de malo fecit, semper perseverat à tempore. Gundulfi Episcopi primus Pistor fuit quidam Herebertus tam Episcopi quàm Monachorum. Quod contigit, quia Episcopus assidue morabatur apud Roffam propter combustionem officinarum. Peractis officinis, recessit Herebertus pistor cum Episcopo; cui successit Wlfricus; quem educandum commendaverat Gundulfus Episcopus W. Celerario: cui Celerarius dedit Eilaf fratrem ipsius in adjutorium subpistorem. Ventilator primus erat Robertus Brente pater Hereberti Russel; & illud officinæ accepit post mortem patris sui. Mortuo Wlfrico, successit prædictus frater ejus Eilaf in magisterium pistoriæ; & Galfridus filius Wlfrici in subpistoriam, quam antè habuit idem Eilaf. Horum temporibus animadvertit Conventus de magnis damnis. Quod pro vero comperientes, expulerunt omnes quatuor de Curiâ, omnino Episcopo inconsulto. Galfridus solus recuperavit subpistoriam de gratiâ Prioris & Conventûs; quòd duxerat sororem Sylvestri Celerarii. Post mortem Eilaf rogatu Walteri Episcopi suscepit illud officium Gilbertus de manu Ernulfi Prioris in domo Infirmorum. Humfridus Costard, Willelmus Blundus, Grafferdus. Grafferdo repulso successit simoniacè Ethelstanus filius Athelerdi per Ascelinum Episcopum. His temporibus venit quidam Legatus, Hincmarus Tusculanensis Episcopus; qui multas correxit injurias ab eodem Ascelino Monachis illatas. Inter cætera facta est mentio de Galfrido; qualiter à famulatu infirmorum fratrum contra

(a) Johannes prius Archidiaconus Cantuariensis, si Florilego & Florentio tribuendum sit, à Rege ad Episcopatum Roff. nominatus, à Willelmo Archiepiscopo consecratus est Cantuariæ 1125. 24. Maii. Obiit anno 1137. 20. Junii. Sic Gervasius & Annales breves Roff. Addunt utrique Ecclesiam Roffensem cum officinis omnibus & universâ civitate conflagrâsse die tertio ejusdem mensis. Die 22. Junii obitum illius reponit Obituarium Cantuariense. Malè Annales nostri annum 1138. designant.

(b) Johanni successit alter ejusdem nominis Episcopus, à Godwino aliisque prætermisus. Illum tamen exhibent Additamenta ad Ernulfi catalogum in Textu Roffensi fol. 111. anno circiter 1200. scripta, Catalogus alius Episcoporum Roff. anno circiter 1220. scriptus, *Vespasian A. 22.* Catalogus tertius eorundem ad

calcem Annalium Roff. anno circiter 1370. scriptus *Nero D. 2.* & Registrum antiquum Roffensis Ecclesiæ. Addit istud eundem fuisse Monachum Sagiensem, & dedisse Ecclesiæ Roffensi duo pallia ad pendendum. Consecratus erat post medium annum 1137. obiit ante exitum anni 1142.

(c) Ascelinus, aliis Anselmus, ex Sacristâ Ecclesiæ Cant. Prior Dovoræ anno 1139. ex Priore Dovoræ Episcopus Roffensis anno 1142. factus est. Anno sequenti terram in Pinindunâ Ecclesiæ suæ acquisivit. Obiit anno 1148. die 24. Jan. juxta Gervasium, 23. Jan. juxta Obituarium Cantuariense. *Hucusque Episcopi Roffenses omnes fuerunt Monachi*; inquit Catalogus tertius Episcoporum Roff. supra citatus.



voluntates Monachorum expulsus fuerat. Evocans autem Episcopum Legatus jussit in virtute obedientiæ, ut amoveret prædictum Ethelstanum. Et statim coram omnibus qui aderant restitutus est Grafferdus. Dixit autem Legatus Episcopo; quod non debuisset hoc fecisse pro baculo suo. Post Grafferdum tulerunt Monachi Willelmum Freode de Bracino, & posuerunt in loco Grafferdi; & in loco Willelmi posuerunt in Bracinum Elredum fratrem Jordani Supprioris. Et notandum, quod tunc temporis non erant perpetui Servientes sed annui. Post Willelmum Freode ceperunt Monachi de lavendriâ Robertum Spicard rogatu Osberni de Scapeiâ Monachi; in cujus loco posuerunt in lavendriâ Hamonem Pinel. Post Robertum Spicard successit Matthæus Piscator. Post Matthæum Willelmus de Westerfeld, post Willelmum Robertus Milcscop, & cæteri. Et notandum, quod Prior illis temporibus ordinavit omnes Servientes.

Anno MCXLVI. Ascelinus Episcopus Roffensis obiit. Eodem anno Eugenius Papa possessiones Ecclesiæ S. Andreæ Roffensis confirmavit in hunc modum. 'Eugenius Episcopus, servus servorum Dei dilectis filiis Brieno Priori Ecclesiæ B. Andreæ Roffensis & ejus Fratribus tam præsentibus quàm futuris, regularem vitam professis in perpetuum. Ad hoc universalis Ecclesiæ cura nobis à providore omnium bonorum Domino commissa est; ut religiosas diligamus personas, &c. Quapropter dilecti in Domino filii, vestris justis postulationibus annuimus; & præfatam Andreæ Apostoli Ecclesiam, in quâ divino mancipati estis servitio, sub B. Petri & nostrâ protectione suscipimus, & præsentis scripti privilegio communimus: statuentes, ut quascunque possessiones, quæcunque bona tam ex dono quàm & concessione bonæ memoriæ Lanfranci, Anselmi, Radulfi, Theobaldi Cantuariensium Archiepiscoporum, & Gundulfi Roffensis Episcopi, Willelmi & Henrici Anglorum Regum, aliorumque fidelium impræsentiarum justè & canonicè possidetis, aut in futurum poteritis adipisci, firma vobis vestrisque successoribus & illibata permaneant. Concessionem autem vobis rationabiliter factam ab Ernulfo Episcopo vestro de Synodalibus denariis, & scripti ejus paginam confirmatam & ratam esse censemus. Præterea concordiam, quæ inter vos & venerabilem fratrem nostrum Ascelinum Episcopum vestrum per præfatum Theobaldum Cant. Archiepiscopum de Lambethâ & quibusdam aliis possessionibus justè & canonicè facta est, ratam & firmam esse decrevimus. Præposituram quoque ipsius civitatis, sicut hætenus super homines vestros & Episcopi & præposituræ Regis quartam partem rationabiliter habuistis, socam etiam & facam, tol & team, & infangtheof, cæteras quoque consuetudines & libertates vestras, vobis confirmamus, &c. Data trans Tiberim per manum Roberti S. R. E. Cardinalis Presbyteri & Cancellarii v. Calend. Maii, indictione VIII. anno Incarnationis Dominicæ MCXLVI. Pontificatûs verò Eugenii III. Papæ anno ii.

WALTERUS. Anno MCXLVIII. Walterus (d) consecratur in Episcopum Roffensem; qui dedit terram, quæ pertinet ad mandatum pauperum in Borstalle. Et sciendum,

(d) Walterus, Theobaldi Archiepiscopi frater, & Archidiaconus Cant. Episcopus electus est à Monachis Roff. præsentis Archiepiscopi & eligendum designante, in Capitulo Cantuariensi juxta antiquam consuetudinem. Neque enim jus electionis in Monachos Ecclesiæ Roff. Theobaldus transtulit, prout habet Godwinus; Sed consuetudo erat ab antiquis temporibus constituta, & à piis patribus observata; viz. quod

Episcopus Roffensis debeat eligi in Capitulo Cantuariensi ex dono Archiepiscopi & electione conventus Roffensis Ecclesiæ. Factâ autem electione debet Electus jurare super quatuor Evangelia fidelitatem Ecclesiæ Christi Cant. & Archiepiscopo; & quod non debeat Episcopus Roffensis operam dare vel consentire, ut Ecclesiæ Cant. privetur honore vel dignitate quam habet in Ecclesiâ Roffensi; & quod debeat baculum pastoralis

endum, quod in Cœnâ Domini ad mandatum pauperum non erant olim nisi duo denarii; & ipse accrevit tertium denarium. Dedit etiam casulam de viridi cyclade, & albam paratam, & stolam & fanum, & pallium de cyclade, unde facta est dalmatica & duæ paraturæ Albarum; & duas Albas paratas, quas habuit in Capellâ suâ; & dalmaticam & tunicam, quæ secundæ principales sunt, & calicem aureum, & textum Evangeliorum aureum, & cristallum cum balsamo, & mitram.

Anno MCLIV. Adrianus Papa Roffensem Ecclesiam insignivit privilegiis in hunc modum. 'Adrianus Episcopus, servus servorum Dei, dilectis filiis Reginaldo Priori Ecclesie B. Andrea Roffensis ejusque Fratribus, &c. Religiosis desideriis dignum est facilem præbere assensum. Sequitur Bulla prolixa admodum; in quâ omnes Ecclesie Roffensis terra & proventus sigillatim annumerantur & confirmantur.

Anno MCLXXVII. Roffensis Ecclesia cum omnibus officinis & totâ urbe ignis & extra muros secundò combusta est iii. Idus Aprilis, anno XCVII. ex quo Monachi in eadem Ecclesiâ instituti sunt.

Anno MCLXXVIII. Alexander Papa confirmavit omnia privilegia antecessorum suorum, quæ concessa fuerant Ecclesie Roffensi. 'Alexander Episcopus, servus servorum Dei, dilectis filiis Silvestro Priori S. Andrea Roffensis ejusque Fratribus, &c. Religiosam vitam professis Apostolicum docet adesse præsidium, &c. ut supra in Bullâ Alexandri III.

Anno MCLXXXII. Walterus Episcopus Roffensis viam universæ carnis ingressus est; cui successit Gualerannus (e): qui dedit Ecclesie suæ Psalteri-

GUALERANNUS.

is Episcopi Roffensis defuncti à Monachis Roffensibus ad altare Christi Cant. deferri; & quod vacante Sede Cant. vel absente Archiepiscopo debeat Episcopus Roffensis in Cant. Ecclesiâ episcopalia ministrare, sicut proprius & privatus Cant. Ecclesia Capellanus, si tamen à Conventu Cant. fuerit vocatus. Hac igitur factâ fidelitate, consecratus est ab ipso fratre suo Theobaldo Cant. Archiepiscopo. Verba sunt Gervasii in Chronico p. 1362. Facta sunt ista sub initium anni 1148. quamvis in impressis Gervasii annus 1147. margini apponatur. Fidem aluit antographa protessio Walteri Theobaldo oblata (inter Archiva Ecclesie Cant.) in cuius tergo ista comparent. *Consecratus est in Ecclesiâ Cant. anno 1148. 2. Id. Martii. Hominium Archiepiscopo antea fecerat de terris Episcopatus sui 6. Cal. Febr.* Parile juramentum Ernulfum Episcopum in confirmatione suâ præstitisse auctor est Eadmerus *Hist. Nov. p. 111.* Walterus obiit 1182. 26. Julii. Incendium Roffensis Ecclesie illo præidente 1177. 10. April. contigisse Gervasius docet p. 1456.

(e) Gualerannus, sive Walerannus, Archidiaconus Baiocensis, Ricardi Cant. Archiepiscopi Clericus domesticus, electus est in Capitulo Roffensi 1182. 9. Nov. præsentem Archiepiscopo, *Archiepiscopus autem Evangelii textum in manibus habens, in Spiritualibus curam Episcopatus commisit electo; per anulum etiam eundem instituit Regalium possessorem. Præsentem erat ibi regni Justiciarius, in institutione Roffensis Episcopi Regi nil vendicans. Nam si consuetudo memoriam hominum sursum versum*

*excedens exquiratur; profectò reperies, quod Roffensis Episcopus, non ut alii per regnum Episcopi vel Abbates, in regis prestationibus Regi seu Vicecomiti tenetur obnoxius; quinimo duntaxat Archiepiscopo soli vel Officialibus suis in quibuslibet functionibus publicis pro tempore satisfaciet. Ricardus Archiepiscopus transfretavit apud Doveram Idus Novembris; & in Sabbato sequenti decimi mensis Roffensem Electum ordinavit Presbyterum, & sequenti die Dominicâ eundem in Episcopum apud Lexoviam consecravit.* Ista habet Radulphus de Diceto *Imag. Hist. p. 615.* Aegrè admodum tulerunt Monachi Cant. Episcopum Roffensem extra Ecclesiam suam semet inconsultis electum & consecratum fuisse; & utrique tam Archiepiscopo quàm Episcopo litem moverunt. Res tandem eâ lege convenit, ut Gualerannus Cantuariam adveniens, fidelitatem Ecclesie metropolitice, multis & inter hos Archiepiscopo præsentibus, juraret; ejusdem etiam prærogativas in electione & institutione Episcopi Roffensis olim observatas conservare sponderet, depositamque in altari summo mitram & baculum pastorem ab Archiepiscopi manibus iterum acciperet. Factum id 1183. 19. Aug. Gervasius refert in *Chronico p. 1464.* Obiit Gualerannus 1184. 29. Aug. in animo tunc habens Monachos Ecclesiâ Roffensi ejicere, & Canonicos Sæculares inducere. Cujus exequendi gratiâ iter ad Curiam Romanam meditabatur, in ipso itineris apparatu apud Roffam extinctus.



um glossatum, & Epistolas Pauli, & Sermones M. Petri, & mitram, & casulam rubeam, & dalmaticam aurifriso optimè ornatam, & stolam, & phanum, &c.

GILBERTUS DE GLANVIL. Anno MCLXXXIV. obiit Gualerannus Roffensis Episcopus; cui successit Gilbertus (f) Archidiaconus Lexoviensis, qui multa mala Monachis Ecclesiæ suæ intulit, & multis possessionibus privavit: de quo inferius dicemus.

Anno MCCI. Sanctus Willelmus du Pert martirizatur extra civitatem Roffensem; & in Ecclesiâ Cathedrali Roffensi sepelitur, miraculis coruscando.

Anno MCCXIV. durante adhuc Interdicto obiit Gilbertus Roffensis Episcopus; qui xxx. annis Episcopatum tenuit. Hic cum consilio suo faventibus quibusdam Ecclesiæ suæ Monachis venisset ad Dormitorium; effractâ magnâ cistâ, tulit magnum Sigillum, necnon & cartas Regum & privilegia Pontificum; non obstante sententiâ prius latâ à Summis Pontificibus, Archiepiscopis, & Episcopis prædecessoribus suis. Constructo namque & ab eo fundato novo opere de Strodes, fundum prædicti operis ab Ecclesiâ suâ prædictâ vi abstulisse refertur. Abstulit etiam omnes Ecclesias, quas Reges, Archiepiscopi & Episcopi dederunt; necnon præsentationes, dispositiones Vicariorum, sicut superius dictum est, numero xv. suo patronatui fraudulenter appropriavit. Prædecessor verò suus bonæ memoriæ Gundulphus ordinavit numerum Monachorum sexagenarium; qui quidem numerus usque ad adventum istius Gilberti Ecclesiæ Roffensi laudabiliter ministravit. Sed in adventu ejus eorundem Monachorum prædia quædam, redditus & præbendas usque ad quingentas libras in perpetuum delevit. Iste octavus fuit à Gundulpho; magnas omni tempore suo machinationes Ecclesiæ suæ paravit: Officiales dedit, Servantias constituit; exenium per quandam compositionem Fratrum factam sibi adjudicavit. Pensiones Ecclesiæ prædictæ ordinavit de quibusdam ab eâ raptis, de aliquibus modicum, de quibusdam verò nihil. Nec mirum, si injustus Pontifex injustè judicavit. Ut breviter autem de eo concludamus; omnia quæcunque bona vel honesta Gundulphus dum viveret studuit ordinare, iste destruere diligenter insistebat. Hoc tempore magna fuerat perturbatio in Ecclesiâ Roffensi; cujus occasione Prior & Conventus multa bona, unâ cum argento quo Lanfrancus feretrum S. Paulini decoraverat, in placito inter eos & Episcopum vendiderunt. Iste Borealis de Northumbriâ oriundus, satis manifestavit vera esse quæ de partibus illis dicuntur, quòd ab Aquilone prodit omne malum. Decreta B. Gregorii in hac parte parvipendens, qui dicit, 'ut Episcopi nullam molestiam Abbatibus, vel Monasteriis Monachorum inferre præsumant. Sub perpetuâ securitate & quiete Domino adjuvante absque ullius gravamine permaneant. Indicimus igitur in nomine Domini nostri Jesu Christi, & ex auctoritate Apostolorum Principis prohibemus, cujus vice huic Ecclesiæ Romanæ auctore Domino præsidemus; ut nullus Episcoporum ultra præsumat de redditibus vel rebus vel cartis Monasteriorum vel de cellis quæ ad ea pertinent, quocunque modo qualibet exquisitione minuere, nec dolos vel minutiones aliquas facere. Iste verò Legista dictum vulgare evidenter implevit; quia cum leges Legistæ sustinere tenentur, leges totaliter destruunt & confundunt. Hic cum Cancellarius esset Regalis, matris Ecclesiæ bona cancellare non desiit spiritualis. Defunctus

(f) Electus est apud Ottesford 1185. 16. Julii, Presbyter ordinatus apud Lametham die 21. Septembr. consecratus Cantuariæ à Baldwino Archiepiscopo die 29. Sept. Post quatuor annos Baldwino Archiepiscopo versùs Terram Sanctam iter ineunte, Roffensis Episcopus, ab antiquo Vicarius Archiepiscopi, tam in territorio Cantia, quàm in Ecclesiis maneriarum Archiepiscopi curam pastoralem suscepit. Diceto Imag. Hist. p. 615. Anno 1195. Justiciarius Regis à mense Octobri ad Maium sequentem constitutus est. Obiit 1214. 24. Junii, juxta Matthæum Paris, Florilegum & Obituarium Cant.

est autem prædictus Gilbertus, primus Ecclesiæ Roffensis perturbator; & sepultus à parte Boreali prædictæ Basilicæ, inter fundatores confundator; cujus sepulchro titulum satis ei competentem patres prædecessores imposuerunt; qui sic incipit,

Laude Dei clausâ, fuit hic hac clausus in aulâ.  
Luce Jovis lux septima mœsta silentia fregit.

Congruè laude Dei clausâ moritur, cujus vita laudem canentium ora conclusit plurimorum. Et ut apertè dicamus, in tantum in eum, ut creditur, ultio divina excrevit; ut sanctæ Ecclesiæ, quæ pro Hæreticis & perfidis Judæis exorat, in transitu istius nequaquam divina celebrare permitteretur. Quia ipso vivente per septennium duravit totius Angliæ Interdictum. Quo defuncto & tumulto, statim solutum est Interdictum.

Anno MCCXV. post Festum S. Michaelis Rex Johannes Castrum Roffense obsedit, in quo erant quidam Barones strenuissimi, videlicet Willelmus de Albineto cum multis aliis. Quibus quum Robertus filius Walteri, qui Londini cum universo exercitu deses & otiosus jacebat, tenebatur succurrere, noluit. Unde Castrum memoratum miserabiliter captum est; & deprædata est Roffensis Ecclesia, adeo ut nec pixis cum corpore Christi super altare remaneret. Et Nobiles capti, & apud Corf in carcerem detrusi, ad voluntatem Regis vix viventes sunt redempti.

Eodem anno (g) Benedictus Præcentor S. Pauli London. consecratus est in Roffensem Episcopum viii. Calend. Martii. BENEDICTUS

Anno MCCXXV. Henricus III. Rex dedit Monachis Roffensis Ecclesiæ Ecclesiam de Hertelepe; cujus donationem Stephano Cant. Archiepiscopo & ejusdem loci Conventu approbantibus & cartis suis confirmantibus; Ricardus dictus Prior de Derente electus est in Priorem Roffensem. Item magnum fossatum circa civitatem Roffensem incœptum est.

Anno MCCXXVI. Benedictus Episcopus Roffensis obiit.

Anno MCCXXVII. Introitus in novum Chorum Roffensem. Eodem anno electus est & consecratus M. (h) Henricus de Sanford in Episcopum Roffensem in hunc modum. Mortuo bonæ memoriæ Benedicto Roffensi Episcopo, & in die S. Thomæ Apostoli honorificè sepulto, transmisimus quosdam de Fratribus nostris ad Dominum Cantuariensem Stephanum Archiepiscopum, petentes eligendi licentiam. Nobis igitur præcavere volentibus, ne Ecclesia diutiùs esset sine Pastore quasi vidua, Capitulum subivimus ad electionem; & maturiori factò consilio in die S. Protomartyris Stephani, invocata Spiritus S. gratiâ, perfecimus electionem, unanimi voto consentientes concorditer in personam M. Henrici de Sanford Archidiaconi Cantuariensis. Et publicatâ electione & factâ appellatione, incontinenti transmisimus ad Archiepiscopum quosdam de Fratribus nostris, sc. R. Priorem de Derente, W. Sacristam & J. Camerarium, referentes eidem electionem jam factam. Quo audito Dominus Archiepiscopus egit gratias Domino pro personâ Electi & pro Capituli nostri concordia. Progressu verò temporis præpedita est electionis confirma-

HENRICUS  
DE SANFORD.

(g) Electus est in Capitulo Roffensi, præsentè Stephano Archiepiscopo, 1214. 13. Dec. consecratus Oxoniæ in Ecclesiâ B. Mariæ de Oseneiâ 1215. 22. Febr. Obiit 1227. mense Decembri, ex fide Annalium Benedicti Roff. *Vespasian A.2.* Rectiùs Annales nostri obitum ejus in annum 1226. retulerunt.

(h) Electus 1226. 26. Decembr. consecratus est 1227. 7. Id. Maii, juxta Chronicon

Dovoriæ & Annales Waverleienfes, 7. Cal. Maii juxta Annales Wigornienfes. Utraque dies illo anno in Dominicam incidit. Anno 1229. Dominicâ S. Trinitatis, Ricardum Cant. Archiepiscopum consecravit, eo munere ipsi præ aliis adjudicato, quòd Episcopus Roffensis perpetuus esset Archiepiscopi Cant. Sacellanus. Obitum anno 1235. 24. Febr. contigisse inter omnes convenit.



tio per Monachos Cantuarienses; eò quòd vendicabant baculum pastorem Roffensis Ecclesiæ mortuo Pastore debere deferri ad Ecclesiam Cant. ante confirmationem Roffensis Electi. Nobis tandem & ipsis constitutis in præsentiâ Domini Cantuariensis apud Maidestone, nobis petentibus electionem nostram confirmari, & illis contradicentibus, compromissum est in arbitros, & confirmatus est Electus noster præmissâ legitimâ examinatione super electione. Et ductus est Electus in Capellam, Priore Roffensi incipiente *Te Deum laudamus*. Decisa est igitur lis mota inter Monachos Cant. & Roffenses per arbitros electos apud Londoniam in Vigiliâ S. Johannis ante portam Latinam: ut absoluti sint Monachi Roffenses ab impetitione Cantuariensium. Tandem convocatis Episcopis consecratus est Magister Henricus Electus Roffensis apud Cantuariam in capellâ Archiepiscopi, præsentibus cum Domino Archiepiscopo Episcopis Wintoniæ & Exoniæ, viz. in die Translationis S. Andrea; qui tandem in die Octavarum ejusdem Apostoli in Ecclesiâ propriâ honorifice est receptus & intronizatus.

Anno MCCXXXII. Henricus Roffensis Episcopus, quùm in Sabbato quo canitur *Sitientes venite ad aquas*, apud Sydingeburniam præsente Electo Cantuariensi parato transalpinare Ordines celebrasset; astante Clero & pòpulo sermonem faciens, fiducialiter protestatus est dicens: Gaudete omnes in Domino fratres, scientes indubitanter, quòd uno & eodem die nuper exierunt de Purgatorio Rex quondam Anglorum Ricardus & Stephanus Cant. Archiepiscopus cum uno Capellano ejusdem Archiepiscopi, ad conspectum divinæ majestatis migraturi; & in illâ die nonnisi illi tres de locis pœnalibus exierunt. Et his dictis meis fidem adhibeatis plenissimam & certam; quia mihi & cuidam alii tertiâ jam vice hoc per visionem revelatum est ita manifestè, quòd ab animo meo omnis dubitationis ambiguitas removetur.

RICARDUS  
DE WEN-  
DOVER.

Anno MCCXXXV. obiit Henricus de Sanford Roffensis Antistes vi. Cal. Martii; & electus est (i) M. Ricardus de Wendover vii. Calend. Aprilis in crastino Annuntiationis Dominicæ. In eodem tempore mota est lis inter Archiepiscopum & Conventum Roffensem super electione Roffensis Episcopi: qui appellaverunt pro libertate Ecclesiæ suæ & jure Ecclesiæ suæ ad sedem Papalem; & missis duobus Fratribus & quibusdam aliis Clericis, obtinuerunt literam à Domino Papâ Gregorio ad Judices, viz. ad Dominum Abbatem de Waldene & Dominum Priorem de Mertone & Archidiaconum Nortamptoniæ. Quibus demandatum fuit à Domino Papâ, ut infra iv. menses post susceptionem literarum causam terminarent, aut eam diligenter instructam ad Sedem remitterent Apostolicam. Et vacabat Roffensis Ecclesia per totum annum.

Anno MCCXXXVI. Miserunt Monachi Roffenses nuncios suos secundo ad Curiam Domini Papæ cum relatione causæ electionis suæ, viz. Fratrem A. de Granvillâ & Symonem de Clyve ii. Idus Martii. Quæ relatio reprobata est à Domino Papâ, eò quòd non facta est in causâ litis contestatio. Et rescripsit Dominus Papa iterum aliis Judicibus, ut causam plenius instructam ad Sedem remitterent Apostolicam. Redierunt autem dicti Nuncii in Octavis Nativitatis B. Mariæ in Angliam cum mandato Domini ad Judices per Curiam Romanam super eandem causam.

Anno MCCXXXVII. Nuncii Roffensis Ecclesiæ tertio petierunt Curiam Romanam cum relatione causæ suæ xiii. Calend. Martii; & steterunt in Curia per totum annum, impediti per guerram inter Dominum Papam & Imperatorem Alemannorum, & per dissensionem Cardinalium, & rursus

(i) Electus anno 1235. 26. Martii, confirmatus est à Papâ 1238. 13. Martii, consecratus ab Edmundo Archiepiscopo apud Cantuariam 1238. 21. Nov. in Ecclesiâ S. Gregorii.

Ecclesiæ enim metropolitanae Archiepiscopus sacra interdixerat. Malè Chronicon Dovenfense illum die 5. Aprilis consecratum narrat. Obit 1250. 12. Octobris.

per expectationem adventûs Domini Eadmundi Cant. Archiepiscopi ad Curiam Romanam pro dictâ causâ Ecclesiæ Roffensis.

Anno MCCXXXVIII. data est sententia pro Monachis Roffensibus à Domino Papâ super controversiâ motâ inter Archiepiscopum & eosdem Monachos de Episcopo sibi eligendo. Vocatusque est pluries Dominus Archiepiscopus ad audientiam Domini Papæ eodem die, ut interesset sententiæ; qui existens in curiâ, noluit comparere nisi per Procuratores, viz. M. Symonem de Langeton Archidiaconum Cant. & Magistrum T. de Frakeham. Et confirmatus est eodem die à Domino Papâ Electus Roffensis M. Ricardus de Wendover die S. Cuthberti. Et ob hanc causam factum est Festum S. Cuthberti duplex in Ecclesiâ Roffensi, quod prius fuerat in Albis. Et redierunt dicti nuncii Roffenses cum summâ victoriâ à Sede Apostolicâ XVII. Calend. Augusti. Consecratus est igitur M. Ricardus Electus Roffensis apud Cantuariam in crastino S. Edmundi Regis in Ecclesiâ S. Gregorii; quod Archiepiscopus suspenderat Ecclesiam Cant. à divinatorum celebratione; assistentibus Archiepiscopo Rogero Nigro Londoniensi, Roberto Grosseteste Lincolnensi, & Hugone Eliensi, & Radulpho de Nevile Cicestrensi Episcopis & Archidiacono Cant. cum Nobilium Clericorumque multitudine, præmissâ debita postulatione à Ricardo Priore Roffensi. Installatus est idem Episcopus in die B. Andreae Apostoli apud Roffam per M. Symonem Archidiaconum Cantuariensem.

Anno MCCXXXIX. in crastino S. Johannis Baptistæ electus est Willelmus de Hoo Sacrista in Priorem à Monachis Roffensibus in præsentia Domini Ricardi Episcopi. Eodem etiam anno mota est quæstio inter Priorem & Conventum Roffensem & fratres Hospitalis de Strode per literas Domini Papæ super Ecclesiis de Eylesforde & de S. Margaretâ & de S. Michaele; qui ex utràque parte consenserunt in arbitros, sc. Abbatem de Lesnes & Magistrum W. de Ligesfelde & M. Walterum de London Officiale Domini Episcopi Roffensis, consentiente etiam Ricardo Episcopo Roffensi. Qui auditis diligenter hinc inde propositis & allegationibus, & testibus utriusque partis productis & diligenter examinatis, protulerunt arbitrium pro Monachis Roffensibus; & destructa est compositio facta olim per violentiam inter Dominum Gilbertum Episcopum Roffensem & Priorem & Conventum ejusdem loci; & adjudicata est Monachis præfatis Ecclesia S. Margaretæ in perpetuum, cum octodecim marcis de Ecclesiâ de Eylesforde, absque duabus marcis quas prius Camerarius Roffensis recipiebat. Quod actum est in Vigiliâ S. Margaretæ.

Anno MCCXL. data est sententia à Domino Cancellario S. Pauli London. per consensum Domini Legati pro Domino Gregorio de Romano præsentato à Priore & Conventu Roffæ ad Ecclesiam de Boxle xv. Calend. Martii; & sic præsentatus obtinuit Ecclesiam illam. Dedicatum est altare in Capellâ Infirmarie Roffensis in honore B. Virginis Mariæ ii. Calend. Martii à Domino Johanne Episcopo Suffraganeo Domini Eadmundi Cant. Archiepiscopi; qui confusus de Dei misericordiâ, omnibus ibidem causâ orandi venientibus omnibus Festivitatibus gloriosæ Virginis, necnon in Anniversario dedicationis dicti Altaris, confessis & verè pœnitentibus, de sibi injunctâ pœnitentiâ xv. dies in perpetuum duraturos relaxavit. Eodem anno dedicata est Ecclesia Roffensis à Domino Ricardo Episcopo ejusdem loci & Episcopo de Bangor Nonis Novembris. Eodem tempore miserunt Prior & Conventus Roffensis procuratorem suum ad Curiam Romanam contra Archiepiscopum Cantuariensem pro Ecclesiâ de Northflete & aliis negotiis, sc. Robertum Monachum; qui mortuus est in Curia.

Anno MCCL. concessa est quædam Bulla Monachis Roffensis Ecclesiæ de Ser-



Serviantiis ab Episcopo non donandis ab Innocentio iv. Papâ in hunc modum.  
 'Innocentius Episcopus &c. Dignum arbitramur & congruum, ut Ecclesia  
 'suffraganea Metropolitanæ, cujus debet imitari vestigia, moribus & consue-  
 'tudinibus se conformet. Cùm igitur inter te frater Episcopo ex unâ parte  
 ' & vos filii Prior & Conventus ex alterâ super sergentariis Laicorum & Obe-  
 'dientiariis Roffensis Ecclesiæ ac aliis diversis articulis fuisset coram nobis ali-  
 'quam diu litigatum; nos volentes, &c. Dat Lugduni vii. Id. Julii, Pon-  
 'tificatûs nostri anno viii.

LAURENTI-  
 US DE S.  
 MARTINO.

Anno eodem obiit Ricardus de Wendover Roffensis Episcopus iv. Idus  
 Octobris apud Frankenham, & sepultus est apud Westmonasterium. In cujus  
 loco electus est M. (l) Laurentius de S. Martino xiv. Cal. Novembr. & con-  
 firmatus est apud Lugdunum à Bonifacio Cant. Archiepiscopo in octavis Pu-  
 rificationis B. Mariæ. Arripuerunt etiam iter versûs Curiam Romanam A-  
 lexander de Glanvillâ Roffensis Prior & Fr. Osbernus de Stoke & Fr. Adam de  
 Effex pro causâ electionis in die S. Bricii; & steterunt in Curia Romanâ per  
 xxi. hebdomadas; ita quòd venerunt ad Ecclesiam suam cum gloriosâ victo-  
 riâ in Vigiliâ Palmarum, sc. vi. Idus Aprilis.

Anno MCCLI. consecratus est M. Laurentius de S. Martino in Episcopum  
 Roffensem apud Lugdunum à Domino Bonifacio Archiepiscopo Cant.  
 die Palmarum, sc. v. Idus Aprilis. Eodem anno obiit Alexander Prior Ros-  
 fensis iii. Nonas Martii; obiit autem modo qui sequitur. Cùm prædictus  
 Roffensis Episcopus, quem idem Alexander unicè diligebat, quippe qui eum  
 creaverat, Conventum Roffensem coadunâsset, & in eodem Capitulo cum  
 Priore prænominato præsideret; cœpit ab eis institutiones Officialium vendi-  
 care. Cœpit etiam districtissimis inquisitionibus à singulis perscrutari de ip-  
 sorum Maneriis, & quibus munimentis & auctoritatibus essent super eisdem  
 Maneriis roborati. Ex quibus Maneriis duo sibi vendicans, maximum sc.  
 & minimum, dicebat ea de jure non Conventui sed Episcopo debere compete-  
 re. Cùmque super hac quæstione Priorem juberet sine dilatione respondere;  
 Prior ad tam gravis exactionis tonitruum stupefactus, sub stomachans etiam  
 quòd ab illo tam celeriter impeteretur quem sic promoverat, tantis doloris &  
 iracundiæ fluctibus est absorptus; quòd nec unum verbum proferre voluit.  
 Sed mox obmutescens, & pallore nimio suffusus, ante vesperam viam univer-  
 sâ carnis ingrediens, successorem habuit virum pacificum & modestum nomi-  
 ne Symonem de Clyve, qui tunc Sacristæ fungebatur officio.

Anno MCCLVI. Laurentius de S. Martino Roffensis Episcopus transfre-  
 tavit ad Curiam Romanam; ubi impetravit canonizationem B. Willelmi  
 Martyris, qui in Ecclesiâ Roffensi requiescit. Præterea impetravit appropri-  
 ationem trium Ecclesiarum ad Episcopatum suum, sc. Ecclesiam de Yselham,  
 quæ ad patronatum dicti Episcopi spectabat; & alias duas Ecclesias, sc. de  
 Fren-des-bery & de Derteford, quæ fuerunt de Patronatu Monachorum Roffen-  
 sium, quas quidem habuerunt olim in proprios usus, viz. Ecclesiam de Fren-  
 des-bery quæ spectabat ad Eleemosynariam, & Ecclesiam de Derteford ad Ca-  
 meram. Et hac de causâ noluit summus Pontifex dictas Ecclesias sibi appro-  
 priare, antequam dicti Monachi jus suum resignarent; & ita dictæ Ecclesiæ  
 remanent annuatim pensionariæ per constitutionem dicti Pontificis, viz. Ec-

(l) Laurentius de S. Martino, Regis Cleri-  
 cus, electus est à Monachis sub exitum anni  
 1250. consecratus à Bonifacio Cant. Archie-  
 piscopo apud Lugdunum 1251. 9. April. O-  
 biit 1274. 2. Junii. Dedit nobis Ecclesiam

de Sutton, & appropriavit Ecclesiam S. Wer-  
 bergæ. Sic quidem Annales breviores Roff.  
 sæpius citati. Diem 3. Junii Annales nostri  
 ponunt. Mense Junio illum obiisse confir-  
 mant Chronica Londinense & Dovorense.

clesia de Derteford x. marcarum & Ecclesia de Frenesbery x . . . . marcarum. Ita quod dictus Episcopus appropriavit dictis Monachis duas Ecclesias, sc. Ecclesiam S. Wereburgæ de Ho cum pertinentiis & Ecclesiam de Suttone cum adjacentiis, per resignationem M. Willelmi de Lichefeld. Quam dictam Ecclesiam de Suttone bonæ memoriæ Gundulfus Episcopus Monachis prius dedit in proprios usus. Quam quidem Ecclesiam Gilbertus de Glanevillâ à prædictis Monachis vi abstulit, & alia multa bona; sicut prænotatum est. Iste fuit primus qui dedit Serganciis terras; quod nullus ante ipsum fecit; & permisit ipsas vendere. Iste verò Laurentius per multum tempus Senator Romanorum fuisse dicitur.

Anno MCCLXII. frater Johannes de Rensham eligitur in Priorem Roffensem, Magistro N. Officiali & fratre R. de Lewis singulorum vota scrutantibus, Symone de Cleve debilitato Prioratum resignante.

Anno MCCLXIV. Johannes Comes Warrenæ venit cum Domino R. de Leyburne & quibusdam aliis Rosam, ut civitatem & castrum munirent & custodirent. Comes verò Leicestriæ & Barones, qui erant Londoniæ & apud Tonebrigge, hoc audientes, venerunt cum multitudine gravi; & villam obsederunt, & viriliter pugnaverunt. Sed parte adversâ strenuè resistente, illâ die nil perfecerunt, excepto quod horrea S. Andreae & quasdam alias officinas combusserunt extra murum existentes, suburbio circumquaque & aulâ regiâ Castri à Domino R. de Leyburne primitus combustis. In crastino autem diē, quo Dominus pro peccatoribus extitit crucifixus, Symon Comes pontem & propugnacula superædificata mirabili artis ingenio fecit concremare. Sicque post multas plagas stragesque suorum civitatem est ingressus, . . . de Clara ex parte aliâ cum multitudine armatorum illam hostiliter impugnante & prævalente; quasi uno momento & unâ horâ, sicuti inter se condixerunt, circa horam vespertinam ingressi. Tota civitas & quicquid in eâ, ut moris est, præda fiebat diripientium. Ecclesiam insuper B. Andreae satellites Diaboli gladiis evaginati introgressi, filios ipsius & quosque repertos in eâ cum timore & horrore crucifixerunt cum Domino qui patitur in suis electis; auro & argento aliisque pretiosis inde videnter ablati. Multæ etiam Regum chartæ & munimenta alia, Ecclesiæ Roffensi necessaria, in Capellâ Prioris extiterunt deperdita & dilacerata. Quidam etiam Monachi ipsius Ecclesiæ nocte illâ custodiebantur incarcerati. Equites verò in equis armati circa altaria discursantes, quosdam ad illa confugientes nefandis manibus extraxerunt. O luctuosa funestaque dies, in qua nobilis Ecclesia Roffensis cum omnibus contentis in eâ vilium hominum facta fuit prædatio, qui ipsi non plus honoris seu reverentiæ quàm vilissimo prostibulo seu tugurio deferebant! *Portæ siquidem ejus circumquaque exustæ sunt, chorus ejus in luctum, & organa ejus in vocem flentium sunt concitata.* Quid plura? loca sacra, utpote Oratoria, Claustra, Capitulum, Infirmaria, & oracula quæque divina; stabula equorum sunt effecta; & animalium immunditiis spurcitiisque cadaverum ubique sunt repleta.

Anno MCCLXXIV. obiit Laurentius Roffensis Episcopus in crastino SS. Marcelliani & Petri; & sepultus est honorificè in Basilicâ sedis suæ juxta magnum altare à parte boreali. Eodem anno successit (m) Walterus de

(m) Walterus de Merton custodiam Sigilli magni, ægotante Henrico Wengham Cancellario, obtinuit 1258. 7. Maii. Cancellarius à Rege inconsultis Baronibus renunciatus est anno 1261. dato sibi annuo 400. marcarum stipendio. Idem iterum ætate provecâ Cancellarius Angliæ factus est anno primo Edwardi I. Regis. Episcopus Roffensis electus est

1274. die 20. Julii circiter, confirmatus & consecratus eodem die apud Gillingham, sc. 1274. 21. Octobr. *Annal. London. Wigorn. Winton. & Registr. Cant.* Obiit 1277. 29. Octobr. juxta Petrum Ickham & Epitaphium apud Weaver p. 313. anno 1278. 27. Octob. juxta Annales Benedicti Roff. Rectius illi.



WALTERUS Mertonâ Cancellarius novi Regis Edwardi; & consecratus est apud Gillingham à venerabili patre Domino Roberto de Kilwardeby Cantuariensi Archiepiscopo. Qui quidem Walterus ante tempus electionis suæ Domum Scolarium in Universitate Oxoniensi honorificè construxit, & eam amplissimè dotavit, ad sustentationem Scholarium studentium in arte Dialecticâ & Theologicâ in perpetuum. Idem verò post ejus consecrationem duo Maneria sc. Colehamberi & Middelstone de novo Episcopatu acquisivit. Et licet fuerit magnæ auctoritatis & potentiae; tamen Priori & Conventui nil boni fecit, vel etiam bonum notabile procuravit.

JOHANNES  
DE BRADE-  
FELD.

Anno MCCLXXVIII. obiit Walterus de Mertone Episcopus Roffensis; & sepultus est honorificè in Ecclesiâ eadem in parte Boreali juxta sepulchrum S. Willelmi. Successit (n) Johannes Monachus & Præcentor Ecclesiæ prædictæ; qui consecratus erat apud Lamehithe à Roberto de Kilwardeby die Dominicâ proximâ post Ascensionem Domini unâ cum Electo Norwicensi. Iste Johannes de gremio Monasterii alitus & ad Scholas missus, & in Monachorum oculis tantam gratiam & favorem invenit; quod gravibus missis & expensis in patrem & pastorem Ecclesiæ suæ ipsum eligentes gratanter promoverunt; quem reputabant tam humilem & quietum habiturum in Episcopatu, sicut & in Claustro. Quia inter cæteros virtutum flores, in fronte Pastoris floret humilitas. Promotus autem in Episcopum, de Claustralibus nihil curabat, de Priore parum cogitabat, Servantias contulit, Officiales instituit, exenium S. Andreae percepit. Nam sperabant Monachi, priusquam eligeretur, immo putabant ipsum habuisse imitatorem Gundulphi; sed mutatus in virum alium, insectator Gilberti efficiebatur. Ecce quæ merita reddit filius matri suæ, cujus ubera fuxit, & cujus adipe satiatus est? Quum ad Pastorum officium aliquis anhelat; humilem & placabilem se omnibus reddit; nulli est odiosus, nulli injuriosus; libertates Ecclesiæ tuetur, ac pro eadem agonizatur totâ virtute. Sed cum baculum Pastoris apprehenderit; subito delabitur de superlativo in comparativum; de comparativo in positivum.

\* Psal. XIV. 1. Ita quod secundum Psalmistam, \* *Non est qui faciat bonum, non est usque ad unum.* Et de affimili Versificator egregius

Optimus esse soles; te fecit honor meliorem.

Æstimo quod fies de meliore bonus.

Anno MCCLXXXI. à Festo Nativitatis Domini ferè usque ad Purificationem gelu frigoris atque nivis abundantia tantâ fuit, quantam senes illius temporis antea in Angliâ non senserunt. Quinque namque arcus pontis Londinensis, & pons Roffæ totus corrui & asportatus est; & à Roffâ usque ad Stordam siccis vestigiis transierunt.

THOMAS DE  
INGLE-  
THORP.

Anno MCCLXXXIII. obiit Johannes Episcopus Roffensis in die S. Gregorii Martyris; & sepultus est in Ecclesiâ eadem à parte Australi juxta ostium excubitorum. Successit M. (o) Thomas de Ynglethorp, Decanus S. Pauli

(n) Johannes de Bradefeld, id enim illi cognomen fuit, consecratus est 1278. 29. Maii; obiit 1283. 23. April. ex fide Annalium Wigorn. & breviorum Roff. Apud nostros igitur Annales pro die S. Gregorii infra legendum est die S. Georgii Martyris.

(o) Mortuo Johanne Episcopo, electus est à Monachis Johannes de Kyrkeby, Archidiaconus Coventrensis; qui electioni de se factæ consentire noluit, & juri suo coram Archiepiscopo renunciavit apud Michelham 1283. 16. Junii; prout Instrumentum autographum inter Archiva Ecclesiæ Cant. asservatum docet.

Repetitâ electione subrogatus est Thomas de Inglethorp; qui confirmationem à Johanne Archiepiscopo Cant. obtinuit 1283. 9. Julii, consecrationem ab eodem in Ecclesiâ Christi Cant. suscepit die 26. Septembr. sequentis. Tunc enim Episcopos ad consecrationem ejus in Ecclesiâ Cant. Archiepiscopus adesse jubet (in Registro *Peckham*) atque ipso revera die consecratum esse Chronicon Dovorense testatur. Nostri tamen Annales Dominicâ sequenti consecratum volunt. Obiit anno 1291. 11. Maii, juxta Thomam Wikes, die 12. Maii juxta Annales Benedicti Roff.

London.

London. & consecratus est apud Cantuariam v. Nonas Octobris à venerabili Archiepiscopo Cant. Fr. Johanne de Peccham de ordine Minorum.

Eodem anno dimisit Johannes de Renham Prioratum Roffensem ante Festum Nativitatis Domini. Successit Fr. Thomas de Woldeham in Vigiliâ Natalis Domini. Istius autem Episcopi temporibus orta est dissensio inter ipsum Episcopum & Priorem; eò quòd Monachis Officiales in domo suâ constituit, Sergantias plùs ad nocumentum quàm ad commodum Ecclesiæ contulit. Exenium etiam S. Andreae percepit minùs justè; asserens hæc omnia sui juris esse. Et Prior è contra recalcitravit quântum potuit. Requisitus igitur super hoc Archiepiscopus dixit Priori: Descendam & videbo. Declinante autem Archiepiscopo apud Roffam, absente Priore, idem Episcopus sibi occurrit. Intransibique illis Capitulum Monachorum, Archiepiscopus ad collegium fecit collationem, finitoque sermone Monachis inquit: Non huc intravimus ut Metropolitanus in præjudicium Episcopi seu Ecclesiæ, sed ut Patronus istius Ecclesiæ. Et assumpto in testimonium quodam Justiciario tunc præsentem, nomine Solomon de Roffâ, quòd Rex de hujusmodi non intrmitteret defectu Patroni; hæc palam omnibus referebat. Post hæc amoto Episcopo & omnibus aliis, exceptis prænominatis & juratis Archiepiscopo, Claustralibus etiam ab Officialibus segregatis, super præmissis eos diligenter examinavit. Et examinatione completâ, inclinavit Archiepiscopus citius verædictioni Claustralium quàm Officialium. Tunc vocato Episcopo ad se dixit. Ex insinuatione fidelium accepimus, quòd Ecclesiæ Roffensi injuriamini, contra voluntatem Prioris & Seniorum Capitulum hujusmodi faciendo, Officialibus duntaxat parti Episcopi cohærentibus. Tunc Archiepiscopus ad Episcopum: Domine tu malefacis. Et Episcopus ad Archiepiscopum: Prædecessores mei ita fecerunt. Et Archiepiscopus. Per S. Franciscum si Angelus hoc fecisset, malè fecisset; si prædecessores vestri hujusmodi incumbabant possessioni, titulum tamen & causam prætermittere non debetis. Quia satis succedit in vitium, qui alterius injuriam continuat & errorem. Et sic Episcopus se retraxit, & saniori consilio adhærere cœpit.

Anno MCCXCI. obiit bonæ memoriæ M. Thomas de Ynglesthorp Episcopus Roffensis. Hujus corpus xvi. Calend. Junii, viz. die Jovis proximâ ante Festum S. Dunstani Archiepiscopi traditum fuit sepulturæ cum solennitate debitâ in eâdem Ecclesiâ juxta magnum Altare ex parte australi. Hic vir laudabilis, mitis & affabilis, jocundus & hilaris, ac in mensâ dapilis, locetur cum beatis. Evolutis autem aliquantis diebus post tumulationem istius Episcopi, exivit Conventus processionaliter apud Frenesbury pro pluvîâ postulandâ. Erat enim eis ventus contrarius; ita quòd irruente turbine in eorum oculos, vix Processionalia sua potuerunt intueri. Et celebratâ ibidem Missâ, rogavit Prior Magistrum de Strode; ut per pomœrium suum sibi & suis transire liceret. Hoc Magistro concitò aspirante subdit: Et ultra statum meum, si necesse foret. Duò autem fratres Hospitalis illius hoc audientes indignati sunt; & domui suæ in hac parte præjudicium oriri arbitrantes, ad posticum quo Monachi egressuri erant, cum ribaldorum sequelâ properabant, & transitum eorundem impedire conabantur. Accedentes igitur Monachi ad posticum, liber egressus minimè patebat. Unus autem ex astantibus Monachis Magistrum aggreditur: Nonne transeundi licentiam nobis concessisti? Et Magister: Et concessi, & iterum concedo. Tunc quidam Monachus postico diruto, arrepto fratre nomine Johanne de Eshe, projecit in sterquilinum. Et alii lanceas vexillatas gestantes in manibus exploratores postici abigebant. Alii tollentes baculos è manibus ribaldorum, quendam uxoratum Clericum à culpâ non à pœnâ absolvebant. Illis fanè eidem Clerico plenam indulgentiam denegantibus, subsequitur absolutio Archiepiscopi. His verbò peractis



prætereuntes Monachi Litaniam cantabant *Domine miserere Christe*. Et statim subsequitur Letania major *Out, out, out*. Et sic cessavit Processio hujus in loco usque adhuc.

THOMAS DE  
WOLDEHAM

Posthæc electus fuit Fr. (p) Thomas de Woldeham. Sed ob injurias à Clericis Domini Archiepiscopi sibi irrogatas eidem electioni penitus renunciavit. Et eligendi licentiâ petita & obtenta, iteratò Monachi eundem elegerunt; mentaliter opinantes malorum cursum mutatum in melius; quòd etiam errata corrigeret pro quibus pugnârat, & quasi uberrimè flebat, dum Prior exstiterat. Consecratus autem apud Chartham in Festo Epiphaniæ Domini, pressuræ quam amarissimè tempore sui Prioratûs sustinuit, parum meminebat. In crastino Epiphaniæ successit Johannes de Reynelham in Prioratum.

Anno MCCXCII. federunt Justiciarii Itinerantes Cantuariæ; ubi super catellis fugitivorum & libertatibus furcarum inter Episcopum Roffensem & Monachos Ecclesiæ ejusdem, prout in cartis Regum eorundem Monachorum continetur, fuerat placitatum. Eatenus erat quidam Solomon, non ille peritissimus de Bibliâ, sed de Roffâ; qui propter suam injusticiam ab officio & consilio Domini Regis amotus fuerat. Hic Justiciarios, in quantum potuit, contra Monachos excitavit; quòd Episcopatum Roffensem, quem votis omnibus concupivit, Monachis contradicentibus non obtinuit. Et sic Justiciarii suâ falsâ instigatione obcæcati, plus parti Episcopi quàm Monachorum inclinantes, ipsos Monachos proprio jure abdicârunt. Jurati verò metu ducti, jus Monachorum celabant inviti. Unus ex eis perceptus amicus, in xx. solidis fuerat amerciatus. Hinc cæteri perterriti redimebant tempus, quia dies mali erant. Prostratis igitur furcis apud Frenesburye, superfederunt Justiciarii pro tempore feriato à Festo S. Margarete Virginis usque ad Festum S. Michaelis. Mirum in modum infra tempus illud manifestam injuriam sequitur vindicta. Fuit quidam Ballivus apud Malling, Gilbertus nomine; qui festinus prostrationem furcarum primus referre cupiens, versus Episcopum iter arripuit. Quo in itinero buccellam panis accipiente, simul cum buccellâ statim mortem gustavit. Senescallus quidem Domini Episcopi Henricus de Hehum, semper dans consilium Achitophel, infirmatus expiravit. Vicecomes Cantie statim occubuit. Et Dominus Solomon, ut ipse retulit, intoxicatus per Officialem Domini Episcopi nomine Gynandum, diem clausit extremum. Qui Gynandus postea captus, incarceratus, concatenatus, per patriam damnatus, in prisonâ Episcopi recipitur. Tandem solenniter purgatus, apud Grenwicum liberatur. Audientes igitur Justiciarii mortem supradictorum, timuerunt valde. Et quidam eorum apud Roffam accedentes, pœnitentes ac gementes, Priori & quibusdam aliis de Conventu dixerunt. Sapientiâ Solomonis nequiter decepti, injustè & incircumspectè processimus contra vos; & quare non indicastis nobis? Utinam scivissemus jus vestrum & munimenta vestra! Sed proh dolor, non est per nos reversio. Commendetur ergo memoriæ; fortè visitabit vos Dominus coram aliis Itinerantibus tempore opportuno.

Anno MCCXCIV. obiit Johannes Renham Prior Roffensis. Successit Thomas de Shelfordiâ.

Anno MCCC. Fr. Thomas de Shelford dimisit Prioratum Roffensem

(p) Thomas de Woldeham, alibi de Suthflete dictus, Prior Ecclesiæ Roffensis, in Episcopum à Monachis suis electus, consecratus est ab Archiepiscopo in Ecclesiâ parochiali de

Chartham prope Cantuariam 1292. 6. Jan. die Epiphaniæ Dominicæ. Obiit 1317. 28. Febr. *Annal. brev. Benedicti Roff.*

propter debilitatem corporis. Post Festum Purificationis successit Johannes de Greenstreet.

Anno MCCCIV. erat quidam Dacianus, cognomento Stephanus de Dane, Constabularius Castri Roffensis, Monachorum adversator ibidem in quantum potuit. Hic concitavit cives Roffenses contra ipsos Monachos; ut eos tallarent de his quæ merè sunt spiritualia, viz. de clausu suo & Prestefelde, ubi tallagium nunquam dare consueverunt. Sed quidam è fratribus contra hoc decertans coram Baronibus è Scaccario, usque ad decisionem negotii viriliter elaborabat. Et sic quieti Monachi à jugo servitutis illius. Idem Dacianus ab officio est suspensus.

Anno MCCCVII. concessit Rex Monachis Roffensibus appropriationem terræ de Ores, quæ de feodo Monachorum fuit; & suâ chartâ confirmavit.



## WILLELMI DE DENE

Notarii Publici

## Historia Roffensis

Ab anno MCCCXIV. ad MCCCL.

**A**Nno Domini MCCCXIV. cedente fratre Johanne de Grenestre officio Prioris, frater Hamo de Hethe in Vigiliâ Translationis B. Andreæ Apostoli, VIII. Id. Maii, in Capitulo Roffensi ad nominationem fratrum per Dominum Thomam de Woldeham tunc Episcopum præfectus est in Priorem. De qua quidem præfectione quidam invidentes per M. Willelmum de Briston erga Dominum Walterum tunc Archiepiscopum Cant. procurarunt ad visitandum Capitulum Roffense & Dioecesin. Habebat tunc Archiepiscopus potestatem visitandi per Commissarios per privilegium Clementis VIII. Hervicus de Stanton & alii Justiciarii in Cantia itinerantes apud Roffam tunc extiterunt. Missis igitur literis Archiepiscopi ad Capitulum ad suam recipiendam visitationem, pro centum equis cum pertinentiis procurari se velle per Capitulum præmunivit. Factâ ideo providentiâ pro adventu Archiepiscopi pro numero tot equorum, tandem personam liter venire se excusans, tres Clericos viz. M. Willelmum de Knapton Archidiaconum Norwicensem, Thomam de Chertham, & Robertum de Norton loco ipsius constituit. Videns tunc Prior quod providentiam factam pro adventu Archiepiscopi finaliter perderet, ad diem quo visitarunt Commissarii, Capitulum, vicinos Milites & probos homines de patriâ vocavit ad expendendum providentiam prædictam; & sic introitum suum uno & eodem die habuit, & Visitatores recepit. Dominus autem Episcopus dicto die personaliter interesse noluit, per prædictos invidentes instigatus; licet plurimum per Priorem fuisset interpellatus. Recedente itaque Episcopo paucis de suis ibidem dimissis, multum doluit Prior atque erubuit pro eo quod eidem Episcopo per septennium in officio Capellani astitisset, & credebatur quod eo citius hunc honorem impendisset. Visitantibus ergo Commissariis Capitulum, comperitum erat per plures fratres, quod Prior per quinque vix nominatus assumptus erat in Priorem, & unus alius per viginti & maiorem partem Capituli nominatus repulsam patiebatur. Super quo Prior positus fuit ad rationem coram eisdem Commissariis; quibus respondebat protestando, quod ejus responsio in præjudicium nulli cederet, dicens quod sufficienter fuit nominatus & de consensu omnium hujusmodi nominationi consensit, & ductus fuit ad instalandum eo renitente per compulsionem totius Conventus, & omnes sibi tunc obedierunt ut Priori suo sine contradictione aliquâ. Tunc Visitatores Conventum interrogarunt, si vera essent quæ Prior dixit; qui omnes responderunt, quod sic. Et Visitatores dixerunt: Quare nos tunc sic trufastis de Priore vestro talia deponendo? Producit etiam Prior literam Episcopi ad hujus nominationis probationem. Nitebatur multum Knapton ad depositionem Prioris, per invidentes corruptus. Tunc Priorem ab officio dimiserunt. Duravit illa Visitatio in Diocesi Roffensi à Festo Translationis S. Benedicti usque Festum Paschæ proximè sequens.

Multa

Multa discrimina passus est tunc Prior, eo quod invenit Ecclesiam in DC. libris ære alieno oneratam, & bona Ecclesiæ distracta & alienata, & multos Fratres rebelles, & finaliter Ecclesiam ita desolatam, ut nisi affuisset consolatio divina, Ecclesia nunquam fuisset relevata. Unde Prior magnum conflictum habuit pro dispersis colligendis & habitis conservandis contra Episcopum & Walterum de Fynchynghfeld. Tandem tamen de manibus Walteri terras de Forstalle & Bedesham, & CC. marcas, & Ecclesias de Hertlepe & de Hoo, quas habebat ad firmam & compotum, Prior evicit & eripuit, &c.

Anno sequenti orta fuit dissensio inter Episcopum & Capitulum pro exenio S. Andree detento per J. de Grenestre tunc Priorem; & postea per Priorem H. per tres annos continuatum. Percepit tamen Episcopus, & fuit in possessione percipiendi partem exenii antedicti quolibet anno, atque de triginta annis debitis de Maneriis de Frenesbery & Stoke.

Anno tertio à præfectione Prioris H. circa Purificationem B. Mariæ Virginis ægrotavit Thomas de Woldham Episcopus Roffensis. Quo vergente ad THOMAS DE WOLDHAM. occasum, res Episcopatus plurimum distrahebantur per malam custodiam suorum. Venit ergo ad eum Prior per unum diem ante mortem ipsius; & coram Episcopo prostratus, veniam petiit de commissis contra eum. Petiit etiam absolutionem & revocationem omnium sententiarum latarum per ipsum in Capitulo Roffensi; quæ omnia Episcopus benigne concessit atque dedit. Obiit ultimo die Februarii; cujus obitus Priorem per triduum latebat periculose apud Bromlegh. Quarto vero die obitus sui venit Prior cum executoribus de ejus sepulturâ tractaturus. Ordinato die sepulturæ, scripsit Prior Priori Cant. & omnibus Abbatibus & Prioribus circumvicinis, ut ejus sepulturæ interessent.

Defuncto igitur Episcopo, Monachos de Waleton ad interessendum electioni clam vocavit propter metum deprecantium magnorum. Nam Archiepiscopus pro suo Cancellario, Domina de Badelesmere pro M. Thomâ de Northwode, literas direxerunt. Quorum preces & omnium aliorum magnorum ac aspirantium multorum Capitulum obaudiens, assignato die ad eligendum, per viam scrutinii concorditer Priorem suum Hamonem de Heth elegit HAYMO DE HETHE. anno à Nativitate Domini (a) MCCCXVI. xv. Cal. Aprilis. Præsentatus fuit idem Electus Waltero Cant. Archiepiscopo apud Lambeth ut Patrono & xi. Cal. April. admissus ab eodem; & datus fuit dies opponere volentibus ad comparandum ubicunque xlii. Cal. Maii. Quo die adveniente in Capellâ de Lambeth, & nullo oppositore comparente, pronuntiata electione per M. Andream de Bregge, Fratribusque J. de Westerham Monacho & G. de Mepeham Sacristâ productis & juratis ad instruendum officium, datus fuit dies iv. Non. Maii ad audiendam pronuntiationem productorum. Quo die adveniente, dicto Electo comparente & confirmationem suæ electionis petente, respondit Archiepiscopus, quod ligatæ fuerunt manus ejus, & quod non potuit ulterius procedere, quia Papa provisionem Ecclesiæ Roffensis ad opus Fratris Johannis de Puteolis Gallici, Confessoris Dominae Reginae, reservavit. Habitoque super hoc tractatu diligenti quid foret faciendum, tandem de consilio totius Concilii Archiepiscopi & majorum Doctorum Angliæ idem Archiepiscopus signavit Domino Papæ Johanni XXII. quod electio præcessit per unum diem reservationem, & totum processum habitum coram ipso. Et

(a) Scriptum fuerat in autographo MCCCXV. Verum annum 1316. (cumque exeuntem) & veritati & Authoris menti magis convenire manifestis indicis constat. Electum fuisse

Haymonem exeunte anno 1316. consecratum apud Avinionem 1319. sub finem mensis Augusti, confirmant Annales breves Roff. Benedicti Monachi, *Vespasian A. 22.*



consultum (b) erat Electo, ut nullo modo Curiam Romanam adiret, nullo tamen cogitante de Constitutione *Cupientes*, de Elect. lib. vi. Sic Electus misit M. Robertum de Redeswelle Juris Civilis Doctorem, & Sacristam prædictum ad Curiam pro causâ ipsius. Quibus Procuratoribus Nonis Maii versus Curiam iter arripientibus, ix. Cal. Junii ad Curiam applicuerunt; præsentatisque literis Archiepiscopi & exposito negotio Domino Papæ per Willelmum de Testâ S. Ciriaci in Thermis Presbiterum Cardinalem, tandem Papa ad prosecutionem dicti Cardinalis de consensu Procuratoris Reginæ sc. Johannis de Jargolio Gallici, totum negotium ad partes Angliæ Dominis Gaucelino titulo SS. Marcellini & Petri Presbytero & Lucæ S. Mariæ in Viâ latâ, Cardinalibus tunc existentibus in Angliâ commisit; quod si electionem invenirent canonicam & de personâ idoneâ esse celebratam, & Electum de jure suo non cecidisse per Constitutionem *Cupientes* pro eo quod iter versus Curiam non arripuit infra mensem à tempore notificationis reservationis prædictæ sibi factæ, & electionem reservationem prædictam præcessisse, eundem confirmarent & facerent consecrari: sin autem, infirmarent, & silentium imposerent Electo memorato.

Commissionem prædictam Electus recepit apud Roffam ix. Cal. Septembr. & eandem misit per M. Andream de Bregges, & R. de Selham Monachum, & Willelmum de Dene Notarium, Cardinalibus prædictis tunc apud Dunelmum existentibus; qui Procuratoribus prædictis Electi diem præfixerunt proximum juridicum post Festum S. Lucæ. Quo die adveniente coram prædictis Cardinalibus in Palatio Episcopi London. Procuratores Electi comparuerunt, &c. [*Post multes dies juridicos, cum electio ritè facta fuisse comprobata esset, & Electus doctrinæ examen subiisset;*] demum xv. Cal. Febr. Cardinales in dubium revocârunt, an Electus teneretur observare Constitutionem *Cupientes*. Super hoc Papam consulere decreverunt. Consultationem verò factam cum toto processu coram eis habito per Fredericum Electum Saonensem confirmatum ad Curiam transmiserunt. Electus verò Roffensis Nicolaum de Bereham L. D. & Willelmum de Dene Notarium suos constituit Procuratores ad prosequendum negotium in Curia Romanâ. Domina verò Regina misit J. de Jargol. Procuratorem suum ad Curiam ad impediendum. Direxit namque Dominus Rex Angliæ literas supplicatorias Papæ & Cardinalibus pro expeditione Electi Roffensis prædicti. Et Domina Regina è contra scripsit eisdem pro ipsius Confessore; & literas Regis & trium Reginarum Franciæ supplicatorias Papæ similiter & Cardinalibus dirigendas procuravit. Præsentatis igitur processu & consultatione & literis, Papa vehementer admirabatur, quod Regina Angliæ contra preces Domini sui scribere ausa fuit, &c. [*Ipsius tamen intercessioni magis detulit; adeò ut spretâ Auditorum, quibus causa commissâ fuerat, relatione pro Electo factâ, in id unicè intenderet,*] ut electionem si posset, per aliquem rigorem juris enervaret.

Pendente sic negotio usque adventum Cardinalium de Angliâ, & illis in Curia existentibus, iii. Id. Novembris Papa in Consistorio secundum formam prioris commissionis in Angliâ factæ dictum negotium recommisit terminandum: & illi suis Auditoribus Petro de Nogareto & Sefrido de Vesano illud idem commiserunt. Propositis igitur coram eis toto processu & allegationi-

(b) Factum id subdolè ab Archiepiscopo Hamo Episcopus conqueritur, eo consilio, ut protractâ diutius electionis causâ plures ipsi proventus ex diuturniori Sedis Roffensis vacatione accederent. Temporalia enim vacantis Episcopatus Roffensis penès Archiepiscopos Cant. manebant. Eadem olim vafricie Boni-

facium Archiepiscopum Laurentii Episcopi confirmationem distulisse, & Johannem de Pecham Thomæ de Woldham confirmationem excogitatis subinde remoris protraxisse addit in Libello adversus Archiepiscopum Cant. quem Willelmus in Historiâ suâ collocavit l. 2. i. à nobis prætermisum.

bus partis utriusque, Petrus de Nogareto, qui semper adversabatur Electo, dubia nova adinvenit. Inter quod erat, an Electus teneretur comparere personaliter coram Cardinalibus in Curiâ & ipsius electionis petere confirmationem? Quod cum Procuratores Electi & amici intellexerant; de consilio eorum omnium deliberatum fuerat mittere pro Electo, ut ad Curiam veniret festinanter. Receptis igitur ille literis de veniendo die Circumcisionis, die Sabbati proximo post Festum Conversionis S. Pauli ad Curiam venit, & Cardinalibus iudicibus suis se præsentavit, & pro expeditione negotii sui continuè institit. Porro interim Regina Angliæ animum Regis allexerat ad deprecandum Papam & Cardinales pro ipsius Confessore; & factum est, ut Rex preces contrarias sub uno sigillo fieri iussit. Unde mirabantur Cardinales, & inconstantia imputabant. Scripsit etiam supplicando Adamarus Comes Pembrochiæ Cardinalibus pro eodem hoc modo; 'Quia nobis supplicavit Fr. J. de Puteolis Dominæ Reginæ Angliæ Confessor, ut vos pro Episcopatu Roffensi sibi conferendo excitaremus ad interponendas partes vestras erga Dominum Papam. Hanc literam Papa postea vidit & legit; & ab illo tempore propter ipsius manifestam ambitionem Fratrem repellere nitebatur, & Electum expedire præcepit. Die igitur Sabbati proximâ post Festum S. Gregorii convenientibus xvi. Auditoribus pro suis consiliis dandis, & diligenti habitâ investigatione singulorum, ex iis xii. concordârunt, quod Electus per Constitutionem *Cupientes* à jure suo nullatenus cecidit, & quod Electio ejus de jure esset confirmanda. Quod cum Domino Papæ in Consistorio per G. Cardinalem esset intimatum; iussit statim Papa Electum expediri. Datus fuit hinc dies Electo ad audiendam pronuntiationem, viz. die Sabbati in Passione Domini; infra quem diem prædictus G. Cardinalis per preces Regis & Reginæ Angliæ corruptus, intimavit Papæ, quod contraria consilia per majores Curia recepisset; & sic institit, quod Dominus Papa dictum negotium ad se revocavit; Cardinale se exuente, quod versus Parisios pro pace reformandâ inter Gallicos & Flandrenses erat statim profecturus.

Tunc de negotio omnes desperabant, in tantum quod Monachus socius Electi derelicto solo Electo ad partes redire properavit. Multi verò Anglici interim pro Episcopatu Roffensi lubendo erga Papam & Cardinales per literas Regis Angliæ & varia promissa procurando institerunt, nil tamen perfecerunt. Johannes de Jargolio Procurator Reginæ & ipsius Eleemosynarius, qui reservationem procuravit, videns se non posse procurationis suæ expeditionem consequi quam optavit, & pro qua immensas expensas apposuit Papam exenniando & Cardinales ac advocatos remunerando, in Vigiliâ S. Andreæ Apostoli, cujus tamdiu impediverat jus, cœpit pro nimia angustia ut dicebatur graviter infirmari, & die Dominicâ sequenti in Curiâ subito moriebatur. Quin & Johannes de Nanton, Camerarius Reginæ, qui eandem reservationem similiter procuraverat, iudicio Dei apud Derteford de equo suo cadens expiravit.

Tandem ad instantem procurationem W. de Testâ Cardinalis ultimo die Aprilis factâ mentione Domino Papæ in pleno Consistorio pro negotio terminando, surrexit Jacobus de Columpnâ Cardinalis, & dicebat Papæ: Pater sancte, neque Electus neque Confessor Reginæ Angliæ Episcopatum obtineat Roffensem; sed tertio detur. Institerat diu pro Fr. Laurentio de Gloucestriâ, Theologo & Monacho, Priore de Boxgrove, tunc in Curiâ existente; ut Papa sibi contulisset. Cui Papa statim respondit: Certè non faciemus; absit quod sic faceremus. Et continuo Domino Lucæ Cardinali soli negotium commisit terminandum. Lucas Cardinalis sex Auditores majores de Palatio consuluit, qualiter esset procedendum; qui omnes dixerunt, quod Electus fuit de jure confirmandus. Re ad Papam in Consistorio relatâ die Lunæ proximâ ante Festum S. Mariæ Magdalenæ, Papa præcepit Lucæ Cardinali, ut Electum juxta consilia sibi data confirmaret. Inte-



Interim autem ægrotavit Electus usque ad mortem, & graves patiebatur vomitus atque fluxum; & ferè extinguebatur propter nimiam corruptionem in civitate & calorem. Propterea extra civitatem ad Castrum vocatum Ponserewe in unâ liturâ fecit se deportari. Audiens verò Lucas Cardinalis, quòd Electus de civitate recessisset, instigatus per aliquos æmulos, per cursorem Electum citavit in hospitio ejus, ut in Vigiliâ S. Mariæ Magdalenæ pronuntiationem compareret auditorus, sperantes quòd ad diem non venisset. Statim Procurator Electi apud Ponserewe misit, & hoc Electo nunciavit. Electus igitur se fecit per aquam ad civitatem transvehi; & à duobus tentus se fecit duci ad domum Cardinalis Lucæ. Et comparente ipso, dicebat Cardinalis, quòd Ecclesiam Roffensem diu languentem diutius languere non permetteret; & auctoritate Domini Papæ Electum confirmavit. Quo factò Electus iteratò in lectum decidit; & per infirmitatem quinque septimanis ejus consecratio erat ad ipsius magnum damnum prorogata. Veniens tunc ad Curiam Fr. Robertus Wirfop Ordinis S. Augustini, unus adspirantium ad Episcopatum Roffensem, cum literis Regis & Procerum Angliæ pro Episcopatu habendo, Electum invenit confirmatum. Unde multum dolens, expectavit tamen, sperans mortem Electi graviter infirmantis, ut sic optinuisset Episcopatum. Tandem convalescente Electo, & ab Cardinali Hostiensi per assignationem Domini Papæ (c) Dominicâ proximâ post Festum S. Bartholomæi in Ecclesiâ Fratrum Prædicatorum Avinione consecrato, cuncti aspirantes spe suâ defraudati prosequi cessârunt. Erant autem duo Abbates Græci Monachi de Regulâ S. Basilii, eodem die cum Episcopo benedicti. Tunc institit cotidiè pro Bullis suis habendis; sed impeditus fuit non per Constitutionem *Cupientes*, sed per pecuniam habere volentes, ab illo die consecrationis suæ usque ad diem Veneris proximum post Festum S. Dionysii; quo die recessit de Curiâ sine Bullis, defectu pecuniæ ipsum cogente: accepta à Papâ, quem à Cardinali Testâ introductus visitavit, licentiâ Dominicâ proximâ post Festum Exaltationis S. Crucis. Postea in Vigiliâ S. Michaelis horâ vesperarum coram Camerario pro communi servitio in MCCCCXL. florenis se Episcopus obligavit. His ita gestis, Episcopus dicto die Veneris, ut præmittitur, de Curiâ recessit anno MCCCXIX. & in Vigiliâ Omnium Sanctorum apud Dovoriam applicuit, dimisso Scutifero in Curiâ ad portandas Bullas; & de Dovoriam ivit apud Saltwode in personatu, Bullas expectando per tres septimanas. Die verò S. Clementis Bullas recipiens, Cantuariam perrexit; & factâ ibi quadam professione (d) consuetâ à Suffraganeis in Romanâ Curiâ consecratis, & publicatis Bullis suis, usque Archiepiscopum est profectus. Diebus verò Dominicâ & Lunæ sequentibus in Capitulo Roffensi & in Curiâ de Arcubus London. Bullas similiter fecit publicari.

Proficiscente Episcopo ad quærendum Archiepiscopum, invenit eum apud Slesford Diocesim Lincoln. visitantem; & præsentatis eidem Archiepiscopo rescriptis Apostolicis die Dominicâ primâ Adventûs Domini, factis professione, obedientiâ & fidelitate, à custodiâ Temporalium & Spiritualium Episcopatus Roffensis Archiepiscopus ex tunc se amovit, & ea Episcopo reddidit & restituit; & scripsit Domino Regi & Reginæ pro Temporalibus, quæ in eorum manu fuerunt, ut & ea Episcopo liberarent. Procedente ulterius Episcopo apud Eboracum, ubi tunc Rex erat, se eidem præsentavit; & traditis sibi literis Archiepiscopi, assignatus fuit ad faciendum fidelitatem pro manerio de Middylton & Cobehamberg coram Clericis Cancellariæ; & factâ ibi fide-

(c) Factum id anno 1319. die 26. Augusti.

(d) Professionem subjectionis Archiepiscopo Cant. olim Avinione inter consecrandum

factam, renovavit apud Cantuariam coram magno Altari 1319. 24. Novembr. *Registr. Cant. Ecclesia.*

tate literas patentes Regis habuit ad Escheatorem citra Trentam pro liberatione Maneriorum prædictorum die S. Nicholai. Dominus Hugo le Despenfer tunc Camerarius Regis prædictas literas impedivit, quousque pro feodo suo contra omnem justitiam & consuetudinem per regnum Angliæ prius usitatam ab Episcopo decem libras extorquendo recepisset. Recedente igitur Episcopo de Eboraco, apud Borstall pervenit in Festo Natalis Domini ibidem morando. Et quod Capitulum Roffense Priore carebat, intronizationem acceleravit, & fecit die S. Hilarii, viz. in Octavis Epiphaniæ. In crastino verò intravit Capitulum; & Fr. Johannem de Westerham præfecit in Priorem. Deinde rediit ad videndum & visitandum Maneria Episcopatus; & invenit omnia destructa & distracta, & ita malè custodita, quod in septennio non possent reparari.

Forma autem obedientiæ & fidelitatis, quam die Dominicâ iv. Non. Decembr. anno MCCCXIX. in Capellâ Castri de Sleaford Dominus Hamo Roffensis Episcopus Waltero Cant. Archiepiscopo in mei Notarii publici & testimonium subscriptorum præsentia præstitit, hæc sequitur.

‘Ego Hamo Ecclesiæ Roffensis Episcopus profiteor Ecclesiæ sanctæ Cant. canonicam subjectionem & reverentiam & obedientiam; tibi que venerabili Patri Domino Waltero Dei gratiâ Cant. Archiepiscopo totius Angliæ Primati & successoribus tuis canonicè intransibus fidem & canonicam obedientiam ac subjectionem promitto. Necnon adjutor ero ad defendendum, retinendum & conservandum jura & libertates ac consuetudines Ecclesiæ Cant. prædictæ pro posse meo. Et hoc propriâ manu subscribo.

‘Jeo Hamon par la soeffraunce de Dieu Evêsqe de Roucestre ferray foil & loyal a vous Sire Wauter par la grace de Dieu Ercevesqe de Canterbire & Priemat de tut Engleterre; & leaninent frai les services & les custumes, que les terres & les possessions deivent, que jeo cleyde de vous tenir; si Dieu moy ayde & ses faementaries.

*Sequitur Historia proluxa de processu litium inter Hamonem Episcopum & Waltherum Archiepiscopum de proventibus Episcopatus Roffensis Sede vacante ab Archiepiscopo pro more perceptis, de præsentatione ad Ecclesiam de Northone vacantem factâ ab Archiepiscopo ratione custodiæ Temporalium Episcopatus Roff. post confirmationem Hamonis in Curiâ Romanâ, & de restitutione implementorum ad maneria Episcopatus pertinentium, quæ sub custodiâ Archiepiscopi amota fuerunt.*

Anno regni Regis Edwardi filii Regis Edwardi xiii. Dominicâ primâ Adventûs Fr. Hamo Episcopus Roffensis Spiritualia & Temporalia Episcopatus sui à Waltero Archiepiscopo Cant. recepit: qui post ipsius intronizationem toto anno sequenti in Episcopatu suo residens cum paucâ familiâ, circa reparationem domorum Episcopatus & culturam terrarum plurimum insudavit. Et quia de proprio non habebat unde viveret; Clerus Roffensis magnam subventionem in exeniis & pecuniâ, viz. de marcâ duodecim denarios, ei faciebat.

Anno MCCCXX. Hamo Roffensis Episcopus rogatus interfuit consecrationi Rigaudi Electi Winton. in Ecclesiâ S. Albani Dominicâ primâ post Festum S. Martini. Hiemavit postea Episcopus Hamo apud Trottyclyve, correctiones visitationis suæ, quam ante Festum S. Michaelis præcedens in Capitulo & Diocesi Roffensi fecerat, faciendo, & pro pecuniâ colligendâ ad solvendum pro communi servitio in Curiâ Romanâ plurimum sollicitando. Pro qua solutione boscum de Elmeftede in Bromlegh vendidit pro ducentis marcis. Angebatur enim in Festo Purificationis sequenti illud servitium solvere, quod extendebatur ad summam MCCCCL. florenorum, quos tunc solvit; ac præterea diversis creditoribus C. marcas, quas mutuaverat pro animalibus emendis ad carucam pro terris excolendis. Visitante insuper Episcopo Hamone Monasterium de Hegham, octo Moniales fecit professas.

A a a

Obiit



Obiit tunc Johannes de Westerham Prior; quo die Veneris proximo ante Festum Purificationis sepulto, loco ipsius fratrem J. de Speldherst Celerarium ad nominationem fratrum eodem die Episcopus præfecit. Celebrare postea Ordines in Sabbato quatuor temporum in Ecclesiâ Cathedrali Roffensi proposuit, & fecit. In Cœnâ Domini ibidem Chrisma celebravit; & duobus diebus sequentibus Missas celebravit; ac post Pascha apud Frakeham commorans, per unum mensem Decanatum de Iselham visitando. Deinde apud Filchestowe se divertens, Monachos visitaturus, ubi septem diebus morabatur, per mare de illinc transiens, in Vigiliâ SS. Petri & Pauli in marisco Omnium Sanctorum in Hoo applicuit.

Anno MCCCXXI. in crastino Festi S. Leonardi Rex apud Tonebrige agens Episcopo Roffensi denunciando supplicavit; quod Monasterium Mallyngense, quod per Abbatissam dicti loci destructum esse, sicut per querelam omnium Monialium acceperat [dixit,] adiret, defectusque corrigeret, Abbatissamque, quæ fratris sui Bartholomæi de Badlesmere ausu temerario multa mala fecerat, deponeret omni modo. Igitur Episcopus tanti Domini denuntiationem ac pericula imminencia ponderans, mox ad visitandum Moniales scripsit; ibique multas querelas contra Abbatissam per omnes Moniales depositas; ad quas Abbatissa consilium non habens nescia respondere, gratis cessit vel invitata. Rursus ad electionem seu potius nominationem novæ Abbatissæ Episcopus procedens, quandam Dominam Agnetem de Leyburne Conventus elegit in Abbatissam, electionis formâ sc. nominationis de consuetudine non observatâ.

Post Parlamentum Londini solutum recedente Episcopo versùs Trottyfclive ubi hiemavit, per Stone transiens, ibi Abbatem de Lesnes Rogerum de Deresford, cujus electionem apud Grenewych paulò ante confirmaverat, ei munus benedictionis impendit. Deinde apud Roffam veniens, Johannem de Grenestrete quondam Priorem defunctum sepelivit; & in crastino ejus sepulturæ, viz. die Sabbati quatuor temporum in Adventu Domini Ordines celebravit.

Anno MCCCXXII. Rex Parlamentum convocavit in tres septimanas Paschæ apud Eboracum. Soluta Parlamento Episcopus Roffensis per Neworke repedavit; quum per Suthfolchiam, Northfolchiam, Holondiam, Lyndeseyam, & apud Bartone Humbram transiens, ad Eboracum venit. Summa expensarum suarum XXXIII. libræ per v. septimanas eundo, redeundo & morando cum xi. equis. Et non sic evasisset, nisi † vectigalia navigio transvexisset; quia hoc anno erat magna caristia bladi. Morabatur tunc Episcopus apud Hallyng per totam æstatem, domos dirutas reparando.

† L. vectigalia.

Rex tunc convocavit Prælatos & Proceres regni apud Ripoun in Festo S. Martini; & dehinc assignavit eos apud Eboracum ad tractandum & consulendum de repulsione Scotorum, qui totam patriam de Blackemor & Holderness & de Eboraco usque ad Scotiam deprædaverant & combusserant, captâ prædâ magnâ cum obsidibus nullo persequente Scotiam redierunt. In quo tractatum Communitas decimum, Cives sextum denarium concesserunt. Igitur ad rogatum Regis Prælati & Clero per Archiepiscopum Cant. apud Lyncoln. convocatis in Festo S. Hilarii, Archiepiscopus ibidem congregatis Regis indigentiam exponens, de consilio & auxilio Regi faciendo Prælatos & Clerum interpellavit. Clerus verbò asserens, quod Papa Regi duas decimas concessisset, hoc sufficere debere pro auxilio. Consilium itaque responsionem & deliberationem suam in scriptis Archiepiscopo & Prælati tradidit; quam deliberationem Archiepiscopus & Prælati ad Regem incautè mittentes; Rex ob hoc ad iram provocatus, Justiciarios & alios magnos ad inducendum Clerum per minas & blanditias Lyncolniam destinavit. Clerus quoque exin constantior effectus, respondebat se nolle recedere à suâ primâ deliberatione; cujus tenor talis est.

‘Super

‘ Super eo quod injungitur Religiosis & Clero, quòd deliberent super aux-  
 ‘ ilio & consilio impendendis Domino nostro illustri Regi Angliæ, expositis  
 ‘ indigentia ipsius & periculo imminenti ; videtur Religiosis & Clero totius  
 ‘ Cant. provinciæ jam præsentibus sanum esse consilium, quòd Dominus noster  
 ‘ Rex, Magnates & Proceres in universo in principio Deo & orationibus Ec-  
 ‘ clesiæ devotè se studeant commendare, & ab injustis exactionibus & oppressi-  
 ‘ onibus Ecclesiæ & Ecclesiasticis personis ac populo illatis desistant, & allici-  
 ‘ ant corda subditorum. Quantum ad subsidium ex parte dicti Domini Re-  
 ‘ gis petatum, unanimiter respondent ; quòd cum sanctissimus Pater Johan-  
 ‘ nes Papa XXII. attentis causis & rationibus ex parte Domini Regis nuncex-  
 ‘ pressis, volens sibi de sufficienti subsidio quantum facultates Ecclesiæ An-  
 ‘ glicanæ suppetunt providere, eidem concesserit Decimam biennalem ; non  
 ‘ licet Religiosis nec Clero nec possunt ultra concessionem hujusmodi absque  
 ‘ offensâ & contemptu Sedis Apostolicæ quicquam concedere istâ vice ; cum  
 ‘ illud onus jam impositum per Dominum Papam sit personis Ecclesiasticis ni-  
 ‘ mis grave & importabile multis, tum propter defectum annonæ anni instan-  
 ‘ tis & aliorum præcedentium, tum propter caristiam imminentem & gravi-  
 ‘ orem futuram, ut verisimiliter formidatur, ac etiam propter præstationes  
 ‘ varias & insolitas & oppressiones alias non ignotas, quas Religiosi & Clerus  
 ‘ hætenus tolerârunt. Vobis igitur Rev. Patri ac Domino Waltero Dei gra-  
 ‘ tiâ Cant. Archiepiscopo totius Angliæ Primati Religiosi & Clerus vestræ  
 ‘ Provinciæ in istâ congregatione præsentis, istam deliberationem suam ex-  
 ‘ hibentes, humiliter supplicant & devotè ; quatinus præmissis omnibus &  
 ‘ singulis per vos in subsidium Religiosorum & Cleri si placet ponderatis, ip-  
 ‘ sam deliberationem veritate fultam benignè admittere dignemini, ac Reli-  
 ‘ giosos & Clerum vestrum erga Dominum nostrum Regem clementer & mi-  
 ‘ sericorditer in hac parte excusare ; eisdemque sæpius ac diu fatigatis, confi-  
 ‘ deratis locorum distantis & viarum discriminibus, velitis si placet, solutâ  
 ‘ Congregatione præsentis, tribuere licentiam recedendi.

Tempore isto tantus timor & vecordia atque miseria omnes invaserant ;  
 quòd nullus ausus est palam loqui veritatem. Unde factum est, quòd non-  
 nulli regni destructionem & miseriam necnon & desolationem amaro animo  
 deflentes, scripturas querulas continentes has lamentationes solo projecerunt.  
 ‘ Petitur à Clero Cant. Provinciæ super remedio providendo contra Scotos  
 ‘ inimicos Regis & regni ac Ecclesiæ & totius populi Anglicani. Et utinam  
 ‘ qui hujusmodi petunt consilium, necessitatem & causam adverterent peten-  
 ‘ di ! Est enim regnum in casu periclitationis, nisi Deus avertat : sicut cla-  
 ‘ mat populus ex causis infra scriptis. Imprimis, ut asseritur, plerique Mag-  
 ‘ natum errant in fide Catholicâ, in articulo sc. resurrectionis, & in sexto  
 ‘ præcepto Decalogi ; characteribus, carminibus, præstigiis & fortilegiis &  
 ‘ Merlini vaticiniis fidem adhibent ænigmaticis, ne dicam de spiritibus inclu-  
 ‘ sis. Deum non verentur, proximum non diligunt, Ecclesias & loca sacra  
 ‘ deprædant & expoliant, libertates ipsius impugnant, &c.

Hiemavit hoc anno Episcopus apud Stone, Festum Natalis Domini ibidem  
 celebrando ; & post Festum versùs Hallynge divertens, vineam destructam  
 excolere fecit per totam Quadragesimam. Multum sollicitus & cògitativus  
 reparationi domorum Episcopatus dirutarum vacavit diligenter. Secessit  
 igitur versùs Trottysclyve, Festum Paschæ celebraturus ; & post Festum  
 pistrinum & novam boveriam fecit ibidem ; quorum sumptus ad xxv. libras  
 se extendunt, excepto proprio meremio. In Festo siquidem S. Georgii ve-  
 terem aulam de Hallynges diruere fecit & novam inchoare ; quæ per annum  
 integrum & septimanas xv. fuit in faciendo ; cujus custos cxx. libræ. Mere-  
 mium tamen de bosco Hospitalis de Strode, viz. lxvi. arbores ; reliquum de  
 proprio fuit. Molendinum de Holbergh simul eodem tempore novum factum



fuit de meremio de Perstede, & custavit x. libras. Æstivavit itaque Episcopus, & in Pentecoste fuit apud Trottisclyve. Post quod Festum magna pars familiæ ipsius ad vagandum per noctes assueta, ac etiam otio plusquam operi studens, & propterea ab Episcopo redarguta, nolens corripitese, conspirantes multi insurrexerunt contra eum; quos Episcopus statim licentiarum fecit sine spe redeundi. Et hoc ipsius domestici sunt machinati. Circa Festum S. Barnabæ præ nimia curiositate & tristitia ingratitude suorum Episcopus graviter ægrotare cœpit, & usque ad Festum Omnium Sanctorum sic languebat, antequam convaleuit.

Anno regni Regis Edwardi XVII. intrante [Christi MCCCXXIII. medio] Rex Episcopo Roffensi literas destinavit; ut simul cum Abbate Rameseyæ Regem Franciæ adiret, & nuncium portaret pro prerogatione homagii Ducatus Aquitaniæ, & pace reformandâ cum Flandrensis. Qui considerans conditiones Regis & Magnorum & eorum varietatem, negotiique difficultatem, propriam insufficientiam ac corporis invaletudinem, expensas & laborem, & quod grates nullas reportaret; cum literis excusatoriis Clericum Regi apud Beverlacum mittens, à nuncio prædicto faciendo se petiit excusari, propter infirmitatem prædictam. Qui denique prece multâ magnorum excusatus, & alius pro eo ad idem subrogatus, absque Regis indignatione iussus est domi remanere. Episcopus apud Bromlegh hiemavit. Johannes de Frendesbury Rector Ecclesiæ de Bromlegh, & Executor testamenti Thomæ de Woldham Episcopi Roffensis eodem tempore submisit se gratiæ & ordinationi Episcopi super lite diutinâ inter eos habitâ de defectu implementorum domorum Episcopatus & legati non soluti; & in Curia de Arcubus condemnatus fuit in cc. libris. Episcopus post Festum Purificationis apud Hallinge se divertit; & in Quinquagesimâ sequenti fuit apud La Place; ubi Seneschallus Archiepiscopi Walteri Magister J. de Rodeswelle & alii de familiâ Archiepiscopi Thomæ de Heih & aliis de familiâ Episcopi Roffensis, qui barras super wallos Thamisiæ ad præparandum viam carectæ Episcopi ducentis harnesiæ de Thamisiâ apud hospitium Episcopi præstruebant, insultum facere nitebantur, sed non prævaluerunt. Tribus septimanis Parlamentum duravit. Quo soluto Episcopus apud Hallynge rediens in die Annuntiationis B. Virginis, per totam æstatem illic commorans, residuum operis faciendi de Aulâ complere fecit. Ante Pentecosten per unam septimanam vocatus ad consilium Regis Londoniam, Bromlegh perrexit; & ibi tribus septimanis ægrotavit; unde à dicto concilio fuit excusatus. Rex tunc apud Tonebregge in Festo S. Johannis Bapt. veniens, Episcopum ad faciendum servitium suum in dicto Festo invitavit. Episcopus Domino Regi apud Malling occurrit ad salutandum eum; & usque Tonebregge secutus est eum, Festum cum eo celebrans. Episcopus Winton. M. Johannes de Stratforde ibidem Regi fuit reconciliatus; qui M. Roberto Baldok Regis Cancellario instigante, quia Episcopatum ab ipso fraudulenter surripuit ut dixit, multas persecutiones sustinuit.

Anno regni Regis Edwardi XVIII. [Christi MCCCXXIV.] circa Festum Exaltationis S. Crucis Agnes de Leybourn Abbatisa de Malling obiit; & die Sabbati quatuor temporum sequenti Episcopus apud Mallyng ultro progrediens, eodem die Monialibus omnibus instantissimè acclamantibus, Loram de Retlyng, omni ingenio & discretione prælaciæ ac regiminis carentem, in Abbatisam Episcopus præfecit licet invitatus, sciens eam insufficientem & ignaram; & in crastino eam benedixit: cujus benedictio Monasterii fuit maledictio. Episcopus tunc Abbatisæ inhibuit, ne ancillæ suæ corrodi-um daret, sicut fieri malè consuevit; earumque sigillum commune sequestravit, inhibens ne præter ipsius Episcopi licentiam petitam & obtentam eo uteretur. Episcopus apud Hallyng hiemavit, & in novâ Aulâ Festum S. Andree

dreæ celebravit; cui festo Abbates & Priores. D. Henricus de Cobeham, Militesque plures, alique de patriâ valentes interfuerunt. Eodem tempore molendinum de Borstalle factum est novum; & cullavit in omnibus lx. marcas.

Anno regni Regis Edwardi XIX. [Christi MCCCXXV.] Archiepiscopus Eboracensis ad officium Thesaurariæ assumptus fuit in Parlamento Westmonasterii inchoato in Festo Translationis B. Thomæ. Cui facto Walterus Archiepiscopus Cant. contradixit in quantum potuit, dicens quod duæ Cruces in unâ provinciâ portari non deberent; sed non prævaluit jure clamando. Archiepiscopus igitur Cant. Archiepiscopum Ebor. pro bajulatione Crucis suæ per totam civitatem London. excommunicari mandavit. Nichilominus Eboracensis in Anniversario boni Regis Edwardi pro ipsius animâ apud Westmonasterium Missam celebravit, tamen sine Pallio. In crastino dicti Anniversarii Cant. Archiepiscopus in Parlamento in viridi camerâ Eboracensi Archiepiscopo se confabulando sociavit, cum tamen de suo mandato ipsum sciret excommunicatum. Quod Episcopus Roffensis cum perpenderit, Archiepiscopum Cant. leniter præmuniendo est allocutus, ut ab ipsius societate & communicatione secederet, quem excommunicari demandavit. Episcopus apud Trottsclive Natale Domini celebravit; & post tres septimanas apud Hallynge declinans, per totam Quadragesimam & æstatem sequentem circa clausuram murorum & reparationem novarum Capellæ & Cameræ cum totâ familiâ suâ multum defudavit.

Anno regni Regis Edwardi XX. [Christi MCCCXXVI.] Rex Archiepiscopo Viennensi & Episcopo Auriacensi Domini Papæ ac Regina Angliæ nunciis occurrit, ad tractandum de reditu Regina, filii Regis, & Comitis Cantia exulantium, sicut vulgariter dicebatur; qui modicum ibi proficientes, ab invicem discesserunt. Rex per Ledes versûs Roffam progrediens, occurrit ei Episcopus Roffensis apud Bexledowne; & equitando versûs Roffam causam itineris sui Episcopo exposuit. Deinde Hugo de Spenfer filius Episcopo inter alia retulit; quod Archiepiscopus & Episcopus nuncii prædicti petierunt ex parte Regina securitatem ad Regem redeundi cum filio & Comite antedictis; quibus responsum fuit, quod securitatem exigere non oporteret, sed secure & salvo redire possent; & ut hoc facerent, Rex pro eis multoties misit; sed Rogerus de Mortuo-mari redire dissuasit, mortem comminans si redierint. Valde conquestus est dictus Hugo de Spenfer Episcopo de Willemo Norwicensi Episcopo; quod Regem tradiderat Angliæ, & ideo factus est Episcopus; asserens quod Rex Angliæ non habuisset pacem in divitiis, si Regina & Episcopus Norwicensis & eorum complices discordiam inter Reges non fuscitassent. Rex quoque in Camerâ Prioris Episcopo dixit; quod quædam Regina olim Domino suo Regi in præceptis obedire nolens, à dignitate regali deposita fuit. Cui Episcopus dixit: Malas gratias habeat, qui hoc vos docuit: quin ulterius dixissent, quomodo duo Consilarii Regis Assueri Aman & Mardocheus sibi invicem invidentes, unus eorum fuit suspensus & alter sublimatus: adjiciens, quod hanc materiam prædicasset in præsentia Regis apud Tonebregge, si Rex misisset. Ad quod Dominus Hugo respondit, quod fuisset mirabilis prædicatio, quia eum tangebatur. Et Rex ait: Non pepercisset tibi, Domine Hugo, Episcopus in prædicando. Et subjunxit Episcopus; quod in prædicationibus & in confessionibus audiendis quilibet sacerdos dicere debet omnem veritatem non plus parcendo majori quàm minori. Et his dictis Episcopus recessit. In crastino post meridiem conduxit Regem versûs Gravesende; & in equitando Rex dixit Episcopo. Quando vis petere aliquid à me? Multa fecisti pro me & Domino Hugone; & nunquam retribuisti tibi. Multa feci pro his qui ingrati sunt mihi, quos promovi ad statum magnum, & facti sunt mihi hostes in capite. Et ideo Domine Hugo, præcipio



pio tibi; quòd si Episcopus Roffensis quicquam habeat facere, fiat. Ad quod dixit Hugo: Domine libentissime; quia bene meruit, & erga vos bene se semper habuit. Episcopus itaque à Rege & Hugone licentiâ petita, cum eorum benevolentia apud Hallynges divertit; & nunquam postea Regem vidit.

Regina & sequaces sui die Mercurii ante Festum S. Michaelis in Angliâ applicuerunt. Cujus adventu audito Rex & adhærentes sui fugerunt ad partes Bristollia; quas Regina cum filio & totâ sequelâ ac omnes Majores regni & totus populus seditiosus, qui semper sunt & fuerunt proni ad seditionem, insecuti sunt. Walterus Archiepiscopus Cant. Episcopis London. Winton. Exon. Wigorn. & Roffensi apud Lamheth in quindenâ S. Michaelis convocatis, tractatum de Episcopis mittendis ad Regem & Reginam pro pace reformandâ in Ecclesiâ S. Pauli habere proponens, Roffensis Episcopus dissuasit Archiepiscopo, ne in civitatem vel ultra Thamisiâ transiret ad tractandum; exponens ei quòd corda totius populi ab Episcopis aversa fuerant, & omnes Episcopos oderunt, quia totum malum quod contigit in Angliâ, pigritiâ, fatuitati & ignorantia Episcoporum fuit imputatum; & omnes Reginam dilexerunt, & Regem oderunt. Tunc in crastino apud Lamheth omnes Episcopi vocati convenerunt ad tractandum de duobus mittendis ad Regem & Reginam. Wintoniensis ire concessit, si socium haberet. Cæteris ire negantibus, tandem omnes Episcopi Roffensem rogaverunt, ut cum eo iret; qui totaliter se excusavit. Die Mercurii proximâ ante Festum S. Lucæ conveniunt in civitate London apud la Gylt Hall omnes majores & minores, consilium ineuntes, quomodo Episcopos London. & Exon. & alios Regis Justiciarios ad Fratres Prædicatores tunc congregatos dolo caperent & occiderent, & mercatores in civitate deprædarent, acceptâ occasione de adventu Regina, quòd Regina adhærere nolentes proditores regni publicè censerentur. Unde factum est, quòd in certis locis posita sunt insidia ad explorandum adventum Episcopi Exon. Qui cum venisset, & ad Ecclesiâ S. Pauli confugisset; in hostio Ecclesiæ à malefactoribus comprehensus, extractus, percussus & graviter vulneratus, traxerunt eum per plateas & vicos usque ad magnam Crucem in Chepe filii Diaboli, non verentes manum ponere in Christum Domini. Sed eum spoliantes, & vestibus suis exuentes, ausu crudeli peiores quàm Pagan, virum utique fidelem, providum & discretum ac regno valde necessarium truculenter decapitarunt, caput de corpore abscissum super collistrigium statuentes, corpus canibus ad corroendum projicientes, & ad sepeliendum prohibuerunt.

Episcopus Roffensis in camerâ suâ sedens ad mensam, & magnum tumultum audiens, misit ad Archiepiscopum ad explorandum quidnam esset. Compertum est Archiepiscopum & suos omnes versùs Cantiam fugisse. Episcopum autem Roffensem, qui ad ipsius rogatum dimissis ad se omnibus equis ibi remansit, de eventu rei non præmunivit. Episcopus Roffensis statim considerans loci & temporis pericula, pedes cum suis fugit apud Lesnes, ubi pernoctavit; & in crastino apud Stone cibum sumens, apud Hallynges se recepit. Tunc conturbata est tota terra; & in circuitu impii ambulantes, animalia & alia bona pacificorum, quos hostes Regina dixerant, sub tali colore ubique deprædantes abduxerunt. Episcopus Roffensis nummosus reputabatur; & præmunitus fuit per J. de Sapeyâ Monachum Roffensem, qui in toto conflictu cum Episcopo Londoniæ & per viam fuit, ne ad Roffam veniret, propter insidias paratas ad eum capiendum. Hoc audito mox ingressus est batellum Episcopus; & de nocte usque Boxlee navigans, ibi pernoctavit. In crastino apud grangiam Abbatis cibum sumens, horâ vesperarum apud Roffam equitavit cum paucis. In viâ obviam habuit quosdam de Roffâ malefactores, qui Episcopo insultum fecissent, si ausi fuissent. Mansit tunc Episcopus in Ecclesiâ

fiâ Roffensi per totam septimanam, Festum Omnium Sanctorum vocatis melioribus & vicinis ad mensam inibi celebrans. Post prandium apud Hallynge secessit. Post cujus recessum convenerunt multi malefactores ad Ecclesiam, quia ad mensam invitati non fuerant, tumultum magnum facientes quæsitâ opportunitate deprædandi Ecclesiam, & non inventâ confusi recesserunt. Post Festum S. Nicolai die Dominico Episcopus apud Maydeneston cum Archiepiscopo bis literis interpellatus fuit, & tunc verbotenus, ut ejus in comitivâ apud Wallingford, ubi Regina tunc morabatur, omni modo veniret; sed hoc facere Episcopus expressè recusavit; adjiciens, quòd erga Reginam fuit excusatus. Miserat enim fratrem minorem Johannem de Heth ad Reginam apud Gloverniam ad eum excusandum. Episcopus Archiepiscopo dissuasit, ne Londoniam cum excommunicatis ad Parliamentum veniret; sed persuadens ut ad Ecclesiam Cant. iret, ubi Majores de regno ad ipsum confugerent ad tractandum; sed non profuit, quia *Verba ferit vento, qui prædicat infatuato*. Plus enim timuit Reginam, quàm Regem Cœli.

In crastino Epiphaniæ apud Westmonasterium omnes Prælati, Comites, Barones atque populus in multitudine magnâ, & præcipuè cives Londonienses, cum magno strepitu ad Parliamentum Regina regnantis convenerunt. In quo per Herefordensem Episcopum, adhærentibus sibi multis aliis Episcopis, propositum fuit; quòd si Regina Regi adhæreret, occideretur ab eo. Et tandem quæsitum fuit, quem mallent regnare patrem Regem vel filium; & hoc primo die Parliamenti. Et congregatis in Parlamento per eundem Episcopum injunctum fuit; quòd quilibet ad suum hospitium iret, & in crastino post sumptionem cibi & potûs omnes potati redirent, & quæstioni Episcopi responderent horâ tertiâ. Quibus redeuntibus iteratò, propositâ eadem quæstione, quidam ex abundantia cordis, quidam metu ducti, nonnulli tacitè propter metum Londoniensium, quæstioni respondere nolentes. Tandem unâ voce omnium Filius in Regem sublimatur; factis sibi homagiis, in magnam Aulam novum Regem duxerunt, dicentes, *Ecce Rex vester*. Archiepiscopus Cant. Walterus publicè prædicavit: *Vox populi vox Dei*. Wintoniensis Episcopus addidit: *Cujus caput infirmum, cetera membra dolent*. Herefordensis subdidit: *Vae terræ, cujus Rex puer est*. Et pace factâ in populo per T. Wake & Londonienses sibi adhærentes, *Ave Rex* in excelsis proclamatur. In qua proclamatione Episcopus Roffensis stans in excelsis cum aliis Prælati & Majoribus regni, quia non cecinit cum aliis, nec consensit canere *Gloria, laus & honor* Regi novo; malè est depressus, & comminatus ad mortem. Episcopus Roffensis licèt à Justiciariis ad faciendum fidelitatem Regi, sicut cæteri Prælati, [interpellatus fuisset] nullam tamen fecit; sed misit Archiepiscopum ad respondendum pro eo. Archiepiscopus Eboracensis, Episcopi London. Roffensis & Carleolensis, cum aliis non consenserunt.

Interim Londonienses sibi metuentes de crudelitate patratâ in Episcopum Exon. ad palliandum iniquitatem eorum Archiepiscopos Cant. Ebor. & Dublin. & cæteros Episcopos ad Parliamentum congregatos apud Gyld Halle venire coegerunt; ubi omnes Episcopi, Eboracensi, Londoniensi & Carleolensi exceptis, jurârunt manutenere & defendere jura & libertates civitatis London. in præsentia Comitum Cantia & multitudinis immensæ; qui ad videndum fatuitatem Episcoporum, quomodo Machumeto sacrificabant, confluxerunt. Ubi Walterus Archiepiscopus Cant. opprobria & convitia multa sustinuit à Londoniensibus; & vadiavit eis l. dolia vini pro concordia habendâ; & in exeundo aulam ita malè depressus fuit, quòd turpiter accidit sibi. Episcopus Roffensis in præsentia Notarii viz. Nicholai Northæ & testium ad hoc vocatorum protestatus fuit; quòd non fuit intentionis suæ jurare, nisi salvo ordine suo, & salvis omnibus contentis in Magnâ Cartâ.



Anno MCCCXXVII. post coronatum Edwardum juvenem Regem, in quâ coronatione Episcopi Norwicensis & Roffensis Letaniam canebant, regnavit Rogerus de Mortuo-mari & Regina imperavit circiter iv. annis. Episcopus verò Roffensis per Prælatos & alios Magnos regni pro collatione Ecclesiæ de Bromlegh nimium infestatus, de Parlamento recedens usque Trottisclyve, per totam Quadragesimam ibi morabatur. In secundâ hebdomadâ Quadragesimæ Rex & Regina mater versùs Cantuariam peregrinantes, Episcopus Roffensis die Sabbati dedit eis obviam, & cum novo Rege in mensâ fuit. In crastino Episcopus Regina duas pelves argenteas præsentans precii xx. marcarum, cum benevolentia Regis & Regina apud Trottisclyve remeavit. Quod videntes malefactores prædones de patriâ, confusi, Episcopum depradare qui comminabantur, à tali comminatione cessârunt. Die Dominicâ mediæ Quadragesimæ subsequenti M. Jacobus de Berkelee consecratus fuit in Episcopum Exon. cui consecrationi Cicestrensis & Roffensis Episcopi Cantuariæ interfuerunt: ubi cives Cantuarienses exemplo Londoniensium seditiosè commoti, omnia officia & ordinationem totius Festi vendicabant; quia per totum regnum in singulis Comitatus, Burgis & villis malefactores dominabantur. Quod videns Episcopus Roffensis, post Pascha apud Hallynges se divertens, cœpit curiam de Hallynges versùs Cœmiterium muris claudere altis. Cameram Clericorum, lardarium, & coquinam novas fecit; & morabatur ibi per totam æstatem & hiemem usque Festum Purificationis. Nec est prætereundum, quomodo post Festum S. Trinitatis in æstate prædictâ omnes de Roffâ ad depradandam Ecclesiam Roffensem Cathedralem conspirantes, sub quæsito colore habendi ingressum in Ecclesiam nocte & die ad ministrandum infirmis viaticum; & denegato eis introitu, ostia Ecclesiæ hostiliter in multitudine armatâ invadentes, ostia fregerunt, & per totam noctem usque in crastinum usque ad horam tertiam Monachos inclusos obsidentes; nescio quo pacto tumultus conquievit. Eodem anno die S. Edmundi Confessoris obiit Walterus Archiepiscopus Cant. apud Mortelak; & sepultus est in Ecclesiâ Cant. die Veneris proximâ post Festum S. Katerinæ, cujus sepulturæ affuerunt Wintoniensis & Roffensis Episcopi. Episcopus Roffensis confirmavit Johannem Abbatem de Lyefnes in Festo S. Andree. Post Circumcisionem Domini Londoniam adiit: pro appropriatione Ecclesiæ de Burnedish cum Episcopo Norwicensi tractavit, & negotium terminavit. Eodem tempore appropriavit Ecclesiam de Westerham Capitulo Cant. retentâ sibi pensione x. solidorum singulis annis.

Anno ii. regni Regis Edwardi tertii [Christi MCCCXXVIII.] Episcopus die Jovis post Festum Purificationis apud Trottisclyve secedens, ibi sedit per totum annum; & Curiam ejus muris altis circumcinxit, cameram novam pro Episcopo, & alteram pro Clericis ac coquinam fecit. Summa expensarum C. marcæ. In Vigiliâ Nativitatis B. Johannis Bapt. obiit Willelmus Noble carissimus frater Episcopi. In crastino Nativitatis S. Mariæ Symon Archiepiscopus Cant. de Curia Romanâ veniens consecratus, & per Roffam transiens, pro fidelitate faciendâ & temporalibus recipiendis ad Regem perrexit. Idem Archiepiscopus & ejus fratres M. Edmundus & Fr. Thomas de Mepham nimium sollicitantes pro Clericis & familiâ ad serviendum sibi habendis, quia in toto regno Angliæ idoneum seu sufficientem ad ejus obsequium invenire nescierunt, Angelos & non homines quæsierunt ad hoc opus. Tandem tamen de familiâ nulli alteri convenienti se valavit; quod exitus rei postea probavit. Die octavâ ante Festum Natalis Episcopus Roffensis accepit literas Comitum Kancie & Marescalli continentes, quod omnibus aliis prætermisiss Londoniam veniret ad tractandum cum eis & Prælati super magnis periculis imminetibus Regi & regno; 'eò quòd Rex in multitudine armorum innumerosâ equitabat, patriam devastando, res & bona Ecclesiæ & regni-

‘ regnicolarum contra Magnam Cartam & juramentum in coronatione ipsius præstitum diripiendo & capiendo, necnon & fideles suos regni Pares destruendo. Quibus Comitibus Episcopus rescribendo pro infirmitate suâ se excusavit. Archiepiscopus vero Episcopo scripsit, ut illuc veniret & sibi assisteret omni modo; cui misit excusationem similem. De quo Archiepiscopus commotus cœpit dicere: Episcopus Roffensis in quiete se delectat. Ad quem unus de suis placendo dixit. Episcopus Roff. vult esse A. per se, per se solitarius. Quod verbum cùm Episcopo innotuisset, respondit Episcopus. Malo esse A. per se, quàm cum literis aliis, i. e. Prælati Londoniæ congregatis syllabicari. Mirabatur enim Episcopus, quòd Archiepiscopus in profunditate hyemali Londoniam ire disposuit cum juvenibus ac improvidis ac imperitis super causis coloratis, exquisitis ac Archiepiscopum latentibus, retro Regem conventicula faciendo, tractaturus. In crastino Purificationis B. Mariæ Episcopus Roffensis sepelivit Johannam de Hadlee Priorissam de Heygham; & loco ipsius Matildam de Colcestre Priorissam confirmavit apud Grenewych.

Anno III. regni Edwardi tertii [Christi MCCCXXIX.] per Quadragesimam & æstatem Episcopus visitavit Diocesin Roffensem; & in Vigiliâ novi Festi corporis Christi dedit obviam Regi redeunti de partibus transmarinis; & in ipso Festo missas Regis celebravit, & cum Rege comedit. Rogatus tunc Episcopus, ut ad consilium Regis apud Wyndlesore veniret, illic venire se excusavit; quia difficile, grave ac sumptuosum foret pauperi Episcopo Roffensi Parlamenta Regis & Concilia ubique in regno sequi, nec sufficiunt facultates Episcopatus ejus id facere, sufficit tamen sibi Londoniam ad Parlamentum venire. Archiepiscopus tunc consilio suo vocato, disposuit provinciam visitare; & aggressus est primò pauperiorem & impotentiorum invadere Episcopum Roffensem, quia eum facilius potuit superare; quem ad visitandum recepit die Lunæ proximâ post Festum S. Michaelis cum lxxx. equis per unum diem & noctem. Summa expensarum die visitationis xxiv. libræ. Nulla dona dedit Clericis nec Officialibus. In visitatione, quam Episcopus Roffensis in Diocesi Roffensi exercuit, Johannem de Frenesbury Rectorem Ecclesiæ de Bromlegh privavit propter inobedientiam; & Ecclesiam contulit M. Hugoni de Penebrëgg, quem tamen Johannes vi extrusit. Idem Johannes misit Capellanum suum cum aliis pluribus apud Roffam; qui cùm ad summum altare Ecclesiæ Cathedralis Roffensis pervenissent, Capellanus faventibus sibi quibusdam de Monachis superpellicio & stolâ indutus, candelam accensam & campanulam in manu tenens, Episcopum nominatim excommunicavit. Quam excommunicationem Episcopus postea per totam Diocesin fecit revocari; & Clericum excommunicantem graviter punivit. Visitante tunc Archiepiscopo Diocesin Roffensem, inhumaniter & durè ac injustè contra Episcopum Roffensem egit, ac malè eum tractavit, expensas multas injurias sibi imponendo. Residenti itaque Episcopo apud Hallyng die Jovis ante Festum S. Martini misit Archiepiscopus Clericos suos ad examinandum Episcopum super delatis per Capitulum Roffense in visitatione suâ. Fuerunt enim hæc delata. ‘ Hamo Dei gratiâ Roffensis Episcopus concedere consuevit Rectoribus Ecclesiarum suæ Diocesis literas vagas dispensationis pro non residendo. Item non defendit jura & libertates Ecclesiæ suæ. Item prostrerni fecit boscum de Cobehamery & de Stone, &c. Item non circuit Episcopatum suum, sicut tenetur, pro officio Episcopali impendendo, sed moratur apud Hallyng & Trottysclyve, & pueros ubique non confirmat. Item raro prædicat in Diocesi suâ. Item præfecit Priorem Roffensem, qui nunc est, quamvis eum scivit illegitimum. Item quòd in electione Prioris Roff. facit scrutinium cum Clericis suis, nullo Monacho adjuncto. Item quòd Fr. Johannem de Wodestok sibi de incontinentiâ dela-



tum non correxerit. Item quòd est impatiens, & de facili excandescit in homines. Item quòd est inconstans in dictis, promissa non adimplens. Item quòd plures Monachos Roffenses deposuit ab officio & incarceravit absque sufficienti criminum objectorum probatione. Item quòd ponit diversos Officiarios in Prioratu Roffensi usque ad viginti & amplius contra privilegia Ecclesiæ Roff. ubi non debuit ponere nisi quatuor vel quinque. Item quòd deputat consanguineos suos & alios ad hujusmodi officia; qui in ipsis officiis non ministrant, sed subrogant alios, quibus medietatem stipendiorum debitorum assignant. Item quòd licet ab antiquo fuisset ordinatum, quòd quoties Episcopus Roffensis solemnizaret Festum S. Andreæ in dictâ Ecclesia & in aulâ suâ ibidem, perciperet à Capitulo quoddam exenium æstimationis x. librarum, & non aliter; Episcopus se Festum ibidem solemnizaturum sapius simulans, exenium recepit, & onus non subiit supradictum. Item quòd tenementum apud Frakenham tradidit fratri suo in feudum pro minimo pretio. Item quòd tradidit Hospitale de Strode sacularibus personis gubernandum contra ordinationem factam in fundatione domus; ipsique custodes saculares prædictum Hospitale destruxerunt. Item quòd recepit dimidiam marcam argenti pro redditione ratiocinii testamentorum. Super his & aliis Episcopus positus ad rationem, respondendo omnia facta sua justificavit; & sententialiter diffinitivè ab officio Archiepiscopi dimissus fuit; mediante tamen pecuniâ. Hæc & alia plura Monachi Capituli sui procurarunt; licet Episcopus multa bona eis fecerit, & benè laboraverit in statu Prioris & Episcopi, Ecclesiam oneribus multis & gravaminibus relevando. Sed non mirum; quia naturale est Monachis Roffensibus & consuetum Episcopos & Priores suos benemeritos toto nisu prosequi & diffamare, ac si possent à statu suo amovere. Sic enim Thomas de Woldham Thomam de Ingilthorp & Johannem de Bradefeld in visitationibus Archiepiscoporum est persecutus; & semper necesse est, quòd Episcopi Roffenses habeant baculum paratum ad defendendum contra Monachos.

Anno IV. regni Regis Edwardi tertii [Christi MCCCXXX.] ordinatum fuit, quòd Regina uxor Regis, quia gravida fuit & imprægnata, die Dominicâ in Quinquagesimâ coronaretur. Et coronata fuit à Symone Archiepiscopo Cant. Herefordensi & Roffensi Episcopis Letaniam canentibus. Accidit paulò post, quòd Archiepiscopus Cant. in Curia Romanâ excommunicatus fuit. Propter quod apud Mortelak multis diebus solitarius residens ab omni labore quievit. In quindenâ post Pascha Prælati & Clerus per Archiepiscopum apud Lamheth vocati fuerunt pro contributione Regi faciendâ; ubi Prælati pro parte Regis procurati omnes, excepto Roffensi Episcopo, ad contribuendum consenserunt. Norwicensis cum Roffensi contendebat pro dissensu. Propter quod Roffensis ad hospitium suum pergens, noluit in crastino ibi venire, nisi fuisset pro eo missum. Sed omnibus expectantibus eum, & ipso Episcopo redeunte, Officialis Cant. qui locum tenebat Archiepiscopi absentis, sic exposuit. Quòd si contingeret D. Papam duas decimas Regi concessisse; quæsit an Regi ultra concessum esset contribuendum? Respondit Episcopus Roffensis, quòd nullo modo est contribuendum. Cujus responsioni totus Clerus convocatus adhærebat; quia consensus omnium & dissensus ab ipso Roffensi dependebat. Parliamentum habitum est mense Novembri. Ab illo Archiepiscopus Cant. propter bajulationem Crucis Archiepiscopi Ebor. se absentans, convocatis Suffraganeis suis quæsit ab eis, an contra Eboracensem sibi vellent adhærere. Illis omnibus expresse negantibus, solus Roffensis sibi adhæsit. Archiepiscopus interrogavit Episcopum Roffensem, quid esset factururus. Episcopus respondit; quòd petitâ licentiâ à Rege, & factâ monitione & comminatione in Parlamento, ne quicquam contra statum & jus Ecclesiæ Cant. tractarent vel statuerent, ad partes secederet,

& à Parlamento absentaret. Tunc majores de concilio Archiepiscopi dixerunt, quòd Rex Temporalia Archiepiscopi caperet in manibus suis. Quibus Episcopus. Major honor non posset Archiepiscopo accedere, quàm si pro justitiâ & causâ Ecclesiæ ipsius persecutionem pateretur: adjiciens, quòd multa commoda per hoc sequerentur: viz. quòd tunc haberet bonam causam superfluum & inutilem familiam amovendi, ac subsidium à Clero suo petendi & obtinendi; & quòd per illam viam & non aliam relevabitur. Placuit Archiepiscopo consilium ejus; sed non est secutus illud.

Anno quinto regni Edwardi III. [Christi MCCCXXXI.] in primâ septimanâ Quadragesimæ Episcopus perrexit videre defectus & ruinas ædificiorum Ecclesiæ Roffensis; & inveniens tam in Ecclesiâ quàm in officiis omnibus domos omnes reparatione magnâ indigere, pro domibus reparandis, Refectorio & longo pistrino noviter ædificandis, cc. libras Capitulo tradidit; ultra cccc. marcas, quas eis antea dedit ad ædificia Maneriorum Capituli reparandâ & stauro instauranda. Die S. Lucæ proximò sequenti Episcopus Cancellum, quem novum fecerat, & Ecclesiam de Iselham jure proprio dedicavit. In Festo SS. Simonis & Judæ, mortuo jam Rectore de Burnedish; misit Clericos suos cum Procuratore pro inductione Ecclesiarum de Catyngton & de Burnedish habendâ, factâ inductione per Officiale Archidiaconi Suffolc. Visitavit tunc jure proprio Decanatum de Iselham; & in crastino S. Martini cœpit visitare, & in Festo Nativitatis terminavit. Die Sabbati quatuor temporum ad petitionem Monachorum S. Edmundi in Ecclesiâ de Iselham proprio jure ordinario Ordines celebravit. Quo die summo manè quidam M. Herveus Bermere commissionem unam ad celebrandum Ordines ibidem auctoritate Willelmi de Hermine Norwicensis Episcopi Episcopo Roffensi offerens, rogando ut illam admitteret, & ne in præjudicium Domini sui Norwicensis Episcopi Ordines celebraret. Cui Episcopus respondit; quòd jure proprio & non auctoritate Norwicensis Episcopi Ordines celebrare ibidem intendebat. Fuerunt enim superstites in Monasterio & villâ de Bury & in Archidiaconatu Sudburia Monachi, Presbyteri & Clerici multi; qui antiquitus à Laurentio, Waltero, Johanne, Thomâ de Ingelthorp & Thomâ de Woldham Episcopis Roffensibus in Ecclesiis de Iselham & Frekenham sacros majores & minores Ordines receperunt. Episcopus Norwicensis pro dictâ Ordinum celebratione plurimum commotus, *litem illi in Curia Cant. movit; sed incassum, productis ab Episcopo Roffensi sententiis eâ de re ab Archiepiscopis Huberto, Bonifacio, & Johanne Pecham in favorem sue Sedis olim latis.*

Anno VI. regni Regis Edwardi III. [Christi MCCCXXXII.] factum est Londoniæ Concilium Regis in Festo S. Hilarii. In quo Concilio Episcopus Roffensis licet absens, tamen vocatus, si pecuniam effudisset, Regis Thesaurarius fieri potuisset. Sed nullam obtulit; ideo nullum officium obtinuit. *Sequuntur plura alia Episcopi hoc anno gesta, notatu parum digna.*

Anno VII. regni Regis Edwardi III. [Christi MCCCXXXIII.] Episcopus Roffensis illo toto Autumno apud Trottsclive commorans, die Dominicâ prox. post Festum Assumptionis B. Mariæ apud Maghsfeld Archiepiscopum Symonem in magnâ tristitiâ sedentem videre perrexit ad consolandum eum & consulendum, quòd per omnes vias satageret à sententiâ qua ligatus erat absolvi. Qui quidem Archiepiscopus cum respondisset, se parum curare de absolutione; Episcopus Roffensis apud Trottsclive rediit. Die verò Jovis ante Assumptionem B. Mariæ apud Roffam veniens, Johannis de Speldhurst tunc Prioris resignationem officii Prioratûs in scriptis admittens, Johannem de Scapeyâ Doctorem in Theologâ ad nominationem Capituli modo antiquitus usitato præfecit in Priorem. Modus verò antiquitus talis est; quòd omnes Monachi in Capitulo congregati, & ad hoc specialiter per Episcopum præmuniti, exceptis Monachis in cellâ de Filchestowe qui ad id vocari non



debent, Episcopus vota singulorum singillatim scrutans sic dicendo, *Quem nominas tu in Priorem?* Factoque hujusmodi scrutinio & habitâ collatione cum Clericis de meritis, zelo & numero personarum nominantium per Episcopum, idem Episcopus unum de nominatis, quem suis iudicio & reputatione magis idoneum invenerit, assumens, sic nominato administrationem spiritualium & temporalium committit. Et statim ab omnibus Prior sic ad stallum suum ducitur, Episcopo prosequente & dicente benedictionem super installato. Postea Episcopus coram omnibus in Capitulo constitutus omnibus præcipit, quòd Priori suo obediant. Fuit Prior ille optimis moribus & conditionibus, in scientiâ & literaturâ multipliciter insignitus; quem Episcopus à juventute educaverat, materiam bonam in eo prævidens, & habitu Monachali postea induit; quòd Ecclesiæ proficeret in futurum, spem habuit bonam: quod rei exitus postea approbavit. Die Lunæ ante Nativitatem B. Mariæ Episcopus ad videndum novas domos apud La Place, quas fieri fecerat, est profectus; & sic per Dertford ad videndum fenestram in Cancellis Ecclesiæ, quam similiter fecerat fieri; & deinde apud Stone ad ordinandum novam wallam contra Thamisiā. Die verò Lunæ proximâ post Festum S. Matthæi Capitulum Roffense visitavit. Die Martis post Festum S. Paulini in aurorâ Symon Archiepiscopus Cant. apud Maghsfeld obiit; quem Episcopus Roffensis die Martis post xiv. dies obitus sui in Ecclesiâ Cant. sepelivit. Celebravit Festum S. Andree Episcopus apud Trottsclive; & exenium S. Andree de Monachis Roffensibus toto tempore suo pacificè percepit.

Anno viii. regni Regis Edwardi III. [Christi MCCCXXXIV.] Dominicâ mediâ Quadragesimæ Episcopus Roffensis literas Johannis Cant. Archiepiscopi deprecatorias recepit; quòd Pallium sibi directum per Papam ad eum apud Eboracum deportaret. Roffensis tunc Episcopus Pallium apud Trottsclive per v. septimanas & ampliùs expectavit, & ad eundum se paravit. Tandem Archiepiscopus pro nuncio Regis mare transiens, & in Pontino apud la Garde moram faciens, Episcopo Roffensi iteratò scripsit, quòd ad ipsum cum Pallio festinaret. Recepit Episcopus Roffensis Pallium in Capellâ de Hallyng die Lunæ ante Festum S. Georgii; & mare transiens die Sabbati sequenti, Pallium cum Bullis Papæ Archiepiscopo liberavit in Ecclesiâ villæ de Rue prope la Garde in Pontino; & mox ad partes Angliæ remeavit; cum magno tamen periculo & incommodo propter tempestatem in mari iter peregit. Episcopus æstivavit apud Hallynge; excepto quòd per xii. dies post Exaltationem S. Crucis in Parlamento Regis fuit Londoniæ, & quòd in Intronizatione Johannis Cant. Archiepiscopi die Dominicâ in Festo S. Dionisii præsens fuit.

*Forma dandi Pallium Johanni Archiepiscopo Cant. anno MCCCXXXIV.  
die xxiv. Aprilis.*

‘ Ad honorem Dei omnipotentis & B. Virginis & SS. Petri & Pauli & D.  
‘ Papæ Johannis XXII. & S. R. E. necnon & Cant. Ecclesiæ tibi commissæ,  
‘ tradimus tibi Pallium de corpore B. Petri sumptum, plenitudinem videlicet  
‘ Pontificalis officii; ut utaris eo infra Ecclesiam tuam certis diebus, qui ex-  
‘ primuntur in privilegiis ei ab Apostolicâ Sede concessis.

Item forma Juramenti.

‘ Ego Johannes Archiepiscopus Cant. ab hac horâ in antea fidelis & obedi-  
‘ ens ero B. Petro sanctæque Apostolicæ Romanæ Ecclesiæ & Domino meo Jo-  
‘ hanni Papæ XXII. suisque successoribus canonicè intrantibus. Non ero in  
‘ consilio aut consensu vel facto, ut vitam vel membrum [perdant] vel capi-  
‘ antur malâ captione. Consilium verò, quòd mihi credituri sint per se aut  
‘ nuncios

nuncios seu per literas, ad eorum damnum me sciente nemini pandam. Patrum Romanum & regalia S. Petri adjutor eis ero ad retinendum & defendendum, salvo meo ordine, contra omnem hominem. Legatum Apostolicæ Sedis in eundo & redeundo honorificè tractabo, & in suis necessitatibus adjuvabo. Vocatus ad Synodum veniam, nisi prapeditus fuero canonicâ præpeditone. Apostolorum limina singulis trienniis visitabo aut per me aut per meum nuncium, nisi Apostolicâ absolvar licentiâ. Possessiones verò ad mei Archiepiscopatus mensam pertinentes non vendam neque donabo neque impignorabo neque de novo infeudabo vel aliquo modo alienabo, inconsulto Romano Pontifice. Sic me Deus adjuvet & hæc sancta Dei Evangelia.

Anno ix. regni Regis Edwardi III. [Christi MCCCXXXV.] Episcopus Roffensis integrum ferè annum in litigando adversus Episcopum Norwicensem in Curiâ Cant. insumpsit.

Anno x. regni Regis Edwardi III. [Christi MCCCXXXVI.] Episcopus Norwic. ad Parlamentum Regis, licet graviter infirmus, spe tamen officium in Curiâ Regis obtinendi veniens, ut dicebatur, die Mercurii proximo post Festum Annuntiationis B. Mariæ ex hac vitâ inopinatè est subtractus: cujus animæ remittat Deus injuriam quam Ecclesiæ Roffensi fecit. Afferunt tamen quidam ipsius Secretarii, quod ante mortem suam totum processum, quem in Curiâ contra Roffensem fecerat, per literas suas patentes revocavit. Die Veneris in crastino S. Jacobi Episcopus apud Roffam fuit invitatus ad ponendum fundamentum novi Refectorii; pro cujus fundatione & facturâ & aliorum ædificiorum licet aliàs Priori mille marcas tradidisset, nunc tamen specialiter ad inchoandum novum Refectarium Priori & Conventui tradidit c. marcas; alioquin inchoatum non fuisset. Die verò Lunæ in crastino Nativitatis B. Mariæ Capitulum visitavit. In quâ visitatione J. de Hwytefeld Monachus Roffensis istud Thema proposuit, \* *Fratres tuos visitabis*: quod quidem thema sic est prosecutus. Dominus Episcopus istud Capitulum habet visitare ut fratres; & non ut alios subditos; quia per ipsos est creatus & promotus; & si non fuisset Monachus, Episcopus non fuisset. Et adjecit: Non potest Dominus Episcopus dicere Capitulo suo, sicut dixit Johannes Norwicensis Episcopus Capitulo suo, viz. † *Non vos me elegistis, sed ego elegi vos*; quia Fratres nostri de Capitulo elegerunt eum. Hoc verò modo coram Conventu; Clericis & Laicis multis ibi congregatis ad vituperium Episcopi sermonem suum continuavit totum. Et fortè non sine causâ; quia in Infirmatorio à Fratribus pro unâ lagenâ vini ad sic dicendum fuit conductus. Finito sermone, Episcopus verba sequentia Thematis sic est prosecutus. Filius noster hic thema assumpsit, *Fratres tuos visitabis*. Sed ubi omisit, nos incipimus; & cum quibus ordinati sunt disce. In quibus verbis astruxit, quod visitandi sunt ut filii; & non ut fratres, & ut discipuli & non ut magistri. Et ad hoc quod dixit, quod per eos extitit promotus, respondit Episcopus; quod quantum studuerunt uno die in eligendo promovere, tantum & decies plus falsè & malitiosè laboraverunt & viribus totis institerunt ad dejiciendum jam promotum; & sic quicquid meruerunt in electione, demeruerunt; quoniam illum quantum in eis fuit dejecisse voluissent si prævaluissent. Et finiendo sermonem suum respondit Episcopus; quod in nullo Monachis tenebatur. Orta est tunc dissensio inter Episcopum & Priorem; eò quod Prior ex confidentiâ quorundam magnorum Episcopum & quosdam de suis parvi-pendebat & gravari clam procurabat, de tempore præterito parum cogitans. Hoc tamen fecit ut juvenis de meritis suis & virtutibus se extollens, & insufficientiam Episcopi fortè parvi-pendens. Sed qualitercunque inter Episcopum & Priorem stet lingua bilancis, valeat tamen semper Ecclesia Roffensis. Tunc verò Episcopus

\* I Reg. xvii. 8.

† Johan. xv. 16.



Episcopus Diocesi totam visitavit; & in Vigiliâ S. Michaelis rediit apud Hallynge. Die Lunæ in quindenâ S. Hilarii apud Westmonasterium Comes Cornubiæ frater Regis est sepultus. Johannes Cant. Missam celebravit, Henricus Lincoln. Evangelium, & Thomas Hereford. Episcopi Epistolam cum mitris indutis legerunt; quod nunquam antea visum fuit, nisi in Ecclesiâ Lugdunensi, ubi omnes Canonici portant mitras super capita; & ideo qui in novitatibus semper delectantur, novo semper sensu abundant, & non veterascunt.

Anno xi. regni Regis Edwardi III. [Christi MCCCXXXVII.] inter Episcopum & Priorem de serviantis redimendis multoties exitit tactum. Unde factum est, quod Prior pro licentiâ Regis habendâ lxxx. libras diversis obtulit, & promisit de bursâ Episcopi solvendas infcio Episcopo. Quod cum Episcopus intellexisset, pecuniam quam habuit apud Rossam fecit alibi deportari. Attraxerat enim ea pecunia corda quorundam ad machinandum mirabilia. Sed amorâ illâ pecuniâ pro parte cessavit illa machinatio. Episcopus grangias de Brumheye, Frenesbury & Denyton, necnon & domos Manerii de Stone cum domo vaccarum apud Hallyng, in magnis sumptibus fecit reparare; similiter apud Middilton unam novam grangiam, & apud Frekenham molendinum novum ventricium fieri fecit. Die Veneris ante Translationem B. Thomæ Martyris fuit Episcopus Cantuariæ, & Ecclesiam Cathedrallem reconciliavit: & iterum erat Cantuariæ in Festo S. Andreæ pro consecratione Episcopi Cicestrensis.

Anno xii. regni Regis Edwardi III. [Christi MCCCXXXVIII.] Episcopus Rossensis die Dominicâ proximâ post Festum Translationis B. Thomæ in Capellâ Archiepiscopi apud Lamhethe præsens fuit cum aliis Episcopis in consecratione Episcopi London. quem Episcopus Cicestrensis Vicarius Archiepiscopi in remotis agentis consecravit.

Anno xiii. regni Regis Edwardi III. [Christi MCCCXXXIX.] Episcopus misit sex homines ad arma cum equis coopertis ad defendendam costeram Cantia adversus insultus Gallicarum Navium.

Anno xiv. regni Regis Edwardi III. [Christi MCCCXL.] Episcopus misit octo homines armatos suis sumptibus apud Sandwycum ad conducendum Regem ultra mare. Ipse autem apud Hallynge & Trottsclive moram fecit; & in Festo S. Andreæ exenium S. Andreæ, quod Gundulphus ordinavit, integrè percepit. Interfuit etiam Cantuariæ in consecrationibus Episcopi Wigorn. in Dominicâ Palmarum sumptibus ipsius Episcopi Wigorn. & Episcopi London. mediocriter procuratus secundâ Dominicâ Quadragesimæ. Qui quidem Episcopus London. cum moram traheret in hospitio ipsius Episcopi Rossensis apud La Place ad requisitionem Domini Cant. Archiepiscopi avunculi ipsius Episcopi London. camera illic incendebatur. In Vigiliâ S. Andreæ Episcopus Rossensis Monasterium de Liesnes visitavit. Rex circa Festum S. Hilarii vocavit Archiepiscopum Cant. in Ecclesiâ suâ Cant. commorantem ad Concilium suum Londoniæ tentum. Qui venire se excusans propter pericula quæ metuebat, asserens se libenter velle ad Parliamentum Regis sed non ad Consilia venire. Nam animus Regis ab Archiepiscopo & benevolentia totaliter fuit subtracta.

Anno xv. regni Regis Edwardi III. [Christi MCCCXLI.] Abbas de Liesnes, cum per Episcopum suum repertus fuisset inobediens, incorrigibilis & rebellis, necnon super criminibus multis convictus, bona Conventus decoquens, adeo quod Canonici sui nec victum nec vestitum haberent; jure cogente à statu suo est privatus. Qui sic privatus appellavit, Romam petiit, & languens ibi diu expectavit. Episcopus Rossensis cum suis tenentibus solvit Regi pro suâ decimâ lanâ in Cantia xii. libras & semissem.

Anno

Anno xvi. regni Regis Edwardi III. [Christi MCCCXLII.] Episcopus apud Trottsclive per totum annum residens, Refectorium, Dormitorium & alios defectus in Ecclesiâ sumptibus suis pro majori parte fecit reparare.

Anno xvii. regni Regis Edwardi III. [Christi MCCCXLII.] Episcopus Roffensis in crastino Festi Corporis Christi Capitulum visitavit. Et sic inde discedens, Monasterium Monialium de Hegham similiter visitans, & deinde per Hoo parvulos confirmando transiens, apud Hallynge repedavit; ibique tunc die Veneris ante Festum S. Johannis Bapt. Abbati de Liefnes cvi. libras, xiii. sol. solvit pro quodam annuo reddito vi. marcarum, vi. sol. viii. den. uni Presbytero celebranti in Ecclesiâ Roffensi annuatim in perpetuum solvendo ab eisdem Abbate & Conventu de Liefnes.

Anno xviii. regni Regis Edwardi III. [Christi MCCCXLIII.] Episcopus Campanile novum Ecclesiæ Roffensis petris atque lignis altius fecit levare & illud plumbo cooperire, necnon & quatuor campanas novas in eodem ponere, quarum nomina sunt hæc, Dunstanus, Paulinus, Itamarus, atque Lanfrancus. Volens Rex amicitiam & potentiam contra Regem Franciæ sibi ampliare, misit Priorem Roffensem & D. Willelmum Trussell ad Regem Castelli in Hispaniâ in civitate Burgensi tunc existentem pro maritagio filii Regis Castelli & hæredis sui & filiæ Regis Angliæ. Qui Prior & Willelmus nunciant gratis accipientes, illud foeliciter & discretè perfecerunt.

Anno xix. regni Regis Edwardi III. [Christi MCCCXLIV.] Episcopus circa Festum S. Michaelis feretra SS. Paulini & Ythamari de marmore & alabaastro fecit renovare; pro qua quidem renovatione CC. marcas dedit.

Anno xxiii. regni Regis Edwardi III. [Christi MCCCXLVIII.] obiit Johannes de Stratford Archiepiscopus Cant. apud Maghsfeld, dux Regis & ejus Consiliarius principalis in vitâ suâ; & ideo post mortem ipsius pro mercede suâ omnia ejus bona confiscantur, possessiones & prædia destruuntur. Toto hoc tempore Episcopus Roffensis moram fecit apud Hallynges & Trottsclive, sollicitus de mirabilibus mundi; & Ordines celebravit in utroque loco certis interstitiis temporum. Eodem anno pestis antea inaudita in Angliâ defæviebat. Episcopus Roffensis de modicâ familiâ suâ iv. Sacerdotes, v. Scutiferos, x. homines de ministerio, vii. Clericos juvenes, & vi. pagetos perdidit; & sic non remansit in aliquo officio qui sibi serviret. Apud Mallices fecit duas Abbatissas; & mox obierunt. Nec remanserunt ibidem nisi iv. Professæ & quatuor non professæ Moniales; de quibus Episcopus uni spiritualia alteri temporalia custodienda commisit, quia non inveniebatur sufficiens persona ad officium Abbatissæ. In hac pestilentia plures Capellani & stipendiarii Curati noluerunt sine excessivo salario deservire. Hos Episcopus Roffensis dato ad Archidiaconum Roff. mandato anno MCCCXLIX. die xxvii. Junii, sub pænâ suspensionis & interdicti jussit eisdem stipendiis deservire. Plures etiam Clerici beneficiati, numero Parochianorum per pestem adeò diminuto, ut de reliquis oblationibus vivere non possent, beneficia sua deseruerunt. Hos Episcopus mandavit Parochias suas repetere; & Rectoribus seu Vicariis Beneficiorum exilium, quorum proventus annui ad verum valorem x. marcarum se non extendunt, licentiam dedit annuatim unum Annuale vel alium Missarum numerum, pro quibus æqualia debeantur stipendia, à suis Parochianis vel alienis undequaque recipere, hujusmodi exilitate proventus durante.

Post mortem Archiepiscopi Papa ad preces Domini Regis M. Johanni de Offord ejus Cancellario Archiepiscopatum dedit, viro debili & paralitico; qui pecuniam magnam undique mutuans ad magnam summam, inutiliter Papam eam exenavit & presentavit, & totam perdidit; quia non multum post vixit, sed die Ascensionis Domini obiit, & in Ecclesiâ Cant. est occultè sepultus,



sepultus, electus non consecratus; & sic multos creditores depauperando destruxit. Nam his temporibus in foro venalium maiora Beneficia & pingua sunt cara; quod vix vel nunquam emptores beneficiorum lucrum inde possint reportare, sed omni eorum tempore langueant indigendo. Sicuti nostris temporibus plures vidimus beneficiatos esse semper atque vivere in egestate & angaria. De quibus Fr. Thomas de \* London de Ordine Prædicatorum Episcopus Eliensis unus fuit, & multi alii quorum non est numerus. Et nichilominus non obstante tantâ caristiâ semper emptores inveniuntur ad confusionem Ecclesiæ & destructionem. Per idem tempus Capitulum Cant. M. Thomam Bradewardyn de Condennâ Rossensis Dioceseos oriundum, quem mox post mortem Archiepiscopi elegerant, secundo nunc elegerunt; & priusquam electio ad Papam pervenit, Papa M. Thomæ more solito dedit Archiepiscopatum Cant. malens grates habere ipsemet quàm eligentes. Sed post collationem suam Dominus Rex pro Electo scripsit, qui aliàs eum impedivit. Sed quod dolendum est dicere, Archiepiscopatus ita est destructus per tot vacationes & malam custodiam atque per solutiones factas Curia Romanæ; quod diebus nostris non creditur posse reparari. A diebus B. Thomæ non est visum vel auditum, quod Ecclesia Cant. in rebus & possessionibus necnon & in oneribus insolitis, ut diebus istis existit, depauperata extiterit & destructa. Igitur M. Thoma de Curia Romanâ revertente consecrato, versùs Londoniam festinavit, & in Hospitio Episcopi Rossensis apud La Place per quatuor dies infirmus pausans obiit. Tunc mox Capitulum Cant. M. Simonem de Illepe Clericum Regis elegit; & ad preces Regis Papa misit sibi in Angliâ Bullas confirmationis & consecrationis cum onere consueto. Qui in Ecclesiâ S. Pauli London. ab Episcopis London. Winton. & Wigorn. est consecratus. Unde Monachi Cantuariensis indignati, offensi & murmurantes pœnituerunt de facto suo. Archiepiscopus verò Archiepiscopatum suum rebus omnibus & possessionibus spoliatum & destructum inveniens & denudatum, quod se verteret ignorabat.

Anno xxiv. regni Regis Edwardi III. [Christi MCCCXLIX.] per totum illum annum Episcopus Rossensis senex & decrepitus apud Trottsclive morabatur, languens & dolens de subitâ mutatione sæculi; quia in omnibus Maneriis Episcopatus ædificia & clausuræ corruebant, & vix Maneria illo anno de centum libris respondebant. Præterea in Monasterio Rossensi tanta fuit victualium inopia, quod Monachi ad tritrandum panem suum sunt coacti. Prior tamen omnibus bonis abundabat. Sed quia Prior Rossensis per quosdam Gallicos viz. Comitem de Ew & Camerarium de Kambrevile, qui apud Cam in Normanniâ capti erant & in Angliam ducti, gratiam & amicitiam Papæ & Regis Franciæ adeo adquisierat; quod parum de sua curâ & officio curabat, immò veriùs parvi-pendebat statum suum. Et tamen (e) Episcopus Rossensis in tempore illo Episcopatum in manus Papæ ad opus ipsius Prioris resignaverat. Et Rex Priorem Papæ honorabiliter & sufficienter scribendo commendavit; sed ipse Prior tantum confidebat de amicitia supra-

(e) Papa resignationem Hamonis minimè ratam habuisse videtur. Hamo enim Episcopatum tenuit usque ad obitum, qui contigit 1352. 4. Maii; si Obituario Cant. credendum sit. De anno quidem neutiquam ambigendum. Dies autem dubio non caret.

In Registro enim *Islip* Temporalia Episcopatus post Hamonis mortem in Archiepiscopi manus 1352. 29. Nov. Spiritualia die 7. Decembr. accepta leguntur. Sedem tamen die 22. Octobris præcedentis vacasse constat; ut mirum sit Temporalia Archiepiscopo tamdiu intacta fuisse.

dictâ; quòd statum Episcopalem necnon & Prioratûs Roffensis pro nichilo reputans, propriæ voluntati & prudentiæ inhærendo, omnium amicorum ipsius & aliorum audientium obloquium & vituperium incurrebat. Episcopus Roffensis Abbatias & Monasteria de Liesnes & Mallyng visitans, invenit ea ita destructa per malam diutinam custodiam; quòd durante isto sæculò usque ad diem judicii creditur ea non posse reparari. Dominicâ primâ mensis Augusti Archiepiscopus Cant. Symon de Yslepe Ecclesiam suam intrans, festum tenuit in Refectorio Monachorum ad vitanda solita excessiva & superflua communia, quæ Deo odiosa sunt, & quorum memoria cum sonitu perit, & facientes ea pro magno tempore depauperat. Nam festa intronizationum & consecrationum Episcoporum & inceptionum Clericorum in Universitatibus plus ad ostentationem, jactantiam & pompam fiunt quàm ad honorem.

---

Ccc

SUC-



# SUCCESSIO

## Episcoporum Roffensium

Ab anno MCCCLII. ad Reformationem.

JOHANNES DE SHEPEY.

Will. Dene in  
fine.

Registr. Islip.

Pat. 30. E. 3.  
par. 3. m. 10.

Walsingham p.  
173.

Registr. Islip.

**H**Aymo Episcopus munus abdicare anno 1349. in animo habuit. Successor illi Regis favore & Monachorum votis designatus est Johannes de Schepey, S. T. P. Prior Roffensis Ecclesiæ; qui meritorum & amicorum fiduciâ ad altiorem dignitatem aspirans, apud Papam effecisse videtur, ne Hamonis resignatio rata haberetur. Episcopatum igitur invitus Hamo usque ad obitum tenuit. Isto demum defuncto anno 1352. Monachi licentiâ eligendi ab Archiepiscopo die 27. Decembr. acceptâ, Johannem Priorem suum ad Episcopatum rite elegerunt. Eundem antea Papa solito provisionis titulo sedi Roffensi præfecerat, Bullâ 1352. 22. Octobr. datâ. Consecratus sub initium anni 1353. temporalia & spiritualia Episcopatus sui à Roberto Priore Cant. Archiepiscopi tunc in transmarinis agentis Vicario, accepit 1353. 28. Februarii. Summus regni Thesaurarius anno 1356. constitutus, id muneris adhuc anno 1358. administravit. Obiit anno 1360. 19. Octobr. in manerio suo vocato *La Place* juxta Lametham.

WILLELMUS WITLESEY.

Registr. Islip.

Birchington  
p. 45.

Monachi Roffenses licentiâ eligendi ab Archiepiscopo acceptâ 1360. 23. Octobr. Willelmum Witlesey Archidiaconum Huntindoniensem, & Archiepiscopi Cant. in Spiritualibus Vicarium, Episcopum elegerunt. Electum Innocentius Papa jure provisionis confirmavit 1361. 31. Julii. Spiritualia Episcopatus sui Willelmus ab Archiepiscopo accepit 1361. 28. Nov. Temporalia, interposito prius de fide Sedi Cant. præstandâ juramento, die 25. Decembr. Consecratus est anno sequenti die 6. Februarii; Wigorniam translatus 1363.

THOMAS TRILLECK.

Registr. Islip.

Birchington p.  
45.  
Continuatio  
Higdeni.

Thomas Trilleck, in Jure Licentiatus, Canonicus Wellensis admissus 1329. 20. April. postea Decanus Ecclesiæ S. Pauli London, ad Episcopatum Roffensem (prius electus à Monachis) provisus est ab Urbano Papâ 1364. 6. Martii. Spiritualia ab Archiepiscopo recepit 1364. 23. Julii, temporalia 26. Decemb. consecratus demum apud Lametham 1365. 5. Januar. Sic enim Birchintoni locum emendandum sentio. Obiit anno 1372. circa Natale Domini.

THOMAS DE BRYNTON.

Id.

Registr. Witlesey.

Post Trillegi obitum Monachi licentiâ eligendi ab Archiepiscopo datâ 1372. 27. Dec. Priorem suum Johannem de Hertley in Episcopum elegerunt. Electum Gregorius Papa reject; & loco ejus Episcopatum Thomæ de Brynton jure

jure provisionis contulit 1373. 31. Jan. Is Decretorum Doctor, & Ecclesiæ Norwicensis Monachus, cum perlustratis Angliæ gymnasiis Romam adveniret, non vulgaris eruditionis famâ Papæ gratiam nactus, summus ab ipso Romanæ Sedis Pœnitentiarius renunciatus fuerat. Episcopus Roffensis creatus, Spiritualia Sedis suæ ab Archiepiscopo accepit 1373. 20. Martii, temporalia ab eodem 8. April. Postea Ricardo II. Regi à Confessionibus admotus, obiit anno 1389. Bromtonum vocat Monachus Eveshamensis, Higdeni Continuator; qui plura de illo habet. Bale Cent. 12. cap. 12. Walsingham P. 336.

WILLELMUS DE BOTLESHAM.

Rejeto Johanne Barnet, quem Monachi elegerunt, Urbanus vi. Papa Episcopatum Willemo de Botlesham, Ordinis Prædicatorum, Episcopo Landavensi donavit 1389. 27. Aug. Istum enim jamdiu charum habuerat; quia *secum permanserat in persecutionibus suis tempore quo apud Luceriam fuit obsessus*: ut verbis utar Walsinghami, qui eundem Johannem minùs rectè appellat. Translatus à Papâ ad Sedem Roffensem, spiritualia & temporalia ab Archiepiscopo Cant. juramento fidelitatis præmissis, apud Lametham 1389. diebus 14, & 15. Decembr. recepit. Obiit anno 1400. mense Februario. Mors enim ejus Archiepiscopo nunciata est 1400. 26. Febr. Registr. Courteney. P. 337. Registr. Arundell.

JOHANNES DE BOTLESHAM.

Johannes de Botlesham, Juris Licentiatus, medio anno 1398. Vicarius erat Generalis Archiepiscopi Ebor. Postea in familiam Archiepiscopi Cant. ascitus, Episcopatum Roffensem anno 1400. adeptus est, consecratus à Thomâ Archiepiscopo in Ecclesiâ Cant. die 4. Julii. Testamentum condidit 1404. 15. April. & ante 24. diem Aprilis obiit. Registr. Scrope. Registr. Arundell.

RICARDUS YONG.

Ricardus Yong, Episcopus Bangorensis, provusus erat ad Episcopatum Roffensem à Bonifacio Papâ 1404. 28. Julii. Papâ autem post bimestre tempus defuncto, translatio nondum completa autoritate caruit. Provisionem quidem ratam habuit Innocentius Bonifacii successor; verum Ricardus penes Angliæ hostes (Wallos rebelles puto) in captivitate detentus, novam Sedem adire non potuit; & procuratores ipsius admittere Archiepiscopus recusavit. Ut Sedes enim diu vacaret, maxime interfuit Archiepiscopo; cui pro more redditus ejus durante vacatione cesserunt. Hominis misertus Innocentius Papa literis ad Archiepiscopum datis 1406. 22. April. illum per procuratores admitti jubet. Rescribit Archiepiscopus se non abnuere, Bullas autem translationis sibi nondum à Ricardo transmissas. Inter hæc moritur Innocentius; succedit Gregorius XII. qui translationem Ricardi 1406. 11. Novembr. confirmavit. Tandem igitur aliquando Ricardus temporalia & spiritualia Sedis Roff. ab Archiepiscopo obtinuit. factâ professione apud Lametham 1407. 2. Maii. Anni tamen translationis illius in scriptis publicis à Bonifacii bullâ editâ numerantur. Testamentum condidit 1418. 17. Oct. & ante decem dies exactos obiit. Registr. Arundell. Registr. Chicheley.

JOHANNES KEMP.

Johannes Kemp, L. D. Archidiaconus Dunelmensis, electus à Monachis Roffensibus 1419. mense Januario, provusus est à Martino Papâ die 26. Junii, admissus ab Archiepiscopo ad temporalia pariter ac spiritualia die 9. Sept. eodem 14,



Registr. Kemp.  
Ebor.

Registr. Chich-  
ley.

dem circiter tempore consecratus. Natus is fuerat in parochiâ S. Gregorii de Wye Dioc. Cant. ubi postea collegium Sacerdotum fundavit ad latus occidentale Cœmiterii Ecclesiæ, titulo Collegii SS. Gregorii & Martini de Wye; primumque illis præpositum Ricardum Ewan constituit 1448. 14. Jan. Cicestriam translatus est 1421. 28. Febr.

### JOHANNES LANGDON.

Registr. Chich-  
ley.

Reg. Molash.

Tho. Cawston  
Hist. de Mona-  
chis Cant.

Cent. 7. cap.  
68.

Obit. Cant.

Translato Cicestriam Johanne, electus est à Monachis Thomas Spofford Abbas Cœnobii S. Mariæ Ebor. quem ante consecrationem susceptam Papa Herefordiam transtulit 1421. 17. Nov. eodemque die ad Episcopatum Roffensem provisionis titulo exivit Johannem Langdon. Monachus is in Ecclesiâ Christi Cant. anno 1398. admissus, S. T. B. 1400. creatus, summâ eruditionis laude enituit; & inter alia ingenii monumenta in lucem edita, scripsit Chronicon de rebus Angliæ, quod Thomas Rudburnus in Præfatione ad *Historiam Minorem* laudat. Doctorem Theologiæ apud Oxoniam creatum fuisse Balens asserit; & nime multum fallit memoria, illum Collegii Cantuariensis apud Oxoniam, Monachorum Cant. eo tempore proprii, Custodem fuisse, quando Roffensis Episcopus constitutus est, in Registro Cant. deprehendi. Certè Subprior Monachorum Ecclesiæ Cant. antea fuerat & in Synodi Londinensis anno 1411. sessione primâ concionem habuit. Consecratus est Cantuariæ ab Henrico Archiepiscopo 1422. Dominicâ S. Trinitatis. Missus ad Concilium Basileense ineunte anno 1434. obiit ibidem ante exitum anni die 30. Septembr. Corpus in Angliam reportatum Londini sepultum fuisse Baleus docet.

### THOMAS BROUNS.

Registr. Chich-  
ley.

Thomas Brouns, aliis Brown, utriusque Juris Doctor, Decanus Ecclesiæ Sarum, & per plures annos Archiepiscopi Cant. in spiritualibus Vicarius, consecratus est in Episcopum Roffensem ab Henrico Archiepiscopo apud Cantuariam 1435. 1. Maii; & sequenti die tam spiritualia quàm temporalia sedis suæ ab eodem restituta accepit. Ad Concilium Basileense ablegatus; ut decessoris vices inibi suppleret, dum rebus in Concilio gerendis operam navaret, Episcopus Norwicensis renunciatus est bullâ Eugenii Papæ datâ 1436. 19. Septembr.

### WILLELMUS WELLS.

Registr. Staf-  
ford & Chich-  
ley.

Bekinton. c.  
pist. f. 134.

Thomæ Spofford ad Episcopatum Roffensem electo successit in Abbatiâ S. Mariæ Ebor. Willelmus Wells; idemque Thomæ Brouns Episcopi ad Norwicum translati locum excepit, consecratus anno 1436. Dominicâ in Ramis Palmarum. Anno 1440. ad Papam & Imperatorem à Rege legatus est. Testamentum condidit 1444. 7. Febr. quod post obitum ipsius in Curiâ Archiepiscopali probatum est die 14. Maii sequentis. Obitum die 2. Martii intermediæ contigisse Godwinus scribit. Undenam id hauserit, incertum. Falsum autem esse constat ex Registro *Stafford*. Anno enim 1444. 26. Febr. Archiepiscopus Robertum East receptorem omnium temporalium proventuum Ecclesiæ Roff. vacantis constituit; & die 3. Martii Monachi Roff. licentiam eligendi Episcopum ab Archiepiscopo postulârunt, die sequenti concessam.

### JOHANNES LOWE.

Bale Cent. 7.  
cap. 91.

Johannes Lowe, è Comitatu Wigornienfi oriundus, in Collegio Wigornienfi Fratrum Eremitarum S. Augusti à teneris annis educatus, literarum & pro-

provehctioris ingenii famâ Doctoratûs gradum adeptus, Prior Cœnobii Augustiniani apud Londinum, & demum Ordinis sui Provincialis constitutus est. Instruētissimam libris undique conquisitis in Conventu suo Londinensi bibliothecam posuit; plures & ipse libros elucubravit. Tandem Episcopus Asaphensis, & ex Asaphensi Roffensis evasit, translatus ab Eugenio Papâ 1444. 22. April. spiritualia & temporalia à Johanne Cant. Archiepiscopo accepit die 14. Junii sequentis. Obiit anno 1467. in Ecclesiâ Roffensi sepultus. Registr. Stafford.

THOMAS ROTHERAM.

Thomas Scot, Rotheram à loco natali dictus, successit. Is licentiam consecrationis extra Ecclesiam Cant. suscipiendæ obtinuit 1468. 27. Martii, Lincolniam translatus anno 1471. Registr. Cant.

JOHANNES ALCOCK.

Johannes Alcocke, Decanus Capellæ Regiæ S. Stephani apud Westmonasterium, Custos Rotulorum constitutus est 1462. 29. April. Anno 1472. Episcopatum Roffensem adeptus est, indultâ ei licentiâ consecrationis extra Ecclesiam Cant. suscipiendæ 1472. 13. Martii. Anno sequenti die 20. Sept. Magni Sigilli custodiam accepit. Wigorniam translatus est anno 1476. Registr. Cant.

JOHANNES RUSSELL.

Johannes Russel, ab anno 1472. Archidiaconus Berkesiensis, ad Episcopatum Roffensem promotus, licentiam consecrationis extra Ecclesiam Cant. suscipiendæ tulit 1476. 20. Septembris. Edwardi Principis pueritiæ regendæ admotus, Lincolniam translatus est anno 1480. Registr. Well. & Cant.

EDMUNDUS AUDLEY.

Edmundus Audley, Artium Magister, Canonicus Wellensis admissus 1475. 27. Oct. Eboracensis 1478. 29. Oct. Roffensis Episcopus anno 1480. renuntiatus, licentiam consecrationis extra Ecclesiam Cant. suscipiendæ obtinuit die 18. Septembr. Herefordiam translatus est medio anno 1492. Registr. Well. Ebor. Cant.

THOMAS SAVAGE.

Thomas Savage, L. D. Canonicus Ebor. admissus 1451. 25. Jun. postea Decanus Capellæ Regiæ Westmonasteriensis factus; ad Episcopatum Roffensem eveetus, licentiam consecrationis extra Ecclesiam Cant. suscipiendæ à Conventu Cant. impetravit 1493. 13. April. Provisus antea fuerat ab Alexandro Papâ 1492. 3. Dec. Londinum demum translatus est sub exitum anni 1496. Registr. Ebor. Cant. & Morton.

RICARDUS FITZ-JAMES.

Ricardus Fitz-James, S. T. P. Vicarius de Mynhead in agro Somersetenſi, Canonicus Wellensis admissus 1475. 4. Martii, Custos Collegii Mertonensis apud Oxoniam à Thomâ Archiepiscopo Cant. constitutus 1483. 20. Martii, Episcopus Roffensis creatus, licentiam consecrationis extra Ecclesiam Cant. suscipiendæ obtinuit 1497. 17. Maii. Ciceſtriam translatus est ineunte anno 1504. Post translationem enim completam Spiritualia Episcopatus in Archiepiscopi manus accepta sunt 1504. 20. Febr. Registr. Well. Bouchier, Cant. & Warham.

JOHAN-



## JOHANNES FISHER.

Geo. Ilius  
in Virâ ejus.

Regist. War-  
ham.

Johannes Fisher, honestis parentibus apud Beverlacum in agro Eboracensi natus anno 1459. post prima literarum elementa in Scholâ Ecclesiæ Collegi- atæ Beverlacenſis hausta, Cantabrigiam missus, altiorum disciplinarum studio in Aulâ S. Michaelis scilicet incubuit, Artium Magister anno 1491. S. The- ologiæ Doctor 1501. creatus; brevi post Willelmo Melton præceptor suo ad Cancellariatum Eboracensis Ecclesiæ translato in Præfecturâ Aulæ dictæ suc- cessit; & supremum Academia magistratum anno 1501. atque iterum 1504. gessit. Crebrescente raræ eruditionis famâ, Margaretæ Comitissæ Richmun- danæ à sacris est adscitus; ipsique author erat, ut in literarum & pietatis incrementum duo magnifica Collegia, alterum Christo, alterum D. Johanni Evangelistæ sacrum, apud Cantabrigiam fundaret & amplissimis redditibus dotaret: annua quinetiam stipendia Theologiæ Prælectori in utraque Acade- miâ in perpetuum solvenda assignaret. Anno 1504. Episcopus Rossensis à Rege designatus, à Julio Papâ confirmatus est editâ Provisionis bullâ die 14. Octobris. Præsul certè optimus, & nullis non laudibus dignus, seu eruditio- nem spectes, quæ longè supra vulgus Theologorum posita est; seu vitæ sancti- tatem, qua ad Apostolici temporis Episcopos propius accessit. Nec minori curâ Cancellarii sibi ab Academia Cantabrigiensi demandatum quàm Episco- pi munus obiit; reformatis Academicorum moribus, sublevatâ paupertate, studiis proVectis. Cui dum officio sedulus incumberet, Collegii Reginalis Præfecturam sibi met à Sociis anno 1505. delatam non aspernatus, triennio administravit. Collegium insuper D. Johannis, quod Margareta Comitissa anno 1513. defuncta imperfectum reliquerat, curâ totius operis ipsi deman- datâ, scilicet consummavit; & præter edita in Collegii usum statuta salu- berrima, fundis & redditibus non contemnendis de suo auxit: ut bibliothecam suo tempore instructissimam mittam eidem donatam, sed aliorum injuriâ sub- reptam, & consilium de tertio Collegio apud Cantabrigiam propriis sumpti- bus construendo initum. Anno 1512. Concilio Lateranensi, à reliquis An- glia Præsulibus legatus, interfuit. Anno 1529. divortium matrimonii inter Henricum Regem & Caturinam Reginam olim initi acriter oppugnavit; tanto quidem partium studio abreptus; ut errorem viro erudito indignum passus, fidem & favorem adhibuerit deliris somniis Elizabethæ Barton Sancti- monialis Cantianæ; quæ revelationem cœlitus datam e mentita, iniquos ad- versus Regis divortium rumores in vulgus sparsit. Hujus præstigiis patrocini- um dedisse Episcopus ineunte anno 1534. convictus, carceris pœnam & bo- norum omnium confiscationem meruisse adjudicatus est. Libertatem autem simul ac bona redemit, datâ Regi ter mille librarum summâ, quæ integros unius anni proventus ex Episcopatu Rossensi prodeuntes valere eo tempore censebatur. (si Authori Vitæ ejus fides sit habenda.) Eodem circiter tem- pore lata fuerat Lex in Comitibus regni publicis, Regis & Annæ Bolenæ conju- gium confirmans, regni que successionem proli regiæ ex illâ suscipiendâ an-nectens, additâ juramenti formulâ, quod ejusce gratiâ à Magnatibus regni præstari deberet. Id Fisherus præstare nolens, in carcerem datus est 1534. 21. April. Sententia in ipsum lata in sequentibus regni Comitibus anno eo- dem exeunte habitis confirmata fuit; decretumque est Episcopatum Rossen- sem à die 2. Januarii sequentis vacaturum. Nullus tamen ipso vivente Epif- copatum vacantem accepit. In eodem Parlamento lege publicâ sancitum fu- erat, omnes suprematum regium oppugnantes vel abnegantes læsæ majestatis crimine deinceps teneri. Suprematui regio Episcopus & olim palam obnite- batur, & nuper in privatis colloquiis obnixus dicebatur; vix tamen capitis discrimen adiisset, nisi Paulus III. Papa intempestivo admodum consilio usus, dig-

dignitatem Cardinalitiam, titulo S. Vitalis Presbyteri Cardinalis, illi contulisset 1535. 21. Maii, insigniis Cardinalitiis Calesiam usque transmissis. Eâ re Henricus Rex maximè commotus, Episcopum iudicio fisti & oppugnati suprematûs pœnam evestigio subire iussit. Sententiâ igitur 1535. 17. Junii à Judicibus prolatâ, capite truncatus est in colli prope Turrim Londinensem die 22. ejusdem mensis, in Cœmeterio Ecclesiæ Omnium Sanctorum de Berking dictæ in urbe Londinensi sepultus.

#### JOHANNES HILSEY.

Johannes Hilsey, S. T. D. ex Academiâ Cantabrigiensi, Ordinis Prædicatorum, & Conventûs Dominici Londinensis Præses, post Fisheri mortem sufficitur, non tamen ante annum 1537. consecratus. Conventum Dominicanorum Londinensem jure commendatorio simul rexit, eundemque Regi in manus tradidit 1538. 10. Nov. Reformationi Ecclesiæ suo tempore inchoatæ favebat.

#### NICOLAUS HETHE.

Nicolaus Hethe, S. T. D. Henrici Regis Eleemosynarius, successit, electus Registr. Cranmer. 1540. 26. Martii, consecratus in Ecclesiâ S. Pauli die 4. Aprilis.

---

LIBEL-



## LIBELLUS

A

## Monachis Roffensibus

Anno MCCCLX. oblatuſ

de Jure eligendi EPISCOPI.

**E**thelbertus Rex fundavit Eccleſiam Roffenſem; & dedit Manerium de Hallinges S. Juſto Roffenſi Epifcopo primo.

Ethelbertus Rex dedit Manerium de Snodelonde Bernardo Epifcopo Roffenſi.

Kenewolphus Rex Cantix dedit Manerium de Borſtall Dyoranno Epifcopo Roffenſi.

Ethelwolphus Rex dedit Manerium de Cucuſtane Swyndulpho Epifcopo Roffenſi.

Offa Rex dedit Trotteſclyve Wermundo Epifcopo.

Aupredus Rex dedit Manerium de Frekyngham Burrico Epifcopo Roffenſi.

Edmundus Rex dedit Mallynge eidem Epifcopo.

Ethelredus Rex dedit Manerium de Stone Godrico Epifcopo Roffenſi.

Eadgarus Rex dedit Manerium de Bromlee Ethelſtano Epifcopo Roffenſi.

Gauleramnus Archidiaconus Baiocenſis in Epifcopum à Monachis Roffenſibus [electus fuit,] qui conſecratus eſt in partibus tranſmarinis tempore Ricardi Archiepiſcopi Cant. qui obiit anno MCLXXXIII. Baldwynus ſucceſſit.

Mortuo Gauleranno Epifcopo, literas Domini Regis ſuſcepimus in hæc verba. ‘Edwardus Dei gratiâ Rex Angliæ, &c. Priori & Conventui Roffenſis Eccleſiæ ſalutem. Mando vobis, quatinus omni occasione remotâ tu Prior & duodecim de Monachis tuis diſcretis ſitis apud Weſtmonaſterium [coram] me vel Juſticiariis meis in craſtino S. Andreæ Apoſtoli, parati facere electionem in Epifcopum in Eccleſiâ veſtrâ; & ibi vobiſcum habeatis literas de Capitulo veſtro patentes de ratiſhabitione illius electionis. Teſte Ranulpho de Glanvillâ apud Weſtmonaſterium, per Osbertum de Camerâ. Euntibus igitur Monachis, & de licentiâ Domini Regis redeuntibus ut in Capitulo Roffenſi fieret electio, unanimi aſſenſu Capituli electus M. Gilbertus de Glanvillâ tunc temporis Archidiaconus de Liſewys in Paſtorem. Quo facto, literas Domini Regis ſuſcepimus in hæc verba.

‘Henricus Dei gratiâ Rex Angliæ &c. Priori & Conventui Roffenſis Eccleſiæ ſalutem. Audito qualiter negotium proceſſit in eligendo vobis Epifcopo; gauiſi ſumus, & quòd pacificè & unanimiter in electione veſtrâ egiſtis, multimodas vobis gratiarum referimus actiones. Perſonam ſiquidem electam idoneam eſſe credimus regimini Eccleſiæ, nobiſque & vobis confiſimus per gratiam Dei profuturam, & quòd ejus promotio communiter nobis pro- venit commodo pariter & honore. Rogamus itaque, ut perſona eidem  
‘debitam

debitam reverentiam & obedientiam exhibeatis & honorem, caram etiam & dilectam habeatis. Teste &c.

Tunc processu temporis missi sunt Monachi apud Otteford ad Dominum Archiepiscopum Baldewynum; à quo impetraverunt Electum suum confirmari. Et notandum, si objicitur quòd Dominus Archiepiscopus dixit in confirmatione suà sic *Do tibi Episcopatum Roffensem*; quia verba huiusmodi usitata sunt in confirmationibus faciendis; & ideo non nocet, quia præcesserat electio in Capitulo; quod nullus probare potest nisi illi qui interfuere electioni, scilicet qui sunt de Collegio. Et moneri debet, quòd Dominus H. de Cobham & alii decedentibus Episcopis Roffensibus gerebant custodiam Episcopatus nomine Regis, & de exitibus respondebant ad Scaccarium Domini Regis.

Mortuo Gilberto Roffensi Episcopo, literas Domini Nicolai Tusculanensis Episcopi tunc temporis Legati suscepimus in hæc verba. *Nicolaus Dei gratià Tusculanensis Episcopus, Apostolica Sedis Legatus, dilectis filiis Priori & Capitulo Roffensi salutem. Mandatum Domini Papæ suscepimus in hæc verba: Innocentius Episcopus, servus servorum Dei, venerabili fratri Nicolao Tusculanensi Episcopo, Apostolicæ Sedis Legato, salutem & Apostolicam benedictionem. Prudentiam tuam in Domino commendamus; quòd Roffensi Episcopatu vacante, cum super ipsius custodiâ quæstio verteretur inter carissimum in Christo filium nostrum Johannem Angliæ Regem illustrem & venerabilem fratrem nostrum Stephanum Cant. Archiepiscopum S. R. E. Cardinalem; tu sicut accepimus, sine præjudicio utriusque ipsam accepisti custodiam detinendam. Ut autem eidem Episcopatui in spiritualibus & temporalibus utiliter consulatur; fraternitati tuæ per Apostolica scripta mandamus; quatinus injungas ex parte tuâ Roffensi Capitulo, ut absque moræ dispendio personam idoneam sibi præficiant canonicè in Pastorem, & requirant regium assensum. Tuque vocatis qui fuerint vocandi, cognoscas ad quem tempore vacationis pertineat ipsius Episcopatus custodia; eiquè illam assignes, ad quem cognoveris pertinere, nisi fuerit ei prius de Pastore provisum. Dat. Viterbii Idus Septembr. Pontificatus nostri anno xvii. Hujus igitur auctoritate mandati absque moræ dispendio vobis præficiatis personam idoneam in Pastorem; salvâ auctoritate Domini Papæ, si quæ literæ Apostolicæ apparuerint. Dat. &c.*

Ex tenore literarum istarum patet apertiùs, quòd Dominus Papa voluerit nos gaudere electione Canonicâ; & istas literas habemus penès nos. Et memorandum, quòd Dominus Legatus residens in Capitulo nostro monuit nos sæpiùs, ut eligeremus auctoritate literarum Domini Papæ; & commendavit quosdam de suis, asserens illos dignos honore Episcopali. Sed casu distulimus electionem. Processu verò temporis pervenerunt ad nos literæ Domini Regis; in quibus continebatur de eligendo & providendo nobis Pastorem: de cætero intenderemus Domino Archiepiscopo Cant. sicut consuevimus intendere Domino Regi & suis prædecessoribus. Qualiter autem intendebamus Domino Regi, ex prædictis patet. Istæ literæ resederunt penès Archiepiscopum, nobis reclamantibus. Cum igitur accessisset ad nos Dominus Archiepiscopus Stephanus, & nos sæpiùs invenisset difficiles, eò quòd timebamus mutationem statûs Ecclesiæ nostræ; asseruit non esse timendum, sed promissit fideliter se fore egregium & sollicitum pastorem & tutorem Ecclesiæ de Roffa. Tandem cum esset diutiùs & sæpiùs tractatum inter nos de eligendo pastore; & essemus solliciti providere virum idoneum secundum Deum utilem & Regi & regno, qui esset graciosus in conspectu tam Regis quam Archiepiscopi; pervenit ad nos fama & opinio Magistri Benedicti Præcentoris S. Pauli, pro quo etiam Dominus Archiepiscopus spondit & defixit animam suam. Habito igitur inter nos diligenti tractatu, & quandoque cum Archie-



piscopo tum in thalamo Prioris tum apud Hallynge, præfiximus diem electioni nostræ, festum sc. S. Lucie Virginis. Veniente igitur ad nos Domino Archiepiscopo & residente in Capitulo, & præmonente attentius & exorante, ut provideremus nobis Pastorem secundum Deum, virum quidem discretum, providum, moribus ornatum, idoneum ad executionem officii Episcopalis, qui commodè sciret & posset vices ejus supplere in omnibus; intulimus dicentes: Domine Pater, sumus eligere. Et nobis recedere volentibus à Capitulo, dixit M. Simon frater Domini Cantuariensis. Non debetis exire; sed Dominus meus exibat; quia electio facienda est in Capitulo. Et hoc dicto exivit Dominus Archiepiscopus & frater ejus cum eo. Quo facto, tractavimus diligenter de personâ Magistri Benedicti & de personis quorundam aliorum. Sed quoniam prævaluerat fama & opinio M. Benedicti, quem Dominus Archiepiscopus in multis commendaverat, & alii quamplures dignis laudibus extulerunt; unanimi assensu concorditer prædictum Benedictum elegimus in Pastorem. Tunc vocato Domino Archiepiscopo, recitata est electio coram eo, & tandem publicata. Et sine moræ dispendio direximus duos de Monachis, sc. Willelmum tunc Priorem de Rente & Willelmum de Hoo socium ejusdem pro eo Parisiis; quia tunc ibidem rexit in Scolis. Qui reverens in Angliam, apud Herges confirmatus est, & tandem apud Oseneiam in die Conversionis S. Pauli cum honore consecratus.

*Charta Johannis Angliæ Regis de Patronatu Episcopatus Roffensis.*

Ex Registro  
Warham fol.  
114.

**H**ENRICUS Dei gratiâ Rex Angliæ & Franciæ & Dominus Hiberniæ, omnibus ad quos præsentis literæ pervenerint salutem. Inspeximus irrotulamentum cujusdam Cartæ Domini Johannis quondam Regis Angliæ progenitoris nostri in hæc verba. ‘Johannes Dei gratiâ Rex Angliæ, Dominus Hiberniæ, Dux Normanniæ & Aquitaniæ, Comes Andegaviæ, Archiepiscopis, Episcopis, Abbatibus, Comitibus, Baronibus, Justiciariis, Vicecomitibus, Præpositis, & omnibus Ballivis & fidelibus suis salutem. Sciatis nos pro salute animæ meæ & antecessorum & successorum nostrorum Regum Angliæ, de communi consilio Comitum, Baronum & aliorum fidelium nostrorum, reddidisse & concessisse Deo & Ecclesiæ Christi Cant. & venerabili Patri nostro Stephano Cant. Archiepiscopo totius Angliæ Primati & S. R. E. Cardinali patronatum Ecclesiæ Episcopalis Roffensis cum omnibus pertinentiis, dignitatibus, libertatibus & liberis consuetudinibus suis. Ita quod vacante illâ Sede Episcopali, custodiam & ordinationem illius Ecclesiæ idem Archiepiscopus & successores sui habeant liberè & pacificè in perpetuum ut patroni. Ita quod in ordinatione illius Ecclesiæ de Episcopo & Episcopi electione nec ante nec post electionem Episcopi regius requiretur assensus; sed totum ad Archiepiscopum quicumque fuerit pertinebit. Episcopus autem vel Electus loci illius Temporalia, quæ prius vocabantur Regalia, de manu prædicti Archiepiscopi & successorum suorum plenariè recipiet; & fidelitatem ei faciet de feodis pertinentibus ad Ecclesiam illam Episcopalem, tanquam Patrono ejusdem Episcopatus. Servitia autem, quæ nobis inde & hæredibus nostris debentur, Episcopus qui pro tempore ibi fuerit faciet prædicto Archiepiscopo & successoribus suis in perpetuum tanquam Dominis & Patronis; & ipse Archiepiscopus & successores sui eadem servitia per manus suas nobis & successoribus nostris facient. Faciet quoque Episcopus Roffensis

‘ sis nobis & hæredibus nostris fidelitatem tanquam Principi, sed non propter  
 ‘ feodum. Quare volumus & firmiter præcipimus, quòd prædictus Archie-  
 ‘ piscopus & successores sui prædictum Patronatum Episcopatus Roffensis,  
 ‘ cum custodiâ & ordinatione ejusdem cum vacaverit, habeant & teneant liberè  
 ‘ & quietè, pacificè, integrè, plenariè, cum omnibus pertinentiis, dignita-  
 ‘ tibus, libertatibus, & liberis consuetudinibus suis, in perpetuum; sicut  
 ‘ prædictum est. Prohibemus autem ex parte Dei omnipotentis & B. Mariæ  
 ‘ & omnium Sanctorum & nostrâ; ne quis contra hanc piam & liberam reddi-  
 ‘ tionem & concessionem nostram venire præsumat. Quod si quis fecerit,  
 ‘ maledictionem Dei & B. Mariæ & omnium Sanctorum ac nostram incurrat.  
 ‘ Testibus Dominis, W. Londoniensi, P. Wintoniensi, R. Eliensi, E. Here-  
 ‘ fordensi, J. Bathoniensi & Glastonensi, H. Lincolnensi Episcopis, R. Co-  
 ‘ mite Cestriæ, W. Marefcallo Comite Pembrokæ, W. Comite Arundellæ,  
 ‘ W. Comite Warennæ, W. Comite de Ferrariis, S. Comite Wintoniæ, W.  
 ‘ Briwerre, Roberto filio Walteri, Galfrido de Maundevillâ, Ricardo de  
 ‘ Muntfich, Thomâ de Erdinton. Dat. per manus M. Ricardi de Marisco  
 ‘ Cancellarii nostri apud Novum Templum Londoniæ xxii. die Novembris  
 ‘ anno regni nostri xvi. Nos autem tenorem irrotulamenti Cartæ prædictæ  
 ad requisitionem Henrici Chicchelee nunc Archiepiscopi loci prædicti duxi-  
 mus exemplificandum per præsentis. In cujus rei testimonium has literas  
 nostras fieri fecimus Patentes. Teste meipso apud Westmonasterium vii. die  
 Julii, anno regni nostri xiii.

Irrotulatur in memorandis Scaccarii de anno xiii. Regis Henrici VI. inter  
 recorda de Termino Paschæ, rotulo xi. ex parte Rememoratoris The-  
 saurarii in quodam processu tangente Henricum Archiepiscopum Can-  
 tuariensem.

**R**EX Priori ac Monachis Roffensibus ac liberè tenentibus de Episcopatu  
 salutem. Sciatis quòd reddidimus venerabili Patri nostro Domino Ste-  
 phano Cantuariensi Archiepiscopo patronatum Episcopatus Roffensis cum  
 omnibus pertinentiis, tanquam jus suum. Et ideo vobis mandamus, quòd  
 ei tanquam Domino & Patrono ejusdem Episcopatus sitis in omnibus inten-  
 dentes. Et in hujus rei testimonium has literas, &c. Teste Domino P.  
 Wintoniensi Episcopo apud Novum Templum London. xxii. die Novembris,  
 anno regni nostri xvi.

Pat. 16. Johan.  
Regis, n. 11.



# J U R A

## Episcopatus Roffensis

Anno MCCCLX.

Subscriptæ Ecclesiæ pertinent ad collationem Episcopi Roffensis qui pro tempore fuerit.

**E**cclesia de Suthflete, quæ taxatur ad xxx. marcas.  
 Ecclesia de Bromlegh, quæ taxatur ad xxx. marcas.  
 Ecclesia de Stone, quæ taxatur ad xxxii. marcas.  
 Ecclesia de Snodelonde, quæ taxatur ad x. libras.  
 Ecclesia de Cukestoun, quæ taxatur ad xii. marcas.  
 Ecclesia de Woldeham, quæ taxatur ad x. marcas.  
 Ecclesia de Troteschyne, quæ taxatur ad x. marcas.  
 Ecclesia S. Clementis in Roffa, quæ non taxatur propter exilitatem.  
 Ecclesia de Langefeld, quæ taxatur ad v. marcas.  
 Ecclesia de Frakenham Decanatûs de Selham immediatæ jurisdictionis ejusdem, quæ taxatur ad xxxiii. marcas.

Subscriptæ Vicariæ pertinent ad collationem ejusdem.

Vicaria Ecclesiæ de Frenesbery appropriatæ Episcopatui Roffensi.  
 Vicaria Ecclesiæ de Derteford eidem appropriatæ.  
 Vicaria Ecclesiæ de Iselham, immediatæ jurisdictionis Roffensis, eidem appropriatæ.  
 Vicaria de Brundishe Norwicensis Dioceſeos etiam appropriatæ pertinet ad præsentationem Episcopi Roffensis sede plenâ.

Subscriptæ Ecclesiæ pertinent ad compræsentationem Episcopi & Capituli. Capitulum tamen nihil juris habebit nisi duntaxat appositionem sigilli sui. Scilicet Dominus Episcopus nominare habet & scribere, & Capitulum apponere sigillum.

Ecclesia de Retherfeld Ciceſtrenſis Dioceſeos, quæ taxatur ad lxxx. marcas.  
 Ecclesia de Mixebury Lincolniensis Dioceſeos.  
 Ecclesia de Henle Lincolniensis Dioceſeos.  
 Ecclesia de Stourmouth Cantuariensis Dioceſeos.  
 Ecclesia de Norton ejusdem Dioceſeos.

Subscriptæ Ecclesiæ sunt pensionariæ Episcopatui Roffensi.

Ecclesia de Estgrenewych, } appropriatæ Abbati de Gandavo.  
 Ecclesia de Levesham, }

Eccle.

Ecclesia de Derlyngge, } appropriatæ Prioratui de Bermundese.   
 Ecclesia de Cobeham, }   
 Ecclesia de Legh appropriata Prioratui de Tonebrigge.   
 Ecclesia de Westreham appropriata Prioratui Ecclesiæ Christi Cant.   
 Ecclesia de Eselyngham in Hoo, x. solidos.   
 Ecclesia de Lamheth Wintoniensis Dioceſeos, v. marcas.

Subscriptæ Vicariæ pertinent ad præsentationem Magistri Hospitalis de Strode, de consensu tamen expreſſo Episcopi.

Vicaria de Eylesford.

Vicaria de Hallynges.

Item Episcopus Roffensis habet præficere Cantorem, Celerarium & Sacristam in Ecclesiâ Cathedrali Roffensi ad nominationem Prioris & Capituli; & debent induci & investiri.

Subscripta Officia pertinent ad collationem Episcopi infra Prioratum Roffensem.

Officium Portarii sive Janitoris.

Officium Coci primi & secundi.

Officium Pistoris primi & secundi.

Officium Pandoxatoris primi & secundi.

Officium Sartoris primi & secundi.

Officium Lotricis, & alia minuta, de quibus non constat ad præſens; & vocantur prædicta officia Serviantiæ.

Confert etiam sub his verbis Serviantiam talis officii vacantis. *Tibi conferimus, & te investimus in eadem ad beneplacitum nostrum revocandâ, vel quamdiu nobis placuerit.*

Item percipiet præfatus Episcopus singulis annis in Festo S. Andrea à Priore Roffensi magnum exenium, quod vocatur Exenium S. Andrea.

Item percipiet ii. pelliceas pro frigore à Camerario dictæ Ecclesiæ.

Item Capellanus ejusdem percipiet à Priore pro necessariis suis xl. solidos vel iv. marcas.

Item percipiet præfatus Episcopus de Abbatisâ de Mallynges unum aprum, ut creditur, & certam portionem ceræ pro decimis vinearum de Hallynges.

Item confert Archidiaconatum Roffensem.

Item præficit Custodem Hospitalis novi Operis de Strode.

Sciendum est, quod dictus Episcopus habet plenam jurisdictionem & inductionem in omnibus Ecclesiis collationis suæ, & Archidiaconus nullam.

Item consimilia habet in Vicariis Ecclesiarum appropriatarum Hospitali de Strode; & hac ratione, quia illæ Ecclesiæ dudum pertinebant ad collationem Domini Episcopi Roffensis.

*Excer-*



*Excerpta quædam ex Consuetudinario Roffensi.*

**O**Mnes Episcopi Roffenses à Gundulfo ad Gualerannum dati fuerunt per Reges & Archiepiscopos. Successit tunc Gilbertus electus à Capitulo; qui pro juribus & prædiis Ecclesiæ recuperandis & congregandis, quæ per injuriam & desidiâ antecessorum erant alienata, detracta & dispersa, viriliter multum insudavit. Siquidem in Registris Cantuariensi & Roffensi hæc scripta invenit. Cantuariensis, Roffensis, & Londinensis Ecclesiæ contemporaneæ sunt; & Roffensis semper usque ad tempora Normannorum Regibus in capite de regalibus servitiis intendebat. Antequorum tempora Cantuariensis Ecclesia Co-episcopos habere consueverat apud S. Martinum commorantes, fundo juxta posito ad victum & vestitum pauperrimè dotatos; quorum corpora ibidem tumulata sepulchra adhuc apparentia manifestant. Hi Archiepiscoporum absentium defectum supplentes, sacramenta ecclesiastica conficiebant. Quorum ultimo Lanfranci temporibus de medio sublato, Archiepiscopus vir magnanimus, decentiorem sibi Vicarium providere desiderans, Gundulfum tunc temporis Roffensem Episcopum convenit; ut officium illud in se susciperet, necnon & de septem militum servitio Regi principaliter debito de ipsius Regis assensu & quasi medio responderet, & de duabus marcis Vicecomiti solvendis pro libertatis conservatione. Et ad horum solummodo distractionem faciendam licet fervienti de Otterforde venire apud Trotesclive, & non alibi; nec aliquam summonitionem ex parte Regis vel alterius admittere debet nisi per Archiepiscopum. Et si ad mandatum ipsius quocunque ierit, insuper & ad officium exequendum, procuracionem infra notatam instituit.

Eadem habentur in Additamentis ad Textum Roffensem Ernulfi Episcopi fol. 220.

Hæ sunt Consuetudines, quæ debentur à Domino Cantuariensi Archiepiscopo Episcopo Roffensi, sc. cum ad petitionem Archiepiscopi aliquò profisciscitur Episcopus, quotquot diebus iter fecerit in eundo, moram faciendo vel redeundo, singulis diebus percipiet xx. solidos sterlingos. Similiter Archiepiscopatu vacante cum officium Episcopale exercuerit. Quòd si cum Archiepiscopo ierit, in optione erit Archiepiscopi, vel omnia necessaria ei invenire, vel ut ipse & Clerici sui & Servientes ad mensam cum eo comedant. Et ad vesperam habebit duos cereos idoneos, & xiv. majores candelas & xxv. minores, ad numerum sc. xxv. equitaturarum, & vinum & cerevisiam abundantem, & quinque solidos singulis diebus ad familiam & equos. Si autem Archiepiscopus non potuerit aliquâ interveniente causâ officium suum exercere, vel Archiepiscopatus vacaverit; vices ejus debet supplere Roffensis Episcopus modo prædicto, tam in consecrationibus Regum quàm Episcoporum, & in omnibus aliis ad officium Archiepiscopale spectantibus, cum prædictâ procuracione. Hoc officium exercuit Gilbertus toto tempore Baldwini Archiepiscopi in Syriâ agentis, & postea vacante Archiepiscopatu; & procuracionem accepit. Fundavit etiam Gilbertus Hospitale de Strodes; & Ministros instituit ad vivendum regulariter, & ad recipiendum pauperes concurrentes. Gilberto successit per electionem Benedictus Thesaurarius Regis; qui fecit omnes aulas Episcopatus. Et illi Henricus de Sanford, Philosophus magnus; cui Ricardus Wendover de Bromlegh; cujus electionem S. Edmundus Archiepiscopus infirmare nitebatur, dicens quòd provisio Ecclesiæ Roffensis de Episcopo sibi & successoribus suis competeat. Capitulum verò tunc ab eo ad Curiam Romanam appellans, per triennium in Curiâ litigabat. Latâ denique sententiâ pro Capitulo contra Archiepiscopum, Ricardus in Curiâ

Curia confirmatus fuit, & Cantuariæ in Monasterio S. Gregorii à S. Edmundo consecratus. Cui successit Laurentius. Hic appropriationem trium Ecclesiarum mensæ Episcopali impetrans, contra Bonifacium Archiepiscopum pro scutagio & aliis libertatibus placitando composuit. Cui successit &c.

Anno Domini MCCLVI. intravit Laurentius Episcopus Roffensis Capitulum Ecclesiæ Roffensis, Domino Symone Priore tunc præfente ac toto Capitulo congregato, proposuit damna gravia & expensas, quæ passus fuit occasione discordiæ & litis pro defensione jurisdictionis & statûs ejusdem Roffensis Ecclesiæ contra Bonifacium Cant. Archiepiscopum, & seu potius contra Regem & Reginam fautores ejusdem Archiepiscopi. Et quod hujusmodi occasione oportuit eum adire Sedem Romanam non sine magnis laboribus & sumptibus, pro eo quod de iis non potuit in Angliâ contra eundem Archiepiscopum per Curiam Regis justitiam obtinere. Ad hæc subjecit; quomodo ipse non tantum bona Episcopatus Roffensis, quæ ad hoc minimè suffecerunt, sed etiam patrimonialia bona & aliunde quæsitâ mobilia & immobilia in prædicta consumpserit, utpote sine quibus non poterat sustinuisse tam grandia onera expensarum. Quinetiam cum hujusmodi bonis suis & aliis de dicto Episcopatu provenienti in dictâ discordiâ adeo fuit exhaustus, quod vix habuit pro se & familiâ suâ interdum esui necessaria; quod etiam non potuit mutuum invenire; & aliquo anno contigit dictâ guerrâ durante, quod præter redditus annuos vix de Maneriis omnibus ad Episcopatum spectantibus lx. marcas sterlingorum percepit.



# S U C C E S S I O P R I O R U M Ecclesiæ Roffensis.

**E**cclēsiā Roffensem ante Gundulphi tempora infederunt Canonici Sæculares. Refert quidem Author vitæ Gundulphi famam ad Lanfrancum delatam Monachos olim inibi sedem habuisse. Sic enim illo tempore ferebant Monachi, Ecclesias Cathedrales & Conventuales sibimet olim datas, à Sæcularibus ereptas fuisse. Hoc commento usi, & Lanfranci favore innixi, plurimas sibi Ecclesias deturbatis Sæcularibus obtinuerunt. Res enim parum nota impudenti mendacio facile obduci potuit; & Monachi præ aliis clamosi ope Archiepiscoporum è grege suo primis Normannorum temporibus delectorum prævaluerunt. Quod Ecclesiam Roffensem attinet, non aliam puto Monasticæ religionis inibi olim vigentis rationem adduci potuisse, quam quòd primi Episcopi fuerint Monachi. Certè Siwardus Episcopus anno 1075. moriens Ecclesiam Canonicis Sæcularibus subditam reliquit, licet frequentibus rapinis & sacrilegio tam miserè depauperatam, ut vix quinque Canonicis alendis sufficeret. Illo circiter tempore Lanfrancus Monachos Ecclesiæ Cantuariensi induxerat; eisdemque Roffensi inducere volens, Episcopatum Gundulpho hac conditione dedit, ut eliminatis Sæcularibus, religionem Monasticam in Ecclesiâ suâ institueret. Canonici quidem, summâ rerum inopiâ animos fracti, manus facillè dederunt, nonnulli etiam cucullam induerunt. Introductis Monachis, Lanfranci liberalitate & Gundulphi diligentia Ecclesia & reddituum & ædificiorum amplitudine mirum in modum brevi adaucta est. Primus Ecclesiæ Roffensi Prior à Gundulfo datus est

Vita Gundulphi  
p. 280.

Monastic. tom.  
3. p. 2.

*Ordouinus*, de quo frequens fit mentio in Textu Roffensi. Subscripsit ille Chartæ Gundulphi Episcopi de institutione Prioratûs 1089. 20. Sept. datâ. Plurimis quidem antea annis vivente adhuc Lanfranco Monachi introducti fuerant, istâ demum Chartâ confirmati. Ordouinus Prioratum ante obitum deposuisse, & iterum accepisse videtur. Abdicavit annos inter 1089. & 1096. Successit

*Arnulfus*. Extat enim in Archivis Ecclesiæ Cant. Charta autographa Arnulphi Prioris Roffensis; subscribunt Letardus Portarius & Henricus filius ejus. Ille Prior Ecclesiæ Cant. anno 1096. constitutus, Abbatiam Petriburgensem anno 1107. Episcopatum Roffensem 1114. obtinuit.

*Radulfus*, Monachus Cadomensis, cum Lanfranco in Angliam pervenit, & Ernulfo in Prioratu Roffensi anno 1096. successisse videtur. Certè Radulphus Abbas de Bello medio anno 1107. electus, in antiquâ Historiâ de Bello, tunc cum in Abbatem electus est, Roffensis Ecclesiæ Prioratum sub Gundulpho Episcopo strenuè administrasse dicitur: quod & Ordericus Vitalis confirmat. Gundulpho morienti anno 1108. adfuit, frustra à Monachis Roff. in Episcopum experitus.

In biblioth.  
Cotton Domi-  
tius A. 2.

Vita Gundulphi  
p. 292.

*Ordowinus*, post Radulphi translationem Prioratum iterum suscepit anno 1107. In Textu enim Roffensi chartæ Gundulfi Episcopi Ecclesiæ Mallingenfi datæ subscribunt simul Ordowinus Prior & Radulphus Abbas de Bello. Idem Prioratum sub Ernulfo Episcopo tenuisse ibidem dicitur; atque adeo anno 1115. superfuit. Fol. 198.

*Letardus*, Ecclesiæ Roff. ante annum 1096. Ostiarius, Prior erat Ernulfo Episcopatum administrante. Text. Roff. f. 192.

*Brianus*, præfuit anno 1145. Confirmationem possessionum Ecclesiæ suæ ab Eugenio Papâ obtinuit 1146. Obiit die 5. Decembris. Additament. ad Text. Roff. f. 207.

*Reginaldus*, confirmationem privilegiorum Ecclesiæ Roff. ab Adriano Papâ impetravit anno 1154. Die 29. Aprilis obiisse dicitur in Obituario S. Augustini Cant. Obit. Cant. Annal. Roff.

*Ernulfus II.* Prioratum tenuit tempore Walteri Episcopi, atque isto, ni fallor, ordine. Annal. Roff.

*Wilhelmus de Borstalle*, ex loci Celerario Prior ante Silvestrum factus memoratur in antiquo Ecclesiæ Roff. Registro, *Vespasian A. 22.*

*Silvester*, ex Celerario Prior factus, possessiones Ecclesiæ suæ ab Alexandro Papâ confirmari obtinuit anno 1178. Fecit is Refectorium & Dormitorium & tres fenestras in Capitulo versùs Orientem. Annal. Roff.

*Ricardus*, ex Priore Roff. Abbas Burtonensis factus anno 1182. obiit 1188. 19. April. Annal. Burton. Monast. 1. p. 272.

*Alfredus*, Abbas Abendonæ ab Henrico II. Rege creatus est annos inter 1185. & 1189. Hist. Abendon.

*Osbernus de Scapeyâ*, ex Sacristâ Prior factus, dum Sacristæ adhuc munus obiret, perfecit *Historias M. Petri & Breviarium de Capellâ Infirmarii, & Isaiam glossatum Ascelini Episcopi, & librum de Claustro Anima, & Psalterium magnum quod est in Choro cum catenâ, & fenestram ad altare S. Petri, & alia multa*: prout habet Registrum Roff. modò citatum.

*Radulphus de Ros*, præfuit anno 1199. quod ex Additamentis ad Textum Roffensem constat. Dum Sacrista adhuc esset, fecit *bracinum, & cameram Prioris majorem & minorem, & domos lapideas in Cæmeterio & hosteleriam, & grangiam in vineâ, & stabulum; & fecit magnam Ecclesiam tegere & plurimam partem plumbare*; & alia multa, referente Registro Roff. suprâ laudato. Fol. 118.

*Helias*, Prior fecit *plumbare magnam Ecclesiam; & stabulum fecit sibi & successoribus suis lapideum; & partem Claustri versùs Dormitorium plumbare fecit; & Lavatorium & ostium Refectorii fieri fecit*. Ista de illo habet Registrum sape dictum.

*Wilhelmus*, anno 1222. Prioratum gessisse in Registro quodam Ecclesiæ Roff. (in Bibliothecâ Cotton. *Domitian A. 10.*) traditur.

*Ricardus de Derente*, electus est in Priorem Roff. anno 1225. post Octavas Pentecostes in crastino Synodi; prout habet Chronicon breve Roffense *Vespasian A. 22.* Eundem annis 1228, 1236, & 1238. præfuisse constat ex Annalibus Roff. Registro Roff. supra citato, & Florilego.

*Wilhelmus de Hoo*, loci Sacrista, in Priorem electus est 1239. 25. Junii. Dum Sacristæ adhuc manereungeretur, construi fecit totum Ecclesiæ Roffensis chorum ab alis Australi & Boreali de oblationibus factis ad feretrum S. Willemi. Postea Prior per biennium, quod noluit consentire venditioni bosci de Chetindone, nimia persecutione persecutus, mutato habitu apud Wobbourne Monachus obiit. Ista refert Registrum antiquum Ecclesiæ Roff. *Vespasian A. 22.* Annal. Roff.

*Alexander de Glanvillâ*, electus anno 1242. Obiit mœrore subito confectus 1252. 5. Martii. Chron. breve Roff. Annal. Roff.

*Symon de Clyve*, Ecclesiæ Sacrista, successit anno 1252. Corpore debilitatus resignavit 1262. Id.



- Johannes de Renham*, aliis *Rensham*, electus 1262. resignavit 1283. mense Dec. Sic enim Edmundus & Benedictus Monachi Roff. Annalium & Chronici brevis authores rem obducunt. Verè autem à Johanne Cant. Archiepiscopo Ecclesi- am Roff. jure Metropolitico visitante est depositus anno 1283. circa Natale Do- mini. Causam Archiepiscopus attulit in decreto depositionis, quod in Registro suo extat. *Invenimus*, inquit, *Priorem suspectum haberi de inhonestâ procura- tione electionis Domini Johannis nuper Episcopi, & in id multa consumpsisse mo- bilia; & quedam alia dicitur alienâsse perpetuò non sine scrupulo Symonia; de quibus etiam in nullo se rationabiliter excusavit.* Datum est Decretum 1283. 24. Oct. & Johannem ab officio Prioris citra Natale Domini penitus absolu- tum esse denuntiat.
- Thomas de Woldeham*, electus 1283. 24. Dec. ad Episcopatum Roffensem provectus est exeunte anno 1291.
- Johannes de Renham* seu *Reynham*, ad Prioratum iterum electus est 1292. 7. Jan. obiit anno 1294.
- Thomas de Schulford* seu *Shelford*, successit anno 1294. resignavit 1301.
- Johannes de Greenstreet*, electus 1301. mense Februario, abdicavit 1314.
- Hamo de Hethe*, Prior electus 1314. 8. Maii, ad Episcopatum Roff. electus est 1317. consecratus 1319.
- Johannes de Westerham*, præfectus ab Hamone Episcopo in Priorem 1320. 14. Jan. Obiit 1321. die. 30. Januarii sepultus.
- Johannes de Speldherst*, loci Celerarius, in Priorem à Monachis electus, & ab Episcopo præfente confirmatus 1321. 20. Jan. resignavit 1333. 12. Au- gusti.
- Johannes de Scapeiâ*, sive *Shepey* S. T. P. successit, ad Episcopatum Roff. promotus sub finem anni 1352.
- Robertus de Suthflete*, custos Cellæ de Filchestowe, Johanni subrogatus est anno 1352. obiit anno 1361.
- Johannes de Hertlepe* seu *Hertley*, ejusdem Cellæ Custos, electus est 1361. 6. Aug. resignavit 1380. 6. Novemb.
- Johannes de Sapeyâ*, loci Supprior, electus 1380. 14. Decembr. Prioratum administravit annis 39. obiit 1419. 2. Augusti.
- Willelmus Tunbrygg*, electus à Monachis, confirmatus est ab Archiepiscopo Cant. (Sede Roffensi tunc vacante) 1419. 21. Aug. Willelmus quidam anno 1443. præfuisse in Registro Ecclesiæ Roff. *Faustina C.* 5. legitur. Eodem Pri- oratum tenente Ecclesia Roff. ab Archiepiscopo visitata est 1444. mense Mar- tio.
- Johannes*, Prior anno 1445. in Registro Roff. mox citato reperitur.
- Willelmus Wold*, nomen ejus apud Reynerium occurrit. Isto circiter tem- pore Prioratu functus videtur.
- Willelmus Bisshop*, anno 1496.
- Willelmus Frysell*, Prior factus est 1509. 11. Septembr.
- Walterus Philips*, Prior ultimus, Conventum in manus regias tradidit 1540. mense Martio. Rex autem eodem anno Monachis emissis Canonicos Sæculares introduxit, primumque Ecclesiæ de novo fundatæ Decanum Walte- rum constituit.

Registr. Pec-  
ham fol. 87.

Annal. Roff.  
& Chron. bre-  
ve.

Id.

Id.

Id.

W. Dene, &  
Chron. breve.

Id.

Id.

Id.

Chron. breve  
Roff.

Id. & Registr.  
Courtney.

Eadem, & Re-  
gistr. Chichley.

Registr. Chich-  
ley.

Registr. Staf-  
ford.

Apostolat. Ben.  
in Append. p.  
207.

Registr. Mor-  
ton.

Registr. War-  
ham.

Registr. Cran-  
mer.

BARTHOLOMÆI DE COTTON

Monachi Norwicensis

ANNALES  
Ecclesiæ Norwicensis

Ab anno MXLII. ad annum MCCXCV.

ET

HISTORIA

DE

Episcopis Norwicensibus

Ad annum MCCLXXXIX.

---

ACCEDUNT

Continuatio Historiæ de Episcopis NORWICENSIBUS ab anno MCCLXXXIX. ad annum MCCCCXLVI. autore Monacho Norwicensi anonymo.

Successio Episcoporum NORWICENSIVM ab anno MCCCCXLVI. ad Reformationem.

Successio Priorum Norwicensis Ecclesiæ.





## BARTHOLOMÆI DE COTTON

Monachi Norwicensis

## ANNALS

## Ecclesiæ Norwicensis.

**A**NNO MXLII. Stigandus factus est Episcopus East-Angliæ.  
 Anno MXCI. Dominus Herbertus Episcopus suscepit Episcopatum Theofordensem.

Anno MXCIV. v. Idus Aprilis Episcopatus Theofordensis translatus est Norwicum ab Herberto Episcopo. Hic Herbertus ex Abbate Ramefienfi empto Præfulatu factus est Episcopus Theofordensis; sed postmodum pœnitentiâ ductus Romam profectus est, & symoniacum baculum & anulum Papæ resignavit. Veruntamen Apostolicæ Sedis indulgentiâ propitiante restitutus est.

Anno MXCVI. Norwicensis Ecclesia fundata est à Domino Herberto Episcopo.

Anno MCXIX. Herbertus Episcopus Norwicensis heu diem clausit extremum!

Anno MCXXI. Eborardus Episcopus Norwicensis consecratus est.

Anno MCXLV. Eborardus Episcopus Norwici recessit è Norwico.

Anno MCXLVI. Helias Prior Norwicensis obiit.

Anno MCXLIX. Eborardus Episcopus Norwicensis Fontineo vitam finivit.

Anno MCL. apud Norwicum S. Willelmus puer translatus est à cœmiterio in Capitulum. Tempore sub eodem Willelmus de Turbes consecratus est in Episcopum Norwicensem.

Anno MCLVIII. Ricardus Prior Norwicensis obiit.

Anno MCLXXI. Ecclesia Norwici combusta est.

Anno MCLXXIV. Willelmus de Turbes Episcopus Norwicensis obiit.

Anno MCLXXV. Johannes Oxoniæ consecratus est in Episcopum Norwicensem.

Anno MCC. Johannes Oxoniæ Episcopus Norwici obiit; cui Johannes de Grei successit.

Anno MCCI. Girardus Prior Norwici obiit; cui successit Willelmus de Walsham.

Anno MCCV. Johannes Episcopus Norwicensis in Archiepiscopum Cant. ad petitionem Johannis Regis postulatus est. Anno autem sequenti electio à Papâ cassata est.

Anno MCCIX. Gaufridus Archidiaconus Norwicensis ad Scaccarium Regis intendens negotiis, cœpit secretiùs cum fociis suis fermocinari de sententiâ in Regem illatâ; dicens non esse tutum viris beneficiatis in obsequio Regis excommunicati ulterius immorari. Et his dictis ad propria non licentiatus

re-



recessit. Quo postea per ministros Regis capto indutus ferreâ, tam victuali-  
um penuriâ quam ipsius copiæ ponderositate compressus, migravit ad Domi-  
num.

Anno MCCXIV. Johannes de Grey Episcopus Norwicensis obiit.

Anno MCCXVII. Willelmus de Walsingham Prior Norwicensis obiit; cui  
successit Ranulfus.

Anno MCCXVIII. Ranulfus Prior Norwicensis factus est Episcopus Ci-  
cestrensis; & Pandulfus venit Legatus in Angliam.

Anno MCCXIX. Willelmus Ode de Norwico factus est Prior Norwicensis.

Anno MCCXXII. Pandulfus Norwicensis Electus ordinem suscepit Sa-  
cerdotis, & in Episcopum consecratus est à Papâ Honorio. Eodem anno  
Ranulfus Cicestrensis obiit.

Anno MCCXXVI. Pandulfus Norwicensis Episcopus obiit; cui successit  
Thomas de Blunville consecratus. Et Prædicatores & Minores cœperunt habi-  
tare in Norwico.

Anno MCCXXXIII. visitatio facta est per Thomam Episcopum Norwicen-  
sem in Episcopatu suo per mandatum Domini Papæ, & per alios alibi.

Anno MCCXXXV. Willelmus filius Odæ Prior Norwicensis obiit; cui  
Simon de Elmham successit installatus.

Anno MCCXXXVI. Thomas de Blunville Episcopus Norwicensis obiit.  
Tempore sub eodem Simon Prior Norwicensis electus est in Episcopum ejus-  
dem Ecclesiæ.

\* l. Ecclesiæ.

Anno MCCXXXIX. cassatus est Simon Prior Norwicensis, ejusdem \* do-  
mûs Electus. Eodem anno electus est Willelmus de Ragele ad Episcopatum  
Norwicensem.

Anno MCCXLI. Monachi Wintonienses in multis oppressiõibus consti-  
tuti, Willelmum de Ragele Norwicensem Episcopum in Episcopum Wintoni-  
ensem postulârunt. Eodem anno orta est discordia magna & ira inter Re-  
gem Henricum & Willelmum de Ragele quondam Episcopum Norwicensem,  
eo quod postulationi de se factæ non consensit in Episcopum Winton.

Anno MCCXLIII. confirmatur à Papa Willelmus de Ragele quondam  
Norwicensis Episcopus in Episcopum Wintoniensem invito Rege.

Anno MCCXLIV. Rex saniori usus consilio, Episcopum Wintoniensem  
Willelmum à partibus transmarinis revocavit, gratiam suam & ablatorum  
restitutionem pollicendo. Eodem anno Walterus de Suthfeld eligitur ad Epif-  
copum Norwicensem; qui anno sequenti consecratus est.

Anno MCCLVII. Walterus de Suthfeld Episcopus Norwicensis obiit; &  
electus est Simon de Waltone & confirmatus. Eodem anno Simon Prior  
Norwici, vir eximiæ sanctitatis, vi. Idus Junii obiit; cui Rogerus de Sker-  
ningâ successit.

Anno MCCLVIII. Dominicâ in passione Domini consecratus est Magister  
Simon de Waltone in Episcopum Norwicensem vi. Idus Martii. Tempore  
sub eodem concessa est ad relevationem exhæredatorum vicesima pars omnium  
bonorum de viris Ecclesiasticis tam de temporalibus quàm de spiritualibus, ta-  
men secundum taxationem Domini Walteri de Suthfend quondam Episcopi  
Norwicensis. Eodem anno in crastino Circumcisionis obiit Simon de Wal-  
tone Episcopus Norwicensis; cui successit Rogerus de Skerninge consecratus.

Anno MCCLXVI. electus est Nicalaus de Bramtone in Priorem Norwi-  
censem, & xiv. Kal. Maii confirmatus, & à Ricardo Gernun Camerario Nor-  
wici installatus per mandatum Rogeri Episcopi. Eodem tempore xvii. Kal.  
Januarii post \*\*\* Barones præfati venerunt de Insulâ apud Norwicum, ut civita-  
tem comprehenderent. Cives vero præparaverunt se ad resistendum. Sed  
Barones corde audaciores, viribus prudentiores, virtute nobiliores, civitatem  
viriliter aggressi sunt; & eam sibi in brevi horâ potenter subjugarunt. Do-  
minus

minus J. de Evile dux eorum. Et intrantibus illis in civitatem, quamplurimos occiderunt, alios ceperunt & sub vigilantī custodiā posuerunt. Et totā nocte & manē usque ad horam quasi undecimam civitatem deprædârunt. Et omnibus congregatis, cum captivis suis ad Insulam præfatam cum gloriâ & victoriâ triumphaliter remeârunt.

Anno MCCLXVIII. xi. Kal. Martii heu obiit Nicolaus de Bramtone Prior Norwicensis; & vii. Kal. Martii cum magnâ sollemnitate & honore ab Episcopo Rogero sepultus est: cui successit Willelmus de Brunham installatus.

Anno MCCLXXII. In die Apostolorum Petri & Pauli, horâ qua Convenus Norwici prima plâllebat, facta sunt tonitrua magna & coruscationes & fulgura, sed & ictus tonitruī in tantâ fortitudine simul in turrim Ecclesiæ Sanctæ Trinitatis Norwici descendit; quod lapides quamplurimos de præfatâ turri horribiliter evulsit, & in terram violenter prostravit, & eam non mediciter deturpavit. Sed & omnes fratres præ timore de choro fugerunt, exceptis tribus, quorum unus cecidit in terram quasi mortuus, & cæteri duo psalmodiam pro modulo suo sustentabant, quousque cæteri reversi, unde creditur à pluribus, quod ista acciderant in præfagium futuri & majoris infortunii. Eodem anno cives in crastino S. Laurentii obsederunt Curiam Monachorum per girum; qui cū per insultum non potuerunt habere ingressum, apposuerunt ignem videlicet ad magnas portas Monasterii, ultra quas erat quædam Ecclesia parochialis; & eas cum prædictâ Ecclesiâ & cum omnibus ornamentis, libris & imaginibus & cum singulis in eadem contentis combusserunt. Item apposuerunt ignem in eodem instanti ad magnam domum elemosynarum, & ad portas Ecclesiæ, & ad magnum campanile; quæ omnia cum campanis statim combusta sunt. Quidam verò ex ipsis extra turrim Sancti Georgii ignem in magnum campanile, quod fuit ultra chorum, per balistas traxerunt; ex quibus ignibus tota Ecclesia præter Capellam beatæ Mariæ miraculose salvata est; combusserunt Dormitorium, refectorium, aulam hospitum, infirmariam cum Capellâ; & quasi omnia ædificia Curie consumpserunt igne. Quam plures de familiâ, aliquos Subdiaconos, aliquos Clericos, aliquos laicos, in claustro & infra septa Monasterii interfecerunt; aliquos extraxerunt; & in civitate morti tradiderunt, aliquos incarceraverunt. Post quæ ingressi, omnia sacra vasa, libros, aurum & argentum, vestes & omnia alia, quæ non fuerunt igne consumpta, deprædati fuerunt: Monachos omnes, præter duos vel tres, à Monasterio fugantes. His non contenti, malitiam suam usque ad tertium diem continuaverunt, comburendo, interficiendo, deprædando. Quæ cū patefacta fuerunt Domino Henrico III. Regi; multum condoluit, & destinavit literas suas ad omnes portus Angliæ & ad omnia maritima, quod si qui de Norwico fuissent inventi, quod fuissent capti & detenti, quousque aliud ab ipso reciperent in mandatis. Similiter mandavit omnibus Episcopis & Magnatibus regni Angliæ; quod die Sancti Egidii comparerent coram ipso ad sanctum Edmundum, consilium daturi, qualiter contra prædictos malefactores fuisset procedendum. Eo anno Dominus Rogerus Episcopus tunc temporis convocavit totum Clerum suæ Diocæseos apud Eyam in crastino Decollationis Sancti Johannis Baptistæ pro præmissis; & de eorum consilio omnes prædictos malefactores in genere, aliquos etiam nominatim, excommunicavit & denunciavit excommunicatos, monitione in formâ juris precedente; Civitatemque Norwicensem Ecclesiastico subposuit interdicto; & in prolatione ejusdem sententiæ dies clarissima versa est quasi in noctem, & quoddam tintinnabulum in campanili eodem tempore fractum cecidit. Eodem anno die Sancti Egidii tenuit Dominus Rex Parliamentum suum apud Sanctum Edmundum; & de consilio Magnatum Angliæ personaliter accessit Norwicum ad vindicandum facinus prædictum; & ibidem venit ad festum Exaltationis Sanctæ Crucis; & ad petitionem Domini Regis Episcopus relaxavit interdictum,



dictum, dum Rex fuisset in civitate. postea Justiciarii Domini Regis fecerunt quosdam ex delinquentibus equis trahi ad furcas, postea suspendi, deum corpora eorum comburi; quod divites perpendentes, muneribus corrumperunt Justitios, liberos homines patriæ, consilium Domini Regis, & etiam xlviii. milites cinctos gladio juratos, ita quod tunc cessavit punitio; & per falsitatem & malitiam imposuerunt multa falsa Willelmo de Brunham tunc temporis Priori. Propter quæ liberatus fuerat carceri Domini Episcopi; & omnia maneria spectantia ad Prioratum seiscita fuerunt in manum Regis, scilicet ea quæ inventa fuerunt in custodiâ suâ. Tota etiam civitas & omnes libertates eidem civitati concessæ captæ fuerunt in manu Domini Regis; & Rex assignavit custodes ad custodiendum civitatem nomine suo. Quamplures etiam de civitate, timentes adventum Regis, fugerunt extra civitatem; qui ferè postquam Rex recesserat, omnes reversi sunt. Et erat dolendum, quod in prædicto facinore quamplures Sacerdotes & alii Clerici infra sacros & extra existentes, quamplures etiam forinseci de patriâ, fuerunt consentientes & agentes. Dolendum est insuper, quod xlviii. milites decepti per aliquos de ipsis majores muneribus corrupti, dixerunt falsò & malitiosè; quod Ecclesia fuit combusta per ignem intus existentem malè custoditum. Dicebant tamen, & hoc verum, quod cives fecerunt insultum & apposuerunt ad portas & ad alia loca, &c. Tradidit Dominus Rex maneria Conventûs Norwicensis residua in custodiâ Prioris de Binham sub hac formâ, quod inveniret omnia necessaria Conventui Norwicensi, residuum salvo custodiret sine wasto, quousque aliud haberet in mandatis; & ea quæ fuerunt in manibus Obedientiarum, non fuerunt seiscita nec tradita in alicujus extranei custodiâ. Sub eodem tempore vi. Kal. Octobris recessit Rex à Norwico; & in crastino frater Willelmus de Brunham renunciavit Prioratum Norwici sponte, purè & absolutè in manibus Episcopi apud Thorp tunc infirmi. Statim post Kal. Octobris electus est Willelmus de Kirkeby in Priorem Norwicensem, & eodem die confirmatus apud Thorp, & in crastino installatus per Willelmum de Ho Præcentorem ad mandatum Episcopi; qui impetravit maneria extra manus Regis sine aliqua retentione. In die Sancti Lucae Evangelistæ proximò sequente renovatum est interdictum in civitate Norwicensi per prædictum Episcopum. Eodem anno Rogerus Episcopus interdictum in civitate Norwici à vigiliâ Natalis Domini usque in crastinum Epiphaniæ relaxavit, & eodem die iteratò illud renovavit. Eodem anno ad petitionem Roberti de Kilwarbi nondum in Archiepiscopum consecrati fuit interdictum in civitate Norwici relaxatum usque in Octavas Paschæ, & eodem die sequenti fuit tertio innovatum. Eodem anno circa festum Omnium Sanctorum missi sunt procuratores Norwici ad Curiam Romanam contra cives Norwiceses cum serie totius facti sub sigillis quatuor Suffraganeorum Ecclesiæ Cantuariensis. Sub eodem anno Dominicæ Incarnationis Idus Februarii obiit Willelmus de Brunham, quondam Prior Norwici.

Anno MCCLXXV. cum quatuor millia marcarum fuissent petita ex parte Prioris & Conventûs Norwici; mediantibus Decano Sarum & Domino Thomâ de Clare, & à civibus duo millia marcarum oblata, Dominus Rex ordinavit in hunc modum. 'Edwardus Dei gratiâ, &c. habito super præmissis prudentium virorum consilio, in nomine Patris & Filii & Spiritûs Sancti dictum nostrum pronunciamus in hunc modum. In primis dicimus & ordinamus; 'quod omnes actiones & querelæ, quas habebant vel habere poterant ad invicem usque ad hanc diem vel ratione vel occasione, remittant hinc inde; & 'quod dicta communitas reddat Priori & Conventui ad reparandum seu reedificandum Ecclesiam & Prioratum prædictas iii. millia marcas ad terminos infra scriptos, videlicet quolibet anno centum Marcas, medietatem scilicet ad quindenam Pentecostes, & aliam medietatem ad quindenam Sancti Martini, 'quo-

quousque dicta summa fuerit persoluta. Dicimus etiam & ordinamus; quòd dicta Communitas fieri faciat unum vas aureum ponderis x. librarum auri, pretii centum librarum argenti, ad tenendum Corpus Christi super altare dictæ Ecclesiæ, in honore corporis Christi in eadem Ecclesiâ perpetuò remanendum. Dicimus insuper & ordinamus; quòd dicti Prior & Conventus faciant ex quacunque parte voluerint introitum dicti Prioratûs absque damno vel præjudicio alieno. Adhuc dicimus & ordinamus; quòd prædicti Episcopus, Prior & Conventus bonâ fide in Curia Romanâ & alibi sumptibus communitatis, exceptis expensis quas faciet nuncius prædictorum Episcopi, Prioris & Conventus qui ibit ad Curiam Romanam ad impetrandam relaxationem sententiarum latarum in dictam communitatem Norwicensem, procurent, quòd dicta communitas & eorum civitas à sententiâ excommunicationis & interdicti & aliis latis in ipsas rationibus & occasionibus prædictis absolvantur, & dictæ sententiæ totaliter relaxentur. Et si forte super præmissis vel eorum aliquo dubitationem oriri contigerit; nos ad declarandum & interpretandum dubitationem hujusmodi retinemus nobis plenariam potestatem. Datum apud Westmonasterium v. die Octobris, anno regni nostri tertio. Eodem anno Calendas Novembris Rogerus Episcopus Norwicensis relaxavit interdictum in civitate Norwici.

Anno MCCLXXVI. post diem Palmarum Frater Robertus Archiepiscopus Cantuariensis misit litteras suas Prioribus de Ordine Prædicatorum & Minorum de Norwico; ut absolverent excommunicatos de civitate Norwici auctoritate suâ & Episcopi Norwici, qui vices suas sibi commiserat, ut dixit.

Anno MCCLXXVII. die Sancti Vincentii obiit Rogerus Episcopus Norwicensis. Eodem anno circa Festum Sancti Johannis Baptistæ obiit Johannes Papa; cui successit Nicolaus. Eodem anno die Sancti Matthiæ Apostoli Wilhelmus de Middleton electus est in Episcopum Norwicensem; & quinto decimo die sequente fuit confirmatus.

Anno MCCLXXVIII. die Dominicâ proximâ ante Ascensionem Domini Wilhelmus de Middleton in Episcopum Norwicensem est consecratus. Eodem anno Dominicâ primâ Adventus Domini fuit dictus Wilhelmus Episcopus inthronizatus. Eodem die dedicavit magnam Ecclesiam Sanctæ Trinitatis Norwicensis; in quâ dedicatione fuerunt præsentēs & conedicantes Johannes de Chisil Episcopus Londoniensis, Thomas de Cantulupe Herefordensis, & Stephanus Waterfordensis Episcopi, & Archiepiscopus Sagienfis. Erant etiam præsentēs Dominus Edwardus Rex, Regina, plures Comites & Barones, & cæteri Magnates.

Anno MCCLXXXVI. iv. Nonas Aprilis dedicata est Ecclesia magnæ Gernemutæ à Wilhelmo de Middletune Episcopo Norwicensi in honore Sancti Nicolai Episcopi; & translatum est Festum Dedicationis usque in diem Translationis Sancti Nicholai sequentem ab eodem Episcopo, qui etiam dedicavit Cœmeterium ipso die.

Anno MCCLXXXVIII. bonæ memoriæ W. de Middleton Episcopus Norwicensis reversus de Wasconiâ; qui dum ibi fuerat, Senescallus Domini Regis in civitate Burdegalensi effectus erat; qui in esculentis & poculentis aliis præ cæteris Magnatibus Angliæ ibi moram trahentibus se exhibuit commendatum; & mox post ejus reversionem in Angliam viam universæ carnis ingressus est. Cujus corpus sepultum erat in Capellâ Domini Norwicensis Episcopi; scilicet die Dominicâ post Festum Nativitatis B. Mariæ. Eodem die accesserunt ad Regem duo Monachi Norwicensēs, ab eo licentiam peturi, ut moris erat in Angliâ, eligendi; ipsumque Regem invenerunt in regno Aragoniæ. Petitâ ab eo licentiâ & obtentâ, die Sabbati proximâ ante Festum Sancti Martini domum reversi sunt; statueruntque Monachi diem Jovis scilicet Sancti Martini ad electionem perficiendam; & processerunt in



electionem per modum compromissi; & compromiserunt in viii. viris fide dignis; qui omnes elegerunt Magistrum Radulfum de Walpol Archidiaconum Eliensem in Episcopum & Pastorem Ecclesiæ Norwicensis. Quæ quidem electio tunc displicuit omnibus & singulis de totâ Diocesi Norwicensi, & omnes unanimiter maledicebant totum Conventum, & maximè eligentes. Factâ electione destinârunt ad ipsum quendam nuncium cum totius Conventus consensu. Postmodum accesserunt ad ipsum Electum tres Monachi, humiliter & devotè interpellantes, ut electioni de se factæ benignum præstaret assensum. Quo præstito dictus Electus unâ cum duobus Monachis accesserunt ad Dominum Regem in partibus transmarinis; ipsumque inveniebat apud bonam Guardam in ingressu Aragoniæ. Quo invento petierunt ab eo, ut electioni de Prædicto Electo factæ regium præstaret assensum; qui pro voto iocoso animo annuebat; reversique sunt in Angliam die Conversionis Sancti Pauli; & ibi die Dominicâ sequente venerunt ad Curiam Archiepiscopi Cantuariensis, qui cum multiplici gaudio fuerant ibi recepti; & die Martis sequente dictum Electum sollemniter apud Suthmallinge confirmavit; & statum Monachorum, vitam pariter & honestatem Norwicensium occasione suæ electionis publicè & sollemniter recommendavit; & dicto Electo ad consecrationem suam celebrandam apud Cantuariam in mediâ Quadragesimâ terminum præfixit. Eodem anno electus est Magister Willelmus de la Cornere in Episcopum Sarum, & apud Cantuariam consecratur. Eodem anno, videlicet vii. Idus Martii, in crastino Sancti Fœlicis Episcopi, obiit Willelmus de Kirkeby Prior Norwicensis; cui successit Henricus de Lakenham. Eodem anno combusta erat Ecclesia Fratrum Prædicatorum apud Sanctum Botulfum unâ cum Refectoriis & aliis domibus; & plures seldæ cum diversis generibus mercium ibidem combustæ sunt.

Anno MCCLXXXIX. Radulfus de Walpole Episcopus Norwicensis visitavit Diocesim suam.

Anno MCCXC. Dominus Robertus de Clarâ & Prior Sanctæ Trinitatis Londoniæ incarcerati sunt pro ipso, quòd ipsi citârunt Dominum Edmundum Comitem Cornubiæ in Palatio Regis apud Westmonasterium, quòd compareret coram Archiepiscopo. Commotus etiam Rex valdè, & iussit eos custodiri in Turri Londoniæ; & dicebat Palatium suum privilegiatum esse à Sede Romanâ, & quòd nullus ibi debeat citari.

Anno MCCXCV. citatus est Prior Norwicensis ad Parliamentum Regis per tale Breve: 'Edwardus Dei &c. dilecto nobis in Christo Priori Norwicensi salutem. Quia super quibusdam negotiis nos & Regnum nostrum ac vos cæterosque Prælatos de eodem Regno tangentibus, quæ sine vestrà & eorum præsentia nolumus expediri, Parliamentum nostrum tenere & vobiscum super his colloquium habere volumus & tractatum; vobis mandamus in fide & dilectione quibus nobis tenemini, firmiter injungentes; quòd sitis ad nos apud Westmonasterium primo die mensis Augusti proximo futuro, vel saltem infra tertium diem subsequentem ad ultimum, nobiscum super dictis negotiis tractaturi & vestrum consilium impensuri; & hoc nullo modo omittatis. Teste meipso apud Westmonasterium xxiv. die Junii, anno regni nostri xxiii.

## BARTHOLOMÆI DE COTTON

Monachi Norwicensis

## Historia de Episcopis Norwicensibus.

I. (a) **C**hristianissimo Rege Orientalium Anglorum Sigeberto regnante, primus Episcopus fuit (b) FÆLIX natione Burgundus; qui Sigeberto in Galliâ exulanti familiaris effectus, Angliam cum eodem post mortem Eorpwaldi venit; eoque regnum Provinciæ sortito, Episcopus ordinatus totam ad fidem prædicando convertit. Hic Scholas literarum opportunis locis constituit; & in civitate sedem habuit, quæ nunc Silthestowe vocatur supra mare in orientali parte Suffolchiæ. Hic cum xvii. annis Ecclesiam rexisset, sepultus est in Dommoc civitate sedis suæ. Sed postea inde translatus est apud Seham; ubi aliquando secundum quosdam fuit Sedes Episcopalis; quæ est villa juxta stagnum Eliense: qui locus postea destructus à Danis, corpus ejus quæsitum & repertum, in Ramesiensi Cœnobio humatum est. Cui successit

II. THOMAS (c) Diaconus suus, ex Girviorum provinciâ oriundus. Cui successit post v. annos

III. BONIFACIUS (d), qui & *Berfigel*, genere Cantius. Hic xvii. annis præfuit. Cui successit

IV. BISI [e], vir venerabilis, à Theodoro Archiepiscopo institutus. Tandem morbo correptus is locum dedit. Defuncto itaque Bisi, duo Episcopi Provinciam illam usque ad tempus Egbriti Regis Westsaxonum rexerunt; quorum unus sedebat apud Dommoc, & alter apud Elmham; ut infra patebit.

(a) Omnia quæ de Episcopis Norwicensibus habet usque ad Normannorum tempora, Bartholomæus ex Historia Willelmi Malmsburiensis *de gest. Pontif. Angl.* l. 2. c. 2. nonnullis prætermisissis descriplit.

(b) Quo primùm anno Fælix fidem Christianam inter Orientales Anglos prædicaverit, parùm inter Historicos convenit. Factum id anno 636. Chronologia Saxonica & Florentius volunt. Id anno 630. vel sequenti potius contigisse censerem. Author enim est Beda Honorium Archiepiscopum Cant. Thomæ & Bonifacio Fælicis successoribus consecrationis munus impendisse. Fælix autem sedit annis 17. Thomas 5. & Honorius obiit anno 653. Post annum igitur 631. Fælix prædicationem aspiciari non potuit. Porro ex ejusdem fide Fælix à Sigiberto Rege in Orientalem Angliam primùm adductuserat. Sigibertus Eorpwaldo post trium annorum interregnum successit. Eorpwaldus ab Edwino Northanhumborum Rege ad fidem conversus, brevi post interiit. Ipse autem Edwinus fidem ante annum 627. amplexus non est. Fælix igitur provinciam ante annum 630. intrare non potuit. Sedit annis 17. ex omnium sententiâ. Obiit anno 650. juxta Florile-

gum, anno 649. juxta Thomam Eliensem, anno 647. juxta Florentium, qui solus veritatem attigit. Obiit die 8. Martii contigisse, corpusque illius ab Ethelstano Abbate ad Ramesiam Canuto regnante translatus esse refert Capgravius in *Legendâ novâ*, f. 146.

(c) *Jacobus* à Gervasio malè appellatur. Sedit is annos 5. ex concordia omnium voce; atque adeò obiit anno 652. vel sequenti; certè ante exitum anni 653. quo Honorius Archiepiscopus post consecratum Bonifacium Thomæ successorem decessit.

(d) *Berhtgislus* Bedæ, *Bertgilsus* Florentio, *Beorhtgils* Textui Rossensi dictus, sedit annis 17. authore Bedâ l. 4. c. 5. Obiit anno circiter 669.

[e] Bisi, aliis *Bosa* nominatus, consecratus est à Theodoro Archiepiscopo post medium annum 669. Anno 673. interfuit Synodo Herudfordensi. Brevi post ipso adhuc superstite, sed gravissimâ infirmitate ab administrando Episcopatu prohibito, duo sunt pro illo *Æcca* & *Badwine* electi, & consecrati Episcopi; ex quo usque hodie Provincia illa duos habere solet Episcopos. Beda l. 4. c. 5. Factum id anno 673. Florentius, 674. Westmonasteriensis & Pseudo-Allerius scribunt.



## Episcopi apud Elmham.

- I. BEDWINUS (a).
- II. NORTHBERTUS (b).
- III. ETELATUS (c).
- IV. EDELFRIDUS (d).
- V. LAMFERTUS (e).
- VI. ATHELWLVUS (f).
- VII. WNFERTHUS (g).
- VIII. SIBBA (h).
- IX. HUNFERTUS (i).
- X. HUMBRITTUS (l).

Hi duo Episcopi erant Orientalium Anglorum, sc. Wnfertus, qui & Alherdus, Elmamensis, & Thithesertus Domucensis, quidm Offa Rex regnavit, & fecit Episcopatum apud Lichfeld.

Humbrittus & Wilredus Episcopi erant Orientalium Anglorum tempore Ludecani Regis Merciorum & Egbritti Regis Westsaxonum. Sed eodem Ludecano & antecessore ejus Burthredo incurstantibus provinciam, & Episcopis necessariorum copiâ destitutis, ex duobus unus factus est, & apud Elmham sedem obtinuit.

(a) *Bedwinus*, Bedæ *Badwini*, Malmbsuriensi *Baldwinus*, Florentio *Bedawine*, Textui Roffensi *Eadewine* dictus, sedem Episcopalem apud Elmham in agro Norfolciensi anno 673. accepit; S. Ositham habitu sanctimoniali induit anno 675.

(b) *Rothbert* in Textu Roffensi, *Northbertus* apud Malmbsur. appellatur.

(c) *Netholacum* Malmbsuriensis, *Heatholacum* Florentius, *Hadulacum* Beda, *Hathelacum* Textus Roff. vocant. Sedem Helmhamensem tenuit anno 731. quo Beda Historiam terminavit.

(d) *Æthelwulfus* Florentio, *Æthelwulf* Textui Roffensi dicitur.

(e) *Lanferrus* à Florentio, *Lanferr* à Malmbsuriensi vulgato, *Fanferr* à Codice MS. Lichfeld, *Eanfrith* à Textu Roff. nominatur.

(f) *Æthelwulfum* Florentius, *Athelwulf* Malmbsuriensis, *Athelwulf* Textus Roff. appellant.

(g) *Alherd* à Malmbsuriensi, *Haraldus* à Marthæo Paris (in Vita Offæ Regis p. 22.) *Hunferthus* à Florentio vulg. *Alherd* à Florentio MS. *Alberd* à Textu Roff. *Ealberd* in Actis Concil. vocatur. Rectissime hunc Bartholomæus noster Sibbano præponit, eundemque fuisse docet cum Alherdo, quem Titfrido Domocensi & Offæ Regi coætaneum fuisse apud omnes in confesso est. Sic enim Episcopos Elmamenses disponunt Textus Roff. & Florentius MS. *Alberd*, *Sibba*, *Hunferth*. Præfuit Alherdus tempore Archiepiscopatus apud Lichfeld ab Offa positi, viz. anno circ. 787. subscripsit chartæ Offæ Regis datæ Ecclesiæ Roff. 789. apud Text. Roff. f. 133. Adfuit Synodo Cloveshovienfi 803. apud Concil. Angl. p. 325. Malè è contra Malmbsuriensis ordine conturbato Alherdum Sibbano subjecit, non aliâ puto ratione ductus, quàm ut in utrâq; Episcoporum serie nonum Offæ Regi coætaneum faceret.

(h) *Sigge* Malmbsuriensi dicitur, *Sibbanus* in Actis Concil. Angl. p. 328. in quibus Synodo Calcuthensi anno 816. interfuisse reperitur.

(i) *Huferr* Malmbsuriensi vulgato, *Huferr* Codici Lichfeld, *Hunferthus* Florentio, *Hunferth* Textui Roff. audit. De ordine ipsius apud Malmbsuriensem conturbato supra dictum est. Consecratus est à Wlfredo Archiepiscopo Cant. cui professionem obedientiæ scriptam dedit. Synodo Calcuthensi anno 824. adfuisse legitur in Concil. Angl. p. 335.

(l) *Humbrittus*, Textui Roff. *Hunberht*, Asserio *Nunberchus*, aliis *Humbertus* dictus, Hunfertho successit ante annum 826. modò Ludecano Regi æqualis fuerit. Anno 856. 25. Dec. Edmundum Eastanglorum Regem coronavit; & cum eodem martyrium tulit, à Danis occisus 870. 20. Novembr.

## Episcopi apud Domoc.

- I. ETTA [a].
- II. EASCULPHUS [b].
- III. EADREDUS [c].
- IV. CUTHWINUS [d].
- V. ALBERTUS [e].
- VI. EGLAFUS [f].
- VII. HARDREDUS [g].
- VIII. ALSINUS [h].
- IX. TITEFERTUS [i].
- X. WEREMUNDUS [j].
- XI. WILREDUS [m].

[a] *Etta*, Bedæ *Ecce*, Florentio vulgato *Æcca*, Flor. MS. *Acce*, Malmbsuriensi *Etta*, Florilego *Acce*, Gervasio *Eata*, Textui Roff. *Ecce*, sedem Episcopalem apud Domoc in agro Suffolciensi anno 673. accepit. Anno 675. juncto cum Bedwino Helmeamensi ministerio S. Osithæ velum induxit.

[b] *Asculphus* Malmbsuriensis, *Esculphus* Florentio, *Æscwulf* Textui Roffensi audit.

[c] *Edredum* Malmbsuriensis, *Eadredum* Florentius, *Ealdberchtum* Beda, *Eadredum* Textus Roff. appellant. Sedi Domocensi præfuit anno 731. quo Beda Historiam finivit. Heardellus Episcopus Dunmocenensis, qui subscripsit actis Synodi Clovesh. anno 747. habita, (Concil. Angl. p. 242.) non alius videtur.

[d] *Cuthwine* apud Textum Roff. appellatur.

[e] *Albithus* à Malmbsuriensi, *Aldbertus* à Florentio, *Alberht* à Textu Roff. appellatur.

[f] *Eglafrum* Florentius & Textus Roff. vocant.

[g] *Eudredum* Malmbsuriensis vulg. *Erdredum* Codices Lich. & Trin. *Headredum* Florentius vulg. *Hardredum* Florentius MS. & Textus Roff. nominant.

[h] *Alsin* à Malmbsuriensi vulg. *Halim* à Codice Lich. *Ælfomus* à Florentio MS. & Textu Roff. appellatur.

[i] *Titfrid* Malmbsuriensi vulg. *Tidfrid* Codici Lich. *Hidferthus* Florentio, *Widfrith* Textui Roff. dicitur. Istum Sedi Domoc illo tempore præfuisse, quo Offa Rex Archiepiscopatum Lichfeldiæ posuit, viz. anno circiter 787. apud omnes in confesso est. Idem Synodo Becanceldensi interfuit anno 798. Cloveshovienfi 803. Calcuthensi 816. Concil. Angl. p. 318, 325, 328.

[j] *Wermandum* Florentius, *Wermund* Textus Roff. appellant. Hunc Florilegus anno 870. obiisse refert.

[m] *Wildred* nonnullis dictus, chartæ Wiclaßi Regis datæ Cœnobio Croilandenfi anno 833. apud Ingulphum fol. 486. subscripsisse fingitur. Verisimiliora tradit Florilegus, illum nimirum Humberto Helmeamensi & Weremundo Domocensi Episcopis anno 870. defunctis in utrâque Sede successisse, propriam autem sedem apud Helmham posuisse, & post plures annos defunctam Athulfo locum dedisse. Quæ de centum annorum eniâ vacatione Godwinus tradit, gratis sunt dicta, nullius Historici testimonio confirmata. Dani quidem Provinciam illo tempore infederant. Non ideo tamen Episcopi animarum curam dereliquerunt. Constat certè Humbertum & Weremundum anno 870. decessisse, iis successisse Wilredum; medioque sæculo sequenti alios Episcopos sedem Elmamensem tenuisse; ut si Wilredum longævum demus, ullam admittit vacationem non sit necesse.

Episcopi

## Episcopi utriusque Sedis.

- XXVI. ADULPHUS (a). Hic fuit tempore Regis Edwini.  
 XXVII. AFFRICUS (b).  
 XXVIII. TEDREDUS (c).  
 XXIX. TEDREDUS (c).  
 XXX. EDELSTANUS (d).  
 XXXI. ALGARUS (e) Sanctus, qui per visionem cognovit decessum S. Dunstani Archiepiscopi.  
 XXXII. ALWINUS (f).  
 XXXIII. ELFRICUS (g).

(a) *Adulphus*, aliis *Athulphus*, seu *Ea-dulphus*, consecratus est ab Odone Archiepiscopo post annum 938. Extat Professio Odoni facta in Archivis Ecclesie Cant. Eundem sub Edwio Rege, ab anno sc. 955. ad 959. claruisse Florentius prodit. Anno 963. subscripsit chartæ Edgari Regis datæ Ecclesie Ebor. apud Monastic. tom. 3. p. 128.

(b) Rectius *Alfricus*. Sic enim dicitur in Textu Roff. & in codicibus MSS. Willelmi Malmsbur. Confirmavit is Chartam Edgari Regis datam Cœnobio Croilandenli anno 966. apud Ingulphum f. 502. Neque alius videtur à Sigefrido, quem ex Monacho Glaston. Episcopum Norwic. factum tempore Edgari Regis, Nonis Aprilis obiisse Historia Glastoniensis refert.

(c) Aliis *Theodredus*. Alter alteri ejusdem nominis successisse ab omnibus perhibetur. Utriusque autem tempus incompertum latet. Obiit posterior ante annum 975. siquidem fides adhibenda sit Thomæ Eliensi (in Hist. Eli. MS. par. 2. Titus A. 1.) qui Athelstanum Episcopum Edgari Regi contemporaneum ponit. Sin verò Textui Roffensi magis sit tribuendum; Theodredus Helmamensis Episcopus chartæ Etheldredi Regis Ecclesie Roff. anno 995. datæ subscripsisse inibi narratur. Alter ex his à Radulpho Dicetensi *Bonus* cognominatur. Id autem cognominis Theodredi Londinensis Episcopi proprium fuisse arbitror. Referunt quidem Registra Cœnobii Buriensis in Monastico tom. 1. p. 293, 294. Teodredum Londinensem fuisse antea Elmamensem Episcopum. Verùm Chronologia adversatur. Constat enim Theodredum Londinensem ante annum 940. Episcopatum istum tenuisse.

(d) Malmsburiensi *Athelstanus*, Textui Roffensi *Elstanus* dictus. Illum Thomas Eliensis Edgari Regi æqualem, ante annum

975. consecratum esse, & post annum 981. defunctum, in Cœnobio Eliensi sepultum tradit.

(e) Hunc Sacerdotem fuisse, doctrinæ & actionis merito præcipuum, quando Dunstanus Archiepiscopus è vivis excessit, viz. anno 988. postea ad Sedem Helmamensem promotum, Malmsburiensis ex antiquo auctore *Vita Dunstani* refert. Subscripsit is chartæ Etheldredi Regis datæ Ecclesie Roff. anno 1012. apud Textum Roff. f. 161. & Chartæ Canuti Regis datæ Ecclesie Christi Cant. anno 1018. in Concil. Angl. tom. 1. p. 533. Obiit anno 1021. ex fide Florentii, Chronici Mailrosensis, Hovedeni & Florilegi. *Ælfgarus* quidam Episcopus die 24. Decembris obiisse in Obituario Eliensi memoratur. Non alius is à nostro Norwicensi fuit. Sic enim habent Annales Saxonicæ Petriburg. in anno 1021. *Obiit Ælfgar Episcopus* se ælmeýfulla (eleemosinis plenus) *in diluculo diei Natalis Christi*.

(f) Aliis *Alfwinnus*, *Aldwinus*, & *Ealwinus*, Textui Roffensi *Elfwinn*, successit Algaro anno 1021. ex eorundem fide. Hallucinetur itaque Thomas Eliensis, qui ab Ethelredo Rege Episcopatu donatum asserit. Alii itidem Historici, ex quorum mente Monachos Ecclesie S. Edmundi de Burgo Clericis ejectis anno 1020. induxit. Id quidem eo anno Canutus Rex fecit. Anno autem sequenti Ailwinus ad Episcopatum evehctus Ecclesie Buriensis fundamenta jecit, tradente Chronico Johannis de Oxenedes Monachi de Hulmo. Abdicato demum Episcopatu, ad Cœnobium Eliense, ex quo olim prodierat, recessit; ubi post plures annos vitam finivit, auctore Thomâ Eliensi.

(g) Aliis *Alfricus* & *Aluric*, & *Elricus*. Multa contulit Cœnobio S. Edmundi de Burgo; quæ in Monastico tom. 1. p. 292. memorantur. Obiit ante annum 1035.



XXXIV. ELFRICUS, iste fuit Prior Eliensis (b).

XXXV. STIGANDUS, (i) sed ejectus; pro quo

XXXVI. GRIMKETEL electus, tenuit duos Episcopatus, scil. Orientalium Anglorum, & Orientalium Saxonum, vel Australium Saxonum secundum quosdam & verius. Sed tandem Stigandus tantum procuravit; ut sibi Australium Saxonum Episcopatum procuravit, Grimketel dejecto, & fratri suo Egelmero Episcopatum Orientalium Anglorum. Unde prædictus successit frater ejus.

XXXVII. AGELMARUS, (l) scil. frater Stigandi, cui successit

Episcopi Thetfordenses.

XXXVIII. ARFATTUS, (m) Hic transtulit sedem de Elmham apud Thetfordiam tempore Willelmi Regis ex edicto Concilii, ut prius dictum est. Hic fuit antè Capellanus Regis Willelmi.

XXXIX. WILHELMUS DE BELFAGO, (n) vir egregius, prædicto successit; & apud Thetfordiam similiter sedit; & isti duo tantum.

(b) *Elfricus* seu *Eluricus* II. cognomento *Bonus*, successit Elfrico seniori ante obitum Canuti Regis. Alter enim *Elfricus* sub Canuto & Haroldo Regibus præfuisse fertur in Registro Buriensi (apud Monasticon tom. 1. p. 292.) & iste *Bonus* triennio post Canutum obiit. Anno scilicet 1038. obiit ex fide Florentii, Westmonasteriensis, & Analium Saxon MSS. *Domitian* A. 8. Obitum quidem ejus Florentius & Westmonasteriensis in annum etiam 1044. referunt. Cum verò in id utrique conveniat Stigandum quo tempore Episcopatum Estangliæ suscepit, Regi à sacris fuisse, & eundem Haroldi Regis Capellanum fuisse omnibus notum sit, Haroldus autem anno 1040. obierit: satis videtur Stigandi introitum in annum 1038. conjicere.

(i) Variam fortunam in Episcopatu Estangliæ Stigandus subiit. Primò enim à Grimketello Seolesiensi Episcopo ejectus locum cessit. Grimketellus utramque Sedem simul tenuit. Mox vice versà Stigandus Grimketello utrâque Sede deturbato utramque obtinuit. Stigandum à Grimketello primùm ejectum arbitror anno 1040. quando Hardecanutus Rex Haroldo fratri succedens, odio fratris plurimos ipsius amicos & clientes injuriis affecit & bonis spoliavit. Post biennium defuncto Hardecanuto, Edwardus successit, annitentibus maximè Godwino Comite & Livingo Episcopo Wigornienfi, quos Hardecanutus præ aliis exagitaverat. Tunc igitur vice versà Haroldi clientes in integrum restituti, Hardecanuti autem depressi. Illo itaque tempore Stigandum ejecto Grimketello Sedem suam Helmeamensem recepisse conjicio. Nec nudà quidem restitutione contentus, administrationem Episcopatus Seolesiensis à Grimketello lege talionis abreptam sibi committi impetravit. Utramque dehinc

Sedem rexit ad annum usque 1047. quando Alwino Episcopo Wintoniensi defuncto, cathedram Wintoniensem involavit, Agelmaro fratri Helmamensem dereliquit; ægrè exoratus, ut proprius Seolesiæ Episcopus concederetur, Hecca sc. Regis Capellanus. Mortuo enim eodem circiter tempore Grimketello, defuit Stigando prætextus Sedis istius in usum suum ulterius sequestrandæ. Ista mihi in re admodum involutâ & vero magis similia & Historiæ magis consentanea videntur. Nonnulla quidem suadent ipsum ablatum Grimketello Episcopatum Estangliæ Agelmaro statim consignasse, & solam Seolesiam ad annum 1047. tenuisse. Nec repugno.

(l) Fratris potentiâ sibi in Sede Helmamensi subrogatus, unâ cum eodem est depositus in Synodo Wintoniensi anno 1070. in Octavis Paschæ habitâ.

(m) Aliis *Arfastus* & *Herfastus*, Willelmi Regis Capellanus, summâ apud eum gratiâ plurimis annis ante subjugatam Angliam vigeat. Medio anno 1070. Episcopatu Helmamensi à Rege donatus; Cancellariatu anno 1073. forsân & pluribus circumcirca annis fungebatur. Sedem ex Helmham ad Thetfordiam transtulit præcepto Concilii Londinensis à Lanfranco anno 1075. habiti, quo cautum est ut Sedes Episcopales à villis in urbes celebriores transferrentur. Obiit anno 1085. juxta Annales vetustos Roffenses MSS. aliosque Anonymos valde antiquos *Nero C. 6.* anno 1084. juxta Annales Wintonienses.

(n) *Willelmus de Bewfewe* in Chartulario Cœnobii de Binham dictus, Regis Clericus nominatus est à Rege ad Episcopatum Thetfordensem anno 1085. in Festo Nativitatis Domini, & consecratus anno sequenti à Lanfranco Archiepiscopo apud Cantuariam unâ cum Roberto Episcopo Cestrensi. Obiit anno circiter 1091.

Episcopi

## Episcopi Norwicenses.

XL. HERBERTUS (o) successit Willelmo tempore Willelmi junioris, cognomento Losinga. Hic prius fuit Prior Fiscamni, postea Abbas Ramesiæ; & pater suus Robertus Abbas Wintoniæ. Hic Herbertus in Pago Oxoniensi natus, Fiscamni Monachus, post ejusdem loci Prioratum strenue administratum, translatus à Rege Willelmo, qui secundus ex Normannis obtinuit imperium, Ramesiæ Abbatis jure prælatus est; unde post exactum terminum ad Orientalium Anglorum Episcopatum electus & consecratus est. Erat quippe vir omnium literarum tam sæcularium quàm divinarum imbutus scientiâ, facundiâ incomparabili, venustus corpore, jocundus aspectu, ut solo visu plerunque à nescientibus quoddam esset Episcopus deprehenderetur. Mentis quippe gratia radiabat in vultu; & morum tranquillitas corporis officium suo famulatui subigebat. Fide integer, spe erectus, quicquid agebat, quicquid loquebatur, sapientiâ disponebat, confirmabat veritate, caritate saporabat, temperabat modestiâ; & omne bonum, cujus maximè visceribus affluebat, supponebat judicio, ut eandem ipse consequi mereretur. Vir igitur prudentis consilii, vagæ sedis non ferens injuriam; quæ nunc in vico qui Elmham dicitur in sacello ligneo, nunc verò apud Tefordense opidulum in alienæ possessionis Ecclesiâ, sive in aliis quibuslibet locis pro singulorum Episcoporum lubitu habebatur; multum sibi locum Norwici comparavit pecuniâ primò à Regibus Willelmo secundo & Henrico, deinde ab ipsius loci civibus; in quo in S. Trinitatis nomine incœpit & majori ex parte perfecit Ecclesiam. Congregatis in eâ sexaginta & eo amplius Monasticæ disciplinæ viris, ibidem tam sibi quàm successoribus suis Episcopalem cathedram collocari & in perpetuo consecrari à Domino Paschali Papâ obtinuit. Monachorum quoque paci consulens & securitati, oblationes Ecclesiæ ab omni exactiōe liberans, Monachorum omnino esse censuit, eorum usibus omnimodis profuturis. Sed & possessiones discrevit; quarum partem non modicam tam à Rege Henrico quàm à cæteris fidelibus ipsius Regis assensu multo labore & precio acquisierat; ut liquidò constaret, quæ Monachorum quæque Episcopalibus usibus deservirent. Nec parum quoque in hoc vir sagacis ingenii providit posteritati; quoddam hinc Monachorum inde Episcopales officinas seorsim constituit; ne popularis frequentia, qua Episcopus carere non potest, Monasticæ paci inquietudinem generaret: manifestis declarans indiciis, quàm studiosus religiosæ traditionis æmulator extiterat. Nec prius destitit, quàm constitutionem suam Apostolicæ & Regiæ auctoritatis privilegiis confirmaret; Apostolici anathematis mucrone feriendum obtinens, si quis Monachos expellere vel temerè vexando fatigare, vel eorum bona auferre, minuere, retinere moliretur. Præterea ut Sanctorum patrocinia sibi compararet; alias præclari operis constituit Ecclesias; primam in colle, qui Episcopali Ecclesiæ interjecto flumine imminet, secundam Norwici in Curiâ Episcopi, tertiam apud Elmham,

(o) Sæpius *Herebertus* dictus, ex *Priore Fiscamniensi Abbas Ramesiæ* à *Willelmo II. Rege* factus, post tres annos *Episcopus Thetfordensis* efficitur. Ipse cœpit edificare *Ecclesiam Norwicensem* anno 1096. in loco vocato *Cowholme*. Cartam Monachis introductis dedit anno 1101. mense Septembri. Sic *Cartularium de Binham* (in *Collect. Dodsworth* vol. 59. f. 3. in *Biblioth. Oxon.*) *Episcopus Thetfordensis* creatus est anno 1091. consecratus à Tho-

mâ *Eboracensi Archiepiscopo*, vacante tunc *Sede Cant.* Anno 1094. 9. April. *Sedem Episcopalem* à *Thetfordiâ* ad *Norwicum* transtulit, fide *Annalium Bartholomæi*. obiit 1119. 22. Julii. Sic enim *Chronicon* brevè *Norwicense* (*Vitellius C. 9.*) *Florentii Continuator*, & *Radulphus de Diceto* produnt. Malè *Hovedenus* diem 23. Aug. diem 21. Junii *Weaverus* posuit.



quartam Levinæ, quintam Gernemutæ, i. e. ad hostium Gerni fluminis; quas omnes perpetuo jure Monachorum tradidit dominio. Fœlix religionum collectio, si tali ei pastore diutius uti licuisset! O dira, O misera mortalium conditio, ea citius deperire, quæ nobis diutius constare præoptamus! O diem omni lacrimarum fonte plangendam, æternis damnandam tenebris; quæ mundum tanti viri præsentia viduaverit! obiit enim Herbertus Episcopus, vir per omnia catholicus, æternam mundo sui nominis suis in operibus memoriam relinquens: multoque omnium comprovincialium dolore sepultus est in ipsâ Episcopali Ecclesiâ, quam ipse stabilierat possessionibus, librisque & diversi generis ornamentis ditaverat, ante dominicum altare in sacrophago tanti viri humatione digno. Transiit autem anno ab Incarnatione Domini MCXIX. Pontificatus autem sui vicesimo nono, xi. Cal. Augusti, sub Rege Henrico primo, præsidente Romanæ Ecclesiæ Domino Papâ Gelasio, regnante Domino N. J. Christo, cui cum Patre & Spiritu S. honor & gloria in sæcula sæculorum. Iste Herbertus apud Tefordiam Monachos Cluniacenses instituit. Unde licet quidam Simonie culpam ei imponant; quod à Rege Wilhelmo Episcopatum per adulationem & pecuniam adquisivit, quod tunc temporis Reges sine omni electione pro lubitu suo conferebant Episcopatus, licet injuste: mihi tamen videtur, quod excusatur per Apostolum dicentem; \* Ephes. v. 16. *Redimite tempus, quia dies mali sunt*; & per Decretalem qui dicit, quod licitum est Clerico emere jus Ecclesiæ suæ de manu laici, si aliter habere non possit. Veruntamen vir prudens in omnibus, tandem sentiens conscientiam suam læsam aliquantulum, Romam profectus, annulum & baculum resignans, & culpam suam confitens, indulgentiam & restitutionem bonis actibus exigentibus à Domino Papâ meruit. Vacante Episcopatu Norwicensi annis tribus post mortem ejus, successit ei

XLI. EBORARDUS (p) Archidiaconus Salesberie, qui consecratus est à Radulpho Archiepiscopo. Hic decessit apud Fontanum anno Pontificatus sui xxix. iv. Idus Octobris, anno gratiæ MCL. sub Rege Stephano. Et nota quod Episcopatus Norwicensis iv. habet Archidiaconatus, & xlv. Decanatus.

Archidiaconatus Norwicensis habet XII. Decanias.

Norwicum & Taverham.	Holt.	Brecles.
Blasend.	Walsingham.	Lenniam.
Ingewerth.	Toftes.	Thetford.
Sparham.	Busele.	Fleeg.

Archidiaconatus Norfolciensis habet XII. Decanias.

Reppes.	Waxtonesham.	Rokelund.	Hecham.
Hunlierd.	Brock.	Kenewik.	Dunham.
Depwade.	Redenhale.	Fincham.	Hengham.

(p) Consecratus est Cantuariæ à Radulpho Archiepiscopo 1121. 12. Junii; obiit 1149. 15. Octobr. Depositum fuisse Henricus Huntindon in libro MS. *de contemptu mundi* narrat. *Vir crudelissimus*, inquit, & ob hoc jam depositus. Factum id censeo anno 1145. quando Everardum à Norwico recessisse Bartholomæus in Annalibus scribit: & Sefridum Episcopum Cicestrensem ob crimen parile tunc amotum constat. Latuit id Historicis nostrates ferè omnes; in dubi-

um tamen trahi nequit, cum Henrici, qui infra septennium scripsit, fide confirmetur. Tempore ipsius, anno 1144. 22. Martii, contigit martyrium Willelmi pueri à Judæis clam crucifixi; cujus memoria postea Ecclesiæ Norwicensi plurimum profuit. Meminit ejus Chronicon breve Norwic. hisce verbis. *Anno Gratiæ 1144. 11. Cal. Aprilis S. Willelmus à Judæis martyrizatur anno Pontificatus sui 29.*

Archi-

Archidiaconatus Suffolchiæ habet XIII. Decanias.

Ludingland.  
Dosemere.  
Harleford.

Wayneford.  
Hoxene.  
Donewik.

† Plumefgate.  
Lose. Cleydone.  
Colneyse.

Gipewyth.  
Samford.  
Wileford.

† Plumestede  
Cod. alter.

Archidiaconatus Suthburia habet VIII. Decanias.

Fordham.  
Tinghoe.

Stowe.  
Tedwardistre.

Sutbire.  
Blakeburne.

Hertismere.  
Clare.

De domibus Religiosis Norffolchiæ & Suffolchiæ.

Habet autem Episcopatus Norwicensis plura Cœnobia Religiosorum. Sed præcipua sunt Abbatia S. Edmundi, S. Benedicti de Monachis; & Prioratus de Buthlee, & Prioratus S. Trinitatis, & etiam S. Petri de Gipewico de Canonicis. Habet etiam plures domos de Monialibus, & plures de Ordine Præmonasterii, & plures de Ordine de Symplingham, & plures Prioratus de Ordine Cluniacensi, & Abbatiam de Sibbetone de Ordine Cistercensium.

XLII. WILLELMUS (q) dictus *Turbe*, anno Domini MCL. Eborardo successit. Hic fuit genere Normannus, ab adolescentiâ Monachus Norwicensis, denique Prior ejusdem loci, deinde ab eodem conventu electus in Episcopum, & consecratus à Theobaldo Cant. Archiepiscopo. Hujus tempore combusta fuit Norwicensis Ecclesia. Hic anno Pontificatus sui xxv. obiit xvi. Cal. Februarii; & sepultus est in Ecclesia sua Norwicensi. Huic successit,

XLIII. JOHANNES primus (r), qui dicebatur *Johannes de Oxoniâ*, anno Dom. MCLXX. Hic fuit Decanus Sarisberiensis. Hic consummavit Ecclesiam ab Herberto inceptam; & Infirmariam ædificavit, & multa bona Monachis fecit. Hic etiam Ecclesiam S. Trinitatis de Gipwico & officinas ejusdem incendio consumptas reædificavit; & Ecclesiam consecravit ibidem. Hic anno Pontificatus sui xxvi. decessit, iv. Nonas Julii; & sepultus est ante magnum Altare cum prædictis, sc. Herberto & Wilhelmo, anno Domini MCC. & Regis Johannis anno secundo. Cui successit,

(q) Quicumque Everardum depositum fuisse nesciunt, Willelmi introitum in annum 1150. referunt, & ab isto Pontificatus sui annos numerant. Sic Florilegus, & uterque Chronographus Norwicensis. Verè autem Wilhelmus Turbus Everardo deposito subrogatus est anno 1146. eodem anno à Theobaldo Archiepiscopo apud Cantuariam consecratus. Testatur id Gervasius in Chronico, testis omni exceptione major. Quòd Wilhelmus Prior Ecclesiæ Norwicensis antea fuisse dicitur, vix stare potest. Anno enim 1146. obiit Helias Prior; cui successit Ricardus. Forsitan Wilhelmus Subprior erat, qui Prioris secundi titulo sapissimè coonestatur. Obiit anno 1174. ineunte, die 20. Jan. juxta Gervasium, die 16. Jan. juxta Dicetenfem, die 17. Jan. juxta Bartholomæum & Chronicon breve Norwic. quibus

suffragatur Epitaphium illius apud Weavrum. Addit Chronicon Norwicense obitum anno 1175. contigisse.

(r) Johannes, Decanus (non Archidiaconus, quod vult Godwinus) Sarisburienfis, in Episcopum Norwic. electus est apud Eignesham 1175. 26. Nov. consecratus apud Lametham die 14. Decembr. sequentis à Ricardo Archiepiscopo; authore Radulpho de Diceto *Imag. Hist. p. 588.* Anno 1176. legatus ab Henrico Rege in Siciliam, ut Joannam ejus filiam Siculo Regi ducendam traderet, transfretavit 6. Cal. Sept. Virginem regiam Siculis tradidit apud S. Egidium 5. Id. Novembr. & in Angliam paulò ante Natale Domini reversus est. Anno 1179. Justiciarius itinerans constitutus est. Obiit 1200. 2. Junii. *Chron. Norwic. Obiit. Cant. &c.*



XLIV. JOHANNES DE GRAY (f), Clericus & Justitiarius Domini Regis Johannis, anno Domini MCCI. & anno Regis Johannis II. Hic fecit aulam & totam choream ædificiorum apud Geywode. Hic postulatus fuit in Archiepiscopum Cant. Sed postulatione ejus cassata apud Curiam Romanam, electus & consecratus est ibidem consensu Domini Papæ Stephanus de Langedone in Archiepiscopum Cantuariæ. Hic anno Pontificatus sui xiv. transiit xv. Cal. Novembris; & sepultus est apud Norwicum: & vacavit Sedes vii. annis, cui tandem successit

XLV. PANDULPHUS (t) Domini Papæ Legatus; qui post electionem suam Romam reversus, consecratus est à Domino Papâ Honorio anno Domini MCCXXII. & Regis Henrici tertii sexto. Hic archam cum reliquiis Monachis dedit. Hic anno Pontificatus sui v. transiit, sc. xvi. Cal. Octobris; & sepultus est apud Norwicum in matrici Ecclesia. Cui successit,

XLVI. THOMAS DE BLUNVILLE (u), & à Stephano Cant. Archiepiscopo consecratur anno Domini MCCXXVI. & Regis Henrici XI. Hic anno Pontificatus sui x. transiit, xvi. Cal. Septembris: & vacavit Sedes iii. annis. Cui tandem successit,

(f) Johannes Gray, Archidiaconus Glocestrensis, ad Episcopatum Norwic. à Rege promotus, consecratus est Westmonasterii in Capellâ S. Caterinæ 1200. 24. Sept. ab Huberto Archiepiscopo, contra appellationem à Monachis Cantuariensibus interpositam. Monachi enim asserebant nullum Sedis Cant. Suffraganeum extra Ecclesiam Metropolitanam sine ipsorum licentiâ consecrari debere. Hubertus è contra Monachorum petulantiam exosus, jurisdictionem suam nullis limitibus coerceri voluit. Votum tamen postea Monachi tulerunt dono Edmundi Archiepiscopi; qui anno circiter 1235. Monachis concessit, & solenni chartâ confirmavit; ut nullus Episcopus extra Ecclesiam Cant. sine ipsorum licentiâ in scriptis habitâ consecrari posset. Edmundi concessionem consuetudo hucusque observata stabilivit. Verùm ista *παράδοξος*. Anno 1211. summus Hiberniæ Justitiarius seu Prorex constitutus, provinciam felicissimè administravit. Obiit 1214. 18. Octobr. in territorio Pictaviensi, à Româ redeuns, apud S. Johannem Angeliacum. Id præter Bartholomæum, Annales Prioratûs de Suthwerk, Chronicon breve Norwic. & Obituarium Cant. tradunt. Godwinus, & ab ipso deceptus Weaverus, diem 1. Novembris illi fatalem posuerunt.

(t) Pandulphus, cognomento Masca, rebus in Angliâ sub Johanne & Henrico Regibus autoritate Papali gestis apud Historicos nostrates notissimus, anno 1218. in Angliam iterum legatus, Episcopus Norwicensis

anno eodem electus est. Medio anno 1221. Romam reversus, Legati munus obire desinit; atque anno sequenti die 29. Maii apud Romam consecratus est. Romæ positus vir callidus, & pro more gentis suæ lucri avidissimus, Ecclesiam Norwic. plurimis debitis gravatam causatus, primitias omnium beneficiorum Ecclesiasticorum suæ Diocesis sibi concedi impetravit. Eisdem successores sui à Clero Norwicensi ad annum usque 1288. summâ injuriâ exegerunt. Obiit 1226. 16. Sept. Sic quidem præter Bartholomæum, Chronicon breve Norwic. & Obituarium Cant. produnt; quamvis Godwinus diem 17. Augusti posuerit. Johannes de Taxton quidem, Monachus Buriensis, in Annalibus suis Pandulfum in Italiâ die 16. Augusti obiisse refert. Quæ de Cardinalatu illius nonnulli habent, mihi falsa videntur.

(u) Thomas de Blundevile, Clericus de Scaccario Regis, Huberti de Burgo summi Angliæ Justitiiarii potentiâ substitutus est, à Stephano Archiepiscopo consecratus 1226. Dominicâ primâ ante Nativitatem (viz. die 20. Dec.) narrante Matthæo Paris, Johanne de Taxton, & Annalibus Wigorn. Addunt Annales ipsum Hugonis nepotem fuisse. Consecratus est apud Westmonasterium in Capellâ B. Caterinæ. Obiit 1236. 1. Sept. juxta Chronicon. Norwic. & Annales Roff. die. 16. Augusti juxta Obituarium Cant. Parisiûm & Florilegum, die 20. Aug. juxta Annales Johannis Walingford, die 15. Sept. juxta Annales Prioratûs de Suthwerk.

XLVII. WILLELMUS DE RALEE (w) anno Dom. MCCXXXIX. & Regis Henrici tertii xxiii. Et anno Pontificatus sui iii. postulatus est ad Episcopatum Wintoniensem; & anno sequenti confirmatus & consecratus, & anno Domini MCCL. obiit apud Turonas. Cal. Septembris. Cui successit in Norwico

XLVIII. WALTERUS DE SUTHFELD, (x) Regens in Decretis apud Parisios, anno Domini MCCXLIII. electus, & anno sequenti consecratus est. Hic fecit Hospitale S. Egidii in Norwico, & possessionibus ditavit. Hic etiam fecit novam Capellam B. Mariæ in Cathedrali Ecclesia Norwicensi; ubi postea sepultus est anno Pontificatus sui xiii. xv. Cal. Junii, anno Regis Henrici III. xli. qui etiam locus meritis ejus usque in hodiernum diem miraculis coruscat.

XLIX. SIMON DE WANTON (y) Domini Regis Henrici Clericus & Justitiarius, ei successit anno Domini MCCLVIII. qui eodem anno vi. Idus Martii in Episcopum est consecratus à Bonifacio Archiepiscopo Cant. Hic viii. anno Pontificatus sui transiit, iv. Nonas Januarii, & sepultus est in Capellâ prædictâ, quam ædificavit Walterus Episcopus. Cui successit,

L. ROGERUS DE SKERNYNG (z), Prior Ecclesiæ ejusdem & Monachus, anno Domini MCCLXV. & Regis Henrici III. xlix. & anno sequenti consecratus est ab Archiepiscopo. Tempore hujus combusta est Ecclesia Norwicensis à civibus Norwicensibus, anno ultimo Regis Henrici III. Hic anno Pontificatus sui xii. sc. die S. Vincentii Martyris, transiit anno Regis Edwardi V. Cui successit,

(w) Thomæ successit Radulphus quidam 1236. 28. Oct. ipso forsitan die electus. Certè eo die (quicquid velit Godwinus) consecrari non potuit. Dominicus enim non erat. Obiit idem anno sequenti. Meminerunt ejus Florilegus & Historia Rossensis. Defuncto Radulpho, Monachi elegerunt Simonem de Elmham Priorem suum; cujus electio Rege procurante futilibus de causis iniquè est cassata anno 1239. apud Romam, auctore Johanne Walingford in Annalibus MSS. Tunc itaque Monachi Norwicenses Willelmum de Raleigh Clericum Regis familiarem & Exoniensis Ecclesiæ Thesaurarium in Episcopum elegerunt, ipsum in Episcopum Cestrensem paulò ante electum fuisse nescientes. Optione Willelmo datâ utrum Episcopatum mallet, Norwicensem prælegit. Consecratus est Londini ab Edmundo Archiepiscopo in Ecclesia S. Pauli 1239. 25. Sept. Anno 1242. die 1. Sept. (juxta Chronicon. breve Norwic.) ad Episcopatum Winton. postulatus, post plurimas difficultates confirmatus est à Papâ 1243. admissus à Rege 1244. mense Aprili.

(x) Walterus electus à Monachis Norwic. anno 1243. confirmatus est à Bonifacio Cant. Archiepiscopo electo 1244. eodem anno consecratus apud Karhowe extra Norwicum. Obiit 1257. apud Colcestriam die 20. Maii juxta Matthæum Paris, die 19. Maii juxta Chronicon breve Norwic. Johannem de Oxenedes, & Johannem de Wa-

lingford. Iste Walterus, mandato Innocentii Papæ, qui Regi decimam omnium bonorum Ecclesiasticorum per triennium percipiendam concesserat, anno 1254. fecit descriptionem valoris reddituum ad Ecclesiasticos in totâ Angliâ spectantium. Missis enim (verba sunt Annalium Burton) per totum regnum præceptis, in singulis Capitulis & Decanatibus cujusunque Diocesis fecit Decanum & tres Rectores vel Vicarios, qui fuerint majoris auctoritatis, inquirere veritatem & sub juramento certificare quæ sit justa æstimatio omnium proventuum Ecclesiasticorum tam majorum quàm minorum, & prædictas justas æstimationes in scriptis fideliter redigere, ad se transmittendas. Ista descriptio Walteri curâ habita in tabulas publicas descripta est; & dato *Taxe Norwicensis* nomine, in cunctis ferè Cleri censibus deinceps usurpata fuit.

(y) Simon de Waltone, aliis *de Wanton*, confirmatus est à Bonifacio Archiepiscopo Cant. 1257. 2. Aug. consecratus ab eodem apud Cantuariam 1258. 10. Martii, intronizatus die 17. Martii Dominicâ Palmarum. Obiit 1265. (exeunte) die 2. Jan. *Chronic. breve Norwic. & Jo. Oxenedes.*

(z) Consecratus est Cantuariæ ab Ottobono Papæ Legato 1266. 19. Sept. Obiit 1278. 22. Jan. apud Suthelmham manerium suum, sepultus apud Norwicum in octavis S. Agnetis. *Rot. Profess. autogr. 5. Jo. Oxenedes.*



LI. Magister WILLELMUS DE MIDDLETONE (a), Archidiaconus Cant. qui anno Domini MCCLXXVIII. Dominicâ post Ascensionem consecratus est ab Archiepiscopo Cant. Roberto de Kylwardby, & primâ Dominicâ Adventûs Domini sequentis intronizatus. Quo die Ecclesiam Norwicensem, nunquam antea dedicatam, dedicavit, præsentem Rege Edwardo & Episcopis & Magnatibus plurimis, anno Regis Edwardi v. Hic anno Pontificatus sui xi. ultimo die mensis Augusti transiit, & sepultus in capellâ Walteri Episcopi ad caput ejusdem. Cui successit,

LII. Magister RADULPHUS DE WALPOL (b), Archidiaconus Eliensis, die S. Martini electus, & in medio Quadragesimæ consecratus apud Cantuariam a Domino Johanne de Pecham Archiepiscopo Cant. anno Domini MCCLXXXVIII. & Regis Edwardi XV. qui anno Pontificatus sui xi. translatus ad Episcopatum Eliensem, à Bonifacio Papâ VIII. qui stetit per ii. annos & plus usque ad diem S. Cuthberti; & decessit xiii. anno primæ consecrationis suæ eodem die quo consecratus fuit, & sepultus est in Ecclesiâ Eliensi. Cui successit,

LIII. JOHANNES (c) Prior Eliensis, ex dono Bonifacii prædicti, eodem anno quo prædictus Radulphus translatus fuit ad Ecclesiam Eliensem: in crastino S. Trinitatis anno Domini MCCLXXXIX. fuit consecratus à Domino Roberto de Winchelse Archiepiscopo Cant. anno Regis Edwardi XXVI. Hic procuravit confirmationem de primis fructibus à Domino Papâ Clemente.

(a) Electus 1278. 24. Febr. consecratus à Roberto Archiepiscopo apud Lametham die 29. Maii, Ecclesiam Norwicensem dedicavit 1278. 27. Nov. obiit 1288. 1. Sept. (juxta alios 31. Aug.) apud manerium suum de Tlingg in Essexiâ; & Norwicum delatus, die 12. Sept. sepultus est. *Tho. Wikes, Chron. breve Norwic. Jo. Oxenedes.*

(b) Electus 1288. 11. Nov. confirmatus ab Archiepiscopo 1289. 1. Febr. consecratus est Dominicâ mediâ Quadragesimæ, viz. die 20. Martii. Illum in confirmatione Johannes Archiepiscopus Cant. sic allocutus est. *Domine Electe, in Episcopatu Norwicensi est malus abusus de perceptione primorum fructuum beneficiorum vacantium in Diocesi Norwic. & Deo displicet & homini, & ex radice cupiditatis processit. Ideo suadeo vobis pro salute animæ vestræ; ut pro bono publico Ecclesiarum dictæ Dioecesis quod illam non continuetis, sed annihilare studeatis.* Cui respondit idem Electus: *Domine & Pater reverende, libenter faciam quod mihi dixistis; & promitto*

*hoc facere quantum in me est.* Radulphus deum ad Ecclesiam Eliensem translatus est 1299. 15. Jul. *Jo. Oxenedes, Registr. Winchelsey.*

(c) Johannes Salmon, seu Saleman, Prior Eliensis, in Episcopum Eliensem electus medio anno 1298. cassatus est à Bonifacio Papâ medio anno 1299. Episcopatu Eliensi Radulpho Episcopo Norwicensi dato. Johannes autem vicissim ad Episcopatum Norwicensem à Papâ jure provisionis promotus est 1299. 15. Julii, confirmatus à Roberto Archiepiscopo apud Chartham die 3. Octobr. consecratus ab eodem in Ecclesiâ Cant. die 15. Novembris. *Registr. Winchelsey.* Anno 1320. Cancellarius Angliæ in frequenti Ordinum confesso à Rege est renunciatus. Anno 1325. legatus à Rege ad Franciam, ibi cœpit ægrotare. Domum propterea redeuns, obiit apud Folkeston in litore Cantiano 1325. 6. Julii. *Chron. breve Norwic. W. Dene in Hist. Ross. Adam Merimouth in Continuât. Florilegi.*

# CONTINUATIO

Historiæ Bartholomæi Cotton

DE

## Episcopis Norwicensibus.

*Authore Monacho Norwicensi anonymo.*

LIII. **Q**UIN & instrumenta prædecessorum suorum Episcoporum Norwici, & aliorum fidelium multorum, super Ecclesiis & Ecclesiasticis bonis Monachis concessa, coram se exhiberi faciens; eadem omnia de verbo ad verbum ex Decreto exemplari fecit innovari & publicari; & omnia prædicta instrumenta concessit, ratificavit & confirmavit. Hic etiam Ecclesiam de Westhale appropriavit ad Cantariam quatuor Capellanorum in Capellâ S. Johannis ex parte Occidentali Ecclesiæ, quam sumptibus suis honorificè construxit. Hic etiam contulit decem libratas in Cresyngham officio Camerariæ ad augmentationem vestimentorum Monachorum. Et Ecclesiam suis vestimentis pretiosis ac aliis ornamentis quamplurimum decoravit. Hic obiit anno Pontificatûs sui xxvi. Cui successit Willelmus Ayremym Episcopus.

LIV. **WILLELMUS AYREMYN** (a), Clericus Domini Regis, ex collatione Papæ factus Episcopus Norwici anno Domini MCCCXXV. Qui Ambassiator Regis factus ad Curiam Romanam missus est; & oblitus Ambassiationis suæ causam, impetravit sibi ipsi à Domino Papâ Episcopatum Nor-

(a) Post Johannis obitum Monachi Norwiceses elegerunt Robertum de Baldok, Archidiaconum Middlesexiæ & Cancellarium regni, anno 1325. mense Julio. Rex assensum præstitit die 28. Julii, Archiepiscopus confirmavit die 11. Augusti. Verùm Electus audito rumore certo, quod Papa Sedis dispositionem sibi reservaverit, Temporalia Regi, Spiritualia Archiepiscopo reddidit; jusque suum utroque præsentem in Monasterio de Langedon prope Dovoram abrenunciavit 1325. 3. Sept. Episcopatum mox Papæ dono delatum accepit Willelmus Ayremym. Iste Canonicus Eboracensis admissus est anno 1316. Wellensis 1324. Custos Rotulorum 1316. 19. Aug. Locum tenens Johannis Norwic. Episcopi Angliæ Cancellarii infirmitate detenti 1323. Episco-

pus Norwicensis precibus Isabellæ Reginæ à Papâ creatus 1325. Reginæ enim in iniquis adversus maritum machinationibus sedulam diu operam præstitit; & ipsius potentiâ invito Rege ad Episcopatum proventus est. Qua de re vide Historiam Ross. Willelmi Dene in anno 1326. A Rege demum ad Temporalia admissus anno 1326. die 9. Novembr. mandatum pro intronizatione ab Archiepiscopo obtinuit die 19. Decembr. Anno sequenti rerum summâ ad Isabellam Reginam & Edwardum Principem devolutâ, Cancellarius Angliæ sub finem anni renunciatus est; Thesaurarius postea constitutus 1331. 1. April. Obiit 1336. 27. Martii; ex fide Chronici brevis Norwic. & Willelmi Dene.



wici. Quo audito Rex misit Satellites ad Norwicum, ut eum comprehenderent. Sed occultatus à Monachis, latuit in Ecclesiâ suâ; ipsiusque per amicos inter ipsum & Dominum Regem facta est concordia. Hic postea in sublevationem officii Celerarii contulit cc. libras, eo pacto ut Celerarius & Subcelerarius post mortem dicti Willelmi pro animâ ejus omni die celebrarent vel facerent celebrari. Hic obiit anno Pontificatûs sui xi. Cui successit in Episcopum

LV. ANTONIUS DE BEEK (b), Magister in Theologiâ, Clericus in Curia Romanâ, ex donatione Papæ, anno Domini MCCCXXXVI. factus est Episcopus Norwici. Hujus tempore voluit Archiepiscopus Cant. Winchellse visitasse Capitulum & Diœcesin Norwicensem. Sed quod non perfecerat ordinem suum in visitando alias Diœceses secundum jura; ideo Episcopus & Capitulum restiterunt ei unanimi consensu; appellantes ad Curiam Romanam, & resistentes ei viis & modis. Postquam verò Archiepiscopus in personâ suâ in pulpito præparato ante portas Ecclesiæ super vacuum terram pro parte exposuerat causam suam; impeditus tum à Burgensibus villæ, non complevit velle suum. Supervenit enim Monachus Norwicensis, qui in pulpito \* omnibus evidentibus visitationis causam Archiepiscopi declaravit esse nullam. Hic etiam post convocatis Priore & senioribus apud Hewyngham; ubi investigatâ & disputatâ electione & præfixione Monachorum in majoribus officiis: tandem compertum est per seniores Monasterii, quod electio Officiorum ad majora officia tantum pertinuit ad Priorem & Seniores, præfixio autem eorundem soli Episcopo pertinebat. Hic verò obiit anno Pontificatûs sui vii. à ministris propriis, ut dicitur, subito intoxicatus. Eodem anno successit

\* Rationibus evidentibus, vel omnibus evidentibus.

LVI. WILLELMUS BATEMAN (c), Doctor Juris Civilis, natus de Norwico, & Archidiaconus Norwicensis, Auditor Curie Romanæ, electus à toto Capitulo in Episcopum Norwicensem anno Domini MCCCXLIII. Hic primos fructus omnium Ecclesiarum Norwicensium vacantium, post multas lites & controversias inter Episcopum & Diœcesin, Episcopatu per Bullas Apostolicas perpetuò confirmavit. Hic etiam duo Collegia in Universitate Cantabrigiæ fundavit, viz. S. Trinitatis, & Annunciationis B. Mariæ vocatum Gunwyle-hale; quæ ditavit redditibus & ædificiis, exstruxit ad commendationem perpetuam Clericorum. Hic contulit summo altari Norwicensi imaginem magnam S. Trinitatis in Tabernaculo, totam de argento & deauratam, ad magnum valorem. Item minorem imaginem S. Trinitatis, cum reliquiis ponderis xx. librarum. Hic similiter appropriavit Ecclesiam de Frenge officio Prioris ad illum finem, quod perpetuaretur una Cantaria pro animâ ejus ad primum altare in Choro; ita ut unusquisque ibi celebrans per septimanam reciperet duos solidos, quod & factum est. Etiam statuit, quod de eadem Ecclesiâ de Frenge unusquisque Monachus reciperet iv. solidos ad duo Festa, viz. omnium Sanctorum, & S. Thomæ ad Nativitatem Domini. Statuit insuper, quod quilibet Monachus reciperet duos solidos de Priore S. Leonardi ad Festum S. Johannis Baptistæ: & de Infirmario & Præcentore iv. solidos, scil. ad duos anni terminos viz. Assumptionis B. Mariæ & Conceptionis. Item statuit, quod panis & cervisia Monachorum custodirentur per Monachum in futurum. Hic in tantum libertates, immunitates & jura Ecclesiæ dilexit; quod nec propter timorem Regis nec aliorum Magnatum

(b) Illum anno 1343. die 19. Decembr. obiisse tradit Chronicon breve Norwicense.

(c) Istum anno 1355. die 6. Januarii apud Avionem obiisse constat ex Registro *Islip*. Ipso præfidente, anno 1348. & sequenti grassa-

ta est per Angliam lues atrocissima; ad eam ut in Comitatu Norwicensi (verba sunt Chronici brevis Norwic.) interierint 57374. homines, præter Clericos & pauperes mendicantes.

quorumcunque ea voluit permittere mutilari. Unde Dominum Robertum de Morle propter direptiones † fatigatas per eum in maneribus & parcuibus, † Factas. non obstantibus Brevibus Regiis, immo non obstante quod Dominus Rex Edwardus omnia Temporalia Episcopo pertinentia in manus suas confiscaverat, dictum Dominum Robertum nudis pedibus capite discooperto publicam & sollemnem pœnitentiam subire coegit: Ita ut idem Dominus Robertus in tunicâ suâ cum cereo ponderante vi. libras in manu suâ veniret, & ad summum altare Ecclesiæ Cathedralis offerret, veniam pro delictis humiliter supplicando. Hic postea reconciliatus Domino Regi, electus est à toto Parlamento; ut cum Domino Henrico Duce Lancastriæ ad Curiam Romanam pro declarando jure Edwardi Regis, quod habuit in regno Franciæ ratione matris suæ, dirigeret gressus suos. Quò cum pervenisset, omnibus ritè peractis, viam universæ carnis fœliciter est ingressus. Cui successit

LVII. THOMAS PERCY (d), ex dono Summi Pontificis ad interventum Domini Henrici Ducis Lancastriæ, frater Comitis Northumbriæ, Baccularius in Artibus, Universitatis Oxoniensis, anno Domini MCCCLVI. Hic primò deceptus per Clericos, voluit appropriâsse omnes Decanias pertinentes Ecclesiæ Cathedrali Capellæ S. Mariæ de Campis. Sed impeditus per Monachos, & postea plenius edoctus, de exhæredatione juris Ecclesiæ Cathedralis summè pœnituit; & integer Monasterio ex animo factus est amicus. Hic ad reparationem Presbiterii, quod in magno vento prostratum est per Campanile, viz. in Festo S. Mauri Abbatis, contulit cccc. marcas ex propriis thesauris. Hic impetravit subsidium à toto Clero Diocesis Norwicensis ad reparationem dicti Presbiterii, viz. novem denarios de librâ. Hic obiit anno Pontificatus sui xiv. Cujus executores Willelmus Swynflet & alii fecerunt appropriari officio Præcentoris ad illum effectum, quod idem Præcentor pro animâ dicti Thomæ Episcopi perpetuò celebraret vel faceret celebrari ad altare dicti Thomæ. Vacante sede Norwicensi, stetit Dominus de Spencer in guerris Domini Papæ; qui prece & precio fratri suo Henrico Spenser Episcopatum Norwicensem impetravit. Et vacavit tunc sedes Episcopalis ferme per duos annos.

LVIII. HENRICUS SPENSER (e), consecratus fuit in Curia Romanâ; & postea veniens in Angliam ad Ecclesiam suam, per Archidiaconum Norwici inthronizatus est .....

LIX. ALEXANDER (f) ..... Sequenti verò die Alexander Prior convocato Capitulo, de consensu omnium ordinavit; quod in Festo Exaltationis S. Crucis procederent ad electionem futuri Pontificis solemniter percelebrandam. Erga quam diem omnes & singuli, qui habebant jus in electione, publicè sunt citati. Allucescente itaque die prædictâ

(d) Batemanno in Curia Romanâ defuncto, Papa Episcopatum Thomæ Percy statim contulit. Temporalia is à Rege obtinuit 1355. 14. April. Angliam autem non ante initium anni 1361. ingressus videtur. Eo enim anno die 6. Febr. professionem obedientiæ Archiepiscopo Cant. apud Lametham fecit; eandemque in Ecclesiâ Cant. renovavit anno 1363. in Vigiliâ Pentecostes. Obiit apud Blofeld 1369. 8. Augusti. *Registra Islip, Cranborn, & Witlesey.*

(e) Henricus Spenser, seu Dispen'er, Canonici Sarisburiensis, provisorius est ad Sedem Norwic. ab Urbano Papâ 1370. 3. April. Spiritualia Episcopatus sui ab Archiepiscopo accepit die 12. Julii, Temporalia à Rege die 14.

Augusti. De rebus bellicis ab ipso foras gestis consule Walsinghamum *Hist. Angl.* in annis 1381, 1382, 1383. & Henricum Knighton *lib. 5. p. 2671, &c.* de rebus domi gestis Johannem Capgraviū in *Vita* ejus, de odio adversus Wiclevitas concepto Walsinghamum p. 340. Obiit 1406. 23. Augusti, teste Registro *Arundell.*

(f) Defunt plura in Codice MS. Alexander Totington, loci Prior, electus est 1406. 14. Sept. provisorius à Gregorio Papâ 1407. 19. Jan. Spiritualia ab Archiepiscopo accepit apud Glocestriam 1407. 20. Octobr. Temporalia à Rege die 23. Octobr. Obiit anno 1413. Ex Registro *Arundell.*



Exaltationis S. Crucis, Prior & Conventus ad electionem unanimiter accesserunt in Capitulo, presidente Alexandro Priore. Habitoque sermone & perfectâ Decretali à Magistro Willelmo Stukle, qui vias canonicas in jure nominatas eis recitabat. Et dum hæc agerentur, inopinatè surrexit Dominus Thomas Lynne Supprior, ut credebatur, ad instinctum Alani Qwaplode Præcentoris, nullo de Conventu hoc conjiciente, ivit ad Dominum Alexandrum Priorem Ecclesiæ, & tangens eum dixit: *Ego Thomas Lenne nomine meo & nomine Capituli eligo istum virum Dominum Alexandrum in Pastorem & Episcopum Ecclesiæ Norwicensis.* Omnibus verò de Conventu mirantibus, & tacentibus, nullo reclamante, Magister Willelmus Stukle altâ voce incœpit: *Te Deum laudamus.* Surgentes autem omnes duxerunt eum in Ecclesiam, collocantes ante summum altare; ubi K. Frater electionem sic canonicè factam publicavit. Quâ electione, ut moris est, per Procuratores Capituli Henrico Regi post Conquæstum IV. præsentatâ, Rex electionem acceptare renuit; & Electum apud Winsoram Castellum fermè per annum imprisonavit: se afferens nunquam sufferre dictum Electum gaudere dignitate Pontificali in Ecclesiâ Norwicensi. Sed tandem Rex precibus Reverendissimi Patris Thomæ Arundell tunc Cant. Archiepiscopi, aliorumque Regni Magnatum devictus, suum consensum & favorem post biennium Electo attribuit. Et sic pluribus fatigatus laboribus, anno Domini MCCCCVIII. Henrici verò Regis Quarti IX. à prædicto Thomâ Archiepiscopo consecratus est. Qui ad Ecclesiam suam divertens, plurima bona circa reparationem sui Palatii & maneriorum Episcopi, totaliter quasi per incuriam Henrici Spenfer prædecessoris sui ruinam minantium, peregit. Hic obiit anno Pontificatûs sui vi. Henrici V. primo; & sepultus est in Ecclesiâ suâ Cathedrali in Capellâ B. Mariæ ad pedes piæ memoriæ Walteri Episcopi. Cui successit

LX. Magister RICARDUS CURTTENAYE (g), in utroque Jure Licentiat, & Cancellarius Oxoniæ, per electionem Capituli Norwicensis, ad instantiam Henrici Regis V. qui anno Domini MCCCCXIII. à Domino Thomâ Arundell Archiepiscopo Cant. præsentate Rege Henrico V. & diversis regni Magnatibus, apud Cantuariam honorificè consecratus est. Hic enim sanguine extitit nobilis, staturâ procerus, facie decorus, linguâ facundus, omnique corporis venustate perornatus. Qui plurimis Regis & regni negotiis præpeditus, nunquam installatus fuit. Hic transfretavit in Normanniam cum Rege Henrico V. Qui quidem Rex festinanter terram Normanniæ ingressus, properavit ad obsedendum villam vocatam Arleslete. In quâ obsessione prædictus Episcopus diem clausit extremum, Pontificatûs sui anno ii. xviii. die Cal. Septembris sub Rege Henrico V. & tumultus est apud Westmonasterium in sepulturâ Regum in Septentrionali parte à feretro S. Edwardi Regis, in ipsius hostii ingressu pone magnum Altare. Cui successit per electionem Capituli Norwicensis

(g) Ricardus Courtney, Willelmi Courtney Archiepiscopi Cant. consanguineus, curâ ipsius bonis literis est institutus. Meminit illius Archiepiscopus in supremo Testamento hisce verbis: *Item lego filio & alumno meo Ricardo Courtenay centum marcas, & multos libros in casu quo Clericus esse velit, & optimam mitram meam in casu quo fuerit Episcopus.* Voto Archiepiscopi & omni dato Ricardus non defuit, Decanus Assavenis ante annum

1402. creatus, Canonicus Ebor. 1403. 1. Jun. admissus, Canonicus Wellensis 1408. Decanus Wellensis 1409. Cancellarius Academiæ Oxon. annis 1407, & 1411. constitutus, demum ad Episcopatum Norwicensem anno 1413. erectus. Obiit 1415. 14. Sept. in Comitatu Henrici Regis villam de Harflew in Normanniâ tunc obsidentis. Sic quidem Registrum Chickley testatur. Obituarium tamen Cant. obitum ejus die 16. Septembris contigisse refert.

LXI. Dominus JOHANNES WAKERYNG (b), vir per omnia pius & pudicus, castus; munificus, dapilis & mansuetus, Custos privati Sigilli Regii. Cujus promotionis tempore schisma quasi generale fuit in Ecclesiâ. Tres enim regnaverunt Antipapæ. Et igitur ne regnum Angliæ cuiquam scismatico in aliquo confaveret, Electus prædictus per Henricum Chichele Cant. Archipræsulem confirmatus & consecratus fuit sub Rege Henrico V. anno regni sui iv. & anno Domini MCCCCXVI. Quo tempore celebratum fuit sacrum Concilium Constantiense, ad quod destinatus fuit cum aliis Ambassiatoribus per Regem Henricum prædictus Episcopus. Cujus sacri Consilii labore cessavit Schisma prædictum; & in eodem Concilio electus fuit in Papam Martinus V. qui post suam Intronizationem prædicti Domini Episcopi confirmationem & consecrationem gratanter ratificavit. Hic perfecit claustrum in opere lapideo ex parte Occidentali ab hostio aulae hospitum; plurimisque jocalibus Monasterium ditavit; & obiit in Domino Pontificatus sui anno x. die v. Idus Aprilis, Regis Henrici VI. anno ii. & sepultus est in Ecclesiâ suâ Cathedrali ante altare S. Georgii: ubi perpetuam unius Monachi pro se & suis stabilivit Cantariam. Cui successit

LXII. Magister WILLELMUS ANEWYK (i), Legum Doctor & Custos privati Sigilli Regii; qui consecratus est ab Henrico Cant. Archiepiscopo in Ecclesiâ S. Pauli Londoniarum sub Henrico VI. anno regni sui iv. anno Domini MCCCCXXVI. Qui Pontificatus sui anno x. translatus est ad Episcopatum Lincolnæ; ubi dies suos per plures annos in magno honore ducens, bono fine in Domino pausavit; & fieri fecit ex suâ gratiâ majus hostium Occidentale cum fenestrâ supereminente in Ecclesiâ Cathedrali Norwicensi. Cui successit in Episcopatu Norwicensi

LXIII. Magister THOMAS BROWNE (l), utriusque Legis Doctor, Episcopus Rossensis. In cujus tempore cives Norwici contra matricem insurrexerunt; & eam penitus conculcare ac privare suis libertatibus studuerunt. Contra quos prædictus Episcopus per se & per suos amicos ac per multimodas expensas viriliter se opposuit; tanquam turris fortitudinis pro libertate domus Domini. Veruntamen in diebus ejus litis molestia in toto non est sedata, nec pacis jocunditas ad plenum redintegrata. Hic obiit apud Hoxon Pontificatus sui anno ix. viii. Idus Decembris, sub Rege Henrico VI. anno regni sui xxvi. & sepultus est in Ecclesiâ suâ Cathedrali, in navi Ecclesiæ, coram altare Crucifixi sumptibus ejus præparatum. Cui successit per electionem Capituli Norwicensis viâ Spiritus Sancti .....

(b) Johannes Wakering, Custos Rotulorum creatus 1405. 2. Martii, Canonicus Wellensis 1409. 30. Julii admissus, Magni etiam Sigilli Custos constitutus est 1410. à die 19. ad 31. Januarii; anno 1416. Episcopus Norwicensis à Monachis electus, confirmatus est ab Henrico Archiepiscopo die 27. Maii, consecratus ab eodem in Ecclesiâ S. Pauli die 29. Maii. Obiit in manerio suo de Thorp 1425. die 9. Aprilis. Ex Registro *Chichley*.

(i) Willelmus Alnwick, provisorus est ad Episcopatum Norwic. à Martino V. Papâ, bullâ 1426. 27. Febr. datâ; consecratus ab

Henrico Archiepiscopo in Ecclesiâ Cantuariensi 1426. 18. Augusti; Lincolniam translatus 1436. 19. Septemb. Registr. *Chichley*.

(l) Thomas Brown, alias Broun, translatus est à Sede Rossensi ad Norwicensem ab Eugenio Papâ 1436. 19. Sept. Obiit apud Hoxne 1445. 5. Decembr. ex fide Registorum *Chichley & Stafford*. Anonymus tamen noster obitum ejus die 6. Dec. Obituarium Cant. die 28. Novembr. reposuit. Moriens legavit plurimam pecuniæ vim tenuioris fortunæ Scholaribus, quæ Diocesi suâ oriundi bonis literis operam in utraque Aca-  
demiâ dederunt, distribuendam.



# S U C C E S S I O

## Episcoporum Norwicensium

Ab anno MCCCCXLVI. ad Reformationem.

### LXIV. WALTERUS LYHERT.

Bale Cent. 8.  
cap. 34.

Registr. Be-  
kinton.

Registr. Staf-  
ford.

Epitaph. apud  
Weaver P.  
795.

**E** piscopatum Norwicensem Johanni Stanberio Etonensis Collegii Præposito ab Henrico Rege donatum Willelmus Polus Comes Suffolciensis præripuit, & Capellano suo à Papâ conferri obtinuit. Is erat Walterus Lyhert, aliis *Hart* dictus, S. Theologiæ Baccalaurens, Rector Ecclesiæ de Hyham in Diocesi Wellensi, & Collegii Orialesis apud Oxoniam Præfectus, Episcopus Norwicensis provisione Papali renunciatus est 1446. 24. Jan. consecratus apud Lametham die 27. Februarii sequentis. Anno 1449. à Rege & Præsulibus Angliæ in Sabaudiam legatus, Fœlici Antipapæ author fuit, ut renunciato Papatu pacem Ecclesiæ donaret. De beneficiis ab ipso Ecclesiæ Norwicensi collatis Godwinum consule. Neque enim aliorum verba exscribere libet. Multa utrique Academiæ beneficia tum erectis ædificiis tum libris donatis contulit. Obiit 1472. 17. Maii.

### LXV. JACOBUS GOLDWELL.

Weaver. loc.  
cir.

Jacobus Goldwell, Decanus Sarum, Edwardo IV. Regi ab Epistolis, olim Aulæ S. Georgii in Academia Oxoniensi Præses, Waltero successit, ad Temporalia admissus à Rege 1473. 25. Febr. Ecclesiam de Magnâ Chart in Diocesi Cant. unde ortum traxisse videtur, vetustate fatiscentem restituit, magnâque ex parte reedificavit. Collegium itidem Omnium Animarum Oxon. cujus alumnus olim fuisse dicitur, uberrimis beneficiis ditavit. Obiit 1499. mense Februario, juxta Registrum *Morton*, 1498. 23. Nov. juxta Obituarium Cant.

### LXVI. THOMAS IAN.

Registr. Mor-  
ton.  
Lib. ruber.  
Well.  
Registr. Cant.

Thomas Jan, Legum Doctor, Canonicus Wellensis & Windlesforianus, Archidiaconus Essexiensis, & Decanus Capellæ Regiæ, Jacobo in Sede Norwicensi subrogatus, confirmatus est ab Archiepiscopo 1499. 24. Julii; licentiam consecrationis extra Ecclesiam Cant. suscipiendæ impetravit 1499. 17. Octobr. Prædia nonnulla Collegio Novo Oxoniensi, ex quo olim prodierat, donavit. Obiit 1500. mense Septembri. Spiritualia enim post obitum suum in Capituli Cant. potestatem sunt accepta 1500. 28. Sept.

### LXVII. RICARDUS NIX.

Registra Sa-  
vage, Well.  
Fox. Ebor.

Jano substituitur Ricardus Nix, Legum Doctor, Rector Ecclesiæ de War-mouth in Diocesi Dunelmensi. Canonicus Residentiarius Ecclesiæ Wellensis iste admissus fuerat 1492. 27. Febr. Vicarius Generalis Ricardi Fox Episcopi Wel-

Wellensis 1492. 10. Maii, Archidiaconus Wellensis 1494. 10. Julii, Canonicus Eboracensis 1494. 30. Julii. Licentiam consecrationis extra Ecclesiam Cant. suscipiendæ obtinuit 1501. 17. April. Ecclesiæ Norwicensis laquear pulcherrimè deauravit; atque alam ejusdem aquilonarem construxit: cæterum nullis non vitiis, si Nevillo *Historia Norwicensis* auctori fides, infamis, & effræni præcipuè libidine exæstuans. Extremâ senectute Reformationi Ecclesiæ foeliciter inchoatæ tam præfractè adversatus est; ut quamvis Papæ suprematum solenni juramento abnegâssset, clandestinum tamen cum Curiâ Romanâ commercium habere non sit veritus. Ad Regem delatus, & criminis convictus, carceri, quem Marescalli vocant, diu mancipatus est. Remissâ demum senectutis intuitu offensâ, brevi post obiit (ante plures annos oculis cap-  
tus) 1536. 14. Jan. in album Monachorum Cantuariensium religionis ergo ascriptus. Sic enim habet Obituarium Cant. *Die 19. Cal. Febr. obiit Dominus Ricardus Nyx Episcopus Norwic. frater & benefactor noster.* Paucis ante obitum suum diebus binos sibi Chorepiscopos ascivit. In nuperis enim regni Comitibus lata lex fuerat, ut in majoribus Episcopatibus Chorepiscopi (Suffraganeos Episcopos Senatus-consultum vocat) instituerentur, eâ ratione eligendi, ut Episcopus duos Regi præsentaret, atque ex his Rex quem magis vellet ad Chorepiscopatum designaret. Hac methodo electi Johannes Salisbury, antea Prior Monasterii de Horsham, & Thomas Mannyng, Prior de Butley, à Thomâ Archiepiscopo Cant. simul consecrati sunt apud Lametham 1536. 19. Martii, huic apud Gipefwicum, illi apud Thetfordiam Sede datâ.

Registr. Cant.

Weaver. p. 796.

Registr. Cranmer.

#### LXVIII. WILLELMUS REPPS.

Willelmus Reppis, aliàs Rugge, S. Theologiæ Doctor, in Aulâ Gonvilii apud Cantabrigiam educatus, dein Abbas S. Benedicti de Hulmo factus, inter Theologos Cantabrigienses strenuè laboravit ut de Henrici Regis nuptiarum divortio sententiam ab Academicis, qualem Rex voluerat, obtineret; quod & denuo effecit. In hujusce laboris mercedem successor Ricardo Nix à Rege designatus, electus est à Monachis 1536. 31. Maii, confirmatus ab Archiepiscopo die 28. Junii. Ne tamen integrâ frueretur dignitate; paulò post susceptum Episcopatum fundos & maneria Sedis suæ omnia redditibus Cœnobii sui de Hulmo in perpetuum commutare coactus est, prætextu quidem ampliandarum Episcopatus possessionum, quamvis reipsâ veteres Episcopatus fundi novos infinitis parasangis excederent. De resignatione ipsius, rebusque post annum 1540. gestis, alio loco agendum est.

Reg. Cranmer.



## Successio Priorum Ecclesiæ Norwicensis.

**M**onachos in Ecclesiâ Norwicensi primus instituit Herbertus Episcopus anno circiter 1100. Duplicem Priorum Norwicensium ad annum usque 1344. successionem exhibuit Henricus Spencer Episcopus Norwic. in libro suo Memoriali *Claudius E.* 8. Plerosque etiam Bartholomæus in Annalibus suis dedit. Reliquos aliunde hausimus, nomina eorundem usque ad annum 1471. monumentum quoddam Ecclesiæ Norwicensis repræsentavit.

*Ingulphus*, Prior primus, obiit die 16. Januarii.

*Helias*, obiit 1146. 22. Octobr.

*Ricardus*, obiit 1158. 16. Maii. Malè Westmonasteriensis obitum ipsius in annum 1168. retulit.

*Elricus*, obiit die 11. (in altero exemplari die 12.) Junii.

*Tancredus*, obiit die 15. Junii.

*Girardus* successit anno 1185. obiit 1201. 17. Decembr.

*Willelmus de Walsbam*, obiit 1218. 14. Febr. in altero exemplari 23. Febr.

*Ranulphus de Warham*, Episcopus Cicestr. sub initium anni 1219. factus est.

*Willelmus filius Odonis*, obiit 1235. 12. April.

*Simon de Elmham*, obiit 1257. 8. Junii, vir eximiæ sanctitatis, & eminentis literaturæ, judice Matthæo Paris.

*Rogerus de Skerninge*, electus in Priorem 1257. 21. Augusti, in Episcopum Norwicensem 1266. 23. Januarii.

*Nicolaus de Bramtoun*, loco Rogeri electus, ab Episcopo confirmatus est 1266. 18. April. obiit 1269. 19. Febr.

*Willelmus de Brunham*, rectius *Burnham*, resignavit 1272. 27. Septembr. obiit 1273. 13. Febr. juxta Bartholomæum, 12. Febr. juxta Spencerum.

*Willelmus de Kirkeby*, electus 1272. 1. Octobr. obiit 1289. 9. Martii.

*Henricus de Lakenham*, recessit 1309. obiit 1311. 21. Octobr.

*Robertus de Langele*, obiit 1326. die 24. (in exemplari alio, die 22.) Sept.

*Willelmus de Claxtoun*, obiit 1344. 16. Augusti.

*Simon Bohonum* successit.

Registr. Islip. *Laurentius Lecke* Simonem excepit. Hunc anno 1354. præfuisse comperio.

*Nicolaus de How* proximè memoratur.

Reg. Arundel. *Alexander Totington*, Episcopus Norwicensis *ex Priore veterano* (Walsinghami verbis utor) electus 1406. 14. Sept.

Reg. Arundel. *Robertus Burnham* præfuit annis 1411, 1415, 1425.

Reg. Chichley. *Willelmus Worsted*, missus ad Concilium Basileense nomine totius Cleri Angliæ protestationem de suprematu Regis Angliæ in temporalibus interposuit anno 1432. exeunte. Extat ea in Registro Willelmi Molash Prioris Ecclesiæ Cant. f. 206.

Reg. Stafford. *Johannes Heverland*, Prior erat anno 1445.

*Johannes Mallet* successit.

*Thomas Bohonum*, obiit anno 1471.

*Johannes Bonville* eodem anno successit.

Reg. Morton. *Willelmus*, quo Prioratum administrante Ecclesia Norwicensis à Johanne Cant. Archiepiscopo visitata est anno 1499. mense Aprili. Monachi tunc inerant 47. & in his *Willelmus Castleton*.

Hall. f. 184. *Robertus*, ad Abbatiam S. Albani dono Regis translatus sub exitum anni 1529.

Reg. Cranmer. *Willelmus Castleton* Prioratum tenuit anno 1536. Idem (ut videtur) Priorum ultimus Cœnobiū suū anno circiter 1540. tradidit Regi, qui Monachorum loco Canonicos Sæculares substituit.

THOMÆ

THOMÆ CHESTERFELD

Canonici Lichfeldensis

HISTORIA

DE

Episcopis Coventrensis

ET

LICHFELDENSIBUS

A primâ Sedis fundatione ad annum MCCCXLVII.

---

ACCEDUNT

Additamenta ad eandem Historiam, authore WIL-  
LELMO WHITLOCKE Canonico Lichfeldensi.

Continuatio ejusdem Historiæ ab anno MCCCXLVII.  
ad annum MDLIX. Eodem Authore.

Epistola LEONIS III. Papæ ad Kenulphum Merciæ  
Regem de Archiepiscopatu Lichfeldensi.

Epistola Episcoporum Angliæ ad LEONEM III. Pa-  
pam.

Successio Priorum Coventrensis Ecclesiæ.

Successio Decanorum Lichfeldensis Ecclesiæ.



THOMAS CHESTERFIELD

and Elizabeth

of the County of Kent

do hereby certify

that the within

is a true and

correct copy

# THOMÆ CHESTERFELD

Canonici Lichfeldensis

## HISTORIA

### De Successione Episcoporum Coventren- sium & Lichfeldensium.

Incipit de Episcopis Sanctæ Mercienſis Eccleſiæ, quæ nunc Lichesfeld  
dicitur.

(a) **I**nterfecto Pendâ Rege paganissimo Merciorum ab Oswio Rege Northanhumbro-  
rum, fratre sc. sancti Regis Oswaldi; cum idem Rex  
Oswius Christianus regnum ejus acciperet; & gentem Merciorum  
finitimarumque Provinciarum ad fidem Christi converteret: primò  
fundatâ Ecclesiâ Mercienſi & eâ factâ Cathedrali, sc. ab Incarnatione Domi-  
ni || DCLVI.

|| DCLVII. Co-  
dex Cotton.  
Vespas. E. 16.  
Sic etiam Co-  
dex Lichfeld.

DUI-

(a) Nusquam crassiores tenebræ, nusquam plures nodi, quam in successione Episcoporum Mercienſium; neque certa lux ubivis est exspectanda ab Historico nostro, qui quasunque in Ecclesiæ suæ tabulatis traditiones invenit, sine examine subtili in opus suum congeſſit. Consultum igitur videtur, ut brevem Episcopatum in Mercia primò fundatorum Chronographiam, qualem ex Bedâ aliisque expiscari potuimus, præmittamus. Inter antiquos Anglos ab Augustino usque ad Theodorum Archiepiscopum limites Episcopatum limitibus regnorum definiri solebant; & unicuique regno ad fidem converso suus Episcopus ordinabatur. Hinc Augustinus Diocesis suæ Cantuariensis limites intra regnum Orientalium Cantuaritarum, Rossensis intra præfecturam (vix alia enim eo tempore erat) Occidentalium conclulit. Saxonibus autem Orientalibus suum Antistitem apud Londinum assignavit. Atque hinc fit, quòd hodiernum una eademque Provincia seu Comitatus pluribus Episcopis conterminis in ditionem cedat, inter plures sc. Reges olim distributa. Pari modo integrum Merciorum regnum, quod omnium longè amplissimum fuit, in primâ conversione unicum accepit Episcopum. Primus huic regno fidem intulit Peadâ Pendæ Regis Merciorum immanis-

simi tyranni & Paganis ritibus deditissimi filius; qui in partem regni à patre superstite vocatus, Mediterraneos Anglos à Merciiis propriè dictis divulsos seorsim regendos accepit. Is in Northanimbriam anno 653. profectus, ab Oswio Rege ad fidem conversus est; & à Finano Episcopo baptizatus. Ut idem beneficiū subditis suis impertiret; quatuor Presbyteros secum reduxit, Ceddâ (postea Episcopum Londinensem) & Addam, & Betti & Diumam; qui sacra mysteria Mediterraneis Anglis, quinetiam & Merciiis id concedente Pendâ Rege, traderunt. Nondum tamen aliquis ex illis Episcopus ordinatus fuerat. Demum Pendâ tyranno ab Oswio Rege 655. 15. Nov. interfecto, victori simul ac Peadæ Regi placuit, ut Episcopus Mediterraneis Anglis & Merciiis daretur. Mercios enim ab australi Trentæ parte sitos Oswius Peadæ regendos dederat. Ordinatus est igitur Diuma medio tempore inter Oswii victoriam & Peadæ necem, quæ anno 656. tempore Paschali contigit. Dehinc Oswius integrum Merciorum regnum ditioni suæ subiectum tenuit ad annum usque 658. quo à Merciiis fugatus, Wlſero Pendæ filio locum dedit. Is Merciorum Episcopatum à Cellacho derelictum Trumhero dedit, atque isti defuncto Jarumannum substituit. Hactenus Merciorum



## DUIMA.

(b) Duima factus est primus Episcopus Merciorum & Mediterraneorum Anglorum, Lindisfarorum, Wicciorum, finitimarumque Provinciarum.

rum Episcopi inter Mediterraneos Anglos, quorum Metropolis Legecestria fuit, resedisse videntur: nullam tamen Cathedram sive certam sedem sibi positam habuerunt, in Monasteriis vitam agere contenti. Anno 669. Ceda Merciorum Episcopus post Jarumannum renunciatus, sedem in Lichfeldiā Wlfheri Regis beneficio primus obtinuit, quam & successoribus suis transmisit. Crescente indies fidelium numero, consultum videbatur Theodoro & Episcopis in Synodo Herudfordensi anno 673. coactis, ut plures Episcopi instituerentur, præcipue in Merciorum provinciā; quæ dimidiam ferè Angliam tunc temporis complexa, unico Episcopo subdebatur. Huic decreto Winfridus Ceda successor, qui Dioecesin suam immensam mutilari noluit, refragatus, à Theodoro depositus est anno 675. Sexulfus igitur, qui Winfridum excepit, ut Theodoro morem gereret, Episcopalem Sedem apud Herefordiam instituit anno 676. & institutæ præfecit Puttam, cui tantillam Dioecesis suæ partem largitus est. Nondum tamen res ex Theodori mente gesta est, adversante Wilfrido Episcopo Eboracensi, forsitan etiam Wlfhero & Ethelredo Merciorum Regibus, apud quos Wilfridus nil non poterat. Annos inter 670, & 675. Egbirtus Rex, superato Wlfhero Merciorum Rege, Lindisfensem provinciam ditioni suæ subiecit; quæ proinde lege istius sæculi à Merciensis Episcopi Diocesi avulsa, Northanimbriorum Episcopi Wilfridi parochiæ est annexa. Anno autem 678. Egbirto Rege in partes tracto, Theodorus Archiepiscopus plures Episcopos in provinciā Northanimbriorum invito Wilfrido ordinavit, & in his Eathedum, cui provinciam Lindisfensem subiecit, & in Siddeneiā seu Sidnacestriā urbe sedem dedit. Anno sequenti recepta à Mercis post acre certamen Lindisfensi provinciā, Eathedus fugatus est; provinciāq; in Lichfeldensis Episcopi ditionem rediit. Pauxillo autem tempore permanfit. Anno enim nondum elapso Theodorus coacta apud Hethfeldam Synodo prius decretum de augendo Episcoporum numero renovavit: cui Ethelredus Merciorum Rex, æquiora jam sentiens exulante Wilfrido, obtemperavit. Eodem igitur anno sc. 679. Dioecesis Lichfeldensis in quatuor parochias est divisa: (quinta enim Herefordensis ante quadriennium instituta fuerat) sc. in Lichfeldensem, Legecestrensem, Lindisfensem & Wigorniensem. Primæ sedes apud Lichfeldiam ante decennium posita permanfit, secundæ apud Legecestriam posita est, ter-

tia apud Dorcestram, quartæ apud Wigorniam. Saxulfo data est singularum optio. Ipse Lichfeldensem maluit; tum quod pristina Sedes fuerat, tum quod longè cæteris ampliorem ditionem adhuc retineret. Cuthwinus Legecestrensem, Ethelwinus Lindisfensem, Tatfrithus Wigorniensem acceperunt. Quinaria ista (annumerato sc. Herefordensi Episcopatu) Dioecesis Lichfeldensis divisio Historicos nostros mirè torfit. Eadhedum enim & Ethelwinum Episcopos à Theodoro, parvo interveniente temporis intervallo, ad diversas Sedes, hunc ad Dorcestram, ad Sidnacestram illum, consecratos reperientes; atq; Ethelwinum Eadhedi depulsi loco subrogatum eandem parochiam, diversâ quantumvis sede, obtinuisse nequaquam animadvertentes, præsertim cum certus Siddeneiæ situs hætenus sit ignotus; diversas ac toto cælo distantes parochias illis dederunt, alteri Lindisfarorum, alteri Suthanglorum, immani sanè errore, cum Australes Angli pluribus intermediis regnis à Merciorum Diocesi disjuncti fuerint, quin & fidem Christianam nondum receperint. Nondum tamen res inconcussa mansit. Plures adhuc mutationes Dioecesis Lichfeldensis subiit. Sedem enim Legecestrensem Cuthwinus, seu morti seu levitati suæ seu aliorum injuriæ cedens, brevi dereliquit. Exin Sexulfus utriusque Dioecesis curam gessit usque ad obitum, qui anno circiter 691. contigit. Illo tempore Wilfridus Episcopus Eboraco pulsus, ad Ethelredum Merciorum Regem, amicum integerrimum, se recepit; & à Rege sibi commissum Episcopatum Legecestrensem post Saxulfi mortem regendum tulit. Hedda interim Lichfeldensem obtinuit. Wilfrido autem Synodi Nestrefeldensis sententiā ejecto anno 703. utraque Dioecesis iterum coaluit, Hedda soli subiecta. Post Heddam Aldwinus etiam, qui proximè successit, utramque tenuit. Aldwino autem defuncto, utraque Dioecesis suum accepit Episcopum, Lichfeldensis Huictam, Legecestrensis Totam. Ab illo tempore Lichfeldensis parochia iisdem limitibus distincta permanfit; donec sæculo postremo Dioecesis Cestrensis ab illâ fuerit avulsa. Ista mihi de modo ac tempore divisionis Diocefeos Merciorum maximè verisimilia videntur; nonnulla quidem solis conjecturis innixa, quæ tamen post acre examen præ aliis placuerunt.

(b) Duima, sæpiùs Diuma dictus, consecratus à Finano videtur sub initium anni 656. Obitum anno 658. rectè positum opinor.

Pau-

Paucitas enim Sacerdotum cogebat unum Antistitem duobus populis præfici. Beda dicit, quòd iste Duima natione Scotus à Finano Northanhumbranæ gentis Episcopo ordinatus, cum sub paucò tempore non paucam plebem Domino adquisisset; defunctus est apud Mediterraneos Anglos in regione quæ vocatur Infeppingum anno Domini DCLVIII. Rexit Ecclesiam Merciensem annis ii.

CELLACH.

(c) Cellach defuncto Duimâ suscepit Episcopatum Merciorum; & ipse similiter de Scotorum natione. Qui non multo post relicto Episcopatu reversus est ad Insulam Hii, anno Domini DCLIX.

TRUMHERE.

(d) Trumhere natione Anglicus, sed à Scotis Episcopus ordinatus, post Cellach Episcopatum Merciorum rexit annis iii. Quod temporibus Regis Wlferi factum est; obiitque anno Domini DCLXII.

JARUMANNUS.

(e) Jarumannus Anglicus, sed à Scottis Episcopis ordinatus, post Trumhere rexit Episcopatum Merciorum annis iv. sub Rege Merciorum Wlfero; & obiit anno Domini DCLXVII.

CEDDA.

(f) Cedda Sanctus, Anglicus, Jarumanno successit. Iste Cedda prius fuit consecratus Episcopus Ecclesiæ Eboracensi à Wine Episcopo Wintoniensi anno Domini

(c) Diumam excepit Cellach seu Ceollach, à Finano similiter Northanimbrorum Episcopo ordinatus. Illo enim tempore Mercia Oswio Northanimbræ Regi subiacebat. Quum verò ipso eodem anno Mercii resumptis armis libertatem pristinam asseruissent, & ejecto Oswio Wlferum regem sibi præficerent; Cellachus Episcopus, qui à Northanimbris datus fuerat, Merciam excedere & in Northanimbriam se recipere necesse habuit. Factum id sub initium anni 659. non malè censeri potest.

(d) Recedente Ceollacho, Wlferus Rex Mercii suis Episcopum præfecit Trumherum, Abbatem Monasterii de Ingetlingum. Quamvis autem Mercii & Northanimbri motis nuper armis ferali odio disgladiarentur; Merciorum tamen Episcopus à Finano consecrationem petere coactus est. Mercia enim ad fidem seu à Scotis seu ab Anglis Scotticam disciplinam edoctis conversa, antiquam Britannicam in sacris disciplinam & in Paschate celebrando traditionem observabat; quo nomine à Cantianorum Præfulum Romanam disciplinam sequentium communione sejuncti erant Merciorum Episcopi & Presbyteri. Obiit Trumheri anno 662. Historicus noster non malè reposuit.

(e) Jarumannus, patriâ lingua Gearoman appellatus, eandem ob causam à Scotis

Northanimbræ Episcopis consecratus est. Nondum enim habita fuerat Synodus Streneshalchensis, in qua universa Anglia Romanam disciplinam admittere & Pascha Romano more observare anno 664. decrevit. Post Jarumanni obitum, qui anno 667. contigit, Sedes Merciorum biennio vacavit. Curam ipsius interim gessit Wilfridus, qui ad Northanimbrorum Episcopatum ordinatus, à Ceddâ exclusus fuerat. Is in Abbatia suâ Ripensi delitescens, frequenter à Wlfero Rege ad ministeria Episcopalia inter Mercios obeunda accitus fuit; donec anno 669. Sedem propriam obtineret, referente Heddio in *Vita* ejus cap. 14.

(f) Restitutâ Wilfrido Sede suâ Northumbrensi, Merciorum provincia Episcopi seu proprii seu adscititii solatio penitus destituta fuit. Ceaddam igitur Northanimbriâ ejectum Wlferus Rex suadente Wilfrido accersivit, & Episcopum regioni suæ præfecit. Iste frater erat Ceddi Presbyteri, qui fidem Merciorum Provinciæ primus intulerat, & Episcopus postea Londinensis factus in Monasterio suo Lestingeni anno 664. diem extremum clauserat, commisso prius fratri Ceaddæ Monasterii regimine. Ex hoc Cœnobio evocatus ab Oswio Rege Ceadda anno 664. Northanimbrorum Episcopatum accepit. Ad eandem quidem Sedem



\* Mercienſi  
Cod. Cotton. 1,  
& 2.

Domini DCLXIII. Et rexit Eccleſiam Eboracenſem annis tribus; tamen pallium non optinuit. Poſtea cum redargutus eſſet à Theodoro Cantuarienſi Archiepiſcopo, quod non erat ritè conſecratus; humiliter ceſſit, & in Monafterio ſuo Leſtingay, unde prius Abbas fuerat, ſeceſſit. Deinde Jarumanno Merciorum Epifcopo defuncto, Sanctus Cedda per eundem Theodorum Cant. Archiepiſcopum Eccleſiæ \* Licheſfeldenſi poſtulat, & Epifcopus factus eſt anno Domini DCLXVII. Qui cum eandem Eccleſiam Licheſfeldenſem duobus annis & dimidio glorioſè rexifſet; migravit ad Dominum vi. Non. Marcii anno Domini DCLXX. & Licheſfeldiæ ſepultus eſt.

### WINFRIDUS.

(g) Winfridus Anglicus ſucceſſit S. Ceddæ; qui per Theodorum Archiepiſcopum Cant. datus & conſecratus, rexit Eccleſiam Licheſfeldenſem annis

dem Wilfridus à Rege designatus & à Gallia Epifcopis ordinatus fuerat. Verum ſive ipſo moram inutilem in Gallia faciente, ſeu mutato interim Regis conſilio, Epifcopatus abſente Wilfrido Ceaddæ datus eſt. Factum id medio anno 664. Annum 663. Hiſtoricus noſter malè poſuit. Ceadda enim à Rege Epifcopatu donatus, miſſus eſt in Cantiam, ut à Deuſdedit Archiepiſcopo conſecraretur. Archiepiſcopum autem recens defunctum inveniens, ad Wine Wintonienſem Epifcopum divertit; & ab iſto, aſſociatis ſibi duobus de Britonum gente Epifcopis, conſecratus eſt. Obiit Deuſdedit medio anno 664. & eodem circiter tempore Epifcopi Roſſenſis & Londinenſis fato ceſſerant. Medio anno 669. Theodorus Archiepiſcopus Cant. Angliam appulit; qui Ceaddam Epifcopatus Northanimbrorum non juſtum poſſeſſorem inveniens, & crimini vertens quod ab alienæ communionis Epifcopis conſecratus fuerat, ipſum ab Epifcopatu ſuo deturbavit, & Wilfridum reſtituit. Ceadda in ordinem redactus, ad Monafterium ſuum Leſtingenſe ſe contulit; ubi vir ſanctiſſimus, abreptam dignitatem æquillimè ferens, vitam agere quietam decrevit. Ea animi manſuetudo Wilfridi amorem adeo conciliavit; ut Wiſhero Regi Epifcopum ſibi dari poſtulantem Ceaddam præ aliis commendaverit. Eo ipſo itaque, ut videtur, anno Ceadda Mercii præſectus, Sedem Epifcopalem, amplis redditibus dotatam à Wiſhero, apud Lichfeldiam primus accepit. Erravit Lichfeldenſis noſter, qui introitum Ceaddæ in annum 667. retulit; & antiquum Lichfeldenſis archivi monumentum à Dugdaliſio prolatum, quod Eccleſiam Cathedralē anno 666. conſecratam aſſerit. Præſuit Ceadda Merciorum Dioceſi annis duobus cum dimidio; atque anno 672. 2. Martii defunctus eſt, ſepultus primò juxta Eccleſiam S. Mariæ; ſed poſtmodum conſtructa Eccleſia S. Petri, in eandem oſſa ejus

ſunt translata; referente Bedā l. 4. c. 3.

(g) Winfridus, Heddio *Wulfridus* dictus, Ceaddæ Epifcopi Diaconus, ipſi defuncto à Theodoro Archiepiſcopo ſubrogatus eſt anno 672. Synodo Herudfordenſi interfuit anno 673. ſi calculum vulgarem ſequamur, rectius autem anno 672. 24. Sept. habitæ. Indiſtio enim prima fuit, teſte Bedā l. 4. c. 5. In hac Synodo, Canone 9. decretum fuerat; ut plures Epifcopi, crescente numero fidelium, inſtituerentur. Addit quidem Textus Bedæ Latinus, *Sed de hac re ad præſens ſiluiſimus.* Præterquam autem quod in verſione Saxonica deſint, non tam verba Synodi quàm aliunde interjecta videntur. Vel ſi Theodorus ſilentium eā de re in Synodo egiffe perhibeatur; fixum tamen animo permanſit plures Sedes Epifcopales conſtituere. Orientalium igitur Anglorum Epifcopatum illo circiter tempore biſariam diſiſit; & Lichfeldenſem proximò aggreſſus, Winfridum ſibi refragantem ab Epifcopatu depoſuit. Factum id per meritum cujuſdam inobediētiæ ſolummodo Beda prodiit. Verum ſi quis ejuſce temporis res geſtas ac conſilia perpendat; non aliā ratione factum inveniet. Depoſitum eſſe Winfridum anno 675. Florentius tradit, anno 674. Weſtmonaſterienſis, cui ſuffragatur Lichfeldenſis noſter. Plus tamen Florentio deferre ſoleo, fidem ejus præ aliis comprobata habens. Winfridus ſede ſua deturbatus, ad Monafterium ſuum Adbarvenſe rediit; & poſtea in exteras regiones, fortè Pontificem Romanum adeundi animo, receſſit. Anno enim 678. (quo tempore Wilfrido ex Northanimbria depulſo Egfridus Rex inſidias à Gallis poni curaverat) per Galliam iter faciens, captus eſt ab inſidiatoribus, quos Egfridus ſubornaverat, errore nominis deceptis, & omni pecuniā ſpoliarus, multisque è ſociis ſuis occiſis, nudus humi miſerè dereliſtus eſt. Rem narrat Heddius in *Vita Wilfridi* cap. 24.

iii. sub Wlfero Rege. Deinde propter meritum cuiusdam inobedientiæ Theodorus Archiepiscopus offensus, eundem Winfridum de Episcopatu deposuit anno Domini † DCLXXIV. Qui rediit ad Monasterium suum, quod dicitur Adberwe; ibique vitam religiose finivit.

† DCLXXIII  
Cod. Cotton. 1,  
& 2.

## SEXWLFUS.

(b) Winfrido deposito, Theodorus in loco ejus ordinavit Episcopum Sexwlfum; qui erat constructor & Abbas Monasterii quod dicitur Medhamstede, i. e. Petresborough. Iste Sexwlfus sub Regibus Merciorum Wlfero & Ethelredo rexit Episcopatum Lichfeldensem annis xx. & obiit anno Domini DCXCIV. || Tempore Ethelredi Regis Merciorum & Sexwlfis Episcopi Episcopatus Lichfeldensis in duas Parochias dividebatur, videlicet, in Lichfeldensem & Legecestrensem.

|| Desit ultima  
periodus in Cod.  
Cotton. 1, &  
2.

## HEDDA.

(i) Post Sexwlfum Episcopum Provincia Merciorum duos habuit Episcopos, scil. Heddam Lichfeldiæ, & Wilfridum Legecestriæ. Sed Wilfridus

(b) Winfrido successor à Theodoro datus est Sexwlfus, in Textu Rossensi *Sexwulf* dictus. Non tamen statim Dioecesis Merciorum in plures parochias dispertita est; nisi forsitan Sedis Herefordensis anno sequenti fundatæ ratio habeatur. Vult quidem Godwinus Dioecsin Lichfeldensem post exauthoratum Winfridum à Theodoro in binas divisam fuisse, quarum altera Saxulfo, altera Eadhedo data est. Verùm Eadhedum unâ cum Bosâ & Eatâ, quos anno 678. consecratos esse constat, à Theodoro consecratum fuisse Beda testatur l. 4. c. 12. idemque Sexwlfum Episcopatum anno 676. tenuisse, & ante Lindisiensem provinciam, cui postea Eadhedus præsedebat, ab Egfrido Rege subactam utrique provinciæ tam Lindisiensi quam Mercienfi propriè dictæ præfuisse, fidem facit. Mutationes terminorum Dioecesis Lichfeldensis Sexwlfo præsedente sepiùs factas antea retulimus. Hic tantum addere liceat sententiam nostram de tempore divisionis quinarie factæ ab Historico nostro confirmari. Utcunque enim Codex noster apertè refragetur, & divisionem istam tempore Aldwini Episcopi factam velit; uterque tamen Codex Cottonianus omiſsa ultimâ periodo, quæ in Vita Sexwlfis superiùs legitur, atque eâ quæ divisionem sub Aldwino factam & post obitum ipsius confirmatam inferiùs tradit, loco earum ista reponit in fine Aldwini Vitæ. *Tempore Ethelredi Regis Merciorum & Sexwlfis Episcopatus Lichfeldensis in quinque parochias dividebatur, viz. Herefordensem, Wigornensem, Lichfeldensem, Legecestrensem & Lindisiensem.* Astipulatur etiam Ranulfus Cestrensis in Polychronico suo l. 5. c. 19. Anno inquit, 680. Theodorus Archiepiscopus coegit Concilium Episcoporum apud Harfeld. Quo

in tempore provincia Merciorum, quam solus Sexwlfus tunc regebat, divisa est in quinque parochias; una apud Legecestriam, alia apud Wigorniam, tertia apud Lichfeldiam, quarta in Lindeseiâ apud Sideneiam, quinta apud Dorcestriam. Sed Postea mansit apud Hereford, quondam institutum per Sexwlfum. Præfuit Sexwlfus sedi Lichfeldensi annis 20. juxta nostratam Historicum, calculum sc. ducendo à 674, ad 694. quo obiisse dicitur. Florentius & Chronologia Saxonica vulgata (tacet enim manuscripta *Tiber. B. 4.*) obitum ejus anno 705. contigisse produnt. Verùm testis omnibus major Heddius (in vitâ Wilfridi cap. 43.) refert Wilfridum Northanimbriâ iterum depulsum anno 691. ad Ethelredum Mercie Regem amicum suum recessisse, ibique Sexwlfis nuper defuncti Episcopatum suscepisse, Legecestrensem scilicet provinciam, quæ post Cuthwini obitum seu cessionem Sexwlfo in ditionem iterum redierat. Heddio fidem astruit Beda l. 4. c. 23. l. 5. c. 12. apud quem Wilfridus, patriâ tunc exulans & Mediterraneorum Anglorum Episcopatum gerens, Ostforum Wigorniensem Episcopum anno 691. & Suidbertum Fresonum Episcopum 693. consecrâsse legitur. Saxulfi itaque obitus in anno 691. reponendus videtur.

(i) Hedda, aliis Headda, post Sexwlfis obitum Lichfeldensi parochiæ anno 691. præfectus, Legecestrensem etiam post ejectum à Synodo Niddensi Wilfridum anno 703. sibi asseruit. Nil de obitu illius alibi occurrit; adeò ut Thomæ calculum amplecti sit necesse. Parum etenim curandum diploma Croilandense (apud Ingulphum f. 485.) cui Aldwinus anno 716. subscripsisse fingitur.



\* *Dedicata. Co-*  
*dex Cotton. Vi-*  
*tell. C. 9.*  
† ix. *Id. & Co-*  
*dex Lichfeld.*  
|| xxii. *Cod.*  
*Lichfeld.*

postea ejectus: Hedda solus ambas Parochias regebat. Per istum Heddam Episcopum \* constructa est Ecclesia Lichesfeldensis † ii. Kal. Januar. anno Domini DCC. Et ossa S. Ceddæ Episcopi translata sunt in eandem. Hedda verò post Ecclesiam constructam supervixit annis || xxi. & mortuus est anno Domini DCCXXI.

## ALDWINUS.

\* Annis viii. &  
obiit anno  
Domini  
DCCXXIX.  
*Ista addit, se-*  
*quentia omittat*  
*Cod. Cot. 1.*  
† DCCXXXIX  
*Cod. Cot. 2.*

(l) Post Heddam Aldwinus, qui & Wor nominatur, Episcopus consecratus, similiter regebat ambas parochias, scil. Lichesfeldensem & Legecestrensem \*. Deinde tempore Athelbaldi Regis Merciorum & hujus Aldwini Episcopi, consecrationis suæ anno tertio, Episcopatus Lichesfeldensis divisus fuit in quinque Parochias, videlicet, in Herefordensem, Wygorniensem, Lichesfeldensem, Legecestrensem, & Lindisiensem; Aldwinusque rexit Episcopatum Lichesfeldensem post divisionem in quinque Parochias annis sex; & obiit anno Domini † DCCXXX. Aldwino defuncto divisio Episcopatus Lichesfeldensis in quinque Parochias, ut supra notatur, confirmata est circa annum Domini DCCXXXII. Lichesfeldenses hi subsequentes sunt Episcopi post divisionem.

|| Huius. *Cod.*  
*Cot. 1, & 2.*

## || WICTA.

(m) Wicta Episcopus post Aldwinum rexit Episcopatum Lichesfeldensem † DCCLII. *Id.* annis vi. & obiit anno Domini † DCCXXXVI.

## HEMELE.

(n) Hemele Episcopus rexit Episcopatum annis xv. & obiit anno Domini DCCLII.

## CUTHFRITHUS.

\* Quatuor *Cod.*  
*Lichfeld.*

(o) Cuthfrithus Episcopus rexit Episcopatum annis \* tribus; & obiit anno Domini DCCLV.

(l) Heddam excepit Aldwinus seu Eadwine, qui & Wor dictus est. Episcopatum Lichfeldensem simul ac Legecestrensem anno 721. acceptum anno 731. rexit, quando Tatwino Archiepiscopo Cant. manus imposuit, Bedæ teste l. 5. c. 24. Utrumque simul Episcopatum eo tempore ipsum obtinuisse constat. Beda enim Episcopos singulis Angliæ parochiis illo anno præsidentes recensens, nullam de Legecestrensi Episcopo mentionem iniecit. Nulla igitur facta est Diocesis suæ, qualem innuit Thomas, ante annum 731. divisio; quin nec ipso vivente facta videtur. De obitu ejus nil certum ex Historiâ nostrâ proferri potest. Terni enim ipsius Codices totidem annos à se invicem diversos ponunt. Certius videtur, quod concordî Hovedeni, Florilegi, Mailrosensis & Dunelmensis voce prolatus est, Aldwinum scilicet anno 737. defunctum esse.

(m) Defuncto Aldwino, iterum divisa est (Merciorum Diocesis) in duas parochias *Legecestrensem & Cestrensem* seu Lichfeldensem. Verba sunt Textus Rossensis: quibus consonat Malmsburiensis; nisi quod apertè hallu-

cinatus, Dorcestrensem Episcopatum eodem tempore institutum velit. Legecestrensem accepit Totta, Lichfeldensem Wicta. De Tottâ alibi agendum est. Wicta, aliis *Wita*, in Textu Rossensi *Hwita*, in Codice Lichfeldensi Malmsburiensis *Witta* dictus, Aldwino successit in sede Lichfeldensi anno 737. & Synodo Cloveshovienſi anno 747. interfuit; neque postea aliquid de ipso occurrit. Obiit in anno 752. reponit uterque Codex Cottonianus.

(n) *Hemele* seu *Hemel*, soli Textui Ross. *Cemele* dictus, anno 764. à Florilego & Pseudo-Asserio, anno 765. à Mailrosensi, Dunelmensi & Hovedeno obiisse dicitur. His magis adhibendum quàm Historico nostro Lichfeldensi, apud quem omnia ab anno 700. ad 800. adeo sunt perturbata, ut nil sanum ex iis exculpi possit.

(o) *Cuthfrith*, aliis *Cuthred*, ab Historicis supra memoratis, ab his anno 765. ab illis anno 764. successisse dicitur. Is itaque, modò Lichfeld. tabulato à Thomâ descripto de tempore Episcopatus gesti fides sit adhibenda, anno circiter 768. obiisse dicendus est.

## BERTHUNUS.

(p) Berthunus Episcopus rexit annis iv. &amp; obiit anno Domini DCCLIX.

HIG-

(p) Ordo pariter ac tempora sequentium trium Episcoporum apud Historicis nostros maximè sunt perturbata. Westmonasteriensis ponit Aldulfum pallio Archiepiscopali anno 766. donatum fuisse, huic Berthunum, qui & Humbertus dicebatur, ante annum 794. successisse, atque isti anno 795. defuncto Higbertum; singulos autem dignitatem Archiepiscopalem obtinuisse. Eodem ordine Episcopos hosce Lichfeldenses antea disposuerat Matthæus Paris in Vita Offæ Regis. E contra reliqui omnes Historici ordinem in Historia nostra Lichfeldensi positum observant. Sic Florentius, sic Textus Roffensis, sic etiam Malmsburienfis. Quamvis enim vulgaria ipsius exemplaria Higbertum omittant; omnes tamen quos vidi Codices MSS. illum loco suo proximè ante Aldulfum reponunt. De ordine igitur Episcoporum parum dubitandum est; de tempore autem datæ Episcopis Lichfeldensibus & ablata dignitatis Archiepiscopalis, & singulorum Episcoporum ab anno 768, ad 800. successionem, scrupuli manent inextricabiles. Longum esset, nec utile quidem, singulorum Historicorum & monumentorum dissonantias recensere. Se caligare penitus Spelmannus fatetur (Concil. Angl. tom. 1. p. 304.) & Wilhelmus Watsius, Matthæi editor, non aliam effugiendi viam adinvenit, quàm ut Berthunum & Higbertum unum eundemque fuisse statueret. Audax sanè commentum, quod nullum è tot Historicis sibi suffragantem habet. Eodem sanè jure uterque Episcopus idem cum Aldulfo statui potuisset; & tunc quidem triceps illud monstrum nullas non difficultates exfussisset. Res quidem Watsio & Spelmanno ideò malè cessit; quòd Historicis & chartis, licet erroris manifesti convictis, fidem abrogare vererentur. Ut à Parisio enim initium faciamus; is multa de Archiepiscopis Lichfeldensibus (in Offæ Vita) tradidit, quæ certissima erroris indicia præterdunt. Apud ipsum enim Chartas in Auctarium Additamentorum p. 237, 238. rejectas Higbertus Archiepiscopus anno 793. confirmasse dicitur. Ibidem tamen Humbertus Archiepiscopus reliquias S. Albani 793. 1. Aug. adinvenisse, & Synodo post biennium ferè habitæ interfuisse narratur. Mitto alia. Quod Florilegum quidem spectat, is Archiepiscopalem dignitatem Aldulfo Lichfeldensi ab Adriano Papâ anno 765. datam palliumque anno 766. transmissum

retulit; quamvis certum sit Adrianum Papatum ante annum 772. assecutum non esse; quod & ipse Florilegus fatetur. Denique Acta Concilii Calcuthensis, ex Matthæi Historia de Vita Offæ Regis à Spelmanno prolata, neutiquam majorem fidem merentur, quàm mendaces illæ Chartæ ibidem collocatæ, quarum ne uni quidem annus Indictionis appositus convenit. Ut certiora itaque investigemus; notandum est de his inter omnes convenire: 10. Dignitatem Archiepiscopalem sedi Lichfeldensi ab Offa Rege donatam & ab Adriano Papâ confirmatam fuisse, vivente & Provinciæ suæ parte non modicâ spoliato Jamberto Archiepiscopo Cant. 20. Jambertum in Synodo Calcuthensi spoliatum esse, omnesque Mericiæ & Orientalium Anglorum Episcopatus Metropoli Lichfeldensi subjectos fuisse. 30. Statim post Offæ obitum Archiepiscopum Lichfeldensem à Kenulfo Rege & Leone Papâ in ordinem redactum fuisse, & Archiepiscopo Cantuariensi iterum subjectum. Hinc igitur constat integram rem gestam esse inter annos 772. quo Adrianus Papatum iniit, & 799. quo Ethelardus Archiepiscopus Cant. Romam adiit. Porro Calcuthense Concilium anno 785. habitum fuisse produnt Chronologia Saxonica, Florentius, Huntindoniensis, Hovedenus & alii. Spelmannus quidem annum 787. maluit, Mailrosensis 786. & antiquissima quædam diplomata, in Archivis Roffensi & Wigornienfi asservata, annum 789. Pluribus autem & potioribus Historicis magis ascribendum est. Sic itaque rem gestam arbitror. Anno 785. obiit Berthunus Episcopus Lichfeldensis. Id Florentius testatur. Eodem anno coactâ Synodo Celchuthensi Higbertus (Sigibertum Textus Roffensis vocat) in successorem electus est; cui Provinciæ suæ partem jure Archiepiscopali regendam concedere Jambertum Archiepiscopum Cant. multum quantumvis renitentem Offa Rex in eodem Conventu coegit. Id Chronologia Saxonica, Florentius & alii supra memorati produnt. Nondum tamen auctoritatem Archiepiscopalem assumere ausus est Higbertus, re apud Romam necdum confirmatâ, nec Pallio remisso. Id Acta Concilii probant (Concil. Angl. p. 301.) in quibus Higbertus nudo Episcopi titulo usus subscribit. Chartæ quidem & diplomata plurima, quæ in eadem Synodo consignata dicuntur, Higberti Archiepiscopi nomen affixum



## HIGBERTHUS.

Higberthus Episcopus rexit annis v. & obiit anno Domini DCCLXIV.

## ALDULFUS.

\* Consecratus  
est anno  
DCCLXIV.  
*Ista interjerit*  
*Cod. Cot. 1. &*  
*2.*  
† DCCCXII.  
*Cod. Cot. 1.*  
DCCC. *Cod.*  
*Cot. 2.*

Aldulfus Lichsfeldensis Archiepiscopus, \* rexit Provinciam Merciorum & Orientalium Anglorum annis xxxvi. & obiit anno Domini † DCCC. Hujus Aldulfi tempore Offa Rex Merciorum ab Adriano Papâ impetravit & obtinuit, ut sedes Archiepiscopatus Merciorum esset apud Lichsfeldiam; & quod omnes Pontifices Merciorum Provinciæ Archiepiscopo Lichsfeldensi subjicerentur, videlicet Wigorniensis, Herefordensis, Legecestrensis, Sidnacestrensis; & etiam Episcopi Orientalium Anglorum, scil. Helmamensis, & Domucensis, vocabaturque Archiepiscopus Lichsfeldensis Aldulfus. Nam Papa Adrianus primus misit ei Pallium. Remanserunt autem Archiepiscopo Cant. quatuor Episcopi, videlicet Londoniensis, Wintoniensis, Roffensis, & Selesiensis. Horum Episcopatum quidam adhuc manent, quidam venali ambitu alteris Episcopatibus sunt uniti. Fuit enim sedes Metropolis apud Lichsfeld toto tempore istius Aldulfi Archiepiscopi. Post mortem verò ejus Kenulfus Rex Merciorum impetravit à Papâ Leone successore Adriani Papæ & optinuit; quod Sedes Metropolis Cantuariensis Ecclesiæ, quæ per Regem Offam spoliata fuerat, dignitati pristinæ restitueretur.

affixum habent. Verùm impudentium Monachorum commenta parum moramur. Solum ex Præsulibus Lichfeld. Aldulphum Archiepiscopalem dignitatem obtinuisse Historici potiores referunt. Porro Higbertus ante rem ab Adriano Papâ confirmatam & Pallium remissum anno 786. decessit; cui Aldulphus eodem anno subrogatus, ab Eanbaldo Archiepiscopo Eboracensi, Tylberto Episcopo Hagustaldensi (qui anno 789. obiit) & Hygbaldo Lindisfarnensi consecratus est, Palliumque ab Adriano donatum accepit. Id Mailrosensis, Hagustaldensis, & Dunelmensis confirmant. Quamdiu Offa regnum tenuit, honor Archiepiscopalis Aldulfo intactus remansit. Illo autem 794. 29. Julii rebus humanis exempto, Egberthus qui successit, pristinam dignitatem throno Cantuariensi restituere meditatus, ante anni ejusdem exitum interiit. Successit Kenulfus, qui post finem anni 795. missis ad Leonem Papam Adriani successorem literis obnixè petiit, ut Lichfeldensis Sedes dignitate novâ exueretur, Cantuariensi in integrum restitutâ. Rescribit Papa dignitatem Metropolitanam Sedi Lichfeldensi non sine Regum & Præsulum Angliæ consensu atque precibus ab Adriano decessore suo donatam esse. Epistolam antea ineditam infra exhibui. Rem itaque perendinante Papâ, Ethelardus Archiepiscopus iter Romam iniit anno 799. (ex complurium, anno 798. ex Annalium Petriburg. Saxon. calculo) Rex-

que aliis datis literis, addito etiam munere non contemnendo, idem obnixiùs postulat. Extat Epistola apud Malmsburiensem de *gestis Reg. 1. 1. c. 5.* Cessit demum Papa importunis Ethelardi precibus & regiis muneribus; dignitatemque Archiepiscopalem Præsulibus Lichfeldensibus in perpetuum abrogari, Cantuariensibus in integrum restitui decrevit. (Extat decretum apud Malmsburiensem loco cit.) Id Alcuinus Ethelardo datis literis (ibid. fol. 113.) summopere gratulatur; ne tamen Aldulfus pater pius *dictis suis Pallio exuatur*, orat, Neutiquam Ethelardus Alcuino morem gessit; sed in Angliam brevi reversus, Aldulfo lituum Archiepiscopalem abstulit, & universas Merciorum Dioceses Sedi suæ postliminio subjecit. Hinc in Actis Concilii Cloveshovien- sis anno 803. habiti *Aldulfi Episcopi Lichfeldensis* nomen occurrit (Concil. Angl. p. 325.) In eodem Concilio controversia inter ipsum & Werenbertum Legecestrensem Episcopum de limitibus parochiarum suarum olim mota finem accepit. Quamdiu huic Synodo superfuerit, parum constat. Illum anno 812. decessisse alter è Codicibus Cottonianis memorat. Verùm in re incertâ nil temerè definitio. Nonnihil tamen suadet utriusque Codicis Cottoniani & alterius Lichfeldensis concordia; qui Herewini successoris obitum post quinquennale regimen in anno 817. ponunt.

HERE-

HEREWINUS.

(q) Herewinus Lichsfeldensis Episcopus successit Aldulfo; rexitque Episcopatum annis || xi. & obiit anno Domini † DCCCXII.

|| v. Cod. Cot.  
uterque & Cod.  
Lichfeld.  
† DCCCXVII.  
Iidem.

ATHELWALDUS.

(r) Athelwaldus Lichsfeldensis Episcopus successit Herewino \*. Per istum Athelwaldum Episcopum Canonici instituti sunt primò in Ecclesiâ Cathedrali Lichsfeld anno Domini DCCCXXII. sub Chelwlfio Rege Merciorum, Huictâ tunc existente Canoniorum Præposito. Erant enim tunc in Ecclesiâ Lichsfeldensi Canonici † xix. cum suo Præposito, quorum xi. fuerunt Presbiteri, & ix. Diaconi. Athelwaldus autem rexit Episcopatum Lichsfeldensem annis xxxv. & obiit anno Domini || DCCCXLVII.

\* Consecratus  
est anno  
DCCCXVIII.  
Cod. Cot. uterq;.

† xx. Cod.  
Lichfeld.

|| DCCCXLVII.  
Cod. Cot. uterq;.

HUNBERTHUS.

(f) Hunberthus Lichsfeldensis Episcopus rexit annis xx. & obiit anno Domini \* DCCCLXVI.

\* DCCCLXXVII  
Cod. Cot. 1.  
DCCCLXVII.  
Cod. Cot. 2.

(q) Rectè Thomam Herewini tempus posuisse arbitror; modò Codicis utriusque Cottoniani & alterius Lichfeldensis lectio admittatur. In his enim quinquennio præfuisse & anno 817. obiisse dicitur. Chartæ quidem Witlaffii Regis Monachis Croilandenſibus anno 833. datæ subscripsisse apud Ingulphum (fol. 488.) fingitur. Verùm cum suspecta semper sit Chartarum fides; ista præ aliis certissima falsitatis indicia præfert. Simul enim subscripsisse dicuntur Eanbaldus Eboracensis, Wilredus Domocensis & Godwinus Roffensis Episcopi; qui Sedes dictas illo tempore nequitiam obtinuerunt. Consecratum esse Herewinum à Wlfrido Archiepiscopo Cant. ex Registro Ecclesiæ Cant. constat; eundemque Synodo Celchuthensi anno 816. interfuisse Acta Concilii docent, *Concil. Angl. tom. I. p. 328.*

(r) *Herkenwaldum* vocat Malmſburienſis vulgatus, *Athelwaldum* autem Codex ejusdem MS. Lichfeldensis. Sic etiam Textus Roffensis & Florentius. Consecratus est anno 818. juxta veriore Codicis utriusque Cottoniani lectionem. Iidem illum anno 857. obiisse volunt. Isti quidem calculo ſequentium Episcoporum tempora maxime conveniunt; nec multùm abludit Florilegus, qui annum 958. posuit. Chronologia autem Saxonica Ethelwoldi obitum in anno 828. retulit; & Registrum Ecclesiæ Cant. Humbertum à Wlfrido Archiepiscopo (qui anno 829. obiit) consecratum tradit. Atque his magis tribuendum æſtimo; neque enim tempora à Codicibus Cottonianis posita ſibi invicem concordant, cum ab anno 818, ad 857. anni duntaxat 35. intermedii ibidem numerentur.

(f) *Hunberthus* seu *Humberht*, prolixam fidei suæ & obedientiæ Wlfrido Archiepiscopo Cant. fecit professionem; quæ in Registro Ecclesiæ Cant. asservatur. Idem anno 864. obiisse à Florilego dicitur, anno 867. à Codice Cottoniano secundo, 877. à primo. In hoc tamen singulis convenit, ipsum annis duntaxat 20. præsedisse. Pares etiam in ſequentibus emergunt scrupuli. Kinebertum enim, qui Hunberto successit, anno 890. decessisse singuli Codices conſonâ voce produnt; quamvis Florilegus eundem anno 872. obiisse & Tunbertum ſucceſſorem habuisse referat. Utervis autem calculus admittatur, Kinebertus poſt Ceolnothum Archiepiscopum obiisse dicendus erit; cum tamen Tumberhti proſeſſio Ceolnotho facta in Registro Ecclesiæ Cant. reperiatur. Nec Tumbertus quidem Humberto & Kineberto intermedius reponi poteſt. Refragatur enim Textus Roffensis, qui Kynetyrthum Humberht ſubjicit, & in illo deſinit. Porro Florilegus, Tunberti Episcopi Lichfeld. introitu in annum 872. relato, Tunfrithi Episcopi Lichfeld. obitum in anno 928. retulit: quod Godwinum induxit, ut Tunbertum à Tunfritho diverſum ſtatueret. Quamvis omnes Episcoporum Anglicorum, quos vidi, Catalogi vetuſti (& ſanè quamplurimos vidi) unicum agnoſcant Tunfrithum ſeu Tunbrihtum. Hic ſanè aquam mihi hæere fateor. Fruſtra enim à commentitiis Monachorum Chartis lux exſpectatur. In tantâ caligine id ſententiæ præ aliis placet, ut rejecta Florilegi & Regiſtri Cantuarienſis fide, Humberthum anno 867. obiisse Codici Cottoniano ſecundo concedamus, & in reliquis Hiſtorici noſtratiſ dũctum ſequamur.



## KYNEBERTHUS.

† xx. Cod.  
Lichfeld.

(t) Kyneberthus Lichesfeldensis Episcopus rexit annis † xxiii. &amp; obiit anno Domini DCCCXC.

## TUNFRITHUS.

(u) Tunfrithus Episcopus rexit annis xxx. &amp; obiit anno Domini DCCCCXX.

## AELLE.

(x) Aelle Episcopus, qui &amp; Alwinus, rexit annis xxiv. sub Athelstano Rege totius Angliæ; &amp; obiit anno Domini DCCCCXLIV.

## ELGARUS.

(y) Elgarus Episcopus rexit annis xvi. &amp; obiit anno Domini DCCCCLX.

## KYNISIUS.

(z) Kynsius Episcopus rexit annis xiv. &amp; obiit anno Domini DCCCCLXXIV.

## WINSIUS.

Winsius Episcopus rexit annis xviii. &amp; obiit anno Domini DCCCXCII.

## AELFEGUS.

(a) Aelfegus Episcopus rexit annis xv. &amp; obiit anno Domini MVII.

## GODWINUS.

Godwinus Episcopus rexit annis xiii. &amp; obiit anno Domini MXX.

## LEOFGARUS.

|| vi. Cod.  
Lichfeld.

(b) Leofgarus Episcopus rexit annis || vii. &amp; obiit anno Domini MXXVII.

## BRITHMARUS.

(c) Brithmarus Episcopus rexit annis xi. &amp; obiit anno Domini MXXXVIII.

(t) *Cinebert* apud Malmsburiensem, *Kynesyrtb* apud Textum Roffensem appellatur.(u) *Bumfrithum* vocat Malmsburiensis vulgatus, *Tunfrithum* autem Codices MSS. *Tumbrihtum* Florentius, qui eundem tempore Burhredi Regis Merciorum & Alfredi Regis Westsaxonum Episcopatum gessisse scribit. Burhredus regnum tenuit ab anno circiter 852, ad 874. Alfredus ab 872, ad 901. adeo ut si Thomæ calculus admittatur, Tunfrithus soli Alfredo contemporaneus fuisse censendus erit.(x) Aella, qui & Ælfwinus, *Præsulatum* gessit tempore *Æthelstani* Regis, inquit Florentius, Thomæ satis concors.(y) *Alfgarus* à Florentio dicitur.

(z) Quæ de Episcoporum Lichfeldensium temporibus sequuntur, non malè posita existimo. Refragantur quidem nonnulli

Chartæ &amp; diplomata Monastica. Sic Kynsius chartæ Edredi Regis Croilandenſibus anno 948. atque alteri Edgari Regis anno 966. datæ subscripsisse (apud Ingulfum f. 498, 502.) dicitur; &amp; Winsius (inibi Wyſige dictus) chartam auream Edgari Novo Monasterio Wintonienſi datam anno 966. (apud Selden. Spicileg. ad Eadmer. p. 160.) confirmasse fingitur. Verum id genus furfuris parum curamus.

(a) *Elfeth* & *Elfeth* is à Malmsburiensi appellatur, *Ælfeth* in Textu Roffensi, in quo nomen ipsius chartis Ethelredi Regis anno 995, & 998. datis affixum reperitur, f. 154, 159.(b) Malmsburiensi *Leſgar*, Florentio *Leovegarus* dictus.(c) *Brithmar* seu *Brihtmar*, anno 1039. obiit juxta Florentium, Mailrosensem, Annales Petriburg. Saxon. & alios.

## W L S I U S.

(d) Wlſius Episcopus rexit annis xvi. Hujus Wlſii Episcopi tempore, videlicet anno Domini MXLIV. Leofricus Comes Herefordiæ ampliavit & quasi de novo reædificavit Monasterium Coventriæ, ditavitque illud divitiis amplissimis; & ejectis sanctis Monialibus, quæ ibidem Deo servierant à tempore Knuti Regis Dacorum & Anglorum primi fundatoris ejusdem Monasterii, idem Leofricus Monachos ibidem primò fecit institui. Præfecit eisdem Monachis Leofwinum Abbatem; qui postea defuncto Wlſio Episcopo, à Rege Edwardo Sancto datus, Episcopus Lichesfeldensis factus est. Wlſius obiit anno MLIV.

## L E O F W I N U S.

Leofwinus Lichesfeldensis Episcopus, qui fuit Abbas Coventriæ, rexit annis \* xii. & obiit anno Domini MLXVI.

\* xi. Cod. Cot. 2.

Post adventum Normannorum.

## P E T R U S.

(e) Petrus Lichesfeldensis Episcopus à Rege Wilhelmo Bastard datus, consecratus est anno Domini MLXVII. Sedes Lichesfeldensis translata est in Cestriam tempore Lanfranci Cant. Archiepiscopi, qui sedem transtulit anno Domini MLXXXV. per Petrum Lichesfeldensem Episcopum. Et sciendum est, quòd à † tempore foundationis Ecclesiæ Lichesfeldensis || usque ad tempus Lanfranci Archiepiscopi Cant. semper fuit Sedes Cathedralis apud Lichesfeldam tantum, sine conjunctione alicujus alterius Ecclesiæ. Petrus tunc Cestrensis Episcopus obiit anno Domini MLXXXVI. qui solus apud Cestriam sepultus est.

† Principio.  
Cod. Cot. utroq.  
|| Viz. anno Domini DCLXVI.  
Iidem.

## ROBERTUS DE LYMESY.

(f) Robertus de Lymesy, secundus Cestrensis Episcopus, consecratus est anno Domini MLXXXVIII. \* [Erat in Cestrensi Diocesi quoddam Cœnobium Coventreia nomine, quod Comes magnificentissimus Leofricus cum Godeſa uxore suâ construxerat tanto auri & argenti spectaculo, ut ipsi parietes Ecclesiæ angusti viderentur esse receptaculis thesaurorum. Hoc Robertus iste Cestrensis Episcopus comperiens, ambitione possidendi ipsas gazas intravit transferri ad Coventreiam Sedem suam. Et sic] Sedes Lichesfelden-

\* Quæ antea inclusa sunt, ex Cod. Cot. utroq. interseruntur.

(d) Wulſius seu Ulfius, anno 1053. mense Octobri è vivis excessisse fertur à Florentio & Annalibus Winchelcumbensibus. Wulſig Episcopus Lichfeld. obiit 1053. ante Festum Omnium Sanctorum. Sic Annales Petri-burg. Saxon.

(e) Petrum anno 1067. consecratum anno 1086. defunctum esse Annales Burtonenses confirmant. Rectius forsan sub finem anni 1085. obiisse censendus est. Robertum enim successorem à Rege nominatum fuisse apud Glavorniam anno 1085. in Festo Natalis Domini Florentius & Simeon Dunelmensis testantur.

(f) Consecratum fuisse unà cum Wilhelmo Helmeamenſi Episcopo apud Cantuari-

am à Lanfranco anno 1086. Chronologia Saxonica affirmat. Is mortuo Leowino Abbate Coventriæ, custodiam Abbatæ à Rege obtinuit, atque illuc Sedem Episcopalem transtulit. Factum id anno 1095. plures Historici tradunt; quamvis Florentius anno 1102. 18. April. Sedem Episcopalem de Cestrià ad Coventriam translata esse referat. Abbatiam forſitan Coventrensem Petrus anno 1095. comparavit, non tamen Coventriam ante 1102. migravit. Obiit anno 1117. fide Florentii, Hovedeni & Annalium Burton. die 30. Augusti juxta Obituarium Cœnobii Salopienſis, die 1. Sept. juxta Lichfeldensem nostrum. Sedes quadriennio ferè vacavit.



sis prædicta migravit de Cestriâ ad Coventreiam anno Domini MXCV. per Robertum de Lymesy secundum Cestriæ Episcopum, & primum Episcopum Coventriensem: qui solus ad Cestriam ordinatus erat per collationem Domini Regis Willelmi Ruffi; quia usque ad illa tempora Reges conferebant omnes Episcopatus in Angliâ per investituram annuli & baculi. Robertus de Lymesy Episcopus obiit Kal. Septembr. anno Domini MCXVI. & apud Coventriam sepultus est.

## ROBERTUS PECTHE.

(g) Robertus Pecthe successit Roberto de Lymesy, per Regem Henricum seniores datum; qui consecratus est anno Domini MCXVII. Robertus Pecthe Episcopus Coventr. obiit xi. Cal. Septembris anno Domini MCXXVII. & apud Coventriam sepultus est.

## ROGERUS DE CLINTOUN.

(h) Rogerus de Clintoun Coventriensis Episcopus, per Regem Henricum seniores datum, consecratus est anno Domini MCXXVIII. Qui Ecclesiam Lichesfeldensem erexit tam in fabricâ quàm in honore, numerum Præbendarum augendo, Castrum Lichesfeldense muniendo, villam vallo vallando, milites infeodando. Et tandem signaculo Crucis assumpto Jerosolimam petens, apud Antiochiam obiit xvi. Cal. † Maii anno Domini MCXLVIII. & ibidem sepultus est. Iste Rogerus fecit has Ecclesias Præbendas Ecclesiæ Lichesfeldensi annexas, sc. Hardewic, Hinutoun, || Drinnerstoun, Offechirche, Waspretoun, Sutham, Olestoun, & Ecclesiam S. Trinitatis de Coventriâ.

† Martii. Cod.  
Lichfeld.  
|| Arnmerston.  
Id.

## GUALTERUS DURDENT.

(i) Gualterus Durdent, qui fuit Prior Cantuariæ, successit Rogero de Clintoun; qui per Regem Stephanum datum est, Monachis Coventrensis & Canonicis Lichesfeldensibus propter electionem discordantibus. Nam tunc primò concessa erat eis à Rege licentia Episcopum eligendi. Iste Walterus Episcopus Coventrensis & Lichesfeldensis consecratus est vi. Nonas Octobris à Theobaldo Cant. Archiepiscopo anno Domini MCXLIX. Gualterus Durdent Episcopus obiit anno Domini MCLXI. & Coventreie sepultus est. Rexit Episcopatum annis xii.

(g) Robertus Peché, Latine Peccatum, ab Henrico Rege, cui (ut habet Florentii Continuator) *in curâ panis ac potus strenuè ministrare solebat*, Episcopatu Coventrensi donatus, à Radulfo Archiepiscopo apud Abendoniam consecratus est 1121. 13. Martii. Obiit 1127. 22. Aug. juxta nostrum, die 21. Augusti juxta Obituarium Salopiense. Sedes biennio vacavit.

(h) Rogerus de Clinton, Gosfridi de Clintunâ viri olim potentissimi nepos, & Archidiaconus Buckinghamensis, Episcopatum Coventrensem emit à Rege 3000. marcarum pretio (si Dunelmensi fides) consecratus à Wilhelmo Archiepiscopo 1129. 17. Nov. Contra Florentius (cui magis adhibendum) Presbyterum 1129. 21. Dec. ordinatum esse, Episcopum die sequenti apud Cantuariam consecratum, & mense Ja-

nuario anni sequentis apud Coventriam intronizatum esse refert. Obitum Thomas rectè designavit.

(i) Walterus Durdens, ex Priore Ecclesiæ Cantuariensis Episcopus Coventrensis anno 1149. electus, à Theobaldo Archiepiscopo consecratus est Cantuariæ die 2. Octobris ad altare Christi, presentibus & cooperantibus Suffraganeis suis, Roberto sc. London. Episcopo, Waltero Roffensi Antistite, & Nicolao Glamorganensi sive Landavensi Prasule, acceptâ ab eo pro more hac manuscriptâ professione de subjectione & obedientiâ sibi & successoribus suis exhibendâ. Scripta sunt hæc in tergo Professionis autographæ, quæ in Archivo Ecclesiæ Cant. hodiernum allervatur. Rot. Profess. autogr. 2. Obiit 1161. 7. Dec. ex fide Obituarius Cantuariensis & Salopiensis.

RICAR-

## RICARDUS PECTHE.

(l) Ricardus Pecthe post mortem Walteri Episcopi consensu Monachorum Coventrensiū & Canonicorum Lichesfeldensium, voluntate Regis Henrici II. mediante, Episcopus Coventrensis consecratus est anno Domini MCLXII. Ricardus Pecthe Episcopus in fine vitæ suæ Canonicum induit habitum in Ecclesiâ S. Thomæ Martyris juxta Staffordiam; quam ipse de Episcopio fundaverat. Tandemque obiit Nonis Octobris anno Domini MCLXXXI. & in eadem Ecclesiâ S. Thomæ sepultus est.

## GERARDUS DE PUELLA.

(m) Gerardus de Puellâ, Clericus S. Thomæ Martyris, per Monachos Coventrenses & Canonicos Lichesfeldenses concorditer electus Episcopus Coventrensis & Lichesfeldensis, consecratus est anno Domini MCLXXXIII. sub Rege Henrico II. Iste Gerardus Episcopus obiit pridie Idus Januarii anno Domini MCLXXXIV. & apud Coventreiam sepultus est. Rexit Episcopatum anno uno.

## HUGO DE NONANT.

(n) Hugo de Nonant, quondam Clericus ejusdem S. Thomæ Martyris, per Monachos Coventrenses & Canonicos Lichesfeldenses electus est Episcopus.

(l) Ricardus Pecher seu Peccatum, anno 1162. Episcopatum Coventrensem assecutus, summus Hiberniæ Justiciarius seu Prorex anno 1181. constitutus est. Obiit 1182. 6. Octobris, feriâ 4. fide Annalium Ecclesiæ S. Werburgæ Cestrensis.

(m) Gerardus Puella, sive La Pucelle, Clericus erat Ricardi Cant. Archiepiscopi domesticus; de quo Willelmus Thorn in Historiâ suâ (col. 1821.) ista prodit. *Habebat Ricardus Archiepiscopus duos commensales Clericos, juris peritos, veritatis tamen & justæ justitiæ amulos, M. Gerardum de Puellâ & Petrum Blesensem. Hi duo inter omnes mundi tunc temporis estimabantur, nec immerito, eloquentiores. Archiepiscopo agente ad Episcopatum Coventrensem electus, ab eodem consecratus est 1183. 25. Sept. Postquam autem septimanis 16. sedisset, apud Lichfeldiam non sine suspitione veneni extinctus est 1184. 13. Jan. diem 12. Januarii Thomas posuit. Verum obitum Gerardi die 13. contigisse Gervasius, Obituarium Cant. & Annales Cestrenses fidem faciunt. Insignia Ecclesiæ metropolitice Cant. beneficia contulisse videtur. In Obituario enim Cant. sic legitur. Idibus Jan. obiit pie memoriæ Gerardus Coventrensis Episcopus; pro quo fiet servitium, sicut pro uno Archiepiscopo.*

(n) Hugo de Nonant, Clericus familiaris S. Thomæ Archiepiscopi, & Archidiaconus Oxoniensis, vir præclaræ eloquentiæ & pietatis, Giraldo judice, electus est anno 1185. consecratus apud Lametham à Baldwino Archiepiscopo 1188. 3. (2. legendum puto) Cal. Febr. teste Gervasio. Inter electionem & consecrationem Legati vices in Angliâ sibi à Pontifice

Romano commissas obiit; atque eâ fretus potestate in ipsâ Cant. Ecclesiâ præsentem Archiepiscopum mitratus incessit. Acerri-mus Monachorum adversarius, quos toto Episcopatus gesti tempore indefessis laboribus oppugnabat. Nec injuriâ quidem. Monachi enim, qui plurimis Ecclesiis Cathedralibus infederant, assiduis rixis & contentionibus Antistites suos exagitârunt; in hoc contrarii Canonicis Sæcularibus, quibus cum Episcopis ut plurimum summopere convenit. Monachos ex Ecclesiâ suâ Coventrensi Hugo ejecit, & Canonicos introduxit anno 1190. quamvis post septennem litem, & immensam pecuniæ vim effusam, Monachi decreto Papæ restituti fuerint, in pristinas sedes reducti ab Huberto Cant. Archiepiscopo 1198. 18. Jan. Historiam Controversiæ uberem dabunt Annales Burtonenses, & Giraldus in Vitâ Hugonis. Nec hoc contentus Hugo, operam Baldwino Archiepiscopo adversus procaces Ecclesiæ suæ Monachos decertanti strenuam præstitit; in solenni Conventu Monachos ad Diabolum amandandos, & si mihi velletis ad-  
*quiescere, infra breve spatium temporis nec unus remaneret in Angliâ,* clamitans, Nil mirum igitur Monachos Hugonis memoriam immanibus convitiis deturpasse, & pulchram de conscientiæ morituri stimulo ob Monachos malè habitos fabellam excogitasse. Veriora de moribus atque obitu illius Giraldus docebit. Obiit apud Betherlevin in Normanniâ 1198. 27. April. die Passionis Dominicæ, ibidem in Monachorum Cænobio sepultus; quamvis non desint, qui cum Thomâ eundem Cadomi sepultum statuant.

Gervas. Chron.  
col. 1356.



copus Coventrensis & Lichsfeldensis. Consecratus est anno Domini MCLXXXVI. sub Rege Henrico II. Iste Hugo de Nonant Episcopus ejecit Monachos de Monasterio Coventrensi; & loco eorum instituit Canonicos Sæculares anno Domini MCXC. Qui Canonici manserunt ibidem annis vii. Postea septennio elapso, ad instantiam Regis Ricardi tunc regnantis, qui eidem Hugoni Episcopo fuerat offensus, per Hubertum Cant. Archiepiscopum & Apostolicæ Sedis Legatum Monachi Coventrenses in Monasterio suo sunt introducti; Hugone de Nonant Episcopo tunc in Normanniâ moram faciente. Causa enim offensionis Regis Ricardi fuit, eò quod Robertus de Nonant, frater Hugonis Episcopi prædicti, ad Henricum Imperatorem, qui tunc Regem Ricardum tenuit in carcere, cum litteris Regis Franciæ & Johannis Comitis Moretoun venerat; ut liberationem Regis Ricardi disturbaret. Unde dictus Rex Ricardus causam adventûs ejusdem Roberti ignorans, rogavit eum pro se obsidem esse; qui negavit. Quâ de re Rex Ricardus iratus; quàm citiùs liberatus fuit, jussit Hugonem de Nonant Episcopum, fratrem ejusdem Roberti, spoliari de suo Episcopatu anno Dom. MCXCIV. & Robertum fratrem ejus in carcere retineri apud Dovore omnibus diebus vitæ suæ. Postea anno revolutò Rex Ricardus reddidit Hugoni de Nonant Episcopatum suum pro quinque millibus marcis argenti. Hugo de Nonant Episcopus Coventrensis & Lichsfeldensis obiit vi. Kal. Aprilis anno Domini MCXCIX. & apud Cadomum in Normanniâ sepultus est, ubi obiit.

#### GALFRIDUS DE MUSCHAMP.

(o) Galfridus de Muschamp successit Hugoni, ad monitionem Huberti Cant. Archiepiscopi & Domini Papæ Legati per Monachos Coventrenses & Canonicos Lichsfeldenses electus, Episcopus Coventrensis & Lichsfeldensis consecratus est Idibus Martii apud Westmonasterium anno Domini MCXCIX. sub Rege Ricardo. Per istum Galfridum Episcopum medietas Ecclesiæ de Wolveye facta est Præbenda Lichsfeldensis. Galfridus de Muschamp Episcopus obiit ii. Nonas Octobris anno Domini MCCVIII. & apud Lichsfeldiam sepultus est tempore Interdicti. Rexit Episcopatum annis x.

#### WILLELMUS DE CORNHULL (p).

Galfrido Episcopo defuncto, Monachi Coventrenses per seipsos tempore Interdicti elegerunt Josbertum Priorem suum in Episcopum Coventrensem; decretumque suum ad Stephanum Cant. Archiepiscopum in transmarinis agentem transmiserunt. Quod audiens Rex Johannes, portum maris prohibuit: Priorem de Baroniâ suâ dissolvit; quam etiam postea intervenientibus trecentis marcis recuperavit. Deinde electione de prædicto Josberto

(o) Galfridus de Muschamp, Archidiaconus Clivelandiæ, Ricardi Regis favore ad Episcopatum electus, consecratus est Cantuariæ ab Huberto Archiepiscopo 1198. 21. Junii. Testatur id professio ipsius Autographa in Archivis Ecclesiæ Cant. reperta. Idem confirmant Matthæus Paris, Florilegus, Dicetensis, Gervasius, & Annales Wintonienses: ut lapsus sit Thomas, qui illum 1199. 15. Martii consecratum refert. Obiit 1208. 6. Octobr. quod præter Lichsfeldensem nostrum Obituarium Salopienſe & Annales de Suthwerk produnt.

(p) Quem Galfrido Godwinus substituit, Walterus Gray Episcopatum Coventrensem

numquam assecutus est. Electus quidem fuit à Canonicis Lichfeldensibus anno 1210. Verùm cum neque Monachi Coventr. sine Canonicis Lichfeld. nec Canonici sine Monachis ritè possent eligere; Pandulphus Legatus electionem cessavit. Communi demum utriusque Capituli consensu Willelmus de Cornhull electus, apud Radingam consecratus est 1215. 25. Jan. *Rot. Profess. autogr.* 3. Diem obitus vix alius præter Thomam designavit, sc. 1223. 14. Cal. Sept. Matthæus Paris & Westmonasteriensis obitum die circiter 14. Sept. contigisse volunt; Godwinus die 19. Junii, qui tamen nullum testem laudat.

Priore

Priore pendente, Canonici Lichsfeldenſes ad mandatum Domini Regis per ſe elegerunt Walterum de Gray in Episcopum. Unde & utraque electio, ſcil. de Josberto Priore & de Waltero de Gray, per Pandulfum Legatum adnullata eſt, Archiepiſcopo Cant. tunc in tranſmarinis agente. Poſtea per Monachos Coventrenſes & per Canonicos Lichsfeldenſes, de concilio & voluntate dicti Legati, in quem vota ſua contulerant Canonici Lichsfeldenſes, in Willelmum de Cornhull Archidiaconum Huntindoniensem pariter conſentientes, idem Willelmus in Episcopum Coventrenſem & Lichsfeldenſem electus, Episcopos Coventrenſis & Lichsfeldenſis conſecratus eſt viii. Kalend. Februarii anno Domini MCCXV. ſub Rege Johanne. Iſte Willelmus Episcopos Capitulo Lichsfeldenſi primò liberam in Domino conceſſit poteſtatem eligendi aliquem de gremio in Decanum Lichsfeldenſis Eccleſiæ. Confirmata eſt hæc Conceſſio per Papam Honorium III. Nam antea uſque ad hoc tempus Episcopos ſolebat conferre Decanatum ſicut & Canonicatum. Unde defuncto Radulpho de Nevill Decano Lichsfeldenſi, cui Rex Johannes Sede vacante tempore Interdicti Decanatum contulerat, Canonici Lichsfeldenſes convocato Capitulo ad electionem Decani primò proceſſerunt; elegeruntque canonicè Willelmum de Manceſtre in Decanum; qui confirmatus eſt ab eodem Willelmo Episcopos, anno Domini MCCXXII. Willelmus de Cornhull Coventrenſis & Lichsfeldenſis Episcopos obiit xiv. Kalend. Septembris anno Domini MCCXXIII. & Lichſfeldiæ ſepultus eſt. Rexit Episcopatum annis viii.

## ALEXANDER DE STAVENBY (q).

Post obitum Willelmi Episcopos ortà contentione inter Eccleſias de Coventreia & de Lichſfeldiā de electione futuri Episcopos, profectus eſt ad Regem Galfridus Prior pro Eccleſiā Coventrenſi, & Willelmus Decanus pro Eccleſiā Lichsfeldenſi, ad poſtulandam licentiam eligendi. Quibus Dominus Rex licentiam dedit, pronuntiante verbum Regis Hugone de Burgo Juſticiario ſub hac formā verborum. *Dominus Rex concedit licentiam eligendi Coventrenſem Episcopum omnibus illis, qui debent & conſueverunt eligere.* Quibus verbis utraque pars contenta fuit. Dictus verò Willelmus Decanus in præſentiā Domini Regis denuntiavit Priori Coventrenſi; quòd ſi crederet aliquam partem ſe vel Eccleſiam Coventrenſem habere in electione; certis die & loco conveniret utraque Eccleſia ad tractandum de electione. Priore verò iſtud omnino recuſante, dictus Decanus invocans teſtimonium Regis & Magnatum ſibi aſſidentium ſuper denuntiatione illi factā, necnon & Stephani Cant. Archiepiſcopi ibidem præſentis, appellationem coram eodem Cant. Archiepiſcopo interpoſuit; ne ad electionem Monachorum Coventrenſium aliquem Electum admitteret, confirmaret, vel conſecraret. Exinde recentibus partibus, & adeuntibus ſingulis ſuam Eccleſiam, Conventus Coventrenſis contempto in omnibus Capitulo Lichsfeldenſi elegit præſatum Galfridum ſuum Priorem, publicans Electionem in Eccleſiā Coventrenſi, & præſentans Electum ſuum cum decreto Archiepiſcopo Cant. confirmandum: qui confirmationem ejus diſtulit; tum quòd Canonici Lichsfeldenſes appellaverant, tum quòd regium conſenſum non optinuerant. Scripſitque Archie-

(q) Alexander, quem de Wendock Baſilens (Cent. 3. cap. 94.) cognominat, & doctrinā ſcriptiſque editis enituiſſe memorat, conſecratus eſt Romæ ab Honorio Papâ die Paſchatis. Id inter omnes convenit. Annum etiam eundem, viz. 1224. (quo Paſcha in diem 14. Aprilis incidit) designant. Solus autem Thomas die 30. Martii (qui Paſchalis erat anni 1225.) conſecratum ſcribit. Iſtum erraſſe nequaquam dubito. Obiit Alexander apud Andover 1238. 26. Decembris.



piscopus Domino Regi ; quod Electioni factæ regium præstaret assensum ; vel causam rescriberet, quare non præstaret. Rex verò rescribens allegavit ; quod Electio fuit contentiosa maximè, cum Lichsfeldenfes appellassent ; nec rei contentiosæ regium tenebatur assensum præstare. Et appellavit Dominum Papam ; ne Cant. Archiepiscopus ipsum Electum confirmaret. Archiepiscopus verò Canonicos Lichsfeldenfes citari fecit ; quod comparerent certâ die, proposituri si quid canonicum haberent contra Electionem. Convenientibus partibus coram Archiepiscopo apud Lameth, proposuerunt Canonici Electionem ipso jure fore nullam, eò quod celebrata fuit post appellationem ab eis legitimè interpositam ; illis contemptis & exclusis, qui consueverunt electioni interesse. Unde Dominus Cant. processit ad cassationem Electionis per os Magistri Alexandri de Maltham Officialis Domini Cant. in hunc modum. *Nos igitur auctoritate Cant. Ecclesiæ Electionem factam à Monachis Coventrensibus sine Canonicis Lichsfeldensibus infirmendam duximus & cassandam.* Latâ igitur sententiâ contra Monachos Coventrenses, & cassatâ Electione illorum, Monachi infra decem dies præsentiam Domini Papæ appellantes, Romam profecti sunt. Post hæc comparentibus Monachis in præsentia Domini Papæ ex unâ parte, & procuratoribus Lichsfeldensibus ex alterâ ; post multas altercationes Dominus Papa factum Archiepiscopi Cant. circa cassationem Electionis de Galfrido Priore auctoritate Apostolicâ confirmavit. Deinde Dominus Papa Honorius III. tractavit de providendo Ecclesiis Coventrensi & Lichsfeldensi de pastore. Et vocatis partibus utriusque Ecclesiæ petiit, quod conferrent vota sua in eum. Procuratores verò Lichsfeldenfes institerunt ; quod libere possent eligere per se ; cum non demeruissent, sicut Monachi, ut jure eligendi privarentur hac vice ; nec tamen explere potuerunt. Immo semper instabat Papa ; quod Procuratores Lichsfeldenfes vota sua conferrent in eum. Tandemque concilio quorundam Cardinalium Procuratores Lichsfeldenfes genibus flexis coram Papâ, optulerunt unum pileum in manus Papæ, dicentes : *Pater Sancte, nos sumus hic tres Canonici habentes potestatem à Capitulo eligendi Episcopum. Nos illam potestatem in manibus vestris committimus ; ut vice Ecclesiæ nostræ nobis provideatis de Pastore.* Et ita pileum Papa accepit ; & quæsiuit à Monachis, si vellent consentire. Quibus negantibus, & dicentibus se nunquam velle cum illis eligere : respondit Papa. *Certè nichilominus fiet.* Tandem acclamantibus pluribus, quod facerent voluntatem Papæ ; consenserunt. Dominus verò Papa Honorius III. providit eodem die de pastore utrique Ecclesiæ tam Coventrensi quàm Lichsfeldensi, assignans illis Magistrum Alexandrum de Sravenby ; quem idem Papa postulantibus Canonicis, Monachis verò postulare nolentibus, in Vigiliâ Paschæ ordinavit in Presbiterum ; & die Paschæ in crastino consecravit Episcopum unâ cum Episcopo Parisiensi, sc. iii. Kalend. Aprilis anno Domini MCCXXIV. tempore Regis Henrici III. Iste Alexander Episcopus auxit numerum Præbendarum in Ecclesiâ Lichsfeldensi per Præbendas de Terven & de Welintoun, quas fecit. Et etiam exaltavit & ditavit Ecclesiam Lichsfeldensem in multis utilitatibus. Adhuc autem lite pendente in Curiâ Romanâ inter Ecclesias de Coventreiâ & de Lichsfeldiâ post mortem Papæ Honorii, tandem partibus diu fatigatis, & ut parceret earum laboribus & expensis, Papa Gregorius IX. de consilio Cardinalium terminavit causam in hunc modum ; videlicet quod unâ vice in Coventrensi Ecclesiâ Conventus Coventrensis & Capitulum Lichsfeldense electionem Episcopi celebrent, & alterâ vice similiter ab utrisque in Ecclesiâ Lichsfeldensi Electio celebretur. Et sic causâ terminata est anno Domini MCCXXVIII. Alexander Coventrensis & Lichsfeldensis Episcopus obiit vii. Kalend. Januarii anno Domini \* MCCXXXVIII. & Lichsfeldiæ sepultus est.

\*MCCXXVIII.  
Cod. Lichfield.

HUGO DE PATISHULL.

(r) Hugo de Patishull post mortem Alexandri in Coventrensi Capitulo à Monachis Coventrensibus & à Decano & Canonicis Lichsfeldensibus, unum Collegium quoad hoc facientibus, primus post provisionem Apostolicam in Coventrensem & Lichsfeldensem Episcopum & pastorem electus est. Qui consecratus est anno Domini MCCXL. sub Rege Henrico III. Per istum Hugonem Ecclesia de Colewich facta est Præbenda Lichsfeldensis. Hugo de Patishull Coventrensis & Lichsfeldensis Episcopus obiit vi. Idus Decembris anno Domini MCCXLI. & Lichsfeldiæ sepultus est ante altare S. Stephani. Rexit Episcopatum anno uno & dimidio.

ROGERUS DE WESEHAM.

(f) Hugone defuncto, congregatis Monachis Coventrensibus & Decano & Canonicis Lichsfeldensibus in Capitulo Lichsfeldensi super Electione celebrandâ; quidam eorum elegerunt Fr. Willelmum Præcentorem Ecclesiæ Coventrensis in Episcopum; & quidam elegerunt Abbatem de Evesham. Unde ad Sedem Apostolicam appellatum est. Altercatione igitur factâ super dictâ Electione in Curiâ Romanâ, Papa Innocentius iv. utroque Electo dimisso, providit & contulit Episcopatum Coventrensem & Lichsfeldensem Domino

(r) Controversiam de electione futuri Episcopi, quæ Alexandri mortem excepit, Thomæ penitus intactam, è Matthæo Paris aliisque repetere extra rem non erit. Defuncto Alexandro, Monachi Coventrenses simul ac Canonici Lichsfeldenses unanimi suffragio Willelmum de Rale, Clericum Regis præcipuum, in Ecclesiâ Coventrensi anno 1239. die circiter 24. Febr. elegerunt. Brevi autem post Willelmus à Monachis Norwicensibus postulatus, Episcopatum Norwicensem maluit. Re igitur ad secundam electionem devolutâ, Canonici electionem in Ecclesiâ suâ fieri debere affirmabant, fidem nuperæ Compositionis appellantes. E contra Monachi omnia sibi adhuc integra manere, & electionem in Ecclesiâ Coventrensi renovandum esse, donec aliquis inibi electus Episcopatu potitus esset, prætendebant. Motâ hac nec definitâ quæstione, bina Capitula dissiluerunt. Coventrense Nicolaum de Farnham, virum optimum, Lichsfeldense Willelmum de Mancestre Decanum suum elegerunt. Willelmus tam eximium virum à Coventrensibus postulari videns, juri suo renunciavit, & Canonicos induxit, ut salvo Ecclesiæ suæ jure electioni à Monachis factæ consensum adhiberent. Juncto itaque utriusque Capituli suffragio postulatus Niclaus assensum denegavit, atque adhuc Episcopari serîo noluit. Tertiâ demum electione celebratâ postulatus est Hugo de Pateshulle, Canonicus Londinensis, Simonis de Pateshulle, summi quondam Angliæ Justiciarii filius, Angliæ (non

Cancellarius, quod vult Godwinus verbis Parisii vitiatis deceptus, sed) Thesaurarius, quod munus inierat 1234. 1. Junii. Is ægrè exoratus, ut Episcopatum susceperet, ab Archiepiscopo confirmatus est anno 1239. circa Natale Domini, ab eodem in Prioratu prope Gilsfordiam consecratus 1240. 1. Julii. Obiit 1241. 7. Decembr. juxta Parisium & Florilegum, 8. Dec. juxta Thomam, 13. Dec. juxta Johannem de Walingford.

(f) In narrandâ electione, quæ Hugonis mortem subsecuta est, Historicis non aded convenit. Refert Matthæus Paris Ricardum Crassum, Abbatem Eveshamiæ, magni Sigilli Regii Custodem, quem Rex electoribus commendaverat, à Canonicis Lichsfeldensibus nonnullis electum esse, majorem tamen Capitulorum simul unitorum partem Willelmo de Montepessulano, Præcentori Coventrensi, suffragia contulisse. Re ad Papam delatâ, Ricardi electionem confirmatam esse, ipsum autem Ricardum ante consecrationem susceptam apud Riolum in Vasconiâ 1242. 8. Dec. diem obiisse. Renovatâ itaque electione, Willelmum à Capitulo Coventrensi, nonnullis etiam Lichsfeldensibus suffragantibus, iterum electum esse, sed à Rege non admissum, & sumptuosis litibus fatigatum selectioni suæ anno 1245. sponte cessisse in præsentâ Papæ. Illi, procurante Roberto Episcopo Lincolnensi, à Papâ subrogatus est, Rege penitus inconsulto, Rogerus de Weseham, Lincolnensis Decanus, consecratus ab eodem in Con-



Domino Rogero de Weseham Decano Lincolnienſi, qui tunc ad Concilium Lugdunenſe venerat. Conſecratusque eſt Rogerus de Weseham ibidem apud Lugdunum per Papam Innocentium IV. anno Domini MCCXLV. tempore Regis Henrici III. Iſte Rogerus Episcopus auxit numerum Præbendarum in Eccleſiâ Licheſfeldenſi per Præbendas de Rintoun & de Bobenhul & etiam de Boulton, quæ eſt Archidiaconatui Ceſtriæ annexa. Willelmus de Manceſtre Decanus Licheſfeldenſis obiit vii. Idus Februarii anno Dom. MCCLIV. Et Radulphus de Sempingham in Decanum electus anno eodem & confirmatus eſt. Per idem tempus Monachi Coventrenſes & Canonici Licheſfeldenſes compoſuerunt inter ſe [&] ſcripto ſigillisque firmarunt; quod ſemper in electione Episcopi pares quoad numerum eligentium cenſeantur, anno Domini MCCLV. Rogerus de Weseham Coventrenſis & Licheſfeldenſis Episcopus cum rexisset Episcopatum annis xi. propter invaliditatem corporis de licentiâ Summi Pontificis ſponte ceſſit oneri ſui Episcopatus circa Feſtum S. Nicholai anno Domini MCCLVI.

#### ROGERUS DE MEYLAND.

(t) Poſt hæc congregatis Monachis Coventrenſibus & Decano & Canonicis Licheſfeldenſibus in Coventrenſi Capitulo, elegerunt concorditer Rogerum

Concilio Lugdunenſi. Id à Roberto Episcopo factum eſt vaſro conſilio, ut Eccleſiam Ailesburienſem à Decanatu Lincolnienſi jam vacante ſubtraheret. Decanos enim ſibi jamdiu recalcitrantes expertus, eorum inſolentiam demptâ ubertate nimia reſecare voluit. Iſta Matthæus Paris, cui Florilegus aſtipulatur. E contra Annales Theokesbiriennes tradunt Ricardum Abbatem anno 1241. canonicè electum fuiſſe, ſed non multò poſt electioni renunciâſſe, atque tunc denuo Willelmum ab utroque Capitulo ritè poſtulatam eſſe. Electionem Thomas brevi narratione perſtrinxit. Id tamen ſemper cavendum, ne in rebus hujusmodi fides facilè adhibeatur Historicis Monachis, qui in narrandis Canonicorum & Monachorum jurgiis in gregalium ſuorum partes cæco impetu tranſire ſolent. Conſecratus eſt Rogerus unâ cum Ricardo Episcopo Ciceſtrenſi; Temporalia Episcopatus ſui à Rege accepit 1246. 1. Jan. Poſt decem exacti Episcopatus annos longâ inſanabili & paralyſi laborans, ſponte abdicavit 1256. factâ reſignatione apud Brewode 1256. 4. Decembr. in præſentiâ Henrici de Lexinton Decani Lincoln. ad id à Papâ deputati. Obiit 1257. 20. Maii die Dominicâ apud Brewode, ſepultus apud Lichfeldiam à Fulcone Archiepiſcopo Dublinenſi die 24. Maii. Iſta tradunt Annales Burtonenſes.

(t) Cedente Rogero Episcopo, Henricus Rex Monachos obnixè rogavit, ut Philip-pum Lovel Theſaurarium ſuum eligerent. Eum ſibi minùs gratum ut amolirentur, Monachi Rogerum de Molend ſeu de Longaſpatâ, Regis & Ricardi Comitis Cornubiæ nepotem, elegerunt. Filius iſte erat natu

tertius Willelmi de Longaſpatâ Comitis Sarum & Evæ uxoris, quæ filia erat & hæres Willelmi Fitz-Patrick Comitis Sarum. Ipſe tunc Subdiaconus, Papæ Capellanus, & Canonicus Licheſfeldenſis electus eſt apud Coventriam 1257. 31. Jan. auctore Historico Burtonenſi. Conſecratus eſt à Bonifacio Archiepiſcopo in Eccleſiâ Cant. 1258. 10. Martii, unâ cum Simone Norwic. & Waltero Exon. Episcopis, aſtantiſſimis Egidio Sarum, Johanne Bathon. &c. Ceteri miſerunt literas excuſatorias, præter Laurentium Roſſ. & Petrum Hereford. qui non fuerunt in regno. Quatuor verò Episcopi Wallenſes non potuerunt venire nec mittere propter guerram. Sic Regiſtrum Eccleſiæ Cant. Rogerus linguæ Anglicanæ parum ſciens, omnem Diocæſis ſuæ curam inſuper habuit. Quin & in regionibus tranſmarinis vitam agens ſocordem, ut quovis modo Capitulorum & Religioſorum ſuæ Diocæſis gratiam redimeret, quamplurimas iſtis Eccleſiis nullo habito delectu appropriavit. Johannes igitur Peckham, Archiepiſcopus vigilantiffimus, tam grave ſcandalum pati nolens, illi 1282. 19. Nov. mandatum direxit; ut in Diocæſi ſuâ de cætero reſideret, ut nullas appropriationes Eccleſiarum ampliùs faceret, utque provideret ſibi aliquem Episcopum linguæ vulgaris gnarum, qui ſumptibus ſuis Diocæſin circuire & Episcopalia officia exequi valeat. Neque hoc mandato ſatiſfactum putans, eidem anno 1284. E. Archidiaconum Derbiæ, coadjutorem dedit, aſſignatâ centum marcarum penſione annuâ, ut nil ſine ejus conſilio & aſſenſu diſponeret, injungens. *Regiſtr. Peckham f. 82, 96.* Obiit 1295. 16. Dec. apud Lichfeldiam die 3. Januarii ſequentis ſepultus.

de

de Meyland in Episcopum Coventrensem & Lichesfeldensem, sc. † ii. Kalend. Februarii anno Domini MCCLVI. Rogerus de Weseham, qui cessit Episcopatu Coventrensi & Lichesfeldensi, obiit xiv. Kalend. Junii anno Domini MCCLVII. & Lichesfeldiæ sepultus est. Et post ejus obitum vi. Idus Martii anno eodem Rogerus de Meyland sic electus in Episcopum Coventrensem & Lichesfeldensem apud Cantuariam consecratus est. Radulfus de Sempingham Decanus Lichesfeldensis obiit x. Kalend. Aprilis, viz. die Dominicâ qua cantatur *Latere Jerusalem*, anno Domini MCCLXXX. Et Johannes de Derby infra quindenam Paschæ proximæ sequentis in Decanum Lichesfeldensem electus est; & postea anno eodem à Rogero Episcopo est confirmatus. Per istum Rogerum de Meyland Coventrensem & Lichesfeldensem Episcopum adauctæ sunt hæ Ecclesiæ & factæ Præbendales Ecclesiæ Lichesfeldensis, viz. Ecclesia de Boulton per proximum Prædecessorem suum ordinata & per istum confirmata defuncto Rectore ejusdem, Ecclesia de Flixtoun, Ecclesia de Sondiaker, & parva Pypa. Rogerus de Meyland Episcopus Coventrensis & Lichesfeldensis obiit xvii. Kalend. Januarii anno Domini MCCXCV. & Lichesfeldiæ sepultus est. Sedit annis xxxviii.

## GUALTERUS DE LANGETOUN.

(u) Gualterus de Langetoun post mortem Rogeri de Meyland per Monachos Coventrenses & Decanum & Canonicos Lichesfeldenses in Capitulo Lichesfeldensi congregatos concorditer & pacifice in Episcopum Coventrensem & Lichesfeldensem electus est x. Kalend. Marcii anno Domini MCCXCV. Gualterus de Langetoun Episcopus Coventrensis & Lichesfeldensis per Cardinalem Albanensem apud Cambreye consecratus est xi. Kalend. Januarii anno Domini

(u) Walterus de Langton, Willelmi de Langton Decani Eboracensis nepos, ipse liberæ Capellæ de Bruges Decanus, Canonicus Lichfeld. & Capellanus Papæ, ex Vestibularii Regii Præposito Custos magni Sigilli creatus est 1292. 25. Octobr. & summus Angliæ Thesaurarius 1295. 28. Sept. Post Rogeri Præfultis Lichfeldensis obitum, legatione pro Rege in partibus transmarinis tunc fungens, electus est 1296. 20. Febr. ab Archiepiscopo confirmatus in Capitulo Ecclesiæ Cant. 1296. 11. Junii, ad temporalia admissus à Rege die 16. Julii, consecratus apud Cameracum à B. Cardinali Episcopo Albanensi die 22. Decembr. Nondum tamen thesauro regio præesse desiit (Thesaurarium enim 1399. 10. Nov. fuisse constat ex Registro *Winchelse*) donec Edwardi Principis, Edwardi Regis primogeniti, & æmulatorum insidiis dejectus gravissimas injurias & persecutionem subiret. Causam non aliam fuisse refert Walsinghamus, quàm quòd dissolutissimum Principem *de suis corripuit insolentiis, & superfluis compescuit ab expensis*. Isto igitur agente, anno 1301. Regio favore excidit; & gravissimorum criminum apud Papam accusatus, Romam accitus est, citatione datâ 1301. 10. Maii, ut in propriâ personâ responderet. Exhaustâ incassum apud Romam immensâ pe-

cuniarum summâ, ad Archiepiscopum Cantuariensem ut coram ipso se purgaret, remissus est. Nullo negotio id confecit, attestantibus innocentiarum suarum innumeris tam è Clero quàm populo. Eâ de re Papa ab Archiepiscopo certior factus, Episcopum in integrum restituit, & cum uberiori gratiâ remisit ad propria. Insignem ultionis divinæ in Johannem quendam, accusatorem ejus præcipuum, editæ exemplum Westmonasteriensis narrat. Purgatâ famâ Langtonus gratiam Regis brevi recuperavit, ab eo Thesaurarius iterum renunciatus est & tanti habitus, ut illi anno 1307. moriens supremi testamenti executionem demandaret, & equiarum curam unicè delegaret. Nec tamen perditissimos Edwardi Principis mores Præsul optimus vivente patre castigare desiit; & præsertim Petrum de Gavestone, Principis amicum, acriter sæpius increpuit; quòd Principis mores corrumpere, & ad facinora ineptiasque infames provocaret; eundemque pravitate suâ tenacem exilio demum multari fecit. Edwardo Principe post patris obitum regnum adeptus, Petrus ab exilio confestim revocatus, Regi fit author, ut nullum non malum Episcopo immerenti inferat. Ablato igitur Thesaurarii munere, arctissimo carceri mancipatur, bona diripiuntur, muneris gestio



Domini MCCXCVI. sub Rege Edwardo III (x). Johannes de Derby Decanus Lichsfeldensis obiit iv. Idus Octobris anno Domini MCCCXIX. Successitque ei Stephanus de Segrave, electus in Decanum Lichsfeldensem Vigiliâ S. Nicholai proximè sequenti; & postea à Waltero Episcopo confirmatus est mense Septembri anno Domini MCCCXX. Iste Walterus Episcopus Clausum Lichsfeldense muro lapideo circumcinxit. Feretrum magnum pro Reliquiis Sancti Ceddæ precii duarum millium librarum præparavit. Castrum de Eccleshale & Manerium de Heywode prostravit, & de novo reædificavit. Unum calicem & duas fialas de auro purissimo precii octoginta librarum, & unam Crucem de auro purissimo lapidibus preciosis undique ornatam precii ducentarum librarum, & vestimenta plurima & preciosa precii inæstimabilis, magno Altari Lichsfeldensi donavit. Magnum pontem ultra

† Vivarium  
Cod. Lichfeld.

† Vivarium Lichsfeldense construxit. Vicarios Lichsfeldenses domibus, quibus inhabitant in Clauso Lichsfeldensi, feoffavit; eisque cuppam argenteam ponderis quinque marcarum largitus est; & eisdem Vicariis viginti solidos annuos in augmentum eorum communæ de Ecclesiâ de Tibbeshulph ordinavit. Fabricam Capellæ B. Mariæ, ubi sepultus est, fundavit; & pecuniam sufficientem ad eandem Capellam plenè construendam in Testamento suo legavit & dimisit. Paviagium Lichsfeldense per xxi. annos duraturum, & alias quamplures libertates Ecclesiæ Lichsfeldensi concessas, ab illustri Rege Edwardo III. impetravit. Gualterus de Langetoun Coventrensis & Lichsfeldensis Episcopus, postquam hæc & alia plurima beneficia Ecclesiæ Lichsfeldensi contulisset; apud Londoniam obiit v. Idus Novembris anno Domini MCCCXXI. & apud Lichsfeldiam sepultus est Nonis Decembris. Rexit Episcopatum annis xxv.

#### ROGERUS DE NORBURG.

Post mortem Walteri de Langetoun Episcopi, Monachi Coventrenses & Decanus & Canonici Lichsfeldenses in Capitulo Coventrensi simul convenientes super electione futuri Episcopi celebrandâ: & post longum tractatum de eâdem, ortâ contentione inter eosdem Monachos ex unâ parte & Ca-

ratio poscitur, accusatores muneribus palam propositis subornantur, crimina flagitiosissima confinguntur. Causâ autem in forum prolatâ, neque criminis alicujus à Papâ nec repetundarum reus à regiis iudicibus deprehendi potuit. Integrâ rem Historici nostri breviter transcurrunt; & illum bonis restitutis semi-gratiam Regis brevi nactum esse subinnuunt. Non ita facilè tamen rem compositam arbitror. Anno enim 1310. 24. Martii; & 1311. 29. April. Temporalia Episcopatus in manu Regis fuisse mihi compertum est. Extat etiam in Registro Willelmi Greenfeld Archiepiscopi Ebor. Commissio à Willelmo quibusdam data 1311. 2. Julii, *ad petendos & recipiendos ad libertatem Ecclesiasticam Walterum Episcopum Coventrensem & Johannem de Hotot Clericum, custodie carcerali in Castro Eboracensi pro homicidio eis imposito mancipatos.* Carcere eductus Episcopus vices Petro adeò non rependit; ut universo Cleri ac Procerum cœtu adversus Petrum eodem anno conjurante, & de regni statu invito Rege refor-

mando pacta quædam singulorum juramentis sancita promulgante, ipse solus conjurare noluerit. Quamobrem à Roberto Archiepiscopo in Synodo Londinensi excommunicatus, à Papâ absolutus est. In tam insignis fidei præmium Thesaurarius Angliæ 1312. 14. Martii renunciatus est. Obiit Londini 1321. 16. Nov. die Lunæ, ex fide Willelmi de Shepesheved in Chronico MS. die 9. Novembris juxta Historicum nostratē.

(x) Quarto legendum, quod etiam Codex Cottonianus confirmat. Sic enim semper Edwardum Regem, quem nos *Primum* vocamus, Author Chronici Lichsfeldensis appellat, quod Historiolæ huic præfixum erat, & non alium Authorem habuisse videtur. Sic etiam infra prope finem hujusce Vitæ Edwardo V. legendum est. Sic enim Edwardus, quem nos *Secundum* appellamus, in Chronico memorato dicitur. Forsan & hic loci dicebatur. Sciolus autem quispiam eraso numero ab Authore posito *Tertium* utrobique reposuit; quod in Codice nostro facilè comparuit.

nonicos

nonicos Lichsfeldenſes ex alterâ de quadam Compositione factâ tempore Rogeri de Weſeham Episcopi, videlicet quod Monachi Coventrenſes & Canonici Lichsfeldenſes erunt pares in electione Episcopi quoad numerum eligentium : quam Compositionem ſcripto & eorum ſigillo firmatam Monachi penitus negantes, & ad electionem per ſe procedere minantes : Canonici Lichsfeldenſes, ne hoc facerent, ad Sedem Apoſtolicam appellârunt. Monachi verò appellatione contemptâ, ſpretis Canoniciſ, ad electionem per ſe ipſos procedentes, Henricum Priorem ſuum in Episcopum Coventrenſem elegerunt. Quod videntes Canonici Lichsfeldenſes, appellationem ſuam renovantes, contra eundem Electum & Monachos direxerunt ad Curiam Romanam. Interim Dominus Papa Johannes XXII. providit & contulit Episcopatum Coventrenſem & Lichsfeldenſem Rogero de Norburg (y). Qui poſtea apud Abbatiam de Halis per Thomam Wigornienſem Episcopum auctoritate Apoſtolicâ cum aliis quinque Episcopis ſibi aſſiſtentibus, v. Kalend. Julii Episcopus Coventrenſis & Lichsfeldenſis conſecratus eſt anno Domini MCCCXXII. Stephanus de Segrave Decanus Lichsfeldenſis in Archiepiſcopum Armachanum per Papam Johannem XXII. apud Avinionem conſecratus eſt iii. Kalend. Maii anno Domini MCCCXXIV. Et idem Johannes Papa citò poſt contulit Decanatum Lichsfeldenſem cuidam Vaſconi nomine Rogerio de Covenis ; qui poſtea installatus fuit per Procuratorem die Dominicâ in craſtino Commemorationis Animarum anno Domini MCCCXXV. Qui quidem Procurator juravit in animâ dicti Rogeri Domini ſui, antequam installatus erat ; quod obſervaret ſtatuta & ſomnes conſuetudines antiquas & approbatas Eccleſiæ Lichsfeldenſis, prout Prædeceſſores ſui in omnibus obſervaverunt : ſicut in Statutis continetur. Hic obiit in partibus tranſmarinis : & contulit Dominus Papa Decanatum Johanni Garſiæ ; qui installatus eſt per Procuratorem. Iſte Johannes poſtea præfectus eſt in Episcopum Marcilienſem per Papam Benedictum XII. & contulit idem Benedictus Decanatum Lichsfeldenſem Magiſtro Ricardo Radulphi Doctori in Theologiâ ; & installatus eſt idem Ricardus in propriâ perſonâ xii. Kalend. Maii anno Domini MCCCXXXVII. Idem Ricardus electus in Archiepiſcopum Armachanum, & conſecratus apud Exoniam à Venerabili Patre Domino Johanne de Grandifono Episcopo Exonienſi & aliis Episcopis tribus anno Domini MCCCXLVII. Poſtea eodem anno Symon de Borifley Decanus Lichsfeldenſis præfectus per Papam Clementem VI. installatus eſt Lichsfeldiæ in propriâ perſonâ vi. Idus Januarii. [*Hic deſinit Codex noſter. Codex Cottonianus ſequentia adjecit.*] Rogerus Episcopus propter ingentia beneficia, quæ Walterus Langton Prædeceſſor ſuus in templum, civitatem & Episcopatum Lichsfeldenſem contulit, illius corpus intulit in ſepulchrum magnificentius ad auſtrale cornu principis Altaris ; & ipſe juxta ſepultus eſt, poſtquam rexiffet Eccleſiam ſibi creditam annis xxxviii.

(y) Rogerus de Northburgh, ſeu de Norbrige, Canonicus Lincolnienſis Eccleſiæ factus eſt 1316. Archidiaconus Richmundenſis 1317. 24. Sept. Cancellarius Academiæ Cantabrigienſis 1321. ad Episcopatum Lichfeldenſem proviſus eſt à Johanne Papâ 1322. 20. Junii, conſecratus die 27. Junii eodem anno. Profeſſionem obedientiæ Archiepiſcopo Cant. præſtandæ fecit in Eccleſiâ Cant. die 31. Aug. Theſaurarius Angliæ creatus eſt 1327. obiit 1358. 22. Nov. Sic Regiſtra Cant. Ebor. Reynolds & Iſlip. Quod

verò habet Regiſtrum ultimum, ipſum ſc. obiſſe 1358. 10. Cal. Dec. in Feſto S. Luciæ, error eſt manifeſtus. Is enim dies S. Cæciliæ, dies 13. Decembr. S. Luciæ ſacer eſt. Obitum anno potiùs 1359. contigſſe conjicio. Illo certè anno Walsinghamus deſunctum eſſe ſcribit. Obitum in anno 1360. die 10. Decembr. Godwinus repoſuit. Verùm Robertum antea ſucceſſiſſe conſtat. Rogerus inter benefactores Academiæ Cantabrig. memoratur.



## ADDITAMENTA

A D

## HISTORIAM

Veterem Lichfeldensem,

Ex Historiâ Lichfeldensi recentioris cujusdam scriptâ  
circa annum MDLXXV.

[Gulielmus Whitlocke, Canonicus Lichfeldensis, is fuisse videtur.]

Addit. i.

**A**NNO salutis humanæ DCCIII. Wlferi filius Cenredus fit Merciorum Rex, quinquennio regnans post resignationem regni factam per Ethelredum patrum suum; qui [relieto regno] apud Bardeneye attonsus est in Monachum. Kenredus verò post quinquennium regni Romam profectus anno Domini DCCX. reliquum vitæ complevit. Ante Monachatum patris genitus in regno Merciorum successit Kenredo Ceolredus, viii. ferè annis dedecorose regnans. Ecclesiarum jura impedivit fregitque, Sanctimonialiumque turpis fit stuprator. Cùm splendide inter suos Comites convivium celebraret; sine confessione & viatico discessit; & Lichfeldiæ sepultus est. Sic Historiola Lichfeldensis.

Addit. ii.

*Aldulphus* Lichfeldensis Archiepiscopus rexit provinciam Merciorum & Orientalium Anglorum annis xxxvi. annuente Adriano Romano Archiepiscopo, Archiepiscopali fungens autoritate anno salutis humanæ DCCLXXVII. Hujus Aldulfi tempore, &c. Hæc ex Historiolâ Lichfeldensi.

Addit. iii.

Antiquissimæ Præbendæ Lichfeldensis Ecclesiæ per venerabilem *Athelwaldum* Episcopum [institutæ] ordine.

Præbenda in Ecclesiâ Præbendali de Berkiswiche.  
 Præbenda in Ecclesiâ Præbendali de Weeford.  
 Præbenda in Ecclesiâ Præbendali de Sallow.  
 Præbenda in Ecclesiâ Præbendali de Hondesum.  
 Præbenda in Ecclesiâ Præbendali de Tachebrocke.  
 Præbenda de Freeford.  
 Præbenda in Ecclesiâ Præbendali de Eccleshall.  
 Præbenda de Bishophull.  
 Præbenda in Ecclesiâ Præbendali de Ologtonâ, quia duæ sunt in dictâ Ecclesiâ.  
 Præbenda in Ecclesiâ Præbendali de Ichinton.  
 Præbenda de Curburgh.  
 Præbenda in Ecclesiâ Præbendali de Terven, quæ fuit subrogata in loco antiquissimæ Præbendæ de Burton in Wirhall.  
 Præbenda de Gayâ minori.  
 Præbenda de Gayâ majori.

Præben-

Præbenda in Ecclesiâ Præbendali de Longedon.  
 Præbenda de Stotfold.  
 Præbenda in Ecclesiâ Præbendali de Prees.  
 Præbenda in Ecclesiâ Præbendali de Colwiche.  
 Præbenda in Ecclesiâ Præbendali de Bruwode.  
 Præbenda in Ecclesiâ Præbendali de Alrewas.  
 Præbenda in Ecclesiâ Præbendali de Wolveye, quæ divisa est in Præbendam  
 & Rectoriam, & populus est indivisus.

Sciendum quod Præbendæ tres, sc. Sondiacre, Hida, & Pipa minor, institutæ sunt locis trium Præbendarum quæ de bursa communi solvebantur.

Ethelredo regnante super universos Anglos, & *Alphego* Episcopo Ecclesi- Addit. iv.  
 am Lichfeldensem Diocesinque moderante, nobilis fœmina Wulfruna vidua  
 Microcosmi concessit Collegio per se inchoato in Wulverhampton decem ju-  
 gera cassatarum; ut pro ea fierent orationes ibi. Dedit alia decem jugera  
 cassatarum in memoriâ conjugis sui, & pro Elthredâ tertiâ vice alia decem  
 jugera cassatarum. Erat hæc unica filia Microcosmi & Wulfrunæ. Sig-  
 wicke Metropolitanæ urbis Archiepiscopus facultatem concessit construendæ  
 Basilicæ & Collegii de Wulverhampton per manum notarii & scribæ Regis  
 Ethelredi in mense Octobris in Dominico die, xvii. Calend. Lunâ xxii. In-  
 dictione vii. anno Domini nostri Jesu Christi DCCCXCVI. Dotatio &  
 confirmatio literis Saxonice in pergamento conscripta in rudibus muri re-  
 perta est laminâ plumbeâ inclusa circa annum Domini MDLX.

Anno ab Incarnatione MIV. Indictione ix. tempore Ethelredi Regis An- Addit. v.  
 gliæ patris S. Edwardi Regis & Confessoris, quidam nobilis nomine Wulfri-  
 cus cognomento Apol construxit Abbatiam de Burton vocatam; deditque ei  
 omnem hæreditatem paternam appreciatam DCC. libris; & quoniam non-  
 dum utebantur sigillis, fecit donum suum his confirmari subscriptionibus;  
 prout in Chartâ continetur:

Ego Ethelred Rex Anglorum hoc donum perpetuâ dicavi libertate.

Ego Athelstane filius Regis.

Ego Sigbich filius Regis.

Ego Edmundus filius Regis.

Ego Edred filius Regis.

Ego Cadinge filius Regis.

Ego Edgar filius Regis.

Ego Alfric Archiepiscopus composui.

Ego Wulstane Archiepiscopus conclusi.

Subscripserunt alii Episcopi decem, Dux unus & certi Abbates. Hæc  
 sumpsimus ex quodam vetustissimo Codice Lichfeldensi.

*Petrus* itaque Cestrensis factus Episcopus [à Wilhelmo Conquæstore] po- Addit. vi.  
 fuit Cathedram in Ecclesiâ S. Johannis, ibidem Decanum & certos Canonicos  
 instituens, perquirens fundos & redditus unde alerentur. Cum per Henri-  
 cum VIII. ex consensu Parliamenti decimæ de omnibus ecclesiasticis benefi-  
 ciis concederentur; in Ecclesiâ S. Johannis Decanus fuit, octo Præbendarii,  
 & decem Vicarii.

*Robertus de Lymsey.* Hic de unâ trabe divitis Ecclesiæ Coventrensis cor- Addit. vii.  
 rosit quingentas marcas argenti; quas apud Lichfeldiam in magnas ædifi-  
 cationes insumpsit. Fuit iste Robertus charus Regi Henrico I. a quo Ro-  
 mam mittitur coram Romano Pontifice pro Rege contra Anselmum de præfi-  
 ciendis Episcopis per Regem cum annulo & baculo.

*Robertus Peech.* Sub eo Cestriæ in S. Wereburgæ templo Canonici sunt in Addit. viii.  
 Monachos conversi.

*Wal-*



Addit. ix. *Walterus Durdent.* Huic Episcopo Waltero & suis successoribus Rex Stephanus concessit potestatem cudendæ monetæ. Item Henricus II. concessit Episcopo de Coventry in perpetuum MD. acras ad perticam xxv. pedum de assertis & forestam de Canock cum illis lxxx. acris quæ sunt apud Bruodam.

Addit. x. *Hugo de Nonant.* Iste Hugo perquisivit à Rege Richardo I. Episcopatu villas de Canock & Ridgley. Londini etiam emit domos pro se & successoribus suis Episcopis. Quorundam etiam statutorum Ecclesiæ suæ Cathedralis author fuit.

Addit. xi. Rex Johannes, cum esset Comes Moritonæ, donavit Ecclesiæ Cathedrali Lichfeldensi jus patronatûs Ecclesiæ Parochialis de Bakewell, confirmans impressione sui sigilli in templo Cathedrali Lichfeldensi, præsentem Episcopum Dominum Hugonem Nonant, certis Nobilibus suis ministris, & ministris Ecclesiæ. In regno confirmatus, omnia Ecclesiæ indulta ratificavit.

Addit. xii. *Willelmus de Cornhull.* Inter cætera ejus benevolentia erga Ecclesiam suam Lichfeldensem indicia, manent per eum donata communæ Canonice Ecclesiæ de Hope, Capella de Tydsweil, Ecclesia de Ernleye, Ecclesia de Canoco, Ecclesia de Rugley, cum earum pertinentiis ad communam panis & cerevisiæ. Galfridus Mulchamp Episcopus Coventrensis donavit communæ Ecclesiæ Lichfeldensis, quæ supra modum tenuis erat, xx. marcas annuas de Ecclesiâ de Hope ad cerevisiam.

Addit. xiii. *Alexander de Stavenby.* Henricus III. Rex huic Alexandro Episcopo concessit & etiam successoribus suis; ut liberè condant testamenta sua de omnibus rebus suis mobilibus & immobilibus; ita ut nec Reges nec Constabularii manus intendant vel impendant dispositionem eorum, ut antea consueverunt. Willelmus Mancester Decanus & Capitulum Ecclesiæ Cathedralis Lichfeldensis suis scriptis approbârunt piam intentionem Episcopi sui Domini Alexandri; quòd magnificis donis Ecclesiam de Lichfeld; & quòd vice Præbendalis Ecclesiæ de Burton in Wirhall, quæ ab antiquo fuerat Præbendalis, donârit Ecclesiam de Tervin; Ecclesiamque ipsam de Tervin hospitale fecit & hospitium naufragantibus. Burtona istis diebus annectitur Collegio D. Johannis in Lichfeldiâ. Erant tunc certæ Præbendæ in Ecclesiâ Cathedrali Lichfeldensi, quæ Bursariæ appellabantur; quòd de bursâ Domini Episcopi, ut scribitur, salarium receperunt. Una Præbenda erat in quatuor marcis, altera verò in totidem, tertia in tribus marcis. Præbendæ autem de Sondiacre, Hida, & Pipa vice illarum extinctarum constitutæ sunt.

M. Nicolaus de Legâ, Canonicus Lichfeldensis ac Præbendarius Præbendæ bursariæ quatuor marcarum, ad hæc tempora perquisitis domibus & terris Cantariam in Ecclesiâ Cathedrali instituit; cujus Cantarista salarium accepit vii. librarum annuarum. Obiit Nicolaus de Legâ Lichfeldiâ mense Junii anno Domini MCCLXVIII. Hugo Sotesby Canonicus etiam Lichfeldensis Cantariam S. Radegundis virginis instituit. Pro salario assignavit in perpetuam eleemosynam omne jus quod habuit in servitio & redditu sex hominum de Wittinton & septimi de Elmhurst, & etiam de servitio quod habuit quatuor aliorum hominum de Wittinton, redditum quatuor solidorum, & unum burgagium apud stalla Lichfeld. anno sc. salutis humanæ MCCXLII. Inter alia Domini Alexandri Episcopi benefacta relatu dignum est; quòd constituto salario vi. librarum & x. solidorum aut circiter, Presbyterum in Ecclesiâ Lichfeldensi servire voluit, qui Cantarista perpetuus D. Cedda vocaretur.

Addit. xiv. Dominus *Hugo Patishull* emptas & perquisitas terras dedit Decano & Capitulo. Decanus & Capitulum assignavit Vicariis Choralibus domus; & fundi sunt juxta Oratorium de Stowe. M. Petrus Rodenor Canonicus & Cancellarius Ecclesiæ Cathedralis Lichfeldensis legavit cc. libras ad pios usus anno Domini MCCLXXV. Idem annuo redditu donavit Succentorem in perpetuum.

*Rogerus de Weseham.* Hic paralyti correptus, cessit oneri sui Episcopatus Addit. xv.  
sponte; & donatus est pensione ex Episcopatu. Cessit fatis xiv. Cal. Julii  
anno salutis humanæ MCCLVII. & Lichfeldiæ sepultus est. Ejus corpus  
quiescit sub Oratorio ligneo ex adverso monumenti Doctoris Radcliffe.

*Rogerus Meiland,* consanguineus Regis Henrici III. Subdiaconus & Cano- Addit. xvi.  
nicus Ecclesiæ Cathedralis Lichfeldensis, electus est concorditer per Canoni-  
cos Lichfeldenses & Monachos Coventrenses in Episcopum Coventrensem &  
Lichfeldensem: sacratu Cantuariæ vi. Idus Martii anno Domini MCCLVII.  
Ecclesiam de Boulton defuncto Rectore in Ecclesiâ Cathedrali Lichfeldensi  
confirmavit Præbendam. Ecclesias etiam Parochiales de Flixton & de Sondi-  
acre & Parvâ Pipâ fecit Præbendales. Pensionem xx. librarum ex Ecclesiâ pa-  
rochiali de Wigan exeuntem, concessam per Rectorem ejusdem Magistrum  
W. Langton Canonicum Lichfeldensem, Canonicis, Vicariis & pauperibus  
confirmavit. Possessiones penè amissas revocavit. Communam Canonico-  
rum diurnam à vi. denariis ad xii. auxit. Privilegia, consuetudines & Præ-  
bendas Decano & Capitulo confirmavit. Legavit successoribus boves vel  
lx. marcas. Obiit grandævus anno Domini MCCXCV. sepulturæ datur ad  
Cathedram Domini Episcopi die xvii. Cal. Januarii.

Anno Domini MCCXCI. mensis Maii die iv. civitas Lichfeldiæ & tota  
habitatio Fratrum Minorum combusta sunt.

*Walterus de Langeton,* ad mansum Vicariorum duas Canoniconum domos Addit. xvii.  
assignavit. Vicariis dedit cuppam argenteam, & xx. solidos annuos in aug-  
mentum illorum communæ de Ecclesiâ de Tibbeshull. Palatium Domini E-  
piscopi & domos aliquot Canoniconum ædificavit. Anno salutis humanæ  
MCCCX. castrum de Eccleshale & manerium de Heywode prostravit, &c.

Anno Domini MCCCXV. vii. Idus Aprilis combustum fuit campanile cum  
campanis in clauso Lichfeldensi. Instituit præterea in suâ Cathedrali Eccle-  
siâ ordinationem, ut duo Presbyteri Capellanos in perpetuum imbuerent;  
quorum alter Cantarista dicebatur B. Mariæ Cantariæ cum annuo stipendio  
v. librarum xv. solidorum, alter Cantarista Regum Angliæ & Regis Edwar-  
di primi & etiam secundi cum salario annuo circiter v. librarum. Perquisi-  
verat infra x. milliaria urbis London. manerium de Grenford, quod propo-  
fuerat ad pios usus dare Ecclesiæ suæ Cathedrali; sed ad voluntatem Regis  
Edwardi I. liberè Regi dedit. Unde Rex ad vota Episcopi concessit Eccle-  
siæ Cathedrali Lichfeldensi jus advocationis Ecclesiæ de Worsfeld in Comitatu  
Salopiæ & jus patronatûs Ecclesiæ de Cestreton in Comitatu Warwick. Ex  
hac Vicarii ex dono Capituli recipiunt redditus; ex alterâ Dominus Decanus  
& Canonici Residentiarii templum instaurant. Summam pecuniæ cc. mar-  
carum præstitit ad solutiones faciendas, donec statim redditus solvantur. Re-  
liquit Ecclesiæ moriens dccciv. marcas. Et postquam hæc & alia quampluri-  
ma beneficia Ecclesiæ Lichfeldensi contulisset; apud Londoniam obiit v. Idus  
Novembris anno Domini MCCCXXI. & apud Lichfeldiam Nonis Decem-  
bris sepultus est per fratrem Episcopum Glasguensem. Iniquior erga vene-  
randum hunc Patrem fuit Bonifacius VIII. Papa Romanus, ad delationes ma-  
levolorum adigendo Episcopum ut Romæ se purgaret: quod factum est sub  
triginta manibus.

*Rogerus Norbrige,* Archidiaconus Richmond, post Walterum Langton con- Addit. xviii.  
secratus Episcopus, &c. Certæ Præbendæ ad hæc tempora in Ecclesiâ Lich-  
feldensi per Romanum Pontificem collatæ sunt. Turris ad portam Occiden-  
talem perfecta est, & fossa Clausi mundata, sumptibus Capituli.

Ejus-



Ejusdem Authoris

# CONTINUATIO Historiæ Lichfeldensis

Ab anno MCCCLIX. ad annum MDLIX.

*Author res gestas Præfulum & Canonorum Lichfeldensium à morte Roberti Norbrige scripto commissurus, Historiam Decanorum altiùs repetit.*

De Decanis.

**A**Thelwaldus Episcopus Lichfeldensis, post Duinam primum ejusdem Ecclesiæ Episcopum numero decimus septimus, in anno salutis humanæ DCCCXXII. Chelwfo tunc super Mercios regnante, instituit in suâ Cathedrâ Lichfeldensis Ecclesiæ xx. Canonicos; quorum *Huita* quidam constitutus est Præfectus, nominabaturque Præpositus Canonorum. Ex reliquo grege fuit ipse Presbyter, decem erant Presbyteri, & novem Diaconi. Non liquet, quibus temporibus Præpositus Canonorum transmutatus sit in Decanum.

Dominus Ricardus Peché Episcopus Coventrensis & Lichfeldensis condolens tempore hostilitatis Decanatum ad nihilum ferè fuisse redactum, dedit *D. Ricardo de Dalam* Decano Lichfeldensi ad augmentum Decaniæ terras & redditus circa annum MCLXX. De Decanis aliis non legimus nec ante hunc nec post usque ad annum Domini MCCXX. per L. annos incertum qui fuerint Decani. Tunc contulerat Dominus Rex Johannes sede Episcopali vacante Lichfeldensi Decanatum Lichfeldensem cuidam *Radulpho de Nevill*; qui mortuus est ad hæc tempora. *D. Willelmus Cornhull* istis temporibus Lichfeldensis Episcopus Capitulo Lichfeldensi primò concessit potestatem eligendi aliquem de gremio in Decanum suum. Confirmavit hanc concessionem Romanus Episcopus Honorius III. Antea Episcopus solebat conferre Decanatum sicut & Canonicatum. Primò elegerunt Canonici in Decanum *M. Willelmum de Mancetor*, qui confirmatus est à Domino Cornhull Episcopo anno Domini MCCXXII. *Willelmus de Mancetor* cessit fati vii. Idus Februarii in anno Domini MCCLIV. In illis xxviii. annis, quibus summâ cum laude præfuit, instituit Cantariam *D. Petri* nomini dicatam. Cantarista salarium recepit annum v. librarum & circiter xv. solidorum. Eodem anno *M. Radulphus de Sempringham* per Canonicos in Decanum electus, confirmatus est per Dominum Rogerum Weseham Episcopum. Instituit Cantariam *S. Andreæ* ad annum salarium v. librarum & amplius. Obiit *M. Radulphus de Sempringham* anno Domini MCCLX. Præfuit vi. annis. *M. Johannes Derby* Præbendarius in Ecclesiis Wellensi & etiam Sarisburiensi, intra quindenam Paschæ sequentis in Decanum per Canonicos Lichfeldenses electus, confirmatus est à Domino Rogero Weseham Episcopo. Obiit *M. Johannes de Derby* Decanus iv. Idus Octobris in anno Domini MCCCXIX.

Domini-

Dominus Walterus Episcopus illius corpus honorificè sepelivit. *M. Stephanus Segrave* per Canonicos in Decanum Lichfeldensem electus in Vigiliâ S. Nicolai, confirmatur per Dominum Walterum Episcopum in anno Domini MCCCXX. Postquam causas Capituli cum maximis expensis contra Monachos Coventrenses in Curiâ Romanâ optimè curâset; per Romanum Episcopum effectus est Archiepiscopus Armachanus. Vix quinque annis præfuit Capitulo.

#### ROGERUS NORBRIGE.

Rogerus Episcopus ad australem partem Chori juxta angulum altaris construxit magnificum sepulchrum ex albo lapide ad translationem corporis Prædecessoris sui Domini Walteri. Rogerus ipse, sicut mandavit, sepultus est sub marmore juxta monumentum à se extructum pro D. Waltero Episcopo. Corpus verò prædicti Domini Walteri Episcopi quod xlix. annis terrâ conrectum in loco minùs decenti juxta Capellam B. Mariæ jacuerat, ad humilem petitionem Capituli Lichfeldensis & M. Hugonis de Hopwas Custodis Spiritualitatis Episcopatus Coventr. & Lichfeld. Sede vacante, ex autoritate Reverendissimi Domini Simonis Cant. Archiepiscopi, Magnatiensis Episcopus transtulit, & in monumento novo tum parato condidit, peractis de more sacris, die xviii. mensis Maii in anno Domini MCCCLX. Tunc facta est distributio x. Marcarum, pauperibus singulis denarios recipientibus. Tempore verò Translationis corporis Domini Walteri quondam Episcopi Decanus Lichfeldensis fuit M. Johannes Buckingham; sed abfuit, & præcedebant Canonici M. Johannes de Melborne locum tenens Decani, M. Rogerus de Mafington Cancellarius, Johannes de Pynot, Robertus de Walkinton, Alanus de Conyngburgh, Hugo de Hopelwas, Johannes Mardys, Ricardus Bowke, Robertus de Byrtington, Johannes de Sulgrave, & Rogerus Dorthburgh.

#### ROBERTUS STRETTON.

(a) Eximius vir Robertus Stretton, utriusque Juris Doctor, unus Auditorum Rotæ in Curiâ Romanâ, post mortem Rogeri de Norburgh Episcopi consecratus est Episcopus Coventr. & Lichfeld. anno Domini MCCCLX. die Dominicâ, v. Cal. Octobr. Sedit annis xxv. Moriens Ecclesiæ donavit cc. marcas; quarum bona pars in usum Vicariorum Choralium collata fuit per ejus executorem testamenti M. Thomam Stretton Lichfeldensem. In domo Capitulari per reverendi Patris mortem declaratur Sedes Episcopalis esse vacua anno Domini MCCCLXXXV. Aprilis die quarto. Corpus conditum est in Oratorio S. Andree. Lichfeldensis Decanus tunc erat M. Willelmus Packington in remotis agens; qui quidem resignabat officium Decani ultimo Aprilis in anno Domini MCCCXC.

(a) Robertus Stretton, Canonicus Lichfeldensis, instante Edwardo Walliæ Principe (cui à sacris erat) electus est à Capitulis Coventrensi & Lichfeldensi post Rogeri obitum, & à Papâ Innocentio provilus 1360. 22. April. De consecrationis morâ ob illiteraturam ejus ab Archiepiscopo & Episcopis Angliæ injectâ vide supra in Birchingtoni Historiâ p. 44. Archiepiscopus demum Papæ mandato & Principis instantiâ coactus electum confirmavit 1360. 20. Sept. Consecrare autem dedignatus, vices suas commisit Londonensi & Rossensi Episcopis; à quibus Robertus die 27. ejusdem mensis consecratus est. Anno sequente die 6. Febr. in

Archiepiscopi præsentia apud Lametham constitutus, obedientiam canonicam ipsi professus est, *alio professionem legente* (verba sunt Registri) *quod ipse legere non posset.* Huic anno 1381. 7. Sept. Sede Cant. tunc vacante, Capitulum Ecclesiæ Cant. literis datis præcepit; ut infra decem dies Coadjutorem sibi assumeret; quippe qui senectute & cæcitate officio Episcopali obeundo impar jamdiu factus fuerat. Obiit in manerio suo de Heywode 1385. 28. Martii; quod abunde constat; quamvis Sedem vacare non ante 4. diem Aprilis declaratum esse Author noster prodât.



## WALTERUS SKIRLAW.

(b) Dominus Walterus Skirlaw, utriusque Juris Doctor, consecratus fuit Episcopus Lichfeldensis & Coventrensis die Dominicâ, xix. Cal. Februarii anno salutis humanæ MCCCLXXXV. Quum Lichfeldiâ sedisset anno uno; translatus est primò ad Ecclesiam Cathedralē Bathoniensem, postea fit Episcopus Dunelmensis. Obiit Dunelmi anno Domini MCCCCVI. Per executores testamenti sui Decano & Capitulo & etiam cætui Vicariorum munificus fuit in tantum, ut tam publicè quotannis in templo quàm privatim inter Vicarios pro eo fierent preces xxiv. die Martii.

## RICHARDUS SCROPE.

(c) M. Richardus Scrope, ex nobili Scrupporum familiâ originem ducens, Cantabrigiâ primò Artium inde utriusque Juris Professor, post Cancellarius prædictæ Academiæ & Decanus Cicestrensis, Episcopus Lichfeldensis & Coventrensis consecratus est Janniâ, ubi tunc Curia Romana residebat, die ix. Augusti, in anno Domini MCCCLXXXVI. Mense Augusto in suâ personâ installatus Lichfeldiâ, præsentē Rege Ricardo II. cum Magnatibus, sequens præstitit juramentum. 'Ego Ricardus Scrope Episcopus Lichfeldensis & Coventrensis ero fidelis Ecclesiæ Lichfeldensi. Jura & libertates ejusdem defendam contra omnes pro meo posse. Possessiones ejusdem Ecclesiæ injustè dispersas & facultates ejusdem pravè alienatas congregabo. Statuta & statuenda ac consuetudines antiquas approbatas & assuetas, cum eas vel ea novèrim, observabo. Possessiones ad mensam Episcopalem spectantes non alienabo. Sic me Deus adjuvet & hæc sancta Dei Evangelia. Quo juramento præstito, Dominus Rex Angliæ dixit. Certè Domine magnum præstitisti juramentum.

Dominus Hugo Calvelei, Eques Auratus, instituit Collegium D. Bonifacii in villâ Bunberia in Diocesi Lichfeldensi circa annum Domini MCCCLXXXVIII.

Anno MCCCLXXXVIII, die Veneris xix. Augusti, præsentibus in domo Capitulari Domino Episcopo Scrope, Magistris Cheyney, Morton, Stretton, & Thomâ Stretton. & Willelmo Balsshaw, & Magistro Sutton non re-

(b) Walterus Skirlaw, Orientalis regionis Eboracensis Archidiaconus (Canonicum Eboracensis Ecclesiæ admissum 1370. 29. Nov. comperio) post electionem legitimam Episcopus Lichfeldensis ab Urbano Papâ provisionis titulo renunciatus est 1385. 28. Junii; professionem fecit apud Otteford 1386. 7. Jan. consecratus ab Archiepiscopo Cant. in Ecclesiâ Westmonasteriensi 1386. 14. Januarii, assistentibus Archiepiscopo Episcopis 10. suffraganeis, & præsentibus Angliæ atque Armeniæ Regibus. Eodem anno, nondum in Ecclesiâ Lichfeldensi installatus, ad pauperiorem Episcopatum Bathoniensem Urbani bullâ datâ 1386. 18. Aug. translatus est invitus. Factum id fuisse consilio Rege procurante, cui Michael de-la-Pole Suffolciæ Dux Walterum invisum reddiderat. Episcopum enim adversæ factionis partem fovisse constat.

(c) Waltero subrogatus est eodem die ab

Urbano Papâ Ricardus Scrope, Prothonotarius Apostolicus, & ab eodem in Curia, quæ tunc Januæ resedit, consecratus. Ista produnt Registrum Courtney & Higdeni Continuator. Uterque de die consecrationis tacet. Factum id Godwinus die 6. noster die 9. Augusti asserunt. Uterque malè. Bulla enim provisionis ante diem 18. edita non est; & neutra dies fuit Dominica. Apud Whitlocum igitur reponendum puto diem 19. qui Dominicus isto anno fuit. Erat Ricardus vir natalium splendore & eruditione consummatâ maximus; cui nihil ad summam felicitatem defuit præter exitum meliorem. Thesaurarius Angliæ constitutus fuerat 1371. 27. Martii, Cancellarius Academiæ Cantabrigiæ anno 1378. antea Officialis Episcopi Eliensis. Postquam Ecclesiæ Lichfeldensi plusquam decennio præfuisset, Eboracum translatus est 1398. 2. Julii.

fidentiaro,

fidentiario, ordinata fuit allocatio trium denariorum dietim pro quolibet Vicario, & de cohabitatione eorundem, in tribus Indenturis, quæ roboratæ sunt sigillis Episcopi, Decani & Capituli, & Vicariorum.

Anno MCCCXC. post resignationem Decani Packington, M. Thomas Stretton electus est in Decanum Lichfeldensem; & confirmata est electio per Dominum Episcopum. Tunc temporis lorica forisfacta est Capitulo ad premium unius marcæ pro effusione sanguinis in Cœmiterio.

Anno Domini MCCCXCIV. assentientibus Domino Scrope Episcopo & Residentiariis die Veneris post Festum Annuntiationis B. Mariæ, in domo Capitulari omnes Canonici convenerunt; & quia onerabatur Ecclesia expensis cc. marcarum pro appropriatione Ecclesiæ de Worfeld communæ Capituli auctoritate Romani Episcopi pro defensione introituum & reddituum & pro emendatione Caparum, unanimiter concordatum est super Decimâ bienniali, sc. ut quilibet Præbendarius solveret quolibet horum duorum annorum duos solidos pro qualibet librâ secundum ratum suæ Præbendæ.

Anno Domini MCCCXCV. Executores ultimæ voluntatis Richardi de Bermincham Canonici tunc defuncti fundârunt Cantariam ad altare S. Andree cum salario quatuor librarum annuarum.

Anno MCCCXCVII. Dominus Episcopus Scrope visitans Ecclesiam Cathedralē, in domo Capitulari cum consensu Capituli decrevit; quod ex pecuniâ relictâ per Dominum Walterum de Langton ducentæ Marcæ cederent in relevationem Canonorum Residentiariorum & Vicariorum ad modum præstiti: ut in ordinatione Baggæ gratiæ continetur.

Anno Domini prædicto Dominus Ricardus Episcopus translatus est à Sede Episcopali Lichfeldensi & Coventrensi ad Metropolitā Ecclesiam Eboracensem vi. Nonis Julii, anno ix. Pontificatûs Bonifacii ix. Ordinavit ante translationem, datâ sufficienti pecuniâ Capitulo Lichfeldensi, ut in Ecclesiâ Cathedrali Lichfeldensi Anniversarium pro eo celebraretur annuatim Junii die viii. nempe illo die decollabatur.

#### JOHANNES BRUGHILL.

(d) Johannes Brughill, ex Ordine Fratrum Prædicatorum, qui fuit Confessor Domini Richardi Regis, à Sede Landaveni translatus est ad Ecclesiam Cathedralē Lichfeldensem & Coventrensem circa initium mensis Septembris in anno Domini MCCCXCVIII. Installatus fuit in Festo Nativitatis B. Mariæ. Dominus Decanus Stretton, octo Residentiarii, plures Præbendarii non residentes, & Vicarii obviaverunt ei nudipedi ad introitum Cœmiterii juxta Occidentalem portam templi, processionaliter Chorus induxit eum ad sedem Episcopi. Juramentum præstitit idem quod prædecessor ejus Dominus Scroupe. Completâ installatione Dominus Rex Richardus in Palatio celebravit convivium, omnes ministros Ecclesiæ invitans. Aderant cum Rege Archiepiscopi Cantuariensis, Eboracensis, Dublinensis, alii Episcopi & Nobiles. Bonus hic Pater potestatem dedit Vicariis, ut beneficia obtinerent unâ cum officiis suis Lichfeldiæ commorantes. Sed Archiepiscopus Cant. in suâ Metropolitā visitatione cassavit benevolam concessionem benevoli Episcopi. Cantuariensis Archiepiscopus in suâ visitatione in anno Do-

(d) Johannes Burghill à Sede Landaveni ad Lichfeldensem translatus est à Papâ pro solo suæ arbitrio voluntatis, inquit Walsinghamus, medio anno 1398. Obiit anno 1414. mense Maio. Capitulum enim Cant. Sede Archiepiscopali tunc vacante, jurisdictionem Episcopatûs vacantis arripuit 1414. 24. Maii, quam Henricus Archiepiscopus, plenam Sedis suæ possessionem jam nactus, sibi vindicavit die 10. Junii sequentis. Ex Registris Cant. Ecclesiæ & Chicheleii.



mini MCCCCII. mense Junii in domo Capitulari Lichfeldiæ, præsentibus omnibus Canonicis, ex voluntate eorum ordinavit, ut decima triennalis levaretur de singulis Præbendis duorum solidorum quolibet anno de qualibet libra solvend. ad Festa Nativitatis S. Johannis Baptistæ & Purificationis B. Mariæ, sc. pro facturâ stallorum in Choro, pro recuperandis certis pensionibus subtractis, Winwick, Bernford, S. Katerinæ, S. Petri, S. Stephani; & pro recuperatione caparum. Folio Registri 64. Junio.

Dominus Episcopus Brughill multifariam de omnibus ordinibus Ecclesiæ benemeritus, beneficii loco obtinet, ut pro vino tanquam de benefacto oretur publicè in Ecclesiâ Cathedrali. Vitâ functo anniversarius cum distributione pecuniarum decernitur iii. Idus Septembris. Similiter Monachi Coventrenses fecere, annuatim distribuentes civ. solidos. Præfuit annis xvii.

M. Johannes de Odenbie, Archidiaconus Derbiæ, Præbendarius de Bishop-hull, executor ultimæ voluntatis Domini Burghill Episcopi, construxit domum pro Cantaristis circa hæc tempora in Clauso cohabitare incipientibus de bonis magnâ ex parte prædicti Episcopi.

#### JOHANNES CATRICKE.

(e) Johannes Catricke ex Cathedrali Ecclesiâ Menevensi ad Ecclesiam Lichfeldensem & Coventrensem translatus est mense Maii in anno Domini MCCCCXV.

M. Robertus Wolveden ex Præcentore electus in Decanum Lichfeldensem post mortem Thomæ Stretton in anno Domini MCCCCXXVI.

#### WILLELMUS HEYWORTH.

(f) Willelmus Heyworth, homo sagacis ingenii, ex Abbate Monasterii

(e) Johannes Katryk seu Keterich, Episcopus Menevensis, ad sedem Lichfeldensem translatus est bullâ Papali 1415. 1. Febr. Professione factâ Spiritualia ab Archiepiscopo accepit die 21. Junii. Anno 1417. in Concilio Constantiensi præfens, ad quod medio anno superiori profectus fuerat, unus ex 30. electoribus constitutus est, qui è diversis nationibus delecti Martinum V. Pontificem die 11. Nov. autoritate Concilii designarunt. Mense Septembri ejusdem anni in Concilio obierat Robertus Saresburiensis Episcopus. Eodem die Cardinalis de Urfinis Episcopus Albanensis datis ad Henricum Regem literis enixè petit, ut Johannes Roberto successor detur, summo per prædicatis gravitate ejus, fide atque eruditione, quæ in Concilio enituerant. Addit non nemo universum Cardinalium cætum in ejusdem favorem scripsisse. Cardinalis certè Albanensis literas autographas vidi. Exoptatam tamen dignitatem Johannes obtinere non potuit, seu Rege seu Capitulo Sarisburiensi renuente. Soluta Concilio, Florentiam in Martini Papæ comitatu migravit; ubi audito Edmundi Episcopi Exoniensis obitu, ad sedem Exoniensem à Papâ transferri obtinuit, bullâ translationis apud Florentiam datâ 1419. 20. Nov. Brevissimo quidem tempore recentis dignitati superstes. Sub finem enim mensis sequentis apud Florentiam obiit: de quo plura vide in Episcopis Exon. Ista mihi

ex Registro *Chichley* certissimè constant.

(f) Quæ de Jacobi Cary successione & post breve tempus ad Episcopatum Exon. translatione Godwinus habet, rejicienda sunt. Eodem enim die, quo Johannes Coventr. & Lichfeld. Episcopus ad Ecclesiam Exon. translatus est, sc. 1419. 20. Nov. Papa Episcopatum Coventrensem Willelmo Heyworth contulit. *Ecclesiam Coventr. & Lichfeld.* (ipsissima sunt Bullæ verba) *ideo vacantem, quod nos hodie venerabilem fratrem Johannem Exon. tunc Lichfeld. & Coventr. Episcopum, apud Sedem Apostolicam constitutum, ad Ecclesiam Exon. tunc vacantem duximus transferendum, contulimus Willelmo Abbati Monasterii S. Albani.* Neque dici potest Willelmum Johanni (id enim verius ei nomen) Cary Episcopo Lichfeldensi ad Exoniam translato in hac Bullâ subrogari. Nondum enim Sedes Exoniensis vacaverat per obitum Johannis Catryk, qui mense sequenti decubuit. Willelmus ab Archiepiscopo confirmatus, spiritualia Episcopatus sui accepit 1420. 28. Nov. Quod consecratum eo die referant Godwinus & Historicus noster, errore manifesto tenentur. Is enim dies Dominicus non erat. Id solummodo de consecratione ipsius (in instrumento Professionis autographo) reperi, factam esse à Ricardo London. Episcopo vice Henrici Archiepiscopi. Anno circiter 1434. Concilium Basileense adiit.

Albanensis consecratur Episcopus Lichfeldensis & Coventrensis in Capellâ Domini Episcopi Londinensis apud Fulham die xxviii. Novembris in anno salutis humanæ MCCCCXX. obiit die x. Aprilis anno MCCCCXLVI.

M. Roberto Wolvenden fatis cedente mense Novembri, M. Johannes Verney eligitur in Decanum Lichfeldensem, confirmaturque à Domino Wilhelmo Episcopo in anno MCCCCXXXII. Episcopus Wilhelmus Heyworth dedit Sacristæ Ecclesiæ Cathedralis Lichfeldensis ac Magistro Gildæ B. Mariæ civitatis Lichfeld. ad usum pauperum indigentium quendam fundum in Baconstrete situm inter tenementa Vicariorum, reddendo Episcopo unam rosam ad Festum Baptistæ si petatur. Decanus Stretton & Capitulum confirmavit in Festo S. Katerinæ in anno Domini MCCCCXXIV.

#### WILLELMUS BOTHE.

(g) Wilhelmus Bothe, vir discretus, ex Rectore Ecclesiæ Parochialis de Prescotte in Comitatu Lancastriæ consecratur Episcopus Lichfeldensis & Coventrensis in Ecclesiâ Cathedrali D. Pauli London. die ix. mensis Julii in anno Domini MCCCCXLVII. Post quintum consecrationis annum translatus est ad sedem Archiepiscopalem Ecclesiæ Eboracensis.

#### NICOLAUS CLOOSE.

(h) M. Nicolaus Cloose, Theologiæ Professor, socius Regalis Collegii Cantabrigiæ, Episcopus Carliolensis, Wilhelmo Bothe translato ad Eboracensem Ecclesiam, transtertur ad Ecclesiam Lichfeldensem & Coventrensem in anno Domini MCCCCLII. Infra annum decessit.

#### REGINALDUS BOLARS.

(i) Reginaldus Bolars, primò Abbas Glocestrensis, deinde Herefordensis Episcopus, translatus est ad Ecclesiam Lichfeldensem & Coventrensem mense Aprili in anno Domini MCCCCLIII. regnante Henrico VI. Recepit Bullas Translationis apud Fulham iii. die mensis Aprilis anno prædicto. Præsuit Ecclesiæ Coventrensi & Lichfeldensi annis vi.

#### JOHANNES HALSE.

(l) D. Johannes Halse datus est Episcopus Ecclesiæ Cathedrali Lichfeldensi & Coventrensi per Regem Henricum VI. consecratusque est Coventriæ in Ecclesiâ Cathedrali in Capellâ S. Clementis die xxv. mensis Novembris in anno Domini MCCCCLIX. Obiit anno MCCCCXC. die Dominicâ die iii. Octobris, optimè meritis de omnibus ordinibus Christianorum; & Lichfeldiæ sepultus est. Reperit hic pius Pater statum Ecclesiæ corruptiorem.

(g) Wilhelmus Bothe, Canonicus Londinensis, ad Episcopatum Lichfeld. à Nicolao Papâ provisus 1447. 26. April. professionem fecit in Ecclesiâ de Croidon die 2. Maii, consecratus ut supra; Eboracum translatus 1452. 21. Julii. Ex Registris *Stafford & Bothe.*

(h) Nicolaus Carleolensis Episcopus ad Lichfeldiam translatus est à Nicolao Papâ 1452. 30. Aug. professionem apud Lameham fecit 1452. 15. Octobr. & ante diem 1. Novembris sequentis obiit. Ex Registro *Kemp.*

(i) Reginaldus Bolars, aliis Butler, E-

piscopus Herefordensis, ad Sedem Lichfeldensem provisione Papali translatus est 1453. 7. Febr. confirmatus ab Archiepiscopo apud Fulham 1453. 4. April. Ex Registro *Kemp.*

(l) Johannes Halse, ex Collegii Exoniensis Oxoniæ alumno Collegii Oriensis Præpositus creatus 1445. 23. Martii, demum ad Episcopatum Lichfeldensem promotus, licentiam consecrationis extra Ecclesiam Cant. suscipiendæ obtinuit 1459. 11. Novembr. Obiit 1490. 30. Decembr. Ex Registris Ecclesiæ Cant. & Archiepiscopæ *Morton.*



Evocavit ergo ex Academiis eruditos & discretos viros, quos Præbendis & regimini Ecclesiæ præfecit: Dominum Salter, utriusque Legis Professore, qui sub hoc & tribus Pontificibus subsequenter Cancellarius fuit; Thomam Mylley, qui à libellis & Registrarius D. Episcopo fuit: Hic splendida ædes latericias juxta stagnum ad Occidentem posuit pro Canonicis Residentiariis: & Henricum Ediall, qui contiguas & proximas magnificentius edificavit: magnificum etiam virum Georgium Strangwaies, Theologiæ Professore, qui similes posuit ad Orientalem partem Clausi. Sub hujus Pontificatu providit Deus Ecclesiæ Lichfeldensi Decanum Dominum Johannem Yotton, Theologiæ Professore insignem; qui fundos Ecclesiæ donavit ad alendum Presbyterum in perpetuum, qui vel Theologus esset, & Evangelium D. N. J. Christi gratis in circumjacentibus Ecclesiis prædicaret; vel Juris Professor, & causas pauperum necessario litigantium in Consistorio Domini Episcopi Lichfeldensis gratis procuraret. Multi præter istos egregii viri Ecclesiæ ornamento fuerunt; inter quos emicuit Jacobus Berisforde, qui in Collegio S. Johannis infra Academiam Cantabrigiensem constituit redditus ad duos Scholares perpetuo alendos.

In anno Domini MCCCCLXXXIX. die xvii. Martii, die Mercurii inter horam septimam & octavam post meridiem Johannes Whelpdale Capellanus Regis Henrici VI. Præbendarius de Ternim, diem clausit extremum.

Anno Domini MCCCCXCII. die Jovis, xxv. Octobris, circa horam sextam manè M. Thomas Ileywood, Decanus Lichfeldensis proximus post Johannem Verney, suæ ultimæ voluntatis executores constituens M. Thomam Mille, Thomam Reynauld & Paicston Sacristam, diem clausit extremum. Triennio ante mortem xl. libras in Capitulo donavit ad ædificationem Bibliothecæ latericiæ juxta domum Decani. Aliqua ex infinitis ejus beneficiis alibi perscribentur. Residentiarii tum erant Mille, Strangways, & Halse.

M. Johannes Yotton, sacre Theologiæ Professor, fit Decanus Lichfeldensis anno Domini MCCCCXCIII. Centum marcas ad fabricam dedit, incipiens residere. Sic tunc Magister Egerton. Doctor Richardus Salter, Præbendarius de Hondesacre, post Alreweys, solvendo centum marcas incæpit residere ad Festum Baptiste in anno MCCCCLXXXVI.

#### WILLELMUS SMITH.

(m) Willelmus Smith, Archidiaconus Surreyæ, per Regem Henricum VII. præficitur Arthuri Principis consiliis, & anno Domini MCCCCXCII. circa initium mensis Aprilis Episcopus consecratur Lichfeldensis & Coventrensis. Hic bonus Pater Xenodochium pauperum & Scholam Grammaticam in civitate Lichfeldensi instituit cum magnificis ædibus. Post quartum annum, quem Lichfeldiæ sedere cœperat, ad Cathedralem Ecclesiam Lincolnensem translatus, collocavit Oxonii magnificum Collegium de Aneo-naso. Et in parochiâ de Prescot in Comitatu Lancastriæ in villâ Farnworth, ubi & ipse & parentes ejus originem habuere, curavit ut pensio annua x. librarum perpetuo solveretur Grammaticam docenti.

#### JOHANNES ARUNDELL.

(n) Johannes Arundell, ex nobili Arundellorum prosapia genitus, conse-

(m) Willelmus Smith, Decanus Capellæ Regiæ S. Stephani infra Palatium Westmonasteriense, post electionem legitimam provissus est ab Alexandro VI. Papâ ad Sedem Lichfeldensem 1492. 1. Octobr. licentiam consecrationis extra Ecclesiam Cant. accipiendæ adeptus 1492. 30. Decembr. Lincol-

niam translatus anno 1495. Ex iisdem Registris.

(n) Johannes Arundell, Collegii olim Exoniensis apud Oxoniam alumnus, consecratus est 1496. 6. Novemb. Exoniam translatus anno 1502. teste Registro Cant. Ecclesiæ.

cratus

cratus est Episcopus Lichfeldensis & Coventrensis die vi. Novembr. in anno Domini MCCCCXCVI. ad Episcopatum verò Exoniensem translatus est penultimo Junii in anno Domini MDII. Paulò post repentino morbo correptus, Londini vitam finivit; & in Ecclesiâ S. Clementis juxta Strand sepelitur.

Collegium de Mancetor permissione Willelmi Episcopi erigitur circa hæc tempora.

Bibliotheca latericia perficitur per Decanum Yotton in anno MD.

M. Ricardus Delfes inchoavit residere in anno MDII.

M. Jacobus Berfford Præbendarius de Pipâ minori obiit Residentiarius MDXX.

M. Thomas Mille Præbendarius Præbendæ de Dorsett Residentarius donavit certas terras ad alendum pauperulas mulieres in Bacon-strete. Splendidas ædes infra Clausum, quas hoc anno MDLXXV. Magister Sale inhabitat, erexit. Obit penultimo Januarii, anno Domini MDIV. Corpus, ut ipse voluit, conditum est ad pedes Episcopi Domini Halse.

M. Georgius Strangeweys, primò Præbendarius de Stotfold, deinde de Colwich, Canonicus Residentiarius, erexit splendidas ædes; quas hoc anno MDLXXV. M. Arthurus Dudley inhabitat.

M. Henricus Ediall, Canonicus Lichfeldensis non residentiarius, ædificavit latericias ædes juxta ædes Magistri Milli.

#### GALFRIDUS BLYTHE.

(o) Galfridus Blythe, ut ipse de se scribit, in Scholarem Collegii Regalis Cantabrigiæ adscitus anno Domini MCCCCCLXXXVI. secundo anno postquam rexit in Artibus, Archidiaconus Cliveland & Præbendarius Strenshall in Ecclesiâ Eboracensi, & non longè post Decanus ejusdem Ecclesiæ factus est. Regis Henrici VII. legatione fungitur ad Ladislaum Hungariæ Regem. Rediens anno Domini MDIII. mensis Septembris die xxvii. Lichfeldensis & Coventrensis Episcopus consecratus est. Viginti annis continuis præfectus fuit Marchiæ Walliæ. Hujus Episcopatus insignis fuit dignissimo Decano Domino Jacobo Denton, Regalis etiam Collegii Cantabrigiæ alumno, utriusque Juris Professore; qui aquæductum patefecit Vicariis & Cantaristis; & adjumento Domino Episcopo fuit in extruendâ domo pro Choristis Ecclesiæ Lichfeldensis, quorum numero addi quatuor novos curavit, perquisitis & constitutis redditibus unde nutrentur. Templum tunc temporis reparatur & ordinatur; ad cujus instaurationem contulit Dominus Episcopus L. quercus & xx. libras; dedit etiam in ornatum templi aulæ pretii xx. librarum, & Imagines argenteas D. Ceddæ & S. Katerinæ. Per xxxii. annos, quo tempore præfuit Ecclesiæ, nihil detrimenti passa est nec in terris ad firmam ponendis, nec in Præbendarum advocationibus concedendis. Londini migravit e vitâ; & Lichfeldiæ sepultus est.

Decanus Yotton secundo die Augusti inter decimam & undecimam horam nocte diem clausit extremum, sepultus quarto Augusti in anno Domini MD .....

(o) Galfridus Blithe, Johannis Blithi Sarisburiensis non ita pridem Episcopi frater, Aulæ Regiæ apud Cantabrigiam Præfectus, Canonicus Eboracensis Ecclesiæ admissus est 1493. 8. April. Decanus 1498. 24. Martii, Episcopus Lichfeldensis consecratus est 1503. non tamen die 27. quem Whitlocus, neque etiam die 7. Sept. quem

Godwinus posuit. Neuter enim dies erat Dominicus. Ex Registris Eborac. Ecclesiæ. Construxit Galfridus Episcopus Capellam Nortonæ in Comitatu Derbeiensi; ubi parentibus tumulum statuit alabastrinum, & Cantariam ordinavit. Præfecturam Aulæ Regiæ simul cum Episcopatu tenuit.

M. Ra-



M. Radulphus Collingwood, Decanus præfectus eodem anno, inchoavit residentiam primo Januarii. Solvit ad fabricam centum marcas.

M. Radulphus Collingwood, Theologiæ Professor, & Præbendarius de Dorset, post Yotton Decanus Lichfeldensis factus mense Januario, in more habuit primus & solus omnium Decanorum concionem ad populum quolibet die Dominico habere ad tempus horæ dimidiatæ.

M. Jacobus Denton, utriusque Juris Professor, per collationem Domini Galfridi Episcopi admissus est ad Præbendam de Stortfold per suum procuratorem Dominum Salter anno MDIX. Proximè post Dominus Collingwood in propriâ personâ factus Decanus Lichfeldiæ installatus est.

Venerabilis vir Arthurus Sutton aliàs Dudley admissus fuit ad Præbendam de Pipâ parvâ vacante per mortem Pauru Episcopi anno MDXXI. die xix. Decembris per Procuratorem.

Anno Domini MDXXIV. Thomas Wolseus Archiepiscopus Ebor. & Cancellarius, Romanæque Ecclesiæ Legatus, ad erectionem Collegii in Ecclesiâ Christi in Academia Oxoniensi, & Collegii & Scholæ de Ipswich ubi ipse natus fuit, ex autoritate Romani Pontificis suppressit certa minora Cœnobîa, & inter illa Monasterium sive Cœnobium Virginum de Farewell. Hujus Cœnobii fundi perquisiti sunt a Domino Episcopo Blythe & Decano Denton & Capitulo Lichfeldensi ad pios usus in Ecclesiâ.

Nec memoriæ excidere debet, quod bonus Pater Episcopus Blyth, dum sedulo officio Præsidentis incumbit in Marchiâ Walliæ, proditiōis infimulatus est ab æmulis; sed judicio regionum Consiliariorum liberatus est anno XIV. regni Henrici VIII.

#### ROLANDUS LEE.

(p) Rolandus Lee in Hospitio S. Nicholai infra Academiam Cantabrigiæ Pontificii & Civilis Juris Professor, Domini Galfridi Coventrensis & Lichfeldensis Episcopi Cancellarius aliquamdiu fuit. Eo sublato, ex Præbendario de Corburgh consecratus est Episcopus Lichfeldensis & Coventrensis apud Croidon xix. die mensis Aprilis anno Domini MDXXXIV. Per illustrissimum Principem Henricum VIII. præficitur & iste Marchiæ Walliæ ix. annis, quo tempore Episcopatum rexit. Iste Marchiam latrociniiis purgavit. Istius etiam consilio Rex illam provinciam in Comitatus distribuit. Liberatus est & ille à crimine læsæ majestatis judicio Regii Concilii, cujus infimulabatur falsò ab æmulis. Adscivit hic Episcopus in Senescallum familiæ providum virum Richardum Walkerum ex ludo literario sive Grammaticali scholâ Lichfeldensi. Cui post sacros Ordines contulit Rectoriam in Wirhall, Decanatum S. Johannis in Cestriâ, & Præbendam de Price in Ecclesiâ Cathedrali Lichfeldensi, Archidiaconatus etiam de Stafford & Derbiæ. Fit præterea Henrico VIII. à sacris, Sacellanus vocamus, Rector Ecclesiarum Parochialium de Gotham & Leeke, & Decanus Ecclesiæ Cathedralis Cestriensis. Tanti hic fuit apud Dominum suum Episcopum; ut executor constitutus sit illius ultimæ voluntatis. Obiit Episcopus Salopiæ die xxiv. Januarii, anno sui Episcopatus x. Corpus Salopiæ conditum est.

(p) Rolandi tempora Whitlocus optimè digessit; neque aliud addendum habeo, nisi quod Rolandus Archidiaconus antea Cornubiensis fuerat, & Thomæ Wolseii Cardinalis in Visitatione totius Ecclesiæ Anglicanæ anno 1529. habitâ Commissarius Generalis; quodque ad Cathedram Lichfeldensem aditum sibi fecerit celebrato inter Hen-

ricum Regem & Annam Bolenam matrimonio 1532. 14. Novembr. Electus est 1534. 10. Jan. confirmatus ab Archiepiscopo die 16. Aprilis, consecratus in Capellâ Archiepiscopali apud Croidon die 19. April. Ex Registris S. Benedicti de Hulmo & Cranmeri Archiepiscopi.

Sere-

Serenissimus Princeps Henricus VIII. die xvi. Julii, anno regni sui xxxiii. salutis verò humanæ MDXLI. ad incrementum religionis & commodiorem eruditionem subditorum suorum, ex Monasterio D. Wereburgæ in civitate Cestriæ non ita multò antè suppresso per literas suas patentes erexit Episcopalem Sedem, & certis limitibus distinxit Diocesim, magnâ ex parte minuto Lichfeldensi & Coventrensi Episcopatu: ut de Eboracensi Metropolitica Ecclesiâ & Archidiaconatu Richemundiæ nihil dicam. Archidiaconus Cestriæ cum amplâ suâ jurisdictione & Præbendâ de Bolton avulsus est à Lichfeldensi Cathedrali Ecclesiâ, & adjicitur Cestriensi. Deus in æternum fortunet progressum ex religioso animo & pio proposito institutum.

Fuit quidem Archidiaconus (q) Cestriæ omnium Archidiaconorum Dioceseos Cestrensis, Lichfeldensis & Coventrensis faciliè princeps ab initio. Coventrensis, Staffordensis, Salopiensis, & Derbiensis Archidiaconi in exterioribus ministeriis Ecclesiasticis habebantur quasi oculi Domini Episcopi; solus Archidiaconus Cestrensis jure pervetusto gavisus & usus est stallo in Choro Lichfeldensi & voce in Capitulo: in urbe Lichfeldensi magnificas habuit ædes. Petrus Lichfeldensis Episcopus decreto Synodi Londinensis sub Lanfranco Cant. Archiepiscopo celebratæ, qui ad Ecclesiam S. Johannis in Cestriâ jussus est sedem suam transferre, posuit ibi paucos Canonicos; & Archidiacono Cestrensi domos, circa annum salutis MLXX. Episcopus Lichfeldensis & Coventrensis Dominus Rogerus Meiland, nepos Henrici III. Regis, Ecclesiam parochialem de Bolton fecit Præbendam in Ecclesiâ Lichfeldensi, annexuitque Archidiaconatui Cestrensi circa annum Domini MCCLX. Insigniores viri Archidiaconatu Cestriæ semper sunt donati. Dominus Robertus Grossetest seu Grouthead, Latine Capito dictus, qui factus Lincolnienſis Episcopus circa annum MCCL. non passus est Innocentium IV. Romanum Pontificem Italos pueros nostri sermonis ignaros Præbendis & Rectoriis in Ecclesiâ Cathedrali & Diocesi suis præficere, primò fuit Archidiaconus Cestrensis. Archidiaconus etiam Cestrensis à Baleo scribitur fuisse Johannes Basingus, vir in trivio & quadrivio ad plenum eruditus, ut Parisiensis verbis utar, circa annum salutis MCCL. Et Ricardus Fitzrauf seu filius Radulphi Cestrensis Archidiaconus per Regem Edwardum III. effectus, post Lichfeldensis Decanus, ad extremum Armachanus Archiepiscopus, omni literarum genere floruit. Ut infinitos alios omittam; nostrâ ferè memoriâ eximii viri D. Johannes Vesey aliàs Harman Exoniensis Episcopus & D. Cuthbertus Tunstallus Dunelmensis Episcopus per hunc Archidiaconatum ad altiores gradus ascenderunt. Postremus D. Gulielmus Knight, juris Cæsarei Professor, in domo Capitulari Lichfeldiæ Archidiaconus Cestrensis installatus est anno MDLII.

Dignissimo Decano Doctore Dehton, dum causas regias apud Ludlow tractaret, postquam xi. annis Capitulum Lichfeldense moderatus esset, mortuo & sepulto, D. Richardus Sampson Lichfeldensis Decanus ad voluntatem Regis Henrici VIII. effectus est. Sed nec hic diu perstitit, sed in Episcopum Cicestrensem præfectus est; locumque dedit M. Richardo Williams, qui fuit à Sacris Regi Henrico VIII. illique charus, quòd in ordinandis majoribus operibus in architecturâ multum valeret.

Anno xxx. Henrici VIII. Regis statux Divorum è templis sublata sunt, & scrinia argentea & aurea, unâ cum gemmis & aliis ornamentis annexis ad

(q) Præter istos à Whitloco memoratos, Archidiaconi Cestrenses fuerunt Wilhelmus tempore Walteri Durdent Episcopi, Radulphus Academia Oxoniensis Cancellarius anno 1231. Jordanus de Wymburn anno 1282. Robertus de Rodewell anno 1289, & 1296. & Christophorus Talbot filius Johannis Comitis Salopiensis anno 1460. defuncti.



fiscum regium delata sunt. Sed supplicatione Rolandi Episcopi beneficus Rex permotus D. Cedda scrinia necessariis Cathedralis Ecclesiæ usibus gratiose donavit.

Anno Henrici VIII. Regis xxxiii. autoritate Parlamenti decretum est, ut Decanus & Capitulum Lichfeldense per se æquivaleret, ac si Capitulum Coventrense permaneret. Tunc etiam decretum, quod Episcopatus Cestrensis & Episcopatus Sodorensis à jurisdictione Cant. Archiepiscopi eximerentur, & Archiepiscopo Ebor. subjicerentur unà cum suis Diocesibus.

#### RICHARDUS SAMPSON.

(r) D. Richardus Sampson, de Hospitio S. Clementis in Academiâ Cantabrigiensi Legum Professor, Cicestrensis Episcopus, ab Ecclesiâ Cathedrali Cicestrensi ad Coventrensem & Lichfeldensem Cathedralē Ecclesiam translatus est Lambethæ xii. die Martii in anno Domini MDXLII. Iste etiam per Henricum VIII. præficitur Walliæ; at sub Rege Edwardo VI. ab ejus administratione submovetur. Moritur apud Eccleshall anno Domini MDLIV. Septembris die xxv.

Richardus Williams Decanus Lichfeldensis, quod viduam in uxorem duxerat, in Consistorio Domini Episcopi Lichfeldensis privatur officio Decani & omnibus aliis Ecclesiasticis beneficiis.

#### RADULPHUS BANE.

(f) Radulphus Bane, de Collegio S. Johannis in Academiâ Cantabrigiensi S. Theologiæ Professor, Hebraicæ linguæ peritissimus, postquam Parisiis Hebraicas literas per aliquot annos docuisset, in patriam rediens, anno salutis humanæ MDLIV. Ecclesiæ Lichfeldensis & Coventrensis Episcopus consecratus est. Pro temporis ratione quantum licuit egit, ut Ecclesia temporis iniquitate penè obruta ab injuriis vindicaretur, & alienatas possessiones reciperet. Serenissimæ Dominæ nostræ Reginæ Elizabethæ sacramentum ex decreto Parlamenti præstare recusans, de lege privatus est Episcopatu ipso facto. Paulò post Islingtoniæ juxta Londinum decedens è vitâ ex calculo in vesicâ, ibidem sepultus est anno Domini MDLIX. postquam præfuiisset Episcopatu Lichfeldensi quadriennio.

Post privationem à Decanatu Lichfeldensi Ricardi Williams, Johannes Rambrigijs in Academiâ Oxoniensi Theologiæ Professor fit Decanus Lichfeldensis sub regno Reginæ Mariæ. Regnante Reginâ Elizabethâ, nemine cogente Angliâ egrediens, & in Flandriâ oberrans, à latronibus occisus est.

#### THOMAS BENTHAM.

(t) D. Thomas Bentham, in villâ Shirborne in Comitatu Eboracensi honestis parentibus natus, in Collegio Magdalenensi infra Academiam Oxoniensem sæliciter in omni genere doctrinæ educatus à puero, ibique Theologiam professus, inque transmarinis Academiis per certos annos sæliciter in studiis versatus, Linguæ Sanctæ callentissimus, Græci non minùs quàm Latini sermonis peritus, per Serenissimam Dominam nostram Reginam Elizabetham

(r) Qui sequuntur Episcopi, terminum à nobis Operi præsentis positum egrediuntur: Disjungere tamen nolui, ne Whitlocki Historia manca prodiret. Ricardus Sampson Episcopus Cicestr. ad Lichfeldensem sedem postulatus est 1543. 19. Febr. confirmatus ab Archiepiscopo die 9. Martii. Ex Registro *Cranmer*.  
(f) Consecratus est 1554. 18. Nov. *Registr. Ecclesiæ Cant.*  
(t) Consecratus est 1559. 24. Martii, teste Registro *Parker* vol. I. f. 61. quod de anno exeunte seu 1560. inchoato intelligendum est.

Lich-

Lichfeldensi & Coventrensi Episcopatu præficitur anno primo sui regni in anno ab orbe per Christum redempto MDLIX. consecratus autem est à Matthæo Cantuariensi Archiepiscopo apud Lambetham xxiv. die mensis Martii in eodem anno: à Duinâ primo Lichfeldensi Pontifice ordine sexagesimus quintus.

*Memoriale ex Archivis Ecclesiæ Lichfeldensis.*

Civitas Lichfeldensis olim ex bello Liches nominata fuit. Et sunt ibi duo Monasteria; quorum unum vocatur Statio S. Ceddæ, quod est in Orientali plagâ, ubi S. Cedda orationes & prædicationes populo faciebat; quod nunc vocatur Stow. Aliud verò Monasterium in Occidentali plagâ in honorem B. Virginis Mariæ construitur. Clausum fossatis & septis, à Regibus Merciorum olim pluribus donis decoratum; ubi sedes Episcoporum posita est. Et est illud Monasterium situm inter Leman Sych & Way-cliffe. Clausum verò hujus Monasterii dividitur in duas partes; quarum altera dicitur Major, altera Minor. In majore Clauso locus Episcopi construitur in angulo versùs Orientem in parte boreali; & continet in se in longitudine cccxx. pedes & in latitudine clx. pedes. Locus verò Decani juxta locum Episcopi existens, continet in se medietatem loci Episcopi in longitudine & latitudine. Cætera verò loca Canoniorum circa prædictum Monasterium constituta continent singulatim medietatem loci Decani; exceptâ illâ mansione quæ fuit M. Odonis de Bikkennar, quia ipse perquisivit ab Episcopo quandam placeam in Lemanskey, & eam inclusit de petrâ. Sunt & in prædicto Clauso xxvi. mansiones cum mansione Episcopi. Mensurantur loca per pedes regales.



## E P I S T O L A

## Leonis III. Papæ

A D

## Kenulphum Regem.

**D**omino excellentissimo filio Coenulpho Regi Merciorum seu omnibus dilectissimis Episcopis atque gloriosissimis Ducibus Leo Papa. Inclitæ excellentiæ vestræ per harum transvectores literarum videlicet Bryne Presbyterum & Cildas seu Ceolberht ministros, vestros recepimus apices; quos relegentes, plenos fide & olitanâ traditione erga B. Petrum Principem Apostolorum ejusque vicarium repperimus roboratos. Et sicut Prædecessores vestri Christianissimi Reges semper ex eâdem B. Petri Ecclesiâ fontem veritatis hauriebant & inreprehensibilem orthodoxamque fidem; ita & vestra excellentia protectricem & doctricem prorsus utens usque tenus amplectere & tenere habebit. Quod verò inquisistis, unde contigisset, quod beatæ recordationis Adrianus Papa & antecessor noster Dorovernensis Episcopi auctoritatem contra morem minuisse, & in duas Archiepiscopias sedes auctoritate suâ confirmaret; ad quod veraciter respondimus, quod non aliter hoc fecisset nisi pro eo quod Rex vester præcellentissimus Offa suis literis testatus est, ut in id omnium vestrum una voluntas & unanima esset petitio vel propter vastitatem terrarum vestrarum & extensionem regni vestri, nec non & aliis quam plurimis causis & utilitatibus. Pro his præcipuè causis honorem Pallii Merciorum Episcopo Dominus Adrianus Apostolicus direxit. Illud verò quod in vestris referebatur apicibus nos interrogare, si summi Pontificatus auctoritas in civitate Lundoniâ, ubi B. Augustinus S. Gregorio dirigente honorem Pallii percepit, Canonicâ licentiâ possit haberi: nos nequaquam illis summi Pontificatus auctoritatem tribuere audemus; sed primatum illum, sicuti Doroverni constitutus est, primam sedem & concedimus & censentes promulgamus: quia sanctus & venerabilis prædecessor noster Cœlestinus Papa nos docuit inquiring: Non sit vana gloriatio; Palliatis Episcopali more qui Episcopi sunt sequantur. Et ideo Canonicè oportet illum Primatem existere atque vocari, & per ordinem, sicut à prædecessoribus nostris constituitur, Archiepiscopalem sedem ita venerare & honorare in omnibus. De illâ verò Epistolâ, quam Ædelheardus reuerentissimus & sanctissimus nobis emisit, quemadmodum poposcit vestra excellentia, eademque liquidius relegentes sicut decebat, sanctitati ejus enucleatius reddidimus responsum; quia nos de Clerico illo apostatâ, qui ascenderat in regnum, similem illum deputantes Juliano Parabatæ, anathematizantes abjicimus, salutem animæ ejus procurantes. Nam si adhuc in ipsâ persisteret iniquâ actione; nobis celeriter enuntiare studemini; ut nos Apostolicum commonitorium omni generalitati tam Principibus quamque cuncto populo insulæ Brytanniæ morantibus adhortantes mittimus; ut eum à nequissimo expellere regno, & salutem animæ illius

illius procurare. Nam pro hujusmodi regi valde nimisque beatificavimus & laudavimus fratrem nostrum præfatum Archiepiscopum; quia pro fide orthodoxâ animam suam posuit. Vestram autem scientes fructificatam in omnibus bonis præcelsâ scientiâ ad memoriam deducimus; qualiter sanctæ recordationis quod Offa Rex provictoris regni quam tenuit B. Petro auctori suo Signiferum & Comitem in ipso regno utens atque amplectens coram Synodo tam omnibus Episcopis seu Principibus atque Optimatibus cunctoque populo insulæ Brytanniæ morantibus, quamque & nostri fidelissimi missi Georgii & Theophilacti, sanctissimis Episcopis votum vovit eidem Dei Apostolo B. Petro clavigero regni cœlorum; ut per unumquemque annum, scilicet quantos dies annus habuerit, tantos mancusas eidem Dei Apostolo Ecclesiæ nimirum CCCLXV. pro alimoniâ pauperum & luminariorum concinuatione emitte-  
re, quod & fecit; ut tam ipse quamque in posteris ejus qui ipso regno tenere videntur, usque in perpetuo propter ejusdem regni victorias B. Petro suis al-  
mis suffragiis concedente. Et si vestra excellentia ampliores victorias & hono-  
res in ipso habere regno cupit; instar persolvens per eam amplius quam am-  
plius in perpetuum permaneat confirmatum, ut ipse Dei Apostolus semper  
per vos in ipso victoriam concedat regno, & in vitâ æternâ cum Sanctis om-  
nibus sine fine vos regnare faciat.

# EPISTOLA

## EPISCOPORUM Angliæ ad LEONEM Papam.

**O**Mnes Episcopi & sacerdotes totius Britanniæ Insulæ venerabili Papæ Le-  
oni salutem in Christo. Notum fore cupimus almitati vestræ, sicut  
legimus in historiis Anglorum scribente Bedâ Historiographo & laudabili  
Doctore nostro; quod non tam ingens labor incumberebat anterioribus nostris,  
scilicet Pallii gratiâ Romam usque fatigari, quemadmodum postea mos inole-  
vit. Scripsit namque ipse præfatus Doctor, quod beatus Papa Gregorius Au-  
gustinum prædicatorem genti Anglorum direxerit non Episcopum ordinatum  
sed Monachum, cum aliis ejusdem religionis cooperatoribus. Ipse namque  
Augustinus post conversionem prædictæ gentis ab Etherio Arelatenfi Archie-  
piscopo Archiepiscopus ordinatus est; juxta quod iussa sancti Patris Gregorii  
acceperat. Postea verò Augustinus successorem sibi Laurentium adhuc vi-  
vens ordinavit; exemplum sequens B. Petri principis Apostolorum, qui Cle-  
mentem adiutorem & successorem sibi consecrâsse perhibetur. Post Lauren-  
tium Mellitus sedem Dorovernensis Ecclesiæ suscepit; & post Mellitum Ju-  
stus; qui ambo susceperunt scripta exhortatoria à Pontifice Romanæ & Apo-  
stolicæ Sedis Bonifacio, datâ sibi ordinandi Episcopos autoritate; cujus aucto-  
ritatis ista est forma. *Dilectissimo fratri Justo Bonifacius. Pallium per lato-  
rem præsentium fraternitati tue benignitatis studiis invitati direximus; conce-  
dentes etiam tibi ordinationes Episcoporum exigente opportunitate Deum præveni-  
ente misericordiâ celebrare; ita ut Christi Evangelium plurimorum adnuntiatione  
in omnibus gentibus, quæ nec dum conversa sunt, dilatetur, & cetera.* Nam  
iste Justus antea ab Augustino Episcopus ordinatus est, sicut & Mellitus. Ip-  
se quoque Justus ordinavit Paulinum Episcopum; & Honorius Papa misit  
Pallium ipsi Paulino; ubi gentem Nordanhymbrorum cum suo Rege ad fi-  
dem Christi Paulino evangelizante conversam esse didicit. Qui Paulinus post  
obitum



obitum prædicti Justi Honorium Dorovernensi Ecclesiæ Archiepiscopum ordinavit; cui etiam præfatus Papa Honorius misit Pallium & literas, in quibus continentur hæc. *Dilectissimo fratri Honorio Honorius salutem. Juxta vestram petitionem & filiorum nostrorum Regum, vobis per præsentem nostram præceptionem vice B. Petri Apostolorum Principis auctoritatem tribuimus; ut quando unum ex vobis divina ad se jusserit gratia evocari, is qui superstes fuerit alterum in loco defuncti debeat Episcopum ordinare. Pro qua etiam re singula vestra dilectioni Pallia pro eadem ordinatione celebrandâ direximus; ut per nostra præceptionis auctoritatem possitis Deo placitam ordinationem efficere; quia ut hac vobis concederemus longa terrarum marisque intervalla, quæ inter nos ac vos obfistunt, ad hæc nos condescendere coegerunt; ut nulla possit Ecclesiarum vestrarum jactura per cujuslibet occasionis obtentum quoquo modo provenire; sed potius commissi vobis populi devotionem plenius propagare. Deus te incolumem custodiat dilectissime frater.* Item Albinus vel Alquinus maximus librarius scripsit ad Offam Regem Anglorum dicens; quod Archiepiscopus semper ab Archiepiscopo debeat ordinari, & Pallium ei debere mitti à Domino Apostolico. Sed Regum dissensiones hanc turbaverunt ordinationem; ita ut non potuit fieri quod fieri debuit; quamvis sancti Canones firmissimè decrevissent nunquam ob Regum dissensiones Ecclesiastica statuta violari debuisse. Tunc temporis impleverunt sancti & Apostolici viri illud laudabile præceptum Salvatoris nostri dicentis: \* *Gratis accepistis; gratis date.* Tunc sine viribus elanguit Simoniaca Hæresis; quia non pecuniâ emebatur donum Dei, sed gratis, sicut ipse jusserat, donabatur. Timendum est tamen vendentibus gratiam Dei hoc quod Petrus Apostolus Simoni dicebat: † *Pecunia tua tecum sit in perditione; non est tibi pars neque sors in sermone hoc.*

\* Matth. X. 8.

† Act. VIII. 20.

# S U C C E S S I O

## P R I O R U M

### Coventrensis Ecclesiæ.

**I**Nsigne Monasterium Coventriæ fundarunt Leofricus Merciorum Comes & Godiva uxor anno Domini MXLIII. Id ad culmen perductum ab Archiepiscopo Cant. Edsio iv. Non. Octobris dedicatum est, Abbate Leofwino cum xxiv. Monachis in eodem instituto: tot & tantis redditibus atque ornamentis à piis fundatoribus ditatum; ut omnia Angliæ Monasteria auri, argenti & gemmarum copiâ antecelleret. Harum cupidine allectus divitiarum Robertus de Lymesy Episcopus Cestrensis, mortuo Leofwino Abbate, custodiam Abbatiae à Rege impetravit, & Episcopatus sui sedem ad Coventriam transtulit anno MXCV. Ex eo tempore Monasterium Coventriæ loco Abbatum Priores habere cœpit. In Ecclesiis enim Cathedralibus, quibus Monachi infederunt, Episcopus Abbatibus vices supplevit. Coventriæ federunt post Robertum de Lymesy Episcopi quinque, viz. Robertus de Peche, Rogerus de Clinton, Walterus Durdent, Ricardus Peche, Gerardus Puella; qui se *Coventria* Episcopos solummodo, omisso *Lichfeldia* titulo, nominare solebant. Post Gerardi mortem Hugo Nonant Episcopus sedem Episcopalem ad Lichfeldiam postliminio retulit. Ecclesia tamen Coventrensis mansit Cathedralis, & paria cum Lichfeldensi in electione Episcopi communis suffragia obtinuit, usque ad extremam dissolutionem sub Henrico VIII. Rege.

Hoveden f. 25.  
Chron. Galfridi  
Pr. de Cov. MS.  
Hist. Lichfeld.

*Leofwinus*, Abbas primus, Episcopus Lichfeldensis factus est anno 1053.

*Leofwinus*, Abbas ultimus, interfuit Synodo Londinensi anno 1075. obiit paulo ante annum 1095.

*Laurentius*, Priorum primus occurrit, quamvis plures ante ipsum Prioratum tenuisse neutiquam sit dubitandum. Frequens de eo fit mentio in Monastico Angl. Tom. iii. p. 220, 235. ubi res ab illo gestæ annis 1144, 1149, & 1162. memorantur. Obiit demum anno 1179. 4. Cal. Febr. Post obitum ipsius Prioratus integro quadriennio vacavit.

Dugdal. Antiq.  
Warwic. p. 105

Obituar. S. Augustini Cant.

*Moses*, Ricardi Cant. Archiepiscopi Capellanus, medio anno 1183. in Priorem electus est die ante electionem Gerardi Pucellæ Episcopi [ex Monastico Tom. iii. p. 220.] Ipsum pariter ac Monachos omnes Hugo Episcopus è Monasterio Coventrensi eiecit anno 1190. Canonicis Sæcularibus ipsorum loco institutis. Obiit Moses in exilio apud Romam anno 1198. 17. Cal. Augusti, ex fide Obituarii Cantuariensis.

*Joybertus* seu *Jorbertus*, Prior de Wenloc, Monachis anno 1198. 15. Cal. Februarii ab Huberto Archiepiscopo jussu Papæ denuo restitutis Prior datus est. Is anno 1208. post Galfridi Episcopi mortem ad Episcopatum à Monachis suis electus, contradicentibus Canonicis Lichfeldensibus dignitate excidit. Obiit anno 1216. 18. Cal. Julii. Ex Matthæo Paris, Annalibus Winton. & Historiâ Lichfeldensi.

*Galfridus*,



*Galfridus*, loco ipsius Prior electus anno 1216. 16. Cal. Augusti, post Wilhelmi Cornhull Episcopi obitum anno 1223. Episcopus à Monachis Coventrensis est electus. Repugnante autem Capitulo Lichfeldensi, electio ab Archiepiscopo Cant. & Honorio Papa cassata est, [ex Historia Lichfeldensi.] Iste Galfridus scripsit Chronicon MS. hodiernum asservatum, quod vidit Vir Cl. Gulielmus Dugdale, & ex eo descripsit dies obituales trium præcedentium Priorum & electionem ipsius Galfridi, in Antiq. Warwic. p. 105. Obiit anno 1236. juxta Annales Theokesberienſes.

*Rogerus*, obiit anno circiter 1248.

*Willelmus* Prior fuit anno 1249, & 1257.

*Henricus Irreys*, Prior Coventr. in Episcopum electus est à Monachis suis anno 1321. Quod sine assensu Capituli Lichfeldensis factum, frustra fuit. Obiit Henricus post annum 1342.

*Willelmus de Dunstaple* Prioratum tenuit anno 1349.

*Willelmus de Greenburgh* Prior erat anno 1361.

*Jacobus de Horton* anno 1391. Monasterio Coventrensi præfuit.

*Rogerus Cotton* præfuit anno 1396.

*Ricardus Crosby*, Prior erat anno 1399, & 1414. Ex Registro *Chichley*.

*Ricardus Notyngham*. præfuit anno 1437. obiit sub initium anni 1453. Ex Registro *Kemp*.

*Johannes Shotteswell*, Subprior, loco Ricardi electus anno 1453. mense Martio. Ex Registro *Kemp*.

*Thomas Derham*, obiit anno 1481. April. 21.

*Ricardus Shaw*, Prior fuit anno 1495, & 1499. Ex Registro *Morton*.

*Willelmus Polesworth*, anno 1500.

*Johannes Webbe*, vir eruditus, jūdice Balæo, Prioratum tenuit anno 1523.

*Thomas Weford* Prior anno 1533. Registr. *Cranmer*.

*Thomas Camſwell*, Priorum ultimus, Monasterium in manus regias resignavit anno 1539. die 15. Januarii; & annum stipendium 185. marcarum à Rege accepit.

Valor annuus reddituum Prioratūs tempore dissolutionis æstimabatur 731. lib. 19. sol. 5. den.

De Scriptor.  
par. 2. p. 73.

# S U C C E S S I O D E C A N O R U M Ecclesiæ Lichfeldensis.

**C**lericos Sæculares Episcopis Lichfeldensibus à primâ Sedis fundatione adhæsisse & Ecclesiæ Cathedrali in sacris obeundis inserviisse dubio caret. Primus autem Ethelwaldus Episcopus certas illis Præbendas quibus alerentur viritim consignavit, & Huic tam titulo *Præpositi Canonorum* præfecit. Factum id circa annum 822. Quo tempore Præpositi Decanorum nomen assumpserint, quive Canonicis seu Præpositi seu Decani ad sæculum usque duodecimum vergens præfuerint, penitus latet.

Ex Historiâ  
Lichfeldensi &  
aliis.

*Ricardus de Dalam* Decanorum primus occurrit; cujus tempore Decanatus ad exilem censum antea redactus, à Ricardo Episcopo amplis redditibus anno circiter 1170. est dotatus. Nomen ejus in Monastico Angl. tom. 3. sæpius invenitur.

*Radulphus de Nevill*, Decanus à Johanne Rege, Sede vacante, tempore Interdicti creatus est annos inter 1208, & 1214. Obiit anno 1222.

*Willelmus de Mancestriâ*, electus anno 1222. à Canonicis Lichfeldensibus, quibus Willelmus de Cornhull Episcopus Decanum suum eligendi potestatem primus commiserat. Antea enim Episcopi Decanos pro arbitrio designare solebant. Obiit Willelmus anno 1254. 7. Februarii.

*Radulphus de Sempringham*, Academia Oxoniensis Cancellarius, Archidiaconus Lichfeldensis factus est anno 1253. Decanus post Willelmum anno 1254. obiit anno 1260. Ista docent Annales Burtonenses, quibus suffragatur etiam Willelmus Whitlock. Magis tamen adhibendum arbitror Thomæ de Chesterfeld, qui Radulphi obitum in annum 1280. (exeuntem) 23. Martii protelat. Character enim, quem apponit, istum sc. diem cum Dominicâ mediâ Quadragesimæ compositum fuisse, veritati adamussim congruit.

*Johannes de Derby* electus est anno 1281. in fine Aprilis, obiit 1319. 12. Octobr. Ipsum ad Parlamentum literis regiis sæpius evocatum fuisse, annis sc. 1295, 1300, 1302, 1304. comperio. Neque enim illo sæculo infrequens erat, ut Decani celebriorum Ecclesiarum Cathedralium unâ cum Abbatibus & Prioribus Monasteriorum ad supremum Ordinum confessum adsciscerentur.

Dugd. Summ.  
Parl. p. 9, 29,  
41, 45.

*Stephanus de Segrave*, Academia Cantabrigiensis Cancellarius anno 1306. Decanus Lichfeldensis electus est 1319. 5. Decembr. confirmatus ab Episcopo anno 1320. mensē Septembri. Demum ad Archiepiscopatum Archanum in Hiberniâ evectus, consecratus est 1324. 29. April.

*Rogerus de Covenis*, natione Vasco, Johannis XXII. Papæ provisione Decanatum obtinuit, per Procuratorem installatus 1325. 3. Nov. Huic in partibus transinarinis defuncto successit provisionis Papalis beneficio

*Johannes Garfias*, seu *Gasquy*, postea Episcopus Massiliensis à Benedicto Papâ anno 1334. creatus.

*Ricardus filius Radulphi*, S. T. P. Archidiaconus Cestrensis, pietate & eruditione clarissimus, ad Decanatum à Papâ provusus, installatus est 1357.



20. April. ad Archiepiscopum Armachanum promotus anno 1347.

*Symon de Borisley*, Decanatum provisione Papali obtinuit anno 1347. installatus 1348. 8. Januarii.

*Johannes Buckingham* Decanus erat anno 1360. Idem (ni fallor) Episcopus Lincoln. anno 1363. factus est.

*Willelmus Packinton* Decanatum resignavit 1390. 30. April.

*Thomas Stretton* electus anno 1390. obiit anno 1426.

*Thomas Wolveden*, Ecclesiæ Lichfeldensis Præcentor, fit Decanus anno 1426. Obiit anno 1432. mense Novembri.

*Thomas Verney* electus est anno 1432.

*Thomas Heywood* successit, anno demum 1492. 25. Octobr. defunctus.

*Johannes Totton* S. T. P. subrogatus est anno 1493. obiit die 2. Augusti anno 1510. quantum auguror.

*Radulphus Collingwood*, S. T. P. Yottono successit. Annum Historia Lichfeldensis hoc in loco corrupta non expressit. Id tamen anno 1510. contigisse opinor. Isto enim anno Radulphus Collingwood Archidiaconatum Coven-trensem die 2. Octobris deposuit.

Dugdal Antiq.  
Warwic. p.  
127.

*Jacobus Denton*, L. D. & Canonicus Windesoriensis, successit paulò ante annum 1519. Decanatum tenuit annis 11. Anno 1524. in Hiberniam à Rege legatus, ut nuperas regni seditiones sedaret, & pro arbitrio puniret seu condonaret.

Reg. Cranmer.

*Ricardus Sampson* L. D. paulò ante annum 1530. successit, ad Episcopatum Cicestrensem promotus anno 1536.

*Ricardus Williams*, Decanatu donatus est ab Henrico Rege, cui à Sacris erat, anno 1536.

MONACHI WIGORNIENSIS  
ANNALES  
DE REBUS

Ecclesiæ Wigorniensis

A primâ ejus fundatione ad annum MCCCVIII.

---

ACCEDUNT

Continuatio Historiæ de Episcopis WIGORNIENSIBUS ab anno MCCCII. ad annum MDXL.

Vita brevis S. WLSTANI Episcopi Wigorn. authore HEMMINGO Monacho Wigornienfi coævo.

Acta Synodi apud Wigorniam à S. WLSTANO habitæ anno MXCII.

Compositio inter Episcopum & Monachos Wigornienfes facta anno MCCXXIV. de electione Prioris.

Successio Priorum Wigorniensis Ecclesiæ.





MONACHI WIGORNIENSIS  
ANNALES  
DE REBUS

Ecclesiæ Wigorniensis.

**C**onsiderantes pro multis causis in religione Cronicas esse necessarias, istas vobis de vetustis rotulis neglectisque schedulis excerptimus; & quasi de sub mensâ Domini fragmenta colligimus, ne perirent. Non enim debet vestras urbanas aures offendere rudis & inculta Latinitas, qui soletis in Scripturis magis sensui quàm verbis incumbere, fructui potius quam foliis inhærere. Nec mirandum, si liber annuatim augmentatur, ac per hoc à diversis compositus, in alicujus fortè manus inciderit, qui proloquens fecerit barbarismum. Vestri itaque studii erit; ut in libro jugiter schedula dependeat, in qua cum plumbo notentur obitus illustrium virorum & aliquod de regni statu memoriale, cùm audiri contigerit. In fine verò anni non quicumque voluerit, sed cui injunctum fuerit, quod verius & melius censuerit ad posteritatis notitiam transmittendum, in corpore libri succinctâ brevitate describat; & tunc veteri schedulâ subtractâ, nova imponatur.

Anno DCLXXX. (a) tempore Athelredi Regis Merciorum & Theodori Archiepiscopi constituta est Sedes Episcopalis Wigornensis Ecclesiæ. Boselus Boselus Episcopus primus. Et vixit annis xi.

Anno DCLXXXIX. Bosel Wigorniensis Episcopus primus obiit; cui successit Ostforus (b).

Ostforus.

Anno

(a) Diocesis Lichfeldensis integrum Merciorum regnum olim complexa est; anno demum 679. autoritate Æthilredi Regis & Theodori Archiepiscopi Cant. in quinque Parochias divisa. Harum una erat Wigorniensis, cujus ditioni subdebantur Provincia Wigorniensis, Glocestrensis & dimidia Warwicensis. Sedes apud Wigorniam Wicciorum Metropoli posita. Primus huic Episcopus designatus est TATFRITH, vir strenuissimus & doctissimus atque excellentis ingenii, ex Hildæ Abbatissæ Monasterio Streoneshalensi delectus; qui priusquam consecrari posset, morte immaturâ abreptus obiit. Defuncti loco electus est Bosel; quem anno 680. consecratum fuisse non malè perhibere possumus. Sic enim præter Annales nostros Florentius innuit. Anno 691. Bo-

selus tam gravi corporis infirmitate depressus, ut officium Episcopale implere non posset, sponte abdicavit. Beda l. 4. c. 23. Florentius.

(b) Ostfor, rectius juxta Bedam & Florentium Ostfor dicendus, Presbyter doctissimus, in Cœnobio Streoneshalensi sacrarum literarum scientiam hautit. Dein in Cantiam profectus, eruditissimo Archiepiscopo Theodoro adhæsit. Romam postremò adiit, ut studia sua consummaret; quod quidem illo tempore non leve doctrinæ & sanctitatis argumentum Anglis erat. In patriam reversus ad provinciam Wicciorum divertit; fidemque maximâ sedulitate diu prædicavit. Recedenti igitur Boselo Antistiti anno 691. non alius dignior est habitus qui substitueretur. Vacavit tunc Sedes



- Anno DCXCII. Ostforus Wigornienſis Epiſcopus II. obiit.
- EGWINUS. Anno DCXCIII. Sanctus Egwinus (c) III. Epiſcopus Wigornienſis confe-  
cratur ; qui Abbatiam de Eweſham conſtruxit.
- Anno DCCXVII. Sanctus Egwinus Epiſcopus Wigorn. III. obiit ; cui
- WILFRID. Wilfridus (d) ſucceſſit.
- MILRED. Anno DCCXLII. Wilfridus Wigorn. Epiſcopus obiit ; cui Milredus (e)  
ſucceſſit.
- Anno DCCLXXV. Milredus V. Wigorn. Epiſcopus obiit ; cui Wer-
- WERMUND. mundus (f) ſucceſſit.
- Anno DCCLXXVIII. Wermundus VI. Wigorn. Epiſcopus obiit : cui
- TILHERUS. Tilherus (g) Abbas de Beorclea ſucceſſit.
- Anno DCCLXXX. Offa Rex dedit Eccleſiæ Wigorn. Groppeſthorne, Ne-  
therton, Elmelewe, Cherton, Hampton, Bengeworthe, & magnam Bibli-  
am cum duabus armillis ex auro.

des Archiepiſcopalis Cant. A Wilfrido itaque Eboracenſi Epiſcopo, qui è Nor-  
thumbriâ pulſus in Merciam ſe receperat,  
Æthilredo Rege jubente conſecratus eſt.  
Id quidem fieri non poterat ante initium  
anni 692. quo Wilfridus Merciam intra-  
vit. Deſunctus eſt Oſtforus ante exitum  
ejuſdem anni. *Beda l. 4. c. 23. Florentius.*

(c) Ecgwinus ſucceſſit anno 692. juxta  
Florentium ; obiit 717. 30. Decembr. ex  
ejuſdem, Annalium Eweſhamenſium, & Brith-  
waldi fide. Wilfridum ſucceſſorem illo ad-  
huc ſuperſtite electum eſſe Florentius tra-  
dit ; ut Epiſcopatum ante obitum abdicâſ-  
ſe videatur. Historia Eweſhamenſis illum  
Eweſhamenſe Cœnobium anno 702. con-  
ſtruxiſſe & poſt annos 6. relicto Epiſcopa-  
tu Abbatiam ejusdem ſuſcepſiſſe refert. Sa-  
nè Florentius teſtatur illum anno 708. Ro-  
mam in Kenredi & Offæ Regum comitatu  
proſectum, epiſtolam privilegii à Conſtan-  
tino Papâ pro Monasterio ſuo Eweſhamenſi  
tuendo impetrâſſe. Religioſa iſtius Cœno-  
bii fundatio maximam viri ſanctiſſimi me-  
moræ injuriam fecit, Monachi enim, ut  
majorem fundatori & loco ſuo religionem  
conciliarent, ineptiſſimas fabulas de eo con-  
finxerunt. Hinc nata commenta de viſione  
B. Mariæ Virginis circa imaginem ſuam in  
Eccleſiâ Eweſhamenſi collocandam ei factâ,  
de confirmatione Conſtantini Papæ & lite-  
ris ejusdem argumenti, de Synodo Londi-  
nenſi Bertwaldi Archiepiſcopi & ſtabilito  
in eadem imaginum cultu : quæ ſi falſa eſſe  
probare contenderem, tempus inutiliter  
tererem. Adeo tamen his nugis deceptus  
eſt Baleus ; ut arreptâ inde anſâ vir intem-  
perantis zeli in Ecgwinum acerrimè debac-  
chatus ſit, *Cent. 1. cap. 91.* Multa God-  
winus de Ecgwinno congeſſit ; quæ ex Brith-  
woldo hauſiſſe præ ſe fert : quamvis ipſe  
Brithwoldi opus nunquam viderit ; ſed ex  
Capgravio iſta omnia deſcripſerit. Brith-

woldus enim Monachus Glaſtonienſis ſcri-  
pſit Vitam S. Egwini, quæ exſtat in Codice  
valde vetuſto Bibliothecæ Cottonianæ *Nero*  
*E. 1.* Eam Capgravius abbreviatam, non-  
nullibi etiam turpiſſimis fabulis vitiatam, in  
*Legendâ ſuâ Novâ* f. 123. repoſuit. Malè  
inter alia refert Capgravius Ecgwinum E-  
piſcopatu Wigornienſi pulſum fuiſſe. Id  
enim ſolummodo tradit Brithwoldus, illum  
iniquè apud Regem accuſatum, Romam ab  
illo miſſum fuiſſe & à Papâ accitum, ut ſe  
purgaret ; quod primo colloquio effecit, &  
honorificè à Papâ remiſſus eſt.

(d) Ecgwinus deſuncto ſub exitum anni  
717. *Wilfridus Præſulatum Wigorn. Eccleſiâ*  
*ſuſcepit*, authore Florentio : quæ quidem  
verba cum Ecgwini ſecceſſione conciliari  
poſſunt, ſi Ecgwinus Wilfridum non tam  
ſucceſſorem quàm coadjutorem ſibi aſciviſſe  
perhibeatur. Presbyterum ſive Sacellanum  
Ecwini antea fuiſſe Regiſtrum antiquum  
Eccleſiæ Wigorn. docet. Præſuit anno 731.  
quando Beda Historiam Eccleſiaſticam ab-  
ſolvit. Obiit 745. juxta Continuationem  
Epitomes Bedæ & Annales Mailroſenſes,  
743. juxta Florentium, quem in ſucceſſione  
Epiſcoporum Wigorn. delineandâ ſequi  
præſtat, tum quòd tempora præ aliis noſtræ  
gentis Historicis optimè digeſſerit, tum  
quòd ipſi Monacho Wigornienſi vetuſta  
Eccleſiæ ſuæ monumenta deeſſe non pote-  
rant.

(e) Milredus ſive Mildredus ſucceſſit an-  
no 743. Synodo Cloveſhovienſi interfuit  
747. Obiit 775. *Florentius, Concil. Angl.*  
*tom. 1. p. 242.* Annum obitus 772. Chrono-  
logia Saxonica vulgata, 792. Florilegus poſu-  
erunt. *Hildredus* in Textu Roſſenſi dicitur.

(f) Weremundi tempora ab Authore  
noſtro poſita Florentius confirmat.

(g) Tilherus Abbas ſucceſſit 778. obiit  
781. *Florentius.* Hunc Textus Roſſenſis  
*Gilhere* appellat.

Anno DCCLXXXI. Tilherus VII. Wigorn. Episcopus obiit; cui Heatho- HEATHORED  
redus (b) successit.

Anno DCCLXXXII. Othredus Dux dedit Ecclesiæ Wigorn. Stoke &  
Schepstone.

Anno DCCXCVIII. Heathoredus VIII. Wigorn. Episcopus obiit; qui de-  
dit nobis Istacumbe; cui successit Denebertus (i).

DENEBERT

Anno DCCCXXII. Denebertus ix. Wigorn. Episcopus obiit; qui dedit  
nobis de patrimonio suo Manerium de Herforton: cui successit Heaber- HEABERT.  
tus (l).

Anno DCCCXXXII. S. Kenulfus Rex Merciorum obiit; qui dedit Ec-  
clesiæ Wigorn. Hynewike, Halle, Bradewe, Humelte, Lockesleye.

Anno DCCCXLVI. Heabertus X. Wigorn. Episcopus obiit; qui dedit  
nobis Crokleye; cui Alheunus (m) successit.

ALHUNUS.

Anno DCCCLII. Berwlfus Rex Merciorum obiit; qui dedit Ecclesiæ  
Wigorn. Muſton & Grimelewe. Cui successit Burhedus Rex; qui dedit  
nobis Wlvardelewe.

Anno DCCCLXXII. Halheunus XI. Wigorn. Episcopus obiit; cui Were-  
fridus (n) successit. Hic unus magistrorum Ælfredi Regis extitit; & jussu WEREFRITH  
illius libros Dialogorum B. Gregorii Papæ de Latinâ in Anglicam linguam  
transfuit.

Anno

(b) Heathoredi tempora Florentius eo-  
dem planè modo disposuit. Ethelredum  
Malmsburiensis nominat. Interfuit ille Sy-  
nodo Calcuthensi anno 789. & coram Offâ  
Rege & Jamberhto & Hygberto Archiepis-  
copis litem movit Wulfheardo filio Culfan  
de terris apud Intamburgam & Bradanle-  
gam ad Ecclesiam Wigorn. spectantibus,  
quæ Wulfheardus injustè detinuit. Conve-  
nit utrinque, ut terræ post Wulfheardi obi-  
tum ad Ecclesiam redirent. Extat Com-  
positio paucis post annis transcripta in Ec-  
clesiæ Wigorn. tabulatum.

(i) Deneberhtus ab anno 798. ad 822.  
Sedem tenuit, attestante Florentio. In Sy-  
nodo Clovehoviensi anno 803. præsens,  
compositionem cum Wulfheardo anno 789.  
initam confirmari obtinuit. Habetur Con-  
firmatio in archivo Ecclesiæ Wigorn. In  
eâdem Synodo Denebertus cum Wulfheardo  
Herefordensi Episcopo diremit de limitibus  
utriusque Diocesis. Compositionem  
descripsi ex antiquo admodum Ecclesiæ  
Wigorn. Registro; eandemque à Spelman-  
no editam Concil. Angl. tom. 1. p. 326. po-  
stea deprehendi. Interfuit idem Synodo  
Celcuthensi anno 806. *ibid.* p. 324. Hunc  
Sedi Lichfeldensi in Metropoli eveſtæ sub-  
jectum fuisse Malmsburiensis scribit, *de*  
*Gest. Reg. l. 1. c. 4.* quod ad Heathoredum  
antecessorem referendum erat.

(l) In successione sequentium Episcopo-  
rum maxima est inter Historicos discordia.  
Seriem Willelmus Malmsburiensis sic con-  
texuit: Denebertus, Herebertus, Alwinus,  
Henferdth, Ecclin, Wulfert, Kinewold. Ali-

ter Indiculus Episcoporum ad calcem Flo-  
rentii vulgati. Deneberhtus, Heaberhtus,  
Alhwinus, Wereferthus, Wulfertus, Æthel-  
hunnus, Kinewaldus. Ab utroque diversus  
est ejusdem Indiculi Codex Abendonienſis.  
Deneberhtus, Alhwinus, Æthelhunnus, Wil-  
ferthus, Hereferthus, Kynewold. Chroni-  
con autem Florentii tam vulgatum quàm  
Abendonienſe MS. & Annales nostri cum  
Willelmo conveniunt. His etiam consonat  
Florilegus, nisi quod Werefrithum bino-  
mium fecerit. Heaberhtus autem, quem  
Eadbertum Florilegus, Herebertum Malms-  
buriensis appellant, Deneberto successit an-  
no 822. consecratus à Wlfredo Archiepis-  
copo Cant. cui subjectionis professionem  
scriptam obtulit. Synodo Clovehoviensi  
adfuit 824. Londinenſi 833. Obiit 848. jux-  
ta Florentium, 846. juxta Annales nostros,  
847. juxta Westmonasterienſem.

(m) Alhwinus sive Alhwinus vel Alfwinus,  
Heaberhtum excepit. Obiit 872. ex con-  
cordi omnium ſententiâ.

(n) Werefrith, Malmsburiensis Henferdth,  
Westmonasterienſi Herefridus & Werfer-  
thus, Dicetenſi Avereſfredus, Indiculo ad  
calcem Florentii MS. Hereferthus dictus,  
consecratus est ab Æthelredo Archiepiscopo  
Cant. 873. 7. Junii die Pentecostes. An-  
num quidem 872. Florentius & alii designâ-  
runt. Verùm characteres apposti 873. fu-  
isse evincunt. Vir erat eruditionis pro ſæ-  
culi ſui captu non vulgaris, Latinis quippe  
litteris non mediocriter imbutus. Ab Al-  
fredo Rege itaque in aulam accitus, ipſi à  
conſiliis & litteris erat; atque ejus jussu li-  
bros



- Anno DCCCCXV. Werfertus XII. Wigorn. Episcopus obiit, qui dedit ÆTHELHUN nobis Mernanclive. Cui Æthelhunus (o) Abbas de Beorclea successit.
- Anno DCCCCXXII. Æthelhunus XIII. Episcopus Wigorn. obiit; cui WILFERTH. Wilferthus (p) successit.
- Anno DCCCCXXIX. Wilferthus XIV. Wigorn. Episcopus obiit; cui KYNEWOLD. Kenewoldus (q) successit.
- Anno DCCCCLV. Rex Anglorum Edredus obiit; cui Edwius filius germani sui Edmundi Regis successit. Hic Rex dedit nobis Tepsinton.
- Anno DCCCCLVII. Kenewoldus XV. Wigorn. Episcopus obiit; qui dedit nobis Oddingleye & Lawarne.
- DUNSTANUS Anno DCCCCLVIII. Dunstanus (r) Glaftoniensis Abbas ab Odone Cant. Archiepiscopo Episcopus Wigornia consecratur.
- Anno DCCCCLX. S. Odo obiit; cui Dunstanus Wigornienfis Episcopus successit.
- OSWALDUS. Anno DCCCCLXII. Religiosus Monachus Oswaldus, (f) Archipræfulis Odonis fratruelis, ad Wigornensem Ecclesiam eligitur Episcopus.
- Anno DCCCCLXIX. S. Oswaldus Wigornienfis Episcopus Monachos primò Wigornia constituit.
- Anno DCCCCLXXI. Winfinus S. Helenæ Presbyter anno iii. conversionis suæ Monachis Wigornienfis Ecclesiæ primus Prior instituitur.
- Anno DCCCCLXXII. Oswaldus Wigornienfis Episcopus Eboracensem Archiepiscopatum suscepit.
- Anno DCCCCLXXXIII. Oswaldus Monachos apud Westburi constituit.
- Anno DCCCCLXXXIV. Idem apud Persoram; ubi primus Abbas Fulbertus.

bro Dialogorum B. Gregorii Saxonice convertit. Ab Alfredo evocatum Asserius in anno 884. narrat; quamvis ante plures annos evocari potuerit. Anno circiter 874. Danis Merciam devastantibus, trans maria fugere coactus fuerat. Ab Alfredo demum reductus, Grimbaldum iubente Rege secum adduxisse videtur. Atque hinc Florentius illum in Galliam Grimbaldi adducendi gratia ab Alfredo legatum refert. Versionem equidem Saxonice Dialogorum Gregorii post annum 890. confecit. Alfredus enim Rex in præfatione eidem præmissa Plegmundi Archiepiscopi meminit. Wenefridum anno 915. obiisse constat. Godwinus à Baleo deceptus illum anno 911. decessisse ponit; & Wilfreth quendam, omnibus Historicis ignotum, substituit; quem anno 915. obiisse vult: sumptâ quidem erroris ansâ ex binis nominibus Wenefritho apud Florilegum datis, & ordine in Indiculo Episcoporum ad Florentii calcem inverso.

(o) Æthelhunus, à Malmsburiensi Ecclesin, à Dicetensi Adelhunus dictus, Wenefritho successit anno 915. obiit 922. juxta Florentium & Florilegum.

(p) In Wilferthi temporibus definiendis nostro concordat Florentius. Westmonasterienfis tamen annum obitus 930. posuit.

(q) Kynewoldus, seu Coenwaldus, sive Co-

enwaldus, vir magnæ humilitatis & Monastica professionis, successit anno 929. obiit 957. authore Florentio.

(r) Kynewoldum excepit Præsul suo tempore potentissimus Dunstanus, ad Cantuariensem thronum anno 960. translatus.

(f) Maximus Monachorum patronus Oswaldus sedem Wigornensem post Dunstanum accepit, anno 960. consecratus juxta Florentium, cujus calculo fidem præ Annalibus hisce adhibendam censeo. Anno 972. Archiepiscopatum Eboracensem regendum accepit, neque tamen Wigornensem dereliquit. Exemplum secuti sunt Aldulfus & Wlstanus successores; qui post Oswaldum utramque Sedem usque ad annum 1023. obtinuerunt. Exemplo præiverat Dunstanus, Monachorum Anglicorum Patriarcha, qui Episcopatus Wigorniensem & Londinensem simul administraverat: neque Edgardo Regi quicquid Episcopis Monasticis denegare fas erat. Huic quidem cupiditati Oswaldi successores Bullam Formosi Papæ Oswaldo simul cum Pallio datam prætexebant (*Monastic. tom. 3. p. 131.*) misero sanè commento, cùm Formosus ante 70. annos in vivis esse desierit. Obiit Oswaldus 992. 28. Febr. Wigornia in Ecclesiâ S. Mariæ, quam ipse à fundamentis construxerat, sepultus, authore Florentio.

Anno DCCCCLXXXV. Idem apud Winchelcumbe, ubi primus Abbas Germanus.

Anno DCCCCLXXXVI. Fundata est Ecclesia de Remesheye ab Oswaldo cum Aylwino Comite.

Anno DCCCCLXXXVIII. Sanctus Oswaldus suis precibus resuscitavit Fulbertum Abbatem Perforæ.

Anno DCCCXC. Sanctus Oswaldus Archiepiscopus Monasterium de Ramesey in honorem S. Benedicti Abbatis consecravit; & Monachos de Wigornia ibidem primo instituit.

Anno DCCCXCII. Præful transivit Oswaldus, & astra petivit. Cui successit venerabilis Aldulfus (t) Abbas de Burgo S. Petri, & ipse Archiepiscopus Aldulfus. Ebor. fedit annis xi. & dimidium.

Anno ..... Wlstanus (u) Episcopus Wigorniensis, & ipse Archiepiscopus Ebor. fedit annos xxii. WLSTANUS.

Anno ..... Leoferbius (x) Episcopus Wigorn. fedit annis xi. LEOPSIUS.

Anno ..... Brithegus (y) Episcopus Wigorn. fedit annos vi. BRIHTEAGUS

Anno ..... Livingus (z) Episcopus Wigorn. fedit annos xv. LIVINGUS.

Anno

(t) *Aldulph*, sive *Ealdulf* seu *Adulf*, Abbas Petriburgensis, in utraque Sede successit anno 992. obiit 1002. 6. Maii, in Ecclesia Cathedrali Wigorn. tumulatus, juxta Florentium. Eundem tamen die 4. Junii obiisse Obituarium vetus Wigorn. Ecclesiæ, die 5. Junii Obituarium Petriburgense tradunt. Quod *Malmsburiensem* Abbatem antea fuisse Godwinus scribit; error est manifestus pro *Medeshamstonden*sis.

(u) Aldulfo in utraque Sede successit Wlstanus Abbas (locus Abbatæ latet) *Reprob*us cognominatus. Rationem cognominis exhibet liber Ecclesiæ Wigorn. *Nam nimis erravit, dum rebus nos spoliavit, & ipse Archiepiscopus Ebor.* Plurima sc. Maneria ad Ecclesiam Wigorn. spectantia alienavit, & Sedi Ebor. quam simul tenuit, transcripsit. Seu potius administrato simul tamdiu utroque Episcopatu, possessiones utriusque haud ita benè divisæ fuerant. Separatis itaque Episcopatibus, Archiepiscopi Ebor. utpote potentiores plurima Wigorn. Ecclesiæ abstraxerunt. Haud minùs equidem Oswaldus & Wlstanus culpandi erant. Verùm istorum utroque Sanctis annumerato, Wlstanus solus crimen tulit. Maneria illa Wlstanus secundus ab Archiepiscopis Ebor. non sine difficili certamine erepta Ecclesiæ Wigorn. postliminio restituit. Obiit Eboraci 1023. 28. Maii, in Cænobio Eliensi sepultus. *Florentius, Stobens, Obituar. Wigorn.*

(x) Pace Septemtrionali Angliæ donatâ, proprium sibi Antistitem recepit Eboracum post Wlstani mortem, proprium & Wigornia. Wigorniensis creatus est *Leoffius* sive *Leoffinus* Abbas Thorneiensis. *Lessium* hunc appellat Malmsburiensis, *Leofricum* Anna-

les Petriburg. Saxon. Obiit in Episcopali villâ Kemeseiâ 1033. 19. Augusti, in Ecclesiâ suâ Cathedrali sepultus. Sic quidem Florentius, cui de die obitus suffragatur Obituarum pervetustum Wigorn. Malè tamen à Florentio apponitur feria 3. quæ dies 21. Aug. fuit. Malè etiam ab Annalibus Winchelcumb. feria 6. & ab Annalibus Menev. dies 29. Augusti.

(y) *Brihteagus*, Malmsburiensi *Britagus*, libro Wigorn. *Britteagus*, Annalibus Petriburg. Sax. *Brihtich*, Indiculo ad calem Florentii MS. *Byrheagus* dictus, in pago Bercheriensis natus, Wlstani decessoris ex sorore nepos, ex Abbate Percorensi in Episcopum Wigorn. erectus est anno 1033. Missus brevi post à Canuto Rege, Gunnildam filiam ejus in Germaniam duxit Imperatori uxorem collocandam. Alienatas ab Ecclesiâ Wigorn. terras quamplurimas cognatis suis transcripsit, & in his Himelrun, Spelea, & Wlfrintun Halhega, quas Egelrico fratri suo concessit. Ista omnia Hemmingus tradit in libro *de possessionibus Ecclesiæ Wigorn.* anno circiter 1090. conscripto. Obiit Brihteagus 1038. 20. Dec. feriâ 4. Sic præter Florentium produnt Annales Saxonici Boyeriani & Obituarium Eliense ac Wigornienſe vetus. Die tamen 19. obitum contigisse Annales Petriburg. Saxon. statuunt.

(z) Sedem Wigornienſem post Brihteagi obitum regendam suscepit Livingus Episcopus Cridiensis & Cornubiensis; & utrumque Episcopatum simul tenuit, dono Haroldi Regis, cujus maximam sibi gratiam (vereor ne malis artibus) conciliaverat. De genere ejus & rebus alibi gestis consule Historiam Episcoporum Exon. Quidam tamen



**ALDREDUS.** Anno ..... Aldredus (a) Episcopus Wigorn. & ipse Archiepiscopus Ebor. fedit annos xxi.

Anno MLVIII. Aldredus in civitate Glovernâ principalem Ecclesiam in honore S. Petri dedicavit ; & Wlstanum Wigorniensem ibidem Abbatem constituit ; sicque Jerusalem profectus est.

**WLSTANUS.** Anno ..... Wlstanus (b) Episcopus Wigorn. fedit xxxiii. annis, iv. mensibus, & iv. diebus.

Anno MLXXXIV. Inceptio operis Wigorn. Monasterii per S. Wlstanum.

Anno MLXXXV. Major Malvernia fundata est per Alwium Monachum.

Anno MXCII. Anselmus consecratus est in Archiepiscopum Cant. à Thomâ Archiepiscopo Eboracensi. Tunc primò vocati sunt Cantuarienses Archiepiscopi ; qui prius totius Angliæ Metropolitanì vocabantur. Rex Willelmus concessit Anselmo Abbatiam S. Albani in alodium.

Anno ..... Obiit S. Wlstanus Episcopus Wigornienfis.

**SAMPSON.** Anno ..... Sampson (c) Episcopus Wigorn fedit annos xvii.

Anno MCXII. Sampson XXV. Wigorn. Episcopus obiit.

Anno MCXIII. Civitas (d) Wigornia cum principali Monasterio & Ca-

men non ignobile Wigornia ab eo gestum verbis antiqui admodum Ecclesiæ ejusdem Registri dabo. *Spegen Comes, Godwini Comitis filius, Abbatissam Leomynstre à Monasterio surreptam sibi conjugio sociavit, atque annum integrum tenuit ; donec increpationibus Edsi Cant. Archiepiscopi & Livingi Episcopi deterritus sit. Qua tamen irritatus, Merebroc, Hastun & Fereclebyrig nos privavit.* Anno 1040. in necem Alfredi Principis ante quadriennium nefariè interfecti conspirasse accusatus, ab Haroldo Rege exauthoratus est, fede Wigorn. Alfrico Archiepiscopo Ebor. commissa. Anno sequenti redemptâ Regis gratiâ Episcopatum recepit, & ad obitum usque tenuit. Obiit 1046. 23. Martii die Dominicâ, juxta Florentium, Annales Winchelcumbenses, Saxonicos (*Dominian A. 8.*) & Menevenses, die 19. Martii juxta Historiam Glaston. 20. Martii juxta Annales Saxonicos Boyerianos. Author nostrorum Annalium annos Pontificatus 15. ab suscepto primùm Episcopatu Cridiatunensi numerat.

(a) Aldredus sive Ealdred, Monachus primùm Wintoniensis, postea Abbas Tavestokenfis, Livingo successit anno 1046. A Rege ad Imperatorem legatus anno 1054. integro anno apud Hermannum Coloniensem Archiepiscopum moram fecit. Anno 1056. medio Episcopatu Herefordensi donatus, utramque simul Diocesin rexit usque ad annum 1060. exeuntem ; quando ad Archiepiscopatum Ebor. electus, Herefordensem dimisit, Wigorniensem Episcopatum adhuc retinere in animo habens. Romam autem anno sequenti profectus, non aliâ conditione Pallium à Nicolao Papâ obtinere potuit, nisi ut Wigorniensem etiam dimitteret. Ex *Florentio & Stobæo*. Beneficia Ecclesiæ Wigorn. præstita Liber Wigorni-

ensis sic recenset. *Tempore S. Edwardi Regis redemit à quodam ministro Regis Aky nomine Tetinton pro 8. marcis auri, reddiditque Conventui. Dedit etiam piscariam de Hallage & Scadevelle, cum terris quæ ad illas pertinem.* Longè majorem tamen Sedi Wigorn. ad Eboracum abeuns injuriam fecit, abreptis summâ fraude plurimis Maneriis : qua de re vide Malmsburiensem in *Vita S. Wlstani*.

(b) Wlstanus, sanctitate notissimus, ex Priore Ecclesiæ Wigorn. Episcopus electus est in Curia Regis 1062. 29. Aug. consecratus apud Eboracum die 8. Sept. ab Aldredo Archiepiscopo. Stigando enim Cantuariensi munus Archiepiscopale tunc à Papâ interdictum erat : quamvis Wlstanus non Aldredo sed Stigando professionem subjectionis inter consecrandum fecerit. Ita ex Florentio. Obiit Wlstanus 1095. 19. Januarii : quem calculum in notis ad *Vitam* ejus p. 267. assertum vide. Obituarium tamen Wigornienfe vetustum diem 20. Januarii posuit.

(c) Sampson, Canonicus Baiocensis, in Episcopum Wigorn. ab Anselmo consecratus est apud Londinum in Ecclesiâ S. Pauli 1096. 15. Junii, Presbyter die præcedenti apud Lametham ab eodem ordinatus, teste Eadmero *Hist. Nov. p. 35.* cui succenturiatur Florentius. Obiit apud Westburiam 1112. 5. Maii die Dominicâ. *Hic tempore Willelmi Junioris dedit Conventui Tibriston,* inquit Liber Wigornienfis. Westberiam tamen Monachis ablatam Malmsburiensis criminatur, *de gest. Pontif. f. 161. a.*

(d) Incendium Florentius ad hunc annum pluribus narrat, & Cathedralem Ecclesiam conflagrâsse addit. Rectè à nostro designatur illius dies, quem Godwinus falsum exhibuit.

stello igne cremata est xiiii. Cal. Julii. Thomas (e) Prior Wigorniensis, & Colemanus Monachus & Capellanus B. Wlstan, obierunt. Teolfus (f) THEOLFUS. XXVI. Episcopus, Regis Capellanus suscepit Episcopatum Wigorniensem, Wigorniensis Ecclesia cum castello & villa & uno Monacho & viginti hominibus combusta est. Obiit Petrus Abbas Gloucestræ; cui successit Dominus Willelmus Monachus ejusdem domus, & benedicitur in Ecclesia Cathedrali Wigornia. Sacrista Wigorn. recepit capam ejus de Samet. cum vestimento; & honestè procuravit Conventum Wigorn.

Anno MCXV. Radulfus Archiepiscopus Pallium suscepit v. Kal. Julii, & Teolfum in Episcopum Wigorn. consecravat. Wilfridus Episcopus S. David & Reignelmus Herefordensis obierunt: & pro Wilfrido Bernardus, & pro Reignelmo Gaufridus Episcopi consecrantur.

Anno MCXVIII. Dominus Florentius Wigorniensis Monachus decessit Nonis Julii.

Anno MCXX. Radulfus Cant. Archiepiscopus Clericum quendam David nomine Walensem natione apud Westmonasterium consecravat ad Episcopatum Bangorensis Ecclesiæ.

Anno ..... Theolfus obiit, qui sedet annos xi. Successit illi Simon (g) SIMON. XXVII. Episcopus Wigorn. qui sedet annis xxv.

Anno MCXXXIX. obiit Walterus de Lacy Abbas Gloucestræ; cui successit Gilbertus.

Anno MCXLVII. obiit Robertus Episcopus Herefordensis; cui successit Gilbertus Abbas Gloucestræ. Item successit Gilberto in Abbatem Hamelinus.

Anno ..... Johannes de Pageham (h) XXVIII. Episcopus Wigorn. JOHANNES DE PAGEHAM sedet annis vii.

(e) Obiit uterque 1113. 4. Octobr. Sabato juxta Florentium. Colemanus Wlstan Episcopi Cancellarius chartæ Monachis ab eodem datæ 1088. subscripsit apud Hemmingum f. 192.

(f) Theolfus, seu Teolfus, quem Thewaldum & Theodwaldum vocant Ecclesiæ Wigorn. archiva, rectissimè Theobaldus est dicendus. Sic enim ab Eadmero (Hist. Nov. l. 5. p. 113.) & Annalibus Winton. nuncupatur. Regis is Henrici Capellanus, & Canonicus Baiocensis, Episcopatum Wigorn. dono Regis apud Windlesforam accepit 1113. 28. Decembr. consecratus Cantuariæ à Radulfo Archiepiscopo 1115. 27. Junii. Obiit in villâ suâ Hamtunensi 1123. 20. Octobr. Sabbato. Sepultus prope Sampsonem decessorem suum in navi Ecclesiæ Wigorn. ante imaginem Crucifixi. Ista ex Eadmero, Florentio & Malmsburiensi hausta sunt. Florentii quidem liber vulgatus obitum Theobaldi die 21. Octobris collocat. Verùm Codex optimus Abendonienfis diem 20. legit, quem nota affixa indubium reddit. Hic dedit Ecclesiæ Wigorn. piscariam de Bevereye, cum terrâ quæ ad illam pertinet, & terram quandam in Suburbio. Liber Wigorn.

(g) Simon, Adeleidæ Regina Capellanus (Cancellarium Florentius appellat) in Normanniâ electus 1123. post Pascha in Angliam venit, & cum solenni processione

Ecclesiâ Wigorn. intravit die 8. Maii die Ascensionis Dominicæ. Presbyter à Willemo Archiepiscopo apud Cantuariam ordinatus est 1125. 23. Maii, Episcopus in crastino consecratus. Et hætenus quidem Florentius cum Continuatore suo Episcoporum Wigorn. tempora diligenter expressit. Simonem ob morum humanitatem & liberalitatem Malmsburiensis prædicat de gest. Pontif. l. 4. f. 161. & in eodem Catalogum suum claudit. Quod de Alfredo enim in editione Savilianâ sequitur, ab alienâ manu Codici Saviliano accessit. Obiit Simon anno 1150. ex fide Thomæ Wikes, Gregorii Caergwent, & Annalium Theokesber. 1149. (exeuntem intellige) 20. Martii, fide Annalium Menevensium.

(h) Rectè Annales nostri Johannem Aluredo præposuerunt. Suffragantur enim Thomas Wikes, Gervasius, Annales Theokesbir. Winchelcumb. & Menev. aliaque indubiæ fidei monumenta. Godwinus tamen ordinem invertit, deceptus à loco Malmsburiensis interpolato. Consecratus est Cantuariæ à Theobaldo Archiepiscopo (cui à sacrasset) 1151. 4. Martii. Id præter Gervasium & Annales Menev. docet Professio ejus autographa, in archivo Ecclesiæ Cant. etiamnum asservata. Obiit idem apud Romam anno 1158.



ALUREDUS.

Anno ..... Alnredus (c) XXIX. Episcopus Wigorn. fedit annis iv.

Anno MCLXII. Fromundus factus est Abbas Theokesburia, & benedic-  
tur Wigornia. Sacrista Wigorn. recepit capam ejus cum vestimento parvi  
pretii. Visitavit Conventum de pitantiâ competenti.

ROGERUS.

Anno MCLXIII. Rogerus (d) filius Comitis Gloucestria ad Pontificatum  
Wigorn. eligitur.Anno MCLXIV. Rogerus consecratur in Episcopum Wigorn. Kal. Sep-  
tembris.Anno MCLXV. Rogerus Wigorn. Episcopus intronizatur iv. Non. Fe-  
bruarii.Anno MCLXVII. Rogerus Episcopus Wigorn. transfretavit. Robertus  
Episcopus Hereford. iv. Kal. Martii obiit, & G. Archidiaconus Wigorn. suc-  
cessit.Anno MCLXX. Willelmus de Bello-Campo obiit; & ad ostium Capi-  
tuli Wigorn. sepelitur.Anno MCLXXI. fundatus est Prioratus S. Ægidii Abbatis parvæ Malver-  
nia à duobus fratribus, qui nati fuerant apud Betkeforde. Primus enim erat  
Prior sc. Jocelinus, secundus Prior Edredus. Habitum religionis & regulam  
B. Benedicti & consuetudines à Capitulo Wigorn. [acceperunt.]Anno MCLXXII. Rogerus Episcopus Wigorn. Romam petiit, Regem  
excusaturus, quod nec ejus mandato nec voluntate Archiepiscopus occisus est.  
Abbatia de Wiggemore fundata est isto anno.Anno MCLXXIV. Dominus Rogerus Abbas Perforæ obiit. Item Ro-  
bertus Foliat consecratur Episcopus Herefordensis.

Anno MCLXXV. Turris nova Wigorn. corrui.

Anno MCLXXVI. Andreas Abbas Cirecestria obiit.

Anno MCLXXVII. Canonici Waltamenfes Sæculares amoti sunt. Mat-  
thæus Archidiaconus Gloucestria obiit. Succedit Dominus Willelmus de  
Norhale.Anno MCLXXVIII. Monasterium Teokesburia incendio conflagravit.  
Fromundus Teokesburia Abbas obiit. Ricardus de Lucy construxit Ecclesi-  
am de Lines.

(c) Aluredus sive Alfredus, Henrici Re-  
gis Capellanus, successit, intronizatus 1158.  
Dominicâ in Ramis Palmarum viz. die 13.  
Aprilis. Sic quidem Annales Menev. &  
Theokesbir. quamvis Winchelcumbenses  
annum 1159. reponant. Obiit 1160. ex  
concordi omnium sententiâ. Quæ God-  
winus de Florentii circa Aluredum silentio  
habet, mirum est erudito viro excidere po-  
tuisse. Florentium enim 1118. 7. Julii o-  
biisse ex Historiis ipsi Godwino familiari-  
bus satis superque constabat.

(d) Rogerus Roberti Comitis Glocestr.  
Henrici I. Regis filii nothi filius ex furtivo  
concubitu susceptus, ad Episcopatum Wi-  
gorn. electus est 1163. mense Martio, tunc  
ætate juvenis, consecratus 1164. 23. Aug. in-  
tronizatus 1165. 2. Feb. ex Annalibus Menev.  
& Teokesbir. Vir ob insignem pietatem &  
ecclesiasticæ disciplinæ studium à Giraldo  
(in Opere de sex Episcopis coevis) summo-  
pere prædicatus: quem Nigellus etiam  
Monachus Cant. in insigni Epistola ad Wil-  
helmum de Longo-campo Eliensem Episco-

pum collaudat, hisce quæ sequuntur addi-  
tis. *Cum quidam ad Episcopatum, nescio si  
dignus, fuisset electus, & Cantuaria conse-  
crandus à Ricardo Archiepiscopo de more adve-  
nisset; præfatus Wigorn. Episcopus Metropoli-  
tano & Suffraganeis suis scripsit, dicens: E-  
go huic electioni nec consentio nec consentiam,  
nec subscribo nec subscribam, nec præsentiam  
meam exhibeo nec in posterum exhibebo: & vos  
scitis quare. Tu autem Domine misere re no-  
stri.* S. Thomæ Cantuariensi in rebus affli-  
ctis constanter adhæsit; quâ de re extant  
præclara ipsius Thomæ in Epistolis suis  
testimonia. Hunc itaque post Thomæ ne-  
cem Henricus Rex ad Alexandrum Papam  
anno 1171. legavit, ut imperati seu appro-  
bati facinoris suspicionem ab illo amolire-  
tur. Ad Romam iterum transfretavit Ro-  
gerus anno 1178. & Concilio Romano in-  
terfuit. Domum redeuns, apud Turonas  
obiit 1179. 9. Augusti, ibidem sepultus.  
Ex Annalibus Theokesber. Dicetensi & Pa-  
risio. Die 10. Augusti obitum ejus malè  
reponunt Annales Menevenses.

Anno

Anno MCLXXIX. obiit Hamelinus Abbas Gloucestriæ; cui successit G. Carbones. Rogerus Episcopus Wigorn. obiit. G. benedicatur Wigornia die Assumptionis S. Mariæ. Sacrista Wigorn. habuit capam ejus cum vestimento; & misit Coventui per Capellanum suum pro pirantiâ lx. solidos.

Anno MCLXXX. Translatio S. Frideswidæ Oxoniæ ii. Idus Februarii. Baldewinus (e) Abbas de Forde consecratur in Episcopum Wigorn. die S. BALDWINUS. Laurentii.

Anno MCLXXXI. Henricus Abbas Winchecombæ obiit. Successit Crispinus ejusdem loci Prior, & benedicatur Wigornia in translatione S. Wlstan. Sacrista accepit capam cum vestimento; & misit Conventui per Celerarium suum xl. solidos.

Anno MCLXXXII. Robertus factus est Abbas Teokesburia; benedicatur Wigornia in festivitate B. Michaelis. Sacrista Wigornia accepit capam cum vestimento; & misit Conventui per Capellanum suum xl. solidos. Crispinus Abbas Winhecumbæ & W. Episcopus Roucestria, & O. Abbas Malmesberia obierunt.

Anno MCLXXXIII. Translatio S. Egwini Evelham.

Anno MCLXXXIV. Baldewinus Episcopus Wigorn. electus est in Archiepiscopum Cantuariæ.

Anno MCLXXXV. obiit Hugo de Mortuo-Mari fundator Abbatia de Wiggemore.

Anno MCLXXXVI. obiit Robertus Foliot Episcopus Hereford; cui successit Willelmus le Ver. Willelmus de Norhal (f) factus est Episcopus Wigornia. WILLELMUS DE NORHALE

Anno MCLXXXIX. Radulphus Prior obiit; successit Magister Senatus, Monachus ejusdem domus. Tota ferè Wigornia igne combusta est. Willelmus de Stoke Monachus Wigornia factus est Abbas Sireburnia.

Anno MCXC. obiit Willelmus Wigorn. Episcopus, & Radulfus de Glanville, & Baldewinus Archiepiscopus. Defuncto Willelmo Wigorn. Episcopo v. Non. Maii, Robertus (g) eligitur Id. Julii. ROBERTUS.

(e) Baldwinus, infimæ sortis parentibus in urbe Exoniensi natus, deposito quem gessit Archidiaconatu, vitam Monasticam juxta Ordinis Cisterciensis regulas amplexus est. Demum Abbas Fordensis, & ex Abbate Episcopus Wigorn. constitutus, consecrationem accepit apud Lametham 1180. 10. Augusti. Id præter Annales hosce, Gervasius & Annales Theokesbir. produunt. Ad Cantuariensem thronum postea translatus fuit, electione factâ 1184. 2. Decembr.

(f) Hunc Archidiaconum Glocestr. anno 1177. factum fuisse Annales nostri suprâ narrant, & Theokesber. confirmant. Canonicus Londinensis antea fuerat. Electus est apud Westmonasterium à Radulfo Priore & Monachis Wigorn. 1186. 21. Sept. & eodem die à Baldwino Archiepiscopo consecratus, teste Radulpho Dicetensi *Imag. Hist. p. 631*. Obiit 1190. 3. Maii juxta Annales Teokesbir. 2. Maii juxta Menevenfes, 28. Martii juxta Parisium. Primum calculû Annales nostri confirmant.

(g) Robertus, Lincolnensis Canonicus, filius unicus & hæres Willelmi Senescalli Normanniæ, favente Willelmo Eliensi Episcopo regni tunc Cancellario, Episcopus Wigorn. electus est 1190. mense Julio, con-

firmatus à Gilleberto Rossensi Episcopo, Archiepiscopi in Syria tunc agentis Vicario. Consecrationis munus obeundi vendicârunt Episcopus Rossensis, quod Archiepiscopi Capellanus, & Londinensis, quod ejusdem Decanus esset. Uterque tamen, ne Robertus alibi quàm in Ecclesiâ Metropolitanâ consecraretur, appellavit. Robertus moræ impatiens, Clementis Papæ mandatum anno 1191. impetravit; ut à Willelmo Eliensi Papæ Legato apud Westmonasterium consecrari posset. Convocatis itaque apud Westm. hujusce gratiâ Episcopis Angliæ 1191. 7. April. adsunt Monachi Cantuarienses, & appellationem renovant. Episcopi habito inter se consilio Robertum Cantuariæ potiùs consecrandum esse decernunt. Factum id à Willelmo Legato, assistentibus sibi sex Episcopis 1192. 4. Maii. Ista ex Gervasio, qui in tempore consecrationis lapsus est. Consecratus enim fuit Robertus 1191. 5. Maii: quod ex Dicetensi, Annalibus Menev. Waverl. Teokesber. & Winchelc. constat. Obiit 1193. 30. Junii juxta Annales Teokesbir. & Winchelc. 14. Julii juxta Menevenfes.

Anno



- Anno MCXCI. Robertus Wigorn. Episcopus consecratur.
- HENRICUS DE SOLIACO. Anno MCXCIII. Robertus Wigorn. Episcopus obiit. Henricus (b) Abbas Glastonæ ii. Idus Decembris consecratus est in Episcopum Wigorn. Hebertus Archidiaconus Cantuariæ eligitur in Episcopum Sarum.
- Anno MCXCV. Hugo Dunelmensis & Henricus Wigorn. Episcopi obierunt. Item Alanus Prior Hospitalis Jerusalem consecratus est in Episcopum de Bangor.
- JOHANNES DE CONSTANTIIIS. Anno MCXCVI. venerabilis vir M. Johannes de Constantiis (i), Decanus Rothomagensis factus est Episcopus Wigorn. & consecratur xiv. Cal. Novembr. Magister Senatus, Theologus & Prior Wigornæ, cessit Prioratui die S. Edmundi Regis. Successit Dominus Petrus, Monachus ejusdem Ecclesiæ.
- Anno MCXCVII. obiit Willelmus Eliensis Episcopus, Domini Ricardi Regis Cancellarius, & Willelmus Comes Sarum, & Willelmus de Bello Campo.
- Anno MCXCVIII. ordinantur Gaufridus Episcopus Cicestr. & Anselmus Abbas de Perfore. Obierunt Hugo de Nonant Episcopus Cestriæ, & Petrus Episcopus de Sancto David, & Ricardus London. Episcopus, & Walterus Prior Bathoniæ & Johannes Episcopus Wigorniensis. Item Galfridus filius Petri Justiciarius Angliæ factus est. Bonæ memoriæ Dominus Johannes de Constantiis & optimæ conversationis obiit; cujus sanctitatis refulgent insignia. Nam corpus ejus sacrum cum indumentis Pontificalibus usque hodie manet integrum & incorruptum. Monachi Coventriæ recuperant Ecclesiam suam cum omnibus pertinentiis; quibus præficitur Gorbatus Prior de Wenloch. Symon Abbas Perforæ obiit. Anselmus succedit; & benedicatur Wigornæ die Omnium Sanctorum. Sacrista noster habuit capam ejus de Pal cum vestimento. Misit Conventui pro pitantiâ iv. marcas.
- MAUGERIUS. Anno MCXCIX. Magister Maugerius (l) Archidiaconus Eboracensis eligitur in Episcopum Wygornensem; & ab Archiepiscopo Cant. cassatur, quia non erat legitimus; unde Curiam appellavit. Videns autem Papa elegantiam tanti viri, eum in Episcopum Wygornensem confirmavit; & illud pul-

(b) Henricus de Soilli, ex Bermundesie Priore Abbas Glaston. anno 1189. creatus, ex Abbate Episcopus Wigorn. constituitur 1193. ut Savarico Bathoniensi Episcopo Abbatiam Glaston. ambienti locum faceret. Electus est 1193. 4. Dec. consecratus apud Cantuariam ab Huberto Archiepiscopo die 12. ejusdem mensis, intronizatus 1194. 6. Januarii. Ex Annalibus Teokesbir. Menev. & Suthwerc. Obiit 1195. 24. Octobr. juxta Annales Teokesbir. 25. Oct. juxta Menev. 22. Novembr. juxta Obituarium Salopense.

(i) Johannes de Constantiis, Walteri de Constantiis Episcopi Lincoln. & postea Rothomagensis Archiepiscopi nepos, Decanus Rothomagensis creatus est anno 1189. Episcopus Wigorniensis ab Huberto Archiepiscopo consecratus 1196. 20. Octobr. Factum id in Abbatia Hammensi prope Londinum Dicetensis tradit. Nota autem in tergo Professionis autographæ apud Stratiford consecratum fuisse testatur. Intronizatus est 1196. 28. Octobr. Obiit 1198.

24. Septembr. Ex Annalibus Teokesbir. Menev. & Suthwerc. Soli Annales Menevenses obitum die 25. Septembr. statuunt.

(l) Maugerius sive Malgerius, Archidiaconus non Eboracensis sed Ebroicensis, Ricardi Regis Medicus, Episcopus Wigorn. electus est 1199. ante exitum Augusti, consecratus apud Romam ab Innocentio Papâ 1200. die S. Trinitatis, viz. die 4. Junii. In Angliam reversus, professionem subjectionis Metropolitano suo præstandæ in Ecclesiâ Cant. fecit 1200. 29. Octobr. in Ecclesiâ propriâ intronizatus 1200. 12. Novemb. Ex Dicetensi, instrumento Professionis autogr. Annal. Teokesbir. & Winchelcumb. Anno 1208. 24. Martii Papâ jubente Angliam interdicto supposuit; & sententiam 1209. 23. Martii renovavit. Quo facto in Galliam secedens usque ad obitum delituit. Obiit apud Pontiniacum, pace regno atque Ecclesiæ Anglicanæ nondum restitutâ, 1212. 1. Julii, ex fide Annalium Theokesberienfium.

chrum Decretale pro eo composuit, quod sic incipit *Innotuit*. Ægidius de Brewes eligitur in Episcopum Herefordensem.

Anno MCC. Helias Abbas Radingæ benedicitur. Maugerius consecratur Romæ à Papâ Innocentio; & rediens Wigorniam intronizatur. W. de Verdun factus est Archidiaconus Gloucestriæ.

Anno MCCI. Miracula de S. Wlstanò incœperunt xiv. Kal. Februarii; quæ per totum annum & amplius adeò crebrescebant, ut nunc xv. nunc xvi. uno die curarentur ab omnibus languoribus.

Anno MCCII. Ecclesia Cathedralis Wygornia cum omnibus adjacentibus ei officinis & magnâ parte civitatis xv. Kal. Maii igne conflagravit alieno quartâ nocte Paschatis. Die S. Ægidii venerunt Wygorniam ex mandato Domini Papæ Hubertus Archiepiscopus Cant. Eustachius Elyensis, & Abbates duo de S. Edmundo & de Wlburnâ, inquisituri de miraculis S. Wlstani; & oppressi à gloriâ multitudinis curatorum & eorum testium recesserunt gaudentes. Alanus Abbas Theokesbiria obiit; qui fuerat Prior Ecclesiæ Christi Cant. Monachi Wigorniensis viz. Walterus de Bradewas & Randulfus de Hevesham cum sociis Româ prosperè redierunt; qui illuc post Epiphaniam ierant cum literis Huberti Cant. Archiepiscopi & omnium Episcoporum Angliæ testantium mirabilia, quæ Deus per merita B. Wlstani in Ecclesiâ Wigorniensis operatus est: quas in eundo Deus à periculo maris per merita ejusdem Patris mirabiliter & misericorditer liberavit. Tradidimus totam terram nostram de West ad firmam hominibus villarum illarum à Festo S. Laurentii in xv. annos. Dominus Thomas de Erdinton Miles recepit de nobis ad firmam Alnuston & Schepeweston à Pascha usque ad xvi. annos pro xxx. libris annuis.

Anno MCCIII. Beatissimus Wlstanus canonizatus est Romæ ix. Cal. Maii cum magnâ solennitate. Duellum in Curiâ Prioris inter Godefridum de Elfiston & Odonem de Miregros. M. Willelmus Bles Cantor Lincoln. consecratur in Episcopum Lincoln. Rogerus de Mortuo Maii fidelitatem juravit Ecclesiæ Wigorniensis de xx. solidis de Wurbenli. W. Sacrista de Theokesbiria benedicitur in Abbatem ejusdem Domûs. Deposito Petro Priore in Vigiliâ Natalis Domini, successit ei Randolphus eadem die. Anselmus Abbas Perfore, Willelmus de Stotevil obierunt.

Anno MCCIV. Gervasius benedicitur in Abbatem Perforæ apud Wygorniam. Symon Archidiaconus Wellensis consecratur in Episcopum Cicestr. Ossa B. Wlstani pridem ab Episcopo Johanne de Constantiis noctu & irreverenter levata, noctu etiam reponuntur ab Episcopo Malgerio. Obiit Petrus quondam Prior Wygornia.

Anno MCCV. Ægidius Episcopus Hereford. confirmavit nobis pensionem xl. solidorum in Ecclesiâ de Lindrugge. Episcopo Malgerio adjudicata fuit sententialiter possessio subjectionis Abbatia de Hevesham; sed adhuc restabat quasi de proprietate. Henricus Prior Glövernæ succedit Thomæ Abbati ejusdem loci defuncto; & benedicitur Wigornia die S. Michaelis. Magister W. Subdecanus Lincoln. vir bonus & justus, occiditur in Ecclesiâ Cathedrali Lincoln. à quodam Subdiacono die Dominicâ.

Anno MCCVI. Sententiatum est Romæ pro Ecclesiâ de Hevesham; ut sit exempta in capite; & facta est commissio de valle. Petrus de Rupibus Episcopus Winton. consecratus Romæ, intronizatur Dominicâ Palmarum apud Wintoniam. Jocelinus consecratur in Episcopum Bathoniæ apud Radingam die S. Trinitatis ab Episcopo London. O. persona de Lindrugge & Prior Wygornia concordati sunt sub tali formâ; quod Ecclesia de Lindrugge solveret nobis singulis annis c. solidos ad duos terminos, ad Festum S. Michaelis l. ad Festum S. Mariæ in Martio l. & ipse habebit omnes decimas de Mora & de Neweh. excepto feno. Hinewich data est ad firmam hominibus villa



læ usque ad xv. annos pro llii. quarteriis frumenti per annum & xv. quarteriis avenæ, & unâ marcâ argenti, & unâ carratâ feni, & unâ straminis. Willemus Episcopus Lincoln. in Vigiliâ Ascensionis, Henricus Marefcallus Episcopus Exon. in Octobri, Martinus Abbas Certesienfis, Abel Sacrista Wigorn. die S. Johannis ante Port. Lat. Rogerus Dod Decanus Wig. obierunt.

Anno MCCVII. Rex fecit tallagium per Angliam de tertiadecimâ; Episcopos nec Ecclesias Cathedrales nec eorum feoda taxavit. Defuncto A. personâ de Herforton, dedimus Ecclesiam M. Roberto de Clifton. Rex Johannes cum circa Festum Nativitatis B. Mariæ venisset Wygorniam; & post solemnem processionem, cum qua susceptus fuit, ad tumbam B. Wiltani aliquamdiu orâset; accessit ad eum Randulphus tunc ejusdem loci Prior, rogans quatenus ei libertatem in quatuor Maneriis donaret, Lindrugge, Wuleward, Stoke & Clivâ, cum pertinentiis suis. Quâ libertate donatâ & regali signo confirmatâ, centum etiam marcas, quas ei pro libertate illâ reddere tenebamur, ad claustrum & officinas nostras reficiendas condonavit. W. Archiepiscopus Rothomagensis, Symon Episcopus Cicestr. Senatus quondam Prior Wigorn. obierunt. Galfridus Archiepiscopus Ebor. quod noluit dare Regi tertiamdecimam de Archiepiscopatu suo nec finem facere, sicut Cant. Ecclesiæ Suffraganei facerunt, dissolutus est & in exilium pulsus. Hernorton quæ diu fuerat ad firmam pro xii. marcis, tradita est ad firmam hominibus ejusdem villæ pro xxiv. marcis, & xii. quarteriis avenæ ad xii. annos a Festo S. Lucæ. Bureston quæ fuerat ad firmam pro viii. marcis, tradita est ad firmam pro xii. Isto anno ix. Cal. April. incœpit Interdictum generale per Angliam, & Episcopi pro depressione Ecclesiæ secesserunt in Franciam.

Anno MCCVIII. Eustachius Elyensis, Maugerius Wigorn. W. London. Episcopi executores Interdicti, & Ægidius Hereford. transfretârunt in Gallias, gratis exilium subeuntes. Episcopus Dunelmensis Philippus, & G. Coventrensis obierunt. Galfridus de Mariscis cepit in Hiberniâ super Regem Angliæ nobilem civitatem Limeric & alia plura castella; quod Rex suspicatus fuisse per Willelmum de Breaus, mandavit eum ut ad Curiam veniret; qui venire renuit, & castella sua in Walliâ munivit. Unde Rex magnum exercitum congregans, super eum properavit. Sed Willelmus de Breaus redditus v. castellis & obsidibus & mille marcis, Regem fecit redire. Sed eodem anno cum exercitus Regis iterum properaret super eum; relictis terris suis & castellis fugit in Hiberniam cum totâ familiâ suâ, nolens contra Dominum suum arma ferre.

Anno MCCIX. Regina Isabella nocte Epiphaniæ peperit Ricardum postea Regem Alemanniæ. Magna tribulatio fuit hoc anno & præterito super omnes Ecclesiasticas personas; quia à curâ Christianitatis omnes ferè Laici pedem retrahebant; sed victualium plena fuit abundantia. Stoka rediit in manus Camerarii. Cuidam propter immane & inauditum scelus quod perpetraverat injunctum est à M. Petro de Corboil Archiepiscopo Senonensi; ut omnibus diebus Veneris totâ vitâ suâ carnibus vesceretur, & aliis diebus abstineret. Hugo Archidiaconus Wellensis signifer Domini Regis xiii. Cal. Januarii consecratur in Episcopum Lincoln. Indultum est à Domino Papâ, ut singulæ Ecclesiæ Conventuales celebrarent semel in hebdomadâ. Randulphus Prior Wigorn. acquisivit in Curiâ Domini Regis totam terram Hugonis de Guihteton; & factum est Chirographum inter eos in eadem Curiâ. Henricus Archidiaconus Stafford. eligitur in Episcopum Exoniensem. Walterus de Grai Cancellarius Domini Regis eligitur in Episcopum Coventrensem. Episcopi executores causæ Cantuariensis ad mandatum Domini Regis venerunt in Angliam de pace tractaturi; sed infecto negotio redierunt.

Anno MCCX. In vigiliâ Circumcisionis Domini incœpit gelu tam forte; quod Sabrina sicut & alia flumina congelatus fuit usque ad iv. milliaria ultra Glou-

Gloucestriam: ita quòd hominibus & equis se præbebat transmeabilem, & duravit usque ad noctem S. Valentini; & infra iv. dies tota glacies dissoluta sine damno disparuit. Dominus Rex grave & inauditum tallagium fecit super omnes Ecclesias Angliæ tam Parochiales quàm Conventuales, cujuscunque religionis essent vel conditionis, ita quòd nec etiam leprosis parceretur. Unde & ab Ecclesiâ Wigorniensis ducentas marcas exegit, & unam caretam cum quatuor equis. Dedimus Ecclesiam de Lindrugge Radulpho fratri Prioris Randulphi. Recepimus in Ascensione Domini Ecclesiam de Verubure ad firmam totâ vitâ M. Radulphi de Stok pro xx. marcis annuis. Willelmus de Breaus evadit in Franciam; uxor ejus & hæres capti & incarcerati fame pereunt. Mauricius nepos Episcopi factus est Archidiaconus Gloucestriæ.

Anno MCCXI. Rex exulavit Walterum de Laci; quia non dimisit uxorem suam filiam Willelmi de Breaus. Rex talliavit in principio Quadragesimæ omnes Clericos Angliæ. Wulvardelewe rediit in Annuntiatione in manus Prioris. Stephanus Archiepiscopus Cant. cassavit electiones Walteri de Grai Cancellarii & Archidiaconi Staffordensis. Bradewas rediit in manus Prioris. Rex Johannes cum magno exercitu profectus super Lewelinum Principem Norwalliæ, quatuor Castra in terrâ ejus firmavit. Sed Lewelinus ad pedes Regis veniens, cum eo ob gratiam filiæ Regis quam pridem in uxorem acceperat; remisit etiam Domino Regi omnes terras suas, præter Snaudone & Anglesiam & aliam parvam terram ultra Snaudone supra mare; & obsides dedit de fidelitate. Dedit etiam decimam vaccarum & xl. dextrarios & xl. chascurs. Prior in Festo S. Johannis Baptistæ recepit ad firmam Ecclesiam de Bergâ singulis annis pro xviii. marcis. Duo Clerici nuncii Domini Papæ venerunt in Angliam propter pacem Ecclesiæ; sed infecto negotio redierunt. Randolphus Prior fecit novam assisam in firmis; & adjecit redditui Infirmarie lx. solidos annuos de terrâ Hugonis de Guihteton. Willelmus de Stok iii. Non. Aprilis Abbas Sireburn. Willelmus de Breaus in angusto exul, obierunt.

Anno MCCXII. Facta est socialis conventio inter Ecclesiam Wygorn. & Ecclesiam de Stratflur. Lewelinus & alii Principes totius Walliæ ascitis sibi undecunque copiis militaribus castra de novo per Walliam constructa capiunt, comburunt & dejiciunt; & crebris irruptionibus Marchias nostras inquietant. Londonia magnâ ex parte comburitur cum ponte & ultra & citra pontem; & multa millia hominum combusta & aquis submersa perierunt. Infirmi per Angliam communicantur. Cum Rex iret versùs Cestriam super Walenses, & pervenisset usque ad Noringeham; nunciatum est ei quòd Mag-nates Angliæ absoluti à fidelitate ejus ipsum caperent. Unde revocato exercitu ipse remansit. Robertus autem filius Walteri fugit in Franciam, Eustachius de Vescei in Scotiam; alii cum Rege pacificati remanserunt. In Octobris initio concessam est O. Bolt molendinum de Neweh. per cartam Conventûs usque x. annos pro lx. solidis. Quidam de Hiberniâ, cui trimo abscissa fuerat lingua, curatur ad tumbam S. Wlstan. Propter quod miraculum idem ipse Dominus cognomento Pippard ædificavit magnam Ecclesiam in Hiberniâ in honore B. Wlstan Episcopi & Confessoris; & dedit Ecclesiæ Wigorn. prædictum locum cum xxx. carucatis terræ. Stephanus Cant. Archiepiscopus & Coepiscopi exules, Thomas de Erdinton & alii nuncii Regis vadunt Romam. Archiepiscopus misit Priori causam officialitatis. G. Archiepiscopus Ebor. J. Archiepiscopus Dublin. R. Episcopus Bangor. S. Abbas S. Edmundi, & in octavis S. Johannis Baptistæ Maugerius Episcopus Wigorn. obierunt.

Anno MCCXIII. H. Archidiaconus Stafford eligitur & consecratur in Archiepiscopum Dublin. Recepimus ad firmam de W. de Mauno tres partes prati de Doddeham usque ad x. annos; sed totum datum est præ manibus.



Defuncto W. de Weremorâ, rediit Cropthe cum Nederton in manus Prioris & Codeston in manus Camerarii. Radulfus Prior ii. die Decembris eligitur in Episcopum Wygorn. & electioni subscriptum est à toto Conventu. Sed postmodum suggestione Nicholai Tusculani Episcopi Legati Angliæ recessum est ab Electione illâ.

WALTERUS  
DE GRAY.

\* f. Episcopi.

Anno MCCXIV. Interdictum solutum est iii. die Julii; quod duraverat per vi. annos & iii. menses. Walterus de Grai (m) Cancellarius Domini Regis in Episcopum Wygorn. eligitur xx. die Januarii, confirmatur v. die Februarii, consecratur v. die Octobris. Simon Apuleus, Decanus Ebor. eligitur & consecratur in Episcopum Exon. primo die Octobris. Randolphus Prior Wygornia per consilium Legati renunciens electioni de se factâ in Episcopum Wygorniensem, xxii. die Januarii eligitur, & benedicitur xxiii. die Februarii Eboraci à Legato in Abbatem Evesham. Abbas Selebi transfertur in Abbatem Ramesiæ. Hugo Prior Theokesbiriæ electus in Abbatem ejusdem Domûs, benedicitur in Ecclesiâ Wygornia ab Ægidio Episcopo Hereford. ad mandatum W. Wygornienfis \* Clerici. Silvester factus est Prior [Wigorn.] xii. Cal. Februarii. Walterus Episcopus Wigorn. dedit nobis Ecclesiam de Clivâ in proprios usus. Episcopus Walterus recuperavit super Fiandam de Wileton, qui desponsaverat hæredem R. de Overci, Eston & Ablinton cum advocationibus Ecclesiarum & advocationem Ecclesiæ de Giate. Radulfo autem remansit manerium de Giate, & duæ hidæ & dim. in Ablinton. Willelmus Archidiaconus Huntindon. consecratur in Episcopum Coventrensem. Johannes de Grai Episcopus Norwicensis obiit.

Anno MCCXV. Dominus Silvester de Evesham Monachus Wigorn. factus est Prior ejusdem Ecclesiæ xii. Cal. Februarii. Willelmus Archidiaconus Huntindonia consecratur in Episcopum Coventrensem viii. Cal. Februarii. Walterus de Grai Episcopus Wigorn. dedit Priori & Conventui Ecclesiam de Clivâ juxta Evesham in proprios usus. Tradidimus ad firmam Clivam pro xl. marcis, Seggesburie pro xxviii. marcis, Stoke pro xxvi. libris, Dominicum Wulvarl. & Bureston pro viii. libris usque ad xii. annos. Martinus Abbas Blanch-Land. consecratur in Episcopum Bangorensem xvi. die Junii. Bernardus Monachus Teokesbiriæ eligitur in Abbatem ejusdem Domûs. Pandulfus Romanus genere, Subdiaconus Domini Papæ, eligitur præcepto Domini Papæ in Episcopum Norwicensem. Terminus firmæ de Mora & Neweh. prorogatur ad xvi. annos. Prior & Episcopus cum aliis Prælatiis omnibus profecti sunt Romam ad generale Concilium. Walterus de Grai Episcopus Wigorn. transfertur in Archiepiscopum Ebor. apud Romam in Generali Concilio. Reginaldus filius Willelmi de Breaus desponsavit filiam Lewelini quondam Principis solius Norwalliæ, nunc Principis totius Walliæ. Hugo de Mortuo-Mari fecit fidelitatem de Wrbehall in Capitulo Wigorn. de xx. solidis annuis, quos antecessores sui Ecclesiæ prædictæ contulerant per manus quorundam percipiendos; quibus eo quod redditum suum non redderent ejectis, precio ipse prædictam terram suscepit redditum redditurus. Generale Concilium celebratum est Romæ in Ecclesiâ Lateranensi sub Innocentio III. Papâ. Hic Innocentius sedit Papa Romæ annis xxiii. & in vi. anno Papatus

(m) Walterus Cancellarius Regis creatus est anno 1207. vel sequenti, si Chartis antiquis, 1209. si utrique Matthæo fides. Ad Episcopatum Wigorn. electo Rex Cancellariatum deponendi licentiam dedit, & à Curia nexibus absolvens electionem ratam habuit 1214. 26. Januarii. Consecra-

tio apud Cantuariam celebrata est 1214. 5. Octobr. Ex Annalibus Teokesbir. & Suthwerc. & Rotulo 3. Cant. Professionum autogr. Ad Archiepiscopatum Ebor. translatus est 1215. à Canonicis Ebor. electus & à Papâ confirmatus in Concilio Lateranensi mense Novembri, teste Matthæo Paris p. 271.

fui canonizavit beatissimum Wlstanum Wygorn. Episcopum, & composuit orationem ipsius Sancti, quæ sic incipit, *Spiritum nobis Domine tua caritatis.*

Anno MCCXVI. Silvester Prior Wigornia rediit de Concilio Romano; iii. die Aprilis eligitur in (n) Episcopum Wigorn. in Capitulo Wigorn. & consecratur iii. die Julii à Papâ Innocentio III. & intronizatus fuit die Nativitatis B. Mariæ. Petrus benedicatur in Abbatem Theokesbiriæ eadem die. Cepimus ad firmam de Thomâ de la Mare vineam de Doddesham ad xx. annos. Henricus Decanus Hereford. eligitur in crastino Purificationis, & consecratur xv. Cal. Januarii à Silvestro Episcopo Wigorn. præcipiente Legato in Episcopum Hereford. assistentibus Episcopis de Mide, de S. Asaph, de S. David, & Landavensi. Civitas Wigornia malouisa consilio, subdidit se Lodovico primogenito Regis Franciæ; & recepit nomine ejus W. filium W. Marecalli. Sed die S. Kenelmi supervenientibus Comite Cestriæ, Faukifio & aliis regni fidelibus, licet se cives ad stuporem obsidentium viriliter se defenderent; tandem per Castrum non usquequaque fideliter observatum irrumpunt in urbem, & cives adhuc ad propugnacula se defendentes ex insperato ceperunt; & per exquisita tormenta quicquid habuerunt & amplius eis abstulerunt. Milites etiam ad custodiam civitatis relictos à juvene Marescallo fugâ sibi consulente ad præmunitionem patris ut dicebatur, ab Ecclesiâ Cathedrali, ad quam captâ civitate fugerunt, violenter abstraxerunt; & Ecclesiam Cathedrali depredaverunt; & ccc. marcas à Monachis exegerunt; ita quod oportebat opus feretri S. Wlstani fufum in solutionem dictæ pecuniæ tradere; sed & omne instaurum illorum abstulerunt in capite & in membris. Sed & nos ad cumulum malorum tanquam excommunicati, eo quod divina celebravimus inimicis Regis existentibus in civitate, suspensi, vix die Assumptionis relevati fuimus. Johannes Rex Angliæ obiit apud Newewerke in crastino S. Luca; & sepultus est in Cathedrali Ecclesiâ Wygorn. coram magno Altari inter SS. Oswaldum & Wlstanum: ut verificetur illud quod dictum est in Merlino: *Et inter Sanctos collocabitur.* S. Camerarius Wigorn. factus est Prior ejusdem loci in Octobri. Wilhelmus Supprior Wigorn. eligitur in Abbatem Alencestriæ; quo non consentiente electioni, M. ejusdem Ecclesiæ Monachus eligitur. Wilhelmus de Bradewe dimisit Supprioratum ad preces Episcopi, sc. ut adhereret ei: sed citò post infirmatus, remansit in Claustro.

Anno MCCXVII. Episcopus grave fecit tallagium super Clericos totius Episcopatus. Castrum Wygornia nobis redditum est tanquam jus nostrum usque ad motam turris Vigiliâ Paschatis per literas Regis sub sigillo W. Marecalli tutoris ejus; & Episcopus Silvester excommunicavit omnes qui venirent contra. In crastino S. Marci visi sunt inter cœnam duo Soles à Johanne de Gloucestriâ Monacho & aliis Monachis. Quinto Cal. Maii in vespere factus est Sol rubeus sicut sanguis, & sic duravit per multos dies. Ricardus Episcopus Cicestriæ transfertur in Episcopum Salesburia. Ricardus de Marisco consecratur in Dunelm. à Waltero de Grai Archiepiscopo Ebor. apud S. Oswaldum Gloucestriæ. Terminus firmæ Halle & Ginel & Hinewik prorogatur per xii. annos. Magister Alexander Abbas Cirecestriæ obiit apud Kemeseye, & sepelitur Wygornia.

Anno MCCXVIII. Ecclesia Cathedralis Wygorniensis dedicata est vii. Id. Junii in honore Sanctæ Dei Genitricis Mariæ & B. Petri Apostoli & sanctorum Confessorum Oswaldi & Wlstani, sc. majus Altare in honore S. Mariæ & S.

(n) Tempora electionis, consecrationis &c. Silvestri singula in his Annalibus posita confirmant Annales Theokesberienfes & Winchelcumbenses. Ex his autem constat illum Perusii consecratum fuisse: quod quidem notare volui, ne quæ de reditu ejus hic habentur, sinistrè accepta lectori fraudem facerent.



Oswaldi, & medium in honore S. Petri & S. Wlftani, à venerabili Episcopo Wygornienfi Silvestro, astantibus ei juvene Rege Henrico, & Petro Winton. Ricardo Salisbur. Hugone Hereford. Radulfo Cicestr. Londonienfi, Norwicensi, de Sancto David, de Landaf, de Sancto Afaph, & de Bangor Episcopis; & de S. Edmundo, de S. Albano, de Westmonasterio, de Radinga, de Habindonia, de Ramesie, de Burgo, de Gloucestria, de Salopia, de Bristol, de Cirecestria, de Evesham, de Theokesbiria, de Winhecumba, de Persora, de Bardeny, de Alecestria Abbatibus, & aliis Abbatibus & Prioribus multis de diversis Angliæ partibus: præsentibus etiam nobilibus viris de Eftsex & de Hereford Comitibus, Waltero de Laci, Waltero de Clifford, Hugone de Mortuo-mari, Waltero de Bello campo, Willelmo Briwerre, Johanne Marefcallo, Roberto Corbet, Johanne Extraneo Baronibus, & aliorum Nobilium multitudine infinita. Eadem die post dedicationem translatum est corpus gloriosi Confessoris S. Wlftani in feretrum. Randolphus Prior & Monachus Norwicensis consecratur in Episcopum Cicestræ viii. Idus Januarii. Episcopus Silvester institit ad deafforestationem Horewellæ & Ambresberia; & obtinuit pro viii. mensibus. Obtinuit etiam nundinas S. Wlftano iv. diebus ante Festum S. Barnabæ. Stephanus Archiepiscopus Cant. diu detentus Romæ, cum gratiâ Curia Romanæ revertitur Angliam. Abbas quondam Belli-loci datur Ecclesiæ de Carduil in Episcopum à Legato Gualâ iv. Nonas Augusti. Bonæ memoriæ Silvester Episcopus Wigorn. obiit apud Ramesiam xvii. Cal. Augusti; & sepultus est Wigornia xiii. Cal. Augusti. Guala Legatus non consentiens Conventui Wigorn. ut eligerent sibi Episcopum de Capitulo suo, post appellationes omiffas & iteratas in Concilio Winton. dedit nobis Episcopum invitis & reclamantibus Willelmum Blefensem (o) Archidiaconum de Bukingham; in quem postea consensimus per consilium & preces Domini Cantuariensis. Willelmus Archidiaconus Bukinghamiæ consecratur in Episcopum Wigorn. & intronizatur v. Kal. Novembris. Willelmus de Bradewe factus est Sacrista Wigorn. Magister W. Scortus factus est Archidiaconus Wigorn. in Decembri. Thomas de Erdinton sapientissimus & facundissimus obiit Wigornia xiii. Cal. April. cucullatus, & Adam Amisii, & Nicholaus de Powik Monachi, & Johannes de Bramcestre Archidiaconus Wigornienfis.

WILLELMUS  
DE BLEIS.

Anno MCCXIX. Hugo Foliot Archidiaconus Salopienfis in Junio eligitur, & in Octobri consecratur in Episcopum Herefordensem. Terra matris meæ traditur H. fratri meo liberè tenenda pro xx. solidis annuis; & Homagium ejus receptum fuit à Simone Priore, præsentibus W. de Bradewe Sacristâ, Rogero de Bathoniâ Celerario, Ernaldo de Beverburn Monachis, Radulfo de Kinthton milite, Gervasio de Walton, Johanne Senari Personâ de Bradewe, Ricardo de Grunel Janitore, Roberto de Walton Chamberlango, qui habuit cappam pro homagio, Johanne Paschali, & aliis. Willelmus Blefensis Episcopus Wigorn. celebravit Synodum Wigorn. tertiâ die post Festum S. Matthæi; in quâ appellatum fuit ab Abbate Evesham, quia non potuit mitratus interesse, & primum locum post Episcopum obtinere. Prior Goldcliviæ consecratur in Episcopum Landavensem in Octobri. Dedimus Ecclesiâ S. Andreæ Simoni de Walton. Ricardus Persona S. Martini factus est Decanus Wigorn. succedens Reginaldo Personæ S. Andreæ. Albreda de Bra-

(o) Consecratum apud Westmonasterium 1218. 7. Octobr. fuisse Radulphus Coggeshall & Florilegus in Chronicis suis produnt. Anno 1219. atque iterum 1229. coactâ Synodo Diocesana, Constitutiones

quamplurimas sancivit egregias & satis prolixas; quæ apud me extant. Obiit apud Alwichekirke 1236. 17. Augusti, apud Wigorniam sepultus. Ex Annalibus Theokesbir.

dewe, Hugo de Mapenour Episcopus Herefordensis, Willelmus Mareſcallus custos Regis & Regni, Robertus de Mortuo Mari, Ricardus de Brechene Monachus Wigornienſis, obierunt.

Anno MCCXX. Episcopus Willelmus fecit hîc intus ſingularem examinationem de ſtatu interiore & exteriori; nitens ut videbatur ad depositionem Simonis Prioris per ſuggeſtionem ut putabatur aliquorum; ſed Priore appellante & ſaniore parte Conventûs nihil actum eſt. Abbas Fontanenſis factus eſt Episcopus Hely, Pandulpho Legato & Domino Cantuarienſi id agentibus auctoritate Domini Papæ, caſſatis priûs Romæ Magiſtro de Eboraco & Willelmo de Burgo Archidiacono Norwicenſi. Magnæ campanæ fuſæ ſunt ſub W. de Bradewe Sacriſtâ & à Willelmo Episcopo conſecratæ in honore S. Salvatoris & ejus Genitricis, & hauteclere in honore S. Johannis Evangelistæ cum pari ſuo. Hoc anno appoſuit Deus glorificare Sanctum ſuum Wlſtanum in miraculis pluribus, ſed præcipuè die ſolemni Paſchæ poſt *Agnus Dei* in curatione furdi & muti, qui ſimul & ſemel ab utroque curatus eſt incommodo; quod tanto jocundius, quanto inuſitatus. Willelmus de Mandevil Comes Eſſexiæ dedit Sacriſtariæ Wigorn. redditum c. ſolidorum per Cartam ſuam. Ricardus de S. Martino junior Supprior, W. de Eport quondam Sacriſta, Johannes Poher, Radulphus de Cinhteton Februario, Robertus de Lech Perſona de Stoke, obierunt. Eccleſia Novi loci à Petro Episcopo Winton. fundata ab eodem dedicata eſt v. Cal. Octobris.

Anno MCCXXI. Willelmus de S. Mariæ Eccleſiâ Episcopus London. ceſſit Episcopatu; cui ſucceſſit Euſtachius de Faukebrigâ. Juſticiarii itineraverunt in hoc Comitatu in craſtino Trinitatis, ſc. Martinus de Pateſhull & ſocii ejus. Ubi diratiocinavimus ad vocationem de Duderhulle contra Willelmum de Stutevillâ & Margaretam de Say uxorem ejus. Eccleſia de Duderhulle dedicatur; & ibidem benedicitur v. Idus Julii Thomas Prior de Winchecumbâ in Abbatem ejus Domûs; unde portavimus capam ejus & veſtimentum; & prædictus Abbas reſpexit Capitulum Wigorn. pro profeſſione ſua Eccleſiæ factâ de pitanciâ ſatis abunde. Pandulphus deponit inſignia Legationis. Walterus Prior Leminſtriæ factus eſt Abbas Salopesbiriæ. Per S. Wlſtanum ſuſcitatus fuit puer de Peſton deſunctus; & pugil nomine Thomas de Eldesfed exoculatus & ementulatus in duello in prato de Kingeſham juxta Prioratum Wigorn. oculos recepit & virilia miraculoſè per merita glorioſi Pontificis Wlſtani; & poſtea ſuſcepit habitum in Hoſpitali prædicti Sancti & honorificè ibi diu vixit. Unde verſus de eo. *Sexu privatus ſit vir; videt exoculatus.* Veniunt literæ Domini Papæ; quibus indulgum fuit Priori & ſucceſſoribus ſuis, ne amoveri [poſſint] niſi cauſâ cognitâ per Judices à Papâ delegatos, & ſepulchrum confirmatum. Sed appellante Episcopo & literas accuſante, coactus eſt Prior Romam ire; & proſectus eſt die Veneris poſt Feſtum Omnium Sanctorum, & transfretavit die S. Clementis, portans ſecum literas Conventûs de mutuandis cccc. marcis, & xl. marcas ad expenſas. Magiſter W. de Lichfeld remanſit in ſervitio Conventûs pro v. marcis annuiſ; & proſectus eſt cum Priore. Episcopus Willelmus contulit perſonatum Eccleſiæ de Duderhulle cuidam nepoti ſuo auctoritate Concilii; cum Prior priûs appellâſſet. W. de Bradewe deponitur de Sacriſtâ; & Osbertus ſubſtituitur. Eâdem die excommunicantur tres Monachi ab Episcopo; ſed ad mandatum Archiepiſcopi abſolvuntur. Poſtea contradictum fuit Episcopo volenti ingredi in Capitulum cum Clericis; & appellatum eſt ad Archiepiſcopum. Magiſter Abbas Robertus Winchecumbiæ obiit. Willelmus Episcopus London. renuntiavit Episcopatu. Subrogatus eſt ei Euſtachius, & conſecratus eſt à Roſſenſi Episcopo. Petrus Episcopus Winton. proſectus eſt ad S. Jacobum. Quidam Preſbyter crucifigi ſe fecit à duabus mulieribus.



Anno MCCXXII. Prior noster Symon suspenditur ab officio à Papâ propter quasdam falsas literas ad opus ejus & Conventûs impetratas per quendam Curforem. Episcopus etiam Româ reversus, eundem deposuit; & Willelmum Normannum substituit, majore parte Conventûs appellante. Idem etiam Episcopus miro modo Conventum afflixit, suspendens, excommunicans, injurias & damna plurima inferens; donec Archiepiscopus Prioratum sequestravit. Symon Prior suspensus rediens absolvitur; & quia ab iniquo judicio Episcopi appellavit, reexcommunicatur, & Romam revertitur; contra quem Episcopus misit Michaellem Archidiaconum Gloucestriæ. Adeo magna tempestas ventorum, imbrium & tonitruorum orta est circa Festum S. Andreæ; ut extra stragem modicarum domorum, magnæ arbores gardenorum & sylvarum evellerentur; & duæ minores turres Wygornia corruerunt. Hylarius & Osbertus Sacrista obierunt. Obiit Ranulphus Episcopus Cicestræ.

Anno MCCXXIII. magna controversia inter Conventum Wygorn. actorem & Episcopum super injuriis: item inter Willelmum Normannum & Conventum. Electi sunt nepos Willelmi Briwerre Willelmus in Episcopum Exon. Walterus Malus-Clericus in Episcopum de Carduil. Abbatia de Perforâ cum maximâ parte villæ xiii. Cal. Junii conflagravit. Symon Apuleus Episcopus Exon. & Willelmus de Cornhull Episcopus Coventr. & Symon Prior hujus loci, obierunt. Obiit etiam Symon Episcopus London.

Anno MCCXXIV. incœptum est novum opus frontis Wigorn. Ecclesiæ, Episcopo Willelmo jaciente fundamentum. Willelmus nepos Willelmi Briwer ii. Cal. Maii consecratur in Episcopum Exon. Faukifius alienigena & ignobilis, qui sanctam Wigorn. Ecclesiam olim sacrilegâ invasione deprædaverat, in multis confidens opibus, quas turbato Angliæ regno nequam prædo congesserat, castrum de Bedeford munitissimum, in quo Henricum de Breibrok unum Justiciariorum Regis captum incluserat, contra Regem detinere præsumpsit. Quod Rex cum machinis bellicis & grandi post Pentecosten exercitu obsessum post viii. septimanas expugnavit & solo tenuis diruit. Fratrem etiam ejusdem Faukifii & alios fere centum, qui se Regi dederant, suspendit; & Faukifium exulavit. Henricus Abbas Gloucestriæ x. Cal. Septembris obiit. Thomas de Bredon Prior Gloucestriæ benedicitur die S. Mauri apud Wigorniam in Abbatem ejusdem Ecclesiæ. Sacrista noster habuit capam ejus cum vestimento de Samere; & respexit Conventum Wigorn. de pitanciâ satis curialiter. Cumanus de Cremâ suscepit à Priore & Conventu Wigorn. literas procurationis ad impetrandum & contradicendum; & cartam de dimidiâ marcâ annuatim percipiendâ, donec dederimus ei Beneficium ad valentiam x. marcarum, & unam marcâ singulis annis quibus steterit pro nobis in Curiâ Romanâ pro expensis: & profectus est die S. Laurentii de Oxoniâ. Advocatio Capellæ de Berge adjudicata est Conventui Wigorn. apud London. contra Dominum de Berge; & consolidata est matriçi suæ de Liverburi, & data est Domino Martino de Pateshull. In crastino S. Leodegarii convenientibus in Capitulo Wigornienfi Domino Stephano Cant. Archiepiscopo, & Dominis Jocelino de Bathon. & Henrico Lincoln. Episcopis, & R. de Evesham & Symone de Radingâ Abbatibus, & M. Stephano de Ckenton Cancellario Domini Cant. & aliis multis, pro reformandâ pace inter Dominum Willelmum Wigorn. Episcopum & Conventum ejusdem Ecclesiæ, item inter Willelmum quondam Priorem Malvernæ & Conventum prædictum; tandem compromissione factâ à partibus in prænominatis personis sex sub juramento standi eorum provisioni super omnibus quæstionibus motis, pax reformatâ est mediante pacis osculo secundum tenorem autentici dictorum Provisorum. In crastino S. Edmundi præfecit nobis Episcopus in Priorem secundum formam provisionis venerabilem virum M. Willelmum de Bedeforde Priorem de Tinemuthâ.

Anno

Anno MCCXXV. Confraternitas hujus Ecclesiæ incœpit in Januario die S. Wlftani, duratura per septennium. Humbreton, Fepsinton, Tibreton, Hernorton & Lippard & omnes aliæ novæ Forestæ per Angliam sunt deforestatæ. Galfridus de Burgo consecratur in Episcopum Hely, & Abraham in Episcopum S. Afaph. Facta est concordia personalis inter Willelmum Priorem Wigorn. & Walterum Rectorem Ecclesiæ de Bredon super decimis agrorum & vellerum & omnibus aliis minutis decimis Curia de Codeston pro viii. solidis annuis, salvo jure utriusque. Prior ædificavit in Augusto novam domum suam cum appendiciis; & consummavit in Decembri. Dedimus Ecclesiam de Tiberton Roberto Capellano Decano Wigorn. & Ecclesiam S. Martini Cumano Lombardo Procuratori nostro. Nobile Torneamentum factum fuit apud Wigorniam; sed Episcopus excommunicavit omnes torneatores. Willelmus Briwerre dedit nobis calicem aureum ad pondus iv. marcarum, nisi propter combustionem vel famem vel necessariam redemptionem non amovendum. Episcopus de Hely quondam Abbas Fontanensis, Johanna de Mortuo-Mari uxor Willelmi de Bello-campo, Johannes de Newenton Monachus Wigorn. Ricardus Decanus Wigorn. obierunt.

Anno MCCXXVI. mortuo Reginaldo de Scortegrave firmario revertitur Stoka in manus Camerarii in Martio. Prior Leministriae benedicitur in Abbatem Radingæ. M. Willelmus Scotus Archidiaconus Wigorn. eligitur in Episcopum Dunelm. sed Rex non consensit. Dedimus Ecclesiam de Seggeburg Heliæ de Bradewe. Suscepto Petro de Eport inter Fratres Minores, dedimus Ecclesiam de Stoke Anketillo de Parco. Justiciarii itinerantes venerunt Wigorniam die Veneris ante Festum S. Nicholai. Thomas nepos Huberti de Burgo consecratur in Episcopum Norwic. Dominicâ proximâ ante Natale Domini. Willelmus Blefensis Episcopus Wigorn. reddidit nobis situm sartrini nostri ad Occidentem Ecclesiæ. Symon Abbas Radingæ, Willelmus Comes Saresburia, Ricardus de Marisco Episcopus Dunelm. Bartholomæus Monachus Wigorn. Teobaldus Persona de Seggebury, Pandulphus Episcopus Norwic. obierunt.

Anno MCCXXVII. M. Henricus de Saltford Archidiaconus Cant. die S. Marci consecratur in Episcopum Rossensem. Homines de Scepeve finito termino firmæ suæ in Annuntiatione B. Mariæ, protogârunt firmam suam usque ad viii. annos per incrementum xx. solidorum & medietatis proventuum. Radulfus de Wylenton consummavit Capellam B. Mariæ in Abbatia S. Petri Gloucestria; & dedit redditum ad sustentationem duorum sacerdotum ibidem in perpetuum divina celebrantium. Willelmus de Maundevil Comes Essexia obiit in Januario; qui dederat in dotalitium Ecclesiæ Wigorn. redditum c. solidorum. Willelmus Archiepiscopus Ebor. & || Willelmus Episcopus Carduliensis profecti sunt in Britanniam minorem pro filiâ Comitis ducendâ Regi in uxorem. Item alii missi sunt in Austriam; ut peterent filiam Ducis in uxorem. Item missi sunt alii ad Regem Galatia pro assumendâ filiâ ejus Regi in uxorem. Sed omnes infecto negotio redierunt. Hugo de Mortuo-Mari obiit.

Anno MCCXXVIII. Ricardus Episcopus Sarum transfertur in Episcopum Dunelm. Stephanus Cant. Archiepiscopus, Henricus Dublinensis, Eustachius London. Thomas Elyensis, Thomas Abbas Gloucestria, obierunt.

Anno MCCXXIX. M. Ricardus Magnus consecratur in Archiepiscopum Cant. Radulfus Abbas Evesham, Radulfus de Pateshull, obierunt.

Anno MCCXXX. Lewelinus vocato Willelmo de Breusâ ad Festum Paschale in dolo, suspicans eum adulteratum fuisse cum uxore suâ, membris succisis fecit eum suspendi in patibulo innocentem, ut dicebatur, & inculpabilem; & castrum suum munitissimum de Roeld solo tenus diruit. Radulfus de Mortuo-Mari duxit in uxorem filiam Lewelini conjugem quondam Reg-



Regnerii de Breusâ. Quidam liberæ conditionis de manerio de Kyderm. recuperavit communem pasturam apud Witfeld pertinentem ad manerium de Wlvard. coram Justiciariis itinerantibus apud Wigorniam in crastino Trinitatis. Thomas Prior Eveshamiæ benedicitur in Abbatem ejusdem domûs ab Episcopo Coventrensi. E. Thesaurarius Hereford. consecratur in Episcopum Landavensem. Henricus de Bamton Celerarius Cunicestriæ benedicitur apud Wigorniam in Abbatem ejusdem domûs die Natalis Domini. Prior dedit Domino Regi in subsidium guerræ suæ xxiv. marcas. Solvimus itidem Domino Papæ pro decimâ nostrâ xx. libras. Gilbertus de Clare Comes Gloucestriæ, Gilbertus de Lacy, Mauricius de Gaunt, Reimundus de Burgo, Walterus Abbas Cunicestriæ, Margerie de Say, & alii nobiles, obierunt.

Anno MCCXXXI. Anselmus nepos Marescalli consecratur apud Cantuariam in Episcopum Menevensem. Ecclesia de Novoburgo assignatur ad inveniendum vinum Conventui Gloucestriæ. Conflagratis Brewen & Radenoura cum Ecclesiis, & factâ magnâ strage laicorum & Clericorum à Walensibus, sc. à Lewelino & complicibus suis; & ob hoc communi consilio Episcoporum Angliæ & Officialium Domini Cantuariensis excommunicatis, & terris eorum ecclesiastico interdicto suppositis, Rex firmavit castrum Matildis; quod mutato nomine vocatur Maugre Lewelin. Dicta verò sententia confirmata à Domino Papâ, denuntiabatur per totam Angliam singulis Dominis & Festis. Tradidimus Herferton ad firmam hominibus ejusdem villæ usque ad x. annos, Fepsinton hominibus villæ usque ad viii. annos, & dominicum de Pensex Edwino rotario tantum in vitâ suâ pro tertiâ garbâ. Inveniemus autem ei singulis annis xviii. homines ad metendum, &c. Defuncto Ricardo Cant. Archiepiscopo prope Reatum, R. de Nevill Episcopus Cicestr. Cancellarius postulatur in Archiepiscopum.

Anno MCCXXXII. reprobata postulatione Cancellarii in Archiepiscopum, Conventus Cant. elegerunt Priorem suum in Martio; & profectus Romam, ad voluntatem & instantiam Domini Papæ cessit dictæ Electioni. Postea obtentâ liberâ electione, elegerunt Magistrum J. Blundum Theologum; & profectus est Romam. Firma de Alveston rediit in manus nostras, &c. Die S. Vitalis facta fuit Confæderatio inter Abbatem & Conventum Westmonasterii & nos; secundum quod continetur in Cartis hinc inde confectis. Emimus molendinum de Doddeham cum homagio & servitio cujusdam hominis. Item emimus terram Willelmi de Mannis apud Doddeham. Henricus Rex confirmavit nobis situm Castri. Item dedit nobis advocacionem Ecclesiæ de Bremesgrave. Justiciarii itinerantes federunt apud Coventriam circa Festum S. Johannis. Justiciarii itinerantes de Forestâ federunt apud Wigorniam in crastino Translationis S. Thomæ. Rex tenuit Natale apud Wigorniam. Mortuo Petro Teokesbiriæ Abbate, successit ei R. Prior ejusdem Ecclesiæ; & benedicitur Wigornia à Willelmo de Bleys Episcopo die Pentecostes. Sacrista noster habuit capam ejus de Baudek cum vestimento parvi pretii; & misit Conventui xl. solidos pro procuratione suâ. Translato Abbate de Hales ad Abbatiam de Wolbek, successit ei R. Canonicus ejusdem Ecclesiæ; & benedicitur in Abbatem apud Wigorniam. Fecit redemptionem pro vestimentis suis; & respexit Conventum Wigorn. pro pantiâ xx. solidis. Mortuo Thomâ Abbate Winchelcumbæ, successit ei Henricus ejusdem Ecclesiæ Sacrista, & benedicitur Wigornia Dominicâ Latere Jerusalem. Sacrista habuit capam ejus de Pal cum vestimento; & misit Conventui pro procuratione suâ xl. solidos. Mortuo M. Abbate Alincestriæ, successit ei B. ejusdem Ecclesiæ Celerarius, & benedicitur Wigornia die S. Oswaldi Archiepiscopi. Sacrista habuit capam ejus cum vestimento parvi pretii; misit Conventui per Celerarium suum pro procuratione suâ dimidiam Marcam.

Anno MCCXXXIII. Dominicâ Quinquagesimæ Dominus Episcopus sopitâ controversiâ inter ipsum & Priorem Majoris Malverniam super subjectione & visitatione, admissus fuit solemniter cum processione apud Malverniam, & procuratur. In crastino intravit Capitulum, & prædicavit causâ visitationis. Willelmus de Mapenoste petens jus in terrâ Willelmi de Manus, quierum nobis clamavit totum jus quod se habere dicebat. Dominus de Doddeham confirmavit nobis quicquid habemus in Doddeham. xvi. Cal. Junii Episcopus celebravit Synodum. Mortuo Willelmo Normanno, manerium de Clivâ rediit in usus nostros ad Festum S. Johannis; & traditur ad firmam hominibus illius villæ, excepto molendino, à Festo S. Johannis in v. annos. Cassatâ Romæ electione M. Johannis Blundi, Conventus Cant. elegit M. Eadmundum de Abendon. Mortuo Ricardo Abbate S. Edmundi, successit ei ejusdem loci Prior.

Anno MCCXXXIV. Dominicâ Quadragesimæ Dominus Episcopus procuratus fuit causâ visitationis apud Majorem Malverniam. Dominicâ *Lætare* M. Eadmundus de Abendonîâ consecratus fuit in Archiepiscopum Cant. & insignitus pallio apud Cantuariam. Mortuo Gilberto Abbate de Persforâ, successit ei Rogerus ejusdem Ecclesiæ Monachus; & benedicitur in Abbatem apud Wigorniam. Sacrista habuit capam & albam. Satisfecit Conventui in procuratione pro xl. solidis. Rex procurante Archiepiscopo recepit ad pacem suam Henricum de Burgo, & fratres Marecalli, & Gilbertum Basset, & Ricardum Sward; & die Pentecostes cinxit Gilbertum Marecallum cingulo militari, & Comitem de Penbroc apud Wigorniam. Mora rediit in manus nostras. Cedente D. Abbate de Bristoll, Willelmus ejusdem Ecclesiæ Prior successit; & benedicitur in Abbatem apud Wigorniam. Satisfecit Sacristæ de albâ & capâ, & Conventui de procuratione, sc. xl. solidis. Emimus residuum terræ Aluredi de Penhull. De consensu Domini Episcopi & nostro & M. Michaelis salvo jure suo facta fuit provisio per M. Michaellem Grmel & Willelmum de Tinton Rectorem Ecclesiæ de Kemeseve super Ecclesiâ S. Helenæ; videlicet quod cassatâ pensione vii. marcarum quam percipere consuevimus, tota jurisdictio dictæ Ecclesiæ & Capellæ de Eleines, sc. citra Sabrinam, residebit in perpetuum penes Episcopum; & tota jurisdictio Capellæ de Wik & de Wichenforde cum pertinentiis residebit in perpetuum penes Conventum in proprios usus, salvo honestis Vicariis. Henricus Foliot Herefordensis Episcopus obiit.

Anno MCCXXXV. Willelmus de Cirencestriâ factus est Monachus in Vigiliâ S. Dunstani. Cœpimus molendinum de Sepeston ad firmam, &c. Episcopus de consensu Capituli contulit Sacristariæ Ecclesiam de Fubbury salvâ Vicariâ, & de eadem per Sacristam Conventui die anniversario unam marcam. Factâ provisione super Ecclesiâ S. Helenæ, remansit in usus nostros portio in Occidentali parte Sabrinæ, & jus præsentandi Vicarios ad Capellas de Wik & de Wichenforde, & Episcopo portio apud Eleines facta ibi Vicario, salvâ decimâ de dominico Albarum Sororum & jus instituendi Vicarium apud S. Helenam, excepto redditu Civitatis quem assignavit Capitulo apud Carnar. cassatis viii. marcis quas percipere consuevimus. Justiciarii itinerantes de omnibus placitis federunt apud Wigorniam circa Festum S. Kenelmi. Mortuo Philippo de Muttun, uxor ejus fecit finem Priori pro hærede, sc. pro relevio, gardâ & maritagio, pro x. marcis. Dedimus Regi xxx. marcas. Henricus de Sanford Episcopus Roucestriæ, Abbas S. Albani, M. Michael Rector S. Helenæ obierunt.

Anno MCCXXXVI. mortuo Willelmo de Furnellis, optentâ gratiâ Domini Regis super advocatione Ecclesiæ de Bremeſgrave Willelmus de Bleys Episcopus contulit nobis Ecclesiam illam in proprios usus, salvâ Sacristariæ Capellâ de Grafton; & ordinatâ Vicariâ admisit Vicarium ad præsentationem



WALTERUS  
DE CANTI-  
LUPO.

nem nostram. Confirmavimus Canonicis de Keynesham c. solidos de Ecclesiâ S. Wereburgæ Bristoll. Confirmavimus Monialibus de Uske Capellam. Confirmavimus Monachis de Malvernâ Majori decimas de dominico suo apud Malverniam & apud Powik. Walterus de Bello-campo obiit die S. Guthlaci. Mortuo Willelmo de Bleys Episcopo xv. Cal. Septembr. impetratâ licentiâ à Domino Rege, elegimus nobis in Episcopum M. (p) Walterum de Cantilupo iii. Cal. Septembr. Confirmatur xii. Cal. Octobris. Thomas de Blunwillâ Episcopus Norwicensis obiit. Mortuo Thomâ Abbate Eveshamiæ, successit ei Ricardus Prior de Hurlege. Contulimus Ecclesiam S. Andreae Ricardo de Coventry Clerico Electi. Willelmus de Bello-campo fecit homagium Episcopo; & tenebatur ei pro relevio in lxxv. libris, quas legavit fabricæ Ecclesiæ. Legavit insuper cc. libras.

Anno MCCXXXVII. confirmavimus Abbati & Conventui Radingæ Ecclesiam de Ruginton. Emimus molendinum de Sepweston, &c. Walterus de Cantilupo Wigorn. Electus ordinatur à Domino Papâ in Diaconum Viterbii ii. Non. April. & in Presbyterum xiv. Cal. Maii; & consecratur ab eodem v. Non. Maii; & præsentibus Rege & Reginâ Angliæ, & Reginâ Scotiæ, & Legato, & Domino Cantuariensi, & cæteris Regni Magnatibus, intronizatur iii. Id. Octobris. Contulimus Matthæo de Cantilupo Ecclesiam de Croppethorn, & Magistro G. de Perforâ Ecclesiam de Herferton, & M. Thomæ de Johanneftoun Ecclesiam de Stok. Legatus celebravit Concilium in Octavis S. Martini; in quo privavit Beneficiis Ecclesiasticis eos qui successerunt patribus immediate. Esus carniū interdictus est Monachis, salvâ constitutione Regulæ. Episcopus visitavit Majorem Malverniam & cæteras domos religiosas Episcopatus; & correxit corrigenda. Concessimus M. Hamelino singulis annis xii. marcas; donec provisum ei fuerit in beneficio ecclesiastico. Ricardus Episcopus Dunelm. & Ricardus Comes Cestriæ, & Robertus de Bathoniâ obierunt.

Anno MCCXXXVIII. ex mandato Domini Papæ unanimi consensu Domini Walteri de Cantilupo Episcopi Wigorn. & Domini Alexandri Coventr. & Lichfeld. Episcopi facta fuit limitatio inter Episcopatus Wigorniensem & Coventrensem; ita quod tota villa de Duddel. cum Ecclesiis & earum pertinentiis lege Diocesana pertinebit ad Episcopum Wigorn. Situs verò Castrî ejusdem villæ & cella Monachorum cum pertinentiis suis in Comitatu Stafford. pertinebit ad Episcopum Coventrensem. Emimus pratum de Hampton, &c. Dominus Legatus legitimavit Clericos illegitimos. Conventus Rovecestriæ obtinuit nomine possessionis in causâ Electionis contra Dominum Cantuariensem. Walterus de Cantilupo Episcopus movit placitum contra Petrum de Salfô Marisco de villâ de Upton, &c. Et Dominus Episcopus iterum visitavit Majorem Malverniam, & correxit corrigenda. Petrus Winton. & Alexander Coventr. Episcopi obierunt.

Anno MCCXXXIX. dedimus Ecclesiam S. Clementis Magistro R. de Coderuge. Willelmus de Ralege consecratur in Episcopum Norwicensem. M. Matthæo de Grimelewe privato Beneficio auctoritate Concilii contuli-

(p) Confirmatus est 1236. 8. Cal. Nov. benedicatur die S. Andrea, intronizatur in Octavis Andrea, Romam transfretavit circa Purificationem B. Mariæ. Sic Annales Theokesberienfes, qui in reliquis, viz. diebus consecrationis & solennis intronizationis, cum Wigorniensibus consentiunt. Quantâ fortitudine ac constantiâ Pontificum Romanorum Legatis ab Anglicano Clero pe-

cuniam emungentibus, Othoni anno 1237. exeunte, & Rustando anno 1255. obstiterit; Matthæus Paris ubertim refert p. 448, & 915. Constitutiones 30. in Synodo Diocesana anno 1240. promulgavit; quæ in Tomo 2. Concil. Angl. reperiuntur p. 240. Correctiones & interpretationes earundem postea ab eodem factæ penes me servantur ineditæ.

mus Capellas de Grimelewe & de Hanawe, R. tunc Decano Wigorn. Episcopus dedicavit Conventuales Ecclesias de Majori Malvernâ, de Winchecumbâ, de Alencestriâ, de Teokesberiâ, de Gloverniâ, & de Perforâ. Emimus molendinum de Alveston, &c. Dominus Episcopus visitavit Conventum Gloucestriæ; & motâ quæstione super visitatione singulari, recognitum fuit à Conventu in Capitulo coram sæcularibus, quòd ex officio suo singularem potuit facere inquisitionem. Motâ quæstione versùs Dominum Petrum de Saffo Marisco super manerio de Upton, Dominus Episcopus obtinuit coram Justiciariis de Banco compositione amicabile annuum redditum c. solidorum & advocacionem Ecclesiæ, & quoddam pratum & duas mansuras apud Upton, & servitium dimidii militis, de residuo incremento de Upton remanente Domino Petro. Radulphus de Maydeneston Episcopus Hereford. transtulit se ad Ordinem Fratrum Minorum. Dominus W. de Cantilupo pater Domini Episcopi obiit.

Anno MCCXL. Dominus Episcopus obtinuit nundinas à Domino Rege apud Blockel per v. dies, & apud Stratford per iv. & apud Alvichurch per iii. & mercatum apud Alvichurch feriâ iv. Justiciarii de Forestâ federunt apud Wigorniam per xv. posteriores dies Februarii. Cepimus Horsleye ad firmam, &c. Dedimus Ecclesiam S. Andreae Sampsoni, & Ecclesiam S. Swithuni Johanni Capellano. Episcopus celebravit Synodum die S. Annæ. Dedimus Ecclesiam de Yccumbe W. de Scordiche. Episcopus contulit Eleemosynariæ Wigorn. de eadem Ecclesiâ annuum redditum trium marcarum: sicut Carta ipsius testatur. Confirmavit etiam decimas & pensiones nostras, & decimas Sacristariæ. Dedimus Papæ cxi. marcas. Henricus de Pateshull consecratur in Episcopum Coventrensem. Tam Conventuales quàm Parochiales Ecclesiæ dederunt subsidium Papæ. Dominus Wigorniensis consecravit Episcopum Herefordensem. Edmundus Cant. Archiepiscopus & de Landaf Episcopus, & Warennæ & Lincolnæ Comites obierunt.

Anno MCCXLI. pacificati sunt Episcopus & R. de Gurnay; ita quòd molendinum de Redwik remaneret Episcopo, & præterea annuus redditus x. librarum. Legatus & Wigorniensis Episcopus ac alii vocati ad Concilium Romanum transfretârunt. M. Nicolaus de Farnham consecratur in Episcopum Dunelmensem. Justiciarii itinerantes federunt apud Wigorniam post octavas Paschæ. Fecimus pacem cum personâ & liberis de Neweh. &c. G. Comes Marecallus, Soror Arthuris Comitissa Hereford. G. Basset, J. Biser, obierunt.

Anno MCCXLII. Comes Ricardus & Dominus Episcopus applicuerunt in Angliam. Dedimus Domino Regi in subsidium transfretationis in Gasconiam xx. libras argenti. Episcopus visitavit Conventum Gloucestriæ; & factâ singulari examinatione, correxit corrigenda: unde Prior & quidam alii amoti fuere. Visitavit etiam Conventum S. Augustini Bristoll; & Wilhelmo Abbate cedente successit Camerarius de Keynesham, benedictus apud Wigorniam: Satisfecit Conventui de procuracione & Sacristæ de capâ cum vestimento. Visitavit & alias domos religiosas. Mortuo Hugone de Clivâ recepimus herietum ejus, &c. Episcopus celebravit Ordines apud S. Oswaldum Gloucestriæ. Contulimus Michaeli Ecclesiam de Croppethorn, & D. Vicariam ejusdem, & R. de Coderugge Capellas de Grimelewe & de Hallawe, & A. Ecclesiam S. Clementis. Mortuo Thomâ Priore Malvernæ Majoris, Episcopus vacante Prioratu habuit inde custodiam; & factâ examinatione super electione J. succedentis coram Abbate & Conventu Winchecumbæ confirmavit eum; & per Officialem Episcopi installatur, factâ Episcopo canonicâ obedientiâ, Abbate Westmonasterii se opponente. Mortuo Wilhelmo Priore successit R. Sacristarius in Vigiliâ S. Edmundi. Johannes Episcopus Bathon. & Thomas Comes Warewik obierunt.



Anno MCCXLIII. Emimus terram Willelmi de Bodeham apud Wlwardel, &c. Dedimus R. Vicarium de Clivâ, & P. Capellano Capellam S. Clementis. Mortuo W. Archidiacono Wigorn. successit Vincentius, installatus per Subpriorem vice Prioris. Mortuo H. Abbate Gloucestriae successit W. Prior ejusdem loci; qui die quo installari debuit, morte præventus decessit. Cui successit Johannes Præcentor ejusdem loci. Sacrista percepit albam & cappam tam pro W. non installato quàm pro Johanne installato. Satisfactum fuit Conventui de procurationibus. Willelmus de Ralege Episcopus Norwic. transfertur per Dominum Papam in Episcopum Wintoniensem. Bonifacius avunculus Reginae confirmatur in Archiepiscopum Cant. Prior dedit Regi unam cuppam, & Reginae alteram. Thomas Monachus Evelhamiae eligitur in Abbatem ejusdem domûs.

Anno MCCXLIV. Emimus terram Symonis de Solers apud Doddeham, &c. Confirmavimus compositionem inter Episcopum & J. Poer super escambio terrarum apud Fladebur & Wichenef. Dedimus W. Capellano Vicariam de Wichenef. Dominus Papa dedit M. Rogerum de Sarum in Episcopum Bathon. propter dissensionem inter Capitula Bathoniense & Wellense. M. Walterus eligitur in Episcopum Northwicensem. Fulco Basslet consecratur in Episcopum London. Thomas Monachus Evelhamiae benedicatur in Abbatem ejusdem loci. Electus Cant. ordinatur in Presbyterum ab Episcopo. Cantuariensis Electus dedit M. Ricardo de Wichio autoritate Concilii Episcopatum Cicestriae, Rege contra appellante. Radulphus de Nevil Cancellarius Episcopus Cicestriae obiit.

Anno MCCXLV. Bonifacius avunculus Reginae consecratur à Domino Papâ in Archiepiscopum Cant. Dominicâ post Epiphaniam. M. Ricardus de Wichio, cui Dominus Papa contulerat Episcopatum Cicestriae Rege reclamante, cassatâ viciosâ electione Roberti Passelewe, consecratur à Domino Papâ Dominicâ post cineres. Dominus Rex petiit auxilium à domibus religiosi per Angliam ad maritandam filiam suam primogenitam; cui dedimus c. solidos & cuppam argenteam. In crastino S. Augustini Cant. M. Archidiaconus Gloucestriae sententialiter, culpis suis exigentibus, auctoritate Domini Episcopi privatus est omni officio & beneficio. Archidiaconatus collatus est ab Episcopo Magistro W. Lupo, & Ecclesia de Stratford Magistro N. de Widebroc. Dominus Episcopus iturus ad Concilium transfretavit in Vigiliâ Ascensionis. Dominus Papa consecravimus & dedit M. Rogerum Decanum Lincolniae in Episcopum Coventrensem. Walterus Marecallus Comes de Penbroc obiit, & Ansel frater ejus, antequam in saifina esset dicti honoris ante Natale. Aërnalius Camerarius obiit.

Anno MCCXLVI. David Princeps Walliae obiit primâ die Quadragesimae; successerunt ei filii Griffini primogeniti fratris sui. Dominus Rex admisit in gratiam suam Episcopum Cicestrensem, & restituit ei Temporalia. Facta est distributio divisionis hæredibus Marecalli in octavis S. Johannis Baptistæ. Dominus Walterus rediit à transmarinis apud Wigorniam die S. Jacobi. Dominus Carleolensis transtulit se ad ordinem Prædicatorum. Incœpta est Abbatia apud Hayles. Comitatus Wigorn. amerciatu fuit super xl. marcis pro falso judicio; & judicatum fuit à Justiciariis de Banco, quod Hundredum de Oswaldeflawe non debet adjuvare ad hujusmodi amerciamementum.

Anno MCCXLVII. Molendinum de Mulderham cessit perpetuò in usus nostros in Purificatione. Mortuo Roberto Episcopo Sarum, successit ei Willelmus de Eboraco. Cedente H. Abbate de Winhecumbâ, successit J. Celerrarius ejusdem domûs; & benedicatur in Abbatem apud Wigorniam à Domino Episcopo Hereford. ad mandatum Domini Episcopi Wigorn. Sacrista recepit albam & cappam cum vestimento. Abbas solvit Conventui xl. solidos pro procuratione. Dedimus Capellas de Doddeham & Kinthwike W. Capellano.

no. Dedimus in subsidium Domini Papæ. Justiciarii itinerantes de Forestâ federunt apud Wigorniam à die S. Martini usque ad Festum S. Nicholai. Jus patronatûs Ecclesiæ de Haleford cessit in perpetuam jurisdictionem Wigorniensis Episcopi de consensu Prioris & Conventûs de Kenilworth. Episcopus Menevensis, de S. Afaph, & Robertus de Bathoniâ obierunt.

Anno MCCXLVIII. Dedimus Capellam de Tyburton Willelmode Legâ, & Capellas de Doddeham & de Knithinton W. Capellano, ita quod singulis Capellis singulos inveniet Capellanos. Formata est pax inter Episcopum & Abbatem Evelhamiæ & ejusdem loci Conventum post Conceptionem S. Mariæ. M. Thomas Walensis factus est Episcopus Menevensis. M. Willelmus de Button factus est Episcopus Bathoniensis.

Anno MCCXLIX. Justiciarii itinerantes federunt apud Wigorniam ab octavis Epiphaniæ usque ad Festum S. Scolasticæ, sc. Rogerus de Thurkilby, Gilebertus de Preston, M. Symon de Walteris, Johannes de Cobeham. Dedimus in subsidium Domino Regi xv. marcas. Dominus Wigorniensis consecravit Episcopum de S. Afaph, assistentibus sibi de Bangor & de Mithe Episcopis. W. de Braci quietam clamavit communiam de Tiburton, &c. Contulimus Ecclesiam de Seggesbury W. Clerico, & Capellam de Tyburton W. Capellano. Orta est discordia inter Dominum Episcopum & W. de Bello-campo propter wreccum navium & captionem carrucarum & averiorum ejusdem Episcopi contra libertates Ecclesiæ.

Anno MCCL. Dissentio inter Episcopum & nos super quibusdam articulis Hundredi de Oswaldestawe. xiv. Cal. Junii Episcopus transfretavit iturus \* \* f. Lugdunum. Londoniam contra W. de Bello-campo. Magister W. de Powyke remansit de consilio nostro pro x. marcis. ii. Kal. Julii manè factus fuit terræ motus. Sententia lata fuit pro Episcopo in Curiâ Romanâ apud Lugdunum contra W. de Bello-campo super excommunicatione, quam dictus Episcopus in ipsum tulit pro violentiâ ab illo illatâ contra libertates Hundredi de Oswaldestawe.

Anno MCCLI. Mortuo R. Abbate Perforæ, successit ei Gler Monachus de Feskam. Willelmus de Cantilupo frater Domini Episcopi obiit. Dominus Episcopus rediit à Curiâ Romanâ, susceptus cum processione die S. Dunstani. Willelmus de Bello-campo & excommunicati sui absoluti fuerant ab Episcopo in formâ Ecclesiæ, Rege & Magnatibus regni præsentibus, die S. Edwardi. Rex admisit Episcopum in gratiam suam. Ecclesia de Heyles dedicata fuit ab Episcopo & aliis, quartâ die post Festum Omnium Sanctorum. Margareta filia Regis Henrici nupsit filio Regis Scotiæ apud Eboracum in crastino Natalis Domini cum solennitate maximâ.

Anno MCCLII. Dominus Cantuariensis obtinuit à Domino Papâ, quod possit visitare singula Capitula tam Religiosorum quàm Canonicorum Sæcularium cum procuracionibus. Postea impetratum fuit à Domino Papâ per commune consilium Prælatorum & Cleri, quod Procuraciones taxatæ fuerunt. Dedimus Vicariam Capellæ de Wicheneford Petro Capellano, & Capellam S. Clementis de Wygorn. J. Capellano. Mortuo Ricardo de Condicate Priore die S. Michaelis, successit ei Thomas installatus die Omnium Sanctorum, qui officio † Prioris xxxii. annis & ampliùs functus fuit. Custodia Prioratûs medio tempore remansit integrè & absolutè tam in interioribus quàm exterioribus in manus Supprioris & Celerarii; Rege Henrico proferente sententiam, quod custodia Prioratûs non ad ipsum pertinuit tempore vacationis. Dedimus Capellam de Herferton Sampsoni de Bremeſgrave. Dedimus Capellas de Doddeham & Kinthwyk G. Capellano.

Anno MCCLIII. Dedimus pro taxatione carrucarum & reddituum nostrorum in subsidium tallagii Domini Papæ, sicut cæteri Religiosi & Clerici, plusquam xvii. marcas. Dedimus Domino Regi in subsidium transfretationis

† 1. Subprioris.



nis in Gasconiam xl. marcas. Tradidimus ad perpetuam firmam molendinum de Muldeham, &c. Mortuo Thomá Archidiacono Gloucestriæ Rectore Ecclesiæ de Stoke, dedimus eandem M. Simoni de Walton. Ricardus Episcopus Cicestr. pro quo Dominus miracula operatus est, & S. Robertus Grocete Episcopus Lincolnia obierunt. Confœderatio inter nos & Conventum de Wenlok, & inter nos & Conventum Abendonensem. Obiit Hugo de Rupibus Archidiaconus Wintoniensis.

Anno MCCLIV. Congregatio omnium Abbatum & Priorum nigri Ordinis apud Oxoniam in crastino S. Matthæi Apostoli propter quoddam privilegium à Domino Papâ omnibus Episcopis Angliæ transmissum in gravamen Monastici Ordinis. Tradidimus M. Symoni de Walton manerium nostrum de Herferton ad firmam, &c. Taxatio generalis tam de temporalibus quam de spiritualibus facta fuit per Angliam exceptis Baroniis.

Anno MCCLV. Contulimus Ecclesiam de Seggesberege Willelmo nepoti Prioris. Justiciarii itinerantes federunt apud Wigorniam iv. Nonas Julii per xv. dies; & iterum federunt post Festum S. Michaelis per xv. dies. Confirmavimus Monialibus de Wystan situm loci earum & cætera eis collata. Dedicata fuit Ecclesia earum apud Wystan ii. Idus Julii. Piæ memoriæ Dominus Walterus de Gray Archiepiscopus Ebor. qui legavit nobis insignia Capellæ pretiosa, decessit. Thomas Eveshamiæ Abbas decessit. Dedimus Domino Regi pro taxatione Spiritualium vii. lib. xiii. den. ob. & pro taxatione Temporalium xix. lib. x. den. ob. Confœderatio inter nos & Conventum de Burgo. Dedimus Domino Regi pro warrenâ unam marcam auri, &c.

Anno MCCLVI. Die Paschæ installatus fuit per Priorem Magister H. de Cantilupo Archidiaconus Gloucestriæ. Obtinuimus à Domino Rege custodiam boscorum nostrorum infra Forestas de Pekham & Kinfar, datis ei l. marcis, & Regina v. marcis, & Cancellario ii. marcis, & Clericis vii. solidis. Contulimus Ecclesiam de Wlvardelewe Magistro J. de Winton. Sewallus Archiepiscopus Ebor. consecratus fuit ab Episcopo Wigorn. ad mandatum Domini Papæ. Willelmus Episcopus Sarum obiit; cui successit Ægidius de Bridport. Hugo Prior Eveshamiæ installatur in Abbatem Eveshamiæ die S. Egwini. Dedimus Magistro J. Ecclesiam S. Andrea. Emimus terram, &c. Cedente W. Archidiacono Wigorn. successit ei .....

Anno MCCLVII. M. Simon de Walton confirmatur in Episcopum Norwicensem feriâ sextâ post Festum S. Petri ad Vincula. Quo confirmato, dedimus Ecclesiam de Stoke Domino M. de Cantilupo. Consecratur Dominicâ qua cantatur, *Isti sunt dies*. Intronizatur in octavis sc. die Palmarum. Episcopi de Coventriâ & de Excestriâ consecrati fuerunt cum Domino Norwicensi. Dominus Eboracensis excommunicatur ab Archiepiscopo Cant. ad mandatum Domini Papæ. Dominus Episcopus recuperavit returnum Brevium à Domino Rege, &c.

Anno MCCLVIII. Perambulatio facta fuit & limitata ad mandatum Domini Regis inter manerium de Norton & de Alvechirche. M. Harlotus nuncius Domini Papæ venit in Angliam; solvimus ei pro procuratione xl. solidos. Convenit inter nos & Abbatem Radingæ super tenementis apud Tydinton, &c. Sewallus Archiepiscopus Ebor. obiit. Mortuo Ricardo Episcopo Lincoln. successit Ricardus Decanus.

Anno MCCLIX. Rotunda Tabula sedit apud Warewyk circa Festum Assumptionis B. Mariæ. Mortuo Fulcone Episcopo London. successit Henricus de Wingham Cancellarius. Quidam Româ missi in Angliam à Domino Papâ, interfecti sunt Londoniæ in conspectu totius populi. Terra & tenementa W. de Credynton cum molendino cesserunt in usum nostros, &c.

Anno MCCLX. Dominus Cantuariensis Dominicâ proximâ ante Festum Exaltationis S. Crucis visitavit cum Clericis suis Dominum Episcopum & Con-

Conventum. Solvimus pro procuratione suâ iv. marcas. Mortuo Thomâ Priore, successit ei Ricardus de Dumbelton Celerarius, & installatur in Vigiliâ Natalis Domini. Custodia Prioratûs medio tempore remansit integrè & absolutè tam in interioribus quàm exterioribus in manu Supprioris & Celerarii. Mortuo M. de Cantilupo, contulimus Ecclesiam de Stoke Sampsoni de Bremesgrave. Dedimus Ecclesiam de Humelton R. de Canthtebruge Clerico Domini Wigorniensis. Capitulum generale Fratrum Minorum sedet Wigornia.

Anno MCCLXI. Justiciarii itinerantes venerunt apud Wigorniam in octavis S. Johannis Baptistæ, sc. G. de Preston, M. de Lutebury, G. de Leuken, W. de Englesfeld; & totus Comitatus eos admittere recusavit; quod vii. anni nondum erant elapsi, postquam Justiciarii ibidem ultimò sederunt. Summitas clocherii Ecclesiæ Evesham conflagravit fulgure. Obtinuimus decimas de Monewode spectantes ad Ecclesiam de Bremere à Magistro H. de Langley Rectore Ecclesiæ de Upton juxta Wichenford. Contulimus Ecclesiam de Bradewe Magistro G. de Doverdale, & H. Decano Wigorn. Ecclesiam S. Andreæ. Hoc anno Andreas Prior S. Swithuni per quamdam submissionem coram Bonifacio Archiepiscopo confectam Prioratu se privavit. Item ad Dominum Papam tam pro hac submissione quàm pro negotio electionis appellavit, & Curia Romanæ nuncios destinavit. Delatum est cor Adomari Episcopi apud Wintoniam, & in parte boreali magni Altaris humatum est; ubi plura coruscant miracula.

Anno MCCLXII. Justiciarii itinerantes de Forestâ federunt apud Wigorniam in octavis Paschæ, sc. Dominus A. Laruché, N. de Romefi, & Magister W. de Poywik. Maxima occisio Walensium per D. Rogerum de Mortuo-Mari & alios Marchisos hoc anno. Dedimus Ecclesiam de Lyndrugge Emerico de Breauce; & Dominus Herefordensis confirmavit nobis x. marcas percipiendas annuatim de eadem. Contulimus Ecclesiam de Humelton Magistro J. de Scheldeslewe. Obiit Ricardus de Clare Comes Gloverniæ, & apud Theokesbyrie sepultus est. Ortâ dissensione coram Summo Pontifice super electione Episcopi Winton. Dominus Papa contulit dictum Episcopatum M. Johanni de Exoniâ Cancellario Ebor. cassatâ prius electione factâ de W. de Taunton, tamen non vitio personæ sed aliunde quæsitâ occasione. Item obiit Ægidius Sarum. Andreas Prior Wintoniæ malè grate cedens Prioratu, culpis suis ut dicitur exigentibus, per Johannem Episcopum apud Hidam mittitur incarcerandus. Unde exiens per cautelam & fraudem, talia adinvenit falsitatis commenta; quod meritis B. Thomæ Martyris sic à compedibus & carcere liberatus est.

Anno MCCLXIII. Ecclesia de Bremere cum suis pertinentiis, quas Sampson habuit de nobis ad firmam, rediit in manus nostras, &c. Andreas Prior Wintoniæ Curiam Romanam adiit. Simon Comes Leicestriæ & Barones parti suæ adhærentes, volentes promissiones Oxonienses à Domino Rege eis concessas in omnibus observari, insurrexerunt contra dictum Dominum Regem & suos fautores, discurrentes cum vi armatâ per Angliam subjugando sibi castella, Civitates & Burga. Dominus Rex & Barones compromiserunt in Dominum Regem Franciæ; quod dictis suis starent & ejus arbitrio de provisionibus Angliæ observandis. Qui ut dicebatur ob favorem Dominæ Reginæ & Domini Edwardi dictas provisiones cassavit omnino; & Cartam libertatis Angliæ, unde provisiones prædictæ fuerant extractæ, adjudicavit bonam; & in tantum erravit. Dicti Barones audientes contrarietatem dicti Domini Regis, & ipsius corruptionem intelligentes, contra sententiam suam appellârunt, & dictis suis renunciârunt de plano. Dominus R. Comes de Ferrariis, Dominus P. de Monteforti, & R. filius Comitis Simonis Leicestriæ & alii Magnates venerunt apud civitatem Wygornia cum exercitu magno, &  
ob-



oblöderunt eam ; & post plurimos insultus eam ceperunt ii. Cal. Martii ; & quicquid extra Ecclesiam poterant invenire, deprædaverunt unâ cum toto Judaismo ; quosdam autem Judæos ceperunt & imprisonaverunt, & quosdam occiderunt. [*Sequitur in hoc & sequentibus annis Historia satis ampla & iusta discordiæ inter Henricum Regem & Barones. Quæ cum ad res Wigorniensis Ecclesiæ minùs spectet, & apud Matthæum Paris & Matthæum Westmonasteriensem uberior habeatur ; illam prætermittere consultum duxi.*]

Anno MCCLXIV. Communitas Wintoniensis in se & suos vicinos circumquaque insurgentes, portam Prioratûs Winton. cum redditibus suis prope portam & Ecclesiam S. Swithuni ultra portam de Kingate combusserunt ; & homines Prioratûs, quos attingere potuerunt, infra sepra Monasterii interfecerunt. Celebratum est Episcoporum Concilium in Angliâ apud Radingam ; ubi data fuit sententia in genere super omnes contradicentes provisionem Oxon.

Anno MCCLXV. Pridie Idus Februarii obiit piæ memoriæ venerabilis Walterus de Cantilupo (q) Episcopus Wigorn. apud manerium suum de Blockelewe ; & sepultus est cum magno honore in Ecclesiâ suâ Cathedrali Wygornienfi juxta magnum Altare. Obiit Radulphus Russel Prior Wintoniæ, & Agnes Abbatiſſa B. Mariæ Winton. Ottobonus S. Adriani Diaconus Cardinalis ab Apostolicâ Sede missus Legatus applicuit apud Doveri iii. Cal. Novembr. Qui in Angliam missus est ad confirmandam Anglicanæ Ecclesiæ pacem, & discordiæ lolium quod inter Barones & regios complices inimicus homo seminârat evellendum & destruendum. Legatus verò quasi ex præcellenti Regi favens, Episcopos Londoniensem, Wigorniensem, & Ciceſtrenſem, quia Comiti Leyceſtrenſi in quibusdam favorabiles extiterant, ab officio suspendit & beneficio. Episcopum verò Winton. eâdem sententiâ innodavit. Aliis tamen de causis & ipsis Episcopis autoritate Papali, quaungebatur, injunxit ; ut Summum Pontificem in propriis personis adirent, super objectis & objiciendis coram eo responsuri, & pro meritis accepturi quod Apostolica dictaret autoritas.

NICOLAUS  
DE ELY.

Anno MCCLXVI. Hoc anno M. Nicholaus (r) Archidiaconus Elyensis

(q) Dominus Walterus Wigorn. Episcopus in articulo mortis positus, se dicebat errasse fovendo partem Simonis de Monteforti ; & super hoc literas ad Legatum direxit, petens beneficium absolutionis ; quod obtinuit, & decessit. Ista Florilegus ad annum 1265. Maximo sanè studio Walterus Baronum adversus Henricum Regem arma moventium partes propugnauerat ; aded ut ipsis prælium Lewenſe anno 1264. commissuris absolutionem impenderit, fortiter decertandum in peccatorum remissionem suadens, omnibusque mortem in tam justâ causâ appetituris facilem cœli ingressum pollicitus. Hunc itaque aliosque complices Episcopos Guido Sabinenſis Cardinalis Papæ Legatus anno 1265. sacris interdixit. Quam tamen sententiam, factâ ad Concilium Generale appellatione, minimè observârunt. Acriorem igitur sententiam Ottobonus Legatus, qui Guidoni successit, expediendam ratus, cunctos Episcopos Baronibus olim astantes excommunicavit. Morbo extremo tunc Walterus decubuit ; qui in pace Ecclesiæ dormire cupiens, pœnitentiam præ se tulit, & absolutionem à Legato impetravit. Obi-

it anno 1266. 2. Febr. juxta Nicolaum Trivetum, 1267. 5. Febr. juxta Matthæum Paris, 1265. 12. Febr. juxta Annales nostros. Annum Trivetum, diem Chronographus noster rectiùs designârunt.

(r) Nicolaus Archidiaconus Eliensis magni Angliæ Sigilli custodiam accepit 1260. 18. Octobr. dimisit anno sequenti. Thesaurarius Angliæ anno 1262. constitutus est ; & Sigilli custodiam iterum suscepit 1263. 18. Decembr. dum Rex in transmarinis partibus ageret retinendam. Consecratum fuisse Thomas Wikes refert 1266. in Octavis Pentecostes, viz. die 23. Maii, Annales Winton. 1266. Dominicâ proximâ ante Festum S. Michaelis, viz. die 26. Septembr. Annales nostri 1266. 19. Sept. Id solum habet instrumentum Professionis autographum, ipsum simul cum Rogero Norwicensi Episcopo consecratum fuisse ab Ottobono Legato. Nicolaus anno 1268. 24. Febr. ad Episcopatum Wintoniensem postulatus, à Wigornia recessit. Commemoratur in Missâ Benefactorum Academiæ Cantabrigiensis.

eligitur in Episcopum Wigorn. vii. Idus Maii; confirmatur xiii. Cal. Julii; consecratur xiii. Cal. Octobr. & intronizatur vi. Cal. ejusdem. Item Londoniensis, Wintoniensis, & Cicestrensis Episcopi per Othonem Legatum ab officio & beneficio sunt suspensi ratione cujusdam Concilii apud Radinges editi; & Romam profecti sunt. Obiit Margareta Comitissa Lincolnæ, & Petrus de Sebaudiâ Comes Richemundæ. Item vi. Idus Julii natus est Domino Edwardo filius primogenitus vocatus Johannes apud Windlesore.

Anno MCCLXVII. Pridie Nonas Augusti Dominus Otho Legatus visitavit Ecclesiam Wintoniensem; & ipsam invenit indebitam de decem mille marcis & amplius. Dominus Rex tenuit Natale suum apud Wintoniam cum Othone Legato; qui in recessu suo Abbatem & Conventum de Hidâ interdixit ratione cujusdam contentionis inter homines eorum habitæ. Ventus vehemens in crastino S. Hilarii, per quem cecidit turris S. Katerinæ. Obiit Johannes Episcopus Winton. in Curia Romanâ xiv. Cal. Februarii; & Viterbii sepultus est. Cui successit M. Nicolaus de Ely: qui à Sede Wigorn. usque ad Sedem Winton. translatus est, & ab Othone Legato est confirmatus.

Anno MCCLXVIII. Nono Cal. Maii Dominus Otho Legatus celebravit Concilium suum Londoniis. In crastino Depositionis S. Swithuni Valentinus Prior Winton. per Dominum Nicolaum Episcopum Prioratui est restitutus. Nicolaus de Hely Episcopus Wigorn. postulatur ad Ecclesiam Wintoniensem; cui successit Godefridus Giffard (f), Domini Regis Cancellarius; qui appropriavit nobis tunc Ecclesiam de Grimelewe cum Capellâ de Halawe. Octobonus Legatus iter arripuit repatriandi; & iv. Idus Julii misit se in mare. Obiit Petrus de Eggeblanche Episcopus Herefordiæ; cui successit Johannes le Bretun, & à Bonifacio Cant. Archiepiscopo confirmatus, & à Nicolao Wintoniensi Episcopo consecratus apud Waverleye.

Anno MCCLXIX. Obiit Warinus de Bassingeburne, miles probus & fidelis. Dominus Rex perendnavit Wintoniæ per xi. septimanas, sic per totum Autumnum. S. Edwardus à veteri feretro in novum translatus est; præsentente Domino Henrico Rege, qui secundum edictum suum coronam portare disposuit, sed non portavit. Unde vendicantibus sibi jus & consuetudinem de pincernariâ Wintoniæ & Londoniæ civibus, noluit Dominus Rex ut quis eorum serviret propter discordiam & periculum quod posset imminere; sed

(f) Godefridus, Walteri Giffard Archiepiscopi Ebor. frater, summus Angliæ Cancellarius anno 1267. creatus est. Anno sequenti ad Episcopatum Wigorn. evehctus, Sigillum Regi tradidit 1268. 29. Octobr. die Lunæ. Consecrationis vel electionis dies invenire non potui. Inferius tamen anni Pontificatus ab illo gesti à mense Septembri anni 1268. numerantur. Intronzatum fuisse 1268. in Festo Natalis Domini Thomas Wikes prodit. Anno 1278. Justiciarii Itinerantis munus ipsi à Rege delatum obiit. Magnam illi cum Johanne Pechamo Archiepiscopo controversiam de jurisdictione motam fuisse in Registro *Peckham* reperio. Inter alia Archiepiscopus Officialem illius admonuit, & tandem severe injunxit; ne manifesti criminis convictos penâ pecuniaria mulctaret, sed potius peregrinationibus seu aliis religiosis exercitiis casti-

garet. Obiit Godefridus 1302. 26. Januarii; quod (ut Annales nostros mittam) ex Registro Wigorn. Ecclesiæ constat. Magnificum sibi tumulum, dum in vivis erat, construxerat prope magnum altare supra B. Oswaldi feretrum, deturbato Johannis de Constantiis Episcopi corpore, & in eodem se sepeliri jussarat. Archiepiscopus autem Robertus edito 1302. 10. Jan. mandato, sepulchrum illius ad inferiorem locum removeri & ab australi summi altaris parte collocari, ossaque Johannis Episcopi loco suo reponi præcepit. Ex Registro *Winchelsey* f. 146. Factum id; & humiliori loco Godefridus sepulturam accepit. Quod quidem illi felicissimè cessit. Tumulum namque ejus magnâ cum religione Pontificii die 19. Januarii, quæ S. Wlstanô sacra est, hodiernum visitare solent, Wlstanî esse perperam credentes.



jussit utramque partem discumbere. Unde Londonienses indignantes recesserunt. Wintonienses verò remanserunt, comedentes & bibentes in Curia; & cum licentiâ Domini Regis recedentes remearunt ad propria. Dominus Rex tenuit Natale suum apud Wintoniam. Obtinuimus jurisdictionem Officialitatis vacante Sede Episcopali Wygornensis Ecclesiæ, factâ compositione super hoc inter Archiepiscopum Cant. & Capitulum Wygornense.

Anno MCCLXX. Dominus Edwardus in Castello Wintoniæ petita a Domino Rege licentiâ transfretandi versus Terram Sanctam, venit in Capitulo Winton. Nonis Augusti, & accepit licentiam à Conventu; rogans humiliter ut orarent; & sic iter suum versus Portesmuthe ubi transfretare proposuerat arripuit: & cum eo W. de Valentiâ, Dominus Thomas de Clare, Dominus Rogerus de Clifford & multi alii. Qui mutato proposito Cantuariam adierunt; & apud \* Doroberniam transfretaverunt † xiv. Cal. Septembris. Item || xv. Cal. Augusti obiit Bonifacius Archiepiscopus Cant. Et venerunt Monachi Cant. apud Wintoniam ipsius mortem nuntiantes Domino Regi, & petentes licentiam eligendi; quam circa Festum Assumptionis B. Virginis apud Clarendone obtinuerunt; & eligentes suum Priorem in Archiepiscopum, præsentaverunt eum Domino Regi apud Wodestoke in crastino Nativitatis B. Mariæ Virginis. Quod negotium Dominus Rex distulit usque ad Festum Translationis Sancti Edwardi. Obiit Eufemia Abbâtissa Sanctæ Mariæ Winton. xii. Calendas Decembris; cui successit Lucia Priorissa ejusdem Monasterii; quam Dominus Rex in Vigiliâ Sancti Nicholai sibi præsentatam in Castro Wintoniensi, gratanter recepit. Justiciarii itinerantes de Forestâ sederunt apud Wigorniam. Dominus Henricus filius Regis Alemanniæ interfectus fuit Viterbii ad Missam suam à Guidone de Monteforti in Ecclesiâ S. Silvestri iv. Idus Martii, cujus ossa delata sunt in Angliam xii. Cal. Junii, & sepulta apud Hayles juxta Senchiam Reginam matrem suam.

\* l. Dovoriam.  
† xiii. Cal. Augusti *Annal. Winton.*  
|| x. Cal. Augusti *Annal. Winton.*

Anno MCCLXXI. Hoc anno iii. Non. Januarii obiit Walterus de la Wyle Episcopus Saresbiriæ; & electus est M. Robertus de Weychamton Decanus Sarum vii. Cal. Martii. In secundâ hebdomadâ Quadragesimæ fecit Dominus Episcopus Nicolaus Winton. suam visitationem in Ecclesiâ Winton. feriâ ii. & apud Hidam feriâ iii. & in Abbatiâ de S. Mariâ feriâ iv. & postea per Episcopatum. Item feriâ ii. Quadragesimæ convocatio Episcoporum apud Radinges ad tractandum de jurisdictione Cant. Ecclesiæ; utrùm ipsi Episcopi deberent obedire Capitulo Cant. annon. Et factis interlocutoriis appellatum est à Monachis Cant. ad Sedem Apostolicam, ne aliquid attemptetur in præjudicium Ecclesiæ suæ. Item convocatio Abbatum & Priorum Nigri Ordinis apud Oxeneford post clausum Pascha; ubi præsidentes fuerunt de Evesham & de Winchecumbe Abbates. Obiit Dominus Johannes filius Domini Edwardi primogenitus; qui in custodiâ Domini Ricardi Regis Alemanniæ existerat, & sepultus apud Westmonasterium. Item obiit Dominus Philippus Basset in fine mensis Octobris; & sepultus est apud Stanley. Justiciarii itinerantes de Forestâ sederunt apud Wygorniam. Hoc anno tenuit Dominus Rex Natale suum apud Wintoniam in castello; & moram traxit ibidem causâ infirmitatis suæ usque post Epiphaniam Domini.

Anno MCCLXXII. Recessit Dominus Henricus Rex de Wintoniâ post Epiphaniam; quia Justiciarii itinerantes sc. M. Rogerus de Seyton & socii sui sedere debebant ibidem. Item obiit Rex Ricardus Alemanniæ apud Berchamstede, & sepultus est apud Hayles. Cui successit Edmundus filius ejus in hæreditatem Comitatus Cornubiæ; & suum fecit homagium Domino Regi. Idem factus est miles à Domino Rege iii. Idus Octobris sc. in Festo S. Edwardi Regis apud Westmonasterium. Item hoc anno, sc. xvi. Cal. Decembr. Henricus iii. Rex Angliæ obiit apud Westmonasterium; & die Dominicâ

minicâ sequente sc. die S. Edmundi Regis & Martyris, sepultus est in Monasterio novo Westmonasterii ante magnum altare. Antequam corpus Regis Henrici traditum esset sepulturæ Gilbertus Comes Gloverniæ in præsentia Domini Archiepiscopi Ebor. & aliorum Episcoporum, Comitum & Baronum ibidem existentium, nullius coertione sed propria voluntate ductus, tactis sacrosanctis corporale præstitit juramentum, quod pacem regni pro viribus custodiret, & fidelitatem Domino Edwardo tanquam Domino suo per omnia observaret. Similiter dictus Archiepiscopus Ebor. & etiam Herefordensis & Warenniæ Comites & multi alii qui tunc præsentis erant ibidem. Item cum Dominus Papa vacante Sede Cant. per resignationem Prioris Cant. qui electus fuerat in Archiepiscopum, quam apud Sedem Apostolicam fecerat, Ecclesiæ Cant. providisset de Fr. Roberto de Kilwardeby de Ordine Prædicatorum; idem Robertus die Dominicâ proximâ ante Festum B. Lucie Virginis & Martyris, sc. iii. Id. Decembr. per Episcopum Exon. spiritualia Ecclesiæ Cant. recepit apud Londonias, & feriâ ii. temporalia Archiepiscopatus; & feriâ iii. sequente traditum fuit sibi sigillum Officialitatis ejusdem. Piam memoriæ Dominus Ricardus de Dumbelton, Deo & hominibus amabilis, Prior Wygorniensis Ecclesiæ obiit, & sepultus est à Godefrido Episcopo in clauistro cum prædecessoribus suis. Cui successit Dominus Willelmus de Cirencestre Sacrista ejusdem Ecclesiæ.

Anno MCCLXXIII. Hoc anno post Festum S. Hilarii factâ convocatione omnium Prælatorum Angliæ & aliorum Magnatum regni apud Westmonasterium post mortem illustris viri Regis Henrici III. convenerunt Archiepiscopi & Episcopi, Comites & Barones, Abbates & Priores, & de quolibet Comitatu quatuor Milites, & de qualibet civitate quatuor. Qui omnes in præsentia Dominorum Walteri Archiepiscopi Ebor. Rogeri de Mortuo-Mari, Roberti Burnel tunc Bathoniensis Ecclesiæ Electi, qui in loco Domini Edwardi Regis Angliæ præfuerunt, sacramentum eidem Domino Edwardo tanquam terræ Principi præstiterunt, & de pace regni fideliter & firmiter custodiendâ præceptum susceperunt. Ubi Dominus Walterus de Mertone Cancellarius constitutus est; & ut moram trahat apud Westmonasterium tanquam in loco publico usque adventum Principis injectum est eidem. Et ibidem provisum est, quod nulli sint Justiciarii itinerantes usque adventum Principis, sed || totum in Banco. In eadem Convocatione venerunt duo nuncii Domini Papæ Londoniam; qui supplicationem ipsius Clero regni destinatam, sc. ut decimam omnium bonorum ecclesiasticorum per biennium Domino Edwardo & ejus germano pro eorum damnis & expensis in Terrâ Sanctâ factis concederent, ostenderunt. Super hoc deferentes & ostendentes quosdam articulos Apostolicæ potestatis, super quibus inquirerent; prout inferius continetur, videlicet. [*Vide Articulos apud Annales Waverleiensis p. 227.*]

Item eodem anno Henricus de Sandwich Episcopus Londinensis, qui per Octobonum Legatum, ut supra dictum est, suspensus fuerat & ad Curiam Romanam destinatus, de ipsâ Curia est reversus circa Purificationem B. Mariæ gratiâ Domini Papæ adeptus; qui obiit eodem anno mense Augusti, & sepultus est in Ecclesiâ S. Pauli London. Dominicâ primâ Quadragesimæ sc. iv. Cal. Martii consecratus fuit Fr. Robertus de Kylewardebi in Archiepiscopum Cant. apud Cantuariam; non tamen intronizatus, quia Pallium dignitatis à Curia Romanâ nondum susceperat. Quo postmodum sc. viii. Idus Maii suscepto & sibi imposito per manus Nicolai Winton. & Walteri Exon. Episcoporum apud Tenham, incathedratus fuit mense Septembri circa Nativitatem B. Mariæ. Item concessa est decima Ecclesiarum & Religiosorum Domino Edwardo & ejus germano ad supplicationem Domini Papæ, & soluta pro duobus annis ferè hoc anno. Item vi. Idus Maii transfretaverunt Winton. Wigorn. & Exon. Episcopi in occursum Domino Edwardo, qui ipso anno



de Terrâ Sanctâ reversus Parisios venit, & inde reversus est in Wasconiam. Hoc anno Fr. Robertus Archiepiscopus Cant. xiv. Cal. Januarii visitavit Episcopum Wigorn. & in crastino cum Clericis suis || Conventum procuratus fuit in Refectorio.

\* Penultimâ  
die Aprilis. Sic  
Annales Winton.

Anno MCCLXXIV. Hoc anno M. Johannes de Chishulle consecratus est in Episcopum London. \* iii. Cal. Julii. Item eodem anno obiit Robertus de Stichulle Episcopus Dunelmensis in suâ reversione à Concilio Lugdunensi: cui successit Robertus de Halilande Monachus Dunelm. & consecratus est à Waltero Ebor. Archiepiscopo. Edwardus Rex de Terrâ Sanctâ & de Wasconiâ reversus, ii. die mensis Augusti in Angliam applicuit apud Doroberniam; & die Dominicâ proximâ post Assumptionem B. Mariæ sc. die S. Magni Martyris xiv. Cal. Septembr. per impositionem manuum Roberti Archiepiscopi Cant. unctus est in Regem, & coronatus apud Westmonasterium, præsente Domino Rege Scotiæ & illustrium virorum copiosâ multitudine. Item M. Robertus de Wychamton Electus Sarum in Concilio Lugdunensi consecratus est per dictum Archiepiscopum Cant. & die Dominicâ proximâ post exaltationem S. Crucis est intronizatus apud Sarum. Item eodem anno dictus R. Archiepiscopus Cant. visitavit Episcopatum Winton. & celebravit Natale suum apud Biterne, & Dominus Rex Natale suum apud Wodestoke. Item Andreas quondam Prior Winton. de Curiâ Romanâ reversus venit Wintoniam vi. Cal. Februarii in manu forti cum multitudine armatorum; & positis per Episcopum Winton. custodibus in Ecclesiâ S. Swithuni ne ingrederetur; tertiâ die sequenti insultum fecerunt qui secum venerunt, ut in possessionem dicti Prioratûs per vim induceretur. Unde Dominus Episcopus per Fratres Prædicatores petito respectu usque in crastinum ut sibi melius consuleret, vocatis undique fidelibus suis munivit Ecclesiam. Quo facto videns præfatus Andreas quòd non potuit propositum suum complere, recessit ii. Cal. Februarii manè. Episcopus verò convocatis omnibus Sacerdotibus de civitate in Capitulum S. Swithuni excommunicavit & excommunicare fecit dictum Andream & omnes Monachos ejusdem Monasterii, qui dicto Andream in facto tam præsumptuoso consilium vel auxilium præstiterunt; & civitatem Winton. ipso die posuit sub interdicto. Septimâ die sequente, quæ fuit vii. Idus Februarii, factâ inquisitione per illos de civitate de his qui dicto Andream consilium & auxilium præstiterunt quando dictum insultum fecit, dictus Episcopus ad instantiam multorum fide dignorum interdictum relaxavit. Cùm autem hujusmodi contentio hinc inde mota ad audientiam Domini Regis pervenit per xxiv. juratos de civitate, quòd non poterant ipsam civitatem regere & pacem custodire ob tales & tantos pacis perturbatores; missi sunt à Domino Rege D. Rogerus de Mortuo-Mari & Nicholaus de Stapeltone Justiciarii Wintoniam; qui diligentem fecerunt inquisitionem super omnibus supradictis. Unde plures culpabiles inventi capti & incarcerati fuerunt. Quidam autem latenter fugam inierunt †. Archidiaconus quidam Rossensis, qui ob causam præfati Andream tanquam judex ipsius venerat Wintoniam & moram per aliquod tempus fecerat ibidem, cùm ad vii. articulos sibi per prædictum Rogerum de Mortuo-mari objectos, in quibus dicebatur se egisse contra pacem regni, nolisset respondere, tanquam pacis perturbator & Regiæ Majestatis contemptor, ductus est in Castrum Wintoniense ||, & ibidem retentus per plures dies. Tandem liberatus per literas Domini Regis mediante interventu Episcoporum & multorum Clericorum ad propria remeavit; & post paucos dies defunctus est. Non multò quidem post obiit frater ejus Laurentius de S. Martino Episcopus Rossensis: Cui successit Walterus de Mertonâ, per Conventum Rossensem canonicè electus, & à Domino Roberto Cant. Archiepiscopo \* confirmatus xii. Cal. Novembris. Item eodem anno confectum est sacrum Crisma die Cœnæ apud Waverle à venerabile patre D. Nicholao

† Quamquam  
ad tempus ad-  
dunt Annales  
Winton.

|| Præcepto di-  
cti Rogeri. Id.

\* Confirmatus  
& consecratus  
xii. Cal. Nov.  
apud Rossam.  
Id.

Nicholao de Ely loci Diocesano; qui die eodem cum Clericis suis majoribus comedit in Refectorio Monachorum, propriis tamen sumptibus. Item anno eodem sc. xviii. Cal. Aprilis peperit Alienora Regina Domino Edwardo Regi Angliæ filiam, & vocavit eam Ysabellam. Willelmus de Cirencestre Prior Wygornensis obiit; cui successit Dominus Ricardus de Feckeham Camerarius in Festivitate S. Matthæi Apostoli.

Anno MCCLXXV. Hoc anno Robertus Burnel in Episcopum Bathoniensem est electus, & à Roberto Cant. Archiepiscopo confirmatus, & consecratus apud Londoniam vii. Idus Aprilis, qui tunc die Palmarum habebatur. Item anno eodem obiit Johannes le Breton Hereford. Episcopus; cui successit M. Thomas de Cantilupe canonicè electus, & à sepedicto Roberto Cant. Archiepiscopo confirmatus. Item in quindenâ Paschæ factâ Convocatione omnium Magnatum Regni Londoniis, ubi Dominus Edwardus Parliamentum suum tenuit. In quo quidem Parlamento quasdam novas leges constituit ad communem utilitatem totius Regni. Item mense Octobri circa Festum S. Lucæ Evangelistæ Rex Angliæ tenuit aliud magnum Parliamentum apud Westmonasterium; in quo quasdam alias leges constituit inter Judæos observandas. Ubi de communi consensu Archiepiscoporum, Comitum, Baronum, & omnium Magnatum totius regni concessum fuit dicto Domino Regi quintumdecimum omnium laicarum possessionum Regni in subsidium causa suæ novitatis & etiam causâ expensarum factarum in Terrâ Sanctâ. vii. Cal. Julii fuit duellum in pasturâ de Hardewik pro Ecclesiâ de Temebyr; sed factâ pace remansit Ecclesia cum Abbate de Lyre. vii. Idus Julii fuit duellum pro ballivâ de Hembury; & pugil Episcopi vicit pugilem Philippi de Stok. Item obiit Humfridus de Bohun Comes Herefordiæ; & apud Lantoniam juxta Gloucestriam sepelitur. Per idem tempus datis à nobis xxx. marcis Domino Roberto de Mortuo-mari, remansit nobiscum advocatio Ecclesiæ de Underhulle. Hoc anno Justiciarii itinerantes sederunt Wigornia. Item anno eodem peperit Domina Alienora Regina Angliæ filium apud Baionam in Vasconiâ in Vigiliâ S. Katerinæ Virginis; & baptizatus est à Waltero Exoniæ Episcopo, & vocatum est nomen ejus Alfonsus post Regem Hyspaniæ, qui eum ibidem de sacro fonte levavit; & confirmatus fuit ab Archiepiscopo Auxicano. Rex ad Parliamentum Westmonasterii, &c. *Reliqua hujus anni Westmonasteriensis verbatim descripsit.*

Anno MCCLXXVI. Hoc anno iii. Idus Januarii horâ vespertinâ venit Edwardus Rex primò post reversionem suam à Terrâ Sanctâ & Alienora Regina ad Castrum Wintoniense; & die sequente causâ orationis & reverentiæ Sanctorum adivit Monasterium S. Swithuni; ubi ab Episcopo loci & Conventu cum solemnî processione receptus est. Et cum per plures dies ob Parliamentum suum ibidem moram traxisset; venit Gasto de Biernâ in conductu Domini Rogeri de Clifford xii. Cal. Februarii; qui sequenti die juxta ordinationem Regis Franciæ Domino Edwardo Regi se repræsentans, & ipse gratiæ se submittens de omnibus transgressionibus quas contra Dominum Regem se fecisse dicitur, detentus est in dicto Castro quasi incarceratus, sub custodiâ tamen honorificâ; qui postmodum † ad mandatum Domini Regis ductus est Londoniam, & ibidem in pleno Parlamento liberatus sub tali formâ; viz. adiret Curiam Domini Regis Franciæ, ibidem pro meritis recepturus prout idem Rex duxerit ordinandum. Item in eodem Parlamento concessit Dominus Rex, & demandavit per totam Angliam; quòd Cartæ de communibus libertatibus, quæ tempore Henrici Regis avi Regis Henrici patris sui factæ fuerunt, & etiam de Forestis, in suo robore per omnia permanentes observentur. Item inter hæc contigit, quòd cum Alienora filia quondam Simonis de Monte-forti Comitis Leycestriæ, quæ vivente patre afficata fuit Leulino Principi Walliæ, conducenda esset à partibus Gallicanis per ma-

† sc. Primo die  
Maii. Addunt  
Amal. Winton.



re usque ad Walliam, ut dictus Leulinus eam secundum formam Ecclesiæ duceret in uxorem; capta fuit prope Bristoul & Almericus frater ejus cum eâ & duo Fratres Prædicatores de Walliâ & quidam miles de Franciâ & eorum familia. Quæ captio cum Domino Regi constaret, ex ejus mandato ab invicem separati, & ad varia Castra sunt transmissi custodiendi. Item xvi. Calend. Julii in Vigiliâ S. Botulfi Abbatis celebrata est Translatio S. Ricardi quondam Cicestrensis Episcopi in Ecclesiâ suâ Cathedrali Cicestriae à venerabili patre Roberto Archiepiscopo, præsentibus Rege Edwardo & Majoribus natu totius Angliæ cum multitudine Prælatorum: in qua Translatione & etiam post plurima coruscant miracula. Item ortâ dissentione inter Monachos S. Swithuni & Nicolaum de Ely Wintoniensem Episcopum, eò quod fere omnes de Conventu parti Andreæ quondam Prioris adhærebant, nitentes ipsum habere Priorem. Sed Dominus Episcopus eorum propositum revocans, inimicum quendam nomine Valentinum ejusdem domûs Monachum in Priorem promovit; quem die S. Birini Episcopi proximè sequenti Prioratu suo totaliter privavit, & Johannem de Urnullâ Monachum ejusdem Ecclesiæ natione Normannum Priorem instituit. xvii. Cal. Augusti Willelmus de Bello-Campo Comes Warewik venit Wigorniam horâ Completorii; quod falsus rumor venit ad eum, quod pater ejus Willelmus projectus fuit de sepulchro. Sed aperto sepulchro ipse & alii filii ejus cognoverunt eum certis signis; & sic recessit. iv. Cal. Octobris Rex Edwardus venit Wigorniam; Calendis Octobris discessit versùs Evesham. Post Festum S. Michaelis facta fuit concordia inter Willelmum Comitem de Warewyk & Ricardum Priorem Wigornia de placito Curia, datis eidem Comiti centum libris; & chirographum in Curia Regis levatum fuit. Post Pascha ad Parliamentum, &c. *Reliqua habet Florilegus.*

Anno MCCLXXVII. obiit Walterus de Mertonâ Episcopus Roffensis; cui successit Johannes de Bradefend Monachus & Præcentor Roffensis Monasterii. Item hoc anno Fr. Johannes de Wik, & Johannes de Harley habitum Monachalem in Ecclesiâ Wigorn. in Vigiliâ Omnium Sanctorum à Domino Ricardo de Feckeham tunc Priore susceperunt. Item Dominus Edwardus Rex, &c. *Cetera descripsit Florilegus, non tamen verbatim ut superiora, sed in compendium redacta.*

Anno MCCLXXVIII. Hoc anno mense Januarii obiit Reginaldus Episcopus Norwicensis; qui Monachus extiterat dicti Monasterii. Cui successit M. Willelmus de Middelton tunc Archidiaconus Cantuariensis, à Conventu Norwicensi electus, à Roberto Archiepiscopo confirmatus & consecratus apud Lameie iv. Non. Junii. Item durante adhuc dissentione inter Nicolaum Episcopum Winton. & Conventum S. Swithuni, venerunt de Glastringebirye & de Radinges Abbates, Ordinis ipsorum anno eodem præsidentes; quorum instantiâ & consilio dictus Episcopus Conventui remisit omnem rancorem quem versùs eum habuit, & ad pacis osculum singulos Monachos admisit xi. Cal. . . . . exceptis tamen his qui in Curia Romanâ tunc agebant. Item viii. Cal. Martii declinavit Robertus Archiepiscopus Cant. apud Sarum causâ visitandi ibidem; ubi à Domino Roberto Episcopo loci & Canonicis illius honorificè receptus est. Qui eodem anno à Domino Papâ Nicolao in Cardinalem Portuensensem vocatus, & circa Festum Nativitatis B. Johannis Baptistæ resignato Archiepiscopatu versùs Curiam Romanam transfretavit. Item in solemnitate Paschali fuit Dominus Edwardus & Regina apud Glastoniam cum Abbate loci; ubi Dominus Rex tumbam Arturi fecit aperire. Tamen causa à pluribus ignoratur; & ossa ipsius Regis inventa collegit, & in thesaurariâ ipsius Monasterii decenter deponi fecit, quousque ea possit honorificentius collocare. Item in medio mensis Octobris Dominus Edwardus Rex tenuit magnum Parliamentum apud Westmonasterium; ubi fuit  
Rex

Rex Scotiæ, & fecit Domino Regi Angliæ homagium suum de terris quas tenet in Twedale & Westmerlond; salvo tamen Regi Angliæ jure suo quod se habere dicit in terrâ Scotiæ & Lowenesce. Item dedicata est Ecclesia Cathedralis Norwicensis pridie Cal. Decembris à venerabili patre Wilhelmo de Middeltone Episcopo loci, præsentè Domino Rege & Cleri & populi infinitâ multitudine. Item xiv. Cal. Decembr. de consilio & prudentiâ Domini Regis unâ die & unâ horâ diei per totum regnum Angliæ capti sunt & incarcerationi omnes Judæi de regno pro redemptione monetæ. Quorum domus & diversoria diligenti scrutinio fuerunt inquisita, & reperta infinita pars reconfionis, quæ totaliter cedebat ad fiscum regium ad magnum damnum terræ. Et dicti Judæi ad Turrim London. detenti, & anno sequenti magna pars illorum suspensi, & multi Christiani qui ipsorum complices inventi sunt. Item hoc anno die S. Matthæi Apostoli, quæ tunc feria quarta erat, dedicata est Basilica de Waverle in honore gloriosæ Virginis Mariæ à venerabili patre Domino Nicholao Winton. Episcopo, qui universis eâdem die præsentibus piâ devotione annum relaxationis indulxit, & xl. dies omnibus præmissum locum visitantibus & frequentantibus, de injunctâ sibi pœnitentiâ; anniversarium per octavas dictæ Dedicationis concessit perpetuò duraturum. Volens igitur dictus Pontifex ex abundanti gratiâ & devotione, ut universa cum summâ laude quæ tantæ solemnitati congruunt adimplerentur, cunctis eodem die ad dictam solennitatem advenientibus propriis sumptibus victualia splendide ac copiose usque ad quadrantem novissimum ministravit; & hoc non solum primâ die, sed etiam ferè per novem dies solennitatis continuos locum dictum adeuntes in victualibus sustentavit. Suis etiam omnibus Clericis & Laicis inhibuit districtè, ne de his quæ sibi in Dedicationibus jure feodali debebantur modicum quid vendicarent, sed ab eo retributionem omnium horum expectarent. Erant autem in dictâ celebritate Abbates sex & alii Prælati, quamplures Milites & matronæ, plebis etiam promiscui sexûs tanta multitudo quòd ad plenum dinumerari non potuit. Numerus tamen discumbentium primâ die vii. mille & lxvi. utriusque sexûs æstimabatur secundum distributionem & computationem ferculorum; qui præfati Pontificis diffusâ largitate opulenter refecti, glorificantes & laudantes Deum omnes ad propriâ remeârunt. Item circa Festum B. Margaretæ Virginis facta fuit quædam ordinatio inter Nicolaum Winton. Episcopum & Conventum S. Swithuni, de consensu Domini Regis cepit Prioratum in manu suâ, & custodem dicti Prioratûs constituit Dominum Wilhel mum de Breybeof, & per eundem dictum Conventum fecit ministrari. Item obiit Robertus de Kylewarbi Cardinalis Portuensis. Item ii. Idus Aprilis Affisa fuit super montem Malverniam inter Episcopum Hereford. Thomam de Cantilupo & Comitem Gloucestriæ Gilbertum; quæ dixit chaciam esse folius Episcopi usque ad cacumen montis. iii. Idus Octobris Rex Edwardus venit Wigorniam; cui occurrit Lewelinus: & in crastino viz. die S. Edwardi Rex dedit ei Elianoram filiam Simonis de Monteforti in uxorem. Rex Edwardus regiam dignitatem cupiens ampliare, &c. *Reliqua habet Westminsteriensis.*

Anno MCCLXXIX. Hoc anno iv. Idus Martii Regina Angliæ peperit filiam apud Wodestok; & vocata est ..... Item Dominus Rex custodiam Prioratûs S. Swithuni Nicolao loci Episcopo integrè resignavit; qui Adam de Farnham ejusdem Ecclesiæ Monachum in Priorem promovit, & alios quamplures suæ parti adhærentes constituit Obedientiales pro suo libito voluntatis. Item circa Festum B. Johannis Baptistæ applicuit in Angliam Fr. Johannes de Peccham de Ordine Fratrum Minorum, à Domino Nicolao Papâ Cant. Archiepiscopus præfectus & consecratus; & iii. Cal. Augusti factâ convocatione Episcoporum Provincialium apud Radinges quædam generalia statuta promulgavit, & viii. Idus Octobris habuit ingressum suum apud Cantuariam præ-



præsente Domino Rege & Episcopis & aliis quampluribus Magnatibus terræ. Item hoc anno in crastino Apostolorum Philippi & Jacobi depositus fuit Fr. Rogerus de regimine Abbatix de Bruere; cui successit Robertus de Estal Monachus ejusdem loci. Item Fr. Warinus Abbas de Cumba ulterius abbatizare noluit; cujus cessionem admisit pater Abbas, quibusdam Abbatibus sibi assistentibus; & successit eidem Fr. Jordanus de Twangham tunc Prior Waverleyæ. Item obiit Walterus Giffard Ebor. Archiepiscopus; cui successit M. Willelmus Wikewane Thesaurarius Ecclesiæ Ebor. qui Curiam Romanam adiit, & ibidem à Domino Papâ admissus & confirmatus est. Item vi. Idus Septembris Fr. Johannes de Derlington de Ordine Prædicatorum admissus est & confirmatus apud Waltham in Diocesi London. ab Archiepiscopo Cant. Item obiit Ricardus de Graveshende Episcopus Lincoln. cui successit M. Oliverus de Lexintone Decanus Lincoln. qui à Conventu unanimiter electus est, & ab Archiepiscopo Cant. confirmatus apud Lanherthe in quindenâ Paschæ. Item hoc anno tenuit Dominus Rex Natale suum apud Wintoniam; & moram traxit ibidem usque post Epiphaniam. Qui annus Regis Edwardi septimus, &c. *Reliqua vide apud Florilegum.*

Anno MCCLXXX. Hoc anno in crastino Epiphaniæ recedente Rege à Castro Wintoniæ versùs Novam Forestam, reversus est Cancellarius ejus Londoniam; ut apud Westmonasterium quasi in loco certo omnes indigentes & Brevia petentes & jura sua prosequentes remedium invenirent ibidem. Item in crastino S. Hilarii sederunt Justiciarii de Forestâ apud Wintoniam. Item pridie Idus Januarii obiit fœlicis recordationis Dominus Nicolaus Wintoniæ Episcopus; & in Basilicâ gloriosæ Virginis Mariæ de Waverleye, quam nuper dedicaverat, cum summâ devotione à venerabilibus patribus Dominis Willelmo Norwic. & Roberto Bathon. Episcopis xiv. Cal. Martii traditur sepultura. Qui Dei misericordiâ & B. Virginis gloriosæ beatorumque Apostolorum Petri & Pauli Omniumque Sanctorum meritis confidentes, universis fidelibus verè pœnitentibus, qui pro animâ dicti Pontificis hîc vel alibi orationes fecerint speciales, quorumque Diocesani ratum hoc habuerint, lxxx. dies de injunctâ sibi pœnitentiâ relaxârunt. Item obiit Johannes de Chishulle Episcopus London. post quem electus est Fulco Lovel in Episcopum London. qui electioni de se factâ nullâ ratione voluit acquiescere. Quod videntes Canonici Ecclesiæ S. Pauli iteratò postulabant licentiam eligendi; qui vocatis vocandis & qui interesse debuerant, elegerunt M. Ricardum de Graveshende per modum compromissi; qui à Domino Rege admissus & à venerabili patre Johanne Archiepiscopo consecratus est apud Coventrey. Item in Cathedrali Ecclesiâ Winton. vocatis vocandis & qui interesse debuerunt, die S. Benedicti Abbatis in mense Martii communiter totus Conventus per modum compromissi postulârunt Robertum Burnel Episcopum Bathon. in Episcopum Wintoniæ. Pro quâ postulatione missi sunt ad Curiam Romanam nuncii solemnes; sed Dominum Papam ad hoc flectere non potuerunt: dicente dicto Domino Papâ ipsum Robertum Burnel sufficiens habere beneficium; & ideo electionem de eo factam totaliter cassavit. Sed idem Dominus Papa de gratiâ suâ speciali Conventui Wintoniæ concessit, quòd iteratò eligerent, & de tali Episcopo & pastore sibi providerent, qui tam Clero quàm populo meritis fieret necessarius. Interim obiit Walterus Episcopus Exon. mense Junii. Cui successit M. Petrus de Exoniâ; & à Domino Johanne Cant. Archiepiscopo confirmatus & consecratus apud Cantuariam. Item post reversionem nunciorum Ecclesiæ Winton. de Curia Romanâ iterum convenit in unum Conventus S. Swithuni cum duobus Archidiaconis Wintoniensi & \* Sarum die S. Leonardi; qui eodem die unanimi consensu elegerunt M. Ricardum de la More professorem Theologum in Episcopum suum & Pastorem. Qui statim ad Dominum Regem transmissus, & ab eo benigne ad-

\* L. Surrienti.

missus, & postea ad Archiepiscopum per compromissores præsentatus est; qui dictam electionem confirmare reculavit. Et ideo tam Electus quam Conventus ad Sedem Apostolicam appellârunt. Item pridie Non. Septembr. obiit Nicholaus III. Papa. Item M. Thomas de Bek Thesaurarius Domini Regis electus in Episcopum Carduil, & à Domino Willelmo Archiepiscopo Ebor. confirmatus & consecratus. Item Justiciarii itinerantes federunt Wintoniæ, sc. Solomon de Rovecestre, D. Ricardus de Boylande, Robertus Fulco, & Willelmus de Breybeof. Item obiit Dionisius Abbas Belli-loci Regis, Rex, Pontifex & Principes Anglicani, &c. *Cetera dabit Matthæus Westmonasteriensis.*

Anno MCCLXXXI. Hoc anno Ricardus de la More Wintoniensis Electus cum suis compromissoribus ratione suæ appellationis factæ coram Domino Johanne Archiepiscopo versus Curiam Romanam profecti sunt; & v. Cal. Martii mare ingressi in quadam scaphâ prospero vento transierunt. Item ix. Cal. Maii Fr. Willelmus de Gifors tunc Celerarius Belli-loci Regis electus est in Abbatem illius loci; Abbatibus de Waverle, de Gratiâ Dei, & de Thame tunc præsentibus. iii. Cal. Aprilis dedimus Ecclesiam de Stoke Prioris M. Willelmo de Chirintone. v. Cal. Maii dedimus Ecclesiam de Seggesbery Roberto Capellano de Dudrehulle. vi. Cal. Maii Godefridus Episcopus Wigorn. ejusdem civitatis primum lapidem pavimenti [posuit]. Item memorandum quod anno regni Regis Edwardi vii. Templarii implacitaverunt nos de Ecclesiâ de Bremeſgrave coram Justiciariis de Banco in Octavis Trinitatis. Et Prior venit, & dixit quod non potuit respondere sine Rege; & protulit Cartam Regis Henrici patris prædicti Edwardi, quæ statim fuit ibidem inrotulata de verbo ad verbum. Et fuit alius dies datus partibus, & interim loquendum cum Rege; & sic continuati sunt dies de termino in terminum usque ad Parliamentum post Pascha anno regni Regis Edwardi ix. In quo Parlamento fuit Carta adjudicata bona, &c. Edmundus Comes Cornubiæ fundavit Oxoniæ Monasterium Cisterciensium Monachorum eâ intentione, ut pro tribus sacerdotibus sæcularibus, quos pater ejus Ricardus pro animâ suâ divinâ voluit celebrare, sex Monachi, de quibus magis confidebat, Deum devotius exorarent. Obiit Henricus Dominus de Harleſe, qui habuit sex filios Monachos ex conjugē suâ Johannâ: unum apud Wygorniam nomine Johannem qui impetravit indulgentiâ mclxxxv. dierum pro animabus prædictorum Henrici & Johannæ; alium apud Bellum-locum Regis juxta Southamtone nomine Ricardum; tertium apud Hayles nomine Willelmum; quartum apud Bordeſleye nomine Walterum; quintum apud Rouſorde in Schirwode nomine Nicolaum; sextum apud Neſteleye supra mare nomine Rogerum; quorum animabus propitiatur Deus. Eodem tempore recepimus ab executoribus bonæ memoriæ Domini Nicholai de Ely Winton. Episcopi xxx. marcas ad pitanciam, & unam bibliam, præter l. marcas, quas prius nobis liberaliter donavit. Et Sacrista N. de Norton cepit ab eisdem executoribus lx. marcas ad turrin Ecclesiæ reedificandam. iv. Non. Decembr. fuit inquisitio de novis domibus apud Bremeſgrave, &c. Vigiliâ Natalis Domini Rex Edwardus venit Wygorniam; & die S. Stephani discessit versus Kemeſeye. Cum falsa assisa adjudicasset Johanni de Grafton advocationem Capellæ de eadem villâ, quæ ordinata fuit ad luminaria circa Regem Johannem inveniendâ; Ricardus Prior Wigorn. impetravit attinctam in curiâ Domini Regis, & placitavit per vi. annos propter varias & fraudulentas adversariorum dilationes; tandem Rex jussit ut omni modo pax fieret aut attincta procederet, & sic die S. Vincentii Rege existente apud Cirenceſtre Johannes de Grafton recognovit advocationem Capellæ de Grafton pertinere ad Priorem, datis eidem lxxxv. marcis, & Johanni de Cave v. marcis, qui ibidem habebatur pro personâ. Quidam miles Petrus de Maule nomine implacitavit Abbatem



batem de Witebi per breve Regis ; contra quod Abbas proposuit rationabiles exceptiones, quas Justiciarii nolebant admittere, sed coegerunt ipsum respondere ad principale. Ita ventum est ad Assisam, quæ dixit contra Abbatem. Unde perdidit tunc xxxvi. carucas terræ & medietatem villæ illius & medietatem portûs & duo molendina & xx. marcas. Quod cum Rex certissime cognovisset, iussit Abbatem iterum habere seisinam omnium perditorum ; salvo jure militis, si per melius Breve vellet iterum placitare. iii. Cal. Martii dedimus Ecclesiam S. Swithuni M. Petro de la Flage.

Anno MCCLXXXII. Hoc anno venerabilis Thomas de Cantilupo Romam proficiscitur pro injuriâ sibi illatâ ab Archiepiscopo Johanne de Peccaham ; & à Summo Pontifice cum magno honore suscipitur ; & ibi infirmatus recessit ad Abbatiam S. Severi extra Urbem Veterem, ibique viii. Cal. Septembr. diem clausit, & transivit ad æternum. Cujus corpus ibidem coctum fuit ; & aquâ illâ projectâ in quodam secreto loco, statim ut dicunt fons vivus emanavit, ibique multa miracula postea evenerunt. Ossa ejus delata sunt & sepulta apud Herefordiam ; cor suum legavit Domino Edwardo Comiti Cornubiæ. Simon de Wyre Cantor Wigorn. versûs Romam iter arripuit viii. Idus Aprilis. xviii. Cal. Maii Ricardus Abbas Teukesburie obiit. Papâ Martino jubente Archiepiscopus Cant. & Suffraganei sui x. Cal. Maii Emericum de Monte-forti de custodiâ eduxerunt. Idus Martii præsentibus Priore Ordinis S. Augustini de Lodelawe, Domino Briennio de Bromtone & aliis militibus & multis aliis apud Kinlet apparuerunt tres Soles, unus in Oriente, alius in Occidente, tertius in Meridie. xviii. Cal. Junii Rex Edwardus venit Wigorniam ; & ibi cum Magnatibus tenuit Parliamentum, qualiter Lewelinum Principem Walliæ expugnaret, qui pacem regni Angliæ homicidiis & incendiis pessimè perturbavit. ix. Cal. Junii Thomas de Kemeseye benedicatur in Abbatem Theokesburie apud Wigorniam die S. Trinitatis à Godefrido Episcopo loci ejusdem. Sacrista habuit capam ejus de Baudekyn cum floribus de liz, & vestimentum cum stolâ & maniplo cum grifonibus ; & curialissime Conventum procuravit, mittens per Celerarium suum unum dolium vini Philippo Priori & aliud dolium Conventui & xl. solidos. Item Dominus Johannes de Ganeworthe Abbas Winhecumbæ, qui multa bona domui suæ adquisierat, cessit curæ pastorali ; cui successit Dominus Walterus de Wykewone Celerarius domûs ejusdem, & benedicatur à Godefrido Episcopo Wigorn. Sacrista habuit capam ejus de burello pal & vestimentum rubrum cum leonibus ; & misit Conventui unum dolium vini pro exhibitione suâ. Kalendis Augusti Willelmus Abbas Eveshamiæ obiit. Episcopus Godefridus visitavit Monachos majoris Malverniæ ; qui accusaverunt Priorem suum crimine pessimo. Unde postea contigit, quod v. Cal. Octobr. cum Episcopus sederet ad mensam apud Kemeseye, iv. Monachi de eâdem domo prostraverunt se ante Episcopum iteratò conquerentes de Priore ; qui in crastino rediit, & Priorem deposuit : ille depositus fugam iniit, & scandalo addidit apostasiam. Kalendis Octobris Episcopus visitavit Conventum Wigorn. & recepit procurationem. vii. Cal. Novembr. Rogerus de Mortuo-mari obiit. viii. Idus Novembr. apud pontem de Anglesey xv. milites & xxxii. armigeri nobiles & nominati & mille pedites cum eis territi à Walensibus, cum vellet fugere à facie arcûs, impediabantur à mari fluctuante, & ferè omnes submersi sunt quasi plumbum in aquis vehementibus. Hoc anno post Festum B. Michaelis Fr. Johannes de Peccham Archiepiscopus Cant. Provinciale Concilium celebravit, &c. *Cetera vide apud Westmonasteriensem & Annales Waverleieneses ad annum 1281.*

Anno MCCLXXXIII. per totam Angliam ubicunque Regii ministri æstimabant esse pecuniam de Decimâ collectâ in subsidium Terræ Sanctæ ; eodem tempore v. Cal. Aprilis venerunt cum equis & armis, & quæ invenerant aspor-

asportabant. Sed in Prioratu Wigorn. nullum depositum invenerunt. Ad instantiam Johannis de Kirkebi gratis dedimus Regi ad guerram suam in Walliâ xxx. marcas. Rex cepit tricesimam ab omnibus his, qui nihil ei gratis dederunt, secundum æstimationem omnium bonorum à termino S. Michaelis præteriti habitorem usque ad eundem terminum iterum habendorum. iii. Cal. Maii exiit hoc edictum. vi. Cal. Maii Johannes Episcopus Rovecestriæ obiit. vii. Idus Maii factâ convocatione Londoniæ omnium Prælatorum Provinciæ Cant. Archiepiscopus & Suffraganei sui promiserunt Regi existenti in Walliâ quandam summam pecuniæ inter se communiter providendam. Sed Religiosi & Clerici multis modis prius gravati, huic consilio non adquieverunt, sed usque ad quindenam post Festum S. Michaelis distulerunt ad talia respondere. vi. Idus Maii dedimus Ecclesiam S. Andreæ Wilhelmo de Winchecumbe. xvii. Cal. Junii dedimus Ecclesiam de Humeltone Roberto Paet de Wygornîâ. xiv. Cal. Julii Vicecomes Wigorn. cepit W. de Ledebury & complices suos per præceptum Regis; qui per multum tempus sententiâ majoris excommunicationis fuerant innodati, quia idem W. apud Majorem Malverniam nomen Prioris contra justiciam usurpavit. iv. Non. Augusti quidam Wilhelmus, prius frater de Wenloc postea princeps latronum, captus cum equo ducebatur ad iudicium de Oswaldestlawe cum equis & armis, ne ab aliis latronibus eriperetur; & ibi prout meruit accepit. Eodem anno Robertus le Ster dedit Priori & Conventui pratum in Dudleyâ ad sustentationem trium equorum, qui specialiter intitulantur Claustralibus spatiaturis. Rex tenuit Parliamentum apud Acton ad instantiam Roberti Burnel Episcopi Bathon. Post S. Michaelis Johannes Archiepiscopus & Clerus tricesimam Regi omnium spiritualium per biennium concesserunt; ita quod ante Festum Omnium Sanctorum anni sequentis ista pecunia non exigatur. Episcopus Godefridus admisit terram de Kinthewyk; ne majorem Malverniam visiteret, sicut ipse aliquando fecit, & sui prædecessores Episcopi Wigorn. fecerant ab antiquo. vii. Cal. Decembr. Rex Edwardus, subjugatâ totaliter Walliâ, venit Wygorniam gratiâ visitandi S. Wlstanum, erga quem amorem habuit specialem. Rex Edwardus per totam Angliam cepit tricesimam omnium Temporalium; sed allocavit pecuniam eidem liberaliter prius datam. Quidam Nobilis nomine Johannes Giffard providit locum Oxoniæ extra muros, & possessiones dedit ad sustentationem xiii. Monachorum, quos de Conventu Gloucestriæ elegit; volens animam suam & animam Matildis de Longespeye quondam uxoris suæ à professoribus S. Benedicti in perpetuum benedici. Kal. Januarii dedimus Ecclesiam de Seggesbery M. Johanni de Buterly tunc existenti in Curiâ Romanâ. *Reliqua exhibet Florilegus ad annum 1282.*

Anno MCCLXXXIV. obiit Reginaldus de Hamme Abbas Gloucestriæ; cui successit nobilissimus vir morum elegantia & parentum nobilitate Dominus Johannes de Gamages Prior Herefordensis; & benedicatur à Godefrido Episcopo Wigorn. Sacrista habuit capam ejus de baudekin cum vestimento. Misit Conventui ad pitanciam c. solidos per Fr. Johannem de Harleye Monachum Wygornîæ. vi. Idus Julii Episcopus visitavit apud Wigorniam. Regina peperit filium apud Kaernervan, quem vocavit nomine patris sui Edwardum, viii. Cal. Maii. Torneamento apud Kaernarven existente, multi Nobiles cum in quodam solario tripudiarent impudicè, corruente domo miserabiliter corruerunt. xiv. Cal. Septembr. Alfonsus filius Regis obiit. Aurifaber Londoniensis vulnerans Clericum fugit ad Ecclesiam B. Mariæ de Arcubus: propter quod amici ipsius vulnerati & ejus concubina custodem prædictæ Ecclesiæ ut se absentaret quadam nocte pecuniâ corruerunt; & eadem nocte illum aurifabrum in eadem Ecclesiâ ferro occiderunt, obturantes vulnus bombace, & in Ecclesiâ fune suspenderunt; facientes famam quod se ipsum interfecit. Sed postea cognitâ veritate, custos qui absentavit se, per-



petuo carcere damnatur; interfectores equis trahebantur, & ejus concubina comburebatur. xi. Cal. Novembr. M. Walterus Scamail consecratus fuit apud Sunninges in Episcopum Salesberiae. Post octavas Epiphaniae Justiciarii itinerantes federunt apud Warewik. Rex Edwardus praecepit, ut collectores quindecimae omnium spiritualium essent Londoniis in crastino clausi Paschae cum omnibus rotulis & ureragiis trium annorum praecedentium, & cum primâ solutione vicesimae anni intrantis ab Episcopis ei concessa. Rex Edwardus apud Aberconwey, &c. *Vide cetera apud Westmonasteriensem ad annum 1283.*

Anno MCCLXXXV. tertio Idus Aprilis dedimus Vicariam de Hallawe Ricardo Capellano de Bradewas. iii. Non. Julii Johannes Archiepiscopus apud Malverniam majorem visitavit; & Conventum ibidem absolvit à sententiâ excommunicationis. Rex die Assumptionis fecit filiam suam nomine Mariam velari apud Ambresbury cum xiii. puellis filiabus Nobilium. Item dedit arma xlv. militibus apud Wintoniam die Nativitatis B. Mariae. Item statuta sua per totum regnum Angliæ jussit firmiter observari. Item cepit scutagium per totam Angliam. Item Willelmus de Wykewone Archiepiscopus Ebor. obiit; & sepultus fuit apud Pontiniacum. ii. Non. Novembr. dedimus Ecclesiam de Iccumbe M. Radulfo de Wivile. viii. Idus Januarii cecidit nix alta; per quam pontes confracti fuerunt, & plures homines perierunt. Die S. Marci apud Caernarvon Snoudoniae natus est Regi filius, &c. *Reliqua dabit Florilegus ad annum 1284.*

Anno MCCLXXXVI. Hoc anno obiit Alexander Rex Scotiae xv. Cal. Aprilis. xviii. Cal. Julii dedimus Ecclesiam de Stoke Willelmo de Hengam. Nonis Julii Elianora mater Regis suscepit habitum Sanctimonialis apud Ambresburiam, Rege interim in Galliâ existente. ii. Non. Augusti dedimus Ecclesiam S. Swithuni M. Roberto Peet. iv. Cal. Januarii obiit Ricardus de Feckeham Prior Wygorniae; & in die Circumcisionis à Godefrido Episcopo in Ecclesiâ fuit sepultus. Cui successit Philippus Aubin Subprior ejusdem domûs, in crastino Epiphaniae Prior creatus, & in die S. Wlftani fuit installatus. Die Purificationis B. Mariae dedimus Ecclesiam de Lindruge M. Johanni de Buterleyâ. v. Idus Februarii dedimus Ecclesiam de Seggesbury Nicholao de Dumbelton Subdiacono; quam noluit accipere, quia audivit quod M. Johannes de Buterley eam resignavit in manus Episcopi tempore vacationis Prioratus Conventu ignorante. ix. Cal. Martii Godefridus Episcopus intravit Capitulum cum Sæcularibus, quædam dura propositurus. vi. Cal. Martii Episcopus & Prior litem distulerunt. xiv. Cal. April. Willelmus Episcopus Landavenensis obiit. Per idem tempus misimus procuratorium cum certo Procuratore ad Curiam Romanam. De terrâ Franciæ Rex Philippus egrediens. *Reliqua habet Florilegus ad annum 1285.*

Anno MCCLXXXVII. quinto Cal. Aprilis primò ostendit Deus mundo sanctitatem Thomæ de Cantilupo Episcopi Herefordensis per miracula manifesta. vi. Idus Aprilis Episcopus Godefridus sepelivit Robertum de Mortuo-mari coram altari SS. Simonis & Judæ in Ecclesiâ Wigorniae Cathedrali. Justiciarii itinerantes federunt apud Gloucestriam à Festo clausi Paschae usque ad Festum S. Johannis Baptistæ, &c. v. Idus Junii Res Ab-meraduc non ferens injurias à ministris Regis sibi & aliis illatas, tria castra prostravit, & Constabularios cum omnibus aliis interfecit. Quidam pestilentes venenum vino miscuerunt; quo potu M. Hugo de Evesham Cardinalis vi. Cal. Augusti vitam finivit temporalem. Res Ab-meraduc se subdidit voluntari Regis tunc in Galliâ existentis. Illis diebus rumor ferebatur, quod Guido de Monteforti navigans versùs Curiam navali bello superatus à Rege Aragonum xv. millibus interemptis captus fuit. xviii. Cal. Octobris propter periculum ignis amota fuit camera juxta capellam Infirmariæ; quam qui iterum reedificat,

car, hoc eveniat ei quod reedificanti Jerico legitur Josue imprecatum. vii. Cal. Octobris Episcopus Godefridus visitavit curialiter. vi. Cal. Decembr. Abbas Westmonasterii Willelmum de Ledeburi Priorem Majoris Malvernæ deposuit; cui successit Ricardus de Eston, qui erga Willelmum de Wyke-wone aliquando extitit ingratus. vii. Cal. Februarii dedimus Vicariam de Gimele Simoni de la Frithe Capellano. Quia bestię sylvæ transeuntes terminos Herefordenses frequenter ibant & non revertebantur; Gilbertus Comes Gloucestriæ super Malvernæ montes fossatum fecit. iv. Idus Martii præsentavimus ad Ecclesiam Omnium Sanctorum Willelmum de Werministre. ii. Non. Martii M. Robertus de Fange Archidiaconus Gloucestriæ obiit apud Voxhole; & xvi. Cal. April. sepultus fuit Wigornæ ante altare S. Crucis in Ecclesiâ Cathedrali. Illis diebus juxta Wroccestre in loco quidem Bilebury per quendam incantatorem Diabolus coactus cuidam puero apparuit; & urnas & navem & domum cum immenso auro ostendit. Ecclesia de Bernwelle ictu fulguris cremabatur. vii. Cal. Aprilis Monasterium de Middeltoun in Wiltechire ignis consumpsit.

Anno MCCLXXXVIII. octavo Cal. Maii ignis veniens de incendio pistrini & braci Episcopi Persorensis clocherium primò invasit, & totam ferè cremavit Ecclesiam, & de villâ plusquam xl. mansiones. Tanta fuit copia frumenti & raritas monetæ; quòd quarterium vendebatur pro xviii. denariis. Die S. Jacobi in nundinis S. Botulfi ignis multorum mercatorum bona consumpsit. Pluribus expensis est facta domus beverensis; Antè fuit camera, sic parva capella coquina. xiv. Kal. Octobr. Episcopo Godefrido celebrante Ordines apud Westburie, Thomas de Wich. Cantor Wigorn. secundum consuetudinem antiquam vocavit vocandos. Sed Johannes Ebroicensis Archidiaconus Gloucestriæ nepos Episcopi asserebat idem officium ad se pertinere. Unde innuente Episcopo Cantor violenter expulsus à Cancellis fuerat; & statim appellavit pro statu Ecclesiæ Wigorniensis. ix. Cal. Octobr. apud Oxoniam in Prioratu S. Benedicti generale Capitulum extitit Monachorum. Per idem tempus [Episcopus] nitebatur Ecclesias Maneriorum suorum annectere ad Præbendas de Westburie. x. Cal. Januarii quibusdam Fratribus profitentibus, sicut mos est, in præsentia Domini Godefridi Episcopi, post Missam Stephanus de Witton Commonachus noster porrexit Episcopo literas inhibitorias; ne pendente in Curia Cantuariensi hujus appellationis negotio quicquam in partis præjudicium appellantis attemptaret. Et statim appellavit idem Stephanus Sedem Apostolicam, & pro tuitione curiam Cantuariæ. Post hæc mox Episcopus intravit Capitulum, & sic incœpit: Ego huc veni, ut corrigerem excessus cotidianos. Cui respondet Prior: Non pertinet ad vos Pater. Et Episcopus: Nonne facitis mihi professionem? Et Prior: Non, sed Deo & Ecclesiæ. Et iterum idem Stephanus appellavit; ne Episcopus tractando seu etiam aliquo modo faciendo contra ipsorum consuetudines & compositionis vim, seriem vel effectum. Deinde donationem factam de Archidiaconatu Wigorn. sede Romanâ vacante revocavit; quia illam Dominus Papa infirmavit. v. Idus Novembr. dedimus Ecclesiam de Bradewas Domino Waltero le Ster. vi. Idus Januarii Procurator Domini Francisci Archidiaconi Wigorn. installatus fuit post Vesperas per Nigellum le Waleys. iii. Idus Januarii Prior & sui non obtentâ pace & quiete, coram Episcopo renovaverunt provocationes & appellationes. xix. Cal. Februarii venit Episcopus cum suis ad ostium Capituli, petens ingressum ad corrigendum excessus cotidianos. Cui Prior respondit: Domine Pater ingredi secundum compositionem in nomine Domini; & secundum quod vos hætenus fecistis & antecessores vestri. Sed Episcopus noluit. Propterea appellavimus, & copiam ei dedimus. Post hæc Episcopus appellavit; sed nobis copiam negavit. xvii. Cal. Februarii misit Episcopus Clericos suos cum sigillo suo; & concessit omnia



omnia spiritualia esse in eo statu in quo fuerunt xv. Cal. Octobr. hoc est pridie antequam Cantor expulsus esset apud Westbury, & compositionem antiquam stare in robore suo, & omnia mora causâ litis perpetuò non moveri, & mediantibus xl. marcis temporalia de Alveston suo tempore dimittebat; & per suum manifestè testabatur se ibi de amerciamentis tenentium Prioris nihil unquam per ministros suos recepisse. *Sequitur de liberatione Principis Salernitani.*

Anno MCCLXXXIX. tertio Nonas Junii obiit Johannes de Fernley Officialis Wigorn. ii. Non. Junii apud Bremesgrave Episcopo ibidem celebrante Ordines, non permisit Cantorem exercere officium suum; immemor pacis factæ, quam credimus esse Wallicam & inanem. Ante Pascha apud Bre-done thesaurus Episcopi diminuebatur per fures usque ad valorem cc. marcarum. Die S. Jacobi M. Galfridus de Norwico consilio nostro adhæsit. iii. Non. Augusti Episcopus Godefridus extorsit à nobis ad Sacristariam Capellam de Graftone, quam recuperavimus in curiâ Regis, non allocans nobis pro laboribus & expensis, quæ per veram computationem ad cc. libras ascendunt per vii. annos placitando. ii. Idus Augusti post continuam moram trium annorum in transmarinis partibus Rex Edwardus & Regina applicuerunt apud Douram. A vi. Non. Julii usque ad iii. Cal. Augusti pro majori parte tempus pluviosum extitit & ventosum. Die S. Ægidii contra adnexionem Ecclesiarum ad Præbendas de Westbury Bulla venit. vi. Idus Novembr. apud Radinges dicta Bulla coram Judice ..... fuit audita. xvii. Cal. Januarii Willelmus de Braci fuit sepultus apud Malverniam Majorem. Miracula multa Deus ostendit in Capellâ de Abendon; quam Edmundus Comes Cornubiæ præcedenti anno admonitus in somnis ædificavit in loco, ubi B. Edmundus Confessor communem accepit nativitatem. iii. Idus Februarii habuimus diem apud Radingam; sed Decanus Eveshamiæ, qui fuit Judex delegatus, non venit, sed literam excusatoriam illuc misit. Kal. Martii corpus cujusdam civis Wygornia nomine H. Poche, resistentibus Fratribus Minoribus multis, Sacrista vi obtinuit, & in cœmiterio nostro tradidit sepulturæ. vi. Non. Martii Henricus de Culdewelle Abbas Perforæ obiit in manerio suo quod Leye ab incolis nuncupatur. xiv. Cal. Aprilis eidem succedit Willelmus de Leya Celerarius ejusdem domûs; & fuit benedictus in Abbatem apud Withindon. Sacrista noster habuit capam ejus de baudekin & vestimentum de serico cum arboribus. Remisimus ei exhibitionem Conventûs propter combustionem Ecclesiæ illius. Nonis Martii G. portavit literas Regis & Regina & aliorum Magnatum; ut nos confirmaremus adnexionem Ecclesiarum ad Præbendas de Westburie. iii. Idus Martii Joiosa uxor Roberti de Mortuo-mari juxta eundem ad altare SS. Simonis & Judæ traditur sepulturæ. xv. Cal. April. Rex Edwardus declinans Monachos Eveshamiæ tanquam immunditias, apud Offenham fecit moram. Et xiii. Cal. April. Rex venit ad Feckeham, & xi. Cal. April. venit Wigorniam, cum processione ab Episcopo & Conventu susceptus. Et in crastino Missâ solemni de S. Wlstanò auditâ, apud Humelton comedit, & ad Feckeham rediit. Item Vigiliâ Annuntiati-onis inquisitionem cepit de toto Comitatu; & Forestarios & quosdam alios de venatione indictatos incarceravit. Memorandum quòd Fratres Minores mendaciter nos ad Archiepiscopum accusabant, quòd à nobis fuerunt graviter cæsi & vulnerati: & ad aures Regis pervenit hujusmodi rumor falsus. Per idem tempus de sepulturâ taliter fuit ordinatum. In Cathedrali Ecclesiâ post Missam dictam pro mortuo, provisò quòd Ecclesia nihil perdat, si Fratres Minores possunt legitimè probare quòd corpora sibi sunt legata, ea libere ad suam efferant sepulturam. Archiepiscopus accusantibus Fratribus pro eis nostro Episcopo hæc verba scripsit; quòd Monachi spoliis & plagis cum aliis injuriis in factò cujusdam funeris ab eis contra justitiam ablati ipsos nequiter &

& crudeliter gravaverunt. Et addidit : Nos non intendimus istam nequitiam dimittere incorrectam ; qui plagas Fratrum nec debemus nec possumus sine lacrimis tolerare.

Anno MCCXC. Quarto Cal. April. unusquisque indictatorum de venatione invenit sex plegios coram Hugone de Turberville, qui eum manucaperent in periculo corporum suorum & omnium rerum veniendi coram Rege Nonis Aprilis apud Wodestoke, quæ die fuit tunc feria iv. in ebdomadâ Paschæ, Regis judicium vel misericordiam audituri. Sed quia non fuit alia iudicii æquitas nisi Regis voluntas ; taxata fuit Episcopi redemptio ad v. marcas, & Prioris ad cc. Die Martis in hebdomadâ Pentecostes x. Cal. Junii nuncii nostri amicis procurantibus convocati fuerunt coram consilio Regis ; ubi vivâ voce exposuerunt damna & pericula quæ possent contingere Ecclesiæ Wygornensi, si Ecclesiæ pertinentes ad donationem Episcopi in Ecclesiâ de Westburi essent Præbendales : & lecta carta S. Wlstan, ubi iacta fuit ejus maledictio quâ innodantur qui à Monachis auferunt illum locum. Rex personaliter ad Consilium venit, nunciis interim recedentibus. Rex audito negotio & intellecto, nuncii revocantur. Tunc cœpit Cancellarius tepidè exponere Regis voluntatem. Sed Rex hoc intelligens, proprio ore nunciis sic respondit. Bene vellem, si vos velletis, Ecclesias fieri Præbendales. Sed damnum Ecclesiæ vestræ nolo. Facite quod vobis videbitur expedire. Præterea Consilium Regis intelligens omnes Præbendas Lincolnienſes præter v. in manibus esse Romanorum, & Archidiaconatum Wigorn. similiter, & sic quæ possent ad Regem fortè spectare tempore vacationis ad Papam devolvi, non acquievit ; quòd Ecclesiæ quæ quoquam modo ad Regis donationem possent venire, fierent Præbendales. Et Gilbertus Comes Gloucestræ ait. Ecclesiæ pertinent ad Baroniam ; ideo status Ecclesiarum non potest mutari plusquam Baroniam. Pridie Cal. Maii idem Comes Johannam filiam Regis duxit uxorem. viii. Idus Junii venerunt nobis literæ de Curia Romanâ de Archidiaconatu tenendo ad firmam pro xc. marcis ; & in Festo S. Johannis Baptiste cœpimus, &c. Rex habens custodiam H. de Mortuo-mari, præsentavit Priori Johannem Gunni ad Ecclesiam Omnium Sanctorum, & Prior Episcopo ; & x. Cal. Julii accepit administrationem. vii. Idus Julii Johannes filius Ducis Brabancie duxit uxorem Margaretam filiam Regis Angliæ. vi. Idus Julii de facto non de jure installati fuerunt apud Westburi Nigellus Walensis, Johannes de Redberne, Johannes de Bereford. v. Idus Julii apud Abindon Monachorum fuit Capitulum generale. Literæ Archiepiscopi venerunt ad Episcopum, jubentes eum corpus H. Poche exhumatum Patribus Minoribus reddi sepeliendum ; aut Priorem & Conventum citare, quòd proximo die juridico ante Ad Vincula S. Petri coram Archiepiscopo ubicunque esset comparerent ; & eos qui manus violentas in Fratres injecerunt. Vigiliâ S. Jacobi Godefridus Episcopus personaliter cepit inquisitionem ; & per Clericos & Laicos juratos invenit, quòd ultima voluntas defuncti fuit in cœmeterio B. Mariæ sepeliri : & quòd nullus Fratres per malum tetigit, sed turbâ comprimente ad cumulos firmi offenderunt & ceciderunt. In crastino S. Jacobi in viâ publicâ juxta Herforton Priore transeunte, Forestarii à garcionibus ejus arcus & sagittas abstulerunt, & ex utrâque parte cornibus ululabant ; & ad hanc injuriam patria convenit. iii. Cal. Septembr. ignis exiliens de carbonibus negligenter extinctis Ecclesiam S. Andreæ de Wichio & majorem partem villæ incendio conflagravit. Kal. Octobr. M. Willelmus de Luda consecratur in Episcopum Elyensem. vii. Idus Novembr. Episcopus Godefridus cum cxi. equis venit ; & per tres dies visitavit cum magnâ multitudine, procuratus primo die tantum. In camerâ Prioris cubavit. Secundo die pro statu suo & Conventûs Prior appellavit. Quartâ die Episcopus iratus discessit ; quia injustis Præbendis de Westbury majores Ecclesias Episcopatûs per sigillum nostrum nolimus adnectere &



& confirmare. iv. Cal. Decembr. Elianora Regina obiit ; & Londoniis xvi. Cal. Januarii sepulta fuit. Die S. Luciae Officialis Archidiaconi Priorem monuit per literas Archiepiscopi ; ut infra xv. dies funus H. Poche Fratribus redderetur, aut ex tunc Prior & majores de domo suspenderentur. Hinc fuit provisum & per Fratres mendaces firmiter promissum ; quod clam cum qua possent modestiâ cadaver asportarent. Sed vice versâ in crastino S. Thomae Apostoli cum magnâ pompâ & tumultu, privilegium suum populo maternâ linguâ exponentes, & omnes quos poterant ad spectaculum invitantes, ad confusionem nostram per magnam plateam cum cantu tumultuosè illud efferebant. Nonis Martii W. Pœnitentiarius & H. de Cornera per præceptum Godefridi Episcopi cineres populo dederunt, & pœnitentes emisertunt ; Priore interim in Capitulo Conventui prædicante. Sed postea cineres Prior benedixit, & Conventui dedit ; nec de officio Episcopi se intromisit. iii. Idus Martii Edwardus Rex pro animâ Reginae nuper mortuæ c. marcas nobis misericorditer perdonavit : & cogitans Scotiam subjugare, in antiquis Cronicis de jure Regum Angliæ quæsitum & inventum est. x. Cal. April. litera Episcopi patens venit ; in qua nobis multa inusitata & præjudicialia patuerunt ; contra quam per tabellionem statim fuerat appellatum.

Anno MCCXCI. Tertio Cal. Maii contra gravamina Godefridi Episcopi eidem literam misimus inhibitionis. Villam & Ecclesias Lichfeld. & habitationem Fratrum Minorum, excepto Claustro & Ecclesiâ Canonicorum, ignis combussit. Die vi. Maii scripsit nobis Godefridus Episcopus nescio quid cogitans, quod in crastino veniret ad nos de arduis negotiis statum nostrum & ordinem tangentibus tractaturus ; & venit. Sed mediante Roberto Burnel Bathoniensi Episcopo tunc Cancellario, Episcopus noster statuta, quæ nos sub pœnâ excommunicationis observare jussert, per sententiam revocavit. Et ut omnes lites hinc inde usque ad finem mensis Octobris sub spe pacis quiescerent, provisum est. Tunc confirmavimus scriptum inter Episcopum Wigorn. & Comitem Gilbertum Gloucestriæ de fossato Malvernæ ; in quo dicitur quod Vigiliâ Assumptionis duo dami & Vigiliâ Nativitatis Domini duæ damæ dabuntur Episcopo annuatim ; & nobis idem dabitur Sede vacante. v. Idus Maii Johanna Comitissa Gloucestriæ peperit filium à Bathoniensi baptizatum ; cui nomen imponitur Gilebertus. ii. Idus Maii apud Kemesey coram Episcopo Bathon. Episcopus Wigorn. statuta malitiosa cassavit, annullavit & revocavit, & concessit quod Prior & Conventus ab exactiōe scutagii de Toteston & de Lanverne sint immunes ; & super hoc ipsis faciet omnem securitatem, quam sciverint providere. iv. Idus Junii in Hiberniâ apud Corc. Fratrum Minorum fuit Capitulum generale ; ubi Fratres Hibernenses venerunt armati cum quadam Bullâ ; pro qua ortâ contentione contra Anglicos pugnaverunt, & multis mortuis & vulneratis hinc inde, Anglici tandem urbis auxilio cum Ordinis scandalo superabant.

Bullæ Papales sunt Fratribus exitiales.

Qui quondam mites, faciunt nunc prælia, lites.

v. Cal. Julii Regina Alienora mater Regis apud Ambrebury obiit Sanctimonialis ; & iv. Idus Septembr. Rege præserte & multis Prælati Angliæ ibidem sepulta fuerat cum honore. Nonis Augusti præsentavimus ad Ecclesiam de Humelton Magistrum H. de Raggeleye. Rex personaliter apud Bergevein inquisivit per xxiv. veritatem de Castro, quod rebellante Comite Herefordiæ Comes Gloucestriæ per vim construxit. Citò post hoc Rege transeunte per Herefordiam, Justiciarii illius de majoribus Herefordiæ fecerunt judicium : sed justitiam Deus novit. v. Idus Novembr. Rex Edwardus venit Wigorniam. In crastino S. Martini Rex discessit versus Fladebury. Dedimus ad petitionem

tionem Regis cuidam fervienti suo per nostras literas victum & vestitum. Papa concessit Regi decimam omnium spiritualium secundum verum valorem per vi. annos in subsidium Terræ Sanctæ. Die S. Lucie innotuit nobis, quod Episcopus Godefridus contra statum Capituli nostri Bullam pessimam impetravit. xix. Cal. Januarii dedimus Ecclesiam de Pakinton cuidam, cujus nomen & mores & faciem ignoramus. Prior factus fuit custos obventionum collectarum ad Terram Sanctam à Concilio Lugdunensi usque nunc & per vi. annos qui sequuntur in Episcopatu Cestrie & Wigornensi. vi. Idus Januarii Fraude Capellani caput asportatur Alani. Die xiii. Februarii Archiepiscopus celebravit Concilium Provinciale; qualiter Terra Sancta recuperari valeat, & recuperata in posterum conservari. Et si Fratres Hospitalis S. Johannis & Fratres Militie Templi Hierosolymitani ad unius Ordinis unitatem seu religionis unionem auctoritate Apostolicâ sint uniendi. Et decrevit, quod quilibet Episcopus, quod melius & efficacius sibi videbitur, in scriptis mittat auditoribus assignatis; & ipsi de omnibus consiliis inter se eliciant quid Archiepiscopus Domino Papæ potuerit pro consilio destinare. Rex actor & iudex libertates decrevit suas esse, quas Marchienses & patres eorum habuerant ab avitis. vi. Idus Martii Rege procurante Papa misit quosdam, qui inquirerent verum valorem nostrorum temporalium undecunque. Liberiores nobis fuerunt Pharaonis Egyptii sacerdotes. Gen. xlvii. *Joseph subiecit omnem terram Pharaoni præter terram sacerdotum.* En ut cernitis, & nos & terram nostram Pharaon possidet.

Edwardus Dei gratiâ Rex Angliæ, Dominus Hiberniæ, & Dux Aquitanie, dilectis sibi in Christo Priori & Conventui Wigorn. salutem. Mittimus vobis sub sigillo Scaccarii nostri præsentibus appenso transcripta quarundam literarum quæ in Thesaurariâ nostrâ resident tenorem qui sequitur continent. A tuz iceaus ki ceste lettre verrount, &c. *Literas vide apud Florilegum ad annum 1291.*

Anno MCCXCII. duodecimo Kal. Maii in parte aquilonari principalis altaris ad detrimentum fundamenti Ecclesiæ M. Johannes habuit sepulturam. Fratres de Papâ Nicholao & de Archiepiscopo Johanne Cant. sic dicebant: Solem & Lunam sub nostro habitu nos habemus. Sed iv. Non. April. Sol cognovit occasum suum. v. Non Maii obstaculum navium cum serurâ in gurgite de Teukesbury patria delevit. Die S. Trinitatis per violentiam Processionum compugnantium sanguis in Ecclesiâ fundebatur; & tamen ut creditur non tetigit pavementum; quod demum viii. Idus Junii nobis innotuit manifeste; qui post hoc simplici corde in Ecclesiâ celebrabant, à celebratione abstinuerunt, donec cum eis Episcopus dispensasset. Et ecclesiasticum officium totaliter in Capitulo dicebatur usque ad Vigiliam B. Barnabæ, quando Episcopus pollutam Ecclesiam purificavit. v. Idus Junii, sc. in Translatione S. Benedicti, per Nicholaum Sacristam templi facies adornatur, ponendo tabulas ex utràque parte imaginis Matris Dei, continentes multarum imaginum pulcherrimam comitivam.

Lux magis est clara, quo major ponitur ara.

Et stat in altari frons sine fronte pari.

Miracula inchoata in die S. Trinitatis ad tumbam Adæ Monachi Gloucestrensis, ad honorem nominis Christi fidelium excitant devotionem. Prædicatores & Minores mali interpretatores caveant, ne in hoc facto jure dici debeant Antichristi. Die Assumptionis B. Mariæ obiit M. Radulfus de Pirie. xv. Cal. Septembr. dedimus Ecclesiam de Wlvardelew Magistro G. de Norwys. v. Cal. Septembr. Capitulum concessit M. Thomæ de Lughore pensionem xl. solidorum, donec providerimus in beneficio competenti. Ad Festum



stum S. Michaelis apud Norham Capirulum generale Monachorum fuerat celebratum; & iterum erit Oxoniæ anni circulo evolutum. vii. Cal. Novembr. Robertus Burnel Episcopus Bathoniæ obiit Cancellarius, Regi tam utilis, plebi tam affabilis, omnibus amabilis; vix nostris temporibus illi similis invenitur. iv. Cal. ejusdem dedimus Ecclesiâ S. Martini Waltero de Kemesey Clerico Episcopi. Die S. Clementis fuit Robertus Episcopus Bathoniæ in Ecclesiâ Wellensi tumultus: & Johanna Comitissa Gloucestriæ in castro de Kaerfili post partum filia purificata. In crastino S. Nicholai Johannes de Peccham Archiepiscopus Cant. apud Mortelake mortem invenerat temporalem; & xiv. Cal. Januarii cum suis antecessoribus habuit sepulturam;

Sol obscuratur, sub terrâ Luna moratur;  
Ordo turbatur, stellarum lux hebetatur.

Die S. Johannis Apostoli apud Theokesbury venit spiritus procellæ cum tonitruo & fulgure vehemēti; ex quibus ignis comburens & non illuminans exiit, & combussit Clocherii summitatem. Hoc anno Justiciarii itinerantes natione Aquilonares, sc. Johannes de Berewyk & alii, in æstate apud Herefordiam, & in hyeme apud Salopesbiriā placitabant; & post natale Domini apud Lichfeld incoeperunt; sed ad Staffordiam fuerant revocati. Eo tempore Hugo de Crafigham & Willelmus de Mortuo-mari Clericus & alii natione Occidentales in partibus Aquilonis Justiciarii extiterunt. Idibus Februarii M. Robertus de Winchelsfey Archidiaconus Eßsexiæ in Cantuariensem Archiepiscopum fuerat electus.

‘Mun Seignur Sire Edward Rey de Engleterre e sovereyn seignur du Reaume de Escoce, jco Johan de Baillol Reys de Escoce devenk vostre homme lyge de tot le reaume de Escoce oue les aportenaunses, e od kant ki apent le quel ieo tenk e dey e dreyt e cley m pur moy e pur mes heys Reys de Escoce tenyr heritablement de vus e de vos heys Reys de Engleterre de vie e de membre e de terrien honur cōuntre totes gens ki poent vivere ou mourir: e le Reys le receit en la furme sauue seon dreyt e le dreit autri. i. cest homage fu fet au Neof Chastel sur Tyne en Engleterre le jour Seint Estienne, le an de grace MCC. nonante e deus, e du regne le Reys Edward XXI.

Anno MCCXCIII. decimo sexto Cal. Junii M. Willelmus de Marchiâ in Bathoniensem Episcopum consecratur. Barones quinque Portuum dolentes socios suos à Normannis truncatos, inter canes suspensos & excoriatos, Idibus Maii cum homicidis navale prælium commiserunt, & interfectis bellatoribus & nautis navium cclxvi. cum prædâ maximâ victores Anglici redierunt: per multitudinem navium numerositas intersectorum poterit cogitari. Londonienses per cædem civium & direptionem rerum & libertatum se offendisse quondam Regem vel propinquos ejus possunt infallibiliter æstimare. Nam Daviticam offensam contra Joab & Semei Solomonis sapientia vindicavit. Cum Thomas Monachus in Curiâ Romanâ vi. annos & amplius continuasset; xvi. Cal. Julii rediit debilitatus, & gravatus quod sede Romanâ vacante ejus mora inutilis videbatur. iii. Non. Septembr. Altare splendidum splendidius efficitur per appositionem tabulæ Passionis. xv. Cal. Octobr. quia in arenti terrâ stat Ecclesia de Wlvardeley; dedimus Magistro G. de Norwiko Ecclesiâ de Overebury, quæ irriguam terram habet. xii. Cal. Octobr. apud Bristoliam Edwardus Rex Henrico Comiti de Barres Elianoram filiam suam primogenitam dederat in uxorem: & Archiepiscopus Dublinensis ecclesiasticum officium adimplevit.

Mos hujus terræ non est confessa referre.

Funus Walteri super hoc vult testis haberi.

Qui existens Lector Fratrum Minorum Herefordiæ, cuiusdam viri confessionem audivit, & eam detexit. Unde postea confitens erubuit, & in irâ Fratrem illum cum secure in capite percussit, & ei imposuit silentium sempiternum. v. Idus Januarii dedimus Ecclesiam de Wlvardeley M. Willelmo Hondsum de Gloucestriâ. Die xvi. Februarii venit Clericus Regis cum oblatione Regali, & obtulit B. Wlftano monile aureum & ad magnum Altare duos pannos aureos; quia tunc Rex cogitaret quod transiret in Franciam festinanter. Eodem die Capitulum ordinavit, quod qualibet hebdomadâ pro Rege tres Missæ celebrentur de S. Wlftano, donec Rex ad Angliam prospere rediret.

Gallorum levitas Germanos justificabit.  
Italiæ gravitas Gallos confisa necabit.  
Gallus subcumbet Aquilæ victricia signa.  
Mundus adorabit: erit urbs vix Præsule digna.  
Constantine cades & equi de marmore facti,  
Et lapis erectus in alta palatia Romæ.  
Terræ motus erit. Quæ non procul auguror esse.  
Mille ducentenis & nonaginta sub annis  
Et tribus adjunctis, consurget Aquila grandis.  
Papa citò moritur; Cæsar regnabit ubique;  
Sub quo cessabit tunc vana gloria Cleri.

Anno MCCXCIV. Regem Angliæ absorbuit immoderatus amor mulieris Gallicæ & neptis propriæ; cui incauti internuncii promittebant, quod si Regem Franciæ cum Gasconiâ feofaret, illam mulierem cum Gasconiâ feofatam reciperet, ut optavit. Sed Rex Anglorum fraudem Gallicam non advertens, contra consilium suorum fidelium, & præcipue Johannis de Langeton Cancellarii, his diebus per Cartam sigillo suo signatam de Gasconiâ Regem Franciæ feofavit. Sed non multò post Rex Franciæ omnia quæ Rex Angliæ in transmarinis partibus habuit, proprio iudicio abstulit violenter. Hæc est causa, quare Rex Angliæ indignabatur, sc. à muliere se contemni & Francorum fraudibus se decipi vel deludi. Circa Pentecosten habito consilio cum suis militiam electam cum multitudine peditum & classe terribili; ut Francorum superbiam flammâ & ferro mediantibus edomaret. Sed erat eis ventus contrarius; & ferè usque ad Assumptionem in partibus de Portesmuthe exercitus morabatur. Et hæc interim contigerunt. xix. die Junii edictum, quod indictati de latrocinio vel de morte hominis vel de Forestâ & de feloniâ qualicumque vel proscripti, qui possent salvos manucaptos per se vel per amicos invenire, qui Regis exercitum versus Vasconiam vellent sequi; Rex quantum in se est concedit omnibus talibus pacem suam. Scito per ministros Regis summâ faccorum lanæ diligenter scrutatâ in Angliâ & inventâ, Rex decrevit, quod de singulis faccis lanæ approbatæ v. marcas, & de sacco communis lanæ iii. marcas Regi redderent venditores. Die iv. regii scrutatores in omnibus locis suspectis scrinia signabant, ubi maximum depositum putabatur. Rex Angliæ sciens quia victoria de cælo est, per literas petiit, quatinus ab omnibus sic oretur, ut Regis Regum dextera assumptum negotium sic disponat, quatinus Deo cedat ad gloriam, & ad regni Angliæ commodum & honorem. Rex noster per nuncios solemnes misit Regi Alemanniæ lx. mille libras; ut ejus esset amicus & inimicis ejus totaliter inimicus. Et eundo his rebus prosperè peractis, redeundo cum essent naves Angliæ cxi. Gallici cum navibus ccxx. cum eis navale prælium commiserunt. Et xix. die Julii Gallicis illis interfectis, & xl. navibus submersis, cum clxxx. navibus captis, victores Anglici redierunt. Sed quia quosdam socios optimos amiserant, non fuit victoria sine luctu. Primâ die Septembris Rex venit serò ad S. Wlstanum,



num, & à Conventu audivit solemnes versus de ipso Sancto, & Missam in crastino Episcopo celebrante. Et obtulit ad tumbas iv. firmacula aurea cum vi. marcis; & versus vesperam rediit ad Perforam. Die xix. Septembris Rex habuit colloquium Londoniæ cum omnibus Episcopis & Archidiaconis & Abbatibus; & Clerus ibi similiter habuit Procuratores. Ubi licet inviti omnium bonorum suorum medietatem Regi publicè concesserunt. Et tale editum fuit propositum; quòd quicumque huic exactioni contradicerent, à regno & Regis gratiâ fierent alieni. Die xxii. M. Willelmus de Monte-forti intrando ad Regem subito cecidit & expiravit. Wallicis videbatur, quòd nimis opprimebantur custodibus Anglicanis. Convenerunt igitur xxix. die simul; & omnes Anglicos, quos apprehendere poterant, cum mulieribus & parvulis peremerunt. Idibus Octobris convenientibus nobis in unum, omnia onera portabilia & importabilia libenter suscepimus; quando ix. Fratres cum Priore de subtractione providè providebant, præter diminutionem panis cotidiani, quem nobis B. Wlstan sanctitas dereliquit, qui communiter dicitur quòd hoc non fieret anathemate interdixisse. Die xxi. Novembris Rex Edwardus venit Wigorniam, & die S. Katerinæ Missam audivit de S. Wlstan Priore celebrante; & in crastino versus Cestriam iter sumpsit. Die viii. Decembris Walenses cum igne & armis undique hostiliter Rex invasit. Circa idem tempus Rex cepit decimam bonorum omnium liberorum, & sextam partem Ecclesiarum infra x. marcas æstimatarum; & de propriis maneriis & de civibus & mercatoribus idem fecit. x. Cal. Januarii M. Willelmus de Gloucestriâ Ecclesiâ de Wlvardeleye resignavit; & in Kalendis ejusdem representatus fuerat ad eandem. M. Robertus Electus Cantuariensis à Domino Papâ invitis Fratribus Minoribus consecratur; & applicuit apud Gerne-muthe primâ die Januarii, ut audivi. vi. Idus Januarii Episcopo in grabbato apud Herceibun decumbente, Thomas de Hundelep & Thomas de Wich. provocationes & citationem Curie Cant. super Præbendis & aliis graviminibus coram eo publicè innovabant. Die xiii. Februarii Comes Herefordiæ cum aliis Nobilibus & patriæ Comitivâ amovit obsidionem Wallensium circa Castrum de Bergeveni, & terram eorum combussit, & maximam prædam abduxit, & populum sine numero interfecit. Die v. Martii Willelmus de Bello-campo Comes Warewik commisit bellum cum Wallensibus in loco qui dicitur linguâ eorum Meisneidoc; & prostravit ex illis de nobilioribus dcc. viros, præter submersos & lethaliter vulneratos. Sed Madocus Ap Lewelin eorum Princeps cum dedecore vix evasit. *Sequuntur res Anglorum in Vasconiâ hoc anno gesta.*

Anno MCCXCV. Rex post Pascha cum septies ..... navibus bellicis intravit Angleseyam; & eodem tempore cum his qui oderunt pacem erat pacificus, recipiendo xi. millia Wallensium ad pacem suam. Sed voluntas Regis indeterminata Wallensium pax fuerat illâ vice. Tunc fundato Castro, quod vocatur Beaumareys, & deputatis ibi custodibus, superiores partes Snoudoniæ pertransivit. Deinde mandavit Domino Willelmo Comiti Warewik, quòd in partibus Meronnith sibi occurrat. Et Comes in manu validâ xiii. die Maii de Mungomeri movit castra. Transeunte Rege ad partes Walliæ meridionales, Abbas de Stratflur stultè promisit Regi, quòd certo die & loco Comitatum de Cardigan adduceret ad pacem Regis. Sed Rege cum exercitu armato diutissimè expectante, ibidem de Wallensibus nullus venit. Ideo iratus dixit: Accendite, accendite. Et sic ignis qui nunquam dicit, Sufficit, similiter Abbatiam & patriam involvebat. Postea Morgan, qui illius patriæ Princeps dicebatur, Comite Warewik ducente, cum dcc. viris venit ad pacem Regis. Die xxix. Maii, qui tunc fuit dies Trinitatis, ignis negligenter ad vespas deportatus habitaculum Fratrum Minorum Staffordiæ totum crudeliter examinavit. Die viii. Junii Walterus Persona de Tredinton

dinton obiit. v. Cal. Julii venerunt Londonias Prænestinus & Albanensis Episcopi Cardinales cum multâ comitivâ; sed signa Papalia non habebant. Die iv. Julii Rex misit Johannem Buceturte versus Vasconiam ducentem xii. millia peditum electorum. Die xx. Julii Rex & sui manè Wigorniam navigio venerunt; & die eodem vespas, & in crastino Missam de S. Wlftano fecit solemniter decantari: & obtulit firmaculum xi. marcarum B. Wlftano, & unum c. solidorum B. Oswaldo, & duos pannos nobiles ad altare. Deinde post Missam Rex flexis genibus coram S. Wlftano, astante Priore & Cantorè, dixit: Quid retribuam B. Wlftano pro omnibus, quæ suis sanctis precibus retribuit mihi? Hoc exiguum voveo coram Deo & Sanctis ejus, sustentationem trium Monachorum & duorum cereorum coram Sancto ardentium, cum providebitur meis sumptibus adquietabo. Duo nuncii Domini Papæ duplicem Procurationem sc. vi. marcas ubicunque Ottobonus procurationem habuit, exigebant. Gallici portum de Doveri invaserunt, & partem combusserunt, multa asportaverunt, fœminas rapuerunt, Monachum infirmum occiderunt, & recesserunt. Sed iterum redierunt, ut facinus ampliarent; & sic cc. de fociis suis amiserunt, præter eos quos absorbit aqua maris. Ultimo die Julii Madocus Ab Lewelin ducente Domino Johanne Haveringe venit cum suâ familiâ ad pacem Regis. Eodem tempore Conan apud Brekenoc, fingens se esse leprosum, capitur & Regi mittitur; qui reclusit eum, non tamen vii. diebus, sed donec posset inter lepram & lepram discernere secundum legem. Ad Vincula S. Petri Rex tenuit Parliamentum Londoniis; ubi uterque Cardinalis pro guerrâ, quæ orta est inter Regem Angliæ & Regem Franciæ, de pace publice prædicavit. Quibus Rex respondit; quod adquiesceret paci, quæ idonea sibi & suo esset regno: sed quod confœderatus fuit Regi Alemanniæ, ideo sine ejus assensu contra suum honorem esset pacem concedere sive treugam. Deinde auditis gravaminibus regni Angliæ, Cardinales cum Clericis Angliæ ad Regem Franciæ redierunt; & alii nuncii Regi Alemanniæ mittebantur. Die xiv. Septembris apud Hereford Conan, unus ex quatuor Ducibus Wallicorum qui infideliter portabant arma contra Regem, equis ad suspendium trahitur sub cratem. Thomas de Turberville miles de familiâ Regis convictus fatebatur, quod Rex Franciæ promissit ei Walliæ principatum, si Regem & regnum perderet Anglicorum; & sponspondit, & quærebat opportunitatem sæpissimè quomodo Regem interficeret; quod non permisit Deus. Ideo viii. die Octobris Londoniæ per larvales homines teterrimos coram Judicibus ductus, dixit judicandus. In hoc negotio non sum solus. Et super corium bovinum tractus, ne concitò moveretur, nec Deum nec Sanctum aliquem invocavit; sed sine devotione & impœnitens suspendebatur. iii. Non. Octobr. dedimus Ecclesiam de Doddeham cum Capellâ de Kinthwyk Roberto de Barnebi, petente Priore, postpositis omnibus parentibus Monachorum. Die xxiii. Julii Episcopus Godefridus contulit M. Thomæ de Stoke Ecclesiam de Kemesey, & M. Johanni de Evereus Ecclesiam de Tredinton, & M. Waltero Burdun Archidiaconatum Gloucestriæ. Papa Bonifacius contulit Ecclesiam de Blokele Bartholomæo de Ferentino vacantem per mortem Petri de Escocæ, qui obiit Anagninæ vii. Idus Augusti procurando Ecclesias Episcopi fieri Præbendales contra commodum Ecclesiæ Wigorn. Die xiii. Novembr. Robertus de Clifford duxit uxorem filiam Thomæ de Clarâ neptem Comitum Gileberti. Post diem Animarum iv. Monachi cum Ricardo de la Linde Clerico testes fuerunt recepti & examinati Londoniis in Ecclesiâ B. Mariæ de Arcubus ad probandum, quod Episcopus Ecclesias de patronatu suo in Ecclesiâ de Westburie præbendavit. Et ad Festum B. Katerinæ idem fuit factum de vii. senibus & valetudinariis per Magistrum W. Brun Rectorem Ecclesiæ de Lak in Ecclesiâ Wygornensi. Die vii. Decembris Gilebertus Comes de Clarâ & Hereford obiit; & xxii. die apud Teukebury cum patribus suis eum Godefridus



fridus Episcopus sepelivit. Die xxviii. Novembris Rex ad Archiepiscopum Robertum sic personaliter loquebatur: Vobis regrator de curialitate anno præterito mihi factâ. Sed quod vestro adjutorio plus indigeo nunc quam tunc; ideo peto, quod sicut promisistis idem adjutorium ad guerram meam ulterius impendatis. Tunc Archiepiscopus habito consilio cum Clero bonorum Ecclesiæ Regi decimam offerebat. Sed Rex hoc pro nihilo reputavit; & suos Justiciarios ad eos misit, qui minando consulebant ut Regi facerent voluntatem, & contradictorum nomina eis traderent. Tunc Archiepiscopus: Absit ut inter caput & membra divisio fiat ulla; ad unum & idem voluntas omnium inclinatur. Item Archiepiscopus dixit Prælati Ecclesiæ: Consulite de his; sed noscite quod sine adjutorio se & vos Rex non potest defendere contra hostes. Responderunt: Juvabimus de periculo; quod fortè Papa dicet; Clerus fovet illos, qui contra jura destruunt Christianos. Et illi: Regem nostrum sustinemus; qui repetit suum quod Regi tradidit infideli, sed regnum non appetit alienum. De difficultate, quod per multas præstationes, sc. decimæ, vicesimæ, tricesimæ & hujusmodi, Rex thesauros Ecclesiæ exhaustit. Et illi: Ideo Clerus minus præstare poterit istâ vice. Tunc Archiepiscopus de consilio Cleri Regi obtulit illud idem sc. decimam; hoc tamen addito, quod si in sequenti anno bona pax non fuerit vel treuga de qua spes pacis concipi non potuerit, Regem secundum quod potuerint adjuvabunt. Quam conditionem vultu placido Rex accepit. Rex constituit certos custodes super omnes possessiones ad transmarinos Monachos vel Canonicos pertinentes; & unicuique per hebdomadam xviii. denarios jussit dare. Et si in propriâ custodiâ res suas voluerint tenere; unusquisque vi. manucaptos, quorum quilibet xx. libratas terræ habuerit, Regi inveniet; quod de extentâ rebus impositâ ad Regis Scaccarium fideliter respondebit. Die xv. Januarii apud Plimhuth in Cornubiâ Edmundus germanus Regis & Henricus Comes Lincolnæ cum xxv. Baronibus & mille equis coopertis & x. millibus peditum transfretabant. Die iii. Januarii Rogerus Episcopus Cestriæ sepultus fuit apud Lichfeld; & plures ibi fuerunt, qui ad exequias illius funeris transfactis xxx. annis libentiùs venissent. Die ix. Januarii M. Reginaldus de Henton familiares Clericos Episcopi juratos examinavit de Præbendationibus factis in Ecclesiâ de Westburi, reclamante Capitulo Wigornienfi. Die xi. Januarii obiit Nicholaus de Dumbelton; pro quo tenemur solvere annis singulis l. solidos Sacerdoti Sæculari celebranti pro animâ ejus, dum duraverint l. marcæ, in quibus ei communitas tenebatur; & Eleemosinariæ xii. libræ remittebantur, ut fiat pro mortuo partitio secundum conscientiam distribuentis. Ante Pascha Rex venit contra Scotos cum mmd. equis coopertis & xl. millibus peditum electorum. Tota lingua Walensium de Glamorgan elegerunt sibi Capitem, viz. Rees ap Morgan; qui subitò cœperunt expugnare Comitum Gloucestriæ; & castra de Morlers & Kenles & alia plura ceperunt & prostraverunt; & sic mota est guerra inter Comitem & homines suos. Item Rex penetravit totam Walliam juxta castrum de Morlers; omnes Walenses de dominio Comitis Gloucestriæ Rex suscepit ad pacem suam contra voluntatem dicti Comitis; & dedit eis custodem Dominum Walterum Hackelute. Item Rex rediit de Suthwalliâ versùs Northwalliam; & à Northwalliâ iter arripuit versùs Londoniam pro adventu duorum Cardinalium, qui missi fuerant ad tractandum de pace inter Reges Franciæ & Angliæ; & responso accepto redierunt in Franciam. Item Rex Angliæ cum maximo exercitu iter arripuit versùs Scotiam; quia Rex Scotiæ contra homagium suum, quod fecerat Regi Angliæ, adhærebat Regi Franciæ; volens prodere Dominum suum Regem Angliæ de dominio regni Scotiæ. Item Cardinalis Albanensis rediit de Franciâ in Angliam, & venit ad Regem apud Berewik in Scotiâ ad tractandum de pace.

Anno MCCXCVI. In die Paschæ, qui tunc contigit die Annuntiationis Domini, Widonem filium Willelmi Comitis Warewyk cum multis aliis filiis Nobilium Rex accinxit gladio militari. Penultimo die Martii Rex civitatem Berewyk vi & armis superatam ante vesperam expugnavit; & iratus exercitus pro morte Ricardi fratris Comitis de Cornubiâ & pro quibusdam navis interfectis, multos de civibus interfecit. Cum audisset Comes Patritius, quod uxor ejus & filii in castro suo de Donbar obsidebantur; cum ccccxxxvi. equis coopertis & vi. millibus peditum acceptis à Rege venit ut obsidionem Scoticam amoveret. Et ob iter audivit, quod adversariis suis redditum esset Castrum. Sed nihilominus castrum circumdedit obsidione. Et xxvii. die Aprilis Comes de Marimon & Alexander de Bailol cum m. equis, ex quibus quingenti fuerant ferro cooperti, & xl. millibus peditum super nostros de Scotiâ venerunt. Cum quibus commiserunt Johannes Comes de Warrenna & Willelmus Comes Warewik cum aliis Nobilibus Anglicanis, dimissis pueris regiis ad custodiam castri. Ad quos Ricardus Siward & Willelmus de Seint-Cler exierunt, sed non redierunt. Et commisso prælio Ingramum de Bailol & Episcopum de Aberden & Patricium de Graham cum multis Nobilibus & tribus millibus peditum per agros mortuos reliquerunt; & nullus de nostris cecidit, sed tantum fuerunt duo milites vulnerati. Et obsessi Regi castrum in crastino reddiderunt; quod Rex Comiti Patricio redonavit; & nobiliores infra inventos suis fidelibus tradidit custodiendos, ut Comiti Warewik Comitem de Afeles, & sic de aliis. Edmundus frater Regis in Gasconiâ obiit, ducendo exercitum Anglicorum. Vir magnæ perfectionis & eximie sanctitatis Dominus Philippus cognomento Aubin, Prior Ecclesiæ Cathedralis Wygornia, Nonis Julii obiit; & eum Abbas Eveshamia vi. Idus postea sepelivit. Cui successit Symon de Wyre Subprior ejusdem domus; quem iii. Idus ejusdem mensis præfecit Episcopus in Priorem. In mense Augusti Johannes quondam Rex Scotia ductus Londoniis à Rege deputatam recepit comitivam, cum qua ab urbe potuit egredi & per spatia xx. leucarum per patriam spatari. Thomas de Seggesberye Commonachus noster habens de pitanciâ nostrâ xx. libras anni præteriti, xv. Cal. Octobr. iter arripuit versus Romam. ix. Cal. Octobr. Symon Prior fuit installatus per Officialem Archidiaconi; cui Godefridus loci ejusdem Episcopus & Willelmus Comes Warewik & Edmundus de Mortuo-mari per suam præsentiam honorem maximum in convivio faciebant. Jacobus de Bello-campo miles defunctus in senectute bonâ, amicus Ecclesiæ Wigorni. Non. Octobr. in eadem meruit sepulturam. Willelmus de Molendinis iii. Cal. Novembr. morte præventus, partem Orientalem Ecclesiæ S. Oswaldi, quam de terra levaverat, non perfecit. Ad altare S. Crucis, ubi nunc jacet, vasa sufficientia providebat, & annum redditum xii. solidorum ad luminaria sustinenda, &c. xix. Cal. Februarii convenientibus in unum apud Londoniam Roberto Archiepiscopo & Clero; non videbant viam per quam Regi quicquam possent promittere aut donare propter quædam verba in Constitutione Papæ Bonifacii VIII. sic inceptâ: 'De fratribus nostrorum consilio auctoritate Apostolicâ statuimus; quod quicunque Prælati Ecclesiasticæque personæ Religiosæ vel Sæculares quorumcunque Ordinum, conditionis seu statuum, collectas vel tallias, decimam, vicefimam seu centesimam suorum & Ecclesiarum proventuum vel bonorum Laicis solverint vel promiserint vel se soluturos consenserint, aut quamvis aliam quantitatem, portionem aut partem ipsorum proventuum vel bonorum, æstimationis vel valoris ipsorum, sub adiutorii, mutui, subjectionis, subsidii vel doni nomine seu quovis alio titulo, modo vel quæsito colore, absque auctoritate Sedis Apostolicæ; nec non Imperatores, Reges seu Principes, Duces, Comites seu Barones, potestates, Capitanei, Officiales seu Rectores, quocunque nomine censeantur, civitatum, castrorum vel quorumcunque



que locorum constitutorum ubilibet ; & quivis alius cujuscunque præ emi-  
 nentiæ, conditionis & statûs, qui talia imposuerint, exegerint vel recepe-  
 rint, aut apud ædes sacras deposita Ecclesiarum vel Ecclesiasticarum perso-  
 narum ubilibet arrestaverint, faisiaverint seu occupare præsumperint ; vel  
 arrestari, faisiri aut occupari mandaverint ; aut occupata, faisita seu arre-  
 stata receperint ; nec non omnes qui scienter in prædictis dederint auxili-  
 um, consilium vel favorem, publicè vel occultè ; eo ipso sententiam excom-  
 municationis incurrant. Die Purificationis B. Mariæ in Capellâ de Wal-  
 singham juraverunt pro Rege de pactis tenendis Hugo le Despenfer & Domi-  
 nus Walterus de Bello-campo ; & pro Comite Flandrensi Dominus de Bo-  
 mund & Dominus de Cut de certis articulis. Et maritagium inter Edwar-  
 dum filium Regis & filiam Comitis factum est ; & habebit centum millia  
 marcarum, ut ducat filiam Comitis Flandriæ in uxorem. Thesaurum Co-  
 mitis Cornubiæ sumptibus Comitis ad Londoniam Rex adduxit de castro,  
 quod Berchamstude Anglicè nominatur. Clerus cum B. Laurentio regiæ vo-  
 luntati thesauros Ecclesiæ non exponens, sicut prius frequenter fecerat, iram  
 regiam sic accendit ; ut contra Clerum ita scriberet universum. Sed caveat  
 unusquisque, ne Papalis dignitas offendatur. 'Edwardus Dei gratiâ, &c.  
 Vicecomiti Wigornia salutem. Propter aliquas certas causas tibi præcipi-  
 mus ; quòd omnia laica feoda totius Cleri in baillivâ tuâ tam Archiepiscopo-  
 rum, Episcoporum & Religiosorum quàm aliorum Clericorum quorumcun-  
 que, cujuscunque statûs existant, unâ cum bonis & catellis in eisdem inven-  
 tis, sine dilatione capiatis in manum nostram, & ea salvò custodire faciatis ;  
 ita quòd nec ipsi nec aliquis per ipsos ad ea manum imponant, donec aliquid  
 inde præceperimus ; & hoc nullo modo omittatis. Teste meipso apud Ely  
 xii. die Februarii. Et in aulâ Regis Johannes de Meringham publicè procla-  
 mavit ; ne quis causas in curiâ Regis Religiosorum defenderet vel Clerico-  
 rum ; sed Laicorum causæ procederent sicut prius : & quòd Religiosi & Cle-  
 rici fuerunt extra pacem & defensionem regiam ; pronuntiavit : & quòd nul-  
 lum Breve transgressionis de Cancellariâ exiet pro Religioso vel Clerico qua-  
 licunque, quocunque modo gravati fuerint contra pacem. iii. Cal. Februa-  
 rii tale fuit Regis consilium, quòd præciperet præscriptam duritiam fieri con-  
 tra Clerum. Sed dies illa dies iræ ; quia eâdem die meliores & nobiliores de  
 exercitu Regis in Gasconiâ oppressi Gallicâ multitudine ceciderunt. Item  
 contra Religiosos & Clericos fuit propositum hoc edictum. 'Omnia mobilia  
 sua perdent, nisi Regis voluntatem fecerint citra Pascha ; & feoda annexa  
 Ecclesiis vel hæreditate contingenda per annum in suis manibus Rex tene-  
 bit : post hoc per breve eschaetæ capitales Domini feodum recuperabunt.  
 Ex tunc tales nec ement nec vendent ; nec præsumat aliquis talibus deser-  
 vire, seu aliàs communicet quoquo modo. Et si resistant spoliatoribus, in-  
 carcerentur. vi. Idus Martii dedimus Ecclesiam B. Swithuni M. Henrico  
 de la Lec. xv. Cal. April. dedimus Henrico de Bluntesdane v. marcas an-  
 nuæ pensionis. Item Dominus Papa Bonifacius in favorem Ecclesiasticæ li-  
 bertatis autoritate Apostolicâ sub majoris excommunicationis sententiâ inhi-  
 buit, ne Prælati & Ecclesiasticæ personæ, cujuscunque dignitatis, statûs aut  
 conditionis existant, sub adjutorii intuitu aut doni nomine, Imperatoribus,  
 Regibus seu Principibus absque Sedis Apostolicæ autoritate & licentiâ aliqua  
 de cætero conferant subsidia.

Anno MCCXCVII. In Vigiliâ Annuntiationis Londoniis in Convocatio-  
 ne Prælatorum coram Archiepiscopo tres Milites & tres Clerici nuncii Do-  
 mini Regis schedulas Gallicè scriptas prætendebant ; ne ipsi vel per eos ali-  
 qui contra Dominum Regem vel aliquem suorum vel sibi adhærentium vel  
 protectionem habentium aliquid consulere vel agere attemptarent. In fine  
 Concilii dixit Archiepiscopus. Universos & singulos propriis conscientiis

vos dimitto. Sed mea conscientia pro Rege, protectione vel alio colore dare pecuniam non permittit. Papa Bonifacius VIII. Clero Franciæ ita scripsit. Licet constitutionem ediderimus pro ecclesiasticâ libertate; non tamen fuit nostræ mentis intentio ipsi Regi aliisve Principibus Sæcularibus in tam arcto, necessitatis articulo, præcipue ubi ab extrinsecis injusta timeretur invasio, & ab intrinsecis ejusdem regni subversio formidatur, ac etiam Prælatorum, Ecclesiarum, personarum ecclesiasticarum eminens periculum imminet, viam subventionis excludere; quo minus ipsi Prælati, Ecclesia, Ecclesiasticæque personæ libero arbitrio atque sponte de nostrâ licentiâ pro communi defensionis auxilio, in quo proprium cujuslibet interesse conspicitur, Principibus ac sibi ipsis provideant juxta suarum modum facultatum. x. Cal. Junii dedimus quintam partem bonorum nostrorum, sc. lx. libras; ut regia protectio defenderet nos & nostra. xii. Cal. Maii Johannes Chainel missus à Rege cepit lanam & pelles laneas & salita coria cujusunque fuerant ad opus Regis. Et simpliciores facientes de lanâ propriâ sibi vestes, comprehendebantur, ut majestatis regiæ contemptores. Item Rex præcepit; quod Vicecomes c. boves crassas & cc. arietes in Comitatu suo ante Pentecosten modis omnibus provideret. Papa Bonifacius VIII. Monachos non diligit nec quoscunque alios Religiosos; quia his depositis in Ecclesiis nobilibus plantat contra statuta evangelica Sæculares. Suscepimus firmam Archidiaconatus Wigornia ad quinquennium, solvendo xc. marcas Londoniis annuatim. Die S. Laurentii Robertus Archiepiscopus in Convocatione Prælatorum Londoniæ dixit Clero: Cum depressionem Ecclesiæ coram Rege tangerem; respondit Rex: Si Clerus dederit mihi bonorum suorum congruam portionem ad guerram meam; antiquas cartas libertatum & cartas de Forestâ faciam firmiter observari. Ideo consulatis; Primo utrum liceat nobis Regi contribuere. Secundo de contributionis quantitate. Tercio quid petendum de libertate. Quarto de Regis magnâ necessitate. Ad primum articulum dicunt; quod videtur eis quod non; & hoc propter pœnam statuti, nisi prius petita licentia Summi Pontificis fuerit & obtenta; quia in tali redemptione esset titulus & color quæsitus: nec decet nec expedit Prælatis absque Proceribus tam communia negotia pertractare. Ad secundum articulum & tertium dicunt; quod pendent de primo. Ad quartum dicunt; quod Principis instans indigentia ipsos non excusaret de pœnâ statuti. Veruntamen cum Dominus Rex de beneplacito suo decreverit statum Ecclesiæ depressum relevare; ipsum eo libentius de bonis suis per aliquam viam licitam liberaliter, specialiter respicient & gratanter. Cum quidam Prælati conscientiam habeant de protectione regiâ, quam de bonis Ecclesiarum suarum redemerant licet inviti, & ideo se abstinere; ad minus petunt, quod via aliqua ordinetur, per quam hujusmodi scrupulo subveniat. Multitudo est in causâ; & ideo tali periculo citius esset subveniendum. Archiepiscopus mandavit Episcopis; quod per quemlibet Episcopum personaliter in suâ Cathedrali Ecclesiâ denunciarentur omnes illi Cal. Septembr. excommunicati; qui bona Ecclesiæ & Ecclesiasticarum personarum præter voluntatem & gratam permissionem eorundem consumpserint vel abstulerint. Sed acceptâ prohibitione Domini Regis Godfridus noster Episcopus scripsit nobis. *Expedit ut executionem publicationis quorundam articulorum, quos pridie vobis transmisimus, supersedere curetis.* Sed tamen x. Cal. Octobr. per Decanum & alium illa executio publicè pronuntiatur. Contra quam Rex evidenter coram testibus publicis Notariis appellavit in qualibet Ecclesiâ Cathedrali. vi. Cal. Octobr. cum ministri regii exigerent sextam partem infra burgum bonorum omnium & octavam extra burgum; responsum fuit eis per Comitatum. Rex Henricus aliquando promissit communicati regni; quod libertates Magnæ Cartæ & Forestæ concederet



& confirmaret, si daretur ei quintadecima quam tunc petebat. Sed pecuniâ acceptâ libertates tradidit oblivioni. Ideo quando habuerimus libertatum finem, gratis dabimus pecuniam nominatam. xiii. Cal. Septembr. sepulta fuit in Ecclesiâ Cathedrali Matildis de Evereus juxta locum ubi Episcopus frater ejus disposuit sublimiùs sepeliri. Die S. Lucae Simon Prior per commissionem Godefridi Episcopi suscepit professionem iv. Monachorum; & ex illis junior extitit Marmeducus. Scoti effrenati per xl. leucas in Angliâ fuderunt multum sanguinem innocentem. Ideo Archiepiscopus Robertus in crastino S. Nicholai ut pastor bonus, motus de Christi ovibus non defensis, in Convocatione Cleri providit; quòd quisque Dioecesanus per Clericos colligeret decimam Episcoporum & Religiosorum secundum verum valorem ad stipendia bellatorum, qui possent vim vi repellere in hac parte. Rex de omni populo cepit nonam. Et secundum taxationem Northwycensem decimam Clericorum Clerici, ut decuit, colligebant. Declaratio excerpta. 'Ad eum qui condidit, interpretatio noscitur pertinere. Declaramus, quòd Constitutio ipsa vel ejus inhibitiò ad donaria vel mutua Ecclesiasticarum personarum omni coactione vel exactione cessante se aliquatenus non extendat; feuda censuaria sive jura, servitia debita præfata Constitutio non includit. Et quòd compositionis vel transactionis titulo cum Rege & aliis Dominis temporalibus, ut ante Constitutionem poterant, liberè valeant convenire. Ad dicimus insuper, si pro universali vel particulari defensione necessitas immineret; se nequaquam extendit Constitutio memorata, quin Rex à personis Ecclesiasticis petere & recipere subsidium vel contributionem possit, inconsulto etiam Romano Pontifice. Clericos non clericaliter viventes eadem Constitutio non defendit. Rex Edwardus ducens exercitum in Flandriâ inutiliter contra hostes, Cartam de Forestâ & Cartam Magnam de libertatibus sigillo regio confirmavit; & petitiones Baronum per suas literas approbavit; & quòd decimæ, vicesimæ, tricesimæ & hujusmodi de cætero non exigantur nisi per commune consilium. Ante Purificationem facta fuit perambulatio de Forestâ de Kynesfare, &c. x. Die Februarii perambulatio circa Forestam de Feckeham. ii. Idus Martii Rex applicuit apud Doveram; & v. Non. Maii misit oblationem Sanctis, sc. monile aureum & ix. candelas ad tumbas, & xiv. solidos in argento.

Anno MCCXCVIII. sexto Cal. Aprilis obiit M. Willelmus de Ludâ Episcopus Eliensis. iv. Cal. April. cum Rex Edwardus veniret versùs Londoniam; caminum Regis ignem pestiferum eructavit, qui combussit Aulam minorem & cameras circumstantes; & Ecclesiam Westmonasterii invasit, sed gratia divina per manus fortium ignis impetum reprimebat: Et occulto Dei judicio omnia alia ædificia Monachorum præter Capitulum in carbores & cineres convertibat. ix. Cal. Junii Walterus præceptor Fratrum S. Wlstanii spiritum Deo reddidit; qui primus de habitu illorum illius loci præceptor extitit & promotor. In hebdomadâ Pentecostes apud Eboracum omnia quæ prius Baronibus & Communitati terræ Rex concessit, non timore territus sed merâ voluntate & sine precio confirmavit. Et ideo in præsentem meruit amari; & futuris temporibus benedici. Nonis Junii Willelmus Beor Monachus Gloucestriæ incepit de Theologiâ; & talentum à Deo sibi traditum non abscondit. Doctrina divina congruè committitur his qui habent habitum B. Augustini, qui cum suis Commonachis Christianæ fidei extitit primus doctor. Willelmus de Bello-campo Comes de Warewik graviter infirmatus, in absentia omnium amicorum per consilium Fr. Johannis de Olneye condidit testamentum; qui avertit voluntatem ejus, ne cum prædecessoribus suis in Cathedrali Wigorn. sed inter Fratres Minores sibi eligeret sepulturam. Qui v. Idus Junii obiit. Deinde habuit solemnes vigiliis in Conventu Perforensi

forensi & in Ecclesiæ Wigornensi. Tandem Fratres cum corpore tantiviri, quasi victores captâ prædâ, v. Cal. Julii per plateas & vicos civitatis circuibant, & spectaculum cuilibet faciebant: & sic in loco sepelierunt, ubi nondum quisquam positus fuerat, in quo tempore hyemali merfus dicitur melius quam sepultus, ubi olera crescere quondam vidi. ii. Idus Julii exercitus Regis impugnabat castrum de Drillintone; & qui intus fuerant se in castrino reddiderunt. Et xvii. Cal. Augusti ad templum de Lystone, ubi Rex fuit, exercitus remeavit. Et xii. Cal. horâ nonâ Rex intelligens inimicos subito venientes, usque ad Lynescu frænis equorum non depositis cum exercitu processit, & in armis pernoctavit. Et in castrino, sc. die Magdalænæ Rex cum exercitu usque ad horam tertiam equitavit. Et tunc vidit inimicos in montibus & vallibus quasi cc. millia peditum; & mille fuerunt equites æstimati. Et cum Rex festinanter appropinquaret; inimici se intra loca suæ defensionis congrua retraxerunt. Sed Rex per acies bene ordinatas ibi eos jusserat expugnare. Et primus congressus talis fuit, quod nunquam inter Christianos bellum fortius videbatur. Et ultima acies primitus obviavit; & ex illis per ætimationem l. millia ceciderunt, præter eos qui in pelago perierunt. Arbitrium Papæ Bonifacii VIII. & Benedicti Gaetani inter Edwardum Regem Angliæ & Philippum Regem Franciæ. *Infra tempus*, &c. Clerus Oxoniæ injuriis Burgensium provocatus, sine reversione de illâ discedere disponebat. Sed tandem per communes arbitros inter eos pax læsa fuit taliter reformata. Duo majores suo perpetuò ab illo officio removentur. Duodecim discordiæ amatores in illo municipio amplius non manebunt; & sex magis rei voluntatem regiam expectabunt. Et communitas villæ pacabit Clero cc. marcas infra annum pro laboribus & expensis. In castrino B. Clementis venerunt ad Oxoniam tres Monachi de Conventu Malmesbiriæ suo perpetuo ibidem moraturi; quorum unus in Festo B. Katerinæ Prior perpetuus per Dominum Johannem Giffard fuerat institutus. iii. Idus Novembris A. & A. & R. coram Johanne Episcopo Landavenfi susceperunt habitum professionis. N. Abbas de Hales primum diem novi anni habuit novissimum vitæ suæ. xiv. Cal. Novembr. dedimus Ecclesiam de Croppethorn M. Petro de Piriton, cui specialiter tenebamur. ii. Cal. Januarii obiit Umfredus Comes Herefordiæ; & in Monasterio de Waledene sepelitur. viii. [Cal.] Februarii Johannes Canonicus de Hales in Abbatem ejusdem domûs à Ricardo Herefordensi Episcopo fuit apud Bosebury benedictus. Kal. Februarii stella comata & rubea versùs Austrum in vespere videbatur, quæ versùs Orientem claros radios prætendebat.

Anno Domini MCCXCIX. M. Robertus de Lech persona de Martle per fas & nefas ab adolescentiâ suâ nummorum numerum augmentavit; & ille avarus iv. Id. Aprilis à prædonibus peremptus pecuniam perdidit atque vitam. Defuncti funus patriæ [nec] vir dolet unus. iii. Idus Maii M. Petrus de Piriton ad Ecclesiam de Croppethorn fuit iterum præsentatus. iv. Cal. Junii Johannes Giffard obiit; qui Monachis Ordinis S. Benedicti Oxoniæ studentibus locum contulit spatiosum; & apud Malmesbury habuit sepulturam. vi. Cal. Julii Johannes Episcopus Landavenfis reconciliavit Ecclesiam Perforensensem; quia custos Ecclesiæ muliebri consilio infatuatus, in loco illo sacro ignem obtulit alienum. iv. Cal. Julii Ricardo de Stoctone Capellano Wycheneforde vacantem contulimus Vicariam. Eo die concessimus M. Roberto de Dovebrige annuatim duas marcas, dum in Curia Romanâ nostra negotia procurabit. Et eo die litera absolutionis à Roberto Archiepiscopo portabatur. Rex promisit communitati terræ per literas sigillo suo signatas; quod in quindenâ post Festum S. Michaelis nova perambulatio forestas Regis ab aliis nemoribus separabit, & ex tunc libertates Angliæ erunt in omnibus obser-



vata; & hoc Regis mandatum fuit in urbe Wigorn. maternâ linguâ iv. Non. Julii publicè proclamatum. In Suburbio Wigorn. quidam accendentes ignem immoderatum die S. Laurentii circa opera cupiditatis, unde flamma exiit & plateam versùs S. Johannem ex utrâque parte circa mediam noctem totaliter devoravit. Eâ tempestate Abbas S. Augustini Bristoll veniens ad Eilmendeshury & inclinâtâ jam die multi armati intraverunt subito super eum, inter quos noti milites & alii de patriâ videbantur; & ea quæ Abbas pro domûs suæ utilitate secum habuit rapuerunt, & Senescallum suum propter veritatem & justitiam peremerunt. vi. Idus Septembr. Margareta soror Philippi Regis Franciæ in Angliam applicuit apud Dover; per cujus adventum captivi nostri liberè redierunt de custodiâ Gallicanâ. Quam Edwardus Rex iv. Idus ejusdem valde manè in Ecclesiâ Cantuariensi cepit in conjugem & consortem: Et Robertus Archiepiscopus quod ad officium ecclesiasticum pertinet adimplevit. xii. Cal. Octobr. dedimus Ecclesiâ S. Clementis Henrico de Hereford Capellano. vii. Cal. Novembr. Simon de Clifford miles in Ecclesiâ Cathedrali Wigorn. coram altari S. Johannis Baptistæ habuit sepulturam. iii. Cal. Novembr. absente custode castri Gloucestriæ omnes Scoti de vinculis carceralibus evaserunt, & multam armaturam quam invenerant asportabant. ii. Non. Novembr. Godefridus Episcopus imposuit nomen Prioris Minoris Malvernæ Johanni de Dumbelton, qui prius fuit Monachus Wigorniensis. Monachi Ecclesiæ Eliensis in caritate fundati & radicati Priorem proprium in Episcopum elegerunt. Sed quidam conspexerunt sub eo sibi illicita non licere; & cum se dolerent assueta relinquere, Johannem de Langetone nominabant. Tandem ambo Electi coram Papâ constituti, neuter eorum obtinuit hunc honorem. Sciens verò Papa scientiam & virtutes quæ Pontifici conveniunt in Priore, contulit ei Norwycensis Ecclesiæ Præsulatum; qui xvii. Cal. Septembr. à Roberto Archiepiscopo apud Cantuariam consecratus; & intronizatus in Cathedrâ fuit ut decuit ad Natale. In crastino Animarum Archiepiscopus Prælati & Procuratoribus Provinciæ Cant. apud Novum Templum arcanum consilium demonstravit. Et dicebatur tunc omnibus, quod quicumque ostenderet alicui alteri hoc secretum, majoris excommunicationis fulmine feriretur. Et Episcopi ibi non præsentés si audire voluerint quid sit dictum; pœna eis comminata quæ sit hoc secretum revelantibus exponatur. vii. Idus Decembr. M. Henricus de Newynton suscepit procuratorium nostrum ad exigendum libros & alia omnia, quæ Thomas de Seggesbury Monachus Wigorn. possidebat; qui in Romanâ Curiâ viii. Cal. Octobr. obiit, & inter Fratres Prædicatores Ananiæ sepelitur. vi. Idus Januarii Johannes de Bradenestok in Capitulo à Priore coram pluribus absolutus cereum vii. librarum obtulit in Ecclesiâ Cathedrali, qui ardebit inter Horas Canonicas atque Missas; & per septennium eum quolibet anno semel secundum pondus pristinum renovabit. ii. Idus Martii ad Parliamentum Regis Londoniis Archiepiscopus & Prælati cæteri convenerunt. Et auditâ Regis voluntate, majores regni communi consilio responderunt. Cùm acceperimus securam seisinam de boscis nostris & libertatibus sæpius promissis; ad reprimendam Scotorum insaniam vicesimam libenter dabimus nostro Regi. Sed Archiepiscopus cum Clero Regi dare decimam non promisit neque vicesimam illâ vice. Iste annus extitit jubileus.

Anno MCCC. Kalendis Maii Johannes de Bello-campo in Ecclesiâ Wigorn. habuit cum suis antecessoribus sepulturam. v. Non. Maji Hugo le Despenser Justiciarius Forestæ ad Hospitale S. Wlstani omnes Forestarios de Feckeham cum patriâ convocavit; & illis qui culpabiles de viridi vel venatione dicebantur pecuniam imposuit moderatam, ut quod factum est differatur usque ad adventum Justiciariorum itinerantium de Forestâ; & pronuntiavit publicè

publicè ex parte Regis, quòd antiqua Carta de Forestâ erit in omnibus articulis observanda. iv. Non. Maii Regis oblatio talis erat; ad majus Altare baudekinus & vii. solidi cum candelâ. S. Wlftano firmaculum aureum specialiter mittebatur, & viii. candelæ illuminandæ coram Sanctorum capitibus atque tumbis. Bonifacius Papa statuit de consilio fratrum; quòd Prædicatores & Minores in Ecclesiis Parochialibus non prædicabunt nili prius petirà licentiâ & obtentâ; & quòd de legatis quocunque modo ipsis Fratribus Rectores Ecclesiarum possunt petere quartam partem. xi. Cal. Junii ad petitionem M. Willelmi de Hondsum dedimus Ecclesiam de Wlvardele cuidam Scolari Stephano fratri suo. iii. Cal. Junii perambulatio Forestæ de Feckeham per, &c. viii. Idus Junii M. Reginaldus de Heydon per præceptum Archiepiscopi fidelem fecit examinationem de Symone le Chamberleng, utrùm infra annum probationis an post apud Minorem Malverniam habitum projecerit Monachalem. Eodem tempore Albi Monachi de Oxoniâ hoc infortunium pertulerunt: nimis elevantes locum habitationis suæ, propter cursum aquæ impeditum prata patriæ perierunt. Hinc Kal. Julii patria gravata divertit fluminis impetum super illos; ita quòd fuerunt domus eorum aquâ fluminis adimpletæ. Dicebatur, quòd iv. Non. Junii Margareta Regina in manerio de Brothertone peperit filium, qui Thomas in baptismo vocabatur. ii. Idus Junii apud Cantuariam M. Johannes de Aldrebi fuit in Episcopum Lincolnæ consecratus. iii. Idus Junii Godefridus Episcopus misit Officialem M. Robertum de Gloucestriâ & Johannem de Rodeberne Priorem & Capitulum visitare: coram quibus venientibus M. Galfridus & duo Monachi extra ostium Capituli provocando dixerunt. Non estis aliquo modo admittendi, nec debetis visitationis officium exercere; quia hoc esset contra compositionem hætenus observatam. Archiepiscopus nolens arare in bove & asinâ in diocesi suâ, viii. Prædicatoribus & viii. Minoribus tantum dedit licentiam prædicandi & confessiones audiendi, cum per Rectores vel Sacerdotes ecclesiarum ad hoc officium sunt vocati. xiv. Cal. Septembr. Godefridus Episcopus emisit hujusmodi commissionem, invalidudine corporis impeditus, M. Roberto de Gloucestriâ & Fr. Nicolao de Norton Sacristæ ad visitandum Priorem & Capitulum. 'Vobis committimus vices nostras, hoc modo videlicet, ut vos Sacrista quatinus contingit spiritualia soli visiteris, & de factis & excessibus quos inveneritis corrigatis; quoad temporalia vos Officialis & Sacrista prædicti simul hujus correctionis & visitationis officium & ea qualitercunque contingentia sub formâ debitâ impleatis. Capitulum communiter ordinavit, quòd ad Nativitatem B. Mariæ cuilibet Monacho xviii. denarios Infirmary providebit; ut singuli sibi provideant species quas cognoverint suis qualitatibus convenire. In fine Augusti in exercitu peditum paucitas victualium, frigidi aeris asperitas, Regem redire de Scotiâ coegerunt. Et citò post nautæ Quinque Portuum classem xxviii. navium expugnabant; & Scottorum xv. millia peremerunt, & insequabantur eorum Principem fugientem. xi. Cal. Octobr. Oxoniæ Monachi Ordinis S. Benedicti generale Capitulum celebrabant; ubi Walterus Abbas Westmonasterii præsidebat; qui decrevit, quòd de esu carniū quilibet Prælatus, sicut viderit expedire, potest cum suis subditis dispensare; & decrevit preces prolixas omittere inter horas hætenus observatas. Et dubito quòd futuris temporibus superfluum videbitur *Pater Noster*. Rumor vulgaris fuit, quòd Kal. Octobr. Edmundus Comes Cornubiæ raptus fuit subito de hac vitâ, relinquens Regem hæredem suum; qui dictum Comitatum contulit Thomæ filio suo juniore. Ad præceptum Archiepiscopi in provinciâ Cantuariæ Clerus contribuit de qualibet marcâ iv. denarios ad reformandum statum Ecclesiæ variis oppressiōibus fatigatæ; inter quas Regis protectio nos contra Papæ sententiam non protexit. Kal. Janu-



rii dedimus Ecclesiam de Humelton Johanni de Bradewas, quam Henicus de Raghel Rector negligens multo tempore tenuit contra jura. Eodem tempore Ecclesia dedit decimam, sed invitè. Ad Natale Domini Johannes de Dumbelton dimisit Parvæ Malvernæ Prioratum; & xvi. Cal. Februarii Willelmo de Molendinis Monacho ejusdem domûs Episcopus imposuit illud onus. vii. Id. Februarii Rex Edwardus filium suum Principem Walliæ nominavit; & per idem tempus ei Cestriæ contulit Comitatum. xv. Cal. Januarii obiit Walterus de Wygornia Abbas Alincestriæ; cui successit Robertus de Oudebi, ejusdem dum viveret Capellanus. iii. Non. Martii obiit Ricardus de Estone Majoris Malvernæ dictus Prior; cujus bonitatem plures sentient non habendo. ii. Idus Martii Robertus de Wynclelse Archiepiscopus Cantuariæ venit ad Wigorniam; & in Capitulo prædicavit. Deinde eodem die apud Wyke Godefridum Episcopum infirmum & debilem visitavit; & ut decuit extitit procuratus. Idus Martii Archiepiscopus Priorem personaliter & cæteros Monachos per Clericos suos visitavit; & exiens ad Aulam Prioris cum suâ familiâ se convertit; quia magna Aula hospitum & domus aliæ fuerunt occupatæ per multos hospites non vocatos. Carta Regia, quam Prior habet in custodia, confirmans ultimam perambulationem, eo die in castro Comitatus fuit publicè recitata; & seisinam diu desideratam patria cum canibus mox accepit. xiii. Cal. April. quando Archiepiscopus (a) intravit Capitulum, dies tribulationis & increpationis dies iste. Quia deposuit tunc Subpriorem, Præcentorem, Camerarium; sed Sacristam & tertium Priorem & Pitanciari-um, septa Monasterii per annum ne exeant, suspendebat. x. Cal. April. Rex Edwardus & Archiepiscopus cum multis aliis Nobilibus fuerunt apud Hayles; quando Edmundus Comes Cornubiæ ibi suscepit debitam sepulturam. Anno ab origine mundi MMMMMDV.

h. Nicolaum de  
Norton, Regist.  
Winchelse fol.  
283.

Anno MCCCCI. Kalendis Aprilis gaudium Paschale in Ecclesiâ Lantonæ juxta Glocestriam turbabatur; quando Paschalem cereum reformando Ecclesiam & iv. campanaria cum campanis incendium devoravit. xvi. Cal. Maii Rex venit Wigorniam; in cujus Comitatu Regina prægnans extitit illâ vice. xiii. Cal. ejusdem Rex memor voti sui antiqui, advocationem Ecclesiæ de Wrhfeld Priori & Conventui contulit ad sustentationem trium Monachorum & duorum cereorum in festis B. Wlstanis & octavis jugiter ardentium, & ad majorem Missam cotidie sint accensi; & præcepit istud negotium per cartam regiam roborari: deinde versùs Kemeseiam navigavit. Nonis Maii annuente Archiepiscopo Wydo Comes Warewyk sepelivit matrem suam in Ecclesiâ Fratrum Minorum Wygornæ juxta Comitem patrem suum; licet ipsa vivens alibi disposuerit sepeliri. Nonis Junii Laurentius Monachus Gloucestrensis inter Doctores Theologiæ sedem meruit & honorem. iii. Idus Julii Symon Prior Prioratum cum suis pertinentiis in manibus Archiepiscopi similiter resignavit. xvi. Cal. Augusti Johannes de Wyke Subprior tunc feriâ iv. nobis præfectus fuerat in Priorem; & xiv. Cal. Augusti Archiepiscopus visitavit; & xiii. Cal. ejusdem installatus vicinos de patriâ convocavit. xiv. Cal. Aug. dum Archiepiscopus Conventum Majoris Malvernæ visitaret; M. Willelmus de Gloucestriâ de multis articulis contra nostrum Episcopum confectis stricte sub anathemate seniores Monachos Wigorn. requisivit. Nonis Augusti apud Wodestok Regina peperit: Nominat Edmundum partum

(a) Anno sequenti Archiepiscopus Injunctiones 13. Monachis Wygorniensibus observandas transmisit ad morum emendationem & religionis profectum editas, & ut reli-

gionis honestas apud eos exulans ad Ecclesia decorem celeriter revocetur. Scriptæ sunt anno 1301. in Vigiliâ Assumptionis B. Mariæ, atque extant in Registro Winchelse fol. 83.

Regina secundum. xi. Cal. Octobr. apud Norhamton Monachi S. Benedicti tenebant Capitulum generale. iv. Non. Octobr. Johanna Comitissa Gloucestræ peperit filium; quem viii. Idus ejusdem Johannes Episcopus Landavensis Thomam in baptismo nominavit. Ad Festum Omnium Sanctorum innotuit nobis, quod duplicem decimam & quintamdecimam dabimus nostro Regi: & per decretum Papæ per tres annos Romæ nos decimam persolveremus. iii. Cal. Decembr. Domina de Clifford dicta Comitissa sepulturam habuit Wygornæ in dexterâ parte altaris in Ecclesiâ Cathedrali. ii. Non. Aprilis in Cantiâ quidam Robertus cognomine Le Porfære fuit nequiter interfectus; cujus vitam Deo fuisse placidam multis miraculis declaratur. Godefridus Episcopus acceptâ resignatione Willelmi de Doverâ appropriavit nobis Ecclesiam de Duderhulle; & Johannes Prior xi. Cal. Februarii introductus fuit in eam per M. Symonem de Wynetone Clericum Episcopi specialem coram vicinis de patriâ & majoribus de Wychenford qui tunc erant. Expletis xxxiii. annis & iv. mensibus cum xiv. diebus Pontificatus Episcopi Godefridi vii. Cal. Februarii die Veneris circa Completorium spiritum reddidit creatori; & ii. Non. Februarii sepultus fuit in Ecclesiâ Cathedrali Wygornæ per Johannem Episcopum Landavensem. Johannes Prior tempore vacationis Cathedræ Wygorniensis veniens, ut debuit, visitare; cui Conventus Teukesbiræ & Monachi Gloucestræ & Wynchekumbiæ & Canonici Cirecestriæ cum januis clausis pertinaciter resisterunt; & ratio eorum fuit, quod bis in illo anno prius fuerant visitati.

Anno MCCCII. M. Johannes de S. Germano Monachus Wigorn. electus fuit in Episcopum Wygornensem viii. Cal. April die Dominicâ, & vii. \* Cal. \* l. Idus April. à Rege receptus fuerat cum honore. Unus de instructoribus examinatus dixit, quod Electus Wygornæ requisitus à compromissariis invitatus & etiam cum lacrimis consensit electioni de se faciendæ, volens divinæ resistere voluntati; & ideo Archiepiscopus distulit confirmare. vi. Idus Junii Episcopi & Prælati provinciæ Cantuariæ apud Novum Templum Londoniæ universaliter fuerant congregati. v. Nonis Junii concessimus M. Radulfo de la Le Procuratori nostro in Curiâ Romanâ xl. solidos; & si eidem in ecclesiastico beneficio sit provisum, illa pensio statim cesset. ii. Idus Julii magna pars ruens in Dormitorio nostro, quæ a multo tempore ruinam minabatur, nostram negligentiam manifestat. xvii. Cal. Augusti electionem Elyensem Archiepiscopus reprobavit. Kal. Septembr. quidam juvenis Monachus contra consilium Prioris & Magistri sui indiscretè à cibo & potu & somno abstinens, ut tantum melius memoriæ imprimeret, circa mediam noctem turbato cerebro fratrum nequiem perturbavit; cui petenti caput S. Wlftani fuit allatum, & Sanctus ei in somnis dixit: Caput meum super tuum positum fuit; ecce ego venio cum capite meo, & sanus factus es. Et amovit schedulam de vertice ejus, dicens: Nisi ego intervenissem, usque ad Festum S. Oswaldi in istâ debilitate perdurâsses. In crastino S. Michaelis tradidimus ad firmam Hermitagium quod vocatur Hemeryeschirche in parvâ Pakintonâ. Hoc anno obiit M. Willelmus de Marchiâ Episcopus Bathoniæ; cui successit M. Walterus de Haselesaw Decanus Wellensis, confirmatus à Roberto Cant. Archiepiscopo, est consecratus in die SS. Symonis & Judæ, & intronizatus die Natalis apud Wellas, die Epiphaniæ apud Bathoniam. Die Circumcisionis vendidimus unam liberationem Adæ de Piriæ civi Wigornæ & Gunnildi uxori ejus ad vitam eorum tantum pro l. libris, viz. unum panem Monachalem & duas lagenas melioris cerevisiæ & unum ferculum de carne vel pisce. xvi. Cal. Novembr. Johannes de S. Germano Electus Wygornæ coram Domino Papâ cessit juri suo; & ix. Cal. Novembr. Papa Fr. Willelmum de Geynesberhu de WILLELMUS Ordine Minorum creavit in Episcopum Wigorn. vii. Cal. Decembr. Apud DE GEYNES-Ca- BURGH.



Cavereſham Humfredus Comes Herefordiæ accepit Yſabellam filiam Regis Angliæ in uxorem. Infra Natale quidam defamatus & in villâ Wygornia incarceratus fugit ad Eccleſiam Cathedralem; quem viri ſanguinum & doſoſi ad exteriores domos Cœmiterii vocaverunt; & ne rediret ad Eccleſiam, oſtium vergens ad cœmiterium firmaverunt; quos trinâ ammonitione præmiſſâ Sacriſta cum tribus ſociis, niſi ab hac ſtultitiâ deſiſterent, excommunicari publicè denuntiavit. Poſt hæc pedes ejus vinculis ferreis conſtrinxerunt, & cuſtodiam multorum adhibuerunt, qui eum viciffim caderent, & ne effugeret cuſtodirent; quem ita afflictum terram Regis abjurare in eodem loco coegerunt. Tunc Ballivi civitatis Ricardus Colys & Adam de Pirie extiterunt; qui pro hoc delicto cum ſuis miniſtris venientes, ſtare mandatis Eccleſiæ juraverunt; & iii. Non. Februarii poſt proceſſionem ad oſtium Eccleſiæ publicè pœnituerunt. ii Non. Feb. coram Johanne Priore, Sede vacante, Henricus Fouke cum ſuis ſociis ad altare B. Mariæ fecerunt ſolemneſſimam profeſſionem. xiv. Cal. Martii Dominus Walterus de Bello-campo Senefcallus Regis obiit apud Chaleſfonte; & vi. Cal. Martii inter Fratres Minores Londoniæ habuit ſepulturam. M. Johannes de S. Germano Monachus Eccleſiæ Wygorn. in Episcopum & Paſtorem Eccleſiæ ſupradiſtæ die Annuntiationis Dominicæ canonicè electus, & a Domino Rege vii. Idus Aprilis honorificè ſuſceptus, Metropolitano cum debitâ reverentiâ præſentatur; à quo ne munus conſecrationis inconſulto Papâ obtinere poſſet, ob inſtructorum deſignationem impeditus, appellatiōe interpoſitâ impeccunioſus ac abſque Procuratore Capituli & comite Monacho Curiam Romanam inconſultius adiens, ibidem jure ſuo per Apoſtolica mandata in manibus ejuſdem reſignato, Sedes Wygornenſis Fr. Wilhelmo de Gayneſborhu de Ordine Minorum gratioſè conſertur; quique per manum ..... in Episcopum & Paſtorem ſæpeditæ Eccleſiæ conſecratur; & apud Wygorniam v. Idus Junii juxta conſuetudinem Eccleſiæ Anglicanæ reverenter intronizatur. Et ſic Eccleſia Wygorn. non perſonæ Electi defectu aliquo nec Electionis aliquali vitio, ſed inopiâ ſolummodo pecuniæ tam nobili theſauro eâ vice miſerabiliter vacuatur.

Anno MCCCIII. ſeptimo Idus Aprilis & in nocte Paſchæ apud Beoleye de candelâ negligenter portatâ exiit ignis immoderatus, & combuſſit Curiam Wydonis de Warewik cum equis & curribus & omni apparatu, quem ibi habebat. vi. Cal. Maii miſit Rex ſolemneſſimam oblationem, ſc. ad magnum altare pannum auro textum, & ad feretrum B. Wlſtani monile aureum centum & ampliùs ſolidorum & ix. candelas maximas & xxviii. ſolidos de argento. vi. Idus Maii Robertus Archiepiſcopus Cantuariæ motus neſcio qua voluntate, privavit Monachos Wygornia de Eccleſiâ de Doderhulle, quam Godefridus Episcopus eis contulit gratioſè. Abbatem Glouceſtriæ & Abbatem Teukeſburia rebelles tempore vacationis ſententia Judicum de Arcubus condemnavit. iii. Non. Junii inter Regem Franciæ & Regem Angliæ fuerunt ſœdera pacis publicè Londoniis proclamata & terra Gaſconia Regi Angliæ totaliter reſtituta eſt. v. Idus Junii fuit intronizatio Episcopii Wilhelmi de Gayneſborhu; ſed expenſas intronizationis Conventus noluit ſuper ſe aſſumere illâ vice, ne poſtea in conſuetudinem verteretur.

Anno Domini MCCCIV. Die S. Kenelmi Regis obiit Dominus Edmundus de Mortuo-Mari; & ſepultus eſt in Abbathiâ de Wiggemor; & circa Feſtum B. Mariæ Magdalenæ redditum eſt caſtrum de Strillinge Regi Angliæ; & ſic ſedata eſt tota guerra Scotiæ, quæ totaliter reſtat pro voluntate Regis diſponenda. Item die S. Annæ matris S. Mariæ obiit Fr. Ricardus Frend coquinarius Wygornia.

Anno MCCCIV. Inſurrexerunt iterum Scoti contra Dominum Regem Angliæ per abettum Roberti Bruys Comitſ de Karrik; qui interficere fecit nobilem

bilem virum Dominum Johannem dictum Le Redecomyn fraudulenter in Ecclesiâ Fratrum Minorum apud Donfres, eò quòd eidem contra Dominum Regem Angliæ in suâ rebellionem renuit consentire; & primum vulnus mortale eidem inflixit ante altare. Hoc anno Justiciarii Domini Regis, qui vocantur Trailbastun, primò itineraverunt per Angliam; & sederunt apud Wygorniam . . . . . & apud Herefordiam post Festum S. Johannis Baptistæ, & apud Salopiam post Festum S. Michaelis. Eodem anno captus est Dominus Wilhelmus dictus le Waleis, qui fuerat Capitaneus gentis Scotorum contra Dominum Regem Angliæ multo tempore; qui ob merita sua morti addictus apud Londoniam primò ad colla equorum trahebatur ad patibulum, postea suspensus, deinde decollatus, postea evisceratus, & viscera igne concremata; postremò corpus ejus divisum est in quatuor partes, quæ ad quatuor partes Scotiæ missæ fuerant suspendendæ.

Anno MCCCVI. Die Annuntiationis Dominicæ memoratus Robertus le Brys fecit se coronari in Regem Scotiæ. Item die Pentecostes accepit Dominus Edwardus filius Regis Angliæ cingulum militiæ à patre suo apud Westmonasterium; & facti fuerunt Milites Rogerus de Mortuo-mari filius Edmundi de Mortuo-mari & Edmundus de Arundel unâ cum aliis Bachilariis numero circiter ccc. quorum pars maxima profecti sunt in Scotiam unâ cum Domino Edwardo filio Regis prædicti.

Anno MCCCVII. obiit Dominus Johannes de Gamages Abbas S. Petri Gloucestriæ xv. Cal. Maii; & fuit vir eximiæ religionis & magnæ perfectionis; & die Dominicâ quâ cantatur *Misericordia Domini* manè transiit ad Dominum, & fuit litera Dominicalis B. Hic fuerat Monachus in eadem Ecclesiâ per lxii. annos; Abbas fuit xxi. annis; & fuit sepultus feriâ iii. à Domino Wilhelmo de Geynesburhu Episcopo Wigorn. & à multis Abbatibus in eadem Ecclesiâ cum magno honore juxta ostium Claustrî; cujus facies adeò læta apparuit & rubea, ac si eum nulla infirmitas tetigisset. Cui successit Dominus Johannes Choky, Supprior ejusdem loci; & benedicitur apud Hertulbury feriâ iv. in hebdomadâ Pentecostes. Sacrista noster habuit capam ejus de baudekyn cum vestimento secundum antiquam consuetudinem Ecclesiæ nostræ; & fuit installatus die Apostolorum Petri & Pauli. Item obiit Dominus Nicolaus Abbas de Habendon; cui successit Dominus Ricardus de Clive Episcopi Wigornensis Bachilarius in Theologiâ & Monachus ejusdem Ecclesiæ. Hoc anno venit quidam Cardinalis in Angliam, tractaturus cum Magnatibus regni de maritaggio inter Dominum Edwardum filium Regis Edwardi & Ysabelam filiam Regis Franciæ. Eodem anno missi sunt apud Herefordiam Episcopi Londoniensis Radulfus de Baldac & Mimatenfis per Dominum Papam ad inquirendum districtè de miraculis per merita venerabilis Thomæ de Cantilupo perpetratis; & traxerunt moram ibidem fere per dimidium annum. Item Comes Alfoles & Dominus Symon Frisel proditores Scotiæ suspensi sunt apud Londoniam, diversis pœnis afflicti. Item hoc anno obiit nobilissimus Rex Angliæ Dominus Edwardus apud Karlel in Translatione S. Thomæ Martyris: qui regnaverat annis xxxiv. mensibus viii. diebus v. & sepultus est apud Westmonasterium in Vigiliâ Apostolorum Symonis & Judæ. Item hoc anno coronatus est Dominus Edwardus filius Edwardi in Festo S. Matthiæ Apostoli apud Westmonasterium. Item capti sunt omnes Templarii per totam Angliam iv. Idus Januarii. Item Dominus Edwardus dedit cuidam simplici Bachilario de Gasconiâ nomine Petrus de Gavelleston Comitatum Cornubiæ & neptem suam in uxorem filiam Comitis Gloverniæ. Item Dominus Walterus de Langeton Episcopus Cestriæ detentus est in custodiâ Domini Regis.

Anno MCCCVIII. In crastino nativitatis B. Johannis Baptistæ Dominus Petrus de Gavarston memoratus in exilium relegatus est ab Angliâ per pruden-



dentiam Comitum & Baronum & per assensum Domini Regis certis de causis, nunquam in Angliam iterum reversurus, & per sententiam latam solemniter per Archiepiscopum Cant. & alios Episcopos nonnullos, & omnes & singulos qui ejus reversionem ab exilio in Angliam unquam consilio, auxilio procurarent vel favore. Item post Festum S. Michaelis Dominus Rogerus de Mortuo-mari iter arripuit versùs Hyberniam; & ibi Dominus Galfridus de Genevilla feofavit eundem & Dominam Johannam uxorem suam de omnibus terris & tenementis quas habuerant vel habere poterant in totâ Hybernâ: & postea intravit Ordinem Fratrum Prædicatorum in Festo S. Andreae Apostoli.

*Subnectitur in Codice Genealogia Familia de Mortuo-Mari dicta; quæ in Diocesi Wigornienfi sedem habuit, & frequentem in his Annalibus mentionem obtinuit. Illam itaque disjungere nolui.*

Postquam S. Edwardus Rex & Confessor ab hac luce migravit; Willelmus Conquæstor regnum Angliæ strenuè obtinuit, & in ipsius Regem Angliæ gloriose extitit coronatus interessentibus cclx. militibus suæ victoriæ participibus, quos à partibus Franciæ & Normanniæ secum adduxit, & in his Domino Radulpho de Mortuo-mari milite omnium strenuissimo. Qui quidem habuit filium & hæredem Hugonem de Mortuo-Mari fundatorem Abbatiae de Wigmore; qui quidem habuit uxorem Dominam Matildem filiam Domini Willelmi Longæspatæ Ducis Normanniæ; de qua genuit Rogerum Dominum de Wygmore; qui quidem desponsavit Dominam Milesaunt filiam Comitum de Derby; de qua genuit Radulphum de Mortuo-mari Dominum de Wigmore. Qui quidem Radulphus desponsavit Gladusam filiam Leuellini Principis Walliæ, de qua genuit Rogerum Mortimer: cui quidem desponsavit Dominam Matildem de Breuse filiam primogenitam Domini Willelmi de Breuse & Evæ filiæ Willelmi Marefcalli, qui dicebatur Vetus Marefcallus; de qua genuit Edmundum Mortimer. Qui quidem Edmundus duxit in uxorem Margaretam filiam Domini Willelmi de Fendelles de Hispaniâ; de qua genuit Rogerum Mortimer primum Comitem. Qui desponsavit Dominam Johannam Genyvile; de qua genuit Edmundum Mortimerum secundum Comitem. Qui quidem Edmundus desponsavit Elizabetham filiam Bartholomæi de Badelesmere, de qua genuit Rogerum 3<sup>m</sup>. Comitem. Qui quidem Rogerus duxit in uxorem Dominam Philippam filiam Domini de Montaghu Comitum Sarum; de qua genuit Edmundum 4<sup>m</sup>. Comitem. Qui quidem duxit in uxorem Dominam Philippam hæredem Domini Leonelli Ducis Clarentiæ secundi geniti Regis Edwardi III. de qua genuit Rogerum de Mortimer 5<sup>m</sup>. Comitem. Qui quidem Rogerus duxit in uxorem Dominam Alienoram filiam Domini Thomæ Holonde Comitum Cantia; de qua genuit Edmundum Comitem & Annam. Quæ quidem Anna desponsata erat Ricardo Comiti Cantebrigia; & quia dictus Edmundus obiit absque liberis, tota hæreditas descendit ad Dominum Ricardum Eboracensem filium dictorum Ricardi & Annæ.

# CONTINUATIO HISTORIÆ

DE

## Episcopis Wigorniensibus

Ab anno MCCCII. ad MDXL.

WILLELMUS DE GAINSBOROUGH.

**M**ortuo Godefrido Giffard, Monachi Wigornienſes è cœtu proprio elegerunt virum optimum Johannem de S. Germano 1302. 25. Martii. Electionem Rex Edwardus dato aſſenſu die 7. Aprilis confirmavit. Archiepiſcopo autem confirmationem ſuam denegante, Romam itum eſt. Lite adhuc pendente, Electus in Curiâ Romanâ præſens, ſeu moræ impatiens, ſeu Papæ voluntati obſecundans, juri ſuo ceſſit 1302. 17. Octobr. Sæpius Johannes iſte in Archivis Eccleſiæ Wigorn. memoratur. Anno enim 1301. ad officium Prioris inter ſex alios Epifcopo præſentatos nominatus eſt. Anno 1302. ex Academia Pariſienſi, ubi ſtudiis operam dabat, ad electionem Epifcopi evocatur. Anno 1315. in Epistolâ Academia Pariſienſis ad Priorem Wigorn. ſcriptâ hoc titulo laudatur. *Rev. Doct̃or M. J. de S. Germano confrater veſter humilis & membrum noſtrum venerabile, in ſacrâ paginâ actu regens.* Superſuit anno 1317. Cedente Johanne, Papa (Bonifacius VIII. is erat, qui Pontificiam authoritatem per fas & nefas ampliare contendit) novo planè exemplo uſus, tam Rege quàm Capitulo Wigornienſis in-conſultis, Epifcopum Wigornienſem creavit Willelmum de Geysborough, Ordinis Minorum Theologum, die 24. ejusdem menſis; eundemque paucis poſt diebus conſecravit. Willelmus ſanè non vulgari eruditionis & ingenii famâ tunc enituit; quippe qui Theologiam in Cœnobio Minoritarum Oxonii, ac poſtea Romæ in ſacro Palatio prælegerat; atque ipſi Edwardo Regi in pretio eſt habitus, ad Philippum Franciæ Regem propter pacem ineundam olim legatus. Accepti tamen ipſo in-conſulto Epifcopatûs crimen Rex ipſi impunè cedere nequaquam permisit. Cùm temporalia enim Epifcopatûs ipſi reſtituit apud Wyndeſoram 1303. 4. Febr. ſcriptam exegit renuntiationem clauſulæ illius Bullæ Papalis, in qua Papa præ ſe tulit *ſe illi committere adminiſtrationem Spiritualium & Temporalium Epifcopatûs prædicti.* Inolevit hinc conſuetudo, quæ ad Reformatam uſque Eccleſiam Anglicanam obtinuit; ut Epifcopi in accipiendis à Rege Temporalibus renunciarent in ſcriptis omne jus, quod prætextu Proviſionis Papalis in Temporalia Epifcopatum habere poſſent, ſequæ ea ſoli Regis liberalitati accepta referre proteſtarentur. Neque hac tamen proteſtatione Rex Edwardus pacatus, Willelmo audaciam non ſine gravi multâ condonavit. Epifcopus enim *pro verbis illis in judicium tractus, ſinem fecit cum Rege in Cancellariâ pro mille marcis ſolvendis ad voluntatem Regis,* quamvis poſtea Rex officiis Epifcopi, quæ ſummâ

Chronic. Cœnobii de Hales.

Bale cent. 4. cap. 91.

Pat. 31. E. 1. m. 39.

Instrumenta autog. plurima.

Pat. 34. E. 1. m. 22.



fide & diligentia præstitit, delinitus, multam ipsi remisit 1306. 21. Martii. *Reg. Cranborn.* Quod Spiritualem attinet jurisdictionem, eam ab Archiepiscopi Cant. Vicario sub initium anni 1303. acceperat, facta prius ad magnum altare Ecclesiæ Metropolitice professione obedientiæ canonicæ; quam quidem professionem (sic temporum illorum consuetudo ferebat) in Archiepiscopi præsentia, quamprimum ad ipsum advenit, renovavit. *Chron. de Hales.* In Ecclesiâ Wigorn intronizatus erat 1303. 9. Junii. Memoria non indignum est, quod fundorum Episcopatum illo tempore conditio magis pateat, quod de Temporalibus Episcopatus Wigorn. anno 1302. vacantis inveni. *Placita Parlam. 31. E. 1. p. 335.* *Temporalia Episcopatus erant in manu Regis, quousque seminaverit totum semen hyemale & quadragesimale. Quæ blada sic seminata Episcopus emebat à Rege pro dxii. marcis.* Anno 1307. Willelmus à Rege in Galliam legatus, ut de matrimonio inter Edwardum filium Regis primogenitum & Isabellam Galliæ Regis filiam ineundo tractaret, rem quidem pro voto confecit; ipse autem in reditu veneno, ut creditur, extinctus, cum maximâ familiæ suæ parte, interiit. Anno 1308. ineunte obitum contigisse opinor. Quod de portentosa istius circa Papæ infallibilitatem doctrinâ Godwinus retulit, id sicut alia quamplurima ex unico accepit Baleo, qui in conviciis effundendis non quicquid verius, sed quicquid acerbius esset, scribere voluit.

## WALTERUS REYNOLD.

Petrum Foxum Sabaudum post Willelmi obitum à Papâ subrogatum fuisse, sed electione Walteri prius factâ repulsam tulisse Godwinus refert; quod nullibi à me compertum est. Episcopatum autem adeptus est Walterus, Reginaldi cujusdam pistoris Windesoriensis filius, Edwardi I. Regis Capellanus, & Edwardi II. juventuti regendæ præfectus, Canonicus Ecclesiæ S. Pauli London. & Rector Ecclesiæ de Wymbeldone, consecratus à Roberto Archiepiscopo in Ecclesiâ Cant. 1308. 13. Octobr. *Registr. Ecclesiæ Cant. Pat. 1. E. 2. par. 1. m. 21. Claus. 4. E. 2. m. 6. dorso.* Thesaurarius Angliæ constitutus fuerat 1307. 22. Augusti, Cancellarius postea renunciatus 1311. 6. Julii. *Reg. Reynold.* Cantuariam translatus est 1313. 24. Sept. Bullâ Papali, quæ publicata est in Ecclesiâ S. Pauli 1314. 4. Januarii.

## WALTERUS DE MAYDENESTON.

*Anno 1313. die 1. Octobr. Papa provisionis titulo dedit Episcopatum Wigorn. Waltero de Maydeneston, viro utique diffamato in Angliâ de inhonestâ conversatione & vitâ.* Verba sunt Adami Merimuthensis, Canonici Londinensis, qui in Curiâ Romanâ tunc præsens erat, à Waltero Episcopo Wigorn. missus ad prensandum sibi Archiepiscopatum. Aderat etiam in Curiâ Walterus Maydenston; & Episcopatum Wigorn. Raynoldi translatione vacantem sibi conferri obtinuit. Illi etiam Papa Pallium Archiepiscopo deferendum commisit, cum quo appulit apud Dovoriam 1314. 12. Febr. idemque Archiepiscopo die sequenti tradidit. Plura de illo non reperio. *Cont. Florilegi.*

## THOMAS COBHAM.

Successit Papæ dono Thomas Cobham, *vir supereminens literatura, multisque virtutibus redimitus*, inquit Walsinghamus. Illustri genere in agro Cantiano natus is fuerat; & in Academiâ Cantabrigiensi bonis literis institutus videtur. Cancellarius enim ejusce Academiæ fuit, eoque nomine in Missâ Benefactorum memoratur. *Hist. Angl. in an. 1313.* Canonicus Wellensis factus est 1299. 13. Dec. Archidiaconus Lewensis ante exitum anni 1301. Præcentor Eboracensis 1312. 14. Julii, Canonicus S. Pauli London. ante annum 1313. Vir tantâ eruditionis famâ, tam egregiâ insuper vitæ sanctimoniâ illustris; ut vix alio quàm *Boni* seu *Probi Clerici* titulo innotesceret, & ad summam Ecclesiæ Anglicanæ dignitatem omnium votis jampridem designaretur. Post obitum demum

demum Roberti Winchelsey in Archiepiscopum à Monachis Cantuariensibus unanimi suffragio electus est 1313. 28. Maii. Ipse Parisiis tunc agebat; & l-teras Capituli de electione suâ ibidem accepit die 6. Junii; electioni consensit die 8. Junii, Regi Angliæ apud Parisios tunc degenti à Capituli Procuratoribus præsentatus die 9. Junii, Rex inducias accepit usque ad 24. Junii; & Electo tunc iterum apud Pontoyse præsentato, rem usque ad reditum in Angliam distulit. Assensum siquidem electioni canonicæ viri omnium iudicio dignissimi palam denegare vix ausus est; interim autem apud Papam precibus & muneribus egit, ut Walterus Episcopus Wigorn. Archiepiscopatum consequeretur. Thomas itaque de assensu regio desperans, à Pontiniaco ad Curiam Romanam Avinione tunc positam illico discessit. Walterus missis ad Papam Procuratoribus, qui amplissimis mandatis instructi ipsum modò Archiepiscopum atque etiam successores suos in quacunque vellent pecuniæ summâ Cameræ Apostolicæ persolvendâ obligare possent, Curiam Romanam, apud quam omnia erant venalia, faciliè in partes suas traxit; & rejecto Thomâ Archiepiscopus renunciatus est. Ut id faceret Papa, se provisionem Sedis Cant. bullâ 1317. 27. April. sc. ante Thomæ electionem, datâ sibi reservasse commentus est; eoque prætextu usus, electionem irritam fuisse declaravit. Neque tamen defuit sibi Thomas; qui electionem suam strenuè defendit; nec ut ipsi renunciaret, ullis conditionibus adduci potuit. Papa quidem, ut vir optimus repulsam æquius ferret, Episcopatum Wigorniensem jure provisionis ipsi contulit eodem die quo Archiepiscopatum Waltero, sc. 1313. 24. Sept. Verum vir generosus oblatam sibi minorem dignitatem accipere dedignatus, majorem sibi jure debitam dari postulavit, tantâ verborum fiduciâ usus; ut & Curiam Romanam & Regem Angliæ plurimum exacerbaverit. Wigorniensis itaque Episcopatus Waltero Maydenston datus est; & Thomas Curiam indignatus reliquit, in Angliam tamen metu Regis intrare non ausus; donec intercedente Waltero Archiepiscopo cum Rege in gratiam redierit. Papam quinetiam magnitudo meritorum brevi conciliavit; aded ut vacantem iterum Episcopatum Wigorn. ipsi contulerit; & à Cardinali Hostiensi 1317. 11. Cal. Julii (Junii legendum puto) apud Avinionem consecrari fecerit. In Angliam appulit mense Novembri; & cum solenni Monachorum processione Ecclesiam Cant. die 15. Nov. ingressus, professionem obedientiæ Archiepiscopo præstandæ coram magno altari innovavit. Plura ab illo conscripta Baleus recenset. Nescio an ex his ulla supersint. Certè rei literariæ Præsul eruditissimus tam liberalitate quàm scriptis profecit. Bibliothecam enim supra veterem Congregationis domum Oxoniæ anno circiter 1320. inchoavit; & quamvis fato immaturo abreptus manum illi supremam non admoverit, pecuniam tamen ad consummandum & libros ad instruendum eam plurimos Universitati legavit. Obiit 1327. 27. Augusti.

Reg. Ecclesiæ Cant.

Reg. Reynold.

Ad. Merimuth.

Johannes London. in Chron.

Reg. Cranborn.

Cent. 4. c. 58.

Antiq. Oxon. l. 2. p. 48.

Reg. Reynold. Obiit. Cant.

#### ADAM DE ORLETON.

Post Thomæ obitum Monachi Wigorn. Wlstanum de Bransford Priorem suum ritè elegerunt. Electionem Rex assensu suo confirmavit 1327. 8. Sept. Archiepiscopus 3. Octobr. Eundem tamen Archiepiscopus (quamvis à Rege pluries requisitus) consecrare distulit, donec ipse mense medio sequenti obierit. Archiepiscopo defuncto, Rex Capitulo Cant. mandavit, ut Wlstanum consecrari facerent. Frustra autem. Et Archiepiscopus enim & Capitulum Papæ offensam sunt veriti. Papa enim Episcopatum jure provisionis contulerat Adamo Episcopo Herefordensi tunc in Curia Romanâ pro negotiis Angliæ Regis expediendis præsentis, Bullâ datâ paulo ante 1327. 25. Sept. Postea anno 1333. quæsitâ malis artibus Galli Regis gratiâ, hujus intercessione ad Wintoniam invito Angliæ Rege transferri obtinuit autoritate Papali die 1. Decembr. Rex Angliæ itaque illum in Curia Romanâ mense Aprili

Registr. Ecclesiæ Cant. Reg. Reynold.

Ad. Merimuth.

Jocelin p. 219. Walsingham p. 133.



Aprili 1334. accusari fecit; interpositâ appellatione, ne vir tot criminibus infamis ad altiorum gradum promoveretur. Accusatio tribus ferè articulis constitit: sc. quòd Robertum Baldok Clericum & Cancellarium Regis violenter comprehendi & incarcerari fecerit 1326. mense Novembri; quòd eodem mense apud Oxoniam prædicaverit esse Edwardum Regem tyrannum, sicque subditos ejus ad ipsum deponendum & incarcerandum incitaverit; & quòd ipsius consilio Isabella Regina à marito recessit. Accusationem Adamus elusit; & Regis gratiam notâ vafritie adeptus, eodem anno possessionem Episcopatus Winton. accepit. Responsio illius ad accusationem supra dictam extat in calce Scriptorum x. Anglic. col. 2763. Primus erat omnium Episcoporum Angliæ (si Stigandum & Ricardum Pauperem excipias) qui à secundo ad tertium Episcopatum translatus est. Unde Versificator quidam illius temporis hoc illi tristichon posuit.

Ex archivis  
Castri de Bel-  
voir.

*Trinus erat Adam; talem suspendere vadam.  
Thomam despexit, Wlstanum non bene rexit.  
Swithunum maluit. Cur? quia plus valuit.*

### SIMON MONTACUTUS.

Hist. Dunelm. Simoni Montacuto (linguâ vulgari *Montagu*) Episcopatum Wintoniensem conferri Rex voluerat. Hunc autem Adamo Papa contulit; & Simonem ipsi in Sede Wigornienfi suffecit. Illum demum ab Ecclesiâ Wigornienfi ad Eliensem per Benedictum XII. Papam translatum fuisse sub initium anni 1337. Historia Eliensis tradit.

### THOMAS DE HEMENHALE.

Reg. Norwic. 2. Successit Thomas, Monachus Ecclesiæ Norwicensis; de quo Registrum Ecclesiæ Cant. à Johanne Cranborn scriptum ista habet. *Iste Thomas Wigorn. Episcopus primò electus fuit in Episcopum Norwicensem. Et quia negotium hujus electionis in Angliâ non valuit expediri; idem Electus se transtulit ad Curiam Romanam; & ibi moram faciens aliqualem, obtinuit Episcopatum Wigorn. de collatione Domini Benedicti XII. quem propriis manibus consecravit. Subsequently in Vigiliâ Translationis B. Thomæ Martyris (sc. die 6. Julii) anno 1337. præfatus Episcopus Wigorn. fecit in Ecclesiâ Christi Cant. coram magno altare professionem suam in formâ infrascriptâ, presentibus, &c.* Ad Episcopatum Norwicensem à Commonachis suis electum fuisse post mortem Willelmi Ayremin anno 1336. in Archivo Norwic. Ecclesiæ reperiò, provisione autem Antonio de Beck factâ rejectum. Frater Thomas de Hemenhale inibi appellatur, nomine sc. ducto à natali vico, qui septimo circiter lapide à Norwico versus Austrum diffusus in Provinciâ Norfolcianâ habetur. De obitu nil constat.

### WOLSTANUS DE BRAUNSFORD.

Reg. Cranborn.  
Reg. Radulphi  
de Salop. Well.  
Reg. Eccl. Cant. Tandem aliquando post continuam 7. Episcoporum à Papâ provisorum successionem Monachi Wigornienfes Episcopum à semetipsis electum acceperunt, Wolstanum sc. Priorem suum. Confirmatus is fuit à Vicario Archiepiscopi apud Cantuariam 1339. 20. Martii; & ibidem consecratus est à Roberto Cicestrensi Episcopo Dominicâ in Ramis Palmarum, viz. die crastino. Obiit apud Hertlebury 1349. 6. Augusti. Temedum fluvium apud Braunfordam vicum natalem in agro Wigornienfi ponte conjunxit.

### JOHANNES DE THORESBY.

Reg. Eccl. Cant. Wolstani defuncti loco Monachi Wigorn. elegerunt Johannem de Evesham Priorem suum ante diem 11. Sept. verum electo frui non licuit. Clemens enim

enim Papa Johannem Menevensem Episcopum ad Wigorniam transtulit bullâ datâ 1349. 4. Sept. eidemque Archiepiscopus spiritualia commisit 1350. 11. Jan. Iste anno 1350. summus Angliæ Cancellarius renunciatus est, tradito sibi magno Sigillo die 16. Junii. Ad Eboracum translatus est medio anno 1352. Reg. Islip. Claus. 23. E. 3. p. 1. in 8. dorso. Reg. Thoresby Ebor.

REGINALDUS BRIAN.

Johanni successit in utrâque Sede, tam Menevensi sc. quàm Wigorniens, Reginaldus Brian. Professionem is Archiepiscopo apud Lametham fecit, & spirituales Episcopatus Wigorn. jurisdictionem ab eodem accepit 1353. 7. April. Anno 1361. ad Sedem Eliensem ab Innocentio VI. Papâ translatus, *translatione per eum minimè acceptatâ* obiit. Verba sunt Bullæ Papalis successoris datæ. Nec tamen translationem repulisse Reginaldum opinor, sed antequam compleri posset obiisse. Peste siquidem extinctus est apud Alvechirche 1361. 10. Decembr. Reg. Islip.

JOHANNES BARNET.

Johannes Barnet, Thomæ de Insulâ Episcopi Eliensis Capellanus, Rectoriâ de Derham ab isto donatus est anno 1351. postea Canonicus Residentarius Ecclesiæ Paulinæ London. Archidiaconus Londinensis, quo nomine ad Parliamentum anno 1363. à Rege adscitus est, & demum Archidiaconus Essexiensis, ad Episcopatum Wigornienssem exeunte anno 1361. electus est. Eidem Innocentius Papa provisionis bullam contulit 1362. 10. Januar. spiritualia Archiepiscopus commisit 1362. 4. Martii. Eodem anno magnus Angliæ Thesaurarius constitutus est; & ad Episcopatum Wellensem translatus est 1363. 24. Novembr. Reg. Elien. Reg. Paul. Summon. ad Parl. Reg. Drokenford. Reg. Islip. Pat. 37. E. 3. p. 1. m. 27.

WILLELMUS WITLESEY.

Willelmus Witlesey successit, Simonis Islip Archiepiscopi Cant. consanguineus, ab Episcopatu Roffensi ad Wigornienssem translatus 1364. 6. Martii, autore Birchingtono. In Academiâ Cantabrigiensi literis institutus videtur. Custos enim Domûs S. Petri Cantab. anno 1349. fuit; librosq; suos omnes ejusdem Domûs Scholaribus moriens legavit. Ex Academiâ à Simone Archiepiscopo evocatus, factus est ipsius in Curiâ Romanâ Procurator, postea Vicarius generalis, & Officialis seu Decanus de Arcubus, Archidiaconus Huntindoniensis, ac Rector Ecclesiarum de Croidon & Cliff. A Wigorniâ demum ad Cantuariam translatus est 1368. 11. Octobr. Reg. Ecclesiæ Cant. Hist. MS. de Pontif. Rom. Jocelin p. 253. Reg. Witlesey.

WILLELMUS DE LENNA.

Sedem Wigornienssem Willelmi Witlesey translatione vacantem eodem die sc. 1368. 11. Octobr. Urbanus V. Papa contulit Willelmo Cicestrensi Episcopo. Huic Archiepiscopus spiritualia 1369. 31. Maii commisit. Obiit 1373. 18. Novembr. Reg. Witlesey. Reg. Courtney.

HENRICUS WAKEFELD.

Walterus de Legh, Ecclesiæ Wigorn. Prior, in Episcopum à Capitulo rite electus, à Papâ injustè cassatus est; ut locum faceret Henrico de Wakefeld Archidiacono Cantuariensi & Hospitii regii Thesaurario, quem ad Ecclesiam Eliensem anno 1373. electum in Thomæ Arundelli gratiam Papa non minùs injustè cassaverat. Huic itaque bulla provisionis data est 1375. 12. Sept. Professionem fecit apud Lametham 1375. 3. Octobr. Consecratus est apud Hatfeldiam in Eliensis Episcopi Capellâ ab Episcopis Eliensi, Roffensi & Herefordensi 1375. 28. Octobr. Thesaurarius Angliæ factus est 1377. 11. Januarii. Monachus Evesham in Continuat. Higdeni. Reg. Sudbury. Reg. Elien. Pat. 50. E. 3. p. 2. m. 4.



arii. Obiit 1395. 3. Martii inter redeundum à Parlamento Londinensi apud Blokesley. Die 11. Martii obitum contigisse Godwinus prodit. Verum mihi sunt authores Monachus Eveshamensis coævus, & Johannes Jocelinus in *Vespasian* A. 9. Collectaneis suis.

## TIDEMANNUS DE WINCHCOMB.

Post Henrici obitum Monachi Priorem suum Johannem Grene elegerunt. Jamdiu autem Sedes Episcopales pro Canonicorum seu Monachorum arbitrio conferri & Papa & Rex noluerant. *Hist. p. 352.* *Successit enim Henrico* (verbis Walsinghami utor) *ad preces Regis Papali provisione quidam Monachus Cicestrensis* (lege Cisterciensis) *Regis Physicus, dictus Robertus Tydeman, spretâ & cassatâ electione legitimâ M. Johannis Grene.* Paulò fusiùs Monachus Eveshamensis in *Biblioth. Lambeth.* Continuatione Polychronici. *Successit Tidemannus, quondam Monachus de Hayles, postea Episcopus Landavensis, postremò ad Sedem Wigorn. translatus est in Conversione S. Pauli proximè sequenti* (mortem Henrici Wakefeld.) *Cujus utrique installationi Rex interfuit.* Hunc de Winchcomb dictum esse Registrum ipsius docet. Quòd Robertum Walsinghamus appellat, error videtur. In Registro enim *Arundell* Ricardus Clifford post obitum Tidemanni O.B. successisse dicitur. Obiit Tidemannus 1401. 10. Junii. Vacavit Ecclesia mensibus 4. His circiter temporibus Baleus Willelmum Badby Ordinis Carmelitani, Johanni Lancastriæ Duci à confessionibus sacris, Episcopum Wigorn. electum esse, & non diu superfuisse tradit. Ut hæc monumentis nostris concilientur, vix laborandum esse censeo, cui multis indiciis constat quàm parum fidei Baleo sit habendum. Si qua tamen ejus ratio adhibeatur; hoc potissimum loco post Tidemanni obitum Willelmi electionem reponerem. Quatuor enim menses Tidemanni morti & Ricardi Clifford electioni intercessisse Monachus Eveshamensis prodit.

## RICARDUS CLIFFORD.

Ricardus Clifford, Clericus Ricardi II. Regis, summâ apud ipsum gratiâ potitus, quo nomine aulâ regiâ anno 1388. à Baronibus rebellibus ejectus est, ex Archidiacono Cantuariensi Episcopus Bathoniensis à Bonifacio Papâ renunciatus fuerat ante medium annum 1401. Rex autem Henricus Episcopatus pro Papæ arbitrio conferri noluit. Ricardo itaque, quamvis sibi à Privato Sigillo esset, temporalia Episcopatus reddere recusavit, Henricum Bowet legitimè electum fuisse causatus. Quod tamen maximè in Ricardi laudem fecit, populi Angliæ universi Procuratores in Parlamento coacti à Rege suppliciter postulabant 1401. 3. atque iterum 5. Martii; ut Ricardo acceptæ provisionis Papalis veniam indulgeret, ipsumque Episcopatu Bathoniensi, non obstantibus severis adversus Provisiones legibus, frui permetteret. Respondit Rex id nequaquam fieri posse, Bowetum enim legitimè electum esse; suum tamen favorem Ricardo non defuturum. Ricardum itaque Papa ad Wigorniam transtulit, Bullâ datâ 1401. 19. Aug. Consecratus is fuit à Thomâ Archiepiscopo Cant. in Ecclesiâ S. Pauli London. 1401. 9. Octobr. Electum eo die fuisse dicit Monachus Eveshamensis, errore facili. Londinum demum translatus est Ricardus 1407. 22. Junii.

## THOMAS PEVERELL.

Thomas Peverell, Ordinis Carmelitani Theologus, à Landavensi sede ad *Reg. Arundell.* Wigorniensem translatus est à Gregorio xii. Papâ 1407. 4. Julii. Professionem Archiepiscopo apud Glocestriam fecit 1407. 20. Novembr. Obiit *Cent. 7. c. 49.* 1418. (exeuntem intellige) 1. Martii, in Ecclesiâ Wigorn. sepultus, authore Baleo, cui in Carmelitarum rebus tutò credi potest. Ipse enim Carmelita, Ordinis

Ordinis sui annales summâ diligentia pervolverat. Quod 1417. 1. Martii Godwinus habet, typographi erratum arbitror: sua enim ex Baleo hausit. Antiquitatum Oxoniensium Author Peverellum 1417. 23. Augusti obiisse, & in Ecclesiâ Carmelitarum Oxon. sepultum fuisse tradit. Veriorem autem esse Balei calculum confirmat petitio Monachorum Wigorn. ad Regem pro licentia eligendi post Peverelli obitum, data 1419. 9. Martii; quæ inter Epistolas Bekintoni reperitur. Par. 1. p. 104. Tiberius B. 6.

### PHILIPPUS MORGAN.

Philippus Morgan, utriusque Juris Doctor, Menevensis Diocesis, ad Episcopatum Wigorn. provissus est à Martino V. Papâ 1419. 19. Junii; & professione Archiepiscopo factâ per Procuratorem suum die 9. Septembr. spiritualia accepit, consecratus in Ecclesiâ Cathedrali Rothomagensi 1419. 3. Decembr. Hunc, Normanniæ tunc Cancellarium existentem, Henricus Rex invictissimus deputaverat 1418. mense Novembri ad tractandum apud Alenconiam cum Legatis Ludovici Galliæ Delphini. Ad Episcopatum Eliensem translatus est 1426. 27. Februarii. Reg. Chichley. Par. 1. p. 22. Reg. Morgan. Registr. Caroli Bothe Hereford. Reg. Chichley.

### THOMAS POLTON.

In Actis Concilii Regii sub Henrico VI. reperio conclusum inibi fuisse 1426. 14. Jan. ut Thomas Polton Cicestrensis Episcopus ad Episcopatum Wigorn. transferretur. Hunc itaque Martinus V. Papa, præstito pro more Bullæ provisionalis ministerio, transtulit 1426. 27. Febr. eidemque Archiepiscopus, acceptâ obedientiæ professione, Spiritualia commisit 1426. 26. April. Ad Curiam Romanam pro regiis negotiis expediendis profecturus, testamentum condidit 1432. 6. Decembr. quod post mortem ejus in Curia Archiepiscopali probatum est 1433. 18. Octobr. Reg. Chichley.

### THOMAS BOURCHIER.

Post Thomæ Polton obitum Papa Episcopatum Wigorn. Thomæ Brouns Decano Sarum in Concilio Basiliensi tunc præsentis jure provisionis contulit; scriptisque ad Regem literis enixè petiit, ut provisionem ejus ratam haberet. Rex è contra datis ad Thomam literis jubet, ut provisioni renunciaret; aliter se nunquam passurum, ut aliquem in Angliâ, nedum Wigorn. Episcopatum obtineat. Datis insuper ad Papam literis, se provisioni neutiquam consentire dicit. Vult autem Thomam Bourchier consanguineum suum ab illo provideri; atque eâ conditione Thomæ Brouns Episcopatum Roffensem dari concedit. Regi Papa, sedente Concilio Generali, adversari non ausus, morem gessit; atque ita Episcopatum Wigorn. obtinuit Thomas Bourchier, Willelmi Comitis de Ew & Comitissæ Staffordiæ filius, & Henrici Comitis Essexiæ frater, Hospitii Nevilliani apud Oxoniam alumnus, ejusdemque Academiæ ab anno 1434, ad 1437. Cancellarius, Decanus itidem S. Martini London. Provissus est ab Eugenio Papâ 1434. 9. Martii. Professionem Archiepiscopo fecit 1435. 20. April. Ante hunc itaque diem consecratus non erat; Temporalia tamen à primâ Bullarum publicatione ipsi permessa opinor, ætatis autem defectu consecratum non esse. Neque enim obiit ante annum 1486. Vacante interim Episcopatu Eliensi, ipse à Monachis postulatus est mense Januario anni 1436. invito Rege, & à Papâ confirmatus. Bullas tamen Papales eâ de re accipere seu Sedem Eliensem adire ausus non est, metu legum patriarum, quæ bullas Pontificias absque licentiâ regiâ accipientibus gravissimas pœnas irrogârunt. Ad eandem autem Sedem Rege concedente denuo translatus est 1443. 20. Decembr. Literæ autogr. Clæp. E. 3. Registr. Well. Reg. Chichley. Hist. Elien. Reg. Stafford.



## JOHANNES CARPENTER.

- Reg. Stafford. Translato ad Eliensem Sedem Burchiero, Johannes Carpenter S. T. D. ad Wigorniensem eodem die sc. 1443. 20. Dec. ab Eugenio IV. Papâ provifus est. Professione apud Lametham factâ, spiritualia ab Archiepiscopo accepit 1444. 28. Febr. Collegii Orielenfis apud Oxoniam Socius is olim fuerat, & ex Socio Præpositus, Academia quinetiam Cancellarius annis 1437. & 1438. Quo munere perfunctus, in Synodo totius Cleri apud Londinum habitâ 1438.
- Reg. Chichley. 6. Octobr. peroravit, petens confirmationem decreti Synodalis anno 1421. sanciti de promovendis ad Beneficia majoris pretii ecclesiastica Academicis.
- Antiq. Oxon. Postquam Episcopatum adeptus est, nil magis cordi habuit, quam matris A. par. 2. p. 362. cademia ædificia & redditus amplificare. Post annum enim 1447. aliquam sumptuum partem in Aulâ B. Mariæ Oxon. ædificandâ impendit. Anno 104. 1476. Oriensibus suis ex testamento supremo detulit latifundia quædam in Comitatu Oxoniensi, quibus Socium unum è Diocesi Wigorn. natum enutriri voluit. Donavit etiam hebdomadalem 4. solidorum exhibitionem sex pauperioribus Scholaribus ex æquo dividendam. Aulam insuper B. Mariæ iisdem transcripsit; librosque sacros & ornamenta varia Ecclesiæ B. Mariæ contulit in usum Præfecti & Scholarium ejusdem Collegii. De magnificâ ejusdem liberalitate in restaurando & dotando Collegio Westberienfi Godwinum consule. De obitu illius nil reperio, nisi quòd testamentum anno 1476. condiderit.

## JOHANNES ALCOCK.

- Reg. Burchier. Successit Johannes Alcock anno 1476. si Godwino fides; mihi enim introitus illius penitus est incompertus, Registro ejus in fronte mutilato. Illum Synodo Londinensi ineunte anno 1481. interfuisse, neque antea memoratum, comperio. Anno 1484. fundavit Capellam S. Trinitatis juxta Ecclesiam S. Trinitatis de Kingston super Hull; & Cantariam perpetuam in eadem posuit. Illum Baleus, qui de paucissimis æqua sensit, ob vitæ sanctimoniam
- Reg. Rotherham Ebor. & egregiam abstinentioniam summopere prædicat, *neminem per Angliam majori sanctitatis nomine insignitum fuisse asserens*. Plura quinetiam Opuscula ad pietatem ferè spectantia ipsi conscripta refert. Ex his libellum, cui titulus *Mons Perfectionis*, ante annum 1500. typis expressum vidi. Ad Episcopatum Eliensem translatus est sub exitum anni 1486.
- Cent. 8. c. 57.

## ROBERTUS MORTON.

- Alcocum excepit Robertus Morton, Legum Doctor, Archidiaconus Wintoniensis, Johannis Morton Archiepiscopi Cant. ex fratre nepos; qui licentiam consecrationis extra Ecclesiam Metropolitancam accipiendæ à Capitulo Cantuariensi obtinuit 1487. 24. Januarii. Rotulorum Præfectus 1479. 30. Maii constitutus fuerat.
- Reg. Eccl. Cant.

## JOHANNES GIGLIS.

- Reg. Scillington. Johannes Giglis sive de Liliis LL. D. gente Italus, patriâ Lucensis, Pontificis Romani in Angliâ Quæstor erat titulo Collectoris Camera Apostolicæ, Canonicus Wellensis admissus est 1478. 7. Dec. In Synodo Londinensi anno 1481. co-
- Reg. Burchier. actâ primam concionem habuit die 21. Martii; & in eadem decimam à Clero Papæ concedi incassum flagitavit. Anno 1489. auctoritatem ab Innocentio VIII. Papâ accepit usuram, simoniam, furta, homicidia, rapinas, adulteria, stupra & quæcunque ferè crimina remittendi; præterea indulgendi & dispensandi, ut tam bona aliena quàm fraude acquisita salvâ conscientia aliquis retinere posset, solutâ aliquâ eorum parte Papæ Commissariis seu eorum vices agentibus. Neque minùs proprio quàm Papali lucro prospexit, Episcopatum
- Bulla in Registro Morton. f. 18.

copatum Wigorn. anno 1497. adeptus virtute Bullæ Papalis die 30. Augusti data. Spiritualia ab Archiepiscopo 1497. 18. Oct. accepit, per Procuratorem installatus 1498. 12. April. Obiit 1498. 25. Augusti. Reg. Giglis.  
Reg. Morton.

### SILVESTER GIGLIS.

Episcopatum Johannis morte vacantem dono Papali accepit Silvester, illius ex fratre nepos, Camera itidem Apostolicæ in Angliâ Collector; quod muneri usque ad obitum retinuit. Provisus est 1498. 24. Dec. installatus per Procuratorem 1499. 6. April. Anno 1512. Concilium Lateranense à Rege missus adiit. Obiit in Curiâ Romanâ 1521. 16. April. Reg. Giglis.  
Reg. Warham.

### JULIUS DE MEDICIS.

Post Silvestri obitum Leo X. Papa Episcopatum Wigorn. contulit patrueli suo Julio de Medicis, Juliani filio, quem ex Ordinis Hierosolymitani Milite Cardinalem & Archiepiscopum Florentinum anno 1513. creaverat. Julius Sedem Wigorn. 1521. 31. Julii acceptam titulo Administratoris integro anno tenuit, & post medium annum 1522. abdicavit. Titulus ipsi fuerat: *Julius miseratione divinâ tituli S. Laurentii in Damaso Presbyter Cardinalis, Romanæ Ecclesiæ Vicecancellarius, necnon perpetuus Commendatarius seu Administrator Ecclesiæ Cathedralis Wigorniensis.* Onuphrius.  
Reg. Warham.

### HIERONYMUS DE GHINUCCIIS.

Successit Adriani Papæ dono Hieronymus Ghinuccii sive de Nugutiis, homo Italus, bullâ Provisionis datâ 1522. 26. Sept. installatus per Procuratorem 1523. 2. Martii. Rege tamen Angliæ intercedente, saltem permitte, Episcopatu auctum fuisse arbitror. Ipsi enim perquam utilis fuit; & pro negotiis ipsius in regionibus externis multum & fideliter laboravit, sæpius in Hispaniam, semel in Italiam legatus; adeo ut anno circiter 1533. & Henricus Angliæ & Franciscus Galliæ Reges dignitatem Cardinalitiam illi conferendam à Clemente VI. Papâ expeterent. Maximo Henricum beneficio ante biennium devinxerat, sedulo conquisitis in Italiâ & Hispaniâ Theologorum definitionibus adversus matrimonium Regis & Caterinæ Reginae olim initum. Anno tamen 1535. mutatis affectibus id præmii à Rege tulit; ut lege publicâ in Parlamento latâ mense Martio Episcopatu amoveretur, eo nomine quod alienigena esset & in parochiâ suâ non resideret. Reg. Warham.  
Reg. Wigorn.  
Hist. Reform.  
Angl. p. 88.  
148, &c.

### HUGO LATIMER.

Hugo Latimer, in Provinciâ Lecestrensi natus, in Academiâ Cantabrigiensi institutus, præclaram probitatis & doctrinæ famam obtinuit. Anno 1534. de propagato in Academiâ Cantab. Lutheranismò accusatus fuisse dictum. Anno tamen 1530. comperio quendam Hugonem Latimer A. M. ab Academiâ Cantabrigiensi deputatum cum Warhamo Archiepiscopo aliisque Episcopis & Theologis confedissee, & unâ cum illis Versionem S. Scripturæ Anglicam pluresque Lollardorum libros damnasse. Anno 1534. Annæ Reginae à sacris admotus, ejusdem favore Episcopus Wigorniensis anno 1535. renunciatus est, die 20. Augusti installatus. Vir quidem raro pietatis infu-  
tæ zelo & simplicissimis moribus præditus, sive autem nimio animi impetu seu judicii elimati defectu incautus & parum prudens. Anno 1539. latis lege publicâ sex articulis fidei qui ab omnibus teneri atque doceri deberent, Latimerus assensum inhibuit, dissimulare tamen nefas habuit. Abdicato itaque 1539. 1. Julii Episcopatu, ad vitam privatam rediit, & integro fere decennio sacris manum non adhibuit. Bale cent. 8.  
c. 85.  
Hist. Reform.  
p. 32.  
Instrumentum  
Originale.  
Reg. Wigorn.  
Stow in Chron.  
p. 616.



## JOHANNES BELL.

Reg. Cranmer. Latimero subrogatus est Johannes Bell, LL. D. Regis Capellanus & Con-  
Reg. Wigorn. filiarius, Archidiaconus Glocestrensis; Sylvestri, Julii & Hieronymi Episco-  
porum Wigorn. Vicarius generalis; quem à Capitulo Wigornienfi ritè electum  
Archiepiscopus apud Lametham confirmavit 1539. 11. Augusti. Henrici  
Regis Procurator fuerat anno 1529. in causâ divortii coram Wolseio & Cam-  
pegio Cardinalibus tractandi; & anno sequenti Oxoniam à Rege amanda-  
tus fuerat ad roganda Theologorum eâ de re suffragia. Postquam Episcopa-  
tum obtinuit, Collegio Baliolensi Oxon. (cujus olim alumnus fuerat) dedit  
Antiq. Oxon. prædia & redditus nonnullos in parochiâ Clerkenwellensi prope Londinum,  
par. 2. p. 72. ad alendos in Collegio dicto Scholares duos è Diocesi Wigorn. oriundos. Su-  
perfuit anno 1540.

VITA

## VITA S. WULSTANI Episcopi Wigorniensis.

*Authore HEMMINGO Monacho Wigornienfi.*

**L** Argifluâ Dei omnipotentis gratiâ præordinante, & beatâ semperque Virgine Mariâ (ut par est credere) suffragante, adjunctâ simul beati Oswaldi intercessione, ALUREDUS Archiepiscopus venerabilem virum WULSTANUM, nondum ad Episcopatûs apicem electum, Aedituum constituit Wigornensis Ecclesiæ. Vidit enim in illo castitatem vigere, aliasque diversas virtutes in eo mansionem habere: Illum laude dignis moribus præditum fore, nec suam vitam cæterorum ducere more: Mundanam omnino pompam despiciere, & cœlestem duntaxat inhianter concupiscere. Unde non solum ab ipso Aldredo Archiepiscopo, verum etiam ab omnibus, Regibus videlicet, Ducibus & Principibus, honorabatur & summo affectu diligebatur. Dignis eum quique attollebant honoribus, & ob religionis cultum diligebant præ omnibus; quos ipse mutuâ caritate, ut erat columbinæ simplicitatis, in Christi complectebatur visceribus. De die verò in diem ad meliora proficiens, Deique adjutorio virtutes virtutibus addens, Prioratum Wigornensis Ecclesiæ dispensatione divinâ coactus est suscipere. Quod tamen potius causâ obedientiæ quàm adipiscendæ suscepit gloriæ. Venerabilis interea Comitissa Godgiva, famâ bonitatis ejus auditâ, totis illum cœpit diligere visceribus, & in diversis hujus sæculi subvenire necessitatibus. Cujus siquidem precibus Comes Leofricus, conjunx videlicet suus, duas terras, Blacawella & Wulfordilea vocatas, illi donavit; quas antea Dani cæterique Dei adversarii vi abstulerant, & ab ipsâ Wigornensi Ecclesiâ penitus alienaverant. Alteram quoque terram; quam incolæ illius Ikacumb nuncupant, filius præfati Comitæ Ælfgarus nomine à quibusdam optinuit, & pro suæ remedio animæ prædicti viri Dei juri tradidit. Cernens autem venerandus Archiepiscopus ALDREDUS hunc servum Dei bonis operibus insudare, nichil de terrenis curare, solummodo cœlestibus inhiare, in Episcopatum Wigornensis Ecclesiæ decrevit eum sollevare. Quod sicut disposuit mente, licet multum reniteretur ille, non multò post implevit opere. Suscepto itaque tanti honoris culmine, qualiter illud Deo se protegente tenuerit, quàm sanctis operibus decoraverit, nullus edicere poterit. Mansit autem in Episcopatu xxxii. annis, mensibus iv. & iii. septimanis. Prioratum verò Wigornensis Ecclesiæ suscepit pro ipso frater illius Ælffstanus nomine; qui terras tres, Lenc videlicet, & Dunhamstede & Pecceslea, suâ acquisivit strenuitate. Ipse etiam servus Dei Wulstanus in hac qua manemus heremo adhuc manens, omnibus omnia fiebat, ut omnes Christo lucrari posset. A Willelmo quoque Rege cæteris amplius amabatur, cæteris amplius majoris minorisque gloriæ viris pro vitæ suæ merito honorabatur. Cui poscenti dedit terram duorum cassatorum, quæ Cullaclis dicitur, & alteram xv. cassatorum, quæ Ælfeftun nominatur. Has insuper terras, Mittun scilicet & Eastun, & duas Lynderycgeas & Penhyl & Grimanleah sibi reddidit. Quæ ille omnia Thomæ venerabili Priori, qui Prioratum post Ælffstanum optinuit, commisit. Molendinum quoque apud Northwican & quartam partem terræ ad usus fratrum donavit. Et Monasterium, quod in Westbirie situm est, ejusdem Prioris Thomæ custodiæ mancipavit. Quod videlicet Monasterium beatus Oswaldus prius exstruxit, Monachis stabilivit, & terris hominibusque illas excolentibus ditavit. Verum post mortem illius sic à perversis diaboli filiis, scilicet à piratis, vastatum est; ut non remaneret nisi unus solummodo Presbiter, qui divinæ servitutis officium



cium raro explevit. At recordandæ memoriæ Wlstanus post susceptum Episcopatus honorem illud reædificavit; terris, hominibus & vestimentis ad Dei servitium pertinentibus nobilitavit, ibidemque secundum loci positionem Monachos coadunavit; & Monasterium cum omnibus quæ ibi erant Ecclesiæ Wigornienfi subjugavit.

*ACTA SYNODI apud Wigorniam à S. WLSTANO habitæ anno MXCII.*

† **E**GO Wlstanus gratiâ Dei Wigornensis Episcopus decrevi Synodum congregare in Monasterio Sanctæ Mariæ in criptis, quas ego à fundamentis ædificavi, & per misericordiam Dei postea dedicavi. Hæc Synodus habitæ est anno Dominicæ Incarnationis MXCII. Indictione xv. Ad hanc Synodum invitati convenerunt omnes sapientissimæ personæ de tribus Comitatus nostræ Dioceseos, Wigracestræ videlicet, Glaucestræ, Wærewicciæ; eo quod ego longævus dierum, imbecillitatem corporis mei sentiens, & finem vitæ meæ instare intelligens, cupiebam res ecclesiasticas nostræ curæ commissas canonicè tractare, & quæq; emendanda forent illorum sapienti consilio corrigere & emendare. Nostrâ itaque humilitate in hac Synodo præfidente, orta est quæstio inter duos Presbiteros, Alfnothum scilicet Presbiterum Sanctæ Elenæ & Alam Presbiterum Sancti Albani, de parochiis & consuetudinibus Ecclesiarum suarum. Horum Presbiterorum altercatio Sanctam Synodum multum detinuit. Hanc litem ego canonicè discindere cupiens, jussi seniores quosque & quibus notissimæ essent antiquæ institutiones Ecclesiarum seu parochiarum Wigracestræ, veritatem edicere, tam de supradictarum, quam de omnium Ecclesiarum urbis Wigracestræ, antiquissimis institutionibus & parochiis. Et cum inter supradictorum Presbiterorum disceptationem auditus est à Sanctâ Synodo clamor filiorum Ecclesiæ, Monachorum videlicet, quod ipsi dampna paterentur suorum reddituum, quos justè habere debuissent de suâ Ecclesiâ, Sanctæ Elenæ scil. propter tam diuturnam Presbiterorum discordiam jussi, sicut de institutionibus cæterarum Ecclesiarum, sic etiam de hujus matris Ecclesiæ institutione dicerent. Ad harum rerum scrutinium ex nostro præcepto fuerunt, Thomas Prior, Alfere Secretarius, Godricpirl Camerarius, Uhtred Cantor, Agelric Archidiaconus, Edwine frater ejus, Frideric, Agelmar Presbiter, cum aliis quamplurimis, quos ad hoc elegi. Hi omnes igitur communi habito consilio reversi in Sanctam Synodum, affirmaverunt nullam esse parochiam in totâ urbe Wigrac. nisi tantum matris Ecclesiæ. Ecclesiam verò Sanctæ Elenæ vicariam hujus matris Ecclesiæ extitisse à temporibus Æthelredi Regis & Theodori Archiepiscopi, qui locum tunc fundaverunt, & ibi BOSELUM primum Episcopum constituerunt anno Incarnationis Domini DCLXXX. Indict. vii. Hæc institutio à tempore supradicti Boseli per tempora omnium Episcoporum hujus Sanctæ Ecclesiæ per manus Clericorum in hac sede servientium inconvulsa servata est usque ad tempora beati OSWALDI Archiepiscopi, qui opitulatione Ædgari Regis & auctoritate pii patris Dunstani Cantuariensis Archiepiscopi de irregulari conversatione Clericorum in regularem conversationem & habitum Monachorum transtulit & mutavit hujus Ecclesiæ congregationem anno Dominicæ Incarnationis DCCCCLXIX. Indict. xii. Hujus pii patris OSWALDI temporibus Wynsius, Sanctæ Elenæ Presbiter, Vicarius hujus Sanctæ matris Ecclesiæ extitit. Hic idem monitis Sancti OSWALDI, cum cæteris qui in Clericali habitu huic Ecclesiæ utcunque serviebant, mundo posthabito, Monasticæ religi-

religionis habitum suscepit, & claves Ecclesiæ Sanctæ Elenæ, quarum ipse sicut Vicarius custos extiterat, cum terris, decimis, cæterisque redditibus, ad communem usum Monachorum reddidit. Wynsio proinde Monacho facto cum cæteris qui secum sponte converti elegerunt; tam prædicta Ecclesia quam cæteræ, quæ nunc usque Monachorum sunt Ecclesiæ, terræ, sepulturæ vel quælibet aliæ consuetudines seu dignitates ecclesiasticæ, quæ Clericorum quasi propria hætenus extiterant, in jus Monachorum transierunt, & in communem usum illorum redactæ sunt, assensu Regis Eadgari & Beati DUNSTANI, Sanctique OSWALDI Archiepiscoporum. Anno tertio conversionis Winfii Presbyteri beatus Oswaldus Prioratum ei super Monachos hujus Ecclesiæ concessit assensu ejusdem Regis. Concessit etiam illi omnibusque suis successoribus Prioribus hujus Ecclesiæ Decanos esse super omnes Ecclesias suas & Presbiteros; ita videlicet quod nullus Decanus, nullus Archidiaconus de Monachorum Ecclesiis seu Clericis se intromittat nisi per Priorem Ecclesiæ. Omnes ecclesiasticas consuetudines Prior sicut summus Decanus Episcopi pro suis Ecclesiis Episcopo persolvat. Harum rerum, sicut ab antecessoribus nostris didicimus, & his nostris temporibus sub antecessore vestro ALDREDO & vobis hætenus servatas vidimus, testes sumus. Hoc igitur testimonium ego Wlstanus verum comprobans, litem Presbiterorum sedavi; & veram probationem testimonio hujus Sanctæ Synodi literis nostris & Sigillo corroboravi; cavens ne à modo de his rebus in hac sanctâ & matre Ecclesiâ inter Monachos & alias quælibet personas dissensio sive scandalum oriatur. Servantibus hæc vita æterna donetur in cœlestibus. Qui autem fregerit, vel in pejus mutaverit, cum Diabolo & Angelis ejus perpetuis dampnetur cruciatibus. AMEN.

*Titulus in dorso,*

Privilegium Sancti Wlftani de Ecclesiâ S. Elenæ.  
& Sancti Wlftani.

*Compositio inter Episcopum & Monachos Wigornenses  
anno MCCXXIV. inita de electione PRIORIS.*

**N**Overint universi præsentis literas inspecturi, quod cum inter Dominum W. Episcopum Wigorn. & Conventum ejusdem Ecclesiæ ex uno latere variæ quæstiones essent obortæ, tam super institutione cujusdam W. quondam Prioris de Malvern, quem prædictus Episcopus dicto Conventui præfecerat in Priorem, quam super institutione & destitutione Priorum alias pro tempore faciendâ: Item pro custodiâ dicti Prioratus Prioratu vacante, & super provenientibus tumbæ & feretrorum beati Wulftani, super pensionibus & debitis Conventui ad mandatum Episcopi detentis, nec non super modo ingrediendi Capitulum, & dampnis & expensis & quæstionibus, & aliis injuriis hinc inde vario modo sicut dicebatur illatis. Item cum ex alio latere inter dictum Conventum & præfatum W. quem illis dederat in Priorem, ob institutionem ejusdem W. aliis quæstionibus & injuriis hinc inde illatis, similiter orta esset nonnulla contentio; viris providis & discretis pluries inter eos de pace reformandâ convenientibus in Capitulo Wigorn, Dominis S. Cantuar. Archiepiscopo & J. Bathon. & H. Lincoln. Episcopis, nec non de Evesham & de Rading Abbatibus, cum aliis discretis viris, dicti Episcopus & Conventus Wigorn. super omnibus quæstionibus similiter inter se motis in dictos Dominos Cantuar. Bathon. & Lincoln. & memoratos Abbates de Evesham & de Rading

Vide Annales  
Wigorn. in  
anno 1224.



Rading & Magistrum S. de Eketun Clericum dicti Domini Cantuar. quos compositores amiables elegerunt, spontaneâ voluntate compromiserunt, super sacrosancta iurantes, quod eorum starent ordinationi in omnibus quaestionibus inter ipsos obortos. Secedentibus igitur in partem dictis Compositoribus, & nunc ad hanc partem nunc ad illam habentibus regressum, ut habitâ frequenti collatione eos facilius ad concordiam revocarent, tandem pensato statu Ecclesiæ Wigorn. & considerato animarum periculo quod imminebat, ponderatis etiam variis circumstantiis illud negotium tangentibus, magnâ super hoc cum viris discretis habitâ deliberatione, ita ad honorem Dei & Ecclesiæ, ad pacem etiam & tranquillitatem partium concorditer ordinârunt. Imprimis ut dictus W. quondam Prior Malvern. quicquid juris habuit vel sibi vendicavit in Prioratu Wigorn. absolutè & simpliciter resignaret; quod & in eorum præsentia sine dilatione fecit ibidem. Factâ igitur resignatione, providerunt quod idem W. ad honestam sustentationem suam Manerium de Clive, quod est Prioris Wigorn. omnibus diebus vitæ suæ in usus proprios retinebit in eadem integritate qua consuevit dictus Conventus & Prior eorum illud manerium retinere, salvâ Conventui Ecclesiâ ejusdem villæ cum decimis rusticorum & liberorum tenentium & aliis pertinentiis, præterquam de dominico manerii quod apud memoratum W. sicut dictum est, remanebit. Providerunt autem, quod idem W. nichil alienet vel aliquid tempore suo faciet, quo minus dominium manerii cum pertinentiis post decessum ipsius ad Conventum revertatur in eadem integritate quâ illud recepit. De debitis etiam à dicto W. prætextu hujus litis contractis, præmissâ taxatione præmissorum, & dicti W. sacramento obsecuto, statuerunt, quod Conventus Wigorn. vel eorum Prior ipsi pro expensis illis centum marcas persolvat, ita ut in Festo Natalis Domini proximè venturo percipiet viginti quinque marcas, [& in sequenti Festo Annunciationis B. Virginis viginti & quinque marcas] & in sequenti Festo Nativitatis beati Joannis Bapt. viginti & quinque marcas, & residuas viginti & quinque marcas in sequenti Festo beati Michaelis. De Monachis etiam, qui fuerunt dicto Episcopo vel memorato W. providerunt, quod ipsi ad Conventum in bonâ pace & gratiâ revertantur; ita quod ad invicem omni injuriâ sepultâ, & rancore semoto, se fraternâ caritate pertractent. Ordinârunt etiam, quod hac vice nullum habeant Priorem de domo suâ; sed dictus Dominus Wigorn. de extraneis Monachum aliquem, quem secundum conscientiam suam idoneum reputaverit, excepto dicto W. jam amoto, eis hac vice præficiat in Priorem. De cætero autem vacante Prioratu sic providerunt ordinationem faciendam; ut Conventus septem Monachos, quos voluerit, de gremio suo (injunctum est tamen, ut de melioribus hoc faciat) Episcopo suo præsentet; qui necesse habebit unum ex illis septem, quem voluerit, illis præficere in Priorem; quem quidem Episcopus Wigorn. non poterit amovere, nec alium Priorem deinceps nisi ex justâ causâ, sicut prædecessores sui facere consueverunt. Circa custodiam autem Prioratûs vacantis ordinatum est sub hac formâ; ut Dominus Episcopus Wigorn. vacante Prioratu Ecclesias ad præsentationem Prioris & Conventûs spectantes, quas interim vacare contigerit, liberè conferat personis idoneis. Custodias etiam & eschaetas, nec non maritagia, liberum tenementum etiam conferat, si acciderint hii casus Prioratu vacante; toto residuo tam in capite Prioratûs & maneriis eorum quàm in Ecclesiis, quas habent in usu proprio, nec non in aliis beneficiis seu redditibus, ad solius Conventûs custodiam pertinente; nec per collationem Ecclesiarum, Custodiarum, Eschaetarum, Maritagiorum, quæ fiet ab Episcopo Prioratu vacante, aliquid Conventui vel Priori præjudicium generetur; quin Priore eis ordinato, ad ipsos aliâ vice spectet ordinatio seu præsentatio omnium præmissorum, cum iterum vacaverint vel acciderint Prioratu non vacante. Propter præmissa non differatur ordinatio Prioris vel protrahatur; sed

sed quanto commodius fieri poterit, vacante Prioratu destinabit Conventus ad Episcopum suum, ubicunq; fuerit in Angliâ, aliquos de gremio suo, qui ei septem Monachos nominatos à Conventu per literas patentes Conventus præsentent; ut sic ordinatio sine difficultate procedat. Si verò Episcopus exiturus sit regnum, ad quascunq; partes iturus; statuet aliquem loco suo, qui unum de septem nominatis à Conventu eis Priorem præficiat vice suâ: sive jam Prioratu vacante ipse regnum egredi statuerit, sive eo agente extra regnum contigerit Prioratum vacare; ut undiq; provideatur Ecclesiæ, ne per absentiam Episcopi Priore remaneat desolata. Et si nemine constituto loco sui, qui possit, sicut dictum est, præficere, contigerit Episcopum egredi regnum; ne vel sic per negligentiam vel desidiam Episcopi contingat ordinationem Prioris impudè differri; hoc in pœnam ipsius statuerunt, ut sive ante egressum ipsius vacaverit Prioratus, sive postea, nichil interim per ipsum vel suos de dictis Ecclesiis, Custodiis, Echaetis vel Maritagiis conferatur, sed illâ vacatione pertineant ad solum Conventum. De proventibus autem tumbæ & feretrorum B. Wolsani ita statuerunt; ut medietas eorum de cætero spectet ad Episcopum, medietas ad Conventum; & ad custodiam illam Episcopus pro parte suâ & Conventus pro parte suâ quos voluerint custodes, honestos Clericos vel Monachos, deputabit. Circa ingressum verò Episcopi sive modum ingrediendi Capitulum ita providerunt; ut cum voluerit Episcopus Capitulum eorum intrare, præmuniat Conventum, utrum tractare velit de spiritualibus seu ordinem tangentibus, vel potius de temporalibus; & si veniat de spiritualibus seu ordinem tangentibus tractaturus, solus sine Clericis moretur, dum tractaverit de præmissis. Sive verò tractaturus veniat de temporalibus, liberè cum Clericis suis sæcularibus Capitulum ingrediatur. Sed si inciderit aliquid tractandum de spiritualibus seu ordinem tangentibus; statim Clerici sæculares sine difficultate recedent, Episcopo solo interim sine Clericis suis sæcularibus remanente. Provisum est etiam, quòd omnes pensiones vel redditus seu beneficia, quæ consueverunt Prior & Conventus percipere in Ecclesiis Dioecesis Wigorn. & de novo sunt retenta, ipsis statim & sine difficultate restituantur; & Episcopus eis pensiones seu redditus nomine perpetui beneficii confirmabit. Omnia autem alia debita, exceptis præmissis, dampna etiam & expensa, & alia hinc inde petita, ordinârunt dicti Provisores ad invicem remittenda. Et quòd Dominus Episcopus omnem cum suis eis offensam, rancorem & indignationem remittat, ipsos ad pacis osculum benignius admittendo; & quòd ipsi & alii Monachi, qui fuerant Domino Episcopo vel memorato W. unâ cum eodem W. ad invicem sibi rancorem & indignationem remittant, pacis osculo mediante; quod & factum est ibidem in præsentia Provisorum. Si verò viderit dictus Episcopus Ecclesiam Wigorn. reconciliandam, eò quòd nuper sine auctoritate illius fuerit reconciliata; liberè eam reconciliet, dum tamen sine præjudicio Monachorum. Injunxerunt etiam Provisores partibus in virtute præstiti juramenti; ut in singulis Capitulis fideliter ordinationem præmissam observent: Statuentes nichilominus ipsam futuris temporibus ab Episcopis & Monachis Wigorn. qui pro tempore fuerint, in perpetuum observandam. Si quid verò in quæstionibus jam motis forsitan fuerit hic ommissum; iidem Provisores hoc ordinationi suæ plenariè reservârunt. Huic igitur ordinationi in scriptis redactæ apposuerunt Sigilla sua dicti Provisores, injungentes dictis Episcopo & Conventui, ut & ipsi similiter Sigilla sua apponant, & Priorem cum creabitur inducant similiter ad consentiendum præmissis, & quòd etiam Sigillum suum apponat. Datum in Capitulo Wigorn. anno Domini millesimo ducentesimo vicesimo quarto, die Jovis proximâ post Festum Beati Michaelis.



# S U C C E S S I O P R I O R U M Ecclesiæ Wigorniensis.

**C**anonicos Sæculares in Ecclesiâ Wigornienſi à primâ ejus fundatione uſque ad Oſwaldi tempora conſediſſe conſtat ex Actis Concilii Wigorn. ſub Wlſtano habiti, aliſque certiffimis testimoniis. Quibus artibus Oſwaldus Canonicis ejeſtis Monachos induxerit, Eadmerus refert in *Vitâ* illius. Cœnobium ille Monachis in Sede Episcopali conſtruxit anno 969. Canonici tamen adhuc Eccleſiam matricem tenuerunt, neque Monachis locum ceſſerunt ante annum 971. quando Prior conſtitutus eſt

Vol. 2. p. 202,  
203.

Annal. Wigorn.  
& Teokesbir.

*Wynſinus*, ſive *Wynſius*. Hunc, antea Eccleſiæ Wigorn. Canonicum & Eccleſiæ parochialis S. Helenæ adjacentis Presbyterum, Oſwaldus induxit, ut in Monachorum clauſtra tranſiret anno 969. factâ (ſi opinari fas ſit) Prioratûs donandi promiſſione. Illum enim ad Rameſienſe Cœnobium paulò antè à ſe poſitum ablegavit, ut religione Monaſticâ inſtitueretur; nulli tamen interim Prioratum contulit, ſed Wynſinum anno poſthac tertio ad Wigorniam revocatum Monachis primum præfecit. Pauciſſimi ex Canonicis habitum Monaſticum induiſſe videntur. Refert enim Monachus Rameſienſis, qui Oſwaldi Vitam uberi atque affectato ſtilo ante annum 1005. digeſſit, illum quamplurimos Monachos ex Rameſiâ unâ cum Wynſino acciviſſe. Monachorum Præfectus in Eccleſiis Cathedralibus tunc quidem ſæpiùs, poſteâ autem ſolo, *Prioris* titulo innotuit: in antiquis tamen Eccleſiæ Wigorn. monumentis eundem quatuor nominibus inſignitum reperio, ſc. *Prioris*, *Propoſiti*, *Primi*, & *Decani*. Singula ſæpiùs occurrunt in antiquiſſimo Hemmingi codice *de poſſeſſionibus Eccleſiæ Wigorn.* anno circiter 1094. ſcripto. Poſtea reliquis antiquatis, unicum *Prioris* nomen obtinuit: quamvis in Epistoſis Oſberti de Clarâ Prioris Weſtmonaſt. qui ab anno 1108, ad 1140. clauit, Warinum Priorem Wigorn. *Decani* titulo aliquoties compellatum inveniam. Obiit Wynſinus ante annum 992.

*Æthelſtanus*, Prioratum tenuit tempore Oſwaldi Episcopii. Chartis enim hujus tempore conſectis ſubſcribunt apud Hemmingum modò *Winſige Primus*, modò *Æthelſtan Primus*.

*Æthelſinus*, obiit die 7. Julii.

*Æthelſinus* alter, obiit die 4. Decembris. Horum duorum Wigorn. Decanorum, ſic enim dicuntur, nomina atque obitus exhibuit vetuſtiſſimum Eccleſiæ Wigorn. Obituarium, literis Saxonice exaratum, ex quo pleroſque obitus Jo. Jocelinus manu propriâ deſcripſit. Ordo autem & tempora eorundem pariter ac Godwini ſequentis penitus latent. Alterum tamen *Æthelſinum* Ethelredi Regis tempore præſuiſſe liquet. Sic enim in Registro Wigorn. Eccleſiæ Noelliano legitur. *Villas de Swinford in Staffordſcire Ægelſinus quondam Decanus Wigorn. homo prudens in ſecularibus, ita ut Regis Conſiliarius exiſtit, ut Wlſtani Episcopii relatione didici, à Rege Ethelredo emit Eccleſiæ pro ducentis libris argenti.*

God-

*Godwinus.* Nomen ejus occurrit in antiquissimo Ecclesiæ Wigorn. Registro, ex quo pleraque excerpta dedit Laurentius Noellus, vir antiquitatum Anglicanæ gentis studiosissimus, in Collectaneis suis *Vespasian A. 5.*

*Æthelwinus*, sive *Agelwinus*, obiit die 26. April. ex Obituarii dicti fide: Huic proximè successit

*S. Wlstanus*, Agelwino subrogatus est ab Aldredo Episcopo teste Florentio, post annum itaque 1046. Bromtonus & Ranulfus Cestrensis illum anno 1058. Prioratum adiisse narrant, nostrum sc. Wlstanum confundentes cum Wlstano alio Monacho Wigorniensis, quem Abbatem Glocestriæ ab Aldredo illo anno factum fuisse Annales Wigorn. Florentius, & Chronicon Glocestrense referunt. Hinc etiam Ingulfus lapsus Wlstanum nostrum ex Priore Wigorn. Abbatem Glocestr. ex Abbate Episcopum Wigorn. evasisse scribit. Certè ante annum 1058. Wlstanus Prioratum obtinuit. Refert enim antiquum Ecclesiæ Wigorn. Registrum Leofricum Ducem & Godivam ejus uxorem Aldredo Episcopo tunc sedente reddidisse Blackwellam Ecclesiæ *tempore S. Wl-  
stani cum fuit Prior.* Obit autem Leofricus 1057. 31. Augusti. Vir eru- Florentius.  
ditus W. Hopkins, Canonicus Wigorn. in Ecclesiæ suæ monumentis versatissi-  
mus, retulit mihi se alicubi legisse Wlstanum anno 1050. Priorem fuisse fa-  
ctum. Iste collapsum Cœnobii Wigorn. statum egregiè restauravit. Cum  
Danorum enim invasionibus & intestinis dissidiis res Ecclesiastica ita suc-  
cubuiisset, ut pro numerofo Monachorum grege, quem Oswaldus hic loci in-  
stituerat, vix duodecim superfuissent; ipse miserum Ecclesiæ suæ statum sub-  
levavit, & ad numerum quinquagenarium Monachos adauxit. Anno de-  
mum 1062. ad Episcopatum promotus, Prioratum dereliquit.

*Ælfstanus*, Wlstani frater, ipsi ad Episcopatum transeunti successit anno 1062. auctore Hemmingo in brevi, quæ præmittitur, Wlstani *Vitâ.*

*Ægelredus.* Hujus mentionem facit Eadmerus in Prologo ad *Vitam Dun-*  
stani hisce verbis: *Subprioris & Cantoris officium in Ecclesiâ Cantuariensi stre-* Vol. 2. p. 212.  
*nissimè per multum temporis administrabat; & postmodum ob religiosam pruden-*  
*tiam Wigornensi Ecclesiæ sub beata memoria Wlstano Episcopo prælatus erat.*  
Hemmingus quidem in *Vitâ S. Wlstani* refert *Thomam post Ælfstanum Prio-*  
*ratum obtinuisse* à Wlstano sibi commissum: ut vir eruditus supra memoratus  
suspiciatus fuerit Ægelredum non alium à Thomâ fuisse; cum frequens Mona-  
chis esset binis nominibus uti. Memet suspicio subiit Ægelredum eundem  
fuisse cum Agelrico sive Alrico Archidiacono, cujus nomen in plurimis apud  
Hemmingum chartis ab anno 1088, ad 1095. confectis subscriptum occurrit. F. 192, 193, &c.  
In Cœnobiis enim, quæ jus Archidiaconale in prædiis & Ecclesiis suis obtinue-  
runt, erat Monachus qui Archidiaconi titulo & munere insignitus est. Sic, Jo. Flete in  
Hist. Westm.  
ut alios mittam, Ricardum de Crokeley ex Archidiacono Abbatem West-  
monasterii anno 1246. electum esse legimus. Verùm utraque suspicio fortio-  
ribus è contra argumentis expugnatur. Monachis enim in conversione dun-  
taxat nomina sua commutare erat familiare; Ægelredum autem hoc nomine,  
dum Subprioris officio apud Cantuarienses fungebatur, innotuisse ex Eadme-  
ro liquet; ut diversitatem nominum insignem taceam. Thomæ enim nomen  
illo apud nos sæculo solis Normannis, Ægelredi solis Anglis in usu erat. Ne-  
que etiam Agelricus ille, qui Chartis apud Hemmingum subscripsit, Archi-  
diaconus erat Conventûs, sed potius Episcopi Wigorn. Sic enim vetustissi-  
mum Ecclesiæ Wigorn. Registrum habet. *Mortuo Wlstano Willelmus Rex re-*  
*levamen 185. librarum à tenentibus Episcopatus Wigorn. exegit, & in his 5. li-*  
*bras ab Alrico Archidiacono.* Monachum autem fuisse Episcopi Archidiao-  
num exemplo caret. Eadmero interim, qui se Ægelredo familiarem fuisse  
dicit, fidem abrogare nefas est: ut Hemmingi verba de successione non im-  
mediatâ accipere sit necesse. Necrefragantur quidem verba. Illic enim o-  
peram dedit non successionem Priorum Wigorn. sed beneficia Ecclesiæ Wigorn.



- à Wlftano præstita exhibere. Cùm nullum itaque insigne beneficium Wlftanus Ægelredo Prioratum tenente præstiterit; hunc intactum prætermisit.
- Thomas*, chartæ Wlftani Episcopi 15. hidas in Alfestun Ecclesiæ Wigorn. donanti 1089. 20. Maii subscripsit, & iterum chartæ ejusdem Ecclesiam de Westbiri donanti 1093. apud Hemmingum f. 192, 193. Obiit 1113. 4. Octobris.
- Florentius. *Nicolaus*, Prior à Theobaldo Episcopo constitutus, obiit 1124. 24. Junii feriâ 3. Liber vulgatus feriam 4. perperam habet.
- Malmsbur. in Vitâ Wlftani l. 3. c. 17. Contin. Florentii MS. *Guarinus* sive *Warinus*. Huic Willelmus Malmsburiensis *Vitam S. Wlftani* à se conscriptam anno circiter 1140. nuncupavit. Eundem Osbertus de Clarâ in Epistolâ ad Simonem Episcopum Wigorn. sic memorat. *Petitio venerabilis viri Wigornensis Ecclesiæ Decani obtinuit à me religioso favore Warini, &c.* Guarinum anno 1140. præfuisse constat ex *Monastico tom. 1. p. 470.* Eidem Henricus I. Rex anno (ut videtur) 1130. apud Wigorniam positus Chartam dedit.
- Epist. f. 45. *Radulphus* obiit 1143. ex fide Annalium Winchelcumb.
- Archiv. Wigorn. *David* successit 1143. depositus 1145. Ex iisdem, & Annal. Teokesbir. *Osbertus* sive *Osbernus*, successit 1145. & eodem anno defunctus est. Ex iisdem.
- Annal. Winchelc. *Radulphus de Bedeford*, successit anno 1146. Iste quinque Episcopos Wigornientes sc. Johannem anno 1150. Aluredum 1158. Rogerum 1163. Baldwinum 1180. & Willelmum 1186. ordine elegit, & Archiepiscopo consecrandos præsentavit. Obiit anno 1189.
- Diceto Imag. Hist. p. 631. *Senatus* successit 1189. ex loci Præcentore Prior factus, vir eruditionis non infimæ, qui plurima scripsisse à Baleo dicitur. Unicam ejus lucubrationem vidi. sc. *Expositionem in Canonem Missæ*, opus non inutile. Prioratum Senatus sponte abdicavit 1196. 20. Novembr. obiit 1207.
- Annal. Winchelc. Cent. 3. cap. 10. Annal. Wigorn. Annal. Teokesbir. Annal. Wigorn. *Petrus* successit 1196. depositus 1203. 24. Decembr. obiit 1204.
- Id. & Hist. Evesham. *Randolphus de Evesham*, à loco natali cognominatus, successit 1203. 24. Decembr. Episcopus Wigorn. electus 1213. 2. Decembr. Episcopatum à Nicolao Papæ Legato coactus est commutare Abbatiam Eveshamensi, ad quam electus est 1214. 22. Januarii. Obiit 1229. 17. Decembr. Vacavit Prioratus anno ferè integro, Waltero Episcopo post diutinam moram consecrato.
- Annal. Wigorn. *Silvester de Evesham*, Prior electus 1215. 21. Januarii, Episcopus 1216. 3. April.
- Id. & Archiva Wigorn. *Simon*, loci Camerarius, successit 1216. mense Octobri, à Willelmo Episcopo depositus 1222. Papam appellavit, & pendente lite obiit 1223.
- Annal. Wigorn. *Willelmus Normannus*, Malvernix Prior, Simoni deposito subrogatus est ab Episcopo 1222. reclamante Conventu. Post biennalem litem in arbitros utrinque compromissum est. Horum decreto Willelmus jus suum resignavit 1224. 3. Octobr. assignato sibi manerio de Clive.
- Compositio supra. p. 544. *Willelmus de Bedeford*, Prior antea Tinemuthensis, Monachis Wigorn. ab Episcopo præfectus est 1224. 4. Octobr. Obiit 1242. 29. Octobr. Willelmum quendam Priorem Wigorn. antea Monachum S. Albani fuisse Thomas Walsinghamus in *Historiâ Cænobii S. Albani* refert. Hunc non alium ab isto fuisse arbitror. Tinemutha enim Cella erat Monachorum S. Albani.
- Annal. Teokesbir. *Ricardus de Gundicote*, Prior ab Episcopo nominatus est 1242. 17. Novembr. installatus die 19. ejusdem mensis. Obiit 1252. 29. Septembr.
- Novo D. 7. *Thomas*, loci Supprior, successit, installatus 1252. 1. Nov. Obiit sub exitum anni 1260.
- Annal. Teokesbir. *Ricardus de Dumbleton*, loci Celerarius, installatus est 1260. 24. Decembr. obiit 1272. Hujus tempore Capitulum Wigorn. Ecclesiæ composuit cum Bonifacio Archiepiscopo Cant. circa jurisdictionem Episcopalem Sede Wigorn. vacante

vacante exercendam hac lege, ut in omni vacatione Prior Archiepiscopum de Episcopi vacatione certiorum reddat, & Archiepiscopus Priorem sine mora constituat Officiale suum durante vacatione; utque Prior rationem Officialitatis suae Archiepiscopo reddat, & reservatâ sibi parte tertiâ duas tertias emolumentorum omnium Archiepiscopo persolvat. Facta est Compositio 1268. 28. Julii, & etiamnum observatur.

Archiva Lambeth. & Tibert. E. 4.

*Willelmus de Cirencestre*, loci Sacrista, successit; ex septem Monachis à Conventu juxta Compositionem anno 1224. initam præsentatis ab Episcopo delectus 1272. 21. Decembr. Obiit 1274.

Annal. Wigorn. & Registr. Giffard.

*Ricardus de Feckenham*, loci Camerarius, ex 7. Monachis à Conventu die 21. Sept. præsentatis nominatus est ab Episcopo 1274. 25. Sept. Obiit 1286. 29. Decembr.

Id.

*Philippus de Aubin*, alias *de Worcester*, ex Subpriori Prior per Episcopi designationem evasit 1287. 6. (juxta Annales Wigorn. 7.) Januarii, installatus die 19. ejusdem mensis. Obiit 1296. 7. Julii. Post ejus mortem Capitulum Monachos 7. elegit die 11. Julii; & ex his

Id.

*Symon de Wire*, alias *Wirecester*, loci Subprior, nominatus est ab Episcopo 1296. 13. Julii. Resignavit is (à Roberto Archiepiscopo coactum arbitrator) 1301. 13. Julii.

Id.

*Johannes de la Wyke*, Subprior, ex 7. Monachis à Conventu die 16. Julii electis nominatus est ab Episcopo 1301. 18. Julii, installatus die 20. Julii. Obiit 1317. 5. Octobr. Quo defuncto Capitulum 7. Monachos nominavit die 20. Octobr. Ex his

Id. & Registr. Eccl. Wigorn.

*Wolstanus de Braunsford* ab Episcopo præfectus est 1317. 21. Nov. ad Episcopatum Wigorn. electus 1338. consecratus 1339.

Registr. Eccles. Wigorn.

*Symon le Botiler*, ex septem Monachis à Conventu 1339. 12. April. nominatis delectus est ab Episcopo die 13. Aprilis. Obiit eodem anno.

Registr. Bransford.

*Symon Crompe*, simili ratione ab Episcopo præfectus est 1339. 6. Nov. Obiit 1340. 10. April.

Id.

*Johannes de Evesham*, S. T. B. ex septem à Conventu die 21. April. nominatis præfectus est ab Episcopo 1340. 22. April. Bullam de Pontificalium infularum usu sibi & successoribus suis à Clemente VI. Papâ impetravit 1351. 8. Januar. atque aliam ejusdem argumenti ab Urbano V. Papâ 1365. 14. Febr. Obiit 1370. 27. Martii.

Id.

Registr. Courtney.

Reg. Eccl. Wigorn.

*Walterus de Legh*, loci Eleemosynarius, ex septenis à Capitulo die 2. Aprilis electis nominatus est ab Episcopo 1370. 4. April. Obiit anno 1388.

Reg. Eccl. Wigorn.

*Johannes Green* S. T. P. loci Infirmarius, ex septem Monachis à Capitulo die 21. Aug. nominatis electus est ab Episcopo 1388. 22. Aug. Obiit anno 1395.

Id.

*Johannes de Malvern*, loci Sacrista, ex septenis à Conventu die 15. Sept. electis præfectus est ab Episcopo 1395. 19. Sept. Obiit ante annum 1423.

Id.

*Johannes Fordham*, Ricardum Beauchamp Wigorniae Comitem Isabellæ Comitissæ desponsavit 1423. & filium ex hoc conjugio susceptum anno sequenti baptizavit. Eundem annis 1434, & 1435. præfuisse aliunde constat: tempus well. autem introitus latet; adeo ut incertum sit, quisnam fuerit Johannes Prior Wigorn. qui à Clero Anglicano inter alios missus Concilium Constantiense anno 1416. adiit. Fordhamus obiit ineunte anno 1438.

Monastic. vol. I. p. 158.

Reg. Stafford.

Reg. well.

*Thomas Ledbury*, ex septem à Conventu die 13. Febr. nominatis electus est ab Episcopo 1438. 14. Febr. Obiit sub exitum anni 1443. vel introitum sequentis.

Reg. Eccl. Wigorn.

Reg. Bourchier. Episc.

*Johannes Hertilbury*, ex septem Monachis à Capitulo die 15. Jan. electis designatus est ab Episcopo 1444. 16. Jan. Obiit 1455. 16. Dec.

Registr. Episc.

*Thomas Musard* successit, atque obiit anno 1469.

Archiva Wigorn.

Robertus



- Reg. Eccl. Wigorn. *Robertus Multon*, loci Celerarius, ex septenis die 14. electis præfectus est ab Episcopo 1469. 16. Aug. Obiit anno 1492.
- Id. *Willelmus Wenloke*, loci Sacrista, ex septem Monachis die 24. Junii nominatis præfectus est ab Episcopo 1492. 2. Julii. Obiit anno 1499.
- Id. *Thomas Mildenhall*, loci Sacrista, ex septem die 21. Julii electis designatus est ab Episcopo 1499. 4. Sept. Obiit anno 1507.
- Id. *Johannes Weddesbury*, præfectus ante 1507. 16. Sept. Obiit anno 1518.
- Id. *Willelmus Moore*, Subprior, ex septem Monachis à Capitulo die 27. Sept. nominatis electus est ab Episcopo 1518. 2. Octobr. Prioratum abdicavit in-eunte anno 1536. assignatis sibi maneriis de Crowle & Grimley, quæ usque ad adultum Elizabethæ regnum quietè tenuit. Willelmum More L. B. Episcopum Colcestrensem, Sedis Eliensis Suffraganeum, consecratum Londini in Cœnobio Fratrum Prædicatorum 1536. 20. (nisi legendum sit 22.) Octobr. reperio. Hunc non alium à nostro fuisse opinor.
- Id. *Henricus Holbech*, Prior Nigrorum Monachorum Cantabrigiæ studentium, successit, lege quidem hætenus receptâ non electus, sed per viam compromissi 1536. 13. Martii, Rege electionem ejus literis Conventui datis præcipiente & electum confirmante die 22. Martii. Idem Episcopus Suffraganeus Sedis Wigorniensis titulo Bristolensis Episcopi apud Lametham consecratus est 1538. 24. Martii, & Prioratum simul tenuit. Anno demum 1540. 18. Jan. Monachis ex Ecclesiâ Wigorn. quam annis 569. infederant, regio mandato ejectis, Canonici Sæculares denuo sunt introducti; quibus Henricus titulo immutato Decani loco præfuit; donec medio anno 1544. Episcopus Roffensis creatus, Decanatum Johanni Barloo tradiderit.

# CANONICI WELLENSIS HISTORIA

DE

## EPISCOPI

Bathoniensibus & Wellensibus

A primâ ejus fundatione ad annum MCCCCXXIII.

---

### ACCEDUNT

Continuatio ejusdem Historiæ ab anno MCCCCXXIII  
ad annum MDXL.

ADAMI DE DOMERSHAM Monachi Glastoniensis  
Historia de contentione inter Episcopos Bathonien-  
ses & Monachos Glastonienses ab anno MCXGII.  
ad annum MCCXC.

Successio Priorum Ecclesiæ Bathoniensis.

Successio Decanorum Ecclesiæ Wellensis.



CANONICI WELLESIS

HISTORIA

D.E.

EPISCOPIS

Wellesensibus & Willelmo

A primis eius functione ad annum MCCCLXXIII

ACCORDANT

Continuatio huius Historiae ab anno MCCCLXXIII  
ad annum MDXLI

Ad hanc de Domestica Monachi  
Historia de operatione inter Episcopos  
et Monachos Gloucestrenses ad annum MDXLI

Succedunt Præfatus Monachi

Succedunt Decretum Tolleris & Willelmi

# HISTORIA

DE

## Episcopis Bathoniensibus & Wellensibus

A primâ Sedis fundatione ad annum MCCCCXXIII.

*Authore Canonico Wellensi.*

Nomina Episcoporum in Somerset à tempore Danielis Episcopi anno ab Incarnatione DCCIV. [*Ista de Daniele Episcopo initium faciant Historia Minoris Wellensis, à Majori quæ sequitur diversa. Reliqua ejusdem Historiæ Majori intexui.*]

### DANIEL.

**D**aniel (a) consecratus in Episcopum Congresberye; qui transtulit Sedem Episcopalem à Congresberye ad Welliam. Hic inter Regem Inam & Adelburgam nuptias celebravit; & Reginâ mediante Manerium de\* Tyderton nuncupatum ab eodem Rege sibi & successoribus suis impetravit. Qui cùm sedisset in Episcopatu xliii. annos; relictâ terrâ morientium transiit ad terram viventium. Huic successit Sigarius Episcopus, quem supplantavit Alwynus. Alwynus post obitum Sigari

\* Tyderton: Cod. altr.

(a) Statutum à suscepti operis initio mihi erat de fabulosis Britannicæ Episcopis tacere. Cùm autem Historicus noster de Daniele Congresberienli mentionem ingesserit; hunc penitus intactum prætermittere non possumus. Sic igitur habet fabula, prout apud Chronicon Glastoniense legitur. Anno Domini CLXVII. Episcopatus Somersetie per SS. Faganum & Deruvianum sumpsit exordium, & in Kungresburia per multum tempus Sedes Episcopalis fuit. Sedebant itaque in eadem Sede plurimi Pontifices successivè usque ad tempus Inæ Regis Westsaxonum; quorum numerum, gesta & tempora nusquam reperimus descripta. In tempore autem prædicti Regis Daniel, qui in Cathedrâ de Kungresburia sedebat ultimus, Sedem illam, quæ illic per DC. annos vel amplius remanserat, ad villam quæ tunc Tethiscine, nunc vero Welles nominatur, Inâ Rege donante & ei consentiente, transtulit. Iste autem Daniel in eodem Episcopatu ultimus erat Episcopus Britonum. Translationem Sedis Episcopalis

istam Cl. Usserius in annum 721. retulit in Indice Chronol. ad Antiqu. Britann. Annus 704. Historico nostro magis placuit Welliam eo tempore Tethiscine dictam fuisse Chronicon Glastoniense prodit. Et sanè Tedingtun eam antiquitus dictam fuisse Registrum Wellense confirmat, quæ aliunde Theodoroduni nomen hausit. Lelandus, qui ut voces barbaras in Latinas convertat, vim præcis vocabulis inferre solet. Cœnobium hic loci Ina Rex posuisse dicitur, idque amplis prædiis Kenulphus anno 766. dotasse. Kenulphi Chartam Godwinus Episcopus exhibuit, quasi indubium antiquitatis Wellensis monumentum, consuetâ deceptus in curiâ. Quod si Episcopos subscribentes investigasset, annosque Dominicæ Incarnationis & Indictionis contulisset, commentitium esse facile perspexisset. Quos Danieli successisse Historicus noster perhibet, Sigarius &c. vix ante trecentos annos à Danielis ætate exactos Episcopatum obtinuerunt.



vixit xiii. diebus. Cui successit *Britellinus*, huic *Burwoldus*, huic *Leovinus*, huic *Bridelmynus*, huic *Alwynus*, huic *Brithelmynus*, huic *Merewyt*, huic *Dudoco*, &c.

*Historia Episcoporum Bathoniensium & Wellensium.*

Sequitur Prohæmium de tempore primavæ inchoationis Sedis Episcopalis Welliæ, in qua à sui principio successerunt seriatim xvi. Episcopi, quorum ultimus fuit *Johannes* natione *Turonensis*, qui transtulit Sedem Wellensem in Bathoniam, & fuit primus Bathoniensis Episcopus. Cui successerunt in Sede Bathoniensi xx. Episcopi; prout legentibus inferius plenius patebit.

Anno Domini DCCCCI. (b) *Edwardus* cognomento Senior, primus sc. ante Conquestum Normannorum, post patrem suum *Alfredum* alias *Aluredum* super totam Angliam cœpit regnare. Cujus anno iv. sc. anno Domini DCCCCV. *Formosus* Papa propter magnam carentiam Episcoporum in Angliâ per literas suas Apostolicas Regi & populo Anglorum directas maledictionem suam transmisit loco benedictionis, quam olim sanctus Papa *Gregorius*

(b) Ad veriora, nobis tamen haud magis nota, accedimus. Invaluit enim apud plerosque nostros Historicos fides de septem Episcopis à *Plegmundo* Archiepiscopo apud Cantuariam unâ die consecratis, & mandato *Formosi* Papæ eâ de re anno 904. vel sequenti ad *Plegmundum* missis. Rem narrant *Malmsburiensis*, *Florilegus* & *Registrum Cantuariense* in anno 905. *Dicetensis* in anno 909. *Indiculus Episcoporum* ad calcem *Florentii* 7. Episcopos unâ die consecratos habet; de anno autem & mandato silet. Integram rem prætermittunt *Chronologi* plures *Saxonici*, *Florentius* & *Historici* potiores. *Formosi* Papæ Epistolam imprimis fictam esse constat. Ipse enim sub initium anni 906. obiit; *Edwardus* autem Rex anno 907. primum regnare cœpit. Sequentium seculorum religio vetuit; ne res tanti momenti ecclesiastica Papâ inconsulto fieret; atque hinc Papale mandatum intercessisse *Historici* sequiores crediderunt. Necessè igitur erat Bullam confingere; quamvis miselli homunciones *Chronologia* ignari temporibus malè compositis fraudem prodiderint. Dein quæ de septennali Sedium Episcopali in totâ *Westfaxonîâ* vacatione iidem *Historici* narrant, planè falsa sunt. *Wintoniæ* enim *Denewlfus* sedit ab anno 879. ad 909. testibus *Florentio* & *Chronologia* *Saxonica*: & *Asserius* Sedi *Schireburnensi* ab *Alfredo* Rege præpositus, ante annum 909. non obiit. Porro annus 905. novorum Episcopatum foundationi & *Parochiarum* distributioni minis erat accommodus. *Dani Northumbriam* & *Eastangliam* tunc infederunt; neque *Mercii* ad *Edwardi* Regis nutum adhuc spectabant. Utrosque

autem *Edwardus* frequentibus præliis hoc ipso anno debellavit, atque anno sequenti pace factâ in ditionem accepit. Ab anno 906. ad 910. pax ubique per Angliam obtinuit; omnesque totius gentis *Provinciæ* *Edwardi* nutum suscipiebant. Hoc igitur potissimum tempore Ecclesiæ diuturno bello afflictæ damna resarciri, novæ Sedes institui, & singularum limites definiri optime possent. Sanè tam constans est traditio de 7. Episcopis uno die à *Plegmundo* ordinatis; ut ei fidem temerè abrogare nollem. In his designandis *Historico* nostro reliqui omnes conveniunt. Factum id anno 909. fuisse solus *Dicetensis* (in *Abbrev. Chron. p. 453.*) narrat; forsitan & solus veritatem attigit. *Denewlfum* Episcopum *Winton.* & *Asserum* *Scireburn.* hoc anno obisse tantum non constat. *Ealhardum* Episcopum *Dorcestr.* circa annum 897. obisse *Chronologia* *Saxonica* docet; neque alium ipsi subrogatum reperio ante *Kenulfum*, qui inter septem Episcopos à *Plegmundo* consecratus dicitur. *Seolefensium* Episcoporum successio adeo est obscura; ut ex eâ nullum in utramvis partem argumentum duci queat. In hoc igitur propendeo; ut septem Episcopos simul à *Plegmundo* consecratos fuisse concedam, & annum à *Dicetensi* positum non rejiciam. Neutiquam tamen dissimulandum arbitror, me in *Excerpta* quædam *Historiæ* à *Monacho* quodam *Abendonensi* ante exitum sæculi decimi conscripce incluisse; in quibus sic legebatur. Anno 904. quia per annos plene 7. tota *Westfaxonîa* vacasset Episcopis, *Australium* etiam *Saxonum* *Provincia*, & *Australium* *Mercidum*; Rex tunc Archiepiscopo *Plegmundo* singulis *Provinciis* *Gewisserum*, singulos Episcopos ordinari constituit,

gorius illuc transmiserat ; eò quòd in pluribus locis Ecclesiæ Cathedrales in Angliâ vii. annis fuerunt Episcoporum solatio destitutæ. Unde factâ per Plegmundum Archiepiscopum Cant. strictâ interpretatione dictarum literarum Apostolicarum in præsentia Regis prædicti, idem Plegmundus præcibus regiis inclinatus vii. Episcopos unâ die apud Cantuariam consecravit. Unum in Mercia apud Dorchester juxta Walingford idem Rex & Archiepiscopus posuerunt, cujus Sedes est nunc apud Lincolniam. Secundum verò posuerunt Episcopum apud Selesey super Australes Saxones, cujus Sedes est hodie apud Chichester. Tertium posuerunt apud Wintoniam, cujus Sedes usque hodie ibidem celebris perseverat. Quartum apud Schireburnam, cujus Sedes est nunc apud Sarisberiam. Ulterius præfati Rex & Episcopus tres Ecclesias Collegiatas concordî consensu in Cathedrales Ecclesias erexerunt. Quarum prima fuit Ecclesia Collegiata S. Germani in Cornubiâ, in qua quintum posuerunt Episcopum. Secunda fuit Ecclesia S. Crucis Cridintoniæ in Devoniâ, in qua in Ecclesiam Cathedralem erectâ sextum posuerunt Episcopum. Quorum quinti & sexti Episcoporum Sedes Episcopales citò postea fuerunt in unam redactæ ; & illa in Exoniam fuit translata, ubi in magno honore usque hodie perseverat. Tertia Ecclesia Collegiata fuit S. Andrea Welliæ, quam Dominus Rex & Archiepiscopus in Cathedralem Ecclesiam erexerunt ; ad quam dictus Rex præfato Archiepiscopo primum præsentavit Episcopum nomine Athelmum, prius Abbatem Glasconia ; qui ab eodem Archiepiscopo primus in Episcopum Wellensem extitit ordinatus : & totus Pagus Somersetiæ fuit sibi in Diocesin assignatus. Et sic clarè patet, quòd Somersetia tempore hujus Regis Edwardi primi anno DCCCCV. proprium primò recepit Episcopum, quæ prius sub Episcopatu Scireburnensi fuerat constituta. Sedes tamen Episcopalis Wellensis postea tempore Regis Willelmi Rufi per quendam Johannem de Touris Episcopum Wellensem, annuente eodem Rege, in Bathoniam fuit translata, ubi usque hodie manet. Ortâ tamen postea inter Canonicos Wellenses & Monachos Bathonienses grandi discordiâ, utrùm in

stituit, in quinque sc. parochias Sedem distribuens, quod antea duo possederant. Ordinati sunt ergo septem unâ die. Frihestanus ad Winton. Æthelstanus ad Cornubiensem primum, Werstanus ad Scireburnensem, Æthelhelmus ad Fontanensem primum, Eadulfus ad Cridiatunensem primum, Suthsaxonibus quoque Beornocus, & Suthmercius Canulfus apud Dorcestrestram nostram. Neque sic tamen res conficitur. Præterquam enim, quòd qua fide Excerpta fuerint facta, nullatenus constet ; Monachus iste Abendonensis manifesto errore tenetur. Si enim novorum Episcopatum Præsules anno 904. consecrati fuerint ; septem simul Episcopi consecrari non poterant : Nondum enim Sedes Wintonienses & Scireburnenses vacarunt. Sin autem septem fuisse simul ordinatos statuatur ; ordinatio anno 904. fieri non potuit. Hoc igitur modo rem conciliari & difficultates maximas eximi posse arbitror. Edwardus Rex & Plegmundus Archiepiscopus communi consilio atque autoritate Synodum anno 904. vel sequenti coegerunt ; & in eadem decreverunt, ut tres novi Episcopatus in

Westfaxonîâ instituerentur. Isti ex parochiis Episcoporum Wintonienses & Scireburnensis assumendi erant. Horum autem Episcopatus ipsis viventibus mutilare iniquum duxerunt ; præsertim cum eorum uterque de Rege & republicâ egregiè meruisset. Rem itaque conficiendam decreverunt, quamprimum hos Episcopos è vivis excedere contingerit. Sic etiam olim integra Westfaxonîa, quæ ad Episcopi Wintoni ditionem spectabat, post Heddæ Episcopi obitum anno 703. in duas Dioceses divisa fuerat ; atque aliæ parochiarum divisiones Sede Episcopali vacante fieri solebant. Anno autem 909. commodum accidit, quòd uterque Episcopus tam Wintonienses quàm Scireburnensis obierunt. Mercia itidem Australis in Edwardi ditionem anno 908. redacta Episcopo carebat ; quin etiam Suthfaxonîa eodem tempore Pastore suo viduata est. Tribus igitur novis Episcopatibus in Westfaxonîâ institutis, & Episcopis ad quatuor antiquas Sedes tunc vacantes à Rege nominatis, Plegmundus septem simul Episcopos anno 909. consecravit.



Ecclesiâ Bathon. vel in Ecclesiâ Wellensi Episcopalis Sedes præcipue remaneret; Canonicis Wellensibus asserentibus translationem Sedis Episcopalis Wellensis non posse locum tenere, eò quod dicta Translatio facta sit præter eorum consensum, juris ordine minime observato, utpote nullâ necessitate cogente, nec aliqua causâ legitimâ id poscente. Cujus discordiæ Robertus, quondam Monachus Lewensis, tertius Bathoniensis Episcopus, finem fecit; qui à Sede Apostolicâ impetravit, quod in utrâque Ecclesiâ Sedes Episcopalis de cætero maneret; nomen tamen Bathoniæ debet præponi. Et sic usque hodie vulgus observat.

## A T H E L M U S.

Athelmus (a) primus Episcopus Wellensis. Illi successit

## W L F E L M U S.

Wlfelmus (b), secundus Episcopus Wellensis. Quo post dictum Adelimum ad Sedem Cantuariensem translato, successit ei

## E L F E C H E.

Elfeche (c), tertius Episcopus Wellensis; quem Martilogium Ecclesiæ Wellensis vocat Elfegum. Cui defuncto successit

## W L F E L M U S.

Wlfelmus (d), quartus Wellensis Episcopus. Cui successit

## B R I T H E L M U S.

Brithelmus (e), Monachus Glasconiæ, quintus Episcopus. Iste fecit Archidiaconatum

(a) *Athelmus* five *Adelmus*, à Florentii Indiculo MS. *Æthelhelmus* appellatus, primus Sedi Wellensi præfuit, anno 909. si calculos supra rectè posuimus, consecratus. Hunc prius Abbatem Glasconiæ fuisse Historicus noster supra malè retulit. Frustra enim in successione Abbatum Glasconiensium quæritur. Ex Monacho quidem Glasconiensi Episcopum Wellensem evasisse Historia Glasconiensis (in Monastico tom. 1. p. 8.) prodit. Verùm neque huic fides semper est habenda. Plures apud eum Præsules à Cœnobio Glasconiensi prodiisse dicuntur, qui Glasconiam nunquam viderunt; plures etiam sequentium Episcoporum Wellensium ejusdem Monasterii Abbates seu Monachi fuisse feruntur, qui à Clero Sæculari vel ex aliis saltem Cœnobiis delecti sunt. Neque tamen idcirco isti Historiæ tempora eorundem exhibenti fides est abroganda. Monachis enim solemne erat Episcoporum, quibus subjacebant, obitus in Fastis & Martilogiis suis notare: quod Anonymum Historiæ Compilatore inducere potuit, ut eosdem in Abbatum seu Monachorum album inferret. Certè Athelmum Monachum non fuisse Johannes Bromton (p. 838.) disertè affirmat. De Athelmi translatione ad Sedem Cantuariensem supra

egimus p. 99. eamque anno 923. vel sequenti factam fuisse ostendimus.

(b) Wulfhelmus Athelmo in Sede Wellensi anno 923. in Cantuariensi 927. vel 928. successit. Rationes calculi supra p. 100. expeditivimus.

(c) *Elfeche*, Malmsburiensi *Elfch*, Florentio *Elfeagus*, Dicetensi *Alfesh*, Textui Roff. *Ælfbeah* dictus est. Nil de ipso memoratum superest.

(d) Wulfhelmus Chartæ Ethelstani Regis Cœnobio Malmsburiensi datam anno 938. Indictione 8. confirmasse dicitur apud Malmsburiensem in *Vita Aldelmi* p. 32. Verùm Indictionis numerus Chartam fraudis arguit. Hoc tamen tempore Wlfelmus sedisse non malè censerì potest.

(e) Briithelmus successit, ad Cantuariam ab Edwio Rege translatus sub initium anni 959. ad Welliam ab Edgardo Rege remissus ante exitum ejusdem anni: quâ de re vide supra in Dissertatione de Archiepiscopis Cant. p. 101. Obiit anno 973. Welliæ sepultus, teste Florentio. Obiitum die 15. Maii contigisse Historia Glasconiensis docet. Quod verò & illic & apud Historicum nostrum additur, Brithelmum fuisse Monachum Glasconiæ, verò est ab simile. In accerrimâ enim inter Monachos & Clericos

chidiaconatum Glastoniæ, & procurante S. Dunstano dedit illum Abbati & Conventui Glasconiæ liberum ab omni consuetudine Episcopali. Huic successit

KYNEWARDUS.

Kynewardus (f), sextus Episcopus. Huic successit

SIGARUS.

Sigarus (g), Abbas Glastoniensis, septimus Episcopus. Cui successit

ADELWYNUS.

Adelwynus (h), aliter Ealwynus, octavus Episcopus Wellensis. Cui successit

BURWOLDUS.

Burwoldus (i), nonus Episcopus; de quo nihil loquitur Willelmus Malmberienfis nec in libro suo *de Pontificibus*, nec in libro suo *de Regibus*, quod potui reperire. Martilogium tamen Ecclesiæ Wellensis ipsum commemorat. Et in eadem Ecclesiâ Wellensi cernitur sepulchrum nomini suo ascriptum: Cui successit

LEOVINGUS.

Leovingus (l), decimus Episcopus Wellensis, qui & Elfstanus dictus est,

cos lucâ Edwius Rex, qui Clericis impensè favebat, Monachos maximè odit, hunc potissimum ad thronum Cantuariensem evexit; eundemq; Edgarus Rex, Monachis devotissimus, deiecit. Privilegium itidem Brithelmi de jurè Archidiaconali Monachis Glaston. collato commentitium videtur. Id quidem juris in Ecclesiis suis vicinis Glastonienses ex Brithelmi dono post ducentos circiter annos vendicârunt; quando plures ejusmodi exemptiones à jurisdictione Episcoporum seu Archidiaconorum ordinariâ à Monachis impetratæ, plures confictæ fuerunt. Verùm hisce sæculis virorum religiosorum simplicitas nil tale meditata est.

(f) Kynewardus, Middeltunensis Abbas, successit anno 973. obiit 975. auctore Florentio. Sic etiam Chronologia Saxonica. Anno 975. decem noctes ante Edgari Regis obitum (viz. diē 8. Julii) cessit Episcopus iller per indolem naturæ bonus, cui Cyneward nomen. Istum diē 28. Junii obiisse, & Monachum Glastoniensem olim fuisse Historia Glastoniensis refert. Florilegus Kinewaldum vocat, & anno 985. decessisse tradit; quem Godwinus sequitur. Malè uterque.

(g) Sigarus, nonnullis Sigegarus dictus, successit anno 975. Abbatem fuisse Glastoniensem Willelmus Malmbsuriensis in *Historiâ Glaston.* agnoscit; eundemque Cœnobio ab anno 972, ad 1000. præfuisse docet. Abbatiam itaque cum Episcopatu simul tenuit; quod ætate illâ non infrequens erat. Hunc sanè Chartæ Ethelredi Regis anno 995. editæ subscripsisse in Textu Rossensi f. 154. reperio; nomenque ejus in chirogra-

pho Siricii Archiepiscopi (quod suprâ habetur p. 104.) occurrit: ut illum anno 995. superfuisse parùm dubitem. Neque sic tamen Willelmi calculos in *Historiâ Glaston.* comprobatos habeo; ut ei multum tribuam. Satiùs videtur, ut cum Florilego obitum Sigari in anno 997. reponamus; ne Adelwyno successor loci auferatur. Illum diē 28. Junii obiisse Historia Glastoniensis docet, in *Monastico tom. 1. p. 9.*

(h) Adelwynus, Malmbsuriensi Elwinus, Florentio Alfwinus dictus, successit anno 997. ex Florilegi fide. Obiisse circa annum millesimum videtur.

(i) Hunc nullibi memoratum invenio. Fidem tamen Historico nostro, qui sua ex Archivis Ecclesiæ Wellensis hausit, negare haud æquum est. Sedem itaque brevissimo tempore tenuisse Burwaldus censerî potest. Unde factum est, ut de illo altum sit apud alios silentium.

(l) Livingus, qui & alio nomine Elstan seu Ethelstan appellatus est, Burwaldum excepit, ipso sæculi initio consecratus, si Chartarum subscriptionibus fides sit habenda. Chartam enim Ethelredi Regis Cœnobio Sceptoniensi datam anno 1001. atque aliam ejusdem Ecclesiæ Christi Cant. datam 1002. subscriptione suâ roborasse legitur in *Monastico tom. 1. p. 217, 507.* Ad Cantuariensem thronum anno 1013. translatus est, teste Florentio. Diversum à Livingo Elstanum facit Catalogus Episcoporum Wellen. anno circiter 1220. scriptus; & Livingo Elfstanus, Elfstano Ethelwinum successisse perhibet. Perperam id factum credo.

tempore



tempore Regis Ethelredi. Post S. Elfegum ad Sedem Cantuariensem translatus est. Cui successit

## E A T H E L W Y N U S.

Eathelwynus (*m*), Abbas Eveshamiæ, XI. Episcopus Wellensis. Cui successit

## B R I T H W I N U S.

Brithwinus (*n*), XII. Episcopus, qui supplantavit Eathelwinum, & ipsum de Sede Episcopali dejecit; qui postea reversus, Brithwinum à Sede sua ejecit. Brithwinus verò tandem reversus, Eathelwinum de Sede sua Episcopali Wellensi ejecit. Quo ejecto, ambo brevi postea mortui sunt. Sed Brithwinus supervixit xiii. diebus tantummodo. Quibus defunctis successit

## M E R E W N I T.

Merewnit (*o*), Abbas Glastoniæ, XIII. Wellensis Episcopus, qui & Brithwinus dictus est. Cui successit

## D U D O C O U S.

Dudocus (*p*) sive Dudoc, XIV. Wellensis Episcopus, de Saxoniâ in partibus Alemanniæ oriundus. Hic villas de Congresberye & Banewelle à piissimo Rege S. Edwardo Confessore sibi & suis successoribus impetravit. Qui cum sedisset xxvii. annis, vii. mensibus, & vii. diebus, obdormivit in Domino. Huic successit

(*m*) Eathelwynus successit. Ethelwinum appellant Malmsburiensis & Florentius, & Abbatem Eveshamensem antea fuisse confirmant. Adelmuus Dicetensis vocat in *Historiâ de Episcopis Angliæ cap. 9.* Fidem Florentio addit Historia Eveshamensis; quæ Elwardum Abbatiam Eveshamensem post Ethelwinum anno 1014. suscepisse refert. Hunc à Brithwino ejectum fuisse, & Episcopatum suum recuperasse, & ab eodem iterum exautoratum fuisse, narrant præter Historicum nostrum Malmsburiensis & Dicetensis, qui tam Ethelwinum quàm Brithwinum in Sede Episcopali bis reponit. Nullus tamen mutæ ejectionis & successionis tempora exhibuit, quæ aliunde investiganda sunt. Constat itaque utrumque ante exitum anni 1027. quo Merewit Episcopus successit, interiisse. Ethelwinus Sedem tenuit anno 1019. Isto siquidem anno chartam Canuti Regis Ecclesiæ Exoniensi datam (in *Monastico tom. 1. p. 228.*) confirmavit. Brithwinus autem Episcopatum anno 1023. adierat. Illum enim medio anno 1023. Canuto Regi in Translatione corporis S. Elphegi adfuisse Annales Petriburg. & Saxon. testantur. Nulla insignis rerum in Angliâ publicarum mutatio inter annos 1019, & 1027. contigit; & Canutus Rex optimus à Simonis labe procul abfuit; ut tantæ in Episcopatu Wellensi turbæ vix in aliud commodius referri possint, quàm in mutationem Archiepiscoporum, qui in rebus ecclesiasticis ferè nil non poterant. Livingus itaque à Welliâ ad Cantuariam anno 1013.

translatus, Ethelwinum sibi subrogari fecerat. Livingo anno 1026. defuncto, Ethelwinus patrono destitutus ab Ethelnotho Archiepiscopo in Brithwini gratiam exautoratus videtur. Post annum 1023. Ethelwinus Episcopatum ejecto Brithwino recuperavit; & ab eodem iterum ejectus anno 1026. vel sequenti, brevi post interiit. Ista mihi verisimilia sunt.

(*n*) *Brithwinum* Florentius vulgatus, *Byrhwinnum* Codex MS. appellat. De tempore hujus supra in Ethelwino dictum est.

(*o*) *Merewnit*, Malmsburiensi *Mervith*, qui & *Brithwi*, Dicetensi *Merethwith*, Florentio *Brithwinus* dicitur. Abbas Glastoniæ factus est anno 1017. & post decem annos, anno sc. 1027. in Episcopum Wellensem est promotus. Obiit 1034. Glastoniæ sepultus in aquilonari porticu. Ista Malmsburiensis in *Historiâ Glaston.* docet. Eundem anno 1034. obiisse, & loco dicto ad S. Johannem Baptistam tumulatum esse Historia Glastoniensis in *Monastico tom. 1. p. 9.* confirmat. Sepulturam etiam confirmant Annales Petriburg. & Sax. obitum autem anno 1033. reponunt; quibus suffragantur insignes Annales Saxonici *Domitian A. 8.*

(*p*) *Dudocus* à Florentio appellatur, *Bo-deca* ab Indiculo ad calcem ejus, *Dudeca* à Radulpho Dicetensi, *Duduc* ab Annalibus Petriburg. Sax. Obiit anno 1060. ex fide Florentii, Annalium Petriburg. & Westmonasteriensis. Anno itaque 1033. Sedem capessivit; siquidem 27. annis & 7. mensibus præfederit.

GISO.

## G I S O.

Giso Hasban (q), XV. Wellensis Episcopus, natione Lotharingus, de civitate Hasbanienſi, ex vico S. Trudonis, Capellanus S. Edwardi Regis & Confessoris. Hic cum in quadam Ambaſſiatâ cum aliis à dicto Rege ad Apostolicam Sedem miſſus fuiſſet pro quibuſdam negotiis conſcientiam dicti Regis moventibus; Apostolicus ſibi contulit Sedem Wellenſem. Et ſic in Episcopum conſecratus eſt Romæ die Paſchæ, i. e. xvii. Cal. Maii, anno Domini MLX. Hic invenit tantum \* x. Canonicos in Eccleſiâ Wellenſi, tam bonis mobilibus & ornamentis eccleſiaſticis quàm poſſeſſionibus ad Eccleſiam ſuam ſpectantibus per Haroldum Comitem Cantia & Weſtſexia ſpoliatos, & publicæ mendicitati ſubjectos. Unde à Domino ſuo S. Edwardo Rege † poſſeſſionem de Wedmore, & de Reginâ Edithâ terram quæ || Merken & Moddeſley vocatur, ad ſui & fratrum ſuorum ſuſtentationem impetravit. Deinde poſt mortem Edwardi Regis præſatus Haraldus regnum Anglorum invaſit in Feſto Epiphania Domini apud Lambhith; ubi ipſe præter conſenſum Procerum capiti ſuo propriis manibus regium diadema impoſuit. Is ſtatim omnes poſſeſſiones dicti Giſonis & Canonicorum Wellenſis Eccleſiæ perpetim conſiſcavit. Sed juvante S. Andrea dictæ Eccleſiæ Patrono, impius ſuper iniquitate ſua paulò tempore gaviſus eſt. Regnavit tamen in Angliâ à vi. die Januarii uſque ad xi. diem Novembris proximè ſequentis. Quo die in loco, ubi nunc eſt Monafterium & villa de Bello in Suthſexiâ, in prælio inter ipſum & Willelmum Ducem Normannia inito eſt occiſus. Nam vi. anno Episcopatus Giſonis Willelmus Dux Normannia armatâ manu Angliam ingreſſus, illam in lxxii. diebus totaliter conquiſivit. Et die ſequenti, i. e. feriâ ſecundâ in die Natalis Domini, fuit in Regem Angliæ coronatus; & citò poſtea ſerè omnes poſſeſſiones ab Eccleſiâ Wellenſi per Haraldum ablatas Giſoni reſtituit, exceptis quibuſdam ad Monafterium S. Petri Gloceſtria applicatis, & exceptis Congreſburye, Banewell & Kilmington & \* plurimis aliis. Anno tamen xi. regni ſui reſtituit Banewell; & donavit eidem Episcopo & ſuis ſucceſſoribus Jatton cum Eccleſiâ. Giſo etiam Eccleſiam de Wynesham à quodam prædeceſſore ſuo alienatâ de manibus cujuſdam Eaſia recuperavit; & iterum eandem villam de manibus dicti Regis Willelmi Conqueſtoris Eccleſiæ Wellenſi reſtitui procuravit; nenon maneria de Combe S. Nicholai, Wormeſtorre, † Lydtun à quodam Arſero in Willelmi Regis præſentiâ comparavit. Auxit numerum Canonicorum in Eccleſiâ Wellenſi; fecitque eis Clauſtrum, Dormitorium & Refectarium, & unum de eis nomine Iſaac fecit eis Præpoſitum. Et cum ſediſſet circiter xxviii. annos, obdormivit in Domino: ſepultus in Eccleſiâ Wellenſi prope altare à parte Septentrionali; ſicut Dudo prædeceſſor ejus à Meridie. Cui ſucceſſit

† Mapcrium.  
Hiſt. minor.  
|| Werke. 14.

\* Paucis. Cod.  
alter.

† Lutton. Cod.  
alter.

## J O H A N N E S.

Johannes (r) Turonenſis, arte Medicus, in Episcopatum Wellenſem ſucceſſit.

(q) Giſo ſeu Giſa, Florentio MS. Biſa dictus, Roman adit in Aldredi Archiepiſcopi electi Ebor. Comitatu ſub initium anni 1067. atque ibidem conſecratus eſt 1067. 15. Aprilis diē Paſchali. Annum designat Florilegus: & verum eſſe tam Aldredi comitatus quàm dies Paſchalis comprobant. Malè itaque Canonicus noſter annum 1060. malè & Godwinus 1059. poſuit. Anno 1070.

Giſo Lanfrancum conſecravit, Synodo Londinenſi interfuit 1075. obiit 1088. Florentino, Acta Concil. Angl. tom. 2. Annal. Winton. (r) Johannes de Villulâ, Turonenſis Eccleſiæ Presbyter, (ſic enim in profeſſione antogr. Lanfranco datâ appellatur) poſtquam maximè ex Medicinâ quaſtus feciſſet, Episcopatum Wellenſem obtinuit, ve reor ne nummis ex Medicinâ conſtatis emerit.



cessit. Qui destructis Claustro & aliis ædificiis solennibus per venerabilem Gifonem ad usum Canoniorum constructis, Canonicos foras ejectos inter populares habitare coegit; & fundum, in quo prius habitabant, sibi & suis successoribus usurpavit; Palatiumque suum Episcopale ibidem construxit. Et licet ipse contractus senio inde pœniteret; tamen ædificia Canoniorum destructa minimè reparavit, nec fundum eis injustè ablatum restituit. Hic etiam inconsultis Canonicis Wellensibus & præter eorum consensum transtulit Sedem Episcopalem Wellensem in Abbathiam Bathoniensem; & redditus pertinentes ad mensam Abbatialem Monasterii Bathoniensis mensæ suæ Episcopali univit; & dimisso nomine Episcopatus Wellensis, primus omnium fecit se Bathoniensem Episcopum appellari. Hic etiam urbem Bathoniæ à Rege Willemo II. sibi & successoribus suis emit pro quingentis marcis argenti. Et cum sedisset in Episcopatu circiter xxxvi. annis, obiit grandævus, sepultus in Ecclesiâ Bathoniensi, quam ipse à fundamentis construxerat. Tempore hujus Johannis Episcopi Johannes Archidiaconus terras Ecclesiæ Wellensis & præposituram Canoniorum sibi indebitè usurpavit; dicto Episcopo non resistente, sed potius annuente. Unde Canonici Wellenses ad pristinam inopiam fuerunt redacti, & publicæ mendicitati subjecti. Johanni de Tours primo Bathoniensi Episcopo successit

## G O D E F R I D U S.

Godefridus (f), natione Teutonicus, secundus Bathoniensis Episcopus; qui movit quæstionem contra Johannem Archidiaconum pro terris Canoniorum Wellensium & eorum Præpositurâ recuperandis. Sed non prævaluit; obsistentibus sibi Henrico I. Rege & Rogero Episcopo Sarum, qui partes Johannis fovebant injustè. Unde Godefridus post litem diutinam tædio multum confectus, cum sedisset circiter xiii. annos, obiit; sepultus in Ecclesiâ Bathoniensi.

rit. Willemus enim Rex junior Præfultus gratis dare piaculum duxit; & Johannes in rebus aliis à Simoniâ penitus non abhorruit. Melius tamen sperari posset; si Malmsburiensem secuti, illum tempore Willemi Senioris Episcopatum adivisse admittamus. Refert enim Malmsburiensis (de Pontif. l. 2. f. 144.) Johannem translationem Sedis suæ à Welliâ ad Bathoniæ Willemi senioris tempore frustra meditatam, juniore regnante perfecisse. Malmsburiensis sanè Johannem familiariter novit; ut error ipsi difficilis fuerit. Quotquot tamen Gifonis obitum & Johannis introitum memorant, Annales sc. Brutonenses & Wintonienses, annum 1088. designant. Historicus quidem noster annos 36. Episcopatus gesti dedit illi, quem anno 1122. obiisse constat. Verùm 34. legendum esse numerum annorum Gifoni ab eodem datus & Annales Brutonenses suadent. Anno 1091. Johannes impetratâ à Willemo Rege Abbatiam Bathoniensem, Sedem Episcopalem ad Bathoniam transtulit. Verba Chartæ Regiæ, quæ in Registro Wellensi extat, sic se habent: *Concessi Johanni Episcopo. Abbatiam S. Petri*

*Bathon. cum omnibus appendiciis, &c. Dedi, inquam, ad Sumersetensis Episcopatus augmentationem, eatenus præsertim ut inibi instituat Præfuleam Sedem, anno Dominice Incarnationis 1090. (lege 1091.) regni verò mei 4. Tunc sc. confirmatum est donum; factum autem prius fuisse anno 1088. idem Registrum docet. Integram postea urbem Bathoniam ab Henrico Rege quingentis argenti libris mercatus est, auctore Malmsburiensi; urbem sc. à Willemo emptam ab Henrico confirmari obtinuit. Obiit Johannes 1122. 29. Decembr. teste Florentii Continuatore. Simeon Dunelmensis diem 26. Godwinus diem 9. Decembr. errore facili posuerunt: quamvis id Godwinus in emendationibus suis postea correxerit.*

(f) Godefridus, Reginæ Capellanus (Cancellarium Regis fuisse error est Godwini) nominatus est à Rege ad Episcopatum Bathon. anno 1123. tempore Paschali, consecratus à Willemo Cant. in Ecclesiâ S. Pauli London. 1123. 26. Augusti. Obiit 1135. 16. Augusti. *Annal. Winchelm. Contin. Florentii, Rad. de Dicro, Annales Waverlei, Bruton.*

R O B E R-

## ROBERTUS.

Robertus (†), tertius Bathoniensis Episcopus, Monachus Cœnobii Lewensis; quem Henricus Episcopus Wintoniensis commodo illuc acceperat, ut Monasterio suo S. Swithuni ad tempus præesset; & postea Glasconiam ipsum transmisit, ut res Abbatiz ibidem disponderet, eò quòd non rectè eorum aratra incedebant; Godefrido successit. Hic Ecclesias de Northcory & Peder-ton à Rege Stephano impetravit; necnon terras & Præposituram Ecclesiæ Wellensis per Johannem Archidiaconum nuper distractas & flebiliter dissipatas eidem Ecclesiæ restituit; auxilio & consilio Regis Stephani mediante. Ordinavit etiam in Ecclesiâ Wellensi Decanum & Subdecanum, Præcentorem & Succentorem, Thesaurarium & Cancellarium, quem vocavit Archiscolam in statutis Ecclesiæ Wellensis, quæ ipse primus edidit omnium in eadem. Tum Decanus, Subdecanus, &c. non habebant tunc temporis illa beneficia eis annexa, quæ eorum successores nunc habent in Ecclesiâ antedictâ. Pacificavit etiam Monachos Bathonienses & Canonicos Wellenses super quadam lite inter ipsos suscitata, ut prædicitur in Proæmio. Complevit fabricam Ecclesiæ Bathoniensis per Johannem Turonensem inchoatam. Dedicavit Ecclesiam Wellensem, præsentibus Gocelino Sarum, Simone Wigorn. & Roberto Herefordensi Episcopis. Multas ruinas ejusdem Ecclesiæ destructionem ejus in locis pluribus comminantes egregiè reparavit. Distinxit Præbendas Ecclesiæ Wellensis, quæ fuerunt primitus in communi; & de novo fundavit in eâ duas, viz. Jatton & Hyfswish in marisco, cui annexuit Ecclesiam de Compton Episcopi. Cùmquiescisset annis || xxix. mensibus iv. obdormivit in Domino. || xxxi. Hist. minor. Post cujus mortem vacavit Episcopatus annis viii. mensibus viii. & diebus xv.

## REGINALDUS.

Reginaldus (u), quartus Bathoniensis Episcopus, natione Lombardus, ætatis \* xxxiii. annorum, in Romanâ Curiâ consecratus successit. Qui acquisivit

\* In margine  
xxiv. ut nonnulli tradunt.

(†) Robertus, Henrici Episcopi Wintoniensis operâ ad hunc Præsulatum evectus, successit anno 1135. quo præsidente Ecclesia Bathoniensis cum totâ civitate conflavit 1137. 29. Julii, auctore Monacho Wigornienfi qui Florentium continuavit. Iste litem acerrimam inter Monachos Bathon. & Canonicos Wellen. jamdiu motam hac lege consopivit; ut Episcopus neque à Sede Bathoniensi nec à Wellensi solâ, sed ab utrâque simul, titulum duceret: ut in electione Episcopi Monachi & Canonici simul coeuntes paria haberent suffragia, solennis autem electionis pronuntiatio penès Decanum Wellensem esset; utque Episcopus in utrâque Ecclesiâ intronizaretur. Extat compositio in Registro *Drokensford*: quam ante annum 1139. initam esse constat ex eo quòd Willelmus Cant. Thurstinus Ebôr. & Rogerus Sarum Episcopi subscripserint. Eandem postea confirmavit Alexander III. Papa. Obitus Roberti diversis calculis dubius redditur. Illum Annales Cœnobii Brutonenfis (quod in Diocesi Wellensi situm erat) sic exprimit. Robertus Episcopus Bathon. obiit anno 1166. pridie Cal. Septembr. qui dedit domui Brutonia Ecclesias de Westbury & Banwelle; cui successit Reginaldus: & in Catalogo Episcoporum Well. ad calcem Annalium. Anno 1166. obiit Robertus, cùm sedisset annis 31. Iidem tamen Annales Episcopum Bathoniensem dedicationi Ecclesiæ de Keynsham anno 1171. interfuisse referunt. Verùm Priorem legendum esse suspicor. Robertum enim anno 1166. obiisse Annales Wintoniensis & Canonicus noster confirmant; & Sedem ab anno 1166. ad 1170. vacasse ex Epistolis S. Thomæ constat. Tempus vacationis sequentis à nostro positum cum veritate nemo conciliabit. Credidisse videtur Canonicus Robertum anno 1165. obiisse.

(u) Reginaldi gesta Historicus noster brevius quàm pro viri dignitate enarravit. Nos ex Radulphi Dicetensis libro de Episcopis Angliæ supplebimus. Reginaldus, Saresburiensis Archidiaconus, electus est tempore Henrici II. Regis. Iste fuit consecratus à Ricardo Cant. Archiepiscopo, cùm regrederetur à Curiâ Romanâ, inter vales Moriana in Ecclesiâ



† Hacch. Cod.  
alter.

quisivit à Rege Richardo I. ad Terram Sanctam armatâ manu peregrè transeunte manerium de Northcory cum terrâ de Wrentich & † Haute; & dedit illud Canonicis Wellensibus ad commune suum augmentum. Fundavit Hospitale S. Johannis Bathoniæ. Hic etiam primus omnium fecit villam Welliæ liberum Burgum; & Burgenfes ejusdem exoneravit in perpetuum ab operibus servilibus, quibus ipsi fuerant multum prius oppressi. Multas Præbendas in Ecclesiâ Wellensi fundavit de novo; multaque alia bona fecit tam Bathoniensi quàm Wellensi Ecclesiis. Et cum sedisset in Episcopatu Bathoniensi annis xxvii. obiit, sepultus in Ecclesiâ Bathoniensi.

### SAVARICUS.

Savaricus (x), quintus Episcopus Bathon. successit annis xii. qui fuit consanguineus Henrici Imperatoris Alemanniæ, qui Regem Angliæ redeuntem è Terrâ

clesiâ S. Johannis, & in Vigiliâ S. Johannis Baptiste, Archiepiscopo Tarentasia prasente, manum etiam apponente, acceptâ prius purgatione, quod mortem B. Thomæ neque verbo neque factio neque scripto procuravit scienter. Alii juraverunt, quod sicut opinabantur, conceptus fuit, priusquam Jocelinus pater suus ad gradum sacerdotii promoveretur. Et sic cum Archiepiscopo rediit in Angliam. Intronizavit autem eum prædictus Archiepiscopus Richardus solemniter viii. Cal. Decembr. Iste Reginaldus, eam sedisset annis xvi. & septimanis vi. & diebus ii. nominatus est à Monachis Cant. Cantuariensis Electus. Transcursis autem à die nominationis xxix. diebus, die Natalis Domini anno bissextili, feriâ iv. obiit apud Dogemeresfeld in territorio Wintoniæ. Sepultus est autem Bathonia prope majus altare die S. Thomæ Martyris. Filius erat Reginaldus Jocelini Episcopi Sarum, Archidiaconatu Saresberienfi à patre donatus. Scriptis ad hunc paulò ante Episcopatum susceptum literis Petrus Bathoniensis Archidiaconus (Epist. 61.) nimium aucupii studium castigat, & Præsulatum brevi conferendum augurat. Ejusdem ad Episcopatum electi, & in inimicitiarum S. Thomæ, qui Jocelinum patrem olim suspenderat, suspensionem adducti Petrus innocentiam tuetur & præclaras dotes laudat epistolâ 45. Consecratum fuisse 1174. 23. Junii, intronizatum 1174. 24. Nov. Dicetensis (in Imag. Hist. p. 585.) rectè posuit, & Gervasius astipulatur. Anno 1179. ad Concilium Lateranense profectus est. Ante annum 1180. conventionem inter ipsum & Abbatem Glastoniensem Robertum factâ, Abbas dedit Ecclesiæ Wellensi Ecclesiam suam de Pilton, ita quod de eadem duæ fierent Præbendæ in Ecclesiâ Wellensi. Episcopus autem Abbati & Conventui vicissim concessit, ut in perpetuum Archidiaconi essent decem Ecclesiarum, viz. S. Johannis in Glastoniâ, de Mera, Stret, Budekeleg, Siperwica, Sowi, Miriling,

Pilton, Pennard, & Dichefiste. Conventionem Henricus Rex diplomate suo confirmavit. Anno 1189. 27. Nov. manerium de Northcurri de Ricardo Rege emit. Ecclesias de Northcurri & Perretonâ Stephanus Rex olim dederat Roberto Episcopo ad faciendum Præbendas in Ecclesiâ Wellensi. [Ex Registro Wellensi.] Denique ut valedudinariorum inopiam sublevaret, Nosocomium Bathoniæ posuit. Electum fuisse ad Cantuariensem thronum 1191. 27. Nov. & obiisse 1191. 26. Decembr. supra ostendimus p. 113. Radulphus enim tempora obitus malè disposuit. Plura de Reginaldo suppeditat Liber de gestis S. Thomæ post martyrium. In eo inter Clericos S. Thomæ eruditos memoratur Reginaldus natione Anglus, sed educatione & cognomento Lombardus, pro atate prudens & industrius, animosus & efficax in agendis: qui cum S. Thomâ aliquamdiu stetit, sed postea animo deficiens ad Henrici Regis partes se transtulit; & demum ab aulâ ad Ecclesiam assumptus, in Bathoniensem Episcopum promotus est. Medio anno 1171. à Rege ad Papam legatus est; ut suspensionem cædis S. Thomæ ab ipso amoliretur.

(x) Savaricus, Geldewini filius, Archidiaconus Northamtunensis, & Thesaurarius Ecclesiæ Sarum, electus est à Monachis Bathon. sine Canonicis Wellensibus, ipsis irrequisitis & hoc penitus ignorantibus. Verba sunt Registri Wellensis. Romam adveniens, Cælestini Papæ mandato Presbiter ordinatus est ab Albano Albanensi Episcopo 1192. 19. Sept. teste Dicetensi. Die sequenti juxta disciplinæ ecclesiasticæ leges eundem consecratum arbitror. De Abbatia Glastoniensi in Episcopalem Sedem ab isto transmutatâ Adamus Monachus in Historiâ proximè sequenti fusè agit. Id solummodo hic loci addendum existimo, Savaricum nempe Bathoniensis & Glastoniensis Episcopi stylum deinceps assumisse, eodemque

Terrâ Sanctâ per Leopoldum Ducem Austriæ captum in carcere diu detinuit minus justè. Hic obtinuit ab Imperatore, quòd idem Rex aliter non deberet carcere liberari, nisi prius eidem Savarico & successoribus suis concederet Monasterium Glastoniæ in excambium pro civitate Bathoniæ. Et cum Rex gravissimam pro suâ libertate redemptionem plenariè solutam ac ex tunc di-ram incarcerationem & annualem perspiceret se non posse aliter è carcere liberari, nisi votis Imperatoris annueret in hac parte; misit pro Abbate Glastoniæ; qui in Alemanniam ad Dominum Regem accessit: & Episcopatu Wigornia ei collato, Savaricus Abbathiam Glastoniæ obtinuit; quam Apostolicâ, Regiâ & ordinariâ autoritate mensâ suâ Episcopali univit, ipsamque ad terminum vitæ suæ tenuit sic unitam; transtulitque Sedem suam Episcopalem illuc, & se fecit Glastoniensem Episcopum publicè appellari. Hic e-rexit Ecclesias Parochiales de Ilmestre & Longe-Sutton in Præbendas Ecclesiæ Wellensis; quarum primam Abbati de Muchelney, secundam Abbati de Athelney & eorum successoribus contulit in perpetuum possidendas. Hic etiam Episcopatum suum & Ecclesiam Wellensem multis possessionibus ampliavit; & de novo concessit Burgenfibus Wellensibus libertatem quam Reginaldus concesserat. Hic etiam Archidiaconatum Bathoniæ Priori & Conventui Bathoniensi & eorum successoribus integraliter possidendum concessit. Savarico tandem defuncto, & apud Bathoniam tumulto, Eustachius Prior Glastoniæ & ejusdem loci Conventus, faventibus eis Rege Henrico & Regina cum cæteris regni Magnatibus, à Papâ petierunt, ut Episcopi Bathonienses à possessione Monasterii eorundem amodo privarentur, & quòd in pristinum statum Monasterium reduci deberet. Quorum petitionem Papa ad tempus distulit exaudire, pro eo quòd Ecclesia Bathoniensis vacationis suæ tempore legitimo caruit defensore.

## JOCELINUS.

Jocelinus (y), sextus Bathoniensis Episcopus, successit Savarico annis || xxxvi. Contra quem statim in suis primordiis dictus Eustachius Prior & Monachi Glastoniæ coram Papâ gravem quæstionem moverunt; petentes quòd dictus Episcopus & omnes successores sui deberent à possessione dicti Monasterii in perpetuum amoveri: & quòd dictum Monasterium deberet sub regimine Abbatiali ad pristinum statum restitui & reponi. In qua lite idem Episcopus ad tempus viriliter se defendit. Quod considerantes Rex & Regina ac cæteri Magnates regni parti dictorum Monachorum faventes, quòd Episcopus non potuit facile ad eorum votum in hac parte convinci, quandam inter partes

|| xxxvii. Cod. alter.

demque Jocelinum successorem usum esse: quod ex Archivis Ecclesiæ Wellensis constat. Anno 1203. 6. Octobr. edito decreto Savaricus Præbendas omnes Ecclesiæ Wellensis à jurisdictione Archidiaconi Wellensis exemit. Obiit apud Scienes la vielle 1205. 8. Augusti, fide Annalium Prioratûs de Suthwerk. Diem confirmant Parisius, Historia Rossensis, Annales Bruton. & Obituarium Cant. Annos regiminis 12. ipsi tribuunt Annales Brutonenses & Canonicus noster; & die 19. Sept. (quæ Dominica anno 1193. erat.) consecratum fuisse Parisius asserit: ut in eam adducar sententiam, Savaricum anno (non 1192. quem Parisius & Dicotensis posuerunt, sed) 1193. con-

secratum fuisse. Ista de Savarico adnotanda habui. Quæ de rebus ab illo in Germaniâ gestis Godwinus ex Hovedeno narrat, certius ex isto peti possunt.

(y) Jocelinus sive Gocelinus de Welles 1204. 1. Sept. factus est Justiciarius Communium Placitorum, saltem unus ex Justiciariis, coram quibus multæ levatæ sunt: inquit Cl. Dugdalius in *Orig. Juridic. p. 41.* Eundem Jocelinum Troteman Annales Marganenses vocant. Electus est à Monachis Bathon. & Canonicis Wellen. coadunatis: cujus electionis occasione inter utrosque iterum convenit de electione Episcopi simili modo in perpetuum faciendâ. Mutatis autem paululum antiquis conditionibus, Pri-



\* Criftynmal-  
ford. Cod. alter.

tes concordiam procuraverunt; videlicet quod dictus Episcopus permetteret in audientiâ Apostolicâ definitivam sententiam contra se fieri, & in rem judicatam transire; & ipse retineret in perpetuum sibi & successoribus suis maneria de Winscombe, Pokilchurch, Blakeford, & Cranemere, ac advocaciones Ecclesiarum de Winecomb, Pokilchurch, Aysheberye, \* Crifstin, Manfelde, Bockland, & liberæ Capellæ de Blakeford. Quod & factum fuit; & sic pax inter partes prædictas fuit reformata. Iste Episcopus perquisivit de Hugone Lincolnienfi Episcopo maneria de Congresberye, Chedder & Axbrige, tenenda à Domino Rege ad perpetuam feodi firmam. Isti duo Episcopi Jocelinus & Hugo Lincolnienfis fundarunt Hospitale S. Johannis Wellensis. Jocelinus fundavit multas Præbendas in Ecclesiâ Wellensi de novo, dotavit etiam omnes dignitates, personatus & officia dictæ Ecclesiæ in formâ adhuc durante: ipsamque Wellensem Ecclesiam vetustatis ruinis enormiter deformatam prostravit, & à pavimenti erexit dedicavitque; assignans ei in dotem ad augmentum communæ Canonicorum Manerium de Winecomb cum Ecclesiâ; multosque alios redditus ad augmentum dictæ Ecclesiæ perquisivit, unde Ministri usque hodie sustentantur. Vicarios in Ecclesiâ singulis Præbendariis ordinavit; tribus exceptis, quibus non provisit morte præventus. Hic sibi similem anteriorem non habuit, nec huc usque visus est habere sequentem. Tandem defunctus, in medio Chori Welliæ honorificè sepelitur. Hic primo anno consecrationis suæ servitium B. Mariæ in Ecclesiâ Wellensi fecit cotidie decantari. Capellas etiam cum cameris de Welles & Woky notabiliter construxit.

#### ROGERUS.

Rogerus (z), septimus Bathoniensis Episcopus successit; qui prius fuit Præ-

ori Bathoniensi reservatum est jus Episcopum electum denuntiandi & postulandi; utque Episcopus in Ecclesiâ Bathon. semper prius inthronizari deberet, concordatum est. Electum Jocelinum Capitula Bathon. & Well. in literâ certificatoriâ de electione sic commendant. *In sinu Ecclesiæ nostræ à primo lacte coaluit, & sine querelâ hactenus inter nos est conversatus.* [Ex Registris Ecclesiæ Well.] Consecratus autem est à Willelmo Episcopo London. (Sede Cant. tunc vacante) apud Radingam in Capellâ S. Mariæ anno 1206. 28. Maii, die S. Trinitatis, ex fide Annalium Waverl. & Suthwerc. & duplicis Registri Cant. Res ab illo gestas Historicus noster ubertim satis retulit; nos tempora singularum ex Registris Ecclesiæ Wellensis apponemus. Anno 1218. 17. Maii concedente Jocelino Honorius Papa dissolvit unionem inter Ecclesias Bathon. & Glaston. Savarico procurante ante 24. annos factam; statuitque ut deinceps Conventus Glaston. proprii Abbatis regimini subesset; salvo jure patronatûs, quod Rex Johannes Episcopis Bathon. in Monasterio eodem contulit. Johannes enim Rex chartâ 1215. 9. Jan. datâ Jocelino & successoribus suis concesserat patronatum Abbatiæ Glaston. si contingerit, quod Ecclesia Glaston. Abbatis regimini iterum

subderetur. Antiquitus in Ecclesiâ Wellensi duæ erant Præposituræ, de Wyneham, & de Cumbâ. Primam Jocelinus assentiente Capitulo univit secundæ, utque unica deinceps esset, statuit 1234. 26. Dec. Ecclesiam Wellensem in honore S. Andreæ dedicavit 1239. 23. Octobr. quando Manerium de Wynecomb ipsi dedit. Eodem anno dedit Ecclesiæ Wellensi Ecclesias de Chedder & Northcurri, quinetiam Ecclesias de Congresbury, Mudford, Lideard, & S. Cuthberti, in augmentum communæ Canonicorum ejus. Anno 1242. constituit, ut cessante formâ prioris distributionis Canonicis factæ in pane de grangiâ, Episcopus singulis diebus, quibus apud Welliam fuerit, accipiat 13. denarios pro communâ, Decanus autem, Præcentor, Archidiaconus, Cancellarius, & Thesaurarius sigillatim 12. denarios, alii omnes Canonici singulis diebus 6. denarios, Vicarii unicum denarium. Obiit 1242. 19. Novembr. Ex Registr. Well. & Annal. Bruton.

(z) Mortem Jocelini Episcopi Canonici Wellenses Monachis Bathoniensibus denuntiârunt 1242. 22. Nov. Rescribunt Monachi 1243. 30. Januar. *Licet neque de jure nec de consuetudine ad vos unâ nobiscum Episcopi electio pertinere noscatur; ex abundantiam tamen vos vocamus, &c.* Ipsi interim, impetratâ

Præcentor Ecclesiæ Sarum, electus in Bathoniensem Episcopum per Priorem & Capitulum Bathoniæ, reclamantibus & appellatibus Decano & Capitulo Ecclesiæ Well. Habitoque suæ electionis decreto, statim igitur ad Curiam Romanam accessit; ubi cum pervenisset, cernens quod nullum jus in Episcopatu prædicto sibi per electionem suam competere potuit, eo quod electio sua fuit omnino invalida, supplicavit Papæ, quatinus electione & appellatione reiectis sibi mero motu de Episcopatu dignaretur providere autoritate Apostolica; ne per hujus litis dependentiam Ecclesia prædicta diu vacaret & gravia dispendia tempore vacationis suæ pateretur: quod & factum fuit. Et sic à Romanâ Curia rediit infra breve Bathon. Episcopus consecratus. Decanus tamen & Capitulum Wellense contra Priorem & Capitulum Bathoniense in Romanâ Curia fortiter prosequerantur pro injuriâ eis in hac parte illatâ, eo quod absque sui culpâ eorum mediante dolo Bathoniensis Episcopi electione illâ vice fuerint privati injustè. Unde Episcopus Rogerus in tantum ita instantius penes Papam procuravit; quod ipse pacem fecit inter partes prædictas; & formam apposuit in eorum mutuis electionibus de cætero faciendis; quæ usque hodie observatur. Hic Rogerus donavit Capitulo Wellensi custodiam Decanatus ejusdem Ecclesiæ pro toto tempore vacationis ejusdem, quotiescunque, qualitercunque & quodocunque dictum Decanatum vacare contigerit deinceps. Dedit etiam eis duas partes omnium fructuum, reddituum & proventuum ad Ecclesias parochiales in totâ Diocesi Bathoniensi spectantium toto tempore vacationis earundem; qui quidem ad Episcopum & Prædecessores suos spectabant. Tertiam verò postea dedit Archidiaconis suis; ut ipsi & eorum Officiales dictos fructus Ecclesiarum per mortem vacantium colligerent, & dictis Decano & Capitulo de duabus partibus integrè responderent. Hic Rogerus cum sedisset in Episcopatu suo annis tribus, obiit, Bathoniæ sepultus.

#### WILLELMUS BYTTON I.

Willelmus † Bytton (a) primus, vii. Bathoniensis Episcopus, successit. † Button. Cod. Hic voluit abstulisse à dictis Decano & Capitulo donationes per dictum Rogerum eis concessas; ipsosque longo tempore impedivit de possessione Ecclesiæ de Congresberye, quam bonæ memoriæ Jocelinus prædecessor suus appropriaverat ad augmentum communæ Canonicorum Welliæ residentium, cum vacaret post mortem Rectoris ejusdem. Unde dicti Decanus & Capitulum ad Curiam Romanam directè, & tuetoriè Cantuariensem Archiepiscopum,

petratâ prius Regis licentiâ, Canonicis non expectatis Rogerum eligunt. Electum Rex ad temporalia admisit 1243. mense Junio. Canonici Papam appellant. Papa editâ anno 1244. sententiâ parem esse debere Monachorum & Canonicorum in Episcopo eligendo potestatem definivit; Episcopatum tamen Rogero non ritè electo contulit, eâ lege, ut Præbenda ejus Saresberiensis nepoti suo concederetur. Consecratus est Rogerus apud Radingam 1244. 11. Sept. Ex Registr. Well. & Cant. & Annal. Teokesbir. Obiit 1247. 21. Dec. juxta Annales Brutonenses, 1248. circa Festum S. Hilarii juxta Parisium, Florilegum & Johannem Walingford. Hinc ipso S. Hilarii die Rogerum obiisse Godwinus temere posuit. Annales forlitan Bruton. diem 12. Cal. Jan. pro 12. Jan. corruptè substituerunt.

(a) Willelmus Button, Archidiaconus Wellensis & Rector Ecclesiæ de Sow, electus est sub initium anni 1248. Consecratus in Curia Romanâ eodem anno in Octavis Pentecostes, viz. die 14. Junii, in Angliam anno sequenti rediit. Anno 1253. ab Henrico Rege ad Ferdinandum Hispaniæ Regem legatus, Alianoram Hispani filiam Edwardo Angli filio primogenito nuptum dari impetravit. Anno 1256. Dominicâ 2. Adventûs Domini, professionem obedientiæ apud Ottesford præstitit Bonifacio Archiepiscopo, quem post susceptum Episcopatum tunc primùm vidit. Anno 1263. Ecclesiam B. Mariæ de Stall Monachis Bathoniensibus appropriavit. Obiit 1264. 3. April. Ex Historiâ Glaston. Mattheo Paris, Rotulo 5. Profess. autogr. Registris Cant. & Well. & Annalibus Bruton.

appel-



|| Generali.  
Cod. alter.

appellârunt; qui post paucas expensas hinc inde effusas pacem fecit inter partes. Et inde idem Episcopus dictam Ecclesiam de Congresberye mensæ Capitulari de novo univit; & ex tunc illi & eorum successores præfatas Ecclesiam & donationes eis prius concessas, ut prædicatur, possederunt pacifice & quietè. Iste convocatâ Cleri sui Synodo || speciali, edidit Constitutiones in Bathoniensi Diocesi observandas, quas Synodales appellant. Et cum sedisset annis xvii. obiit, & Wellæ in novâ Capellâ B. Mariæ Virginis tumulatur.

### WALTERUS GYFFARD.

\* I. Eboracensem.

Walterus Gyffarde (b), IX. Bathoniensis Episcopus, successit. Hic fuit Thesaurarius Angliæ. Et cum sedisset in Episcopatu annos ii. translatus fuit ad Episcopatum \* Dunelmensem. Cui successit

### WILLELMUS BYTTON II.

† Button. Cod. alter.

Willelmus † Bytton (c) secundus, X. Episcopus Bathoniensis; & cum esset Decanus Bathoniensis, successit Waltero Gyffarde; & sedit vii. annis, & in Australi parte Chori Wellensis quiescit; ubi ad præsens multis fulget miraculis.

### ROBERTUS BURNELL.

Robertus Burnell (d), Thesaurarius Angliæ, XI. Bathoniensis & Wellensis Episco.

(b) Defuncto Willelmo, Capitula licentiam eligendi à Rege petierunt 1264. 9. April. Die 22. Maii convenientibus in Ecclesiâ Wellensi quatuor ex singulis Capitulis Bathon. & Wellen. electus est Walterus Giffard, Canonicus Wellensis, Subdiaconus & Capellanus Papæ. [Registr. Ecclesiæ Wellensis] Consecratum fuisse à Parisiensi Episcopo in absentia Bonifacii Archiepiscopi Godwinus narrat; qui id à Jocelino accepit, quamvis pro more authorem non laudat. Errasse autem Jocelinum constat ex Professione autographâ inter consecrandum lectâ; in cujus tergo adnotatur ipsum à Petro Episcopo Herefordensi vice Bonifacii consecratum esse. Anno 1265. 10. Augusti Walterus summus Angliæ Cancellarius renunciatus est, datâ sibi pensione 500. librarum quotannis percipiendâ. Eboracum translatus est 1266. 15. Octobr. *Dugdal. Chron. Ser. p. 20. Annal. Bruton. & Stobæus.*

(c) Willelmus de Buttone, Willelmi primi Episcopi cognominis nepos, & Walteri Giffard consanguineus, electus est 1267. 10. Febr. & temporalia à Rege accepit die 4. Martii. Archidiaconum Wellensem fuisse Matthæus Paris testatur: ut tres ejusdem nominis in hoc Archidiaconatu successerint. Willelmum enim de Button Archidiaconum Wellensem anno 1244. Registrum Well. memorat. Iste Episcopatum anno 1248. assecutus, Archidiaconatum tradidit nepoti ipsius Willelmo, qui Episcopa-

tum anno 1267. obtinuit. Denique in Registro Walteri Giffard Archiepiscopi Ebor. reperio Willelmum Button Archidiaconum Wellensem Ecclesiæ Ebor. Canonicum esse factum 1270. 16. Octobr. Dedit ille Capitulo Wellensi Ecclesiam de Stokegummer 1271. 2. Oct. eâ conditione ut 50. solidos Capellano pro animâ ipsius quotidie celebraturo, & totidem pro anniversario ejusdem, annuatim solverent. Obiit 1274. 4. Decembr. frequenti plebis vicinæ cultu post obitum celebratus. Inoleverat enim opinio de eximiâ ipsius sanctitate; quæ ipso vivente famam adeo præclaram meruerat, ut ab illo potissimum Robertus Cant. Archiepiscopus anno 1273. consecrari voluerit, ilthoc argumento motus, quod famâ sanctitatis inter ceteros multum efflorebat; referente Matthæi Paris Continuatore p. 108.

(d) Licentiâ eligendi 1274. 13. Dec. postulâtâ, septem ex utroque Capitulo designati in Ecclesiâ Wellensi 1275. 23. Febr. coeuntes elegerunt Robertum Burnell, Canonicum Wellensem & Archidiaconum Eboracensem. Electionem Rex confirmavit die 3. Febr. Electum Archiepiscopus consecravit in Ecclesiâ de Merton 1275. 7. April. quamvis Annales Wigorn. Londini consecratum perhibeant. Cancellarius Angliæ creatus fuerat 1274. 21. Sept. idque munus usque ad obitum administravit. Thesaurarium fuisse neutiquam reperio. Sub initium Pontificatus sui patronatum Monasterii Glaston. Regi remisit, acceptâ loco ejus

Episcopus, successit annis xviii. & Welliæ in navi Ecclesiæ solenni tumbâ sepultus est. Hic Episcopatum multis franchesiis & libertatibus ornavit; parentelam suam multum ditavit, & ipsos magnis honoribus exaltavit. Idem aulam Episcopalem Welliæ sumptibus suis fieri fecit; & bona per ipsum & prædecessores suos Ecclesiæ Wellensi appropriata chartis regiis & munimentis roborari procuravit.

### WILLELMUS DE MARCHIA.

Willelmus de Marchiâ (e), Thesaurarius Scaccarii Angliæ, XII. Bathoniensis Episcopus, fedit annis x. & in Ecclesiâ Wellensi ex parte australi in muro inter ostium Claustrii & altare S. Martini sepelitur. Ad cujus tumbam olim multa præclara fiebant miracula.

### WALTERUS HASELSHAWE.

Walterus Haselshawe (f), XIII. Bathoniensis Episcopus, fedit vii. annis; & Welliæ sepelitur in navi Ecclesiæ juxta altare ubi prima Missa matutinalis indies celebratur.

jus civitate Bathon. seu potius possessione civitatis uberioribus privilegiis auctâ. Urbs enim jamdiu penes Episcopos fuerat. Tunc etiam Episcopus & Abbas Glaston. jus suum in plurimis Maneriis & Ecclesiis invicem remiserunt, chirographo 1275. 3. April. confecto. Ecclesias de Javelton, Burnham, Stanton, Dru, & Coleworth Ecclesiæ Wellensi adquisivit. [Ex Registro Ecclesiæ Well.] Medio anno 1278. post Robertum Kilwarby ad Cardinalatum S. R. E. translatus Archiepiscopus Cant. à Monachis canonicè electus est. Electi causam Rex Nicolao Papæ impensè commendavit literis datis 1278. 10. Julii; aliisque ad Robertum dignitatem oblatam detrectantem 1278. 11. Aug. scriptis ipsum enixè rogat, ut electioni de se factæ consentiat. Paruit Robertus, missisque ad Curiam Romanam nunciis electionem confirmari petiit. Incassum autem. Papa enim spretâ electione Archiepiscopatum Johanni Peckham contulit. Assiduam Regi operam Robertus in rebus Angliæ, Walliæ, Franciæ & Scotiæ gerendis præstitit. Anno 1286. 13. Maii cum Rege in Franciam transfretavit; & cum eodem in Angliam rediit 1289. 12. Augusti. Obiit in Comitatu regio apud Berwicum in confiniis Scotiæ 1292. 25. Octobr. apud Welliam sepultus die 23. Nov. *Ex Registr. Cant. Rotulis Cancellaria, Annalibus Bruton. & Wigorn.* Inter benefactores Academici Cantabrigiensi idem commemoratur.

(e) Willelmus de la March, Clericus Regis, Thesaurarius Angliæ anno 1290. constitutus, officio isthoc amotus est medio anno 1295. Interea temporis ad Episcopatum Bathon. & Wellen. (Canonicus tunc

Wellensis) in Capitulo Bathoniensi electus 1293. 30. Jan. confirmatus est à Rege die 1. Martii, à Capitulo Cantuariensi (Archiepiscopatu vacante) die 12. Martii: consecratus in Ecclesiâ Cant. per Ricardum Episcopum London. die Pentecostes, sc. die 17. Maii. Sic Registra Cant. & Well. & Annales Bruton. & Wigorn. tradunt. Die Jovis in septimanâ Pentecostes Annales Londonenses consecratum dicunt, errore manifesto. Obiit Willelmus 1302. 11. Junii, relictâ haud vulgari sanctitatis famâ. Annis enim 1324, & 1325. Capitulum Wellense Procuratores suos ad Papam legavit ad petendam illius Canonizationem. Idem & Episcopi Angliæ universi postulârunt literâ datâ 1325. 4. Dec. idem & Edwardus Rex. Transmisit insuper Capitulum amplam miraculorum, quæ ab illo post mortem patrata dicebantur, relationem. Nil tamen impetratum reperio. In fatis enim non erat, ut Willelmus Sanctorum albo inferretur.

(f) Walterus de Haselshawe, Canonicus, Archidiaconus & Decanus ordine Wellensis, ad Episcopatum electus 1302. 7. Aug. ab Archiepiscopo confirmatus est die 11. Septembr. à Rege ad Temporalia admissus die 12. Septembr. ab Archiepiscopo apud Cantuariam consecratus die 4. Novembr. intronizatus apud Welliam die Natalis Domini, apud Bathoniam die Epiphaniæ sequentis. Die 28. Octobr. Annales Wigorn. consecratum produnt. Diem autem 4. Nov. exhibent bina Ecclesiæ Cant. Registra, Registrum *Winchelse*, & Annales Bruton. Obiit 1308. 11. Decembr. apud Welliam sepultus die 15. Decembris, fide Annalium Bruton.



## JOHANNES DROKENSFORD.

Johannes Drokynsforde (g), Custos Garderobæ & Locum-tenens Thesaurarii Angliæ, XIV. Episcopus Bathoniensis, sedit annis xix. Iste Episcopatum suum plurimis ædificiis solennibus insignivit; libertates per Reges Episcopatus suo concessas non solum literatorie renovavit, sed etiam ampliavit; & quoad ditationem & exaltationem familiæ suæ similis fuit prædecessori suo Roberto Burnell. Et Welliæ sepelitur ante altare S. Johannis Baptistæ.

## RADULPHUS DE SALOPIA.

Radulphus de Salopiâ (h), XV. Episcopus Bathoniensis, pater insignissimus, & eleemosynarum largitor copiosus. Hic fuit electus per Decanum & Capitulum Wellense ac Priorem & Capitulum Bathoniense, & per Cantuariensem Archiepiscopum consecratus, non obstante generali Episcopatum collocatione ad Sedem Apostolicam reservatâ per Papam Johannem XXII. Unde postea obtinuit per Sedem Apostolicam declarari reservationem hujusmodi pro illâ vice ad Sedem Bathoniensem non debere extendi. Hic apposis laboribus magnis & expensis non modicis, procuravit à Rege deafforestari maneriâ de Chedder & Axbrigge existentia tunc infra Forestam de Mendepe. Et ejus Maneriorum deafforestatio fuit in ejus perambulatione certis metis & bundis inter eandem Forestam & dictâ Maneriâ positis evidenter distenta. Hic etiam annuente Rege omnes feras dictæ Forestæ venando destruxit: &

(g) Johannes de Drokenesforde, Canonicus Wellensis, Eboracensis & Suthwellensis, Rector Ecclesiæ de Balsam in Comitatu Cantabr. vestiarii regii Præfectus, & Locum-tenens Thesaurarii Angliæ ad Curiam Romanam profecturi constitutus 1305. 22. Octobr. Episcopus Bathon. & Wellen. in Capitulo Bathoniensi electus est 1309. 5. Febr. ab Archiepiscopo apud Lametham confirmatus die 15. Maii, apud Cantuariam consecratus die 9. Novembr. Anno 1312. Rege Edwardo in Galliam profecto, totius Angliæ præfecturam sibi commissam vice Regis gessit. Obiit apud Dogmersfeld 1329. 9. Maii, apud Welliam sepultus die 23. Maii in Capellâ B. Caterinæ, in qua Cantariam mense superiore fundaverat. Ex Registris *Grenfeld, Corbrig, Winchelse, Drokensford*, Cant. & Well. Historiâ Adami Merimuth, & Annalibus Bruton. Sedit annos 20. menses 3. dies 9. juxta calculum istorum Annalium.

(h) Radulphus de Salopiâ, vestiarii regii Custos, Præbendâ in Ecclesiâ Sarum à Rege donatus est 1297. 20. Junii. Idem postea anno 1328. Cancellarius Academix Oxon. in Episcopum à Canonicis Wellensibus 9. & totidem Monachis Bathoniensibus in Capitulo Wellensi electus est 1329. 2. Junii, ab Archiepiscopo confirmatus die 21. Julii, à Rege ad Temporalia admissus die 3. Sept. (quamvis Rex scriptis ad Papam literis alium quendam ad Episcopatum promoveri postulaverat) ab Archiepiscopo a-

pud Cantuariam consecratus eodem die. Sic quidem narrant Registrum *Cranborn* & *Wilhelmus Dene*. Annales autem Bruton. (qui in reliquis conveniunt) die 3. Decembr. consecratum fuisse produnt. His magis accedo. In ipsius enim Radulphi Registro comperio ipsum die 17. Decembr. solvisse donaria (feoda vulgò dicuntur) servis Archiepiscopi familiaribus pro consecratione suâ debita, quæ 19. librarum summam illo sæculo confecerunt. Episcopatus provisionem Johannes Papa sibi reservaverat, saltem reservasse præ se tulit; eumque electione canonicâ sibi præreptum fuisse ægrè tulit. Radulphum itaque accusari fecit, quòd Episcopatum invito Rege per vim & arma occupasset; & hac strophâ usus, virum integerrimum ingenti pecuniæ summâ multavit. Rem pluribus narrat Registrum ipsius, paucis Walsinghamus. Cancellariatum Oxon. unâ cum Episcopatu aliquamdiu tenuit. *In eleemosynarum largitione erat valde profusus, & multis aliis piis operibus semper devotè intentus*: inquit anonymus Higdeni Continuator. Plurima charitatis opera Historicus noster retulit. Nos ex Registro *Islip* apponemus illum in supremis tabulis facultates suas trifariam distribuisse. Harum unam partem pauperibus & colonis suis, aliam Fratribus Mendicantibus, reliquam amicis tenuioribus & famulis suis transcripsit. Obiit apud Wyvelescombe 1363. 14. Augusti, teste Registro *Islip*.

fic violentia Forestariorum cessavit, qua ipsi communem plebem solebant indies opprimere. Hic etiam Episcopale Palatium apud Welliam forti muro lapideo circumcinxit; & aquam undique circumduxit. Quandam habitationem perpulchram pro Vicariis & Choristis Ecclesiæ Wellensis, loco ad ædificandum impetrato, suis sumptibus construxit; ipsumque locum sic constructum eisdem Vicariis & successoribus suis ad perpetuam ipsorum cohabitationem liberè dedit, & donum chartis regis confirmavit, absque aliquo redditu inde reddendo præter Orationes Dominicas & Salutationes Angelicas. Perquisivit etiam x. || libras annui redditus solvendas dictis Vicariis & successoribus per manus suas & successorum suorum. Univit Ecclesiam plebanalem de Chyw mensæ suæ Episcopali; decimas terrarum dominicalium manerii de Chyw & jurisdictionem ordinariam totius Parochiæ sibi & successoribus suis tantummodo reservando. Residuum verò omnium decimarum & reddituum ad dictam Ecclesiam de Chyw qualitercunque spectantium assignavit Vicario ejusdem Ecclesiæ pro tempore existenti; ut inde ipse solvat annuatim Priori & Capitulo Bathoniensi xx. marcas de novo, & v. marcas eis debitas ab antiquo, & \* v. marcas annuas inter præsentis Ministros Ecclesiæ Wellensis dividendas in obitu suo ibi tenendo. Multa etiam vestimenta ecclesiastica pretiosa dictis Ecclesiis Bathoniensi & Wellensi in testamento suo reliquit; quæ in eis usque hodie perseverant. Palatium Episcopale Wellense muro lapideo batellato & cornellato cum fossatis claudere fecit. Construxit de novo Capellam de † Wyvelescombe, & rotam Curiam de Claverton, & unam Cameram honestam valde sumptuosam apud Evercrich. Quibus completis, cum sedisset xxxiv. annis, in Vigiliâ Assumptionis B. Mariæ anno MCCCLXIII. apud || Wyvelescombe obdormivit in Domino, sepultus in Presbyterio Ecclesiæ Wellensis inter gradus Chori & summum altare in tumbâ de alabaistro, cui imago supponitur valde conforma figuræ illius. Unde plures Indulgentiæ sunt concessæ omnibus locum ejus sepulturæ visitantibus & devotè pro animâ ipsius Radulphi orantibus.

|| Marcas. Cod. alter.

\* viii. Hist. minor.

† Wyvelescombe. Cod. alter.

|| Windlescourt Hist. minor.

### JOHANNES BARNET.

Johannes Barnet (i), Thesaurarius Angliæ, xvi. Episcopus, sedit tribus annis; & postea ad Sedem Eliensem translatus fuit.

### JOHANNES DE HAREWELL.

Johannes Harewell (l), nobilissimi Principis Edwardi primogeniti Regis

(i) Post Radulphi mortem Walterus de Moynnton Abbas Glastoniensis in Episcopum subdole electus est. Electio autem cassata est à Simone Archiepiscopo Cant. Sic Registrum Wellense. E contra Monachus Evelhamensis, qui Higdeni Polychronicon continuavit, in gregalium suorum partes pronus, rem ita narrat. Loco Radulphi Abbas Glastoniensis, vir multum venerabilis, unanimiter erat electus. Sed ab amulis, qui ad illum Episcopatum conspiraverunt, ne ad Curiam Romanam transiret, impediabatur. Walterum enim, Canonicis Wellensibus invitis vel prætermisiss, Monachi Bathonienses elegerunt. Isto igitur justè rejecto, Johannes Barnet, summus Angliæ Thesaurarius, translatus est à Sede Wigorniensis ad Bathoniensem bullâ Urbani V. Papæ 1363. 24. Nov. Spiritualem Episcopatus sui jurisdictionem ab Archiepiscopo accepit 1364. 7. April. Ad Eliensem demum Sedem transit bullâ ejusdem Papæ translatus 1366.

15. Dec. Ex Registris Islip & Langham. Dum Sedi Bathoniensi adhuc præesset, anno 1365. dedit Ecclesiæ Paulinæ London. molendinum aquaticum & 98. jugera terræ & annum 44. solidorum redditum, eâ conditione, ut Hymnus decantetur, & Oratio ad B. Virginem & altera pro Defunctis recitentur quotidie coram Imagine B. Virginis.

(l) Johannes Harewell, Legum Baccalaureus, & Archidiaconus Bercheriensis, post legitimam electionem provisorius est ab Urbano V. Papâ ad Episcopatum Bathon. 1366. 15. Dec. Spiritualia ab Archiepiscopo accepit 1367. 7. Maii, authore Registro Langham; apud Burdegalam antea consecratus anno 1366. (exeuntem intellige) die 7. Martii, fide Canonici Wellensis. Nil præterea de ipso memoratum invenio, nisi quod testamentum condiderit 1386. 29. Junii, quod post obitum ipsius ab Archiepiscopo probatum est die 20. Augusti sequentis. Ex Registro Courtney.

D d d d

Edwardi



Edwardi III. in Vasconiâ Cancellarius, xvii. Episcopus, successit annis xix. mensibus iv. qui die vii. Martii anno MCCCLXVI. consecratus est apud Burdeaux in Ecclesiâ Collegiatâ S. Severini per Heliam Archiepiscopum Burdegalem ascitis duobus aliis Episcopis. Iste ad constructionem Occidentalis turris in parte Australi Wellensis Ecclesiæ duas partes expensarum apposuit; ac pro vitro Occidentalis fenestræ ejusdem Ecclesiæ centum marcas persolvit; duasque magnas campanas in dictâ turri Australi pendentes fieri fecit propriis sumptibus. Dedit etiam eidem Ecclesiæ unum Missale pretii xx. librarum, & certa vestimenta ecclesiastica pretiosa. Et Welliæ quiescit humatus ante altare S. Kalixti. Cui successit

#### WALTERUS SKYRLAWE.

Walterus Skirlawe (*m*), utriusque Juris Doctor, prius Cestrensis Episcopus, xviii. Episcopus Bathoniensis, annis ferè tribus; deinde ad Ecclesiam Dunelmensem fuit translatus. Cujus executores dederunt Ecclesiæ Wellensi pro obitu suo ibi tenendo xxxi. capas choristales albas pretii, ut creditur, cl. librarum. Cui successit

#### RADULPHUS ERGHUM.

Radulphus Erghum (*n*), Legum Doctor, xix. Episcopus; qui ix. die Decembris apud Bruges in Flandriâ anno MCCCLXXV. consecratus est in Episcopum Sarum; ubi sedit Episcopus per xii. annos integros, & ulterius à ix. die mensis Decembris usque ad Festum Exaltationis S. Crucis anno MCCCLXXXVIII. quo die apud Cantabrigiam præsentatæ fuerunt sibi literæ Apostolicæ de translatione suâ factâ ab Episcopatu Sarum ad Episcopatum Bathon. Et eadem die Rex Richardus II. contulit sibi Temporalia sua. Sedit in Episcopatu Bathon. annis xii. mensibus vi. diebus vi. & in navi Ecclesiæ Wellensis sepelitur juxta altare S. Edmundi Episcopi. Iste dedit Decano & Capitulo Wellensi patronatum Ecclesiæ de Pokulchurche, & l. marcas in subsidium expensarum factarum circa unionem dictæ Ecclesiæ ad mensam Capitularem & alia onera in Ecclesiâ Wellensi supportanda, ac unum messuagium in Welliâ, quod vocatur *le George*, ad supportanda quædam alia onera per ipsum limitata. Dedit etiam eidem unum calicem auri cum patena pretii liv. librarum, unum Missale pretii xxii. librarum, duas pelves argenti deauratas pretii xx. librarum, & unum osculatorium pretii viii. librarum. Fecit etiam construi per Executores suos in vico vocato *la Mounterye* mansiones pro xiv. Capellanis in dictâ Ecclesiâ Wellensi indies celebrantibus. Cui successit

(*m*) Walterus Episcopus Lichfeldensis translatus est Bathoniam ab Urbano VI. Papâ 1386. 18. Aug. Dunelmum iterum ab eodem translatus 1388. 3. April. Factum istud intercessione Baronum Angliæ rebellium; quorum partes Walterus plus justo fovebat. *Registr. Courtney*. Ignoscas, quæso, Lector errori superius commisso p. 450. ubi dixi Walterum à Sede ditiori Lichfeldensi ad pauperiorem Bathoniensem translatum fuisse. Revera enim Bathoniensis opulentior erat Lichfeldensi; adeò ut Walterus aut translationem invito Rege impetraverit à Papâ, aut Baronum partes nondum sectatus fuerit.

(*n*) Radulphus, Sarum Episcopus, ad Bathoniam translatus est bullâ Urbani VI. Papæ datâ 1388. 3. April. Professionem Archiepiscopo apud Cantabrigiam fecit die

14. Sept. & Spiritualia die sequenti accepit. Bullæ in Capitulo Wellensi lectæ sunt die 19. Sept. Cantariam in Ecclesiâ Wellensi fundavit 1399. 20. Januar. pro animâ Gilberti & Agnetis parentum suorum & Agnetis Robas sororis suæ. Testamentum ejus in Curiâ Archiepiscopali probatum est 1400. 19. April. *Ex Registris Courtney, Wellensi, & Arundel*. Si tamen Canonicus noster annos Pontificatûs gesti rectè posuerit; Radulphus 1401. 20. Martii obiit. Obitum 1401. 10. April. contigisse Godwinus refert; cui in Historiâ Episcoporum Bathon. præcipuè credendum est. Eam enim præ aliis diligenter contexuit, Ecclesiæ Wellensis Canonicatu diu potitus. Errorem itaque in Registro *Arundel* aut in excerptis meis cubare arbitror.

## HENRICUS BOWET.

Henricus Bowet (o), Legum Doctor, xx. Episcopus, apud Bathoniam electus à majori parte Capitulorum Bathoniensis & Wellensis. Sed Papa sprete electione ipsius providit venerabili viro Richardo Clifford Archidiacono Cantuariensi, Custodi Privati Sigilli Regii, de Episcopatu prædicto. Cujus provisioni Rex Henricus IV. noluit consentire. Ideo Richardus, quia liberationem Temporalium Episcopatus prædicti à Rege non potuit obtinere, dictam provisionem penitus refutavit, vacationemque Sedis Episcopalis Wigorniensis modico tempore expectavit, de qua Papa statim sibi providit; ac postea Henrico contulit dictum Episcopatum Bathoniensem. Qui sedit ibi annis fere viii. deinde translatus ad Sedem Eboracensem. Cui successit

## NICOLAUS BUBWITH.

Nicholaus Bubwith (p), xxi. Episcopus, vir utrobique discretus ac in spiritualibus & temporalibus circumspectus & providus, maneriorumque Episcopatus sui sedulus reparator. Ipse prius fuit London. deinde Sarum, postea Bathoniensis Episcopus. Ipse etiam antiquas libertates Episcopatus sui literis regis confirmavit, & eundem Episcopatum suum novis libertatibus ampliavit.

Ob reverentiam bonæ memoriæ Radulphi Erghum nuper Bathoniensis Episcopi hos viros prædictos, temporibus suis magnificos, præsentibus recitare curavi; ipsorumque nomina per oblivionem modernis fere incognita ad memoriam futurorum novæ scripturæ beneficio commendavi. Quorum animas quæso pro beneficiis nobis in terris largitis omnipotens Dominus collocare dignetur in cœlis de suâ ineffabili bonitatis clementiâ.

(o) Henricum Bowet, Archidiaconum Lincolnensem, Capitula Bathon. & Wellen. canonicè elegerunt. Episcopatum interea Bonifacius IX. Papa, Rege inconsulto, Ricardo Clifford Archidiacono Cantuariensi jure provisionis contulit. Hunc à Rege rejectum Papa, ut repulsam æquius ferre posset, ad Episcopatum Wigornensem transtulit 1401. 19. Aug. eodemque die Henricum Bowet Sedi Bathoniensi provisionis titulo præfecit. Spiritualia Henricus ab Archiepiscopo accepit, professione per Procuratores factâ, 1401. 28. Sept. & consecratus est à Thomâ Archiepiscopo in Ecclesiâ S. Pauli London. 1401. 20. Novembr. præsentem Henrico Rege. Neque enim antea ipsum Archiepiscopus confirmare vel consecrare ausus fuerat, intercedente Papali alterius provisione. Anno 1401. 9. Dec. Suffraganeum sibi Episcopum constituit Fr. Johannem Grenlaw O. M. Episcopum Soltau-nensem; qui paulò antè consecratus fuerat à Johanne Sorensi & Thomâ Constantiensi Episcopis. Ipse enim Henricus arduis regni negotiis admotus, Thesaurarius Angliæ 1402. 27. Febr. creatus est: & medio anno 1406. Henrici Regis filiam Danorum Regi matrimonio jungendam in Daniam deduxit. Horum laborum mercedem tulit Archiepiscopatum Eboracensem; ad quem à Gregorio XII. Papâ, Rege postulante, provi-sus est 1407. 7. Octobr. Ex Registris A-

rundell & Bowet. Multis ante Episcopatum susceptum annis juratissimus Henrici Ducis Herefordensis postea Regis Angliæ cliens fuerat; adeò ut Ricardi Regis mandato sub exitum anni 1398. læsæ majestatis accusatus ad capitale supplicium damnatus fuerit. Vitam tamen illi Ricardus indulgit eâ conditio-ne, ut deinceps exularet.

(p) Nicolaus Bubwith, supremus Angliæ Thesaurarius, qui spiritualia Episcopatus Sarum ab Archiepiscopo Cant. acceperat 1407. 2. Octobr. ad Episcopatum Bathoniensem à Gregorio Papâ provi-sus die 7. ejusdem mensis, spirituales illius jurisdicti-onem ab Archiepiscopo apud Maydenston recepit 1408. 1. April. eodemque die Temporalia à Rege obtinuit. Anno 1414. ad Concilium Constantiense legatus, iter iniit sub finem anni; & in electione Martini V. Pontificis 1417. 11. Nov. unus ex 30. electo-ribus constitutus, suffragium tulit. Anno 1423. Ecclesiam de Buckland-Abbatis Dio-celeos Sarum, cujus patronatus ad Sedem suam spectavit, Ecclesiæ Wellensi appropriavit ad sustentandos tres Capellanos quotidie pro animâ ipsius celebraturos ad alta-re in navi Ecclesiæ sumptibus suis erectum. Anno itidem sequenti in Ecclesiâ Bathon. Capellam ædificavit; & in eadem perpetuam Cantariam posuit. Obiit 1424. 27. Octobr. Ista omnia Registrum ipsius docet, cui in multis consonat Registrum Arundell.



# CONTINUATIO HISTORIÆ

DE

Episcopis Bathoniensibus &amp; Wellensibus

Ab anno MCCCCXXIV. ad annum MDXL.

JOHANNES STAFFORD.

Mill. Catal. ho-  
nor. p. 432.

Jocelin p. 286.

Pat. 1. H. 6. p.  
1. m. 15.

Reg. Bubwith.

Reg. Stafford.  
Well.Dugdal. Chron.  
Ser. p. 60.Epist. Beckin-  
ton. f. 53.

Ibid. f. 54.

Reg. Stafford.  
Cant.

**N**icolao successit vir perquam nobilis juxta ac eruditus Johannes Stafford, filius natu nonus Humfredi Stafford Comitum Staffordiæ, postea Ducis Buckinghamiæ creati 1444. 14. Sept. & in prælio Northamptonensi occisi 1460. 10. Julii, Abbatis-villæ in Provinciâ Dorcestrensi natus, ad multiplices honores & dignitates successivè provectus. Ex causarum Advocato Vicarius generalis ab Henrico Archiepiscopo Cant. constitutus, postea adjunxit Decanatum S. Martini London. & Præbendas in Ecclesiis Lincolnensi & Saresberienfi. Ab Henrico V. Rege Privati Sigilli Custos ab Henrico VI. summus Angliæ Thesaurarius 1422. 18. Dec. renuntiatus, munus abdicavit 1426. 18. Martii. Eundem Ecclesiæ Wellensis Canonicum Nicolaus Episcopus anno 1413. Decanum 1423. creavit. Demum Nicolao successor designatus, in Ecclesiâ Fratrum Prædicatorum Londini consecratus est 1425. 27. Maii in Festo Pentecostes. Anno 1432. Cancellariatum Angliæ die 28. Febr. sibi delatum suscepit, & ad annum usque 1450. administravit. Hoc munere ab Episcopalis officiis in Diocesi suâ obeundis avocatus, Johannem Olensem Episcopum 1437. 10. Martii sibi Suffraganeum ascivit. Anno 1442. 10. April. Henricus Archiepiscopus gravi senectute fractus, datis ad Eugenium Papam literis, ut Archiepiscopatum abdicare sibi liceret, enixè petiit; & Johannem Wellensem Episcopum, quem subrogari sibi voluit, hoc elogio cohonestavit. *Fidenter ac securè in testimonio conscientie mee carissimum fratrem meum Johannem Bathon. Episcopum, regni Angliæ Cancellarium, ut patrem maxime meritum, & pro utilitatibus dictæ sanctæ Sedis, si universa virtutum dona, quæ in eo concurrunt, quæ (quod non dubito) S. V. nota esse debent, pensentur, summè necessarium, ad præsidentiam ejusdem sanctæ Sedis V. S. humiliter recomendo. Profectò si præter eminentem scientiam suam & ceteras virtutum dotes, quibus faciliter reliquos superat, nobilitatem sanguinis, potentiam amicorum necessariorumque suorum, ac hospitalitatis gratiam in eo probè attendimus; non puto facile inveniri posse, qui usquequaque in aptitudine, habilitate & merito ad tantum regimen commodè subeundum meritis sibi possit æquari.* Ejusdem argumenti literas Henricus Rex ad Papam dedit 1442. 24. April. qui Johannem Papæ antea commendaverat, si Henricum mori contingerit, 1440. 2. Sept. Archiepiscopatum tamen Henricus ante obitum non dereliquit; cui Johannes anno 1443. auspiciatò successit, bullâ Papali provisus die 13. Maii, à Rege admissus die 6. Augusti.

THOMAS

## THOMAS DE BEKYNTON.

Johannem excepit Thomas, vir egregiè eruditus, & insignis eruditorum Chaundler in Vita ejus. patronus. Beckhamptonæ in Somerletensi pago natus, in Collegio Wiccamico Wintoniensi bonis literis institutus est. Exin in Socium Collegii Novi Oxon. anno 1408. ascitus, Legum Doctor & Academia Cancellarius creatus Antiq. Oxon. P. 134. est. In aulam regiam evocatus, Henrico VI. Regi adolescentulo à studiis, provectiori ab epistolis admotus est; multisque titulis & dignitatibus cumlatus. Erat enim S. Leonardi prope Hastings in Diocesi Cicestr. & Surtonæ Reg. Chichley. in Diocesi Saresber. Rector, Decanus Curia Archiepiscopalis de Arcubus dictæ ab anno circ. 1430. Cancellarius Humfridi Glocestria Ducis, Archidiaconus Buckinghamensis, Canonicus Eboracensis 1435. 7. Julii, Wellensis Reg. Ebor. & Well. 21. April. admissus. Maximis regni negotiis & secretioribus Regis consiliis ab anno circiter 1430. ad acceptum Episcopatum adhibitus, & Privati Sigilli Custos ante exitum anni 1432. renuntiatus, maximam fidei, prudentiæ & doctrinæ famam tulit. Incredibilis certè diligentia & in rebus agendis solertiæ indubia argumenta hodie supersunt plura ab ipso conscripta vel congesta literarum, instructionum, orationum, fœderum, aliorumque monumentorum res in Angliâ quin & universo orbe Christiano suo tempore gestas spectantium volumina. Ex his tria vidi perinsignia. Primum in Bibliothecâ Archiepiscopali Lambethanâ asservatum continet plurimas ipsius Epistolæ seu proprio seu regio nomine scriptas, aliorumque seu ad ipsum seu ad Regem, dum Regi ab epistolis esset, missas; aliaque ejus ætatis præclara monumenta quæ in manus ipsius inciderunt, sine ullo ordine congesta. Haud dissimile est secundum, quod in Bibliothecâ Cottonianâ habetur; nisi quod Tiberius B. 5. hoc intuitu congestum videatur, ut Formularii loco inserviat. Innumera ferè in eo reperiuntur instrumenta, epistolæ, orationes, pacta, aliaque formulæ rerum in Angliâ & Galliâ gestarum ab anno 1417. Tertio, quod ibidem extat, ipse titulum dedit: *Opus compilatum per Thomam Bathoniensem Episcopum ex literis, allegationibus, conclusionibus, conventionibus & tractatibus, nonnullisque aliis negotiis concernentibus jus & titulum Regis Angliæ ad regnum Franciæ, cum aliis multis quæ eâ occasione secuta sunt.* Incipit à tempore Edwardi III. Regis, & ad media Henrici VI. tempora deducitur. Inibi inter alia habentur Historiæ valde prolixa seu Diaria duarum Legationum à Rege Henrico VI. missarum. Prima titulum habet *Acta & processus in Conventione Atrebatensi anno 1435.* Secunda *Acta in Conventione pro tractatu pacis habitâ in marchia Calesiæ anno 1439.* Huic adfuerunt ex parte Regis Angliæ Henricus Cardinalis Winton. Archiepiscopus Ebor. Episcopi Norwic. & Menev. qui Calesiam appulerunt die 26. Junii. Eos die crastino secutus est Bekyntonus Regis Secretarius. Angliam reversi appulerunt die 2. Octobris. Idem in Vasconiam à Rege medio anno 1442. legatus, diurnalem totius itineris atque legationis Historiam conscripsit; quæ in Registro Caroli Booth Episcopi Hereford. locum habet. Anno 1433. mense Novembri domo inferiori Convocationis Cleri Angliæ præfedit; quando nómine totius Cleri sententiam ab Episcopis rogati proposuit Concilium generale solo Papæ Romani nutu dissolvi posse; adeoque ab Eugenii fide discedendum non esse, si Papam alterum à Basileensi Concilio creari contigerit. Tandem anno 1443. diuturni laboris præmium accepit Episcopatum Bathoniensem. Defuncto siquidem Henrico Archiepiscopo Cant. Rex Johannem Bathoniensem Episcopum Henrico, Thomam Johanni subrogari voluit. Thomas scriptis ad Blondum Foroliviensem Papæ Secretarium, quocum maxima sibi intercessit familiaritas, literis 1443. 27. April. regium consilium ostendit; utque rem Papæ citò expediendam commendet, petit. Bullas provisionis Eugenius Papa edidit 1443. 13. Maii. Harum autoritate spiritualia Episcopatus Bathon. Thomas ab Archiepiscopo

Reg. Chichley, vol. 2.

Reg. Stafford.



chiepiscopo obtinuit die 5. Octobr. Consecratus est autem à Willelmo Lincoln. Episcopo, assistentibus Willelmo Sarum. & Nicholao Landav. in Ecclesiâ Collegiatâ veteri Etonensi 1443. 13. Octobr. & mox in Ecclesiâ novâ ejusdem Collegii vix semiconstructâ sub papilione ad altare erectum supra locum ubi Rex Henricus, fundator magnificus, primum posuerat lapidem, primam Missam Pontificalibus indutus celebravit. Episcopatum adeptus, regis negotiis & consiliis adhiberi non desit. Suffraganeum enim sibi Episcopum constituit 1443. 24. Nov. Jacobum Achadensem Episcopum; ipsoque ad Sedem Bangorensensem translato, Johannem Tinensem Episcopum, Canonicum Regularem Ord. S. Augustini, 1459. 17. Octobr. sibi Suffraganeum ascivit. Anno 1445. antiqua inter Episcopum Bathon. & Monachos Glaston. contentio recrudit. Episcopus Cœnobium visitando rem perfunctoriè transgisse non contentus, subtile examen de Monachorum moribus & disciplinâ instituit. Abbas è contra visitationem ab Episcopo tamdiu continuari posse negavit. Rei exitus incompertus latet. Beneficia ab ipso præstita Ecclesiæ Wellensi & Collegiis Wiccamico & Lincolnensi Oxon. nullus facile numerabit. Multa Godwinus memoravit, & legata ab illo in supremis tabulis sigillatim recensuit. His tantum addere liceat; quòd 1452. 13. Jan. consecravit altare quod erexerat in Capellâ, quam in Ecclesiâ Wellensi juxta Presbyterium construere fecerat in honore B. Mariæ Virginis & S. Thomæ Martyris: & die 15. Januarii Pontificalibus indutus ornamentis, quæ in consecrationis die antea gestaverat, in quibus itidem sepeliri voluit, sepulchrum suum infra dictam Capellam solenniter consecravit. Obiit Præsul optimus 1465. 14. Januarii, in hoc tantum infœlix, quòd piissimum alumnum atq; Dominum Henricum VI. Regem scepro spoliatum & carceri indignè mancipatum ante quadriennium viderit.

## ROBERTUS STILLINGTON.

Successorem Bekintono dedit Paulus Papa Johannem Free, Collegii Balionensis apud Oxoniam Præfectum. Natus is Londini, & Oxoniæ educatus, exterarum Academiarum visendi studio peregrè profectus, elegantiores literas & utriusque linguæ scientiam haud vulgarem à Guarino Oratore præstantissimo accepit. Dein Medicinam apud Ferrariam, Florentiam & Patavium professus, Romam postremò advenit; ubi summâ eruditionis famâ intercedente maximorum virorum amicitiam nactus, in ipsius adeò Papæ Pauli II. notitiâ devenit; & ei nuncupavit nonnullas veterum Græcorum Historias Latine à se versas. Hoc beneficio devinctus Papa Episcopatum Bathoniensem Bekintoni morte vacantem ipsi jure provisionis contulit. Romæ autem vir doctissimus post mensem ab accepto munere exactum non sine veneni suspitione è medio sublatus obiit. Substituitur Robertus Stillington favore regio. Iste Collegii Omnium Animarum Oxon. alumnus, & Aulæ Profundæ ibidem Præses, Canonicus Wellensis Ecclesiæ admissus est 1445. 2. Aug. Cancellarius Episcopi Well. 1447. 6. Junii (tunc Legum Doctor) Archidiaconus Tauntonensis 1450. 20. April. Canonicus Eboracensis 1451. Decanus Capellæ Regiæ 1460. Privati Sigilli Custos 1461. Decanus S. Martini London. 1463. summus Angliæ Cancellarius 1468. 8. Junii, quo munere usque ad annum 1473. perfunctus est. Canonicè electum & mense Aprili 1465. consecratum fuisse Godwinus perhibet. Contra ipsius Stillingtoni Registrum refert illum ab Archiepiscopo Cant. 1466. 11. Jan. fuisse confirmatum, & à Georgio Archiepiscopo Ebor. apud Westmonasterium in Hospitio Eboracensi consecratum 1466. 16. Martii. Familiæ regiæ Eboracensis cliens, assiduam ac fidelissimam ipsi operam præstitit adversus Lancastrensem familiam: quod favorem Edwardi Regis & dignitates amplissimas ipsi primum conciliavit, postmodum autem exitio erat. Anno enim 1475. legationem viro ecclesiastico parum

parum convenientem ab Edwardo obire iussus, in Britanniam minorem trajecit, ut Henricum Richmondiæ Comitem, unicum familiæ Lancastræ hæredem, illi in manus dedi postularet. Impium facinus abhorruit Dux Britannia, & innocentem juvenem Regi æmulo in carnificinam tradere recusavit. Importunè Robertus instabat, majori sanè quàm Episcopum in re invisâ deceret diligentia usus. Unde Lancastræ, si quando rerum summam adepti fuerint, vindictam veritus, Eboracensium parti tutandæ strenuam impendit operam; atque adeò ipsius Ricardi sceleratissimi tyranni, qui Edwardi fratris filiis immani parricidio sublati regnum invaserat, partes propugnare non erubuit. Medio demum anno 1485. sublato tyranno, regnoque ad Henricum Comitem delato, Robertus ab Aulâ relegatus est; nunquam tamen pœnas daturus videbatur, nisi reatum priorem alio posthac crimine cumulasset. Anno etenim 1486. Lambertus quidam, ex infima plebe juvenis, à Margeretâ Burgundiæ Ducissâ subornatus, & à Willelmo Simonis Sacrificulo Oxoniensi edoctus, ut personam indueret Edwardi Comitis Warwicensis, proximi Eboracensis familiæ hæredis masculini, coronam tanquam lege patriâ ad se spectantem vendicavit, & conscripto ope Margaretæ & Anglorum quorundam Procerum exercitu Angliam invasit. Huic Robertus impensè favit, titulum laudavit, monitis quoscunque potuit ad arma socia concivit, nescio an & præsens suppetias tulerit. Profligatis Lamberti affeclis ineunte anno 1487. Robertus Oxoniam fugiens, ibi tanquam in asylo delituit, se studiorum causâ illuc advenisse præ se ferens. Antiquitus enim Academia indultum fuerat, ut nullum ibi studentibus negotium regii ministri facefferent. Id ubi rescivit Rex, datis ad ipsum literis, propediem coram se comparere iussit. Detrectante Episcopo, alias ad Academicos Rex transmisit: velle se ut illum Edwardo Willoughby Sacellano suo ad Aulam regiam deferendum tradant. Renuunt Academici, affirmantes Episcopum studiorum gratiâ secum commorari, nec sine libertatis Academicæ injuriâ tradi posse. Rescribit Rex se omnia Registra consuluisse, nullibi autem ejusmodi privilegium Academiae indultum invenisse. Tandem precibus & mandatis regiis repetitis factum est, ut Academici Episcopum à nunciis regiis prehendi dissimularent. Prehensus Windlesoræ ductus est 1487. mense Octobri, & usque ad obitum in carcere adservatus. Obiit anno 1491. apud Ecclesiam Wellensem sepultus in Capellâ, quam juxta Claustra construxerat, pulcherrimâ. Contigit obitus non quidem (quod vult Godwinus) sub exitum Junii, sed mense Maio. In Libro enim Rubro Wellensis Ecclesiæ reperio Thomam Tinensem Episcopum à Capitulo Wellensi 1491. 15. Maii petiisse licentiam ad exequendum officium circa sepulturam corporis Roberti Episcopi Bath. & Well. nuper defuncti. Thomam istum Sedis Wellensis Suffraganeum à Bekintono Episcopo constitutum anno 1459. fuisse supra memoravimus. Episcoporum iste Wellensium Suffraganeus permansit integris annis 54. Nomen illi erat Thomas Cornish. Præpositus Oriænsis Collegii Oxon. factus est anno 1493. Cancellarius Ecclesiæ Wellensis 1499. 17. April. Obiit 1513. 3. Julii.

Antiq. Oxon.  
par. I. p. 234.

Reg. Morton.

Reg. King.

#### RICHARDUS FOX.

Postquam novem ferè mensibus Sedes vacasset, Ricardus Foxus, Præsul sapientissimus, ab Exoniâ ad Welliam translatus est bullâ Innocentii VIII. Papæ 1492. 8. Febr. ad Dunelmensem Sedem provectus sub exitum anni 1494. Spiritualia Episcopatus Well. post translationem ejus in manus Archiepiscopi Cant. accepta sunt 1494. 12. Decembr. & penes eundem remanserunt usque ad initium anni 1496.

Reg. Morton.

#### OLIVERUS KING.

Foxo in utraque Sede, Exoniensi illâ, Bathoniensi istâ, successit Oliverus King,



Reg. Morton.  
Liber ruber  
Well.

Camden Bri-  
tan. p. 171.

King, Archidiaconus olim hujus Dioecesis Tauntonensis. Spiritualia Episcopatus Bathon. ab Archiepiscopo accepit 1496. 8. Jan. & in Ecclesiâ Wellensi die 12. Martii inthronizatus est. Translatum fuisse primum 1495. 6. Nov. Godwinus refert. Bullæ provisionis isto die editæ videntur. Oliverus dirutâ veteri Bathoniensi Ecclesiâ, aliam magnifici operis inchoavit, & ad fastigium ferè perduxit. Manum autem supremam imponere morte immaturâ abrepto non licuit. Quam si absolvisset, Ecclesiam paucis Angliæ Cathedralibus secundam Bathonia habuisset. Multum in eâ Priores sequentes infuderunt, & penè perfecerant; quando sacrilegi quidam, favente temporis iniquitate, laminas plumbeas abriperunt, & pecuniam ad opus perficiendum collectam interverterunt. Postea quidem virorum piorum devotio damna refarcivit; ita tamen ut Ecclesia hodierna ad magnificentiam ab Olivero Episcopo delineatam nequiquam assurgat. Obiit iste 1503. 29. Augusti, ex fide Libri Rubri Wellensis; cui Registrum Ecclesiæ Cant. parum discordat, obitum mense Septembri obiisse referens. Sedes Cant. tunc vacavit. Quomobrem Spiritualia Episcopatus Bathon. in Capituli Cant. potestatem deveni-  
runt, Willelmo Archiepiscopo in manus consignata 1504. 24. Jan. Hinc deceptus Godwinus Oliverum isto die obiisse credidit.

Reg. Warham.

### HADRIANUS DE CASTELLO.

Bale cent. 13.  
cap. 44.

Hall. Chron. p.  
5. f. 20.

Hadrianus de Castello, homo Italus, Corneti natus, ob eximiam literaturam & elegantem linguæ Latinæ dictionem summopere celebratus, ab Innocentio VIII. Papâ ad componendas Scotiæ turbas anno 1488. legatus, Londinum advenit. Auditâ ibi Jacobi Scotiæ Regis à suis nefariè interempti nece, confedit, & in Johannis Morton Archiepiscopi Cant. notitiam brevi pervenit. Is singularem hominis prudentiam atque eruditionem admiratus, idoneum esse censuit, qui negotia Regis & Ecclesiæ Anglicanæ in Curiâ Romanâ procuraret. Regi ab Archiepiscopo commendatus, provinciam sibi à Rege commissam suscepit, atque ita administravit, ut neque fides neque solertia in ipso desiderari possent. Hujus operâ tum apud Innocentium tum apud Alexandrum Papam Rex diu usus, tandem insigni dignitate remunerandum esse decrevit. Primò itaque Episcopatum Herefordensem contulit, postea Bathoniensem. Ad hunc Rege annuente per Julium II. Papam provifus est 1504. 2. Aug. Presbyterum Cardinalem titulo S. Chrisogoni Alexander VI. Papa ipsum anno superiori renunciaverat; cum prius Quæstor Pontificis in Angliâ primarius & Prothonotarius Apostolicus, authore Baleo, fuisset. Certè isto innotuit titulo, quando Henrici Dene Archiepiscopi Pallium in Angliam anno 1501. attulit. Anno 1504. 13. Octobr. Rex datis ad Oratores suos Romæ agentes literis jubet, ut Hadriano Cardinali Temporalia Episcopatus Bathon. recepto prius fidei juramento, tradant. Die 20. Octobr. Hadrianus Spiritualia Episcopatus per Procuratores suos ab Archiepiscopo accepit; eodemque die apud Welliam inthronizatus est per Procuratorem alium. Is erat vir libris conscriptis clarissimus Polidorus Virgilius alias Castrellen, Papæ Subcollector in Angliâ. Hic Archidiaconatum Wellensem Hadriani dono postea adeptus, installatus est 1508. 6. Febr. & integram dehinc gratiam in Angliâ exegit. Certè decretis Synodi Anglicanæ medio anno 1536. de abrenunciando suprematu in rebus Ecclesiasticis Papali & regio agnoscendo, aliisque religionis articulis, præfens subscripsit. Subscriptionem ejus autographam vidi. Ut ad Hadrianum autem redeamus; ille elocato Anglis redemptoribus & postremò Cardinali Wolseio Episcopatu Bathoniensi, Romæ suaviter sese oblectavit, immensis acquisitis divitiis, adeò ut Opulenti Cardinalis titulum obtineret. His divitiis Alexander Papa inhians, hominem unâ cum aliis quibusdam Cardinalibus veneno decrevit tollere. Ad cœnam igitur invitatis vini veneno infecti lagenam præparavit. Fatali autem pincernæ errore ipse

Reg. Warham.

Jocelin p. 302.

Reg. Warham.

Lib. ruber  
Well.

Cavendish in  
Vitâ Walsleii,  
c. 4.

ipse vinum sceleratum hausit, & interiit 1503. 18. Augusti. Alexandri infidias Hadrianus effugit; suâ tamen ambitione exitium sibi tandem conscivit. Ingenii enim & opum suarum viribus fretus Pontificatum ambire cœpit, ejusque adipiscendi spem conceperat ex fatidicâ mulieris vaticinio, quæ cum pleaque ipsi de rebus futuris interroganti vera prædixisset, *affirmavit fore, ut Leone Papâ morte immaturâ sublato succederet vir senex nomine Hadrianus, obscuro loco natus, literarum studiis insignis, qui sacros honores solâ nixus virtute sine ullâ majorum commendatione meruisset.* Hæc omnia sibi adamussim congruere ratus, Hadrianus fortunæ suæ deesse noluit. In Leonis itaque caput cum Alphonso Petruccio Cardinali aliisque conjuravit, necem ei per venenum molitus. Conjuratone detectâ Petruccius capitali pœnâ affectus est; reliquis data vitæ spes, modò scelus admissum liberè confiteri vellent. Factâ ejusmodi confessione Hadrianus & reliqui conjuratores vitas redemerunt; gravi tamen pecuniâ multati sunt, & Cardinalitiâ dignitate exuti 1518. 2. Julii. Haud constantem tamen fore Leonis fidem de conservandâ vitâ Hadrianus suspicatus, brevi post messoris habitu urbe clam aufugit; & locis incertis delitescens, nusquam postea comparuit. Sagæ oraculo (ne id taceam) fides nequaquam deerat. Pontificalem enim thronum post Leonem conscendit Hadrianus Batavus, vir obscuri generis, literaturâ autem insignis & annis gravis. Nostri Hadriani in Episcopatu Bathoniensi post Thomæ Tinenis obitum Suffraganei erant Thomas Lacedæmonensis, Thomas Solubriensis, & Johannes Majorensis Episcopi.

Guicciardin  
Hist. Ital. l. 6.  
p. 201.

Jovius in Vitâ  
Leonis l. 4. p.  
77.

Id. p. 75.

Registr. ejus.

#### THOMAS WOLSEY.

Hadriano dignitatibus ecclesiasticis nudato, magnus ille Cardinalis Thomas Wolseus, Archiepiscopus Eboracensis, Episcopatum Bathoniensem sibi à Leone Papâ jure provisionis delatum 1518. 30. Julii suscepit, Temporalibus à Rege acceptis die 28. Augusti; & usque ad Aprilem anni 1523. Commendatoris titulo administravit.

Reg. Warham.  
Par. 10. H. 8.  
par. 1.  
Reg. Wolsey.  
Well.

#### JOHANNES CLERK.

Wolseio substitutus est ipse in Curiâ Romanâ Procurator ac Regis Orator Johannes Clerk, Legum Doctor, Decanus Windesoriensis; qui Rotulorum custodiam 1522. 20. Octobr. sibi à Rege commissam acceperat, & secretioribus consiliis ante annum 1520. admotus fuerat. Huic Leo Papa Bullas provisionis contulit 1523. 26. Martii. Ipse plures post acceptum Episcopatum annos legationibus pro Rege obeundis exegit. Ab anno ferè 1523, ad 1527. in Galli Regis Aulâ Legatus resedit. Anno 1527. Angliam reversus, rebus maximis gerendis adhiberi non desiit. Suffraganeos intèrim sibi constituit Willelmum Abbatem de Bruton Majorem Episcopum, & Thomam Abbatem de Monteacuto Solubriensem Episcopum. Anno 1533. in Synodo totius Cleri præsens, suffragium pro matrimonio cum uxore fratris defuncti licitè ineundo solus ex Episcopis tulit. Anno 1540. ad Clivensem Ducem legatus, ut Annæ sororis ab Henrico Rege repudiatæ rationem redderet, veneno (ut perhibent) in Germaniâ infectus, non sine gravi difficultate sub exitum anni repatriavit, & Londini obiit 1541. 3. Januarii, in Monialium Cœnobio ibidem sepultus. Suffraganeus illi datus fuerat Willelmus Finche, Prior de Bre-mar, titulo Episcopi Tauntonensis consecratus 1538. 7. April.

Polydor. Virgil. lib. 27.

A&C. Concil.  
H. 8.

Reg. Warham.

Hall. par. 6. f.  
158.

Registr. ejus.

Hist. Reform.  
1. p. 129.

Weaver Monum. p. 427.

Reg. Cranmer.



## ADAMIDE DOMERSHAM

Monachi Glastonienfis,

## Historia Controversiæ

Inter Episcopos Bathonienses &amp; Monachos Glastonienfes.

**H**enricus de Juliaco, Abbas Glastoniæ à Ricardo I. Rege factus, prius fuit Prior de Bermondsey; vir de regiâ stirpe progenitus; quem laudare non vereretur, si sese apposuisse in protectionem domûs Dei Israel, & non sicut mercenarius videns lupum fugisset. Hic teras Ecclesiæ suis impendens, multaque contra voluntatem Conventûs attemptans, eorum provocavit indignationem; sicque oriuntur odia & detractationes. Interim Richardus Rex Jerosolimam proficiscitur anno secundo regni sui. Anno deinde tertio post rediens, à Duce Osttricensi captus est, & Imperatori ut Domino suo traditur. Savaricus quidam erat circa Imperatorem, consanguineus ejus & Cancellarius; qui à Rege jam victo obtinuit Episcopatum Wellensem; eo quod ei multas impenderet humanitates & obsequia. Et quoniam Episcopatus non videretur sufficere, quum esset ambitiosus & prodigus; petiit etiam Abbatiam Glastoniensem in suo Episcopatu sitam. Ad Imperatoris preces Rex concessit, in arcto positus, maximam partem regni sui si sic peteret concessurus; ut postea liber testabatur; datâ tamen Regi villâ Bathoniæ in excambium pro Abbatia. Quam concessionem sic à Rege extortam à Cœlestino Papâ tunc senio confecto, præmissâ multiplici falsâ suggestionem, confirmari sibi obtinuit, Abbate & Conventu Glastoniæ totum hæc penitus ignorante. Ut autem citius Monasterium invaderet Savaricus, Henricum Abbatem spe magnæ promotionis in Alemanniam ad Regem accersiri procuravit. Qui ante Festum S. Petri ad Vincula, comitatus Eustachio Cumin Monacho & Ricardo de Beverlaco, ad Regem profectus venit apud Agenoye; & in die S. Ægidii ab eo receptus est in osculum pacis, hoc dicente. Si prius venisses chare cognate, prius liberatus fuisset; & ut citò sis liber, oportet dare Savarico in augmentum Episcopatus sui Abbatiam Glastoniensem; ad quod me arctat Imperator, procurante Savarico cognato suo. Verum hoc solatium habeo, in excambium urbem Bathoniæ; quæ, ut dicitur, valet annuatim centum libras; & providebitur tibi in Episcopatu Wigornienfi, qui modò vacat. Jussitque, ut Savaricum hac de re conveniat. Recessit igitur in Angliam, præmissis servis, ut omnia mobilia quæ possent Glastoniæ venditioni exponant. Ipse statim post Festum S. Michaelis rediit, atque moratus est usque ad Adventum Domini: Conventu istarum rerum penitus ignaro. Post hæc Savaricus impetrato à Rege, Cantuariensi Archiepiscopo Huberto, & Willelmo Eliensi, aliisque Magnatibus literis supplicatoriis ad Papam de uniendo Bathoniensem & Glastoniensem Ecclesias, suggerendo quod inimicitia quædam perpetua inter illas alioquin sopiri nequirent; ad Cœlestinum Papam senio confectum nuncios misit. Henricus parum ante Adventum Domini Londoniam vocatus est. Quo profecto, Haraldus Prior Glastoniæ cum Roberto de Wanton & Johanne Cusinton Monachis ad vocationem Savarici venit Bathoniam; à quibus petiit ubi esset eorum Abbas. Respondent, Londini. Absoluti estis, inquit, ab eo; & ego sum Abbas vester. Eodem die anno

anno MCXCII. venerunt nuncii Savarici Glastoniam Magister R. de Leche-  
lade & R. Capellanus ; & domum cum omnibus pertinentibus autoritate  
Regiâ in manus Savarici seifaverunt, prudenti usi consilio, Priore jam absen-  
te tunc capite. Eodem tempore saisita est pro Rege urbs Bathoniæ in argu-  
mentum Simonix evidens. Prior reversus inveniens ministros Savarici om-  
nia regentes in Conventu, Sedem Apostolicam appellavit ; appellationem-  
que suam scriptam super altare B. Andreæ apud Welles posuit sub hac formâ.

‘Sanctorum Patrum & sanctorum Canonum statuunt sanctiones ; quod  
‘cùm Ecclesiarum jura & libertates longissimis temporibus obtenta in suâ de-  
‘bent stabilitate firmiter conservari, nec ullius impulsione aut molestiâ ali-  
‘quatenus immutari. Ecclesia siquidem Glastoniæ à primâ fundatione suâ in  
‘statu Abbatix noscitur constituta ; & hunc statum longissimis retro tempo-  
‘ribus obtinuit ; & ipsam in eodem statu suo Romanorum Pontificum vene-  
‘randa clementia suis multipliciter privilegiis communivit. Et quoniam  
‘Dominus Bathoniensis pro voluntate suâ præfatæ Ecclesiæ statum contra Ro-  
‘manorum Pontificum privilegia nititur immutare ; quoniam ipsius Ecclesiæ  
‘maximum detrimentum imminet & gravamen ; nos Monachi Glastonienses  
‘unanimes consensu totius Capituli Sedem Apostolicam appellamus : nos &  
‘antiquum Ecclesiæ nostræ statum, jura, libertates, privilegia sub protecti-  
‘one beatorum Petri & Pauli & sacrosanctæ Romanæ Ecclesiæ ponentes ; ne  
‘aliquatenus immutetur, aut juri ipsius aut libertati vel privilegiis in aliquo  
‘derogetur ; & ab istâ Ecclesiâ quamprimum appellamus.

Abbas Henricus Londoniam veniens, statim eligitur Episcopus Wigornia ;  
& paulò post Dominicâ tertiâ Adventûs Domini fuit consecratus. Glastoni-  
am deinde rediens, die S. Thomæ Apostoli divina celebravit, à ministris Sa-  
varici officiat. Post duos dies Wrimpton adiit, & inde Wigorniam ; ubi  
haud multò post obiit. Rex Richardus eodem anno in Quadragesimâ domum  
venit ; & ad Pascha Wintoniæ coronam portavit anno sexto regni sui : quò  
venit Haroldus Prior cum aliquot Monachis. Cui occurrit Cancellarius  
Willelmus Eliensis Episcopus, qui Savarico favebat, dicens. Multum fuit  
litigatum in Alemanniâ inter Henricum & Savaricum ; & ad tollendas lites  
Rex consilio Archiepiscopi & aliorum Romam misit . . . . . Episcopum &  
Decanum Eboracensem ad Curiam ; ut Ecclesia vestra & Bathoniensis uni-  
rentur. Expectate igitur donec nuncii revertantur. Qui si obtinuerint,  
inanis est labor vester. Sin minus ; revertimini, & consilio Regis utimini.  
Eodem anno Rex in Normanniam transivit ; ad quem missi sunt duo Mona-  
chi à Conventu, ut ad pristinum statum reducere ad Abbatem dignaretur.  
Quibus benignè responsum ; quòd de hoc libenter cogitaret tempore opportu-  
no : multum enim ei displicere, quòd vi mortisque metu fecerat. In Qua-  
dragesimâ sequenti Savaricus Turonis existens recepit privilegium Cœlestini  
de uniendis Ecclesiis ad vitandam discordiam, & cum eo literas executorias  
Archiepiscopi Cantuariensis, quas simul misit in Angliam ad Decanum Wel-  
lensem, ut Hubertum Archiepiscopum supplicaret, ut mandatum Apostoli-  
cum exequeretur. At Archiepiscopus negotia simulans rem prolongavit ;  
sed Autumno sequenti Decanus & nuntii venerunt Glastoniam ; ubi privilegi-  
um Priori & Monachis legerunt multum confusis. Fit Capitulum die se-  
quenti super his ; & in die S. Matthæi miserunt Jordanum de Spinowas Sub-  
priorem cum Ricardo Cantatore & Henrico Infirmario Wellias appellantes  
Sedem Apostolicam pro se & Ecclesiâ suâ super hoc factò ; terminum appel-  
lationis suæ præfigentes in Festo Petri & Pauli, exhibentes Decano appellati-  
onem in scripto. Et paulò post Londinum profecti, idem fecerunt coram  
Archiepiscopo, Episcopo Sarum. & aliis. Savaricus his auditis ipse Romam  
advolat cum regiis literis supplicatoriis pro se (si de conscientia Regis nes-  
cio) ubi inhibitionem obtinuit, ne Monachi Abbatem eligerent ; quam per



nuncios suos Magistrum Arnulfum & Willelmum Subdecanum Wellensem Decano Wellensi transmisit; qui eam statim Glastoniam misit Monachis publicandam in Februario tribus annis post abscissum Henrici Abbatis. Prior non fuit domi: literæ oblatae sunt Subpriori, qui absente Priore negavit se recepturum. Publicè igitur leguntur; Monachi verò recesserunt audire recusantes. Prior postridie reversus, Subpriorem ad Archiepiscopum mittit ad renovandam coram ipso appellationem. Interrogavit is, num priorem appellationem essent prosecuti? Negant illi. Quibus Archiepiscopus: Vos vultis somniando negotia perficere; sed Savaricus non dormit. Jamdudum possessionem habuisset; ni ego me exposuissem. Interim Savaricus obtinuit literas executorias Archiepiscopo; ut Monachi de cætero Bathoniensi Episcopo talem exhiberent obedientiam, qualem solent Abbati; & quod responderent Hugoni Clerico & Bardulfo de Ivorâ Militi procuratoribus ejus in spiritualibus & temporalibus, donec ipse veniret. Veniunt cum his literis Glastoniam Hugo & Bardulfus; publicè legunt. Putant Monachi optimum factu esse ad tempus cedere malis, expectantes Dei gratiam. Mandato igitur Papæ & Archiepiscopi parent; recipiunt procuratores Hugonem & Bardulfum; administratores regii illis cedunt.

Monachi igitur inermes, consilii inopes penuriâ expensarum in negotio hoc tepidi devenerunt. Savaricus interim multis modis in eos sævit; quoscunque eorum negotia sua procurantes suos fugitivos appellavit, capiebat, spoliabat & miserè tractabat, maxime defuncto Rege Richardo. Eos tamen interim plurimum adjuvavit M. Martinus de Suremis; qui transformato habitu pro illis sæpe transiit mare, & per invia insidias vitans Curiam Romanam petiit; & illic negotia Conventûs per amicos cognatosque suos huic admodum præsentis egit suis sumptibus de proprio patrimonio. Huic obtulit Savaricus, ut infeudaret ei Manerium de Domersham; si cessaret à defensione Monachorum. Verum vir constans moveri non potuit nec corrumpi. Circa idem tempus mittuntur ad Regem Richardum in Normanniam à Manachis, quum Savaricus inductus esset in possessionem, Johannes de Lusinton & Willelmus Pica; ubi accepto responso benigno, Johannes Glastoniam rediit. Willelmus Romam cum regis literis de hac re supplicatoriis ad Cælestinum Papam proficiscitur; & ut Savarico contradiceret, ibi moratur; conversione novitius, professione Medicus. Interim discursum est utrinque à Savarico & Conventu jam ad Regem, jam ad Archiepiscopum cum querelis. Interim Johannes Cusington & Eustachius Cumin Monachi à Rege à Normanniâ redeunt, quò missi fuerant, literas regias Justiciariis suis deferentes; in quibus continebatur, quò Abbathiam Glastoniæ in manus regias reciperent: quod & factum est ad Festum Decollationis S. Johannis. Savaricus advolat ad Archiepiscopum Cant. supplicat ut curaret ut mandato Papæ obediretur. Obtinet literas Conventui inhibitorias ut antea; quas detulerunt Decanus Wellensis & Prior de Briwedon parum ante Nativitatem B. Mariæ & publicè legerunt. Ad Festum Michaelis rediit Româ Willelmus Pica. In viâ scripsit Priori se obtinuisse quod petebatur. Vohuit mitti ad se Johannem & Eustachium Monachos; ut secum Regem adirent: quod factum est. Deinde Glastoniam reversi dixerunt se obtinuisse tum aliam tum ut Abbatem eligerent; literasque à Rege ad Papam Innocentium mortuo; jam Cælestino; quò metu mortis vel carceris ad priora coactus esset, aliasque literas ad Cardinales amicos. Ita ad electionem consentiunt Monachi, ut eorum esset Abbas Willelmus Pica. Mittitur ad Scaccarium Regis Haroldus Prior cum aliis, ut confirmaretur. Postridie quo illi discesserunt, venit Glastoniam à Savarico Magister Alanus Officialis & Nicholaus de Lovers, denuntiantes Monachis, quò Savaricus Episcopus in Manerio suo de Melvers excommunicaverat Willelmum Picam & fautores ejus. Postridie igitur Jordanus de Spiner-

Spinerwaus, Robertus Giffard, Ricardus de Stelesey venenum inclusum apertientes appellaverunt; ne aliqua fieret electio contra privilegium Savarici. Subprior eos in carcerem conjici iussit: recantant ceteri; solus Jordanus contumax in carcerem detruditur, ibidem per xx. hebdomadas & plures custoditus. Willelmus Prior Glastoniæ rediens ut Electus recipitur; qui euectus magnam coepit exercere auctoritatem, externis talliam rusticis imponendo difficilem, internis subtrahendo à ministris quæ Savaricus concesserat ad gratiam impetrandam. Unde magnam statim incurrit indignationem.

Interim Savaricus electionem auctoritate literarum Papæ cassavit; Electum excommunicavit, ac Pandulpho Legato Papæ & Archiepiscopo Cant. literas obtinuit, quas fecit promulgari per omnes Ecclesias. Willelmus electus à die S. Nicholai ad Purificationem B. Mariæ Glastoniæ omnia præsens regebat. Tunc in Normanniam ad Regem Richardum cum aliquot Monachis transivit, inde Romam, ubi moratus est usque ad mortem Regis, quæ citò post evenit. Interim Eustachius Rothomagi à Savarico comprehensus in carcerem conjicitur; eodem tamen die ab Archiepiscopo liberatus Glastoniam revertitur. Die Jovis ante Dominicam Passionis Decanus Wellensis literas deferens, quod Archiepiscopus interdicebat Monasterium, excommunicabatque Priorem & totum Conventum, quia communicaverant Willelmo Picæ contra privilegium Savarici. Qui interdicto parentes, miserunt ad Archiepiscopum pro absolutione. A quo mittuntur literæ Abbati de Schirburne & Abbedesbery; ut illi Glastoniam cum aliquo Clerico Episcopi receptâ à singulis juratoriâ cautione quod starent mandato Ecclesiæ, eos absolverent, reservata sibi correctione: quod & factum est ad Pascha. Die octavo post venerunt Glastoniam Abbates de Malmesburye & Evesham cum auctoritate ab Archiepiscopo; qua excessus correxerunt, & ut dehinc Savarico obedirent mandârunt. Moritur Rex Richardus: Savaricus obtinet à Johanne possessionem Glastoniæ; procurante etiam Archiepiscopo Cant. & aliis obtinuit incathedrari ibi. Venit Glastoniam Savaricus in die Pentecostes in manu validâ, non sicut decuit Pastorem. Et cum non admitteretur à Monachis; fecit ostia confringi, etiam seras Ecclesiæ & Thesaurarii; arreptis vestimentis fecit indui Canonicos Wellenses & alios Sæculares; & processionaliter in Ecclesiam introductus est; occurrentibus viii. Monachis, sc. Jordano de Spinerwaus, Eustachio Camerario, Ricardo de Selesia, & aliis Ecclesiæ proditoribus. Et illic est intronizatus. Omnes verò reliquos Monachos, qui appellaverunt, ab Ecclesiâ fugatos eliminavit; totâ die illâ & nocte Claustrum cum manu armatâ gladiis extractis & fustibus obsedit; nec aliquos præter illos octo admisit, præter Infirmary; ubi inclusos excommunicatos denunciavit, fameque punivit, nec aquam illis concessit. Postridie omnes in Capitulum vocavit, ubi præstitâ cautione absoluti sunt, & præsentibus multis etiam Laicis verberati sunt; quibusdam metu aliis blanditiis se subjicientibus. Reliquos renitentes gravissimis calumniis & damnis laceffivit. Extorsit tamen subscriptionem proprii nominis ab unoquoque vi; & scriptum sigillo Ecclesiæ communivit. Priorem Haraldum & fideles degradavit; aliosque suos fautores eorum loco substituit, recepto fidei juramento. Jacobum quendam Priorem fecit; qui tempore Henrici Abbatis à Prioratu ob scelera degradatus fuit.

Die Commemorationis S. Pauli sequente Glastoniam ad Capitulum venerunt Willelmus de S. Fide Præcentor Wellensis, Thomas Dinant Subdecanus, Jocelinus postea Episcopus, Johannes de Ronâ, cum multâ manu Laicorum, ad enervandam Monachorum constantiam. Monachi nec metu nec blandimentis cedentes, timore in Ecclesiam fugientes se ad Altaris officium præparabant, sacris induti vestibus; i. e. Stephanus de Marisco, Walterus Niger, Henricus Bagge, Willelmus de Abbedeston tunc Diaconi, Galfridus de Lan-



geport Subdiaconus ; qui à prædictis Clericis vi comprehensi sunt juxta Altare. Stephanus crucem tenens per virilia inhonestè est arreptus, eodem Wilhelmo præcipiente semetipsum per alios abstrahi ; ut Stephanus sine violentiâ Laicorum sit violenter abstractus. Monachi præfati in carcerem sunt conjecti ; vesperè verò Welliam adducti sunt in jumentis : ubi per octo dies in carcere fuerunt cum ludibrio & opprobriis ; post ad diversâ Monasteria sunt transmissi. Mittuntur interim à Monachis Romam Willelmus de Abbedeston & Magister Adam Monachi, & M. Martinus de Suremis Clericus ; qui à servis Savarici Episcopi extra Wintoniam sunt comprehensi, equis & pecuniâ spoliati, in compedibus sunt detenti. Evasit tamen callidè Magister Martinus ; reliqui duo ad diversâ Monasteria missi. Conventus his intellectis, eorum loco mittit Eustachium & Philippum de Pisâ ; qui Londini à Savarici ministris intercepti sunt. Liberati verò tandem, Eustachius ad Regem transfretavit ; Philippus cum Martino Romam adiit ; ubi dicitur Willelmum Picam & confratres ante eorum adventum fuisse mortuos.

Vacante Ecclesiâ de Strete, Monachi Magistrum Martinum de Suremis præsentabant. Savaricus verò dedit eam Johanni Chaurt. Mittitur à Monachis Thomas de Edinton, qui Ecclesiâ de Strete pro iis acciperet possessionem corporalem : Henricus Bagge etiam de Capellâ de Wanton. Sed Ministri Savarici ita eos tractabant ; ut Thomas inde dicatur interiisse : Henricus in compedibus detentus, donec juraret se contra Savaricum nunquam quicquam acturum. Interea Willelmus Pica literas revocationis super excommunicatione in se & suos impetravit. Savaricus verò omnibus rebus dispositis Romam proficiscitur ; quem secuti sunt Monachi Jordanus de Spinerwaus, Reginaldus de Pewton, & Wazo ; ubi lis utrinque agitata est serio. Tandem verò Innocentius electionem Willelmi Picæ cassavit ; & ad ministros Savarici mandatum misit, ne Monasterii bona dilapidarent. Interim Willelmus Pica litem sequens veneno, ut dicitur, à Savarico procurato tollitur è medio cum quibusdam collegiis suis. Obtinet literas Innocentii Savaricus ; ut obediant ei Monachi.

Interim Savaricus, ne Monachi suas procuraciones consignarent, sigillum Capituli Abbati S. Augustini de Bristoll & Priori Glocestriæ commendavit. Monasterium jubente etiam Papâ interim in manibus Huberti Archiepiscopi & Eustachii Episcopi Eliensis mansit. Interim M. Martinus de Suremis obtinuit literas Pontificis ad Judices delegatos ; ut inducerent Savaricum ad satisfaciendum Monachis de omnibus injuriis & damnis eis ab eo illatis infra duos menses ; alioquin Monasterium ad statum antiquum reducerent. Monachi verò dolo Savarici circumventi literas has minimè prosequébantur, qui singulis & universis humiliter scripsit, multaque promisit. Judices autem variis modis impediti, mandatum minimè exequébantur : quapropter aliud etiam mandatum Apostolicum receperunt. Quare partes convocatæ sunt ad S. Albanum die Jovis post Nativitatem B. Mariæ ; ubi constitutum est, ut possessionum pars cederet Episcopo Savarico, reliquum Monachi tenerent ; & multa alia, quæ admodum prolixè in exemplari declarantur.

Thomas Haroldus iterum fit Prior. Savaricus verò haud multò post diem clausit extremum anno MCCV. & Pontificatûs sui xiii. Monachi igitur respirantes, de reformatione Papam sollicitabant. Rex etiam Johannes & Magnates hoc ipsum literis postulabant ; etiam Ecclesia Wellensis, ut lite vacaret. Interim Thomas Prior Glastoniæ multa optimè constituit & fecit. Jocelino verò Wellensi, fratre Hugonis Lincolnensis Episcopi, Episcopo Bathoniensi constituto, Monachi Glastoniæ contra eum ad Papam scripserunt ; quia tempore Savarici semper strenuissimè contra eos laboraverat. Thomas Prior Romam proficiscens anno MCCXV. Trecis moritur ; cui successit Eustachius Cumin, vir pius & prudens. Interim perpetua fuit contentio cum

cum Jocelino Episcopo in Curiâ Romanâ & domi. Tandem verò fit pax mandato Honorii Papæ; compositioque facta Romam defertur à Willelmo Capellano & Michaele de Ambresbery Monachis ad confirmationem. Quibus Glastoniam reversis in Octavis Petri & Pauli, die B. Grimaldi Willelmus in Abbatem eligitur. Quem Bathoniensis à Conventu sibi præsentatum tanquam Patronus admisit in Vigiliâ Translationis S. Benedicti; & in crastino eundem benedixit tanquam Diocesanus anno MCCXIX. Forma verò concordie factæ fuit ista: ut remaneant Episcopo & successoribus suis in perpetuum Maneria de Wynescumb, Pokeleschirche, Blakford & Cranemere, cum omnibus suis pertinentiis. Ad Monachos verò reverterentur Maneria subscripta de portione ipsius Episcopi, quam prius habuerat, viz. Mere, Bokolond, Kinton, Cristmaleford, Badbury, & Assebury, exceptis advocacionibus Ecclesiarum eorundem Maneriorum, præterquam de Mere. Acta sunt hæc anno Domini MCCXVIII. in Octavis S. Johannis Evangelistæ. His ita peractis, Willelmus & Michael Monachi versùs Curiam Romanam iter arripuerunt; ubi unionem prædictam penitus dissolvi, & liberam facultatem Abbatem eligendi juxta regulares observantias impetraverunt; privilegio & aliis literis super unione per Episcopum obtentis penitus irritatis. Revocationem quoque privilegii de usu ornamentorum Pontificalium & vestimenta sacerdotalia benedicendi per Papam Cœlestinum prius concessi pro Abbate obtinuerunt. Et ita Monasterium Glastoniæ, quod privatum fuerat dignitate Abbatie anno MCXCII. usque ad annum Domini supradictum videlicet MCCXVIII. per xxvi. annos, per dictum Dominum Papam Honorium restitutum est, quamvis non in toto, ad statum pristinum, sub regimine Abbatum gubernandum. Willelmus Abbas electus anno MCCXIX. obiit anno MCCXXIII. die xiv. Cal. Octobr. sepultus in Capitulo. Monachi quàm convenire non possent de electione Abbatum, judicium ad Davidem Abbatem S. Augustini Bristoll, Ægidium Priorem Cartusensem, & M. Willelmum de Bardeney Archidiaconum Wellensem agente Jocelino, qui tunc præsens erat, remiserunt: protestantes nihilominus se Robertum Priorem Bathoniæ sponte non admissuros. Willelmus de Bardeney promisit se nullo modo in eum consensurum. Tunc, inquit, malam guttam mihi imprecer. Hac spe seducti Monachi, de compromissione literas suas patentes eidem fecerunt. Jocelinus verò Episcopus Bathoniensis electores inclinans, Robertum tunc multis renitentibus Monachis Abbatem procuravit; eundemque in Ecclesiâ Bathon. benedixit die xxi. Octobris, virum sanè civilem, modestum, pium & bonum. Willelmus verò Bardeney postea apud Domesham guttâ periit.

Robertus Abbas multum, ut statum antiquum Monasterii revocaret, laboravit; multaque obtinuit privilegia; & Monachos in summam religionis arcem provexisset, si per discordias licuisset. Sed Monachi, qui coacti receperunt, eò quòd Capellanus Savarici eorum subversoris fuerat, ejus imperium ægrè tulerunt. Abbas è contrario minùs eis cedebat. Monasterium igitur ita divisum continuo incurrit dispendium; olim dispersa revocari cessatum, possessa minimè strenuè defendere. Tandem verò senex considerans regimen detractantium jugum non obtemperantium, salutis suæ & eorum quieti consulens, sponte se de regimine deposuit die Jovis hebdomadâ Passionis anno MCCXXXIV. Calendis Aprilis, cum præfuisset annis quasi xi. & reversus est Bathoniam. Et provisum fuit ei singulis annis, quoad vixit, de lx. libris auri. Michael de Ambresburye successit, die Martis sequenti unanimi omnium consensu electus, die S. Marci benedicitur à Jocelino Episcopo Bathoniensi anno MCCXXXV. Maximos conflictus habuit cum Jocelino Episcopo Wellensi, & eo mortuo cum Rogero Præcentore Bathoniensi successore suo, tum pro aliis rebus tum pro iv. Maneriis & advocacione vii. Ecclesiarum; quæ missis Romam Roberto de Pereton & Willelmo de Briton Monachis



chis Papali decreto non obtinuit. Interim mortuo etiam Rogero Episcopo Bathoniensi, successit Willelmus de Buſton Archidiaconus Wellensis; cum quo certatum etiam est, sed frustra. Michael Abbas plurima ornamenta contulit Ecclesiæ. Tandem cum senio gravaretur, & caligine oculorum se ineptum regimini reputans, & requiem expetens, Abbatiam in manus Willelmi Bathoniensis Episcopi resignavit anno MCCLII. Calend. Martii; qui quidem Episcopus illi cameram cum Capellâ & horto infra septum Monasterii cum aliis pluribus commodis constituit anno MCCLII. cum sedisset annis fere xviii. Memorandum, quod Episcopus in cessione Abbatis nihil omnino abstulit de instauro aut aliis rebus Abbatiae.

Rogerus de Forde, Glastoniae oriundus, loci tunc Camerarius, successit, ætate provectus, literatissimus, facundissimus, eadem hebdomadâ electus quâ cessit Michael, iv. Nonas Martii, benedictus apud Wellas vii. Id. Martii. Qui licet antea Wellensibus devotus, Abbas factus strenuè contra eos jura Monasterii defendit. Unde non permittens Episcopum medium fieri inter ipsum & Regem sicut prius, debita servitia Regi per suos immediate ministrare voluit; unde lites maximæ oriuntur. Renovavit etiam planctum prædecessoris sui de iv. Maneriis & vii. Ecclesiis. Quod quum jam ad terminum ducere sperasset; morte præposterâ interemptus est apud Bromlegh manerium Episcopi Rossensis anno MCCLXI. vi. Non. Octobr. & Londini apud Westmonasterium sepultus est.

Robertus de Pereton, unde etiam oriundus erat, successit, à Conventu unanimi consensu electus mense Novembri anno MCCLXI. Vir ætate mediocris, &c. Memorandum, quod defuncto Willelmo primo Episcopo Bathoniensi dicto de Buſton, successit Dominus Walterus Giffarde, Regis Henrici amicissimus; qui factus est statim regni Angliæ Cancellarius. Hic impetravit literas regias; quod non obstante deadvocatione, qua Rogerus Abbas Glaston. se deadvocaverat se tenere feuda vel aliquid aliud de Episcopis Bathon. Episcopi Bathonienses medii essent inter Regem & Abbatem Glastoniae; & dicti Abbates forent intendentes Episcopis tanquam Dominis & patronis suis. Quibus Abbas multis laboribus & expensis obviare conatus est; vi tamen regiâ compulsus est pacem cum Episcopo facere & componere, quamvis non ad libitum. Nam per hanc Compositionem remanserunt Episcopo iv. Maneria & advocatio vi. Ecclesiarum. Quam compositionem licet idem Episcopus & Willelmus successor illius expeterent totis viribus in Curia Regis chirographari; tamen nunquam ad effectum pervenire poterant, pro eo quod Dominus Edwardus Regis Henrici primogenitus contra eandem pacem & compositionem factam viriliter resistebat. Nec multò post idem Edwardus adiit Terram Sanctam, Rex verò Henricus obiit xvi. Cal. Dec. anno MCCLXXIII. Abbas autem phthisi laborans, sentiensque finem imminere, audiens quod Dominus Edwardus novus Rex patronatum Glastoniensis Monasterii sibi libenter applicaret, misit Fr. Johannem de Taunton ad Regem trans mare ad illius explorandum beneplacitum; accepitque mandatum ab eo, quod à nullo alio præterquam ab ipso eligendi Abbatem licentiam postularent. Revertens verò in Vigiliâ Paschæ, Abbati adhuc viventi omnia declaravit; qui nocte sequenti mortuus est. Quo die Mercurii post cognito, Senescalli Episcopi ceperunt fidelitatem ab omnibus ministrantibus infra curiam; unicuique eorum aliquem adjungentes; & per maneria singula singulos Baillivos ordinantes. Quo etiam die Fr. Adam de Domersham in formâ debitâ appellavit pro statu Monasterii. Et eadem die circa vesperam venit Dominus Johannes de Mussers, custos Castri Bristolliæ, nomine Regis ad capiendam seisinam Monasterii; cui facile patuit ingressus, fugientibus Episcopalibus universis. Mansit illic per x. dies; reliquitque Gaufridum Foliot custodem nomine Regis. Post quindenam profecti sunt ad Regem ultra mare Fr. Paulus & Johannes

nes de Taunton pro licentiâ eligendi. Quibus reversis cum licentiâ, venerunt nuntii Wellenses fortiter appellantes. Verum Fratres unanimi consensu elegerunt in Abbatem Johannem de Taunton. Publicatâ igitur electione, missum est decretum electionis Diocesano Episcopo; ut eum confirmaret, & electo munus benedictionis impenderet. Signata fuit etiam litera Domino Regi mittenda, supplicando ut electioni factâ regium præberet tanquam Patronus assensum. Nunc igitur Conventus cum suo Electo iter arripuerunt versus Dominum Regem. Ad quem cum pervenissent; ipsam electionem acceptans eidem consensit; atque diem eis præfixit, qua comparerent coram eo in Angliâ, die octavo Assumptionis B. Mariæ. Interim mandavit Dominus Rex Episcopo Bathon. seu ejus locum tenenti; quod eodem similiter die compareret, ut quod sibi competere videret in hac parte exequeretur.

Johannes de Taunton, Doctor in Theologiâ, Abbas electus Glastoniæ, & Decanus Wellensis coram Rege apud Windleshores die dicto cum omnibus Wellensibus [comparuit.] Ubi judicatum est Regem esse patronum; & Electus admissus est ab eo tanquam à vero patrono; qui cum literis regiis procuratores Episcopi adivit, petens munus benedictionis; qui post moram reverso Episcopo, ad eum referebant rem. Verum Episcopus responsis frustratoris tempus protraxit, donec circa Festum S. Andreae mortuus est. Petivit igitur benedicti Electus ab Archiepiscopo Cant. ad quem devoluta est. Quia causâ ventilatâ electionem cassavit die Veneris proximâ post Festum S. Valentini anno MCCLXXIV. tum quia Electus munus benedictionis non quaesivit infra tempus à jure statutum, tum quia non fuit petita licentiâ à quo deberet. Attamen de officio suo providit dicto Monasterio de dicto Fr. Johanne de Taunton; & in Abbatem eum benedixit anno MCCLXXIV. Et eodem die Archiepiscopus Robertum Electum Bathoniensem consecravit, retentâ tamen sibi potestate benedicendi Abbatem. Post hæc significavit Archiepiscopus Domino Regi literis suis patentibus; quod providerat Ecclesiæ Glaston. de Abbate & Pastore; rogans ut eidem Abbati Temporalia Abbathie sue restitueret, quæ in manu suâ tenebat nomine custodiæ secundum consuetudinem regni sui. Verum quia Dominus Rex Robertum jam in Episcopum Bathon. consecratum, quem sibi à primâ juventute amicissimum & familiarum habuerat, ex amissione patronatûs Monasterii Glaston. perpendit turbatum; volens ejus animum qualitercunque refocillare, liii. libras, quas ex Bertonâ Bathon. & de Cungresbury annuatim percipere solebat, in augmentum sui Episcopatus dicto Episcopo remisit in perpetuum. Veruntamen quod hanc gratiam Episcopo noluit Rex sibi omnino fore dampnosam; de terris Monasterii Glaston. voluit sibi recompensari. Sed Abbate Johanne nullâ ratione adquiescente, & quod dicebatur quod idem Abbas habebat jus & clameum ad recuperandum iv. Maneria & advocaciones vi. Ecclesiarum, quæ Robertus quondam Abbas Glastoniæ prædecessor suus contra voluntatem suam remiserat Waltero Episcopo, eo quod advocatio Abbathie Glaston. tanquam jus Regis ad manus ipsius esset reversa, ac per hoc remissio maneriorum ac advocacionum Ecclesiarum esset quasi penitus adnullata; distulit Rex Abbati committere Temporalia prædicta; quousq; componeret cum Bathoniensi Episcopo de maneriis & advocacionibus Ecclesiarum prædictis. Facta fuit ergo quædam compositio inter eisdem Robertum Episcopum & Johannem Abbatem, & in Curia Regis chirographata. Sicq; factum est, ut Rex, qui quondam hujusmodi compositioni resisterat contra Episcopum, jam propter affectionem quandam eandem fieri celeriter compelleret. Ex præmissis igitur patet, quâ difficultate Johannes Abbas Glaston. non sine gravibus laboribus & expensis possessionem & libertates ipsius Monasterii sit adeptus. Obiit iste apud Dornetham nocte Festi B. Michaelis anno Domini MCCXC. Corpus Glastoniæ sepultum est.



# SUCCESSIO PRIORUM Ecclesiæ Bathoniensis.

Osborn. in vitâ  
Elphegi p. 124.

Hist. Eccl. p.  
254.  
Florentius.

Registr. Well.

**C**œnobiũ apud Bathoniam primus posuit Offa Rex anno 775. Temporis injuria collapsum & à Danis demum incendio deletum restauravit Edgarus Rex, & S. Petro dicavit. Primus restaurati Abbas fuit *Elphegus*, qui ad Episcopatum Wintoniensem anno 984. evectus est. Ex sequentibus Abbatibus duos solummodo reperio, *Stigandum* quem anno 1067. præfuisse Harpsfeldius ex Catalogo quodam Bathoniensi (nescio qua fide) refert; & *Alfsum* sive *Elfi*, quem Synodo Londinensi anno 1075. interfuisse, & diem supremum anno 1087. obiisse constat. Vacantem istius obitu Abbatiam Johannes Wellensis Episcopus à Willelmo Rege obtinuit anno 1088. & in Ecclesiâ Bathoniensi Sedem Episcopalem collocavit. Ab eo tempore Abbatibus privilegia atque emolumenta Episcopo cesserunt; Monachis Præfectus ab Episcopo datus titulo Prioris præfuit. Integram Priorum successionem frustra quæsi; quotquot autem invenire potui, Episcopis pro more subjeci.

Registr. Well.

Annal. Winton.

Registr. Well.

Hist. Glaston.  
Reg. Droken-  
ford.

Reg. Well. &  
Liber ruber.  
Pryn. vol. 3.  
p. 871.

Reg. Radulphi  
de Salopiâ.  
Id.

*Petrus* præfuit anno 1159, & 1175.  
*Walterus*, ex Subpriori Hidenis Monasterii Prior Bathoniensis factus, post aliquot annos in Prioratu exactos Monachus Cartusienfis factus est. Sed brevi post Bathoniam reversus Prioratum recepit, & apud Werewellam obiit 1198. 31. Maii.

*Robertus*, *Walterum* excepisse videtur. Certè præfuit ab anno 1205. & ad Abbatiam Glastoniensem electus anno 1223. benedictus est die 21. Octobr.

*Thomas*, Prioratum tenuit annis 1237, 1239, 1243.

*Walterus*, præfuit annis 1264, & 1275.

*Thomas*, Prior erat anno 1300.

*Robertus de Cloppecote*, præfuit annis 1303, 1321. sepultus est 1332. die Cinerum. Episcopus licentiam eligendi Monachis dedit die 27. Februarii.

*Robertus de Suttone*, à Monachis electus, ab Episcopo confirmatus est anno 1332. mense Martio. Papa autem, cujus provisionibus & usurpationibus nil intactum manebat, Prioratum Thomæ Christy jure provisionis contulerat. Bullis igitur Papalibus prolatis, exauthoratus est *Robertus* 1332. 24. Sept. & eidem Prioratus de Dunster & pensio annua 20. librarum concessa sunt die 24. Octobris sequentis. Ejus loco

*Id.* *Thomas Christy* admissus est 1332. 24. Sept. virtute provisionis Papalis; sed brevissimo tempore dignitati malè partæ superfuit.

*Id.* *Robertus* enim Prioratum tenuit anno 1333. mense Junio; alius tamen à Roberto Sutton. Supradictam enim pensionem Priori de Dunster anno 1335. solutam invenio.

*Id.* *Johannes de Iford*. Hunc Wolstanus Wigorniensis Episcopus adulterii in Diocesi suâ commissi coram se convictum fuisse ad Radulphum Bathoniensem Episc-

Episcopum retulit anno 1346. Radulphus propterea illum à Prioratu deposuit; nisi forsitan criminis pudore cesserit vel interierit. Prioratum enim anno 1347. vacasse comperio.

*Johannes* incerti cognominis successit. *Johannes* enim Prior anno 1363. in Registris Ecclesie Wellensis, memoratur.

*Johannes Dünster*, præfuit anno 1406. obiit 1412. 6. Febr.

Reg. Bubwith.

*Johannes de Telesford*, electus est 1412. 10. Martii, confirmatus ab Episcopo 23. Martii. Obiit anno 1425.

Reg. Bubwith, & Stafford.

*Willelmus Southbroke*, præfuit anno 1426. obiit 1447. 7. Junii.

Reg. Stafford, & Bekinton.

*Thomas Lakok*, electus 1447. 16. Sept. confirmatus est 25. Sept. Præfuit anno 1451.

Reg. Bekynnton, & Well.

*Ricardus* Prior Bathoniensis anno 1476. in Historiâ Theokesberienfi (in Monastico tom. 1. p. 160.) memoratur.

*Johannes Cantlowe*, præfuit anno 1489. Eodem Prioratum tenente Cœnobium Bathoniense Archiepiscopus Cant. visitavit anno 1494. Obiit 1499. mense Augusto.

Reg. Morton, Well. & King.

*Willelmus Bird*, electus est 1499. 31. Aug. sed rejectus ab Episcopo, & mediante Conventu ab eodem demum autoritate propriâ collatus & admissus. Hujus tempore Capitulum Cantuariense, Sede utrâque vacante, Ecclesiam Bathoniensem visitavit 1503. 2. Octobris. Obiit 1525. 22. Maii.

Reg. King. Cant. & Clerk.

*Willelmus Holway*, electus est 1525. 2. Julii.

Reg. Clerk.

*Willelmus Gibbs*, Prior ultimus, multum novæ Ecclesie Bathoniensis structurâ insudavit. Temporis autem iniquitate coactus, Regi Cœnobium Bathoniense cum ædificiis, fundis & redditibus suis transcripsit 1539. 27. Januarii. Ipse pensione 8. librarum annuâ & ædibus lautis in urbe Bathon. donatus, privatam deinceps vitam egit. Conventus eo tempore valere annuatim censebatur 617. lib. 2. sol. & 3. den. vel juxta alios 695. lib. 6. sol. & 1. den.

Monastic. 1. p. 185.



# S U C C E S S I O D E C A N O R U M Ecclesiæ Wellensis.

Hist. Well.

**D**ecanum in Ecclesiâ Wellensi primus instituit Robertus Episcopus. Factum id ante exitum anni 1139. Chartæ enim institutionis (quæ in Registro *Drovensford* habetur) subscripsere Willelmus Cant. Thurstinus Ebor. & Rogerus Sarum Episcopi. Ab eo tempore Ecclesiâ Wellensis Decanis subdita permansit. Horum accuratus, siusquam alias, Indiculus expectari merito potuisset à Godwino, qui plusquam 30. annis Canonicus Residentarius Ecclesiæ Wellensis erat, & archiva ejus adhuc integra inspexit. Nuper enim direpta sunt, & impio furore mutilata ac discissa à Schismaticis in rebellionem Somersetenſi anno 1685. motâ. Integris tamen monumentis usus vir eruditus plerosque errores admisit, & Decanorum tempora non adeò subtiliter distinxit. Nos successionem paulò magis castigatam damus.

Reg. Eccl. Well.

*Ivo*, Decanorum primus, à Roberto Episcopo anno circiter 1139. præfectus, superfuit anno 1159.

Id.

*Ricardus de Spakeston*, Decanatum tenuit anno 1164. & tempore Reginaldi Episcopi post annum 1174. Decanum fuisse anno 1160. Godwinus refert; quod fide ipsius dictum sit.

Id.

*Alexander*, tempore Reginaldi & Savarici Episcoporum, atque anno 1205. præfuit.

Id.

*Leonius*, Decanus erat annis 1213, & 1215.

Id.

*Radulphus de Lechlade*, præfuit tempore Jocelini Episcopi, qui ab anno 1206, ad 1242. sedem tenuit.

Id.

*Petrus de Ciceſtriâ*, Decanatum obtinuit annis 1220, 1226, 1229, 1235. *Willelmus de Merton* Petro successit, & anno 1236. præfuisse in Registro Ecclesiæ Well. memoratur.

Id. &amp; Claus.

34. H. 3. m. 15.

*Johannes Saracenus*, Papæ Subdiaconus & Capellanus, Decanatu potitus est annis 1242, 1247, & 1250.

Placita Parlam.

P. 392.

*Ægidius de Brideport* Decanus subscripsit Compositioni inter Abbatem & Monachos Abendonienſes initâ 1253. 20. Dec. Episcopus Saresburiensis post medium annum 1256. creatus est.

Reg. Eccl. Well.

*Edwardus de la Cnoll*, electus est 1256. mense Septembri, obiit 1284. 16. Sept.

Id. &amp; Pat. 20.

E. 1. m. 19.

*Thomas de Button*, electus 1284. 15. Nov. ex Decano Wellensi Episcopus Exoniensis sub exitum anni 1292 evasit.

Reg. Well.

*Willelmus Burnell* obiit anno 1295.

Dugd. sum-  
mon. ad Parl. p.  
29, 45.

*Walterus de Haselshaw*, Decanatum anno 1298. tenuisse in Registro Wellensi dicitur; eundemque Episcopum Wellensem anno 1302. creatum fuisse constat. Manet igitur difficultas inextricabilis de Petro de Insulâ, qui Decani Wellensis titulo ad Parlamentum à Rege vocatur annis 28, 30, & 32. Edwardi I. Regis. Idem Canonicus Eboracensis 1311. 25. Febr. admissus in Registro *Grenfeld* legitur. Suspicio Petrum fuisse Subdecanum vel Archidiaconum Wellensem.

Henricus

*Henricus Husee* Decanus in Registro Wellensi anno 1302. memoratur. Cantariam is insignem in Ecclesiâ Wellensi fundavit.

*Johannes Godele* successit ante annum 1308. Obiit 1333. 6. Febr. Cano- Reg. Grenfeld.  
nicus Eboracensis admissus fuerat anno 1306.

*Ricardus de Bury*, alias *de S. Edmundo*, Decanus electus 1333. 8. Martii in Registro Wellensi, admissus autem virtute provisionis Apostolicæ 1333. 20. Febr. in Registro Radulphi de Salopiâ dicitur. Ad Episcopatum Dunelmensem ante exitum ejusdem anni provectus est.

*Wibertus de Littleton*, electus est 1334. 23. Febr. Anno 1335. 5. Febr. Reg. Well. &  
nondum ab Episcopo installatus fuerat. Obiit 1335. mense Augusto. Radulphi Salop.

*Walterus de London*, electus medio anno 1335. obiit 1350. mense Aprili. Id.

*Johannes de Carleton*, Archiepiscopi Cant. Cancellarius, successit ante Fe- Id. & Dugdal.  
bruarium anni 1351. ad Parlamentum à Rege vocatus 1356. Obiit 1361. Summon Parl.  
mense Augusto. p. 260.

*Willelmus de Camel*, Ecclesiæ Wellensis Præcentor, ad Decanatum electus Reg. Well.  
1361. mense Septembri, consentire noluit.

*Stephanus de Pympe*, electus est 1361. mense Septembri, die electionem Id.  
Willelmi proxime sequenti. Obiit 1379. 2. Febr.

*Johannes Fordham*, electus est 1379. 22. Febr. unanimi Canonorum nu- Id.  
mero 33. suffragio. Decanatum autem autoritate literarum Papalium Ro-  
bertus Stretton vendicavit. Johannes tamen Decanatum retinuit, donec E-  
piscopus Dunelmensis medio anno 1381. creatus fuerit.

*Thomas de Sudburiâ*, L. D. præfuit annis 1385, & 1389.

*Nicolaus Slake*, Decanatum tenuit anno 1396. si Godwino fides. Eundem Id. & Chartæ  
Archiepiscopi Cant. sententiâ anno 1401. amotum fuisse Registrum *Bowet* antiq. *Vespas.*  
docet: ut locus desit Henrico Beauford, quem Cancellarium Oxoniensem & B. 13.  
Decanum simul Wellensem anno 1398. fuisse Author Antiquitatum Oxon.  
scribit.

*Thomas Tuttebury*, ab Archiepiscopo Cant. 1401. 14. Nov. collatus est ad Decanatum, cujus advocatio ob diuturnam vacationem ad ipsum devoluta fue- Reg. Bowet.  
rat, & ab Episcopo Wellensi admissus die 26. Novembr.

*Thomas Stanley* Decanus erat anno 1403. obiit. 1410. 11. Martii.

*Ricardus Courtney*, electus 1410. 27. Maii, confirmatus est ab Episcopo Id. & Reg. Bub-  
die 19. Junii. Canonici in Ecclesiâ Wellensi tunc numerabantur 52. Ricar- with.  
dus ad Episcopatum Norwicensem transiit anno 1413. Reg. Bubwith.

*Thomas Karneka* successit, & ejusdem anni mense Septembri defunctus Id.  
est.

*Walterus Metford* L. B. confirmatus est ab Episcopo 1413. 8. Nov. præfuit Id. & Reg.  
anno 1420. Chichley.

*Johannes Stafford* L. D. confirmatus est ab Episcopo 1423. 9. Sept. Episco- Reg. Bubwith.  
pus Wellensis consecratus est 1425. 27. Maii.

*Johannes Forrest* confirmatus est 1425. 19. Nov. Huic senectute fracto Reg. Stafford,  
quatuor Coadjutores ab Episcopo dati sunt 1444. 12. Octobr. Obiit 1446. & Bekinton.  
25. Martii.

*Nicolaus Carent* L. D. annorum circiter 32. electus est 1446. 22. Aug. con- Reg. Bekinton.  
firmatus die 27. Aug. In electione ipsius aderant per se vel procuratores suos  
Canonici 52. Papa Decanatum jure provisionis contulerat Johanni de la Vere  
alias Dalberd, magno Regis Angliæ Eleemosynario. Episcopus autem Ni-  
colaum confirmaverat, antequam Johannes Bullas suas præsentaret. Utrum  
Johannes postea admissus fuerit, haud satis constat. Illum Registra Wellen-  
sia non agnoscunt. Nicolaus tamen Papa eum in Bullâ provisionis ad Epif-  
copatum Menevensis 1447. 15. Sept. datâ Decanum Wellensem appellat. Reg. Stafford.  
Certè Nicolaus Decanatum anno 1460. tenuit. Reg. Bekinton.



- Reg. Stilling-  
ton. *Henricus Webber* Decanus erat anno 1466. Vacavit Decanatus 1467. 3. Maii.
- Id. *Willelmus Witham*, L. D. præfuit anno 1469. obiit 1472. 16. Julii.
- Bale cent. 8.  
cap. 42. *Johannes Gunthorp*, vir impensè literatus, postquam in utrâque Academiâ Anglicâ bonis studiis operam dedisset, in Italiam profectus, Guarini Veronenfis disciplinæ se tradidit. Domum reversus, Archidiaconus Essexiensis, Privati Sigilli Custos, & magnus Regis Eleemosynarius creatus est. Decanus autem Wellensis electus 1472. 18. Dec. confirmatus 1473. 19. Jan. Obiit 1498. 25. Junii.
- Reg. Stilling-  
ton.  
Reg. King.  
Liber ruber  
Well.  
Reg. King. *Willelmus Cousyn*, Archidiaconus Bathoniensis admissus est 1497. 17. Martii. Decanus Wellensis electus 1498. 25. Dec. confirmatus 1499. 15. April.
- Reg. Clerk, &c. *Thomas Winter*, Decanatum anno 1525. obtinuisse à Godwino dicitur.
- Ricardus Woolman*, præfuit anno 1535. & 1536. medio.
- Thomas Cromwell*, Essexiæ Comes, Henrici Regis in Spiritualibus Vicarius generalis, & primarius in rebus agendis Minister, vir Laicus, Decanatum Wellensem ab anno 1537. pessimo exemplo tenuit. Capite plexus est 1540. 28. Julii.
- Reg. Cranmer. *Willelmus Fitzwilliams* successit anno 1540.

THOMÆ,

**THOMÆ, Monachi Eliensis, Historia**  
Eliensis a primâ Ecclesiæ fundatione ad  
annum MCVII.

**RICHARDI, Prioris Eliensis, Continuatio Histo-**  
riæ Eliensis ab anno MCVII. ad annum MCLXIX.

**Monachi Eliensis Anonymi Continuatio Historiæ Eli-**  
ensis ab anno MCLXIX. ad MCCCCLXXXVIII.

**Monachi Eliensis Anonymi Continuatio Historiæ Eli-**  
ensis ab anno MCCCCLXXXVIII. ad annum  
MCCCCLXXXVI.

**ROBERTI STEWARDE, Prioris ultimi**  
Eliensis, Continuatio Historiæ Eliensis ab anno  
MCCCCLXXXVI. ad annum MCLIV.

---

ACCEDUNT

**RICHARDI Eliensis Historia de conversione Ab-**  
batix Eliensis in Episcopatum.

**THOMÆ Eliensis Fragmentum de dignitate Abba-**  
tis Eliensis.

**Successio Priorum Ecclesiæ Eliensis.**

**Genealogia ROBERTI STEWARDE Pri-**  
oris ultimi, ab ipso conscripta.



---

*Carmen Anonymi Historie Eliensi præmissum.*

Hæc sunt Elyæ, Lanterna, Capella Mariæ,  
Atque Molendinum, multum dans vinea Vinum.  
Continet insontes, quos vallant undique pontes.  
Hos ditant montes; nec desunt flumina, fontes.  
Nomen ab anguillâ ducit Insula nobilis illa.

---

# THOMÆ,

Monachi Eliensis,

## Historia Eliensis

A primâ Ecclesiæ fundatione ad annum MCVII.

Incipit Cronicula de Genealogiâ S. Etheldredæ Virginis & Regina; & de fundatione & statu Ecclesiæ Elyensis.

(a) **A**Nno Domini CLVI. Lucius illustris Rex Britonum, auditâ famâ Christianitatis, Epistolas misit Eleuthero; petens ab eo, ut ab eo Christianitatem acciperet. Beatus verò Pontifex, cognitâ ejus devotione, duos religiosos doctores misit ad illum; qui verbi Dei incarnationem prædicantes, abluerunt ipsum cum totâ gente suâ sacro baptismo. Ortâ verò persecutione jussu Diocliciani Imp. supervenit Maximianus Herculus in Britanniam; Ecclesiasque subvertit: & Christianitas, quæ à tempore Lucii Regis cix. annis intemerata permansit, ferè deleta est. Quo tempore passus est S. Albanus, anno ab incarnatione Domini secundum Cronicam Mariani CCLXXXVI.

Anno ab incarnatione Domini CCCCL. regnante in Britannia Vortegirno, Angli-Saxones in Britanniam tribus longis navibus sunt advecti; quorum duces fuerunt Horsa & Hengistus. Qui de tribus Germaniæ fortissimis populis advenerant, i. e. Saxonibus, Jutis & Anglis. De Jutarum origine sunt Cantuarii & Vectuarii. Hæc est gens, quæ Vectam insulam tenet. De Saxonibus venerunt Orientales, Meridiani & Occidui Saxones. De Anglis, h. e. de illâ patriâ quæ *Angulus* dicitur, venerunt Orientales, Mediterranei Angli, & tota Northanimbrorum progenies, secundum Bedam, lib. 1. cap. 15.

Thomas lib. 1.  
num. 1.

De Adventu S. Augustini in Angliam.

Anno Incarnationis Dominicæ DXCVI. S. Augustinus à Papâ Gregorio transmissus est in Angliam. Ethelbertum Regem Cantia ad fidem conver-

(a) Ista quæ primum tenent locum, usque ad *Incipit Libellum*, &c. sunt tantum summula sive compendium utriusque partis Historiæ Eliensis à Thomâ scriptæ. Historiam enim suam Thomas bifariam divisit, alteram partem in anno 970. alteram in 1107. terminans. Utriusque tum conjunctim tum seorsim plura exemplaria in Bibliothecis Anglicanis asservantur. Primam partem Cl. Mabillonius edidit in *Actis Benedictin.* tom. 2. Utriusque compendium fidele atque accuratum Historicus noster,

quisquis ille fuit, contexuit, adhibitis ipsis Thomæ verbis, & resectis iis quæ magis inutilia viderentur. Hanc itaque Epitomen Thomæ inscribendam duxi; quæ quamvis ab alio contexta fuerit, ex folis tamen Thomæ verbis constat. Id supra in Præfatione pluribus ostendi; hîc tamen Lectorem iterum monendum duxi, ne hanc esse ipsissimam Thomæ historiam credat. Loca Historiæ genuinæ Thomæ, ex quibus singula sunt accepta, in margine notavi.



tit. Postea S. Augustinus ivit Arelas; & ab Etherico ejusdem civitatis Episcopo genti Anglorum Episcopus consecratus est. Reversusque Britanniam, misit continuo Romam Laurentium Presbyterum & Petrum Monachum; qui B. Gregorio gentem Anglorum fidem Christi suscepisse ac se Episcopum factum esse referrent. Sanctus verò Gregorius plures cooperatores misit ac verbi ministros. Misit etiam literas; in quibus significavit se Pallium direxisse; simul & insinuat qualiter Episcopos in Britannia constituere debuisset; scribens in hæc verba: *Quia nova Anglorum Ecclesia, &c.*

Qualiter S. Augustinus construxit primam Ecclesiam in Insulâ.

(b) Anno Domini DCVII. B. Augustinus xi. anno adventus sui in Angliam Ecclesiam construxit in Ely in honorem B. Mariæ Virginis in loco qui \* Cratundene dicitur, i. e. Vallis Crati, milliario ab Urbe quæ nunc est distans: cuius operis Rex † Ethelbritus fundator extitit; in quo Ministros officium Dei complentes instituit; quos Pendæ Regis exercitus inde postea fugavit, locumque in solitudinem commutavit. Non erat in totâ Insulâ nisi tantum una Ecclesia à B. Augustino facta.

\* Cratundene. Codex Cotton. 1.

† Ethelbertus. Cod. Cot. 2.

Qualiter S. Etheldreda construxit Ecclesiam in eminentiori loco.

Anno DCLXXIII. virgo Etheldreda in Ely in eminentiori loco Monasterium construxit prope fluentis alveum; & cœtum utriusque Sexus sub Monachili habitu congregavit; quibus ipsa prima facta fuit Abbatisa à S. Wilfrido Antistite. Et ita succedente tempore durabat sancta Religio sub Abbatisarum regimine \* cxc. annos, usque Dominicæ Incarnationis DCCCLXX. in quo quidem anno Ecclesia Eliensis à Paganis combusta est. Ex ipsis autem Clericis, qui deprædati fuerant, post aliquot annos viii. reversi sunt. Dein ipsis alii succedendo porticus Ecclesiæ resarciunt, Archipresbyterum & Præpositum inter se constituerunt. Et ita sub ipsorum naufragosâ gubernatione fluctuans vacillabat Ecclesia Eliensis c. annis.

\* Rectius Codex Cotton. uterque legit 197. Sic & noster inferius calculum instituit.

De Martirio B. Edmundi Regis & Martiris.

Anno DCCCLXX. S. Eadmundus Rex Orientalium Anglorum martirizatus est à Paganis. Inguare & Ubba, post decessum S. Etheldredæ cclx. anno ætatis suæ xxix. regni sui xv.

Introductio Monachorum per S. Ethelwoldum.

Anno Incarnationis Dominicæ DCCCCLXX. regni gloriosi Regis Edgari anno x. ex quo virgo Etheldreda fabricas illic incœpit, anno CCXCVII. à devastatione Monasterii c. Beatus Ethelwoldus Winton. Episcopus, factâ conventionem cum Rege, emit ab ipso ex integro totam adjacentem regionem prædictæ Insulæ; & ipsam Ecclesiam ab Inguare destructam innovavit; Presby-

(b) In Monastico Anglicano tom. 1. p. 87. (ubi integra ferè Historia usque ad Brythnothum Abbatem exhibetur) legitur Anno Domini DCXXII. errore manifesto. Annus enim undecimus adventus Augustini in Angliam cum anno Domini 607. componitur. Neque tamen crediderim eo anno Augustinum Ecclesiam in Eliensi insulâ fundasse, neque etiam unquam vel è longinquo salutasse Orientales Anglos; quibus Felix

omnium primus anno post adventum Augustini in Angliam quadragesimo fidem Christianam annuntiâsse perhibetur: ut id taceam, Augustinum ante triennium in vivis esse desiisse. Sequenti autem tempore, quo majorem Insulæ huic sacræ religionem atque antiquitatem Monachi conciliarent, Ecclesiam ab Augustino inibi fundatam esse confinxerunt.

teros

teros inde expulit, Monachosque introduxit; & virum religiosum nomine Brythnodum eis ordinavit Abbatem. Prædictus Abbas Brythnodus anno x. regiminis sui à Reginâ Elstrithâ martirizatus est. Floruit autem sancta Religio sub Abbatum regimine cxxxix. annis, Abbatibus x.

Transmutatio Abbatix in Episcopatum.

[† Anno Domini MCVIII. regni verò Regis Henrici primi anno ix. facta est transmutatio Abbatix in Episcopatum per Papam Paschalem anno Pontificatus sui x. unde mansit & manet adhuc sub pastoralis curâ.] Anno Domini MXX. tempore Canuti Regis, qui quartus à Rege Edgardo regnabat, Alwynus Episcopus Elmamensis, sed prius Monachus Eliensis, præcepto ipsius Regis in Betrychewyde, i. e. in Bury, primò Monachorum catervam induxit; quosdam de Ely, quosdam de Holm ibi collocans, anno Elfini Abbatis Eliensis secundi xxxviii. post introductionem Monachorum in Ely per B. Ethelwoldum Episcopum annis xlix.

† Verba uncis inclusa aliunde irrepsisse videntur, in Monastico desiderata.

Incipit Libellus, breviter \* comprehensus; in quo continetur Genealogia & Vita B. Etheldredæ & sororum suarum; & de statu etiam Eliensis Ecclesiæ à tempore primæ foundationis usque ad hæc tempora nostra.

\* Compilatus. Cod. Cot. 1.

De origine Regis Annæ, patris sanctarum Virginum.

**A** Nna Rex Orientalium Anglorum, filius Eni, de regio genere, vir optimus, nupsit Hereswydæ forori S. Hyldæ Abbatissæ; ex quibus geniti sunt duo filii, Adulfus & Jurminus, & quatuor filix, primogenita Sexburga, Ethelberga, Etheldreda, & Withburga. Præfatus Anna occiditur à Pendâ Rege Merciorum anno regni sui xix. ab Incarnatione verò Domini DCLIV. & in loco qui || Blydburgh nuncupatur, sepelitur corpus ejus; ibi usque in præsentem diem piâ devotione fidelium veneratur. Illic etiam sepultus est Jurminus filius ejus; sed apud Betrycheworde, quod nunc S. Eadmundum appellant, postea translatus est, & honorificè collocatus. Turbatus hujusmodi rebus, Hereswytha post interitum Annæ sponsi sui mundum despiciens, apud Gallias peregrina in Monasterium Cale secessit. Illic regularibus subdita disciplinis, coronam æternam expectabat. Prædicto igitur Annâ mortuo, successit ei in regnum Adelherus frater ejus; in cujus tempore in loco qui dicitur \* Ikenno, Monasterium construitur à S. Botolpho. Præfatus Rex interfectus est anno regni sui secundo ab exercitu Oswy Regis Northanhumborum. Cui successit frater ejus tertius nomine || Edewoldus, homo bonus ac verus Dei cultor, juxta quod frater ejus Anna fuerat. Quo defuncto, successit ei in regnum Adulfus nepos ejus, filius Annæ fratris sui: cujus filia Edburga Abbatissa in Rependunâ famulo Dei Guthlaco sarcophagum plumbeum lintheumque transmisit; in quo idem vir Dei post suum obitum locaretur & circumdaretur.

Tho. l. i. n. 2.

Tho. l. i. n. 3.

Tho. l. i. n. 11.

|| Blydeburch. Cod. Cot. 2. Blytheburg. 1.

Tho. l. i. n. 12.

Tho. l. i. n.

13, 14.

\* Wenno, Monasticon legit.

|| Ethelwoldus. Cod. Cot. uterque.

Sexburga nupsit Erconberto Regi Cantix anno v. regni patris sui; quibus nati sunt duo Reges, Egbertus & Lotharius, & duæ filix, Ermenilda & Erkengora. Sexburga verò post obitum † viri sui, qui xxiv. annis imperium rexit, aliquamdiu viriliter regno præfuit; donec impuberes annos Egberti filii sui in robur virilis ætatis reformaverat. Commendato ei demum imperio, vestem jocunditatis deposuit; habitumque mœroris suscepit: tandem apud Schepeyam [|| Insula de Schepeyâ dicta erat à Mideltone oppido & ei suberat; ejus ethimologia à balatu nomine Anglico *Schepeya* est sortita & vocata; & est in occidentali parte Cantuariæ sita, bona, fortis & fertilis, infra mare, cum Castello de Quynborow] in Cantia votum suum dirigit; ubi novum habitaculum virginibus sacris, quas sibi associaverat, construxit; quæ etiam

Tho. l. i. n. 5.

† Obiit is anno 664. teste Bedâ

|| Ista uncis inclusa recentior quis in margine adnotarat, in Codice Cotton. & Monastico non reperita.



ab Egberto filio suo precio redemptas possessiones Ecclesiæ adjecit ; in quâ lxxvii. discipularum sibi adjunxit Collegium. Nocte autem quadam cum S. Sexburga sopori se dedisset ; Angelus Domini apparuit ei per visum, dicens : Scias quod non post multos hos dies multis annis evolutis desertores Dei regnum hoc invadent diripiendum, invasum oppriment & affligent. Quod tunc completum in se ferè tota Anglia est experta ; quando ab Aquilone ruit tempestas super habitatores terræ, Inguare & Ubba navali certamine cum triumpho regnum ingressis & sæviante gladio cædem Ecclesiæ Dei intentantibus generalem. Considerans itaque S. Sexburga desolationem in regno futuram, sicut ab Angelo Dei acceperat ; concepit affectu quod effectus prodidit, vitam videlicet pauperiorem arripere & se sub alterius potestate redigere. Accessit ad filias suas, eisque voluntatem suam ostendit ; & Ermenildam filiam suam eis Abbatissam præfecit. Cum igitur cunctâ, quæ inchoaverat, honestè complisset ; & totius Cantix tertiam partem ad usus Ecclesiæ emptam in manus earum collocasset ; acceptâ licentiâ & datis benedictionibus, B. Sexburga discessit ; nec sine dolore & fletu facta est inter illas lamentanda divisio. In principatu igitur Virginum B. Ermenildâ remanente, gloriosa Sexburga in Insulam Eliensem proficiscitur ; ubi à S. Etheldredâ sorore suâ tunc ibidem Abbatissâ accipitur, & cum triumpho introducitur ; & post obitum B. Etheldredæ eidem in Monasterii regimine successit, anno Domini DCLXXIX. ubi || sago & cilicio contenta, strata mollia recusabat ; juges orationibus dies, juges etiam continuabat noctes ; balnearum usus tanquam seminaria venenata refugit. Tandem cum bonum certamen certasset, spiritumque suum in manus Creatoris pridie Nonas Julii commendasset ; sepulta est condecenti loco, post beatam sororem suam ; ubi virtutum suarum merita florere non desinunt ; semperque ejus præconia accipiunt incrementa ; ut in Libro gestorum illius enarratur.

Ermenilda filia S. Sexburgæ nupsit Wlfero Regi Merciorum, filio Pendæ Regis ; quibus nata est Werburga. Præfato Wlfero post xvii. annos ad æterna \* regna migrante, Ermenilda Regina apud Cantiam in Monasterio de Shepeiâ confugit ; ubi genitrix sua Sexburga choris Virginum præluxit ; & sub eâ habitum religionis suscepit. Tandem recedente B. Sexburgâ de Shepeiâ, ipsam Abbatissam ibidem præfecit ; quæ successu temporis canonicâ electione Sexburgæ matri suæ apud Ely defunctæ in ministerium Abbatissæ successit ; ubi à cunctis dignè suscepta, mater omnium est effecta. Quanta verò sanctitatis & pietatis ipsa extiterit ; vita ejus atque sua mors preciosa plenius attestantur. Transiit enim ab hoc sæculo Idus Februarii ; & in Elyensi Monasterio cum beatâ genitrice suâ & virginali materterâ suâ Etheldredâ tumulata quiescit.

Werburga filia S. Ermenildæ post mortem patris sui intravit Monasterium S. Etheldredæ apud Ely ; sicut legitur in Vitâ suâ ; priusquam mater idem Monasterium intravit ; cujus sanctitatem cum Rex Ethelredus patruus suus comperisset ; eam inde cepit ; & principatum Monasteriorum Sanctimonialium, quæ in regno suo pollebant, ei tradidit. Sponsa igitur Domini Werburga cum quibusdam Ecclesiis præesset, post dilectæ suæ genitricis obitum jure prælationis etiam Monasterium Elgæ suscepit. Cum ergo omni familiæ & Monasteriis sibi creditis præ nimiam caritate optaret adesse ; & è contra nulli tolerabile videretur suâ dulci præsentia carere ; elegit cum divinâ præscientiâ & voluntate Hehanburge Monasterio corpore requiescere. Quamobrem præcepit Hehanburgensi familiæ ; ut ubicunque migraret ex hac luce, ipsi incunctanter venirent, corpusque ejus ad Monasterium portarent. Depositâ itaque Werburgâ in Cœnobio, quod || Trytengham appellatur, cujus Depositio iii. Nonas Februarii celebratur ; nocte Depositionis suæ supervenerunt Hehanburgenses ; & corpus ipsius de Ecclesiâ Trytengham rapiunt, & ad Ecclesiam

\* Obiit anno 675. auctore Bedâ.  
Tho. l. i. n. 60.

Tho. l. i. n. 46.

Tho. l. i. n. 61.

|| Trykkengham, Cod. Cor. i

clesiam Hehanburgensem cum ingenti lætitiâ deducunt & sepeliunt : & post ix. annos corpus ejus integrum vestesque nitidissimæ apparuerunt. Tandem in Cestriam, ubi nunc requiescit, translata est B. Werburga.

In Anglico legitur, quod Sexburga in Ecclesiâ de Shepeia, quam construxit, à Theodoro Archiepiscopo velamen sanctitatis accepit ; atque ibidem filia sua Ermenilda sub eâ nomen religionis spreto regni culmine postea sumpsit ; quæ dum iter apud Ely paravisset, filiam suam Werburgam pro se in ministerio Abbatissæ, sicut diu optaverat, constituit. Erkengota soror S. Ermenildæ ad exterâs nationes & ad loca transmarina demigrans, sacros Monasteriorum conventus peregrina circuit ; & ad quoddam Cœnobium in regione Francorum constructum in loco, qui dicitur Brige, devenit ; ubi sub Abbatissâ vocabulo Sarâ Deo servivit usque ad finem vitæ suæ ; & post ejus decessum sepultum est corpus ejus in Ecclesiâ Prothomartiris Stephani.

Ethelberga secunda filia Annæ & Hereswythæ dilectam perpetuæ virginitatis gloriam in magnâ corporis continentia servavit. Nam eo tempore necdum multis Monasteriis in regione Anglorum constructis, † multum de Britannia Monachicæ conversationis gratiâ Francorum vel Galliarum Monasteria adire solebant ; & filias suas ab eisdem erudiendas ac sponso cœlesti copulandas mittebant ; inter quas erat \* Syderda filia uxoris Annæ Regis Orientalium Anglorum ex alio viro procreata, & filia naturalis ejusdem Regis Ethelberga ; quarum utraque cum esset peregrina, pro merito virtutum in Monasterio Lingeni Abbatissa est constituta. Cum igitur B. Ethelberga diem ibi clausisset extremum ; post vii. annos obitus sui corpus ejus ita intemeratum invenitur, ita ut à criminalis concupiscentiæ corruptione erat immune ; quod & à loco, in quo prius erat sepultum, in Ecclesiam B. Stephani est translatum ; cujus videlicet Natalis ibi solet cum magnâ gloriâ celebrari die Nonarum Juliarum.

Etheldreda, tertia soror, apud Orientales Anglos in loco famoso Exnynge nuncupato orta, ut Beda testatur, lib. 4. de gestis Anglorum, cap. 17. Annæ Regis Orientalium Anglorum extitit filia, de matre vocabulo † Hereswydâ ; quæ à Tomberto Principe Girviorum Australium postulatur in conjugium ; cui licet invita à parentibus est desponsata, biennio ante interfectionem Annæ patris sui, || ab incarnatione Domini anno DCLII. & ab eodem Sponso suo, cum quo ferè triennio sub jugo maritali vixit in virginali contubernio, Insulam accepit in dotem ; secundum Bedam ubi prius. Elge à copiâ anguillarum, quæ in eisdem paludibus capiuntur, nomen accepit ; quæ mutato nomine meliorando Ely nuncupatur modo, sc.

Digna Dei domus, cui nomen convenit ejus :

vel sicut quidam differunt, Elge ex duobus verbis Hebraicis vocatur. El enim dicitur Deus, Ge terra, quod sc. Dei terra sonat. Dignè quidem Insula tali onomate signatur ; quæ ab initio Christianitatis & fidei in Angliâ Dominum Jesum Christum mox credere cœpit & colere. Tomberto igitur defuncto, mox virgo Etheldreda ad propriam domum in Ely descendit, in sanctâ viduitate per quinquennium permanens ; ubi vanos mundi honores fugiens, silentium semper & vitam prorsus ignobilem affectans [Locus autem illic difficultate adeundi & arboribus hinc inde circumdatus, habens aquas de supercilio collis tenues sed irriguas] quasi in heremum habitare cœpit ; & quos præcipuè noverat religionis esse, admodum in amicitiam sibi copulavit. Eodem verò tempore Egfridus in finibus Aquilonis inter Anglos \* tenens imperium, inflammatur in Virginis amorem : cui anno sexto post interfectionem patris sui unanimi voluntate parentum datur in conjugium. Cumque per xii. annos matrimonii lege teneretur ; noluit differre ulterius quod mente concepit. Vix à viro suo obtentâ licentiâ, virgo & regina intravit Monasterium S. Ebbæ Abba-

Tho. l. i. n. 60.

Tho. l. i. n. 5.

† Multi, sic legit Monasticon & Codex Cotton.

\* Sedrida Tho. Siderida. Cod. Cor.

Tho. l. i. n. 6.

† Hereswythâ. Cod. Cor. 1.

Tho. l. i. n. 7.

11.

|| Anna enim interfecta est anno 654. Chronol. Sax.

Tho. l. i. n. 15.

Tho. l. i. n. 33.

Tho. l. i. n. 15.

\* sc. Rex Northanhymbrorum.

Tho. l. i. n. 23.



Abbatissæ, quæ fuit amita Regis Egfridi apud Coludi [vel Cawode vii. miliaribus ab Eboraco,] accepto velamine Sanctimonialis habitûs ab antistite  
 † Matth. xi. 30. Wilfrido : ubi per anni spatium didicit quod † *jugum Domini suave est & o-*  
 Tho. l. i. n. 25. *nus ejus leve.* Demum Rex Edfridus in matrimonium eam concupivit resu-  
 mere; & instinctu suorum illam de Monasterio conabatur eripere. Nec  
 mora; ad Monasterium, ubi sancta Virgo degebat, festinanter ascendit.  
 Quo audito, mater Congregationis Ebba ex solâ fugâ præsidium fore fugge-  
 rit; nec quiescendum, donec in domum suam in Ely perveniat. Ipsa ob hoc  
 gemens & anxiosa, exit & fugit; & digressa jam ambitum loci cum duabus Dei  
 Tho. l. i. n. 26. ancillis Sewennâ & Sewerâ, collem eminentem, qui prope ColdeburChe-  
 sheved; quod Latine *Caput Coldebirti* dicitur, adiit & ascendit; ubi Deus a-  
 quas multiplices effudit; & locum, quod sacræ Virgines ascenderant, aquâ  
 Tho. l. i. n. 27. circumdedit; & sicut ab incolis loci illius accipitur, per vii. dies continuos si-  
 ne cibo & potu in oratione consistentes eas occuluit; donec Rex Edfridus, qui  
 nullum locum ipsas aggredi invenit, in stuporem versus de loco recessit, &  
 Eboracum rediit; Ermenburgamque sibi matrimonio copulavit; nec dein-  
 cept S. Wilfridum affectu ut antea coluit; sed diu iram sub tacito pectore ges-  
 sit contra illum; & expectatâ horâ ob istiusmodi causam eum de sede sui E-  
 piscopatûs expulit || : qui apud Ely cum B. Etheldredâ morabatur; ubi tunc  
 || Factum id  
 anno 678.  
 Tho. l. i. n. 4c. & quotiescunque necessitas poposcerat, jura officii Episcopalis administravit.  
 Pulsus ab Episcopatu Wilfridus, Romamque iturus, ubi navem ascendit, flan-  
 te Favonio Fresiam est appulsus; ubi prius opus evangelicum cœpit, & multa  
 millia Barbarorum ad fidem convertit; hiememque ibidem cum novâ Dei  
 plebe fœliciter exegit. Postea verò Fresiam reliquit, Romam adiit; ubi Be-  
 nedicti Papæ & plurimorum Episcoporum judiciis absque crimine accusatus  
 fuisse, Episcopatuque dignus fuisse inventus est. Britanniam rediit; Pro-  
 vinciam Suthsaxonum Christo credere fecit; ubi etiam jacet apud Reponam.

WILFRIDUS sanctis meritis & nomine dignus,  
 Quindecies ternos postquam egit Episcopus annos,  
 Transiit, & gaudens cœlestia regna petivit,  
 Attactus multis post tempora longa periclis.

Tho. l. i. n. 28. Sanctimoniales autem in rupis vertice degentes, cùm sitis ariditate nimium  
 astantes gravarentur; Ebba venerabilis Abbatisa Etheldredam commonet  
 Deum Christum orare, ut gustum aquæ præstet illis in hac sitis necessitate;  
 qui de petrâ potavit populum suum in Deserto. Et fusâ intentius ad Deum  
 oratione cum summâ mentis devotione, fons aquæ juxta eam confestim eru-  
 pit lucidissimæ; atque ad preces ejus, quod per naturam non habuit, ad gra-  
 tiam Dei arida rupes aquas perfudit; quæ in usum ipsarum sufficerent, nec  
 necessitati deessent, & usque in ævum manare non cessant. Unde potum su-  
 mentes, Deo gratias egerunt; & infirmis & adhuc saluberrimam præstat. In-  
 super memorabile & præ cæteris mirabile est; quod vestigia pedum illius as-  
 cendentis & descendantis in latere montis infusa tanquam in calidâ cerâ nunc  
 usque ostenduntur ad laudem Domini N. J. Christi. In hoc enim facto, si  
 diligenter attendimus, quatuor memoranda satis admiratione digna perpen-  
 dere possumus. Primum, quod misericorditer Deus illas ab oppressione Re-  
 gis protexit. Aliud, quod mare suas aquas ad earum munimentum tanquam  
 pro muro effudit. Tertium, quod \* rupis aspera in siti earum aquas dona-  
 vit. Quartum, quod duricia terræ velut suæ oblita naturæ more mutato ad  
 \* Rupes, in  
 Monastico.  
 † Plantæ. Mo-  
 nasticæ. & Cod.  
 Cotton.  
 Tho. l. i. n. 30. tactum † Prælatæ illius mollescere cœpit. Demum B. Etheldreda assumptis  
 secum præfatis ancillis, à loco atque provinciâ recessit; & ad flumen, quod  
 dicitur Hambre, proveniens; cujus alveo lenis auræ pulsu transito in portum  
 Wyntryngam prosperè est advecta; sed inde quasi stadiis decem ad viculum diver-

divertens in modum Insulæ paludibus fere circumdatum, Alfham nominatum, cum jam dictis puellis hospiciū petiit & accepit. Ibiq̃ paucis diebus manseratis Domipo Ecclesiam construxit. Inde B. Etheldreda iter arripuit; sed ex insolito labore nimium fatigata, in loco umbraculi se collocavit atque dormivit. Cum de sompno evigilata post paululum surrexisset; invenit baculum itineris sui, quem ad caput suum antea fixerat aridum & diu inveteratum, jam viridi cortice accinctum fronduisse ac folia produxisse. Crevit ergo lignum illud, & facta est fraxinus, maxima cunctarum arborum illius provincie; appellaturque locus ille Etheldredestowe usque in hodiernum diem: quod Latine sonat *Pansatio Etheldreda*. Facta est etiam illic Ecclesia in honore B. Virginis ad laudem Domini nostri Jesu Christi, qui mirabilis est in Sanctis suis.

Tho. l. i. n. 31.

Interea B. Etheldreda per innumera itinerum discrimina & labores diversos ad suam possessionem rediit in Ely cum ancillis suis, || anno Domini DCLXXII. illicque cum debito honore suscepta Insulam possedit; quam Huna sacerdos secutus fuit. Ibiq̃ Monasterium habere desideravit incorrupta Christi famula, secundum Bedam, quoniam de eorundem Orientalium Angelorum [\* provinciâ] ipsa originem duxit; sub quâ nonnulli vivere decertabant, & filias suas ab eâ informandas tradiderunt. Inter quas Werburga filia Ermenildæ advenit; & ab eâ normam religionis accepit & didicit. Sed tunc temporis in Insulâ non erat nisi una Ecclesia à B. Augustino Anglorum Apostolo facta apud Cradundene. In primitivâ enim Ecclesiâ nascentis fidei & Christianitatis B. Augustinus Ecclesiam ibi fabricavit in honore semper Virginis Mariæ anno ab Incarnatione Domini DCVII. adventus sui in Angliam anno xi. Cujus operis Rex Ethelbrithus primus fundator extitit: in quo Ministros Dei officium complentes instituit; quos Penda † Regis exercitus inde postea fugavit, locumque in solitudinem commutavit, & præfatam Ecclesiam ad solum destruxit, lxvii. annis antequam S. Etheldreda fabricas incœpit in Ely. Sed B. Etheldreda postquam illic mansionem elegit, prope fluentis alveum in loco eminentiori habitacula posuit; prædictamque Ecclesiam renovare ac reformare summo opere curavit; & dum reædificata ut primitus in honore Sanctæ Dei genitricis Mariæ fuit, innumerabilibus virtutibus Deo operante refulsit. Sicque solutis prioris fundamenti reliquiis, nova omnia præparavit. Ipsa siquidem B. Etheldreda post modicum auxilio fratris sui Adulfi Regis majore inibi constructo Monasterio Virginum Deo devotarum, mater & virgo & exemplis vitæ cœpit esse & monitis; quarum usibus ex integro Insulam constituit; & per dilectum suum Wilfridum Romæ nutu Apostolico corroborandum destinavit; qui ibidem à Papâ Benedicto privilegium super Elgæ Monasterium accepit; quatinus auctoritate S. Petri contra improborum irruptiones securius stare. Sed antequam de Româ rediit, S. Etheldreda de hoc sæculo migravit. In Cronicis verò Latinis & Anglicis habetur; quod anno ab Incarnatione Domini DCLXXIII. virgo Etheldreda fabricas incœpit in Ely; atque in brevi cœtum utriusque sexûs Deum timentem sub tramite vitæ regularis collegit; sicut Beda || scripsit, dicens, in ejusdem Deo dicatæ Virginis Translatione communem congregationem hinc fratrum illinc sororum circumstetisse sepulchrum ejus. Unde intelligitur viros & mulieres in eodem simul Monasterio cœlibem actitare vitam; atque in Ecclesiâ diutius servatum, ut ipsa statuerat, donec locum & patriam Dani vistorum: quod etiam apud Coludi [Cawode] & in multis Anglorum Ecclesiis fuisse testatur Historia Anglorum. Secundum Bedam post annum ex quo ipsa velamen Sanctimonialis habitus apud Coludi suscepit, facta est Abbatissa in Ely.

Tho. l. i. n. 33.

|| Annum Monasticum non agnoscit.

Tho. l. i. n. 34.

\* Vocem ex Beda restituiimus l. 4. c. 19.

Tho. l. i. n. 35.

† Penda Rex Estangliam vastavit anno 654.

|| L. 4. c. 19.

Nec \* diu post discessum S. Etheldredæ de Coludi, Monasterium Virginum, quod apud Coludi situm fuerat, in quo habitum religionis suscepit, per culpam

\* Rem narrat Beda l. 4. c. 25. Tho. l. i. n. 32.



culpam incuriæ flammis consumptum est : quod tamen à maliciâ inhabitantium in eo, & præcipuè illorum, qui majores esse videbantur, contigisse omnes qui nōrunt faciliè potuerunt advertere ; quod hic minimè præteritur. Sed non defuit puniendis admonitio divinæ pietatis ; qua correpti per jejunia, fletus & preces iram à se, ad instar Ninivitarum, justi Judicis averterent. Erat namque in eodem Monasterio vir de genere Scotorum, Adamannus nomine, ducens vitam in continentia & orationibus multum Deo devotam. Hic occupatus noctu vigiliis & psalmis, vidit subito astare sibi quendam incogniti vultus ; cujus præsentia cum esset exterritus, dixit illi ne timeret ; & quasi familiari eum voce alloquens ; Bene facis, inquit, tempore nocturnæ quietis non sompno indulgere, sed vigiliis & orationibus insistere & sedulo Deum deprecari. Totum hoc Monasterium ex ordine perlustrans, modò singulorum lectos inspexi ; & neminem præter te solum erga sanitatem animæ suæ occupatum reperi. Sed prorsus omnes viri & foeminae aut somno torpent inertes, aut ad peccata vigilant. Virgines quoque Deo dicatæ contemptâ reverentiâ suæ professionis, ad invicem sponiarum in periculum sui statûs adornant ; aut externorum sibi virorum amicitiam comparant. Unde meritò loco huic & habitatoribus ejus de cœlo vindicta flammis favientibus præparata est. Quod mox Matri Congregationis vocabulo Ebbæ, quæ Deo dignam Etheldredam in religionem susceperat, & in filiam adoptatam nutrierat atque docuerat, curavit indicare. At illa de tali præfagio meritò turbata dixit : Quare non citius hoc compertum mihi revelare voluisti ? Qui respondit. Timui propter reverentiam tuam ; ne fortè nimium conturbaberis. Sed tamen hanc consolationem habebis ; quòd in diebus tuis hæc plaga non superveniet. Quâ visione vulgatâ, loci illius accolæ aliquantulum paucis diebus timere, & seipsos intermissis facinoribus castigare cœperunt. Verum post obitum ipsius Abbatissæ redierunt ad pristinas sordes ; immò sceleratiora fecerunt. Et cum dicerent, pax & securitas ; extemplo præfatæ ultionis sunt pœnâ multati. Proh dolor ! Concitæ nimirum illis extiterat judicium eversionis ; quòd non merebantur gratissimæ Virginis suffragari consortio ; cujus præsentia frustrati, impiè & perverse agentes, incorrigibiles permanserunt : ut nec divino conversi ammonitu, nec venerabilis Etheldredæ compuncti devotione, ob scelerum enormitatem & se & locum perdidisse, sicut Beda meminit, agnoscuntur.

† Beda, l. 4. c.

19.

Tho. l. i. n. 36.

Tho. l. i. n. 41,

42, 43.

¶ Die viii. Cal.

Julii. Sic Flo-

rentius Wigorn.

impressus. Codex

autem MS. vetus

Bibliothecæ Lam-

bethanæ rectè le-

git ix. Calend.

Julii.

Tho. l. i. n. 44.

Postquam † autem B. Etheldreda gradum Abbatissæ in Ely suscepit, nunquam lineis seu laneis vestibus uti voluit ; raroque, præter majora solennia vel arctiorem necessitatem, plus quàm semel in die manducavit. Quòd si non infirmitas gravior prohibuisset ; ex tempore matutinæ Sinaxeos ulque ad ortum diei in Ecclesiâ precibus intenta perstitit. Et post vii. annos ex quo gradum Abbatissæ susceperat, quodam tumore maxillæ pressa, rapta est ad Dominum ; & æquè ut ipsa jusserat, non alibi quàm in medio suorum juxta ordinem quo transierat, in ligneo locello sepulta est. Cui successit in ministerium Abbatissæ soror sua Sexburga. Transiit ¶ autem S. Etheldreda ix. Cal. Julii, anno Domini DCLXXIX. sub Regibus Anglorum, fratre ejusdem videlicet Adulfo Orientalium & Lothario filio S. Sexburgæ Cantuariensium : Cujus exequias celebravit S. Huna sacerdos ; qui de ordine Monachorum & Presbiter S. Etheldredæ fuisse perhibetur. Qui insuper, sicut ab ipsâ mandatum acceperat, in cœmeterio Ecclesiæ juxta suos sepelivit ; & post venerandum illius obitum non in Ecclesiâ constitit ; sed in palude eadem prope Ely ad quandam modicam insulam secessit, quæ ejus nomine Huneya vocatur ; solitariam ibi eligens vitam, ubi quamdiu vixit, gloriosam vitam duxit. Ad cujus tumbam multi recuperandæ sanitatis gratiâ accedentes, sospitatem ipsius recuperasse meritis plerique testantur. Quod quidam cognoscentes, secretè ejusdem reliquias, sarcophago postea fracto, apud Thorneyam portantes posuerunt ;

fuerunt; sperantes à Domino ejus patrociniis gratiam & misericordiam.

In anno quo Dominus venerabilem virginem Etheldredam ad perhennem  
 cœlestis vitæ gloriam ab hac vitâ corruptibili provexit, mirum & admiran- Tho. l. i. n. 45.  
 dum accidit de quodam illius ministro Miraculum; quod Beda \* saluti mul- \* Lib. 4. c. 22.  
 torum intellexit enarrandum. Inter Egfridum enim Regem Northani-  
 brorum jamdudum sponsum ejusdem Virginis & Etheldredum Regem Mer-  
 ciorum conferto gravi prælio juxta flumen Trenta, ubi occisus est Alwynus  
 frater Egfridi Regis, cujus sororem Ostridam prædictus Rex Etheldredus ha-  
 buerat uxorem: inter alios de militiâ ejus Juvenis nomine Ymma occisus  
 est; qui die & nocte similis mortuo jacebat; tandem resumpto spiritu revix-  
 it, prout potuit, vulnera sua alligavit. Demum levavit se, & cœpit ire;  
 sed citò captus est à viris hostilis exercitus; & ad Dominum suum, Comitem  
 videlicet Etheldredi Regis, adductus. At ille suscipiens eum, curam vul-  
 neribus ejus egit; & ubi sanari cœpit, ne fugeret, vinciri præcepit; sed vin-  
 ciri non potuit. Mox verò ut abire cœperat; qui eum vinxerat; ejus vincu-  
 la sunt soluta. Interea Comes cœpit mirari & interrogare, quare ligari non  
 posset. Ille respondit: habeo fratrem nomine Tunna Presbyterum & Abba-  
 tem Monasterii in Civitate quæ ab ejus nomine Tunnacestria vocatur; qui  
 me interfectum putans, pro me Missas crebras facit. Et si nunc in aliâ essem  
 vitâ; ibi anima mea per ejus intercessionem solveretur à pœnis. Cum verò  
 vinculis teneri non posset; vendidit eum Londoniæ Freso cuidam; sed nec  
 ab illo, cum illuc duceretur, ullatenus potuit alligari: sed horâ quàm Missæ  
 fiebant solvebatur. Et cum vidisset qui eum emerat, vinculis non posse co-  
 hiberi; donavit ei facultatem sese redimendi, si posset. At ille [dato] jure-  
 jurando, ut ad illum rediret vel pecuniam ei pro se mitteret; venit Cantiam  
 ad Lotharium Regem, qui erat filius Sexburgæ sororis S. Etheldredæ regi-  
 næ; qui & ipse quondam ejusdem Reginæ minister fuerat, i. e. pincerna.  
 Petiit & accepit ab eo precium redemptionis suæ; ac suo Domino, ut promi-  
 serat, pro se misit. Qui primò ad fratrem suum reversus, cuncta quæ illi so-  
 latia in adversis provenissent, ex ordine replicavit: Cognovitque eo referente  
 illis maximè temporibus sua fuisse vincula soluta, quibus pro se Missarum  
 fuerant solempnia celebrata; sed & alia quæ periclitanti illi commoda conti-  
 gissent & prospera, per intercessionem fraternam & oblationem hostiæ salu-  
 taris cœlitus sibi fuisse donata intellexit. Multi hæc audientes à præfato viro,  
 accensi sunt fide ac devotione pietatis; & ad orandum vel eleemosinas facien-  
 das vel ad offerendas Deo victimas pro ereptione [suorum] qui fide sæculo  
 migraverunt. Intellexerunt enim, quòd sacrificium salutare ad redemptio-  
 nem valeret animæ & corporis sempiternam.

Cumque † B. Etheldreda sexdecim annis fuisset sepulta; placuit Sexburgæ † Beda l. 4. c.  
 Abbatissæ ossa ejus de terrâ levare, & in locello novo posita in Ecclesiam trans- 19.  
 ferri. Aperto igitur sepulcro, corpore ejus in lucem prolato, ita incorrup- Tho. l. i. n. 47,  
 tum inventum est, ac si eodem die fuisset defuncta sive humo data. Sed & 48, &c.  
 linthiamina omnia, quibus involutum erat ejus corpus, integra & nova appa-  
 ruerunt: quorum tactu variis passionibus afflicti curabantur. Necnon & lo-  
 culum, in quo primò sepulta est, || nonnullos oculis dolentibus saluti fuisse || l. Nonnullis  
 perhibent. Loto igitur sanctissimæ Virginis corpore, novisque vestibus in- oculos, ex Bedâ.  
 duto, in Ecclesiam B. Virginis Mariæ, quam à fundamentis construxerat, de-  
 fertur; & in sarcophago, quod de Grauntecestriâ fuerat allatum, reponitur;  
 in quo quidem sarcophago nulla reperitur junctura, ubi lapis lapidi cæmento  
 connectitur. Sic enim operculum unitum est suo vasculo; ut nulla divisionis  
 sit similitudo; nullatenus valet aperiri, nec qualiter arte dissolvi. Secun-  
 dum Bedam \* prædictum Sarcophagum juxta muros civitatis de Grauntecestriâ  
 fuit repertum, de marmore albo pulcherrime factum, operculo quoque † si-  
 mul lapidis aptissimè testum. Facta est igitur hæc Translatio || anno Domi-  
 ni

H h h h

\* Lib. 4. c. 19.  
 † l. Similis, ex  
 Bedâ.  
 || Restiis anno  
 695. siquidem  
 Etheldreda o-  
 bierit 679. &  
 Translatio post  
 16. annos facta  
 sit; ut supra  
 dictum est.



- Tho. l. i. n. 52, & 55. ni DCLXXIX. sub die Kalend. Novembr. xvi. De loco autem, in quo primò corpus ejus fuerat sepultum, fons aquæ oritur lucidissimæ; qui hucusque manare non desinit.
- Tho. l. i. n. 52. Post decessum verò Sanctarum prædictarum Ecclesia Elgæ minimè vacavit ab opere Dei; immò virtus divini cultûs sub regimine beatarum fœminarum, non tepescente sed magis ac magis fervescente fervore disciplinæ regularis ac custodiæ Monasticæ professionis, multorum annorum evolventibus orbitis floruit usque ad annum Incarnationis Dominicæ DCCCLXX. In quo quidem anno Ecclesia Eliensis à Paganis Inguare & Ubbâ igne consumpta est, extinctis Sanctimonialibus & omnibus qui intus erant. Et sic ipsa sancta religio, quæ à B. Etheldredâ in eadem Ecclesiâ fuit instituta, quæ cxcvii. annis sanctissimè duraverat, est deleta. Inter ipsos erat unus cæteris crudelior; qui dum tumultum S. Etheldredæ intueretur, thesaurum ibi positum arbitrabatur. Propter quod bipenni, quam manibus suis gestabat, foramen fecit in tumulo marmoreo; quod huc usque apparet. Quo facto, confestim oculis ejus à capite divinitus evulsis, sacrilegam ibi finivit vitam: quod cernentes cæteri, ulterius Virginis glebam inquietare non præsumpserunt. Ad ultimum verò flammâ & ferro cuncta consumuntur; totus fere Clerus trucidatur; adducitur in captivitatem quisque residuus. Sicque locus miserè tacebat à cultu divini officii omnino desolatus; nullus, qui ministerium implebat, remanet. Ex ipsis denique Clericis, qui deprædati fuerant, post aliquot annos octo reversi sunt: qui, prout poterant, porticus Ecclesiæ refarci-  
 Tho. l. i. n. 66. entes divinum officium solvebant. Verum ipsis alii succedendo Clerici non canonicè immò irreligiosè vitam duxerunt; de quibus quoddam mirabile  
 Tho. l. i. n. 67. contigit; videlicet, quòd unus eorum, Alfelmus nomine, sub personâ alterius de illo, qui errori & facinori eorum consenserat, asseruit & scripsit. [In Anglorum gente Edredo regnante, Cœnobita ab utriusque sexûs Canonicis nomine non dignitate erant occupata diutissimè.] Contigit quoque ut Monasterium Elgæ sub eorum transfiret dominio: quorum Archipresbyter, Præpositus & Magister instinctu Diaboli ausus est sepulchrum sacræ Virginis violare, hac ratione, ut sciret an virgo Etheldreda tunc carne maneret integra. Dixit namque: Si virgo tam sancta ut olim in præsentì jaceret Basilicâ; per eam plurima Deus fecisset miracula. Tunc unus ex sacerdotibus ei dixit. Idcirco didascole, tales profers sermones, quòd noviter ad Insulam istam ex aliâ Provinciâ venisti. Virtutum miracula minimè vidisti, quæ Conditor rerum peregit per hujus sacræ Virginis merita; ex quibus de pluribus pauca tibi referam; quæ paulò antequam huc adventares sunt patrata. Quædam  
 Tho. l. i. n. 70. matrona, quæ circiter sex annos erat paralitica; quidam adolescens per septem annos mutus; quædam puella à nativitate cæca post transacta decem annorum spatia; quidam juvenis manum habens aridam: Item manus servulæ  
 Tho. l. i. n. 71. cujusdam sacerdotis die Dominico in orto olera colligentis lignum, quòd manu tenebat & unde herbas evellere desiderabat illicitè, tam firmiter adhæsit, quòd nullus hominum per quinque annos eum potuit dirimere; per merita S. Etheldredæ curati sunt. Quapropter te moneo Magister, ut ab illicitis inchoamentis cesses. Qui noluit à sceleratissimo conamine cessare; sed convocavit quatuor juvenes ex Clericali ordine; quos conduxit in ruinam faciles & condemnationem perpetrato crimine. Qui accipientes furculos marathi,  
 Tho. l. i. n. 72. unde \* coperta fuit superficies pavimenti, quosque ponentes in sarcofagi foramine, quòd prius bipenni Pagani in eodem fuerat factum, post dirum Magistrum omnes ausi sunt corpus sanctæ Virginis tangere; nec adhuc voluit  
 Tho. l. i. n. 73. quiescere, sed utrum vestes ejus integræ essent affectavit videre. Accipiens igitur candelam, adhæsit virgulæ; & per foramen immisit tumuli; quæ cecidit super sacras vestes ejus, ac mansit donec tota cremata eas contingere flammâ metuente. Qui nec adhuc cessavit; sed virgam in uno capite acuit, & vestibus

\* Compta. Monastic. & Cod. Cotton.

vestibus Virginis infixit ; quas usque foramen pertraxit ; & quod nullam læsionem habebant, cœpit mirari. Qui confestim ingentem machæram arripuit ; & exiguam inde particulam de omnium suasionem incidit : cæteris sodalibus quatuor, videlicet prædictis juvenibus, ipsam vestem sursum trahentibus & omni virtute retinentibus. Quæ postquam sceleratorum contactu est violata, ita ab eorum immundis manibus est subtracta : sicut retulit Presbiter, qui hujus criminis fuit particeps ; quasi eam infra tumbam duo fortissimi milites retraherent ; & quasi ipsa adhuc Virgo sancta vivens eis diceret : Nec Dei nec meam habeatis gratiam ; quod ausi estis corrumpere sindonem meam. Quid multa ? Mox ingens pestis arripuit domum illius sacerdotis ; quæ conjugem ejus ac liberos ejus citâ morte percussit ; totamque progeniem funditus extirpavit. Ipsum quoque ad alterum commigrantem locum post paucos dies deduxit ad infernum ; quoniam non purgavit per pœnitentiam scelus commissum. Sed & de quatuor ipsius fautoribus divina ultro peremit duos ocius. Tertius cum esset institutus officiis literalibus, Ecclesiasticis ac Sacerdotalibus ; ita protinus in amentiam versus, quicquid scivit est oblitus ; quasi nil didicisset penitus. Qui adhuc vivens luit pœnas de tam grandi facinore ; quia per singulos menses perdit sensum mentis vigore deficiente Lunâ ætatem quam habebat repente. Quartus verò fuit prælibatus Presbiter Alfelmus ; qui & ipse gravi ægritudine correptus, ferme per || octo menses mansit paralyticus ; donec parentes sui mœsti ac dolentes, quibus erat unicus, detulerunt eum cum pluribus muneribus ad corpus beatissimæ Virginis. Qui dum ibidem ipsâ vigilarent nocte, promittentes per sacramenta satisfactionem ; meruit eorum æger recipere sanitatem per virginis almæ Etheldredæ intercessionem. Et manè glorificantes cosmi redemptorem, læti reversi sunt ad eorum mansionem. Ecce quid infideliter dubitantis temeraria generavit præsumptio ? Ecce quid injusta justè promeruit actio ? Habeant ex hoc quilibet sacrarum Virginum indigni attrectatores reliquiarum ; quod non nisi cum cordis mundiciâ & humilitate id debent præsumere.

|| Septem.  
Cod. Cot. 1.

Sed nec quidem Ecclesia sic ab iniquorum cessavit Presbyterorum dominio ; verum sub eorum naufragosâ gubernatione usque ad decimum regni Regis Eadgari annum fluctuabat. Hujus Regis tempore duo de Magnatibus Regis, Sygidwoldus Episcopus, natione Græcus, & Thurstanus genere Danus, visâ loci habitudine, magis eum cupiditate quàm devotione à Rege petierunt. Cumque pari ambitione decertarent ; ne alter de alterius vel contemptu insultaret vel obtentu invideret ; medium se interjecit quidam, qui erat Regi à secretis, nomine Wlstanus de Delham ; & hic divino magis instigatus nutu quàm humano ductus affectu, ne alteri eorum cederet avaræ petitionis effectus, Regem hac oratione convenit. Domine Rex, cum tuæ salutis, honori atque regno cuncti providere debent ; nemo nostrum consulit istorum petitioni acquiescendum. Locus enim sanctus & celebris est, talibus indignus possessoribus ; cujus antiquam dignitatem, ne ignoranter peccare cogaris, paucis tibi, si jusseris, expedire non differam. Exposuitque Regi per ordinem loci dignitatem, vitam & miracula gloriosæ Virginis Etheldredæ & sororum suarum. Quo audito, S. Ethelwoldus Wynton. Episcopus, qui erat Confessor Domini Regis & secretorum conscius, super auditis nimium delectatus, emit à Rege prædictam Insulam integraliter ab omni jugo regalis exactionis liberam & quietam in perpetuum. Cujus Regis auctoritate Ethelwoldus Episcopus Wynton. prædictos Presbyteros inde expulit ; & Ecclesiam ipsam ab Inguare destructam & per centum annos desolatam atque regio fisco detentam diligenter innovavit ; Monachosque introduxit ; & virum religiosum nomine Brythnothum, Wynton. Ecclesiæ Præpositum, eis ordinavit Abbatem. Acta sunt hæc anno Incarnationis Dominicæ DCCCCLXX. ex quo autem Etheldreda fabricas illic incoepit CCXCVII. à devastatione verò Monasterii anno

Hic definit  
Thomæ liber  
primus.

Tho. l. 2. c. 3.

Tho. l. 2. c. 4.



\* Ærningefor-  
de. Hist. Thomæ.

Tho. 1. 2. c. 5.

C. Clericos quidem Monachilem habitum suscipere consentientes in Monasterium suscepit, renuentes de Monasterio expulit. Multas quoque terras tam per se emptas quàm ab ipso Rege gratis datas, cum donis & ornamentis variis, atque privilegio regiae authoritatis confirmatas, Deo & S. Etheldredæ totum commendavit; aliasque terras quamplurimas ab aliis emens Ecclesiæ adjecit. Contulit etiam Ecclesiæ nonnulla ornamenta, capas viz. plures, sed unam insignis operis. Dedit etiam in auro & argento multa preciosa & magna; quæ temporum vicissitudine infortunii ab Ecclesiâ distracta penitus consumuntur. Ipse iterum post hæc accessit ad Regem Edgarum; factâque conventionem ex integro emit ab eo totam adjacentem regionem prædictæ Insulæ; sc. hydas terræ quas Rex infra Insulam habuit, sed & dignitatem & Socam septem hundredorum & dimidii, duorum videlicet infra Insulam, quinque verò & dimidii in Provinciâ Orientalium Anglorum; & quinque hydas apud Meldeburne, & tres hydas cum dimidiâ apud \* Hernyngstede, & xii. hydas apud Northwolde, datis mutuò lx. hydīs, quas ipse de dono Domini sui Adelftani Regis apud Hertyngham habuerat; datoque insuper precio centum librarum, cum aureâ Cruce mirifico opere politâ Reliquiisque refertâ; quam gloriosus Rex in munimentum donorum suorum & loci libertatem cum textu mirifico super altare S. Etheldredæ in Ely gratanter obtulit. Has igitur terras à Rege emptas cum omnibus regiis consuetudinibus & cum privilegio æternæ libertatis corroboratas, S. Ethelwoldus Deo & S. Etheldredæ obtulit. Unde collectis omnibus terris, quas ipse infra aquas & paludes & mariscum de Ely adquisivit, Deoque & S. Etheldredæ dedit, inventæ sunt lx. hydæ. Item præfatus Rex dedit S. Etheldredæ xl. hydas terræ in pago qui dicitur Hatfelde. Ipse etiam dedit S. Ethelwoldo Manerium de Suthburne, eo pacto, ut ipse transferret Regulam S. Benedicti de Latino in Anglicum; quod idem Episcopus S. Etheldredæ obtulit. Idem Rex clamidem suam de insigni purpurâ ad modum lorice auro undique contextam illuc contulit; de quâ Insula facta est. Dedit etiam de suâ Capellâ capsides & philateria, cum nonnullorum Sanctorum reliquiis, indumentorum quæque insignia.

#### BRYTHNOTHUS primus Abbas.

Præfatus autem Abbas Brythnodus à memorato Rege donatus, à B. Dunstano Archiepiscopo atque Ethelwoldo Ventano Præsule Ecclesiæ Elyensis consecratus, gregem Dominicum discretè atque sollicitè sub regulari moderamine instituit. Hic erat eximiæ prudentiæ summæque abstinentiæ, & in exequendis negotiis solerter intentus: nunc nova fundamenta jaciens in loco, & rura non modica adjiciens. Ipse fecit beatarum Virginum imagines; quas auro & argento gemmisque pretiosissimè texuit; & juxta altare duas à dextris & duas à sinistris statuit; quæ & in dedicatione Willelmi Regis excrustare, & quæque meliora Ecclesiæ ornamenta ablata sola nuda ligna hætenus valent intueri. Item in tempore ipsius Abbatis Crux Christi loquelas edidit in protectionem Monachorum apud Wynton. dicens: *Absit hoc ut fiat; Absit hoc ut fiat*: videlicet ut personæ intromissæ de Ecclesiis expellantur & expulsæ restituantur. Interim prædictus Abbas tunc Ecclesiæ suæ viriliter instabat; quam cum summâ intentione à Danis quondam subversam ad perfectum erigere laborabat. Ex parte enim lapsa velut nova non sine grandi labore adimplevit; ac deinde tectis reparatis quæ fuerant igne consumpta, templum rursus ædificatum non minùs eximium aut eminens quàm prius apparuit. Tandem deprecatione fratrum tam Abbas quàm Episcopus Ethelwoldus dedicationis diem obtinuerunt à beatissimo Archipræsule Dorobernensi Dunstano, tempore assignato die sequenti Purificationis S. Mariæ; cum quo multi Pontifices & Ecclesiarum Pastores ad tam festivam solempnitatem celebrandam

dam convenerunt. In primis officinas Monasterii benedictionibus repleverunt; & suâ auctoritate locum, & quæ alicujus fidelium largitione ibidem collata fuerant scripto consignantes, adhibitis excellentissimi Regis Edgari privilegiis, cum quibus universa confirmârunt. Post hæc dedicationem incœperunt in benedictionibus dulcedinis, in capite Ecclesiæ titulum B. Petri Apostolorum Principis ponentes, & in australi parte memoriam sanctæ Dei Genitricis semper Virginis Mariæ; & diem exultabilem solempniter celebrantes, juxta ritum dedicationis templi in hymnis & confessionibus Deum benedicebant. Sicque post sancta Missarum veneranda officia, edentes & bibentes in Domino continuis vii. diebus festum agebant; ac demum in lætitiâ magnâ unusquisque remeavit ad propria.

Idem Abbas transtulit corpus S. Witburgæ de Derham apud Ely: de cujus origine & integritate legitur, quod Withburga adolescentior filiarum Annæ sublimiter est nata, quod regnum cœleste consequendum, & juxta mare cum suâ nutrice in quodam vico paterni juris nutrienda tradebatur Holkam vocitato; ubi processu temporis in memoriam ipsius Ecclesia est constructa; quæ Anglicè || Withburwestowe dicitur. Præfata autem Virgo audito patris sui interitu, ad Sanctimonialem professionem confugit; ubi in umbrâ alarum Dei sperans suaviter requievit. Sed inde ubi nutrita fuit, recedens quasi viginti miliaribus, apud Derham in humilem locum paterni juris devenit; illic solitariè volens vivere elegit, ubi Monasterium condere satagebat. Cùmque Domino suo templum conderet; contigit ut nichil victualium præter siccum panem haberet, quod operariis ædificiû apponeret; ob. quod ad Genitricem Dei confugit; eamque querulis precibus pro instanti urgere cœpit necessitate. Cui inter preces paululùm dormitanti afftitit Virgo Maria, docens eam non sollicitari de victu corporeo nec cogitare de craftino. Mitte, inquit, diluculo puellas ministras ad proximum pontem silvestris fluvii. Ibi observantibus illis diatim occurrent duæ feræ lactifluæ; quas tractabiliter mulgentes solacium victui vestro interim ministrabunt. Sic ancilla Domini cœlitus edocta, mittit manè multrices ad pontem præmonstratum, qui ferè uno stadio distat à Monasterio, quo stans silva grato irrigatur fluvio; unde continuò duæ affiliunt cervæ; quæ se familiarius quàm domestica animalia præbebant multuræ. Has singillatim astantes vel succedentes mulgebant manus virginæ; tantamque lactis ubertatem in vasa sua expresserunt, ut ydriam plenam duo viri injecto per ansas vecte humeris suis efferrent; & omnibus domi communis hæc copia sufficeret. Quæ supernæ largitatis beneficia cum cotidiano usu per aliquod tempus abundanter proficerent; Præpositus ipsius villæ, vir pravi ingenii, cœpit tanta miracula aut parvipendere aut irridere. Dehinc livore, cupiditate, superbiâ & indignatione agitatus, adductis canibus nitebatur infantes feras captare; contemptis sc. commodis, quæ Dominicæ exhibebant familiæ. At illæ exacerbata & absterrita, procul in suas silvas aufugere. Villicus verò non tam bestiis quàm Dei domesticis gratuito noxiis, suæ malevolentia sine dilatione pœnas solvit. Nam eâdem horâ dum emissario equo feras insectatur fugaces; equus in obstantem sepem urgentibus calcariibus incurrit; sepiisque acutâ fude transfixus ilia, dum resiliendo tergiversatur, fessor superbus supino capite excutitur, fractâque cervice exanimatur. Ablato autem lacte ferino, non defuit Dominus gregi suo; sed rediit qui defuerat victus tempore opportuno. † *Inquirentes autem Dominum non deficient omni bono*; qui mannam de cœlo pluit; qui Sampsonem de mandibulâ asini potavit; qui Elyam per corvum, item per viduam Sareptoriam pavit; & in multis Sanctis deificè copiosus extitit. Commendatis demum pupillis suis æterno Regi, de hoc sæculo migravit xvi. Calend. Aprilis, anno DCCXLIII. & in Cœmiterio Ecclesiæ Derhamensis sepelitur; & post annos ferè lv. sine corruptione corpus ejus inventum est, & in Ecclesiam, quam ipsa ibidem con-

|| Withburgfio-  
we. Cod. Cot. 1.

† Psal. xxxiv. 10.



condiderat, translatum anno Domini DCCXCVIII. ubi usque tempora Regis Edgari servabatur, i. e. usque ad annum Domini DCCCCLXXIV. & ita requievit in prædictâ Ecclesiâ clxxvi. annis. Anno igitur Domini DCCCCLXXIV. Abbas Brithnothus de consensu Regis Edgari & Episcopi Ethelwoldi S. Withburgam de Derham in Ely fecit transferri viii. Id. Julii, & juxta sorores suas sepeliri; ibique requievit cxxxii. annis, h. e. usque ad annum Domini MCVI. in quo quidem anno Abbas Ricardus in novum Monasterium eam transtulit: sicut posterius docetur. De loco autem illo, in quo primò sepulta fuit apud Derham, fons aquæ lucidissimæ emanat.

Præfatus Abbas Bridnodus, quòd solus ad omnia attendere non sufficit, concordia fratrum virum honestum ex eis Leonem nomine sibi commilitonem extrinsecus posuit; & rei familiaris præposituram sibi commisit. Hic suâ industriâ fines regionis Elgæ metiri inchoavit; & quantâ auctoritate locus innititur, ostendit. Hic etiam fecit Crucem argenteam; quæ Crux Leonis Præpositi nominatur; in quâ forma corporis Christi ingenio artificis cavata Sanctorum reliquias Vedasti & Amandi continebat: quam Nigellus Episcopus de Ecclesiâ asportavit. Memoratus Abbas in hunc modum est martirizatus anno ab Incarnatione Domini DCCCCLXXXI. Quodam die contigit Abbatem Bridnodum ad Curiam Regis Edelredi pro Ecclesiæ negotiis proficisci. Cis Geldesdune per silvam, quæ Nova Foresta vocatur, ibat; ubi, ut fertur, ad usus naturæ remotiora loca repetiit; cavens, ut erat homo simplex & magnæ verecundiæ, undique circumspexit. Reginam fortè sub quadam arbore offendit nomine Aelstritham, suis veneficiis vacantem. Quo viso, non absque luctu & pavore ingenti in talibus se perceptam ingemuit: peritissima verò in arte mechanicâ, ut fertur, habebatur. Sed vir Domini ex hujuscemodi rebus turbatus nimium, quantocius inde recessit; & ad Regis Curiam deveniens, magnificè susceptus, Ecclesiæ suæ negotia citius adimplevit. Itaque munificentia Regis perfunctus & exhilaratus, ad sua redire viam repetivit; & ne Reginam licet abhorrens declinaret, ad ejus descendit Aulam; quam fortuito ab omnibus vacuum penitus invenit. Tum celeriter Reginæ innotuit illius adventus. Illa verò petivit cum festinatione; ut ad illam solus veniret; quòd cum eo de salute animæ suæ nonnulla secretè tractare habuit, mandavit. Cui ingresso plures enormitates lasciviæ nimis favorabiliter & inverecundè locuta est; precibus & promissis illum veluti Sanctum Joseph mulier impudica si posset incontinentiæ sibi nodis allicere; astimans fraude malignâ Sanctum Dei in scelere secum commisceri; quoniam per illum metuerat detegi à malitiâ, quam illam exercere invenit. Ille viribus & verbis obstat, negat & abhorret. Unde in furorem commota, evocatis ex suo nequam famulatu ancillis; & quia concepit dolorem, peperit iniquitatem; beatum virum neci tradere jussit: nolens eum superstitem, quem fore dubitavit suorum aliquando scelerum proditorem. Excogitat, quomodo illum extinguat, corpore à vulnere reservato immune, non apparente læsione. Admonet eas mucronum copulas in igne fervere; & sub acellis Sancti Abbatis imprimi usque dum spiritum excutiat. Quo factò, clamavit intrinsecus, velut tali infortunio pavescit. Unde ministri Abbatis & qui cum illo venerant adcurrunt Monachi. Eum subitâ morte præventum ab eis audiunt & ingemiscunt. At illi ex eventu nimium dolentes, & voces lugubres emittentes, corpus Domini sui vehiculo imponentes, in Ely ad suam detulerunt Ecclesiam; nullum vulneris in eo comperientes indicium, sepulturæ tradiderunt. Martirizatus est itaque primus sanctæ Elyensis Ecclesiæ Abbas; unius mulierculæ suffocatus machinationibus: optans magis incidere in manus hominis, quàm legem Domini derelinquere: cujus anima cum Sanctis omnibus regnatura æterna in cœlis promeruit gaudia. De Reginâ verò sinistram nemo aliquid

aliquid vel saltem mutire, sive malum in ipsam præsumpsit inferre sermonem. Poterat hoc verbum cunctos latere diucius: nisi quod eadem de sceleribus, de suis beneficiis & nefandis operibus Dei miseratione compuncta; & maxime de interitu gloriosi Regis Edwardi primogeniti sui, quem palam cunctis suis circumventum insidiis, ut proprius ejus filius Ethelredus levaretur in Regem, injuste peremisse confessa est; pro quo Cænobium Sanctimonialium de Were-welle ex suis opibus fecit: ubi omnibus diebus vitæ suæ in luctu & pœnitentiâ permanfit; & quali morte Brydnodum Elyensem Abbatem interfecit, ut præsignatum est, gemens & anxia ostendit: in quo loco tam in rebus quàm in possessionibus multa demum beneficia contulit.

\* ELSINUS, Abbas II.

\* Elsius, *God. Cor. I.*

Primo igitur Abbate Bridnodo mortuo, Episcopus Ethelwoldus jubente Rege Edelredo alium nomine Elsinum in loco ejus constituit, & ipsum benedixit. Hic à dicto Rege carus & honoratus multum extitit; sed maxime circa Ecclesiæ suæ utilitatem assiduus: unde locum suum sublimius augere cupiens, reliquias sanctæ Virginis Wendredæ à vicò de Merch intulit in Ely, in scrinio ex auro & lapidibus decenter aptato imposuit; & quidem super hæc omnia Regem convenit; & taxato precio ab eo emit xix. Cassatos in Cadenhyo, Strethele & Lynton; pro quorum possessione idem Abbas eidem Regi contulit appensuram auri purissimi juxta magnum pondus Normannorum. Post hæc cum idem Rex diem clausisset extremum; successit ei in regnum Edmundus filius suus, cognomento Ferreum Latus; qui Dei adjutorio audacter contra exercitum Danorum occurrit [ad] montem qui Assendum nuncupatur; strenui militis & boni Imperatoris officium exequabatur. Hostes similiter omnes perterreret; si perfidi Ducis Edrici non essent insidiæ, totusque fere globus nobilitatis Anglorum illic cæsus est; qui nullo in bello majus unquam vulnus quàm ibi acceperunt: ubi Ednodus Lincoln. Episcopus, Ramesyensis quondam Præpositus, & † Wlsinus Abbas, qui ad exorandum Domino pro milite bellum agente convenerant, interfecti sunt; & fratres de Ely, ut mos est Ecclesiæ, qui cum reliquis accederant illuc, prostrati sunt; & reliquæ Virginis almæ Wendredæ, quas secum attulerant, ablatae; nec usque nunc Ecclesiæ sunt restitutæ. Fertur enim, tunc quod ab ipso Canuto oblatae sunt in Doroberniâ repositæ. Nec diu post hæc Rex Edmundus rediens Lundoniam perimitur dolo prædicti Edrici, veru ferro in secreta naturæ transfixus, dum in secessu federet; & sepultus cum avo suo Edgardo Glaſtoniæ; filiis ejus & fratribus nullam regni portionem existimantibus. Sed Canutus ab omni Anglorum populo in regnum levatur. Infra duos annos tres Reges Angliæ præfuerunt; ut adimpleretur, quod S. Dunstanus ad Regem Ethelredum locutus est in sermone Domini. Cujus Reginam || Elgivam, alio nomine Emmam, || idem Rex Canutus in conjugium accepit; quæ sicut in illius tempore Elyensem Ecclesiæ honoribus decoravit & donis, ita & sub isto illam augmentare intendit. Insignem quoque purpuram aurifriso undique cinctam fecit; & partes auro & gemmis preciosis mirifico opere velut tabulatis adornavit; illicque obtulit: ut nulla alia in Anglorum regione talis operis & precii inveniat. Opus quippe illius materiam præcellere videtur. Atque cæteris Sanctis nostris pannum sericum unicuique, licet minoris precii, auro & gemmis intextum obtulit; quæ penes nos hæctenus reponuntur. Fecit etiam indumenta altaris, magnam pallam viridis coloris insignem cum laminis aureis; ut in facie altaris per diem solempnem celsius appareret. Desuper bisso sanguineo fulgore in longitudinem altaris ad cornua ejus attingens usque ad terram cum auri friso, altitudinem habens, spectaculum decoris magni precii administrat. Prædictus Abbas Elsinus post multam gloriam multasque possessiones

Anno 1016.

† Wlsinus, *God. Cor. uterque.*

|| Elgivam. *Cod. Cor. I.*



sessiones Ecclesiæ adquisitas, obiit, cum sedisset xxxviii. annis; & juxta prædecessorem suum in Ecclesiâ est conditus, anno ab Incarnatione Domini MXIX. (c).

#### LEOFWYNUS, Abbas III.

(d) Huic successit Leofwynus; qui à suis dejectus, cum Egelnode Dorobernensi Archiepiscopo petente pallium Romam perrexit; & in conspectu Benedicti Papæ de criminibus sibi objectis se purgavit; & sic in gratiam suorum recipi meruit. Hic cum sedisset annis tribus, obiit.

#### LEOFRICUS, Abbas IV.

Et successit ei Leoffricus, ipsius loci Præpositus. Hos duos Abbates benedixit Alwynus Elmamensis Episcopus; tam Rege Canuto præcipiente, quam toto Conventu id petente. Hic in septimo anno sui regiminis obiit.

#### LEOFFINUS, Abbas V.

Cui successit Leoffinus; qui jubente Rege Canuto ab Egelnode Archiepiscopo Dorobernensi apud Walewych est sacratus. Hic insignia ornamenta Ecclesiæ suæ contulit, viz. Albam præclaram cum amictu & cum superale cum stolâ & manipulo ex auro & lapidibus contextis, atque Infulam rubeam mirando opere subtus & desuper floribus retro extensam, & velut quodam tabulatu gemmis & auroante munitam. Idem statuit nutu & favore Regis firmas consignando, quæ per annum Ecclesiæ in cibum sufficerent. \* Shelforth coluit firmam duarum ebdomadatum, † Stapilford unius, Litolbyry duarum, Tripplawe duarum, Hauchestone unius, & Newton unius, Meldeburne duarum, Grantedene duarum, Toftes unius, & Cotenham unius, Wynelyngham unius, Dittone duarum, Hornyngesey duarum, Stewchewerch duarum, || Botlesham duarum, Catenho quatuor, Swafham dierum trium, Spaldewyke duarum ebdomadatum, Somersham duarum, Bluntesham unius, Colne unius, \* Hertest unius, † Brenchestone unius, Batelesdene duarum, Hecham duarum, Berkyng duarum, Nedyng unius, Wederyngsete unius, Brecham duarum, Pulham duarum, Thorp & Derham duarum, Northwolde duarum, Feltwelle duarum; Merham verò ad vehendum firmam Ecclesiæ de Northfolke, & ad suscipiendos ingredientes & egredientes de Monasterio. Et hæc si quid minus statuto suis conferrent temporibus; Insula ad hoc deputata reliquum suppleret.

Tempore Regis Canuti || Elwynus Episcopus Elmamensis, sed prius Monachus Elyensis, præcepto ipsius Regis in Betrychesworth, i. e. Bury, primò Monachorum catervam induxit, anno ab Incarnatione Domini MXX. secundum Cronicam Mariani; quosdam de Holm, quosdam de Ely ibi collocavit; eisque subsidia affluenter contulit; auxilium impendente Thurchillo Comite; præfecitque eis Abbatem nomine Uvium; Presbyteros quoque, qui ibi inordinatè vivebant, aut in eodem loco ad religionis culmen erexit, aut datis eis aliis rebus in alia loca mutavit; & post multa beneficia sacris locis collata, de-

(c) Hujus tempore insigne beneficium Ecclesiæ Eliensi accessit; quod Registri Eliensis verbis dabo. Anno MXIX. quidam locuples Leowynus nomine, filius Aldulfi, quodam tempore nimia irâ contra matrem suam commotus, illam interfecit tempore Alsi Abbatis. Pro quo enormi crimine gemens & ejulans Romam perrexit. Ubi injunctum erat ei, ut plures faceret eleemosynas, &c. Qui dedit Monasterio Elyensi filium suum Adelmerum cum

possessionibus, viz. Congestune, Rodyng, Undeleyan, Labyngbeth, & tertiam partem de Wythleseyâ, & terram de Estrege, Cotenham, & Abbateshay in London. & Glensford, piscationem de Upstane, firmam de Hasfeld. Ille cepit muros Ecclesiæ dilatare, & ad Australem plagam ampliare; & suis expensis reliquo operi unitos consummavit.

(d) Hunc alio nomine Oskitellum fuisse dictum constat ex Registro Eliensi.

mum relicto proprio Episcopatu ad contemplativam quietem in Eliensi Cœnobio reversus; ubi usque ad finem vitæ permansit. Prædictus Abbas Leoffinus, cum multa commoda suæ Ecclesiæ gessisset. obiit anno secundo Regis Edwardi, & ab Incarnatione Domini anno MXLIV. xv. annis Ecclesiæ præfuit. Sepultus est in Ecclesiâ juxta Prædecessores suos (e).

**WILFRICUS, Abbas VI.**

Ipsò igitur defuncto, idem Rex Wilfricum cognatum suum Abbatem ad jam dictum Cœnobium apud Wynton de Novo Monasterio assumpsit; ibique à Stigando Dorobernensi Archiepiscopo benedici fecit, ii. anno regni sui, ab Incarnatione verò Domini MXLIV. Tempore istius Abbatis villa de Estre cuidam ad tempus vitæ teneri conceditur. Idem Abbas emit Manerium de Bercham pro xxv. marcis auri. Hic habuit quendam fratrem nomine Gudmundum; quem nimis carnaliter dilexit; cui absque titulo & subscriptionis testimonio subscripta Maneria dimisit; & hoc non manifestè, ne Monachis innotesceret; partem videlicet de Marham cum Curiâ Villæ Lyvermere, Nachentune, Acholt, Bedenesdene, Gerboldsham (f). Hic cum diem clausisset extremum; frater ejus supradictus Gudmundus nequaquam prædictas terras reliquit; sed factâ conventionem cum Abbate Turstano, qui ei successerat, ut quamdiu viveret, teneret. Sed citius Normannis regnum obtinentibus, miles illorum quidam Hugo de Munford easdem terras invasit, & hætenus Ecclesiæ detinuit. Post decessum Abbatis Wilfrici, qui sedit annis xxii. Stigandus Doroberniæ Archiepiscopus Abbatiam de Ely & Episcopatus atque Abbatias plurimas sibi assumpsit; & quibus voluit personis conferebat. Ipsò suggerente Rex Aroldus prædictum Turstanum ab eodem Stigando benedici fecit anno Domini MLXVI. Prædictus verò Stigandus fecit unam casulam inæstimabilis facturæ & pretii, quam contulit Ecclesiæ Elyensi; quâ nulla in regno ditior atque pretiosior æstimabatur; quæ postea à Rege Wilhelmo est sublata, & in thesauris Wynton. reposita. Hic etiam fecit crucem magnam deargentatam desuper totamque, cum Imagine Domini nostri Jesu Christi ad magnitudinem fermè illius, atque similis operis Imagines Sanctæ Dei Genitricis & S. Johannis Evangelistæ ex ære fabrefactas; quas Nigellus Episcopus & plura alia postmodum abstulit ab Ecclesiâ.

**TURSTANUS, Abbas VII.**

Præfatus Abbas Turstanus apud Wycheford fuit genitus; & in Ecclesiâ de Ely à pueritiâ tam Anglicè quàm Latine sufficienter edoctus. Tempore cujus Rex Aroldus, Godwyni Ducis filius, ab exercitu Wilhelmi Ducis Normanniæ, Edwardi Regis consobrini, interficitur & cum eo Majores Angliæ in Festo Kalixti Papæ anno Domini MLXVI. Deinde idem Wilhelmus Dux Normannorum victor existens, in die Nativitatis Domini sc. feriâ secundâ apud Westmonasterium est consecratus in Regem Angliæ ab Aldredo Eboracensi Archiepiscopo; quod Stigandus Cantuariæ Archiepiscopus ab Alexandro Papâ tanquam Schismaticus suspensus erat. Unde idem Stigandus à facie Regis Wilhelmi fugiens, in Ely devenit; ad cujus mandatum Egfridus, quem prius Abbatem de S. Albano constituerat, cum thesauris illius Ecclesiæ & reliquiis ejusdem Sancti in Elyensem Insulam advenit. Item timore prædicti Regis Nobiles Angliæ ad Ely confugerunt. Inter quos fuit † Herwardus † Herewardus. vir strenuus; & diu loci firmitate muniti contra Regem rebellârunt. Unde Cod. Cot. 1.

(e) Obitum ejus die 26. Novembr. contigisse docet Obituarium Eliense *Vespasian* A. 6.

(f) Mœrore confectum statim post alienatas Cœnobii terras interiisse dicit Registrum Eliense.



|| L. Walteri.

\* Elsius. Cod.  
Cot. 1.

† Wynteworth.  
Cod. Cot. 1.

Rex gravi indignatione commotus, cuncta bona Ecclesiæ diripere iussit; & consilio || Willelmi Herfordensis Episcopi aliorumque Consiliatorum ejus quæcunque bona ac prædia Ecclesiæ, quæ foris erant, suis Militibus divisit. Monachi igitur Elyenses cognoscentes mala, quæ de bonis suis fiebant, graviter doluerunt; & habito consilio Regem adierunt apud Warwyk, anno videlicet septimo, ex quo seditionem adversus eum commoverunt; & ut gratiâ ejus cum loci sui libertate ac bonorum suorum redintegratione potirentur, mille marcas Regi contulerunt. Propter quod totum quod in Ecclesiâ ex auro & argento erat, viz. cruces, altaria, scrinia, textus, calices, patenas, pelves, fitulas, fistulas, cîfos, scutellas aureas & argenteas; insuper imaginem S. Mariæ cum puero suo sedentem in trono mirabiliter fabricatam; quam \* Alfius Abbas fecerat de auro & argento, similiter imagines sanctarum Virginum multo ornatu auri & argenti, Monachi spoliaverunt ad solvendum prædictam summam pecuniæ. Istis tempore prædicti Abbatis Turstani contingentibus, idem Abbas dies suos complevit; & ad patres suos est positus anno (g) Domini MLXXI. & v. suscepti sui gradûs anno, regnante præfato Willelmo. Qui cognito prædicti Abbatis decessu, ad Ely misit; & quicquid optimum in ornamentis & in rebus aliis ibi fuisse didicerat, in thesaurum suum iussit asportari; similiter pondus auri & argenti multum, quod in † Wynteworde inventum erat. Unde fratres vasa altaris demolita & dampna loci reparare cogitabant. Casulam quoque insignem, quam Stigandus Archiepiscopus eis contulerat, sicut dictum est, S. Etheldredæ abstulit; & in thesauris suis Wynton. posuit. Unde Ecclesia huc usque caruit.

#### THEODEWYNUS, Abbas VIII.

\* L. Gemeticensem.

(b) Deinde idem Rex Theodewynum Monachum \* Gemesciensem, curiis Normanniæ fatis cognitum, in Ely constituit Abbatem; qui Abbatiam noluit suscipere, nisi prius Rex ad eam revocaret quicquid inde abstulerat. Restitutis itaque spoliis Ecclesiasticis, Elyensem Abbatiam accepit; qui capam nivei candoris valde insignem parari fecit; & unam tabulam ante altare ex auro & argento admirandi operis, in cujus medio tronus cum imagine Domini, & per girum imagines ex argento penitus deaurato, atque hinc inde zonis lapidibus preciosis exornatæ. Super divitias regionis Angliæ præcipuum æstimabatur, quam Nigellus postea Episcopus comminuit, & omne preciosum de Ecclesiâ. Præfatus Abbas post duos annos & dimidium sine Abbatis consecratione defungitur anno Domini MLXXIV. & Godefridum Monachum, qui individuus Comes ei adhæserat, tanquam Vicarium loco sui relinquens; qui septem fere annis fidelis Procurator remansit ejusdem Ecclesiæ; non minus, quam si Abbas fuisset, ejus inserviens utilitati. Ipse impetravit à Rege; quatenus Abbathiæ totius possessiones jurari faceret. Anno igitur Domini MLXX. facta est discussio libertatis Eliensis Abbathiæ; quæ Regis Willelmi defensione xiv. annis fuerat neglecta. Cui discussioni interfuerunt quatuor Abbates, plurimique Vicecomites & Milites probati Francigenæ & Angli etiam de quatuor Comitatus, sc. Essex, Hertford, Huntyngdon, & Bede-

|| Anno 1080.  
4. Non. April.  
Sic Thomas habet l. 2. c. 74.  
rectius.

(g) Eliensem insulam Willelmus Rex expugnavit, & Præsules ac Magnates Anglos captivos abduxit anno 1071. Ipse autem Turstanus Abbas non obiit ante annum 1072. Interfuit enim Synodo apud Wyndesforam 1072. in Festo Pentecostes habitæ, & subscripsit decreto Synodali de primatu Sedis Cant. ibidem lato; apud Malmsburiensem de gest. Reg. l. 3. f. 66.

(b) In hujus pariter ac Turstani Abbatis tempore designando Thomas annum unicum justo minorem posuit. Theodewynus enim Concilio Londinensi anno 1075. præfens subscripsit (apud Concil. Angl. tom. 2. & Registr. Cant.) & sub exitum ejusdem anni defunctus videtur. Illum enim die 4. Decembr. obiisse Obituarium Eliense prodit.

ford.

ford. Est autem libertatis hujus veneranda quietatio; ut sancta Regina integerrime sua possideat ab inicio; ut Regum Edgari, Eadelredi, Eadwardi comprobatur privilegiis; quod hæc Sanctorum & maxime Edelwoldi restaurata sunt studio, & ab omni sæcularium potestate copiose redempta commercio; & malignè renitentibus conscripta & conclamata dampnationis imprecatio. Hanc validissimam discussionem & cautissimam institutionem, ne quâ possit inquietari calumpniâ, provida & benevola se Regis accinxit industria; præceptis eam roborans, edictis confirmans, beneficiis augens, Cartisque ejus muniens. Prædictus Procurator Godfridus, quæ in thesauris Ecclesiæ suæ reppererat, describi fecit. Ipse à Rege Wilhelmo ad Malmesberienfis Ecclesiæ regimen est translatus sine consecratione, anno Domini MLXXXI.

SYMEON, Abbas IX.

(i) Symeon Prior Wynton. frater Walkelini Pontificis ejusdem Ecclesiæ, Abbas Elyensis Ecclesiæ delegatur; qui contra morem atque loci dignitatem & Regis præceptum, nescientibus Ecclesiæ filiis, benedictionem percepit à Remigio Lincoln. Episcopo. Statuit enim Rex Edwardus, & Victor Papa confirmavit, Abbates Elyenses sine subjectionis obedientiâ à quocunque mal-  
lent Episcopo ordinandos; quâ libertate præcedentes Abbates usque ad ejus usi sunt tempora. In suâ tamen Ordinatione hanc conditionem obtinuit; ut Episcopus hoc jus contra Abbatem sequentem non vendicaret. Nactus igitur locum officii, præterita studia novis ampliavit operibus: novo sc. Ecclesiam Elyensem suscitans fundamento, reliquasque officinas toto nisu coadificavit. In tempore ipsius Wilhelmus Comes Warennæ miserabili morte obiit, propter quasdam Villas; quas fratribus Elyensibus violenter detinuit. In tempore etiam suo quidam Frater nomine Edwynus, qui mentem excefferat, per merita S. Etheldredæ sanatur. Hunc enim stantem ad Completorium ad exeundum de choro, antequam horæ illius officium compleretur, Diabolus suadebat. Quem statim cunctis stupentibus exeuntem crudeliter arripuit; totam ipsius mentem vertens in furorem. Erat enim ibi tunc unus de Monachis Winton. Godricus nomine, qui pro suâ sanctitate Monachis Elien. in exemplum religionis ab Abbate est adductus. Hic, ut postea retulit, vidit quendam nigrum quasi puerum cucullam adolescentis manu fortiter tenentem, & eum post se violenter trahentem. Item tempore suo duo muti à nativitate ad corpus S. Etheldredæ auditum recuperaverunt. Item tempore suo Pycotus Vicecomes Cantabrigiæ, genere Normannus, propter multa incommoda, quæ gessit huic Ecclesiæ, quò venerit, cui diffugerit, vel qualiter interierit, ignoratur. Item tempore suo Gervasius servus dicti Picoti valde infestus erat hominibus S. Etheldredæ; omnesque ejus possessiones quacunque potuit gravedine impugnabat. Cui quadam nocte B. Etheldreda cum duabus sororibus suis instar Abbatissæ cum baculo Pastoralis astitit; & aculeum baculi sui loco cordis tanquam eum perfossurus inseruit. Demum S. Witburga & S. Sexburga duris baculorum suorum stimulis eum pupugerunt. Ille verò gemitu terribili & clamore horribili expiravit. Item tempore suo Deus precibus S. Etheldredæ placatus, indignationem suam & iram de hoc loco avertit. Prædictus enim Abbas contumeliosè à Monachis correptus, eò quò indebitè benedictionem ab Episcopo Lincoln. susceperat, apud Regem obtinuit; ut decem Monachos de Wynton. adduceret; quibus tam interius quàm exterius ministeria subegit. Unde incommoda huc usque Ecclesia graviter perpeffa dolebat. Item tempore suo Scotia tota contra Regem Wilhel mum rebellavit.

Thomas de mirac. S. Etheldredæ cap. 11.  
Cap. 6.

Cap. 7.

Cap. 8.

Cap. 9.

Cap. 10.

(i) De Symeone paria dicenda sunt. Abbatiam Eliensem iste adeptus est anno 1082. | obiit 1094. fide Annalium Winton.



Propter quod ipse præcepit custodiam xl. Militum habere in Insulâ. Unde Abbas conduxit milites; clientes etiam & ingenuos, qui sibi adhærebant, plures præcinxit armis; habuitque ex consuetudine secundum jussu Regis prætaxatum militum numerum, infra aulam Ecclesiæ victum cotidie de manu Celerarii capientem atque stipendia: quod intolerabiliter locum vexavit. Nec diu post Rex in Franciam properavit; ubi oppidum Rathiatum & omnes in eo Ecclesias, & duas Reclusas succendit; sed in ipso obitu rediit †, sepultusque est Cadomi. Præfuit enim genti Anglorum xx. annis & vi. mensibus. Cui successit Willelmus Rufus filius ejus; qui debitum servitium, quod pater suus imposuerat, ab Ecclesiis violenter exegit. Abbatia verò de Ely absque minoratione quater viginti Milites: quadraginta sc. ex eis quos pater suus in Insulâ ob custodiam indixerat teneri, iste nunc ex debito sibi compellit in expeditione parari. Propter quod Abbas ingemiscens, Deumque invocans judicem pro his quæ sibi egerunt, cum vii. annos in Abbatia complevisset; factus est impotens sui; nil præter languorem per vii. annos continuos intendere potuit. Mancipia verò ipsius Abbatis, & cæteri in quibus confidebat, capite debilitato recesserunt in locum suum; & relictus est solus languens atque tabescens. Unus autem illorum, quem de imo extulit Abbas, cernens Dominum suum cunctis oneri esse atque despectui, quandam ruris partem in victum sibi usurpavit de jure Ecclesiæ. Multi etiam alii plura raperunt; quorum posterius usque in hunc diem attestantur se tenere de dono Symeonis Abbatis. Tandem verò Abbas secum excogitat suorum retundere superbiam. Convocavit ad se Judices regni; ut ipsi loco suo res Ecclesiæ protegerent adversus inimicos. Moxque ingressi thesauros inquirunt; multos contumeliis afficiunt; Monachisque annonam licet brevem constituunt; unoquoque sc. anno dari ad opus Fratrum ad vestimenta eorum lxx. libras, ad coquinam eorum lx. libras, & ad sagimen ducentos porcos, qui in curiâ pascuntur, & totum caseum & butirum, excepto hoc, quod est in firmâ Præpositorum; & unaquaque ebdomadâ vi. treyas frumenti, & x. treyas brasei, ad luminaria Monasterii, præsentem Ecclesiam cum sepulturâ villæ, & totum quicquid ad S. Bothulphum cum festivitate: & si tantum fuerit de vino; habebunt in xii. Lectionibus caritatem & in Sabbato; sui autem medietatem medonis habebunt. Sicque externi usque ad ipsius Abbatis obitum cuncta Monasterii interius & exterius pro velle disponunt. Angustiis igitur constrictus Abbas Symeon, ætatis suæ transiens annum centesimum, & sui regiminis anno xiii. ab Incarnatione Domini MXCIII. die S. Edmundi migravit ad Dominum; locumque sui officii suâ & aliorum Abbatum per vii. annos viduatam præsentia post obitum suum dereliquit & contristavit, anno Domini MC.

Reg. vetus Eli.  
cap. 16.

#### RICARDUS, Abbas X.

(1) Deinde Abbatia Eliensis donatur Ricardo Monacho Beccensi à Rege Henrico fratre prædicti Regis Willelmi ei in regnum succedente. Ipse enim anno Domini MC. Nonis Augusti die Dominico in Westmonasterio à Mau-

(1) Hunc Ricardi de Benefactâ filium fuisse Ordericus Vitalis scribit, *Hist. Eccl. p. 783*. Depositus ab Anselmo Archiepiscopo in Concilio Londinensi anno 1102. circa Festum S. Michaelis habito, Romam in ejusdem comitatu profectus est medio anno 1103. ubi contigit Anselmum quadam contra Regem eloqui, in quibus Ricardum sibi suffragaturum aestimabat. Ricardus verò pro Rege

agens, omnes Archiepiscopi calumnias refellat. Cujus rei rumor adventum ejus in Angliam præveniens, Regis gratiam plenissime ei restituit. Verba sunt Dicetensis in *Abbrev. Chron. p. 499*. Obit Ricardus anno 1107. 16. Junii, juxta Obituarium Eliense *Clan-dius A.8.* quamvis Anniversarium ejus tempore Quadragesimale celebrari consueverit.

ricio

ricio London. Episcopo est consecratus in Regem, & à Thomà Eboracensi coronatus; & eodem die coronationis suæ Abbatiam S. Edmundi dedit Roberto filio Hugonis Comitis Cestrensis, & Abbatiam de Ely Ricardo filio Gilberti Comitis; cujus uterque parens de regiâ stirpe descendens, illustrem sobolem sub veste Monachicâ in Beccensi Monasterio dedicârunt. Cùm igitur successu temporis præfatus Ricardus à Rege præfato ad regimen Ecclesiæ Elyensis esset promotus; ipsum primò aggreditur Robertus Lincoln. Episcopus; dicens sui juris esse, ut eum in Abbatem benediceret; cui juri decessorem ejus Symeonem decessori suo Remigio causatus est obedisse. Ricardus verò violentam in Symeonem indebitamque illius benedictionem fuisse protestans, jure suæ Ecclesiæ & plurimâ auctoritate se ab illius benedictione defendit; timens ne maledictionem pro benedictione incurreret, si contra jus suum se benedici pateretur. Post Episcopalem conflictum regalis ira eum infestavit, instinctu æmulatorum ipsum quoad tria accusantium, sc. quòd nimis pompaticè ad Curiam Regis accessit; quòd per omnia præceptis Regis noluit obedire; quòd quendam mimum ejus sibi conviciantem turpiter de domo suâ ejecit. Propter hæc Rex de Abbatia eum expulit; baculumque suum sibi reddi jussit. Qui Romam appellans, baculum ad Ecclesiam Elyensem per fratrum licentiam recessurus reposuit. Sicque Abbas à Rege prægravatus Romam [ivit,] & in præsentia Paschalis Papæ causam suæ necessitatis exposuit; à quo in gratiam susceptus, & in magnâ veneratione habitus, impetrans quod petierat, auctoritate Apostolicâ Ecclesiæ Elyensi est restitutus. Ubi Ecclesiam suam à prædecessore suo inceptam ædificavit; in quam quidem Ecclesiam corpus S. Etheldredæ transtulit in conspectum de veteri Ecclesiâ, i. e. de loco in quo S. Sexburga eam collocaverat, ubi & S. Ethelwoldus postea destructam Ecclesiam renovans, eam intemeratam, irremotam & inconspectam & non sub terrâ delitescentem sed desuper eminentem, sicut invenit, reliquit.

*Translatio Sanctarum Virginum per Ricardum Abbatem facta.*

Facta est hæc Translatio anno Domini MCVI. sub die Kal. || Novembr. xvi. quo quidem die prima ejus Translatio à S. Sexburgâ facta tanquam una cum novâ celebratur. Eodemque die facta fuit Translatio Sanctarum Sexburgæ, Withburgæ & Ermenildæ condecensissimâ ordinatione; ut omnium esset una solempnitas, quibus erat una fides, unus spiritus & una caritas. Collocatâ itaque decenter primiceriâ Etheldredâ contra majus altare, sepulchra Sanctarum Sexburgæ & Ermenildæ, quæ S. Ethelwoldus plumbo ex utrâque parte signaverat, aperuerunt; quarum glebas more conditionis humanæ reperiunt defluxisse. In fericis namque & sindone mundâ corpus S. Sexburgæ, seorsim ossa, & seorsim pulverem invenerunt; & utramque partem in singulis scriniis ex ligno compactis in monumento lapideo, ut Beatus reliquerat Ethelwoldus; quam ad Orientem versùs pedes S. Etheldredæ solempniter reposuerunt. Reliquias verò S. Ermenildæ in nudo sepulchri pavimento absque velamine invenerunt à B. sic Ethelwoldo repositas. Quas colligentes in mundissimo panno, & pulverem per se involventes, in pristino Mausoleo reposuerunt; & ad Austrum in dextris S. Etheldredæ haud dissimili diligentia locaverunt: & utrumque Mausoleum plumbo iterum Abbas Ricardus resignavit. Virginea autem gleba S. Witburgæ integra & vestibus & membris tota apparuit; sicut primitus erat imposita. Lignea etiam theca ferreis cum clavis exesis, cum quâ in Ely fuerat delata, servata & illæsâ. Interea quidem Senior ex Apostolico ovili Westmonasterii Warnerus nomine, ut inter plures convenerat, mirâ fidei audaciâ accessit; virginea membra passim tangit; & vestigiis, manibus & brachiis flexibiles artus reverenter attollit: exclamansque Dei mirabilia, plures ad spectandum attraxit. Verumptamen tectum nivalibus operi-

Ex Thomæ libro de translat. S. Etheldr. || Octobr. Thomas legit.



operimentis decorem nullius irreverentia attigit. Candet Domino rosatis genis facies, spiraculo vitæ inspirata; vernant suâ integritate stantia ubera; florent Paradisiacâ amœnitate innuba membra. Istud etiam vidit Herbertus Episcopus de Thetford, & alii plures, qui huic Translationi interfuerunt. Imposito igitur operculo, & clauso diligenter sarcophago, in quo prius jacuerat, de veteri Monasterio in novum eam transtulerunt ad beatam sororem suam; & contra Orientem ad latus suum eam componunt. Ab illo igitur die cœpit idem Abbas S. Withburgam pro suâ integritate singulari devotione venerari; thecamque argenteam ei fecisset, si diu vixisset. Aliæ namque occupationes variis eum modis ab hoc opere retardabant; & maxime quod Episcoporum Lincoln. calumpnias contra se de mutando in Episcopatum Elyensi Cœnobio cassare nitebatur. Ipse quidem primus hanc causam occultè penes Regem agebat. Cujus favorem consecutus, nuncios ad Apostolicum eodem anno super hoc direxit negotio. Idem Abbas ab Episcopo Ranulpho Dunelmensi villam de Hadham, quam violenter per Clericos London. Ecclesiæ suæ abstulit, justâ diffinitione coram Rege abegit; sicut Carta Regis ostendit. Ipse anno sui regiminis vii. in lecto decedente Sanctamque Withburgam prope se assistere cernentè obiit; & in crastino in Monasterio est sepultus. Nuncii autem qui Romam adierunt, auditâ Domini sui morte, negotium dimiserunt.

Jam patet, quod exordium Ecclesia Elyensis habuit à primâ fundatione usque ad tempora Episcoporum. A tempore enim, quo primò cœpit Monachos habere, hoc est, à tempore regni Regis Edgari decimo, usque ad annum regni Henrici I. nonum, h. e. cxxxix. annis, hos ad invicem succedentes sibi Abbates habuit, Brithnodum, Alsynum, Leofwynum, Leoffricum, Leoffinum, Wilfricum, Turstanum, Theodwynum, Symeonem, & Ricardum. Qui domûs suæ oppressionem non ferens, calumpnias æmulorum justâ refellit oratione; Regum & Apostolicorum fultus auctoritate, viriliter sua ex hostibus abegit: ostendens palam Ecclesiam suam, ex quo illic Monasterium constructum est, primò à S. Augustino Anglorum Apostolo, per beatum videlicet Regem Ethelbrithum, deinde sub beatissimâ Etheldredâ & ei succedentibus fœminis sacris, & nunc quoque tempore Abbatum, libera constitit, nullius præpedita iugo subjectionis; sed quemcunque magis optabant vel diligebant, Archiepiscopum sive Episcopum ad sua sacrandâ vocabant: Episcopum verò Lincoln. nil juris inde habere aut exigere debere innotuit; pluribusque asseruit privilegiorum testimoniis. Sed quum Ely suæ parochiæ confinis esse cernitur; arbitratur illam sed falsò, sibi assiduus molitur accusationibus subijcere. Unde licet post multa contumeliosè illata, ductor gregis Domini Abbas Ricardus prudenter secum tractavit locum ipsum in majorem provehere dignitatem, ac penitus malignantium versutias hominum rerundere: & ut in Episcopatum commutaret, secretò à Rege obtinuit. Tamen non ipse, sed qui ei successerat, negotium peregit.

RICHAR-

# RICHARDI,

Prioris Eliensis,

## Continuatio Historiæ Eliensis

Ab anno MCVII. ad annum MCLXIX.

Processus, qualiter Abbatia mutabatur in Episcopatum.

[Cod. Cotton.] Prologus de temporibus Episcoporum.

**S**ancti Spiritus, qui unicuique, prout vult & quantum vult, inspirat & infundit, assit mihi gratia; qui licet inscius sum & indignus manum mittere ad calamum propter & exilem sensum meum ac nimis obtusum; ferventi tamen animo sed multum paventi ductus, ad honorem Dei & sanctæ suæ Virginis Etheldredæ gloriam, de statu Elyensis Ecclesiæ & de Pastoribus & prælatis Ecclesiam regentibus illam ab anno Incarnationis Dominicæ MCVIII. regni verò Henrici Regis primi anno ix. usque ad præsens; necnon de Miraculis quibusdā, quæ per merita ejusdem Virginis gloriosæ nostris temporibus ab ipso facta sunt, à quo bona cuncta procedunt; suis locis scribere intendo: non de meipso præsumens, sed præceptis majorum meorum, prout teneor, humiliter obediens: in Dei auxilio & almæ Virginis Etheldredæ patrocínio firmiter confidens. Opus incœptum in Dei nomine toto, sicut dederit, persequar conamine; ut Deum ac Dominum nostrum Jesum Christum in Sanctis suis præsertim in suâ Sanctâ Virgine Etheldredâ glorificandi posteris relinquatur exemplum; & ut devotio populi ad ipsam sanctam Virginem ampliùs excitetur: necnon & ut Christus Jesus per ipsam & per sua merita devotis fidelibus suis sanitatem corporum ac salutem animarum ex suâ admirabili potentiâ frequentius operetur.

HERVEUS, primus Episcopus Eliensis.

(m) Post mortem Ricardi Abbatis mittitur à Rege Henrico ad Cœnobium

Ricardus Hist. genuin. cap. 1.

(m) Herveus cognomento Cruste, Bangornensis Episcopus, cui Rex Henricus curam de salute suâ commiserat, autore Dicetensi de Præsul. Angl. c. 14. Walliā non tam ejectus quā spe majorum divitiarum (si Malmsburiensi aliisque fides) sponte egressus, dono Regis Henrici Abbatiam Eliensem anno 1107. accepit jure commendatorio tenendam, eidemque in Episcopatum conversæ Episcopi titulo præesse cœpit medio anno 1109. Annum quidem 1108. Ricardus Sedi fundatæ posuit; annum autem 1109. Florentius, Parisius, ac testis omnibus major Eadmerus Hist. nov. p. 104. cujus verba inferiùs habes in annotatione ad Ricardi Historiolam de Conversione Abbatia

Elien. in Episcopatum. Datum est Roberto Episcopo Lincoln. loco abrepti à Diocesi suâ Pagi Cantabrigiensis Manerium de Spaldwick, quod Ricardus rectè tradidit. Malè autem Godwinus maneria de Bicklefworth & Bokden huic addidit. Unicum enim Spaldwick agnoscunt Malmsburiensis, Dicetensis, Ricardus in Historiā uberiori, Registra Ecclesiæ Elien. plura, & Historiæ istius Codices, quos vidi, omnes. Herveus obiit 1131. 30. Augusti, ex fide Annalium Winchelcumb. Continuatoris Florentii, & Obituarii Eliensis vetustioris. Annum 1130. Ricardus, 1134. Parisius, diem 5. Octobr. Obituarium Eliensē alterum, malè posuerunt.

Eliensē



Herveus gessit in campo azureo duo aurea bacula Episcopalia in modum Crucis S. Andreae, in capite mitram auream.

Elyense Herveus Pangornensis Episcopus, à suo Episcopatu per violentiam ejectus; ut ibi de rebus Ecclesiæ ad tempus sustentaretur; donec Rex plenius deliberasset, quid de eo esset factururus. Ipse igitur illuc veniens, gratiâ, conversatione & mirabili prudentiâ, omnium penè Monachorum sibi alligavit affectum; ut si fieri posset, eum sibi Episcopum adoptarent.

Quam circa sic affectionem aspiciens, cœpit paulatim quibusdam circumlocutionibus loci utilitatem eis proponere, fratrum animos attemperare, & multa jocunda promittere: si Abbatiam in Episcopatum promovere, & seipsum vellent in Episcopum suscipere. Ad quod efficiendum suum quoque eis promisit auxilium, dum tamen suum illi præberent assensum. Ipsis autem facile ad eum conversis, ipse Regem adiit; Rex petita concessit. Robertum Lincolnensem Episcopum ad colloquium invitavit; ut quia ille locus in ejus Episcopatu videbatur, sine ejus conniventiâ non fieret ista mutatio; ne Diocesis ejus pateretur injuriam; si inconsulto suo Episcopo alius in eam induceretur Episcopatus. Postea oportuit, ut futurus Episcopatus aliquam haberet parochiam; quam sibi impertiri de Lincolnensi Ecclesiæ canonica justitia cum æquâ compensatione postulabat. Datum est itaque Manerium de Spaldwyk Lincolnensi Ecclesiæ in jus perpetuum pro commutatione Episcopalis curæ super pagum Cantebrigiensem. Et finito hoc inter Regem & Robertum Episcopum secreto negotio, Monachis omnino inconsultis Ecclesiæ filiis & ignorantibus, Herveus Episcopus cum literis regiis ad confirmandum hoc propositum Romam destinatur. Quò veniens, impetravit quod petiit: Ad Regem & Archiepiscopum Anselmum & comprovinciales Episcopos literas Apostolici Paschalis super causâ suâ quales optabat, reportans. Quibus visis, assensum eorum obtinuit; & sequenti anno totum negotium suum consummavit: anno videlicet Domini MCVIII. Pontificatûs autem Papæ prædicti anno x. Quo etiam anno idem Rex Henricus Abbatiam Elyensem ad Episcopalem Sedem mutavit; & eundem Herveum Episcopum eidem Ecclesiæ præfecit.

Ric. c. 3.

Ric. c. 5.

Confirmatus igitur Herveus in Episcopum, studiis omnibus res Ecclesiæ suæ augere curavit; & varia impedimenta, in quibus Ecclesiam obligatam invenit, toto annisu vivaciter abolevit. Erant autem plures res Episcopatûs violenter tenentes; quorum potentia partim ex datâ Regi pecuniâ, partim ex propinquorum copiâ succrescens, invito Episcopo imminutionem Pontificis & quædam Pontificatûs officia in rebus extrinsecis aliquamdiu obtinebant; ipsumque Pontificem quibusdam factionibus frequenter infestabant. Horum malignitatem ægrè ferens Episcopus, sano consilio tandem molitus est eam extirpare; miserum reputans tot Laicis subjectam habere cervicem. Præterea quædam jura regalia de custodiâ apud Norwycum de xxv. solidis & quinque denariis & obolo ad opus vigiliarum Norwycensium eum onerabant; gravesque operationes eidem Castello debitas molestas habebat. Terras quoque Episcopatûs nonnulli per surreptionem invaserant; Episcopo nec respondere nec servitium dignantes facere. Primum itaque Regis animum quo potuit modo sibi allexit; & tantâ donorum, amicorum, precum copiâ, gratiâ, instantiâ apud eum obtinuit: ut custodiam Norwycensem sibi & hominibus suis valde onerosam suis cervicibus deponeret, & ad sui Castelli jus perpetuâ donatione converteret. His etiam ejectis, qui magisterium Insulæ contra ejus dominium usurpaverant; & remissis operationibus & consuetudinibus & vigiliis, Norwicensis castelli stipendiis, subjectisque suo dominatui aut penitus expulsis, qui terras Ecclesiæ de eo recognoscere noluerant. Quadraginta etiam libras de illis centum libris, quas prædicta Ecclesia solebat dare de scutagio, à Rege sibi remitti impetravit; & de xl. solidis de \* Wardpam, qui requirebantur de terrâ suâ, se & homines suos absolvit; & de his omnibus

cartas

\* Wardpany.  
Cod. Cor. I.

cartas perpetuæ libertatis singillatim de unoquoque negotio proprias adquisi-  
vit.

Ipse impetravit locum de \* Chartriz; & Ecclesiæ suæ jure perpetuæ possessio-  
nis adjecit. Ipse etiam impetravit, quod Ecclesia sua sit libera de omni tholo-  
neo ubique per Angliam. Præfuit igitur Herveus Episcopus Ecclesiæ Elyen-  
si; in cujus parochiâ est Thorney Monachorum & Sanctimonialium de Cha-  
triz & Canonorum de Bernewell. Sed victum Monachorum Elyensium  
de rebus Episcopalibus divisit, statuens eis pro multis, latis & optimis parti-  
culas terrarum steriles, & vix aliquas fertilis glebæ; quæ † si nec advenientibus  
hospitibus ad annonam sufficiunt; ut legitur in gestis Pontificum Anglorum:  
quod Episcopatus de Ely cum mille & ‖ octoginta librarum pretii æstimaretur;  
nequaquam numerus loci debitus scilicet \* lxxii. Monachorum ac servorum to-  
tidem; sed multò minus viz. † lx. minutissime sustentantur; quorum usui dis-  
ponente Deo atque ditioni cuncta Episcopi fuerant distributa atque disposita.  
Jam enim tutum se intelligens Episcopus à Rege, eos minorare in omnibus  
cogitat: licet ipsi nunquam consentirent scripto vel alicujus testimonio; sed  
suspirando gementes tacebant, ne viderentur Regi dissentire. Terrarum igi-  
tur nomina, quas Monachis per Cartam suam concessit, sunt hæc. 'Infra  
'Insulam, Suttoun, Wycham, Wycheford, Wynteword, Tydbrythsey, Stun-  
'teneya, cum xxiii. millibus anguillarum, quæ adjacent Manerio, & omnes  
'apparatus & oblationes altarium matris Ecclesiæ ad sustentandas ejusdem  
'Ecclesiæ necessitates, & Ecclesiam S. Mariæ de Ely cum terris & decimis &  
'omnibus rebus ad ipsam Ecclesiam spectantibus; & nominatim totam deci-  
'mam de Bertona in Ely, & unâ vaccariâ in Bela & Stretham, sub hac divisi-  
'one, ut duæ partes pertineant ad domum hospitalitatis, tertia verò ad ne-  
'cessaria Monachorum; quatuor quoque pensas casei in Dereford, & sex  
'pensas salis in Tyryngtoun; quinetiam ligna in Somersham & Bluntesham;  
'sicut melius habuerunt tempore prædecessorum in exordio. Et super ripam  
'de Bluntesham unam mensuram terræ cum quinque acris, ubi colligantur  
'ligna, & cum octo acris prati, unde pascantur boves, qui ligna attrahunt:  
'vineam etiam suam in Ely, sicut habuerunt, antequam ad Episcopatum ve-  
'nirem: & sex piscatores ad piscandum in aquis ubi solebant, cum eorum  
'mansionibus. Extra Insulam, in Cantebrigscirâ, Hawkestoun, Newtoun,  
'Shelford, Meldbourn, Melred, Swafham, & xii. sceppe frumenti & brasei,  
'quas debent hæredes Hardwyni de Scalariis. In Suffolchiâ, ‖ Bereham,  
'Wyntestoun, Stoca, Meltoun, Balderesey, Suthburium, Brythwellam, cum  
'Rixmerâ; Soca quoque quinque hundredorum & dimidii, Lakynghythe,  
'Undelèy, Shepey, Fotysthorpe, ad mandatum Monachorum: Et xxx. mil-  
'lia allecum de Dunewyco. Concedo eis etiam omnes servientes suos de  
'omnibus ministeriis, ut eos cum suis mansuris liberè possideant; universa  
'dona, quæ eisdem ante tempus Episcopatus mei sive tempore meo data  
'sunt, vel in posterum dabuntur, sive in terris, sive in Ecclesiis, sive in De-  
'cimis; sive in piscariis, sive denariis, sive in quocunque redditu, quem eis  
'quilibet fidelium hætenus contulerit, sive postmodum collaturus sit. Om-  
'nia autem præscripta, insuper & Curiam suam, ipsis concedo cum universis  
'libertatibus & consuetudinibus; quæ in terris, quæ mei juris sunt, servan-  
'tur; nichil prorsus excipiens, ita ut aliquis posterorum meorum ipsorum  
'rebus vel omnino se intromittat; nisi quod eisdem cum omnibus possessio-  
'nibus suis fideliter & indefinenter protegat & defendat.

In tempore prædicti Episcopi hæc contigerunt miracula; videlicet quod  
turris Ecclesiæ S. Petri, quæ in portâ fuit sita, à summo cacumine nocte igne  
fulguris erat accensa; sed subveniente Dei misericordiâ ab igne mirabiliter est  
erepta; Item quidam contractus, nomine Witgarus, ad tumbam S. Ethel-  
dredæ sanatur. Item quidam ydropicus, nomine Baldewynus, similiter  
quædam

\* Chateriz.  
Ric.

Ric. c. 7.

† Sibi. Ric.

‖ Octingenta-  
rum. Ric.

\* lxx. Id.

† xl. Id. & Cod.  
Cot. 2.

‖ Bergham.  
Cod. Cot. 1.

Thomas de mi-  
rac. S. Etheldr.  
cap. 12.

Cap. 44.



Cap. 43.

quædam mulier contracta, per merita S. Etheldredæ curatur. Item tempore Hervei ipsius S. Edmundus colono cuidam de villâ Exnyng in visu apparuit; atque suscitans his eum verbis alloquitur dicens: *Vir bone, quæ dico diligenter attende; quæ tibi jubentur efficaciter comple; & surgens ad Episcopum de Ely properanter ascende; eique meo nomine dices, quatinus mihi paret viam, quæ Dominam meam beatissimam Etheldredam adire queam.* At ille mox in Ely, sicut jussum fuerat, ad Episcopum festinavit; & mandatum, quod accepit, illi denunciavit. Qui ut talia audivit, præ gaudio flevit; & si fortè valeat hoc implere, à pluribus inquisivit. Et cum negotium multis commodum suscipere nemo præsumeret; ipsius Ecclesiæ Monachus quidam Johannes nomine accedens, naturâ, verbo & vultu simplicissimus, coram Episcopo obtulit se dicens opus hoc & velle & cum Dei adjutorio posse perficere. Nam postea jussus ab ipso Episcopo, à terrâ de Soham cœpit metiri atque arundinetum in viam sternere; alveos etiam fluminum ponticulis cinxit. Sicque ubi ille Deo dilectus in brevi proficiens opus cœlitus provisum explevit, per invia paludum usque in Ely viam semitæ fecit; mirantibus cunctis atque Deum benedicientibus. Item tempore hujus Britstani compeditus & in carcerem trusus Londoniæ, à vinculis suis solvitur per S. Benedictum, S. Etheldredam, atque Sexburgam, eundem in carcere visitantes. Item quidam à dolore capitis liberatus est, adjungens genæ suæ boias, quibus prædictus Britstani ligatus fuit; quas secum apud Ely detulit. Item Magister Radulphus [Ludimagister Done-

Ric. c. 8.

Tho. de mirac.  
Etheldr. c. 13.

Tho. c. 14.

Id. c. 15.

Id. c. 16.  
|| Beringham  
Tho.

Tho. c. 17.

Ric. c. 9.

\* iii. Cal. legunt Ricardus  
& Codex Cotton. 2.\* Defunt ista in  
Codice Cotton  
utroque.

Post hæc idem Herveus finem vitæ suæ instare sentiens, præ nimia senectute decidit in languorem; & ad Monachatum se præparat; sed variis causis mediantibus rem tamdiu differre cogitur inde, donec morte superveniente defungitur: cum Ecclesiæ Elyensi præfuisset annis xxii. anno Dom. MCXXXIII. \* Calend. Septembris; & pridie Kalend. ejusdem in Ecclesiâ Elyensi sepultus quievit. Post cujus obitum possessiones Ecclesiæ regia manus statim involvit; & Magistros crudeles Monachis præposuit. Circa illud tempus S. Etheldreda apparuit, cuidam Militi nomine Roberto de Altâ ripâ; promittens ei remedium salutis. Item B. Etheldreda visa fuit orare in quadam Capellâ: in unâ manu Psalterium tenuit, in aliâ verò cereum accensum. \* Herveus Episcopus contulit Ecclesiæ Eliensi unam Albam de serico; cujus paratura de aurifriso optimo per girum consuitur, cum collario uno. Item unum favonem, unam casulam quæ vocatur Pascha floridum; duo magna tapeta, & unum baculum pastorem in superiori parte deauratum, &c.

## NIGELLUS, Episcopus II.

Ric. c. 10.

Fert gules, in tribus  
manibus argenteis, coronam,  
clavem, crumenam aureas.

(n) Mortuo igitur Herveo primo Episcopo Elyensi, postquam xxii. annis sedisset, Monachis petentibus concessit Rex Henricus; ut non alium, sed quendam Clericum suum Nigellum Thesaurarium suum eligerent. Rege igitur imperante

(n) Nigellus, Rogeri Saresberiensis Episcopi nepos, ad Episcopatum Eliensem à Rege nominatus anno 1133. post Pentecosten, apud Lametham ab Archiepiscopo Cant. eodem anno consecratus fuit. Ista

Huntindoniensis & Annales Winchelcumb. produnt. Dies Ricardum rectè posuisse opinor. Quantâ iste solertiâ Thesaurarii regii munus exsequutus fuerit, Gervasius Tilberiensis in libro MS. de Scaccariis juribus &

perante & favente apud † Buriam in Episcopum datus est anno tertio obitus † Burnam. Sic  
Prædecessoris sui, v. Kalend. Junii, anno Domini MCXXXIII. & à Willelmo Archiepiscopo Cant. est consecratus anno eodem apud Lambythe || Ka- Ricardus & Cod.  
lend. Octobris. Hic ad Episcopatum suum veniens, cum magno honore intro- Cot. 2. Burn-  
nizatur. In crastinum verò Capitulum Fratrum ingessus, exhortationis eis ham. Cod. Cot. 1.  
verba prætendit; & se velle magis eos omnibus diligere spondit; resque || 3. Cal. Oct. Cod  
sanctæ tueri, dispersa congregare, & congregata illibatè servare faterur. Cotton. alter &  
latius in Opusculis Ricardi fratris nostri Historiarum studiosissimi inveniuntur. Ricardus, malè.  
Ric. cap. 11.

Interea Regis Thesaurarius & custos reipublicæ extiterat, Londoniam adi-  
it; & cuidam nomine || Ranulpho totius Episcopatus curam commisit. Qui || Radulpho. Ric.  
ut jura prædiorum possessionumq; Monachorum usurparet, malignis susurrati- Ric. c. 12.  
onibus Episcopum sæpius circumvenit; & nisi divinâ miseratione impedire-  
tur, religionem & Monachos in exterminium adduxisset. Item Episcopus de-  
dit præceptum in suis initiis, quatinus per manus memorati Ranulphi cun-  
cta Ecclesiæ possessio exterius describeretur; ut sciat quid habeat vel quid re-  
cipiat in dominio in censu aut in milite; ne jus sibi competens & à loco di-  
stracta alienetur, sed ab omni personâ, cujuscunque conditionis sit regularis  
vel sæcularis, excutiat, ut quæ sua sunt secundum patrum decreta & institutio-  
nes Conciliorum illibata recipiat atque possideat. Ad quod nihilominus con-  
sequendum, utriusque Regis, veteris scilicet bonæ memoriæ Henrici ipsius  
maximè judicio & justitiâ, quæ hîc inferuntur, recepit possessiones; sicut no-  
vi nunc Regis Stephani mansueti autoritate in omnibus protendit. Infra In-  
fulam verò Coveneya, † Mepale, extra Stewcheworde, Wrattyng, Stretele, † Mephale.  
Redingas, Tripelaua, Impetuna, Pampesworda, Grauntesdene, Tyryng- Cod. Cot. 1.  
toun, Merham, Cotenham, Snaylewelle, Beremotesdoun, Taderege, Chin-  
tesdoun. Hæc quoque & alia Episcopus de invadentibus possessiones S. Ethel-  
dredæ potenter abegit; & apud Wyndilbyry præsentibus judicibus Radul-  
pho Basset & Alberico de Ver, coram novem Hundredis, tam veteris Regis au-  
toritate antea, quam nunc novi Regis præcepto, Ecclesiæ sunt adjudicata &  
conclamata. Post hæc memoratus Episcopus jussit bona Ecclesiæ interius de- Ric. c. 14.

& consuetudinibus sæpius deprædicat. Uni-  
cum apponam locum ex capite 33. De hac  
ipsâ [quæstione] sollicitus fui circa Dominum  
Eliensem [Nigellum] virum atque hujus offi-  
cii peritissimum; cujus memoria in benedictione  
sit in æternum. Hic illustris illius Anglorum  
Regis Henrici I. Thesaurarius, & nepos Sales-  
buriensis [Episcopi] cujus supra meminimus,  
incomparabilem suis temporibus habuit Scacca-  
rii scientiam. Maximus etiam existens in his  
quæ ad sui statûs dignitatem pertinebant, ce-  
lebrem sui nominis famam fecit. Ad eum ut penè  
solus in regno sic vixerit & sic decesserit; ut  
gloriam ejus invida lingua denigrare non aude-  
at. Hic etiam ab illustri Rege Henrico II.  
frequenter rogatus, Scaccarii scientiam conti-  
nuatâ per multos annos bellicâ tempestate penè  
prorsus abolitam reformavit; & totius discre-  
tionis ejus formam, velut alter Esdras Biblio-  
thecæ sedulus reparator, renovavit. Longè  
aliter Monachi Elienses; qui Nigello in  
Clericorum Sæcularium partes propensiori  
infecti, memoriam ejus intentatis rapinæ,  
sacrilegii & prodicionibus criminibus detur-  
pârunt; in eo sanè diligentiores, quam in  
recensendis maximis, quæ Ecclesiæ Eliensi

contulit, beneficiis. Literatis certè me-  
moriam Nigelli non ingrata esse debet; quo-  
rum studia liberalitate suâ plurimum pro-  
movit. Canonicis enim Regularibus bonæ  
literaturæ operam navaturis Hospitium a-  
pud Cantabrigiam posuit, ubi loci Collegi-  
um D. Johannis nunc cernitur. Huic po-  
stea Hugo Norwold Eliensis Episcopus præ-  
dia nonnulla contulit, eâ conditione, ut sæ-  
culares bonarum literarum studiosi in idem  
admitterentur. Postmodum autem Hugo  
de Balsham Eliensis Episcopus sæculares  
Studentes cum prædiis à Norwoldo datis  
transtulit ad domum S. Petri à semetipso  
fundatam. Neve librorum copia studiosis  
deesset, Nigellus Eliensibus suis contulit Ec-  
clesiam de Wytlessey & Ympetone & duas  
partes decimæ domini de Pampesworth, &  
2. solidos & 2. denarios in Huntynghdone &  
unam mansam in Ely, ad libros faciendos,  
viz. ad codices describendos. Obiit Ni-  
gellus 1169. 30. Maii; quod præter Ricar-  
dum nostrum Obituarium Eliense testatur;  
quamvis tempore duntaxat Quadragesimali  
anniversarium ejus celebratum fuerit.



Tho. de mirac. scribi; ut sciret, quæ & quanta illic inveniret. Quintâ enim die Januarii fe-  
S. Etheldr. c. 24 cit videre totum thesaurum Ecclesiæ S. Etheldredæ in auro & argento, in pal-

liis, in libris, & omni genere ornamentorum eidem Ecclesiæ pertinentium. Post hoc præfatus Episcopus furripuit Monachis res suas, & Ranulpho eorum adversario commisit; qui eos crudeliter affigit, Priorem & Monachos suos suâ potestate proscripsit; debitos famulos eiecit, novos introduxit, non qui famularentur, sed insidiarentur: mutat officia, tollit subsidia, minuit victu-  
alia, detinet redditus, arcet exitus; vallis & sepibus & custodiis omnem in-  
tercludit semitam; ne de illâ violentiâ possent ad publicam ire querimoniam. Itaque videntes illi se hoc modo incarceratos, flagellum Domini sub expecta-  
tione misericordiæ patienter sustinebant, orationibus & jeuniis adæuentes San-  
ctarum corpora, in quarum patrocinio confidebant. Eratque vigilia S. Leo-  
nardi Confessoris, cum hæc eis supervenerat afflictio. Sicque totus ille an-  
nus transiit; & Monachis summam egestatem patientibus, magnam in se-  
quenti anno iram Dei passuris, de rebus eorum insolescebat ille Ranulphus. Et Monachis Elyensibus per biennium misere afflictis manus Domini jam pa-  
rat occurrere; ut illum nefarium Tyrannum, quem nulla frangebat miseri-  
cordia, ultio præoccuparet divina. Unde nefando præventus instinctu, ad sub-  
vertendam patriam complices sibi allexit: sed per S. Etheldredam detectus,  
proditionis conscius fugam iniit. Eâdem enim vigiliâ S. Leonardi, quâ ante  
duos annos ipse super res Monachorum se extulerat, nequissima proditio re-  
velari cœpit. Quidam enim occultus horror de tanti propositi immanitate e-  
um invaserat; & de suorum fide non satis fidebat. Sumptis secum quæ pote-  
rat, fugâ sibi consuluit; & totam causam suis reliquit. Monachis igitur  
S. Etheldredæ meritis liberatis à crudeli Tyranno, magno exultant tripudio,  
Dominum & almam ejus Virginem laudibus attollunt. Dei igitur judicio &  
S. Etheldredæ perterritus præfatus Episcopus reddit Monachis bona sua, non  
tamen plenè omnia; quæ & Cartâ suâ confirmavit.

Ric. c. 15.

Ric. c. 16.

Ric. c. 21.

Quinto autem Præfatus sui anno, qui est quartus regni Regis Stephani, &  
etiam multò antea, ubique locorum in Angliâ & Normanniâ fuerunt rapinæ  
& homicidia; jamque cœperant mala fieri in terrâ latronibus grassantibus;  
Baronibus Domino suo Regi fidem violentibus & sibi rebellare parantibus, &  
rebus undique dissidentibus. Non enim fidem invenit in terrâ; ut comple-  
retur, quod per quendam Sapientem longè prædictum fuerat de illo: *Nocebit  
possidenti & impiis impietas*. Pius quippe ac mansuetus cum esset Rex, dives,  
corpore validus, & tunc temporis fortissimus virorum super omnes Orientales  
probatur extitisse. Sed jam ad contextum Historiæ revertamur. Primum i-  
gitur hujus mali exordium cœpit in Angliâ Baldewynus de Ryverys, & Epif-  
copus Nigellus, malignorum instinctu, Monachis obnixè dissuadentibus, con-  
tra Regem munitionem in Ely ex lapide & cæmento statuerat firmissimum;  
quod virtute S. Etheldredæ crebrò dissolvebatur. Unde ad aquam prope ma-  
chinas construxit munitionem de lignis factam, aggere cinxit, & Alherede  
nihilominus reparatum custodiæ mancipavit. Cognoscentes hoc potentes  
quidam patriæ habito sermone cum Episcopo pactum stabiliunt per suum auxi-  
lium locum contra Regem firmissimè tenere. Quo audito Rex exercitum mi-  
sit ad impugnandam Insulam. Sed frustratis enlibus diu laboraverunt. Qui-  
bus Rex descendens in auxilium, \* Alherede applicuit, illic congregatis navi-  
bus, & innexis desuper || crateribus vadum equitibus transmeabilem fecit. Et  
mox ut intelligunt adesse Regem, abjectis armis milleni & milleni hostium  
terrati ante faciem ejus fugientes, absconderunt se per paludem in sæno & spe-  
luncis; cum pauci illorum si restitissent, Regem cum suis facile prosterne-  
rent. Episcopus verò nocte ante discesserat cum tribus tantum sociis; & ad  
Dominam Imperatricem, quæ tunc Gloucestriæ morabatur, iter arripuit;  
sicque illæsus evasit. Monachi autem hoc timentes vehementer plangebant.

\* Alrehede.  
Cod. Cot. interque.  
|| Cratibus. Ric.

Anno 1140.  
incunte.

Inten-

Intendunt esse causam immensi discriminis & dampni continui Ecclesiæ; tamen illi pro certo Episcopum multipliciter exorantes prostrati supplicabant; quatinus pro Dei timore & Sanctarum Virginum reverentiâ & gradûs sui honore à temerariâ præsumptione ac iniquorum consilio desistens, debitum Regi obsequium impenderet. Sed ad hoc penitus non acquievit. Propterea Rex iussit omnia, quæ illius erant, seisciri in manu suâ. Tunc Monachi excusantes se apud eum, & minimè conscios esse consilii vel commissi Episcopi, & ne offensum vindicet in eis victum subtrahendo vel dampnum loco inferendo, miserabiliter efflagitant. Ille benignus & pius ut erat pectore, non solum innoxios donavit; verum etiam Cartâ suâ omnia illorum in pace constituit atq; dimisit. Rex autem Stephanus, postquam in Ely advenit; milites Episcopi castellum de Alherede relinquere coegit, suis custodiendum tradidit; & res totius Episcopatus tam exterius quàm interiùs in manu suâ accepit. Episcopum verò bonis omnibus destitutum dejecit, dejectum exiit. Idcirco Episcopus Gloucestriæ, ubi secesserat, cum necessaria, prout consueverat, minimè haberet; sui, qui ad ipsum confugerant, egestate laborabant: Ipse enim solatium non admittebat in exilii discrimine; & oratio fiebat à Monachis filiis suis sine intermissione ad Deum pro eo. Et consilio tandem inito nuncios misit Romæ, summo Pontifici gravamina suæ Ecclesiæ designare & exspoliationem sui ostendere: Alexandrum videlicet Monachum Ecclesiæ nostræ & postea Priorem, virum bene religiosum, doctum & eloquentem Latinâ, Gallicanâ & linguâ Anglicâ; & cæteros, qui secum aderant viri scientiâ & dignitate præclari. Et negotium strenuissimè agentes, acceperunt ab excellentiâ Romanæ dignitatis ad Archiepiscopum & Episcopos Angliæ, & ad Rothomagensem Archiepiscopum literas de restituendo Nigello Episcopo in sedem suam.

Nec diu post hæc duo effluxerant anni; & ecce cum dicerent; *Pax & securitas*; incautos iterum oppressit repentina calamitas. Dirigitur enim in Ely à Rege Stephano cum militari manu in armis strenuus Comes Gaufridus de Mannavillâ, associante ei Comite Gileberto; ut homines Episcopi, qui tunc latenter affugerent, inde abigeret, aut gladiis truncaret. Qui festinus adveniens, hostilem turbam fugavit; milites verò teneri iussit; & equis impositos pedes eorum sub equis ligatos spectante populo usque in Ely perduxit; ac sibi occurrentes Monachos cum crucibus & sanctuariis, ut saltem vel sic furorem Tyranni lenirent, vix serò in gratiam suscipere dignabatur. Crimen verò super eos objecit frendens, & comminans ipsorum interitum & loci sancti desolationem; vulnusque jam proximè illatum crudeli indignatione renovavit: succidens eis penitus victum & possessiones eorum. Super hoc quippe Regem Stephanum compulsi adierunt; quos devotè suscipiens, non solum benigno consolabatur alloquio, sed hoc mandatum Comiti pro eis direxit; & sua omnia in integrum restituit.

Ric. c. 23.

Reversus itaque Episcopus valde à cunctis optatus ad sedem suam tandem in Ely per diversos labores & inedia macerationem, necdum binis in exilii discrimine annis completis; & honestissimè tam Monachorum concentu quàm plebium occursum debitâ cum devotione suscipitur: totumque Episcopatum cum munitione de || Alherede, fultus auxiliis Domine Imperatricis, à Gaufrido de Mannavillâ & Gileberto Comite, qui Insulam ex parte Regis invaserant, obtinuit; & ibat quotidie proficiens in necessitatibus loci, officio ministerii sui diligenter intentus, Monachos & familiares jam ut dilectos filios & assuetè consultos habuit & in cunctis agendis ascivit; gratum eis & benevolum se intentius exhibuit; errata corrigere, bona addere proposuit; quod proculdubio fecisset, si perversitas suorum id fieri non metuisset, videlicet Gocelini de Ely, Radulphi Dapiferi, Alexandri pincernæ; quorum instinctu bona interiùs diripere & possessiones Ecclesiæ coactus est exponere. Interim crescentia undequaque in regno mala decidium minitabant; regni negotia penitus

|| Atheldred.  
Ric. Alrehe.  
Cod. Cot. utiq.

nutare



nutare videbantur. Fortes in suis confissi munitionibus, invadunt res Ecclesiarum, & vastant; ac postpositis nemoribus infra mœnia venabantur. Numisma quoque & æs & commercii formam quisque apud se transmutavit, minuit & adulteravit in suis finibus, & quam voluit impressit imaginem; prout dragmam de Ely, quod integrum servabatur ex argento electo ac pondere publico per Episcopum extitisse memoratur.

His ita gestis, sedit Rex Stephanus in sede regni; & siluit terra in conspectu ejus. Et veniens Londoniam, quæ caput est Angliæ, occurrerunt ei pacifici suscipientes illum magno cum honore. Ibi consilio adunato Cleri & populi, Episcoporum atque Abbatum, Monachorum & Clericorum, plebisque infinitæ multitudinis, præsidente Romanæ Sedis Legato fratre Domini Regis Henrico Wynton. Episcopo, & Theodbaldo quem nuper Archiepiscopum Cant. fecerat; de statu regni cum illis tractavit; & ut in hostes pacis & patriæ sententiam ecclesiasticæ severitatis promulgarent indixit. Cum invicem causæ ab alterutro agerentur; Presbyter quidam Vitalis nomine conquestus est coram omnibus; quod Dominus Elyensis Episcopus eum non judiciali ordine de suâ Ecclesiâ expulerit. Huic per omnia ille Legatus favebat, & suffragari voluit. Cujus etiam machinationem quidam magnæ autoritatis & prudentiæ viri adversus Dominum Nigellum Episcopum parati insurrexerunt: illum ante Domini Papæ præsentiam appellaverunt, sinistra ei objicientes plurima, maximè quod seditiones in ipso concitaverat regno, & bona Ecclesiæ suæ in milites dissipaverat; aliaque ei convicia blasphemantes improperebant. Episcopus verò Elyensis pro tam imminente sibi negotio auxilium Domine Imperatricis & suorum colloquium requirendum putavit. Qui dum pergeret, homines Regis undique pervagantes loca obtinuerunt; semper in Episcopum Nigellum universi penè si quid malè & perversè inferre potuissent, parati. Quem apud Warrham fortuitu obviam habentes, invadunt, absque miseratione bonis suis dispoliant; equos & indumenta, insuper Capellam optimam, quam Episcopus secum de Ecclesiâ tulerat, incontaminatis manibus rapiunt. Similiter Albam optimè paratam pallio pulcherrimo superaurato, quam S. Ethelwoldus dedit Ecclesiæ, & duas Albas in paraturis pallii, & duas stolas cum favonibus, quarum unam decentissimam dedit Alsinus Abbas; & duas tunicas & duas dalmaticas & duas cappas Alfini Abbatis; & infulam viridem, quam dedit Aelfwara Domina, bene aurata cum listâ operata: & turribulum operculo ex argento superauratum cum catenis argenteis, quod dedit Alsinus Abbas; & duas ampullas argenteas, calicem de argento bene auratum, textum de auro cum Reliquiis; privilegium unum, pro quo Ecclesia postea expendit quinquaginta duas marcas; unam pallam altaris. Et sublatis omnibus, in suum redierunt præsidium. Sed tamen Episcopus, qui quærebatur, Deo suffragante illæsus evasit; & pro voto impetrans quæ à Dominâ Imperatrice poposcerat, in Ely properanter advenit, iter ad Romam in proximo suscepturus: licet interea insidias per circuitum & deprædationes ab hostibus gravissimè toleraret.

Quamobrem cum nulla copia rerum suarum ad exequendum tanti itineris laborem sufficeret; collectos in unum, quos sibi admodum familiares putaverat, secretius convenit, Gocelinum videlicet cognomento de Elye, Willelmum de Laventonâ, Hubertum Clericum, Willelmum cognomine Monachum, Henricum Peregrinum, Ranulphum || Hoslof, Alexandrum Dapiferum; quibus usus est in omnibus Achitofel in dampnis Ecclesiæ; quatinus super infortunii hujus discrimine quid utilius intelligerent, palam insinuent. At illi ut de thesauro Ecclesiæ acciperet, incunctanter ammonere satagunt. Sed ne tumultus aut seditio fieret in populo & inter Monachos; villam de Haddestock, quam diu calumniati fuerant, eis reddidit, & Cartâ suâ confirmabat & perpetuò consignabat. Cumque id Monachis exorando suggereret; tandem cum lacrimis

|| Hoslof. Cod.  
Cot. utique.

lacrimis & gemitu non sponte sed coacti sic oblatum suscipiunt: ut redditâ illis possessione & jugiter concessâ, infra tres menses redditus sui in integrum reformaret quicquid extulerit; quæ hîc assignanda non præterimus. Calicem videlicet aureum de quinque marcis auri, de feretro S. Etheldredæ ccxxxvi. marcas argenti, & duos margines de ii. marcis argenti; & duas bacinas argenti de sex marcis, duo candelabra de sedecim marcis. Dehinc paratis sumptibus affluenter Romam petiturus, per multam asperitatem laboris iter invadit; † ubi ante conspectum Domini Pontificis Lucii non solum adversus se inimicorum querelas justâ ratione fefellit; verum de objectis sibi criminibus se excusavit. Et judicio omnium à perversorum inquietudine, fultus & adjutus multipliciter auxiliis Archiepiscopi Theobaldi, absolvi meruit. † Anno 1144.

Sed dum Episcopus moras diu faceret; quotidie injuriis angustabatur domus ejus & pressuris. Insuper homines Regis erga locum fratrum Ely infidias unanimiter paraverunt. Adversum quos cum custodes Insulæ non sufficerent rebellare; Gaufridum Comitem tunc adversarium incendiis patriam & seditionibus perturbantem suscipiunt. Cui etiam Castrum de Ely atque Alrehede ob firmamentum tuitionis submiserunt. Hic totus in rabiem inductus, Ramefiam nobile Monasterium invadens, fugatâ Monachorum cæterâ custodiam posuit; similiter apud Benwick in ipso transitu aquarum. Inde recessum habuit per Ely quietè. Fordham quoque contra hostes sibi cum validâ manu firmare usurpavit. Propterea Rex Stephanus irâ graviter accensus, omnia hæc reputavit ab Episcopo Nigello machinari; & jussit evestigio possessiones Ecclesiæ à suis undequaque distrahi in vindictam odiorum ejus. Succisâ igitur Monachis rerum facultate suarum, nimis ægrè compelluntur in Ecclesiâ, maximè ciborum inediâ. Unde non habentes stipendia victuum, gementes & anxii, reliquias thesaurorum, quæ parvo in loco residuæ erant, viz. de octo feretris argentum quod inveniunt & aurum sumpserunt; quæ deinceps minimè sunt reformata. Oppresserat enim fames omnem regionem; & ægra sèges victum omnem negaverat; per viginti milliaria seu triginta non bos non aratrum est inventus, qui particulam terræ excoleret; vix parvissimus tunc modius emi poterat ducentis denariis. Tantaque hominum clades de inopiâ panis sequuta est; ut per vicos & plateas centeni & milleni ad instar uteris inflati exanimes jacerent: feris & volatilibus cadavera inhumata relinquebantur. Nam multo retro tempore talis tribulatio non fuit in cunctis terrarum regnis. Potentes per circuitum latè vastando, milites ex rapinâ conducunt; villas \* comburunt; captivos de longè ducentes miserabiliter tractabant: pios alligabant in compedibus, & nobiles in manicis ferreis. Furit itaque rabies vesana. Invieta lætatur malitia: non sexui, non parvæ ætati. Mille mortis species inferunt, ut ab afflictis pecunias excutiant: fit clamor dirus plangentium; inhorruit luctus ubique moerentium; & constat fuisse completum, quod nunciatur in Apocalypsi Joannis: † *querent homines mori & fugiet mors ab eis*. In his tamen dolorum eventibus inter scandalorum discrimina securè navigavit, & gloriosissimè Dei Ecclesia floruit.

Hæc omnia Episcopo quamvis Romæ longius commoranti satis innotuerunt; & gratia Domini Papæ sublimiter donatus, his munimentis tandem roboratus contra deprimentum ingenia, ad domum gaudens rediit, id est apud Ely; ubi tremens residebat, nec inde transire audebat nisi militum septus & satellitum multitudine. Nam ipso antea foris tardante, Comes supradictus Gaufridus interim ab exercitu Regis interiit; sicque Dei judicio patriæ vastatore sublato virtus bellatorum, qui secum manum ad perniciem miserorum firmaverunt, plurimum labefactata est; cognoscentes Dominum Christum fideli suo Regi de hostibus dare triumphum, & adversantes ei potenter elidere, ad hoc expavit cor inimicorum illius; & facti sunt amici, qui pridem eum impugnabant, fidem & obsequia spondentes per omnia. Inde etiam Episcopus

\* Dehinc omnia usque ad Nigelli chartam in codice nostro desiderata, ex alio codice Collegii Corporis Christi Cantab. restituenda curavi; & frequentia codicis Cantabrigiensis sphalmata ex Codice Cottoniano emendavi.

† Apoc. ix. 6.



piscopus maximè territus, Regem timuit Stephanum tunc nimis offensum, ideo quòd seditiosos patriæ adversus illum instigare, suscipere, in cunctis opitularetur, fœdus cum eo sæpius inchoatum minimè servasset, & obsidem quem pro tuendâ pace dedit callidè subtraxerit. Præceperat quippe Rex suis tunc bona Episcopi undique diripere; quod ipsi non segniter implere parabant. Saviunt; quæque consumunt & sibi vendicant. Episcopus velut alto vulnere faucius, tanti discriminis se reum esse ingemuit; Dei miserecordiam & Beatæ Etheldredæ suffragium flebilibus vocibus implorabat assiduus; ut quæ suis in omni tribulatione non desinit misericorditer subvenire, aliquando propter amorem Domini sui Jesu Christi nunc dignetur ei adesse in præsentis tribulationis articulo. Et quidem sensit celeri effectu sibi esse collatum, quod devoto affectu exorabat; per sanctæ Virginis meritum. Nam cum diu nemo de illo ad Regem atdebatur ferre sermonem; casu advenerat ad Episcopum facundissimus Clericus quidam; præclarus genere, à Rege honoratus & valde amatus, nomine Ricardus de Ponte Cardj. Hic negotium pro Episcopo suscepit, ad Regem detulit, delatum ad exitum perduxit; ut securè & sine dubio in præsentia Regis veniret; obtinuit, & quamcunque posset cum illo pacem vel conditionem stabiliret: & factum est. Cùmque die statuto adductus fuisset à propinquis & nobilibus Regni ante Regem in || Jepisvych villâ Regiâ; vix tandem supplicatione multorum concordiam vel gratiam ab eo impetrare \* potuit. Sic tamen ut sub obtentu pecuniæ, ter-centarum viz. marcarum argenti, insuper filium suum obsidem daret iterum, quem adolescentem in Monasterio nutriebat; pro quo, & per quem magnis & multis lædebatur Ecclesia incommodis.

Conventionione igitur fide & sacramento firmatâ, recessit Episcopus à Rege, pacis & concordia munimentum accipiens. Rex itaque spem sibi promissam accelerat; & Episcopo ad persolvendum nulla rerum suarum copia suffecerat. Argumenta componit ingenii, æstimans circumloquendo Monachos minùs peccati se scire obnoxium, si quod residuum erat de Ecclesiâ surriperet. Et ascitis primoribus domûs suæ, per quos in multis & magnis abuti cognoscebatur, Gocelino viz. cognomento de Ely, Willelmo de Laventunâ, Alexandro Dapifero, & aliis, quorum nomina in præsentis capitulo tanguntur, his monet blandâ circumventionem Monachos adire, animos eorum temptare, prece aut promisso quolibet modo ad consensum emollire; ut saltem de ornamentis Ecclesiæ ducentas marcas argenti tantum liceret assumere: quod illi audientes, nimium mœsti effecti, quoniam intendunt domum Dei omni decore interius expoliandam, ei unanimiter contradicunt. Ille autem urgente necessitate perpetim rogando insistit, spondens, promittens jurejurando infra annum se cuncta pro certo restauraturum in melius: insuper villam de Haddesstoke cum appendiciis suis eorum usibus perpetuò concessurum miserabiliter efflagitando asseruit; & fidejussores id sacramento affirmaturos produxit: sicque jugiter perseverat in prece, donec quod rogaverat assecutus est in munere. Cœpit itaque de feretro Sanctæ Etheldredæ lxxiv. marcas argenti, & de fronte xxv. marcas: nam alteram partem Feretri, h. e. in dexterâ, antea ceperat: & de tabulâ ante Altare lxiv. marcas argenti, & ii. marcas auri, & iii. uncias & dimidiam, de duabus Imaginibus versùs altare B. Mariæ & S. Johannis lvii. marcas argenti; & ii. marcas auri & dimidiam. Cœpit in candelabris xviii. marcas, || crucem magnam argenti, quam ferre solebamus diebus festis xvii. marcas, & ii. uncias auri, iii. cruces cepit xxv. marcas & † vi. marcas auri & unciam & dimidiam, & calicem iii. marcarum argenti. Hæc omnia benè operata fuerunt; & hæc cepit Episcopus Nigellus de Ecclesiâ sub his fidejussoribus; ut si quando sinistrâ fortunâ aliquâ ipse impeditus fuerit in tantum ut ipse thesaurum reparare non queat, ipsi de suo proprio redderent pro eo, & damnum Ecclesiæ restaurarent; & in conspectu fratrum

|| Gepefwyh.  
Cod. Cot. 1.

\* Valuit. Cod.  
Cotton.

|| Turrem. Cod.  
Cot. 2.

† ii. Cod. Cotton.

una.

unanimiter consistentium hoc servandum in manu Tomberti Prioris affidaverunt & juraverunt, Willelmus viz. Archidiaconus de lx. marcis, Gocelinus de Ely xl. marc. Ernulphus medicus de x. marc. Petrus Clericus de x. marc. Alexander Clericus de xx. marc. Gilbertus Capellanus de x. marc. Albertus Anglicus de x. marc. Henricus Peregrinus de xv. marc. Hubertus Clericus de v. marc. Willelmus de Schelforde de xx. marc. Summa cc. marc. habetur, quam supradicti viri, sicut prædiximus, se reddituros pollicitari sunt, licet Episcopus nunquam aliquid inde reddidisset. Episcopus etiam manu suâ illud se servaturum super altare majus affidavit; & chartâ suâ Manerium de Hadstoke ad operationes Ecclesiæ in usibus Monachorum perpetuo confirmavit.

Sed nec adhuc recordatus est beneficiorum aut dilectionis, quæ patri compatiens in suis necessitatibus impenderunt: immò ad disperdendum res Ecclesiæ manus ejus est iterum extensa. Consilio igitur prædictorum fide jussorum omnes Ecclesiæ usus in jus suum convertit; quam sacris vasis penitus exinanitam non jam divini cultûs sed suorum collateralium optabat esse || habitationem. Sævus semper Monachis & infestus; ut non discerneret hominibus magis quàm Deo bellum intulisse. Tulit igitur reliquias ornamentorum templi Domini, quondam coronati nunc verò languentis & ad terram miserè prostrati; & posuit in vadimonium Episcopo Lincolnensi; Casulam viz. beatæ memoriæ Edgari Regis, & cinctorium imprimis & albam cum amictu Turstani Monachi ejusdem Ecclesiæ Præpositi, & stolam illius, quæ prorsus in unâ vice amitteretur, nisi Monachi celerius de xxxix. marcis argenti, ut rogaverat, ei succurrerent; quas vix cùm adquisissent, subtrahentes sibi de victu & vestitu, per manum Prioris qui tunc erat dederunt. Sed suscipiens, in suos expendidit usus; atque alterâ vice die peremptorio statuto Monachis, ut ea tunc acquierarent vel deinceps carerent; & dedit Ecclesia lxxvii. marcas argenti per manum Willelmi Sacristæ. Iterum pro vadimoniis, quæ exposuit ante Episcopo Londoniensi, Nicolao similiter Clerico magnum calicem & crucem argenteam, unde tunc reliquiæ inclusæ furatæ sunt, redemit nunc Ecclesia lvii. marcis & vi. solidis & octodenariis. Item pro parvo textu aureo & pro ansâ argenteâ dedit v. marcas cuidam de Thetford; & præterea uno anno abstulit de Sacristariâ xxiv. marcas & vi. solidos. Antea verò prædictam crucem & textum similiter pro nummis transposuerat Judæis apud Cantebrigge, quæ gloriosus Rex sæpe dictus Edgarus ob signum libertatis suæ ac munificentia ibi donavit: & ne tanto muniminis titulo frustrarentur, Monachi dederunt cc. marcas per manum Willelmi Prioris. Insuper oblationes, & redditus, & totum quod venerat ad altare Sanctæ Etheldredæ per tres annos, in aucupibus & venatoribus suis expendidit. Quod enim in terris & vicis & redditibus & possessionibus egerit, clamor vulgi diffamat, & ipsa nimietas insolentia procul ostendit.

Talium nempe auctores extiterunt & rei præfati Clerici, Gocelinus viz. summus in consilio, versutus ingenio, primus in dolo, nulli secundus in flagitio. Hic Herveum Episcopum in suis initiis callidè circumveniens, pro voto sibi allexit. Etiam dominum suum, qui eum nutriverat, Thurstanum ipsius Ecclesiæ Præpositum & Monachum apud Regem Henricum accusatum de ministerio \* eliminatum voluit; in quo sic fraudulenter subire non timuit. Cùmque meritò rependere loco deberet omne bonum quod habuit; è contrario malum pro bono ille reddit; & calicem ex auro Wlwyni Monachi quatuor marcarum & dimidiæ perdere fecit. Insuper collegam sibi adjunxit in astutiâ consimilem † Eusebertum cognomento de Wachesham; qui tanquam unus Dioclesianus & alter Maximinianus, ambo Dei & Sanctæ Etheldredæ extiterunt inimici, non cessabant bona ejus surripere, minuere, alienare, & plagâ inestimabilis damni infligere curabant: quod in multis crudeliter impleverunt. Et quidem Gocelinus ductor belli, postquam noctu virginis Ethel-

|| Habiraculur  
Cod. Cotton.

\* Eliminavit:  
Cod. Cotton.

† Eusebertum:  
Cod. Côt.



Etheldredæ tumulum ausu temerario irrumpere præsumpserat, sicut legitur, quòd omnis violenta prædatio efficitur cum tumultu, & ipse totus furiâ in-  
 vectus audacter invasit, prius manum apposuit; aurum, argentum, lapides  
 pretiosos, ornatum omnem in securi & ascia evellendo projicit; destinatos  
 in scelere arguendo obsecrat sine morâ domini Episcopi iussa implere; ne-  
 sciens miser, quòd repenti divinitus in ultionem sacræ Virginis Etheldredæ  
 gravissimas foret pœnas luiturus. Nam dolore nimio pedum improvise oc-  
 cupatus, quem Medici podagra Græcè nuncupant, gressu omni destituitur;  
 talique infortunio longè decoctus, correctionem de cœlo impatienter ferens,  
 noluit adhuc intelligere ut bene ageret, nec de pravæ consuetudinis errore re-  
 versus est, quo tempus sacerdotii sui vivendo luxuriosè consumpserat, & || sa-  
 lariam præposituræ suæ in superbiâ & abusione totam dissipaverat; verum in  
 paupertate & æumnâ vitam finivit; & non tantum ille, sed quotquot fue-  
 runt conscii de suâ temeritate, minimè sunt compuncti; quia nunc periit  
 memoria eorum cum sonitu: quod debitis locis plenè describam.

|| Substantiam.  
 Cod. Cotton.

Alius verò de consilio malignantium, Willelmus supra memoratus de Shel-  
 ford, comes in universis paratus ad scelus, cum ligonibus, cum malleis, cum  
 fabrorum instrumentis temerè processit; super feretrum secundus ipse ma-  
 num injecit, æs inde tulit; sed factum doluit mox amarissimè. Cùm enim  
 esset dives valdè, & nullius egerit; casu in tantam devenit inopiam, ut nec  
 etiam vitæ necessaria haberet. Consumptisque omnibus quæ illius erant,  
 quid ageret, quò se verteret, ignoravit. Tandem multum diu postulans,  
 vix à fratribus in Ely meruit ad Monachatum suscipi; ubi in luctu, in la-  
 crymis, in vigiliis, in orationibus persistens, reatum ingemuit, reliquum vi-  
 tæ spacium verè pœnitendo explevit.

Deinde Prior Thombertus & Secretarius Radulphus consentientes consilio  
 nequam, qui murum se ponere deberent pro domo Israel, favore & humanâ  
 decepti gratiâ, Episcopo in desideriis animæ suæ paruerunt; cùm Deo esset  
 magis obediendum quàm hominibus; & qui hominibus placent \* *confusi sunt*,  
*quoniam Deus sprexit eos*; sicut mirabilis patefecit eventus: subito iusti ju-  
 dices Dei vindictam scilicet & reatûs supplicium senserunt; & vexati sunt at-  
 tribulatione malorum & dolore infirmati, nec fuit qui adjuvaret. Ex his su-  
 perior paralyti morbo incurabili percussus, omni penè membrorum motu ac  
 linguæ privatur officio. Alter vulnere correptus lethali, præ nimia doloris  
 angustia facies illius tumescere cœpit, quæ totam maxillam verterat in saniem,  
 & molestiæ gravitas in vulnus dissipaverat. Sicque continuè in suppliciis  
 gementes utrumque inutilem reddit languor; quibus cùm nulla medicorum  
 experientia proficeret; longè exitialiter cruciati, dolendo exitu vitam termi-  
 naverunt, Deo vindice & sanctâ Etheldredâ: ideo quòd posuerunt adversus  
 eam mala pro bonis, & odium pro dilectione; cùm eos enutrivit & exaltavit,  
 ipsi autem contemnentes spreverunt eam.

\* Psal. liii. 5.

|| Halof. Cod.  
 Cor.

† Phisici. Cod.  
 Cotton.

In posterum verò Radulphus || Elos, qui hanc domum privavit optimâ pal-  
 lâ xl. precii librarum, præsertim in possessionibus multis & bonis loci disper-  
 dendis atque surripiendis suasit atque semper fautor existerat, nunc quidem  
 iudicio Dei morbo preventus est subito sub mammâ illius vesicâ quam † medici  
 carbunculum vocant; unde secatus curari non potuit. Inde Richardus de  
 Sancto Paulo offendiculum doloris incurrit. Tam mirabiliter languit, quòd  
 à cognatis omnino & notis spernebatur. Willelmus verò Archidiaconus in  
 ipsâ Ecclesiâ S. Etheldredæ, cùm quodam die contra Episcopum Dominum suum  
 placitaret, repenti coram omnibus simul furdus factus est & elinguis. Quid  
 multa? à Monachis in Infirmariam deportatur; per septimanam multiplici  
 ægritudine dispendio fatigatus, sine motu corporis nono die expiravit.

In tempore prædicti Episcopi multa Miracula contigerunt per merita Sanctæ  
 Etheldredæ. Item in tempore suo quidam per fraudem sibi usurpavit villam  
 de

de Stewcheword. In hoc quippe tempore Rex piissimus Anglorum Stephanus, cum prope xix. annos regnum, sed laboriosissime & cum multâ difficultate, tenuisset, morbo dysenterico agrotavit, quo & mortuus est: cui successit in regnum Henricus cognatus ejus, quem post se heredem elegerat, natus Domina Matildis, quondam Imperatricis, veteris Henrici Regis filia, à Gaufrido || Niveralle patre Andegavensi Comite genitus; qui susceptus in Regem & à Theobaldo Archiepiscopo Cantia consecratus, leges iniquas prohibuit, pacem diu ablatam reformavit, transgressoribus poenam indicit, Castella adulterina diruit, seditiosos de regno expulit; nullus adversus eum prevaluit, sola tantum pars inimica Wallensium non mollebat. Collegit autem æs multum nimis & aurum & argentum in expensas militum, ad Tholosam civitatem Aquitania impugnandam; suæ ditioni eam tunc addere cupiebat. Cernens verò Episcopus Nigellus Dominum Regem in tanto negotio pecuniis egere, conditum accepit ab eo, atque ministerium inter Curiales; videlicet Thesaurariam emit quadrigentis libris filio suo \* Francisco nomine, apud Monasterium in Ely educato, magnæ calliditatis & prudentiæ juveni, à quo & per quem Domus illa non parvis ladebatur adversis. Cumque non haberet unde redderet; vestes & vasa ac quæque concupiscibilia de domo sanctæ Etheldredæ surrepsit, dicens sibi semper sufficere quæ illis erant: insuper pallam eximie paraturæ auri & gemmarum, quam Emma Regina in velamentum sepulchri sacra Virginis obtulerat, accepit, atque Monachis invitis Episcopo Lincolnia pro nummis exposuit; quam similiter alterâ vice, ut scriptum est supra, cum aliis bonis Ecclesiæ transposuit; sed Monachi ex suis inopiis, ne tantus ornatus fraudaretur à loco, redemerunt. Contigit namque tunc Episcopum Lincolnensem pro causis suæ Ecclesiæ Romam ire, Præsulatum agente Domino Papâ Eugenio; cui ob gratiam illius captandam offerre voluit eandem pallam. Sed ut vidit Dominus Papa Apostolicus, & ipsam diligentius intuens clarâ luce, precium tanti vestimenti admiratus, intellexit de aliqua famosâ & antiquâ fuisse Ecclesiâ. Inquisivit, unde tale ornamentum veniret; & cum deprehendisset de Ely fuisse; sub interminatione Apostolicâ jussit illuc remotâ omni occasione suum reportare ornamentum. Expletis igitur negotiis, ex quibus compulsus est Episcopus Romanos adisse apices, Angliam rediit, secum referens eam quam detulerat pallam; aurum cupiens de eâ emollire. Invenit autem aurifices & aurifrisorias, qui votum suum de opere explerent; & illi manus apponunt, forcipes applicant, preciosam aurifrisam scindere parant; sed ut lapis aut æs contra acutissima ferramenta dirigunt. Temptant iterum atque iterum; sed inanis fit conatus ipsorum. Scimus enim & confidimus ex voluntate sanctæ Virginis fieri debuisse. Nam Monachi illic velum matris suæ cum gemitu lamentabantur fuisse abstractum; & dato precio, quod injuste amiserunt, denud recepérunt, gratias agentes illi pro cunctis beneficiis ejus.

Postea memoratus Episcopus fuit suspensus à Papâ Hadriano pro bonis Ecclesiæ suæ dispersis; & ab eodem Papâ à sententiâ relaxatus, precibus & postulationibus Regis Henrici & Archiepiscoporum & Episcoporum Angliæ; tali tamen conditione, ut in præsentia Theobaldi Archiepiscopi Cant. jurejurando promitteret, ut bona Ecclesiæ suæ, pro quibus suspensionis sententiam meruit, restauraret, alienata & distracta ad Ecclesiam renovaret. Unde idem Papa eidem mandavit; quod si Comes Willelmus Warenæ, Comes de Clare, Comes Albemarlæ, Gaufridus Martelli, Henricus filius Geroldi, Robertus filius Unfridi, & Johannes de Port, bonorum præfatæ Ecclesiæ detentores fuerint; eos studeas diligentissime convenire, ut omnes possessiones Elyensis Ecclesiæ, quas per violentiam & contra justitiam, sicut dicitur, detinere præsumunt, in integrum, si ita est, postpositâ omni occasione & excusatio-



ne restituant. Quod si facere contempserint; eos ex tunc, omni appellati-  
 one cessante, auctoritate nostrâ excommunicationis vinculis astringatis, &  
 ipsos tanquam membra Diaboli ab omnibus parochanis vestris usque ad con-  
 dignam satisfactionem faciatis evitari. Dat. Laterani xvii. Cal. Februarii.  
 Item prædicto Episcopo mandavit Thomas Cant. Archiepiscopus; quòd Sa-  
 cristariam Elyensem, quàm cuidam Clerico uxorato tradiderat, Monachis  
 restitueret, sub his verbis. 'Thomas Cant. Archiepiscopus, N. Eliensi E-  
 piscopo. Vestrorum Eliensis Ecclesiæ Monachorum querimoniam accepimus,  
 quòd vos Sacristariam ejusdem Ecclesiæ, quàm, sicut asserunt, in exordio ve-  
 stræ promotionis eis concessistis pro suâ voluntatis arbitrio disponendam,  
 quasi in vestrum dominium revocâstis, subtractâ Monachis omni de eâ dis-  
 ponendi potestate, eamque cuidam Clerico uxorato, præter aliarum con-  
 suetudinem Ecclesiarum, tradidistis. Quod quoniam juri, ut dictum est,  
 & consuetudini planè videtur contrarium; fraternitati vestræ præsentî scri-  
 pto mandamus, ut hoc debitâ celeritate corrigatis, Monachisque quod su-  
 orum est liberè satagatis restituere. Præterea ea, quæ de thesauro Ecclesiæ  
 pro necessitate vestrâ subtraxistis sive pro pecuniâ mutuandâ sive aliâ de cau-  
 sâ, monendo consulimus, ut quantocius studeatis revocare, & juxta promif-  
 sionis vestræ promissum congregare non differatis. Minus enim decens est  
 & honesta hujusmodi actio adversum vos, & pro vestris viribus sopienda.  
 Suffecerit nobis ad præsens vos diligenter commonere; veruntamen si cla-  
 mor iteratus ad nos redierit, Monachis in justitiâ suâ non poterimus de-  
 esse. Idem Archiepiscopus eidem aliud mandatum direxit sub his verbis,  
 'Thomas Archiepiscopus N. Eliensi Episcopo. Ad quæstionem vestrorum Eli-  
 ensis Monachorum vos non semel commonuisse de satisfaciendo recolimus;  
 & quoniam commonitioni nostræ eis pulsantibus nondum parvistis; vocamus  
 vos in præsentiam nostram tertiâ die post Ad vincula S. Petri, eisdem Mo-  
 nachis omni frustratoriâ dilatione remotâ respondere paratum tam de Sacri-  
 stariâ quàm de distractione thesauri: ut saltem præcipienti pareatis, qui no-  
 luistis obedire commonenti. Neque dissimulare possumus aut debemus,  
 quin nostrum exequamur officium; neque personæ alicujus acceptionem in  
 judicio aut volumus aut habere debemus.

His verò diebus vir nobilis quidam, Robertus Camerarius Comitæ Britan-  
 niæ, usque ad mortem infirmatus est. Qui dum mortem sibi imminere præ-  
 sensit, Monachatum petiit, atque habitum sanctæ religionis, ut rogaverat,  
 à Monachis Elyensibus suscepit. Insuper cellam apud Deneyam, quàm ipsi  
 Monachi sub eo fundaverunt, secum jure perpetuo illis tradidit possidendam  
 atque concessit; & coram plebe & totâ illius cognatione Cartâ suâ confirma-  
 vit. Item tunc temporis Monachi Elyenses emerunt ab Albrico Pycot par-  
 tem suam de || Deneys, remanente tamen ad usus illorum Elmeneyâ cum terrâ  
 quam pater dicti Albrici dedit illis in Villâ de Beche, i. e. sex acras terræ cum  
 uno cartilagio. Prædictas collationes confirmavit Episcopus Nigellus sub  
 his verbis. 'Nigellus Dei gratiâ Episcopus Elyensis universæ Ecclesiæ Ca-  
 tholicæ filiis præsentibus & futuris perpetuam salutem. Ad nostrum pro-  
 culdubio spectat officium bonorum hominum pia studia provehere; & quæ  
 ab eisdem ad Dei honorem & ob animarum medelam salubriter disponuntur,  
 Episcopali auctoritate sancire. Ea propter dilectorum filiorum nostrorum  
 Roberti Camerarii Comitæ Rychemundiæ & Alberici Pycot piæ devotioni  
 aggratulantes, donationem quam ipsi Deo & B. Jacobo & B. Leonardo &  
 Reg. Monacho nostro & fratribus nostris Monachis Elyensibus Deo servien-  
 tibus in Insulâ quæ vocatur Deneya, tam de insulâ ipsâ quàm de insulâ aliâ  
 quæ vocatur Elmeneya, & de Ecclesiis de \* Wilbircham & de Wendeyâ, cum  
 decimis omnibus ad eas pertinentibus, de novâ etiam garbâ domini sui de  
 'de

|| Deneiâ.  
 Cod. Cot. I.

\* Wilburham.  
 Cod. Cot. I.

de Wilburcham & de Wendeyâ & de terris extra præfatas Insulas, & de quibuscunque redditibus & eleemosynis prædicto loco ad frequentandum ibidem divinum officium & ad fratrum ibidem conversantium sustentationem assignatis; juxta quod in Cartis eorundem Domini Roberti & Alberici continentur: ratam habemus, & firmam atque stabilem in perpetuum fore Episcopali auctoritate decernimus. Si etiam isti prædicti vel quilibet alii fideles, divino instinctu admoniti, de bonis sibi à Deo collatis mobilibus præfato loco beneficia de cætero contulerint; nihilominus divino ibidem famulatu & fratrum ejusdem loci tam futurorum quàm præsentium usui præmemoratâ officii quo fungimur potestate confirmamus. Et ne quis eos temere inquietare aut perturbare audeat, & possessiones sive libertates loci illius auferre vel diminuere præsumat; sub excommunicationis edicto prohibemus. Veratores autem & benefactores hujus loci benedictionis Dei & nostræ participes statuimus.

Istis sic peractis, ægrotavit paterfamilias Nigellus Elyensis Episcopus; & erat languor tam vehemens, ut vix aliquantulum flatûs in eo remaneret. Sed mitto tantæ pestis infortunium; & quàm triste nobis inde procederit, postea ostendo. Mulier quædam admodum pauper in Ely degebat, de fratrum alimoniam sustentata, sub specie religionis vivens, vigiliis & multâ abstinentiâ corpus domabat à desiderio suo. Quadam igitur nocte in sompnis huic visum fuit, quasi in Ecclesiâ ad hostium stare, quod respicit ad altare B Etheldredæ, & intraret Domino supplicando ac Sanctis illic quiescentibus. Ibi respexit adstans ex desuper altare foeminam Sanctimoniam procedere & per gradus ad illam usque procedere, caput sursum & oculos erigere, dicentem: *Videsne bona mulier, quomodo hic universa perditum vadunt, & non est qui cogitet?* Tulerat autem sub pallio suo baculum, quem in altum erigens, coram illâ dixit: *In baculo isto extinxi hostes & disperdentes bona loci hujus; & protinus ex Dei jussione illos qui supersunt similiter per illum conteram, in vindictam alma Virginis & Reginae Etheldredæ.* Ad hæc mulier respondit: *Domina mea, nomen tuum, & quæ es, edicito; ut veraciter sciam de quo talia audierim.* Et illa: *Ego sum, ait, Withburga, cujus virginitatem dignatus est Dominus, cælestis sponsus, copulare sorori sacratissimæ Etheldredæ.* *\*Quæ verò audisti & vidisti, fiducialiter enarra; atque orandum cum manè huc adveneris, obviam habebis Monachum Augustinum; illi revelabis archana mea ultima.* In his mulier valde territa de sompno erexit; & sicut ei ostensum fuerat, jam dictum Monachum invenit ad suum introitum obviam procedere; cui Visionis ordinem enarravit. Ille ut audivit, vehementer obstupuit, & dixit: *Indubitanter his fidem adhibeo; nec miror, si malè nobis contingat; quòd in dispendiis semper Dominus hujus attendimus.* Et non multum postmodum adveniente Paschali festivitate, sedens in Ecclesiâ Episcopus oppressus est infirmitate validâ; vix aliquatenus Medicorum pigmentis relevari potuit. Sicque per tres continuos annos portabatur in fede clientum manibus, corporis medio privatus omnino; in confessione & obsecratione ad Deum jugiter perseverat usque ad ultimum vitæ suæ tempus. Sed neque sic conversus est, ut beneficeret Jacob & domui Juda. Decessit autem anno Incarnationis Dominicæ MCLXIX. Episcopatus verò sui xxxvi. iii. Calend. Junii, sextâ feriâ, horâ nonâ. Et die Dominicâ post à Willelmo venerabili Monacho, Norwycensi Episcopo, sepultus est, & honorificè collocatus in Ecclesiâ B. Etheldredæ juxta altare S. Crucis, anno Henrici Junioris Regis Anglorum xvii. Veruntamen ante obitum suum concessit & Cartis suis confirmavit; ut Monachi de Ely liberè & in pace teneant Ecclesias; & ne aliquis Successorum suorum eos inquietet de tenuris suis.

Ric. c. 24.

Thomas de mirac. S. Etheldr. cap. 29.

Hæc. Ric.

\*Quod. Id. & Cod. Cor. 1.



Tho. de mirac.  
c. 30.

Mortuo igitur Episcopo, filius suus Ricardus, Elyensis Ecclesiæ jugiter adversarius, ad Regem ultra mare velociter ascendit; timens sibi malum parari, si quem mitteret Ecclesia, ipsum præcederet. Apud quem in multis Monachos accusans, in tantum exasperatum reddidit, narrans de eis sinistra plura & inhonesta; quod Dominus Rex in Angliam mittens iussit Priorem de Ely à suo Monasterio deponi & Monachos bonis omnibus proscribi. Nigellus Episcopus contulit Ecclesiæ unam Albam cum paraturâ auro confutam cum mirabilibus bestiis & avibus, cum propriâ amictâ & lapidibus circumdatam & ad modum collarii optimè ornatam; cum uno lapide albi coloris qui vocatur Sama, & duas casulas, unam nigram auro per girum circumligatam, aliam crocei coloris cum avibus rubeis confutam; & unam capam, quæ vocatur *Gloria Mundi*.

MONA-

# MONACHI ELIENSIS

## Continuatio Historiæ Eliensis

Ab anno MCLXIX. ad annum MCCCLXXXVIII.

GALFRIDUS RIDEL, Episcopus III.

(o) **P**Rædicto Episcopo successit Galfridus Rydel, Archidiaconus Cantuariensis. Hic enim cum à Monachis Elyensibus fuisset electus, & in communi audientia purgasset innocentiam suam, quod mortem S. Thomæ Archiepiscopi neque verbo neque facto neque scripto scienter procuravit; in die Ascensionis in Ecclesiâ suâ solempniter intronizatus. Consecratus est à Ricardo Cant. Archiepiscopo anno Domini MCLXXIV. pridie Non. Octobris, anno xxi. regni Regis Henrici prædicti. Hic sedit annis xiv. additis septimanis xlv. & diebus iii. xii. Cal. Septembris anno Domini MCLXXXIX. anno primo Regis Ricardi, Wyntonix obiit intestatus; & ideo bona sua universa confiscata sunt. Pecuniam numeratam habebat repositam tria millia marcarum argenti, ducentis marcis prædicto numero superadditis. Suppellectilis suæ numerus tam in auro quàm in argento, tam in equis quàm in vestibus, tam in blado quàm in stauramentis, in imensum excrevit. Ipse dedit nobis tres capas rubeas de Samyth, aurifriso & floribus aureis per girum listatas; quarum unam cum nodo argenteo infixio lapidibus; & unam casulam rubeam de Samyth; & unam Albam, cujus paratura auro constellata est: & insulam, & nobilem pannum altaris, & multa ornamenta per Prædecessorem suum alienata redemit; & duo latera feretri S. Etheldredæ, & partem cumuli de argento perpulchrè reparavit. Cathedram magni Altaris & medietatem Chori depixit. Novum opus usque Occidentem cum turre usque ad cumulum ferè perfecit. Hic etiam dedit & Cartâ suâ confirmavit centum solidos de scaccario suo singulis annis à Sacristâ Elyensi percipiendos ad quatuor anni terminos assuetos, ad unum cereum parandum antè majus altare Ecclesiæ illius;

Fert unum cantonem in scuto or.

(o) Gaufridus Ridel, Archidiaconus Cantuariensis, regium favorem meruit adversus S. Thomam Archiepiscopum suum strenuè decertando. Illum Archiepiscopus *Archidiabolum & Antichristi membrum* in epistolis suis passim appellat, se nusquam graviolem hostem expertum esse testatus. Anno 1169. missus ab Henrico Rege ad Galliæ Regem, postulavit, ut Archiepiscopus à Galliâ ejiceretur. Missum autem Gallus rejecit, & Archiepiscopus brevi post excommunicavit. Ad Episcopatum Eliensem ritè electus anno 1173. intronizatus est 17. Maii, die Ascensionis Domini, antequam adhuc consecratus fuerit, Sede Cant. vacante. Anno demum sequenti à Ricardo Archiepiscopo apud Cantuariam consecratus est die 6.

Octobr. Ista tradit Dicetensis in *Imag. Hist.* p. 568, 582. qui Historico nostro in temporibus Episcopatus & obitus designandis, aliisque tam hujus quàm sequentis Episcopi gestis verbatim convenit; adeo ut Dicetensem à nostro visum fuisse nullus dubitem. Anno 1189. Galfridus Justiciarius itinerans à Rege creatus est, authore Hovedeno f. 337. Justiciarium totius Angliæ fuisse Huntindoniensis refert in libro *de Contemptu mundi* c. 6. Obitum 1189. 21. Aug. contigisse confirmant Hovedenus, & Annales Rossenses ac Lanercostenses. Die tamen 27. Julii obitum illius Obituarium Eliense reposuit. Corpus ad Eliam delatum in Ecclesiâ Cathedrali sepulturam accepit.

ita



ita quod tam diebus quam noctibus continuè sit accensus. Item xxvi. solidos & viii. denarios de assartis in Somersham & Stokkyng pro bonâ pitanciâ Conventûs & potagio de rys & bonâ serviçiâ per ii. dies habendâ.

### WILLELMUS DE LONGO-CAMPO, Episcopus IV.

Arma Willelmi de Longo-campo sunt Palye or, verry argent & asur.

(p) Huic successit Willelmus de Longo-campo; qui fuit Cancellarius Regis Ricardi, ejusque Justiciarius totius Angliæ. Ipse à Monachis Eliensibus fuit electus anno Domini MCXC. & pridie Cal. Januarii cum Ricardo London. apud Lambythe est consecratus. Hic in Epiphaniâ Domini, concurrentibus Episcopis multis ad diem festum, Intronizationem suam solempnem fecit cum magno apparatu. Unde quidam Versificator sic ait:

Prævisis aliis, Elyensia festa videre;  
Est quasi prævisâ nocte videre diem.

Tunc demum ad notitiâ suam pervenit & Episcoporum cæterorum in festo suo apud Ely secum existentium, quod sepulcrum Galfridi prædecessoris sui fuit

(p) Episcopatum Galfridi morte vacantem Rex Willelmo Longchamp Cancellario suo contulit apud Pipewelle 1189. 16. Sept. tunc sc. à Capituli Procuratoribus in præsentia suâ more adhuc recepto eligi jussit. Diem 15. Sept. Dicetensis, 14. Liber antiquus Eliensis posuit. Præ utroque autem Bromtonus fidem meruit qui diem 16. posuit. Consecratus est Willelmus apud Lametham 1189 31. Dec. intronizatus apud Eliam 1190. 6. Jan. authoribus Gervasio & Dicetensi. Quantæ apud Principem suum autoritatis iste fuerit, quot honoribus cumulatus, quod Cancellarius totius Angliæ, quodque Justiciarius seu Prorex totius regni cis Trentam à Rege Palæstinam profecturo renunciatus fuerit; nullum Historiæ Anglicanæ gnarum latet. Neminem sanè Rex sibi assistentem habebat aut rebus gerendis magis idoneum. aut sibi magis fidelem. Inviçtâ fidè Johanni Moritonæ Comiti & complicibus suis, res novas absente Rege molientibus, sese obviam dedit; majori quidem conjuratorum potentiâ Angliâ cedere coactus, Principi tamen suo non defuit. Huic in carcere apud Austriam detento occurrit, sedulum famulatum præstitit, carcere liberatum in Angliam secutus, bella in Galliis gerentem assidue comitatus est, maxima regni negotia usque ad obitum expedit; & à Rege demum Romam legatus, obiit in itinere apud Pictaviam 1197. 31. Jan. Sic quidem præter Historiam nostram Dicetensis & Obituarium Cantuariense produnt. Obitum tamen die 28. Jan. Obituarium Eliense, die 29. Matthæus Paris, die 30. Westmonasteriensis, die 1. Febr. Gervalius reponunt. Iniquos admodum Historicos Willelmus expertus est. Isti ferè omnes superbiam ejus, ignorantiam, nefandam libidinem, arrogantiam ac tyrannidem criminantur. Præ aliis au-

tem Giraldus in id omnes eloquentiæ nervos intendit, ut in illo monstrum quoddam impietatis depingeret. Omnibus autem atque ipsimet Giraldo prævit Hugo Coventrensis Episcopus in Epistolâ adversus Willelmum invektivâ, quæ apud Hovedenum extat f. 400. Hugo enim Johanni Comiti regnum absente Ricardo fratre ambienti se adjunxerat; & Willelmum proditoris suæ ultorem veritus, author erat Magnatibus Anglis, ut ipsum Angliâ ejicerent; ejectionemque scripto infami libello calumniabatur. Hujus occasione Petrus Blesensis literis ad Hugonem datis Willelmi jam collapsi famam sic tuetur. *Dilectus Deo & hominibus Episcopus Eliensis, vir sapiens, amabilis, generosus, benignus & mitis, & in omnes liberalitates effusus; juxta suorum exigentiam meritum reipublicæ administrationem & summam rerum fuerat affecutus. Vidisti & invidisti. Ipse autem ambulans simpliciter, te in familiaritatis sacrarium accersivit, &c. Tu exercebas occultè in hominem innocentem linguæ seditionaria & procacis injurias. Pluribus id Petrus persequitur; & Willelmum ab ipso indignè proditum atque exauthoratum accerrimè conqueritur, epist. 89. Nigellus etiam Wireker, Monachus Cantuariensis piissimus, qui (si quis unquam alius) adulari nescivit, in libro de corruptelis Cleri Anglicani, insigne elogium Willelmo posuit, diffusam Scripturarum scientiam & admirandam eloquentiam deprædicans. Adhæc se audisse & expertum esse dicit, quia mitis esset & humilis corde, tantumque habens Mosaicæ mansuetudinis, quod aut facile remittat, aut injuriam raro reminiscatur; licet emulî ejus aliter sentiant, & hi maxime quorum aciem habetavit invidia, eò usque gradiens, ut non revereantur nec confundantur dicere bonum malum & malum bonum, &c.*

violatum ; quoniam annulus Pontificalis, quem sepulturæ traditus habuit in digito, fuerat latenter subtractus. In pulpitum ascendentes Episcopi violatores tam facientes quam consentientes sub anathemate concluderunt.

Præfatus igitur Episcopus ad petitionem Regis Ricardi Angliæ, officium Legationis in totâ Angliâ, Walliâ, & in partibus Hiberniæ à Papâ Clemente suscepit. Ipse anno Domini MCXCI. à facie Johannis Comitis fugiens, apud Doveri in veste muliebri comprehenditur ; sed non multum post dimissus, mare transiit, impetrans literas Domini Papæ. Dum autem Romam tenderet pro negotiis Regis expediendis ; completis à die Consecrationis suæ vii. annis, xxx. diebus, obiit apud Pictavium pridie Calend. Februarii, anno Domini MCXCVII. anno Regis Ricardi vii. Sepultus est autem in Abbatia quâdam Ordinis Cisterciensis, quæ vocatur Abbatia de Pinu. Cor verò ejus jacet reconditum in parvâ tumbâ marmoreâ prope altare B. Martini.

Ipse appropriavit Ecclesiam de Wrattyng de jure patronatûs ad recreationem infirmorum, & decem marcas in Ecclesiâ de Melrede ad sustentandam hospitalitatem. Ipse assignavit in certis Maneriis suis de unaquaque acrà dominii sui unam garbam bladi bonam unoquoque anno percipiendam, ad inveniendum tres cereos honorabiles & competentes perpetuò & continuè ardentibus in Ecclesiâ de Ely ; duos videlicet ante corpus B. Etheldredæ, & tertium in choro ante altare S. Petri : salvo quarto cereo, quem Galfridus prædecessor suus instituit ante majus altare. Ipse insuper ordinavit ; ut in die anniversarii sui dentur pauperibus xiii. eytendales de frumento, & Conventui ii. marcæ in Bluntesham de c. acris, quas dedit Ecclesiæ ad faciendum anniversarium suum. Ipse dedit Ecclesiæ suæ unam Albam de serico, & casulam rubeam cum gemmis preciosis, & iii. tapeta, x. pallas & cortinas, iv. capas, iii. tabulas, & crucem auream cum reliquiis, capsam argenteam cum filatorio aureo. Oleum S. Demetrii, oleum de sepulcro S. Mariæ, ii. ampullas, & pixidem cristallinam, ii. capsulas eburneas, capsam cum dente S. Petri. Ipse solvit Henrico Imp. pro Regis Ricardi redemptione de thesauro Ecclesiæ suæ octies xx. marcas : pro quâ quidem redemptione subscripta deficient in Ecclesiâ Elyensi, ix. textus mediocres, & iii. parvi, quinque Cruces argenteæ & duæ parvæ, quæ ad processionem ferebantur ; unus magnus calix preciosus & bene deauratus ; iii. alii calices de plano opere deaurati, quorum unus fuit in Capellâ infirmorum ; Item v. calices argentei sine auro, quorum unus fuit in Capellâ de Chetesham, & alius in Capellâ de Dounham, & una patena sine calice, & unus urceus argenteus ad aquam ferendam, & unus urceolus argenteus, & frontalis argenteus, & magnum turribulum argenteum ; item unus textus Edgari Regis magni pretii.

#### EUSTACHIUS, Episcopus V.

(9) Prædicto Episcopo successit Eustachius ; qui fuit Decanus Sarum. Ipse fuit electus ad regimen Ecclesiæ Elyensis iv. Id. Augusti anno Domini MCXCVII. anno Regis Ricardi ix. & apud \* Monasterium consecratus. Hic sedit annis xvi. mensibus xi. diebus xxi. iii. Non. Februarii obiit anno

Eustachius Episcopus in scuto de ermines fert un cheveron azur, & tres billers gules.

\* I. Westmonasterium.

Domini

(9) Eustachius, Decanus Sarum, in præsentia Regis electus est apud vallem Rodoli in Normanniâ 1197. 10. Aug. ab Archiepiscopo Huberto confirmatus 1198. 1. Martii, & ab eodem, Episcopis novem assistentibus, consecratus Westmonasterii in Capellâ S. Katerinæ die 8. Martii. Eodem anno die

1. Julii Cancellarium fuisse ex antiquâ quadam Cartâ comperio. Hoc ipso anno Cancellarium fuisse renuntiatum Hovedenus tradit, qui tamen alibi illum ex Sigillifero Regis Archidiaconum Richmundanum anno 1196. factum fuisse refert. Obiit apud Radin-gam 1215. 3. Febr. juxta Historicum nostratrum

Mmm



Domini MCCXV. anno regni Johannis xvi. & sepultus est in Ecclesiâ Elyensi prope altare S. Mariæ. Hic dedit Ecclesiæ suæ vii. cappas, & iii. infulas, ii. albas, xii. pallas, iv. tunicas, pulcrum pallium altaris, calicem aureum, pixidem propter Eucharistiam auream, iv. ampullas argenti, ii. bacinas argenti, turribulum & acerram argenti; ii. filateria pulchrè fabrefacta cum lapidibus, sub quibus reliquiæ S. Thomæ Martyris & aliorum Sanctorum continebantur. Crucem parvam auream continentem Lignum Dominicum, & baculum pastorem. Ipse construxit novam Galileam à fundamentis versus occidentem.

Ipse cum Willelmo London, Maugerio Wygorn. Episcopis per præceptum Papæ sententiam generalis interdicti in regno Angliæ promulgavit, anno Domini MCCVIII. regni Regis Johannis x. ix. Cal. Aprilis, feriâ ii. post primam Dominicam Passionis Domini. Eustachius Episcopus Elyensis, Willelmus London, Maugerius Wigorn. & Herfordensis Episcopi recesserunt ab Angliâ anno Domini MCCVIII. Et anno sequenti Stephanus Cant. London. & Elyensis Episcopi ex mandato Regis Johannis venerunt in Angliam de pace tractaturi. Sed infecto negotio Gallias redierunt. Duravitque prædictum Interdictum usque ad annum Incarnationis MCCXIV. qui erat annus xvi. regni Regis Johannis.

Ipse dedit quinque marcas ad inveniendum unum cereum coram altari S. Mariæ; & duas marcas & dimidiam dedit Monachis ejusdem loci ad anniversarium suum faciendum. Ita quod eodem die Monachi habeant ad pietanciam una marcam; & xx. solidos eodem die in usus pauperum expediantur de c. solidatis terræ in Berkyngham & ejus partium, quas perquisivit de Hamelino Comite Warennæ. Ipse remisit Ecclesiæ Elyensi le Rome acre. Ipse appropriavit nobis Ecclesiam de Steucheworthe de jure patronatûs nostri, in recompensationem tallagii consueti per Prioratum. Ipse etiam contulit Ecclesiam de Ympyngton de jure patronatûs Episcopatus ad augmentationem librorum.

Post obitum dicti Episcopi electus est Galfridus de Burgo Archidiaconus Norwicensis; à cujus electione Monachi resiliens, cum non esset Electio publicata, elegerunt Robertum Eboracensem, qui sine consecratione, pendente tamen lite, tenuit Episcopatum ferè per quinquennium: & ipse dedit nobis Ecclesiam de Witlysey. In tempore namque quo præfatus Robertus tenuit Episcopatum, vacabant plures Ecclesiæ in Episcopatu Elyensi per mortem Stephani de Rydel consanguinei prædicti Galfridi Rydel Episcopi; quas omnes prædictus Robertus tempore suo contulit.

#### JOHANNES DE FONTIBUS, Episcopus VI.

Fert Solem, Lunam  
& 7. stellas or in campo  
azureo.

(r) Anno regni Regis Henrici iii. cassatis electis Galfrido & Roberto, data est Ecclesia Eliensis à Pandulpho Legato & Stephano Cant. Archiepiscopo auctoritate Apostolicâ

stratem, 2. Febr. juxta Annales Suthwercenses, 30. Jan. juxta Obituarium Eliense. Contulit Ecclesiam de Melreth Ecclesiæ Eliensi in usus domûs hospitalitatis Eliensis, salvis in eâ consuetudinibus Episcopalibus. Et Robertus Everwyc Electus Eliensis confirmat Ecclesiam de Melreth Monachis Elien. in proprios usus domûs hospitalitatis eorum per cartam suam. Verba sunt Registri Eliensis. Iste Robertus Everwyc non alius erat à Roberto Eboracensi, quem post Eustachii obitum à Monachis electum fuisse hîc loci dicitur. Ne electio ejus effectum sortiretur, Rex in causâ fuit; qui assensum constanter denegavit, & electionem irritam haberi jussit, pluribus

de ea Brevibus datis 1215. medio mense Aprili, apud Prynnum vol. 3. p. 30.

(r) Consecrationem Johannis Monachus Eliensis malè designavit. Consecratus est enim 1220. 8. Martii, anno 4. Henrici Regis: quod ex utroque Matthæo & characteribus ab Eliensi datis certissimè constat. Obiit 1225. 6. Maii ex fide Annalium Lambeth. & Johannis de Taxton: quamvis Obituarium Eliense diem 7. statuat. Thesaurarium Angliæ fuisse Godwinus malè existimavit, hinc deceptus, quod summus Angliæ Thesaurarius Willelmus, de Ely cognominatus, anno 1223. obierit.

Johanni

Johanni Abbati de Fontibus; qui consecratus est apud London à Stephano Cant. Archiepiscopo vii. Id. Marci, mediâ Dominicâ Quadragesimâ. In die Annuntiationis S. Mariæ in sede suâ gloriose est receptus. Hic sedet annis v. septimanis viii. diebus ii. & obiit pridie Non. Maii apud Dounham anno Domini MCCXXV. & sepultus est in Ecclesiâ Elyensi versùs altare S. Andree. Ipse dedit cappam preciosam, duas infulas, tunicas quatuor, & Albas quatuor, pallas, & baculum pastorem, duas bacinas argenti. Ipse insuper dedit decimas de Hadham ad anniversarium suum faciendum. Ipse dedit Ecclesiam de Wycheford de jure Patronatûs nostri †, & Ecclesiam de Melrede || ad hospitalitatem sustinendam ex toto concessit. Nunc verò in pavimento coram magno altari ad pedes Johannis de Crandene requiescit, testus duobus lapidibus marmoreis.

† Salvâ competentem Vicariâ v. marcarum, addit Registrum Elien.

|| Hanc ab Eustachio prius donatam confirmavit. Id.

### GALFRIDUS DE BURGO, Episcopus VII.

(f) Huic Episcopo successit Galfridus de Burgo, qui fuit Archidiaconus Norwycensis. Ipse post mortem Johannis Episcopi convenientibus Fratribus in Capitulum, Rogerus Prior invocato Spiritu sancto elegit in pastorem & patrem Elyensis Ecclesiæ Galfridum Norwycensem Archidiaconum, consentientibus cæteris omnibus atque subscribentibus. Qui consecratus est à Stephano Archiepiscopo Cant. apud London. in die Apostolorum Petri & Pauli anno Domini MCCXXV. Hic sedet annis iii. mensibus vi. diebus ii. & obiit xvi. Calend. Januar. anno Domini MCCXXVIII. & sepultus est in Ecclesiâ Elyensi ex parte Boreali chori. Ipse dedit turribulum argenteum deauratum, & duas bacinas argenti intus deauratas, Albam, & pallas plures. Ipse dedit centum acras terræ in Bluntesham; & ordinavit anniversarium suum celebrandum eo modo, quo celebratur anniversarium Episcopi Willelmi. Ipse dedit ducentas acras de more in marisco de Wysbech ad augmentationem Prioratûs. Ipse etiam fecit magnam partem cumuli de feretro S. Etheldredæ deaurari; ad cristam autem faciendam dedit magnum & magni precii discum argenteum. Ipse dedit Sacristæ Ecclesiæ S. Andree Cantebrigie.

Fert 3. flores ermines in campo azureo.

### HUGO DE NORTHWOLDE, Episcopus VIII.

(t) Prædicto Episcopo successit Hugo de Northwold, qui fuit Abbas de S. Edmundo. Iste per compromissionem in septem Fratres Elyensis Ecclesiæ factam eligitur in Episcopo-

Fert in duobus scutis suis arma S. Etheldredæ & S. Edmundi.

pum

(f) Galfridus, Huberti de Burgo Comitibus Cantie & summi Angliæ Justiciarii frater, successit. Consecratus fuisse 1225. 29. Junii refert etiam Matthæus Paris; defunctum 1288. 17. Dec. confirmat Johannes de Taxton. Obituarium tamen Eliense illum die 8. Decembr. obiisse, Parisius die 12. Decembr. sepultum esse tradunt.

(t) Rectius Matthæus Paris Hugonem 1229. 4. Id. Junii apud Cantuariam consecratus esse scribit; cui suffragantur Florilægus & Annales Theokesbir. Rectè autem è contra diem obitûs noster posuit; cuius loco Matthæus diem 9. Augusti malè substituit. Nostro enim assipulantur Obituarium Eliense & Johannes de Lakinghith in Historiâ Buriensi. Præclarum Hugoni

elogium Matthæus posuit p. 891. in his verbis desinens. *In cuius obitu flos Magistrorum obiit & Monachorum; quia sicut Abbas Abbatum in Angliâ extiterat, ita & Episcopus Episcoporum coruscavit.* Beneficia Ecclesiæ suæ præstita Registrum Eliense sic enumerat. *Contulit Ecclesiam S. Mariæ de Elye Monachis Elien. cum Vicariâ perpetuâ; & Willelmum de Leytone Eliensem Sacristam in corporalem possessionem prædictæ Ecclesiæ nomine majoris Ecclesiæ fecit introduci. Item contulit Ecclesiam de Wychem in proprios usus; statuens, ut fructus ipsius ad opus camere sine diminutione qualibet assignentur. Idem contulit Ecclesiam de Suttone in proprios usus causâ hospitalitatis sectanda & religionis augmentanda. Idem contulit Eleemosynariæ terram de*

M m m m 2

Berlynge



pum Elyensem, à Domino Papâ postulandus. Electus igitur & à Domino Papâ per Procuratores suos in Curiâ Romanâ confirmatus, ipso in Angliâ existente, consecratus est iv. Non. Junii, anno Domini MCCXXIX. anno regni Regis Henrici tertii xii. Hic sedet xxv. annis, septimanis ix. diebus ii. & obiit viii. Idus Augusti, anno Domini MCCLIV. anno regni Regis prædicti xxxviii. Ipse præ omnibus prædecessoribus suis pollet ædificiis, prævaleret beneficiis. Ipse enim construxit aulam Episcopalem in Ely, in Dittoun, in Schipdam, & in cæteris Maneriis suis fere in omnibus construxit ædificia. Ipse etiam ædificavit novum opus Ecclesiæ nostræ versùs Orientem à fundamentis; quod Presbiterium nuncupatur; quod quidem opus in xvii. annis perfecit; circa quod opus construendum expendit quinque millia librarum & quadringentas libras, xviii. solidos, viii. denarios, præter robas. Ipse etiam construxit de novo turrin ligneam versùs Galileam ab opere cæmentario usque ad summitatem. Ipse appropriavit nobis Ecclesiam de Wycheham ad tunicas de jure patronatûs nostri, & terram arabilem apud Berkyng precii x. marcarum, ad anniversarium suum faciendum. Ipse etiam contulit nobis vii. cappas, iv. Albas, iii. casulas, vi. tunicas, stolas, & amictas multas & bonas. Novo opere constructo, tota Ecclesia Eliensis dedicata erat anno Domini MCCLII. xv. Cal. Octobris, in honorem B. Mariæ, B. Petri, & B. Etheldredæ Virginis, in præsentia Domini Regis Henrici III. & Domini Edwardi filii ejus.

#### WILLELMUS DE KIRKENNY, Episcopus IX.

Fert 5. Lunulas or.  
in scuto gules.

(n) Huic successit Willelmus de Kyrkenny; qui fuit Cancellarius Henrici III. Regis Angliæ. Ipse fuit electus anno Domini MCCLIV. & consecratus à Bonifacio Cant. Archi-

\* Numerus iste  
ex Codice Cottoniano restitu-  
itur.

episcopo apud Beleyse in Sabaldiâ anno Domini MCCLV. [\* xviii.] Kalend. Septembr. Hic sedet anno uno, septimanis v. diebus ii. Obiit xi. Calend. Octobr. anno Domini MCCLVI. apud Sugho in Hispaniâ, ibique fuit sepultus, anno regni Regis prædicti xl. Sed cor suum apud Ely fuit allatum, & in majore Ecclesiâ Elyensi prope altare S. Andreæ Apostoli honorificè collocatum. Ipse appropriavit nobis de jure Patronatûs nostri in prædiis nostris Ecclesiam de Meldeburne & Ecclesiam de Swafham. Item contulit Ecclesiæ Elyensi unam capam, quæ vocatur Theofile propter historiam de miraculo Theofili quæ consuitur in eadem; & legavit Ecclesiæ cc. marcas, ad inveniendum duos Capellanos pro animâ ejus in perpetuum divina celebrantes.

*Berlyngge ad anniversarium suum. Idem contulit Ecclesiam de Wymworth, ita quod x. marca annuatim assignentur de dictâ Ecclesiâ per manum Sacristæ Eliensis ad reparationem pontium & calceti de Sabam, & totum residuum ad sustentationem novæ fabricæ Ecclesiæ Eliensis. Porro Sedi suæ concessit duo Maneria, viz. Bramford in Suffolciâ & Toteridg in Hertfordiâ, sub conditione solvendi marcam annuatim pro stipendio Cantaristarum Eliensium. Sepultus est in Ecclesiâ Eliensi versùs Orientem juxta feretrum S. Etheldredæ.*

(n) Willelmus de Kilkenny (sic enim sæpius dicitur) Cancellarius Regis specialis

anno 1240. creatus, eodem anno post Festum S. Edwardi ad Episcopatum Eliensem electus est; & consecratus à Bonifacio Cant. Archiepiscopo apud Bolesum in Sabaudiâ 1255. 15. Augusti, Cancellariatum deposuit. Ita habet Matthæus Paris. Concordat instrumentum Professionis autographum, & Registrum Cantuariensis Ecclesiæ; nisi quod locum Bellicam (Belesmum Johannes Walingford) appellant, & Archiepiscopum Tarentasensem atque Episcopum Bellicensem astitisse addant. Obiit Willelmi die 22. Sept. Obiituarium Eliense reposuit. Inter Benefactores Academiæ Cantabrigiensis iste commemoratur.

HUGO DE BALSAM, Episcopus X.

(x) Huic successit Hugo de Balsam, qui fuit Supprior Elyensis. Ipse fuit electus à Monachis Elyensibus Idibus Novembris anno Domini MCCLVI. anno regni Regis Henrici xl. Sed quòd tam à Rege Henrico quàm ab Archiepiscopo Bonefacio Cant. cassata fuit sua electio, ad Curiam Romanam appellavit; ubi fuit confirmatus pridie Non. Octobr. ab Alexandro Papâ IV. anno Domini MCCLVII. à quo etiam fuit consecratus pridie Idus Octobris anni ejusdem. Hic sedit annis xxviii. septimanis xxxiv. diebus verò vi. & obiit anno MCCLXXXVI. xvi. Cal. Julii apud Dodyngton, anno regni Regis Edwardi xiv. & sepultus fuit in Ecclesiâ majori Elyensi coram magno altari (cor autem ejus juxta altare S. Martini in Ecclesiâ sepeñtur) viii. Calend. ejusdem mensis à venerabili patre Thomâ Roffensi Episcopo. Ipse contulit nobis de jure Patronatûs Episcopatûs duas Ecclesias, videlicet Ecclesiam de Foxtoun ad augmentationem Eleemosinariæ, & Ecclesiam de Wysbech ad recreationem Fratrum in Refectorio reficientium.

Fert 3. palos perpendiculares.

JOHANNES DE KIRKEBY, Episcopus XI.

(y) Huic successit Johannes de Kyrkeby, qui fuit Decanus Wymburnensis, & Thesaurarius Regis Edwardi. Ipse anno Domini MCCLXXXVI. vii. Calend. Augusti in hunc

Fert in scuto argenteo leonem rapacem fables.

modum

(x) Audita Willelmi Episcopi morte, Rex scriptis ad Monachos Elienses literis Henricum de Wengham Cancellarium suum eligi postulavit. Monachi autem Hugonem de Balsam sive Belesale eligunt. Rex irâ commotus, electioni assensum dare recusavit; & Johanni Waleranno Temporalium Episcopatûs custodi sylvas succidere & prædia devastare præcepit. Causâ ad Archiepiscopum delatâ, ipse Regi obsecundatus, electionem cassavit 1257. 10. Maii. Hugo Papam appellat, & Romam se confert. Archiepiscopus, ut Hugonem Episcopatu quovis modo excluderet, Adamum de Marisco Theologum magni nominis Minoritam substituit; qui Romam Regis & Archiepiscopi literis commendatoriis munitus adiret, & Episcopatum Eliensem sibi confirmari peteret. Antiquitus enim si Capitula Cathedralia idoneam personam infra tempus statutum non elegerint; Rex & Archiepiscopus jus electionis ad se devolutum esse causantes, Episcopum pro lubitu substituere consueverunt. Interveniente autem appellatione Bonifacius Adamum consecrare non ausus, Romam ipsum misit. Henricus interim ab Episcopatûs obtinendi spe libentissimè discessit, utrumq; (tam Adamum scil. quàm Hugonem) se longè digniorem esse protestatus. Demum in Curia Romanâ Hugo immensa pecuniæ vi effusa confirmari obtinuit, sancito per Alexandrum Papam eâ ex occasione decreto, quòd

de cætero Archiepiscopus poterit electiones Episcoporum examinare & cassare, sed non alium subrogare. Ista fusiùs ex Matthæo Paris & Registro Ramesiensi (Monastic. tom. i. p. 241.) haberi possunt. Beneficia Ecclesiæ suæ data in Registro Eliensi sic laudantur. *Contulit Conventui bracinum suum in Ely, quod construitur de opposito Vinarii magni. Item Ecclesiam de Haulreston ad cameram Conventûs, & Ecclesiam de Foxton ad opus pauperum, & Ecclesiam de Stapleford ad opus Conventûs, &c.* Porro amerciamenta omnia, retorum Brevium, & placita de averiis infra Hundreda de Muford, Wikelawe, Trillyng & Wyneftoun sibi & successoribus suis à Rege acquisivit. Longè majus autem toti Ecclesiæ Anglicanæ beneficium præstitit, fundato apud Cantabrigiam Collegio S. Petri in literatorum usum. Opus id inchoasse creditur, antequam Episcopatum adeptus esset. Prima autem ejusdem, quæ occurrit, mentio indubia habetur in Cartâ regiâ datâ *Custodi & Scholaribus Domus S. Petri* 1274. 15. Maii. Obiit Hugonis die 15. Junii Obituarium Elyense collocavit.

(y) Johannes de Kirkby, Canonicus Welfensis & Eboracensis, & Archidiaconus Conventrensis, summus Angliæ Cancellarius medio anno 1272. renunciatus, officium biennio administravit. Dein Thesaurarius 1284. 6. Jan. constitutus, officium usque ad obitum retinuit. Johannem quendam de Kirkby Justiciarium Regis anno 1236. fuisse



modum fuit electus. Elyensi Ecclesiâ per mortem Hugonis de Balesham vacante, petita à Rege prædicto tunc Parisiis existente licentiâ eligendi & obtentâ, dieque eligendi à Fratibus Elyensibus statuto, sc. vii. Calend. Augusti, vocatis omnibus qui debuerunt, voluerunt & potuerunt commodè interesse; post Missam de Spiritu S. ipso die ad magnum altare solempniter celebratam, convenientes omnes in Capitulo, unanimi assensu & voluntate quasi per inspirationem Spiritûs Sancti, in Dominum Johannem Kyrkeby omnes consenserunt; & sic Johannes Prior Elyensis præfatum Johannem Kyrkeby vice ipsius & totius Conventûs sui ex rogatu eorundem in Episcopum Elyensem die supradictæ elegit sub hac formâ. *In nomine Patris & Filii & Spiritûs S. Amen. Ego frater Johannes Prior Elyensis Ecclesiæ vice meâ & totius Conventûs ejusdem Ecclesiæ eligo in scriptis Dominum Johannem de Kyrkeby Clericum in Episcopum & Pastorem Ecclesiæ Elyensis supradictæ; virum utique honestum, providum & discretum in spiritualibus, & in temporalibus circumspexitum.* Et electionem de ipso factam tam in Capitulo coram fratribus quam in majori Ecclesiâ ad magnum altare coram Clero & populo in scriptis solempniter publicavit. viii. Idus prædicti mensis prædictus Johannes de Kyrkeby fuit præsentatus dicto Regi Edwardo tunc apud \* Melunham juxta Se-canam in Franciâ existenti; & xvi. Cal. Septembr. ejusdem anni fuit confirmatus à fratre Johanne de Pecham Archiepiscopo Cant. apud Saltwode in Kantiâ; à quo etiam præfatus Johannes fuit promotus ad ordinem sacerdotalem apud Faversham xi. Kalend. Octobr. ejusdem anni; & in crastino ab eodem consecratus in Cathedrali Ecclesiâ Cant. & ix. Cal. Januar. ejusdem anni fuit intronizatus à Magistro Ricardo de Ferynges Cant. Archidiacono. Ipse sedit annis iii. septimanis xxvi. diebus iii. & † obiit viii. Calend. April. die videlicet Palmarum, circa horam completorii apud Ely anno Domini MCCXC. & sepultus fuit à Magistro Radulpho de Walpole Norwycensi Episcopo in Ecclesiâ Elyensi coram cruce ex parte Boreali chori ante altare S. Johannis Baptistæ, iii. Calend. dicti mensis, scilicet in die Cœnæ Domini. Hic dedit ad anniversarium suum celebrandum in crastino Annunciationis B. Mariæ hospitium ex opposito Fratrum Minorum in civitate London. vocatum le Belle; ita quod Pitanciarius habeat unam marcam pro pitanciâ Conventûs, & Eleemosinarius duas marcas ad opus pauperum.

\* Melunham.  
Cod. Cot. 2.

† Rectius Co-  
dex Cotton.  
uterque legit  
vii. Cal. April.

#### WILLELMUS DE LUDA, Episcopus XII.

Fert in superiore  
parte scuti unum che-  
quer or & arg. in in-  
feriore leopardi fa-  
ciem in campo nigro.

(z) Huic successit Willelmus de Ludâ electus ad regimen Ecclesiæ Elyensis, Decanus S. Martini London, Archidiaconus Dunelmensis, & Domini Regis Edwardi Camerarius, Thesaurarius, & Clericus Garderobæ; quasi per inspirationem Spiritûs S. eo modo quo prædecessor suus ad dictum regimen fuerat electus, iv. Non. Maii anno Incarnationis Dominicæ MCCXC. & Regis prædicti xviii. qui in Vigiliâ S. Trinitatis ejusdem mensis à fratre

ille comperio. An idem is fuerit, parùm constat. Dies consecrationis & obitûs ab Historico nostro positos confirmat Thomas Wikes; qui plura de Johanne habet in anno 1290. & neglectum ab eo penitus, ut rebus sæcularibus vacaret, Episcopale officium criminatur. Diem itidem 26. Martii obitualem ei ponunt Annales Londinenses & Obituarium Eliense. *Sedi Eliensi* (ni fallor) *addidit Manerium de Holborn, in Testamento suo legatum*; inquit R. P. Matthæus

Wren Episcopus Eliensis in annotationibus suis ad Godwinum.

(z) Willelmus de Ludâ, Anglicè *Louth* (quo nomine in diplomate regio 23. E. 1. appellatur) successit. Consecratum hunc fuisse 1290. 1. Octobr. Thomas Wikes, Annales Wigorn. & Registrum Cant. concordant. Obiit anno 1298. die 25. Martii secundum Eliensem nostrum, die 27. Martii juxta Annales Wigorn. die 28. juxta Obituarium Eliense.

Johanne

Johanne de Pecham Cant. Archiepiscopo apud Tenham in Cantiâ ad ordinem Diaconatûs fuit promotus, & eodem die ibidem ab eodem confirmatus, & xvi. Calend. Octobr. apud Bokkyng in Essexiâ à dicto Archiepiscopo in Presbyterum ordinatus, & die Dominico proximo post festum S. Michaelis ejusdem anni in Ecclesiâ B. Mariæ de Ely ab eodem Archiepiscopo confirmatus, & eodem die à Magistro Ricardo de Ferynges Archidiacono Cant. in fede suâ fuit installatus. Obiit in festo Annuntiationis, anno Edwardi Regis xxvi. sepultusque est ex parte Australi Ecclesiæ inter duas columnas juxta magnum altare ad introitum veteris Capellæ B. Mariæ. Sedit annis vii.

RADULPHUS DE WALPOL, Episcopus XIII.

(a) Corpore namque dicti Episcopi tradito sepulturæ, petitâ à Domino Rege, prout moris est, eligendi licentiâ & obtentâ, Prior Johannes Saleman & totus Conventus Elyensis certum statuerunt diem in futuri Pontificis electione procedendi. Die verò præfixo adveniente, vocatis vocandis, & omnibus qui debuerunt, voluerunt & potuerunt prædictæ interesse electioni; post Missam de Spiritu S. ad magnum altare celebratam, ingressi sunt omnes pariter in Capitulo; & Hymno, *Veni Creator*, dicto cum Collectâ, *Deus qui corda*, & lecto Decretali, *Quapropter*: tractabant inter se per quam viam in dictâ electione vellent procedere. Placuit namque quibusdam Fratribus non sine magno dispendio Ecclesiæ viam scrutinii in illâ electione tenere: quæ quidem via processivè fuit observata in maximâ Prioratûs Elyensis desolatione & jacturâ. Nam major pars Capituli, ut creditur, sanior & sanctior Johannem Saleman ejusdem Ecclesiæ Priorem in Episcopum suum Elyensem elegit & Pastorem. Altera verò pars elegit Dominum Johannem de Langtoun, Domini Regis Edwardi Thesaurarium. Unde in collatione factâ zeli ad zelum, & numeri ad numerum, & meriti ad meritum, schisma erat inter eos & discordia; pro quâ adhuc in præsentem luit Ecclesia. Quapropter dicta electionis causa coram Domino Roberto Cant. Archiepiscopo magnis laboribus & expensis diu est ventilata, & in modico expedita. Unde frater Petrus de Reche, Monachus Elyensis & Procurator Electorum Johannis Saleman Prioris, sentiens se & suos coelectores ex causis probabilibus & verisimilibus conjecturis fore gravandos, à Curiâ Cant. ad Sedem Romanam appellavit. Et sic partibus utrisque coram Domino Papâ Bonifacio comparentibus, & negotia Electionis prædictæ proponentibus, Dominus Papa ut judex justus habitâ consideratione de ipsius electi Johannis habilitate & sincerâ ipsum eligentium caritate, nolens eum si posset à suo proposito frustrari, dedit ipsis Monachis de novo licentiam & potestatem liberam eligendi; si fortè possent voto eligendi concordari. Sed nec sic consentientes, recesserunt discordes. Idem itaque Dominus Papa, sicut Pastor discretus & pater benignus, nolens ipsum Johannem Saleman super æmulos suos præficere, sed alium super eos Pastorem subrogare; Magistrum Radulphum de Walpole, sacre paginæ Professore, & Episcopum Norwycensem, de illâ Ecclesiâ ad Elyensem transtulit Ecclesiam; & dictum Johannem Salman Episcopum præfecit Norwycensem, anno Domini MCCXCVIII. Iste autem Johannes Norwycensis Episcopus quondam Prior

Fert aurum super  
fessam inter duas che-  
verousabl. tres crofle-  
tas aureas.

(a) Radulphus Norwicensis Episcopus | 1298. mense Junio. Johannes Prior enim  
Eliam translatus est Bullâ Bonifacii VIII. | in Episcopum electus, confirmationem ab  
Papæ datâ 1299. 15. Julii. In Bullâ dicitur | Archiepiscopo præsens postulavit 1298. 1.  
duplicem Electionem post mortem Willel- | Julii. Ex Registro *Winchelse*. Radulphum  
mi Episcopi in Capitulo Eliensi factam fu- | 1302. 20. Martii obiisse confirmat Chroni-  
isse, & utrumque Electum Papæ jus suum | con breve Norwicense.

nostra



nostræ Ecclesiæ Elyensis, gratam semper voluntatem ad istam gerebat Ecclesiâ. Ipse nobis contulit quoddam vestimentum croceum, cappam sc. & cassulam cum dorsali imaginibus brudato, & duas tunicas. Contulit etiam ad inspectionem Claustralium librum perpulchrum Decretorum, & librum similiter Decretalium cum Glossâ Ordinariâ & Innocentii; cujus memoria cum laude in perpetuâ sit benedictione. Sedit autem dictus Radulphus Eliensis Ecclesiæ Episcopus annis fere tribus; & obiit xiii. Calend. Aprilis anno Domini MCCC. finiente. Sepultus est in Ecclesiâ Elyensi coram summo altari in pavimento Calend. April. anno Domini MCCCII. incipiente.

ROBERTUS ORFORDE, Episcopus XIV.

Fert tres coronas  
or tribus clavibus  
or perforatas, in  
campo gules.

(b) Huic successit Robertus de Orforde, Prior Elyensis, electus à Conventu per viam compromissi xviii. Calend. Maii anno Domini MCCCII. Publicatâ ejus Electione, ac cæteris dictam electionem concernentibus peractis; deducta est causa illius Electionis coram Domino Roberto Cant. Archiepiscopo examinanda tam de formâ Electionis quàm de personâ Electi. Die itaque statuto ad procedendum examinationi Electionis & Electi, Dominus Archiepiscopus multum se reddebat difficilem erga Electionem pariter & Electum, obiciens sibi minus sufficientem literaturam; & quantum ad ipsum pertinebat, dictam cassabat Electionem. Ob quam causam dictus Electus ad Curiam appellavit Romanam. Unde Cant. Ecclesia in excellenti suâ potestate & præeminenti dignitate propter nimium Pontificis rigorem est maximè vulnerata. Nam ante istius causæ devolutionem ad Curiam Romanam per interpositam appellationem, Dominus Cant. cassare poterat & conferre dignitatem. Nunc autem cassare potest, conferre nequaquam; quoniam Curia jam reservatur Romanæ, & inter causas majores reputatur. Et præparans Electus se cum suis, omni quâ poterat celeritate versus eandem Curiam iter cœpit arripere in Electionis suæ prosecutione. Cum autem ad Curiam Apostolicam venissent; & negotia sua coram Papâ Bonifacio exposita fuissent: Examinatores certi sunt constituti super dictæ Electionis negotio & personâ Electâ diligenter examinandis. Quibus cum diligentia requisitâ & deliberatione circumspectâ examinatis, invenerant processum dictæ Electionis secundum Canones ritè & legitime fuisse prosecutum, & ipsum Electum tam in scientiâ quàm in moribus æquè commendabilem; quem Domino Papæ multum recommendabant. Et tunc Dominus Papa statuit diem, in quo Electus personaliter compareret coram ipso in suo Consistorio. Adveniente itaque die, comparuit dictus Electus cum viris peritis de Consilio suo coram Domino Papâ, assidentibus sibi Cardinalibus, in pleno Consistorio: & statim jussit Dominus Papa processum Cantuariensis contra Electum sibi ostendi. Ipse verò Electus confidens in Domino, processit solus de consilio suo; & accedens propius ubi Dominus Papa residebat cum Cardinalibus: Unde omnes in stuporem versi, maximè fuerunt attoniti: Et dixit Domino Papæ: Pater Sancte, si placet, cum bene-

(b) Dies consecrationis incompertus est. Ista tantummodo habet Registrum Ecclesiæ Cant. Iste electus fuit in concordia, per D. Robertum Archiepiscopum cassatus postea. Electores ad Sedem Apostolicam appellârunt. Deinde Electus totum jus, quod sibi competebat per electionem, in manus Domini Papæ Bonifacii sponte resignavit; & postea Dominus Papa providit Ecclesiæ Eliensi de eadem personâ. Et in primo adventu suo ad Dominum Archiepiscopum innovavit professionem suam

coram ipso, & propriâ manu subscripsit. In Curia itaque Romanâ consecratus videtur. Temporalia Episcopatus sui à Rege restituta accepit 1303. 4. Febr. Obiit anno 1310. tempore Quadragesimali, teste Obituario Eliensi. Diem non alius præter Historicum nostrum prodidit. Rex ad Ecclesiâ de Walpole præsentavit 1310. 13. Julii, ratione Temporalium in manu suâ existentium. Ex Registro Ecclesiæ Norwic.

dictione

dictione vestra ego vobis ostendam processum Domini Cant. contra me factum. Et coepit proponere coram eis dictum Processum dilucidè & eleganter; ita quod omnes qui audierant, mirati sunt. Et inter cætera dixit. 'Pater Sancte, Dominus Cant. tria mihi fecit argumenta; recitans illa coram Papâ & Cardinalibus: & ad primum argumentum tale dedi responsum; & ad secundum sic respondi. Ad tertium verò, quod difficile mihi erat valde & quasi implicabile, non Theologicè respondebam sed Logicè pro evitandâ conclusionem. Ad quod Dominus Papa & Cardinales maximum eruperunt in risum; Domino Papâ dicente. Certè fili bene respondisti. Non te invenimus, sicut scripsit nobis frater noster Cantuariensis, vas vacuum; immò vas omni bonitate & scientiâ repletum te esse approbamus. Et suam confirmavit Electionem; ac ibidem celebrari fecit ipsius Consecrationem. His itaque negotiis fœliciter expeditis, iter versùs Angliam statim arripuit; & ad suam Elyensem Ecclesiam prosperè pervenit; plusquam xv. millibus librarum ære alieno oneratus. Cui occurrit Cantuariensis Archidiaconus, prætendens ad se pertinere ipsum Episcopum intronizare. Ad quem Episcopus Robertus: 'Non ex aliqua auctoritate, quam te prætendis habere in me, verùm Apostolicâ Sedem meam ingredior auctoritate: & sic factum est. Sedit autem dictus Robertus Episcopus annos vii. & ultra; & obiit apud Dunham xii. Calend. Februar. anno Domini MCCCIX. & sepultus est ante magnum altare in pavimento juxta Radulphum de Walpole prædecessorem suum. Ipse dedit nobis unam Albam bonam brudatam cum imaginibus, cum amictâ, stola & favone ejusdem sectæ, & unam casulam bonam cum duabus tunicis de Tulesmyr, & duas cappas tenues cinerei coloris, & Portiforium preciosum, quod modò est in Capellâ Prioris.

JOHANNES DE KETENE, Episcopus XV.

(c) Defuncto igitur prædicto Roberto de Orforth Elyensi Episcopo, petitâ itaque licentiâ à Domino Rege Edwardo post Conquestum II. & obtentâ, Prior Elyensis Johannes de Fresyngfelde & totus Conventus Elyensis ingressi sunt Capitulum, præfigentes diem certum procedendi ad futuri Pontificis electionem. Interim autem Rex & Regina & multi Nobiles Regni, Comites & Barones, scripserunt Priori & toti Conventui, subnixè rogantes pro quodam Clerico generoso Magistro Bonifacio de Salute Lumbardo; ut ipsum eligere vellent in Episcopum suum Elyensem & Pastorem. Unde statuto die ad Electionem procedendi cum continuatione & prorogatione dierum sequentium adveniente, vocatis vocandis, & aliis quæ in hac parte ritè requiruntur peractis, ingredienti unanimiter in Capitulum, Prior & Conventus tractaverunt inter se per quam viam in Electione prædictâ vellent procedere. Placuit tandem singulis fratribus viam compromissi tenere. Electi sunt itaque Compromissarii septem, & onerati similiter & adjurati in virtute asperfusionis sanguinis Jesu Christi; ut ad honorem Dei & utilitatem Ecclesiæ respectum non habentes ad acceptandas personas, sed secundum Deum & suas sanas conscientias idoneum sibi eligerent Pastorem; limitato eis tempore ab horâ Capituli ejusdem diei usque ad ignitegii pulsationem in eadem die. Et statim Compromissarii prædicti de Capitulo recesserunt, & in locum quendam secretum se receperunt: Tractantes ad invicem diversimodè de personis diversis præficiendis: quibusdam eorum afferentibus Abbatem de Burgo Godefridum quod expediret Ecclesiæ fore postu-

Fert tres mitras or  
in campo nigro.

(c) Johannes de Ketene, Monachus Elyensis, in Episcopum electus, ab Archiepiscopo confirmatus est 1310. 10. Julii, ab eodem apud Cantuariam consecratus die 6. Septembr. sequentis. Ex Registris Winchelse, Woodlock, & Cranborn.



landum, aliis verò Magistrum Radulphum de Fodryngeys Elyensem Archidiaconum, quibusdam autem illum Clericum generosum, pro quo Rex & Regina & Optimates terræ scripserunt. Dicti verò Compromissarii sic inter se dissidentes, nec in aliquam personam certam infra tempus eis limitatum consentientes, infecto negotio pro illo die post ignitegium, tunc enim expiravit potestas illorum, reversi sunt ad Conventum, nunciantes Fratribus, quòd nichil profecerunt. In sequenti verò Prior & Conventus totus ingressi sunt Capitulum; & placuit Fratribus omnibus & singulis novos eligere Compromissarios, qui vice suâ & totius Capituli virum sibi idoneum eligerent in Pastorem. Qui utique onerati & jurati sicut in die præcedenti, recesserunt; & infra tempus eisdem limitatum fratrem Johannem de Ketene, virum bonum & honestum, in spiritualibus & temporalibus satis circumspectum, & ejusdem Ecclesiæ Eleomofinarium, in Episcopum suum & Pastorem concorditer elegerunt; & ipsam Electionem mox in Capitulo coram Priore & toto Conventu publicaverunt. Quo factò, Hymnum *Te Deum laudamus*: altâ voce statim incœperunt. Et dictum Hymnum decantantes, Ecclesiam sunt ingressi, dictam Electionem publicaturi. Himno jam finito, quidam Robertus Swafham Monachus & Præcentor Elyensis, silentio factò, vice suâ ac vice Prioris & Conventus Elyensis pronunciare cœpit coram Clero & populo ibidem congregato processum totum præcedentis vacationis & subsequenter electionis, multum commendando Electum; dicens: 'Ipsum esse virum bonum & justum, mansuetum & pium, in temporalibus & spiritualibus multipliciter circumspectum: & si quis contra ipsum Electum nostrum seu ipsius electionem maliciose objicere proposuerit, contra quemcunque seu quoscunque tales & omnes sibi adhaerentes provoco & appello in his scriptis: & tunc demum nominavit Electum. Affuit enim tunc ibi Notarius quidam latitans in abscondito, expectans & explorans, si quod fortè calumpniosum ex ore pronunciantis ipsam Electionem raperet; quod interpretatione sinistra contra Electum objicere posset. Sed nil pro suo proposito reportans, surrexit dicens: 'A Christo sit ille maledictus, qui hanc te cautelam docuit: & recessit confusus. Per totum tempus Electionis Magnates quidam, Comes videlicet de Arundell & alii quamplures Milites & Armigeri, moram traxerunt in Ely: rogantes instantius & obsecrantes pro diversis personis eligendis, quidam pro uno, quidam pro alio suo amico. Cognito tandem, quòd Monachi ejusdem Ecclesiæ confratrem suum elegissent, omnes ad propria recesserunt. Deducto namque dictæ Electionis negotio coram Domino Cant. Archiepiscopo examinando simul & confirmando, & omnibus dictam Electionem concernentibus canonicè peractis; à Domino Archiepiscopo Electus cum difficultate quadam est confirmatus, & in brevi postea consecratus. Ipse autem sedit annos ferè vii. & obiit pridie Idus Maii anno Dom. MCCCXVI. & sepultus est in pavimento coram summo altari in ordine vicis suæ ad partem Borealem. Hæc autem ornamenta Capellæ suæ delata sunt ad Ecclesiam suam Elyensem post obitum suum: videlicet una cappa rubea de Samyt bene brudata cum imaginibus in tabernaculis, cum uno nowche nobili de argento cum salutatione protractâ in amayl saphiri coloris; una casula rubea bona de velvet, cum quatuor tunicis ejusdem sectæ: una casula nigra cum cappâ & quatuor tunicis ejusdem coloris, cum aurifris de orpeel; duæ cappæ blanci coloris tenues; una situla argentei pro aquâ benedictâ, cum aspersorio argenteo: duo calices argentei & deaurati; quorum unus est in Capellâ Prioris, & alius datus est Capellæ S. Mariæ ad tabernaculum; & unus bonus liber, vocatus *Summa Confessorum*.

JOHANNES HOTHUM, Episcopus XVI.

(d) Post mortem quoque prædicti Johannis de Ketene Episcopi, electus est quasi per inspirationem Spiritus S. Dominus Johannes de Hothum, Clericus Domini Edwardi II. post Conquestum Regis Angliæ illustris; & à Domino Cant. Archiepiscopo confirmatus & consecratus anno Domini MCCCXVI. In cujus anno Pontificatus v. & Incarnationis Dominiæ MCCCXX. Frater Johannes de Fresyngfeld, Ptor Elyensis, viribus corporis cœpit destitui; & impotens factus corpore & imbecillis, cum Prioratum viriliter rexisset per annos ferè xviii. coram Venerabili Patre Domino Johanne de Hothum Elyensi Episcopo cessit Prioratui Elyensi, xiv. Calend. Martii in Festo S. Julianæ Virginis & Martyris. Ipse enim in tempore quo erat Prior, multa bona fecit Ecclesiæ. Perquisivit namque & appropriari fecit ad augmentationem Prioratus terram & tenementum in Ely vocatum le Brays, & quædam tenementa in Dounham, terram & tenementum in Wy-cham & Suttoun quondam Johannis Pyhym. Perquisivit etiam post cessionem suam quædam tenementa in Ely pro anniversario suo annuatim tenendo; tenementum videlicet vocatum Lythgates & Barkeres cum quodam alneto vocato Lythgates holt appropriari fecit Eleemosinario Elyensi pro erogatione pauperibus distribuendâ in die anniversarii. Quædam similiter tenementa quondam Johannis Joye appropriari fecit pitanciarix de Suttoun pro bonâ pitanciâ dandâ Conventui eodem die anniversario.

Arma Johannis Hothum sunt barrulæ octo partium asuræ & argenteæ, in uno cantone aureo unus merleclaus sables.

Die & anno, in quibus frater Johannes Fresyngfeld cessit Prioratui, frater Alanus de Walsyngham præfectus fuit in Suppriori per eundem Venerabilem patrem Dominum Johannem Elyensem Episcopum. Et in brevi post cessionem supradictam electus erat frater Johannes de Crandene per viam compromissi in Priorem Elyensis Ecclesiæ, à prædicto Patre Reverendo Johanne Episcopo confirmatus. Prædictus verò frater Alanus remansit Supprior usque ad Festum S. Thomæ Apostoli in anno sequenti per xlv. septimanas; & tunc factus fuerat Sacrista per Venerabilem Patrem supradictum, anno Domini MCCCXXI. Fuit autem Sacrista usque ad xxv. diem mensis Octobris anno Domini MCCCXLI. ferè per xx. annos. In cujus tempore multa & varia onera gravia valde officio Sacristariæ, & maxime eodem anno suæ præfectionis, evenerunt. Nam in nocte ante diem Festi S. Ermenildæ, post matutinas in Capellâ S. Katerinæ decantatas, eo quod in Choro propter imminentem ruinam illas decantare Conventus non audebat. Factâ namque processione ad feretra in honore S. Ermenildæ, & Conventu in Dormitorium regrediente, vix paucis Fratribus in lectulis suis ingressis, & ecce subito & repente ruit Campanile super Chorum cum tanto strepitu & fragore; veluti putabatur

(d) Johannes de Hothum electus est & ab Archiepiscopo confirmatus anno 1316. ante diem 20. Julii. Sic enim Thomas Lisle Episcopus anno 1346. respondit Brevis regio. *Johannes de Hothum 13. Cal. Aug. 1316. electus existit confirmatus. Sed quo die vel anno, per quem seu quomodo, fuerit consecratus, nusquam invenimus.* Quæ Thomam autem latuit consecratio nobis ex Registro Cranborn. Ecclesiæ Cant. innotuit. Consecratum enim refert in Ecclesiâ Cant à Waltero Archiepiscopo 1316. 3. Octobr. præsentibus Thomâ Roffensi & Johanne Rocheford (sic enim dicitur) Wellensi Episcopis.

Eodem die Registrum *Droghda* Wellensis Episcopi consecratum perhibet. Mense sequenti Johannes ad Curiam Romanam à Rege legatus, Angliam proximo Februario rediit. Anno 1317. 27. Maii Thesaurarius Angliæ, anno 1318. Cancellarius renunciatus est. Cancellariatu exutus 1320. eundem recepit 1328. 28. Jan. Cancellarium Academix Oxoniensis fuisse, & Collegii Reginensis ibidem olim Præpositum Godwinus perperam refert. Johannes Episcopus ædes Elienses apud Holborn ædificavit, teste Camdeno in Britan. p. 311.



terræ motus fieri; neminem tamen lædens nec opprimens in ruinâ. Aliud etiam contigit mirabile, miraculo potius ascribendum quàm naturæ; quòd in illâ horribili ruinâ & lapidum collisione maximâ, unde tota ferè tremebat Elyensis villa, illa tamen pulcra & magna fabrica eminens supra Sanctarum Virginum sepulcra, protegente Deo & meritis suæ dilectæ Virginis Etheldredæ, ut speratur, ab omni læsione salvata est & fracturâ: Unde Christo sit gloria. Ex quo eventu dampnoso nimis & lamentabili præfatus Sacrista Alanus dolens vehementer & tristis effectus, quò se verteret vel quid ageret ad tantam ruinam resarciendam, penitus ignorabat. Sed resumpto Spiritu, in Dei adjutorio & suæ piissimæ matris Mariæ, necnon & in meritis S. Virginis Etheldredæ plurimum confidens, manum misit ad fortia; & primò lapides & ligna, quæ conciderant in illâ ruinâ, cum magno labore & expensis variis extra Ecclesiam fecit apportare; & ipsam de pulvere nimio, qui ibi erat, celeritate qua potuit emundare; & locum in quo novum Campanile fuisset constructurus, per viii. partes arte architectonicâ mensuratas, in quibus viii. columnæ lapideæ totum ædificium supportantes erigerentur, & infra quas Chorus postea cum stallis esset construendus, fodere fecit & scrutari; donec inveniret locum solidum, ubi firmamentum operis securè possit inchoare. Illis siquidem viii. locis sic, ut prædicitur, sollicitè scrutatis, lapidibus & arenâ firmiter condensatis; tunc demum illas viii. columnas cum subsequenti opere lapideo inchoavit. Quod quidem usque ad superiorem tabulatum per vi. annos consummatum anno Domini MCCCXXVIII. Et statim illo anno illa artificiosa structura lignea novi Campanilis summo ac mirabili mentis ingenio imaginata, super prædictum Opus lapideum ædificanda fuit incepta, & maximis & onerosis expensis, præsertim pro lignis grossis structuræ prædictæ necessariò congruentibus longè latèque requirendis & difficultate maximâ tandem inventis magno precio comparatis; ac per terram & per mare apud Ely adductis, necnon & per ingeniosos artifices sculptis & fabricatis, atque in ipso opere artificiosè coadunatis; honorificam & optatam auxiliante Deo fortita est consummationem.

Opus lapideum inchoatum est anno 1322. finitum 1328. Reg. Elien.

Opus ligneum inchoatum est anno 1328. finitum 1342. Id.

¶ viz. Sump-  
tus.

¶ Custus novi Campanilis per xx. annos tempore fratris Alani de Walsyng-  
ham Sacristæ mcccc. libræ, vi. solidi, xi. denarii, unde de donis ccvi.  
libræ, xii. denarii. Custus novæ Cameræ juxta Infirmariam per tres annos  
lx. libræ, xvii. solidi, ix. denarii & obolus. Custus novi muri juxta cimiter-  
ium cum feldis ibidem perquisitis, unâ cum constructione novarum domo-  
rum, portarum & murorum per circuitum in Sacristariâ per xii. annos clxxx.  
libræ, xiii. solidi, xi. denarii & quadrans. Unde pro quatuor feldis perquisi-  
tis xi. libræ, x. denarii. Perquisitio de Brame Gacele xlii. libræ. Perquisi-  
tio duarum partium de Brame ultra perquisita, scilicet de Walsham & de Baas  
clxxx. libræ, x. libræ, xiii. solidi, vi. denarii. Custus de la Bougre ix. libræ,  
xv. solidi, ix. denarii. Memorandum, quòd nichil computatur superi-  
us de cibo & potu, equis, carreccis, & omnibus aliis. Summa totalis re-  
ceptorum in Sacristariâ per xx. annos tempore Fratris Alani Walsyngham  
\* mmmmmcccccliii. libræ, xvii. solidi. Unde de officio mmmmmcccxlvi.  
libræ, iv. sol. x. den. ob. qu. & pro novo opere de donis & contributis ccvi.  
lib. xii. sol. qu. Summa omnium expensarum & librarum tam pro officio  
quam pro novo opere mmmmmmxci. libræ, xviii. sol. x. den. ob. qu. Unde  
pro officio mmmmmclxxxv. lib. xix. sol. vii. den. ob. & pro expensis circa no-  
vum opus mmmcccviii. lib. xix. sol. iii. den. ob. Novus Chorus factus erat  
tempore Edwardi III. Regis anno xii. anno Domini MCCCXXXVIII. & se-  
quentibus per fratrem R. de Saxmundham, qui recepit de executoribus Domi-  
ni Johannis Hotham Episcopi xl. solidos, & de aliis Officiariis & ollâ & convo-  
cationibus Fratrum plures pecunias. Ipse autem Johannes Episcopus fecit no-  
vum pontem lapideum apud Castelhyth & expedit in cv. solidis, vi. denariis,  
anno Edwardi III. Regis xiii. Verum

\* 4953. Cod.  
Cot. uterque.

Verum quia scribitur : *Dives est omnis iniquitas societate plurimâ* ; quoniam eodem anno quo Campanile corruit, aliud contigit infortunium sibi valde rædiosum ; quod non obstante urgente necessitate pro prædictæ ruinæ reparatione, plusquam xx. libras argenti, sicut fatebatur, exposuit in inquisitione huiusmodi negotii & prosecutione. Nam quidam malignæ mentis homines, filii Diaboli, suæ salutis immemores, ingressi sunt nocturno tempore S. Etheldredæ Basilicam ; & Crucem auream, quam contulit gloriosus Rex Edgarus Elyensi Ecclesiæ ob signum libertatis suæ atque munificentiæ, patibulo latitudinis unius palmi affixam, cum duabus Imaginibus de auro & cum laminis aureis, ac mirifico opere auri purissimi trifarie vocato perulis & gemmis preciosis adornato ; duos etiam textus cum laminis argenteis, furati sunt ; & ad partem australem turris exterioris in loco dicto Qwenesboure Crucem prædictam & Imagines aureas omni cum ornatu pretioso de patibulo, necnon & laminas argenteas de textibus prædictis abstraxerunt ; & nuda ligna furtivè spoliata ibidem reliquerunt ; & dictam Crucem cum Imaginibus, & quidquid residuum quod preciosum erat, secum London detulerunt. Et cum ibidem pervenissent ; ille autor sceleris & doli artifex, qui major erat inter eos, prædictam Crucem arripuit, & brachia ad corpus ferè reclinavit ; super incudem posuit, malleum accipiens, manum erexit, & dictam Crucem cum Imaginibus frangere & conflare excogitavit. Sed in ipso conatu operis ipsum terruit virtus Christi & Mariæ Virginis ; ita quod manum ad percutiendum erectam deorsum dirigere non potuit. Unde stupidus & quasi amens effectus, pœnitentiâ quadam licet infructuosâ dixit : *Timeo istud execrabile factum confusio fiet omni nostrum*. Et accipiens Crucem & imagines, panniculo lineo involvit ; & in quadam cloacâ irreverenter & latenter projecit, & abiit. Sed iustum Dei iudicium non finebat eum in suis operibus perversis diutius delitescere. Immo modicum post cum suis complicibus captus est, & apud Newgate London cum eisdem positus in carcere. Ubi cum parumper in vinculis jacuisset : Visio quadam unâ noctium sibi apparuit. Propter quam in terrorem maximum & stuporem versus horridum, terribilem clamorem emisit. Quo audito præ timore autem exterriti sunt custodes & incarcerati omnes. Et accensâ lucernâ ingressi sunt carcerem, tanti clamoris horribilis quærentes causam. Quibus miser ille respondit. Apparuit mihi jam virgo Deo dilecta Etheldreda Sancta, vehementer me objurgans & terribiliter comminans, pro sacrilegio quod commisi in Ecclesiâ suâ Elyensi. Et exposuit eisdem res gestas per ordinem ; qualiter prædictas Crucem & Imagines aureas de Elyensi tulit Ecclesiâ, & panniculo involvit lineo, & in cloacâ projecit ; non designans eis locum usque ad fratris Roberti de Bykelyng, Feretrarii & Monachi Elyensis, adventum. Qui quidem frater Robertus diversa loca perambulavit, ad inquirendum si fortè alicubi sanctas illas reliquias invenire posset. Tunc Londoniæ nutu, ut creditur, divino affuit ; & auditis huiusmodi rumoribus ad locum carceris properavit. Quo veniente palam sibi & cunctis astantibus locum, ubi dictam Crucem & Imagines projecit, indicavit. Et continuo dictus frater Robertus cum Ballivis Civitatis ad locum designatum perrexit ; & illas sanctas Reliquias de illo loco spurcissimo innumeris sordibus & fætoribus abominabiliter inquinatas assumpsit, & majoribus civibus illius Civitatis ostendit ; coram quibus tantam invenit gratiam, quod Crucem & Imagines secum ad Elyensem detulit Ecclesiâ. In cuius adventu ob Crucis sanctæ reverentiam totus Conventus ad valvas Ecclesiæ processit ei obviam. Et dictus frater Robertus ibi coram Clero & populo de dictæ Crucis inventione & miraculis factis ædificatorium retexuit sermonem.

Item de eadem Cruce aliud quoque Miraculum de hac sanctâ Cruce, in quodam libro antiquitatis vocato Domyfday inventum, huic miraculo censem breviter annectendum. Tempore namque Stephani Regis Anglorum contigit



contigit Nigellum Elyensem Episcopum magnam ipsius Regis incurrere offensam. Propter quam sedandam & pacificandam oportebat ipsum Episcopum maximam effundere pecuniæ summam. Quapropter reliquias thesaurum Ecclesiæ sibi assumpsit; inter quas Crucem auream Edgari Regis cui-dam Judæo Cantebriggæ pro pecuniâ mutuandâ impignoravit. Quam verò Crucem quidam ex Judæis perfidæ mentis & voluntatis perversè assumpsit, & arrepto cultello ipsam Imaginem diu punxit in oculo; & statim rivus sanguinis exiliens tenuis lineam produxit longius, in tantum quòd partem inferiorem patibuli madefecit, & suo rubore confecit. Potuit enim istud Miraculum cunctos latuisse perpetim; sed Deus & Dominus omnium voluit hoc fieri manifestum; & sic per ipsos Judæos fuerat detectum. Unde contigit quòd ipsi Judæi reverenter & summo timore deinceps servarent, si quid in signo crucis aut figurâ Domini sibi impignoratum admitterent.

Ipsè insuper frater Alanus Sacrista multa interim & varia à fundamentis in officio Sacristariæ construxit ædificia. Nam ex parte Boreali juxta villam in longum à cimiterio parochiali Ecclesiæ usque ad officium Eleemosinariæ murum erexit lapideum, bonum & altum; & alterum à loco ubi incœpit usque ad angulum Capellæ S. Mariæ; cingens muris lapideis totum officium Sacristariæ. In angulo quoque Boreali juxta Cimiterium cameram lapideam quadratam plumbo tectam construxit. In cujus parte superiori est Camera quadam cum mensâ quadratâ ad calculandum & ad proventus officio pertinentes recipiendum. Sub qua est duplex camera muro lapideo divisa, una pro seldâ aurifabri, & alia pro quodam parvo cellario pro vino officii cum habeatur reponendo. Duas alias domos muris lapideis & tectas tegulis similiter construxit; unam longam diversâ habentem receptacula pro necessariis officiis diversis & artificiis, cum coquinâ similiter & pistrino; & aliam domum pro molendino equino, & cum muro interposito pro lardario. Construxit etiam cameram lapideam plumbo tectam pulcrâ valde contiguam in Infirmariâ, habentem cameram superiorem cum duobus caminis, & inferiorem cum uno largo camino & puteo aquæ, cum parvo cellario, sub custodia Infirmarii qui pro tempore fuerit, & dispositioni Prioris & Conventus post obitum ipsius Alani remansuram. Idem verò frater Alanus cum magno labore suo & industriâ ac sumptibus maximis & onerosis, præter expensas sumptuosas circa fabricas & structuras prædictas, perquisivit ad Ecclesiam Eliensem de Rogero de Wygenale, Nicholao de Walsham & Johanne de Baas Rectore Ecclesiæ de Buctoun tria mesuagia apud Brame; quæ per sepes, foveas profundas & fossata erecta arboribus diversis spinis & tribulis obtecta, inter se separatim divisa; nunc autem extirpatis arboribus, spinis, tribulis, avulsis, abstractis, crectis etiam fossatorum prostratorum, & foveis rejectis, per sudores maximos & labores in unum sunt redacta, & in planiciem terrarum arabilium conversa. Perquisivit etiam de eisdem Rogero, Nicholao & Johanne lxxxvi. acras & dimidiam & unum rodum terræ arabilis in diversis peciis; xxvii. acras prati falcabilis, cum separali pasturâ, & cum arundineti adjacente, & piscariâ vocatâ Herewardesbeche, xii. denariatus redditus assisæ per annum provenientes de tenementis de Brays, unum mesuagium in quo Willelmus Meche manere solebat: & duas seldas ædificatas cum mesuagio quod fuit Domini Johannis le Yans, cum uno gardino dicto mesuagio adjacente, cum omnibus juribus & appendiciis quibuscunque ad dictum tenementum quovis modo spectantibus: quæ omnia in utilitatem & usus Conventus disposuit fore convertenda.

Nunc autem revertendum est ad opera insignia Venerabilis Patris nostri Domini Johannis de Hothum Elyensis Episcopi; qui Ecclesiam suam à perversis calumpniatoribus & regiis exactoribus in diebus suis viriliter protexit, & multa bona Ecclesiæ suæ fecit. Ipse verò contulit Conventui & Priori quoddam

quoddam Manerium in Nortwold vocatum Dageney; pro quo excambiatum fuit cum Thomâ de Chepham quoddam aliud Manerium in Lytilbury in Comitatu Essexiæ vocatum Overhalle & Netherhalle cum Merecroft & aliis pertinentibus quibuscunque. Quod quidem Manerium ad officium Celerariæ jam est appropriatum. Contulit etiam & appropriari fecit modo quo supra quandam vineam pulcram in Holburne in suburbio London. cum aliis tenementis diversis in eadem \* civitate; necnon & tenementa diversa in Ely, quæ nunc vocantur *le Celerers Rents*; prout per cartas de tenementis prædictis Priori & Conventui confectas plenius continetur. De proventibus namque & proficuis dictorum tenementorum deducendæ sunt expensæ certæ annuatim faciendæ in die anniversario ejusdem patris nostri Johannis Episcopi, in erogatione † pauperibus distribuendâ, & bonâ pitanciâ || eodem die Conventui exhibendâ; necnon cuilibet Fratri de Conventu unâ duplicibus præfidentium xii. denarios pro gratiis conferendis, & quicquid residuum fuerit commodi seu emolumenti provenientis de tenementis supradictis, ex integro cedat & remaneat officio Celerarii ad supplendam pro parte dicti officii exilitatem. Perquisivit etiam nobis à Domino Rege Edwardo III. post conquestum Cartam vacationis Episcopatus. Ipse verò fieri fecit illam \* magnam fabricam pulcram valde, incipientem ab opere bonæ memoriæ Hugonis de Northwolde, protendentem ad novam fabricam chori. Cujus expensæ ad mmxxxiv. libras, xii. sol. viii. denar. ob. qu. se extendunt.

Anno 1333.

Reg. Elien.

\* In Temse-  
strete in paro-  
chia omnium  
Sanctorum. Id.

† Centum soli-  
dorum. Id.

|| Centum soli-  
dorum. Id.

\* Novum opus  
super candela-  
brum. Reg. Ely.

Nota Miraculum de Vicario de Westoun. Prætereundum non est sub silentio quoddam Miraculum, quod fecit Dominus ad ædificationem multorum meritis S. Virginis Etheldredæ, anno Domini † MCCCXXXI. & Pontificatus dicti Domini Johannis de Hothum xvi. Vir quidam vitæ laudabilis in villâ de Westoun juxta Spaldyng Lincoln. Dioceseos natus & educatus, Henricus nomine, qui à juventute suâ semper crescens in melius; ita quod per processum temporis in sacris ordinibus constitutus, in sacerdotio suis exigentibus meritis fuit demum ordinatus. Qui postmodum propter conversationis honestatem & morum præbitatem, ad Vicariam Ecclesiæ de Westoun prædictam fuit præsentatus, & in ipsam Vicariam Vicarius inductus & institutus; qui Ecclesiæ suam sibi commissam per multa dierum spatia honestissime rexit, & Parochianos suos verbo pariter & exemplo saluberrimè instruxit. Sed circa annum Domini MCCCXXXII. contigit dictus Vicarius adversâ valetudine detineri; & maxilla vehementer cœpit intumescere & gravi vexari dolore; ita quod loqui non poterat, vel aliquid aliud præter salivam, & hanc de difficili, deglutire. Unde omnes amici & familiares sui de vitâ ipsius desperantes, nil aliud nisi mortem in proximo sibi imminentem æstimabant. Erat autem amicus suus vir quidam religiosus Dominus Johannes de Bergham, Monachus & Supprior Ecclesiæ Conventualis de Spaldyng. Audiens ipsum dirâ ægritudine laborantem, venit ad eum, visitandi gratiâ, & si in quo poterat confortandi. Et accedens ad locum, in quo jacebat, quæsit de statu suo. Sed non respondit ei verbum, eò quod loqui non poterat. Visum tamen & auditum ante omnes alios sensus, præter gustum & loquelam, sanos & liberos habebat. Et dixit ei Vir ille religiosus. ‘Henrice, audistine aliquando de illâ gloriosâ Virgine S. Etheldredâ de Ely; qualiter Deus per merita ipsius multa & varia operatur miracula? Præsertim de illo morbo, in quo tu jam laboras, qui dicitur Squinancia; quoniam ex hac infirmitate & ipsa decessit. Est etiam ibi quædam benda, quæ in collo morientis fuit circumligata, celerem patientibus hanc infirmitatem meritis S. Virginis conferens sanitatem. Ideo tibi consulo, sicut amico meo carissimo, eò quod non loqui vales, totâ mentis tuæ devotione Deo & Beatæ Virgini te commendes, atque ipsam apud Ely te visitaturum toto corde devoveas; si te a lecto ægritudinis tuæ convalescere & sanum fieri contingat. Et ille elevatis oculis ac manibus devotionem

† 1333. Cod.  
Cot. 1.



votionem qua potuit erga Deum & Sanctam Virginem ostendit; & per signa exteriora patuit, quod consilio dicti Senis adquevit. Et ille confortans ægrotum simul & exhortans recessit. Sequenti autem nocte cœpit paulisper dormire; & Sanctimonialis quædam fœmina decora sibi apparuit dormienti, sciscitans ab eo qualiter secum erat; & comfortavit eum. Et apprehendens digitum suum proprium, in imo gutturis sui forinsecus posuit, & illum leniter attrahens sursum per locum ubi vim sentiebat doloris, quousque digitus ille pervenisset ad paucos infirmi: & statim disparuit. Ille verò confestim evigilans, oscitavit fortiter; & erupit in os ejus quædam massa congelata instar ossis vel lapidis indurata. Et exponens illam in manum suam, statim locutus est, vocans famulum suum; & dixit ei: Citò accende candelam, & veni ad me. Et accensâ candelâ venit ad Dominum suum, admirans valde, quod ita subito loquebatur. Et ipse aperiens manum suam, vidit massam illam habentem mensuram unius pollicis & amplius in longitudine & in maximâ quantitate: & convalescens de diebus in dies, sanus factus est. Narra- vitque amicis suis & aliis quamplurimis per ordinem illam quam viderat Visionem; quomodo per merita B. Etheldredæ à suâ liberatus est infirmitate. Et postmodum nactâ opportunitate, vota quæ pollicebatur Deo & Sanctæ Etheldredæ, decrevit maturius explere. Et assumens secum massam illam sic congelatam, iter versùs Ely arripuit. Et cum ibi pervenisset, ad feretrum sanctæ Virginis accessit, sua persolvens vota laudis. Quo peracto, fecit sibi accersiri Monachum quendam, fratrem Willelmum de Spaldyng; quoniam sibi notus erat & familiaris à tempore quo idem frater Willelmus fuerat Sæcularis: narravitque sibi & confratribus totam istius Miraculi seriem; rogans attentius, quod Priori & Conventui illud innotesceret. Et addidit dicens: Non sum ego falsidicus, teste Deo; ut narrem vobis blandiendi causâ falsa & vana & frivola. Sunt manifestè vera & aperta, quæ circa me Deus meritis suæ Sanctæ Virginis operatus est magnalia. Et continuo dictam massam congelatam tradidit prædicto fratri Willelmo; deprecans eum assidue, ut sumptibus suis argento faceret illam includi, & ad feretrum S. Etheldredæ ad perpetuam hujus Miraculi memoriam dependi: quod ita factum est. Supplicavit etiam fratribus; quod ob honorem & reverentiam S. Etheldredæ Virginis, ut si qui illorum in partibus suis advenissent, ad illum familiariter declinavissent; quoniam illos gaudenter susciperet, & de eorum adventu latus foret. Et valedicens Fratribus, ad propria recessit.

Cum autem sæpèdictus Pater Venerabilis, Johannes de Hothum Episcopus annos fermè xx. Ecclesiam Elyensem strenuissimè rexisset; paralisi percussus, ex quibus duobus annis ægrotavit; & obiit apud Somersham xviii. Cal. Febr. nocte præcedente Festum S. Mauri Abbatis, anno Dom. MCCCXXXVI. Ipse enim inter alia bona, quæ fecit Ecclesiæ, contulit nobis unum calicem aureum, cum duobus urceolis aureis, & tertio urceolo pro vino. Impositus erat lapis preciosus vocatus Rubye, & in urceolo pro aquâ optima margarita. Contulit etiam unam capam preciosam cum imaginibus & perulis infer- tis optimè brudatam auro. Et unum vestimentum album, cum capâ, casulâ, & tribus tunicis ejusdem sectæ; unum etiam vestimentum nigrum, cum tribus capis, unâ casulâ & tribus tunicis nigris. Ipse autem sepultus est in Ecclesiâ suâ Cathedrali apud Ely, & honorificè collocatus ad partem Orientalem altaris in choro versùs magnum altare, sub quadam pulchrâ structurâ lapideâ, cum imagine Episcopi de Alabastro super tumulum ipsius erectâ, cum vii. candelabris ex uno stipite decentissimè procedentibus; & circa si- quidem Imagines de creatione hominis & ejectione ejusdem de Paradiso; qua- tuor etiam Imagines Regum armatorum, & iv. Dracones ad iv. partes ejus- dem structuræ. [Fuit hic Episcopus præcipuus persuasor ad deliberandum Scotis Ragmans Rolle & Nigram Crucem.]

SYMON DE MONTE-ACUTO, Episcopus XVII.

(e) Post mortem nempe illius missi erant certi Fratres per Capitulum ad Dominum Regem Edwardum III. post Conquestum pro licentiâ eligendi & providendi Ecclesiæ nostræ viduatæ de idoneo Pastore ab ipso humiliter postulandâ. Verumptamen Rex ipse & Ministri sui multum se reddebant difficiles ad dictam licentiam concedendam; & illam diu differebant. Quæ tandem multis laboribus & expensis ac difficultate maximâ vix erat concessa. Quâ obtentâ, electus fuit concorditer per viam compromissionis frater Johannes de Crandene, Prior Elyensis, iv. Id. Martii in Festo S. Gregorii, anno Domini supradicto. Sed ipsum Electionis negotium pro retardandâ eligendi licentiâ in tantum fuit protelatum; per quod per Dominum Papam Benedictum XII. Ecclesiæ Elyensi vacanti fuerat provisum per Domini Symonis de Monte-Acuto translationem de Wygornienſi Ecclesiâ ad Elyensem. Et sic electio de fratre Johanne de Crandene concorditer facta per Capitulum, per provisionem Papalem fuerat frustrata.

Fert 3. bendas undulantes azur in campo or, & in medio inscutum tribus rhombis depictum.

Frater namque Johannes de Crandene, Prior Elyensis, dilectus Deo & hominibus, cujus memoria in benedictione sit sempiternâ. Diebus enim suis cum omni pace & tranquillitate ac sacræ religionis dulcedine, sicut pastor pacificus, toto cordis conamine Conventum suum tractavit caritative. Ipse enim fabricari fecit ad hospitium Prioris novam Capellam mirandi decoris, in quâ Deo vota laudis ex affectu reddit cordis; ubi etiam nocturnas excubias ac spirituales meditationes per dies & noctes frequentius exercebat. Nam sicut illi, qui continuè secum erant à secretis, testati sunt, quod qualiter nocte consuevit assurgere & Capellam suam solus adire, nisi magnâ præpediretur infirmitate; ubi cœpit diutius orare & preces Deo multiplices cum gemitu cordis efferre; ac se & Ecclesiam suam & omnia Ecclesiæ negotia Deo devotè recommendare. Fecit autem fieri unam novam Cameram ex opposito Capellæ prædictæ, ad Aquilonem; ubi quandoque cum Fratribus suis spirituales habuit tractatus, jura Ecclesiæ & utilitates ac negotia Ecclesiæ necessaria concernentes. Habuit etiam ibidem studium suum pro libris cum sibi vacaverat inspiciendis. Item scribere fecit unum pulcrum Missale & unum Benedictionale; quæ in Capellâ remanent Prioris. Contulit etiam ad magnum altare duas pelves argenteas nobiles & pulcras; quarum labra sunt per girum deaurata & in fundo amayl inserta in opere artificioso argenteo & bene deaurato. Contulit etiam eidem altari unum dorsale magnum & pulcrum cum tapetis & bancalibus ejusdem sectæ; quæ quondam fuerunt bonæ memoriæ Johannis de Hothum Elyensis Episcopi. Quæ quidem dorsale & bancalia dedit sibi Dominus Johannes de Hothum Miles post mortem avunculi sui; de quibus jam fiunt tapeta pro magno altari & altari in choro, & bancalia super formas in choro sternenda in Festis principalibus. Ipse autem pulcher erat aspectu, & corpore formosus, ac in oculo omni apparuit gratiosus. Ita quod Venerabilis Domina Philippa, nobilis Anglorum Regina, ipsum in amicitiam

(e) Simon à Sede Wigornienſi ad Eliensem translatus, professionem obedientiæ Simoni Archiepiscopo Cant. fecit 1337. 31. Julii, coram summo altari Ecclesiæ Cant. Ex Registro Cranborn. Collegio S. Petri Cantab. nova statuta condidit; aliisque in nonnullis ipsos promovit. Obiit anno 1344. Historia Eliensis nostra malè posuit. In Registro enim Norwicensi reperio Simonem

Eliensem Episcopum præsentasse ad Whittington 1345. 6. Junii, & Regem ad Bretenham præsentasse ratione Temporalium Episcopatus Eli. in manu suâ existentium 1345. 22. Julii. Anni itaque 8. Pontificatus Simonis à medio ferè anno 1337. numerandi sunt, & Johannis Hothum obitus anno 1337. ineunte, seu 1336. exeunte, statuendus est.



præclaram collegit & familiaritatem, tum propter amabilem & graciosam ipsius affabilitatem & eloquentiam, tum propter gratam & multum sibi acceptabilem in quodam adventu suo apud Ely susceptionem ac solempnem & splendidam mensalem procurationem, necnon & munerum magnorum in fine sibi & suis largicionem. Contulit enim sibi Domina Regina quandam robam preciosam cum omnibus garniamentis de velvet. murreo squirillis aureis pulverizato; qua induta erat in die Purificationis suæ post partum Principis excellentissimi Domini Edwardi filii sui primogeniti. De quibus verò garniamentis tres capæ efficiuntur; quarum una de aurifriso perulis albis & armis S. Etheldredæ & Comitissæ Annoniæ brudato fieri fecit in vitâ suâ. Reliquas verò duas & unam casulam cum vi. tunicis post obitum suum successor suus Prior Alanus honestissimè fecit apparari. Idem namque Johannes Crandene Prior perquisivit quoddam Hospitium in Cantebriggia pro Scolaribus nostris Monachis ibidem hospitandis. Sed postea pro quibusdam beneficiis Ecclesiæ nostræ Elyensi factis per Venerabilem Patrem Magistrum Willelmum Bateman Norwicensensem Episcopum, concessum fuit & collatum dictum Hospitium Scolaribus de Aulâ S. Trinitatis Cantibrigiæ; cujus Aulæ cum Scolaribus dictus Pater Reverendus fuerat Fundator primus. Cùm ipse Pater noster præamabilis & Pastor piissimus per xx. circiter annos nobis præfuisset; nos quasi desolatos relinquens, viam universæ carnis est ingressus vii. Kalend. Octobr. anno Domini MCCCXLI. & sepultus est in Ecclesiâ Elyensi in pavimento ad pedes tumuli Johannis de Hothum Episcopi versùs magnum altare; sicut idem ipse Johannes Episcopus, ut dicitur, quasi spiritu Prophetico dixit. Nam cùm Missam quodam die celebrasset in Ecclesiâ ad magnum altare; post Missam revertens ad Vestiarium, indumenta Pontificalia depositurus, contigit baculum suum Pastoralem in eodem loco, in quo modò sepultus est, confringi. Et conversus ad Priorem, qui iter secum comitabatur, dixit. Prior, inquit, hic erit locus sepulturæ meæ; & tu hîc ad pedes meos in posterum sepelieris; quod & postmodum factum est. Unde Versificator quidam Epitaphium scribens sic ait.

Hanc aram decorat de Crandene tumba Johannis:  
 Qui fuit hîc Prior ad bona pluria pluribus annis.  
 Præsulis hunc Sedes elegit Pontificari;  
 Præsulis ante pedes ideo meruit tumulari.

Corpore ejus Ecclesiasticæ, ut præmittitur, tradito sepulturæ ultimo die mensis Septembris anno supradicti, electus fuit frater Alanus de Walsyngham, Sacrista Elyensis, per viam compromissi ejusdem Ecclesiæ concorditer in Priorem. Nam statuto die Electionis faciendæ, xxv. videlicet die mensis Octobris anno Domini MCCCXLI. convenerunt in domo Capitulari Elyensi frater Richardus de Copnamford Supprior Elyensis, ac omnes Fratres & singuli ejusdem Capituli, de electione futuri Prioris invicem tractaturi. Lectâ denique Decretali *Quapropter*, & omnibus ipsam Electionem concernentibus ritè peractis, & legitimè invocatâ Spiritûs Sancti gratiâ, placuit Fratribus omnibus & singulis viam compromissi in ipsâ Electione tenere. Tractantibus itaque illis inter se de Compromissariis eligendis & sollicitè disceptantibus, placuit tandem omnibus Confratribus Ecclesiæ prædictæ fratri Nicholao de Copnamford Suppriori unanimiter & concorditer voces suas committere, & eidem plenam & liberam potestatem dare; ut ipse frater Nicholaus vice suâ & singulorum Fratrum de Capitulo eligeret unum de Confratribus ejusdem Capituli in Priorem Prioratûs prædicti, quod ipsum admitterent in Priorem suum & acceptarent, quemcunque formâ superius expressâ duxerit eligendum. Qui quidem frater Nicholaus Supprior supradictus \* omnes hujusmodi

\* f. Onus.

modi compromissi in se suscipiens, infra horam sibi à Capitulo limitatam fratrem Alanum de Walsyngham Sacristam Elyensem vice suâ & vice omnium fratrum Elyensis Ecclesiæ elegit in Priorem. Et circa horam nonam ejusdem diei dictam electionem primò coram Conventu in pleno Capitulo, deinde ad magnum altare Ecclesiæ Elyensis supradictæ coram Clero & populo ibidem congregato solempniter & apertè cœpit publicare. Processus verò ipsius Electionis coram Venerabili Patre Domino Symone de Monte-Acuto Dei gratiâ Elyensi Episcopo & coram discreto consilio suo pro examinatione in illâ faciendâ erat demum deductus. Inventum est, quòd secundum sacros Canones in materiâ & formâ in Electione prædictâ fuisset legitime prosecutum. Et statim prædictus pater Venerabilis Symon Elyensis Episcopus dictam electionem gratanter confirmavit, xiii. Calend. † Septembris. Et in die sequenti, in Festo scilicet S. Edmundi Regis & Martiris, fratrem Alanum Priorem Elyensem in loco debito in Ecclesiâ Elyensi installavit. Hoc eodem die, ut starent simul in mensâ apud Dunham, rediens pariter illum secum adduxit.

† 1. Decembr.  
Codices tamen  
concordant.

Idem namque pater & pastor noster benignissimus Dominus Symon noster Elyensis Episcopus ad exemplum Symeonis sacerdotis magni, ut in Ecclesiastico legitur, in vitâ suâ suffulsi Domum, in diebus suis corroboravit Templum. Ipse enim circa fabricam novæ Capellæ S. Mariæ ex parte Boreali suæ Cathedralis Ecclesiæ inceptam multas & largas tradidit expensas; & totâ mentis intentione ad finem perfectum illam ducere desideravit. Sed quod vehementer dolendum est, morte præventus fabricam prædictam secundum suum propositum consummare non potuit. Immo cuidam simplici Monacho Elyensi, fratri Johanni de Wysbeche, qui Christi fidelium eleemosinis dictam Capellam à fundamentis inceptit, prout Deus secum disposuit, perficiendam reliquit. Qui quidem frater Johannes in honore semper Virginis Mariæ in Festo Annunciationis suæ fabricam dictæ Capellæ inceptit anno Domini MCCCXXI. incipiente. Cujus fabricæ lapidem primum posuit vir Venerabilis & artificiosus frater Alanus de Walsyngham tunc temporis Supprior Elyensis. In inceptione namque dictæ Capellæ dictus frater Johannes modicum habuit pecuniæ in manibus vel in thesauris in tanti operis prosecutionem. Sed in auxilio divino firmiter confidens, omnipotenti Deo & B. Mariæ seipsum totum & opus prædictum devotissimè recommendavit: orans Deum jugiter & deprecans assidue, ut in omni necessitate suâ sibi succurreret pietate. Et Deus omnipotens, qui suâ benignâ miseratione pauperem facit & ditat, humiliat & sublevat; ipsum fratrem Johannem nec multum locupletem nec multum inopem in toto ipsius operationis tempore non reliquit. Sed quodam æquo veluti libramine, ne in prosperis se extolleret, aut in adversis deficeret, æquanimiter custodivit. Contigit autem eum quadam vice quosdam socios suos Monachos, quosdam etiam Sæculares convocare; illosque subnixè rogare, ut unâ secum ad fodiendum locum per quadratum, ubi totius fabricæ foret fundamentum, in certâ horâ inter eos constitutâ pariter convenirent ipsumque adjuvarent. Adveniente denique tempore designato nocte quadam venerunt, & fodere cœperunt; singuli separatim, unusquisque in loco sibi assignato. Contigit autem prædictum fratrem Johannem secundum sortem suam in loco certo per se solum fodere. Et volenti, ut creditur, Deo, suis ignorantibus sociis cunctis, urnam æneam pecuniâ plenam, quasi ex industriâ ibidem depositam, ad relevandam pro tempore suam indigentiam, per se solum invenit. Et transactâ ferè totâ nocte in ipso diluculo minutissimè cœpit pluere, ac fodientes aliquantulum tædere. Et convocans socios suos laborantes, dixit: Eya, fratres mei & consortes laboris, multum vobis regracior; quòd jamdiu bene laborastis; & vobis bonum est nunc modicum pausare post laborem. Ideo commendo vos Deo; qui vobis condignam rependat pro labore



|| f. Subter lectum.

bore mercedem. Illis verò recedentibus, solus ipse remansit in loco; & urnam illam prout potuit secretius tulit; & in Dormitorio || lectum suum reposuit; & pecuniam de illâ rubigine denigratam sumpsit, & rubiginem ab illâ confricando calce & aquâ deterfit; & stipendia operariorum ex illâ, dum duraverit, persolvit. Et interim à Christicolis ad locum vicissim accedentibus nunc majus nunc minus, quicquid potuit, pro continuatione operis non solum rogando verum etiam mendicando sumere non erubuit. Et cum sic vitam suam in laboribus variis ducens, cum domigerio magno mendicando, mutuum accipiendo; & res quas ex licentiâ sui ordinis habere poterat, venditioni exponendo; unâ cum subsidio Reverendi Patris supradicti Domini Symonis Episcopi & aliorum Venerabilium virorum necnon & communis plebis eleemosinis per annos xxviii. & septimanas xiii. opus prædictum sollicitudine maximâ continuâset; & structuram lapideam, simul cum Imaginibus infra Capellam & extra numero cxlvii. præter minutas Imagines in tabulâ supra altare, & præter Imagines ad hostium introitus in Capellâ; opus etiam ligneum plumbo tectum, & agabulum orientale, cum duabus fenestris ex utraque parte Capellæ ferro & vitro pulcherrimè apparatis, consummâset; anno Domini MCCCXLIX. xvi. Calend. Julii, tempore communis pestilentiae ex luce migravit; ac officium suæ custodiæ absque onere æris alieni Successori suo quietum reliquit. Et depositum ad valorem centum librarum & ampliùs, cum jocalibus & numeratâ pecuniâ pro residuo Operis prædicti perficiendo, post obitum suum inventum erat reservatum.

Prædictus quoque pater benignus Dominus Symon Episcopus, cum sedisset annis viii. & modicùm plus; xx. die mensis Junii anno Domini MCCCXLIV. obiit; & sepultus est apud Ely in Novâ Capellâ S. Mariæ coram altari ejusdem Capellæ; circa cujus fabricam sumptuosas fecit expensas, ut superius expressum est. Ipse verò reliquit Ecclesiæ suæ post obitum suum quædam vestimenta bruni coloris, talentis quasi aureis intexta; duas videlicet capas, & unam casulam, cum iv. tunicis ejusdem coloris.

#### THOMAS DE LYLDE, Episcopus XVIII.

Fert in tribus rundellis tres Reges Coloniae or in campo gules.

(f) Post mortem quoque dicti Symonis Episcopi frater Alanus Prior Ecclesiæ prædictæ & Fratres omnes & singuli ejusdem Ecclesiæ ingressi sunt Capitulum suum Elyense die vi. mensis Julii anno Domini MCCCXLIV. de die præfigendo procedendi ad Electionem futuri Pontificis tractaturi: habitâ super hoc licentiâ Regiâ; & diem crastinum, i. e. diem septimum ejusdem mensis Julii cum continuatione & prorogatione dierum subsequen- tium unanimiter præfixerunt, & de consensu expresso omnium statuerunt. Et subsequente dicto die vii. mensis Julii prædicti, post Missam de Spiritu Sancto in Ecclesiâ

(f) Thomas de L'Isle (sic enim dicitur in Rot. 11. R. 2.) Latine de Insulâ (quo nomine in Registro suo appellatur) professionem obedientiæ Sedi Cant. in Ecclesiâ Metropolitica 1348. 9. Sept. fecisse dicitur in Registro Cranborn. Provisus à Papâ videtur medio anno 1345. non tamen ante annum 1351. consecratus, siquidem rectè habeat diploma appropriationis de Caxton ab illo datum 1357. 7. Julii, anno consecrationis nostræ 6. Verum xi. pro vi. legendum suspicor; & Historiæ nostræ illum apud A-

vinionem statim post provisionem factam consecratum fuisse affirmanti fidem potius adhibeo. Eundem enim Episcopalia officia in Diocesi suâ anno 1346. peregrisse ex Registro suo constat. Temporalia ejus post homicidi crimen fal-ò impositum in manum Regis accepta sunt ante exitum anni 1356. neque unquam illi restituta sunt. Eadem enim penès Regem fuisse 1357. 11. Febr. 1361. 29. Aug. & 1. Oct. & 11. Nov. comperio. Thomam Collegii S. Petri Cantab. benefactorem fuisse Godwinus malè retulit.

Cathedrali prædictâ ipso die manè celebratam, prædictus frater Alanus & cæteri Monachi omnes & singuli in domo suâ Capitulari se congregaverunt, & ibidem inter se tractaverunt, per quam formam ad prædictam Electionem maturius & cautiùs esset procedendum. Et statim tunc ibidem idem frater Alanus Prior & omnes fratres Monachi singillatim & nominatim requisiti asseruerunt, & quilibet illorum singillatim requisitus asseruit expresse sibi placere in dictæ Electionis negotio per formam procedere compromissi. Et subsequenter prædictus frater Alanus Prior & cæteri Monachi omnes inter se super Compromissariis in eâ parte eligendis tractantes, in septem Monachis ejusdem Capituli consenserunt; dantes eisdem septem plenam & liberam potestatem vice suâ & vice totius Capituli eligendi personam idoneam in Episcopum & Pastorem sibi & Ecclesiæ suæ viduatæ. Et statim dicti Compromissarii de Capitulo recesserunt; & in locum secretum seorsim se receperunt. Et invocatâ Sancti Spiritus gratiâ, primo de diversis personis præficiendis inter se tractare cœperunt. Et tandem in fratrem Alanum Priorem Elyensem vota sua unanimiter direxerunt; & ipsum in Episcopum suum Elyensem & Pastorem infra tempus eis limitatum elegerunt; & ipsam Electionem primò coram Fratribus in Capitulo, deinde in Ecclesiâ Cathedrali Elyensi coram Clero & populo, palàm & aperte publicaverunt. Sed ante dictæ Electionis confirmationem Dominus Papa Clemens VIII. ex suæ potestatis plenitudine fratrem Thomam de Lylde de Ordine Prædicatorum in Episcopum Elyensem præfecit; & sic Electio de prædicto Alano facta, sicut Electio sui Prædecessoris fratris Johannis de Crandene, frustrata erat similiter per Papalem reservationem. Tempore verò Patris nostri Venerabilis Domini Thomæ Elyensis Episcopi contigit Miraculum, huic exili opusculo meritò annectendum.

Regnante Dei gratiâ Domino Edwardo III. post Conquestum, Rege Anglorum victoriosissimo, anno Incarnationis Dominicæ MCCCXLIX. & regni ejusdem Regis xxiii. ac Pontificatûs ejusdem Patris nostri Reverendi Thomæ Elyensis Episcopi anno quinto; quidam Armiger, natione Anglus, in rebus bellicis strenuus, & arma bellica ab adolescentiâ suâ viriliter profecutus, optimi viri filius Johannis de Hyntoun vocitatus cum fratre suo Domino Wilhelmo de Hyntoun milite in transmarinis partibus & in Regno Hispaniæ in exercitu Christiano contra inimicos Crucis properavit ad bellum: Qui cum cæteris Christianis contra Saracenos viriliter dimicavit. Contigit autem in illâ die bellum vehementer urgeri. Et cùm varius sit eventus bellorum; quòd nunc hos nunc illos consumit gladius, multi utriusque exercitûs corruerunt. Inter quos miles ille strenuus cecidit Wilhelmus de Hyntoun, & ipse Hugo in illo conflictu lanceâ dirè confossus est in osse lumborum fuorum; & ita firmiter & profundè dicta lancea intravit in osse, quòd illam evellere pati non potuit præ dolore. Unde de humanâ ope desperans, ad divinum confugit adjutorium; B. Etheldredam crebriùs & devotè invocans ac suppliciter efflagitans, ut Deus meritis almæ suæ Matris ipsum in illâ arta necessitate suâ consolaretur pietate. Et statim post manum misit ad lanceam; & illam ita leniter extraxit, ac si in carne solum fuisset infixâ; sed ex nimio labore vulneris ac in illo conflictu oppressione laboris fatigatus, in lectum decidit graviter infirmatus. Qui super Medicos & Chirurgicos varios medicinam secundum artem suam sibi porrigentes, nullo illorum potuit curari medicamine: sed semper interim invocavit dilectam matronam Etheldredam; ut suis precibus sacrosanctis Dominum Deum exoraret, quod à dirâ ægritudine, quam patiebatur, ipsum clementer liberaret. Illi verò in oratione & devotione perseveranti apparuerunt quadam nocte quatuor venerabiles matronæ religiosæ: quarum una, ut sibi visum fuerat, cæteris honore præcellens pannum fericum ad modum manutergii vario colore diversimodè listatum gestabat in brachiis. Dixit ad illum; Amice, qualiter est tecum? At ille: Valde male.



lè. Et confortans illum dixit : Confide fili ; sanus eris in brevi. Et accipiens pannum sericum, inclinavit se ; & involvit lumbos ejus hiantē vulnere fauciatos. Et sic ex illo tactu confortatus est, quod vix aliquem sentiebat dolorem ; & sicut postea fatebatur, quod ipse nunquam in totā vitā suā tam delectabile tamque suave corpori vel carni suā aliquoties sensit adhæsisse. Et erigens se Virago illa venerabilis, ait ad illum : Ubi est lancea illa, cum qua vulneratus fuisti ? At ille respondit, dicens : Nescio Domina mea reverenda. At illa : Quære illam diligenter, & inventam affer ad me apud Ely. Et continuo quatuor illæ Matronæ venerabiles disparuerunt. Et ipse paulatim convalescens, nichil aliud medicinæ ulterius vulneri apposuit nisi tantum lanam & oleum ; & tempore modico sanus factus est per merita, ut creditur, B. Etheldredæ Virginis. Quinetiam dictam lanceam quærere fecit diligenter per triduum : sed tandem inventa est in custodiā cujusdam militis prædicto Hugoni familiaris. Assumens namque caput lanceæ prædictæ, detulit illam secum in Angliam. Et cum venisset ad Elyensem Insulam, ipse cum fratre suo Radulpho de Hyntoun ad illam pervenit Ecclesiam ; & ad feretrum B. Etheldredæ illud obtulit cum summā devotione ; ac super paxillum ferreum ibidem ad Miraculi hujus memoriam infixit.

Aliud quoque contigit Miraculum anno Domini MCCCLV. & regni Domini Edwardi III. post Conquestum illustri Regis Angliæ anno xxix. Vir quidam bonus & religiosus, Dominus Johannes Lavenham, Monachus Ecclesiæ S. Regis Edmundi, circa Passionem Domini in Quadragesimā cœpit infirmari ; & morbo squinanciæ in collo, gutture & maxillis graviter intumescere, & vehementer vexari ; ita quod manducare vel bibere seu etiam loqui non poterat. Unde nil aliud nisi mortem ipsius credebant æstimandum. Quapropter certi Fratres de Conventu deputati fuerant ad custodiendum, confortandum, & cum opus fuerat, consulendum fratrem infirmum ; sicut moris est inter Religiosos facere Fratribus in extremis languentibus : ut diligenter observantes statum infirmi, proponendo sibi crebrius verba ædificatoria de Passione Christi, de misericordiā Dei, & alia hujuscemodi consolatoria ; ut sic expectarent aut fratris languidi meliorationem, aut ultimi spiritus exhalationem. Ipse verò interim toto ex corde jugiter & devotè in mente suā, eò quod loqui non valebat, Deum deprecatus est ; ut meritis S. Etheldredæ dolorem, quem dirè passus est, leniret : et si suæ pietati complaceret, sanitati iterum restitueret. His itaque gestis, circa Parasceven Domini agrotus ille paululum cœpit dormire. Visionem quandam habuit ; quod fuit in unā parvâ Capellâ, quæ infra illam Ecclesiam erat statuta ; & ibi quædam venerabilis matrona, religionis habitu induta, sibi apparuit : quæ confortans eum, collum ipsius, guttur & maxillas, ubi dolorem sentiebat, circumquaque manibus suis leniter palpavit ; & hoc facto, se egredi dissimulavit. Et paulò post reversa, dixit ad illum : Duos annulos habes aureos. Offer unum ex his apud Ely ad me ; quoniam illum habere volo de te : & his dictis disparuit. Et statim evigilans, clarè locutus est, vocans socios suos, quos secum habuit pro suâ custodiâ deputatos : qui audientes illum loquentem, admirati sunt valdè ; & magno repleti gaudio, sciscitabantur ab eo, quomodo tam subito loqueretur, qui multis retrò diebus verba proferre non potuit. At ille exponens eis Visionem quam vidit ; & quod per merita S. Virginis Etheldredæ citò sanus fieret, asseruit. Unde quidam eorum prætextu istius Miraculi S. Etheldredam apud Ely nudis pedibus peregrinando se visitaturos promittebant ; alii verò alia vota emittebant, qui postmodum vota sua devotissimè persolvebant. Denique vir ille præfatus Dominus Johannes, cum sanus fuerat & validus corpore, iter apud Ely pedibus gradiens cœpit arripere, & illum annulum aureum per S. Etheldredam requisitum secum deferre. Quo perveniens, dictum annulum saphiro nobili ornatum, habentem & minuta granula lapidum diversorum

forum in circulo per girum, obtulit B. Etheldredæ maximâ mentis devotione; ubi feretrum ipsius Virginis ostenditur populo venienti ad honorem & laudem Dei & hujus Miraculi ostensionem.

Restat jam scribendum de prædicto patre & pastore nostro fratre Thomâ de Lylde de Ordine Prædicatorum, Elyensi dudum Episcopo. Ipse enim præfectus erat in Episcopum Elyensem per Dominum Papam Clementem VIII. anno Domini MCCCXLIV. mensè Julii circa Festum S. Jacobi, & in Curia Avinionensi consecratus. In ipsâ autem Consecratione vas quoddam vitreum vino plenum super altare erat positum: sicut moris est Curia Episcopos consecrari. Et circa salutaris hostiæ consecrationem sine tangentis manu in altari confractum est subito & divisum; ac vinum, quod erat in vase, super altare discurrit effusum. Et qui præsentés aderant, hoc videntes, maximum arbitrati sunt præfagium fuisse futurorum. Nam in Episcopatu suo multa postmodum adversa erat passurus. Eodem autem anno Angliam est ingressus, & à Domino Rege susceptus; ac traditis sibi suis Temporalibus in primâ Dominicâ Adventûs ejusdem anni erat apud Ely solempniter intronizatus. In primiciis namque suis splendidus valde fuit in mensâ. Milites quoque & Armigeros valentes patriæ, ac Juris utriusque peritos, in magnâ copiâ ad suas robas & ad suum consilium retinebat; ut in Parlamento & aliis locis communibus Militum & Armigerorum ac aliorum Servientium multitudine vallatus, inter cæteros Régni Proceres apparuit gloriosus. Videns denique tantam sibi familiam nimis onerosam & in modico proficientem, quibusdam de electis secum retentis, cæteros verò quodam discretionis sarculo de suâ familiâ refecavit. In omnibus ferè causis, quas tunc temporis ventilabat, fœliciter sibi & prosperè succedebat. Egregius namque Prædicator extitit; & per varia loca suæ Dioceſeos discurrens, velut fidelis dispensator & prudens, familiæ Dominicæ mensuram tritici distribuendo, verbum Dei in populo sibi commissio ferventi animo disseminavit. Sed inimicus homo furtim venit & latenter; & in electo tritico superseminavit zizania; & invidiæ suæ antiquæ nodum dissolvens, nimis illum fecit exosum populo terræ. Præsertim ex eo, quòd in Sermonibus suis misericordiam maximè commendabat: quam quidem misericordiam in se delinquentibus, justitiâ quadam nimîâ quasi in severitatem mutatâ, quam prohibet Scriptura dicens: \* *Noli esse nimis justus*: \* Eccl. vii. 17. absque satisfactione condignâ de facili non concedebat. Quamvis idem pater & pastor noster in seipso bonus erat; quibusdam tamen adulatoribus & sinistra narrantibus, qui sibi erant à secretis, aures patulas & nimis credulas exhibebat. Nam quorundam malignorum instinctu, non sui proprii animi motu, ut creditur, erga Priorem & Conventum multum se reddebat difficilem; in tantum quòd ad opus Ecclesiæ argillam fodere & arenam, sicut in omnium Episcoporum temporibus consueverant, ad magnum scandalum sibi nimis diu denegavit. Crebris interim precibus & variis petitionibus Prior & Conventus, nunc per epistolas, nunc per Fratres Capituli iteratis vicibus sibi missos, suæ Paternitati deprecati sunt; ut argillam, zabulum & arenam ad fabricas Ecclesiæ habere poterant, ut solebant. Ipse verò absque suæ specialis gratiæ rogatu licentiam zabulum habendi & arenam, ut superius dictum est, concedere recusavit. Tunc tandem Prior & Conventus ad placandum ipsius animum Epistolam sibi miserunt deprecatoriam, mentionem suæ specialis gratiæ facientem. Epistolam illam gratanter acceptans, & ne in consequentiam traheretur in posterum, integram & clausam Conventui tradendam in Capitulum postmodum reportavit: & deinceps argillam fodiendi, zabulum simul & arenam ad opus Ecclesiæ Priori & Conventui, ut hætenus usi fuerant, liberam concessit facultatem.

Postmodum namque, quod maximè dolendum est, oritur contra ipsum lamentabile infortunium. Nam quidam iniquitatis filii, suæ salutis immemores,



res, quasdam domos Dominae de Wake in mesuagio suo de Colne in Comitatu Huntyngdoniae noctanter combusserunt; & totum crimen maliciose super Episcopum & quosdam de suis imposuerunt. Super quo Brevia Regia emanaverunt, certis Domini Regis Justiciariis ad inquirendum de hujusmodi incendii actoribus & fautoribus directa. Qui apud Yakesle sedentes, Milites & Armigeros ac alios de patria valentes coram eis ibidem fecerunt convenire. Et captâ inquisitione per xii. Juratos de prædictis Militibus & aliis, qui super sacramentum suum erant onerati, quod in hujusmodi negotio incendii fideliter ac diligenter inquirerent; & quos hujusmodi sceleris reos invenirent, dictis Justiciariis notificarent. Ipsi verò seorsum paulisper recedentes, in dictis negotiis tractaturi; & cum in causâ concordessent, ut dixerant, quosdam nominati actores esse sceleris, & Episcopum illis consentientem asserabant. Justiciarii autem dicta illorum non acceptantes, injunxerunt eis iterum per sacramentum suum; quod inter se diligenter investigarent, si Episcopus actor esset criminis cum cæteris criminosis, vel non. Et inter se modicum colloquentes, dixerunt tamen injustè Episcopum cum cæteris reum esse. Et statim fuit Episcopus finaliter condemnatus in nongentis libris argenti Dominae Wake pro dampnis suis plenariè persolvendis: quæ quidem pecunia in brevi post eadem extitit persoluta. Thomas autem Episcopus retinens in memoriâ illud Sapientis:

Esto forti animo, cum sis dampnatus iniquè:

Fortis erat in adversis, & inter aspera viriliter incedens; super injuriâ sibi allatâ remedium habere cupiens, Brevia impetravit Regia super convictione superjuratorum, qui in primâ Sessione apud Yakesle falsum contra ipsum tulissent testimonium. Et hoc per numerum duplicem Juratorum paratus est juris ordine declarare. Et cognoscendi in hac causâ recti Regis Justiciarii fuerant deputati. Citati sunt enim ad comparandum coram eis Huntyngdoniae certo die valentiores patriæ; qui ad diem assignatum ibidem congregati, & ad veritatem in hac parte dicendam parati comparuerunt. Sedentes autem pro tribunali Justiciarii prædicti petierunt statim dictamentum Sessionis apud Yakesle, processum ejusdem Sessionis Justiciariorum & Juratorum nomina continens, sibi ostendi. Quibus responsum est; quod fuit in manibus quorundam virorum, de quibus erant ibidem duo præsentés. Accersiti erant illi duo, & super hoc requisiti. Responderunt, quod id minimè obtinuerunt. Dixerunt autem; quod Miles quidam modicum ab Huntyngdon distans, dictamentum illud habuit custodiendum. Nuncius quidem continuò à Justiciariis est ad Militem missus, ipsum ex parte illorum suppliciter deprecans, quatenus dictamentum eis mitteret indilatè; quoniam ibi sedebant totâ die quasi ociosi & tædio nimis affecti dictamentum expectantes prænominatum; quod sine illo in causâ procedere non potuerunt. Respondens autem Miles dixit Nuncio; quod pro certo in suâ non erat custodiâ, sed in custodiâ alterius illorum, qui prius eodem die apud Huntyngdon coram Justiciariis erant vocati & de re prædictâ requisiti. Regressus est qui missus fuerat, sedentibus adhuc Justiciariis, renunciâns eisdem quid à Milite audierat. Jusserunt Justiciarii viros prædictos iterum inquire; qui sæpius iteratis vicibus vocati & per totam Curiam quæsi, minimè sunt inventi. Advesperascente jam die surgentes Justiciarii infecto negotio recesserunt. Episcopus autem Thomas nolens sic vecorditer ab incæptis desistere; sed ut Injuriatores sui ad satisfactionem de illatis sibi injuriis reducerentur, viis & modis legitimis, quibus poterat, cœpit viriliter attemptare. Et cum in prosecutione causæ prædictæ modicum se fenserat profecisse; quoniam æmuli sui ex adverso conati sunt, & processum ipsius causæ in quantum poterant impedire.

Videns

Videns itaque Episcopus, quòd ab æmulis suis prædictis fuisset sic illus, ad præsentiam Domini Regis, ubi in lusum avium cum falconibus, comitantibus secum Militibus quibusdam & Armigeris, spaciabatur, accessit; & suam Regiam Magnificentiam humiliter requisivit, quòd de injuriis sibi illatis fieri juberet justitiæ complementum. Rex autem continuò advocans sibi quendam Militem Dominum Richardum de la Vache, qui erat ibidem; ut verba quæ inter ipsum & Episcopum dicenda forent, posset audire & postmodum testificare. Rex enim ait ad Episcopum: *Domine Episcopo, causa quæ inter te & dilectam nostram || consanguineam Dominam Wake vertitur, nobis & Proceribus nostris ac Populo Regni nostri odiosa valde fore perhibetur. Item ex illâ dampna plurima personarum, subversiones & pericula multa evenire forsitan potuerunt in futurum. Quapropter causam prædictam accipere intendimus in manus nostras; & non ut tua voluntas in omnibus fiat neque sua; sed per viam mediam incedendo, quòd pax inter vos volente Deo & concordia reformetur.* Episcopus autem dixit ad Regem. *Excellentissime Domine, jubeat si placet Serenitas vestra; quòd secundum legem Regni & justitiam discuti valeat inter nos causa prænominata.* Cui Rex, ut fertur, Milite prius vocato præsentem, dixit: *Et quis te prohibet in regno nostro legem habere vel justitiam?* At ille respondit, dicens: *Domine, sic est quòd legem in causâ mea habere non possum neque justitiam; potestate, ut credo, regiâ præpeditus.* Rex autem audito hoc verbo, contra Episcopum commotus erat vehementer; & ait: *Certè tu Thomas de Lylde falsum dicis. Nunquam enim fuisti præpeditus; sed legem habebis, absque tamen favore legis.* Episcopus verò cum Regis indignatione à loco recessit, parum vel nichil in causâ confortatus. Modico post tempore lapsò, Rex in Parlamento suo Londoniæ coram Prælatibus regni & Proceribus ibidem congregatis dixit Episcopo Elyensi: *O Thomas de Lylde, tu nuper nobis imposuisti, quòd in causâ tuâ legem habere non potuisti, nostrâ potestate regiâ præpeditus.* At ille negavit expressè coram Rege & Magnatibus, dicens se nunquam talia verba protulisse. Ad quem Rex irâ succensus magnâ dixit: *Certissimè tu Thomas de Lylde mentiris apertè; talia enim verba dixisti:* Et advocavit in testem illum Militem; qui verba, quæ inter Regem & Episcopum in præmissis locuta fuerant, audivit; & regiis dictis testimonium perhibuit, dicens Episcopum ipso præsentem & audiente talia verba dixisse. Videntes autem Dominus Archiepiscopus & alii Episcopi animum Regis contra Episcopum Elyensem nimium fuisse commotum, surrexerunt; & coram Rege genua flectentes, ipsius suppliciter efflagitabant clementiam; ut Episcopum Elyensem in suam reciperet gratiam, & sibi misericorditer indulgendo & suam regiam remitteret offensam. Episcopus verò interim stetit erectus, & quasi cogitans quid diceret in hoc casu aut quid ageret; nec se aliquantulum inclinavit: de quo plures qui affuerant, mirati sunt. Rege autem in irâ adversus Episcopum conceptâ perseverante, recessit Episcopus, faciem Regis de cætero amplius non visurus.

|| Blanchia Wake filia erat Henrici Comitis Lancastrie.

Contigit namque post hæc, ut Episcopo jam nimis afflictò major adhuc addita est afflictio. Nam quidam ejus Cubicularius nomine Radulphus, genere Normannus, ortâ inter ipsum & quendam Domini Wake familiarem Willelmum de Holm sævâ discordiâ, incidit in eundem Willelmum, & hoste incitante antiquo interfecit illum. Quòd cum audisset Episcopus, ingemuit; & tactus dolore cordis intrinsecus ait. *Coartor undique. Nunc scio verè, quòd absque dispendio magno & discrimine non possum evadere: quoniam, ut ita dicam, totum pondus praelii versum est in caput meum;* quoniam gentes patriæ vicinæ totum hujus homicidii causam & flagitium mendaciter & maliciosè super eundem imposuerunt. Die verò sequenti, comitante secum Sacristâ Elyensi fratre Roberro de Suttoun, iter cum suis versùs Londoniam arripuit; & ab ingressu Manerii sui de Somersham circumdante illum inopinatè turbâ



\* Harrow ubi-  
que legit Codex  
Cet. 1.

malorum quousq; pervenisset ad S. Ivonem, quædam Margareta de Holm soror ipsius interfecti, mulier quidem maliciofa valde, adjunctis secum perversis hominibus, unâ cum Henrico Colne ipsi Episcopo nimis infesto, clamoribus magnis & tumultibus prosecuta est, ad instar Semei filii Gemini de cognatione Saul; ut Regum ii. legitur. Qui ingressus contra Regem David fugientem filium suum Absolon, projiciens lapides & lutum, maledicebat Regi dicens: *Egredere vir Belial, egredere vir sanguinum: ecce premunt te mala quæ fecisti.* Sic & illa clamans & clamore terribili vociferans, dixit. \* *Harron super te, Thoma de Lylde, harron, harron super te homicida pessimè, harron super te. Tu enim interfecisti fratrem meum Willelmum de Holm. Harron super te, harron.* Episcopus verò conversus ad mulierem, simplici voce & lugubri dixit. *Mulier injustè me persequeris. Innocens sum à sanguine fratris tui. Non enim illum interfeci; nec unquam illum interficere jussi; sed me invito & nesciente omnino interfectus fuit: novit Deus.* Et Henricus de Colne & alii scelerati viri & perversi, qui secum erant, similiter insultantes Episcopo, convicia, opprobria, verba contumeliosa & varia impropriorum genera horribili strepitu inferebant. Et sic illum persecuti sunt, antè & retro, à dextris & à sinistris, usque ad S. Ivonem; per mediam villam clamantes duxerunt & vociferantes; quòd tota Villa per illorum strepitum commota est, in tantum quòd Episcopus cum suis, relictis cariagiis suis ibidem cum victualibus, pontem vix transire poterat, & sic manus illorum evadere, ac ad Manerium suum de Granteldene velociter equitando horâ prandendi pervenit. Vidit autem Episcopus tanta sibi tædia imminere atque dispendia futura, cautè respiciens & timens, ne fortè per maliciam hominum, quæ magna tunc erat contra ipsum, Temporalia sua posse, quamvis non demeruit, confiscari; & sic modicum haberet, per quod in suâ necessitate sibi poterit subvenire. Discreto & utili usus consilio, scripsit literas ad omnes & singulos Maneriorum suorum ministros, illis districtè præcipiens, quòd omnia bona sua mobilia, averia & catalla, supplementis Maneriorum duntaxat exceptis, cautelâ tamen convenienti, celeri exponerent venditioni. Et pecuniam pro rebus suis venditis acceptam in manibus Mercatorum deposuit custodiendam; ut cum his opus haberet, suis iterum usibus resolvendam. Sedente modicum post Coronatore illius patriæ, & de morte dicti jam interfecti per inquisitionem xii. hominum legalium de vicineto districtius quærente; onerati sunt xii. homines prædicti ex parte Regis per eundem Coronatorem super sacramentum suum; ut de intersectoribus hujus mortui, & omnibus aliis, qui eis in hac feloniam præbuerunt consilium, auxilium vel favorem, seu quenquam illorum post factam feloniam receptârunt, diligentem inter se tractatum haberent; & quid in præmissis per Sacramentum suum invenirent, indilatè sibi fideliter significarent. Qui quidem Jurati super hac causâ inter se tractantes, prænominatum Radulphum Episcopi Cubicularium principalem Willelmi de Holm fuisse interfectorem, & Episcopum neci ipsius consentientem, ac quosdam alios sibi adhærentes & auxiliantes asseruerunt; Episcopum verò dictum Radulphum post feloniam factam receptâsse similiter affirmaverunt. Quod utique falsum fuit, & ex mendaci suspicione omnino processit: quoniam Episcopus in mortem ipsius nullo tempore consensit; nec ipse Radulphus in comitivâ suâ post homicidium accessit, nec ab illo usquam postmodum visus est. Sed statim ut de morte audivit, † accersiri Willelmum de Stanstede Senescallum suum & totius suæ Insulæ Elyensis custodem, sibi firmiter injungendo mandavit; quòd secundum jura Regni homicidam illum per totam Ballivam suam diligentius inquireret; & si illum fortè alicubi inveniret, tanquam Regis Felonem secundum legem in regno traditam illum per omnia judicaret. Cum autem dicta per præfatos xii. Juratos in inquisitione per Coronatorem dudum captâ, & ad inquirendum super morte præfati Willelmi de Holm

† f. Accersens.

Holm oneratâ, coram Justiciariis de Banco Domini Regis fuissent devoluta: vocatus est Thomas de Lylde Episcopus Elyensis ad comparendum coram dictis Justiciariis, super sibi objiciendis in causâ præmissâ responsurus. Qui ad diem assignatum sedentibus pro tribunali Justiciariis supradictis comparuit, comitantibus secum & assistantibus ad ipsum locum Judicii Dominis Cantuariensi Archiepiscopo & Episcopo Roffensi. Cui statim objectum erat per Justiciarios prædictos; quod ipse contra justitiam & pacem Regni consentiens fuerat in mortem cujusdam Willelmi de Holm felonice interfecti, consilium præbens & auxilium; ac ipsum interfectorem quendam Radulphum Carles post feloniam factam scienter receptavit, & in suâ comitivâ retinuit. Episcopus autem dictus Justiciariis respondit, dicens; quod non ex voluntate suâ nec suâ scientiâ sed ipso invito & ignorante dictus Willelmus de Holm occisus fuit; quod ipsum Radulphum post feloniam factam nunquam vidit, nec ipsum receptavit. Et hoc per pares suos, cum ipse erat de paribus Regni unus, discuti & discerni se sponte supposuit. Justiciarii verò super hoc convocaverunt patriam xii. Juratorum, non de Paribus terræ, ut Episcopus pro se allegavit & petiit, sed de plebeiis; & illos xii. Juratos super sacramentum suum oneraverunt, ut inter se diligenter inquirerent, an Thomas de Lylde Episcopus Elyensis consentiens fuerat neci Willelmi de Holm nuper interfecti, consilium impendens vel auxilium, aut ipsum Radulphum post feloniam scienter receptaverit vel non. Jurati autem in casu prædicto modicum inter se tractantes, dixerunt; quod Thomas de Lylde Episcopus Elyensis in mortem Willelmi de Holm nunquam consensit, prædictum tamen Radulphum post perpetratam feloniam receptavit scienter. Justiciarii verò ipsum Episcopum de receptatione felonis Regis contra pacem Regni tanquam Clericum per legem illorum convictum judicârunt: & statim omnia Temporalia sua tam Episcopatus Elyensis, quàm alia tempore Episcopatus sui per ipsum Episcopum perquisita, in manus Domini Regis judicialiter per eosdem sunt seiscita & confiscata.

Cum vidisset Episcopus Thomas Temporalia sua confiscata, & se coram non suis videlicet de receptatione felonis Regis, ut prædicitur, diffamatum esse; cum per eos super hoc convinci non poterat, eo quod sui Judices non erant. Cupiens itaque juris ordinem ad sua restitui, accessit ad Dominum Cant. Archiepiscopum, rogans illum suppliciter cum omni justiciâ requisitâ, ut super diffamatione prædictâ suam Canonicam admitteret purgationem. Dominus autem Cant. justis Episcopi petitionibus libenter ac favorabiliter annuens, virum venerabilem & discretum Magistrum Willelmum de Wythelysey, Archidiaconum Huntyngdoniensem, Judicem sibi in præmissis constituit & deputavit. Qui quidem Judex proclamare fecit certis in locis; quod si quis objicere vellet, sciret vel intenderet contra Thomam de Lylde Episcopum Elyensem, quare ad purgationem suam Canonicam super diffamatione sibi impositâ admitti non debeat; veniat objiciens ille quicumque fuerit apud Mansfeld Cant. Dioceleos, & paratus ibidem sit personaliter die certo per Judicem prædictum assignato in dictâ proclamatione exequendâ. Venientes verò prædicti Episcopus & Archidiaconus, comitantibus cum eis fratre Roberto Suttoun Sacristâ Elyensi & aliis viris valentibus apud Mansfeld in diem præfixum, in Ecclesiâ parochiali ejusdem Villæ sederunt: & Dominus Archidiaconus judex ad præmissa deputatus per præconem suum fecit proclamare; ut si quis ibidem præsens esset, qui contra Thomam de Lylde Episcopum Elyensem objicere vellet, quod in dictam sibi purgationem Canonicam admitti non debet; veniat nunc coram Judice ibi præsentem & pro tribunali sedente in hac causâ, & objiciat si quid habeat in hac parte objiciendum; & dicta sua admitterentur, ac per viam justitiæ discuterentur. Et hoc idem sæpius in die iteratis vicibus jussit proclamare. Nemine quidem per diem



totum ad obijciendum comparente, circa vesp̄um ejusdem diei facta fuit peremptoria proclamatio; quòd si aliquis ibidem esset, qui adhuc obijcere vellet, quòd tunc demum sine morâ veniret; quòd post illam horam in posterum via obijciendi cuiquam ulterius non pateret. Sed nec tunc quoquam comparente, Judex prædictus in causâ præmissâ sententiam tulit diffinitivam, excludens cuicumque obijciendi de cætero facultatem. Recefferunt autem inde tam Episcopus quàm Archidiaconus, & cæteri qui cum illis erant, iter arripientes ad Archiepiscopum; nunciaverunt eidem res gestas per ordinem; qualiter certis die & loco pro proclamatione exequendâ assignatis personaliter affuerunt, & proclamationem prædictam sæpius per idem iteratis vicibus ritè & legitime præconizare fecerunt: sed nullus interim comparuit ad contradicendum, quin ad purgationem Thomæ de Lylde Episcopi Elyensis de jure foret procedendum. Unde Episcopus Thomas dictum Archiepiscopum suppliciter rogavit ac instantissimè petiit; ut super diffamatione sibi objectâ suam admitteret purgationem; nec non diem & locum, ubi & quando cum suis Compurgatoribus ad se purgandum in hac parte compareret, certitudinaliter assignaret. Cui Dominus Archiepiscopus ait. 'Dilectissime mi frater Domine Episcope, adquiesce rogo consiliis meis; & tibi volente Deo melius fortè propitietur. Vade prius, ut consulo, ad Dominum nostrum Regem, & reconciliare sibi. Quoniam, ut spero, illum tibi invenies gratiosum. Et tunc redeas; & omnia purgationem tuam concernentia pro libito consequeris, & ad statum tuum pristinum in omnibus sine dubio restituèris. Ad quem Episcopus Thomas: 'Domine Pater, jam enim ritè peracta sunt omnia, quæ ante purgationem meam recipienda canonicè sunt requisita. Nunc autem nichil aliud restat, nisi quòd vos, prout de jure tenemini, ac vestro incumbit officio pastoralis, diem mihi & locum velitis assignare; ut de diffamatione mihi impositâ possim canonicè me purgare. Quapropter vestram, ut prius, venerabilem rogo Paternitatem, quòd meam in hoc casu potero purgare innocentiam, diem adhuc mihi assignetis. Respondit Archiepiscopus, dicens: 'Diem tibi & locum, cum oportuerit, assignabo. Nec tibi nec tuæ purgationi in aliquo derogare intendo; licet aliquantulum differo pro utilitate majori, ut causâ tua cum Regis assensu consilio maturiori poterit terminari. Illo autem consiliis Archiepiscopi non acquiescente, recefferunt alterutrum ab invicem, se postea non visuri.

Intellexit Episcopus Thomas animum Regis esse contra ipsum nimis exasperatum, ac plures & graves se habere adversarios, qui de ipso mala citius Domino Regi procurarent quàm bona; & in suâ causâ culpam agnoscere, ubi culpa non erat, se reputans non teneri. Idcirco maliciis hominum cedere, & corporis proprii pericula meritò formidanda censuit potius declinare, & ad partes transmarinas clam securus transfretare. Recessit igitur ab Angliâ Pastor & Pater noster prædictus xix. die mensis Novembris per diem Sabbati anno Domini \* MCCCLVI. & mari transito ad Villam de Bruges pervenit; & paululùm ibi moram traxit. Deinde ad Curiam Avinionensem proficiscitur, ac Domino Papæ & Cardinalibus de illatis sibi injuriis multiplicibus conqueritur. Et exponens eisdem dilucidè & apertè in pleno Consistorio totius causæ suæ ordinem & processum, subjecit se in omnibus & causam suam prædictam diffinitioni Domini Papæ & Cardinalium; ut secundum Deum & æquitatem justam in causâ suâ pronunciarent sententiam. Qui examinantes causam prædictam diligenter & deliberatò, invenerunt in processu adversus Episcopum factò plurima libertati Universalis Ecclesiæ maximè repugnantia. Ideo causam ipsam non solum ipsius Episcopi personalem, verùm etiam totius Ecclesiæ Catholicæ causam esse universalem, diffinitivâ sententiâ determinabant. Ipse verò petiit continuè à Domino Papâ omni justitiâ requisitâ Indices sibi dari in causâ. Et Dominus Papa petitionibus justis annuens cum favore,

\* Factum id  
anno 1358.  
Walsinghamus  
& Birchingro-  
nus volunt. Re-  
ctius tamen no-  
ster.

favore, certos sibi Judices ad cognoscendum in causâ prædictâ inter ipsum & suos adversarios deputavit; ut per formam juris procedentes, complementum justitiæ sine personarum acceptione facerent inter partes. Judices itaque prædicti multos post edicta publica Clericos & Laicos, Milites & Armigeros diversos decreverunt fore vocandos & citandos; ut ad instantiam Thomæ de Lylde Elyensis Episcopi super sibi objiciendis certo die juridico personaliter comparerent in Curiâ responsuri. Illis autem ad diem præfixum non comparentibus, ad instantiam partis accersitis, Judices prædicti sententiam Excommunicationis in non venientes pro suâ contumaciâ fulminabant; decernentes eosdem contra diem certum vocari, & ad comparendum ibidem personaliter coram dictis Judicibus peremptoriè citari. Et super hoc edicta citatoria in Angliam fuerant delata, & in variis Ecclesiis parochialibus & aliis locis communibus lecta & publicata. In quibusdam verò Ecclesiarum hostiis erant affixa; ut per illa loca transeuntes, citatorum nomina palàm in eis legere possent & intueri: ita ut per eadem dicta citati de ignorantia non poterant legitime excusari. Sed nec sic quidem comparebant, nec Procuratores pro eis responsuros in Curiâ constituebant. Propter quod Judices prædicti in causâ procedentes, pro multiplicatis illorum offensis censuras utique multiplicabant, & illos cum suis communicantibus excommunicabant. Unde quidam de excommunicatis prædictis carnis universæ viam interim sunt ingressi, & Ecclesiasticæ traditi sepulturæ. Sed virtute quorundam processuum in Curiâ contra illos factorum, eorum cadavera in conditionis humanæ horrorem de suis sepulcris sunt extracta, & de loco sacro longius projecta. Hoc autem plures arbitrati sunt genus fuisse nimis severitatis; quod sepulturam quietam esse humatis hominum corporibus non indulsit. Propter quod Episcopus & sui maximam Regis indignationem & regni Procerum incurrebant. Quapropter Commissio Regia certis Justiciariis fuit directâ ad inquirendum, qui essent fautores Episcopi Elyensis in publicatione & prosecutione literarum Apostolicarum, citationes & censuras in certi regni personis continentium, consilium sibi in his vel favorem aut auxilium impendentes. Justiciariis siquidem super præmissis inquisitionem capientibus, quidam verò viri Religiosi & Sæculares, Clerici & Laici fuerant indictati. Ex quibus quidam capti erant & incarcerati, ac variis afflictis injuriis, pœnâ duplici, corporali & pecuniariâ, sunt multati. Quidam verò amicorum consiliis adquiescentes, se Regis gratiæ summisserunt, & viâ leniori transierunt.

Episcopus autem, non obstante Regis indignatione aut amicorum suorum prosecutione, ab incœptis suis non desistit: sed suæ causæ processum viis & modis legitimis cum censurarum additionibus, quasi actor indefessus, contra suos adversarios continuavit. Unde factum est, quòd quidam Thomas de Senauntoun Clericus, de Curiâ veniens Romanâ, quasdam secum literas detulit Apostolicas, continentes censuras graves quibusdam personis Angliæ infligendas, ac ad publicandum & prosequendum vim & effectum illarum certis Regni Episcopis directas. Captus est cum quodam Armigero Thomâ de Chyltoun, adjuncto secum socio altero, qui sibi in auxilium occurrebant. Adducti sunt Londoniam, incarcerati, fame ibidem & inedia nimis afflicti. Justiciariis Regis erant postmodum præsentati, ac demum apud Newgate missi; unde in magnâ miseriâ spiritum ultimum exhalabant. Cùm autem rumores de morte virorum istorum ad aures pervenissent Episcopi; ipse dolens nimis & tristis effectus, ad Dominum Papam accessit; & de atrocitate tantâ suis nunciis illatâ flebiliter conquestus est, & quòd ad hortandum suos adversarios nullus ibidem audebat accedere metu mortis. Unde Dominus Papa edicta jussit scribi publica, quæ in valvis Palatii erant affixa; & omnes, quorum nomina in illis edictis fuerant conscripta, sanxivit personaliter fore citatos. Unde processus incœpti in Curiâ contra citatos per edicta, ac si  
essent



essent personaliter præsentes, de die in diem, de termino in terminum sunt continuati; quousque citati prædicti excommunicationis & interdicti sententiis & aliis censuris gravibus finaliter fuerunt innodati.

¶ Annis xvii.

Cod. Cot. uterque.

Interim verò tractatus pacis & concordiae inter Episcopum & suos in hac parte adversarios per quosdam Procuratores à Domino Rege Angliæ & Magnatibus in hac causâ ad Curiam transmissos habitus fuerat & longo tempore continuatus. Sed ante finalem & concordem tractatûs huiusmodi expeditionem, Episcopus Thomas, cujus memoria cum benedictione inter electos Dei Antistites connumeretur, diem vitæ suæ clausit extremum. Cùm autem iste Episcopus noster Thomas Ecclesiæ suæ Eliensi annis || fere xvi. præfuisset, ix. Calend. Julii in Festo Depositionis S. Virginis Etheldredæ & Vigiliâ Nativitatis S. Johannis Baptistæ in Curia obiit Avinionensi, anno Dom. MCCCLXI. In Ecclesiâ S. Praxedis juxta Avinionem inter Sorores Ordinis fratrum Prædicatorum solempniter est sepultus.

Ipse verò paulò ante suum recessum de Angliâ quædam vestimenta sub custodiâ Sacristæ sibi & suæ Elyensi Ecclesiæ deposuit conservanda: duas videlicet Capas ex panno de serico purpurei coloris vineis intexto rubeis; unam Casulam cum tribus Tunicis, duabus Stolis, tribus Favonibus, & tribus Albis cum paraturis ejusdem sectæ, de panno serico purpureo supradicto. Deposuit etiam Episcopus penès prædictum Sacristam unum Calicem argenteum & deauratum cum ii. urceolis de argento, & unam situlam argenteam pro aquâ benedictâ, cum aspersorio, & duobus parvis campanis pro Capellâ similiter de argento. Sed hæc omnia vestimenta simul & vasa argentea in manus Domini Regis per suos ministros quasi devoluta, sunt seiscita fisco. Rex tamen ex clementiâ suâ omnia prædicta vestimenta simul & vasa argentea in usus Elyensis Ecclesiæ perpetuò fore statuit remansura. Quæ quidem ad perpetuam Thomæ de Lylde Elyensis Episcopi memoriam & Domini Regis Edwardi III. post Conquestum munificentiam in Elyensi Ecclesiâ conservantur.

#### REGINALDUS BRYAN, Postulatus.

Fert in scuto aureo  
tres pilas azureas.

(g) Post mortem quoque nostri Elyensis Episcopi Thomæ Dominus Papa Innocentius præfecit nostræ Elyensi Ecclesiæ vacanti Dominum Reginaldum Bryan Episcopum tum Wygorniensem & ad Sedem transtulit Elyensem. Sed morte præventus celeri, nec ad Ecclesiam suam in Ely unquam pervenit; nec se in Spiritualium vel Temporalium administratione aliquotiens intromisit. Prædicto namque Domino Reginaldo pro tempore tantum modico Elyensi Episcopo jam defuncto, Prior & Conventus duos miserunt Confratres de Capitulo pro impetrandâ à Domino Rege eligendi licentiâ. Qua concessâ & per literas regias obtentâ, reversi sunt Fratres prædicti ad Capitulum, ipsas secum Regis licentiæ literas deferentes. Non multum verò post ingressi sunt Capitulum Prior & Conventus, diem certum inter se statuentes procedendi ad futuram novi Pontificis electionem. Die autem statuto adveniente, Prior & omnes Fratres & singuli totius Conventus unanimiter in Capitulum se congregantes, invocatâ primò Spiritûs Sancti gratiâ, & literis Regiis de licentiâ eligendi lectis, cum illo Capitulo *Quapropter*, ut moris est: tractare cœperunt inter se, per quam viam in ipso Electionis negotio vellent procedere. Placuit tandem Fratribus omnibus & singulis per viam procedere compromissi. Electi sunt denique Compromissarii quinque; qui seorsim & separatim se invicem subtrahentes, cœperunt inter se de personâ idoneâ Ecclesiæ suæ viduatæ præficiendâ diligenter tractare. Et [post] plures personas merito commendabiles nominatas inter

(g) Reginaldus obiit 1361. 10. Dec. Vide supra p. 535. in Episcopis Wigorn.

ipfos,

iplos, in virum tandem venerabilem & discretum Dominum Johannem de Bokyngham Clericum direxerunt vota sua; & ipsum in Episcopum suum Elyensem & Pastorem concorditer elegerunt. Verum quia causa dictæ suæ Electionis in Summi Pontificis arbitrio & gratiâ magnâ dependebat; quandam Domino Papæ scripserunt Epistolam Prior & Conventus, supplices pro illorum Electo petitiones continentem sub eo qui sequitur tenore. *Sanctissimo in Christo Patri & Domino nostro Domino Innocentio dignâ Dei providentiâ, &c.* Dominus tamen Papa distulit adhuc providere nostræ vacanti Ecclesiæ; Epistolâ nostrâ pro Electo nostro deprecatoriâ minimè acceptâ.

SYMON LANGHAM, Episcopus XIX.

(b) Summus tandem Pontifex desolationem diuturnam Elyensis Ecclesiæ paterno compatiens affectu, consilio ductus divino potius quam humano, Venerabili patri & discreto providoque Pastori Domino Symoni de Langham Abbati Westmonasterii, x. die mensis Januarii anno Domini MCCCLXI. Episcopatum contulit Elyensem: & ipsum Patrem Reverendum & S. Benedicti Regulæ Professore de Ecclesiâ Sancti Petri Westmonasterii ad Ecclesiam Sancti Petri & Sanctæ Virginis Etheldredæ super Congregationem Professionis ejusdem transtulit apud Ely. Qui consecratus erat à Domino Symone Cantuariensi Archiepiscopo; & in Festo Decollationis S. Johannis Baptistæ in Ecclesiâ suâ Elyensi solempniter intronizatus anno Domini MCCCLXI. finiente. Prædictus verò Venerabilis Pater Dominus Symon Episcopus zelo domûs Dei succensus, videns multa incommoda Ecclesiæ Elyensi & Episcopatui provenire, eò quòd implementa Episcopatus tempore Vacationis post decessum Episcoporum in manus Domini Regis capta erant; perquisivit à Domino Rege Edwardo III. ut eadem implementa suis successoribus in posterum remaneant: & quòd Episcopus quisque die Intronizationis suæ ad hostium Occidentale Ecclesiæ juramentum præstabit ad illa & alia jura & libertates Ecclesiæ observanda; ut in Cartâ Regis Edwardi III. plenius continetur. Statuit igitur Dominus Rex; ut Anniversarium suum singulis annis teneatur à singulis Episcopis Elyensibus, & alia onera facienda: ut patet per Cartam Domini Regis. Nec silentio prætereundum est, quòd prædictus Venerabilis Pater noster & Episcopus novam Ecclesiam Parochialem S. Crucis ex parte Aquilonari Monasterii dedicavit, & Missam solempniter in eâ celebravit. Post Missæ verò celebrationem omnibus rite peractis, vestimentum cum omnibus ornamentis, in quo sacra mysteria peregit, Ecclesiæ suæ contulit; videlicet unam Casulam rubeam de velvet cum leonibus de perulis albis brudatam cum duabus tunicis, & unam Capam cum tribus Albis, & duabus stolis & favonibus ex eadem sectâ, & unum Pallium magnum coram altari dependentem, & unum parvum pannum super altare ex eadem sectâ. Est ibi etiam tertia tunica; quam frater Petrus de Stapleford tunc temporis Secretarius sumptibus suis fieri fecit de eadem sectâ. Cùm verò

Arma ejus sunt Tignum pinnis decoratum de rubro, inter Trifolia viridia triâ.

(b) Bullam provisionis Innocentius VI. Papa edidit 1362. 10. Jan. Symon professione factâ Spiritualia Sedis Elien. ab Archiepiscopo Cant. accepit 1392. 26. Febr. & ab eodem die 20. Martii sequentis consecratus est. Summus Angliæ Thesaurarius constitutus fuerat 1360. 21. Nov. dum Abbas Westmonasteriensis esset. Post ea ad Episcopatum promotus, Cancellarium Angliæ asscutus est 1363. 19. Febr. Ecclesiam de Hinton appropriavit Còllegio S. Petri Cantabr. Sed Johannes ejus successor appropriationem cassavit; quam postea Johannes Fordham Episcopus anno 1395. reintegravit. Ad Cantuariam Simon translatus est bullâ Urbani V. Papæ 1366. 25. Julii; quæ quidem promulgata est in Ecclesiâ Cant. die 5. Novembr. Arma ejus gentilitia à Roberto prætermissa aliunde appo- sui.



prædictus Pater Dominus Symon de Langham Ecclesiæ Elyensi quinque annis complete strenue præfuisse; translatus est ad Archiepiscopatum Ecclesiæ Cant. per Papam Urbanum VI. anno Domini MCCCLXVI. Domino Symone de Illep, Dei gratiâ nuper Archiepiscopo, fene & pleno dierum viam universæ carnis ingresso. Cum autem Ecclesiam Cant. annis tribus strenuissimè rexisset; famâ bonitatis ejus & scientiâ circumquaque volitante, Dominus pater Romanus Pontifex Urbanus VI. in Presbyterum Cardinalem titulo S. Sixti eum præfecit. Qui duas capas de panno deaurato viridis coloris de Curiâ Romanâ pro memoriale suo ad Ecclesiam misit Elyensem. Cujus memoria inter electos Dei Antistites semper connumeretur.

### JOHANNES BARNET, Episcopus XX.

Arma Johannis Barnet Episcopi sunt unum Salterium sables, & in scuti capite facies Leopardi ejusdem coloris in campo argenteo.

(i) Huic successit Dominus Johannes de Bernet Episcopus Bathoniensis, translatus ab Ecclesiâ Bathoniensi ad Episcopatum Elyensem per Papam Urbanum VI. anno Domini MCCCLXVI. & die Assumptionis S. Mariæ in Ecclesiâ suâ Elyensi solempniter intronizatus. Ille verò Venerabilis pater noster & Episcopus ætate provectus, senex & plenus dierum, viribus corporis ferè destitutus. cum sedisset annis vi. gravi infirmitate correptus, mortuus est apud Hatfeld, feriâ tertiâ in Ebdomadâ Pentecostes, vii. Id. Junii. Delatus verò ad Sedem suam Episcopalem, sepultus est in Ecclesiâ Elyensi juxta magnum Altare ex parte Australi Ecclesiæ anno Domini MCCCLXXIII. Ipse verò fecit fieri tres fenestras in Presbiterio ex parte australi Ecclesiæ & duas ex parte aquilonari. Dedit etiam Ecclesiæ suæ vi. capas, unam casulam cum tribus tunicis, & unum pannum dependentem coram altari, de unâ sectâ, videlicet de blueto, cum bestiis & cressanutis de auro. Vacabat Sedes Episcopalis per annum non completum.

### THOMAS ARUNDEL, Episcopus XXI.

Arma Thomæ Arundell sunt in rubeo campo bordurato bordurâ ingradatâ aureâ Leo rapax ejusdem metalli.

(l) Post mortem itaque Patris prædicti Johannis Episcopi petitiâ licentiâ à Domino Rege Edwardo III. & obtentâ, Prior Elyensis & totus Conventus per viam compromissi elegerunt sibi in Episcopum Dominum Henricum de Wakefeld, virum bonum, discretum & honestum, & Dc-mûs Regiæ Thesaurarium. Scripserat tamen Dominus Rex Capitulo specialiter pro Fratre Johanne Woderone, ipsius Regis Confessore. Ipsam verò Electionem primò coram Fratribus in Capitulo, dein in Ecclesiâ Elyensi co-

(i) Johannes Episcopus Bathon. & Well. ad Eliensem Sedem ab Urbano V. Papâ translatus 1366. 15. Dec. Spiritualia ab Archiepiscopo accepit 1367. 2. Maii. Erat tunc Angliæ Thesaurarius; quo munere usque ad medium annum 1370. perfunctus est. Obiit in manerio suo de Hatfeld 1373. 8. Junii. *Ex Registris Langham & Wilesey.* Rectius Eliensis noster illum die 7. Junii obiisse tradit.

(l) Thomas Arundell, filius natu secundus Ricardi Fitz-Alan Comitis de Arundell 1375. 24. Jan. defuncti, annorum circiter 22. & in *Artibus Baccalaureus* (sic enim habet Higdeni Continuator) Archidiaconus Tauntonensis, ad Episcopatum Eliensem à Gregorio XI. Papâ provisorius est 1373. 13. Augusti; Spiritualia ab Archiepiscopo acce-

pit 1374. 16. Martii; & ab eodem apud Otteford consecratus est 1374. 9. April. Ista docet Registrum *Wilesey*. Addit Registrum *Arundell Eliense* consecrationi adfuisse Simonem Londin. & Thomam Rossensem Episcopos, & Dominos Ricardum atque Johannem de Arundell fratres ejus cum multis aliis, atque intronizatum ipsum de-nuo fuisse 1376. 20. April. Cancellarius Angliæ renunciatus est 1387. 24. Oct. in *Parlamento ad petitionem Prælatorum & Dominorum Temporalium & totius Communitatis Angliæ*, exauthorato Michael de la Pole Suffolciæ Comite. Verba sunt Registri ipsius. Eboracum translatus Pallium recepit 1388. 14. Sept. Bulla de Translatione Papalis 1388. 3. April. edita videtur.

ram Clero & populo palam & aperte dictus Prior publicavit. Sed cassatâ dictâ Electione, Dominus Papa Gregorius ex suæ potestatis plenitudine contulit Episcopatum Elyensem Domino Thomæ de Arundel filio Roberti Comit-  
tis Warennæ & Arundell, die S. Ypoliti Martyris, anno Pontificatûs dicti Gregorii Papæ tertio, ætatis verò prædicti Thomæ Episcopi Elyensis xxii. anno Domini MCCCLXXIV. & consecratus erat apud Otford in Cantiâ à Venerabili patre Domino Willelmo Archiepiscopo Cant. Dominicâ in Octa-  
bis Paschæ, v. Id. Aprilis. Et eadem Dominicâ duobus annis evolutis in Ecclesiâ Elyensi solempniter est intronizatus. Qui suffulit domum Dei, & in diebus suis templum Domini corroboravit; hostes Ecclesiæ comprimens & repellens, Ecclesiæ suæ multa bona adjiciens; construendo ædificia pulcra & sumptuosa in suo Palatio & in aliis maneriis Ecclesiæ pertinentibus. Ipse verò contulit Ecclesiæ suæ unam tabulam de auro magni precii, plenam Reliquiis Sanctorum, cum magnis margaritis, rubiis & saphiris, precii ccc. marcarum. Quæ tabula quondam fuit Regis Hispaniæ, & postea Domini Edwardi nobilissimi Principis Anglorum: de quo idem Venerabilis Pater prædictam tabulam emit, & suæ Ecclesiæ, ut præfertur, contulit. Construxit portas domûs de Holborn Londoniæ. Dedit etiam unam capam, ca-  
fulam, duas tunicas, & unam Albam preciosam, cum aliis Albis paratis de rubeo velveto, brudato cum magnis griffonibus deauratis: Cujus memoria in benedictione sit sempiternâ. Prædictus verò Venerabilis Pater Dominus Thomas de Arundell cum Ecclesiam suam Elyensem xiv. annis, mensibus v. diebus xviii. strenuissimè rexisset; translatus est in Archiepiscopum Eboracensem: & postea in Archiepiscopum Cantuariensem. Vacabat Sedes Elyensis per xiii. dies.

---

Qqqq

MONA-



## MONACHI ELIENSIS

## Continuatio Historiæ Eliensis

Ab anno MCCCLXXXVIII. ad annum MCCCCLXXXVI.

JOHANNES FORDHAM, Episcopus XXII.

Arma Jonannis Fordham sunt in campo nigro unum cheveron inter tres cruces floratas aureas.

\* Melius Codex Cotton. annis xxxvii. mense i. septimanis iii. diebus iii.

† Rectius idem Codex Cotton. septimanis xxi. diebus vi.

(m) **P**redicto Domino Thomæ de Arundel successit Dominus Johannes de Fordham Episcopus Dunelm. translatus ab Ecclesiâ Dunelm. ad Ecclesiam Ely. per Papam Bonifacium anno Domini MCCCLXXXVIII. quinto Kalend. Octobr. Ipse namque reverendus Pastor & Pater noster, senex & plenus dierum, cum sedisset \* annis xxxvii. mensibus vii. diebus iii. gravi infirmitate detentus & correptus, mortuus est in Manerio suo apud Downham, feriâ secundâ, in Vigiliâ S. Edmundi Regis & Martyris, xiii. Cal. Decembris; & delatus ad Ecclesiam Elyensem, sepultus est in novâ Capellâ B. Mariæ, quasi ad Occidentalem partem mediæ Capellæ, anno Domini MCCCCXXV. Ipse verò contulit Ecclesiæ suæ ad magnum altare duas bacinas argenteas & deauratas magni precii pro Sacerdote celebrando in Festis principalibus. Item dedit pro Capellâ suâ quinquaginta libras. Sedes † vacavit xxii. septimanis & vi. diebus.

PHILIPPUS MORGAN, Episcopus XXIII.

Arma Philippi Morgan sunt tria capita lancearum argentea & sanguine tincta in campo sables.

(n) Post mortem verò Venerabilis Patris nostri Domini Johannis de Fordham, missi sunt certi Fratres per Capitulum ad Dominum Regem Henricum VI. post Conquestum pro licentiâ eligendi & providendi Ecclesiæ nostræ viduatæ de idoneo Pastore ab ipso humiliter postulandâ.

(m) Barones rebelles jam rerum potiti, summas regni dignitates & officia pro lubitu disposuerunt; & Episcopos partibus suis olim adversatos à Sedibus ditioribus ad tenuiores à Papâ invitos transferri effecerunt. Hos inter Johannes Fordham à Sede Dunelmensi ad Eliensem descendere coactus, Temporalia à Rege accepit 1388. 27. Sept. apud Cantabrigiam. Bulla Pápalis 1388. 3. April. edita fuerat. Illo sedente facta est Compositio inter Episcopum & Archidiaconum de utriusque jurisdictione 1401. 13. Nov. Eiusdem itidem tempore Academiæ Cantabrigiensi à Bonifacio IX. Papâ indultum est, ne Cancellarius ab Universitate electus, ab Eliensi Episcopo in posterum confirmetur. Ex Registro Fordham, & Caio de Antiq. Cantab. l. i. p. 81.

(n) A Sede Wigorn. ad Eliensem translatus est à Martino V. Papâ 1426. 27. Febr. professione factâ Spiritualia ab Archiepiscopo 1426. 26. April. Temporalia à Rege 1426. 22. April. recepit. Ex Registro Chicheley, Morgan, & Aliis Concil. H. 6. Hujus tempore insignem autoritatis pristinæ jacturam Episcopatus Eliensis fecit. Anno enim 1430. exorta est gravis controversia inter illum & Academiâ Cantabrigiensem de jurisdictione ecclesiasticâ, quam infra pœmaria sua exercere voluerunt Academici, exemplo incitati Oxoniensium, qui Lincolnienſis Episcopi autoritatem ante annos 30. excusserant; eandem autem ad se solum pertinere ratione Academiæ in Diocesi suâ sitæ Episcopus Eliensis contendit. Re ad Martinum Papam delatâ, & Judicibus

dâ. Qua obtentâ, Petrus Ely Prior Elyensis & totus Conventus ingressi sunt Capitulum, præfigentes diem certum, sc. Nonis Januarii, in Vigiliâ Epiphaniæ, anno Domini MCCCCXXV. procedendi ad futuri Pontificis electionem. Interim Rex & alii Domini & quidam Pontifices scripserunt Priori & Conventui, subnixè rogantes pro Magistro Wilhelmo Aunewyke, Doctore utriusque Juris, Regis Confessore, & Privati Sigilli Custode; ut ipsum eligerent in Episcopum suum Elyensem & Pastorem. Unde statuto die ad Electionem procedendi, cum continuatione & prorogatione dierum sequentium, adveniente; vocatis vocandis, & aliis quæ in hac parte ritè requiruntur peractis; post Missam de Spiritu Sancto in Ecclesiâ Cathedrali prædictâ ad magnum altare ipso die manè solempniter celebratam, ingredientiés unanimiter in Capitulum Prior & Conventus tractaverunt inter se, per quam viam in Electione prædictâ vellent procedere. Et statim omnes fratres unanimi consensu & voluntate quasi per inspirationem Spiritûs Sancti in Dominum Petrum Ely ejusdem Ecclesiæ Elyensis Priorem consenserunt; & ipsum in suum Pastorem & Episcopum elegerunt; & ipsam Electionem primò coram Fratribus in Capitulo, deinde in Ecclesiâ Elyensi coram Clero & populo, palàm ac manifestè publicaverunt. Sed ante dictæ Electionis confirmationem, Dominus Papa Martinus V. ex suæ potestatis plenitudine Magistrum Philippum Morgan, utriusque Juris Doctorem, de Ecclesiâ Wygornienti ad Ecclesiam transtulit Elyensem anno Domini MCCCCXXV. penultimo die mensis Februarii. Et habuit liberationem Temporalium ejusdem Episcopatus xxii. die mensis Aprilis anno Domini MCCCCXXVI. ab Excellentissimo Domino nostro Rege Henrico VI. anno regni sui quarto. Et sic Electio de Domino Priore Elyensi facta, frustrata erat per Papalem Reservationem. Et post Translationem, ut prædictum est, factam in Curiâ Romanâ, distulit Intronizationem suam per annum integrum & tres septimanas & duos dies; & vii. Cal. Martii in Vigiliâ S. Matthæi Apostoli, quæ tunc contingebat in Dominicâ Sexagesimæ, fuit solempniter intronizatus. Ipse verò Venerabilis pastor & pater noster cùm sedisset annis ix. septimanis xxvi. & diebus iv. gravi infirmitate detentus diem clausit extremum in Manerio suo de Hatfeld, viii. Cal. Novembris anno Domini MCCCCXXXIV. & sepultus est Londoniæ in Domo Cartusienfi. Executores Testamenti ejus fuerunt Dominus Episcopus Wilhelmus Grey Lincolnienfis, Dominus Radulphus Cromwelle Baro Thesaurarius Angliæ, & Dominus Johannes Typtot Baro; qui in suâ Ecclesiâ nunquam pro animâ Domini Philippi Episcopi aliquid celebrare fecerunt. Sed post diem sepulturæ ejus minimè in aliquo loco pro eo orare statuerunt; sed post mortem Philippi Morgan Episcopi Elyensis omnia in suos usus asportaverunt: nec debita ejus solverunt postea, ut mos est, Ecclesiæ Elyensi; sed adhuc debent propascuis & pasturâ animalium tempore Vacationis, & terris aratis & compostis, pro libris & organis, &c. lxiii. libras, viii. solidos, præter Capellam.

Judicibus delegatis ab eo commissâ, prolatisque ab Academia furfuraceis illis Honorii I. & Sergii I. Paparum Bullis, quæ annis 624, & 689. Academicos ab Episcopiordinarii jurisdictione exemisse fingebantur, definitum est, ut Academia ecclesiastico jure uteretur, neve quis Archiepiscopus aut alius Ecclesiasticus inturbaret. Sententiam Eugenius IV. Papa confirmavit Bullâ datâ

1433. 18. Sept. & Academiam à jurisdictione Episcopali penitus exemi. Rem pluribus narrat Caius de *Antiqu. Cantab. l. 1 p. 81.* Philippum Episcopum 1434. 25. Oct. obiisse confirmat Epitaphium tumulo inscriptum; quod apud Weaverum legi potest p. 433. Veriùs tamen anno 1435. obiit. Vide notam sequentem.



## LODOWICUS LUSCHBURG, Episcopus XXIV.

Fert chekey ar. & az.  
in le argent est un ron-  
del gules in lazur est un  
flore de lice or.

(o) Mortuo autem supradicto Venerabili Patre Philip-  
po, missi erant duo Fratres ad Dominum Regem Henri-  
cum VI. pro licentiâ eligendi & providendi Ecclesiæ vidu-

(o) De Philippi obitu & Ludovici suc-  
cessionem errorem gravissimum Jocelinus iniit  
*Antiqu. Britan. p. 285.* Verba ejus descri-  
bam. *Ad Synodum Londinensem anno 1438.*  
*habitam Eugenius Papa literas dedit; in qui-*  
*bus declaravit Eliensem Episcopatum simul at-*  
*que vacaret, Ludovico Rothom. Archiepiscopo*  
*commendationis titulo se contulisse. Fuit tum*  
*Philippus Morgan, senex egregie cordatus, E-*  
*piscopus Eliensis; qui vitam in senectute tam*  
*diuturnam produxit; ut Papæ commendatio-*  
*nem, quam tota tunc Synodus execrata est, mor-*  
*te Ludovici qui ante eum obiit irritam frustra-*  
*ret.* Eundem errorem secutus est Vir Cl.  
Arthurus Duck in *Vitâ Chichelei.* Utrum-  
que deceperunt Acta Synodi istius nimia  
festinatione perlecta. Ista sic se habent in  
Registro *Chicheley* vol. 2. f. 104. Archiepis-  
copus Cant. Convocationem Londinensem  
1438. 28. April. inchoatam ingressus, Cleri  
convocati causas declaravit. *Secunda cau-*  
*sa declaratur esse, quod Dominus Papa per li-*  
*teras suas providit & commisit Ecclesiam Eli-*  
*ensem per modum Commendæ pro perpetuo Lo-*  
*dovico Archiepiscopo Rothomagensi; ac ipsum*  
*Administratorem perpetuum dictæ Ecclesiæ &*  
*Diocesis Eli. ordinavit: ut in Bullâ super hoc*  
*confectâ liquet manifestè. Quia quia erat res*  
*antehac invisâ & mali exempli, ac (ut per*  
*magnas rationes ostendit & luculenter declara-*  
*vit RR. Pater Archiepiscopus antedictus) posset*  
*cedere in Ecclesiæ Anglicanæ magnum detri-*  
*mentum & jacturam; dicebat quod super hu-*  
*jusmodi factis vellet ipsos consulere & delibera-*  
*re.* Non malè Archiepiscopus optimus Sy-  
nodum eâ de re antehac apud Anglos à  
Normannorum temporibus inaudita consuli-  
endam censuit. Synodum autem respon-  
sum dedisse in Actis ipsius non reperio.  
Certè Philippus Eliensis Episcopus ante bi-  
ennium obierat; quod Jocelino & Duckio  
ex hoc ipso Registro constare potuisset. In-  
ibi enim legitur Philippum supremas tabu-  
las condidisse 1435. 21. Octobr. easque post  
mortem ipsius in Archiepiscopali Curiâ con-  
firmatas esse 1435. 12. Nov. Isto enim an-  
no Philippus revera obiit; quantumvis Hi-  
storia Eliensis & Weaverus diversum po-  
nant. Si quistamen Philippi introitum &  
Pontificatus gesti tempus in Historiâ Eliensi  
assignata composuerit; illum 1435. 25. Oct.  
obiisse deprehendet. Quod Weaverum at-  
tinet, is mortalium omnium infelicitissimus  
cunctos ferè numeros ex sepulchralibus titu-  
lis in farraginem suam descriptos vitiavit.

Quinimo Rotulus Computi autographus  
testatur Conventum Eliensem (qui Compo-  
sitione olim cum Rege factâ Temporalia E-  
piscopatus vacantis obtinuit, & pro illo-  
rum custodiâ 2000. libras solvere annuatim  
consuevit) pro custodiâ Temporalium à  
morte Philippi ad restitutionem Ludovico  
factam 1438. 3. April. respondisse Regi de  
4884. lib. 12 s. 6 d. Custodia itaque Tempo-  
ralium penes Conventum fuit 2. annis, 5.  
mensibus & diebus aliquot; atque adeò Phi-  
lippus 1435. mense Octobri defunctus est.  
Post Philippi obitum, & rejectum à Monachis  
Thomam Menevensen Episcopum, Sedis  
Eliensis administrationem *carissimo suo con-*  
*sanguineo* Ludovico Archiepiscopo Rotho-  
magensi committi Henricus Rex, meritis  
ejus maximis impensè laudatis, à Papâ e-  
nixè flagitavit, datis ad ipsum literis 1437.  
22. Junii; aliisque ejusdem argumenti ad  
plures Cardinales scriptis petitionem instan-  
tius urget. Extant illæ inter Epistolas Be-  
kintoni. Papa Regi obsecundatus, Bullas  
administrationis perpetuæ Ludovico conce-  
dendæ sub initium anni 1438. emisit. Qui-  
bus editis Ludovici Procuratores Tempora-  
lia à Rege statim obtinuerunt 1438. 3.  
April. teste Registro Eliensi. Spiritualia  
autem ab Archiepiscopo Cant. ante exitum  
anni extorquere non potuerunt. In Re-  
gistro enim Eliensi Conventus Eliensis ad  
Stechworth & Wintworth 1438. 18. Aug.  
præsentavit Willelmo Sutton L. D. Custodi  
Spiritualium Sede vacante; sed 1438.  
16. Nov. Willelmo Erardi, Ludovici in  
Spiritualibus Vicario. Erat Ludovicus Jo-  
hannis Domini de Beurevoir & Margaritæ  
de Enghien filius, Petri Comitissæ S. Pauli fra-  
ter, Episcopus Teroanensis apud Morinos,  
& Gallie sub Henrico VI. Anglorum Rege  
Cancellarius. Postea Archiepiscopus Ro-  
thomagensis electus 1436. 19. Octobr. in-  
tronizatus est 1437. 9. Aug. Cardinalis ti-  
tulo SS. Quatuor Coronatorum 1439. 18.  
Dec. ab Eugenio Papâ creatus est, Cardi-  
nalis Episcopus Tusculanus anno 1442. ab  
eodem renunciatus. Obiit in Angliâ 1443-  
18. Septembr. Ista Fr. Sammarthani de  
Ludovico fusiùs narrant *Gall. Sacr. vol. 1. p.*  
*599.* Mortis tempori concordat Reastrum  
*Stafford;* quod Spiritualia Sedis Elien. illo  
defuncto in Archiepiscopi potestatem 1443.  
24. Sept. recepta fuisse prodit. Ludovi-  
cum in Hispaniâ sepultum esse Robertus Ste-  
warde scribit.

atæ de idoneo Pastore ab eo humiliter postulandâ. Qua obtentâ, Prior & Conventus ex assensu Domini Regis supradicti Capitulariter congregati, unanimiter postulaverunt Magistrum Robertum || Phehu Episcopum Londoni-<sup>|| I. Fitz-hugh.</sup>ensem in Patrem & Pastorem; quem Deus, cujus ditioni omnia sunt supposita, antequam Postulatio de se facta extitit sibi præsentata, ab hac luce subtraxit. Qui obiit apud Seynt Osyes. Sicque infecto negotio Fratres missi domum redeuntés iterum; Prior & Conventus alium diem ad electionem futuri Pontificis præfixerunt secundum tenorem & formam prioris literæ ac licentiæ Domini Regis. Sed ante Electionem misit Dominus Rex unam literam commendaticiam per Dominum Johannem Tiptofte Priori & Conventui pro Magistro Thomâ Rothburn Episcopo Menevensi. Demum literâ Regiâ non obstante & informatione ac consilio dicti Domini Typtofte, Prior & Conventus in non minimum dampnum Ecclesiæ postulaverunt Magistrum Thomam Bowser Episcopum Wygorniensē in Episcopum Elyensē, filium videlicet Comitissæ de Stafford; & præsentaverunt per duos Monachos Postulationem eidem apud Oxoniam Cancellario ejusdem Universitatis tunc existenti. Qui dictos Fratres suscepit gaudenter; & misit eos Domino Regi Londoniam, ut assensum & confirmationem peterent dicto Postulato. Sed quia Postulatio prædicta non fuit facta de Episcopo Menevensi, ut supra, nec Capitulares tenorem literarum Regis voluerunt observare; dictus Dominus Rex renuit admittere Postulationem. Attamen dictus Episcopus Wygorniensis misit nuncios suos ad Summum Pontificem Eugenium IV. pro Postulatione de se factâ in Ecclesiâ Elyensi. Qui, ut dictum erat, confirmavit Postulationem prædictam; & misit Bullas suas dicto Postulato: Qui tamen eas recipere minimè audebat sine benevolentia Domini Regis, ne caderet in pœnam cujusdam Statuti *Præmunire facias* vocati de provisionibus faciendis, &c.

Interim autem dictus Dominus Rex ex assensu consilii sui concessit Episcopatum Elyensis Ecclesiæ Domino Lodowico \* Lushborn Archiepiscopo Rotomagen<sup>\* Lushburg. Cod. Cot. 2.</sup>si, Presbytero Cardinali titulo iv. Coronatorum, & Cancellario Franciæ & Normanniæ, ac Consanguineo dicti Domini Regis, in Commendam dicto Archiepiscopatui Rotomagen<sup>\*</sup>si; ex eo quod dictus Archiepiscopatus fuit parvi valoris propter guerras ibidem sæpius exortas. Qui dictus Dominus Archiepiscopus misit ad præfatum Papam Eugenium, donationem & processum Domini Regis eidem in scriptis exhibendo; supplicando quatinus Paternitati suæ sanctæ illam sub modo & formâ supradictis confirmare placeret. Ille verò cum consilio fratrum suorum Cardinalium concessit prædicto Lodowycō pro perpetuo administrationem Ecclesiæ Elyensis in Commendam, revocando Bullas Episcopo Wygorniensī prius destinatas; prout plenius in suis Bullis continetur Domino Regi missis. Sicque iste Venerabilis Episcopus & Cardinalis tam à Papâ quàm à Rege accepit administrationem Spiritualium & Temporalium Ecclesiæ Elyensis, anno Domini MCCCCXXXVII: & iii. die mensis Aprilis, anno Domini Regis xvi. de Cancellariâ suâ; ut in magno rotulo de termino Hilarii plenius ibidem patet. Præterea ad recipiendum prædictum Episcopatum misit dictus Dominus Lodowycus ad Dominum Regem pro Temporalibus habendis Magistrum Willelmum Erardi, Sacræ Theologiæ Professore, & Cantorem Ecclesiæ Rotomagensis, in nomine suo; qui omnibus & singulis verbis Domino Regi & coronæ suæ præjudicialibus in literis Bullatis supradictis contentis coram ipso palam & expressè renunciavit, & gratiæ ipsius Regis humiliter se submisit; sicut per Instrumentum publicum super hoc confectum & coram ipso in Cancellariâ suâ exhibitum plenè liquet. Quo facto, Dominus Rex volens cum eo gratiosè agere, ab ipso fidelitatem accepit; & eidem in nomine Domini sui feisinam omnium Temporalium Episcopatus secundum laudabilem usum istius Ecclesiæ Elyensis liberavit. Sed Dominus Henricus Archiepiscopus Cant. diu stetit penès



penes & contra Regem; ne Spiritualia aut Temporalia sub prædictâ formâ prædicto Administratori neque suo Procuratori supradicto liberarentur: eò quòd non intravit per Archiepiscopum, nec licentiam ab eo petiit, nec literas ad Episcopum obtinuit. Et medio tempore dictus Procurator Domini Rotomagensis accepit seisinam dicti Episcopatus Elyensis tam in Spiritualibus auctoritate Domini Papæ, quàm in Temporalibus auctoritate Domini Regis Angliæ. Hoc videns Archiepiscopus Cant. citavit quosdam Clericos dicti Procuratoris in Ecclesiâ S. Mariæ Cantabrigiæ, ut comparerent coram se Lambythæ Londoniæ die juridico sibi responsuri super certis articulis &c. Et quòd non comparuerunt, eos denunciavit ut contumaces esse suspensos in Ecclesiâ Elyensi. Postea misit prædictus Procurator dicti Administratoris ad Curiam Romanam pro absolutione habendâ pro Clericis suis; & obtinuit literas Absolutionis Domino Willemo Priori Ecclesiæ Elyensis; qui auctoritate literarum Domini Papæ eos absolvit. Postea verò cum præfatus Archiepiscopus Cant. considerasset, quòd non potuit resistere potestati Papali neque Regiæ; concessit dictam Administrationem dicto Administratori in nomine Domini sui petenti ad terminum vitæ suæ.

Ex illâ quidem Vacatione diutinâ, quæ continuavit per duos annos, unum quarterium & ix. septimanas, perdidimus plusquam d. marcas præter laborem. Eo tempore deposita erant omnia vasa argentea Prioratûs, & duæ bacinæ preciosæ deauratæ, quas contulit nobis Dominus Johannes Fordham Episcopus. Hæc & alia jocalia sunt alienata, &c. Illud verò etiam non est prætereundum, sed in posterum præcavendum & dolendum; quòd cum anxietate cordis refero; scilicet, qualiter cum filii veræ lucis unicæque matris nostræ Ecclesiæ & congregationis in fraternâ dilectione & concordia omnes fuimus radicati secundum illud Ecclesiæ: \* *Ecce quàm bonum & quàm jocundum habitare fratres in unum?* Noster capitalis Inimicus, cui proprium est animas quiescentium suâ invidia perturbare atque tunicam Domini inconsutilem lacerare, zizaniâ dissentionis inter Fratres seminavit & divisionis; per quam gregem Dominicum nitebatur ingredi, dispergere ac superare; sub formâ sequenti, ut lucidiùs patefiet; videlicet anno Domini MCCCCXLIII. & Pontificatûs ejusdem Archiepiscopi supradicti anno vi. & ultimo, exorta erat magna controversia inter quendam Magistrum Johannem Fabri, Vicarium generalem ipsius Archiepiscopi nostri, & Priorem istius Ecclesiæ; pro eo quòd prædictus Vicarius Generalis in absentia Prioris tunc Londoniæ existentis removebat quendam Fratrem Johannem Yaxham ab officio Supprioratûs; prætendendo quòd quemcunque quandocunque & ubicunque sibi placuerit, ad libitum suum auctoritate Domini sui Officiarios suos remove ac alios præfigere potuit absque consilio & assensu Prioris prædicti aut aliorum Confratrum suorum. Et sic præfixit Fratrem Thomam Wellis, cum quo tenebat medietas Conventûs in quæstione, facta & præfixione. Prior cum audisset hoc fieri, tunc Londoniæ existens, ad Curiam de Arcubus appellavit; obtinendo inhibitionem, ne prædictus Vicarius Generalis de prædicto officio Supprioratûs se ultra intromitteret. Necnon inhibuit eidem Thomæ, ne de cætero in illo officio ministraret; sed ut prædictus Frater Johannes Yaxham officio Supprioratûs, ut per prius, uteretur: Cui adhærebat quasi altera pars Conventûs. Attamen Appellatione & Inhibitione supradictis non obstantibus, uterque illorum duorum possessionem illius Officii Supprioratûs, quam habere prætendebat, quamdiu potuit, custodiebat unusquisque super alterum usurpando. Sed ecce inauditum, nec prius, ut puto, visum; quòd non sine cordis dolore referre valeo. Duo præsidentes in Choro pariter signa perculserunt: ambo simul Capitulum tenebant. Unus delinquentes proclamavit; alter poenitentiam imposuit; unus aliquem punire voluit, sed ille ei ut præsidenti obedire noluit; & è converso. Sicque effusa est contentio super principis

\*Psal.cxxxii.r.

|| Seniorum.  
Cod. Cot. 2.

cipes & religionis Rectores; in tantum quod conturbati sunt omnes qui videbant eos sic facientes. Unde verificari potuit, quod legitur in sacrâ paginâ: † *Divisus est populus iste in duas partes; & media pars sequebatur Thebin*, quod † iii Reg. xvi. interpretatur *palea* vel *bonus mihi*; ut constituerent eum Regem: & altera<sup>21.</sup> pars sequebatur *Amri*, quod interpretatur *Populi Magister* aut *Magisterium*. Sed prevaluit qui erat cum *Amri*, populo qui sequebatur *Thebin*: iii. Regum, xvi. Capitulo. Continuavit autem ista divisio xxvii. septimanis. De appellationibus verò, inhibitionibus, cæterisque actibus interim factis tam per Visitationem tempore Vacationis, quàm aliis temporibus; magnum patet per processum, &c.

Et sedit præfatus Archiepiscopus annis vi. & mensibus vi. & obiit in manerio suo apud Hatfeld anno Domini MCCCCXLIII. die xviii. mensis Septembris: cum quo nunquam aliquis Ecclesiæ nostræ Monachus colloquium habuit. Ubi post mortem cum erat exenteratus, ejus intestina in Ecclesiâ de Hatfeld fuerunt humata. Cor verò ad Ecclesiam Rotomagensem ultra mare fuit delatum; & corpus ipsius cum magnâ reverentiâ & solempnitate ad Ecclesiam Cathedralē Elyensem exitit deportatum, ac honorificè sepultum inter duas columpnas marmoreas juxta altare Sanctarum Reliquiarum. Missis verò cæterisque Serviis solempniter peractis, Executores illius contulerunt Ecclesiæ unam bonam Crucem argenteam & deauratam, cum duabus Imaginibus S. Mariæ & S. Johannis. Obtulerunt etiam summo Altari duo pallia, unam casulam, duas tunicas cum Albis & aliis ornamentis eisdem pertinentibus, & xi. capas. Et omnia ista erant de unâ sectâ, videlicet cum viribus viridibus & oloribus aureis intexta. Ac etiam dederunt cuilibet Monacho vi. solidos, viii. denarios. Pro quibus animæ ejus propicietur Deus: Amen. Sedes vacavit ab xviii. die mensis Septembris usque xvi. diem mensis Martii.

THOMAS BOWCER, Episcopus XXV.

(p) Mortuo autem supradiçto patre Lodewyco, successit per Postulationem, Rege consensum præbente, Magister Thomas Bowser, Wygorn. Ecclesiæ Episcopus; qui prius erat electus, licet tunc non obtinuit, anno Domini MCCCCXLIII. & Henrici Regis VI. anno xxii. Et per Papam Eugenium IV. de prædictâ Ecclesiâ Wygornienſi ad Ecclesiam Elyensem translatus xii. die mensis Martii; & recepit omnes pecunias Episcopatus à termino S. Andree usque ad Festum Annuntiationis B. Mariæ ad valorem ccxcv. librarum, quas solvimus Domino Regi; & tamen Episcopus noluit permittere nos illas colligere aut habere nec recognitiones alleviare, in grave dampnum & dispendium Ecclesiæ nostræ. Ipse autem distulit installari per biennium, sc. usque in feriam iii. post Dominicam Passionis in tertio anno. Necnon incarceravit Tenentes feodi nostri in Ely, Brame, & Mephale, & alibi; nec voluit liberare eos Ballivo nostro per indenturam secundum formam & ordinationem landi nostri. Ac etiam cum consilio Johannis Hay Senescalli ejus & Hauſty amerciavit Dominum Priorem & alios Confratres nostros Officiarios, eos graviter affligendo. Qui sæpius rogatus per preces, dona ac

Arma Thomæ Bow-  
cer sunt una Crux in-  
gradata gules, inter  
quatuor water-bogers  
sables, in campo au-  
reo.

(p) Vir nobilis Thomas Bouchier ab Ecclesiâ Wigornienſi Eliensem translatus est ab Eugenio IV. Papâ 1443. 20. Dec. & Spiritualia ab Archiepiscopo apud Lameſham accepit die 28. Februarii sequentis. Sic Registrum Stafford. In Bullâ Provisionis Eugenius Papa asserit se Sedē Eliensi antea providisse de Ludovico Cardinali SS.

Quatuor Coronatorum, istum autem ante Sedem acceptam obiisse. Ista ideo dicta arbitror, quod Ludovicus nunquam intronizatus fuerit. Cæterum Registrum Bouchier Eliense translationem ejus 1444. 27. Febr. reposuit. De translatione Thomæ ad Cantuariam vide supra p. 123.



exenia ei exhibita ; sed pulchra persæpe promisit ; flores non fructum ab ipso collegimus tanquam ab arbore inutili. Qui etiam excepto die Installationis suæ nunquam Missam aut solempne servitium in suâ Ecclesiâ Cathedrali celebrare voluit. Ipse sedit annis x. septimanis xxiii. & diebus v. Deinde translatus est ad Ecclesiam Cant. per Papam Nicholaum V. in Festo S. Bartholomæi anno Domini MCCCCLIV. Et Sedes vacavit per xiv. dies, sc. usque ad vi. diem mensis Septembris. Postea dedit nobis c. marcas ad reparationem Campanilis nostri ; quas solvit pro nobis in Decimis pro Rege. Sed post mortem dedit in recompensationem primæ electionis suæ unum Salvatorem pretii maximi, & alia.

#### M. WILLELMUS GRAY, Episcopus XXVI.

Fert in campo rubeo bordurato bordurâ ingradatâ argenteâ Leonem rapacem ejusdem metalli.

(q) Translato autem, ut supra dicitur, Domino Thomâ Bowser ad Ecclesiam Cantuariensem, Papa Nicholas V. contulit Episcopatum Elyensem Magistro Willelmo Gray, Procuratori Domini Regis in Curiâ Romanâ. Cui Dominus Rex Henricus VI. dedit Temporalia Episcopatus vi. die mensis Septembris anno regni sui xxxiii. Et installatus erat in Festo S. Cuthberti anno Domini MCCCCLVIII. feriâ tertiâ, in valde turbidâ, frigidâ in gelu & magnâ nive. Qui sedit annos xxiv. ebdomadas xi. & dies ii.

Anno Domini MCCCCLXXVII. ad Festum S. Valentini Dominus Henricus Peterborow, Prior Ecclesiæ Eliensis, cœpit esse mutus, nec poterat rectè loqui ; cui nulla medicina subvenire poterat : & sic permansit usque Festum S. Laurentii, & tunc moriebatur anno Domini MCCCCLXXX. At etiam Dominus Willelmus Gray Episcopus Eliensis cœpit infirmari Londoniæ circa prædictum Festum S. Valentini ; & post Pascha sequens venit ad Ely, & ibi in Palatio suo per certum tempus moram trahens in infirmitate, recessit ad Manerium suum in Dounham ; nec poterat à suâ infirmitate liberari, sed magis cœpit ægrotare usque ad mortem. Et quia Prior non potuit sanitatem recuperare ; Dominus Episcopus ex consensu Prioris prædicti ad Festum S. Johannis Baptistæ anno MCCCCLXXVIII. constituit Fr. Johannem Soham, tunc Suppriorem, coadjutorem & ministratorem omnium bonorum spiritualium & temporalium. Postea in Festo S. Annæ sequenti Henricus Prior ex consensu Episcopi resignavit Prioratum suum cum omnibus pertinentiis, per Fr. Willelmum Tylney vices suas gerentem, in manibus Domini Episcopi apud Dounham in gravi infirmitate existentis. Et Conventus obligavit se solvere annuatim prædicto Henrico xl. libras pro se, Capellano suo & omnibus suis servientibus, & dare ei cameram in Infirmediâ, & omnia bona ad corpus, lectisternia, & omnia bona & tenementa quæ emit, vel pertinebant ad se.

His factis, in Festo S. Sampsonis feriâ tertiâ recepimus licentiam ab Episcopo eligendi novum Priorem ; & eodem die Missâ de Spiritu S. solenniter

(q) Willelmus Gray, S.T.D. illustri Baronum Gray de Codnor familiâ ortus, & primò apud Oxoniam in Collegio Baliolensi, dein apud Guarinum Veronensem in Italiâ literis institutus, si Baleo fides ; certè Cancellarius Oxoniensis annis 1441. & 1442. Archidiaconus Richmondiæ, ac Notarius & Referendarius Apostolicus, in Episcopum Eliensem electus, ab Archiepiscopo confirmatus est 1454. 6. Sept. teste Registro *Bourchier*. Consecratum ab eodem apud Mortelak fuisse 1454. 7. Sept. assistentibus

Johanne Wigorn. & Ricardo Roff. Episcopis, Registrum *Gray* Eliense refert. Diem autem 8. Sept. substituendum esse Calendarium suadet. Thesaurarius Angliæ iste constitutus 1469. 25. Octobr. ante diem 10. Julii sequentis amotus est. Hospitale S. Johannis in Eliâ, quod Monacho cuidam subesse hucusque consueverat, Monachorum incuriâ collapsum videns, Præfecturam ejus Monachis ablatam Roberto Norman Capellano suo domestico commisit anno 1458. *Ex Registro ejus.*

cele-

celebratâ in Capitulo coram Domino Edwardo Conysborow Archiepiscopo Armacano in Hiberniâ, Ricardo Robinson Archidiacono Eliensi, Magistro Talbot Officiali, &c. Tunc Fr. Johannes Soham Supprior & præsidens inter eos medio sedens surrexit; & commendatione personæ præhabitâ, nominavit Fr. Rogerum Westmenster Sacristam prædictæ Ecclesiæ; & tunc omnes Fratres simul nullo negante conclamabant ipsum Rogerum fore Priorem. Tunc Electus adductus erat ad summum altare; & datâ benedictione super eum ductus erat in cameram Sacristæ in Infirmariâ. Feriâ quartâ sequenti examinabatur in Capellâ B. Mariæ per diversa argumenta Doctorum; & post illam examinationem & confirmationem ivit in Chorum ad stallum Prioris: ubi Archidiaconus dixit, *Ego installo te*; & Officialis ait, *Pono te in stallum tuum*. Et tunc intravit Capitulum, & recepit obedientiam à singulis fratribus. In Dominicâ sequenti, i. e. in Festo S. Ethelwoldi, novus Prior pro die installationis suæ fecit grande convivium cum magnâ solempnitate multorum generosorum & aliorum.

Anno Domini MCCCCLXXVIII. quarto die mensis Augusti, i. e. die Martis, circa horam quintam post nonam obiit Dominus Willelmus Gray Episcopus Eliensis apud Dounham; & feriâ quartâ sequenti post nonam adductus erat ad Ecclesiam Cathedralem Eliensem cum omnibus ferè Presbyteris totius Insulæ & magnâ solempnitate cum torchis & equis & uno equo portante Capellam suam cum ornamentis & apparatu; & post nonam ejusdem diei dictæ sunt exequiæ in Choro solempniter pro eo. Feriâ quintâ sequenti tumularus erat cum duabus Missis ad summum altare, primâ de S. Mariâ cum Sæcularibus Presbyteris & Clericis, secundâ verò pro Defunctis cum Priore & Conventu Monachorum. Sepultus est inter duas columnas marmoreas ex boreali parte Ecclesiæ per feretrum S. Albani & S. Ermenildæ ad corneram Capellæ Johannis Alcock.

Iste ad reparationem magni Campanilis dedit ..... Item ad cameram Prioris unum lectum cum celere & curtenis blodii coloris. Item ad Vestiarium die tumulationis suæ pro Capellâ suâ unam bonam capam de rubro velveto pretii xxvi. librarum. Item crucem argenteam cum baculo argenteo. Item unam casulam viridem cum favonibus & stolis & albis. Item unum calicem, unam campiniliam argenteam, duo urceola argentea. Item unam bonam palmam pro capâ faciendâ de cæruleo satino. Item duo alba pallia de ferico cum fesonibus auri. Item duo aulæa pro altari. Item tres equos libitinas portantes. Item decoravit caput S. Sexburgæ cum argento & auro & pretiosis lapidibus ad valorem lxxx. librarum. Item Osculatorium argenteum ad Capellam B. Mariæ.

### JOHANNES MORTON, Episcopus XXVII.

(r) Septimo autem die mensis Augusti, i. e. die Veneris proximè sequenti diem tumulationis Episcopi defuncti, nuncius Domini Regis statim venit cum literis regiis, ut statim procederemus ad electionem, & ut eligeremus M.

Fert quaterniatim gules & ermines unum caput capræ argent.

(r) Johannes Morton L. D. apud Beere in Provinciâ Dorcestrensi natus, in Collegio Baliolensi Oxon. educatus, ejusdemque Academiæ anno 1446. Procancellarius, mox Scholæ Juris Civilis Principalis & Hospitii Peckwateriensis Præses, dein causarum in Curiâ Cantuariensi Advocatus, regiis de novo negotiis adhibitus, Edwardi IV. favorem fidei & prudentiæ merito summum afsecutus, primò Rotulorum Custos 1473. 16. Martii ab illo renuntiatus, dein ejusdem

beneficio ad Episcopatum Eliensem evectus est. Electionis & consecrationis tempora Historia Eliensis rectè posuit. Consecratum enim esse 1479. 31. Januarii Registrum Ecclesiæ Cant. confirmat. Quæ de beneficiis Ecclesiæ Eliensi ab illo præstitis Godwinus habet, ex Camdeno verbatim descripsit; quantumvis id pro more dissimulaverit. Ad Cantuariam demum Mortonus transiit 1486. 6. Octobr.

R r r r

Johannem



Johannem Murton, Legum Doctorem, Clericumque Rotulorum Domini Regis Edwardi IV. qui proximo die, non habitâ licentiâ Domini Regis eligendi Episcopum, electus erat à nobis quasi per viam S. Spiritûs, non habito processu eligendi, sed potius ad instantiam Regis, in Festo S. Ermenildæ, i. e. octavo die mensis Augusti in die Sabbati, in absentia quorundam Fratrum non vocatorum. Eodem die missi sunt Fratres Thomas Wells Seneschallus terrarum, & Alexander Wytlesey Præcentor ad Dominum Regem cum literis ad præsentandam personam Electi, & aliis literis ad Electum, ut consentiat electioni de se factæ. Dominus Electus recepit Bullas à Domino Calixto Papâ xxiv. die mensis Decembris; & Temporalia Episcopatus Elyensis à Domino Rege Edwardo iv. die mensis Januarii; ac etiam consecratus erat à Domino Cardinali Archiepiscopo Cant. apud Lambetham in Dominicâ ante Purificationem B. Mariæ, sc. xxxi. die mensis Januarii. Et vacavit Episcopatus v. menses.

ROBERTI

## ROBERTI STEWARDE

Prioris ultimi Eliensis

## Continuatio Historiæ Eliensis

Ab anno MCCCCLXXXVI. ad annum MDLIV.

JOHANNES ALCOCKE, Episcopus XXVIII.

(f) **J**ohanne Morton ad Archiepiscopatum Cant. translato, successit in Episcopatu Eliensi Dominus Johannes Alcock anno Henrici VII. Regis secundo. Vir fuit bonis omnibus amabilis. Decoravit omnia penè Maneria sua novis ædificiis. A fundamentis extruxit novam Aulam Palatii sui de Ely cum galleriâ ibidem. Quod sibi supererat, in hospitalitatem consumpsit. Fecit novum Collegium Cantabrigiæ, quod nominatur Collegium nominis Jesu. Obiit primo die Octobris anno Domini MD. Henrici septimi xvi. die Mercurii, & corpus sepultum est in Capellâ quam ipse faciebat juxta tumulum S. Ermenildæ; quia ipse Johannes fecit illam Capellam; & emebat tabulam super altare, & duas hostias; & emit terras ad inveniendum Sacerdotem celebrantem in illâ Capellâ; & habebit pro celebratione septimanatim xii. denarios. Item dedit nobis c. marcas de manumissione Hunston naturaliter servilis ad reparationem Ecclesiæ.

Fert mitram inter tria caprarum capita.

RICHARDUS REDMAN, Episcopus XXIX.

(t) Huic successit Richardus Redman xxvi. die Septembris, anno Henrici septimi xvii. Sepultus est inter duas columnas prope summum altare versùs Boream.

Arma sunt tria pulvinaria.

(f) Dum Episcopatu Eliensi fungeretur, summus Angliæ Cancellarius iterum creatus est 1486. 6. Martii: idque munus sesqui-anno administravit. Obiit apud Wisbech.

(t) Quisnam ante acceptum Episcopatum Eliensem Redmanus fuerit, quære inter Episcopos Asaphenses. *Sedit annos 4. completos honorificè*: inquit Liber alius Eliensis. Quamvis itaque 1501. 26. Sept. installatus fuerit; ante mensem saltem electus & confirmatus videtur. Obiit enim 1505. mense Augusto, fide Registri Warham; quod Spiritualia ab Archiepiscopo post mortem

ejus in potestatem suam redacta 1505. 25. Aug. refert. Apud Londinum obiisse videtur; quòd Spiritualia Archiepiscopus tam cito invaserit. Mors enim ipsius in Diocesi suâ non ante biduum vel triduum audita est, quod mihi ex Registro Eliensi constat. Monachi autem Cantuarienses die 1. Nov. Præmonstratenses die 28. Febr. defuncti memoriam in anniversariis suis celebrârunt. Insignia ejus Gentilitia à Roberto prætermissa ex Ecclesiæ Assavensis parietibus accepimus.



## JACOBUS STANLEY, Episcopus XXX.

Fert quaterniatim  
duos Leones rapaces  
& sex rhombos.

|| Richardo Redman successit Jacobus Stanley, frater Comititis de Derby. Is raro aut nunquam apud Ely hospitavit, sed apud Somersham per totam ætatem, ubi luxuriosè cum quadam sceminâ victitabat. Adveniente verò hieme discessit in Comitatum Darbiæ, ubi hibernabat. Erat iste Jacobus armis quàm libris peritior. Sepultus est apud Manchester.

## NICHOLAUS WEST, Episcopus XXXI.

Fert unum cheveron  
inter tres rosas.

(u) Jacobo Stanley successit Nicholaus West, Legum Doctor, ac Capellanus Dominae Reginae Katerinae confortis Regis Henrici Octavi. Natus fuit hic ex humili stirpe apud Putney juxta Fulham Londoniensis Dioceſeos, cui erat pater Johannes West pistor; ut ex Testamento dicti Episcopi colligi potest. Edificavit Capellam sumptuosam apud Elye. In magno honore tam in Episcopatu quàm alibi diu vixit. Tandem ob nimiam suam indulgentiam in causâ Divortii dictæ Dominae Reginae, & minùs officiosam incuriam, Dominus Rex Henricus VIII. in ipsum graviter animadvertit. Cujus iracundiam non ferens dictus Episcopus, in morbum dilapsus est; ex quo, adjuvante dolore quodam antiquo, nempe fistulâ in ano & podagrâ, citò post obiit, videlicet vi. die Aprilis anno regni Regis Henrici Octavi xxiv. Sepultus est in Capellâ, quam ipse fecit.

## THOMAS GOODERICK, Episcopus XXXII.

(x) Cui successit Thomas Gooderick, factus Episcopus xxi. die Aprilis anno Henrici Octavi xxv. vir generosus, Juris Civilis Professor, ac Domini Regis Henrici VIII. Capellanus. Vir erat justus, mansuetus, hospitalis;

|| Jacobus Stanley, filius natu sextus Thomæ Stanley Comititis Derby anno 1485. creati, 1503. 20. Maii defuncti; S. Theologiæ Doctor Cantabrigiensis, Decanus S. Martini London. & Collegii Manceſtrenſis Custos, Archidiaconus Richmondiæ 1500. 5. Decembr. admissus, ad Episcopatum Eliensem anno 1506. provectus, Temporalia à Rege accepit paulò post 1506. 19. Junii. Aedes Somershamenses novis ædificiis adauxit; neque aliud memoriâ dignum gessit. Spiritualia Episcopatus post mortem ejus in Archiepiscopi manus accepta sunt 1515. 24. Martii. Wintoniæ sepultum esse tradit Tho. Milles in *Catal. honor. p. 886.*

(u) Nicolaus West, Decanus Windesoriensis, ex Collegio Regali apud Cantabrigiam prodiit. Consecratus est apud Lameſham à Wilhelmo Archiepiscopo 1515. 7. Octobr. In Galliam à Rege legatus, Tornacum urbem Gallia Regi tradidit 1519. 10. Febr. Obiit 1533. 28. April. *Ex Registro Warham, Stoi Chronico, & Registro Cranmer.*

(x) Westo successor à Rege designatus est Nicolaus Hawkins, nepos illius & Archi-

diaconus Eliensis; qui legationem pro regiis negotiis extra regnum tunc obiit. Verum is dysenteria extinctus ante Episcopatum acceptum obiit. Sedem itaque Eliensem integro ferè anno vacantem dono regio accepit Thomas Goodric L. D. electus 1534. 17. Martii, ab Archiepiscopo apud Croidon confirmatus die 13. April. ab eodem in Capellâ de Croidon consecratus 1534. 19. April. in Ecclesiâ suâ installatus die 2. Maii. Reformationi Ecclesiæ Anglicanæ suo tempore inchoatæ operam seriò adjecit. Quo nomine Edwardo VI. Regi gratissimus, Angliæ Cancellarius ab ipso creatus est 1551. 22. Dec. ætate superiori in Galliam legatus. Cancellariatu amotus est Mariâ Regina regnum auspicante; Episcopatum tamen usque ad obitum retinuit. Obiit 1554. 10. (seu juxta alios 9.) Maii, in meditullio Chori Eliensis sepultus. Suffraganeum accepit Wilhelmu More L. B. titulo Episcopi Colcestrensis in Cœnobio Dominicanorum Londini consecratum 1536. 20. Octobr. *Ex Registris Cranmer & Goodric, & Stoi Chronico.*

misericors,

misericors, amans omnes & ab omnibus amatus. Legatus erat in Franciam missus; per Edwardum Regem Cancellarius Angliæ erat constitutus. Demum Rege Edwardo mortuo, ac Mariâ Reginâ regnante, omnibus sursum & deorsum quasi euntibus, Dominus Episcopus hujusmodi innovationes ex animo abhorrens, cœpit languere apud Manerium suum de Somersham; ac dolore calculi graviter eum infestante, ibidem obiit.

**Juramentum Episcopi qui installatur.**

Jurabitis secundum formam & vim præsentis Cartæ Regiæ; quod solvi facietis implementa vel eorum pretia in prædictâ Cartâ regiâ contenta Successori vestro Episcopo Eliensi. Ac etiam orari facietis in Missis, & similiter in pauperibus distribui, pro salute animæ Edwardi III. Regis Angliæ. Cæteraque omnia in eadem Cartâ contenta observari fideliter facietis; secundum quod ipsius Cartæ effectus & vigor exigunt & requirunt.

Promittimus.

---

**RICAR.**



## RICARDI

Monachi Eliensis

## HISTORIA

De conversione Abbatiae Eliensis in Episcopatum.

Historia conversionis Abbatiae Eliensis in Episcopatum.

(a) Incipit Liber tertius in Historiâ Elyensis Insulæ, constans de duorum temporibus Episcoporum, quid plus vel minus utile gesserunt plenè innuans.

(a) Ea erat sequentium sæculorum in Angliâ religio; ut nil in rebus ecclesiasticis gravioris momenti ritè factum putarent, quod Papâ inconsulto fieret. Hac persuasione moti Monachi Elienses post Hervei tempora, Episcopatum Eliensem sine Pontificis Romani autoritate fundatum esse perhibere noluerunt. Pulcram itaque Historiam & diplomata regia ac Pontificia confinxerunt tum in Historiâ Eliensi supra positâ, tum in hoc præcipuè fragmento; quamvis & illam & istud ab uno eodemque Authore profecta esse mihi sit compertum. Falsa hæc esse constabunt; si cum verissimâ Eadmeri, qui rebus agendis interfuit, relatione conferantur. Narrat is (Hist. Nov. l. 4. p. 95.) rem primò agitatam fuisse in Concilio Londinensi anno 1108. post Pentecosten habito. *His diebus sermo habitus est de parochiâ Episcopi Lincolnensis, quæ in nimium tendebatur, eoque processit, ut quum ratio Christianitatis id utile fore suadebat, Regi & Archiepiscopo ceterisque Principibus regni visum fuerit, de ipsâ Parochiâ sumendum, quo fieret alter Episcopatus, cujus cathedra principatus poneretur in Abbatia de Heli. Sed Anselmus, quem ipsius negotii summa respiciebat, sciens præter consensum & Romani Pontificis auctoritatem novum Episcopatum nusquam ritè institui posse, scripsit ei sic.* Extat ibidem epistola ad Papam scripta, consilii de Episcopatu Eliensi fundando initi confirmationem petens. Neutiquam tamen Paschalis superstitite Anselmo rem ratam habuit. Quapropter eam perfici Anselmus non permisit. Illo demum anno 1109. mensè Maio è vivis sublato, Sedes Episcopalis apud Eliam posita est, & Herveus eidem præfectus. Sic enim Eadmerus habet p. 104. *Inter hac (post medium annum 1109.) Er-*

*venit Episcopus Pangornensis ab Ecclesiâ suâ, quam olim dimiserat, penitus translatus est, & novo Episcopatu, quem Rex & Principes dudum in Heli statuendum, juxta mentionem inde superius factam, decreverant, intronizatus. Quod quidem ut adipisci mereretur, multâ prece, multis multarum rerum promissionibus, multorum quoque officiorum exhibitionibus, vix post obitum Anselmi obtinere potis fuit. Nulla de Papali confirmatione mentio; quin potius contrarium Eadmerus innuit, idem sc. obstaculum legitimum, Papalis licentiæ defectum, adhuc intercessisse. Atque ipse adeò Paschalis Papa in epistolâ ad Regem & Episcopos Angliæ anno 1115. scriptâ conqueritur potestatis Papalis in Ecclesiâ Anglicanâ nullam ferè haberi rationem; quinimo Vos inconsultis nobis etiam Episcoporum negotia definitis. — Vos præter auctoritatem nostram Episcoporum quoque mutationes præsumitis; quod sine Romana Sedis auctoritate ac licentiâ fieri novimus omnino prohibitum. [Ibidem p. 115.] Certè si licentia Papalis intercesserit; ista nihilominus Historia falsa esse deprehenditur. Rem enim confectam & Herveum Sede Eliensi donatum anno 1108. refert; cùm ex Eadmero constet rem post Anselmi demum obitum anno 1109. exitum sortitam esse. Porro tempora in diplomate regio posita malè conveniunt. Annus enim Regis Henrici decimus incipit 1109. 2. Aug. Neque dici potest annum 1109. pro 1108. in diplomate substituendum esse. Annus enim Paschalis Papæ decimus desinit 1109. 14. Aug. His adde clarissimi Seldeni argumenta (in Spicilegio ad Eadmerum p. 212.) diversitatem styli à charactere forensi, qui eo ævo in usu erat; & Anselmi, qui nondum obierat, memoriam celebratam; & Ducum vocabulum Anglis eo sæculo incognitum; &*

nuans. Quomodo post mortem Ricardi Abbatis Episcopus Pangornensis Herveus de sua Sede ejectus, ab Henrico Rege dirigitur in Ely, ut inde Procuracionem haberet; qui Fratrum animos blanditiis & circumlocutionibus sibi allexit, ut ipsam Ecclesiam de Abbatia in Episcopatum mutarent, & ipsum susciperent in Episcopum. Ad quod confirmandum eisdem Monachis ignorantibus Romae destinatur à Rege.

**P**OST mortem igitur Ricardi Abbatis mittitur à Rege ad Elyense Cœnobium Herveus Pangornensis Episcopus, à suo Episcopatu per violentiam ejectus; ut ibi de rebus Ecclesiae ad tempus sustentaretur, donec Rex plenius deliberasset quid de eo esset factururus. Est autem Pangor Monasterium in Walliis, tot habitatoribus plenum; ut sicut Beda refert, si in septem partes divideretur, non minus quæque portio quam trecentos homines haberet. Hic cum Episcopatu fungeretur Herveus, gentem efferam nimiam austeritate tractabat; videns tantam in moribus eorum perversitatem, quam nemo facile posset tolerare. Unde quod Episcopali timori nullam servabant reverentiam, gladium bis acutum ad eos domandos exercuit; nunc crebro anathemate, nunc propinquorum & aliorum hominum eos coercens multitudine. Nec minor fuit eorum contra eum rebellio. Tanto periculo ei insistebant; ut fratrem ejus perimerent; simili modo eum punituri, si possent in eum manus injicere. Expavit Episcopus ingruens infortunium; plurimisque suorum interfectis aut graviter vulneratis, videns quod anima sua quaereretur, ut congruos haberet defensores, ad Regis Angliæ confugit patrocinium, utile sibi consecutus exilium. Rex autem ejus adventum ut famosi tunc temporis & religiosi Episcopi benigne suscipiens, ad Eliensem Ecclesiam destinatum, procuracionem inde accipere eum constituit. Ipse vero illuc veniens, gratiam, conversatione ac mirabili prudentiam omnium penè Monachorum sibi alligavit affectum; ut si fieri posset, eum sibi Episcopum adoptarent, [*&c. prout supra in Historiâ Eliensi p. 616. usque ad*] ——— quales optabat reportans. Quarum textum hic subscribi nec otiosum est nec onerosum.

Quod Herveus à Domino Papâ mandatum obtinuit ad Regem Henricum de promovendo Abbatiam de Ely in Episcopatum, & de constituendo eum illic in Episcopum.

‘ Paschalis Episcopus, servus servorum Dei, dilecto in Christo filio Henrico glorioso Regi Anglorum salutem & apostolicam benedictionem. Omnipotenti Deo gratias agimus, qui talem te Regem nostris temporibus constituit; qui & terrenum regnum sapienter ad honorem Dei gubernas, & æterni Regis sollicitudinem ante oculos mentis portas. Postulasti siquidem à nobis per literas; ut in loco qui Ely dicitur, novus ex Apostolicâ auctoritate Episcopatus constituatur: quia Lincolnensem Episcopatum tantæ magnitudinis esse dixisti; ut ad peragenda ea quæ Episcopalis sunt officii, unus Episcopus nullatenus sufficere possit. Pro quo & devotionem tuam vo-

& spurium esse diploma luculenter constabit. Episcopatum igitur Eliensem, inconsulto Pontifice Romano, Rex & Episcopi Angliæ auctoritate suâ constituerunt. Veram constituti rationem Petrus Blefenfis exhibet in Continuatione Ingulphi p. 117. Ricardo ultimo Eliensi Abbate defuncto, Rex Henricus, ut erat ingenii sagacissimi, cernens

*Insulam Eliensem locum periculosissimum, si qua seditio in regno oriretur, tam pro Monasterii maximis divitiis, quam pro loci multâ naturali munitione, studuit quantum sibi licuit, tam locum quam possessiones ejus dividere, & suis usibus res ecclesiasticas à Monasteriali simplicitate immutatas propiores sub sede Episcopii applicare.*

‘ luntatis



luntatis laudamus, & dispositioni assensum præbemus; ita tamen ut in celebri loco constituatur; ne nomen Episcopi, quod absit, vilescat. Ad hoc enim Episcopus constituitur; ut populum Dei & verbis doceat, & vitam informet, & ad verum pastorem Domini commissarum sibi animarum lucra reportet. In his quoque, de quibus rogasti, licet quædam ibi inordinata videantur; tuæ tamen voluntati refragari nequaquam valemus. Novit præterea gloria vestra Dompnum Herveum Episcopum, quem vita & scientia commendat non modica, nimiam Barbarorum ferociam & persecutione de Sede suâ expulsum, & multam fidelium fratrumque suorum cæde fuisse fugatum. Cujus ut scientia fructum qui non perit afferre, & vita bonum valeat Dei populo exemplum præbere; volumus & rogamus, ut si qua eum apud vos vacans Ecclesia vocaverit, ibi auctoritate Apostolicâ constituatur; ne infructuoso diu silentio torpeat, qui vitæ cœlestis documenta in scientiâ & moribus portat. Omnipotens Deus Apostolorum suorum precibus & vos & prolem vestram custodiat, & cœleste post terrenum vobis regnum concedat. Dat. xi. Cal. Decembris.

Alias quoque literas misit Papa eidem Regi, quarum hic textus est. Quod auctoritate Apostolicâ Episcopatus in Ely constituitur.

Paschalis Episcopus, servus servorum Dei, Venerabili fratri Anselmo Cantuariensi Archiepiscopo & cæteris comprovincialibus Episcopis salutem & Apostolicam benedictionem. Inter cætera regna terrarum ad Apostolicæ Sedis dilectionem atque obedientiam Anglorum regnum specialiter pertinere Apostolicæ Sedis scripta & Anglicarum Historiarum series manifestabant. Quæ nimirum causa sollicitudinem nostram propensius impellit illius Regni Ecclesias familiariter confovere, & earum dispositionibus sollicitius invigilare. Lincolniensem itaque Episcopatum tam spatiosum ex filii nostri Regis vestrisque literis agnovimus; ut ad ea, quæ Episcopalis sunt officii, peragenda unus nullatenus sufficere possit Episcopus. Quapropter ex voluntate Lincolnienfis Episcopi postulat à nobis idem carissimus filius noster & Christianissimus Rex Anglorum Henricus; quatinus in parte unâ Episcopatus ipsius ex Apostolicæ Sedis permissione novus Episcopatus constitutur, in loco videlicet qui Ely vocatur. Cujus nos petitionibus, quod religiosæ videbantur, assensum libenter præbuimus; & Episcopatum in loco præfato constituendi ex Apostolicâ auctoritate licentiam damus; statuentes ut Sedes Episcopalis in loco prædicto constituta omni deinceps tempore perseveret: Parochiam quoque, quam vestra fraternitas cum prædicto fratre Lincolnienfi Episcopo & Regis providentiâ eidem Episcopatu assignaverit, perpetuò possideat. Porro de Monasterio, in quo Sedes Episcopalis constituitur, Anglicorum Monasteriorum, in quibus Episcopi sunt constituti, consuetudo servabitur. Hujus Constitutionis conservatores omnipotentis Dei & Apostolorum suorum benedictione perpetuò perfruantur. Amen.

His suæ confirmationis Herveus susceptis Epistolis, Angliam cum Apostolicâ benedictione properavit, Regem & Archiepiscopum adiit, literas eis ostendit, assensum eorum obtinuit; & in sequenti anno totum negotium consummavit; anno videlicet Dominicæ Incarnationis MCVIII. Pontificatus autem Domini Paschalis II. Papæ anno x. Quo etiam anno Rex Henricus Abbatiam Eliensem ad Episcopalem mutavit Sedem; & eundem Herveum Pangornensem Episcopum eidem Ecclesiæ præfecit, confirmans eum sequentibus Cartis.

Carta Regis Henrici, quomodo Abbatiam de Ely in Episcopatum transf-  
mutavit.

‘ In nomine sanctæ & individue Trinitatis, Patris, Filii & Spiritus Sancti,  
‘ Anno ab Incarnatione Domini MCVIII. Indictione . . . . anno verò Ponti-  
‘ ficatus Domini Paschalis II. Papæ x. & regni quoque mei similiter x. Ego  
‘ Henricus providente divinâ clementiâ Rex Anglorum & Normannorum  
‘ Dux, Willelmi Magni Regis filius, qui Edwardo Regi hæreditario jure  
‘ successit in regnum ; videns & Ecclesiæ messem in regno meo multam esse, &  
‘ agricolas quidem paucos & ob hoc plurimum laborantes in messe, & in ipsâ  
‘ Lincolniensem Ecclesiâ multâ plebe fœcundam ; ex auctoritate & consilio  
‘ prædicti Papæ Paschalis & assensu simul & prece Roberti Lincolnienfis Epif-  
‘ copi, qui tunc Ecclesiæ prædictæ præsidebat, & totius Capituli sui, cum ip-  
‘ so annuente Domino Anselmo beatæ memoriæ Cantuariensi Archiepiscopo  
‘ & Thomâ II. venerabili Eboracensium Archiepiscopo, & universis Episco-  
‘ pis & Abbatibus totius Angliæ, sed & omnibus Ducibus, Comitibus & Prin-  
‘ cipibus regni mei ; Elyense Monasterium, in quo quidem usque in tempo-  
‘ ra mea Abbates fuerant, cum Cantebregensi Provinciâ, quantum videlicet  
‘ ad jus Lincolnienfis Ecclesiæ pertinebat, cum duabus Abbatibus Thorneiâ vi-  
‘ delicet & Chaterich, in Episcopalem Sedem, sicut & cæteros Episcopatus  
‘ regni mei, liberam & absolutam perhenniter statuo & confirmo. Et pro  
‘ subjectione & omnibus Episcopalibus consuetudinibus ad suprædictam Lin-  
‘ colniensem Ecclesiâ pertinentibus absolvendum, consilio & assensu præ-  
‘ dicti Papæ Paschalis, de beneficiis ejusdem Monasterii Villam nomine  
‘ Spaldewic cum omnibus appendiciis suis, quæ in territorio Huntendonæ  
‘ sita est, cum omnibus consuetudinibus ad villam prædictam pertinentibus,  
‘ suprædictæ Lincolnienfis Ecclesiæ & Roberto ejusdem Sedis Episcopo & suc-  
‘ cessoribus suis, sicut eam unquam Elyense Monasterium liberiùs & quietiùs  
‘ tenuit, jure perpetuo tradidi possidenda. Primum siquidem Londoniis a-  
‘ pud Westmonasterium in solemnitate Pentecostes de negotio isto in præsen-  
‘ tiâ meâ coram fœlicis memoriæ Anselmo Archiepiscopo & universis Episco-  
‘ pis & Abbatibus & Proceribus regni mei tractatum est ; & eorum omnium  
‘ communis assensus est favorabiliter consecutus. Post mortem prædicti Pon-  
‘ tificis Anselmi ex auctoritate Domini Papæ Paschalis, sicut jam supra dictum  
‘ est, in Concilio apud Castrum Notingham habito in die Translationis B.  
‘ Etheldredæ Virginis, Sedis ejusdem fœliciter per misericordiam Dei termi-  
‘ natum est & definitum [negotium] xi. Kalend. Novembris.

Qualiter Herveus Episcopus Ecclesiâ suam de Ely & res ipsius ab in-  
justâ oppressione eripuit.

Confirmatus ergo in Episcopatu Herveus, studiis omnibus res Ecclesiæ suæ  
augere curavit, &c. *prout supra in Historiâ Eliensi, pag. 616.*



# T H O M Æ

## Monachi Eliensis

### Fragmentum de dignitate Abbatis Eliensis.

[Ex Thomæ Monachi Eliensis parte secundâ Historiæ Eliensis MS.  
in Bibliothecâ Cottonianâ *Titus A. 1. fol. 19.*]

Quòd Ecclesia de Ely locum administrandi in Regis Curiâ ex consuetudine obtinet.

**A**djecit itaque gloriosus Rex [Ethelredus] gloriâ & honore Elyensem donare Ecclesiam, sicut pollicitus fuerat, quando eum illuc cum matre & nobilibus regni S. Ethelwoldus adduxerat tempore fratris sui Edwardi Regis; ubi coram multitudine plebis ad sepulchrum beatæ Virginis, cui affectu & multâ devotione deditus erat, se servum deinceps illius fore spondit. Qui postea suscepto regno, alterius Regis se intelligens esse mancipium, sui Regis præcepta regaliter observabat; & sponsam ejus Ecclesiam tanquam matrem suam donis & obsequiis fullimabat & privilegiorum fune subligabat. Sicque suam consummans propositum, æternam sibi propagavit memoriam; ut & finis esset sine fine, & ad eum qui sine caret finem perveniret. Hinc igitur pius oculus suum ad sequentia transferat aspectum; & digno intuitu rerum magis quàm verborum perscrutans seriem, jocundi Regi per hoc dispositissimam illius benevolentiam congaudeat. Statuit verò atque concessit; quatenus Ecclesia de Ely ex tunc & semper [in] Regis Curiâ Cancellarii ageret dignitatem; quod etiam aliis, S. Augustini videlicet & Glestoniæ, Ecclesiis constituit: ut Abbates istorum Cœnobiorum vicissim assignatis succedendo temporibus annum trifariè dividerent, cum Sanctuariis & cæteris ornatibus altaris ministrando. Abbas quoque Eliensis Cœnobii semper in die Purificationis S. Mariæ ad ministratorium opus procedebat in ipso Februarii mensis initio; & sic ipse Abbas, vel quem de Fratribus destina- ret, quantum temporis ei suppletebat, per iv. menses tertiam videlicet anni partem cum summâ diligentia illic officium reverenter supplevit. Dein alii, quos diximus, residuum anni per assignata sibi tempora explicabant. Hoc autem consuetudinis ab ipso renovationis suæ tempore apud Ecclesiam ad magnam loci provectionem & libertatem fuisse memoratur; nec ab aliunde impeti aut subjici patiebatur; donec Anglia sub Normannorum jugo misere depressa ex omni pristino spoliatur honore. Unde Eliensis Ecclesia quondam famosissima, inter filias Jerusalem speciosa quæ fuerat, misera calamitatis nunc oppressa amaritudine, & princeps provinciarum facta est sub tributo.

# S U C C E S S I O

# P R I O R U M

## Ecclesiæ Eliensis.

**P**ost Ricardi Abbatis ultimi Eliensis obitum anno 1107. Herveus Episcopus Bangorensis Abbatiam biennio administravit. Anno 1109. Abbatia in Episcopatum conversâ, Abbatis potestas in Episcopum translata, & ab isto Monachorum præfectura Priori commissa est. Priorum Eliensium nomina atque ordinem Robertus Stewarde indiculo ad calcem Historiæ Eliensis contexto exhibuit. Cætera aliunde hausimus.

*Vincentius* Priorum Eliensium primus fuit. Obiit ante Herveum Episcopum.

*Henricus* successit, Herveo Episcopatum adhuc tenente. Obiisse videtur inter annos 1131, & 1133.

*Willelmus* Prioratum Nigelli Episcopi dono obtinuit anno 1133. haud diu post à rerum Ecclesiæ suæ exteriorum administratione injuriâ depulsus. Rem narrat Ricardus in Vitâ fusiore Nigelli hisce verbis. *Agebat tunc temporis in Prioratu Eliensis Ecclesiæ venerabilis Monachus Willelmus; quem in primo anno Episcopatus idem Episcopus Priorem constituerat, quoniam in ecclesiastico regimine & Monasticâ probatus conversatione, intus & foris utilis & fidelis Domino suo & Fratribus probabiliter extiterat. Hunc ergo talem timens ille funestus Radulfus (cui Episcopus Episcopatum admistrandum commiserat) se in Domini sui gratiâ prævenire, rerum exteriorum gubernatione malefico privavit artificio; assumens in rebus Fratrum tyrannidem, nec Deum timens, nec Sanctos honorans, quorum obsequio Fratres illi erant ascripti. Radulfo post biennium fugiente, Willelmus in integrum restitutus est.*

*Tombertus*, sæpius *Combertus* dictus, præfuit annos inter 1144, & 1154.

*Alexander* successit ante annum 1154. & obiit ante annum 1169.

Registr. Eli.

*Solomon*, prius Ecclesiæ Præcentor, Romam à Conventu annos inter 1149, & 1154. legatus, successit tempore Nigelli Episcopi; & Abbas Thorneiensis anno 1177. creatus est, auctore Johanne Abbate Petriburg. in Chronico suo.

Id.

*Ricardus*, loci Supprior, Prioratum accepit anno 1177. vir pro sæculi captu non ineruditus. Scripsit Historiam Eliensem & alia à Baleo memorata *Cent. 3. cap. 82.* Eliensem Historiam nos supra edidimus, ab alio quodam Monacho Eliensi non malè defloratam, resectis declamationibus & miraculorum narrationibus. Historicum nostrum Prioratu Eliensi auctum fuisse habemus ex Baleo; qui id à Lelando pro more hausisse videtur. Quòd autem Baleus eundem anno 1220. claruisse scribit, falsum esse luculenter constat. Ricardus enim Prior Roberto successori locum cesserat ante annum 1196. neque alius unquam Ricardus Prioratum Eliensem gessit.

*Robertus de Longo-campo*, Anglicè *Longfeild*, Willelmi Eliensis Episcopi frater, dono fraterno Prioratum sortitus est post annum 1189. Post fratris obitum ad Abbatiam S. Mariæ Eboracensem electus est 1197. 17. Martii, ab Hu-



berto Archiepiscopo apud Colcestriam benedictus die 23. ejusdem mensis; teste Dicetensi in *Imag. Hist.* p. 696. Nota tamen antiqua, ad marginem Historiæ Eliensis addita, refert illum vivente fratre suo electum fuisse in Abbatem Ebor. & post decessum fratris ad Abbatiam eandem translatum esse.

*Johannes de Stratfeld*, alibi *Straget* dictus, Eustachii Episcopi electionem ab Huberto Archiepiscopo confirmari apud Westmonasterium 1198. 1. Martii præsens postulavit. Obiit ante annum 1215.

*Hugo* successit tempore Eustachii Episcopi.

*Rogerus*, electus tempore Johannis Episcopi, superfuit Galfrido Episcopo.

*Galfridus Brigham* successit post annum 1229. obiit ante annum 1254.

Obituar. Eli.  
& Reg. Eli.

*Walterus* successit, Hugone Norwold Episcopatum tenente. Obiit die 13. Maii, post annum 1254.

Id.

*Robertus de Leverington* Prioratum proximus obtinuit; & post annum 1258. obiit die 12. Septembr.

Registr. Eli.

*Henricus Banns* successit. Hunc anno 1272. Prioratum tenuisse, & ante exitum anni 1273. obiisse, mihi compertum est.

Obit. Eli.

*Johannes de Hemingston* electus est anno 1273. præfuit anno 1286. obiit die 9. Novembr. Iste dedit Conventui 40. solidos ad celebrandum suum Anniversarium.

Reg. Eli.

*Johannes de Shepred* sive *Scheperede* successit tempore Johannis Kirkby Episcopi, atque ipsi defuncto superfuit.

Reg. Winchelse.

*Johannes Saleman* sive *Salmon*, ad Episcopatum Norwicensem provifus est à Bonifacio Papâ 1299. 15. Julii.

Hist. Eli.

*Robertus de Orford*, ad Episcopatum Eliensem electus est 1302. 14. April.

*Willelmus de Clare* successit, & brevissimo tempore superfuit.

Hist. Eli.

*Johannes de Fresyngfelde* Prior erat sub initum anni 1310. Resignavit 1320. 16. Febr. postquam Prioratum 18. fere annis administrasset.

Id.

*Johannes de Crandene* successit anno 1320. Obiit 1341. 25. Sept.

Id.

*Alanus de Walsingham* ex Sacristâ loci Prior electus 1341. 25. Octobr. ab Episcopo confirmatus est die 19. Novembr. Superfuit anno 1345. Hunc ob artis aurifabrilis peritiam Walsinghamus laudat in anno 1314.

Epitaphium tumulo illius inscriptum sequitur.

Flos operatorum, dum vixit, corpore sanus,  
Hic jacet ante Chorum Prior hic tumulatus Alanus.  
Annis bis denis vivens fuit ipse Sacrista,  
Plus tribus his plenis Prior ens perfecit & ista.  
Sacristariam quasi funditus ædificavit;  
Mephale, Brame etiam, huic Ecclesiæ cumulavit.  
Pro veteri turre, quæ quadam nocte cadebat,  
Hanc turrim, propriè quam cernitis, hic faciebat.  
Et plures ædes quia fecerat ipse Prioris;  
Detur ei sedes cælo pro fine laboris.

*Johannes Buſton* successit.

Reg. Arundell.

*Willelmus Walpole*, Prioratum sponte resignavit anno 1401.

Id. & Reg. Eli-  
en.

*Willelmus Powcher*, prius Abbas de Walden, installatus est in Prioratu Eliensi 1401. 21. Octobr. Aulam Infirmariæ Monachorum construxit anno 1417. eodemque anno vetustam inter Episcopum & Monachos Elienses litem de jurisdictione ecclesiasticâ aliisque articulis compositione factâ terminavit. Inter alia convenit, ut Sacrista Eliensis in perpetuum haberet jurisdictionem ecclesiasticam in Hospitali S. Johannis Bapt. & in Capellanos Cantariæ super le Grene in civitate Eliensi, tanquam Vicarius Episcopi, item in duabus Ecclesiis parochialibus infra civitatem Eliensem, officio Sacristariæ olim appropriatis,

Reg. Eli.

priatis, item in maneriis Ecclesiæ Eliensis juxta Eliam, viz. Tyrbitsey, Brame, Stunteneý, Thorney, Northney, Quaveney & Shepey, exceptis dun-taxat hæreseos causis.

*Edmundus Walsingham* illi successit.

*Petrus de Ely*, in Episcopum electus sub finem anni 1425. per provisionem Papalem Philippo Morgan factam ab Episcopatu excidit. Hist. Eli.

*Willelmus Wells* Prioratum proximo loco obtinuit. Præfuit anno 1438. Id.

*Henricus Peterborough* Prioratum abdicavit 1478. 26. Julii, obiit 1480. 10. Augusti. Id.

*Rogerus Westminster* ex Sacristâ Prior electus est 1478. 28. Julii, die sequenti installatus. Id.

*Robertus Colville* successit. Ipso Prioratum tenente Ecclesia Eliensis (utrâ- Reg. Cant.  
que Sede vacante) à Capitulo Cantuariensi visitata est 1500. 30. Octobr.

*Willelmus Witlesey* præfuit anno 1515. quo Ecclesia Eliensis à Wilhelmo Reg. Warham.  
Warham Archiepiscopo Cant. visitata est.

*Johannes Cotingham* successit, ante annum 1522. defunctus.

*Robertus Wellys*, aliàs *Stewarde*, Priorum ultimus fuit. Primum nomen, quod à loco natali traxisse videtur, usque ad Monasterium Eliense eversum usurpavit; prout in multis apud Registrum *Cranmer* instrumentis comparet. Anno 1536. unâ cum Wilhelmo More ad Episcopatum Suffraganeum Colcestrensem capessendum ab Episcopo Eliensi præsentatus est Regi. Rex autem Morum maluit. Anno circiter 1539. consilio de Monasteriis ubivis per Angliam evertendis inito, ipse Monasterium Eliense Regi libenter transcripsit; aliosque Abbates & Priores, ut idem facerent, impigris precibus & argumentis impulit. Canonicis itaque sæcularibus in Ecclesiam Eliensem Monachorum loco brevi post introductis, ipse primus illorum Decanus à Rege constitutus est. Decanatum adeptus, nomen gentilitium *Stewarde* homo ventosus deinceps adhibuit; & nobilitatis suæ opinione inflatus, familiæ suæ genealogiam scriptis commendavit. Hanc subicere æquum duxi; ne Robertus, cui ob restitutam Historiam Eliensem plurimum debemus, unicam suscepti laboris mercedem perderet.



# GENEALOGIA ROBERTI STEWARDE

Prioris ultimi Eliensis,

ab ipso conscripta.

Incipit Genealogia Roberti Stewarde Domini Prioris Eliensis, breviter extracta è rotulis Heraldorum anno MDXXII.

I. **F**UIT quidam vir nobilis ex Scoticâ gente natus nomine Banquho. Erat hic Thanus Regis Scotiæ in Loquhabriâ : & Regi maximè placuit, quòd fuit ille & fortis & fœlix in rebus bellicis. Altiùs quàm hunc Banquhonem nulla memoria, nulli libri, nullus Heraldus, Seneschallorum stirpem eradicare possunt. Tandem Rege Malcolm II. occumbente, & Machabeo nefario Rege, potiùs Tiranno, regnante; insidias Banquhoni omni conatu quibus eum posset afferri stravit; eumque ad epulas aulicas invitat. Banquho nil mali suspicans, venit cum Fleancho filio suo unico superstite. Et cœnâ finitâ, ut demum decessit Banquho cum filio suo, caterva nebulonum in eum insilit, vulnerat & trucidat. At Fleanchus per tenebras evasit. Periit anno Domini MXLVIII.

II. Fleanchus jam in Gualliam fugit; quia maximè metuit Machabei Regis crudelitatem, qui jam tot & tantos Scoticæ Nobilitatis viros sustulisset. Et à Trahernò Gualliæ Rege, Caradoci filio, humaniter tractabatur; qui habuit pulcrâ filiam Guentam; quam unicè amavit Fleanchus, cum qua clàm nuptias contrahit. Gravidaque facta est, & filium peperit nomine Walterum. Quòd cum Trahernus Rex intellexisset, Fleanchum interemit, & filiam Guentam prisionæ mandavit; quæ brevi post mortua est.

III. Walterus Fleanchi & Guentæ filius, Guallus natus, post patris cædem & matris mortem ruri educandus mittitur. Et cum decimum octavum ageret annum, Guallicum quendam, qui eum Nothum nuncupavit, occidit; & in Scotiam fugit, Malcolm Canmore tunc regnante: à quo gratissimè acceptus est, & apud quem tandem ob præclaras res bellicas gestas admirandâ quadam virtute, eum Militem fecit, & magnum Seneschallum Scotiæ creat, multis sibi donatis prædiis; à quo nomen Stuard omni suæ sequelæ in Scotiâ, Angliâ, Franciâ & Norvegiâ defluxit. Obiit circiter annum ætatis suæ xlii. Habuit filium Alanum.

IV. Alanus Seneschallus, aliàs Stuart, egregius quoque fuit Miles. Egre-  
gia patravit apud Terram Sanctam sub insignibus Godofredi Boloignien-  
sis. Viriliter se gessit adversus Stephanum Regem Angliæ apud Abarton.

V. Alexander Alani filius fuit perpulchrè edoctus in rebus divinis. Sed in rebus bellicis quanquam magnâ strenuitate semper se gessit, infœlix tamen evasit. Demum ille jam senescens in Cœnobio Clarevallen-  
si statuit cucullum Monachalem suscipere. Sed dissuasus, Cœnobium egregium Pasletum con-  
struxit; ubi mortuus inhumabatur.

VI.

VI. Walterus Seneschallus, à Dundevaille dictus, Alexandri filius, multa præclara in rebus bellicis gessit; & cum S. Lodovico Galliarum Rege apud Sanctam Terram militavit. Tres illi erant filii; Robertus, qui filiam unicam & hæredem Roberti de Cruce de Croxton in uxorem suscepit, à quo Comes Linaxei originem ducunt: Johannes, qui post Carthaginem captam in obsidione de Thunise alias Massour periit; & Alexander.

VII. Alexander, filius Walteri à Dundevaille, Miles, Hachonem Norvegiæ Regem devicit apud Largin; & Elsfridum Regis nepotem & primarium exercitus Norvegiani ductorem propriâ manu interemit. Recuperavit ad Scoticam ditionem Araine & Boyd insulas. Recuperavit novam Insulam. Regi Angliæ adversus Lewlinum Gwallum in opem mittitur. Frater ejus Johannes duxit hæredem de Bouthill in uxorem, ex quâ genuit Walterum; qui duxit Marioriam filiam Roberti Bruis Regis, ex qua genuit Robertum Stuart primum ejus nominis Regem Scotiæ.

VIII. Andreas, Alexandri filius natu minimus, sed virtute maximus. Cujus corporis statura ultra vulgarem vergebat magnitudinem. Bis singulari certamine hic Andreas cum Balliolo pugnavit: primò mitius; sed secundo bile flagrante in ipsum vehebatur, ensēque rupit. Tum ingenti conto nodoso assumpto, quo caretarii sublevant onera, qui fortè prope humi jacebat, tantis verberibus Balliolus est vapulatus, (nam egregiè erat strenuus) quòd si Henricus Balliolus opem haud tulisset, proculdubio occumberet. Hinc Seneschalli nodosum baculum in armis ferunt; prout fusiùs postea intelliges. Intestinis bellis Scotiæ finitis, mittitur Andreas Regi Francorum in opem adversus Navarræ Regem; à quo astu capitur, & septuagenarius senex vulneribus fauciatus flebiliter expiravit. Habuit unicum filium Alexandrum.

IX. Alexander Andreæ filius, cum pater diem obiit, & is in Galliâ apud Regem fuit; deinceps postea, ut Regis stipendiarius, ibidem moram traxit. Demum decedentem Rex propriâ manu eum Militem fecit; & quodam Chirographo sigillo suo sigillato se & suos succedentes honoravit. Sic incipit: *Charles par le grace de Dieu Roy de France a tous gens d'Escoce salut, &c.* Tenor ejus est breviter; ut ipse Alexander ob sua & paterna merita, tum sui succedentes in perpetuum, ferrent supra fessam suam scacatam inscutum argenteum cum Leone rubro à baculo nodato aureo oppresso, aut hoc inscutum tantum pro eorum scuto armorum. Et gessit hic Alexander utraque insignia conjuncta, cum hac subscriptione.

*Singula cum valeant; sunt meliora simul.*

X. Johannes filius Alexandri, Scotus natus, in Angliam venit eo tempore, quo Jacobus hæres Scotiæ in Franciam tendens apud Flamboroughe ventis urgentibus applicuit. Et moram cum Scotico principe in aulâ Regis trahens, in amorem cujusdam ancillæ Reginæ nomine Mariæ Talmache incidit; cui post nupsit. Et in fidem Regis Henrici IV. Angliæ est juratus. Ob hoc Heraldus eum nuncupaverunt Scotanglum. Demum quodam Milite ab Henoâ in Angliam veniente, paraturo militaria facinora, apud Smitfeld London hæstidia constituuntur, in quibus in quodam cursu adversus \* Divum Cate- \* f. Dominum. leium ita conquatebatur Johannis spina, quòd brevi post expiravit; & inhumatur apud Fratres Carmelitas Londoniæ. Habuit duos filios, quorum uterque appellabatur Johannes. Junior postea erat Vicecomes London. unam filiam Candoram.

XI. Johannes major filius Johannis Stuard Militis, die quo coronabatur Regina



Regina Katherina Henrici V. conjux, Miles creatur, & Dapifer Regineus eo erat die. Postea cùm adoleverat, Capitaneus de Rifebanc factus erat; & tandem apud Ponthoife à Gallis cum filio suo Thomâ capitur. Multa amborum statuitur, viz. viginti quatuor millia salutorum. In cujus Castri capione vulneratus & claudus factus est. Duxit filiam Thomæ Kiriell Militis. Constitutus erat custos Elionoræ Cobham Ducissæ Glocestriæ proditoris accusatæ.

XII. Thomas Steward filius Johannis Steward, egregius & peritus erat navita sive pilota. Habuit filium Richardum ex primâ conjuge per filiam Johannis Hamerton Militis, & Galfridum ex secundâ conjuge.

XIII. Richardus filius Thomæ Stuard duxit filiam & hæredem Johannis Burley. Habuit filios Nicholaum & Thomam. Obiit vivente patre Thomâ.

XIV. Nicholaus Steward filius Richardi, ex Hospitio Medii Templi London. Jurisperitus. Habuit filios Richardum, Robertum Dominum nostrum Priorem, Simeonem, Nicholaum, & alios.

XV. Simeon Steward filius Nicholai, ex Johannâ filiâ & hærede Edwardi Besteney de Soham in Comitatu Cantabrigiæ genuit Robertum, Edwardum, Marcum, Johannem, Thomam, Augustinum, Simeonem, Nicholaum, Aliciam, Margaretam, Aliciam juniorem, & quatuor liberos plures in cunis occumbentes. Inhumatur hic Simeon apud Lakingheth in Comitatu Suffolchiæ.

Hic depinguntur antiqua Insignia Familiæ Seneschallorum; viz. in scuto argenteo fessa scacata cum azureo & argenteo: necnon augmentata à Carolo VI. Francorum, viz. inscutum cum Leone rubeo, ac inscutum simpliciter.

Francorum Carolus sic vult hæc Stemmata ferri.  
Singula cùm valeant, sunt meliora simul.

RICAR.

# HISTORIA

DE

Episcopis DUNELMENSIBUS.

A primâ Sedis Fundatione ad annum MXCVI.

Monachi anonymi Dunelmensis Historia de Episcopis  
DUNELMENSIBUS ab anno MXCVI. ad annum  
MCXLIV.

GAUFRIDI Sacristæ de Coldingham Continuatio Hi-  
storix Dunelmensis ab anno MCXLIV. ad annum  
MCCXIV.

ROBERTI DE GRAYSTANES Episcopi Dunelmensis  
Continuatio Historix Dunelmensis ab anno MCCXIV.  
ad annum MCCCXXXVI.

WILLELMI DE CHAMBRE Continuatio Historix Du-  
nelmensis ab anno MCCCXXXIII. ad annum MDLIX.

ACCEDUNT

Historia de Episcopis HAGUSTALDENSIBUS.

Successio Priorum Dunelmensis Ecclesiæ.



110111

110111

110111

110111

110111

110111

110111

110111

110111

## HISTORIA

D E

## Successione Episcoporum Dunelmensium

A primâ Sedis fundatione ad annum M XC VI.

S. A I D A N U S.

**R**EGE Northamhunbrorum piissimo Edwino, cujus auspiciis fides Aquilonaribus Angliæ regionibus primum est illata, interfecto 633. 12. Octobr. & Paulino Archiepiscopo ab urbe & provinciâ Eboracensi fugato, Aquilonaris Anglia pastore biennio caruit. Anno autem 635. Oswaldus, devicto prius Cadwallâ & recepto Northanimbriæ regno, legatione ad Scotos, inter quos olim exulans Christianâ religione imbutus fuerat, missâ, Episcopum sibi suæque genti destinari petiit. Missus à Scotis Episcopis vir austerioris animi, nominis ignoti; qui cum apud Anglos, ob linguæ forsan ignorantiam, parum proficeret, neque pro dignitate exciperetur; Scotiam reversus, ad Episcopos in Synodo coactos retulit esse Anglos indomitæ ac barbaræ mentis, doctrinæ Christianæ parum capaces. Concilio intererat Aidanus, Presbyter sanctissimus, Monachicâ disciplinâ in insulâ Hii institutus; qui ad sacerdotem (neque enim constat, an Episcopus fuerit) è Northumbriâ reversum conversus, æquiora de vicinâ gente speranda esse dixit, quod si fides parum incrementi ipsò apud Anglos prædicante suscepit, id nimis prædicantis austeritati, non populi audientis incredulitati acceptum referri debere contendens; mittendum esse virum mollioris ingenii, qui indomitæ gentis animos lenitate & simplicitate prudenti captaret. Placuit res conventui, communique consilio ista Aidano provincia est demandata. Aidanus, gradu Episcopali suscepto, provinciam adiit, & felicitàte summâ administravit, favente numine, & cooperante Rege sanctissimo Oswaldo, qui sermones Aidani linguam Anglorum nondum perfectè callentis linguâ vulgari populo circumstanti reddidit. Northanimbriam Aidanus anno 635. intravit; & in insulâ Lindisfarnensi sedem, quam petiit, ab Oswaldo accepit. Insula ea perquam exigua est in Aquilonari Angliæ littore, ab Insulâ majori æstuantis solummodo maris fluctibus divisa; quæ incolarum sanctitate exinde insignita *Insula Sacra*, Anglicè *Halieland*, dici cœpit. Quod vir antiquitatum nostrarum scientissimus Willelmus Lambardus tradit, Sedem Lindisfarnensem olim Mairnolensem nuncupatam esse; id me alibi legisse non memini. Quantumvis autem arcta fuerit Sedes, Diocesis erat latissima. Toti siquidem Northumbrorum regno Episcopi Lindisfarnenses præfuerunt, juxta disciplinam apud antiquos Anglos usque ad Theodori Archiepiscopi tempora receptam, qua singulis regnis singuli Episcopi præfederunt. Paulino itaque in ditione successerunt, neutiquam tamen in dignitate. Paulinus enim Pallio utebatur, & Metropolitani titulum, quamvis nondum sibi constitutis Suffraganeis, obtinuit. Aidanus autem, ejusque ad Wilfridum usque successores, è Scotiâ prodeuntes, Metropolitanam

[ TIT 2 ]

digni-

Beda, l. i. c. 20.  
l. 2. c. 1. 2-5.Turgotus, l. i.  
c. 2.Collect. vif.  
p. 45.



dignitatem nec noverunt quidem nec affectârunt ; cumque Romano Pontifice, qui istam Paulino dignitatem contulerat, nil commune habuerunt. Præterquam enim quod nullos exteræ gentis Episcopos sibi superiores agnoverint, diem Paschalem ritu adhuc alieno, à quartadecimâ sc. Lunâ calculum ducen-  
 tes, celebrârunt. Colmannum quidem Eboracæ civitatis Metropolitanum  
 De Vitâ Wilfridi, cap. 10. Episcopum Heddius appellat : quod non ita intelligendum est, ac si titulum istum Colmannus usurpaverit, sed quod Wilfrido aliisque Metropolitanis postea dictis in hac sede præverit. Utcunque autem Aidanus aliam à Romanâ in reliquis ferè Anglo-saxonum provinciis usurpatâ disciplinam coluerit ; sum-  
 Beda, l. 3. c. 25. mâ tamen veneratione ab Honorio Archiepiscopo Cant. ejusque Suffraganeis semper est habitus ; adeò ut de Paschatis observatione litem ipso vivente movere noluerint. Obiit Præsul sanctissimus, postquam Aquilonari Angliæ an-  
 1. 3. c. 19. nis 17. præfuisset, anno 651. 31. Augusti, mœrore confectus ob necem optimi Regis Oswini, qui suorum insidiis die 20. ejusdem mensis sublatu fuerat. Aidanus in Ecclesiâ suâ Lindisfarnensi est sepultus ; cujus reliquiarum partem  
 Id. l. 3. c. 26. Colmannus in Scotiam anno 664. recedens secum abstulit. Quod Glastoniæ demum conditus fuerit, inane est Monachorum Glastoniensium commentum.

## FINANUS.

Beda, l. 3. c. 25. Turgot. l. 1. c. 4. **A**Idano è vitâ sublato subrogatus est à Scotis Episcopis Finanus, ejusdem Cœnobii Hiiensis Monachus ; qui in insulâ Lindisfarnensi Ecclesiam Episcopali sede congruam (Beda verbis utor) de robore secto totam composuit more Scotorum & arundine texit. Eam postea Theodorus Archiepiscopus Cant. in honore B. Petri dedicavit ; & Eadbertus Episcopus ante sæculi exitum ablatâ arundine plumbeis laminis rectum simul ac parietes cooperuit. Erat Finanus moribus sanctissimis præditus, & in fide inter Saxones promovendâ longè diligentissimus ; adeò ut plus omnibus sui temporis Anglorum  
 Beda, l. 3. c. 21, 22. Episcopis eâ in re profecerit, conversis ad fidem Peadâ Merciorum & Sigiberto Saxonum Orientalium Regibus, ordinatisque Diumâ & Ceddi Episcopis, qui Regum istorum patrocinio adjuti populos illis subjectos sacris Christianis imbuerent. Disciplinam autem à Scotis receptam, & inprimis Paschatis observandi morem mordicus tuebatur ; quamvis à Romano quodam, gentili suo, sed in Italiæ & Galliæ partibus instituto, acriter eo nomine sæpius impeteretur. Nondum tamen res in schisma erupit. Obiit Finanus anno Christi 661. Episcopatus sui decimo. Diem obitus exhibuit Martyrologium Ecclesiæ Cant. hisce verbis. XIII. Cal. Martii, in Scotiâ S. Finani Presbyteri & Confessoris, magna virtutis viri. Istum à nostro non alium putarem, quamvis Capgravius Finanum Episcopum die 10. Septembr. obiisse scribat.  
 Legend. Nov. f. 148.

## COLMANUS.

Beda, l. 3. c. 25. **S**Uccessit Colmanus, à Scotis Episcopis ipse Scotus ordinatus ; qui Northanimbriciæ triennio præfuit. Eo præfidente controversia de Paschali observatione & Clericali tonsurâ in immensum exarsit, neque amplius dissimulari potuit. Coactâ itaque ab Oswio Rege Episcoporum & virorum doctorum utriusque partis Synodo apud Monasterium Streneschalcense in-  
 eunte anno 664. magnum & solenne certamen committitur. Scotorum partes Colmanus, Romanorum Wilfridus Presbyter asseruit. Iste B. Petri & Romanæ Sedis auctoritatem, ille S. Johannis Apostoli & antiquam patrum traditionem prætexuit. Auditis utrinque argumentis Oswius Rex in  
 Wilfridi

Wilfridi partes concessit; atque ipsi etiam Episcopi Anglici, qui à Scotis Episcopale munus acceperant. Hujus rei indignatione motus Colmanus, Id. l. 3. c. 16. abdicato Episcopatu, assumptisque secum suis quotquot Romanæ disciplinæ accedere noluerunt, in Scotiam statim recessit. De Episcopatu apud Inisbosindam postea gesto, & obitu qui anno 676. contigisse dicitur, consulendus est RR. Usserius in Antiqu. Britann. p. 499.

T U D A.

**P**ontificatum Northanimbriæ à Colmano derelictum suscepit Tuda, olim Beda, l. 3. c. 16. inter Australes Scotos seu Pictos institutus & Episcopus ordinatus; qui Romanam tonsuram & calculum Paschalem more gentis suæ sectatus erat. Picti enim ad fidem conversi fuerant operâ Niniani Episcopi, qui disciplinam Ecclesiasticam Romæ didicerat. Id. l. 3. c. 4. Brevi admodum tempore Tuda Sedi Lindisfarnensi præfuit, peste eodem anno abreptus, & in Monasterio Pegna- Id. l. 3. c. 16. leth dicto honorificè sepultus; idque ante medium (ut videtur) annum 664. exactum. Ceddæ enim illi successorem designatum esse constat ante diem 14. Julii, quo Deus dedit Archiepiscopus decessit. Post Tudæ obitum Sedes Lindisfarnensis per annos 14. Episcopo proprio caruit. Northanimbria quidem Episcopis eo tempore neutiquam est viduata. Præsedit enim ab anno 664. ad 669. Ceadda, à 669. ad 678. Wilfridus, & toti quidem Provinciæ; in Deirorum autem regione moram præcipuè facientes, ab Eboraco urbe titulum ducere maluerunt. In Lindisfarnâ interim vitam egerunt plures utriusque gentis Monachi, viri sanctissimi; quibus Colmanus Northanimbriâ excedens Eatam dari Abbatem ab Oswio Rege impetraverat. Iste unus ex duodecim pueris fuerat, quos Aidanus primo Episcopatus sui tempore ex Anglorum gente familiari disciplinâ erudiendos acceperat; & ante Aidani obitum Cænobium Mailrosense rexerat. A Mailrosensi Abbatia ad Lindisfarnensem Turgot. l. I. c. 6. translatus, anno 664. S. Cuthbertum secum transtulit, & Lindisfarnensibus Priorem constituit. Anno demum 678. Theodorus Archiepiscopus Cant. qui Wilfridum de pluribus Episcopis in amplissimâ Northanimbrorum provinciâ constituendis sæpius incassum interpellaverat, assentiente Ecgfrido Rege tres Episcopos auctoritate propriâ ordinavit, Bosam sc. Eboraci, Eatam Hagustaldi, & Eadhedum in provinciâ Lindisfarnensi, quæ ad Northanimbros eo tempore jure belli spectabat; relictâ Wilfrido Lindisfarnâ, antiquâ Episcoporum Northanimbriæ sede. Beda, l. 4. c. 12. Re auditâ Wilfridus injuriam sibi Heddius, cap. 23. factam clamat, Regem adit; dissimulante Rege Papam appellat, & Romam se confert. Illum itaque Episcopis Lindisfarnensibus annumerandum non esse censui; quæ divisioni à Theodoro factæ minimè consenserit, & potestatem suam infra tam angustos limites coerceri noluerit. Quamobrem in nullo Episcoporum Dunelmensium catalogo locum habet.



## Episcopi Lindisfarnenses.

## Episcopi Hagustaldenses.

E A T A.

E A T A

Turgot. l. 1.  
c. 9.

**C**UM Lindisfarnensi Ecclesiæ Eatam 14. annis Abbatis loco præfuisse, eidem annis 7. auctoritate Episcopali præfuit, ab anno sc. 678. quo consecrari meruit, ad 685. ineuntem, quo Cuthbertum successorem accepit.

## S. CUTHBERTUS.

Turgot. l. 1.  
c. 3.

Beda l. 4. c. 27.

L. 4. c. 28.

**A**D Hagustaldensem sedem, & cum ista magis placeret, ad Lindisfarnensem electus est Cuthbertus, vir ob egregiam sanctitatem omni veneratione dignus; quamvis ineptissimis fabulis & portentis nonnulli sequioris ævi Historici memoriam ejus contaminaverint. Natus is in septentrionali Anglia, ex humili genere (nam pastoritiam vitam adolescens duxit) originem traxit. Nugatur Capgravius, qui regio sanguine in Hiberniâ natus, patre Muriardacho, matre Sabinâ refert. Vix ex ephebis egressus, Monasterium Mailrosense anno 651. intravit; seque Eatæ Abbatis & Boisili Prioris disciplinæ subdidit. Anno 664. Eatam ad Lindisfarnensem Abbatiam secutus, ejusdem Cœnobii Prioratum accepit, & annis 12. administravit: regionibus interim circumvicinis fidem Christianam maximâ fidelitate prædicans, veræ pietatis tam verbo quàm exemplo aliis magister factus. Anno 676. relicto Lindisfarnensi Cœnobio, Farnen insulam (rupes ea horrida est haud procul sita) se contulit; ubi precibus & rerum divinarum contemplationi novennio ferè solus vacavit. Anno 684. tempore autumnali habitâ ad Twisfordam Synodo, decretum est ab Ecgfrido Rege, Theodoro Archiepiscopo & pluribus qui intererant Episcopis; ut deposito Trumberto Sedes Hagustaldensis Cuthberto regenda committeretur. Multis hac de re legatis simul ac literis Eremita sanctissimus interpellatus, à solitariâ vitâ trahi non potuit; donec Ecgfridus Rex & Trumwine Pictorum Episcopus, insulam Farnen adnavigantes,

**E**Ata, Abbas Lindisfarnensis, primus ad Episcopatum Hagustaldensem ordinatus est apud Eboracum à Theodoro Archiepiscopo anno 678. Wilfrido autem cui Lindisfarnensis Episcopatus relictus fuerat, è totâ Northanimbrorum provinciâ statim exeunte, Eatam in Monasterio suo Lindisfarnensi commoratus, utrumque Episcopatum triennio administravit. Beda l. 4. c. 12. Turgot. l. 1. c. 9. Heddius c. 23.

## T R U M B E R T.

**T**heodoro Archipræsuli statutum erat plures Sedes Episcopales procrecente fidelium multitudine constituere. Eatam itaque duplici Episcopatu diu frui non concessit: isto autem in Ecclesia suâ Lindisfarnensi vitam ducente, alium Ecclesiæ Hagustaldensi Antistitem dare decrevit, Trumbertum sc. alibi Tunbertum dictum, quem anno 681. consecravit. Depositus est Tunbertus ab eodem Archiepiscopo in Synodo Twisfordensi sub exitum anni 684. Causa depositionis latet. Successor illi designatus est S. Cuthbertus; cui cum Sedes Lindisfarnensis magis placeret, Eatam Lindisfarnensem in ejus gratiam abdicavit, & Hagustaldensem accepit. Beda l. 4. c. 28.

E A T A.

**E**Ata receptum Episcopatum Hagustaldensem brevi admodum tempore administravit. Ecgfrido enim Rege anno 685. 20. Maii interfecto successit Alfridus frater; atque hujus regni anno primo Eatam mortem obiit. Beda l. 4. c. 26. l. 5. c. 2.

## S. J O H A N N E S.

**E**Atam excepit S. Johannes, Beverlacenensis postea à loco sepulture dictus, vir eruditionis non infimæ & san-

## Episcopi Hagustaldenses. Episcopi Lindisfarnenses.

& sanctitatis eximiæ ; cujus miracula, dum apud Hagustaldum adhuc ageret, patrata Beda ubertim narrat, *l. 5. c. 2, 3, 4, 5, 6.* Sedi Hagustaldensi unico anno præfuit, ad Eboracum post Bosæ obitum translatus anno Alfridi Regis secundo, sc. ante medium annum 687.

## WILFRIDUS.

**J**ohanne ad Eboracum translato, Alfridus Rex Wilfrido Ecclesiam suam Hagustaldensem restituit ; eademque post breve temporis interval- lum sedem Eboracensem amoto Jo- hanne reddidit. Id quidem Heddius *cap. 42.* prodit ; quamvis de Eboracen- si sede Wilfrido restitutâ Beda atque alii taceant. Utcunque autem, id cer- tò constat Wilfridum Ecclesiæ Hagus- taldensi usque ad expulsionem secun- dam, quæ anno 692. contigit, præfuisse. Dein utriusque sedis, Eboracen- sis scilicet & Hagustaldensis, curam Johannes 13. annis gessit. Anno de- mum 705. exeunte Wilfridus in Syno- do Niddensi denuo restitutus Episcopa- tum Hagustaldensem recepit, & annis 5. solum rexit. Eboracensem enim Johannes adhuc tenuit. Maxima Ec- clesiæ Hagustaldensi beneficia Wilfri- dus contulit ; adeò ut primus ejus fundator meritò sit habendus. Ecclesi- am enim amplam & speciosam, B. An- dreæ sacram, ibidem ex lapidibus po- litis anno circiter 674. construxit ; & invisâ hactenus Cisalpinis gentibus ar- chitecturâ usus, columnis, porticibus & anfractibus viarum aliquando sur- sum aliquando deorsum per cochleas circumductis (Heddi verba sunt) distinxit. Amplam hujus Ecclesiæ des- criptionem exhibet Ricardus Hagu- staldensis *lib. 1. c. 3.* qui tres alias mi- nores Ecclesias à Wilfrido apud Ha- gustaldum fundatas esse refert. Cœ- nobium itidem virorum religiosorum in Ecclesia majori posuit ; quibus ipse Abbatis vice præfuit ; & post restituti- onem extremam reliquum ferè vitæ in- ter eosdem exegit. Obiit 709. 12. Octobr. in Cœnobio suo Ripensi sepul-

animum ejus expugnarent. Quum au- tem Lindisfarnen, olim sibi familiarem, quàm Hagustaldum mallet ; locum illi cessit Eata Lindisfarnensis Episcopus, & Hagustaldum transiit. Anno se- quenti die 26 Martii, quæ Paschalis erat, consecratus est apud Eboracum à Theodoro Archiepiscopo, assistenti- bus sibi septem Episcopis. Annis duo- bus in Episcopatu exactis, mortem im- minentem præsentens, Farnen insu- lam repetiit ; ubi post duos menses in- graveſcente morbo sanctissimam ani- mam cœlo reddidit 687. 20 Martii, feriâ 4. Mitto miracula ab ipso vivente & post mortem patrata ; quæ Beda & sequiores scriptores uberrimè coacervâ- runt. Id præ omnibus certò constat, corpus ejus multis post sepulturam sæ- culis incorruptum permanſisse. Epif- copatum vacantem wilfridus Hagustal- densis Episcopus integro anno admini- stravit.

## EADBERTUS.

**C**uthberto subrogatus est Eadber- tus ; *Vir, teste Bedâ, scientiâ Scripturarum divinarum, simul & præ- ceptorum cœlestium observantiâ, ac maxi- me eleemosynarum operatione insignis.* Anno 698. mense Martio S. Cuthberti corpus ex Farne insulâ Lindisfarnam tranſtulit ; & die 6 Mart. ejusdem anni vitam finivit, sub feretro S. Cuth- berti tumulatus ; postquam annos 10. præsedisset.

## EADFRIDUS.

**S**ucceſſit Eadfrith, alibi Egfrith, & Eadferht dictus, anno 698. Hic Bedæ author erat, ut S. Cutberti Vitam tam prosâ quàm carmine conscriberet, & oratorium Sancti viri in insulâ Far- ne vetustate collapsum à fundamentis restauravit. Scripsit is manu propriâ in usum Cuthberti, dum in cœnobio Lin- disfarnensi sub ipso patre adhuc viven- te militaret, pulcherrimum Evange- liorum Latinorum Codicem ; quem Ethelwoldus successor auro gemmis- que

Turgot. 1. 1. c. 10.

Beda 1. 4. c. 29.

Ibid.

Id. 1. 4. c. 30.

Turg. 1. 1. c. 11.

Florent.

Turg. 1. 1. c. 11.

Id. 1. 2. c. 12.



## Episcopi Lindisfarnenses.

## Episcopi Hagustaldenses.

que ornavit; Bilfridus anachorita depinxit, & Aldredus Presbyter versione Saxonica interlineari auxit. Extat hodiernum idem ipse Codex in Bibliothecâ Cottoniana asservatus. Obiit Eadfridus anno 721. Episcopatus sui 24.

Flor. Wigorn.

## E T H E L W O L D U S.

**E**thelwoldus, Mailrosensis prius Monasterii Abbas, ante Abbatiam autem susceptam S. Cuthberti discipulus & minister, Lindisfarnensem Episcopatum post Eadfridum accepit, & sedecim annis tenuit; nullâ re memorabili gestâ insignis, nisi quod Crucem lapideam fabricari fecerit, quæ multis post sæculis maximam religionis famam apud aquilonares Anglos obtinuit. Episcopatum anno 724. adiisse videtur. Turgotus enim annum Christi 729. cum Episcopatus sui quinto & iterum 735. cum undecimo anno componit: ut vacatio ferè triennialis præcessisse censenda sit. Ethelwoldo præidente Ceolwlfus, rex Northanimbriorum piissimus, abdicato regno vitam Monasticam in Cœnobio Lindisfarnensi amplexus est anno 738. villasque plures & redditus amplissimos Ecclesiæ secum detulit. Ethelwoldus anno 740. defunctus est, autore anonymo Bedæ Epitomes continuatore, cui Mailrosensis suffragatur; quamvis Florentius annum 739. posuerit.

Beda l. 5. c. 13.  
Turg. l. 1. c. 12

Lib. 1. c. 13.  
L. 1. c. 14.

Id. l. 2. c. 1.

## C Y N E W L F U S.

**E**thelwoldo successit Cynewlf, alius Kenulf dictus, anno 740. in diuturno Episcopatu maximas ærumnas passus. Anno enim 750. Offâ quodam de regio genere ad S. Cuthberti corpus confugiente, & ab inimicis persequentibus abstracto & interfecto, Eadbertus Rex id Episcopo connivente factum esse suspicatus, ipsum in arce Bebbanburch (hodie Bamburgh) captivum teneri præcepit, commissâ interim Friothuberto Hagustaldensi Episcopo parochiæ Lindisfarnensis curâ,

Annal. Mailr.

tus. Moriens Cœnobii sui Hagustaldensis præfecturam Accæ Presbytero charissimo delegavit. Beda l. 5. c. 3. 20. Heddius cap. 21. 42. 61. Ricardus Hagust. l. 1.

## A C C A.

**W**ilfrido successit Acca ipsius discipulus, & unicus laborum socius: Bosæ Eboracensis Episcopi antea discipulus, atque ipso defuncto in Wilfridi famulitium ascitus. Vir (teste Bedâ) in S. Scripturis doctissimus, in Ecclesiasticâ institutionis regulis solertissimus, præcipuè autem cantûs ecclesiastici more Romano obeundi peritissimus. Ecclesiæ suæ ædificium multifario decore & præclaris operibus ampliavit. Acquisitis undique Apostolorum & Martyrum reliquiis, plura altaria in venerationem illorum posuit, distinctis in hoc ipsum intra muros Ecclesiæ porticibus. Sed & historias passionum eorum, unâ cum cæteris Ecclesiasticis voluminibus, summâ industriâ congregans, amplissimam ibi bibliothecam fecit. Nec non & vasa sancta & luminaria aliaque huiusmodi, quæ ad ornatum divinæ domûs pertinent, studiosissimè paravit. Hæc Beda l. 5. c. 21. Donaria ejusdem Ecclesiæ suæ collata Heddius celebrat de Vita Wilfridi cap. 21. ipsum Ecclesiæ parietes auro & argento decorasse, & altaria purpurâ & serico induisse narrans. Lubens hæc commemoro; ut priscam gentis nostræ devotionem & in sacris magnificentiam Lectores intueantur; neve ornamenta Ecclesiarum pretiosa à primævæ (inter nos) fidei simplicitate aliena habeantur. Præfuit Acca sedî Hagustaldensi annis circiter 24. Bedæ amicitia conjunctissimus, & ejusdem ἐργασίας assiduus. Anno demum 733 si Florentium, 732. si Ricardum Hagustaldensem audis, à Sede suâ depulsi exulavit. Ratio fugæ incomperta est. Inanis est siquidem, quam Ricardus protulit, illum secessisse sc. ut Episcopalem Sedem in Candidâ Casâ fundaret. Fundata enim (seu potius

## Episcopi Hagustaldenses. Episcopis Lindisfarnenses.

potius restaurata) fuerat, antequam Beda Historiam suam absolverit, viz. ante annum 731. & eidem Pecthelmus Episcopus adhuc præsuit. Obiit Acca 740. 20. Novembr. juxta secretarium Ecclesiæ suæ Hagustaldensis sepultus. *Ric. Hagustad. l. 1. c. 14.*

## FRIOTHUBERTUS.

**A**ccæ recedenti substitutus est Friothubertus aliis Fruidbert, & Fredebert & Frithebert appellatus. Consecratus tamen non est ante annum 735. Quo primùm anno Ecgbertus Archiepiscopus Ebor. consecrator ejus Pallium accepit, auctore vetusto Epitomes Bedæ Continuatore. Ricardus Hagustaldensis & Matthæus Westm. illum 734. 8. Sept. consecratum produnt. Dies autem ista Dominica non erat. Consecratum fuisse 735. 11. Sept. opinor. Sedit annis 34. ex omnium sententiâ, calculo sc. ab Accæ secessione ducto. Obiit 766. 23. Decembr. *Ricardus Hag. l. 1. c. 16. Annales Petriburg. Sax.*

## ALHMUNDUS.

**A**lhmundus, seu Alcmundus, consecratus est 767. 24. April. juxta Ricardum Hagustald. & Hovedenum; quamvis dies anno non conveniat, & 26 Aprilis fuisse censendus sit; nisi potius Alcmundus anno 767. electus & 768. 24. April. consecratus fuerit. Obiit 781. 7. Sept. ex fide Ricardi, Hovedeni, & Mailrosensis, 780. 7. Sept. juxta Annales Petriburg. Sax. 779. 7. Sept. auctore Florentio. Ricardi calculus justior videtur.

## TILBERTUS.

**T**ilbertus, quem Hovedenus & Textus Roffensis Gilbertum, alii Tilherum nominant, consecratus est apud Wlfselle 781. 2. Octobr. testibus Ricardo & Hovedeno. De die omnes conveniunt; quamvis Annales Petriburg. anno 780. Florentius 779. consecratum fuisse velint, nec tamen

donec relaxatis vinculis Kynewlfus ad suam Ecclesiam Rege veniam indulgente rediret. Anno demum 780. Episcopatus sui 41. Cynewlfus senio & labore confectus, suas in Ecclesiæ regimine vices Higbaldo delegavit; ut ipse curis levatus quieti & orationi deinceps vacaret. Triennio superfuit, anno 783. defunctus. Sic quidem Turgotus & Mailrosensis tradunt; quamvis Florentius & Annales Saxonicæ Petriburgenses secessionem ejus in annum 779. mortem ille in annum 781. iste in 782. referant.

## HIGBALDUS.

**C**oadjutorem potius quam successorem Higbaldum sibi ascivisse Cynewlfus videtur. Annos enim Pontificatus ab Higbaldo gesti Turgotus à Cynewlfi morte numerat. Consecratus est Higbaldus anno 780. apud Socca byrig, saltem anno sequenti, quem Turgotus alibi designavit; & Episcopatum à consecratione annis 22. à Cynewlfi morte annis 20. tenuit. Utrumque enim numerum Turgotus diversis locis exhibuit. Anno 793. Dani aquilonares Angliæ plagas ferro flammâque vastantes, Ecclesiam etiam Lindisfarnensem die 7 Junii deprædati sunt, plurimis Monachorum interfectis aliis submersis, dirutis altaribus, & abreptis thesauris. Ecclesiæ tamen adificium integrum adhuc stetit; & Clerici plurimi unâ cum Episcopo ad sacrum B. Cuthberti corpus multo post tempore permanerunt. Narrant quidem Chronologia Saxonica & Florentius Wigorniensis Ceolwlfum Episcopum Lindisfarnensem è Diocesi suâ anno 794 fugisse. Verùm Lindisfarnum hunc fuisse Episcopum satis constat; quæque Godwinus de sublato per Higbaldum B. Cuthberti corpore ex Malmsburiensi refert, ad secundam Danorum invasionem sunt referenda. Obiit Higbaldus 803. 25. Maii. Malè Annales Saxon Petriburg. obitum 803. 24. Junii contigisse narrant. Annum

Id. l. 2. c. 4.

L. 2. c. 4.

Annal. Petriburg. Sax. L. 2. c. 5.

Turg. l. 2. c. 9.

etiam



## Episcopi Lindisfarnenses.

etiam 802. Florentius, 804. Florilegus male designârunt.

## E C G B E R T.

Id. ibid.

Annal. Petrib.

**E**Cgbertus in Higbaldi locum electus, ab Eanbaldo Archiepiscopo Ebor. Eanberto Hagustaldensi & Baldulfo Witternensi Episcopis consecratus est apud Bigwell 803. 11. Junii. Sedit annis 18. Obiit itaque 821. quamvis Florentius 819. reponat.

## H E A T H U R E D U S.

Turg. l. 2. c. 5.

**E**Cgberto Heathuredus successit, & in Episcopatu novem annos transegit, anno 830. defunctus. Florentius tametsi annis regiminis ab 819. ductis, obitum illius in anno 828. reponat.

## E C G R E D U S.

Turgot. ibid.

**E**pis copatum Lindisfarnensem proximis accepit Ecgredu seu Egfridus, vir natus nobilis, & beneficiis Ecclesiæ suæ collatis insignis. Aedificatâ enim apud Norham Ecclesiâ, corpus Ceolwlf Regis illuc transtulit; ipsamque villam cum duabus aliis, sc. de Gedde worde & Geinforde, quas cum Ecclesiis suis ædificaverat, villas etiam Hecliffæ, Wilecliffæ, & Billinghamiæ, Ecclesiæ Lindisfarnensi contulit. Obiit anno 16. Episcopatus sui, anno Christi 845. Sic enim Wigorniensis & Westmonasteriensis produnt.

## E A N B E R T U S.

Turgot. ibid.  
Florentius.  
Mat. Westm.

**E**Anbertus, aliis Egbertus & Eadbertus, Ecgredu subrogatus, Sedi Lindisfarnensi annis 8 præfuit, anno 854 è vitâ sublatus. Hosce tres Episcopos inter Lindisfarnenses ab Hagustaldensibus distinctos eâ ratione retuli; quod quamvis nulli ipsorum tempore fuerint Episcopi Hagustaldenses, ipsi tamen ditione suâ contenti Hagustaldensem Diocesin non attigerint. Pri-

## Episcopi Hagustaldenses.

quavis annorum dictorum diem 2. Octobris Dominicum habuit; ut conjectura mea in Bregwino Archiepiscopo Cant. antea prolata non possim non favere, sc. Episcopos in veteri Saxonica Ecclesia nonnunquam extra Dominicum diem consecratos esse. Tilbertus Synodo Calcuthensi interfuit anno 787. & anno 789. obiit, in Ecclesia suâ sepultus.

## Æ T H E L B E R H T U S.

**Æ**Theberht seu Ethelbreth Witternensis Episcopus, relicta Candidâ Casâ, ad quam anno 778. consecratus fuerat, Hagustaldensem Episcopatum anno 789. accepit, & annis 8. rexit. Obiit apud Barton 797. 16. Octobr. in Ecclesiâ Hagustaldensi tumulatus.

## H E A R D R E D U S.

**H**Eardredus sive Headredus, apud Wudafordam consecratus est ab Eanbaldo Archiepiscopo & Higbaldo Episcopo 797. 30. Octobr. Obiit anno 800. His Ricardus & Annales Petriburg. Sax. fidem faciunt; quamvis anno 797. dies 30. Octobr. in feriam 2. inciderit. Rectius igitur Florilegus die 29. Octobr. consecratum scribit.

## E A N B E R H T U S.

**E**Anberhtus, seu Heanberht, sive Eadbert vel Osbert, consecratus est apud Ethingam anno 800. Obiit anno 814 prout Ricardus tradit l. 1. c. 18, 19. anno 806. juxta Annales Petriburg. Saxon. aliosque optimæ notæ Annales Saxonicos in Bibliothecâ Cottonianâ *Domitian A. 8.* quorum calculum confirmat (si quæ saltem fides Monachorum chartis sit habenda) Charta Cœnobio Winchelcumbensi à Kenulpho Rege anno 811. data; cui Tilferdus Episcopus subscripsisse deprehenditur, in Monastico tom. 1. p. 187.

T I D.

## Episcopi Hagustaldenses.

## Episcopi Lindisfarnenses.

TIDFERTHUS.

mus omnium Eardulfus post extinctos  
Hagustaldenses Episcopos Dioecesis  
utriusque curam gessit. Ricardus Hag.  
l. i. c. i.

**T**idferth, aliis Tilferd & Thiffrid-  
did dictus, Eanberto successit  
anno 806. & post aliquot annos pro-  
vinciâ excedens, in itinere versûs Romam defunctus est. Tempus Episcopa-  
tûs ejus latere Ricardus scribit; ab ultimâ tamen Sedis vacatione ad secun-  
dam Danorum invasionem anno 875. factam annos 54. intercessisse pluries  
dicit; adeò ut Tidferthi obitus anno 821. sit reponendus. Post mortem ejus  
Hagustaldensis Dioecesis cum Lindisfarnensi coaluit; qua de re plura apud  
Lindisfarnenses vide.

## EARDULPHUS.

**E**piscopatum Lindisfarnensem post Eanberti obitum Eardulphus anno 854. Turgot. l. 2.  
c. 5, 6, & c.  
adeptus est. Isto præfidente Anglia frequentibus Danorum invasionibus  
misere devastata est, Barbaris neque ætati nec sexui parcentibus, nullâque lo-  
corum religione motis. Hos Northumbriam advenientes Eardulphus timens,  
sublato secum S. Cuthberti corpore aliorumque sanctorum Præsulum reli-  
quiis, adjunctis etiam Clericis Ecclesiæ plurimis, qui in Episcoporum Lindis-  
farnensium comitatu morari solebant, è Lindisfarnâ anno 875. fugit; & locis  
subinde mutatis, Barbaros circumquaque discurrentes evitans, integro sep-  
tennio delituit; sacras reliquias Hiberniam transferre repellentibus procellis  
frustra conatus; donec anno 883. pace per Guthredum ad Northumbriæ reg-  
num recenter evectum donatâ in Cuncacestrâ villâ (hodie Chester dictâ) re-  
sideret. Camden Bri-  
tan. p. 604. Vicus is est exiguus super Vedram fluvium quinto circiter lapide à  
Dunelmo versûs Boream positus. In eo Sedes hujus Provinciæ Episcoporum  
(qui tamen Lindisfarnenses adhuc dicti sunt) ab Eardulpho anno 883. collo-  
cata, annis 113. continuis permanfit. Amplissimis terris & privilegiis Sedem  
Episcopalem hic loci constitutam Guthredus donâsse dicitur. Totam siquidem Turg. l. 2. c. 13  
terram inter Vedram & Tinam fluvios perpetuo jure possidenda largitus, om-  
nem inter Vedram & Tesam fluvios terram postea adjecit; jusque asyli & 37.  
dierum pacem omnibus ad S. Cuthberti corpus fugientibus indulxit; singula Rudburn  
Hist. maj.  
Winton.  
Hoveden. f.  
234.  
Turgot. l. 2. c.  
16.  
Ricardus l. 2.  
c. 1, & c.  
dona & privilegia Alfredo Angliæ Monarchâ confirmante. Obiit Eardulphus,  
postquam Lindisfarnensi Diocesi annis 46. præfuisse, anno 900. Iste Epif-  
copatus sui sede apud Cuncacestram positâ, in Hagustaldensi Diocesi Episco-  
palia officia primum exercere cœpit. Post Tidferthi enim recessione, pro  
vinciâ barbaricis invasionibus frequentibus attritâ, neglecta erat & Episcopali  
regimine annis 63. continuis caruit Dioecesis ista; quæ ab Eardulfo anno 883.  
administrari cœpta, in Lindisfarnensis Episcopi ditionem deinceps transiit, &  
annis circiter 230. permanfit. Anno autem 1113. Henricus Rex Ranulpho Hist. brev.  
Hagust. in  
calce Histo-  
riæ Dunelm.  
Dunelmenfi Episcopo infensus, villam & Ecclesiam Hagustaldensem ab Eccle-  
siâ Dunelmenfi abripuit & Thomæ Archiepiscopo Eboracensi contulit, unâ  
cum jurisdictione integri Cumbriæ Comitatus, qui ad Sedem Hagustaldensem  
olim pertinuit. Par tamen Dioecesis Hagustaldensis, ea sc. quæ intra Northum-  
briæ Comitatum sita erat, penes Dunelmensem remansit, & adhuc manet. Re-  
liqua partim Archiepiscopo Ebor. partim Episcopo Glasguensi ab anno 1113.  
ad 1135. subdita, Episcopatui Carlcolensi anno 1135. fundato assignata est. In  
ipsâ autem Ecclesiâ Hagustaldensi Thomas Archiepiscopus Canonicos Regula-  
res instituit, anno demum 1539. ab Henrico VIII. Rege deturbatos.



## CUTHCARDUS.

Turgot. 1. 2.  
c. 16, 17.  
Florentius &  
Westm.

**C**utheardus Eardulfo subrogatus Episcopatum annis 15. tenuit. Multas hic villas & redditus pecuniâ suâ comparatos Episcopali Sedi adjecit. Obiit anno 915.

## TILREDUS.

Turgot. 1. 2.  
c. 17, 18.

**S**uccessit Tilredus, quem Malmsburiensis & Westmonasteriensis Milredum seu Mildredum, Florentius manuscriptus Ailredum, appellant. Præfuit annis 13. mensibus 4. teste Turgoto, obiit 928. teste Florentio. Anno quidem 925. (922. malè legit vulgata Simeonis Historia) illum obiisse vult Turgotus. Annus autem 928. veritati atque ipsi etiam Turgoto magis est consentaneus. Turgotus enim Eardulfi obitum in anno 900. reposuit; & Cuthardo 15. Tilredo 13. annos Pontificatûs dedit.

## WIGREDUS.

Turgot. 1. 2.  
c. 18.

De gest. Reg.  
p. 154, 155.

**W**igredus, seu Withredus, sedit annis 17. Hujus tempore Ethelstanus, Rex cathedralem Ecclesiam 12. villis donavit; omnesque ejusdem libertates confirmavit. Obiit anno 941. juxta Simeonem Dunelmensem, qui annos Pontificatûs 17. ab anno 925. numeravit. Verius cum Florentio Wiggornienfi statuendus est anno 944. obiisse. Sic enim anni Episcopatûs singulis à Turgoto dati optimè constabunt.

## UHTREDUS.

Simeon loc.  
cit.

Hist. maj.  
Winton.

**U**htredus successit, de quo Turgotus nil præter nomen tradidit. Getredum Simeon Dunelmensis appellat. Illum prætermisit vulgatus Wilhelmi Malmsburiensis liber; codices tamen, quotquot vidi, manuscripti agnoscunt. Anno 944. Episcopatum iniisse, & eodem defunctum esse Florentius perhibet. Annis tribus sedisse Rudburnus ex antiquo Dunelmensis Ecclesiæ libro refert. Atque huic potissimum assentior.

## SEXHELM.

Turgot. 1. 2.  
c. 19.

Florentius.

**S**exhelmus Uhtredo subrogatur, vir avaritiæ impensè deditus; qui cum Clerum & plebem sibi subjectam exactionibus nummorum injustis opprimeret; à S. Cuthberto in somnis territus, & morbo gravissimo afflictus, post aliquot mensium moram, Cuncacestram relinquere & Eboracum se recipere coactus est. Sic quidem Monachi rem narrant; ut hinc conjiciendum sit Sexhelmum Monachis invisum fuisse, adeoque ex Edwii Regis partibus stetit; aquilonari autem Angliâ ab Edwio deficiente anno 957. & Edgari Monachis deditissimi imperio subjectâ, ab Edgario statim exauthoratum fuisse. Conjecturam confirmat successoris tempus initiale.

## ALDREDUS.

Turgot. 1. 2.  
c. 20.

Hist. maj.  
Winton.

**A**ldredi tempora non exprimunt Turgotus neque aliquis ex vulgatis Historicis. Id solum ex iisdem constat, ipsum Sexhelmo successisse, & anno 968. obiisse. Annum obitûs Florentius & Mailrosensis disertè exprimunt. Turgotus etiam Elfigum 22 annos post Aldredi obitum sedisse atque anno 990. decessisse refert. Aldredus autem annos 12. præfuisse dicitur à Thoma Rud.

Rudburno, qui antiquâ Dunelmensis Ecclesiæ Historiâ usus est : adeò ut si annos cavos numeres, Pontificatum anno 957. iniisse, amoto Sexhelmo, optimè censerì possit.

E L F S I G.

**E**lfigus, qui & Elfsinus & Alsius, consecratus est apud Eboracum ab Oskitello Archiepiscopo anno 968. Sedit annis 22. Obiit anno 990. Mildredum Florilegus in anno 990. appellat. Turgot. ibid.  
Florentius.  
Mailros.

A L D H U N U S.

**A**ldhunus seu Aldwinus, natus nobilis, successit anno 990. Iste anno 995. Piratarum invasionem fugiens, corpus S. Cuthberti Clericosq; ei adhærentes ad Ripon à Cuncacestrâ transtulit. Rebus post quatuor fere menses pacatis, reditum ad Cuncacestram instituit. In reditu Dunelmum transeunti loci situs (ut visionem divinam taceam) apprimè placuit. Inibi igitur sacrum corpus deposuit, & Sedem Episcopalem primus constituit. Locus tunc silvis & arvalibus distinctus, paucissimis tuguriis constabat. Aldhunus eradicatâ silvâ & constructis unicuique suorum prope Ecclesiam à se fundatam mansionibus urbem fecit. Ad hoc opus perficiendum universa populorum multitudo à fluvio Coqued usque Teisam confluit, & prompto animo insudavit. Ecclesiam majorem tertio operis incæpti anno absolutam Aldhunus dedicavit die 4. Septembr. Obiit Aldhunus sub exitum anni 1018. anno Præfultatûs sui 29. mœrore confectus ob cladem Anglis aquilonaribus apud Carrum ante paucos dies illatam. Turgot. l. 2. c. 20.  
Id. l. 3. c. 1.  
l. 3. c. 2.  
l. 3. c. 4.  
l. 3. c. 5.

E A D M U N D U S.

**T**ribus ferè annis post Aldhuni mortem Episcopatus Dunelmensis vacavit propter tumultus bellicos. Convenientibus demum ob Episcopi electionem Clericis, neque certi quicquam statuentibus, supervenit Eadmundus Presbyter natus nobilis; & Clericos jocose allocutus, Cur me, inquit, Episcopum non eligitis? Jocu illius Clerici non jocose accipientes, ipsum cordi suffragio elegerunt. Factum id anno 1020. Florentius, Mailrosensis & Westmonasteriensis produnt: ut isto anno Eadmundus electus, & sequenti consecratus fuisse videatur. Neque enim aliter triennalis vacatio haberi poterit. Consecratus est à Wolstano Archiepiscopo Ebor. apud Wintoniam; suscepto prius habitu Monastico, ut antecessoribus suis, qui è Monasterio omnes prodierant, propius accederet. Iste turrim Ecclesiæ Dunelmensis occidentalem, quam solam Aldhunus imperfectam reliquerat, ad summitatem perduxit & dedicavit. Plurimas Ecclesiæ suæ villas & privilegia à Canuto Rege impetravit; quæ Turgotus commemorat l. 3. c. 8. Præfuit annis 23. calculo ab Aldhuni morte ducto. Obiit in aulâ regiâ apud Glocestriam 1041. apud Dunelmum sepultus. Alium quidem calculum instituunt Florentius, Mailrosensis & Florilegus: sed Turgotus præ aliis fidem meretur. Turgot. l. 3. c. 6.  
Turgot. l. 3. c. 5.  
Id. l. 3. c. 9.

E A D R E D U S.

**E**adredus five Edredus, Presbyter sæcularis, successit. Huic Monachi Historici maxime succensent; quòd sedem Episcopalem, quam Præsules è Monachis delecti ab Aidani usque temporibus infederant, accipere ausus sit. Ab his Episcopatum ab Hardecanuto Rege abreptis Ecclesiæ thesauris emisse, &



& divinâ ultione eveſtigio inſequentē brevi poſt interiſſe dicitur. Obiit certē poſt decimum Præſulatus exacti menſem anno 1042.

## Æ G E L R I C U S.

Turgot. 1. 3.  
c. 6.

Ingulphus  
f. 5 ro.

Florentius.

Turgot. 1. 3.  
c. 9.

Annal. Petri-  
burg. Sax. Jo-  
hannes Abbas  
Burg. in Hiſt.  
Burg.

Ingulph. f. 10.

**E** Admundus Episcopus, poſt conſecrationem Wintoniæ acceptam, apud Burgum S. Petri in itinere verſus Dunelmum diverſatus, Egelricum loci ejuſdem Monachum, religione & doctrinâ ſibi commendatum, in familiam ſuam aſcivit, & ad obitum uſque unicum vitæ ſocium habuit. Iſte Godwini Comitis potentiâ Eadredo Episcopo Dunenmenſi ſubrogatus eſt anno 1042. Electum antea ad Eboracum fuiſſe, ſed Archiepiſcopatu injuſtè privatum, & Episcopatu Dunelmēſi brevi poſt tempore donatum eſſe, Annales Petriburgenſes Saxonici & Waverleienſes produnt. Putarem igitur Alfricum Ebor. Archiepiſcopum ſub initiis regni ſive Hardicanuti anno 1040. ſeu Edwardi 1042. Sede ſuâ deturbatum fuiſſe. Uterque enim regnum ineuns plurimos deceſſoribus ſuis conjunctiſſimos graviter mulctârunt: & Alfricus ſeſe rebus ſæcularibus tempore Haraldi & Hardecanuti Regum plus æquo immiſcens, maximam ſibi invidiam concitaverat. Plurimum etiam apud Edwardum Regem ſub initiis regni Livingus Wigornienſis Episcopus poterat; quem Alfricus ante biennium graviſſimi criminis accuſatum Episcopatu ſuo per Hardecanutum Regem amoveri fecerat: ut anno 1042. poſitiſſimum Alfricus exauthoratus & Egelricus ei ſubſtitutus videatur; quamvis Alfricus redemptâ Regis gratiâ Archiepiſcopatum brevifſimo poſt tempore repetierit, Egelrico Dunelmum tranſlato. Hunc tertio accepti Episcopatus anno Clerici de Eccleſia ſuâ expulerunt; Siwardus autem Northumbriæ Comes metu Clericis injecto reſtituit. Poſt aliquot annos dirutâ veteri Eccleſiâ Cuncaceſtrenſi, quæ de ligno conſtructa fuerat, novum ex lapide ædificavit. In ponendis fundamentis ingens inventus eſt theſaurus; ex quo Episcopus repente ditifſimus effectus, abdicato Episcopatu Dunelmēſi, ad Cœnobium Petriburgenſe rediit anno 1056. & Abbatîâ anno ſequenti ſuſceptâ, Cœnobium ædificiis & donis ampliſſimis ornare cœpit. Viam præſertim à Depingâ ad Spaldingam per altifſimas paludes ducentem aggere firmiſſimo ex calce & arenâ composito munivit, & pontibus quamplurimis inſtruxit: unde Elrich-rode agger iſte hodiernum nominatur. De ejuſdem poſt Normannorum adventum vinculis & obitu inſœlici conſule Hiſtoriam Abbatum Petriburgenſium.

## E G E L W I N U S.

Johannes in  
Hiſt. Burg.  
Turgot. 1. 3.  
c. 9.

Turgot. 1. 3.  
c. 15.  
Hoveden  
f. 258.

Turgot. ibid.

**E** Gelricus Episcopus à Dunelmo recedens anno 1056. Egelwinum fratrem ſuum & ejuſdem Cœnobii Petriburgenſis Monachum, favente Toſtio Northumbriæ Comite, ſibi in Episcopatu ſubſtitui curavit. Iſ totius Episcopatus curam in rebus ſæcularibus ſub fratre antea geſſerat; quando Eccleſiam Dunelmēſem pecuniâ malis artibus corrogatâ egregiè expiſiſſe dicitur. Poſt Normannorum adventum injurias aliis Angliſ Præſulibus communes perpeſſus eſt. Anno enim 1069. interfecto à Northumbris apud Dunelmum die 28. Januarii Roberto Cumin, quem Willelmus Rex Northumbriæ præfecerat, cum Normannis ſuis omnibus, Willelmus exercitu conſcripto in Northumbriam properavit; eamque ferro & flammis aded devaſtavit, ut in ſolitudinem redegerit: totaque regio Eboracum & Dunelmum interjacens, nuſquam inhabitatâ villâ, per 9. annos beſtiarum & latronum latibulis ſolummodo vacaret. Hujus iram Egelwinus Episcopus, quantumvis innoxius, declinandam ratus, aſſumptis ſecum Cleri & populi optimatibus, ſublatoque S. Cuthberti corpore, fugam iniit, & apud Lindiſarnam uſque ad Normannorum reſeſſum latuit, Dunelmum 1070. 20 Martii reverſus. Anno 1070. cum

cum Willelmus Anglos gravissimâ servitute premeret, & Præsules ejusdem gentis injustè exauthoraret; Egelwinus, vir generosi animi, id ferendum non putans, exulare decrevit. Consensâ igitur navi & asportatâ secum parte thesaurorum Ecclesiæ, Coloniam iter intendit. Ventis contrariis repulsus, apud Scotiam hiemavit. Vere proximo, Morcaro, Siwardo, Herewardo aliisque; Anglis Optimatibus ad vindicandam Patriæ libertatem arma resumentibus comitem se dedit. Navigio itaque ad Insulam Eliensem devecti, locum muniverunt. Willelmus autem confestim insecutus, insulam obsedit & expugnavit. Captus Agelwinus Abandoniam missus est à Rege custodiendus. Direpti Ecclesiæ suæ thesauri accusatus, factum abnegavit. Armillâ demum pretiosâ ex brachiis delabente proditus, jussu regio in carcerem detrusus est; ubi ex nimio dolore & inediâ seu spontaneâ, seu (quam alii volunt) coactâ obiit sub exitum anni 1071.

Hoveden

f. 259.

Mat. Westm.

Florentius.

Turgot. l. 3.

c. 17.

## WALCHERUS.

**E**gelwino, forsitan ante obitum, à Rege subrogatur Walcherus, vir natus nobilis, genere Lotharingus, Ecclesiæ Leodiensis Clericus, moribus honestis & doctrinâ insignis, quem Willelmus Rex in Angliam paulò ante invitaverat. Apud Wintoniam consecratus, Dunelmum anno 1072. mediâ Quadragesimâ advenit. Isto Præsulatum tenente, Episcopi Angliæ majores de antiquâ gentis consuetudine in Synodo Londinensi anno 1075. interrogati, responderunt, quod & Synodi decreto confirmatum est, septentrionalem Britannix partem à fluvio Hambre usque ad ultimos Scotiæ fines, & in hac Dunelmensem Ecclesiam, Eboracensis Ecclesiæ regimini subjacere debere. Eodem anno interfecto jussu Regis apud Wintoniam Waltheofo Comite Northumbriæ piissimo, Walcherus Episcopus Comitatum à Rege obtinuit. Honor iste sæcularis ipsi exitio erat. Lites enim forenses non pro justiciâ sed pro suis rationibus definiens, & Ministris suis durissimam plebis oppressionem permittens, popularium odia & furorem adeò in se concitavit, ut non nisi morte ipsius sedari possent. Funestam ipsius necem pluribus narrant Florentius, Malmsburiensis, Hovedenus, & Parisius. Nos rei exitum breviter perstringemus. Rerum suarum forensium præfecturam Walcherus Gilleberto cognato suo, Ecclesiasticarum Leobwino Capellano (Archidiaconum Turgotus vocat) sub semetipso gerendam commiserat. Uterque provinciales cædibus, rapinis, & injuriis afflixit, connivente quin & favente Episcopo. Aderat tamen Episcopo à consiliis Liulfus, vir nobilis Anglus, sapientiâ & pietate insignis, totique provinciæ charissimus; qui possessionibus suis à Northmannis spoliatus, Dunelmum secesserat, summamque Episcopi amicitiam nactus, Archidiaconi & Vicecomitis insolentiam sæpius compressit. Id Archidiaconus iniquè ferens, Vicecomiti author erat, ut Liulfum interficeret. Episcopus protestatione factâ se homicidio nequaquam consensisse testatur neque tamen in homicidas animadvertit, nec à consortio suo repulit. Hinc exacerbati Provinciales ultionem meditantur. Convenerat Episcopus, cum Leobwino, Gilleberto, aliisque è familiâ suâ plurimis, & Northumbrani Provinciales apud Gatesheved ad pacem sarcindam & utilitatem publicam procurandam. Orto tumultu, Episcopus cum suis in Ecclesiolam se recipit. Insequuntur Provinciales, obvios Episcopi famulos interimunt, Episcopum obsident, Gillebertum & Leobwinum sibi dedi petunt. Gillebertus ab Episcopo jussus foras prodit, innumeris statim vulneribus confossus. Renuente autem Leobwino, ipse Episcopus Ecclesiâ egreditur, & blandis verbis plebem furentem alloquitur. Alloquentem scelesti homines lanceis confodiunt; & igne Ecclesiæ injecto Leobwinum semiustulatum simili morte conficiunt. Factum

Turgot. l. 3.

c. 18.

Hoveden

f. 260.

Concil. tom.

10. p. 350.

Hoveden

f. 262.

Turgot l. 3.

c. 23.



Etum id 1080. 14. Maii, peractis in Episcopatu annis 9. & mensibus 2. Cædam nefandam Odo Baiocensis Episcopus à Rege missus gravissimè ultus est.

## WILLELMUS DE S. KARILEFO.

Turgot 1. 3.  
c. 1.  
Annal. Dunelm.

Malmsbur.  
f. 158.

Eadmer. Hist.  
Nov. f. 28, 29.

Turgot. 1. 3:  
c. 7.

Id. 1. 3. c. 10.

Annal. Dunelm.

Exactis post Walcheri cædem sex mensibus & decem diebus, Willelmus qui ex Monacho S. Karilefi Abbas S. Vincentii olim evaserat, ad Episcopatum Dunelmensem à Rege designatus est 1080. 9. Nov. à Thoma Ebor. Archiepiscopo apud Glocestriam consecratus 1081. 3. Januarii. Vir maximis animi dotibus præditus, ingenio, eruditione, eloquentiâ, subtilitate, & rerum agendarum solertiâ nulli secundus; unde & favorem regium facile meruit, primasque apud ipsum tenuit, summus Angliæ Justiciarius constitutus. His tamen tot tantisque dotibus deerat fides & integritas, adfuit effrænis ambitio, quæ hominem in præceps sæpius adegit. Maximis enim beneficiis à Rege Wilhelmo juniore cumulatus, adversus ipsum cum Odone Baiocensi Episcopo & aliis conjuravit. Idcirco anno 1089. (verba sunt Annalium Dunelmensium) *Rex Willelmus disseisivit willelmum Dunelm. Episcopum de suis & Ecclesiæ suæ terris* 4. Id. Martii, & homines suos & omnes res suas ubicunque potuit capi fecit, ipsum quoque Episcopum capi jussit. Sed evadens Episcopus Dunelmum venit. Tandem ab Angliâ expulsus est Episcopus; & à Roberto Duce Normannia honorificè susceptus, totius Normannia curam suscepit. Tertio anno pacificatus Regi, Episcopatum recepit, ipso Rege eum restituente, cum versùs Scotiam tenderet, 3. Id. Sept. Favorem dein regium pessimis artibus captans, maximus erat diffidii inter Regem & Anselmum Archiepiscopum autor & incentor. Regi enim fidem præstiterat se facturum, ut Anselmus aut Romano Pontifici obedientiam penitus abnegaret, aut Archiepiscopatu reddito baculo & annulo abrenunciaret. Cum verò neutrum præstare posset; suavisit, ut Anselmus vi opprimeretur, & si regiæ voluntati manus dare noller, ablato baculo de regno pelleretur: ratus, ut dicebatur, *Archiepiscopo discedente se Archiepiscopatus solio sublimandum esse*. Maxima tamen Sedi suæ beneficia vir magnanimus contulit, auctis fundis, assertis libertatibus, & fundatâ Ecclesiâ. Dirutâ enim post 98. annos vetustâ, quam Aldhunus Episcopus construxerat, Ecclesiâ, aliam longè magnificentiorem inchoavit, positus ejus fundamentis 1093. 11. Augusti juxta Turgotum, vel 1094. 12. Augusti juxta Annales Dunelmenses. Morte autem prærepto ei opus incipit abolvere non licuit, laude istâ Ranulpho successoris relictâ. Willelmus enim in curiâ Regiâ apud Windesforam gravi infirmitate correptus decubuit 1095. 25. Dec. regiam nuper iram expertus, & officii sui rationem postulatus. Morituro Episcopi astantes decreverunt; ut in ipsâ Dunelmensi Ecclesia tantus ejus benefactor sepulturam acciperet. Noluit autem Willelmus, in hoc saltem humilis, ut in ipsius gratiam violaretur Ecclesiæ suæ consuetudo summâ hætenus religione observata, quâ receptum est, ne quis eundem cum sacrosancto Cuthberti corpore locum sepulturæ, in Ecclesia sc. Dunelmensi, obtineret; quin potius in capitulari domo Dunelmensi sepeliri petiit; ubi & singuli ejus ad annum usque 1311. successores sepulti sunt. Obiit 1096. 2. Januarii, apud Dunelmum ex aquilonari domus capitularis parte die 16. Januarii sepultus; peractis in Episcopatu annis 15. mensibus 2. minùs 3. diebus, ex Turgoti calculo. Diem 1. Januarii ipsi obitualem Wigorniensis & Westmonasteriensis malè posuerunt.

Continuatio

Continuatio HISTORIÆ  
TURGOTI  
DE

Episcopis Dunelmensibus

Ab anno M X C VI. ad annum M C X L IV.

Authore Monacho Dunelmensi anonymo.

C A P. I. De RANULPHO Episcopo. <sup>a</sup>

**T**RIBUS dehinc annis Ecclesiâ vacante Pastore, trecentas annuatim libras Rex Willelmus in suum de Episcopatu transtulit ærarium. A Monachis verò nil accipiens, immo largus & beneficus, nil oppressionis & injuriæ illis à quoquam irrogari permisit. Evolutis de quarto anno ab obitu Episcopi quinque mensibus, Rex dedit Episcopatum Ranulpho; qui

<sup>a</sup> Ranulphus seu Randulphus, cognomine Flam bard sive Passelabere dictus, Historicis nostratibus maximè exosus, Episcopatum Dunelmensem in assidui atque invisi ministerii præmium à Willelmo II. Rege accepit. Decanum antea Ecclesiæ Collegiæ de Twinham Christo sacræ in agro Hantonensi existentem, eam egregiè restaurasse Camdenus, nescio qua fide, refert, p. 187. Postea regiæ clientelæ adhibitum, Justiciarium totius Angliæ Willelmo regnante fuisse abunde constat; quod quidem munus eo tempore longè dignius erat quàm seu Cancellarii seu Thesaurarii. Hinc Henricus Huntingdoniensis (l. 7. f. 212.) Odonem Episcopum Baiocensem, & Ranulphi in hoc munere prædecessorem vocat, *Justiciarium & Principem totius Angliæ*. Ranulphum simul opum regiarum procuratorem fuisse Ordericus & Parilius testantur. ita tamen ut utrumque munus simul gessisse videatur. Nominatus est à Rege anno 1099. in Festo Pentecostes apud Londinum, & ibidem à Thoma Eboracensi consecratus est Dominicâ S. Trinitatis, viz. die 5. Junii in Ecclesiâ S. Pauli: authoribus Florentio, Stobæo & Annalibus Dunelm. Addunt quidem Anna-

les, quòd consecratus fuerit sine ullâ exactione professionis, sicut & Willelmus prædecessor suus. Contrarium asserit, & Professionis factæ formulam exhibet Stobæus; cui magis accedo. Monachis enim pro Ecclesiæ suæ dignitate mentiri non infrequens erat. Post annum & duos menses sublato Willelmo Rege, clementia Ranulfo, unico Tyranni ministro, neutiquam erant exspectanda. Nil gratius Clero atque populo Henricus Rex primis regni auspiciis facere potuit, quàm ut istum in carcerem compingeret. Factum id anno 1100. 6. Id. Septembr. secundum Rogerum Hovedenum, vel. 18. Cal. Sept. secundum alios: inquit Historia Major Dunelmensis. Alium ab utroque calculum instituunt Annales Dunelmenses, qui captum & in Turri Londinensi incarcerationem 1100. 14. Sept. fugâ elapsum esse 1101. 4. Febr. referunt. Fugam Historia major Dunelm. in 1101. 1. Febr. Annales Margam. in 1101. 2. Febr. Anonymus noster in 1101. 3. Febr. conjiciunt. Modum fugæ Ordericus Vitalis narrat (Hist. Eccl. p. 787.) re paulò altius repeti tâ. *Hic de plebeiâ stirpe progressus, Willelmo Regi admodum adulatus est; & machinationibus callidis illi favens, super omnes regni Op-*

X x x x

propter



propter quandam apud Regem excellentiam singulariter nominabatur Capellanus Regis. Fuit autem primò cum Mauricio Londoniensi Episcopo; sed propter Decaniam sibi ablatam orto diffidio spe altioris loci se transtulit ad Regem. Nec eum fefellit spes. Admixtus enim causis regaliorum negotiorum, cum esset acrioris ingenii & promptioris linguæ, brevi in tantum excrevit; ut adepta apud Regem familiaritas totius Angliæ potentes & natu quoque nobiliores illum superferret. Totius namque regni Procurator constitutus, interdum insolentius acceptâ abutens potestate, cum negotiis Regis pertinaciùs insisteret, plures offendere parvi pendebat. Quæ res multorum ei invidiam & odium contraxerat. Crebris accusationibus serenum animi regalis ei obnubilare, & locum familiaritatis conabantur interrumpere. Sed cum hic casto labore deficerent, dolis circumventum etiam extinguere machinabantur. Quidam Geraldus aliorum, ut dicitur, audaciâ simul & dolo armatus, ascensâ cum paucis naviculâ, convenit Capellanum Londoniæ; suppliciter orans, ut ad Dominum suum Mauricium Episcopum infirmantem quantociùs properaret; qui in villâ suâ super ripam Tamesi flumini extremum penè spiritum agens, illi magnopere desideraret colloqui. In argumentum veritatis dixit se naviculam à Domino missam advexisse, qua ad illum velociùs transveheretur. Ille nil mali suspicatus, cum paucis suorum intravit navem, quam Geraldus recto per alveum fluminis cursu ad mare dirigebat. Quærente Capellano cur tam diu navigantes nusquam diverterent ad littora, fingeat portum paulò longiùs abesse, ubi aptior esset de naviculâ egressus in terram. Interea prospiciens majorem medio in flumine navem anchoris stabilitam quasi suam ut videbatur operiri adventum, illico malignæ deceptionis

timates ab illo sublevatus est. Summus regiarum procurator opum & Justiciarius factus est; ab innumeris crudelitatibus exosus, & pluribus terribilis factus est. Ipse verò nimis locupletatus est; & usque ad Pontificatum, quumvis penè illiteratus esset, provectus est. Post Regis obitum in arce Londinensi Gulielmo de Magnavilla custodiendus in vinculis traditus, exitum callidè per amicos procuravit. Erat enim solers & facundus, & licet crudelis, largus tamen & jocundus, & ob hoc plerisque gratus & amatus, Coridie ad victum suum duos solidos jussu Regis habebat. Unde coridie in carcere splendidum sibi suisque custodibus convivium exhiberi jubebat. Quadam die in lagenâ vini funis ei delatus est, & copiosus convivii apparatus. — Inebriatis custodibus, Episcopus funem ad columnam, quæ in medio fenestræ arcis erat, coaptavit; & baculum pastoralem secum sumens, per funem descendit. Verùm quia manus suas oblitus fuit chirothecis obvolvere, usque ad os excoriata sunt. — Fideles amici ad pedem Turris expectabant, qui ibidem ei optimos cornipides preparaverant. Quibus ascensis, ille velociter aufugit, & fidos comites cum thesauro suo obviam habuit, cum quibus in Normanniam ad Robertum Ducem navigavit. — Robertum Ducem adversus Henricum fratrem incitare non desuit; & à Duce toti Normanniæ præfectus est. — Anno 1101. mense Januario obiit Gislebertus Episcopus Luxoviensis. Deinde Ranulfus Luxoviensem Pontificatum filio suo Thomæ puero suscepit, & per triennium non ut Præsul sed ut Præses gubernavit. Istâ Or-

dericus. Postquam Ranulphus carcere elapsus esset, Rex Episcopatum Dunelmensem saisivit (inquit Historia major Dunelm.) ac suæ Diocesis appendicia Caerleil & Hexham Rex abstulit; quorum Hexham Archiepiscopo Ebor. contulit; in Caerleilo Episcopatum de novo fundavit (id postea factum intellige) & contulit Ethelwolfo Priori S. Oswaldi; quæ loca eatenus à tempore S. Cuthberti & antea sub jurisdictione erant Ecclesiæ Lindisfarnensis sive Dunelmensis. Roberto Duci Ranulphus facillè persuasit, ut traducto in Angliam exercitu regnum paternum repeteret. Applicuit Robertus, Ranulpho comitante, 1101. 19. Julii. Robertum autem Henricus Rex arma deponere & in Normanniam redire datâ pecuniâ & sermone blando induxit, cā tamen conditione ut Ranulphus Episcopus in integrum restitueretur. Factum id e vestigio; editisque ab Henrico Chartis ferè vicenis (quæ in Historiâ majori Dunelm. extant) Ranulphus Episcopatum recepit. Cæterùm de Roberti fortunâ parum sollicitus, Episcopatum deinceptus usque obitum sine molestiâ tenuit; eundemque fundis & ædificiis magnificis egregiè auxit. De tempore Episcopatus gesti Historia major Dunelm. & Annales Dunelm. cum nostro adamussim conveniunt. De die autem obitus haud adeò convenit. Hunc Florentius & Simeon Dunelmensis 1128. 5. Sept. Annales Dunelm. 1128. 4. Sept. contigisse volunt.

intellexit molimina. Quid plura? In navem suspectam transponitur numerosiore armatorum manum habentem. Jam nulla uspiam evadendi spes. Ipse annulum quem digito gestabat, & Notarius suus sigillum illius medium projecerunt in flumen; ne per hæc ubique locorum per Angliam cognita, simulata præcepta hostibus decipientibus transmissa rerum perturbarent statum. Tunc & homines sui emittuntur in terram, valido prius sacramento obligati, ut nulli mortalium quicquam de abducto Domino suo dicerent. Jam navis relicto flumine alta maris ingreditur; & suspensis velis prospero aliquamdiu cursu versus meridiem dirigunt, Interea remotius in prorâ sedente Capellano, de genere mortis fit inter nautas conspiratio. Eliguntur duo filii Belial, qui illum in fluctus projicerent, vel fracto fustibus cerebro enecarent; habituri pretium sceleris optimas quibus tunc indutus fuerat vestes. Quorum alter cum negante altero mantellum illius sibi vellet fortiri; protracta inde contentio intentatam viro distulit mortem. Jamque die altero favens ad votum cesserat navigatio; cum ecce ventus turbinis à meridie surgens totum à profundis finibus conturbavit mare, noxque repentina obduxit caligine cælum. Jactatur hinc & inde procellis carina, jam non gubernaculo sed ventis obediens & fluctibus. Nec ulterius procedere nec littora valebat attingere. Jam rudentibus ruptis fractoque malo, non tam ferebatur aquis, quam ipsa ferebat aquas. Nichil certius quam mortem expectabant. Sola hæc quantulacunque maris erat licentia, ut unde venerat navis rediret. Quò repellentibus eam undis, deliberata est in Ranulfum mortis sententia; ne evadens illatas ulciscatur injurias. Porro quidam secundus in navi à Geraldo tantum exhorrens scelus, repente astans, vultuque tristi & lacrimis suffuso, Proh dolor, inquit, Ranulfe jam morieris nostro scelere pessimo; sed si mihi veniam dederis pravæ conspirationis; hic tui defensor astabo, tuæ vel vitæ vel mortis comes. Tunc ille, sicut magnanimus semper erat in periculis, ingenti clamore vociferans, Quid tu, inquit, Geralde cogitas? Quid de nobis machinaris? Homo meus es; fidem mihi debes; hanc violare non tibi cedit in prosperum. Resipisce, & à perniciæ facti quam intendis animum revoca. Quin potius proficuum accipe tibi per omne tempus vitæ tuæ consilium. Pete quantum volueris. Ego sum qui plura petitis præstare potero; & ne discredas promissis, ecce manu affirmo quod polliceor. Ille non tam promissis illectus, quam potentiâ viri exterritus, consentit; eductumque de navi jam in portum repulsâ honorifico in suâ domo quæ litori prominebat procuravit apparatu. Sed nequaquam credulus promissorum, fugæ præsidium iniens æterno disparuit exilio. Ranulphus verò accitis undique militibus multâ armatorum manu grandique strepitu deducitur Lundoniam, omnibus in stuporem versis, ut quem fama divulgaverat extinctum, subito quasi redivivus regaliū negotiorum executor resideret. Acceptor dehinc Regi, omnes invidorum conatus cassavit; ita undique circumspectus, ut nullorum Rege vivo pateret insidiis.

Anno ab Incarnatione Domini MXCIX. <sup>a</sup> Nonis Junii, Octavis Pentecostes suscepto Episcopatu consecratus est in Ecclesiâ S. Pauli Lundoniæ à Thoma majore Eboracensi Archiepiscopo sine ullâ exactione professionis, sicut & Willelmus quondam prædecessor illius. Post annum autem & tres eoque amplius menses accepti Episcopatus Rege in venatu sagittâ interfecto, circumventus ab insidiantibus Episcopus jussu Henrici, qui fratri successerat, XVIII. Cal. Septembris captus, diligenti custodiâ in Turre Londinensi artatur. Sed non multò post, sc. III. Non. Februarii, magnâ calliditatis arte & suorum clandestino auxilio fugiens noctu omnem sese terrâ marique persequentium eludit diligentiam. Veniens igitur Normanniam, honorificè à Duce Roberto fratre Regis susceptus est; à quo Luxoviensem Ecclesiam, quæ tunc vacabat Episcopo, ad sui suorumque comitum subsidia suscepit. Post non multo tem-

<sup>a</sup> Male Codex vulg. IX. Not contra fidem MSS. & Simonis Dunelm. in Hist. de Reg. p. 224.



pore cum Duce præfato armis cum fratre aggressuro multâ classe revehitur in Angliam; ubi strenuis mediatoribus pace inter fratres reformatâ, utriusque partis transfugis ex conditione pacis liber in sua permittitur reditus. Inter quos & Ranulphus Episcopatum quidem recepit; verum gratiam Regis, licet magnis & continuis muneribus, ad plenum sibi redintegrare nequaquam valuit. Sed ut hanc qualitercunque vel simulatitiam mereretur; aggravavit manum super Episcopatum, immoderatiùs inde exigens pecunias, quibus & Regis & ejus familiarium sibi emeret gratiam. Qua de causâ fragili fretus juvenamine, suæ Dioceſeos appendentia sc. Carleolum & Teviodale revocare nequibat; quæ illo exulante, cum Ecclesia non haberet defensorem, ad suas Dioceſes quidam Episcoporum applicaverant. Rex etiam ipse odio ipsius cartam Ecclesiæ discindi & annihilari præceperat, quam ad confirmationem possessionum Ecclesiæ à Rege Wilhelmo impetraverat.

## C A P. II. De moribus Ranulphi Episcopi.

Cæterum ei Episcopo inerat magnanimitas, quam quondam procurator regni contraxerat ex potentiâ; ut in conventu Procerum vel primus vel cum primis semper contenderet esse; & inter honorificos honoris locum magnificentius obtineret. Vastiori semper clamore vultuque minaci magis simulare indignationem quàm exhibere. Ad hæc facunda ei verborum inventio; qua seriis admiscens jocularia, dubios veri & falsi suspendit auditores. Motus animi quoque interdum levis, nec diutiùs iram retinens, nec lætitiâ ex altero in alterum permutare facilis. Inter hæc plurimum circa suos eminebat beneficiis. Jura libertatis Episcopii secundum vires contra extraneos defendebat. Circa opus Ecclesiæ modò intentius modò remissiùs agebatur; sicut illi ex oblatione altaris & cæmiterii vel suppetebat pecunia vel deficiebat. His namque sumptibus navem Ecclesiæ circumductis parietibus ad sui usque testudinem erexerat. Porro prædecessor illius, qui opus inchoavit, id decernendo statuerat; ut Episcopus ex suo Ecclesiam, Monachi verò suas ex Ecclesiæ collectis facerent officinas. Quod illo cadente cecidit. Monachi enim omiſſis officinarum ædificationibus operi Ecclesiæ insistent; quam usque navem Ranulphus jam ædificatam invenit. Addidit etiam ornamentis Ecclesiæ dorsalia, pallia, cappas, casulas, tunicas quoque & dalmaticas. Angustias curiæ Monachorum porrecto in longum & latum spatio dilatavit. Pauperibus modò rogatus modò ultroneus largâ manu fuit beneficus. Urbem hanc licet natura munierit, muro ipse reddidit fortiorem & angustiore. A Cancelllo Ecclesiæ ad arcem usque Castellum productâ murum construxit longitudine. Locum inter Ecclesiam & Castellum, quem multa occupaverant habitacula, in patentis campi redegit planitiem; ne vel ex fordibus contaminatio vel ex ignibus Ecclesiam attingerent pericula. Diversas Wiri fluminis ripas continuavit structo de lapide magni operis ponte arcuato. Condidit Castellum in excelsio præruptæ rupis super Twedam flumen; ut inde latronum incurſus inhiheret & Scotorum irruptiones. Ibi enim utpote in confinio regni Anglorum & Scotorum creber prædantibus antè patebat incurſus, nullo ibidem quo hujusmodi impetus repelleretur præsidio locato. Taliter impulsu quodam impatiente otii de opere transibat ad opus; nil reputans factum, nisi factis nova jam facienda succederent. Vivacis animi & vegeti fuit corporis, in eodem incolumitatis statu usque biennium ante mortem perdurans. Abhinc enim & salus ei paulatim languescere, & acumen sensûs cœpit retundi. Aggravatus tandem lethali morbo, ortu dierum Canicularium in lectum decedit; eorundemque occasu moriens occidit. Assederant ægrotanti assiduè majores Ecclesiæ; exhortantes ut præoccuparet faciem Domini in confessione, & faceret sibi amicos de

\* sc. apud  
Norham,  
quod opus in-  
choavit, Ann.  
1121. teste  
Hovedeno.

de mammonâ iniquitatis, atque quibus deberet iusta cuique persolveret. Dehinc fit inter pauperes & debitores distributio pecuniar. Sed quicquid debitoribus, quicquid pecuniarum alicubi vel distributum fuerat vel repositum, nisi quantum Ecclesiæ quædam & pauperes acceperant, totum Rex post obitum Episcopi per exactores in suos thesauros recolligi iussit. Uno fermè antequam moreretur mense se in Ecclesiam iussit transportari; Ubi residens contra altare, ex profundo cordis erumpens in gemitum, circumstantibus modò Clericis & pluribus Episcopii hominibus, cœpit altiùs pœnitere malorum quæ gesserat contra Ecclesiam, sc. quòd ejus pristinam libertatem redegerit in servitutem, quòd ingenuas illius consuetudines & terras quasdam abstulerit. Et hoc, inquit, non coactus inopiâ feci, sed cupiditate illectus. Plus volui illos nocere quàm potui. Nunc autem & libertatem quam inveni & quamcunque abstuli, reddo; ut mihi peccatorum meorum pœnitenti indulgeat veniam Deus. Dehinc per annulum altari impositum omnia restituit Ecclesiæ ablata; cartâque suâ & sigillo confirmavit restituta. Obiit autem peractis in Episcopatu XXIX. annis & III. mensibus & VII. diebus. Eo autem defuncto, committitur Episcopatus duobus Baronibus, viz. Hugoni de Annundavillâ & Gaufrido seniori Elscorland ad opus Regis censum colligentibus; vacavitque Episcopatus per quinquennium excepto uno mense. Eo tempore navis Ecclesiæ Dunelmensis Monachis operi instantibus peracta est.

CAP. III. De GAUFRIDO Episcopo. <sup>b</sup>

**A**Nno Incarnationis Dominicæ MCXXXIII. in Episcopum Dunelmensem eligitur Gaufridus Regis Henrici Cancellarius, qui Rufus dicebatur; consecratusque est Eboraci à Turstino Eboracensi Archiepiscopo. Cujus anno III. Rex Henricus moritur anno Dominicæ Incarnationis MCXXXV. cui in regnum nepos ipsius Regis ex sorore Stephanus successit; qui laboriosissimè regnum Anglorum XIX. annis, exceptis duobus mensibus & septem diebus, tenuit; dissidentibus inter se Primatibus totius regni. Dissentionis autem causâ hæc erat, quòd tempore Regis Henrici regnum filiz juraverant; quæ dudum Imperatrix Alemannorum eâ tempestate Comiti Andegavensium matrimonio copulata erat. Hac de causâ David Rex Scotorum & Comites quinque Angliæ à Rege Stephano dissentientes, dum sibi invicem adversantur, uniuscujusque malitiæ exercendæ facultatem tribuerunt; ut major pars regni desolata relinqueretur. Episcopus sanè Gaufridus primo Episcopatus sui tempore depravatus à quibusdam, severiùs cum Monachis agere compellitur. Sed non multò post in se reversus, libertates & consuetudines tam Ecclesiæ quàm Monachis more prædecessorum suorum indulgit; & Priori Ecclesiæ quæcunque vel patrum Ecclesiæ auctoritas vel probata servaverat antiquitas vel prisca consuetudo, benignè concessit. Ipsius tempore Capitulum Monachorum, quale hodie cernitur, inchoatum & consummatum est. Obiit Gaufridus Episcopus. Moriens verò ornamenta Ecclesiæ non mediocria contulit; sed in ipsius obitu contigit Ecclesiam gravissimas tempestates incurrere.

<sup>b</sup> Consecratus est apud Eboracum 1133. 6. Augusti, intronizatus in Ecclesia suâ die 10. Augusti. Obiit in Castello suo Dunelmensi 1140. 6. Maii, sepultus in Capitulo Dunelmensi die 11. Maii, postquam sedisset annis 7. minùs mensibus 3. & diebus 8. ex concordia fide Historiæ Majoris & Annalium Dunelm. Hunc Cancellarium Regis fuisse constat ex Huntingdoniensi, f. 220. b. Hovedeno, f. 275. a. & aliis.



## CAP. IV. De factis Willelmi Comine.

\* idem Archidiaconus in Ecclesia Wigornienſi fuit.

† Haſtenus exemplar vulgatum verbatim ſerè conuenit; in ſequentibus multò breuius eſt.

**E**RAT enim quidam Regis Scotiæ Cancellarius, videlicet Willelmus Comyn, jampridem Episcopi ejuſdem Gaufridi ante Episcopatum Clericus. \* Siquidem & antè eum ab annis adoleſcentiæ educaverat; ſed paululum ante obitum ejuſdem Dunelmum veniens, & cum eo familiariter conſatus, cum finem appropinquare cerneret; familiares quoque Clericos, Caſtellanos etiam ſibi fide vel ſacramentis aſſociat, ut mortuo Episcopo eidem traderent Caſtellum & committerent. Totum autem conſilium ſuum tam Priori quàm Archidiaconibus Eccleſiæ ſummopere celabat; & maturato ruruſus itinere ad Regem Scotiæ reuertitur, quaſi ipſius adjumento Episcopatum Dunelmensem adepturus. Deſunctus eſt autem eo abſente Episcopus die Rogationum ſecundâ, feriâ ſc. tertiâ; & nocte ſequenti, quòd cadaver ejus aliter teneri non potuerit, exenteratus atque ſale conditus eſt; ſtatimque pro celandâ morte ipſius Caſtelli introitus etiam ipſis Archidiaconibus & Priori juxta ſolitum eum viſitare volentibus intercluſus eſt, & mors ejus celata uſque ſextam feriam. † Cum verò verſaretur in ore omnium ſermo mortis ejus; tradiderunt ſepeliendum feriâ ſextâ quaſi recenter mortuum; & Sabbato ſepultus eſt. Dominicâ ſequenti rediit Willelmus in Caſtellum; & quaſi auctoritate Regis Scotiæ munitus, quam ad ſuam factionem jam inclinaverat, cœpit quaſi ſua omnia diſponere, ſinguliſque & ſæpe communiter omnibus verba faciens, quosdam alliciens promiſſis, alios attrahens blanditiis, omnes autem exquisitis circumueniens aſtutiis, omnia pro poſſe ſic agebat; ut præſumpta ſibi permaneret poteſtas. Nec multus erat labor, ut ſibi Barones adjungeret; qui priuſ penè expetitus eſt ab eis quàm expeteret, cum timore ejus præuentis tum caliditate circumuentis. Infecit autem & unum Archidiaconum malitiæ ſuæ venenis, ut ſibi aſſentiret. Hæc autem omnia in abſcondito in tenebris & in umbrâ mortis; donec adueniente Rege Scotiæ palàm ſermo de his fieret à Baronibus qui Regem comitabantur, ſc. Roberto de Brus, Bernardo de Baylol, Hugone de Morevile. Iſti namque in ejus factionem facilè adducti non minùſ ſpe commodi quàm promiſſione lucri, ſinguli ſingillatim modò Priori, modò Archidiacono Ranulpho, opportunè, importunè inſiſtebant, promiſſis illicientes, minis terrentes; ut eum in Episcopum eligerent. Reſponſum eſt eis non poſſe hoc fieri tam inordinatâ electione contra Canonum jura & ſanctorum Patrum decreta, inconfulto Domino Legato Henrico Wintonienſi Episcopo matreque Eccleſiâ, nec diè ſtatuto, nec viris religioſis ad tale negotium evocatis. Cum autem omnia facerent, & nil efficerent; loquela tandem eo modo finita eſt, ut mitterentur ad Curiam à Capitulo Legati cum Rege Scotiæ, qui per ipſum Regem, Legatum & Imperatricem requirerent; quatinuſ Eccleſiæ ſuam libertatem confirmarent, ut liberam & canonicam electionem facere poſſent. Miſſi ſunt ad hoc negotium non quos elegit Capitulum, ſed quos adverſariorum factio coegit. Cum tamen in diè ſacro Pentecoſtes in Capitulo qui mittebantur, à Priore ſub adjuratione divini nominis aſtricti ſunt, ne ad Curiam venientes aliud quærerent quàm id ad quòd miſſi fuerant, liberam ſc. electionem, nec quenquam nominarent, aut nominatum ſuſciperent. Iverunt cum eo plures de Episcopatu Barones, omnes ei conſentientes; & remanſit cuſtodia ejus in Caſtello. Sed ad Curiam venientes, non invenerunt tunc Legatum; nec tamen ceſſabat ejus factio conari quod poterat. Requiſierunt igitur Imperatricem & Barones & nuncii qui venerant; ut conſuleret Eccleſiæ Dunelmensi de perſonâ nominatâ, ſc. de Willelmo. Poſita tamen res in reſpectum eſt uſque Legati adventum; cui tamen Ranulſus Archidiaconus futurorum præcavens totiuſ rei ordinem literis mandaverat. Veniens autem Legatus ad Curiam

Curiam Imperatricis, statim per Barones & eos qui à Dunelmo venerant de Willelmo requisitus est. Verum præsciens rei ordinem, ad tam inordinatum non potuit assensum inclinari; sed rem examinans, præscriptam actionem invenit, fautoribusque ipsius dignâ animadversione interdixit, ne Willelmum in Episcopum nisi canonicâ electione susciperent. Ipsi quoque Willelmo interdixit omnem ecclesiasticam communionem, si Episcopatum susciperet, nisi Canonicè promotus. Actum id in die S. Johannis Baptistæ. Pactus erat Willelmus ab Imperatrice baculum & annulum recipere; & data hæc ei essent, nisi factâ à Londoniensibus dissentione cum omnibus suis discederet ipso die à Londoniâ Imperatrix. Discessit quoque Willelmus cum eâ, Regem Scotiæ comitatus. Rediit Dunelmum Robertus Archidiaconus & Barones de Episcopatu, ferens literas Imperatricis directas ad Capitulum; quarum summa hæc erat: Quòd vellet Ecclesiam nostram de Pastore consultam esse, & nominatim de illo quem Robertus Archidiaconus nominaret; & quòd de illo vellet, & de alio omnino noller. Quæsitum est ergo, quis hic esset. Responsum est quòd Willelmus. Obsessâ verò Imperatrice apud Wintoniam, inter fugientes fugâ dilapsus Willelmus circa Festum S. Michaelis Dunelmum venit; ubi Regem Scotorum ab eadem obsessione pridie reversum invenit in Monachorum Curiam hospitatum. Et ipse quidem statim Castellum intravit. Iterum igitur obsecrationes, postulationes pro eo, sed non gratiarum actiones; quoniam nec Prior nec Capitulum nec Ranulphus Archidiaconus verba patiebantur admitti. Post multa tandem relictus est Willelmus in Castello à Rege, quasi custos Episcopatus sub manu Imperatricis; & plegius factus est ipse Rex inter illum & Priorem Fratresque Monasterii, ne sibi alterutrius damnum quærerent aut facerent. Discedente autem Rege, disponebat Willelmus, non ut custos sed sicut jam Episcopus factus, dare etiam terras; homagium omnium Baronum, præter solius Rogeri de Coyneriis, suscipiens; & Burgenfes sacramenta fidelitatis sibi facere compulit. Cùm autem cotidie Ranulpho Archidiacono instaret, nec aliquo modo flectere posset eum ad suum velle; tandem de Dunelmo eum disturbavit, immo & à toto Episcopatu eum exulem reddidit. Non habens enim ubi securus se ageret, vix Eboracum effugit; diripiente Willelmo omnia quæ ipsius erant, & nec domibus parcente, quas effringere fecit & abstrahere atque destruere. Ranulphus verò cùm magnâ difficultate ad Regem Angliæ evasit; & querimonias harum rerum apud ipsum & apud Dominum Legatum deposuit. Protulit ergo Legatus in Willelmum tanquam invasorem anathematis jaculum; donec sc. Ecclesiæ satisfaceret, & Ranulpho ablata restitueret: & Ecclesiæ Eboracensi per ipsum Archidiaconum mandavit eandem in Willelmum proferre sententiam. Sed auditâ suâ damnatione Willelmus parum aut nihil inde curavit. In Quadragesimâ veniente Dunelmum Hereberto Abbate de Kelkove, quasi occasionem nactus, convenit Rogerum Priorem secretè, districtè inquisitionem faciens si se habere vellet Episcopum; ut super hoc certitudinem Regi Scotiæ mandaret. Veruntamen nil ab eo quod volebat extorquere valens, dimisso illo Cantorem, Secretarium, Celerrarium, Monachos singulos singillatim evocans, eandem cum omnibus inquisitionem agebat, nec aliquid proficiebat. In eadem Quadragesimâ venit Dunelmum Monachus quidam girovagus de Ordine Cisterciensium; & statim à Willelmo in familiaritatem admissus est. Post multam inter se collusionem dimissus est ab eo ad machinandum negotium, quod postea satis patuit. Transacto enim tempore rediit idem Monachus; & falsas literas quasi à Domino Apostolico transmissas Willelmo detulit, sigillum contrafactum habens ad similitudinem sigilli Apostolici. Ipsas literas Willelmus lætabundus quibusdam ex fratribus ostendit; in quibus significare videbatur Apostolicus gaudium sibi esse de ipsius electione, quam à Populo Dei canonicè factam audierat; præcepisse quoque se Legato suo Henrico Wintoniensi Episcopo, ne amplius molestaret



lestaret eum. Dimisit deinde Monachum ad Regem Scotorum euntem; quoniam ad ipsum quoque ejusmodi literas ferebat quasi ab Apostolico missas, in quibus continebatur quod maxime eum velle noverat, sc. ut Matildam Imperatricem Henrici Regis filiam adjuvaret, deinde ut Willelmum Dunelmensem Electum manuteneret. Neque difficile fuit ei, ut Regem deciperet tali machinatione; qui videlicet in regno suo ipsas literas transcribi iussit; & Monacho donans palefridum, & donis aliis honorans, ad Willelmum transmisit. Tantam rerum fallaciam Ricardus Abbas Mailrosensis experiens, zelo zelatus est pro domo Israel, tam horrenda in eo machinari exhorrens; ipsumque Pseudolegatum Monachum cepit, & omnem suam machinationem confiteri fecit; qualiter Willelmi operâ & promissis hæc operari edoctus & instigatus sit. Post obitum verò Gaufridi Episcopi secundò mandatus est Prior à Legato per obedientiam & sub excommunicationis poenâ præsentiam suam sibi exhibere. Veruntamen circumclusus custodiâ à Willelmo, cum apertè hoc facere non valeret, in occulto exitu manus ejus evasit, & quod jubebatur implevit. Hoc agnoscens Willelmus ab illo jam tempore adversus fratres relictos sævitiam suam exercuit; plurima eis mala faciens, & pluriora eis promittens. Portas itaque custodiri fecit; ut nec nuncium mitterent nec reciperent Monachi quoquo modo possent. Sæpe verò etiam victualia eis inferre prohibuit; & servantibus eorum aditum ad eos interdixit. Sigillum Capituli in potestate habens, ad quos volebat & quas volebat pro suâ causâ literas mittebat. Inter hæc Castellum apud Alvertonam ædificavit; quod suo nepoti Willelmo dono dedit; conjungens ei matrimonio neptem Comitis de Albemarla ad manutene-  
mentum suum.

#### C A P. V. De electione WILLELMI DE S. BARBA.

**A**Nno post obitum Domini Gaufridi Episcopi tertio redierunt à Româ nuntii, qui pro negotio Ecclesiæ Dunelmensis missi ad Dominum Apostolicum Innocentium fuerant à Priore & Archidiacono Ranulpho; deferentes epistolam, quâ idem Prior & Archidiaconus ex autoritate Apostolicâ jubebantur; quatinus infra quadraginta dies postquam literas ipsas vidissent, Pastorem sibi eligerent; & si in Ecclesiâ Dunelmensi facere non possent, in matrice Ecclesiâ vel in aliquâ vicinâ tam sanctum opus explerent. Statutâ ergo die ad electionem, & personis de Episcopatu mandatis, res Willelmum non latuit; qui statim itinera omnia obsedit; vicinis quoque mandavit, ut transeuntes observarent & sibi asservarent. Unde factum, ut quosdam quidem ipse caperet, quosdam etiam in proximo secundum mandatum ejus capi contingeret. Quamobrem nonnullos hujus rei timor à cæpto itinere revocavit. Facta est tamen Deo juvante juxta Dompni Apostolici mandatum electio de

\* Postquam Sedes annis 2. (lege 3.) hebdomadibus 6. & diebus 3. ex calculo Annalium Dunelm. vacasset; Willelmus de S. Barbarâ (id enim verius ei nomen) electus est à Monachis Dunelmensibus apud Eboracum in capellâ S. Andreæ 1143. 14. Martii, consecratus apud Wintoniam ab Henrico Legato 1143. 20. Junii, intronizatus die 18. Augusti sequentis. Sic habent Annales Dunelmenses. Nondum tamen Willelmus Episcopatus possessionem acceperat; adeò ut tunc intronizatus fuerit, aut clanculum à Monachis admissus in Ecclesia Dunel-

mensi, antequam Willelmus Cumin præsidium in eâ posuerit, quod post biduum fecit, aut in Ecclesia S. Ægidii adjacente. Factâ verò cum Willelmo Cumin compositione plenam Episcopatus possessionem adeptus, in Ecclesiâ Cathedrali ritè intronizatus est 1144. 18. Octobr. Pacis erat conditio, ut Ricardus Willelmi Cumin nepos teneret de Episcopo Alverton & totum illum honorem, cetera de integro resignarentur in manu Episcopi. Sic Johannes Hagustaldensis, qui rei gestæ tempora malè disposuit.

venerabili viro Wilhelmo Decano Eboracensis Ecclesiæ Dominicâ mediâ Quadragesimæ; miseratque Wilhelmus signatas Capituli literas; quippe qui sigilli, ut dictum est, potestatem habebat cum duobus Clericis, à quibus electio fieri prohiberetur; sed non indignè talis legatio repulsam promeruit. Cum autem absens esset idem Wilhelmus, ad Concilium quod tunc Londoniæ celebrabatur profectus, & rem totam penitus ignoraret; obviam factus est Priori & personis, per quos eadem de ipso facta fuerat electio, apud Wyntringham super Umbre flumen, ad Eboracum de Concilio rediens. Ibi tunc Prior & Archidiaconus cum cæteris in Ecclesiâ iteratâ nominatione ipsum in Electum Dunelmensis Ecclesiæ confirmaverunt; nolentemque & maximè reluctantem ad altare traxerunt, *Te Deum laudamus* cantantes. Sequentē sanctā festivitatem Pentecostes reverso de transmarinis partibus Legato Wintoniensi cum eo profecti sunt; cū mandasset ei Legatus in vi obedientiæ ad se venire. Examinatā ergo electione secundum Dompni Apostolici mandata & sanctorum Patrum decreta, Regisque assensu quæsito & accepto, sicut mandaverat Dompnus Papa, sacratu est à Legato Dominicâ ante Festum Nativitatis S. Johannis Baptistæ; & Eboracum rediit manè post Festum Apostolorum Petri & Pauli.

#### C A P. VI. De crudelitate Wilhelmi Comyn, & de rebellionē ejus.

**M**iserat etiam Wilhelmus nuncios cum literis, quas signari fecerat sigillo Capituli, per quos fieri prohiberetur consecratio ipsius Electi. Veruntamen auditā consecratione ipsius, suæ mentis angustias in Fratres Ecclesiæ effudit, multis modis eos vexans. Vexabat quoque valde sacerdotes, quoscumque cessare à divino ministerio pro sui excommunicatione credebat, contra sanctorum Conciliorum decreta ut celebrarent divina compellens; & sepeliri faciebat per suos homines qui relinquebantur insepulti à Presbyteris. Orta est interim inter ipsum & Rogerum de Coyneriis discordia; quoniam homagium & sacramenta non potuit ab ipso, sicut cæteri Barones ei fecerant, extorquere. Cœpit ergo Rogerus ad sui munimentum domum suam munire apud Biscopton ipsius Wilhelmi timore. Audito hoc Wilhelmus multam manum ad locum occupandum misit; sed à spe cadens in semet recessit. Non multis post diebus invitatus à quibusdam, non tamen multis, Episcopatus Baronibus, infra Episcopatum venit Episcopus post Festum Assumptionis S. Mariæ, tractus magis à suis quàm libenter veniens. Susceptus est optabiliter à multis; qui ad eum relicto Wilhelmo confluebant; & apud Biscopum paucis diebus perendinans, horum homagium capiebat qui voluntariè id offerebant; nulli vim aliquam inferens, sed qui voluntariè veniebant benignè suscipiens. Conduxerunt demum Episcopum Dunelmum Rogerus de Coyneriis & Barones qui ad eum confluerant, ad munitionem sui militari manu muniti; sperantes vel ipsum Wilhelmm à malis suis pœnitere, vel eos qui cum eo fuerant ab ipso revocare. Multum autem opinione decepti sunt. Non solum enim uti maiorum pœnitens pacem non expetiit; sed nec nuncios pacis ad se missos audire passus est, quibus non admissis, aliis effugatis, nonnullis minis & opprobriis fatigatis. Emittens denique quos secum habebat milites, appropinquantē muris Episcopales belli modo repulit. Unde qui cum Episcopo fuerant, in se redeuntes, apud S. Ægidium quæ sic vocatur Ecclesiâ distante à muris spacio quasi ..... cum ipso Episcopo eâ nocte manserunt. Manè autem factō, conglobatus Wilhelmus suorum satellitum pompâ effractis januis in Ecclesiam cum armatis irrupit. Eratque videre milites loricatorum evaginatīs gladiis inter altaria discurrere, arcuarios stentibus & orantibus Monachis alios intermiscere, alios sibi invicem minari, omnem autem Ecclesiam fremitu atque tumultuantium

Y y y

vocife.



vociferatione repleti. Et manus quidem à læsione Monachorum vix abstinuerunt; cum tamen unum eorum jactu lapidis penè interemissent, unitam custodiam militum & arcuariorum in Ecclesiâ relinquerent, ad modum castelli eam munierunt; & veluti tripudiantes gaudio, quòd divinitati contumeliam in loco pacis violatores focos accendebant, nidores carniū quas coquebant pro thimiamitum odoribus adolentes, pro vocibus cantantium vociferationes jugulantium, cum sonitu cornuum latius audiri faciebant. Inter hæc & contra Episcopales sapius prodeundo non sinebant eos mœnibus appropinquare. Occultè autem Comiti W. de Ricardo vim pecuniæ promittens mandavit; quatinus cum exercitu veniens Episcopum cum suis loco amoveret. Rem autem prænoscent Episcopus, licet obsistere posse videretur, ne effusione sanguinis videretur maculare causam pietatis, ad Bisopum cum suis discessit. Quem insequentes qui cum Willelmo erant, extremos agminis quos capere poterant misere cruciabant; alios truncatis membris laniabant; quosdam vinculatos incarcerabant; paucos, quos gladiis suis indignos credebant, per pecuniæ redemptionem dimittebant. Interim quosdam Monachorum, quos sibi contrarios credit, de Ecclesiâ eiecit. Exin vesania Willelmi indies animabatur & modus jam crudelitatis non erat. Milites quidem ejus assiduè prodeundo & circa regionem loca omnia cursando, quæcunque invenissent deprædabantur; & nec nocte nec interdiu à depopulatione cessantes, quicquid rerum invenissent passim diripiebant, etiam comburendo & destruendo, & quicquid in agris natum erat conterendo calcibus aut depascendo debebant; perque terram cultam iter agendo faciebant eam sterilem & vastitatis facie deformem videri. Et veluti post locustas silva cerni solet floribus & foliis spoliata; sic quacunque transibant, solitudinem à tergo relinquebant. Quosunque enim magis perditos & in malitiâ famosos audiebat, adjuungebat sibi: eratque inter eos certamen aliū aliū in nequitia superare; ut esset acceptior quicumque crudelior esset. In his autem quæ fiebant horror quidem audire est, magis verò videre miseria fuit. Neque enim solum rapinis & spoliationibus meriebantur audaciam; sed usque ad corporum laniationes atque cruciatus accedebant, non tamen clam ac per noctem, ac quosunque homines; verum luce, palam, nobiliores quosque ad tormenta rapiendo. Plurimus autem erat ac varius tormentorum modus; & quàm dictu difficile, tam etiam auditu incredibile. Suspendebantur per domos in parietibus homines, per transversum medii corporis funibus coartatis, & collo ac pedibus immensis loricarum sive saxorum ponderibus illigatis; pars . . . . . corporis terræ comprimebatur, nec tamen terram pressa tangebatur. In hujusmodi autem pœnâ suspensi plures quàm duodecim simul sunt. Alios autem astricto per gelu fluminis alveo tempore hyemali dirutâ glacie cruciandos frigore miseros in aquam præcipitaverunt; & subinde funibus extrahentes, atque sapius immergentes, tantæ crudelitatis spectaculo diros pascebant obtutus. Quorundam quoque per medium parietis pedes emittentes, nudos frigoribus nimis opponebant; & interdum nocte totâ sic cruciandos reliquerunt. ad hæc accedebat genus id supplicii exquisitum, quo simul compressa in arctissimi loculi spatio membra collidebantur; ubi supplicii antiquum genus nova transimitabat crudelitas. Quomodo enim distensa per equuleum crescebant olim membra ad supplicium; sic modò è contra inde coartata minorabantur, & aliunde contracta interiùs rumpebantur. Super hæc autem vinculorum immanitatem, carceris sæditatem, famis enormitatem quis explicare sufficiat? Sed ut multa paucis absolvam; ubique per oppidum gemitus erat & plurima mortis imago. Talibus quidem tormentorum generibus locus semper honori habitus erat horrore; & infernus quidem suppliciorum vocabatur. Episcopus autem post Festum S. Michaelis propius Dunelmum accessit; & ædificatâ ab his qui cum ipso erant munitione in loco qui dicitur Tornelau, ubi commodè poterat, cum inopiâ victitabat. Verum in tantis malis cum extrema

irema vastitas totius Provinciæ metueretur ; ad Festum S. Andreae per Eustachium filium Johannis & Stephanum de Maynil atque Barones Episcopatus treugæ pacis cum Willelmo compositæ sunt usque Octavas Epiphaniæ ; promisitque Willelmus malorum emendationem, sed fallaciter, ut postea patuit. Satis enim demonstratus est in illum pro tempore simulasse. Quippe consumptis circumquaque & quasi corrosis amaris ejus moribus, quæ dare possent vel crudelitati ejus materiam vel cupiditati prædam ; quatinus si qui fortè tunc effugissent ejus malitiæ fauces, postmodum & liberiùs raperentur ad pœnas. Sacris autem diebus Adventûs Domini quietus esse non poterat. Sed ab Episcopatu modicùm quiescens, in vicinos Barones atque in Comitatum suam transtulit sævitiam, diripiendo atque depopulando omnia, & homines ad tormenta capiendo. Nocte quidem festivitatis S. Thomæ Apostoli Unfridum de Crup in propriâ domo capiens, Dunelmum abduxit, & ad redemptionem posuit. Infra verò octavum diem Dominici [ Natalis ] in terrâ Bernardi de Baylol, etiam strage hominum factâ, prædam multam Dunelmum advexit ; & homines quos vivos ceperat variis tormentis affecit. Infra terminum verò positarum treugarum venit Archiepiscopus Eboracensis Dunelmum ; & cum Willelmo agere cœpit, quatinus se rebus deponeret, & ad malorum pœnitentiam veniret. Sperabaturque tunc per Archiepiscopum id effici posse ; promittente Willelmo se consilium ejus in omnibus secuturum. Reverso autem de Eboraco Episcopo, qui primùm treugis positus abierat, ad colloquium utrorumque Episcoporum extra oppidum Willelmus venit. Præsente autem Episcopo Carleolensi, tandem per Archiepiscopum treugas firmæ pacis dedit & alternatim accepit à Baronibus Episcopi usque S. Johannis Baptistæ Nativitatem ; ipse in Castello interim mansurus, donec ad Apostolicum mitteret Episcopus, consilium de tantâ re quæsitus quid fieret. Interim haberet Willelmus tertiam partem de redditibus Episcopatus inter Tefam & Tefam ; ipso Willelmo palàm reddente Episcopo quicquid ejus juris esse deberet infra Burgum & extra, & quicquid tenebat de Episcopatu præter Castellum. Hæc conventio per Archiepiscopum firmata est, & à Willelmo atque Baronibus Episcopi utrinque affirmata est teneri.

### C A P. VII. De prodicione Hugonis Pynton.

**S**Ecessit autem Episcopus exinde inchoante Quadragesimâ in Northanymbriam, relictâ sui negotii curâ in Episcopatu Hugoni filio Pyntonis dapifero suo ; & per totam Quadragesimam, his quæ fuerant Episcopalis officii, tam dedicandis ecclesiis quàm cæmeteriis consecrandis, atque aliis agendis solennibus curiosus invigilabat. Nactus verò idem Hugo familiaritatem Willelmi, continuò in eum contumeliosus apparuit, qui sibi benefactorum author extiterat, factus Domini sui proditor, à Willelmo corruptus. Deinde Episcopo in sua reverso, & apud Girvum quæ sic vocatur Ecclesiam perendinante, primùm fraudibus & dolis eum circumvenire tentabat ; omni conatu affectans, quatinus ad loquelam cum Willelmo Episcopus iret, ubi certum erat Willelmum Episcopi captionem moliri. Cavente autem hoc Episcopo non, multò post malitiæ venena, quæ adversus eum occultè collecta sunt, in apertum effusa patuerunt. Seducto namque quodam Barone Episcopi Aschetino de Wyrece, & flexo ad hoc ut secum iret Dunelmum, tanquam secum acturum de quibusdam ratiociniis cum Willelmo de pactionibus præmissis, advenientem capi fecit à Willelmo, cum priùs manu suâ affidiasset nil adversi passurum. Et ille quidem vinculatus atque incarceratus est, & tandem redemptioni positus. Non multò post Robertum de Amundavere, sicut priorem, Willelmus cepit, ligavit atque redemit. Dein Sabbato post Ascensionem Domini ad locum ubi erat Episcopi



nepos Willelmus alter, Willelmus cum multâ manu advenit; & insultum faciens ad murum quo cingebatur Ecclesia, hostiliter ingressum moliebatur, ut Episcopum cum suis captivum abduceret. Pauci verò qui intus erant, nam plures in villâ sopori adhuc dediti erant, quoquo modo potuerunt se defendentes, introitum impugnantibus vetabant. Sed protegente Deo cum à primo manè impugnantes usque tertiam diei horam omni nisu institissent; spe frustrati, in semet redierunt; spoliisque ablatis quæ ceperant extra murum, & equis abductis, Dunelmum reversi sunt. Episcopus autem opportunum sibi non esse videns circa Tinam manere, in Vigiliâ Pentecostes flumine transmeato, non multò post ad Lindistarnam insulam perendinaturus perrexit. Hugo filius Pintonis Castellum de Tornulavo Willelmo prodidit, pactis inter eos firmatis de filiâ ipsius Hugonis cuidam nepoti Willelmi conjugio copulandâ. Episcopus autem in Comite de Northumbriâ spem habebat; qui & scripto ei atque pacto firmaverat auxilio ei fore contra Willelmum, ut sedem intrare posset. Verum Willelmus tempus redimens, Comitem eludebat; treugas pacis cum eo componens usque post Assumptionem S. Mariæ.

CAP. VIII. Quòd Castellum factum est de Ecclesiâ S. Johannis apud Meringtoun, & de vindictâ eorum qui hoc fecerunt.

**P**Ridie verò ante prædictam Festivitatem Willelmus coadunatis omnibus suis apud Capellam quandam S. Johannis de ipsâ Ecclesiâ castellum munire cœpit, distante à Dunelmo eodem loco quasi leucis quinque; & operi quidem instanter instabat. Tres verò Barones Episcopi, sc. Rogerus de Coyneriis, Gaufridus Escoland, & Bertram de Bulemere, sacrilegio cognito & prophanatione diffamatâ, eligentes magis pro sacris mori quàm Dei injurias non ultum pergere quantum potuerunt, manu congregatâ ad locum accesserunt; ut nefario operi impedimentum afferrent; sed non eos sustinuerunt Willelmi adjutores. Quidam fugæ se dederunt; alii verò se in Ecclesiâ, quæ jam fossatâ propemodum tota cincta fuerat, se concluderunt; & super turrim stantes atque propugnacula quæ fecerant, accedentes sagittando atque jaculando avertere conabantur; sed inaniter. Nam qui oppugnabant nec quid paterentur meditantes, nec quid pati possent metientes, quidam eorum per fenestras irrepti, alii verò super prophanos ignes immittentes, quoniam rei necessitas ita poscebat, citiùs quàm sperabatur locum & sacrilegos capiunt. Eorum verò plures flammis exusti sunt, plures quoque captione abducti, Deo illis dignam reddente mercedem. Contigerat autem nepotem Willelmi alterum Willelmum primâ die incapti operis illius infirmitate opprimi. Veruntamen inde sublatu de nocte, ex infirmitate in mentis vesaniam venit; & aliquamdiu miserè vexatus expiravit. Quidam quoque cæmentarius operi maligno propensius insistens tempore quo locum ipsum capi contigit, in ipso invenitur opere repentè insanire; & eductus à comitibus, antequam Dunelmum venisset, masticans linguam suam mortuus est. Congregato interim exercitu Comes Henricus ducens secum Episcopum in provinciam venit, atque Dunelmum appropinquavit. Interea exeuntes Willelmi comites, ignem Hospitali apud S. Ægidii Ecclesiam immiserunt, & villam ad eam pertinentem totam concremaverunt. Partem quoque burgi, quæ ad Monachorum jus pertinebat, igni tradiderunt. E residuo Comitum milites insecuti quod residuum erat burgi incendio consumpserunt. Deinde Comes ad Tonnellau cum exercitu vadens, reddentibus ei Castellum custodibus, nequaquam id Episcopo reddere voluit, sed suos imposuit; qui terram, quam protegere debuerant, depredari cœperunt, & multa in Episcopatu damna fecerunt. Comes autem his actis in se rediit; & Episcopus ad novum Castellum perrexit. Ad eum locum

cum non multò post Rex Scotiæ venit, tractus illuc à Willelmo, qui ei Castellum tradere spoponderat. Veruntamen ad ejus colloquium apud Gatesthuver veniens, spe frustratum reliquit; rediensque Dunelmum, cum Rogero de Coyneriis pactiones componere cœpit.

C A P. IX. Quomodo Willelmus de Barba receptus est ad Episcopatum Dunelmia.

Quibus tandem eousque deventum est; ut Episcopus non tam pactis credens quàm à suis coactus & multorum extremâ necessitate compulsus, versùs Dunelmum ire perrexit. Jam cum suis Rogerus de Coyneriis oppidum habebat; & Willelmus in Monachorum curiâ Episcopum expectabat. Sic igitur inopinabiliter rebus mutatis, Episcopus in die festivitatis S. Lucæ Evangelistæ cum Archiepiscopo Eboracensi & Episcopo Carléolensi Dunelmum intravit. Cujus prostratus pedibus Willelmus cùm interrogante Episcopo palàm confiteretur nil sibi aut in pecuniâ aut in rebus aliis Episcopum promississe, sed de malè actis quidem se pœnitere, gratis verò se Castellum & omnia sua dimittere Episcopo; ideo se nudum ad ipsius pedes & paratum ad satisfactionem de omnibus afferre; ab Episcopis, quantum ad eos pertinere poterat, salvâ reverentiâ Domini Apostolici, ad initium pœnitentiæ susceptus est. Sacramento autem factò coram ipsis Episcopis, omnia quæ fecerat damna singulis se redditurum promisit. Et sic post tam longum exilium, post tot vexationes, post multorum tam multa detrimenta, operante Deo consolationem suorum, in sede suâ Episcopus solempniter susceptus est.



GAUFRIDI Sacristæ de Coldingham

# HISTORIA

DE STATU

## Ecclesiæ Dunelmensis

Ab anno MCXLIV. ad annum MCCXIV.

**I**ncipit liber Gaufridi Sacristæ de Coldyngham de statu Ecclesiæ Dunelmensis; qui incipit ab obitu Willelmi de S. Barbara Episcopi usque ad electionem Domini Morgani.

### CAP. I. De obitu Willelmi Episcopi <sup>d</sup>.

**E**RAT Willelmus Dunelmensis Episcopus secundus, moribus insignis, staturâ & canitie venerabilis, hospitalitatis obsequio deditus, & cotidiana eleemosinis ut pauperum necessitatibus subveniret intentus. Cumque minus antecessoribus vel successoribus Episcopis haberet; non tamen minus gloriâ enituit, quos copiâ simul & largitione præcessit; manu namque fructificans largitatem opibus vendicabat meliorem. Paulò iracundior tantum in moribus videbatur excedere; Monachis aut Provincialibus molestiam nullam retribuit; nec Ecclesiæ possessiones aut ornamenta contulit: In sui tamen relinquens memoriam illibatæ innocentiae perseverantiam. Transactisque in Episcopatu IX. annis, dormivit cum patribus suis anno ab Incarnatione Domini MCLII.

### CAP. II. De electione HUGONIS Dunelmensis Episcopi <sup>e</sup>.

**Q**uia igitur in humanæ conditionis rotâ nil firmum, nec in gloriâ fortunæ constet esse perpetuum; jam ad novum hanc Ecclesiam statum urgebat necessitas rerum; quæ toties creditur immutasse, quoties decedente suo Pon-

<sup>d</sup> Willelmus Episcopus vixit in Episcopatu annis 9. mensibus 4. diebus 5. Transit Idus Decembris, tam annis plenus quam moribus, vir & religione & prudentia plurimum laudabilis, &c. Sic continuatio Historiæ Simeonis de Ecclesia Dunelm. inter X. Scriptores Twisdenianos p. 66. Obiit 1153. Idib. Novembr. juxta Johannem Hagustaldensem. Verius Annales Dunelm. & Historia major Dunelm. Obiit 1152. 14. Novembr. cùm sedisset annis 9. mensibus 5. diebus 7. Ecclesia vacavit post obitum ejus annis 2. hebdomade 1. diebus 6.

<sup>e</sup> Die 79. post obitum Willelmi Episcopi, anno Regis Stephani 18. Indictione 1. (viz. anno Christi 1153. ineunte) 11. Cal. Febr. electus est in Episcopum Hugo, Eboracensis Ecclesiæ Thesaurarius & Archidiaconus. Sic habet Continuatio Simeonis Twisdeniana p. 66. De die consentiunt Gaufridus & Annales Dunelmenses; ut hinc constet Willelmi Episcopi obitum mense Novembri superiore contigisse; quamvis hic loci pro 79. legendum videatur 71. Hugo iste, cognomento Putea-censis, sive de Pusar, aliis de Pudsey, nepos tificæ

tifice in alterius regimen visa est successisse. Hujus siquidem honoris quasi [plures] occupaverat ambitio; Priorem autem ardentius sollicitabat & Archidiaconum, quorum judicio sacerdotis maximè pendebat electio. Volebat alter ab altero eligi; nec tamen alter alterum volebat assumi; factaque est inter eos quædam animorum contentio, quis eorum videretur major, & ad ascensum Episcopalem quoquo modo fieri posset vicinior. Domum denique Dei, quam neuter optabat alteri, ad alium ordinante Domino necesse erat transferri. Ad celebrandam ergo juxta antiquam consuetudinem & antiquorum Patrum institutionem Episcopi sui electionem coegerunt Synodum; Clerique & populi consensu agnito, elegerunt uno animo, unâ voce XI. Cal. Februarii virum venerabilem Hugonem Thesaurarium Eboracensem, juvenem tunc circiter annorum XXV. de Puteaco oriundum, formâ similiter & genere præclarum, anno Dominicæ Incarnationis M C LIII. Quod eo magis faciebant, eò quòd nobilitatis & honoris optima fuit conjunctio; ut unde originis gratiâ exitit præclarior, inde ex virtute animi ad tuendas libertates & jura Ecclesiæ promovenda fieret præstantior. Hoc autem ut ad Henrici Murdac Archiepiscopi Eboracensis & Bernardi Abbatis Clarævallis & aliorum probabilium virorum notitiam attigisset; gravi in Priorem Laurentium & majores Ecclesiæ furore accensi sunt; indignè ferentes, quòd sine ipsis tam arduum & hæcenus insolitum præsumpsissent attemptare negotium. Dicebant enim electionem sine consensu Metropolitani factam irritandam, & inter ea quæ sacrorum canonum disciplinam non prætendunt puniendam. Electumque tenerum & delicatum adhuc sæculi desideria redolere; spiritualia minùs sapere, nec habere expertum quid sit moribus Præfulis congruum. Neque ad Ecclesiæ regimen debere admitti, cui nulla morum sanctitas aut continentiæ suffragaretur auctoritas. Nec in eligendo Præsule formam corporis vel favorem considerare originis, sed potius vitam & meritum; & provectionis & ætatis requiri personam, quæ nosset subditorum infirmitatibus verbo pariter & exemplo consulere. Et quidem bonum zelum gererent, si pietatis studio eorum, si quæ contra canones admisissent, correctioni insisterent: Clausis autem oculis ferebantur in præjudicium Dunelmensis Ecclesiæ; dum æmulatione ducti electionem Episcopi ad suum, i. e. Eboracensis Ecclesiæ judicium voluissent transferre; quod nec consuetudo perhibet gestum, nec privilegia permittunt esse gerendum. Tentabant summopere objectis accusationibus Priorem flectere; quatinus aut vocem immutaret aut reinnovaret. Solus Episcopus Wintoniensis cum consensu Regis Stephani partem fovebat Electi; literis simul & nunciis suadens cœptis operam impendere; ne pro defectu causæ foedum futuris temporibus exemplum relinqueret, & damnum perpetuum redundaret Ecclesiæ. In omnibus his non peccavit Prior labiis suis immobilis, nec minis obtreçantium nec a statu rectitudinis impulsu declinans propriæ debilitatis. Erat enim juris peritus, eloquentiâ præditus, divinis institutis

erat Henrici Episcopi Wintoniensis & Stephani Regis, Ecclesiæ Eboracensis Thesaurarius à Willelmo Archiepiscopo Wintoniensis Archidiaconus ab Henrico Episcopo constitutus, utrumque munus militari potius quàm Clericali more administravit. Henrico enim Archiepiscopo Ebor. quòd in Ecclesiam & urbem Ebor. regio præcepto non admitteretur, anno 1149. ipsum & omnes in civitate consistentes excommunicante, ipse nihil de Ecclesiasticis officiis omitti permittens, Archiepiscopum & ei obsequentes pari instantiâ excommunicari fecit; & mox in Southangliam transiens, Episcopales possessiones Wintoniæ & castra

cum militari manu ipse militans defensabat: præbuit habet Johannes Hagustald. p. 277. Consecratus est ab Anastasio Papâ 1153. 20. Decembr. Malè Gaufridus, Historia major & Annales Dunelm. die S. Thomæ Apostoli consecratum scribunt. Ista enim Dominica non erat; & consecrationem anno 1153. Dominicâ ante Natale proximâ Hovedenus & Mailrosensis, in Vigilia S. Thomæ Gervasius, factam fuisse præbuit. Intronizatum fuisse 1154. 2. Maii Historia Major & Annales Dunelm. concordî testimonio confirmant.



sufficienter instructus, non habens opus ab aliis mendicare consilium in adversis. Archiepiscopus verò universa in suum ducens quæ gerebantur contemptum, præcipuos electionis fautores vinculo anathematis innodavit; sententiam contestans nec pro Rege Stephano nec Eustachio filio ejus, qui pro Hugone quoddam cognatus erat, intercedebant, remittendam fore, donec universi poenitentiam compuncti iudicio starent Eboracensis Ecclesiæ. Tandem obtinente Theodbaldo Archiepiscopo ac Legato, personas apud Beverlacum absolvit; ubi in liminibus Ecclesiæ singuli nudi virgis sunt coram omnibus cæsi; sed Hugo minimè ab eo meruit consecrari. At illi, quamvis populo spectaculum fierent ridiculum, majorem ex nuditate credebant decorem se induisse; quod digni habiti sunt tantas pro libertate Ecclesiæ contumelias suscepisse. Verecundiam tamen & scandalo confecti, in magnam moestitudinem delapsi, à proposito sui soliditate non sunt immutati. Romam igitur proficisci statuentes iter arripiunt, Laurentius sc. Prior & Laurentius Archidiaconus, & nonnulli de Episcopatu viri nobiles & staturâ venerabiles, tantum reverentiæ prætendentes in vultu & gerentes in habitu; quod quocunque venirent, intuentes in admirationem sui converterent; qui foelicem illam & incomparabilem Ecclesiam, quæ tam conspicuos haberet viros, prædicarent. Et transfretantes, prius quàm transalpinârunt, audierunt Papam Eugenium, cui tota adversæ partis spes incumberebat, eò quod ipse sicut & ipsi Cisterciensis esset, humanis excessisse; aliumque Athanasium nomine virum sanctum & senem in Apostolatu successisse. Speque meliori conceptâ, laborem itineris alacritate alleviabant mentis.

### C A P. III. De consecratione Hugonis Dunelmensis Episcopi.

**V**enientes itaque Romam, & à Domino Papâ honorificè suscepti, coram eo die altero de Electo suo loquelam deponunt; & ut ei manus consecrationis apponeret, humiliter petunt; dicentes hanc suæ occasionem fuisse peregrinationis. Cum protinus à quibusdam circumstantibus contradicitur; & de teneritudine adolescentiæ objicitur; certantibus aliis electionem ejus admittendam & Apostolicâ consecratione dignam. Ad quod probandum convenientia de majorum exemplis produxerunt testimonia; videlicet quod puer VII. annorum Joas regnaverat; & Daniel annis puer, animo senex, senes in iudicio convicit. His itaque allegantibus & aliis intervenientibus, Dominus Papa votis petentium annuit; & eum in Festivitate S. Thomæ Apostoli in Episcopum consecravit. Desiderio itaque suo cum triumpho potiti, patriam redeunt. In itinere, pro dolor, Prior Laurentius subitâ infirmitate corripitur; & apud quendam Galliarum vicum decumbens, viam patrum suorum ingreditur. Cujus ossa transactis post aliquot annis Dunelmum sunt translata, & in Cœmiterio fratrum condita. Episcopus verò morarum impatiens, relictis cum Priore qui ejus ægritudini deservirent, viâ indulgit. Et Angliam veniens, optatæ exultationis, quamvis de inimici interitu gaudendum non esset, nuncium excepit de morte Henrici Eboracensis Archiepiscopi. Ita ipse his qui sibi adversabantur è medio sublati, liber cathedram Episcopalem nullo contradicente aut obstante conscendit anno Dominicæ Incarnationis MCLIV. \* VII. Nonas Maii. Cœpit igitur de gravitate morum annorum juventuti consulere, & honorum exhibitione ingenuitatem venustare. Et primò quidem se singulis conformans gerebat, se humilem & vultûs hilaritate & sermonis jucunditate; & sic universitatis in se convertit affectum. Eratque de Episcopo suo communis omnium assertio, populum suum è Cælo Dominum misericorditer respexisse; qui novum in terrâ Danielem suscitasset; dum eis ætate juvenem, moribus senem Pontificem direxisset. Gradui suo

\* VI. Non. Co-  
dex alter.

suo tam plerumque nobilitas quàm juvenus contraria imperabat ; quæ non minùs reverentiâ famæ quàm amore justitiæ compescebat. In multis tamen utramque profecutus est affectionem. Correptus etiam à suis, nonnunquam tanquam senioribus adquiescebat ; paulatim tamen in subditos cupiditatis fræna laxare. Interea egressi sunt de Israel filii iniqui, honoris cupidi, delatores, invidi, ore serpentino in aurem Episcopi susurrantes, si quid in ipsum à Priore vel à quolibet Fratrum secretò vel jocose dictum fuisset, quod ad iracundiam & odium eorum illum movere potuisset. Secretum quoque Capituli, quod piæ recordationis Cœnobii hujus fundator Willelmus sub anathematis interdicto fieri prohibuit, ad ipsum deferebant ; & vexationibus, quas ab antecessoribus Episcopis pertulerant, insistebant. His Episcopus fidem accommodans, subito mutatus est ; de die in diem austerior apparuit ; & à colloquiis eorum, quibus frequenter interesse delectabatur, abstinuit. Nihil verò quandoque gerebatur impune. Multi namque Monachorum, qui vel accusationibus vel adulationibus indulgebant, vel familiaritate suffulti Episcopi, cellarum custodias vel offam aliquam in contemptum Prioris & Ordinis usurpabant, divinæ districtiōis manum experti miserabiliter decesserunt.

C A P. IV. De successione Absolonis, Thomæ, Germani & Bertrani Priorum Dunelmensium.

**D**Efuncto igitur Laurentio Priore, Prioratum accepit Absolon, vir quidem de forinsecis edoctus, sed minùs literis eruditus ; sub quo nutabant libertates Ecclesiæ, dum non esset qui contra Episcopum vocem contradictionis assumeret. Huic successit Thomas, communi consilio fratrum electus, largitatis amator & temperantiæ cultor. Qui eis reluctari suadentibus, eorum se fidei & juramento committens, probitatem experiri decrevit ; & abortâ super quibusdam libertatibus, maximè tamen super Ecclesiâ de Alvertonâ, inter ipsum & Episcopum contentione, viriliter restitit. Fratribus verò sicut cera à facie ignis illico timore solutis, & eum sibi in conflictu relinquentibus, violentiâ Episcopi depositus cessit ; & Farnen secedens, bono fine quievit. Post quem in Priorem provehitur Germanus, summæ simplicitatis & patientiæ Monachus, habens quidem voluntatem resistendi, sed enormi prædecessoris turbatus exemplo, quo minimè fratrum consideret auxilio ; considerans se ad hoc viribus imparem, & contra tractum fluminis niti impotentem, in patientiâ magis fovere eligit honorem quàm sine fructu temporalem nomini suo adjicere confusionem. Ei tamen Episcopus quasdam libertates à Ranulpho Episcopo deletas sive prohibitas restituit ; e quibus quasdam elegit, quasdam ex simplicitate neglexit ; quas successor ejus Bertranus, sc. sedem Abbatis in Choro & Capitulo renovavit. Isto demum huic vitæ sublato, idem Bertranus eligitur, vir bonus & strenuus ; cujus præconium est, quod suis temporibus Ecclesia pristinis restituta est libertatibus. Episcopus ergo nec erga Barones nec Clericos, in quibus maximè confidebat, veterum statuta servabat. Comperit enim penès eos jam non modicum sui residere timorem, & plurimam mentis inolevisse tepiditatem ; ut nec obsilare vel in occultis auderent ; & si quando vultum prætenderet hilarem, & loqueretur pacificè, tantæ dignationi suæ gratias agerent. Quos amabat, libertati ; quos volebat, servituti dabat ; ut quorundam hæreditates & jura videretur in extraneos contulisse, & novis institutionibus antiquas Episcopatus leges & consuetudines penitus immutasse. Venientes ad se Monachos honorificè semper excipiebat, & Dominos vocabat ; quo eorum dilectionem non mediocriter obtinebat. De rebus Episcopatus multiplicandis & possessionibus dilatandis omnem gerebat sollicitudinem ; ut in brevi priores redditus nova adæquarent atque transirent incrementa ; quæ non tam suis quàm succeden-



succedentium sibi judicabat usibus profutura. Libertates quoque suas nec Regis nec Archiepiscopi nec aliorum quorumcunque obreptione violari; nec aliquem qui suæ ditioni subiacebat vel se ejus patrocinio committebat, impetentium fortitudine passus est conturbari. Erat in omnibus fortunatissimus; & ad quæcunque gerenda vel adinvenienda direxit animum, ad votum prosperè succedebant. Unde non minùs stupenda videntur quàm dolenda in solum cupiditatis devolvi vitium, cui ferè universorum suffragabatur gratia morum.

C A P. V. De obitu S. Godrici, & passione S. Thomæ Cant. Archiepiscopi.

**A**Nno Pontificatûs sui xviii. Prioratûs Germani viii. anno, annò ab incarnatione Domini MCLXX. venerabilis heremita Godricus<sup>f</sup> in senectute bomigravit à sæculo. Eodem quoque anno pretiosus athleta Domini Archiepiscopus Cant. Thomas &c. Eo verò priusquam talia fierent adhuc pro debito pastoralis officii exulante, Episcopus Dunelmensis, sicut universi penè per Angliam Co-episcopi, eò quod contra iniquas prævaricationes & inauditas Regis Henrici II. constitutiones divinis legibus [adversas] non obstiterint, sed magis eas juramento suo firmaverint; suspensionis sententiam accepit. Sed interveniente pro eo eodem Archipræsule, quòd multò fuerat innocentior, absolvi promeruit.

C A P. VI. De guerrâ inter Henricum II. Regem & filios suos, & de captione Willelmi Regis Scotorum apud Alnewyk.

**L**Apso verò post hæc biennio, Henricus Regis Henrici II. filius, alter Absolon, surrexit in patrem &c. Fuerunt autem qui contra Episcopum Dunelmensem Regis animum concitârunt, eò quòd diceretur in occulto Regi Scotiæ consensisse, dum liberum ei per fines suos transitum tribueret, & nullam resistendi similitudinem exhiberet; & ipse in immensâ pecuniæ quantitate punitus est.

C A P. VII. De ornamentis, quæ Hugo Episcopus contulit Ecclesiæ Dunelmensi.

**A**Ntecessorum studia, qui Ecclesiam construxerant & multa ad decorem & monumentum illuc contulerant, approbans, diligentiam æmulari studuit, à quibus documenta probitatis accepit. Novum ergo ad Orientalem hujus Ecclesiæ plagam opus construere cœpit. A transmarinis partibus deferbantur columnæ & bases marmoreæ. Cùmque plures non sine ipsorum periculo fatis intercedentibus admitterentur magistri, & tot haberet principia quot magistros; sumptibus copiosis in operarios impensis, & muris in aliquam vix altitudinem erectis, in rimas tandem deficiens, manifestum dabat indicium id Deo & famulo suo S. Cuthberto non fuisse acceptum. Omisso itaque opere illo, aliud ad Occidentem inchoavit; in quo muliebris licitè fieret introitus; ut qui non habebant ad secretiora sanctorum locorum corporalem accessum,

<sup>f</sup> Godricus, Heremita sanctissimus, apud Walpole in provinciâ Norfolkienſi natus, postquam annos 60. in heremo Finchalenſi exe-

giſſet, obiit 1170. 21. Maii, teſte Matthæo Paris, qui multa de eo ſcriptis commendavit.

aliquod haberent ex eorum contemplatione solatium. Fecit etiam in Ecclesia coram altari tria ex argento bacilia cum initiis suis argenteis cristallis mixtim insertis dependi, in quibus lumina die noctuque perpetuo ardentia ob venerationem sancti patris Cuthberti & reliquiarum lucerent; alia quoque in circuitu altaris ad instar coronæ super candelabrum poni, quæ majoribus solenniis accensa Ecclesiam suis fulgoribus irradiarent. Ad quorum defectus omnes in futuro evacuandos eis inveniendis redditus constituit, certo termino percipiendos. Feretrumque ex auro & argento, in quod ossa Venerabilis Bedæ Presbyteri & Doctoris transferre decrevit, ex studio artificum tantâ diligentia compositum; ut quid magis in eo præster, opus an decor, merito veniat in dubium. In ornamentis verò, cruce sc. & calice pariter ex auro, & aliis quæ alibi scripta habentur, famam melius exornavit; id semper in corde recogitans canticum, † *Domine dilexi decorem domus tue.* Præterea Hospitale de Schirburne construxit in elefantiosos in Episcopatu suo circumquaque collectos, ibidem instituit, aptisque eorum usibus habitaculis ampliavit; & ne quid sollicitudini caritatis deesset, ad eorum perpetuam sustentationem terras & Ecclesias concessit & confirmavit. Fecit pontem de Elnete, & Burgum similiter; quem postea Monachis, eò quòd juris eorum esset, cum libertatibus suis integrè resignavit. Murum quoque à portâ Aquilonari usque ad Australem novum fecit. In ædificiis quoque eandem habebat instantiam; nec in qualibet rerum pensabat erogatione sive dispositione dispendium; dum omnia vel ejus voluntatem explerent, vel parerent laudem. In Castello namque Dunelmensi ædificia, quæ primis Episcopatûs sui temporibus flamma consumpserat, renovavit; & Castellum de Northam, quod munitionibus infirmum reperit, turre validissimâ forte reddidit. Apud Alvertonam etiam firmavit oppidum, impetrato à Rege ut inter adulterina, quæ tunc ubique per Angliam destrui juebantur, hoc solum integritatis privilegium obtineret; quod Rex tamen postea mandavit everti & solo funditus æquari. In aliis quoque locis suis, quæ vel domorum raritas sive vetustas minùs honestati vel Episcopali susceptioni fecerat idonea, habitacula diversa & in sublime erecta construxit; maximum hoc esse genus æstimans probitatis, nullam posteris occasionem reliquisse sollicitudinis. Erat vir consilii, temperantiæ cultor, & amator prudentiæ, probitate edoctus magistrâ celsitudinis culmen appetere, æqualem Baronibus transcendere societatem, omnem libertatis prærogativam transire, & contra insurgentes potentias rigoris frontem erigere. In omnibus ita compositus; ut nec veste intuentem offenderet. Divitiis sociabat audaciam, scientiæ eloquentiam, ut utrinque munitus obloquentium linguas retunderet, & virtutem elideret adversam. Cumque innumeros pro libertate Ecclesiæ tuendâ susciperet congressus; præclaros semper nomini suo titulos reportabat illæsus; adeoque justitiæ in tuendis zelum & nobilitatis in ampliandâ gloriâ exercebat ingenium; ut multorum in se livorem excitaret, qui fortitudinem suam dicerent fuisse tyrannidem & copiam elationem.

CAP. VIII. De captione S. Crucis in terrâ Jerosolymitanâ.

**A**Nno ab Incarnatione Domini MCLXXXVII. terram Hierosolimitanam Paganorum incurfus magnâ ex parte obtinuit, &c. Episcopus vero cruce susceptâ, aliorum Episcoporum & Abbatum exemplo animatus, non modicam à suis [in iter sublevandum] pecuniam extorsit; fecitque sibi navem pulcherrimam & naves, quarum se firmitati & suos, necessaria quoque & arma defendenda tutius crederet, ollasque coquiniarias & vasa diversa ex argento, sedile quoque argenteum mirandi operis & decoris; ut majorum Episcoporum sive Ducum gloriam superaret.



## CAP. IX. Hugo Dunelmensis Episcopus factus est Comes Northumbriæ.

\* 1 Austria.

**R**ege interea Henrico humanis rebus exempto, Ricardus filius ejus ei in regnum successit: cujus coronationi Lundoniæ iii. Non. Septembr. Episcopus interfuit; quem Rex in tantæ familiaritatis & dilectionis gratiam ascevit; ut patrem nomine veneraretur, & filiali coleret affectu, nec aliqua in regno suo sine ipsius arbitrio statui vel disponi permetteret; curamque regni ejus prudentiæ & fidei, donec à peregrinatione reverteretur, committeret. <sup>s</sup> Deditque ei Comitatum Northanimbriæ & Satbirgiam cum pertinentiis suis, & cartâ suâ confirmavit, pro undecim mille libris; ita tamen quod Northanimbriam in vitâ suâ teneret; Satbirgia autem jure perpetuo possidenda tam in suos quàm in succedentium Episcoporum usus perseveraret. Versumquæ est omnibus in miraculum, videre Episcopum gladio militari accinctum, de veteri Episcopo novum Comitem factum. Honore verò ipse gaudebat animatus; missisque Romam nunciis III. annorum inducias petiit; & postmodum penitus à voto peregrinationis impetravit absolvi. Rex igitur de terrâ Siria revertens, à Duce \* Holstriae captus, & Imperatori venditus, Legatariis in Angliam directis, mandavit suæ liberationi celerius & uberius ab omnibus subveniri, aurumque & argentum ecclesiarum & vasa sancta vel eorum redemptionem ad se transmitti. Episcopus autem Ecclesiam Dunelmensem nullam volens sustinere diminutionem, quam novis semper decoris optabat incrementis proficere, thesaurum datis C. marcis redemit, & illibatum loco muneris Ecclesiæ restituit. Misit quoque Regi duo millia librarum argenti; quæ ille minùs grater acceptit, eo quod censeret modicum præstitisse, quem sub obtentu liberationis suæ immanes copias didicerat adunasse. Inter quas tam multiplicium tempestatum vicissitudines à constructione Ecclesiæ de Deringhtoun non destitit; in qua Clericis constitutis, Ordinem qui olim in Dunelmo fuerat revocare decrevit. Aliam quoque quidam de Giseburniæ professione egressi prope Dunelmum in parochiâ Monachorum fundaverant; Monachis contra id ægrè ferentibus, & ne quid in præjudicium Ecclesiæ attemptaretur prohibentibus, Henricus de Puteaco filius Episcopi patrocinium eis advocationis præstante, operi nihilominus operam dabant. V debatur his Episcopus assentire; dum querelas Monachorum ad ipsum frequenter delatas non admitteret; sed objecto nullum eis nasci posse libertatis sive possessionis dispendium, permissione simulatâ præteriret. Amisso igitur Comitatus officio, Sathburgiam revocare satagebat; ad cujus desiderii effectum magis censuum quàm meritorum sive precum more solito profuturum sciens esse suffragium, duobus mille libris ob ejus restitutionem oblatis, Regis animum emolli-vit, qui & literas & verba amica Episcopo direxit. Ex quarum dulcedine magni jam de spe & fiduciâ exultationis & gaudii inerant conceptus; ignorante Episcopo quos ei fructus proximæ tribulationis parturiret occurfus.

<sup>s</sup> In Concilio apud Pipewelle 1189. mense Septembri Rex constituit Hugonem Dunelmensem Episcopum & Willelmum Comitem Albemariæ summos Justiciarios Angliæ. Anno 1190. mense Februario Rex statuit Willelmum Eliensem Epi-

scopum Cancellarium suum summum Justiciarium Angliæ; & concessit Hugoni Dunelmensi Episcopo Justiciariam à fluvio Hambre usque ad terram Regis Scotia. Sic Hovedenus f. 375. & 378.

C A P. X. De obitu Hugonis Dunelmensis Episcopi. <sup>a</sup>

**I** Tinere namque versùs Curiam arrepto, subita eum apud Cretam quasi de cœnâ hesternâ oborta subrepit ægritudo; quæ cotidianis, quoadusque Donecastram veniret, dolorum fovebat augmentis. Ubi cùm ulteriùs equo præ molestiâ progredi non posset; Hoveden navigio devectus, crebris anhelitibus ad exitum cœpit urgeri. Inter quæ corporales angustias, quas perferebat, peccatorum quoque recordatio conscientiam ad pœnitentiæ lamenta salubriter compungebat. Monachis autem terras & libertates, quas eis abstulerat, restituit; & his villam de Neutoun, quam ipse propriis sumptibus emerat, adjecit, & cartâ suâ confirmavit. Hæreditates quoque & jura quorumcunque in Episcopatu abstulit vel minoravit, singulis restitui debitâ redintegratione mandavit. Jussit præterea Regi duo mille marcas, quas pro Satbrigiâ & aliis dignitatibus promiserat, solvi: adeò de profectibus successorum sollicitus, ut cum moriente, quam in honoribus acquirendis semper habebat, dilectio non moreretur Ecclesiæ, id sibi perpetuam conferens in laudem, quod in usum cæteris cederet temporalem. Sedit annis XLI. & mensibus II. & diebus \* XIV. & Episcopatu optimè administrato, senex & plenus dierum excessit feriâ sextâ V. Non. Martii anno ab incarnatione Domini MCXCV. Corpore ejus Dunelmum delato & nondum sepulto, Hugo Bardolfi saisivit Castellum in manus Domini Regis. Oppidani verò claves ad loculum B. Cuthberti deponentes, ei tanquam summo defensori omnem resignabant curam, cui ipse permetteret deinceps obtinendam. Milites memorati Hugonis, ut eis darentur, à Monachis postulabant; protestantes seipsos recepturos ad honorem sancti Confessoris, nec ob periculum sed commodum juris eorum & conservandæ libertatis.

\* IV. habent.  
Annales Dunelm.

C A P. XI. De Ranulpho de Grimesbi.

**I**llis autem id quidem eis licere permittentibus, dare autem nolentibus; quidam qui majori potestate alios videbatur excellere, habiliter accessit, & claves de feretro reverenter tulit; sed non impune. Cùm enim extra januam Ecclesiæ paululum processisset; cœpit subitò vehementi corporis æstu fatigari, & ferro in manibus calescente, novitate rei in timorem converti. Gressuque timenti sub celeritate reversus, eas unde tulerat projecit, nec tamen præsumptionis pristinæ pœnam taliter effugit. In domo namque suâ in provinciâ Lyndissi subitâ correptus ægritudine, in insaniam quoque incidens, miserabiliter coram oculis suorum videbatur interiisse. Possessiones interea Episcopi & oppida Ballivi Regis occupabant; qui primò Hugoni Bardolf, deinde Archidiacono Herefordensi, novissimè Ricardo Briwerre & Gilberto filio Reinfridi Episcopatum commisit. Qui cùm sibi vicissim succederent, & singulis ferè mensibus novos in custodiis Præpositos instituerent; illi commodis suis ardentius insistentes, ex alternâ mutatione provincialibus mala innovabant. De thesauris Episcopi diligentius inquirebant; & non solum familiares & Officiales Episcopi, sed eos etiam qui nullius ei familiaritatis vel officii gratiâ

<sup>a</sup> Obiit apud Hoveden 1195. 3. Martii, feriâ 6. sepultus apud Dunelmum in Capitulo Monachorum. Vacavit Ecclesia annis 2. ferè. Verba sunt Annalium Dunelm. quibus suffragantur Hovedenus & Mailrosensis. De Hugonis Episcopi moribus, vitiis, opibus, rebus gestis, atque prole Willelmus Neubrigensis

ubertim agit *Hist. Angl. l. i. c. 26. l. 5. c. 10, 11.* His ego id duntaxat adjiciam, illum Ecclesiam Dunelmensem ab Eboracensis Archiepiscopi ditione eximi olim obtinuisse. Exemptionem Cœlestinus Papa cassavit bullâ editâ 1191. 11. Maii. Concilio Lateranensi anno 1179. Hugo interfuit.

fuerant



fuerant astricti, sed aliquid abundantius videbantur habere, regii auctoritate imperii ad solvendum cgebant. Nonnulli quoque Provincialium his quæ Episcopus de restitutione mandaverat innitentes, in ea quæ sui juris erant minus consultè irrucentes, in misericordiâ Regis propriæ temeritatis laqueo sunt innodati, nec tamen propositi sui desiderium consecuti. Monachi verò nondum aliqua horum inquietudine pulsati, suæ propensius satagebant prospicere quieti: directique sunt Monachi, qui literas tuitionis & confirmationis libertatum à Rege impetrarent. Ab eo autem minimè super his merebantur audire; eò quòd apud Monachos pecuniam Episcopi esse reconditam, jamque ab eis electionem factam, accusantium livor fecerat intelligi. Adhærebant enim Regi quidam Episcopo quondam amantissimi; qui in hoc tam suam liberationem quàm rerum suarum solutionem constituebant; si nec Clericum nec Laicum præterirent, quem suæ proditoris malignitate non tetigissent. Unde plerunque injustis vexationibus aggravati, multa denique rerum suarum damna sunt perpeffi. Prior vero Archiepiscopo Cantuariensi accusatus, ei apud Eboracum occurrit, super his quæ ei objicerentur responsurus. Cùmque Archiepiscopus X. mille libras ab eo argenti exigeret, & ad solvendum commoneret; Prior tam suam quàm fratrum innocentiam purgabat; & in amicitiam Archiepiscopi non mediocriter admissus, literas ab eo ad cohibendas Regalium, si quæ orirentur, violentias impetravit. In eo tempore idem Archiepiscopus, Apostolicæ Sedis Legatus, apud Eboracum Concilium celebravit; & Prior locum Dunelmensis Episcopi, i. e. dextram Legati in Concilio & in prandio, ægrè id ferentibus Decano & plerisque Eboracensis Ecclesiæ majoribus, obtinuit. Monachi denique in antiquam Ecclesiæ missi libertatem, Ecclesias vacuas dabant, & redditus augebant, & in omnibus suæ dignitatis vigorem exercebant.

## CAP. XII. De electione PHILIPPI PICTAVIENSIS. <sup>i</sup>

**M**issi sunt præterea Monachi, qui Regis animum super electione Episcopi consulerent; quos ipse de quodam familiari suo Domino Philippo Pictaviensi humiliter convenit; multas amicitias & libertatum confirmationes pollicens, si hunc fratres voluissent. Quo ipsi audito, eundem tam propter eximiam honestatis & probitatis quam de eo acceperant opinionem, quàm conceptam de regiâ promissione fiduciam, in Capitulo suo elegerunt II. Non. Januarii. Unde Rex mirabili exultatione repletus, gratias eis egit; & domum Dunelmensem in protectione suâ suscipiens, libertates quas postulaverant confirmavit. Constructionis interea Monasterii apud Bacstaneforde impatientes Monachi Canonicos in causam vocaverant; & usque ad ejectionem eorum tam literis Apostolicis quàm juri suo & prudentiæ innitentes, nec expensis nec labori parcentes institerant. Henricus demum de Puteaco pœnitentiâ ductus veniam à Priore & Fratribus suæ præsumptionis expetiit, & in concordiam sub hac formâ pacis rediit. Concesserunt prædicti Prior & Monachi eidem Henrico locum suum de Finckale cum pertinentiis suis; quem idem Henricus super altare

<sup>i</sup> Philippus Pictaviensis, gente Aquitanus, postquam Ricardo Regi à secretis consiliis adhibitus, sedulam ei operam diu præstitisset, in Episcopum Dunelm. electus est à Monachis Dunelm. coram Huberto Archiepiscopo Cant. apud Alvertun (factum id 1195. mense Novembri Gervasius asserit) Presbyter ab Henrico Landavenfi Episcopo apud Dunelmum ordinatus 1196. 15. Junii, Episcopus

à Coelestino Papâ apud Romam in Ecclesia Lateranensi consecratus 1197. 20. April. Ex Annalibus Dunelm. Hovedeno, Dicetensi, &c. Huic Ricardus Rex monetam in urbe Dunelmensi cudendi licentiam anno 1196. concessit. Johanni Regi perquam gratus, ipsi author extitisse dicitur, ut spreto Papæ censuris potestatem regiam constanter assereret. Vide Parisium, p. 231, &c.

B. Cuthberti in eleemosinam obtulit, & Ecclesiæ in perpetuum liberè possidendam cum omnibus rebus & possessionibus, quas in usus prius contulerat Canonorum, concessit & confirmavit; sc. ut illic Ecclesiam construeret & Conventum Monachorum institueret. Elegit Priorem de ipsis fratribus cum consensu Prioris & Capituli, Thomam sc. Sacristam Dunelmensem; qui adhibitis sibi aliquibus fratribus eundem locum regendum suscepit anno ab Incarnatione Domini MCXCVI. Eodem anno obiit Burcardus Archidiaconus Dunelmensis VIII. Idus Decembr. qui dudum ex promisso Regis obtinisset, si tamen regis voluntati dato quod petebatur argento satisfacere voluisset.

Electus ergo Dunelmensis Romam profectus à Papâ Cœlestino consecratus est XII. Cal. Maii anno Domini \* MCXCVIII. Nec tunc quidem Monachi à livore malignantium tuti esse poterant. Proprium enim est hujus Ecclesiæ decedentibus Episcopis primos impetus de suorum impudentiâ præsentire. <sup>\* 1197. Cod. alter.</sup> Erant enim qui illorum æmulerentur quietem & fortunam; usque sunt Haimericus Archidiacono ejusdem Episcopi nepote, quo mediante venenum suæ malitiæ molibus auriculis infuderunt; suggerentes Episcopo, qui spe senectutis innocentiam promittebat, Monachos quasdam libertates usurpasse, quas temporibus prædecessorum suorum nullius eos atas meminisse perceperat. Horum falsitatis assertionibus Episcopus consentiens cervicem erexit, & à Clericis eorum auxilia & vacantium Ecclesiarum custodias & donationem exegit; & quas ipsi vexationes illicitas dicebant, ipse libertates suo juri debitas asseribat. Cumque eos minis & terroribus appeteret, & nec privilegiis Ecclesiæ fidem daret; illi existentes in consiliis unanimes libertatibus viriliter incumbabant; adeoque prudenter persecutionem patris excipiebant, quod & humilitatis obsequium exhiberent, & tamen integritatis suæ gloriam non amitterent. His malorum incendiis de Ecclesiâ de Elute major contentionis succrevit occasio.

### C A P. XIII. De discordiâ inter Philippum Dunelmensem Episcopum & Monachos.

**P**OST decessum M. Ricardi de Coldingham, Fratres in Ecclesiam intro-missi hostia jam clauferant. Torquebatur itaque animo Episcopus, hoc in suam deducens ignominiam; tantamque concepit vesaniam; quod Ecclesiam convertisse videretur in carcerem, dum custodiam armorum circumponeret, ignem & fumum hostiis & fenestris adhiberi præciperet; cibum inclusis inferri, ut vel fame cederent, prohiberet. Hæc omnia Monachi perferebant. Jamque in patientiæ suæ gloriam omnes qui convenerant vel hoc audierant, animos ad compassionis acerbiterat. Videns demum Episcopus, quod ejus instantia non proficeret, & constantia fratrum indefessa non deficeret; ne pudoris vitio videretur affectus, sed magis studio pietatis astrictus, eandem Ecclesiam eis in usus perpetuos concessit, & Episcopali auctoritate roboravit; siluitque contentio, sed tamen adhuc se mutuo suspicionis stimulo compungebant.

### C A P. IV. De moribus Philippi Dunelmensis Episcopi.

**N**OVOS itaque modos adversandi Episcopus excogitabat; quibus tam Monachis quam provincialibus habebatur infestus. In operum etenim inconstantia, oris & animi, plurima interesse videbatur duplicitas. Nam si quid ab his ut putabat in contrarium ageretur; rerum spoliationes, corporum inclusiones ex iræ vehementia qua regebatur jubebat inferri. Sed & querelâ ad ipsum delatâ ignorantiam prætendit; ac si diceret Feci, & non feci. Et licet aliquando



aliquando in responsis invenirent consolationem ; perfectam minimè reportabant restitutionem. Hæsitabant singuli, quid potius ad pacem suam expediret, cum conqueri in malis non profuisset. Alii ad Episcopalem amicitiam & familiaritatem, muneribus seu adulationibus sive accusationibus indulgentes, se transferebant. Plerique barbari indignantes dominium ex animi virtute, si coadjutorum brachio fulcirentur, resistere decernebant. Nonnulli propter rem transitoriam judicabant meliorem esse tolerantiam. Literas etiam à Sede Apostolicâ impetraverat ; quarum auctoritate Officialium Monachorum & rerum dispositionem cum jure ab his exigeret. Quæ cum in Synodo legerentur, Prior appellationem, quam jampridem fecerat, renovabat ; & se gradumque suum & Ecclesiæ statum sub protectione Summi Pontificis constituens, literas illas nullum allegabat obtinere vigorem, quòd ex suggestionem falsâ Apostolicam corrupisse Sanctitatem ferebatur. Præterea in Episcopum à Fratribus verba contumeliosa [emissa sunt,] quorum exagitatione stimulatus, quendam Fratrem baculo percussisset, nisi quidam objectâ manu cohibuisset. Et ita quidem in contentionibus est Synodus soluta in die malâ.

CAP. XV. De gravaminibus, quæ Philippus Episcopus contulit Monachis Dunelmensibus.

**D**I E sequenti rogabant Fratres, ut libertates Ecclesiæ audiret. Et cum ex parte lectæ fuissent ; clamore rumpens silentium, prohibebat in lectione processum ; & surgens cum furore recessit, ingentem omnibus incutiens metum, ne aliqua ex his Priori & Monachis detrimenta provenirent. Directis igitur Prior ad Sedem Apostolicam nunciis, Curiam Regis, aliquod futurum ex regiâ bonitate autumans auxilium, adiit ; à quo & benigè susceptus, & in tantam gratiam accitus est ; quòd ad petitionem suam Rex inclinatus non solum libertates Ecclesiæ confirmaret, verum etiam datis ad omnem Vicecomitatum literis, eas publicè audiri & firmiter observari præciperet. Episcopus verò Regem pecuniâ flectere moliebatur ; sed incassum. Hæc ergo majoris odii fomitem ministrabant. Episcopus enim impetum animi cohibere impatiens, ad manifestas vexationes in Monachos exercendas, quas breviter transcurro, se convertit. Posticum itaque qui ad molendinum ducebat, ne quid ad sustentationem inferretur, lapidibus obstruxit ; piscariam novam confregit, furnos in Elnete subvertit ; stagnum S. Godrici apud Finchale dissolvit ; portam Aquilonalem, ne egredientibus vel ingredientibus liberè pateret, obserari mandavit ; aquam, quam à longè in planitiem Castellî Fratres conducebant, in Castellum transverti fecit. In averia quoque Monachorum immani crudelitate grassabatur, reputans quæ fecisset bestiis intulisse & Monachis. Additur & hoc. Priore & fratribus in Capitulo constitutis, pulsans ad ostium claustrî, sibi & suis petebat ingressum ; quem quia fratres omnino denegassent, sententiam anathematis in Priorem tulit ; mandans fratribus ne ei communicarent, sed penitus devitarent. Instante etiam Festo depositionis B. Cuthberti, tantæ diei reverentiæ non deferens, misit Clericos & Laicos multitudinem copiosam ; qui ne Prior celebrare præsumeret, Episcopali auctoritate prohiberent ; & quantum possent si id ageret impedirent, ne etiam eo celebrante Monachi responderent, & ne Clerici vel Laici, pœnam transgressionis interminans, assisterent. Quo accepto, Prior se his minimè assensurum constanter respondit ; & sacris vestibus indutus, comitantibus nonnullis Fratribus, ad altare processit ; injungens his qui sui erant, quamlibet enormitatem eo die adversarii exhiberent, non resistere, sed etiam si ipsum raperent, si extra Ecclesiam ejicerent, si ad Castellum traherent, patienter sustinere. Factâque coram altari oratione, & officium Missæ choro inchoante, Laici (& quod dictu nefas est)

est) Clerici, & (quod his pejus est) etiam Presbyteri ad altare irruerunt, & funestas manus in linteamina altaris injecerunt. Illisque trahentibus, & Monachis ex diverso retrahentibus, in conspectu ovium flebile representabant spectaculum. Dominus autem Honorius, vir prudens, Archidiaconus Richemundæ, immanitatem ipsorum arguens, populum manifestè docuit, quòd in his omnibus Episcopus graviter deliquisset, nullâ autoritate suffultus; cum Prior Ecclesiæ à jurisdictione Episcopali se per appellationem absolvisset. Erantque plures, qui ad lacrimas vehementer compungerentur, & tantò gravius affligerentur, quòd ad ultionem ex loci reverentiâ accingi non possent. Mulieres etiam quæ foris stabant, audientes quæ intus fiebant, maledicta in Episcopum congerebant. Non sunt similia retroactis temporibus in Ecclesiâ Dei perpetrata; exceptis his quæ in Domino Cantuariensi leguntur impleta. Recedentibus igitur universis de Ecclesiâ exceptis paucis, Monachi divina mysteria liberè prosequentes & ad finem celebriùs solito perducentes, reliquum diei in gaudio & exultatione deduxerunt. Tertio verò post hæc die Episcopo Ecclesiam intrante, dicebatur à quibusdam quòd altare jam decrevisset subvertere. Sed non ita contigit. In vi tamen & virtute obedientiæ interdixit Monachis, ne in eo canerent. Et quidem in his omnibus aliquid magnum se egisse arbitrabatur, Monachis id ferè pro minimo habentibus, qui ex oppressione & contumeliis nascituram tempore suo segetem sperabant consolationis. Quamplures ergo religiosi & viri periti, metuentes ne periculosa esset actio, pacem inter dissidentes reformare satagebant. Sed dum ad suæ partis defensionem uterque vigilanter incumberebat; id sine sui juris periculo fieri posse non credentes, consiliis minimè adquiescebant. Ad instantiam tamen piè consulentium in amicabilem demum concordiam formam convenerunt; & sedatâ undique procellâ, facta est tranquillitas magna.

C A P. XVI. De tertiis decimis.

**I**Nterea regio per regnum Angliæ promulgatum est edicto, tam à Monasteriis quàm Ecclesiis tertiam decimam exigere, & quoscunque reluctantes ad solvendum laicâ violentiâ compelli. Venerabilis verò Archiepiscopus Eboracensis Gaufridus, Ecclesiasticæ libertatis statum mutari conspiciens, & manum sublevationis apponere cupiens, solvi à suis prohibuit, & solventes anathematis interdicto supposuit. Cumque Clerici regio prævalente metu solutioni instarent, & voluntati res non cederet; Gallias secessit, & pro domo Domini spontaneum exilium subiit.

C A P. XVII. De discordiâ inter Johannem Regem & Innocentium Papam, & de interdicto Angliæ.

C A P. XVIII. De obitu Philippi Dunelmensis Episcopi. <sup>1</sup>

**I**Nter hæc mala mortuus est Philippus Dunelmensis Episcopus X. Cal. Maii, anno Pontificatus sui XI. & extra septa Ecclesiæ in loco non consecrato à Laicis sepultus esse dicebatur. Quidam hoc in præteritorum pœnam accidisse putabant; ut qui solennitatem olim Ecclesiæ turbaverat, exequia solennia amitteret; & qui cibum inclusis ferre vetaverat, sine viatico decederet. Evolutò anno & paucis diebus, directæ sunt literæ Domini Papæ Priori & Monachis Dunelmensibus; ut sibi eligerent Antistitem secundum timorem Dei & Ecclesiæ

<sup>1</sup> Obiit 1207. 22. April. feriâ 3. juxta Annales Dunelmenses, 1208. 21. April. juxta Annales Suthwercenses. Neutra dies

in feriam 3. incidit. Obitum in anno 1208. reponunt Parisius, Mailrosensis & Wigorniensis. Rectè.



libertatem. Periculosa autem nimis erat suggestio. Si enim præter conscientiam Regis ageretur; tam corporum quam rerum suarum discrimen incurrerent. Si vero præceptum Apostolicum non adimplerent; gravioris vindictæ manum non effugerent. Fatigabatur interea multis oppressiõibus Ecclesia Anglicana; nec erat qui consolaretur eam, &c. Homines quoque Monachorum Dunelmensium, qui hætenus in quodam sinu pacis latuerant, ad omnes tallias & vexationes & onera compellebantur; nec eos B. Cuthberti tuebatur reverentia; nec aliquod his remedium consuetudo antiqua nec Ecclesiæ conferre poterant privilegia. Eodem tempore obiit Gaufridus Eboracensis Archiepiscopus; cuius depositio plurima Ecclesiæ suæ fuerat desolatio. Defunctus est & Bertranus Prior Dunelmensis; cuius sicut vita ad magnam hominibus S. Cuthberti extitit consolationis medelam; ita occasus ad summæ desolationis fore putabatur ærumnam. Sed non defuit divinæ gratiæ bonitatis. Cum enim Fratres ejus obitum ad Regem deferrent; inclinatus eis Rex & doloribus compatiens, concessit ut quem vellent de suis eligerent, & in Priorem promoverent. Electusque est Dominus Willelmus, de suâ i. e. de Dunelmensi civitate oriundus. Habebaturque pro miraculo, in tantâ rerum necessitate & temporis brevitate Priorem de se ipsis assumpsisse.

CAP. XIX. De submissione Johannis Regis Innocentio Papæ factâ.

CAP. XX. De electione Richardi Sarisburiensis Decani. <sup>m</sup>

**P**Rior verò & Monachi Dunelmenses ad Ecclesiam Dunelmensem jamdudum Ricardum elegerant Salesburiensem Decanum; sed electionem suam sub modio ponentes & non super candelabrum, apud se quinque mensibus in sui juris periculum occultabant; nec eam populo declarare, nec ad Dominum Papam referre, nec Regi volebant exponere. Agebant omnimodis, sed non adeò cautè prout deceret, ne ad Regis notitiam perveniret; ne eum haberent offensum, si quid præsumpsissent præter ejus consensum. Domino autem Legato [Nicolao Tusculanensi Episcopo] & Archiepiscopo Cant. secretum suum revelaverant; quorum ipsi factum approbaverant, & toris viribus prosequi commonebant. Veniente igitur Dunelmum Legato & de electione inquirente, dixerunt se Fratres elegisse, literas Domini Papæ proferentes; & ad vestigia ejus provoluti supplicabant, ne contra electionem suam quicquam attemptaret contrarium, quo gloriam eorum evacuet; quòd id secundum timorem divinum & ad salutem fecissent animarum. Ille autem affectatâ pietate simplicior, bonam quidem & justam eorum esse petitionem dicebat; personamque quem elegerant virum idoneum & eruditum; sed tamen in omnibus Regi deferendum, sine cujus voluntate nec etiam in terrâ sine rerum detrimento residendum: Fratres verò proposito suo constanter & unanimiter inhærentes, nullo terrore flecti poterant; sed ut paternæ consolationis ubera inter verbera correptionis suæ ostenderet, humiliter rogabant; & factum eorum, ne famæ suæ scandalum incurrerent, ne repudiaret, sed potiùs confirmando confoveret. Ille autem ingens imminere periculum asserbat; quòd Regis & Papæ idem esset cor & anima, & qui unum offenderet alterius quoque reus existeret; cavendumq; ne ipsos inter duos cornutos aut inter duas molas constitutos gravior pœna contereret.

<sup>m</sup> Annales Dunelmenses Ricardum anno 1209. electum fuisse tradunt. Quod si verum perhibeatur; pro quinque mensibus apud Gaufridum legendum est quinque annis. Mihi autem potiùs suspecta est Annalium fides; qui his circiter temporibus pluries falluntur; & in proximè sequentibus tradunt ad Episcopatum Dunelmensem 1213. 20. Febr.

electum fuisse ac post paucos dies obiisse Johannem Gray Norwicensem Episcopum, quem 1214. 18. Octobr. defunctum esse supra ostendimus. Præstat itaque ut Gaufridi calculum sequamur; & electionem Johannis à Monachis factam 1214. 16. Febr. à Papâ confirmatam 1214. mense Octobri statuamus.

CAP.

C A P. XXI. De postulatione factâ de Johanne Northwycensi Episcopo.

**P**Rotulitque literas ab Apostolicâ Sede ad se directas, præcipientes ut quia Prior & Monachi tanto tempore eligere sibi sacerdotem distulissent, & de jure eos potestate eligendi potuisset privare; de suo tamen eis gratiam faciens, ut sibi Pastorem idoneum cum consilio suo providerent; adjungens ut Dominum Johannem Norwycensem Episcopum ad eandem Ecclesiam postulari faceret, & in rebelles sententiam anathematis inferret, quam ipse ratam haberet, si sine scandalo Regis fieri posset, quod magis gratum fore credebat. Hujus auctoritate præcepti cogebat eos ad postulandum, cum austeritate comminans, quòd si voluntas eis non inesset, nihilominus in executione mandati procederet. Illi verò conturbati & cordibus admodum fauciati, quid potius mallent inter duo mala conclusi hærebant. Quòd si electioni renunciarent, perderent famam; si autem postularent, offenderent conscientiam. Videbatur igitur eis saniori consilio supplicandum, quatinus salvâ electione liceret postulare. Quod nequaquam permisit; sed quòd de consilio suo tota eorum pendere debebat operatio, consuluit in Domino ut postularent, ipseque & seriem electionis & factum postulationis ad Dominum Papam referret; ille verò quod inde judicaret, Apostolicâ auctoritate statueret. His ergo verbis Fratres aliquantulum respirantes, gratias egerunt; & assensum licet non plenum ore exhibentes, animoque coacti, Norwycensem postulabant. Factaque est hæc postulatio anno Domini MCCXIV. XIV. Cal. Martii, anno Interdicti VI. vacante Episcopatu post decessum Philippi Episcopi annis V. & mensibus X. & diebus XXV. Innocentius Papa eodem demum die electionem Decani Salesburiensis cassavit, & postulationem qualemcunque de Johanne Northwycensi (sed jam mortuo) factam confirmavit. Dominus Papa adeò Regi Angliæ in omnibus agendis suis videbatur inclinatus; ut à plerisque à statu suæ rectitudinis diceretur immutatus. Monachi licet postulassent, electioni tamen animo semper adhærebant; & mittentes Romam, voluntatem Apostolicam consulebant. Qui cognito rerum gestarum ordine, Electum cassavit, Postulatumque confirmavit; sed quid clausis oculis faceret ignoraret. His itaque ita se habentibus, defunctus est Norwycensis Episcopus; & eodem die Papa vivum cassavit, mortuum confirmavit. Dicebant plurimi divinam in his affuisse virtutem, & voluntati successisse Monachorum. Erat enim odiosus, ut jampridem ei ex odore famæ suspectus.

C A P. XXII. De electione Domini Morgani.

**A**uditâ igitur morte Norwycensis Episcopi, Dominus Rex, ut nova in proximo futura electio ad votum sibi caderet, elaborabat; & quasdam personas eligens, Monachis ad eligendum proponebat. Illi verò electionis ordinem in his periclitari prudenter advertentes, & ne quid in eâ regium saperet machinari studentes, consilium inierunt; & timore Dei unanimiter Dominum Morganum Præpositum Beverlacensem, fratrem ejusdem Regis, ipso Rege ignorante, & observatâ in omnibus eligendi libertate, elegerunt.



ROBERTI DE GRAYSTANES  
Dunelmensis Episcopi  
**HISTORIA**  
DE STATU  
Ecclesiæ Dunelmensis

Ab anno MCCXIV. ad annum MCCCXXXVI.

CAP. I. De Morgano Electo Dunelmensi.

**A**NNO Domini MCCXIII. Morganus frater Regis Johannis & Galfridi Archiepiscopi Eboracensis, Præpositusque Beverlacensis, electus in Episcopum Dunelmensem per Monachos ejusdem Ecclesiæ, Curiam Romanam adiit, ut munus consecrationis ibi reciperet. Sed Rege Angliæ hoc procurante cassatus rediit; quia spurius fuit. De uxore enim cujusdam Militis dicti Radulphi Bloeth Henricus pater ejus genuerat eum. Dominus tamen Papa Electo compatiens obtulit ei, quod si filium Militis se diceret & non Regis, cum eo dispenseret, & electionem confirmaret. Super quo consulto quodam Clerico suo M. Willelmo de Lanum, respondit expressè, quod propter nullam dignitatem consequendam regium sanguinem subtraheret: & sic cassatus recessit.

CAP. II. De RICARDO DE MARISCO<sup>n</sup>.

**A**NNO MCCXIV. relaxatur Interdictum in Angliâ; & Gualo Vercellenis Legatus Angliæ contulit Episcopatum Dunelmensem jam V. annos, X. menses & XXV. dies ab obitu Philippi vacantem Ricardo de Marisco Cancellario Domini Regis circa Festum S. Nicolai. Consecratusque est à Domino Waltero

<sup>n</sup> Historia Ricardi Episcopi quoad tempus maximè perturbata est. Eam itaque paulò fusiùs expediam. Ricardum de Marisco Regis Cancellarium anno 1211. fuisse Florilegus testatur. Carta Johannis Regis data apud Londinum 1213. 3. Octobr. per manum M. Ricardi de Marefcis extat apud Prynnium vol. 2. p. 290. Anno 1213. 19. Octobr. (prout legitur in rotulis Cancellariæ) M. Ricardus de Marisco, Archidiaconus Richmondæ & Northumbriæ, tradidit Regi Si-

gillum apud Ospreng. Non ideo tamen Cancellariatum dimisisse existimandus est. Antiquitus enim Cancellarius Regi semper adhæsit; & si qua necessitate à Rege dissociandus esset, Sigillum interim penès alium à Rege designandum deposuit. Reversus itaque ad Curiam Ricardus Sigillum recepit. Habentur enim Chartæ Johannis Regis datæ per manum M. Ricardi de Marisco Cancellarii nostri 1214. 22. Nov. (apud Prynn. vol. 2. p. 339.) 1215. 15. Januarii (apud Parisum Cray

Gray Archiepiscopo Eboracensi circa Festum S. Johannis Baptista. Iste fultus potentiâ Regis, Monachos juribus & libertatibus suis multipliciter molestavit; aliqua eis furripuit, aliqua eis mutavit. Anno verò secundo Episcopatus sui confirmavit Priori & Conventui libertates juxta tenorem Cartæ Willelmi Episcopi; & Ecclesiam de Dalton eis appropriavit, & ad sustentationem Cameræ assignavit; appropriationem Ecclesiarum de Acley & de Pittingdon confirmavit. Obiit autem Calendis Maii apud Burgum S. Petri feriâ sextâ; corpusque ejus sepultum est Dunelmi die Martis sequenti, Episcopatus sui anno octavo.

p. 263. ubi Robertus malè dicitur) 1215. 2. Sept. (apud Prynn. vol. 3. p. 34.) Ricardum Decanum Sarisburiensem (alius is à Cancellario fuit) Monachi Dunelmenses (authore Gaufrido) canonicè elegerunt quinque mensibus, antequam Johannem Norwicensem Episcopum postulare à Nicolao Papæ Legato inviti cogerentur. Johannem 1214. 16. Febr. postulatum fuisse idem prodit Gaufridus; cui fidem astruit Epistola Nicolai ad Innocentium Papam (apud Prynnium vol. 2. p. 353.) 1214. 24. Febr. scripta in qua Papam certiozem reddit se Capitulum Dunelmense adivisse ad electionem Episcopi celebrandam. Monachi verò licet asseveranter proposuerint se electionem fecisse, & decretum eorum, qualiter Decanum Sarisburiensem in Prælatum elegerant, mibi ostenderunt; tamen propter literas vestras, quas mibi misistis pro Episcopo Norwicensi, meo consilio coartati, præfatum Norwic. Episcopum in suum Episcopum postularunt, salvo tamen jure si quid habent in electione prædictâ. Anno 1214. 22. Maii Rex Ricardum de Marisco Capitulo Wintoniensi impensè commendat, ut ipsum in Episcopum eligant postulans. Die 28. Junii sequentis electioni Ricardi in Episcopum Winton. factæ assensum præbet, aliisque ad Nicolaum Legatum literis datis, electionem ab ipso confirmari postulat. Extat utrumque diploma ibid p. 355. Petrus Episcopatum Wintoniensem tunc obtinuit; qui die 2. Maii præcedentis regis literis testis loco subscripserat; adeò ut rumor falsus de Petri morte ad Regem & Monachos Wintonienses delatus videatur. Paulò antè, viz. die 14. Maii, Innocentius Papa datis ad Regem literis difficultatem negotii Dunelmensis ostendit; sibi enim constare Ricardum Decanum Sarum fuisse concorditer electum, & Norwicensem à Monachis postulatum fuisse salvo jure electionis præcedentis, quin etiam Monachorum procuratores in curiâ Romanâ præsentibus pro electionis confirmatione acriter instare; se tamen eam confirmare noluisse, quia regius assensus non præcessisset; non aliam igitur difficultatis eximendæ suppetere rationem, nisi ut Ricardus jus suum in sui ipsius arbitrium transferat. Exemplar simul decreti Monachorum de electione Ricardi Papa Regi transmisit. Subscribunt illi Willelmus Prior

& 40. Monachi. Re diutius protractâ, Monachi Dunelmenses post medium annum 1214 Regem iterum precibus aggrediuntur, ut electionem Ricardi à se factam assensu suo confirmare dignetur. Rescribit Rex 1214. 6. Sept. & assensum dare constanter negat; Monachorum insuper contumaciam increpat. Extat Epistola ibid. p. 353. Johanne Norwicensi è vivis sublato mense Octobri sequenti, quo circiter tempore Papa Ricardi electionem cassavit, nova Præsulis electio instituenda erat. Electus est Morganus; quod ante finem anni 1214. fieri non potuit; quamvis id Annales Dunelm. in annum 1213. referant. Iidem Annales tradunt Ricardum de Marisco accepisse Episcopatum Dunelmensem dono Gualonis Legati anno 1214. circa Festum S. Nicolai, & à Waltero Archiepiscopo Ebor. consecratum fuisse 1215. 22. Junii. Ista autem constare non possunt. Walterus enim Archiepiscopatum Ebor. non obtinuit ante Novembrem hujus anni; & dies 22. Junii anno 1215. Dominica non erat. Quinimo Gualo Legatus in Angliam non advenit ante medium annum 1216. recessit medio anno 1218. Ricardum 1218. 24. Julii consecratum esse uterque Matthæus tradit. Neque sic tamen res conficitur. Dies enim ista Dominica non erat. Videtur itaque Ricardus Gualone procurante electus 1217. 6. Dec. circiter, consecratus 1218. 24. Junii. Illum enim circa Festum S. Johannis Bapt. consecratum esse, & anno 8. Pontificatus obiisse Robertus testatur. Eundem autem 1226. 1. Maii obiisse certissimè constat. Parisius quidem illum annis circiter 9. sedisse affirmat; quod si verius perhibeatur, Ricardus anno 1216. electus, 1217. 25. Junii consecratus esse dicendus erit. Ricardo assidua erat cum Monachis contentio. Ille Monachorum privilegia cassare conatus fuerat. Isti talionem reddere certi, Episcopum sanguinis, simoniæ, adulterii, sacrilegii, rapinæ, perjurii, ac dilapidationis multiplicis, apud Papam accusarunt. Papa judices statuit Sarisburiensem & Eliensem Episcopos. Ab his Ricardus appellat, & Romam profectus, Papæ animum datâ pecuniâ adeò emollivit; ut lis immani utriusque partis sumptu protractâ, sententiam definitivam ante ipsius obitum non acciperet.

CAP.



## CAP. III. De RICARDO PAUPERE °.

**P**ost obitum istius Ricardi vacavit Ecclesia Dunelmensis per II. annos, IV. menses, II. dies, & electus est à Priore & Monachis M. Willelmus de Stichill Archidiaconus Wigorniensis; & ipse Curiam adiit in propria personâ; & licet electio de eo facta in Curia crederetur habere summum favorem; receptâ examinatione Dominus Papa in Vigiliâ Ascensionis Dominicæ subito pronuntiavit sub hac formâ. “Defuncto Episcopo Dunelmensi, Prior & Capitulum convenerunt ad eligendum; & lecto Concilio propter ipsius breviteratem voluerunt procedere per illam formam quæ fit per inspirationem Spiritûs Sancti. Unde petiit Conventus, quod Prior aliquam personam nominaret; ut si videretur idonea, possent in illam consentire. Et Priore nominante Magistrum Willelmum Archidiaconum Wigorniensensem, dixerunt omnes, *Placet, quia bonus est.* Unde Prior facto signaculo crucis dixit: *Et ego in nomine Patris & Filii & Spiritûs Sancti eligo M. Willelmum Archidiaconum Wigorniensensem in Episcopum & Pastorem Ecclesiæ Dunelmensis.* Et post eum unusquisque in ordine suo idem dixit. Quæ electio nec per scrutinium nec per compromissum facta erat, nec etiam per inspirationem; quia Prior dixit *Ego, &c.* & sic unusquisque secundum suum ordinem; ita quod electio non fuit facta communiter ab omnibus, sed singula.

Obiit 1226. 1. Maii apud Monasterium Petriburgense, dum Londoniam adversus Monachos suos impigrè acturus properaret, morte repentinâ extinctus. Sepultus est apud Dunelmum die 5. ejusdem mensis. Memoriam ejus gravibus conviciis Monachi denigrârunt; & inter alios Monachus Lanercostenlis obitum ejus sic enarrat. *Anno 1226. obiit Ricardus de Marisco Episcopus Dunelm. ille qui tantam tyrannidem Ecclesiæ S. Cuthberti intulit, ut jura Monachorum & possessiones eorum pro posse suo abstulerit, nec ulli eorum quamdiu vixerit pepercerit. Sed cum audaciùs eos expugnare disposuisset, subito è mundo recessit.* Cancellarium Regis toto Episcopatus tempore administrasse videtur. Cancellarium enim fuisse annis 1215. & 1223. constat; neque alius ab anno 1215. ad 1226. Cancellarius reperiitur.

° Monachis aulam pro licentiâ eligendi adeuntibus Rex Lucam Capellanum suum obtulit, multis precibus suadens, ut ipsum in Episcopum susciperent. Monachi è contra licentiâ eligendi impetratâ Willelmum de Stichill (Willelmum Scotum nominant Annales Teokesberienfes, & anno demum 1242. obiisse tradunt) canonicè elegerunt. Electioni Rex assensum præstare renuit; & missis Romam procuratoribus Episcopo Cestrensi & Priore Lentonienfi, illam à Papa cassari obtinuit. Cassatâ Willelmi electione 1228. 3. Maii, Monachi Ricardum Poore Sarisburiensem Episcopum (quem olim anno 1213. elegerant) sibi in Episcopum dari postulârunt. Tergiversatus aliquamdiu Papa Mo-

nachorum postulationem ratam fecit die 9. Maii. Ricardus decreto Papali die 14. Maii, edito translatus, Temporalia Episcopatus Dunelm. à Rege accepit 1228. 22. Julii; & in Ecclesia Dunelm. intronizatus est 1228. 4. Sept. Singulos hosce dies exhibent Annales Dunelm. omnia autem anno 1226. contigisse volunt. Annales Robertus sequitur. Nos autem illa in annum 1228. rectius retulimus fide Chronici Dovorensis aliorumque indubiæ fidei Historicorum. Quin & calculum nostrum ipsi Annales & Robertus confirmant; dum Sedem post Ricardi de Marisco obitum annis 2. mens. 4. di. 2. vacasse tradunt. Ricardum enim 1226. 1. Maii obiisse supra asseruimus. Negant quidem Annales & Robertus, morte ejus 1224. 1. Maii feriâ 6. collocatâ. Verùm ex appposito ab his ipsis charactere annum 1226. fuisse constat. Si à 1226. 1. Maii igitur vacationis positæ tempus deducamus; in 1228. 4. Sept. ea terminabitur. Hunc eximie sanctitatis & profundæ scientiæ virum Parisius vocat; beneficiaque tribus (quas ordine rexit) Ecclesiis Cathedralibus ab illo præstita enumerat, & mortis sanctissimæ modum narrat, p. 439. Ecclesiæ sanè Dunelmensi immane debitum plusquam 40000. marcarum à decessore suo contractum dissolvit. Obiit apud Tarentum in Provinciâ Dorsetensi, ibidem in Cœnobio Monialium quod ipse fundaverat, sepultus. Obitum 1237. 15. April. feriâ 4. contigisse Robertus, Annales Dunelm. Suthwerc, & Mailros. uterque Matthæus & Johannes Walingford concordantes tradunt.

“riter

“riter à singulis ; & ideo non per inspirationem. Unde & eam irritamus, “reservatâ nobis potestate de eâdem Ecclesiâ ordinandi.” Vocatis postea Monachis dixit : Gratiâ indigetis, & hanc gratiam facimus vobis. Nominetis aliquas personas idoneas ; & aliquam ex eis dabimus vobis. Monachi igitur tractatu habito, prius supplicârunt Ricardum Pauperem Sarisburiensem Episcopum sibi præfici in Pastorem ; quem aliàs, ut est prius habitum, in suum Episcopum postulârunt ; sed postulationem Papa cassavit. Instat Papa, ut aliam personam nominarent Monachi. Sed ipsis perseverantibus in postulatione suâ, tandem obtinuerunt eundem Sarisburiensem Episcopum sibi dari in Pastorem, die sc. Martis infra Octavas Ascensionis. Eodem die Dominus Papa cassavit electionem Cantuariensis de quodam Monacho W. nomine. Objecerunt enim Episcopi Angliæ tam contra electionem quàm contra personam electi. Quam objectionis causam executi sunt in Curiâ Lichfeldensis & Roffensis Episcopi & Archidiaconus Bedfordensis. Requisitus etiam Electus prædictus, utrum Dominus in carne vel sine carne descendit, malè respondit. Item requisitus de confectione corporis Christi in altari ; de Rachele quæ plorabat filios suos, cum prius esset mortua ; item de sententiâ contra juris ordinem latâ ; de matrimonio, si alter contrahentium infidelis decesserit : Super istis requisitus malè respondit in singulis. Ideo Dominus Papa eum indignum ad tantum statum iudicavit ; & provisionem Cantuariensis Ecclesiæ sibi reservavit, electionem de ipso W. factam penitus irritando. Ad petitionem igitur Monachorum Dunelmensium in Curiâ existentium, scripsit Dominus Papa Ricardo dicto Pauperi Episcopo Sarum, præcipiens in virtute obedientiæ, ut curam Episcopatus Dunelmensis, ad quam postulatus fuerat, reciperet : & sic Monachi à Curiâ recesserunt. In die S. Magdalene recepit curam Episcopatus Dunelmensis à Domino Henrico Rege Angliæ ; & in die S. Cuthberti proximè sequente fuit intronizatus apud Dunelmum anno Domini MCCXXVI. Tempore hujus Ricardi facta est illa Compositio, quæ *Convenitur* dicitur, inter Episcopum & Radulphum Kernech & Conventum, Priori & Conventui præjudicialis in multis. Iste concessit Monachis potestatem ; ut auctoritate suâ ter in anno excommunicarent infringentes libertates Ecclesiæ Dunelmensis. Et obiit XI. Episcopatus sui anno, XVII. Cal. Maii, feriâ sc. quartâ ante Cœnam Domini, anno Domini MCCXXXVII. apud Tarentum : & ibidem in Abbathiâ Monialium, sicut vivens præceperat, est humatus. Cujus obitu die octavo fratribus Dunelmensibus nunciato, & servitio pro ipso celebrato, missi sunt Fratres ad Regem Henricum VIII. Cal. Maii ad petendam licentiam eligendi. Quo invento apud Wyndesore III. Nonas Maii, in crastino licentiam sub literis patentibus regis obtinuerunt.

#### C A P. IV. De Thoma de Melfanby Electo Dunelmensi.

**I**Nterim in Inventionem S. Crucis venerunt Dunelmum Eboracensis Archiepiscopus & Lincolniensis Comes, ex parte Regis literas credentiæ Domino Priori & Conventui deferentes ; quibus perlectis, dixerunt Regem instanter supplicare, ut amore ejus & securitate regni Electum suum Procuratorem Valentiam sibi in Episcopum eligerent & Pastorem. Accepisq; induciis deliberandi usque in crastinum, per Priorem sic fuit responsum. Quod multi Fratres, quos tangebatur hoc negotium, absentes erant ; qui etiamsi præsentesset, ante diem statutum ad eligendum in certam personam consentire non possent. Dixit tamen Prior, quod veniente die electionis talem eligerent, qui Deo & Ecclesiæ utilis erit, Regi & Regno fidelis. Qua responsione datâ, recesserunt Archiepiscopus & Comes, ista Regi renuntiaturi. Statuto igitur ad eligendum, die sc. Lunæ proximâ post Ascensionem, vocatis vocandis, per viam



viam compromissionis processerunt; & Dominum Thomam de Melfanby, Priorem Dunelmensem, in Episcopum elegerunt; qui tandem vix lacrimis & precibus victus adquevit. Publicatâ igitur electione Clero & populo, Magister W. Crispyn pro jure electionis & electi provocavit & appellavit. Super qua electione factâ missi sunt literæ patentes Archiepiscopo Eboracensi & Domino Regi. Sed contra electionem excepit Dominus Rex, quod Electus inimicus erat Domini Regis & regni, quia prius erat Prior de Coldingham, & tunc fecerat Regi Scotiæ fidelitatem. Et quia Episcopus Dunelmensis habet loca fortissima & munitiones in confinio Regis Scotiæ; periculosum esset Regi & regno, ut suus inimicus & amicus Regis Scotiæ ibi esset, qui fecit homagium Regi Scotiæ. Item haberet terras suas maritimas, ubi prohibitu suo posset invito Rege Francos & Flandrenses recipere in periculum Regis & regni. Item tanquam homicida est repellendus, Item impugnavit libertates Ecclesiæ. Item morbosus est. Item voti transgressor; quia carnes [comedit] & aliis comedendi licentiam dedit. Item Simoniacus est ex multis causis. Item incidit in Canonem latæ sententiæ. Item non est sufficienter literatus. Causa autem una, quare Rex sic se opposuit, fuit, quia cum Rex differret consentire electioni & electum admittere; instabant Monachi pro gratiâ Regi habendâ; & unus eorum prorumpens in verba, Regi dixit: Domine non egemus gratiâ magnâ; electum valentem reputans & electionem rite factam. Et Rex: Ex quo gratiâ non indigetis, sine gratiâ recedetis. Sic igitur Rex non solum negavit gratiam, sed procuravit instantiam. Diu igitur super exceptionibus antedictis coram Waltero Gray Archiepiscopo Eboracensi litigabant. Et cum Archiepiscopus præfatus nihil efficax eis faceret; sed metu Regis negotium protelaret; missum est Curia sub hac formâ. *Cum Ecclesia Dunelmensis nuper Pastore vacasset, &c. ad pedes Sanctitatis vestrae flexis genibus supplicamus; ut Archiepiscopo Eboracensi detis in mandatis, quod infra spatium trium mensium post receptionem literarum vestrarum ipsum negotium sine debito decidat. Nihilominus mandantes venerabili Patri Domino O. S. Nicholai in carcere Tulliano Diacono Cardinali, ut si dictus Archiepiscopus mandatum vestrum neglexerit adimplere, audiat ipse ex tunc idem negotium, & ei sine mora dispendio justitiâ mediante debitum finem imponat.* Ad hæc Domino Papæ nuncianda missi sunt ad Curiam Robertus de Efsden Supprior Dunelmensis, Laurentius de Upsedelington, & Alanus Camerarius, Roberto de Hoxtildesham adventum eorum in Curia expectante. Missus est cum eis Magister W. de la Hay: qui omnes in itinere mortui sunt. Cumque idem Electus licentiatus esset à Rege ad Curiam; veniens apud Dover, prohibitus est transfretare à Bertramo de Greol Constabulario ejusdem. Sic igitur Electus desperans de exitu negotii sui, de diutinâ Ecclesiæ viduatione anxius, in die Palmarum Dunelmum revertitur, purè & sponte renuntians electioni de se factæ.

## CAP. V. De NICHOLAO DE FARNEHAM.

**Q**UO audito misit Rex suos Dunelmum, qui contra personas quas putabant eligendas appellabant, contra sc. Decanum Lincolnensem, Vicarium de Alkeland, M. Simonem de London, & contra plures Religiosos. Id videntes Monachi elegerunt M. Nicholaum de Farneham tum Reginae Me-

<sup>p</sup> Singula tempora electionis, cessionis &c. Thomæ & Nicolai Robertus ex Annalibus Dunelm. descripsit; nisi quod Nicolai electionem feriâ 6. factam ponat, quam Annales feriâ 5. celebratam perhibent. Electus est Itaque Thomas 1237. 1. Junii, resignavit 1240. 8. April. Isto cedente Rex Petrum de Egueblanch consanguineum suum, Electum Herefordensem, Monachis commendavit. Hoc autem, tum quod ignotus, tum quod alienigena esset, rejecto, Monachi virum optimum Nicolaum de Farne-

dicum;

dicum ; & quievit Rex. Facta est autem hæc electio de eo in crastino Circumcisionis Domini IV. Nonas Januarii, feriâ sexta, anno Domini MCC XLI. Recepitque temporalitatem à Rege in die S. Scolasticæ Virginis IV. Idus Februarii ; consecratusque est in Episcopum apud Gloucestriam in die S. Trinitatis à Domino Waltero Gray Archiepiscopo Eboracensi ; & intronizatus est Dunelmi in Festo Translationis S. Cuthberti : Vacante Episcopatu Dunelmensi ab obitu Ricardi II. usque ad electionem dicti Nicholai annis IV. exceptis tribus mensibus, II. hebdomadibus & quinque diebus. Anno Domini MCC XLII. incæpit Thomas Prior novam fabricam Ecclesiæ circa Festum S. Michaelis, juvante Episcopo & Ecclesiam de Bedlington ad ejus fabricam conferente. Anno Domini MCC XLIV. cessit Prior Thomas ; & Bertramme de Middleton factus est Prior in die S. Mauricii. Thomas vero deposito Prioratûs regimine, in insulam Farne secessit ; & cum viro Dei Bartholomæo Deo militare elegit ; ubi in religionis arctitudine & eleemosinarum largitione residuum vitæ egit. Defuncti demum corpus Dunelmum reportatum, inter Episcopos meruit sepeliri. [*Sequuntur miracula nonnulla, meritis ipsius facta.*] Isti Thomæ Priori & Conventui dedit Nicolaus Episcopus secundo Episcopatus sui anno placeam, &c. & VIII. Episcopatus sui anno contulit Bertramo Priori & Conventui centum acras bosci, quod Milneside nuncupatur, licentiamque claudendi illas & liberam warrennam in illis & parcis de Acley & Fery, Reyington & Heword. Anno Domini MCC XLVIII. diæ Lunæ proximâ post Festum Purificationis B. Mariæ venit M. Johannes le Gras Dunelmum cum literis patentibus Dominorum Archiepiscopi Eboracensis & Episcopi Bathoniensis Priori & Conventui directas super cessione Nicholai Episcopi ; & super electione Canonicâ de personâ idoneâ faciendâ auctoritate Apostolica.

ham elegerunt 1241. 2. Januarii feriâ 4. Præclarum illi elogium Parisius posuit. *Rexerat ipse Nicolaus in Artibus Parisiis per plures annos (illum Parisiis studuisse anno 1201. excessisse 1229. ex eodem constat. Videtur Cantabrigiæ aliquando literis operam dedisse ; commemoratur enim in Benefactorum Cantabrig. Misa) Deinde arte Medicinæ Bononiæ claruit gratissus & peritus excellenter. Hic etiam postquam in Dialectica & arte Physicali & naturis ad plenum eruditus, ad Medicinam se postea conferens spiritualem, videlicet Theologiam, ipsâ scientiâ & librorum copiâ se adeo restauravit ; ut lecturiens ad Cathedram ascendendam sufficeret Magistralem. Ipsum igitur quasi expertum & scientiâ multipliciter & moribus commendabilibus insignitum, peritorum consilio Rex & Regina ad suarum vocaverunt animarum & corporum custodiam & consilium familiare. Ubi cum prosperè & prudenter se haberet ; ad dicti Pontificatus dignitatem electus, non adquevit. Videbatur enim ei inhonestum illi consentire electioni ; cum paulo antè (anno 1239.) quando in Episcopum Coventrensem eligeretur, renuntiavit, nolens quomodolibet consentire. Igitur, ut obstrueretur os loquentium iniqua, qui fortè dicerent ; Ecce hic hypocrita, pauperi Episcopatu renuntiavit, expectans uberiores ; summo conamine reluctabatur. Donec Episcopus Lincoln. Robertus, eum super hoc graviter redarguens, efficaciter ipsum ad hoc persuasit, ut consentiret, &c. Consec-*

cratus est à Waltero Ebor. apud Gloucestriam in Ecclesia S. Oswaldi, Rege & Reginâ aliisque Magnatibus præsentibus ; quando submonentibus quibusdam ut favore regio fretus obedientiæ professionem Archiepiscopo præstare detrectaret ; vir gravis iniquum consilium aspernatus, professionem ritu magis solenni fecit. Consecratum fuisse 1241. die S. Trinitatis, viz. 26. Maii Robertus & Annales Dunelm. 1241. 9. Junii Parisius, & Annales Winton. tradunt. Anno 1249. vir integerrimus, oneris Episcopalis pertæsus, impetratâ prius Papæ licentiâ, resignavit sub initium Februarii. Resignationis instrumentum Conventus accepit die 8. Febr. Ad sustentationem ejus quoad viveret, assignata sunt Maneria de Hoveden, Stocton & Ensingtun ; quæ annum mille marcarum redditum confecisse à Waverleienti dicuntur. Hanc reservationem Walterus Episcopus & Conventus Dunelmensis missis Romam procuratoribus anno 1250. irritam facere aggressi, non sine gravi dedecore repulsam tulerunt. Obiit Nicolaus apud Stoctunam anno 1257. Plura de illo habet Matthæus Paris p. 541, 549, 573, 628, 759, &c. Quod ab isto autem prætermittitur, in Annalibus Lanercostensibus reperio, Nicolaum ante resignationem Episcopatus accusatum fuisse, quod ante consecrationem uxorem duxerit, arque ipsam consecrandus clam repudiasset.

B b b b b

CAP.



CAP. VI. De WALTERO DE KIRKHAM<sup>a</sup>.

**P**etitâ igitur licentiâ à Rege & obtentâ, die Mercurii proximâ post Festum S. Elphegi electus est Walterus de Kirkham Decanus Eboraci in Episcopum Dunelmensem; receptâque temporalitate à Rege, consecratus est apud Eboracum à Domino Waltero Gray Archiepiscopo, Nonis Decembr. in Vigiliâ S. Nicholai, quæ illo anno evenit in Dominicâ, anno MCC XLIX. Habuit igitur Dominus Nicholaus in provisionem suam Northam & alia quædam Maneria Episcopalia; ut Episcopus Walterus eo vivente de residuo contentaretur. Iste Walterus dona & concessiones prædecessoris sui confirmavit; Ecclesiam de Brankeston ad sustentationem duorum Monachorum apud Werkworth, Ecclesiam de Heghinton ad hospitalitatis sustentationem & pauperum refectorem Monachis appropriavit; ita ut decedente vel cedente Magistro W. de Kirkenni tunc Rectore ejusdem, liceret Monachis Ecclesiam de Heghinton ingredi & absque contradictione in usus proprios retinere. Apud Mukleswick contulit Priori & Monachis Horslyop sc. CC XVI. acras de bosco & vasto, licentiamque includendi eas. Anno MCCLV. Alexander Papa dedit regnum Apuliæ & Siciliæ Edmundo filio Regis Angliæ. Et propter hoc Episcopus Herefordensis obligavit Religiosos Angliæ mercatoribus in XXXVIII. millibus marcarum citissime persolvendam. Contra quam obligationem appellârunt pro se Dunelmensis Bertramus Prior & Conventus, dicentes se velle Domino Papæ in licitis & honestis & eis possibilibus obedire & semper obedisse; sed spoliationi Ecclesiarum suarum, direptioni bonorum, subversioni libertatum, subtractioni victualium, tanquam intolerabilibus & impossibilibus dixerunt se non assentire inductioni vilissimæ servitutis in Ecclesiam Christi, gravissimi in Clero scandali, nefandissimi opprobrii Crucifixi; paratos se contradicere asserentes, & hoc quibuscunque exactionum executoribus protestando denuntiantes; & contra Magistros Rostandum & B. Senonensem indebitæ pecuniæ collectores præsentiam Domini Papæ & Cardinalium appellârunt Sabbato quo cantatur *Sitientes* anno MCCLVI. Anno Domini MCCLVIII. XVII. Cal. Augusti Bertramus Prior per H. Suppriorem rogavit Conventum; ut cessione suæ annueret, & de bonis Monasterii ei provisionem congruam assignaret. Vocatis ergo domi prioribus cellarum & majoribus capituli in Vigiliâ Assumptionis expositâ voluntate Prioris, defectum & debilitatem virium corporalium allegante, fatigationemque in diversis officiis Monasterii per XL. annos & in Prioratu per XIV. prætendente, lecta est quædam bulla Domino Episcopo Dunelmensi destinata per Summum Pontificem continens, quod Episcopus admittens cessione Prioris provideret eidem de honestâ sustentatione de bonis Prioratûs. Quâ bullâ dixit se Prior nolle uti; ne Episcopus nostra discernendo plusquam oporteret de nostro statu agnosceret. Missi sunt ergo duo Fratres ad Episcopum, literas super cessione Prioris signatas deferentes, humiliter eum ex parte Prioris deprecantes, ut benignè ejus admitteret cessionem. In cra-

<sup>a</sup> Nicolao cedente Rex importunis precibus Monachos compellavit, ut Adomarum fratrem suum uterinum eligerent. Monachi literaturæ & ætatis defectum in Adomaro causati, liberam electionem sibi aliquando permitti postulârunt. Ægrè demum concessâ Monachis licentiâ, electus est Walterus de Kirkham, 1249. 21. April. & ab Archiepiscopo Ebor. consecratus 1249. 5. Dec. Obiit

apud Hoveden 1260. 9. Augusti, apud Dunelmum die 16. Augusti sepultus. Ita habent Annales Dunelm. Dies consecrationis atque obitus uterque Matthæus confirmat. Epitaphium autem sepulchrale, quod in Ecclesia de Hoveden prostat, Walterum inibi sepultum esse comminiscitur: quod de vitæ-ribus forsitan ejusdem intelligi debet.

stino igitur missi sunt ab Episcopo M. W. de Meru & Dominus J. de London, commissionem specialem ad prædicta habentes; qui ingressi Cameram Prioris, & auditâ rationabili causâ cessionis ejus, eam admiserunt; & curam Monasterii in spiritualibus H. Suppriori, in temporalibus Domino R. de Waltham Constabulario commiserunt. Assignavitque Conventus Bertramo Priori pro provisione suâ Ecclesias de Pinington, Heyngton, &c. Cessit igitur Prior Bertramus die Assumptionis. Et quia omnes erant domi qui ad electionem fuerant evocandi, statutus est dies ad eligendum in crastino; duoque fratres missi ad Episcopum eodem die obtentâ eligendi licentiâ redierunt. In crastino igitur Assumptionis per viam compromissi electus est Hugo de Deryngton Supprior in Priorem Dunelmensem anno Domini MCCLVIII. invenitque in deposito, quod ei reliquerat prædecessor ejus Bertramus, XI. mille marcas. Nam idem Bertramus religionis suæ zelator & cultor, non solum vitæ sanctitate floruit, sed & facultates Ecclesiæ vehementer auxit. Manu propriâ quinque Psalteria cum Orationibus multis scripsit; & in Ecclesiâ quibuscunque psallere volentibus publicè ordinavit; Postillam super Psalterium, Quatuor Evangelia, Epistolas Pauli Super Job, Libros Sapientiales, XII. Prophetas, Epistolas Canonicas, & super Apocalipsin duplices domui procuravit. De isto Bertramo audiivi ego Robertus juvenis quendam senem dicere; quòd si dimisso Prioratu redisset ad Claustrum, aliam provisionem nullatenus expectando; ita libenter ivisset ad tumbam ejus, sicut ad feretrum S. Cuthberti, pro suis necessitatibus oraturus. Provisionem tamen quam habuit prodigè non consumpsit; sed apud Beaurepaire cameram cum Capellâ, quæ multorum judicio non multis in Episcopatu est inferior, construxit. Anno Domini M C C LX. in Vigiliâ S. Laurentii obiit Walterus de Kirkham Episcopus Dunelmensis apud Hosden; & in Octavis S. Laurentii sepultus est apud Dunelmum; sigillumque ejus coram omnibus qui aderant in Capitulo per Dominum J. Gileth est confractum.

## CAP. VII. De ROBERTO DE STICHILL.

**E**lectusque est Dominus Robertus de Stichille Prior de Finkhal in Episcopum Dunelmensem die S. Jeronimi; confirmatusque est a Domino Godfrido Archiepiscopo Eboracensi apud Scirburnam in Elivethe die S. Clementis proximo sequente; consecratusque est ab eodem apud Southwellam Idus Februarii anno prænotato. Iste Robertus in primordiis Monasticæ conversationis suæ nimis levis fuit; & quadam die Dominicâ cum propter levitatem suam & rebellionem esset injunctum sibi, ut super sellam in medio Chori solus federet, ut sic rubore confusus maturesceret; sellam per pedem arripuit, & extra chorum inter populum projecit. Dicitur etiam, quòd ipso apostatare cogitante, cum per crucem ex aquilonari parte chori noctanter transfret conaretur, monitus est per vocem emissam coelitus ut rediret; & si stare vellet, de Episcopatu promissum accepit. Sic igitur dimissis levitatibus & puerilibus, cœpit maturescere, gladioque divinæ Scripturæ insistere. In qua in brevi tempore inter claustrales observantias sic profecit, ut scientia ejus multis miraculum fieret, & mores ejus plurimi commendarent. Unde istis excitatus quidam de Fratribus, cum esset iste Robertus sacerdotis filius, ipso ignorante dispensationem pro eo impetravit, ut etiam ad Episcopalem posset eligi dignitatem. Et Frater hoc impetrans erat Henricus de Hornca-

Robertus de Stichehill electus est 1260. die 5. Dec. Consecratus est 1261. 13. Febr. 30. Sept. confirmatus ab Archiepiscopo Ebor. 23. Nov. Temporalia à Rege accepit | Obiit 1274. 4. Aug. Ex Annalibus Dunelm. & Registro Giffard Ebor.



stre, postmodum Prior de Coldingham, in temporalibus & spiritualibus non mediocriter circumspectus.

Iste Robertus primo Episcopatus sui anno sc. anno MCCLXI. in nocte Natali Domini hospitatus est in Abbathia prope viciniam Ecclesie; & Priori fecit literas in craftinum, quod hoc in sui præjudicium nullatenus traheretur. Iste contulit Priori H. & Conventui de bosco suo MCCC. acras, viz. &c. & alia multa. Anno Domini MCCLXXI. in Capellâ suâ de Aukeland coram Domino Episcopo recognovit M. Robertus de S. Agatha Archidiaconus Dunelmensis Priorem Dunelmensem fuisse Archidiaconum in Ecclesiis sibi appropriatis infra aquas; & Archidiaconos prædecessores suos nomine Prioris & non nomine proprio jurisdictionem in illis Ecclesiis exercuisse, & propter hoc Priori pensionem annuam exolvisse. Et sic Dominus Episcopus pro jure Prioris pronuntiavit; & super pronuntiatione suâ literas suas fecit. Quas testatur se Dominus Robertus de Insulâ Episcopus inspexisse; & in suis literis inde confectis recitat de verbo in verbum anno Domini MCCLXXVI. Ipsius etiam Archidiaconi factum testatur ibidem. Tempore Hugonis Prioris, anno sc. MCCLXIV. fuit guerra inter Regem Henricum & Barones suos; ubi Prior multa effudit pro salvatione patriæ. Nam venientibus ex parte Regis vel ex adversâ parte ad depradandum Episcopatum semper occurrebat ipse, muneribus placans eos. Fecit & magnum Campanile, organa grandiora, parcas de Beaurepaire & Mukelingeswik; & apud Wardelau cameram, aulam & capellam, quæ Scoti postea destruxerunt, cameram etiam apud Mukelingeswik, &c. Istius tempore fuit impetrata quædam Bulla à Gregorio IX. Papâ super appropriatione Ecclesie de Hosden in augmentum XVI. Monachorum; & ut decedente vel cedente L. Maunfel Rectore ejusdem, liberè posset Prior illam ingredi & in usus proprios obtinere. Sed ipse eas in Præbendas seu portiones dividi non sine magnis sumptibus procuravit; utilius & honorificentius æstimans ex præsentatione Clericorum ad Præbendas prædictas amicos acquirere quàm eas in usus proprios retinere. Fuit iste Prior hospitalitatis & eleemosynæ zelator præcipuus. Semper quando domi veniebat; pauperes villæ ante eum choreas ducebant; quibus ingressis fecit coquinam ministrari. Nonnulli etiam nudati à proposito ante eum incedebant; quibus vestes fecit illico ministrari. Dicitur de eo, quod de denariis fecit quinque minuta; ut sic pluribus ministraret. Et cum senex in curru equitaret; de curru pauperibus acclamantibus volam plenam minutis extra sparsit. Fuit igitur iste magnificus & callidus. Delectabatur magna facere; & ubi voluit, scivit callidissimè simulare. Anno MCCLXVI. In Capitulo generali apud Eboracum per Conventum Dunelmensem [*lis mota fuit Bertramo quondam Priori de malo usu possessionum Ecclesie sibi reservatarum, & sententia adversus Bertramum lata.*]

Interim sentiens Hugo Prior ex infirmitate & labore diutino vires suas in se deficere corporales, frequenter rogavit Episcopum, ut suam admitteret cessionem. Et Episcopo diutiùs hoc facere differente, tandem anno MCCLXXII. die Sabbati post Festum S. Nicholai, misit Prior ad Episcopum H. de Horncastre Sacristam Dunelmensem & Magistrum W. de Derlington cum literis de credentiâ, qui obnixè rogarent Episcopum, ut rem effectui manciparet. [*Episcopo vero adhuc differente, Prior assignatis sibi à Conventui Maneris de Wardelaw, Mukelingeswik &c. pro provisione suâ resignare statuit.*] Et in die S. Stephani misit Prior cum H. de Horncastre literas resignationis suæ causas quare cedere voluerit continentes Episcopo; ut suam cessionem benignè admitteret, humiliter rogans eum: quas literas jussit Episcopus conservari. Et egressis omnibus præter Episcopum, suos Clericos & Sacristam, Episcopus sermonem ad Sacristam dirigens [*conqueritur Monachos Dunelmenses sibi minus obedientes esse; eò quod professionem coram ipso non facerent, prout debebant; quamvis id ipse sæpius exegisset, & de eo Conventum monuisset.*] Respondit Sacrista se nunquam moni-

monitionem aliquam audivisse. Et factâ altercatione inter Clericos Episcopi & Sacristam, illis allegantibus hoc fieri in omnibus Ecclesiis Cathedralibus Angliæ, ubi Priores subsunt Episcopo; ipso è converso allegante Ecclesiam Dunelmensem ad hoc non teneri, eò quòd Prior Dunelmensis ex privilegio jura Abbatis habebat, quamvis nomen Prioris, & ad Abbates pertinet professiones Monachorum admittere. In crastino verò manè misit Episcopus apud Dunelmum Fr. A. de Clifton & M. Alexandrum de Alverton & Ricardum de Bradwell & Dominum Thomam de Levelham; qui convocatis Fratribus exposuerunt eis voluntatem Episcopi super præmissis; monentes eos & rogantes, ut in hoc se difficiles non redderent. Habito igitur tractatu prius, responderunt Conventus, quòd parati erant facere quicquid debebant. Et quia in . . . . . convenit, quòd Monachi factâ prius professione coram Priore postea dabunt eandem coram Episcopo & ab eo solennem benedictionem acciperent; dixerunt quòd libenter facerent, dummodo formam in scripto traditam non excederent nec mutarent: et hoc ei per suos mittere voluerunt. Nunciis igitur Episcopi ad ipsum cum gaudio propter istam responsionem redeuntibus, missi sunt ad Episcopum Fratres quatuor; qui ei dicerent, quòd Conventus paratus erat professionem suam coram eo recipere & benedictionem solenniter accipere; sed chorum ingredi non cucullati & ibi ab eo indui, & sic per triduum velatâ facie incedere, quasi nulla esset vel inanis professio eorum coram Priore facta, quamvis ipsum hoc velle crederent, id nullo modo facere voluerunt. [*Respondit Episcopus id sibi minimè placere; se enim Monachos non aliter, quàm prout in Benedictionali continetur, benedicturum; & missis iterum nunciis Monachorum animum explorat.*] Fratribus congregatis exponuntur præmissa. Sed illi pro majori parte à voluntate priori aversi, dixerunt se mandato Domino Episcopo directo minimè consensisse, licet apertè non reclamaverint; immo potius vellent mori quàm aliquam professionem coram Episcopo recitare, &c. Sexto Idus Januarii ingressus Episcopus Capitulum, cessionem Prioris admisit, Prioratûs sui anno XIV. & Monachatûs XXX. Episcopatûs verò Episcopi XII. anno verò gratiæ M C C L X X II. fecitque provisionem superius annotatam, adjecto veteri vinario de Recton, signo suo & Capituli consignari, consignatamque tradi jussit H. Priori.

### C A P. VIII. De his quæ fiebant vacationis tempore.

**E**Xpeditis præcedentibus ut dictum est, surrexit quidam Frater Episcopo sermonem dirigens in hæc verba. Domine, multum regratiamur vobis de dilectione, quam habetis erga nos; & rogamus, ut in finem nos diligatis, &c. Episcopus verò insurgendo sic respondit. Ego multam perpessus sum ignominiam & despectum super omnes prædecessores meos; & habebo emendas, cum Deus volnerit. Vix Episcopus portam exierat; & ecce Seneschallus Episcopi ducens secum Dominum W. Whiteby Constabularium castri, advocatis quibusdam Officiariis, sic ait. Istum constituit Dominus meus Episcopus custodem domûs hujus loco sui. In crastino verò veniens, vocatis Supprie & aliis Officiariis ad aulam, jussit venire janitores, mareschallum & alios sæculares curam domûs habentes, dicens: Domus ista est in custodiâ Domini mei; & ideo volo videre qui curam illius debent agere, & juramentum fidelitatis ab ipsis exigere, amovere & substituere, prout videro expedire. Responsum erat ei, quòd inaudita peteret; nunquam enim intromisit se Episcopus de familiâ domûs vacante Prioratu magis quàm pleno, nec deberet. Debent enim solùm habere quendam Clericum custodem domûs ratione tuitionis magis quàm proprietatis. Inhibitumque familiæ fuit, occultè tamen, ne coram eo comparerent. Tandem cum difficultate concessit



cessit eis inducias usque in crastinum; ut interim possent consulere Episcopum. Eodem die manè missi sunt duo Fratres ad Episcopum, ab eo eligendi licentiam petitori. Et visis eorum literis, calumniati sunt Episcopus & suum cum eo; quod non erat scriptum ei tanquam patrono & Domino; allegantes pro se quod nisi patronus esset, ab eo licentiam eligendi petere non oporteret. Et cum Monachi allegarent sibi consuetum scribi; dixit Episcopus quod non; quia post mortem Thomæ Prioris Episcopus Nicholaus literas Capituli rejecit propter eandem causam. Reacceptis igitur literis suis reversi sunt nuncii, hæc Conventui nunciantes. Erant autem multi in Conventu recolentes, quod Nicholaus Episcopus non hoc petebat, sc. quod scriberetur ei sicut patri & patrono in spiritualibus & temporalibus, nec unquam hoc obtinuit, nec remissa litera fuit ob hanc causam; sed quia sigillum fuit separatum à litera per incuriam, antequam ad Episcopum pervenirent. Unde aliam sub eodem tenore consignatam ei reportabant. Ipse tamen in suâ litera eis concessâ patronum in spiritualibus & temporalibus se vocabat; nec de hoc fuit eis cura. Dixerunt aliqui; quod ex quo patronus fuerit, non malum est eum in suis literis sic nominare. Ideo in crastinum remissi sunt nuncii cum talibus literis, *Reverendo patri ac patrono &c.* qui literas obtulerunt super licentiâ electionis faciendæ. [*Servientes interim Episcopi Maneria Monachorum occupabant; quæ Episcopus à Monachis rogatus statim restitui fecit.*]

#### C A P. IX. De electione Ricardi de Claxton.

**O**ptentâ itaque licentiâ, statutus est dies ad eligendum, in crastino sc. Conversionis S. Pauli. Quo die per viam compromissi electus est Ricardus de Claxton Prior Insulæ sacre in Priorem Dunelmensem anno MCC LXXII. Pontificatus Roberti XII. in secundo die post apud Derlington confirmatus, & in Purificatione B. Virginis apud Dunelmum installatus per Archidiaconum Dunelmensem; & infra triduum sequens provisionem Hugonis quondam Prioris factam signo suo roboravit rogatus. Iste Ricardus fuit religiosus & hospitalis, & ita circumspectus; quod non obstante provisione largâ Hugonis Prioris, & lite magnâ inter Archiepiscopum Ebor. & Ecclesiam Dunelmensem, quæ largas requirebat expensas, toto tempore suo domus abundabat. Anno Domini M C C I X X I V. mense Maio celebravit Gregorius IV. Concilium Lugduni; ad quod vocatus Prior partes transmarinas adiit, sed ad Concilium non accessit, habens ibi Procuratores, &c. Epitaphium ejus; *Agnus non pardus jacet hic Prior ecce Ricardus.*

#### C A P. X. De obitu Roberti de Stichill, & electione ROBERTI DE INSULA.

**P**eractis in Episcopatus regimine XIV. annis, fundato Hospitali de Grecham, nam ipsam villam Episcopus emerat à quodam Bertramo cognomine, in redeundo de Concilio Lugdunensi pridie Nonas Augusti obiit Robertus de Stichill Dunelmensis Episcopus in castro quod \* Arbipeylles dicitur.

\* Arbreyles  
Annal. Dun.

\* Robertus de Insula (quem de *Halieland* Waverleiensis, de *Coquina* Lanercostensis appellant) electus est 1274. 24. Septemb. confirmatus ab Archiepiscopo Ebor. die 31. Octobr. consecratus ab eodem die 9. Decembr. Obiit 1283. 7. Junii. Ex Annalibus Dunelm. & Registro *Giffard* Ebor. Male Thomas Wikes obitum illius anno 1284. circa Festum S. Michaelis, Lanercostensis 1284. in Festo S. Trinitatis contigisse volunt. Robertus inter Benefactores Academiæ Cantabrig. memoratur.

Corpus verò ejus sepultum est in quodam Monasterio Ordinis S. Benedicti Sayacens. Sed cor ejus delatum est Dunelmum, in Capituloque sepultum. Iste dum vixit, semper quando comedit in Castro, solebat de vino suo mittere ad Conventum; & quodam die cum pincernæ suæ diceret, quòd Suppriori & Conventui de vino suo mitteret; veniens ille cum vino, Suppriori ad suam mensam in Refectorio residenti vinum præsentavit. Prior verò Hugo ad magnam mensam præsidens, ex hoc indignatus, mensam percussit; & sic prandium in medio prandii finivit.

Intellectâ igitur morte Episcopi, licentiâque eligendi à Rege obtentâ VIII. Cal. Octobr. electus est Robertus de Insulâ Prior de Fynchalle in Episcopum per viam compromissi; & Idus Octobris à Rege receptus, VIII. Cal. Novembr. à Domino Waltero Giffard Archiepiscopo examinatus ipse & electio ejus apud Ripon; ibique dies assignatus pro confirmatione habenda Vigiliâ omnium Sanctorum in Ecclesiâ Dunelmensi, ubi & quando est confirmatus; & Dominicâ proximâ post Festum S. Nicholai in majori Ecclesiâ Eboracensi consecratus.

C A P. XI. De Visitatione Archiepiscopi apud Dunelmiam.

**I**Nterim mandat Archiepiscopus visitationem suam in Capitulo Dunelmensi die proximâ ante Sanctorum Omnium Vigiliam faciendam; quo die correctis in Capitulo corrigendis, Archiepiscopus cum suis & omnibus intrare volentibus Capitulum intravit; finitoque sermone injunxit tam suis quàm omnibus aliis ut exirent. Remanenteque eo solo & qui erant de Capitulo, dixit se venisse ad visitandum & corrigendum ea quæ sunt corrigenda. Prioreque se ad partem trahente, examinavit Suppriorem & ex senioribus quatuor, aut successivè, à nullo sacramentum exigens, sed quod prius publicè tunc occultè requirens ab eis. Revocatisque Priore & aliis, datâque benedictione, recessit ad Castrum ubi erat hospitatus, Henrico de Horncastre tunc Sacristâ Dunelmensi crucem ante eum bajulante.

C A P. XII. De factis Roberti Episcopi.

**C**onsecratus igitur in Episcopum Robertus Ecclesiam de Middelham Monachis de Finchalle in augmentum sex Monachorum appropriavit; Priori & Conventui Dunelmensi dedit advocationem Ecclesiæ de Meldon Dioceſeos Dunelm. acceptâ prius in recompensationem præsentatione integræ Ecclesiæ de Waldenestow Lincoln. Dioceſeos, ad quam Prior & Conventus solebant alternis vicibus præsentare. Concessit etiam eis warrennam in Billinghamshire & boscos, &c. Dicitur quòd iste promotus in Episcopum, matrem suam prius pauperulam honoravit, servos & ancillas sumptusque honorabiles ministravit; cùmque eam semel visitaret, quomodo se haberet inquisivit: & illa, Valde malè. Cur, inquit, dulcis mater? Deficitne vobis aliquid, servus, vel ancilla vel sumptus necessarii? Non, inquit; satis habeo; sed cùm dico huic vade, currit; & illi veni, genibus se prosternit; & ita omnia serviunt mihi ad nutum, quòd non habeo unde irascendo dilatare possim cor meum, &c. Cùm iste semel apud Norham venisset; & Dominus de Stremerston sibi cerevisiam dedisset; Episcopus cùm non esset assuetus à magno tempore cerevisiam bibere, ob reverentiam tamen mittentis & famam cerevisiæ gustavit; & non sustinens, statim à mensâ surgens evomuit. Et post prandium vocatis quos voluit, Ecce quid agat consuetudo, inquit. Scitis ex quibus originem [duxi] & nec ex parentelâ nec patriâ habeo vinum diligere, sed ex consuetudine solâ, &c.

C A P.



## C A P. XIII. Initium discordiæ inter Archiepiscopum Ebor. &amp; Ecclesiam Dunelm.

**A**NNO Domini MCCLXXX. præsentatus fuit Adam de Barneby ad Ecclesiam de Rungetoun vacantem Eboracensis Dioceſeos per Priorem & Conventum Dunelmensem; & quia in prædictâ præſentatione *ſalutem & obedientiam* non ſcripſerunt; præſentatum eorum admittere recuſavit; & ipſi ad Curiam Romanam appellârunt; factaque eſt appellatio & provocatio die Mercurii proximâ poſt Dominicam Palmarum anno ſupradicto apud Lancaſtriam in Prioratûs camerâ, in qua Dominus Archiepiſcopus pernoctavit. Impetratique ſunt iudices, &c. Quo intellecto Archiepiſcopus ipſum præſentatum in formâ primæ præſentationis admittit, & in eâdem inſtitui demandavit: & fuit illa contentio ſic ſopita. Eodem anno in Feſto S. Cuthberti Priori porrectæ ſunt ex parte Archiepiſcopi literæ viſitationis in craſtino S. Johannis Baptiſtæ in Eccleſiâ & Capitulo Dunelmenni faciendæ cum illâ clauſulâ, “Quod in præmiſſis duxerint faciendum & de die receptionis præſentium nobis circa Feſtum Annuntiationis proximum ſub vinculo & in virtute obedientiæ reſcribatis. Interim ſuper his conſulitur Epiſcopus Dunelmenniſis, qui reſpondit quod ad literam miſſam reſpondere non oportet; tum quia mittens nullam juridiſctionem habet in Priorem & Capitulum ratione Monafterii Dunelm. nec ratione alicujus exiſtentis in Dioceſi Dunelm. tum quia injungitur in virtute obedientiæ, ad quam nec ei tenetur Prior nec Capitulum, cùm Metropolitanus in ſubditos Suffraganei juridiſctionem niſi in certis caſibus non habeat, inter quos iſte nullus. — Arripiente igitur Epiſcopo cum ſuis iter verſus Curiam Romanam, Prior & Capitulum frequenter ſupplicabant Archiepiſcopo per ſuos; ut viſitationem ſuam prorogaret ad tempus magis opportunum; & ipſo non conſentiente, eſt provocatum & appellatum contra eum. Primò quia Archiepiſcopus tanquam eis ſuſpectus merito eſt recuſandus [*ob priſtinas injurias.*] Item cùm ſecundùm ſtatutum Concilii Lugdunenſis Metropolitanus primò debet viſitare propriam Eccleſiam & Capitulum & Dioceſin, antequam ad Suffraganei viſitationem deſcendat; quod iſte non fecit. Item Epiſcopus Dunelm. caput Capituli in remotis agit pro negotiis Eccleſiæ ſuæ; unde ad præſens viſitari non poteſt. Et ipſo non viſitato, illi viſitari non debent; cùm viſitatio incipere debet à capite. Item quòd Eccleſiæ Dunelmenniſis Prior & Capitulum iſtâ hætenus gaviſi ſunt libertate & immunitate, ſicut parati ſunt per privilegia ſpecialia coram iudice competenti oſtendere; quòd nullo unquam tempore Archiepiſcopus Ebor. auctoritate Metropolitanâ in eo viſitationis officium exercuit. Iſtis non obſtantibus, in craſtino S. Johannis Baptiſtæ venit Archiepiſcopus Dunelmum; & cùm ingredi vellet portam borealem, per milites Epiſcopatûs eſt repulſus. Ubi provocatione præmiſſâ priùs coram eo recitatâ, excommunicavit in ſcriptis Epiſcopum, Priorem & majores de Capitulo, & Capitulum interdixit; eoſdemq; peremptoriè citavit, ut die Mercurii Feſtum Exaltationis S. Crucis proximè ſequenti præſentiam ſuam exhiberent in Eccleſiâ & Capitulo Dunelmenni, viſitationem Archiepiſcopi ſubituri, & de contemptu ſatiſfacturi, &c. Adveniente igitur die ſtatuto, venerunt Dunelmum ad viſitandum G. Subdecanus Ebor. & M. Robertûs de Pikingâ, commiſſarii ad præmiſſa; & cùm venirent ſuper novum pontem, injectis quorundam manibus in equorum frænibus repulſi ſunt; & ſic ad Eccleſiam S. Nicholai extra muros declinârunt [*ibi Monachi appellationem renovârunt, plureſque articulos contra Archiepiſcopum obtulerunt, ipſum variis de cauſis ſententiam excommunicationis incurriſſe allegantes*] Iſtis non obſtantibus, Commiſſarii præfati fecerunt vocari Epiſcopum

copum & Priorem; & in ipsos non comparentes excommunicationis sententiam protulerunt, Ecclesiam supponentes interdicto. Obtinuerunt Prior & Capitulum rescriptum Apostolicum Martini IV. Abbati de Waltham & Decano & Cancellario Lincoln. seu illorum duobus, *[ad terminandam causam]* Anno MCCLXXX. in crastino S. Matthiæ in Ecclesiâ S. Mariæ juxta pontem de Stamford Abbas præfatus & Cancellarii Lincoln. subdelegati, recusato prius Decano Lincoln. tanquam suspecto, vocatoque Archiepiscopo Ebor. nec comparente per se nec procuratorem, excommunicationis sententiam in Priorem, &c. & interdictum adnullârunt, ipsum Priorem & majores Capituli ad cautelam absolventes; Archiepiscopum contumacem pronuntiantes, & pro expensis & damnis in trecentis libris Priori & Capitulo condemnantes; ipsum Archiepiscopum ad eundem locum & diem Mercurii proximum post Octavas Trinitatis citandum decernentes. Interim Decanus Lincoln. jam recusatus, & Cancellarius Lincoln. postquam totam jurisdictionem in Magistros H. & R. supradictos transfudisset, commiserunt iterum Magistro J. Clarell, &c. qui appellationes Episcopi, Prioris & Capituli nullas fuisse de jure, ipsosque eas non fuisse prosecutos pronuntiârunt; sententiam Archiepiscopi confirmârunt; Episcopum in quingentis libris & Priorem & Capitulum in totidem pro expensis ipsi Archiepiscopo condemnârunt; & ista per Dioceses Ebor. & Carleolensem & Candidæ Casæ publicari fecerant. *[Commissarii itaque se invicem excommunicârunt; & ad Curiam Romanam utrinque appellatum est. Papa rem denuo commisit Abbati S. Edmundi & Decano London.]* Qui vocato Archiepiscopo ad Ecclesiam Omnium Sanctorum Northampton die secundo juridico proximo ante Festum S. Hilarii anno MCCLXXXIII. ipsoque minimè comparente, causâ diligenter examinâtâ & processu juris in omnibus observato, auctoritate Apostolicâ sententiam Abbatis de Waltham, &c. confirmârunt. Interim mediante Antonio de Bek consenserunt in arbitros; & electi sunt ex parte Archiepiscopi H. de Newerk Archidiaconus Richemundiæ & M. Inigo Cancellarius S. Pauli London, ex parte Episcopi Dunelm. & Prioris M. R. Avenel & Reginaldus de Brandon Canonicus S. Pauli London. dederuntque eis potestatem ordinandi & concordandi, &c. II. Non. Maii.

C A P. XIV. De morte Domini Roberti de Insulâ, & electione Domini ANTONII DE BEK.

**A**Nno Domini MCCLXXXIII. VII. Idus Junii obiit Robertus de Insulâ Dunelmensis Episcopus apud Middelham; & IV. Idus ejusdem sepultus est in Capitulo Dunelmensi in tumulo decenter ornato & sculpto subtiliter cum imaginibus circumseptis. Quo sepulto sigillum ejus publicè coram omnibus à Magistro R. Avenel est confractum. Eodem anno VII. Idus Julii electus est Antonius Bek, tunc Dunelmensis Archidiaconus, in Episcopum Dunelmensem per viam compromissi, petitâ prius à Domino Rege licentiâ & obtentâ. Electionem cujus duo præcipuè promovebant, Domini Regis instantia, & inter Archiepiscopum Ebor. & Ecclesiam Dunelm. controversia. Sciebant

\* Antonius de Beck, Regis Secretarius, 5. Beneficia ecclesiastica cum curâ animarum in Provinciâ Cant. anno 1279. obtinuisse in Registro *Peckham* dicitur. Electus ad Episcopatum Dunelmensem 1283. 9. Julii, assensum Regis obtinuit die 28. Augusti, Temporalia ab eodem accepit die 4. Sept. consecratus est à Wilhelmo Archiepiscopo Ebor. 1284. 9. Januarii. Godwinus à Chronico

Osneienſi deceptus illum die 15. Januarii consecratum esse perperam scripsit. Obiit Antonius 1311. 3 Martii. Ex Annalibus Dunelm. & Thoma Stobæo. Decretum est in Parlamento Carleolenſi anno 1307. ut inhiberetur Episcopo Dunelmensi & ministris suis; ne filvas ad Episcopatum spectantes devaſtarent.



enim Dunelmenses, quod electum eorum Archiepiscopus minime consecraret, nisi instantia Regis ad hoc eum induceret. Consecratus verò est Antonius Dominicâ infra Natale proximum apud Eboracum à Willelmo Wikwan, præfente Rege & Magnatum multitudine copiosâ. Et licet multi inter Archiepiscopum & Dunelmenses ex præcepto Regis mediarent; minimè tamen profecerunt, quin tempore consecrationis Priorem egredi de Ecclesiâ compelleret, Et in crastino Antonium in virtute obedientiæ præcepit excommunicare Priorem & majores de Capitulo. Sed ipse respondit. Heri fui consecratus eorum Episcopus; & hodie excommunicabo eos? ad hoc faciendum nulla obedientia me inducet. Erat autem iste Antonius magnanimus, post Regem nulli in regno in apparatu, gestu & potentiâ militari secundus; magis circa negotia regni quàm circa Episcopalia occupatus. In guerrâ Regi potenter assistens, & in consiliis providus. Nam in guerrâ Scotiæ habuit de familiâ suâ XXVI. vexillarios, & communiter de suâ secta CXL. milites; ita ut magis crederetur Princeps Laicus quàm Sacerdos vel Episcopus. Et quamvis gauderet sic militum constipari agmine; erga tamen eos sic se habuit, quasi eos non curâset. Comites & Barones regni majores sibi genuflectere, & eo sedente Milites quasi servientes diutissimè coram eo astare parvipendens. Nil ei carum erat, quod ejus gloriam magnificare posset. Pro XL. hâlecibus recentibus XL. solidos Londoniæ semel solvit; aliis Magnatibus tunc in Parlamento ibi consistentibus pro nimia caristiâ emere non curantibus. Pannum maximi pretii comparavit; & ex eo palefridis suis cooperturas fecit; eò quod quidam dixit se credere quod Episcopus Antonius id emere non audebat. Quietis impatiens vix ultra unum somnum in lecto expectans, dixit illum non esse hominem, qui in lecto de latere in latus se verteret. In nullo loco mansurus, continue circuibat de Manerio in Manerium, de austro in boream; & equorum, canum & avium sectator. Et cum esset sumptuosus in multis, nunquam tamen egens erat; sed usque ad mortem omnia ei abundabant. Ad satietatem vix comedit; castissimè vixit, vix mulierum faciem fixis oculis aspiciens. Unde in translatione S. Willelmi Eboracensis cum alii Episcopi ossa ejus timerent tangere, remordente eos conscientia de virginitate amissa, iste audacter manus imposuit; & quod negotium poposcerat, reverenter egit.

C A P. XV. De contentione Prioris cum Archiepiscopo  
Sede vacante.

**V**Acante igitur Ecclesiâ Dunelmensi per mortem Roberti de Insulâ VII. Idus Junii anno Domini MCCLXXXIII. statim Prior & Capitulum apprehenderunt jurisdictionem, officiales & ministros alios præfecerunt; Archiepiscopum visitationis causâ descendente VIII. die Julii nullatenus Ecclesiam ingredi permiserunt. Ipsum ad Ecclesiam S. Nicholai in Dunelmo divertentem, & sermone ibi habito Priorem & majores Capituli excommunicare volentem, quidam juvenes de villâ sic terruerunt; quod per gradus versùs scholas latenter descendere & sic juxta aquas versùs Kypier divertere lætus fuit. Auriculam palefridi absciderunt; & ipsum si Wynchardus de Charrons & Petrus de Thorsby non impedissent, ut creditur, occidissent. Vicarium S. Oswaldi Archiepiscopo adhærentem de diversis criminibus impetitum & convictum virtute jurisdictionis apprehensum Officialis Prioris & Capituli judicialiter privavit; & Prior & Capitulum alteri Vicariam contulerunt, qui eam quamdiu viveret occupavit, altero nunquam restituto. Antequàm verò Archiepiscopus Dunelmum veniret, fuit exceptum contra eum; quod jurisdictio ad ipsum tunc devolvi minimè poterat, eo quod ipse erat excommunicatus tunc & diu ante per Abbatem de Waltham, &c. ut supra dictum est, pro sua contumaciâ.

ciâ. Unde non tenebantur eum ad visitationem in eis exercendam. Sed istis non obstantibus, sententiam excommunicationis & interdicti promulgavit in majores de Capitulo & Ecclesiam; provocatum tamen erat prius & appellatum. Isti exceptioni fuit rescriptum: aliæ exceptiones erant, quibus non erat rescriptum; puta quod Archiepiscopus suspectus erat propter litis dependentiam, &c. Ante mortem Episcopi Dunelmensis fuit pro Archiepiscopo Bulla impetrata ad Abbatem de Holme, Priorem Coventrensem, &c. ut ipsi processum factum contra Priorem & Episcopum Dunelm. per J. Clarell, &c. examinarent; & si ritè factum invenirent, confirmarent & facerent observari. Illi Priorem ad Ecclesiam de Warwik citari fecerunt. Ubi Prior & Capitulum comparens per procuratorem, sentiens se gravari, eo quod copiam literarum Apostolicarum sibi negaverunt, ad sedem Apostolicam appellârunt anno Domini MCCLXXXIII. in crastino S. Nicholai. Commissarii verò præfati appellatione contemptâ processum factum per J. Clarell, &c. confirmârunt; Priorem & majores Capituli ab administratione & ordinis executione amoverunt, eo quod interdictum & sententiam per eos latam non observaverint; & sententias latas in Archiepiscopum per Abbatem de Waltham, &c. irritas promulgârunt: sed Prior & Capitulum appellârunt: exceptiones facientes contra Judices, quod, &c. Sic igitur ex parte Prioris extitit ad Romanam Curiam appellatum, & pro<sup>a</sup> tutione ad Cantuariensem; & rescriptum fuit, &c. [*Prior & Capitulum alios sibi judices assignari obtinuerunt; qui Archiepiscopum crebrò citatum & non comparentem tandem contumacem pronuntiârunt die juridico proximo post Festum S. Matthie. Illo itidem in contumaciâ persistente*] Processit idem Judex ad sententiam diffinitivam pro appellatione Prioris & Capituli contra visitationem Archiepiscopi & exercitium jurisdictionis Sede vacante. Unde pronunciavit eos legitime appellâsse, & omnia attemptata post & contra irrita fuisse & esse. A quâ sententiâ Procurator Archiepiscopi ex adverso veniens appellavit ad Romanam Curiam. Agebat tunc Archiepiscopus præfatus in partibus transmarinis pro negotiis istis; & ibi mortuus est, nullâ habitâ revocatione processûs præfati.

C A P. XVI. De intronizatione Antonii Episcopi, & cessione Prioris Ricardi de Claxton.

**A**NNO MCCLXXXV. in Vigiliâ Nativitatis Dominicæ die sc. Lunæ ingressus est primò Antonius Dunelmensis Episcopus post suam consecrationem Ecclesiam Dunelmensem. Super cujus intronizatione orta est dissensio inter Priorem allegantem, quod sicut Archiepiscopus installatur per Decanum Eboracensem, ita Episcopus hic intronizari debet per Priorem Dunelmensem, & Officialem Ebor. consuetudinem Ecclesiæ pro se allegantem. Sed Antonius dixit se nolle in tam solenni Festo installationem suam propter eorum discordiam protelare; & protestatione factâ de neutri parti injuriando, per fratrem suum Thomam Bek Menevensen Episcopum installatus est, &c. In die verò S. Johannis Evangelistæ Antonius ingressus Ecclesiam, duas Baudekynes historiam nativitatis Dominicæ continentes obtulit; & eas ad ornandum magnum Altare in Festo Natilitii assignavit. Et habito tractatu cum fratre suo

<sup>a</sup> Non infrequens erat illo sæculo Provincialibus Eboracensibus ab Archiepiscopo Eboracensi ad Cantuariensem provocare; quod & ex historiâ hujusce litis & aliunde multoties patet. Huic quidem narrationi fidem facit Registrum Johannis Peckham Archiepiscopi Cant. ad quem à Dunelmensibus appellatum

fuit. Inibi enim, fol. 153. Archiepiscopus causam (cui ipse gravibus negotiis impeditus interesse non potuit) judicandam committit Priori B. Mariæ de Suthwerk & Decano suo de Arcubus, datâ commissione anno 1284. 2. Idus Januarii.



Episcopo, &c. ingreditur sedem Prioris; ubi vocatâ majori parte Conventûs, recitatîsque quomodo Prior infirmitatem suam & impotentiam allegans, frequenter ab Episcopo suam petierat cessionem, Prior tunc nil tale cogitans admîssâ prius ejus cessione extitit absolutus, Episcopo Menevense pro fratre suo verba proferente, & curam domûs in spiritualibus & temporalibus Henrico de Horncastre conferente. Sed Supprior allegavit; quòd cura domûs in spiritualibus in absentîâ Prioris & Sede vacante ad eum pertinebat; & rogavit ne consuetudini derogaretur. Ad hæc Episcopus. Domine Henrice, commendo tibi vices meas; nolo Suppriori nec consuetudini domûs derogare. His peractis, recessit Episcopus versûs Middelham. In crastino verò petita est licentia ab Episcopo eligendi & obtenta. Citò post vocavit ad se Episcopus Henricum de Horncastre, & ei injunxit renuntiare Conventui, se velle, ut curam domûs ipse ageret non solum in temporalibus, sed etiam in spiritualibus [*Restiterunt aliquamdiu Monachi; sed tandem manus dederunt.*] Exercuit igitur Dominus Henricus curam in spiritualibus & temporalibus usque ad confirmationem futuri Electi. Supprior tamen confessiones audivit; & in absentîâ prædicti Henrici congregationi præfuit.

#### C A P. XVII. De electione Prioris Hugonis.

**A**NNO Domini MCCLXXXV. III. Idus Januarii electus est Hugo de Derlington, quondam Prior, in Priorem Dunelmensis Ecclesiæ per viam compromissi; confirmatusque est ab Episcopo Antonio apud Bagworth juxta Leycestriam II. Cal. Februarii anno supradicti; & die Jovis proximâ post Festum Purificationis per Clericum Archidiaconi installatus. [*Multa in Ecclesiæ statu immutavit, veterum inimicitiarum tenax.*] Hujus Prioris tempore fuit conventum cum Archiepiscopo Eboracensi, Hugone de Evesham Cardinali mediante; ita quòd sede vacante Dunelmensis Ecclesiæ Archiepiscopus jurisdictionem exercent in eadem: sicut patet in scriptis inde confectis anno Domini MCCLXXXVI. Et revocatæ sunt omnes censuræ qualitercunque latæ contra quamcunque partem propter istam brigam, & pænæ invicem relaxatæ. Ricardus verò de Claxton, quondam Prior, contentus erat cellâ de Wermuth, adjunctâ ei decimâ de Suthwik pro provisione suâ. Ann. Dom. MCCLXXXIX. qui erat annus quartus Hugonis Prioris in Prioratu secundo, . . . . . Prior Conventui in tantum, quòd ipso moram faciente apud Finkhall & totaliter infcio, mitterent duos Fratres Londoniam ad denunciandum Episcopo impotentiam & debilitatem Prioris & defectum regiminis propter incommodum senectutis, & ad rogandum eum de remedio ordinando. Sed cum hoc innotuisset Priori per quendam de Conventu; misit Prior ad quendam de suis, qui Episcopo magnam summam pecuniæ promitteret eâ conditione, quòd petitionem Conventûs non audiret. Sed Episcopus petitionem Prioris rejecit; & maturans iter suum versûs Dunelmum, cessionem ejus admisit V. Idus Martii anno Domini supradicti. Anno igitur Domini MCCLXXXIX. in Vigiliâ Annuntiationis Dominicæ petitâ licentiâ ab Episcopo & obtentâ, electus est Ricardus de Hotoun, Prior cellæ de Lychne, in Priorem Dunelmensem per compromissionem, & apud Cridelington ab Episcopo confirmatus V. Cal. April. in octavis Paschæ installatus ab Officiali Archidiaconi Dunelmensis V. Idus April. Iste Prior impetravit Manerium de Howall; de licentiâ Episcopi locum Oxoniæ comparavit & ædificare fecit; Capellam etiam de Bello-loco construxit. Hujus Prioris tempore concessit Antonius Priori & Conventui warrennam in territorio de Wynstow, &c. [*Sequitur Historia contentions gravis inter Monachos & Ranulphum de Novavillâ de oblatione cervi in Festo S. Cuthberti.*]

C A P. XVIII. De dissensione inter Episcopum & Priorem  
& Capitulum.

**P**rosperante Prioratu sub Prioris regimine, applicavit Prior conferre suis terrariam Halmanorum, wardas & maritagia de Coldinghamschire suis contulit consanguineis pro libitu voluntatis. Murmurabant majores autem, graviter hoc ferentes; & illis procurantibus descendit Episcopus ad visitandum Capitulum in crastino Ascensionis Dominicæ anno Domini MCCC. Prior verò dixit se libenter visitationem suam subiturum; si secundum consuetudinem Ecclesiæ solus cum illis de Capitulo visitare vellet; allegans sic visitasse Walterum Giffard Archiepiscopum Ebor. ut supra habitum est. Episcopus verò multis præhabitis tractatibus petiit se admitti cum uno Clerico; & respondit unus ex parte Prioris, nec cum uno. Provocabat igitur Prior pro se & sibi adhærentibus, & appellabat. Episcopus verò excommunicabat, suspendebat, & interdixit; & tandem Priorem sententialiter privavit. Et facta est divisio in Conventu. Quidam enim favebant Episcopo, sicut Priores de Fynchale & de Insulâ, &c. Episcopus verò sic provocatus parcum de Beaurepaire ingressus, feras quæ tunc ibi abundabant quasi demoliri satagens, famellas & mares indifferenter cepit; homines verò Episcopi sæviebant in Priorem, & suos homines incarcerantes, cariagia & victualia ad Prioratum ingredi non permittentes, &c. Interim Rege mediante pacificati sunt verbo tenus Episcopus & Prior; Rege ordinante, quòd Prior quoad viveret Prior esset, & Episcopus cum tribus vel quatuor Clericis visitaret, & remitterentur universa invicem. Rex enim affectus erga utrumque, cum iter ageret versùs Karleolum, declinavit apud Dunelmum, ut eos pacificaret; pacificatisque promisit, quòd contra eum qui pacem initam infringeret, partem se faceret: quod promissum bene tenuit. Nam Episcopo citò contraveniente, Rex partem Prioris ex tunc fovit, & manu tenuit quoad vixit. Juvit etiam partem Prioris dissensio orta inter Episcopum & suos de Episcopatu. Nam Episcopus homines de Episcopatu secum coegerat ire in guerram Scotiæ cum equis & armis jam unâ vice; & cum secundâ vice redissent domum ab eo non licentiati, fecit eos apud Dunelmum incarcerari. Quod ipsi graviter ferentes, fecerunt se partem contra Episcopum, dicentes se esse Haliworfolk, & terras suas tenere ad defensionem corporis S. Cuthberti, nec debere se exire terras Episcopatus sc. ultra Tinam & Teyfam pro Rege vel Episcopo. Et hujus dissensionis Capitales erant Ranulphus de Nova villa & Johannes Marmeduci. Adhærebant cum eis ferè omnes de Episcopatu milites & libere tenentes; & sumptibus eorum communibus profecuti sunt negotia sua in Parlamento & Curia Regis. Odio igitur Episcopi omnes isti magis zelabant pro parte Prioris.

Transactis igitur tribus mensibus à suspensione Prioris & depositione, convocavit Episcopus Monachos sibi adhærentes; & injunxit eis, ut Priorem sibi eligerent, vel ipse eis aliquem præferret. Illis verò non consentientibus, præfecit H. de Luceby, Priorem sacræ Insulæ, in Priorem Dunelmensem. Et ad introducendum eum in possessionem, & amovendum Priorem Richardum adhuc possessioni incumbentem, misit ibi Forestarios suos de Werdale & homines de Tyndale; qui Priorem & Monachos in Abbathiâ obsederunt, & ita arctè custodierunt, quòd victualia ad eos venire non permiserint, aquæductum eorum confregerunt, januas Prioratus tandem diruperunt & post Claustrum; & sic per triduum Priorem & Monachos in Ecclesiâ obsederunt, ubi magnam penuriam victualium sustinuerunt. Monachi tamen in tantâ angustia non minùs devotè quàm solenniter divinum officium peragebant. Tandem in die S. Bartholomæi Priorem de stallò suo per quendam Monachum Episcopo adhærentem traxerunt.



traxerunt. Nam quendam de Tyndall induxerant ut hoc ageret ; sed ipso viso Priore resiliit, nullo auro se hoc facturum dicens. Sed quod ipse abhorruit, Monachus explevit. Ipso sic extracto, installatur H. de Luceby ; & obedientiam fecerunt ei Monachi quasi omnes, vi & metu inducti. Prior verò incarceratur per Episcopum primò in Claustro & post in Abbatia ; & duo de Commonachis, sc. J. de Castro & H. de Monte-alto. Introductus H. de Luceby in possessionem, nobiliores de Episcopatu retinuit de suâ familiâ in magno numero , ut sic favorem patriæ consequeretur ; & satis splendide Conventum procuravit. Sed alii de patriâ, qui erant de familiâ, hoc non obstante eum contempserunt, vocantes eum H. Waldele. Prior coactè tamen, ut dicitur, suscepit Prioratum ; quoniam Antonius juraverat, quòd si ipse non admitteret, Monacho extraneo conferret. *¶* Iste H. prius in Sacristariâ optimè se habuit ; tectum navis Ecclesiæ de novo reparans, & Vestiarium à fundamentis construens ; campanas etiam, ornamenta, capas, & alia non modica procurans Ecclesiæ. In Prioratu Insulæ sacræ & postea Dunelmi ita prudenter se habuit, quòd secundum opinionem multorum si canonicè Prioratum Dunelmensem fuisset adeptus, melior Prior à multo tempore non fuisset.

Ricardus igitur sic detentus in carcere, cogitavit quomodo posset evadere ; obtinuitque licentiam, ut uno die spatium posset & aerem capere, sub tamen certâ custodiâ. Cùm igitur veniret ad pontem de Syncliff ; venerunt octo equites ducentes secum palefridum pro eo, & eum ascendere fecerunt. Custodes verò ejus exterriti domum redierunt. Insecutus est eum Willelmus de Contoun Capellanus ejus, & postea Prior Dunelmensis ; & equum nactus, cum eo recessit. Remansit igitur Ricardus in Cissland ex tunc usque Natale ; & circa Purificationem sequentem fuit Lincolnia in Parlamento. In quo Parlamento conquestus est Regi de incarceratione suâ & injuriis ei per Episcopum illatis ; & obtinuit literas regias commendatitias Domino Papæ pro eo directas ; & sic ad Romanam Curiam est profectus. Conquesti sunt etiam ibi in Parlamento homines Episcopatus de Episcopo propter causam superius expressam. Et offensus est ibi Rex contra Episcopum, eò quòd tunc quæreret Rex ab eo, an secum staret contra Comites Mareschallum & de Hereford & alios majores regni, qui ibi congregati erant in manu forti, & in voluntate capiendi Regem. Respondit Episcopus, quòd omnes illi laborabant ad profectum & honorem regni & Regis, & ideo cum illis staret & non cum rege contra eos. Indignatus Rex ex hoc, cum Comitibus pacem simulavit ; sed Antonium ex tunc semper exosum habuit. Habuit ibi Antonius de unâ sectâ CXL milites.

Ad instantiam igitur Ricardi Prioris vocatus est Episcopus Antonius ad Romanam Curiam personaliter ; & ipse misit Clericos ad excusandum eum ; sed non sunt exauditi. Veniens enim Ricardus ad Curiam, satis favorabiles sibi invenit Papam & Cardinales. Erat enim homo eloquens, bene literatus, & bene personatus, &c. Papa edoctus, quòd non erant sex menses elapsi à privatione Ricardi usque ad præfectionem H. de Luceby, præfectionem cassavit III. Cal. Decembr. anno MCCC. Sic tamen quòd si Episcopus vellet præfatam privationem defendere ut factam legitimè ; contra Ricardum prosequatur, postquam inductus fuerit in corporalem possessionem. Hujus restitutionis executio facta est in Curia Romanâ XII. die Februarii eodem anno, & in Ecclesiâ Dunelmensi decimâ die mensis Aprilis sequentis anni sc. MCCCII. Quo anno cùm in Cœnâ Domini veniret Ricardus de Kellaw cum processûs copiâ ; admisus est benignè à majori parte Conventus, & in Suppriorum admisus. H. verò de Luceby tunc cameram Prioris occupans eum quibusdam adhærentibus sibi collegit quod poterat, de ciphis pedes argenteos evellendo, & ciphos argenteos & coclearia congregando ; & cùm ad portam non erant exire permitti, Monachis ibidem eis resistentibus ; per gardinum porcorum ultra muros villæ aliqua projecerunt, & sic recesserunt, & Episcopum adierunt.

Episcopum

Episcopum verò, quia vocatus ad Curiam non comparere voluit, Papa contumacem pronuntiavit, à Pontificatu suspendit; & iteratò citavit, ut infra VI. menses sub poenâ amissionis Episcopalis dignitatis in Romanâ Curia compareret. Vocatus ergo secundò Episcopus ad Curiam venit, sed cum tali apparatu ac gestu; ut omnes mirarentur ejus & familiam & sumptuum largitatem. Cùm semel equitaret versùs Curiam in civitate Romanâ; Comes quidam de partibus illis transiturus ex adverso & per familiam ejus, diutius admiratus familiæ magnitudinem, quæsit ab uno civium. Quis est iste, qui hîc transit? Et respondit civis, Pecuniæ inimicus. Cuidam Cardinali attestanti unum de palefridis suis, quòd pulcherrimos habuerit, misit duos, ut ex illis eligeret quem placeret; & Cardinalis equorum pulchritudine illectus utrumque retinuit. Quod cùm Episcopo renunciatum esset, dixit. Sic me Deus salvet, non defecit accipere meliorem. Tantæ magnanimitatis erat; quòd videbatur sibi quòd sine reprehensione facere posset quicquid vellet; propter præsentiam Cardinalium non omittens benedicere, nec propter præsentiam Papæ cum avibus ludere. Cùm veniens versùs Curiam hospitaretur; orta est dissensio inter suos & illos de civitate. Demum insurgente contra eum totâ civitate, & suis hospitium ulteriùs defendere non valentibus, fractis ostiis Cameræ in qua Episcopus erat, irruerunt super eum majores civitatis cum gladiis & fustibus tanquam ad latronem, Redde te, redde, clamantes. Quibus ipse non assurgens nec in aliquo deferens dixit. Sic Deus me salvet, defecistis verbum dicere cui; reddam nulli vestrûm. Putabant omnes sui nullum eis esse mortis exitum; & tamen ita audaciter respondit ipse, ac si nullum esset periculum. Fuisset tamen occisus, nisi superveniens ..... Propter ejus magnanimitatem & largitatem à Papâ & Cardinalibus est honoratus, & obtentâ à Papâ illâ Constitutione *Diocesani debent*; in qua ordinatur, quòd Episcopus cum duobus Clericis, uno Notario, & uno Religioso ejusdem Ordinis suum debeat visitare Capitulum; cum honore licentiatus à Papâ & Cardinalibus in Angliam est reversus.

Anno Domini MCCCIII. in Festo S. Petri ad Vincula rediens Prior Ricardus de Romanâ Curia, cum gaudio susceptus est à Conventu & compatriotis, quibus illo die convivium grande fecit. Ad querelam verò Prioris & aliorum de patriâ seisiverat Rex libertatem Episcopi in manu suâ; & ibi Cancellarium & Justiciarios suos posuit, qui cuicunque querelanti de Episcopo vel suis justiciam facerent. Conquestus est ergo Prior; quòd post pacem initam per Regem inter Episcopum & ipsum anno MCCC. die XI. mensis Junii fecit Episcopus maneria Prioris seisiri in manu suâ, finas collegit, & parcos destruxit. Item quòd, &c. Inquisitum est de istis articulis per homines de Northumbriâ, quia illi de Episcopatu suspecti erant Episcopo vel Priori. Habuit Episcopus consilium optimum & electum; Prior verò nonnisi unum sc. Willelmum de Herle. Sed favore patriæ & Dei adjutorio succubuit Episcopus quasi in omnibus; & Priori in grandi summâ pecuniæ est condemnatus.

#### C A P. XIX. De creatione Antonii in Patriarcham, & morte Prioris.

**I**Nterim moritur Papa Bonifacius, & creatus est Benedictus; apud quem obtinuit Episcopus Bullam ad Archiepiscopum Cant. Episcopos Lincoln. & Wigorn. ut ipsi descenderent ad visitandum Capitulum Dunelmense. Accusabat enim Priorem super dilapidatione & diversis criminibus; & Papa scripsit istis ut inquirerent. Sed re existente integrâ mortuus est Papa; & sic amisit Episcopus quicquid circa hoc effundebat. Anno Domini MCCCIV. Bertrandus



trandus Archiepiscopus Burdegalensis factus Papa vocatus est Clemens; qui primo anno Pontificatus sui creavit Antonium Dunelmensem Episcopum in Patriarcham Jerosolimitanum IV. Non. Maii. Et ad Episcopi suggestionem suspendit Priorem ab administratione tam in spiritualibus quam in temporalibus. Transtulerat se verò Prior versùs Curiam eodem anno; & hyemavit juxta Cantuariam, duos Monachos mittens. Morante igitur Priore ibi, commisit Episcopus curam domûs H. de Luceby, quem priùs præfecerat in Priorem. Executus est mandatum Apostolicum Abbas Lesacensis, &c. qui venerunt cum præfato H. Dunelmum in die Coenæ ad inducendum eum in corporalem possessionem curæ domûs; sed clausis januis non sunt permissi intrare. Provocatum fuit ex parte Prioris & Capituli; excommunicabant illi Priorem & majores Capituli & singulos resistentes eis. Sed in his omnibus erat manus cum Priore. Fecit enim attachiare præfatos executores; eò quòd mandatum hujusmodi executi sunt in præjudicium Regis. Quà enim ratione poterit Papa alteri conferre curam temporalium, posset ipse sibi retinere. Unde & poenâ pecuniariâ sunt multati uterque eorum in centum libris. In die verò Paschæ cum aqua consecraretur, crevit oleum in petrâ sub feretro in modum circuli ad latitudinem & grossitudinem unius annuli; id quod sensibilibiter vidimus & percepimus, &c.

Rediit Prior de partibus Australibus, & occurrit Regi apud Dunelmum; & in die S. Oswaldi Regis Missam celebravit Domino Regi ad altare S. Oswaldi in fronte Ecclesiæ. Et ibi licentiatu à Rege, & literas commendatitias Papæ pro eo accipiens, transtulit se versùs Curiam, in vitâ iste minimè reversurus. Interim scripsit Papa Regi, rogans eum ut collationem domûs de Coldingham, quam ipse facere disposuerat nepoti suo, acceptaret. Habuit enim nepotem quendam Raymundum de la Goth nomine, quem nimis dilexerat. Præfecerat eum in Cardinalem; & Decanatus Lincoln. & London. & multa beneficia pingua in Angliâ ei dedit. Erat juvenis bene naturalis, sed nimis luxuriosus. Odio igitur Prioris suggesserat Episcopus Papæ; ut ei conferret Prioratum de Coldingham. Sed Rex sicut bonus & prudens respondit nunciis Papæ. Miror, ex quo Papa tantum diligit illum nepotem suum, quòd vult facere eum Nigrum Monachum. Et illis asserentibus, quòd hoc non cogitavit. Et Rex. Et per sanctum Deum non habebit Prioratum illum, nisi fecerit se Monachum. Ita enim posset Papa conferre quamlibet Abbathiam in Angliâ sæcularibus; & destrueretur eleemosyna nostra & progenitorum nostrorum. Beata terra, cujus Rex nobilis. Veniens Prior ad Curiam, receptus est à Papâ & Cardinalibus cum favore; & sententiâ Papæ restitutus est VIII. Cal. Novembr. sed pro restitutione mille marcas Camera solvere jussus est. Prior verò sic restitutus in Curia mortuus est V. Idus Januarii anno Domini MCCC VII. & omnia bona sua, equi, vasa argentea, & libri & jocalia Camera Papæ confiscata sunt. Notandum etiam pro anno Domini MCCC V. missi sunt juvenes Monachi XII. apud Coldingham, & ibi ab Episcopo S. Andrea ordinati. Antonius enim reputans Priorem excommunicatum & majores Capituli, noluit aliquos ordinare præsentatos per ipsos. [*Lis orta est inter Ricardum Priorem & Henricum de Horneastre Priorem de Coldingham, quisnam eorum Edwardo Regi, qui Scotiam jam subjugaverat, homagium facere deberet pro Prioratu de Coldingham, qui cella erat Ecclesia Dunelm. Rex ab utroque homagium sibi fieri voluit.*]

CAP. XX. De creatione Willelmi de Tanfeld in Priorem.

**M**ortuo sic Priore in Curia & sepulto, scripserunt Rex Angliæ & Patriarcha Jerosolymitanus pro Priore de Wederhall Willelmo de Tanfeld; cui Papa in die S. Matthiæ Apostoli Prioratum contulit, vel potius vendidit; quia pro illâ collatione habuit Papa tria millia marcarum, & Cardinales mille. Qui installatus est in Festo S. Cuthberti in Septembri immediatè sequenti, præsentibus multis Episcopis & Magnatibus. Erat Prior iste staturâ procerus, vultu decorus, moribus placidus, sumptibus largus, sed in providendo minùs sciolus. Latabatur in magnitudine familiæ, in multitudine & frequentia convivantium; & unde talia sustineret, non satis providè cogitabat, &c. [*Antequam installaretur, Prioratu in custodia Episcopi adhuc existente*] per Stephanum de Malo-lacu Vicarium generalem Episcopi amoti sunt ab officio Supprior, Priores Cellarum & magistri Obedientiarii benevoli Priori mortuo. Et illis missis ad Cellas, substituti sunt alii in loca eorum. Prior tamen de Coldingham tenuit statum suum. Factum est hoc contra privilegia domûs, quia vacante Sede non debuit minorari, sed ex toto cura domûs ad Suppriorem devolvi. Episcopales tamen dixerunt Suppriorem & majores Capituli excommunicatos per Episcopum, & ideo non esse capaces talis curæ, &c. [*Vacantibus eodem tempore nonnullis Ecclesiis ad Ecclesiam Dunelm. spectantibus, orta est lis cuinam jus præsentandi competeret. Tandem convenit, ut tam Episcopus quàm Conventus simul præsentarent sub istâ formâ, Antonius Dunelmensis Episcopus & ejusdem loci Conventus vacante Prioratu, &c.*]

CAP. XXI. De malis, quæ venerunt Ecclesiæ ex istâ lite.

**P**rovocatus Rex contra Episcopum, eò quòd pacem inter ipsum & Priorem Rege mediante initam non observaret & ex aliis causis, Castrum Bernardi cum pertinentiis ab eo abstulit, & Comiti de Warwik contulit, Hert & Hercenes Roberto de Clifford, Kewreston Galfrido de Hercempolle; quæ Episcopus habuit ex forisfacturâ J. de Baillol, R. de Brys, & Christofori de Setoun. In cartâ tamen Domini Regis addebatur istud verbum, *Salvo jure Ecclesiæ Dunelmensis*. Et istæ tres collationes Regis erant per Capitulum confirmatæ. Abstulit etiam ei Rex Werk in Tyndale, Ponroch, & Ecclesiam de Symondborne, quam appropriaverat mensæ suæ, & quæ Episcopus habuit ex collatione Regis Scotiæ. Finxit enim Rex sibi causam; dicens Regem Scotiæ, antequam hæc Episcopo conferret, hæc forisfecisse Regi Angliæ. Saisivit etiam Rex libertatem Episcopatus in manum suam; & sic libertas ejus in multis læsa est contra antecessorum suorum ultimas voluntates. Volebant enim antecessores satis liberam Ecclesiam facere; sed nescierunt ita planè verbis exprimere, quin posteriores possint calumniam objicere. Erat tanta libertas Ecclesiæ Dunelmensi ante istam litem; quòd Episcopus haberet p. lefridum Regis tendentis versùs Scotiam pro eschaeto, eò quòd minister de eo itinerante cecidit, & ex casu obiit. Et nec Rex nec ministri ejus infra Episcopatum se de aliquo intromisit. Prioratus etiam deterioratus est in multis, primò ex mutationibus magnis circa litem exceptis & non solutis, &c. Prior de Coldingham rebellavit adversùs Priorem Dunelm. & sibi obedire noluit. Dixit enim Episcopum inimicum sibi, quia adhærebat Ricardo Priori. Adivit Willelmus de Tanfeld Prior cellam de Coldingham; ubi Prior de Coldingham juravit primò se stare in omnibus mandatis suis; & post latenter recessit.



recessit. Willelmus Prior Dunelm. alium loco suo substituit; & acceptum ibi homagium & fidelitatem tenentium de Coldinghamshire; persecutus est fugientem usque ad Parliamentum de Stamford in propriâ personâ non sine magnis sumptibus anno Domini MCCCIX. circa Festum S. Jacobi. Quia enim ille Prior fugiens erat notus Regi & Regalibus, quia portaverat vexillum S. Cuthberti cum Rege in guerrâ Scotiæ, credebatur Regem se velle tueri contra Priorem. Sed Prior Dunelm. ibi veniens invenit Regem & suos sibi satis favorabiles, & alius ibi non; ad Curiam Romanam se transtulit, & ibi cum expeditione obitum Episcopi expectavit. Anno Domini MCCCVIII. in crastino Purificationis visitavit Antonius Capitulum Dunelmense in formâ constitutionis Bonifacianæ *Debent*. In qua visitatione non quia contra ordinem deliquissent, sed quia cum Priore suo firmiter contra Episcopum tenuerunt, suspensi sunt ab administratione quacunque per decem annos sequentes Ricardus de Aslabby, qui Supprior erat tempore Ricardi Prioris, Galfridus de Buredon Prior de Fynkhal, & Nicholaus de Routhbiry Eleemosynarius Dunelmensis. Sed Willelmus de Grenesfeld Archiepiscopus Ebor. post mortem Antonii in visitatione suâ Sede vacante prædictas sententias annullavit.

C A P. XXII. De appropriatis Ecclesiæ per Antonium, & ædificiis ejus & morte.

**M**anerium de Everwod Ecclesiæ convertebat; Manerium de Aukland cum Capellâ & cameris sumptuosissimè construxit, Capellanis perpetuò in capellâ servituris Ecclesiam de Morpath approprians. Sed ipso mortuo Radulphus filius Willelmi Dominus de Graystroke patronatum præfatæ Ecclesiæ per litem obtinuit; & præsentato per ipsum per Episcopum admissio & instituto, Capella indotata remansit. Castrum de Somerton juxta Lincoln. & Manerium de Eltham juxta London. curiosissimè ædificavit; sed primum Regi & secundum Reginæ postea contulit. Rex verò citò post Castrum de Somerton H. de Bello-monte donavit. Castrum de Alnewik, quod ei W. de Vesce contulerat, confidens in eo quòd illud ad opus filii sui parvuli & illegitimi W. conservaret & ei adulto traderet, acceptâ pecuniâ H. de Percy vendidit. Insulam Manniæ usque ad terminum vitæ ex dono Regis habuit. Mortuus est apud Eltham anno Domini MCCCX. III. die Martii, anno Episcopatus sui XXVIII. Patriarchatus verò V. & sepultus in Ecclesiâ Dunelmensi, contra morem prædecessorum suorum, in fronte Ecclesiæ ad Aquilonalem partem, in Festo Inventionis S. Crucis proximo sequente cum satis magno honore. Ante illum enim ob reverentiam corporis S. Cuthberti non est permissum corpus mortuum ingredi Ecclesiam Dunelmensem. Et quamvis iste Episcopus sumptuosissimus fuerat in ædificiis, apparatu, familiâ & aliis; mortuus est tamen dives & plenus bonis, lapidibus pretiosis, vasis argenteis, equis & vestibus preciosis; in quibus moriens ultra omnes prædecessores suos Ecclesiam Dunelm. honoravit, & sui memoriam celebrem fecit.

CAP. XXIII. De electione & consecratione RICARDI DE KELLAW<sup>a</sup>.

**M**ortuo sic Antonio III. die Martii apud Eltham, petitâque licentiâ à Rege tunc apud Berwik existente super electione faciendâ XX. die Martii, ejusdem mensis die ultimâ sc. Mercurii proximâ post Festum Annuntiationis Dominicæ & ante Dominicam in Ramis Palmarum proximâ per commissionem electus est Ricardus de Kellaw Monachus ejusdem domûs, vir utique sufficienter literatus, moribus & vitâ dignus, cujus eloquentia, species & statura digna erant imperio. Admissus verò est idem Electus à Rege apud Berwik XI. die Aprilis, ipso sc. die Paschatis immediatè sequente. Præsentantur Electus & electio Archiepiscopo Ebor. apud Novum Burgum die Aprilis XIX. Examinantur apud Hextildestham ab eodem Archiepiscopo IV. die mensis Maii. Citantur omnes electioni vel electo objicere volentes; quod compareant coram eodem Archiepiscopo apud Brynston X. die ejusdem mensis. Et nullo ibi comparente, in crastino apud Riptoun confirmatur Electus. Ejusdem mensis die XX. Temporalia à Rege apud Berwik accepit, in Festo sc. Ascensionis Dominicæ; & penultimo Maii die sc. Pentecostes consecratus est apud Eboracum in majori Ecclesiâ; & in die S. Cuthberti in Septembri Dunelmi installatus.

CAP. XXIV. De factis tempore Sedis vacantis.

**M**ortuo Antonio apprehenderunt statim Prior & Capitulum jurisdictionem, Officiales & ministros alios præfecerunt. Archiepiscopus verò hoc perpendens, Priorem & Suppriorem & ministros præfatos excommunicavit; & suos præfecit. Quibus sic excommunicatis, die electionis assignato hæsitabatur quid ageretur. Scivit enim Capitulum, quod Archiepiscopus Electionem factam per excommunicatos ab ipso non acceptaret. Priori verò & Suppriori & aliis excommunicatis per Archiepiscopum videbatur grave ab electione excludi, maximè pro bono facto suo. Credebant enim se Deo & Ecclesiæ suæ obsequium præstitisse in jurisdictionis apprehensione. Tandem tamen relinquentes jurisdictionem Archiepiscopo, consenserunt Prior & Supprior excommunicati & alii se ab electione absentare; dum tamen alii majores, de quibus erat spes quod eligerentur, se cum eis pariter absentarent: quod & factum est. Unde & Electus horâ electionis erat cum eis. Electione factâ, ante confirmationem visitavit Archiepiscopus Capitulum Dunelmense, censuras ab eo latas revocabat; injunctiones etiam pœnales per Antonium factas relaxavit & irritavit. Instante die electionis, misit Rex Comitem Gloverniæ Dunelmum, ex parte Regis supplicantem, ut quendam consanguineum Antolinum de Pisânâ eligerent in Episcopum, alienigenam & Conventui ignotum, & ut dicebatur, ætate minorem. Habuit iste promotorem suum, qui multis de Conventu dona obtulit, si accipere voluissent. Promittebantur etiam Petro de Gaverston tunc Regi familiarissimo & Comiti Cornubiæ multa millia librarum, eo pacto ut procuraret eum Episcopum fieri Dunelmensem. Sed Monachi Deum timentes [*noluerunt.*]

<sup>a</sup> Ricardi tempora Robertus accuratè digessit. Illum ab Archiepiscopo Ebor. 1311. 11. Maii confirmatum, & ab eodem apud Eboracum 1311. 30. Maii die Pentecostes consecratum fuisse Registrum *Grenfeld* confirmat. Ricardus testamento condito 1316.

26. Sept. corpus in Capitulo Dunelmensi supra gradus sepeliendum legavit; & pauperibus die sepulturæ suæ centum marcas distribui jussit. Obiit die 9. Octobris sequentis. Ex Registro Ecclesiæ Ebor.



## CAP. XXV. Quomodo iste Ricardus in Episcopatu se habuit.

**R**icardus semper familiariter erga Monachos se habuit, lætus de eorum præsentia, tres vel quatuor continuè secum tenens; quorum unus Cancellarius, & alter Seneschallus, de omnibus expensis sc. & receptis superiorem curam gerens, & tertius Confessor ejus & ministrans ei in officio divino erat. Milites de Episcopatu & servientes quasi omnes ad robas suas tenuit. Ranulphum de Nova-villâ pro incestu cum filiâ propriâ ad pœnitentiam publicam coegit. Schavaldos insurgentes in Episcopatu fortiter composuit; aliqui suspendebantur, aliqui extra Episcopatum fugabantur. Hujus Episcopatus anno secundo combusta est Dunelmia per Scotos, & magna pars Episcopatus combusta & deprædata, Episcopo tunc existente Londoniis ad Parliamentum Regis. Qua combustionē factâ, inierunt illi de Episcopatu treugas cum Scotis datis mille marcis. Tertio Episcopatus sui anno motus est contra eum Rex; eò quòd Episcopus non ita fortiter Regi astitit ad fovendum Petrum de Gaverston contra communitatem regni, sicut Rex voluit, &c. Nitebatur igitur Rex transferre Episcopum, scribens super hoc ad Curiam Romanam; nitebatur & fratrem Episcopi capere, & in vindictam Schavaldi vel prædonis Johannis de Werdal à servis Episcopi occisi in Insulâ Sacrà in mortem tradere; sed in neutro profecit. Tandem eunte Rege versùs Bannokburne, conciliatus est ei Episcopus, datis mille marcis & uno dextrario non mediocris pretii; super quo dextrario occisus est Comes Gloverniæ in bello de Bannokburne. Ex tunc erga Regem sic se habuit; quòd Regem sibi familiarem habuerit, & in placito de Castro Bernardi & de Herternes, quæ pater Regis Antonio prædecessori suo abstulit, voluntariè propitium & fautorem; quæ si supervixisset, Regis adjutorio evicisset. Iste in primo anno consecrationis suæ scripto suo revocaverat quæ Antonius fecerat sede Prioratus vacante; & antiquum privilegium renovavit, sc. quòd Prioratu vacante nullus intromittat se de Prioratu in temporalibus vel spiritualibus nisi Supprior & Capitulum, & quòd nomine custodiæ habeat Episcopus in Prioratu unum Clericum cum tribus equis & tribus garconibus, nil ultra petens, nec de bonis domûs intromittens. Dedit Priori & Conventui Wastropheved, piscariam in aquâ de Were, &c. Priori etiam Insulæ Sacræ decimam de cuniculis infra insulam solvi fecit; & solvi debere suo decreto & literis declaravit.

## CAP. XXVI. De cessione Wilhelmi Prioris, &amp; electione Galfridi.

**A**nno Domini MCCC XIII. circa Festum S. Barnabæ, senectutis & impotentia sentiens incommoda, Wilhelmus Prior cessit Prioratui; cellam de Jarow cum Manerio de Wardle, &c. recipiens: & petitâ licentiâ ab Episcopo eligendi & optentâ, per viam compromissi electus est Galfridus de Burdon, tunc Supprior Dunelmensis, citò post Festum Apostolorum Petri & Pauli, & citò post confirmatus Dunelmi, & eodem die installatus. Iste in equitatu & familiâ erat honorificus, viros diligens habere in familiâ & non pueros, equos pro vecturâ & non equulos; sed rarò convivans, &c. Anno Domini MCCC XV. infra Octavas S. Johannis Baptistæ deprædati sunt Scoti quasi totum instaurum domûs apud Beaurepaire & alibi, &c.

C A. P. XXVII. De obitu Ricardi Episcopi, & promotione  
LUDOVICI DE BELLO-MONTE. \*

**A**Nno Domini MCCCXVI. in Festo S. Dionisii moritur Ricardus Episcopus apud Middelham; qui prius illam pulchram cameram de Stockton & Manerium de Lawellhall juxta Eboracum ad XVI. milliaria ædificaverat. Frequenter etiam in vitâ suâ promiserat, quòd Conventui relinqueret Capellam suam, librariam & vasa argentea. Sed tales reliquit executores, infirmitate præoccupatus, qui de prædictis aliter ordinabant, &c. Sepultus verò est in Capitulo Dunelmensi circa sedem Episcopalem, & lapide marmoreo co-opertus. Rex verò, qui tunc erat apud Eboracum, misit Eleemosynarium suum Dunelmum, & de pannis auro textis corpus honoravit. Comes etiam ille magnus Lancastriæ tres pannos de armis suis obrulit pro eo; de quibus facta sunt vestimenta illa, in quibus celebratur quando Conventus est in Albis.

Comes verò præfatus pro suo Clerico Johanne de Kynardessei rogavit, ut in Episcopum eligeretur; pronuntians si hoc fieret, se fore scutum Episcopatui contra Scotos. Rex verò rogavit pro Thoma de Charlton, Juris Civilis Professore, qui tunc Regis Secretum Sigillum portabat. Postea verò incantatus per Reginam, pro Lodewico de Bello-monte Thesaurario Sarum; pro quo ita instanter rogavit, quòd vix erat Monachus in domo alicujus nominis, quin habuit Regis literas supplicatorias & Reginæ. Comes verò de Hereford pro suo rogavit Clerico Johanne Walwayn, Juris Civilis Professore. Sed Monachi magis habentes Deum præ oculis quàm eorum preces, in Festo S. Leonis die ad hoc constituto, obtentâ prius à Rege eligendi licentiâ, per compromissionem elegerunt Dominum Henricum de Stamford Priorem de Fynkhalle, virum utique moribus sincerum, ætate maturum, vultu placidum, sufficienterque literatum. Expectabant in Ecclesiâ finem electionis Comites Lancastriæ, Herefordiæ & Penebrochiæ & multi alii Nobiles, Henricus etiam de Bello-monte cum suis & fratre suo; & erant aliqui comminantes amputare sibi caput, si ex Monachis foret electus. Electum verò bene admisisset Rex tunc existens apud Eboracum; si non fuisset Regina. Ipsa verò audiens Regem velle admittere, nudatis genibus corruit coram eo dicens: Domine nunquam rogavi pro aliquo de meis. Si diligitis me, agatis ut consanguineus meus Lodewicus de Bello-monte sit Episcopus Dunelmensis. Rex igitur victus precibus, Electum admittere recusavit; & pro Lodewico Curia scripsit. Advertens igitur Electus se apud Regem non proficere, & Capitulum Eboracense circa confirmationem ejus timore Regis repescere (vacavit enim tunc Ecclesia Ebor. per mortem W. de Grenfeld) habuit consilium transferendi se ad Curiam. Fuit enim Papa de novo creatus Johannes XXII. & credebatur, quòd non obstantibus Regis precibus apud eum favorem inveniret. Sed quia non potuit nisi ex legitimâ causâ forum Eboracense declinare & ad Curiam se transferre, ordinatum erat per consilium, quòd sacerdos quidam Robertus Karker nomine, oriundus de Nessam, contra electionem & electum provocaret. Quo facto Electus cum tribus sociis ad Curiam est profectus. Sed antequam veniret, ad rogatum Regum & Reginarum Franciæ & Angliæ dederat Papa Episcopatum Lodewico de Bello-

\* Ludovicus de Bello-monte, Sarisburiensis Ecclesiæ ab anno 1294. Thesaurarius, in Episcopum Dunelmensem apud Westmonasterium confirmatus est 1317. 11. Sept. & professionem Archiepiscopo Ebor. apud Thorp fecit 1318. 19. Junii: prout habet Registrum Melton. Consecratus est 1318.

26. Martii; siquidem in Annuntiatione B. Virginis captionem ipsius sequente consecratus fuerit: quod Robertus prodit. Ludovici obitum alibi notatum non invenio; ut incertum sit, unde Godwinus diem obitus à se positum hauserit.



monte. Imposita tamen ei fuit tanta pecunia solvenda Curia; quod per XIV. annos sequentes solutionem vix complevit. Electo autem nostro Papa contulit primam vacaturam ad collationem Prioris & Capituli spectantem, etiam si per Sæculares regi consueverat. Sed ipse ex ista gratiâ nil est affecutus. Sic igitur multis effusis in itinere & Curia, rediit vacuus; & apud cellam de Stamford usque ad suum obitum est moratus. Mortuus est autem in Festo S. Gregorii anno MCCCXX. & sepultus est in choro S. Leonardi coram magno altari. Post cujus obitum visa est lux emissa cœlitus in modum solaris radii super sepulturam ejus, &c. Natus fuit iste in die S. Leonardi, & in die ejus electus, & in Ecclesiâ S. Leonardi sepultus.

C A P. XXVIII. De captivatione Lodewici & fratris ejus.

**A**NNO Domini MCCCXVII. ad faciendam pacem inter Angliam & Scotiam venerunt duo Cardinales in Angliam sc. Ganselmus & Lucas de Flisco. Habuit Lodewicus Bullas super Episcopatus Dunelmensis collatione sibi factâ, necnon & ut posset consecrari ubi vellet & à quo vellet. Cogitavit igitur ad magnificentiam nominis sui in præsentia Cardinalium versus Scotiam tendentium in Festo S. Cuthberti in Septembri anno Domini supradicto & munus consecrationis apud Dunelmum recipere, & intronizari eodem die. Sed cum venirent Cardinales & Lodewicus ad vadum Cirporum inter Fery & Vodom; occurrit eis Gilbertus de Middleton cum multitudine armatorum; qui cum primò Cardinalibus & suis parcerent, non tamen intendebant nocere eis, & multi se esse de familia Cardinalium asseriebant, nec Cardinalibus pepercunt nec aliis quin omnes spoliarent. Lodewicum verò & Henricum fratrem suum captivos secum duxerunt usque Mitteford, cujus Castri præfatus Gilbertus erat custos & non dominus. Duobus verò Cardinalibus duos equos liberabant; & eos ire apud Dunelmum liberè permittebant. Factum est hoc die S. Ægidii primo die Septembris. Præmunivit tamen Prior Lodewicum apud Derlington existentem per nuncium suum de occurso armatorum prædictorum; sed ipse & frater ejus parvipendebant; dicentes quod Rex Scotia talia non audebat attemptare; & quod Prior talia scripsit, quia consecrationem Lodewici impedire voluit. Pro Lodewico verò sic captivato obtulit Prior vestes, vasa argentea & lapides pretiosos de thesauris Ecclesiæ; & circa Cardinales & ipsum multa expendidit; & grates tamen modicas reportavit. [*Cardinales enim multa nihilominus à Monachis extorserunt, & alter eorum Lucas de Flisco pensionem annuam centum florenorum usque ad terminum vite sue.*] Lodewicus verò & frater ejus citò post datâ pecuniâ & obsidibus à carcere liberantur. Gilbertus verò in Castro de Mitford capitur, Londoniæ trahitur, suspenditur, & ante Natale Domini decapitatur, corpusque ejus in partes quatuor divisum, &c. Lodewicus verò consecratus est in Episcopum Londoniæ apud Westmonasterium in Annuntiatione B. Virginis sequente, ann. Dom. MCCCXVIII. Pro isto Lodewico obligavit se Prior & Conventus mercatoribus in tribus milibus librarum; ita quod si Episcopus in solutione deficeret, ipsi solvere tenerentur. Et tamen ex hoc modicas gratias reportârunt.

C A P. XXIX. De Willelmo de Gisburn & Willelmo de Conton, Prioribus Dunelm.

**G**Alfridus Prior omnium votis non valens satisfacere, singulorum cœpit haberi fastidio, Episcopo etiam ei minùs benevolo, accusatus est in visitatione Episcopi de multis. Et quamvis ipse bonam haberet defensionem; maluit

luit tamen juri suo cedere, quàm bona domûs litigando expendere. Unde anno Domini MCCCXXII. in Conversione S. Pauli cessit Prioratui; accipiens pro suâ provisione cellam de Weremuthe cum decimis ejusdem villæ & de Fulwelle tantum. Quo facto petitâ licentiâ eligendi & obtentâ, statuto die pro electione faciendâ, electus est feriâ sextâ sc. VI. die Februarii Willelmus de Gisburn per compromissionem, vir utique magnæ religionis & scientiæ. Sed Dominicâ proximâ sequente dum pararentur omnia pro itinere versûs Episcopum, ingressus Capitulum vocatoque Conventu, renunciavit merè & sponte omni juri quod sibi ex electione fuerat acquisitum. Iterum statuto die ad eligendum, electus est per compromissionem Willelmus de Contoun, vir utique Deo & hominibus amabilis, confirmatus ab Episcopo installatus est in Inventione S. Crucis anno Domini MCCCXXII. Eodem anno circa Purificationem B. Virginis ingressi sunt Scoti Episcopatum; & totam Orientalem plagam ejus deprædati sunt, &c. Anno Domini MCCCXXIII. die V. Martii facta est concordia inter Priorem & Capitulum & Thomam de Goldesburg Archidiaconum Dunelmensem super controversiâ orta inter eos pro jurisdictione Archidiaconali in Ecclesiis Priori & Capitulo appropriatis infra Tinam & Teyfam; ita sc. quòd Prior habeat communem jurisdictionem Archidiaconalem in Ecclesiis de Jarow & Weremouth, Archidiaconus verò in omnibus cæteris pro totâ vitâ ipsius Archidiaconi. Pro quo est notandum, quòd Archidiaconus Dunelm. semper antè exercuit jurisdictionem Archidiaconalem in Ecclesiis Priori & Capitulo appropriatis infra aquas nomine Prioris, virtute cujusdam compositionis inter eos initæ; & pro hoc solvere consuevit Priori quandam pensionem annuatim. Præfatus verò Thomas & pensionem solvere recusavit; & jurisdictionem in dictis Ecclesiis nomine & jure proprio exercere se asseruit. [*Hinc nata contentio, quæ Episcopo mediante sedata est in præjudicium Monachorum. Istos enim Episcopus terrebat,*] comminatus Priorem deponere, & Summo Pontifici suggerere, quòd Monachi Dunelmenses propter eorum divitias insaniunt, nec Episcopo nec Archidiacono obedire volunt. Unde & nomina Ecclesiarum eis appropriatarum scripserunt, & ad duplicem valorem taxabant; si fortè per hoc Summum Pontificem inducere possent ad aliquid eis subtrahendum. Fecit etiam Priorem citari, quo titulo Ecclesias sic appropriatas tenebat, &c.

### C A P. XXX. De dissensione inter Archiepiscopum & Episcopum Dunelmensem.

**A**NNO Domini MCCCXXVIII. orta est dissensio inter Archiepiscopum Ebor. & Episcopum Dunelmensem super jurisdictione de Allertonshire. Nitebatur enim Archiepiscopus locum illum visitare; sed restitit ei Episcopus non solum in Ecclesiis jurisdictionis suæ, sed etiam in Ecclesiâ de Allerton & cæteris Ecclesiis jurisdictionis Prioris & Capituli; & contra compositionem initam inter Archiepiscopum & Priorem & Capitulum. Dixit enim Episcopus, quòd Prior & Capitulum non potuerint sine eo componere; & ideo nitebatur ipsam compositionem infringere, & Priorem & Capitulum inducere, ut se partem facerent cum eo contra Archiepiscopum. At ipsi responderunt, quòd contra factum proprium venire non potuerint. Inestabant ergo se mutuò. Archiepiscopus visitationem suam petiit. Episcopus verò semper occurrebat apud Allerton cum multitudine armatorum de Episcopatu, Northumbriâ & Tyndal; qui libenter ad eum veniebant, & Archiepiscopum interficere parati erant, si venisset. Sed ipse semper ab eis declinabat. Ipsi verò recedentibus, iterum suam visitationem petebat, & Episcopus iterum armatos vocabat, & sic Archiepiscopus irritabat, Episcopumque in congregatione armatorum non mediocriter effundebat. Archiepiscopus quamvis numerosus nil effundebat; fulminabat;



fulminabat etiam sententiam excommunicationis & suspensionis in Episcopum & adherentes sibi. Episcopus verò appellabat, & impetrabat, & coram Delegatis litigabat, primò apud Lincolniam, secundò apud Karleolum, tertio Lichesfeldiæ; sed Episcopus semper amplius effundebat. Allegabat Episcopus præscriptionem, &c. Tandem post multas fatigationes & expensas, amicabiliter composuerunt; sc. Archiepiscopus Ecclesiam de Lek appropriavit mensæ Episcopi, reservatâ sibi pensione annuâ, & Capitulo Eboracensi aliâ: & sic cessavit tempestas illa. Anno eodem contra Archidiaconum Northumbriæ Thomam de Charlton intendentem visitare Ecclesias Priori & Capitulo appropriatas in Northumbriâ appellatum est per Priorem & Capitulum, &c. Demum anno MCCCXXXI Prior cum Archidiacono sic composuit; quòd totâ vitâ suâ Archidiaconus jurisdictionem in Ecclesiis illis sicut in aliis plenariè exerceret; sed Prior procuraciones visitationi debitas alternis vicibus reciperet.

C A P. XXXI. De secundâ apprehensione jurisdictionis Archidiaconi in Ecclesiis infra aquas.

**Q**uia verò compositio inter Priorem & Capitulum & Thomam Archidiaconum temporalis erat solum pro vitâ ipsius; ipso mortuo XI. Cal. Januarii anno Domini MCCCXXXIII. statim in crastino apprehendit Prior jurisdictionem, illo die visitans Ecclesiam S. Oswaldi, die sc. Dominicâ; & in crastino per se & suos commissarios visitavit omnes Ecclesias sibi appropriatas infra aquas, præfecit officiales, & fecit Capitula celebrari. Mortuo autem Thomâ Archidiacono, Episcopus statim contulit Archidiaconatum Almarico de Bello-monte nepoti suo cortò & defigurato: [*qui litem Priori movit in Curriâ Eboracensi; ubi Prior ob contumaciam excommunicatus, Curiam Romanam appellavit. Res tandem convenit, simili compositione inter Almaricum & Capitulum pro vitâ Episcopi factâ, ac inter Thomam & Capitulum olim fuit inita.*]

C A P. XXXII. Qualiter Regina Philippa ignoranter intravit Abbathiam.

**A**NNO gratiæ MCCCXXXIII. feriâ V. in hebdomadâ Paschæ, venit Rex Dunelmum, & in Prioris Camerâ hospitatur. Feriâ verò IV. sequenti supervenit Regina Philippa uno die de Knaresburgh versùs Dunelmum; & ignorans consuetudinem Ecclesiæ Dunelmensis, per portam Abbathie ad Cameram Prioris descendebat, & ibi cum Rege cœnabat. Et cum cœnâ factâ cubasset; intimatum est Regi per quendam Monachum, quomodo S. Cuthbertus mulierum præsentiam non amabat. Ad præceptum igitur Regis surrexit Regina; & in tunicâ solâ cooperta clamide per portam quam intravit rediit, & sic ad Castrum se transtulit; rogans Sanctum, ne quod ignoranter fecerat vindicaret.

C A P. XXXIII. De conditionibus Lodewici Episcopi & morte ejus.

**E**Rat iste Lodewicus generosus, quòd de sanguine Regum Franciæ & Sici-liæ; facie venustus, sed debilis pedibus, quippe utroque pede claudicans; dapilis nimis, ita ut à multis diceretur prodigus; ad habendum cupidus, sed de modo acquirendi minùs curans. Onerosa enim familia quam tenebat, & sumptus superflui quos agebat, à quibus per nullum consilium poterat refræ-nari,

nari, ita cupiditate affecerant animum ejus; quod nil dimisit quod habere posset. Unde dixit sibi quidam sapiens; quod nunquam vidit hominem ita cupidum ad habendum, & ita improvidè habita dispensantem. Causam tamen Ecclesiæ viriliter egit contra Archiepiscopum Ebor. pro libertate in Allertonshire, contra Comitem de Warwik pro Castro Bernardi, contra Dominum Clifford pro Hortenese. Ad sequelam enim ejus fuit declaratum in Parlamento Regis; quod Episcopus Dunelmensis debet habere forisfacturas guerrarum infra libertates Episcopatus, ut Rex habet extra. Contra J. Darcy pro Ecclesiâ de Sinibauru diu litigavit; sed morte præventus nil horum ad finem perduxit. Castus erat, sed Laicus; Latinum non intelligens, sed cum difficultate pronuncians. Unde cum in consecratione suâ profiteri debuit, quamvis per multos dies antè instructorem habuisset, legere nescivit; & cum auriculanti- bus aliis cum difficultate ad illud verbum *Metropolitica* pervenisset, & diu anhelans pronunciare non posset; dixit in Gallico *Seit pur dite*. Stupebant omnes circumstantes, dolentes talem in Episcopum consecrandum. Et cum simili- ter celebraret Ordines, nec illud verbum *in anigmate* proferre posset; dixit circumstantibus: *Par Seynt Lowys il ne fu pas curteis, qui ceste parole ici escrit*. Quasi per totum tempus Episcopatus sui studuit, quomodo de Priore & Con- ventu pecuniam extorquere posset. Bullam unam habuit ad præficiendum in Priorem Dunelmensem quemcunque de domo vellet; aliam ad habendum quartam partem bonorum Prioratus dum guerra Scotiæ duraret. Sed quod istæ Bullæ impetratæ erant tacitâ veritate & suggestâ falsitate; noluit ejus Con- cilium eis uti. Palefridos, &c. quos Prior sibi frequenter dederat, pro nullo computabat; omni petitioni per Priorem sibi factæ respondens per interemp- tionem: Nil facitis pro me, nec ego faciam pro vobis. Orate pro morte meâ; quia dum vixero non obtinebitis. In fine tamen vitæ suæ Bullam impetraverat ad appropriandam Ecclesiam de Elewiks suæ Diocesis & Patronatus Priori & Conventui; sed morte præoccupatus non perfecit. Licentiam etiam impe- trandi medietatem villæ de Edmundsbiry dedit eis; apud Middelham coqui- nam ædificavit, & aulam cum capellâ satis amplam & decoram inchoavit; sed antequam muri ejus essent perfecti, diem clausit extremum apud Brantingham Eboracensis Dioceseos VIII. Cal. Octobr. anno Domini MCCCXXXIII. & eodem anno VI. die Octobris sepultus est in Ecclesiâ Du- nelmensi coram magno Altari; ubi suprapositus est sibi lapis marmoreus cu- riosus & sumptuosus, quem ipse dum vixerat fecerat præparari. Vendica- bat sibi Sacrista Capellam sc. equos feretrum deferentes, ceram & alia; & obtinuit, difficulter tamen. Mortuo sic Episcopo, statim Prior jurisdic- tionem Archidiaconi in omnibus Ecclesiis sibi appropriatis infra aquas Tinæ & Teyse plenè apprehendit; & eas plenariè visitavit. Archiepiscopus Eboracensis nemine resistente jurisdictionem Diocesis, quæ de communi jure ad Ca- pitulum pertinebat, apprehendit, & pacificè exercuit toto vacationis tempore, per suos Commissarios Capitulum & Diocesim visitando, & omnia quæ ad ju- risdictionem pertinent exercendo. Prior tamen literas Archiepiscopi habuit super immunitate; quod non traheretur in consequentiam quod per Commis- sarios visitavit, nec per hoc derogaretur illi privilegio *Debent* pro Dunelmensi præcipuè edito.

Circa idem tempus moritur bonæ memoriæ Simon de Mephram Cant. Ar- chiepiscopus; & postulatur in Cantuariensem Johannes de Stratford Wintoni- ensis Episcopus; & Adam de Horlton Wigorniensis fit Wintoniensis. Iste Adam, Juris Canonici Professor, primò fuit Auditor in Curia; & post fit He- refordensis, de Herefordensi Wigorniensis, de Wigornienti Wintoniensis; non electione ordinariâ, sed per reservationem in Curia Dominicâ, pecuniâ hæc omnia procurante. Simoni verò de Monte acuto, cui Rex rogaverat Winto-



niensem conferri, contulit Papa Wigorniensem Episcopatum, pecuniam quàm animas magis piscans.

CAP. XXXIV. De electione ROBERTI DE GRAYSTANES. <sup>y</sup>

**P**etitâ à Domino Rege eligendi licentiâ & obtentâ, vocatisque Fratribus in cellam, & infra Idus Octobr. die ad hoc statuto, per Compromissarios electus est Dominus Robertus de Graystanes, Supprior domûs & Doctor Theologiæ, in Episcopum Dunelmensis Ecclesiæ & Pastorem. Nomina verò Compromissariorum hæc erant; Galfridus de Burdon quondam Prior Dunelmensis tunc verò pro provisione habens cellam de Wermuth, &c. Willelmus de Dunelmo Sacrista, Johannes de Setona prius & post Supprior Dunelmensis, Gilbertus de Elwyk Prior Insulæ sacre & Theologiæ Professor, Emericus de Lumley Prior de Lythinne, Thomas de Lunde Prior de Fynkhalle & Doctor Theologiæ, Johannes Fossour Prior S. Leonardi extra Stamford, Alexander de Lamesly Magister de Jarowe, Petrus de Hilton ferrarius, Walterus de Scarisbek hostillarius, Johannes de Beverlaco Prior Oxon. & Bacularius Theologiæ, Willelmus de Dalton, & ipse Electus tertius decimus. Publicatâ electione & ab omnibus approbatâ, ipse Electus in itinere versùs Regem obtinuit literas proclamatorias ab Archiepiscopo Eboracensi & diem pro confirmatione habendâ V. Idus Novembris. Rex verò inventus apud Lutgesale, penultimo die Octobris tale responsum dedit. Intelleximus quòd Dominus Papa de illo Episcopatu providit Domino Ricardo de Bery familiari Clerico nostro; nec ipsum Papam offendere volumus: ideo electioni tuæ consentire nequimus. Dominus enim Rex pro præfato Clerico non solum Papæ sed etiam Priori & Capitulo scripserat, ipsos rogando ut eum eligerent, ipsum ut Episcopatum reservando ei conferret. Rediit ergo Electus Eboracum; & non obstante quòd non intervenisset consensus regius, deliberatione habitâ cum Canonicis Ecclesiæ Eboracensis & utriusque Juris peritis, consentientibus etiam Priore & Conventu Dunelmensi, IV. Idus \* Decembris in Ecclesiâ B. Mariæ Ebor. est confirmatus, & Dominicâ proximâ sequente sc. † VIII. Cal. Decembris per venerabiles Patres Eboracensem, Karleolensem, Armachanum, in Capellâ Archiepiscopi in Palatio consecratus; & die Jovis proximâ subsequente, in octavis sc. S. Martini, Dunelmi installatus. Acceptâque obedientiâ à subditis & Vicario generali ibi dimisso, iter arripuit Episcopus versùs Regem, temporalia petiturus. Sed Rex cum eo loqui noluit, sed per Thesaurarium suum respondit; quòd invisum erat ante illud tempus, quòd aliquis in Angliâ absque consensu regio in Episcopum consecraretur vel electio confirmaretur; & ideo super tam arduo & inaudito noluit Rex inconsultè respondere; & ad proximum Parliamentum distulit respondendum. Interim cum Domino Ricardo de Bery, cui ad rogatum

\* 1 Novemb.

† 1. XVIII

<sup>y</sup> Robertus de Graystanes, S. T. P. Monachus & Supprior Dunelmensis, confirmatur Episcopus Dunelmensis in Ecclesia B. Mariæ Ebor. 1333. 10. Novemb. & consecratus fuit in Capellâ Palatii Archiepiscopi 1333. 14. Novembr. & adivit ad Regem Edwardum pro Temporalibus. Sed postea Archiepiscopus Ebor. receptis Bullis Papæ pro Ricardo de Bury, misit Priori & Conventui Dunelmensi ad eligendum de novo Episcopum suum, non obstante confirmatione electionis Roberti, 1334. 1. Jan. Postea Ar-

chiepiscopus fatetur omnia circa consecrationem Roberti facta fuisse per ignorantiam attemptata. Sic Registrum Melton. Ex his igitur numeri in Roberti Historiâ vitati optimè emendari possunt. Monachi Dunelmenses (sic Annales Lanercast.) unum de confratribus suis, virum utique valentem pro tali dignitate, & S. T. D. Robertum de Graystanes eligerunt, Is Episcopatu depulsus, viam universæ carnis citò postea ingressus est.

Regis

Regis Papa Episcopatum contulerat, uno die ante electionem de ipso Roberto factam, sc. pridie Idus Octobris, Rex temporalia Episcopatus Dunelmensis dederat; & ex hoc dilationem ad Parliamentum non nisi in sui illusionem factam Episcopus advertebat.

C A P. XXXV. De RICARDO DE BURY Episcopo Dunelmensi. <sup>z</sup>

**V**enerunt ergo Clerici Domini Ricardi de Byry Dunelmum eum Bullâ & literis regiis; & in possessionem Temporalium statim inducitur. Archiepiscopus verò Eboracensis visis bullis & intellectis comminationibus regiis de Temporalibus suis in manu Regis capiendis, inductus per Regales, Clero & populo Dunelmensi scripsit, ut Ricardo de Byry obedirent, non obstantibus prioribus literis eis pro Roberto Episcopo destinatis. Unde & IV. Idus Januarii Clerus & populus Dunelmensis Diocefeos Ricardo de Byry obedientiam juraverunt. Et sic Robertum Episcopum non vocatum, non monitum nec contumacem spoliavit; cum tamen jus commune habuisset pro eo, & contra impetrationem Ricardi & provisionem legitimas defensiones debuit habuisse. Et cum satis haberet quod contra provisionem Ricardi objiceret; condescendens tamen statui domus & Prioris, qui propter guerram & casus varios depauperati sustinere non potuerunt onera litis, maximè contra Regem habentem Papam ita sibi propitium, & contra Ricardum qui jam eis præerat in temporalibus & spiritualibus; & etiam quòd contra quemcunque objicere est vile & odiosum: elegit potius dissimulando voluntatem Dei cum patientiâ expectare, quàm finem litis quæ dubios solet habere exitus quærere per objectus, Maximè cum S. Cuthbertum & plerosque alios Episcopos legimus renunciâsse Episcopatibus pacificè jam possessis; sed paucos vel nullos Sanctos circa Episcopatus per objectus legimus litigâsse. Color pro Roberto fuit iste. Papa Episcopatum Dunelmensem unicâ vice & non semper suæ dispositioni reservavit, & de eâdem disposuit ante electionem Roberti, quasi per unum diem antè; ut patet ex dictis. Cum igitur disponere sit verbum facti & non juris; per provisionem factam Ricardo expiravit reservatio quæ præcessit. Non enim stant simul, quòd Papa disposuit, & quòd reservatio facta suæ dispositioni adhuc in suo robore mansit. Posset enim tunc Papa de eodem Episcopatu iteratò disponere virtute reservationis prædictæ. Tempore ergo electionis Roberti nulla reservatio fuit. Ergo tempore electionis suæ nihil obstitit nisi provisio facta Domino Ricardo. Si igitur illa posset infici per objectus; foret jus Roberti clarum. Item ita clarum jus habet Capitulum ad eligendum, sicut ali-

<sup>z</sup> Ricardus de Bury, aliàs de S. Edmundo, Canonicus Wellensis 1332. 6. Jan. admissus in Registro Radulphi de Salopiâ Wellensis Episcopi legitur, Decanus Wellensis sub initium anni sequentis constitutus. Ad Episcopatum Dunelmensem à Johanne XXII. Papâ provissus 1333. 14. Octobris, consecratus est 1333. 19. Dec. per Procuratorem installatus 1334. 10. Jan. in propriâ personâ intronizatus 1334. 5. Junii. Professionem Archiepiscopo Ebor. fecit 1337. 12. Febr. Magnus Angliæ Thesaurarius renunciatus est 1334. 3. Febr. Cancellarius 1334. 28. Sept. Utrumque autem munus perbreve tempore administravit: libris legendis conscribendisque & rei literariæ pro-

movendæ impensius deditus. Extant utriusque præclara monumenta, literaturæ suæ liber *Philobiblon* dictus, beneficentiæ in literatos Collegium Monachorum Dunelmensium ab ipso auctum & perfectum, cui moriens itidem libros suos legavit, cunctis tamen Academiæ alumniis, certis conditionibus positis, evolvendos. Libro suo ultimam manum apud Auklandiam apposuit 1344. 24. Jan. ætatis suæ 58. Pontificatus 11. Obiit ibidem 1345. 14. April. juxta utrumque Historiæ nostratis Codicem, 1345. 24. April. juxta Godwinum, 1345. 14. Jan. anno ætatis suæ 58. præcisè completo, juxta Caium in Antiqu. Cant. l. 2. p. 250. Willemi calculus justior videtur.

E e e e e 2

quis



quis Clericus ad quodcunque Beneficium, quia collatum sibi à Rege & à multis Papis confirmatum. Quare igitur magis potest ab eis auferre electionem suam sibi à Regibus concessam & per Papas confirmatam, quàm alteri Clerico Beneficium sibi à suo Episcopo collatum, maximè sine causæ cognitione, & eorum negligentia hoc minimè promerente? Item maximè est hoc in præjudicium Regis; quòd eadem ratione posset Papa reservare omnes Episcopatus Angliæ, & eos conferre Cardinalibus vel aliis extra regnum commorantibus; & depauperaretur regnum per abductionem pecuniæ, & periclitaretur propter defectum consilii, quod vigere solet in Episcopis regni: vel alienigenis conferre posset, qui in terrâ remanerent. Et adhuc foret Regi periculum; quòd tot extranei occuparent Episcopatus in Angliâ, castra & alia eis pertinentia, quòd insurgerent cum alienigenis contra Regem. Rex etiam juratus est ad Magnam Cartam; cujus unus articulus est, ut electiones sint liberæ. Multa erant alia, quæ majores regni monebant ad loquendum de istâ materiâ.

Memorandum, quòd B. Cuthbertus suscepit habitum Monachorum apud Mailros anno Domini DCLI. Et cùm XIV. in habitu ageret annum, factus fuit Prior Lindisfarnensis; ubi cùm XII. ageret annum, factus est Anachorita in Farne: & cùm ibi transgisset IX. annos, consecratus est in Episcopum apud Eboracum VII. Cal. April. ipso die Paschæ, præsentibus Rege Egfrido & VII. Episcopis, inter quos Theodorus Archiepiscopus præsidebat, anno sc. Domini DCLXXXV. Et cùm in Episcopatu ferè duos transgisset annos, repetiit insulam Farne; ubi post Natale elapsis tribus mensibus ægravavit feriâ IV. & tribus hebdomadibus continuis infirmitate detentus, feriâ IV. obiit anno Domini DCLXXXVII. ex eo verò anno quo habitum Monachicum suscepit anno XXXVII. ita quòd ab obitu ejus usque ad annum Domini MCCCXXXVI. quo iste liber scriptus est, fluxerunt anni DCXLVIII. & à translatione ejus usque ad annum præsentem anni CCXXXII. Nota quòd ab anno Domini DCXXXV. usque ad annum Domini MLXXII. omnes Episcopi fuerunt Monachi usque Walcherum; ita quòd per CCCCXXXVII. annos nullus erat Episcopus nisi Monachus. Item à fundatione Ecclesiæ quæ nunc cernitur usque ad annum præsentem fluxerunt anni CCXXVIII.

# WILLELMI DE CHAMBRE CONTINUATIO

## Historiæ DUNELMENSIS.

Ab anno MCCCXXXIII. ad annum MDLIX.

**R**icardus de Bury fuit sufficienter literatus, in regendo familiam discretus, in convivando extraneos dapifilis, in erogando eleemosinam sollicitus. Iste audito quod displicuit fuit faciliter provocatus, sed facillimè revocatus. Iste summè delectabatur in multitudine librorum. Plures enim libros habuit, ut passim dicebatur, quàm omnes Pontifices Angliæ. Et præter eos quos habuit in diversis Maneriis suis repositos separatim, ubicunque cum suâ familiâ residebat, tot libri jacebant in câmerâ quâ dormivit; quod ingredienti vix stare poterant vel incedere, nisi librum aliquem pedibus conculcarent. Iste ornamenta ecclesiastica quamplurima pulchra & decentia contulit Ecclesiæ Dunelmensi; plura proponens, si vixisset dutius, contulisse. Cum igitur Episcopatum Dunelmensem, quem habuit ex provisione Apostolicâ, relixisset in tranquillitate competenti, cæteris partibus Angliæ contributionibus & angariis multipliciter fatigatis, per XI. annos, II. menses, & XII. dies; in anno duodecimo longâ infirmitate decoctus, apud Aukland diem clausit extremum XIV. die Aprilis anno Domini MCCCXLV. qui XXI. die ejusdem mensis fuit quodammodo honorificè, non tamen cum honore satis congruo, coram altari B. Mariæ Magdalenæ ad australem angulum Dunelmensis Ecclesiæ tumulatus.

Integra ista hæc Sectio in Codice Oxoniensi Vitæ Ricardi Episcopi sine ullo intervallo subjicitur

\* [Hæc in tabulâ pensili. Quæ jam sequuntur narravit Willelmus de Chambre.]

\* Desunt ista in Codice Oxon.

**R**icardus de Bury natus fuit in quadam villulâ prope Edmundisbury, patre Domino Ricardo Awngewill milite; & à suo avunculo Domino Johanne de Willouby Rectore, exhibitus est primò ad scholas Grammaticas, & postea ad Studium Oxonii per aliquod certum tempus. Deinde assumptus est ad instruendum Edwardum de Wyndesor tunc Principem, qui postmodum dictus est Edwardus tertius; postmodum ordinatus est principalis receptor patrimonii ejusdem Edwardi in Wasconiâ. Quo tempore dictus Edwardus fugit cum matre Parisiis; quibus expensis deficientibus, venit ipse Ricardus clam cum magnâ summâ auri quam collegit in officio predicto. Qua de causâ insequabatur eum Locumtenens Regis cum XXIV. lanceis usque Parisiis; ubi præ metu mortis absconditus est in campanili Fratrum Minorum per septem dies. Post hæc ordinatus est Coferarius Regis, deinde Thesaurarius de Wardroppe, postea Clericus Privati Sigilli per V. annos. Quo tempore bis adiit Summum Pontificem Johannem. Et primo tempore quo sibi advenit, ordinatus est ab ipso Capellanus principalis Capellæ suæ; & recepit ab eo rochetam in loco Bullæ pro proximo Episcopatu vacante ex post in Angliâ. Et eo tempore promotus est de Beneficiis Ecclesiasticis; quòd potuit expendere ad valorem V. millia marcarum. Et secundo tempore quo Summum Pontificem adiit, adeptus est ab eo CCCVII. gratias pro Clericis promovendis. Et omni tempore quo



\* Die V. Junii per Willelmum Con-ton Priorem Codex Oxon.

† Haude-warpe. Id.  
\* Braban. Id.

\* Comitiva. Id.

\* Libris. Id.

\* capellis. Id.

quo venit ad præsentiam Summi Pontificis sive Cardinalium, venit ipse cum XX. Clericis suis in vestibus unius sectæ, & XXXVI. armigeris alterius sectæ. Post hæc cum rediret Angliam, audiens Parisiis de morte Lodowici Episcopi Dunelmensis, & Regem misisse literas ad Summum Pontificem pro ipso Episcopatu sibi acquirendo, multum dolebat. Insuper cum quidam Clericus ipsius nomine Willelmus de Tykall Rector de Stanhoppe instigaret eum mittere literas ad Cardinales & ad alios amicos suos in Curia pro prædicto Episcopatu habendo; respondit se nec pro illo Episcopatu nec pro aliquo alio literas missurum. Consecratus est Episcopus Dunelmensis Dominicæ ante Natale XLVI. ætatis suæ anno, ab Archiepiscopo Cantuariensi Johanne Stratford in Abbatia Nigrorum Monachorum de Cherdsey. In qua consecratione Episcopus Lincoln Henricus Burewesh fundebat omnes compensas jussu Domini Regis. Post hæc factus est Thesaurarius Angliæ; & eodem anno \* (in die Pentecostes vel in die Trinitatis) est Dunelmi installatus. In qua Installatione fecit grande convivium; ubi interfuerunt Rex & Regina Angliæ, mater Regis Angliæ, Rex Scotia, duo Archiepiscopi & quinque Episcopi, septem Comites cum uxoribus suis, & omnes Magnates citra Trentam, multi Milites & Armigeri, plures etiam Abbates & Priores & viri Religiosi, cum innumerâ multitudine communitatis. Eodem anno installatus est Cancellarius Angliæ. Et infra triennium ex post ter adiit Regem Franciæ Parisiis in nuncio Regis Angliæ ad vendicandum regnum Franciæ. Postea adiit † Haverwarippe, & aliâ vice ad \* Burkan; & ita fatigatus fuit per diversâ loca pro prædictâ Legatione novem annis. Et medio tempore fuerunt omnes libertates Dunelmensis Ecclesiæ conservatæ sine aliquo detrimento. Post hæc Angliam rediit.

Multum delectabatur de \* multitudine Clericorum; & plures semper Clericos habuit in familiâ suâ. De quibus fuit Thomas Bradwardyn postea Cantuariensis Archiepiscopus, & Ricardus Fitz Raufe postmodum Archiepiscopus Armachanus, Walterus Burley, Johannes Maudyt, Robertus Holcote, Ricardus de Kilwington, omnes Doctores in Theologiâ; Ricardus Benworth postea Episcopus Londoniensis, & Walterus Segraffe postea Episcopus Ciceriæ. Et quolibet die in mensâ solitus erat habere lectionem, nisi fortè per adventum Magnatum impediretur; & post prandium singulis diebus disputationem cum Clericis prænominatis & aliis suæ domus, nisi major causâ impediret. Et aliis vicibus aut servitio divino aut \* libro vacabat; nisi foret ex causis arduis impeditus. Omni etiam septimanâ distribuit in cibos pauperum octo quarteria frumenti pista, præter fragmenta solita domus suæ. Et si plures supervenirent post distributionem dictæ elemosynæ; contulit singulo obolum. Præter hæc veniens aut rediens à Novocastro usque Dunelmum aliquando duodecim marcas contulit in elemosynam, etiam à Dunelmo usque Stokton quandoque VIII. marcas, & à Dunelmo usque Aukland V. marcas, à Dunelmo usque Middelham C. solidos. Post cujus obitum inventa fuit una de suis \* capsula plena lintheaminibus, camisiis & bractis cilicinis; in qua putabatur thesaurus inveniri.

Præterea præfatus Dominus Ricardus in floribus vitæ suæ contulit duo vestimenta Ecclesiæ, unum rubeum de velveto cum tribus capis ejusdem sectæ subtiliter broudatis, & aliud de nigrâ camicâ cum tribus capis ejusdem sectæ cum largis orariis decenter ornatis: plura proponens Ecclesiæ reliquisse, videlicet unum de rubeo velveto, quod executores sui vendiderunt Domino Radulpho de Nevill, qui postea conscientiam motus illud reddidit Ecclesiæ; aliud etiam dedit de albâ camicâ cum tribus capis ejusdem sectæ, quod fecit in honore S. Mariæ, nobiliter broudaturum, quod Sacrista post ejus mortem de ejusdem executoribus cum multâ difficultate conquisivit. Item in exequiis ejus, sicut patet per instrumentum publicum inde factum, habuit Sacrista duos magnos equos portantes corpus ejus in lecticâ & unum equum mulum portant in Capellam.

Habuit

Habuit etiam idem Sacrista duas cistulas, unum baculum pastoralem, unam mitram, annulum & sandalia, duo candelabra argentea, unum turibulum argenteum & deauratum cum unâ naviculâ, item IX. bawdekynes de panno serico rubeo cum vitibus intextis, item IX. pannos sericos cum quadrupedibus habentibus pedes & capita deauratos, item unum pannum viridem cum gallis albis & rubeis intextum. Ex quibus omnibus facta sunt vestimenta ad magnum Altare & alia altaria in Ecclesiâ. Item ex quatuor sigillis ejusdem factus est unus calix deauratus; ut patet per hos versus sub pede ipsius inscriptos,

Ricardus Dunelm. quartus natu Buriensis.  
Hic ciphus insignis fit Præfulis ex tetra. sigill.

\* [Hæc quæ sequuntur, narravit Willelmus de Chambre.] Item dum quadam die sederet ad mensam apud Eboracum cum VII. Comitibus; subito superveniens Dominus Johannes Vaughan nunciavit sibi Dominum Robertum de Graystanes fore defunctum; qui tantum de ejus morte condoluit, quod præsentiam \* portantis ferre non potuit. Quem cum Comites interrogarent, quare tantum doleret de morte ejus. Certè, inquit, si tam bene novissetis industriam ejus, quantum ego novi; credo quod tantum quàm ego doleo doleretis. Et addidit. Fuit enim habilior ad Papatum, quàm ego vel omnes mei consimiles ad dignitatem minimam in Ecclesiâ sanctâ Dei. Multum etiam affectabat retinere secum in familiâ filios generosorum Episcopatus sui. Quod factum nutrit magnam amicitiam inter ipsum & ipsius patriæ generosos; & Monachos Dunelmensis Ecclesiæ semper habuit in maximo honore. [Se-  
quantur immediate in Codice Oxoniensi quæ ex Codice Cottoniano præmittuntur.]

\* Defunt ista  
in Cod. Oxon.

\* Nunciantis  
Cod. Oxon.

Hic deficit  
Codex Cottonianus.

### De Johanne Fossor & Roberto de Walworth, Prioribus Dunelmensibus.

**A**Nno Dom. MCCCXLI. transactis in Prioratu XX. annis & plus, obiit Willelmus de Cowton Prior Dunelmensis apud Pittingdon in primâ Septimanâ Quadragesimæ, & sepultus est apud Dunelmum in cœmiterio Monachorum inter fratres; cui successit Johannes Fossor. Iste Willelmus fuit valde religiosus, & fratribus humilis & benignus; hospitibus & extraneis jocundus & dapilis. Iste habuit tempore suo maximam pestilentiam animalium. Johannes Fossor Monachus Dunelm. & Monasterii de Wermouth, electus est in Priorem Dunelm. XVI. die Martii circa Festum Annunciationis beatæ Mariæ anno Domini MCCCXLI. & ultimo die ejusdem mensis confirmatus & installatus. Hic erat vir sapiens, eloquens, & multos suo tempore recepit ad habitum: hic construxit in aquilonari parte Ecclesiæ crucis, ad altare Sanctorum Confessorum Nicholai & Egidii magnam fenestram vitream, cum aliis tribus fenestris minoribus & ordinatis cum consensu Capituli, quod haberet futuris temporibus quolibet die pro animâ suâ unam Missam ad divinum altare per unum Monachum; pro cujus pensione & dictarum fenestrarum sustentatione & pro pitantiâ in diē anniversarii sui faciendâ, Conventui terras & redditus appropriavit, & communi domui assignavit. Unum vestimentum integrum cum tribus capis pro anniversario suo emit & assignavit. Hic statim juxta formam concionis Benedicti fecit inventarium indentatum de omnibus bonis Monasterii tam infra quam extra; cujus una pars residebat penes Priorem, altera penes Subpriorem & Conventum: ordinavitque sibi Bursarium Robertum de Benedicto, virum providum & discretum, qui in VI. annis quibus in dicto officio stetit, solvit de antiquis debitis Monasterii 758 l. 3 s. 6 d. ob. Item pro structurâ domorum per idem tempus 492 l. 7 s. 7 d. Item in con-



contributionibus per idem tempus 209 *l.* 5 *s.* 3 *d.* Postea vero idem Prior fecit per obedientarios & ministratores omnia Missalia infra septennium de novo reparari, ipso Priore incipiente de Missali quod jacet ad altare Sanctorum Nicholai & Ægidii, pro quo solvit de oblationibus suis 22 *l.* Item unam Cantariam, quæ de Trinitate nominatur, de consensu Conventus ordinavit in dicto altari perpetuò celebrandam. Ad cujus sustentationem terras & tementa in Northpittingdon, Wlneston & Billingham de licentiâ Episcopi emit, pro quibus solvit 66 *l.* 10 *s.* 9 *d.* Et pro ædificiis ibidem factis & reparatis 20 *l.* Forma autem ordinationis dictæ Cantariæ scribitur in Martirologio & in principio Missalis dicti altaris. Idem Prior ordinavit dicto altari unum calicem, pretium 6 *l.* 13 *s.* 4 *d.* unâ cum tribus albis & casulis & palliis altaris. Item imagines Sanctæ Trinitatis & Beatæ Virginis de alabastro, cum tabernaculis cum aliis ornamentis, pretium 22 *l.* Item fecit unam fenestram VI. luminarium, longam & sumptuosam, in boreali parte crucis dictæ Ecclesiæ juxta dictum altare, pro qua solvit 100 *l.* & pro vitreatione 52 *l.* Item pro aliis Ecclesiæ ædificiis, debitis & ornamentis 402 *l.* 6 *s.* 8 *d.* Item pro unâ fenestrâ in fine australi aulae Prioris 40 *l.* Summa omnium summarum præcedentium est hæc, 2076 *l.* 8 *s.* 10 *d.* ob. Item in tempore suo fiebant de novo multa ædificia; & antiqua reparata, tam infra Abbathiam quàm extra, & præcipuè thorale, granarium & coquina; magna fenestra VII. luminarium in capite occidentali navis Ecclesiæ, & III. aliæ in parte boreali dictæ navis, & II. ex parte boreali chori per Johannem de Tickill, & II. ex parte australi chori per Feretrum. Robertus de Syreston Monachus Dunelmensis commemorati memorati Prioris condiciones, modum regiminis, quomodo vivebat, necnon quot personas ad religionem recipiebat; idque metricè sic scribendo,

Hic Prior Ecclesiæ præsentis, dux politiæ,  
Et splendor patriæ, fuerat lux vera Sophiæ; &c.  
Hic centenorum fuit effector Monachorum,  
Ac vicenorum; numerus fit tantus eorum.  
Corpore tam mundus non vixit in orbe secundus, &c.

Anno Domini MCCC LV. Dominus Radulphus de Nevill, qui primus fuit secularis exceptis Episcopis, qui in Ecclesia Dunelm. habuit sepulturam, dedit Sancto Cuthberto & Ecclesiæ unum vestimentum de rubeo velveto, &c. qui etiam rogavit Dominum Johannem Fossor Priorem & Conventum, ut concederent sibi & uxori suæ Aliciæ in australi parte Ecclesiæ habere sepulturam. Ita quòd ipse jaceret in inferiori parte, & uxor sua in parte exteriori; & concesserunt eis cum literâ sub sigillo capitis Sancti Oswaldi; qui postea venit Dunelmum, & habito colloquio cum Priore & aliquibus Officiariis, fecit fieri coram altari magnæ crucis ubi tumultantur. Et iterum rogavit eosdem Priorem & Conventum, ut concederent sibi & uxori suæ unam Missam qualibet die pro perpetuo ad illud altare; ita quòd Monachus celebrans celebraret de quo vellet, habendo in memoriâ animas ejus & uxoris suæ & omnium fidelium defunctorum; & concesserunt ei sub hac conditione, quòd acquireret vel appropriaret domui communi eorum unum annuum redditum 10 *l.* pro perpetuo duraturum. Obiit iste Radulphus de Nevill anno Christi MCCCLXVII. Alicia de Nevill anno MCCC LXXIV. quæ statim post funerationem ejusdem Radulphi misit Sacristæ Dunelm. CXX. libras argenti ad reparationem Ecclesiæ; & multa pretiosa vestimenta contulit.

Item post mortem patris sui Radulphi Dominus Johannes de Nevill dicto Sancto devotissimus & fidelis ejus filius, ad excitationem Ricardi de Byrtley terrarii & Johannis de Cornvall feretrarii, fecit circa festum Nativitatis Sancti

Sancti Johannis Baptistæ, Anno Domini MCCC LXXII. novum opus marmoreum & alabastrinum sub feretro Sancti Cuthberti; pro quo solvit plusquam 200 l. argenti. Et fecit Londoniæ in cistulis includi & per mare usque ad Novum Castrum transferri, & Prior usque Dunelmum. Et hoc opere consumto, iterum ad excitationem Johannis Prioris & prædictorum monachorum dedit, ad illud opus super altare quod vocatur Lavadosæ 600. marcas & Prior & officarii 200 marcas. Et fecit Londoniæ in cistulis includi & suo sumptu usque ad Novum Castrum per mare in nave transigi; & Prior usque Dunelmum fecit illud carriari. Interea iste Johannes Fosse priusquam opus istud ponere potuisset, in \* festo sancti Martini die Dominico Anno Domini MCCC LXXIV. infirmitate diutinâ decoctus, apud Bearpare ab isto sæculo transmigravit, anno ætatis suæ 90. Prioratus verò sui 33. cujus corpus Dunelmum honorificè transfertur, & in boreali plagâ Ecclesiæ suæ coram altari Sanctorum Nicholai & Ægidii sepelitur; ubi superpositus est sibi lapis marmoreus, curiosus, & sumptuosus, quem ipse sibi, dum vixerat, fecerat præparari; Cui successit Robertus de Wallworth. Anno sexto Johannis Fosse bellum Dunelmense fuit; ubi captus est David Brus rex Scotiæ veniens Dunelmum cum maximâ multitudine, & alii multi Magnates, multis Nobilibus occisis, & fugatis cæteris. Anno Domini MCCC XLVI. Robertus Brus postea rex Scotiæ cum suis fugit.

\* I. Craffino:

Robertus Berrington de Wallworth electus est in Priorem Dunelmen. die Lunæ proximo post festum conceptionis B. Mariæ virginis Anno Dom. MCCC LXXIV. & in vigiliâ Natalis Domini proximè sequente confirmatus & installatus est. Hic usum mitræ cum baculo primus obtinuit; & Ecclesiam multis ditavit terris & tenementis. Iste Robertus Berrington invenit VII. cementariis victualia fere per annum, ponendo illud opus, quod Johannes Fosse prædecessor suus fecerat carriari à Novo Castro usque ad Dunelmum. Et hoc completo anno Domini MCCC LXXX. magnum altare formatum fuerat à Suffraganeo Episcopi, die VII. Coronatorum, quod erat in honore Sanctæ Mariæ Virginis & Beati Oswaldi Martyris, & sanctissimi patris nostri Cuthberti solemniter dedicatum, toto Conventu in choro & circa altare existente. Iste Johannes de Nevill præses fuit apud bellum Dunelmense cum patre suo sc. Radulpho de Nevill. Obiit Johannes de Nevill Anno Domini MCCC LXXXVI. & sepultus fuit in Ecclesia Dunelm. cum uxore suâ in plagâ australi navis Ecclesiæ. Robertus Prior obiit anno Dom. MCCC XCI. & stetit annis XVII. sepultusque jacet in boreali plagâ Ecclesiæ sub marmore cum ipsius imagine in ære coram altari Sancti Benedicti.

## De THOMA DE HATFEILD Episcopo Dunelmensi.

**A**NNO Domini MCCC XLV. mortuo Ricardo de Bury, statutus est dies ad eligendum, viz. octavus dies mensis Maii Sacrosancti Johannis de Beverlaco. quo die electus est Dominus Thomas de Hatfeild, tunc Custos privati sigilli Domini regis, in Episcopum Dunelm. per viam compro-

\* Longè aliter Wallinghamus Thomæ Episcopi creationem refert. Anno 1345. inquit, obiit Ricardus de Bury Episcopus Dunelm. cui successit Thomas de Hatfeild, Regis Secretarius, mediantibus regis literis apud Papam, in magnum ipsius Regis opprobrium. Revera cum jam Rex & Nobilitas institissent pro electionibus liberè faciendis & confirmandis; jam Rex directè contra tenorem suarum literarum & vota Procerum hunc Pontificem fieri flagitavit. Papa verò non invitatus hanc petitionem Regi concessit. Sed Cardinalibus quibusdam calumniantibus dictum Tho-

mam fore levem & Laicum, sic respondit. Verè si Rex hac vice supplicasset pro asino, obtinisset. Contra Willelmus, cui magis adhibendum, illum canonicè electum fuisse testatur. Consecratio autem die dato fieri non potuit. Dominicus enim non erat. In vigilia Transl. S. Benedicti, viz. diè 10. Julii, Thomas consecratus videtur. Obiit Willelmus rectissime designavit. Tempus confirmant Registra Sudbury Cant. & Nevill. Ebor. in quibus Testamentum ejus 1381. 28. Martii apud Oldford conditum, 1381. 11. Maii probatum legitur.

F f f f f

missi



missi consecratus est in festo Translationis Sancti Benedicti proximè sequente, & in die Nativitatis Dominicæ proximè sequente per Johannem Priorem apud Dunelmum intronizatus. Erat autem iste Thomas dapilis valde, sed ad habendum aliquantulum cupidus, staturâ & canitie venerabilis, hospitalitatis obsequio deditus, & quotidianis elemosynis ut pauperum necessitatibus subveniret intentus. Monachis aut comprovincialibus molestiam nullam intulit, neque Ecclesiæ possessiones injustè abstulit; venientes ad se Monachos honorificè semper excupiebat, & familiariter erga eos se habuit, latus de illorum præsentia; erat Ecclesia in quiete & familia: honorificos viros diligens habere, & non pueros, equos pro vecturâ non equulos. Fuit enim in oculis spectantium, in gestu & incessu sublimis & excelsus, in infirmitate quamvis fragilis in parte & lubricus. Cæterum inerat ei magnanimitas, ut in conventu Procerum & Magnatum vel primus vel cum primis semper contenderit esse; & ut inter honorificos honoris locum magnificentius obtineret, vastiori sæpius clamore & vultu minaci magis simulare indignationem quam exhibere. Inter hæc plurimum circa suos eminebat beneficiis; & jura libertatis Episcopatus secundum vires contra extraneos defendebat. Pauperibus vero modò rogatus, modò ultraneus, largâ manu fuit munificus & beneficus. Novum vero ad australem partem chori ejusdem Ecclesiæ juxta stallos Monachorum curiosum opus construxit; in medio cujus stallum episcopale, imaginibus subtiliter sculptis, sumptibus copiosis in operarios largissimè impensis, honorificè circumseptum, & sub stallò locum pro sepulturâ suâ, ubi solemniter jacet humatus, fecit & decenter ordinavit. Ordinavit & ibidem unum Monachum divina celebrantem, pro cujus pensione annuâ Cucknollam juxta Ecclesiam de Auckland dedit & assignavit. In castello Dunelm. ædificia, quæ antiquitate & vetustate consumpta vel debilitata fuerant, renovavit; & aulam episcopalem & aulam Constabularii cum aliis ædificiis in eodem de novo construxit. Urbem Dunelm. licet hanc natura & muri satis munierunt, turre tamen fortiori sumptibus suis in Castello constructâ ipse reddidit fortiorem. Manerium sive hospitium Episcopale Londoniæ cum Capellâ & cameris sumptuosissimè construxit. In aliis item locis suis, quæ vel raritas fervientium vel vetustas domorum minus honestati vel Episcopali susceptioni fecerant idonea, habitacula diversa & in sublime erecta construxit. Maximum hoc genus esse probitatis æstimans, nullam eorum posteris occasionem reliquisse sollicitudinis. Nec in qualibet rerum pensabat erogatione sive dispersione dispendium, dum omnia vel ad ejus voluntatem vel parerent laudem. Præterea Collegium octo Monachorum de Monasterio Dunelm. & puerorum in Artibus studentium in loco Monachorum Dunelm. Oxoniæ super Candich fundavit, perpetuis temporibus duraturum; & pro terris, possessionibus & Ecclesiis, pro perpetuâ sustentatione dictorum Monachorum octo, cuilibet viz. Monacho 4 l. per annum; & 7 puerorum cuilibet puero per annum 5 marcas impetrandis & approximandis, & 3 pro habitaculis dictorum Monachorum & puerorum usibus aptis & ampliandis assignavit; & solvi fecit in vitâ suâ Domino Johanni de Berrington Monacho Dunelm. 500 marcas. Aggravatus tandem lethali morbo, decidit in lectum ægitudinis Londini, & crebris anhelitibus ibidem ad extremum urgeri cœpit. Interque corporales angustias, quas perferebat, peccatorum quoque recordatio conscientiam ad poenitentiam lamenta salubriter compungebat. Assederunt nam ægotanti assidue viri literati, elemosynis & aliis bonis operibus multum exercitati, ipsum exhortantes, ut præoccuparet faciem Domini in confessione, & faceret sibi amicos perpetuos de mammonâ iniquitatis. Deinde fit inter pauperes & præcipuè inter incarceratos, & religiosos & Sacerdotes sæculares & alios bonos viros quamplures distributio pecuniæ non modica. Præterea ipso sic in extremis laborante, omnibus ad se venientibus, vel in carcere positis, qui ad se consolati-

tionis gratiâ vel subventionis veniebant, charitative subveniebat; hoc ipsum speciale & spirituale lucrum ducens, si incarceratis & infirmis fratribus opem suâ charitatis & consolationis tribueret; sciens qui dixit, *Diliges Dominum Deum*, tunc dixit, & *diliges proximum tuum*. Et quamvis largissimus in donis & eleemosynis, & sumptuosissimus in ædificiis, hospitalitate, apparatu & familiâ fuerat; mortuus est tamen satis dives & plenus bonis, in quibus moriens ultrâ multos prædecessores suos Ecclesiam Dunelm. Priorem & Conventum honoravit, & in donis amplissimis ditavit. Dedit enim eis præter prædicta, & præter funeralia sua, viz. equos qui veniebant cum corpore suo in die sepulturæ suæ, & præter pannos sericos & aurifriziatos in funeratione suâ oblatos, instaurum quod habuit in Werdall, quod tunc, ut æstimatum fuit, bene valebat 400 marcas & amplius. Et quia jocalia & insignia sua Episcopalia minus sufficientia, ut sibi videbatur, fuerant; dedit & assignavit eis 300 marcas. Dedit & eis spinam de coronâ, quam Christus habuit super caput suum in die passionis suæ, quam habuit ex dono Domini Regis Edwardi III. Dedit & eis unum vestimentum festivale de rubro brudatum cum imaginibus de auro, multaque alia ornamenta pretiosa & vasa argentea. Obiit autem apud Manerium suum de Aleford prope London. in crastino Sancti Johannis Beverlaci; sc. octavo die mensis Maii, anno Domini MCCCLXXXI. peractis in Episcopatu XXXVI. annis & I. die, non tamen integro; & sepultus est in Ecclesiâ suâ Dunelm. ad australem partem ejusdem Ecclesiæ ex opposito ostii revesterii sub stallo Episcopali, quem ipse sumptuosissimè construxit; cujus animæ pro magnâ sua pietate propitiatur Deus. Et super receptione bonorum præmissorum Prior & Conventus fecerunt acquittantiam sub forma sequente.

“Pateat universis per præsentis, quod nos Robertus Walworth Prior Ecclesiæ Dunelm. recepimus de Magistro Johanne Maundour Clerico & Johanne de Popham executoribus testamenti Domini Thomæ de Hatfield nuper Episcopi Dunelm. defuncti, de animalibus suis in parco de Stanhope existentibus, nobis & Conventui nostro Dunelm. legatis, capita subscripta, &c. datum Dunelmi secundo die Feb. anno Domini MCCCLXXXI.

Anno Gratia MCCCLXXXI. octavo die mensis Maii, feriâ quartâ, contigit anno illo circa horam diei quartam, obiit bonæ memoriæ Thomas de Hatfield Episcopus Dunelm. apud manerium suum prope London. quod dictum Alford; cujus corpus cum solemnitate & honestate quâ decuit usque Dunelmum est delatum, comitante semper cum corpore ac Missas sæpius celebrante Episcopo Herefordensi cum multis aliis personis valentibus ac præclaris. Cognitâ morte Pastoris Monachi Dunelm. tanquam pro Præsule benignissimo condolentes, ejus animam omnium creatori devotius recommendârunt. Missis duobus fratribus ad Dominum Rêgem pro eligendi licentiâ obtinendâ; interim appropinquante die quo fuerat tradendus Ecclesiasticæ sepulturæ, accesserunt executores dicti Domini Episcopi ad Dominum Priorem, rogantes quatenus ob honorem corporis possent veredam, Anglicè *chariot*, in qua dicti Episcopi corpus fuerat deportatum, simul cum corpore in Ecclesiam introducere, ac postea ipsam veredam cum equis liberè abducere & rehabere; aliàs nollent ipsam veredam infra cœmeterium adducere, sed extra cœmeterium corpus deponere, ac super hominum humeros in Ecclesiam deportare; quia ut asserabant, nec vereda nec equi Episcopi fuerant: sed dum vixit, ista & omnia alia à se dedit. O ineffabilis miseria hujus mundi! Dum vixerat, erat Episcopus sine comparatione ditissimus hujus Regni; & idem mortuus non habuit unde honorificè sepeliri posset; nec unde faceret Ecclesiæ sponsæ suæ relictæ, quomodo alii Episcopi multò pauperiores omnes facere solebant. Quibus cum consilio confratrum respondit Dominus Prior se nolle libertates & consuetudines & jura Ecclesiæ infringere quovis modo: quin veredam,



equos, & pannos quoscunque, cum quibus intraret corpus in portam borealem, haberet Sacrista Ecclesiæ omni modo, imo & Capellam & omnia alia Episcopalia ornamenta. Tandem de consilio Domini de Nevill tunc præsentis, & utriusque partis amici specialis, utraque pars consensit, quòd Dominus Prior haberet possessionem omnium infra Ecclesiam introducendorum, & forent omnia talia quasi in medio conservata, quousque per quatuor arbitros, quos ad tunc elegerit, & dictum Dominum de Nevill quintum imparem, si illi quatuor non poterint concordare, ad discutiendum de veredâ, equis, & huiusmodi, & maximè de capellâ Episcopi & insigniis Episcopalibus, de consuetudine præscriptâ Ecclesiæ, & debitis semper tribui consuetis. Dein corpore cum honore & reverentiâ qua decuit tradito sepulturæ, in loco quem elegerat, & sumptuosissimè præparaverat quando vixit, præfati arbitri pre-electi quatuor invicem quærentes de veredâ, equis, pannis & huiusmodi nil penitus tractaverunt, planè cognoscentes illa omnia deberi Ecclesiæ de jure & diutinâ consuetudine approbatâ. Dicti autem quatuor arbitri consenserunt, quòd executores recompensationem debitam facerent pro Capellâ, qui executores ad valorem 200 l. & amplius promiserunt; & specificârunt, in quibus rebus foret talis recompensatio facienda.

“Omnibus hoc scriptum quinquipartitum visuris vel audituris vel lecturis  
 “hanc Epistolam Conventus Ecclesiæ Catholicæ Dunelm. salutem in om-  
 “nium Salvatore. Noveritis universi, quòd nos immensam probitatem  
 “fructuosorum laborum, quos reverendus in Christo Pater & Dominus Do-  
 “minus Thomas de Hatfield Dei gratiâ Episcopus Dunelm. pro republicâ &  
 “defensione necessariâ Ecclesiæ ac Regni Anglicani variis vicibus impendebat,  
 “necnon pauperes & debiles inspiciens oculo pietatis misericorditer refovebat,  
 “domos religiosas & alia pia loca divini in cultûs & scholastici profectûs aug-  
 “mentum relevare per opes sibi à Deo concessas effectualiter cupiebat. In-  
 “super plurima & magnifica beneficia nobis & Ecclesiæ nostræ præfata per  
 “eundem reverendum Patrem collata temporibus retroactis volentes, sicut  
 “meritò tenemur, in lucem deducere, ac perpetuæ memoriæ celebrius com-  
 “mendare, promittimus bonâ fide, quòd Collegium dicti Domini Episcopi,  
 “quod ut præfata Ecclesia Dunelm. suo pastoralis durans commissa regimini  
 “spiritualibus vincimentis ipsius sollicitâ providentiâ plus solito congauderet,  
 “de consensu & assensu nostro unanimi & expresso fundavit, ordinavit &  
 “dotavit perpetuis temporibus duraturum in territorio nostro extra muros  
 “Oxon. super Candich, quod Monachi nostri studentes inhabitant & inhabi-  
 “tabant per antea multis annis, nos & successores nostri manutebimus, su-  
 “stentabimus, defendemus, quatenus in nobis fuerit, in perpetuum secundum  
 “vim & formam inferius limitatam, sc. quòd in præfato Coll. erunt VIII.  
 “Monachi Dunelm. studentes, qui VIII. studentes eligentur & transmit-  
 “tentur ad dictum studium per præfatum Capitulum Dunelm. secundum  
 “vim & formam in constitutionibus Benedictinorum de studentibus ad gene-  
 “ralia studia transmittendis providè ordinatam, ut Philosophiæ vel Theologiæ  
 “duntaxat vacent, principaliter & intendant. De quibus VIII. studenti-  
 “bus Prior Dunelm. de consensu & assensu seniorum unum eorundem  
 “in Priorem præficiet vel Custodem, cui cæteri intendant in canonicis &  
 “regularibus institutis; qui Prior vel Custos septimanis singulis saltem  
 “seniores omnes & alios confratres studentes convocare tenebitur ad lo-  
 “cum aptum pro hoc celebrando. Ubi quemcunque eorum repererit  
 “negligentem circa Missas pro dicto venerando patre fundatore & omni-  
 “bus fidelibus celebrandas, vel alia divina officia perimplenda, seu in  
 “observantiis regularibus & Statutis, vel non vacantem doctrinæ scho-  
 “lasticæ (ut deberet) castigare debite & emendare, vel Domino Priori  
 “& Capitulo Dunelm. denunciare indilate, si quidem (quod absit)  
 “in-

“incorrigibilem senserit, vel rebellem. Ipsi etiam VIII. Studentes simul erunt  
“commensales; qui etiam studentes omnibus diebus profectis vel omnes vel  
“ad minus duo Matutinas & omnes alias Horas canonicas simul dicant. In  
“diebus vero Dominicis, & aliis festis duplicibus omnes conveniant in Capel-  
“lâ. *Sequitur Statutum benè prolixum de orando pro animabus Fundatoris Epif-*  
*copi, Edwardi Regis, &c.*

“Insuper in præfatum Collegium VIII. Scholares sæculares, qui Gramma-  
“ticæ vel Philosophiæ principaliter intendant, quatuor sc. de civitate vel Dio-  
“cesi Dunelm. duo de Dominio de Alverton-scire, & duo de Dominio ejusdem  
“in Howedenscyre, per IV. vel V. de senioribus & discretioribus Monachis Du-  
“nelm. astrictis in eorum conscientis per Priorem Dunelm. & habiliores & in-  
“digetiores nominentur sine personarum acceptione de illis patriis, quatenus  
“de eis constare poterit, aut de civitate & Diocesi Dunelm. si in aliis duabus pa-  
“triis tales reperti non fuerint, & è contra ad nominationem dictorum senio-  
“rum per Priorem Dunelm. admittentur. Quibus Scholaribus in secundâ  
“mensâ seorsum à Monachis, cum Clerico & aliis dicti Coll. Servientibus pro-  
“videbitur per Priorem seu Custodem aut receptores denariorum loci eorum  
“statui competenter, & bis in anno tunicis & capitiis vestientur; & per Pri-  
“orem seu Custodem loci debitè regulabuntur, ut in Capellâ duo serviant tem-  
“poribus opportunis exorando pro animâ dicti Fundatoris, & aliis temporibus  
“in Scolis & alibi doctrinæ suæ invigilent diligenter, ac in aulâ & locis aliis  
“honestâ ministeria, secundum quod Priori seu Custodi visum fuit, libenti ani-  
“mo exequantur; dum tamen per ea eorum profectus in moribus aut Schola-  
“sticis disciplinis nullatenus impediatur; necnon in omni loco & tempore vi-  
“tam honestam ducere teneantur. *Succedunt Statuta alia Collegii Dunelmensis*  
*Oxon. & obligatio Conventus Dunelmensis Ecclesiæ ad solvendum annuatim*  
*200 marcas Custodi, Sociis & Scholaribus dicti Collegii in perpetuum.*

## De JOHANNE DE FORDHAM Episcopo Dunelmensi. <sup>b</sup>

**O**btentâ autem eligendi licentiâ, pro qua missi fuerant dicti fratres, ac  
adveniente die pro electione futuri Pontificis statuto; viz. feriâ quartâ  
post festum Sancti Augustini Anglorum Apostoli, h. e. XXIX die mensis Maii,  
convenerunt omnes qui voluerant, potuerant, ac debuerant interesse, in domo  
Capitulari, horâ consuetâ; & deliberatione multiplici habitâ inter eos, tandem  
omnibus & singulis placuit per viam procedere compromissi, & XIII. compro-  
missarios elegerunt; dantes eis plenariam potestatem futurum Pontificem eli-  
gendi; quæ potestas usque in crastinum ad Solis occasum tantummodo perdu-  
raret. Quâ potestate acceptâ, illi XIII. aliis omnibus de Capitulo recedentibus,  
in Capitulo remanentes, seriofius de ipsius electionis negotio pertractarunt. De-

<sup>b</sup> Tempora Johannis Episcopi Willelmus rectè disposuit. Provisus est ab Urbano VI. Pa-  
pâ (Canonicus tunc Lincoln.) 1381. 9. Sep-  
tembr. Illum in Capella Lamethanâ à Tho-  
ma Exon. Thoma Roff. & Johanne Bangor  
Epif. 1382. 5. Jan. consecratum fuisse Re-  
gistrum Courtney, Archiepiscopo autem Ebor.  
professionem fecisse 1382. 18. Aug. Regi-  
strum Nevil. docent. Summus Angliæ The-  
saurarius creatus est 1386. 17. Jan. mense  
Octobri ejusdem anni exauthoratus in Par-  
lamento unâ cum aliis Ricardi Regis ami-  
cis. Fide enim infractâ Ricardi Regis par-  
tes adversus seditiosos Barones semper tuta-

tus, adversam cum eo pariter fortunam ex-  
pertus est. Hinc etiam anno 1388. regis a-  
micis ab aulâ amotis, Baronibusque factiosis  
omnia pro lubitu agentibus, Johannes ad  
pauperiorem Sedem Eliensem migrare jussus  
Bullâ Urbani VI. Papæ datâ 1388. 3. April.  
Temporalia ejusdem accepit 1388. 27. Sept.  
Pessimè Godwinus illum ad aulam post fra-  
ctam Baronum potentiam revocatum anno  
1388. & ad Sedem Eliensem mox translatus  
fuisse scripsit; quasi Episcopatum Dunelmen-  
sem Eliensi commutasse beneficii loco an-  
numerandum, & redintegratæ ejus apud Au-  
lam potentiz ascribendum esset.

nique



nique honorem & utilitatem Ecclesiæ semper sibi præ oculis statuentes, & advertentes in gremio intrinsecè se habere valentes Theologiæ Professores & Baccalaureos ac alios quamplures bene literatos providos & discretos, ad Prælatiam Ecclesiasticam merito assumendos: ac de parte aliâ intuentes mundi malitiam, reservationes & plurimas fatigationes in Beneficiis Ecclesiasticis jam currentes, & pericula & damna multiplicia Ecclesiæ verisimiliter imminencia, si quem de gremio prætulissent; & nihilominus desperabant pro aliis de gremio expediret. Inter hujusmodi per totum diem illum ante prandium & prius usque vesperam fluctuantes, manè in crastino die Sancti Johannis iidem iterum ad idem negotium in Capitulum convenerunt, & usque horam capitularem de electionis materiâ diligentius pertractantes; propter prædictas difficultates imminentes in nullam personam eligendam finaliter concordantes; tandem rogaverunt Capitulum ut ipsis XIII. sex alios compromissarios sociarent, quatenus consilio plurium fanius procederent in hoc actu, quo facto, tunc XIX. compromissarii in ipso Capitulo residentes, aliis omnibus hinc amotis, diligenti præhabito tractatu, Dominum Johannem de Fordham, Canonicum Ecclesiæ Eboracensis & Secretarium Domini Regis elegerunt in Episcopum & Pastorem dictæ Dunelm. Ecclesiæ viduatæ, & publicata electione primò in Capitulo, deinde in Ecclesiâ coram populo, & ab omnibus approbatâ: duo Monachi ex parte Capituli ad ipsum electum cum electionis decreto pro ejus consensu requirendo sunt transmissi; necnon ad electum ipsum (si electioni consenserit) Domino regi similiter præsentandum; quatenus & ipse dignaretur ipsi electo præbere suum consensum regium & favorem, ac litteras suæ regię majestatis illi, ad quem ipsius electionis confirmatio pertineret, dirigere pro ipsius electi confirmatione celerius obtinendâ. Johannes de Fordham electus in Episcopum Dunelm. feriâ quintâ proximâ post festum Sancti Augustini Anglorum Apostoli anno Domini MCCCLXXXI. & in Vigiliâ Epiphaniæ proximâ sequente in manerio Archiepiscopi Cantuariensis, quod vocatur Lambhit, juxta Westmonasterium per Episcopum Exoniensem consecratus; & die Lunæ in crastino Sancti Matthæi Apostoli proximè sequente, viz. anno Domini MCCCLXXXII. solemniter apud Dunelmum inthronizatus; & fuit Thesaurarius Ricardo secundo; & translatus fuit ad Ecclesiam Eliensem anno Domini MCCCXC.

#### De WALTERO SKYRLAW Episcopo Dunelmensi. \*

**W**alterus Skyrlaw translatus fuit à Bathoniâ ad Dunelmum III. die Aprilis, anno Domini MCCCLXXXIX. consecratus fuit in Episcopum Dunelm. anno eodem, & stetit annis XVIII. Iste pontem de Shinckley, & pontem de Yarow construxit, pro quo de quibusdam terras emebat, quas postea pro reparatione ejusdem pontis dedit: pontemque de Auckland con-

\* Eorundem instantiâ Baronum Walterus à Sede Bathoniensi ad Dunelmensem translatus est Bullâ Urbani VI. Papæ datâ 1388. 3. April. quod ex Registro Courtney certissimè constat. Temporalia mense Septembri ejusdem anni accepit. Malè Willelmus Johannis translationem in anno 1390. Walteri in 1389. reposuit. Præter opera pietatis à Willelmo enumerata, Walterus ista exhibuit. Capellam pulcherrimam de Skirlaw dictam in parochiâ natali de Swyna in Diocesi Ebor construxit, & in eadem Cantariam perpetuam anno

1404. fundavit. Anno 1403. dedit Manerium de Rothyng Collegio Universitatis Oxon. tres inde Socios alendos volens. Testamento condito 1404. 15. Martii, legavit 200. libras ad conducendos Presbyteros pro animâ ipsius integro anno celebraturos, 20. libras Collegio Dunelmensi Oxon. 100 marcas Ecclesiæ Eboracensi, 200. marcas ad completionem Cantariæ de Skyrlaw, denique 100. marcas fabricæ Dormitorii Prioratûs Dunelm. Obiit 1406. 24. Martii. Ex Registris Scrope, & Ecclesiæ Ebor.

struxit;

struxit; magnas etiam lapideas Auclandiæ portas à fundo usque ad summitatem ejusdem ædificii proprio sumptu erexit. Construxit etiam campanile Ecclesiæ de Houldon in Comitatu Eboracensi summæ magnitudinis, quod quidem pro incolis ejusdem loci de Houldon (si fortuito aquarum inundatio eveniret) tanquam refugium fecit. Magnos sumptus in reparatione prædictæ Ecclesiæ effundebat; ubi etiam domum capitularem perpulchram eidem Ecclesiæ conjunctam construxit. Totam etiam aulam manerii de Houldon ædificavit, & magnos præterea sumptus in ædificiis de eodem manerio expendit. Hic etiam magnam partem campanilis, vulgo Lanterii, Ministerii Eboracensis construxit, in medio cujus operis arma sua posuit. Ibidem quoque fundavit Cantariam ad australem angulum crucis dictæ Ecclesiæ, ubi Capellanum ordinavit ad Missam in perpetuum pro animâ suâ celebrandam. Iste quoque magnam partem Clausterii in Monasterio Dunelm. fieri fecit ad summam 600 l. Hic præterea dedit ad constructionem Dormitoriæ 330. marcas, & ejus executores dederunt ex præcepto ejus ad constructionem Clausterii 400 l. & ipse prius dedit 200 l. De quibus omnibus ædificiis arma sua, viz. 6 Virgas vicissim flexatas in formâ cribri, imposuit. Iste semper summo in honore cum Principe suo habebatur. Obiit anno Domini MCCCCVI. sepultusque jacet in boreali plagâ chori Ecclesiæ Dunelm. inter binas columnas coram altare Sanctæ Blasie, quod postmodum dictum erat altare de Skirlaw, sub lapide marmoreo, admodum curioso, multisque æneis imaginibus sumptuosis circumspicuo, cum ipsius imagine in medio ejusdem tumbæ artificiosè in ære cœlatâ. Super pectus inscribitur tale dictum: *Credo quod redemptor meus vivit, & in die novissimo de terrâ surrecturus sum, & in carne meâ videbo Deum salvatorem meum.* Et circa utramque partem istius sepulchri in altum erigebatur clatrum curiosè compositum, in quo Missa quotidie pro illius animâ dicebatur; & ex opposito ejusdem tumbæ in aquilonari parte factum erat sedile lapideum longitudine columnarum distantia, in quo arma illius à termino ad terminum ordinatim collocantur.

Johannes Hemmyngbource creatus fuit in Priorem Dunelm. anno Domini MCCCXCI. & stetit in Prioratu annos XXV. Anno hujus IX. erat reformatio Ordinis Nigri Monachorum. Obiit anno Domini MCCCCXVI. & jacet sepultus sub lapide marmoreo, curioso, & sumptuoso, imaginibus circumspicuo, ad australem plagam Ecclesiæ Dunelm. à dextrâ parte inter eundem ad reveserium.

### Ejus EPITAPHIUM.

*Ecce marmoreus lapis hic tegit ossa Johannis;  
Quem residere Deus cælis cunctis det in annis.  
Hemmingbrough natus fuit hic & honorificatus  
Sede Prioratus, virtute probus Monachus.  
Qui legis hæc, prome Pater unum, Supplica prome,  
Un' Dirigas, & Ave decus, ut me liberet Ave.*

### De THOMA LANGLEY Dunelmensi Episcopo. <sup>a</sup>

**T**homas Langley XVII. die mensis Maii, consecratus fuit in Episcopum Dunelm. in festo Sancti Laurentii ab Archiepiscopo Cantuariensi, anno

<sup>a</sup> Desunt in apographo meo verba nonnulla. Die 17. Maii Thomas electus videtur; certe ante 1406. 10. Augusti electum fuisse ex Registro *Scrope* Ebor. constat. Thomas iste in Academiâ Cantabrigiensi (cui multos postea libros donavit) educatus, Canonicus Eboracensis admissus 1401. 4. Martii, Episcopus Dunelm. in Ecclesiâ Domini



\* Deest non-nihil.

Domini MCDVI. & stetit annis XXXI. Iste Cantariam in Galilæâ fundavit in perpetuum ex duobus Capellanis ad Missam cantandam, \* cum armis in summitate ejusdem ostii in marmore insculptis; cujus sumptibus tota Galilæa reparabatur ad summam 499 l. 6 s. 7 d. Hic duas domos Scholares, unam sc. grammaticalem, alteram musicalem, fundavit in loco, qui dicitur vulgariter *the grene place*. Structuram novæ coquinæ tempore Roberti Berrington, anno Domini MCCCLXVIII. ad summam 180 l. 18 s. 7 d. Ab anno Domini MCCCLXVIII. usque ad annum MCDXCVIII. expendebantur ad ædificationem claustrî Dunelm. 838 l. cujus summæ prædictæ iste Thomas dedit ad hanc structuram, i. e. claustrî Dunelm. 238 l. 17 s. ob. præter & cætera. Iste Thomas totam Dunelm. gaolam, gaolæque portas lapideas sumptuosissimas fundavit, ubi priscis temporibus porta fuit antiqua tunc temporis dilapsa. Iste autem dum vixerat, apud manerium de Houldon construxit totas portas occidentales opere cœmentario, per quas transierint ad heretum vel pomarium; & cubicula quædam perpulchra eisdem portis adjuncta ædificavit, super quibus arma illius collocantur. Iste Thomas Episcopus fuit Dunelm. tempore 3 regum, viz. 6 annos & 6 menses tempore Henrici IV. 10 annos & 5 menses tempore Henrici V. & 15 annos tempore Henrici VI. quorum omnium temporibus summo in honore pro suâ singulari sapientiâ habebatur, & pro rebus publicis summâ in autoritate versatus. *Sequitur Narratio, quomodo tertiam partem pontis super Tinam fluvium positi apud Gatesbed in Comitatu Dunelm. partem sc. Australem ejus, & turrin ei haud ita pridem superædificatam ab Oppidanis Novicæstrensis recuperaverit in Curia Regis; illamque Commissariis suis in ditionem tradi obtinuerit die XXVIII. Jan. anno 4 Henrici V. Regis.*

Hic etiam libertates quasdam à Papâ procuravit pro lavacro quod collocavit in Galilæâ in Ecclesiâ Dunelm. cui, virtute prædictæ concionis, excommunicati ad filios baptizandos, cum nullibi per totum filios baptizare liceret, & ad reliquorum omnium Sacramentorum administrationem accederent. Obiit autem in festo Sancti Edmundi Regis & Martyris, viz. XX. die mensis Novembris, anno Domini MCDXXXVII. Sepultus jacet in Cantariâ in Galilæâ Ecclesiæ Dunelm. sub tumulo marmoreo artificiosè erecto, in cujus fine arma illius insculpuntur, coram altari Beatæ Mariæ Virginis, ubi Missa pro suâ animâ quotidie celebratur.

Johannes Wessington creatus fuit in Priorem Dunelm. anno Dom. MCDXVI. & stetit in Prioratu annis XXX. & sepultus est anno Domini MCDXLVI.

S. Pauli Londin. à Thoma Cant. Archiepiscopo consecratus 1406. 8. Augusti. Cancellarius Angliæ ab Henrico V. Rege 1417. 23. Julii renunciatus, munus Rege defuncto abdicavit; idemque ab Henrico VI. Rege ex totius Parlamenti consilio sibi delatum mox recepit, & ad medium annum 1424. tenuit. Cardinalis Presbyter à Johanne XXII. Papâ antea creatus fuerat 1411. 6. Junii. Testamento 1436. 21. Dec. condito, corpus in Ecclesia Dunelmensi in Capellâ B. Mariæ vo-

catâ *I e Gallilee* sepeliri voluit; librosque plures Bibliothecis Academiarum Cantabr. & Oxon. necnon Collegii Dunelm. Oxon. & B. Mariæ Lecest. & de Mancestriâ legavit. Probatum est ejus testamentum 1437. 17. Dec. Ex Registris *Scrope & Kemp* Ebor. Dugdali Chron. Ser. p. 58. Registro *Arun-dell* Cant. & Onuphrio p. 270. Obiitum ejus die 17. Martii Obituarium Cantuariense perperam collocavit.

De ROBERTO NEVILL Dunelmensi Episcopo.

**R**obertus Nevill Episcopus Sarisburiensis per Priorem & Capitulum Dunelm. postulatus, per Papam Eugenium ad Ecclesiam Dunelm. est translatus, & consecratus Episcopus Dunelm. An. Dom. MCDXXXVII. XXVII. die Jan. Hic Scaccarium coram portis Castri Dunelm. quadratum cum omnibus ædificiis, officialibus & cubiculis construxit; in quo curia Cancellariæ, Skakariæ receptoris computatorisque tenetur. Obiit anno Dom. MCDLVII. IX. Julii; & humatus jacet cum antecessoribus suis in australi latere Ecclesiæ Dunelmensis.

Willielmus Ebchester, Doctor in Theologiâ, creatus fuit in Priorem Dunelm. anno Domini MCDXLVI. & stetit in Prioratu annis X. & mensibus III. & cessit anno Domini MCDLVI. & sepultus jacet sub lapide marmoreo in australi parte Ecclesiæ Dunelm. coram altare Dominæ de Boulton.

Ejus EPITAPHIUM.

*En tegit hac petra venerabilis ossa Wilhelmi  
Ebchester; justos consumit terra sepultos.  
Ingenio prægnans fuerat, cælestia pandens,  
Oeconomus verbi fidelis dogmata sacri.  
Egenti largus; sitienti pocula præbens,  
Nudatis vestes; peregrinis hospes amænus.  
Rexerat Ecclesiam prudenter jure Prioris;  
Accumulans præmiis eandem valde decoris.  
Naturæ cessit post partum Virginis anno  
Mille CD quingento adjuncto postea sexto.  
Corpore defuncto, ejus in sæcula virtus  
Durabit, superis oblatio maxima Divis.  
Australi Ecclesiæ sub marmore parte sepultus,  
Cum Christo dormit, vivit, regnatque beatus:  
Pro quo metra legis hæc qui, ora mente fideli,  
Ut sit semper ovans cum sanctis culmine cæli.*

De LAURENTIO BOOTH Dunelmensi Episcopo.

**L**aurentius Booth consecratus est in Episcopum Dunelm. XXV. die Septembris apud Sherburn in Elnet anno Domini MCDLVII. & remansit

\* Post Thomæ obitum Rex datis ad Papam literis 1437. 27. Nov. Robertum Nevill, consanguineum suum charissimum, ex præclarissimâ familiâ oriundum, à Sede Sarisburiensi ad Dunelmensem transferri petit. Factum id à Papâ 1438. 27. Jan. videtur. Obiit. 1457. 8. Julii juxta Registrum. W. Bothe Ebor. In eodem habetur Roberti testamentum; in quo corpus suum legat sepeliendum in Gallixâ Ecclesiæ Dunelm. juxta sepulchrum S. Bedæ.

† Laurentius Booth, Canonicus Eboracensis admissus est 1453. 22. Martii, Archidiaconus Richmond. 1454. 21. Aug. Aulæ Pembrochianæ apud Cantabrigiam Præ-

ses ante Episcopatum fuit; eandemque Præfecturam Collegii ampliandi studio usque ad obitum tenere non aspernatus est. Dunelmensem Episcopatum nescio quo fato adeptus fuerit. Post Roberti enim obitum Rex Johannem Arundel Sacellarium & Protomedicum suum literis 1457. 12. Julii Scriptis Papæ commendavit. Laurentii consecrationem Willelmus rectè designavit. Summus Angliæ Cancellarius 1473. 5 Junii constitutus est. Eboracum translatus 1476. 1. Sept. Ex Registris Ecclesiæ Ebor. & Bothe Hereford. Claus. 13. E. 4. m. 3. & Historiâ Ebor.

G g g g g

in



in Episcopatu Dunelm. XX. annis. Iste portas totas lapideas Collegii apud Auckland, aliaque ædificia eidem portæ in utramque partem annexa proprio sumptu construxit. Deinde translatus fuit ad Archiepiscopatum Eboracensem in die Sancti Birini Episcopi; sepultusque jacet apud Ecclesiam de Cawood prope civitatem Eboracensem.

Johannes Burnbie, Doctor in Theologiâ, creatus erat Prior Dunelm. anno Domini MCDLVI. & stetit annis VIII. & obiit anno Domini MCDLXIV. sepultusque jacet sub marmore cum ipsius imagine in ære in mediâ nave Ecclesiæ Dunelm. versus Occidentem coram ostio Ecclesiæ.

#### De WILLELMO DUDLEY Dunelmenſi Episcopo. <sup>a</sup>

Post translationem Laurentii venerunt bullæ à Papâ summo Pontifice, vi-  
tute cujus Literæ Patentes Domini Regis de Episcopatu liberando Dunelm. Willemo Dudley Episcopo Dunelm. directæ sunt tenentibus & aliis liberis hominibus Episcopatus prædicti, anno regni Edwardi XVI. die Octobris XIV. & consecratus fuit Episcopus Dunelm. anno Domini MCDLXXVII. & stetit annis VI. & obiit anno Domini MCDLXXXIII.

Ricardus Bell, Baccalaureus in Theologiâ, creatus erat Prior Dunelm. anno Domini MCDLXIV. & stetit annis XIII. & XXI. septimanis; & consecratus est in Episcopum Caerleolensem in crastino Sancti Marci Evangelistæ anno Domini MCDLXXVIII.

#### De JOHANNE SHERWOOD Episcopo Dunelmenſi. <sup>b</sup>

Johannes Sherwood consecratus fuit Episcopus Dunelm. anno Domini MCDLXXXIII. & erat Episcopus XI. annis; & obiit anno Domini MCDXCIV.

Robertus Ebchester, Doctor in Theologiâ, creatus fuit in Priorem Dunelm. anno Domini MCDLXXVIII. & stetit annis VI. & obiit anno Domini MCDLXXXIV. Hic jacet sepultus sub lapide marmoreo, in quo calatur ip-  
sius in ære imago; ubi subscribitur tale Epitaphium ad australem partem Ecclesiæ inter eundum ad reverterium in dextrâ parte.

*Marmore Robertus jacet hic sub jure disertus  
Ebchester, certus sibi sit Deus ipse misertus.  
Extiterat castus corpus Prior hic probitatis.  
Doctus, non fastus studio fungens veritatis.  
Largus, amans, hilaris, subtilia dogmata pandens:  
Sacra suis meritis virtutum carmina clangens.*

<sup>a</sup> Willelmus Dudley, viri nobilis Johannis Baronis Dudlæi filius, Decanus Windeforiensis & Sacelli regii, & Feoffator terrarum pro Rege & Regina (sic enim anno 1475. dicitur in Registro Norwicensi) Canonicus Wellensis admissus est 1476. 13. Febr. Episcopus Dunelmenſis creatus, Temporalia à Rege accepit 1476. 14. Octobr. Sepultus est in Ecclesiâ Westmonasteriensi, ab Australi parte Capellæ S. Nicolai; si Godwino fides.

<sup>b</sup> Johannes Sherwood, Collegii Universitatis Oxon. alumnus (quem ob amcenio-

rum literarum studium Balens prædicat Cent. 12. c. 61. & exemplaria Græca ex Italiâ in Angliam advexisse memorat.) Archidiaconus Richmundanus admissus est 1465. 14. Julii, Episcopus Dunelmenſis ab Archiepiscopo Ebor. confirmatus 1485. 10. Aug. Bona ejusdem defuncti sequeſtrantur 1493. 4. Febr. Huic Suffraganeus erat Thomas Radcliffus, Episcopus Dromorensis in Hiberniâ; qui obiit paulò ante annum 1489. Ex Registris Ecclesiæ Ebor. & Archiepiscopi Ro-  
therbam, & Libro Dunelmenſi Domitian A. 7.

*Dic Pater, infer Ave cum Credo, postulo pro se.  
Christo, sicque vale, repetens mea metrica justè.  
Mille CD. quaterno, L. ter deno quoque quarto  
Vertitur hoc saclo, Christo regnare periclo.*

De RICARDO FOX Dunelmensi Episcopo. <sup>1</sup>

**R**icardus Fox consecratus fuit in Episcopum Dunelm. anno Domini MCDXCIV. Iste aulam in Castro Dunelm. transmutavit, quod ibidem duæ fuere regalitatis sedes; una in supremâ parte, altera in infimâ parte aulæ; modò autem unam in parte superiori reliquit, & loco inferioris sedis fecit penum cum pantariâ, & super idem opus secundas collocavit sedes pro buccinatoribus aut aliis musicis tempore servitii, cubiculumque computatorium, & amplam coquinam, omnesque domus officiales ad eam spectantes, cum cubiculis illas suppositis officiales, & novo omni illo opere ex occidentali parte aulæ & coquinæ collocato, proprio sumptu erexit. Hic construere incæpit in altâ turre ejusdem Castri aulam, coquinam, aliaque nonnulla ædificia; sed priusquam perficiebantur, translatus erat ad Winchester ratione controversiæ ortæ inter eum & comitem Cumberlandiæ pro jure de Hartlepole. Collegium apud Oxford vocatum Collegium Corporis Christi fundavit; cui possessiones plurimas dedit. Deinde Capellam apud Winchester magnificis sumptibus constructam erexit; & ibidem honoratissimè sepultus jacet; cujus imago summo cum artificio in lapide efformata ibidem conspicitur.

Johannes Auckland, Doctor in Theologiâ, creatus fuit Prior Dunelmensis anno Domini MCDLXXXIV. & stetit annis X. obiit anno Dom. MCDXCIV. & sepultus jacet in Ecclesiâ Dunelmensi.

De WILLELMO SEVER Dunelmensi Episcopo. <sup>1</sup>

**W**illelmus Simones translatus fuit à Carlile ad Dunelmum virtute Bullæ directæ à Papâ, & sic per Breve Domini regis Henrici VII. die XV. Octobris, anno regni sui XVIII. consecratus fuit Episcopus Dunelmensis anno Domini MDII. & stetit annis III. obiit anno Domini MDV.

<sup>1</sup> Postquam Sedes integro ferè biennio vacasset; Præsul maximus Ricardus Fox, ab Episcopatu Bathoniensi translatus, Dunelmensem adiit sub exitum anni 1494. Post ejus enim translationem Spiritualia Episcopatus Bathon. in Archiepiscopi Cant. potestatem devenerunt 1494. 12. Decembr. Ad Wintoniam Ricardus anno 1502. translatus est. Dum Dunelmi sederet, æternæ felicitatis fundamenta genti nostræ posuit. Anno enim circiter 1498. ortâ gravi rixâ inter Anglos & Scotos in confiniis utriusque regni, & ad bellum spectante, Jacobum Scotiæ Regem missis frequentibus literis ad pacem hortatus est. Rescribit Jacobus pacem sarciri posse, si ipse in Scotiam veniret, idque sibi valde gratum fore. Ricardus, impetratâ pri-

us Henrici Regis veniâ, Scotiam adit, pacem facilè renovat. Tunc Jacobus pectoris arcanum Episcopo patefacit, se nempe Margaretam Henrici Regis filiam natu maximam sibi in uxorem dari vehementer cupere; & ad hanc obtinendam Episcopi auxilium implorat. Pollicetur id Episcopus, & Angliam reversus, Henrico fit author, ut Jacobo Margareta in uxorem concedatur. Academiæ Cantabrigiensis Cancellarium Ricardus anno 1500. gessit.

<sup>1</sup> Willelmus Sever (id enim verius ei nomen fuit) Abbas B. Mariæ Ebor. anno 1485. creatus, ad Episcopatum Carleolensem anno 1496. proventus, utramque simul dignitatem tenuit; donec Episcopus Dunelmensis post medium annum 1502. factus fuerit.



De CHRISTOPHORO BAINBRIDGE Dunelmensi  
Episcopo. <sup>m</sup>

**C**hristophorus Bainbridge consecratus fuit Episcopus Dunelmensis anno Domini MDVII. erat Episcopus anno uno, & fuit translatus in Archiepiscopatum Ebor. anno Domini MDVIII. qui paulò post factus Cardinalis, missus erat internuntius per Henricum VIII. Angliæ regem ad Romam; qui (ut fertur) veneno illic consumptus erat.

De THOMA RUTHALL Dunelmensi Episcopo. <sup>n</sup>

**T**homas Ruthall consecratus fuit in Episcopum Dunelmensem anno Domini MDVIII. & erat Episcopus annis XIV. Hic totum à fundo Aucklandiæ cubiculum, in quo prandetur, erexit; pro cuius operis perfectione reliquit quendam suum hominem nomine Stranworth adontatorem suum, cui satis thesauri ad opus istud conficiendum dedit; propterea quòd ipsemet fuit à consiliis Regi Henrico VIII. necnon patri suo Henrico VII. à quo summus habebatur; & continuo in curiâ suâ pro suâ singulari sapientiâ detentus, adeò ut res suas Episcopatus Dunelmensis illic agere non potuit. Hic reparavit tertiam partem Pontis Tynæ versus austrum; ditissimus habebatur subditus per totam Angliam. Hic residens Curia constitutus erat per Regem, ut librum scriberet de totius sui regni statu: (quoniam Regi notus erat ad hoc opus perficiendum maxime idoneus) quem librum postea Rex imperavit Cardinali Wolsey, ut ad Episcopum adiret, & maiestati ejus adduceret. Episcopus autem duos conscripserat libros; unum secundum regis mandatum; alterum de rebus propriis tractantem, omnino pares & in tegminibus albis, de membranis vulgariter *vellum* dictis, æquali volumine, constricti adeò, ut alter ab altero decerni nullo modo poterat; qui quidem libri cum essent in musæo positi, cuidam servo suo in mandatis dedit Episcopus, ut adferret sibi librum albâ membranâ circumcinctum, quem cum Episcopus ab eo accepit, & non inspexerat, Cardinali statim tradidit librum revera de suis thesauris tractantem: ignorante tamen hoc Episcopo, quod cum intelligeret Cardinalis, in quam esset liber, tacite multum lætabatur continuò. Nam cum libro ad Regem accessit, & sibi dedit, ejusque libri summam breviter demonstravit Henrico Regi suggerens: quod cum antea pecuniæ summâ se uti velle dixerit, non opus esset, ut ulterius quæreret, quàm ab Episcopo Thoma Ruthall, qui secundum tenorem proprii sui libri divitias suas numeravit prope ad valentiam 100000 l. Quod cum intellexit Episcopus quod fecisset, & quòd rectum librum Cardinali non

<sup>m</sup> Christophorus Bainbrig five Bambridge, Hiltonæ secus Applebeiam in Westmorlandiâ natus, Collegii Reginalis Oxon. anno 1495. Præpositus, Legum Doctor Bononiæ creatus, sed Cantabrigiæ incorporatus, postea Decanus Windesoriensis, dein Eboracensis, ac postremò Rotulorum Custos 1504. 13. Nov. constitutus, Episcopatum Dunelmensem sub finem anni 1507. conscendit. Decanatum enim Eboracensem resignavit 1507. 13. Dec. Ad Archiepiscopatum Eboracensem translatus est 1508. 14. Dec. Ex Registris & Historiâ Ebor.

<sup>n</sup> Thomas Ruthall five Rothehall (rectius Rowthale, sic enim nomen propriâ manu scriptum vidi) ad Episcopatum Dunelmensem ab Henrico VIII. Rege designatus est eodem die, quo ipse Rex primùm denuntiatus fuit, sc. 1509. 23. April. Professionem Archiepiscopo Ebor. fecit 1509. 24. Junii. Sub initium anni 1523. obiisse, videtur. Wollei enim cupiditas cum potentiâ conjuncta nullos Episcopatus sibi destinati redditus vacatione diuturnâ intercedente subtrahi passa est.

dederat,

dederat, rei dolore percussus obiit Londoniæ anno Domini MDXXII. post  
cujus mortem Cardinalis Episcopatum Dunelm. paulò post à Rege obtinuit.

Thomas Castell Doctor creatus fuit in Priorem Dunelm. anno Domini  
MCDXCIV. & stetit in Prioratu XXV. annis. Tempore hujus, hoc est in  
anno Domini MDII. mense verò Julii circa Divæ Margaretæ Festum mag-  
num Deus omnipotens per suum sanctissimum præfulem Cuthbertum in Ri-  
cardo Poell inclyti Henrici Regis Septimi cliente atque familiari obsequentissimo  
miraculum operatus est. Qui quidem Ricardus, insanabili & longo tempore  
nullâque medicorum arte, operâ sive scientiâ curabili detentus ægritudine,  
quid ageret, quove se verteret ignorabat. Nam ejus venter juxta femur adeo  
fractus atque inflatus erat, ut nuda penitus penderent intestina, quæ nihil aliud  
præter tenuissimæ pelliculæ obstaculum suspensâ tenebat, quod curiali quodam  
oppressus pudore, nemini revelare audebat. Eodem itaque tempore inclyta  
Margareta prælibati Regis filia Jacobo Scotorum Regi quarto, hymenæo juncta  
thalamo, Scotiam concessit; eamque patris Serenissimi jussu præfatus Ricardus  
Poell comitatus est; cùmque ad Sanctissimi Cuthberti devotissimè pervenisset  
sepulchrum, ibique innumerabilia quæ sanctissimus Præsul quotidie operaba-  
tur miracula, à variis & diversis accipiens, oppressos languoribus, sive aliis  
quibuscunq; pressuris jugiter aspexisset, devotissime ingemuit, & ait, *O beatissime  
præsul Cuthberte, qui tot & tantorum patrator es miraculorum, respice (quæso)  
intolerabilem quam ego miserrimus patior afflictionem, quam tuâ inenarrabili  
memorare digneris clementiâ atque misericordiâ.* Interim lachrymas, vota at-  
que preces supplex ac devotissimè fundens, in momentanei soporis re-  
quiem incidit; eque somno excitatus, liberum ac sanum se reperit usque  
adeo, ut fracturæ cicatrix nulla conspici posset; quod quidem vehementissimè  
admirans, Deo atque Divo Cuthberto secundum virium suarum magni-  
tudinem jubilans, gaudens atque exultans, gratias condignas edidit: &  
quoniam humanæ Salvator fragilitatis opera sua non patitur esse in occul-  
to, idem præfatus Ricardus, quod antea infirmus celavit, sanus postea  
& integer palam omnibus confessus est, & tanti miraculi magnitudinem  
publicè aperuit, remque præcipuè omnem cuidam Magistro Thomæ Swal-  
well, Sacræ Theologiæ Professori, aliisque religiosis Monasterii dicti Divi  
Cuthberti, ab initio enucleavit ad gloriam Dei. Iste Thomas longo tem-  
poris intervallo attritas, & in ruinam dilapsas orientales portas Abbatihæ re-  
paravit. Nam veteri totâ structurâ dejectâ ad terram, sumptuosè & multo  
nummo reædificavit easdem, cum domicilio Janitoris in quo idem dormitat,  
& super easdem sublime lapidibus lævigatis opere cæmentorum, plumbeis  
laminis opertam construxit Capellam, vocatam Sanctæ Helenæ Capellam, rei  
divinæ destinatam, qua omnes Laici bis quotidie ad Missam audiendam con-  
currebant. Nam illic duo subserviebant sacerdotes, à Priore & Conventu  
assignati, administrantes omnibus Laicis Eucharistiæ Sacramentum, confi-  
tentibus illis eorum delicta. Insuper in eodem ædificio construxit cubicu-  
lum pro sacerdote, in quo dormitaret. Hic etiam reparavit à novo fenestram  
borealem vetustate contritam, in medio angulo crucis Ecclesiæ Dunelmensis;  
& opus lapideum & vitreum, in quo depinguntur in vitro quatuor Doctorum  
Ecclesiasticorum imagines, unâ cum imagine Sanctæ Mariæ & Sancti Cuth-  
berti, & subtus sui ipsius imago genu \* plectens & palmas tendens vitro \* *Flectens.*  
cæruleo cum isto carmine. *Virgo tuum natum fac nobis propitiatum.* Hic  
emebat duas molendinas communiter vocatus *Jesus mills*, quas ambas plumbo  
tegebat, & postea Ecclesiæ Dunelm. contribuit, hac ratione ut post mortem  
illius fieret sua memoria in Missâ *Jesus*; quo coram altari sepultus jacet in  
nave Ecclesiæ Dunelm. sub marmore cum ipsius imagine in ære cum isto  
Epitaphio.



*Mortuus hoc tumulo Thomas sub marmore duro  
 Castellus recubat, pietatis turris athena  
 In litteris Doctor divinis, munere Prior;  
 Moribus excomptis, & miti pectore charus.  
 Staturâ mediocris erat, virtute procerus;  
 Dapsilis hospitibus, structuris tum probe notus.  
 Pauperibus laxo præbebat munera sinu.  
 Nulli clausa bono sua janua, mensa, crumena.  
 Suppliciter pro se dicas, Credo, Pater, Ave;  
 Qui legis hac, quo sit cælesti civis in ade.*

### De THOMA WOLSEY Episcopo Dunelmensi. \*

**T**homas Wolsey, Sanctæ Cecilie Sacrosanctæ Ecclesiæ Romanæ Presbyter Cardinalis, Eboracensis Archiepiscopus, Apostolicæ Sedis Legatus, Angliæ Primas & Cancellarius, necnon Episcopus Winchester & Dunelm. in quem Episcopatum consecratus fuit anno Domini MDXXIII. & fuit Dunelm. Episcopus annis VII. Hos omnes Episcopatus dignitatesque uno tempore suis manibus retinuit. Iste tertiam partem pontis de Tyne versus austrum reparavit. Sumptuosum apud Oxford Collegium, nuncupatum Collegium Cardinalis, aliàs Collegium Christi, primò fundavit; aliudque fundavit Collegium apud Ipswich, quæ ambo priusquam perficiebantur, diem claudit extremum, XXVII. die Novembris apud Leicester, & in Ecclesiâ ejusdem Abbathie Leicestriæ sepultus jacet.

Anna Bullen totius Episcopatus Dunelm. proficuas habuit per spatium unius anni ex dono Henrici Regis VIII.

Hugo Whithead, Doctor in Theologîâ, creatus fuit in Priorem Dunelm. anno Domini MDXXIV. & stetit in Prioratu XXIV annis. Hic in omni vitâ suâ se Dei religioni conformem dedit. Totus namque erat deditus amorî divino: magnam familiam domesticorum semper secum aluit, in domo suâ generosos atque plebeios complurimos habuit, à quibus honorificè inservitur. Liberalem & copiosè instructam mensam habebat. Apud Bearpark domos multas vetustate consumptas reparavit. Construxit etiam novam aulam apud Pittingtown, vocatam *the Priors Hall*, cum aliis ædificiis in utrumque finem ejusdem aulæ annexis. In elemosynis erat abundans, in puritate vitæ laudabilis. Tandem tamen unâ cum Episcopo Tunstallo & ejus Cancellario Hynemars, per Rinianum Menvill accusatus, ad Londinum iter suum suscipere summonitus; ubi inusitatis molestiis agiturus, ex hac vitâ decessit anno Domini MDXLVIII. sepultusque jacet in Ecclesiâ Mineriorum prope Turrim de London. Iste Hugo fuit novissimus Prior Ecclesiæ Dunelmensis & ejusdem primus Decanus.

\* Thomas Wolsey, dimisso Bathoniensi Episcopatu, Dunelmensis administrationem recepit, traditis ipsi à Rege Temporalibus

1523. 30. April. Anno 1529. mense April. commissâ sibi Episcopatus Winton. administratione, Dunelmensem reliquit.

De CUTHBERTO TUNSTALL Dunelmensi Episcopo. <sup>p</sup>

Cuthbertus Tunstall translatus fuit ab Episcopatu London. ad Dunelm. anno Domini MDXXX. XXV. die Martii, virtute Bullæ directæ à Papâ Clemente VII. ad Henricum VIII. & sic per Breve Domini regis electus erat anno & die præfatis. Construxit à fundo porticum valde speciosum, & capellam ei annexam opere cæmentario, in castro Dunelm. Construxit etiam portas ferreas ejusdem Castri cum opere lapideo ab utrâque parte. Aquæ etiam canalem scilicet *Water Conduit*, ad lavandum fundavit à sinistrâ parte introitus ejusdem Castri. Construxit quoque porticum apud Auckland; ubi etiam cubi- culi, in quo pranderetur, summitatem magnæ fenestræ perfecit, per Thomam Ruthall quondam Episcopum prius incœptum; aliasque reparationes circa do- mum prædictam fecit. Castrum etiam apud Norham diversis in locis repa- ravit. Telonium, Anglicè, *the Toule Booth*, in foro Dunelm. opere cæmenta- rio, cum aliis domibus officialibus in posteriori parte ei annexis; quas etiam civibus Dunelm. postea donaverat. Tertiam partem versùs austrum pontis de Novo Castro, vocati *Tyne Bridge*, opere lapideo & ligneo, binis sejunctim tem- poribus, proprio sumptu reparavit: sed accusatus per Rinnianum Menvill in fine regni Edwardi VI. turri erat intrusus apud London, & deprivabatur Epif- copali omni autoritate; ad quam, cum primùm ad regalem accessit Regina Maria, in dignitatem summo cum honore iterum restaurabatur. In omni suo tempore pati noluit ne lapidem ædificiis suis antiquis in ruinam dilapsis auferri: familiam honorificam semper secum tenuit, honorificèque attendebatur à generosis & hominibus plebeiis; quocunque enim loco residebat, honorifi- cam mensam valdeque largam semper secum habuit. In elemosynis erat abun- dans, in omni vitæ genere Præsul præclarus. Deprivatus fuit tempore Eli- zabethæ anno Domini MDLIX. qui cum ad mandatum esset cum Archiepiscopo Cantuariensi apud Lambeth, illic piissimum & gratiosissimum vitæ suæ exitum fecit; sepultusque jacet in Ecclesiâ de Lambeth, ubi primò consecratus fuit Episcopus.

Tempore illius Tho. Spark homo pereruditus per electionem Episcopi factus fuit ejus Suffraganeus. Episcopus fuit de Berwick, Magister Insulæ Sacræ, Custos & Magister Hospitalis de Gretham, in quo duos conclaves pari- ter conjunctos construxit ex unâ parte Claustris, quod totum ipse funditus dejiciebat. Promitorium, Anglicè *a Brewhouse*, à novo re-ædificavit; cu- biculaque sacerdotum in alia mutavit; & alia fecit perpulcra, & ad in- vicem conjunxit, cum multis sumptibus aliis circa domum illam expressis. Crux marmorea præclara admodum, quæ olim steterat in supremâ parte vici de Gyllygate, loco vocato *Maids Harbour*, data erat Gulielmo Wright de Du- nelm. mercatori, suâ petitione, per Dominum Ormstrang Scotum, Dominum de Keepyere, ad constituendum in foro Dunelm. Quæ cum erat direpta, in fundo reperiebantur imagines XII. Apostolorum ex opere lapideo curiosè con-

<sup>p</sup> Translatio Cuthberti Tunstall Episcopi London. ad Episcopatum Dunelmensem in Ecclesiâ Londinensi publicata est 1530. 18. Martii. Die sequenti Capitulum Londinense Archiepiscopum Cant. datis literis de illius translatione certiore reddit. Cuthbertus car- ceni mancipatus 1551. 20. Dec. Mariæ Re- ginæ beneficioeductus 1553. 5. Aug. & in integrum restitutus fuit. Postea regnante Elizabethâ Episcopatu exutus medio anno

1559. custodiendus seu potiùs alendus est commissus Matthæo Archiepiscopo Cantuari- ensi; à quo lautissimè exceptus & amicissi- mè, dum vixit, habitus est. Obiit 1559. 18. Novembr. Huic Suffraganeus datus est titulo Episcopi Berwicensis Thomas Spark S. T. B. Monachus Dunelmensis, in Episco- pum consecratus anno 1536. mense Junio. Ex Registris *Stokesley, Warham, & Lee, &c.*



structæ, & sumptuosè auratæ; tres sc. in quolibet angulo prædictam crucem deportantes. Nam crux erat quadrata; quam quidem crucem in forum Dunelm. asportatam proprio sumptu ad summam 8 l. erexit Suffraganeus in loco ubi steterat, *vetus Toulboeth*. Campanas è Galileæ campanili exportari fecit, quæ aliter fractæ & venditæ fuissent; & eas collocavit in magno campanili Ecclesiæ Dunelmensis, ex quibus fecit *the Chyme* ad valentiam 40 l. Iste totos redditus in familiâ suâ expendebat; egenis perliberalis. Obiit anno Domini MDLXXI. sepultusque jacet in choro Capellæ de Gretham in sepulchro Gulielmi de Estfield quondam Magistri de Gretham. Lapidem verò marmoreum dum vixerat præparari iussit; sub quo per testamentum suum supponi constituerat in Ecclesiâ Dunelmensi coram altari de Houghell, in australi plagâ ejusdem Ecclesiæ. At Oeconomicus illius Dominus Georgius Winter testamentum suum violavit, ejusque lucro lapidem prædictum cuidam Stephenson Ecclesiæ Dunelm. Præbendario vendidit; super quem lapis prædictus positus est coram ostio chori Ecclesiæ Dunelmensis.

# S U C C E S S I O P R I O R U M D U N E L M E N S I S Ecclesiæ.

Monastic.  
tom. 1. p. 42.  
& apud Rud-  
burn. Hist.  
Winton.

**W**illemus de S. Karilefo Episcopus Dunelmensis in Chartâ Monachis à se recenter introductis datâ præfatur se à senibus & prudentioribus Provinciæ Dunelmensis viris didicisse, Monachos olim in Sede Episcopali Lindisfarnensi institutos fuisse.

Commentum sanè omnibus familiare Monachis; qui Clericos Ecclesiis Cathedralibus deturbantes, avitam possessionem prætexere solebant. Certissimè tamen constat Monachos tempore Chartæ istius datæ annis 208. in Episcopali Sede Dunelmensi defecisse: ut incassum sit à Wilhelmo Episcopo ostentatum seniorum testimonium. Quin & à primâ sedis institutione Monachi quamvis prope Ecclesiam Cathedralē sedes obtinuerint, eam non possederunt. Capitulum Ecclesiæ ex Clericis constabat, quos in familiâ suâ vel in Ecclesiæ viciniâ Episcopus de Ecclesiæ redditibus alebat. *Siquidem à temporibus antiquis (Bedam audis) ibidem & Episcopus cum Clero, & Abbas solebat manere cum Monachis, qui tamen & ipsi ad curam Episcopi familiariter pertinerent: quia nimirum Aidan, qui primus ejus loci Episcopus fuit, cum Monachis illuc & ipse Monachus adveniens, Monachicam in eo conversationem instituit.* Episcopus sc. cum Clericis suis seorsim, Abbas cum Monachis seorsim habitârunt; quamvis Episcopus ex Monachis ferè delectus, & regulari magis disciplinæ Clericos suos assuefaceret, & Monachos non negligeret. Suus tamen Monachis \* Abbas præerat; quod nullibi contigit, ubi Monachi Episcopo familiariter adhæserunt, & Capitulum Ecclesiæ constituerunt. His enim Episcopus Abbatis vice præerat; & Monachorum

Hist. Eccl.  
l. 4. c. 27

chorum Præpositus *Prior* dicebatur. Vitam tamen verè monasticam Clerici Episcopo adhærentes adeò non duxerunt ; ut conjugium ipsis & licitum & frequens esset : quòd ex quamplurimis Turgoti seu Simeonis Historiæ locis patet. Ità quidem in Ecclesiâ Lindisfarnensi Monachi sedes Ecclesiæ proximas obtinuerunt , & curæ Episcopalis pars erant : quamvis ad Clericos solummodo negotia Capitularia & Episcopi electio spectarent. In Ecclesiâ autem Cuncacestrensi nulli erant Monachi ; si duos forsitan vel tres excipias, qui S. Cuthberti reliquias religionis ergo frequenter adivisse dicuntur. Eardulfum enim Episcopum cum Cuthberti corpore à Lindisfarnâ anno 875. fugientem soli Clerici sunt secuti : qui in eadem Ecclesiâ *ab ætate infantili in habitu Clericali fuerant nutriti atque eruditi*. Monachi omnes defecerunt ; neque in Ecclesiâ etiam Dunelmensi locum obtinuerunt, antequam à Willelmo Episcopo introducti essent. Sæpius id Turgotus docet ; & Willelmus Malmsburiensis confirmat, qui antiquam Ecclesiæ Anglo-Saxonice consuetudinem fuisse asserit, ut electio Præfulum penès Clericos, Abbatum penès Monacho esset. Clericorum interim Præpositi nomine aliis in Ecclesiis Cathedralibus recepto *Decani* dicebantur ; & ex his unicum reperio *Leobwinum* ( alium à Leobwino nequissimo Archidiacono, de quo supra ) qui Waltheofi Comitæ chartæ anno 1074. datæ subscripsit, & à Provincialibus interemptus unà cum Walchero Episcopo interiit 1080. 14. Maii. Regularem Canonicorum disciplinam Walcherus vitiaverat, illos plùs sæcularibus negotiis quàm Ecclesiasticis officiis ritè obeundis assuefaciens. Leobwino successit quidam ignoti nominis, Decanorum ultimus ; qui à filio suo Monacho persuasus, solus ex Canonicis cucullam inter Monachos loco suo introductos induit. Anno etenim 1083. Willelmus Episcopus, suscepto priùs Romam itinere & impetrato Gregorii VII. Papæ diplomate, acceptâ itidem Willelmi Regis & Concilii Pananglici apud Westmonasterium coacti & Thomæ Archiepiscopi & Capituli Eboracensis veniâ, Canonicos ex Ecclesiâ Dunelmensi eliminavit, & Monachos induxit 1083. 28. Maii die Pentecostes. His terras & redditus opimos donâsse nequaquam contentus, tot tantaque privilegia & immunitates cumulavit ; ut invidiam facillè movere possent, & assiduas Episcopis Dunelmensibus molestias postea exhibuerint ; quamvis ea Ranulphus Episcopus egregiè rescuerit. Monachorum enim fundos ab Episcopalibus divisit, atque ipsis pro arbitrio regendos commisit. Priori integram Abbatris dignitatem & prærogativam concessit, liberâ Monachis electione permissâ, & ablatâ sibi Priorem pro lubitu deponendi potestate. Ecclesias insuper, quarum parronatus ad ipsos spectabat, iisdem in temporalibus & spiritualibus subiecit, & ab omni iurisdictione seu Episcopali seu Archidiaconali exemit ; nisi tantùm ut Clerici, quibus ipsas Monachi commissuri erant, Episcopo de curâ animarum intenderent. Parile privilegium Thomas Eboracensis Archiepiscopus iisdem donavit circa Ecclesias suas in Diocesi Eboracensi sitas. Singula Willelmus Rex confirmavit ; & innumera ferè maneria, terras & Ecclesias simul donavit. Neque hîc stetit Willelmi Episcopi prodiga liberalitas. Anno enim 1094. decrevit, ut Prior totius Diocesis Archidiaconus esset in perpetuum, atque Episcopi in spiritualibus Vicarius, in temporalibus Vicedominus. Primus Monachorum Dunelmensium Prior erat

*Aldwinus*. Iste Cœnobii Winchelcumbensis Monachus & Prior, receptâ ex antiquis monumentis veterum Cœnobiorum, quibus Northanimbria præ aliis provinciis claruit, notitiâ, eam adire statuit, & sanctorum locorum ruinas visitare. Comites ex Monasterio Eveshamensi sibi ascivit Elfwium & Reinfridum. Northumbriam advenientes anno 1073. primò apud Mancacestre ( hodie Novum Castrum ) dein à Walchero Episcopo invitati apud antiqui Monasterii Girvensis rudera confederunt. Mox associatis sibi pluribus, colonias Monachorum quasdam ab alia præcorum Cœnobiorum loca, puta ad Streoneschalc hodie Witeby, ad Eboracum, Mailrosam, & Wiremutham, deduxerunt.

H h h h h

runt.

Turgot. l. 1. c. 6.

L. 2. c. 6. l. 3. c. 6. 18. &amp;c.

de gest. Pont. l. 3. f. 157. B.

Monast. l. p. 42. Florentius.

Turg. l. 4. c. 3.

Annal Dunel.

Charta fund.

Hoveden f. 263. Monastic. l. p. 44, 45. Annal Dunel.

Turgot. l. 3. c. 21.

Hoveden f. 261.

Turgot. l. 3. c. 22.



runt. Iisdem Walcherus Cœnobium prope Ecclesiam Dunelmensem ponere in animo habens, morte præreptus est. Willelmus autem, qui Walchero successit, eos à Cœnobiis Girvensi & Wiremuthensi translatos non in viciniam solummodo Dunelmensis Ecclesiæ sed in possessionem etiam induxit, uti supra dictum est. Inductis Aldwinum in Priorem præfecit 1083. 31. Maii. Obiit is 1087. 12. Aprilis.

*Turgotus*, natu nobilis, in ætate juvenili in Lincolnensi Castro incarceratus fuerat inter alios Anglorum obsides, quos Normanni recenter subjugatâ Angliâ ibidem asservabant. Ex carcere astu quodam elapsus, in Norwegiam transiit, ab Olavo Rege summo favore & benevolentia exceptus. Post plures annos Angliam renavigans, totius pecuniæ, cujus non modicam vim corrogaverat, jacturam naufragio fecit. Ipse ægrè elapsus, Dunelmum se contulit: Walcheri Episcopi amicitiam conciliat, & religiosæ vitæ studium ostendit. Walcherus ipsum Aldwino tunc apud Girvum degenti instituendum tradit. Hunc Turgotus à Gyrvo ad Mailrosam, à Mailrosâ ad Wiremutham, à Wiremuthâ (ubi primùm habitum induit Monasticum) ad Dunelmum transmigrantem individuus vitæ comes sectatur. Aldwino demum defuncto Turgotus comuni Episcopi & Monachorum consilio in Prioratu subrogatur anno 1087. Plurimum iste Ecclesiæ suæ profuit, auctis privilegiis, ædificiis & redditibus, maximè autem insigni Historiâ scriptâ de rebus ejusdem à primâ fundatione ad annum 1096. Prioratu annis 20. minùs 12. diebus administrato, ad Episcopatum Santandreanum, Scotiæ primarium, electus est 1107. consecratus à Thoma Archiepiscopo apud Eboracum 1109. 1. Augusti. Ortâ demum inter Regem Scotorum & ipsum dissensione, in morbum ex sollicitudine nimia incidit. Acceptâ itaque repatriandi aliquantisper licentiâ, Dunelmum rediit anno 1115. die SS. Petri & Pauli, & ibidem post menses 2. dies 4. defunctus est, exactis in Episcopatu annis 8. mensibus 2. diebus 10. ab electione numerandis. Obiitum ejus die 31. Martii Simeon reposuit. Mihi tamen dies 31. Augusti magis placet. Feriâ enim tertiâ obiisse dicitur. Atque illo quidem die Turgotum obiisse Eadmerus & Obituarium Cœnobii S. Augustini Cant. testantur. Dum Prioratu fungeretur, privilegia Monachis indulta severius exequutus, Ranulphum Episcopum adeò exacerbavit; ut ipso ad Episcopatum S. Andreae translato, Episcopus nullum alium Priorem loco ejus ponendum putaret. Nec successorum quidem dari voluit, donec immodica privilegia conventionem cum Monachis factâ rescuisset. Archidiaconatum itaque, Vicedominatum & Vicariatum totius Diocesis à Prioris officio dissociavit; quin nec in Ecclesiis suis jus Archidiaconale Monachis reliquisse videtur. Quamvis enim id postea Monachi usurpaverint; Archidiaconi tamen reclamârunt, & ad æquam compositionem Monachos adegerunt. His utrinque statutis, Episcopus Priorem Turgoto substitui permisit. Is erat

Hoveden f. 261.  
Annal. Dunelm. Simeon Dunelm. p. 232. & Hoveden f. 273. rectius. Simeon p. 208.

Hist. Nov. 1. 5. p. 117.  
Malmsbur. f. 158.

Catalogus Priorum Dunelm. Vespasian A. 6.

Contin. Sim. Dun. p. 271.

*Algarus*, qui Ranulphi Episcopi dono Prioratum accepit eodem anno, quo consecratus est Turgotus, anno sc. 1109. atque anno circiter 1138. obiit. Hujus tempore Ranulphus dedit Conventui Dunelmensi Heremitorium de Fynchale post mortem S. Godrici tunc in eò degentis possidendum; *testibus Michaele Archidiacono & Willelmo Clerico meo de Curboil*. Iste postea Archiepiscopus Cantuariensis evasit; ille primus post restitutum Archidiaconatum eo munere perfunctus videtur. Michaeli successit Robertus, Roberto Wazo, qui anno 1147. Archidiaconatum obtinuit. Ex Historiâ Dunelmensi Majore. Ranulfus ille Archidiaconus, Ranulfi Episcopi nepos, qui Willelmo Comyn Episcopatum Dunelmensem ambienti constanter obstitit ab anno 1140. ad 1143. non Dunelmensis sed Northumbrensis fuisse videtur. Dunelmensem quidem vocat Johannes Hagustaldensis, ipsumque *virum præclaræ probitatis* fuisse addit. Verùm ex Anonymi Historiâ supra-editâ constat Robertum Archidiaconum eodem tempore claruisse; & Carta willelmi Episcopi anno 1147. data, Wazonis.

nis Archidiaconi Dunelmensis prædecessores memorat Michaellem & Robertum, nullâ Ranulfi mentione factâ. Quinetiam Ranulfum & Wazonem Archidiaconos anno 1153. simul extitisse Johannes Hagustald. docet. Algarum Priorem anno circiter 1137. obiisse Indiculus Priorum Dunelm. in margine citatus perhibet. Tam huic autem quàm Historiæ majori Dunelm. convenit, illum tempore Gaufridi Episcopi obiisse.

Rogerus successit, electus tempore Gaufridi Episcopi, *vir sanctissimi meriti, à primævis annis enutritus in claustralibus institutis*, authore Johanne Hagustaldensi. Controversâ inter ipsum & Archidiaconum Wazonem motâ de tenendâ Episcopi dextrâ, Willelmus Episcopus id privilegium Priori adjudicavit datâ Cartâ 1147. 1. Dec. quæ in Historiâ majori Dunelmensi extat. Malè itaque Indiculus Cottonianus Rogeri obitum in annum 1146. rejecit. Rectius eum Historia major in anno 1149. collocavit.

Laurentius Rogerum excepit; cujus elogium Historia Major Dunelmensis sic contexuit. *Vir magna discretionis, injure peritus, eloquentiâ pradiutus, divinis institutis sufficienter instructus. Hic multa laude digna conscripsit, sc. De morte amici per modum Dialogi: Tponosticon, quod ipsemet in prologo suo interpretatur Librum Abbreviatum super Vetus & Novum Testamentum, distinctum in IX. libellos. Sunt etiam alia ab eo conscripta, ut Oratio pro Laurentio, Oratio pro naufragis, Oratio pro juvenibus compeditis, Invektiva in Malgerum, Oratio pro Milone, Rythmus Christo & Discipulis suis. Scripsit etiam metricè de Civitate & Episcopatu Dunelmensi, per modum Dialogi inter Laurentium & Petrum.*

Gaufridus in  
Hist. Dunel.  
cap. 3.

In Hugonis Electi Dunelmensis comitatu Romam anno 1153. profectus, in reditu obiit sub initium anni sequentis. Hunc ex Priore Dunelmensi Abbatem Westmonasteriensem ab Henrico II. Regem creatum fuisse Balens malè retulit. Laurentius ille Westmonasteriensis unus erat ex electoribus Hugonis Episcopi; ab Henrico Episcopo propterea excommunicatus anno 1153. Mox autem absolutus, post medium annum ab Ecclesiâ Dunelmensi recedens, apud S. Albanum Monachorum se contradidit institutis, post paucos annos à Rege Henrico Monachis Westmonasterii sublimiter pralatus, amoto Abbate Gervasio filio Regis Stephani, qui res loci illius juveniliter dissipavit. Ita Johannes Hagustald. in Continuatione Simeonis Du-

De Script:  
cent. 1: c. 88:

P. 281:

nelm. Hunc non alium à Laurentio Archidiacono (quem Gaufridus inter Hugonis electores supra recensuit) fuisse conjicio; quamvis Archidiaconatus sui titulus lateat. Dunelmensis enim tunc erat Wazo, Northumbrensis Ranulfus; neque tertium in Ecclesiâ Dunelmensi Archidiaconum comperio. Scripta Laurentio, præter ea quæ supra memorantur, Balens ista tribuit. *In Detractorem Malgerium. Ad Hathewisam, De conscribendis Epistolis, Vitam Brigide in prosâ, De Cuthberto Episcopo, De Confessoribus, De Virginibus, Homilias eruditæ, Sermones de Christi adventu, De Christi Natali, De assumptione B. Mariæ.* Sermones isti Laurentio non Dunelmensi Priori sed Westmonasteriensi Abbati debentur. Sic enim Johannes Flete de Laurentio Abbate scribit. *Hic multos & devotos edidit Sermones pro diversis anni temporibus & Sanctorum festivitatis.* Reliqua, quæ Laurentio Dunelmensi Priori Historia Dunelm. supra ascripsit, demptis duobus postremis Opusculis, extant sub Laurentii nomine, eodem quo recensentur ordine, in Codice MS. Bibliothecæ Lambethanæ pulcherrimè exarato. In Prologo Hypognostici sui dicit Laurentius se ex Ecclesiæ Dunelmensis Præcentore Palatinum Capellanum fuisse factum; & familiaritatem principis, amorem Ecclesiæ, Cleri judicium, favorem Curie, & laudem Populi, munere divino multipliciter contributa sibi gloriatur.

Hist. Westm.

Absolon successit anno 1154. obiit anno 1162.

Thomas I. electus anno 9. Hugonis Episcopi, viz. Christi 1162. anno sequenti ab Hugone Episcopo depositus, ad Farnen insulam secessit.

Germanus, ex Monacho in Priorem Dunelm. anno 1163. erectus, obiit anno 1188. juxta Indiculum sæpius citatum, rectius autem anno 1186. Sic enim

Indiculus  
Cotton.  
Id. & Gaufridus c. 4.



F. 371. Hovedenus scribit. Anno 1188. Hugo Episcopus reddidit Priori & Conventui Dunelmensi custodiam & curam Prioratus, ducentis marcis & eo amplius obligatam; quam ipse jam ferè per biennium in manu suâ tenuerat causâ lucri.

Indic. Cotton. Bertramus I. Prioratum suscepit anno 1188. obiit circa annum 1199. juxta Indiculum Cottonianum. Rectius autem anno 1209. obitus illius statuentus est; quod ex Gaufridi Historiâ cap. 18. constat.

Gaufrid. c. 15. Willemus, civitate Dunelmensis, electus est Sede vacante statim post Bertrami obitum, Rege licentiam eligendi Monachis indulgente. Adfuit electioni Ricardi Decani Sarum sub finem anni 1213. Obiit 1214. tempore Ricardi de Marisco Episcopi (qui Episcopatum anno exeunte obtinuit) fide Indiculi sæpius citati.

Robertus c. 3. Radulphus Kernech successit, & obiit anno 1233.

& Indic. Cot. Thomas de Melsamby electus, 1233. Prioratum abdicavit anno 1244.

Id. Bertramus de Middleton Prior factus est 1244. 22. Sept. Prioratum deposuit 1258. 15. Augusti.

Hugo de Derlington ex Subpriori in Priorem electus est 1258. 16. Aug. resignavit 1273. 8. Januarii.

Ricardus de Claxton ex Insulæ Sacræ Priore in Priorem Dunelmensem electus 1273. 26. Jan. confirmatus ab Episcopo die 28. Jan. installatus die 2. Febr. abdicavit 1285. 27. Decembr.

Hugo de Derlington in Priorem iterum electus est 1286. 11. Jan. ab Episcopo confirmatus die 31. Jan. installatus die 7. Febr. resignavit 1290. 11. Martii.

Ricardus de Hotoun successit, ex Priore Cellæ de Lychne Prior Dunelmensis electus 1290. 24. Martii, ab Episcopo confirmatus die 28. Martii, installatus die 9. Aprilis. Hunc Antonius Episcopus 1300. 20. Maii à Prioratu amovit, & H. de Luceby, Sacræ Insulæ Priorem, substituit. Sententia autem effectu caruit. Quamvis enim novus iste Prior 1300. 24. Aug. installatus, Prioratum aliquamdiu administraverit; Ricardus tamen decreto Papali 1301. 29. Nov. edito restitutus est, & in Ecclesia suâ 1302. 10. April. per Procuratorem receptus. Obiit 1308. 9. Januarii.

Willemus de Tanfeld, Prior de Wederhall, Prioratum Dunelmensem Papæ dono obtinuit 1308. 24. Febr. installatus die 4. Septembr. sequentis. Resignavit 1313. mense Junio.

Galfridus de Burdon ex Suppriori in Priorem electus est anno 1313. citò post 29. Junii. coactus resignavit 1322. 25. Januarii.

Willemus de Contoun, installatus est 1322. 3. Maii, ex Roberti Dunelmensis fide. Registrum Melton autem illum à Lodowico Episcopo anno 1320. (exeunte) mense Martio confirmatum esse prodit. In calce antiqui (quo usus sum) Codicis Historiæ Turgoti Dunelmensis occurrit hæc nota. Liber S. Mariæ de Fontibus, ex dono Willemi de Contoun quondam Monachi de Fontibus Obiit anno 1342. mense Februario.

Willemi Hist. Dunel. & Indic. Cot. Johannes Fossour electus est 1342. 16. Martii, confirmatus & installatus die 31. Martii. Obiit 1374. 12. Novembr.

Robertus de Walleworth, alias de Berrington dictus, electus est 1374. 11. Dec. confirmatus & installatus die 24. Dec. Præfuit annis 17. Obiit anno 1391. juxta Historiam superiorem. Eundem autem Prioratu anno 1391. cessisse Indiculus Cottonianus refert. Hunc ab Alexandro Archiepiscopo Ebor. 1382. 31. Jan. citatum comperio, ut in Ecclesiâ Ebor. compareat, ostensurus quo jure Pontificalibus indumentis uteretur.

Reg. Alex. Nevil. Faustina A. 6. Johannes de Hemingburgh (sic enim dicitur in ipsius Chartulario anno 1408. scripto; de Gininburgh in Indiculo sæpe dicto cognominatus) successit anno 1391. Hujus tempore antiqua de Monachorum professione contentio anno 1396. resuscitata est. Walterus enim Episcopus exegit, ut Monachi coram

coram ipso professiones facerent. Refragante autem & appellante Conventu, tandem à lite recessit. Obiit Johannes anno 1416.

*Johannes Westington* successit anno 1416. obiit anno 1446. Isto præfidente Thomas Episcopus litem à decessore suo motam de professione Monachorum coram ipso faciendâ renovavit anno 1426. Illi Johannes animosè restitit; & post septennalem litem anno 1433. victoriam tulit. Idem ad manifestandam causæ suæ justitiam scripsit Librum de juribus & possessionibus Ecclesiæ Dunelm. in quo probatur jura & dignitatem Abbatis Priori Dunelmensi competere. Extat is in Bibliothecâ Cottonianâ, *Vitellius A. 9.* Capitulo Generali Ordinis Benedictini in Angliâ apud Northamtunam anno 1426. coacto præfedit.

Jo. Westington in libro de jur. Eccl. Dunelm.

*Willelmus Ebchester*, S. T. D. successit anno 1446. cessit anno 1456.

*Johannes Burnbie*, S. T. D. præfuit ab anno 1456 ad 1464.

*Ricardus Bell*, S. T. B. successit anno 1464. ad Episcopatum Carleol. promotus 1478.

*Robertus Ebchester*, S. T. D. Prioratum obtinuit anno 1478. obiit 1484.

*Johannes Aukland*, S. T. D. successit anno 1484. obiit 1494.

*Thomas Castell*, S. T. D. subrogatus est Johanni anno 1494. præfuit annis 25. teste Historiâ superiore; atque idcirco anno 1519 obiisse censendus est. Qui successit autem, Hugo Prioratum ante annum 1524. non obtinuit. Episcopus itaque Dunelmensis creationem Prioris integro quinquennio distulisse videtur; ut ipse interim redditus Priori debitos in usum proprium converteret.

*Hugo Whitehead*, S. T. D. Priorum ultimus, successit anno 1524. Idem anno circiter 1539. cum Monachis suis Cœnobium Dunelmense Regi transcripsit; & introductis à Rege anno 1540. loco Monachorum Canonicis Sæcularibus, mutato habitu Decanus effectus est.

Reyner. A. post. Ben. append. p. 181.



## ADDENDA & EMENDANDA

### IN PRÆCEDENTIBUS.

#### Ad Historiam Sedis Cantuariensis.

**A**D p. 52. Cuthberti Archiepiscopi obitum in VIII. Cal. Octobr. reponit Obituarium Ecclesiæ Cant. vetustissimum *Nero C. 9.*  
P. 53. III. Cal. Septembr. obiit Feolgeldus Archiepiscopus. Sic habet idem Obituarium.

P. 54. Ethelgarus Archiepiscopus obiit II. Id. Febr. Idem. Obiit Idibus Febr. Obituarium S. Augustini Cant.

*Ibid.* Siricius Archiepiscopus obiit II. Cal. Octobr. Idem.

*Ibid.* Elnothus Archiepiscopus obiit V. Cal. Octobr. Idem.

Pag. 55. Eadfinus Archiepiscopus obiit V. Cal. Octobr. Idem. obiit IV. Cal. Novembr. Obituarium S. Augustini Cant.

*Ibid.* Stigandus Archiepiscopus obiit VIII. Cal. Martii. Obituarium S. Aug. Cant. & Calendarium vetus Saxonice Winton. Ecclesiæ. Obiit. IX. Cal. Martii. Obituarium Eliense.

Pag. 57. Obitus Adami de Chillynden Electi Cant. post Bonifacium Archiepiscopum collocari debet paginâ sequenti.

Reg. Warham.

Pag. 64. Thomas Wells, Episcopus Sidoniæ, Episcopus Suffraganeus Archiepiscopi Cant. ad munia Episcopalia in Diocesi Cant. obeunda, factus est Prior Ecclesiæ S. Gregorii Cant. anno circiter 1505. superfuit anno 1511.

*Ibid.* Richardus Martin, Episcopus ejusdem ante Thomam Wells Suffraganeus, Præfectus erat Cœnobii Minoritarum in urbe Cantuariâ. Testamento anno 1498. condito, plurima Cœnobio suo legavit. Nullum titulum obtinuit, Episcopus Ecclesiæ Catholicæ in Testamento suo appellatus.

Reg. Eccl.  
Cant.

P. 94, 95, 96. Quæ sæpius citatur Osberno inscripta Bregwini Vita debetur Johanni Tinmuthensi, qui illam ex uberiori ejusdem Vitæ per Eadmerum scriptâ contexit; quod in secunda hujus operis Parte pluribus docendum est.

P. 96. Lambertum Archiepiscopum anno 763. die 14. post hiemem mediam consecratum fuisse Annales Saxonici Cantuar. confirmant. Annales autem Sax. Petriburg. id anno 762. die 40. post mediam hiemem factum dicunt.

P. 97. Wlfredus die 21. Julii consecratus dicitur in libro (quem vidi) anonymo parum vetusto. Dies is in Dominicam incidit anno 804.

*Ibid.* Feolgeldus à Textu Rossensi & aliis quibusdam Suidredus nuncupatur.

P. 100. Fragmentum quoddam Historiæ vetustissimæ Abendonienensis in anno 940. terminatæ Episcopos tunc præsidentes in calce (Bedæ exemplo) enumerans, ista habet. *Wlfelmus Archiepiscopus Ecclesiæ Cantuariensi præsidet* ~~hunc~~ Author proximè ante Episcopos enumeratos, Eadmundum Regem Ethelstano fratri anno 940. defuncto successisse retulerat. Ethelstanum autem anno 941. 27. Octobr. obiisse Chronologia Saxonica prodit, Florentius 940. 27. Octobr. feriâ 4. Indict. 14. Numerus Indictionis anno 940. feriâ 941. convenit. Veriorem tamen esse Florentii calculum censeo. Eadmundum enim 946. 26. Maii obiisse uterque concordat; *quinque annis septemque mensibus regni sui peractis*, inquit Florentius, *reoþe healf ȝen* inquit Chronologia Saxonica; cujus calculus à vero abludit, veritati tamen propius accedet, si

si cum Florentio initia Eadmundi anno 940. statuerit. Sic igitur tempora Athelmi, Wlfelmi & Odonis Archiepiscoporum definienda esse arbitror. Athelmus intravit anno 923. vel sequenti; obiit 927. vel 928. Wlfelmus successit, & annis 13. Sedem tenuit, mense Januario vel Febuario anno 941. defunctus. Odo Wlfelmum excepit, & vivis excessit medio anno 958. Obiit ejus die IV. Non. Junii contigisse Textus Roffensis tradit. Quod annos itaque 20. Odoni Historici plures tribuant, huc referendum est; quod Elfini & Brithelmi tempora usque ad Dunstani introitum annumerarint. Illos enim inter Archiepiscopos Cant. pauci recensuerunt.

P. 103. Dunstanum die 14. Cal. Junii obiisse, & Siricium Elfrico precessisse, Textus Roffensis confirmat.

P. 105. Elfricus in Archiepiscopum Cant. electus est anno 995. die Paschæ (viz. 21. Aprilis) apud Ambresberi, fide Annalium Latino-Sax. MSS. Ante annum autem sequentem intronizatus esse non videtur. Atque hinc factum puto, quod in quamplurimis Chartis antiquis, anno 955. datis *Elfricus electus ad Archiepiscopatum Cant.* subscribat.

P. 106. Anno 1019. obiit *Ælfstanus Archiepiscopus, Livingus cognominatus.* Sic Annales Petriburg. Sax. Rectius tamen alii annum 1020. statuerunt.

*Ibid.* Anno 1020. *Ethelnothus Monachus, qui Decanus erat Ecclesiæ Christi Cant. consecratus est Idibus Novembris.* Anno 1022. Romam ivit, & Pallium à Papâ accepit Nonis Octobris. Anno 1038. obiit Calendis Novembr. Ista tradunt Annales Petriburg. Sax. In his autem malè Ethelnothus Monachus fuisse dicitur. Vereor ne & obitus perperam definitus fuerit. Refragantur enim Authores superius adducti; & diem 30. Octobr. statuerunt Annales potiores Latino-Saxonici *Domitian A. 8.*

*Ibid.* Anno 1043. *Edsio Archiepiscopo infirmitate gravi debilitato, Edwardus Rex & Godwinus Comes, ab ipso rogati, Siwardum Abbatem Abendonensem clam acciverunt, aliis omnibus penitus insciis, ne propositum impediretur; & illum Archiepiscopo Coadjutorem dederunt.* Siwardus obiit anno 1050. Eadsius 1051. 29. Octobr. Sic Annales Petriburg. Sax. Anno 1047. Siwardus Episcopus, Archiepiscopi Vicarius, obiit. Post mortem ejus Eadsius Archiepiscopatum resumpsit. Ipse Eadsius obiit 1049. 29. Octobr. Sic Annales Latino-Sax. Ista sententiam nostram de Siwardo prolatam abunde astruunt; de rerum autem singularum temporibus certiora supra attulimus.

P. 107. Anno 1051. *Robertus Archiepiscopus Cant. rediit à Româ cum Pallio in Vigiliâ S. Petri, & in crastino intronizatur.* Annales Latino-Sax. Eodem tamen anno, quo exulavit, viz. 1052. Robertum accepisse Pallium Annales Petriburg. Sax. tradunt.

*Ibid.* Referunt Annales Petriburg. Sax. Stigandum accepisse Pallium anno 1058. Datum illi à Benedicto Antipapâ (qui Papatum 1058. 5. April. iniit) Pallium fuisse constans est Historicorum nostrorum traditio; si Radulphi Dicetensis Indiculum atque alterum ad Chronologiæ Saxonicae calcem excipias. In his enim Pallium à Victore Papâ transmissum dicitur. Rectius autem illi. Stigando enim, quando depositus est anno 1070. crimini datum est, Pallium à Benedicto Antipapâ recepisse.

P. 108. Lanfrancum die 5. Cal. Junii obiisse testatur Textus Roffensis, f. 110.

P. 109. Anselmus Pallium accepit 1095. 4. Id. Junii, teste Eadmero. Obiit 1109. 11. Cal. Maii, attestante Textu Roffensi.

*Ibid.* Radulphus, quem de Turbine Bromtonus cognominat, paralyti in Col. 1403. Normanniâ correptus, nunquam convaluit, sed post biennium obiit 1122. p. 873. 13. Cal. Nov. authore Orderico Vitali. Astipulantur Textus Roffensis & Obituarium S. Augustini Cant.



Bulla Callisti  
H. MS.

P. 110. Willelmus, quem *de Turbine* Bromtonus pariter cognominat, Pallium accepit 1123. 12. Cal. Junii. Hic Sedis Cant. auctoritatem primus labefactavit, & Ecclesiæ Anglicanæ servitutem induxit. Nondum Papa Romanus jurisdictionem aliquam in Angliâ obtinuerat. Plurimum illi honoris atque reverentiæ, utpote primario Orbis Christiani Episcopo, fideique apud nos propagandæ auctori, Angli semper detulerunt; nil autem potestatis permiserunt. Sæpius ab anno 1070. res Ecclesiasticas in Angliâ pro lubitu disponere Papæ tentaverant. Reges autem & Lanfrancus ac Radulphus Archiepiscopi summâ constantiâ repugnantes, eorum conatus irritos fecerant. Nondum aliquis ad Papam appellaverat, neque Legati à Papâ missi Synodos indixerant. Verè *αὐτοκέφαλος* Ecclesia Anglicana erat, in Temporalibus Regi, in Spiritualibus soli Archiepiscopo Cant. subjecta. Potestati Pontificiæ aditum primus fecit Willelmus, suscepto Legati Papalis titulo. Ex quo factum est, ut auctoritas Archiepiscopi à Papâ promanare deinceps crederetur; quæque antecessores sui auctoritate propriâ executi fuerant, iste alienâ exequeretur. Bullam Legationis ex antiquo admodum Bibliothecæ Lambethanæ Codice subnectendam esse duximus.

“Honorius Episcopus, servus servorum Dei, dilectis fratribus & filiis, Episcopis, Abbatibus, Baronibus, & cæteris Clericis & Laicis per Angliam & Scotiam constitutis, salutem & Apostolicam benedictionem. Sponsa Christi sacrosancta Ecclesia, in firmamento Apostolicæ fidei radicata, tanquam devota mater & propitia, consuevit mitibus & humilibus filiis vitæ pabula ministrare, tam iis qui longè positi sunt quàm iis qui propè. Pro-  
“pinqui siquidem per exhibitam sibi nostræ personæ præsentiam, longinqui  
“verò per Legatorum nostrorum ministerium visitantur. Quàm igitur vos  
“tanquam unicos & speciales B. Petri filios fore cognoscimus, Karissimo  
“fratri nostro Guillelmo Cant. Archiepiscopo in Angliâ & Scotiâ vices nostras  
“commisimus. Quatinus constitutus illic à nobis Apostolicæ Sedis Legatus,  
“caritatis vestræ fretus auxilio, ad honorem Dei & S. Romanæ Ecclesiæ,  
“& animarum vestrarum salutem, corrigenda corrigere, & firmanda  
“valeat operante Domino confirmare. Quapropter Universitati vestræ mandando  
“præcipimus; ut ei sicut Legato nostro humiliter obedire, & cum ab  
“eo invitati pro Ecclesiarum statu & Christianæ Religionis incremento fueritis,  
“ad ejus vocationem unanimiter convenire, & Sinodales cum eo studeatis  
“celebrare Conventus. Dat. Laterani VIII. Cal. Februarii.

Ab hoc tempore Archiepiscopus Cantuariensis Sedis Romanæ mancipium factum, Ecclesiæ suæ dignitatem perdidit: quod Willelmus brevi expertus est. Ante exitum enim ejusdem anni Johannes Cremenensis S. R. E. Cardinalis à Papâ in Angliam missus, Concilium Londini habendum indixit, & in eodem præsedit, Archiepiscopo ad inferius subsellium deturbato; cum Legatus ordinarius Legato à latere locum cedere deberet. Anno autem 1131. Innocentius II. Papa Legationem à Willelmo abstulit, & Henrico Wintoniensi Episcopo commisit, Bullâ datâ 1131. 1. Martii. Hac potestate fretus Henricus integram auctoritatem Archiepiscopalem arripuit, Episcopos confirmavit & consecravit, appellationes accepit, Synodos convocavit, convocatis præfuit, causas majores definivit, atque ipsum Archiepiscopum citavit & tribunali suo subjecit. Mortuo quidem Innocentio Papâ Henrici potestas interiit; neve eam Lucius II. Papa renovaret, Theobaldus Archiepiscopus effecit. Ipsi autem Archiepiscopi ad Papæ nutum deinceps spectare coacti, tandem immensâ pecuniæ vi tanquam eximii beneficii loco obtinuerunt, ut Papæ Legati nati in Angliâ constituerentur. Sic unius Archiepiscopi stultitiâ Ecclesiæ Anglicanæ libertas periit; quæ post difficilem quadringentorum annorum luctam ægrè restitui potuit.

Malmsbur.  
hist. Novell.  
l. 2. f. 103.

Jo. Hagustald.  
p. 273.

*Ibid.*

*Ibid.* Post Willelmi Archiepiscopi obitum anno 1136. *Henricus frater Stephani Regis ad regendam Metropolim electus est. Sed quia Episcopus secundum decreta Canonum de propria Sede ad aliam nisi auctoritate Romani Pontificis promoveri nequit; præfatus Præsul Wintoniensis in Adventu Domini mare transfretavit, & Legatis Picenum ad Innocentium Papam missis, in Neustriâ ipse hiemavit.* Sic Ordericus Vitalis Hist. Eccl. p. 908.

*Ibid.* Theobaldo Archiepiscopo præidente, maximam autoritatis jacturam Sedes Cantuariensis fecit. Anno enim 1151. *Eugenius Papa Johannem S. R. E. Cardinalem Presbyterum destinavit Legatum in Hiberniam cum quatuor Palliis; quorum unum dedit Episcopo Dublinensi, & reliqua tria tribus aliis Episcopis, subiciens unicuique eorum qui Pallia acceperunt quinque alios Episcopos. Et hoc factum est contra consuetudinem antiquorum & dignitatem Cant. Ecclesiæ, à qua solebant Episcopi Hiberniæ expetere & accipere consecrationem.* Ex Chronico Normannorum, p. 986.

P. 111. Thomas Cancellarius Regis factus anno 1157. munus abdicavit, quamprimum Archiepiscopatum adeptus est, viz. anno 1162. Hoveden f. 281. Westm. in 1162.

P. 114. Hubertus summus Angliæ Justiciarius anno 1194. renunciatus est. Anno 1198. Monachi Cant. ipsi adversantes ab Innocentio Papâ impetrârunt, ut munus sæculare deponere Archiepiscopo mandaret. Quo facto, Galfri-  
Hoveden.  
Paris &  
Westm.
 dus filius Petri successit. Anno autem sequenti Cancellarius factus Archiepiscopus munus id (quod magis Ecclesiasticum videbatur) diu administravit. Pallium apud Cantuarium accepit 1193. 7. Id. Novembr. Sedit annos 11. menses 8. dies 6. prout habet Certificatio Capituli Cant. apud Historiam Roff. Willelmi Dene f. 73.

*Ibid.* Stephanus Archiepiscopus S. R. E. Cardinalis Presbyter anno 1213. mense Decembri creatus, Cardinalatum usque ad obitum retinuit. Numeratur enim inter Cardinales viventes eo tempore quo Gregorius IX. electus est, sc. anno 1227. Ex Onuphrio p. 138. 142.

P. 116. Chronicon Dovorense, cui magis accedo, Bonifacium Archiepiscopum apud Lugdunum anno 1245. die S. Mauri Abbatis, viz. 15. Januarii, consecratum fuisse refert.

*Ibid.* Johannes Peckham consecratus est 1279. 19. Febr. Temporalia à Rege accepit apud Ambianos in Festo Pentecostes. Intronizatus est in Ecclesia Cant. 1279. 8. Octobr. Intronizatio ipsi constitit duobus millibus marcarum. Quatuor millia marcarum in Curiâ Romanâ, cum ad Archiepiscopatum promoveretur, expendit; & plusquam duo millia marcarum reparationi ædium & maneriorum Archiepiscopatus impenderat ante exitum anni 1284. quamvis antecessor ejus Robertus ablatis secum ex Angliâ quinque millibus marcarum de bonis Cant. Ecclesiæ, Sedem insigniter depauperaverit. Ista docet Registrum Peckham. In Certificatione Capituli Cant. apud Willelmum Dene f. 73. Johannes 1292. 8. Id. Decembr. obiisse dicitur.

P. 117. Robertus Archiepiscopus ab officio & beneficio suspensus est à Papâ 1306. 12. Febr. ab eodem in integrum restitutus 1308. 22. Jan. Spiritualium interim & Temporalium Sedis Cant. administrationem Willelmo Testæ Archidiacono Aravenfi & Petro Analnini Canonico Burdegalensi, suis in Angliâ Quæstoribus, Papa commisit. Obiit Robertus 1313. 5. Id. Maii, horâ vespèrarum, die Veneris, apud Otteford; sepultus in Ecclesiâ Cant. 10. Cal. Junii. Registr. Ecclesiæ. Cant.

P. 118. Simon Mephram electus est 1327. 3. Id. Dec. electioni consensit apud Cicestriam 12. Cal. Jan. Rex assensum adhibuit apud Lichfeldiam 1328. 2. Jan. Electus iter ineuns versùs Curiam Romanam pro confirmatione, transfretavit apud Dovoram die 17. Januarii. Confirmatus est à Johanne XXII. Papâ 1328. 27. Maii, consecratus à Petro Episcopo Prænestino apud Avinionem in Ecclesiâ



Fratrum Prædicatorum die 5 Junii, & quarto post die Pallium accepit. Redeuns applicuit apud Dovoram die 5. Sept. Temporalia accepit a Rege apud Linnam die 19 Sept. Intronizatus est 1329. 11. Cal. Febr. *Registrum aliud Eccl. Christi Cant.*

*Ibid.* Johannem Stratford Papa providit de Archiepiscopatu Cant. 1333. 1. Decembr. non virtute postulationis Capituli Cant. sed proprio suo motu. Ita habet Adamus Merimuth in Continuatione Florilegi. Veriorem tamen esse Registri Cant. calculum nequaquam dubito. De Cancellariatu & Thesaurariatu istius Archiepiscopi vide supra, p. 317.

Dugd. Orig.  
Jur. Reg. Rad.  
de Salopia  
Well.

*Ibid.* Johannes de Offord, summus Angliæ Cancellarius creatus, magnum Sigillum accepit 1345. 26. Octobr. Canonicus Wellensis admissus est 1347. 26. Febr. In Missâ Benefactorum Academiae Cantabrig. orabant pro Magistro de Offord Cantuariensi Electo: ut illum studiis apud Cantabrigiam incubuisse neutiquam sit dubitandum. Alium tamen fuisse Johannem cognominem, Comitis Suffolciani filium, opinor. In Registro enim Langham ad annum 1366. sic legitur *Johannes de Vfford, filius Comitis Suffolcie, Incceptor in facultate Artium, in Studio generali Cantebrigia, ut Scholaris moram trahens ibidem, obtinet Ecclesiam de Hengham in Diocesi Norwicensi, & Prabendam de Slesford in Ecclesiâ Lincolnensi.*

Reg. Norwic.

P. 119. Simon Islip Archidiaconus de Stow erat anno 1332. Vicarius generalis Episcopi Lincolnensis 1337. Canonicus & Officialis Lincolnensis 1338. Ex Academia Cantabrigiensi prodiisse videtur. In Missâ enim Benefactorum ejus commemoratur. Intronizatus est in Ecclesia Cant. 1350. 1. Augusti. Obiit 1366. 26. April. die Dominicâ, sepultus die Veneris sequenti, juxta Chronicon breve Cœnobii de Hales.

Wil. Dene.

*Ibid.* Simon Langham, Cardinalis Presbyter titulo S. Xysti ab Urbano V. creatus est 1368. 21. Sept. juxta Onuphrium, die 23. Sept. juxta Birchingtonum in Historiâ M. S. de Pontificibus Romanis. Obiit apud Avinionem 1376. 22. Julii, ex Onuphrii fide. Ossa postmodum in Angliam delata, & apud Westmonasterium sepulta esse dicuntur.

Jocelin p.  
252.

Galba E. 7.

P. 120. Simonem Langham post Willelmi obitum à Monachis iterum electum fuisse plura monumenta confirmant. Sic enim Chronicon insigne Eulogium dictum. Anno 1374. Simon Langham, Cardinalis S. Praxedis, venit in Angliam nuncius Papæ; & citò post Papa & Cardinales ipsum per literas graviter reprehendebant, pro eo quòd ipse derogando præeminentia suæ & Curia Romana suum deposuit caputium Regi Angliæ. Qui non potuit excusare, quousque rediret, & testimonio sufficienti ostenderet, quòd non nisi medietatem caputii ponebat. In redeundo autem singulis Monachis Cantuariensibus dabat aurum. Paulò post reditum defuncto Willelmo Archiepiscopo, ipsum Monachi in Archiepiscopum elegerunt. Sed reclamante Rege, electioni suæ renunciare coactus est. Paria habet Monachus Eveshamensis in Continuatione MS. Polychronici. Anno 1374. 5. die mensis Julii (rectius die 5. Junii, die Lunæ; id enim testatur ipse Witlesey Registrum) obiit Willelmus Witlesebeye Archiepiscopus Cant. Unde Monachi Ecclesiæ Christi Cant. ad eligendum licentiam Regis adepti, Cardinalem Angliæ, qui prius dictæ Ecclesiæ præsidebat, in Archiepiscopum postulârunt. Propter quod factum Rex contra prædictos Monachos tantâ exarsit in irâ; quòd procurantibus amulis omnes Monachos dictæ Ecclesiæ disposuit exlegisse. Hinc plurimùm erant vexati, & multa bona expenderunt; antequam super illo facto benevolentiam Regis recuperarent. Tandem Rex postulationi factæ de Cardinali nullo modo voluit consentire; sed nec Papa, nec Cardinales. Willelmus intronizatus fuerat 1369. 15. Junii. Obiit apud apud Lametham 1374. 5. Junii die Lunæ. Electus est Simon Episcopus Prænестinus S. R. E. Cardinalis in Archiepiscopum 1374. 30. Junii. Ex Registro Ecclesiæ Cant.

P. 121. Simon Sudbury Cancellarius Angliæ factus est 1380. 30. Januarii. Obiit illius 1381. 14. Junii contigisse Registrum Ecclesiæ Cant. confirmat. *Ibid.*

4

*Ibid.* Willelmus Courtney electus est 1381. 30. Julii. Obiit 1396. 31. Julii in manerio de Maydenston; sepultus in Ecclesiâ Cant. die 4. Augusti ex præcepto Regis apud Cantuariam tunc existentis. Ista prodit Registrum Ecclesiæ Cant. Ultima itaque ipsius voluntas, quâ apud Maydenston sepeliri voluit, effectum sortita non est. In testamento antea condito corpus suum in Ecclesiâ Exoniensi coram summâ Cruce sepeliendum legaverat; multa itidem Ecclesiæ S. Martini de Exmynster, ubi se natum dicit, donaverat.

*Ibid.* Thomas Arundell electus est 1396. 7. Augusti, fide Registri Ecclesiæ Cant. Anno sequenti sententiâ Parlamenti bonis exutus & perpetuo exilio damnatus die 15. Sept. ex Angliâ fugit. Eundem anno 1398. sub initium Februarii Bonifacius Papa ab Archiepiscopatu Cant. ad Santandream in Scotiâ invitum transtulit; & Rogerum Walden Archiepiscopum Cant. renunciavit. Translationi Thomas minimè acquievit; sed Ricardo Rege post medium annum 1399. exauthorato, Archiepiscopatum recepit. Qua de re vide plura in Rogero Walden apud Episcopos Londinenses. Anno 1407. die 30. Januarii Thomas summus Angliæ Cancellarius constitutus est. Id officium anno 1410. mense Januario dimisit. Moriens in supremis tabulis legavit 6008. lib. 12. sol. 7. den. Contin. Hig. deni.

P. 122. Registrum quoddam Ecclesiæ Cant. Henricum Chichley 1443. 12. Martii obiisse perperam refert.

P. 123. Johannes Kemp Cancellarium Angliæ 1450. 31. Jan. obtinuit, neque ante obitum dimisit. Moriens reliquit 4069. lib. 18. sol. 8. den. Reg. Eccl. Cant.

*Ibid.* Post Johannis Archiepiscopi obitum Rex licentiam eligendi Monachis Cant. dedit 1454. 8. April. Thomas electus est eodem mense. Cancellarius Angliæ creatus est 1455. 7. Martii; eo munere exauthoratus anno sequenti, sigillum Regi tradidit 1456. 11. Octobr. Pesbyter Cardinalis titulo S. Cyriaci in Thermis à Paulo II. Papâ renuntiatus est 1465. 18. Sept. Testamentum condidit 1486. 27. Martii. Corpus in Ecclesiâ Cant. in choro ex parte boreali magni altaris sepeliri voluit. Ecclesiæ Cant. legavit imaginem S. Trinitatis de puro auro conflata, & multas gemmas, successori suo in dilapidationum compensationem 2000. libras, Ecclesiæ Wigorn. imaginem B. Mariæ de argento deaurato fabricatam valoris 69. librarum, Ecclesiæ Eliensi 200. marcas, innumera ferè plurimis Monasteriis & Ecclesiis, centum libras Universitati Oxon. ac totidem Cantabrigiensi, pauperibus Scholaribus gratis commodandas, & in hunc finem in cistâ peculiari asservandas. Obiit in Palatio Archiepiscopali apud Knoll 1486. 30. Martii die Jovis. Pecuniam sibi legatam Academia Cantabrig. post annos ferè 30. ægre obtinuit. Id. Claus. 35. H. 6. m. 10. dorso. Reg. Eccl. Cant. Onuphrius p. 315.

*Ibid.* Johannes Morton Cancellarius Regis constitutus 1487. 8. Augusti, id muneris usque ad obitum gessit. Cardinalis titulo S. Anastasii ab Alexandro VI. Papâ creatus est 1493. 20. Septembris. Obiit apud Knoll 1500. 15. Sept. die Martis. In supremis tabulis corpus in Ecclesiâ Cant. coram imagine B. Virginis tumulari iussit. Ecclesiæ Eliensi crucem pretiosam & mitram argenteam deauratam legavit. In Ecclesiâ etiam de Beer in Comitatu Dorsetensi (ubi natus est) Cantariam pro 20. annis fundari voluit. Exhibitiones itidem lautas 20. pauperibus Scholaribus in Academiâ Oxon. & 10. in Academiâ Cantabr. ad 20. annos post mortem suam dari iussit. Dugdal. p. 74. Onuphrius p. 333. Reg. Eccl. Cant.

P. 124. Henricus Dene, veriùs Denny, electus est 1501. 26. April. provisus ab Alexandro VI. Papâ 1501. 26. Maii. Obiit 1503. 16. Febr. Corpus in Ecclesiâ Cant. in martyrio S. Thomæ sepeliri præcepit. Cancellarium Angliæ 1500. 13. Octobr. adierat, nec ante obitum dereliquit. Reg. Eccl. Dugdal. p. 76.

*Ibid.* Willelmus Warham Henrico in Cancellariatu pariter ac Archiepiscopatu successit. Cancellarius esse desiit anno 1515. mense Decembri. Id. p. 80.

*Ibid.* In fine Dissertationis addantur ista. THOMAS CRANMER, Archidiaconus Tauntonensis, provisus est à Clemente VI. Papâ 1533. 21. Febr. Reg. Cranmer. f. 1. 3. 5.



Pallium à Papâ transmissum est die 3. Martii sequentis. Consecratus est in Capellâ S. Stephani in Palatio Regio Westmonasteriensi à Johanne Lincolnienſi, Johanne Exoniensi & Henrico Aſaphenſi Episcopis 1533. 30. Martii. Antequam consecrationem acciperet, protestatus est ibidem, protestatione penès Notarium publicum depositâ, se juramento fidelitatis Papæ faciendo astringi nolle, quo minùs faceret quicquid Deo vel Regi vel Ecclesiæ deberet.

P. 127. l. 19. De Elfrici Archiepiscopi Cant. doctrinâ insigne testimonium Annales Latino-Saxonici exhibent his verbis. *Iste vir fuit prudens valde; ita ut illo in tempore nullus sapientior haberetur in Angliâ.*

P. 130. l. 39. Primam Chronologiæ Saxonice partem in anno 975. terminari confirmat Codex optimus Cottonianus Tiberius A. 6. qui in ipso hoc anno clauditur.

P. 135. Nescio annon fidem mereatur Registrum quoddam Ecclesiæ Cant. quod de antiquo Ecclesiæ Cant. statu ista habet. Anno 598. S. Augustinus dedicavit Ecclesiam Christi Cant. & ibidem Monachos instituit. Anno 829. omnes Monachi Cant. præter quinque mortui sunt. Anno 870. mortuus est Chelnothus Archiepiscopus Cant. qui introduxit Clericos Ecclesiæ Christi Cant. in adjutorium quinque Monachorum superviventium post mortalitatem antedictam. Sed Edelredus successor ejus expulit eosdem ab Ecclesia Christi, & complevit numerum Monachorum. De Clericis ex Ecclesiâ Cant. paulò post annum 1000. ab Alfrico Archiepiscopo ejectis proluxa satis narratio extat in Annalibus Latino-Saxoniciſ Domitian A. 8. Eam autem caractere præ vetustate fatiſcente perlegere non potui. Id solum deprehendi, quòd Elfricus ad Archiepiscopatum promotus, ubi Doroberniam venisset, receptus est à tali ordine Clericorum, à quo minùs vellet. Cogitavit igitur multum secum tractans, quali modo posset ejicere Clericos. Missis demum ad Papam nunciis, & autoritate Papali adhibitâ, Clericos ejecit, Monachos induxit 5. Idus Junii.

Ibid. Decanis adjungendi sunt Ægelricus, qui ad Episcopatum Ciceſtrenſem anno 1058. electus, Godrico locum dedit. Godricus Romam à Stigando Archiepiscopo legatus, Pallium ipsi à Benedicto Antipapâ transmissum detulit. Elfwinus, qui in Obituario Cant. vetustiori die 5. Id. Martii obiisse memoratur. Elfwinus alter 2. Id. Decembr. obiisse ibidem dicitur. Is itaque non alius ab Alſino fuit.

Ibid. l. 16. Argumentum à Decani titulo ductum nimis leve est. Postea enim didici Decani titulum Ecclesiarum Cathedralium Prioribus ad medium usque Sæculum duodecimum aliquoties concessum fuisse. Henricus itaque Decanorum ante-Normannicorum Catalogo eximendus est.

Hist. Eccl.  
p. 505.

P. 136. Henricum ex Priore Cantuariensi Abbatem S. Martini de Bello factum fuisse mihi demum certissimè constitit. Id testantur Ordericus Vitalis & Chronicon vetustum Cœnobii de Bello. Abbas à Willelmo II. Rege anno 1096. creatus est, suadente Anselmo Archiepiscopo, installatus die 11. Junii. Obiit 1102. 14. Cal. Julii. Quinimo Henrici obitum in Obituario Cantuariensi postea inveni. XIV. Cal. Julii obiit pia memoria Henricus Abbas de Bello.

Ibid. De Conrado ista habet Johannes de Oxenedes in Chronico S. Benedicti de Hulmo. Conradus, Sacrista Ecclesiæ Cant. & Henrici Regis Confessor, Abbas S. Benedicti de Hulmo factus, Abbatiam rexit hebdomadibus XVIII. & obiit anno MC XXVII. XIII. Cal. Martii. Prioratum itaque Canruariensem Conradus anno 1126. dereliquit.

P. 137. De Gaufrido Priore frequens mentio mihi postea occurrit. Chartam enim Radulphi Archiepiscopi Monachis Roffensibus datam inter alios confirmant Herewisus Archidiaconus Cant. Gaufridus Prior, Eadmerus Monachus Cant. in Textu Roffensi f. 180. Obitum ejus tribus locis commemorat Obituarium

tuarium Cantuariense. Sic enim ad V. Idus Junii habet. *Obiit Dominus Godfridus, Abbas de Dunfermelyn, quondam Monachus Ecclesie nostre.* Sic etiam ad II. Id. Octobr. & III. Non. Octobr. Eundem Obituarium Cant. vetustius sic memorat. *II. Id. Octobr. obiit Gaufridus Abbas de Dunfermelin.* Nero c. 9. Illum anno 1154. obiisse Chronicon S. Crucis Edinburg. docet.

*Ibid.* Elmeri obitus in Obituario S. Augustini Cant. sic notatur. *XVII. Cal. Junii obiit Elmerus Prior Ecclesie Christi Cant.*

P. 138. Exulante S. Thomâ Prioratus per Wiberti obitum vacavit. Monachi tunc Cantuarienses Archiepiscopo inconsulto Priorem sibi dari à Rege postulârunt. Regis itaque beneficio Odo Prioratum accepisse videtur. Monachorum levitatem Johannes Sarisburiensis in Epistolâ quadam (quæ inter S. Thomæ Epistolas reperitur) acriter castigat, his inter alia verbis L. 1. ep. 36. *Multi dicunt, quod Monachi Cant. hoc quasi hereditarium habent, ut Archiepiscopos suos odirent. Et ut verbo faciam fidem, Anselmo, inquit, bis pro justitiâ exulanti nichil unquam solatii contulerunt; contempserunt Radulphum, oderunt Willelmum, Theobaldo tetenderunt insidias; & ecce nunc Thomam gratis insatiabiliter persequuntur.* Odo ad Abbatiam de Bello medio anno 1175. Hist. de Bello. electus, installatus est die 4. Augusti. Obitum ejus die 12. Cal. Febr. Obituarium S. Augustini Cant. reponit.

*Ibid.* Alanus Abbas Theokesbiræ factus est anno 1187. juxta Annales Teoke bir. & Winchelcumb. 1186. juxta Gervasium & Annales Waverleien- ses. Obiit 1202. Nonis Maii, fide Annalium Teokesbir. Annis autem 18. hebdomadibus 25. in alio Chronico Teokesbir. præfuisse dicitur.

P. 139. Galfridi Prioris obitum in Cantuariensi prætermis- sum Obituarium Cœnobii de Crokefden exhibet. *XVII. Cal. Julii obiit Galfridus Prior Ecclesie Christi Cant.*

*Ibid.* Dubium mihi adhuc manet, utrùm Johannes de Sittingburn Wal- tero III. Priori præcesserit ane successerit. In Historiâ enim Thomæ Caw- ston de Monachis Cant. Johannes de Sydynborne Prioratum anno 1207. te- nuisse dicitur. Contra Annales Lewenses sic habent. *Anno 1222. obiit Wal- terus Prior S. Trinitatis Cant. successit M. Johannes de Sidingeburne.* Horum Annalium fides Thomæ Cawston Historiæ anteponi debet. Illi enim circa annum 1260. ista autem circa 1486. scripti sunt. Waltero III. itaque præponendus est Johannes alter, quem de Chetham cognominatum esse ar- bitramur, subjiciendus Johannes de Sittingburn. Atque is erat, quem in Archiepiscopum Cant. Monachi post Stephani Langton obitum elegerunt. Electum Rex confirmavit 1332. 22 Maii. Hunc ex corrupto Parisii loco Pat. 16. H. 3. m. 7. P. 361, 362. Subpriorem fuisse nonnulli scripserunt. Idem autem Parisius illum alibi Priorem bis appellat.

P. 140. Nicolaus de Sandwico electus est 1244. 1. Novembr. Prioratum Supra p. 175 Chron. Do- vor. Tho. Caw- ston. Chron. Do- vor. abdicavit anno 1258. Præcentor Ecclesie Cant. à Bonifacio Archiepiscopo factus est 1262. Obiit 1289. 13. Cal. Octobr.

*Ibid.* Nicolao anno 1258. cedenti successit Rogerus de S. Elphego, atque obiit 1263. 29. Sept.

*Ibid.* Bonifacio Archiepiscopo in exteris agente tempore obitus Rogeri Pri- oris, Monachi Cant. ad Priorem eligendum convenientes, suffragia sua sigillo communi obferata ipsi transmiserunt. Quibus acceptis, Archiepiscopus Ada- mum Priorem apud Ambianos renunciavit 1264. 24. Januarii. Decretum Bonifacii autographum in Archivis Lambethanis asservatur.

P. 141. Thomas de Ryngmere, Ordine demum Cisterciensi relicto, vitam Reg. Win- chelse. eremiticam duxit, licentiâ Archiepiscopi ad id impetratâ anno 1305.

*Ibid.* Henricus de Estria obiit anno 1331. post Pascha; vir strenuus & pius, qui religiosam vitam duxit usque in finem perseverando, & ideo pio fine requievit. Verba sunt Willelmi Dene in Historiâ Rossensi.



P. 142. Simon Archiepiscopus in Capitulo Ecclesiæ Cant. præfens Ricardo de Oxinden à Monachis die hesterno inter alios plures nominato Prioratum contulit 1331. 26. April. teste Registro *Mephram* inter Collectanea Doctoris Yale.

*Ibid.* Ricardi Gillingham Prioris obitus Archiepiscopo nunciatus est apud Cranbrok 1376. 31. Julii, teste Registro *Sudbury*.

*Ibid.* Stephanus Mongeham electus est 1376. 10. Sept. obiit 1377. mense Junio. Ex eodem Registro.

*Ibid.* Johannes Finch electus est 1377. 25. Julii, obiit 1391. 25. Januarii. Ex Registris *Sudbury*, *Courtney*, & Ecclesiæ Cant.

*Ibid.* Thomas Chillinden, discipulus Johannis Wodnysbergh successoris sui, electus est 1391. 14. Febr. Ex Registris *Courtney* & *Molash*.

P. 143. Johannes Woodnesbergh, obiit anno 1427. (exeunte) die Sabbati, penultimo die mensis Februarii, litera Dominicali C. anno bissextili, circa horam tertiam post mediam noctem in camerâ suâ vocatâ Le Gloriet; qui honorificè Prioratum dictæ Ecclesiæ magnis sumptibus & expensis rexit 16. annis, 6. mensibus & 9. diebus. Sic habet Registrum *Molash*. Henricus Sutton tunc erat Subprior Ecclesiæ, & alter Johannes Wodnysbergh Custos Collegii Cantuariensis in Academiâ Oxoniensi.

Reg. Molash. P. 144. Willelmus Molash electus est 1428. 31. Martii, feriâ 4. proximâ  
Tho. Caw- ante Cœnam Domini, installatus die 2. Aprilis, anno Monachatus sui tri-  
ston. cesimo.

Reg. Molash. *Ibid.* Johannes Sarisbury, Custos Collegii Cantuariensis apud Oxoniam  
Reg. Eccl. anno 1428. constitutus, Prior Ecclesiæ Cant. electus est 1438. 6. Martii.  
Cant. Obit ineunte anno 1446. paulo post diem 25. Martii; si Registro *Stafford* fides.

*Ibid.* Johannes Elham electus est 1446. 13. April. obiit 1449. 20. Febr. fide Registri *Stafford*.

*Ibid.* Thomas Goldston Electus est 1449. 9. April. Ex Registro *Stafford*.

P. 150. Nullos fuisse ante Lanfranci tempora Archidiaconos Cantuarienses Fragmentum à nobis editum tradit. Florentius tamen & Florilegus Almarum Archidiaconum Cant. urbem Cantuariam Danis anno 1011. prodidisse referunt; & Hamonem quendam Edwardo Confessore imperante Archidiaconum fuisse Harpsfeldius scribit. Archidiaconos sanè in Ecclesiâ Cant. hoc tempore fuisse non malè perhiberi potest. Primus autem Lanfrancus jurisdictionem & redditus insignes, quibus postea potiti sunt, ab Episcopis S. Martini detractam illis contulit. Ex his Episcopis unicus mihi occurrit Godwinus; quem Annales Petriburg. Sax. anno 1061. obiisse testantur; ejusdemque obitum Obituarium S. Augustini Cant. sic memorat: VII. Id. Martii obiit Godwinus Episcopus S. Martini. Post Lanfranci institutionem præclara erat Archidiaconi Cant. dignitas & autoritas; adeò ut Synodo Londinensi Anschitillus Archidiaconus Cant. anno 1075. interfuerit, & ante omnes Abbates proximo post Episcopos loco subscripserit. Archidiaconorum Cantuariensium successionem dabunt Harpsfeldius (ipse Archidiaconus Cant.) in *Historiâ Eccl. Angl.* & Somnerus in *Antiquitatibus Cantuar.*

Hist. Eccl.  
Angl. p. 242.

Concil. Angl.  
tom. 2.

P. 159. l. 14. Rectè MLXVIII. pro MXLVIII. legendum esse conjicitur. Bellum enim in Bleodunâ anno 1068. gestum esse Annales Theokesbir. testantur.

#### Ad Historiam Sedis Wintoniensis.

P. 195. Nomina Episcoporum Wintoniensium Saxonice sic legenda sunt ex Textu Roffensi & aliis. *Danihel*, *Humfrith*, *Cyneheard*, *Ærthelheard*, *Eggbald*, *Dudd*, *Cynebriht*, *Ealhmund*, *Wigthegin*, *Herferth*, *Eadhun*, *Helmstan*,

*stan, Suithum, Ealhferth, Tumberht, Denewlph, Frithestan, Byrnstan, Ælfheah, Ælsige, Ædhelwold, Ælfheah.* Ex his Wygbryght five Wigthegin Monachus Glastoniensis fuisse & anno 836. obiisse dicitur in Historiâ Glastoniensi apud Monasticon. Hujus autem Historiæ Chronologiam ubique ferè falsam esse deprehendi. Majore fide digni sunt Annales Petriburg. Sax. qui eundem (Episcopum tunc Wintoniensem) anno 812. Romam in comitatu Wlfredi Archiepiscopi profectum fuisse referunt. Tom. I. p. 8

P. 210. Frithestanus Episcopus die 10. Septembris obiit. teste Calendario Ecclesiæ Wintoniensis vetusto. De ordinatione septem Episcoporum à Plegmundo factâ vide certiora supra, p. 554.

P. 214. *lin. ult.* De Athelstani Regis obitu vide certiora in additamentis ad pag. 100.

P. 226. Kenulphum anno 1006. obiisse Annales Petriburg. Saxon. confirmant.

P. 227. Alsinus Episcopus Saxonice Ælsige nuncupatur. Obitum ejus Annales Petriburg. Sax. sic expriment. Anno 1032. Ælsige Episcopus Winton. obiit; cui successit Ælfwine Regis Capellanus.

P. 235. Alwyni Episcopi obitum Annales Petriburg. Sax. notant. Anno 1048. (rectius 1047.) Ælfwine Episcopus Winton. obiit 4. Cal. Septembr. Sic etiam Obituarium S. Augustini Cant. IV. Cal. Septembr. obiit Ælwinus Episcopus Wintoniensis.

P. 278. Willelmum Giffard Annales Petriburg. Sax. 1129. 8. Cal. Febr. defunctum esse confirmant. Die autem 10. Cal. Febr. obitum ejus contigisse Annales Winchelcumbenses & vetustum Ecclesiæ Winton. Calendarium tradunt.

P. 301. Ricardus Episcopus *de Ivelcestriâ* passim cognominatur in Epistolis S. Thomæ, adversus quem pro Rege Henrico strenuè decertavit; quo nomine ab Archiepiscopo excommunicatus est anno 1169. Ibid. I. 1. Ep. 138.

P. 302. Godefridum die 11. Septembr. obiisse confirmant Annales Prioratûs de Suthwerk.

P. 305. Petrus de Rupibus, *de Roches* in libro Taxationis Winton. dictus, consecratus est 1205. 7. Cal. Octobr. obiit apud Farnham 1238. 5. Id. Junii, fide Annalium de Suthwerk. De Ricardi Mariscani electione vide certiora supra in Historiâ Episcoporum Dunelm. p. 732.

P. 311. Johannes Episcopus in Libro Taxat. Winton. appellatur Johannes Gervais de Exoniâ. Erat sc. Gervasii filius. Hinc deceptus Godwinus illum de Gernsey cognomen traxisse scribit.

P. 315. Robertus Bathon. Episcopus in Episcopum Winton. à Monachis postulatus est 1280. 21. Martii, teste Chronico Wigornienfi. Johannes de Pontois autem consecratus est apud Urbem-Veterem per Ostiensem & Velletrensem Episcopos anno 1282. tradente Registro Wintonienfi.

P. 316. Rigaudus de Asserio Temporalia accepit à Rege 1320. 16. April. renunciato prius in scriptis omni jure, quod prætextu Provisionis Papalis in Temporalia Episcopatûs habere posset, seque illa ex solâ Regis liberalitate accipere protestatus. Ex instrumento autographo.

*Ibid.* Johannis de Stratford successionem Stephani Birchingtoni (in Historiâ MS. de Pontif. Rom.) verbis dabo. Anno MCCCXXI. vacavit Ecclesia Wintoniensis per mortem Rigaldi de Asserio in Romanâ Curia decedentis die XI. Aprilis. Cui Episcopatu Papa providit de M. Johanne de Stratford L. D. Archidiacono Lincolnienfi, in Romanâ Curia tunc presente, contra Scotos per Regem Angliæ destinato. De qua quidem Provisione Apostolicâ Rex Angliæ fuit graviter offensus, pro eo quod ipse Rex Papa pro M. Roberto de Baldok Cancellario suo scripserat pro dicto Episcopatu conferendo. Sed literæ regiæ ad Curiam Romanam venerant nimis tardè. Et \* quia idem novus Winton. Episcopus de Curia recesserat; 1. quum rat;



rat; statim in adventu suo in Angliam Rex fecit eum citari per Brevia sua ad respondendum sibi de contemptu; & per biennium & amplius sic vexavit eundem, antequam gratiam Regis habere poterat vel sui Temporalia Episcopatus.

P. 317. Adamus Episcopus apud Farnham obiit anno 1345. omnino cæcus, auctore eodem Birchingtono.

*Ibid.* Willelmus de Edyndon consecratus est apud Otteford 1346. 14. Maii, præsentibus Radulpho Londinensi & Roberto Cicestrensi Episcopis, teste eodem. Willelmus in Missâ Benefactorum Academia Cantabrigienfis commemoratur.

P. 281.

Walsingham,  
p. 396.

P. 318. Tempus Cardinalatûs Henrico Episcopo donati ex Onuphrii Catalogo accepimus. Cardinalitas infulas Henricus apud Calesiam 1427. 2. Febr. induisse dicitur in Chronico MS. Caxtoni, die 25. Martii in Chronico ejusdem vulgato. Dignitatem Cardinalitiam à Martino V. Papâ ante 8. annos impetraverat in Concilio Constantiensi. Ad Concilium siquidem venit 1417. 31. Octobr. Mense sequenti Martinus Papa electus est. Die 28. Decembris Martinus editâ in Concilio Bullâ Henricum tunc præsentem Cardinalem renunciavit (nullo tamen assignato titulo) & Legatum suum in Angliâ, Walliâ & Hiberniâ constituit; seque creationem tempore opportuno publicaturum & insignia Cardinalitiae ipsi missurum esse in eâdem promisit. Extat ea inter Epistolas Bekintoni. Henricus autem Archiepiscopus Cant. scriptâ ad Regem egregiâ Epistolâ (quæ apud Arthurum Duck in *Vitâ Chichleii* prostat) injuriam potestati Regiæ & Archiepiscopali exinde factam conquestus, Regi author erat, ut Henrico Wintoniensi Cardinalis aut Legati dignitatem interdiceret. De functo demum Rege, utramque dignitatem Henricus anno 1426. recepit.

*Ibid.* Willelmus Waynflet Rege petente à Monachis Wintoniensibus electus est 1447. 17. April. antequam à Papâ provideretur. Id Buddenus ex Registro Ecclesiæ Winton. docet in *Vitâ Waynfleti*.

Pat. 20 H. 8.  
par. 1.

P. 319. Thomas Wolsey Cardinalis Temporalia Episcopatus Winton. accepit à Rege 1528. 4. Maii.

P. 324. l. 22. Post Gaufridum III. Priorem isti sunt addendi. *Ingulfus* Prior erat anno 1127. quando Willelmus Episcopus Cartam suam Monachis Winton. dedit. Eundem ad Abbatiam Abendoniensem medio anno 1130. electum esse Historia Abendonienfis refert. Illi successisse videtur *Robertus*, Monachus Lewensis; quem ab Henrico Episcopo accitum ad Prioratum Winton. administrandum, ac postea Glastoniam ab eodem transmissum, & ad Episcopatum demum Bathoniensem anno 1135. evectum esse Historia Wellensis tradit.

### Ad Historiam Sedis Roffensis.

Eadmer. Hist.  
Nov. p. 114

P. 343. Johannes I. Episcopus Roffensis, Radulphi Archiepiscopi nepos, Archidiaconus Cantuariensis medio anno 1115. ab eo factus est. Anno 1119. Concilio Remensi interfuit, & adversus Thurstini Archiepiscopi Ebor. consecrationem à Papâ faciendam animosè protestatus est.

P. 344. Walterum Episcopum Petrus Blesensis (in Epistolâ 56.) severe exagitat; quòd neglectâ commissi sibi populi curâ, vitam integram venationi vir octogenarius impenderet; atque illi verendum esse denuntiat, ne Legatus Papæ quàm proximè venturus in ipsum animadvertat.

Ad Quadri-  
logii calcem.

P. 346. De Gilberto Episcopo ista habet Liber de gestis S. Thomæ post martyrium, cap. 9. *Clericus erat S. Thomæ Gilbertus de Glanvilla, natione Anglus, formam habens conversationis bonæ & honestæ, & omnium inter quos conversabatur bonorum moribus se conformans, & in utroque Jure solertiam commendabilem affectus. Hic postquam B. Thomæ semel adhasit, deinceps non deseruit, &c. jam in Episcopum Roffensem assumptus.*

P. 347.

P. 347. Benedictus Episcopus obiit anno 1226. die 21. Decembr. sepultus, fide Annalium Prioratûs de Suthwerk.

P. 348. Quæstio quæ inter Archiepiscopum Cant. & Monachos Roffenses de electione Episcopi vertebatur, optimè constabit ex Gregorii Papæ Bullâ, quam ex autographo descripsi. "Gregorius Episcopus, servus servorum Dei, dilectis filiis Priori de Dunestaple, Archidiacono de Barcheshire, & Decano de Flemstede, Lincoln. & Sarum Diocesis, salutem & Apostolicam benedictionem. Venerabilis frater noster Cant. Archiepiscopus suâ nobis insinuatione monstravit, quod cum ordinatio Episcopatûs Roffensis ad eum immediate pertineat, ita quod Ecclesiâ Roffensi vacante non licet ejus Capitulo eligere sibi vel postulare Pastorem; bonæ memoriæ Stephanus prædecessor suus prædictum Capitulum semel & iterum eligere sibi permisit Episcopum, in enorme ipsius præjudicium & grave sui dispendium dignitatis, se ignorasse jus suum, & propter hoc permisisse illos eligere asseverans. Quare dictus Archiepiscopus postulavit à nobis; ut cum talis ignorantia prædicti prædecessoris sui in ejus præjudicium redundare non debeat, sibi super hoc providere misericorditer dignaremur. Quia verò nobis non constitit de præmissis, Discretioni vestræ per Apostolica scripta mandamus; quatinus vocatis qui fuerint evocandi, inquiratis super his appellatione remotâ sollicitè veritatem, & quod inveneritis, per vestras nobis literas intimetis; ut ex vestrà relatione sufficienter instructi, procedamus exinde, prout secundum Deum viderimus procedendum. Dat. Anagninæ IV. Id. Septembr. Pontificatûs nostri anno IX. [viz. Christi MCCXXXV.]

P. 379. Johannes de Botlesham Episcopus in Catalogo Benefactorum Academiæ Cantrabrig. memoratur. Dedit Academiæ 20. libras, & cuilibet ejusdem Collegio 20. libras; & Petrensibus Scholaribus (quorum erat Præses, quando in Episcopum electus est) omne suos Juridicales libros legavit.

P. 381. Johannes Alcock, tunc Roffensis Episcopus, Vicariam de Castre Dioc. Norwic. 1473. mense Julio in Norwicensis Episcopi manus resignavit; ejusque loco Ecclesiam de Wrensham accepit 1474. 28. Maii. Ex Registro Norwic. 12.

#### Ad Historiam Sedis Norwicensis.

P. Aginâ 403. Fœlicem anno 12. Annæ Regis obiisse Thomas Eliensis refert. Ex ejusdem calculo Anna regnare cœpit anno 637. Florentius autem & alii Annam regnum anno 636. adiisse scribunt; adeò ut Fælix anno 647. perbene obire potuerit.

P. 404. In antiquâ Collectione Professionum Archiepiscopo Cant factarum, Cleopatra, C. 1. habetur Professio Tidfredi Episcopi, Ethelardo Archiepiscopo Cant. facta. Tidfredus itaque Episcopatum Domucensem non ante annum 793. accepisse videtur. Ibidem legitur Professio Ethelwaldi Domucensis Episcopi facta Celnotho Archiepiscopo. Hunc Episcopum nullus Historicus neque Catalogus agnoscit. Illum tamen tempore Chelnothi viz. inter annos 830. & 870. Sedi Domucensi præsedisse proclive est opinari; cum inter Titfridum, qui ante annum 798. Episcopatum obtinuit, & Wermundum, qui anno 870. obiit, Episcopus alius Domucensis non occurrat.

Ibid. De vacatione Sedis utriusque Wilredi obitum sequenti vide certiora in Theodredi Vitâ apud Episcoporum Londinensium Historiam.

P. 405. De Ethelstano Episcopo Helmamensi Thomas Eliensis plura docet in Historiâ Eliensi, lib. 2. cap. 54. *Edelstanus*, inquit, *vir Ecclesiasticâ devotione præcipuus, & præcipuâ largitate erga Ecclesiam istam munificus. Qui Brithnothum & Ælsum Abbates totumque Conventum de sepulturâ sui corporis, sanus adhuc, cum multâ munerum largitione convenit. Ipse totum manerium de Dringestune liberâ*



liberâ emptione comparatum in aternam possessionem Eliensi Conventui donavit. Dedit etiam omnia Capella sua ornamenta & vasa pretiosa. Dein multo post tempore sepultus, conditum sepulchri locum huc allatus accepit: fuit autem contemporaneus B. Ædhwoldi (Wintoniensis Episcopi) sub piissimo Rege Edgardo. Apud eundem l. 2. c. 56. reperitur Charta Eliensis Ecclesiæ, cui subscripserunt Eluricus Archiepiscopus Cant. & Edelstanus Helmamensis Episcopus. Juxta Thomæ calculos itaque Edelstanus Sedem Helmamensem ante annum 975. obtinuit, & anno 995. superfuit.

P. 405. De Algaro Episcopo ista habet Liber Eliensis. *Ælfgarus, Sacerdos & Confessionarius Dunstani Archiepiscopi, fit Helmamensis Episcopus post Adelstanum. Sed relicto Episcopatu, in Cænobio Eliensi mortuus est anno 1021.*

*Ibid.* De Alwino Episcopo ista Thomas Eliensis habet lib. 2. cap. 62. *Ælfgaro Helmeamensi Episcopo defuncto, Ælfrinus Eliensis Ecclesiæ à pæro Monachus, vitæ sanctitate & gratiâ morum honestatus, successit in ministerium ejusdem Episcopatus. Cum ipso enim in Ecclesiâ oblato data est Walepol, Wisebeche, & Debeham, Brithwelle, Oddebrige, à generosis parentibus coram venerabilibus testibus. Et licet teneræ ætatis adhuc fuisset, habitum Monachatus suscipere promptâ voluntate parabat. Cùmque totam vitæ suæ seriẽ cum summâ prudentiâ & gravitatis modestiâ usque in virilem ætatem perduxisset; pro religionis suæ famâ, jubente Rege Ædelredo, ad Episcopale culmen sublimatus, matris suæ Eliensis Ecclesiæ oblivisci non potuit. Idem Leofwynum Abbatem Eliensem anno 1019. & Leofricum anno 1023. benedixisse dicitur in Historiâ Eliensi. Quod si verum perhibeatur; ipse Episcopatum ab Ælfgaro dimissum ante annum 1019. assecutus est: quinimo ab Ethelredo Rege ante annum 1016. Episcopatu donari potuit, quod Thomas tradit. Ælfgarum enim Episcopatum ante obitum abdicasse Additamentum superius demonstrat. Ex his igitur corrigantur, quæ ad Episcoporum Norwicensium Historiam, p. 405. adnotavi.*

F. 116. a.

P. 408. *In Abbatiâ de Bello Wilhelmus Rex Herebertum Episcopum Thetfordensem baculo privavit circa Calendas Februarii; quod latenter Urbanum Papam adire, & ab eo pro Episcopatu, quem sibi emerat, absolutionem querere volebat. Sic Hovedenus in anno 1094. Historia autem de Bello id anno 1095. factum refert.*

P. 409. De rebus Johannis de Oxoniâ antè Episcopatum acceptum gestis consule Historiam Decanorum Sarisburiensium. Postea autem Concilio Lateranensi cum tribus aliis Episcopis nomine Cleri Anglicani anno 1179. interfuit.

P. 412. Willelmum de Middleton in Ecclesiâ de Carhowe extra Norwici muros consecratum fuisse Registrum quoddam Ecclesiæ Cant. prodit.

Archiva  
Norwic.

*Ibid.* Johannes Salmon Episcopus cognomen à patre duxit. Patre enim Solomone, matre Aliciâ natus erat. Sacerdotibus in Capellâ suâ S. Johannis celebraturis salaria delegavit solvenda per Abbatem de Hulmo, cui Manerium de Redham anno 1322. in id opus transcripsit.

P. 413. Willelmus Ayremyn, patre Adamo, matre Matildâ natus, consecratus est 1325. 15. Sept. in Ecclesiâ majori S. Germani per Willelmum Vienneensem Episcopum, assistentibus Willelmo Mimacensi & Jacobo Zagabriensi Episcopis. Obiit apud Charing juxta Londinum 1336. 27. April. die Mercurii, anno consecrationis suæ undecimo. Ex Registro ejus. Rectius tamen Historici à nobis superius prolati diem obitus designarunt.

P. 414. Post Willelmi Ayremyn obitum Thomas de Hemenhale Monachus Norwicensis à Commonachis suis electus est. Qua de re vide plura in Historiâ Episcoporum Wigorn. p. 534. Antonius Episcopus obiit in Manerio de Heningham anno 1343. nocte ante diem 19. Decembr. anno consecrationis suæ septimo. Ex Registro Norwic. 2.

*Ibid.*

*Ibid.* Willelmus Bateman, Willelmi & Margaretæ filius, Archidiaconus Norwicensis factus est 1328. 5. Sept. postea Decanus Lincolnienfis. Episcopus à Monachis Norwic. ritè electus, mox à Clemente VI. Papâ provifus est 1344. 23. Januarii. Iste præter alia beneficia Academia Cantabrigienfi præstita, cistam S. Trinitatis dictam donavit, ex qua pecunia pauperibus Scholaribus mutuo daretur. Anno consecrationis sexto Rex (nescio qua de causâ) Temporalia illius in manus suas ceperat, & Clericos in Beneficiis suis Ecclesiasticis instituendos ipsi præsentavit. Anno 1349. grassante per Diocesin suam peste gravissimâ, Willelmus 850. institutiones & collationes dedit; ut ex hoc Cleri Norwicensis eo tempore numerus non malè colligi possit. Ineunte anno 1353. ad Curiam Romanam legatus pro pace inter Angliæ & Franciæ Reges ineundâ, operam lufit. Ipse autem ibidem obiit 1355. 6. Januarii, sepultus in Ecclesiâ B. Mariæ juxta Palatium Apostolicum. Ex Registro Norwicensi.

P. 415. Thomæ Percy promotionem Stephanus Birchingtonus (in Historiâ MS. de Pontificibus Rom.) sic narrat. *Willelmus Bateman Episcopus Norwic. in Curia Romanâ die Epiphaniæ est defunctus. Cui Episcopatu Innocentius VI. Papa providit de Thoma Percy filio Henrici Percy, XXII. annorum ætatis sua existente, non obstante minori ætate, consideratâ sui generis nobilitate & non habilitate persona. Qui quidem Norwicensis Electus die Dominicâ in crastino Circumcisionis Domini anno MCCCCLV. (exeunte) consecratus est per Wintoniensem Episcopum apud Farnham.* Consentit Registrum Norwicense; in quo Thomas Electus confirmatus scribitur 1355. 26. April. atque iterum 1355. 31. Aug. Diem autem consecrationis 1356. 3. Januarii Registrum verius posuit.

*Ibid.* Henricum Spencerum per Archidiaconum Norwicensem consecratum fuisse (erroneè pro *intronizatum*) Godwinus ex Alexandri Nevilli Historiâ Norwicensi dixerat. Hoc errore (quantumvis manifestissimo) Blondellus Presbyterianorum pugil ad sententiam suam astruendam abuti non erubuit. P. 376. Imbelle argumentum expugnat Historia nostra Norwicensis; quæ Henricum in Curia Romanâ consecratum, & per Archidiaconum Norwici intronizatum refert. Historiæ fidem confirmat Registrum *Spencer* Norwic. in quo Henricus apud Romam 1370. 20. (lege 21.) April. consecratus esse dicitur. Temporalia ejus in manibus Regis fuerunt sub initium anni 1384. restituta 1385. in fine Octobris, fide ejusdem Registri. Hunc Baronis Dispenfer fratrem fuisse Birchingtonus docet. Hist. de Pontif. Rom.

*Ibid.* Alexander Episcopus consecratus est apud Glocestriam 1407. 23. Octobr. teste Registro Norwicensi 7.

P. 417. Johannes Wakering obiit 1425. 9 April. post horam octavam vespertinam. Ex Registro Norwic. 8.

*Ibid.* Willelmus Alnwick intronizatus est 1427. 22 Dec. Ex Registro Norwic. 9.

*Ibid.* Thomas Brous provifus est 1436. 29 Sept. legatus à Rege in Franciam 1439. 25 Maii, pro pace inter Anglos & Gallos ineundâ. Obit apud Hoxne 1445. 6 Dec. in meridie. Ex Registro Norwicensi.

P. 418. Walterus Lyhert, Prochorophii S. Antonii Londinensis Custos, consecratus est post 1446. 1 Martii. In Commissione enim ab Archiepiscopo isto die datâ nominatur *M. Walt. Lyhert. S. T. B. Electus & confirmatus Norwicensis.* Sanè Registrum *Stafford* diligentius postea inspexi; & Walterum 1446. 27 Febr. non consecratum sed professum fuisse inveni. Anno 1447. 24 Aug. Walterus cum Priore S. Johannis London. & aliis in Galliam & Sabaudiam à Rege legatus fuit. Obit 1472. 24 Maii die Pentecostes inter horas 6, & 7. Ex Registro Norwicensi.

*Ibid.* Jacobus Goldwell, LL. D. Canonicus Windesoriensis, Ordinis à Periscelide dicti Registrarius, Archidiaconus Essexiensis, Decanus Sarum, & Apostolicæ Sedis Protonotarius, apud Romam consecratus est per Sixtum IV.



Papam 1472. 4 Octobr. dum Regis Angliæ Procurator resideret in Curia Romanâ, ad quam ante 8. annos missus fuerat ad deferendam Papæ Edwardi IV. Regis obedientiam. Obiit die 15 Februarii. Ista docet Registrum Norwicense. Jacobus à Walteri antecessoris sui executoribus pro dilapidationibus accepit 2200. marcas & mitram ac baculum pastorem.

Reg. Windesfor.

*Ibid.* Thomas Jan, Decretorum Doctor, Collegii Regalis apud Cantabrigiam Socius, anno 1497. Canonicus Windesforiensis creatus est.

Id.

*Ibid.* Ricardus Nix Archidiaconus Exoniensis ab anno 1492. Canonicus Windesforiensis anno 1496. factus est. Electio ejus ante 1501. 17 Martii confirmata est. Isto enim die Vicarium suum Generalem constituit. Hoc præsidente Sedes Norwicensis insignem reddituum jacturam fecit, Primitiis Beneficiorum totius Diocesis, quæ Episcopo antea Norwicensi propriæ erant, ad Regem lege in publicis Comitibus latâ transcriptis anno 1534.

Reg. Norwic.  
Stat. 26 H. 8.  
cap. 3.

### Ad Historiam Sedis Coventr. & Lichfeld.

**P**aginâ 432. Chronologia Episcoporum Lichfeldensium ab anno 867, ad 992. immutari debet. Fragmentum enim Historiæ vetustissimæ Abendonienſis in anno 940. terminatæ, Episcopos tunc præſidentes in fine recensens, Kynſium Sedi Lichfeldenſi eo anno præſuiſſe teſtatur. Huic fidem aſtrunt Chartæ nonnullæ Saxonice, cujuſmodi perpaucæ ſunt commentitiæ. Chartæ enim Abendonienſi Cynſige Episcopus ſubſcripſit anno 955. Indictione 14, & Chartæ Wigornienſi ſubſcripſit Winſi Episcopus 964. 28 Decembr. feriâ 4. Indictione 8. Rectè itaque Registrum Cantuarienſe Tumberhtum Lichfeld. Episcopum Celnotho Archiepiscopo (ante annum 870.) profeſſionem feciſſe refert. Falſitatis convicto Thomæ calculo, tempora Episcoporum ab anno 870, ad 992. incerta manebunt. Si mihi tamen conjectura permitteretur; vellem Hunbertum anno 866. obiſſe; Kynebertum annis 3. ſediſſe; Tunfrithum anno 870. conſecratum, anno 900. obiſſe; Ællam anno 924. deſunctum, Elgaro locum ceſſiſſe; hunc excepiſſe Kynſium anno 940. & anno circiter 964. deceſſiſſe; Winſium denique ab anno 964, ad 992. Sedem tenuiſſe. Iſta conſciuntur; ſi in Kyneferthi annis 3. pro 23. in Kynſi annis 24. pro 14. & in Wynſi annis 28. pro 18. legeris. Quod Dominica enim Incarnationis annos attinet; eos Thomas in Tabulâ antiquâ non inveniſſe, ſed pro annis uniſcujuſque regiminis in tabulâ datis efformâſſe, videtur.

Collect.  
Saxon. Joce-  
lini.

P. 435. Ricardus Peche filius erat Roberti Peche Ceſtrenſis Episcopi, Archidiaconus Coventrenſis ab illo creatus, teſte Radulpho Diceten. *Imag. Hiſt.* p. 532.

*Ibid.* De Girardo & Hugone Episcopis iſta exhibet Liber de geſtis S. Thomæ poſt martyrium, cap. 9. *Girardus Puella, natione Anglus, Clericus S. Thomæ, quem Archiepiſcopus primus in ordine Clericatûs promovit, & primus ei Eccleſiaſticum Beneficium contulit, S. Thomæ uſque ad exitum ferè compatiens, tandem quaerens requiem, aliquantulum ab eo divertit. — Hugo cognomento Teminant, natione Romanus, tunc Archilevita Luxoviensis, (ipſe etiam S. Thomæ Clericus) peregrinatione Archiepiſcopi necdum finitâ, reconciliatus Principi, de Patris licentiâ reſerſus eſt; qui per annos à Principe fidus repertus & ſtrenuus, ſive ab Aula ſive ab Eccleſiâ nescio, Girardo deſuncto, ad eandem Sedem Pontificalem aſſumptus eſt.*

P. 439. Hugo de Pateſhul intronizatus eſt 1240. 21. Sept. fide Annalium Ceſtrenſium.

P. 440. *lin. ult.* Obiitum Rogeri Meyland à nobis poſitum dedit Thomas Cheſterfeld, ſepulturam Annales Wigornienſes. Annales autem Ceſtrenſes obiitum illius 1295. 11 Dec. reponunt.

P. 450. De translatione Walteri Skirlaw ad Episcopatum Bathoniensem vide certiora in Historiâ Episcoporum Bathon. p. 570.

## Ad Historiam Sedis Wigorniensis.

**P** *Agin* 531. Ad examinandam Johannis de S. Germano electionem dies 24 Maii anno 1302. ab Archiepiscopo statutus est. Confirmatione autem denegatâ, Electus sub Augusti exitum Romam profectus est, Edwardi Regis literis commendatus. Ex Registro Wigorn. Ecclesiæ de rebus *Sede vacante* gestis.

P. 532. Willelmus de Gaynsborough obiit apud Belvacum in Picardiâ 1307. 17 Septembr. Sic quidem refert Capitulum Wigorn. in Epistolâ certicatoriâ. Papa autem in Bullâ Reservationis illum *Ambiani*, ut asseritur, defunctum esse perhibet. Ex eodem.

P. 532. Walterus de Maydenston obiit in partibus transmarinis. Mors ejus Capitulo Wigorn. primùm innotuit 1317. 7 April. *Id.*

P. 534. Thomas de Hennihale (sic enim in Registro Wigorn. dicitur) obiit in Castro suo de Hertilbury 1338. 21 Decembr. *Id.*

P. 535. Walterus de Legh ad Episcopatum Wigorn. à Monachis suis electus est 1373. 7 Decembr. *Id.*

P. 536. Tidemannus Episcopus 1401. 13 Junii obiisse dicitur. *Ibid.*

*Ibid.* Ricardus Clifford ad Episcopatum Wigorn. electus est 1401. 27. Junii. *Id.*

P. 537. Thomas Peverel obiit in Manerio suo de Hambury in Salso-Marisco 1417. 1 Martii (suspectus est mihi anni numerus) in Ecclesiâ fratrum Carmelitarum juxta Universitatem Oxon. sepultus. *Id.*

*Ibid.* Thomas Polton obiit in Concilio Basileensi 1433. 23 Augusti. *Id.*

P. 538. Robertus Morton obiit ante diem 5 Maii anno 1497. *Id.*

P. 549. Johannes Fordham Prioratum Wigorn. Ecclesiæ tenuit anno 1418. *Idem.*

**F I N I S.**

**INDEX**



# I N D E X

## Archiepiscoporum & Episcoporum,

De quibus in hac primâ

## ANGLIÆ SACRÆ

Parte fit mentio.

### A

- A** *Braham* Assaensis Pag. 487.  
*Acca* Hagustald. 696.  
*Adam* Houghton Menev. 45.  
*Adam* de Orleton Hereford. Wigorn. & Winton. 29, 39, 40, 286, 317, 367, 533, 761, 800.  
*Adelmyrus* Well. 557.  
*Adomarus* de Lezignan Winton. 286, 309, &c. 324, 495, 738.  
*Adulphus* Helmam. 405.  
*Ælfstanus* Roff. 332, 334, 384.  
*Ælla* Lichfeld. 432, 804.  
*Æibelhunus* Wigorn. 472.  
*Agelmarus* Helmam. 406.  
*Agilbertus* Winton. 191, 288.  
*Alanus* Bangor. 478.  
*Albertus* Domoc. 404.  
*Alcmundus* Hagustald. 697.  
*Aldhunus* Lindisfarn. 701.  
*Aldredus* Lindisfarn. 700.  
*Aldredus* Wigorn. & Ebor. 207, 240, 243, 245, 259, 294, 474, 541, 543, 609.  
*Aidanus* Lindisfarn. 65, 691.  
*Adulphus* Lichfeld. 429, 430, 444.  
*Aldulphus* Roff. 158, 330, 333, 341.  
*Aldwinus* Lichfeld. 424, 428.  
*Alexander* Lincoln. 160.  
*Alexander* Nevill Ebor. 788.  
*Alexander* Stavenby Lichfeld. 437, 438, 446, 490, 734.  
*Alexander* Totington Norwic. 415, 420, 803.  
*Alfgarus* Wilton. 126.  
*Alfrithus* Winton. 206, 799.  
*Alfricus* Helmam. 405.  
*Alfwoldus* Scireburn. 132.  
*Algarus* Helmam. 405, 802.  
*Athunus* Wigorn. 471.  
*Aldulphus* Wigorn. & Ebor. 170, 218, 473.  
*Almundas* Winton. 195, 798.  
*Alsinus* Domoc. 404.  
*Alsinus* Winton. 227, 799.  
*Aluredus* Wigorn. 300, 476.  
*Alvinus* Helmam. 405, 595, 608, 802.  
*Alvinus* Winton. 227, 233, 236, 237, 290, 291, 293, 799.  
*Anselmus* Cant. 6, 67, 84, 86, 87, 109, 254, 264, 273, &c. 474, 612, 678, 680, 704, 791.  
*Anselmus* Menev. 488, 493.  
*Anianus* I. Assav. 493.  
*Antonius* Beck Norwic. 414, 745, &c. 802.  
*Arfastus* Thetford. 80, 294, 406.  
*Arnostus* Roff. 332, 335, 342.  
*Ascelinus* Roff. 86, 343, 344.  
*Asserius* Scireburn. 554, 555.  
*Athelardus* Winton. & Cant. 3, 53, 78, 83, 85, 87, 96, 195, 429, 430.  
*Athelmu* Well. & Cant. 53, 83, 85, 87, 99, 210, 555, 556, 791.  
*Athelstanus* Cornub. 210, 555.  
*Athelstanus* Helmam. 405, 801.  
*Athelstanus* Scireburn. 200, 201.

*Athelwaldus*

# INDEX.

*Athelwaldus* Lichfeld. 431, 444, 448, 465.

*Athelwoldus* Carleol. 282, 706, 715, 717.

*Athelwulfus* Helmam. 404.

*Augustinus* Cant. 1, 52, 83, 85, 87, 89, 152, 190, 251, 423, 461, 593, 594, 599, 796.

## B

**B** *Adenothus* Roff. 331.

*Baldulphus* Wittern. 698.

*Baldwinus* Wigorn. & Cant. 10, 57, 84, 87, 112, 302, 477.

*Bartholomaeus* Exon. 300, 302.

*Bedwinus* Helmam. 404.

*Benedictus* Roff. 347, 386, 390, 801.

*Beornmodus* Roff. 79, 331, 333, 342, 384.

*Bernardus* Menev. 475.

*Berneus* Seoles 210, 555.

*Berthunus* Lichfeld. 429.

*Berthredus* Dorcest. 79.

*Birinus* Winton. 190, 223, 252, 288.

*Bisi* Domoc. 403.

*Bonifacius* Cant. 11, 58, 84, 88, 115, 174, 308, 309, 391, 492, 498, 548, 637, 793.

*Bonifacius* Domoc. 403.

*Bosel* Wigorn. 469, 542.

*Bregwinus* Cant. 3, 52, 83, 85, 87, 95.

*Brihtearus* Wigorn. 473.

*Bosa* Ebor. 65, 693.

*Brithelmus* Well. & Cant. 101, 102, 216, 556.

*Brinstanus* Winton. 210, 212, 799.

*Brithmarus* Lichfeld. 432.

*Brithwaldus* Cant. 3, 52, 83, 85, 87, 94, 157, 158.

*Brithwinus* Well 558.

*Brithwoldus* Wilton. 323.

*Burhricus* Roff. 332, 334, 384.

*Burwoldus* Well. 557.

## C

**C** *Eadda* Ebor. & Lichfeld. 65, 424, 425, 426, 428, 459, 693.

*Ceddi* London. 423, 425.

*Cellach* Lichfeld. 425.

*Ceolmundus* Roff. 332.

*Ceolnothus* Cant. 4, 53, 83, 85, 87, 98, 135, 796.

*Ceolwulfus* Dorcest. 210, 697.

*Christianus* Wittern. 161.

*Christophorus* Bainbridge Dunelm. & Ebor. 780.

*Coemwalchus* Wigorn. 472.

*Colmanus* Lindisfarn. 65, 692.

*Constans* Winton. 186.

*Cuthbertus* Hereford. & Cant. 3, 52, 83, 85, 87, 95, 790.

*Cuthbertus* Lindisfarn. 155, 156, 694, 764.

*Cuthbertus Tunstall* London. & Dunelm. 457, 783, 784.

*Cutheardus* Lindisfarn. 700.

*Cuthfrithus* Lichfeld. 428.

*Cuthwinus* Domoc. 404.

*Cuthwinus* Legecestr. 424, 427.

*Cuthwulfus* Roff. 331.

*Cyneulfus* Lindisfarn. 696.

## D

**D** *Amianus* Roff. 154, 330.

*Daniel* Well. 553.

*Daniel* Winton. 3, 195, 798.

*David* Bangor. 475.

*Denebertus* Wigorn. 471.

*Denewlfus* Winton. 208, 209, 554, 555, 799.

*Deusdedit* Cant. 2, 83, 85, 87, 93, 154, 155.

*Diora* Roff. 331, 333.

*Diurna* Lichfeld. 423, 424.

*Dudda* Winton. 195, 798.

*Dudocus* Well. 558.

*Dunno* Roff. 330.

*Dunbertus* Winton. 206, 799.

*Dunstanus* Wigorn. & Cant. 4, 54, 83, 85, 87, 102, 130, 131, 217, 224, 320, 472, 604, 607, 791.

## E

**E** *Abertus* Lindisfarn. 695.

*Eadfridus* Lindisfarn. *ibid.*

*Eadredus* Domoc. 404.

*Eadredus* Dunelm. 701.

*Eadfinus* Cant. 5, 84, 86, 87, 106, 167, 227, 236, 238, 463, 790, 791.

*Eadulphus* Ebor. 78.

*Eadwulfus* Dorcest. 79.

*Ealhardus* Dorcest. 554.

*Eanbaldus* Ebor. 698.

*Eanbertus* Lindisfarn. 698.

*Eanbertus* Hagustald. 698.

*Eardulfus*



# INDEX.

*Eardulfus Hagustald.* 699.  
*Eardulfus Roff.* 331, 333, 341.  
*Easculphus Domoc.* 404.  
*Eata Hagustald. & Lindisfarn.* 694.  
*Eathedus Sidnacestr.* 424, 427, 693.  
*Egredus Lindisfarn.* 698.  
*Edbertus Seoles.* 253.  
*Edelfridus Helmam.* 404.  
*Edmundus Cant.* 10, 58, 84, 115, 306, 307, 349, 390, 410, 489, 801.  
*Edmundus Dunelm.* 701.  
*Edmundus Audley Roff. Hereford. & Sarum* 381.  
*Edmundus Winton.* 195, 199, 798.  
*Ednodus Dorcest.* 607.  
*Ednothus Dorcest.* 238.  
*Eadulfus Crid.* 210, 555.  
*Egbertus Ebor.* 697.  
*Egbertus Lindisfarn.* 698.  
*Egbladus Winton.* 195, 798.  
*Egelricus Cicestr.* 335, 796.  
*Egelricus Dunelm.* 702.  
*Egelwinus Dunelm.* 249, 702.  
*Egfridus Lindisfarn.* 698.  
*Egidius Breus Hereford.* 304, 479, 480, 482, 634.  
*Egidius Bridport Sarum* 310, 311, 494, 495, 588.  
*Eglasus Domoc.* 404.  
*Egwinus Wigorn.* 470, 477.  
*Eleutherius Winton.* 192.  
*Elfricus Cridien.* 128, 129.  
*Elfricus I. Helmam.* 405.  
*Elfricus II. Helmam.* 406.  
*Elfricus Putta Ebor.* 125, &c. 236, 323, 474, 702.  
*Elfricus Wilton. & Cant.* 5, 54, 84, 86, 87, 103, 125, &c. 135, 166, 170, 445, 791, 796.  
*Elffigus Lindisfarn.* 701.  
*Elffstanus Wilton.* 126, 165.  
*Elfwoldus Crid.* 129.  
*Elias Landav.* 488, 491.  
*Elgarus Lichfeld.* 432, 804.  
*Ella Seoles* 253.  
*Elphegus Winton. & Cant.* 5, 54, 84, 86, 87, 105, 223, 226, 799.  
*Elphegus Calvus Winton.* 213, 215, 799.  
*Elphegus Lichfeld.* 432, 445.  
*Elphegus Well.* 556.  
*Elsinus Winton & Cant.* 101, 215, 216, 799.  
*Ernulfus Roff.* 136, 297, 333, 342, 392.

*Escewinus Dorcest.* 104.  
*Etelatus Helmam.* 404.  
*Etheberhtus Wittern. & Hagustald.* 698.  
*Ethelgarus Crid.* 129.  
*Ethelgarus Cicestr. & Cant.* 4, 54, 83, 86, 87, 103, 218, 790.  
*Ethelnothus Cant.* 5, 54, 84, 86, 87, 106, 135, 608, 790, 791.  
*Ethelredus Cant.* 4, 53, 83, 85, 87, 98, 796.  
*Ethelwaldus Domoc.* 801.  
*Ethelwinus Sidnacestr.* 424.  
*Ethelwinus Well.* 558.  
*Ethelwoldus Winton.* 130, 163, 164, 166, 213, 216, 217, 223, 290, 320, 323, 594, 603, 604, 607, 682, 799.  
*Ethelwoldus II. Winton.* 227, 233.  
*Ethelwoldus Lindisfarn.* 696.  
*Etta Domoc.* 404.  
*Eudredus Domoc.* 404.  
*Everardus Norwic.* 298, 397, 408.  
*Eustachius Eli.* 303, 305, 479, 480, 582, 633.  
*Eustachius Fauconberg. London.* 485, 487.

## F.

**F**<sup>O</sup>*Elix Domoc.* 403, 801.  
*Finanus Lindisfarn.* 65, 423, 425, 692.  
*Fleogildus Cant.* 3, 53, 83, 85, 87, 97, 790.  
*Friothubertus Hagustald.* 696, 697.  
*Frithestinus Winton.* 210, 212, 555, 799.  
*Fulco Bassett London.* 308, 492, 494.

## G.

**G***Alfridus Blithe Lichfeld.* 455.  
*Galfridus de Burgo Eli.* 487, 634, 635.  
*Galfridus Ebor.* 10, 303, 480, 481, 729, 730, 73, 74.  
*Galfridus Muschamp Lichfeld.* 304, 436, 478, 480.  
*Gaufridus de Cliva Hereford.* 297, 298, 475.  
*Gaufridus Dunelm.* 709, 710.  
*Gaufridus Ridel Eli.* 301, 302, 631.  
*Gebmundus Roff.* 430, 341.  
*Gerardus Pucelle Lichfeld.* 302, 435, 463, 804.

*Gerardus*

# I N D E X.

- Gerarus* Hereford & Ebor. 6. 67, 266, 297.  
*Gilbertus Foliot* Hereford & London. 300, 475.  
*Gilbertus de Glanvil* Roff. 302, 346, 351, 384, 390, 477, 800.  
*Giso Wellensis* 295, 559.  
*Godefridus Assav.* 169.  
*Godefridus Cicestr.* 295.  
*Godefridus Ebor.* 739.  
*Godefridus Giffard* Wigorn. 312, 497, &c.  
*Godefridus Lucy* Winton. 286, 302, &c. 799.  
*Godefridus Well.* 560.  
*Godwinus Chorepisc.* Cant. 150, 390, 793.  
*Godwinus Lichfeld.* 432.  
*Godwinus I.* Roff. 332, 334, 384.  
*Godwinus II.* Roff. 332.  
*Grimketel* Helmam. & Seolef. 406.  
*Gualerannus* Roffen. 302, 345, 346, 384.  
*Gundulfus* Roff. 160, 297, 333, 334, 336, &c. 342, 351, 390, 392.  
**H.**  
*Hadulac* Helmam. 404.  
*Hadrianus de Castello* Hereford. & Well. 576.  
*Hardredus* Domoc. 404.  
*Haymo de Hethe* Roff. 356, &c. 394.  
*Hebertus* Wigorn. 471.  
*Heardrudus* Hagultald. 698.  
*Heathoredus* Wigorn. 471.  
*Heathuredus* Lindisfarn. 698.  
*Hedda* Lichfeld. 424, 427.  
*Hedda* Winton. 192, 555.  
*Helmstanus* Winton. 199 202 798.  
*Hemele* Lichfeld. 428.  
*Henricus Beaufort* Lincoln. & Winton. 286, 318 573, 589 800.  
*Henricus Blesensis* Winton. 7, 8, 71, 160, 194, 277, 282, 284, 285, 299, &c. 710, 711, 719 792, 793.  
*Henricus Bowet* Well. & Ebor. 536, 571.  
*Henricus Burwarsh* Lincoln. 21, 30, 374, 766.  
*Henricus Chichley* Menev. & Cant. 63, 122. 572, 668, 669, 795, 800.  
*Henricus Dene* Bangor. Sarum & Cant. 61, 124, 795.  
*Henricus Holbech* Chorepisc. Wigorn. 550.  
*Henricus Landav.* 726.  
*Henricus Lexinton* Lincoln. 309.  
*Henricus Marshal* Exon. 480.  
*Henricus Murdic* Ebor. 71, 161, 719, 720.  
*Henricus Newerk* Ebor. 745.  
*Henricus Sandwich* London. 312, 496, 497, 499.  
*Henricus Sanford* Roff. 150, 347, 348, 390, 487, 489, 735.  
*Henricus Soilli* Wigorn. 478, 578, 579.  
*Henricus Spencer* Norwic. 415, 420, 803.  
*Henricus Wakefield* Wigorn. 535.  
*Henricus Wengham* London. 309, 310, 494, 637, 664.  
*Henricus Woodlock* Winton. 286, 316, 325.  
*Herebertus Glasquen.* 162.  
*Herebertus Lofinga* Norwic. 264, 295, 297, 298, 397, 407, 614, 802.  
*Herebertus Sarum.* 303, 478.  
*Herefrithus* Winton. 195, 798.  
*Herewinus* Lichfeld. 431.  
*Herkenwaldus* Lichfeld. 431.  
*Hermannus* Sarum. 159.  
*Hervens* Bangor & Eli. 615, &c. 679, 680.  
*Hieronymus Ghinucii* Wigorn. 539.  
*Higbaldus* Lindisfarn. 697.  
*Higbertus* Lichfeld. 429, 430.  
*Hilarius* Cicestr. 301.  
*Honorius* Cant. 2, 65, 83, 85, 87, 92, 93, 154, 462, 692.  
*Hubertus* Sarum & Cant. 10, 57, 84, 87, 114, 302, 305, 436, 479, 579, 580, 582, 726, 793.  
*Hugo Balsbam* Eli. 637.  
*Hugo Carleol.* 484.  
*Hugo Foliot* Hereford. 484, 489.  
*Hugo Latimer* Wigorn. 539.  
*Hugo I.* Lincoln. 301.  
*Hugo Mapenore* Hereford. 483, 485.  
*Hugo Normold* Eli. 309, 635.  
*Hugo Nonant* Lichfeld. 303, 435, 446, 463, 478, 632, 804.  
*Hugo de Orivalle* London. 259, 294.  
*Hugo Patesbull* Lichfeld. 439, 446, 491, 804.  
*Hugo Pufar* Dunelm. 72, 161, 478, 718, &c.  
*Hugo Welles* Lincoln. 480, 486, 543, 582.  
*Huieta* Lichfeld. 424, 428.  
*Humbertus I.* Lichfeld. 429, 430.  
*Humbertus II.* Lichfeld. 431, 804.  
*Humbrittus* Helmam. 404.  
**LIII** *Hum-*



# I N D E X.

*Hunfredus Winton.* 195, 798.  
*Hunferthus Helmam.* 404.

## I.

**J**acobus Achadensis Bangor. 574.  
 Jacobus Berkley Exon. 368.  
 Jacobus Goldvell Norwic. 418, 803.  
 Jacobus Stanley Eli. 676.  
 Jarumannus Lichfeld. 425.  
 Ingwaldus London. 3.  
 Jocelinus Sarum. 563.  
 Jocelinus Well. 479, 486, 491, 543, 563, 582, 583.  
 Johannes Alcock Roff. Wigorn. & Eli. 381, 538, 801.  
 Johannes Arundell Lichfeld. & Exon. 454, 777.  
 Johannes Barnet Wigorn. Well. & Eli. 45, 535, 569, 664.  
 Johannes Bell Wigorn. 540.  
 Johannes de Beverlaco. Hagust. & Ebor. 65, 694.  
 Johannes Bockingham Lincoln. 45, 449, 466, 663.  
 Johannes Botlesham Roff. 379 801.  
 Johannes Bradfeld Roff. 352, 370, 502, 507.  
 Johannes Breton Hereford. 313. 497, 501.  
 Johannes Burghill Landav. & Lichfeld. 451.  
 Johannes Carpenter Wigorn. 538.  
 Johannes Cary Exon. 452.  
 Johannes Chishul London. 401, 500, 504.  
 Johannes Chorepisc. Cant. 349.  
 Johannes Clark Well. 577.  
 Johannes Clipping Cicestr. 81, 309, 311.  
 Johannes de Constantiis Wigorn. 302, 304, 478.  
 Johannes Daldreby Lincoln. 525.  
 Johannes Drokensford Well. 568.  
 Johannes Fisher Roff. 382.  
 Johannes de Fontibus Eli. 485, 487, 634.  
 Johannes Fordham Dunelm. & Eli. 121, 589, 666, 773.  
 Johannes Gervasi Winton. 286, 311, &c. 495, 496, 497, 799.  
 Johannes Giglis Wigorn. 538.  
 Johannes Gilbert Bangor. Hereford. & Menev. 771.  
 Johannes Glasquen. 160.  
 Johannes Goodrich Landav. 45.  
 Johannes Grandison Exon. 18, 443.

*Johannes Gray Norwic.* 304, 397, 410, 482, 731, 733.  
*Johannes Greenford Cicestr.* 301.  
*Johannes Greenlaw Chorepisc. Well.* 571.  
*Johannes Gynewell Lincoln.* 45.  
*Johannes Harewell Well.* 569.  
*Johannes Hilsy Roff.* 383.  
*Johannes Hothum Eli.* 643, &c. 649.  
*Johannes Hulse Lichfeld.* 453.  
*Johannes Kemp Roff. Cicestr. London.* Ebor. & Cant. 63, 123, 318, 379, 573, 795.  
*Johannes Ketene Eli.* 641.  
*Johannes Keterich Menev. Lichfeld. & Exon.* 452.  
*Johannes Karkby Eli.* 352, 637.  
*Johannes Langdon Roff.* 287, 380.  
*Johannes Langton Cicestr.* 515, 524, 639.  
*Johannes Lowe Astav. & Roff.* 380.  
*Johannes Majorensis Chorepisc. Well.* 577.  
*Johannes de Monemutha Landav.* 12, 523, 527.  
*Johannes Morton Eli. & Cant.* 63, 123, 576, 673, 795.  
*Johannes Offord Cant.* 42, 60, 118, 375, 794.  
*Johannes de Oxonia Norwic.* 397, 409, 802.  
*Johannes Pageham Wigorn.* 475.  
*Johannes Peckham Cant.* 11, 58, 84, 116, 315, 325, 353, 394, 440, 497, 503, 507, 510, 511, 513, 514, 791.  
*Johannes de Pontoys Wynton.* 286, 315, 799.  
*Johannes Roffe Carleol.* 367.  
*Johannes I Roff.* 70, 86, 343, 800.  
*Johannes II. Roff.* 343.  
*Johannes Russel Roff. & Lincoln.* 381.  
*Johannes Salmon Norwic.* 412, 413, 524, 639, 802.  
*Johannes Salisbury Chorepisc. Norwic.* 419.  
*Johannes Sandale Winton.* 286, 316.  
*Johannes Shepey Roff.* 45, 371, 375, 376, 378, 394 659.  
*John Sherwood Dunelm.* 778.  
*Johannes Stafford Well. & Cant.* 63, 122, 572, 589.  
*Johannes Stratford Winton. & Cant.* 19, 59, 118, 286, 316, 364, 366, 367, 372, 374, 375, 761, 794, 799.  
 Jo-

# I N D E X.

*Johannes Thoresby* Menev. Wigorn. & Ebor. 43, 74, 75, 534.

*Johannes Tinensis* Chorepisc. Well. 574.

*Johannes Trilleck* Hereford. 45.

*Johannes Vere* Menev. 589.

*Johannes Turonensis* Well. 160, 264, 295, 554, 555, 559, 560, 586.

*Johannes Vesy* Exon. 457.

*Johannes Wakering* Norwic. 417, 803.

*Ithamar* Roff. 154, 329, 341.

*Julius de Medicis* Wigorn. 539.

*Justus* Roff. & Cant. 1, 2, 83, 85, 87, 92, 152, 153, 154, 329, 341, 384, 461.

## K

*Kenulfus* Dorcest. 554, 555.

*Kenulfus* Winton. 226, 799.

*Kinebardus* Winton. 195, 798.

*Kinebritus* Lichfeld. 431, 432, 804.

*Kinebrithus* Winton. 195, 798.

*Kineferthus* Roff. 332.

*Kinewardus* Well. 557.

*Kinewoldus* Wigorn. 472.

*Kynsius* Ebor. 240.

*Kynsius* Lichfeld. 432, 804.

## L

*Lambertus* Cant. 3, 53, 83, 85, 87,

90, 91, 96, 429, 460, 790.

*Lamfertus* Helmam. 404.

*Lanfrancus* Cant. 6, 55, 66, 84, 86, 87,

108, 136, 150, 251, 253, 255, 263,

322, 334, 336, &c. 392, 791, 798.

*Laurentius* Cant. 2, 83, 85, 87, 152, 153, 461.

*Laurentius Booth* Dunelm. & Ebor. 777, 77.

*Laurentius de S. Martino* Roff. 350, &c. 391, 500.

*Leofgarus* Lichfeld. 432.

*Leofricus* Crid. Cornub. & Exon. 127, 128.

*Leoffius* Wigorn. 473.

*Leofwinus* Lichfeld. 433, 463.

*Livingus* Crid. Cornub. & Wigorn. 473, 702.

*Livingus* Well. & Cant. 5, 54, 84, 86, 87, 106, 557, 791.

*Ludovicus Beaumont* Dunelm. 757, &c.

*Ludovicus Carleton* Hereford. 45.

*Ludovicus Luschburg* Eli. 668, &c.

## M

*Algerius* Wigorn. &c. 487, 634.

*Mauricius* London. 273, 294, 296, 297, 613, 706.

*Martinus* Bangor. 482.

*Mellitus* London. & Cant. 1, 2, 52, 83,

85, 87, 90, 92, 152, 153, 461.

*Merewnit* Well. 558.

*Michael Northbrock* London. 44, 45.

*Milredus* Wigorn. 470.

## N

*Netholacus* Helmam. 404.

*Nicolaus Bubwith* London. Sarum. & Well. 571.

*Nicolaus Cloose* Carleol. & Lichfeld 453

*Nicolaus Hethe* Roff. Wigorn. & Ebor. 383.

*Nicolaus de Ely* Wigorn. & Winton. 286, 312, &c. 496, 497, &c. usque ad 504.

*Nicolaus Farnham* Dunelm. 307, 308, 439, 491, 736, 737, 738, 742.

*Nicolaus Landav.* 434.

*Nicolaus West* Eli. 676.

*Nigellus* Eli. 301, 618, &c. 646.

*Ninianus* Wittern. 693.

*Northbertus* Helmam. 404.

*Nothelmus* Cant. 3, 52, 83, 85, 87, 95.

## O

*Odo* Wilton. & Cant. 4, 54, 66, 83, 85, 87, 100, 215, 791.

*Oltiverus* King Well. 575.

*Osbertus* Hagustald. 698.

*Osmundus* Sarum. 159, 296.

*Ostforus* Wigorn. 427, 469.

*Osulfus* Wilton. 126.

*Oswaldus* Wigorn. & Ebor. 224, 323, 472, 473, 541, 542, 546.

## P

*Andulfus* Norwic. 306, 398, 410, 437, 482, 485, 487, 581.

*Paulinus* Ebor. & Roff. 1, 2, 65, 92, 153, 154, 190, 329, 341, 461, 691.

*Pæthelmus* Wittern. 697.

*Petrus Courtney* Exon. & Winton. 318.

*Petrus Egveblanc* Hereford. 440, 495, 497, 738.

*Petrus* Lichfeld. 433, 445, 457.

*Petrus Quivil* Exon. 504.

*Petrus de Rupibus* Winton. 286, 305, &c. 479, 485, 490, 733, 799.

*Petrus de Wenloc* Menev. 303, 304, 478.

*Philippus Morgan* Wigorn. & Eli. 537, 666, 668.

*Philippus Pictaviensis* Dunelm. 480, 726, &c.

*Plegmundus* Cant. 4, 53, 83, 85, 87, 99, 210, 554, 555.

*Puthricus* Roff. vide *Burhricus*.

*Putta* Roff. 330, 341.

L 1111 2

Putta



# I N D E X.

*Putta* Hereford. 424, 427.

## Q

**Q** *Uichelmus* Roff. 330.

## R

**R** *Adulphus Baldok* London. 597.

*Radulphus Bane* Lichfeld. 458.

*Radulphus Erghum* Sarum & Well. 570, 571.

*Radulphus* Norwic. 411.

*Radulphus Maydenston* Hereford. 491.

*Radulphus I.* Cicestr. 69, 295, 297.

*Radulphus Flambar* Dunelm. 295, 296, 297, 298, 614, 699, 705, &c. 786.

*Radulphus Roff.* & Cant. 7, 56, 69, 84, 86, 87, 109, 160, 297, 333, 342, 475, 791.

*Radulfus de Salopia* Well. 45, 568, 587.

*Radulfus Warham* Cicestr. 306, 398, 420, 484, 486.

*Radulfus Nevill* Cicestr. 306, 307, 488, 492.

*Radulfus Walpole* Norwic. & Eli. 402, 412, 638, 639.

*Reginaldus Bolars* Hereford. & Lichfeld. 453.

*Reginaldus Well.* & Cant. 10, 57, 113, 561.

*Reginaldus Brian Menev.* Wigorn. & Eli. 535, 662.

*Remigius* Lincoln. 66. 611.

*Reynelmus* Hereford. 276, 297, 475.

*Ricardus Bell* Carleol. 778, 789.

*Ricardus de Belmeis I.* London. 69, 81, 297.

*Ricardus Bintworth* London. 374, 766.

*Ricardus Blondy* Exon. 310.

*Ricardus de Bury* Dunelm. 30. 589, 762, &c.

*Ricardus I.* Cant. 9, 57, 84, 87, 111, 301, 302.

*Ricardus II.* Cant. 10, 57, 84, 115, 306, 487, 488.

*Ricardus Clifford* Wigorn. & London. 536, 571, 805.

*Ricardus Courtney* Norwic. 416, 589.

*Ricardus Fitz-James* Roff. Cicestr. & London. 381.

*Ricardus Fox* Exon. Well. Dunelm. & Winton. 319, 575, 779.

*Ricardus Gravesend* Lincoln. 494.

*Ricardus Gravesend* London. 504.

*Ricardus I.* Hereford. 298.

*Ricardus de Ivelcestria* Winton. 286, 301, 302, 799.

*Ricardus Kellaw* Dunelm. 755, 756, 757.

*Ricardus de Marisco* Dunelm. 483, 487, 732, 733, 734.

*Ricardus Martin* Chorepisc. Cant. 64, 790.

*Ricardus Nigelli* London. 302, 304, 478, 627, 630.

*Ricardus Nix.* Norwic. 418, 419, 804.

*Ricardus Panper* Cicestr. Sarum & Dunelm. 306, 483, 487, 490, 730, 733, 734, 735.

*Ricardus Peche* Lichfeld. 300, 435, 448, 463, 804.

*Ricardus Redman* Assav. Exon. & Eli. 675.

*Ricardus Sampson* Cicestr. & Lichfeld. 458, 466.

*Ricardus Scrope* Lichfeld & Ebor. 450.

*Ricardus Wendover* Roff. 348, &c. 390. 801.

*Ricardus de la Wich* Cicestr. 309, 311, 440, 492, 494, 502.

*Ricardus Tong* Bangor. & Roff. 379.

*Rigaudus de Asserio* Winton. 286, 316, 361, 799.

*Robertus I.* Bathon. 301.

*Robertus Betun* Hereford. 299, 300, 475.

*Robertus Bingham* Sarum. 306. 492.

*Robertus Bloet* Lincoln. 160, 264, 295. 615, 616, 681.

*Robertus Braybroke* London 121.

*Robertus Burnell* Well. 315, 499, 501, 504, 507, 512, 514, 566, 585, 799.

*Robertus de Cheineto* Lincoln. 301, 625, 627.

*Robertus Chichester* Exon. 300, 81.

*Robertus Fitz-Hugh* London. 669.

*Robertus Foliot* Hereford. 301, 476, 477.

*Robertus Graystones* Dunelm. 762, 763.

*Robertus Grosthead* Lincoln. 307, 308, 309, 439, 497, 494, 737.

*Robertus Halam* Sarum. 452.

*Robertus de Insula* Dunel. 500, 742, &c.

*Robertus Kilwarby* Cant. 11, 48, 58, 84, 116, 313, 401, 499, 500, 502, 503, 585, 793.

*Robertus* London. & Cant. 5, 84, 86, 87, 107, 233, 237, 291, 292, 791.

*Robertus de Lymesy* Lichfeld. 282, 295, 296, 298, 433, 445, 463.

*Robertus*

# I N D E X.

- Robertus Melun* Hereford. 301, 476.  
*Robertus Morton* Wigorn. 538, 805.  
*Robertus Nevil* Sarum & Dunel. 777.  
*Robertus Orford* Eli. 527, 640, 684.  
*Robertus Peche* Lichfeld. 298, 434, 445, 463.  
*Robertus Salopiensis* Bangor. 481.  
*Robertus Stichill* Dunelm. 500, 739.  
*Robertus Stillington* Well. 574.  
*Robertus Stratford* Cicestr. 20, 45, 374.  
*Robertus Stretton* Lichfeld. 44, 449.  
*Robertus Warlewast* Exon. 300.  
*Robertus I. Well.* 561, 588, 800.  
*Robertus Wigorn.* 477.  
*Robertus Wikhampston* Sarum. 498, 500.  
*Robertus Winchelse* Cant. 11, 50, 59, 84, 117, 173, 414, 442, 514, 516, 518, 520, 521, 522, 526, 528, 549, 640, 793.  
*Rogerus Clinton* Lichfeld. 434, 463.  
*Rogerus Ebor.* 8, 9, 72, 161, 302.  
*Rogerus Magnus* Sarum. 160, 274, 276, 297, 299.  
*Rogerus Meyland* Lichfeld. 440, 447, 457, 518, 804.  
*Rogerus Northburg.* Lichfeld. 20, 29, 442, 447, 449.  
*Rogerus Skerninge* Norwic. 396, 399, 400, 401, 411, 420, 502.  
*Rogerus Walden* Cant. & London. 795.  
*Rogerus Well.* 308, 492, 564, 584.  
*Rogerus Weseham* Lichfeld. 439, 441, 447, 492.  
*Rogerus Wigorn.* 301, 476.  
*Rolandus Lee* Lichfeld. 456.  
*Romanus* Roff. 329.
- S
- Sampson* Wigorn. 68. 474.  
*Savaricus* Well. 562, 578, &c.  
*Saxulfus* Lichfeld. 424, 427.  
*Sefridus I.* Cicestr. 70.  
*Sefridus II.* Cicestr. 304, 305.  
*Sewallus* Ebor. 310, 494.  
*Sexhelmus* Lindisfarn. 700.  
*Sibba* Helmam. 404.  
*Sidemannus* Crid. 129, 166.  
*Sigarus* Well. 557.  
*Simon Apuleus* Exon. 482, 486.  
*Simon Islip* Cant. 43, 60, 119, 376, 377, 659, 664, 74, 75, 794.  
*Simon Langham* Eli & Cant. 45, 46, 61, 119, 663, 794.  
*Simon Mepharn* Cant. 18, 59, 118, 368, 369, 370, &c. 761, 793, 798.
- Simon Montacutus* Wigorn. & Eli. 40, 534, 649, &c. 761.  
*Simon Sudbury* London. & Cant. 49, 61, 121, 794.  
*Simon Wanton* Norwic. 312, 398, 411, 440, 494.  
*Simon Welles* Cicestr. 479, 480.  
*Simon* Wigorn. 475.  
*Siricius* Wilton. & Cant. 4, 54, 83, 86, 87, 103, 105, 126, 445, 790, 791.  
*Siwardus* Chorepisc. Cant. 55, 106, 167, 238, 791.  
*Siwardus* Roff. 107, 238, 332, 342, 392.  
*Stephanus Berkstead* Cicestr. 311, 312, 496, 497.  
*Stephanus Gardiner* Winton. 319.  
*Stephanus Gravesend* London. 366, 367.  
*Stephanus Langton* Cant. 10, 48, 57, 84, 114, 150, 305, 306, 347, 348, 385, 386, 437, 481, 484, 486, 543, 634, 793.  
*Stigandus* Cicestr. Helmeam. Winton. & Cant. 5, 80, 84, 86, 87, 107, 239, 248, 249, 285, 293, 294, 397, 406, 474, 609, 790, 791, 796.  
*Stigandus* Cicestr. 295.  
*Swithulfus* Roff. 332, 334, 384.  
*Swithunus* Winton. 199, 200, 201, 202, &c. 322, 323, 799.  
*Sygidwoldus* 603.  
*Sylvester de Evesham* Wigorn. 482, 483, 548.  
*Sylvester Giglis* Wigorn. 538.
- T
- Tadnothus* Roff. 331.  
*Tatfrithus* Wigorn. 424, 469.  
*Tatwinus* Cant. 3, 83, 85, 87, 94, 158, 159.  
*Theodredus I.* Helmam. 405.  
*Theodredus II.* Helmam. 405.  
*Theobaldus* Cant. 7, 56, 71, 84, 86, 87, 110, 150, 344, 622, 623, 720.  
*Theobaldus* sive *Theolphus* Wigorn. 297, 298, 475.  
*Theodorus* Cant. 2. 52. 83, 85, 87, 93, 155, 156, 157, 193, 424, 426, 597, 628, 693, 694, 764.  
*Thomas Arundell* Eli. Ebor. & Cant. 62, 122, 379, 451, 589, 664, 665, 795.  
*Thomas Beck* Carleol. 504.  
*Thomas Beck* Menev. 747.  
*Thomas Becket* Cant. 8, 56, 84, 87, 111, 162, 171, 300, 722, 793.  
*Thomas Beckington* Well. 573.  
*Thomas Bentham* Lichfeld. 458.
- Thomas



# I N D E X.

- Thomas Blundevil* Norwic. 398. 410. 487.  
*Thomas Bouchier* Wigorn. Eli. & Cant. 63, 123, 318, 537, 669, 671, 795.  
*Thomas Bradwardyn* Cant. 42, 60, 119, 376. 766.  
*Thomas Brouns* Roff. & Norwic. 380, 417, 803, 537, 573.  
*Thomas Brynton* Roff. 378.  
*Thomas Button* Exon. 588.  
*Thomas Cantelou* Hereford. 401, 501, 503, 506, 508, 529.  
*Thomas Charlton* Hereford. 374, 757. 785.  
*Thomas Cobham* Wigorn. 52, 532.  
*Thomas Cornish* Chorepisc. Well. 575.  
*Thomas Cranmer* Cant. 795.  
*Thomas Domoc.* 403.  
*Thomas I.* Ebor. 6, 66, 160, 253, 273, 295, 613, 707.  
*Thomas II.* Ebor. 67, 160, 297, 699, 81, 82.  
*Thomas Fastolf* Menev. 45.  
*Thomas Goodrich* Eli. 677.  
*Thomas Hatfield* Dunelm. 769. &c.  
*Thomas Hemenhale* Wigorn. 534, 802, 805.  
*Thomas Jan* Norwic. 418, 804.  
*Thomas Inglethorp* Roff. 352, 353, 370.  
*Thomas Lacedæmonensis* Chorepisc. Well. 577.  
*Thomas Langley* Dunelm. 775, 776, 789.  
*Thomas Langton* Menev. Sarum & Winton. 319.  
*Thomas Lile* Eli. 44, 45, 376. 652. &c.  
*Thomas Mannyng* Chorepisc. Norwic. 419.  
*Thomas Montagu* Chorepisc. Well. 577.  
*Thomas Pascal* Landav. 45.  
*Thomas Percy* Norwic. 415, 803.  
*Thomas Peverel* Landav. & Wigorn. 536, 805.  
*Thomas Polton* Hereford. Cicestr. & Wigorn. 537, 805.  
*Thomas Radcliff* Chorepisc. Dunelm. 778.  
*Thomas Rotheram* Roff. Lincoln. & Ebor. 381.  
*Thomas Rudborn* Menev. 287, 669.  
*Thomas Ruthall* Dunelm. 780.  
*Thomas Savage* Roff. Lond. & Ebor. 381.  
*Thomas Spark* Chorepisc. Dunelm. 783, 784.  
*Thomas Spofford* Hereford. 380.  
*Thomas Trilleck* Roff. 45, 378.  
*Thomas Wallensis* Menev. 493.  
*Thomas Wolfeus* Lincoln. Well. Dunelm. Winton. & Ebor. 319, 456, 576, 577, 780, 782, 800.  
*Thomas Welles* Chorepisc. Cant. 64. 790.  
*Thomas Woldham* Roff. 353, 354, 356, 357, 370, 394.  
*Thurstinus* Ebor. 7, 69, 297, 298, 299.  
*Tidemannus* Winchcomb Wigorn. 536, 805.  
*Tidferthus* Hagustald. 699.  
*Tilbertus* Hagustald. 697.  
*Tilherus* Wigorn. 470.  
*Tilredus* Lindisfarn. 700.  
*Titfrid* Domoc. 404, 801.  
*Tobias* Roff. 158, 330, 341.  
*Totta* Legecestr. 424, 428.  
*Trumbertus* Hagustald. 694.  
*Trumhere* Lichfeld. 425.  
*Trumwine* Wittern. 694.  
*Tuda* Lindisfarn. 65, 693.  
*Tunbertus* Lichfeld. 431, 432, 804.  
*Tuxbertus* Winton. 206, 799.  

U

*Ulfus* Dorcest. 239.  
*Uthredus* Lindisfarn. 700.  

W

*Alcherus* Dunelm. 159, 703, 764, 785, 786.  
*Walkelinus* Winton. 159, 255, 265, 271, 273, 285, 294. &c.  
*Walterus Bronescomb* Exon. 310, 440, 499, 504.  
*Walterus de Cantilupo* Wigorn. 312, 490, &c.  
*Walterus Durdens* Lichfeld. 137, 300, 434, 446, 463.  
*Walterus Giffard* Well. & Ebor. 312, 499, 504, 566, 584, 585. 743.  
*Walterus Gray* Wigorn. & Ebor. 309, 436, 480, 481, 484. 487, 494, 733, 735, 736.  
*Walterus Haselshaw* Well. 527, 567, 588.  
*Walterus* Hereford 610.  
*Walterus Kirkham* Dunelm. 737, 738, 739.  
*Walterus Langton* Lichfeld. 441, 447, 449, 451, 529.  
*Walterus Lybert* Norwic. 418. 803.  
*Walterus Malclerk* Carleol. 486, 487, 492.

*Walterus*

# I N D E X.

- Walterus Maydenston Wigorn.* 532, 805.  
*Walterus Merton Roff.* 351, 352, 499, 500, 502.  
*Walterus Reynold Wigorn. & Cant.* 18, 59, 84, 117, 173, 357, 358, 362, 365, &c. 532, 533.  
*Walterus I. Roff.* 344, 345, 477, 800.  
*Walterus Scammel Sarum.* 508.  
*Walterus Segrave Cicestr.* 766.  
*Walterus Skirlaw Lichfeld. Well. & Dunelm.* 450, 570, 774, 788, 804.  
*Walterus de Stapleton Exon.* 18, 366.  
*Walterus Suthfeld Norwic.* 174, 398, 411, 492.  
*Walterus de la Wyle Sarum.* 311, 313, 498.  
*Werfrithus Wigorn.* 471.  
*Weremundus Domoc.* 404.  
*Weremundus Roff.* 331, 333, 342, 384.  
*Weremundus Wigorn.* 470.  
*Werenbertus Legecestr.* 430.  
*Werstanus Scireburn.* 210, 555.  
*Wicta Lichfeld.* 428.  
*Wigredus Lindisfarn.* 700.  
*Wigthen Winton.* 195, 798, 799.  
*Wilferthus Wigorn.* 472.  
*Wilfridus Ebor. & Hagustald.* 2, 4, 65, 155, 156, 157, 252, 253, 424, 425, 426, 427, 470, 598, 599, 692, 693, 695.  
*Wilfridus junior Ebor.* 66.  
*Wilfridus Menev.* 475.  
*Wilfridus Wigorn.* 470.  
*Willelmus Alnwick Norwic. & Lincoln.* 417, 667, 803.  
*Willelmus Ayremyn Norwic.* 40, 365, 368, 370, 371, 373, 413, 802.  
*Willelmus de S. Barbara Dunelm.* 712, &c. 718, 787.  
*Willelmus Bateman Norwic.* 414, 650, 803.  
*Willelmus de Belfago Thetford.* 294, 406, 433.  
*Willelmus Bleis I. Lincoln.* 479.  
*Willelmus Bleis Wig.* 484, &c. 543, &c.  
*Willelmus Bothe Lichfeld. & Ebor.* 453.  
*Willelmus Botlesham Landav. & Roff.* 379.  
*Willielmus Breus Landav.* 508.  
*Willelmus Brewer Exon.* 306, 486.  
*Willelmus de Bruton Chorepisc. Well.* 577.  
*Willelmus Button I. Well.* 493, 565, 458.  
*mus Button II. Well.* 566.  
*Willel*
- Willelmus Corboyl Cant.* 7, 56, 84, 86, 87, 110, 283, 284, 298, 300, 786, 792.  
*Willelmus Cornere Sarum.* 401.  
*Willelmus Cornhull Lichfeld.* 436, 446, 465, 482, 486.  
*Willelmus Courtney Hereford. London. & Cant.* 61, 121, 795.  
*Willelmus Dudley Dunelm.* 778.  
*Willelmus Edyndon Winton.* 46, 286, 317, 325, 800.  
*Willelmus de Eboraco Sarum.* 308, 492, 494.  
*Willelmus I. Ebor.* 71, 161, 300, 715, 746.  
*Willelmus Finch Chorepisc. Well.* 577.  
*Willelmus Gainsborough Wigorn.* 517, &c. 531, 805.  
*Willelmus Giffard Winton.* 82, 160, 265, 274, 276, 278, 285, 296, &c. 799.  
*Willelmus Goldcliff Landav.* 484.  
*Willelmus Gray Eli.* 672.  
*Willelmus Gray London & Lincoln.* 667.  
*Willelmus Greenfeld Ebor.* 754, 755, 757.  
*Willelmus Heyvorth Lichfeld.* 452.  
*Willelmus de S. Karilefo Dunelm.* 295, 704, 784, 785, 786.  
*Willelmus de Kilkenni Eli.* 309, 636.  
*Willelmus de Lennia Cicestr. & Wigorn.* 45, 48, 535.  
*Willelmus I. Lond.* 239.  
*Willelmus Longchamp Eli.* 302, 478, 579, 632, 633, 73, 74.  
*Willelmus Louth Eli.* 511, 522, 638.  
*Willelmus March Well.* 514, 527, 567.  
*Willelmus de S. Maria London.* 480, 485, 634.  
*Willelmus Middleton Norwic.* 352, 401, 412, 502, 503, 802.  
*Willelmus Meltonn Ebor.* 365, 367, 759, 760.  
*Willelmus Moore Chorepisc. Eli.* 550, 676, 685.  
*Willelmus Norhale Wigorn.* 476, 477.  
*Willelmus Rale Norwic. & Winton.* 286, 307, &c. 398, 411, 439, 490, 492.  
*Willelmus Rede Cicestr.* 48.  
*Willelmus Repps Norwic.* 419.  
*Willelmus Sever Carleol. & Dunel.* 779.  
*Willelmus Smith Lichfeld. & Lincoln.* 454.  
*Willelmus Turbes Norw.* 397, 409, 629.  
*Willelmus Vere Hereford.* 477.  
*Willelmus Warham London. & Cant.* 124, 795.



# I N D E X.

- Willelmus Waynflet* Wint. 318, 326, 800. *Wlfeimus* II. Well. 556.  
*Willelmus Wells* Roff. 380. *Wlfheardus* Hereford. 471.  
*Willelmus Wickham* Wint. 47, 286, 317. *Wlfredus* Cant. 353, 83, 85, 87, 97, 790.  
*Willelmus Wikwan* Ebor. 504, 508, 744, *Wlfsinus* Scireburn. 130, 131, 170.  
745, 746, 747. *Wnferthus* Helmam. 404.  
*Willelmus Witlesey* Roff. Wig. & Cant. *Wolstanus Braunsford* Wigorn. 374,  
45, 48, 61, 120, 378. 535, 659, 794. 533, 534 549, 586.  
*Wlredus* Domoc. 404. 801. *Wolstanus* I. Ebor. 133, 701.  
*Wine* Winton. & London. 192, 426. *Wolstanus* Wigorn. & Ebor. 133 473.  
*Winfredus* Lichfeld. 424, 426. *Wolstanus* H. Wigorn. 239, 263, 473,  
*Winsius* Lichfeld. 432, 804. 474, 479, 483, 541, 542, 547.  
*Wlfeimus* Well. & Cant. 4, 53, 83, 85, *Wulgarus* Wilton. 126, 132.  
87, 100, 556, 790. *Wulsius* Lichfeld. 433.

## Pauca quadam Addenda & Emendanda.

**A**D. pag. 44. *Præfationis*. Postquam integrum Opus prælo exierat, in lucem prodit alterum Historicorum Angliæ volumen Cl. Galei operâ apud Oxoniam impressum. In hoc locum habet p. 463. Thomæ Eliensis Liber *de Vita S. Athelwaldi Episcopi*. Eiusdemque Liber secundus *Historiæ Eliensis*, non tamen integer, sed multis Capitulis libro *de Vita Ethelwoldi* communibus exoneratus, & in Normannorum adventu ac Turstani Abbatis initiis terminatus. Ex hoc Epitomes nostræ Author sua ferè omnia, quæ de Abbatum Eliensium temporibus habet, verbatim descripsit.

Pag. 206. Willelmus Malmsburiensis in *Historiâ de Antiquitatibus Glaston.* Tunbertum Episcopum, Monachum prius Glastoniensem fuisse & anno 876. obiisse refert. Magis tamen placet annus 879. à Florentio positus, quem Ranulfus etiam Cestrensis confirmat.

Pag. 325. Thomas Silkstead Prioratum Ecclesiæ Winton. anno 1513. adhuc tenuit. Henricus Broke Prior ejusdem erat anno 1531.

Pag. 405. Sigefridus, qui ex Monacho Glastoniensi Episcopus Norwicensis factus Nonis Aprilis obiisse in *Historiâ Glastoniensi* (apud Monasticon tom. 1. p. 9.) dicitur, Episcopus Norwegensis in Willelmi *Historiâ Glastoniensi* rectius appellatur Ælfgarus Episcopus Helmeamensis, regnante adhuc Etheldredo Rege, ad Cœnobium Eliense abdicato Episcopatu recessit. Anno enim 1016. Ædnodi Lincolnensis Episcopi apud Assandun interfecti corpus in Ecclesia Eliensi sepelivit, quippe qui tunc temporis relicto Episcopatu hic ex toto se dederat, referente Thoma Eliensi l. 2. c. 13. Ælfricum Sedi Helmamensi annos inter 1023. & 1030. præfuisse ex eodem constat l. 2. c. 25.

Pag. 420. Willelmus de Claxton Prior Norwicensis compositionem de jurisdictione sede Norwic. vacante exercendâ cum Simone Archiepiscopo fecit 1330. 4. Aug. hac lege, ut Conventus Norwicensis tres de suo gremio intra 15. dies Archiepiscopo præsentaret, & uni ex his electo Archiepiscopus auctoritatem visitandi Capitulum & Diocesin Norwic. & excessus corrigendi committeret, salvis Archiepiscopo duabus emolumentorum partibus, Capitulo tertiâ. Reliquæ officii Episcopalis partes cuicunque Archiepiscopus voluerit concedantur. Compositionem Willelmus Episcopus Norwic. confirmavit 1330. 26. Augusti. Ex *Registro. Eccl. Cant.* In his Chirographis Johannes Salmon Episcopus Norwic. nomine *Johannis de Ely* sæpius memoratur.

Pag. 426. Winfridum Episcopum quarto consecrationis suæ anno depositum fuisse Ranulfus Cestrensis prodit. Componitur is cum anno Christi 675. quem Florentius posuit.

Pag. 555. Nostrum de septem Episcopis à Plegmundo simul ordinatis calculum confirmant Annales vetusti serio inscripti; qui Frithestanus anno 909. Episcopatum Wintoniensem suscepisse testantur.

Pag. 586. l. penult. Prioratus Ecclesiæ Bathoniensis vacavit anno 1340. mense Septembri. quod ex *Concil. Angl.* tom. 2. p. 544. liquet. FINIS.







---

ANGLIA SACRA.

PARS SECUNDA.

---





ANGLIA<sup>c</sup> SACRA,  
S I V E  
COLLECTIO HISTORIARUM,  
Antiquitus scriptarum  
D E  
ARCHIEPISCOPIS & EPISCOPIS  
ANGLIÆ,  
A primâ Fidei Christianæ susceptione ad Annum  
M D X L.

PARS SECUNDA,

Plures antiquas de Vitis & rebus gestis Præsulum  
Anglicorum Historias sine certo ordine congeſtas complexa.



L O N D I N I:  
Impensis RICHARDI CHISWEL ad Inſigne Roſæ Coronatæ  
in Cœmeterio S. Pauli. M. DC. XC. I.



21  
0015  

---

2

Reverendo admodum in Christo

P A T R I ac D O M I N O

D. WILHELMO

Permissione Divinâ

Episcopo Assavenfi,

Summo Regiarum Majestatum Eleemosynario.

*Amplissime Præsul,*



QUUM est, ut insignia beneficia, quæ ab accipientibus compensari non possunt, ab iisdem celebrentur. Hoc potissimum emolumentum amplior dignitas homini confert, ut aliis facile prodesse possit, idque solo humanitatis & benevolentiae intuitu facere necesse habeat. Atque id unicum media fors hominum, de quo conqueratur, habet, quod aliorum beneficia duntaxat laudare queat. Id sanè officii, quod solum restat, libenter & datâ quavis occasione præstare debent, qui aliorum beneficiis fruuntur; ut tam in his gratitudo quàm in illis beneficentia reluceat. Ingratus certè essem, si egregia, quæ mihi Vestra Paternitas contulit, beneficia prompto animo non agnoscerem; si favorem, benevolentiam, quin & amicitiam, quæ me inferioris subsellii virum Præsul amplissimus, juvenem  
( A ) senex,



---

*Epistola Dedicatoria.*

---

senex, indoctum eruditissimus, jamdiu es dignatus, non deprædicarem. . . . . Integrum plusquam triennium excurrit, ex quo me primùm Vestræ Amplitudini notum esse contigit; neque aliquem ferè mensem abire passus es, in quo me novis beneficiis tibi non devinxisti. Secundam igitur hanc *Angliæ Sacræ* partem Nomini tuo inscriptam prodire concedas; ut tanti ac tam rari favoris monumentum extet, quod æternum esse vellem. Nec immeritò quidem in hoc potissimùm Opere gratitudinem erga te meam profiteri decrevi, cùm tibi non magis Author quàm Opus ipsum debeat. Tu etenim primus me ad Opus istud aggrediendum incitasti, vacillantem sæpe animum & sub diuturni laboris pondere fatiscentem confirmasti, consilio atque authoritate tuâ susceptum Opus promovisti. Tibi accepta referri debent plurima, quæ in hac Secundâ Parte prodeunt, monumenta, te suadente edita, tibi, antequam typis exprimerentur, visa & probata. Alio quinetiam nomine hoc tibi Volumen nuncupari convenit. Pars ejus potior de antiqui Cleri Wallensis statu disciplinâ ac rebus gestis agit; teque maximum sui decus atque columen Clerus Wallensis hodiernus habet, quem jactitet & veneretur. In te Wallia diluit labem, qua propter literarum ignorantiam & religionis incuriam Gentiles tuos Giraldus Cambrensis olim aspersit. Utinam & illa, quibus Anglos advenas Wallensium Episcopatus & Sacerdotia occupantes Giraldus proscidit, opprobria tam facilè dilui possent!

Dabit veniam eruditissimus Antistes, si in hoc loco (quoniam alius non restat) paucula quædam mihi Præfationem ante quatuor menses scribenti nondum comperta, subnotaverim. In paginâ primâ Præfationis vix aliud *Vitæ Aldbelmi* exemplar manuscriptum præter id quo usi sumus inveniri; atque alibi Cl. *Galenum* ex eodem, quo nos, Codice editionem suam confecisse, dixi.

Postea

Postea autem bina alia ejusdem *Vitæ* exemplaria vidi, alterum in Bibliothecâ publicâ Academiae Cantabrig. in Collegio Corporis Christi Cantab. alterum, utraque nostro recentiora, sed integra, & manu longè elegantiori descripta, curâ ( ni fallor ) Matthæi Archiepiscopi Cantuariensis, qui illa Bibliothecis laudatis dono dedit. Ex horum altero suum *Galeus* apographum describi fecit: ut mirum sit Amanuensem ejus in describendo Codice alterutro toties errare potuisse, cùm nil unquam nitidius scriptum viderim. E contra Codex ille, quo usus sum, Collegii S. Trinitatis Cantab. caractere longè difficillimo exaratur, & Bibliopegæ vitio in extremis plerunque lineis mutilatur: ut Amanuensis mei sphalmata ( quamvis illa sint multò minora atque pauciora ) ignosci debeant. Dein pag. 27. Præfationis, de Radulphi Dicetensis Historiâ *de Dorobernensibus Archiepiscopis*, utrùm ea in hoc Volumine edita cum aliâ cognomine in Collegio Corporis Christi Cantab. asservatâ conveniret, subdubitanter scripsi. Ante duos equidem menses Codicem Cantabrigiensem inspexi, & à nostro diversum reperi. Scriptus est ille manu eleganti & antiquâ satis; & ejusmodi titulum præ se fert: *Liber de Dorobernensibus Archiepiscopis ad R. P. Hubertum Archiepiscopum Cant. Apostolicæ Sedis Legatum directus à Radulpho de Diceto Lundeniensi Ecclesiæ Decano*. Si brevem autem Præfatiunculam, & extremam Epistolæ Cælestini Papæ, in qua definit, partem demas; nil non ex Radulphi Historiis a Twissdeno inter X Sriptores Historiæ Anglicanæ vulgatis verbatim descriptum habet. Præfigitur primo hujus Codicis folio manu multò recentiore iste titulus: *Annales Stephani Archiepiscopi*. Librarius scilicet quidam Annales Stephani *de rebus gestis Ricardi I. Angliæ Regis* describere cæperat, sed post descriptum titulum cessavit. Folio autem sequenti incipit supradicta Radulphi

( A 2 )



---

*Epistola Dedicatoria.*

---

dulphi Historia ; ut pronum sit conjicere, hinc natum  
fuisse Pitsei, Jamesii & Vossii errorem de *Annalibus*  
*Archiepiscoporum Dorobernensium* Stephano inscriptis.

Laude dignissima Paternitatis Vestrae consilia & in  
Religionis & in Literaturæ gratiam suscepta Numen  
Cœleste fortunet, eidemque vitam incolumen & diutur-  
nam conservet. Id votis assiduis exoptat

xiii Cal. Novembr.  
MDC XCI.

*Amplitudini Vestrae addictissimus,*

H E N R I C U S   W H A R T O N .

---

P R Æ-

# PRÆFATIO

A D

## PARTEM SECUNDAM

### Angliæ Sacræ.

De Scriptoribus in hoc Volumine editis.

**I**Nstituti à me Operis rationem in Præfatione ad Partem primam exhibui, neque hîc loci repetendam esse arbitror. Sufficiat Lectorem monuisse, mihi propositum esse in hac secundâ Parte plures Historias Ecclesiasticas, præsertim de vitis & rebus gestis Archiepiscoporum & Episcoporum Angliæ, antea apud nos ineditas, evulgare.

I. Primum in his tenet locum Vita S. Aldhelmi Scireburnensis Episcopi, qui primus è gente nostra Latinas literas scriptis adhibuit. Authorem habet insignem Historicum, Willelmum Somerset, Cænobii Malmsburiensis Bibliothecarium & Præcentorem; qui plurimis ingenii monumentis egregiam sibi famam comparavit, & *Historiam Novellam*, quam ultimo loco scripsisse videtur, in anno 1143. clausit. Inter alia *Historiam de Pontificibus Anglorum* à primâ fidei susceptione ad annum circiter 1125. contexuit, & in quinque libros Opus distribuit. Ex his quatuor priores in multis apud nos Codicibus MSS. reperiuntur; quinti autem rarissima sunt exemplaria. Hodie enim vix aliud præter id quo usi sumus invenitur; & Johannes Jocelinus post enumerata plura priorum quatuor librorum apographa à se visa, se quinti unicum penès Johannem Foxum vidisse testatur. Traët. de Hist. Angl. c. 16. Scriptus itaque à Willelmo videtur diu post evulgatos libros priores; atque hinc factum est, ut à cæteris dissociatus fuerit. Ejus spem fecerat Willelmus in libro 2. de Pontif. Angl. cap. de Episcopis Scireburn. *Primus, inquit, ibi sedit pater Aldelmus; quem hic tantum loco ordinis nomino. Namque quòd ejus Vitam nunquam plenè digestam reperi, spectantque ad eam quamplurima, quæ si posteros celavero, delinquo; cogitavi annuente Deo, in extremo hujus Opusculi libro cum ejusdem modi materiâ liberiori congregi otio.* Quintus igitur Liber, ut Jocelini verbis



verbis utar, agit tantum de Vitâ & miraculis S. Aldelmi, & de statu Malmſburiensis Cænobii. Ad hunc scribendum Willelmus lege gratitudinis se obstrictum dicit. Cænobium enim Malmſburiense Aldhelmus fundavit. Quatuor priores libri à viro doctissimo Henrico Savilio Londini 1596. editi sunt; quintus jam primum prodit. Hunc quidem V. Cl. Johannes Mabillonius in Actis Benedictinorum Sæc. IV. par. 1. p. 726. se dedisse arbitratus est, ex Codice Cottoniano descriptum; verè autem leve ejusdem compendium duntaxat edidit. Compendium sanè antiquitatem non contemnendam habet, (Codex enim ille Cottonianus ante quingentos ferè annos exaratus esse videtur) genuinæ autem Willelmi Historiæ vix octavam partem exhaustit. In Præfatione suâ Mabillonius Egwinum Wigornienſem, Osmundum Sarisburiensem, & Eadmerum, commentarios de Vitâ Aldelmi ante Willelmum contexuisse scribit. Ejusmodi quidem opus Egwino Baleus & Pitſius inscribunt, vereor ne incertâ admodum fide; neque de aliis res constat. Faricium Abbatem Abendonienſem nonnulla de Aldelmi Vitâ ante se collegisse Willelmus in prologo suo agnoscit. Genuinum Willelmi de Aldelmi Vitâ librum Baleus nunquam viderat. Initium enim istud dedit, *Beatus Aldhelmus Saxonica*: quibus verbis Epitome à Mabillonio edita inchoatur. Alium de eodem libro errorem Baleus iniit, librum Willelmi de *Antiquitatibus Malmſburie* à libro ejusdem de *S. Aldelmi Vitâ* diversum statuens. Pitſius utrumque Balei errorem in farraginem suam pro more descripsit. Genuinum Willelmi librum ex Codice MS. Collegii S. Trinitatis Cantabrig. descripsi. Codex caractere pessimo ante ducentos circiter annos scriptus est; & præter frequentia Librarii sphalmata gravioſam accepit injuriam à Bibliopegâ, qui in foliorum summitatibus integras sæpe lineas abscidit.

Huic libro Willelmus intexuit plures antiquas Monasterii Malmſburiensis Chartas; de quibus nonnulla observare non inutile erit; præsertim cum Chartarum fidem in parte primâ sæpe rejecerim, in parte etiam tertiâ id sæpius facturum. Jamdiu est, quòd Chartarum Monasticarum fraudes à viris eruditis detectæ fuerint. Mitto quæ Latinoſius & ex extetis alii de hac materiâ commentati sunt; si quis de nostræ gentis Chartis certiora velit ediscere, consulat D. Johannis Marsham Præfationem ad Monasticon Anglicanum & eruditissimi Præsulis Edvardi Episcopi Wigornienſis Opus vernaculum de *Originibus Ecclesiæ Britannicæ*. Ante utrumque D. Henricus Spelmanus in Notis ad Concilia Anglica observaverat suspectam esse plerunque Chartarum fidem; & prolato ex Archivis Ecclesiæ Cant. vetusto fragmento docuerat Chartas in Angliâ sub exitum sæculi septimi primò scribi cœpiſſe, primamque omnium fuiſſe, quam Withredus Rex Ecclesiæ Cant. anno 694. dedit. Quæcunque igitur

Claud. A. 5.

Cent. 2. c. 73.

Cap. 201.

Pag. 14. &c.

P. 125.

tur ætatem superiorem præ se ferunt, certissimè sunt commentitiæ. Porro ex iis quæ sequuntur usque ad Edgari Regis tempora, Latine conscriptæ, pars maxima esse spuria meritò censerì potest; quod mihi ex frequenti temporum appositorum & Episcoporum subscriptorum collatione innotuit. Post Edgari tempora haud ita multa falsa esse potui deprehendere. In paucissimis autem seu ante seu post Edgari tempora Chartis Saxonice conscriptis fraus intercedit. Ferè omnes enim Chartæ commentitiæ post Normannorum adventum confictæ videntur; quando Normanni victores fundos & possessiones ab Anglis abstrahere per fas & nefas moliti, ab his rationem reddi exegerunt, quo jure quove titulo terras suas & privilegia possederunt. Tunc Monachis Chartæ seu ex Archivis depromendæ seu confingendæ erant; ni Cænobiis suis deturbari & ad inopiam redigi mallent. Chartas autem Saxonice literis conscriptas supposuisse parum profuisset. Has enim Normanni parvipendissent, & ne levi quidem intuitu dignati essent. Sic enim Normannorum factum primis Willelmi Regis temporibus Ingulphus descripsit. *Ipsam etiam idioma Anglorum tantum abhorrebant; quòd leges terræ, statutaque Anglicorum Regum linguâ Gallicâ tractarentur; modus etiam scribendi Anglicus omitteretur, & modus Gallicus in Chartis & in libris omnibus admitteretur.* Normannis igitur, qui Anglorum linguam & nescierunt & oderunt, Chartas Saxonicas protulisse inane fuisset; atque ideo Latine comminiscende erant. Porro aliam adhuc causam Chartas confingendi Willelmus Normannus Monachis dedit. Ipse enim, qui res ecclesiasticas pro lubitu disposuit, neque magis antiquam Ecclesiæ disciplinam quàm justitiæ leges excoluit, Monasterium S. Martini de Bello à se fundatum à jurisdictione Episcopali penitus exemit. Ab hoc tempore insana Monachos insigniorum Cænobiorum ambitio incessit similem exemptionem impetrandi. Ejusmodi exemptionem ab Alexandro Papâ ante annum 1073. obtinuit Baldwinus S. Edmundi Abbas; quamvis in hac Papa, utpote rem hætenus inauditam atque intentatam ausus, eâ usus sit moderatione, ut id *salvâ Primatis obedientiâ* fieri decreverit. Lanfrancus tamen Archiepiscopus Abbati in Angliam reverso privilegium abstulit. Postea Archiepiscopis mollioris animi Ecclesiæ Anglicanæ præsidentibus, Radulfo, Willelmo & Theobaldo, fractâque per insidias Pontificum Romanorum ejusdem libertate, Monachi nil non sibi licere rati, à jurisdictione tam Archiepiscopali quàm Episcopali eximi quæsi-verunt; confictisque primùm Pontificum & Regum antiquorum chartis obedientiam Episcopis suis denegârunt, dein in Curiâ Romana litigantes, Chartas suas confirmari vi pecuniæ obtinuerunt. Quæcunque igitur exemptionem à jure ordinatio Episcopali prætendunt Monachorum Chartæ ante Normannorum tempora, falsæ

F. 512. b.

Eadmer. Hist.  
Nov. p. 62.



Epist. 68.

merito sunt habendæ. Quod si enim Pontificibus Romanis antea familiare fuisset amplissimas ejusmodi exemptionis Chartas, quales postea prolatae sunt, Monachis conferre; certè Alexander Papa Baldwino Abbati, viro potentissimo & grandi pecuniâ munito, exemptionem perfectam non invidisset. Certè quod Chartas exemptionis Malmsburiensi Cœnobio datas (quæ in hoc Willelmi libro reperiuntur) attinet; eas fraudis arguit Epistola Ricardi Archiepiscopi Cant. ad Alexandrum Papam manu Petri Blesensis anno 1180. scripta. Monasterii Malmsburiensis Monachi nuper sibi Abbatem elegerant: cùmque Sarisburiensis Episcopus Electo inhibuisset, appellatione etiam interpositâ, ne ab alio quàm à se benedictionem acciperet; Electus in Walliam clam profectus, ab Episcopo Landavensi benedici obtinuit. Archiepiscopus itaque Abbatem suspendit, donec ad inobedientiæ suæ excusationem libertatis seu exemptionis privilegium produceret. Abbas coram Archiepiscopo *quasdam exemptionis suæ literas prætendebat, quæ in filo & bullâ videbantur vitiosæ, stylumque Romanæ Curiae minimè redolebant.* Eas falsitatis Episcopus accusavit; & multas Abbatum Malmsburiensium professiones sibi & prædecessoribus suis factas exhibuit. Abbas recessit contumaciter, dicens se nulli Episcopo vel Archiepiscopo nisi soli Summo Pontifici respondere teneri. *Viles, inquit, sunt Abbates & miseri, qui potestatem Episcoporum prorsus non exterminant; cùm pro annuâ auri uncia plenam à Sede Romanâ possint assequi libertatem.* Huic itaque ne Papa faveat, Archiepiscopus rogat, & simul acriter deflet injuriâ Episcopis totique Ecclesiæ factam per exemptiones Abbatibus à Sede Romanâ donatas. *Monasteria enim, quæ hoc beneficium damnatissime libertatis sive Apostolicâ authoritate, sive, quod frequentius est, Bullis adulterinis adeptæ sunt, plus inquietudinis, plus inopiæ incurrerunt. Falsariorum enim præstigiola malitia ita in Episcoporum contumeliam se armavit, ut falsitas in omnium fere Monasteriorum exemptione prævaleat.* Præclarum hujus rei testimonium extat in Archivis Ecclesiæ Christi Cant. de Bullis supposititiis Monachorum S. Augustini Cant. qui multam Archiepiscopis Cant. molestiam integro fere Sæculo duodecimo facesserunt, ut auctoritatem Archiepiscopalem excuterent; quod & denuo effecerunt, prolatis in hanc rem S. Augustini Archiepiscopi & Ethelberti Regis aliisque vetustis privilegiis, magis autem effusâ apud Curiam Romanam immensâ pecuniæ vi. De his & ejusmodi aliis privilegiis Egidius Ebroicensis Episcopus ad Alexandrum Papam literas sequentes dedit; quæ in Archivo dictæ Ecclesiæ reperiuntur, munitæ ipsius sigillo, cujus circumferentiæ inscribitur *Egidii Dei gratiâ Ebroicensis Episcopi.* In dorso autem scriptum est. *Contra falsa Privilegia S. Augustini; qualiter per unum Monachum falsarium S. Medardi adulterinis privilegiis se munierunt.*

“ Quam

“ Quàm gravis inter Regem Henricum & me servum Vestræ  
 “ Sanctitatis in initio nostri Episcopatus exorta sit discordia pro re-  
 “ paratione libertatis Ecclesiarum Norman. quæ à multis retro  
 “ temporibus conculcatæ fuerant; discretionem vestram non credi-  
 “ mus ignorare. Illius siquidem persecutionis turbine moti, &  
 “ Parochiæ nostræ fines exire compulsi, portum nonnisi in Aposto-  
 “ licæ pietatis sinubus invenire potuimus. Quæ & quanta nobis  
 “ solatia scælicis memoriæ B. Innocentius Papa contulerit, vix  
 “ mens potest concipere vel lingua proferre. Inter quæ hoc unum,  
 “ quia ad modernorum non credimus notitiam pervenisse, vestræ  
 “ Discretionis, tanquam dignum memoriâ, præsentis scripti relatio-  
 “ ne studuimus intimare. Dum B. Innocentius Remis celebratu-  
 “ rus Concilium advenisset; me minimum servorum Dei cum  
 “ fratribus & filiis nostris ex more contigit interesse. Inter cæte-  
 “ ros autem, quos nobiscum adduximus, R. in Abbatem B. Au-  
 “ doeni, W. in Abbatem Gemmeticensis electi, nec benedicti,  
 “ Apostolico se conspectui in Abbatum ordine præsentârunt.  
 “ Quorum electionem, immò dejectionem, dum Apostolicis au-  
 “ ribus intimarem; discreto more suo ab eis diligentius inquisivit,  
 “ si fortè aliquibus Privilegiis autenticis munirentur, quorum pa-  
 “ trocinio eorum personæ vel Ecclesiæ à Metropolitani subjectione  
 “ comprobarentur immunes. Dum hæc Apostolica sollicitudo di-  
 “ ligenti scrutaretur instantiâ; venerabilem virum G. Catalaunen-  
 “ sem Episcopum, quondam Abbatem B. Medardi, ex divino  
 “ munere contigit affuisse. Qui, dum B. Audoeni Electus circa  
 “ quæstionem Apostolicam hæsitaret, nostræ dubitationi finem  
 “ imposuit, & illius præsumptionis tumorem antiquæ recordatio-  
 “ nis freno compescuit. Ait enim, quòd dum in Ecclesiâ B. Me-  
 “ dardi Abbatis officio fungeretur; quendam Gvernonem nomine  
 “ ex Monachis suis, in ultimo confessionis articulo se falsarium fu-  
 “ isse confessum, & inter cætera, quæ per diversas Ecclesias fig-  
 “ mentando conscripserat, Ecclesiam B. Audoeni, & Ecclesiam  
 “ B. Augustini de Cant. adulterinis privilegiis sub Apostolico no-  
 “ mine se munisse, lamentabiliter pœnitendo asseruit. Quin &  
 “ ob mercedem iniquitatis quædam se pretiosa ornamenta recepisse  
 “ confessus est, & ad B. Medardi Ecclesiam detulisse. Quo au-  
 “ dito, B. Innocentius prædictum est sciscitatus Episcopum, si quod  
 “ de plano interlocutus fuerat, iurjurandi religione firmaret?  
 “ Quod se facturum vir Dei, religionis & veritatis amator, pro-  
 “ posuit. Quo audito Dominus Papa: Eia, inquit, mi frater  
 “ carissime, indue te ornamentis dignitatis tuæ, & præsentibus  
 “ Electis sub professione canonica manum benedictionis impone:  
 “ Quod ego impetratâ licentiâ aggressus sum. Ipse, quod mirabi-  
 “ le



“ le dictu est, venerabilium patrum conventum ejus adventum  
 “ expectantium ingredi superleuit; quoad ego secum intraturus,  
 “ benedictis rite Abbatibus, advenirem. Hæc, Pater Sanctissime,  
 “ vobis duximus exaranda; exorantes, ut si prædictas Ecclesias  
 “ contra institutiones patrias aliquid usurpare fuerit comprobatum;  
 “ vos more solito & debito Ecclesiis singulis suam conservetis in  
 “ omnibus æquitatem.

“ Venerabili Patri ac Domino charissimo Alexandro Dei gratiâ  
 “ S. R. E. Summo Pontifici E. eâdem gratiâ Ebroicensis Ecclesiæ  
 “ humilis minister, servus tuæ Sanctitatis, obedientiam devotam  
 “ & reverentiam. Quæ in schedulâ scripta sunt, quam vobis cum  
 “ sigillo nostro Cantuariensis præsentat Ecclesia, ab ore bonæ me-  
 “ moriæ Hugonis quondam Rothomagensis Ecclesiæ Archiepiscopi,  
 “ patris & patru mei, accepimus, & sigillo suo signata ad B. Tho-  
 “ mam & Ecclesiam Cantuariensem transmisimus; ut veritas re-  
 “ cordationis antiquæ eorum presumptionem compescat, qui in  
 “ spiritu erroris & spiritu mendacii indebitam sibi vindicant liber-  
 “ tatem. Privilegia autem, quæ ex confessione Gaufridi Catala-  
 “ nensis Episcopi in præsentia sanctæ recordationis Innocentii Papæ  
 “ adulterina probata sunt, & prædicto Domino nostro Archiepisco-  
 “ po reddita, de mandato ejusdem Domini nostri igni comburen-  
 “ da propriis manibus tradidimus. Conservet Deus personam  
 “ vestram Ecclesiæ suæ per tempora longiora incolumem.

II. De Odonis Archiepiscopi Epistolâ vix operæ pretium est ali-  
 qua præfari. Eadmerus ipsam laudat in fine libri sui *de Vitâ S.*  
*Wilfridi*. Fridegodi opus sine præmissâ Odonis epistolâ evulgavit  
 Cl. Mabillonius in *Actis Benedictin.* Sæc. V. p. 283.

Cent. 13. c. 17.

De Hist. Lat.  
 l. 2. c. 48.

III. Gocelinus sive Gotselinus, Bertinianus vulgò dictus, nar-  
 rante Baleo, patriâ erat Morinensis, Monachus ad S. Bertini fa-  
 num. Postea crebrescente eruditionis famâ ab Anselmo Archiepi-  
 scopo in Angliam accitus, primò apud Ramesiam sub Hereberto  
 Abbate, postea apud S. Augustini Cant. Cœnobium, vitam Mona-  
 sticam duxit, & plures Sanctorum Anglicanorum Vitas literis con-  
 signavit. Paria habet Vossius, nisi quòd ordine inverso illum Mo-  
 nachum primò Cantuariensem, postea Ramesiensem fuisse velit.  
 Malè uterque. Si Gotselinus enim in Angliam ab Anselmo Ar-  
 chiepiscopo evocatus fuerit, neutiquam potuit inter Ramesienses  
 degere sub Hereberto Abbate, qui Abbatiam anno 1191. dereli-  
 quit. Certiora de Gotselino habet Willelmus Malmsburiensis  
 lib. 4. de gest. Reg. Angl. in fine. *Goscelinus*, inquit, *Monachus*  
 de

de S. Bertino, cum Heremanno Episcopo Salesberiae quondam Angliam venerat, (Heremannus post triennem moram apud S. Bertinum factam, in Angliam rediit anno 1058.) insignis literarum & cantuum peritiâ. Is multos Episcopatus & Abbantias perlustrans tempore, præclaræ scientiæ multis locis monumenta dedit, in laudibus Sanctorum Angliæ nulli post Bedam secundus, Musicæ porro palmam post Osbernium adeptus. Denique innumeras Sanctorum Vitas stilo extulit; Veterum vel hostilitate amissas, vel informiter editas comptius renovavit. Hujus quoque (S. Augustini Cant.) Translationis seriem ita expolivit; ut eam præsentibus monstrâsse digito, futurorumque videatur subjecisse oculo. Se Monachum fuisse S. Augustini Cant. Gotselinus in utrâque Præfatione ad Vitam S. Augustini testatur. Scripsit enim duplicem Historiam de ejusdem Vitâ. Fecimus, (inquit in Præfat. ad Hist. maj.) de eadem materiâ duos Codices, Majorem, & Minorem. Majorem edidit R. P. Johannes Mabillonius in Actis Benedictin. Sæc. I. p. 499. addito etiam Libro ejusdem majore de Miraculis S. Augustini, ibid. p. 535. Historia Minor de Vitâ, & alia Minor de Miraculis S. Augustini, in Bibliothecæ Lambethanæ Codice Gotselino inscriptæ reperiuntur. Ex hoc Vitam Minorem descripsimus, & typis evulgari curavimus; ne primo apud Anglos fidei Christianæ prædicatori sua apud Anglos laus deesset; quamvis perpauca de illo Gotselinus noverit, quæ non antea Beda scripserit. Longè amplior est Historia Major; quæ tamen, si fabulas & inanes verborum phaleras demas, nil Historiæ Minori intactum habet. Minorem antea ediderat Dacherius in Appendice ad Lanfranci Opera Paris 1648. pag. 57. sed Authoris nomine & integro 36. capitulo destitutam. Plurima Gotselini opera in Codice perantiquo & pereleganti Cottoniano Vespasian B. 20. exstant isthoc ordine.

*Historia Minor de Vitâ S. Augustini Cant. Archiepiscopi.*

*Historia Minor de Miraculis S. Augustini.*

*Historia Major de Vitâ S. Augustini.*

*Historia Major de Miraculis S. Augustini.*

*Sermo in Festivitate S. Augustini. Incipit. Præclara diei præsentis solennitas.*

*Libri II. ad Anselmum de Translatione S. Augustini, anno 1091. 6 Septembr. factâ. Hos Sæculo sexto Benedictino in lucem proferre Cl. Mabillonius spondet. His libris subjungitur serie continuâ Vita S. Letardi.*

*Vita S. Mildredæ,*

*Translatio S. Mildredæ, & Institutio Monasterii ejusdem.*

*Vitæ SS. Laurentii, Melliti, Justi, Honorii, Deusdedit, & Theodori, Archiepiscoporum Cant. In his quicquid historicum est, ex Bedâ cotidem*



tidem ferè verbis desumptum est, ampliatis duntaxat magnificè Bedæ sententiis, & miraculis multis in singularum fine appositis. In Vitâ S. Laurentii Author longa digressione factâ fidem sui temporis miraculis conciliare nititur.

*Vita Adriani Abbatis S. Augustini*, quem anno 708. obiisse refert.

*Historia de Translatione ejusdem*, tempore Willelmi Regis factâ.

*Libellus contra inanes S. Mildredæ usurpatores*, probans corpus ejus non in Parochiâ S. Gregorii Cant. in Ecclesiâ ficto nomine Miltrudis nuncupatâ, sed in Cænobio S. Augustini (ad quod ab Ælftano Abbate translatum est tempore Canuti Regis) adservari.

Haëtenus Codex Cottonianus. Præter hæc à Gotselino scripta memorat Baleus *Vitas SS. Swithuni, Grimbaldi, Erkenwaldi, Eadgithæ, Milburgæ, Witheburgæ, & Ivonis, & de Translatione Ivonis Historiam*. Porro vetustum Catalogum Sanctorum in Angliâ sepultorum Saxonicè scriptum Latinè convertisse dicitur ab Usserio. Versionis plurima exemplaria in Bibliothecis nostratibus reperiuntur. Eiusdem *Cronicam* laudat Willelmus Thorn. in Hist. S. Aug. col. 1783. Nec de alio intelligenda esse arbitror, quæ antiquum Ecclesiæ Eliensis Registrum habet cap. 10. Tempore Symeonis Abbatis (Eliensis, qui ab anno 1082. ad 1094. præsedet) intererat inter Monachos quidam Gocelinus nomine, disertissimus, undique per Angliam *Vitas, miracula & gesta Sanctorum Sanctarumque in Historiis in Profis dicando mutavit*. Hic scripsit *Prosam S. Etheldredæ*; cujus initium est, Christo Regi sit gloria. Obitum illius Obituarium S. Augustini Cant. sic commemorat. *Idibus Maii obiit Gocelinus, Monachus & Sacerdos*.

IV. Osbernus Willelmus Malmsburiensis laude egregiâ donavit lib. 2. de Reg. cap. 8. Plura, inquit, & non contemnenda de viro (Dunstano) volentem dicere revocat Cantuariæ Cantor Osbernus; qui ejus *Vitam Romanâ elegantia composuit, nulli nostro tempore stilo secundus, musicâ certè omnium sine controversiâ primus*. Apud Cantuariam natus, saltem apud Cantuariensem Ecclesiam à teneris annis enutritus fuit. Sic enim lib. 2. de Vitâ S. Dunstani c. 12. scribit. *Fortè ego cum alio puerulo coetaneo meo ad altare Christi (Cantuar.) ministraveram, consummatoque ministerio per gradus descendere incipiebam*. Idem capitulo ejusdem libri 20. tradit sibi prædicationis munus à Lanfranco Archiepiscopo commissum fuisse. Officia, quæ in Cænobio Cant. gessit, memorat nota Librarii ad calcem libri ejusdem addita in Codice Lambethano. *Explicit Liber Miraculorum beatissimi patris nostri & patroni Archiepiscopi Cant. Ecclesiæ secundum Osbernus hujus Ecclesiæ Commonachum & Præcentorem & Suppriorum, qui erat vir doctissimus*. Obitum illius Obituarium Cantuariense his verbis dedit. IV. Cal. Decembr. obiit Osbernus Præcentor Ecclesiæ Christi Cant. Hujus ætate Eccle-

Ecclesia Cantuariensis incendio conflagravit eo circiter tempore, quo Lanfrancus Archiepiscopatum suscepit, viz. anno 1070. Interierunt eo tempore præcipua Ecclesiæ Cant. monumenta, & veterum Archiepiscoporum & Sanctorum Anglicorum Vitæ elegantiores. Superfuerunt duntaxat aliqua in Anglicam linguam olim conversa. Ut hanc jacturam refarciret, & ex Anglicanis reliquiis Archiepiscoporum vitas Latinè concinnaret, sibi à Commonachis suis operam fuisse datam Osbernus in Præfatione ad Dunstani Vitam innuit. Ex his hodiernum exstant Vitæ SS. Dunstani & Elphegi, cum Historiâ de Translatione Elphegi. Singulas edidi ex unico Bibliothecæ Lambethanæ Codice; qui Ecclesiæ Cantuariensis olim fuit, & plures Archiepiscoporum & Sanctorum Cant. Vitæ complexus est.

V. Dunstani vitam ante Osbernum literis consignarunt Adalardus Monachus Blandiniensis, & B. Saxonius Sacerdos. Ille opus suum Elphego, hic Elfrico Archiepiscopo nuncupavit. Hunc fuisse Bridferthum, Monachum Ramesiensem, Abbonis discipulum Mabillonius conjicit. Bridferthum quidem Baleus laudat, & Dunstano coævum fuisse refert; Vitam autem Dunstani ab illo scriptam nequaquam memorat. Hanc Dunstani Vitam ediderunt Actorum Sanctorum Collectores Antverpienses, Maii tom. 4. p. 344. Extitit penès eosdem Vita ejusdem ab Adalardo, jussu S. Elphegi Archiepiscopi, scripta & in xii. Lectiones ad matutinum recitandas distincta. Compendium est quasi Vitæ superioris, paucis duntaxat additis. Præfatur Adalardus in Opere suo *Responsoria Lectionibus suis & Lectiones respondere responsoriis suis*. Responsoria deerant in Codice Antverpiensi, habentur in Codice Lambethano. Utramque Vitam penès se Osbernus habuit, quando librum ejusdem argumenti suum contexuit. Aliam utrâque elegantiorē ante sua tempora interiisse dicit. Commentarium de Vitâ S. Dunstani suum Osbernus duobus libris absolvit. Primus de rebus ab ipso vivente gestis, secundus de Miraculis ejus post mortem factis agit. Uterque apud Acta Sanctorum Antverpiensia, Maii tom. 4. p. 344. & Mabillonii Acta Benedictinorum Sæc. 5. p. 654. exstat. Nos Librum secundum, ideo quòd ad Historiam perparum contulerit, prætermisimus.

VI. Vitam S. Elphegi ab Osberno scriptam Eadmerus libro 1. de Vitâ Anselmi cap. 29. sic laudavit. *Historiam vitæ ac passionis ejus (Elphegi) diligenti studio fieri præcepit [Lanfrancus] Quam quidem Historiam non solum plano dictamine ad legendum, verum etiam musico modulamine ad canendum, à jocundæ memoriæ Osberno Cant. Ecclesiæ*



F. 116. 139.

*Monacho ad præceptum illius nobiliter editam, ipse suâ prudentiâ amore Martyris celsius insignivit, insignitam auctorizavit, auctorizatam in Ecclesiâ Dei legi cantarique instituit, nomenque Martyris hac in parte non parum glorificavit.* Compendium hujusce Vitæ extat apud Capgravii Legendam Novam, atque exinde apud Surium die 19 Aprilis, ubi Osberno inscribitur, & tanquam Osberni opus à Baronio & aliis citatur. Genuinum Osberni opus evulgârunt Actorum Antverpiensium Collectores die 19 Aprilis, additâ ejusdem Historiâ de Translatione S. Elphegi ex Harpsfeldii Historiâ Eccl. Ista autem non longè post initium deficit. Utramque ex Codice Lambethano perfectam dedi. Extat utraque in Codice antiquo Bibliothecæ Cottonianæ *Otho. A. 12.* & in alio adhuc vetustiori *Vitellius D. 17.* Utrique Osberni nomen manu recentiori præfigitur. Osbernum autem authorem fuisse, præter Eadmeri locum supra adductum & Codicis Lambethani fidem, constat ex Malmsburiensi, qui Osberni librum de Vitâ Elphegi laudavit, & ex eo multa in nostro totidem verbis reperta descripsit.

DeHist. Angl.  
g. 10.

VII. Osbernum Odonis Archiepiscopi Vitam conscripsisse Malmsburiensis testatur, qui in texendâ suâ de Pontificibus Anglorum Historiâ eâdem usus est. Ex pluribus autem, quæ adducit, illius locis colligi haud obscure potest Osberni librum de Odonis Vitâ, quem Malmsburiensis vidit, à nostro diversum fuisse; quod & Mabillonius antea observavit. Hunc tamen, qui superest, librum sub Osberni nomine Mabillonius evulgavit Sæc. Benedict. 5. p. 283. eundemque eidem Authori inscriptum nos ex eodem Codice Lambethano repræsentavimus. Præterquam enim quòd alium Vitæ Odonis Scriptorem Baleus seu Pitius non memoraverint; huic in Codice Cottoniano *Otho A. 12.* licet manu recentiore, Osberni nomen præfigitur. Jocelinus quinetiam Vitam Odonis ab Osberno scriptam hac sententiâ inchoatam esse dicit: *Venerabilis Christi Confessor Odo nobilibus sed Paganis;* quæ Libri à nobis editi initium facit. Illa denique, in quibus Vita Willelmo citata à nostrâ discordat, levioris momenti sunt. Postea tamen errorem deprehendi. In antiquo enim Collegii Corporis Christi Cantab. Codice hæc Vita inter alia Eadmeri opera reponitur, eidemque inscribitur. Huic itaque restitui debet.

VIII. Vitam B. Bregwini brevem ex eodem Codice Lambethano accepi, inter Odonis & Elphegi Vitas collocatam. Hinc nata mihi est sententia, illam Osberno deberi posse. Postmodum verò illam in Johannis Tinmuthensis Sanctilogio inveni ad calcem Historiæ Aureæ in Bibliothecâ Lambethanâ. Eam Tinmuthensis ex  
uberiori

uberiori Eadmeri Commentario de ejusdem Vitâ accepit, verbis istius ut plurimum asservatis. De Eadmeri libro inferius dicendum est.

IX. Johannes de Saresburiâ ( de Salopesbiriâ Annales Teokesbirienses illum perperam cognominant ) sæculo duodecimo haud vulgari eruditionis famâ enituit. Superfunt ab illo scripta *Polycraticon* seu de *Nugis Curialium*, & *Vita Thomæ Becket Archiepiscopi*, & inter ejus Epistolas *Epistolæ* quamplures. Multa alia ab illo conscripta Baleus recenset, & in his *Vitam Anselmi Archiepiscopi*. Erat hic Johannes, authore Gervasio, à juventute suâ Cantuariensis Ecclesiæ Clericus, primò Theobaldo Archiepiscopo, postea S. Thomæ etiam in exilio fideliter adherens. Postremum in Ricardi Archiepiscopi famulitium transiit. Antiquitus enim Clerici literati pluribus ordine Archiepiscopis Cant. adherere, & sub ipsorum auspiciis negotia Ecclesiastica exequi solebant. Quæ enim nunc Archiepiscopi Cancellariis, Vicariis, atque aliis Officialibus Laicis exequenda committunt, olim ipsi, adhibitâ Clericorum domesticorum operâ, executi sunt. Sic Johannes tribus ordine Archiepiscopis, sic Gerardus la Pucelle Thomæ & Ricardo Archiepiscopis obsequium domesticum præstiterunt. Johannem Theobaldus Archiepiscopus testamenti sui supremi curatorem constituit. Testamentum in Archivis Ecclesiæ Cant. extat, breve admodum, sed pium & tanto Præsule non indignum. Id antiquitatis causâ subnectendum duximus.

Cent. 3. c. 1.

Chron. p. 1434.

“Theobaldus Dei gratiâ Cant. Ecclesiæ minister humilis, omnibus sanctæ matris Ecclesiæ filiis & fidelibus salutem & benedictionem. Supremis deficientium voluntatibus suum accommodant jura favorem; & in se velut inhumanus provocat iram Dei, qui piis eorum desideriis obvius contradicit. Nostra quidem voluntas est, quæ Deo auctore nunquam immutabitur, ut residuum bonorum nostrorum mobilium, quæ propter necessitates domesticas & diuturnitatem languoris usque ad exitum vitæ duximus retinenda, in usus pauperum omnino cedat; secundum quod Dominus nobis inspiravit, & sicut dedimus in mandatis venerabili fratri nostro Gauterio Roffensi Episcopo, & fidelibus nostris Philippo Cancellario nostro, M. Radulfo Lexoviensi & Johanni de Saresbiriâ, quos eleemosynæ nostræ dispensandæ præfecimus.

Quæ Johannes in famulatu Thomæ Archiepiscopi positus præstiterit, Quadrilogii Authores & Thomæ Epistolæ abunde docent. Quod autem ad argumentum præsens attinet, constat ex epistolâ Alexandri Papæ libro Johannis de *Vitâ Anselmi* subjectâ Thomam Papæ in Concilio Turonensi anno 1163. obtulisse librum de *Vitâ*



& miraculis Anselmi, eo usum consilio, ut Anselmum Sanctorum albo inscribi obtineret. Librum Thoma jubente Johannes conscripsit; qui ferè integrum ex Eadmeri Libris de Vitâ Anselmi & de Miraculis ejusdem consarcinavit, iisdem etiam verbis plerunque usus. Johannis Librum dedit Codex Lambethanus supra laudatus, qui notam hanc in ejusdem calce appositam habet. *Scriptum per me Fratrem & Commonachum Ecclesie Christi Cant. Dompnum Ricardum Stone; anno 1507. perfecit hoc opus die 12. Decembris.* Otto brevi post Concilium Turonense inter Regem & Thomam dissidio, Anselmi canonizatio in medio relicta est. Eam demum perfecit Alexander VI. Papa, Bullâ ad Johannem Archiepiscopum Cant. anno 1494. datâ, quæ in Conciliorum Anglic. tomo 2. p. 721. & exinde Concil. Lab. tom. 13. p. 1476. reperitur. Dum Ricardo Archiepiscopo Johannes famulitium præstaret; Decanus, Cantor, Clericique plures Carnotensis Ecclesiæ Cantuariam advenientes, ipsum in Episcopum Carnotensem elegerunt 1176. 22 Julii. Consecratus est apud Senonas à Mauritio Parisiensi Episcopo 1176. 8 Augusti. Obiit 1181. vel 1182. die 24. Octobr. teste Obituario Cantuariensi.

Gervaf. & Dico.  
ceto.

X. Eadmerus, Monachus Ecclesiæ Christi Cant. Anselmi Archiepiscopi discipulus & comes individuus, quamplurima scripta posteritati transmisit. De illo ubertim agunt Seldenus in Præfat. ad Hist. Nov. Baleus Cent. 2. cap. 68. & alii. Ad Episcopatum Santandreanum anno 1120. electus, dimisso Episcopatu ad Cantuariam rediit anno 1121. Hunc ab Elmero Ecclesiæ Cant. Priore Baleus diversum facit, diversaque singulis opera inscribit. Huic favet Gervasius, qui Eadmeri Historiam sæpius citans, non alio quàm Cantoris titulo illum cohonestat. Sic etiam Obituarium Cantuariense: *Edmerus Præcentor Cantuariensis obiit Idibus Januarii.* Nota autem in fine Vitæ Anselmi addita in Codice Lambethano sic habet. *Explicit Vita Anselmi edita ab Edmero ejus discipulo & hujus sanctæ Cant. Ecclesiæ Monacho & postea Priore Ecclesiæ Christi Cant.* Paria ibidem ad calcem Vitæ metricæ Anselmi extant. Elmerum Monachis Cantuar. ab anno 1128. ad 1137. præsedisse in superiore tomo ostendi. Huic verò alium ab Edmero Cantore obitûs diem Obituarium Cantuariense posuit. Eadmerum itaque Historicum ab Elmero Priore diversum Baleus rectè statuisse videtur. Sunt tamen inter ea, quæ Elmero idem Author inscribit, nonnulla quæ Eadmero potius deberi censeo. Magis insignem Eadmeri Historiam, quæ *Novorum* dicitur, & de rebus gestis Lanfranci, Anselmi & Radulphi Archiepiscoporum agit, Johannes Seldenus edidit *Londini 1623. f.* Reliqua ferè illius Opera exstant in Codice Colle-

Hist. Nov. 15.  
p. 130.

Cent. 2. c. 72.

Cod. 159. f.

P. 137.

gii Corporis Christi Cantabrig. valde antiquo & elegantissimè scripto, vol. 338. 4°. isthoc ordine disposita.

*Carmen de S. Dunstano.*

*Carmen de S. Edwardo Rege & Martyre.*

*Epistola alterius ad Edmerum de matre S. Edwardi.*

*Epistola Nicolai ad Edmerum, utrum Eboracensis Ecclesia primatum super Scotos habeat.* Istam ex hoc ipso Codice descriptam habes in hac parte secundâ. Authorem ejus fuisse arbitror Nicolaum Ecclesiæ Wigorn. Priorem, qui anno 1124. vivis excessit. Maximam enim Eadmero cum Monachis Ecclesiæ Wigorn. familiaritatem intercessisse constat ex Epistolâ, quam de electione Episcopi faciendâ ad hos Monachos anno 1123. scripsit. Quinimo Nicolaus in Cœnobio Cantuariensi sub Lanfranco Archiepiscopo educatus; teste Vit. Wlstan  
l. 3. c. 17. Malmsburiensi, Eadmerum condiscipulum habuit. Vidit hanc Epistolam Jocelinus, & in Antiquitatibus suis Britan. ejusdem compendium exhibuit. Graviter autem hallucinatus, tam Authoris sententiam malè reddidit, quàm de illius patriâ malè sensit. Pag. 19. Scotum enim fuisse existimavit.

*Quale sit, quod Glastonienses dicant corpus S. Dunstani se habere.* Hujus libri duplex apographum extat in Codice Lambethano sæpiùs memorato. In eodem subjiciuntur Epistolæ Willelmi Warham Archiepiscopi & Abbatis Glastoniensis de corpore S. Dunstani. Has ob argumenti similitudinem adjunximus. Easdem Ecclesiæ Cant. Registrum habet.

*Vita S. Wilfridi Archiepiscopi Ebor.* Hanc Mabillonius edidit Sæc. Benedict. 3. par. 1. p. 196.

*Vita S. Odonis Archiepiscopi Cant.* Exstat in hac Parte secundâ & apud Mabillonium Sæc. V. p. 283. Osberno perperam inscripta.

*Vita S. Dunstani Archiepiscopi Cant.* Hanc cum Libro de Dunstani miraculis sequenti in compendium redactò Surius edidit ad diem 19 Maii, demptâ duntaxat Præfationis parte maximâ. Auctoris nomen codici Suriano defuit. Legerat autem Surius apud plures Osbernum quendam de Dunstani Vitâ commentatum fuisse. Huic itaque opus inscripsit, quamvis memoriâ nonnihil lapsus Osberti nomen pro Osberni reposuerit. Hujus Osberti ætatem in anno 1020. statuit, errore turpissimo, cum ferè omnia Dunstani miracula sub ejusdem Authoris nomine ab ipso evulgata Lanfranci Archiepiscopi mentionem ingerant, quin & nonnulla tempore Anselmi facta inibi legantur. Errorem Surio initum alii facilè sectati sunt, & in his Baronius, qui Vitam istam Osberni nomine sæpiùs laudavit, & Spelmannus, qui Osbertum Surii à nostris Osbernum rectè dici affirmavit. Postquam genuinum Osberni opus prodiit, Vita Concil Angl.  
p. 492. Suriana



riana Osberto de Clara Priori Westmonasteriensi ascribi cœpit. [ Floruit Osbertus ab anno 1108. ad 1140. quod ex Epistolis ejus in Bibliothecâ Cottonianâ asservatis constat. ] Sic Editores Actorum SS. Antverpienses, Maii tom. 4. p. 344. Verè autem debetur Eadmero, qui Osberni opus ejusdem argumenti nunquam vidit, & hanc eodem circiter tempore contexuisse videtur. Antiquo tamen quodam Vitæ Dunstani Authore, eodem quo & Osbernus, usus, multa Osberno communia habet. Ea atque alia minoris momenti, quæ apud Osbernum satis ubertim habentur, prætermisi; adeò ut tertiam duntaxat Vitæ ab Eadmero scriptæ partem ediderim.

*Liber de Miraculis S. Dunstani.* Illa se scriptis consignaturum Eadmerus in fine superioris libri pollicitus fuerat. Exstant apud Surium in compendium redacta. Mihi prætermittenda erant.

*Scriptum de ordinatione B. Gregorii.*

*De excellentiâ B. Mariæ.* Habetur ad calcem Anselmi Operum à Gabriele Gerberonio editorum Paris 1675. f.

*Vita & miracula S. Oswaldi Archiepiscopi Ebor.* Hanc typis exprimendam curavi. Aderat quidem in Codice Cottoniano Nero E. 1. Vita Oswaldi antiquior, ex qua sua de Oswaldo omnia Eadmerus hausit, a Monacho Ramesiensi tempore Ælfrici Archiepiscopi Cant. scripta. Verùm istam tum ob nimiam prolixitatem tum ob affectatum dicendi genus rejeci. Incipit, *Cum solerter Ilias & Odyssea atque Æneidos Virgilii sint exarata.* Hanc Eadmerus ferè abbreviavit; omnia autem scitu digna retinuit, & opus longè utilius condidit. Porro Senatus Prior Wigorniensis à Baleo, & Folcardus Monachus Cantuariensis ab Orderico Vitali, Oswaldi vitam scripsisse dicuntur. Utriusque Opus interiit. Aliam ex Chronico Ramesiensi Mabillonius evulgavit Act. Benedict. Sæc. V. p. 735. Diversa apud Capgravium reperitur, ex Tinmuthensis farragine, stilo immutato, desumpta. Tinmuthensis Eadmeri librum vidit, & in multis imitatus est. Ejusdem denique Oswaldi Vita inter alias Sanctorum Legendas ab Elfrico Saxonice conscripta superest.

*De beatitudine perennis vitæ.* Exstat ad calcem Anselmi Operum in editione nuperâ Parisiensi.

*Vita S. Bregwini Archiepiscopi Cant.* Scripta est post mortem Radulphi Archiepiscopi, qui anno 1122. obiit. Hujus Epitome à Johanne Tinmuthensi concinnata est; quæ Osberno perperam inscripta in hoc volumine prodit. Postea factâ nobis Codicis Cantabrigiensis copiâ, luculentiorẽ Bregwini vitam ab Eadmero scriptam luci publicæ subducere noluimus.

*Vita S. Anselmi Archiepiscopi Cant. libris II.* Habetur in omnibus ferè Anselmi Operum editionibus, & apud Surium die 21 Februa-

rii. Ubivis autem duò posteriora Capitula desiderantur; quamvis ea in omnibus, quæ vidi, hujus Operis exemplaribus MSS. reperiuntur, & ab Eadmero in Prologo ad Librum de Miraculis S. Anselmi laudentur. Inibi enim Eadmerus dicit se de miraculis Arnulfi Comitis & Roberti Monachi in calce Librorum de Vitâ Anselmi egisse.

*Liber de miraculis S. Anselmi.* Eundem Codex Lambethanus sæpe dictus habet.

*De conceptione S. Mariæ.*

*Vita Petri primi Abbatis Cœnobii S. Augustini Cant.*

*Sententia de memoriâ Sanctorum, quos veneraris:*

*De commovendo super se manum S. Petri Apostoli.*

*De Reliquiis S. Andoeni & aliorum Sanctorum in Ecclesiâ Christi Cant.*

*De Gabriele Archangelo.*

Alia Eadmeri scripta recenset Baleus, atque alia quædam Gerberonius evulgavit ad calcem Anselmi Operum. *Vitam S. Anselmi* carmine heroico scriptam Codex Lambethanus habet; Epistolas Eadmeri plures Codex vetustus Cottonianus *Otho A. 12.*

XI. Vitam Wolstani Episcopi Wigorniensis ex Codice Cottoniano antiquo *Claudius A. 5.* descripsi. Prætulit iste manu nuperâ ascriptum Senati Bravonii nomen. Senatus Prioratum Wigorniensem ab anno 1189. ad 1196. administravit. Hunc Wolstani Vitam literis consignasse refert Baleus; qui ab antiquo urbis Wigornia nomine Bravonii cognomen eidem dedit. Illam autem, quam evulgamus, Wlstani Vitam non Senatus, sed Willelmus quidam scripsit, à Monachis Wigorniensibus rogatus, ipse tamen alieni Cœnobii Monachus; quod ex Epistolâ nuncupatoriâ & Prologo clarissimè constat. Hunc non alium ab eximio hujus Sæculi Historico Willelmo Malmsburiensi fuisse pater ex libro 1. cap. 12. clariùs autem ex libro 3. cap. 16. in quibus Author ad Libros *de gestis Pontificum & de gestis Regis Anglorum* à se olim scriptos Lectorem remittit. Fusè antea Willelmus Wolstani res gestas tradiderat libro 4. *de gestis Pontif.* ubi nonnulla reperiuntur, quæ in hoc uberiore Commentario frustra quærentur. In hoc Willelmi opere describendo plures otiosas sententias passim rejeci; atque integra plerunque Capitula prætermisi, indicatis tamen ut plurimum, de quibus singula agunt, argumentis. Illa enim exhibuisse multum tædii Lectoribus & molis inanis præsentì Volumini, nil autem emolumenti Historiæ Ecclesiasticæ seu rei literariæ contulisset. Præter hanc Wolstani, & præcedentem Aldelmi Vitam, scripsit Willelmus Vitam S. Dunstani libris duobus, & SS. Patricii, Benigni atque Indracti: prout ipse in Prologo ad Antiquitates suas Glastonienses prodit.

XII. Gun-



XII. Gundulfi Roffensis Episcopi Vitam dedit Codex Cottonianus *Nero A. 8.* longè elegantissimus, Gundulfi ætate parum inferior, & picturis miniatis ornatus. Scriptam fuisse à Monacho quodam Roffensi plurima ipsius loca indicant; seque cum Gundulfo familiariter conversatum esse Author in Prologo testatur.

XIII. Roberti Betun Herefordensis Episcopi Vitam accepi ex Codice Lambethano eximiæ elegantix & antiquitatis. Aliud ejusdem exemplar habet Bibliotheca Cottoniana *Julius D. 11.* longè recentius. Codex Lambethanus epistolam nuncupatoriam ad Henricum Wintoniensem Episcopum, Cottonianus ad Reginaldum Priorem (Wenlocensem, vide l. 2. c. 25.) præfert. In reliquis nulla est inter Codices discordia. Hujus Vitæ Author fuit Willelmus de Wycumba, Roberti Episcopi Clericus familiaris, & postea Prior Lanthoniensis ordine quartus. Adversam ejus in Prioratu fortunam ex Historiâ Lanthoniensi inferius retuli p. 322. Habetur siquidem ad Codicis Cottoniani calcem Cœnobii Lanthoniensis Historia, quam Dugdalius ex eodem in Monasticon suum transtulit tom. 2. p. 58. Præfatione tamen atque parte posteriore mutilatam. Partem enim secundam, utpote aliâ manu scriptam, diversum esse opus arbitratus, imperitus Amanuensis prætermisit; in primâ etiam parte mediam ferè Historiam sparsim resecurit. Ipse quinetiam Codex, quod ex Indiculo Capitulorum præmissis constat, in medio Historiæ cursu abruptitur in obitu Rogeri de Norwich Prioris sexti, qui anno 1191. defunctus Galfridum ejusdem loci Canonicum successorem habuit, ex Annalium Winchelcumbensium fide. Illustri elogio Willelmum ista Historia donavit. *De hujus, inquit, eximiâ literaturâ etsi lingua ingrata silere voluerit, paginae tamen disertio sermone ad ipso editæ ejus peritiam immarcescibili præconio loquentur. Erat siquidem hic Willelmus vir summæ eloquentiæ, sæpedito Roberto Episcopo diuturnæ dilectionis affectu familiaris, Capellanus videlicet ejus; vir quidem multarum virtutum titulis insignis, sed aliquantulum districtâ severitate austerus. Ætatem illius in anno 1230. Baleus & Pitsius malè collocarunt. Cæterum taceri non debet Robertum Betun in Codice Cottoniano Retun ubivis appellari, sed neque à me errorem fuisse commissum in Additamentis ad Successionem Priorum Lanthoniensium p. 322. Plures enim ex iis, quos subjeci, Priores Cœnobio Lanthoniensi alteri, in agro Notinghamensi sito, præfuisse videntur. Certè mihi hujus Cœnobii Registrum [ *Otho C----* ] cursim pervolventi Thomæ de Elinham Prioris nomen occurrit. In Priorum Indiculo à me compilato tres duntaxat Prioratum Lanthoniensem prope Glocestriam administrasse conjicio, sc. Thomam de Gloucestria, Willelmum anno 1358. & Henricum Deane:*

XIV. Ro.

XIV. Roberti Grosthead, Præfulis maximi, Vitam tanto viro non indignam obtinere valde cupiebam. Non aliam autem invenire potui, quàm hanc Ricardi salebrosam, inelegantem, nonnullibi etiam insulsam, luce planè indignam, nisi egregiâ argumenti dignitate commendaretur. Ex eâ quæcunque ad illustrandam Roberti Vitam spectare videbantur, excerpti; fabulas crassiores & inanes flosculos rejeci. Codicem MS. dedit Ecclesiæ Westmonasteriensis Collegiatæ Bibliotheca. Author nomen, ordinem & ætatem suam notâ in calce additâ indicavit. Sequitur in eodem Codice *Historia S. Hugonis martyris*, per eundem versu Elegiaco concinnata. Huic ista subjicitur nota. *Finit Historia sancti ac parvuli Hugonis, Christi livore a Judeis martyrizati, ad similitudinem passionis Christi per omnia, secundum dictamen Richardi Bardeniensis Monachi & in Theologiâ Bachalarii.*

XV. Robertum Grosthead splendidis elogiis extulerunt, quotquot Historias illius temporis contexuerunt: Præ aliis autem Matthæus Paris, cujus Historia sæpius prodiit. Inter Historicos ineditos Annalium Lanercostensium Author Robertum uberrimè celebravit. Illius proinde verba Vitæ Roberti subjeci. Extant Annales de Lanercost ab Adventu Saxonum ad annum 1347. valde prolixi, in Bibliothecâ Cottonianâ *Claudius D. 7.* Cœnobium Lanercostense in Cumbrensi Provinciâ prope Scotiæ limites situm est. Annales ejus à pluribus sese ordine excipientibus conscripti sunt. Sic enim legitur ad annum 1245. *Electus obiit Glasguensis; quem ego terræ commendavi in Ecclesiâ suâ de Tungham.*

XVI. Vitæ Thomæ de Bekinton & Willelmi de Wickham Episcoporum debentur Thomæ Chaundler authori, & ex Codice Cottoniano *Titus A. 24.* acceptæ sunt. Plura de seipso Chaundlerus docet in Excerptis Colloquiorum sequentibus. Nonnulla autem, quæ alibi de eo dicta inveni, præmittam. Thomas Chaundler, A. M. Socius Novi Collegii Oxon. Diaconus à Thoma Wellensi Episcopo ordinatus est 1444. 21. Febr. Presbyter ab eodem 1445. 13. Martii. Collegii Wintoniensis Custos creatus est 1450. 18. Nov. Collegii Novi Oxon. 1453. exeunte Februario vel ineunte Martio. Ecclesiæ Wellensis Cancellarius fuit anno 1454. Academia Oxoniensis Cancellarius ab anno 1457. ad 1461. Successit Thomæ Gascoign in Præbendâ de Comb Ecclesiæ Wellensis 1459. 15. Martii. Cancellarius Eboracensis Ecclesiæ admissus est 1467. 25. Febr. resignavit 1486. obiit 1489. Plurima illi cum Thoma de Bekinton Episcopo Wellensi familiaritas intercessit; pluresque

Reg. Bekyn-ton.

Antiq. Oxon. par. 2. p. 132.

Reg. Bekyn-ton.

Reg. Ebor.



pluræque opimas Dignitates ipsius dono accepit; quo nomine multæ panegyricæ & regratiatoriæ Epistolæ ad illum à Chaundlero scriptæ inter Epistolas Bekintoni reperiuntur. His dictis, ad Codicem Cottonianum redeo. Continet is primo loco *Cronicam brevem de ortu, vitâ ac gestis Willelmi de Wykham*, nulli Authori inscriptam. Hanc ex eo descriptam edidi, & Thomæ Chaundler ascripsi, ideo quòd omnia, quæ habet, in sequentibus Chaundleri Collocationibus verbatim reperiantur. Et sanè si loca de Virtutibus communia, & Willelmi laudes luxurianti calamo amplificatas sæpiùsque ingestas demas; nil historiæ habet spissum Collocationum opus, quod brevis hæc Epitome non exhibebit. Sequitur in Codice *Testamentum Willelmi Wickham*, apud Suthwaltham 1403. 24. Julii conditum. Dein *Poema de ortu, vitâ & obitu Willelmi Wickham Episcopi Winton. & Fundatoris CC. Clericorum*. Poema excipit prolixum Opus, in duas Allocutiones distributum. Prima Allocutio habet Collocationes 7. His titulus est. *Collocutiones VII. de laudibus Willelmi de Wyckham, Fundatoris ducentorum Clericorum*. Nuncupantur istæ Thomæ de Bekyngtona, Episcopo Well. & Bathon. epistolâ prolixâ, quæ sic incipit. *Cum dudum, beatissime Præsul, eam quam apud Oxoniam rei publicæ curam gessi & Cancellariatûs officium succedenti mihi nobili ac dignissimo Præsuli tradidissem.* [Cancellariatum Oxoniensem à Thoma derelictum anno 1461. Præsul nobilissimus Georgius Nevill Episcopus Exoniensis suscepit] ----- *Collocutiones istas scias velim per unum è Scolaribus, quem ego in teneris annis Philosophiam docui, suo modo indigestè collectas, mihi tamen amico, cum Wintoniense Collegium custodirem, in libello conscriptos, nullo præter nos hominum sciente. Sed ego elimato superfluo, plurimâ sui parte correctas, in multis verò mutatas, tibi duxi transcribendas.* Collocutores sunt Philosophi duo, Panestius & Ferrandus. *Collocutio prima de laudibus Thomæ Episcopi Wellensis agit. Ex hac desumptam Vitam Thomæ Episcopi brevem exhibui. In secundâ ostenditur Willelmum, nobilem Fundatorem, virum extitisse moribus compositum; & transcurrendo morales virtutes, simulque interserendo Willelmi vitam, Collocationem ingrediuntur quædam de ejusdem sapientiâ. Collocutio tertia ostendit eundem nobilem Fundatorem hominem fuisse moraliter fortem. Collocutio quarta de ejusdem temperantiâ. Quinta emergentem dissolvit ambiguitatem, sc. an sapiens possit perturbari. Sexta de nobilis Willelmi fundatoris justitiâ agit. Septima Domino Willelmo nobili Fundatori cæteras virtutes morales contribuit. Sequitur Allocutio secunda, ubi de verâ laude & gloriâ demonstrabitur, quæ fideles hîc Christianos gloriosos magis efficiunt & laudabiles. Ista Dialogi formam non habet. In collocatione quintâ Collocutores sunt Cancellarius, Panestius & Ferrandus. Cancellarium sic alloquitur Panestius. Cancellarium te nuper Oxoniæ, modò tamen Wellensis Ecclesiæ factum læti cognovimus, ò dignissime*

nissime Custos Thoma; & cū in utroque dignitatis statu vir steteris honoratus, ut sis idem & uterque & Cancellarius & Custos; qui Dei & fundatoris Willelmi perpetuo beneficio, primò Wintoniæ puer, hinc Oxoniæ Socius, iteratò Wintoniæ Custos, & demum Oxoniæ, ibi quoque & hujus Ecclesiæ Cancellarius, omnem vitam ab adolescentiâ consumpseras. Ex his locis Thomam Chaundler Colloquiorum authorem esse satis superque constat; quamvis Codex nomen ipsius non præferat. His Colloquiis usus est Thomas Martin LL. D. Cancellarius Wintoniensis sub Gardinero Episcopo, in suo de *Vitâ Willelmi Wickham* Commentario concinnando. Prodiit iste post Authoris obitum Londini 1597. editus, & suppresso Authoris nomine Oxoniæ 1691. recusus.

XVII. Vitam Henrici Spenser Norwicensis Episcopi ex Codice Cottoniano *Tiberius A. 8.* hausi. Continet is Johannis Capgravii Commentarium de *Illustribus Henricis*, in tres partes divisum. Prima pars agit de Henricis Imperatoribus, viz. I. II. III. IV. V. VI. Germaniæ; secunda de Henricis Regibus Angliæ viz. I. II. III. IV. V. VI. Tertia de aliis illustribus Henricis, viz. de Henrico Rege Dacorum circa annum 1200. Henrico Rege Franciæ circa an. 1030. Henrico filio Ricardi Regis Romanorum & Imperatoris Alemanniæ, Henrico Comite Campaniæ postea Rege Jerosolimorum, Henrico fratre Ludovici Regis Franciæ, Henrico Duce Lancastriæ, Henrico Bohun Comite Herefordiæ, Henrico de Bello monte circa annum 1332. Henrico le Spenser Episcopo Norwicensi, Henrico Archidiacono Huntingdonensi, Henrico Archidiacono Gandaveni, & Henrico de Urimariâ Ordinis Eremit. S. Augustini, cujus Ordinis ipse Capgravius in Angliâ Provincialis fuit. Opus integrum epistolâ præmissâ admodum prolixâ Henrico VI. Angliæ Regi dicatur. In ejusdem Vitâ Johannes dicit se illo anno, quo natus est iste (viz. 1422.) quartum vel quintum sacerdotii sui annum egisse, & apud Londinum studiis tunc incubuisse. Obiit apud Lynnam in Norfolciâ 1464. 12. Augusti, authore Baleo<sup>a</sup>, anno 1484. juxta Pitium<sup>b</sup>. Mihi potior est Balei auctoritas. Multa alia Capgravius scripsit, à Baleo recensita. Ex his Opus præcipuum de *Vitis Sanctorum Angliæ*, titulo *Legendæ Novæ Sanctorum Angliæ*, tacito Authoris nomine, prodiit Londini 1516.

XVIII. Articuli Ricardi Scrope Archiepiscopi Eboracensis adversus Henricum IV. Angliæ Regem, & Clementis Maydestone Historia de Ricardi Martyrio, exstant in Collegii Corporis Christi Cantabrig. bibliothecâ. Articulos habet Continuatio Historiæ Petri Ickham ad annum 1468. deducta, quæ in Bibliothecâ Lambethanâ asser vatur. Hujus codicis beneficio frequentes apographi



phi ex Codice Cantabrigiensi facti errores emendavi, nonnullos tamen præ nimia festinatione prætermisi. Hos à Lectore, Codicis Lambethani fide, sic emendari peto. Pag. 362. lin. 22. pro *fecimus* substitue *fuimus*. p. 363. l. 8. post *formidine* vel adde *vi*. l. 18. lege *Lancastria*, l. 20. pro *ceteros* lege *certos*. l. 25. post *dicimus* adde *ex*  
*cipimus*. l. 44. pro *& omnino jurans* lege *jurans omnino*. p. 364. l. 36. pro *inductus* lege *ductus*. p. 365. l. 15. pro *contentis* lege *contenti*, l. 30. post *injuriam* adde *regni*, l. 31. pro *alienas* lege *alias*. p. 367. l. 32. pro *exactas* lege *exactiones*, l. 46. pro *proditionem* lege *perditionem*. p. 368. l. 6. lege *& in Regem*, l. 11. lege *merito*  
*rioque*.

Cent. 3. c. 59.  
 cap. 299.

XIX. Giraldi Cambrensis tempora inferiùs (p. 374.) disposui, res gestas ipse in sequentibus Libris fusissime tradidit. Est tamen quiddam, quod in Chronologiâ rerum à Giraldo gestarum emendari velim. Dixi Giraldum anno circiter 1150. natum fuisse. Veriùs annus 1146. ipsi natalis fuit. In Libro enim suo *de Principis Instructione* refert se Parisiis literarum studia excoluisse anno ætatis circiter vicesimo, quando Philippus Augustus, qui postea Galliarum regnum obtinuit, natus est, sc. medio anno 1166. Neque inutile erit monuisse illum fuisse Archidiaconum Brechiniensem in Ecclesiâ Menevensi, non *Brechiniæ ac Meneviæ*, quod Baleus habet, nec primò *Breknoccensem* postea *Menevensensem*, quod vult Pitseus. Unicum enim Brechinæ Archidiaconatum Giraldus obtinuit; quamvis ab Ecclesiâ Cathedrali *Menevensis Archidiaconus* in Pontificum, Regum ac sui-ipsius literis sæpiùs appellatus fuerit. *Silvestris* prænomen sibi ab æmulis suis contumeliæ inferendæ animo datum fuisse ipse conqueritur: sive ex illo inimici hominem, ut pote in barbaris Insularum regionibus natum, agrestibus & inconditis moribus præditum esse indicare voluerint, seu nimium Silvestris Merlini vaticiniorum studium irriserint. Certè dissimulari nequit Giraldum, virum aliàs sapientissimum, somniis, vaticiniis & visionibus nimium tribuisse. Somnia sua in Historiis à se editis sæpiùs commemoravit; amplam Visionum farraginem in fine Historiæ *de Rebus à se gestis* exhibuit; & Silvestris Merlini vaticinia seu potiùs deliria summo studio conquisivit, Latine vertit, & scriptis suis passim intexuit. De scriptis illius nunc agendum est; ac primò de iis, quæ in lucem jamdiu prodierunt.

*Topographia Hiberniæ*, sive *De Mirabilibus & Habitatoribus Hiberniæ* libri tres ad Henricum II. Angliæ Regem. Habentur inter Scriptores de rebus Anglicis editi *Francofurti* 1602. f. p. 692.

*Expugnatio Hiberniæ*, sive *Historia Vaticinalis de Expugnata ab Anglis Hiberniâ*. Hujus duplex a Giraldo facta est editio. Secunda, quæ

quæ in multis auctior est, in nonnullis brevior, Johanni Angliæ Regi nuncupata, libris duobus absolvitur, & cum præcedenti Opere in editione Francofurtensi prostat p. 755. Prima, quæ in Bibliothecâ Lambethanâ reperitur, Ricardo Piæstaviensium Comiti (postea Angliæ Regi) dicata est, & tres libros complexa est. Duo priores libri cum editione secundâ ferè sunt communes, nisi quòd in secundâ Author pleraque addiderit, & nonnulla quæ relegendi minùs placuerunt refecerit, & in his omnia ex Merlini Silvestris vaticiniis citata testimonia unico excepto. Tertius Liber de Vaticiniis titulum habet, atque hoc exordio argumentum suum enarrat. Quoniam in prioribus Libris Merlini Vaticinia tam Celidonii quàm Ambrosii locis competentibus, prout res exigebat, inseruimus; Ambrosio verò dudum exposito, nondum Celidonius Britannicam exutus barbariem, usque ad hæc nostra tempora latuit parum agnitus; nostræ videbatur interesse diligentiae tam ipsam ab antiquis & occultis scrutabundâ inquisitione latebris, ut pulchrius elucescat, in commune deducere, & ab ignorantiae tenebris in lucem transferre, quàm translatum quoque præsentì volumini coaptare.

*Itinerarium Cambriæ*, ad Stephanum Cant. Archiepiscopum libris duobus conscriptum. Exstat ibidem typis Francofurt. expressum. p. 818.

*Descriptio Cambriæ*, ad Stephanum Archiepiscopum, libris duobus comprehensa. Primum Librum, qui de *Laudabilibus Walliæ* inscribitur, unà cum Itinerario præcedenti, evulgavit David Powelus S. T. P. Wallensis Londini 1585. 8. & exinde Typographi Francofurtenses p. 880. Secundum, qui de *Illaudabilibus Walliæ* titulum habet, primus in lucem edidi. De eo paulò inferiùs dicendum est. Hactenus enim de Giraldi scriptis antea editis. Succedunt ea, quæ in hoc Volumine jam primùm prodeunt.

*De Vitâ Galfridi Archiepiscopi Ebor. Libri II.* Hos sine certi Authoris nomine in lucem à semet emissos fuisse Giraldus prodit: & sine appposito Authoris nomine in Bibliothecâ Corporis Christi Cantabrig. reperiuntur; neque aliud exemplar vidi. Infra p. 445.

*Legenda S. Remigii*, seu de Vitis S. Remigii & Episcoporum Lincolniensium illi succedentium, & aliorum sex Angliæ Episcoporum sui temporis. Operis argumentum, methodus, & in editione nostrâ dispositio ex Capitulorum Indiculo & notâ præmissâ p. 408. 409. optimè constabunt. Hic tantùm addi debet, illud ex ejusdem Bibliothecæ Cantabrigiensis Codice descriptum fuisse.

*Epistola* ad Stephanum Langton Cant. Archiepiscopum de abdicatione Archiepiscopatus non faciendâ. Hanc Codex Lambethanus dedit, inter alias Giraldi Epistolas in Simbolo Electorum congestas frustra quæsitam.

De



*De Libris à se scriptis* Epistola ad Capitulum Herefordense, ex eodem Codice desumpta.

*De Descriptione Walliæ Liber Secundus* seu *de Illaudabilibus Walliæ*. Duplicem Operis sui de Descriptione Walliæ editionem Giraldus adornavit. Utrâque usus sum. Prima extat in Bibliothecæ Westmonasteriensis Codice, & Hugoni Lincolnienfi Episcopo nuncupatur. Secunda, quæ multoties auctior est, Stephano Cant. Archiepiscopo dedicatur, & in Bibliothecâ Cottonianâ *Domitian A. 1.* habetur. Codici Cottoniano subjiciuntur Giraldi *Retractiones*, & *Catalogus brevior Librorum suorum*, Westmonasteriensis ejusdem *Epistola ad Willelmum Episcopum Hereford. de Topographiâ suâ Hibernicâ*. Istam Usserius edidit in *Hibernic. Epist. Sylloge* p. 114. illa in præsentî Volumine nos primum evulgavimus.

*De Rebus à se gestis Libri tres.* Hos, pariter ac Dialogos sequentes, à se scriptos fuisse Giraldus in utriusque operis Præfatione dissimulat. Ipsum tamen Authorem esse ex innumeris utriusque locis constat; quinimo id in Catalogis Operum suorum, in Retractionibus, & Dialogorum calce, ipse disertim fatetur. Historiam de Gestis Giraldi integram Codex Cottonianus *Tiberius B. 13.* (quem solum superesse arbitror) ante medium mutilatus, nobis invidit. Jacturam tamen optimè refarciet Dialogorum sequentium pars posterior; quæ eandem Historiam satis ubertim narrat, iisdemque ferè verbis constituisse videtur.

*De Jure & Statu Menevensis Ecclesiæ Distinctiones seu Dialogi septem.* Duplex hujus Operis editio à Giraldo facta est. De secundâ, quæ multò brevior fuit, vide quæ ad paginam 549. adnotavimus. Prima nunc prodit, resectis tamen plurimis sententiis & verborum flosculis otiosis. Utraque in Bibliothecâ Cottonianâ extat, illa *Vitellius E. 5.* ista *Domitian A. 5.* Codex iste propriâ Giraldi manu scriptus videtur, factâ ex plurimis prolixisque insertionibus in margine additis conjecturâ. Quæ in calce illi deerant, ex alio codice restitui. Notæ breves, quæ in foliis imis editionis nostræ sæpius laudantur, ex eodem Codice (sc. *Domitian A. 5.*) acceptæ sunt. Scriptæ erant tempore Henrici VIII. Regis circa annum 1546. In Codice enim vox *Papa* sæpe expungitur, & *Episcopus Romanus* eâdem manu reponitur.

*Vita S. Davidis Archiepiscopi Menevensis* ex Codice Cottoniano *Vitellius E. 7.* descripta est. Illam Giraldum ex Ricemarchi Historiâ ejusdem argumenti ampliorem contexuisse paulò inferiùs dicemus. Responsio in fine subjecta, notis Muscis in Codice interlineata comparet.

Ultimo recensenda sunt loco Giraldi Opera reliqua, quæ vidi & perlegi, & de quibus certi aliquid Lectorem docere possim.

In

In his est *Legenda S. Æthelberti*, Orientalium Saxonum Regis, ab Offâ Rege decollati 793. 20. Maii, & Martyris loco deinceps habit. Hujus memoriæ sacra erat Ecclesia Cathedralis Herefordensis, cujus Canonicus erat Giraldus. Extat in Codice Cottoniano postremum laudato *Vitellius E. 7.* Illi in eodem Codice succedit *Legenda S. Patricii* bene prolixa, authore Anonymo. Pitius quidem Cap. 299. S. Patricii Vitam Giraldi scriptis annumerat; de illâ autem Giraldus in omnibus Scriptorum suorum Catalogis tacet.

*Wallie Mappa*, seu Tabula Chorographica, ab Authore suo sæpius memoratur. Habetur ea in fronte Codicis Westmonasteriensis superius laudati, minio depicta; quæ præter fluvios plures, montes & maris contermini ripam ac finitimas Angliæ urbes, oppida Walliæ 43 duntaxat notat.

*Gemma Ecclesiastica*, in duas partes divisa, quarum prima agit de Sacramentis magis necessariis, secunda de Clericali honestate & continentia. Opus valde prolixum, quod integrum quasi Theologiæ & disciplinæ Ecclesiasticæ corpus complectitur. Extat in Bibliothecâ Archiepiscopali Lambethanâ.

*Carmen de miseriâ conditionis humanæ*, quod incipit. *Unde superbit homo, cujus conceptio culpa?* In eodem Codice Lambethano reperitur.

*Liber Carminum & Epigrammatum*, extat ibidem & in Bibliothecâ Cottonianâ *Vitellius E. 5.* Codex Cottonianus plura complectitur.

*Speculum Ecclesiæ sive de Monasticis Ordinibus & Ecclesiasticis Religionibus variis Distinctionum libri IV.* in Bibliothecâ Cottonianâ *Tiberius B. 13.* Giraldus Monachos capitali odio semper persecutus est; usque adeo ut se istam in precibus quotidianis deprecationem sæpe ingeminasse suisque familiaribus ingeminandam consuluisset affirmaverit: *A Monachorum malitiâ libera nos Domine.* In omnibus suis scriptis Monachorum hypocrisin, fraudes & inscitiam acriter insectari gestit; istud verò Opus triennali labore contexuit, ut æternam Monachis infamiam induceret, atque odio suo plenè indulgeret. Initium illi facit Epistola prolixa ad Stephanum Cant. Archiepiscopum de literaturæ defectu. Tres Distinctiones priores Monachorum nequitiiis duntaxat narrandis & insectandis absumuntur. Quarta alienum argumentum tractat, sc. de statu, institutione, honore &c. Sedis Romanæ aliarumque Sedium Patriarchalium, & de munere Pastoralis & Episcopalis.

*Simbolum Electorum*, seu Epistolæ variae à semetipso collectæ. In his sunt plures Invectivæ adversus Wibertum Abbatem de Bethlesdene Ordinis Cisterc. Epistola prolixa ad Petrum Menevensem Episcopum de officio Episcopi, altera ad Adamum Abbatem Eveshamensem



sem de laude amicitiae, ad Ricardum Anglorum Regem de literarum & virtutis studio (in qua Regi vitia sua mirâ libertate pariter ac gravitate increpat) Sermo in Synodo Menevensi, in illud. *Labia Sacerdotis custodiunt scientiam, &c.* Constitutiones de modo regiminis & visitationis aliisque Ecclesiasticis negotiis, datæ Officialibus & Clericis sibi subjectis; Tractatus de S. Scripturæ præstantiâ & dignitate ad Walterum Mapes Archidiaconum Oxon. amicū conjunctissimum. Mitto alia. In eodem Codice extat *Liber de descriptione mundi singularumque ejus regionum.* Eum manus recentior oræ Codicis apposita Giraldo inscripsit. Ejusmodi quidem librum se metro elegiaco composuisse Giraldu plus semel prodidit. Verum iste liber solutâ oratione constat, & Fr. Willelmi legationem ad Tartaros anno 1253. Regis Franciæ jussu susceptam memorat.

*De Principis Instructione Distinctiones tres.* Opus valde prolixum, & luce cumprimis dignum. Asservatur in Bibliothecâ Cottonianâ *Julius B. 13.* Prima Distinctio, quæ viginti plusquam annis ante duas sequentes conscripta est, agit de virtutibus singulis quibus Princeps instrui debet. Singulis adfert rationes, testimonia ex S. Scripturis, Scriptoribus Ethnicis & Christianis Patribus deprompta, & exempla Regum Judæorum, Græcorum, & Romanorum, nonnunquam & recentiorum. In his quidem pauca lucem meruerunt. Sequentia autem Historiam duntaxat, optimè sibi notam, tractant, de vitâ, moribus & rebus gestis Henrici II. Angliæ Regis ab ineunte ætate usque ad obitum. Res aliis Historicis fere intactas in his Distinctionibus persequitur, ad denigrandam Henrici Regis famam plus æquo propendens; adeò ut Arcana istius Regis Historia meritò dici possit. Quòd si conjecturam facere liceat, primum est arbitrari Giraldu vindictæ studio Historiam istam scripsisse, ut Henrico Regi ejusque filiis, à quibus justa obsequii diuturni præmia non acceperat, quinimo ab Episcopatus Menevensis spe sæpius depulsus fuerat, injuriam rependeret. Certè Giraldo ignosci nequaquam debet, quòd legitimam Henrici progeniem potestate regiâ deturbari, regnumque Anglorum Ludovico Gallia Regis primogenito (quem rebelles Anglica Barones in excidium patriæ sibi ducem & Principem statuerunt) conferri votis ardentissimis flagitaverit; & restitutam Anglorum libertatem, depulsam Baronum perduellium Principisque alienigenæ tyrannidem, ægrè tulerit. Morbum animi inveteratum in conclusione Operis ipse prodidit. Sic enim desinit Historia: *Qualiter etiam catulum tyrannicum (Henricum III. Regem) cruentissimis à Tyrannis parentaliter exortum, ipsumque tyrannorum omnium tyrannissimum, felicium & naturalium felix prosapia Regum (Ludovicus Philippi Gallia Regis filius)*

us) quorum sub regimine justo regnandique moderamine pio, sub tranquillo pacis ac libertatis gaudio, Franciæ quidem tam regnum floruisse dinoscitur quàm sacerdotium, divinâ dispositione pariter & ultione nostris victoriosissime diebus triumphare, duoque regna vel tria sub unicâ Monarchiâ potentissime conglutinare; qualiterque post tam nubila tempora tantæque potestatis ingruentis incommoda, demum regno Anglicano pulsus nubibus & nebulis dies serenus illuxit, occiduaque mundi climata sub insulari tyrannide tanto tempore pressa, post servitutis duræ jugum importabile, plenam denique liberationem præstans ac libertatem, oculo benigniore pietas superna respicere tam vehementer & desideranter & sperabatur & expectabatur; & quas ob causas, Deo indignante, & injurias Ecclesiæ suæ contra fidem & promissionem irrogatas graviter vindicante, spes ad effectum provenire non potuit, studiosis inquam amicis ista describendo laudem præmiumque merendi, quoniam non omnia possumus omnes, locum præbere dignum duximus.

Prologi librorum à semetipso scriptorum, in unum volumen operâ suâ congesti, extant in Bibliothecâ Collegii S. Trinitatis Cantab.

Reliqua Giraldi Opera recensent Baleus, Pirsius, Vossius<sup>a</sup> & Cayus<sup>b</sup>; certius autem ipse Giraldus in Epistolâ de scriptis suis, Indiculo breviori, & Dialogo septimo de Menevensi Ecclesiâ. Alii enim frequentes errores admiserunt, & unum idemque Opus in plura multoties dissecuerunt.

XX. Ricemarchus Episcopus Menevensis circa annum 1085. Vitam S. Davidis literis consignavit. Hanc ex vetustioribus monumentis, maximè illis quæ in civitate Menevensi asservabantur, se contexuisse Author in fine testatur. Idem nomen suum his verbis prodidit *Mibi autem, qui Ricemarchus nominor.* Ipse quinetiam Codex manu perantiquâ scriptus Ricemari nomen in fronte gessit. Exstat is in Bibliothecâ Cottonianâ *Vespasian A. 14.* plurimasque Sanctorum Wallensium Vitas complectitur, viz. S. Gundlei Regis & Confessoris, S. Cadoci Episcopi, S. Iltuti Abbatis, S. Teliavi Episcopi, S. Dubricii Archiepiscopi, S. Davidis Archiepiscopi, S. Bernaci Confessoris, S. Paterni Episcopi, S. Cletauci Regis & Martyris, S. Kebii Episcopi, S. Tatheï Confessoris, S. Carantoci Confessoris, S. Aidui seu Maidoci Episcopi, S. Brendani Abbatis. Singulas sub exitum sæculi undecimi vel initium sequentis fuisse scriptas plurima suadent. Sola autem Davidis Vita Ricemari nomen præfert. Ex hoc fonte sua hauserunt, quicunque Davidis Vitam postea literis commendârunt. Sic Giraldus, qui plures Ricemari flosculos otiosos resecurit, nonnulla miracula dimisit, plura autem de suo addidit, & innumeras ferè sententias cum illo communes habet. Giraldi commentarium compendio redditum Jo-

d

hannis



hannis Tinmuthensis in Sanctilogium suum transtulit; Johannis Epitomen pro more suo leviter immutatam & interpolatam Cap-  
gravius in Legendâ suâ Novâ collocavit. Parum à Ricemaro dis-  
cedit Vita S. Davidis à Colgano edita in Actis Sanctorum Hiber-  
niæ ad Calendas Martii; neque multum abludit ejusdem Vita in  
Actis Sanctorum Antverpiensibus ex Codice anonymo Ultrajectino  
edita ad diem 1. Martii. Ricemari librum, quamvis aliis omni-  
bus antiquiorem, exhibere nolui, ideo quod affectato dicendi ge-  
nere Historiam immani prolixitate diduceret, & Giraldus Histori-  
am ejus in Legendam suam transferendo nil intactum relinqueret,  
si ea solummodo demas, quæ Additamentorum loco ex Ricemaro  
dedi.

XXI. Annales Ecclesiæ Menevensis descripsi ex Codice Cotto-  
niano *Domitian A. 1.* Deducuntur isti ab orbe condito ad annum  
Christi 1278. & de rebus ferè solummodo Walensibus, præcipuè  
autem Menevensem Ecclesiam spectantibus, agunt. Anni nume-  
rus nullibi notatur, sed hoc ordine tempora disponuntur, *Annus,*  
*Annus, Annus, &c.* ut plerunque vox *Annus* centies repetatur sine  
Historiâ appositâ. Post annum millesimum Walensium res gestas  
& Regum successionem satis ubertim narrant. Mihi illa duntaxat  
excerpenda erant, quæ Ecclesiæ Menevensis Historiam tradiderunt.  
Author in Chronologiâ gravissimos plerunque errores admisit.  
Quamobrem res nonnullas alienas bene notas admiscui; ut ex his  
tanquam totidem epochis rerum in Annalibus circumcirca tradita-  
rum tempora definiri possint, & erroris admissi quantitas pateat.  
Annalibus insulsa quædam manus hunc titulum præposuerat *Cronica*  
*Venerabilis Bedæ.* His alienâ manu subjecta est *Vita Davidis II. Epi-*  
*scopi Menevensis.* Fragmentum majoris de Episcopis Menev. Hi-  
storiæ eam esse conjicerem. Authorem Ecclesiæ Menevensis Cano-  
nicum fuisse non obscure pater. Longè is diversa à Giraldo retulit.  
Iste siquidem Davidem Episcopum vitii monstrum, Giraldus vir-  
tutis exemplar posuit. Illi magis adhibeo; huic tamen facile ig-  
nosco, cum Davidi sanguine conjunctus fuerit.

XXII. Vitam S. Dubricii Archiepiscopi dedit Codex Cottonia-  
nus supra laudatus *Vespasian A. 14.* Autorem illa prætulit Benedi-  
ctum Monachum Claudiocestrensem, viz. Glocestrensem, cujus  
ætates penitus incomperta est. Haud ita diu tamen post annum 1120.  
quo Dubricii Translationem factam esse refert, claruisse videtur.  
Codex enim ætatis parum inferioris speciem gerit. Plura in hac  
Dubricii Vitâ miracula rejeci.

XXII. Ex eodem Codice Cottoniano descripta est S. Teliavi Vita. Illam Magistro Galfrido, i. e. Stephano, Urbani Landavenſis Episcopi fratri, Codex inscripſit. Interfuit Galfridus translationi corporis S. Dubricii anno 1120. Neque enim alium fuisse arbitror Eſni Decanum Ecclesiæ Landav. quem frater ejus Urbanus Episcopus ad Translationem advocavit. Huic Vitæ proximè subjicitur Historiola de primo statu Landavenſis Ecclesiæ; quæ initium facit Registri antiqui Landavenſis Ecclesiæ, quod in honorem Teliavi Episcopi *Teilo* dicitur, & à Galfrido contextum fuisse perhibetur. Huic Registro alia inserta est Teliavi Vita, tacito Authoris nomine, à nostrâ haud parum diversa: quod ex fragmentis illius ab Usserio prolatis constat. Historiola autem Registri de primo Ecclesiæ Landavenſis statu cum nostrâ planè concordat. Facta enim sunt mihi præclara ex Registro *Teilone* excerpta beneficio Codicis Collegii Corporis Christi Cantabrig. Eam Historiolam ex Seldenianis ejusdem Registri Excerptis Cl. Dugdalius antea evulgaverat in Monastico tom. 3. p. 188. cum multis aliis Registri fragmentis. Pauca nos ejusdem fragmenta antea inedita, quæ Historiæ Ecclesiasticæ magis profutura videbantur, ex Codice Cantabrigiensi exhibuimus. Petitionem Urbani Episcopi idem Registrum donavit, Epistolam Honorii Papæ antiquus Bibliothecæ Cottonianæ Codex *Domitian A 13.*

Vide Usser.  
primord. Britan.  
p. 40.  
290. 546. &c.

XXIII. Radulphus de Diceto, Decanus Londinensis, interfuit coronationi Ricardi Regis anno 1189. atque anno 1200. superfuit. Plura de eo ejusque scriptis Johannes Seldenus docet in Præfatione ad X. Scriptores. Hunc de Archiepiscopis Cantuariensibus usque ad Hubertum Historiam (cui initium *Res gestæ*) scripsisse Pitseus asserit. Eandemque Historiam, in Collegio Corporis Christi Cantab. asservatam, hanc veteri manu ascriptam præferre notam Jamesius monuit: *Liber de Dorobernensibus Archiepiscopis directus à Radulpho de Diceto Londoniensis Ecclesiæ Decano.* Codicem istum Cantabrigiensem me nunquam vidisse memini; ut incertum mihi sit, utrum cum Historiâ à me editâ concordet. Hujus copiam fecit Bibliothecæ Norfolkianæ Codex num. 220. plures Historias Radulpho ascriptas & ab editis diversas complexus. Primum in his tenet locum Chronicon de Regibus Britonum à Bruto ad Cadwalladrum. Id nota appositâ Bedæ perperam ascribit, manus recentior Galfrido Monumethensi, manus adhuc recentior Radulpho de Diceto, Postremæ suffragatur alia manus antiqua. Chronicon epitome quædam est Galfridi, verbis ejus plerunque asservatis. Succedit post alia quædam interjecta Chronicon de Regibus Heptarchis & Monarchis Saxonum ab Hengisto ad Aluredum. Ejusmodi Opus

Imag. Hist.  
p. 647.

Cap. 300.

Eclog. Oxon.  
Cantab.



à Radulpho Dicetenſi ſcriptum fuiſſe, cui initium erat *Tempore Vortegirni*, Baleus teſtatur. Atque ea quidem verba Chronicon dictum inchoant. Porro eundem eſſe huius & præcedentis Hiſtoriarum authorem conſtat ex locis illius pluribus, ad quæ Lector in hac remittitur. Tertio loco ſequitur Hiſtoria de Monarchis Angliæ ab Aluredo ad Haraldum. Eam nota manu recenti addita Johanni Pike aſcripſit. Amplum huius libri fragmentum de Alfredo Rege Camdenus proferens, id *I. Pico ſcriptori antiquo* acceptum refert. Johannem Pike de Regibus Angloſaxonum Henrico primo regnante commentatum fuiſſe Baleus prodit, in hoc manifeſtè lapſus. Ex-  
 tat enim in eodem Codice Norfolciano & in Bibliothecâ Cottonianâ *Suppletio Hiſtoriæ Regum Angliæ, quantum ad Reges Saxonum, Danorum & Normannorum, extracta per Johannem Pike de Compendio brevi*. In hac ſtatim poſt initium Radulphi de Diceto Decani Londinenſis Hiſtoria laudatur. Hiſtoriam de Monarchis Angliæ excipit alia, cui titulus manu antiquâ datus eſt: *De Regibus Normannorum Chronicon Radulphi de Diceto Decani Londinenſis à Coronatione Willelmi Baſtardi ad coronationem Johannis Regis*. Multa habet communia cum Radulphi Abbreviationibus Chronic: & Imaginibus Hiſtor. quæ inter X. Scriptores extant. In hac Radulphus de Hiberniâ obiter agit, deſcriptionem ejus his verbis exorſus, *Hibernia verò poſt Britanniam*. Arreptâ hinc anſâ Baleus illi librum de originibus Hibernorum iſdem verbis inchoatum aſcripſit. Ad finem Cronicæ manus antiqua ſic adnotavit: *Cronica Radulphi de Diceto Decani London. uſque huc*. Ultimo loco collocatur *Hiſtoria de Archiepiſcopatibus & Epſcopatibus Angliæ ab Auguſtini adventu ad annum 1199*. In nonnullis quidem Epſcopatibus Hiſtoria ulterius producit. Verùm id ab alienâ manu acceſſiſſe facile conſtat. Hiſtoriæ fronti manus nupera in margine præmiſit iſta *Radulphus de Diceto: conſtat hoc ex ſuperioribus, unde huc nonnulla adducit*. Sanè in Hiſtoriâ proximè ſuperiori nomina omnium Epſcoporum Regis Johannis conſecrationi aſſiſtentium Radulfus dederat, & in iis Hiſtoriam ſuam clauſit; in hac etiam Epſcoporum Hiſtoriâ diligenter adnotatur, quoniam dictæ coronationi interfuerint, & in his ferè ſingularum Sedium ſeries claudi ſolet. Porro Author de rebus Britonum agens, Lectorem ad aliam à ſe ſcriptam Hiſtoriam remittit. Quæ citat autem, reperiuntur in Chronico de Regibus Britonum ſuprà laudato. Multa quientiam habet communia cum editis Radulphi Hiſtoriis, & cap. I. in Laurentio Archiepiſcopo quædam à ſe ſuprà de Laurentii & ſociorum fugâ dicta fuiſſe refert. Reperiuntur iſta in libro de Adventu Saxonum, quem Radulpho deberi oſtendimus. De Willelmo Archiepiſcopo agens, Lectorem remittit ad ſuperius à ſe dicta. Inveniuntur iſta in libro de Regibus Normannorum, quem Radulfi eſſe ſuprà probavimus.

bavimus. Sæpiùs alibi ad hunc librum provocat. Ad hæc in annis Archiepiscoporum Cant. & consecrationibus & Pallii missionibus designandis Historia ista adamussim convenit cum Indiculo Radulphi de Archiepiscopis Cant. in primo volumine edito, atque alio ejusdem inedito de Archiepiscoporum consecrationibus. Mitto alia argumenta, quæ rem abunde conficiunt. Notandum est autem omnia coronationem Johannis Regis sequentia, ab alio Authore addita fuisse. Is forsitan erat Johannes Pyke; quem nota ad marginem Codicis apposita dicit has omnes Historias in unum corpus collegisse, & de suo nonnulla adjecisse. Cæterùm Historias de aliis præter Cantuariensem Sedibus Episcopalibus rejeci; tum quòd nil eximium præbuerint, cum quòd in Historiis Radulphi editis verbatim ferè suis quæque locis sint repertæ.

XXIV. Partem hanc secundam claudit insignis Henrici Archidiaconi Huntindoniensis Epistola de Episcopis & viris Illustribus sui temporis. Ea anno 1145. scripta est, & in Libro decimo Historiæ Anglorum ab Henrico compositæ locum habet. Integram enim Historiam Henricus libris XII absolvit. Octo priores Regum Anglorum Historiam usque ad annum 1154. perpetuâ serie deducunt. Hos Vir Cl. Henricus Savilius typis exprimi curavit *Londini 1596. f.* Posteriores quatuor manent inediti in binis Bibliothecæ Lambethanæ perpulchris Codicibus. In his Liber nonus agit de *Sanctis Angliæ & de Miraculis eorum*. Liber decimus de *Summitatibus rerum* titulum habet. In Præfatione, quam anno 1135. scripsit, de *fine mundi* disserit. Præfationi succedit Epistola ad Henricum Regem, de *serie Regum & Imperatorum Judæorum, Assyriorum, Persarum, Macedonum & Romanorum* usque ad sua tempora. Dein alia ad Warinum Britonem Epistola de *origine Regum Britannorum* à Bruto ad Cadwalladrum; quos in Historiâ suâ prætermiserat, postea autem in Galfridi Arthuri libro apud Beccum invenerat. Huic succedit tertia ad Walterum Epistola de *mundi contemptu* seu (ut alius habet Codex) de *mundi appetitu*. Hanc ex utroque Codice Lambethano exhibui, variantibus alterius lectionibus ad marginem appositis. Eam antea evulgaverat Dacherius in Spicilegio suo Tom. 8. p. 178. Cæterùm ut reliquorum Henrici librorum argumenta prosequamur; Liber undecimus Satiras & Epigrammata complectitur; duodecimus Hymnos sacros, lusus amatorios & carmina diversi generis habet. Ex unico hoc Historiarum Opere Baleus & Pitseus plusquam viginti libros procuderunt, singulas ferè Epistolas & Carmina pluribus subinde titulis pro arbitrio effectis insignita sæpiùs recenses.

Cent. 2. c. 82.  
Cap. 204.

Hæc



Hæc de secundâ Operis suscepti Parte Scriptoribusque in eâ editis dicenda habui. Tertia de Archiepiscopis & Episcopis Ecclesiarum, quas Canonici Sæculares & Regulares possederunt, Cathedralium à primâ fidei susceptione ad annum 1540. Historiam dabit; cui si quis de Archiepiscopis & Episcopis universis ab anno 1540. ad nostra tempora quartam adjunxerit, tunc demum *Anglia Sacra* suis numeris consummata prodierit. Justam enim Abbatum Angliæ historiam, qualem Sammarthani Galliæ dederunt, post everſa apud nos Monasteria & direpta illorum Archiva, frustra quis expectabit. Insigniorum tamen Cœnobiorum viginti octo, quorum Abbates locum in superiori Ordinum Angliæ confessu obtinuerunt, successionem propemodum justam contexui; eam Parti tertiæ, si quando prodierit, adjuncturus. Quamvis autem in singulis uberriam rerum materiam congeſſerim, Partem tertiam, nedum quartam, spondere non ausim; cùm adversa Clementissimi Patroni fortuna mihi hujusmodi studiorum subsidia, omnium verò præmia, infælici excuſſerit.

HENRICUS WHARTON.

WILLELMI

*Cum Typographi παρέργον quoddam sibi dari peterent, ne vacaret hoc folium;  
hanc Regum Wallensium successionem ex Annalibus Menevensibus (Domitian. A. 1. de quibus supra in Præfatione num. 21.) descriptam exhibui.*

**Successio Regum Wallensium, ex Annalibus Menevensibus:**

**A** Rthurus Rex obiit anno DXLII.  
Dunand Rex moritur  
Conanus.

Vortiporius.

Mailgo. Hi quatuor in annis XXIV. sequentibus Arthuri mortem regnaverunt unus post alium in Britannia.

Kereticus infelix in Britannia regnavit inter annos DLXVI. & DLXXV.

Caduanus Rex Venedocorum post annum DLXXV.

Cadwallo filius Caduani regnavit in Britannia post annum DCX. Is ab Eadwino Saxonico pulsus post annum DCXXX. iterum rediens ab Armorica, Eadwinum cum suis inter fecit, & Britanniam pacifice rexit.

Cadwalladrus filius Cadwallonis regnabat in Britannia post annum DCXLII. Is in Armoricam derelicta Britannia perrexit anno DCLXXIX. & exin Ivor filium suum ad regendas Britonum reliquias misit anno DCLXXXIX.

Anno DCCXXIV. Frequentia inter Britones & Saxones bella: Sed Britones victores in his omnibus fuerunt, Ivor existente duce eorum.

Ivor filius Cadwalladri obiit anno DCCXXXVI.

Tudur ab Hely moritur anno DCCLII.

Rodri Rex Britonum moritur anno DCCLVI.

Sernmail filius Ydwal moritur anno DCCLXXVI.

Maredud Rex Demetorum obiit anno DCCXCVIII.

Cradauc Rex Venedociae a Saxonibus jugulatur anno DCCC.

Arthen Rex Keredigaun obiit anno DCCCIX.

Reyn Rex Demetorum & Cadell Rex Powisiz moriuntur anno DCCCX.

Oweyn filius Maredud obiit anno DCCCXIII.

Howel moritur anno DCCCXXVI.

Merhin moritur anno DCCCXLIII.

Ythail Rex moritur anno DCCCXLVII.

Eygen Rex Powisiz Romae obiit anno DCCCLIII.

Gogaun Rex Keredigaun mergitur anno DCCCLXXI.

Rodri & filius ejus occiduntur anno DCCCLXXVII.

Howel Romae defunctus est anno DCCCLXXXV.

Mervin Rex filius Rodri occiditur a Gentilibus anno DCCCCIV.

Cadell filius Rodri moritur anno DCCCCX.

Cledau filius Cadell occiditur anno DCCCCXX.

Howel Rex filius Cadell Romam perrexit, & Elen obiit anno DCCCCXXVIII.

Grifut filius Oweyn occiditur anno DCCCCXXXV.

Hiveid filius Cledauc moritur anno DCCCCXXXVIII.

Kenged filius Elifed veneno exinguitur anno DCCCCXLVI.

Howel Rex Britonum cognomento bonus moritur; cui successit Oweyn filius ejus anno DCCCCL. Sed supervenerunt duo filii Ydwal viz. Jago & Jevaf, quos Howel a regno expulerat; & pugnaverunt contra Oweyn, & victores fuerunt.

Rodri filius Howel moritur anno DCCCCLIII.

Edywin Filius Howel moritur anno DCCCCLIV.

**Idwal**



Idwal filius Rodri occiditur anno DCCCCLXI.  
 Cadwallaun filius Oweyn moritur anno DCCCCLXVI.  
 Rodri filius Idwal moritur anno DCCCCLXVIII.  
 Jevaf filius Idwal à fratre suo Jago incarceratus est anno DCCCCLXIX.  
 Jago expulsus est à regno suo, Howel regnante post eum. Meuric filius Idwal occiditur. Morgan obiit anno DCCCCLXXIV.  
 Jago captus est à Gentilibus, Howel filio Jevaf tenente regnum ejus anno DCCCCLXXIX.  
 Idwal occiditur anno DCCCCLXXX.  
 Howel filius Jevaf occiditur anno DCCCCLXXXV.  
 Owen filius Howel moritur anno DCCCCLXXXVII.  
 Teudur filius Eyniaun occiditur anno DCCCXCII.  
 Idimal filius Meuric occiditur anno DCCCXCIV.  
 Mareduc filius Owein moritur anno M.  
 Kenan filius Howel anno MI.  
 Kenan filius Howel occiditur anno MV.  
 Meuric filius Artvail occiditur anno MXX.  
 Lewelin filius Seifill Rex Venedociæ pugnavit contra Reyn, qui dicebat se filium Mareduc, & devictus est Reyn anno MXXI.  
 Lewelin moritur anno MXXIII. Rederch regnum dextralium Britonum tenuit.  
 Kenan filius Seifill occiditur anno MXXVI.  
 Rederch filius Jettin occiditur anno MXXXII. Jacob & filii Howell & Mareduc tenuerunt regnum.  
 Mareduc filius Edwin à filiis Kenan occiditur anno MXXXIV. Cradauc filius Rederch ab Anglis occiditur.  
 Jacob Rex Venedociæ occiditur anno MXXXVIII. pro quo Grifut ap Lewelin regnavit.  
 Grifud captus fuit à Gentilibus anno MXL.  
 Grifud Howelum filium Edvyn interfecit anno MXLII.  
 Cadell filius Artvail moritur. Idwal filius Rodri & filius ejus jugulantur à Saxonibus anno MXLIII.  
 Grifud filius Lewelin interfecit Grifud filium Rederch anno MLIV.  
 Owein filius Grifud moritur anno MLVII.  
 Grifut filius Lewelin Britonum Rex cecidit anno MLXI.  
 Bledin regnavit anno MLXVIII.  
 Bledin à Res filio Owein occiditur anno MLXXIII. cui successit Traharin filius Cradauc, regnum Venedociæ tantum tenens. Sed Res & Rederch filii Cradauc dextralem Britanniam habuerunt.  
 Rederch filius Cradauc dolo occiditur à consobrino suo Meirchaun anno MLXXIV.  
 Trahern Rex Venedociæ Resum devicit anno MLXXVI. In fine verò hujus anni Res & Howel ejus frater à Cradauc filio Grifud occiduntur.  
 Res filius Teudur incepit regnare anno MLXXVII.  
 Traharin filius Cradauc, & Cradauc filius Grifud, & Res filius Teudur in bello montis Carn occiduntur anno MLXXIX.  
 Res filius Teudur de regno suo expellitur à filiis Bledit, i. e. Madauc, &c. anno MLXXXV. & occiditur à Francis anno MXC.  
 Cadugaon filius Bledin de Hiberniâ rediens, pacificatus est cum Francis; & partem regni sui accepit anno MXCVI.  
 &c. &c. &c. &c.

## INDEX HISTORIARUM

I N

Secundâ hac Angliæ Sacræ Parte

E D I T A R U M.

Pag.

<b>W</b> illelmi Malmesburiensis liber quintus de Gestis Pontificum Anglorum, seu de Vitâ S. Aldhelmi Episcopi Scireburnensis. —————	1
Odonis Archiepiscopi Cant. Epistola, Vitæ S. Wilfridi Archiepiscopi Ebor. præfixa. —————	50
Goscelini Historia Minor de Vitâ S. Augustini Archiepiscopi Cantuariensis. ———	51
Vitæ Tatwyni, Nothelmi & Cuthberti Archiepiscoporum Cant. autore Anonymo. —	71
Osberni ( <i>verius</i> Johannis Tinmuthensis) liber de Vitâ S. Bregwini Archiepiscopi Cantuar. —————	75
Osberni ( <i>verius</i> Eadmeri) liber de Vitâ S. Odonis Archiepiscopi Cantuar. ———	78
Osberni liber primus de Vitâ S. Dunstani Archiepiscopi Cantuar. —————	88
Osberni Prologus ad Librum Secundum de Vitâ ejusdem. —————	121
Osberni liber de Vitâ & Passione S. Elphegi Archiepiscopi Cantuar. ———	122
Osberni liber de Translatione corporis ejusdem à Lundoniâ ad Cantuariam. ———	143
Adelardi Epistola ad Elphegum de Vitâ S. Dunstani Archiepiscopi Cant. ———	148
Johannis Sarisburiensis Liber de Vitâ S. Anselmi Archiepiscopi Cantuar. ———	151
Alexandri III. Papæ Bulla de canonizatione Anselmi. —————	177
Epistola S. Anselmi insignis, in nuperâ editione Parisiensi vitiata. ———	178
Eadmeri librorum de Vitâ S. Anselmi quæ defunt in editis. —————	181
Eadmeri liber de Vitâ S. Bregwyni Archiepiscopi Cantuar. —————	184
Eadmeri liber de Vitâ S. Oswaldi Episcopi Wigorn. & Archiepiscopi Eborac. ———	191
Eadmeri liber de Vitâ S. Dunstani Archiepiscopi Cantuar. —————	211
Eadmeri Epistola ad Monachos Glastonienes de corpore S. Dunstani. ———	222
Willelmi Warham Archiepiscopi Cantuar. Scrutinium de corpore S. Dunstani. ———	227
Ejusdem epistola ad Abbatem Glastoniensem de corpore S. Dunstani. ———	229
Richardî Beere Abbatis Glastoniensis epistola ad Willelmum Warham Archiepiscopum de corpore S. Dunstani. —————	230
Willelmi Warham Archiepiscopi secunda ad Abbatem Glaston. epistola de corpore S. Dunstani. —————	232
Nicolai Prioris Ecclesiæ Wigorn. epistola ad Eadmerum de primatu Sedis Eboracensis in Scotiâ. —————	234
Turftini Archiepiscopi Ebor. Charta de consecratione Roberti Episcopi Santandreani. ———	237
Eadmeri epistola ad Monachos Wigornienes de electione Episcopi. —————	238
Willelmi Malmesburiensis libri tres de Vitâ S. Wulfstani Episcopi Wigorniensis. ———	239
Monachi Roffensis coætani liber de Vitâ Gundulphi Episcopi Roffensis. ———	271
Willelmi de Wycumbâ libri duo de Vitâ Roberti Betun Episcopi Herefordensis. ———	293



	Pag.
Succellio Priorum Ecclesiæ Lanthoniensis. —————	321
Richardi Monachi Bardeniensis liber de Vitâ Roberti Grossthead Episcopi Lincolniensis. —————	325
Vita Roberti Grossthead Episcopi Lincolniensis ex Annalibus de Lanercoft. ———	341
Epistola Decani & Capituli Ecclesiæ S. Pauli London. ad Clementem V. Papam de canonizando Roberto Grossthead. —————	343
Giraldi Cambrensis epistola de laudibus Roberti Grossthead. —————	344
Indiculus Scriptorum Roberti Grossthead. —————	344
Roberti Grossthead Propositio de visitatione Diocesis suæ. —————	347
Vita Hugonis Nonant Episcopi Coventr. & Lichfeld. authore Giraldo Cambrensi. —	351
Vita Willelmi Wickham Episcopi Wintoniensis authore Thoma Chaundler. ———	355
Vita Thomæ de Bekintonâ Episcopi Bathon. & Wellen. authore Thoma Chaundler. —	357
Vita Henrici Le Spenser Episcopi Norwicensis authore Johanne Capgravio. ———	359
Richardi Scrope Archiepiscopi Ebor. Articuli adversus Henricum IV. Angliæ Regem. —	362
Clementis Maydestone Historia de Martyrio Ricardi Scrope Archiepiscopi Ebor. —	369
Giraldi Cambrensis libri duo de Vitâ Galfridi Archiepiscopi Ebor. —————	379
Ejusdem Liber de Vitis Episcoporum Lincolniensium. —————	408
Ejusdem Liber de Vitis sex Episcoporum Angliæ cœtaneorum. —————	420
Ejusdem Epistola ad Stephanum Archiepiscopum Cant. de Archiepiscopatu non abdicando. —————	435
Ejusdem Epistola ad Capitulum Herefordense de Libris à se scriptis. —————	439
Ejusdem Catalogus brevior Librorum suorum. —————	445
Ejusdem Liber secundus de Descriptione Walliæ, sive de Illaudabilibus Walliæ. —	447
Ejusdem Retractationes. —————	455
Ejusdem Libri tres de Rebus à se gestis. —————	457
Ejusdem Distinctiones septem de jure & statu Menevensis Ecclesiæ. —————	514
Ejusdem Historia de Vitâ S. Davidis Archiepiscopi Menevensis. —————	628
Simonis de Fraxino Canonici Herefordensis carmen ad Giraldum Cambrensem. ———	641
Additamenta ad Legendam S. Davidis ex Vitâ ejusdem per Ricemarchum Episcopum Menevensis Scriptâ. —————	645
Annales breves Ecclesiæ Menevensis ab Anglorum adventu ad annum 1278. authore Canonico Menevensi. —————	648
Vita Davidis II. Episcopi Menevensis authore Anonymo cœtaneo. —————	652
Vita S. Dubricii Archiepiscopi Urbis Legionum, authore Benedicto Monacho Claudiocessitrensi. —————	654
Vita S. Teliavi Episcopi Landavenensis authore Galfrido, aliàs Stephano, Landavenensi Decano. —————	662
Historiola de fundatione & dotatione Laudavenensis Ecclesiæ, ex antiquo ejusdem Ecclesiæ Registro. —————	667
Requisitio Urbani Landavenensis Episcopi ad Calixtum II. Papam in Concilio Remensi. —————	673
Decretum Honorii II. Papæ de causâ Urbani Landavenensis Episcopi. —————	674
Radulphi de Diceto Decani Londinensis Historia de Archiepiscopis Cantuariensibus à primâ Sedis fundatione ad annum 1200. —————	677
Henrici Archidiaconi Huntindoniensis Epistola ad Walterum de Episcopis & viris Illustribus sui temporis. —————	694

---

WILLELMI MALMSBURIENSIS

LIBER QUINTUS

De Pontificibus Anglorum,

S I V E

De V I T A

S. ALDHELM I

Primi Scireburnensis Episcopi:

---



Postquam liber iste, quinimo Voluminis istius pars longè maxima, praelo exierat ;  
prodiit in lucem alterum Historicorum Anglia Volumen, Cl. Galei operâ apud  
Oxoniam impressum. In eo locum habet iste de Vitâ S. Aldhelmi Liber p. 337.  
Eodem, quo nos, Codice MS. Galeus usus est, haud ita vetusto quidem, &  
lectu perquam difficili. Ex hac editione nostram in nonnullis emendari posse  
animadvertens, emendationes in hac paginâ subjeci. Quadam enim Codicis verba  
Amanuensis illius felicius quàm meus assecutus est : quamvis, ut verum dicere  
liceat, Editio Oxoniensis sit nostrâ longè corruptior, verbis fere innumeris  
in eâ depravatis, omissis, vel immutatis.

<b>P</b> AG. 1. lin. 19. pro justitiâ	Lege	infcitiâ.	P. 17. l. 34. leniter	Lege	leviter
l. 11. pro trivium		civium.	P. 19. l. 21. rulit		dele
P. 2. l. antepen. postea		post.	l. 36. suam		suavi
P. 3. l. 7. gentium		genitum.	P. 20. l. 51. intensusque		intentusque
l. 31. indictum		inditum.	P. 23. l. 22. absolute		ablutione
l. 40. proinde		providè.	l. 25. doloris		dolens.
P. 4. l. 41. Romanæ		Romanæ.	l. ult. Basceptrune		Bisceptrune.
l. 47. ejus		cujus.	P. 24. l. 40. minorarent		ministrarent.
ibid. etiam		dele.	P. 25. l. 39. Ena— quas Eth.		Ettramunster, quam
P. 5. l. 23. flexibilem commi-		inflexibilem con-			Rex Merciorum
ferationis		versationis.			Eth.
P. 6. l. 2. execrandis		exercendis.	P. 26. l. 19. post subscripserunt		Cineberth Winton.
l. 4. Amovi		Amori.			Benefrithe Scire-
l. 28. enuntiationem		numerationem,			burn. Hedered
P. 7. l. 9. suppositiones		supputationes.			Wigorn.
l. 22. difficile		difficilem.	l. pen. Qacot		Lacot.
l. 39. Sinalimpha		Synalæpha.	P. 27. l. 5. Elinhanistede		Elmhamstede
P. 8. l. 10. expedarent		expedirent.	l. 47. immererat		inveniebat.
P. 9. l. 10. pietate Sancti di-		pietatem Sancti di-	P. 28. l. 20. Colanfrancus		quo Lanfrancus.
spensariâ		spensare;	P. 29. l. 34. Avalanum		Analavum
l. 11. factum		dele.	l. 36. ease		ense.
l. 13. trapare		reparare.	l. pen. terram		turrim.
l. 14. Hinc		Huic.	P. 31. l. 15. exultatu		exulatu.
l. 17. intentum		nitentem.	l. 25. ejulandæ— sen-		evitandæ fatentis
l. 23. discriminis		discriminibus.	tentis		
P. 10. l. 19. ejulandæ		evitandæ.	l. 29. canaliter		carnaliter.
l. 21. infallicibus		in foelicibus.	l. 38. Ewulin		Ewulm
l. 23. canaliter		carnaliter.	P. 32. l. 16. Sexeldredus		sex, Eldredus
P. 11. l. 24. baptismi cr. imbue-		baptismum cr. am-	P. 33. l. pen. de		do
bat		biebat.	l. ult. Prædat, hic		Perdat hic
l. 38. fratrum		frui.	P. 34. l. 44. limpfatis		limphatis
l. 48. vivente		viventis.	P. 35. l. 30. Baroldus— Ar-		Haroldus— Ar-
P. 12. l. 7. Cessa pater Inæ		Cessa, Cenred pater	dadum		decnut
		Inæ.	P. 36. l. 36. amorem		amore.
l. 9. pietatem video		pietatem in Deo vi-	l. 46. tenoribus		tutoribus
		deo:	P. 37. l. ant. eum læsus		non læsus
P. 13. l. 16. si se protervum in-		si protervum judi-	P. 40. l. 27. Virium tamen		Veruntamen.
dicet		cetur.	P. 45. l. 30. post corpore	adde	nervis primò per
l. 27. vetnes		congruos.			domum testudineo
l. 28. concisseret		confringeret.			gradu repens, mox
P. 14. l. 13. oporiat		opertis.			lecto prona
l. 18. furdescere		fudescere.	P. 47. l. 1. post Hefdinge		vir inter Optimates
l. 22. lætantium		litantium.			Angliæ opinatissi-
l. 23. cautionis		concionis.			mus, mirus agr i-
l. 26. feculenta		faculenta.			cultura
l. 28. ad eas		adeas.	l. 45. pro leacacitate	lege	loquacitate
l. 40. altuosa		saltuosa.	P. 48. l. 18. pro prole		probè
P. 15. l. 44. longitudine		longitudini.	P. 49. l. 6. pro halitus		habitus.
P. 16. l. 31. Ac		At.			

## LIBER QUINTUS

Wilhelmi Malmesberienſis,

DE

PONTIFICIBUS ANGLORUM:

SEU VITA

ALDHELMI Scireburnenſis Episcopi.

*Prologus Libri Quinti Wilhelmi Malmesberienſis, de Pontificibus Anglorum.*

**T**Otius Angliæ, quaquaverſum porrigitur, Episcopatibus circuitis; ſicut poſt longam peregrinationem domum revertor; ut de beatifſimo patre Aldhelmo pollicitum exequar meum: ad quod pro viribus implendum non me ſollicitat dicendi materia uberior, ſed affectus in Sanctum quem ipſe meruit propenſior. Num enim par eſſet ut ei negarem Vocis meæ præconium, qui mihi contulit poſt Deum quantulum habeo ingenii? Illi non impenderem linguam; cui, ſi necesse eſſet, impenderem Vitam? Atqui nimium avarus eſt qui Verborum ſuorum tenax eſt. Quia igitur immaniter deviaretur à juſtitia, ſi in hoc Sanctorum brevi commentario ſolus Dominus & Patronus noſter obumbraretur ſilentio; ſuſcepi vel pauca de ipſius Vita dicere, quamvis pro juſtitia rerum nequaquam valeo voluntati ſatisfacere: adeo præter illud, quod de illo Beda in geſtis Anglorum tangit, ſemper infra meritum jacuit, ſemper deſidia trivium agente inhonorus latuit. Magnus ille quidem ſcientiæ gloria, miraculorum eminentia, ſed nulla quæ ſuperſit illustratus ſcriptura. Gaudeat aliquis ſe de Aldelmi miraculis plura ſic legiſſe quæ vivens duntaxat fecerit. Ad me proſecto nihil manavit, nihil quam curioſiſſimo acceſſit ſtudio, niſi quod artifex manus argenteo & peranti-quo impreſſit ſcrinio. Compegit hæc in libellum Abbas Abendonienſis Faricius \* auctoritate ſua nitens, nec quicquam præterea quod dicta ſua † firmarent † l. firmaret.

\* Faricius iſte ex Monacho Malmesburi-enſi Abbas Abendonienſis creatus eſt anno 1100. Obiit 1117. 7. Cal. Martii. Addi-

tamenta Monachi Abendon. ad Florentium Wigorn. in Codice MS. vetuſto Bibliothecæ Lambethanæ.



testimoniorum extrinsecus adducens. Mihi placuit diversum dicendi genus, ut per illa gesta quæ à scriptis Faritii vacabant, introrsus pergerem & quæque dicta idoneis testibus velut quibusdam postibus ambirem. Quis enim aliter crederet gestis tam longè à nostræ memoria remotis, ut quod sic dictum sit, propter stili penuriam sepultis? Superfunt præterea plura meum Monachi scilicet Malmesberienſis expectantia officium, quæ Vir ille aut nescivit, aut dicere superſedit. Fuit enim sicut non usquequaque despicabilis eloquentiæ, ita in his duntaxat propter ignorantiam linguæ incuriosæ scientiæ, utpote sub \* Iusco natus aere. Æqui igitur & boni consule, Lector meus: ne personæ meæ obscuritas præ Abbatis dignitate præjudicium patiatur. Quamvis si honores attenderis, & nos aliquod nomenque decusque gessimus. Quadrepartito ordine itaque hæc procedet narratio.

Primo ut Sanctissimi Viri ostendam genus & scientiam.

Secundo quæ Cœnobio fecerit, quibus privilegiis & patrimoniis hoc nostrum insignierit, subijciam: ubi auditoris patientiam jam hinc ex prohœmio convenio, ne alienis scriptis gravatus effugiat. Hic enim libellus non ostentationem eloquentiæ, sed congeriem scientiæ pollicetur; ut non tam Vita dicatur Sancti, quam vitæ ipsius testimonium, cognitionis instrumentum.

Tertio paucissima Miracula quæ juvenis fecit; non quòd plura non fecerit, sed quòd ista tantum dubietatis scrupulum effugere potuerunt, non omittam.

Quarto seriem temporum post Beati Viri obitum quanta potuero veritate deducam, quanta libertatis naufragia Ecclesia nostra pertulerit, quam semper prosperè cum videretur oppressa maximè, per patrociniū Sancti, caput contra fortunam extulerit. Ac me quidem his enarrandis imparem non nescio; sed Spiritus Sancti ductu, qui jam carbasa non segniter impleſſe videtur, ultro hujus immensitatem pelagi securus velivolabo.

## P A R S I.

**I**gitur Aldelmus Saxonum oriundus prosapiâ, familiâ haud dubie nobilissimâ: Morum generositate vicit ingenuitatem lineæ. Faritius allusit ad nomen ut diceretur Aldelmus quasi *Senex Almus*: sed ego, si ludis insertis occupationes legentis furari liceret, dicerem longe aliter interpretatione detortâ, quòd Aldhelmus interpretetur *Galea Vetus*. Sic enim debere scribi nomen suum H litera interpositâ ipse Sanctus in prologo *Ænigmatum*, suorum perspicuè innuit. Convenit interpretationi vita viri; quòd galea salutis caput protectus emeritamque & cedere hosti nesciam Christi militiam edoctus, opimam de diabolo lauream in cœlum evexit. Ferunt quidam, incertum unde id assumpserint, fuisse nepotem Inæ Regis West-saxonum ex fratre Kentero. Nobis pro vero arrogare non libuit, quod videtur magis opinioni quadrare volaticæ, quam veritati historicæ. Siquidem ex Chronicis constat quod Ina nullum fratrem præter Inigildum habuerit, qui paucis ante ipsum annis decessit. Possem & illud objicere quòd Aldhelmus non minor septuagenario decedens, Inam plus XVIII. annis superstitem reliquerit, idemque Rex postea tot annos viridi adhuc ævo Romam iverit. Convenitne ut patruus juvenis nepotem septuagenarium haberet, qui de fratre minoris ætatis natus fuisset? Veruntamen quod discrepat, ponatur in me-

\* *Iusco* legendum est. Sic enim Monachus Abendonienſis supradictus illum | genere Italicum fuisse refert.

dio ; & dicatur quod caret ambiguo. Qui enim legit Manualem librum Regis Elfredi, reperiet Kenterum beati Aldhelmi patrem non fuisse Regis Inæ germanum, sed arctissima necessitudine consanguineum. Quod autem Saxonici generis fuerit ipse, in epistola quam Cellano cuidam misit, his edocet verbis.

“ Miror quod me tantillum homunculum de famoso & florigero Francorum rure vestræ <sup>a</sup> franite fraternitatis industria interpellat Saxonicae prolis pro-

<sup>a</sup> Forſan Francicæ legendum.

“ sapiâ gentium & sub arctoo axe teneris infantiae cunabulis.

Parens ergo qui pro conscientia nobilitatis nihil abiectionem sciret, non degeneris magistri scholæ tradidit filium primis imbuendum elementis, sed Adriano Abbati Sancti Augustini, quem in arcem <sup>b</sup> scientiæ steterat qui Anglorum gesta perlegit intelligit : Cumque jam majusculus à Cantia in West Saxones remeasset ; religionis habitum in Meldunensi accepit Cœnobio ; Id quidam qui alio nomine vocatur Meildulf natione Scotus, eruditione Philosophus, professione Monachus, fecerat. Ibi puerus Græcis & Latinis eruditus literis brevi mirandus ipsis enituit magistris. Qui cum natali solo voluntariè carens, illuc devenisset ; nemoris amœnitate, quod tunc temporis in immensum eo loci succreverat, captus, heremiticam exercuit. Deficientibusque necessariis, Scholares in discipulatum accepit ; ut eorum liberalitate tenuitatem victus corrigeret. Illi procedenti tempore magistri sequaces ex Scholaribus Monachi effecti, in conventum non exiguum coaluere. Horum exemplo & consortio Aldelmus informatus ad studium, liberales artes plenitudini scientiæ adiecit : quas ut medullitus combiberet, iterum Cantia studuit ad pedes Adriani, qui esset fons literarum, rivus artium ; donec valetudine cogente repedaret domum.

Dictorum tenorem consequantur testimonia ; ne fides auditorum sit tenera. Quod infantem Adrianus erudierit, ipse in epistola ad eundem sic dicit : “ Reverendissimo Patri meæque rudis infantiae venerando præceptori Adriano Aldelmus vernaculus familiæ Christi & vestræ pietatis supplex alumnus, salutem, &c. Quod à puero in Meldunensi cœnobio fuerit & altus & doctus, Lutherius Episcopus insinuat in privilegio quod eidem Aldhelmo Abbatiam dedit : “ Ego Lutherius gratiâ Dei episcopus, rogatus sum ab Abbatibus ; ut terram illam cui indictum est vocabulum Maldulfesberg, Aldhelmo Presbytero ad degendam regulariter vitam conferre largiriue dignarer. In quo videlicet loco à primævo infantiae flore atque ab ipso tyrocinio rudimentorum liberalibus literarum studiis eruditus, & in gremio Sanctæ Matris Ecclesiæ nutritus, vitam duxit. Quod Meldum cœnobium illud construxit ; Sergius Papa in privilegio quod eidem Aldhelmo dedit [testatur] “ Poscente à nobis Religione tua, ut Ductoris nostri Apostolorum Principis vice Monasterium beatorum Apostolorum Petri & Pauli quod Meldum religiosæ memoriæ condidit, quod & nunc Meldumesberge vocatur, situm in provincia Septonia, quod tuam Religionem proinde dispensare cognovimus, Apostolicis privilegiis roboremus ; piæ petitioni favorem tribuimus. Quod iterum Cantia studuerit, sed pro valetudine discesserit, idem in epistola ad eundem Adrianum : “ Fateor, mi charissime, quem gratiâ puræ dilectionis amplector, postquam à sociali contubernio vestro ante triennium circiter discedens à Cantia sequestrabar, quod nostra parvitas hætenus ad consortium vestrum ardenti desiderio flagrabat ; quod & jamdudum cogitarem, quemadmodum in votis est, adimplens perficere, si rerum ratio ac temporum vicissitudo pateretur, & nisi me diversa impedimentorum obstacula retardarent, præsertimque corporeæ fragilitatis valetudine medullitus tabentia membra coquente non sinerer ; qua quondam, dum post prima elementa iterum apud vos essem, domum redire coactus sum.



<sup>c</sup> l. compos.

Planum ut arbitror factum est his testimoniis; quod liberalium artium<sup>c</sup> tempos fuerit, qui tanti contubernalis consortio fruitus sit. Nec ipse sane suffragio laudum suarum defuit, ubi dixit, se primum omnium suæ gentis hominum fuisse qui ad scientiam metrorum præsumpsit ingenium, impulit animum. Ista enim sunt ejus verba in calce libri, quem fecit de Schematibus: “Hæc, *inquit*, de  
“ metrorum generibus & schematibus pro utilitate ingenii mei habes, multum  
“ laboriose, nescio si fructuose, collecta, quamvis mihi conscius sum illud me  
“ Virgilianum posse jactare,

“ Primus ego in patriam mecum, modo vita superfit,  
“ Aonio rediens deducam vertice Musas.

Literis itaque ad plenum instructus, nativæ quoque linguæ non negligebat carmina; adeo ut, teste libro Elfredi, de quo superius dixi, † nulla unquam ætate par ei fuerit quisquam, Poesim anglicam posse facere, tantum componere, eadem appositè vel canere vel dicere. Denique commemorat Elfredus Carmen triviale, quod adhuc vulgo cantitatur, Aldelmu fecisse; adjiciens causam quæ probet rationabiliter tantum virum his quæ videntur frivola instituisse: populum eo tempore semi-barbarum, parum divinis sermonibus intentum, statim cantatis missis domos cursitare solitum; ideoque sanctum virum super pontem qui rura & urbem continuat, abeuntibus se opposuisse obicem, quasi artem cantandi professum. Eo plus quam semel facto, plebis favorem & concursum emeritum. Hoc commento sensim in ær ludicra verbis scripturarum insertis, cives ad sanitatem reduxisse; qui si severè & cum excommunicatione agendum putasset, profectò profecisset nihil.

<sup>d</sup> l. perfecti.

• Præconio itaque nobilis doctrinæ favorabilis quantum haberetur; indicio sunt Epistolæ amicorum ad eum missæ. Taceo de compatriotis, qui certatim ad eum scripta sua emittebant, ejus judicii censuram subitura. Prætereo Scotos tunc maxime doctos, qui idem fecisse noscuntur; quorum aliquos non obscuræ literaturæ nominare possem, maxime Arcivilum Regis Scotiæ filium. Hic quicquid literariæ artis elaborabat, quod non adeo exiile erat, Aldelmi committebat arbitrio; ut  
“ perfecti ingenii lima eraderetur scabredo Scotica. Ex ipso Francorum sinu  
ad eum causa doctrinæ veniebat; ut hæc Epistola palam faciet. “Domino  
“ lectricibus ditato studiis, mellifluisque ornato lucubrationunculis, Aldelmo  
“ Archimandritæ Saxonum, mirificè reperienti in oris, quod nonnulli cum la-  
“ boribus & sudoribus in alieno aere vix lucrantur; Cellanus, in Hybernensi  
“ insula natus, in extremo Francorum limitis latens angulo exul, famosæ colo-  
“ niæ Christi extremum & vile mancipium, in tota & tuta Trinitate salutem,  
Et post pauca: “Quasi pennigero volatu ad nostræ paupertatis accessit aures  
“ vestræ Latinitatis panegyricus rumor, quem agiliū lectorum non horres-  
“ cunt auditus sine fanna aut amurcali impostura, notus propter \* Alburnum  
“ dictricis Romanicæ decorem. Et si te præsentem non meruimus audire; tuos  
“ tamen bona lance constructos legimus fastos diversorum deliciis florum de-  
“ pictos. Sed si peregrini triste reficis corculum, paucos trans mitte fermuncu-  
“ los illius pulcherrimæ labiæ tuæ, de cujus fonte purissimo dulces multorum  
“ possit reficere mentes, ad locum ubi Dominus Furseus in sancto & integro  
“ pausat corpore. Huic epistolæ quam liberaliter responderit, attestatur illa  
ejus particula hic nuper apposita: dedit [etiam] documentum Aldelmu ex  
saxonico genere ortum.

\* Legendum  
puto almu  
ductricis.]

† Librum puto aliquem ab Alfredo Re-  
ge doctissimo editum intelligit. Plures  
enim libros illius seu operâ seu auspiciis

conscriptos commemoravit lib. 2. de ge-  
stis Reg. Angl. cap. 4.

Cæterum

Cæterum non est narratu facile, quàm efficax fuerit in exhortando amicos & discipulos : illos ut illâsam fidem amicis exhiberent ; istos ut teneros annos ad unguem divinæ præceptionis ducerent : singularum tamen monitionum hic ponentur indicula. Cùm Wilfridus Episcopus, de quo non pauca in tertio libro dixi, exul ageretur ; multi suorum Abbatis fortunæ sequentes rotam, ad inimicorum favorem devolvi meditabantur : quorum justitiæ Aldelmus diffidens, & amico venerabili metuens, his verbis labantes nitebatur erigere. Post præfationem enim congruam : “ Nuper, *inquit*, furibunda  
“ tempestatis perturbatio, sicut experimento didicistis, fundamenta Ecclesiæ,  
“ sicut quodam immenso terræmotu, concussit ; cujus strepitus per diversa ter-  
“ rarum spatia, velut tonitruali fragore, longè latèque perccepit. Et iccir-  
“ co vos viscerales contribulos, flexis genuum poplitibus, subnixa exposco  
“ prece, nequaquam hujus perturbationis strophæ scandalizari ; ne quisquam  
“ vestrûm mentis segnitie fide torpescat, etiamsi rerum necessitas exigat cum  
“ Præsule proprio pontificatus apice privato tellure paterna propelli, & quili-  
“ bet oporteat latorum regnorum transmarina aggredi rura. Quis enim,  
“ quæso, tam durus atroræve labor existens, ab illo vos Antistite separans ar-  
“ ceat ; qui vos ab ipsò tyrocinio rudimentorum & à primæva teneræ ætatis in-  
“ fantia usque adultæ pubertatis florem nutriendo, docendo, castigando, pro-  
“ vexit pietate ; & quasi nutritrix gerula dilectos extensis ulnarum sinibus reso-  
“ cillans, sic charitatis gremio fotos clementer amplexus est. Perpendite  
“ quæso creaturarum ordinem, eisque divinitus insitam naturam ; quatenus  
“ ex minimarum rerum collatione flexibilem commiserationis formam,  
“ Christo juvante, capiat ; quomodo examina apum calescente cœlitus cau-  
“ mate, ex alveariis nectare flagrantibus certatim emergant, & earum auctore  
“ linquente, brumalia mansionum receptacula, densarum cavernarum cohortes,  
“ rapido volatu ad æthera glomerante, exceptis duntaxat antiquarum sedium  
“ servatricibus ad propagationem sobolis futuræ : relictus, inquam, mirabi-  
“ lius dictu, Rex earum, spissis sodalium agminibus vallatus, cùm hiberna ca-  
“ stra gregatim egreditur & cava stipitum robora rimatur, si pulverulenta sa-  
“ blonis aspergine præpeditus, seu repentinis imbribus cataracta Olympi gut-  
“ tatim rorantibus retardatus fuerit, & ad gratam cratem sedemque pristinam  
“ revertatur ; omnis protinus exercitus consueta vestibula perrumpens, prisca  
“ cellarum claustra gratulabundus ingreditur. Et post alia. Si ergo taliter crea-  
“ tura[ratione]carens, quam vita[&]natura indita absque legibus scriptis guber-  
“ nant, reciprocis temporum successionebus ductoris præcepto paret ; responde-  
“ te, rogo, utrum [non] horrendæ abominationis infamia sint exprobrandi, qui  
“ concessa septiformis Spiritus gratia præditi, devoræ subjectionis fræna ritu  
“ phrenetico frangunt. Cur autem diversarum rerum ratiocinationes conglo-  
“ bans, ad instiganda vestri pectoris præcordia stridente calamo percurram, au-  
“ dite. Ecce seculares divinæ scientiæ extorres. si devotum dominum quem in  
“ prosperitate dilexerunt, cessante felicitatis opulentia, & ingruente calamitatis  
“ adversitate, deseruerint, [ & ] securæ dulcis patriæ otia exulantis domini pressu-  
“ ræ prætulærint : Nonne execrabilis cachinni ridiculo & gannaturæ strepitu  
“ ab omnibus ducuntur ? Quid ergo de vobis dicetur ; si Pontificem qui vos nur-  
“ trivit & extulit, in exilio solum dimiseritis ? &c. Exemplo firmissimæ in  
“ amicis integritatis posito, sequetur præclara discipuli ammonitio : “ Dilec-  
“ tissimo mihi filio & simul discipulo Adilwaldo Aldelmus extremus servorum  
“ Dei, salutem. Quemadmodum te viva voce aliquoties de aliquibus ammo-  
“ nere curavi ; ita <sup>e</sup> ut nunc absentem paterna secundum Deum auctoritate  
“ fretus, literis exhortari non piget. Hoc enim ideo agimus ; quod <sup>f</sup> *charitas* <sup>g</sup> 2 Cor. V. 14.  
“ Christi, sicut ait Apostolus, *urget nos*. Itaque, fili mi charissime, licet a-  
“ dolescens ætate existis, vanissimis tamen oblectamentis hujus mundi nequa-  
“ quam te nimium subijcias, sive in quotidianis potationibus & conviviis usu  
“ fre-



8 Ecc'el. XI.

10.

11. Ammonui.

1 Marc. VIII.

36.

12 Matth. XVI.

27.

1 L. Ante te  
autem hanc.

1 Mist. Eccl.  
lib. 5. cap. 19.

1 l. perficere.

“ frequentiore ac prolixiore inhonestè superfluis, sive in equitandi vagatione  
“ culpabili, seu in quibuslibet corporeæ delectationis voluptatibus execrandis.  
“ Memento semper quid scriptum est, <sup>8</sup> *Adolescentia & voluptas vana sunt.*  
“ <sup>h</sup> Amovi quoque, vehementiori pecuniæ & omni secularis gloriæ Deo semper  
“ odibili jactantiæ nequaquam ultra modum inservias, illius sententiæ remi-  
“ niscens: <sup>i</sup> *Quid prodest homini, si totum mundum lucretur, anima vero sua de-*  
“ *trim ntum patiatur?* <sup>k</sup> *Filius enim hominis venturus est in gloria sua & sanctorum*  
“ *Angelorum; & retribuet unicuique secundum opera sua.* Sed multò magis, mi  
“ amantissime, vel lectionibus divinis, vel orationibus sacris semper invigila.  
“ Si quid vero præterea secularium literarum nosse laboras; ea tantummodo  
“ causâ id facias, ut quoniam in lege divina vel omnis vel pene omnis verbo-  
“ rum textus artis omnino ratione grammaticæ consistit; tantò ejusdem elo-  
“ quii divini profundissimos atque sacratissimos sensus facilius legendo intelli-  
“ gas, quantò illius rationis qua contextitur diversissimas regulas plenius didi-  
“ ceris. † Ante hanc autem epistolam jugiter inter ceteros quos legis libros  
“ habere non omittas; ut videlicet ejus lectione creberrima de his quæ in ea  
“ scripta sunt, implendis mea vice possis ammoneri. Vale. Ac utinam hæc  
lectio Monachorum, qui se Aldelmi discipulos profitentur, conferat compendio,  
proficiat commodo; ut tandem despectis illecebris, sanctitatis & doctrinæ ejus in-  
nitantur vestigiis. Nam proculdubio nunquam ejus evellerentur instituta;  
nisi transgrederemur ejus mandata. Sed quia in eum deliquimus, merito ple-  
ctimur. Ipse interea quasi nesciat tacet, dissimulat quasi non videat; dum nos  
volutamur in periculis: Dum privilegia sua deridentur à seditiosis, dum cal-  
cantur à tyrannis. Sed revertamur vel sero ad cor; ut famulos suos multis jam  
periculis jactatos, oculo pietatis respiciat, sinu clementiæ recolligat.

Veruntamen ut narrationem reppetam; summum culmen laudibus ejus litera-  
turæ imposuit Beda, qui & pro vicinia temporis rem ut erat nosset, & pro verita-  
tis studio mentiri nollet. Qui post enunciationem aliquorum librorum ejus sub-  
intulit: † “ *Scriptis, inquit, & alia nonnulla, utpote vir undecunque doctis-*  
“ *simus.* Nam & sermone nitidus, & scripturarum tam ecclesiasticarum quam  
“ secularium erat eruditione mirandus. Potestne quicquam hac laude subli-  
“ mius dici? Postremo ipsum eundem testem citabo; quòd licet omnibus artibus  
studium nunquam abnuerit, quibus tamen potissimum apud Cantiam iterata  
mansione studens animum impenderit. Sic enim in epistola ad Heddam ante-  
cessorem suum, laborem exequitur, proprium commendat exercitium: “ *Fate-*  
“ *or, Beatissime Præsul, me dudum decrevisse, si temporum volitans vicissi-*  
“ *tudo pateretur, vicinam optati Natalis Domini solennitatem ibidem in con-*  
“ *sortio fratrum tripudians celebrare, & postmodum vita comite vestræ chari-*  
“ *tatis præsentia frui.* Sed quia diversis impedimentorum obstaculis tardati,  
“ quemadmodum lator præsentium viva voce promulgabit, illud <sup>1</sup> *præficere*  
“ *nequivimus; idcirco difficultati veniam precor impendite.* Neque enim  
“ parva temporum intervalla in hoc lectionis studio protelanda sunt ei duntax-  
“ at; qui sagacitate legendi succensus, legum Romanarum jura medullitus ri-  
“ mabitur, & cuncta Jurisconsultorum secreta imis præcordiis scrutabitur:  
“ & quod his multo perplexius est, centena scilicet metrorum genera pedestri  
“ regula discernere, & musicæ cantilenæ modulamina recto syllabarum tramite  
“ lustrare. Cujus rei studiosis lectoribus tanto inextricabilior obscuritas præ-  
“ tenditur, quanto rarior doctorum numerositas reperitur. Sed de his pro-  
“ lixo ambitu verborum disputare epistolaris angustia minime finit; quomodo  
“ videlicet ipsius metricæ artis clandestina instrumenta litteris, syllabis, pedi-  
“ bus, poeticis figuris, versibus, tonis, temporibus conglomerantur. Poe-  
“ tica quoque septenæ divisionis disciplina, hoc est, Acephalos, Procilos cum  
“ cæteris, qualiter varietur, qui versus monostemi, qui pentastemi, qui decastemi  
“ certa

“ certa pedum mensura terminentur, & qua ratione catalectici vel brachiacata-  
 “ lectici seu ipercatalectici versus sagaci argumentatione colligantur. Hac,  
 “ ut reor, & his similia brevi temporis intercapedine apprehendi nequaquam  
 “ possunt. De ratione vero calculationis quid commemorandum; cum tantæ  
 “ supputationis imminens desperatio colla mentis oppresserit; ut omnem præ-  
 “ teritum lectionis laborem parvipenderem, cujus me pridem secreta cubicula  
 “ nosse credideram; & ut sententia Beati Hieronymi, dum se occasio obtulit,  
 “ utar, *Qui mihi prius videbar sciolus, rursus capi esse discipulus*: Sic quod tan-  
 “ dem superna gratia fretus, difficillima rerum argumenta & calculi suppositi-  
 “ ones, quas partes numeri appellant, lectionis instantia reperi. Porro de Zo-  
 “ diaco & xii. Signorum quæ vertigine coeli volvuntur, ratione ideo tacendum  
 “ arbitror; ne ars opaca & profunda, quæ longa explanandarum rerum ratione  
 “ indiget, si vili interpretationis serie propalata fuerit, infametur & vilescat:  
 “ præsertim cum astrologiæ artis peritia & perplexa horoscopi computatio elu-  
 “ cubrata Doctoris indagatione egeat. Talium artium voluptate repletus, ip-  
 “ se quoque ex sacratissimo pectoris penu bonæ frugis libellos edidit; ne nunquam  
 thesauros tam diu congregatos recluderet, ne nichil unquam ex auditis reponer-  
 ret. Et primum quidem ingenii periculum dedit in libro quem *ad Britones*, ut  
 ad verum Pascha reverterentur, fecit; cujus doctrinam nescio quod infortunium  
 visibus nostris invidit, gaudio subtraxit. Est & liber ejus de *Virginum laude* rheto-  
 rico compactus lepore; in quo Virginitatis gloriam prius prædicat, & postea non  
 difficile esse per Sanctorum coelibatū exemplificat. Eiusdem materiæ versibus  
 heroicis fecit *alterum* cui adjunxit *tertium*; æque versificum de pugna VIII. prin-  
 cipalium Virtutum. Extat & codex ejus non ignobilis de *Enigmatibus*, poetæ Sym-  
 phorii æmulus, centum titulis & versibus mille distinctus. Utriusque Operis Præ-  
 fationem versibus recurrentibus ingeniose intexuit; ut in illo de *Virginum laude*  
 istius versus literæ, *Metrica tyrones nunc promant carmina castos*, singulos versus  
 Præfationis à capite ad finem inchoarent, eademque per numerum versuum re-  
 tractæ eundem versum effingerent. Porro in illo de *Enigmatibus* aliter con-  
 junctus est, ut hic versus, *Aldelmus cecinit millenis versibus odas*, primas & ul-  
 timas singulorum in proœmio versuum literas & inchoaret & terminaret, am-  
 basque extremitates easdem faceret: \* ascenditq; in his vir veteris literaturæ lu-  
 dum simul & artificium. dum res incuriosas comitaretur facundum & vicens  
 eloquium. Præterea ad quendam Aldfridum Regem Northumbrorum probe,  
 ut Beda narrat, literis doctum, edidit librum hæc continentem capitula de *sep-  
 tenarii numeri dignitate Collecta ex veteris & novi Testamenti floribus & discipli-  
 nis Philosophorum. De ammonitione fraterna Charitatis. De insensibilium rerum  
 natura, quæ secundum metaphoram sermocinari figurantur. De pedum regulis. De  
 Metaplasmo. De Sinalimpha. De Scansione & Eclipsi versuum. De Metro al-  
 terna interrogatio & responsio. Composuit & Epistolas multas, quarum plures  
 non extant, partem quarundam quas habemus antecessorum nostrorum de-  
 truncavit incuria. Sermones ejus minus infundunt hilaritatis quam vellent hii  
 qui rerum incuriosi verba trutinant; judices importuni, qui nesciant quod se-  
 cundum mores gentium varientur modi dictaminum. Denique Græci invo-  
 lute, Romani splendide, Angli pompatice dictare solent. Id in omnibus an-  
 tiquis Cartis est animadvertere, quantum quibusdam verbis abstrusis ex Græco  
 petitis delectentur. Moderatius tamen se agit Aldelmus, nec nisi perraro &  
 necessario verba ponit exotica. Allegat catholicos sensus sermo facundus, &  
 violentissimas assertiones exornat color rhetoricus. Quem si perfecte legeris,  
 & ex acumine Græcum putabis, & ex nitore Romanum jurabis, & ex pompa  
 Anglum intelliges.*

\* l. ostenditq;



## P A R S II.

**P**rima propositi portione utcunque sarcita; secundam aggredior; quæ pollicetur ostendere, quæ Monasteria Sanctus Aldelmus fecerit, quibusque privilegiis insignierit, & prædiis ditaverit: cujus erit facilis absolutio, quia labore alieno summa negotii conficietur. Libet igitur nostris verbis prælibare necessaria, capere occasionem operis accelerandi, & sic solutiore cura in aliorum scriptis spatium. Ex superius igitur dictis potest intelligi quod Meildulf Monasterium Meldunense, quod nunc corruptior ætas Malmesberiam nuncupat, ædificaverit, vel potius inchoaverit. Tanta enim ibi necessariorum penuria erat; ut inhabitantes ægrè cotidianum victum expedarent; sed correxit nobilitas Aldelmi victualium inopiam, ut sermo progrediens edocebit. Parva ibi admodum Basilica paucis ante hoc tempus annis videbatur, quam Meldulfum ædificasse antiquitas (incertum si fabulatur) <sup>m</sup> fertur fecisse, & augustiorem Ecclesiam in honorem Domini Salvatoris & primorum Apostolorum Petri & Pauli. Quod autem in hac Ecclesia Caput loci & Monachorum congregatio fuerit ex antiquo; Cartarum quas subijciam † autoritas, commendant fidem, arguunt incredulitatem. Et quia tunc moris erat, ut in Novarum Ecclesiarum dedicatione, ad honorem Sponsi cœlestis & Ecclesiæ Matris aliquod honorificum Epigramma poneretur: Vir Sanctus in honorem Apostolorum hoc cecinit Epithalamium.

<sup>m</sup> l. fert.

† l. autoritates.

“ Hic celebranda rudis florescit gloria Templi;  
 “ Limpida quæ sacri signat vexilla Triumphi,  
 “ Hic Petrus & Paulus tenebrosi lumina mundi,  
 “ Præcipui patres Populi qui fræna gubernant,  
 “ Carminibus crebris alma celebrantur in aula.  
 “ Claviger ô cœli, portam qui pandis in æth'ra.  
 “ Candida qui meritis recludis <sup>n</sup>  
 “ Exaudi clemens populorum vota ° precatum;  
 “ Marcida qui riguis humectant imbribus ora.  
 “ Suscipe singultus commissa piac'la gementum;  
 “ Qui prece flagranti torrent peccamina morum,  
 “ Quondam Saule ferox, nunc depositâ feritate,  
 “ Agne Dei mitis, mutato nomine, Paule,  
 “ Vocibus orantum nunc aures pande benignas;  
 “ Et tutor tremulis cum Petro porrige dextram.  
 “ Sacra frequentantes <sup>p</sup> lumina lustrant!  
 “ Quatenus <sup>q</sup> scelerum celer indulgentia detur,  
 “ Largâ de pietate fluens & fonte superno,  
 “ Dignis qui nunquam populis † torrescit in ævum.

<sup>n</sup> Addendum  
 forsan, limina  
 cœli.  
 ° l. præcantum.

† Forſan San-  
 ctorum limina  
 legendum.  
 ° His inferen-  
 dum detur.  
 † i. e. exareſcit.

Fecit & aliud Cœnobium juxta fluvium, qui vocatur From; sicut in privilegio, quod Sergius Papa utrisque Monasteriis concessit, legitur. Stat ibi adhuc & vicit diuturnitate sua tot secula Ecclesia ab eo in honorem Sancti Johannis Baptistæ constructa. Necnon & apud Bradeford tertium ab eo Monasterium

um instructum crebra ferit opinio; quam confirmare videtur nomen Villæ in serie Privilegii, quod jam Episcopus Monasteriis suis dedit, appositum & antiquis scripturæ lineamentis effigiatum. Et est ad hunc diem eo loci Ecclesiola; quam ad nomen beatissimi Laurentii fecisse prædicatur. Sed enim utraque Monasteria From & Bradeforde morem mortalium æmulantia, in nihilum defecere: restat tantum nomen inane. Veruntamen utrū tantarum ædium destructio imputanda sit Danorum insanis præliis, an Anglorum rapacibus cuneis; non facile discreverim. Solum Meldunense, idemque Malmesberienſe viget adhuc habitatorum frequentia, habitaculorum decore. Quod pietate Sancti dispensariâ, qui se corpusque suum ibidem devovit, arbitror [factum] ut tot evaderet ærumnas, tot calamitates duret, umbramque tenuem jampridem amissæ libertatis suspiret. Quapropter quæ cæteris destructis prædia illic ab eo collata latam<sup>r</sup> trapare ruinam; nostram etiam penitus effugere<sup>r</sup> notitiam. Hinc verò quantum terrarum adjecerit dicturis illud privilegium, occurrit primo apponendum; quod eidem Aldelmo Westsaxonum Antistes Leutherius concessit; quem promoventibus virtutum successibus in altum intentum conspicatus ibidem, eum in Presbyterum, postea in Abbatem erexit; locique illius possessionem, qui sui juris esset, in Abbatis ditionem hoc scripto tranſduxit.

<sup>r</sup> Sensus potest  
stulat subire.

“ Solet plerumque contingere, ut autumnali torrido faceſſant caumate  
“ brumalia sævientium ventorum<sup>s</sup> flabii reciprocis alternatim cursibus suc-  
“ cedant; quibus procellosa pelagi cerula enormesque oceani gurgites hinc  
“ atque illinc quatuntur; quatenus navigio errante nullus absque discrimi-  
“ nis navigans furibundo flamine carbasa rumpente transfretet. Ita nimirum  
“ prostratâ mundi pompulentâ gloriâ, jamque appropinquante ejusdem ter-  
“ mino, fluctantes sæculi<sup>t</sup> turbius incumbere experimento evidenti videntur:  
“ ut revera & absque ullo ancipiti scrupulo illa Domini præſagimina nostris  
“ tandem temporibus comprobentur impleri; quibus ita cœlesti oraculo effa-  
“ tus est, \* *Videte ficulneam & omnes arbores*, &c. Porro inter has turbulentas  
“ sæculi tempestates Scripturarum flectenda sunt gubernacula; totiusque  
“ navigii armatura atque instrumenta<sup>y</sup> parando; quatenus garrulo Sirena-  
“ rum carmine spreto, ratis recto cursu ad portum patriæ prosperè perducatur.  
“ Quapropter ego Lutherius gratia Dei Episcopus, pontificatus Saxonici gu-  
“ bernacula regens, rogatus sum ab Abbatibus, qui sub jure parochiæ nostræ cœ-  
“ nobiali Monachorum agmini præesse noscuntur pastoralis sollicitudine; ut ter-  
“ ram illam, cui vocabulum est inditum Maldumesburge, Aldhelmo Presby-  
“ tero ad degendam regulariter vitam conferre largiri que dignarer. In quo  
“ videlicet loco à primo ævo infantie atque ab ipso tyrocinio rudimentorum,  
“ liberalibus literarum studiis eruditus, & in gremio Sanctæ matris Ecclesiæ  
“ nutritus vitam duxit. Et ob hoc potissimum hanc petitionem fraterna cha-  
“ ritas suggerere videtur. Quapropter prædictorum Abbatum precibus annu-  
“ ens, ipsum locum, de quo supra mentionem fecimus, tam sibi quam suis  
“ successoribus normam sanctæ regulæ solerti devotione sequentibus, fraternâ  
“ petitione coactus ultroneus impendo: quatenus in futuram posteritatem,  
“ remoto omnium disceptationum ingruentium conflictu, quiete continuâ &  
“ pace perpetuâ Domino famulari sine impedimento valeant. Sed ne forte  
“ contentions occasio deinceps contingat; hac rationis conditione interpositâ  
“ confirmo; ut nullus succedentium demum Episcoporum seu Regum hanc  
“ nostræ donationis cartulam tyrannicâ fretus potestate violenter invadat.  
“ Afferens pertinaciter, quod de jure potestatis Episcopatus ablatum seque-  
“ stratumque fuisse videtur. Et adeo sciendum est, & contra æmulos pro-  
“ mulgandum, multò magis me commodum augmentumque Pontificali  
“ Ecclesiæ addidisse, quàm per vim abstraxisse. Postremò ut firmior prædictæ  
“ largitionis donatio jugiter mansura sit; prædictos Abbates propriis manibus

<sup>s</sup> I. flabra, &c.

<sup>t</sup> I. turbines.

<sup>\*</sup> Luc. XXI.

<sup>29.</sup>

<sup>y</sup> I. parandâ.



“ subscribere iussimus. Quod si quis hæc scripta & definita & decreta nostra  
 “ irrita facere nitetur; Sciat se ante tribunal Christi rationem redditurum.  
 “ Actum publice juxta flumen Gladon VII Kal. Sept. Anno incarn. Christi  
 “ DCLXXV.

Abbas ergo constitutus Monachos ad votum inducere, famam in bonum  
 urgere, Dei præ omnibus gloriam velle. Cumque industriæ Abbatis favor  
 concurreret Pontificis; tunc res Monasterii in immensum augeri. Curreba-  
 tur ad Aldelmum totis semiris; hiis vitæ Sanctimoniam, illis literarum scien-  
 tiam desiderantibus. Erat enim, quamvis, ut diximus, eruditione multi-  
 plex, tamen religione affabilis & simplex; qui adversantes obruerit dicendi  
 flumine, discentes mulceret nectareo . . . . . docendi flumine  
 ad utrosque ex ejus ore fluere falsi leporis oratio; ut esset in singulis mirabilis,  
 & in omnibus singularis. Eo factum est; ut Reges & Comites Merciorum &  
 West-Saxonum religione viri, quam nobilitas commendabat, illecti, plura  
 loco conferrent. Quorum primus, ut accepimus, Kenfrithus Comes Mercio-  
 rum, regii affinis sanguinis, vir corpore, seculo, mente militans Deo: X. cas-  
 satus in Wodecim Aldhelmo Abbati dedit his verbis.

“ Fortuna fallentis seculi procax non, lacteo immarcescibilem liliorum  
 “ candore amabilis, sed fellita ejulandæ corruptionis amaritudine odibilis, fi-  
 “ lios in valle lachrimarum foetentis carnis rictibus venenosis mordaciter  
 “ dilacerat; quæ quamvis aridendo sit infelicibus atrectabilis, Acherontici  
 “ tamen ad ima Cociti, in<sup>a</sup> filus alti subveniat boantis, impudenter est decli-  
 “ vis. Et ideo quia ipsa ruinosa canaliter dilabitur; summopere festinandum  
 “ est ad amœna indicibilis lætitiæ arva. Ibi Angelica hymnidicæ jubilationis  
 “ organa mellifluaque rosarum odoramina à bonis beatisque naribus inæstima-  
 “ biliter dulcia capiuntur, sineque<sup>b</sup> calce auribus foelicium hauriuntur.  
 “ Cujus amore foelicitatis illectus: ego Kenfrithus Comes Merciorum quan-  
 “ dam telluris particulam Venerabili Abbati Aldhelmo sub æstimatione X. cas-  
 “ satorum in loco, qui dicitur Wodecim, ad serviendum Deo & Sancto Petro  
 “ in perpetuum, jus largitus sum, cum consensu Domini mei Ethelredi Regis  
 “ Anno ab incarnatione Domini DCLXXX indictione VIII.

Datum præcellentiissimi Comitis stimulavit & provexit munificentiam Re-  
 gis; ut ipse sequenti anno conferret prædia duo, confirmaretque scripto uno,  
 quod est hujusmodi.

<sup>1</sup> Tim. VI. 7. “ In nomine Domine Dei nostri Jesu Christi Salvatoris. <sup>c</sup> Nihil intuli-  
 “ mus, ut Apostolicum confirmat oraculum, *in hunc mundum; nec auferre quid*  
 “ *possumus.* Iccirco terrenis ac caducis æterna ac mansura mercanda sunt.  
 “ Quapropter ego Etheldredus Rex Merciorum rogatus à patricio meo ac pro-  
 “ pinquo Kenfritho, pro remedio animæ meæ ac pro oratione fratrum in Mel-  
 “ dulfesburge Deo servientium, XXX. cassatos ab occidentali parte stratiæ  
 “ publicæ, & non longè in alio loco XV. prope Tettan Monasterium, Aldelmo  
 “ Abbati & successoribus ejus in libertatem terrenarum servitutum perpetua-  
 “ liter libenter largitus sum. Et hanc donationem meam sacre crucis signa-  
 “ culo propria manu confirmavi; & favorabilium virorum claro consensu cor-  
 “ roboravi: ut nulla post obitum vestrum regalis audacia nec secularis dig-  
 “ nitas decretum nostrum confringere<sup>d</sup> acceptet. Si quis vero hanc donatio-  
 “ nem augere & amplificare voluerit; augeat dominus partem ejus in libro  
 “ vitæ. Quod si quis tyrannicâ potestate frētus demere sategerit; sciat co-  
 “ ram Christo novemque angelorum ordinibus rationem redditurum. Scripta  
 “ est autem hæc chirographi cartula anno ab incarnatione Domini DCLXXXI  
 “ indictione IX.

Ejusdem Regis fuit nepos ex fratre Wlferio Brithwaldus nomine; de quo  
 in gestis Wilfredi antistitis supradixi; non quidem Rex potestate sed subregulus  
 in quadam regni parte. Hic amore Dei ductus, Beato Aldelmo dedit hoc  
 nobile

<sup>a</sup> Legendum  
 forstan. ne si-  
 tus alti subve-  
 niat boantibus

<sup>b</sup> viz. sine.

<sup>d</sup> attemptet.

nobile munus. “ Ea quæ secundum timorem & amorem Domini religiosâ  
 “ largitionis devotione diffiniuntur, quamvis solus sermo sufficeret promul-  
 “ gare; tamen pro incerta futurorum temporum conditione, scriptis publicis  
 “ & documentorum gestis sunt confirmanda. Quapropter ego Berthwalde  
 “ regnante Domino Rex, pro remedio animæ meæ [&] indulgentiâ commis-  
 “ sorum criminum, aliquam terram conferre largique Aldelmo Abbati de-  
 “ crevi: id est illam de orientali parte fluminis, quod appellatur Temys, juxta  
 “ vadum cujus vocabulum est Summerford, XL. Cassatos, eâ scilicet diffiniti-  
 “ one, ut omni servitute secularium potestatum portio terræ illius perpetua-  
 “ liter sit libera ad serviendum necessitatibus Monachorum Deo servientium  
 “ in Monasterio quod nominatur Maldumesburge. Et ut firmitus ac tenacius  
 “ hæc donatio inroboretur; etiam præcellentissimum Monarcham Ethelre-  
 “ dum ad testimonium ascivimus Regem, cujus consensu & confirmatione  
 “ hæc munificentia acta est. Si quis contra hanc donationem venire tentave-  
 “ rit; aut tyrannicâ fretus potestate invaserit: Sciat se in tremendo cuncto-  
 “ rum examine coram Christo rationem redditurum. Actum publicè in  
 “ synodo juxta vadum Bregford, mense Julio, tricesimâ die mensis ejusdem,  
 “ indictione XIII. anno ab incarnatione Domini DCLXXXV. Subscripse-  
 runt his tribus Theodorus Archiepiscopus, Etheldredus Rex Merciorum,  
 Berthwaldus subregulus, Kenfrithus patritius, Sexuulfus Lichfeldiæ & Bosel  
 Wigornia episcopi.

Eodem tempore Kentuinus Rex Westsaxonum, morbo & senio gravis,  
 Ceduallam regii generis juvenem successorem decreverat. Is ergo quamvis  
 nec adhuc Rex nec Christianus, spe tamen regnum anticipabat, [&] baptismi  
 credulitate<sup>d</sup> imbuebat. Quapropter & Regem se dici gaudebat; & multa<sup>d</sup> l. imbueba-  
 Monasteriis circumquaque largiens, liberaliter huic providit cœnobio: sicut<sup>cur</sup>  
 hoc enitescit scripto.

“ In nomine Domini nostri Jesu Christi, omnia<sup>c</sup> *que videntur, temporalia* 2 Cor. IV. 18.  
 “ sunt; & *que non videntur, aterna sunt.* Et iterum lubrica sæculi fragilitas  
 “ ostenditur. Scilicet per eundem Apostolum dicitur: <sup>f</sup> *Nihil intulimus in* 1 Tim. VI. 7.  
 “ *hunc mundum; nec auferre quid possimus.* Iccirco caducis & terrenis æterna  
 “ cœlestis insulæ corona comparanda est. Quamobrem ego Cedualla regnan-  
 “ te Domino Rex, aliquam terram pro animæ meæ remedio & indulgentia  
 “ piaculorum meorum conferre ac donare Abbati Aldelmo decreveram; id  
 “ est, ex utrâque parte sylvæ, cujus vocabulum est Cemele: de orientali par-  
 “ te termini stratarum usque famosum amnem, qui dicitur Temys, CXL.  
 “ manentes; & in alio loco, ubi conjunguntur duo flumina Aven & Wileo,  
 “ & hoc maximè ad piscationem fratrum. Ita ergo firmiter & immobiliter  
 “ hæc largitio in futuram progeniem permaneat; ut nullus frangere hujus  
 “ donationis privilegium præsumat. Si quis vero contra hanc munificen-  
 “ tiam tyrannicâ potestate inflatus, venire temptaverit; sciat se obstaculum iræ  
 “ Dei incurrere, & in ultimo examine coram Christo & Angelis ejus rationem  
 “ reddere. Scripta autem est hæc munificentia Indictione——Anno ab  
 “ Incarnatione Domini sexcentesimo octogesimo octavo, mense Augusto,  
 “ quartâ decimâ Kalendarum Septembrium die feliciter.

Partem harum terrarum eodem anno commutavit à quodam Baldredo pro  
 aliis; quæ videbantur & uberiores redditu, [&] viciniore aditu. Enimvero  
 nescio quo eventu Ceduallæ munere rato<sup>g</sup> vivente, commutatio post aliquot<sup>h</sup> l. manente.  
 annos irrita fuit. Est ergo hæc commutationis cartula.

“ In nomine Domini nostri & Salvatoris Jesu Christi, ego Baldred aliquam  
 “ terram Aldelmo Abbati impendere decrevi; id est, juxta flumen Avene,  
 “ & circa sylvam quæ vocatur Stercanlei, & Cnebbanburge centum manentes;  
 “ & ab eo centum Cassatos pro vice suscepi; id est, ex plagâ<sup>h</sup> orientalis syl-<sup>h</sup> l. Orientali.  
 “ væ,



“ vā, cujus vocabulum est Bradon; & hoc cum consilio & confirmatione  
 “ Kentwini Regis & omnium principum ac Senatorum ejus roboratum est.  
 “ Si quis contra hæc venire temptaverit; sciat se ante tribunal Christi Judicis  
 “ & coram Sanctis Angelis rationem redditurum. Scripta est autem hæc do-  
 “ natio, immo vicaria commutatio, mense Augusto, indictione primā, An-  
 “ no ab incarnatione Christi DCLXXXVIII. Subscripserunt his duabus  
 chartis Hedda Episcopus Wintoniensis, Kentuwinus Rex, Cella Pater Inæ  
 postea Regis.

Ceduallæ Regis post Kentwinum industriam in seculo pietatem video. Quo-  
 modo post triumphatos hostes regno possessio Romam iverit, ibique baptizatus,  
 supremum arbitrium feliciter incurrerit: Beda commemoravit latius; nos in  
 Regum Historia perstrinximus. Eo igitur Romam eunte, Regnum per Inam  
 novatum. Ina fuit fortitudinis unicum specimen, prudentiæ simulachrum,  
 religione parem nescias. Indicio sunt bella, quæ profligavit; testimonio  
 Monasteria, quæ construxit. Has animi regalis dotes animabat stimulis<sup>i</sup> mo-  
 nitionem pater Aldelmus; cujus ille præcepta audiebat humiliter, suspiciebat  
 granditer, adimplebat efficaciter. Ejus monitu Glastonienſe Monasterium, ut  
 dixi in Gestis Regum, Christo fecit; nec parvi pretii rura Melduno intulit; libe-  
 ralibus scriptis donativis prosequentibus, quorum istud unum est.

“ In nomine Domini Jesu Christi Salvatoris nostri, ego Ina Domino reg-  
 “ nante Rex Saxonum, cogitans vitæ æternæ præmium, verens poenas inferni  
 “ perpetuas, pro remedio animæ meæ & relaxatione criminum meorum, ali-  
 “ quam terræ particulam donare decrevi venerabili Aldelmo Abbati ad aug-  
 “ mentum Monasterii sui, quod vocatur Meldumesburge; id est, XLV.

“ Cassatos in locis ab accolis infra nominatis; id est, quinque manentes in  
 “ loco, qui dicitur Iserdun; &<sup>k</sup> ibi rivulus, qui vocatur Corſuburtia, oritur,  
 “ XX. & in alio loco juxta eundem rivulum X. & juxta laticem, qui vocatur  
 “ Redburna, X. Et hoc actum est anno ab incarnatione Christi septingen-  
 “ tesimo primo, indictione XIV. Subscripsit Hedda Episcopus, & Winberthus  
 Clericus Regis, qui & hanc, & cæteras Ceduallæ donationes dictaverat; quem  
 etiam, ut sibi apud Ceduallam patronum adſcisceret, hæc olim epistolâ invita-  
 verat. “ Domino in Dominorum Domino dilectissimo, Winbertho Aldel-

“ mus servus fervorum Dei in angulari duorum testamentorum<sup>l</sup> lapide de  
 “ summis montium verticibus abscisso; qui statuam quaterno metallorum ge-  
 “ nere fabrefactam, quaterna populorum regna signantem crura tenus, au-  
 “ rato capite, oppressit, salutem. Gerulum literarum ad vestræ pietatis præ-  
 “ sentiam destinavimus; qui vobis vivâ voce de causâ nostræ necessitatis im-  
 “ minenti plenius promulgabit: Id est de terrâ, quam nobis venerandus Pa-  
 “ tricius Baldredus possidendam accepto pretio obtulit; præcipue pro captura  
 “ piscium apto & competenti loco. Et iccirco dum in nostri Regis potestate  
 “ data & collata esse videtur; obnixè precamur, ut eandem agri partem per  
 “ tuæ caritatis patrocinium obtinere & habere firmiter valeamus: ne eâdem  
 “ possessione per violentiam privati, quia plerumque justitiæ jura vacillant,  
 “ fraudemur, &c. † Hic sunt prædia quæ beatus Abbas instantiâ suâ Cœnobio  
 indidit, situ amœna, amplitudine jucunda, vicinitate opportuna: Adeò ut  
 quilibet diluculo de Monasterio exiens, omnibus facillè ipso die circuitis, adhuc  
 luce profundâ domum redeat. Et quidem post obitum ejus dederunt aliqui  
 aliqua; sed prædones abstulerunt omnia præter ista; licet & de his partem  
 vellicaverint. Ita per Aldhelmum ad quadringentos & eo amplius Cassatos  
 excrevit locus; qui vix ante LX. habebat. Tot enim Cassatis annumeratur

“ quæ villa nunc Brocheneberge, appendens loco qui Cœnobium continet, ruri-  
 colarum consueto nomine appellatur.

## P A R S III.

Nunc quia secundâ expletâ pollicitatione, non parùm promovimus, & quasi jam medium æquor tenemus; majoribus opus est viribus, ut non ingenii sed Spiritûs Sancti adjuti flatibus, navem ad silentii litus impellamus. Hic sanè lectoris expectationi deero; si quis putat me illa quæ inferam miracula scriptis ex antiquo testimoniis probaturum. Sed quamvis illa parte destituar; fidem tamen veri securâ promissione astringo. Erunt enim ista, quæ illaturus sum, sola quæ<sup>n</sup> vavor universitatis exsequitur, jam inde ab antiquis<sup>n</sup> l. favor. ductus temporibus. Erunt quæ communis Provincialium assensus defendit, per continuas successiones ad posteros transmissus. Inseruit ea divinitas mentibus hominum vice literarum; ne deperirent inutiliter per Sanctum facta mirabiliter. Non ergo videri debent de nihilo; quæ per succiduas generationes ab omni prædicantur populo. Si quis verò mihi succensendum opinetur; quod non visa sed audita scribo: præclaros Patres, illustres Heroes, qui fecerunt idem, Lucam in Evangelio, Gregorium in Dialogo, in jus trahat, in eandem accusationem vocet. Quod si se protervum indicet; cur mihi quæso non liceat in exiguo, quod illis in summo? Nec verò hæc nostra ita fide oculatâ carent; cum ea scrinii antiqui argento vidimus impressa eo genere artificii, quod Anaglifum vocant. Hac igitur fretus veniâ, agresti licet sermone, cœptum expediam. Attenuabit impudentiæ culpam amor Sancti; ut cui displicet eloquentia, placeat materia.

Postquam ergo factus est Monachus; sic eum vitam duxisse comperimus. Lectionibus frequenter, orationibus instanter incumbibat: ut sicut ipse in quadam Epistolâ dixit, legens Deum loquentem audiret, orans Deum alloqueretur. Tenuitate ultroneâ victualium pascens animum, nusquam à Monasterio nisi necessariò progrediens, Pecuniarum minimè avidus, si quid dabatur in usus<sup>o</sup> vetnes, continuò annumerans. Jam vero ut vim rebelli corpori<sup>p</sup> concisseret; fonti, qui proximus Monasterio, se humero tenus immergebat. Ibi nec glaciale in hyeme rigorem, nec æstate nebulas ex locis palustribus halantes, curans: noctes durabat inoffensus. Finis duntaxat percantati Psalterii terminum imponebat labori. Fons ille de nomine Sancti dictus, in valle Cœnobii lenibus scatebris fluens, & visu est delectabilis & potu suavis. In alia parte urbis fons Danielis dicitur; quia in eo Daniel cœlestes noctibus ducebat excubias; qui cum Aldelmo Pontificales acceperat infulas. Inter hæc præclaram hominis conscientiam describere penè verecundaretur oratio; nisi esset in factò gloriosæ victoriæ occasio. Si quando enim stimulo corporis amoveretur; non solum illecebræ denegabat effectum, sed aliàs insolitum reportabat triumphum. Neque<sup>q</sup> tunc consortium fœminarum repudiabat; ut<sup>q</sup> l. tamen. cæteri, qui ex opportunitate timent prolabi. Immo verò vel assidens vel cubitans aliquam detinebat; quoad carnis tepescente lubrico quieto & immoto discederet animo. Derideri se videtur Diabolus, cernens adhærentem fœminam virumque alias avvocato animo insistentem cantando Psalterio. Valefaciebat ille mulieri salvo pudore, illæsa castitate. Residebat carnis incommodum: dolebat nequam spiritus de se agitati ludibrium. Assistunt veritati dictorum meorum, quantum cœlibatûs amorem foverit; Libri de Virginitate præclari; quibus illius honorem definit, pulchritudinem ornat, perseverantiam coronat. Neque enim fas est credi, Sanctum Virum aliter fecisse quàm docuit, aliter vixisse



vixisse quàm dixit. Et ut assertio ista omnem dubietatis deprecetur offensam; audi quomodo discipulum monuerit, ne lasciva Poetarum carmina legat, ne meretricularum consortio inhæreat, ne delicatarum lenocinio vestium vigorem mentis efficiat.

<sup>r</sup> l. rumigerulis.

<sup>s</sup> i. r. Novi.

<sup>s</sup> l. faleratæ.

<sup>v</sup> i. r. gurgustii.

<sup>s</sup> l. Northwalli

<sup>s</sup> l. Hinc.

“ Domino venerabiliter diligendo & delectabiliter venerando Wilcfrido  
 “ Aldelmus vernaculus supplex in Christo perhennem salutem. Perlatus est  
 “ mihi, <sup>r</sup> rintugerulis referentibus, de vestræ caritatis industriâ; quod trans-  
 “ marinum iter gubernante Domino capere, sagacitate legendi succentia, de-  
 “ creverit. Et iccirco vitâ comite optatum Hiberniæ portum tenens, sacro-  
 “ sancta potissimum prælagmina, refutatis Philosophorum commentitiis, le-  
 “ gito. Absurdum enim arbitror, spretâ <sup>s</sup> rudis ac veteris Instrumenti inex-  
 “ tricabili normâ, per lubrica dumosi ruris diverticula, immo per dytiscos Phi-  
 “ losophorum anfractus, iter carpere. Seu certè oporiat vitreorum fontium  
 “ limpidis laticibus, palustres pontias lutulentasque limphas siticulosè pota-  
 “ re; in quæ atra bufonum turma catervatim scaturit, atque garrulitas rana-  
 “ rum crepitans coaxat. Quidnam, rogans quæso, orthodoxæ fidei Sacra-  
 “ mento commodi affert circa temeratum spurcæ Proserpinæ incestum, quod  
 “ abhorret fari, enucleatè legendo scrutandoque surdescere; aut Hermionem  
 “ perulantem Menelai & Helenæ sobolem, quæ ut prisca produnt opuscula,  
 “ despondebatur pridem jure dotis Orestis, demumque sententiâ mutata Ne-  
 “ optolemo nupsit; lectionis præconio venerari: aut Luperconum bacchan-  
 “ tium antistites ritu lætantium Priapo parasitorum, heroico stilo historiæ car-  
 “ raxare; quæ altato quondam sceptri in vertice chelidro Hebrææ cautionis ob-  
 “ tutibus præsentato, hoc est, almâ mortis morte stipite patibuli affixâ, solo te-  
 “ nus diruta evanescere? Porro tuum discipulatum ceu cernuus arcuatis popliti-  
 “ bus flexisque suffraginibus, feculentâ famâ compulsus, posco; ut nequa-  
 “ quam prostibula lupanarium, nugas in quæ pompulentæ prostituta delites-  
 “ cunt, lenocinante luxu ad eas, quæ obrizo rutilante periscelidis armillaque  
 “ lacertorum tereti utpote faleris <sup>r</sup> falerati curules comuntur; sed magis edito  
 “ aulæ fastigio spreto, quo Patricii ac Prætores potiuntur, <sup>v</sup> gurgustii humili  
 “ receptaculo contenta tua fraternitas feliciter fruatur; nec non contra ge-  
 “ lida brumarum flabra è climate olim septentrionali emergentia neglecto, ut  
 “ docet Christi disciplina, fucato ostro, potius lacernæ gracilis amictu ac  
 “ mastrucæ tegmine incompto utatur.

Sanctitas ergo morum processit in miraculorum fructum. Et ut ad eorum  
 temptamenta veniretur; primum ad pietatem & emendationem Britonum pro-  
 diit. Nam Britones, qui olim totam terram, quam nunc Angliam vocant,  
 possederant; tunc Anglis famulabantur. Hoc illi sui invitoribus officii  
 impenderant; ut occasionibus aucupatis, quos tutari venerant, sedibus anti-  
 quis detrusos in confragosâ & altruosâ loca immitterent, ubi ignobiles & semi-  
 ferum exigent. Quorum illi, qui <sup>s</sup> Northwallos, id est, aquilones Bri-  
 tones, dicebantur; parti West-Saxonum Regum obveniant. Illi quondam  
 consuetis servitiis seduli, diu nihil asperum retulere. Sed tunc rebellionem  
 meditantes Kentuvinus Rex tam anxiam cæde perdomuit, ut nihil ulterius spe-  
 rarent. Quare & ultima malorum accessit captivis tributaria functio; ut qui  
 antea vel solam umbram palpabant libertatis, nunc jugum subjectionis palam  
 ingemiscerent. Accedebat miseris error sacratæ credulitatis; qui quasi extra  
 orbem positi suis potius quàm Romanis obsecundarent traditionibus. Et plu-  
 ra quidem alia catholica, sed illud potissimum abnuebant; ne Paschale sacrum  
 legitimo die celebrarent. Illud nec universalis Ecclesiæ concordie more ad-  
 ducti, nec Beatissimi Augustini Cantuariensis Archiepiscopi ammonitionibus  
 emendandum rati, pertinacem controversiam fovebant. <sup>v</sup> Hic frequentes  
 West-Saxonum conventus, crebri cætus coacti, quid esset opus facto; ut Bri-  
 tones

tones jam denuo conversi rectum callem Ecclesiasticarum observationum ingrederentur. Sententia per plures dies multo verborum agmine volutata, hunc finem habuit. Non vi cogendos Schismaticos, sed rationibus ducendos. Quocirca quicquid eorum errores dejicere, quicquid pertinaciæ obviare posset, mitteretur in litteras; quarum illi rationibus creduli animum corrigerent. Id quo minus fieret, nihil obitare; si Aldelmus Abbas suâ erroneos ammonitione dignaretur. Ejus convenire vitæ, ut velit; doctrinæ, ut possit, quemlibet veterem incredulitatis morbum avertere. Ambitur ergo precibus Univerſorum vir beatissimus; ut hunc laborem impendat Schismaticorum conversioni, patriæ laudi, <sup>2</sup> in cunctorum in commune salutem. Suscepit ille munus; quod <sup>2</sup> l. & ex fraternis cordibus suggerebat caritas: nec minor fuit perficiendi efficacia quàm suscipiendi obedientia. Sic falsum Pascha confutavit; sic verum edocuit. Condiebatur sermo propriis Evangelicis testimoniis; & rationis invicta fulmen imber assertionum paternarum sequebatur. Opus ergo summâ laude perfectum Britonibus direxit; orationes ad Deum adjiciens, ut quibus verba impenderet, pro eis vota cumlaret. Hæc est enim gemina Ecclesiastici Dispensatoris industria; ut ad corrigendos devios nec <sup>a</sup> ducit in ore correptio, nec <sup>2</sup> l. de dormitet in corde oratio. Nec potuit privari effectu Sanctissimi viri labor; quin potius laudabilem accipiens finem, ad veram errantes convertit religionem. Debent usque hodie Britones correctionem suam Aldelmo; quamvis pro insitâ nequitia & virum non agnoscant & volumen pessum dederint.

Caput Monasterii, ut dixi, in Sancti Petri Ecclesiâ erat; veruntamen, ut est animus nobilis industriæ operandi ferias ponere nescius, alteram in ambitu ejusdem Cœnobii Ecclesiam in honorem genetricis Dei Mariæ facere intendit. Fecit ergo Ecclesiam, eidemque alteram contiguam in honorem Sancti Michaelis; cujus nos vestigia vidimus. Nam tota majoris Ecclesiæ fabrica celebris & illibata nostro quoque perstitit ævo, vincens decore & magnitudine quicquid usquam Ecclesiarum antiquitas factum <sup>b</sup> videbatur in Anglia. Ad hoc <sup>b</sup> l. videbat. ergo templum exquisitius ædificandum post lapideum tabulatum sine ullâ parsimoniâ sumptuum aggerebatur copia lignorum, impensius Sancto instante; quo prono famulatu placeret domino. Jamque ad contignationem trabium ventum erat; quæ magno coemptæ pro longitudine itineris, evectionis difficultate pretium auxerant. Omnes ad unum modum succisæ fuerant, præter unam quæ brevitate sui Artificum peritiâ luserat, seu illorum <sup>c</sup> curiâ, seu, quod libentius crediderim, voluntate divinâ; ut sanctitas illustris enitesceret viri. Sed ergo damnum succisæ arboris operarii <sup>\*</sup> animadvertis primò inter se mulitare, <sup>\*</sup> l. animadvertentes. post Aldelmo in notitiam detulere. Modestè ipsè illorum culpam ferens, non nihil tamen pro difficultate reparandæ materiæ movebatur. Nihil enim remedium ex superfluo providerat; iterumque ligna devehere labor immensus videbatur. Quare humano desperato auxilio, spem Deo contulit, rem ex compendio corrigere meditatus. Animabatur ergo miraculum exhibere; utpote qui multa jam virtutum experimenta cœperat occultè fanè, ne favoris aura Sanctissimos conscientia flores decuteret. Iraque solùm motu labiorum orans, & brachiorum levi conamine nitens, decurratam trabem aliarum longitudine parem fecit. Continuoque ut miraculum dissimularet; modestiâ convitiatorum artifices invasit; quòd eum de trabis damno lussent, quæ nihil minus longitudine aliarum haberet. Illi perpendiculo apposito signum & emendationem experti latum erubere; asperitatemque sermonum non aspernantes ferentes, victos se virtute Sancti dissimulantes, gavisii sunt. Funali ergo machinâ cum cæteris in tectum levata, contignationem explevit. De hac trabe majorum nostrorum fuit verax relatio; quòd nec in duobus incendiis, quæ totum Cœnobium temporibus Elfredi & Edvardi Regum consumpserant, ullam labem tulerit; donec annis & carie victa defecit.



Jam ergo Monasterium surrexerat; jam adjuncta Beatæ Mariæ basilica clariùs enitebat; poteratque videri & dici Aldelmus fœlix tot Monachorum patronus tot possessionum dominus. Sed ille longè porrecto prudentiæ intuitu olim offuturis occurrendum arbitratus, Romam ire animo destinabat. Causa eundi fuit; ut Monasteriis suis Apostolica privilegia acquireret, Meldunensi maximè, quod ab antistitis Leutherii liberalitate profectum in successorum calumnias recidere poterat. Quas ille, ut dixi, prophetico præfagiens oculo, qualiter vel depelleret vel labefactaret, cogitabat. Communicato propterea cum rege West-Saxonum Inâ & Etheldredo Merciorum concilio, quorum & gaudebat amicitia & eminebat munificentia; illisque à sententiâ non discedentibus, Romanum callem ingressus est. Veruntamen [ut] licentiùs necessaria componeret; in prædia sui juris apud Dorstensen pagum abiit. Ibi dum fœlicem auram operitur, Ecclesiam fecit in qua fociis ad necessaria occupatis, Ipte itum & reditum suum Deo commendaret. Ejus Domûs materiæ adhuc superstites cœlo patulæ tecto vacant; nisi quod quiddam super altare prominet, quod à fœditate volucrum sacratum lapidem tueatur. Cæterum nunquam tanta vis imbrium foris in circuitu insanit; quòd infra Ecclesiæ ambitum vel gutta decidat. Hoc enim [non] pro miraculo jam, sed pro consuetudine habent pastores; qui in campestribus vicinis animalium custodiæ curam gerunt. Quandoque enim densato nubium vellere nimbus ruinam minatur; omnis eo agrestium turba cursu fugam glomerat; infraque maceriam Ecclesiæ patenti aere consistens, nihil pluviae persentiscit. Quo adducti miraculo Proceres Provinciæ non semel temptarunt; ut domui tectum inducerent; Sancto volentes officii sui exhibere clientelam. Sed frustra fieri experti, desiere; intelligentes Sancto placere \* proluvium, quo frequens exhiberet miraculum. Copia signorum eo quotannis ad festum ejus invitat populum; frequentaturque ibi & munerum oblatio & sanitarum exhibitio, quanta nec in loco ubi sacratissima ejus adorantur ossa: Deo credo per hæc innuente satis superque sufficere debere Meldunensibus corporis ejus gloriam; modò cæteris non invideant virtutum ejus præsentiam.

\*l. proluvium.

Ac verò ut dicere cœperam, superatis marinis discriminibus devictisque longæ viæ difficultatibus, venit Romam. Erat tunc temporis Sergius summæ sedis Episcopus; qui viri illustris adventum ea qua decuit humanitate suscepit, peregrinationem fovit episcopaliter. Excitabat venerantiam Pontificis in Abbatem; quòd videretur à vitæ ejus religione non discrepare scientiam, moribus non dissidere doctrinam. Aluit bonæ famæ odorem propitia divinitas, in tantâ urbe virtutum laude clientem sublimans. Est Romæ consistorium, quod Lateranense vocant, ubi Constantinus Imperator ex palatio suo fecit Apostolicis Pontificibus Patriarchium. Ibi Aldelmus cum Papâ manens, benignum frequentabat contubernium; nullumque diem excipiebat, quo missam non cantaret, cujus solemnissimum peregrinationis falleret, Deo se suosque commendaret. Id cum quadam die pro consuetudine fecisset; jam missa dictâ vestem, quam casulam nominant, post terga rejecit; opinatus falsò aliquem, qui exciperet, altare, aliàs scilicet cogitatione projectâ, & ecstasis divinæ adhuc plenus. Minister parum providus ad aliam altaris partem nescio quid scrutabatur. Sed enim *non dormitat, neque dormit, qui custodit Israel*; qui cessante hominis industriâ sua promptis magnalia. Confestim enim radius solis per perspicuitatem vitreæ fenestræ clarus emicuit; & casulæ se subjiciens longiusculè à terra suspensam per inane portavit. Quantus tunc ibi popularis clamor fuerit, quis referat; quia viderent famulo Christi famulari naturam contra naturam? Merito, ut qui semper mentem librabat in æthera, vestem suspenderet in aera; & illius obsequio solidaretur inane, qui omnia terrestria despuens ut fluxa & caduca, sola inhiaret cœlestia. Hæc autem vestis, incertum an ab Anglia secum delata, an ibi ad tempus commodata, hætenus apud nos habetur.

Servatur

Servatur studiosissimè tantæ virtutis conscium indumentum, nihil diligentia prætermittentibus Ædituis ; ut sine labe pascat oculos succiduarum generatio-  
num. Est autem fili delicatissimi, quod conchiliorum fucis ebrium rapuerit  
colorem coccineum ; habentque nigræ rotulæ intra se effigiatas species pavon-  
um. Longitudinis spatiosæ, \* quia docemur procera staturæ Sanctum fuisse. \* l. qua.  
Idemque ossa brachiorum, & cætera, quæ videre meruimus, protestantur, Al-  
delmum quondam eâ excrevisse habitudine, quam non molem sed dignam pro-  
ceritatem corporis possumus diffinire.

Morabatur ille Romæ ; continuabatque Dominus in famulo virtutum grati-  
am, subinde causas exculpens, quibus dilectum sibi efferret. Et in tempore  
res accidit ; quæ secundæ virtutis occasionem dedit. In unius Apostolici Cubi-  
cularii domo puer natus recens erat ; exieratque, & perstrepebat fama in vul-  
gus mulierculam, quæ religionem professâ vestem mutaverat, caput velave-  
rat, peperisse, nec patrem extare. Nec jam dubiâ suspicione sed publico cla-  
more Pontifex sceleris arguebatur ; quod ad illum fœmina ventitare & secretiùs  
colloqui solita diceretur. Familiari mortalium miseriâ, ut omnium statim im-  
peratur odio, qui quolibet sauciatur infortunio. Tunc ille omnium criminum  
reus diceretur, & qualibet cruce dignus. Sic popularis insania laudabilem Pon-  
tificem suspicionibus urgebat, infamabat clamoribus virum ; quo nemo unquam  
vel literis ocutior & promptior, vel fide rectior & probabilior, vel vitâ sancti-  
or & perfectior fuit : [qui] faceret omnia quæ sancta diceret, quæ catholica ;  
nec ullius terrenæ potestatis metu premeretur. Denique Imperatorem Con-  
stantinopolitanum contra fidem Catholicam garrientem palam sententiâ latâ  
condempnavit ; eodemque discrimine Proceres consentaneos, si non resipisce-  
rent, involvit. Quantas ille propter hoc epistolas scripserit, quantos labores  
pertulerit, aliæ volentem scire literæ [docebunt.] Ego ad Aldelmum recur-  
ro ; qui Pontificis injuriæ compassus ad animam, causam fluctuantem quantis  
potuit facundiæ viribus apud populum egit. Turpe esse & miserabile, ut ipsi  
Pontificem suum suspicione criminum incessant. Quid momenti apud Britan-  
nos vel aliam gentem, si qua ultra Oceanum jacet, habiturus sit Pontifex Ro-  
manus ; qui à suis impetatur civibus ? Postremò verum non videri ; ut talis  
peccati se impediret volutabro, qui toti se meminisset prælatum mundo.  
Hæc cum in auras effunderet ; nec enim popularis tumultus semel excitatus  
leniter leniri posset, ille pro sanctitatis conscientia paulò commotior : “ Af-  
“ ferte, inquit, infantem ; ut ore suo Pontificalem depellat injuriam. Pro-  
“ inde à fatuis suspicionibus discedant, in gratiam Antistitis redeant ; se, quan-  
“ tum suâ interesset, paci non defuturum. Dictum excephere nonnulli cachin-  
nis ; quod insolita promittere, indebita præsumere advena videretur. Ve-  
runtamen infantem allatum, vix dum novem à matre dierum, baptismi lava-  
cro prius innovavit. Sciscitatus est deinde publicè ; Utrùm vulgi opinio con-  
veniret veritati de patre ? Tum ut videres Dei gratiam præsentem ; pusiulus  
in vocem absolutissimam conatus, nodum dubietatis abruptit ; sanctum & im-  
maculatum Sergium esse, nunquam illum mulieri communicasse. Plaudit  
plebs miraculo. Innocens Antistes ovat triumpho. Aldelmi meritum extol-  
lit Roma : percussusque & ingeminatus lætantium clamor ipsa quatit sidera.  
Qui tamen rogatus, ut quia falsum patrem infamia exuerat, verum cognitioni  
populi addiceret ; facere refugit : præfatus suum esse, ut insones si posset  
dampno eximeret, non ut fontes morte opprimeret.

Talibus virtutum indiciis eximiè delectatus Pontifex, non difficilem se im-  
petratu exhibuit ; ut Monasteriis, [pro] quibus rogabatur, elaboratæ aucto-  
ritatis Privilegium indulgeret : quod hîc ex integro apponam ; ut omnem am-  
biguitatis evadat scrupulum, quantis sint maledictionibus obnoxii, quantarum  
pœnarum sint futuri servi, qui nunc id impune se opinantur temerare & trans-  
gredi.



“ Sergius servus servorum Dei Aldhelmo Abbati ejusque successoribus, &  
 “ per vos venerabili vestro Monasterio. Ea quæ religiosæ conversationis intu-  
 “ itū Monachis servis Dei pro liberâ vivendi facultate conferuntur, non pro il-  
 “ lecebrarum licentiâ, sed pro sedulitate bene conversandi, & divinis servitiis  
 “ seipso proculdubio mancipandi, à Præsulibus atque cultoribus Deo decre-  
 “ tæ Christianæ religionis indulgentur; ut nexu humanæ conditionis exuti,  
 “ dum ab omni munere sæcularium functionum efficiuntur immunes, sicut  
 “ professionis eorum regula protestatur, Deo penitus vacent; & ejus solius  
 “ sint intenti servitio, pro cuius Majestatis reverentiâ non solum ab oneribus  
 “ temporalium ditionum sunt liberi; sed etiam amore religionis maximo ho-  
 “ nore sunt digni. Unde poscente à nobis religione vestrâ, ut auctoris nostri  
 “ beati Petri Apostolorum Principis vice, cui creator & redemptor noster do-  
 “ minus Jesus Christus claves ligandi atque solvendi in cælo atque in terrâ dig-  
 “ natus est impertire; cuius & nos licet impares ministerio fungimur, & Ec-  
 “ clesiam ejus Dei dignatione disponimus: Monasterium beatorum Apostolo-  
 “ rum Petri & Pauli, quod Meldum religiosæ memoriæ condidit, quod etiam  
 “ nunc Meldumseburge vocatur, situm in Provinciâ Saxoniâ; atque aliud  
 “ Monasterium, quod in honore Sancti Johannis Baptistæ est in eadem Pro-  
 “ vinciâ positum juxta flumen, qui vocatur From; quæ tuam religionem  
 “ Deo cooperante providè dispensare multorum veridicâ relatione cognovi-  
 “ mus, Apostolicis privilegiis roboramus, piæ devotionis facientes assensum.  
 “ Hortamur vos in Dei laudibus & orationibus studiosos atque pervigiles, ab-  
 “ stinentiæ castimoniæ purificationi tenaciter inhærentes, hospitalitatis atque  
 “ humanitatis officiis deditos, ac devotos obedientiæ & humilitatis Christi ex-  
 “ istere vos amatores, circa invicem pia caritate concordēs, mandatis spiritua-  
 “ libus & sanctorum patrum regulis serviendo, Apostolicæ fidei rectitudinem  
 “ illibatè servare, bonis studiis operam dare, humanitatem peregrinis & e-  
 “ gentibus impendere, Ecclesiarum Dei præsulibus & sacerdotibus veneratio-  
 “ nem debitam exhibere; Deo vacare, sæculares curas & quæstus effugere,  
 “ temperantiam & paupertatem diligere, Psalmis & Hymnis Spiritualibus ar-  
 “ que Orationibus assiduis cum Deo colloquium inferere; abstinentiam tan-  
 “ quam purificationem corporis in cunctis vitæ studiis adhibere, in omnibus  
 “ Dei mandatis alterutros excitare, sollicitos circa sui salutem esse, & profici-  
 “ entes in melius æmulari, & in Dei præsidio confidere, immaculatos vos non  
 “ solum à contagione, carnali sed etiam à sermonibus noxiis & cogitationibus  
 “ custodire, ut castitas atque sobrietas corporis simul & spiritus vestri ante  
 “ Dei oculos luceat; quatenus & interior homo gratiâ virtutis illustretur, &  
 “ exterior bonæ conversationis laudem atque opinionis obtineat. Quia igitur  
 “ talibus deberetur Pontificalis indulgentiæ beneficium; præsentibus Apostoli-  
 “ cis privilegiis prædicta Venerabilia Monasteria decernimus munienda: qua-  
 “ tenus sub jurisdictione atque tuitione ejusdem, cui & nos deservimus,  
 “ Auctoris nostri Beati Petri Apostoli, & ejus, quam dispensamus, Ecclesiæ &  
 “ nunc sint & in perpetuum permaneant; sicut tua religio petiit, nulliusque  
 “ alterius jurisdictioni sint subiecta; nec quisquam Episcoporum aut Sacer-  
 “ dotum, aut cujuslibet Ecclesiastici ordinis Clericus quoque tempore sibi in eâ  
 “ qualemcunque jurisdictionem defendere, aut susceptionem vel quælibet mu-  
 “ nuscula à religiosâ Congregatione extorquere vel exposcere præsumat, neque  
 “ in eorum oratorio Episcopalem Cathedram constituere aut Missarum solen-  
 “ nia ibidem gerere, præter si à religioso Abbate & Congregatione ascitus ad-  
 “ venerit. Presbyterum verò si necesse habuerint pro Missarum solemnibus sibi  
 “ ordinari aut Diaconum; à Reverentissimo Episcopo, qui è vicino est, con-  
 “ secrandum exposcunt; illo duntaxat quæ ad sacram regulam pertinent sub  
 “ divino judicio perquirente, & absque muneris datione ordinante. Si autem  
 “ & religiosum Abbatem obire contigerit, & ad electionem alterius fuerit ven-  
 “ tum;

“ tum; illum, quem religiosa Congregatio servorum Dei communi consilio  
 “ delegerit, promovendum è vestigio; ut non detrimentum Monachicæ con-  
 “ versationis disciplina incurrat, vel res Monasterii Abbatis privatione depe-  
 “ reant. Præsul quoque qui similiter in vicino fuerit, ex Apostolici Pontifi-  
 “ cis auctoritate orationem ei Abbatis attribuat. Dum hæc ita sint; si quis-  
 “ quam Episcoporum, Presbyterorum vel cujuslibet Ecclesiastici ordinis Cle-  
 “ ricus, sive etiam Laicus, cujusque dignitatis fuerit, hæc à nobis sub divino  
 “ iudicio statuta transgredi vel temerare temptaverit: reum se noverit ante con-  
 “ spectum Dei, & à participatione corporis salutiferi & Sanguinis Domini ali-  
 “ enum. Condemnationem, quam Judas Iscariotha assecutus est, assequa-  
 “ tur; & ab<sup>e</sup> ejus Apostolorum principe, ut Ananias & Saphira, percella-  
 “ tur; nisi de incepto temerariæ præsumptionis pœniteat. Vita verò, salus  
 “ & beatitudo perpetua his, qui hæc conservaverint, & conservari mandave-  
 “ rint. Bene valete Dilectissimi Fratres.

Paginæ hujusce prærogativâ Aldelmus triumphans, simulque benedictione  
 Antistitis & sacrarum Reliquiarum pignoribus fretus, redeundi domum iter im-  
 piger adoritur. Devehens secum multimoda peregrinarum mercium pretia;  
 quæ patriæ novâ & mirabili inferret copiâ. Inter quæ fuit Altare ex splendenti  
 marmore, candido colore, sesquipedali crassitudine, quadrupedali longitudi-  
 ne, latitudine trium palmorum, labio ex eodem lapide prominenti in circuitu  
 pulchrè densatum. Camelus, ut dicitur, [tulit.] Quod enim nostræ regio-  
 nis animal tantam sustineret molem? Ejus usque ad Alpes bajulus fuit, & in-  
 offensò tulit. Ibi camelus seu quodlibet quadrupes, nec enim referet quæ be-  
 stia tulerit, vel injusti fascis injuriâ vel propter prærupta viæ declivia concidit.  
 Ruina jumentum contrivit; & marmor in duas partes effregit. Utriusque rei  
 dampnum locis ingemiscens, Sanctus arcano cordis murmure & protensâ  
 benedictione dextræ sarcivit. Animali salutis vigor refusus; quod alacri statim  
 se motu excutieris, in pedes constitit. Fractura lapidis, quæ non recta linea, sed  
 quodam anfractu defiliens crepuerat, statim se in solidum compegit. Sed ut  
 mirabilis signi memoria non obsolesceret, adhuc cicatrix scissuræ patet sanata  
 quidem miraculo, sed curioso tamen perspicua oculo. Recidit mœstitia, reitera-  
 tur semita. Ita omni comitatu incolumi ad mare, quod Galliam Angliamque di-  
 stergit, venit. Ibi placido carinæ sinu exceptum post foeliciter enavigatum  
 pelagus secunda Compatriotarum desideriis fortuna restituit. Venienti occur-  
 sum est ubique magnâ pompâ, longo apparatu salutantium. Religiosorum  
 alii<sup>e</sup> suam cantu mulcent aera, alii lignum divinum præferunt, alii odoris<sup>e</sup> l. suor.  
 thymiamatibus vias afficiunt. Laicorum pars pedibus plaudunt choreas; pars  
 diversis corporum gestibus internas pandunt lætities. Omnes in commune De-  
 um laudant; qui lumen Britannia reduxit, quod jamdudum peregrinantes radi-  
 os per alias terras porrexerat. Nec fastus regius Inam & Ethelredum, illum  
 West-Saxonum, hunc Merciorum Principem, ab hac excepit lætitia. Quippe  
 ubi antiquo viri amoris recens accreverat Apostolicarum salutationum reve-  
 rentia. Magno igitur gaudio & pronæ venerationis ostentatione susceptus, pri-  
 vilegia Monasteriorum suorum ambobus ostendit Regibus. Ita efflagitabat ra-  
 tio: ut quæ utrorumque subsistebant muneribus, utrorumque firmarentur af-  
 sensibus. Accurrit continuo Regia religio dictis Pontificis; nihilque minus  
 fuit, quin vicino obedientiæ pede jussa persequeretur.

Id quamvis memorandi Principes pro insita benevolentia gratia non difficul-  
 ter fecissent; ex abundantia tamen Aldelmus magnorum xeniorum oblationi-  
 bus consensum voluntarium elicit. Et alteri quidem alia, sed Inæ altare de-  
 dit. Is illud in vico quodam tunc regio Briwecane vocabulo sanctissimæ Ge-  
 nitricis Dei locavit obsequio; ubi ad hunc diem situm, vivum, ut ita dicam,  
 sanctitatis Aldelmi præbet indicium. Est ibidem & alia major Ecclesia in  
 Sancti Petri nomine; quam à beato viro factam & consecratam non negligens



ter asseverat opinio. Hujus orientalem frontem nuper in majus porrexit recentis ædificationis ambitio. Eo ut dixi modò processit labor laudabilis pro Sanctæ Ecclesiæ honore susceptus. Jamque ille in dies senectuti affinis processerat.

Ac vero aliquo annorum intercurrente spatio, Hedda totius West-Saxonie Pontifex, apud Wintoniam sedem habens, excessit mundo. Gratissimus fuit hic obitus cœlestibus; quòd pro sanctitate præteritæ vitæ numerum eorum ampliaret: Luctuosus mortalibus; quòd vix parem possent invenire, qui tantæ Diœceseos circuitum vellet regere. Quicquid enim nunc IV. Episcopi gubernant, unus tunc ille frænabat; rebelles auctoritate premens, supplices simplicitate demulcens. Synodali ergo consilio Diœcesis ultra modum protensa in duas sedes divisa; quarum altera Scireburniæ, altera esset Wintoniæ. Iniqua & impar fuit ea divisio; ut unus duos tantum Pagos, alter totum regeret quicquid West-Saxonici tractûs immensitas continet. Singulis sedibus suffecti Pontifices pro scientiæ merito & natali solis confinio. Wintoniæ prælatus Daniel; qui esset ejusdem regionis oriundus, literarum non egenus. Scireburnam sortitur Aldelmus; cui sapientiæ prerogativa, & ævi maturitas ad majus culmen aspiraret; cum & genitalis terræ caritas suffragaretur, quòd ejus Provinciæ indigena esset. Procedit ergo, ut creditur, agente Deo universalis electio; ambiturque à beatissimo sene, ut Episcopatum dignetur [suscipere.] Omnis ætatis & ordinis conflatur sententia dignum videri Præfulatu, excocta jam ætate serium, literis uberem, religione nulli disparem. Sin vero natalium dignitatem considerandam putes, quam Beatus Apostolus in talibus non permiscet: quis eo nobilior, qui regalem prosapiam proximâ contingit lineâ? Ejus famæ, ejus vitæ semper illum fuisse, de qua nunquam vel parum sinistra jactata sit opinio. Restitit ille quantum potuit; quæ repulsam suam adjuvare, quæ unanimitem illorum infirmare possent, non segniter objectans. Sed enim in nihilum fatigabatur; cum eo ipso quod pro se paraverat, convinceretur. Id erat annorum gravitas, quibus è proximâ metâ respicientibus senium ammoneretur leni quiescere otio, non periculoso indulgere negotio. Quod statim ab audientibus retorquebatur in aliud; quòd quanto annis maturior, tanto esset vitiis defæciatior, consiliis promptior. Habuit ergo modum; restititque quoad concinnum rationi visum est. Sed ubi unanimem & diuturnum assensum accendit, fraternæ obedienciæ habenas vitæ suæ laxavit, veritus divino resultare oraculo, quod corda omnium conflaverat, ora opleverat. Suscipiunt igitur collegam Episcopi, patrem Clerici, patronum Laici.

Inde acclamantibus cunctis, reclamantibus nullis, Berthwaldo primæ sedis Archiepiscopo pro more consecrandus deducitur. Is in veteris contubernii sodalem: nam & pariter literis studuerant, pariterque viam religionis triverant: electionem factam gratiose complexus, favorem auxit. Itaque non solum consecrationem indulgit; sed etiam multos dies secum retinuit, ejus consilio Archiepiscopatus sui pondus allevians, causarum rationem examinans. Unde factum est, ut his diebus \* Doroberniam pergeret; quod est litus Cantuariæ ad XII. millia proximum, audiens illic naves appulisse. Portus ibi, ut plerique maritimarum locorum, inquietus quia angustus. Citissimus eo à Marinis transitus paucorum admodum millium trajectu. Quo fit ut in illius spatii angustia inter se currentes & illidentes fluctus minimâ occasione pelagus exasperent; ibique maxime incuratur periculum, ubi sperabatur periculorum effugium. Jam verò in statione Navibus receptis tutissima quavis tempestate quies. Hoc ideo prætuli; quia ad rem quam inferam attinet. Spatiabatur Sanctus juxta mare; intensusque oculos mercimoniis infigebat, si quid fortè commodum ecclesiastico usui attulissent nautæ, qui è Gallico sinu in Angliam provecti librorum copiam apportassent. Conspicatusque librum totius Testamenti veteris & novi seriem continentem: ad emendum intentus, animum à cæteris remisit.

Cumque

\* Hodie Dorobernam appellamus.

Cumque gnarus folia volveret, pretium effringeret; barbari eum nauticâ lasciviâ convitiis aggrediuntur. Quid ita merces alienas depretiaret, & attenuaret rerum non suarum valentiam? Sua si vellet eventilaret; extranea suo pretio relinqueret. Horum ille contra verborum contumaciam nihil retulit nisi risum. Postremò adhuc pretium libri percunctantem loco cum ignominiâ deturbant; tensisque rudentibus longius à litore se removent. Sed non longè morata divina ultio injuriam Sancti acrius vindicat. Procella surgit, turbo sævit, densatur nubes, subducitur dies, pelagi caligo aerisque horror noctem inducit; congeminant terrorem ventorum furor, rudentium stridor. Antenna sævitiam tempestatis non patitur; latus navis hinc intudentibus fluctibus quassatur. Defecit ars remigum; decidit peritia nautarum. Et jam <sup>s. 1. pestum.</sup> pestum ibant; videbanturque in miserorum mortem omnia conspirasse elementa: cum licet brutos animos intelligentia subiit, propter injuriam Sancti, cui convitiati fuerant, se luere pœnas. Exclamant ergo in planctum; & supplices tendunt ad littora palmas. Orant opem; pollicentur emendationem. Facile fuit beato Pontifici, ut remitteret culpam; qui non doluerat contumeliâ. Et primò quidem porrecto contra sævientia flabra crucis signo, nonnihil tempestatis diminuit & mansuefecit. Mox cum ipse scaphâ ascensâ virtute remigum periclitantes adisset; mutata in bonum omnia. Tempestas tota quiescit; turbo conquiescit: Ventorum usus conversus navem impellit ad litus: undæ, quæ ante minabantur exitium, nunc sensim allabentes pollicentur obsequium. Potiti ergo nautæ opratâ stationis harenâ, librum sponte offerunt; accipiat gratis, dignetur munus famulorum, quos ab ipsis mortis faucibus in ficcum evexit. Appendit ille mercedem aquâ lance in medium conferens; ne aut pauperes magno dampno emungeret, aut supplicum preces repudiaret. Id volumen adhuc Melduni visitur, antiquitatis venerandum præferens specimen.

Novi ergo compos honoris, provinciam regressus, cum in omnibus nomen æquaret officio, tum vel maximè libertati Monasteriorum studere; habuitque sedem Scireburum; ubi & Ecclesiam, quam ego quoque vidi, mirificè construxit. Ac primò quidem humanæ vitæ incertum metuens, cum Monasteriis suis Abbates præponere vellet; huic voluntati Monachi consueti patris dulcedine opposuerunt obicem. Cujus rei tenorem contulit in scriptum; ne laboreretur, neve successores necessitatem perverterent in tyrannidem; non parituris sub obligatione divinâ interminatus perniciem. Illius scripti textus hic est.

“ Nihil in hoc seculo prolixâ felicitate perfruitur, nihil diuturnâ dominatione potitur, nihil quod non ad fatalem vitæ terminum loci cursu protendatur. “ Et ideo nobis sic mundanarum rerum patrimonia sunt perfruenda; ut tamen æternæ patriæ emolumentis nunquam fraudemur. Hinc est, quòd “ Ego Aldelmus, postquam me immeritum nullisque penè dignis moribus “ comprobatum, in Pontificatûs officii sedem divina gratia subthronizasset; “ proposui arcano mentis meæ affectu, ut Monasteriis meis quibus jamdum “ in Abbatatûs gradu constitutus, suffragante Domino regulariter præfui, “ religiosum Abbatem, quem sibi spontanea familiarum mearum optio consonâ “ voce elegissent, canonicâ ratione atque regulari sanctione constituerem. “ His voluntariis propositionibus meis pia Monachorum meorum restitit per- “ vicacitas. Et cum hoc sedulò sæpiusque in conventu fratrum meorum fi- “ ducianter narrâssem; nullus his votis meis placidissimum præbet assensum: “ dicentes quòd quamdiu vitali vegetaris spiritu, nobiscumque præsentis vitæ “ deputaris stadio; tuæ semper dominationis jugo humillima colla subdere “ non dedignamur. Sed hoc supplici prece communique rogatu deprecamur; quòd sub sacra Scripturarum testificatione & favorabilium virorum “ claro consensu corroboretur: ut nullus post obitum tuum nec regalis audacitas “ nec



“ nec Pontificalis auctoritas, vel aliquis Ecclesiastica seu Secularis dignitatis  
 “ vir sine nostro voluntatis arbitrio in nobis sibi vendicet principatum. Iuic  
 “ debitæ Monachorum meorum maximèque famulorum Dei petitioni liben-  
 “ tissimè consensit; & in Monasterio quod juxta fluvium, qui dicitur Win-  
 “ burna, situm est, cui venerandi Regis nostri germana Cuthberge præsidet,  
 “ cum optabili famosissimi Regis Inæ consensu & reverentissimi fratris & Co-  
 “ episcopi mei Danielis nutu præsentatæ professionis devotionem decentissi-  
 “ mam & vernerum Domini postulationem sacre crucis signaculo confirma-  
 “ vi: identidemque venerandus Rex & prænominatus Pontifex pari devotio-  
 “ nis manu subscripserunt. Nec multò post in sacrosancto Concilio, quod jux-  
 “ ta fluvium, qui dicitur Noodr, congregatum<sup>b</sup> est dinoscitur, in idem omni-  
 “ um Saxonica gentis Archimandritarum cum regalis potentatûs assensu &  
 “ Pontificalis Prioratûs nutu consensit auctoritas. Si quis contra hæc tam  
 “ illustrium personarum decreta moliri machinetur, & sacra præsentis scedu-  
 “ læ scita prevaricari præsumperit; sciat se ante terribilem divinæ Majestatis  
 “ Thronum cum prævaricatoribus præceptorum Domini lugubri damnationis  
 “ judicio percellendum: sunt autem hæc nomina Monasteriorum Maldubesber-  
 “ ge, Froom, Bradonford. Scripta est hujus Confirmationis cartula anno ab incar-  
 “ natione Domini nostri Jesu Christi DCCV. indictione III. Subscripserunt  
 Ina Rex, Daniel Episcopus, Ethelsfrithe Patritius.

<sup>b</sup> l. esse.

Quamvis igitur hæc cartâ suis Monasteriis consuluisse & tyrannidem succes-  
 sorum propulsa videretur; non tamen illustri animo suffecit, nisi & omni-  
 bus Ecclesiis quæ in West-Saxonia erant consultum faceret. Dulcibus igitur  
 monitis credulum sibi animum Regis urgens, hujusmodi edictum obtinuit.  
 “ In nomine Domini Dei nostri Salvatoris. Ego Ina regnante Domino Rex,  
 “ cum consilio & decreto Præsulis nostri Aldhelmi, simulque cunctorum Dei  
 “ sacerdotum suggestionem & Monachorum petitione qui in Parochiâ Saxonum  
 “ conversantur, hanc ubertatem Ecclesiis impendo, & hanc privilegii dignita-  
 “ tem Monasteriis confero; ut sine impedimento secularium rerum & absque  
 “ tributo fiscalium negotiorum liberis mentibus Deo soli serviant, & monasti-  
 “ cam Cœnobia disciplinam, Christo suffragium largiente, regulariter exerce-  
 “ ant, ac pro statu & prosperitate regni nostri & indulgentiâ commissorum  
 “ criminum ante conspectum Divinæ Majestatis preces fundere dignentur, &  
 “ orationum officia frequentantes in Ecclesiis pro nostrâ fragilitate interpellare  
 “ nitantur. Si quis vero contra hujus decreti syngrapham venire temptaverit;  
 “ sciat se coram Christo novemque Angelorum ordinibus in tremendo exami-  
 “ ne rationem redditurum. Hoc vero Decretum à nobis libenter concessum  
 “ taliter servari & confirmari decernimus; ut tam nobis vitâ comite propitiâ  
 “ Divinitate regni gubernacula regentibus, quàm futuris successoribus hæredi-  
 “ tatis jure regnandi Monarchiam tenentibus, inextricabili lege firmiter robo-  
 “ retur. Nam pro amplioris firmitatis testamento Principes & Senatores, Ju-  
 “ dices & Patritios subscribere fecimus. Actum publice & confirmatum in lo-  
 “ co qui appellatur Eburleagere, VIII. Kalendarum Juniarum die, Indicti-  
 “ one II. anno ab Incarnatione Christi DCCIV. feliciter. Supscripsit Ina  
 “ Rex. Ego Aldelmus servus servorum Dei hoc decretum manu propriâ ro-  
 “ boravi. Subscripserunt & Abbates, Proceres IX.

Ista divinus Pontifex indefessus agebat, vicini finis non nescius. Sordebant  
 enim jam terrena viro; inhiabatque cœlestibus. Quapropter optimum factu  
 ducebat; si metam vitæ talibus percurreret, quæ essent suæ laudi memoriæ, sub-  
 jectis emolumento & gratiæ. Et licet nimis effœta caro labores perferre nega-  
 ret; tamen solida mens jamque foras eminens & ipsis cœli januis imminens  
 vincebat temporum situm. Fragilem igitur corporis usum, non longè post de-  
 fertorem animi, spiritualibus exercitiis subiciebat. In prædicationibus noctes  
 perinde ut dies continuans, Diœceses non segmiter circueiens, ipse intègre &  
 non

non minùs quàm in viridi ætate jejunia cæteraque id genus bona frequen-  
tans. Ductâ itaque vitâ hominibus placidâ, Deo placitâ, post Episcopatus  
annos quatuor

Ad superos superum cultor fociusque recessit ;  
Alterat astra solo, mutat & arva polo.  
Halitus alta subit, foveat artus Hospita tellus :  
Depositumque suum poscit uterque locus.  
Impulerat Phœbus bis quinâ luce Latonam ;  
Involucris Mundi cum resolutus abit.

Est in pago Sumersetensi [villa] Dultinge vocabulo, in qua hominem exiit,  
quam pridem Monachis dederat, Glastoniensibus usum fructuarium pactus. Do-  
mus obitus ejus conscia lignea erat Ecclesia, in quam se ultimum spirans infer-  
re jussit, ut ibi potissimum efflaret: sicut incolæ hodiè per succiduas generationes  
asseverant. Hanc dum quidam Glastoniensis Monachus ex lapide resectam in  
\* die faceret consecrari nomine; immiscuit se confertæ multitudini muliercula \* f. Dei  
utroque lumine jamdudum capta. Hæc in signo fidei densitatem vulgi per-  
rupit, clamitans ut ad altare duceretur incunctanter; se credere quod Sanctus,  
cujus basilica consecraretur, viduæ cæcitatem depelleret, qui totâ vitâ solen-  
nes elemosynas viduis conferre solitus esset. Audacia credulitatis de cœlo traxit  
auxilium: implevit viduos orbes lux serena. Nec latere potuit Miraculum  
coram populo celebratum, præsertim cum & persona & personæ calamitas Pro-  
vinciæ vulgarissima esset. Constat in eâdem Ecclesiâ lapidem esse, cui San-  
ctus moriens infederat; cujus absolutione plures ægroti sanitatem iniisse nos-  
cuntur.

Tunc beato Egvino Wigornienſi Episcopo visio cœlestis affulgens obitum so-  
dalis innotuit; & ut ad locum pergeret, præcepit. Ille doloris & amoris sti-  
mulis tunc maturans celeriter Dulting pervenit. Depositâque pro animæ  
requie oratione, ut pro desiderio & præcepto Sancti Meldunum corpus promo-  
veatur, jubet. Compescit ejulantium lacrimas fidei præsumptione; opus ac-  
celerat ipse operis maturator assistens. Efferuntur ergo felices exuviæ magno  
præeuntium & subsequendum agmine; dum quisque beatiorem se putaret qui  
propior esset; eratque ingens comitantium solamen saltem feretrum videri, si  
non posset tangi. Ipsâ enim species & forma exanimis corporis multum deco-  
quebat doloris; demulcebatque oculos manens gratia & permanens figura.  
Celebris illa pompa funeris fuit; dum pro miraculorum frequentiam figerentur  
semper lapideæ cruces ad septem milliaria. Ad quas plures inveteratis morbis  
debiles cum fide accedentes, violentiam precum celerem rapuere salutem: Vir-  
tutum signis manentibus usque hodiernum diem. Nec fidem auditorum exce-  
dere debet, quod dico: cum penè tot sunt miraculorum testes, quot provinci-  
ales; quorum certissimum Beatum Egvinum in testem cito, qui in quodam  
scripto post quædam alia sic ait. " Post duos annos Aldelmus religiosus Epif-  
" copus migravit ad Christum. Quod ego per revelationem agnoscens, con-  
" vocatis fratribus & obsecundantibus meis excessum venerandi Patris eis ape-  
" rui; concito gradu ad locum ubi sacrum corpus ejus jacebat L. ferme milli-  
" bus ultra Meldunense Monasterium situm deveni; & ad sepulturam adduxi  
" & honorifice sepelivi; & mandavi, ut in quocunque loco sacrum corpus in  
" asportatione pausaverat, sacra Deo erigerentur signacula. Manent omnes  
Cruces; nec ulla earum vetustatis sensit injuriam: vocanturque Biscepstane,  
id est Lapidis Episcopi; quorum unum in clauſtro Monachorum in promptu  
est videre. Quæ res ammonuit; ut quod fama de Bascepeſtrune jactitat,  
non



non tacerem. Villa est in valle, ad quam prædicationis sollicitudinem expleturus venisse dicitur. Dum sermonem fereret in plebem; fortè baculum fraxineum, quo nitebatur, terræ fixisse. Illum interim per Dei virtutem miram in magnitudinem excrevisse, succo animatum, cortice indutum, foliorum pubem & frondium decorem emisisse. Pontificem, qui verbo intenderet, clamore populi ammonitum respexisse; adoratoque miraculo Dei munus ibidem reliquisse. Ex primæ arboris pullâ multas pullulasse fraxinos; adeò, ut sicut dixi, villa illa vulgo ad Episcopi Arbores nuncupetur. Hæc sanè non pro solido asserui; sed ne quid præteriisse arguerer, non omisi. Cætera scriptis vel cælaturis ex antiquo factis approbo; nec quicquam Deo teste adjecto de meo, nisi si aliquod verbum causâ politius ornandi lectionis avolavit. Non enim eget Aldelmus; ut mendaciis asseratur: tanta sunt de illo, quæ in dubiam depromant fidem: tot sunt quæ non veniant in litem. Innumera signa, quæ modò apud ejus fiunt memoriam, ostendunt præsentibus præteritæ vitæ Sanctimoniam.

Excipiunt interea Patronum Meldunenses ingenti ploratu, reverenti affectu. Jungebatur amor veneratio; pugnabatque fides cum obsequio. Nescires quid eligeres, aut in parentem affectum, aut in advocatum gaudium. Si lætarentur pro præmisso ad Deum Patrono; sed dolere cogeantur pro amisso vitæ solatio. Inter hos fluctus aliquot extractis diebus, tandem sepeliri permiserunt in Sancti Michaelis Ecclesiâ; ubi sibi vir Sanctissimus olim Sepulturam providerat. † Excessit anno ab Incarnatione Domini Septingentesimo nono, ante Inam annis XVIII. ante Bedam XXV. postquam Abbas à Leutherio factus est XXXIV. postquam Episcopus à Berthwaldo anno V. Nam annos ætatis ejus nulla scriptura misit in calculum; sed est conjectura non fallax grandævum fuisse Sanctum, qui paulo minus XXXIV. annis in Ecclesiastico manens Præsidentatu, non nisi legitimâ ætate illo præsertim tempore sumpisset honorem. Gravis ille annus Britanniae fuit; ut qui multa lumina vel extinxit vel abduxit. Eodem enim anno Wilfridus Episcopus decessit; de quo superior sermo palam fecit, quod nemo in Anglia eo promptior & justitienacior fuit. Quin & Kenredus Rex Merciorum Ethelredi successor cum Offa Orientalium Anglorum Rege Romam profectus stadium vitæ decurrit: quorum societatem adornavit, ut supra dixi, Egwinus scilicet Episcopus; qui postquam beato Aldelmo iusta perfolvit; iter illud arduum ultroneis compedibus illaqueatus & adorsus & permensus est. Sed hæc plenius scire volentem alias & nostra & aliorum lectio informabit. Jacuit corpus beati viri in Ecclesia supradicta CCXLVI. annis; quo toto tempore quæ Miracula exhibuerit, quæ nec parva nec pauca fuisse crediderim; omnia sepelivit, omnia suppressit æmula oblivio. Enimvero Monachi se in Sanctæ Mariæ transtulerunt Ecclesiam; ut viciniùs & opportuniùs necessitates suas Sancti minorarent mausoleo: quamvis, ut per Cartas probavimus, omnibus usque ad Edgarum regem annis Sancto Petro daretur Primatus.

† Obiit vix IV. annis Episcopatu functus, anno Dominicæ Incarn. DCCIX. in Vigiliâ S. Augustini Anglorum Apostoli,

VIII. Calend. Junii. *Gulielmus Malmshur.*  
*lib. 1. de gestis Regum Angl. fol. 7.*

## P A R S IV.

**J**Am enim quartam pollicitationem meam Domino juvante complere ingrediar; ut ostendam quantâ volubilitate fortunæ Cœnobium Meldunense excreverit; plerumque etiam, nisi Sanctus auxilium porrexisset, pessum iverit. Per successionem ergo Regum & Cartarum appositionem agam propositum. Inæ successit Ethelardus XIV. annis; ei Cuthredus pari spatio. Hujus donum ita scriptum habemus. “ Ego Cuthredus Rex Geuuiforum cō-  
 “ gente catenâ caritatis Christi & indivisibilis affectu dilectionis, Aldelmo Ab-  
 “ bati familiæque sub illius regiminis amore degenti, cum consensu atque  
 “ scientia eximii Præsulis Danielis optimatumque meorum & dignitatum, ob  
 “ recordationem scilicet orationum suarum & redemptionem animæ meæ, ut  
 “ in plenitudine electorum Domini collocatus sim; terræ partem \* inextrica-  
 “ bilem possessione in loco, qui dicitur Wdecim, sub X. mansionum æstimati-  
 “ one taxatam sub contestatione Sanctæ Trinitatis dapfili quidem liberalitate &  
 “ hilariter ad Meldunense Monasterium largitus sum. Et post aliqua. “ Ex-  
 “ emplar hujus largitionis promulgatum est anno ab Incarnatione Christi  
 “ DCCXLV. in prædicto Cœnobio sub præsentia Cuthredi Regis. Liquet igitur  
 anno ultimo vitæ Regis Cuthredi hoc factum esse, superstiti adhuc Da-  
 niele Episcopo; qui cum Beato Aldelmo Episcopus factus fuerat; post exces-  
 sum ejusdem patris anno XXXVI. Unde constat hunc Aldelmum Abbatem  
 cui Cuthredus Rex Wdecim dederat, alium fuisse quam Magnum Aldel-  
 mum. Fertur sanè, quodd Secundus Aldelmus Prioris nepos fuerit. Cuth-  
 redo Regi successit Sigebrecht anno † primo. Sigebrecht Successor fuit XXXI.  
 annis Kinewlfus. Hic anno tertio regni sui Cœnobium insigni munere  
 auxit.

\* l. inextrica-  
bili.

† l. uno.

“ In Christi nomine. Ego Kineuulf Rex cum consensu principum meorum  
 “ aliquam terræ portionem quasi XXX. manentium familiæ Christi in Maldu-  
 “ bienfi Monasterio constitutæ pro remedio animæ meæ perpetualiter possiden-  
 “ dam donavi: Hoc est, ubi se duo latices Meardenæ & Rochburnæ jungunt,  
 “ & in circuitu eorum, quemadmodum ipsi incolæ bene nosse dignoscuntur  
 “ terminos ac limites locorum illorum; necnon & villam, cui subjacent pas-  
 “ cua, prata arida & irrigua, simul & silvestria loca. Et hæc acta sunt ab  
 “ Incarnatione Christi DCCLVIII indiétione XI. à transitu Domini Aldelmi  
 “ Episcopi nono & quadagesimo. Subscripsit Kineardus electus in Episco-  
 patum Wintoniæ, & Hærewaldus Episcopus Scireburniæ. Contra eundem  
 Kinewlfum Regem annum jam vicesimum & quartum in regno habentem.  
 Offa Rex Merciorum propter villam Benesingtunæ congressus, & ipsam & plu-  
 rimam partem Regionum West-Saxoniarum victoriâ functus usurpavit. De-  
 nique Villas Cœnobii & Ena . . . . . [quas] Etheldredus;  
 & Piritunæ, quam Rex West-Saxonum Cedualla dederat, infestus prædo  
 abstulit. Et primam quidem Wigornienfi Episcopo dedit; secundam filius  
 ejus Egferthus reddidit hoc scripto.

“ In nomine Domini. Ego Egferthe Rex Merciorum anno primo Regni  
 “ nobis à Deo concessi, rogatus à Brithtrico Rege Occidentalium Saxonum  
 “ & Ethelardo Archiepiscopo, terram XXXVI. manentium in loco, qui  
 “ vocatur Ecpirigean, ab orientali parte sylvæ quæ vocatur Braden, reddidi  
 “ Abbati Cuthberto & fratribus Monasterii Maldubienfis pro indulgentiâ pia-

[ E ]

“ culorum



l. Ea.

“culorum meorum & pro requie animæ patris mei Offan, quam ille veneno  
 “abstulit eis. Et scilicet ratione concedo terram supradictam; ut seculari-  
 “bus Regum servitiis libera sit ad serviendum necessitatibus fratrum Deo ser-  
 “vientium in prædicto Monasterio; ut memoria nostra in illo Sancto loco in  
 “sanctis orationibus apud eos maneat in perpetuum. Sed & Abbas & fratres  
 “ejusdem Monasterii in comparatione terræ illius dederunt mihi duo millia  
 “solidorum argenti puri. Et hoc feci cum consilio Episcoporum ac Princi-  
 “pum meorum; quorum nomina subter ascripta sunt. Et hoc actum est an-  
 “no ab Incarnatione Christi DCCXCVI. indictione quartâ. A transitu  
 “Patris Aldelmi anno octogesimo septimo. Augentem hanc meam elemosy-  
 “nam Dominus conservet & benedicat. Minuentis verò ac frangentis nomen,  
 “quod non optamus, eradicabitur de terra viventium; & à societate Sancto-  
 “rum privabitur, nisi dignè emendaverit. Subscripsit Ethelardus Archie-  
 “piscopus, qui ex Abbate prius Meldunensi & Episcopo postea Wintoniensi  
 “supremum honorem nactus, Cuthbertum hunc constituit Melduni Abbatem.

Subscripsit Beorthricus Rex West-Saxonum XVI. annis post Kinewlfum. Sub-  
 scripserunt

Wigornienfis, Edulfe electus ad  
 Hereford.

Successit Brithrico Egbirthus annis XXXVII. qui omnia Regna Anglorum  
 West-Saxonico usque hodie curvavit imperio. Huic Ethelulfus filius annis  
 XVIII. quem quidem Athulfum vocant. Vir qui libertate collatâ Ecclesiis  
 omnes Antecessores, quique postremo seipsum nova liberalitate vicerit

fecit & scrinium, quo Sancti Confessoris ossa locaret, in anteriori parte ex so-  
 lido argento jactis imaginibus. In posteriori verò levato metallo miracula  
 figuravit, quæ jam sermo deprompsit: unde putatum est hunc fuisse librum  
 vitæ in quo ista legerit; sed postea tempore Danorum amissum. Fastigium  
 crySTALLINUM Rex Ethelulfus apposuit scrinio; in quo nomen ejus literis aureis  
 est legere. Sunt qui dicant venerandas reliquias per eum levatas: Sed nos,  
 cum ad locum venerimus, magis tritam opinionem persequemur. Nunc po-  
 namus Regis dona; quæ Monasterio contulit.

“Regnante in perpetuum Domino nostro Jesu Christo, summo & ineffa-  
 “bili rerum omnium creatore; Ego Edeluulfus gratiâ Dei Occidentalium  
 “Saxonum Rex, in sanctâ ac celeberrimâ Paschali solennitate pro remedio  
 “animæ meæ & regni & populi prosperitate mihi à Deo commissi consilium  
 “salubre cum Episcopis & Comitibus cunctisque optimatibus meis<sup>k</sup> prefeci;  
 “ut decimam partem terrarum per regnum meum non solum Sanctis Eccle-  
 “siis darem, verum etiam & Ministris meis in perpetuam libertatem habere  
 “concederem: ita ut talis donatio fixa incommutabilisque permaneat ab  
 “omni regali servitio & omnium secularium absolutâ servitute. Placuit au-  
 “tem Alhstano Scireburnensis Ecclesiæ Episcopo & Suinthino Wintanstrengis  
 “Ecclesiæ Episcopo; ut omni Sabbato tota Congregatio quinquaginta Psal-  
 “mos. & unusquisque Presbyter duas Missas omni hebdomadâ cantet pro Re-  
 “ge Edeluulfo & Ducibus in hoc consentientibus, &c. Scripta est autem hæc  
 “Cartula anno Dominicæ Incarnationis octingentesimo quinquagesimo quar-  
 “to indictione II. die Paschæ, in palatio nostro quod dicitur Wiltun. Terra  
 “autem ista, quam in libertate ponimus, ad Ecclesiam pertinens Meldubes-  
 “burge, hæc est. Piretune XXXV. Qacot XV. Suttune V. Corfaburn V.  
 “Cridanville X. Cemele X. Dantesie XI. Fecerat autem solis Eccle-  
 siis

l. perfeci.

fiis Cartam libertatis ; quam hic prætermisi, quia in Gestis Regum posui.

Anno primo Regni sui, Incarnationis DCCCXLIV. à transitu beati Aldelmi centesimo tricesimo quinto, ubi has terras ad Maldumesburge pertinentes nominaverat, Ellendune XXX. hidas, Elinhanistede XV. Undecune X. Cerlatune XX. Toccanham V. Minti V. Reodbirnam X. “ Regnante in  
“ perpetuum Domino nostro Jesu Christo, ego Ethelulf Rex partem terræ  
“ Gewisforum, hoc est V. Mansiones, donavi Deo & Sancto Petro & familiæ  
“ Maldubiensi in loco qui dicitur Toccanham, eotenus ut ipsi jugiter orent  
“ pro nobis Deum omnipotentem ; quatenus prospera nobis tempora largia-  
“ tur ad conservandam fidem nostram, & regni nostri gubernacula per omnia  
“ tempora gentis Anglorum. Et nemo audeat hoc donum mutare ab ipso  
“ Monasterio sine irâ & vindictâ omnipotentis Dei. Et hoc donum actum est  
“ anno ab Incarnatione Dominicâ octingentesimo quinquagesimo quarto ;  
“ quod & servetur in pace. Subscriperunt Swithinus Episcopus & Alhstanus.  
“ Regnante & gubernante nos in perpetuum domino Deo Salvatore nostro Je-  
“ su Christo, qui cuncta secula salvavit, & humanum genus suo sanguine re-  
“ demit, atque ab æterno interitu diabolicæ damnationis per fidem rectam &  
“ baptismatis Sacramentum liberavit ; Ego Ethelulf Rex meis non meritis,  
“ sed Dei gratiâ largiente Occidentalium Saxonum ; necnon eodem Deo do-  
“ nante Cantuariorum populo & omni Australi Anglorum genti Dei acci-  
“ dente gratiâ regimine prælatus, aliquantulam terram, id est, V. mansi-  
“ uncular in loco, qui dicitur Minti, Deo omnipotenti ad Monasterium Mal-  
“ dubiense in perpetuam possessionem largitus sum ; hoc tenore, ut in perpe-  
“ tuum dampnetur, qui hanc terram ab ipsâ Ecclesiâ auferre conabitur. Et  
“ hoc actum est anno Incarnationis Domini octingentesimo quinquagesimo  
“ quinto. Subscriperunt Celnodus Archiepiscopus Cantuariensis, Alhstanus  
Episcopus Scireburnensis, Ethelstane filius ejusdem Regis Rex Cantuariorum.

Huic tres filii continuâ succedentes serie regnaverunt annis XV. Quartus quoque Elfredus nomine annis triginta, sex minus mensibus. Hujus tempore venit Angliam Johannes Scotus, vir perspicacis ingenii & multæ facundiæ ; qui dudum velut à Patriâ Franciam ad Carolum Calvum transferat. A quo magnâ dignatione susceptus, familiarium partium habebatur ; transigebatque cum eo tam seria quam joca ; individuusque comes & mensæ & cubiculi erat : multæ facetiæ ingenuique lepôris ; quorum exempla hodieque constant : ut sunt ista. Assederat ad mensam contra Regem ad aliam tabulæ partem. Pro- cedentibus poculis consumptisque ferculis, Carolus fronte hilariore post quæ- dam alia cùm vidisset Joannem quiddam fecisse quod Gallicanam comitatem offenderet, urbanè increpuit & dixit : Quid distat inter Sottum & Scottum ? Retulit ille solenne convicium in auctorem ; & respondit, Tabula tantum. In- terrogaverat Rex de morum differenti studio : Responderat Johannes de loci distante spatio. Nec verò Rex commotus est ; quod miraculo scientiæ ipsius captus adversus Magistrum nec dicto insurgere vellet : sic enim eum usitatè vocabat. Item cùm Regi convivanti Minister patinam obtulisset ; quæ duos pisces prægrandes adjecto uno minuscule contineret ; dedit ille Magistro, ut ac- cumbentibus duobus juxta se clericis departiretur. Erant illi giganteæ molis, ipse perexilis corporis. Tum qui semper aliquid honesti <sup>1</sup> immerebat ; ut læ- <sup>1</sup> l. invehēbat. titiam convivantium excitaret, retentis sibi duobus majoribus, unum minorem duobus distribuit. Arguenti iniquitatem partitionis Regi, Immo, inquit, bene feci & æqué. Nam hîc est unus parvus ; de se dicens. Et duos grandes pisces tangens, itemque ad eos conversus : Hîc sunt duo magni, Clericos in- nuens ; & unus exiguus, piscem nihilominus tangens. Caroli ergo rogatu Ierarchiam Dionysii Areopagitæ in Latinum de Græco verbum è verbo translu- lit. Quo fit, ut vix intelligatur Latina litera ; quæ volubilitate magis Græcâ quàm



<sup>1</sup> Περὶ φύσεως quam positione construitur nostrā. Composuit etiam librum, quem <sup>1</sup> periphysimerimus, id est, de Naturæ Divisione titulavit; propter perplexitatem quarundam quaestionum solvendarum bene utilem; si tamen ignoscatur ei in quibusdam quibus à Latinorum tramite deviavit, dum in Græcos acriter oculos intendit. Quare & Hæreticus putatus est; scripsitque contra eum quidam Florus; sunt enim revera in libro Periphysion perplurima; quæ nisi diligenter discutiantur, à fide Catholicorum abhorrentia videantur. Hujus opinionis particeps fuisse cognoscitur Nicolaus Papa; qui ait in epistolâ ad Carolum: “ Relatum est Apostolatui nostro; quod Opus Beati Dionysii Areopagita, quod “ de Divinis Nominibus vel Cœlestibus Ordinibus Græco descripsit eloquio, “ quidam vir Joannes genere Scorus nuper in Latinum transtulerit: quod juxta morem nobis mitti & nostro judicio debuit approbari; præsertim cum “ idem Joannes licet multæ scientiæ esse prædicetur, olim non sanè sapere in “ quibusdam frequenti rumore dicatur. Propter hanc ergo infamiam credo tædedit eum Franciæ; venitque ad Regem Elfredum; cujus munificentia illectus, & Magisterio ejus, ut ex scriptis Regis intellexi, sublimis, Melduni resedit; ubi post aliquot annos à pueris quos docebat, graphiis per [Johannes Parisiensis in historiâ suâ anno 877. “ Johannes Scotus inter cætera fecit librum “ de Eucharistiâ; qui postea lectus est & condemnatus in Synodo Vercellenfi “ à Papa Leone celebratâ. Eodem anno Colanfrancus ab errore Berengarii se “ purgabat; unde, sicut dicit Lanfrancus, ipse in fide desipuit: tandem ibat in “ Angliam ad Regem Elfred & apud Monasterium Malmesberienſe à pueris “ graphiis perforatur] foratus animam exuit tormento gravi & acerbo; ut dum iniquitas valida & manus infirma sæpe frustraretur & sæpe impeteret, amaram mortem obiret. Jacuit aliquandiu inhonorâ Sepulturâ in Beati Laurentii Ecclesiâ, quæ fuerat infandæ cædis conscia. Sed ubi divinus favor multis noctibus super eum lucem indulſit igneam; ammoniti Monachi eum in majorem transtulerunt Ecclesiâ; & ad sinistram Altaris ponentes, his Martyrium ejus versibus prædicaverunt.

Conditur hoc tumulo Sanctus Sophista Johannes;  
 Qui ditatus erat jam vivens dogmate miro.  
 Martyrio tandem Christi conscendere regnum  
 Quo meruit, cuncti regnant per secula Sancti.

Elfredus Rex & filius ejus Edwardus nihil huic contulerunt Monasterio, nisi quod commutatio videatur magis quam donum. Scripta tamen hic apponam; quæ sint indicio hanc Ecclesiâ prius in nomine Sancti Salvatoris & Beati Petri consecratam; sicque operæ pretium audire scripta & percensere veterum. “ In nomine Domini, Ego Elfredus gratiâ Dei Anglo-Saxonum Rex unâ “ cum consensu venerabilis familiæ Maldubiensis Ecclesiæ, concedo meo fidei “ nomine Dudi aliquantulum terræ, id est, quatuor Cassatorum ad eandem “ Ecclesiâ pertinentium in loco qui dicitur Callanthurd. Post trium autem “ dies hæredum prædicta terra ad Ecclesiâ Sancti Salvatoris & Sancti Petri “ in Maildubery absque omni contradictione redeat. Acta autem est hæc “ conscriptio in loco eodem, qui veteri vocabulo dicitur Maildubery, nostro autem Maldumesburg. Processu verò temporis sub Edwardo filio Elfredi Ordlaſus dux præpotens emptam à Dudi terram Cœnobio pro commutatione alterius terræ reddidit; idemque qui esset quieti animi & boni, cum mortis viam iniret, jussit utrasque sine refragatione restitui. Quocirca in eodem loco Sepulturâ nobili & memoriâ perenni muneratus est. Sunt ergo hæc scripta. “ Edwardo Anglo-Saxonum gloriosissimo Rege consentiente, necnon & ejus “ Optima-

“ Optimatibus qui ei in præsentiâ tunc aderant, familia Deo fervientium in loco antiquo nuncupato vocabulo Maildubery in Ecclesiâ Sancti Salvatoris, quæ ibidem opere cementario pulcherrime composita cernitur, venerabili Comiti Ordlati aliquantulum terræ, id est, quinque manentium sue propriæ possessionis in loco, qui dicitur Mehandim, largiens concedit pro commutatione alterius terræ id est, IV. manentium in loco, quem ruricolæ Cellewarde appellant. Finitis autem diebus quatuor hæredum præfata terra fratribus Ecclesiæ sine omni contradictione reddatur. Ego Ordlaf aliquantulum terræ mei proprii juris quam à Dudi viro venerabili cum licentiâ Domini mei gloriosissimi Regis Edwardi cum pecuniâ comparavi, familiæ Sancti Salvatoris in Maildubery, ubi ruricolæ Cellanwirdan appellant, pro commutatione alterius terræ, quæ Mebandim appellatur, largiens concedo, &c. Acta est hæc conscriptio anno Incarnationis Domini nonagesimo primo, ab excessu Sanctissimi Confessoris centesimo nonagesimo secundo.

“ In nomine Domini. Ego Edwardus gratiâ Dei Anglo-Saxonum Rex dedi venerabili familiæ Maildubiensis Ecclesiæ aliquantulum terræ in loco, qui dicitur Hanecintun, pro commutatione alterius terræ quantitatis ejusdem, id est X. Cassatorum in loco, ubi ruricolæ Frenberg appellant. Sunt autem prædictæ terræ ab omnibus secularibus negotiis liberæ. Hanc autem commutationem deprecantibus Fratribus pro eorum commoditate feci; quia terra quam prædictis fratribus dedi, duobus distat tantum milliariis ab eorum Monasterio; illa autem quam accepi, distat à prædicto Monasterio ferme XX. milliariis. Scripta verò est hæc Cartula anno ab Incarnatione Domini DCCCCI. anno mei regni primo. Subscripserunt Ealhswid Mater & Elfled conjunx Regis.

Edwardo qui IV. & XX. annos regnavit, successit filius Ethelstanus annis XVI. qui beatissimo Aldelmo cognato suo, ut dicebat, & ut res erat, ita famulabatur; ut ei animam corpusque devoveret. Sed & ipse Sanctus sensim ex tunc in clariorem & crebriorem miraculorum processit indolem; quasi ammoneret, quod degenerem in terra sepulturam dedignaretur. Nec destitit, antequam post paucos annos efferretur & locaretur in scrinio. Interea Ethelstanus Elwinum & Ethelwinum filios patris sui Ethelwardi, quos præcipuo amore coluerat, in bello contra Avalanum amissos, Meldunum deferri & dextrâ lavâque Altaris in Ecclesiâ Matris Dei sepelire curavit. Causa fape dicta fuit; quod invocatione nominis Aldelmi cœlesti<sup>m</sup> ease donatus & ab hostibus ereptus sit. Ex quo die Monasterio prædia plura, pallia multa, Crucem auream, Phylacteria æque aurea, cum portione ligni Domini, quod ei Hugo Rex Francorum miserat, contulit. Longum est narrare, quantæ devotionis in Monasteriis ædificandis & reficiendis<sup>n</sup> sunt; quantam barbariem paucissimo exercitu profligaverit; quod terminum imperio in Scotiâ statuerit. Viderer enim indulgenti materiæ incumbere, & alias dicta pro eloquii pompâ reperere: simulque videretur Ecclesiæ nostræ laudis ostentatio, totiens illum laudare qui multis in vitâ beneficiis, postremò in morte venerandi corporis reliquiis eam honoraverit. Veruntamen hoc ausim dicere, quod licet omnes ante se vel solus superaverit, vel ut mitius dicam æquaverit; nihil ad comparisonem faciendorum fuit quod fecit; quia ingentes actus festinata dies satis abruptit. Imaturâ ergo morte & quæ animosiratem illam si Dominus voluisset, non deceret, mundo in Glocestre [ablatus] . . . . . Meldunum devectus est, ibique sub Altare Sanctæ Mariæ in turri sepultus est. Unde falluntur, qui dicunt quod Elfricus Abbas terram illam fecit; quem post Ethelstani mortem plus annis XXX. constat Abbatem factum fuisse.

<sup>m</sup> fortè luce.

<sup>n</sup> l. fuerit.



Hic jacet orbis honor, Patriæ dolor, orbita recti,  
 Justitiæ fulmen, munditiæ specular.  
 Æthera flatus adit carnis compage solutâ;  
 Urna triumphales excipit exuvias.  
 Sol illustravit biseno Scorpion ortu;  
 Cùm Regem caudâ \* pertulit ille suâ.

\* l. perculit.

\* l. genere.

Accumulant merita ejus in Cœnobium multorum Sanctorum Reliquiæ, quas invexit; in quibus emendis thesauros patris sui speriosè prodigus distraxit, coelesti somno ammonitus. Itaque ex transmarinâ Britannîâ & Normanniâ, quippe cum Rollone Comite amico obligatus fœdere, multas Sanctorum in quibus & Sancti Paterni Abrincatensis Episcopi, reliquias mercatus est. Is Aquitanus ° genus, à juvene Monachus, processu ætatis Heremita fuerat. Cumque secretioris Philosophiæ studiis virtutum non exiguum quæstum conflasset; processit in publicum dignus qui animarum rector esset, qui seipsum regere nosset. Itaque prius in Constantiensi pago Abbas, deinde apud Abrincas Episcopus, miraculorum non expers fuit. Sitiens levi allisione baculi ad filicem elicuit laticem. Stupendum omnino, ut negante naturâ Sanctitas viri marmoreas venas in aquatiles procuderet bullas. Puellæ ori linguæ officio destitutæ oleum infudit, & organum restauravit. Contractio muliebrium digitorum olim volæ infixa contactu Sancti devoluta est. Puerum in mortem intumescens, cui virosos molares anguis infixerat, erexit incolumem; cutis lasciviâ sedatâ & ad proprium modum edomitâ. Spiritus nequam præsentientes Sancti adventum, familiares clientes reliquerunt, excusatâ fugæ timiditate, quod pro Paterni violentiâ nequirent subsistere. Aviculæ pastæ frumento, quod benedictione condierat, digredientem per multa milliaria remigio alarum secutæ nunquam ab ejus divelli caritate potuerunt, quoad vixerunt. Præterea sunt alia, quæ Fortunatus lepidò illo eloquii sale nostræ ingessit notitiæ. Hunc Rex Athelstanus adjunxit Sancto Adelmo socium; nec unquam se ille dissimulavit esse Sanctum frequentiâ miraculorum. Hoc quod dicam majores nostri egregie meminerant, & præcipuè ferebant. Fur bracteam auri ex scrinio tulerat; egressusque Ecclesiam, in quos libuerat usus consumpserat. Non hoc Sanctus, quamvis aliàs patiens, tulit tacitum. Nam cum reatus conscius impune se putaret reintraturum Ecclesiam; hæsit ad hostium invisibilibus loris irretitus. Si conaretur ultra; tum verò ingens vis invisæ flammæ miserum adurens miserabilem ejulatum excutiebat. Si retro temptaret; retrahebatur obtortis faucibus laqueo. Nihil horum astantes videbant, clamorem & nislum latrunculi stupentes. Sed edocti eo confitente & culpam & pœnam, intercessionibus ad Sanctum adhibuerunt. Solutò itaque dampno, solutus est ille supplicio. In hoc scrinio hæc scriptura legitur. “ Hoc opus Rex Ethelstanus totius Britanniæ multarumque gentium in circuitu positarum Imperator in honorem Sancti Paterni fieri jussit; quod has reliquias ex transmarinis partibus meruerit. Epistolam subjiciam.

“ Summæ & individue Trinitatis honore omniumque Sanctorum præcellentiſſimâ intercessione glorioso & munifico Regi Adelſtano Samſonis ſummi Pontificis Ego Radhodus Præpoſitus iſtius ſæculi gloriam & æterni Beatitudinem. Benignitatis ac ſublimitatis veſtræ piſſimæ & in omnibus hujus temporis Regibus terrenis famoſâ laude percellentiſſimæ, Rex Adelſtane optime, noverit pietas manente adhuc ſtabilitate noſtræ regionis, quod pater veſter Edgwardus per literas ſe commendavit conſortio fraternitatis Sancti Samſonis ſummi Confessoris ac Joveniani Archiepiſcopi ſenioris ac

“ con-

“ confobrini mei ac Clericorum ejus, unde usque hodie indefessas regi Christo  
 “ pro ejus anima & pro salute vestra fundimus preces, & die noctuque videntes  
 “ super nos magnam misericordiam apparere vestram, in Psalmis & Missis  
 “ orationibusque nostris, quasi provolutus ego & XII. Canonici mei genibus  
 “ vestris fuisset, promittimus Deum clementem orare pro vobis. Et mo-  
 “ do Reliquias, quas omni terrenâ substantiâ vobis scimus esse cariores, trans-  
 “ mitto vobis, id est, ossa Sancti Senatoris, & Sancti Paterni, atque Sancti  
 “ Soubilionis ejusdem Sancti Paterni magistri, qui similiter uno die eademque  
 “ horâ cum supradicto Paterno migravit ad Christum. Isti certissime duo  
 “ Sancti cum Sancto Paterno dextrâ lavâque jacuerunt in Sepulchro; atque  
 “ illorum sollemnitates sicut & Paterni IX. Calend. Octobris celebrantur. Igi-  
 “ tur Rex gloriose, Sanctæ exaltator Ecclesiæ, gentilitatis humiliator pravæ,  
 “ regni tui speculum, totius bonitatis exemplum, dissipator hostium, pater  
 “ Clericorum, adjutor egentium, amator omnium Sanctorum, invocator  
 “ Angelorum; Deprecamur atque humiliter imploramus qui in P exultatu <sup>l. ejulatu.</sup>  
 “ atque captivitate nostris meritis atque peccatis in Francia commoramur; ut  
 “ non nostri obliviscatur vestræ felicissimæ largitatis magna misericordia &  
 “ nunc à modo quæ mihi dignemini commendari sine ullâ morâ potestis im-  
 “ petrare. Hæc epistola inventa est in scrinio apud Nedeltunenſe Cœnobi-  
 “ um; quod idem Rex à fundamento fecit, ut ibi reliquias Sancti Samsonis  
 “ posuit.

Sed jam indicia prædiorum, quæ Rex Cœnobio contulit, subjicienda video;  
 quæ multis quidem Cartis sed unam scripturam præferentibus, intexuit hoc  
 modo. “ Fortuna fallentis sæculi procax non lacteo liliorum candore ama-  
 “ bilis; sed fellitâ ejulandæ corruptionis amaritudine odibilis, <sup>q. fortè Serpen-</sup>  
 “ in valle lacrimarum carnis rictibus debacchando venenosis dilacerat; quæ <sup>tis.</sup>  
 “ quamvis arridendo sit infelicibus atrectabilis, Acherontici tamen ad ima  
 “ Cociti, ni salus alti subveniat <sup>r. boantis,</sup> impudenter est declivis. Et ideo quia <sup>r. f. boantibus.</sup>  
 “ ipsa ruinosa deficiendo canaliter dilabitur; summopere festinandum est ad  
 “ amœna indicibilis lætitiæ arva; ubi hymnidica Angelicæ jubilationis organa,  
 “ mellifluaque vernantium rosarum odoramina à bonis beatisque naribus in-  
 “ æstimabiliter dulcia capiuntur, sineque calce auribus foelicium suavia audi-  
 “ untur. Cujus amore foelicitatis illectus, ego Ethelstanus Rex Anglorum  
 “ per omnipotentis dexteram totius Britannicæ regno sublimatus, aliquas terræ  
 “ particillas venerabili familiæ Maldubienſi pro animabus patruelium meorum  
 “ filiorum Ethelredi, Clitonis videlicet, Elfwini & Ethelwini, Deo & Sancto  
 “ Petro in perpetuum jus largitus sum sub æstimatione X. Cassatorum in loco  
 “ qui dicitur Wdetun, sub æstimatione LX. Cassatorum in loco qui dicitur  
 “ Breomer, sub æstimatione V. Cassatorum in loco qui dicitur Sumerford;  
 “ Item V. in loco qui dicitur Nortun; Item V. in loco qui dicitur Ewulin:  
 “ hoc præcipiens, ut nemo nostrorum successorum hoc nostrum donum,  
 “ quamdiu Christianitas vigeat, vel ex minimo interrompere temptet. Quod  
 “ si quis temptaverit; à Deo se dampnandum in perpetuum sciat. Sciant  
 “ autem Sapientes nostræ regionis, nos has præfatas terras non injustè rapu-  
 “ isse, rapinamque Deo dedisse; sed sic eas accepi, quemadmodum indica-  
 “ verunt omnes Optimates Regni Anglorum, insuper & Apostolicus Papa Ro-  
 “ manæ Ecclesiæ Johannes; Elfredo defuncto, qui nostræ foelicitati & vitæ  
 “ æmulus extitit, nequitia inimicorum meorum consentiens, quando me volu-  
 “ erunt patre meo defuncto cæcare in Wintoniâ civitate; si non me Dominus  
 “ suâ pietate eripuisset. Sed denudatis eorum machinamentis, remissus est ad  
 “ Romanam Ecclesiam; ut ibi se coram Johanne Apostolico jurejurando de-  
 “ fenderet: & hoc fecit coram Sancti Petri Altari, sed factò juramento ceci-  
 “ dit coram Altari; & manibus famulorum suorum portatus est ad Scholani  
 “ Anglorum, & in tertiâ nocte finivit vitam. Et nunc Apostolicus ad nos re-  
 “ misit;



“ misit; & quid de eo ageretur consuluit. Nos autem Optimatum nostro-  
 “ rum rogatu concessimus; ut poneretur ad ceteros Christianos, quamvis in-  
 “ dignus. Et sic indicta est mihi possessio illius omnis in magnis & modi-  
 “ cis, &c. Hujus autem à Deo Dominoque Jesu Christo inventæ atque in-  
 “ spiratæ voluntatis scedula anno Dominicæ Incarnationis DCCCCXXXVIII.  
 “ regni vero mihi gratis commissi XI. indictione octavâ, epactâ XIV. con-  
 “ curr. Tertio Calend. Januarii, lunâ vertentis Mensis decimâ, in Civitate  
 “ celeberrimâ, quæ Dornacester appellatur, conscripta est, totâ Optimatum  
 “ generalitate sub alis regiæ dapfilitatis ovanti. Subscribere subreguli Eu-  
 “ genius, Howell, Morcant, Indual; Archiepiscopi Willfelmus Doroberniæ,  
 “ Wulstanus Eboraci; Episcopi Burgrice Rossensis, Tedred Londoniensis, E-  
 “ thelgar Orientalium Anglorum, Alfriche Wintoniensis, Elfredus Scireburnen-  
 “ sis, Wulfelmus Wellensis, Ethelgar Cridiensis, Oda \* Wiltenfis, Eadhelm Se-  
 “ lesiensis, Sephelm Sancti Cuthberti, Tidelm Herefordensis, Elwine Wigorni-  
 “ ensis, Kinsl Licitsfeldensis, Winsl Legecestrensis.

\* I. Wiltunen-  
 sis.

Ethelstano successerunt fratres Edmundus, Sexeldredus VI. Edredus IX. annis. Edredo Edwinus IV. annis, filius Edmundi, qui sicut aliàs latius diximus, meretriculæ unius seductus illecebris, Dunstanum stultitiæ suæ savissimum correptorem patriâ expulit. Inde semel malo imbutus, omnes ad dolorem Dunstani in totâ Angliâ Monastici ordinis homines prius nudatos facultatum auxilio post & deportatos exilio calamitatibus indignis affecit. Nam & Meldunense Cœnobium stabulum Clericorum fecit anno Ducentesimo XLVI. post transitum Patris Aldelmi; postquam à Leutherio ibi præpositus est Monachis anno LXXVI. & ducentesimo. Sed tu domine Jesu creator & recreator noster, bone artifex, multumque potens formare nostra deformia, per illos homines irregulares & vagos thesaurum tuum tot seculis abditum in lucem propalasti; Sanctissimi Aldelmi corpus dico, quod illi de terrâ elevatum in scrinio, quod supradixi, locârunt. Accessit Clericorum gloriæ regalis liberalitas; ut daret Sancto prædium vicinitate & amplitudine peropportunum; quod nominarem, nisi quia notum est, & Reges anteriores multas ejus portiones dederint; ne hic solus communem gloriam vel totam vendicet vel partem vellicet. Sed omnis temporum iniquitas maturè decedit, succedente Edgardo fratre omnium antecessorum; nisi Ethelstanus palmam præoccupasset facile. Primo denique nescias quem præferas; nisi quòd iste tenuerit, ille inceperit; ille fortior, iste fortunatior; ille Dei, & suo auxilio niscus; iste prudentium virorum consilio credulus. Edgarus igitur abolitis edictis germani; quæ luxus regius & juvenilis impetus [procuderant] quid Ecclesiæ nostræ dederit, quid abstulerit, suo melius sermone referabit.

\* 2 Cor. IV. 18.

\* I. neccor.

“ Cùm universitatem generalis massæ meta maneat certa; *Visibiliæque*, ut  
 “ ait Apostolus, *sint temporalia, invisibilia vero sint perpetua*: restat unum-  
 “ quemque hic peracta illic recipere merita. Unde ego Edgarus totius Albi-  
 “ onis basileus \* necne maritimorum seu Insulanorum Regum circumhabitan-  
 “ tium, adeò ut nullus progenitorum meorum, subiectione largituâ Dei gra-  
 “ tiâ suppetente sublimatus, quid imperii mei potissimum Regi Regum Do-  
 “ mino darem, tanti memor honoris, solertiùs sæpe tractavi. Piæ igitur fau-  
 “ trix devotionis pervigili meæ studiositati subito superna insinuavit pietas  
 “ quæque in regno meo sancta instaurare Monasteria; quæ velut muscinis scin-  
 “ dulis cariosisque tabulis tigno tenus visibiliter diruta, sic quod majus est,  
 “ intus à servitio Dei ferme vacua fuerant neglecta. Idiotis nempe Clericis  
 “ ejectis nullius regularis religionis disciplinæ subiectis, plurimis in locis san-  
 “ ctioris seriei scilicet Monastici habitûs præfeci pastores: ad ruinosa quæque  
 “ templorum redintegranda opulentos fiscalium munerum eis exhibens sump-  
 “ tus: Quorum unum nomine Elfricum virum moribus ecclesiasticis exper-  
 “ tissimum officiis, famosissimi constitui custodem Cœnobii, quod Angli bifa-  
 “ rio

“rio vocitant onomate Maldelmesburg. Cui pro commoditate animulæ meæ,  
“ob Salvatoris nostri ejusque \* Theodocos semper Virginis Mariæ necnon A- \* ἡ ὁτοκ.  
“postolorum Petri & Pauli Aldhelmique almi Præsulis honorem, particulam  
“terræ X. videlicet manentium vocabulo Estotim cum pratis & sylvis muni-  
“ficâ liberalitate restitui. Hæc terra à prædictis semel accommodata Clericis,  
“diu à plerisque postremò à contentioso injustè possessa est Athelindo. Sed  
“superstitiosâ subtilique ejus invectione à sapientibus meis auditâ, ac discep-  
“tatione illius mendosâ ab eisdem me præsentem convictâ, Monasterioli à me  
“reddita est usui, anno Dominicæ Incarnationis nongentesimo ptuagesimo  
“quarto, regni verò mei XIV. regiæ consecrationis primo, post transitum  
“pretiosi confessoris Aldelmi CCLXV. Hanc verò restitutionis scedulam  
“prædicti Abbatis rogatu ob futuræ posteritatis memoriam tenacem caraxare  
“præcepi ; ne quamdiu Christiana fides viget in nostratibus, ab aliquo turan-  
“nici potentatûs præfatum rus ab illo Sancto loco violenter, quod absit, ali-  
“enetur. Et subscriptio Archiepiscoporum Dunstani Cantuariensis & Of-  
“waldi Eboracensis, & Episcoporum Athelwaldi Wintoniensis, trium Elfta-  
“norum, Londoniensis, Roffensis, Wiltunensis, &c.

Hic est Elfricus; qui omnem curam ad beatam transferens Mariam, possessionem & nomen Monasterii ejus delegavit ditioni; ut tacito interim beatissimi Petri nomine, ipsa sola loco videatur imperare. Nec fastidivit gloriosa Domina illustris & prædicandi viri munus; quinimo usque hodie præsidet Ecclesiæ, Sanctissimi Aldelmi communionem in potestate amplectens. Eum peritum literarum præsertimque elegantissimum Interpretem, nisi fallax tradit vetustas, ædificandi gnarum; qui omnes Monachorum officinas eo tempore præstantissimas, nec adhuc adeo despicabiles, fundavit & consummavit. Hujus intermisso nomine facit mentionem Abbo Floriacensis in præfatione passionis Sancti Edmundi ad Dunstanum beatum Archiepiscopum his verbis. “Passionem Sancti Edmundi à nemine scriptam pluribus ignotam tua Sanctitas ex antiquitatis memoriâ collectam historialiter me præsentē retulit Domino Episcopo Rosensis Ecclesiæ & Abbate Monasterii quod dicitur Malmesbery, ac aliis circumassistētib; sicut tuus est mos, fratribus.

Elfricus sane cū jam grandævus esset, in Episcopum Cridiensem altatus, vix IV. annis superfuit. Reliquit aliquantos codices, non exigua ingenii monumenta; Vitam Sancti Adelwoldi, antequam eam Wolstanus operosius concinnaret; Abbreviationem passionis Sancti Edmundi; libros multos ex Latino in patrium sermonem versos.

Tempore ergo Edgari regis Dunstanus Sanctissimus Archiepiscopus nostri Cœnobii restaurationi & decori egregiam curam admovit, invitatus in amorem Sancti Aldelmi & generis West-Saxonum affinitate : Nam de hac Provincia oriundus fuerat, & miraculis subinde crebrescentibus [ut] qui gauderet Sanctum suæ regionis suis potissimum temporibus in speculam elatum. Ideo in multis loco munificus, quæ tunc in Angliâ magni miraculi essent, decusque & ingenium conferentis ostenderent offerre crebró. Inter quæ Signa sono & mole præstantia ; & Organa, ubi per æreas fistulas musicis mensuris elaboratas Dudum conceptas follis vomit anxius auras. Ibi hoc Distichon laminis æreis impressit :

Organa de Sancto Præful Dunstanus Adelmo  
Prædat, hîc æternum qui vult hinc tollere regnum.



Poterunt & hi versus sermonis veritati suffragari ; quos conspicati sumus impressos vasculo, quod Ministris Altaris famulabatur aquæ obsequio.

Idriolam hanc fundi Dunstan mandaverat Archi-  
Præsul ; ut in Templo Sancto serviret Adelmo.

In quibus licentia poetica subtracta è nomine Sancti priori L. literâ, ut versus staret, ingeniaverat. In neutro enim insculptum erat Aldhelmo sed Adelmo. Interea post obitum suum futuræ suæ in Angliâ calamitatis & Danicæ depopulationis spiritu prophetico prælagus, utpote qui eas non ænigmatico fumo, sed aperto eloquio ipsi etiam Regi prænuntiavit ; Sanctissimi Confessoris ossibus metuebat. Jamque animo volutans Danorum avaram sævitiam & sævam avaritiam, mente imaginabatur Monasterium cupiditate pecuniarum prædatum iri. Tum ne aliquis splendore metalli raptatus scrinium abriperet, avideque pretiosas crustas sinibus ingerens, lignum nudatum cum ossibus aliquorsum projiceret ; id verò maximo horrore & timori erat. Quocirca diu multumque perpenso concilio, reverentissimas Reliquias ereptas scrinio lapideo composuit tumulo excitato in editum ad dexteram Altaris, loco cunctis in Ecclesiâ intuentibus conspicuo. Apposuit juxta ossa primùm nitenti & delicatâ sindone deinde preciosissimo cocco circumtecta fialam purissimo vitream balsamo plenam : Congrua profectò Pontifici aromata, qui semper in cælum thurificasset virtutum & orationum holocausta : simulque partem asserum ex antiquissimo sarcophago, quo tota in mortalem conditionem defluxerat caro. Nec abstinuit versibus ; quibus forenses Sepulchri ambitum decoravit : quorum hæc erat summa. Ut amatorem suum delictorum dignaretur veniâ ; nec accerferet in culpam, quod cum editiori loco deposuisset : scire Sanctum id se fecisse pro cautelâ, non pro contumeliâ. Nec eventus rerum fefellit prophetam : nec cecidit de verbis ejus quicquam in terram : quod breviter intimabo ; si successionem Regum, quam intermiseram, continuavero.

Edgaro post XVI. annos regni successit Edwardus filius tribus annis & dimidio. Illi Egelredus frater substitutus XXXVII. annis miserabile regnum obfedit, subruit, pessundedit. Cujus gesta hiis inferere ex abundanti opinor ; præsertim cum alias miserationum ejus labyrinthos evolverim. Illud non tacebo ; quod Edgaro mortuo, qui se pluribus quàm ullum progenitorum suorum dominari jactaverat, non quod latius, sed quod securius imperitaret ; res in contrarium cessit ; suprema felicitas regni in præcipiti stetit. Summis enim, ut quidam ait, rebus diu stare negatum. Danorum ergo gens assueta vivere rapto, totis littoribus in Angliâ efferbuit. Jamque, ut compendio dicam, omni orâ maritimâ depopulatâ, medulla Mediterranei soli depascebatur ; eò in indigenas insolentior, quò à scientiâ viri Dei remotior. Pars cum duce prælato Meldunum venerat. Ibi eo se terrore, quo consueverat, acturam exultans, Ecclesiam furibunda irrupit. Circumductis utrinque oculis, nihil quod avidæ rapacitati satisfaceret, præter scrinium Sancti conspiciantur. Cætera meticulousa Monachorum provisio curioso furori summovertat. Illud solum fortunæ, vel ut verius dicam, tutelæ Sancti exposuerant ; tutaretur, si vellent ; sin minus, ludibrio se haberi permetteret. Id illi vasto ore inhiantes limpsatis gressibus involant ; quorum unus, quem improba fames argenti audaciorem fecisset, arrepto cultello preciosos lapides cassibus expedire nitebatur. Jamque manum admoverat ; cum grassantem luem avaritiæ Sancti virtus festinata compescuit. Luit ergo ausum temerarium mente amisâ, retro in pavementum illisus ; tanquam si penetrabile telum cordi suspiraret adaectum. Pœna unius reduxit ad sanitatem cæteros ; ne furerent, ne streperent ; ut loca sancta intaminata

minata relinquerent, ut fugerent. Accelerant igitur fugam per plana, per invia; gaudentes vel sola corpora eripuisse discrimini. Multorum enim miliarium cursu non intermisso, aliquid humano timore majus se pertulisse prodiderunt; dum nullus à tergo urgeret, nullus à fronte obsisteret. Hujusmodi fama multitudinem hostium pervagata, segniorem ad prædam, & timidiorem ad reverentiam Sanctorum effecit; unde contigit, ut omnibus in circuitu Monasteriis depopulatis vel expilatis, istud solum nunquam adeo gravem deploraret ærumnam.

Iste Rex villam X. manentium Cœnobio Sancti Aldelmi contulit sub Abbate Athelwerdo, qui Elfrico successerat. Stimulabant eum adhuc in regno tenellum Heroes illustrissimi, qui erant superstitēs; post quorum decessum & in vitæ luxum & in regni detrimentum totus emarcuit. Copia enim rerum, quas reliquit pater, incitavit in lasciviam; offensa Dei meruit iracundiam; Dei iracundia gentem adduxit in exterminium. Est autem scriptura hujusmodi. "Universis crebro studium sôphiæ intentè rimantibus liquidò patescit; quòd præsentis vitæ terminus variante diversæ calamitatis æumnâ instare jamque ingruere nimio terrore dinoscitur. Ego igitur Edeldred Christi gratiâ opitulante totius Albionis Basileus, Optimatum meorum monitu instructus, æterna caducis mercari cupiens, quandam ruris partem, X. videlicet manentium, loco celebri qui ab hujus Patriæ peritis noto Redburne nuncupatur onomate, Domino nostro Jesu Christo ejusque genitrici semper Virgini Mariæ in veneratione beati Præsulis Aldelmi, qui locum ipsum usitato vocabulo nominatum Maldefmeburg fecit, ad usus Monachorum sub Ethelwerdi Abbatis regimine inibi degentium æternâ largitus sum hæreditate, &c. " Anno Dominicæ Incarnationis DCCCCLXII. scripta est hæc Carta post transitum ejusdem Patris CCLXIII. Subscripserunt illi qui in superiori Cartâ, & cum iis Elfricus jam Episcopus, sed & Ercuinus Dorcestrensis Episcopus.

Egelredo post XXXVII. annos regni defuncto successit. Cnuto annis XX. Cnutoni Baroldus filius annis IV. Ei Ardacum anno uno. Illi Edvardus XXIV. annis. In his octoginta sex annis fuerunt post Ethelwerdum, Kineward, Brichtelmus, Brichtwoldus, Edericus, Wulfinus. Brichtwoldus, ut ex scriptis Anglicis animadvertimus, multa incommoda Cœnobio intulit, terras vel omnino distrahendo, vel parvo pretio invadendo. Sed enim excusatur; quòd magno illo geldo, qui tunc Danis dabatur, oppressus, unicum inveniebat malorum remedium; quod futurorum incautus non videbat obesse posse in posterum. Wulfinus religionem Monachorum propter adventum Danorum multum debilitatam erexit in vigorem priscum. Non defuerunt nostro tempore Monachi; qui eum in carne conspicati memoriam viri ruminare & aliis proferre dulce habebant; ex quorum narratione pendulus multa ejus insignia animo indidi; sed dicere refugio, quia minùs suscepto concurrent operi. Ei Egelwardus X. annis successit; mox Elwinus anno & semis. Brichtwoldus huic annis VII. Eum inerrem ad bonum, alacrem ad malum, miserabilem mortem obiisse tradit vetustas in vilâ inter medios potationum apparatus ex-

\* Error in numeris later. Quæ superius enim ponitur Edgari Regis, qui Etheldredum præcessit, Charta, data est anno 974. & Ethelredus regnum ante annum 978. non adiit. Legendum itaque arbitror, anno DCCCCLXXXII. Scripta est hæc Charta, post transitum ejusdem Patris

CCLXXIII. Sub initium autem regni Ethelredi Regis datam fuisse Chartam istam necesse est; eò quòd Elfricum Episcopum habeat testem; qui, ut supra dictum est, ante regnum ab Ethelredo susceptum ad Episcopatum evectus, vix quatuor annis superstit.



inctum, in Ecclesiâ beati Andreæ, quæ magnæ adhærebat Ecclesiæ, inter Prædecessores sepultum. Satisque constat custodes loci umbris phantasticis inquietatos; donec cadaver suffossus longè à Monasterio paludi profundè immergerint: unde aliquoties teter odor emergens sævam vicinis exhalat mephitim. Sed hæc quæ injucunda sunt, relinquentes; ad Miracula, quæ hoc temporum discursu apud Beati Confessoris tumultum divinitas ostendit, accingamur.

Dani cum in Angliam venire offirmaissent propositum; ad societatem victoriæ Norreganos ascivere. Utrorumque immanis barbaries; sed Norreganorum cupiditas rapacior, libido infestior. Horum Comiri, dum depopulatur omnia, puella quædam Elfildis nomine cessit in partem prædæ, honesto apud Anglos loco nata, ingenui corporis & vultûs. Hæc illecebrarum fomenta Barbaro fuere; ut legitimo connubio repudium daret, in captivæ suæ nuptias intendens nervos; cuius integritatem tutari & captivitatis miserere deberet, nisi barbarus esset. Quare primò consumptis blanditiis, renitentis & multum deprecantis pudorem prædo nocturnus invasit & rapuit. Veruntamen non diu superfuit; nec spe conceptæ plebis nec longâ vitâ post injuriam foeminæ factam lætatus. Eo ergo defuncto, rumor speciosæ Elfildis aures Regis terræ impulit. Ille mox pro more gentis in foeminæ cupiditatem potiendæ adhinnivit. Fit ergo ex Rege amator, ex potente cliens. Adorat per internuntios Majestatem captivæ; ut se amicum dignetur: Pollicetur montes auri, amorem perpetuum; postremò quæcunque possint vel mulierem decipere vel captivam illicere. Omnia clam uxore; quam, ne intenderet, verebatur quàm maxime. Respondit Elfildis contraria, se aliis amoribus intentam Deo deservire proposuisse; tulisse illum suos secum amores, qui & uniens primitias libâisset & moriens consepelisset. Hoc auditò, Rex dolens se mulierculæ fuisse despectui, vi negantem aggreditur; & quadam nocte in nihil tale metuentis amplexus subit violentus. Ex unâ conjunctione concipitur foetus; & editur masculus contra utrorumque votum. Nam & Rex periclitari famam suam metuens, vellet quidem exercere placitum, sed nollet habere fructum. Et Elfildis Deum primò pro incesto viri conjugatu metuens, zelotipiam Reginæ secundò cavebat. Veruntamen proles, ut dixi, edita, utrorumque blandiebatur oculis; ut eos sibi conciliaret; virum, ne mulierem ex se matrem abjiceret, præsertim corpore pulchram, genere ingenuam, conditione captivam, se solo cum quo rem haberet continenter sobriam: mulierem, ut & facti consuetudine & filii dulcedine virum in amorem<sup>a</sup> reciperet. Peccatum ergo, quod aspernanter inierat, libenter fovebat, voluptate adducta. Et ut<sup>b</sup> Regni noticiam falleret; apud quendam Episcopum terræ latibulum habebat; indeque cum libebat in usus noctis abducebatur. Sed hæc illecebrarum gaudia proximus Regis obitus abruptit; remansitque illa in medio cum pupillo filio. Quapropter non nesciens quantum mulierum ira in pellices audeat, in longissimas Norwegiæ Provincias fugæ indulsit; agente fideliter & necessaria ministrante Pontifice, cui soli tutelam Orphani supremis verbis Rex obiens commiserat. Unde factum est; ut cum muliebre fastum imperitantis Optimates detractarent; ille rem omnem, ut erat, non taceret. Ita decreto communi parvulus ad umbram in fastigio regni locatus, c<sup>c</sup> tenoribus omnia negotia pro arbitrio disponentibus. Exacto autem non plus anno & dimidio puerulus ille vocabulo Magnus acerbâ morte vitæ subtractus colus Parcarum evolvit. Dicitur quòd infidiis Procerum; sed ego inassentior, ut ulli innocenti vim mortis consciscerent, quem Regem creaverant. Tunc ergo, ne longam texam fabulam, Elfildis omni viduata consilio in patriam receptui cecinit. Et ut tam periculosum navigium Deus secundaret; vovit, si Angliam incolumis annavigaret, nunquam se terrestri animalis carnes comeduram, nunquam nisi diebus festis unctiores escas sumpturam. Pro Dei nutu foelicem sortita eventum, industriè continebat votum:

<sup>a</sup>f. raperet.

<sup>b</sup>f. Reginæ.

<sup>c</sup>f. senioribus  
senproceribus.

rum : ex pecuniâ, quam mariti & filii liberalitate meruerat, tres villas mercata ; quarum redditu suam suorumque vitam toleraret. Post aliquot annos lautiore convivio in hilaritatem profusa, convivas ad lætitiâ hortabatur. Illicque vicissim, ut quantulumcunque carniû fumeret, rogantes, diu cassos expendere sermones. Veruntamen Presbyterorum, qui adessent, rogatu pressa promittentium orationes & Missas, dicentiumque magnarum etiam deliciarum culpam Missarum celebratione posse deleri ; summis illa digitis nescio quid carniû attingens ori suo sensu recusante apposuit : statimque divinæ severitatis clemens animadversio secuta, Illam valetudine quam Græcè paralyfin, id est, resolutionem membrorum dicunt, mastificantem perculit tam validè ; ut nullum membrum officium suum facere posset. Sola lingua inter fauces palpirabat ; quæ delictum diceret, veniam oraret. Præclare innocens prolapsio temporali castigata est verberare. Cæterum si pœnalem commisisset culpam ; non habuisset venialem vindictam. Triennio integro tali decocta incommodo in lecticâ Sanctorum circuibat loca, pulsabat suffragia, quos celebriores miraculorum fecerat fama. Cessit omnis superior caritas deditque locum Beatissimi Aldelmi gloriæ ; ut tam illustri personâ curatâ excellentiùs volitaret per horum ora. Venit ergo post triennium ad Natale Sancti, quod octavo Calendas Junias magnâ provincialium frequentia colitur. Nec morata virtus herilis in ipsâ Solennitatis vigiliâ orantem ad Sepulchrum attigit. Reviruit sanitas, artuum laxa compago induruit ; incolumis paralytica surrexit : stupentibus & laudantibus notis, strepentibus & rem percunctantibus Monachis, lætantibus cunctis. Elfeldis curatori suo non ingrata, animam suam loco contulit, Sanctimoniam professâ. Vivens propter Ecclesiam mansitavit ; defuncta famosam sepulturam in claustro accepit. Hoc Miraculum pro claritate, ut dixi, personæ & temporum vicinitate ad nos per successiones transmissum, fidem facit multa fuisse, quæ obscuravit annorum<sup>d</sup> incuria, quæ occuluerit Scripto-<sup>a f. injuria.</sup>rum incuria.

Eodem tempore venit ad locum quidam Monachus Græcus nomine Constantinus, cæterum unde oriundus incertum, necessitas an voluntas domo patriaque eliminaverit. Hic primus auctor vineæ fuit ; quæ in colle Monasterio ad Aquilonem vicino sita plures duravit annos. Staturæ fuit habilis, moribus dulcis, colloquio affabilis, cibi sobrius, potûs parci & penè nullius ; festorum dierum in orationibus consumeat ferias, cæterorum in vineæ opere totas consummabat horas. Jam verò moriens voce præclusâ cum paucissimis animæ reliquiis efflaturus æstimaretur, resumpsit, & lento conamine surrexit, temptatâque perâ, quæ semper adhærebat lateri, protulit ex eâ Pallium, quod est insigne Archiepiscoporum ; quod sibi, quantum jacens poterat, more quo sciebat coaptavit ; continuoque violentiâ mortis recidens supremum efflavit & defecit. Quo animadversum est Archiepiscopum fuisse ; sed adhuc cognitio vacillat, qua causâ patriæ olim valescerit. Nobis ambigua in bonum torquere licet ; quoddam amor religionis Pontificem peregrinari compulerit. Tunc igitur inter Sepulchra Abbatum in Ecclesiâ Sancti Andreæ, quæ tunc erat, reverenter humatus est. Successu vero annorum cum necessitas novorum ædificiorum ipsum & cæteros antiquis deturbasset sedibus ; ossa reperta candoris insolitæ & odoris gratissimi dederunt indicium plebeie sanctitatis non fuisse Constantinum.

Ruricola quidam in Viciniâ Melduni, notus Monachis & urbi, pessimo afflatus dæmone torquebatur. In comipus astantes, quos contingere nequireret, dentibus frendere ; propiores calce seu pugno impellere. In eminus positos spumas jacere ; quicquid ad manum venisset, vice tormenti rotare. Furor arma suggerebat ; ut nemo impune accederet, qui eum læsus abiret. Infana præterea loquens, in ipsâ sidera jaculabatur convitia. Ex uno ore diversæ & confusæ voces audiebantur ; ut modo ex latratu canem, ex mygitu bovem,  
nunc



nunc ex stridore bubonem opinareris. Cibos nec humanos nec coctione conditos voragini ventris immergens. Sic dementia molares exacuerat; ut quodlibet osseum, ligneum, ferreum facili, ut putabatur, negotio demoleret. Tum illam edacitatem & crudam indigierem uno dissolvens rictu, quicquid consumpserat, levi fumo ejiciebat. Hujusmodi hominis calamitate vicini commoti, consilium coeperunt ducendi eum per loca Sanctorum. Id quo minus fieret, obsistebat insania; opusque erat ut vinciretur. Res ergo erat in ancipiti; quia nec præferociâ vinciri poterat, nullusque licet experti roboris vincula, innectere temptaret, quin solo ejus nisu excerebraretur. Quocirca necessitas invenit remedium; ut porrectis funibus, quod eum eundi tulisset impetus, pedes impedirent: qua irretitus astutiâ succubuit ingenio, qui præstaret robore. Nec sic tamen quamvis illaqueatus corpore coerceri neque in mente spiritus potuit; quoad illi necessariis paratis ad Sanctos patientem promovere coeperunt. Obtulit se Meldunum euntibus in ipsâ sacrosancta Ascensionis Domini & Salvatoris nostri vigiliâ. Ibi audito & credito, quod Sanctus Aldelmus olim in talibus morbis curandis promptus esset, subistere. Aditis Monachis viam & viæ causam exposuere; pollicentur illi Sancti suffragium, largiuntur consilium; diem imminere, qua Dominica caro triumphali gaudio invecata sit cœlo; datam spem membris omnibus, ut sequantur caput, quorum scilicet opera à fide non degeneraverint: Aldhelmum præcipuum Dei membrum capitis sui præsentiam operum merito profectò assecutum: Quocirca illi nihil impetratu difficile; probatum id experimentis pluribus: effundant ergo supplices ad misericordem Sanctum preces; quia proculdubio præstò sit ille omnibus integrâ fide deprecantibus. Hoc animati oraculo advenæ, quantum valebant homines id generis & scientiæ, hortatibus non defuere. Nec fuisse agrestium infructuosas præces sanitas ægroti evestigio consecuta ostendit. Namque ante Altare depositus, mox inconditam vultûs & oculorum ferociam amisit: turbulenta illa colla in levem soporem deposuit. Sic à servitute Diaboli emancipatus, & animi libertati redditus, cum ex lenitate verborum sanum sapere comprobaretur; assistentium corda in Dei & Sancti laudem extulit, ora resolvit.

Ejusdem conditionis hominem nervi poplitum contracti in hanc miseriam redegerant; ut omnis ambulationis usus solis niteretur genibus. His squalentes pulvere semitas verrebat, si quando usquam commeabat: his lutosum solum evadebat. Et quia crura natibus adhærebant; exhibebat potius quadrupedem quàm hominem: videbaturque informe prodigium, & ut ita dicam, carnis offa, quam immaturo fœtu projecisset natura. Vix unquam se subrigeret cœlo; ita semper inferiora despiciens dampnatus erat solo. Luctabatur ergo cum <sup>f</sup> omnia; nec aliud ei erat vivere quàm diuturnitas miseriæ.olvebat tamen sedulò; à quo Sanctorum opem imploraret: aliàs illum, aliàs istum potentem, quosdam in effugandis dæmonibus valere, quosdam in <sup>e</sup> moribus curandis accurrere: Christum auctorem omnium in omnibus præcellere. Id enim tum præcipue rumor ferebat, & res erat; apud quendam locum, qui solitario vocabulo Christistecerce, id est, Christi Ecclesia vocatur, magnas virtutes fieri: Nil adeo molestum hominibus, quod non ibi depelleret Christus. Illuc igitur contractus conducto vehiculo [iter] tunc meditabatur. Itineranti pervium Meldunum exhibuit hospitium. Et fortè tum accidit; ut quartus in Festo dies esset; cum recens adhuc de virtutibus Sancti fama ferveret. Nam illâ festivitate solito plures eo coacervârat miseros necessitas, & sanatos emiserat Beatissimi Patris pietas. His debilis acceptis in Ecclesiam intrerim secessit; manè futuro, si votum non successisset, viam repetiturus. Erat tunc Sabbatum & diluculum expectabatur Dominicum. Miraque omnino Sancti virtus: mox ut Ecclesiæ tectum subivit, debilitate membrorum aliquatenus discussâ sensit nescio quid medelæ per omnes artus concurrisse. Hoc ille confidentior & ad reliquum alacrior, nocturna ibidem protelavit insomnia. Jamque

<sup>f</sup> f. animâ.

<sup>e</sup> f. morbis.

Jamque dies aderat, misero plusquam sperare posset allatura subsidium. Monachis pro more per claustrum procedentibus, ille vacuum Chorum eminus intuitus, suffragio scabellorum suffragines movens eo irrepsit. Ita coram Altari totâ corporis strage volutus, quasi ecstasim passus, oculis dormitantibus conquievit. Sed tumultu & cantu redeuntium Monachorum somno excussus, in alacrem saltum convaluit; intuebaturque se intuentes, mirabaturque & ipse de tam inopinatâ salute. Narrabat ingenuâ fronte, quare venit; sed ignorabat, quomodo tam celeriter erectus fuerit. Credita res est, Deoque laudes retributæ; hospite præsertim exaggerante miraculum, qui eum pridie suscepisset contractum, & nunc videret erectum.

Illud fuit tempus, quo Beatissimi Audoeni Rothomagensis Archiepiscopi reliquæ in Cœnobium nostrum evectæ sunt. Causa evectionis hæc fuit. Emma Regina defuncto Egelredo Rege Normanniam ad fratrem transferat; nihil sibi apud Danos, qui Angliam occupaverunt, tutum opinata. Diutine ergo in Rothomago mansitans, cum alios Monachos Sancti Audoeni tum Secretarium loci muneribus illexerat in amicitiam; ad hoc intendens præcipue, ut Beati Præsulis sibi vendicaret corpus. Sic enim Christianitas viluit, sic cupiditas increvit; ut Sanctorum corpora mercem faciamus, foelices exuvias venum proponentes. Exhorruit primò Monachus immane facinus; postmodum verò adductus necessitate nepotis sui, qui in Franciâ captus redemptionem desiderabat, mercimonium quod petebatur exposuit. Opimâ prædâ potita mulier, cum sereniore tempore accidente rediisset Angliam, corpus reliquum Cantuariæ contulit, caput in secreto suo habuit. Ac verò post multos annos cum filius ejus Edwardus regnum suscepisset; memoria præteritarum rerum cor regium in matrem excitavit. Nam quia parùm in prolem liberalis fuerat, cum ipse juvenes actitaret annos, jussit omnem maternam supellectilem ad minimum expilari. Factumque est; & quidam aurifaber, qui eiâ secretis fuisset, scrinium Sancti cum capite surripuit; cæteris interim ad thesauros inhiantibus. Is [cum] fratre Monacho, quem apud Meldunum habebat, deposuit; nulli apertius quàm Monacho sacra deleganda ratus. Nec multò post fato satisfaciens, perennem sui memoriam loco reliquit; quem tantis gazis insignivit. Hæc non ambiguis auctoribus sparsa acceperim; sed eis, qui viderint, ætate, fide, scientiâ plurimum præstantibus. Jam verò quod de miraculis Audoeni scribere nostri non intersit officii; judicabit qui grandes libros de gestis ejus majorum curâ editos meritoque suo notissimos legerit. Rependit sanatus sanatori gratiam, totâ in posterum vitâ in ejus juratus militiam.

Interea Brithwoldo Abbate, ut prædiximus, defuncto, Hermannus Episcopus vacantem Abbatiam sede suâ implere cogitavit; sed prævenierunt conatum ejus Monachi fautoribus Godwino & Haroldo comitibus. Quorum qui princeps Brithricus ex Præposito factus Abbas septem annis gloriosissimè Cœnobio præfuit. Sed ex Comite Normanniæ Willelmus factus Rex Angliæ Tuoldum quendam Fiscamnensem Monachum, qui eum magnis demeruerat obsequiis, viventi Brithrico intrusit. Veruntamen postmodum rem perperam factam intelligens; dolensque se ambitione festinantis circumventum, dono Abbatiae de Burhtunâ exulantis dampnum consolatus est. Idem Tuoldus dum tyrannidem in subiectos ageret; ad Burh à Rege translatus est Abbatiam opulentam, sed quæ tunc à Latrunculis duce quodam Hærewaldo infestaretur; quia inter paludes sita erat. “ Per splendorem, *inquit*, Dei, quia magis se “ agit Militem quàm Abbatem; inveniam ei comparem, qui assultus ejus “ accipiat. Ibi virtutem suam & militiam experiatur; ibi prælia pro- “ ludat.



Huic substitutus est Warinus de Lyra Monachus, vir efficax, in hoc maxime quod Monachus regulæ infueverit: cæterum aliàs Ecclesiæ non multum utilis; qui majoris spe honoris præceps raptaretur. Quapropter idoneus Monachorum marsupia evacuare, undecumque nummos rapere; sed non ita cupide parva abscondere, quinimmo & citra & ultra mare res Ecclesiæ dilapidare; ut majorem locaret apud potentes gratiam, & apud eos qui eum olim pauperem vidissent compararet jactantiam. Is cum primum ad Abbatiam venit; antecessorum facta parvipendens, typho quodam & nausæa Sanctorum Corporum ferebatur. Ossa denique sanctæ memoriæ Meildulfi & cæterorum, qui olim Abbates ibi, posteaque in pluribus locis Antistites, ob reverentiam Patroni sui Aldelmi se in loco tumultatum iri jussissent, quos antiquitas veneranda in duobus lapideis crateris ex utrâque parte Altaris dispositis inter cujusque ossa ligneis intervallis reverenter statuerat: Hæc, inquam, omnia pariter conglobata vel ut acervum rudenum, vel ut reliquias vilium mancipiorum, Ecclesiæ foribus alienavit. Et ne quid impudentiæ deesset, etiam Sanctum Johannem Scotum, quem penè pari quo Sanctum Aldelmum veneratione Monachi colebant, extulit. Hos igitur omnes in extremo angulo Basilicæ Sancti Michaelis, quam ipse dilatarî & exaltari jusserat, inconsideratè oculi lapidibusque præcludi præcepit. Contumeliam facti gravavit jocularis dictum conviti. Qui modò, inquit, melius potest, auxilietur aliis. O tempora, ô mores! Quis digno improprio tantam prosequatur audaciam, quanta hominis impudentia? Quod beatissimus Dunstanus & cæteri sapientissimi & religiosissimi viri vel fecerunt ipsi vel permisere fieri; nos nugaces & ad ludibria nati destruemus? Sed coercebo stilum, frænabo spiritum; quia ipse magno in Sanctum Aldelmum obsequio offensam cæterorum vel lenivit vel delevit. Cujus tamen sanctitatis ambiguus & incertus primo fuit; quia non ejus votis ad miraculorum exhibitionem famularetur. \* Virium tamen occurrit labanti pietas Sancti † & dubietatis nubilum deponeret, certitudinis lucem infunderet; hoc facto.

\* f. Viro.

† l. ut.

Quidam Wechtæ insulæ indigena arte piscandi victum transigebat, apud suos qui ejusdem artis erat non ignobilis, honestam suppellectilem domi conflaverat. Hic igitur dum unâ dierum jam sueto insudaret muneri, flatu ex adverso spirante densissima orta nebula os oculosque remigantis opplevit. Ita prospectu adempto, primò quidem risit, subitam diei caliginem cito recessuram opinatus; sed magis magisque crassescantibus tenebris veram cæcitatem intelligens, miseriam suam sociis per oram littoris idem negotium agitantibus clamore pronuntiavit. Illius ergo calamitas cæteris indixit piscandi ferias; dimissâque prædâ quam cœperant, omnes uno nisu ad eum litori restituendum laborant. Expositus ripæ ad manus tractus domui sistitur. Res acta materiam sermoni dedit agrestium. Conferunt inter se; & ventilant quis fuerit ille flatus fortuitus vel diabolicus, qui infonti piscatori diem irripuerit, noctem adduxerit. Ille lumine obducto ad singula illachrimans, fortunarum suarum medelam indefessus sciscitabatur. Responsum est, humanum desperari auxilium; ad Dei & Sanctorum patrocinium confugiendum. Id adeo peropportunè in Ecclesiâ Christi, de qua supra dixi, posse fieri; quæ ab eâ insulâ in continentem minimo trajectu abest. Probato consilio cæcus cum sociis conscendit lembum; quem pari moderamine nisu remorum & prosperitas ventorum continuò alteri ripæ intulit. Ibi ergo perpetuo triennio cæcus sanitatem desiderans trivit operam. Differebat Dominus Jesus salutem; ut irritaret ardorem, essetque remedium jam tandem acceptum eò gratius quò fuisset dilatum diutiùs & desideratum molestiùs. Consumpto triennio procul ambagibus monuit eum per somnium cœlestis visio; ut si cordi esset sanitatem recipere, Meldunam non pigritaretur pergere. Ille letæ spei plenus prorumpente in lucem die fortunatis successibus instirrit; comiteque prævio, qui titubantes gressus

gressus regeret, ad locum venit. Ibi per VII. moratus dies, divinum operiebatur promissum: interimque precario victu monachalis elemosinæ sustentabat inopiam. Advenerat dies Dominicus idemque octavus; cum ille in Ecclesiâ crucifixo prostratus, non se vana somniasse persensit: Sereno luminum recepto, erumpenteque & distillante ex oculis sanguine; sicut mulgentibus mulierculis solet ex uberibus pecudum copiosi lactis linea profluere. Laxat homo clamorem in gaudium; postulatque vase, ne sacrum pavimentum crucoris sentiret injuriam, quod defluebat excepit. Factum illud coram simili populo palam Monachis omnibus, magno apud Normannos ad honorificentiam fuit incremento. Insulanus contempto, quo periculum oppositum temptabat, baculo, viam expeditus regrediens, consuetos lares repetiit.

Hoc viso cum nihil Abbati excusabilis cunctationis esset reliquum; ad colendam preciosissimi Confessoris honorificentiam suæ mentis excitavit industriam. Quia enim temporum turbine sedato nihil hostile metuebatur; visum est rationi convenire; ut Sanctus claustrum egrederetur lapidem, in quod inclusus fuerat pro timore Danorum. Indignumque erat; ut ossa lapis in solum premeret, quæ miraculorum gloria [in] Cælum efferret. Intendebat igitur; ut mausoleo eruta locarentur in scrinio. Et ut res religiosa ordinatius procederet; triduanum provincialibus indictum jejunium. Tum ipsâ die Pentecostes adjuncto sibi Serlone Abbate Glocestrense, accedens ad tumulum, impedimenta sustulit, lapidem summovit; conspectoque interius quoddam & ossium constaret integritas & res vera narrationi Monachorum faveret; iterum usque in octavum reclusit diem, quo ejus expectabatur natale. Paschalis enim lunæ varietas festum circumagens modò ante Pentecosten, modo post celebrari compellit. Aderat spectaculo adjutor operis & collevator oneris Monachus Hubertus nomine, antiquo intraneorum laborans incommodo. Tunc quoque solito gravius inhorruerat; cum curiosius inspectantem reliquiarum fragrantia in ora reverberans retro compulit. Ex odore salus per ossa cucurrit; & penetratas medullas infecit. Nihil ulterius Monachus usque ad diem sensit obitus, quod quateret vitalia, quod turbaret viscera. Quod cum illius crebrâ relatione crebuerit, tum præcipue cæterorum qui eum sæpe antea gravidine morbi penè animâ periclitatum vidissent. Sequenti ergo Dominicâ ascito viro venerabili Osmundo Seresberienfi Episcopo, cœptæ rei manus suprema imposita: ossa in scrinio decenter immissa, latitia plebi effusa. Ex quo die tot ibi facta miracula; quot scribendis nulla facultas eloquii suppeteret; quæ vel sub oculis sunt fusa, vel privatis necessitatibus sensa; quorum hic sub ope Christi aliqua ponemus, quantum operi suscepto congruere videbimus. Facta est autem hæc secunda Translatio, postquam à Beato Dunstano reconditus fuerat, anno nonagesimo secundo; post transitum ejus trecentesimo sexagesimo nono, ab Incarnatione Domini millesimo supruagesimo octavo, post adventum Normannorum decimo tertio.

Colonia est civitas maxima, totius Metropolis Germaniæ, conferta mercimoniis, referta Sanctorum patrociniis. Hujus urbis Civis infortunio magis quam industriâ fatricidii reus, multis annis occuluit factum, quod esset clam hominibus. Sed enim, ut Augustinus ait, mens mali conscia ipsa sibi tormentum est; anticipatque vivens mortuorum supplicia. Depascebatur ergo miserum animum labes reatus; & præsentis imaginabatur inferos. Quapropter tandem aliquando exulceratæ conscientiæ vulnera detexit medico Annoni ejusdem urbis Archiepiscopo, viro in primis severo: qui cum in reum, quantum atrocitas facti exigebat, invecus esset, lenes immonitiones adjecit. Præclare & evangelico exemplo, ut primum vinum vulnerato infunderet, quo purulentos recessus ablueret; deinde oleum adjiceret, ut spe remissionis peccatorem leniret. Septennem ergo pœnitentiam indixit; ut Sanctorum Ecclesi-



as circuiret, ferro brachia vestiret, quæ parricidiali ausu cognatum hauserat sanguinem; ut quæ fuerat auctori ad culpam, esset punitrix ad pœnam: inedia & taciturnitati assuesceret; spe boni graves labores falleret. Duraret ergo; futurum olim ad gloriam, quod interim præsumebat ad veniam. Facit imperata pœnitens; cruces præterea nonnullas adjiciens, quadamque hostilitate vini corpori suo ipse consciscens. Romam adiit, Jerosolymam penetravit: Magnum & insigne tunc temporis facinus aggressus; quia nondum semitas illas Christianorum nostrorum virtus pervias fecerat. Ibi dum vix admisus ante Sepulchrum oraret; lorica in fragmenta Dei virtute dissiluit. Regrediens totam circuevit Europam, multis periculis terræ marique jactatus. Laborum meta fuit Cœnobium nostrum expetitur. Eo loci dum pronus ante Beati Confessoris mausoleum jaceret; veniam emeruit. Pulsabat violentia orationis Cœlum, intravit sidera, traxit à superis auxilium; vincula brachiorum evoluta sunt, ferrum altius excussum & longius XV. pedibus projectum. pœnitens animâ languente æstuavit. Sed ubi latice aspersus frigidus resumpsit; Deo laudes, Deo grates omnibus qui aderant concinentibus persolvit. Nec verò de miraculo dubitare poterant; cum eum antea multis diebus stipe Monachorum pastum & dirissimè vinculatum nossent.

Interea patientia Lectorum turbari non debet; si uniforme miraculum in diversâ personâ exhibitum diversi stili tenore apponam. Recenter factam sanitatem in claudo, qui esset ætatis provectæ, descripsi; nunc idem subijciam de puero. Folkwinus pusioni nomen, quem imperfectum alvus materna effuderat. A superiori parte ad cingulum homo, cætera vel quadrupes, vel nescio quid enuntiem, erat. Suræ crurum flexibilitatem naturalem negantes, ita pertinaciter adhærebant natibus, ut divelli nequirent. Denique quidam, quos aut livor aut incredulitas agitabat, manus mittebant; ut dividua facerent, quo miserum puerulum ingenti afficiebant incommodo; qui horrendos stridores ejiciens sæva pulsatoribus imprecabatur. Videbant eum innocentem curis vacuum, cachinnis & ludorum frequentia inhiare; hærebantque incerti an pedagogi documento contractionem fingere nosset; ut eo commento majusculam stipem miserantibus detraheret. Veruntamen cum, ut dixi, fuisset irrita temptatio; credulitati & miserationi aliorum accesserunt. Addiderat ille ad duo lustra vel tres vel quatuor annos; quanto ætate provectior, tanto obstinatus rigescentibus nervis ambulandi impotentior; maximèque urbicis, nam apud Meldunum pascebatur à Monachis, miserationem movebat. Quod si quolibet reptare intenderet, luto viarum crura impeditus loco hæreret; palpitabatque in ceno, & replebat auras quæstibus, quoad aliquis miseratione infractus miserum ulnis efferret. Hanc invisi rigoris compagem Aldelmus post duos annos revelationis secundæ dissolvit. Jacebat in Natali ejus, quod die primo Pentecostes fuerat; sed procrastinatum Servitium die secundo fiebat. Jacebat, inquam, puer retro chorum; levemque carpebat per membra soporem. Monachi nocturnis expeditis, laudes matutinas ingressi fuerant. Cantabatur versus ad sacrum ejus tumultum frequenter. *In l. m. f. q. m. f. g. restituntur.* Videt interim ille personam sibi clementer assidentem; quæ nec staturam justam excederet, & minimos superexcelleret: Mento & crine cano; vultu qui nihil minaretur asperum, sed polliceretur commodum; vestitu & baculo qui Pontificem simularet. <sup>b</sup> Hæc igitur, ut dixi, assidens cruscule videbatur leniter palpatu sensim in directum ducere, & naturæ restituere; & pulchrum in modum cernebatur ab astantibus dormitans crura extendere: audiebantur nervi crepitare, sicut tumultuantur digitorum junctura, quando aliquis manus suas violentius conatur protendere. Miraculo ergo vocibus Monachorum consono somno excitatus in pedes Folkwinus consistit, facile conatu, mirabili nisu; continuoque lætitiâ puerili, constantiâ virili, cursu incepto ante Altare procumbit. Tum populus miraculo plaudens certatim accurrere, oblationes

<sup>b</sup> l. Hic.

oblaciones sanato conferre, Sancto accumulare. Hoc signum tantum habuit miraculi; ut Abbati qui absens in curiâ Regis esset, literis citatis illud ingererent Monachi. Quas cum ille Lanfranco Archiepiscopo monstrandas putasset; vir illustris scientiæ merita confessionis ex prodigio metiens, legem in totam promulgavit Angliam; qua eum incunctanter haberi & coli pro Sancto præciperet. Statimque annuales ad Festum ejus institutæ sunt nundinæ; ut quos non invitabat Confessoris Sanctitas, vel mercium advocaret aviditas.

Illud fuit tempus, quo vir reverentissimæ vitæ Osmundus ejusdem Diocesis Episcopus reliquias Sancti flagitabat: Decere putans & prædicans, ut probatissimi Antecessoris communicaret exuviis; fructuosum id sibi, gratum Sancto, qui parvo integritatis suæ dispendio novos honores, magnos favores mercaretur. Sed nec Abbas Warinus difficilis fuit impetratu; qui se ad consentiendum ratione duci viderat. Datum itaque Præsuli os brachii sinistri; quod ille maximo semper habuit & amoris & honori. Denique operâ sumptuosâ & arte studiosâ thecam paravit argenteam; qua illud induceret. Aderat dies omnium Sanctorum operi destinatus; cum inter agendam memoriam Præsulis subivit Archidiaconi sui Everardi valetudo; qua ille medullitus decoctus decumbebat. Mandatum igitur viro; ut se quolibet ingenio ad Ecclesiam promoveri faceret. Paret ager, locumque adit; famulis in Dominum ut in corpus exanime succollantibus. Neque enim ipse per se vel pedem vel quodlibet membrum præter linguam naturaliter posset movere obsequio. Pallorem vultus & debilitatem corporis totius perspicuens Episcopus, non nihil à spe sanitatis ejus defecit. Sed mox ad cor regressus, præteritarum virtutum fomite fidei rapuit flammam. Quin & in pectus ægroti adhortationibus suis credulitatis scintillas excussit; ne dubitaret se Sancti virtute posse sanari. Effectus ergo rei addidit robur fidei; & utrique studiis suis convenientem exitum sortiti sunt: Alter sacra offis intinctu conditum porrigendo laticem, alter cum potu pariter glutiendo salutem. Quæ ut ambiguitate carens testatior esset; ad eandem Missam super Alleluja cantantes vocale Organum, qua excellebat arte, insonuit, non impar socru Petri, quæ Domino Sanatori exhibuit sedulitatem obsequii; nisi quod illa precibus aliorum sanitatem meruit, iste fide suâ exiebat.

Ejusdem Antistitis alter erat Archidiaconus Hubaldus, vir qui liberalium artium non exiguum experimentum cœpisset, sed pro titubantiâ oris parum eas audientibus expediret. Hic familiarem clientelam Sancto devoverat; quod quondam Melduni in festivitâte positus, ejus operâ de gravi morbo sanatus fuerat. Namque cum infesto colli & scapularum dolore premeretur, qui somnium negaret, cibum subtraheret; solo tactu feretri, quod cernuus subierat, sanitatem (ut sic loquar) furatus est. Hunc enim morem frequentant æditui; ut post processionem ita ex transverso valvarum coaptent scrinium; ut nisi humiliato corpore nullus parentem invadat ingressum. Ibi quisquis fide plenus accesserit, quodcunque oprat, rapit; nec fere unquam aliquis exors voti recedit. Certat audax fides offerentium; ut pro uno nummo vel obolo scæneretur apud Sanctum multorum summa votorum. Idem ergo Archidiaconus Hubaldus Salesberiæ manens, eadem qua superius ægritudinis molestiâ ingemiscebat; excefferatque antiquas metas dolor, ut non solum collum & scapulas, sed & brachium usque ad extremitatem unguium tam pertinaciter urgeret; ut nec manum ad os ducere, nec cuilibet usui aptare prævaleret. Erat tunc dies Ascensionis; quo per totam Christianitatem paratur Processio accurate solennis. Proferuntur reliquiæ ex conditoriis; statuitur brachium beatissimi Aldhelmi ferendum cum cæteris. Visio brachii oscitantem Diaconi roboravit fidem, dormitantem revocavit memoriam; ut ejusdem, cujus quondam merito se liberandum ab eodem confideret incommodo. Episcopum ergo supplicibus



ambivit precibus ; ut esset per Processionem lator brachii, quamvis id parum sui interesset officii. Credere se, quod piæ sarcinæ vectatio ad promovendam salutem magno accederet emolumento. Ille tantæ fidei gratulans, simulque magnopere sanitatem desiderans, qui & ejus necessarius & non perfunctorie, ut dixi, esset literatus ; suâ manu de altari sublatum illi commisit bajulandum. Incredibile fortassis videatur quod dicturus sum ; nisi nobis in talibus Aldelmi operibus assuetis. Statim quippe ut Archidiaconus infirmæ manûs digitos ad contingendas Reliquias aptasset ; dolor brachii diffugit, gravedo scapularum evanuit, malefana superbia colli resedit. Jamque dicturientem jamque in vocem gestientem prævenit interrogatio Episcopi ; Quid ita vultu renideret ? Respondit Hubaldus favorabilia, quantum illa permittebat laticia, Diu in laudes effusus, diu in præconium Sancti moratus.

Hæc sunt Aldelmi opera cotidiana ; hæc sunt virtutum ejus proludia. Quæ si parva quis dixerit ; sic quoque laudabilis Patris nostri pietas apparebit ; quem videmus non fastidientem in minimis, cum sciamus eum potentem in maximis. Quamquam haud scio an inferioris virtutis sit cotidie exhibere facilia, quam semel ostentare pergrandia.

Defuncto Abbati Guarino successit statim ad XV. dies Godefridus ; qui fuerat Gemmeticensis Monachus. Ejus tempore & industriâ multum adolevit honos Ecclesiæ, aucta religio, ornamenta facta per plurima ; quatenus tantulæ facultatis homo tam occupato tempore poterat. Libri conscripti nonnulli, vel potius Bibliothecæ primitiæ libatæ. Quod studium si prædico ; videor id quodam meo proprio jure facere ; qui nullis majoribus in hoc præsertim loco cesserim, immo nisi quod dico jactantia sit, cunctos facile supergressus sim. Sit qui modò parta conservet ; ego ad legendum multa congesti, probitatem prædicandi viri in hoc duntaxat æmulatus. Ipsius ergo laudabili cœpto pro virili portione non defui : Utinam sit qui labores nostros foveat. Monachi qui vulgares tantum literas balbutiebant, perfectè informati. Servitium Dei institutum liberaliter, acritatum instanter ; aded ut Monasteriorum nullum per Angliam Malmesberienfi excelleret, multaue cederent. Aderat ipse in primis, discedebat cum ultimis ; civilitate demulcens bonos, austeritate territans reos ; ad iram pronus, sed quam dulci responsione compescere vel frangere statim posset ipse, qui exciâisset. Frugalitate sobrius, & ut dicebatur, nimius ; ut qui sæpe quantum ad se uno contentus ferculo, non temere nisi semel inter prandium & cœnam biberet. Lauticiarum appetentissimus ; ut qui nihil nisi exquisitissime accuratum mensæ suæ inferri pateretur. Integerrimi post Abbatiam cœlibatûs, antea nonnullâ infamiâ respersus, uno & ipso immani commissio infamis. Nam cum Willelmus Rex junior importabile tributum indixisset Angliæ, quo Normanniam à fratre Roberto intendebat emere ; Godefridus ut suam partem ex facili componeret, Thesaurus Ecclesiæ, quos antiquorum cura cœacervârat, foedè distraxit, pessimorum usus consilio ; quos nominare possem, si peccantium societas crimen alleviare posset magistri. Enimvero facinus, quos inquinat, æquat. Denique die uno XII. textus Evangeliorum, VIII. cruces, VIII. scrinia argento & auro nudata & extrustata sunt. Sed pulchrè contigit, quod penuria cupiditate frustrata non sufficit voluntati. Quippe non plus quam LXXII. marcæ repertæ. At verò nocte sequente visus est videre hominem terrifico vultu & gestu in se impetum facere, & aquam præservidam cum urceo in faciem jacere. Quo terrore somno excussus, brevi consecutâ poenâ veritatem somnii persensit. Siquidem primò faciem, mox totum corpus morbo nefando, morbo regio correptus, extabuit ; non illo qui mitior, sed illo qui cæteris deformior pustulis per totum corpus protuberantibus ex humorum pessimâ Melancholiâ procedit, familiari & omnibus consueto, sed consuetudine ut diu quidem injurias portet, sed cum semel decreverit non portare injuriatorem suum, toti mundo spectaculum exponat. Id in multis factum

factum risimus, in multis faciendum anhelante spe præsumimus. In defuncti corpore inventus est circulus æreus; qui totum ventrem ambierat, jamque cute superductâ vitalia ipsa penetraverat; qui cum pro miraculo efferretur, populo processit Monachus, qui fuerat à secretis, dicens ferreum circulum eodem modo impactum non multò ante virtute divinâ effractum; quapropter æreum appositum ut si venter protenderet ultra modum solitum, non esset voluptas sed supplicium; se Sacramento astrictum, ne proderet quamdiu ille vitalibus auris frueretur. Sed quia nihil tam bene fit, quod verbis depravari non possit; quidam illud malignis versibus carpsit ita:

Mortificare decet vitiis carnalia membra:  
Non decet, ut ferro mortificentur ea.  
Hunc naturali decuisset morte resolvi.  
Quam quia prævenit, est homicida sui.

Cui totidem versibus responderi potest.

Immo decet quocunque modo cohibere cadaver.  
Hoc exempla docent, hoc tenet alma fides.  
Nec voluit ferro propriam consciscere mortem,  
Ferreæ sed vitiis ponere fræna suis.

Hujus Abbatis diebus non ita \* cavit à miraculis Confessor preciosus; immo \* *f. cessavit.* eò magis ut videbatur coruscabat, quò illis favorabili arridebat gaudio vir industrius. Quorum duo, quæ ponam, meam anticipaverunt memoriam; cætera & vidi & vidisse juvat. In vicino mulier commanebat, quam non ita natales sordidaverant ut penitus plebeia esset, nec ita extulerant ut altum sciret; sed mediocris sanguinis fortuna mediocrem quoque supellectilem ministrabat. Ea post emensos pubertatis annos parilem sortita jugalem, sedula viri conciliabat amorem morum æqualitate, facie non aspernabili, fœcunditate alvi. Delectabat eos mediocritas sua; nec i quisquam erat quod plus cuperent; quibus adesset & concordia mentium & sanitas corporum, tum porro affluentia victualium. Sed ut ferè semper fit in rebus mortalium, interpolavit illa gaudia ægritudo fœminæ; quæ contractis in toto corpore

na decubuit.

Hoc morbo decocta quinquennio, quicquid necessariorum domum corrasisse videbatur, vel in stipem vel in Medicos consumpsit. Cùmque frequentem exhaustionem nulla suppleret adjectio; ad inopiam etiam diurni panis domus quondam accurata defecit. Quocirca fames advena veteribus deturbatis colonis novos induxit. Dedit ergo repudium fœminæ maritus infidus & transfuga conjugalis affectûs; qui vilem haberet fidem, parvipenderet amorum consuetudinem. Ita illo migrante & fœdo mercimonio domos suas causâ cibi oppignerante, alienâ sustentabatur misericordiâ mulier ægra. At verò Dominus clementi eam tandem respectans oculo, tali per visum confortavit oraculo. Si vis sanitatem recipere; vade ad Meldunense Monasterium. Ibi per Sancti Aldelmi merita quod petieris impetrabis. Illa vocem auditam, cujus auctorem non vidisset, ad omen bonum interpretata, excussit soporem; agilique motu membrorum multum priori gravedini decessisse gavisâ est. Temptatoque per ambitum domûs gressu, sed parùm promovente, carpento imponitur ad Abbatiam trahenda. Illuc ergo paucis diebus ante Festum venit in spem bonam erecto animo; moxque quamlibet confertam perrumpens multitudinem, & ante altare cubitans, perfectam sanitatem à Sancto reposcebat; cujus & spon-

fionem



sionem ex somnio, & arras ex membrorum motu acceperat. Nec illi precum violentia & inconditus clamor fuit fraudi, sed apud homines laudi, apud Deum & Sanctum celeri & integræ salutis. Qua potita tot habuit non simulati Miraculi testes; quot fuerunt vel è vicino cives vel è longinquo agrestes. Ea postmodum feliciter & diu vivens legalis iudicio placiti desertorem connubii in amplexus suos transduxit. Libens quoque ille legem accepit; quod uxor nullâ unquam penuriâ, nullâ cujuslibet petulantis instantiâ pudicitiam prodidisse audiebatur.

Ejusdem immo gravioris contractionis miseriam patiebatur citra nubes annos puella Pukelicorce, quæ dicitur, villæ indigena. Siquidem spinâ curvatâ dorsi genas penè in genibus habebat. Tum præterea genua flexa quasi in conum nec scabellis, ut plures id genus debiles, reperere, nec quoque nisi alterius manibus subvektaretur, progredi poterat. Sextus erat ægritudinis, duodecimus ætatis annus. Accreverat cum ætate debilitas; dimidiaverantque dies puellæ salus & incommoditas. Tum frater qui ei esset uterinus, germanæ infelicitatis miseratus, cui cumulus inopiæ necessariorum addebat pondus, vehiculo impositam ad Meldunum adduxit. Id semel, Id secundo; sicut se annuus orbis torquebat ad Festum. Frustra fecit; nam illa & primò & secundo expers sanitatis, exfors petiti muneris remeavit: non quod pietas Sancti segnis fuerit, quæ omnibus se cum fide appellantibus promptâ facilitate accurrit; sed credo seu quod deferentium credulitas titubaverit, fides frigerit: Illa enim ætas quid credere quid discredere nosset? Seu ut miraculum de puellâ testarius vulgo esset, quam totiens advektam totiens reversam urbs ignorare nequiret. Tertio igitur anno attracta, tertiam quoque precum instantiam inaniter expendit. Quapropter cum tædium & infidelitas fratrem effugasset; remansit illa ad Dominicam Ascensionem, quæ tertio die Festum nostrum exceptura erat. Advenerat ergo dies Domini Jesu triumpho solennis; in qua vel sæpe vel semper aliquid egregii operari non renuit Patronus insignis. Nam tunc scrinium effertur in populum; & occluduntur fores, ut dixi, ne quis ingrediatur Ecclesiam, nisi sub eo humiliaverit dorsi spinam. Ita pro more bajulantium obsequio exierat Ecclesiam corpus; sed remansit cum infirmâ mirificus & sanitatis largitor Spiritus. Jacebat illa ante Crucifixum solo æquata; hauriebat auribus lætos euntium strepitus, & eo quod magis pectus succutiebat fletibus. Alienum gaudium geminabat illi dolorem suum. Confestim ergo divino medicamine tacta surrexit; & devoluto genuum rigore, erecto tergi sinuamine, obviâ gratias actura Sancto redeunti profiluit. Quis referat, quot fuerint plausus lætantium, quot voces attestantium? Ego vidi, cognovi: Ista est illa contracta; modò sanatur.

Sed minus est audita depromere; nisi studeat & stilus ea apponere, quæ nobis donavit Deus videre. Quod cum fecero; nihil minus Lector, si æquus arbiter est nec studiis partium agitur, credere debet, quàm sibi credi velit, si aliquid insigne diebus suis factum vel scripto vel verbo narraverit. Nec verò, ut puto, quisquam dicet me vel oculis meis non debuisse credere, vel visa pro Dei laude non debuisse scribere. Illud enim fatui & increduli; istud superbi & ingrati esset. Videor sanè compatriotis Sanctis non modicam præstitisse gratiam; sed & Dominum & Patronum meum non inhonorem reliquisse, qui me hætenus & virâ ut possem, & scientiâ ut nossem eum laudare, dignatus est. Vir plane multarum virtutum laudandus insignibus; quem antiqua Philosophia votis suis æquare non potuit. Denique minus fuit quod illa faciendum docuit, quàm quod iste gessit: Majorque ambizioso eloquentiæ mendacio simplex veritatis fides. Cujus viventis quæ fuerit in Deum devotio; testantur post obitum facta Miracula; quorum ut crederem veritati, exegerunt ipsa quæ vidi. Merentur enim de præsentibus fidem facta præterita; & confirmant antiquorum relationem signa recentia.

Produ-

Producatur in medium Ernulfus de Hefdinge; <sup>1</sup> turæ solertiâ mirus, ad munificè sollevandam pauperum inopiam, decimarum ita curiosus, ut si horreum non decimatum jam intaxatum esset, omnia ejici & incunctanter decimari juberet; expertus non semel eo sibi per divinam gratiam rusticos proventus augeri, quo studuisset nullam fraudem decimationis fieri. Hujus manus pessimo gravabantur morbo; adeò ut præter ulcera nigrâ sanie stillantia tremulo sinuamine jocarentur nervi. Nec ergo eas poterat ad aliquod officium ducere; nec quod dictu quoque pudendum sit, earum usu ciborum reliquias abstergere. Sua ergo penuria cibabatur, sua verecundia diluebatur manu alienâ. Insumpsit quocirca consilium; ut Meldunum pergeret, experturus ibi tunc cujusdam Gregorii probatissimi Medici operam; qui cum omnes artis machinas pro præcepto Abbatis Godefredi simul & favore hominis mercando incassum adhibuisset; tandem fatis reliquendum dixit morbum incurabilem: boni viri functus officio, ne infirmum inhiantem saluti frustra donis emungeret, pecuniis exinaniret. At verò Abbas aliquid de miraculis Sancti temptandum ratus, balsamum, quod in Sepulchro inventum fuerat, afferri & ei manus inungi imperat. Quàm speciosa res? Statim ut pretiosi liquoris gutta manum attigit; nervorum tremor riguit, fluida tabes exaruit; &, ne longum faciam, paucissimis post diebus totus convaluit. Satisque constat illustri viro per hoc miraculum devotionem accrevisse; adeo ut despecto affectu necessitudinum, desputo cumulo divitiarum, Hierosolymam desperato reditu profectus sit.

Inter religiosorum multitudinem ad festum <sup>m</sup> viventium, nebulonum quoque se immergit copia; qui facili compendio victum mercantur, dum excogitatis salibus audientium cachinnos eliciunt; quorum unus me puero illuc venerat, præter cæteros ludo mordente facetus, obscænos quoque gestus imitari peritus, si quando verbis <sup>n</sup> minus agentibus destitueretur. Hic Beati scrinio foras portato impudens, quod importunum etiam relatu est, contra stetit; primoque nudato inguine incestavit aera, tum deinde crepitu ventris emissio turbavit auras. Id quanquam fatuis risum imperâisset; Monachis tamen in immanem dolorem venit; Qui dolerent impune nebulonem garrire. Enimvero illis vindictam imprecantibus vicina non defuit auris Confessoris. Vix enim vestes demiserat; & ecce coram populo violento compressus dæmone, poenas impudentiæ pendebat. Ita rotabatur in gyrum; ita spumabat in modum Suis, quem latratus Canum circumagit; ita crepitantibus frendebat molaribus: ut palam fieret, quòd in illius ditionem transisset cujus instinctu tantum scelus inceptâisset. Quare à sociis pie violentis correptus ad manus vellet nollet domum tractus est. Ibi ad postem ligatus, dum aliquid quietius meditari putaretur; ex improvviso erupit super convivas prandentes, mensam depulit, aliquos pugnis contudit, aliquos telis excerebravit, omnes effugavit; vasis, quæ apposita erant, pro armis usus. At verò socii, qui miserum non relinquendum putarent, in cuneum constrictum ad Sepulchrum pertrahunt. Ibi tribus vigilatis noctibus totidemque jejunatis diebus, Monachis supplicantibus & gemitibus suis alienam salutem mercantibus, sanatus est non solum dæmone, sed quod præstantius dicas, <sup>o</sup> leacitate, perpetuò post-hæc modestus & lenis: veruntamen oculis fellitis & minacibus, quorumque sanguineâ intortione nos pueros semper territaret, recordantes quòd ante sanitatem sedens ad Sepulchrum vultu intento in nos faciebat impetum, si aliud nequiret, immundum ejaectans sputum.

Mulier apud Kiligeham nata nebat die Sabbati vespere jam in occiduum declivi. Ammonita à confidentibus, ut reverentiam Dominicæ diei habens ferias faceret, non solum non paruit; sed etiam illas arrogantiae notavit, quòd se necessariis inservientem arguerent; & stultæ segnitiei, quòd non idem facerent. Dictum secuta est poena; continuoque in solum prostrata altera corporis

<sup>1</sup> f. naturæ.

<sup>m</sup> l. venientium.

<sup>n</sup> f. mimos.

<sup>o</sup> l. dicacitate, vel levitate.



corporis parte permortua, minimum defuit quin exanimaretur. Sed ubi frequenti aquæ jactu spiritum resumpsit; agnovit culpam, deslevit ærumnam, oravit veniam. Veruntamen non sic facile indulgentiam rapimus, ut reatum committimus; quia voluptas quidem avolat & transit, sed peccatum pertinacem radicem infigit. Quocirca foemina baculis utroque latere sustentans gressus in vivo cadavere jam penè sepultos, multorum Sanctorum patrocinia annis per pluribus circuevit. Sed cum, ut sibi videbatur, ubique laborem inanem trivisset; tandem auditis miraculis Beati Aldelmi, Meldunum contendit. Prævenit adventus ejus dies Quadragesimæ, quibus totis in Ecclesiâ commanens, nec usquam nisi semel in die progrediens, molem peccatorum attenuabat inediâ. Jam Paschalis lætitiæ favor mentes mortalium hilaraverat; jamque secundo die peregrinos agebamus. Cantabatur ille versus; quo Fulbertus Carnotensis Episcopus pulcherrimâ \* disjunctâ Judæos convenerat; ut aut sepultum reddant Christum, aut resurgentem adorent. Cum illa ante Crucifixum baculis innixa stans, gravi præter solitum ad terram ruinâ pavementum allisit. Accurrere plerique, volentes prostratam erigere; quod viderentur, ne casus importunus paralyticæ membra effregisset. Cateri quibus sanius consilium erat, prohibuere; dicentes exitum rei Deo qui † prole dispensandum nosset, commendandum. Sursum ergo cordibus erectis intenti ora tenebant omnes: cum illa scintillantibus oculis, micantibus digitis, omni corpore surrexit incolumis. Quæ miraculi certitudo civium, qui eam pro diuturnitate convictus integrè nosset, in laudem Dei & Confessoris ora laxavit.

\* viz. dilem-  
mate

† i. prore

Calna est vicus Melduno ad X. milliaria proximus, territorii Abbatiæ & vici collimitantibus. Hujus indigena vir, vocalis officii expers, eodem anno, si bene teneo, ad Festum venit, regioni ob insigne calamitatis notissimus, multisque probatus experimentis, quod esset verè mutus. Siquidem Præses Provinciæ hominem tormentis plusquam semel adegerat; ut vi extorta confessio quod simulatum esset in veritatem efferret. Sæpe quidem ille; sed severitatem exigebat quorundam miserorum simulatio, qui ad Dei & hominum ludibrium quemlibet effingunt morbum, ut hoc figmento emendicatis nummulis lacunam impleant ventris. Edebat ergo ille inter supplicia rugitus miserabiles; & spiritu contribulato, qualem Dominus diligit, finem ærumnarum optabat. Quamvis igitur linguâ inefficax, intellectu tamen perspicax, frequentia populari ad Festum festinanti se immiscuit. Et primò quidem ante majus altare soli videre datum Pontificem juxta basim Altaris spatiantem, conniventis vultus lætitiâ Monachos cantantes perstringere. Quod ille cernens, cæteris, quorum visus perspicuitatem moles peccatorum obruerat, digitorum nutu & immani oris rictu ostendere nitebatur. Sed cum verborum effectus loqui volentem fraudaret; nec illi divini essent ut intelligerent: Sicut indignabundus in criptam, quæ tunc erat novi operis, se proripuit. Ibi cum idem videret, magnoque conatu in sermonem gestiret; Monachus, qui aderat, aliquid divinum præfagiens, digitos brachii Beati Aldelmi ori clamantis immerfit. Tum verò ille pro Sanctorum digitorum reverentiâ longe reductis dentibus, productis ab imo suspiriis, ingenti nisu frustulentam offam carnis cum sanguine pariter ejecit & voce; *Domine Sancte Aldelme adjuva me.* Illa vox expedito ex tunc & deinceps sermoni foelix dedit auspiciu; aliquantosque postea duravit annos inoffensè locutus; nisi quod per angustum meatum faucium rauciori sono modulabatur Organum.

Ejusdem vici non indigena sed incola foemina, lucis inops, postero anno in solemnitate Patris Aldelmi lumen per duosdeviginti annos amissum recepit. Causam cæcitatis, quam nescio, nolo contexere; cavens loquacitate me legentium fidem fallere. Hoc constat; quia cum ante Crucifixum staret, flavo crine in terga soluto spectabilis, sed tenebris oculorum deformis, crebris puncti-

onibus

onibus orbes luce vidui cœpere moneri. Quibus mulier irritata, primo levi frictione cruorem emisit ; sed cùm majori pruritui atrociori unguiùm injuriâ satisfaceret, copiosiori profluente ; unde postulata cruorem excepit concha. Ita expeditis obstaculis, concavitatem fenestrarum serenum illustravit luminis. Tunc affines veracissimi, qui adessent, homines & plausere miraculo, & usque nunc eam stipendiario sustentant commodo. Illa sanctioris halitûs professa velamen, nullo fraudatur visûs dispendio, nisi quantum provectior ætas accedit senio. Vivit ad hunc, quo ista scriptitamus, annum ; qui est ab Incarnatione Domini Millesimus centesimus vicesimus quintus, à transitu sanctissimi Confessoris quadringentesimus decimus sextus, in regno Henrici regis XXV. falsariorum qui monetam corruperant per totam Angliam detractione notabilis, propter eandem perinde falsitatem, annonæ caritate & edaci fame, tum præterea indiscretâ vulgi clade infamis ; eminentissimorum virorum mortibus funestus, præsertim Calixti Papæ, & quinti Henrici Imperatoris Alemanniæ ; quibus nulli unquam præstantiores fuerant in officiis utrisque ; tonitribus & fulminibus per omnes menses infestus, imbriuni continuatione nullo penè intermisso die æstivis etiam mensibus pluvius & luteus.

---

*F I N I S.*

---



*Ne vacua esset hac pagina; placuit apponere Odonis Archiepiscopi Cantuariensis Epistolam; quam Wilfredi Archiepiscopi Eboracensis Vita à Fridegodo ipsius jussu metricè conscripta pramisit.*

Incipit Epistola Sancti Odonis Archiepiscopi Cantuariensis in Vitam Wilfredi Archiepiscopi, quam scripsit metricè.

**O** Rthodoxæ fidei famulatio ancillatis, eisdemque Ecclesiastico instantibus proposito quaquaversum orbis, tam instantibus quàmque futuris, Odo Dorobernicarum opilio ovillarum in Sanctæ humilitatis consortione collegium & in concessu inexhaustæ beatitudinis tripudium.

<sup>a</sup> f. inenervabili.

<sup>b</sup> a loco. apud Mabillon Act. Benedictin. Sæc. V. p. 283. ubi ista, quæ unciis inclusa sunt, reperiuntur.  
<sup>c</sup> Mar. XXIV. 28.  
<sup>d</sup> f. suscipiendum.  
<sup>e</sup> f. limpidissimo.

<sup>e</sup> Psal. XXX. 7. &c.

Sagax humanæ curiositatis industria dum jugiter aggeratim sibi provideat labilia, adeò plerumque protelatur philanthropiâ; ut intransmeabiles naturæ metas insolenter præteriens undecunque & jam inficiando conquiendum fore præordinet. Etenim ex quo Paradisi terrestris primicola viperina minùs præsensit eludia, dilatoque mortis compendio debitâ moleste cœpit affligi solertiâ, insopibili ferè mundialis enormitas grassatur parsimoniâ, unde & obstinatis oris parcitatis silvescente propagine, falsque nefasque interdum non admodum discretè compaginat. Enimvero nobis <sup>a</sup> inenacuabili veritatis testudine galeatis congruit normalibus agenda rubricare methodiis, eatenus præcipue; ut cœnulenti floccipendentes lucra commercii, prophetis concentibus studeamus aptari. Mihi autem dicentes, adhærere Deo bonum est. Qua in re ex diametro connectatur; non ei famulari non bonum est. Siquidem quorsum hæ velint evadere minutia, hujusce miscello brachilexii contignabo. Innumeras Anglorum Imperium sustinuisse olim discordias, quibus & antiquorum vulnere domicilia patrum, & multa religiositatis unione fuscata, theorici cultûs absolvere semina, neminem ejusdem prosapiei phisilegam nescire profiteor. [Igitur venerabilissimas Beati Confessoris Christi Wilfredi Reliquias indecenti sentinosæ voraginis situ marcidas, imo quod dictu quoque meticulosum est, Prælatorum horripilatione neglectas, cum inde favente Deo scilicet <sup>b</sup> & loco Sepulchri ejus quidam transfulissent; reverenter excepi, atque intra ambitum Metropolitanæ, cui gratiâ Dei præsideo, Ecclesiæ collocavi.] Presertim cogente illo Evangelistæ testimonio, meo videlicet apologetico. <sup>c</sup> *Quia ubicunque fuerit corpus, congregabuntur & Aquilæ.* Itaque tantæ tamque Deo dignæ affinitatis delectatus vicinitate, & editiore eas enthecâ decusare, & excerptis de libro vitæ ejus flosculis, novo opere pretium duxi carmine venustare. Illud quoque astruendum in calice, ne qui me caperato gangit <sup>d</sup> fuscendum supercilio <sup>e</sup> impidissimo Dei nutui absurde nitatur refragari; dum sit in terrâ nihil sine causâ. Quando quidem imperitate vitat illud Comicum: *Auribus teneo lupum.* Porro acerbæ ternicositatis injectaque deperationis angelogias intrito universalitatis Epithemate & ambrosio dictionalitatis collemate indulcabo, ringens cum giganticiâ Domino. <sup>e</sup> *Ego in Domino speravi. Omnis sperans in Domino exultabit & letabitur in misericordiâ ejus. Ego igitur exultabo & letabor in misericordiâ ejus.*

Explicit Epistola metricè in Vitam Sancti Wilfredi Archiepiscopi.

GOSCELINE

---

---

**G O S C E L I N I**

Monachi S. Augustini Cantuariensis

**HISTORIA MINOR**

DE VITA

**S. AUGUSTINI**

Anglorum Apostoli.

---

---



GOSCELINE

HISTORIA MINOR

ALLEGES LINE

ALLEGES LINE

# Incipunt Capitula in Vitam Sancti AUGUSTINI Anglorum Apostoli.

## Tabula in Vitam Sancti AUGUSTINI Anglorum Apostoli.

- CAP. I. **Q**ualiter superato Diabolo regna mundi Dominus suis distribuens  
Ducibus, Augustino reservavit Angliam.
- CAP. II. Qualiter Beatus Gregorius Sanctum Augustinum cum aliis ad conver-  
tendam Angliam mittit, territosque confortat.
- CAP. III. Quomodo prater multa signa per Augustinum facta, baculus ejus evo-  
lavuit, fons prorupit, splendor Sanctos protexit.
- CAP. IV. Qualiter ipso absente ibidem in ejus nomine ab incolis condita est Eccle-  
sia; in qua Sanctus multa exhibet beneficia; quam nulla intrat fe-  
mina.
- CAP. V. Qualiter matrona ejusdem Ecclesie temptans introitum, morte prae-  
repta est.
- CAP. VI. Qualiter in Dedicatione ejusdem Ecclesie segetes desperabiliter concul-  
catae, uberiores ceteris exstiterunt.
- CAP. VII. De perventu Beati Augustini in Britanniam.
- CAP. VIII. Apostropha ad ipsum Apostolum Angliae de felicitate Apostolatus tam  
illustris Patria.
- CAP. IX. Qualiter à Rege Pagano liberaliter excipiuntur.
- CAP. X. Qualiter \* Augustinus nunciis suis causam exponente Rex eos benigne  
recolligit, sed nondum adquiescit. \* l. Augustino  
nunciis sui.
- CAP. XI. Qualiter urbem Cantuariam cantando ingrediuntur.
- CAP. XII. De sancta Praedicatorum conversatione.
- CAP. XIII. Quomodo virtutibus & vita gentes ad Christum attraherentur.
- CAP. XIV. Quomodo Rex convertitur; ipseque Reges subiectos & Principes ac  
populos Christo lucratur.
- CAP. XV. Qualiter ordinato in Archiprasulem Augustino, Rex Aulam in Eccle-  
siam convertit; Episcopia & Monasteria construxit.
- CAP. XVI. Qualiter Beatus Gregorius Sancto Augustino miserit adjuutores & Palli-  
um, Reliquias & ornamenta, libros & responsa.
- CAP. XVII. Qualiter ei sanxerit Britannia Primatum.
- CAP. XVIII. Quomodo Gentiles ritus in cultum Dei converti praecepit.
- CAP. XIX. Attestatio & pramunitio Beati Gregorii super miraculum Sancti Au-  
gustini.
- CAP. XX. Qualiter Regi scripsit; ut & ipse cultum Christi dilataret.
- CAP. XXI. Qualiter & Regina scripserit, laudans eam & admonens.
- CAP. XXII. De scriptis ejus ad Francorum Episcopos & Regem eorum atque Re-  
ginam.
- CAP. XXIII. Qualiter praedicta Beati Gregorii scripta Sancto Augustino Regique ac  
Regina profuerunt.
- CAP. XXIV. Qualiter errores Britonum confutans Augustinus, in argumentum as-  
XXV. sertionis suae caecum illuminat; itemque rebelles propheticis minis in-  
crepat.



- CAP. XXVI. *Qualiter in Britonum cade adimpleta sunt prophetica Beati Augustini mina.*
- CAP. XXVII. *Qualiter hominem paralyti & cecitate, inopiâ & infidelitate quater miserum curavit.*
- CAP. XXVIII. *De multitudine in unâ die baptizatâ & curatâ, ac per alta fluminis mirifice transductâ.*
- CAP. XXIX. *Qualiter leprosum mundavit à leprâ.*
- CAP. XXX. *Qualiter illusores pari & perhenni opprobrio caudas habere denotantur.*
- CAP. XXXI. *De alterâ invisibilis incendii vindictâ baptismo extinctâ & ab Anglicis finibus perpetim exclusâ.*
- CAP. XXXII. *Qualiter Dominus Beato Augustino visibiliter apparuit; eumque blandè consolans, pro quocunque peteret fautorem se promisit.*
- CAP. XXXIII. *Quomodo fontem salubrem ab aridâ produxit; ipseque locus perhenni nomine & Ecclesiâ ac religione insignitur.*
- CAP. XXXIV. *Quomodo per illum fontem Presbyter moribundus monitu Sancti Augustini sibi apparentis sanatus est.*
- CAP. XXXV. *Qualiter hominem contractu surdum & mutum redintegravit, rursusque percussit, rursusque reparavit.*
- CAP. XXXVI. *Qualiter Beatus Livinus à Sancto Augustino baptizatus & instructus, miraculis & martyrio est mirificatus.*
- CAP. XXXVII. *Adaptatio virtutum antiquarum atque novarum.*
- CAP. XXXVIII. *De Sancti Augustini personâ & mirificentiâ ac benedictione beneficâ.*
- CAP. XXXIX. *De imminente ejus obitu; & qua ratione successorem sibi ordinavit Laurentium.*
- CAP. XL. *De ipsius transitu, & ipsorum planctu, cælitum plausu, & laudatorum cantu.*
- CAP. XLI. *Quo in loco sacrum ejus corpus tumulatum fuerit.*
- CAP. XLII. *Commendatio majestatis & contubernii tantorum Patronorum.*

Expliciunt Capitula in Vitam Sancti Augustini  
Anglorum Apostoli.

Incipit

Incipit Præfatio Domini GOCELINI in Vitam  
Sancti Augustini Anglorum Apostoli.

**O**Mnibus piis Ecclesiarum Angliæ Patribus, Quidam infimus Apostoli Augustini famulus salutis & obsecutionis devotum munus. Quæ [de] ipsius primi Anglorum institutoris Augustini Vitâ & signis Venerabilis Bedæ depromit Historia, quæque ab ipso prætermissa in aliis codicibus vetustis reperimus, fidelissimè nostro malleolo recudimus. Quæ etiam post ejus ad sæcula triumphum declarata ac descripta legimus, eadem probabili fide adjungimus. Quæ verò præsentialiter testibus populis oculis acta luce clariùs rutilant, suis radiis credentes illustrant, hæsitantes reverberant. Possemus & inspectorum & sanatorum pleraque retexere loca & nomina; nisi vetaret nausea. Super omnia Beati Gregorii candent testimonia; qui hunc scriptis declarat quàm plurima patrâsse signa. Hæc itaque quæ lectione vel visu novimus, alio libro diffusius exposuimus; quatenus insatiabilibus paternæ dilectionis filiis satisfaceremus. At hunc libellum paululum contraximus; ut inter divini & humani convivii solennia benignis & fraternis hospitibus obtemperemus. Simul etiam aliæ confratrum Ecclesiæ per hunc oceanum diffusæ, ad quas hæc contigerit pervenire, nativo gaudeant amore, tanquam sui prothoparentis filiæ. Veruntamen super hoc compendii propositum video crescente Helisei oleo superfluere vas meum. Oramus ergo omnes eruditissimos ac benignissimos doctores ac discipulos dominicæ scholæ; ut hæc tam lucidè comprobata, non solùm non renunciant credere, verùm etiam plenâ benevolentia paterni affectûs suscipere, jugique fide contra improbos studeant celebrare.

Explicit Præfatio Magistri Gocelini in Vitam  
Sancti Augustini Anglorum Apostoli.

Incipit



Incipit Libellus de Adventu Beatissimi Anglorum Apostoli Augustini Sociorumque ejus in Britanniam, & de ipsius Virtutibus.

CAPUT I.

Qualiter superato diabolo regna mundi Dominus suis distribuens ducibus, Augustino reservavit Angliam.

**F**ortem Armatum, cujus atrium mundus, cujus firmamentum regna terrarum, cujus prada genus humanum, noster Armatus in nostrâ etiam infirmitate longè fortior congressus potentialiter, paratâ in se cruce, plagâ nunquam sanabili transfixit; & omnia opprobriorum tela ac jacula sibi injecta in illum retorfit, omnia ejus arma abstulit, ipsumque æterno carcere ac suppliciis mancipatum irrevocabiliter damnavit. Omnia spolia ipsius jure triumphata Apostolicis Ducibus suis distribuit; electosque Principes super gentes, nationes & regna constituit. Remansit Britannici Oceani orbis æquoreus, ab universali orbe circumcisus. Hunc ille Rex præpotentissimus Augustino fidei dispensatori suo quondam venturo reservavit; qui noctem verteret in diem, & novam ac veram post tenebras infunderet lucem. Pollebat jam Papa Gregorius humani generis splendor immensus; qui hunc divino instinctu segregaret in opus dominicum, ut quondam Petrus Barnaban & Saulum. Intenderat ipse hanc palmam præripere; sed respondit Dominus hoc privilegium Augustini esse. Nam pueros niveo candore nuper Romæ vi-  
fos audiens Anglos vocari & Provinciales Deiros ac Regem terræ Alle nuncupari; Anglos, inquit, Angelis sociari, & Deiros de irâ Dei liberari, ac Dei laudem in terrâ Alleluia oportet decantari.

Qualiter Beatus Gregorius mittit Sanctum Augustinum cum aliis ad convertendam Angliam, terribiliter confortat.  
\* dele.

CAP. II. Peractis itaque rebus, mittit Augustinum Dei scientiâ omni-  
que virtute florentem, cum quadraginta electissimis comitibus, quos religiosos novit & promptos in divinis dogmatibus. Viam salutarem alacres accelerabant; & per aliquot dies longius processerant. Ecce autem ventosa fama à maligno adversario vulgi ore ventilata terruit<sup>a</sup> ad athletas Domini, quæ diceret gentem quam petebant cunctis mortalibus ferociorem esse, sanguinem humanum sitire, pati non posse Christianos vivere, nullo verò modo ab Idolis suis eos revocari nec ad Christum converti posse. Sic quondam discipulis Domini mare navigantibus ventus contrarius obstitit; donec increpatâ eorum modicâ fide, fluctus quos ipse calcaverat Dominus imperio sedaret. Mittunt itaque suppliciter Beato Gregorio Augustinum; quatenus eos permittat redire domum, nec tantum discrimen subire in vacuum. Sed à Gregorio secundum nomen suum pervigili missâ epistolâ, quod magnum laborem major gloria consequatur, & ut Augustino quem eis jam Abbatem ordinaverat, in omnibus obedirent: qui etiam Apostolica ferebat scripta ad Etherium Arelatensem Archipræsulem; quatenus his Dei legatis solaciaretur in necessitatibus; ita jam sunt corroborati, ut cum majori gaudio, quem ante vehementer expa-  
rant, laborem percurrerent.

CAP. III.

CAP. III. Interea multis signis per Augustinum divinitus collatis consolabantur plurimum; ex quibus exempli gratiâ hoc inferimus unum, imo in uno trinum, omnibus ejus loci ubi factum est celeberrimum, atque etiam scriptis creditum. Jam illic chorus Sanctorum legens iter per Andegavensem Provinciam, subeunt villam Bay appellatam. Quas ruricularum turba indomita ut ignotos & exteros humili habitu ac pedestri incessu despectos risu & apporiâ afficiebat. Et viri quidem ad foeminarum vesaniam indemnes videbantur. Illæ verò velut conjurata[adversus]innocentes advenas totâ insultatione ferebantur. Jamque rure ejectos ut rabidæ canes uluiatu, mugitu ac fremitu infestabantur. Proximam ulmum tunc astantem lassii viatores captantes ad requiescendum, inde etiam ludibriofo impetu exturbantur viraginum. At unam almi Ducis vestigia irreverentiùs altringentem ceu colubram cum ille prætento baculo vellet repellere tanquam feram; illico baculus de manu ejus velut ab arcu sagitta excutitur, & per tria fere stadia evolans humi affigitur. Subsequitur Dux cum devoto choro quasi eò se vocante Domino. Augustinus baculum evellit, & cum baculo perpetuum aquæ fontem extrahit. Quo pariter à gravi siti relevati, æternas immolant gratias divinæ bonitati. Ibi suaviter fessos artus refoventes, noctem ipsam in Dei laudibus exegere. Quos pulsos hospitio residesque sub aere nudo semper miserans altissima benignitas operuit gloriâ pro tecto, fuso scilicet desuper splendore æthereo, qui solem vinceret fulgore novo; ne indutos arma lucis tenebrarum angeret obsidio. Pulchrè etiam columna lucis, quæ quondam præcedebat filios Israel ad terram repromissionis, super istos refulsit, qui de Ægypto juxta sui interpretationem tenebrôsâ tot gentes eductas præcedente fidei luce Christo credentes inducerent in regnum claritatis æternæ. Annotavit autem Dux legationis nomen suum causamque itineris, scribens baculo in terrâ juxta fontem his litteris. “Hic hospitium habuit servus servorum Dei Augustinus; quem misit ad convertendos Anglos” Beatus Papa Gregorius.

Quomodo præter multa signa per Augustinum facta, baculus ejus evolavit, fons prorupit, splendor sanctos protexit.

CAP. IV. Ingruente jam aurorâ, arreptum iter maturant percurrere ad dominica lucra; agente forsitan divinâ sententiâ, ut qui vulgo collatam benedictionis gratiam in hospitibus Dominicis repulissent, jam non assequerentur cum vellent. Jam die claro tota illuc vicinia accurrit, ubi à superno cardine usque in terram jubar solare super cives cœli adhuc peregrinos terræ videre plurimi radiare. Aspiciunt ibi etiam mirabilia Dei in Sanctis suis coruscare de terra; sicut noctu viderant radiantem columnam de arce supernâ. Stupent & novum fontem sibi perpetuâ ac dulci venâ scaterere, & incomparabilis bonitatis advenas hæc beneficia sibi pro malefactis reddidisse. Discentes etiam ex litteris nomen præclari Doctoris & tam salutiferam causam itineris, nubilosâ confusione reatum suum deplanxere, quod Christi legationi & gentium saluti tam improbè resistere. Heu nos furiosos, dicebant, quod tantorum<sup>b</sup> Anglorum non meruimus foveri benedictione, nec imbui dulcedine. Condidere itaque Ecclesiam in eodem loco unanimi devotione; & in honore ac nomine Sancti Augustini Christo dedicaverunt. Aliter verò ubi ejus scripta legerant statuere; ut cujus non merebantur corporali gaudere præsentia, perpetuò eum præsentem haberent in ipsâ suâ Ecclesiâ. Ibi etiam præcordialis Pater per multa se polcentibus repræsentat beneficia, multa sanitarum exhibet miracula. Veruntamen ab hac Ecclesiâ perpetuò repudio omne arcetur genus foeminarum; ut omnibus Sanctorum injuriatoribus semper sint in exemplum.

Qualiter ipso absente ibidem in ejus nomine ab incolis condita est Ecclesia, in qua Sanctus multa exhibet beneficia, quam nulla intrat foemina. <sup>b</sup> I. Angelorum.



Qualiter ma-  
trona ejusdem  
Ecclesie temp-  
tans introitum,  
morte prærep-  
ta est.

CAP. V. Quædam matrona dives cum cereo huc appetebat ingressum; & interminantibus omnibus urgebat propositum, dicens se non peccasse in Sanctum, sed velle se honorare eum: vix autem inconcessam metam attigerat; & subito ruptis intestinis expirat, forisque extracta mortua omnes credere docuit, quod nulli crediderat; & quæ omnes vincere suâ putavit præsumptione, omnibus palam interdixit talia nunquam præsumere. Habent tamen ibi fœminæ sua receptacula & sacraria, ubi orare, gratias Deo agere, vota sua reddere, divina mysteria audire, & Sacramenta salutaria possint percipere. Habent & Augustinum in omnibus necessitatibus suis benignum auditorem, precumque ac desideriorum justorum promptum executorem, præter inviolabilem Ecclesiæ suæ conditionem. Vehementer autem admirari solent Andegavenſes advenæ, alique hujus notitiæ; dum apud ipsius Augustini corporalem requiem aspiciant quolibet fœminas usque ad ipsius tumbæ oscula accedere, & nullum unquam apud ipsos Ecclesiæ suæ limen posse attingere, nec de fonte potare. Quibus respondetur istas ad hunc ritè intrare, quæ eum recepere; illas vero jure repellere, quæ eum repudiavere.

Qualiter in de-  
dicatione Ec-  
clesiæ ejusdem  
segetes despe-  
rabiliter con-  
culcatae ubero-  
res cæteris ex-  
titerunt.

CAP. VI. Competit huic antiquo nuperrimum ejus ibi gestum subnectere Miraculum; quamquam morosius prosequamur ipsum Luciferum festinantem ad Anglicum Oceanum. Venerat pridem reverentissimus Andegavenſium Præsul Doroberniam, gaudens ipsum antiquum suæ Patriæ hospitem revivere Augustinum. Qui audiens à fratribus Monasterii præscripta recitari miracula, optimè recognovit & testimonio fideli astipulando comprobavit; recentisque facti ejus apud se & apud ipsam Ecclesiam relator egregius ita narravit. Hanc sanè Ecclesiam in nostrâ præſentiâ ab amatrice tanti Patroni plebe solemnitus reedificatam ego in ipsius honore & nomine ut primitus nata est Domino proximè dedicavi. Adolescebant longè lateque in circuitu arborum segetes & fata jam in spicas & aristas matureſcentia. Inundantibus autem ad dedicationem populis, velut ipse effunderetur fluvius Ligeris, ita conculcata, attrita & comminuta sunt illius arvalis æquoris annonæ; ut non modò tam percussa vel contracta notarentur stipulæ, quàm passim exhaustæ vel scopatæ aræ: Adeo in hoc desiderabili congressu Augustinensis solennitatis nemo attendebat, quatenus vel suis vel alienis parceret damnis. Jam illius anni valescere defunctæ spei & fructui, usque in alium Augustum irremediabili. Sperabant in Augustini largitate, sed in aliâ quàm quæ tunc exceſſerat benedictione. Verùm ex hac desperatione major admirationis ac fidei nata est lætitia; dum hæc tellus tam pessundata & conclamata omnes terras ipsius Provinciæ in messe supergrederetur & altitudine frugum & copiâ. Unde circa tantum advocatum suum Augustinum tanta omnium excrevit veneratio ac fidei devotio; ut credant eum ubivis gentium invocatum adesse; quicquid à Domino postulet optinere & dare posse. His de veteri & novo competenter expositis, jam oceanum occupantem Legatum Domini<sup>c</sup> prosequantur.

<sup>c</sup> l. prosequa-  
mur.

De perventu  
Beati Augusti-  
ni in Britan-  
niam.

CAP. VII. Finito jam principali orbe gentium terrestri calle, Augustinus navigat in æquoreum orbem Britannia, & excipitur eum suprascripto numero Sociorum quaterdeno in opimam & prægrandem insulam Cantia Tane-tum vocabulo. Hæc prima Christum in suis legatariis suscepisse meritò triumphat in benedictione. Fœlix tellus suâ fertilitate, sed fœlicissima tot Deiferorum ac civium supernorum primitivâ hospitalitate. Sic inquam dirigente Spiritu Domini ejus viam, Applicuit proximè quasi sub ipsam Regiæ Metropolis portam; ubi sedem habeat perpetuam & secus ipsam requiem sempiternam.

CAP. VIII.

CAP. VIII. Ecce Beate Prothoparens regenerationis gentis Anglicæ, relinquens augustam parentem Romam, Angliam suscepisti filiam, quam fideo Regi formosam enutrias sponsam. Jam post magnum orbem terræ intraisti hunc vastissimum oceani orbem alterum, serenâ facie pulcherrimum ac fecundissimum, arvis, pratis, pascuis, fluviis, fretis uberrimum, montibus, campis, sylvis gratissimum, urbibus populosis ac transmarinis institorum negotiis festivissimum, gente candidâ rerumque opibus illustrissimum. Hoc scilicet ram ingens & præclarum Elisium jam olim tibi electo officiali suo omnium artifex præordinavit, qui à primordio mundum omni ornatu & decore perfectum edito homini possidendum exhibuit. Hæc gens facie formosa, sed idololatriæ fuligine denigrata, ut Moyse Ethiopissa, per te in Jordane abluta ascendet tota dealbata. Jam ad majorem Dei & coronæ tuæ gloriam, illâ novâ lucis columnâ, quæ priscum populum eduxit, in fide & cruce resurgentis Christi erectâ, tu educens gentium populum de Ægyptiacis tenebris infidelitatis & umbrâ mortis, introduces post Jesum Nave in terram repromissionis terram lactis & mellis. Tibi enim Evangelico Duci gratia contulit evangelii, quod negatum est legis Moyse; quodque ille in Lege non potuit consequi, tu verò in Jesu tuo explere meruisti. Jam de spoliis victi tyranni & de regno captivi prædonis facies Deo nostro regnum & populum acquisitionis. Jam post cæleste regnum & laborum præmia hæc erit possessio tua, quæ per te Domino est acquisita. Et cujus fugisti temporalia commoda, jam<sup>d</sup> possidebitis hæreditaria lucra. Hic positus in antemurali turritam servabis speculam, unde uni versam jugiter tuearis tibi dicatam Patriam.

Apostropha ad ipsum Apostolum Anglicæ de felicitate Apostolatus tam illustris Patriæ.

<sup>d</sup> I. possidebis.

CAP. IX. Præsidebat Doroberniæ Æthelbertus, tertius Regum Anglorum, sed qui primus foret civis Angelorum. Uxor illi Christianissima nomine Berta, Regia puella Regiis Parentibus ex Franciis Regibus procreata, tali Sacramento erat conjuncta, quatinus in Christianitatis observantiâ nullâ infestaretur versutiâ. Hæc advenis Christi janua ad Regem erat pervia. Mandat ergo Regi prudens Augustinus per idoneos nuncios se de Româ suæ suorumque salutis gratiâ missos à Romano antistite Gregorio, si modo dignentur beatifico nuncio quem afferant acquiescere. Rex jubet tam præstabiles advenas in ipsâ [qua] recepti sunt insulâ suum adventum maturum operiri, eisque vitæ commoda plenè ministrari. Nec diu remoratus venit in Tanetum; Residensque sub divo, vanâ enim suspitione verusti erroris augurabatur se intra domum aliqua incantatione posse seduci, forinfecus vero non posse in conspectu cæli, foris præbebat Sanctis audientiam sui. Absurde quippe nox timebat obscurari à luciferis Dei & filiis Dei.

Qualiter à Rege Pagano liberaliter excipiuntur.

CAP. X. Augustinus afflatus Spiritu Sancto, ingerens pacem & salutem Regi suisque omnibus & Regno, refert se suosque consortes missos ad ipsum, seque etiam ultroneâ benevolentiam venisse; quatinus gaudium & gloriam ac Regnum annuncient æternum, ubi obaudientes suis dictis sempiternaliter vivant & exultent. Indicat omnium creatorem Deum, Dei filium omnipotentem, tantum homines à se factos dilexisse; ut homo & filius hominis salvâ semper deitate dignaretur fieri, quatinus homines morte suâ redemptos faceret filios Dei. Cujus nativitati nova stella alluxit, cujus pedibus mare calcabile fervivit, cujus passionis injuriâ sol radios suos abscondit, cujus sepulturæ & resurrectioni omnis terra contremuit & acquievit. Ipse est, inquit, Dominus Jesus Christus, ab exordio mundi ab omnibus Patriarchis & Prophetis Dei Filius prænunciatus, de Spiritu Sancto conceptus, de virgine natus, & innumeris signis Deus & homo ubique declaratus, jamque ab omnibus gentibus ut omnium Salvator creditus, cognitus ac susceptus. Hunc ergo suâ caritate nos sti-

Qualiter Augustinus nuncios sui causam exponens, Rex eos benigne recolligit, sed nec dum acquiescit.



mulante, qua pro nobis animam posuit, quaque vos in æterno regno suo habere socios totis visceribus desideramus, sicut ex uno homine omnes procreati sumus; hunc, inquam, Conditorum & Salvatorem omnium, in quem credentes salvi sitis, vobis annunciamus: quia sine ullâ ambiguitate promissa præmia provenient credentibus, & infinita supplicia contemnentibus. Ista & alia quamplurima Dominico Legato proloquente, & innumeris divinarum virtutum testimoniis vera comprobante, simulque Imaginem Sancti Redemptoris decorosè & aurosè in tabulâ depictam prælibante, quò discerent etiam alienigenæ ei gratias immolare; Rex admiratus laudat quidem & beatificat tanta promissa, simulque gratias reddit Sanctorum benevolentia, qui de tam longinquo venerint suæ salvationi consulere. At verò ex nativâ cæcitate lippientibus oculis impatiens tantæ lucis splendorem ferre, respondit se non posse veteres patrum suorum ritus, quos tota Anglia eotenus coluisset, exuere ac novis incertisque ceremoniis juvenescere. Veruntamen ipsos pro bonâ suâ industriâ se velle in suam civitatem Doroberniam amicâ civilitate suscipere, vitæque subsidiiis sufficienter refovere; simul etiam quotquot possent ad suam sectam convertere, ultro se eis annuere.

Qualiter Augustinus cum sociis urbem Cantuariam canendo ingrediuntur.

• IS. XXVI.  
2, 3.

† I. Dictatores.

CAP. XI. Sic ergo Dei dispensatione cor Regis illustrante, Augustinus cum pusillo grege Domini, quibus complacuit Patri gratiarum dare Regnum, cum canoris letaniis veniens Doroberniam, hanc Antiphonam gratanter inchoat, & cum omnibus dulci modulatione decantant. “ Deprecamur te “ Domine in omni misericordiâ tuâ; ut auferatur furor tuus & ira tua à civitate istâ & à domo sanctâ tuâ; quoniam peccavimus. Bene se tali confessione peccatoribus inferebant, quos Deo reconciliare & relaxare venerant. Tali devotione protodoctoribus & in fide Christi protopatribus Angliæ Metropolitum suam cum triumphali crucis labore ingredientibus, “ *Aperite portas, & ingrediatur gens iusta, custodiens veritatem legationis suæ*: Vetus error abiit idololatriæ; ut hîc à modo servetur pax Christi & Ecclesiæ. Jam hic ruere videbantur muri Jericho ubi ædificentur muri Jerusalem. Ruunt scilicet non faxea mœnia, sed Dæmonum munitiones & faxea numina à Sanctorum terrore dissoluta, quæ cultores suos captivitate & obsidione damnaverant æternâ. Jam hîc Sponsus gloriæ urbem sibi novam Jerusalem per Archipolum Augustinum suosque complices artifices molitur; cujus fundamenta & muri ex auro mundo & omni lapide pretioso, cujus designatores Patriarchæ, cujus mensores Prophetæ, cujus adificatores Apostolici Patres, cujus illustratores & politores gemmarii Martyres, cujus instructissimi † ditores Confessores, cujus pulchritudo in domibus eburneis Virgines, cujus ornamenta omne quod visu pulchrum est & theoricis oculis delectabile. In summitate & ambitu murorum jugis & pervigil stat custodia Angelorum. Hujus tam decorabilis urbis primus institutor assistitur Augustinus, ut sponsi præ filiis hominum speciosi amicus, & sponsæ gloriæ & honore coronatæ paranympus. Hîc modò dum pro castris dominicis decertandum, & subactis rebellibus gentibus ad urbem erit triumphandum. Ille primicerius Consul, & dominici testamenti Angelus, perpetuum hæreditabit thronum; omniumque successorum, dum veniat Princeps pastorum & Pater filiorum, apicem referet primarium. Postquam autem terrenos labores mutaverit cœlesti coronâ; tunc uti nunc lucet, potentius regnabit in arce Syon, arce suâ splendidâ, quæ supra urbem turratum attollit verticem in aere, quæ tam principalis thesauri totque cum reconditorum principum gratiâ tota in excelsis fulget aurea; unde usque in diem regenerationis omnium suam protegat Jerusalem cum totâ Patriâ virtute & oratione perpetuâ.

CAP. XII.

CAP. XII. Igitur novi armigeri Domini sedebant in civitate condendâ Christo; donec induerentur virtute ex alto & auxilio opportuno. Quis autem explicet hos nubigenas, scilicet ut nubes volantes, & Angelum viventes, flores eremi, Antonios & Macharios in urbe exhibentes, omnia mundi oblectamenta pulchra & suavia velut latiferum vaporem non solum fugientes, verum etiam omnes auditores parturienti caritate & præcordiali parturitione ad infinita æternorum gaudiorum sæcula impellentes. Nil de mortalium opibus præter salvandas animas ambiebant; sola divina & superna inexplebiliter appetebant.

De Sanctâ  
prædicatorum  
conversazione  
& l. Angelos.

CAP. XIII. Lucet ab orientali plagâ Confessoris Christi Martini basilica, dimidio ferè stadio ab Ecclesiâ Domini Salvatoris remota, olim à Romanis Christianis condita, hodieque sacris officiis prædita. Nam per quadringentos circiter annos usque ad Maximum Imperatorem incoluerant Romani hæc climata, qui de Gratiano & Valentiniano Augustis civili bello triumphavit; quo abstractis militibus Britanniam robore exhaustit. In ipsâ itaque Ecclesiâ sacratissimus Pontifex Letardus Christianissimæ Reginæ Bertæ sacras Missas & dominica officia assiduebat; qui illi à Regiâ Franciâ datus est comes & custos probatissimus in omni sanctâ observantiâ; ne qua dæmonici præstigii furia splendidissima fidei Christi in eâ offuscaret monilia. Utque maximis assimilemus minora, prævenerat hic Apostoli Augustini prædicamenta, ut Lucifer auroram, & aurorâ solem, illum videlicet solem, quem clariùs extulit Augustinus oceano tanquam sponsum procedentem de thalamo suo. Is quoque ut præcursor & janitor Christum ferentibus Legatis ultro aperuit. Cum hoc sane beato Præsule Letardo Dei famuli Augustinus sui que socii addito magno salutis gaudio in omnibus dominicis mysteriis una erant Ecclesia & collatio unius spiritus in unico Domino suo. Hi etiam novi velut suos prævios profecuti, & tanquam aurum superductum argento, decorabant ipsos præcessores superveniendo. Sanctus verò Augustinus sui que socii in omnibus sectatores magnâ signorum gratiâ præditi, omnes curabant vel sibi præsentatos vel à se visitatos debiles & ægrotos. Stupebant gentes à tanto virtutum fulmine exterritæ, ambigentes quid vehementius immirarentur, an terrigenas transeuntes in cœlites; an mortales immortalitatem animarum & corporum vitâ & prædicatione certissimâ astipulantes; an dilectionem, quæ fortis est ut mors, qua secum omnes trahere ad superna consortia æstuarent, qua etiam pro hostium quasi pro fratrum salute se traderent; an tandem quòd ipsâ Sanctorum promissa tam conspicuis miraculorum coruscationibus ac testimoniis credibilia facta sint nimis. Dicebant diversi homines in Deos mutatos, aut inter homines humanâ specie conversari Deos. Nec ex toto fallebat rudis vulgi opinio, de suis adoptivis dicente Domino: <sup>h</sup> *Ego dixi, Dii estis & filii Excelsi omnes.* Credi- <sup>h</sup> *psal.*  
derunt itaque in Christo plerique, [victâ] duritiâ tantæ novitatis admira- <sup>LXXXI. 6.</sup>  
tione.

CAP. XIV. Tantis etiam rerum fulgoribus Rex ipse pavore & oblectatione divinâ attonitus, Augustino jugi instantiâ persuadente, Ecclesiâ orante, Reginâ ut sacris litteris eruditâ permulcente, Sanctis Patribus gratificandis opportunè vel importunè, ultro abdicatis feralibus inferorum numinibus, efficitur in Christo divinæ adoptionis filius. Jamque cunctis cœlorum virtutibus fullimenter congratulantibus, & populorum turmis ad tanta solennia concurrentibus, baptizat novum Constantinum Silvester novus. Ungitur Evangelicus David oleo lætitiæ, & intronizatur mansuetus solio misericordiæ. Coronatur Ecclesiasticus Salomon coronâ pacificâ in æquitate & sapientiâ. Præbet se de imperio servorum Dei famulum. Convertitur Princeps Ducum  
in



<sup>1</sup> l. subiectos.

in evangelicum parvulum ; & dominator populorum socium proficitur pauperum. Gaudet Augustinus, & Ecclesia ampliùs, se habere adiutorem, quem ante timuissent persecutorem. Ille etiam <sup>1</sup> abiectos sibi Reges & Optimates cum populis suis Christo acquirit ; suumque prius imperium [ma-]vult esse dilatando & propagando Christi regnum.

<sup>2</sup> l. testamentorum,  
<sup>1</sup> l. statuit.

CAP. XV. Primum itaque Augustinum promptiorem ad omnium salutem quàm ad sui praelationem, ad Etherium Arelatis Archiepiscopum sibi suæque genti consecrandum Apostolum mittit ; videlicet ut Deus voluit, & Beatus Papa Gregorius spiritu Dei prærogavit. Qui transfretato æquore, accepto Apostolatu à Domino & benedictione omnium gentium, primum Anglicæ genti retulit Patriarchatum & Patriarchale patrociniū. Quem Deo amabilis Rex ut Angelum <sup>2</sup> testamentum Dei triumphali gaudio excipiens, utque pusillus Zachæus Dominum, <sup>1</sup> statim eum, suæ Metropolis Ecclesiasticum Præsidem, in quam primitus susceperat hospitem ; nec tantum urbis sed & totius orbis sui speculativum præstitit custodem ; Solium Regni in Pontificalem Cathedram, Aulam regiam Augustino reformante ac dedicante in Regiam Christi vertit Ecclesiam. Ad orientem verò in suburbano colle Regale & Apostolicum Petri & Pauli attollit Monasterium, tanquam urbis præsidium & munimentum ; quod in arcem & speculam Regni exaltat bravium, quod pretiosissima jam cœli thesaurizat ornamenta, videlicet ipsius Augustini Sanctorumque successorum ejus Pontificum atque Regum splendidissima corpora, quæ in revelatione gloriæ magni Christi resiliunt in gloriâ. Tu quoque Rosensis Ierarchia Andreæ Apostoli titulo inclita & Dorobernensis eminentiæ dextra suffraganea ; tuque ô Lundoniæ Pontificalis Prærogativa, magni Pauli gloriâ coronata, beatæ memoriæ Athelberto Regi nostro conditori atque Augustino institutori debetis in Domino æterna benedictionum præconia.

<sup>3</sup> l. præpollabant.

<sup>4</sup> lib. I. cap. 28.

CAP. XVI. At novus Sacerdos Domini ardens tanta gaudia attentissimo Gregorio nunciare, in ipso reditu suo mittit Romam eximie Sanctitatis viros Laurentium, tunc Presbyterum, post sui sacri Primatus Successorem primum, suique suburbani Monasterii primum Abbatem Petrum. Hi volucris animo ac studio sancto Papæ admissi, referunt gentem Anglorum cum Rege suo in Christi populum transisse & Regnum, Augustinum illis Pontificem consecratum ; verum ad tam multam messem credentium paucas manus non sufficere operariorum. Proferunt & diversas novi præconis Augustini Interrogationes, quibus rudis populus certius erudiat. Tunc præcellentissimus Apostolicus ineffabiliter exhilaratus, fufis Deo infinitis gratiarum sacrificiis, & orato Domino messis, ut mittat operarios in messem suam, exhaurit Monasteria sua & Ecclesias ; & quicquid potest eruditorum ac religiosorum virorum in opus Evangelii efflagitare, toto mentis affectu unico Augustino & unicæ amatæ genti certat delegare. Huic Sancto contubernio <sup>3</sup> præponebant quatuor Ecclesiastici Proceres, ceu quatuor Evangelistæ, Mellitus, Justus, Paulinus, Rufinianus. Mellitus Abbas mellifluus tunc prælucebat splendide choro Gregoriano. Mittit & Apostolicum Augustino Pallium, grande scilicet Christi & Ecclesiæ sacramentum, tanquam omnium virtutum indumentum ; quod vinculum est dilectionis Dei & fratrum ; ut Christi Vicarius sit medius conciliator Dei & hominum, & zonâ paternæ iustitiæ circumcinctus Angelos & homines, terram confederet & cœlum. Addit sacrosancta xenia, Apostolorum scilicet & Martyrum vivifica pignora, ac diversa quæ Ecclesiæ, quæ Sacerdotibus, quæ Altaribus ac dominicis Ministris convenient ornamenta. Librorum quoque adiungit opimum convivium, & indeficiens ad vitæ Patriam viaticum. Mittit etiam præfatarum enodatas & explanatas Interrogationum Quæstiones ; Quas in historiâ <sup>4</sup> Bedæ lector reperiet. Ex quibus unum hic videtur commemorandum ;

dum ; quòd diversi usus Ecclesiarum nequaquam faciant apud sanas mentes divortium, salvâ modò fide & observatone catholicâ ; & sicut unius corporis diversa sunt membra, sic Regina sponsa Domini varietate circum amicta tam multimodâ quam multifariâ triumphat in gloriâ. Sic & una corona multicoloribus rexitur floribus, & unum monile aureum variis gemmarum illustratur splendoribus, & diversis vocum discriminibus unum concentum reddimus.

CAP. XVII. Scribit etiam Augustino de suâ ditione, sic incipiens :  
“ Reverentissimo ac Sanctissimo fratri Augustino Gregorius servus servorum  
“ Dei. Cùm certum sit pro omnipotente Deo laborantibus ineffabilia aeterni  
“ Regni præmia reservari ; nobis tamen eis necesse est honorum beneficia tribuere ; ut in spiritualis operis studio ex remuneratione velint multipliciùs  
“ insudare. Et quia nova Anglorum Ecclesia ad omnipotentis Dei gratiam  
“ eodem Domino largiente & te laborante perducta est ; usum tibi Pallii in eâ  
“ ad sola Missarum solennia agenda concedimus ; ita ut per loca singula duodecim  
“ Episcopos ordines, qui tui subiaceant ditioni. Tua verò fraternitas  
“ non solum eos Episcopos quos ordinaverit, neque hos tantummodo qui per  
“ Eboracensem Episcopum fuerunt ordinati, sed etiam omnes Britanniae Sacerdotes  
“ habeas Deo & Domino nostro Jesu Christo auctore subjectos ; quatenus  
“ ex linguâ & vitâ tuâ sanctitatis & recte credendi & bene vivendi formam  
“ percipiant. Data die decimo Kalendarum Juliarum Anno nono decimo  
“ Imperii Tiberii Mauriti Augusti.

CAP. XVIII. Jam longiùs digressos prædictorum sacrorum gerulos alia Gregorii prosequitur epistola ; qua per Beatum Abbatem Mellitum mandat Augustino, “ Ut sana quæ bene constructa sint, tantum Idolis destructis in  
“ Ecclesias & cultum veri Dei commutentur & consecrentur. Animalia quod  
“ que quæ solebant Dæmonibus immolare, jam non in cultum Diaboli, sed in  
“ laudem Dei in esum suum occidant, & donatori de satietate suâ gratias agant.  
“ Sic Israelitico populo in Ægypto Dominus in suo sacrificio animalia  
“ immolare præcepit ; ut vero Deo hæc non Idolis immolarent. Data die  
“ quinto decimo Kalendarum Augusti, Anno Imperii Mauriti decimo nono.

CAP. XIX. In tertiâ verò Epistolâ missâ Augustino, ex magno gaudio conversæ per eum gentis, in laudem Domini exclamat. Sic inchoat. “ Gloria  
“ in excelsis Deo, & in terrâ pax hominibus bonæ voluntatis : quia granum  
“ frumenti cadens in terrâ mortuum est, cujus morte vivimus, cujus infirmitate  
“ roboramur, cujus amore in Britanniam fratres quærimus quos ignorabamus,  
“ cujus munere quos nescientes quærebat inveniimus. Quis autem narrare  
“ sufficiat, quanta hîc lætitia in omni corde fidelium fuerit exorta ; quòd gens  
“ Anglorum operante omnipotentis Dei gratiâ & tuâ fraternitate laborante,  
“ expulsis errorum tenebris sanctæ fidei luce perfusa est ; quòd mente integerrimâ  
“ jam calcit Idola, quibus prius vesano timore subiacebat ; quòd omnipotenti Deo  
“ puro corde substernitur. Deinde post pauca prosequitur. “ Scio, frater  
“ charissime, quòd omnipotens Deus per dilectionem tuam in gente, quam  
“ eligi voluit, magna miracula ostendit. Hæc dicens incutit Dei signifero &  
“ gaudium & timorem ; ut gaudeat Anglos per miracula ad Christum  
“ converti, timeat verò ne humana imbecillitas in aliorum profectu  
“ incipiat labi. Proponit illi summum amicum Domini Moysem in exemplum.  
“ Hic per tanta signa Ægypto percussa, aperto mari perduxit populum  
“ suum Israel siccis vestigiis, duce lucis Columnâ. “ Jejunans quadraginta  
“ diebus & noctibus, tabulas Legis accepit inter choruſcos & tonitrus  
“ per-



“ pertimescente populo ; solus etiam familiari colloctione Dei pasci meruit.  
 “ De cœlo manna, item carnes ad satietatem nimiam administravit. Ad iussum  
 “ Domini licet diffidens larga fluentia de petrâ eduxit. Inde per triginta octo  
 “ annos signis effulsit innumeris. In omni dubitatione Dominum consulens,  
 “ Deo loquente docebatur. Illi resistentes terræ hiatus absorbit. Victoriis  
 “ hostes oppressit. Hunc ergo tantarum gratiarum executorem una diffiden-  
 “ tiæ culpa, qua ad aquas Contradictionis ante præscriptos triginta octo annos  
 “ deliquerat, & in tanto tempore inter tanta tamque benefica & amica Domi-  
 “ ni colloquia recognitionem neglexerat, iusta Dei sententia tandem à terrâ il-  
 “ lā repromissionis morte præripuit. Talibus monitis pervigil Gregorius Dei  
 famulum jam olim in omni sanctitate fundatum altius in timore & fide solidare  
 curavit. Quem tandem proficitur electum, qui etiam de multorum conver-  
 sione gaudium conatur facere in cœlo. Et in hoc itaque cœli & Angelorum  
 gaudio præmissas voces repetit, epistolam finiendo. “ Gloria in excelsis Deo,  
 “ & in terrâ pax hominibus bonæ voluntatis.

CAP. XX. Regem nihilominus Æthelbertum post laudifona initia sic  
 hortatur blandissimâ epistolâ. “ Eam, inquit, gloriose fili, quam accepisti  
 “ divinitus, gratiam sollicitâ mente custodi. Christianam fidem in populis  
 “ tibi subditis extendere festina. Zelum rectitudinis tuæ in eorum conversione  
 “ multiplica. Idolorum cultus insequere. Fanorum ædificia everte. Sub-  
 “ ditorum mores in magnâ vitæ munditiâ exhortando, terrendo, corrigendo &  
 “ boni operis exempla monstrando, ædifica ; ut illum retributorem invenias  
 “ in cœlo, cujus nomen atque cognitionem dilataveris in terrâ. Ipse enim ve-  
 “ stræ gloriæ nomen etiam posteris gloriosius reddit, cujus vos honorem qua-  
 “ ritis & reservatis in gentibus. Sic enim Constantinus quondam piissimus  
 “ Imperator Romanam rempublicam à perversis Idolorum cultibus revocans,  
 “ omnipotenti Deo Domino nostro Jesu Christo secum subdidit ; seque cum  
 “ subditis populis totâ ad eum mente convertit. Unde factum est, ut anti-  
 “ quorum Principum nomen suis vir ille laudibus vinceret ; & tantò in opi-  
 “ nione præcessores suos, quanto & in bono opere superaret. Et nunc itaque  
 “ vestra Gloria cognitionem unius Dei Patris & Filii & Spiritûs Sancti Regi-  
 “ bus ac populis sibimet subjectis festinet infundere ; ut & antiquos gentis  
 “ suæ Reges laudibus ac meritis transeat ; & quanto in subjectis suis aliena  
 “ peccata deterferit, tantò etiam de peccatis propriis ante omnipotentis Dei  
 “ terribile examen securior fiat. Reverendissimus autem frater noster Augu-  
 “ stinus in Monasterii regulâ edoctus, sacræ Scripturæ scientiâ repletus, bonis  
 “ auctore Deo operibus præditus, quæque vos admonet, libenter audite, de-  
 “ votè peragite, studiosè in memoriam reservare ; quia si vos eum quod pro  
 “ omnipotente Deo loquitur auditis, idem Omnipotens Deus hunc pro vobis ex-  
 “ orantem celerius exaudit. Et in fine Epistolæ. “ Parva autem xenia trans-  
 “ misi ; quæ vobis parva non erunt, cum à nobis ex Beati Petri Apostoli fu-  
 “ erint benedictione suscepta. Omnipotens itaque Deus in vobis gratiam  
 “ suam, quam coepit, perficiat ; atque vitam vestram & hîc & per multorum  
 “ annorum curricula extendat ; & post longa tempora in cœlestis vos Patriæ  
 “ congregatione suscipiat.

CAP. XXI. Gloriosa quoque Regina Bertæ scribit ; unde hæc excerptimus.  
 “ Remeantes filius noster Laurentius Presbyter & Petrus Monachus, qualis  
 “ erga Reverendissimum Fratrem & Coepiscopum nostrum Augustinum Glo-  
 “ ria vestra extiterit, quantaque illi solatia vel qualem caritatem impenderit,  
 “ retulerunt. Et omnipotentem Deum benediximus, qui conversionem gen-  
 “ tis Anglorum mercedi vestræ dignatus est propitius reservare. Nam sicut  
 “ per recordandæ memoriæ Helenæ matrem piissimi Constantini Imperato-  
 “ ris

“ ris ad Christianam fidem corda Romanorum accendit. Ita & per glori-  
 “ vestræ studium in Anglorum gente ejus misericordiam confidimus operari.  
 “ Et quoniam prudentiæ vestræ bono, sicut revera Christianæ, & recta fide  
 “ gloria vestra munita & litteris docta est; & Deo volente acceptum nunc  
 “ tempus est; agite ut divinâ gratiâ cooperante cum augmento possitis quod  
 “ neglectum est reparare. Ita mentem gloriosi conjugis vestri in dilectione  
 “ Christianæ fidei adhortatione assiduâ roborate. Vestra illi sollicitudo aug-  
 “ mentum in Deo amoris infundat, atque ita animos ejus etiam pro subjectæ  
 “ sibi gentis plenissimâ conversione succendat; ut & magnum omnipotenti  
 “ Deo devotionis vestræ studio sacrificium offeratis, & ea quæ de vobis narra-  
 “ ta sunt & crescant & vestra esse modis omnibus approbentur. Quia bona vestra  
 “ non solum jam ad Romanos, qui pro vobis fortius oraverunt, sed etiam  
 “ per diversa loca & usque ad Constantinopolim ad serenissimum Principem  
 “ pervenerunt. Unde petimus, ut sicut nobis de Christianitatis vestræ sola-  
 “ ciis lætitia facta est, ita quoque de perfectâ operatione vestrâ Angelis fiat  
 “ gaudium in cœlis. Sic vos in adjutorium suprascripti reverentissimi fratris  
 “ & Coepiscopi nostri & servorum Dei, quos illuc misimus, in conversione  
 “ gentis vestræ devotè ac rotis viribus exhibete; ut & hîc sceleriter cum glorio-  
 “ so filio nostro conjugе vestro regnetis, & post longa annorum tempora fu-  
 “ turæ quoque gaudia vitæ, quæ finem habere nesciunt, cum fructu æternæ  
 “ mercedis capiat. Data die decimo Kalendarum Juliarum, imperante  
 “ Mauritio Tiberio anno nono decimo.

CAP. XXII. De his etiam quæ Francorum Episcopis scripsit idem Pa-  
 pa mellifluus Gregorius, hæc pauca excepimus. “ Sicut ignis aurâ flante fit  
 “ grandior; ita bonæ mentis studia commendatione proficiunt. Quia igitur  
 “ Redemptoris nostri gratiâ cooperante tanta de Anglorum gente ad Christia-  
 “ næ fidei gratiam multitudo convertitur; ut reverentissimus frater & Coe-  
 “ piscopus noster Augustinus eos, qui secum sunt, ad hoc opus exequendum  
 “ asserat non posse sufficere: aliquantos ad eum Monachos cum dilectissimis  
 “ & communibus filiis Laurentio Presbytero & Mellito Abbate prævidimus  
 “ transmittendos. Et ideo fraternitas vestra caritatem, quam decet, exhi-  
 “ beat. Præterea quæ Regi Francorum Lothario de Sanctorum susceptione,  
 quæ Regina Brunichildæ de ipsorum ubique fuis miraculis, gratificis scriptis  
 suggesserit; in suis epistolis liquidè clarescit.

CAP. XXIII. Hæc itaque omnia Apostolicæ commendationis scripta  
 Britannia Regem & Reginam cum summo Antistite suo Augustino non solum  
 divino gaudio repleverunt; verum etiam ad cœlestia Regna appetenda vehe-  
 mentiùs accenderunt.

CAP. XXIV. Interea Augustinus ab Ecclesiastico ritu discrepantes Bri-  
 tonum Pontifices Regis adminiculo ad aliarum omnium Ecclesiarum commu-  
 nem observantiam humili prece & admonitione invitat. Cum illi velut in  
 acie non solum repugnant, verum etiam suos usus omnibus præ eminentiores  
 Sancti Papæ Eleutherii auctoritate pronunciant. Tandem signipotens Augu-  
 stinus parat in aliquo debili curando veritatis argumentum. Assistitur cæcus  
 Anglicus, Dei nimirum nutu oblatus; ne Britones sibi arrogarent signum, si  
 quis de suis esset salvatus. Offertur ergo adversariis cæcus. Illis abnuentibus,  
 Augustinus flexo genu fusâ prece signatis orbibus cæcis dominicâ cruce. “ In  
 “ nomine, inquit, Domini sic iste cæcus illuminetur; sicut nostra assertio fa-  
 “ nior comprobatur. Cui protinus respondens claro testimonio clara oculo-  
 rum illuminatio, dat certam fidem tanti signi splendore congaudenti populo,  
 quàm vera sit Augustini assertio. Ipsi quoque Britones approbant, quod infi-



8 Matth. XI.  
29.

ciari nequeunt. Attamen dilationem postulant, qua majores suos conveniant, datâ die qua Concilium repetant. Venere ergo septem Episcopi, à quodam Justo suæ partis viro ita edocti; ut si Augustinus mitis & humilis corde probaretur, tunc illi velut Domini nuncio & jugum Domini ferenti obedirent; si vero Episcopis, qui plures essent, non assurgeret, velut arrogans & contemptor ab his contemneretur. Tali mucrone quo perirent præcincti, Augustino sibi non assurgente, furiosi indignati ipsum & omnia ejus dicta repudiant; eoque ferocius rebellant, quò ille humilius & amabilius deprecatur, ut concordem Ecclesiarum normam sectentur. Hac sanè mansuetissimâ caritate & caritativâ mansuetudine erat discipulum Christi & famulum lucidiùs cognoscere, quàm [si] superbis assurgendo ipsorum videretur obstinariam honorare & honorando approbare. Perversè ergo superbi humilem famulum Domini calumniabantur superbiæ infessione; cum ipse Dominus qui dicit: *8 Discite à me; quia mitis sum & humilis corde.* Sedens docuerit pauperes spiritu beatos esse; quod illi esse nequibant typo elationis suæ. Sed cum adhuc præcordialis pater illorum salutis avidissimus oraret; ut saltem in his tribus universali Ecclesiæ jungerentur, Hoc est, baptizando, & Pascha Domini celebrando, atque unâ secum Anglis Christum evangelizando; omnia prorsus abdicant, quin etiam omnem ejus ditionem à se exterminant. Quos ille prophetali increpans macherâ, “Ab illis, inquit, hostibus peribitis, quos fratres habere in regno Dei abhorretis; & ab his vitam perdetis, quibus effusam omnibus gratiam Christi invidetis.

CAP. XXV. Igitur post triumphalem hujus vatis assumptionem ad Dominum, Rex Anglorum Æthelfridus bellicosissimus Britones immanissimâ cæde penè delevit; captâ civitate Legionum, quam Angli Legacestram, Britones Karlegion appellant. Irruerat illuc inæstimata multitudo Sacerdotum & Monachorum, contra hostem oratura. Confluxerant etiam de Monasterio de Bangor plusquam duo millia Monachorum; quos omnes labor manuum alebat. Hos pariter oratione & triduanis jejuniis in hostem pugnantes hostilis gladius velut acriores adversarios exhaustit. Ex his mille duceni, reliquis profligatis, extincti sunt. Cæsi autem populi non est numerus. Sic Augustinum contemptores vatem experti sunt veracem, quem supplicem abjecerant & minacem.

9 Act. III. 6.

CAP. XXVI. Confessor itaque Domini à supra memoratis rebellibus tendens cum Sancto choro sociorum ad Eboracum civitatem, videt hominem secus viam accumbentem, paralyti, cæcitate atque egestate ter miserabilem. Audit hunc turbæ prætereuntis causam interrogantem, cognitumque famosi nomen Augustini inclamantem, opem & eleemosynam tanti Patris implorantem. Ad quem accedens æmulator dominici clavigeri: *9 Argentum, inquit, & aurum non est mihi; quod autem habeo, hoc tibi do. In nomine Domini Jesu Christi surge & illuminare, præditusque salute & luce procede; nec jam indigeas gestatore vel duce.* Hoc verbum Christi nomine, quasi ex ore Christi prolatum, subito erexit paralyticum, illuminavit cæcum. Simul etiam is apertis oculis cordis suscepit baptismum, pariterque cum corporis officio animæ profectum.

CAP. XXVII. O virum Spiritu Dei plenum! cui ubi res divina poscebat, tam parata erant signa ad salvandum, quam verba ad docendum? Nam quis referat, quàm crebris miraculorum coruscationibus ubique emicuerit? Quantas fidelium turbas & in illo itinere & in finibus Eboraci, & in omnibus quò se vertit locis Deo lucratus sit? Quantum etiam aliis diebus ac temporibus perfecit? Cum in unâ Dominicæ nativitatis die, quam universa Ange-

Angelorum gloria perpetuò concelebrat, plusquam decem millia virorum præter innumerabilem multitudinem foeminarum ac parvulorum vitali baptifmate regeneravit. Quæ verò Sacerdotum aliorumve facrorum Ordinum copia ad tantum populum abluendum sufficeret? Benedicto itaque fluvio Anglice Swalwa nuncupato, jubet summus Pontifex per præcones & magistros omnes binos & binos confidenter ingredi, & in trino Deitatis nomine alterum ab altero vicissim baptizari. Sicque omnes renati non minori miraculo, quam quondam populus Israel divisum mare, itemque Jordanum retro conversum transierat, in alteram ripam sunt transpositi. In tam profundo gurgire, in tanto tamque diverso sexûs & ætatis examine nemo periit, nemo læditur. Magnum hoc erat Miraculum. Sed hoc magnum majori eminentiâ superatur; cum omnis debilitas & infirmitas in illo amne deponitur, omnis languidus & deformatus sanus & reformatus egreditur. O festivum speculum Angelorum & hominum; cum tot millia candidatæ gentis ex unius fluminis alveo velut ex unius genitricis prodirent alvo, & de uno stagno tanta progenies in supernam civilitatem nasceretur Olympo. Hinc serenissimus Papa Gregorius\* cum omnibus supernorum contuberniis erumpens in gaudia, non tulit hoc reticere <sup>\* Regist. l. 7. ep. 30.</sup> Sancto Patriarchæ Alexandria Eulogio; scripsitque gratissimè congratulaturò de tanto exercitu in illâ unâ Natalis Domini die baptizato. Ecclesia autem in hujus Baptistæ Augustini perpetuâ memoriâ & nomine juxta prænominatum fluvium condita ac dedicata, præbens credentibus postulata, prædicti Papæ comprobat testimonia.

CAP. XXVIII. Regresso ergo <sup>r</sup> Evangelio Domini ab Eboraco, homo <sup>r l. Evangelii-  
co.</sup> horrendâ leprâ totus ulcerosus, orans à benefico Patre opem salutis, infusâ benedictione Apostolicæ dextræ cum signaculo salutiferæ crucis & nomine Dei majestatis, continuò sensit sibi omnem dolorem velut à luce tenebras aufugisse, & quasi exuto vetere homine foeditatis luridæ, novum hominem incolumitatis suæque formositatis solenniter se induisse. Nam dicente ipso summo Trinitatis Confessore, *In nomine Christi mundare*: Hoc trino, videlicet benedictionis, crucis, & nominis Domini, medicamine æger restauratur plenâ sospitate. Residunt turgidæ manus & digiti; facies & omnia membra suo decore & officio deducuntur. Jam clamosè eloquens lingua abicit <sup>s</sup> tarataram hæctenus sup- <sup>s l. taratara-  
ram.</sup> pressæ vocis interpretem. In tantâ signorum gloriâ Christiani in laudem Christi prorumpunt, Pagani ad fidem proficiunt.

CAP. XXIX. Hinc <sup>t</sup> divertentes dux verbi Domini, successit tandem <sup>t l. divertens.</sup> cuidam profanæ villulæ in Provinciâ quæ dicitur Dorseta; ubi dæmoniaca plebicola Sanctos Dei omnibus opprobriis ac ludibriis dedecoravere; adeò ut (quod etiam referri injuria est) productas piscium caudas ingererent. Unde indignatus spiritus Domini in hujus auctores sceleris & in omnem progeniem illorum suum dedecus per os Augustini vatis perpetualiter sententiavit; & pravis propriam ignominiam, Sanctis vero perennem gloriam refudit.

CAP. XXX. Erat & alia gens in orientali plagâ Angliæ ita in sacrificiis dæmonum à gehennæ incendio inflammata; ut nuncios Christi cœlestia regna promittentis non modò audire abhorrerent, verumetiam totâ mentis insaniâ eos punire vel exterminare æstuarent. Nil preces, nil blanditiæ valere. Terrores superni judicii vel inferni deridebant, prodigia & signa exsufflabant. Tam desperabiles ac perditos fides & benignitas Augustini perire non pertulit. Resistens supernæ iræ, orat Patrem misericordiæ, ut ingratos clementiæ corrigat correptione. Itaque ab ardore profanitatis suæ ardent omnes invisibili igne & sulphureo torre; quam pœnam nunquam antea nec postea senferat



senferat hæc patria. Nemo evasit, ubi nemo innocens: extitit ubique ejulatus, ululatus, vagitus senum, juvenum, lactentium, unâ ardentium inhorrebat; ut & parentes in suis parrubus cruciarentur. Convolant omnes ad Christi famuli Vestigia, qui Christi repulerant mandata, iusto supplicio jam eruditi, quia in Christi baptismo per Augustinum possent à supplicio liberari. Sic ille lethifer ignis foetidas carnes exedens, quem omnia fluenta non extinguere, omnia medicamenta non expellerent, solo Domini fonte Augustini ope ab omnibus baptizatis extinctus & expulsus est, atque ab omni Augustini climate perpetuo eliminatus.

\* f. Angliæ.

CAP. XXXI. Ab illis autem, quos supra retulimus suo opprobrio sententiatos, Augustinum suosque beatos consortes per quinque miliaria progressos & per deserta atque inaquosa loca vagabundos æstus & situs ac lassitudo premebat; quorum unum incommodum viatores gravare poterat. Verum ille \* qui sedebat meridie super fontem fatigatus ex itinere, motus servorum suorum labore & oratione, non dedignatus est visibiliter suo charo ac fideli condescendere dispensatori, suoque dulci affatu hunc consolari. “Constans esto, ait, & fiducialiter age serve mihi complacite; quia tecum sum promptus adjutor in omni necessitate ac tuâ bonâ voluntate. Pro quibuscunque volueris pete, sciens me favere semper benignæ caritati tuæ. Tibi quippe apertum est ostium regni mei: ubi intres in gaudium Domini tui. Hæc dicens Dominus cœlo receptus est. Tam dulci fonte saliente in vitam æternam ubertim potatus Augustinus nescit sitire fontem, quo sitiat iterum, nec operari cibum, qui perit, sed qui permanet in vitam æternam. Una erat intentio tam desiderabilem aspectum lachrimis sequi abeuntem, quibus purgatis oculis attingeret Angelorum lucem. Continuo flexis genibus adorans in loco, ubi steterunt pedes Domini, & quasi ipsa Domini vestigia exosculans, Magdalenæ fletibus rigabat, æternamque in his dilectionem aromatizabat.

\* Joan. IV. 6.

CAP. XXXII. Perpendens etiam hanc terram cœlestis beneficii plenam inundatione ubi emicuit fons vitæ, baculum ipsi loco impressit; cum quo mox astuantem latice puri scatebram elicuit; unde omnes Deo gratias libantes ad satietatem refecit. Qui in amnes & rivulos hæc loca prius solitaria populosissima præbuit. Ubi Theologus confessor Domini à cernendo Deum, quem ibi vidit, Cernhel loco nomen indidit. Quod ex Latino Hebræoque contextum in unum coaluit. Prima enim syllaba *Cern* visum, Secunda *hel* declarat Deum. Ibi quoque Oratorium in perennem memoriam dominicæ visionis molitus est in nomine Domini Salvatoris. Inde etiam Monasterium in honorem principum Apostolorum Petri dedicatum Cernelium est appellatum; quod constat Monachorum choro decoratum. Illum autem fontem Augustini nomine consecratum credentibus esse saluberrimum, hîc unum docebat Miraculum, teste Provinciâ palam declaratum.

CAP. XXXIII. Notus est sub Abbate Cerneliensi Presbyter Parochianus, sacra mysteria populo celebrare assolitus. Is languore detritus, vigilanter observabatur jam moriturus. Nox & ægritudo somnium suggessit defesso. Videt Augustinum assistere clementissimum, Pontificalibus redimiculis & præfulgidâ virgâ festivum. Ille trementem blando alloquio permulcens, jubet ægrum surgere, Augustini fontem adire, ibique trinâ iteratione Psalmum quinquagesimum ore fideli revolvere; inter psallendum verò ternâ intinctione corpus diluere; sic ipsum vitâ donandum ac sospitare. Et ne, inquit, \* dubitans; hæc ipsum Augustinum tibi dicere noveris, ad cujus fontem dirigeris. Mirum dictu: protinus expergiscens semimortuus, tanquam sospes exurgit; inni-

\* l. dubites.

innitensque baculo ad iussum lavacrum tendit. Putabant custodes hunc leti instantiâ sic oberrare. Sublegunt ejus vestigia, non resistendo, sed potius quò vel ad quid processerit explorando. Æger in fontis lavacro tertio ingreditur; injunctum Psalmum tertio modulatur: & ô celerem medicum suum! æger quasi de morte resuscitatus sospes domum regreditur. Quod ergo Heliseus exegit in † Leproso septeno lavacro, septriformis Domini spiritus sacramento, hoc † 4 Reg. V. Augustinus compendiosius explevit in languido trino, videlicet vivificæ Trinitatis probamento. Jam verò quis exponere sufficiat tantam tanque jocundam omnium admirationem? Cum manè Abbas & fratres cum frequenti populo audissent ipsum Sacerdotem Missas & Horas debitas astanti turbæ decantantem, cujus omnes expectabant internecionem. Ille exponens publicè per ordinem Augustinum recuperationis in Christo fuisse auctorem, omnes in amorem Dei excitat laudem Sanctique sui Augustini venerationem.

CAP. XXXIV. Post perlustratam cum crebris virtutibus ex magna parte Britanniam, regresso Augustino ad perhennem habitationem suam Doroberniam undique occurritur à domestico populo, tanquam suæ pacis Angelo, & tanquam Soli ad ortum suum reducto. Ubi recolligitur à cunctis triumphali jubilo. Tunc confluyente turbâ debiliū ad tam salutis prodigum, intervenit juvenis tripliciter miserandus triplici nexu calamitatis obstrictus. Incurvis vestigiis genibus gradiebatur pro pedibus; dat mugitum pro vocibus. Signis deprecatur, signis interrogatur, signis poscenti respondetur. Audit Augustinum non loquentem, alloquitur non audientem, dirigit non ambulātem. Sic, inquam, triformis in trinæ deitatis nomine triplici donat salute. Reformatis gressibus erexit claudum, loquacem fecit mutum, furdo infudit auditum. De trimodâ angustia trimoda curato nascitur lætitia. Currit inoffensè, loquitur planè, audit clarè. Sed mens hominis ventosa immemor pristinæ multæ & impatiens salutis redditæ, adeò in omnem defluxit vanitatem; ut suâ garrulitate & \* inæquitudine inter sacra etiam officia Ecclesiam turbaret & plebem. Murmurabant omnes; quòd perniciosior sibi esset sospitas concessa quàm prior pœna. Hinc indignante per Augustinum correptrice Domini clementiâ, pedes saltatorii & lingua procax & aures scurrilitatis amicæ prioribus vinculis arctius alligantur; donec placato Domino satisfactione, per Augustinum relaxarentur. Sic ille denuo triformi redditus corporis sanitati, majori etiam donatur sensatæ mentis incolumitati.

\* s. inquit u-  
dine.

CAP. XXXV. Vitam & passionem pretiosi Pontificis & Martyris Livini legimus à Sanctis comitibus suis Forlano, Helia, Kyliano, fidelissimè suo scriptori expositam; de qua pauca hic inserimus ad Beati Augustini pertinentia gloriam. Commemoratur ibi Augustinum omnibus profectuosum, ad pium Regem Scotiæ Solomannum venisse; Livinum puerum ibi cum Sancto Menalechio Archipontifice baptizasse, Regem & Reginam inter baptizandum hunc suscepisse; dextram auream fuso desuper jubare coruscasse, & baptizatum dominicâ cruce cum hac voce ter consignasse: *† Dilectus Deo & hominibus; cujus memoria in benedictione est.* Hunc cum adolesceret, & mundialis gloriæ nexus abruptere æstualet; Angelus palam salutans nomine, dicensque: *Ave frater Livine:* hortatur, ut ab Angliæ antistite Augustino præfidente Doroberinæ totius sanctitatis documenta pergeret accipere. Quem festinantem ad mare Angelus excipiens serenissimâ pulchritudine ac mellissimâ exhortatione cum prænominatis tribus sociis suis duxit præcedendo per longos tractus pelagi. Ibant tantâ oblectatione; ut putarent se non freta sed solidissima ac florentissima prata calcare. Gaudebant se quasi in monte transfigurati Domini splendidissimo deambulare, ubi Petrus cum discipulis optabat manere. Hæc nempe floridâ & amœnâ suavitare docebantur illum Doctorem

† Eccl. XLV. 1.

rem



rem appetere, de cujus corde & ore haurirent nect̃ar dilectionis paternæ & mel dulcedinis æternæ, de cujus nardiflūo horto carperent aromata Vitæ, quo duce currerent per omnia floreta cœlestis philosophiæ & uberrimos campos theoricæ doctrinæ. Perductis jam Sanctis ad Cantia littora, dux Angelus cum luce splendidâ quo sequantur comites, redit ad æthera. Sic Beatus Livinus pervenit ad desideratissimum Augustinum; apud quem ita profecit per quinquennium; ut tanti Patris filiulus ab ipso donatus sacerdotalibus indumentis susceperet, adolescente quidem ævo sed animo grandævō, sacerdotium; ficque de discipulo magister gentis suæ consequeretur summum Pontificium & Martyrii bravium.

CAP. XXXVI. Ad inusitatas autem animi Livini virtutes, Deo in Sanctis operante, omnia exemplaria respondent antiqua, mare Petro calcabile, fons de rupe, oleum de saxo, aqua in vinum, stagna piscinosa apud quosdam in arva frugifera, Helias in cœlum, Jonas in ceto, Abbacuc per aera, Daniel inter belluas, \* Ezechiel sol retrogradus decem horis, &c. Domini magnalia fideribus <sup>z</sup> innumerabilia.

\* I. Ezechias.  
<sup>z</sup> I. innumerabilia.

CAP. XXXVII. Sequitur attestatio cuiusdam veterinosi; qui hætenus durans asserit avum suum Beatum Augustinum vidisse, & ipsum avum de lubrico ac nebulosissimo Christianum modestum ab ejus baptisterio surrexisse; ipsum verò Sanctum innumerabilia jugi turbâ vallante signa patrasse. Referebat idem modernus superstes ab avo & patre relata Sancti formam, personam patritiam, staturam proceram, ipsumque nudis pedibus Patriam lustrando callos in plantis attraxisse. Affirmabat enim eundem avum ex benedictione baptizatoris Augustini plurimum ultra centum annos vixisse, ipsamque longævitat̃is benedictionem in patrem suum descendisse, in se etiam centenarios progenitorum annos longè excrevisse.

CAP. XXXVIII. Jam æternis amoribus totus faucius Augustinus, jam à terrenis tumultibus in requiem Domini absorptus, vim faciebat cœlo crebris precum, suspiriorum & lachrimarum pulsibus. Tandem intelligens ex Spiritûs Sancti responso suum exauditum desiderium, Sacratissimum Laurentium, Apostolicis virtutibus præclarum, & inter sanctos comites præcipuum, Rege cum confluō populo immensum congratulante, ordinat cum omni solenni gaudio sibi successorem; ut quondam Apostolorum Princeps Petrus Clementem videlicet ob novellæ informationis necessitatem. Antea autem Mellitum consecraverat Lundoniæ Episcopum, justumque Roseni <sup>a</sup> sibi suffraganeum; quorum Mellitus tertius, Justus in Archipræfulatum, sibi successit quartus.

<sup>a</sup> f. sedi.

CAP. XXXIX. Jam verò exhortato Rege & Ecclesiâ ac populo, ut perseverent in fide & amore Christi, relinquens omnibus perpetuæ dilectionis pignora; præfente ipso Rege cum Pontifice Laurentio inter omnium lachrimosa examina, vallante eum lætissimâ cœlestium choreâ, transit VII. Kalend. Junii ad æterna Christi solennia. Quos infimi laudatores prosequamur non exequialibus planctibus, sed his triumphalibus cantibus. Regnas Augustine, Augustis sæculi nomine & dignitate sublimior; qui auxisti rem Christi publicam, & Romanæ Ecclesiæ adjecisti Britanniam, melius quàm Cæsar Augustus Romanis opibus Alexandriam. Te Reges & Principes & Senatus Anglorum & turba gentium comitatur in cœlum. Te Angeli & Archangeli triumphantem deducunt, Throni & Dominationes excipiunt; te coronat Rex Regum in æternum.

CAP. XL.

CAP. XL. In Monasterio verò Beatorum Apostolorum Petri & Pauli, quod cōdidit, à Sancto Laurentio, ipso Rege Æthelberto & patriâ confluente, dedicato, reconditur preciosissimum corpus ejus festivo cum jubilo. Ubi Romani atque alii successores sui, sicut uno animo, ita uno colliguntur thalamo.

CAP. XLI. Quàm pulchrè verò Ecclesiarum parens Roma tanta pignora edidit ; quæ totius Britannici oceani patres & institutores emineant ? Quanto odore suavitatis & splendore gloriæ unus amor & unum cubiculum simul confovet & astringit ; qui si distinguerentur per diversas mundi nationes, singuli patroni singulis populis solariter prælucent.

Explicit Vita Sancti Augustini Anglorum Apostoli secundum Magistrum Goscelinum.

*Ne Paginæ nimis hiarent ; visum est apponere Vitas Archiepiscoporum Cantuariensium post Bedæ tempora usque ad Bregwinum, cujus vita proximè sequitur ; ex eodem Codice MS. versu scriptas ab Anonymo Poetâ ; qui præcedentium Archiepiscoporum vitas uberiori stilo digesserat ; sed nil de illis notatu dignum narravit, nisi quod ex Bedâ hauserit.*

### Vita THATHWYNI Cantuariensis Archiepiscopi noni.

**I**lli [Brytwaldo] succedit Thathwynus religiosus ;  
 Vir circumspectus, dignus honore pari, &c.  
 Gregorius Papa mox tertius hæc [consecrationem illius] ita firmans  
 Insignivit eum munere gratuito. i. e. Pallio.  
 Thathwynus Pater hic sedit tantum tribus annis,  
 Atque sepultus [erat] cum patribus reliquis, &c.

### Vita S. NOTHELMII Cantuar. Archiep. decimi.

**E**ligitur Sedi mox Præsul Londoniensis  
 Nothelmus, cui tunc vita celebris erat.  
 Anglorum genti pater hic præclara lucerna  
 Præfulsit, qua gens splendidior micuit.  
 Sedi Metropolis hic Præsul præfuit annis  
 Quinque ; sed ad claustra jussus adire poli,  
 Cum Patribus Sanctis prædictis hic sepelitur ;  
 Qui parat infirmis protinus antidotum.  
 Ut cœli lumen valeamus cernere purum ;  
 Vivere nos faciat, & sine labe mori. Amen.

Vita



## Vita CUTHBERTI Cantuar. Archiep. undecimi.

**C**oncrepet ut dignè Cuthberti gloria Sancti ;  
 Jam metra prolata multiplicet stilus hic.  
 Præfule sub tanto Sancto Dorobernia gaude,  
 Quo tibi proveniunt gloria, perpes honor, &c.  
 Gloria perpes honor per te flectuuntur ab alto.  
 Ecclesiæ Christi laus & honor sit ei.  
 Namque Sepultura datur Ecclesiæ nova Christi  
 Per te, qua primus ipse sepultus eras.  
 Indolis ipse bonæ virtutes crevit ad altas.  
 Creditur esse senex quo mage quàmque puer.  
 Actus discretos sic nactus, Religiosum  
 Se fore disposuit ; quod petiit, meruit.  
 Pòst Herefordensi foelici Sede vacante,  
 Quintus hic eligitur Præsul ut esset ei.  
 Quam bene protexit, sed & hujus jura refovit ;  
 Fama quòd in regno jugiter inde volat.  
 Norma gregis, mitis, discretus, pacis amator.  
 Auctor morum, vir Juris alumnus, honos.  
 Interea Sanctus Nothelmus ad atria lucis  
 Vectus ; & electus est vir hic eximius.  
 Sic Dorobernensis fit Præsul lator honoris,  
 Doctrinæ Sacræ dans alimenta gregi.  
 Lugubris hic quæstus prodit suspiria plura.  
 Namque Sepulturâ sic sua sponsa caret.  
 Corpora Pontificum, Regum simul inferiorum,  
 Urbis ad extra tunc mœnia dantur humo.  
 Et vacans Ecclesia Christi præsens ab honore  
 Tali, sub prisco tempore stante diu.  
 Consulit hic notos discretos quosque peritos ;  
 Quomodo mutaret dissona rite rata.  
 Est Romam tunc Archiepiscopus ille profectus ;  
 Ut causam Papæ veriùs excutiat.  
 Gregorius tertius apicem summumque regebat ;  
 Quem præconia, laus, nobilitant, decorant.  
 Censuit hanc causam nullâ ratione carentem ;  
 Confirmans & eam perpete jure suo.  
 Ecclesiæ Christi volo quòd sit libera firma  
 Ipsa Sepultura tempore continuo.  
 Quisquis post mortem Præsul requiescit eadem,  
 In qua sumpsit onus sive jugum fidei.  
 Cuthbertus lætus tanto munimine fretus,  
 Ad sponsam propriam denuo progreditur.  
 Inclitus Eadbertus Rex hæc præmissa libenter  
 Approbat applaudens, & fore tuta jubet.  
 Occulit hæc Præsul, ne cognita publica fiant ;  
 Dum vixit, voluit agnita non fieri.  
 Nomine Baptistæ fundavit & ipse Capellam.  
 Ecclesiæ muros hæc prope facta fuit.  
 In qua decrevit Præsul fore se sepeliri,  
 Ac Successores quosque suos Pariter, &c.

---

---

OSBERNI,  
PRÆCENTORIS & SUBPRIORIS  
Ecclesiæ Christi Cantuariensis  
LIBRI

De Vitâ S. BREGWINI Archiepiscopi Cantuariensis.

De Vitâ S. ODONIS Archiepiscopi Cantuariensis.

De Vitâ S. DUNSTANI Archiepiscopi Cantuariensis.

De Vitâ S. ELPHEGI Archiepiscopi Cantuariensis.

De Translatione S. ELPHEGI Archiepiscopi Cantuar.

---

---





V I T A  
S. B R E G W I N I,  
ARCHIEPISCOPI CANTUARIENSIS,  
Authore (ut videtur)  
O S B E R N O.

Incipit Vita Sancti BREGWINI Archiepiscopi Cantuariensis & Confessoris.

**F**uit autem Beatus Bregwinus in matris utero à Deo electus; cuius parentes ex genere Saxonica nobili prosapia orti sunt. Regnabat in Cantia vir strenuus & nobilis Rex Wytheredus nomine, Deum in servis suis semper honorans. Ejus tempore Brythewaldus in Episcopatu Sancto Theodoro successit, & digne in omnibus administravit. Hujus instinctu & exhortatione præfatus Rex in generali Concilio suo cunctas regni sui Ecclesias ab omni dominatione & actione regum sive cujuslibet terrenæ potestatis liberas in perpetuum esse constituit. His diebus Sanctus Bregwinus in Saxonia natus est; & infantulos annos egressus, sacris literis eruditur: & literarum gratia, quæ à tempore Theodori Archiepiscopi in Anglia floruerant, nativo relicto solo in Angliam profectus est. Et mox cunctis carus & civis patriæ effectus, in sanctis moribus & cœlesti sapientiâ proficiebat: & relictis<sup>a</sup> tantum seculi blandimentis, Christum sequi cupiens, Monachorum collegio se sociavit.

Wytheredus Rex Constituit esse in perpetuum cunctas Ecclesias regni sui in generali Concilio suo potestate liberas ab omni dominatione & actione Regum cujuslibet terrenæ.  
<sup>a</sup> f. tandem.

Mortuo autem Brythewaldo successit Thadwynus Monachus quatuor annis. Cui successit Nothelmus quinque annis. Illis verò Anno Domini Septingentesimo quadragésimo secundo successit Cuthbertus ex illustri prosapia ortus. Qui Ecclesiam in orientali parte majoris Ecclesiæ eidem penè contiguam in honore Beati Johannis Baptistæ fabricavit; ut & baptisteria & examinationes Judiciorum pro diversis causis ad correctionem scelerum inibi celebrarentur: Et Archiepiscoporum corpora in ea sepelirentur, sublatâ de medio antiquâ consuetudine, qua eatenus in Ecclesiâ Apostolorum Petri & Pauli corpora Antecessorum suorum tumulari solebant. Huic quinto decimo Archiepiscopatus sui anno defuncto & in Ecclesiâ Sancti Johannis Baptistæ in oriente

Cuthbertus Archiepiscopus fabricavit Ecclesiam in orientali parte majoris Ecclesiæ Christi, in honore Sancti Johannis Baptistæ, & in eadem celebrantur.

Baptisteria: & examinationes judiciorum pro diversis causis ad correctionem scelerum inibi



sepulto Sanctus Bregwinus, licet multum renitens, successit. Hic speculum omnibus à Deo constitutus, ita in Sanctis operibus clarus effulsit; ut qui lucis semitâ volebat incedere, in ejus vitâ possit satis apertè videre. Tandem vero Archiepiscopatus sui anno septimo plenus operibus bonis & virtutum exemplis, cœlestia conscendit Kalendis Septembris; & in Ecclesiâ Sancti Johannis Baptistæ in oriente Ecclesiæ Salvatoris sepelitur.

*Sanctus Bregwinus obiit septimo anno Archiepiscopatus sui, & sepelitur in Ecclesiâ Christi in oriente in capellâ Sancti Johannis Baptistæ (1) post tumbam Sancti Thomæ. Iste fuit primus qui erat sepultus in Ecclesiâ Christi post Augustinum Anglorum Apostolum qui obtinuit privilegia Sepulturæ Ecclesiæ Christi Cantuariæ.*

*Nota. Dani applicuerunt Cantiam cum tribus navibus post mortem Sancti Bregwini.*

*Nota bene de Sepulchro Sancti Bregwini.*

*Nota Archam frumenti per pavimentum latissimè sparsam.*

*Nota miraculum Sancti Bregwini de quodam carente manibus*

*Nota Miraculum Sancti Bregwini de pueris timentibus severitatem Magistri.*

*De quodam Clerico Stigandi Archiepiscopi, qui quadam vice lectum sibi super locum quietis Sancti Bregwini Archiepiscopi extruere jussit.*

*Vorax flamma consumpsit totam veterem Ecclesiam*

*Cantuariensem cum Ecclesia Sancti Johannis Baptistæ post mortem Cuthberti Archiepiscopi. Lanfrancus Archiepiscopus reparavit novam Ecclesiam Christi Cantuariensem; in qua imposuit & reverenter collocavit corpora Sanctorum Archiepiscoporum & sub singulis Locellis decenter ordinavit in aquilonali parte super magnum voltum, cum privilegiis Romanorum Pontificum & Regum & Principum Regni.*

Evolutis autem paucis annis, Dani audientes Anglos in omni penè genere hominum à pristino statu exorbitare, & divitiis ac voluptatibus magis solito operam dare; Cœperunt Dani cum tribus navibus illuc directis probare quidnam efficere possent. Qui cum prosperè egissent; classe paratâ Angliam aut semel aut bis, sed veniendi visum acceperunt. Nota bene. Quodam itaque tempore cum in Cantiam applicuissent; Cantuariæ res suas ad Sancta loca transtulerunt. Quorum unus archam frumento repletam super Sepulchrum Beati Bregwini Archiepiscopi constituit. Planum siquidem Sepulchrum fuit, & paululum à pavimento altius constructum. Sequenti verò die Homo longius archam à loco projectam reperit; seque minùs cautè illam collocasse existimans, diligentiori curâ eam restituit. Alterâ autem die reversus repperit archam à loco jam longius actam, frumento hinc inde per pavementum latissimè sparso. Res acta per vicina loca insonuit; & jam alio ordine Sepulchrum famuli Dei vulgus invisere cœpit.

Quidam ambulandi officio carens & manibus, scabellis innitens, genibusque pro pedibus utens, crura ac pedes intortos post tergum miserrimè trahens, ad tumbam Sancti Bregwyni venit; & ilico reparatis pedibus & extensis omnibus membris integræ sanitatis beneficium adeptus est.

Pueri quidam severitatem Magistri timentes ad Tumbam Sancti Bregwini confugerunt, pietatis ejus auxilium & protectionem implorantes. Quos Magistri perquirentes & non inveniētes, circa tumbam Sancti Bregwini, ubi prostrati jacebant, ambulantes, non tamen illos videre aut illos esse quos quærebant advertere potuerunt. Sicque suâ severitate frustrati; meritis Sancti Bregwini liberati sunt pueri.

Quidam ex Clericis Stigandi Archiepiscopi spiritu tumens, & ex divitiarum copiis, quibus affluebat, se inter socios non minimum æstimans, quadam vice lectum sibi super locum quietis Sancti Bregwini Archiepiscopi extruere jussit. Alta enim de se sapiens inæqualitate aliorum, humili loco jacere dedecus sibi esse arbitratur. At cum se sopori dedisset; excussus est cum lecto, & à loco projectus, utilique temeritatis suæ obsequio edoctus est ipse & similes sui.

Post multum verò temporis Ecclesiam Cantuariensem cum officinis, & Ecclesiam Sancti Johannis Baptistæ, quæ à Beato Cuthberto ædificata & dedicata

(1) Hinc patet Notas Marginales ab alienâ manu accessisse post annum 1170. Forte appositæ erant à Ricardo Stone Monacho Cantuariensi; qui integrum Codicem, ex quo isthæc omnia Osberni Opera descriptimus, exaravit paulò post annum 1500.

erat, vorax flamma consumpsit; quæ postea Lanfrancus Archiepiscopus reparavit; & Ecclesiam novam in qua Sanctorum Episcoporum corpora in aquilonari parte super <sup>b</sup> voltum magnum & pulcherrimum imposuit reverenter, & collocavit decenter; & sub singulis locellis mirifice ordinavit. In illâ enim conflagratione, quanta dampna locus ipse perpeffus sit nullus edicere potest. Scilicet in auro, in argento, in libris divinis & legibus. Insuper & privilegia Romanorum Pontificum & Regum & Principum regni ex integro omnia consummata sunt.

His itaque dispositis, unus ex fratribus Helias nomine in scamno sedens coram Sepulchro Beati Bregwini posteriora sua irreverenter ad illud Sepulchrum beati viri vertit; & operi cuidam non multum utili totus intendit. Et ecce exspirato inter scapulas percussus, ab opere suo cessare invitus compellitur. Exitus ergo erexit se; volens scire quis eum percusserat. Sed cum neminem videret, recedit; & ut prius suo malo labori operam dedit. Et ecce secundo in collo tam graviter percussus est; ut quod inter manus habebat, deorsum cadens amitteret; & ipse celeri casu terræ procumberet. Tunc ille intellexit se ipsum non dedisse honorem Sancto Bregwino in loco sacro, & quæ pertulit iusto Dei iudicio sibi accidisse. Idem etiam casus alteri fratri Teutonico contigisse refertur.

Venit quidam Monachus de Teutonicâ Lambertus nomine, notus Reginæ, quam Henricus mortuâ uxore de Saxoniâ duxerat. Hic vir rogatu Reginæ cum fratribus Cantuariæ conversatus est; & quasi Monachus loci illius reputatus est. Cum autem de Beato Bregwino audiret; succensus est desiderio habendi corpus Sancti Bregwini, & in terram suam illud corpus <sup>c</sup> transferendi intendebat. Verum cum hoc sibi difficile videretur; supplicatus est se per Reginam posse apud Regem Henricum efficere; Quatenus ipse regiâ potestate viâ Monachis Ecclesiæ Christi Cantuariensis extorqueret; ut Monachi sibi corpus Sancti Bregwini concederent, quod quærebat. Super hoc negotio Reginæ locuturus, Lundoniam venit ille Lambertus; & subitâ infirmitate correptus, progredi ultra nequivit. Cantuariam quoque reportatus, citò defungitur, & inter mortuos fratres sepelitur. Nocte <sup>d</sup> enim sequenti astitit vir quidam staturâ mediocris, personâ insignis, habitu Monachus, facie ignotus. Et cuidam Fratri de congregatione hujus Ecclesiæ Christi Deum timenti dixit ei: Scis ne frater, ob quam causam Lambertus ille Saxonicus inopinatâ morte raptus sit? Cui cum se responderet nescire. Scias, inquit, Quia eò quòd corpus Bregwini Archiepiscopi de Sanctâ sede suâ auferre proposuit, sibi quoque conatus est vindicare. Nec enim talis meriti fuit in oculis Dei; ut tanti Pontificis præsentia vel possessione debuerit jure potiri. Translata sunt <sup>d</sup> enim hac occasione ossa hujus Sancti Bregwini Archiepiscopi, cum ossibus Sancti Plegmundi Archiepiscopi, in australem hujus Ecclesiæ Christi partem; & supra Altare Beati Gregorii Papæ, in cujus nomine dedicatum est illud Altare, in Ecclesiâ Christi Cantuariæ decentissimè in duobus Scriniis collocantur. Sanctus Bregwinus Archiepiscopus jacet ad dexteram illius Altaris, & Sanctus Plegmundus Archiepiscopus ad sinistram. In medio jacet Sancta Siburga virgo gloriosa.

Explicit Vita Sancti Patroni nostri Bregwini hujus Sanctæ Cantuariensis Ecclesiæ Archiepiscopi & Confessoris.

ei de \* opinatâ morte Lamberti.

supra Altare Sancti Gregorii in uno scrinio collocantur.

Translata sunt corpora Sanctorum Archiepiscoporum Bregwini &

\* l. inopinatâ.

<sup>b</sup> viz. fornicem.

Nota miraculum de quodam fratre qui irreverenter posteriora sua ad Sepulchrum Beati Bregwini vertit in loco sacro; & accidisse sibi iusto Dei iudicio vindictam.

Nota miraculum de quodam fratre Teutonico Lamberto nomine tempore Henrici Regis Angliæ.

Lambertus succensus est desiderio habendi corpus Sancti Bregwini & in terram suam transferendi illud.

Lambertus supplicatus est Reginam pro corpore Sancti Bregwini Archiepiscopi.

<sup>c</sup> l. transterre.

<sup>d</sup> l. autem. Lambertus subitâ morte correptus, progredi ultra nequivit.

Cantuariam reportatus, & inter mortuos fratres sepelitur.

Sanctus Bregwinus apparuit cuidam Monacho istius Ecclesiæ Christi, indicans

Plegmundi, &



# V I T A O D O N I S,

ARCHIEPISCOPI CANTUARIENSIS,

Auctore (ut videtur).

## O S B E R N O.

Incipit Vita Sancti O D O N I S Cantuariensis  
Archiepiscopi & Confessoris.

**V**enerabilis Christi Confessor Odo nobilibus, sed Paganis parentibus oriundus, sicut rosa è spinis floruit; vel quasi preciosum de vilibus vasculis aroma processit. Nam ex impiâ illâ Senatorum multitudine fertur genus habuisse; quæ olim sceleratissimum prædonem

\* Ingvarem comitata navali manu in regnum Anglorum est advecta. Hos ille nativitatis Principes fortitus, & eorum accuratissimâ educatione pueriles annos translatus, festinabat Christianorum conventicula indefinenter adire; divinos, qui ab illis dicebantur, sermones magnâ animi oblectatione audire, domumque revertens quæ audierat parentum auribus sedulò infundere. Super quibus bonorum studiorum primordiis pater impius impiè irritatus est: prohibebat, ne omnino Christum nominaret, neve paternas institutiones Christianæ religionis veneratione immutaret. Verùm ille prohibentis imperium penitus despiciens, magis ac magis Ecclesiæ limina terere, divini verbi intento animo semina percipere, & quæ cœperat absque pavore domi nunciare. Hinc<sup>a</sup> interim pater super humanum modum exasperatus, gravissimâ illum correptione affligit; jusque hæreditatis, quod ad illum lege primogenitorum venire debebat, subtrahit. Tum puer exultans in Domino, quodd talem pro ejus nomine proscriptionem subiret in terrâ, propter quam ascribendum se esse confideret in cœlo; dimissis parentibus & parentum divitiis, nudus & omni mundano decore privatus, aufugit.

<sup>a</sup> l. iterum.

Adito itaque duce quodam, nomine Athelmo, qui tempore Regis Alfredi & Christianissimus & inter cæteros regni Anglorum unus de sublimioribus erat,

\* Ex Danis itaque originem traxit. | peditionis Danicæ omnium immanissimæ  
Ingvar enim & Hubba Duces erant Ex- | circa annum 870.

postulabat

postulabat illius se potentiâ & autoritate à parentum suorum furore defendi. Qui bonâ adolescentis indole gaudens, nec dignum aliquatenus esse iudicans, ut tale decus Paganis ritibus sub patris imperio deserviret, paterno illum affectu suscepit, defensione munivit, auxiliis necessariis simul & non necessariis fovit. Deinde Græcâ & Latinâ Linguâ magistris edocendum tradidit; quarum linguarum plerisque tunc temporis in gente Anglorum usus erat à discipulis beatæ memoriæ Theodori Archiepiscopi profectus. Factus quoque est in utraque linguâ valde gnarus; ita ut posset poemata fingere, prosam continuare, & omnino quicquid ei animo federet luculentissimo sermone proferre.

Post hæc Sacramento Baptisminis renatus, Clericali tonsurâ decoratus, usque ad Subdiaconatus ministerium domini sui admonitione perductus est. In quo gradu per aliquot annos ita sanctitate Vitæ & prædicationis sinceritate pollebat; ut quicumque illum agnosceret, Spiritûs Sancti templum esse non dubitaret; omniumque testimonio dignus esset qui ad altiora Ecclesiæ Ministeria, licet ætas ejus (quantum ad instituta Canonum spectat) hoc prohiberet, provehí deberet. Unde suâsus à Domino suo, ut ad Sacerdotium se sineret transferri, quatinus ab illo divinum quotidie officium audiret, cujus vitam castissimam, manus verò munditiæ plenas agnovisset, ille objectâ immaturâ ætate quantum potuit obstitit. Postmodum verò ratione simul & antiquorum exemplorum autoritate victus, religioso desiderio cessit; Leviticam stolam humero circumdedit; parvo quoque tempore elapso summorum quoque mysteriorum secretorum accessit. Ex quo tempore tam ipse Dux quàm ceteri penè omnes regalis Palatii Principes in summâ eum veneratione habere, secreta malè actæ vitæ ei aperire, & de iis emendandis ejus consilio libenter credere.

Interea Dux Regi suggessit habere se desiderium <sup>b</sup> proficiendi Romam, & <sup>b</sup> l. profici-  
sanctis Apostolis ibidem supplicandi. Mox quoque regiâ licentiâ simul & munificentia donatus, adjuncto sibi venerabili Presbytero Odone, cum magno comitatu profectus est. Sed cum itineris aliquantulum peregissent; acerbâ tactus infirmitate acriter cœpit ægrotare; adeò ut vix reciproci flatûs posset aëra spirare. Cumque per sex continuos dies & languor augmentum & comæatus acciperet detrimentum; septimo jubet omnem turbam cœptâ viâ progredi, solo Odone secum retento; cujus ope in præsentî periculo maximè indigebat. Quem ad se relictis illis flebili voce clamarum orat; ut pro sui liberatione Domino preces effundat; referens se indubitanter credere, quòd nihil ei divina pietas denegaret, quem à puero in magnâ gratiâ acceptum haberet. Tum venerabilis Odo animo ad Deum erecto, toto corpore terræ procumbit; magnosque divinæ clementiæ singultuum imbres effundit. Surgensque de solo, postulat sibi repletam vino fialam deferri. Super quam invictæ crucis signaculum edens, humiliter vinum viro porrexit; atque ut in Domino per omnia confideret, fideliter admonuit. Bibit itaque homo quod erat in calice; & eodem momento cum redderet phialam, redditam sibi omnimodam sentiebat medelam. Proinde curvatus ad genua Presbyteri, gratias refert; ascensoque equo præmissos comites volucer insequitur, quos celeri cursu viam tenentes sequenti die impigro & ipse volatu attingit. Viso autem illo, omnes præ gaudio lachrimas fundunt; sed præstitæ salutis authorem cognoscentes, amplius mirantur. Romuleam igitur ad Urbem usque progressi & inde ad patrios lares foeliciter reversi sunt; immensam tum Regi tum ceteris in Palatio degentibus in adventu suo latitiam præstant.

Post dies Duce ipso ac post Ducem præfato Rege de præsentè vitâ sublato, Edwardus filius ejusdem Regis in Regnum successit; & illud pluribus annis prudentissimè rexit. In cujus diebus venerabilis Odo Presbyterii gradum officio simul ac vitæ sanctitate insignis administrabat. Regi notus & acceptus, ei & omnibus admirandus, ad omnes benignitate ac mansuetudine diffusus; omnium



nium moribus juxta Apostolum se contemperans, ut omnes Christo lucrifaceret. Ubi autem Rex Edwardus huic vitæ modum posuit; \* Ethelstanus filius ejus regni habenas fortitus est. Vir verò admirabilis Odo vitam, ut diximus, virtutum per omnia agens, magnus ab omni populo habebatur. Nec enim civitas super montem posita, vel lucerna in candelabro lucens poterat abscondi. Hinc processit; ut Sanctitas ejus fama quotidie augmentando magnificata ad aures quoque eximii Regis Ethelstani mirâ cum laudis exaltatione perlata sit. Qui hominem ad se evocatum, & verè Dei famulum esse certissime agnitum, suis eum amicitis jungit, ac secretorum suorum præ cæteris conscium facit.

Inter hæc Sedes Episcopalis, quæ tunc temporis Scireburnæ, nunc autem Sarisburie est, pastore viduata est. Sciens itaque Rex Odonis vitam Pontificatu omnino dignissimam, eum de suscipiendo Episcopatu interpellare, ac ut ovium Dei pastor Apostolicus loco defuncti fieri adquiesceret, magno cœpit studio renitentem obsecrare. Quid moror? Tandem Ecclesiæ ac regiis precibus victus, quod sibi nimium grave testabatur, Pontificale officium in præfatâ Scirebunensi Ecclesiâ Pontifex factus administrare consensit. Præsidebat his diebus loco, dignitate, autoritate & officio Ecclesiæ Cantuariensi vir bonus & strenuus Wlfelmus nomine; qui huic Regis, Cleri ac plebis electioni animo libenti consensum attribuens, eum pro suo jure in illam, ad quam electus erat, Pontificii dignitatem debito cum honore sacraivit. Sacratum autem & insignibus sacerdotalibus sacerdotaliter insulatus, quàm gloriosum Deo habitaculum se præbuerit, quàm erga animarum sibi commissarum Sacra sollicitus fuerit; nescio utrùm aliquis dignè valeat loqui quancunque sagacitate præditus ingenii. Unde quid de illis simplicitas puræ mentis advertere possit, scribere nolo: tantum operâ miserentis Dei, quæ in servis suis placitâ sibi simplicitate inhærentibus operari in beneplacito suo dignatur, eis considerata propono.

l. magis.

Anno † inter hæc Dominicæ Incarnationis nongentesimo tricesimo octavo, Regni autem Ethelstani victoriosissimi Regis quarto decimo, congregatus est adversus regnum Anglorum immanis exercitus Paganorum, prophanis legibus suis subjugando enervare & enervando volens annihilare sacratissimas, quas Angli servabant, Leges Christianorum. Quibus nominatus Princeps validâ armatorum manu stipatus occurrens, pugnam se dedit; & diutissimè ac atrocissimè pugnatum est utrinque. Duxerat autem secum in aciem Rex Sanctum Odonem, ejus meritis se multò<sup>c</sup> maximè quàm militum copiis confidens hostem victurum. Dum igitur hinc inde strages gravissima fieret; & ærumnosa res luctuosa contigit. Quo etenim Rex ipse pugnabat, juxta capulum gladius confractus est, & Regem quasi inermem hostibus exposuit. Inter hæc Odo à pugnâ remotus longiusculè stabat, ore & corde pro salute Christiani exercitus Christo supplicans, & vultum manus ac lumina cœlestibus pro hoc ipso indefessus extendens. Quid itaque Rex in tali eventu facere posset, fluctuabat. Ut se armaret, suorum quemquam exarmare nefas judicabat. Pars igitur adversariorum, ubi Regem fracto ense stare advertit, versis vultibus

\* Edwardus Rex obiit anno 927. qui successit Alfredo Patri anno 900. die 26. Octobris. Ante annum igitur 900. Odo Romam iter suscepit. Edwardo successit Ethelstanus. Obiit is anno 941. die 27. Octobr. Alias quidem periodos Malmesbu-

riensis, Ethelwerdus, &c. exhibent. Ista tamen pro compertis habeo.

† Eodem anno pugnam istam commissam esse perhibent Chronologia Saxonica & Florentius Wigorniensis, in loco qui dicitur Brunanburgh.

in pugnam acriori cæde vindicare aggreditur. Tum subito intonat<sup>d</sup> æthera<sup>d</sup> clamore multitudinis ut Deus succurreret vociferantis. Advolat, & quidnam sibi velit Rex à se fieri, lassabundus interrogat. Audit, & statim Regi taliter inquit: Quid est hoc? Quò intendis? Ensis tuus in latere tuo integer pender; & tu eum fractum esse conquereris. Redi ad te, ad vaginam manum extende, exere illum; & ecce dextera Domini erit tecum. Nec formides; quia non prius continget solis occubitus, quam adversarios Domini tui, qui contra te surrexerunt, involvat interitus. Ad hæc quique audientium grandi stupore attoniti, deflexis luminibus viderunt quem prius non viderant ensen in latere Regis pendentem. Quem Rex in Domino confortatus arripiens, dextrâ lævâque cunctos occurrentes aut debilitavit aut fugavit, aut morti funditus tradidit. Itaque juxta verbum famuli Dei factum est. Quid huic gratiarum, quid laudum, quid votorum Deo, per fidelem servum suum Odonem, per Regem, per victorem exercitum, per totum regnum, quò magnitudo istius victoriæ perlata est, sit persolutum: Quis enarret? Magnificencia facti docebit audientes; quia non facilè quisquam. Gloriosus autem Odo magnæ dehinc admirationis apud omnes habitus est; & verè præclarus Israelita comprobatur.

Post paucos hujus insignis victoriæ annos, Ethelstanus Rex bono fine præsentem vitam finivit. Et frater ejus Edmundus locum decedentis Rex factus obtinuit. Hic germani sui vestigia in bono æmulans, bonos quosque summo studio diligebat; & eos sibi familiares effectos, in iis quæ Christianum Regem decebant, sincero ac libenti animo audiebat. Præclare igitur inter alios Beatus Odo ejus familiaritate potitus est; & ab eo pura mente dilectus. His diebus Wlfelmus Pontifex Cantuariorum cunctis mortalibus debitum vitæ finem sortitus est. Ne itaque tanta [Sedes] plùs æquo pastore careret, Reverendum Odonem Rex convenit, suadens quatenus desolatæ Ecclesiæ per susceptionem super illam curæ pastoralis subveniret. Obstat ille, nec ullum suadenti præbet assensum. Dicit enim & indignum se tantâ re; & si dignitas aliquatenus aspiraret, tamen ne Pontifex Ecclesiâ suâ relictâ ad aliam migret, Canonum fatetur autoritate prohiberi. Contra quæ & notam omnibus probitatem illius Rex edisserit; & quòd beatus Apostolorum Princeps Petrus de Antiochiâ Romam translatus fuerit, multique alii juxta veterum monumenta librorum sedes suas ratione cognitâ mutaverint, luculento sermone proponit. Et adjecit. Hujus quoque rei exemplum penès nos idoneum satis & clarum habemus; viros videlicet Sanctos, Mellitum dico Antistitem Lundoniensem, & Justum Rosensem, Cantuariam simili ratione, qua te sedem mutare suademus, fuisse translatos. Victus in his Pontifex Sanctus, aliud suæ contradictionis argumentum ponit. Cùm primi, inquit, Patres ipsius Ecclesiæ, qui & Christianitatem regno Anglorum attulerunt, & omnes qui eis successerunt usque in præsens, Monachi, ut omnibus constat, extiterint: ego tam antiquam, tam Sanctam, tam Deo acceptam & tantorum Patrum autoritate roboratam consuetudinem mutarem, infringere, annihilarem? Absit. Imo noverit tota Britannia, & quæ adjacent Insulæ omnes, me nullo unquam pacto consensurum, ut ipse in Clericali habitu constitutus per Pontificatum Ecclesiæ Cantuariensi præsideam, cui nullus antehac, qui Monachus non fuerit, scitur præsedisse. Attamen quia me, ut intelligi datur, non tu solus sed multi vocant, ut ibi Pontifex fiam; nec meum est illis reluctando penitus contradicere, ne eum qui in ipsis habitat Deum offendam; commendans conscientiam meam ab omni istius honoris ambitione vacuam Deo, Sanctum propositum Monachicæ Religionis, quod ab ineunte ætate desideravi, nec adipisci variis causis impediens merui, hac saltem, ut interim ita putetur, occasione assumam. Postmodum verò de Pontificatu, quo de agitis, ipse cui cuncta cordium secreta patefunt agat: & hunc in eo constituat, quem idoneum ad hoc sua sapientia probat.



Quomodo  
Sanctus Odo  
habitum Mo-  
nachi suscepit  
ab Abbate  
Floriacensi.

Hac viri sententiâ Rex non modicum exhilaratus, laudat sanctum propo-  
tum ejus, laudat constantem virtutem animi ejus, laudat admirandum & imi-  
tandum exemplum magnæ humilitatis ejus. Destinatur igitur post hæc sub  
celeritate nuncii ad Abbatem Cœnobii Sancti Benedicti Floriacensis, sanctæ  
religionis habitum ad opus Episcopi juxta præscriptum negotium exquisituri.  
Fama siquidem religiosissimæ conversationis, quæ apud Floriacum ipsis diebus  
quaque terrarum ferebatur omnimodo fervere, & è contra studium ejusdem  
religionis quod ob multiplices diversorum eventuum casus in Anglia usquequa-  
que cœperat deservere, illuc mitti & inde cupitæ religionis effectum persuasit  
expleri: Quod & factum est. Abbas quippe loci illius audito nuncio latissi-  
mus efficitur; assumptisque secum nonnullis è fratribus suis, prospero cursu  
mare transvectus, Angliam ingreditur; Antistitem Odonem Deo in cunctis  
placere studentem alacer adit; & ei quam desiderabat sancti propositi vestem  
devotissimè tradit. Spectabilis igitur Pontifex Odo Monachus habitu factus,  
quomodo jam olim monasticæ vitæ sacris fuerat<sup>e</sup> actus decoratus, quin ju-  
gum Domini super totam Angliam à Rege & Regno inviratus imo com-  
pulsus susceperet, factus Antistes Cantuariensis Ecclesiæ, recusare ultra non  
potuit.

\* I. a. sibus.

Odo factus est  
Archiepisco-  
pus Ecclesiæ  
Christi Can-  
tuarie.

Qualiter ergo suscepti regiminis officio usus sit, qui nosse desiderant, ex  
vitâ ejus, quæ & qualis ante sacerdotium & in sacerdotio fuerit, paucis supra  
digessimus, sicut æstimo, possunt advertere. Exitit enim & sanctitate lauda-  
bilis, & sapientiâ admirabilis, & constantiâ singularis.

Rex Edmun-  
dus fuit mali-  
tiosè interfe-  
ctus.

Edredus fra-  
ter Edmundi  
unctus in Re-  
gem ab Odone.  
Sanctus Dun-  
stanus Abbas  
Glastoniensis  
habebatur  
honorabilis  
omni populo.

Rege autem Edmundo in domo sua malitiosè interfecto, frater ejus Edredus  
imperii dignitate functus est, à glorioso Odone Cantuariorum summo Ponti-  
fice in Regem sacrâ est unctione perfusus. His diebus vir præcipuæ probitatis  
Dunstanus Glastoniensis Cœnobii dignissimus Abbas, magnus apud Regem &  
honorabilis omni populo habebatur. Beatus autem Odo moribus & ætate  
grandævus, religione & industriâ pollens, autoritate & modestiâ præstans,  
Christianis legibus totum regnum prudentissimè nobilitabat. Rex ipse Deum  
timens, bonos quosque speciali amoris dulcedine fovens, malos verò ne suâ  
tyrannide benè agentes conturbarent fortiter premens, boni principis mores &  
actus exequabatur.

De errore  
quorundam  
Clericorum de  
sacramento  
Altaris; &  
quomodo per  
Sanctum Odo-  
nem miracu-  
losè ab illis  
depulsi sunt.  
† subit. neivam  
Miraculum de  
pane contra-  
ctionis Christi;  
& quomodo  
cepit gutta-  
tim desuere.

Hoc † fermè tempore quidam Clerici maligno errore seducti asseverare co-  
nabantur, panem & vinum, quæ in Altari ponuntur, post consecrationem in  
priori substantia permanere, & figuram tantummodo esse corporis & sanguinis  
Christi, non verum Christi Corpus & sanguinem. Quorum enormem perfidi-  
am Beatus Odo destruere cupiens, dum quadam die in conspectu totius po-  
puli [sacrosanctis Missarum solenniis devotus] intenderet; expressis lachrimis  
Dei omnipotentis clementiam in suo ministerio affore postulavit; quæ ad de-  
pellendos hominum errores<sup>f</sup> substantiam divinorum mysteriorum declararet  
propriètatem. Cùmque ad contractionem vivifici panis ventum fuisset; O  
ineffabilem Dei miserationem, & præsentem æternæ majestatis ostentationem!

† Fraus facilè pellucet. Osbernus Lan-  
franci assecla fuit, arctissimis illi vinculis  
astrictus. Lanfranco maximè cordi erat;  
ut Ecclesiæ Anglicanæ Transubstantiati-  
onis dogma antehac incognitum induceret.  
Ut rem itaque promoveret; Osbernus  
hanc fabulam Odonis Vitæ intexuit. Ipse  
enim Odo panis, & vini elementa in sub-  
stantia naturali post consecrationem mane-

re credidit; nisi verò ab universa Ecclesia  
Anglo-Saxonica diversa senserit. Ecclesiæ  
istius in hac re fidem abunde testantur  
Elfrici Sermones & Epistolæ; quæ pub-  
licâ autoritate receptæ & in Libros Pœ-  
nitentiales descriptæ sunt; Transubstanti-  
ationem autem data opera acerrimè im-  
pugnant.

Confestim

Confestim namque inter manus Beati Pontificis fragmenta Corporis Christi tenentis sanguis guttatim defluere cœpit. Stans itaque Pontifex, & præ gaudio uberes lachrimas fundens, innuit astantibus ministris, ut illi potissimum proprius accedant, qui nuper in fidem titubaverant. Vocati igitur celeriter affunt; atque in tantarum rerum consideratione perterrefacti, pœnitenti voce exclamant. O te inter omnes homines fœlicissimum hodie; Cui filius Dei semetipsum in carne dignatus est revelare! Et rursus; Exora, inquiunt, Præfulum Pater, exora Domini majestatem; ut in pristinam formam præsens sanguis commutetur; ne nos propter infidelitatis errorem Ultio divina sequatur. Oravit ergo Sacerdos. Post orationem ad Aram respexit; & ubi dimiserat sanguinem, consuetam vini reperit speciem. Sumptis autem cœlestibus sacramentis, lætantibus cunctis, qui tantis intersuere spectaculis, præcepit Pontifex pro testimonio tantæ virtutis omnes undecunque pauperes aggregaci & solenne convivium eisdem præparari. Ipse autem cum suis cum magnâ gratiarum actione lætitiâ agebat; propterea quod omnis error de Dominico corpore in pectore suorum abolitus fuisset; nec ultra panem in Altari positum, sed verum Christi corpus esse confiderent, qui verum Sanguinem inde manare conspexissent.

Sanctus Odo præ gaudio uberes lachrimas fundit.

Aliud quoque Miraculum reverà divinum in Ecclesiâ Christi, cui præerat, fecit; imo ipse non fecit, sed qui solus habet divinitatem, ipse fecit. Nam tectum ejusdem Ecclesiæ Christi nimîâ vetustate corruptum, semirutis per totum partibus pendebat. Quod ille renovare cupiens, murum quoque in porrectiorem celsitudinem exaltari desiderans, congregatis artificibus præcepit & quod dissolutum desuper eminebat penitus tolli, & quod minus in altitudine murus habebat jussit extolli. Sed quia Clerus ac populus absque divino servitio esse non valebat; & tantæ magnitudinis templum non reperiebatur, quæ ad capiendam numerosæ plebis multitudinem sufficere videretur; Deprecatus est Pontifex Dominum, ut quousque opus incæptum consummatum fuisset, nulla aut infusio imbrium aut vis ventorum infra parietes Ecclesiæ descenderet, quæ eos à divino opere prohibere valeret. Factumque est; ut in tribus annis, quibus Ecclesiæ muri in altum porrigebantur, tota fabrica desuper pateret, nec tamen nondico infra ambitum solius Ecclesiæ, sed nec intra muros totius civitatis imber aliquando descenderet, qui vel clerum in Ecclesiâ Christi consistentem ab officio præpediret, vel populum ad Ecclesiam concurrentem aliquatenus posset ab incæpto cohibere. Eratque res digna spectaculo; cum videres omnia civitatis pœmæria aquis infundi, & ejus mœnia nullâ pluviarum inundatione madefieri.

Miraculum Sancti Odonis in Ecclesiâ Christi Cantuariensis factum.

Cum autem Rex Edredus transitoriam vitam vitâ perhenni permutasset; Edwyus filius supra memorati Regis Edmundi in regem electus est. Qui moribus & ætate iuenculus, Juvenum quos sibi comites atque Satellites associaverat, mox cœpit consiliis uti, spretis senibus, quos vitâ, moribus & ætate magnâ præditos industriâ & autoritate constabat. Unde correptus à fortissimo milite Christi Odone, aliquantisper se temperabat; verens ne si illum omnimodis non audiret, Regiæ dignitatis benedictionem ultra votum suum sibi dare differret. At ubi eadem benedictione potitus est; ilico quasi effrænis effectus, omnes cordis sui sequebatur affectus. Factus est igitur voluptatum magis quàm Dei, luxuriæ quàm sobrietatis, libidinum quàm castitatis amator. Ibat itaque juxta desideria cordis sui; & iniqua gerens à suis benedicebatur. Super hæc eâ die, qua regni coronam in conspectu totius Ecclesiæ in capite gessit, gravis infamiæ notam tantæ gloriæ & sibi ingessit. Cum enim post Officium Ecclesiasticum unâ cum Archiepiscopis, Episcopis, Abbatibus, cæterisque Regni Principibus jam pransus federet; subito exiit; & relicto consortio omnium, in secretiorem sese cameram contulit: Duaram fœminarum illic eum opperientium stupri ardore succensus, infandum consortium experens.

Non pluit annis tribus intra terminos Ecclesiæ Christi in renovatione Ecclesiæ per orationem Beati Patris nostri Odonis nec intra muros civitatis. Edredus Rex permutavit hujus transitoriam vitam. Edwynus Rex filius Edredi associaverat sibi consilia juvenum, & spernit consilia senum.

Edwyus Rex in die coronationis suæ luxuriosè se maculavit.



Nota: Dun-  
stanus Abbas  
mittitur ad  
impium Re-  
gem Edwyum.  
Edwyus Rex  
pro sua \* mala  
damnavit in  
exilio Dun-  
stanum Ab-  
batem extra

Quæ res confidentium mentes magni pudoris mœrore dejecit. Habito autem consilio inter eos, quid facto opus esset, missus est ab Archiepiscopo & Primoribus is, cujus superius mentio facta est, venerabilis Abbas Dunstanus Regem ab illicitis amplexibus abstrahere, & ad Regiam sedem inter Principes revocare. Quod & factum est. Quapropter Rex vehementi furore turbatus, Dunstanum cum suis omnibus spoliatum exilio damnavit, & extra Angliam trans mare fugavit.

Angliam; quia extraxit eum ab illicitis.

\* *fortè maliciâ.*

Sanctus Odo  
exulabat con-  
cubinam Regis  
Edwy in Hy-  
berniam, &  
ipsam ferro  
candenti in fa-  
cie maculavit.  
h. l. post.  
Meretrix Ed-  
wy Regis re-  
venit de Hy-  
bernâ ad vil-  
lam Gloce-  
stram; & ab  
hominibus ser-  
vi Dei Odonis  
comprehensa,  
& malâ morte  
sublata est.

Fecit & alia innumera mala; quæ quoniam aliàs latiùs, licet non omnia, digesta sunt; Hic tantummodo paucis ea tetigisse sufficere ratus sum. Quæ miles Dei omnipotentis Odo æquanimiter ferre non valens, iniquitatum illius publicus hostis effectus est. Siquidem ubi eum nec admonitionibus suis nec obsecrationibus suis nec increpationibus suis adquiescere velle aut se corrigere vidit; Pontificali autoritate usus, unam de præscriptis mulieribus, quam & amplior potentia & obscenior impudentia dehonestabat, & notio rem hominibus fecerat, quaque nimium contumeliosis amplexibus Rex frequentius abutebatur, missis militibus à Curiâ Regis, in qua mansitabat, violenter adduxit; & eam in facie deturpatam ac candenti ferro denotatam perpetuâ in Hiberniam exilii relegatione detrussit. Quæ tamen <sup>h</sup> cum nonnullum temporis interval- lum jam obductâ in cicatricem corporis formâ, sed adhuc hiantem impudicæ mentis deformitate, relicta Hiberniâ, Angliam rediit, & Glocestram cæcati cordis obscuritate imbuta pervenit. Ubi ab hominibus servi Dei comprehensa, & ne meretricio more ulterius vaga discurreret, subnervata, post dies aliquot malâ morte præsentis vitæ sublata est. Erat quippe summus Pontifex Odo vir virtutum robore & grandævitatatis maturitate ac constantiâ fultus, & omnium iniquitatum inflexibilis adversarius. Non hunc alicujus gaudii sæcularis illecebræ, non hominum minæ, non cujusvis damni perperessio poterat à rectitudine detertere. Quapropter quia nec sperabat aliquid nec expavescebat; om- nium impotentium iram exarmabat.

Rex Edwyus  
miserâ morte  
oblit.  
Nota: Edga-  
rus frater ejus  
vir bonus con-  
firmatus est in  
throno Regis.  
Edgarus Rex  
revocavit  
Dunstanum  
Abbatem ab  
exilio, & in  
Episcopatum  
Wigornien-  
sem promovit,  
& Beato Odo-  
ne consecrante  
eum, sed verbis  
quæ super Ar-  
chiepiscopum  
proferrentur  
ejdem.

Edwyo autem Rege, si Rex nominandus est, qui nec se nec alios regere no- vit: Edwyo inquam Rege regno pro suis criminibus eliminato & miserâ morte damnato, Edgaro fratri ejus thronus Regius super totam Angliam confirmatus est. Hic omnes pene antecessores suos morum probitate præcedens, cunctas iniquitates, quæ diebus fratris sui emerferant, compressit, evertit & pro posse in nihilum egit. Præterea mox ubi regnum obtinuit, Reverendum Abbatem Dunstanum ab exilio revocavit, & eum in Episcopatum Wigorniensem promo- vit. Qui electus Pontifex, in gradum suscepti honoris consecrandus Cantua- riam pro more advenit; seque ab ipsius Sedis Antistite Beato videlicet Odone sacrari expetiit. Annuit ipse libens. Verum ut Sanctum Episcopum spiri- tu prophetiæ pollere indubium nulli veniret; Hominem, qui ad Wigornio- rum Pontificatum promovendus advenerat, in Pontificem Cantuariorum Sancti Spiritus operatione promovit. Super quo à circumstantibus cur sic a- geret, inquisitus. Scio, inquit, filii, scio quid operetur in me Deus. Hunc quidem Wigornienfis Provincia me vivente pastorem habebit; Sed tota Bri- tannia eodem me defuncto rectore gaudebit. Quæ prophetia quam vera ex- titerit, Ecclesia Dei, quæ ejus regimine, sicut prædixit Episcopus Sanctus, diu postmodum gloriata est, & usque hodie sacratissimâ illius intercessione mu- nitur, optimè novit.

Verba conse-  
crationis  
Sancti Odonis  
Archiepiscopi super Dunstanum Wigorniensem Episcopum.  
Ecclesie Dei.

Nota: De Prophetiâ Sancti Odonis de regimine Ec-

Talibus igitur bonorum gratiis spectabilis vir Odo à Domino sublimatus, nequaquam [se] propter merita operum suorum extulit; sed semper ad meliora proficere studuit: quæ retro sunt oblitus, & in ea quæ ante sunt extensus, sequebatur ad palmam supernæ vocationis Dei; populumque sibi commissum more segetum feracium cœlesti doctrinâ quasi pluviali gratiâ quotidie irrigavit; quousque animam illius Rex in cubiculum suum introduceret, & torrente voluptatis suæ inebriaret. Raptum igitur ex hoc sæculo luculentissimum si <sup>De obitu Sancti Paris Odonis ex hoc sæculo, transiit cum Angelis ad cœlestem civitatem</sup> urbis Cantuariæ Odo gaudentibus Angelis sedem petiit supernæ ac gloriosissimæ civitatis; ubi sempiternâ exultatione latatur, & Christi faciem ineffabilis suavitatis dulcedine contemplatur: securus jam de præmio sui, atque de filiorum suorum salute sollicitus. Obiit autem præsentibus universis Ecclesiæ Christi filiis; quibus etiam flentibus promittebat, quod bonum illis pastorem post obitum suum Dominus esset provisorus.

Post cujus transitum obtinuit locum sui sacerdotii Alffinus Wentanus Episcopus cognomento Lippe, datâ pecuniâ Principibus, qui primi erant in palatio Regis \* Edgari. Nam & ante Odonem magnâ ad rapiendum sacerdotium cupidine agebatur; sed bonorum constantiâ Episcoporum impeditur. Unde cum die adventûs sui Cantuariam solenni processione susceptus fuisset; accessit ad Sepulchrum viri Dei Odonis; stans quoque super illud, ita furialibus verbis defuncto exprobravit, dicens: Inepte, ecce tu mortuus es, & sub tellure putridus jaces. Et ego, cum voluero, de te potenter triumphabo. Te vivente summus Anglorum Pontifex esse nequivi: te obunte id ipsum factus sum, juxta [quod] olim esse concupivi. Et inde, male ac decrepite senex, nullas gratias habeas; quia si ultra vivere potuisses, nec mihi nec ulli vel participium tui honoris concedere voluisses. Ita ille palam in præsentia eorum, qui aderant, dixit; & baculo tumbam Sancti Odonis percutiens, stulto furore, quo tenebatur, accensus, inde recessit. Sed eadem nocte, dum mortalibus concessa requies esset, apparuit Beatus Odo Ecclesiæ Salvatoris † digno Custodi, vultum lacteum habens, Vestimentum verò rosei coloris: Ita virum alloquens: Dormis, an vigilas? Dormivi, inquit ille, senior venerande. Sed ecce vigilo, te loquente. At ille, vade, ait, ad electum, sed non à Deo, Episcopum Alffinum; & hanc illi legationem ex meo nomine defer. Hæc mandat tibi servus Christi Odo. Non sum mortuus, sed vivo Regi meo omnipotenti Deo. Atque ut hoc certissime experiaris; Noveris, quia ut tu causâ mei adhuc in carne viventis non evaluisti ad Archiepiscopatum Cantuariensem pervenire; ita per me in cœlesti nunc regno viventem invasum honorem in proximo perdes. Audi ergo, quæ dico. Quoniam hesterno die verbis mihi derisoriiis exprobrasti, baculo tuo Sepulchrum meum percussisti; prædico tibi, quia mare transfretabis, Alpes ascendes; sed nequaquam pallium Patriarchatûs Sanctæ Dorobernensis

<sup>Nota bene quod Alffinus Wentanus Episcopus cognomento Lippe, datâ pecuniâ principibus, obtinuit Archiepiscopatum.</sup>

<sup>Alffinus susceptus, ad sepulchrum Sancti viri Dei Odonis accessit, exprobrans & maledicens. Alffinus triumphans & exprobrans & maledicens. Sanctum virum Dei Odonem.</sup>

<sup>Alffinus indignanter percutiens tumbam Sancti Odonis, & inde recessit.</sup>

<sup>Beatus Odo apparuit custodi Ecclesiæ Salvatoris vultum lacteum habens.</sup>

<sup>Sanctus Odo prædixit Alffino; quod ma-</sup>

<sup>re transfretaret, Alpes ascendens, nec Pallium Patriarchatûs Ecclesiæ Dorobernensis obtineret.</sup>

<sup>Nota: Secundâ vic- Sanctus Odo apparuit eidem, increpans & monens eum acriter.</sup>

\* Erravit Osbernus & hic & paulò superius. Non enim Edwius obiit, statim atque eliminatus est regno ab Edgari fratre; sed integro biennio superfuit, & Australem regni partem tenuit. Neque Elffinus & Brithelmus Sedi Cantuariensi ab Edgari, sed ab Edwino Rege præfecti sunt. Cantuaria enim in Edgari ditione non erat, nondum defuncto Edwio; erant

autem Wigornia & Londonia, quippe ab Aquilonari Parte Thamesis fluvii (qui limes erat regnorum) sitæ; ut istis Sedibus Antistitem dare penès Edgarum fuerit; qui proinde Dunstanum utrique præfecit.

† Refert Malmsburiensis Odonem non Custodi Ecclesiæ sed ipsi Elffino apparuisse. lib. 6. 1. de gest. Pontif. f. 114.

Ecclesiæ



Denunciavit  
custos Ecclesiæ  
Episcopo Al-  
fino de visione  
Sancti Odonis.

Alffinus mare  
transiit, ad  
Pallium defe-  
rendum; sed  
in er Alpes ni-  
mio frigore  
resolutus, pe-  
des suos in  
ventribus  
equorum im-  
misit, & cru-  
ciabatur divi-  
no furore; &  
sic Spiritum  
suum in me-  
diis nivibus  
exhalabat.

Brythelmus  
Dorsetensis E-  
piscopus in  
Pontificatu  
Cantuariæ sub-  
stituitur. Onus  
illius Ecclesiæ  
reliquit humi-  
lis. Ad suum  
ovile quietu-  
rus rediit.

De sententiâ  
domini & pro-  
phetiâ Sancti  
Odonis in  
Dunstano  
Lundoniensem  
Episcopum.  
Ad Patriar-  
chatum totius  
Britanniæ suc-  
cessor Odoni  
subrogatur &  
instituitur.

Ecclesiæ optinebis; nec unquam in Apostolicâ ejus sede sedebis. Ille autem, qui hæc viderat, timens Episcopi sævitiam, dissimulabat ista nunciare. Sequenti nocte apparuit ei iterum Sanctus Dei Odo, quæ ante dixerat, dicens. Sed nec tunc, quæ audierat, homo nunciare audebat. Item tertiâ nocte adveniens Vir Dei Odo, Pontificali dignitate redimitus, increpavit præfati hominis fœcordiam, dicens: Si vitæ tuæ prosperitatem gnarus retinere desideras; moneo, ne quod à me tam jam secundo audisti, Episcopo tuo revelare dissimules. Nam si feceris; in pœnâ tuâ te non benè fecisse probabis. Tum ille expectatus & admodum perterritus, manè factò perrexit ad Episcopum: incurvatusque toto corpore ante illum, ait: Venit ad me, Pater Honorande, speciosus ut Angelus Dei gloriosus, Odo predecessor tuus: qui hæc tibi præcepit denunciari. Quoniam, inquit, mihi die nudiustertio verbis allusoriis exprobrâsti, baculo tuo Sepulchrum meum percussisti; prædico tibi, quia mare transfretabis, Alpes ascendes; sed nequaquam pallium Patriarchatûs Dorobernenis Ecclesiæ obtinebis, nec unquam in Apostolicâ ejus sede sedebis. Quibus dictis dimisit à se Episcopus relatores visionis, parvipendens ea quæ audierat verba ineptæ, ut dicebat, comminationis. Sed evolutis aliquantibus diebus, omnia evenerunt, quæ à Sancto Dei prædicta fuerunt. Mari namque propter Pallium deferendum transiit, itinere aliquandiu prosperè decurso, mox ut montana conscendit, nimio frigore resolutus, equos, qui in ejus comitatu erant, necari præcepit, pedesque suos eorum ventribus immisit; existimans nimietatem frigoris tali posse remedio propelli. Sed non cessante, qui illum cruciabat, divino furore, Domini majestatem impie blasphemavit; & sic pollutum spiritum suum in mediis nivibus exhalavit. Ita se demonstravit fœlix Odo Christo vivere, quem penitus mortuum infœlix Alffinus ausus est credere.

Hoc ita mortuo, Brythelmus Dorsetensis Provinciæ præsul, homo nimie pietatis ac simplicitatis, in Pontificatum Cantuariorum substituitur. Verùm ubi comprobatus est in exercendis Ecclesiasticis disciplinis omnino quàm oportebat minùs vigere; jussus quod susceperat onus deseruit; & ad suum ovile quieturus humilis rediit. Igitur ut sententia Domini & prophetia Beati Odonis servi sui veritas esse probaretur; Dunstanus jam tunc Lundoniensis Ecclesiæ Pontifex à Rege & regno eligitur; ac in Patriarchatum totius Britannię glorioso Odoni dignissimus successor subrogatur. Cujus Dunstani & hujus de quo agimus Patris Odonis illud inter alia non parvo cognoscendæ sanctitatis & beatitudinis illorum indicio est; quòd Dunstano in die Sancto Pentecostes Missam ad Altare Domini Salvatoris Cantuariæ celebrante, Spiritus Sanctus, qui super ipsum in specie columbæ apparuit, consumpto sacrificio in australem altaris partem, ubi Venerabilis Odo tumultus jacebat, divertit, & super tumbam ejus multis intuentibus requievit. Quæ res in tantâ reverentiâ ab ipso Dunstano habita est; ut nunquam post hoc ante Sepulchrum illius transiret, nisi genua flecteret. Cognomine quoque Boni Odonis in maternâ linguâ illum deinceps vocare solebat, videlicet Odo \* *Se gode*, quod interpretatur Odo Bonus. Quo

Spiritus Sanctus in columbæ specie beato Dunstano apparuit in die Pentecostes; divertit se super tumbam Sancti Odonis, & ibi requievit. Nota: Sanctus Dunstanus nunquam transiret post hoc ante illius sepulchrum, nisi genua flecteret. In maternâ linguâ solebat vocare Odo *Se gode*, quod interpretatur Odo Bonus.

\* Linguâ Saxonica illo tempore vul- | gata, *re gode*, hodie, *The Good*.

cognomine etiam usque hodie ab Anglis, sed maximè a Cantuaritis appellatur. His ita descriptis, gestæ rei series narrandi finem expostulat. Quem hîc quidem ponimus; & in eo Deum, qui est finis & complementum omnium bonorum, consonâ voce laudamus; qui nomen suum in omni gente ita glorificat, ut quicumque illum timeret & operatur justitiam, acceptus sit illi. Illi ergo sit laus & gratiarum actio per infinita secula seculorum. Amen.

Explicite Vita Sanctissimi Patroni nostri Odonis  
Archiepiscopi Cantuariensis Ecclesiæ &  
Confessoris. Laudes Deo.

**VITA**



# V I T A S. D U N S T A N I

ARCHIEPISCOPI CANTUARIENSIS,

AUTHORE

## O S B E R N O

Monacho & Præcentore Ecclesiæ Christi Cantuariensis.

Incipit Prologus in Vitam Sancti DUNSTANI Cantuariensis Archiepiscopi & Confessoris.

**U**niversis Catholicæ Matris Ecclesiæ filiis confrater eorum, per eam quæ in Christo est regenerationem, Osbernus pacem bonam & perpetuam Salutem. Multorum sæpe ac venerabilium Patrum veneranda mihi autoritas imminuit; ut vitam magnifici Patris Dunstani literarum monumentis tradere, atque ad Dei laudem hominumque utilitatem Ecclesiæ deberem auribus insinuare. Quibus dum ego profaciendâ excusatione illud & verum obtenderem esse plura à plerisque non ignobilis usquequaque scientiæ viris de hac re conscripta; vererique me hominum reprehensiones, qui fortè mimos nos aut certe temerarios vocare possent; Dum non tam nihil satis nos habere, quàm nihil nobis satis esse posse contenderent: contra illi magis nihil satis se habere quàm nihil satis esse posse retulerunt; & hoc <sup>a</sup> probabilius rationum firmamentis velle se astruere dixerunt. Nam eorum, inquit, quorum præcipuam interfuit hujus rei diligentiam habere; Alii \* etsi satis eleganter, non tamen satis diligenter, sed quantum ad nocturnum Festivitaris officium satis esse judicavere, fermocinandi ad populum modo scripsere. Alii † autem dum nimis diligenter, quemadmodum quæque res acta sit, explicare conarentur, elegantiam perdiderunt atque <sup>b</sup> ut illud dicendi genus, quod suffultum Romanæ Princeps eloquentiæ vocat, inciderunt; Quod facilius tædium legentibus quàm aliquod audientibus emolu-

<sup>a</sup> l. probabili-  
bas.

<sup>b</sup> l. in.

\* Intelligit Adalardum Monachum Blandiniensem; qui Vitam Dunstani à se scriptam in plures Lectiones distribuit.

† Vult Saxonicum Sacerdotem B.

[Bridferthum fuisse Mabillonius conjicit] qui Dunstani Vitam uberi quidem sed horridiori stilo compositam Alfrico Archiepiscopo Cantuariensi nuncupavit.

mentum gignere consuevit. Qui verò in utrâque parte dicendi laboraverunt, ut essent festivi pariter atque secundum gestas res bene ordinati; horum scripta in illo \* incendio consumpta sunt, quod ante hos annos Sancta Dorobernensis Ecclesia cum magno suarum rerum detrimento perpessa fuisse dinoscitur. Sed ab his, inquiunt, aliqua in patrium, id est, in Anglicum sermonem translata supersunt; ex quibus id quod petimus elicere; & in Latinam denuo poteris linguam Deo suffragante transferre.

Itaque his sive rationibus sive rationum autoribus ad scribendum traductus, malebam alienæ voluntati bene dicendo obtemperare, quam propriæ serviens voluntati à bene dicendo temperare. Verum ad hoc audendum non sine quadam pudoris suffusione accedo; propterea quòd omnium ora in me esse existimo, veluti in hominem more Lælii novas dicendi victorias pollicentem, & quasi ea quæ ab aliis commodè dicta sunt, commodius se dicturum præsumentem. Sed ego neque illos minùs commodè dixisse reprehendo, neque me commodius dicturum promitto; sed sive id dignum fuerit, [sive] pro tantâ rerum materiâ digno contrarium; quod intendo, illorum meritis aut culpæ ascribo, quorum imperio atque importunitate victus hæc scribo. Quamvis & mea voluntas tantum devotionis erga eundem Patrem & Dominum nostrum optinere debeat; ut si nulli vellent ista à me expetere; ego pro personâ meâ non dubitarem ingerere. Ita namque cum in alios me vidente, tum in meipsum me sentiente, ejus merita valere. Sed non fuit consilium quid vel in alios me vidente, vel in meipsum me sentiente, hoc in libello dicere: in alio verò, qui de signis ad Sepulchrum ejus perpetratis scribetur, dicere consilium fuit. Nunc autem primordia Nativitatis illius, processum ætatis, cum augmento gratiæ cœlestis, commutationem mortalis sæculi pro immortalitate æterni sæculi quàm verissimè conabor absolvere; omissis omnibus his, quæ ita fuere mirabilia, ut infidelibus videantur incredibilia: Ac me quidè[m] his enarrandis imparem scio; sed in ejus nomine, in quem ipse fideliter credidit, & cui ipse fidele operis Ministerium exhibuit, ista aggredi temptabo.

Explicit Prologus in Vitam Sancti Dunstani  
Archiepiscopi Cantuariensis per Osbernum  
Monachum & Præcentorem ejusdem Eccle-  
siæ Christi Cantuariensis.

---

\* Ecclesia Cantuariensis incendio conflavit eo circiter tempore, quo Lanfrancus | Archiepiscopatum suscepit, sc. anno 1070.  
authore Gervasio in Chronic. p. 1291.



Incipit Vita Sancti DUNSTANI Archiepiscopi  
& Confessoris.

Nativitas San-  
cti Dunstani.  
c. l. hostibus.

d. l. tueretur.

**R**egnante magnifico Rege Ethelstano, † Anno quidem imperii ejus primo, Adventûs verò Anglorum in Britanniam quadringentesimo nonagesimo septimo, cum idem Rex <sup>c</sup> hostilibus circumquaque subactis pace & concordia Regnum <sup>d</sup> teneretur; natus est puer Dei Dunstanus Westsaxonice Angliæ partibus, magnis quidem pro sæculi dignitate Parentibus, sed ad religionem (quæ Christianos decet) longè majoribus. Tantâ siquidem virtutis ratione viventes animum colebant, tot piis operibus laborantes insudabant. ut communem mortalibus viam ingressi Angelicis spiritibus mererentur associari; sicut eidem filio suo postmodum divinâ revelatione innotuit. Quod non alienum est consilio divinitatis factum conjicere; ut videlicet tantus infans tales parentes haberet, qui cum ipsi bene viverent, tum bene vivendi formam nascituro ex se filio tradere possent. Magnum quippe Deus illum futurum prævidebat, quem ibi dulcedinis suæ benedictionibus prævenerat, ubi omnes filii Adam nativæ maledictionis sententiam excipiunt, si non per assumptam à filio Dei humani habitûs formam ad pristinam reformentur beatitudinem. Magnum inquam Deus illum futurum prævidebat, cui tantum muneris donatum est; ut ante mundo signis innotesceret, quàm hunc in mundi hujus lucem mater fudisset. Atque ut cætera dilucidè & ordinatè procedant; hinc dicendi initia constituam.

Maternis igitur sinibus sacro puerperio intumescantibus, dies Purificationis Sanctæ ac perpetuæ Virginis Mariæ illuxit festivus. Cùmque vicinus undique populus ad Ecclesiam eidem Virgini in Glastoniâ dicatam conflueret; ut devotionis suæ ministerium in tantâ solennitate Regi Regum Christo persolveret; contigit patrem pueri Herstanum cum conjugē Kynedrydâ advenisse, accensisque lampadibus sacris Missarum solenniis interfuisse. Jamque plurimam diurni servitii partem Clerus absolverat; jam quemadmodum puerum Jesum in Templum parentes inducerent, recitari cœperat; cùm repentè majestas Domini in templo apparuit, quæ omnia omnium luminaria extinxit, totamque domum tenebrôsâ caligine obtexit. Hinc gelidus omnium membra pavor perserpit, rigent comæ, genua colliduntur. Stabant quippe sensu hærentes & alternis obtutibus stuporem indicantes. Sed ut omnibus clarum fieret, quid in hac re ea quæ apparuit majestas intenderet; ex templo lux cœlitus emissa in templo resplenduit; & eum, quem puerpera manu tenebat, cereum accendit. Si ante populus de amisso lumine miratus est; nunc majori admiratione simul & exultatione detinebatur. Exultabat namque se præsentem Dei gratiam vidisse; sed mirabatur hanc sibi per scēminam provenisse. Huc itaque ab omnibus perrectum, & hinc lumen omnibus porrectum. Habemus ergo novum de novâ Elizabethâ Johannem; habemus nostri temporis

† Athelstanus regnum iniit anno 925. juxta Chronologiam Saxoniam, anno 926. juxta Ethelwerdum, veriùs autem anno 927. Angli Britanniam advenerunt anno 449. à quo ad annum usque 928.

quo primus Ethelstani annus desit, effluxerunt anni 479. ut inversus videatur iste numerus Librarii vitio, qui annos 497. substituit.

Jeremiam; quorum alterum Deus, alterum Dei Archangelus in matris utero sanctificatum asseruit. Atque ut excellentiorem gratiam advertas; qua die filius à matre Virgine in Templo est præsentatus, eâ nimirum puer Dei in matris utero ad templum est deportatus. Lumen ad revelationem Gentium & gloriam Israel Sanctus Symeon exultando proclamat. Lumen nihilominus in terrâ Anglorum exortum Christus, qui verum lumen est, lumine declarabat.

Postquam autem edendi partus tempus advenit, mulier genuit filium, quantitate quidem corporis parvulum, sed eâ qua præventus fuerat gratiâ Dei immensum. Inde statim secundæ generationis honore potitus, futuram fidei illius soliditatem jam tunc divinitas præfiguratam in nomine sortitur; Dunstanus, quod Petræ firmitatem sonat, parentum suorum annotatione vocitatus. Deinde cum teneros annos infantie sequens ætas exclusisset, & linguam in apertos sonos jam formare cœpisset; ad templum nascentiæ illius miraculo quondam insigne cum oblationibus hostiarum deferretur, immo ipse hostia viva Sancta Deo placens offertur. Ibi illis in oratione pernoctantibus apparuit vir, æthereos habens vultus. Locum dixit non multo post tempore sublimandum, puerum ibidem Deo relinquendum, & beatum illum per secula prædicandum. Tum mensoris funiculum per plana atrii extendens; Sic, inquit, ædificabitur locus iste ad præparanda corda illorum Domino, qui hoc in loco per hunc puerum Domino credituri sunt. Qua illi revelatione vehementer gavisi immensas omnipotenti Deo laudes persolvunt; commendantes puerum in Templo, ut esset Levi Domino, & portio illius Dominus existeret; quemadmodum Moyse dictum est, cum divideret Judæorum per tribus singulas incolatus. <sup>c</sup> *Non erit tribui Levi sors inter fratres suos, dicit Dominus;* <sup>c</sup> Deut. X. 9. *quia Dominus Deus pars illorum est.* Unde Petrus ostendens se portionem in Deo habere, & non in seculo. <sup>e</sup> *Argentum,* inquit, *& aurum non habeo; sed* <sup>f</sup> *quod habeo, tibi do. In nomine Jesu Nazareni surge & ambula.* Hoc est. Aurum non est portio mea, argentum non est portio mea: Portio mea Christus est. Hoc nomen munificum, hoc nomen mihi fructuosum. Talis ergo portionis fructum tirunculus Christi in timore sancto affecutus est, assiduâ ministracione Domino serviebat, proficiens quotide tam in scientiâ pietatis quàm in virtute sanctitatis.

Eâ tempestate Glastonia regalibus stipendiis addicta, Monastica Religionis penitus ignara. Nondum † enim in Angliâ communis ratio Vitæ colebatur; non usus deferendi proprias voluntates hominibus affectabatur. Abbatis nomen vix quispiam audierat. Conventus Monachorum non satis quisquam viderat. Sed cui fortè id voluntatis erat, ut peregrinam vellet transigere vitam; is modò solus, modò paucis ejusdem propositi comitatus, patrios fines egrediebatur; & qua opportunitas vivendi licentiam dabat, illic alienigena vitam egebat. Hicque mos cum plerosque tum vehementer adhuc manet Hibernos; quia quod aliis bona voluntas [in] consuetudinem,

† Eadem refert Wolstanus in Vitâ Ethelwoldi, Gervasius in Chronico, Johannes Tinmuthensis in Historiâ Aurea MS. lib. 21. cap. 47. 56. Chronicon Wintoniense MS. à Spelmanno citatum (Concil. Angl. Tom. I. p. 434.) Capgravius in Legendâ nova, f. 144. aliique. Monasteria nempe Angliæ ante reformationem à Dunstano & Edgardo Rege institutam toti-

dem erant Conventus Clericorum Sæcularium; qui amplissimis possessionibus dotati, & certis sibi invicem regulis astricti, officia sacra in Ecclesiis suis quotide frequentarunt; omnibus interim aliorum Clericorum privilegiis; atque ipsa uxores ducendi licentia gaudebant: Sicut in Ecclesiis Collegiatis hodiernum apud nos fit.



\* l. ubertas.

hoc illis consuetudo vertit in naturam. Quorum multi atque illustres viri divinis ac sæcularibus literis nobiliter eruditi, dum relicta Hiberniâ in terram Anglorum peregrinaturi venissent, locumque habitationis suæ Glestoniam delegissent; propterea quod esset & à civili multitudine sequestratus, & humanis usibus accommodus, & quod maximè affectabant, peregrini Patricii † religiosâ veneratione gloriosus; qui olim evangelizando regnum Dei illuc perveniens, vitâ, doctrinâ, signis & mirabilibus multipliciter claruisse, & post omnia hæc ibidem in Domino quievisse perhibetur. Cum ergo hi tales viri talibus de causis Glastoniam venissent, nec tamen quicquid sibi necessarium erat sufficientissimè in loco reperissent; suscipiunt filios Nobilium liberalibus studiis imbuendos; ut quod minus ad usum loci & libertas exhiberet, eorum quos docebant liberalitate redundaret.

Adest ergo nobilissimus in Christo puer Dunstanus, inter alios unus, immo præ aliis solus; ubi paulò diligentius quàm imbecilla ætas ferre posset, literarum studio intentus, acerrimo in tenello corpore languore fatigatur; adeo ut per aliquot dies nec quid ageret, nec quid ab aliis ageretur, ipse intenderet. Flebat autem Scholasticorum coetanea turba; flebat tota domus familia, ipsi Doctores recordantes modestiam pueri, ingenium, nobilitatem, educationem. Cùmque jam in limine mors adesse putaretur, nihilque aliud quàm funeris obsequium meditaretur; ecce intempestâ nocte cœlestis illum medicina revisit, quam ei per Angelicum ministerium Christus exhibuit. At ne qua salutis innecteretur mora, ubi divina pervenerat medicina; confestim de lectulo surgens doloris, ad templum Deo gratias acturus moderatâ velocitate currit; habens illum in itinere ductorem, quem in ægritudine habuit Salvatorem. Stupefacti de magnitudine facti, qui in domo erant, qui ægotantis illius curam gerebant, lento pede præeuntis vestigia terunt, finem rei curiosâ agilitate explorantes. Nec dum itineris medium consecerat, cùm malignus Spiritus sive ejus salutem invidens, seu futuram religionem suspectam habens, latrantium canum multitudine stipatus occurrit, viamque eunti intercludere contendit. Exclamat itaque puer Christum, pavore conterritus, sed ductoris sui præsidio vallatus, virgam arripuit, quam in faciem obstitentis simulachri vibrans, ipsum cum omni comitatu in fugam compellit. O Sanctum & terribile nomen Christi sapientibus absconditum, parvulis revelatum! Ecce Draco, quem initium figmenti sui finxit Deus ad illudendum ei, non solum ab Angelis Dei illuditur, verum etiam à puero parvulo superatur. Verè detracta est ad inferos superbia ejus, in profundum lacu concidit cadaver illius. Sed in quo ista noster potuit parvulus, nisi in illo, qui cum sit Deus super omnia benedictus in secula, parvulus de virgine natus est nobis, filius a Patre datus est nobis. Dunstanus igitur ad portam templi veniens, sed eandem repagulis obseratam inveniens, scalam cui inniti solebant qui superiora templi sarciebant, ignoranter & quasi per excessum mentis ascendit. Inde ad alteram partem tecti, qua nullus erat descensus, progrediens, angelicis manibus ad solum deponitur; & in interiora templi non patentibus claustris inducitur. Or-

† Patricium Juniorem vocat author Vitæ Dunstani ad Alfricum (quem Bridferthum appellare liceat) cap. 1. Glastonientes autem contendebant Magnum illum Patricium Seniore, Hiberniæ Apostolum, Monasticam religionem apud ipsos instituisse, primi Abbatis dignitatem tulisse, & ibidem sepultum esse: Utque rem probarent, plurima scripta, diplomata,

Testamenta & ejusmodi alia confinxerunt. Quicquid autem ventosi Monachi delirarent; non magis Patricius ille Magnus sed neque Patricius Junior, (quem Senioris filiolum vulgò perhibent) apud illos verus fuit; quàm Josephus Arimathæensis, quem Fundatorem suum stolidissimâ arrogantia jactitarunt.

tâ autem luce dum per vicinas domos quæstio de puero facta fuisset; repertus est in templo cum iis, qui nocturnas custodias agebant, levi sopore offusus. Rogatus, ut tam mirabilis eventus modum exponeret, non esse hoc in suâ conscientia respondit; & ignorantium mentes majori ambiguo deduxit. Sed ii, quos explorandi gratiâ puerum secutos fuisse prædiximus, de omnibus, quæ usque ad suprema templi fastigia contigerant, claro & turbato sermone testificantur. Cætera verò quoniam & illos & puerum latuerunt, solâ Dei potentia mirabiliter patrata fuisse claruerunt. Magno igitur timore concussi omnes, qui audierunt, cogitabant quidnam esset, quod puero contigisset; dicentes [ad] alterutrum: Quid sibi vult puer iste, cui tot & tam sancta præconia attestantur? Qui antè beatus, quàm natus; antè virtus prodidit gloriosum, quàm ætas probaret adultum. Singulari hunc gratiâ præditum videmus, quem Angelus ægrotum sanavit, Diabolus sanatum contremuit, Ecclesia signata excepit. Et denuo orantes: Augeat, inquiunt, Deus meritum pueri ad gloriam sui. At ille regentis se Christi Spiritu repletus, aures quidem corporis à suis laudibus avertēbat, sed in secreto pectusculi Deum benedicebat. Ab illo itaque die in tantâ admiratione habitus est; ut plurima illum utriusque sexûs multitudo quamvis adhuc delicatum videre cuperet. Ipse verò quanto excellentiora audiebat, tanto de se minora sentire.

Jamque vernans ætas adolescentiæ decus induerat; cum eum parentes sui sacros Ordines rogarent suscipere; ut qui fuerat à primavâ ætate Domini electus, per hujusmodi gratiam eidem conjunctius adhereret. Quorum ille voluntati humiliter parens, minores gradus & habitu suscepit & vitæ honestate servavit. Tum verò, quod illi ætati non parvo ornamento est, certabat omnes officio superare; gratiâ & affabilitate omnes anteire, servare pudicitiam, fugere lasciviam, appetitor honestatis, turpitudinis execrator. Majorum natu colloquiis adesse, Juvenum ludicra declinare. Ciborum abstinens; somno temperans, incessu gravis; neque facile moveri loco neque abruptè loqui: Magnæ fiduciæ ad incipiendum bonum, constantiæ ad perficiendum: Principium bene agendi Deum semper habere, finem verò eidem commendare. Moribus quoque bonis accessit studium sacræ lectionis; cujus exercitio & vitiorum importunitates evitabat, & virtutum augmenta nutrebat. Et quoniam studium parvam habet efficaciam, ubi naturale ingenium non suggerit intelligentiam; auctore Deo sic utraque præditus erat; ut & facilitate ingenii quamlibet rem acutissime intelligeret, & occupatione studii quodcunque intellectum fuisset, firmissimè retineret. Ex quo brevi factum est, ut neque præceptoribus suis imperitior, & condiscipulorum peritissimis multo esset ipse peritior. Philosophorum scientias, quas earum rerum quæ sunt & quæ aliter esse possunt cognitionem veritatis verustas esse diffinit, Ut sunt magnitudines, & earum alia manentes motuque carentes, Alia verò quæ mobili semper ratione vertuntur, nec ullis temporibus adquiescunt, multitudines quoque, & earum nihilominus alia per se, alia in ratione positæ: horum inquam scientias diligenti excoluit ratione, magnam in his & constantem prospiciens esse perfectionem. Et quamvis omnibus his artibus magnificè polleret; ejus tamen multitudinis, quæ Musicam instruit, eam videlicet quæ instrumentis agitatur, speciali quadam affectione scientiam vindicabat; sicut David psalterium sumens, citheram percutiens, modificans organa, cymbala rangens; sed non sicut hi, quorum inertiam & luxuriosum otium propheticus noster increpat armentarius. <sup>h</sup> *Qui dormitis, inquit, in lectis eburneis, lascivitis in stratis vestris. Qui comeditis agnum de grege, & vitulos de medio armenti. Qui canitis ad vocem Psalterii, sicut David. Putaverunt se vasa cantici habere, bibentes in fialis vinum.* Nec eo ista commemoramus, quo his opus esse ad perfectionem tendenti arbitremur; sed ut multiplies Dei grâcias in juvenem commendemus. Nam omnibus secularibus studiis præferebat scientiam pietatis, quæ in

<sup>h</sup> Amos VI. 4.



in Evangelicis & Apostolicis continetur litteris ; Dum sua semper ingenia Sanctorum Patrum auctoritati contradens, & ambas res ad easdem literas conferens, fidem veram, morum disciplinam, & quod unum & solum præ omnibus quærendum est, vitam æternam se invenisse gaudebat. Sicut David, ergo nostri symphonista vasa cantici habuit ; quia usum illorum non nisi in divinis laudibus expendit. Præterea manu aptus ad omnia, posse facere picturam, literas formare, sculphello imprimere, ex auro, argento, ære & ferro quicquid libaret operari.

Hic Dunstanus  
proficiscitur  
ad Athelmaum  
Cantuariorum  
Archiepiscopum.

Tunc auditâ famâ venerabilis viri Cantuariorum Archiepiscopi Athelmi, cujus ipse erat nepos & filius fratris, permissu parentum suorum proficiscitur ad eundem ; quatinus tanti parentis & cognitionem haberet, & vitæ illius exemplo juveniles mores informaret. Lætabatur itaque Episcopus nimis in adventu nepotis, considerans in illo venustatem corporis, animi vigorem, ac totius honestatis eminentiam. Unde eo quo afflatus est Dei spiritu vas illum electionis futurum prænosces, potiori gradu decorare, & Regi Ethelstano \* familiari contestatione eum studuit commendare. Hunc, ait, juvenem mihi plurimum, Regiæ verò stirpi nonnullo consanguinitatis jure devinctum, vestræ Excellentie commendo ; ut stet jugiter in conspectu vestro, audiatque verbum ex ore Domini mei Regis. Experiar in illo gratiam vestram ; quam multiplicem in maximis sæpe rebus expertus sum, & deinceps amplius experturum me confido. Quod Rex promptâ cordis alacritate accipiens, oblatum juvenem gratissimè excepit, unicè dilexit, post hæc necessariis quoque rebus Regiâ vice præesse constituit. Dunstanus igitur terreno degens in palatio, egrediebatur & ingrediebatur ad imperium Regis ; & prosperatum est in manibus ipsius quicquid operis ipse cœpisset : & nunc quidem surgens ad orandum Deum, nunc sedens ad dijudicandas causas hominum, ita se sapienter & circumspectè agebat ; ut & Deo per omnia placeret, nec aliquem piè viventium suâ culpâ offenderet. Dominus enim cum illo erat, & omnia ejus opera dirigebat. Iterum cum videret dominum Regem sæcularibus curis fatigatum, psallebat in tymphano sive in cytharâ, sive alio quolibet musici generis instrumento ; quo facto tam Regis quàm omnium corda Principum exhilarabat.

Miraculum de  
Cytharâ  
S. Dunstani.

Tunc cujusdam matronæ frequenti ac religioso rogatu compellatus est ; ut ei sacerdotalem stolam artificiosâ operatione perpingeret, quam postea ad divinos cultus aurifactoriâ imitatione figuraret. Qui assumptâ in manibus cytharâ, ad domum tendit religiosè ; Cytharam in pariete suspendit, opus ad quod venerat diligenter instituit : Cumque manum operi, cor autem atque labia Deo præparaverat ; apparuit in domo gloria Domini, quæ illum jocundâ suavitute reticiebat, cæteros verò insolitâ admiratione exterritos reddebat. Nam cythara illius, quam parieti affixam fuisse diximus, ita ut erat pendens in paxillo, absque ullo moventis duntaxat hominis impulsu, consuetam omnibus hujus antiphonæ melodiam acutissimâ simul & discretissimâ modulatione

\* Hinc Osbernus mendacii clarissimè convinci potest. Dunstanum enim natum fuisse anno 928. ipse superius prodidit. Obiit autem Ethelstanus Rex anno 941. Dunstano nondum decimum tertium ætatis annum egresso. Non potuit igitur Dunstanus sacros Ordines sub Ethelstano Rege suscepisse, multò minùs Judicis partes in Aula Regis obisse, seu Presbyter ab Elsego Wintoniensi Episcopo ante Athelstani

mortem ordinari ; quod inferiùs Osbernus tradit. Annum itaque Nativitatis mælè positum opinor. Elfegum enim, à quo Presbyter ordinatus fuit, anno 951. obisse constat. Quin & ipse Athelmus, Dunstani Patronus, ante annum 928. defunctus est. Illum tamen Dunstano patruum & favoris in Aula Regia Conciliatorem fuisse Adelardus etiam testatur in Vita ejus, Lect. 3.

personuit.

perfonuit. *Gaudent in cælis anima Sanctorum, qui Christi vestigia sunt secuti, & qui pro ejus amore sanguinem suum fuderunt; ideo cum Christo regnabunt in æternum.* Exiliunt itaque obftrepentes puellulæ, mater familias, omnisque domus clientela vociferans hominem nimium esse sapientem, amplius eum quàm quod expediat fcire. At ille mundiffimo mundiffimi cordis intuitu cælestem illum Musicum intendens, admoneri se intelligit, ut Christi vestigia propiùs sequatur, ut sanguinis sui effusionem non metuat, si Dei regnum & vitam delectat habere æternam. Audivimus olim rudentem asinum verba edidisse; cytharam verò sine humano pulsu aliter cecinisse nusquam audivimus. Illa Angelicos vultus perimescens subsedit, ista ad affectum Dei & Angelorum illius omnes audientes invitavit. Sed hæc tua sunt, Christe, magnalia, quæ in tuo Dunstano operari & per nostrum ministerium prædicari hominibus voluisti.

Accensus igitur furore Diabolus, quod tam sanctis principiis juvenem niti conspiceret, in invidiam aliquorum eum conatus est adducere, ignorans malam voluntatem suam Deo famulari ad perficiendam Dei bonam voluntatem in homine, quem ad congaudendum & conregnandum ipse prædestinaverat. Inflamat itaque invidentiæ stimulis operarios iniquitatis, qui conficto mendacio opinionem Juvenis apud Regem lædant, asserentes illum malis artibus imbutum, nec quicquam divino auxilio sed pleraque dæmonum præstigio operari. Advertens autem Dunstanus faciem Regis non esse sicut heri & nudius tertius, palatio discedere parat; malens Regem sponte suâ deferere, quàm ipse à Rege invitus derelinqui. Quod ubi compertum est ab iis, qui probitatis illius improbißimi æmulatores extiterant, insidiis iter obsident, socios disturbant, illum equo dejiciunt, suppliciis affligunt; postremò vinculis irretitum in cisternam, quæ juxta erat, depellunt. Cùm interim horrendo molossorum agmine defensus, à quibusdam hominibus invenitur; quorum studio ac pietate ad vicum fovendus transfertur. Tum ille ex profundo cordis suspirio ingemiscens ait: O sæva propinquorum meorum vesania, in caninam sævitiam ex dilectionis humanitate mutata. Nam irrationalis canum natura dilectionem mihi humanitatis blandiendo exhibuit; propinquitatem verò humanitatem oblita infestantium me canum severitatem ostendit. Intellexit ergo hoc esse principium certaminis, ad quod illum divinus nuper Cytharædus præmonuit.

Dunstanus repellitur de curia Regis per instigationem Diaboli.

Profectus autem inde cognatum Pontificem adiit, qui tunc temporis Wentanæ prædens Ecclesiæ vitam virtutibus decorabat. A quo frequenti supplicatione rogatus, ut Monachum indueret, quatenus qui Angelicæ conversationis initia haberet, perseverantiam in habitu demonstraret. Respondet ille, excellentioris gratiæ esse qui [in] sæculo consenuit, & tamen quæ Monacho digna sunt fecit, eo qui se Monasterio dedit, nec quicquam aliud præterquam quod sibi statutum est post hæc facere potuit. Alterum, inquit, necessitatis est, alterum libertatis. Ad hæc Episcopus. "Omnibus, ait, in commune summa necessitas est; ut qui ignem gehennæ voluerit effugere, ignem concupiscentiæ studeat extinguere. Ignis verò concupiscentiæ non multum extinguitur; si fomenta illius humanis sensibus non subtrahuntur. Sicut enim lingua ad ignem, sic ea quæ sensibus subjacent, ad concupiscentiam. Sed nulla erit fomentum subtractio; si sæcularium negotiorum non fuerit renuntiatio. Ex quibus omnibus id elicitur; ut si ignem gehennæ volueris effugere, sæculo studeas renunciare. Ad hæc quod precipue in mundo appetitur, libertas est hominis. Hæc enim omisâ, cætera possideri non queunt. Quod si possidentur, illa non desinit haberi. Cùm igitur his & hujusmodi verbis per singulos dies Episcopus insisteret; & Dunstanus aut veris aut verisimillimis rationibus insistentem differret; quadam die vehementer hoc cogitationis ambiguo pulsatus est; ut quid in vitâ quam maxime appetendum



<sup>1</sup> l. ex inspi-  
ra. o.  
Hic Dunstanus  
renunciabat  
saeculo &  
pompis ejus.

Hic postulat  
Dunstanus re-  
ligionis habi-  
tum.

Nota de cella  
Sancti Dunsta-  
ni.

\* l. quædam.

Verba Diaboli  
cum Sancto  
Dunstano in  
Dormitorio.

appetendum fuisset, virtus an voluptas, uxor an virginitas, magnopere deli-  
beraret. Quem sub tali ambiguo positum gravissima febris invasit, atque ad  
desperationem vitæ perduxit. Jacebat itaque sine expectatione salutis ægro-  
tans, nec ullum intuentibus viventis sensum præbens. Tum <sup>1</sup> expirato reva-  
lescens. Hic, ait, legibus voluptatis renuncio; hic me sempiternum sibi ad-  
versarium promitto. Nil cum uxore foederis paciscar; sola me virtus militem  
habebit. Insanum quippe est illam animi mei dominatricem sustinere, quæ  
nec viventes reddit satiatos, & morientes relinquit desperatos. Virginem me  
virginis filius huc usque servavit; virginem me virginum reginam Maria habe-  
bit. Confestim accito ad se Episcopo postulat sibi dilatae religionis benedictio-  
nem dari. Episcopus immensam lætitiâ pro salute simul & conversione juvenis  
perfusum celeriter illum Monachali ac sacerdotali gratiâ promovit, attitulans  
Ecclesiæ Beatæ Mariæ Virginis; cui eum ab initio parentum suorum sponsio  
dicavit.

Consummatis autem primis inceptæ conversionis diebus, cum eum Episco-  
pus adversus insidias Diaboli & sermone instruxisset, & autoritate roborasset;  
dimisit illum proficiscentem ad locum suæ generationis principium; ibique in  
Ecclesiâ beatæ Virginis mansitabat, operans ea quæ piæ religionis norma exi-  
gebat. Cui etiam adhærentem cellam [sive] Destinam\*, sive spelæum, si-  
ve alio quolibet nomine rectius nominari potest; non enim invenio qua id ap-  
pellatione quàm proximè vocem; cum non tam humani habitaculi quàm  
formam gerat Sepulchri; propriis laboribus fabricavit. Ut enim de re, quam  
ipse vidi, testimonium feram; quantum mea fert æstimatio, longitudo ejus-  
dem cellæ non amplius quinque pedum, latitudo verò duos semis pedes habet.  
Porro altitudo staturam exprimit hominis, si quis in defossa terrâ constiterit.  
Aliter enim neque satis ad pectus porrigitur; ut sicut dixi, magis mortui  
videatur Sepulchrum quam viventis habitaculum. Unde manifestum est il-  
lum jacendo somnos cœpisse, & stando semper Deum orasse. Ostiolum au-  
tem idem est quod paries. Quod enim ingredienti ostium, idem ingresso pa-  
ries fiebat. Neque verò in tantillo opere ostium nisi in toto fieri valebat. Me-  
dium ostioli fenestella aperit, per quam lumen operanti irradiavit. Miserum  
me ac peccatorem fateor inspexisse sanctum sessionis ipsius locum; Vidisse  
<sup>k</sup> quæ etiam manuum illius opera, peccaticibus manibus contrectasse, oculis  
apposuisse, rigasse lacrimis, & flexis genibus adorasse. Recordatus namque  
sum, quàm sæpe clamantem me in periculis exaudierit, quàm misericorditer  
auxiliatus fuerit; & idcirco neque lacrimis temperare, neque si fieri potuisset,  
inde recedere volebam. Hæc juveni domus, hic lectus, hoc de toto mundo  
spectaculum. Sed his angustiis ampla & spatiosa urbium mœnia comparari  
non possunt; cum per easdem angustias hodie & fabricantes salutem obtine-  
ant, & dæmonum furores quiescant, & plurima invalidudo convalescat.

Verum ne paupertatem illius diabolus misereri videretur; quem antea non  
sinebat habitare in palatio, eum nunc nititur depellere tugurio. Fallax ergo  
fallacem hominis adopertus imaginem, sub obscuro vespere cellam petit ado-  
lescentis, immisso capite fenestræ incumbit, cernit illum fabрили opere occupa-  
tum, postulat sibi quippiam operis fabricari. Dunstanus autem neque ejus  
calliditatem advertens, neque importunitatem ferens, operi quod postulabatur  
animum intendit. Interim ille perversâ compositione verba facere, mulierum  
nomina inferere, luxurias commemorare, deinde religionem ostendere, & de-

\* Destina apud Scriptores nostros est | us appositum. Vide Bedam, Hist. Eccl.  
Ædificium parvum, parieti majoris exteri- | l. 3. c. 17.

nuo eadem repetere. Tum verò Athleta Christi qui esset intelligens, tenacula quibus ferra tenebat, fortiter ignire, suppressis labiis Christum invocare. Cumque per summos fines eadem tenacula candentia videret; sancto actus furore, celeriter ea de igne rapit, larvalem faciem tenaculis includit, & totis viribus renitens monstrum introrsum trahit. Jam stando vires sumebat Dunstanus, cum qui tenebatur avulso pariete tenentis se manibus aufugerat; tales immani rugitu fremens ululatus. O quid fecit calvus iste, o quid fecit calvus iste! Tenui namque sed formosâ cæsarie erat; & eâ re talia de homine clamitabat. Mane autem facto congregata est ad eum non parva propinqui populi multitudo, sciscitans quis nam ille clamor fuisset; qui tantâ eos dormientes vehementiâ terruisset. Dæmonis, ait, furor ille fuit; qui nusquam me vivere finit, è cellâ quoque ejicere temptat. Cautè vos agite ab illo; quòd si vocem irati ferre non potuistis, societatem damnati quo pacto sustinebitis? Post hunc diem Dunstanus quasi in præcinctu belli manere cœpit, virtutibus Diabolum ad certamen lacessere, corpus inediâ macerare, animam orationibus decorare; sciens in nullâ re magis Diabolum superari posse, quàm in eâ, quam Dominus dicebat, <sup>1</sup>In jejunio & oratione. Unde cum pudicitia corporis tantam cordis munditiam obtinuit; ut vix eum latere possit quicquid sinister Spiritus molitus fuisset.

Hic Dunstanus traxit Diabolum tenaculis ignitis.

Verba Diaboli postea clàmula.

<sup>1</sup> Marc. IX. 28.

Fama itaque nominis ejus universam percurrit regionem, quæ ad visendum hominem Dei omnium corda accendit. Omnis ætas, uterque sexus, clarus & ignobilis, tenuis & pecuniosus, privatus & cum potestate, omnes omnino Dunstanum loquuntur, sapientiam prædicant, virtutem magnificant. Mulier quædam nomine \* Ethelgifu, regali exorta progenie, magnarum divitiarum, quæ omne semen Regium materno semper affectu dilexerat, foverat, nutriverat, invisa manibus suorum ad hominem Dei accessit, sanctissimo illius colloquio perfrui desiderans. Quæ cum ex ore illius verbum audisset; adeò delectata est dulcedine vitæ æternæ, ut ulterius neque domum repetere, neque loco discedere, sed cum Beato Dunstano manere, vivere, mori deligeret. Proinde habitationem sibi in <sup>m</sup> infinitate sacri templi constituens, audiendo verbum Dei sedula adesse, famelicis stipem dare, vestem argentibus, ipsa multæ continentia operam dare, prorsus ad omne opus justitiæ promptissima existeret. Circa venerationem Beatæ Virginis Mariæ ita fervens erat; ut in templo illius quamplures sacri Ordinis viros locaret, quibus ipsa quæcunque necessaria forent suâ liberalitate exhiberet. Qua de re in tantum apud eandem Virginem ejus merita valere; ut si quando necessitate coacta quippiam postularet, vix aliqua intercedente morulâ ab eâdem susciperet. Ut enim sine tædio legentium aliquantulam ab incœpto digressionem faciam, neque enim à re quam tenemus multum deviat: Dum quodam tempore præfatus Rex propter religionem loci Glastoniam venisset; illa veterem servare volens consuetudinem, qua Regibus ministrare solebat, orat eundem ut ad se divertat, prandium quod sibi paraverat dignanter suscipiat. Quod Rex non sine verecundiâ annuens (non enim ignorabat, quid in pauperes Christi ipsa expenderet) præcepit Regiæ ministrationis provisoribus, ut scirent si omnia commodè ac moderatè parata fuissent. Illi autem circumspèctis omnibus abundè omnia

<sup>m</sup> I. affinitatè.

\* Illam Osbertus Elsgivam vocat, Bridferthus Æthelsedam, Ælsedam Westmonasteriensis, qui eandem Æthelstani Regis neptim fuisse prodit (ad an. 929.) Non dum scilicet in Ecclesiâ exoleverat turpissi-

ma foeminarum *συνηθισμένη* consuetudo. Præclarum illius exemplum in Aldhelmo Episcopo Scireburnensi supra habuimus. Plura alia inferioris sæculi annotari possent; de quibus forsân aliàs.



Miraculum de  
Beatâ Mariâ.

esse renunciant; si ejus tantummodo potûs, qui mellis ac miri aspergine conficitur, sufficientiam haberent. Quibus illa. Non, inquit, patiatior Domina mea mater Domini mei Jesu Christi Maria; ut in omnibus rebus, quæ regiam decent magnificentiam, deesse quippiam valeat. Et accurrens in templum Beatissimæ Virginis Mariæ, rogat per ejus largifluam bonitatem, quod in Regali ministerio minus videbatur haberi. Sedit itaque Rex multo stipatus Satellite; hauriunt ministri modicum illud confecti liquoris. Ita vasculum permansit imminutum; ut mulieris Sareptinæ, vel hydriam farinæ vel lechitum olei putares. Denique totâ die de vasculo hauriunt, totâ nihilominus die inexhaustum \* reperiunt. Ad quod Rex factum mente immutatus: Peccavimus, ait, nimis in famulum Dei, multitudinis nostræ superfluitate eam aggravantes. Ita dixit; post dictum faciem advertit; viâ quæ cœpit, profectus est.

Dunstanus vidit Spiritum Sanctum in specie columbæ.

Sed jam ut id, quod instituimus, attingamus; transacto laborum suorum glorioso certamine, gravi corporis infirmitate cœpit hæc eadem laborare. Ad quam dum mœrens Pater Dunstanus intraret; post uberrimas alterutrarum lacrimarum inundationes, post humillimam piæ confessionis devotionem, post dulcissimam de beatâ spe & adventu Domini Salvatoris consolationem, hortatur illam, ut nudam se ab omni mundanâ specie faciat, ne in transeunte quicquam suum Princeps mundi inveniat. Cui illa; Neminem, inquit, in mundo sicut te carissimum habeo; propterea quod te præcipuum salutis meæ autorem scio, salvo eo quod Deum omnipotentem totius bonitatis principatum tenere credo. Illum ergo rerum mearum hæredem facio, te vero hæreditatis tutorem constituo; ut quicquid illum noveris velle, tui arbitrii sit effectui mancipare. Quod Beatus Dunstanus audiens, & quamvis invitus ejus voluntati morem gerere volens, universas gazas ejus, quæ in rebus mobilibus superesse poterant, extemplo pauperibus erogabat; cætera autem ad Ecclesiarum sublevationem reservabat. Jam sol urgebat ad occasum; Dunstanus nocturnas fugiens tenebras, ad suum remeat ergastulum. Et ecce dum ostium Ecclesiæ psallendo præteriret; erectis ad cælum oculis omnipotentis Dei Patris & Filii coæternum Spiritum in columbæ specie videt descendentem; cujus corpus omni candore nitidius; alarum verò remigia scintillantibus ignis splendorem per aera spargebant. Quam ille tunc verè Beatus piâ mentis aviditate contemplatus, penetrabile illud morientis Matronæ subintrantem conspicit. Concitè igitur unde venerat regressus, videt domum divini Splendoris fulgure splendere; audit foeminam intra septa oppansæ veli gratias agentem, miratur colloquium, ac dicendi finem patiens auditor expectat. Deinde levato velo, penetrali subintrat; stelliferi illius nomen requirit, nuntium interrogat. Illa excellenti quadam gratiâ vultûs perfusa, modestè arridens ait. Tu stelliferum, antequam huc venires, vidisti; & nunc cui sum locuta interrogas? Ipse est, qui tibi ad ostium Ecclesiæ psallenti apparuit; qui & me de pavore imminentis mortis contreritam visionis suæ gratiâ consolari dignatus est. Annuncio itaque omnibus amicis meis tristandum de morte meâ non esse; quoniam morientem me aternæ vitæ claritas suscipiet. Tibi autem carissimo ac singulari amico uberes gratias refero; propterea quod tuis semper instructa admonitionibus & adjuncta orationibus ecce ad Deum vado, unum tibi & ultimum

\* Idem Miraculum Historia Abendonensis ab Ethelwoldo Abbate confectum refert. Sic solent mendaces Monachi in

confingendis Miraculis alter alterum describere.

(si aulim dicere) facio præceptum; ut diluculo \* sacri unguinis ac dominici corporis participem me facias; quatenus his vivificis munita mysteriis, non confundar in portâ, dum ibi fuero inimicis meis locuta. Cujus imperio venerabilis Pater Dunstanus annuens abiit, manè juxta conditum rediit, itaque omnia peregit; ut finitâ serè Missâ cum ipsa corpus & sanguinem Christi suscepisset, animam pariter Christo tradidisset. Qua in Ecclesiâ honorificè Beatæ Mariæ sepultâ, Dunstanus tum de illius tum etiam de sui ipsius patrimonio sollicitus (nam uterque parens obierat, nec præter eum alium hæredem reliquerant) primò quidem eandem Ecclesiam vicinioribus atque uberioribus terris, quæ in omni patrimonio erant, muneravit. Cæteras verò fundandis quinque Monasteriis pro situ terrarum ab invicem sejunctis reservavit. Quæ Monasteria, sequentium Regum temporibus in tantum per ejus industriam aucta sunt; ut singulis complurium Monachorum turbæ inessent, qui omnes secundum regulam ab eodem Patre institutam viverent.

Exinde Sanctus vir majoribus sese virtutum profectibus dedens, deprecatus est Dominum ostendi sibi gloriam justorum; ut qui eam per fidem bene creditam haberet, per manifestationem cognitam dulcius amaret. Talia ex corde meditantem assistit juvenis, decore insignis (quem puerum olim in corpore ipse puer agnoverat, & sanctâ semper familiaritate dilexerat) referens ea quæ sunt æternæ vitæ gaudia, illum verò in sæculo plura passurum, dæmonum insidias, malignitates hominum. Post omnia hæc ad summos gradus perventurum, multa hominum millia Deo lucraturum, cumque his regna cœli scansurum. Sed cum ille propter cautelam dicenti assensum non dedisset; apprehensum illum juvenis in atrium templi induxit; ostendensque locum eatenus in convulsus, ait: Ut nulla te credendis his quæ audisti dubietas attingat; ante triduum Presbyter quidam hic sepelietur, qui nondum infirmatur. Exurgens autem manè ab oratione Dunstanus, convocatis in unum Clericis, ad locum venit, positoque signo, ait: Si vera sunt quæ mihi nocturno tempore ostensa sunt; Ante tres dies Presbyter quidam hic sepelietur, & nondum infirmatur. Vix illis ab invicem digressis, supervenit ejus scemina, quam proximè laudavimus, Curialis quondam Presbyter; qui factâ cum Clericis conventionem præfatum locum in sepulturam obtinuit, dicens: Cum me Deus à corpore migrare jusserit; hoc in loco meas precor reliquias sepelire. Recessit ergo Presbyter vespere sanus, noctu rediit ægrotus; decubuit, agonizatus est; defungitur, in loco beato Patri signato sepelitur. Stupor ingens circundedit omnes, propterea quòd idem vir tam mira de loco, tempore ac personâ prædixisset; quæ omnia post hæc vera ipsi & manifesta vidissent. Ipse autem de ostensâ ac promissâ sibi æternæ vitæ gloriâ lætissimus efficitur; de cæteris verò non parùm tristis atque sollicitus redditur.

Defuncto autem Rege Ethelstano, frater ejus Edmundus Imperii Monarchiam suscepit. Qui cum sciret, quantâ olim virtute venerandus Pater Dunstanus in palatio fulsisset; quàm justis operibus & rectis consiliis præditus fuisset, ac per hoc fraterno semper amore illum dilexisset; directis ad eum nuntiis orat, ut dignetur ad se venire: Ut quem omnipotenti Deo noverat acceptum, eum inter Regios Proceres & palatinos Principes summum faceret tenere principatum. At Dunstanus sive præceptis apostolicis obedire volens

Visio ostensa  
Sancto Dun-  
stano de se-  
pulturâ ejus-  
dam Presby-  
teri.

Edmundus  
frater Ethel-  
stani Regis.

\* Nil de Extrema Unctione ægrotæ | Sanguinis Christi Communionem ab ea  
data Bridferthus habet; solam Corporis & | perceptam commemorat.



Rom. XIII. I. (quibus " omnis anima potestati sublimiori subdita esse debere precipitur) five regnum justitiæ (quod & magnâ parte absolverat) in terrâ Anglorum exaltare cupiens, Regis petitionibus assensum tribuit; consistens pro temporum vicissitudine in palatio, & tam ipsum Regem quam omnes Anglorum Principes justitiæ legibus summittens. Sed cum ferè fiat, ut ex aliorum industriâ aliorum crescat invidia; cumque ad quam virtutem pessimus quisque non valet assurgere, eam in assurgente conetur expugnare; iterum, sicut olim, à plerisque Nobilium in prosperos Dunstani successus est offensum, & Regi ut à consortio illorum pelleretur, falsâ criminatione suggestum. Rex autem, plus honesto falsis favorem attribuens, Dunstanum & rebus & regiâ gratiâ privatum curiâ proturbari jubet. Sic primo, sic secundo diè transitum. Jamque tertia lux advenerat, & Rex cum suis venatum ibat. Nemus autem, quod venandi gratiâ intraverat, mons cedrorum perexcelsus conspicit, qui in medio sui interruptus ingens baratrum & immane præcipitium de summo spectantibus ostendit. Igitur Rex per devexa montis fræna laxare, & per devia quæque fugientem cervum insectari. Fatigantur utrique Rex pro cervo, cervus pro seipso. Omni tandem fugiendi libertate negatâ, bestia præcipitium petit, ac partes in minutissimas conscissa deperit. Sequentium canum similis interitus, ultimum Regem sonipes evexit. Qui visò cominus quod præ se fortuna pararet, retraxit habenas, vectorem quoque reflectere nixus; cum repentè ruptis frænis & de manu porro rejectis volucris cursu sessorem Regem equus asportat. Quid plura? Omnino de se diffidens, de Dei verò misericordiâ nonnihil confidens, cœleste auxilium implorat; sicque confitendo orat. " Deus Rex omnipotens, qui cum sis super omnia excelsus, humilia " respicis, & alta à longe cognoscis; adesto nunc Regi homini, cæteris mortalibus simili, inque supremo mortis periculo consistenti; nec reminiscaris " injuriarum fidei tuo Dunstano per me illatarum; quoniam si me ipsius " meritis à præsentis morte eripueris, quoad vivam, devotum me tui nominis & illius laudatorem habebis. Nec dum verba plenè finierat; & quod dictu est incredibile, (sed Deo nihil impossibile) quasi divinâ manu retentum animal in summo voraginis fixum manebat. At ille corde pariter & ore excelsas Deo gratias referens, Dunstanum suæ liberationis autorem adesse jubet; & quæ per illum divinitas operata sit, coram omni Principe exponit. Et apprehensâ dexterâ viri osculatus est eam, & dixit: " Agnosco, virorum Sanctissime, quid in te commiserim mali; non per fidem " meam quòd ego voluerim, sed quòd à pessimis hominibus coactus id fecerim. Grates ergo clementiæ Dei, quæ non modò debitum mihi supplicium non inferre, verum etiam indebitum voluit beneficium prærogare, " dum me à præcipitio mortis eripiens longioris vitæ spatia in tuis nominibus concessit. Sit ergo deinceps inter nos perfectæ familiaritatis perpetua integritas; sit disponendis in palatio rebus libera tibi semper facultas; sit in toto Anglorum imperio judicandi inter virum & proximum ejus summa potestas. Atque ut animi mei affectum circa te cognitum habeas; illum tibi locum, in quo te genitum, educatum, conversatum accepi, perpetuo jure possidendum trado; ut quodcunque de illo velis statuere, tui arbitrii sit considerare. Quod si id cordi tuo potissimum federit; ut ejus Ordinis viros (cujus tu habitum geris) ibidem aggregare placuerit; quicquid eis in quacunque re defuerit, ego ob gratiam tui Regiâ liberalitate supplebo.

Miraculum  
de Rege per  
Sanctum Dun-  
stanum.

Dunstanus ac-  
cepit potesta-  
tem super  
Regiam man-  
sionem in Gla-  
stonia.

Igitur Dunstanus acceptâ potestate super regiam mansionem, quæ Glastoniam vocabatur, post paucos dies augustioris Ecclesiæ fundamenta jacere, officinas secundum exemplar sibi ostensum construere, & consummatis omnibus magnum pariter atque egregium Monachorum agmen ibidem

dem coadunare cœpit. Quibus \* ipse primus Abbas effectus, ad tantam perfectionem justitiæ omnes cohabitantes adduxit; ut quasi cœli luminaria ad effugandas totius erroris nebulas & peccatorum tenebras viderentur. Tunc † ad omnes circumquaque Ecclesiâs ex eisdem Monachis Pontifices eligi, tunc Abbates assumi, tunc denique diversorum officiorum Præpositi institui; propterea quod essent & religionis [merito] præcipui & doctrinæ sapientiâ clarissimi, ad catholicæ fidei defensionem præstantissimi. Sed tantæ religionis spiritus Dæmonis malus impatiens, quo pacto virum à statu rectitudinis dejiciat, quantis valet insidiis elaborat. Cujus oculis in cubiculo quadam nocte orantis immanem se lupum ingerit; iterumque post paulum vulpem blandientem confingit. Quam ille specierum varietatem subridens: O te, inquit, per omnia similem tibi! O formas tuæ actioni congruas, dum in altero cruentum, in altero te comprobes fraudulentum! Vade jam, inimice; quoniam in ejus nomine te vincam in lupo & vulpe, qui te in leone superavit & dracone. Cernens autem se magnam à dæmonibus invidiam pati; nec suis aut filiorum suorum viribus satis confidens, adhibuit vitæ suæ patronum Andream Apostolum; ut esset fidus interpretis apud Deum, assiduus in terrâ comes, atque in omnibus hujus mundi turbinibus custos indeficiens. Hujus ipse assiduâ protectione quasi muro vallatus, securus infra cellam agebat atatem, excelsâ mente universa mundi transcendens, & in amore divinitatis jugi meditatione requiescens. Unde suavissimis superiorum spirituum concentibus sæpe interesse promeruit; bonam futuræ mercedis spem Deo tribuente; ut qui Angelorum conversationem agebat in terrâ, illorum societatem agnosceret in cœlo. Denique dum præfato Regi Edmundo filius nasceretur nomine Edgarus, \*\* puer videlicet pacis ac justitiæ bajulus futurus; audit idem Beatus beatos Angelos in cœlo gratulantes, & cum magnâ gratulatione psallentes: Sit pax, sit magna Anglorum Ecclesiæ lætitia; quamdiu puer natus regnum tenuerit, & noster Dunstanus mortalis vitæ metas transegerit. Quod dictum [quanta] sit rerum veritate subnixum, congruus ordo præsentis lectionis faciet manifestum.

Dunstanus  
Primus Abbas  
Glastoniæ.

Diabolus apparuit Sancto  
Dunstano in  
specie lupi &  
vulpis.

Hic Dunstanus  
adhibuit Sanctum Andre-  
am vitæ suæ  
patronum.

Vox Angelorum in nativitate  
Edgarî  
Regis.

Qua etiam tempestate vir Dei pretiosus, precibus Regiis devinctus, Bathensem Ecclesiam divinis cultibus instituendam invisere peregit. Ubi dum factâ refectioe solitarius oraret, repente ad superna raptus cujusdam discipuli nobiliter à se apud Glastoniam educati animam innumerâ Angelorum frequentiam hinc inde stipatam, atque immensi luminis fulgore perfusam, ad cœli palatium provehi conspicit. Moxque in manus divinæ pietatis eam commen-

Hic Dunstanus  
vidit animam  
cujusdam discipuli ejus ab  
Angelis susceptum.

\* Verba Bridferthi hac de re notatu digna sunt. " Rex apprehensa ejus dextera  
" osculatus est illum; ducensque ad sacerdotalem Cathedram, & imponens illum  
" in eam, dixit: Esto Sedis istius princeps potensque infessor, & præsentis  
" Ecclesiæ fidelissimus Abbas; & quicquid tibi, &c. Igitur post hæc servus  
" Dei Dunstanus jam dictam dignitatem  
" jussu Regis regendam suscepit; & hoc  
" prædicto modo saluberrimam S. Benedicti sequens institutionem, primus Abbas  
" Anglicæ nationis enituit.

Nec dissimilia habet Adelardus in Vita Dunstani MS. Lect. 3. " Unde pri-

" mùm, inquit, eliminato. quicquid oculos  
" superni inspectoris offendeat, Monachus & Abbas effectus, Monachorum  
" ibi Scholam primò primus instituere cœpit.

† Longum Episcoporum & Abbatum ex familia Glastoniensi, hoc potissimum sæculo, prodeuntium catalogum texuit Author Historiæ Glastoniensis. in Monastico Angl. Tom. 1. p. 8, 9.

\*\* Natus est anno 943. juxta Wigornensem & Westmonasteriensem; qui eandem de concentu Angelico fabulam referunt.

dans,



dans, dominos quoque loci ad commendandum invitat. Stupentibus quidem omnibus & vix fidem dictis exhibentibus, velocis cursoris testimonio & mors & mortis hora secundum viri testificationem vera probatur.

Diabolus sal-  
ravit coram  
Sancto Dun-  
stano & equi-  
tantibus se-  
cum.

Rex occiditur,  
regnum muta-  
tur.

Edredus fra-  
ter Edmundi  
Regis.

Regressus autem à loco, ut Regem loquendi sibi cupidissimum adiret, Diabolum scurræ simillimum coram equitantibus deprehendit saltantem, & quasi de futuro aliquo lucro gloriantem. Cujus præsentiam dum coessenti populo indicasset, formamque omnium conspectibus horribilem ex imperio denudasset; requisitus postea quid ejusdem monstri tam petulans lætitia portenderet; ille mortem Regis regnique mutationem proximam esse denunciat. Cui mox prophetiæ veritas rerum contestata respondit. Nondum enim sol septies diem creaverat; \* & Rex occiditur, & regnum mutatur. Ex quo satis est advertere, quanta hujus viri pectus gratia Dei regebat, qui invisibilem hostem tam facile deprehendere & ejus vestigia tam veraciter posset denudare. Translata autem sunt exequiæ Regis Glastoniam, ibique à Beato Dunstano sub magnâ lugentis populi frequentia terræ commendatæ.

Successit in regnum jure fratris vir egregius Edredus, homo cultor justitiæ ac pietatis, Deum valde diligens, & ipse à Deo multum dilectus, ac per hoc paterno verberare quasi bonus filius crebro ab illo flagellatus. In hujus conspectu venerabilis Pater Dunstanus adeo erat pretiosus; ut omni eum humano generi præferret, principem testamentorum statueret, thesauros ei delegaret, animam, corpus & regnum committeret; nec quisquam in toto regno Anglorum esset, qui absque ejus imperio manum vel pedem moveret. Proinde Dunstanus quasi Rex & Regis Imperator effectus, virgam æquitatis, virgam regni Dei per omnes Anglorum fines extendere; Ecclesias, quas aut ipse fundaverat, aut ab aliis fundatas egestas opprimerat, amplis hæreditatibus munerare, prorsus magnam populis lætitiâ in suâ potentia facere. Dum pax & justitia in mutuos amplexus concurrerent, & osculandi munus per invicem [libarent.]

Mors Elphegi  
Wentanensis  
Episcopi.

Dum hæc ita geruntur, † Aelphegus primus, apud quem illum olim conversatum fuisse prædiximus, ad vitam spiritualis sæculi dispositus est. Existimans autem Rex tempus se opportunum accepisse, quo majoris honoris Dunstanum compotem faceret, aggreditur rogare illum, ut Ecclesiam pastorali solatio destitutam ipse pastor suscipiat. Sed cum videret se quod suadebat persuadere non posse; Reginæ matri Eadgivæ verbum imposuit suadela. “ Scio, inquit, carissima mater ac totius imperii Anglorum Regina; quod te amicus noster Dunstanus præcipue inter homines diligit, in tuis autem maximè operibus delectetur; dum quicquid pro concilio vitæ æternæ ipse tibi præceperit, siue id esset in sustentatione pauperum, siue in muneratione Ecclesiarum, tu sedulâ semper executione implere non cessaveris. Quare de re magnâ animus meus spe detinetur; ut si quid ab eo quod [me] atque illum deceat postulaveris, nullâ tibi ratione denegare velit. Decere autem utrumque nostrum, ut summum ipse attingat sacerdotium, omnibus

\* Obiit Edmundus Rex anno 946. die festo S. Augustini, juxta Chronologiam Saxoniam. Occisum à latrunculo quodam Leof nomine, Malmsburiensis confirmat, lib. 2. de gest. Reg. cap. 7.

† Obiisse Elphegum anno 951. die festo S. Gregorii Chronologia Saxonica tradit. Illi Dunstanum Successorem à Rege dele-

ctum esse Adelardus & Osbertus etiam confirmat. Bridferthus tamen illum non Elphego Wintoniensi sed Æthelgaro Cricktonensi substitutum ab Edredo fuisse refert; atque ipsius dignitatem recusantis loco Ælfwoldum delectum addit. Æthelgarus obiit Anno 953. ex Florentii fide.

“ manifestum est ; qui omnes honores vitâ & sapientiâ illius scimus esse infe-  
 “ riores, & Regem Anglorum multis cæterarum terrarum Regibus noscimus  
 “ esse potentiorē. Aggredere igitur, mi dulcissima, hominem fœminali fa-  
 “ cundia ; hortare eâ qua apud illum niteris gratiâ, ut tibi consentiat ; qua-  
 “ tenus ex hoc Deo familiarius adhærere, & nos potentiùs valeat à peccato-  
 “ rum vinculis absolvere. Paret itaque filio Regi mater Regina, Dunsta-  
 num asciscit convivio, demulcet alloquio. Sed ille juxta † etymologiam no-  
 minis sui, ut mons persistens immobilis. “ Nolo, ait Domina, illud à me  
 “ expeti, quod vel concessum meos animos perturbet, vel non concessum tu-  
 “ os offendat. Neque enim nescio, quàm difficulter suam quisque ante tri-  
 “ bunal Christi causam agat ; nedum alienæ causæ cognitor aut judex existat.  
 “ Quod si ista rationum maxima non esset ; illa nimirum à suscipiendo Epif-  
 “ copatu multum me cohiberet, quod Dominum Regem constanti video  
 “ languore periclitare, nec multum me ab eo separari posse, cum me tam  
 “ sui patrem quàm totius regni Dominum ipse statuerit. Cùmque illa ° ve-  
 gitantem suis adhuc rationibus tenere voluisset ; motus ille aliquantisper ; Cer-  
 rissimum, inquit, habeto, in diebus filii tui Pontificali insulâ me non esse  
 sublimandum. Inde fluctuantes animos gerens cubiculo se dedit ; ibique se-  
 cum multa volventi somnus obrepfit. Et ecce adsunt Principes regni Dei &  
 Judices sæculi, venerabiles Christi Apostoli, Petrus & Paulus cum Sancto  
 Andrea, quasi de urbe Roma eidem egredienti occurrentes, & ad Montem  
 gaudii sibi se adjungentes. A quibus gratiosissimè salutatus, videbat singu-  
 los in singulorum manibus gladios enitere ; quos omnes officiosa benignitate  
 sibi optulere. Cùmque visum per extensos ante se gladios duceret ; hanc in  
 gladio Beati Petri legebat Scripturam aureis literis intextam. *¶ In principio*  
*erat verbum, & verbum erat apud Deum, & Deus erat verbum.* Cæterorum  
 verò gladii propria tenentium illos nomina habebant inscripta, Pauli Paulus,  
 Andreæ Andreas. Interea Andream exhilarato vultu aspicit conniventem,  
 & Evangelicis verbis audit præcinentem ? *Tollite jugum meum super vos, &*  
*discite à me ; quia mitis sum & humilis corde ; & invenietis requiem animabus*  
*vestris.* Tunc à beato Petro jussus lavam extendere, modicum crepitantis fe-  
 rula ictum excepit ; hoc ab illo audiens. Hoc tibi sit pœna abjecti & signum  
 ulteriùs non abjiciendi Pontificatûs. Ad cuius virgulæ tactum à somno evi-  
 gilans, divinitus se intelligit visitatum. Agit gratias Deo, cuius munere  
 ita se conspicit honoratum. Cùmque die illucescente Regi quæ viderat enar-  
 rasset ; miratus ille tali enodatione visionem absolvit. Quoniam per arma  
 Apostolicæ benedictionis potestas exprimitur pontificalis ; noveris te pro eo  
 quod hesternodie jugum Domini contempseris increpatum ac divinâ electio-  
 ne futurum Pontificem designatum. Porro quod, *In principio erat verbum*  
 gladio Beati Apostoli Petri inscriptum vidisti ; cùm verbum Dei sit unigenitus  
 filius Dei, Deus apud Deum semper, homo autem pro hominibus inter homi-  
 nes factus ; profectò scias te ejus Sedis principem futurum, quæ Christi nomi-  
 ne in urbe Cantuariorum cæteris Ecclesiis insignior celebratur. Hoc signo  
 divinæ prænuntiationis Dunstanus est glorificatus, & hac Regiæ interpretatio-  
 nis conjecturâ Pontifex designatus. O signum insigne ! O gratiam gratis ho-  
 mini datam ! O cordis illius sinceram puritatem ! Adhuc summus Anglorum

° I. resistentem

Dunstanus vi-  
det Petrum &  
Paulum cum  
Sancto Andrea  
in visione  
Sancta.  
¶ Joan. I. 1.

Verba Beati  
Andreæ Apo-  
stoli ad San-  
ctum Dunsta-  
num.  
¶ Matth. XI.  
29.

Verba Regis  
de visione  
sancta.

† Paria de Dunstani nomine supra ad- | lapidem ab eodem denotari volunt. Sanè  
notaverat, *petra firmitatem* significare di- | antiqua Saxonum lingua Dun montem,  
cens. Osbertus & Adalardus *montanum* | rætan lapidem seu petram significat.



Pontifex Odo in humanis rebus vitam agebat ; & Dunstanus in oculis superni inspectoris summus Pontifex erat. Mirandum valde, quod ipse adhuc terrena Angelicis concentibus admisceretur in cœlis ; mirandum nihilominus quod cum cœli cives frequentabant in terris. Quid cui præponam, hominem cœlicolis adjunctum, an cœlicolas homini destinatos, non satis comperio ; nisi quod in altero foelicior, in altero erat ille securior. Stupeant alii diversas diversarum virtutum donationes quibusdam hominibus divinitus collatas ; ego nihil ita magni pendo, quomodo hominem in hujus mundi turbinibus consistentem, universa mundi animo transcendentem, & in amore conditoris quiescentem ; Martham videre ministerio, Mariam desiderio, fidem operantem, caritate ardentem. Sed nihil diximus ; si ea, quæ reliqua sunt, non dixerimus.

Nota de morte Edredi Regis.

At Rex Edredus \* letali morbo correptus decidit in lectum ; nec ullam evadendæ mortis spem medici promittebant. Celeriter itaque nuntios legat, qui patrem vitæ suæ Dunstanum accersant, ut sit ultimi arbitrii testis, confessio-num susceptor, & fidelis apud Deum intercessor. Contristatus ergo ad animam Dunstanus, quantâ velocitate potuit, amicum Regem invisere pergit. Videns autem Deus illum & cordis dolore affligi & corporis laborem pati ; non est passus, ut ultra illum afflictio tangeret, quin & dolorem lenivit & laborem imminuit. Nam cum esset in itinere tendens ad palatium, & membra jejuniis confecta infatigabiliter fatigaret ; vox de summo æthere delapsa insonuit. Ecce Rex Edredus obdormivit in Domino. Cujus vocis emissionem equus, cui infidebat, percussus interiit. Comites tremuerunt, audientes quidem fragorem tonantis, sed qui tonaret non intelligentes. Quibus ipse rem aperiens, commendat animam defuncti Regis in manus æterni Regis ; statimque deferentibus nunciis audit, quod antè sibi de cœlo Angelus absolvit. Ingressus verò palatium Dunstanus contemplatur dilecti hominis cadaver jacere, turbas comitum, qui aurati olim assistere (solebant) procul recedere ; miratur commutationem, miseretur conditionem. Deinde fidem, qua viventem dilexerat, defuncto quoque impendere studens, corpus involutum in sua suscepit ; debitumque sepeliendi officium debiteque illi honore persolvit.

Vox de cœlo sonuit de morte Edredi Regis.

Edwy filius Edmundi Regis. Edwy sectabatur consilia juvenum.

Edwy erat libidine plenus.

Post hunc surrexit Edwy, filius Edmundi Regis, ætate quidem juvenis, & nullâ regnandi gratiâ pollens ; qui neque ipse sapiens, neque ipse sapientium consilio adquienscens ; sed alter Roboam despectis majoribus natus, puerorum consilia sectabatur. Hos ille perniciosissimos satellites nactus, & eorum non tam consiliis quàm insaniis fretus, optimum quemque rebus expoliare, locupletes proscribere, exhereditare Ecclesias, detrahare religioni, multiplices in civitatibus exactiones exercere. Nec solum alienis ab ejus cognatione illius obfuit crudelitas, verum etiam Neronis more in homines suâ stirpe oriundos, in ipsam quoque matrem Reginam Edgivam sua dementiâ debacchari. Præter hæc libidine ardens sine intermissione æstuabat ad coitum. Quibus rebus venerabilis Pater Dunstanus graviter offensus, frequenter eum simul & acriter in locis opportunis increpare, ille increpantem ridere, simulque illi multa mala minari. Postquam industriam suam nihil videt prævalere omnino ; decernit ejus colloquio abstinendum.

Itaque relicto illo, Monasterio recipitur, ibique in tantâ cellitudine religionis degit, ut mensuram excederet Sancta devotio. Hoc in loco turris constructa erat, quam nec dum ulla in supremo cacumine tectura claudebat.

\* Obiit Anno 955. ex fide | buriensis, Florentii, & Westmo-  
Chronologiæ Saxonice, Malms- | nasteriensis.

Cumque populus trabem totius operis sustentatricem summis muris applicare contenderet; repente ruptis funibus eadem trabes deorsum ruere coepit. Clamor ingens totius populi Dunstanum iteratis vocibus perstreptentis. Advolat itaque ocyor Sanctus, elatam dextram machinae opponit, e regione crucem depingit. Nec dum Sancta manus Sanctos extraxerat digitos; cum ea quae urgere coeperat trabes, non vinculis astricta, non machinis levata, non denique ullo humani ingenii apparatu sustentata, ad locum de quo ruere coeperat revehi videbatur. Si tantae gloriae malignus Spiritus non invideret; cui invideret? Si tunc virus malignitatis suae non effunderet; quando effunderet? Nihil ergo dubietatis ulterius de viro Dei habens, semel atque simul omnes infidiarum suarum laqueos illi intendere statuit. Translatus itaque in speciem urfi, consimilem hianti, rictu orantem aggreditur, injectisque ungulis pastorem quam manu tenebat virgam complectitur, atque ad se trahere conatur. At divinus Dunstanus divinitatis spiritu fortiter roboratus, retractum ad se baculum erigit in sublime, fugientem beluam dirissimè cædit, nec prius monstrum cadendo desistit, quam flagellum in tergo illius tribus in partibus comminutum apparuit.

Miraculum de trabe.

Diabolus apparuit Sancto Dunstano oranti, in speciem urfi.

Dunstanus frangit baculum pastorem super Diabolum.

Victus ergo in se Diabolus, in aliis victorem suum vincere quærit. Neque enim rerum occasiones longè abfuerant, quibus id quod perversè moliebatur, in usus malignos transferret. Nam Rege præfato eodem, quo consecratus fuerat, die in turpes concubitus publicè devoluto, ac pro hoc omni Senatorio ordine offenso, nemine tamen ejus lasciviam redarguere auso, pari ac communi omnium voto Dunstanus compellitur, qui Regem constanter adeat, regium stuprum divinâ humanâque ratione compescat, mulieris adulteræ meretricium suspendii comminatione percellat. Fecit hoc ille, & parum est hoc. Repertum insuper cum adulterâ simul & filiâ illius Principem à mœchali thoro violenter abstraxit; positâque in capite ejus coronâ, ante Summum Pontificem Odonem adduxit. At ganea sanguineos intorquens oculos: tu, inquit, mortis me suspendio addixisti; ego te membrorum decore privatum sempiterno exilio damnabo. Cujus invectionis tenore spiritus nequam arrectus ultionem de viro Dei nefandæ meretricis impulsu expectat. Itaque mulieris animum instigat Diabolus, Regis iram mulier exaltat; Ambo exilium Dunstano intentant. Et primò quidem urgente Regis edicto† omnes Monasticæ Religionis Ecclesiæ suis rebus spoliabantur; ut quæ præcipuæ semper viro fuere lætitiæ, nunc eidem quàm maximo fierent mœrori. Deinde cum ventum fuisset Glestoniam; & descriptis omnibus ipse proscriptus fuisset, inter lacrimas Monachorum ejus manu nutritorum, inter lamenta venientium ad se ex omnibus locis amicorum, inter gemitus pauperum consuetis stipendiis per singulos dies ab illo recreatorum, audita est in atrio Templi vox plaudentis Diaboli, quasi vox juvenulæ acriter atque minutè cachinnantis. Quem Sanctus Dunstanus severâ fronte suspiciens: nihil, ait, super exilio meo gratuleris, quoniam plus est quod me redeunte doleas, quàm quicquid me exulante lætari valeas. Ad quod dictum pallidi regni pallidus minister abcessit. Dunstanus autem non immemor, quid sibi divinus olim Cytharædus præcinerit, immo Do-

Edwy commisit peccatum adulterii eod. die quo consecratus fuerat in Regem.

Dunstanus traxit Regem à mœchali thoro.

Diabolus exultabat in exilio Dunstani.

† Communis illa Monachorum querela. Singuli sua Coenobia ab Edwio Rege Dunstani odio oppressa clamitant. Si quis tamen rei veritatem excutiat; duo solummodò Coenobia runc temporis religionem Monasticam juxta Dunstani institutionem sectantia reperiet; Glastoniense sc. cui ipse

præfuit, & Abendoniese, cui Ethelwoldum ante plures annos præfecerat. Hinc Tinmuthensis in loco superius citato. Nam usque tunc non erant Monachi in gente Anglorum, nisi in Glastoniâ & Abendonâ. Eadem ferè verba habet Wolstanus in Vita Ethelwoldi, p. 615.



Sanctus Dunstanus applicuit in Flandriam.

Invidia mulieris in virum Dei.

Dunstanus exulat.

Edgarus, frater Edwy, constituitur in Regem.

Regnum Anglorum dividitur in duos Reges.

minicæ memor promissionis, qua beatos fore qui pro justitiâ persecutionem patiuntur Christus asseruit, marinis se fluctibus tradit, contrarium littus in gente Flanditarum attingens. Ubi eminenti coram Principe terræ illius gratiâ inventâ, manebat in Monasterio Beati Petri, quod situm est Gandavi, propterea quod illud cæteris illius Regionis Monasteriis & professione virtutis & Philosophiæ documentis excellere videbatur. Nec tamen cessat vesana furentis mulieris insania; quâ omnibus, qui virum Dei tempore suæ recessione hospitio foverant, perscrutatis, proscriptionis, damnatis, ipsius quoque oculis erudendis malignos transmitteret ministros. Verum miserante divinâ clementiâ, cujus nunquam auxilio destituebatur, antè illum Gallia susceperat, quàm æquoreos servi Jezabelis fluctus attigissent. Exulat itaque Sanctus, † nulla exilii per gratiam Dei damna deplorans; Dum suis meritis ita sibi omnes devinceret, ut patriam esse exilium putaret. Super hæc illum amici Apostoli consolatio fovit; qui nullius rei, quam ipse expeteret, eum indigere permisit.

Respicens ergo Christi clementia Anglorum populum tanto patrono destitutum, suscitavit corda virorum ab Humbre fluvio usque fluvium Tamisim, supra quem civitas Londoniarum est fundata, adversus Regem Edwyum. Qui omnes quasi in unum hominem translati, non modò regnum ipsius abjicere, verum etiam ipsum regno expellere moliti sunt: propterea quod in commisso regimine insipienter egisset, sapientes disperderet, ignaros boni suis consiliis ascisceret; prorsus libidine atque arrogantia præceps abiret. Coacti itaque Regem cum adulterâ fugitantem atque in viis sese occultantem armis persequi non desistunt. Et ipsam quidem juxta \* Claudium civitatem repertam subnervavere: deinde qua digna fuerat morte multare. † Porro Regem per diversa locorum semetra deviantem ultra flumen Tamisium compulere. Deinde accito fratre illius optimæ indolis adolescente, nomine Edgaro, quem futurum Regem cœlesti quondam oraculo designatum fuisse prædiximus, dum pacem regni salutem suis ac temporibus Dunstani Angeli prædicerent; statuunt illum Regem super omnes Provincias ab Humbre magno flumine usque ad flumen Tamisium; quo flumine amborum regnum ab invicem dirimebatur. Ita regnum quod unum fuerat, in duos Reges divisum, gravibus aliquantisper conflictibus bellorum sudabat. Impleta tunc veridica illa Salvatoris sententia, qua omne regnum in seipsum [divisum] asseritur destruendum, & domum supra domum esse casuram. Edgarus quotidie erat proficiens, ut David, pietate ac fortitudine; atque, ut Salomon, sapientiâ, divitiis & gloriâ. Domus autem Edwy indies decrescere, cum ipse in flagitiis crescere non desiverit.

† De loco, quo exul delituit, ista habet Adalardus Blandiniensis in Vita ejus MS. Lect. 7. "Dunstanus autem exilio pro  
"justitia ascriptus, mare transiit, regiæ  
"stirpis virum magnum videlicet adiens  
"Arnulfum. Hic tempore eodem nobile quoddam Coenobium, nomine Blandinium, à Sancto quodam Amando  
"structum, in majori elegantia renovavit;  
"ibique magnum Dei Sacerdotem Wandregisilum cum sociis Archipræsulibus  
"nutu Dei transtulit. Quo B. Dunstanus

"aliquamdiu moratus, exempla lucis imitanda reliquit.

\* Sc. Claudiocestriam, hodiè Glocestriam, Civitatem Glavorniensem Osbertus vocat.

† Mota est hæc Rebello anno 957. juxta Florentium, Simeonem Dunelmensem, & Florilegum. Quod eam Spiritu Dei excitatam Osbernus affirmat, nil mirum. Ut excitaretur enim summopere interfuit Ordini Monastico, quem Edwyus infensissimo odio persecutus est.

Post autem paucos dies electionis suæ præcepit Edgarus Diarcha totius regni sui Concilium celebrari; in quo Concilio annihilatis omnibus, quæ à fratre ejus iniquis fuerant legibus decreta, ac restitutis omnibus quæ violentâ illius fuerant dominatione ablata; Dunstanum quoque venerabilem Patrem Abbatem in magnâ gloriâ de exilio revocavit; & majore quàm ab omnibus antè Regibus honoratus fuisset gloriâ sublimavit. Cui etiam ut Pontificale decus suscipere, vehementi petitione innuit; nec antè à precibus quiescere voluit, quàm illum à sententiâ ad consentiendum retraheret, & Ecclesiæ Wigornienfi, quæ sub honore Beatæ Virginis Mariæ pollebat, Pontificem præficeret. \* Qui cum Doroberniam sacrandus adveniret, & recitatâ petitione Cleri & populi Summus Dei Sacerdos Odo gaudenter annuisset; mirabile dictu, cæterum Consecrationis ministerium, non quasi super antistitem Wigorniorum, sed sicut super Archiepiscopum Cantuariorum mirabiliter atque hilariter absolvit. Qua de re à circumstante Clero reprehensus, quod contra Patrum decreta ageret, qui unius Ecclesiæ duos prohibent esse sacerdotes, nec per jus hæreditatis fieri electionem successionis; tale fertur responsum dedisse. Si divinis humana non cederent; Jure mihi hominum autoritas prætendi posset. Nunc verò quia author omnium Deus est; non possum non illud facere, quod spiritus Dei dignatus est præcipere. Erit namque Beatus ille proximus post mortem meam hujus sedis Archiepiscopus, & adversus mundi Principem fortissimus præliator. Hac ille summi Pontificis ratione defensus, procedit ad populum: Summus est ille Pontifex Cantuariorum prætitulatus, gestans insignia Aaron non legis velamine adumbrata, sed divinæ propitiationis munere per gratiam Christi insignita. Inde ad Ecclesiam, quæ sibi fuerat consignata, reversus atque in cathedrâ Pontificali sublimatus, recordatus est quid olim exultante Diabolo promississet, cum illum Regalis impietas exilio ascripsisset. Itaque obviis in illum manibus insurgere, membra ejus evangelico gladio dividere, & omnes quæ circumquaque errabundæ ferebantur, ad dominicum ovile revocare.

Dunstanus revocatur de exilio.

Intera mortuo impiissimo Rege Edwy, atque in sortem malignorum spirituum translato, Dunstanus in Ecclesiâ, cui præerat <sup>f. divinita.</sup> Deividis meditationibus inserviebat, nihil sciens quid de Rege actum fuisset. Et ecce tartarea cohors sub ejus aspectu exultando quasi chorum ducere, & veluti de captâ prædâ lætas victorias agere. Perscrutatus itaque Sanctus causam lætitia, audit Regem obiisse, animam illius statim gehennalibus incendiis tradendam, sed prius hoc Dunstano ex divino imperio nunciandum. Motus itaque pietate Dunstanus solo tenus prostrernitur; largifluus ex oculis lachrimarum imber producit; pulsât Deum precibus, nec ab illo orando quiescit, quousque spiritum Regis liberatum agnoscit: Brevi autem morulâ peractâ redit tristis legio infernalis; magnoque clamore in has voces erumpit. O te hominem hominum! O fidei alienum! O nostris beneficiis semper ingratum! Nos detulimus obsequium; tu nobis retulisti supplicium; ad ulciscendas injurias tuas de regione tenebrarum venimus, & ecce adversis imprecationibus tuis

Anima Regis Edwy traditur ignibus gehennalibus & liberatur per orationes Sancti Dunstani.

Clamores demonum de amissione anime Regis.

\* Kinewaldo seu Coenwalchio in Sede Wigornienfi substitutus est anno 957. auctoribus Florentio, & Florilego. Bridferthus illum in Synodò Bradanfortensi in Episcopum ordinatum fuisse, ut Regi à consiliis esset; postea verò Cynewaldo Wigornienfi Successorem datum esse re-

fert. Vix credibile tamen est Dunstanum nulla Sede, quam obtineret, designata Episcopum ordinatum esse; quamvis binos Episcopatus Wigorniensem & Londoniensem, & postea Cantuariensem & Rothenensem, simul retinendo sacros Canones postea impunè violaverit.



Responsum  
Sancti Dun-  
stani demoni-  
bus pro animâ  
Regis.

confusi redimus. Cùmque ille depromendæ veritatis præceptum dæmonibus indiceret; agnoscit animam Regis Angelicâ virtute illis sublatam, ad statum terminum sub signaculo servatam, nihil juris in illam dæmones habere, sed in sortem pœnitentium animarum eandem cedere. Tum ille exultans in Domino, furores illorum tali ratione compescuit. Quid, inquit, injustè actum est vobis? Si peccavit homo iste in Christum, & in me peccavit. Sed quoniam meas propter Christum dimisi injurias; dimisit & suas Christus, cùm ejus ego clementiam deprecatus sum. Quod ergo Christus & ego dignati sumus clementer indulgere; vos qua temeritate audetis improbè reprehendere? Qua sententia tetri spiritus quasi Parthicâ percussi sagittâ muscarum modo à vento raptarum diffiliunt. \*

At Edgarus totius imperii Monarcha effectus, cogitabat beatum virum super omne Regnum constituere; nolens in regno sine illo crescere, quem ante Regnum præ cæteris studuerat familiariùs diligere. Unde appposito Patribus suis Londoniensi Episcopo, rogatu Regis ac Principum Dunstanus successioni donatur, annuentibus quoque omnibus ejusdem urbis habitatoribus, & importunis vocibus illius nomen acclamantibus. Audierant namque, quàm fuerat à primævâ ætate Deo acceptissimus, quàm in illâ cui præerat Ecclesiâ sollicitus, quàm denique in omni re bonâ & optimâ promptissimus; & ea re noluerunt habere alium, cùm possent habere lectissimum. Neque enim illum juvit excusatio, Canonum autoritate prætenfa, qui sicut unam Ecclesiam duobus esse Episcopis contradicunt, ita duas Ecclesias uni Episcopo fieri posse non permittunt. Cùm Johannes, inquam, dilectus Domini septem Ecclesiis atque earum Episcopis præfuerit, & Beatus Paulus omnium sollicitudinem Ecclesiarum simul & magisteriam habuerit. Talibus Beatus Pontifex rationum testimoniis Lundanæ urbis Antistes inthronizatur, non relinquens eam quam antè habuerat Ecclesiam, sed utrique præsidens, utramque regens, utriusque verus ac proprius Pontifex existens. Habes ergo, Sanctissime Pater, gladium Pauli, quem tibi coelitus destinatum olim ipse detulerat & ad dividendos Ecclesiæ inimicos habendum tradiderat. Et quamvis prior tua Pontificalis potestas non absque vigore evangelicæ disciplinæ administrata sit; non tamen eam aut gladio aut personâ præidentis præmonstrari oportuit; propterea quòd neque virginem gladius decet, viros autem decet; neque immutando locum mutasti obsequium, cùm à virgine transires ad virginem, à matre Domini ad matrem Domini, à Beata Mariâ ad eandem Dominam. Accingere ergo bellator fortissime, accingere gladio potentiae Dei, factus potens per eum, qui supra femur est potentissimus ad dimicandum adversus mundi rectores tenebrarum harum, contra spiritualia nequitiae in coelestibus. Divide illos, qui per nefarium scelus illicito abutuntur matrimonio; nec revocet ab inferendâ ultione aut regalis potestas aut Romani Pontificis singularis sublimitas. Da sententiam in populi seductores argentarios; & non prius ad

\* Edwius Rex fato cessit anno 959. ex fide Historicorum ferè omnium, præter Chronologiam Saxonicam, quæ illum obiisse male refert anno 957. quo ab Edgardo fratre imperii parte spoliatus est. Cautè quidem animæ ejus miseri sunt Monachi; ne mutilaretur deinceps solennis illa Chartarum à Regibus impetrandarum formula: *In salutem animæ nostræ, & animarum omnium*

*Antecessorum nostrorum.* Si verò Dunstanus tanta blasphemia refertum, quale Osbornus exhibet, responsum Dæmonibus dederit; vereor ne desit qui animæ ipsius misereatur. Mitiora autem sentienda sunt. Sic enim sæpe evenit; ut stulti Monachi, Sanctos, quos nulla veritatis ratione habita laudare volunt, in monstra convertant.

sacrum altare die Pentecostes oblaturus procedas, quàm & illos vindicta feriat, & populo Dei iustitia praeveniat. Ubique tuarum signa virtutum relinque; ubique dominicæ crucis trophæa erige. Promereberis etenim post modicum gladium Petri, in quo innumera sicut Petrus omnium generum animalia occides, & in corpus Ecclesiæ manducando trajicies. Promereberis, inquam, gladium Petri insignitum nomine omnipotentis filii Dei; ut in omni Anglorum latitudine ligandi solvendique potestas per illum tibi augeatur; nec valeat in ovile intrare ovium, qui reductore non ascenderit per ostium. Quàm meritò ostium horrei Dorobernia \* sonat; ut horreum sit amplitudo imperii Anglorum, Ostium verò principatus Ecclesiæ Cantuariorum.

Sanctus Dunstanus dedit sententiam in die Pentecostes super argentarios seductores.

Excessit ergo humanis rebus, deductus Anglorum manibus ad paradysum, Princeps Sacerdotum Odo, vir clarus sapientiâ & virtute laudabilis, & nisi Dunstanus succederet, ab omni Anglorum orbe semper descendus esset. Post cujus obitum cum Rex Dunstanum adjuraret; ut Princeps fieret Sacerdotum, nec ille adjuranti ullâ ratione assensum accommodaret; Assistent quidam (quorum manus Wentoniæ Episcopus Alffinus impleverat) postulantem confirmari illi summum sacerdotium. Hic enim & ante Odonem Summum Sacerdotium \*\* ambierat; sed custos Ecclesiæ suæ Christus ambitionem illius impediabat. Itaque Rex eos qui muneribus Pontificis corrupti fuerant nihil suspiciens, & ob hoc simplici eos animo exaudiens, orbatam pastore Ecclesiæ eidem tradidit gubernandam. Sed cum Romam profectus fuisset, ut Pallium à sede Apostolica suscipere; gravi inter Alpes frigore correptus miserè interiit; dignâ sibi ultione divinitus recompensatâ, ut qui ab amore cœlestium, friguisse in corde; per frigoris asperitatem periret in corpore: Et qui alienos honores ambire præsumpsisset, ipse in alienâ regione mortuus honorem pariter & vitam amitteret. Iterum preces de Archiepiscopatu Dunstano funduntur, nec quicquam in animo illius confessionis operantur. Quapropter eligitur ad Patriarchatum Cantuariensis Ecclesiæ Bryhtelmus Dorlatensium Episcopus, homo mansuetior quàm industrius, & qui suæ magis quàm alienæ vitæ nosset consulere. Is post paucos suscepti Pontificatus dies cogitans, quòd ad tantam rem minùs esset idoneus, jussus à Rege & omni populo Cantuariâ discedit, atque ad relictam nuper Ecclesiæ suam non sine verecundiâ redit. Dominus namque agebat pro Dunstano; ut impleret verbum suum, quod promiserat in manu Principum Regni sui.

Odo Cantuariensis Archiepiscopus obiit.

Alffinus obiit miserè inter Alpes.

Bryhtelmus eligitur in Archiepiscopatum Cantuariensem.

Advertens autem Rex Edgarus horum reprobationem melioris esse vocationem, solumque in omnibus hominibus esse Dunstanum, cui nemo conferri, immo [qui] omnibus posset præferri, tertio illum precibus fatigatum tandemque tum suipsum tum omnium Episcoporum importunitate superatum primæ Metropolis Anglorum Primatem ac Patriarcham instituit. Quem sit timor ob robur Apostolicæ fidei vel autoritatis ad Romuleam urbem Romanus Pontifex videre promeruit; cumque sacris Pontificalibus decoratum, quasi Angelum Domini exercituum ad exhibendam divinæ legis scientiam, aut quasi columnam

Dunstanus eligitur in Archiepiscopatum Cantuariensem.

\* Insulsa Etymologia; quam tamen Anglorum lingua non respuit.

† Non sic solebat Dunstanus, oblatos honores respuere. Delatum fuisse illi ab Edgardo Rege post Odonis atque iterum post Alffini obitum Archiepiscopatum Cantuariensem, merum est Osberni figmentum. Quod in Dissertatione enim de verâ Successione Archiepiscoporum Cantuariensium ostendimus, jus Archiepiscopum

Cantuariensem nominandi tunc temporis penès Edgarum non fuit, sed penès Edwicum, qui Dunstanum angue & cane pejus odit.

\*\* Adversarios suos, & in his Alffinum, Monachi strenuè calumniari solent. Certè Alffinus Sedem Metropolitancam pariter cum Odone ambivisse minimè credendus est; qui Sedem Suffraganeam non nisi post tredecim circiter annos accepit.



Dunstanus  
erat Archie-  
piscopus Can-  
tuaricus &  
Episcopus  
Rosenfis  
simul.

lucis ad illuminandam faciem terræ, genti Anglorum transmisit. Ecce quem-  
admodum impleta sunt, quæ per gladium verbo Dei inscriptum ac beatâ  
Principis Apostolorum Petri legatione exhibitum tanto ante prænunciata fue-  
runt? Sed quid sibi vult quod de manu tertii Apostoli tertium gladium ac-  
ceperit; cum in Ecclesiâ, quæ sub ejus nomine apud Rosenfem [urbem] ve-  
nerabilis habetur, Pontifex nequaquam sederit. Sedit planè potestate et si non  
corporali sessione. Sedit, inquam, potestate, imperio sedit, defensione se-  
dit, beneficiis sedit.

Spiritus San-  
ctus apparuit  
in specie co-  
lumbæ ipso  
assistente sa-  
cris altaribus.  
Spiritus San-  
ctus requievit  
supra memo-  
riam Beati  
Odonis.  
Dunstanus  
nunquam præ-  
teribat nisi di-  
ceret, Hic re-  
quiescit Odo  
bonus.

Sed ne virtutum illius gratiâ urbs Cantuaria esset privata, aut augmentum  
suscepti honoris diminutio præteritæ videretur fuisse virtutis; dignatus est Spi-  
ritus Sanctus novis quibusdam gratiæ suæ principiis ita virum in Ecclesiâ Sal-  
vatoris clarificare, ut mirabilis ipse extra naturam hominis videretur esse.  
Nam cum die adventus sui primò sacris altaribus assisteret & populo Dei vi-  
vificum panem distribuendo porrigeret; repente contactâ nube domo colum-  
ba in Jordane à Johanne olim visâ iterum apparuit; quæ quousque sacrificium  
fuiſſet consumptum, super illum mansit. Cumque consumptum fuiſſet sa-  
crificium; requievit supra memoriam Beati Odonis, quæ ad australem par-  
tem altaris in modum pyramidis exstructa fuit. Ex qua die ita Pontifex me-  
ritum ejusdem hominis Dei reveritus est; ut nunquam pertransiret, nisi ge-  
nua flecteret, bonumque illum vocaret, ita dicens. Hic requiescit Odo  
bonus.

Arida rupes  
profudit  
aquam.

Per idem tempus quidam magnus videlicet & potens Salvatori adiculam in-  
stituit; ad quam sacrandam & jure proprio possidendam venerabilis Pontifex  
Dunstanus invitatus accessit. Ubi enim ad ministerium dedicationis aqua de-  
fuiſſet, ac per hoc invitatori verecundia accessiſſet; ad vocem viri, quam per  
naturam non habuit, per gratiam Dei arida rupes aquam profudit. Quæ de  
eadem rupe usque hodie manat, ac salutiferum fidelibus poculum præbens,  
Dunstani nomen celebre facit.

Dunstanus igitur candidâ apostolatûs sui stolâ à Romano, ut diximus, Pon-  
tifice infulatus, & omni se Anglorum genti necnon & aliis regionibus Anglo-  
rum regno suppositis Patriarcha destinatus, festinabat singulas regionum di-  
gredi civitates; ut si quibus nomen fidei incognitum fuiſſet, prædicaret, &  
domesticos fidei apostolicâ traditione ad bonum opus instrueret. Nec facile  
erat quempiam auditorum ejus non esse docibilem; propterea quod tanta illi  
rerum subtilitas inerat, tanta dicendi facultas; ut nihil esset aut inventu sapi-  
entius, aut dictu ornatius, aut auditu jocundius. Cum autem à forinsecis  
rebus requies data fuiſſet; tunc conjunctiùs cum Deo manere, sacris vigiliis in-  
sistendo, divinas Scripturas legendo, aut earum codices emendando; sum-  
mumque studium erat, ut nunquam à divinis operibus vacaret. Sed nunc  
verum judicium inter virum & virum discernere, nunc impacatas hominum  
mentes placido sermone tranquillare, horum inepta dissolvere conjugia, illo-  
rum hæreticam refutare opinionem, hæc neglecta renovare, illic nova con-  
struere, neque aut superfluas ædificationes aggredi, aut necessarias prætermitte-  
re; viduis, orphanis ac peregrinis ex justis Ecclesiæ redditibus subvenire, pe-  
cuniam non lucri æstimatione sed pietatis acquisitione habere. Totam operam  
suam Patriæ impendens, & magis expellere ejus excidia quàm propria pericula.  
Proinde Rex consilio ejus ut vitæ suæ credens, omne quod ab eo diceretur quasi  
ab omnipotentis ore prolatum fuiſſet, suscipiens, quæcunque statuenda [erant,  
statuit; quæcunque damnanda] damnavit. Hoc consiliario omnes diabolica  
malignitatis ministros, fures, sacrilegos, perjuros, fidei violatores, veneficii  
compositores, libidinis appetitores; ad hæc quicumque contra Patriam con-  
spirassent, qui in parentes manus extendissent, Mulieres etiam quæ adulterinâ  
fraude viros suos interfecissent, postremò omnes quos irato Deo vivere sciebat,  
ex omnibus regni sui finibus proturbatos, diuturno aut perpetuo relegavit ex-  
ilio.

ilio. Hujus quoque consilio omnes Ecclesiarum ministros, qui spreto professionis suæ ministerio aut venandi studio intenti, aut quæstuosis negotiis dediti, seu \* concumbendi insolentiâ deturbati, ætatem agere solebant, omnes hos aut districtâ animadversione decrevit coercendos, aut citâ subversione de Ecclesiis expellendos. Ex quo factum est, ut quarundam clarissimarum Ministri Ecclesiarum, dum in eligendo quodcunque deliberarent, voluptatem honestati præferrent, regali sanctione de eisdem Ecclesiis expulsi, melioribus se & alterius ordinis hominibus sua loca relinquerent. Propter hæc igitur sanctissima instituta disciplinæ tantus in regno Anglorum divinitatis cultus excrevit; ut & nobilissimi quique aut in seculo potentissimi spretis omnibus mundi pompis ad divina confugerent servitia; & ii, quos jam ecclesiasticus ordo admiserat, de virtute contenderent, scientes neminem ad honorem posse pertingere, quem non virtutum merita juvarent. Ob hujus quoque disciplinæ excellentiam tanta pacis constantia, tanta rerum extitit opulentia; ut omnia mundi elementa ipsum quoque elementorum creatorem Deum Regiis temporibus arridere putares. Sic Pontificis sapientia dictabat Regis justitiam, Regis justitia obtinuit Dei misericordiam, Dei autem misericordia omnium rerum præstitit abundantiam.

Sed hæc communia totius Ecclesiæ gaudia cupiens disturbare malignus, accendit animum Christianissimi Regis in amorem Deo devotæ virginis; ut quoniam à tramite justitiæ Dunstanum deicere non potuisset, eum quem præcipuè Dunstanus diligebat & super quem totius Religionis vigor incumberebat, deicere temptaret. Perpetrato itaque in virginem peccato, atque ad publicam populi audientiam perlato, Dunstanus tam pro culpâ quàm pro infamiâ Regis gravissimo dolore affectus, mox illum veluti alterum David cum Bersabea dormientem alter ille sed valde severior Nathan intrepidus adiit, furibundus ad eum introiit. Assurgens autem Rex obviam Pontifici extendit manum; ut eum ad Regium deduceret thronum. Qui renuens manu dare, oculos cum quadam animi indignatione in illum torlit, & ait: Tu Pontificis manum audes contingere, qui virginem deitatis munere arratam non timuisti præripere? Sponsam conditoris tui adulterasti, & amicum sponsi aliquo tuo obsequio existimas posse placari? Nolo amicus esse, cui Christus fuerit inimicus. Territus ergo verborum tonitruo Rex, objurgantis se pedibus Pontificis extemplo prosternitur, scelus flebiliter fatetur, veniam humiliter precatur. Quod ut vidit Pontifex, expavit; perfunctumque Regem lacrimis, lacrimis & ipse madens, tellure levavit. Deinde cum magnitudinem peccati & amplificationem exposuisset, & paratum illum ad omnem satisfactionem reddidisset; Septennem ei pœnitentiam indixit. In toto spatio coronam regni sui non gestaret, jejunium in hebdomadâ biduale transigeret. Avitos pauperibus thesauros largè dispergeret. Super hæc sacrandis Deo virginibus Monasterium quoddam fundaret; quatenus qui unam per peccatum Deo virginem abstulisset, plures ei per plura sæculi volumina aggregaret. Clericos etiam malè actionales de Ecclesiis propelleret, Monachorum agmina introduceret, justas Deoque acceptas legum rationes sanciret, sanctas conscriberet Scripturas, per omnes fines imperii sui populis custodiendas mandaret. Nihil ergo residuum erat, quod minùs aut segniùs Rex impleveret, quàm à rectore vitæ

Edgarus commisit peccatum luxuriæ in virginem Deo dicatam.

Sanctus Dunstanus noluit extendere manum ad Regem propter peccatum suum.

Sanctus Dunstanus indixit Regi septennem pœnitentiam, & quòd in toto spatio non gestaret coronam Regni.

\* Nota est Dunstani in Clerum conjugatum rabies; quot machinas adhibuerit, quot portenta commentus fuerit, ut nuptiarum licentiam illis extorqueret. Nil tamen aliud effecit; quàm ut Clerici Ecclesiarum Conventualium Monachis aut locum cederent, aut conjugio renunciarent, quod pauci admodum admittere voluerunt.



Dunstanus imposuit Regi Edgardo coronam septimo pœnitentiæ suæ anno.

suæ præceptum fuisset. Septimo autem anno cùm redeunte quasi jubileo termino pœnitentiæ tempus exactum fuisset; Sacer Præsul accitis omnibus imperii Anglorum Principibus, Episcopis, Abbatibus, & Universis Ecclesiasticæ dignitatis Ordinibus, imposuit Regi coronam coram omni Anglorum multitudine, latantibus cunctis & ineffabilibus jubilationis vocibus Deum in Dunstano laudantibus.

Miraculum de cruce domini.

Interea tantâ Clericalis Ordo quibusdam in locis confusione agebatur; ut non solum à vita sæcularium excellentius nihil haberet, verum etiam improbis actibus longè inferior jaceret. Qua de re pastores Ecclesiarum turbati Dunstanum, ut proprium Primatem, adeunt; res malè gestas exponunt, correctionis consilia perquirunt. At ille in homines nefandos suæ autoritatis proferens sententiam: Aut canonicè, inquit, est vivendum, aut Ecclesiis exeundum. Ex quo factum est, ut complurium Ecclesiarum Clerici, dum contemnerent propositâ conditione corrigi, autoritate Pontificis sunt expulsi. Qui Rege adito, vel quos Regis gratia proximos effecerat, Dunstanum injuriarum accusant; se virtutis amatores pronuntiant; ut in præsentia Regis conveniatur, orant. Dunstanus itaque his quæ quasi irrationabiliter postulabantur, contraire volens, coacto Concilio\* Wentoniam venit: ibi ex sententiâ totius Concilii de adversariis victoriam cepit. Cùmque ex jure nihil sibi superesse conspicerent; usi auxilio Regis & Principum, ad preces se vertunt; quibus Episcopum flagitant, quatinus intromissæ personæ de Ecclesiis expellantur, expulsæ restituantur. Dubitante igitur viro Dei, nullumque ad rogata responsum porrigente, Res mira & sæculis inaudita: Ecce Dominici corporis forma vexillo crucis infixâ atque mediocri domûs parte locata, humanos exprimens modos, omnium voces compescuit, dicens; *Absit hoc, ut fiat; absit hoc, ut fiat.* Ad quam vocem Rex omnesque majores natu fere usque ad exaltationem clamore pariter & Dei laudatione aerem complent.

De Beornelmo Scottorum Episcopo.

Et his quidem adversariis viventibus cessatum est à contentionibus; quousque per successionem filiorum prior discordia renovata est. Qui abeuntes & iniquitatis suæ defensorem Beornelimum Scottorum Pontificem assumentes, hominem videlicet tam ingenio quam loquacitate ferè insuperabilem, ad hominem Dei in villam, quæ vocatur Kalne, tendunt; turgenti spiritu scandalum proponunt. Dunstanus autem longo quidem senio & magnis Ecclesiæ laboribus effractus, jam præter orationem post tergum omnia posuerat. Atamen ne pars iniqua divino quondam miraculo victa, nunc de adipiscendâ gloriaretur victoriâ, hoc in hostes responsionis jaculum vibrat. "Quoniam," inquit, tanto tempore elapso calumniæ causam non protendistis, nunc autem senescente me ac taciturnitati operam dantem antiquis querelis deferre vire contenditis; † fateor vincere vos nolo; Ecclesiæ suæ causam Christo judici committo. Dixit, & quod dixit irati Dei censura firmavit. Mox enim concussa est domus, cœnaculum sub pedibus solutum, hostes solo præcipitati ac ruentium trabium pondere oppressi sunt; ubi verò cum suis Sanctus accubabat, ibi nulla ruinæ suffusio fiebat.

Ultio divina in adversarios Sancti Dunstani.

\* Concilium Wintoniense anno 975. in interregno habitum volunt Florentius & Westmonasteriensis. Rectius Chronicon Wintoniense MS. (à Spelmanno citatum, Concil. Angl. Tom. I. p. 491.) illud anno 978. habitum ponit. Anno autem 975. Concilium Calnense coactum videtur. Certè sub Edwardo Martyre celebratum

fuisse omnes consentiunt. Obiit is ineunte anno 978. Fucum igitur Lectori facit Osbernus: qui integram ætatem duobus Conciliis intercessisse prodit.

† Melius Capgravius (in Legendâ Novâ, fol. 94.) Dunstani verba sic refert: *Fateor, vinci nolo.*

At Rex Edgarus immaturâ morte præreptus, Edwardum filium suum & regni & morum hæredem reliquit. In cuius electione dum quidam Principes Palatini acquiescere nollent; Dunstanus arrepto crucis vexillo, quod præ se ex more ferebatur, in medio constitit. Edwardum illum ostendit, elegit, sacravit; Patrisque ac Magistri affectum quoad vixit ei impendit. Verumque in gaudium omnibus est, quod paulò antè triste putaverant; exultantes juvenem Regem inhumanum futurum, consilia sapientum non curaturum, sed pro libidine omnia acturum. Sed postquam secus esse cognovere, secus & ipsi rem tenere; & displicuisse sibi Regem vehementer displicuit. Sed illo post triennii tempus novercali fraude occiso, Ethelredus, quem fama fratrem ejus loquebatur, regnandi sceptrâ obtinuit. Quæ res quamvis infesto fieret Dunstano, vel quia per effusionem sanguinis innocentis ad regnum pervenerit, vel quoniam parum prudentiæ ac fortitudinis illi inesset; non erat tamen consilium resistere, propterea quòd filius Regis & proximus tunc hæres videretur esse: Attamen in die Consecrationis suæ post impositam \* coronam fertur Dunstanus hoc illi prædixisse. “ Quoniam aspirasti ad regnum per mortem fratris tui, quem occidit ignominiosa mater tua; non deficiet gladius de domo tuâ, sæviens in te omnibus diebus vitæ tuæ, interficiens de semine tuo, quousque regnum tuum transferatur in regnum alienum, cuius ritum & linguam gens cui præsidet non novit. Nec expiabitur nisi longâ vindictâ peccatum tuum, & peccatum matris tuæ, & peccatum virorum qui interfuere consilio ejus nequam.

Ethelredus  
frater Edwardi Regis.

Prophetia  
Sancti Dunstani de tempore  
Ethelredi Regis.

His temporibus contigit Ethelwoldum Wentanæ Ecclesiæ antistitem cum alio quodam Rosenfi Episcopo Cantuariam venire, magnumque Dunstano de adventu suo gaudium præstare: propterea quòd ejus curâ alti, docti, ac per varias virtutum disciplinas ad summos Ecclesiæ honores fuissent provecti. Plerisque ergo diebus in mutuâ fermocinatione simul & exultatione peractis, egreditur Archiepiscopus de civitate, volens ad locum Ecclesiæ Christi mansionarium proficisci. Illi verò comitabantur, deducentes eum quousque illos via dirimeret, quæ unumquemque ab altero separatum ad locum quo ire disponebat dirigeret. Cùmque imminente jam vespere procul adhuc à loco distarent (tardiusculè enim quàm hora postulabat de urbe exierant) deprecatur Archiepiscopum Rosenfis Antistes, ut ad vicinum Ecclesiæ suæ patrimonium divertat, nocturnum tempus secum transigat, manè verò si ita placuerit migrationem faciat. Cujus ille postulationi dignanter annuens, ait: si confrater noster Ethelwoldus mecum venire voluerit; in me nulla veniendi mora erit. Assentiunt ergo Pontifices in eodem, pariterque paratum sibi habitaculum subeunt. Jam aurea lux noctis fugaverat umbras, cùm Beati illi in viam progressi collem ascendunt, inde ab invicem vicariâ pacis relatione dividendi. Extendens autem manum summus Dei sacerdos, ut coessentes secum minores Pontifices benediceret atque dimitteret; extemplo erupit in fletum; fletum adeò magnum, ut vix de sancto pectore vocem valeret efferre. Expavescunt ad factum Pontifices insolitum, fletuum causas solliciti perquirunt; & post modicum hoc ad quæsitâ responsum accipiunt. Eâ, inquit, re fleo, quoniam vos in proximo morituros scio. Cùmque illi referrent. Noli, Sanctissime Pater, tam dirâ nobis prophetiâ occurrere. Non enim moriemur, sed iterum atque iterum pariter nos incolumes videbimus. Tali, quod dixerat, responsione firmabat. Quod dixi necesse est fieri. Moriemini namque huic

De Archiepiscopo Cantuariensi & duobus aliis Episcopis scilicet Wyntoniz & Rosenfi.

Dunstanus erupit in fletum benedicendo Episcopos.

Prophetia  
Sancti Dunstani de morte duorum illorum Episcoporum.

\* Coronatus est à Dunstano apud Kyngston anno 978. 18. Cal. Maii. juxta Florentium; anno 979. 8 Cal. Maii, die

Domnicâ, juxta Westmonasteriensem. Rectius ille.



Roffensis Episcopus mortuus secundum Prophetiam Sancti Dunstani. Athelwoldus etiam moriebatur antequam ad sedem propriam veniret. Andreas apparuit Sancto Dunstano, dicens quod faceret Elphegum Abbatem Bathensem Episcopum Wentanæ Ecclesiæ.

Dunstanus remisit centum pondo argenti pro obsidione.

Prophetia Sancti Dunstani de gente Anglorum.

1. fient.

Dunstanus vidit beatam virginem Mariam corporeis oculis cum aliis virginibus.

saeculo, sed vivetis Deo. Moriemini, in hac vitâ diutius non mansuri; sed ad Deum vadetis æternaliter cum illo victuri. Divertunt ergo Pontifices ab invicem moerentes pro invicem, magis tamen pro se quisque pio timore sollicitus. Sed Roffensis Episcopus abiens in civitatem suam, mox ut intravit, vehementer ægrotavit; postque paucos dies, prout veriloquus prædixerat vates, ex saeculo migravit. \* Athelwoldus verò priusquam ad propriæ sedis urbem venisset, ultimo corporis languore correptus cœlestis sedis habitationem suscepit. Super cuius morte venerabilis Pater admodum contristatus sive quod sanctissimæ semper religionis fuerit, seu quod magnam de substituendo Sacerdote litis occasionem viventibus dereliquerit; deprecatus est Dominum desertæ Ecclesiæ benignum fore provisorum. Cui mox deprecanti assistit familiaris suus Andreas Apostolus; precibus ejus Deum dicit annuere; Bathensem Abbatem nomine Elphegum monet adducendum, & ex divinitatis consilio Wentanæ Ecclesiæ Antistitem præficiendum. Ita quicquid rerum ipse desiderasset, per interpretem Apostolum confestim à Deo consequebatur: Sed & ille vicem honoris Apostolo persolvens, in omni obsequio illi studebat deferre, Basilicas in nomine ejus fabricare, fabricatas muneribus decorare.

Dum ergo quodam tempore præfatus Rex propter quasdam dissensiones civitatem obsideret Roffensem, & factâ capiendi illam difficultate, patrimonium Beati Apostoli invaderet devastando; mandavit eidem Beatissimus Pontifex ab stultitiâ quiescere; Andream sicut ad præstandum facilem, sic ad ulciscendum virilem in promptu esse, ut potentiam ipsius ipse experiatur, si hæreditatem illius vexare non destiterit. Contemptus à Rege Dunstanus iterum currentibus nunciis eadem suggerit, insuper argenti pondo centum transmittit. Qui accipiens recessit ab obsidione. Quod simul atque Dunstano renunciatum fuisset; miratus cupiditatem hominis, hoc illi scribere curavit. “ Quoniam prætulisti pecuniam Deo, argentum Apostolo, meæ voluntati tuam cupiditatem; velociter venient super te mala quæ locutus est Dominus, mala qualia non fuerunt ex quo gens Anglorum regnare cœpit usque ad tempus illud. Attamen me vivente ista non fuerunt, quoniam & hoc locutus est Deus. Quæ omnia ita contigisse in Annalibus legere & nostris temporibus est videre.

Sed ut jam Beatum illum, de quo loquimur, fidentiùs pro obsequio alloquamur, & sic ad scelerem ejus transitum madentibus oculis transeamus. Quantæ illud contemplationis est, Pater mirabilis, Pater inæstimabilis, quàm excedens omnium mortalium mentes, quòd vel Dei genetricem in hac mortali vitâ vel tuam genetricem in æternâ videbas vitâ. In cœlum namque deducbaris, intrereras beatis agminibus illis; oblectabar modulationibus Angelorum, eandem genetricem tuam quasi nuptiali thalamo æterno Regi copulantium, & suave *Kyrie eleison* modulantibus organis resonantium. Cùmque de tuæ taciturnitatis silentio arguereris; quòd inter tanta æternæ vitæ gaudia solus tu à divinis laudibus cessares; cùm præcipuè tibi pro honore parentis gaudendum fuisset; referresque hujus tantæ suavitatis inscium te esse; quàm breviter, quàm dulciter à civibus civitatis illius edoctus in has voces cantando erupisti. “ O Rex gentium dominator, salva genus humanum Christianorum in terrâ adhuc peregrinantium; ut & ipsi post inimicitias ad gratiam revertantur. Jam vtro quibus exultationis labiis edicam, quod matrem

\* Ethelwoldus obiit anno 984. | rentio & Chronologia Saxoni-  
Calendis Augusti; testibus Flo- | ca.

Domini Salvatoris, Reginam cœli, Dominam Angelorum, virgineis oculis vidisti, non vestali choro circumdatam sed virginali coronâ circumfusâ? Fœlices oculi tui, qui illam videre potuerunt, cujus castissima viscera cœli ac terræ opificem portare meruerunt. Fœlices oculi tui, quibus datum est illam videre, quam speciosâ super filias Jerusalem Angeli venerantur, homines desiderant, pavescit Tartarus, & omnis creatura heram miratur. Nec inde solummodo fœlix, quod illud singulare totius orbis decus videre potuisti. Potuisti mellifluas ejus voces audire, quibus socias virgines ad collaudandum Regem sœclorum ex suâ carne temporaliter procreatum hortabatur, concinens illud viri sapientis ac senatoris Sedulii.

Carmina Beatæ Mariæ & aliarum virginum.

Cantemus Domino sociæ cantemus honorem.  
Dulcis amor Christi personet ore pio.

Cumque ab aliis virginibus hoc fuisset exceptum; aliæ qui sequuntur versus pronunciabant.

Primus ad ima ruit magnâ de luce superbus:  
Sic homo cum tumuit, primus ad ima ruit.  
Unius ob meritum cuncti periere minores:  
Cuncti salvantur unius ob meritum.  
Sola fuit mulier, paruit quâ janua leti:  
Ex qua vita redit, sola fuit mulier.

Atque in hunc modum totius carminis bini ac bini versus procurrebant, illis semper repetitis, qui primi à matre Domini dicebantur.

Cantemus Domino sociæ, cantemus honorem.  
Dulcis amor Christi personet ore pio.

Hæc tu Pontificum dignissime acutissimâ vi corporaliū oculorum in spiritualem potentiam translatorum videre potuisti: hæc tu intime cœlestium arcanorum perscrutator audire potuisti: his tantis tamque stupendis rebus interesse potuisti. O Sancta animi tui puritas & pura sanctitas; quam sic honorat supernæ civitatis suprema dignitas! O decus ac præmium Virginitatis, cui sic aggaudet natura virgineæ simul atque Angelicæ dignitatis! Sed ecce supra vires viventium est viventis tui in corpore laudibus immorari, quanto minus transeuntis tui & cum Christo æternaliter regnantis condignas laudes valebimus effari? Præstet omnipotens Deus per potentissima merita tua; ut vel finem vitæ tuæ quantulumcumque laudabili valeamus sermone describere; quatinus quem semper nobiscum corporaliter viventem non licuit habere, liceat saltem ex consideratione preciosissimæ mortis sempiternam tui vitam agnoscere, agnoscendo diligere, & diligendo beatæ mercedis aliquid per te piissimum Patrem à Deo optinere. Discant interim devoti tantorum mirabilium auditores exemplo tui sobriè vivere, sacras frequenter excubias celebrare, castis orationibus inservire; quoniam & tu idcirco talibus tantisque gaudiis interesse meruisti, quod aliis dormientibus ipse in sanctis desideriis vigilasti, orasti, horamque ultimam sine intermissione cogitasti. Nec tamen sufficiens erat in secreto cubiculi tui ista operari; nisi etiam nocturnis frigoribus ædem Beati Patris Augustini frequentares; & inde ad vicinum Beatæ Virginis templum hanc gloriam Dei visurus procederes.

Sanctus Dunstanus frequentabat ædem Beati Augustini in nocturnis frigoribus.



v l. demon-  
strabimus.

De Algaro  
Sacerdote.

Angeli inter-  
veniunt per  
januas templi  
ad S. Dunsta-  
num in die  
Ascensionis  
Domini.  
Verba Ange-  
lorum ad  
Sanctum  
Dunstanum.  
Responsum  
Sancti Dunsta-  
ni ad Angelos.  
Responsio An-  
gelorum ad  
Sanctum Dun-  
stanum.

Anno igitur verbi incarnati duodecim minus à millesimo, adventus Anglorum in Britanniam \* quingentesimo sexagesimo tertio, Sanctissimus Deoque dilectissimus Dunstanus transitoriam presentis vitæ deferens lucem, ad lucem beatâ æternæque jocunditate præditam pervenit; ubi sicut sol ex claritate Dei resplendet, & diem æternum æternaliter possidet; Anno Patriarchatûs sui tricesimo tertio, nativitatibus autem circiter septuagesimo; cum jam esset omnium virtutum carismate plenus, & Deum videndi desiderio fatigatus. Cujus venerabilis transitus tam à se quam ab aliis multiplici revelatione præscitus sibi gaudium, aliis gravem ingessit mœrorem. Sibi gaudium, quoniam quod per spem in vitâ jucundius habebat, id per rem se visurum & eo perpetuo fruiturum gaudebat. Cæteris mœrorem; quoniam qui similiter divinis & humanis rationibus excelleret, neminem deinceps in terrâ appariturum existimabant. Sed nos multiplicium revelationum multimodâ relatione postpositâ eorum quæ proposuimus singula singulis tantum rationibus v demonstrabuntur. Dies ergo Ascensionis Christi festivus diem clarificationis Beati Dunstani præcessit tertius. Tantæ itaque diei surgente aurorâ sacerdos quidam nomine Algarus, doctrinæ & actionis merito præcipuus, quem postea nobilem† Melincham Episcopum claruisse accepimus, dum sacros Dominicæ Ascensionis honores in Ecclesiâ Salvatoris pervigil impenderet, & mentem ad cœlestia contemplanda extenderet, seipso & omnibus hujus mundi rebus transcendens; Dunstanum Pontificali Throno conspicit præsentem & Clero canonica jura dictantem. Et ecce per omnes Ecclesiæ januas irruentium Anglorum infinita ingrediuntur agmina, stolis candidissimis fulgentia, coronis aureis rutilantia, Cherubin atque Seraphin sese proclamantia, & quasi divinum nuncium deferentia. Qui dum coactis ordinibus sedenti astarent Pontifici; hoc illi salutationis alloquium persolvunt. Salve, inquit, Dunstane nosster; si paratus es, veni, & nostro gratiosus utere contubernio. Respondit Dunstanus. Sciris, O Sancti Spiritus, hodie Christum cœlos conscendisse, nostrique officii esse tam verbo quam sacramento populum Dei reficere; ideoque venire hodie nequeo. Dixerunt Sancti Spiritus: Paratus esto die Sabbati hinc nobiscum Romam transire, & ante Summum Pontificem sanctus æternaliter canere.

Postquam ergo dies æternæ retributionis est indictus, & Dunstanus divinâ fide ad consentiendum inductus; confestim qui apparuerunt Angeli disparuerunt. At sacerdos, qui rerum tam evidens contemplator extiterat, exitus earum stupidus simul & tacitus explorator observabat. Cùmque inter sacrosancta ejusdem diei gaudia illa Evangelii lectio recitaretur, in qua Dominus magister Jesus Christus post resurrectionem suam discipulis apparuisse & exprobratâ incredulitate illorum atque duritiâ cordis mandatum legitur dedisse, ut in toto mundo Evangelium regni prædicarent, fidem ac baptismum annuntiarent, salutem proponerent credentibus, non credentibus minarentur condemnationem; cùmque ad hæc confirmanda signorum illis faciendorum po-

\* Annus Christi 988. incidit in annum ab adventu Anglorum 539. Parem errorem Osbernus in exordio hujus vitæ iniecit. Porro obiit Dunstanus anno Pontificatus sui Archiepiscopalis non 33. sed 29. anno itidem ætatis suæ non 70. sed 61. modò Osbernus illum primo Ethelstani Regis anno natum supra rectè posuerit. Istum tamen calculum erroneum esse quam-

vis omnibus Vitæ Dunstani Scriptoribus communem, crediderim, & Dunstanum ante 19. circiter annos sub Edwardo Regem natum.

† Lege Helmeham. Algarum enim Helmeamensem Episcopum postea fuisse confirmat Malmesburiensis; qui Visionem illius de Dunstani obitu totidem ferè verbis enarrat, lib. 2. de gestis Pontif. Angl. f. 135.

testatem delegaret, Dæmonum ejectionem, linguarum novitatem, tollere serpentes, mortiferæ portionis virus extinguere, & super omnem ægritudinem salutiferam manuum impositionem. Cum ergo ista Evangelii lectio pronuntiaretur; & post hæc, quemadmodum videntibus illis quibus hæc potestas delegata est, Christus in cœlum ascenderit, subjiceretur: processit Pontifex de sacrario, latius hæc eadem in populo tractaturus, & memoriam misericordiarum Dei cordibus eorum arctius impressurus. Locutus est ergo, qualiter nunquam antea fuerat locutus; ostendens qua ratione filius Dei carnem induerit, cur humani generis saluationem non nisi moriendo compleverit, quemadmodum resurgens à mortuis mortis Principem superaverit, & famulantibus Angelis cœlum ingressus fuerit. Deinde sanguinem Christi incomparabiliter omnibus creaturis docuit esse præstantiorem; tantamque fiduciam in effusione sanguinis illius mundum habere posse; ut si unus aliquis totius mundi peccata haberet, neque de multitudine neque de magnitudine criminum illi esset desperandum; si mediatorem Dei & hominum haberet advocatum. Inter hæc scœlicia scœlicis sponsonis gaudia Pontifex ad aram reducit, transferens omnipotentissimis Domini verbis speciem panis & vini in veram substantiam carnis & sanguinis Christi. Jamque hora benedicendi populum advenerat; & iteratâ vice Beatus ille ad populum procedebat, volens illis abscessum suum denunciare; sed amore dulcedinis filiorum revocabatur. Proinde exhortatus est omnes; ut illuc totâ mentis intentione tendant, quo caput nostrum principiumque Jesus Christus eadem die processerat. Dataque super illos suæ autoritatis benedictione, orabat Spiritum Sanctum illis adesse; quemadmodum filius Dei promiserat, cum redeuntem illum ad Patrem cœlestis nubes suscipiebat. *Ego, inquit, \* mittam vobis Spiritum veritatis, ut*

\* Joan. XIV. 16.

*maneant vobiscum in æternum.* Cum his ergo differendis Beatissimus Pontifex diutius immoratus fuisset; videbant faciem ejus tanquam faciem Angeli Dei, ut verè ac visibiliter esset agnoscere, quòd is quem invocabat Spiritus Sanctus majestatis suæ præsentiam dignatus fuerit demonstrare. Volente autem illo ad Altare converti, suspirabat populus post eum desiderans adhuc desiderabiles vultus ejus videre, & colloquio perfrui; proinde quasi ejusdem Spiritus Sancti magisterio edocti, quòd illum ulterius in carne non essent visuri. Quibus in amore æternæ Trinitatis tertio confirmatis, post libatum Pacis & caritatis suæ osculum, non valuit imminentem sibi gloriam diutius contegere; sed rogat ut sui memores existant; diemque vocationis suæ dicit instare, nec se ulterius in hoc mundo cum illis manere. Tunc tantam lugentis populi videres confusionem, tam permixtam lachrimis Cleri conclamationem, viduarum ac pupillorum miserabilem perturbationem; ut diem Judicii adesse & omnia fœcula in supremam horam coisse putares. Sacerdos etiam, qui tam mirabilem in Ecclesiâ ecstasim induerat, cognito quòd non in imagine sed in rerum veritate eandem sustinuisset, palam omnibus & cum magnis gemitibus quæ viderat absolvit. Quorum mœstitiam [Pater] preciosissimus benignè consolatus, ad Altare rediit; susceptoque vitæ æternæ epulo, tam se quàm omnes sibi commissos æterno Pastori consignavit.

Facies Sancti Dunstani resplenduit sicut facies Angeli.

Inde refectionis domum lætabundus ingrediens, omnes ad se confluentes & cibo corporis & spiritualis vitæ alimoniam saginavit. Post prandium verò vel magis ultimam cœnam denuò cum fratribus Ecclesiam Christi ingreditur; signatoque Sepulchri sui loco omnibus ad Altare Christi ascendentibus conspicuo, cœnaculum pro modo æstivi temporis requieturus ascendit. Circundat pausantem luctifica Ecclesiæ familia; quæ sive metu sui seu morte illius turbata, horrendos lachrimando questus infonuit. Quos illo sanctissimis ut semper rationibus sovente atque ad spem futuri sæculi diligentius informante, conspiciunt virum invisibili quadam Dei virtute è terrâ moveri, motum ad su-

Dunstanus eievatur à terrâ mirabiliter.

pre-



Verba Dunstani post elevationem à terrâ.

Prophetia Sancti Dunstani de gente Anglorum.

prema domûs fastigia tolli. Ii autem, qui paulò antè propinquiores astiterant, miraculi insolentiâ territi, relictis sedibus devolant omnes. Stant autem innixi parietibus & maceriarum liminibus de longè, sursum aspicientes, exitum rei videre cupientes. Existimabant namque aut sicut Heliam cum carne eum transferendum, aut alio quovis & insolito more ab eis tollendum. Sed mox cā quâ subvectus fuerat suavitate depositus, convocat omnes qui fugam inierant, allocutione demulcens. “ Vidistis, ait, filii, vidistis carissimi, quò me Deus vocat, quo Dei ineffabilis misericordia invitat. “ Semita itineris mei præ oculis ostensa est vobis; ut nullus vestrum de præmio capiendi cœli diffidat, qui vitæ meæ diligens sectator extiterit: Non “ herebi sedes animam meam tenebit, non ignis inextinguibilis, & vermis “ non moriens animam meam tenebit, non foeda facies profunditatis animam meam tenebit, non ignis inextinguibilis. Sursum est quod amplector, sursum quo gradior. Estote ergo vitæ imitatores; si itineris mei “ cupitis esse sectatores. Discite voluntatem Dei semper nosse; & cum eam “ noveritis, nihil ei velitis præferre. Quòd si ab ejus voluntate faciendâ “ quantulumcunque vos exorbitasse cognoveritis; statim ad deprecandam “ ejus clementiam convertimini; ne dum minorem quam oporteat reverentiam exhibueritis, non solum prævaricatores verum etiam infideles indicemini. Nolite boni videri sed esse; nec tam mali non videri quàm non “ esse: hoc enim maximum inter homines malum est; quòd cupiunt boni “ videri, sed esse nolunt; nulli volunt mali videri, sed nolunt non esse mali. “ Pacem semper sectamini; nec prius ab illa sectandâ desinatis, quàm illam “ in cœlo apprehendatis. Atque ut hanc efficaciter attingere valeatis; illum “ semper in animo dulcissimum habete, illi continuò gratias agite, illius “ præceptis humiliter obedite; qui singulare pro omnibus sacrificium “ immolari voluit; in quo complacuit omnem plenitudinem inhabitare, & “ per eum reconciliari omnia, in ipso pacificans per sanguinem crucis ejus, “ sive quæ in terris sunt, sive quæ in cœlis. Prædico etiam vobis Anglorum “ gentem dira ac diuturna mala ab exteris gentibus esse passuram; sed in “ fine dierum miserationem Dei super illam stillaturam. Vobis autem “ commodum erit horum verborum reminisci; ut sive hæc ad peccatorum “ emendationem, seu ad perficiendam virtutem contigerint, animas vestras “ divinæ semper dispositioni subjiciatis; ne sicut mali filii diligatis blandientem, erudientem quod à vobis remotum sit contemnatis. Profectò “ nullius hominum vel tam grave supplicium, vel tam excellens est meritum; quo Dei omnipotentis visio, visio beatæ æternitatis, visio æternæ “ veritatis, Patris & Filii & Spiritûs Sancti valeat promereri. Magis autem “ si naturalem clementiæ suæ bonitatem Deus non attenderit; nihil homo patitur, quod sibi justo Dei judicio ex suâ culpâ non debeat. “

In his verbis sensit Beatissimus Pater vires corporis paulatim deficere. Ita namque facie serenus, sensu sobrius, docendi locutione assiduus, toto illo die ac sequenti feriâ sextâ permanebat; ut quicumque se commendaturi & benedictionem tanti Patris postulaturi advenissent, recreatos se & multipliciter in amore divinitatis confirmatos assererent. Et jam promissæ beatitudinis Sabbatum illuxerat, jam tempus requiescendi ab omnibus laboribus suis instabat Dunstano; cùm ecce multiplex filiorum caterva concurrat, filiorum quos ipse infra gremium matris Ecclesiæ tenerius nutrierat, atque ad excellentiorem spiritualis gratiæ perfectionem adduxerat; clamoribus & nimis ejulatibus queritans, quòd se derelictis recederet, nec illis commori liceret. At ille in manus Dei omnipotentis [eos] commendans, & gratiosâ benedictione confirmans, jubet Sanctæ communionis ministerium ante

ante se celebrari. Quod cum protensis manibus de cœlesti mensâ porre-  
ctum suscepisset; hac oratione Deo supplicare cœpit. “ Gloria tibi, om-  
“ nipotens pater, qui timentibus te panem vitæ de cœlo dedisti; ut me-  
“ mores simus mirabilium tuorum, quæ in medio terræ operatus es, mit-  
“ tendo nobis unigenitum tuum merum hominem de verâ Virgine natum.  
“ Tibi Sancte Pater meritas referimus grates; qui & nos dum non era-  
“ mus creâsti, & dum peccatores essemus hujus gratiæ participes fecisti,  
“ per eundem filium tuum Deum & Dominum nostrum, omnia tecum &  
“ cum Spiritu Sancto facientem, gubernantem, & per infinita sæculorum  
“ sæcula regnantem. Inter quæ verba ex omnibus animi medullis ad De-  
um, quem semper desideraverat, effusa videt, qui se ad cœleste convivium  
invitaverant, beatos Angelos assistentes & cœleste illi obsequium præparan-  
tes. Quorum venerandâ præsentia fœlix anima illius gratulata, læta egre-  
ditur de habitaculo Sanctissimi corporis, proficiens cum illis ad contem-  
plandam claritatem æterni conditoris. Ecce quomodo honoratus est, quem  
Deus honore dignum judicavit? Ecce quomodo in gaudium Domini  
sui intravit, qui in commissâ sibi doctrinâ pecuniâ fidelis erogator exti-  
tit? O viscera misericordiæ Dei, quæ sic semper dulcia expertus fuerat  
iste homo Dei! O cor viri ad voluntatem Dei semper parati, qui potuit  
dicere; *Paratum Cor meum, Deus, paratum cor meum!* Ecce nunc psallit in  
gloriâ suâ illustratus lumine visionis gloriæ Dei.

Oratio Sancti  
Dunstani ante  
mortem ejus.

Sanctus Dun-  
stanus iterum  
videt Sanctos  
Angelos sibi  
assistere ante  
mortem.  
De obitu  
Sancti Dun-  
stani.

Psal. CVII. 2.

Suscipiunt autem venerabiles Domini Sacerdotes venerabile corpus sum-  
mi Sacerdotis, deferentes illud in basilicam magni Basilei domini Salvato-  
ris, sub immenso murmure legentium populorum feretrum densissimè am-  
bientium, facies suas dissecantium, palmis sese ferientium, atque amaris  
vocibus, Heu, heu, charissime Pater, clamantium. Ibi in loco, quem an-  
te biduum ipse dictaverat, cum diligentia sepultus, & post hæc eminen-  
tioris operis structurâ decenter opertus, flebilem simul & amabilem cun-  
ctis sive in choro psallentibus seu per gradus ad Altare ascendentibus sui  
memoriam dereliquit. Flebilem ideo dixerim, quod ejus quotidie monu-  
mentum præ oculis haberent, cujus venerandos aspectus videre non possent.  
Amabilem propterea, quod licet ejus visibili præsentia carerent, invisibilem  
tamen & incorporeum ejus spiritum in cœlesti sede gaudere & pro eis apud  
Deum misericordiam enixius orare sciebant.

Sepultura San-  
cti Dunstani.

Post cujus mortem, si mors dicenda est cui vita æterna successit, ita om-  
nes res contrarium motum sumpserunt; ut Dunstani mortem omnia deslere,  
nec ejus absentiam ferre posse viderentur. A summâ quippe pace fit com-  
mutatio ad bellum intolerabile, ab immensâ lætitiâ ad enormem tristi-  
tiam, ab omni rerum abundantia ad omnium rerum indigentiam. Deni-  
que aer ipse immutatus est, naturales temporum vicissitudines discede-  
bant invicem, cœlum non exaudivit tellurem, nec tellus ea quæ semina-  
bantur in eâ. Hostilis incurfus scdam ubique faciem dereliquit; dum eo-  
rum irruptione urbes diruerentur, Ecclesiæ spoliarentur, suffoderentur Al-  
taria, & Sacerdotes Domini interficerentur. E quibus vir virtutum El-  
phegus, qui quartus erat à magno Dunstano Cantuariorum Archiepisco-  
pus, cum multam hostium multitudinem ad Christianam Religionem con-  
vertisset, & eos quos ab infidelitatis errore convertere non posset quotidianâ  
invocatione reprehenderet; tentus ab eisdem, post dirutam illius urbem,  
post cruentam innocentis populi cædem, post Templi sacri expolationem  
simul & combustionem, vinctus abductus est, & per septem menses variis  
tormentorum cruciatibus vexatus, & post hæc omnia eorundem manibus  
lapidatus, spiritum cum triumpho direxit ad cœlum. Sic ergo impleta  
sunt, quæ vel de rerum prosperitate Angeli Dunstano, vel de adversitate  
earum

Elphegus  
quartus erat.  
à Beato Dun-  
stano Archie-  
piscopus Can-  
tuariorum.

Elphegus Can-  
tuariorum Ar-  
chiepiscopus  
occiditur à  
Danis.



earum Dunstanus Regi Ethelredo prædixerunt. Sed in his tam gravibus tumultuantis populi angustiis non defuit supernæ miseratio pietatis; quæ tanta coruscantis gratiæ prodigia ad memoriam illius ostendit; ut & reprobis terrori & afflictis esset consolationi. Neque enim aliter cœlestis ejus spiritus operatus est, quàm si in terram redivivo corpore suo quotidie veniret. Verùm nos non omnia, quæ de illo sunt, propter infirmitatem dicere poterimus; nec ab omnibus abstinendum putamus, ne nulla esse videantur quæ dicamus. Et quædam quidem de libris Miraculorum ejus, qui nunc minimè supersunt, excerptimus; quædam verò nostrâ ætate aut in alios facta vidimus, aut in nos patrata ipsi experti sumus. Sed hîc libelli hujus sit finis; ut quod intendimus, ab alio principio sumi possit.

Explicit Vita Sanctissimi Patris nostri Dunstani  
Cantuariensis Archiepiscopi & Confessoris,  
secundum Osbernum, ejusdem  
Ecclesiæ Christi Cantuariensis Commo-  
nachum & Præcentorem.

---

Incipit

Incipit Liber Miraculorum Beatissimi Patris nostri  
DUNSTANI Archiepiscopi Cantuariensis & Con-  
fessoris : Seu OSBERNI Liber Secundus de Vitâ  
S. DUNSTANI.

PROLOGUS.

**D**Iximus in superiori Libello, quibus parentibus Venerabilis Pater  
Dunstanus ortus claruerit, quorum Regum tempora nobilitaverit,  
quos virtutum processus habuerit, & quemadmodum ad cœlestia  
regna gloriosus migraverit. Nunc autem propositum habemus  
ea narrare, quæ post depositionem corporalis sarcinæ scelix Spiritus ejus in  
hoc sæculo dignatus est operari; ut omnes futuri temporis Angligenæ po-  
puli agnoscant, quid tanti nominis viro honoris ac reverentiæ debeant. Ve-  
rùm quoniam eorum quæ scribenda sunt, pleraque ac ferè omnia nostris  
temporibus facta cognovimus; pauca verò aliis quidem temporibus facta,  
sed nobis verissimâ verissimorum virorum relatione exposita accepimus: hæc  
ratione omnes, qui hæc dignabuntur legere, ad credendum invitamus; ut  
sicuti sibi credi volent, si fortè aliqua suis temporibus facta scribere voluerint;  
ita nobis credant, cum audierint ea narrari, quæ à nobis potuere videri.  
Quam enim de se veri æstimationem à sequentibus haberi volent, eam rectè  
præcedentibus concedere debent. Quòd si nulla, quæ scribi debeant, suis  
temporibus fieri contingant; non ideo nos statim falsitatis arguant; quasi quod  
alio tempore occultâ Dei providentiâ non sit, alio tempore pro corrigendis  
vel corripiendis hominibus fieri non possit: cum semper opportunitatem re-  
rum & temporum exigit gratia miraculorum. Num enim idcirco minùs  
credendum est Principem Apostolorum Petrum ad portam Templi speciosam  
claudum sanasse; quòd nostris temporibus istud non fecerit? Aut ideo bea-  
tus Evangelista Johannes venenum sine læsione non bibit, & qui veneno de-  
perierant non resuscitavit; quòd ista nescio quis impostor & calumniator non  
viderit? Quasi si quis nauclerum vel aurigam laudari audierit; quòd hic  
navim in procellâ gnaviter regere, ille equos artificio sciat in cursum ducere;  
supra humanam naturam hoc esse contendat, ideo illa fieri posse non credat.  
Non itaque hoc admittendum; sed quòd unaquæque res tempus & ordinem  
spectet credendum. Dignentur ergo credere, qui hæc dignabuntur legere;  
ut quemadmodum merito fidei nostræ, qua credebamus vera esse quæ non vi-  
deramus, actum est ut aliqua videre possemus; ita illi fidei præmium quan-  
doque videre posse, quòd narrantibus nobis indubiâ fide potuerunt credere.  
Jam ad propositum transibimus; & quo ordine quæque res acta sit, quantum  
possumus, breviter atque dilucidè narrabimus.



# V I T A S. E L P H E G I

ARCHIEPISCOPI CANTUARIENSIS,

AUTHORE

## O S B E R N O .

Epistola de Vitâ vel Passione S. EALPHEGI Archiepiscopi Cantuariensis & Martyris.

**O**Mnibus in fide Christi manentibus, indignus Sanctæ Cantuariensis Metropolitanæ Ecclesiæ filius Osbernus, Gratia vobis & pax à Deo patre nostro & Domino Jesu Christo & amborum Spiritu Sancto. Si coelestis sententia gravem in illum sanxit vindictam, qui acceptam pecuniam sudario reponere quàm mensæ nummulariorum maluit apponere; nequaquam mihi succensendum esse existimo; si hujus sententiæ periculum devitans, ea quæ de glorioso Christi Martyre Elphego ipse agnovi, aliis quoque agnoscenda proponam. Erit autem providentiæ & me veraciter dicentem & illos salubriter audientes ita retributionis suæ beneficio donare; ut neque me laboriosæ aliquantulum narrationis, neque illos usurariæ pœniteat operationis. Illud quoque non mediocriter ad dicendum me invitât; quòd eos plerunque torporis accusamus; qui res, quas suis quidem temporibus ad honorem Altissimi factas noverunt, dictitandi officio adsequentes transmittere noluerunt. Quorum nos desidia aut certè vituperare non debemus; aut si ea, quæ memoratu digna, scire poterimus, efferre; ne qua in re præcedentes improbamus, in eâ à subsequētib; multò maxime improbandi videamur. Sanè veritatem rerum ita polliceor; ut nulla me, sublato si quis infuerit splendore verborum, dicturum profitear; quæ non aut ab iis qui viderunt, aut à videntibus audierunt, acceperim, & eis fide simul & auctoritate plurimum præstantibus. Quorum quidem vocabula iccirco sponte refugio; quoniam dicendi primitias barbaricis appellationibus decolorare nolo. Aliqua tamen de his rebus non incommodè scripta inveni; quorum sententias exinde assumpras præsentī Scripturæ congruo ordine inferenda judicavi. Illius itaque freri auxilio, cujus gratuitâ bonitate sumus quicquid bene sumus, cujus largifluâ miseratione sapimus quicquid bene sapimus; tangamus Psalterium, tangamus & Cytharam. In altero sempiternam Martyris gloriam exultando prædicemus; in altero corporales ejus Passiones imitando veneremur. Ac quemadmodum præcipiente invictissimo totius Latinitatis Magistro Lanfranco Archiepiscopo, Musicâ virum modulatione dudum extulimus; sic cogentibus iis, quas diximus, rationum causis, oratoriâ eundem narratione extollamus.

Incipit

Incipit Vita & Passio Sancti Patroni nostri & Domini  
ELPHEGI Archiepiscopi Cantuariensis & Mar-  
tyris.

**P** Rincipium nascendi splendidissimis natalibus trahens Elphegus, magnâ prudentiâ & summâ humilitate vitam instituit. Cujus animi ingenium simulque innocentiam vitæ parentes admirati, & quasi quæ per illum divinitas erat operatura futurorum præfagi, literali eum scientiâ & Christianæ religionis sapientiâ imbuendum tradiderunt. Quorum utrumque cum vehementer adolescens amplexatus fuisset; tum hoc quidem vehementissimè, quod Christum sibi ostenderet, quod amorem vitæ æternæ in se excitaret. Lectis ergo & perlectis quæ salutem videbantur sufficientia, totum philosophiæ studium convertit ad diligendum Deum, illum semper nosse, illi parere, illius jugo mancipari desiderans. Sed veritus ne pro desiderio maternus obviaret affectus, nam piè & unicè à matre diligebatur, orabat sedulo Dominum, ut voluntas ejus in se fieret, & omne quod in conspectu illius gratissimum foret, aut per occultam inspirationem seu per manifestam revelationem edoceret; pollicens se non patris, non matris, non omnium parentum instinctu omissem, quicquid divina bonitas indicaret agendum.

Tactus itaque majestatis spiritu, paternæ hereditatis negligens, maternum dolorem obliviscens, deserit mundum, intrat Monasterium, cui \* Derherst vocabulum; religionis habitum induit, cum habitu vitam composuit. Et quamvis idem locus raro incoleretur habitatore; eos tamen qui ibidem degebant, virtus probatissimos reddebat. Dum omne quod animos illorum illicere posset, vivaci instantiâ respuerent, atque ad tolerandum singuli se præpararent. Horum igitur humili severitate & severâ humilitate supra quam dici potest adolescens animatus, cœpit privata desideria ac solitarias voluntates abigere, cunctorum famulatui subjacere, atque, ut vulgo loquar, omnium se instrumentum facere: <sup>a</sup> Dei ferventi spiritu infatigabiliter diligere; atque ut amplissimum ejus dilectioni in se locum exhiberet, multâ hanc jejunii & vigiliarum assiduitate comparare; Alterius incommodo commodum sibi non facere, immo suo incommodo alienam magnopere commoditatem quærere. Atque ut sit ad summam dicere, quibuscunque potuit, profuit; quibus autem non poruit prodesse, studuit non obesse.

Superatis autem aliquot annis, in plurimâ religione transactis, cum videret tempus adolescentiæ præterire, parumque reputaret quicquid laborum propter Deum sustinuisset; arctioris vitæ semitam arripere, singulare cum maligno hoste certamen inire contendit. Egressus itaque de Monasterio,

Puer Dei Elphegus totum convertit seipsum ad studium philosophiæ. Diligebatur à matre.

Elphegus deserit mundum cum paternâ hereditate, obliviscens maternum dolorem.

Elphegus intrat Monasterium cui Derherst vocabulum. Induit habitum Sanctæ religionis: <sup>a</sup> l. Deum.

Elphegus diligit Deum cum Spiritu ferventi, & assidue semper fuit in orationibus, vigiliis & jejniis.

Elphegus vidit tempus suum adolescentiæ præterire; arctiorem vitam arripuit.

\* De eodem Willelmus Malmsburiensis, de gest. Pontif. Angl. lib. 2. f. 139. "Adolescens alteravit habitum apud Derherst, tunc exiguum Cœnobium, nunc inane antiquitatis simulachrum. Insignem Deorhurstæ Abbatiam suo tempore fuisse Beda commemorat. Situm erat in agro Gloucestrensi; quod postea collapsum S. Edwardus Rex Monachis S. Dionysii in Galliâ donavit. S. Elphegum hujus Cœnobioli olim professum fuisse dicitur etiam in Chartâ eidem datâ ab Henrico VI. Rege (in Monastico Angl. Tom. 1. p. 548.) prout in Legendâ ipsius S. Elphegi plenius apparet.

sum S. Edwardus Rex Monachis S. Dionysii in Galliâ donavit. S. Elphegum hujus Cœnobioli olim professum fuisse dicitur etiam in Chartâ eidem datâ ab Henrico VI. Rege (in Monastico Angl. Tom. 1. p. 548.) prout in Legendâ ipsius S. Elphegi plenius apparet.



Elphegus egressus de Monasterio Derherst vocato; per divinam gratiam pervenit ad locum, qui Bathan vocatur.

iturus quocunque illum divina gratia deducere vellet, pervenit ad locum, qui linguâ Anglorum \* Bathan, Latinâ verò Balneum, vocatur, propterea quod calida aqua ibidem emergens Balneorum usum pro voluntate utentium præstet. Quò ille perveniens, habitaculum struit, structo sese includit, inclusum rigore incredibili constringit. Nec mora; confluunt ad eum Nobiles, quæque suarum vulnera animarum detegentes, & cœleste ab eo consilium perquirentes. Qui postquam ea, quæ famâ vulgante acceperant, recognovissent; magnis eum beneficiorum donariis honorant; quibus tam se quam omnes sibi adhærentes ab injuriâ famis & frigoris protegere posset. Alii sæculari ambitione sepositâ cingulum solvunt, atque sub ejus disciplinâ vitam simul & habitum mutaturi accedunt. Unde factum est, ut non parva Monachorum turba brevi ibidem congregaretur; quæ ferinâ consuetudine propulsâ mansuetissimis rationibus animum tuebatur, eandem vitæ sinceritatem ubique prætendens, eandem morum rectitudinem per omnia servans. Ad quos pietatis studio informandos talem se tantumque vir Sanctus proponit; ut nullâ qua instruerentur lectione opus esset, sed omnes in ejus vitâ legerent quid quisque vitare quidve imitari deberet.

Culpabat non modicum, qui sæcularem habitum mutarent, vitam non mutarent. " Si enim, inquit, ii qui quomodolibet mentiuntur, divino judicio improbantur, dicente Scripturâ: <sup>b</sup> *Os quod mentitur, occidit animam*: quid de iis fiet, qui calculum veri nunquam tenent, sed omni tempore omnium oculis speciem obtinent falsitatis? Annon mendacii plenus tibi videtur, qui quod non est esse se ostentat; cùm aliud simulat in veste, aliud gestat in corde? Neque enim solo motu labiorum falsitas operatur, sed ostentatione signorum. Quapropter hinc colligere sensatus debet, in die perditionis impiorum quantus dolor, quanta eos confusio commitabitur, quos nunc omnium vox justos appellat; tunc autem in oculis totius creaturæ æternæ ultionis sententia premet. Homo scit, crede mihi, (nam [hic] jurandi mos erat viro) satius est vestem non mutare, quam sub veste vitam negligere. Et licet hæc pessimum quempiam ac suæ professionis vel ignarum aut negligentem respicerent; eos tamen præcipue, qui propter inopiam aut arctiorem disciplinam proprias Ecclesias deferentes, & in Anglicam terram venientes, bonarum rerum vacui & miseriarum pleni, huc illucque incertis sedibus vagabantur. Ubi autem amplissimâ mansione perfectâ, sobrietatis legem discipulis indixisset; atque ut carnales appetitus rationis fræno moderentur, edocuisset; ipse in angustissimam sese domunculam tulit, delegato qui eis victualia ferret idoneo Præposito. Summorum tamen negotiorum causâ ad illum referebantur.

At quoniam sine admixtione malorum vix vivitur in concione bonorum; donec dies elucescet, & quis igni, quis autem horreo aptus sit elucescat; plerique discipulorum ejus monita parum facientes, fidei & professionis immemores, sæculi vias iterare disponunt; & quo dispositum opportuniùs exple-

Elphegus indixit discipulis suis legem sobrietatis.

\* Civitas Bathonia in agro Somersensensi. Hinc Florentius alii que Elphegum Abbatem Bathonicum appellant. Illum à Prioratu Glastoniensi ad Abbatiam Bathoniensem evectum esse Author Antiquitatum Britannicarum scribit. Authorem quidem non laudat. Neque tamen deest. Sic enim Historia Glastoniensis illustres viros ex isto Cœnobio prodeuntes recensens [Monastic. Angl. Tom. I. p. 8.]

S. Elphegus Martyr, ex Monacho & Priore Glastonia factus est Abbas Bathonia, dein Episcopus Wintonia, postea Archiepiscopus Cantuaria. Procacius igitur Editores Antverpienses Sanctorum Aprilis, Vol. 2. p. 633. hoc nomine perstringunt, quasi obscurum quendam fabulatorem, Antiquitatum Britan. Authorem; quo rerum Anglicarum scientiorem non ætas sua, sed neque nostra, tulit.

ant meditantur. Nihili igitur communem vitam habentes, mediis noctibus furtivos cibos edere, ebrietati operam dare, lascivire, & prorsus quæ inhonesta forent, quantum latens audacia sinebat, operari; nam in scientiâ patris ausum nemo arriperet. Sed ira omnipotentis propter virum, quem illuserant, nolens illos impune transire, eum qui in scelere capitalis erat, horrendo subitoque judicio exanimavit, involvit, occidit. Nocte verò, quæ sepultura illius successerat diem, Elphego sacras de more excubias celebrante, & suave Domino sacrificium semel offerente, contigit validas infra ambitum Monasterii voces audire, voces quasi vim inferentium aut quasi illatam sustinentium. Ratus autem vir Dei aut sacrilegos in sacro deprehenso, aut invidiâ Dæmonum Fratres incommodi quippiam dormiendo perpeffos, propere surgens concito gradu ad Monasterium tendit. Cùmque pro foribus aulae, in qua vesci consueverant, transitum fecisset; auditus clamor clariùs insonuit. Sistit itaque gradum Sanctus, attonitis auribus sonum captat, verba discernit: Dehinc domum irrupit. Et ecce is, qui nuper obierat, miserè afflictus solo jacebat. Super quem horridi aspectûs & sordidissimi amictûs homines stabant, qui taureis eum atque ignitis serpentibus flagellabant. Ejulante quidem illo ac præ doloris angustia diros ululatus emittente; ii quos tortores patiebatur, talia illi impropere jactitant. Nec tu Deo, nec nos tibi. Atque eadem sæpiùs repentes, captivum extrahunt loco.

*Nota de illis, qui noctanter & furtivè solebant cibis & ebrietatibus & lascivæ operam dare; & quid inde eis accideret. Contigit Elphegus audire voces validas infra ambitum Monasterii.*

Tum Sanctus animo deficiens, & totum se in lachrimas effundens, complofis manibus recessit; sicque recedens dixit: "O infœlicem horam, quæ nos nativitas perduxit in lucem! Quanto fœliciùs pecora essemus, quàm talium exactorum tyrannidi post mortem traderemur? Pecus namque dum moritur cum vitâ perdit pœnam; hominis dum vivit continuus est labor. Dum moritur, si malè moritur, æternus dolor. Dixit, & quod reliquum noctis erat flens ac mœrens insomne duxit. Jamque sidera solaris splendor fugaverat; cùm Sanctus insimul discipulos compelleret, dicturus quæ manifestante Domino ipse vidisset. Postquam itaque res in commune audita est; videres alios pallorem in faciebus inducere; alios flere, quosdam formidine victos veluti insanire, omnes vero trepidare. At ii, quos mortui scelus sodales habuerat, dum vident secretorum nihil patrem latere; medii profiliunt, errorem fatentur, pravè gesta postulant ulcisci; ne divinæ ultioni remaneant obnoxii. Requisiti autem, ubi conveniendi & convivandi usum habuissent, eum illi designant locum, quo defuncti animam spiritus nequam cruciaverant. Sic pius Deus propter optima viri merita, dum unius scelus noluit latere, omnium mala voluit detegere: Et dum uni noluit parcere, omnium morbos voluit sanare.

Interea fœlicis memoriæ \* Athelwaldo Wentano Episcopo ex hac luce substracto atque ad cœlestia regna translato, quis relictam Ecclesiam digne regendam susciperet, magnum certamen fuit: Aliis aliud hinc inde volentibus, nullis autem ad effectum suæ voluntatis pervenire valentibus. Siquidem Clerici ejusdem Ecclesiæ sceleratissimam vitam agentes, contra canonum statuta per omnia viventes, cùm à præfato Antistite sæpiùs correpti prava mores corrigere nollent, immo quæ pravè gesserant pertinaci spiritu defendere vellent;

\* Obiit Ethelwoldus anno 984. Calendis Augusti. Ex discordia autem de electione Successoris mota, pater illum non adeò plenam de conjugatis Ecclesiæ suæ Canonicis victoriam tulisse; quin plures adhuc pristina libertate fruerentur, & ambi-

tionem Monasticæ constanter obsisterent. Certè ipse Dunstanus in Ecclesia sua Metropolitana votum attingere nequaquam potuit; rem verò Alfrico post Ethelgarum & Siricium successoribus absolvendam reliquit.



regali sanctione decretum fuerat eos extrudi, & alios qui digniores essent, eorum vice fungi debere. Itaque Clericis in exterminium datis, timentes Dominum Monachi admittuntur. Ex quo factum est, ut in electione Sacerdotis Clerici Clericum, Monachi Monachum, utrique suæ voluntatis fautorem, utrique suæ professionis authorem vellent. Qualiter autem hujus contentio- nis lis non humano ingenio sed divinitatis consilio finem acceperit; postea clarebit.

Quo tempore Dunstanus Sanctæ Cantuariensis Ecclesiæ Archiepiscopus universis urbibus in Anglicâ regione constitutis, necnon & aliis regionibus Anglorum regno suppositis, Primas præsidebat. Vir quidem per omnia justus, & ultra humanam æstimationem divini amoris igne succensus. Quem antè sanctificationem quàm genitum sic omnipotentis gratia provexerat atque protexe- rat; ut omnem ætatem absque notabili reprehensione transigeret, ipsisque Regibus ac Tyrannis cum animi virtute tum sanctitatis autoritate potenter imperaret. Non enim erat is homo, quem potestas deterreret, quem favor illiceret; sed in quocunque hominum, in quocunque Nobilium, divinas iniurias conspiceret, mox in illum sine dilatione acrius vindicaret. Nemo enim eum à vero & justo unquam detorquere potuit; nemo eum personam in judicio alicujus accepisse vidit; sed omnibus æquali jure servato, nec pauperi, ut fere fit, propter inopiam contra jus favit, nec divitem ut solent propter substantiam palpavit. Ita terribilis quidem malis, venerabilis omnibus apparuit bonis. Testantur ejus consilia & sapientiam bella suo tempore restincta, pax confirmata, largitas divinæ benedictionis, quæ tantam rerum copiam mortalibus effudit, quantam eatenus nemo veteranus vidit. Quis etenim optimas leges sanxit, nisi ille? Quis justas adinvenit mensuras, nisi ille? Quis postremò plenam Ecclesiis Anglorum autoritatem contulit nisi ille? Aut quando impius & sceleratus cum illo vivere potuisset; qui nec ipsos bonos præter disciplinam manere sivisset? Ad hæc cum munditiâ vitæ concordabat facundia linguæ; ut si abstinentis vitam vidisses, & evangelizantis ipsius verba audisses; quid in homine potissimum mirareris, omnino nescisses. Ita ille utriusque rei gratiâ præditus, nec alios docuit & ipse facere neglexit, nec ipse fecit & alios docere nescivit.

Hic itaque sælix comperto, quòd præfatus Antistes occubuisse, quòdque de eligendo sacerdote non parva partium dissensio facta fuisset, metuens ne sub tali scandalo plurimarum fieret animarum destitutio, ad orationis munus animum intendit; Deum, cui futurorum scientia patet, supplicans, quatinus eâ pietate qua cætera dignaretur ostendere, quis regendæ Ecclesiæ idoneus deberet pastor succedere. Cumque illi lirem, Dunstanus multiplicaret precem; ecce divini bajulus nuncii adest Andreas Apostolus, tali oraculo usus: “ Quid, inquit, carissime contristaris? Quid tam lugubres questus lachrimando effaris? Surge ergo, & Elphego Abbati manum impone; eumque “ sacrâ unctione perfusum, desolatæ Ecclesiæ sacerdotem constirue. Nec te “ aliquorum potentia prohibeat: quoniam non à quoquam homine, sed ab “ omnipotentis Dei ore hæc de illo sententia processit. Ac ne de personâ “ tecum loquentis ambiguum te reddam; Andream me filii Dei Apostolum “ tuæque salutis diligentissimum esse custodem noveris. Sic dixit, & suam sic dicendo præsentiam subtraxit. Pontifex ergo lætissimus tali oraculo effectus, quæ ex Apostolicâ relatione acceperat, palatinis auribus exponit; facit intentos auditores, monet ut partium desinant esse fautores.

Facto itaque conventu omnes transiere [in] sententiam, clamantes id se velle quod Deus veller, quòdque Dei Pontifex deliberaret: At Regem Athelredum non modicâ duabus de rebus lætitiâ obtinuit; vel quia talem in Regno Monachum haberet, qui divino fultus testimonio ad Pontificium promoveri, vel

vel quòd tanti meriti Pontifex repertus fuisset qui pro illo promovendo dignus esset exaudiri. Mox accitis sacerdotibus, qui sacrandi Pontificis studio Cantuariam confluxerant, apprehensum Patrem Elphegum dextrâ lavâque pertrahunt ad Ecclesiam; & causas electionis suæ turbis astantibus manifestant. Oritur ingens clamor populi, immensis laudibus quæ illi ostensa sunt magnalia Dei prosequentis. Vivat, clamitant, Episcopus annis innumeris. Vivat Deo gratus, vivat hominibus charus. Et sedato tumultu, \* quæ Præfulis sunt Elphego Præfules impendunt. Deinde propriam disponit invisere sedem. Quo accepto, populi Wentani sive Wentaniâ longè remoti, omnes ac si divino magisterio edocti, omnes ac si uno spiritu adducti, obviam profiliunt, Benedictus qui venit, acclamantes. Existimabant namque foelices se futuros; si quem tantis hominum studiis exquisitum, tam ingenti miraculo ostensum acceperant, eum suæ vitæ doctorem mererentur habere simul & tutorem. Neque enim eos opinio fefellit. Nam ex quo idem Beatus adeptæ dignitatis thronum ascendit; tam strenuè, tam efficacitè se in cunctis agebat; ut nemo dubitaret, quin is cordi ejus moderator federet, cujus antè fuerat electione promotus. Quocirca ubique metus, ubique reverentia; nusquam pauperum oppressiones, iniquæ divitum exactiones nusquam. Magis autem qui in faciendâ ejus voluntate promptior fuisset, is foelix & sibi & omnibus prædicabatur. Unde populus ab injuriâ liber audiendo verbo Dei libere vacabat.

Crescebat in dies virtus in viro, de virtute fama, de famâ populorum frequentia. Exultant itaque rerum Ecclesiasticarum provisores, propterea quòd talem illis socium divinitus datum conspicerent; cujus nec scientia bene agendi voluntatem refugeret, nec voluntas scientiæ inopiam accusaret. Latantur illustres heroum catervæ; quoniam quem in subveniendi sciebant humanissimum, eum Regiæ potestati viderent amicissimum. At Elphegus ita se omnium moribus condonavit; ut & omnibus carus esset, & nemo, quod rarum inter homines est, ejus gloriæ invideret. Cùmque omnia in illo essent invenire, quæ virum bonum & sanctum decerent, hoc tamen in illo præcipuam populis admirationem præbebat, quod cùm in omnes summæ fuerit misericordiæ ac beneficentiæ, in se impius atque crudelis apparebat. Unde enim nostram perlatum est conscientiam ab iis, qui secretorum illius scientissimi fuerunt, hiberno tempore, cùm tota terra glaciale frigore concreta rigeret, & profundus omnes homines somnus occuparet; ipse clam de strato surgere atque extrarium locum petere consuevit. Ibi nudus pedes, simplicem vestem indutus, tamdiu orando stetit; quousque minores stellas Sol oriens fugaret, & ipse veri Solis præsentiam adesse intelligeret. Zetam verò cùm veluti pransurus intraret, tam vacuus ferè à mensâ surrexit, quàm vacuus ad mensam accessit; ita ut nec edisse à confidentibus redargui potuisset. Ut corpus illius tantâ attenuatum est macie, ut tempore Sancti sacrificii cùm manus Ecclesiastico more tensas in altum porrigeret per medias palmarum juncturas claritas aeris perspicui posset, si forte præ se fenestram haberet, quam solaris radius clarè perfunderet. Quæ res nonnullis nonnullo spectaculo fuit.

Jam verò quanta misericordiæ ac munificentiae in illo virtus claruerit, puto quod nec humanus animus valeat conjicere, nedum lingua explicare. Omni etenim generi hominum suum scivit contemperare sermonem & animum. Verùm ad hoc utcunque edocendum satis erit signi, quòd neque parochialium

\* Consecratus est anno 984. die 14. | SS. Simonis & Judæ; teste Chronologiâ Calend. Novembr. inthronizatus die festo | Saxonica, p. 560.



Nota de caritate Elphegi.

quempiam publicè unquam mendicitati servire siverit, neque alterius loci pauperem vacuum abire permiserit; immane horrendumque nefas reputans, si quod natura commune instituit, hoc velit homo usurpare privatum. Quapropter nec dominici corporis membrum esse, qui pauperum indigentis nollet subvenire, vigilanter disputabat. Nam patiente uno corporis membro compatiuntur cetera; manifestum est ejusdem corporis membrum non esse, quod patiente alio, compatiens affectum nescit habere. Alienum namque est credere ad corpus Christi pertinere, qui qua in re inimicos Christi superare debent, in ea quam maximè ab eisdem superantur; nec modo superantur, verum superati in blasphemiam Christi deridentur. "Attende, ait, Judæum; intue Paganum; observa quanto sibi invicem pro religionis suæ custodiâ amore scelerantur; & videbis inter eos rei penuriâ familiaris neminem laborare, quem non statim congesti in virum pecuniâ studeant relevare. Qui dum nos ejus virtutis inopes conspiciunt, ad quam ii quidem per naturalem affectum trahuntur, illi verò per divinam eruditionem instruuntur; blasphemio ore impetunt Christum, Christianorum fidem [&] religionem, futuræ beatitudinis expectationem. Quos igitur ista blasphemia principaliter respicit, nisi eos qui miseris adesse despiciunt per affectum compassionis? Hisce sermonibus tantum ad largiendas elemosynas divitiarum possessores animantur, quantum clangore tubarum quibus committendi [bellum] animus est incitantur. Ob quam rem in eadem Provinciâ nemo egenus remansit; sed idem Beatus tum per se, tum per hujus sæculi potentes, tum certè per cognationem eorum qui indigebant, omnibus subvenit. Deinde ubi illa defecissent, quæ ex jure Ecclesiæ ministerio pauperum competere potuissent; thesauros Ecclesiæ, quos ipse multiplices paraverat, jubet distribui; docens ad hoc ornatissima quæque Ecclesias possidere, ut tempore sceleris sint honestati, tempore vero necessitatis sint utilitati. Si quem autem sua beneficia ad honorem extulissent; non facile eum pro quavis causa abjicere volebat, grandem in humanis rebus pronuntians prærogativam, si quis operibus & beneficiis faveat suis, nec meritum spectet alienum, sed suæ gratiæ munus intendat. Ergo, ut diximus, viro honestatis omnia habenti, odium in se, pietas in alios quàm maxime fuit.

De signis autem ab eo in episcopatu perpetratis nihil attinet dicere; cum & virtutes possederit, per quas resplenduerunt qui signa facere potuerunt, & nostræ intentionis sit ea potissimum narrare, quæ de ejus glorioso martyrio verà potuimus relatione cognoscere. Et hæc ordine faciemus; si de ejus Patriarchatu pauca dixerimus. Præfatus igitur justitiæ defensor Dunstanus accepto rumore, quo magnus & admirabilis in populo prædicabatur Beatus Elphegus, excelsas omnipotenti Deo laudes libat, qui tantâ luminis claritate patrias orasse vivente resperferat. Sed quoniam merita sua, immo Dei dona, mox coronanda esse præciverit; & Ecclesiam Dei per malorum successionem turbari metuebat; sollicitis obsecrationibus aures divinæ misericordiæ pulsar, quatenus Elphegum Patriarchatûs sui hæredem relinquat. Cui statim exaudito quod postulat promittitur; quamvis haud statim, sed tempore decurso, quod promissum fuerat adimpletur. Quod eâ re dilatum fuisse arbitror; ut & omnibus manifestum fieret, quantum Deus Dunstanum diligeret, cui quod viventi tam benigne promiserat, hoc defuncto longè [post] veraciter exhibebat: & Elphegum illa potissimum tempora invenirent, quæ eum ad martyrii gloriam provehere possent. Nam \* quinquennio, quo simul

\* Immo vix quadriennio simul vixerunt Dunstanus & Elphegus; quod cuivis calculos subducenti facile patet.

vixerant Pontifices Dunstanus atque Elphegus superato, Dunstano autem cum frequenti Angelorum comitatu in gaudium Domini sui ingresso, terni post illum ex ordine sibi succedentes Patriarchæ sunt instituti. Qui cum patribus apponendi supremum arbitrium feliciter incurrissent; universi Anglorum Pontifices cum omni Senatorio ordine sibi invicem occurrentes, quatinus qui omnibus præesse deberet communi deliberatione tractarent; Elphegi nomen omnes attollunt, Elphegum concordii voce magnificant, Elphego certatim manus dare contendunt. \* Anno igitur incarnatæ Divinitatis millesimo sexto, indictione quartâ, ab adventu Anglorum in Britanniam quingentesimo septuagesimo octavo, Elphegus de Wentoniâ Cantuariam translatus, Archiepiscopus levatus est, annos natus quinquaginta duos; cum jam diutinâ ecclesiasticarum disciplinarum exercitatione fuisset emeritus, & quantum hominis est, universitate gratiæ repletus. Quis tunc mœror, quod murmur Wentanos invaserat cives; & me & omnium mentes fugit, nisi qui populum Cantuarinum ovantem vidissent. Nam horum lætitia, quanta fuerit, illorum mœstitia multo indicio est. Quantum enim ipsi de suscepto patre lætificati, tantum illi de amisso fuerant mœstificati.

Paucis admodum diebus evolutis, quibus incogniti honoris moderamina disposuit, urbem cunctis excelsiorem adire instituit. Jamque Ausoniam ingressus, quod primum occurrit oppidum subintrat. Ubi cum itineris magnitudine fessus quiesceret; oppidani hominem incognitum habentes, suæ avaritiæ consulentes, domum irrumpunt, res diripiunt, ipsumque Sanctum omni suppellectili privatum, tum verbis tum verberibus exire compellunt. At ille suas contumelias leviter ferens, suorum verò mediocriter dolens, viâ qua venit regressione facit. Nec dum ab oppido longè secesserat; & ecce horrendæ faces mœnia corripunt, quæ cinerem ædificiis, jacturam civibus minantur. Excitus itaque populus ab igne, strata relinquit, & præceps ad omnia limphato gressu discurret. Cumque in immensum flamma excrevens multa pervagasset, nec evadendi incendii spes aliqua in civibus infuisset; saniore sensu effecti, qui virum perturbaverant, ne forte ad vindictam ignis ei deserviret, animo pertractant. Et exeuntes cum inclytis loci, hominem requirunt, inveniunt, adorant, plorant. Ille verò semper pietatis animum tenerrimum habens; redeamus, inquit, ut ignem comminùs videre valeamus. Stans quoque Pontifex ignem intuetur, lachrimas distillat, Deum compellat. O potentiam creatoris! O clementiam Salvatoris! Elphegus flevit, ignem amovit; populus plaudit. Protinus in aere ignis suspenditur; perque innumeras domos trajectus, extra loci mœnia invenitur. Ad cujus facti contemplationem omnes quamvis modicum sensati experrecti, Angelica sibi famulata ministeria gloriantur. Sed cognito authore miraculi omne vulgus per portas, sicut aqua per rimas, effluere, optanda dicere, mûnera offerre. Quibus Sanctus Elphegus respondens: Vobis, ait, sint vestra; nobis autem sufficiunt nostra. Veruntamen si quod offensa promeruit laxari votum habetis; neminem deinceps de domibus vestris peregrinum perturbetis; quin potius omnes suscipere, susceptis quæ officii sunt impendere curate. Bonorum namque virorum Deus inhabitator est; & idcirco magnopere gratulandum, si quo in homine

Dunstanus & Elphegus simul vixerant Pontifices. Elphegus post Dunstanum tertius ex ordine succedit in Patriarchatum.

Elphegus de Wintoniâ Cantuariam translatus & in Archiepiscopatum Cantuariensem levatus est anno ætatis suæ quinquagesimo secundo.

Nota bene de igne Dei vindictæ descendente de cœlo.

Pia benignitas in Sancto Elphago.

\* Annus ab adventu Saxonum in Britanniam 578. componitur cum anno Christi 1027. Pari errore Osbernus plus semel in Dunstani Vita tempora ab adventu Anglorum falsò supputavit, annos circiter viginti iusto numero plures adjici-

ens. Cæterum Elphegum anno potiùs 1005. ad Metropolim Cantuariensem translatus, vide supra in Dissertatione de vera Successione Archiepiscoporum Cantuariensium.



Deus suscipitur, cum alius æquè homo suscipere meretur. Quod si te interdum tua fefellerit opinio; ut quem religiosum [putaveris, cum postea animadvertas irreligiosum;] non te eâ re mercedis alienum existimes, propterea quòd non tam quid fiat, quàm quo animo quicquid fiat, internus arbiter contuetur. Sic fatus sua recepit, & turbam cum suis redire præcepit.

Sanctus Elphegus perveniens Romam cum Romano Pontifice colloquia quæsit; inter loquendum sibi fœderati sunt amore. Gravis mœror invasit Elphegum.

Pervenienti denique Romam, Romano Pontifici præsentiam exhibuit, colloquia quæsit. Qui dum omnem loquendi opportunitatem tribuisset; tanto inter loquendum sibi fœderati sunt amore; ut eum idem Apostolicus propriâ Apostolatûs sui stolâ circumdaret, & ad memoriam cœlestis clavigeri coram omni Romano Senatu honoraret. Dum hæc ita agerentur, & mutuâ fermocinatione dies protraherentur; unâ dierum gravis Elphegum mœror invasit, qui eum consuetudinis penitus oblitum redderet, & omnino ad alios quàm habere solebat motus disponderet. Mirati itaque comites insolentiam viri, vicissim arte succedunt, conantes doloris causas addiscere, animumque illius prudenti consolatione relevare. Sed ille cœptæ prosequens luctum mœstitiæ; Nemo, ait, hodie me hilarem videbit; quoniam \* is qui mihi successit Wentanus Episcopus, hominem exiit. Illi autem nec faciles credendi, propterea quòd nemo adventasset, qui rem gestam nunciavisset; nec iterum credendi difficiles, quoniam viro Deum inesse noverant, & eâ re mentiri illum non posse credebant; signant diem, qui instabat; ut experirentur utrumnam ore vaticidico an sub opinionis ambiguo ista prælibasset. Deinde salutato ac resalutato alterutrum Papâ & Archiepiscopo, læti ac tristes regrediuntur. Jamque reflexo pede Elphegus superaverat Alpes; cum pleraque Anglorum nobilitas accurreret, quæ sive orandi studio seu videndi desiderio electa, Urbem Romam attingere temptat. Qui requisiti super Episcopo jampridem à servo Dei conclamato, eâ die fatentur hominem vitâ decessisse, qua die constitit Elphegum flevisse. Quem jam prætereat, quantum divinæ gratiæ hujus Beati fuit in pectore, qui cognovit patrios motus à Patriâ longè remotus, & Wentani Præfulis animam de carnis habitaculo egressam, dum adhuc sub peregrino nomine incoheret Romam. Cujus rei fama longè latèque in Patriâ discurrens, amplius multò, quàm de homine æstimari potest, de illo æstimandum persuasit; qui rerum absentium tam facilis cognitor tamque verus assertor esse potuerit.

De salutatione alterutrum Papæ & Archiepiscopi, læti ac tristes regrediuntur.

Sanctus Elphegus frequenter celebravit Concilia sancta, & sæpius exponens fidem orthodoxam, & tollens errores malorum.

Quomodo Sanctus Elphegus devotius privatas Missas; & de ornatu vestimentorum suorum ad Altare.

Sed ut virum, unde profectus est, restituamus; Elphegus Britanniam ap-  
pulsus, atque in sede Patrum locatus, non modò prioris vitæ statum non minuit, verum incomparabiliter auxit. Ab illo namque tempore frequenter & opportunè non desivit Concilia celebrare, orthodoxam fidem Patribus exponere; ne qui aliorum errores tollere deberent, ipsi erronei & à viâ veritatis devii exorbitarent. Peccantes, ut ad Dominum converterentur, si verbis non posset, beneficiis provocabat; nil quod suâ interesset negligens: Dum quos admonitio verbi non corrigeret, liberalitas beneficii superaret. Omnium peccata ipse deslere; ac pro omnium salute per singulos dies vicibus salutarem hostiam offerre. Quòd si præcipua Solennitas instaret, in qua illum sacerdotalem pro populo gratiam exhibere oporteret; deductus sacerdotum manibus in sacrarium, ilico se in partem tulit, & inter hymnos festivo clamore decantatos privatas Missas tantò devotius, quantò à conspectu populi remotius, agebat. Inde plenus Deo ad Altare rediens, quod prius incœperat officium peragebat. Ipse autem in vestitu candido, desuper amictus pallio, mitrâ

\* Kenulfus is fuit; qui Elphego in Episcopatu Wintoniensi successit, eodem anno defunctus; est, auctore Florentio. Eadem Elphegi visionem Malmsburiensis breviter narrat. (lib. 1. de gestis Pontif. Angl. f. 116.) & de Kenulfi obitu factum esse disertè affirmat.

caesariem constrictus, diem transigebat; quatenus per exteriorem habitum vestis interiorem conciret habitudinem virtutis; & spectatores sui eo fierent devotiores ad reverentiam, quod illum spectarent decentiorem ad gratiam.

Ornatum Ecclesiae, cuius ipse auctore Christo moderator sedebat, multis & praeclaris opibus ampliabat; quas postea aut Elphegus in usus pauperum expenderat, aut Paganus in proprios abusus rapiendo asportabat. Pudicitiae virtus tantum in illo obtinuit principatum; ut nemo in audientia illius obscenum verbum proferre, nedum in aspectu turpe factum auderet efferre; dicebatque hanc esse primam atque praecipuam conservandae castitatis magistram, ut quos animorum corruptrix temeritas praecipitat, eos morum latrrix verecundia compefcat. Sed quid meritorum illius caetera prosequar; cum ad sola misericordiarum illius praeconia enarranda omnis periti succumbat faceria? Totus erat clementiam proflus, totus in lachrimas resolutus, pauperum piissimus consolator, liberalis in dando, accipiendo difficilis. Una spes omnibus ad se venientibus afflictis, unicum refugium in hac terra afflictis. Ex qua re contigit, ut dum nihil superesset, quod de suo proximis largiri potuisset; hoc ipsum quod erat, dare non metueret; malens huic vitae moriendo deesse, quam proximis vivendo non prodesse. Quod nunc in ejus nomine aggrediar dicere, cuius clementi bonitate factum est, ut ita possem dicere.

Sanctus Elphegus erat clementiam proflus, & consolator pauperum.

Sanctus Elphegus malens huic vitae moriendo deesse, quam proximis vivendo non prodesse.

Per idem tempus Piratae pessimum genus praedonum, propterea quod illos & egestas audaces, & error investigabiles, & desperatio facit invincibiles; Ducibus Swano & Thurkyllo, Principibus Danorum fortissimis, nonnullam terrae Anglorum maculam intulerant. Sed Swano ab omnipotenti Deo terribiliter occiso, Thyrrillus malignae hereditatis Principatum sortitus est. Hoc Duce Piratae omnes portus maris oberrantes, & nunc hic nunc illic e navibus profluentes, magno quam vicinis damno quam longinquis formidini fuere. Non enim erat illa gens inimicorum, quae pietatem coleret, quae ante fidem cuiquam parceret. Hoc solum inerat boni, promissam fidem nolle mentiri: Et hoc interdum. Caeterum cultus Dei apud eos nullus; & si cultus, nulla cultura religio. Aequè etenim omnes anni dies celebrare, aequè omnes omnibus vesci. Mysteriorum sacra non solum non accipere, sed neque Ecclesiam ingredi, legitima conjugia procul spernere; sed quae sanguine propinquior, ea complexu gratior. Et quoniam actio in eis non praetendebat religionem; minuebatur pietas, crudelitas indies augebatur. Proinde quasi lex erat; ut ibi quisque terminum mali poneret, quae potentia deficeret. Igitur cessante obstaculo, hostis per omnem Angliam spargitur; & quicquid obstarat, tum caede tum incendio comminuit. Desertam itaque extrinsecus ab incolis terram, ad urbes vicinas undique confugitur. Jacet itaque terra praedonum furori obnoxia, nullo cultore beata. Rex namque Anglorum Ethelredus imbellis quia imbecillis, Monachum potius quam militem actione praetendebat. Homines verò divitiis corrupti, voluptatibus obligati, haud quicquam praeter commodum corporis honestum putabant. Quapropter militiam dicere, rem aliquam fortiter facere, pro patria mori velle, ne quod sibi quisquam pararat id eo moriente in jus vicinum transfiret, stultum penitus ducebant execrandumque. Ita quisque dum sibi & rebus suis timet, omnes temperant bello; nemo pro omnium causam certamen experiri tentabat: Cum eam re magis certandum esset, ut quod quisque suum esse vellet, pro eo quam splendidissime pugnaret. Singuli tamen Principes quisque sua loca quantam poterant virtute tuentes, frequentes & nobiles de hostibus triumphos referebant; interdum quoque & hostes de ipsis non ignobiliter triumphabant.

Nota bene de adventu Danorum in Angliam. Swanus & Thyrrillus. Swanus dux Danorum ab omnipotenti Deo terribiliter occisus. Nota. Thyrrillus dux Danorum sortitus est principatum malignae hereditatis.

Minuebatur pietas, crudelitas indies augebatur.

Rex Anglorum Ethelredus imbecillis erat, praetendebat potius Monachum quam militem



Sanctus Elphe-  
gus tempore  
persecutionis  
Danorum so-  
lebat prædica-  
re verbum vi-  
tæ, & redimere  
captivos, alere  
famelicos.

In tanto igitur rerum discrimine Elphegus, id quod factu difficillimum erat, hostes adire solebat, verbum eis vitæ prædicare, captivos dato pretio redimere, & eos quos fames opprimebat alere. Tantumque placendi hostibus divina illi gratia concessit, ut non solum captivos à temporali, verum etiam captivatores eorum ab æternâ liberaret servitute, dum & fidei expertes ad fidem vocaret, & quos fides admiserat ad fidei opera invitaret. Sed cum pleraque populi turba credentium numero addita fuisset, pars tamen non modica infidelitatis errore detenta sociorum salutis invidebat, auctoremque salutis eorum infandâ conspiratione interficere cogitabat. Metuebant namque, ne sublatis iis, quibus auxiliariis bellandi consuetudinem agere solebant, minorem vel nocendi licentiam aut resistendi potentiam, cum res deposceret, haberent; & eâ re dolebant bestiales hominum mentes in rationabilem transisse qualitatem, crudelitatem religione superari, præliandi negotium meditandi otio commutari. Unde quantum à fideli populo colebatur, venerabatur, diligebatur; tantum itidem ab infideli multitudo contemnebatur, deridebatur, occidebatur. Sed Beatus ille malens cum Domino Beelzebub quam cum Phariseo Rabbi vocari, non destitit incæpto operi operam dare, fideles in fide confortare, infideles ad fidem vocare, summâ cum authoritate omnia facere. Neque enim fas erat, ut aliquorum ille formidini cederet, qui divinum spiritum suæ rectorem mentis & maximam populi partem suæ voluntatis fautricem haberet.

Sanctus Elphe-  
gus à fideli  
populo cole-  
batur, venera-  
batur, dilige-  
batur; multi-  
tudine infide-  
li contemne-  
batur, deride-  
batur, occide-  
batur.

Rex Ethelre-  
dus statuerat  
Edricum Præ-  
fectum totius  
imperii sui.

Sed totius malignitatis magister simul ac minister Diabolus, Diabolus inquam totius malignitatis magister simul ac minister, dum infidelium paucitatem ad injustam justi hominis necem propter copiam fidelium impellere non potuisset, aliam patrandi sceleris artem aggreditur, per quam illi omni sociorum timore sublato, quod nequissimè cogitaverant, crudelissimè exsequerentur. Quendam namque Edricum Rex totius imperii sui Præfectum statuerat, hominem humili quidem genere, sed cui lingua divitias & nobilitatem comparaverat, callentem ingenio, suavem eloquio, & qui omnes id temporis mortales tum invidiâ atque perfidiâ, tum superbiâ & crudelitate superaverat.

Nota fratrem  
Edrici Præ-  
fecti virum  
superbum.

Hujus inquam fratrem primò nobilitati Cantuariorum in præsentia Regis gratuito maledicentem, deinde ea, quæ unicuique ex paternâ hæreditate provenissent, violentâ damnatione invadentem: Hujus inquam fratrem lubricum ac superbum eadem Nobilitas aggressum interfecerat, ædes succenderat. Justo Dei judicio agente, ut qui in alios injustè exarsisset, ipse justæ vindictæ pœnas exsolvisset. Cujus sanguinem frater superstes sæviens, ultionem à Rege postulat. Denegat Rex postulata, jure fratrem peremptum pronunciat, qui tantam nobilitatem tantâ animi mobilitate Regali in Palatio impetere præsumisset. Præfectus colorem mutatus Palatium egreditur; Junctisque secum decem millibus viris quàm optimè armatis, occisum fratrem ulcisci conatur. Sed dum conatus suos parum processisse conspiceret, resistentibus iis quos importunissimos adversarios habebat, & ingenti virtute contra certantibus; elatus in iram, Danorum conciliabula expetit, auxilia perquirat, non jam ad Cantuaritas solos debellandos, sed ad totius Britannia fines invadendos. Quorum ignaviam maledictis increpitat; quod tot annos laborando nihil effecerint; cum præsertim Rex \* senio & languore, Principes otio, omnes divitiis ac voluptatibus contabescant. Opus tantummodo esse incæpto, cætera rem ipsam expedire. Regnum post victoriam aquâ sorte dividendum, se ori-

Edricus Præ-  
fectus armatis  
secum decem  
millibus viris  
occisum fra-  
trem ulcisci  
conatur.

\* Rex Ethelredus nondum quadragesimum sextum ætatis annum assecutus fuerat; siquidem, quod Florentius prodit,

Edgarus pater Alftrytham matrem anno 964. duxerit.

entalibus Anglis principari, illos verò aquilone potiri. Cujus hominis pollicitationibus Principes Danorum arrecti, simul & memores fociorum per doctrinam Pontificis sibi præreptorum, socios se infatigabiles ad quodcunque ducere vellet promittunt, dextras dant & accipiunt, sacramenta exigunt & porrigunt.

Itaque maturato consilio Dani & Angli, Dani relictâ statione, quam hie-  
mandi gratiâ propter Lundoniam cœperant, cum innumerâ classe & non seg-  
niter armatâ portum Sandwicum subeunt; eâ videlicet ratione, quòd illum &  
ad receptionem navium habilem & civitati ad quam tendebant acceperint  
proximum. At Edricus cum innumerâ pedestri multitudine & ipse pedes oc-  
currens, exercitum intolerabilem facit. Hostes Pontifici, Præfectus nobili-  
tati, omnes Cantuariæ necem intentant. Cujus rei famâ civitas Cantuario-  
rum vehementer permota, propterea quòd neque alimentorum subsidia in ea  
fuiſſent, nec illis comparandis tempus jam idoneum suppeteret, totas spes at-  
que res suas in manus summi Sacerdotis commendant; templumque Domini  
quod excellentissimâ omnium populorum veneratione ibidem colitur, assiduâ  
supplicatione frequentat. Arbitrabantur etenim sese propter loci sanctitatem  
ibiturari posse, & omnia magis fieri, quàm se violentiâ inimicorum manu in-  
de evelli. Sed verus ac sempiternus Deus non est, ut Dii gentium; qui non  
modò peccandi impunitatem suis tribuunt cultoribus, verùm etiam variis eor-  
dem observationibus atque oblectationibus ad peccandum inducunt; dum me-  
tuunt indebitos sibi honores ab hominibus denegari, si non eisdem per morti-  
feras voluptatum execrandarum licentias studuerint placere. Hinc adulatoria  
Comœdiarum figmenta comperta. Hinc ludi Scenici instituti; & quic-  
quid instituendis animabus malignissimi Dæmones abinvenerunt, Dii adulteri  
& illiberales, qui nullam sibi culturæ possunt exhibere reverentiam, si non ho-  
minibus peccandi tribuerint licentiam. At Deus omnipotens & Dominus  
noster, ut in nullo bonorum nostrorum se indigere, ac per hoc verum se Deum  
esse manifestet; sic culturam exigit, ut vivendi præcepta dare non metuebat;  
sic vivendi præcepta dat, ut ea servantibus præmia, contemnentibus verò  
supplicia proponat. Quodque parum intelligentibus æquè videtur asperius,  
quos præ cæteris familiarius diligit, eorum ille peccata gravius punit. Unde  
cum regnum David corroborandum promississet; de posteritate filiorum illi-  
us ista subnexuit, dicens: <sup>d</sup> Si autem dereliquerint filii ejus legem meam, &  
in judiciis meis non ambulaverint; si justitias meas prophanaverint, & man-  
data mea non custodierint; visitabo in virgâ iniquitates eorum, & in verberibus  
peccata eorum; misericordiam autem meam non dispergam ab eo. Ac  
per hoc nullo modo à bono Deo deferuntur, qui tali modo deferi vi-  
dentur.

Mox universa Nobilitas, quæ olim in legis violatorem vindictam exercue-  
rat, universa inquam Nobilitas lachrimabili questu Pontificem circumdat;  
orat ut urbem exeat, vitæ consulat; in vulgi morte damnum quidem esse,  
sed quovis modo tolerabile; illius verò vitam omnium in terrâ vitas excellere.  
Sentiens autem Beatus ille suasionem, tametsi piam, suâ tamen æstimatione  
indignam. “ Longè, inquit, aliâ mihi viâ gradiendum puto; dum præte-  
“ ritos mecum labores reputans, æternam Dei retributionem cogito. Vide-  
“ mini namque tale mihi consilium dare; ut quod in vitâ jocundius habe-  
“ bam, pro minimo contemnâ, & quod omni semper desiderio à Deo ex-  
“ petebam, id ab eo oblatum sponte projiciam. Sed absit, ut gloriam me-  
“ am ignominiâ commutem; ut immortalitatem, quæ auctore Deo omnibus  
“ proposita est, timore mortis evadam. Quòd si qualicunque de causâ turpi  
“ vel honestâ immortalitas captari posset; esset equidem omnibus elaboran-  
“ dum viribus, ut ad illam quomodocunque pertingere possemus. Nunc au-  
“ tem cum tanta moriendi pro illâ honestas existat; ut laudabilior sit qui  
“ animam

Dani armatâ  
classe portum  
Sandwicum  
subeunt.  
Edricus facit  
exercitum in-  
tolerabilem  
contra civita-  
tem Cantuari-  
am.  
Civitas Cantu-  
ariorum vehe-  
menter per-  
mota com-  
mendat in ma-  
nus summi Sa-  
cerdotis res  
suas.

<sup>d</sup> Psal.  
LXXXVIII.  
31, &c.

Nota bene re-  
sponſionem  
Beati Elphegi  
suadentibus  
sibi fugere  
mortem.



“ animam suam perdere voluerit, quam is qui eandem servare contenderit;  
 “ quis non ultro se ingerat in mortem, si eum amantissimi etiam sui praepe-  
 “ dire velint a morte. Neque sceleratorum maleficia commisimus; ut ex-  
 “ hinc mortis supplicia pertimescere debeamus. An vero \* illud erit in cri-  
 “ mine, quod eorum delectos à Paganissimis erroribus retraximus, atque  
 “ ad unius veri Dei agnitionem cultumque attraximus? Sed beatum me,  
 “ si tali in causâ mori contingat; pro qua ut morerentur elaboraverunt om-  
 “ nes Christi Martyres. An forte ibi offendimus, cum gentis nostræ capti-  
 “ vos perditæ libertati restituimus; & quos restituere non potuimus, in cap-  
 “ tivitatem pascere non dubitavimus. Sed utinam pro tali offensâ tot in [me]  
 “ mortis vulnera defæviant, quot in me membrorum varietates natura for-  
 “ mavit. Jam verò si inde furoris exarsit immanitas, quod vitam illorum  
 “ flagitiis ac facinoribus coopertam quotidianâ invectione reprehendebam;  
 “ illius me coegit auctoritas, qui sanguinem impii de manu meâ dicit esse re-  
 “ quirendum; si eidem scelus suum non fuerit annunciatum. Quod si alia  
 “ non sunt, quæ pro illorum studio in me culpari valeant; & hæc ipsa talia  
 “ esse noscuntur, ut sui magis dignitate Deum mihi concilient quàm indigni-  
 “ tate exacerbent; alienum profectò à meis orationibus esse existimo, opti-  
 “ mis civibus in mortis periculo derelictis, de singulari meâ salute, quæ nec  
 “ salus dicenda est, cogitare. Mercenarius esse potero; si videns oves meas  
 “ à lupo devorari, ipse incipiam fugam meditari. Proinde quibus Deus in-  
 “ spiravit, ut bona malaque juxta perpeti velint; hæc quæ nobis præparata  
 “ sunt pariter expectent.

Postquam accepere ea homines, quibus omnia quàm mors & cruciatus cor-  
 poris cariora erant, citato mox concilio, diversi alius alio se transferunt; plu-  
 res verò placandi gratiâ Danos accedunt, rati se apud hostes tutos fore, qui  
 infra muros civitatis tuti esse non possent. Sed è contra omnia venere: Sed  
 me piget ista narrare. At Elphegus convocatis pauperibus populi sui, hor-  
 tabatur eos bono animo esse, Deum præ oculis habere, præter eum qui corpus  
 & animam in gehennâ perdere potest nihil formidare. Admonebat etiam eos  
 humilitatis Christi ac patientiæ; qui cum Deus esset, & omnia Pater illi in  
 munus dedisset, non solum se de inimicis ulcisci noluit, sed & fævientem Petri  
 amorem ab ultione prohibuit, gladiumque illius Malchi sanguine cruentum  
 vaginâ recondidit. Docebat nihilominus duas esse hominum liberationes;  
 quarum alteram publicus, alteram occultus probaret excursus: nec magno  
 curandum opere, si ea non proveniat, quam humani favoris iudicium ex-  
 pectat; propterea quod illam malus quispiam participare valeat, illam verò  
 aliam quæ divini secreti scientiam fatetur, eo magis optimam atque infestis  
 viribus appetendam, quod ad eam nemo [nisi] bonus aspirare prævaleat. Ad  
 hæc proponebat constantias Martyrum, & victorias eorum, qui fidem non  
 verbis sed tormentis ostendebant; quibus Christiana innocentia non tam ho-  
 nori quam supplicio quoad viverent erat. His illos sermonibus institutos ad

Sanctus Elphe-  
gus convocans  
populum su-  
um, hortaba-  
tur eos esse in  
bono animo.

Sanctus Elphe-  
gus docebat  
populum duas  
liberationes  
hominum esse.

Sanctus Elphe-  
gus propone-  
bat populo  
constantias  
Martyrum &  
victorias eo-  
rum.

\* Ista omnia, quæ & hîc & superius  
Osbernus ingerit, de conversis ad fidem  
ab Elphego Danis, conficta ab illo viden-  
tur; ut Martyrii titulum illi conciliaret.  
Lanfrancus enim, quo iubente Osbernus  
Elphegi vitam concinnavit, Elphegum ve-  
rum fuisse Martyrem denegavit; eò quod  
occisus fuerit non pro confessione nominis Chri-  
sti, sed quia pecuniâ se redimere non voluit:

referente Eadmero in vitâ Anselmi lib. 1.  
Aliam itaque Eadmerus rationem excogi-  
tavit; sc. quod post captam civitatem, Da-  
nis fævitiâ & tyrannidem summa libertate  
increpans, hostium furorem in se concita-  
rit, atque ea de causa ab iis è medio sub-  
latus sit. Conversio autem Danorum  
ante civitatem obsessam ab Archiepiscopo  
facta, Eadmero in mentem non venit.

quæcunque

quæcunque tormenta persecutor impelleret, Beatus ille paratissimos reddebat. Deinde episcopali super illos benedictione effusâ, pacis communione in osculo sancto libatâ, dum divini epuli omnes participes efficeret, se illis, illos sibi, utrosque autem omnium protectori Deo commendavit.

Jamque dies aderat, primos visura tumultus. Ecce tota civitas hostili agmine circumvallata omnem exeundi civibus libertatem negabat. At illi promuris consistentes resistendi audaciam non tam ostendebant quàm simulabant. Vicesimo autem obsidionis die, exhausto quicquid ad usum vitæ paraverant, mittitur à Pontifice qui Dano suggerat, ut ab incæpto desistat, populum innocentem obsidionem pati, cavere ne divinæ correptionis flagello pro filiorum castigatione ad tempus concessio nimis insolenter abutatur; fieri plerumque, ut quem pater heredem vult baculo percutiat, baculum post in ignem projiciat. Sed Angli, nam illi ad impietatem procliviores extiterant, quo amplius cognatum populum affligi cernebant, eò ferociores instare, vineas agere, turres extruere, arietibus murum ferire, igneas faces jacere, nihil intactum habere. Inde feralis per contiguas domos ignis conceptus horrendos crines attollit, ac sæviente Austro per omnia loca se dilatando spargit. Cernere tibi videreris aut Romanas flammâs Neronem mirari, aut Trojana incendia Æneam deflere. Tum verò miseranda inter cives cunctatio, utrumnam desertis murorum propugnaculis ad proprias domos convolarent. Vicit communem utilitatem privata affectio, filiorum dulcis recordatio, tuendæ familiæ innata compassio. Currunt itaque furore præcipientes, animositate audaces, neque vitæ memores, neque mori potentes. Rapiunt è mediis ignibus conjuges & caros liberos, hostili gladio statim feriendos. Sed illis ad cineres ædificiorum attentius occupatis, ecce quod dictu quoque miserabile est, effractâ urbe exercitus ingreditur; terribilis sonitus ex clamore vocum simul & ex clangore tubarum attollitur; adeò ut omnia civitatis fundamenta concuti viderentur.

Quæ tunc facies rerum, quàm miserabilis confusio malorum, sub nullius scientiam cadere potest, qui non ejusdem calamitatis spectator affuerit. Alii namque ferro jugulati, alii flammis consumpti, plures verò supra muros præcipientes dati; nonnulli, quod dicere pudet, per verenda suspensi deficiunt. Matronæ, quas cæteris clariores nobilitas effecerat, dum thesauros quos non habebant coguntur prodere, capillis per omnes civitatis plateas distractæ, ad ultimum flammis injectæ moriuntur. Super omnia in minorem ætatem crudelitas defævit; dum parvuli à matrum uberibus evulsi aut lanceis exciperentur, aut superacto plaustro minutatim contererentur. Jam verò ea quæ sequuntur mala præ doloris magnitudine vix enarrare valeo. Ecce etenim venerandus Pontifex non ferens tantam suorum depopulationem, dum fortè plangentium turba Monachorum in Ecclesiâ Salvatoris circumseptus fuisset, repente manibus tenentium se lapsus de Ecclesiâ evasit; currensque ad locum cadaveribus plenum, inter densissimos hostium cuneos se ingerit, talia geminando inclamitans. "Parcite, ait, parcite; & si viros vos esse cognoscitis, innocentem ætatem persequi desinite. Non est victoria, qua lætentium perimitur innocentia; nec laudi ascribetur, quicquid in supplices bellando peragitur. Si gloriam de victoria expetitis; hanc vobis potissimum ejus jugulum præstabit, quem cœlestis potestas omnibus præesse constituit. En me, qui ut Christianum populum augerem, multo vos milite spoliavi; & qui vestræ impietatis crimina libero semper ore damnavi! En qui Captivos Patriæ horrendo multatos ergastulo pavi, vestivi, redemi! Si gratuito malos esse delectat; in me præcipuè vestra ira defæviat; quem præ omnibus tot peccandi modis vos offendisse constat. Protinus ergo innumeris manibus fortissimus Athleta carpitur; ac intercepto gutture vox loquentis præpeditur; vinculis palmæ innectuntur, genæ unguibus dissecantur; pugnis & calcibus

Sanctus Elphagus dedit Episcopalem benedictionem super populum; & commendavit eos omnipotenti Deo, protectori suo. Civitas hostili agmine circumvallata Cantuariæ.

Nota de incendio civitatis Cantuariæ per crudelissimos Danos.

Privata affectio vicit communem utilitatem.

Rapiunt è mediis ignibus conjuges & caros liberos. Exercitus Danorum ingreditur.

Terribilis sonitus tubarum attollitur. Magna crudelitas Danorum.

Trahitur matronæ per capillos per omnes plateas civitatis, ad ultimum flammis injectæ moriuntur.

Parvuli verò ab uberibus matrum divulsi ut lanceis exciperentur.

Turba plangentium Monachorum in Ecclesiâ Salvatoris.

Sanctus Elphagus radarguit crudelissimos Danos.



calcibus latera tunduntur. Inter hæc servus Dei muto simillimus, ne uno quidem verbo dolorem prodere; sed Sancti Spiritus consolatione roboratus, summa tantummodo labia quasi cum Deo loquens movere. Sicque ad atrium templi non tam deductus quam impiorum manibus impulsus, jubetur novi flagitii spectator assistere; quatinus mortem ante mortem videret, nullumque mortis genus existeret, quod illum sive patientem sive suis condolentem prateriret. Accedunt itaque filii Diaboli ad templum filii omnipotentis Dei; cuppas super invicem positas inflammant; tectum exinde molientes amburere. Jam plumbi materies à facie ignis resoluta cœpit introrsum defluere; cum beata Monachorum plebs caput pallio cooperta, amaris lachrimis faciem rigata, in Dominum per omnia confisa egrediebatur, datura pro Salvatore quod pro omnibus ille dignatus est impendere. Ad quam ferro excipiendam trux carnifex occurrens mirabili atque miserabili eandem cæde devastat. Quid tunc quæso Pontificis agebatur in animo? Cum videret totius Regni matrem miserandis cineribus involutam jacere, filiorum multiplices catervas per diversas diversarum mortium strages interire; se vinculis irretitum, vulneribus afflitum, saturatum opprobriis, destitutum solatiis. Sufficeret namque ad communem regni perniciem aut sola Pontificis injuria, aut funesta urbis excidia; ne dum utroque Anglia decore privata, [esset] nunquam deinceps ad priorem esset statum reformanda. Sed quicquid illud sit, quod æterna hoc in facto sapientia providerit; magnum quiddam ac præclarum esse dinoscitur, quod tam pio tam excellenti Pontificem Martyrio decoraverit; ut alterum esset, quod de morte filiorum doleret, & alterum quod mortem ipse sustineret. Igitur ex omni numero, qui ad octo millia hominum protendebatur, quatuor solummodo Monasticæ professionis, octingentos autem inferioris ordinis viros remansisse accepimus; quos primum beneficii gratiâ pro decimis computatos, deinde verberibus acriter exaratos, aut pecuniariâ redemptione dignos judicaverunt, aut servilibus mancipandos operibus secum abduxerunt. Quibus eâ solum re Danos existimo pepercisse; ut nullis deinceps temporibus deessent, qui cruentam illorum victoriam prædicare possent. Sed qui hominum malis bene utitur Deus, quod illi ad testimonium crudelitatis, hoc ille parabat ad restaurationem posteritatis.

Beata Plebs  
Monachorum  
confisa in Do-  
minum.

Strages Mona-  
chorum.

Anglia priva-  
ta, nunquam  
deinceps re-  
formanda.

Decimatio po-  
puli.

Plebs Cantua-  
ria deflet mor-  
tem Sancti viri  
De populo cæ-  
so, urbe flam-  
matâ, templo  
Christi viola-  
to. Sanctus  
extrahitur per  
portam sep-  
tentrionis. Ibi  
fuit populus  
clausus in vin-  
culis.  
Omnes captivi  
in carcere in-  
clusi Sanctum  
viderunt, fle-  
verunt.  
Sanctus Elphe-  
gus ab impiis  
Danis gravi  
percutus in-  
ter humeros  
vulnere. Com-  
pediti ab-  
horrent: atque  
Dani vulnera  
ejus.

Haftenus urbis excidia dessevimus; nunc ad descendam Sancti viri mortem lachrimas reparemus. Jam populo cæso, Jam urbe flammata, Jam denique Christi templo violato, perscrutato, spoliato, extrahitur Sanctus, toto corpore vinctus, furentis populi manibus occidendus. Cumque ad portam septentrionis præcedentium raptu ac subsequendum pulsu traheretur; ecce ii, quos solos paulò antè ex omni civitatis ruinâ superfuisse commemoravi, pedes trabibus inserti, sub militari custodiâ tenebantur. Qui visò Pontifice, & quæ erga Pontificem agebantur, indignitate malorum elatis in cœlum manibus cum ingenti rugitu exclamant, Deum tantæ crudelitatis inspectorem fore postulantes. Omnes enim captivi eum viderunt, & elevatâ voce fleverunt. Subsistens autem summus Sacerdos, ut fractos eorum animos oratione firmaret, repentè ab impellentibus se gravi per summos humeros vulnere faucia- tur; adeo ut profluente sanguinis undâ à toto corpore humerus divisus appareret. Exhorrent facinus compediti, exhorrent ipsi Dani, exhorrent quicunque erant animo humani. Nec ille fecius Deum orare, sed oculos ad cœlum, animos verò ad eum qui supra cœlum est, infatigabiliter habere. Ducitur itaque hostia Christi de urbe ad classem, de classe ad carcerem, de carcere ad judicem iniquitatis. Carcerem pronuncio, quem horror tenebrarum scedavit, quem angustia parietum scedavit, quem ranarum importunitas sc-

Sanctus Elphegus ducitur ab urbe Cantuariæ ad classem, de classe ad carcerem, de carcere ad judicem.

davit. Ibi virum Dei menses septem duodeno milite septum servavere; rati illum Ecclesiæ patrimonium spoliaturum, ac pro sui liberatione iis daturum. Sed Elphegus nihil sanè ad hoc intentus, quippe cui serum videbatur, quòd huic mortali vitæ subtraheretur æternâ Dei præsentia frueretur. Quocirca patientissimè omnia sustinere, passionem Christi pro potestate ibidem celebrare, gratia Deo contriti cordis solennia agere.

Interea cœpit Ira omnipotentis Dei in homicidam populum adeò deservire; ut parvo temporis intervallo duobus eorum millibus per diros internorum cruciatus prostratis, cætera quoque multitudo simili morbo percussa simile opperiretur exitium. Commoniti autem à fidei populo, ut reos se in Christum, templum ac populum illius agnoscant, dicant, defleant, de cætero autem Pontifici satisfaciant; consilium salutis differunt, opinati non tam divinam voluntatem quam fortunæ instabilitatem hoc illis infortunium accidisse. Prævaluit interim clades super omnem carnem, quæ Pontifici intenderat mortem; & nunc denis, nunc vicenis, nunc pluribus his terribili viscerum dolore captis, tortis, absumptis, magnam subinde mortis formidinem viventibus incussit. Citato igitur consilio mox ad eum ab omnibus curritur; patratum facinus quamvis invitis lachrimis deploratur; ut ad cœli Regem supplicatio fiat obsecratur. Erat autem solennis ille reconciliationis dies, in quo sanctissimum corporis & sanguinis sui mysterium Salvator discipulis commendavit. Tum ille, quem paulo ante malignitas tortorum vehementer angebat, nunc eorundem manibus ad publicos populi aspectum honorificè delatus, atque in sellâ gestoriâ positus, has de sacro pectore edidit voces. “ Et si vestra incessabilis crudelitas nullum sibi promerendæ veniæ locum relinquat; nostri tamen interest officii non tam quod vos pati conveniat, quàm quod nos agere deceat intueri. Habemus namque maximum huius speculationis documentum in hodierno Christi Domini factò, qui cum suorum dignatus fuisset lavare pedes Discipulorum, non modo illum non exclusit, à quo se tradendum esse præscivit; immo etiam Sancto pane sanctissimis manibus libato eundem cibavit. Inde cum ad locum comprehensionis illius ventum fuisset; primò omnes Pharisaicæ impietatis ministros potentis suæ verbo elisit, sed confestim pro dignitate beneficii eosdem ipsos erigendo sanavit. Ita omnibus quæ de illo sunt diligenti ratione consideratis, invenimus eum bonitatis suæ clementiam hominibus semper prærogasse, non eorum mala facta per condignam suppliciorum poenam vindicasse. Quodque magnæ bonitatis insigne est, quos quotidie mandatis cœlestibus pertinaci animo videt resistere, eos in cœlo sedens adhuc patitur vivere, immo humanis rebus plurimum cæteris præstare; dum eis & clementia cœli & fecunditas terræ, filiorum gratia, famulantium clientela, pecuniæ augmentum, ac subiectio arrideat inimicorum. Huc accedit quòd vobis quoque hominibus quidem, sed canino semper more viventibus, longanimitatem sui patientiam præstendit; quos olim furoris sui gladio peremisset si non poenitentiam quàm mortem vestram maluisset. Quapropter quum exemplorum illius devotus cupio imitator existere; oblitus incendia civitatis, oblitus inquam quæ in me acta est, præteritæ impietatis; oblitus innocentium cædis; sicut ipse patrem pro suis crucifixoribus, ita ego pro meis ipsum tortoribus interpellabo. Afferte ergo panem, statim vobis reddendum salutarem; quatinus ex hoc refecti & cupitæ salutis beneficium adepti, aut solemnem Salvatori gratias reddatis, aut sceleratioribus blasphemis remaneatis.

Postquam Præsul finem dicendi fecit; invocato mundi auctore Christo, datoque omnibus pane à se benedicto, omnes de exitiali liberavit clade. Qui liberati & ab homine confortati, nihil minus præstiterunt in quo cœpto confiterentur. Expectato autem sacrosancto Dominicæ requiei Sabbato, cum perfectæ salutis integritatem se recepisse nec quempiam ex omni populo per totum

Sanctus Elphegus recluditur in carcere, menses septem, ibidem celebrans & agens solennia.

Ira Dei in homicidam populum deservit. Dani commoniti à fidei populo, ut Christum agnoscant.

Prævaluit clades in Danos impiissimos.



Principes Danorum legant quatuor Principes legionum ad Sanctum Elphegum. Dani petunt sexaginta argenti talenta pro vitâ ac libertate Sancti Elphegi. Responsio Elphegi ad quatuor Legatos Danorum.

Accedentes rogabant Sanctum Dei Elphegum scripturam firmari sigillo suo. Sanctus Elphegus respondit Danis de hac causâ.

Exemplum Sancti Laurentii de thesauris Ecclesiæ.

Elphegus habebat semper spem suam in Domino.

tum triduum obiisse conspicerent; legant Principes legionum quatuor, qui Pontifice adito primò quidem pro impenso beneficio gratias exhibeant, deinde hujus conditionis alloquium proponant; ut si vitâ ac libertate velit potiri, sexaginta argenti talenta persolvat, singulis talentis quinquaginta librarum pondere appensis. Præter hæc si ondeat se suasurum Regi; ut quoniam impossibile sit absque grandi pecuniâ Anglos Danis conciliari, ducenta superioris ponderis talenta solvantur: Sicque fœdus inter utrosque populos firmum constituatur. Quo ille accepto nuncio, tale fertur responsum dedisse. “ Legatio, inquit, legitima non est; cum id petitur, quod petenti jure denegari potest. Jure autem denegari potest, quod ratione haberi non potest. “ Ratione verò haberi non potest, quod aut ignis devoravit aut prædo asportavit. Quòd si ad explendam animi vestri dominatricem cupiditatem eâ vos ratione ducimini; ut existimetis me aut Ecclesiasticas possessiones expoliaturum, aut contra Patriæ decus Regi suasurum; fallimini, propterea quòd Christiani hominis non sit Christianorum carnes Paganis dentibus conterendas dare. Ego equidem id faciam; si quod paupertas ad vitam paraverat, vestris hoc moribus abutendum tradam.

Accedentes autem ii, quorum gratiâ familiarius utebatur, rogabant eum mitius loqui, sigillo suo scripturam firmari, quæ ad depradandas Ecclesiæ reliquias circumquaque mitteretur; quatinus redemptionis pretium exinde consequeretur. At ille, qui semper erat Pater pauperum & invictus Patriæ defensor, indignè ferens eos indigna locutos, ita respondit. “ Si istud mihi flagitium persuadere potueritis; quicquid usquam flagitii est persuadere potueritis. Sed satius est per virtutem emori, quàm tali modo vitam mercari. Quid namque indignius dici potest, quàm ut Elphegus in ultimâ ætate crudelis esse discat, quem clementiæ ac mansuetudinis virtus ab ipsis infantis cunabulis decorabat? Aut quam mercedis gratiam ab æquissimo omnium remuneratore Deo sperabo; si quæ fidelium operâ ad honorem Ecclesiæ parta sunt, hæc meo opere distracta perierint? Exciditne animis, quàm laudabili ratione Beatissimus Martyr Laurentius thesauros Ecclesiæ absconderit, ne illos violenta manus inveniret persecutoris. Quid quod eosdem tam liberali diligentia pauperibus distribuit? Quòd si ille quos acceperat laudabiliter thesauros occuluit; ego quos non accepi crudeliter exquiram, crudeliùs prodam? Et si ille quod non habebant egentibus dabat; ego quæ habent eisdem diripiam? Nisi fortè mirius sit quod suum est pauperibus auferre, quàm quod nostrum est non largiri. Videte ergo, quàm id impiè dixeritis, quod sobriè vos dixisse putabatis. Hæc ille, nec ad hæc illi.

Sed postquam in castris audita fuissent, quæ ipse dixisset; tum quidem omne furoris sui venenum spirare, clamorem dentium stridore mixtum attollere, & quid de viro statuendum foret malignâ mente tractare. Nihil ergo prior fames, nihil catenæ, nihil militaris custodia valere. Nova omnia cuduntur, & ea multiplicatis tortoribus cumulantur. Eratque miserabilis rerum conditio, & quam non solum muta animalia, verum etiam ligna & lapides expavescerent; dum qua die universa mundi elementa de resurrectione Conditoris lætabantur, eâ ipse inauditis tormentorum quæstionibus puniretur. Sed ille propter spem, quam habebat in Domino, omnibus his malis quasi epulis delectabatur.

Exarsit itaque malignus furor impii Draconis; crediditque se diro invidia mucrone perire, si suis artibus victus non cederet, quem suorum militum tormentis vincere non posset. Tegit ergo argumentum furoris velamine pietatis; fraude conatur elidere, quem terroris magnitudine non potuit superare. Fit virtus specie, non veritate: Angelus ore, non operatione.

Quintâ

Quintâ igitur Paschalis Festi luce peractâ, aggreditur filium lucis auctor tenebrarum; mentitur se de supernis sedibus destinatum, quatinus levi vigiles somno demulceat; illum verò ad communem gentis salutem de squalore carceris educat. Nec vererentur ignavi militis vocabulo notari; cum neque Petro esset sublimior, nec Paulo esset robustior; quorum alterum sporta contexit, alterum verò carcerali stridore gravatum Angelus absolvit. Christi quoque venerandos teneret pedes, qui ut lapidantium se manus effugeret, de templo exivit, ac fugiendi licentiam evangelico præcepto suis mandavit. His ille sermonibus veluti unguentis delibutus, carcerem egreditur; illum sequens prævium itineris, qui filium Dei in deserto temptare præsumpsit. Plurimis autem aquarum alluvionibus per obscuras noctis umbras transvadatis, is qui ore Luciferum agebat, repente disparuit. Tum Sanctus pestiferi ductoris machinas intelligens, ex imo pectoris dolorem anhelat; mediisque se paludibus injectans, cum maximo fletu Salvatorem implorat. "O vitæ dator, O stirpis Adam unice moderator, cur senem me tua gratia destituit, quem in floridâ ætate nunquam destituere suevit? Tamdiu misericorditer servatum in extremo vitæ pateris perire abjectum? O totum quod cupio, totum quod frui desidero, quid juvat in prælio longum diem victorem fuisse, si peracto die prædam victus victorem abripiet? Aut quæ laus natandi perito, si medium pelagi naufragus evasit, ad littus verò invisæ mortis naufragium sustinuit? Quoties te in hujus vitæ naufragio Salvatorem inveni? Experiar nunc quæso consolatorem in hac Dæmonis illusione, adjutorem in opportunitatibus, in tribulatione. Adjutorem inquam in tribulatione experiar te consolatorem, experiar te consolatorem in hac Dæmonis illusione. Carcer à tergo, a fronte flumen. tenebræ in girum, auctorearum juxta. Elphegus omnibus his criminibus inclusus, Tibi soli derelictus est pauper: pupillo tu eris adjutor.

Angelus malus aggreditur quintâ Paschalis festi, educens Sanctum Dei Elphegum de squalore carceris in locum desertum.

Sanctus Elphegus in mediis paludibus injectatus sic orabat Deum cum fletu.

Talia vir ille non clarus Pontificio, sed vilis opprobrio, gemebundâ voce commemorans, divinis auribus opplorare non desivit. Sed is qui in mediis tenebris creavit columnam lucis, ut in invio hæreditas ipsius viam inveniret; dignatus est erranti viam ostendere, qua loco unde discesserat inclytus bellator redderetur, & coronam cœlitus sibi promissam sine aliquo obstaculo recipere mereretur. Mox igitur cum surgente diei aurorâ apparuit vera veræ lucis aurora. Juvenis aureo splendore amictus, divini signaculi vexilla præferens, itaque viro alloquium persolvens. "Quò te, ait, tui distrahunt pedes? "Quò impetus fugæ? Quò ductoris invidia? Siccine iter ad coronam, fugiendo certaminis luctam? Aut potest bravio palmæ fulgescere, qui currendi metas in stadio noluerit perficere? Cui cum retulisset Sacerdos, non se fugere, Sed divini nuncii paruisse imperio; "Non hoc, ait, imperium fuit divinitatis, sed diabolicæ malignitatis commentum; nec tam te ille de carcere educere, quàm extra carcerem voluit seducere. Urget namque illum & præteritæ vitæ tuæ pia operatio, & in tantis tribulationibus præsens semper tibi Sancti Spiritûs consolatio; cujus præsentia hominibus donat constantiam, constantia victoriam, victoria gloriam; & eâ re maluit omnia temptare, quàm à te confusus abire. Redi ergo ad locum, amice, coronæ cœlitus deputatum; sciturus quòd te die crastino Pater honorabit in cœlo honore illo maximo, ut in æternum sis cum ejus filio. Elphegus igitur ad locum certaminis ab Angelo revocatus, lætus expectabat horam, qua à Deo perciperet Coronam.

Quidam juvenis apparuit Sancto viro Elphego, amictus splendore aureo, cum vexillo divini signaculi, colloquium sibi persolvens.

Angelus bonus confortans sanctum Dei Elphegum, & ab eo revocatus ad locum certaminis. Sanctus Dei comprehensus à turbulentâ turbâ carnificum includitur ergastulo.

Sed cum prope fuisset, ut terrificum antrum intrare debuisset, comprehensus à turbulentâ carnificum turbâ, plagis afficitur maximis; insuper cerebro capitis violato semianimis ergastulo includitur. Ubi accenso foco, & quicquid foetidissimum fumum vel generaret vel generatum nutrirer, per singulas diei



Beatus Dunstanus apparuit Sancto Elphego in carcere, confortans eum, loquens ei de regno Dei.

Sanctus Elphegus psallens cum psallentibus.

Dani promulgant sententiam mortis in Sanctum Elphegum. Sanctus Elphegus ducitur de loco horrois ad iudicium vanitatis. Ingens Planctus fidelium populorum.

Sanctus Elphegus deductus est ad spectaculum. Dani proclamant aurum. Sanctus Elphegus respondit Danis impiissimis. Prophetia Sancti Elphegi contra iniquos Danos.

horas injecto, relicto illo intrinsecus, quem talibus pœnis cruciandum putarunt. Sed Dei agonista memor eorum, quæ pro se filius Dei perpessus fuisset, pro minimo habuit quicquid ipse pro illo sustinere potuisset. Pleraque igitur sequentis noctis parte exactâ, cum illucescente Octavarum Sabbato æternum viro Sabbatum præpararetur in cœlo, coepit terrifica domus cœlestis gratiæ participium suscipere, æternæ vitæ odoramina spirare, hymnos mellifluis Sanctorum vocibus modulatos personare. Quos Beatus ille in magnâ cordis lætitia intuitus, Dunstanum quondam Archiepiscopum vultu ac veste gloriosum conspicit assistentem, protensis ad illum manibus ita dicentem. “Ad te æterni Regis invictissime miles, ad te nostro honorandum obsequio, venimus, missi ab illo, qui tibi & victoriam præstitit de inimico, & sempiternam coronam præparavit in cœlo. En quorum collegio post mortem carnis in perpetuum frueris? Cives Jerusalem cœlestis, ac domestici Dei, si ea quæ defunt passionum Christi in carne tuâ patienter suppleveris. Vidimus namque multiplices urbis labores, templi incendia, filiorum necem, tua cum vinctis opprobria, & post impensa beneficia duplicata tormenta. Quod ergo reliquum est, deitatis potentiâ vallatus, libens excipe; sciens non esse condignas hujus temporis passiones ad superventuram gloriam, quæ revelabitur in te. Unus namque & hodiernus dies ad supplicium, sed jugis ac sempiternus erit ad præmium. Inter hæc laxantur nodi vinculorum, stringuntur hiantia vulnerum; & absolutâ ad integrum omni corporis plagâ Elphegus & psallens cum psallentibus, exultans cum exultantibus incedit.

Pavescit rerum magnitudine custodes nunciant iis, qui in extremo agmine curabant locum tremendo quondam horrore damnatum, nunc Deorum excubiis magnifice delectari. Qui celeri cursu turmatim ruentes, procumbunt innixi parietibus, præsentem Dei virtutem cernere volentes. Sed eadem citius dictu percussi resiliunt. Quod simul atque Principes exercitus acceperant, socios videlicet à se catervatim defluere, atque ad hominem Dei certatim confluere; statim in illum mortis sententiam promulgant, ne illo diutius vivente contra invicem armati procedant, graviusque à se quam ab exteris gentibus occisi depereant. Proinde missâ armatorum manu non parvâ, Elphegus de loco horrois ducitur ad concilium furoris, de domo fœditatis ad iudicium vanitatis. Et quoniam pedes illius diuturnâ religatione olim noverant fuisse exesos; ad maturandam flagitii immanitatem hanc viro exhibuere humanitatem, ut eum jumento imponerent, & ita ad synagogam Sathanæ pertraherent. Planctus ingens fidelium luctu & lachrimis divinum equitem prosequentium. Quorum ille medius spectaculum factus angelis & hominibus, orat ne sibi adversus mundi principem prælianti impedimento fiant; sed magis orationum suarum auxilia prætendant. Jam tibi in mentem veniret filius Dei aut vili asello residens, aut crucem humeris ferens, plangentium mulierum miseranda lachrima, insultantes Pharisei & milites crucifigentes. Cùmque adhuc spatio volitantis sagittæ procul fuisset; vasto murmure omne Concilium ista infremuit. Episcopo, aurum, aut hodie mundo eris spectaculum. At ille suorum manibus reverenter exceptus, primò quidem præ lassitudine paululum siluit. Deinde postquam accepto flatu respirasset, ita respondit. “Aurum vobis divinæ sapientiæ propono; ut relicta vanitate quam diligitis, ad unum vivum verum æternumque Deum studia convertatis. Quod si consilium Dei per me annunciatum vobis obstinatâ mente spreveritis; pejori profectò quam Sodoma morte peribitis, nec in hac terrâ in perpetuum radicabitis.

Tum verò Satellites Diaboli venenato spiritu crudelitatem spumantes, nec jam pondus verborum illius ferre potentes, impetu acerrimorum leonum e sedibus profiliunt, aversis securibus virum dejiciunt. Deinde alii atque alii eum lapidibus obruunt. Jamque ad ingressum vitæ erat; cùm memor Christi

sti Domini pro omnium salute in cruce pendens dextrum genu sinistrum vero pedem telluri impressit : Hanc cum pro se tum pro iis, qui se infatigabiliter fatigabant, orationem assumens. " Altissimi Patris unigenite fili Domine " Jesu, qui per uterum intactæ virginis venisti in hunc mundum peccatores " salvos facere ; Et me in pace suscipe, & istis miserere. Ac prolapsus in terram, iterumque resurgens, Denuò sic ait : " Pastor bone, Pastor singu-  
laris, filios Ecclesiæ, quam tibi moriens commendo, tuere. Accurrens autem quidam, quem & ipsum de sacro fonte susceperat, cum videret virum in confinio mortis diutius laborantem, impiâ pietate motus, securim capiti illius infixit. Qui statim in æternâ pace requiescens, victorem spiritum cum triumpho dirigit ad cœlum. Quis unquam post eos, qui primi omnium Dominici gregis ductores fuerunt, aut hoc homine innocentius vixit, aut vitam mansuetius finivit ? Aut quorum merita ita fuere similia, ut hujus nostri bellatoris & Stephani Protomartyris ? Nisi quod ille divina potuit mysteria conficere, huic verò licuit offerre. Ambo namque erogandis Ecclesiæ stipendiis gnari, ambo ad correptionem malorum vehementissimi, in mortis genere pares, in dilectione inimicorum æquales. Sed ecce lapides Sanctuarii pertranseuntium pedibus quondam conculcati, nunc summo angulari lapidi Christo sunt conjuncti ; qui illos quamvis è diverso venientes, unum in se, amore, voluntate, beatitudine, æternitate facit.

Impii Dani lapidabant Sanctum dei Martyrem Elphegum. Sanctus Elphegus assumens hanc orationem sequentem pro inimicis Danis. Quidam accurrens quem ipse susceperat de sacro fonte, impiâ pietate motus innoxie securim capiti illius gloriose Martyris Elphegi. Spiritum emisit omnipotenti Deo creatori suo.

At Principes Danorum cupientes & suum facinus & Elphegi gloriam obscurare, coacti in unum statuunt corpus illius Martyris flumine immergi ; rati sceleris enormitatem eo facilius contegi posse, quod ejus ab hominibus memoria tolleretur. Verum quod Danus ad contumeliam, Christus Elphego paravit ad gloriam. Protinus namque omnis populi multitudo, quæ illo docente errorem abjecerat, armata procedit, malens cum defuncto pariter occumbere, quam illud corpus, cujus ministerio sanctificationis susceperat mysterium, flumineæ voragini absorbendum tradere. Ita vas illud magnificum, in quo dum viveret Spiritus Sanctus multipliciter operabatur, ab uno ac diverso populo servatum, nec mergebatur nec sepeliebatur. Sole autem vergente ad occasum utriusque partis Senatores conveniunt ; ut tantæ contentionis litem suis rationibus determinent. Factaque est uno omnium assensu ista Concilii deliberatio ; ut in commune omnes Sanctum deposcant, quatinus si quid valeat, in hoc ambiguo potentia suæ virtutem ostendat. Cumque in hoc questio terminum inveniret ; ut virtutis genus inimici Dani eligere debuissent :

Principes Danorum cupientes immergi corpus illius Martyris in flumine, ut tolleretur memoria ejus ab hominibus.

" Ecce, inquit, remus de ramo fraxini excisus succo & cortice omnimodis nudatus. Si hunc ejus sanguine litum matutina lux virentem inveniret ; " Justum nos & Sanctum occidisse constabit ; & quo illum honore sepeliatis, " penes vos erit. Sin verò in pristina lignum ariditate permanserit ; errasse " vos in ejus amore dicemus, nostri autem arbitrii erit quid de ejus cadavere " statuere velimus. Placuit itaque omnibus statuti conditio : conditionem sequitur facti approbatio. Ut igitur constaret omnibus, quod post mortem viveret Elphegus ; contra ordinem naturæ aridum lignum sub unius noctis tempore cœpit frondere. Quod serò Dani telluri fixerunt, & manè surgentes florere viderunt. Nihil ergo contradictionis ulterius habentes Dani certatim in amplexus defuncti ruere, crebra oscula figere, cervices supponere, lachrimis prorsus & ejulatibus omnia complere. Sublatum ergo cœleste margaritarum bajulantium humeris inimicorum ad arborem ejus triumpho insignem deferretur ; comitantibus innumeris signorum prodigiis potenti virtute cœlitus ostensis. Denique mox salus languidis innovatur, cæcis lumen clarè perfunditur, audiendi munus surdis tribuitur, linguæ organum mutus recipit, composito gradu loripes incedit. Ibi orationis super illum domo fabricatâ plerique Danorum Magnates ex aquâ & Spiritu in eadem regenerati, ad gremium Sanctæ matris Ecclesiæ convolârunt.

Nota de remo exciso de fraxino succo & cortice nudato



At ubi rumor paratæ crudelitatis Lundoniam volâisset, virtus quoque signorum linguas omnium in præconia martyris solvisset; interpositâ fide Danos jam pro novâ religione mitiores effectos adeunt, multâ pecuniæ summâ ac diversis pactiōibus id agentes, ut sanctissimi corporis possessores fieri mereantur. Quorum importunitati vix illis adquiescentibus, suscipiunt \* Lundani thesaurum omni auro pretiosorem, commeantibus ad portam urbis non minùs duodecim millibus Danis & Anglis, & perpetratum facinus amaris lachrimis deplorantibus. Inde cum ineffabili totius civitatis tripudio susceptus, ad Ecclesiam Sancti Pauli Doctoris Gentium advectus, in eâdem conclamatus, honoratus, collocatus est. In qua Basilicâ plurimis annis in plurimâ virtutum claritate perfectis, cùm pacis tempora redirent, à magnifico Rege Cuntone toto adhuc corpore levatus, atque ad Ecclesiam Patriarchatûs sui, quam vivens semper amore coluerat, virtute corroboraverat, pro qua etiam & quacum mortem sustinuerat, translatus est. Cæterum autem quicumque Danorum post mirificum illud virentis arboris miraculum ad veram catholicamque fidem converti volebat, horrendo statim flagello correptus acerbâ morte interibat. Possem equidem dicere, qui Dæmonicâ vexatione lacerati, qui cancri ulcere percussi, qui pelago absorpti, qui manu propriâ interfecti. Et quod plus mireris, si quis illorum aliquas vestimentorum ejus particulas usurpâisset; nocturnæ visionis imagine territus nolens easdem reddebat, reddens expirabat. O fidele veritatis testimonium ad comprobanda viri merita declaratum; dum ad ejus exequias & fideles ægri mirabiliter sanabantur, & infideles sani terribiliter vexabantur. Hæc inquam dicere possem, si lectoribus meis fastidio esse non timerem.

Sed jam ista omnipotenti Domino, qui facit mirabilia solus, commendantes, narrationis cursum ad orationis effectum vertamus. Magni Regis magne miles Elphege, qui lavisti stolam tuam magni Dei cruore, filiorum ad te clamantium preces admitte; & quos honorâsti tuâ sanctâ passione, subleva piâ intercessione. Auxilio divino fortis superâsti Principem mortis; nos Patet adversus illum roborâ, atque ut vincamus adjuva. Misertus lapidantium, miserere supplicantium; nec plus obtineat furentium commotio, quàm diligentium devotio. Portas mortis & inferni nesciant tui servuli; sed portas Paradisi refera potestate tibi à Salvatore traditâ: Qui cum æterno patre & amborum coæterno Spiritu vivit & regnat, unus, solus & verus Deus per infinita sæcula sæculorum. Amen.

Explicit Vita & Passio Sancti Patroni nostri Elphegi  
Cantuariensis Ecclesiæ Archiepiscopi & Martyris gloriosi.

\* Minùs conveniunt, quæ de Elphegi Sepulturâ habet Florentius; corpus sc. die Martyrium sequenti (viz. 12. Cal. Maii.) Lundoniam delatum, & ab Episcopis Ead-

notho (alii Æscwinum volunt) Lindicolnensi & Alfhuno Lundonienfi in Ecclesia S. Pauli sepultum esse.

## O S B E R N I

Historia de Translatione Corporis

## S. E L P H E G I

ARCHIEPISCOPI CANTUARIENSIS,

à LUNDONIA ad CANTUARIAM.

Incipit de Translatione Sancti Patroni nostri ELPHEGI  
Cantuariensis Ecclesiæ Archiepiscopi & Martyris  
gloriosi.

**Q**uia venerandam Beati Martyris Elphegi Passionem literalibus quondam monumentis applicavimus; placuit etiam voluntati illorum gratiam præstare, qui quemadmodum sacratissimum corpus ejus de Lundoniâ Cantuariam translatum sit, ardentissimâ cupiunt devotione agnoscere. Et quidem quòd translatum sit, in fine Passionis illius breviter attigimus; sed modum Translationis minimè exposuimus. Eum ergo nunc exponemus. Anno igitur ab Incarnatione Domini nostri Jesu Christi Millesimo duodecimo, indictione decimâ, advesperante Sabbato Paschalis Ebdomadæ, & inchoante Dominicâ die octavarum Paschæ, tertio decimo Kalendas Maii, gloriosissimus urbis Cantuariæ Pontifex Elphegus gloriosissimâ pro omniâ simul & cum omnibus sibi à Deo creditis passione occumbens, immarcescibilem æternæ gloriæ coronam suscepit, Anno Patriarchatûs septimo, \* Nativitatis autem ejus quinquagesimo nono. Cujus venerabile corpus sive gratiâ seu pretio à fidei populo receptum, de loco Martyrii ejus ad urbem Lundoniam delatum & in Ecclesiâ Beati Pauli Apostoli cum innumeris coruscantis gratiæ prodigiis est humatum. Mox denique salus languidis innovatur, cæcis lumen clarè perfunditur, audiendi munus surdis tribuitur, recto gressu claudi incedunt, omnibusque fideliter petentibus divina promptissimè beneficia perveniunt. Sed illos, qui mortis ipsius auctores extiterant, non sine terribili vindictâ vindex Dei ira transire sinebat.

\* Natus est igitur Elphegus anno | toniensem euectus anno ætatis tri-  
circiter 1054, ad Episcopatum Win- | cesimo.



Ultio de ini-  
micis S. El-  
phegi.

Ut enim pauca de pluribus prolixa breviter attingam ; propono Ducem Haconem proprio se mucrone transverberantem ; vatem, Matheos disciplinis intentum, gutturi suo stilum infigentem ; Presbyterum collariam Martyris crucem pertinaciter abscondentem, ejusdem Martyris manibus occisum ; aliumque ejusdem ordinis virum sandalia illius temerè portantem, à Dæmone invasum, & quousque de pedibus suis traherentur, coram omni Lundanæ civitatis populo dirissimè vexatum. Ex quibus rebus tam vehemens cunctos Danorum Principes formido invasit ; ut vix eos terra teneret, sed marinis se tempestatibus dantes existimabant in pelago Martyris iram effugere posse, quos ab ejus irâ tellus tueri non posset. Sed mox ut in altum spumantibus remis educum fuisset ; centum sexaginta naves adversis ventorum flatibus actæ in profundo maris summersæ sunt. Quadraginta verò itemque viginti quinque ad exterarum atque ignotas regiones appulsæ ; & quasi quæ insidiarum gratiâ venissent, ab eisdem miserabiliter interemptæ. Remansit tamen in Angliâ male audax Princeps malorum Thyrryllus, paucò tempore prædo futurus, sed in æternum damnati spiritus præda mansurus. Nam parvo tempore evolutò, venit Princeps Danorum \* Cnut cum multo navigio in terram Anglorum ; diffidensque ab illo propter quasdam res malè ac perfidè actas, quicquid residuum infandi populi esse poterat, sicut tabulæ stilo deleri solent, delevit ; ipsumque Ducem lex tantummodo navibus munitum in Danamarcam fugavit. Qui cum ad terram evasisset ; suspectus Danorum Principibus, ne intestina bella moliretur, statim per cuncta Regionis illius loca agitatus, ad ultimum ab ignobili vulgo occisus, ferisque & avibus est miserabiliter projectus. Sic ergo de terrâ & mari sublatis sunt, qui virum Sanctum & cum honore nominandum Elphegum Archiepiscopum occiderunt.

At Princeps Danorum Cnut, cum videret populum suum ab exercitu Anglorum sine intermissione dirissimè cædi, & jam ferè propter rerum difficultatem ad deditionem se compelli ; accersitis omnibus, qui ad se confugerant, sapientioribus Anglis, consuluit eos, quid causæ esset, quòd tot sibi adversa contigissent. Qui omnes uno ore respondentes dixerunt : Prophetia est venerandi Martyris Elphegi ; qui cum à patribus tuis crudeli interrogatione circumventus fuisset, prædixit iis, quòd in regno Anglorum perpetuò non essent radicaturi, sed peiori quàm Sodoma morte perituri. Nunc ergo si vis illum tuis temporibus placabilem facere ; hujus te pollicitationis fœdere apud illum constringe ; ut cum foelix rerum fuerit successio, venerabiles corporis illius Reliquias de loco, in quo conditæ sunt, tollas, atque ad sedem Patriarchatus sui servato more antiquorum transferre studeas. Assensit itaque Princeps senatorum [consilio ; consilium sequitur] divinæ propitiationis declaratio. Non post multos etenim dies Cnut pacem obtinuit, post pacem regni dimidium, post dimidium totum. Cumque ab omni bellorum tumultu requies undique data fuisset ; recordatus quid Beato Elphego quondam promississet, directâ legatione vocavit Egelnothum Archiepiscopum, qui tunc temporis summum in sanctâ Dorobernensi Ecclesiâ gerebat sacerdotium : Vir sanctus & bonus, & Regi propterea quòd illum sancto Crismate livisset valde acceptus. Qui Sabbato vigiliarum Pentecostes Lundoniam adveniens, mandavit Regi in

\* Ann. 1014. Canutus Rex à Danis Angliam insidentibus loco Swani Patris recens defuncti electus est. Anno 1016. post Ethelredi Regis obitum à plurima etiam Anglorum parte in Regem delectus ; anno demum 1017. Edmundo Rege è vivis sublato, imperium solus tenuit.

Nondum tamen Turkillus Comes exilavit. Is anno 1021. cum uxore Edgitha in Danemarchiam à Canuto relegatus fuit ante Festivitatem S. Martini. Sic Wigorniensis, Dunelmensis, & Westmonasteriensis.

balneas fortè descendenti se adesse, & quid ipse velit statuere in Ecclesiâ Beati Pauli Apostoli expectare. Quo ille excepto, sine morâ de lavacro surgit, chlamyde solummodo nudum corpus obtegit, simplices pedibus subtalares inducit, sicque ad Præsulem impigro gradu tendit; mandans omnibus familiæ suæ militibus, quos linguâ Danorum Huscarles vocant, ut eorum alii per extremas civitatis portas seditiones concitent, alii pontem & ripas fluminis armati obstant, ne exeuntes eos cum corpore Sancti Lundanus populus præpedire valeat.

Ingressus ergo Rex Ecclesiam, amplexatur Archiepiscopum, osculans illum; statimque obsecratis foribus lætabundâ simul ac tremebundâ voce ait: Ecce dies, quem fecit Dominus, ut in eâ transferatur thesaurus reliquiarum Domini Elphegi de domo hospitii ad domum Patriarchatus sui. Ad quod dictum tremefactus super quàm dici potest Sacerdos, non enim sciebat cujus rei gratiâ à Rege vocatus fuisset, in magni animi angustiam dixit. “ Non tibi “ imputet Omnipotens Deus, Domine mi Rex, quòd hoc facere voluisti, & “ non indicasti mihi consilium animi tui, quatinus instructior ac per omnia “ paratior advenirem; ne in medio civitatis hujus tam magnæ peremptus occumberem. Aut si placuit rem tam difficilem incipere; cur saltem non “ adduxisti viros, qui hujus operis possent ministri existere; cum lapis ad “ monumenti ostium positus tanti ponderis existat, ut vix à multis boum paribus valeat moveri, nedum à duobus, qui soli præsentibus assunt, debeat “ Monachis revolvî. Inepta est ista consideratio. Aliud tempus & aliæ vires considerandæ sunt. Cui Rex in Domino plurimum confortatus, ait: “ In hoc, Pater Sancte, maximè apparebit, quòd nobiscum Beatus ille volet “ transire; si quod impossibile hominibus est, ipse suâ virtute fecerit esse possibile. Semper enim difficultas miraculum gignere consuevit. Vestra igitur sanctitas Deo se in oratione prosternat; Monachi ad aperiendum sepulchri ostium fidenter accedant. Ego valvarum januis ostiarius incumbam. Itaque petita atque acceptâ benedictione Pontificis, Monachi, quorum alter Godricus ejusdem martyris quondam discipulus ac post aliquot annos Cantuariæ Ecclesiæ Decanus, à quo hæc omnia, quæ narramus, diligenter perquisita accepimus; Alter vero Alwardus cognomento Longus vocabatur, cui datum est magno quondam adhæsisse Dunstano. Hi ergo acceptâ benedictione arripiunt ferreum, quod è regione stabat, candelabrum; molientes effractionem superioris structuræ murali opere firmissimè agglutinatæ. Atque ut illi asseruerunt, qui testem assertionis suæ Deum invocaverunt, vix leviter manus Monachi admoverant, cum minores lapides cæmentum & quicquid operis desuper eminebat, quasi arborum folia sub primâ hyeme agitata, cadebant. Cumque ventum fuisset ad lapidem patentis monumenti operatorium; flexis genibus solo procumbunt, subpositis humeris eundem impellunt, moxque in alteram facili motu partem avellunt. Quod revera supra quàm credibile est admirabile; cum sicut prædiximus, quem multa boum paria non traherent, eum bini tantummodo Monachi levi impulsu lapidem revolverent. Accurrunt itaque admiratione perterriti Rex & Archiepiscopus, lachrimantibus oculis introrsum aspiciunt, vident organum quondam Spiritûs Sancti incorruptum jacere, nec quippiam putris in toto corpore læsionis inesse. Et computantes annorum seriem, comperiunt illum \* annum esse decimum, ex quo idem Sanctus illic conditus fuerat. Exclamat itaque Rex for-

\* Minus subtiliter Osbernus calculos subduxit. Annus enim undecimus tunc vertebatur. Siquidem Elphegi corpus

anno 1023. translatus esse una est omnium Historicorum nostratum sententia.



titer præ gaudio, talesque permixtas lachrimis preces effundit. “ Pater, inquit, Sanctissime, super omne delectamentum suavissime, Pater Beatissime, super omnes mundi thesauros pretiosissime, hujus peccatoris miserere; nec mihi obsistat vel prima indignitas, vel parentum meorum in te contra justum & bonum expleta crudelitas. Ego te potentissimum æterni Regis factorum amicum; ac deinceps quoad vivam, meum constituam Advocatum. Salva me, salva omnes tu æternâ salvatione salvate; & nobiscum magnam filiis tuis facturis lætitiâ proficisci dignare.

Accedens autem propius summus Dei Sacerdos, ut suis manibus venerandum corpus tractaret ac levaret, æstuabat animo, nusquam tabulam reperiens cui suppositum ad navim deferri valeret. Cùmque in magnâ desperatione dubius staret; animadvertit ligneam corpori tabulam substratam, ita ad mensuram corporis per longum & latum extensam; quasi ad hoc solum primi eam conditores supposuissent; ut inde aliquando sine aliqua difficultate intacto corpore idem Sanctus levare debuisset. Lati ergo ac præter spem hilares effecti, accipiunt lintheum, quod ad obsequium Pontificis minister Godricus secum detulerat; & in illo sacrosanctos artus subjacente ligno pariter involvunt. Sed cum aliqua pars corporis adhuc discooperta remaneret; cucurrit præfatus Monachus ad Altare Sancti Pauli Apostoli, rapiensque sindonem desuper jacentem, dimidiam pro sindone auri libram reposuit; rapidoque cursu ad obvolvendum quod reliduum erat rediit. Tum levato in humeris Monachorum pretioso pretiosi corporis thesauro, descendunt angusto itinere per viam, quæ ducit ad flumen Tamisium, prosequantibus illos Rege & Archiepiscopo, utroque illorum totâ animi vigilantia ad Deum intento. Jamque ad flumen appropinquare cœperunt; cum ecce Regia navis aureis rostrata Draconibus, armigeris repleta militibus, venienti Martyri obvia offertur. Quam citius dictu Rex insiliens, expansis brachiis Martyrem suscepit, deinde protensâ dexterâ Pontificem induxit. Mox remotâ à littore navi sedebat Rex, gubernaculum tenens, Navim ad ripam fluminis contrariam dirigens. Videres ergo magnam Dei potentiam obsequio Martyris favere. Dum hinc pontem & totas fluminis ripas loricatis stratas militibus conspiceres; illinc per extremas urbis portas simulatorias seditiones excitatas audires; attenderes Regem navem regentem, remigem nobilem remos trahentem, orantem Archiepiscopum, & sanctos Monachos obsequium præstantes. Inde confestim apprehensâ tellure, primus de navi Rex egreditur, acceptum corpus vehiculo imponit. Post hæc validâ cum manu militum præmittit. Ipse verò cum Archiepiscopo in ultimo pontis margine sedebat; quousque ii qui præcesserant ab urbe longius remoti existerent. Timebat namque civium irruptiones. Deinde surgens & liberalibus jocis Archiepiscopo alludens. “ Liberatus es, inquit, & meo munere de periculo mortis, de qua te liberari non posse arbitrabaris. Jam securus ad Sanctum proficiscere; atque ut nostris favcat temporibus, humiliter deprecare. Ego vobiscum pariter irem; si magnis, ut nosti, regni negotiis occupatus non essem. Regina cum filio meo Hardecnut Cantiam incolit; illi ut vobis cum totâ nobilitate occurrat mandabo.

Divisus ergo à Rege Archiepiscopus cum ingenti Huscarlium turbâ præcedentes subsequitur. Cùmque jam ita propè fuisset; ut à præcedentibus oculosque semper post tergum deflectentibus, pulvis in cœlum elatus videri potuisset; suspicati iidem ipsi, qui præcedebant, Cives de civitate egressos, maturè cum paucis Monachos ministros & Martyrem præmittunt. Ipsi autem ad vicum Plumstede venientes, obsident angusta loca, tribus turmis tria prædia instituentes, animum pro amore Beati Martyris mori paratum habentes. Sed viso cominus Crucis vexillo, agnoscunt socios quos timebant adversarios; & majus quàm putaverunt gaudium invenerunt. Sic ergo gradientibus illis, & eadem nocte in villâ quæ dicitur Earthea manentibus, occurrit infinita Cantiarum multitudo,

multitudo, equitibus permixti pedites, mulieres viris, senibus adolescentes; singuli per turmas suas choros ducentes, cytharas percutientes, & quasi arcam fœderis Domini in jubilo deducentes. Credas non aliter filios Israel concinere, vel cum eos Propheta Dei Moyſes de medio Rubri maris siccis pedibus eduxisset, vel cum arcam Domini de medio Aminadab in civitatem suam Rex David transferret.

At cives Cantuarini, cum audissent, quod Pater vitæ & socius mortis eorum advenisset, sicut Jacob propter Joseph de gravi somno quasi excitati, & præ gaudio in lachrimas resoluti, obviam profiliunt; latantes, quod illum possent iterum videre, cujus beneficia tam in vitâ quam in morte parentes sui multiplicia sensere. Super omnes homines majorem Monachi Ecclesiæ Christi lætitiâ gerebant; dum solenni ritu Templum ornarent, levitica ac sacerdotalia vestimenta induerent. Hi crebris moribus crepitantia tintinnabula deducerent; illi lucernas, Evangelia, gemmatis in manibus cruces gestarent; & canoris vocibus ultra longa civitatis pomeria obvii procederent. Inde cum ineffabili totius Cantuariæ urbis tripudio susceptus, ad Ecclesiam non Doctoris Gentium sicut olim, sed Salvatoris omnium, quam vivens semper amore coluerat, virtute corroboraverat, pro qua etiam & quacum mortem sustinuerat, translatus in eadem non quasi noviter conclamatus, sed quasi cum Deo in perpetuum vivens honoratus, collocatus est.

Cumque tertius illucesceret dies; Regina Emma cum omni, quæ secum aderat, Nobilitate advenit; oblatisque muneribus in diversis cararum rerum speciebus, benedixit Deo viventi, qui ad honorem & gloriam nominis sui in tantâ magnificentia illum reduxit, quem ad ejus blasphemiam cum tanto opprobrio inimicus abduxit. Atque ut aliquam filiis idem sacratissimus Pater gratiæ suæ micam ostenderet: Post septem dies muto cuidam reddit loquelam, Alium post paulum ferro vinctum confracto ferro reddit solutum.

Hæc \* sunt gaudia festivitatis hodiernæ, ista solennitas diei; Quæ idcirco statuta est singulis annis in Ecclesiâ Salvatoris Cantuariæ in Comitatu Cantuariensi, sexto Idus Junii celebrari; ut nullâ valeat oblivione deleri; quemadmodum Beatus Martyr Elphegus de alieno ad sua dignatus fuerit transferri. Et quamvis diem Passionis illius cum omnibus in commune celebramus; diem tamen Translationis illius præ omnibus celebrare debemus. In illo namque unam ac simplicem lætandi causam habuimus: In isto autem duplicis lætitiæ dona suscepimus. Ibi illum in cœlum sublatum prædicamus; Hic illum & in cœlo coronatum & in terrâ nobis à Deo datum. Benedictus Dei Filius; qui illum & in cœlo coronavit, & nobis in terrâ propitius donavit. Qui cum Patre & Spiritu Sancto vivit & regnat Deus per omnia sæcula sæculorum. Amen.

Explicit Translatio Sancti Patroni nostri  
Elphegi Archiepiscopi Ecclesiæ Christi  
Cantuariæ Martyris gloriosi.

\* Hinc constat Historiam istam in Ecclesia Cantuariensi legi solitam die anniversaria Translationis Elphegi. Puto etiam Vitam ipsius ab Osberno scriptam die Passionis legi solitam. Authore enim Eadme-

ro (lib. 1. de Vita Anselmi) Lanfrancus Archiepiscopus Elphegi Historiam ab Osberno editam auctorizavit, auctorizatam in Ecclesiâ Dei legi cantarique instituit.



*Ne vacuis Paginis crebro hiaret Opus ; visum est levidensia quadam interponere.  
Hic loci igitur Præfationem Adelardi Monachi Blandiniensis ad Dunstani Vitam  
à se scriptam dabo.*

Epistola ADELARDI ad ELPHEGUM Archiepiscopum de Vitâ Patris DUNSTANI.

**D**omino verè Sancto Aelphago, Sanctæ Dorobernensis Ecclesiæ Archiepiscopo, Adalardus Sancti Blandiniensis Cœnobii exiguus famulus. Patrem tuum Sanctum Dunstanum voluisti & litteris & Musis. Sed quoniam vel iustus parui, & indignus dignum peccator Sanctum tangere præsumpsi ; veniam humi stratus peto. Nam pungit me memoria Ozæ Sacerdotis, arcana Dei Israel irreverenter tangentis. Et quamvis jumentum Balaam officium sumpsi aut Angeli aut hominis Sancti ; tamen respiro confidens pro me tam tuis quàm etiam filiorum tuorum satisfieri votis. Suscipe Pater obedientiæ debitum ; ex quo & si debentem nulla suis meritis respexit gratia ; te tamen pro piè imperato debita respiciet corona. Scias autem in opere isto historiam Vitæ ejus non contineri, sed ex eâdem vitâ quasi brevem sermonis versiculum, ita compactum & ita distinctum, ut & in conventu piorum auditorum totus quasi historialiter recenseatur, & vice Sermonis inter sacras Vigiliis in lectiones ter quaternas distinguatur ; eâ videlicet ratione, ut ab exordio usque ad sanctam consummationem Vitæ, eodem ferè sensu, eisdem miraculis, & Responsoria Lectionibus suis, & Lectiones respondeant Responsoriis suis. Vale, Præsul gloriose.

JOHANNIS

---

---

JOHANNIS SARISBURIENSIS

Episcopi Carnotensis

LIBER DE VITA

S. ANSELMI

ARCHIEPISCOPI CANTUARIENSIS.

ACCEDUNT

Bulla Alexandri III. Papæ de Canonizando Anselmo,  
antehac inedita.

ET

Epistola Anselmi ad Pascalem Papam, in editione nu-  
perâ Parisiensi vitiata.

---

---



---

JOHANNIS SARISBURIENSIS

Episcopi Carnotensis

LIBER DE VITA

STANFORD

ARCHIEPISCOPI CANTUARIE

ACCORDANT

Bulla Alexandri III. Papae de Canonizando Anglorum

antiqua impressio

Epistola Anglorum ad Patrem Papae in editione  
per Patrem Anglorum

---

---

Hic incipiunt Capitula Vitæ Beati ANSELMI Patris nostri Cantuariensis Archiepiscopi secundum JOHANNEM CARNOTENSEM Episcopum, ab ipso hæc Vita est edita & composita.

## CAPITULUM I.

## CAP. II.

**D**E Patre & Matre ac pueritiâ Anselmi, & de visione ejus. De actibus Anselmi in Burgundiâ, Franciâ & in Normaniâ. Anselmus secutus est consilium Rotomagensis Archiepiscopi, & factus est Monachus Becci.

## CAP. III.

Lanfrancus Prior Becci assumptus est in regimen Monasterii Cado-  
mensis. Anselmus succedit in Priorem Beccensis Cænobii. De  
Waltero Tyrell, dum pranderet cum Anselmo, & de grandi studio.

## CAP. IV.

Anselmus adquirebat gratiam divinam; ut profiteri possit servire  
Deo cum corde puro & conscientia bonâ. De quodam sene decrepita  
etatis. De quodam Juvene [qui ob] nullam occasionem unquam  
manum secretis membris admooveret. De Osberno Monacho. De  
quodam fratre odiofo contra Anselmum. De Visione Ryculfi Mo-  
nachi.

## CAP. V.

Anselmus in Monasterio Becci scripsit VI. libros. I. De veritate.  
II. De Libertate arbitrii. III. De Casu Diaboli. IV. De Gram-  
matico. V. Monologion. VI. Prologion dicitur. Anselmus gravi  
infirmirate corripitur, in qua raptus spiritu. De quodam Abbate  
[qui] ad Anselmum venit quarens consilium. De pueris nutritis in  
caustro. De quodam milite Cadulo nomine.

## CAP. VI.

Herly vlynus Abbas Becci decedit. Anselmus succedit ipsum in Ab-  
batem Becci Cænobii. Dubitatio Lanfranci Archiepiscopi de Sancto  
Elphego si sit martyr vel non. Interrogatio facta ad Anselmum Abba-  
tem Becci. Responsio Anselmi ad interrogatum Lanfranci de hac  
causâ.

## CAP. VII.

De glorioso rege Willelmo primo: decedit ab hoc seculo: successit ei  
in regnum Angliæ Willelmus Rufus filius ejus, vir parum justus aut  
pius. Anselmus scripsit librum de Incarnatione Verbi in Angliâ.

## CAP. VIII.

Quomodo Anselmus adiit ad Regem humiliter petens Romam redire  
pro pallio officii sui exercere. De perturbatione & causâ inter Re-  
gem & Archiepiscopum & Episcopos Angliæ.

## CAP. IX.

Anselmus in exilio est relegatus. Cantuariam veniens, causam iti-  
neris Conventui suo Ecclesiæ Salvatoris Cantuariensis expositam an-  
te summum altare Christi sumptâ per â & baculo, cum benedictione  
commendans seipsum Deo & fidelium orationibus. Commendatio Ro-  
mani Pontificis Anselmo.

## CAP. X.

Anselmus complevit in Provinciâ Capuanâ volumen Cur Deus &  
homo. De penuriâ aquæ. De puteo aquæ. De Duce Apuliæ.  
De Comite Sicilia, & de amicitia cum Papâ Urbano. De Conci-  
lio Barensi. De confusione Græcorum, & de hæresibus eorum. An-  
selmus vocatus à viris Romanis Sanctus Homo. De investituris  
Ecclesiarum. De Concilio Roma celebrato.

## CAP. XI.



<sup>a</sup> f. disceptatur.

- CAP. XI.** *Anselmus Archiepiscopus pervenit Lugdunum; & à venerabili Hugone Archiepiscopo cum honore exceptus est. Willemus Rex Anglia nuncios misit Roma. Causa<sup>a</sup> deferatur inter Archiepiscopum & Regem per Papam Urbanum. De morte Urbani Papae. Anselmus susceptus est à Wydone Vienna Archiepiscopo. De duobus Militibus querentibus. De micis men<sup>a</sup> Anselmi. De primâ Visione, secundâ & tertiâ mortis Willelmi Regis Anglorum.*
- CAP. XII.** *Anselmus quiescit in monasterio Casa Dei tempore primi exilii. De fulgure & fulmine. De morte Regis Willelmi II. De Rege Henrico. De causâ excusâ coram Papâ Paschale. De libertate Ecclesie Christi Cantuariensis.*
- CAP. XIII.** *Anselmus cum suis quiescit Florentia nocte unâ. De quodam viro, qui jacuerat in lecto Sancti Anselmi, & quid ei accidit. De Inhibitione Sancti Anselmi Archiepiscopi in regnum Anglia tempore Henrici primi. De quodam caco illuminato à Sancto Anselmo tempore exilii secundi. De pace factâ inter Regem Henricum Anglia & Anselmum.*
- CAP. XIV.** *Henricus Rex Anglia amicabiliter visitavit Anselmum Archiepiscopum in die Assumptionis Beatae Mariae apud Beccum tæxobium. De Clerico, alienatione mentis sua. De Bello inter Regem Henricum Anglia & fratrem suum Robertum Comitem Normanniae. Anselmus scripsit libellum in Anglia de Concordiâ Praescientiae, Praedestinationis & gratiae Dei cum Libero arbitrio. De Thoma Eboracensi Electo.*
- CAP. XV.** *Epistola Sancti Anselmi ad Thomam Eboracensem Electum jacentis in lecto suo languentis de jurisdictione Ecclesiae Christi Cantuariae.*
- CAP. XVI.** *Anselmus incipit libellum de Origine animae, & non perficit, quia morte praeventus est. De obitu Anselmi XI. Kalendas Maii, & de Anno Pontificatus sui. De Balsamo multiplicato, & de Miraculis ejusdem.*
- CAP. XVII.** *De Miraculis Sancti Anselmi Cantuariensis Archiepiscopi post obitum suum. De Sarcophago, in quo corpus ejus clauditur. De Capellano Rosensis Episcopi; & de Comite Arnulfo turbato in mari.*
- CAP. XVIII.** *De Miraculis Sancti patris nostri Anselmi Cantuariensis Archiepiscopi. De quodam Monacho Ecclesiae Christi Cantuariae, qui accessit ad tumultum Sancti Patris Anselmi causâ orandi, scilicet, An Anselmus, an pro Anselmo dignum esse ipsum rogari ut Sanctum; quia nomen ejus scriptum est in libro Vita: & de aliis Miraculis ejus.*

Expliciunt Capitula in Vitam Sancti Patris nostri  
Anselmi secundum Johannem Carnotensem  
Episcopum, Capellanum Sancti Thomae Mar-  
tyris.

# V I T A S. A N S E L M I

ARCHIEPISCOPI CANTUARIENSIS,

AUTHORE

JOHANNES SARISBURIENSIS

Episcopo Carnotensi.

## PROLOGUS.

Incipit Prologus JOHANNIS de SARISBURIA in  
Vitam S. A N S E L M I Archiepiscopi Cantua-  
riensis.

**A**D depellendas infidelitatis errorumque tenebras Deus mirabiliter operatur; & sic ab initio nascentis mundi misericordiam suam semper & ubique dispensat; ut Ecclesiæ suæ ministros procuret idoneos, per quos proficiat ad virtutem, & per fluctus labentis sæculi trajecta provehatur ad gloriam. Sicut enim in noctis caligine aliis occidentibus stellis, aliæ ut mundum illuminent oriuntur; sic ad Ecclesiam jugiter illustrandam pro patribus succedunt filii; per quos cognitio Dei & cultus perpetuò propagetur à generatione in generationem. Sancti siquidem viri filii sunt Apostolorum & Prophetarum; qui sicut eis successerunt in fidem, ita virtutis operumque mirabilium fortiuntur hæreditatem, & retributionis æternæ gloriam assequuntur. Inter quos Beatus Anselmus Cantuariorum Archiepiscopus velut clarissimum sidus effulsit; & non modò Latinum illustravit ordinem, sed claritatis suæ radios vibravit in Græciam in Concilio Barenfi, cui Romanus Pontifex Urbanus præfedit; Græcorum detestabilem de Processione Spiritûs Sancti convincens errorem. Si quis autem, quod cuivis expedire non dubito, quantus iste sit, desiderat intueri; Libros quos ex variis causis scripsit & Epistolas diligentius relegat: revolvat Historiam de ipso & modernis Anglorum Regibus scriptam; duos quoque Libros, quos de Vitâ & conversatione ejus Edmerus Monachus venerabilis Presbyter luculento stilo veracissimè edidit; utpote vir religiosus,

[ X ]

qui



qui ei familiaris admodum fuerat. Legat & Miracula, quæ post transitum ipsius mirabiliter operatus est Dominus; & quæ ad memoriam ejus crebro fiunt, visitationes Altissimi veneretur. Utique quod ante me de Antonio dixit alius, de isto publicè protestari non vereor; quoniam grandis perfectio est Anselmum nosse quis fuerit. Accedens ergo ad prædicta librorum Monumenta, Domino miserante qui à gloriæ suæ præconiis peccatores non semper repellit, de Vitâ & conversatione tanti Patris aliqua curavi perstringere succinctâ quidem brevitate & sermone satis plano; ut si quis ad copiam omnium, quæ ab eo vel de eo scripta sunt, aspirare nequiverit; saltem ex hac stillâ tanti fluminis gustare possit, quàm bonus, quàm suavis est Dominus, quàm beatus quàm necessarius qui eum fideliter coluit Pater Anselmus.

Explicit Prologus in Vitam S. Anselmi secundum  
Johannem Saresberiensẽ, Carnotensẽ Episcopum.

Incipit

Incipit Vita Sancti ANSELMI Archiepiscopi Cantuariensis edita à JOHANNE Carnotensi Episcopo.

CAPITULUM I.

**N**atus autem in Augustâ Civitate patre Gundulfo matre Ermenbergâ, quæ una erat prudentium foeminarum, concepit ab initio vitæ timorem Domini; è quo consequenter salutis suæ peperit fructum, unde veræ Justitiæ postmodum opera processerunt. Matris verò mores ideo magis exprimere studebat. Quòd enim ei patre circa alia occupato totius domus sollicitudo incumberet; sapienter omnia disponebat, insistentque operibus misericordiæ diligenti studio frequentabat Ecclesiam, orans & totâ mentis aviditate excipiens verba Dei, & præcepta sapientiæ fideliter exequens. Nam quæ audierat communicabat aliis jocundâ relatione, & se & alios ad obsequium incitabat. Audivit ab hac puer unum esse Deum omnium conditorem, regnantem in cœlis, largitorem remuneratoremque bonorum, & credidit & jam in tenerâ ætate ad illius notitiam aspirabat. Pueriliter autem opinabat cœlum vicinis montibus inhærere; ibique Dei de quo audierat esse Palatium, & eum cum Angelis & Sanctis corporaliter conversari. Visum est ergo ei unâ noctium in somniis; quòd illuc ascenderet & quòd in devexitate montis quem ascendebat videbatur famulas Domini merentes quiddam triticum sed valde negligenter; ut ejus fidei zelo accensus super hoc ante Deum disponderet accusare. Ascendit, Deumque sedentem in Palatio solum reperit, excepto solo dispensatore; per quem accitus & sedens ad pedes Domini ipso mandante panem accepit candidissimum, Unde ibidem comedit & satiatus est. Visionem retulit sociis; seque pane divino pastum gloriabatur; interim suspicans hæc circa se corporaliter gesta esse. Exinde tanto Dei amore debriatus est; ut totum contemnens mundum, etiam gravem aliquam desideraret infirmitatem, cujus occasione Monachorum quod plurimum optabat, posset ascribi consortio. Et quidem pro voto, sicut orabat, infirmatus est; sed ne Monachus fieret, tunc ut putabatur obstetit pater: quòd autem verum est, eum Dominus ad aliud reservabat. Littèris duntaxat & honestati applicat animum; & in utroque proficiens super omnes coætaneos suos explevit in brevi tempore multa. Adolescentior autem factus matre defunctâ proficisci disponit in Galliam, literarum tractus aviditatè; quarum desiderio immenso æstuabat, & ut patris qui eum tractabat acerbius saltem fugæ præsidio declinaret offensam. Cum verò patriam exiens in ascensu montis labore pariter & fame ferè deficiens nivem manderet, ut vel sic ei repararentur vires; compatiens ei minister, quem unicum itineris habebat socium, diligenter investigare cœpit, an aliquid alimentorum habebat in sacculo, quem deferebat asellus, & statim contra spem nitidissimum panem reperit; quem quis imposuerat ignorat. Itaque recreatus est ad viam & laborem; muneris sui Deo gratias agens.

CAP. II. Exactis dehinc partim in Burgundiâ, partim in Franciâ tribus annis, Lanfrancum illum, cujus memoria in jocunditate & benedictione est, in Normanniâ adiit, virum quidem literis & virtutibus insignem, conversationis per omnia probatæ, & ad quem audiendum de diversis mundi partibus confluebant



confluebant quicunque eloquentiæ vel sapientiæ appetebant profectum. Is enim omnium iudicio præstantissimus habebatur. Factus est ergo ei Anselmus familiaris præ cæteris; & magistri quodammodo exhaustit spiritum. Totus literis occupatur, & eas sine intermissione aut discit aut docet. Insistit proposito, perseverans in fame & siti, in frigore & nuditate, tantâ quidem pervicaciâ studii; ut minoris videretur emi posse regnum cœlorum. In se ergo reversus, & vias suas prudenter examinans, unum necessarium esse prospexit; & quod eloquentiæ torrens aut philosophia huius mundi veram non confert beatitudinem. Hæc sæpe tumorem pariunt; tumorem Domini, qui initium sapientiæ est, nunquam aut raró. Reprimunt interdum literæ vitia quædam, & mundi contemptum afferunt; sed planè contemptus mundi inutilis est, ubi amor Dei non convalescit. Auditâ patris morte amplius movebatur; & cum ad obsequium Dei omnino animum inclinâisset; quam tamen præligeret viam dubius hæsitabat. An enim expeteret heremum, an claustrum Monachorum, an ex proprio patrimonio domum construens peregrinis pro facultate & pauperibus ministraret, habebat incertum. Nam circa hæc tria fluctuabat animus ejus. Cæterum ne levitas præcipitaret sententiam, unde poenitentia non recte factorum familiaris & jugis pedissequa sequeretur; motum mentis exponit Lanfranco, & ex consilio ejus Maurilium venerabilem Rotomagorum Archiepiscopum advenit, ipsius super hoc sententiam petiturus: Credebatur enim habere Spiritum Domini. Itaque ex consilio ejus vitam Monachicam aliis omnibus præferentis Anselmus Becci factus est Monachus anno ætatis suæ XXVII. Erat autem Prior ejusdem loci memoratus Lanfrancus sub Sancto Abbate Herliwyno, qui de Patrimonio suo Beccensem à fundamentis ædificavit Ecclesiam. Ab his elementa Monasticæ professionis Anselmus accipiens, & obliviscens eorum quæ retro sunt, & se ad Apostoli formam in anteriora semper extendens, studuit implere Monachum; & æmulationi Sanctorum tantâ diligentia incumbere, ut esset in brevi perfectioribus imitandus. Siquidem in triennio sic profecit; ut universis videri possit ex merito lucidissimum veræ sanctitatis & Monasticæ perfectionis exemplum.

CAP. III. Assumpto verò Lanfranco in regimen Monasterii Cadomensis, ei in Prioratum Beccensis Ecclesiæ succedit Anselmus. Studuit autem, ut pro adeptione honoris & gradûs ipse quoque in religione proficeret; & Deo, cui devoverat obsequium suum, fidelius militaret. Jam crucifixus mundo & concupiscentiis ejus cœlestia cogitabat; & ea duntaxat exercebat in opere, quæ ad æternam proficiunt vitam. Non enim mores hominum habebat exemplum vitæ, sed verbum Dei. Siquidem divina Scriptura, ut ipse dicere consueverat, optima bene vivendi forma est. Sunt autem quatuor, unde ei poterant justitiæ rivuli scaturire, scilicet legis Dei meditatio jugis, executio cauta, fida relatio, oratio devota. Quid enim perfectius quàm in lege Domini meditari die & nocte; quàm exercere mandata à quibus se intelligere Propheta gratulatur; quàm annunciare gloriam Dei, à cujus præconio piscatores inclyti facti in doctrinâ veritatis & Philosophos gentium confuderunt. In his occupatus Anselmus obsequium suum devotis orationibus Domino consecrabat; tantâ seipsum macians inedia; ut modo illecebram gulæ reprimeret, sc. ab initio Prioratûs sui delectationem cibi aut potûs omnino non sentiret. Sed non famem patiebatur à jejunio, qui jam comedendi amiserat voluptatem. Quantæ devotionis fuerit, Orationes quas scripsit indicant; & si quis Meditationum ejus librum excutit, patenter inveniret. Quod de Martino scriptum est, certissimum sit de Anselmo; quod ori ejus nunquam defuit Christus, sive justitia, sive pax, nil quicquid ad veram pertinet vitam. Habebat semper ante oculos timorem Domini; & omnem peccati faciem super omnia quæ dici possint exhorrebat: Adeo quidem, ut si hinc inferni dolorem, inde peccandi malitiam corporaliter

corporaliter cerneret; sicut confiteri solitus erat, si necessitas alterum importaret, retrudi mallet in infernum quam peccatis involvi. Dicebat & aliud, se malle innocentem teneri à gehenna, quam peccatis sordentem tenere regna cœlorum. Hanc autem assertionis suæ reddebat rationem; quòd innocentes & bonos diligit Deus ubicunque sint, & è contra omnem malitiam odit & detestatur. Profecto summa iustitia non beatificat malos; & amicos suos bonitas summa nequaquam miseros facit. Pius erat; ut omnibus impenderet paternum affectum. Veræ scientiæ sic scrutabatur vias; ut fidelia scripta perlegeret, corruptiones librorum quæ ex consuetudine tunc erant plurimæ emendaret; divinis Scripturis hanc attribuens auctoritatem, ut quicquid afferunt, verissimum fateretur. Fortitudinem vero animi à professione veri & cultu iustitiæ nil deflexit. Vigebat in eo consilii spiritus; ut ad ipsum turmatim fluere undique desolati. Illuxerat ei tantâ claritate & affluentia facies veritatis; ut intelligeret prudenter ænigmata Scripturarum, nodos quæstionum potenter dissolveret, manifesta frequenter haberet occulta cordium, & quâdam prophetandi gratiâ plerumque prædiceret arcana futurorum. Accidit autem, ut nocte quadam ante vigilias nocturnas secum meditans miraretur, quonam modo Prophetæ præterita simul & futura, sed & absentia quasi præsentia viderint, & fideliter confiderenterque protulerint. Et cum in his totus esset; vidit per medias maceries oratorii & dormitorii, quomodo custodes Ecclesiæ Altaria & luminaria præparabant; & quomodo unus eorum pulsabat Campanam ut alios excitaret. Quibus surgentibus miratus est, conjiciens Deo esse facillimum Prophetis & Sanctis suis revelare occulta, qui radios oculorum ipsius per parietum densitatem introduxerat, stupente naturâ.

Urgente necessitate divertens ad hospitium Monachi pauperis, & de inopiâ piscium quos hospiti tanto apponeret graviter conquerentis, non enim habebat domi nisi panem & caseum: Noli, inquit, frater pro defectu alimentorum quæ nobis ministraturus est Deus, sollicitari; sed mitte citius rete in amnem vicinum; & piscem capies, qui sufficiet omnibus nobis. Vix præcipienti paritum est; eò quòd res incredibilis videbatur & maiestatis divinæ manifesta temptatio. Sed tandem cum immenso stupore omnium juxta verbum viri Dei miræ magnitudinis extractus est piscis. Aliâ quoque vice cum nobilis vir Walterus cognomento Tyrillus eum ut secum pranderet derinens de penuriâ piscium anxius quereretur; tu, inquit, verus Dei cultor Anselmus consolans hominem de inopiâ deliciarum, quereris, & tibi sturio grandis affertur? Ridet ille & omnino diffidens, ilico juxta verbum Anselmi prægrandem sturionem sibi vidit afferri à duobus hominibus, qui eum a pastoribus suis inventum in ripa Alciæ fluminis transmissumque Domino asserebant. Unde sicut de beato Benedicto celebre est, ita & iste creditur habuisse spiritum prophetandi.

CAP. IV. Præsidebat ei sapientiæ Spiritus; ut nihil ei saperet nisi Deus, ad quem omnia referebat, ortum, processum, finemque virtutum ac vitiorum, deprehendens & exponens in singulis & quomodo apprehendi valeant aut vitari. Apostolicum implebat virum; ut nisi eum humilitatis cautela reprimeret, profiteri possit cum Apostolo de corde puro & conscientiâ bonâ & fide non fictâ. *Quis infirmatur, & ego non infirmor? Quis scandalizatur, & ego non uror?* Et quod de discipulo quem diligebat Jesus scriptum novimus; quia quicquid loquitur, caritatis igne vaporatur: ita & Anselmus & si ad paritatem tanti Apostoli non assurgat, ejus tamen diligenti studio vestigia imitatus est; ut totus ejus sermo, tota vita, scripta quoque omnia divinæ dilectionis igne qui in eis lucet videantur esse succensa. Crederes eum non sibi vivere sed aliis, imo tanto veriùs sibi, quanto utiliùs aliis & fideliùs vivebat Deo. Aliorum quoque profectum curans, divinam sibi gratiam adquirebat. Cum verò salutem



salutem omnium procuraret; infirmis tamen ætate vel morbo & juvenibus ampliore diligentiam impendebat. Nam magis indigenti citius occurrit, & liberalius subvenit caritas, & acerbius patienti compatitur magis. Unde ei pro voto frequentius succedebat, ut convalescerent agrotantes, confortarentur senes, ad frugem melioris vitæ revocarentur errantes, in veræ virtutis cultu proficerent & solidarentur adolescentes. Nam quo semel est imbuta recens servabit odorem Testa diu; & mores quibus tenera ætas imbuitur, difficilior & non sine quadam ægritudine avelluntur.

Hos ejus successus paucis expediamus exemplis. Herowaldus vir ætate decrepitus, tanto quoque languore prostratus, ut solam linguam haberet in potestate, & non cibo posset uti aut potu, in domo infirmorum imminentem ut putabatur expectans exitum, eo ipso convaluit, quod Anselmus eum potavit manu suâ vino, quod de racemis in collectam palmam expressebat. Juvenis quidam inconsulti fervoris proposito se obligaverat, ut nullâ unquam occasione manum membris genitalibus admoveret. Sed quia frequens est [ut] inconsulta vota temptatio gravior prosequatur; tantus eum in partibus illis dolor invasit, ut moles plumbea ibidem pendere videretur. Quem cum dissimulare non posset, admonitus ab Anselmo, ut modum ægritudinis manu tenus probaret, frater voti reverentiâ recusavit. Sciens itaque Dei famulus esse omnia munda mundis, adhibito secum grandævo fratre in locum secretiorem ducit Juvenem. Caro sanissima reperitur; & ex quo à Sancto viro visa est, dolor omnis abcessit, nec Juvenem ulterius fatigavit.

Osbernus quidam professione Monachus, ætate adolescentulus, ingenio perspicax, manibus ad artificia pollens, aded perversis moribus erat; ut de salute ejus possit merito desperari. Exercebat hic dentem caninum, & odio infatiabili prosequabatur Anselmum. At ille compatiens errori, sanctâ quadam calliditate puerilem animum cepit; & nunc leniens acerbiter blanditiis, nunc puerilia quantum vigor sinebat Ordinis tolerans, & prece vel exhortatione sæpius utens, jussis raro, perversitatem morum non tam eripuit quam surripuit; & quodammodo ignarum adolescentem divinæ legis nexibus compedivit. Nam primò omnium repressit odium, post extinxit; in se deinde provocavit affectum, & sensim in jam exculto pectore sevit & aluit sincera gramina caritatis. Sic itaque ex benignitate & benevolentia Juvenis promptissimam obedientiam procuravit; ut qui antè non admittebat, à quocunque vel verba nunc amplecteretur & verbera. Qui omnium perversissimus fuerat, omnes coarctatos de virtute in virtutem proficiens antecessit, & ad perfectiores accessit in brevi. Alii namque in eo, velut in quodam speculo divinæ gratiæ, quod imitarentur & unde vitam suam componerent, facile poterant intueri. Sed cum maximus inde fructus Ecclesiæ speraretur; Juvenis morte immaturâ cum ingenti dolore & lacrimis omnium præventus est. Eo verò in Ecclesiam pro more delato, Anselmus secessit in secretiorem orationis locum, cæteris circa defunctum in orationibus occupatis. Qui cum ex tristitia & lacrimis, ut fit, in somnium lumina paululum declinaret; vidit personas candore vultus & vestis insignes, ut de Osberno suo dictaretur indicium, considerare. Adest & ille similis homini, quem aut minutio nimia vel languor fecit exsanguem. Anselmo verò sollicitè inquirente, quam sententiam excepisset, respondit: Ter insurrexit in me serpens antiquus, & ter cecidit in seipsum; & tandem Ursarius Domini liberavit me. Probabile quidem est fuisse tertio impetum, qui & de originali ante baptismum, & de actualibus postea commissis ante monachatum, & de pravaricatione professionis monasticæ poterat accusari per calumniam hostis antiqui; Ursarium verò bonum Angelum dici puto, qui cohibet & punit adversarias potestates; qui hunc ratione fidei & caritatis retentæ & penitentia in extremis à Calumniatoris laqueo expedivit.

Convenerat

Convenerat autem inter eos, dum ægrotanti Anselmus assidens tam animæ quam corporis necessaria ministraret, & multo affectu obsequendi præriperet officia aliorum; ut ei, si Deo placitum esset, sortem conditionis suæ post exitum indicaret. Mortuus quoque vivo exhibuit obedientiam, cujus formam studio viventis occeperat. Concipiens ex visione spem salutis, & defunctum Osbernum posse Sanctorum suffragiis adjuvari per singulos totius anni dies Deo pro ipso per se aut per alium divini sacramenti hostiam procuravit offerri. Epistolis quoque circumquaque missis obtinuit, ut pro Osberno suo orationes facerent privatas & solennes; unde factum est ut successionem Osberni omnes appetere, & ipsius benignitas plures Domino lucraretur, quam si cum austeritate & cum potentiâ imperaret.

Nichil tamen de vigore Ordinis remittebat; sed erat ad misericordiam quam ad severitatem pronior. Nam si pro alterutro dampnandus esset; mallet, ut dicebat, apud Deum inveniri nimis misericors quam crudelis. Noverat enim auctoritatem & austeritatem inferre, timorem potius quam amorem. Nec sine amore est ordo; quia nulla vera est sine caritate religio. Utique non extorquebis amari; hoc alterna fides, hoc simplex gratia donat. Operibus caritatis & misericordiæ semper insistens fructum plurimum Domino adquirebat. Sed quia interim negotiorum tumultibus plurimum vexabatur; Disposuit Prioratu cedere. Sed consultus Maurilius Rotomagensis Archiepiscopus, jugum impositum secundò præcepit in virtute obedientiæ in finem sustinere: Eadem auctoritate adjiciens, ut cum ad majora vocatus fuerit, divinæ dispositioni non reluctetur. Nam se multos vidisse & fere semper asseruit, qui cum pastorem curam suæ quietis causâ refugerent, per desidiam ambulantes de malo semper in pejus defecerunt. Paruit Anselmus tristis & gemens; & Deo se totum committens, utilitati fratrum omnino studuit inservire. Licet autem omnibus obsequi, neminem [lædere] gestiens, etiam cum his qui eum oderant esset pacificus; invidiam tamen, quam aut virtus aut felicitas aut horum opinio semper accendit, non potuit declinare. Nam qui eum præcesserant, noviciū sibi præferri murmurabant. Quorum unus, qui nullo poterat obsequio mitigari, ad extrema perductus est. Ibi agens, pallere & tremere & miro modo delitescens vultum cœpit in diversa mutare. A fratribus causam interrogatus, ait duos immanes lupos ipsum jam compressis dentibus jugulare. Refertur hoc ad Priorem; qui paululum divertens in oratorium confluxum, rediit in domum infirmorum, & erectâ manu signum sanctæ crucis edidit, dicens: *In nomine Patris & Filii & Spiritus Sancti.* Quo facto, qui evit æger dicens, quod ad introitum Anselmi & manûs erectionem lanceam viderit igneam ex ore ejus in lupos jaculari; quæ territōs celeri fugâ lupos abegit. Accessit ad ægrum minister illius Spiritus, qui Apostolis datus est in linguis igneis; & fratrem ad pœnitentiam & confessionem inductum absolvit; prædicens quadam prophetandi virtute etiam horam qua erat transiturus.

Unâ vero noctium, cum Riculfo quidam Secretarii fungens officio ante hostium Capituli iturus in dormitorium pertransiret; introspectiens orantem vidit fratrem globo igneo circumcinctum. Attonitus rei novitate discedit; Sed Anselmum in lecto quæsitum non reperit. Rediens servum Dei orantem invenit; sed igneus ille jam disparuerat globus. Martinum sacrificantem globus igneus insignivit, & orantem circumcinxit Anselmum. Apostoli Spiritum Sanctum in linguis igneis receperunt; & eundem in igne vibrat lingua Anselmi. Dæmonibus quoque imperat, morbos expellit, futura prænunciat, legem Dei facit & docet; & multis esse vir Apostolicus comprobatur.



CAP. V. His temporibus Anselmus scripsit tres Libros, unum *de Veritate*, alterum *de Libertate arbitrii*, tertium *de casu Diaboli*. Scripsit autem Dialogum cujus inscriptio est, *de Grammatico*: Et alium, quem eo quod ibi solus loquitur, *Monologion* appellavit; ubi quidem tacitâ omni autoritate divinæ Scripturæ, quod de Deo fides prædicat ratione convincitur. Sextum quoque, cui *Profologion* titulus est; in quo breviter probat ea quæ de Deo secundum se dicuntur, ut Omnipotens, Bonus, & cætera hujusmodi omnia in ipso unum esse. Sed cum in hujus probationis investigatione adeo vexaretur; ut non modo somnum sollicitudo excuteret, sed cibum quoque & potum, ita ut ex desperatione quadam scrutinium hoc temptationi ascriberet; ei subito inter nocturnas vigilias quod quærebatur illuxit. Sententiam exaravit in tabulis, custodique commendat. Sed quis eas surripuerit, cum nusquam potuerint invenire, semper mansit incertum. Reparatur in aliis tabulis; sed cum postmodum exigerentur à depositorio, in pavimento ante locum repositorii reperiæ sunt cerâ abvulsâ frustatimque disceptâ. Quis autem hoc commiserit, hætenus ignoratur; nisi quod credibile est hostis antiqui livor. Tertiò itaque conceptum est in chartis; sicque permanfit.

Gravi deinde infirmitate corripitur; in qua raptus in Spiritu fluvium præcipitem vidit & magnum; in quem rerum omnium purgaturæ, sordes & quavis immunditiæ defluebant. Rapiebat quoque omnem, quam contingere poterat, supellectilem Mundi, viros & mulieres, senes & juvenes, pauperes & divites simul. Cum vero compateretur his, quos talibus spurcitiis cibandos potandosque à Ductore audierat; ne mireris, inquit, quia hic torrens mundus est, qui sæculares involvit. Adjecit quoque ductor: visne videre, quid sit verus Monachus? Volentem ergo duxit in claustrum, cujus parietes obducti erant argento purissimo; pratum quoque argenteum virentibus herbis miræ fragrantia vestiebatur. Et licet flexæ pausantibus molliter cederent; surgentibus illis erigebantur & herbæ. Cum illius habitandi desiderio caperetur Anselmus; Eja, inquit ductor, vis videre quid sit vera patientia? Quod cum ille immenso desiderio postularet; disparuit ductor, & Anselmus in se reversus est. Et quidem probabile est eum taliter restitutum; ut in tribulationibus, quas erat passurus pro Domino, quid sit vera patientia comprobaret. Nam exinde semper magis ac magis mundum cum oblectationibus suis exhorruit, & verum Monachatum studiosius & ardentius amplexatus est. Unde ad eum undique velut ad quendam religionis fontem etiam de remotis regionibus undique confluebant, consortium aut auxilium aut consilium expectantes. Inter quos Abbas quidam religiosus accessit; & cum de multis egisset, tandem de pueris Monasterii consilium quærit. “ Non proficimus, inquit, verberantes eos totâ die; & illi pravi enim sunt & incorrigibiles, “ semper in pejora deficiunt. Quales, inquit Anselmus, tandem adulti? “ Hebetes, ait Abbas, & bestiales. Laudabiliter, inquit Anselmus, profectis; qui imaginem Dei hominem deformastis in bestiam. An nescitis quod “ in proceritatem ramorum nequaquam planta consurgit, quæ ab initio durioribus obstaculis undique coarctatur. Nec radices agit altas, nec ramos erigit, nisi libertate aliqua potiatur. Humore fervorem necesse est temperari; “ ut seminum germina coalescant; alioquin iste consumit, ille dissolvit. Ut “ ex argento speciosam formes Imaginem; non modo malleus opus est incude, “ sed celte sculptorio, plumaxi, & aliis quibus peragitur res fabrilis. Neque “ enim solis tansionibus procuratur. Quis parvulos cibus initiat solidioribus lacte substracto? Hoc siquidem strangulare esset non pascere. Quod “ progreditur qui incipit à perfecto? Cera durior sigilli imaginem non admittit, tenera nimis & liquens non retinet. Age cum eo, qui sæcularitate “ nimis induruit, de subtilitate spiritualium; & sermonem tuum præ duritiâ “ non

“ non admittit. Puerulus quid loquaris non intelligit quidem. Aetas me-  
 “ dia, quoniam ex his temperata est, utrumque potest. Sic adolescentia, si  
 “ opificem peritum habeat, facile informatur; & institutionis imaginem fi-  
 “ deliter retinet. Unde & in his utiliùs laboratur; si secundum Apostolum  
 “ lacte præparentur ad solidos cibos, & singulis per competentes gradus u-  
 “ tantur. At vos ab eis erigitis; ut in tribulationibus gaudeant, diligant  
 “ persequentes, & similia, quæ perfectorum titulis ascribuntur. Sicut ita-  
 “ que caritas timorem, ita timor inordinatus ejicit caritatem. Unde fit ut  
 “ pravas & spinosas nutriant cogitationes, suspiciosi, queruli, murmurantes;  
 “ invidi, ambitiosi, infideles; & qui nullam in prælatis experti sunt, nullam  
 “ eis vel aliis referunt caritatem. Et quantum crescunt in dissensione mem-  
 “ brorum in corpore; tanto incremento vitia propagantur in mente. Nun-  
 “ quid hoc vobis velletis fieri? Iustitia autem vestra, ne aliter dicam, in pro-  
 “ patulo est. Familiare siquidem habebat probatis moribus exemplisque  
 vulgaribus asserere; & sermonem, non ut multa scire & facundus videretur,  
 auditoribus ut proficerent intimare. In eis quoque erudiendis, quum quem-  
 cunque magistratum gerit, operam multam dabat; eo quòd illorum institu-  
 tio potest omnibus vel prodesse vel obesse subjectis. His auditis Abbas inge-  
 muit; & se à viâ veritatis errâsse palam confessus est.

Gravi interim morbo Abbas Herlewynus conficitur; & Anselmo dispositio  
 commendatur. Equi & cætera itinerantibus necessaria ejus specialiter usibus  
 præparantur. Sed ipse audito proprietatis nomine expavescit; & universa so-  
 ciis præcepit communicare. Neque suum esse nil dici quicquam volebat;  
 sed ut sibi & fratribus essent communia. Unde quæ ei sic offerebantur, omnia  
 respuebat; etiam quæ procurabat Devotio illorum, qui ad hoc accesserant ut  
 hominem nossent. Die quadam, dum in Dormitorio ad lectum diverteret,  
 anulum reperit aureum; qui cujus fuerit aut unde venerit hætenus ignora-  
 tur. Creditum tamen est eum fuisse futuri Pontificatûs indicium. Invidit  
 autem Diabolus salutem multorum, quam famulus Dei procurabat. Et ad eum  
 undique confluentibus suas tendebat insidias. Ut ad præsens alii taceantur; Miles  
 quidam Cadulus nomine devotione conceptâ se totum Domino precibus im-  
 molabat; & ecce extra Ecclesiam velut Scutiferi sui vocem audivit, equos &  
 omnia quæ habebat à latronibus diripi miserabiliter deplorantis. Miles ta-  
 men in oratione persistit, pluris habens devotionis quam possessionis dispendi-  
 um. Hostis verò devoti militis constantiam dolens, urfi speciem induit; &  
 ante eum à tecto corruens horrore casûs & formæ terribilis orantem voluit im-  
 pedire. At ille perseverans, monstrum securus irridet. Egressus tandem ab  
 Ecclesiâ, inter eundem audivit vocem clarè dicentem sibi: Cadule, quò ten-  
 dis? Quò tendis, Cadule? Cur ad Priorem hypocritam vadis? Nudabit  
 te bonis more suo, & præcipitabit te in fontem erroris. Utique tunc pœnite-  
 bis. Siquidem opinio ejus à conversatione plurimum distat. Ille verò vocem  
 audiens, neminem videns, signo Crucis orationibusque munitus pervenit ad  
 Anselmum; & ex consilio ejus Monachum induit apud majus Monasterium in  
 pago Turonensi. Consueverat unumquemque in illum locum mittere, quem  
 inspirante Domino prælegit. Nam plerunque ad alia transeuntes pœniten-  
 tia comitatur.

CAP. VI. Abbati verò Herlewyno decedenti succedit Anselmus, invitus  
 quidem & renitens, sed coactus à fratribus, & maxime urgente mandato quo  
 eum Maurilius Rotomagensis Archiepiscopus vinxerat. Ut autem orationi,  
 lectioni & officio verbi liberiùs vacaret; causas & forinseca fratribus ad hoc  
 idoneis delegavit. Præcepit, ut semper præligerent pati quàm facere frau-  
 dem; & ut pro viribus sine damno enormi omnino jurgia declinarent. Vix  
 enim aut nunquam exercentur lites sine dispendio caritatis. Cum verò ad  
 causas



causas egredi cogeatur; rarissime loquebatur, nisi de moribus aut verbo vitæ: sæpe autem contemptis versutiis calumpniarum dormitabat. Expergefactus autem, dolos quos machinati erant sic denudabat, ac si eos accepisset à confitentibus aut interim lectos reperisset in actis. Tantam humilitatem hospitibus exhibebat; ut sæpe eorum gratiâ Refectorium spoliaret. Tantam spem de misericordiâ Dei conceperat; ut nunquam videretur de crastino cogitare. Proveniebat quoque ei secundum fidem suam; ut Monasterium semper in omnibus necessariis habundaret. Et sicut alter Nicolaus gemma sacerdotum, adeò circa pauperes misericordiæ visceribus affluebat; ut hoc solum quodammodo nosse videretur, <sup>a</sup> *Omni petenti te tribue.*

<sup>a</sup> Luc. VI. 30.

Cùm vero in Angliam tam causâ possessionum Monasterii tam maxime ut videret Lanfrancum Archiepiscopum, descendisset; multis hinc inde sermonibus habitis, tandem de beato Elphego Lanfrancus verbum fecit. Angli, inquit, inter quos vivimus, quosdam sibi instituerunt Sanctos, quorum incerta sunt merita. Quorum unus in nostrâ requiescit Ecclesiâ, Elphegus scilicet prædecessor noster; vir quidem bonus, quem non modò ut Sanctum sed etiam ut Martyrem colunt. Cùm autem discutio causam ejus; eum ob hoc à paganis lapidatum & tandem post multas injurias, contumelias & flagra, ferro peremptum deprehendo; quò ad redemptionem corporis sui pecuniam quæ exigebatur ab hominibus suis noluit extorquere. Cùm itaque Martyrem non faciat poena sed causa; an cohibendi sint an sequendi, sententiam vestram audire desidero. Nondum enim Lanfrancus, utpote novus Anglorum incola, plenè historiam noverat. Nam & Elphegus pro Christo passus est. Anselmus tamen ad audita respondit. "Martyr, inquit, videtur egregius; qui  
"mori maluit, quàm injuriam præsertim his quos tueri debebat irrogare. Et  
"planè qui hoc quod parvum videtur tantum exhorruit, conventus in confessione Christi fidelissime staret. Nam qui devitat minima, gravia facile  
"non admittit. Sic ergo Johannes pro veritate, sic & Elphegus pro justitiâ  
"passus mihi Martyr habetur insignis. Nam uterque pro Christo; qui sicut  
"veritas, ita quidem & justitia est. Adquievit Lanfrancus; & historiam legi & festum Martyris instituit solenniter annis singulis celebrari.

Anselmus autem non modò Ecclesias & loca venerabilia circumibat; sed civitates & castella & nobilium domos, hac & illac invitatus & tractus, & verus Apostolorum sequipeda, verbum fidei & salutis omnibus erogabat. Nam & omnibus omnia factus est; ut lucrifaceret omnes: adeò quidem, ut etiam his qui sine lege erant, esset & ipse tanquam sine lege. Cùm tamen omni studio indefinenter versaretur in lege Christi; unde eum perhorrebat nullus, venerabantur omnes, plurimi sequebantur; Omnis ætas, omnis professio, omnis conditio utiliter docentem audiebat, & fatebatur Anselmum. Rex etiam qui Anglos subegerat, & si cunctis esset formidini, erat tamen subditus illi. Confirmabat enim Dominus sermonem ejus sequentibus signis. Siquidem curabat ægros; & naturâ cedente creatori constat eum curasse leprosum. Vir etenim nobilis in confinio Flandriæ & Pontini eâ laborans infirmitate, in visione monitus est; ut aquam biberet, quâ Anselmus Beccensis Abbas in celebratione Missæ manus abluerat. Factum est ita, & ille ilico restitutus est. Alius de Congregatione Beccensi à validâ curatus est infirmitate, respersus aquâ ab Anselmo purificatâ. Hoc enim in somniis monitus fuerat, dum fere in vitæ exitu laborabat. Vir literarum eruditione & morum honestate laudabilis Bosso nomine his ferme diebus per Anselmum Monachorum est associatus Collegio. Sed in brevi adeò temptatus est; ut cogitationibus distractus, nullam omnino haberet requiem. Tandem post dies aliquot Anselmo quid patiatur exponit. At ille pio compatientis affectu refert: Consulat tibi Deus: Et exinde mentium tota temptatio discessit. Referre quot ægros curaverit, sed maxime febrientes, vel manûs impositione vel aquâ manuum vel pane benedicto,

dicto, perlongum est. Nam ad reliquias mensæ agrotantes plurimos convalluisse celebre est & verum.

CAP. VII. Decedente glorioſo rege Wil'elmo, ſucceſſit filius ſuus Wil'elmus, qui Rufus cognominatus eſt. Vir quidem armis ſtrenuus, ſed parum juſtus aut pius; prodigus ſui, appetens alieni, ferarum amantiſſimus, ſed negligentiffimus animarum, fautor militiæ & malitiæ, ſed Eccleſiæ & innocentie vehementiſſimus oppugnator, voluptatis ſectator acerrimus; utpote in quo ſine modo & meſurâ vigeant pariter amor mundi & contemptus Dei. Quod verò maximè Principem dedecet, nullam corporis reverentiam habens, omni ſe immunditiâ deturpabat. Non ſolum nobiles, ſed etiam plebs licet afflicta quatenus poterat, ut fieri ſolet, Principem ſequebatur. Celebre ſiquidem eſt; quòd qualis rector eſt civitatis, tales ſunt habitantes in eâ. Siquidem componitur orbis, Regis ad exemplum. Non ſic inſectere ſenſus Humanos edicta valent, quàm vita regentis. Unde cum Eccleſia undique pateretur; eò gravior erat vexatio, quòd non erat qui ſe opponeret murum pro domo Domini. Venerabili Patre Lanfranco translato ab hoc mundo ad Dominum huius perſecutionis anno quarto, à Proceribus invitatus, ab Eccleſiâ coactus Anſelmus Angliam ingreſſus eſt. Veniens autem Cantuariam pridie natiuitatem Beatæ Mariæ Virginis, ſummo manè diſceſſit; eo quòd præſagientes undique conclamabant illum Archiepiſcopum fore. Deinde progreſſus ad Curiam, & ab occurrente ſibi Rege honorificè & amicè ſuſceptus eſt. Poſt pauca communiter dicenda, omnes monet emitti. Omiſſis itaque propriis, publica concepit curare negotia; & ſolus cum ſolo loquens quæ privatim & publicè dicebantur expoſuit, ſtatuitque Regem contra faciem ſuam. Non enim attulerat oleum peccatoris, quo mercenarii demulcent errantium capita poteſtatum. Digrediuntur ab invicem; & poſt paucos dies Rex graviter infirmatur. Languore tactus, & ſapientum motus conſilio, acquieſcit; ut in Archiepiſcopum promoveatur Anſelmus; Dicens eum ſummo honore digniſſimum, & prædicatorem veritatis illuſtrem. Rapitur ergo invitus Anno gratiæ milleſimo nonageſimo tertio, pridie Nonas Martii primâ Dominicâ Quadageſimæ. In ſequenti autem ſolennitate Paſchali, cum eſſet Wintoniæ, ſubito incendio cœpit civitas conflagrare. Et quia jam hoſpitiū ejus circumcingere videbatur; Domina domûs res ſuas aſportare ab amicis monita eſt. At illa ſe non timere reſpondit; ſed tanti hoſpitis tutam eſſe præſentiâ. Nec aliquo modo voluit adquieſcere, ut aliquid aſportarent. Moti igitur venerabiles viri Gundulphus Roſenſis Epicoſopus & Baldwinus Monachus Anſelmi procurator hominem adſtrinxerunt, ſaltem ut videret incendium & ſalutiſeræ crucis ſignum opponeret. Mira res, ille manum extendit, & flamma dejicitur, & ignis quam invaſerat domum ſemiuſtam reliquit; ac ſi Anſelmo prohibenti progredi non auderet. Ille quidem diu repugnans electioni, tandem coactus eſt conſentire; & pridie Nonas Decembris ab omnibus Epicoſis Anglorum Cantuariæ conſecratur. Inventa eſt autem ſuper eum illa Evangelii ſententia:

<sup>d</sup> Vocavit multos, & miſit ſervum ſuum horâ cænæ dicere invitatis, ut venirent; <sup>d</sup> Luc. xiv. 16.  
quia jam parata ſunt omnia: & ceperunt omnes ſimul excuſare.

Inde profeſtus ad Curiam, tres dies Dominicæ Natiuitatis in lætitiâ tranſegit. Rege graviffimam indignationem adverſus eum concipiente ex tunc, eo quòd mille libras argenteorum rependere noluit ei, quia ſine precio & obſequio & omni interventu voluerat in Archiepiſcopatum promoveri. Diſcedens inde venit ad villam ſuam, quæ Herga vocatur; ibique parochialem Eccleſiam dedicavit. Porro Clericus quidam à Lundoniâ Miniſtris Epicoſopi associatus, inter agendum Chriſmatorio clam ſurrepto in fugam dilapſus eſt. Sed Deo diſpenſante ſic erroneus frequenter ibat & revertebatur, viæ antea notiſſimæ omnino ignarus; ut manifefto erroris indicio convictus culpam fateretur,



& vas restitueret, & postea viam quæ Lundoniam ducit sine omni errore teneret.

Redit post paucos dies vocatus Anselmus ad Curiam; ut transfretaturum Regem suâ benedictione muniret. Interim dum ventus differt, Regem pro Ecclesiarum pace sollicitat, benignus admonens ut legem Dei auctoritate regiâ non sinat conculcari. Unde Rex exacerbatus ipsum præcepit discedere; & ne transitum ejus ibi diutius expectaret inhibuit. Ab illo ergo die Ecclesia Dei magis concutitur, minuuntur & auferuntur possessiones, litibus & sumptibus vexantur homines, & fiunt semper indies posteriora pejora prioribus. Ut autem palam fierent mala, quisque nocens oprabat. Gaudebant enim ut Sodoma in sui publicatione peccati. Nam quisquis Anselmum offenderat, gratissimum Regi videbatur officium præstitisse. Non erat ei requies, nisi cum fortè se claustro immergebat. Fatebatur hoc cum lacrimis, hujusmodi adhibitâ similitudine. Sic inquit in cavernâ bubo latatur cum pullis: egredientem verò corvi corniculæque laniant & discerpunt. Continete vos intra quantum licet, dilectissimi filii; satis est, quòd me bubonem suum negotia secularia tumultusque consumunt. Nam & domestici ejus ex magnâ parte adversabantur ei. Erat autem sic infirmus ad mundana; ut quociens aliquandiu ex necessitate secularibus causis intererat, aut animo deficeret, aut gravem aliquam incurreret ægritudinem. Ratiociniis interesse non poterat; Sed Baldwino, de quo dictum est, imminebat omnium cura. Unde quociens licitum erat, secretiorem adibat locum; & non diebus neque noctibus sed nec inter prandendum à colloquiis divinis & oratione cessabat. Scripsit interim librum de *Incarnatione Verbi*; quem epistolari stilo conscriptum Romanus Pontifex Ecclesiæ approbavit. Nam & Urbanus rationibus inde sumptis in Concilio Barenfi usus est contra Græcos.

CAP. VIII. Regem de transmarinis partibus redeuntem Anselmus adiit, humiliter petens, ut pro necessitate officii & more Ecclesiastico Urbanum Papam adire liceat pro Pallio, sine quo plenitudinem officii sui exercere non poterat. At ille ad Urbani nomen intumuit, asserens in regno suo neminem sine ipsius electione debere Apostolicum nominare. Præfigitur Archiepiscopo dies & locus, ut de hac temeritate respondeat. Assunt partes, & voluntati Regis omnes acclamant. Præcipuè tamen Episcopi argutius allegabant, Papam non recipiendum in regno Angliæ, nisi Regis electio præcessisset. Quos cum Anselmus, volens reddere Cæsari quæ sunt Cæsaris, & malens Deo quàm hominibus obedire, canonicis & planè divinis rationibus infranâset; uno impetu vociferati sunt eum deliquisse in Regiam Majestatem, qui voluntati ejus suas præposuerat leges. Nam nec Deo miseri quicquam nisi Rege consulto audebant ascribere. Igitur ad unam Regis vocem quidam Archiepiscopo suo omnem obedientiam abnegant, & fraternæ Societatis communionem abjurant; alii verò in his quæ præciperet ex parte Urbani Romani Pontificis. Omnes enim excepto Rosenfi solo obedientiæ vinculum solvunt, & præstitæ promissionis fidem. Insuper Rex Archiepiscopo & suis omnem securitatem adimens, manifestas denuntiat inimicitias; nisi se exinde Romano Pontifici non obediturum publicè profiteatur. At ille perseverans in fide conductum & recedendi licentiam petit à Rege. Tandem verò Procerum interventu aliquot mensium inducias obtinet, & sibi & suis interim Rex pacem pollicetur. Cæterum à fide promissi citò recedens, Baldwynum ejecit è regno; & in hominibus & terris suis Archiepiscopum vehementer afflixit. Interea Dominus Walterus Albanensis Episcopus Archiepiscopi Pallium asserens, Domini Regis & Papæ concordiam procuravit; effecitque ut à Rege in gratiam vel specie tenus reciperetur Anselmus. Post aliquantulum temporis cum Rex de

\* Wallensibus

\* Wallensibus triumphasset; exquisitis occasionibus sopita cum Archiepiscopo coepit jurgia instaurare. Nam in successione insolentior erat & ferè intolerabilis. Redit Anselmus, & iteratò eundi ad Dominum Papam licentiam petit. Jubet Rex, ut coepto desisteret, cum hujus itineris aut nulla aut vacua sit causa. Ait enim prudentiam Anselmi non indigere consilio, nec absolutione puritatem.

Revertente Archiepiscopo ad villam suam, cui Hersa nomen est, lepus quem canes agitabant, infra pedes equi cui Dei famulus insidebat praesidium quaesivit. Substitit pater; instantesque canes accedere propius non audebant. Mirantur omnes & stupent; vir Dei bestiolæ compatitur infœlici, asserens agi circa animam peccatoris de corpore exeuntem. Deinde editâ voce leporem praecepit abire, & auctoritate folius verbi canes continuit. Aliâ vice aviculæ pedem filo innixum videns & puero tenente filum, nunc avem retrahi nunc dimitti; optavit ut avicula rupto filo liberaretur. Impletum est ilico desiderium, & puer avem evolare flevit. Exultat Anselmus, aviculæ congaudens; adjecit sic flere Diabolum evadentibus his quos laqueo peccati tenebat innexos. Nam ferè omnia, quæ habebat, audiebat vel videbat, convertere solebat ad informationem vitæ.

A Rege denuo revocatus Anselmus & inter cætera petitam licentiam tertio repetit. Turbatur Rex, & se nimis vexari conqueritur; Jubens in furore suo per internuntios, ut incontinenti regnum exeat sine spe redeundi, aut coepto desistens jurejurando promittat se nunquam Beatum Petrum vel sedem Apostolicam pro negotio quolibet appellaturum. Et subjecit, quod si remanere veller, judicium Curiae<sup>f</sup> sequebatur, quod à Rege petierat in quo non fu-<sup>f l. sequeretur.</sup> erat perseveraturus. Ad hæc Anselmus: Dominus est, quod vult dicit. At ego vado, quod me necessitas trahit; oportet me illud exequi quod professus sum, & mandatis ejus obedire cujus ministerium gero. Curia turbatur ad hæc, reum majestatis Anselmum asserit, contumelias profert, & proposito sui applaudit. At ille patienter sustinet indignationem concilii, gaudens quod & ipse dignus inventus est pro nomine Jesu contumeliam pati. Ingreditur ad Regem vultu placido, offerens ei benedictionem suam ante discessum, si eam ille non respuat. Quam cum Rex conquiniscens se non abjicere responderet; persecutori suo benedixit ex animo Archiepiscopus, & egressus est. Qui vero Deum timebant, Anselmum affectu & votis persecuti sunt, & quantum licebat precibus & commendationibus juvabant. Rex autem in suâ feritate persistit; ut videretur meritò Deus recessisse ab eo.

CAP. IX. Veniens inde Archiepiscopus Cantuariam, primò à fratribus suis, deinde à locis venerabilibus & omni Clero & populo licentiam accepit; expositâ publicè causâ itineris. Sumptâ itaque ante Altare Christi more peregrinantium perâ & baculo, Deo & fidelium orationibus suam commendans peregrinationem, prosequente eum gemitu & lacrimis omnium ferè inconsolabiliter, Doveriam profectus est; Ibiq; invenit Clericum quendam nomine Willelmum de Warewast, quem Rex sine Deo ad Anselmum direxerat. Moratus est is diebus quindecim in mensâ Anselmi, ut domesticus in omnibus & ubique intrans & exiens; nec alicui indicat ad quid missus sit. Cum autem nautæ navem urgerent ascendere & sarcinæ proferrentur; ecce idem

\* Vulgata Vitæ Anselmi ab Eadmero scriptæ exemplaria legunt Rex à Gallis victor regressus. Codices autem MSS. quotquot vidi, habent Rex à Gualis victor regressus: Cui magis lectioni accedendum videtur. Suffragatur & Carnotensis.



Willelmus cum stupore omnium & indignatione Archiepiscopum velut fugitivum & alicujus criminis reum in litore derinet, manticas & clitellas evolvit, & quid in tota suppellectili haberetur sollicitus pericrutor explorat. Delusa est autem sollicitudo quærentis, pecuniâ non inventâ. Tunc autem licenter Anselmo recedente, cum precibus & lachrimis circumspectans multitudo prosequitur, & in nuncium redeuntem acerbissimas increpationes & imprecationes intorquet. Vix aliquanto maris spatio digressi sunt peregrinantes; & ecce mutato vento prius murmurant nautæ, deinde palam protestantur & clamant omnibus aut moriendum aut redeundum esse. Quo audito Anselmus lacrimis suffusus ingemuit, & recurrens ad consueta orationum suffragia, ait: Dispenset Deus, dispenset Dominus in me, quod voluerit; & in pristinas retrudat æumnas; aut in obsequium suum, sicut ipso inspirante disposui, progredi patiatur & faciat. Neque enim meus sum, sed illius. His dictis in momento agnosceres vicarium ejus, qui imperat ventis & mari; vento è regione surgente, qui ad opus litus vectores cum ingenti lætitiâ citissimè appulit. Navi autem quæ Archiepiscopum vexerat exoneratâ, res mira apparuit; quoniam in tabulâ unâ foramen ferme duorum pedum inventum est; nec aliquid omnino liquidi elementi admisit, dum Sanctus vir remaneret in navi. Audito autem transitu Archiepiscopi, Rex immanis omnes possessiones ejus confiscari præcepit, in irritum ducens omnia quæ ille gesserat.

Anselmus autem indicto sibi lætabatur exilio; arram quoque futuræ beatitudinis noverat, quod eum pro justitia pati Dominus dignabatur. Ecclesiarum compatiabatur æumnis sortique suorum, quorum calamitates vix sine lacrimis referet qui fideliter meminerit tempestatis illius. Fidelis autem Deus, qui sperantes in se non deserit, servi sui pro ipso patientis comitabatur exilium; ut quoquo gentium aut locorum veniret, humanè reciperetur, benignè coleretur, honestè tractaretur, & exaudiretur ab omnibus pro suâ reverentiâ. Nam in ipsâ facie hominis quædam divinæ dulcedinis gratia relucebat, ut ab omnibus amaretur; & veneranda canities senis timentis Dominum aspicientibus ingerebat reverentiam pariter & timorem. Cujusque ætatis & sexûs homines, quaqua locorum adventum ejus fama prænuñciaverat, ei turmatim occurrebant; ut sacrâ benedictione ejus potiri mererentur. Nam qui nihil in transitu videre meruerunt, se foelices arbitrabantur. Eloquia ejus Deo condita, & auditoribus grata erant, & Deum timentibus dulciora super mel & favum. Quanto amplius colebatur, tanto cautius virtutem humilitatis custodiebat; & verus Christi discipulus, cum esset omnium maximus, inter socios versabatur ut junior, & qui præcedebat sicut ministrator.

Transiens autem usque Lugdunum, ibi nuncios quos Romam direxerat, infirmitate corporis & aliis quibusdam causis præpeditus ab itinere expectavit. Quibus redeuntibus, vocatus à Romano Pontifice pervenit Lateranum, & cum honore summo recipitur. Agit ei gratias Ecclesia Romana: Ipse quoque Romanus Pontifex, [in præsentia] totius Curie & nobilium populorum, qui tanti exulis causâ convenerant, longum protendit sermonem; atque inter cætera ait: Cum hunc utpote peritissimum in omnibus liberalibus disciplinis & in religione nutritum & tritum Magistri loco habere debeamus; sitque velut quidam alterius orbis Apostolicus & Patriarcha jure venerandus; menti tamen ejus tam sincera fides, tam excellens humilitas præsidet; ut nos magis indigentes consilio ejus censuerit consulendos, & ut à reverentiâ Beati Petri quem adiit non potuerit periculis terræ aut maris arceri. Hæc & plura Romanus Pontifex. Sed his omnibus Anselmus in silentio suo cautelæ & divini timoris opposuit. Exposita verò adventus sui causâ, miratur & stupet Ecclesia, subventionemque plenissimam pollicetur. Jussus autem morari, declinavit ad montana, Romani aeris inclementiam fugiens; receptusque est cum honore à venerabili viro Johanne quodam Monacho Beccensi, tunc autem Abbate Sancti

Sancti Salvatoris Telefina; & ductus in Villam, cui Sclavia nomen est.

CAP. X. Igitur ibi degens, & in summitate montis ubi villa erat, salubritate aeris & velut quadam solitudine exhilaratus, ait: Hæc requies mea, hic habitabo. Vacans autem Deo & sibi, insigne volumen inceptum quidem in Angliâ ibi in provinciâ scilicet Capuanâ complevit; quod *Cur Deus homo* intitulum. Incolæ autem vici vexabantur aquæ penuriâ, eo quod fontes, putei & cisternæ fere omnino deerant illis. Unicus autem puteus eis in devexitate montis subveniebat, tenuiter quidem, quoniam diebus singulis ante diei horam nonam ad eam exhauriebatur, ut nichil exinde usque in alterum diem ministraret humoris. Explorans autem Monachus qui in eo præerat suscepti hospitis sanctitatem ex perspicuis signis, incommoditatem exponit, orat opem, & in cacumine montis, quod summa desipientia videbatur, aquam dicit esse quærendam. Laudat Anselmus pium desiderium. Rogatur ergo Anselmus, ut locum ei igat, terram primus aperiat, & aquam vivam exoret à Domino. Ille velut Clemens alter morem gerens hospiti, petitionem implet; & in brevi salubris & jugis aquæ habundans inventa est vena. Nam, sicut incolæ ferunt, adversis infirmitatibus aquâ in potum haustâ curantur ægroti; & usque in hodiernum diem Cantuariensis Archiepiscopi puteus ille, qui uberrimus & minimæ profunditatis est, appellatur. His diebus Rogerus Dux Apuliæ Capuam obsidens, ad se virum Dei venire facit. Quem cum summo honore recipiens, ei in capellâ quâdam commodum officium procurabat, ut ex remotione exercitus non haberet tumultum, ex viciniâ cotidie sæpius secum haberet ducem. Ubi cum quadam nocte cæteris quiescentibus Anselmus egredere-  
tur; in veterem cisternam multæ profunditatis cecidit, cadensque clamavit dicens, *Sancta Maria*. Accurrentes focii patrem vident in profundo ferè examinatum; sed ipse signo dato indicat se nil læsionis esse perpeßum, & omnino incolumis eductus est. Venit illò Urbanus Romanus Pontifex; & in civitate hospitiorum ad eum juncti sunt; ut ferè quicumque accedebat ad Urbanum, diverteret ad Anselmum. Nam quam illi majestas, hanc isti reverentiam sanctitas conferebat. Pagani quoque, qui Duci in eodem exercitu militabant, magis deserebant Anselmo, optantes ei prospera & precantes; plurimique eorum per eum accessissent ad fidem, nisi timor Ducis & Comitum Siciliæ eos cohibuisset. Non enim permittebantur venire ad fidem. Soluta obsidione celebratum est Barensæ Concilium; ubi Anselmus catholicâ ratione convincit Græcos, Spiritum Sanctum à Patre & Filio procedere docuit. Inde Romam cum Apostolico reversus est. Ipso præcipiente Anglos Romam venientes ad pedem juxta Romani Pontificis instar admisit. [Id quidem] Anselmi humilitas reppulit; donec Apostolicus ei præcepit, ut sic moderaretur humilitatem, ne quorumcunque benefacere volentium impediret devotionem.

Præterea Cives urbis nobiliores Anselmo quandoque tetenderunt insidias ob fidem Imperatoris Ecclesiam persequentis, videntes plurimum auctoritatis conferri Urbano ex præsentia ejus. Cæterum ut eum Christum Domini esse constaret, & verum discipulum Christi; mox eo viso projectis armis ceciderunt in terram; & qui ad malefaciendum accesserant, sacræ benedictionis quærebant munus. Adeoque in totâ urbe invaluit religionis ejus auctoritas; ut non Archiepiscopus, non Primas, sed Sanctus Homo antonomastice id est excellenter velut proprio nomine vocaretur. Romæ interim Concilium celebratur; & inter cætera decreta statuitur, ut excommunicationis sententiâ feriuntur Laici, qui investituras Ecclesiarum faciunt, & qui eas accipiunt de manu Laicorum; eadem quoque sententiâ percelluntur, qui in Officium sic adepti honoris aliquem consecrare præsumunt.



CAP. XI. Lugdunum abinde revertitur Anselmus; & à venerabili viro Hugone primæ sedis Galliarum Episcopo exceptus est, ut tanquam loci Dominus haberetur. Siquidem Archiepiscopus & comprovinciales sic ei deferabant in omnibus, ac si Cantuariensis Ecclesiæ suffraganei essent. Et profectò Cantuariensis Ecclesia his diebus plus fidei reperit in extraneis quàm in suis. Filii enim persequabantur patrem, & inimici hominis domestici ejus. Nam ex suorum consilio à Rege impio destinatus Romam venerat, adhuc ibi degente Anselmo, Willelmus ille, cujus in exitu Angliæ mentio facta est; & inter cetera obtinuit ab Urbano, ut causam Anselmi differret à solennitate Paschali in diem festum Sancti Michaelis. Unde Archiepiscopus, quoad Rex viveret, viam redeundi in Angliam sibi credidit esse præclusam. Sed custos Israel qui non dormit, quicquid humana temeritas somniaret, consilii æterni interim sententiam dispensat; & Urbanum, qui causam viri Dei ad petitionem Tyranni distulerat, eximit rebus humanis, ut præfixum diem non videat. In exilio tamen prosperatur Anselmus; & non modo in Lugdunensi sed in contiguis quoque provinciis clarificante illum Deo ab omnibus communiter celebratur.

Rogatus autem à Wydone Archiepiscopo nobilis Viennæ, quæ dicta est maxima Galliarum, Festivitatem Beati Mauricii, quæ ob præsentiam capitis ejus ibi solennis est, celebravit. Expletis divinis, cum ad refectionem corporis confedisent; duo Milites voce tremulâ vultu pallenti debiles & fere membris arentibus astiterunt, supplicantes ut de micis panis sui iis aliquid dignaretur conferre. At ille, ut video inquit, non tam micis quam pane solido indigetis. Habundant cibi, & locus amplius est; ite sessum cum benedictione, comedite quantum vultis. Adjecit etiam; Nichil aliud faciam vobis, intelligens quo intendissent. Vitabat enim quicquam facere, quod miraculo posset ascribi; non enim suam sed Dei gloriam appetebat, quærens in omnibus non quæ sua sunt, sed quæ Jesu Christi. Porro à dextris sedentium Sancti viri propositum videns, quasi importunitate petentium victus, fragmenta rapuit, præbuitque petentibus; monens cito discedere, ne hominem diutius fatigaret. Gustant, & cum benedictione hominis Dei recedentes, sanitati à quartanis, quod ex verbis eorum innotuit, ilico restituti sunt. Unus Principum terræ illius eodem languore diutius vexatus, famulorum manibus in Ecclesiam Beati Stephani, ubi Anselmus divina celebraturus erat, inductus est; & auditâ Missâ sanus exivit. Unde post paucos dies patri gratias reddidit, asserens se à febribus quartanis illius benedictione curatum. Accepitque ab eo salutis monita, quibus instructus ex conscientia multorum Deo dignius, mundo gratius, & sibi utilius vixit.

Hic fere temporibus eunti Cluniacum Sacerdos quidam occurrit, petens ut Sororem suam in amentiam versam respicere & benedicere dignaretur. At ille velut aure surdâ pertransiit. Instat Presbyter, & populus undique confluens instat; & ille Deum in hujusmodi temptandum non esse respondit. Nec tamen antè dimittitur, quàm dexterâ elevatâ eam signo salutiferæ crucis signavit. Quo facto fugit ocyus, & cucullum imponens capiti, infortunata fœminæ deflet ærumpnas. Rediens illa domûs suæ nondum contigerat limen, & integerrimæ sanitati donata est, in laudem viri Dei linguas omnium solvit. Revertens inde Lugdunum, transiit Matisconiam; & ibi rogatu Episcopi & cleri in Ecclesiâ Beati Vincentii solennem Missam celebrans, exhortatione publicâ populum monuit, ut à Domino pluviam qua mundus egebat, precibus impetrarent. Illi fecisse se hoc sæpius, sæpiusque frustratos esse respondent; orantes ut necessitates & vota eorum prece suâ promoveat. Celebrantur divina; & per sacerdotes sui officium populi preces Domino offerunt. Nec mora, pro votis singulorum & omnium succedunt imbres; & tota civitas se in præconia Sancti

Sancti viri effundit. Perveniens autem Lugdunum, Scripsit librum unum de *Virginali conceptu & peccato originali*, & alium cui titulus est, *Meditatio redemptionis humanae*.

Dum hæc agerentur, Urbanus Papa moritur ante Kalendas Augusti; & Anselmus iudicio Dei solius exponitur. Et licet plurima pateretur, & rei familiaris angustia plurimum videretur urgeri; Vigebant tamen in eo læta mens & Pontificalis auctoritas; quia non deficiebat nec deserebat eum verborum ipsius operumque principium, qui in principio erat Verbum. Multa quoque de interitu Regis impii prædicabantur à multis, quæ in vindictam Anselmi innotuerant tam ex signis patentibus quam ex visionibus manifestis. Sed ille his animum non opponens, pro conversione & salute Tyranni cotidie Dominum precabatur. Tertio verò anno exilii sui, habito colloquio Beati Hugonis Cluniacensis apud Martiniacum, accidit ut de Rege Anglorum mentio fieret. Abbas autem assertionem religiosam multis audientibus publicè protestatus est, se præteritâ voce vidisse eundem Regem ante Thronum Dei accusatum & dampnationis excepisse sententiam. Mirantur audientes, sed cum eminentiam dicentis attendunt, verbis ejus fidem non habere non possunt. Die sequenti Lugdunum venit; & in Kalendis Augusti cum omnes quiescerent, Ecce juvenis ornatu venusto ac venerabili vultu Clerico qui ante hostium cameræ jacebat adhuc ut sibi videbatur vigilans apparuit, vocans eum nomine suo, Adam, inquit, dormis? Respondit, non; & adjecit, Vis audire nova? Adam, libenter, inquit. Et ille, Pro certo noveris controversiam, quæ vertebatur inter Anselmum Archiepiscopum & regem Willelmum Angliæ, omnino esse decisam. Ad quod ille oculos erigens, neminem vidit. Sequenti verò nocte alius inter matutinas vigilias clausis oculis stans psallebat; & ecce quidam ei ostendit cartulam, in qua scriptum erat: *Obiit Rex Willelmus*. Oculos autem apperens, neminem nisi socios vidit. Et tunc quidem Dominus de Rege impio iudicium suum terribiliter perpetraverat; & qui vixerat bestialiter, bestialem invenerat exitum vitæ. Tristabatur Anselmus; & sicut Samuel lugebat Saulem dejectum à Domino, sic istum in se provocasse iram Domini, mœrens & anxius querebatur. Mallet enim in beneplacito Domini se ipsum in corpore, quam illum taliter mortuum esse.

CAP. XII. Exin post triduum cum invitatus honorificèque susceptus in loco venerabili, cui Casa Dei nomen est, de nocte quiesceret; tempestate crebra per montem fulgura volitant, & maximo fulminis ictu & terrore horribili super domum, in qua scœnum Monasterii servabatur, plurimum ignis effundunt. Vicinæ corripuntur ædes, & horror & strepitus, fœtet fumus reter, flamma lucens terruit universos & ad variâ loca dispergit. Audiens autem Pater Anselmus invaluisse incendium; nobis, inquit, provideamus; Nam tua res agitur, paries cum proximus ardet. Egressusque citius venit ad ignem, eique signum vivificæ crucis apposuit. Corruit ergo ignis, ipsasque quas invaserat languens reliquit domos: Et quod magis mirum est, quibusdam in circuitu consumptis domibus nil læsionis attulit scœno Monachorum, qui virum Dei habebant hospitem. Nec mora, Lugdunum reversus nuncios recepit ab Angliâ Regis interitum nunciantes; & quomodo manus Domini gloriosam illam Ecclesiæ suæ exercuerat ultionem. Siquidem secundâ die mensis Augusti, quæ post visionem Lugduni factam illuxit, idem Rex in Sylvam, quæ Nova Foresta vocatur ab incolis, venatum manè profectus est; Ibique in latere sagittam excipiens, corde sauciato emisit Spiritum suum. Sic sic patiente Basilio letali telo ad consolationem Ecclesiæ perimitur Julianus; & altero Juliano perempto in Angliâ, ad consolationem Ecclesiæ revocatur Anselmus. Quis alterutrum miserit telum, adhuc incertum est quidem. Nam Walterus Te-



rellus ille, qui Regiæ necis reus à plurimis dictus est, eò quòd illi familiaris erat & tunc in indagine ferarum vicinus, & fere singulariter adhærebat etiam cùm ageret in extremis, se à cæde illius immunem esse invocato in animam suam Dei iudicio protestatus est. Fuerunt plurimi, qui ipsum Regem jaculum quo interemptus est misisse asserunt; & hoc Walterus ille, & si non crederetur ei, constanter asserbat. Et profectò quisquis hoc fecerit, Dei Ecclesiæ suæ calamitatibus compatiens dispositioni fideliter obedivit.

Primi quidem omnium ad patrem sub omni celeritate Monachi Cantuarienses occurrunt. Deinde magnorum virorum nuncii se invicem prævenientes torius insulæ devotionem exponunt. Et insuper illustris Rex Anglorum Henricus, qui fratri successerat, revocari à se Archiepiscopi reditum fideliter procuravit. Se & omnia Regni negocia ex illius consilio pendere pollicetur. Studeat enim inter regni sui auspicia pius & mansuetus haberi, pro more potestatum, quæ donec solidatæ sint, mansuescunt. Siquidem mitissima fors est Regnorum sub rege novo. Cæterum cùm Regi novo apud Saresberiam, quid in Romano Concilio gestum sit, exposuisset; Rege turbato omnia in contrarium versa sunt. Quot igitur & quanta pro libertate Ecclesiarum duobus annis passus est, longius est enarrare. Cùm verò Rex Henricus videret Anselmi constantiam invictam; rogavit ut cum nunciis suis Romam iret, & Regiæ dignitatis in Angliā læsæ procuraret medelam. Universi Episcopi Angliæ, Abbates & Proceres, acclamant istud Regi de jure negari non posse: Ad hæc, inquit Anselmus Archiepiscopus: Ibo quidem quoniam vultis; sed Ecclesia Dei Romana nichil consilio meo vel prece faciet, quod Ecclesiarum præjudicet libertati, aut Sedis Apostolicæ majestatem aut meam dedeceat honestatem. Venientes autem Romam nuncii cum Archiepiscopo, à Domino Paschali Papâ, qui Urbano successerat, benignè recepti sunt. Exinde suo tempore Willelmus, de quo supra, causam Regis exposuit; ac inter cætera intulit; quòd Rex nec pro Regni amissione Ecclesiarum investituras sibi pateretur auferri. Ad quæ Paschalis Papa respondit. Si Rex tuus nec pro regni amissione Ecclesiarum donationes patietur amittere; Scias & ei fideliter referas; Ecce ego coram Deo loquor, quia nec pro sui capitis redemptione eas illi Paschalis impunè permittet habere. Et quidem causa Regis tunc in his finibus subsistit. Quantum vero Anselmo Paschalis detulerit & contulerit tempore suo, liquet ex multis. Ei namque Primatum Britannia, quem à tempore Beati Augustini antecessores habuerant, confirmavit. Hoc quoque personaliter privilegium dedit; ut ab omnium Legatorum ditione quoad viveret esset exemptus. Præterea Girardum Eboracensem professionem Anselmo facere detrectantem causâ cognitâ coegit profiteri; & si circumventus quandoque in contrarium scripsit. Secutus enim est decisionem causæ Lanfranci temporibus ab Alexandro Romano Pontifice [quæ] sollempniter facta est & in scripturam redacta. Inducant hoc litteræ ejus, quæ in Ecclesiâ Cantuariensi adhuc extant bullatæ. Quid multa? Non meminimus preces Anselmi repulisse Paschalem Papam, vel quæ innotuerant distulisse vota.

CAP. XIII. Redeuntes Florentiam veniunt, & ibi quiescunt nocte unâ. Discedentibus illis, dominus domûs in lecto quo Anselmus jacuerat pro more decubuit. Quo dormiente adest homo ignotus, monens ut inde citiùs surgat. Et adjecit indignum esse, ut lectum occuparet, in quo tantus quievit hospes. Contempnenti nocte secundâ visio minaciùs & terribiliùs iteratur. Illo autem moto quidem sed non ut cederet, tertiâ nocte denuntiatur, ut ociùs surgat & se exinde cohibeat; experiturum fore non esse fantasticum quod videbat. Territus ille somnio, mane adiit ad Episcopum civitatis; & auditâ per eum sanctitate Anselmi, lectum ex tunc in omni reverentiâ custodivit. Cùm autem Lugdunum appropinquassent; Willelmus sæpe dictus ab Archiepiscopo recessurus,

ex parte Regis Angliæ inhibuit, ne Angliam ingrederetur; nisi postpositâ obedientiâ sedis Apostolicæ se consuetudines omnes utriusque Willelmi regum promitteret fideliter servaturum. Miratur hæc Archiepiscopus, quia aliâ conditione exierat; mansit Lugduni; Et Rex Henricus omnes possessiones ejus Willielmo redeunte præcepit confiscari. Interim ad Anselmum in oratorium cæcus quidam accedens, obtinuit ut super oculos ejus signum crucis pollice pingeret. Fecit hoc tertio, dicens sic: Virtus crucis Christi illuminet oculos istos, & ab eis omnem infirmitatem depellat; integræque sanitati restituat. Et cum eos asperisset aquâ sanctificatâ, illuminati sunt. Regis autem indignatio in annum & dimidium protracta est.

Exigentibus negotiis quibusdam ecclesiasticis, vir Dei in Franciam veniens, à Rege Henrico rogatus in Normanniam progredi, rerum suarum tandem à Rege investituram accepit. Rege autem in Angliam transeunte, post pauca Willelmus ille qui Regem nuncius Archiepiscopum totiens fatigaverat, Becum reversus est, rogans ex parte Regis attentius, ut retroactis querelis omnino sopitis Angliam ocyus visitaret. De libertate Ecclesiarum, quas Dei clementia regibus jam exculsorât, lætatur Episcopus; & iter arripiens Gemeticum venit; ubi ne progrediretur, adversâ valetudine præpeditus est, & fere in extrema deductus ex defectu naturalium virtutum socios omnes desperatio tenuit; & mors ita ac certa videbatur affare præ foribus. Inter hæc sollicitatur pater, ut vel filiorum amore naturæ vim faciat, sibi patiatur alimentorum aliquid ministrari; & ille se omnino nil appetere, sed nec posse quidem verbis cessantibus anhelu spiritu fatebatur. Undique conveniunt Episcopi & Abbates; ut possint illius beati spiritûs transitum explorare; & ad cœlestia migrantem Psalmis prosequantur & hymnis. Quidam autem familiaris, ut unus servientum Monasterii per silvam gradiens & huic rei nihil intentus, bestiolam quam Martynam vocant, videret perdicem in ore deferentem; & exclamans bestiolæ fugienti perdicem excussit. Quæ allata gustavit ager, & convalescens contra spem admirationi fuit, & gaudium attulit universis. His ergo qui convenerant redeuntibus, unus Servientium Radulphi Sagienfis ei plurimum derrahere cœpit; asserens ei compatiendum non esse, qui sibi in alimentorum perceptione subvenisse potuerat, si inanis gloriæ jactantiam remisisset. Temeritati ejus silentium indicit Abbas, modesta sociorum increpat multitudo; & is eo ardentius more Stultorum, qui verba sapientiæ non admittunt, Sanctum Dei lacerare non cessat. In his verbis cœpto itineri properanter insistens, in frondosam Quercum silvæ per quam iter erat vehementer offendit; & ex equo procumbens, uno stasilium pedem equitis firmiter retinente; equumque terrore, tam diu huc & illuc tractus est & concussus, ut fere videretur novissimum Spiritum exhalasse. Tandem vero sociis Beatam Virginem invocantibus, comprehensus est equus; & vix inspirans miser edoctus est parcere amicis Dei, cum magnæ temeritatis sit etiam de servo alieno ferre sententiam.

CAP. XIV. Rediit Rex Henricus in Normanniam; & in Assumptione Beatæ Virginis Mariæ Archiepiscopum Beci amicabiliter visitavit. Illo ferme tempore capellam Curia præce Abbatis Archiepiscopique Rotomagensis favore dedicavit Anselmus; & in ipsâ dedicatione Clericum alienatione mentis laborantem benedictione solâ pristina restituit sanitati. Qui pro Deo exul & contumeliis affectus diutius sedes circuit alienas; exinde ut justum est Deo de hominibus triumphante ad suam cum honore & gloriâ remeavit. Ubi ab eo vir Anglus nobilis & dives gravi corporis infirmitate percussus, petens ab eo per nuncios benedictum & accipiens panem, secundum fidem suam curatus est. Rex interim in Normanniâ degens congratulatur paci; & jam dissimulare non potest, confidens sibi Dominum ex hoc esse placatum, quod in veram & firmam amicitiam amicum ejus receperit Anselmum. Unde sibi in brevi



totam Normanniam & repromittit, & quidem non frustra. Nam fratrem suum & fautores ejus conferto prælio solenni confecit & cœpit. Quam victoriam nactus, per epistolam communicavit Anselmo; quæ meritis concordiae & pacis inter eos reformatæ ascribebatur. Cùm autem in Kalendis Augusti Rex & Archiepiscopus convenissent, triumphus Ecclesiae omnibus patuit; Rege investituram Ecclesiarum palam cedente, & concedente Archiepiscopo, nec aliquid venditante in electionibus nisi assensum, qualem sacri Canones non excludunt. Neque enim eligere nec virgâ pastoralis investire sibi pro more antiquo usurpans, procedere permisit in dispositione Ecclesiarum canonicas sententias. Scripsit interea Dei famulus libellum unum *de Concordia præscientiae, prædestinationis & gratiae Dei cum libero arbitrio*; in quo contra morem moram fecit, quia Corpore infirmatus erat; ut non equo sed lecticâ de loco ad locum semper postea veheretur.

Cùm itaque finis ejus appropinquaret; Thomas Eboracensis junior jam electus, & à Willelmo Wintoniensi Episcopo mandante Anselmo Presbyter ordinatus, finita inter Ecclesias Cantuariensem & Eboracensem cœperunt jurgia instare. At Anselmus etsi ad summum corpore languens, virtute tamen indutus ex alto, singulis totius Angliæ Episcopis in virtute obedientiae præcepit, ne Thomæ communicarent; donec ille ab inceptâ rebellionē desisteret; litteras quoque patentes, quibus hoc mandabatur, jussit signatas in omnibus Episcoporum sedibus diligentissimè custodiri. Ad Thomam quoque in eo constitutus articulo, epistolam in hæc verba direxit:

CAP. XV. “ Anselmus minister Ecclesiae Cantuariensis Thomæ electo  
 “ Archiepiscopo Eboracensi. Tibi Thoma in conspectu omnipotentis Dei.  
 “ Ego Anselmus Cantuariensis Archiepiscopus totius Britanniae Primas lo-  
 “ quor, loquens ex parte ipsius Dei. Sacerdotale officium, quod meo jussu  
 “ in parochiâ meâ per Suffraganeum meum suscepisti, tibi interdico; atque  
 “ præcipio ne te de aliqua curâ pastoralis ullo modo præsumas intromittere;  
 “ Donec à rebellionē, quam contra Ecclesiam Cantuariensem incepisti dis-  
 “ cedas; & ei subjectionem (quam antecessores tui Thomas videlicet & Gi-  
 “ rardus Archiepiscopi ex antiquâ antecessorum consuetudine professi sunt)  
 “ profitearis. Quod si in his quæ cœpisti magis perseverare quàm ab eis desi-  
 “ stere delegeris; omnibus Episcopis totius Britanniae sub perpetuo anathe-  
 “ mate interdico, ne tibi ullus eorum manus ad promotionem Pontificatus  
 “ imponat; vel si ab externis promotus fueris, pro Episcopo vel aliqua Chri-  
 “ stianâ communione te suscipiat. Tibi quoque Thoma sub eodem Anathe-  
 “ mate ex parte Dei interdico; ut nunquam benedictionem Episcopatus Ebo-  
 “ racensis accipias, nisi professionem (quam antecessores tui Thomas & Gi-  
 “ rardus Ecclesiae Cantuariensi fecerunt) facias. Si autem Episcopatum Ebo-  
 “ racensem ex toto dimiseris; concedo ut officio sacerdotali, quod jam sus-  
 “ cepisti, utaris. Verebatur enim, sicut interrogatus dicebat, apparere in  
 conspectu judicis Dei; nisi ante punisset tantam inobedientiam in jurisdictione  
 sibi commissâ suo tempore emergentem. Unde idem Thomas auctoritate viri  
 & acerbitate sententiae territus, in se rediit; & præsentibus vice Primatis Can-  
 tuariae Ecclesiae Suffraganeis etiam post obitum Anselmi professus est.

CAP. XVI. Tertio igitur anno postquam à secundo exilio per Regem Henricum revocatus est, adeò cœpit debilitari; ut ei cibus omnis in fastidium verteretur. Vim tamen faciebat naturæ in perceptione eorum; eo quod ipsam noverat sine alimentis constare non posse. Caro quidem infirmabatur magis & magis; sed generosus ille spiritus & Dei amore nobilis Ecclesiae dedignabatur infirmitati. Ex eâ enim fortior & potentior videbatur. Neque enim à meditationibus divinisque colloquiis & orationibus poterat impediri; sed in con-  
 fueris

fuetis & Deo placitis exercitiis jugiter versabatur. Consecrationi Dominici corporis quotidie intererat, illuc aut pede iens aut sellâ delatus. Vix quinto die ante obitum potuit inde arceri. Illuxerat Dominica dies Palmarum, & unus eorum qui aderant sic eum alloquitur: Pater verisimile est ex his quæ videmus, te ad Paschalem Domini tui relicto mundo transire solennitatem. Et ille; sicut fuerit inquit voluntas, sic fiat; & beneplacitum Domini de me ut voluerit impleatur. Verum si mallet, quæstionem de origine animæ quam in mente volvo, vellem ante obitum meum fideliter absolvi. Nec aliquid doloris sentiebat in corpore; & ob hoc laceffente stomacho veriùs deficiebat. Vesperante dein tertiâ feriâ cum vix jam verba formaret; rogatus à Radulpho Rosenfi Episcopo & his qui aderant, Regi, Regina, liberis eorum & subditis omnibus benedixit; & eos, quantum ad se pertinebat, absolvit. Matutinis laudibus intererant fratres Ecclesiæ Salvatoris; & unus assistentium illi passionem Dominicam inchoavit. Ubi vero ventum est ad verba Domini Jesu.

*& Vos estis, qui permansistis mecum in temptationibus meis: & ego dispono vobis,* <sup>s. Luc. XXII.</sup>  
*sicut disposuit mihi Pater meus regnum; ut edatis & bibatis super mensam meam in* <sup>28.</sup>  
*regno meo:* Lentiùs solito spiritum trahens, & fini jam proximus, in cinere &

cilicio positus est. Adunatis quoque fratribus circa eum, quantum dolor & lachrimæ permittebant, obdormuit in Domino. Transiit autem illucescente aurorâ quartæ feriæ Cœnam Domini præcedentis, quæ erat undecimo Kalendas Maii, Anno videlicet Dominicæ Incarnationis millesimo centesimo nono, qui fuit annus Pontificatûs illius decimus sextus, vitæ quoque septuagesimus sextus. Fœlix transitus & gloriosa subvectio miraculorum indiciis declaratur; & sanctissima merita Confessoris ex signis ibi conspicuis publicè innotescunt. Venerabiles siquidem viri, memoratus Episcopus Rosenfis, & Baldwinus quem vir Sanctus, ut dictum est, rerum suarum Oeconomum fecerat, modico balsamo quod habebatur faciem sacram inungere satagebant. Episcopus ergo hoc expleturus officium, digitum vix intinctum summotenus de fundo vasis extraxerat; & balsamum videt omnino defecisse, vase negligentius custodito. Vexatur ille, & omnes qui aderant contristantur. Rogavit itaque venerandus vir Edmerus, cuius ab initio mentio facta est, ut Episcopus vas inversum violentius excuteret in manum ejus. Adquievit Episcopus; & ecce de vase fere arido liquor fluens in habundantiâ subjectam manum implevit. Iteratum est hoc secundo & tertio, & etiam sæpius repetitum; & vas fluxit semper in habundantiâ. Erumpentibus ergo lacrimis præ gaudio & admiratione, totum corpus Sancti viri qui aderant repetitis vicibus perunxerunt. Cur enim in tantâ Dei largitate seipsos parcitatis aut avaritiæ redderent arguendos. Heliâ ministrante oleum multiplicatur; & balsamum, ut obsequatur Anselmo, suscipit incrementum. Dignum quidem erat; ut caro quam vivens servare studuerat à voluptatibus incorruptam, exanimata corruptionis injuriam non sentiret.

Vir quidam Christi & Ecclesiæ verus cultor, & pro facultate subventor pauperum, obeunte patre Anselmo, Cantuariæ ad fatalem ut videbatur pervenerat horam. Diu namque languerat. Quo in somnum tenuem parumper soluto, adest juvenis speciosus, & quid patiat inquit. At ille; en morior. Cui juvenis. Pater patriæ, inquit, æternaliter victurus nunc tendit ad Deum, & tu moreris? Surge citò, & glorifica Deum & amicum ejus qui tibi subvenit patrem Anselmum. His auditis, ille cunctis stupentibus surgit & gratias acturus concitus ad Ecclesiam pergit, & quid viderit indicat. Horâ quoque ejusdem transitûs in Monasterio Beati Augustini super statu gloriosi Patris sollicitus frater in visione vidit ad hostium cameræ Archiepiscopi albarum personarum pulcherrimum cuneum, quasi alicujus exituri adventum cum desiderio præstolantem. Præerat illi choro ingrediens & egrediens Pontifex, habitu & quadam majestate insignis. Hic Anselmo obeunte festinò exivit &



& ait. Ecce adest quem expectatis; suscipite illum, & quo Dominus iussit efferte in voce laudis & exultationis. Paucis vero diebus ante Cantuariensis Ecclesiae Monachus quidam Helias nomine innocens & vitae probatae, transitum Patris Anselmi ex alia visione cognovit. Visum est enim ei, quod Beatissimum Dunstanum & Anselmum Archiepiscopum in Ecclesia Christi viderit colloquentes; & quod hac Anselmo à Dunstano dicta acceperit. Amice karissime, accipe hunc annulum manu; velles recipere. Manum retrahens Beatus Dunstanus ait: Non quidem hac vice, sed me servante interim quartâ feriâ ante Pascha recipies illum de manu Domini. Sic quidem Martini transitus in visione sanctis innouit; & Dominus, cui similiter servierunt, Martinum & Anselmum pari modo glorificavit.

CAP. XVII. Peractis his quae ritus exposcit, restabat ut preciosus ille Thesaurus corporis clauderetur monumento. Ad Sarcophagum itaque ventum est; & inventus est minor quam ut nisi fractis membris & per demptionem lapidis superioris corpus recipere posset. Quod cum minis durum & intolerabile omnibus videretur; unus circumstantium fratrum arrepto pontificis baculo saxum aggreditur, & illud undique sic pertractat & premit, huc & illuc aptans; ut recipiendo corpori cum admiratione omnium commodissimum & sufficientissimum videretur. Nam Salvator, in cuius transitu scissae sunt petrae, hoc ad gloriam suam egit; ut confessori suo natura lapidea mirabiliter cedere videretur. His diebus Capellanus quidam Episcopi Rosensis professione Monachus, morum opinione laudabilis, Robertus nomine per pontem Lundoniae transiens, Beati patris Anselmi patrocinium sibi adesse sensit & gavisus est. Equus enim, qui famulum & sarcinam deferbat, sine serviente quidem sed onustus sarcinis cecidit in Tamensem fluvium. Licet igitur super amissione equi & rerum moveri possit pauper; nichil tamen exulcerabat animum ejus nisi unus librorum Anselmi, quem in sarcinulis positum credebat & lugebat amissum. Sed secus accidit. Nam cum saepius invocato Patre Anselmo pervenisset ad ripam; equum, manticam cum sarcinulis, librum quoque & universa quae amiserat illaesa invenit. Præterea Arnulfus Comes filius Rogeri à Montegwyneri [de Normannia Angliam, rediit.] Et primò quidem prosperante cursu vento in medium ponti delatus est. Quo deficiente, remiges affliguntur; exinde toto biduo jam deficientibus alimentis, naufragium patiuntur ab instabilitate & errore ventorum. Tandem vero ad Beatum Anselmum conversus Comes socios rogavit & nautas, ut Beato Anselmo, quem noverant, & de cuius sanctitate non dubitabant, totam committerent navem. Nam qui semper misericors extitit, dum mortales eum retardarent exuvia, non defuturum supplicibus pollicetur; cum nuper Deo junctus & nullo præpeditus obstaculo ampliori serveat caritate. Assenserant omnes; & vix sub hoc voto Dominicam Orationem compleverant; & ecce nebulis dissipatis, vento prospero quo voluerant in Angliam deferuntur. Venientes Curiam Regis, Regi & aliis quid sibi acciderant referunt; & in laudem egregii Confessoris omnium exaudientium ora laxantur. Ad hac unus Cantuariensium fratrum de statu patris Anselmi valde sollicitus, Dominum exorabat, ut eum inde faceret certiores. Affuit ergo amico in visione, præcipiens illum certum esse, quia ex quo onere carnis exutus est, gloriose illum excepit & stolam immortalitatis induit, quem verè coluerat Jesus Christus.

CAP. XVIII. Longum erit, si omnia, quæ tunc acciderunt, huiusmodi referantur. Sed in paucis, quia succinctam promissimus brevitatem, Liber iste claudatur; & qui plura scire voluerint, recurrant ad fontes; grandia loquor volumina, à quibus hæc velut tanto modico ad itinerantium consolationem & refrigerium sumpta sunt. Novicius quidam Cantuariensis Ecclesiæ Monachus, inter alios qui ad tumbam Patris Anselmi orandi causâ turmatim confluebant, actus quidem devotione illuc veniebat; hæsitabat tamen, quid potius esset orandum, scilicet an Anselmus, an pro Anselmo. Sed cum in huiusmodi fluctuatione diutius anxietur; totâ se devotione convertit ad Dominum, rogans ut quid se oporteat facere instruat; & quia in veritate pium Dominum sæpius invocavit; in visione ubi orabat ante Altare ei apertus est liber, in quo decentissimè scriptum erat, *Sanctus Anselmus*. Intellexit ergo vir devotus nomen Anselmi scriptum in libro vitæ, & præcedentis vitæ merito dignum esse ipsum rogari ut Sanctum. Alius in eadem Ecclesiâ Frater gravi correptus infirmitate diu languerat; & omnino quo se verteret opis gratiâ ignorabat. Postmodum verò ad notam Beati Anselmi pietatem totâ se contulit devotione. Ducitur ad Tumbam ejus; & humi fusus attentius orat, ut Ecclesia aut per convalentiam aut per interitum ipsius exoneraretur. Desiderium cordis ejus audivit Altissimus; & qui Anselmum invocaverat, restitutus est sanitati. Vir nobilis, miles probus & multis notus, Humfridus nomine lapsus in hydropem ab omnibus medicis ob desperationem relictus est. Hic Anselmum dilexerat, nec elabi poterat à memoriâ ejus. Rogavit itaque Monachum Cantuariensem Haymonem nomine, ab antiquo sibi notum venire ad se, ut vel animæ suæ consulere. Adest ille, & tortè secum beati Anselmi cingulum detulit. Quod deosculans miles præmissâ prece sibi circumducere nititur; sed vix præ tumore se contingere poterant summitates. Verùm mirò modo sensim cœpit detumescere corpus, & in naturalem reduci statum. Quod ille sentiens per omnia membra cingulum circumduxit; & ad sanctissimi Confessoris titulum integræ restitutus est sanitati. Lugduni apud Sanctum Hirenæum inclusa quædam admodum religiosa se quadam nocte ad Thronum perpetuæ Virginis vidit adduci; ubi cum plurima audisset & vidisset admiranda patriæ cœlestis præconia; quæsit inter cætera, quidnam sperandum esset de Hugone Archiepiscopo Lugdunensi. At virgo genitrix, bene, inquit, filia, bene illi erit per gratiam Dei. Et Inclusa subjecit. De Domino meo Anselmo Cantuariensi Archiepiscopo, Domina mea regina, quid sentiam? Cui Domina: De illo certissima esto, quod proculdubio in magnâ gloriâ Dei est. Unus eorum, qui ei fuerat familiaris, eodem ferè tempore similem vidit in Angliâ visionem. Patrem enim in albis indutum videns & Pontificalibus insignitum, recolens quidem de rebus humanis exemptum; ubinam, inquit, pater degis? Quomodo vivis? Quidve agis? Et ille. Ibi vivo, ubi video, lætor, perfungor. At ille dum expergefactus hæc revolvit; è quatuor verbis unum sibi dolet elapsum. In ipsâ vero tristitiâ quodam intervigilio vocem sibi manifestè dicentem audit, *Lætor*; & hoc quidem verbum amiserat. Unde & de Patris gloriâ ampliùs certioratus, plurimum exultavit, immensas gratias referens creatori. Et ut ad Barbaros beati Confessoris protenderetur gloria; Matrona quædam in partibus Scotiæ à Nobilibus Anglis genita, & in Christianâ religione circumquaque probata, Estryldis nomine, gravi languore ad mortem usque deducta est. Sed tandem Beati Anselmi cingulo, de quo jam diximus, cincta plenè convaluit. His interfuit, hæc vidit & procuravit jocundâ recordatione dignus Edmerus. In Cantuariensi Ecclesiâ acutâ febre laborabat Frater ægrotus. Cum ergo medicorum omne cesserat auxilium; memorato cingulo circumdatum est collum ejus procurante Edmero, sanatus est. Mulieres quoque laborantes in partu quot eo cingulo adjunctæ sunt in puerperio,



erperio, referre non expedit; quia nimis longum & multis notum. Eodem cingulo sanatus est Frater sine omni rupturâ, cui sub umbilico in modum sphæræ grandioris ingens coaluerat tumor. Hoc Cantuariensis novit Ecclesia; quoniam ibi factum celebre est. Elphegus quidam, quod publicè notum est, à nativitate cæcus, surdus, mutus erat & claudus. Et hoc quidem publicè notum. Hic sicut præsens testatur dies, ad Sepulchrum Beati Anselmi plenam in his omnibus recepit sanitatem. Vicum quendam Beati Edmundi incendium occupavit, & domum cujusdam qui Beati Anselmi alumnus fuerat & nichil aliud habebat. Jam invaserat ignis edax, qui universa consumit. Non erat homini solatium; cum ecce frater unus monet, ut nutritoris sui Anselmi meminerit, eique committat domum, qui flammæ extingui consuevit. Paret ille, & nondum finitâ oratione Dominicâ domum suam ab incendio sine læsione miratur & lætatur exemptam. Helias venerabilis Abbas Sanctæ Trinitatis in monte Rotomagi, precibus & meritis Beati Anselmi, cum ab eo ordinaretur, à tumore & dolore genuum, quibus adedò vexabatur ut vix incedere possit, se publicè confessus est esse curatum. Sed quis ego sum, ut enarrem justitias Domini, & tanti patris præconia ore vel calamo præsumptuose contingam? Vires quidem meas excedit & merita, ut tantum Confessorem dignè describam; & ineptè describere nota præsumptionis est, & res jure & merito obnoxia pœnæ. Sed propicius mihi sit pater Anselmus, & meritis & precibus suis mentem meam dirigat in occupationem utilem & honestam, & quæ divinæ sit placita Majestati. Auditorem quoque & Lectorem obsecro; & qua licet supplicatione obtestor; ut in hoc voto mecum & pro me sollicitent sanctum Patrem Anselmum, & mihi & sibi veniam impetrent delictorum ab eo, qui solus est benedictus in sæcula sæculorum. Amen.

Explicit Vita Sancti Anselmi Cantuariensis Ecclesiæ Archiepiscopi secundum Johannem Carnotensem Episcopum.

BULLA

Bulla ALEXANDRI III. Papæ

De Canonizatione

ANSELM I.

Copia Bullæ ALEXANDRI Papæ concessæ Sancto  
THOMÆ Cantuariæ Archiepiscopo de Canoniza-  
tione Sancti ANSELM I ejusdem Ecclesiæ Archie-  
piscopi.

**A**lexander Episcopus, servus servorum Dei, venerabili fratri nostro  
Thomæ Cantuariæ Archiepiscopo salutem & Apostolicam benedi-  
ctionem. Constitutus olim in præsentia nostrâ suppliciter nos &  
devotè rogâsti; ut illum sanctæ recordationis virum, Anselmum  
videlicet quondam Cantuariæ Archiepiscopum, cujus vitam & veneranda mi-  
racula nobis præsentare curâsti in Concilio Turonensi, canonizare vellemus.  
Nos verò pro eo, quòd plures illuc convenerant qui pro aliis sanctis viris illud  
idem instanter expetebant, [quod] rogaveras duximus differendum.  
Nunc autem de honestate & prudentiâ tuâ plenam in omnibus fiduciam obti-  
nentes, negotium istud tuæ curæ tuæque discretionis committimus; per Apo-  
stolicatibi scripta mandantes, quatinus fratres Episcopos nostros Suffraganeos  
tuos & Abbates atque alias religiosas personas in tuâ provinciâ constitutas ante  
tuam præsentiam convoces, & coram eis omnibus prædicti viri sancti vitâ ejus  
perlectâ & miraculorum serie publicè declaratâ, cum consilio & assensu con-  
venientium fratrum super illo canonizando, secundum quod in consilio eorum  
inveneris, nostrâ fultus auctoritate procedas; sciens quòd nos illud, quod  
tu super hoc cum dictis fratribus provideris statuendum, auctore Domino  
ratum & firmum habebimus. Datum Turon. Quinto Idus Junii.



\* Lib. 3.  
Ep. 47.  
p. 384.

Epistola ANSELMI vitiata in editione \* Operum Anselmi *Parisiis* MDCLXXV. à GABRIELE GERBERONIO adornatâ, ex Codice MS. vetusto Bibliothecæ Lambethanæ restituta.

**D**omino Reverendo & Patri diligendo Paschali Summo Pontifici Anselmus servus Ecclesiæ Cantuariensis debitam subjectionem & orationum assiduitatem. Postquam revocatus ad Episcopatum rediit in Angliam; ostendi decreta Apostolica, quæ in Romano Concilio præsens audiui; ne scilicet aliquis de manu Regis aut alicujus Laici Ecclesiarum investituras acciperet ut pro hoc ejus homo fieret; nec aliquis hæc transgredientem consecrare præsumeret. Quod audientes Rex & Principes ejus, ipsi etiam Episcopi, & alii minoris ordinis, tam graviter acceperunt; ut, assererent se nullo modo huic rei assensum præbituros, & me de regno potius quàm hoc servarent expulsuros, & à Romanâ Ecclesiâ se discessuros. Unde, Reverende Pater, vestrum petii per Epistolam nostram consilium; quam misi Celsitudini vestræ per Wilhelmum Regis Legatum. Sed quoniam responsi vestri literas non accepi; adhuc per Legatos nostros, quos mitto carissimis fratribus & Coepiscopis nostris, qui pro eadem re vestram Sanctitatem adeunt, jam petitem iterum supplex per caritatem Sublimitatis vestræ certum peto consilium. Oramus Dominum nostrum Jesum Christum, ut vos conservet ad laudem & gloriam nominis sui & utilitatem Ecclesiæ suæ.

EADMERI

---

---

# E A D M E R I

Præcentoris Ecclesiæ Christi Cantuariensis, & Episcopi  
Electi Santandreani,

Vitæ S. ANSELMII Archiepiscopi Cantuariensis quæ  
defunt in vulgatis exemplaribus.

Vita B. BREGWINI Archiepiscopi Cantuariensis.

Vita S. OSWALDI Archiepiscopi Eboracensis.

Vita S. DUNSTANI Archiepiscopi Cantuariensis.

Epistola ad Monachos Glastonienses de Reliquiis  
S. DUNSTANI.

## A C C E D U N T

Scrutinium de corpore S. Dunstani factum anno MDVIII.

Epistola Willelmi Warham Archiepiscopi Cantuariensis de corpore  
S. Dunstani.

Responsio Abbatis Glastoniæ ad Epistolam prædictam.

Epistola secunda Willelmi Warham Archiepiscopi Cantuariensis de  
corpore S. Dunstani.

NICOLAI Epistola ad Eadmerum de Primatu Sedis Eboracensis  
in Scotiâ.

EADMERI Epistola ad Wigornienfes Monachos de Electione  
Episcopi.

---

---





## E A D M E R I

LIBRORUM DE VITA

## S. A N S E L M I

Quæ defunt in editis.

**Q**Uædam autem quæ non per sompnum accidisse elapso post obitum ejus non longo temporis spatio, sed in gravi discrimine constitutis per memoriam pii nominis ejus provenisse feruntur, vis amoris, quo erga eum quidam meorum adhuc ardent, paucis me notare compellit.

CAP. LXVI. Arnulfus quidam nomine filius comitis Rogeri de Monte Gummeri, & ipse Comes, de Normanniâ Angliam rediens, marini itineris medium prospero cursu peregerat; & ecce contra spem omnium in navi consistentium subito nebula nimix densitatis exurgit, supercrescit, quin & ventus omnis quo vehebantur, cadit, evanescit, deperit. Navis in medio pelagi nullum quo in ulteriora raperetur ventum habens, nec quæ in eâ consistebat hominum multitudo præ densitate nebulæ quam teneret viam dinoscere valens, huc & illuc inter undarum cumulos navis nullum iter explicans fluctuabat; & consistens in eâ tædio vehementi afflicta virorum turba animo deficiebat. Mare siquidem eos per dies duos tali modo sibi haud grato obsequio vindicabat; & in diversâ vota mentes illorum, quò à suo retinaculo solverentur, & ora concitabat. Tandem memoratus Comes memorandæ memoriæ patris Anselmi recordatus, vota omnium rupit; & ut sibi paucis intenderent, brevi alloquio cunctos admonuit, Omissis, ait, omnibus aliis, in causâ præsentis convertamus cor & linguam nostram ad patrem & pontificem nostrum Sanctum Anselmum, quem sæpe vidimus, cui adhæsimus, cujus sacrâ doctrinâ imbuti, & beatâ sumus benedictione sæpius perfuncti; implorantes *notam nobis* pietatem pectoris ejus; quatinus sanctis meritis suis impetret à creatore nostro & omnium Domino Jesu Christo nobis & peccatorum remissionem & hujus gravissimæ incommoditatis, quam pro eis justè patimur, celerem absolutionem. Assenserunt omnes admonitioni ejus. Magna dei pietas, magna potentia. Necdum eam, quam statim ad verbum Comitis cœperant, Dominicam Orationem perduxerant; cùm subito evanescente nebulâ, cœli serenitas tota redit, & litus ad quod primò festinârunt non longè abesse lati conspiciunt. Gratias igitur Deo & fideli famulo ejus agentes, animi æquiores effecti, oppanso velo properrime sunt in portum desideratum evecti. Inde petentes curiam Henrici regis Anglorum, cuncta quæ illis acciderant ordine supra digesto ipsi regi præsentibus episcopis regnique primoribus exposuerunt. Quod auditum multis multum placuit, non dubitantibus vitam ejus in mundo talem extitisse, quòd & hoc & multò majora debuerit à Deo mundo sublatus merito obtinuisse.

CAP. LXVII.



CAP. LXVII. Item Monachus erat Robertus nomine, assiduus in servitio Radulphi Rosensis episcopi, cujus in superioribus habita memoria est. Hic per pontem Londoniæ eo ferè tempore pergens, infortunio quodam subito percussus est ex casu equi qui manticam suam ferebat. Idem etenim equus minùs cautè per pontem hinc inde diruptum à famulo tractus in fluvium cecidit, ubi major vis undarum & aquæ profunditas extitit. Licet igitur nominatus frater, cujus hæc omnia erant, dampno animalis & rerum quæ in manticâ servabantur, contristatam aliquatenus mentem haberet; tamen quasi eorum omnium immemor, pro uno de libris beatæ memoriæ patris Anselmi, qui inter alia inibi habebatur intrusus, valde erat sollicitus. Pergebat igitur per pontem, quomodo poterat, pro libri custodiâ & restitutione ob merita illius qui cum fecerat Dominum orans; & equus in profunditate tumidi fluctûs tendebat ad ripam forti conamine natans. Quid dicam? Utrique emenso itinere, iste pontis, ille fluminis, altrinsecus sese consecuti sunt. Mox depositâ manticâ & referatâ, ut qua plena timebatur aqua excuteretur; reperiuntur omnia quæ intuserant præter unam solam lineam vestem ita ab humore vacua, quasi eadem mantica nunquam tincta fuisset in aquâ. Reversus ad Episcopum, rem gestam me præsentem retulit; & in laudem dei audientium ora resolvit.

Hinc fini præsens opusculum subdam; dum omnes id legere vel audire dignantes prius brevi commoneam; quatinus nullâ incredulitate ex iis quæ descripta sunt mentem vulnerent. Talibus enim in eis scribendis auctoribus usus sum; in quorum relatione omnem falsitatis suspicionem procul abesse dubius non sum. Siquidem plurima, quæ primi libri series continet, ex verbis ejusdem patris Anselmi collegi. Solebat enim nonnunquam, ut homo jocunditate præstantissimus, inter alia dicta sua quasi ludens, quid puer, quid juvenis, quid ante susceptum Monachi habitum, quid in ipso habitu positus, quid Prior, quid Abbas egerit; simplici sermone referre: autumans audientes eadem qua ferebantur intentione & perfunctoriè illa suscipere. Ea verò quæ inter Miracula in ipso libello computantur, quædam à Baldwino, quædam à Bosone, quædam à Riculfo Monachis Beccensibus, quorum me Edmerum Monachum Ecclesiæ Salvatoris Cantuariæ inibi meminisse recordor, accepi: quibus, sicut ipsi narrabant, aut interfuere, aut in seipsis ea experti fuere, aut ab illis qui testati sunt se dum fierent præsentem fuisse, accepere. Quæ autem libro secundo notantur, penè omnia aut propriis oculis intuitus sum, aut auditu aurium sensi, aut alio aliquo modo, utpote qui ejus præsentiam jugiter ex quo Pontificatu functus est potitus sum, per memetipsum Edmerum addicere merui. Falsâ vero scienter aliquem in sacris historiis scribere nephastas esse pronuntio. Nam quociens ea vel leguntur vel audiuntur, anima scriptoris occiditur; eò quòd omnibus per ea quæ falsò scripsit infando ore mentitur.

CAP. LXVIII. \* Præterea cum operi manum primò imposuissem; & quæ in cerâ dictaveram, pergamenæ magnâ ex parte tradidissem; quodam die ipse pater Anselmus secretius me convenit, sciscitans quid dictarem, quid scriptitarem. Cui cum rem magis silentio tegere quàm deregere maluissem; præcepit quatinus aut cœpto desistens aliis intenderem, aut quæ scribebam sibi

\* Habetur in margine alterius Codicis | testimonium perlâbuit. Ex præcepto Radulphi  
isthæc nota: Edmerus qui hunc librum secundum composuit, hinc finem ponit. Qui vidit, Pontificis perfecit.

ostenderem.

ostenderem. Ego autem qui jam in nonnullis quæ scripseram, ejus ope fretus & emendatione fueram roboratus, libens parui, sperans eum insitâ sibi benevolentia quæ corrigenda correcturum, quæ aliter se habebant singula loco sibi competenti ordinaturum. Nec aut spes aut opinio mea fefellit me. Siquidem in ipso opusculo nonnulla correxit, nonnulla subvertit, quædam mutavit, quædam probavit. Unde cum nonnihil corde lætarer, & quod edideram tantâ ac tali auctoritate suffultum fortè plus æquo penes me ipsum Edmerum gloriarer; Post paucos correcti operis dies vocato mihi ad se Pontifex ipse præcepit; quatinus quaterniones, in quibus ipsum opus conjeceram, penitus destruerem: indignum profectò sese judicans, cujus laudem secutura posteritas ex literarum monumentis precii cujusvis haberet. Quod nimirum agrè tuli. Non audens tamen ipsi præcepto funditus inobediens esse; nec opus quod multo labore compegeram, volens omnino perditum ire; notatis verbis ejus quaterniones ipsos destruxi, iis quibus scripti erant aliis quaternionibus primò inscriptis. Quod tamen factum meum inobedientiæ peccato fortè non caret. Aliter enim implevi præceptum ejus, ac illum intellexisse sciebam. Quapropter ab omnibus, in quorum manus fortè ista ceciderint, siquidem illic quicquam, quod non omnino quantum ad fatuitatem narrationis displiceat, repperint, petiitum iri summopere postulo; quatinus pro hoc & pro aliis peccatis meis dignentur intercedere; ne moles eorum me tantum depri-  
mat; ut ad illum, cujus vitam & actus qualicumque stilo digessi, pertingere posse non sinat. Nec enim animo elabi potest, qualiter mihi responderit, cum quadam vice illum rogarem, ut sicut in imis me consortem laboris habuerat, ita & in superis participem suæ retributionis efficeret. Ait nempe id se quidem libenter ac latè facturum: providerem solummodo, ne in hoc me nimii ponderis facerem. In quo si peccatorum meorum pondus justis iudicibus æquitas pietate remotâ appenderit; profectò anima mea non sursum sed in profundum abyssi præcepta ibit. Unde quemadmodum Ego Edmerus cœpi, adhuc quibus possum precibus insisto; quatinus quam sibi impendi desiderant, mihi secum à Deo levamen & veniam delictorum obtineant: ne nimis me peccatis oneratum quò pollicitus est pius Pater sollevare non valeat. Quod suâ clementiâ procul avertat; qui super omnia Deus vivit, dominatur & regnat: Amen.



# V I T A B. BREGWINI

ARCHIEPISCOPI CANTUARIENSIS,

AUTHORE

EADMERO.

Incipit Vita Beati BREGWINI Cantuariensis Archiepiscopi & Confessoris.

**E**Xordium propositi mei atque procursum, quo de Beato Bregwino Pontifice Cantuariorum scribere à quibusdam familiaribus meis rogatus institui, gratiâ commendo Spiritûs Sancti, orans ut suæ largitatis abundantia quæ sunt dicenda revelet, & ad ea promenda cor meum & linguam juxta placitum suæ voluntatis clementer aperiat. Fuit autem ipse Beatus in matris utero à Deo electus, eandem electionem ante omnia sæcula in dispositione prædestinationis Dei foeliciter nactus. Parentes ejus ex gente Saxonum, nobili ut fertur prosapia orti, hoc meruerunt, ut talem eis filium Creator omnium daret; quem probitate morum, quem peritiâ disciplinæ cœlestium dogmatum & summum in Ecclesiasticis dignitatibus gradum & perennis gloriæ regnum dignè debere adipisci comprobatur. Hæc inter opera Dei regnabat in Cantia vir strenuus & nobilis Wihfredus nomine, sacratissimâ in Deum religione imbutus, servos Dei in Deo & Deum in servis suis præ se magni semper habens. Suo tempore pater prædicandæ memoriæ Birhtwaldus in Patriarchatum primæ Metropolis Anglorum beato Theodoro successerat, & eum dignè Deo in omnibus administrabat. Hujus instinctu & exhortatione \* præfatus Rex in generali Concilio cunctas Regni sui Ecclesias ab omni dominatione & exactione Regum sive cujuslibet terrenæ potestatis liberas in perpetuum esse constituit.

His diebus [ille] de quo scribere proposuimus in Saxoniam natus est, & à parentibus Bregwinus cognominatus, sacro dehinc fonte in Christianâ fide regeneratus; & infantiles annos egressus cœpit puer bonæ indolis esse, modestiâ morum sanctæ spei fiduciam suis de se exhibere. Hinc litteris traditur, & in scholâ Dominicâ nutritur. Augentur in eo de die in diem studia sacri profectus; & fit pro tenore suæ ætatis in litterali scientiâ non multo post temporis intervallo

\* Factum 18 anno 694. in | extant in Concil. Angl. Tom. 1.  
Concilio Herefordiæ, cujus Acta | p. 189.

perfectus. Florebat etiam adhuc quaque per Angliam exercitia ac studia literarum; quæ ex Beati Theodori Pontificis Cantuariorum ejusque discipulorum traditione totam terram magnifice irrigabant. Religio nihilominus Christiana, quam ex prædicatione gloriosi ac Deo digni Patris Augustini Cantia susceperat, quammaximè in ea vigeat; utpote sanctissimis ac strenuissimis successoribus ejus, quos Roma direxerat quique illi in Patriarchatum Cantuariensem usque ad præfatum Birhtualdum successerant, ne in aliquo vacillaret vigilantibus sollicitudine insistentibus. Siquidem ab ingressu Patris Augustini in Angliam eo usque Insula ipsa non tantum patuit Barbarorum irruptioni, quantum eam postmodum patuisse accepimus, & quidem justè. Noviter enim susceptum Christianitatis jugum majori diligentia à multis portabatur; & eadem de re Dominus Christus sibi adherentes propensiori clementia tuebatur. Unde bonus odor & in exterarum regiones emanans plures nativo solo relicto in Angliam egit. Inter quos Bregwinus Jesu Christi gratia fultus eò veniens, mox statione potitus cunctis carus est & civis patriæ factus.

Deinde livore carens, docet alios quæ sciebat, discit ab aliis quæ ignorabat. Igitur sicut ætate & scientia, ita inspirante Dei providentia sic in Sanctis moribus proficiebat & cœlesti sapientia. Quia ergo scriptum legerat: *Qui addit scientiam, addit & laborem*:<sup>a Ecclesi. 1. 13.</sup> Eo magis videbat sibi in hac vitâ laborandum, ne inter innumeros Diaboli laqueos gradiens illis aliquatenus ab æternâ vitâ impediretur; quo majori scientia præditus intelligebat quo graderetur, si nullis eorum impedimentis irretitus in viâ rectitudinis detineretur. Ulus itaque salubri consilio, sprexit mundum & oblectamenta mundi omnia, sequi cupiens eorum exempla, qui secuti Dominum reliquerunt se & omnia sua. Itaque sæcularem vitam vitâ Monachali commutans, habitu sæculari abjecto Monachorum sese collegio nihil habentium sociavit. Factus ergo Monachus ejus exterior homo, cuncta quæ veri Monachi sunt, virtutum scilicet ornamenta, amplexus est interior homo. Et hæc singula in suâ adolescentia sibi ascivit; sciens se juxta vocem Divini eloquii etiam cum senesceret, ab eis non recessurum. Nec fecit. Igitur cœleste propositum, quod ex dono gratiæ Dei susceperat, in servitio Domini perseverans eidem gratiæ conservandum jugiter commendabat.

Illis diebus Antistes Birhtualdus vitæ præsentis sublatus, vitæ perenni illatus est. Locum autem quem mundo discedens vacuum reliquit, eodem anno Tatwinus quidam Presbyterii gradu sullimis, vir eximie religionis & quod præcipuum est Monachi professione & habitu insignis, ex totius Ecclesiæ sacratissima electione Archiepiscopus factus supplevit. Hic est ille Tatwinus, quem venerabilis Beda in Historiâ suâ, id est, gentis Anglorum quam edidit, ultimum Pontificem Cantuariorum ponit; suoque tempore tam ipsi Historiæ quam suæ vitæ modum posuit. Sanè præfatus Christianissimus Rex Wihtrædus ante hæc nonnullis annis diem supremum sortitus, Eadberto habenas Regni reliquit. Cujus Regni anno undecimo\* Tatwinus Archiepiscopus beato fine quievit, quarto videlicet anno quo Archiepiscopatum totius Angliæ gubernandum susceperat. Quem Nothelmus subsequutus, quinque annis Christi Ecclesiam nobiliter rexit. Itaque post hæc, † anno scilicet Incarnationis Dominicæ septingentesimo quadragesimo secundo, electus est Cuthbertus in sedem Pontificum prænominatorum: Homo ex illustri prosapia gentis Anglo-

\* Tatwinus thronum ascendit anno 731. medio: excessit post medium annum 734. Wihtrædus obiit anno 725. juxta Chronologiam Saxoniam. Tatwinus igitur an-

no decimo Eadberti vitam finivit.

† De Cuthberti successione vide Dissertationem de verâ successione Archiepiscopi Cantuariensis.



rum clarâ progenie ortus, & ipse totus ex virtutibus factus. Is inter alia bona, quibus totum vitæ suæ tempus coram Deo & hominibus clarificabat, fecit Ecclesiam in Orientali parte majoris Ecclesiæ eidem penè contiguam; eamque in honorem beati Johannis Baptistæ solenniter dedicavit. Hanc Ecclesiam eo respectu fabricavit; ut baptisteria & examinationes judiciorum pro diversis causis constitutorum, quæ ad correctionem sceleratorum in Ecclesiâ Dei fieri solent, inibi celebrarentur, & Archiepiscoporum corpora in eâ sepelirentur: sublata de medio antiquâ consuetudine, qua eatenus tumulari solebant extra civitatem in Ecclesiâ Beatorum Apostolorum Petri & Pauli, ubi posita sunt corpora omnium antecessorum suorum. Hic decurso vitæ præsentis articulo appositus est ad patres suos quinto decimo Præsulatus sui anno, & in præfatâ Ecclesiâ Beati Johannis decenter sepultus.

Quærebatur ergo summo studio ab Ecclesiâ Dei, qui non inferior vitâ ac sanctitate morum, posset in locum defuncti subrogari. Tenebat eâ tempestate jus Regni in Cantia Æthelberhtus supra memorati Regis Wighthredi [filius,] Eadberto qui ei successerat jam olim defuncto. Qui Æthelberhtus Beatum Bregwinum ex sullimitate sancti propositi morumque illius gravitate notissimum habens, contulit cum iis quos in electione pastoris universorum tenor præcipue respiciebat; suadens ut in commune viri industriam, sanctæ conversationis normam, cæpti propositi perseverantiam considerantes, præpositâ voluntate Dei ecclesiasticam electionem in eo confirmarent, si in regimine omnium Ecclesiarum totius Britannia eum idoneum concordii assensu judicarent. Proponitur itaque viri à pueritiâ Deo digna conversatio, mansuetudo ad omnes, humilitas in omnibus, vitæ gravitas, & in his singulis & simul in omnibus continua cum discretione fortitudo. Refertur in populum; consentiunt omnes in unum, talem videlicet Domini servum dignissimum fore tantæ Ecclesiæ sacerdotem. Quid plura? Rapitur, & licet multum obnitens, grandæviam quoque suam quibus poterat conatibus objiciens, Patriarchatu Cantuariensi investitur. Deus in promotione ipsius sulli ni totius Cleri confluentis voce corporis ac jubilo cordis collaudatur. Dein Cantuariæ III. Kalendas Octobris, summo cum honore \* sacratus, cathedram Pontificalem ad regendum Ecclesiam Dei exultantibus cunctis ascendit.

Speculum igitur omnibus à Deo constitutus, ita in sanctis operibus clarus effulsit; ut qui lucis semitam volebant incedere, in ejus vitâ quæ graderentur satis possent apertè videre. Si de Miraculorum exhibitione, quæ sanctitatem demonstrare magis solent quàm generare, quis inquirat; dico quod sentio, Equidem utrum aliquod hujusmodi fecerit necne, ad notitiam meam fateor non huc usque pervenisse. Quod si fecerit, ea aut scriptorum inopia aut veritas vel certè casuum diversorum aliquis eventus à nostrâ scientiâ tulit. Illa tamen, quæ post obitum ejus certâ relatione cognovimus facta ad sacrum corpus ejus, luce clariùs innuunt, quid in corpore degens facere posset, si eum ratio aut necessitas ad talia exercenda perduxisset. Sed illa tempora fide Christi quaque fundatâ non egebant signis miraculorum; quæ, ut Beatus Gregorius ait, infidelium sunt potius quàm fidelium. Et vanè miraculum foris ostenderetur; si deesset quod intus operaretur. Ac ut mihi quidem ratio suadet, ratum esse videtur majus esse auctorem omnium miraculorum per munditiam carnis & spiritûs in se quemque continue habere, quàm miracula, quæ & re-

\* Eodem die anni 759. Bregwinum consecratum esse fidem facit Chronologia Saxonica: & annum quidem rectè positum opinor. Dies autem isto anno in Domini-

cam non incidit. Illa igitur ætate non solum Dominicis sed etiam in Sanctorum Festis Consecrationes celebratæ fuisse videntur.

probris veritas dicit esse communia pro libitu hominum & admiratione exhibere. Pax quoque diebus sui Pontificatus in toto Regno vigeat; nec incurfus hostiles aliquis metuebat. Lunc ergo in Dei pace quæque consistebant, Deus pacis in omnibus & per omnia omnibus erat. Beatus & felix Pater in istis cum in populo verbum vitæ prædicaret, mansueto animo ac modesto audiebatur; & quæ fieri in exhortationibus suis præcipiebat, placido effectum prosequerentur. Ut fides vera aut succresceret, aut vacillans robur statumve reciperet; sola vox Patris vallata incremento quod tribuit Dominus sufficiebat; nec ad eam probandam miraculum aliquod quis exigebat. Sed hæc bona non multo tempore permanerunt. Sublato namque in brevi de hac vitæ beato viro, cujus meritis ea provenerunt, evolutis pauculis annis & ipsa sublata sunt.

Tribus siquidem annis vixit in Pontificatu, Deo per omnia plenus, & universis virtutibus indeficienti constantiâ præditus. Anno autem Patriarchatus ejus secundo \* Æthelberthus Rex, filius ut diximus strenuissimi Regis Wihredi, diem ultimum clausit. Anno verò post hunc fuit validissima hyems, nimia frigoris acerbitate cuncta constringens, animalia diversi generis & nivium densitate & immani brumæ asperitate extinguens. Verum cum juxta verba veri Salomonis in Cantico Canticorum loquentis <sup>b</sup> hiems transisset, imber abisset & recessisset; flores Domini apparuerunt. Unde & vinea Domini Sabaoth suavissimi odoris florem emittens, ad vocem turturis ac sponsi dicentis: <sup>c</sup> Surge propera amica mea, veni de Libano, veni, coronaberis: Anima felicissimi patris dulcis amica summi patris surrexit, hoc est coronanda ab sponso suo Jesu Christo; sæculum corpusque reliquit, ac Angelorum adminiculo fulta, ubi ipsum Deum Deorum in Syon æternaliter cerneret, gaudens hilarisque conscendit. Sepultus sanè est in præfatâ Ecclesiâ Beati Baptistæ Johannis prope corpus Reverendi Pontificis Cuthberti, ipsius Ecclesiæ ut diximus fundatoris ac sui dignissimi prædecessoris. Post hunc assumptus est in Pontificatum relictæ Ecclesiæ Jambertus pater & Abbas vicinæ ac prænominatæ Abbatie gloriosorum Apostolorum Petri & Pauli.

<sup>b</sup> Cant. II. 11.

<sup>c</sup> Cant. IV. 8.

Hinc evolutis pauculis annis Dani gens effera perdiscentes Angliam in omni penè genere hominum à pristino statu exorbitare, & divitiis ac voluptatibus magis solito operam dare, cœperunt quasi pedetemptim probare, tribus navibus illuc primo directis, quàm efficere possent si plures mitterent, plures venirent. Quas cum prosperè in nonnullis egisse audirent; animati sunt, & classe paratâ Angliam non semel aut bis, sed sæpenumero veniendi usum acceperunt. Quodam itaque tempore, &c. *Sequuntur Miracula plura, quorum Epitomen abbreviatis Eadmeri verbis dedit Vita Bregwini Osberno male ascripta supra, pag. 76.* Plura feruntur in hunc modum de beato viro; quæ omnia scribere nimii ponderis esset. Ad alia ergo tendentes, hunc istis ponimus modum.

Transferunt plures anni; & corpus ejus sub veneratione multorum loco mansit immotum. Nonnulli quoque successorum ejus huic vitæ decedentes, locum sepulturæ in ipsâ Basilicâ acceperunt. Post hæc multis malis quaque per Angliam crebrescentibus, contigit civitatem Cantuariam ex incuriâ quorundam sua minùs cautè curantium igne succendi & crescentibus flammis in matrem Ecclesiam inibi consistentem incendium ferri. Quid dicam? Combusta est tota cum officinis Monachorum ibi degentium penè omnibus, si-

\* Æthelbertum Regem anno 760. o- | & hiemem asperrimam anni sequentis me-  
buisse prodit Chronologia Saxonica; quæ | morat.



mul & Ecclesiâ Beati Johannis Baptistæ, ubi ut prædictum est Archiepiscoporum reliquiæ jacebant humatæ. In qua conflagratione quæ vel quanta dama locus ipse perpeffus sit, nullus hominum edicere potest. Ut tamen quædam inde tangamus; quicquid in auro, in argento, in diversis aliarum specierum ornamentis, in divinis ac sæcularibus libris preciosius habebat, ferè totum vorans lingua ignis absorbit. De his tamen quia fuerunt recuperabilia, minus est fortasse dolendum. At dolor immanis & nullo fine claudendus hucusque eandem Ecclesiam premit; quum privilegia Romanorum Pontificum, privilegia Regum & Principum Regni ipsi Ecclesiæ studiosè sigillata & collata, quibus se & sua perenni jure munire deberet atque tueri, ex integro redacta in nihilum deperierunt. Si qua autem sunt ex illis recuperata, diversis in locis, ubi contra scripta fuerunt, reperta sunt & accepta; bullis atque sigillis, quæ alia fieri nequibant, cum Ecclesiâ in qua servabantur igne consumptis. Ex quo robur & fortitudo hostibusejus usque in præsens contra æquum increvit; & multa mala, oppressiones & scandala insurgentium filiorum super eam audacia struxit. Sed hæc notissima omnibus vanè quasi aliorum notitiæ scribendo significamus. Quapropter istis omissis dicamus, quod post istud gemendum incendium corpora Pontificum supra memoratorum suis loculis immota quiescebant; donec ille virorum strenuissimus & cum omni honore nominandus Lanfrancus videlicet Cadomensis Coenobii Abbas Archiepiscopatu Cantuariensi functus est. Is quippe omnia quæ combusti Monasterii repperit vel ædificia vel ædificiorum detrita monumenta terræ cœquans, & quæ sub terrâ erant fundamenta effodiens, cuncta nova extruxit, & præfatos Antistites levare ac in tuto locari constituit; donec ea quam cœperat Ecclesia facta esset, in qua decenter poni valerent. Et ita factum est. Post aliquot annos in Ecclesiam jam fundatam illati sunt, & in aquilonali parte super voltum singuli sub singulis ligneis locellis, ubi quotidie mysterium Sacrificii salutaris celebratur, positi sunt. His ita dispositis, fortè die quadam unus ex fratribus Ecclesiæ in scamno sedens coram sepulchro Beati Bregwini, &c. *Sequuntur Miracula bina, de quibus vide sis Epitomen Osberno falso inscriptam supra, p. 77.* Et quidem ut multi affirmant, hunc inter se morem Saxones præstantius habent; ut majores suos dignius honorent & irreverentiæ subditorum non partant, ne insolescant. Morem igitur suæ gentis & mundo exemptus filiis suis studuit bonus pater exhibere; ut eos moneret quâ reverentiâ se debeant erga majores suos habere.

Inter hujusmodi facta sanctissimi viri venit Cantuariam quidam Monachus de terrâ Teutonici Imperatoris Lambertus nomine, notus Regina quam Rex Henricus defuncta primâ conjugē suâ uxorem de Saxoniâ duxerat. Hic Lambertus per multum temporis Cantuariæ rogatu Regina cum fratribus conversatus est; & penè quasi Monachus loci ob omnibus habitus. Unde familiaritate quoque potitus, cœpit frequentare locum in quo Pontificum reliquiæ quiescebant, illic orare, illic Missas celebrare, illic familiariter conversari. Interrogabat hunc & illum, quis ille esset vel ille, quoque nomine vocaretur qui illo vel illo loculo clauderetur. Ubi autem de Beato Bregwino audivit, succensus est desiderio habendi illum & in terram suam transferendi; recordatus fortassis antiquæ bonitatis famæ, quam in patriâ suâ de illo didicerat. Verum dum impossibile sibi videret clam vel palam desiderii sui per se effectu potiri; suggessit Archiepiscopo qui tunc erat & graviter morbo paralytis premebatur, nomine Radulfo; ut ossa memorati patris sibi concederet, asserens ei locum construendi Monasterii à primoribus gentis suæ concessum, quod sub patrocinio patris Bregwini construere & omnimodis servitio Dei accommodum ipse & sui proposuerant ordinare. Quid multa? Acquiescit Pontifex: Nec enim noverat quo de agebatur; & ideo facili assensu ad preces petentis permovebatur.

movebatur. Res fertur in audientiam Monachorum; & quidam, ut concessio Pontificis perficeretur, plenissime laudant; quidam e contra modis omnibus negant. Post dies defungitur Archiepiscopus. Itaque plures eorum qui eo vivente laudaverunt fieri quod roganti concesserat fratri, versâ vice contradicentibus acquieverunt; & uno animo pariter institerunt, ne suo pastore Ecclesia, quâ vivens in carne pio diligebat affectu, destitueretur. Ne tamen concessio Antistitis videretur usquequaque contemni; ex communi consensu deliberatum est, in quo & Archiepiscopum consensisse nonnulli attestati sunt, ut scilicet os unum, brachium videlicet sinistrum, sacri corporis fratri conferretur. Quod ipse parum æstimans, & iis quæ sibi promissa dicebat frustrari non sustinens, suspicatus est se per Reginam, posse apud Regem efficere, quatinus ipse regiâ potestate vi à Monachis extorqueret, ut sibi concederent quod quærebat. Super negotio igitur Regina locuturus, & eam cum Rege in parco Wudestochico commorantem aditurus, Londoniam venit; ibique validâ infirmitate correptus, progredi ultra nequivit. Languore in dies crescente, ipse Cantuariam reportatus est; ubi parvo tempore vivens defungitur, & inter mortuos fratres sepelitur. Hinc nocte sequenti astitit vir quidam staturâ mediocris, personâ insignis, habitu Monachus, facie ignotus, cuidam Fratri de congregatione per visum, homini bene religioso Deumque timenti, dicens illi: Scisne quam ob causam Lambertus ille Saxo sic inopinâ morte raptus sit? Cui cum se nescire responderet. Scias, inquit, quia eo quod corpus Bregwini de suâ sede auferre sibi conatus est vindicare. Nec enim talis meriti fuit in oculis Dei, ut tanti Pontificis præsentiam vel possessione debuerit jure potiri.

De his ita considerans ergo provida sollicitudo servorum Dei, & ex iis quæ frater ille facere molitur considerando perpendens in futuro tempore aliquid huic simile à supervenientibus externis hominibus posse moliri, ne faciliorem effectum sortirentur, reliquias ipsius Patris à præfato loco cum reliquiis Beati Plegemundi Archiepiscopi in australem Ecclesiæ partem transtulit, & post Altare Beati Gregorii Papæ decentissime tumulavit. Quidam autem ex Monachis Willelmus nomine ex consensu aliorum horum omnium se præ cæteris medium fecit; & ejus industriâ ac provisione ferme omnia quæ in ipsâ reliquiarum transpositione vel Sepulchrorum compositione impensâ fuerunt procurata sunt. Is in unâ post hæc solennitate servitio Ecclesiæ toto conamine sese dedit, & ultra vires in cantando vocem edens, ruptus est in interioribus; moxque in vomitu sanguinis aliisque gravibus molestiis vehementer afflictus. Quid igitur ageret, ignorabat. Noverat enim jam in ipsâ Ecclesiâ hoc nonnullis & eâdem causâ contigisse; quorum alios morte multatos, alios multis annis multo languore vexatos, omni ambiguitate semotâ sciebat. Venit autem ei in mentem, quid servitii, quid sollicitudinis, quid honoris nuperrimè impenderit duobus Pontificibus istis Bregwino & Plegemundo. Itaque corde contrito, spiritu humiliato, pertusus lachrimis genas, orat eos sibi misereri; quatinus impetratâ sibi à Christo Jesu pristinâ corporis sanitate intelligat, quid de illis ipsi & aliis amodo sit sentiendum, quave fiduciâ pro æternâ suâ salute eos appellare possit ad interveniendum. Mira Dei bonitas, potentia mira. Mox sicut ipse refert, se omni sensit languore curatum; nec novi doloris aut incommoditatis ullam ulterius molestiam passum.

Hæc



Hæc de Beato Bregwino minùs sapiens edidi, quæ à majoribus & veridicis viris didici. Et hi quidem alia se expertos in se fuisse tradunt, alia vel ab illis qui præsentibus fuerunt vel à præsentibus acceperunt, seque referunt accepisse, constanti allegatione commemorant. Ne ergo animos amicorum meorum me ad hoc opus incitantium offenderem, cessi voluntati eorum. Quod itaque scripsi, eis scripsi: videant ipsi. Si in aliquo bene processu, gratias Deo: Si aliter in aliquo, intentius orent obsecro pro scelere meo. Memoria transitûs Beatissimi viri VII. Kalendas Septembris recolitur; ut illic nomen Domini qui illum honoravit expeditius magnificetur. Sit igitur ipse qui vivit, dominatur & regnat per omnia, benedictus in sæcula sæculorum & ultra. Amen.

Explicit Vita Beati Bregwini Cantuariensis Archiepiscopi & Confessoris.

---

VITA

# V I T A S. O S W A L D I

EPISCOPI WIGORNIENSIS

ET

ARCHIEPISCOPI EBORACENSIS,

AUTHORE

## E A D M E R O.

Incipit Vita Sancti O S W A L D I Eboracensis Archi-  
episcopi & Confessoris

**S**ecundum propositum gratiæ Dei venerandus Eboracensis II. Kal.  
Antistes Oswaldus ante sæcula à Deo electus, ingenuita- Martii.  
tem generis sui, quo nobiliter editus in hujus mundi lu-  
cem processit, ingenuis moribus initiatus, viam vitæ præsentis in-  
cessit. Cujus quidem gesta vario \* diversorum stilo digesta, quo mul-  
tipliciora eo animis ad multa divisim videntur ad legendum onerosiora. Un-  
de iis qui, sicut veraciter creditur, illum in hac vitâ præ cæteris sincerius dili-  
gunt, placuit tam prece quam præcepto me ad hoc commovere; ut quæ mul-  
tipliciter de eo scripta sunt, compendioso ac novo narrandi stilo expediam. In  
quo fateor non parum expavesco; fatuitate quippe ingenioli mei penès meip-  
sum consideratâ, vereor ne petentibus satisfacere in ipso opere nequeam;  
quia scio quod hunc quem præcipue amant latissimâ exponi oratione deside-  
rant. Non parere autem voluntati illorum nefas judico; cum ne sibi ami-  
cissimis scilicet meis me nolle gerere morem, tum ne læsâ conscientiam suam  
erga Sanctum Dei nullum habere opinentur amorem. His angustiis sepius  
elegi potius rusticano eloquio amicorum meorum voto concurrere, quam ur-  
bano silentio eos contemnendo per inobedientiæ culpam offendere. Scriptu-  
rus itaque pro injuncto officio vitam tanti viri, quæ illi jugiter affuit, gratiam  
invoco Spiritus Sancti; quatinus ea quæ per illum ad laudem sui nominis  
operari dignatus est, illius meritis concedere mihi dignetur inoffensis Eccle-  
siæ suæ auribus qualicunque verborum indagine explicare.

\* Oswaldi res gestas stilo an- | cardus: de quibus consule Præfa-  
tea mandaverant Elfricus & Fol- | tionem.



Exordium ergo nativitatis gloriosus Oswaldus nobilissimâ progenie natus eleganti formâ enituit. Qui ubi infantiles annos diligenti curâ nutritus excessit, puer factus pueriles ineptias devitare, ac ut ætas illa advertere poterat, ad sanctitatis opera semetipsum cœpit informare. Proposuit enim in conspectu cernentis secreta pectoris sui se almæ cognationis suæ nullatenus fieri velle degenerem; sed quos propinquos sortitus fuerat in genere carnis, hos sequeretur passibus virtutis, instructus fide cæterisque cœlestibus armis. Bonus siquidem & unus de præcipuis patribus Anglorum Odo nomine frater erat patris ejus, vir præstans religione, discretionem sublimis, moribus gravis, justitiæ cultor, magnus consilio, qui & in omni actione suâ circumspectus, auctoritate præminebat; de cujus actibus quæ nobis quidam antiquiores pleno relatu describere, pauca \* tangere non incongruum rati sumus; ut inde probetur quàm imitabili, quàm spectabili profapiâ puer Dei Oswaldus originem duxerit.

Hic, ut fertur, Æthelstano victoriosissimo Regi Anglorum valde carus erat & acceptus; ac pro illius prædicabili sanctitate Rex idem illum secum habere ejusque consiliis magnopere inniti solebat. Qui Rex Deum diligens, æquitatis legibus serviens, regnum strenuè gubernabat. Is immenso Paganorum exercitui quodam tempore armatus occurrens, memoratum Odonem, cujus meritis se quam maxime credebat hostem victurum, in aciem duxit. Et commisso prælio Odo eminus à pugna stans lumina ac manus in cœlum tendit, pro Rege & suis Dominum intensius orans. Pugnam hinc de atrocissimè, & dies ferme totus in certamine absumptus. Tandem jam sole in occasum vergente, fors lachrimabilis accidit: juxta caput eum confectus est regis ensis. Quid faceret? Ut se armaret nullum de suis exarmare volebat. Quid tunc? Hostes qui jam vertere terga cœperunt, videntes Regem fracto ense factum quasi inermem, animati & in pugnam acrius reversi sunt. Infonuit clamor, Odonem citius advolare perurgens. Adest; ut opem suam prece negotio ferat, Rex ipse horatur & obsecrat. At ille: Ope quam desideras, uti solummodo velis, præsto est. Quid igitur agis? Ut quid eo qui in latere tuo pendet gladio parcis? Cur eum ab interitu hostium arces? Quid formidas? Nil dubitans arripe illum; & ecce manus Domini erit tecum. Nec prius Solis contingeret occubitus, quàm obsistentes adversarios tuos fuga involvat aut interitus. Dixit; & Rex ad ejus verba attonitus, ilico versâ dextrâ ad vaginam extraxit gladium fulgidum, fortem & insignem. In quo cunctos occurrentes deterrens, cadens seu prosternens, ad verbum servi Dei juxta factus est & Solis occubitus & Regis triumphus. Ipse Odo, quoniam Ecclesiæ Cantuariensi officio summi Pontificis loco & dignitate præsidebat, jura Christianitatis per totum Regnum ut patriæ pater prudentissimè administrabat. In quibus diebus Edwius, qui quartus à præfato Æthelstano Regi Anglorum sceptrâ tenebat, voluptatum amator magis quàm Dei, luxuriæ quàm sobrietatis, libidinum quàm castitatis, Regiam dignitatem obscœnis operibus dehonestabat; ac viros virtutum parvipendens, contra æquum exasperabat. Unde Beatus Dunstanus tunc temporis Abbas Glastoniensis, eo quod ad suggestionem & imperium sæpe fatis Odonis ipsum Regem illicitis amplexibus violenter abstraxit, è patriâ pulsus est; & demum innumera per Angliam mala ab eodem Rege patrata. Contra quem Odo armaturâ Spiritus Sancti præcinctus exurgens, iniquitatum illius publicus hostis effectus est; nec destitit, donec sopitis incestibus Regnum ab infandæ mulieris infamiâ, cui

\* Nondum sc. Odonis Vitam Eadmerus | eadem fusiùs postea narravit in Odonis Vi-  
conscripterat. Hoc loco Vitam illius ab | ra, quæ Osberno malè inscripta supra col-  
Osberno scriptam innuere videtur: atque | locatur.

Rex idem omisâ conjuge suâ sæpius commiscebatur, expurgaret. Eam siquidem suorum militum manu vallatus, à regali curiâ in qua mansitabat vi abduxit, abductam perpetuo exilio in Hiberniâ condemnavit. Erat quippe vir viribus puræ æquitatis per omnia fultus, nec alicui iniquitatis ministro favens, voluntati Dei in cunctis obsequi satagebat. Quapropter & Deus ei suâ misericordiâ semper aderat, ac voluntati illius aures suas inclinabat. Verbi gratiâ parietes Ecclesiæ Christi Dorobernensis suæ videlicet Sedis in altiore[m] quam erat statum sublato tecto ipse pater construere volens, ac velle suum factò adimplens, Oravit Dominum; ut quamdiu ipsa Dei domus integritate sui careret, pluvia quæ populum à servitio Dei arceret infra ambitum illius non descenderet. Quod & factum est. Videres etenim totam civitatem sæpe grandi pluvîâ circumcingi, & ipsum templum ejusdem pluvie inundatione nec contingi. Item idem Pater dum quadam vice sacrum mysterium altari præfens administraret; corpus Dominicum inter manus ejus cruentum & sanguinem distillans in calicem apparuit. Ex quo intuentium mentibus nimio pavore percussis, mox ad preces Pontificis in consuetam sui formam restitutum est. Feruntur & alia de eodem viro miranda facta; quæ nos silentio præterimus, ne putemur obliti operis quod incoepimus.

Hujus igitur patris nepos puer Dei Oswaldus existens, à parentibus suis ejus doctrinis imbuendus, ejus exemplis instituendus ei commendatus est. Qui ex conversatione tanti viri sese sælicem fore pronuncians; nec miraculorum, quæ nonnunquam assunt malis, sed virtutum ejus, sine quibus nemo fit bonus, imitator esse curabat. Unde & ab omnibus diligebatur, non solum quia tantâ carnis propinquitate illi copulabatur, sed etiam quia versùs omnes id egerant merita ejus ut à cunctis amaretur. Traditur litteris; & cujusdam viri \* Frithegodi nomine, qui in divinis ac sæcularibus disciplinis quosque sui temporis sapientes præcellere putabatur, magisterio functus, studiosius discit, & in brevi plurimum proficit. Spiritus namque sapientiæ & intellectûs super eo quiescebat, inspirans ei gratiam suam & cor intelligens ad singula discenda quæ audiebat. Sæcularium ergo librorum scientiâ ad plenum imbutus, divinarum paginis litterarum, sedulâ intentione animum tradit. Ex quibus sancto caritatis igne in Deum proximumque succensus, in contemptum mundi totus erigitur; & qualiter servitio Dei mereretur omni modo ascisci singulis horis meditatur.

Inter hæc † Wintoniam à patruo suo supra memorato scilicet glorioso Odone dirigitur; quatinus ibi degens, si quam fortè in Canonicis viam vitæ imitandæ reperiret, disceret & imitaretur. Quid amplius? Fit Canonicus inter Canonicos ipsos; si quæritur qualis inter quales, regularis inter irregulares. Ipse etenim quæ institutio vitæ Canonicorum docet & præcipit indefessus exequatur: Illi spretâ institutione ordinis sui juxta cordium suorum desideria gradiebantur. Unde admirandus cunctis effectus ob plenitudinem gratiæ Dei, quæ in moribus ejus enitebat, Decanus factus adolescens præponitur senibus; quatinus canities sensûs illius & immaculata vita illius maculatam senum vitam emacularet, ac pueriles sensus illorum studio disciplinæ cœlestis evacuaret. Sed illi magis antiqua pravæ senectutis itinera tenere volentes, licet eum bonum beneque agentem blando honore debitoque favore veneraren-

\* Monachus is Cantuariensis plurimis in lucem editis Scriptis claruit, maxime autem Vitâ S. Wilfridi metricè jussu Odonis compositâ.

† Wintoniæ in Veteri Monasterio Of-

waldum ab Odone collocatum ac postmodum Decanum factum Tinmuthensis refert. Monasterio illi tunc temporis insederunt Canonici Sæculares.



tur, tamen illum nullo pacto se in talibus audituros affirmabant. At ille de laudis ipsorum ventositate nihil curans, gemebat cotidie; & ut sibi ad salutem suam Deus consuleret, precabatur nocte ac die. Verum ubi perpendit illos propter eum nequaquam velle à veteri vitâ emendari, seque per illos si non abientaretur à suo proposito posse depravari; spretâ qua cingebatur pompâ sæculari, spretis quoque divitiis quarum copia redundabat, relictisque Canonicis quorum conversatione eatenus usus fuerat, redit ad Pontificem patrum suum, negotium salutis animæ suæ cum eo tractaturus. Quid multa? Ubi miseras vitæ mortalis cum Pontifice loquens piâ consideratione deflevit, ubi quàm difficile sit hominem inter mundi illecebras gradientem ipsis illecebris non irretiri, utrinque sermo procedens appendit; insert Christi miles Oswaldus sibi jam cecidisse in mentem se nudum sæcularibus cunctis velle à modo Christum sequi & verè Monachum fieri. Exilit gaudio Pontifex ad audita, & erumpentibus lacrimis præ júbilo cordis qua voce exprimat quod præ se intus habet invenire minimè valet. O hinc inter eos ex divinis verbis vitæ perennis orta contemplatio! O in contemptum mundi nata suadibilis divinaque collatio! Quis ipsam edisserat? Ortatur deinceps senex juvenem, ne retro abeat, ne positâ super aratrum manu post tergum aspiciat, ne laqueos sæculi jam evadere incipientem suis laqueis inimicus involvat. Ad quæ ille: Ruptis vinculis voluptatum carnalium jam inspirante Deo libertati donatus sum; & iterum me traderem miserrimæ captivitati sub earundem voluptatum vinculis vincendum? Non æstimabam me hoc ordine Christum sequi debere. Amorem sui mihi concessit ex notitiâ Scripturarum suarum; & nunc eum desererem? Talem videlicet fructum capiendò ex meditatione earum? Imo pater, si placet dic, nec dubites ubi velis perficiam quod proposui; aut certè si tibi grave non est, ipse proponam quod disposui. Ait dic. Regulam, inquit, Beati Benedicti servare sub obedientiâ volo; & ideo in Galliâ apud Floriacum, ubi ipsius patris reliquiæ dicuntur haberi, Monachus fieri mente revolvò. Nam juxta quod mihi mea æstimatio dicit, nusquam rectius servanda sunt nec fortè servantur quæ idem pater instituit, quàm in loco quem ipsemet suâ corporali præsentia in perpetuum honorare non desistit. Antistes ad hæc. Idem, inquit, sentimus, idem sapimus, in idem nostra intentio tendit. Monachus loci illius sum. Habitum enim religionis ad onus regiminis, sub quo gemo, vocatus inde suscepi; & propterea te, quem specialius amo, Monachum ibi fieri potissimum opto. Et quidem hæc patriæ demutatio eâ re tunc ita utriusque voluntati complacuit; quoniam per id temporis religio Monachici ordinis, quæ cum propter Barbarorum frequentes irruptiones tum propter quorundam malignantium turbulentas seditiones dudum in Angliâ pene tota obsoleverat, necdum sui vigoris statu reformata claruerat.

Mittitur ergo juvenis Floriacum, illic floribus fulciendus virtutum. Mittuntur quoque cum litteris commendatitiis dona quamplurima, juvenem & dicto & facto Abbati ac Fratribus commendantia. Suscipitur, & Monachus habitu factus, vitâ quoque Monachi in ipsis primordiis est decoratus. Qui igitur venerat ab aliis doceri alios imitari, talem se illis exhibuit; ut satis haberent in eo quo docerentur quod imitarentur. Erat enim somno parcus, cibo sobrius, in loquendo discretus, in oratione assiduus, in aliis autem virtutibus, patientiâ dico, humilitate, benignitate, mansuetudine, cæterisque hujusmodi quàm fortis, quàm subditus, quàm benevolus, quàm constans exitit, ex sincerâ caritate, qua supra humanam æstimationem ad omnes erat diffusus, conjici potest: Apostolo dicente <sup>a</sup> Caritatem patientem esse, benignam esse, non æmulari, non inflari, non agere perperam, nec quærere sua, nec irritari, non cogitare malum, & cætera, quæ mihi brevitati studentem exequi longum est.

Hic

<sup>a</sup> 1 Cor. XIII.

4.

Hic idem Domini servus secretum in Ecclesiâ locum ab Abbate acceperat, in quo pro modo conversationis suæ Deo familiarius adhæreret. Illic igitur orationi, meditationi, contemplationi vitæ perennis remotus ab illorum inquietudine operam dare solitus est; magnum humani generis hosti fomitem livoris & odii suggerebat. Ille quippe attendens & attendendo subvertere inhians studium strenuissimi juvenis, multiplici eum versutiâ pulsat, pulsando territat, terrendo fatigat, fatigando proturbare loco laborat. Unde quadam vice dum se in oratione pro compunctione cordis Deo noctu mactaret; affuit ipse malignus, & sonos horribiles edens hominem terrori addicere moliebatur, cum ut cœpto desisteret, tum ut aliis horis simile opus aut seignius aut nullatenus attemptaret. At Oswaldus fidei Christianæ scuto protectus, non magis ad fremitum leonis vel sibilum serpentis quàm ad balatum ovis vel stridorem scoris (harum enim & aliarum ei bestiarum improbus ille voces ingessit) exterritus est; cuncta videlicet nihili pendens, cum suo auctore cuncta deridens. Quod Dæmon advertens disparuit; sed in Angelum lucis è vestigio transfiguratus, viro apparuit. Eum quippe jam tunc novâ de se victoriâ usum æstimabat sibimetipsi suasurum, se scilicet non injuriâ ab Angelo visitandum, quem firmâ fretum constantiâ mentis nullis potuit inimicus irretire figmentis. Sed sua sibi iniquitas mentita est. Nam ad hoc monstrum famulus Christi signo fidei se signavit, sciens exinde Angelum lucis non irritandum, Angelum autem tenebrarum eminens effugandum. Quod & factum est. Juvenem namque hâc crucis armaturâ munitum statim degener Angelus, qui apparuit, territus fugit. Tunc ille psallens, <sup>b</sup> *A dextris est, ait, mihi Domi-* <sup>b</sup> Psal. XV. 8.  
*nus, ne commovear. Propter hoc delectatum est cor meum, & exultavit lingua mea in super, & caro mea requiescet in spe.* Præterea lectioni divinæ crebro intendebat; & quæ docente Domino inde didicisset, hilari vultu corde benigno minus scientes edocebat. Hæc inter exercitia ejus, post susceptos inferiores ecclesiastici Ordinis gradus, gradum suscepit Diaconatus; in quo ministrans Deum obsequio humillimæ devotionis, populum verò demulcebat eo quo magnificè præminebat concentu dulcissimæ vocis. Siquidem inter ea quæ, ut præfati sumus, in eo fulgebant virtutum insignia etiam in exteriori homine illius emicabat multiplex quædam & supereminens gratia. In habitu enim, quem oculis intuentium præferebat, & decens & appetibilis compositio inerat, non alicui pompæ, non dissolutioni, non ostentationi, non serviens hypocrisi. In vultu nihilo minus formositas ampla, nec cujuslibet prævæ voluptatis incentiva, sed quæ cæterorum vultibus antestaret magnâ honestatis prærogativâ.

\* Talibus donorum insigniis Vir Dei Oswaldus ad potiozem Diaconatu Ecclesiastici ordinis gradum conscendere dignus est comprobatus, ac dein Presbyteri honore sullimatus. In quo gradu Deo sacrificans, qua puritate cordis & corporis Christo inhæserit, quàmque benignum auditum precibus ejus piis Deus accommodaverit; & ex qualitate vitæ ejus, quæ dictante rerum veritate describitur, & ex Angelorum præsentia, quam ei nonnunquam etiam visibilter affuisse monstratum est, luculenter intelligi datur. Locus siquidem in quo, sicut diximus, juxta confessionem Abbatis orare solebat, cripta quædam erat in occidentali parte decenti opere facta, qui locus Confessionis nomen pro more obtinuit. Pro foribus autem criptæ ipsius duodecim pauperes conversari ex antiquo usu consueverant, & quotidianum victum ab ipsâ Ecclesiâ

\* Integra hæc Sectio Codici MS. Benedictino inserto folio est apposita; manu recentiore, quantum Amanuensis conjici-

cere potuit, exarata. Extat eadem totidem ferè verbis apud Tinmuthensem, lib. 21. cap. 52.



accipiebant. Qui pauperes ita fuere dispositi; ut omnes literarum socii, omnes Clerici essent. De his ergo reverendus pater Oswaldus unum delegerat; ut quotiens in ipsâ Missarum volebat solennia celebrare, ejus ope ac ministerio tanti mysterii officium celebraret. Quadam itaque die cum ipse altario præsens cœptæ Missæ officio insisteret, & post Evangelica dicta offerenda in manus panem & calicem, sicut multorum mos esse dignoscitur, fumeret, oculisque in cœlum directis orationem *Suscipe sancta Trinitas* intentâ mente ad Deum præmitteret. Vidit præfatus minister ejus quandam reverendi vultûs personam in dexterâ parte Altaris stantem, faciem ad ipsum Altare versam habentem, panem candidissimum non tamen adedò magnum inter manus, quas usque ad caput suum porrectas habebat, digno cum honore tenentem. Ad quod licet nimio timore perterritus obstupuisset; iustinuit tamen, nec subitam voluit invadere fugam. Verùm ubi eundem panem juxta quod sacerdos in secretis orationibus procedebat, paulatim crescere atque insolitæ magnitudinis crescendo fieri conspexit; ultra residere non ausus, extra ostium fugâ lapsus est. Emanxit itaque Presbyter solus; & qui videbatur in dexterâ stans Angelus ejus. Minister verò, quem pavor abduxerat, foris prope ostium latitando subsistens, per vices ostio caput ingerebat, & quid circa Altare gereretur trepidus explorabat. Cùm Dei servus *per omnia secula seculorum* & alia quæ in audientiâ populi dici solent, diceret in ordine Missæ; nec ullatenus respondere auderet vel accedere pro admirandâ quæ sibi apparebat visione; audivit Angelum quem videbat ad singula, respondentem & ministri obsequium ei deferentem. Consumpto autem sacrificio toto, caput ex more abditus minister ostio intulit, & illum quem viderat jam non vidit. Introiit ergo ad Sacerdotem palpitans & tremens, ac ne animum ejus quoquomodo offendisset in eo quòd ipsum quasi solum reliquerat timens. Et expositâ causâ fugæ suæ pallens sciscitatus est, utrùm & ipse vidit & audierit quæ se vidisse ferebat & audisse. At ille: Bene, inquit, vidi & audivi quæ dicis; sed benedictum sit nomen Dei omnipotentis, quia licet à te sim male deceptus, tamen in sacrosancto ministerio vivifici corporis & sanguinis ejus non sum ab eo desertus. Interdixit tamen ei modis quibus poterat, ne dum ipse vitæ præfenti superesset, rem quæ acciderat cuivis hominum innotesceret.

Postquam autem supra memoratus venerabilis Pontifex Odo certo relatu cognovit nepotem suum Oswaldum in bonorum operum culmen excrevisse; immensas omnipotenti Deo gratias agens, diebus ac noctibus eum precabatur, quatinus illum & jugiter ad meliora proficere & in viâ perfectionis consummatum concederet post hanc vitam se Deum Deorum in Syon videre. Missis præterea diversis muneribus Abbati ac Monachis pro suo Oswaldo, quas noverat convenire, cum precibus grates exolvit. Indicavit etiam illis se ipsius præsentiam magnopere velle potiri; cùm quia senio confinis mortem sibi propinquam sciebat, tum quia regulari conversatione suæ gentis viros per eum instituere disponebat. Quæ ubi fratribus relata sunt; gravi mœrore dejecti asseruerunt se sine illo nequaquam, si fieri posset, in hac vitâ vivere velle; propterea quod ejus conversationem sibi & in animâ & in corpore sensissent valde profuisse. Non audentes tamen voluntati Antistitis obviare, parent, ac Domini servum debito cum honore ad nutum Præfulis dirigunt. At ille citato itinere Angliam petens, terrâ marique ab omni periculo protectus est. Et \* hilari vultu, mente jocundâ Doctis appulsus, extemplo ingenti est dolore

\* Paulò aliter Willelmus Malmesburiensis de gest. Pontif. l. 3. f. 153. qui Oswal- | dum refert nonnisi *nuntio agri jam discumbentis avunculi percussum iter iniisse.*

perculsus. Illum enim, quem præ cæteris arctius diligebat, illum cujus dulcem faciem præ omnibus videre sitiebat, illum cui adhærere ardentissimâ caritate cupiebat, & à quo se tam diu remotum fuisse non sine grandi angustia cordis recolebat, jam tunc noviter non modò sibi sed & sæculo exemptum audiens, nulli mirandum si dolebat. Deus meus, quos gemitus ille tuus alumnus ad hæc nova putamus emisit? Quæ suspiria edidit? Quas lachrimas fudit? Quæ fuit obsecro confusio animi ejus, quando eum pro cujus amore ac reverentiâ à cunctis sese amplecti solere meminerat, jam in terram convertendum, à conspectibus omnium sub terra detrusum didicerat? Quis mœror inditam piissimo vultui ejus hilaritatem obduxit; quando & Angliam gravi mœrore pro ejus obitu consternatam repperit, cui nimirum impar mœroris illius causa fuit? Veniens igitur Cantuariam, sed eam inveniens patre orbatam, quid faceret, quo gressum flecteret, dubius hæsit. Auctus ad hæc lachrimabilis dolor. Illi enim qui eum prius agnoverunt, viso illo ex recordatione defuncti Patris lachrimis manant.

Præsidebat eâ tempestate per curam officii pastoralis Ecclesiæ Dorcestrensi quidam \* Oschetel nomine, homo bonæ famæ, & quæ sua intererant disponere gnarus. Hunc vir Dei Oswaldus, utpote sibi & carnis consanguinitate propinquum, & qua pollebat sapientiæ luce conspicuum, ad cohabitandum adiecit; volens juxta Solomonem gradiendo cum sapiente sapientior fieri, non ex consortio insipientium illis ipsis assimilari. Suscepit autem illum idem Episcopus benignissimè, ac sincerè dilexit, secumque degentem sui secreti conscium fecit atque consortem. Post dies defuncto Archiepiscopo Eboracensi præfatus Oschetel sedi illius subrogatur. Is pro stolâ Archiepiscopatus Romam petens, Sanctum Oswaldum suæ viæ comitem habuit. Potitus autem desiderio suo, cum Româ digrediens in patriam suam remeandi iter acceleraret; Oswaldus relicto consortio ejus Floriacum divertit, Clericum quendam Germanum nomine, ætate juvenem, moribus senem, itineris sui patriæ socium secum ducens. Excipiunt autem illum Abbas & fratres cum summâ lætitiâ; ac nonnullis diebus circa eum lætè exactis, pro solâ quam intellexerant voluntate illius quem adduxerat Germano sanctæ inter se conversationis habitum tribuunt. Mansit vero venerandus Oswaldus in ipso Cœnobio aliquanto tempore, Deo per omnia serviens & verbo & factò, qualiter ad cœlestia tenderent cunctis illic commanentibus exempla prætendens.

Interea memoratus Antistes missis nunciis rogat eum Angliam redire ad se; quatinus viâ sanctæ religionis, cujus eum culmen attigisse certò cognoverat, suæ gentis homines instrueret. At ille petitioni ejus mitis obtemperans, Angliam Germano relicto perrexit. Rudis enim adhuc in disciplinis regularibus erat: nec illum nisi perfectè edoctum à loco separari sinebat. Perveniens itaque ad Episcopum, solito more in omni sanctitate & mansuetudine juxta eum conversabatur; & idèò à cunctis pio affectu, magno amore, summo studio amplectebatur, fovebatur, venerabatur. Inter hæc ille præclarus & gloriosus Dei amicus Dunstanus in cathedram Pontificatus Cantuariensis prædicto Odoni successit, vir Dei gratiâ à matris utero ple-

\* Oskitellum Archiepiscopum Eboracensem Ecclesiæ Dorcestrensi antea præsedisse, omnes Scriptores nostrates hætenus editos latuit. Vide quæ supra annotavimus ad Radulphi de Diceto Historiam de Præsulibus Angliæ. Quod verò Oskitellum eo tempore Sedi Dorcestrensi præ-

fuisse ad Eboracensem postea translatum Eadmerus refert; in eo manifestè lapsus est. Oskitellus enim biennio circiter ante Odonis obitum thronum Eboracensem adeptus est. Eundem errorem iniit Monachus Ramesiensis apud Mabillon. Sæc. Benedict. V. p. 735.



nus, & donec vitæ præfenti superfuit nunc cœlestibus secretis admixtus, nunc beatorum spirituum crebrâ visitatione perfunctus, nunc in exhibendis miraculis celebri efficaciam fretus. Hic auditâ eximiam sanctitatis famam, quæ Beatum Oswaldum circumquaque magnificabat, mittens accersivit eum; ex conversatione illius pleniter ediscere gestiens, vulgata opinio verane extiterit necne. Post aliquot verò dies comperto quod investigabat, multum præstare illis quæ fama disperferat, gavisus est; & in gratiarum actiones Deo pio corde & ore solutus. Veruntamen sæpe agebat cum eo; non ut firmitudinem animi ejus quasi suspectam habens exploraret, sed sicut eam in bono firmam penes se habebat, ita veraciter esse aliis comprobaret. Et revera in omni virtutum decore probatus repertus est, eoque non modò ab eo verum & ab aliis præstanti est affectu dilectus. Unde beati patris ejus dignitate perpensa, tam vitæ illius qualitas quam morum probitas est in Oswaldo præter solam ætatem & Pontificalem dignitatem tota penè reperta. Dum igitur vitæ & mores in eo imitabantur dignitatem Pontificis; ratus est Beatus Dunstanus ipsam vitam & mores illius jure sullimandos dignitate Pontificis. Quam ob rem adito Edgardo, quo Rege per id temporis Anglia gloriabatur, venerandum Oswaldum secum adduxit, eumque pro meritis suis ipsi commendatum familiaritati illius induxit. Quid plura? Prædicatur à summo Pontifice virtus animi ejus, constantia propositi ejus, integritas morum ejus; & ad hoc Rex ipse tanto testimonio credens perducitur, ut suo jussu atque judicio Cathedram Episcopalem apud Wigorniam, cui Pater idem præsidere solebat, Antistes factus ascenderet. Primò tamen requiritur voluntas cleri & populi super re ipsâ: & cum ingenti exultatione & vociferatione fit vox omnium una. Concrepant, clamant Oswaldum dignissimum tantæ sedis Episcopatu; & magnâ prece deposcunt eum quantocius in ipsum ministerium consecrari. Fit quod clerus & plebs Wigornensis precatur; ac in summum sacerdotium felix Oswaldus à patre Dunstano sullimatur; factumque est piâ Dei dispositione, ut sicut patruo S. Oswaldi Cantuariæ Beatus Dunstanus, ita Sancto Dunstano in Episcopatu Wigornæ succederet Beatus Oswaldus.

Functus ergo vir Dei Pontificatu idem qui prius fuit, in bonis actibus præstitit; imo quemadmodum alios dignitate, ita seipsum supergressus est in bonitate; & licet omni fuerit virtutum nitore insignis, orationum tamen assiduitate & elemosynarum promptissimâ largitate summo & ultra quam dici possit opere præditus erat. Cœpit itaque juxta Apostolum omnibus omnia esse, & is quem nec amor nec ira cuiusque posset à viâ justitiæ quovis pacto declinare. Discretionem tamen in hoc quam maximè ferebatur, sciens neminem à discretionem nutantem justitiæ leges omni ex parte tueri. Clero igitur ac populo sub suo regimine posito pervigil insistere, & qua graderentur ad vitam verbo & exemplo viam demonstrare. Verum cum multitudo eorum, quos à viâ rectitudinis exorbitantes in viam justitiæ reducere gestiebat, mentem suam interdum fatigaret; directo in Galliam nuncio Germanum cujus supra meminimus & alios timore Domini præditos viros fecit venire ad se, ipsorum videlicet ope ac religiositate illorum cupiens irreligiositatem corrigere. Itaque Germanus ad Pontificem veniens, honorificè susceptus est. Erat enim bene religiosus, sacris literis & piis studiis apprimè imbutus.

Venerant præterea ad Beatum Oswaldum ante ejus adventum nonnulli ex Anglorum prosapia nati, sacro ipsius magisterio se subdentes, & eum sibi patrem ac rectorem in viâ quæ ducit ad vitam constituentes. Inter hos fuit quidam Ednothus nomine, qui gradu sacerdotii functus ob sagacitatem & industriam suam Senior ab aliis cognominabatur. Collecti itaque fratres duodenarii numeri summam complent, quos pater Oswaldus, ut juxta sancti propositi normam Domino Christo die noctuque servirent, in villâ sui Pontificatus

ficatus quæ Westberi dicitur collocavit : instituens eis præfatum Germanum præpositum & institutorem, necnon delegans ex suis quæ illis sufficerent ad eorum sustentationem. Degebant igitur illo in loco servorum Dei per omnia & in omnibus vitam agentes ; quorum studiis sanctus vir eximiè delectatus eos frequenter visitare, eis monita salutis æternæ ministrare, eos consolari, inter eos conversari, & divinis operibus, hymnis, psalmis, jeuniis, vigiliis & orationibus, sanctis quoque meditationibus solebat operam dare, seque ab exterioribus curis ac secularibus negotiis per internam mentis quietem magnificè recreare.

His ita dispositis, festum Dominicæ Resurrectionis instabat ; & ad Regis curiam totius regni Nobilitas convolabat. Adunati Principes lætos dies agunt valdeque solennes. Jam solutâ curiâ in sua quique redibant ; & ecce de regis militibus unus dives ac potens morti subactus plangebatur à pluribus. Hujus exequiis pius interfuit pater Oswaldus, qui & ipse curiam inter primos Angliæ Proceres venerat, Regi acceptus firmæque ejus amicitia fretus. Hunc Ægelwinus quidam de potentioribus Regni ducibus modesto incessu, demisso vultu funus sequentem atque psallentem attendens, in amicitiam illius evectus est. Antehac enim auditis probis ac mansuetis moribus ejus, quos magistrâ virtute comparatos induerat, magni eum præ se jamdudum habebat ; & in hoc animum composuerat, ut si qua in re voluntati ejus obsequi posset, libens id ageret. Quam voluntatem ejus quibusdam indicis vir Dei intelligens, inter alia quæ cum eo de verâ Dei ac proximi dilectione locutus est, innotuit illi se quosdam Monachos in Episcopatu suo religiosè viuentes habere, sed locum in quo degebant illorum conversationi nimis strictitudinis esse ; præsertim cum pene cotidie in numerum eorum quidam current, quos eo quod Dominum quærebant repellendos nullo modo judicabat. Et subjunxit, “ Velle igitur, si religioni tuæ molestum non est, quatinus si aliquem locum sub tuâ dominatione Monachorum habitationi accommodum habes, eum aut solius animæ tuæ obtentu aut alicujus muneris interventu mihi concedas ; quatinus inibi Monasterium construam, & per memoratos fratres Monachorum conversationem de auctore illic constituam. Magnum enim quiddam est ante Deum vita Monachi, & imitandum omni Christiano homini. Quicumque enim in hac vitâ ad vitam tendere & mortis laqueos cupit devitare, profectò id nullo pacto efficere prævalet, nisi vita sua vitæ Monachorum quadam dispensatione concordet. Vita namque Monachi, quæ verè vita Monachi est, cuncta admittit quæ docet. Perfectio Christiana cuncta dimittit, quæ à Christi vestigiis eadem perfectio judicat esse profana. Quapropter si nos cum possimus, superfedemus Monachos in suo proposito multiplicare ; aut eorum religioni invidere, aut eam non amare vel sequi nolle convinci poterimus. Sed hæc à nobis procul arceat omnipotens Deus. Quare, fili charissime, nulla te secularis ambitio teneat, quæ te ab institutione & adjumento Monachicæ religionis impediât. Nam sicut ad æternam vitam quis optat pervenire, ita debet conari & alios secum ad eandem perducere. Illum quippe illic major honor & gloria suscipiet, qui majus lucrum hinc de aliorum salute Christo acquirit. Gaudio ex his Dux ipse repletus, dicta comi vultu suscipit, & responsum ita paucis absolvit : “ Fundus mihi est Ramefeia dictus, aquis & paludibus circumcinctus, talium hominum quales memoras conversationi ut æstimo congruus, in quo etiam tres viri nunc mansitant sanctæ religionis amore ferventes, & sub regulâ Beati Benedicti vitam ducere, si doctorem haberent, magnopere gestientes. Hunc locum, si tibi placet, eamus inspicere ; & si visus fuerit rei de qua loqueris aptus existere ; demus operam, ut in opere Dei cœlesti fiat habitatione præclarus.

Hæc



Hæc vir Domini mirâ cordis alacritate amplectens, ac deinde comitatus ipso Duce ad locum usque perveniens, ubi advertit eum habitationi Monachorum accommodum, gratias Deo, gratias quoque egit venerabili viro qui illum perduxit eo. Institit itaque cupito operi citius imponere manus, verens ne si bonum propositum differretur, aliqua postmodum maligni hostis versutiâ præpediretur; quod & viro consulendo suggestit, ac ut opem suâ ingenuitate operi ferret studiosus admonuit. Quid plura? Credit consilio, adquiescit admonitioni; conducuntur operarii, instatur operi, laboratur, & fretum tam multiplicibus rerum impensis sanctissimi patris quàm & ejus instantissimis orationibus mirâ celeritate opus perficitur. Post dies sub immensâ frequentâ populi, divitum scilicet mediocrum minusque habentium perfecta Ecclesia sub patrocinio Beati Benedicti Deo solenniter dedicatur; & de Monachis qui apud Westberiam morabantur, idem locus instituitur; & in brevi alii & alii illuc colliguntur, ad quorum victum atque vestitum necnon ad Dei servitium celebrandum plurimæ terrarum possessiones, plurimæ diversorum ornamentorum donationes loco eidem ab utroque collatæ sunt. Facta est igitur decens & habilis Monachorum habitatio. Hinc præposito adunatis fratribus Eadnotho, cujus supra meminimus, viro prudenti & religioso, qui & Lincolnia Ecclesiæ postea Pontifex fuit, ipse Wigornam revertitur, & inter suas oves eis & sibi superintendens bonus pastor conversatur.

Per id temporis ex sanctione & autoritate Johannis apostolicæ sedis Antistitis Beatus Dunstanus Archiepiscopus Cantuariæ & Primas totius Britannia, cujus paulò superius mentionem fecimus, coacto generali Concilio statuit, & statuendo decretum confirmavit; videlicet ut Canonici omnes, Presbyteri omnes, Diaconi & Subdiaconi omnes aut castè viverent, aut Ecclesias quas tenebant unâ cum rebus ad eas pertinentibus perderent. Habebat autem Regem Edgarum in hoc negotio fidelem fautorem, constantem adiutorem, firmum defensorem. Qui Rex ipsius patris consilio utens, curam exequendi decreti hujus super totum Regnum duobus viris injunxit, Oswaldo scilicet Episcopo Wigornensi & Athelwoldo Wintoniensi. Quod illi zelo domûs Dei succensi, & divinitatis amore subnixi, & insuper prædictâ auctoritate muniti, strenuissimè sunt executi. Nam ut de aliis taceam, Beatus Oswaldus septem Monasteria in suâ Diœcesi regulari disciplinâ, ejectione Clericis foeminarum consortium Ecclesiis anteponentibus, instituit; delegato eis super ea quæ Ecclesiæ prius habebant tanto ex munificentia Regis & aliorum Principum regni subsidio rerum, ut cohabitantes sufficeret ad victum atque vestitum. Wincelcumbensi vero Monasterio, quod de septem unum erat, supra memoratum \* Germanum in Abbatem ordinavit; & aliis singulis singulos in religione probatos Abbates præposuit. De quibus quidam Folberhtus nomine Perscorensi Ecclesiæ, quæ una de septem Abbatiis est, in Abbatem prælatus est, vir moribus gravis & ferventissimus cultor Monachicæ institutionis, sed in subditos quod valde in eo reprehendebatur nimia & indiscreta severitatis. Is ad

\* Refert Monachus Ramefis Germanum ortu Wintoniensem fuisse, Oswaldi in Coenobio Floriacensi commonachum, dein Priorem Westbiria ad docendum subditos Monastica institutionis normam. (Eadnothus Senior interim ad gerendam exteriarum sollicitudinem Præpositus institutus fuit) mox Priorem Ramefia, postremò Abbatem Winhecumbæ. Ad Winhecum-

bam translato Eadnothus in Prioratu Ramefis successit. Qui postquam Prioratum annis 22. gessisset; post mortem Ailwini fundatoris anno 993. Abbas electus est, ad Episcopatum Dorcestrensem translatus anno 1008. in Prælio Essendunensi occisus anno 1016. Ista de Eadnotho habet Registrum Ramefisense in Monastico Tom. I. p. 240.

extrema perductus, & huic vitæ subductus, atque in feretro mortuorum more locatus, recepto spiritu trepidantibus cunctis erexit se. Igitur fugientibus aliis, præfatus Germanus accessit sciscitans quò vel à quo ductus sit, quid viderit, quid illi contigerit, & ob quid reversus sit. At ille se à Beato Benedicto in visionem Dei perductum fuisse, & Deum sua peccata meritis dilectoris sui Oswaldi sibi indulgisse, atque ad intimandam sanctitatem ipsius patris se revixisse respondit. Rursus quænam forma, qui habitus, quis patris Benedicti comitatus extiterit, percunctatus, habitum gemmarum nitore præfulgidum, formam ejus ultra humanam æstimationem decoram, comitatum innumeris candidatorum millibus Monachorum & speciosissimarum Sanctimonialium respondit esse compositum. Quo dicto conticuit, & accepto viatico Domini corporis dimidium diem supervixit, itaque vitam obitu iterato finivit.

Post hæc in aliis Angliæ partibus ad parochiam suam nil pertinentibus insignes Ecclesias ob præfixam causam Clericis evacuavit & eas memoratâ auctoritate subnixus viris Monasticæ institutionis fullimavit. Sunt autem hæc, Ecclesia pretiosi martyris Christi Albani, Ecclesia sanctæ Ætheldrithæ virginis in Heli, & illa quæ apud Beamfletam constituta honorabilis habebatur. Prælati quoque & istis per eum sunt singuli patres, Ælfricus scilicet, quem Ecclesia Cantuariensis pastorem postmodum habuit, Albanensi; Brihtnothus Heliensi, Beamflytensi Godemannus. Cœnobium verò Ramesiense, ut descripsimus, ejus instinctu & operatione à fundamentis ædificatum est. Augeta est ergo per Angliam observantia disciplinæ regularis in tantum; ut quadraginta octo Monasteria partim viris, partim sœminis stabilirentur per hos viros, Dunstanum videlicet Archiepiscopum Cantuariensem, Oswaldum Pontificem Wigornensem, & Athelwoldum Episcopum Wintoniensem.

Iis autem quæ Beatus Oswaldus ædificaverat, de aliis enim scribere à proposito nostro remotum est, ipse magnâ semper curâ & sollicitudine invigilabat; ne Diabolus, qui sicut leo circumit quærens quem devoret, ullum fratrem à professionis suæ normâ deviantem inveniret quem devoraret. Unde & eadem Monasteria circumire, ac in singulis prout noverat expedire, morari consueverat; verbo simul & opere fratribus quæ salutis cujusque utilia fore advertere poterat paterno affectu subministrans. Super hæc nonnullis Ecclesiis, quibus ipse non eo quo superioribus modo intendebat, tam disciplinæ regularis quàm & grammaticæ liberaliumque artium magistros postulatus dirigebat, qui aut in Galliis docti ac per eum in Angliam ducti, aut certè suâ sagacitate in Monasteriis suis imbuti, sapientes & præclari habebantur. Inter quos quidam Floriacensis Monachus erat Abbo vocatus, morum sanctitate præclarus, ac literarum tam sæcularium quàm divinarum scientiâ apprime instructus. Hunc pater Oswaldus posuit in Cœnobio Ramesiensi Monachos docere, scholas regere, & quibuscunque valeret cùm in disciplinâ regularium tum in scientiâ literali prodesse. Quod & fecit. Hinc ergo processit; ut cum religionis augmento liberales artes, quæ prius ob diversos casus in neglectum per Angliam venerant, quaquaversum patris Oswaldi industriâ & sollicitudine eventilatæ multipliciter pullularent. Præfatus verò Abbo ob multam sui dignitatem Beato quoque Dunstano familiaris valde extitit; ejusque instinctu & dispositione passionem Beati Edmundi gloriosissimi Regis Anglorum stili officio posterorum memoriæ tradidit. Post hæc & alia innumera bona, quæ in Anglia fecerat, ad Monasterium suum Floriacum reversus, Abbas in eo factus est; & postea Martyrii palmâ à Deo pro justitiâ coronatus.



Beatus autem Oswaldus ubi se correctioni \* Clericorum Wigornensium intromittere aggressus est; ipsi advertentes in quas, quantum suos mores at-  
tinebat, eos angustias vellet detrudere, statim verbis ejus aditum sui cordis  
occluserunt, nec ea sensum suum penetrare ullâ ratione passi sunt. Qua de  
re sumpto à patre Dunstano cujus consueverat inipiti prudenti consilio, an-  
nuente jam sæpe memorato glorioso Rege Edgardo, Monasterium infra ipsam  
sedem Episcopalem construere cœpit; in quo quibuscum conversaretur Mo-  
nachos adunaret. Et jam maceries operis altius levata profecerat. Non  
longè verò ab opere suo quidam lapis quadrus jacebat ad operis fabricam om-  
nino aptus ac necessarius. Ad hunc pro jussu Pontificis suo loco movendum  
& in structuram templi componendum artifices, qui sufficere æstimati sunt, ac-  
cesserunt. At dum illum, qui quasi radicitus terræ hæreret, nullo conatu  
vel leviter movere valerent; adjuncti sunt eis alii & alii viri, qui pari modo  
ad pondus lapidis nihil virium habere sunt deprehensi. Stupor ingens oc-  
cupat omnes. Mandatur de negotio patri Oswaldo, qui tunc aberat; & ro-  
gatur quantocius veniat considerare quidnam monstri res ipsa prætendat.  
Adest, & multitudinem circa prædicti lapidis motum casto labore sudantem  
aspiciens, miratus est. Et attonitus stans, Deumque silentio deprecans, a-  
spexit in lapide illo Ethiopem quendam sedere & obscœnis nutibus laborantes  
subsannando deridere. Itaque vir Domini statim contra Dæmonem signum  
sanctæ crucis intorsit; & illum è vestigio territum sibi fugâ consulere com-  
pulsit. At lapis, quem octoginta viri ante movere nequibant, à paucis homi-  
nibus facillime statim levatus est, & in opere collocatus. Populus qui ad  
hoc spectandum undique fluxerat, considerans rei gestæ potentem virtutem,  
Deo super mirabilibus suis immensas gratias retulit; patrem quoque suum  
atque Pontificem eximiâ laude prædicavere, intelligentes veraciter esse ami-  
cum Dei, ad cujus nutum tam inertis pavore percussus tremens disparuit ad-  
versarius Dei.

Perfectam Ecclesiam ipse in honore sanctæ & perpetuæ Virginis Dei geni-  
tricis Mariæ dedicavit; ibique ut proposuerat Monachos in sanctâ conversatio-  
ne Christo servituros congregavit. Clerici ergo in sede Episcopali, quæ sub  
nomine gloriosi Apostolorum Principis Petri fundata antiquitus fuerat, con-  
veniebant; & Monachi in novâ Ecclesiâ sub patrocinio Sanctæ Mariæ unâ  
degebant. At plebs nunc istam nunc illam Ecclesiam vicissim aliquandiu fre-  
quentabat: Sed post dies admirantes & admirando venerantes Monachorum  
religiositatem, paulatim se Clericorum collegio cœperunt absentare, & ser-  
vitio Dei quod Monachi faciebant præsentibus adesse; propterea quòd quemad-  
modum sibi ratio mentis suæ dicebat, decentius & Deo dignius servitio Cle-  
ricorum fiebat. Unde & factum est, ut sicut plebis mutatio ab unâ Ecclesiâ  
in aliam facta est, ita & plebis oblatio mutata sit. Dum igitur in eo quod illi  
perdunt, isti lucrantur; in quo illi deficiunt, isti multiplicantur. Quid

\* In tempore illo Ecclesia Wigornia juxta  
veterum institutionem pro Monachis Canonicos  
Sæculares habebat: inquit Monachus Rame-  
siensis cap. 7. Eadem, quam refert Ead-  
merus, arte Canonicos loco suo amotos,  
Malmsburiensis tradit. Alii tamen Histo-  
rici vim adhibitam subinnuunt. Sic Floren-  
tius & Monachus Ramesiensis. Certè  
Oswaldi molimina Edgarus Rex authorita-  
te sua summopere fovit: qua de re extat  
ejusdem Charta Concil. Angl. Tom. I.  
p. 432. & Oratio ibid. p. 476. Primus om-

nium Oswaldus Canonicis Sæcularibus  
ejectis Monachos Ecclesiis Cathedralibus  
introduxit. Quamobrem lex de ejiciendis  
Clericis uxoris antiquitus vocata est  
*Oswaldes-Law*. Factum id ab Oswal-  
do in Ecclesia Wigornienfi anno 969. teste  
Florentio; qui Winsinum Monachis re-  
center introductis loco Decani præfectum  
addit. Non alius is à Wensino proximè  
memorato fuit. Eundem Priorem vocat  
Monachus Ramesiensis: Præpositum Ed-  
gari Charta.

moror? Qui major natu & honorabilior inter Clericos habebatur, Wensinus nomine, abjectis sæcularibus cunctis se & omnia sua factus Monachus Monachis largitus est. Super quo famulus Dei mirè lætatus eum elapso brevi tempore studiis cœlestibus pleniter erudiendum Ramesiam dirigit. & eruditum inde reducens adunatis Monachis Wigornæ morum præceptorem constituit. Quem enim in Clericatu juxta mores antiquos semper amatorem honesti sciebat, hunc nihilo minus in Monachatu fautorem & executorem fore honesti spe certa sibi promittebat. Unde nec falsus est. Bonum quippe, quod pater de eo sperabat, ipse magnopere in bonis actibus accumulabat. Quæ omnia Clericorum nonnulli attendentes, & mente compuncti, consilium contra Deum non esse perpendentes, spreto sæculo, spretâ omni pompâ sæculari, jugo se Christi subjiciunt; & inter Monachos, quos paulo ante nimium execrabantur, Monachi fiunt. Audires ad hæc quamplurimos hominum stupendo cantare. O verè mutatio dextræ Excelsi! hoc itaque modo à Beato Petro in matrem Domini Salvatoris, à Clericis in Monachos translata est sedes Pontificalis honoris.

His ita sese habentibus, præfatus Eboracæ civitatis Antistes vitæ præsentī adimitur; & gravis exinde mœror Anglorum populis procreatur. Fama igitur obitus ejus agili lapsu discurrens regias pertingit ad aures, nec Beati Dunstani nōticiam segniùs attigit. Volens autem idem pater pro suo officio viduatæ Ecclesiæ consultum ire, Regem petit; & consilium, quod salubrius sibi de substituendo pastore occurrit, Regi proponit. Prædicat dignitatem venerabilis viri Oswaldi, quo videlicet quantoque parente nobilitatus, qua religione à puero institutus, quibus virtutum prærogativis fuerit insignitus. Super hæc quàm strenuè Cathedram Pontificalem, cui eo usque præsidebat, gubernârit, edisserit; ac per hoc quo jure merito debeat celsiorem ascendere, pandit, probat, asserit. Placent Regi quæ feruntur, quodque Dunstanus de Oswaldo fieri laudat; velit solummodo clerus & populus Eboracensis; vult, suadet, oratur, jubet ut fiat. Rogatur voluntas illorum, & voce consonâ simul omnes respondent unum velle se illum præ cæteris sibi præfici concrépant, & id ruptâ omni morâ fiat magnis postulationibus instant. Nec mora. Vir ascitus advenit; sed petentibus suscipere regimen viduatæ Ecclesiæ non statim annuit. Intonat vox populi; ut dubio procul attestareris Scripturæ vocem populi vocem esse Dei. Par caritas, sententia concors, una voluntas populi in bono fuit; & Deus pacis, qui inhabitare facit unanimes in domo, quique est inter duos vel tres congregatos in nomine suo, non faveret rei cui tanta multitudo favebat, nec sentiret quod sentiebat, nec vellet quod volebatur? Nolebat planè, sed esto, quod Deus fieri vult fiat necesse est. Vult autem quod secundum se volunt fideles sui. Alioquin bene possent velle sine illo; & veritas non esset veredica, quæ dicit *nihil sine se quenkam posse*. At secundum se voluerunt fideles sui sanctum Oswaldum fieri Pontificem Eboraci: quum igitur hoc ipsum Deus voluit ut fieret, necesse omnimodis fuit; quapropter adquievit ille Deo, adquiescendo voluntati fervorum Dei.

Factus igitur Archiepiscopus \* Eboracensis, Romam pergit, Pallium Ec-

\* Oswaldum Oskitello immediatè successisse Eadmerus, Florentius, & Malmesburienſis tradunt. Adelwoldum tamen interponunt Thomas Stubbs & Simeon Dunelm. Adelwoldo dignitatem abrenunciante successit Oswaldus anno 972. Isto enim anno Archiepiscopatum Eboracensem illum obtinuisse narrant Ingulphus, Wigornienſis, Hovedenus, & Dunelmen-

ſis in lib. de geſt. Reg. Angl. Eodem anno mense Septembri obiit Johannes Papa; à quo Pallium Oswaldo datum Eadmerus ſcribit. Dunelmenſis igitur lapſus, qui (in Epistoſa de Pontif. Ebor. Pallium à Benedicto Johannis Successore donatum vult. Certè falſus Thomas Stubbs, qui Stephano Papæ id acceptum refert.



\* Luc. XII. 48.

clesiæ suæ debitum ab Apostolicâ sede requisiturus, plurimaque negotia Regni prout ei Rex sibi delegaverat cum ipso tractaturus. Hinc patriam egres-  
sus, transito mari transitis terris periculorum diversitatibus plenis Romam  
pervenit, Romana mœnia subit. Inde Johanni Apostolico præsentatus, voti  
compos efficitur. Denique suscepto Pallio quod petebat, functis quoque re-  
sponsis regiæ legationis quam ferebat, honorificè à Papâ dimissus Angliam  
revertitur; reversus à Principe regni ac regno gloriôsè recipitur. Post quæ  
reddito Regi legationis suæ responso, & ipso quod in omnibus prudenter egis-  
set sullimi præconio à cunctis prædicato, magnâ Regis benevolentia frater ad  
sedem suam Eboracensem vadit. Ubi egregio cum honore susceptus, cum ju-  
bilo plebis, cum sonoris Clericorum concentibus, cathedram est Archiepisco-  
palem indeptus. Quo factò non quasi rudis & inscius, sed ut verè emeritus  
ac perspicax pastor ovium Dei, die illâ confluentem multitudinem tam docu-  
mento vitæ manentis quàm alimento vitæ labentis copiosius pavit. Exin tra-  
ctans secum illud Sapientis quia <sup>b</sup> *cui plus committitur, plus ab eo exigitur*; omni  
horâ sollicitè curabat ita sibi commissâ dispensando tractare & tractando di-  
spensare, ut nihil à se in futuro quod detrimentum sibi gigneret exigeretur,  
sed quod beatâ remuneratione donaretur. Quamobrem idem qui fuit in vi-  
sitatione Monasteriorum quæ instituerat, semper extitit, idem in consolatione  
fratrum inibi degentium præstitit, idem in sustentatione illorum omniumque  
suâ ope indigentium mansit. In nullo igitur sanctitatis opere defectum pas-  
sus est propter onus sacerdotale; sed aut idem qui fuerat præstitit, aut seipso  
sullimior in hujusmodi opere factus ad videndum Deum Deorum in Syon aci-  
em suæ mentis indeficienti contemplatione dirigebat.

Hic igitur quamvis Eboracensi Pontificatu sullimatus extiterit, curam ta-  
men Episcopatus Wigornensis non amisit. Si quidem Beatus Dunstanus,  
quem sollicitudo omnium Ecclesiarum in Britannia constitutarum respiciebat,  
verens ne Monachi in ipsâ Wigornâ per eum tunc noviter instituti aliquâ ultra  
quàm ferre valerent temptatione concuterentur, si pastorali curâ destituti non  
haberent quo munirentur, præcepit ei ex auctoritate summi Pastoris, quari-  
nus eâ qua solebat diligentia illis intenderet, quoad personam tantæ rei idone-  
am Deo monstrante illi substituere possit.

Post hæc instabant dies Rogationum; & servus Dei Oswaldus sumpto iti-  
nere Ramefiam \* petit, visitare scilicet & consolari fratres, quos ut supra  
meminimus jamdudum ibi posuerat. Adest, & Monachi pro more nomina-  
torum dierum procedunt ad Ecclesiam Beatæ Mariæ, quæ ob interjacentem  
paludem non nisi longo circuitu per siccum adiri valebat. Ubi celebratâ Missâ  
& à Pontifice solenni peracto prædicationis officio, Monachi longitudinem  
viæ qua venerant compendio mutare volentes, navem ascendunt, ad Monaste-  
rium per fluvium qui interfluit redituri. Verùm dum major numerus homi-  
num in navem fugeret, quàm navis ferre valeret, onerata nimis mergi cœ-  
pit. Turbantur in navi consistentes, & mori metuunt. Exclamant opem

\* Monasterium Ramefiense bis ab Of-  
waldo visitatum memorat Registrum Ra-  
mefiense (in Monastico Tom. 1. p. 240.)  
Primum anno 972. die Decollationis  
S. Johannis, quando Monachos duodecim  
Westberienes secum adductos inibi collo-  
cavit. Dein anno 974. quando unâ cum  
Dunstano Ecclesiam Ramefiensem dedica-  
vit. Factum id anno 974. 6. Id. Novem-  
bris, Oswaldum comitante non Dunstano

sed Alfntho Dorcestrensi Episcopo juxta  
Monachum Ramefiensem (apud Mabillon.  
Sæc. V. p. 742.) Idem etiam primam Of-  
waldi visitationem memorat; ante annum  
autem 972. contigisse innuit. Demum  
anno 991. Oswaldus Ecclesiam Ramefi-  
ensem ab Ethelwino comite reædificatam  
iterum consecravit. 6. Id. Novembr. feria 3.  
authore Florentio.

Beati Benedicti ac sui patris Oswaldi afferre sibi postulantes. Nam ipse pater in ripâ fluminis adhuc stans, iis qui secum erant utilia quædam ac necessaria disponebat : ut autem auribus ejus clamor insonuit, stupore attonitus, mox illuc lumina flexit; & videns filios suos in mortis periculo positos, cor ad Deum, dextram retendit ad illos. Quo signo beatæ crucis edito, ilico navis ab aquarum profunditate emergens, quasi nihil oneris ferret in ulteriorem fluminis ripam prosperrimo lapsu cum omnibus quæ portabat evecta est. Magno timori securitas magna succedit; ac pro re quæ acciderat, Dei laus ex corde omnium & ore procedit.

Dein aliquanto tempore ibi, ut suæ consuetudinis erat, inter Monachos degens, ædificationi vitæ illorum diebus ac noctibus intendebat. Et ecce nuncius quidam à Monachis Heliensibus directus adveniens, innotuit unum ex illis de maceriâ Ecclesiæ præcipitatum subitâ morte occubuisse. Ad quod Oswaldus vehementi mœrore dejectus, noverat enim hominem non usquequaque vitam duxisse sælicem, confestim quod debuit officium ei caritatis impendit. Etenim Monachis sub uno vocatis pandit eventum rei, subjungendo preces quibus exhortando perorat quatinus pro animâ defuncti Dominum studiosius orent. Parent illi monitis ejus; & pro æternâ salute fratris instant vigiliis, instant psalmis, instant lachrimis, pulsantes ad januam misericordiæ mundi Redemptoris. Super hæc quoque singulis diebus offertur pro eo id quod his omnibus antecellit, illud scilicet sacrificium laudis, quod in arâ crucis Filius Dei obtulit patri suo pro nobis. Quæ dum fiunt, unâ noctium Pontifici in oratione Christo apud Eboracam intendenti defunctus idem visibiliter apparuit; à quo percunctatus quis esset, illum se pro quo & ipse per se & alii per ipsum Deum interpellabant esse respondit. At ille suspirans: qualiter, inquit, frater tibi fuit vel qualiter nunc est? Hactenus, ait, valde male, nunc autem valde bene. Tuis quippe meritis & precibus à pœnis quibus cruciabar per Angelum suum me die hesternâ eripuit Deus. Quod & tibi insinuando veni gratias agere; quo adverteres, licet id optime scias, quàm gratus pro hoc & aliis jure debeas Deo existere. His dictis non comparuit. Vir autem Domini magno gaudio ad ista repletus, benedixit Deum super ineffabili misericordiâ ejus. Facto manè, quid factum sit, quid viderit, quid audierit, suis retulit. Dehinc exultans & gaudens in Spiritu Sancto, pro re quæ contigerat gratias egit Deo patri per oblationem corporis & sanguinis dilectissimi filii sui, in quo solo sicut ipse testatur bene complacet sibi. Mandavit etiam hoc ipsum filiis suis, Monachis videlicet Ramesiensibus simul & Wigorniensibus; & quod pro animæ fratris absolutione pio Deo grates exolverent, monuit & hortatus est: Quod ipsi diligenti studio executi sunt.

Præterea Diocesim suam opportunis temporibus peragrans, quicquid edificare poterat in moribus suorum oculos summi Dei offendere, paternâ castigatione corripere atque corrigere satagebat. Hæc agentem contigit vice quædam venisse Rhipum, ubi Beatus quondam Wilfridus nobile construxerat templum, in quo ipse mundo sublatus scitur fuisse sepultus. Hoc templum ante tempus Beati Oswaldi barbarorum irruptioni patuit; qui illud magnâ ex parte dirutum, non ministeriis divinis sed latibulis ferinis fecerunt accommodum. Hujus templi conseptum vir Dei subintrans, noctu pervigil in orationibus inibi mansit. Illic ergo divinâ revelatione lustratus, didicit ipsò loco Sanctorum corpora condita esse; quæ investigans cum nominibus singulorum dubio procul inveniret. Facto mane suos convocat; quid noctu acceperit, eis enarrat. Ad audita cuncti exultant. Igitur ad jussu Pontificis semirutæ Ecclesiæ pavementum effoditur; promissus thesaurus sanctâ curiositate investigatur. Sanctorum corpora cum tabulâ hæc continente reperiuntur. HIC REQUIESCIT SANCTUS WILFREDUS ANTISTES EBORACENSIS, ET REVERENDI



REVERENDI ABBATES TYLBERTUS, BOTWINUS, ALBERTUS, SIGREDUS ATQUE WILDENGUS. Ex his servus Dei omnipotentis gaudens hilarisque effectus, repertas Reliquias loco interim apto collocavit; Postmodum verò ad corpus Sancti Wilfredi feretro convenienter aptato, illud in eo magnâ cum reverentiâ condidit, utpote quem magno Wilfredo fundatori videlicet loci ipsius consanguinitate junctum noverat; quem in regimen Ecclesiæ Eboracensis, sicut Venerabilis Beda prope finem historiæ gentis Anglorum refert, ei successisse sciebat; quemque uti nominis ejus consortem, ita & vitæ morumque hæredem fuisse acceperat. Corpus \* siquidem illius majoris Wilfredi, quod semotum ab aliis per se in eminenti loco in ipsâ Ecclesiâ tumbam habuerat, quam & epitaphium ut idem Beda in eadem Historiâ narrat digniter decoraverat, à glorioso Cantuariorum Antistite Odone, cujus in initio hujus opusculi paucis meminimus, translatum Cantuariam fuerat: quemadmodum ipsemet in prologo Vitæ ipsius Wilfredi, quæ per eum heroico metro composita est, attestatur ita scribens: *Igitur venerabilissimas beati Confessoris Christi Wilfridi reliquias indecenti sentinosa voraginis situ marcidas, nimiam quod dictu quoque meticulosum est, Prælatorum horripilatione neglectas, cum inde favente Deo scilicet à loco sepulchri ejus quidam transulissent; reverenter excepi, atque intra ambitum Metropolitana cui gratiâ Dei præsideo Ecclesiæ collocavi: præsertim cogente illo Evangelistæ testimonio, meo videlicet apologetico,*

\* Luc. XVII.  
37.

*quia ubicunque fuerit corpus, congregabuntur & aquila. Itaque tanta tamque Deo dignæ affinitatis delectatus vicinitate, & editiore eas enthecâ decusare, & excerptis de libro Vitæ ejus flosculis novo opere pretium duxi carmine venustare.* Levatis ergo reliquiis, & convenienter ut dixi locatis, aliud ab illo quod fecerat primo par omnimodis & æquale Beatus Oswaldus feretrum fabricavit, ipsumque à se consecratum Wigornam destinavit. In cujus consecratione rogatus ad quarumnam Reliquiarum conditionem illud apparet, hoc se ad honorem Dei respondit composuisse, & illi cujusnam reliquiæ forent in eo condendæ notissimum esse. Servatum est itaque Wigornæ feretrum idem; ac reliquiæ ipsius admirandi patris Oswaldi à terrâ post multos annos levatæ magno cum honore sunt in eo collocatæ.

His ita dictis, cœptæ narrationi insistamus. Diffusa igitur sanctitatis fama Sancti Oswaldi eò prodiit; ut languoribus variis pressi ei de longinquo id ipsum mandarent, sibi ab illo subventum iri nullo modo diffidentes. Nec fallabantur. Verbi gratiâ vir quidam potens Regi Edgardo ex ministerio, quo ei deservire solebat, notus erat. Hic validâ infirmitate corporis tactus, per nuncium viro Dei se oppidò infirmari simpliciter insinuavit. At ille benedicens panem eique transmittens, ut plenâ fide recuperandæ sanitatis inde comederet jussit. Fecit ille quod præcepit; nec unius horæ spatium prius transiit, quàm se degustato pane melius habuisse percepit. Alio tempore dum idem famulus Dei in multitudine suorum apud Eboracam pransurus consedisset, jamque panem suâ sacratissimâ manu signatum confidentibus distribuisset; fortè micas decedentes forex superveniens avido simul & pavido morfu colligere cœpit. Qui dum in medium nullo eum deterrente prodisset, succubuit, nec usque progredi valuit. Benedicti etenim panis reliquias famelicus vorans, nec quod devoraverat ullatenus evomere quibat, & suffocatur subito.

\* Historiam translationis Reliquiarum Wilfridi Senioris Eadmerus fusiùs narravit in Vita illius, quæ inter Acta Benedictin. extat, Sæc. II. p. 226. Ex Eadmero Gervasius in Chronico p. 1291. Acriter è contra contendebant Eboracenses corpus Wil-

fridi Junioris non Senioris ab Odone translatum fuisse. De qua controversia vide Malmsburiensem de gest. Pontif. Angl. f. 153. & Tom. 1. hujus Collectionis p. 66. Prologum autem Odonis ab Eadmero citatum superius habes p. 50.

Remansit itaque mortuus. Quod factum ne suæ laudi quivis ascriberet, examinem bestiam à conspectibus intuentium abjici vir providentissimus jussit. Denique animadvertit nonnullos inter se inde loqui, & rem ultra quàm sibi cordi esset extollendo admirari. Et mihi quidem duo hæc, quæ de pane signato proximè facta retulimus, consideranti nec alienum ab admiratione esse perpendo, hoc scilicet irrationale animal præcipitasse de vitâ in mortem, quod animal rationale sullevavit à morte in vitam. Profectò natura panis eadem in illo quæ in isto fuit; & quemadmodum homo pane, sic & forex alitur pane. Quòd igitur homini vitalis, forici factus est exitialis; nec substantiam panis, sed meritum respicit sanctissimi Patris; qui ubique & in cunctis parvus & humilis extans in oculis suis, magnus erat in oculis Dei atque sullimis. Quod inter alia eo probabatur; quia ne dicam illi, sed quod minus est locis quibus per vices insistere solebat, suâ Deus protectione & correptione, ne ab indignis occuparentur, intendebat.

Sed forte non credetur iis, quæ dicimus; si ea declarans exemplum non subjicimus. Frater quidam erat professione & habitu Monachus nomine Ægelricus. Hic laxatis balneo membris, cum fessis quiescere opus haberet; locus quietis, vix misero, is primus occurrit, quem venerandus Præsul Oswaldus sedere frequentius morem habebat. Non ergo veritus sanctitatem loci, quam fuerat ex assiduitate Pontificis nactus, in eo sese dejecit, somno inibi ac dulci quiete velut sibi pollicebatur fruiturus. Et jam quiescentem lenis sopor involvit; sed absque morâ eum ab ipsâ quiete irruens Dæmonum multitudo atrociter evolvit. Astant quippe illi plures teterrimi spiritus, & ab eo districtâ examinatione perquirunt, quænam illius mentem dementia ceperit, quæ sibi ut se in loco tanti Pontificis collocaret surripere potuit. Ad quod rationem quam pro sui excusatione proferret nullam habentem, invadunt, torquent, laniant, hac & illac trahunt, ab imo sursum rapientes, de sursum ad ima dejicientes. Quid miser ageret? Sciebat ubi erat; nec se tantâ angustia involutum vel loco avellere, vel ad subveniendum quenquam poterat interpellare. Tandem tamen violento conatu erupit in vocem, & horrido clamore infremuit. Qui circa erant ex abrupto dormientis sono perterriti accurrunt, vociferantem pulsant, pulsantes excitant, excitatum quid dormiens passus sit diligenter interrogant. At ipse pavens ac pallens, quo casu quid fecerit, quid aut à quibus audierit, quid pertulerit, ex ordine pandit. Ad quorumcunque ergo notitiam istud perlatum est, non soli viro sed & iis quæ suâ intererant deinceps honorem ac reverentiam per omnia deferebant. De quibus licet plurima scribere fortasse possemus; tamen ne cui tædio simus, illa omittimus; intendentes videlicet brevitati, qua nos scripturos fore decrevimus.

Itaque ad sacrum ipsius transitum stili officium convertamus, & opus quod paucis huc usque protraximus, suo sicut Deus concefferit fini subdamus. Referre etenim qualiter pater ipse Oswaldus Rameleiam postremò reliquerit, quantis lachrimarum imbribus, præfagis ut autumo illum amplius eo non rediturum, à fratribus dimissus sit, forsitan conjectando quis possit, certe autem rei veritate neminem pronuncio posse. Discedentem verò non modo Monachi quos illic adunaverat, sed & plebs hinc inde sub uno coacta deducunt; singuli se illius sanctitati commendantes, sibi ab illo benedici supplici devotione flagitantes. Discessum autem illius subsecutus est in ipsâ Ecclesiâ terribilis fragor; qui tertio intonans audientes nimio pavore concussit, sagaces animos illum non multò post sæculo adimendum & ex hoc plerosque gravi tumultui subdendos edocuit, præmonuit, præmunivit. Denique nonnulli nosse volentes, unde qui audiebatur sonus prodierit, è domibus prodeunt, & in Ecclesiam pervenientes, omnia sana, omnia integra, omnia suis in locis solito consistentia mirantes inveniunt. Jam quod aliquibus per visum fuit ostensum,



ostensum, ruinam videlicet duarum turrium factam fuisse, prætermitto; ne si dixerò illarum turrium casus Beati Oswaldi & præfati Ducis Æthelwini præsignâsse in \* mortem occasus; æltimer mihi futurorum scientiam, quam non habeo, ex iis quæ facta scio jure deridendus arrogasse. Illo igitur ut diximus prætermisso, nos gloriosum patrem Oswaldum jam proximè cœlos petiturum descripturos suâ prece rogamus idem Pater tueatur & adjuvet

Ut igitur famulus Christi Oswaldus Rameſiam liquit, Wigornam adiit. Spiritus quippe caritatis, qui in eo circa Wigornenses per gratiam suam semper ferventior erat, eâ re illuc eum non injuriâ creditur adduxisse; quia noverat illum eò potiori æternæ vitæ præmio debere remunerari, quò in majori veræ caritatis affectu huic vitæ decedentem contingeret inveniri. Mansit itaque ibi quamdiu in corpore mansit, diebus ac noctibus Deo intendens, & iter suum eundi ad Deum toto conamine purum ab omni obstaculo faciens. Ob quæ labore & insuper senio fessus, languore corripitur gravi; per quem se intellexit aliàs de istâ vitâ vocari. Aderant sacri Quadragesimæ dies, dies scilicet in quibus diversis modis diluitur quod in aliis anni diebus variâ Dæmonum illusionē delinquitur; seu bono, quod alio tempore exercetur, diligentiore studio invigilatur. In usu habebat idem Antistes singulis diebus præter alios, quos quotidie innumeros alebat, duodecim pauperum pedes abluere, deosculando crine ac lintheo tergere, manibus aquam fundere, denarios præbere, & ipsis appositâ mensâ cibum & potum sufficienter ministrare, eosque in Pascha vestibus novis indutos per aliquot dies ipsius festivitatis in curiâ suâ honorifice secum habere. Nulla eum infirmitas corporalis ab istis retardabat; sed quo se corpore sentiebat debiliorem, eo sibi ad serviendum eis ingessit vim validiorem. Et jam Dei regnum ascendere cupidus, die quodam oratorium, quo continuè in Dei servitio tenebatur, cum suis egreditur; & sub aere stans acies oculorum cœlo intentissimè fixit; Christum ad quem anhelabat pio corde & ore intentiùs orans. Nec erecta lumina, ut fit, citò deflexit; sed quasi aliquod novi ac delectabile contemplaretur, ubi ea deflexerat diutissimè fixa tenebat. Unde præsentēs admodum admirati, quid tanto opere intueretur, sciscitati sunt. Quibus ipse ait: Considero quò tendo. Quapropter filii sustinete, quæso, quatinus juxta quod mihi conceditur prægustem gaudia quæ expecto. Attamen quod percunctamini, si quid sibi velit nosse vultis, cras vobis & me tacente res ipsa notabit. Salus enim æterna, pro qua hucusque laboravi in terrâ, instat; nec ante transibit craftina dies, quàm me in eam Dominus meus sicut est pollicitus introducat. Dixit; & unde fuerat egressus, in oratorium reversus est.

Convocatis deinde fratribus, hortatur eos impendere sibi ministerium sacræ inunctionis cum viatico Dominici Corporis, quod juxta ritum Ecclesiasticæ institutionis debetur Christianis de hac vitâ transituris. Quo illi audito in gemitus & lachrimas erumpunt, non illius gloriæ perenni ad quam properabat invidentes, sed cùm paternæ pietati qua privabantur pios affectus impendentes, tum suam desolationem quam tanto patre orbatī se passuros non dubitabant amarè deflentes. Exhibent tamen illi quod petebat; & grandi mœ-

\* Oswaldus Ethelwino præſente Ecclesiâ Rameſiensem denuo consecravit anno 991. 6. Id. Novembr. quod ex Florentio & Monacho Rameſiensi colligitur. Obiit Ethelwinus anno 992. 8. Cal. Maii; quod ex eisdem constat. Oswaldus eodem an-

no pridie Cal. Martii defunctus est. In id utrique consentiunt. Florentius autem id feriâ secundâ, Rameſiensis Dominicâ terciâ Quadragesimæ contigisse tradit. Re-ctus Florentius.

rore consternati, sequentem noctem per multa sæcula si fieri possit optabant protelari. In qua nocte ipse Pater, ac si languoris quo tenebatur oblitus, horam nocturnæ vigiliæ præveniens, prout suæ consuetudinis jugiter esse solebat, Ecclesiam petit; ibique noctis officium explens, residuum spatii quod diem usque tendebatur divinis laudibus pro more pervigil expendit. Et tali quidem modo nocte illâ suis dimensionibus terminatâ, fratribus illuxit metuenda dies, in qua te Reverende Pater Oswalde susciperet sælix & nullo claudenda termino quies. Hac etenim die percantato Psalterio, quod singulis diebus cum floribus inde acceptis decantare solitus erat, unicum redemptionis humanæ sacrificium coram se Deo Patri fecit offerri. Cujus dein participatione refectus, obitum suum quem instare sciebat, ejus invictâ virtute munivit. Ac demum totius diei officio in honorem Dei percelebrato, quasi convalescisset de infirmitate, surrexit; & Monachis nequicquam insistentibus ut suæ parceret imbecillitati, solito more lintheo præcinctus pedes pauperum lavit, & osculans eos crine lintheoque deterfit. Quibus lotis & quindecim graduum Psalmis, quos inter ipsum ministerium psallere semper moris habebat, percantatis, subjunxit *Gloria Patri & Filio & Spiritui Sancto*. Ad quod cum pauperes ei assurrexissent, ac solitas grates exolvissent; ipse dicendo *Spiritui Sancto* sanctam est resolutus in mortem, emittens spiritum suum ante pauperum pedes in manus Christi, cui in ipsis pauperibus ipse ministrarat. Ipso enim teste <sup>b</sup> sibi fit, quod uni ex minimis suis fit. Transiens itaque à Christo susceptus est; quatinus juxta verbum illius illic esset ubi & ille. O verè ministerium sælix; quod sui executorem sub tantâ celeritate regni Dei fecit hæredem. Et tu O Beatissime Pater non minùs immo multo excellentiùs sælix; qui functus ministerio, ipso eodem momento, quo illud fideliter peregisti, in gaudium Domini tui, cui servisti, sælici præmio remuneratus felicissimus introisti. Illa gloria, qua coronaris, innuit tuis quantum possis sibi prodesse ante Deum, si dignaris. Et quidem, inclyte Pater, sælix fuit vita tua, sælix fuit & mors tua. Atque utinam sentiant in se alumni tui, quod sit sælix memoria tua, sibi que salubris atque benefica quam ad te habent humilis devotio sua.

<sup>b</sup> Matth. XXV.  
40.

Itaque Fratres patrem suum jam defunctum cognoscentes, accurrunt & complofis manibus lugubres ejulatus emittunt. Inter quos tamen trepidi ac gementes exanime corpus accipiunt, cilicio sternunt, abluunt, sacerdotalibus uti moris est vestibus induunt. Perciperes ad hæc pietatis officia, quàm pio affectu vivens Pastor à suis ovibus diligebatur; cum in extinctu procederet tantæ caritatis ostensio, ut nullus illi putaretur satis honoris detulisse, qui non lachrimantibus oculis manibus ejus ac pedibus devota oscula impressisset. Hinc superpositus feretro, fertur ad Ecclesiam Beatissimæ Virginis Virginum, quam sicut supra memini à fundamento ipse construxit. Et ecce dum in sublimi gestaretur; ac præcedentibus iis, qui sonoris concentibus Deo laudes & preces offerebant, subsequente autem populo, qui amissum Pastorem una cum Monachis miserandâ voce plangebant; apparuit gloria Dei, quæ doctas mentes docuit intelligere meritum mortui. Viderunt etenim, qui convenerant, niveam columbam de superis venientem expansis alis lento volatu protegere corpus Antistitis. Igneam quoque sphæram ad scuti teretis instar unâ cælo delapsam super feretrum intuebantur. Et admirantes unum & aliud signum, rogant ut qui non adverterent intueantur. Insonat clamor hinc & inde; fitque disruptio vocum laudationis divinæ: laus autem ipsa quo magis dirumpitur, magis augetur; rumpitur in canoris vocibus, augetur in júbilo cordis. Jubilant namque Deo pro gratiâ, quam in tantâ multitudine monstrare in patre suo dignatus est; per columbam videlicet ostendens simplicitatem & innocentiam pectoris ejus, per igneam sphæram fervens studium quo præditus erat in dilectione Dei & proximi, animus ejus. Interim

[ E e ]

venerabile



venerabile corpus oratorio infertur, cœptæ protectionis præfati ignis atque columbæ continuatione comitatum. At ipso deposito coram altari, visio quæ apparuit in australem Ecclesiæ plagam prope altare divertit, quasi locum designans corporis sepeliendi. Quo facto intuentium oculis cœlum remeans elapsa est.

Fama igitur obitus ejus circumquaque perlabitur; & illo die ac nocte subsequente quibus à sepulturâ corpus suspenditur, undique parvi ac magni utriusque sexûs homines advolant; eorumque clamores suspiriis atque lamentis permixti aera complent. Hos inter acerbior fletus Monachos & inopes cruciabat; hos quia pastorem, patrem & advocatum, illos quia se in eo perdidisse adverterant totius vitæ subsidium, spem & consolationem. Fit igitur luctus omnium inæstimabilis, & adunata multitudo innumerabilis. Qua circumstante seseque super invicem comprimente, sepeliuntur sacratissimi Præfulis artus in præfatâ nobilissimæ Virginis æde, loco videlicet divinitus pridem designato. Post hæc annunciat Deposito ejus his & illis, id est vel quos regendos sub pastoralis curâ susceperat, vel quos à sæculari conversatione abstractos qualiter Deum in Monachico habitu sequerentur instruxerat. Unde ex dulcedine recordationis ejus cunctis, qui intelligebant se fuisse filios ejus, indicitur luctus communis. Ubi autem sæpe memoratus Æthelwinus dux rescivit gloriosum Oswaldum huic vitæ modum imposuisse; præ nimia angustia cordis infirmitas corporis, quæ illum tunc fortè premebat, in tantum convaluit; ut post modicum temporis sancto fine quiescens universæ carnis viam intraret, sepultus in Ecclesiâ quam in Rameseiâ ipse & Pater Oswaldus de suo fabricarant.

Transit autem venerandus Deoque dilectus Antistes Oswaldus ab hac vitâ ad vitam æternam. II. Kalendarum Martii, transactis ab Episcopatu, quo primo functus erat, triginta vel amplius annis: Conditumque est venerabile corpus illius, uti prædiximus, Wigornæ in Ecclesiâ gloriosissimæ Dei genitricis & perpetuæ Virginis Mariæ. Sanè ut gratia Christi designet mortalibus Oswaldum mundo mortuum sibi vivere; qui eum non quasi penitus mortuum requirunt, verè viventis & ante se multum valentis indicia in eo reperiunt. Quod ut evidentibus probemus argumentis, quæ per eum post mortem suam facta & ad nostram notitiam sunt perlata, paucis subnectere rati sumus. Sed ne judicemur de percipiendis indigni, si invenimur de perceptis ingrati; pro iis quibus scribendis animum dedimus, & jam effectum prout Deus dedit nacti sumus, sit ipsi omnipotenti Deo, Patri, Filio & Spiritui Sancto laus & gratiarum actio per immortalia sæcula sæculorum, Amen.

Explicit Vita Beati Oswaldi Archiepiscopi & Confessoris.

V I T A

# V I T A S. DUNSTANI,

ARCHIEPISCOPI CANTUARIENSIS,

AUTHORE

E A D M E R O.

Incipit Prologus in Vitam Sancti DUNSTANI,  
Archiepiscopi & Confessoris.

**Q**uia Deum in Sanctis suis mirabilem prophetica voce laudare jubemur; eum in iis quæ in Sancto Dunstano primæ Metropolis Anglorum Pontifice mirabiliter operari dignatus est, quorumdam simplicium in bono fratrum non contemnendæ voluntati obtemperantes, usitato more loquendi stili officio laudare decrevimus; scriptis quæ alio quodam elocutionis genere ipsa gesta commemorant sapientum considerationi relictis. Cui ut licet insipiens adquiescerem, me nonnihil illexerunt eadem scripta, eò quòd in quibusdam nonnullis modum usitatæ narrationis excessisse videntur. Adductus etiam in hoc sum quorumdam calumniis, qui frequenter questi sunt & conqueri non desistunt Auctorem \* ipsorum scriptorum vulgatæ rerum historiæ non omnimodis concordasse. Quod non quidem in Miraculis, quæ de ipso patre scripta sunt, ei surrepsisse confitemur. De quibus verbi gratiâ est quod scribit Episcopatum Wigornensem, cum ad eum Pater Dunstanus electus & consecratus est, fuisse in honore beatæ matris Dei Mariæ; cum revera fuerit in honorem gloriosi Apostolorum Principis Petri. Et quod refert secundum Edwardum Martyrem ex sanctimoniali

\* Author is Vitæ Dunstani, cujus errores Eadmerus perstringit, nec Bridferthus fuit nec Osbernus. Ille enim neque de Ecclesiâ Wigornienfi Beatæ Virgini dicatâ, nec de Edwardi Regis matre mentionem intulit. Iste quidem Ecclesiam Wigorniensem B. Virgini sacratam fuisse refert; de Edwardi autem matre nil habet. Alium igitur ab Eadmero subinnui Authorem puto; quem Osbernus in Præfatione suâ res gestas Dunstani stilo festivo pariter & bene ordinato conscripsisse tradit. Hujus enim

scripta quamvis incendio Cant. Ecclesiæ anno 1070. conflagraverint, in Anglicum tamen Sermonem translata superfuisse idem Osbernus perhibet. Osberni quidem librum Eadmero neque notum fuisse constat. Ipse autem Osbernus omnia antiquiorum de rebus Dunstani gestis scripta perlegerat; eundemque Tinmuthensis passim describere solet in Historiâ suâ MS. lib. 21. in qua prolixam satis Dunstani Vitam de-



foeminâ natum, cum proculdubio constet eum ex legitimâ conjuge procreatum: & alia quædam in hunc modum. Quorum omnium puram veritatem rogatus ab amicis meis tanto studio investigare sollicitus fui; ut quaque per Angliam, ubi talium studia vigere sciebam & ipsemet ire non poteram, pro hoc ipso me mittere non pigeret: omnino videlicet detestandum existimans à rerum limite exorbitantia veritatem nosse volentibus dicto vel scripto subministrare. Unde ne quis me quâvis arrogantia vel invidia ductum judicet istis scribendis manum imposuisse; fateor testimonium mihi perhibente conscientia meâ in ipsâ veritate, à qua Christianum deviare non licet, quia nisi me humanæ mentis cæcitas fallat, nil in hac parte quæ dixi vitia valere, sed solus amor veri, quo tantum Patrem & præsentibus & secuturis omni sepositâ ambiguitate commendare cupiebam. Nec in his meo sensu usus sum, sed firmâ & cui non credere nefarium esse credebam patrum auctoritate subnixus; quos mihi quondam attestatos fuisse recorder se res ipsas juxta quod eas describimus certo relatu eorum qui optimè illas noverant cognovisse. Horum unum Ægelredum scilicet, qui Subprioris & Cantoris officium in Ecclesiâ Cantuariensi strenuissimè per multum temporis administrabat, quique postmodum ob religiosam prudentiam & prudentem religiositatem suam Wigornensi Ecclesiâ sub Beatæ memoriæ Wulstano Episcopo prælatus erat, & multis qui adhuc supersunt notissimus fuerat, ne nudis solummodo verbis agere judicer, omissis aliis proponere cordi fuit. Hic Ægelrico Cicestreensi Episcopo homini magnarum rerum peritiâ prædito antehac diu adhæserat, & ab eo multa de Beato Dunstano, cui penè contemporaneus fuit, didicerat; quæ ille ab iis qui interesse meruerunt se accepisse fatebatur. Sunt super hæc Scripta veterum simpliciori stilo digesta, & Chronicorum abbreviatæ notationes; iisque scribimus attestantes. De iis autem quæ post sacratissimum transitum ejus per eum facta significamus, quædam ex literarum monumentis, quædam ex priorum sensuum approbationibus, quædam ex veridicorum virorum allegationibus, qui ea partim visu, partim auditu, partim experimento in seipsis didicerunt, omni remotâ scrupulositate cognovimus. Si quis igitur hæc legere dignabitur vel audire; ita quæso legat vel audiat, ut conscientia meâ simplicitati non deroget. Nam ea non detrudere studiosis sed parvitati meæ meorumque similium condescendere scientibus atque paratis pro captu meo descripta esse pronuncio. Non itaque se illis quæ scribimus inaniter occupet, cui quod perimus in mente non sedet.

Explicit Prologus.

Incipit

Incipit Vita Beati DUNSTANI Cantuariensis Archiepiscopi & Confessoris.

**B**Eatus ergo Dunstanus ex nobilissimâ gentis Anglorum prosapiâ originem ducens, eo nobilius in hujus mundi latitudinem prodiit, quo sub materni sinûs ipso adhuc angustîâ clauso divino miraculo designatum est præclarum mundo per eum lumen oriturum. Cum etenim mater ejus eo gravida spe prolis futuræ lætaretur; dies Purificationis beatæ Matris Dei festivus illuxit. Multitudo igitur utriusque sexûs hominum pro excellentiâ tantæ festivitatis circumquaque coacta fluxit ad Ecclesiam, quæ antiquitus Glastoniæ de lignis ædificata in honorem erat ejusdem Dei Genitricis consecrata. In qua multitudine multos nobilitate dignitateque præcellens pater Sancti Dunstani Herstanus nomine cum Chynedrihâ matre ejus ad Dei servitium properabat; ambo cereos quos pro ritu ipsius diei Deo offerrent deferentes. Jam Missæ officium celebrari cœperat, &c. *Prosequitur Historiam Eadmerus stilo uberi. Res gestas eodem, quo Osbernus, narrat ordine; eadem eodemque loco refert miracula, stilo tamen longè alto. Simplicem & historicum Eadmerus adhibet, Osbernus magis affectatum & quasi declamatorium. Ex rerum & ordinis convenientiâ conjici poterit utrumque Dunstani gesta ex eodem fonte, Anglicâ sc. Historiâ, potissimum hausisse. Ne inutili igitur repetitione Lectorem gravemus, Eadmeri omnia prætermittenda duximus, nisi quæ aliorum narrationes aut corrigant aut egregiè illustrent: Præfati solummodo notas in margine Codicis antiquitus appositas Edredi Regis obitum anno 955. Edvii 958. reponere.*

Exin defuncto Episcopo Lundoniensi, quæsitum quis in Episcopatum dignè succedere posset. Et cum in hoc aliquantum temporis expenderetur, nec persona decens & idonea reperiretur; tandem electio omnium super Dunstanum versa est; & ipse Pontificatum prædictæ Ecclesiæ suscipere communi cunctorum acclamatione coactus est. Utraque igitur Ecclesia, Wigornensis videlicet & Lundoniensis, eo Præsule gloriabatur; quandoquidem summâ necessitate compulsus utriusque Pontifex per nonnullum temporis spatium erat; utrique sollicitudinis suæ curam impendens, utramque intus & extra suâ defensione contra omnes æmulos muniens, in utrâque officium Pontificale opportuno tempore sedulus exequens. En visio, quam supra descripsimus, in gladiis Apostolorum partim impleta est; cum in Episcopatu Lundoniensi, qui ex nomine beatissimi Apostoli Pauli celebris habetur, Dunstanus confirmatus est. Profectò namque gladium ipsius Apostoli ipsi Ecclesiæ prælatus accepit; quia verbum Dei morem illius secutus subditorum cordibus excellenter infudit; & potestate, qua ille in virtute Domini Christi gloriatus est, ipse ad terrendos impios, ad demulcendum pios circumquaque usus est. Quod & in Ecclesiâ Wigornensi strenuus egit, quam in gladio Beati Petri regendam suscepit. Siquidem Episcopatus idem per id temporis in honorem ipsius gloriosi Apostoli fundatus habebatur. Sed Oswaldus vir Sanctus & religiosus, quem in regimen ipsius Ecclesiæ beatus Dunstanus Antistes Cantuariensis effectus sibi succedere fecit, quia Clericos ibi degentes nec à pravitate suâ convertere, nec inde eò, quod nobiles juxta sæculum atque potentes erant, quibat eliminare, construxit penè contiguam ipsi Ecclesiæ Ecclesiam beatæ Dei genitrici Mariæ; in qua ipse cum Monachis, quos se proposuerat adunaturum, Christo ferviret. Quod & factum est. Religio itaque Monachorum contemptum Clericis peperit, & vulgi conventum ab eis alienatum sibi assiduum fecit.



fecit. Quid plura? Numerus Clericorum passim minuitur; Monachorum conventus indies augetur. Quidam insuper ex ipsis Clericis conversi numero illorum additi sunt. Hoc modo Sedes Pontificalis mutata est in Ecclesiam Beatæ Mariæ semper Virginis.

Memorato Odone Archiepiscopo Cantuariorum ad perennis vitæ gaudia translato, immensum omnibus Anglorum Ecclesiis luctum suus transitus intulit, & innumeros populos acerbo mœrore percussit. Postulatus Dunstanus Odoni in Patriarchatum sedis Anglorum succedere abnegat; suscepti regiminis onus satis grave sibi ad portandum, ne dum majus superaddatur, esse protestans. Unde Ælfsinus Wentanæ urbis Antistes per regni Principes, quorum alios re præsentium alios spe munerum futurorum ad hoc sibi fautores effecerat, Archiepiscopatum Rege annuente obtinuit. Qui post aliquot adeptæ dignitatis dies Romam pro Archiepiscopatûs stolâ petens, in Alpibus nimiam frigoris asperitate correptus ultimum flatum ibidem emisit. Post quem substitutus est in summum Ecclesiæ Dorobernensis Pontificatûm Birhtelmus Dorsetensis populi Præsul, vir totus ex mansuetudine, humilitate & modestiâ factus. Verum ubi compertum est nihil in corrigendis vitiis, nihil in exercendis ecclesiasticis disciplinis, nihil denique virtutis seu constantiæ in eo esse ad tuendos bonos vel coercendos malos, ad Ecclesiam suam iussus rediit. Et ita Sedes Cantuariensis à Pontifice aliquantis diebus vacua sedit.

Itaque unanimis omnium electio Dunstanum inclamitat, illum solum se nosse vociferans, quem tanta sedes dignum valeret habere rectorem; præsertim cum à primævo ætatis flore vitæ sanctitas, morum gravitas, & cui nemo contraireret eum perlustraverit invicta, constans & sequenda autoritas. Hac ergo Dunstanus acclamatione quasi voce verè divinâ constrictus primatem totius Britanniæ sedem regendam suscepit; & eam immensâ omnium adjacentium Ecclesiarum ac populorum exultatione & gloriâ deductus ascendit. Post hæc temporis opportunitate acceptâ beatissimorum Apostolorum Petri & Pauli limina petiit; & cum summæ Sedis Pontifex magno sinceræ dilectionis affectu illò venientem excepit: secumque postea familiariùs agens, & agendo templum Sancti Spiritûs esse indubitanter agnoscens, magnificè illum honoravit, ac stolâ sui Apostolatûs pro qua venerat decentissimè decoravit. Sicque delegatâ ei legatione Apostolicæ Sedis genti Anglorum pastorem ac salutis eorum provisorum destinavit. Itaque vir Dei Româ reversus, & in Patriarchatum primæ sedis Britanniarum receptus, in ipsam mundi Principem quasi gigas surrexit, & armaturam verbi Dei à dextris & à sinistris constanti virtute in eum vibrare, & membra ejus circumquaque debellare, prosternere cœpit & enervare.

Inter hæc visionem, quam sibi in oblatione apostolicæ armaturæ dudum apparuisse descripsimus, mente revolvens, & eam jam in administratione regiminis duarum Ecclesiarum Wigornensis videlicet & Londoniensis firmè impletam conspiciens, dicendum existimo per quid Archiepiscopatus Cantuariensis, qui hos dignitate præcedit & in quo ipse excellentiùs sedit, ei præsignatus sit. Nimirum per verbum Dei, quod scriptum suscepit in gladio Beatissimi Petri; secundum quod illud Rex Edredus exposuit, quando ei visionem ipsam ipse Dunstanus ut prædiximus retulit. Sicque gladius Petri Ecclesiam Petri, & verbum Dei Ecclesiam verbi Dei quæ Cantuariæ sita est, significavit. Exin videtur rationis dicere, quid gladius Beati Andreæ cum cæteris oblatus prætenderit; quandoquidem ipse in nullâ Ecclesiâ quæ sub nomine ipsius Apostoli consecrata sit, sicut in prædictis tribus Ecclesiis federit. Quod quidem quantum attinet ad nos Anglos, quibus quid hoc sit luce clariùs patet, superfluum reor dicto commemorare vel scripto. Propter externos tamen, si fortè aliquando aliquo casu ista inter eos ceciderint, breviter dico; illum meritò cum gladio Petri verbo Dei inscripto gladium suscepisse Andreæ.

dreæ. Nam qui Ecclesiæ Cantuariensi per Pontificatum præsidet, Rosensi Ecclesiæ quæ sub patrocínio Beati Andreæ subsistit per Episcopi institutionem, per horum & horum intus & extra cùm res exigit dispositionem, utpote suo dominio præsidet.

Quis igitur in cunctis quæ religioni competunt Dunstanus fuerit, videlicet cujus virtutis ad omnes omnium personarum injustitias deprimendas; ad bona quæque opera fovenda & munienda extiterit; usque hodie tota Anglia canit; nec opus esse arbitror, ut me in illis scribendis fatiget grandis labor. Nonnulla tamen, quæ ab illis qui ex ejus tempore usque ad nos per successus ætatum fluxere, accepimus, compendioso relatu subjiciam; quatinus inde percipiantur veritas verborum quæ proposuimus. Comes quidam præpotens cognatam suam illicito sibi matrimonio copulaverat; & à Dunstano semel, secundo & tertio redargutus, incestum suum divortio expiare volebat. Quapropter gladio Spiritûs Sancti à viro Dei percussus, à liminibus est sanctæ Ecclesiæ separatus. Qui typo attractus superbiæ Regem adit; Dunstanum immoderatæ & impiæ severitatis accusat; regiâ sanctione se ab ejus tyrannide liberum constitui querelosâ voce precatur & obsecrat. Cujus verbis Rex adquiescens, Dunstano mandat; ut hominem cum eâ quam duxerat in pace manere sinat, & à quibus suspenderat liminibus sacris ipsum restituat. Miratur ille ad audita; & dolet religiosum Regem per mendacem hominis linguam ante rei inquisitionem & examinationem esse seductum. Ponit tamen hominem ad rationem; & tam pro commisso crimine quàm & propter injustam sui criminationem apud Principem terræ factam paulo durius increpat, cupiens eo modo ad pœnitentiam & correctionem cor illius emollire. At ubi vidit ipsum non solum verbis suis non consentire, sed insuper contumaci spiritu contra se furere minarique, supra id quodd eum ab ingressu domus Dei suspenderat, ut dixi, omnem ei communionem fidelium donec à suâ pravitate discederet interdixit. Tunc ille seipso deterior effectus, immani est furore correptus; Et nihil eorum quæ possidebat alicujus momenti reputans, ad hoc solum se totum studebat impendere; ut Dunstano excitaret scandalum, & Christianæ legis jugum, quo à suâ libidine coercebatur, sibi faceret alienum. Legatos itaque suos Romam destinat; & talibus assueta quorundam Romanorum corda & ora in suam causam largo munere largiori sponfione permutat. Quid deinde? Præsul Apostolicæ sedis Dunstano peccatori homini condescendere verbis ac litteris mandat, & eum Ecclesiæ gremio integrè conciliare monet, hortatur, imperat. Ad quæ Dunstanus ita respondit: " Equidem cùm illum de quo agitur, sui delicti pœnitundinem gerere videro; præceptis Domini Papæ libens parebo. Sed ut ipse in peccato suo jaceat, & immunis ab Ecclesiastica disciplinâ nobis insultet, & exinde gaudeat; nolit Deus. Avertat etiam Deus à me; ut ego causâ alicujus mortalis hominis vel pro redemptione capitis mei postponam legem, quam servandam statuit in suâ Ecclesiâ idem Dominus meus Christus filius Dei. Hæc sibi relata ille audiens, & Dunstanum ab iis quæ certò diceret inflexibilem esse certissimè sciens, excommunicationis suæ pœnâ cùm hominum pudore constrictus tum timore periculorum quæ talibus nonnunquam accidere solent perterritus, obstinaciam suæ mentis deposuit; & abdicato illicito conjugio, pœnitentiæ sibi cultum imposuit. Dunstano namque generale totius regni Concilium de observantiâ Christianitatis celebrante, ipse suimet oblitus, nudis pedibus, laneis indumentis corpus amictus, virgas manu ferens, Concilio sese medium ingessit; & ante pedes Dunstani gemebundus & ejulans corruit. Quo viso moti sunt omnes qui aderant ad pietatem; & ipse pater omnium majori præ cæteris pietate motus est. In vultu tamen servato disciplinæ rigore, utpote hominem pleniter Deo reconciliare desiderans, lacrimas ejus ad horam severus sustinuit; ac demum à toto Concilio postularus, lacrimans & ipse culpam indulsit.

Itaque



Itaque ab excommunicationis vinculo absolutum communioni fidelium gaudentibus cunctis eum restituit.

Alio tempore monetarii tres, qui in potestate viri erant, cum falsâ monetâ capti ad subeundam pœnam hujusmodi hominibus per totum regnum promulgatam sunt judicati. Quæ res Dunstano abscondi non potuit. Die ergo Pentecostes idem pater Missarum solennia celebraturus percunctatur, utrum Dei populo statuta justitia de ipsis monetariis facta fuerit annon? Respondetur eam ob reverentiam tanti diei in alium diem esse dilatam. Nequaquam, inquit, ita fiet. Monetarii nempe, qui falsos ex industriâ denarios faciunt, fures sunt; & eorum furto nullum nocentius esse cognosco. Nam in falsâ monetâ quam faciunt totam terram spoliunt, seducunt, perturbant. Ipsi divites, ipsi mediocres, ipsi pauperes in commune lædunt; & omnes quantum sua interest aut in opprobrium aut in egestatem aut in nihilum redigunt. Quapropter noveritis, quia ego hodie ad sacrificandum Deo non accedam; nisi primò illi qui deprehensi sunt, eam quam in seductione totius populi promeruerunt subierint pœnam. Si enim in ultione tanti mali cum negotium me respiciat Deum placare supersedeo; quomodo illum de manibus meis sacrificium suscepturum sperare queo. Sed hæc licet crudelitati possint ascribi, Deo tamen patet intentio mea. Lacrimæ, gemitus atque suspiria viduarum ac pupillorum, clamor quoque vulgi totius mihi incumbit, & correctionem hujus mali deposcit. Quorum afflictionem, si quantum in me est mitigare non intendo; & Deum qui gemitibus eorum compatitur, nimis offendo, & alios ad idem malum exercendum promptiores & audaciores facio. Dixerat, & pro pœnâ illorum qui manus erant perdituri pietate motus, lacrimis manat; ut satis esset videre de quo fonte procedebat edictum, quod nonnullis videbatur crudele. Ubi verò audivit præstitutam justitiam factam; surrexit, ac lotâ facie ad oratorium exhilarato vultu abiens ait: Quia Deum obediendo statutis justitiæ legibus audivi hodie, confido quod & ipse per misericordiam suam sacrificium de manu meâ suscipiet hodie. Cujus confidentiæ effectu privatus non est. Eo quippe inter sacrosancta Missarum solennia sacras manus extendente, & Deum patrem omnipotentem ut Ecclesiam suam Catholicam pacificare, custodire, adunare & regere dignaretur toto orbe terrarum interpellante, nivea columba multis intuitibus de cœlo descendit; & donec sacrificium consumptum esset, super caput ejus expansis & quasi immotis alis sub silentio mansit. Inter hæc quid animi gereret servus Dei? Quo amore, qua dulcedine, quo desiderio putas in Deo pascebatur; qui ex præsentî gratiâ Dei tali visitatione fovebatur? Consumpro sacrificio, columba eadem in australem altaris partem declinavit, & super tumbam Beati Odonis, cujus supra mentionem fecimus, se reclinavit, alis suis illam hinc inde complexans, & quasi rostro deosculans. Quod Beatus Dunstanus intuens, & exinde meritum jacentis appendens, in tantâ eum deinceps reverentiâ habuit; ut quoties coram sepulchro illius transibat, genua flecteret. Cognomine quoque Boni in maternâ linguâ post hæc eum semper nominare consuevit, videlicet Odo Segode, quod Latinè sonat Odo Bonus. Quo cognomine ex eo tempore usque ad hanc nostram ætatem solet ab Anglis, maximè tamen à Cantuaritis, nuncupari. Percantatâ Missâ Dunstanus ab altari digreditur. Ministris autem ejus pro signo, quod acciderat, his & illis innuentibus, & alios ex fratribus ministerio Pontificis affuturos suspicantibus, ipsi se in diversâ tollunt, ac virum adhuc immensis ex præsentî gratiæ Dei lacrimarum imbribus madentem solum relinquunt. Et ecce dum casulam, qua inter sacra vestiebatur, deponeret, nec ullus adesset qui eam susciperet; disponente Deo suspensâ pependit in aere; ne cadens in terram servum Dei à suâ turbaret intentione.

Per id ferme temporis rogatus à quodam viro nobili & religioso, dedicavit ei Ecclesiam, quam ipse in suo fundo construxerat. Ubi ad ministerium aquâ deficiente, & ob hoc hominem nonnullâ mœstitudine corripiente, famulus Dei præmissâ prece terram baculo percussit; ilicoque fons limpidissimus erumpens omnes qui præsentés erant non modicum lætificavit. Qui fons usque hodie manans Dunstani nomen & meritum celebre facit. Idem pater à Cantuariâ in remotiores villas suas opportunis spatiis hospitia sua disponens; apud Magaveldam, sicut & in aliis hospitiorum suorum locis, ligneam Ecclesiam fabricavit. Quam ipsemet dedicans, dum ex more circumiret & eam ad aquinoctialem solis ortum minimè versam perciperet; fertur quòd transiens humero suo illam aliquantulum preffit, moxque mutatam à proprio statu in medium Orientis tramitem pro voto convertit. Quod ipsum facile potuisse efficere nemo ambigit, nisi qui verbis Domini Christi, quibus fidem sicut granum sinapis habentibus promittit quòd etiam montem dicto transferant, incredulus existit. Inter hujusmodi opera Dunstanus Deum semper in mente habere, Deo quicquid boni faciebat non sibi ascribere, magnum humilitatis minimum elationis cor per omnia & in omnibus possidere.

Cùm autem à sæcularium negotiorum occupationibus ei quies ardebat; modò contemplationi divinæ & orationibus incumbere, modo sacrarum Scripturarum lectioni & earum expositionibus intendebat. Modò fratrum exhortationi seu librorum emendationi sedulus operam impendebat. In compunctione verò lacrimarum tantâ gratiâ præditus erat; ut quoties eum sacris altaribus sisti vel aliquo officio pontificali fungi conspiceres; Spiritus Sancti fervore mentem ejus accendi, & quæ ille exterius administrabat ipsum interius operari per indices ex oculis illius decurrentes lacrimas non dubitares. Hæc inter sibi & successoribus suis competentia tam infra muros urbis quàm & in quibusque villis ad Archiepiscopatum pertinentibus ædificia constitui, vel constituta si qua ex parte diruta essent renovari faciebat: Se scilicet in istis non modò sibi sed & multorum utilitati natum vivereque perpendens. Præterea cunctarum Ecclesiarum totius Britannix adjacentiumque Insularum sollicitudinem strenuus gerebat; & earum causas, quæ ad eum sicut ad Præmum & Patriarcham quotidie ferebantur, disponebat. Et quia vigilantissimo studio Domino Christo per omnia famulabatur; sæpe supernorum civium gaudiis atque concentibus, ad quos anxie suspirabat, miscebatur, aliquando corpore vigilans, aliquando sancto sopore quiescens. Quodque fortassis non minus stupeas, per visum quædam à beatis spiritibus didicit, quæ ipse postea in servitio Dei canenda suos edocuit. *Sequitur Historia Visionis de matre suâ cuidam Regi potentissimo desponsata; quam supra habes in Osberno, p. 114.*

Alio quodam tempore Rex in die Dominicâ manè venatum ivit; & Dunstanum, qui tunc fortè secum erat, Missam suam donec rediret differre petiit. Appropinquante igitur horâ tertiâ, vir Dei ad Ecclesiam procedit; & indutus sacris vestibus, Regem sicut ei promiserat expectabat. Stabat ergo cubitis innixus altari, orationi ac lacrimis deditus. Tum subito sopore leniter pressus, in cælum rapitur; & beatis Angelorum agminibus associatus, audit eos summæ Trinitati in laudem modulatis vocibus decantantes atque dicentes, *Kyrie eleyson, Kyrie eleyson, Kyrie eleyson.* Quorum melodiam cœlestium contemplatur edoctus, ad se reversus est. Et conversus ad suos interrogat, Rexne venerit annon. At ubi eum nondum venisse accepit; ad suas preces sese convertit. Factoque non grandi intervallo, iterum extra se ductus audit in cœlis altisonâ voce dici; *Ite, missa est.* Ad quod cùm Deo gratias responderetur; accurrentes Clerici Regis Regem adesse vociferantur; sacerdotem ut festinantius Missam celebret obsecrant. At ille versus ab altari, Missam se habere pronuntiat; & aliam se eâ die celebraturum abnegat. Depositisque vestibus sacris, à suis de re inquiritur; quod latebat,



aperitur. Ex hoc itaque sumpto sermone Regem in diebus Dominicis deinceps à venatu prohibuit. *Kyrie eleyson*, verò quod in cœlestibus didicit, suos docuit; idque multis in locis hodie sancta Ecclesia inter Missarum solennia canit.

Moris erat viro loca sancta, quando Cantuariæ morabatur, uno tantum fidei socio comitatus noctu peragrarè; & se inibi per compunctionem & contritionem cordis Deo mactare. Quadam igitur vice ad Monasterium beatissimorum Apostolorum Petri & Pauli, in quo beatus Augustinus & alii nonnulli de patribus Ecclesiæ Christi Cantuariensis tumulati sunt, ex more circa mediæ noctis silentia perrexit; ibique Deo se diutius in oratione prostravit. Egressus verò ad oratorium Beatæ Dei genitricis & perpetuæ Virginis Mariæ, quod in orientali ipsius Monasterii parte situm fuerat, eadem facturus divertit. Cui appropinquans, audivit intus voces psallentium atque dicentium: *Gaudent in cœlis animæ Sanctorum, qui Christi vestigia sunt secuti; & quia pro ejus amore sanguinem suum fuderunt, ideo cum Christo gaudebunt in æternum.* Ad hæc ille stupefactus, astitit ostio; ac per rimas illius introspectans, erat enim obseratum, intuetur Oratorium totum immensâ luce splendere, & quendam cuneum candidatarum personarum ipsam Antiphonam lætis concentibus resonare. Alio item tempore præfata pastorum Ecclesiæ limina simili horâ parivoto requirens, ubi inde discessit, memoratam sacratissimæ Virginis ædem preces illic Deo fusurus adire cœpit. Ecce autem ipsa beatissima Virginum Virgo, comitata numerofo Virginum choro, venienti viro occurrit; & summo cum honore susceptum ad suam Ecclesiam quo tendebat ducere cœpit; præcinentibus duabus de choro puellis illud Sedulii carmen itaque dicentibus. *Cantemus socia Domino, cantemus honorem. Dulcis amor Christi personet ore pio.* Quos versus chorus Virginum resumendo percantans, prædictæ binæ cantrices binos qui sequuntur in ordine versus profecutæ sunt. *Primus ad ima ruit magnâ de luce superbus. Sic homo cum tumuit, primus ad ima ruit.* Sicque donec vir Dei perductus in oratorium esset, Virgineus chorus primas & Virgines binæ binos, juxta quod series hymni sese habet, versus modularæ sunt. Propter hæc & horum similia facta insignis pater Dunstanus quanti honoris, quantæ reverentiæ, quantæve magnificentiæ apud omnes bonos extiterit, æstimo, quòd qui talia Dei dona amplecti novit, ex magnâ parte & me silente videbit. At iis, qui potius in malitiâ quàm in bonitate vitam agere satagebant, horrorem atque terrorem vultus ejus incutiebat; ut ab eo fugere quàm ad eum accedere mallent. Omnes verò, qui perversa acta sua deferere & ad recta opera cupiebant transmigrare, verâ pietate ac misericordiâ visceribus eum redundare sentiebant; & ultra humanam æstimationem consilium simul & auxilium suæ salutis in eo reperiebant. A remotis itaque terrarum partibus ad eum passim currebatur; & quo illum præminere notum erat, Spiritus Sancti consilium ab ipso petebatur.

Si ad ista Diaboli odium & invidia sæviebat; nulli mirandum. Sed quia se in perturbatione viri nihil posse, nisi quod verecundiam sui & ejus gloriam magnificaret, jam certò sciebat; ab eâ qua illum sæpe fatigare solebat, impugnatione sese cohibuit. Verùm ut eum redderet conturbatum; Eadgaro Regi, quem multum pro suâ reverentiâ diligebat, laqueum gemebundæ deceptionis tetendit; & irretitum gravis peccati nævo involvit. Quadam enim vice idem Rex in Monasterium Virginum, quod Wiltuniæ situm habetur, venit; ibique captus specie cujusdam puellæ, quæ de nobilibus Anglorum nata inter Sanctimoniales non velata nutriebatur, custodiebatur, eam suo colloquio adduci secretius jussit. Illa cum duceretur, timens pudori suo, raptum ab una Sanctimonialium capiti suo velum imposuit, eo modo se protegi sperans, si fortè Rex quid inhonesti à se exigere vellet. Quam ipse velatam intuens, Quàm subito, inquit, Sanctimonialis effecta es. Arreptumque velum

velum detraxit capiti ejus, illâ conatu quo poterat frustra obnitente. Abusus siquidem eâ est; & gravi scandalo quique per Angliam religiosi ex hoc mente vulnerati sunt. Quod scandalum eò vehementius fuit, quo Rex idem legitimam uxorem habebat Ælfledam videlicet cognomine Candidam Ordinari præpotentis Orientalium Anglorum Ducis filiam, de qua & Sanctum Eadwardum genuerat. Ubi verò res Dunstano innotuit, &c. *Sequitur de correptione Dunstani & pœnitentiâ Regis; de quibus vide Osbernium, p. III.*

Ordo Clericalis eâ tempestate plurimum erat corruptus; & Canonici cum Presbyteris plebium voluptatibus carnis plûs æquo inserviebant. Quod malum Dunstanus corrigere cupiens, fretus auctoritate Johannis Apostolicæ Sedis Antistitis, apud Regem obtinuit; quatinus Canonici, qui castè vivere nollent, Ecclesiis quas tenebant depellerentur, & Monachi loco eorum intromitterentur. Præsidebat eâ tempestate Wentanæ Ecclesiæ Præsul Athelwoldus, vir eximiæ sanctitatis, & educatione Patris Dunstani non parum insignis. Hic præscitâ de Canonici Ecclesiæ suæ, qui nimium sæculares existerant, voluntate Dunstani, monuit eos semel & sæpius mores & actus mutare, correctionis vitæ semitas relictis fœminis arripere. At illi inpræsentiarum quidem id sibi possibile esse negantes, voce corvinâ semper in crastinum correctionem sui pollicebantur. Quod ipsè gnarus non diu sustinuit. Paratis nempe quamplurimis Monachorum cucullis die, quo Communio *Servite Domino in timore* cantabatur, chorum intravit, vestes quas paraverat secum deferri faciens. Et projectis illis in medium, Canonici ait: Animadvertistis quid modò cantaveritis? Animadvertimus, inquiunt. Igitur, inquit, si servire Domino in timore & ei vultis exultare cum tremore; apprehendite disciplinam, vestem videlicet Monachilem; ne pereatis, sicut cantastis, de viâ justâ. Ad quod illi stupefacti, more solito inducias petunt; id se facturos in futuro promittunt. Tunc ille: Mihi credite, amplius non credam huic vestræ sponcioni corvinæ; sed aut disciplinam in præsentia apprehendetis, aut loci istius beneficiis & conversationi hinc eliminati jam jamque cedetis. Itaque nonnulli ex illis statim abjecto Clericali habitu Monachi facti sunt; cæteris juxta verba Pontificis de Ecclesiâ eliminatis. [Cæterum quia isti, qui ita noviter fuere conversi, regularis disciplinæ normam sine aliorum magisterio doctè servare nequibant, Monachi de Abendoniâ ab eodem Pontifice adducti sunt, qui Monasticæ institutionis tramitem ibi docerent. Clerici verò, qui ejecti sunt,] citato gressu Regem adeunt, judicium atque justitiam sibi de expulsiōe sui fieri postulant. Refertur negotium ad audientiam Dunstani; & ipse eos æqua postulare pronunciat. Igitur ex præcepto Regis & Archiepiscopi coit Wintoniam Nobilitas regni totius, & Rex cum suâ conjuge adest, ad determinandum querelas negotii hujus. Surgunt hinc inde lites; quas Dunstanus propositis rationibus destruit omnes. Rationabiliter quippe cunctis ostendit Clericos, qui à sorte Dei incorrigibiliter per pravitatem vitæ suæ dissiliunt, nil per rectitudinem sibi vindicare. Posse ex iis, quæ Ecclesiis datæ sunt ad subsidium eorum qui in Clericatu purâ conversatione sese custodiunt. Quibus auditis, omisâ omni controversiâ Rex & de Principibus plures Clericorum precibus ad pietatem usque permoti Dunstanum interpellant; quatinus hac solâ vice parcat, & Clericos, jam quid amodo si se non correxerint incursum sint reipsa edoctos, de Ecclesiâ suâ revestiat. Silet ille ad ista; quicquid potissimum de negotio sit agendum, demisso capite mente pertrahat. Silentium ingens occupat omnes; & suspensi ad responsum Pontificis erigunt aures. Tunc subito crucifixi Dei Imago signo Crucis in edito domûs affixa audientibus cunctis dixit: *Non fiet, non fiet. Judicâstis bene, mutaretis non bene.* Tremefacto in his simul universo conventu, intulit pater Dunstanus & ait: Quid amplius vultis fratres mei? Divinâ sententiâ definitum



audistis negotium præsens, Aiunt, audivimus veré. Refederunt igitur Monachi Wintoniæ deinceps securi : & quoad Clerici ipsi vixerunt, qui eos super causâ istâ inquietaret nemo fuit.

Illis autem \* huic vitæ subtractis, filii eorum cupientes recuperare quæ perdiderant in parentibus suis, Scotiam miserunt ; & inde quendam prægrandis, ut fama ferebat, eloquentiæ virum Bernelmum nomine magno conductum pretio in tuitionem suæ causæ contra Dunstanum adduxerunt. Conglobati ergo sub uno Clericorum filii Regem atque Dunstanum apud villam quæ dicitur Kalne in quodam cœnaculo consistentes reperiunt, & armati Rhetore illo, qui suæ victoriæ spes maxima erat, antiquæ calumniæ coram eis jurgia promunt. Ad quæ Dunstanus his verbis brevi respondit : Calumniam istam, quam moveris, divino ore jam olim definitam novimus ; nec eam novo conflictu amplius in medium revocandam existimamus. Ego quoque grandævus sum ; & vitæ meæ residuum quod pauci temporis esse non nescio, in pace si licuerit transigere cupio. Laboravi dum potui. Amodo totius laboris impatiens, Domino Deo causam Ecclesiæ suæ contra insurgentes hostes tuendam committo. Dixit ; & ecce solarium sub pedibus eorum, qui adversus virum convenerant, è vestigio cecidit, omnesque pariter præcipitados in suo casu non modicum læsit. Ubi vero Dunstanus cum suis consistebat, nulla ruina domûs, nullus emerferat casus. Hoc igitur modo calumnia Clericorum est sopita ; & usque hodie Monachorum conversatio in ipsâ Ecclesiâ stabilita. Ejecti nihilominus per id temporis & alii quamplures Clerici horum similes de suis Ecclesiis sunt, & Monachi in locum ipsorum substituti. Aucta est igitur religio per Angliam in tantum ; ut quadraginta octo Monasteria Monachis vel Sanctimonialibus instituerentur ; cooperantibus Beato Dunstano in hoc viris venerabilibus, Oswaldo videlicet, qui primò Wigornensis postea fuit Episcopus Eboracensis, & Athelwoldo Wintoniensi, quorum supra meminimus. Vitam itaque Beati Dunstani & actus formidabant omnes, qui incedere volebant juxta vias adinventionum suarum.

Inter hæc sopito negotio, quod Regem Eadgarum, ne regio more coronaretur, detinuerat, Dunstanus adunatis Episcopis, Abbatibus & cæteris Principibus cum totâ regni ingenuitate, coram iis astante innumerâ populorum multitudinē imposuit illi coronam Regni, gaudentibus cunctis & jubilantibus Deo in voce laudis & exultationis. Ipso autem post biennium, quo hæc facta sunt, immaturâ morte prævento, Eadwardo filio suo totum regnum hæreditario jure reliquit. Qui Edwardus, cum in Regem consecrari deberet, nonnulli de principibus terræ contraire ne Rex fieret nisi sunt ; cum quia morum illius severitatem, qua in suorum excessus acriter sævire consueverat, suspectam habebant, tum quia matrem ejus licet legaliter nuptam, in regnum tamen non magis quàm patrem ejus, dum eum genuit sacratam fuisse sciebant. Sed Dunstanus discretionē & industriâ confusus adolescentis, unum non metuens, & observato paternæ hæreditatis & testamenti jure aliud contemnens, arrepto sanctæ crucis vexillo medius constitit ; & per rationem cunctis quæ obiciebantur elisis, Edwardum Regem constituit ; & constituto paternum affectum, consilium & auxilium in omni negotio, dum vixit, exhibere curavit. Rex quoque ita mores suos in omnibus & per omnia componebat, ita totum Regnum sanctis legibus disponebat ; ut & actus ejus Deo placerent, & eo quod in suscipiendo regno ei contradixerant, quique sibimet ipsis displicerent. Sed illo post aliquot annos per fraudem novercæ suæ interfecto, Æthelredus filius

\* Immo vix septennium, certè non decennium, Conciliis Wintoniensi & Cal- | nensi intercessit. Vide quæ supra observavimus ad similem Osborni locum, p. 112.

ipſius malæ mulieris in Regnum ſubſtitutus eſt ; matris ignominiâ magis quam Edgari patris ſui ſolertiâ præditus. Cuius provectio non uſquequaque ſedit Dunſtano. Ideo tamen quòd proximus Regni hæres exiſtebat, complevit ei jus regium ; ſciens ſe inoffenſis legibus terræ atque Principibus id non poſſe transferre in quenquam alium. At tamen illum folio regali potitum ſevero quodam verborum tonitruo, quia per ſanguinem fratris regnum obtinuerat, increpavit ; & quòd in ſanguine victurus, ac poſteri illius crudeli barbarorum incurſu devaſtandi, tota etiam terra per plurima ſæcula ſævo illorum dominatu foret depopulanda, prædixit. Quæ licet ſe vivente eventura negârit ; eventura tamen omnimodo eſſe nimis veraci, ut & in Chronicis legimus & hodie videmus, prophetiâ aſſeruit. Accelerabit, cùm ſibi placuerit, omnipotens Deus, quam ſubſecuturam promiſit liberationem per tanti vatis ſui merita & interceſſionem. Et quidem illum ſpiritu prophetiæ claruiſſe non tantùm hinc, ſed & ex nonnullis aliis, quæ conſtat eum veraciter prædixiſſe, confirmamus ; & id ſubjecto exemplo probamus. *Sequitur Prophetia Dunſtani de morte Ethelwoldi Wintonienſis, & Roſſenſis Episcoporum : de qua conſule Osbernium ſupra, p. 113.*

Ex Athelwoldi obitu gravis mœror Dunſtanum corripuit ; cùm quia tanti viri ingens ſolacium amiſerat, tum quia cui potiffimùm teneræ adhuc ſtatum Eccleſiæ regendum committeret, dubius fluctuabat. Quos fluctus ingerebant animo ejus hinc Monachi nuper intromiſſi, hinc Clerici ab Eccleſiâ illâ ejecti. Monachi quippe ſuæ profeſſionis virum habere Episcopum præoptabant. Clerici verò ſui ordinis hominem ſibi præfici deſiderabant. Illi videlicet per Monachum in Eccleſiâ ſibi collatâ cupientes ſolidari ; iſti per Clericum Eccleſiæ ſibi ablata ſperantes reformari. Sed hæc providens ſapientia & ſapiens providentia Dei citiùs determinavit. Nam per Beatum Andræam Apoſtolum, cui ſpeciali quodam dilectionis affectu Dunſtanum adhærere Deus conceſſerat, Dunſtano mandavit ; quatinus nihil hæſitans Ælſegum Abbatem Bathoniensem conſtitueret Wentanæ Eccleſiæ ſummum ſacerdotem. Lætatus eſt Dunſtanus in iſtis ; & redditâ Deo gratiarum actione pro beneficiis ſuis, in Ælſego perfecit quod ei per Apoſtolum ſuum Deus ipſe præcepit.

Multa de hoc viro, juxta quod multorum non ſpernenda teſtimonia ferunt, adhuc literarum memoriæ veraci ſtilo commendare poſſemus. Verum ne incultæ narrationis prolixitate quemlibet gravemus ; prætermiſſis illis ad ſacrum tranſitum ejus enarrandum cor & linguam præparemus. Quod præparare quia noſtræ opis non eſt ; oremus ut ipſo, de quo agimus, interveniente perficiatur ab eo, cujus hoc donum & gratiam ſcimus eſſe. *Succedit narratio de Dunſtani obitu & ſepultura, Osberno planè conſona ; niſi quòd Osbernus corpus ejus de terra miraculoſè levatum feria quinta fuiſſe ſcribat ; quod Eadmerus ipſo, quo obiit, Sabbato contigiſſe ponit.*



Epistola ad Glaſtonienſes E L M E R I aliter E D-  
M E R I, quo tempore Glaſtonienſes aſſere-  
bant ſe Corpus Patroni noſtri Sancti D U N-  
S T A N I habere.

**G**Lorioſo conventui Monachorum Cœnobii Glaſtonienſis frater Edme-  
rus, unus ex minoribus bonitate & ſcientiâ Eccleſiæ Chriſti Cantua-  
rienſis filiis & fratribus, fidelem amicitiam & caritativum ſervitium in  
Chriſto Jeſu Domino noſtro. Recordor me jam olim quadam vice ad vos  
venientem magno gaudio & honore ſuſceptum, & cum majore tripudio &  
exultatione, donec mihi velle fuit vobiſcum morandi, habitum ac detentum.  
Unde vobis hucusque gratioſus exiſto; & minus gratioſus ero, dum in vitâ  
præſenti ſubiſto. Dum igitur talis ſim & de jure eſſe debeam erga vos;  
nulli mirandum exiſtimo, ſi veſtrum honorem diligo, ſi ea quæ vobis condu-  
cunt approbo, ſi denique ea quæ vobis opprobrium generant deteſtor & im-  
probo. Nec enim aliter fidus amicus eſſem, nec fraternæ dilectionis legem  
ſervare dici veraciter poſſem. Quod quàm grave videri debeat Chriſtiano  
ad regnum Dei pervenire volenti, advertit qui Beato Apoſtolo credit dicen-  
ti, hominem non amantem fratrem ſuum homicidam eſſe, & ejusmodi in  
regno Chriſti & Dei hæreditatem non habere. Cur hæc prælibaverim, ac-  
cipite. Quidam ex veſtris noviter, ut putamus, inter vos converſi prædicant  
antiquos Patres veſtros fures fuiſſe & latrones, & quod nequius eſt, etiam  
ſacrilegos; idque illorum prædicandi laudi aſcribunt, quòd tales fuerunt,  
fortaſſis & eâdem voluntate debriati, non perpendentes quod divina intonat  
pagina: <sup>a</sup> *Fures ſc. & latrones regnum Dei non poſſeſſuros.* Super hæc, ut  
firmius eis credatur ita eſſe, Judæ traditori eos ſimiles fuiſſe affirmant, qui  
loculorum Domini cuſtos ea quæ cuſtodire deberet ſceleratiſſimè furabatur.  
O homines! O fratrum honoratores! O verborum Domini intentiſſimos  
auditores! Centum & eo amplius anni evoluti ſunt, ex quo ipſi, quos fures  
& latrones prædicant, à vitâ præſenti ſunt elongati: & modò noviter tantum  
iis opprobrium invehitur; & æterna pœna, qua juxta ſententiam iſtorum  
miſerrimè cruciantur, infeliciffimè illis innovatur. Verè magna impietas.  
Nam & ſi ipſi non fuerunt tales, quales iſti eos eſſe volunt; non eſt propter  
hoc horum impietas minor, immo (remoto omni ambiguo) major, qui in-  
famant innocentes, qui ſe omnibus manifeſtant eſſe mendaces ac impudentes.  
Teſtis enim eſt mihi omnia ſciens & diſponens veritas Deus; quia cùm ad-  
huc in ſcholis puerulus eſſem, ex præcepto beatæ memoriæ Laſfranci Can-  
tuarieſis Archiepiſcopi, Primatis videlicet totius Britanniæ, indiçto jejunio  
toti populo Kantiæ, levatum eſt corpus Beatiffimi Dunſtani à primo ſepul-  
turæ ſuæ loco, aſtante Abbate Sancti Auguſtini Scotlando, Gundulfo poſt  
facto Roſenſi Epifcopo, cum toto Monachorum agmine utriuſque Eccleſiæ,  
noſtræ ſcilicet quæ eſt Chriſti Cantuarienſis, & viciniæ nobis Beatorum Apo-  
ſtolorum Petri & Pauli, quæ uſitario nomine hoc tempore dicitur Beati Augu-  
ſtini; confluente ad hoc innumerâ virorum ac mulierum multitudine; qui  
omnes illum cœleſtem theſaurum cum ingenti modulamine vocis ac júbilo  
cordis uſque ad locum quo recondendus erat proſecuti ſunt, & diem il-  
lum divinis miraculis illuſtratum lætum atque ſolennem peregerunt.  
Nunc

Nunc \* autem effluxis quinquaginta annis, ex quo illud factum est, Quidam tamen ex vestris surrexerunt, & ubi eis libet prædicant, jam ante centum annos Ecclesiæ vestræ Monachos Ecclesiæ nostræ custodes deputatos, quæ ob martyrium gloriosi Patris nostri Elphegi in magnam ut aiunt desolationem venerat, & ibi quod preciosissimum habebatur fraudulentâ calliditate furto furripuisse. Væ homines omnibus hominibus nequiores! Ecclesia totius Britanniae insulæ Mater in occisione sui Patris ac filiorum afflicta confugit ad filiam suam unicè ab eâ dilectam, & ipsâ re, quod quasi factum sit ad præsens accipiat, magis in protectione illius confisa; ut se & reliquias suas servaret. Et ipsa (sicut vos prædicatis) meliores filiorum suorum ei ad quod petebantur destinavit; & ipsi illic custodes sacrorum effecti, utrum matris suæ (quam tuendam susceperant) invaserunt, diripuerunt, cor ac intestina ipsius deprædati sunt, rapuerunt, asportaverunt. Judæi cum mortuum Dominum ac sepultum, ne ab Apostolis auferretur, in sui custodiam acceperant, quamdiu potuerunt à custodiendo non defuerunt; nec sibi commendatum furto surripere aut aliàs auferre conati sunt, sed potius furti crimen aliis se dormientibus imposuerunt. Si simili modo custodes Glastonienfenses fecissent, hoc est, si sacrilegium, quod laudantur commisisse, ab aliis se somno depressis dicerent commissum fuisse, fortè aliquantulum famæ suæ consuluisent, nectam detestabili modo deliquissent. Nunc autem quid dicemus? Ut prælibavimus; Judæi similes eos in furto approbamus, non tamen nos, sed eos sequentes fratres sui Glastonienfenses. Nos enim reverà scimus eos omnino immunes esse ab hoc peccato. Quid illis erit, qui conficto tam infrunito mendacio fratres suos imo patres suos criminantur? Sed utique nec Fratres nec Patres. Nam si fratres aut eorum filii essent ipsi naturales effecti; aut certè pudor humanus doceret eos parcere linguæ, doceret eos providere famæ suæ. Sed esto, ut furtum suum sancti fratres Glastonienfenses prudenti astutiâ cunctis absconderent; cadaver cujusdam Abbatis sui (cujus nomen ab iis qui ista componunt ignoratur) secum tulisse feruntur, ac loculo Sancti Patris nostri Dunstani, ne vacuus remaneret, reposuisse. O prudentiâ! Non erant ossa mortuorum inter Cantuariam & Glastoniam; ut necesse eis fuerit ad celandum furtum suum cadaver nesciunt cujus per ducenta ut ita dixerim milliaria transtulisse. Noverit beatitudo vestra, quia ego qui hæc scribo non parùm confundar in tam evidenti stultitiâ & omni homini risu dignâ, maximè

\* De Translatione Corporis Dunstani à Lanfranco factâ ista habet Osbernus in libro secundo de Vita Dunstani. "Nec multò post Ecclesia Salvatoris igne combusta est; parietes ceciderunt; nec quicquam ex omnibus Monasterii officinis incombustum remansit, præter duas domos, sine quibus Monachi remanere non possent, Dormitorium scilicet & Refectorium, tantamque Claustrum partem sub quantâ absque imbrium infusione ab unâ domo in aliam possent introire. Ex quo satis videre fuit, quantam nostri curam Pater noster Dunstanus habuerit. Sed horum ruina in melius commutata est, veniente venerabili viro Lanfranco Archiepiscopo, & omnium qui nostrâ ætate in terrâ fuerunt sanctissimo simul ac sapientissimo. Qui cum fundamenta

"construendæ novæ Ecclesiæ ponere vellet; neque hoc absque translatione corporum infra ambitum ejusdem Ecclesiæ quiescentium facere posset; indixit jejunium omni populo; quatinus Sanctorum voluntas fieret, ut eorum corpora ad alia loca transferri deberent. Die verò huic negotio constituto, orante omni populo, Clero cereis & aromatibus omni genere gaudiorum occurrente, paraverunt Sacerdotes, ut thecam Sancti Patris Dunstani absque contrectatione corporis illius è terrâ levarent, & ad locum cum omni diligentia præparatum deferrent. Contigit incendium istud anno 1074. Nonis Septembr. juxta Gervasium Dorobernensem. Quinquaginta annos ab eo tempore effluxisse Edmerus dicit. Scripta est igitur hæc Epistola circa annum 1124.

quòd



quod ab Anglis dicitur esse conficta. Væ quare non consulistis aliquem hominem translinarium; qui in multis conversati, multis imbuti, multa confingere sciunt; ut vel pretio ageretur, quasi ipsi saltem vobis aliquid verisimile mendacium de tantâ re componerent. Væ vobis, meæ gentis homines, tam stolidâ simplicitate notaremini; ut omnibus deridendi in perpetuum indicaremini. Ad hæc rogo prædicatores tam præclari sacrilegii; quatinus mihi patriotæ suo dicant, utrumnam cadaver sui suppositi Abbatis noviter defuncti & integrum à Glastoniâ Cantuariam detulerunt? Ut utrum more summi Pontificis insulatum, palliatum, spindulatum, & sandaliis fuerit calciatum? Quod si hæc omnia habuerit; Unde quæso pallium (ut de aliis interim taceam) habuit? Nunquid antiquitus Abbates Glastonienses Pallio utebantur? Sed hoc Patriarchis solum, Primatibus & Archiepiscopis à Româ & Apostolicâ Sede conceditur. Sed hætenus omni sæculo inauditum est Patriarchatum Glastoniæ fuisse vel etiam Pontificatum. Sed igitur palliatum cadaver ad deceptionem futurorum antecessores vestri Cantuariæ detulerunt. Hoc effecerunt, ut ipsi Romano Pontifici & omni Christiano homini, qui se ad fidem Christi sub magisterio Beati Petri tenent, obnoxii sint & infames ac omni opprobrio digni judicandi. Scitur enim quia illud à Sede Apostolica non habuerunt: Sed ipsi illud, malignitatis illos auctore docente, composuerunt vel componi (si ita fuit) à sui similibus effecerunt. Re enim verâ corpus, quod invenimus, ita fuit scilicet quasi omnino integrum, insulatum, annulatum, palliatum, spindulatum, sandaliis venustissimè adornatum; cum quo & scriptura in plumbeâ tabulâ exarata inventa est, quæ planè testabatur Beati Dunstani Archiepiscopi Cantuariorum esse corpus, quod tumulatum ibi jacebat. Habetis quæso aliqua literarum monumenta, quæ hæc ita se habuisse probent? Videlicet quæ ferant cadaver Abbatis illius eo quod diximus modo redimitum. Adhuc quæro; illi antiqui patres & fratres vestri, qui ad tuendas destitutæ Ecclesiæ nostræ reliquias, ut dicitis, adducti sunt, attulerunt ne secum cadaver illud Beato Dunstano supponendum, utpote furti sui effecti securi? An ipsi primò venerunt & effossum corpus Beati Dunstani Archiepiscopi Cantuariensis ad Glastoniam detulerunt, ibique insigniis Pontificalibus spoliatum, Abbatem vestrum eisdem insignibus redimitum, in sepulchro sublatis Patris recondendum transtulerunt? Quicquid horum dixeritis factum fuisse; quantum dementiæ sit vobis, credere facillimum est, cuiusvis etiam cæco videre. O infortunati, qui sic inani stoliditate involuti sunt, & intelligere nequeant ipsam stoliditatem suam nullius prudentis oculos posse latere! Christus (qui est veritas) dicit, <sup>a</sup> *Veritas liberabit vos*. Et vestri vates hoc tempore dicunt, furtum & sacrilegium patrumque vestrorum & vestrum mendacium honorabunt Ecclesiam nostram & nos. Quod mendacium? Corpus inquit Beati Dunstani Pontificis Cantuariorum & Primatis totius Britanniae à suâ Ecclesiâ patres vestri furtim abstulerunt, & vestrum Abbatem tali sacrilegio emptum (quia vobis erat inutilis) illuc delatum sepulchro illius intulerunt. O gaudium! O luctum! O locum vestrum tali tanto scœnore magnificandum! Sed O contrarii puræ veritati, quid facietis, oro vos, cum ipsa veritas venerit omnes perditura qui loquuntur mendacium? Et quidem omnibus luce clariùs constat, mendacium vos imponere patribus vestris; quia invitati Cantuariam secum cadaver sui Abbatis detulerunt; nec ibi degentes asportato corpore Beati Dunstani illud attulerunt. Illud enim nimis & incredibilis non dico stultitiæ sed dementiæ esset. Hoc autem impossibilis perpetranda audaciæ effectus existeret. Cum enim ipse Beatus sepulchrum sibi effodi, ut Liber vitæ ejus veracissimè testatur, præcepit, & infra terram ad staturam virilis corporis foveæ profunditas penetravit; qui quæso tam inani furto locus & opportunitas esse potuit? Cum & Ecclesia ipsa nunquam sine Monachis domesticis filiis suis fuerit, & civitas Cantuaria

<sup>a</sup> Joan. VIII.  
32.

civibus suis nequaquam fuerit exinanita. Ad hæc considerandum, quia Ecclesia ipsa in passione beatissimi martyris Elphegi nec igne consumpra, nec re-cto aut parietibus diruta fuit. Violatam quippe fuisse, & pluribus ornamentis spoliaram, ac supposito de foris igne ut concremaretur adorsam novimus, quo vesana manus Pontificem intus sese tuentem quem mandaret exire compelleret. At ubi ipsum exeuntem comprehenderunt; omissis ignibus & aliis malis, quibus ad captionem illius occupabantur, ipsum necatis aliquibus Monachis in oculis ejus abduxerunt, & usque ad locum exitio illius destinatum multis afflictum injuriis & cruciatibus perduxerunt & peremerunt. Quæ cum ita sint; qua fronte dici potest pavementum Ecclesiæ sub oculis omni spatio septem pedum hinc inde ad sepulchri profunditatem tendenti effossum, aliter enim nullo modo attingi valeret, & ita abstracto corpore Sanctissimi Patris Dunstani per XV. ut dicam dies patens remansisse, donec Monachis cum furto subeuntibus ad Monasterium suum, & ibi non dico peremptum ab eis, sed in cursu illorum statim mortuum Abbatem detractis à Beato Dunstano Pontificalibus ornamentis illum adornasse, & ita cursim fortasse a fello aliquo Cantuariam delatum in sepulchro ejus collocasse? Adhuc interrogo: Vastata fuit terra inter Glastoniam & Cantuariam illis diebus, & in solitudine acta; ut liber cursus ac recursus nullo obstante deferentibus tantum thesaurum quaquaversum pateret, an non? Verum utique ubique quando ista, ut astitis, gerebantur, Danorum patebat immanitas; nusquam pax, nusquam securitas; bella, seditiones usquequaque fervebant. Super hæc, quemadmodum certissimè scitur, in medio chori ante gradus, quibus ad majus Altare ascendebatur, corpus Beati Dunstani humatum fuit, & plumbeo in loculo, & illo in magnâ profunditate terræ locato, uti Anglis olim moris erat suorum cadavera tumulare. Qualiter igitur Monachi Ecclesiæ, qui ad minus, juxta quod Dominus \* Osbernus refert, quatuor tantæ cladi supererant, cum Clericis, qui eis admixti Dei servitium in ipsâ Ecclesiâ administrabant, ipsum terræ hiatum per tot dies sustinuerunt, donec allato Abbate innominabili in sepulchro sublati Dunstani collocaretur? Mira patientia, & verè mirabilior pro adventu venturi Abbatis Delsini vel Wlsini fortasse vocati expectatio! Propter quod Domini mei obsecro, est ne aliquis qui ad tantam vanitatem se à risu contineat? Et certe adhuc satis plura non minus idonea ad designandam ipsius vanitatis ineptiam dicere possemus; si pudori sacri Cœnobii vestri non parceremus. Quum enim tales, qui ita se infamant, fovet, nutrit, amplectitur; pudor est illi & opprobrium magnum. Nec enim Glastonien-ses eâ tempestate, qua fingunt, Cantuariam venerunt, nec ibi conversati sunt. Non igitur illis furripientibus corpus Beati Dunstani nobis ablatum & vobis ullatenus fuit allatum. Sed ab aliis aut alio tempore allatum negatis. Fatemini ergo necesse est vates vestros falsa locutos; & de corpore Beati Dunstani vos quicquam habere omni modis falsos esse. Quapropter consulite famæ vestræ, & ab istâ vanitate os vestrum cohibete. Attamen veritas vobis, si obliti estis, in memoriam revocetur. Absque dubio scitote, Agelnothum Abbatem, imo & Abbatem Glastoniensem, cum uno vel duobus Monachis olim per plurimum temporis conversatum Cantuariæ. Et Abbatem dico, quia per beatæ memoriæ Lanfrancum Sanctæ Cantuariensis Ecclesiæ summum Sacerdotem in generali totius Angliæ Synodo à suâ Abbatiâ fuerat † depositus,

\* Refert id Osbernus in Elphegi Vita. Post lugubrem istam Monachorum stragem, Clerici avitam possessionem, quam ante novem annos ab Alfrico Archiepiscopo expulsi amiserant, recuperant, & ad Lanfranci tempora tenuerunt; ita tamen ut Clericis Monachi

minore numero admiscerentur.

† Factum id videtur anno 1081. quo Thurstinum Normannum Abbatem Glastoniensem à Lanfranco præpositum fuisse refert Historia Glastoniensis in Monastico, Tom. I. p. 17.



& Cantuariæ dignâ quidem tanto viro, in quadam tamen quasi captione positus. Et tunc numerus Monachorum inibi Domino Christo & Beato Dunstano famulantium sexagenariam quantitatem ascenderat. Si igitur unquam Monachi Glastonieneses corpus beati Dunstani furati sunt; aſtimo quod iſti fuerunt? Sed cum iſti Cantuariæ eſſent à primo ſepulturae ſuæ loco, ut prædiximus, jam fuerat tranſlatum in locum, ubi eis acceſſus nullus patebat. Non ab eis ergo fuit ablatum, nec ergo ab ullo veſtrorum. Oſſa itaque, quibus oneraſtis Inaniginem noſtri Redemptoris, ne ipſe vobis indignetur, noſtro conſilio auferetis. Satis enim habet in ſe unde honoretur, nec opus eſt ut ſanctitas ei aut ex oſſibus mortuorum aut aliunde cumuletur. Fratres mei, cogitet quæſo & recogitet prudentia veſtra quod honeſtum ſit vobis cogitare, quod conveniat loqui, quod deceat agere. Centum anni & ultra tranſierunt à Martyrio Beati Elphegi; & nullus hominum qui interſuerit, vitæ præſenti ſupereſt, vel certè qui ſe meminerit interſuiſſe; nec ad noſtram notitiam hucusque perlatum eſt quemque illorum, qui illis diebus verè fuerunt, inde de quo agitis aliquid dixiſſe vel ſcripſiſſe, quod cuius ſanum ſapienti pro dicto vel ſcripto ſuſcipiendum videatur. Quapropter omiſſis puerilibus næniis, ut decet viros ſapientes atque perfectos, diligite Beatum Dunſtanum ſicut Patrem veſtrum atque Patronum; & veritatem de eo loquimini; & tunc revera diligere ab eo merebimini. Membrum & amicus eſt ſummæ veritatis; nec ab ipſâ diſcordantes poteſt admittere in ſinum ſuæ caritatis. Novit Deus & ipſe Pater & advocatus noſter dulciſſimus; quia quæ dico, pro veſtro honore & utilitate dico; nec in aliud tendit hac intentio mea, niſi ut Deus, qui veritas eſt, & in Beatum Dunſtanum ſicut æquum eſt, magnificetur, laudetur & prædicetur tam à vobis quam à nobis, & (ſi efficere poſſem) ab univerſis fidelibus totius conditi orbis. Scio quia modo Epistoſarum in loquendo pauliſper exceſſi. Sed talis fuit materia; ut quamvis me propoſuerim paucis locuturum, tamen ſe extenderet in id quod videtis extenſum eloquium meum. Ne ergo miremini. Non eſt enim hominis via ejus. Vos itaque Domini & fratres mei, quibus Deus aperuit ſenſum intelligendi quæ rationis ſunt, compescite inſipientium juvenum procacem inſolentiam, qui eo ſolum ut videantur ſcire loqui aperunt ora ſua, in quæcunque volubilitas cordis ſui eos diſtenderit, autumantes ſe aliquid eſſe, cum aliorum ſimplicitas ſuis verbis accommodat aures. Novi quosdam olim tales, & me fortaſſe fuiſſe; & eâ re non penitus diſſidotalium & mei ſimiles aliquos hoc tempore eſſe. Sed jam ſenui & incanui; & multa, quæ juvenis magnipendebam, duco pro nihilo. Hoc erit Deo donante & juvenibus temporis huiusmodi. Quia verò prolixitas Epistoſæ finem poſtulat; hoc ultimum dico, quoniam ſi omnes antiqui Patres veſtri, qui in Cœnobio Glaſtonienſi jam ante centum annos fuerunt deſuncti, aliquos tamen puto ſuperſeſſe qui ante iſta Normannorum tempora inibi nutriti in Monachicâ religione fuerunt. Quærite ab eis, ſi qui ſunt, utrum recordentur Abbatem loci veſtri ſingulis annis ad feſtivitatem Patris Dunſtani cum quatuor aut pluribus Monachis Cantuariam ſolitum venire, & ibi per ſex aut plures dies inter fratres ob reverentiam tanti Patris lætitiæ & exultationi vacare, an non? Aſtimo, ſi aliquis talium hucusque remanſit; ita rem tunc temporis factam non negabit. Nam ſi aliter faceret, proculdubio veritati contrarius eſſet. Si igitur corpus Beati Dunſtani ſe ſciebant habere Glaſtoniæ; cur illud venerandum in ſuâ feſtivitate requirebant Cantuariæ. Hæc ita ſint ad imprudentium conſutandum errorem, & ad prudentium confirmandum in nos (quem multum optamus habere) ſanctum amorem. Valeat igitur Sanctitas veſtra in Chriſto Jeſu, & oret pro nobis.

Explicit Epistoſa Edmeri Monachi Eccleſiæ Chriſti Cantuariæ.

\*

Scrutinium

Scrutinium factum circa feretrum beatissimi Patris DUNSTANI Archiepisc. ex mandato Reverendissimi Patris ac Domini Domini WILLELMI WARHAM Cant. Archiep. & Domini THOMÆ GOLDSTON sacrae paginae Professoris ejusdem Ecclesiae Prioris dignissimi; Anno Domini MDVIII. Die xxii. Aprilis.

Quoniam dilecti fratres Monachi Glastonienses jam meis temporibus non modò solent jactitare (uti quidam de patribus eorum facere consueverunt) se habere apud suum Monasterium corpus illius beatissimi Patroni Ecclesiae nostrae Cantuariensis Sancti Dunstani; verum etiam jamdudum fabricari fecerunt novum Scrinium; quod, ut fertur, in facie Ecclesiae suae non obscurè statui fecerunt: In quo non verentur fabulare reponi Corpus Sancti Dunstani. In ejus namque scrinii erectione ipsi non modicā nec obscurā celebritate usi fuerunt. Quippe qui ad illud festum non solum vicinos sed ipsius ferè totius Dioecesis Magnates nobiles populūque innumerum promiscui sexūs ad tantum spectaculum confluere procuraverunt. Quibus illic consistentibus, & solenni processione, quam tunc fecerant, interessentibus, cunctis spectantibus Scrinium antedictum erigi fecerunt, non quidem in eorum vestuario ubi solebant Patres eorum tanquam in loco quasi obscuro reponere aliud scrinium magis vetustum, quod uti eis libebat Scrinium Sancti Dunstani etiam appellabant. Sed istud nonnulli Scrinium ut fertur in loco clarissimo cunctis illic confluentibus patente constituerunt. Quae cum ita sint, ne ipsi Glastonienses populū in errorem abducant, putantes sic ibidem praesens corpus Sancti Dunstani colere; placuit Reverendissimo in Christo Patri Willelmo Warham Archiepiscopo Cantuariensi diligentissime fieri scrutinium in sua ecclesia circa feretrum Sancti Dunstani; ut ex oculorum aspectu confunderet confingentes ac mentientes alibi corpus illud se habere. Vicesimo igitur die Aprilis Anno Domini MDVIII. quo die tunc accidebat Coena Domini, ex mandato ipsius Domini Archiepiscopi & Domini Thomae Goldston Prioris deputati sunt tres vel quatuor de confratribus ad ejusmodi opus aptiores & ferventiores; ut in vespere postquam fores Ecclesiae essent clausae, ne Laici hujusmodi negotio adessent, ad scrutinium faciendum circa feretrum Sancti Dunstani ut ipsi explorarent, qua viā faciliore possent ejus sacrae reliquiae videri, eā ratione ut omni ambiguitate & scrupulo semotis oculatā fide rei veritas probaretur. Hi quidem Fratres in ipsā noctis tempestate non tam diligenter quam prudenter ad id quidem perduxerunt opus; ut ante lucanum oculis perspicere potuerunt arcam quandam plumbeam, ubi sacrae reliquiae recondebantur. Quae quidem arca deposita fuit & immersa in opere lapideo feretri. Ea siquidem arca intus erat lignea, exterius interiūsque plumbo undique cooperta, & clavis omni in loco affixa; adeò ut inter clavum & clavum non erat spatium relictum latitudinis humanae palmae. Erat quoque haec arca longitudinis juxta longitudinem operis lapidei ipsius feretri, videlicet VII. pedum, Latitudinis circiter pedis cum dimidio; Eratque in omni sua parte ferreis ligamentis circumducta tutissimè, adeò ut vix possit discerni via possibilis illam aperiendi. Confisi tamen in divino auxilio & Sancti Patroni suffragio, instituit Archiepiscopus cum Priore; ut quidam confratres in consequenti nocte Laicis semotis iterum opus aggredierentur; quod & factum est. Sex enim de confratribus per Priorem ad hoc deputati unā cum ope aliorum (quos convocarunt) ingenti sudore hanc arcam, quae est magni ponderis, fecerunt supra opus lapideum sub-



levari. Id cum fecissent, tandem cum magnâ difficultate fatigantes anteriorem partem arcæ aperiunt. Quod profecto facere nequissent, nisi partem asseris, quo in superiore parte arca claudebatur, effringerent. Eo sanè confracto, licuit videre interiùs ab uno fine arcæ usque in alterum finem. Ibi vero patebat aspectui cista quædam plumbea : Quæ quidem cista facta est non ex plano plumbo, sed arte quadam pulcherrimè est plicata. Eâ vero apertâ, reperta est etiam & alia cista plumbea quasi tabefacta ; quæ putatur esse illa, in qua ossa Sancti Dunstani, cum primùm sepeliebatur, recondebantur. Infra has duas cistas plumbeas, cum aperirentur, primò reperta est quædam parva lamina plumbi jacens supra pectus corporis. In qua quidem laminâ continebatur hæc scriptura : **HIC REQUIESCIT SANCTUS DUNSTANUS ARCHIEPISCOPUS.** Et scribitur hic titulus Romanis literis. Deinde repertus est pannus quidam tinctus, nitidus valde atque integer, suppositus corpori Sancti Dunstani. Quo sublevato, apparuit illud sanctissimum organum Spiritûs Sancti indutum Pontificalibus tum pro magnâ parte consumptis. Porro apparuit ibidem testa capitis, quæ & tangebatur & osculabatur tam à Domino Archiepiscopo, qui valde manè in crastino sequenti videlicet in vigiliâ Paschæ aderat, quàm à Priore cæterisque quamplurimis de conventu Monachorum. Cujus quidem testæ partem à reliquo divisâ Dominus Archiepiscopus tradidit Priori, eâ ratione ut decenter adornaretur, & inter reliquias Ecclesiæ venerandum reponeretur. Denique videbantur & alia ossa diversa tam de brachiis quàm de costis, & nonnulla massa de carne ejusdem Patroni nostri. Quæ revera omnia odore redolebant suavissimo. Ad istud non tam jocundum quam desideratissimum spectaculum affuere prope omnes de Conventu. Ad hoc etiam invitati sunt per Dominum Archiepiscopum sex Novicii nondum professi, qui simul cum aliis ista cernebant. Ad hoc quoque sacrum spectaculum affuere hi Capellani de familia Domini Archiepiscopi per eum invitati, videlicet Prior Dovorix, Episcopus Suffraganeus ejus nomine Johannes Thornton Doctor Sacræ Theologiæ, M. Cuthbertus Tunstall Doctor in Legibus, Cancellarius ejusdem Domini Archiepiscopi, M. Thomas Wellis Doctor Theologiæ, M. Robertus Weks, M. Andreas, in Artibus Magistri, M. Johannes Pers Bachalarius Legum. Hi verò vocati sunt ad videndum & testimonium perhibendum eorum, quæ superiùs scripta sunt. Erant interea ad ipsum advocati per Dominum Archiepiscopum tres Notarii publici, utpote M. Johannes Barret Scriba actorum Prærogativæ Ecclesiæ Cantuariensis, M. Johannes Colman Scriba consistorii Cantuariensis, M. Willelmus Potkin Scriba jurisdictionis immediata. Eos Notarios Dominus Archiepiscopus requisivit ; ut singulis, quæ superiùs scripta sunt, de scrutinio facto circa reliquias Sancti Dunstani diligenter per eos inspectis & consideratis, Instrumentum publicum de eisdem conficerent. Idque complere super depositionem testium prædictorum polliciti sunt. Hæc cum peracta fuissent ; tunc ad mandatum Domini Archiepiscopi arca superius dicta iterum clausa est firmissimè tam opere ligneo quàm plumbeo, clavisque quamplurimis tutissime affixa. Idque factum est in prædictâ vigiliâ Paschæ. Nec fores Ecclesiæ antea aperiebantur, quàm confratres id operis explevissent. Ejusmodi experimento facto circa reliquias Sancti Dunstani modò luce clariùs constat quanto errore atque dementiâ laborant dilecti Fratres Glastonienses ; qui somniant apud se habere corpus Beati Dunstani, idque publicè prædicare non erubescant. Si enim eorum reatus conscientiæ falsa de Sancto Dei prædicare compescere non valeret ; saltem mundi honestas mendacia pertinaciter defendere cohibeat. Itaque post tam clarissimum hujus negotii experimentum jam factum amodo jam sileant charissimi Fratres Glastonienses corpus Beati Dunstani vindicare ; ponantque modò ostium circumstantiæ labiis eorum ; Et confingere desinant per patres eorum corpus illud ab Ecclesiâ suâ, ubi sepultum est, quovis pacto surreptum fuisse.

\*

Exemplar

Exemplar Literarum Reverendissimi Domini Domini  
WILLELMI WARHAM Cant. Archiep. ad Ab-  
batem Glästoniensem Anno Domini MDVIII.

**H**onorande frater, post condignam commendationem : Pervenit nuper ad aures meas feretrum quoddam Divi Dunstani in vestri Monasterii ecclesiā palam à vobis erectum ; ex quo quidem sacrum ejusdem corpus apud vos tumultatum habere prætenditis. Nos igitur super hac re non parum moti, sedulā mente nobiscum considerantes præfatum Sanctum in dignitate Archiepiscopali Cantuariensi nos præcessisse ibidemque mortem obiisse ; quo fit ut in eadem ecclesiā & non alibi sepulturam sibi delegisse verisimiliter optimo jure credatur : Cupientes rei certitudinem investigare, an corpus (videlicet) suum in dictā Ecclesiā nostrā Cantuariensi humatum remaneret ; quū proximis his diebus illic adessemus, de illo sumus diligenter perscrutati. Maturā itaque inquisitione factā, invenimus in eādē Ecclesiā nostrā quandam capsulam ligneam in modum tumbæ erectam, ferro circumligatam, in parte australi summi altaris servatam, ubi verissime cernitur præfati Sancti Dunstani corpus honorifice sepultum jacere. Quam quidem capsulam dilecto fratri nostro ejusdem Ecclesiæ nostræ Priori moderno ac nonnullis Commonachis suis nec non quibusdam Notariis publicis, viris recte probis atque discretis, multisque aliis personis fide dignis (quadraginta numero) tunc & ibidem ex mandato nostro astantibus ac hæc cuncta (ut tum fiebant) haud obscure in-tuentibus, cum eā qua decuit reverentiā aperiri fecimus. Qua apertā, invenimus intra eandem quandam cistam plumbeam, & sub intus unum parvam peciam plumbi de longitudine unius humani pedis, hujusmodi literis insculptam. **HIC REQUIESCIT SANCTUS DUNSTANUS ARCHIEPISCOPUS.** Deinde intra eandem cistam quædam linthea candidissima (velut balsamis suavissimè redolentia) reperta fuere ; quibus revolutis Calvam capitis memorati Sancti integram atque diversā sui corporis ossa cum multis aliis ejusdem reliquiis inibi etiam reperimus. Cæterisque probabilibus testimoniis manifestè apparet præfatum Sancti Dunstani corpus venerabile non alio loco quàm in Ecclesiā nostrā prælibatā requiescere debere. Quare vehementer admiramur tantā vos cæcitate tantāve temeritate aut audaciā duci ; ut non vereamini asserere præfatum corpus apud vos habere sepultum. Ex quo maximum Ecclesiæ Dei scandalum exoritur ; populūque hujus regni in non modicum errorem, superstitionem atque confusionem inducitur. Neque revera errore carere potest ; quod unius Sancti corpus in diversis credatur esse locis ; Aut quod unum corpus pro altero reputari aut coli deberet. Unde valde est timendum, ne Deus ipse ex illo gravissimè offendatur, vosipsique haud mediocriter fallamini. Ne igitur tanta labes tantaque abusus in eminentius malum paulatim (si diutius permitteretur) irrepsit ; utque rei veritas clariùs patefiat ; Fraternitatem vestram instanter hortamur, rogamus & requirimus, ut ad nos erga festum translationis Divi Thomæ Martyris proximum futurum sese conferre, scripta monumentave prætensum suum titulum in hac parte fovētia (si quæ talia haberit) secum deferens. Nec erit inconsultum Fraternitati vestræ ; quoniam præfata res ipsa non parvi fuerit ponderis aut momenti, ut si commodè fieri poterit, in personā suā propriā ad nos accedat. Sin autem ; quosdam consiliorum suorum prudentiores plenè ac perfectè de mente suā instructos in hac causā erga antedictum tempus ad nos transmittere diligenter curet. Nec imprudenter faciet ; si hujusmodi reliquias præfati Sancti Dunstani, quas in Monasterio suo habere prætendit, ne iterum aperiri aut à populo coli aliquo pacto sinat : ne si aliter fieret, major tumultus, scandalum atque error ex illo sequeretur.

Ex Lambeth IV. Junii, Anno Pontificatūs nostri quinto.

Exemplar



## Exemplar Literarum Abbatis Glastoniae.

**R**everendissime in Christo Pater, post humillimam commendationem. Literas Paternitatis vestrae ea qua decuit reverentiâ accepi; In quibus scriptum erat, eandem jamdudum audire nos feretrum quoddam Divi Dunstani in Ecclesiâ nostrâ publicè erexisse, ex eâque prætereundum corpus ejus apud nos habere sepultum. Humillime respondeo nos feretrum quoddam memorati Sancti Patroni nostri & amplificatoris eximii plus abhinc ducentis annis in Ecclesiâ nostrâ per religiosos patres nostros antecessores erectum auroque & argento pulcherrime fabricatum cum potestate & autoritate Episcopi Diocesis à loco in locum transmovisse, non aliam ob causam nisi ob Dei gloriam, Sancti ejus ad honorem, & majorem Monasterii nostri decorem; quæque addi potest, quod inter multos ad locum ubi prius stabat confluentes propter Divi Pantaleonis & aliorum Sanctorum devotionem, ob quorum venerationem ille locus frequenter invisitur, Aliquando etiam inventi sunt, qui de scrinio ejus, quod manu tangi poterat, particulas quasdam argenteas atque deauratas surripiebant. Ut igitur ab istiusmodi compilatoribus tutius esse possit; in loco aliquanto editiori collocavimus. Nos non prætereundum corpus apud nos sepultum fuisse, sed sacra ejus ossa post destructionem Ecclesiæ vestrae Cantuariensis per Danos factam ad nos allata fuisse & comportata. Quod itaque Reverendissima Paternitas vestra se diligentissime nuper perscrutatum esse, an ejusdem Sancti corpus in Ecclesiâ suâ Cantuariensi sepultum adhuc remaneret; & sic invenisse in unâ cistâ plumbeâ quandam minutam peciam plumbi hujusmodi literis insculptam (videlicet.) **HIC QUIESCIT SANCTUS DUNSTANUS ARCHIEPISCOPUS.** Quibus revolutis, Calva capitis Sancti Dunstani apparuit integra cum pluribus sui corporis ossibus. Et propter hæc argumenta eandem reverendissimam Paternitatem vestram admirari nos prædictos viros tantâ cæcitate aut audaciâ duci, ut non vereamur illud corpus apud nos tumulatum esse affirmare. Reverendissime Pater fieri poterat, ut maximâ parte reliquiarum ejus ad nos comportatâ aliqua ibi relicta, vel ad petitionem confratrum Cantuariensium post curriculum temporis in Monasterium suum restitutorum, sive illic ad contemplationem alicujus Archiepiscopi transmissa sit: Quoniam etiam \* quinque post Divum Dunstanum à Monasterio nostro Glastoniensi istinc ad Archiepiscopatum promoti sunt. Cujus rei eo facilius conjecturam facio; quod nos ossa ejus majora firmioraque habemus. Dilecti vero fratres Cantuarienses, quatenus ex Reverendissimæ Paternitatis vestrae literis vel ex eorum publicis scriptis colligi potest, tantum quasdam minutias: nos occipitium & cœlum capitis, illi calvam seu cranei priorem partem possident. Quod si verum sit, intimâ caritate gaudeo, Deum immortalem dilectum Sanctum suum diversis in locis velle honorari, sicuti nonnulli honorantur, sine scandalo aut aliquo tumultu populari. Cæterum quod hortatur nos Reverendissima Paternitas vestra in calce li-

\* Historia Glastoniensis (in Monastico Angl. Tom. 1. p. 8.) & Willelmus Malmsburiensis (de gest. Reg. 1. 2. c. 11.) ex Cœnobio Glastoniensi ad Archiepiscopatum Cantuariensem post Dunstanum evectos numerant Ethelgarum, Siricium, Elphegum & Ethelnothum. Quintus non occurrit.

Immo quintum non fuisse constat ex Catalogo Abbatum Glastoniensium quem Tomo 1. exhibui. Ante Dunstanum quidem Berhtwaldum & Athelnum Archiepiscopos è Cœnobio suo prodiisse Glastonienses voluerunt.

terarum suarum, ut prohiberemus Sancti Dei reliquias aut aperiri aut à populo coli; si in eam sententiam vellemus concedere, quod Reverendissimæ Paternitatis vestræ veniâ dilectissimorum quoque fratrum pace dicatur, non tam cæci & audaces, quàm prorsus nefarii atque impii dicendi essemus. Quis enim vel temerarius non timeret, ne gravissimè inde Deus offenderetur, si mortalis immortalē suspenderet, aut in hac militiâ labilis peccator triumphantis insignia defecraret. Quod porrò si fieret; maximum quoque scandalum, tumultus & periculum sequeretur; quæ nobis in Reverendissimæ Paternitatis vestræ literis humanissimè proponuntur ad terrorem. Quicunque enim præsens cerneret assiduum concursum populi, vestibus exuti, nudis pedibus quotidie supplicantis; diceret nobis proculdubio, id quod Actuum quinto à Gamaliele dictum legitur: <sup>b</sup> *Sinite illos, ne forte & Deo repugnare videamini.* Certè ego tum populi devotionem, tum omnipotentis Dei promissionem, qui in Sanctis suis perpetuo gloriosus est, accurate pensans, nullo modo audeo tentare; quod contra Sancti ejus æstimationem esse possit; sed totus intremisco vel tale aliquid deliberare; præsertim quando non solum Chronicæ antiquæ sed etiam vulgaris fama decantat, ejus sacra ossa verè & indubitanter apud nos esse. Quo fit, ut quidam contermini nobis Parochiani singulis annis in die scèlicissimi ac beatissimi Patroni nostri Sancti Dunstani (qui alioquin professus est) ab operibus domesticis feriat, ad Ecclesiam nostram Glastoniensem, tam viri quàm scèminæ, tam patres familiarum quàm mercenarii eorundem seu villici, summâ cum veneratione ex vetusto quodam ritu conveniunt. Inter quas quidam è majoribus natu coram cæteris autoritate Apostolicâ à publicis Notariis interrogati, qua religione id facerent; Responderunt se à veteribus didicisse, Patres parentum eorum ossa Sancti Dunstani dum per eorum confinia à Cantuariâ Glastoniam deportabantur, eo modo ad Ecclesiam nostram Glastoniensem cum devotione fuisse infecutos, & propterea eos parochianos in rei memoriam solere usque in hodiernum diem non solum in eo die ferari, sed etiam ad Ecclesiam nostram Glastoniensem devotionis causâ venire. Quod si aliquis eorum ita facere recusaverit, aut rei suæ attentior à laboribus eo die non superfederit: eo anno nihil prosperè ei succedere, sed vel armenti vel rei familiaris grave dampnum & jacturam facere: Quod contigit in diebus adhuc viventium persæpe. Itaque minori cum scandalo (salvo judicio Reverendissimæ Paternitatis vestræ) dilecti fratres Cantuarienses reliquias suas nuper inventas tantisper celare possent; dum vel cum reliquiis nostris comparatione factâ, unde si verè ejus sacre reliquiæ sunt, proculdubio commanârunt, vel per aliqua scripta vetusta certiores facti, omni ambiguitate & scrupulo remotis, homines intelligant eas, quas Cantuarienses se habere dicunt, veras esse reliquias ejusdem Sancti qui tot annis apud nos in veneratione maximâ ab universo populo est habitus. Hæc autem eo diffusius scripsi; quòd aliquantulum laborans adversâ valetudine (sicut vellem & debeo) ipse venire ad Reverendissimam Paternitatem vestram hoc tempore non possum. Quocirca eandem impensè rogo obtestorque; ut hanc valetudinem meam excusatam habeat, qui ejus causâ sum omnia libenter factururus, citra Ecclesiæ meæ aut Monasterii juris præjudicium aut Dei Optimi Maximi Sanctorumque ejus offensam. Quorum præsidio perpetuo sulta sit eadem Reverendissima Paternitas vestra.

<sup>b</sup> Act. V. 38.

Scripta Glastoniæ quarto Kalendas Julii.

Exemplar



Exemplar Literarum Domini WILLELMI WARHAM Cantuariensis Archiepiscopi ad Abbatem Glastoniæ missarum.

**H**onorande frater, post condignam commendationem. Vestras literas à quodam vestri ordinis Monacho accepimus; quibus feretrum quoddam Divi Dunstani in Ecclesiâ vestrâ ad multos hinc annos fuisse erectum, vosque grandiora ejus ossa possidere scribitis, neque audere reliquias prætenfas à populo coli prohibere. Quantum verò ad primum attinet; nondum nobis quoquam pacto innotescit, quam auctoritate aut quo jure jurisve colore tale feretrum erectum extiterit. Quod si fortè à vestris (uti scribitis) antecessoribus minùs prudenter attemperatum factumque fuerit; id negligenter ulterius haud permittendum erit, sed rectè ac justè reformandum. Quod autem scribitis præfati Sancti ossa post destructam Ecclesiâ nostram per Danos ad Monasterium vestrum fuisse apportata, nihilque præter quasdam sui corporis minutias in Ecclesiâ nostrâ relictum. Hæc si vera essent, quod certe à nobis credi non potest, qua tamen auctoritate quove titulo hujusmodi ossa fuerint ad vos allata non edicitis. Absentia vero Monachorum Ecclesiæ nostræ tunc temporis fratribus vestris aliquas illinc auferendi reliquias nequibat auctoritatem tribuere. Cùm ergo nec Summi Pontificis nec Archiepiscopi nec Fratrum illius Ecclesiæ pro tempore existentium (sine quorum consensu præfata Reliquiæ ad alia loca de jure transferri non poterant) consensus & auctoritates vobis & Monasterio vestro factos minime exhibere valeatis; non videmus qua ratione hujusmodi Reliquias habere prætendatis. Quòd si forte vestri Monachi eas suâ audaciâ ac violenter abstulerint; in eo se sacrilegium ac furtum commisisse faciliè convincuntur. Neque hujusmodi Reliquiarum detentores aut eis consentientes tractu vel diuturnitate temporis sacrilegii poterint prætendere sese immunes, neque sine debitâ restitutione absolvi. Longe præterea à veritate videtur alienum, maximam (ut asseritis) illius Sancti Reliquiarum partem apud vos esse; cùm manifestum ac clarissimum sit tam brachiorum quam tibiarum ossa grossiora, costas etiam & spondilia totumque capitis tegumentum integrum, cæteraque omnia tot & tanta corporis ipsius particularia ossa, quot & quanta ex aliquo corpore defuncto tot annis in visceribus terræ jacente remanere sit possibile, in capsâ illâ in qua venerandum corpus suum collocatum atque reconditum fuit, adhuc contineri; quæ non modo oculis inspeximus, verum etiam & manibus palpavimus. Hæc enim res ipsa, multorumque fide dignorum, qui præmissa etiam viderunt, testimonium nobis tacentibus verissima comprobabit. Nolite igitur cogitare, Hæc aut fictè, aut minus verè à nobis prædicari. Quicumque enim præmissa, quemadmodum nos vidimus, inspexisset; fateretur proculdubio verum prælibati Sancti corpus absque diminutione quapiam in Ecclesiâ tunc suâ, nunc (licet sine merito) nostrâ requiescere. Quare desinite frustra deinceps conjicere inaniterve jactitare maximam Reliquiarum ejus partem penès vos remanere, aut aliquas minutias vel ad Fratrum Cantuariensium petitionem vel alicujus Archiepiscopi contemplationem ad Ecclesiâ nostram à loco vestro fuisse transmissas; quoniam impossibile est unius & ejusdem corporis ossium majorem partem & apud vos & apud nos in Ecclesiâ nostrâ posse simul haberi. Quod postremò scribitis vos subvereri, ne gravissimè Deum offenderetis, Sanctumque suum afficeretis injuriâ; si ejus, quas asseritis apud vos, Reliquias aperiri colique prohibere videremini. Qui enim veras adoraverit reliquias,

Deo

Deo placet; non qui falsas, fictas vel incertas. In hoc Deum potius offendere quam placere; Sanctoque suo summam inferre injuriam, eundemque magis inhonorare quam honorare censemini; quod alienum corpus suum esse fingitis, ac pro suo corpore usurpantes, venerationem sibi sacrisque ejusdem veris Reliquiis debitam aufertis, alieno simulatoque cadaveri irreligiosi attribuentes; & quod deterrimum est, populum in vanam ac superstitiosam culturam inducentes, qui in grave tum vestrarum tum suarum periculum animarum (quod vehementer est dolendum) vestris sinistris assertionibus maxime seducitur atque illuditur. Quis enim non formidaret se Deum valde offensurum; si Sanctum pro Sancto, aut corpus fictum pro vero & incertas Reliquias pro certis colere auderet? Hæc autem à vobis fieri nemo est qui nesciat. Quod enim dignum judicatis Fratres nostros Cantuarienses dictas Reliquias Divi Dunstani celare debere; ineptum certe ac minus prudens consilium est; quoniam hi Fratres nostri in jure priores ac potiores existunt. Pro quarum etiam possessione jura præsumunt; propterea quod Sanctus ille, dum in humanis agebat, sedi Archiepiscopali Cantuariensi præfuit; sepulturamque sibi in Ecclesiâ sua prælegit; ibique realiter sanctum corpus suum humatum fuisse à vobis non negatur. Quare æquum ac justum est vos, qui sine aliquo justo titulo hucusque exhibito hujusmodi Reliquias possidere prætenditis, usque ad realem tituli exhibitionem præensas apud vos Reliquias ab aliis coli minime permittere. Si enim hæc Dei & Ecclesiæ causâ non esset; haud tantopere contenderemus. Nam ob pristinam inter nos amicitiam vos Monasteriumque vestrum singulari quadam benevolentia & amore prosequimur. Hæc itaque unicâ duntaxat causâ exceptâ, aliis cunctis in rebus vobis pro virili nostrâ cupimus libenter gratificari. Jura equidem & Ecclesiæ nostræ dignitatem in omnibus quoad possumus fortiter tueri & conservare astringimur. Ut hoc itaque negotium æquâ lance trutinetur, justo exitu potiatur, omnimodæ ambiguitates, scrupulus, occasioque scandali prorsus tollantur; vos enixè hortamur, ardentèrque requirimus; ut scripta, evidèntias, munimenta, cæteraque omnia, quæ titulo in hac parte vestro suffragari videbuntur citra Omnium Sanctorum solennia proximò ventura sine ulteriori dilatione in medium afferre diligenter curetis. Quod si non effeceritis; hoc unum pro certissimo habetote, nos ubique per nostram Cantuariensem Provinciam literis nostris declaraturos, acriterque injuncturos; ne quis hujusmodi assertas apud vos Reliquias sub excommunicationis aliarumque ecclesiasticarum censurarum pœnis deinceps venerari aut pro veris Reliquiis reputare præsumat.

Ex Lambeth, decimâ Julii, Anno regni Henrici VII.  
XXIII. & Pontificatûs nostri V.



NICOLAI Epistola ad EADMERUM de Primatu  
Sedis Eboracensis in Scotiâ.

**E**lecto per Dei gratiam in Sancti Andreæ Cathedram Domino Edmero  
suus Nicolaus ex adversis ad jocunditatem prosperis successibus tendere  
æternam. In adversis, quæ te pati commemoras, patientia maximè  
necessaria est, deinde prudentia & industria ad evincendam gentis barbariem;  
Quam nullo ingenio citius tuis moribus quàm largitate dapfilitatis conciliare  
potes. Unde & Beatus Petrus Apostolus in instructionem Sancti Clementis,  
quem sibi successorem statuit, inter cætera taliter admonuit: *Caritatis reci-  
pienda & habenda maximum erit fomentum; si frequenter inter vos communem  
cibum mensamque faciat. Et post pauca: Propter quod communes facite cibos  
vestros cum iis, qui secundum Deum fratres sunt. Per hæc enim præcipue caritas  
comparatur.* Nec mirum, si barbaries indomita alicujus gentis his officiis  
emollita ad moralitatem flectitur civilem; cum & ferocissimæ rationisque ex-  
pertes feræ alimoniis humanisque attractibus delinitæ mansuescunt in tantum,  
ut hominum magis quàm consodaliū affectent belluarum societatem. Qua-  
propter, ut amicus de amico sollicitus, suggero, suadeo, admoneo te ut ca-  
rissimum, quatinus supra vires etiam tuas dapfilitate & munerum largitate  
affectum omnium tibi comparare studeas; quia talibus officiis quàm maximè  
effera corda gentisque indomitæ barbariem ad tui amorem & sanam doctrinam  
ecclesiasticamque disciplinam suscipiendam emollire prævalet. De his jam satis.

De Eboracensis autem Ecclesiæ primatu super Scotos, unde interrogasti,  
nulla est auctoritas, nulla ratio vel exemplum patet, quod hoc astruat. Quip-  
pe cum Eboracensis Ecclesia fidem & doctrinam Christianitatis, necnon &  
Pontificum consecrationem à Scottis sæpenumero mutuaverit; Scotti verò ab  
ipsâ nunquam, præter quod in Thurgodum (1) actum est. Nam postquam  
Eboracenses à fide apostatantes, primum Pontificem suum Paulinum à Can-  
tiâ eis ordinatum expulerunt; Sanctus Aidanus Scottus & à Scottis destina-  
tus & ordinatus, fidem Christi fideique sacramenta toti Northimbriæ strenu-  
us invexit. Deinde ejus successores Eboracensis Ecclesiæ Præsules usque ad  
(2) quartum omnes à Scottis ordinati, imbuti, & illi Ecclesiæ destinati sunt.

(1) Turgodus Prior Dunelmensis anno  
circiter 1107. electus est Episcopus San-  
tandreanus. Motâ autem ab Archiepisco-  
po Eboracensi controversiâ de subjectione  
Ecclesiæ Santandreanæ; dilata est aliquam-  
diu consecratio. Consecratus demum est  
post medium annum 1109. (ipsis Au-  
gusti Calendis juxta Mailrosensem) à  
Thoma Eboracensi jussu Henrici Regis  
Angliæ sine ulla subjectionis exactione,  
salvo tamen Ecclesiæ utriusque jure. Sco-  
tiam reversus, Ecclesiam sexennio fere  
rexit. Ortâ demum inter ipsum & Scotos  
multiplici lite, Romam adeundi licentiam  
à Rege petiit. Repulsam passus, in gra-  
vem animi moerorem incidit; & Dunel-  
mum recedendi licentiam postulavit & ob-

tinuit. Repatrians igitur, obiit in Cœno-  
bio Weremuthensi anno 1115. prid. Cal.  
April. feria tertia: postquam sedisset an-  
nos 8. menses 2. dies 10. Ista Simeon  
Dunelmensis uberius refert lib. de gest.  
Reg. Ang. p. 207. qui in designando obitus  
tempore nonnihil erravit. Anno enim  
1115. prid. Cal. April. cum feria quarta  
componitur.

(2) Aidano successerunt Finan, Col-  
mannus & Tuda; Scoti omnes, & à Sco-  
tis ordinati; qui quamvis Lindisfarnæ Se-  
dem Episcopalem collocaverint; totam  
tamen Northanimbriam, Provinciam sc.  
Eboracensem, rexerunt. His enim Lin-  
disfarnæ sedentibus vacavit Sedes Ebor-  
acensis annis circiter triginta.

(3) Unus etiam ex eis propter suam indiscretionem inutilis illi Ecclesiæ judicatus, ab ipsis Scottis depositus est. His omnibus Sanctus Beda attestatur in Historiâ Anglorum. Præsulem verò seu Doctorem aliquem Scottis destinatum vel ordinatum ab Eboracâ nulla docet Historia, nec etiam fabula, præter supradictum Thurgod. Cesset ergo Eboracensis Ecclesia Primatum Scottiæ sibi vendicando appetere; quam si haberet, cum Præsul Sancti Andrea summus Pontifex Scottorum appelletur; summus verò non est nisi qui super alios est; qui autem super alios Episcopos est, quid nisi Archiepiscopus est? licet barbaries gentis Pallii (4) honorem ignoret. Si inquam super hunc, qui summus vocatur Pontifex suæ gentis, prælationem haberet Præsul Eboracæ; jam non tantum Metropolitanus, immo Primas esset alterius etiam Regni: Quod nusquam legitur. De Eboracensis Ecclesiæ Suffraganeis quid ad vos? Alias sibi quærat, non de vobis. Quòd si tot invenire, quot se æstimat habere debuisse, non valet; sibi imputet; non aliena invadere attemperet. Suæ quidem negligentiae ascribitur, immo & cupiditati; quòd Suffraganeorum rato numero caret. Quippe cum regnum satis amplum & sufficiens tot Episcopis sit. Sed Præsules ipsius Ecclesiæ cupiditate possessionum illecti, magis in destruendis quàm instituendis Suffraganeis laboraverunt. Unde ipsa sola Ecclesia sex Episcoporum parochias obtinens sibi vendicat; qui omnes cæteris Ecclesiis & Cathedralibus discreti erant. Prima Sedes Eboracæ. Secunda (5) ultra amnem Ulsæ in Ecclesiâ Christi prope civitatem. Tertia apud (6) Ripum. Quarta apud (7) Beverlie. Quinta (8) Haugustaldensis Ecclesia. Sexta (9) Casa Candida. Has omnes Ecclesias & earum

(3) Vult Wilfridum Seniore, qui se de suâ sæpius est deturbatus à Regibus Northanimbriæ. Expulso primitus Wilfrido anno 678. subrogatus est in sede Lindisfarnensi Eata, natione Scotus & Abbas Mailrosensis. Hinc factum puto, quòd Nicolaus Wilfridum à Scotis depositum fuisse asserat.

(4) Antistites Santandreani Pallii usum ante annum 1472. non obtinuerunt.

(5) Deest in Codice MS. civitat. nomen. Quenam ista fuerit, haud facile augurari possum. Ecclesias quidem Wigorn. & Lincoln. sibi subjici debere Archiep. Eborac. illo tempore contendebant. Utraque tamen proprium habuit Episc. & obedientiam sedi Cant. præstitit tempore Episc. istius scriptæ.

(6) Ecclesia Ripensis unicum Episcopum habuit, Eathedum sc. quem de Episcopatu suo Lindisfarnensi ab Ethelredo Merciorum Rege depulsum Theodorus Archiepiscopus Cantuariensis Ecclesiæ Ripensi præfecit.

(7) Sedem Episcopalem Beverlaci positam nusquam legi. Johannes tamen Eboracensis Archiepiscopus, postquam Wilfridum juniorem sui loco substitutum consecraverat, ab Eboraco recedens, reliquum vitæ tempus Beverlaci exegit. Hinc natum Nicolao errorem puto.

(8) Antiquos Dioecesis Hagulstadenensis limites hodie nescimus. Certè partem Dioecesis atque ipsam Sedem Episcopalem Dioecesis Dunelmensis devoravit. Altera pars in Eboraci ditionem transisse videtur. E-

piscopatus Hagulstadenensis defecit in Tilferdo Episcopo circa annum 821. auctore Ricardo Hagulstad lib. 1. in fine.

(9) Sedem Episcopalem Australium Pictorum Ninianus Episcopus ad Candidam Casam primus fundavit; teste Bedâ lib. 3. cap. 4. Nec sedem mutavit Episcopatus, postquam Pictis ejectis regionem infedissent Angli; quibus primus Episcopus institutus est Plectelmus circa annum 730. auctore eodem lib. 5. cap. 24. Provincia enim Gallovidiensis, quæ hodie pars Scottiæ habetur, olim Regibus Northumbriæ, adeoque Archiepiscopis Eboracensibus subjecta erat. Quin & Episcopi Gallovidenses longè post excussum ab incolis Anglorum jugum Ecclesiæ Eboracensis erant Suffraganei. Anno enim 1176. Christianus Candidæ Casæ Episcopus à Viviano Pontificis Romani Legato ad Concilium Scottiæ Episcoporum vocatus, respondit *Episcopatum suum ad legeantiam Eboracensis Archiepiscopi, qui eum in Episcopum consecraverat, secundum antiquam utriusque consuetudinem pertinere*: referente Johanne Bromton in Chronico p. 1111. Vacavit fortè Sedes per plures annos Eadmeri tempore. Unde factum, ut Parochiam Candidæ Casæ ab Eboracensi devorata Nicolaus scribat. Parvo post tempore, post annum sc. 1125. Thurstinus Archiepiscopus Eboracensis Gilaldanum Episcopum Candidæ Casæ consecravit; teste Thoma Stubbs, p. 1720.

[ H h 2 ]

parochias



parochias ipsa devorans, & in suum corpus trajiciens, sola obtinet. Vix duos sibi Suffraganeos reliquit, videlicet Lindisfarnensem quæ modò Dunholm dicitur, & Cumbrensem quam Johannes modò tenet. (10) Pictorum verò Episcopi Sedes, cujus mentionem Sanctus Beda facit, ubi fuerit penitus ignoro. Ipse tamen octavus Suffraganeus esse deberet. Plures verò nunquam habuit, sicut nec Londoniensis ullum; negligentia videlicet Episcoporum & instabilitate gentis circa fidem sæpius apostatantis.

Ecce quantum epistolari brevitate potui, de his certum te feci. Plura ore ad os intimarem valde necessaria. De tuo autem negotio audi consilium meum. Dissolve (11) litigium de te Cantia & Eboracæ, Principumque Angliæ Scotiæque; & favore Regis Scottorum Apostolicum sacrandus expete. Negotium Ecclesiæ tuæ gentisque strenuus exequere; nec te præsulante libertatem dignitatemque suam amittat. Quòd si hoc tibi placet; cave nè per Regem Angliæ transitum facias, & ne Eboracensis Ecclesia hoc percipiat; ne impediatur conatus tuus. Ego verò paratus sum, quod etiam volo ut ipsi Scottorum Regi dicas; quia si necesse fuerit, in Concilio Romano diratiocinare libertatem dignitatemque Regni & Ecclesiæ Scottorum ab Eboracâ. Præterea rogo & valde obsecro; ut margaritas candidas quantum poteris mihi adquiras. Uniones etiam quascunque grossissimas adquirere potes, saltem quatuor mihi adquiri per te magnopere postulo. Si aliter non vales; saltem à Rege, qui in hac re omnium hominum ditissimus est, pro munere expete. Vale.

(10) Pictos Septentrionales & Australes Beda memorat, illos ad fidem conversos à Columba Presbytero anno 565. istos multò antè tempore à Niniano Episcopo, *Hist. lib. 3. cap. 4.* Septentrionalium Episcopum à Beda memoratum non memini: neque illi quid cum Eboracensibus Archiepiscopis commune habuerunt. Australium autem Episcopus non alius erat quam ille Candidæ Casæ Witternensis dictus; de quo in Annotatione superiori.

(11) Eadmerus ad Episcopatum Santandream postulatus, consecrationis munus nunquam obtinuit. Ipse enim nimia Ecclesiæ Cantuariensis, cujus erat Monachus, veneratione ductus, Ecclesiam Santandream Cantuariensi subicere & à Radulpho Archiepiscopo consecrationem susci-

pere voluit. Contra Turstinus Archiepiscopus Eboracensis Ecclesiam Scotiæ ad jus suum spectare contendit. Alexander Rex neutri Anglorum Archiepiscopo Ecclesiam regni sui subdi voluit; & Eadmero ut Romam profectus consecrationem à Papa obtineret, suavit. Nicolaus igitur Regi morem gerendum, & Ecclesiæ Scotiæ libertatem asserendam monet. Serò nixis Consilium amici prudentissimum Eadmerus admisit; quamobrem & dignitate excidit. Cautius rem gessit successor ipsius Robertus; qui ab ipso Archiepiscopo Eboracensi sine ullâ professionis subiectione Consecrationis munus obtinuit; prout ex Charta sequenti constat.

Charta TURSTINI Archiepiscopi Eboracensis de Consecratione ROBERTI Episcopi Santandreani.

[Ex Bibliothecâ Cottoniana, Titus A. 19.]

**T**urstinus \* Archiepiscopus Dei gratiâ Eboracensis, universis sanctæ Ecclesiæ filiis salutem. Notum sit omnibus tam præsentibus quàm futuris absolutè me consecrâsse sine professione & obedientiâ pro Dei amore & Regis Scotiæ venerabilis David Robertum S. Andreæ Episcopum, salvâ querelâ Eboracensis Ecclesiæ & justitiâ Ecclesiæ S. Andreæ. Et si Archiepiscopus Eboracensis de querelâ suâ loqui voluerit; Rex plenariam rectitudinem remotâ malevolentîâ ei exequetur, ubi justè debet. Testibus Rinaldo Dunelmensi Episcopo, Johanne Glasguensi Episcopo, Radulfo Orcadensi, Galfrido Eboracensis Monasterii Abbate, Herberto Rocosberiensis, Waldevo de Creilant, Adulfo Priore, Nicholao Sconensi, Waltero de Gant, Eustachio filio Johannis, Hugone de Cavo, & toto S. Petri Capitulo, Galfrido Murdac aschetin de Kulmere; & de Scotiâ Almaro milite, Alden filio Adhelwold, Ulchil filio Mernin, Ulchil filio Maldred, Gille, Colman, Sluged, Roberto de Waterville, Rogero Coyneres.

\* Turstanus Robertum consecravit anno 1128. qui nullam (ut dicitur) professionem de quavis subjectione vel obedientiâ Ecclesiæ Ebo- racensi aut ejus Pontifici facere permissus à Scotis est; licet Eboracensis Canonicus fuerit. Florentius Wigorniensis.

EADMĒRI



EADMERI *Epistola ad Monachos Wigornienſes de Electione Episcopi.*

[Ex Bibliotheca Cottonianâ, Claudius A. 1.]

*Epistola \* Edmeri Fratribus Wigornensibus.*<sup>a</sup> Joan. XIV.  
18.<sup>b</sup> Matth. XII.  
24.

**D**ominis & fratribus suis, Domino videlicet karissimorum karissimo Priori N. & aliis omnibus Wigornæ Deo ſervientibus frater E. ipſorum totus pacem Dei omnem ſenſum exuperantem. Pater veſter, Episcopus veſter, ut ſcitis, à ſæculo tranſiit; & vos orphani relictī eſtis. Sed utinam ille qui dixit Diſcipulis ſuis: <sup>a</sup> *Non relinquam vos orphanos*, vos orphanos non relinquat. Et utique non relinquet, ſi vos eum primi non reliqueritis. Non relinquetis autem; ſi pacem inter vos habueritis. Ipſe eſt enim pax noſtra, qui fecit utraque unum. Pacem igitur habete inter vos: & Deus pacis erit vobiscum. Quod ſi Deus fuerit vobiscum; pro certo erit & pro vobis. Et ſi Deus pro vobis; quis contra vos? Kariffimi mei, precor vos, precor vos propter Deum & propter honeſtatem ſanctæ converſationis veſtræ, unum eſtote in Chriſto Jeſu, fundati in radice caritatis in ipſo. Quod ſi ab invicem diviſi fueritis; timendum eſt vobis & amicis veſtris, ne in deſolationem corruatis, juxta verbum Domini qui dicit. <sup>b</sup> *Omne regnum in ſe ipſum diviſum deſolabitur*; Cogitate in quantam invidiam quorundam malignorum hominum Ordo Monachicus hoc tempore venit; & quantum nitantur eum ſaltem ab Episcopatibus extirpare. Cavete igitur propter animas veſtras: ne primi ſitis qui extirpemini. Si conſilia, quibus hætenus uſi eſtis, pacem pepererunt inter vos; & terras veſtras, ex quibus victum, veſtitum & omnia neceſſaria habere debetis, in manibus veſtris diligentiffimè cultas retinuerunt; & ornamenta Eccleſiæ in quibus Deo ſervitis ſacratiffimâ curâ ne quoquam diſtraherentur conſervaverunt. O Domini mei, illa tenere; nec ab illis gratiâ cujuſvis amici velitis diſcedere. Quod ſi horum aliqua contraria inter vos operata ſunt; propter omnipotentem Deum nullius amor vos in eis detineat, nullius blanda promiſſio ullâ ratione ſeducat; ut in eis permanearis. Servite Deo, & omnia neceſſaria miniſtrabit vobis. Nemo dicat: non ſerviam Deo, niſi omnia quæ animo meo ſedeant, priùs habuero. Qui enim hoc dicit, priùs mercedem exigit, quàm ſervitium cui merces debetur exhibere velit. Quod quàm ineptum ſit etiam inter homines, quivis ratione utens ſatis advertit. Vos autem videte, quid agat ſanctitas veſtra. Ego ſtultus factus ſum monendo me meliores & utique per omnia ſapientiores. Sed revera caritas veſtra me coegit. Valete igitur & orate pro me: & perdonate mihi hanc noxam. Omnipotens Deus dirigat vos & actus veſtros in beneplacito ſuo. Amen.

\* Præcedit in eodem Codice Epistola Prioris & Conventus Wigorn. ad Willelmum Archiepiscopum Cantuariensem, petens ut liberam ſibi novi Præſulis electionem a Rege impetret. Sequitur reſponſio Willelmi Archiepiscopi conſolatoria de morte Paſtoris. Solus eſt Wigornienſibus,

Episcopis Theulfus tempore Willelmi Archiepiscopi obiit. anno ſc. 1123. 12. Cal. Novembr. Illi ſucceſſit Simon, anno 1125. electus, non ex grege Monachorum, quod enixè ſuadet Eadmerus, ſed e Clero Sæculari.

WILLELMI

---

---

WILLELMI

Monachi & Bibliothecarii MALMSBURIENSIS

LIBRI III.

DE VITA

S. WULSTANI

Episcopi Wigorniensis.

---

---



WILLIAM

JOHN & BROTHERS

NEW YORK

1851

NEW YORK

Willelmi Malmesberienſis  
 LIBRI III  
 DE VITA  
 S. WULSTANI,  
 Episcopi Wigornienſis.

Epistola WILLELMI ad Fratres Wigornienſes in  
 Vitam Venerabilis WULSTANI, Wigornienſis  
 Episcopi.

**D**omino venerabili Guarino Priori & omni reverendiſſimo Wigornienſi Conventui Willelmus amorem filii, clientelam famuli. Dudum à vobis juſſus in ſancti Patris noſtri Wlſtani vitâ manum ponere, aliquamdiu ſubterfugi officium. Subterfugii cauſæ plurimæ; ſed ea vel prima vel maxima, quòd cùm ſim imparis meriti conſcius, ulteriora viribus arrogo, ſi Sanctum laudo. Non eſt enim ſpecioſa laus in ore peccatoris. Huc acceſſit, & præceptum veſtrum non mediocriter labefactavit metus, ne obedientiam meam quorundam pulſaret livor; ſi opus invaderem, ut hætenus intemptatum, ita meliori relinquendum. His cauſis exterritus, linguam obſtinato frænâſſem ſilentio; niſi ſpes de pietate Beati Antiftitis concepta mederetur formidini, accurreret ſolatio. Conſuevit enim B. Wlſtanus nudis etiam ſe verbis amantes tum offenſarum remiſſâ donare, tum protectionis ſuæ umbone defendere. Multò magis igitur perpetuam de ſe meditant ſcripturam & venia favebit, & emolumento ſermonis non deerit. Dignabitur etiam Dominus Chriſtus de hoc opere amoliri omnem invidiam; quod ſuſceptum eſt non ſcientiæ ſupercilio, ſed ſinceræ devotionis obſequio. Quapropter ejus ope fretus faciam quod imperâſtis. Non ulterius munus meum obnubet periculofa cunctatio; ſed moram præteriti temporis executionis celeritate compenſabo. Et vos quidem, dum vitalis adhuc auræ compotes, probè cognoscetis me nichil dicere, quod non ſit ſolidâ veritate ſubnixum, quod non ſit probabilium virorum teſtimonio compertum. Adeò antiquorum mentibus infederunt viſa; adeò juniores amplectuntur audita. Poſteris verò quando geſtorum memoria frigebit, poterit ſubefſe dubitatio; niſi teſtem idoneum produxero. Quocirca quia non niſi exactâ fide deberent recitari geſta Sanctorum; dabo vadem non improbabilem dictorum



rum meorum. Is erit \* Colemannus Monachus vester; vir nec scientiâ imperitus, nec sermone patrio infacetus. Scripsit enim Anglicè, ne gestorum avolaret memoria, Vitam ejusdem Patris; si attendas ad sensum, lepore gravi; si ad literam, simplicitate rudi. Dignus, cui fides non derogetur in aliquo; quippe qui nôverit intimè mores magistri ut discipulus, & religionem ut quindecim annis Capellanus. Hujus ego, ut voluistis, insistens scriptis, nihil turbavi de rerum ordine, nihil corrupti de gestorum veritate. Sanè verbis, quæ vel dicta sunt vel in tempore dici potuerunt, enarrandis supersedi, consulens in omnibus veritati, ne videretur periclitari. Otiosi enim est hominis & suæ indulgentis facundiæ, cum gesta sufficiant, verba nundinari; nisi fortè sint aliqua, quæ propter eximium sui splendorem brevem exigant mentionem. Quæ cum ita sint, hanc quæso mihi redhibete gratiam; ut ab hoc opusculo & æmulos dignemini summovere, & obsequium meum piissimi Wlstanis sensibus, quò præsentiores estis, insinuare, Domini Venerabiles & meritò amabiles Patres.

\* Hunc postmodum Priorem West-biriæ à Wlstano creatum Willelmus infra refert lib. 3. cap. 10. Obiit anno 1113. die 4. Non. Octobris. Si Florentio fides. Is plura ab Hammingo Subpriore Wigornienfi de rebus Wlsta-

ni gestis accepit. Hammingus iste Wlstanis jussu scripsit Librum de possessionibus Ecclesiæ Wigornienfis; qui extat in Monastico Angliæ, Tom. 1. p. 128.

## PROLOGUS.

# PROLOGUS.

**M**ulta, & ut nostra fert opinio, innumera sunt in Scripturis Sanctis; quibus divina dignatio mentes mortalium ad bonæ vitæ cultum informat, tum præcepta tum exempla. Illis qualiter vivendum sit instruimur; istis innuitur quàm sint Deo juvante factu faciliæ quæ jubentur. Natura porro hunc quibusdam ingeneravit animum; ut quamvis utraque sciant necessaria, magis tamen exemplorum quàm exhortationum eos prolester audiret. Et veterum quidem gestis pro antiquitatis assurgunt reverentiæ; sed alacriori capiuntur dulcedine, si alicujus Sancti, qui nuperrimè fuit, vita producat in medium; in qua sicut è speculo conspiciuntur, ut ita dictum sit, vivum religionis simulachrum. Accedit enim jocundæ relationi novitas; ne aliquis desperet à se per Dei gratiam fieri posse, quod audit ab alio de proximo factum fuisse. Unde non contemnenda, sicut opinor, curâ successit animo B. Wilstani Episcopi Wigorniensis vitam nequaquam posteris invidere, sed eam stilo qualicunque æternæ mandare memoriæ. Fuit enim vir ut nostris temporibus affinis, ita priorum patrum virtuti non abfimilis. Quapropter benigno Lectori grande paciscor commodum; ut quanquam eum non minùs quàm priscos pro miraculorum gloriâ suscipiat familiariter, tamen pro recenti ætate mores ejus æmulo exercitii pede sequi contendat. Nec verò hæc dico, quòd multis hanc beatitudinem arrogem; ut sicut ipse fuit imitator Christi, sic possint eum imitari. Pauci quin potius, pauci quos æquus amabit Jesus, poterunt quasi longo ad eum respicientes intervallo virtutum ipsius vestigiis insistere, potius quàm ipsas sibi perfectio insculpere. Aded quòd salvâ majorum reverentiâ dixerim, nullo incontinentiâ vitiorum inferior fuit: aded virtutum studium coeptum à tenero foelici ad senectam continuavit proposito. Quocirca par fuerat, ut scriptor gestorum ejus esset limatus linguâ & probatus scientiâ, quatenus sublimia facta non humili proferrentur eloquio, & laudata laudator sequeretur exemplo. Mihi verò nec oratoria facultas suppetit; nec de integritate vitæ animus applaudit. Sola me palpat & urget obedientia; ne munus quod fraterna necessitudo imponit, sponsum præsertim & animæ fructuosum obstinatè recusem. Assit mihi Spiritus Sancti clementia; ut eodem inspirante noster dirigatur stilus, quo auctore bene operatus est Wilstanus. Et quidem qui rhetoricis nituntur institutis, ita sermonem suum instituunt; ut<sup>a</sup> post auditorem suum benevolum, mox attentum, postremò docilem reddant. Ego quoque, cum res exoptulat, non omitto. Hic porro eo modo rhetoricari extra propositum est. Est enim ex abundanti argumenta quærere, ubi & ad credendum fides excitat, & ad legendum materia invitât. Qua de causâ pio patri lectores non defuturos arbitror; dum polus rotabit sidera, dum ulla in mundo erit litera. Hanc ipso sibi apud homines per Dei misericordiam vivens locavit & post fata tenet gratiam. Sed hætenus procœmium traxisse suffecerit. Nunc cœlesti freti auxilio, opus destinatum tali ordiemur initio.



## LIBER PRIMUS.

## CAPUT I.

**P**Agus est in regione Merciorum non incelebris Warwicensis dictus. Is habet villam Icentunæ vocatam; cuius jam inde à proavis incolæ parentes venerabilis Wlstanus fuere. Pater Æthelstanus, mater Wlfsgeva nominati; nec tenues censu nec natalibus abjecti. Coniugali affectu magis quàm pruritu conjuncti, meruere filium, in præclarum Angliæ decus evalurum. Puero Wlstanus vocabulum datum, ex anteriore materni & posteriore paterni nominis parte compositum. Primis elementis literarum apud Evesham initiatus, perfectiori mox apud \* Burch scientiâ teneras informavit medullas. Gratum dictu, quantum jam tunc futurarum virtutum indolem crebris pariter indicibus, vix dum primum pueritiæ limen egressus; ita quod maturum, quod sanctum, prædicabilis pueri spirabat & loquebatur modestia. Jejuniis quantum id ætatis homo pateretur, operam non negare; humiles in excelsum orationes porrigere. Pueriles garritus, illecebrarum fontem, primum in se tum in aliis alpernari. Maturæ vitæ vestigiis instare; adeo ut cœvos & etiam majores natu supplicibus conveniret precibus; quantum sibi bene vivendi simulachrum ipsi bene vivendo effigiarent: siquid perperam faceret, arguerent; ipse libens correctioni manus daret. Devotio prorexit usum; ut nihil videret imitandum, quod non formaret in exemplum. Monstrabat nimirum his factis se sapientem & esse & fore; juxta quod divina sapientia Solomonis innexuit literis. <sup>b</sup> *Corripe, inquit, sapientem; & amabit te.* Nec minùs illud in se naturaliter rapiebat, quod olim Philosophia ex auditis effudit suis. Semper aliquem bonum virum ante oculos mentis proponendum; cuius respectu mores componantur. Non enim à justitiâ facile deviat, qui semper vel Deum vel hominem cogitat, cuius timore peccata compefcant.

(b) Prov.  
XIX. 25.

Habebat tunc Magistrum Ervenium nomine, in scribendo & quidlibet coloribus effingendo peritum. Is libros scriptos, Sacramentarium & Psalterium, quorum principales literas auro effigiaverit, puero Wlstano delegandos curavit. Ille preciosorum apicum captus miraculo, dum pulchritudinem intentis oculis rimatur, & scientiam literarum internis haurit medullis. Verum doctor ad sæculi spectans commodum, spe majoris præmii Sacramentarium Regi tunc temporis Cnutoni, Psalterium Emmæ Reginae contribuit. Perculit puerilem animum facti dispendium; & ex imo pectore alta traxit suspiria. Mœror invitavit somnum; & ecce consopito assistens vir vultus Angelici tristitiam propulsat, librorum reformationem promittit. Nec minùs pollicito sed multò post evenit; sicut progrediens sermo dicere perget.

\* Wlstanum Monachum quondam fuisse in Coenobio S. Petri apud Burgum, Ingulphus, & Johannes Abbas Burgi in Chronico MS. produnt. Ex Willelmo tamen liquet illum habitum Monasticum Burgi non induisse, sed nec gessisse, primis duntaxat literarum elementis ibi in ætate puerili institutum.

Itaque vernans ætas, pueritiâ exclusâ, adolescentiam induxerat ; & erat Wlstanus quantum ætate auctior, tanto scientiâ provectior. Denique nunquam, ut ea fert ætas, aliqua labe castimoniam perdidit ; sed integri pudoris palmam in cœlum tulit. Aderat ei in cunctis divinæ gratiæ liberalitas ; ne vacillaret arbitrii libertas. Senferat ipse olim infusum sibi cœlitus castitatis munus ; nec quin diceret ingratis silentio indulgit. Sed cœleste nectar quod hauserat, sine livore aliis propinavit. Quod quatinus actum sit, dicam ; ut posteris liqueat, quanta Dei gratia juvenem & prævenit & subsequuta sit. Reverso Delvith ad parentes puella è vicino nata ad naufragium pudoris & illecebram voluptatis erat molesta. Denique manum prensitare, oculo annuere ; & cætera quæ sunt morituræ virginitatis indicia lascivis etiam gestibus impudiciæ facere solebat. Sed cum is castitatis instinctu impudicæ desideria frustraretur ; hoc modo penè illum venata est. Convenerat in campum frequens cœtus adolescentum, cuiam lætius ludo vacans non definio. Curstabatur, ut fieri solet in talibus, virentis graminis æquore ; plausui & favori adhortantium respondebat stridulus aer. Emicat inter alios Wlstanus ; communique cunctorum iudicio illius ludi triumphum reportat. Agrestium multitudo in laudes acclamat ; easdemque, ut ejus famularetur auribus, repetit & geminat. Delectaretur alius his nœniis ; & flatu adulantium concitatus, bullatas in corde formaret ampullas. At ille nec corporis nutu nec animi motu laudantibus adquevit. Quocirca ut de hoc Diabolus victus alio modo triumpharet ; puellâ prædictâ, quæ prope astaret, infudit animo ut accurreret. Illa non segnis gestibus impudicis, motibus invecundis plausibilem psaltriam agit ; ut amasii sui serviret oculis. Nec minùs ille, qui verbis & tactui non cesserat, infractiori gestu totus resolutus in amorem anhelabat. Veruntamen reducto continuò ad bonum animo, & lacrimas fudit, & fugam in dumosâ & vepribus hirsuta loca intendit. Jacebat ergo longiuscule ; aliis nihilominus jocos continuantibus. Ibi multa volventi & plurimis seipsum accusanti sopor irrepsit ; fuitque tunc prodigium conspici. Nubes enim serena & blando fulgore oculis intuentium alludens supernè descendit ; & aliquamdiu jacentem obnubens, stupori spectantibus fuit. Discussit protinus splendor nubis nebulam vanitatis ; & ludibundos animos adolescentium gravitatis afflavit aurâ. Præcipitatis ergo cursibus illuc contendunt ; sollicitisque sermonibus Wlstanum adorfi, quid illud signi fuerit requirunt. Nihil ille negandum ratus est ; ut flamma cœlestis amoris, quæ in illum reluxerat, scintillaret in socios ; rem omnem ordine aperit. Nuper se stimulis carnis aculeatum immensum excanduisse ; nunc superno rore irrigatum & ventre & totis vitalibus algere. Sperare se ulterius incentivo carnis cariturum ; & juvante Dei clementiâ, nullâ inquietandum molestiâ. Dictum propheticum comitata est veritas rerum. Nunquam enim deinceps animum vel oculum ejus sollicitavit ullius formæ miraculum ; nunquam turbulenta eluvies dormientis interpellavit quietem. Hoc se Colemannus ab Hammingo Subpriori didicisse asseverat ; qui ab ipso Sancto postmodum Episcopo ea se audisse memoraret. Solebat enim reverendissimus Pater pro ætate & capacitate audientium moderari sermonem, & nonnunquam sua inferre facta ; ut non diffiderent se illa posse facere, quæ illum audissent per Dei gratiam implere valuisse.

CAP. II. Interea uterque adolescentis parens sæcularis vitæ pertæsus, alios pannos, alios mores, & devoto ardebat animo & frequenti volvebat susurro. Quippe jam eis ætas progressior & fortuna despectior imminebat. Nec multa morari, quin desiderio facerent satis. Pater apud Wigorniam Monachi habitum, mater in eadem urbe Sanctimonialis suscepit velum. Ita devotione simplici & studio efficaci propositum executi, diebus suis expletis, naturæ cessere.



cessere. Remansit interim Wlstanus in sæculo specie non mente, non animo sed corpore. Veruntamen ut altioris gradus exemplo in se virtutum speciem delinearet, paulatimque mundana dedisceret; Brihtegi Wigorniensis Episcopi se curæ dedit. Suscepit eum libens Antistes; & affinium suffragio & suâ benignitate in juvene Dei gratiam favorabiliter exosculatus. Nec ille favori suo deerat; sed eum probitate morum etiam ab improbißimi & asperi propositi hominibus extorquebat; quippe à quo mens insolentior, vox præruptior, incessus fractior exulabat: fugitans protervia, immunis petulantia; quodque illi ætati maximo est ornamento, servantissimus cultus verecundia. Cumulabat pectoris gratiam speciositas corporis; quam licet inter virtutes non numerem, non tamen omnino excludo; quia sicut ars opificis in commodiore materiâ elucet; ita virtus in pulchritudine formæ splendidius eminet.

His artibus ita sibi amorem Pontificis conciliaverat: ut ultero eum ad Presbyteratum promoveret; quamvis ille vix ægréque ad consensum adduci potuerit. Memorabile in juvene; quod eo gradu se indignum putavit; nec minus, quod acceptum dignis moribus illustravit. Nec ergo ad accipiendum aspiravit per arrogantiam; nec semel susceptum decoloravit per inertiam. Aded inedia & omni parsimonia corpus attenuare, & animi vires dilatare curabat: aded mente sobrius, sermone serius, reverendus aspectu, jocundus affectu, Laicum vestibus, Monachum moribus agebat. Si verò in quopiam vidisset reatum; ita sermonem temperabat; ut rigor acerbæ correctionis transiret in materiam laudis. Non enim asperum videri poterat; quod licet durius sonaret, intus caritatem redoleret.

**CAP. III.** Obtulit ei plusquam semel Antistes Ecclesiam suburbanam; cujus opulenti reditus ad cotidianam stipem satis superque sufficerent. Ille offerentem suspensio in posterum consilio sæpe frustratus, tandem vehementius instanti quid animi gestaret aperuit. Fluctuantem sæculi statum menti suæ vilescere, Monachum se fieri velle, totam vitam suam non per partes Deo libare cupere. Hoc accepto responso, venerabilis Episcopus magno exiit gaudio; juvenilemque calorem monitionum suarum in majus animavit classico. Ita votis amborum concordibus, dum quod unus cuperet alter urgeret; Wlstanus apud Wigorniam induit Monachum, Brithego indulgente favorem & habitum.

Hic si quispiam Rhetorum more spatari cupiens auditoribus proponat, quanta bona faustus dies ille Wigornia attulerit, qui primò Wlstanum Monachum vidit; profectò voto excider, propositum implere non valens. Quocirca quod lingua nequit exprimere, conetur vel animus ruminare. Illud non tacendum; quod nunquam nostro ævo fuit Monachus aut à vitiis remotior aut virtutibus perfectior. Quocirca sinceritate vitæ ipsius exploratâ, Fratres illius Ecclesiæ non multò post puerorum faciunt custodem, mox Cantorem, postremò Secretarium; quatenus haberet liberiores copiam orandi, & uberiorem de virtute in virtutem crescendi materiam. Quam ille occasionem dignanter amplexus, dies jeuniis & vigiliis rotas continuabat noctes. Numerabat in deliciis, quod nos inertes homines magno ducimus supplicio. Diebus omnibus ad unumquemque versum VII. Psalmorum genua flectere; idem nocte in Psalmo CXVIII. facere. In occidentali porticu Ecclesiæ, ubi erat altare Omnium Sanctorum cum trophæo vexilli Dominici, obserato aditu Christum vocare, & lacrimis pulsare cælum, æthera onerare planctibus. Plumam & ullum omnino lectum non habere; sopori non indulgere, sed surripere. Super gradus ante altare capite posito se humo exponere; vel etiam Codice aliquo vertici summisso, super lignum tenuem invitare soporem. Ante unumquodque XVIII. altarium, quæ in veteri Ecclesiâ erant, sepius in die prostermi;

prostrerni; hæc dura non putare, sed quod alii putarent imitari. Cùmque præ omnibus esset in virtutibus sublimis; erat tamen singulis humilitate acclivis; ut aliqua vilia, quæ alius facere fastidivit, ille incunctanter expleret.

CAP. IV. Mos beato viro increverat noctibus Ecclesias in vicino positas psalmorum excubiis frequentare, & in singulis orationum vota apud Deum deponere. Ibat ergo per medium Cœmeterium nec titubanti gressu, nec ullâ mentem hebetatus formidine. Hoc effectum, ut ad Ecclesiam Apostolorum Principis quadam nocte veniret. Hæc quondam Sedes Episcopalis fuerat; sed eam S. Oswaldus Clericis irreligiosis vacuaverat; certo & rationabili commercio potestatem Apostoli ad Matrem Domini mutuatus. Stabat ergo ante altare jam in preces effusus, jam totus in Deum gestiens. *Sequitur narratio luctæ cum Diabolo, qui assumptâ rustici specie impetum in Wilstanum orantem fecit. Vide Willelmi librum 4. de gestis Pontif. Angl. f. 159. & Capgravinum in Legendâ Novâ f. 332.*

CAP. V. Adolescebat temporis processu in Wilstano germen omne virtutum, præcipuèque obedientia & ad prælatos subjectio. Quamlibet enim durum, quamlibet videretur asperum; statim producebat velle, quamvis non suppetere posse. Deinde & ex divinæ gratiæ fonte scaturivit in eum amor hominum; ut omni deliniendum putarent obsequio, quem acceptum habebat cœlestis dignatio. Antistes maximè, qui sic in Wilstanum afficiebatur animo; ut quovis honore dignum putaret. Nam & strenuè peracti officii industria spem altioris dignitatis salubriter exsequendi, si conferretur, infuderat. Hac occasione \* Præpositus, ut tunc, Prior, ut nunc dicitur, Monachorum constitutus, statim materiam qua virtus emergeret arripuit; multis incommodis intus forisque propulsatis. Nam res exteriores antecessorum incuriâ pessundatas ingenii vivacitate in solidum restituit; & interiores fræno regulari coercuit. Quod ut efficacius faceret, vitæ suæ subjectis religiosa porrigebat exempla; erubescens scilicet prædicare, quod fastidiret facere. Ipsam porro doctrinam non suo confingebat ingenio, nec cothurnato & plausibili præferebat eloquio. Quin potius majorum nostrorum scriptis invigilans, hauriebat sitibundo pectore fluente doctrinæ, quæ postea mellito eructaret gurgite. Licet enim mihi de B. Gregorii vitâ dictum mutuari; quod à Colemanino in patriam linguam ut pleraque alia versum ego transfudi denuo in Latinum. Itaque cùm in omnibus divinæ Scripturæ libris, tum in his diligentes prætendebat excubias, qui sibi castimoniam commendarent; ejus integritatem in se alacriter exsequi, corruptionem in aliis acriter insequi: ut uno liquebit exemplo.

\* Wilstanum Agelwino Priori Wigorniensis defuncto substituit Aldredus Episcopus, teste Florentio. Idem Aldredus Monasterio Glocestrensi à se restaurato Wilstanum quendam Monachum Wigorniensis anno 1058. Abbatem instituit. Sic Chronicon Wigorniensis MS. Thomas Stubbs in Pontificibus Eboracens. p. 1701. Chronicon Glocestrense in Monastico Tom. 1. p. 110. & Florentius.

Wilstanus iste Jerosolymam profectus obiit in itinere anno 1072. auctore Chronico Glocestrensi. Ut falsus sit Ingulphus (p. 511.) & illum secutus Bollandus (in Act. Sanctorum Januarii Tom. 11. p. 240.) qui Wilstanum istum ex Priore Wigorniae Abbatem Gloverniæ, ex Abbate Gloverniæ Episcopum Wigorniae factum fuisse volunt.



cessere. Remansit interim Wlstanus in sæculo specie non mente, non animo sed corpore. Veruntamen ut altioris gradus exemplo in se virtutum speciem delinearet, paulatimque mundana dedisceret; Brihtegi Wigorniensis Episcopi se curæ dedit. Suscepit eum libens Antistes; & affinium suffragio & suâ benignitate in juvene Dei gratiam favorabiliter exosculatus. Nec ideo favori suo deerat; sed eum probitate morum etiam ab improbißimi & asperi propositi hominibus extorquebat; quippe à quo mens insolentior, vox præruptior, incessus fractior exulabat: fugitans protervia, immunis petulantia; quodque illi ætati maximo est ornamento, servantissimus custos verecundia. Cumulabat pectoris gratiam speciositas corporis; quam licet inter virtutes non numerem, non tamen omnino excludo; quia sicut ars opificis in commodiore materiâ elucet; ita virtus in pulchritudine formæ splendidius eminet.

His artibus ita sibi amorem Pontificis conciliaverat: ut ultero eum ad Presbyteratum promoveret; quamvis ille vix ægréque ad consensum adduci potuerit. Memorabile in juvene; quod eo gradu se indignum putavit; nec minus, quod acceptum dignis moribus illustravit. Nec ergo ad accipiendum aspiravit per arrogantiam; nec semel susceptum decoloravit per inertiam. Adedò inedia & omni parsimonia corpus attenuare, & animi vires dilatare curabat: adedò mente sobrius, sermone serius, reverendus aspectu, jocundus affectu, Laicum vestibus, Monachum moribus agebat. Si verò in quopiam vidisset reatum; ita sermonem temperabat; ut rigor acerbæ correptionis transiret in materiam laudis. Non enim asperum videri poterat; quod licet durius sonaret, intus caritatem redoleret.

**CAP. III.** Obtulit ei plusquam semel Antistes Ecclesiam suburbanam; cujus opulenti redditus ad cotidianam stipem satis superque sufficerent. Ille offerentem suspenso in posterum consilio sæpe frustratus, tandem vehementius instanti quid animi gestaret aperuit. Fluctuantem sæculi statum menti suæ vilescere, Monachum se fieri velle, totam vitam suam non per partes Deo libare cupere. Hoc accepto responso, venerabilis Episcopus magno exiit gaudio; juvenilemque calorem monitionum suarum in majus animavit classico. Ita votis amborum concordibus, dum quod unus cuperet alter urgeret; Wlstanus apud Wigorniam induit Monachum, Brithego indulgente favorem & habitum.

Hic si quispiam Rhetorum more spatiari cupiens auditoribus proponat, quanta bona faustus dies ille Wigornia attulerit, qui primò Wlstanum Monachum vidit; profectò voto excidet, propositum implere non valens. Quocirca quod lingua nequit exprimere, conetur vel animus ruminare. Illud non tacendum; quod nunquam nostro ævo fuit Monachus aut à vitiis remotior aut virtutibus perfectior. Quocirca sinceritate vitæ ipsius exploratâ, Fratres illius Ecclesiæ non multò post puerorum faciunt custodem, mox Cantorem, postremò Secretarium; quatenus haberet liberiores copiam orandi, & uberiorem de virtute in virtutem crescendi materiam. Quam ille occasionem dignanter amplexus, dies jeuniis & vigiliis totas continuabat noctes. Numerabat in deliciis, quod nos inertes homines magno ducimus supplicio. Diebus omnibus ad unumquemque versum VII. Psalmorum genua flectere; idem nocte in Psalmo CXVIII. facere. In occidentali porticu Ecclesiæ, ubi erat altare Omnium Sanctorum cum trophæo vexilli Dominici, obserato aditu Christum vocare, & lacrimis pulsare cælum, æthera onerare planctibus. Plumam & ullum omnino lectum non habere; sopori non indulgere, sed surripere. Super gradus ante altare capite posito se humo exponere; vel etiam Codice aliquo vertici summisso, super lignum tennem invitare soporem. Ante unumquodque XVIII. altarium, quæ in veteri Ecclesiâ erant, septies in die prosterni;

prosterni; hæc dura non putare, sed quod alii putarent imitari. Cùmque præ omnibus esset in virtutibus sublimis; erat tamen singulis humilitate acclivis; ut aliqua vilia, quæ alius facere fastidivit, ille incunctanter expleret.

CAP. IV. Mos beato virò increverat noctibus Ecclesias in vicino positas psalmorum excubiis frequentare, & in singulis orationum vota apud Deum deponere. Ibat ergo per medium Cœmeterium nec titubanti gressu, nec ullâ mentem hebetatus formidine. Hoc effectum, ut ad Ecclesiam Apostolorum Principis quadam nocte veniret. Hæc quondam Sedes Episcopalis fuerat; sed eam S. Oswaldus Clericis irreligiosis vacuaverat; certo & rationabili commercio potestatem Apostoli ad Matrem Domini mutuatus. Stabat ergo ante altare jam in preces effusus, jam totus in Deum gestiens. *Sequitur narratio luctæ cum Diabolo, qui assumptâ rustici specie impetum in Wilstanum orantem fecit. Vide Willelmi librum 4. de gestis Pontif. Angl. f. 159. & Capgravinum in Legendâ Novâ f. 332.*

CAP. V. Adolescebat temporis processu in Wilstano germen omne virtutum, præcipuèque obedientia & ad prælatos subjectio. Quamlibet enim durum, quamlibet videretur asperum; statim producebat velle, quamvis non suppetere posse. Deinde & ex divinæ gratiæ fonte scaturivit in eum amor hominum; ut omni deliniendum putarent obsequio, quem acceptum habebat cœlestis dignatio. Antistes maximè, qui sic in Wilstanum afficiebatur animo; ut quovis honore dignum putaret. Nam & strenuè peracti officii industria spem altioris dignitatis salubriter exsequendi, si conferretur, infuderat. Hac occasione \* Præpositus, ut tunc, Prior, ut nunc dicitur, Monachorum constitutus, statim materiam qua virtus emineret arripuit; multis incommodis intus forisque propulsatis. Nam res exteriores antecessorum incuriâ pessundatas ingenii vivacitate in solidum restituit; & interiores fræno regulari coercuit. Quod ut efficacius faceret, vitæ suæ subjectis religiosa porrigebat exempla; erubescens scilicet prædicare, quod fastidiret facere. Ipsam porro doctrinam non suo confingebat ingenio, nec cothurnato & plausibili præferebat eloquio. Quin potius majorum nostrorum scriptis invigilans, hauriebat sitibundo pectore fluente doctrinæ, quæ postea mellito eructaret gurgite. Licet enim mihi de B. Gregorii vitâ dictum mutuari; quod à Colemanino in patriam linguam ut pleraque alia versum ego transfudi denuo in Latinum. Itaque cùm in omnibus divinæ Scripturæ libris, tum in his diligentes prætendebat excubias, qui sibi castimoniam commendarent; ejus integritatem in se alacriter exsequi, corruptionem in aliis acriter insequi: ut uno liquebit exemplo.

\* Wilstanum Agelwino Priori Wigornienſi defuncto substituit Aldredus Episcopus, teste Florentio. Idem Aldredus Monasterio Glocestrenſi à se restaurato Wilstanum quendam Monachum Wigornienſem anno 1058. Abbatem instituit. Sic Chronicon Wigornienſe MS. Thomas Stubbs in Pontificibus Eboracenſ. p. 1701. Chronicon Glocestrenſe in Monastico Tom. 1. p. 110. & Florentius.

Wilstanus iste Jerosolymam profectus obiit in itinere anno 1072. authore Chronico Glocestrenſi. Ut falsus sit Ingulphus (p. 511.) & illum secutus Bollandus (in Act. Sanctorum Januarii Tom. 11. p. 240.) qui Wilstanum istum ex Priore Wigornia Abbatem Gloverniæ, ex Abbate Gloverniæ Episcopum Wigornia factum fuisse volunt.



cessere. Remansit interim Wlstanus in sæculo specie non mente, non animo sed corpore. Veruntamen ut altioris gradus exemplo in se virtutum speciem delinearet, paulatimque mundana dedisceret; Brihtegi Wigorniensis Episcopi se curæ dedit. Suscepit eum libens Antistes; & affinium suffragio & suâ benignitate in juvene Dei gratiam favorabiliter exosculatus. Nec ille favori suo deerat; sed eum probitate morum etiam ab improbißimi & asperi propositi hominibus extorquebat; quippe a quo mens insolentior, vox præruptior, incessus fractior exulabat: fugitans protervia, immunis petulantia; quodque illi ætati maximo est ornamento, servantissimus custos verecundia. Cumulabat pectoris gratiam speciositas corporis; quam licet inter virtutes non numerem, non tamen omnino excludo; quia sicut ars opificis in commoðiore materiâ elucet; ita virtus in pulchritudine formæ splendidius eminet.

His artibus ita sibi amorem Pontificis conciliaverat: ut ulero eum ad Presbyteratum promoveret; quamvis ille vix ægréque ad consensum adduci potuerit. Memorabile in juvene; quod eo gradu se indignum putavit; nec minus, quod acceptum dignis moribus illustravit. Nec ergo ad accipiendum aspiravit per arrogantiam; nec semel susceptum decoloravit per inertiam. Adeo inedia & omni parsimonia corpus attenuare, & animi vires dilatare curabat: adeo mente sobrius, sermone serius, reverendus aspectu, jocundus affectu, Laicum vestibus, Monachum moribus agebat. Si verò in quopiam vidisset reatum; ita sermonem temperabat; ut rigor acerbæ correctionis transiret in materiam laudis. Non enim asperum videri poterat; quod licet durius sonaret, intus caritatem redoleret.

**CAP. III.** Obtulit ei plusquam semel Antistes Ecclesiam suburbanam; cujus opulenti redditus ad cotidianam stipem satis superque sufficerent. Ille offerentem suspensio in posterum consilio sæpe frustratus, tandem vehementius instanti quid animi gestaret aperuit. Fluctuantem sæculi statum menti suæ vilescere, Monachum se fieri velle, totam vitam suam non per partes Deo libare cupere. Hoc accepto responso, venerabilis Episcopus magno exiit gaudio; juvenilemque calorem monitionum suarum in majus animavit classico. Ita votis amborum concordibus, dum quod unus cuperet alter urgeret; Wlstanus apud Wigorniam induit Monachum, Brithego indulgente favore & habitum.

Hic si quispiam Rhetorum more spatari cupiens auditoribus proponat, quanta bona faustus dies ille Wigornia attulerit, qui primò Wlstanum Monachum vidit; profectò voto excideret, propositum implere non valens. Quocirca quod lingua nequit exprimere, conetur vel animus ruminare. Illud non tacendum; quod nunquam nostro ævo fuit Monachus aut à vitiis remotior aut virtutibus perfectior. Quocirca sinceritate vitæ ipsius exploratâ, Fratres illius Ecclesiæ non multò post puerorum faciunt custodem, mox Cantorem, postremò Secretarium; quatenus haberet liberiores copiam orandi, & uberiorem de virtute in virtutem crescendi materiam. Quam ille occasionem dignanter amplexus, dies jeuniis & vigiliis totas continuabat noctes. Numerabat in deliciis, quod nos inertes homines magno ducimus supplicio. Diebus omnibus ad unumquemque versum VII. Psalmorum genua flectere; idem nocte in Psalmo CXVIII. facere. In occidentali porticu Ecclesiæ, ubi erat altare Omnium Sanctorum cum trophæo vexilli Dominici, obserato aditu Christum vocare, & lacrimis pulsare cælum, æthera onerare planctibus. Plumam & ullum omnino lectum non habere; sopori non indulgere, sed surripere. Super gradus ante altare capite posito se humo exponere; vel etiam Codice aliquo vertici summisso, super lignum tenuem invitare soporem. Ante unumquodque XVIII. altarium, quæ in veteri Ecclesiâ erant, septies in die prosterni;

prostrerni; hæc dura non putare, sed quod alii putarent imitari. Cùmque præ omnibus esset in virtutibus sublimis; erat tamen singulis humilitate acclivis; ut aliqua vilia, quæ alius facere fastidivit, ille incunctanter expleret.

CAP. IV. Mos beato virò increverat noctibus Ecclesias in vicino positas psalmorum excubiis frequentare, & in singulis orationum vota apud Deum deponere. Ibat ergo per medium Cœmeterium nec titubanti gressu, nec ullâ mentem hebetatus formidine. Hoc effectum, ut ad Ecclesiam Apostolorum Principis quadam nocte veniret. Hæc quondam Sedes Episcopalis fuerat; sed eam S. Oswaldus Clericis irreligiosis vacuaverat; certo & rationabili commercio potestatem Apostoli ad Matrem Domini mutuatus. Stabat ergo ante altare jam in preces effusus, jam totus in Deum gestiens. *Sequitur narratio luctæ cum Diabolo, qui assumptâ rustici specie impetum in Wlstanum orantem fecit. Vide Willelmi librum 4. de gestis Pontif. Angl. f. 159. & Capgravinum in Legendâ Novâ f. 332.*

CAP. V. Adolescebat temporis processu in Wlstano germen omne virtutum, præcipuèque obedientia & ad prælatos subjectio. Quamlibet enim durum, quamlibet videretur asperum; statim producebat velle, quamvis non suppeteret posse. Deinde & ex divinæ gratiæ fonte scaturivit in eum amor hominum; ut omni deliniendum putarent obsequio, quem acceptum habebat cœlestis dignatio. Antistes maximè, qui sic in Wlstanum afficiebatur animo; ut quovis honore dignum putaret. Nam & strenuè peracti officii industria spem altioris dignitatis salubriter exsequendi, si conferretur, infuderat. Hac occasione \* Præpositus, ut tunc, Prior, ut nunc dicitur, Monachorum constitutus, statim materiam qua virtus emereret arripuit; multis incommodis intus forisque propulsatis. Nam res exteriores antecessorum incuriâ pessundatas ingenii vivacitate in solidum restituit; & interiores fræno regulari coercuit. Quod ut efficacius faceret, vitæ suæ subjectis religiosa porrigebat exempla; erubescens scilicet prædicare, quod fastidiret facere. Ipsam porro doctrinam non suo confingebat ingenio, nec cothurnato & plausibili præferebat eloquio. Quin potius majorum nostrorum scriptis invigilans, hauriebat sitibundo pectore fluentia doctrinæ, quæ postea mellito eructaret gurgite. Licet enim mihi de B. Gregorii vitâ dictum mutuari; quod à Colemanno in patriam linguam ut pleraque alia versum ego transfudi denuo in Latinum. Itaque cùm in omnibus divinæ Scripturæ libris, tum in his diligentes prætendebat excubias, qui sibi castimoniam commendarent; ejus integritatem in se alacriter exsequi, corruptionem in aliis acriter insequi: ut uno liquebit exemplo.

\* Wlstanum Agelwino Priori Wigornienſi defuncto substituit Aldredus Episcopus, teste Florentio. Idem Aldredus Monasterio Glocestrenſi à se restaurato Wlstanum quendam Monachum Wigornienſem anno 1058. Abbatem instituit. Sic Chronicon Wigornienſe MS. Thomas Stubbs in Pontificibus Eboracenſ. p. 1701. Chronicon Glocestrenſe in Monastico Tom. 1. p. 110. & Florentius.

Wlstanus iste Jerosolymam profectus obiit in itinere anno 1072. authore Chronico Glocestrenſi. Ut falsus sit Ingulphus (p. 511.) & illum secutus Bollandus (in Act. Sanctorum Januarii Tom. 11. p. 240.) qui Wlstanum istum ex Priore Wigornia Abbatem Gloverniæ, ex Abbate Gloverniæ Episcopum Wigornia factum fuisse volunt.



CAP. VI. Erat in eâdem urbe matrona, & domesticis opibus locuples plusquam sufficeret victui, & quæ formæ lineamenti curioso intuentium lenocinaretur aspectui. *Dein narratur, quomodo Wlstanus mulierem se ad stuprum invitantem rejecerit. Vide Capgravium f. 332.*

CAP. VII. Nec solum in Monachos sed etiam in vulgus misericordiæ suæ respergebat semina. Crebrò enim summo manè diurnis expeditis officiis, conspicuum se præbebat ante fores Ecclesiæ; ut facilius esset aditus volentibus se convenire. Ibi igitur sedulus & pius explorator, diem plerumque ad sextam, plerumque ducebat ad vesperam; dummodo vel vim passis quantâ posset ope succurreret, vel pauperiorum filios baptizaret. Jam enim venalitas ex infernalibus umbris emerferat; ut nec illud gratis Presbyteri præberent infantibus sacramentum; si non infarcirent parentes marsupium. Horum igitur Wlstanus miseratus inopiam, illorum animo miseratus, & facto pertundens avaritiam, in baptizandis pauperibus ultroneæ dignationis impendebat officium. Currebatur ad eum ex urbibus & agris, ab illis præcipue quorum non intererat dare nummum; ut soboli suæ mercarentur lavacrum. Transfusa est à tenuiori fortunâ in divites consuetudo; ut nemo ferè illius regionis jure baptizatum aliquem ex suis putaret, quem Wlstanus non baptizasset. Conciliabat hanc suspicionem non falsa de viri sanctitate opinio & de religione non temeraria præsumptio. Ferebatur ergo per Angliam ipsius famæ præconium; adeò ut potentissimi tunc Optimates Anglorum ejus amicitiam & avidissime optarent & constantissime tenerent. Hanc sibi securitatem in secundis, evasionem in sinistris, tutelam in cunctis pollicebantur. Quorum Haroldus & majorem potentiam conscientiam opum spirans, & jam tunc regnum magnanimitate morum affectans, unicè diligebat virum. Ita ut in itinere positus XXX. milliaria de recto calle non dubitaret divertere; ut ejus colloquio curarum suarum moles posset avocare. Ita voluntati ejus & clientela deditus; ut Wlstanum tantum puderet jubere, quantum Haroldum non pigeret facere. Nec minorem Comiti Sanctus refundebat gratiam; ejus confessiones benignè accipiens, & orationum apud Deum fidus interpret. Eiusdem dilectionis terebat orbitam Aldredus post Brihtegum Wigornensis Episcopus, vir multum in sæcularibus astutus, nec parum religiosus. Is Domino Priori pro reverentiâ sanctitatis granditer obsequi, humiliter parere, prorsus in omnibus ut parenti gratissimo deferre.

CAP. VIII. Nec illud subtraho lectoris, quod non minori quam cætera quæ dicta sunt dignum est illustri titulo. Animadvertens enim penuriâ predicationis populum à bonis moribus diffluere, omni Dominicâ & majoribus solennitatibus in Ecclesiâ infundebat ei monita salutis. Putares ex evangelicis & propheticis aditis verba intonare, quæ ille ex alto stationis plebi pronuntiabat; adeò ut tonitrua fulminabant in improbos, adeò ut imbres irrigabant electos. Faciebat hoc summa modestiâ, & quantum ad se sub humilitatis latebrâ. Veruntamen ita latere volentem invenit & carpsit invidia; quamvis carpentem cœlestis vindicta non præterierit; sicut ex consequenti clarebit. Erat in eâdem Ecclesiâ transmarinæ nationis Monachus Winrichus nomine; si ad literam jam spectes, eruditissimus; si ad copiam facundia, dicendi validus; si ad calliditatem sæculi, prudentissimus; si ad morum elegantiam, pulchrè compositus, proindeque hominibus acceptus & carus. Idem alias & irâ perfervidus, & ad succensendum quod displiceret torquente litore accommodus. Hic de prædicatione Sancti multa cavillari solitus, quædam ad hanc sententiam exequabatur. Contra regulas esse, quòd officium Antistitis præriperet. Solius Pontificis esse populo prædicare, qui solus tra-

ditâ sibi & indulgâ potestate peccata posset absolvere. Monacho silentium & claustrum competere, non pompatico gestu & sermone populi auribus insultare. Videri ergo magis alicujus ambitum dignitatis quàm executionem pietatis. Hæc ille non jam tantùm à tergo; sed etiam quadam die amariore bile succensus, in os objectavit Wlſtano. Contra ille scuto patientiæ armatus, paucis occurrit. Nihil esse magis Deo gratum quàm populum pessum euntem in viam veritatis revocare; ideoque non se omitturum. Sin aliud quod gratius esset Christo addiscere posset, incunctanter facturum. Ita tunc discessum, & dormitum. At verò ut Deus ostenderet, quantum beati viri factum penderet, horrificâ calumniatorem visione concussit. Cùm enim ad quietem composuisset membra in lecto; ad tribunal judicis ignoti raptus est animo. Ab eo itaque gravi severitate increpatus, cur servum suum pridie de bono prædicationis objurgasset, dum se parum expurgat, jussit in pavementum sterni & cædi. Ita succedentibus sibi lictoribus acriter fustigatus, nichil aliud inter tormenta nisi *Miserere Domine; Domine miserere*; clamitabat. Tandem laxatus interrogatur, num præconem suum ulterius prohiberet, quo minùs homines ad curiam suam evocaret. Ille cui nihil illius temporis necessitas non extorqueret, per quicquid sanctum est dejeravit, se non modò ultra non prohibiturum, sed etiam ultro ad prædicationem & eum & alios impulsurum. Tantùm sibi misratio judicis vitam prorogaret in posterum; ut illius evaderet angoris articulum. Ita fide datâ ne temeraret promissa, dimissus est. Mox ergo ut potuit, potuit autem statim ut illuxit, Prioris pedibus adolvitur, genua exosculatur, commissum fatetur, offensam deprecatur. Interrogatus repentinæ mutationis causam, ordinem visionis juratus exposuit. Vadabantur veritatem narrationis lacrimæ, sinceris precibus expromptæ. Livores in scapulis protuberantes testabantur nihil eum vanum vidisse, nihil molle sensit. Nec difficulter veniam à Sancto impetravit; ad cujus benedictionem sanitas rediit, dolor omnis evanuit. Fidem ergo de præsentibus exemplis mereatur, & omni ambiguo liberetur antiquitas; quæ nobis simile factum in B. Jeronymo repræsentat. Parum enim discrepat illum fuisse cæsum propter libros Gentilium, & istum propter prohibitæ prædicationis officium. Idem est penè propter Gentilium nugas divinam Scripturam negligere, & eandem prædicari nolle.

Illud fuit tempus, quo super Ecclesiæ tectum machinabatur fabricam, in qua dependerent campanæ. Eam verò fabricam quo proprio nomine quam proximè appellem, in promptu non habeo. Ad illam ergo erigendam moliebatur gradus scalarum, quibus operantes insisterent. *Ex his quidam præcepit ruit præfente Wlſtano, qui factò Crucis signo hominem periculo exemit. Rem paucis narrat Capgravius in Legendâ Novâ f. 332.*

CAP. IX. Interea Rex Edwardus Aldredum Episcopum Coloniam ad Seniore Imperatorem Henricum direxit, quædam negotia, quorum cognitionem causa non flagitat, compositurum. Qui cùm in Imperatoriæ augustæ dignationis oculis invenisset gratiam; aliquot ibi dierum continuatione laborum suorum accepit pausam. Ei seu pro sui reverentiâ, seu quia tanti Regis legatus esset, multi multa, quidam Sacramentarium & Psalterium, de quibus supra dixi, dedit in exenium. Ambos enim Codices, ut suæ memoriæ apud illas gentes locaret gratiam, Cnuto quondam miserat Coloniam. Aldredus ergo prophetiæ quondam Wlſtano dictæ ignarus, patriam cùm renavigasset, libros pro merito vitæ illi soli arbitratus competere restituit. Suscepit ille cœleste depositum, magnificè gratulatus, & gratias agens Deo, quòd religioso non fraudaretur desiderio.



CAP. X. Eâdem tempestate cum \* Kynegifus Eboracensis Archiepiscopus diem clausisset; Aldredus Wigornensis Episcopus successioni acclamatur. Id Edwardo Regi simplicis quippe animæ bene visum. Ille Romam pro more profectus, Nicholaum tunc temporis Papam votis suis primò abhorrentem invenit. Nam nec ille Wigornensi Præsulatui renunciare, nec Papa nisi cederet Eboracensi eum Pallio insignire volebat. Adeò illum amor Wigorniae devinxerat; ut majoris honoris nomen ejus precio supponeret. Diu igitur multumque conflictu habito, Aldredus reflexo pede Sutrium venit, Tostino Comite qui cum eo venerat magnas efflante minas; quòd nummi, quos Anglia quotannis Romano Papæ pensitat, hac occasione ulterius non inferrentur. Veruntamen prædonibus irruentibus usque ad dolorem & miserationem videntium nudati, Romam redire contendunt. Quæ res rigorem Apostolicæ Sedis hæcenus inflexit; ut Aldredus Pallium Eboracense mereretur, Wigornensis Ecclesiæ discessionem pactus; meliori duntaxat personâ, quæ in ejus Dicecesi posset inveniri, ab eo in illam subrogandâ. Hujus igitur conditionis arbitros, & quædam alia Ecclesiastica negotia in Anglia expedituros, Cardinales adductos Archiepiscopus Regi exhibuit. Excepit eos Deo devotissimus Princeps more illo suo paucis imitabili, quo soleret in omnibus Ecclesiæ Romanæ convenire moribus. Ita summâ reverentiâ, honore summo apud se aliquamdiu habitos iterum ductoris tutelæ delegavit. Familiariùs enim ei conviverent, cujus mores longo comitatu addidicissent, & commercia linguæ non ignorent; denuo ad Pascha in Curiam reducendi. Aldredus Apostolici præcepti tenorem secutus, omnemque penè Angliam cum eis pervagatus, imminente Quadragesimâ in Wigorniam pedem reflexit. Inde in prædia sui juris profectus, stabilem eis mansionem apud Wlstanum Priorem indixit. Illi consilium non aspernati, libenter in otium concesserunt, post viæ labores pausa acquiescentes. Aderat eis humanitas hospitis nihil prætermittentis, quo minùs Anglorum dapnilem liberalitatem & liberalem dapnilitatem experirentur. Ipse interea & solitæ orationis instantiam & ciborum inedia non oblitus, propòsitum pertinaciter urgebat. Toris noctibus psalmicinas, protelans excubias, genua crebrò flectens, somno penitus illudens. Tribus in hebdomadâ diebus omnis cibi abstemius, noctem perinde ac lucem continuabat jejunio. Ipsi etiam diebus, ne ullo saltem laberetur verbo, perpetuo linguam cohibebat silentio. Tribus reliquis porros caulesve coctos vel elixos, panis cibaria adjiciens, victum transigebat. Dominicis porro propter Festi reverentiam pisce vinoque frugalitatis parsimoniam solvebat; magis ut contineret naturam quàm deliniret gulam. Singulis præterea diebus tres pauperes affectuosè colens; quibus Dominici sequax mandati & victum coridianum & pedum exhibebat lavacrum.

\* Obiit Kynsinus Archiepiscopus Eboracensis anno 1060. die 11. Cal. Januarii; cui in Nativitate Domini Aldredus successor eligitur. Hic Romam profectus anno 1061. Pallium obtinuit; anno 1062. Wlstanum Episcopum Wigornensem consecravit 6. Id Septembr. Indictione 15. anno ætatis Wlstani plus quinquagesimo. Ista refert Florentius, additque Aldredum id muneris fecisse loco Stigandi

Archiepiscopi Cantuariensis cui officium Episcopale tunc à Papâ interdictum erat; Wlstanum etiam subjectionis professionem fecisse non Aldredo ordinatori sed Stigando Metropolitano suo. Fucum igitur lectori fecit Thomas Stubbs in Actis Pontif. Ebor. p. 1702. à quo Aldredus Wlstanum *pro se quasi Suffraganeum suum consecrâsse Episcopum* dicitur.

CAP. XI. Hæc Cardinalibus fuerunt incitamento, ut ejus mirarentur vitam, laudarent doctrinam; quam reverentiorē faciebat, dum anticiparet exemplo quod prædicaret verbo. Denique ad Curiam reversi, dum Wigornensis Episcopi ventiletur electio, nomen ejus tulerunt in medium; eum antistitis dignum, qui sacerdotio plus venerationis adjiceret quàm ipse per illud dignitatis acciperet: Cujus responderet natura industriæ; in quo conquadraret vita sapientiæ. His laudibus suscitaverunt majorem viri animum Edwardi Regis, in cujus pectore nihil unquam nundinator Ecclesiarum, nihil unquam deprehendit avarus, quod suis conduceret artibus. Astipulabantur votis Cardinalium Archiepiscopi Cantuariensis & Eboracensis; ille favore, iste testimonio, ambo judicio. Accedebant laudibus etiam Comites Haraldus & Elgarus, par insigne fortitudinis, non ita religionis. Ingens momentum causæ facti; adeo ut certatim concitatis equitibus pro Wilstano mitteretur. Nuntii brevi multa milliaria progressi, stimulis industriæ celeritatem maturavere negotii. Sanctus ergo ad Curiam exhibitus jubetur suscipere donum Episcopatus. Contra ille niti, & se honori tantò imparem cunctis reclamantibus clamitare. Frustra Cardinales cum Archiepiscopis trivissent operam; nisi refugienti prætendissent Papæ obedientiam. Qua ille objectâ confusus cessit; & assensus est electioni, mœrens, invitus, impulsus. Præclare meritòque obstinatio unius viri cessit hîc voluntati Dei & populi.

Illud sanè non omiserim, fuisse tunc apud Evelham Abbatem \* Ailwium nomine, & maximæ quantum ad sæculum prudentiæ, quantum ad religionem non minimæ. Quocirca sæpeditus Aldredus pro pacto, quod fecerat, Apostolico, nonnullo tempore fluctaverat animo; utrùm ad Episcopatum eligeret Ethelwii perspicacem industriam in sæculo, an Wilstani simplicem religionem in Deo. Erant enim illi viri Wigornensis Diœcesis diverso respectu præstantissimi. Veruntamen multum hinc indeque libratis causis, quamvis Ethelwius sollicitè anniteretur partibus, succubuerunt divinæ providentiæ humanarum præstigiæ cautelæ.

CAP. XII. Rex ergo Edwardus Wilstanum Wigornensi Episcopatu ex solido investivit; licet illum Aldredus potentiâ qua vigeat multis & penè omnibus, ut post clarebit, prædiis vellicaverit. Id Sanctus licet ægrè, ut postea ostendit, ferret; tamen dolorem silentio suppressit, cedendum temporis arbitratus. Non multò autem post consecratus est Eboraci ab eodem Archiepiscopo; quod Cantuariensi Stigando Romanus Papa interdixisset officio. Causam interdictionis non est hujus temporis allegare. Scire volentem aliàs nostræ † docebunt literæ. Nec verò sine divino nutu credi fas est prog-

\* Ethelwinus Abbas Eveshamiæ successit Mannio Abbati sub exitum anni 1058. vel initium sequentis. Willelmo demum Regi admodum gratus, obiit anno 1077. 14. Cal. Martii: tradente Historiâ Eveshamensi in Monastico Tom. I. p. 151.

† Muneris Stigando interdicti causas Willelmus Malmsburiensis tum alibi pluries tum præcipue libro I. de gestis Pontif. Angl. f. 116. exhibet. Atque hinc liquet Willelmum hujus Vitæ authorem non alium esse quàm Historicum illum magni

nominis Malmsburiensem. Semel quidem Malmsburiensis in libro de Pontif. Angl. f. 154. Willelmo nostro repugnare videtur; Wilstanum à Cardinalibus Legatis Wigornia ordinatum esse Episcopum scribens; quem noster veriùs Eboraci ab Aldredo consecratum asserit. Verùm locus ille Malmsburiensis non incommode censeferi potest id solum velle, Wilstanum Sedi Wigornensi satagentibus Legatis præfectum esse: quod Historiæ præ manibus habitæ satis convenit.



<sup>a</sup> Joan. I. 47. nosticon hoc ei fuisse: <sup>a</sup> *Ecce verè Israelita, in quo dolus non est.* Nichil enim veriùs experietur, qui ejus conversationem viderit, audierit, legerit. Ipse porro impositionem Episcopatus adeò ingratè tulit; ut diceret, sicut qui præsentes fuere testantur, maluisse se decapitari quàm illud onus pati. Adeò ad quaque devia terrarum profectò preparasset fugam; nisi quidam amici suspèctam adhibuissent diligentiam. Enimvero animabant dejectum mœrore animum hi blanditiis, illi monitis. Blanditiis, genibus ejus & pedibus reverenter affusi, & nonnunquam etiam osculabundi. Monitis, ne cœleste munus gratuito infusum impatientiâ decoloraret, sed tolerantia insigniret. Obedientiam virtutum oninium esse signaculum; cui qui refragandum putaret, nec dignè haberetur claustralis Monachus nec popularis Episcopus. Quocirca non solum modestè ferret; verùm & Deo gratias ageret, qui eum sublimasset in gradum, per quem inferioribus vellet esse consultum. Hæc illi. Nec verò dubitandum est ingenti sanctum pectus sudasse conflictu; dum in eo æquas partes facerent, & huc illucque raptarent hinc amor, inde timor. Iste, ne sub insueto labaret onere; ille, ne tot probabilium virorum imperiosa auctoritati & populorum religiosæ devotioni videretur resultare. Enimvero quanto sibi videbatur indignior, tanto erat acclamatio pertinacior; dum fidem providè administrandi muneris faceret idem, quòd ad administrandum meticulosus accederet. Stulti est enim ad illud se inconsideratè ingerere, quod ignoret quanti sit laboris expedire.

CAP. XIII. Ordinatus ergo, ut dicere cœperam, & sub prætextu honoris Eboraci ab Aldredo relictus, non paucò tempore Wigorniam absentia suâ contristavit. Ejus interim Ecclesiæ redditus usibus suis applicabat Archiepiscopus. Postmodum reverso vix septem villas contulit; cæteras omnes pertinaciter usurpans. At Wlstanus, qui nihil apud eum viribus agendum nosset, ita paulatim precibus arrogantis animi cupiditatem contudit; ut cuncta præter duodecim villas juri Ecclesiæ reformaret. Eas quo tempore & quali labore pater noster retraxerit; sequens stilus edocebit.

CAP. XIV. Sed ut ad id quod exorsus fueram regrediar; Wlstanus in Episcopum sublimatus statim ad officia pietatis animum intendit. Nec mora in medio. Alterâ enim Ordinationis die Beato Bedæ dedicavit Ecclesiam; pulchrè illi primæ dedicationis præbens principium, qui fuisset literaturæ princeps de gente Ang'orum. Eo enim die tam profluâ prædicatione populum irroravit; ut non dubitaretur Wlstanum per Spiritum Sanctum eadem niti facundia, quæ quondam linguam movisset in Bedâ. Nec solum tunc sed & omni vitâ ita famâ prædicationis plebem mulcebat; ut catervatim eò videres agmina confluere, quò auditum esset eum Ecclesiam dedicare. Ipse etiam ultro rapiebat materiam; & ut semper Christum sonaret, semper Christum auditoribus proponeret, postremò Christum etiam ut ita dicam repugnantem suæ parti attraheret. Ita enim obstinatè insistebat jejuniis & vigiliis, ita violentas orationes injiciebat cœlo; ut non immeritò de ipso ejusque sequacibus Dominus dixerit. <sup>a</sup> *Regnum cœlorum vim patitur; & violenti rapiunt illud.* Tanto æquilibrio vitam informans; ut utramque professionem teneret, & neutram amitteret. Sic Episcopus, ut religione non abjuraret Monachum. Sic Monachus, ut auctoritate repræsenteret Episcopum. Remotissimus ab hominum moribus, quos nostra producunt sæcula. Si consuleretur, consilio sissimus: Si rogaretur, facillimus. Cùm aliquid esset impetrandum, absolute deliberans, celeriter pronuntians: cùm judicandum, ad justitiam propensior. Nec divitem palps pro pecuniâ; nec pauperem pulsans pro penuriâ. Nulli adulationi deditus, nec sibi adulantibus gratus. Timore principum nunquam à justitiâ decedens; nunquam amorì eorum honore aliquo nisi debito

bito affurgens. Laudatus de bono indulgebat Dei gratiæ non suæ arrogantia. Vituperatus ignoscebat vituperantium errori, conscientia suæ gratulatus. Quanquam id raro admodum fuerit; quia cum ipse omnem hominem amore caritatis foveret ut sobolem; vicissim omnes eum diligebant ut parentem. Cordis alacritate & hilaritate faciei superna prælibans gaudia, jam cœlestis lætitiæ fontem spe præsumebat; quem nunc re indeficienter haurit & potat. Qui quamvis semper animo intimis hæreret; non tamen eum segnem aut hebetem in extimis Domini experti sunt. Plures in omni Diœcesi Basilicæ per eum inchoatæ animosæ & egregiæ perfectæ: præsertimque Episcopalis Sedis Ecclesia, cui à fundamentis cœptæ supremam imposuit manum; ubi & numerus Monachorum amplius, & ad normam institutionis regularis compositus. Sed hæc & postmodum facta & cotidie oculis apposita compendiosam relationem desiderant. Quocirca ut in campo liberioris materia nostra decurrat oratio; reliquarum rerum ordinem expedito prosequamur otio.

CAP. XV. Præter alia, quibus Præsulatum ornabat, etiam hoc habebat; Diœcesin sedulo peragrarè, infantibus quod reliquum esset sacramentorum supplere, fidem populorum in bonum acuere. Oratorium quodcumque se vianti obtulisset, nulla vel præcipiti necessitate urgente præteribat insalutatum; quinimo ingressus Deo & Sancto, cuius esset templum, preces cum lacrimis semper, ut quidam ait, in statione paratis thurificabat. Hoc more quadam die dum ad comitatum evocatus per Evelham iter haberet, & socii obstreperent quominus ad Ecclesiam diverteret; audire supersedit. Itaque ingressus, ante S. Egwini se prostravit exuvias; plurimus ibi pro suâ suorumque salute precator. Factâ oratione, Monachos omnes salutatione suâ & osculo dignatur, salubri etiam prædicatione demulsit. Erat ex eodem Conventu Monachus, cui jamdudum diuturna febris internas pasta medullas, <sup>b</sup> mori ut <sup>b</sup> f. morti. putabatur affinem lecto apposuerat. Nomen ei Egelricus. *Hic Wilstanum exorans, orationum ipsius beneficio liberatus est morbo.*

CAP. XVI. Quinto\* anno collati Wilstano Episcopatus Rex Edwardus fato functus ingens seminarium discordiæ reliquit Angliæ; hinc Haroldo, inde Willelmo Comite Normanniæ legitimo eam jure clamantibus. Et tunc quidem Haraldus vel favore impetratâ vel vi extortâ coronâ, regnum paulò minus totum obtinuit. Soli Northamhumbri magnum & gentile tumentes interim parere distulere; Aquilonalem cervicositatem Australi ut dictitabant mollitiei subjugare non dignati. Animabat eos ad tyrannidem, & insolentiâ suâ ingentes eorum alebat spiritus Tostinus ejusdem Regis frater, nec fortitudine degener, si ardens ingenium tranquillis studiis applicare maluisset. Qui postmodum in eadem provinciâ cum Haraldo Rege Noreganorum, quem in suffragium asciverat, cæsus pœnas inconsultæ animositatis pendit. Sed hæc posterius. Tunc verò Haraldus eò profecturus, ut contumaciam eorum lenioribus curaret remediis, quandoquidem ferro frangere consilium non erat, sanctum virum secum adduxit. Sic enim fama sanctitatis ejus etiam ad abditissimas penetraverat gentes; ut nullam non arrogan-

\* Quarto potius Pontificatus à Wilstano gesti anno Edwardus Rex obiit. Anno enim 1062. post Pascha in Episcopum est electus, mense Septembri consecratus. Edwardus autem anno 1066. Nonis Januarii è vis excessit.



tiam molliturus crederetur. Nec verò citra opinionem rei fuit eventus. Namque illi populi ferro indomabiles, semper quiddam magnum à proavis spirantes, pro reverentiâ in jura Haraldi facile concesserunt. Et profectò perseverassent; nisi eos Tostinus, ut dixi, averteret. Sanè licet esset Pontifex bonus, mansuetus & lenis; non tamen ad improbos indulgebat blanditiis; sed vitia eorum arguens, minacibus infrendebat verbis. Sin id parum procederet; aperto eis præconabatur vaticinio, quanto multandi essent supplicio. Nec facile unquam vel prudentem hominem conjectura, vel vatem prophetia fefellit. Multa & illo itinere & aliàs crebrò præcита & prænuntiata sunt. Denique Haraldo palam testificatus est; quanto detrimento & sibi & Angliæ foret, nisi nequitiis morum correctum ire cogitaret. Vivebatur enim tunc penè ubique in Angliâ perditis moribus; & pro pacis affluentia deliciarum fervebat luxus. Ille vitiosos, & præsertim eos qui crinem pascerent, insectari; quorum siqui sibi verticem supponerent, ipse suis manibus comam lascivientem secaret. Habebat ad hoc parvum cultellum, quo vel excrementa unguium vel sordes librorum purgare consueverat. Hoc casariei libabat primitias, injungens per obedientiam, ut capillorum cæterorum series ad eandem complanaretur concordiam. Si qui repugnandum putarent; eis palam exprobrare molliem, palam mala minari. Futurum ut qui erubescerent esse quod nati fuerant, qui æmulerentur capillorum fluxu scæminas, non plusquam scæminæ valerent ad defensandam patriam contra gentes transmarinas. Quod in adventu Normannorum eodem anno claruisse quis eat in inficias? Quorum quoniam attigimus tempora; hîc primo Libello statuatur meta. Ita enim concinnius fieri posse puto; si quid sanctissimus vir Anglorum tempore, quid Norhmannorum fecerit, enucleatè digessero. Colemanus enim in Episcopatus ejus electione decisionem primam fecit. Illud autem conscientia vestra, Domini fratres, non celaverim; me nomina testium penè omnium suppressisse, ne' vocabulorum barbaries delicati lectoris sauciaret aures. Nec minùs alta verba, declamatiunculas quasdam, quas ille ab aliorum Sanctorum gestis assumptas pronâ devotione inseruit. Sicut enim superius dixi; quisquis rem per se satis eminentem verbis exaltare molitur, ludit operam. Quinimo dum vult laudare, infamat potiùs & attenuat; quia videatur non posse niti argumento proprio, si fulciatur patrociniò alieno.

## LIBER SECUNDUS.

### CAPITULUM

**I**Nterea Willelmus Normanniae Comes Angliam veniens, congressusque pælio cum Haraldo, cæde ipsius & Anglorum strage regnum ditioni suæ asseruit. Ubi, sicut præfatus sum, claruit prophetiæ veritas; quod tanta fuit miserorum provincialium imbecillitas, ut post primam pugnam nunquam communi umbone ad libertatem temptârint assurgere; quasi cum Haraldo robur omne deciderit patriæ. Rex porro Willelmus nullo \* unquam sanctum virum affecit incommodo. Quinimo multo eum honore veritus, patrem & venerabatur amore & dignabatur nomine. Wlstanus ergo benignitatem temporum nactus, multas Wigornensis Ecclesiæ possessiones, quas vel olim Danorum impudentia vel nuper Aldredi Archiepiscopi potentia eliminaverat, usibus debitis reformavit. Sic ei Regis favebat dignatio; sic sanctitas rerum Dominos ad se diligendum invitât. Sic religio aliis timendos ad sui reverentiam inclinât. Aldredo sanè successit in Eboraco Thomas Baiocensis Canonicus, literarum scientiâ insignis, sæculari prudentiâ non ignobilis, morum compositione multis præferendus; musicâ certè tunc temporis facilè omnium primus. Contra hunc vir Domini Wlstanus quæstionem instituit de villis Ecclesiæ suæ; quas ut prædictum est ab Aldredo pervasas nec unquam redditas ille quasi legitimo sibi defensitabat jure. Thomas è diverso non solum prædia non reddenda putabat; verum etiam seu quod novus Anglus esset, seu aliquorum susurro persuasus, Wigornensem Ecclesiam sui juris esse clamabat: Dominatum illius legitimâ successionem sibi competere, † antecessorum suorum fuisse. Eam causam magno egit impetu primò Angliæ, mox etiam Lanfranco Cantuariensi Archiepiscopo præsentem apud Alexandrum Papam Romæ. Non tulit id Lanfrancus, qui privilegium Ecclesiæ suæ periclitari sciret, si taceret; sed ea respondit, quæ magis justitia quàm dolor imperavit. Tum Papa, qui Lanfrancum utpote magistrum suum quondam gravaretur offendere, sed nec Thomam vellet premere, arbitrii à se removens invidiam, causæ cognitionem in Concilium Angliæ trajecit. Magno ergo conflictu & Procerum Angliæ conventu \*\* res acta. Assisteat Thomæ Odo, immane quantum opulentus, & qui divitiis certaret cum Rege quem contingebat sanguine, frater enim ejus erat uterinus, Comes Cantix, Baioca-

\* Wlstanum quidem Willelmus Rex, postquam sibi innotuisset præclara viri sanctitas, maximâ veneratione excepit. Antea autem ipse pariter & Lanfrancus Archiepiscopus illum Episcopatu suo disturbare moliti fuerant; & Pontificatus insignia, annulum atque baculum pastorem in manus Regias dimittere in Concilio Westmonasteriensi jusserant: quamvis jussu Wlstanus miraculo, si Historicis fides, edito eluserit. Rem narrant Ailredus Rievallensis in Vita S. Edwardi lib. 2. p. 450. Capgravius in Legendâ Novâ f. 332. & Florilegus, qui id anno 1074.

factum refert.

† Episcopatum enim Wigornensem simul tenuerant Archiepiscopi Eboracenses Oswaldus, Aldolphus & Wlstanus II. ab anno 972. ad 1023.

\*\* Litem movit Wlstanus in Concilio Wintoniensi anno 1070. Verum Sede Eboracensi tunc vacante, iniquum visum est de possessionibus ejus sententiam ferre. Thoma demum Archiepiscopatum Eboracensem sortito, lis in Concilio Pedredensi paulò post habito definita est. Vide Florentium ad annum 1070.



rum Episcopus. Hunc comitabatur universitas Magnatum, pars pretio redempta, pars adulationibus depravata. Solus Lanfrancus partes tutabatur justitiæ. Nam & Rex in favorem fratris vergebat pronus; quanquam non nihil in ejus animo ponderaret Lanfrancus. Quid plura? Consistunt partes, ventilatur causa. Egreditur Thomas cum suis; quid opponeret, quid oppositis responderet, compositurus. Wlstanus interim indulgebat sopori, dulci quiete membra consotus. Alter reversus multo sensuum acumine, multo verborum flumine dixit. Ille à fociis expergefactus, psalmos ore, preces corde ingeminat. Tandem jussus exire, ut strictiori consilio responsum poliret, cum paucis secum egressis Horam nonam incœpit & percantavit. Illis porro referentibus ut alia magis quàm Psalmos curaret, & id propter quod venerat expediret, respondit. Stulti nescitis quod Dominus dixit: *«Dum steteritis ante Reges & Præsides; nolite cogitare quomodo aut quid loquamini. Dabitur enim vobis in illa hora quid loquamini.»* Iple idem creator Dominus Jesus Christus, qui hoc dixit, potest mihi hodie sermonem conferre, quo causæ meæ rectitudinem defendam, & illorum fortitudinem destruiam. Præclarum planè dictum hominis. Habebat tunc in manibus vitas beatorum Pontificum Dunstani & Oswaldi, qui ambo quondam diversis temporibus Wigornia præfederant; quorum ut imitabatur vitam, sic tuebatur sententiam. Et mira prorsus oculorum fidei perspicacia! illos se coram profitebatur cernere, quos causæ non dubitabat assistere. Ita ingressus, causam non difficulter obtinuit. Siquidem interroganti Regi quid in suo invenisset consilio, cum respondisset: Consilium meum in vobis est: Continuo ille (cor quippe Regis in manu Dei) edictum annitente Lanfranco proposuit, Episcopum Wigorniensem Cantuariensi Archiepiscopo subiectum esse debere, nihil in illum juris Eboracensi competere. Quinetiam duodecim villas, quas Aldredus usque ad diem mortis suis assignaverat commodis, indulgit Wigornensi Ecclesiæ: regiâ sanè liberalitate Archiepiscopo data prædiorum compensatione. Cumulavit miraculum; quod in eodem Concilio apud Pedridan habito Episcopatus ei Cestrensis à Lanfranco Archiepiscopo visitatio commissæ est. Ea enim provincia, quæ tres habet pagos, Cestrensem, Crobernensem, Telfordensem, erat adhuc propter longinquitatem Normannis inaccessa, & propter barbariem impacata. Ea res diu fuit sermonis materia hominibus, affluentiam in eo Dei gratiæ mirantibus. Duos enim Episcopatus decedens Concilio reportabat, qui unum quasi amissurus venerat. Hujus narrationis Colemanus testem citat Walchelinum Wintoniensem Episcopum, in virtutibus tunc temporis Lanfranco, sed longo intervallo, proximum. Eum siquidem plusquam semel narrantem audiavi; quomodo vir sanctus penè solus tot Optimatibus, & ipsis magno elamatis acumine, obnitentibus victor abierit.

• Marc. XIII.  
9.  
Vide Willel-  
mi librum 4.  
de gestis Pon-  
tif. Angl. f. 160.

Eadem ferè  
habet Willel-  
mus libro 4.  
de gestis Pon-  
tif. Angl. f. 160.

CAP. II. Sed hæc hæc hactenus. Nunc ad enarranda quædam, quæ per Wlstanum Christus ostendit, miracula, velificante Spiritu Sancto in altum laxemus carbasa. Prophetica sanctitatis ejus multa fuere indicia; quorum vel duo perstrinxisse suffecerit. Aldwynus quidam, habitu Monachus, literarum expers, cum Congregationem religionis apud Malvernum adoriri conatus esset; post aliquot annos immensitate laboris deterritus, cœpro desistere cogitabat. Sed quia præter conscientiam Patris Dicecesi ejus discedere temerarium esset; eo adito difficultatem rei & tenuitatem pecuniæ sanctitati ejus apploravit. Velle se Jerosolymam iter moliri; ut si alios nequiret, saltem seipsum Dei servitio manciparet. Non, ait Pontifex, crede mihi, (hoc enim solemni juramento utebatur) quia si scires quantam religionem Deus in illo loco futuram prævidit; multum gauderes. Perstitit ille, hoc nixus oraculo; & veritatem vaticinii, sicut hodieque videtur, executus est sudore proprio.

\*

CAP. III.

CAP. III. Non est dissimile quod sequitur. Occasionem, ut dixi, visitandi Cestrensem Episcopatum nactus, crebroque per Scrobesberiam transiens, in Oratorio S. Petri tunc illius urbis minimo frequentes orationum protebat excubias. Mirantibus urbicis & causam sedulo percunctantibus, cur posthabitâ quam S. Mariam nominabant Ecclesiâ, illud Oratorium suis nobilitaret precibus; respondisse constat Episcopum: Crede mihi; hoc Oratorium, quod modò vilipenditis, erit in posterum locus gloriosissimus totius Scrobesbiriae, & gaudium omnis provinciae; eumque & diligetis vivi, & ibi jacebitis mortui. Hæc ille dixit tunc; sed rem non infra promissum impleram esse nunc est celebratius quàm ut necesse sit ad hoc inculcandum nostrum spatium stilum.

CAP. IV. *Miraculum de muliere Eveshamensi, quam Wlstanus à dementiâ liberavit. Vide Capgravium f. 332.*

CAP. V. *Miraculum de Damone ex rustico Glocestrensi ejecto. Vide Capgravium ibidem.*

CAP. VI. *Miraculum de servo suo Damoniaco ad sanam mentem reducto.*

CAP. VII. *Miraculum de paupere Cantiano, cui morbum Regium Kemeseyæ sanavit. Vide Capgravium ibidem.*

CAP. VIII. *Miraculum de discrimine incendii Wicumbæ evaso.*

CAP. IX. *Quomodo Ecclesiam Wicumbæ ab oppidano Spurt Lunser dicto adificatam, concedente id Remigio Lincolnensi Episcopo, dedicavit; & viri pedisequam ab iniquo morbo liberaverit.*

CAP. X. *De ceco Wigorniensis luce donato.*

CAP. XI. *Quomodo Gunnildi Sanctimoniali Wiltonensi, Regis Haroldi filia, oculos morbosos sanaverit. Capgravius rem narrat f. 332.*

CAP. XII. Rex Willelmus consuetudinem induxerat, quam successores aliquamdiu tritam postmodum consensescere permisere. Ea erat, ut ter in anno cuncti Optimates ad Curiam convenirent, de necessariis regni tractaturi, simulque visuri Regis insigne quomodo iret gemmato fastigiatus diademate. Loca & tempora Curiae dicere non est præsentis materiae. Hujus igitur moris necessitate vir sanctus astrictus, Wintoniam ante Pascha ire maturabat. Jacebat in semitâ homo natalibus Francus, quem interna viscerum exagitabant tormenta, &c. *Succedit narratio sanitatis à Wlstano data.*

CAP. XIII. *Miraculum de Segilde matronâ ab Arthritide liberatâ per Wlstanum literas.*

CAP. XIV. Semper totâ vitâ curam corporis illis posthabuit rebus, quibus conciperet terrenorum fastidium, quibus hauriret appetitum cœlestium. Quandocunque Diœceses circumiret, nunquam sine Missâ, sine sermone populum dimitteret; id crebro & diligenter faceret. Nunquam victui die indulgit; quoad usque quancunque numeri pueros undecunque advectos consignasset. Hoc à primo Solis ortu ad lucem occiduam actitabat, non solum diebus hibernis sed & solibus æstivis. Sæpe illum duo millia ut parum, sæpe



tria & quod excurrit, uno die confirmasse non perfunctoriis testibus approbatur. Hoc non modò in juventute, cum & virilis ætas & ipsa benefaciendi voluptas ad laborem vocaret; verum etiam cum jam gemmea canities nive caput aspergeret, & ipse tenui valetudine vix corporis viribus animum sequeretur. Stupori erat omnibus; quòd octo plerumque Clericis qui Chrismatorium ferrent invicem fatigationi succumbentibus, ipse indefessus persisteret. Fallebat nimirum tantos labores amor Dei. *Sequitur narratio de calumniatore Wlftani à Damone correpto, & Wlftani prece sanato.*

CAP. XV. *Quomodo Glocestriam accitus à Serlone Abbate ad dedicandam Ecclesiam, plures inimicitias dissolverit, edito in venientes terribili divina ultionis exemplo. Rem narrat Willelmus libro 4. de gestis Pontif. Angl. f. 160.*

CAP. XVI. *Quomodo pacem prædicandi munus Wlstanus Colemanno delegavit, magni pendens in eo munditiam vitæ, præstantiam personæ, profusam facundiam, literarum peritiam: & de contemptore sermonum Colemanmi cælitus punito.*

CAP. XVII. *De arbore, quæ à Wlftano maledicta exaruit. Vide Capgr. f. 333.*

CAP. XVIII. *De contumeliâ Wlftano illatâ, & ultione divinitus secutâ.*

CAP. XIX. *De ope nautis periclitantibus à Wlftano latâ. Vide Capgr. f. 333.*

CAP. XX. Vicus est maritimus Brichstou dictus, à quo recto cursu in Hiberniam transmittitur, ideoque illius terræ barbariei accommodus. Hujus indigenæ cum cæteris ex Angliâ causâ mercimonii sæpe in Hiberniani annavigant. Ab his Wlstanus morem vetustissimum sustulit, qui sic animis eorum occalluerat, ut nec Dei amor nec Regis Willelmi hætenus eum abolere potuissent. Homines enim ex omni Angliâ coemptos majoris spe quæstus in Hiberniam distrahebant; ancillæque prius ludibrio lecti habitas jamque prægnantes venum proponebant. Videres & gemeres concatenatos funibus miferorum ordines & utriusque sexûs adolescentes; qui liberali formâ, ætate integrâ barbaris miserationi essent; cotidie prostitui, cotidie venditari. Facinus execrandum, dedecus miserabile, nec belluini affectus memores homines, necessitudines suas, ipsum postremò sanguinem suum servituti addicere. Hunc tam inveteratum morem & à proavis in nepotes transfusum Wlstanus, ut dixi, paulatim delevit. Sciens enim cervicositatem eorum non facile flecti, sæpe circa eos duobus mensibus sæpe tribus mansitabat; omni Dominicâ eò veniens, & divinæ prædicationis semina spargens. Quæ adeò per intervalla temporum apud eos convaluere; ut non solum renuntiarent vitio, sed ad idem faciendum cæteris per Angliam essent exemplo. Denique unum ex suo numero, qui pertinaciùs obviaret præceptis Episcopi, vico ejectum, mox luminibus orbavere. In qua re devotionem laudo, sed factum improbo; quamvis semel vitiatis agrestium animis nulla queat obsistere vis rationis.

CAP. XXI. Legatione Willelmi Regis & Thomæ Archiepiscopi semel ad Eboracum ante Pascha proficiscens, ut ibi Chrisma benediceret, Snotingham venit. *Ibi sanctitas ejus uxori Vicecomitis dubitanti miraculo comprobata est.*

CAP. XXII. Sewius quidam non mediocrium divitiarum homo in suâ villâ Readeclivæ fecerat Ecclesiam. Eam à Sancto dedicari religiosis votis inæstuans, ab Archiepiscopo, cujus erat Diocesis, petierat licentiam & impetaverat. *Ibi Wlstanus pacem cum paupere quodam ineundam opulento Presbytero incassum suadens, interitum homini denunciavit funestum, qui & brevi secutus est.*

# LIBER TERTIUS.

## CAPUT I.

**H**Actenus & dixi & dixisse juvat Miracula, pauca sanè, sed quæ sufficiant ad documentum sanctitatis Wilstani; nunc interiorum ejus vitam & mores dicere aggrediar. Primoque de corporis qualitate dicendum. Staturâ fuit temperatâ, maximis cedens, minimos supergrediens; omnium membrorum æqualitate compositus. Congruebat habitudini corporis serenitas mentis; ut quemvis ad reverentiam sui alliceret. Valetudinis prosperrimâ, quam & ipse modestiâ cibi & nullâ indulgentiâ somni adjuvabat. Indumenta ejus lectisternia; calciamenta moderata, nec arrogantis pretii, nec abjectæ vilitatis. Vitabatur in utroque fastus; quia & in sordibus luctuosus potest esse jactantia. Pronius tamen ad id quod esset humile vergebat; ut totum deesset pompæ, & nihil desideraretur gratiæ. Ita semper omnis ostentationis refugus, in cunctis divitiis agnitis tantum amiciebatur pellibus. Unde quadam vice à Gaufrido Constantiensi Episcopo benigne reprehensus, facerissimis hominem resperfit salibus. Cum enim interrogasset, cur agninas pelles haberet, qui fabelinas vel castorinas vel vulpinas habere posset & deberet; eleganter respondit: Eum & homines prudentiæ secularis gnaros versutorum animalium pellibus uti debere; se nullius tergiversationis conscium pelliculis agnitis contentum esse. Cumque ille instaret, referretque ut vel saltem cattos indueret: Crede mihi, respondit Wilstanus, sæpius cantatur Agnus Dei quam cattus Dei. Hæc verba Gaufridi risus excepit admodum delectati, quod ipse posset illudi, nec alter posset inflecti.

Vide Willelmi  
librum 4. de  
gestis Pontifi  
Angl. f. 160.

CAP. II. Excepto si quando cum Monachis reficeretur, semper in regiâ confidentibus militibus palam convivabatur. Indecens enim & illiberale restabatur esse; si clam obsonaretur, domesticis interim musitantibus. Quamquam nunquam post religionis habitum, nec ante aliquot annos, unctioribus cibis corpus curaverit; sed semper sagimini, semper carnibus præterquam piscium valesceret. Quem morem qua sibi occasione indixerit, non ab re fuerit, si altius repetam. Brihtegus, ut præmissum est, Episcopus, eum à primis ordinibus in Presbyteratum promoverat; promotoque Ecclesiam villæ, quæ Havekesberia dicitur, delegaverat. Erat tum ille primæ lanuginis ephēbus; nec tamen ut investis ævi homo sæculi luxibus consumebat operam. Inter hæc nondum ab esculentis dapibus abhorrens, jussit quadam die aucam coqui. Ales verò veru infixus torrebatur sedulo delicato pueri familiaris artificio. Distillabat igneâ vi expressus arvinæ liquor; fuerat enim de altilibus aucis lectissima. Pars ministrorum prunas suggerere, pars condimentum molere, omnes in nidorem prurire, voluptatemque verbis dissimulare non posse. His captus Presbyter ipse quoque in delectationem animum resolverat, spe aucam prælibans. Jamque pene mensâ positâ, importuna sed necessaria causa exitit; quæ ipsum & præpositum cibi extorres domo extruxit. Ita inanis discedens, momentaneæ voluptatis culpam arguebat animo. Miseram carnem ad tanta instigari; delectationem effluere, peccatum manere. Carnem non \* \* \* \* \* Deesse videtur in Codice solum integrum. Rem narrat Willelmus libro 4. de gestis Pontif. Angl. f. 159.



Vide Capgra-  
vium f. 333.

## CAP. III.

\* \* \* \* \*

ris vigilantiorē deprehendisset.

Quorum unus Edricus nomine, quem & ego novi, quadam nocte cantanti confedit. Sed cum ille nihil soliti pensī pratermittere vellet; pertasus morarum Monachus manu etiam Episcopo ut desineret significare præsumpsit. Quo somnolentiam ejus nutu arguente, resedit invitus, perstitit oscitabundus. Mox cum se cubitum collocasset; magnā vi per visum concussus, flagris quintem etiam cæsus, inconsultæ temeritatis pœnas dedit. Postremò datā fide, quod nunquam ulterius bonum hominem à bono deterreret vel impediret opere, tam horrificæ visionis periculo solutus est.

## CAP. IV.

Matutinas semper in Ecclesiā cantabat; quantocunque spatio dispararetur ab hospitio. Illuc ibatur, ningeret, plueret, quæcunque porro incommoditas aeris esset. Si luto via sorderet, nihil minùs. Si crassitudo tenebrarum cœlum subtexeret, nichilo segnius cunctabatur ille omnem difficultatem itineris; dummodo veniret ad Ecclesiā: ut non falsò posset dicere Deo. <sup>1</sup> Domine dilexi decorem domus tuæ. Hac consuetudine quam quadam vice ante Natale Domini Curiam proficiscens, apud Merlave villam hospitium accepisset; dixit suis manè se ad Ecclesiā iturum. Ea longè aberat; simul & lutosā via quemlibet etiam die ambulātem deterreret. Præterea ninguidus imber vel nix pluvialis, utroque enim modo sæviebat aer, impedimento essent. Hæc Clericis obtendentibus, ille perstitit in sententiā, nec dejici potuit: Velle se ad Ecclesiā ire, uno saltem vel etiam nullo comite; tantum monstraretur sibi via, ne incerto erraret tramite. Ita votis Episcopi contra se fluentibus, cessit Clericorum improbitas, iracundiamque silentio frænavit. Quorum Frewinus mente præruptior, manu Domini apprehensā geminavit culpam, ducendo eum qua palus undosior, qua via præruptior esset. Ille luto ad gēua immersus, uno etiam calceo privatus, interim dissimulavit injuriā. Eò enim Clericalis procedebat intentio; ut & tunc Episcopum cœpti pigeret, & postmodum consiliis suis accederet. Jam verò multo die, artubus gelante rigore præmortuis, ad diversorium regressus, tum verò & suum incommodum & Clerici delictum aperuit. Præcepit etiam, ut quæreretur calceus; & nullo convitio in contumacem invecus, sed atrocitatem facti vultus hilaritate attenuans. Erat enim Pontifex magnæ tolerantia; qua ita mentem armaverat, ut nulla eum illusio turbaret, nullum incommodum in peccatum concuteret. Nam plerunque quidam eum vel apertè obuncabant verbis vel occultè vellicabant ludibriis. Sed ipse adversus hæc & extrinsecus à sæculo venientia sic stabat intrepidus; ut sequeretur animo, non tamen caderet verbo. Nec tamen ei hanc laudem arrogare volo, quam affirmare non valeo; ut nec animo moveretur. Affectiones enim animi nulla unquam religio delere potuit vel poterit; quas etsi valet ad horam compescere, non valet in æternum auferre.

## CAP. V.

Missas cotidie ad minus duas audire; ad utramque oblationem suam non negligere; ipse tertiam cantare. Si quò equitandum esset; ascenso animali continuo Psalterium incipere, nec pausam nisi ad finem facere. Adjungebantur Letaniæ cum Collectis pluribus, & Vigiliæ cum Vesperis pro animabus. Tum si via protelaretur; ad sufficientiam horarum repetebatur Psalterium. Adequitabant Clerici & Monachi vel seriem versuum excepturi, vel amminiculaturi memoriæ, si quando videretur titubare. Hoc ideo ut dediscerent inanes fabulas, quæ potissimum se viantibus ingerunt. Cubicularius præsto habebat marsupium, quod esset omnium egentium ararium. Nemo enim unquam ingemuit repulsam, qui à Wlstanō mendicavit eleemosynam. Jam verò viā permensā, cum ventum esset ad hospitium; non antè,

†

ut

ut supra dixi, quietis intraret cameram, quam cum precibus salutasset Ecclesiam. Ipsas porro domos totius diverforii jubebat lustrari à Presbytero cum aqua benedicta & crucis vexillo. Sic fugarentur adversa; sic introducerentur secunda.

CAP. VI. Semper orabat aut prædicabat verbo, si vacaret. Sin minus, mente affixus coelo inhiabat Deo. Jaceret, staret, ambularet, sederet; semper in ore Psalmus, semper in corde Christus. Quid quod etiam dormiens corpore, vigilabat oratione? Si quando nimio precum labore defatigatus quieti membra composuisset; cedebat quidem naturæ ut dormiret; sed vel per se vel pulsante alio expectatus Psalmum inchoabat. <sup>a</sup> *Conserve me Domine*, vel <sup>b</sup> *Diligam te Domine*: vel cætera hujusmodi quæ orationem sonarent. Æstivis diebus post prandium plerunque indulgebat lecto; sed (quod mirum quis dixerit) non poterat in somnum resolvi, nisi aliquo coram legente inductus. Si lector munus exerceret suum; videbatur dormire. Altero cessante, confestim abrumpebat soporem. Legebantur enim ante ipsum Sanctorum Vitæ & Scripturæ edificatoriæ. Verè pronunties vitam hominis fuisse quasi quoddam cœleste speculum; ex quo totius sanctimonie resultaret simulachrum: fuisse quasi divinæ voluptatis speculum; quod conduceret religioni, quod responderet saluti, quod postremo conquadret decori.

<sup>a</sup> Psal. XV.  
<sup>b</sup> Psal. XVII.

CAP. VII. Homines ad confessionem peccatorum venientes jocundè suscipiebat, benignè refovebat: confitentes gratissima humanitate audiens, non arroganti gestu fastidiens. Lacrimabiliter condescendens illorum delictis, non resiliens sicut inauditis. Quæ res effecerat ex totâ venientes Angliâ, ea quæ nulli alii crederent, illi confiteri non erubescerent. Non pudebat ergo illi duntaxat dicere, quod pigebat fecisse. Ipse quoque parem in confitentes refundebat gratiam, sedulo ne desperarent ammonendo, qualiter peccata caverent, qualiter commissa diluerent instruendo. Nec illud minori, nescio an majori, prædicatione dignius; quod eos semper familiares in posterum haberet, quorum peccata & poenitentias nosset.

CAP. VIII. Egentium curam maximâ componens diligentiam, ante se illos sedilibus gregatim disponebat, affluenter quæque necessaria impertiens. Filii divitum curiæ suæ mancipati officio, dapes epulanti pro more inferebant. Eis salutaria sedulo infundebat monita, arrogantiam non habere, humilitatem induere: in primis munditiam carnis non lædere; ne impulsu ætatis lubrico foedarent corpus in voluptatum volutabro. Eisdemque cogebat genibus flexis, pauperibus mensam & cibos apponere, & pro disciplinâ ministrantium aquam manibus infundere. Si quis eorum conscientiam alti sanguinis spirans vel vultu superbiam proderet; contumacem arguebat. Alia esse in quibus mallet offendi, quàm pauperem vel nutu contristari. Dominicum mandatum observandum, ut serviatur egenis, &c. His & talibus pius Doctor quamlibet rudium animorum decoquebat insolentiam; ut maturescerent egenis exhibere reverentiam. Sanè pueros elegantis formæ dignanter sacrarum manuum tactu & osculis demulcens, amplectebatur in eis divinæ compositionis gratiam; materiamque boni ex decore lineamentorum eliciebat; dictitans subinde. Quam pulcher est creator, qui tam pulchras creaturas facit?

CAP. IX. In singulis villis suis singulas habebat ædiculas; in quibus se objectis repagulis à manè post Missam includebat: ibique solitudinem nactus, liberos in contemptum mundi & speculationem Dei librabat mentis obtutus. Nec erat qui meditantem interpellaret, nisi cum Clericus pulsatione ostii tem-

pus



\* Psalm.  
LXXXV. 1.

pus prandii vel horarum nuntiaret. Eratque hoc claustrum inter cameram & privatam domum, domesticis tantum consciis; ne videretur esse ostentator religionis. Hac se cohibebat inter homines sollicitudine semper quidem, sed maxime tempore Quadragesimæ; ut hoc modo furaretur corpusculo, quod toto fugitabat animo. Erat enim, ut venerabilis Prior Wigornensis Nicolaus mihi dixit, non solum orator multiplex, sed etiam diligens. Denique cum ad versum Psalmi veniret, quo affectum in Deum suscitare posset, utpote *Inclina Domine aurem tuam, & exaudi me; quoniam inops & pauper sum ego*: hunc inquam & alios ejusmodi bis terque repetens, erectis in cælum oculis ingeminabat. Diligentiam quinetiam orandi, sicut idem Prior auctor est, non solum in se, sed & in suis diligenter observabat. Transgressionem autem suorum & tolerabat opportunè, & arguebat pro tempore. Denique si quem Monachorum videret matutinæ Synaxi deesse; quamvis tunc dissimularer, cæteris post officium somno cedentibus, neglecto rem leniter suscitans debitum implere cogebat, ipse vice Ministri cantanti respondens: Quid hoc mirabilius homine, &c. De Nicholao sanè reverendissimo plura libet dicere; si prius quæ de moribus Wlstanii habeo in manibus, potuero explicare.

C A P. X. Dioecesin suam, ut supra tetigi, sollicitè peragrabat; nichil quod sui intererat officii prætermittens. Id ut commodius fieret; semel in anno metam ponebat; valetudini suæ occurrentiumque fatigationi prospiciens. Per totum enim Episcopatum, præcedente Archidiaconorum ammonitione, tantum vulgus ejus se infundebat occursum, ut nequiret numerari. Quorum dum infirmitatibus servire cogeretur; erat quidem res ponderis & gravedinis; sed emicabat animus sullevator oneris & victor laboris. Per totam Parochiam in sui juris prædiis Ecclesias struebat; in alienis ut struerentur instabat. Apud † Westbiri ex antiquo Ecclesia fuerat; sed tunc semirutæ & semitectæ remedium desiderabat. Eam ille reparavit in solidum, fastigiavit in summum, parietes cæmento, tectum plumbo reficiens: delegatisque villarum & decimarum redditibus librisque Officialibus, solenni dono Wigornensi Ecclesiæ dedit; ibique Monachis positis Colemanum toties dictum præfecit.

Vide Willelmi  
lib. 4. de gestis  
Pontif. Angl.  
f. 160.

Veruntamen cum esset in divinis domibus apparandis, ut ita dixi, solers & diligens; in sæcularibus esse propemodum videbatur hebes & negligens. Nusquam enim in villis suis aulas, nusquam triclinia fecit. Nimirum qui non solum in istis forensibus, sed etiam in Ecclesiis operosa gravaretur architecturâ. Magis enim deputabat talia humanæ pompæ & jactantiæ, quam divinæ voluntari & gratiæ. Quod Nicolaus dicebat eo die potuisse videri, quo vetustam \* Ecclesiam Wigorniam fecit detegi. Stabat ipse in cœmiterio tacitus, & subinde congemiscens. Scaturibat quippe in animo ejus cogitatio; quæ ingentem imbrem lacrimarum ferens, tandem erupit. Nos, inquit, miseri Sanctorum destruimus opera, pompatico putantes nos facere meliora. Quanto præstantior nobis S. Oswaldus, qui hanc fecit Ecclesiam? Quot sancti viri religiosi in eâ Deo servierunt? Et licet astantes referrent non debere illum tristari, sed potius lætari, quem Deus ad hanc servasset gratiam ut sic

† Domum Westbiriæ religioni à multis sæculis dicatam Oswaldus Episcopus Wigorniensis restauravit & Monachis implevit anno 983. collapsam Wlstanus restituit & Ecclesiæ Wigornensi dedit anno 1093. die Nativitatis B. Mariæ Virginis. Extat Charta Donationis in Monastico

Angl. tom. 1. p. 126. Illam Wigorniensibus Monachis Samson Episcopus postea abstulit.

\* Vetustâ Ecclesiâ Wigornensi diruta, novâ edificari coepit anno 1084. juxta Annales Wigornenses MSS.

videret

videret magnificari Ecclesiam; in lacrimarum proposito tenax fuit. Nec defunt qui dicant prædixisse illum Ecclesie novæ † incendium, quo subsequenter conflagrata est annis. Sed non placuit pro vero præsumere, quod discrepat. Tunc autem & novam Ecclesiam perfecit; nec facile invenias ornamentum, quod eam non decoraverit. Ita erat in singulis mirabilis, & in omnibus singularis. Quocirca ut magnificentiae nihil deesset; LXXII. marcas argenti scrinio innexuit; in quo beatissimi Oswaldi prædecessoris sui exuvias simulque multorum Sanctorum locavit. \* Ea res multorum populi & Episcopi Roberti & Abbatum frequentia VIII. Idus Octobris facta; quo die Translatio prædicti Sancti, ejusdemque Octavâ Reliquiarum omnium loci memoria fieri annuatim iussa. Hoc ideo excogitatum, quia depositio Sancti, quæ in Quadragesima est, non ita commode fieri potest. Sciat porro lector id quondam Scrinium à B. Oswaldo factum, sed à Wlstanò ampliatum.

CAP. XI. In animarum fidelium auxilium maximâ tenebatur miseratione; ut etiam temeritatem per cœmeteria equitantium perpetuo compesceret edicto. Multa ibi Sanctorum jacere corpora; quorum animabus, quæ apud Deum sunt, debeat reverentia. Veruntamen parum hac profecit industria; quia nichilominus hodie Sanctorum calcatur reverentia. Quandocunque & ubicunque, ut superius dixi, alicujus audiret obitum; statim *Pater noster* præsentibus indicto, ipse tres Psalmos, <sup>a</sup> *Laudate Dominum omnes gentes*: <sup>c</sup> *De profundis*: <sup>e</sup> *Laudate Dominum in Sanctis*: cum precibus dicebat. Ita oratione pro anima deposita, fiebat defuncto, si tempus sineret, sermo brevis & perfunctorius, vel longus & necessarius. Missam pro mortuis nullo non die cantari faciebat, præter Dominicas & majora solempnia. Remittebat enim festivitati, quod pietati debebat; ut tanto magis augeret veniam, quanto minus urgeret causam. Erat ergo dulcedinis, quod cæteris diebus orabat; amplissimæ spei, quod in Dominicis cessabat. Neutro eum autem Dominus fraudaret; quoniam arridebat Domini clementia, ubi plaudebat servi confidentia.

<sup>a</sup> Psal. CX.  
<sup>c</sup> Psal. CXXIX.  
<sup>e</sup> Psal. CL.

CAP. XII. Labem impuditiæ oderat; integritati favebat in omnibus, & maximè sacratæ ordinis hominibus. Quorum si quenpiam castitati comperiisset deditum; familiarum eum partium facere, & ut filium diligere. Uxoratos Presbyteros † omnes uno convenit edicto; aut libidini aut Ecclesiis renuntiandum pronuntians. Si castimoniam amarent, manerent cum gratiâ; si voluptati servirent, exirent cum injuriâ. Fueruntque nonnulli, qui Ecclesiis quàm mulierculis carere mallent. Quorum aliquos vagabundos fames absumpsit; aliquos res familiaris aliunde quæsitâ, in extremum tutata,

† Civitas Wigornia cum principali Ecclesia & omnibus aliis & castello 13. Cal. Julii feriâ 5. igne cremata est anno 1113. Ita Florentius Wigorniensis. Ex Wilhelmo autem Malmsburiensi (qui idem incendium narrat, lib. 4. de gest. Pontif. Angl. f. 161.) constat non integram Ecclesiam sed rectum duntaxat conflagrâsse.

\* Oswaldi ossa antea è tumulo levaverat, & in scrinio (quod paraverat) honorificè locaverat Adulphus Archiepiscopus Ebor. anno 1002. 17. Cal. Maii, feriâ 4. refe-

rente Florentio. Oswaldus obiit die ultimo Februarii anno 992. bissextili.

† Lapsus esse Wilhelmuſ suspicor. Presbyteris quidem Canonicis uxores interdixerat Concilium Wintoniense anno 1076. Nondum autem reliquis Presbyteris conjugium erat illicitum. Factum id primò in Concilio Londinensi anno 1102. Non igitur cum Presbyteris uxoris, sed cum Canonicis solis Wlstanò res erat.



non destituit. Pauci, quos sanior regebat ratio, abdicatis illicitis præclaro in Ecclesiis suis consensuere otio. Quare Antistes cavens in posterum, nullum ulterius promovit ad Presbyterum, qui non de castitate servanda daret sacramentum.

CAP. XIII. Humilitatis ejus ubique maximæ inter Monachos multa fuere indicia. Quando erat Wigornia, Missam majorem cotidie fere dicebat, officio ultroneo sapius quam ab illo cujus septimana esset rogatus. Fertur enim solitum dicere, quod tamen fide Nicholai dixerim: Monachum se loci esse, septimanam ut ceteros Ecclesiæ debere; ideoque quod suo explere nequiret ordine, suppleret pro Adventûs tempore. Collationi semper interesse; deinde in Ecclesia confessione facta & benedictione data, redire ad sua. Summo diluculo ceteris quiescentibus in Ecclesiam se matutinus agebat; ubi si aliquis Fratrum, ut sit plerunque, Missam dicere volens, non haberet adjutoris solatium, ipse incunctanter Ministri subibat officium. Ipse in pueris & cæteris, quos perperam vestitos vidisset, dignanter acclinis pendulos componebat sinus, rugasque diffidentes redigebat in seriem.

<sup>f. dejecta.</sup>

<sup>2 Mart. XX. 26</sup>

CAP. XIV. Afferentibus quibusdam, quod tam <sup>f</sup> dilecta humilitas citra Episcopalem dignitatem esset; respondebat, <sup>s</sup> *Qui major est vestrum, erit minister vester.* Ego sum Episcopus vester & magister; ideoque debeo esse vestrum omnium minister secundum Domini præceptum. Nec enim unquam ad voluntatis suæ supinabatur arbitrium; in omnibus Dei præceptis obsecundans. Moribus gratissimus, nulla acerbitate cohabitantes offendens, nulla ingratitude obloquentes confundens. Sæpe suis usibus aptata retrahens, dummodo suorum commoditatibus consuleret, faceret, diceret omnia, quæ ad officium spectarent suum. Hoc non solum exhibebat Wigornia, sed ubicunque in Diocesi sua peteretur venire ad Cœnobîa. Nec enim petentes dura fronte suspendere, vel morarum ambagibus adventum suum excusare solebat. Quodcumque ei confirmandi pueri nuntiarentur, ut ante dixi; statim petitionibus nuntiantium assurgebat. Si vigilaret, rejectis quæ habebat in manibus; si dormiret, continuo somno excussus. Erant tunc temporis Altaria lignea jam inde à priscis diebus in Anglia. Ea ille per Diocesin demolitus, ex lapidibus compaginavit alia. Unde fiebat; ut nonnunquam uno die duo in aliqua villa, secundoque & tertio alias profectus toridem, dedicaret altaria. Ita impigrè quocunque vocabatur aderat; ut non eum migrare sed volare crederes. Quo tempore miraculum, quod eâ fecit occasione, non patiar obduci silentio.

CAP. XV. *Miraculum de hydromeli Wlstanî meritis multiplicato in convivio post dedicationem Ecclesiæ ab Egelrico Archidiacono constructa.*

<sup>2 Lib. 3. f. 59, 60.</sup>

CAP. XVI. Res ammonere videtur; ut quia de potu sermo se intulit, dicam quid monstri cuidam accidit, qui contra vetitum ejus potavit. Habebat ipse in curia sua milites multos; non quo voluptati esset, aut ejus blandiretur animo frequens servientium multitudo. Nec enim in corde parturiebat jactantiam, si haberet multorum obsequelam; sed Rex Willelmus ira fieri præceperat, quod sereretur rumor in vulgus, Danos adventare & jam jamque affore. Nec à vero deviabatur opinio; venissentque proculdubio, nisi aliæ res intercessissent. Causam minarum & obicem impedimentorum in <sup>h</sup> *Gestis Regum Anglorum* exposui; quæ ibi, si quis volet, amicus Lector inveniet. Quocirca, ut cœperam dicere, Rex timore percitus, coacto Concilio, quid opus esset facto, in medium consuluit. Omnium fuit sententia Lanfranco auctore, Curias Magnatum militibus muniendas; ut si forte res exigere, communi

communi umbone rempublicam & privatas fortunas omnes contra Barbaros tuerentur. Ideo Episcopus plures retentans, affluentibus mulcebat stipendiis, & delicatis saturabat obsoniis. *Sequitur narratio, quomodo Nicholaus posthabito wilstani mandato potans, noctu à Damone sit laceffitus.*

CAP. XVII. Sane ut occasione Magistri etiam venerabilis discipuli memoria eat in paginas nostras; Nicholaus clarissimæ progeniei quantum ad Anglos fuit. Parentes ejus Sanctum virum magnâ coluerunt reverentiâ; multis commodis amicitiam ejus pignorati. Puerum baptizavit ipse; literisque nobiliter instructum, continuo ut atas tulit, semper ad latus habuit. Mox ut plena informationis perfectio in eum conflueret, Cantiam misit, sub disciplinâ Lanfranci aliquamdiu militaturum. Idemque postea tempore Thiulsi Episcopi factus Prior multa in brevi experimenta industriæ dedit. Idque quod magis conducibile arbitror, hic literas habitatoribus loci vel doctrinâ infudit vel exemplo inculcavit; ut summis Ecclesiis Angliæ etsi cedant numero, non vincantur studio. Porro Nicholaus Wilstani dicta & facta referre voluptati habebat; in hoc fortasse culpandus, quod vitam ejus stilo non commisit. Nullus enim eam memoriæ mandare posset veracius, quam nemo ipso nosset præsentius. Denique verba ejus, etiam quæ fortuito effunderet, nunquam ferè pondere caruisse dicebat: ut istud. Demulcebat paternâ benignitate caput ipsius, cui jam refugis à fronte capillis damnosa cæsaries erat. Tunc ephēbus alludens Episcopo, Pulchrè, inquit, servas capillos meos, qui omnes effugiunt. Non, respondit ille, crede mihi, quamdiu vixero, calvus eris. Nec minus dicto fuit. Sed ipsâ penè septimanâ qua spiritus Wilstani reliquit terras, quicquid reliquum erat capillorum in fronte Nicholai, effluxit in auras.

Vide Willelmi  
librum 4 de  
gestis Pontif.  
Angl. f. 160.  
& appravi-  
um f. 333.

CAP. XVIII. Omni die in Quadragesimâ, ut ante dictum Lector recollit, pauperibus post ablutionem pedum & manuum stipem impendebat cibariam. Idque libentius noctibus quàm diebus, vitans videlicet judicia hominum, quæ in utramvis partem amore labuntur aut odio. Ubi si inter alios affedisset aliquis, quem morbus occupasset regius, illius verò pedes pressare tenacius, osculari dulcius, oculos porro in ipsis figere ulceribus. Jam verò in Cœnâ Domini totam diem perinde ac noctem succedentibus invicem sibi pietatem officiis exigebat. Et licet semper esset in Dei cultum suspensus; illo tamen die maximè curabat, ne quid sæculare suis irreperet actibus. Post matutinas cum Monachis in majori cantatas Ecclesiâ in cubiculum regressus, aquam calidam cum manutergiis inveniebat paratam ab Officialibus, quorum id erat munus. Ibi multis pauperibus, ut dixi, dilutis omnium etiam vestimentorum indulgebat compendium; manu suâ ipse caritatem ministrans. Tum ad momentaneam quietem membris compositis, ministri totam Aulam implebant pauperibus, quantum densatis agminibus, quantum consertis ordinibus sedere poterat. His omnibus cum Pater calceos & victum manu præbisset suâ; si ei diceretur, Domine, modò requiesce; bene fecisti; respondit: Parum feci; sed voluntatem habeo præceptum Domini mei faciendi. Inde secedebat in Ecclesiam; totâque die usque ad nonam mundanorum refugus cœlum anhelabat. Sequebatur pœnitentium reconciliatio, Missæ celebritas, Christmatis benedictio. Quæ omnia quamvis Colemanus magno verborum circuitu egerit, mihi prætermittere consilium fuit; propterea quod non Episcopale officium designare, sed vitam ejus describere suscepim. Quid enim ad rem ea dicere, quæ & alii faciunt, nec aliter quàm in libris continentur facere possunt? Illud sanè prætereundum non opinor; aspectum ejus ita fuisse pœnitentibus gratiosum; ut cum eum conspicerentur oculo, Dei Angelum imaginarentur animo. Eo die cum reconciliatis comedere, post cœ-

[M m]

nam



nam Monachis omnibus pedes abluere, pocula cum osculis ministrare, solitum accepimus: Sic à mediâ nocte usque ad profundum alterius noctis crepusculum mundo se subtrahere consuetum.

CAP. XIX. Anno ante obitum suum proximo tantâ in Coenâ Domini officium istud curavit efficaciam; ut superiorum annorum nihil fuisse putaretur diligentia. Prælagiebat profecto illud se facturum ultimò; cunctosque ministros sollicitudinis percellebat miraculo. Indixerat singulis Præpositis; ut ex singulis villis præberent unius hominis vestimenta omnia, decem hominum calceos, centum hominum victum. Eadem etiam Cubiculariis nundinanda præceperat; ut quod minus haberent prædia, suppleret curia. Tereâ die impleta est Aula egenis sic constipatis, ut vix ægréque quisquam progredi posset; adeò cunctos aditus occluserant agmina longâ serie & confusâ hærentia. Fremebat domus magno tumultu; abluabantque Monachi & Clerici pedes confidentium. Ipse sedebat in medio, Episcopali nixus subsellio. Labor immensus vires exhauserat; ut vel psalter esset, qui ablutor esse non posset. Erat interea mens misericors, quæ vellet satisfaceri cunctis, ne ullus abiret inanis. Et quidem semel & secundo discesserunt omnes, vestibus ornati, nummis & calceis læti, omnes ventribus suffarcinati. Jam verò cum tertio locaretur pauperum ordo; suggessit in aurem Monachus Episcopo pecuniam & vestes defecisse, in angusto etiam victum esse, dapiferumque & cubicularios conventos expensas negare. Quid ergo lavari pedes attineret; quando quod lotis daretur non esset? Immo, inquit Episcopus, fiat præceptum Domini; non deerit largitas ejus, ut alicunde pascantur servi. Ministri mei pro me facere nolunt; volent cum me non habebunt. Vix hæc locutus fuerat; & ecce tres ingressi sunt nuntii; alter alterius calcem penè præ festinatione terentes. Primus pecuniam allatam, secundus equum adductum, tertius boves donatos Episcopo nuntiavit. Ille levatis in cælum oculis & manibus, exultavit miraculo, non tam sui causâ quàm pauperum emolumento. Monachi flere præ gaudio, & tali aggratulari Domino. Ab omnibus benedici Deus, qui non fraudaret vota in se sperantium, nec pateretur vel ad horam contristari Wlstanum. Ita equus in precium redactus, boves in nummos conflati, cum pecuniâ nuper allatâ, egenorum profecere compendiis.

CAP. XX. Præmonuerat ministros velle se ad illud Pascha convivari accuratis epulis cum bonis hominibus. Id illi falsò interpretati, opulentorum plerosque convocaverant. Jamque Paschæ dies illuxerat; cum ille in Aulam pauperibus, quantos capere posset, introductis, præcepit inter eos sedili locato epulas sibi apponi. Excepit illud Dapifer ingenti indignatione animi. Multo enim infrendens murmure, lacerabat lenitatem viri; dicens competentius esse, ut Episcopus convivaretur cum paucis divitibus quàm cum multis pauperibus. Ad hoc ille respondit; Illos divites esse, qui nossent & possent voluntatem Dei facere. Illis debere serviri, qui non haberent unde redderent. Redditurum Deum compensationis gratiâ, quod non haberent egeni relatione vicaria. Latius se videre istum confessum, quàm si, ut sæpe, confedisset Regi Anglorum. Multo enim, ut dixi, eum suspiciebat Rex honore, multo Proceres; ut qui sæpe ipsum ascirent convivio, & assurgerent ejus consilio. Ipsi crebrò qui persequerentur justitiam; ingentâ quibusdam naturâ, ut id colant in aliis, ad quod ipsi aspirare non valeant. Quid dico de Optimatibus Angliæ? Reges Hybernæ magnis eum venerabantur favoribus. Rex Scotiæ Malcolmus cum venerabili conjugè Margaritâ ipsius se dedebat orationibus. Penetravit regionum intima, regnorum extrema, sanctitatis ejus fama. Papa Romanus, Barensis Archiepiscopus, Jerosolymitanus Patriarcha, Epistolis quæ adhuc supersunt, ejus ambierunt apud Deum suffragia. Nulla postremò

penè fuit mundi gloria, quæ nolentem renitentemque non sequeretur. Eratque certamen inter virum & gloriam; dum quo eam acrius fugeret ille, eo instantius eum illa urgeret. Sed de talibus hucusque circumvagari licuerit; dum transitum ejus lacrimabilem quidem terris sed exultabilem cœlis adoriri formidat oratio. Nunc enim præ mediocritate scientiæ dicturus, te rogo Domine Christe, &c.

CAP. XXI. Proximâ post ista, quæ nuperrimè dixi, Pentecoste gravi per omnes artus tactus molestiâ lecto accubuit. Jussit continuò equis concitatis familiari sui Roberti Episcopi Herefordensis adventum rogari. Robertus quod nuntiabatur audito confestim affuit. Et Wlstanus humanorum excessuum confessione factâ, etiam disciplinam accepit. Ita vocant Monachi virgarum flagra, quæ tergo nudato cadentis infligit acrimonia. Quantus hic vir; qui ævo invalidus, morbo infractus, conscientiam etiam serenus, non abstinerit flagellis corporis; ut discuteret si quid reliquum erat animæ sordis? Ab eo tempore usque in Circumcisionem Domini videbatur aliquando levius habere, aliquando recidebat in lectum. Ita pigrâ sed assiduâ febre agebatur in exitum. Labes corporis augebat vires animæ; ut si quid in eo erat immaturum æternæ gloriæ, fervor infirmitatis posset decoquere. Post Circumcisionem supradictus Episcopus & venerabiles Diœcesis suæ Abbates, Serlo Glocestriæ, Geraldus Theokesberiæ, decumbentem visitârunt. Hos ipse, primum pro more suo seipso accusato, jure absolvit suo; extremum eis valefaciens. Ebulliebat indies vis valetudinis; maturabatque Christus transitum, qui vocabat ad cœlum. Interea non feriabatur ille à Dei servitiô; sed veterum non oblitus studiorum, orabat plerunque verbo, semper animo. Magisque sedens quàm jacens, aures Psalms, oculos Altari applicabat; sedili sic composito, ut liberè cerneret quicquid in Capellâ fieret. Ante octo dies decessûs sui à Thoma Priore loci sacre inunctionis suscepit officium; cotidiano posthæc Eucharistiæ viatico tutatus exitum. Supremum † efflavit XIV. Cal. Februarii, paulò post mediam noctem Sabbati. Annus erat Incarnationis Dominicæ MLXXXVII. regni Willelmi junioris X. post annos suscepti Episcopatus XXXIV. menses IV. dies XIII. anno ætatis circiter LXXXVII. Hic porrò mirari quis poterit, quòd longævitatatis suæ futuræ non ignarus ipse

† Multiplex in hisce numeris error deprehendi potest. Imprimis enim Wlstanus obiit non anno 1087. sed 1095. ineunte. Dein anno 1087. Rex Willelmus junior regnare incoepit; adeò ut annus ejus decimus cum anno Christi 1097. componatur. Denique Wlstanus à consecratione ad obitum sedit annis 32. mensibus 4. diebus 12. Willelmus annos 34. malè posuit. Wlstani obitum Florentius quamplurimis epochis definivit. *Migravit, inquit, è seculo die mensis Januarii 18. noctis septimi Sabbati horâ mediantē 7. anno à primo seculi die 5299. anno ab Incarnatione Domini 1095. &c. ab adventu Anglorum 745. (lege 645.) ab adventu S. Augustini 498. à transitu S. Oswaldi 103. &c. Bissextilis cicli tertio, Indictionalis cicli tertio, &c. Lustro sue ætatis 18. sui verò Pontificatus septimi lustri anno tertio. Annus rectè assignatur; di eautem*

non concordat. Eo enim anno dies 18. Januarii in feriam quintam incidit. Reponendus est igitur ex Willelmi aliorumque fide dies 19. Januarii, ad cujus vesperam incipiebat Sabbatum, seu quod habet Florentius dies septimus Sabbati (viz. hebdomadæ Christianæ.) Porrò Wlstanus lustro suæ ætatis 18. obiisse non potuit. Presbyter enim ordinatus est à Brithego Episcopo Wigorniensis, qui anno 1038. obiit: quin & ipse Florentius ad annum 1062. Wlstanum Episcopum consecratum referens, id anno ætatis plus quinquagesimo factum esse perhibet. Amplectenda est igitur Willelmi sententia, Wlstanum scilicet anno ætatis circiter 87. decessisse. Crassius adhuc hallucinati sunt Florilegus & Capgravius. Iste etenim Wlstani obitum anno 1067. posuit; ille in diem 25. Martii conjecit.



vivens fuerit. Quod cum sæpe alias, tum semel in Capitulo dulcissimè pronuntiavit. Circumsedentibus enim Fratribus, & multa ut fit mutuo sermone ferentibus, cum repente obstipito capite sopori cessisset; singultantibus omnium lacrimis, quasi festino eos obitu destitutus conclamatus est. Nec multò post discusso somno cum causam ploratus addidicisset; respondit his ferè verbis. Crede mihi, quantum senile corpus durare poterit, non moriar; nec nisi longo senio dissolvatur hæc compago. Postquam autem excessero, tunc vobis præsentior ero; nec aliquis ex eis, quos timeris, vobis poterit nocere, si Deo velitis fideliter servire.

Vide Willelmi  
librum 4. de  
gestis Pontif.  
Angl. f. 160.

CAP. XXII. Iaverunt ergo corpus; quod jam spe resurrectionis perpetuæ præfulgidum, stupori & venerationi visentibus fuit. Ita perspicuo nitore gemmeum; ita mirandâ puritate lacteum erat. Denique nasus, qui viventi citra modum protuberabat, ita pulchrè defuncto subsedit & incanduit; ut mirum visentibus esset. Illud porrò quod dicam, nonnullo præsentibus fuit miraculo. Annulus quem ad consecrationem Pontificatus acceperat, nonnunquam ante hanc horam sponte exciderat. *Tunc verò ne extrahi quidem potuit; adeoque cum corpore sepultus est; quod ipse olim prædixerat. De isto Miraculo vide Florentium ad annum 1095. & Capgraveium f. 333.*

CAP. XXIII. Offertur interea corpus; proceditur ad Ecclesiam, quam ipse de vetustâ fecerat novam. Locatur ante altare cum feretro, circumsedente Clero. Ibi nocte illâ cum sequenti die ac nocte, orationum interitæ, lacrimarum exequiæ Deo thurificantur. Erat tunc Robertus antefactus Herefordensis Episcopus in † curiâ Regis; homo sæculi quidem fretus prudentiâ, sed nullâ solutus illecebrâ. Huic eadem horâ, qua Sanctus rebus excessit, visus est astare multum mutatus ab illo Wlstanus, quem proximis vidisset annis. Ita stellanti luce perspicuus, viridanti vultu roseus erat: Episcopali busque vestimentis amictus, & baculum tenens in manibus, his compellare videbatur jacentem. Veni nunc dilecte frater Roberte Wigorniam; volo ut iusta mihi persolvens, humo corpus, Deo animam commendes. Talia contra Robertus putabatur referre. Domine & dilecte amice, præcipis mihi ut te sepeliam; cum jam quinque annis non te viderim huius vigoris. Dimitte, aiebat Wlstanus, sic est voluntas Dei, quam oportet impleri. Velociter nunc perge; nec verba mea negligenter accipe. Tum Episcopus tam manifestæ visionis motus oraculo, statim solutus est somno; Regis auribus visum intimavit. Cujus permisso accepto, concitato equitatu rapiebat arva morantia; Wigorniamque ire pergebat. Levabat immensum laborem vis sanctæ amicitia, qua jam inde ab Episcopatus initio devinctus fuerat viro; favitque benignis votis divinitas, ut ante ad locum veniret quàm tempus humandi esset. Hoc modo primâ nocte spiritus Wlstani amicum Pontificem sed longè positum in exequiarum suscitavit officium. Sequenti verò nocte quasi de peregrinatione domum reversus, multa miranda exhibuit præsentibus. Quidam Monachorum longi laboris pertæsi, quò quisque poterat in angulos concesserant; ut liberiori otio sine arbitris soporem adorirentur. Eis omnibus continuo aderat, stertentes pulsans, semisopitos suscitans. Confestim surgerent, somnolentiæ renuntiarent. Inciperent Psalterium à capite, finirentque cum com-

† Eandem visionis Historiam Willelmus narrat libro 4. de gestis Pontif. Angl. fol. 164. additque Wlstanum Roberto nocte sepulturam præcedente iterum visum, mortem illi brevi secuturam denuntiâsse.

Certè obiit Robertus anno eodem 6. Cal. Julii, ex fide Florentii Wigorniensis, qui visionem primam in villâ de Crikelad contigisse scribit.

mendatione animæ. Fecerunt illi quod iusserat; nacti ex necessitate virtutem; ut dum quod esset libitum facere nequirent, ei quod licitum esset quoquo modo acquiescerent. Eorum erat unus, qui facinus immane animo quidem volutârat, sed necdum in opus produxerat. Et Sanctus fremebundus apparuit, cogitationem sceleris improperans, immanitatem exaggerans, executionem comminatus. Satis superque fuisse quod cogitâset; ideoque ab expletione temperaret. Si sibi vellet esse consultum; cohiberet factum. Brevi enim pœnas daturum, eodemque anno moriturum, si non abstergeret illo peccato. Exterritus Monachus minarum fulmine simul & tormento conscientiae, fidem dedit; eo abjurato de quo arguebatur, se ulterius mancipatum iri regulæ.

CAP. XXIV. Dies Dominica, quæ fuit sepulturæ, aderat; jamque præfatus Episcopus advenerat, indicium visionis verâ fide vix præ festinatione anhelans. Ipse Missis ex more celebratis beatum funus sepulturâ curavit. Tum verò quasi nihil ante fletum esset; itum est in plangendum, porrectum in gemitum. Exclamabat turba in plangorem; quem percussus testudinum convexa multiplicant. Nec erat simplex fletus aut simulatus; sed exprimebantur veris singultibus lacrimæ; religionis ruinam, patriæ miseriam in uno testantes homine. Difficulterque discerneres, qui justiores fletûs sui causas allegarent, clerus an populus; dum hic pro tutelâ pastorem, ille pro disciplinâ doctorem clamaret. Senes an pueri; dum hi maturitatem, hi dulcedinem desiderarent. Divites an pauperes; dum isti opum abstinentiam, illi expensarum munificentiam prædicarent. Immiserunt tandem amantiissimi Paris ossa sepulchro; sed memoria nunquam in eorum sepulta est animo. Non enim Conventum vel civitatem facile invenies; ubi defuncti Episcopi reverentia, non dicam majori, sed nec pari colatur curâ. Hoc omni ebdomadâ, si dies vacat; hoc cum se ad ejus obitum anni volubilitas versat. Monachi Psalteria & Missas, cives largissimis expensis eleemosynas frequentant. Ipse quoque ultroneus accurrit votis precantium; nec est ullus cum fide petens, qui non mereatur suffragium.

CAP. XXV. *Miraculum de libro Epistolari Ecclesie Wigorniensis; quem furto sublatum Wilstanus reddi fecit.*

CAP. XXVI. *Consimile miraculum.*

CAP. XXVII. *Miraculum de Incluso quodam, qui indusium Wilstani indutus, à Diaboli tentationibus liberatus est.*

CAP. XXVIII. *Qualiter Wilstanus post mortem eidem Incluso apparuit, & beneficia contulit.*

CAP. XXIX. Instabant fideliter Monachi; missitabantur per Angliam Epistolæ doloris interpretes, amoris indices. Rogabatur, ut si Deus cuiquam aliquid de ipsius salute innotesceret; ipse bono nuntio anhelantium vota expleret. Fuit hoc tempore apud Brumetonam bonæ vitæ Presbyter Dunstanus nomine; cujus sanctitatis suavem fragrantiam jam inde à pueritiâ audisse me memini. Huic consimili virtutum studio advigilabat ejusdem villæ Reclusa, nulli virorum sanctitate inferior scœmina. Nescires quem præferres; ita æmulis certabatur bonis; Presbyter instruendi doctrinâ, mulier parendi disciplinâ. Insignis religionis homines; quos Deus theoricis speculationibus dignaretur nondum hac vitâ carentes. Isti Wigornensibus mandaverunt, nihil de salute Wilstani dubitari debere. Vidisse se illum inter sanctos



Etos choros, nihilo minus quàm cæteros habentem gloriæ, & aliquanto plus, quàm aliquos inferioris gradûs habentem gratiæ. Quorum qui non credit dictis, in religionem committit; quam, ut dixi, tantâ colnerunt instantiâ, ut nostro nil præsertim sæculo supra. Denique quicquid dicebant, ita excipiebatur; quasi ex cœlestibus insonuisset templis, quasi ex divinis profunderetur aditis.

## EPILOGUS.

**E**xplicuisse mihi videor iussa vestra, Patres & Domini; ut Vitam sanctissimi viri qualicunque stilo exsculperem. Obedientiam ergo exhibui; etsi votum vestrum non explevi. Vestri erit iudicii, an utrumque. Excusat voluntas impotentiam; quia etsi nequivi quod debui, feci quod potui. Paciscar ergo quæ o æternam vobiscum de parvo labore gratiam; quia studio vestro & voluntati sex septimanis paulò minus lucubravi. Par ergo erit; ut post hujus animæ corporisque discidium totidem diebus pro me Deo imoletis hostias, quot noctium ego Wlstanò consecravi excubias. Valete.

Explicit Vita S. Wlstani Episcopi & Confessoris;  
cujus sancta Depositiò celebratur XIV, Kal.  
Februarii.

---

VITA

---

---

V I T A  
G U N D U L F I

EPISCOPI ROFFENSIS,

Authore Monacho Roffensi coætaneo.

---

---





# VITA GUNDULFI

EPISCOPI ROFFENSIS,

Authore Monacho Roffensi coætaneo.

Incipit Prologus in Vitam venerabilis viri GUNDULFI  
Rofensis Episcopi.

**V**itas præcedentium Patrum posteris ad exemplum vivendi trans-  
mittere eorum est, qui præclaro præditi ingenio tantum dicere  
possunt, quantum illi facere potuerunt. Studuerunt illi magni  
esse magna faciendo; student & isti magni esse magna de magnis  
scribendo. Unus tamen spiritus est summus; qui & illis magna facere posse,  
& istis aspirat magna dicere posse. Scripturus igitur Vitam venerandi  
patris Gundulfi Roxæstrensis Episcopi, Spiritum ipsum imploro summum,  
qui ei contulit, ut posset facere magna; quatinus & mihi conferre dignetur,  
ut de tanto Patre referre valeam quæ fecerit magna. Omnia tamen quæ de  
illo scribere proposui, aut ipse cum eo conversando vidi, aut ab iis qui videre  
vel ab ipso audire & ipse auditu percepi.

Explicit Prologus; incipit Vita.



**F**uit in diebus Regis Anglorum Willelmi primi vir vitæ venerandæ Gundulfus nomine, Normannus genere, a puero Clericus, deinde Monachus, demum Episcopus, vitam Clericalem Monachili conversatione transmutans, vitam Monachilem Episcopali dignitate decorans. Cujus quia totam ex ordine vitam stilo veraci decrevimus prosequi; dicamus primo quid Clericus, deinde quid Monachus, demum quid Episcopus egerit; ut de ejus vita imitatione digna ordo quisque sibi decerpatur quod virum Dei sequendo sibi ad imitandum assumat.

## P A R S I.

**P**atre igitur Hatheguino, matre verò Adelesia genitus, Dioecesin Rotomagensis in territorio Vilcasino suo illustravit exortu: literis in eadem cum jam puerili florere ætate traditus, & eis ut illa pati poterat ætas, pro ingenii capacitate imbutus. Cum autem jam grandior factus apud Rotomagum arti studeret Grammaticæ; coepit jam spiritu afflatus divino, multo magis arti utiliori studere, studiosam videlicet intentione perquirere, qualiter Deo potissimum posset placere, discens ab eo lectione interna quemadmodum mitis esse valeret & humilis corde. Cumque adhuc esset inter Clericos Clericus, & in eadem urbe in Ecclesia beatæ Dei genitricis Mariæ Clericalibus officiis deditus; cæteris in exemplum factus formam vivendi se præbuit; multisque religionis tramitem appetentibus sua religione profuit. Guillelmus igitur tunc quidem Archidiaconus, futurus autem urbis ipsius Rotomagensis Archiepiscopus, videns Clericum juvenem juvenilem ætatem morum senectute venustantem, eum & Maurilio Archiepiscopo & sibi valde familiarem effecit; & ut ejus frequenter frueretur colloquio, mensa communi hospitioque recepit. Dulcia namque inter eos sæpe miscentur colloquia; sermo de mundi contemptu proponitur; de æterna beatitudine & beata æternitate differitur; vitæ præsentis labor pro æternæ quietis recompensatione tolerandus appetitur.

Placet ergo tandem utrisque, ut carnis exercendæ gratiâ Jerosolymam adeant, loca sancta gratiâ orationum invisant; ut agnitis locis Incarnationis, Passionis & Ascensionis Dominicæ, dulciori hæc omnia memoria postmodum teneant. Factum est ergo quod dispositum fuerat: aggrediuntur laborem itinere longo. Fatigatur uterque libens terra marique discrimine multo. Perveniant tandem ad Jerusalem terrestrem supernæ patriæ amatores: pro nihilo reputant quicquid passi sunt in via, cum fiunt desiderii sui compotes. Quis autem narrare dignè potest; quibus sancti amoris incendiis ipsi adorerunt in locis ubi steterunt pedes Domini, quibus desideriis ipsi intuiti sunt in terris ubi conversata est corporaliter salus humani generis; quam dulcia oscula impresserunt in loco ubi crucifixus est Dominus, ubi mortuus & sepultus, ubi demum ascendit in cælum.

Impleto itaque sanctæ voluntatis proposito, in redeundo geminatur fatigatio. Occurrunt enim illis sicut in eundo difficiles viarum transitus; &, ut tunc temporis erat, horrendas formidabant Saracenorum insidias. Intolerabiles etiam corporis patiebantur infirmitates; & nunquam securitatem habendo, nullum locum vel tempus sine timore multo transibant. Contigit autem, ut illis laborantibus in viâ, Gundulfus tantâ afficeretur corporis & lassitudinis molestiâ; ut neque pedibus stare neque cum sociis suis amplius incedere

incedere posset. Unde eo inscien- ter relicto, longius progrediuntur comme- antes; & quodam monte ob nimiam arduitatē difficulter ascenso, paululum quieverunt. Ubi quidam Nobilis, qui cum eis comitabatur, Gundulfi remi- niscens, quod eum solum reliquissent, graviter ingemuit; & veloci cursu rediens, illum omni solatio destitutum & languore turbatum & quasi proximā vicinitate mortis afflictum invenit; & nullam eundi vel standi virtutem ha- bentem in humeris suis imponens, memor misericordiæ & totius honestatis, asperitate montis iteratā cum gravi labore ad consodales reportavit. Deinde illum supernā clementiā respiciente, in brevi convaluit; & omni post tem- pore illum venerabilem virum, qui ei opem adjutorii impenderat, dignā re- compensatione cariorem in vita sua habuit.

Item aliud inter cætera terræ marisque pericula unum cæteris omnibus gravius eis imminuit; quod eis tamen vitæ immutandæ occasionem per Dei, ut creditur, providentiam dedit. Cum enim per longa maris spatia incerto ut sit ferrentur navigio; gravissima in eos tempestas irruit, turbine ventorum & fluctuum navim omni ex parte compage jam ferē solutā concussit; mortis metum velut jam imminentis nimio terrore omnibus incussit. Quid plura? Morte jam ut creditur instante, ad vota confugitur; & ut eis Domini pietas tranquillitatem aeris reddere dignaretur, integram inceptæ religionis perse- verantiam promittentes, docente timore & amore Dei, Gundulfus & Archi- diaconus ex voto Monachatum cunctis mundi deliciis præferunt; & fiunt ex devota promissione Monachi, qui habitu manent adhuc sed non sponte Clerici. Facto igitur voto cadit maris tempestas, redit serenitas, venit ad terram, reditur in patriam.

## P A R S II.

**D**ifferente autem Archidiacono reddere votum, quod tamen Cadomi postmodum solvit, Gundulfus Becci religionis veste induitur; Mona- chilis vitæ rudimentis sub Herluino Abbate & Lanfranco Priore imbuitur, & inter perfectos jam ab ipso initio Monachos computatur. Erat enim vir obe- dientiæ multæ, abstinentiæ magnæ, orationis assiduæ, compunctionis præ- cipuæ; ut si ejus attenderes oculos lacrimis diffuentes, duos esse diceres fon- tes rivulis affluentes. Qua nimirum compunctionis virtute, qua se mactabat in oratione, in Missarum celebratione, ita in Monachatu, ita postmodum in Episcopatu, ita minoribus, ita majoribus factus est admirabilis: ut quasi Propheta haberetur in terris, ab omnibus honoraretur, ab omnibus Dei servus diceretur. Factus est autem & Ecclesiæ Beatæ Mariæ Becci custos & Sacrista: unde & ejusdem semper intemeratæ Virginis familiarior factus est & Sym- mista. Eo enim factus est in oratione devotior, quo ei commissus est locus orationi commodior.

Eodem nihilominus anno Anselmus, quem pro sua sanctitate spectabili & doctrina mirabili postea Cantuariensis Pontificatus insulâ sublimatum vidi- mus, Beccum & ipse ad conversionem veniens, tantā Gundulfo est amicitia vinctus; ut se alterum Gundulfum, Gundulfum verò alterum Anselmum diceret & vocari gauderet. Erat enim illis in Deo cor unum & anima una, frequens in spiritualibus collocutio, multa inter colloquendum lacrimarum effusio, mutua ut semper ad altiora conscenderent exhortatio, sancta ut se invicem ad opus Dei prævenirent æmulatio. Anselmus tamen, quia in Scri- pturis eruditior erat, frequentior loquebatur. Gundulfus verò, quia in la- crimis profusior erat, magis fletibus rigabatur. Loquebatur ille; plorabat



iste. Ille plantabat; iste rigabat. Divina ille proferebat eloquia; profunda iste trahebat suspiria. Christi vices ille, iste gerebat Mariæ. Dixit tamen aliquando Anselmus Gundulfo. Tune ait cote meâ cultrum tuum semper acuere quaris; cote verò tuâ me meum cultrum nunquam acuere permittis? Dic & tu quæso, unde proficere possim & ego. Sum etenim more cotis, in hebetatione multâ ob multitudinem peccatorum meorum semper obtusus. Tu verò ad amoreñ cœlestis patriæ animum & intentionem tuam ardentem dirigens, in contemplatione Domini jugiter manes acutus. Dixit & ille bona quæ potuit. Succenduntur ambo; & sic se reficiunt dulcedine superni desiderii. Talis horum confabulatio, talis claustralis conversatio. Proculerat à cordibus eorum vel linguâ Priorum aut fratrum suorum detractio. Non eos vexabat, ut plerisque multoties solet, cibi vel potûs aut vestium murmuratio. Et quia perfectè in vitâ suâ mundi contemptum habentes, Deum studiosè per abstinentiam etiam licita respuendo & per sanctarum virtutum exercitia quæsierunt; Ideo sicut credendum est sine ambiguitate, illum veraciter apprehendere meruerunt.

Priori quoque Beccensi Lanfranco omnium eo tempore nominatissimo adeò carus, adeò familiaris Gundulfus factus est; ut cum Lanfrancum Normannorum nobilis Dux Guillelmus Cœnobio Cadomensi Abbatem primum præficeret; hunc pro sua sanctitate & prudentia secum assumeret, secum duceret, secum in ejusdem Cœnobii gubernatione coadjutorem haberet. Cumque & ibi sublimitas virtutum ejus cotidie augmentum caperet; fecit etiam matrem suam carnalem illuc venire; & eam sancto desiderio accensam in Monasterio Virginum, quod in eâdem villâ Matildis ejusdem Principis uxor & Anglorum futura Regina construxerat, sub Sanctimoniali proposito constituit. Illa itaque in observatione sanctæ regulæ & mandatorum Dei ardentem perseverans, optimo fine in eodem loco vitam conclusit. Et sic idem pater matrem suam, quæ eum pepererat mundo, per religionis habitum & sanctimoniam commendavit Deo.

Denique cum Comes idem Angliâ sibi armis subjugatâ jam in eâ regnaret, & Lanfrancum Cantuariensi Pontificatu & totius Angliæ Primatu sublimaret; hunc ille in Angliam secum adduxit: & quia in rebus etiam exterioribus industrius valde erat, rei familiaris suæ Procuratorem constituit. Fama itaque viri Dei magis ac magis succrescere cœpit tam de illius sanctissima religione quàm de prudentissimâ sæcularium rerum administratione. Tantâ enim discretione diei spatia dividebat; ut aliis horis ad pedes Domini sederet cum Mariâ, aliis Dominicam cœnam præpararet cum Marthâ. Hanc autem virtutem discretionis bifidâ tam ante Episcopatum quàm in Episcopatu semper nescitur habuisse; nunc siquidem divinæ contemplationi nunc pauperum totus deditus procurationi. Denique cum tempore quodam valida fames Angliam totam vehementer oppressisset; ille pecuniis multis à Lanfranco acceptis Lundoniam adiit; pauperum multitudinem innumeram collegit; & toto famis tempore piè & misericorditer pavit. Fertur autem quia eorum miseriis adeò compatiiebatur, ut eorum infirmiora lavaret; lotisque postea manibus statim Missam decantatum iret, ut eorum recordatione recenti semetipsum acrius inter Missam cruciaret. Cum autem tanta cura esset illi in pauperum sedula administratione, aut impedimentum in procurandarum rerum executione; sive locus deesset ubi ab hominum conspectibus segregatus orationibus & lacrimis in præsentia Dei more solito seipsum mactare posset; acceptâ noctu candela quasi ad videndum equos suos utrùm bene procurati essent procedebat; & super præsepe eorum residens, aut in aliquo angulo sese occultans, quod in diurnâ luce ante intuentium oculos non poterat aut nolebat, tantò ardentius quanto secretius in cœlo reponebat sudores sui laboris orationum singulibus & dulcissimæ compunctionis inbribus irrigatos.

Hoc

Hoc in tempore peccatis exigentibus contigit in Ecclesiâ Christi Cantuariæ quendam è Fratribus mente excidere ; & perverso spiritu plenus, à sensibus humanis in verbis & factis alienus factus est. Cumque vinculis astrictus dentibus strideret, & in multis se inordinatè haberet ; dicebatur illi a Fratribus : Tace, miser, & ab insania tua quiesce. Et si non vis propter nos ; Dominus Gundulfus jam veniet, & immoderatos tui corporis motus & linguæ compescet. At ille : Estne, inquit, ille Gundulfus ; qui die & nocte lacrimis suis & orationum suarum stimulis me exacerbat ? qui in Missarum frequenti celebratione & jejuniis & multâ carnis suæ contritione corpus suum crucians, operibus meis & voluntati indefinenter contrarius existet ? Ille me persequitur ; ego utique persequar illum ; & unde modò gloriatur, in proximo damnnum sibi grave consurget. Quibus sibi relatis, non enim is interfuit, vir venerandus armis justitiæ vitam suam muniens, contra castra spiritualis nequitiae robustissimè restitit ; & licet ei quadam die inter Missarum sacra solennia corruente calice turbatio gravis acciderit, nunquam à laudibus Dei vel gratiarum actione cessavit. Sed quia hoc ex promissione maligni & suâ negligentia credidit evenisse ; quasi antea nihil in servitio Dei egisset, & rudimenta coelestis vitæ quasi tunc primum inchoasset ; sese plus solito in lacrimis & aliis sanctis laboribus gravissimè afficiens, inde crevit ad cumulum sanctæ celsitudinis, unde fraudis inventor eum præcipitare voluit in barathrum confusionis. Nam idem infirmus per B. Dunstanum sanatus postea fuit ; & Gundulfus in sancto proposito infatigabiliter perseveravit.

In illis diebus vir clarus in doctrina & religione Beati manens Anselmus, audiens vitam & nobilitatem actuum Gundulfi, antiquam amicitiam renovando misit illi Epistolas ; quas quicumque audierit, ex testimonio & auctoritate tanti viri lucidissimè dinoscere poterit, quis inter eos sancti amoris affectus, vel qualis vita Gundulfi extiterit. Et ut ad notitiam audientium odor sanctæ societatis eorum gratanter fragrando resplendeat ; placuit quasdam ex illis in hoc opusculo interponere in verbis istis :

“ Domino reverendo, fratri charissimo, Domno Gundulfo frater Anselmus salutem. Cum tibi propono scribere, anima dilectissima animæ meæ, cum tibi propono scribere ; incertus sum unde potissimum exordiar allocutio nem meam. Quicquid enim de te sentio, dulce est & jocundum cordi meo. Quicquid tibi opto, id est quod optimum excogitat mens mea. Talem enim te vidi ; ut quomodo tu scis, te diligerem : talem te audio ; ut quomodo scit Deus, te desiderem. Unde fit ut quocunque tu vadas, amor meus te prosequatur ; & ubicunque ego remaneam, desiderium meum te complectatur. Et tu rogitas me tuis nunciis, hortaris me tuis literis, pulsas me tuis donis ; ut memor sim tui : Adhæreat lingua mea faucibus meis ; si non sum memor tui ; si non proposui Gundulfum in præcipuis amicitia meæ. Non hîc dico Gundulfum Laicum meum patrem, sed Gundulfum Monachum nostrum fratrem. Qualiter namque obliviscar tui ? Is enim qui cordi meo velut sigillum ceræ imprimitur, quomodo memoriæ meæ subtrahitur ? Præterea cur, sicut audio, tanto mœrore quereris quodd nunquam literas meas videas ; & tanto amore quæris, ut eas sæpe accipias ; cum meam conscientiam tecum semper habeas ? Te quippe silente ego novi quia me diligis ; & me tacente tu scis quia amo te. Tu mihi conscius es, quia ego non dubito de te ; & ego tibi testis sum, quia tu certus es de me. Quoniam igitur nobis nostrarum conscii sumus conscientiarum de invicem ; hoc tantum restat, ut ea quæ erga nos sunt mandemus ad invicem ; ut pariter vel gaudeamus vel solliciti simus pro invicem. Quæ autem erga me sint, & pro quibus te volui mecum gaudere vel esse sollicitum, melius discies per hujus schedulæ latorem quam per Epistolæ Scriptorem.

Exrat inter  
Anselmi Epi-  
stolas in editi-  
one Paris.  
1675. lib. I.  
Ep. 4. P. 313.

Item



Exat ibidem  
lib. 1. ep. 7.  
p. 314.

Item misit ei aliam Epistolam ; quæ de promptuario sacræ dilectionis ef-  
fluens, mentem Gundulfi contra fallaciam inanis gloriæ, quæ interdum sub  
pallio sanctarum virtutum fraudulenter se ingerit, spectabili monitione mu-  
nivit in hæc verba: “ Gundulfo Anselmus. Ideo tam amicus tam amico sa-  
lutationem meam tam breviter prænotare volui ; quia sic dilectus sic dilecto  
affectum meum opulentiùs intimare non potui. Quisquis enim bene novit  
Gundulfum & Anselmum, cum legit *Gundulfo Anselmus*, non ignorat quid  
subaudiatur vel quantus subintelligatur affectus. Quod ut quomodo velis  
intelligas, tibi quod est alteri mihi existimo relinquendum, & ad executi-  
onem Epistolæ stilum convertendum. Instat Domnus Robertus, & cogit  
Domnum Abbatem & me & totam Congregationem nostram ; ut multo-  
rum beneficiorum tuæ caritatis gratias tibi referamus. Sed nos inviti hoc  
facimus ; quia totius vitæ tuæ gratias in ore mentis assiduè tibi & libentis-  
sime susurramus. In injuriam quippe tuam fieri videtur ; si inter tot tua  
bona unum hoc tacitis majoribus cum gratiarum redibitione velut singulare  
prædicetur ; vel si tuæ propositum caritatis fomento laudum & inclinatio-  
num adhuc indigere iudicetur. Denique sic te per supernam vivere gra-  
tiam amando optamus, optando oramus, orando speramus ; ut cum ali-  
quid in operibus tuæ caritatis gratiis investigatur dignum, nihil in actibus  
tuæ voluntatis laudibus inveniat indignum. Quatinus vita tua non tan-  
tum amantium te linguas laxet quædam laudanda exhibendo ; quantum  
admirantium te voces lassat se simul ingerendo. Et dum ora laudantium  
inquirunt partes, in quarum prædicatione aperiantur ; incurrant totum,  
à cujus plenitudine obstruantur. Sicque mentem tuam familiaris virtutum  
consuetudo & consuetus amor quasi inebriando afficiat ; ut non solum quic-  
quid in actionem deprompseris, internum affectum sapiat, sed vel posse  
quenquam eandem ebrietatem non sentire in se animus in te stupeat. Cum  
enim tale vivendi constat esse propositum ; quo amplius in proposito suc-  
cedit profectus, eo liberiùs non tantum admirantium favorem sectatur,  
quantum sectantium errorem miratur. Ut igitur tandem nostram, & ut  
credo tuam, sententiam super tuorum actuum acceptione propalemus ; quic-  
quid erga nos vel quemlibet alium laudabiliter agis, gratissimum habemus ;  
sed laudes ejus in illum diem, cum laudabuntur omnes recti corde, & cum  
laus exit unicuique à Deo, servandas censemus. Reverendum & diligen-  
dum domnum & patrem nostrum Archiepiscopum Lanfrancum & nepo-  
tem ejus, & dilectos fratres nostros qui cum eo sunt ex nostrâ parte, sicut  
tibi videtur, saluta. Præterea quoniam omnes adhærentes mihi adhærent  
tibi cui adhæreo, quos tibi per domnum Herluinum mandavi nostræ pe-  
nitentis astringi velle familiaritati, eos in interiori cubiculo memoriæ tuæ,  
ibi ubi ego assiduus affideo, quod & ipsi mecum precantur, colloca me-  
cum in circuitu meo. Sed animam Osborni mei rogo care mi illam non-  
nisi in sinu meo. Vale, vale, amice ideo dulcissime quia verissime ; vale,  
& mei certè servi tui, certè amici tui, certè dilecti tui, si oblivisci non  
potes, reminiscere.

Exat ibidem  
lib. 1. ep. 20.  
p. 319.

Item quia illum in orationibus assiduum esse sciebat ; misit illi idem cœleste  
organum, scilicet pater Anselmus, quas ipse divino afflatus spiritu composue-  
rat, tres de B. Mariâ Orationes seu potius Meditationes ; & qualiter in illis  
meditando studere deberet, insinuat dicens: “ Domno Gundulfo frater An-  
selmus quod Gundulfo Anselmus. Non est opus, ut multa de incolumitate  
pristinæ amicitiae loquatur os meum illi quem in mutuâ dilectione scio esse  
alterum cor meum. Ut igitur breviter quod nosti dicam : sicut amor tui,  
ex quo incœperit, nunquam in me mutatus est minuendo ; ita sollicitus  
sum, ut semper alteretur augendo. Quidam Frater non semel sed sæpe me  
rogavit ; ut de S. Mariâ magnam quandam componerem orationem. Quod  
† cum

“ cū ipse præsens rogaret exterius, tu absens persuadebas interiūs. Quo-  
 “ niam enim id tuum si fieret futurum prospiciebam; ideo quod volebat  
 “ libentius suscipiebam. Feci igitur orationem unam, unde fueram postu-  
 “ latus; sed in eā me non satisfecisse postulanti cognoscens, alteram facere  
 “ sum invitatus. In qua quoniam similiter nondum satisfeci; tertiam quæ  
 “ tandem sufficeret perfeci. Accipe igitur eas quæ factæ sunt tuâ intentio-  
 “ ne; & ne reprehendas magnitudinem, quæ facta est alienâ petitione. Et  
 “ utinam ita sint longæ; ut antequam ad finem cujuscunque earum legendo  
 “ vel potius meditando perveniatur; id ad quod factæ sunt compunctio con-  
 “ tritionis vel dilectionis in eis per supernum respectum inveniatur. Deni-  
 “ que ideo volui eas ipsas orationes per sententias paragraphis distinguere;  
 “ ut anticipando longitudinis fastidium ubi volueris possis eas legendo in-  
 “ cidere.

Istis auditis intelligat Lector, quantum dilectionis vinculum istos Patres  
 in unum conjunxerit, & qualis fuerit in præsentī vitâ eorum in terrenis ne-  
 gotiatio.

### P A R S III.

Qualiter verò Gundulfus Pontificali cathedrâ sublimatus fuerit, quoque  
 modo Pontificando vixerit, quove fine deficiendo Ecclesiâ sibi com-  
 munitam tristem reliquerit; jam hinc ut possumus enodare conemur. Lan-  
 franco igitur Ecclesiasticæ dignitatis summum apicem in Angliâ tenente &  
 sapienter administrante, Rovecestrensis Ecclesia suo est Pastore destituta, de-  
 functo \* Ernosto Episcopo; qui Monachus Seward & ipsi Monacho in Epif-  
 copatum quidem successerat, sed in eo anno tantum dimidio vixerat. Volens  
 autem Pontifex, ut ex more antiquorum in Ecclesiâ Roffensi Monachus suc-  
 cederet Monacho, cogitare cœpit, quem potissimum Monachorum eligere  
 posset, qui hoc onus sibi injunctum portare valeret. Cogitanti tamen Gun-  
 dulfus citius occurrit sanctitas, quæ jam certis experimentis satis ei fuerat ap-  
 probata. Hunc ergo, habito cum sapientibus consilio, ad Pontificatum elegit;  
 & ut ejus electioni Rex assensum præberet, ipsum transmarinas ad partes ad  
 Regem direxit. Gaudio autem Rex repletus non modico, quia occasionem  
 Dei hominem exaltandi invenerat, de cujus sanctitate jam ad eum satis clara  
 fama pervenerat; Pontificis petitionibus justis libens assensum præbuit, &  
 honore Pontificali virum Dei dignissimum judicavit.

\* Chronologia Saxonica refert Arno-  
 stum Lundoniæ à Lanfranco consecratum  
 esse sexto Archiepiscopatus sui anno, sci-  
 licet inter exitum Augusti anno 1075. &  
 exitum ejusdem anno 1076. Eundem an-  
 no circiter dimidio Ecclesiæ Roffensi præ-  
 fuisse Anonymus noster fidem facit. Obiit  
 autem Ernostus Idibus Julii ex fide Obitu-  
 rarii Cantuariensis MS. Consecra-  
 tus igitur videtur sub initium anni 1076.  
 in Concilio Londini in Ecclesiâ S. Pauli  
 celebrato; quod Malmsburiensis (f. 117.)  
 anno 1075. Bromtonus (col. 975.) anno  
 1076. habitum dicit: ille annum ab An-

nuntiatione B. Virginis, iste à Circumci-  
 sione Domini exorsus. Anno sequenti  
 Gundulfum Arnosto substitutum esse re-  
 fert Chronologia Saxonica. Componitur  
 is quidem cum anno 1077. Christi, & unde-  
 cimo adventus Normannorum; quem  
 Historicus noster consecrationi Gundulfi  
 posuit. Dies autem ab eodem assignatus  
 in feriam tertiam illo anno incidit; adeo  
 ut decimoquarto Cal. Aprilis potius Gun-  
 dulfus consecratus censeri possit. Domi-  
 nicâ enim tertiâ Quadragesimæ consecra-  
 tum esse ex infra dicendis constat.



Acceptâ igitur Lanfrancus auctoritate regiâ, Præsules convocat, primores Roffensium mandat, Regis & suam voluntatem omnibus pandit; omnibus assensum præbentibus & gaudentibus, fidelem domui Dei dispensatorem consecrando constituit. Non fuit obnitendi potestas; cum eum urgeret Regis magni & Præsulis tantæ auctoritas. Vox se indignum clamantis opprimitur; cum quo se clamat indigniorem, eo dignior acclamatur. Ordinatur itaque vir verè dignissimus Episcopatu Gundulfus in Ecclesiâ Dorobernenfi duodecimo Kalendas Aprilis anno ab Incarnatione Domini millesimo septuagesimo septimo, undecimo verò adventûs Normannorum in Angliam sub Comite Guillelmo Rege postmodum Anglorum nobilissimo. Consecratus autem ex more propriam tendit invisere sedem; tripudiantibus turbis Roffensem ingreditur urbem, Pontificali sedi intronizatus inducitur, Præsul omni veneratione ex eo habetur.

Redduntur & ei denique possessiones quadam Roffensis Ecclesiæ; quas præfultantibus antecessoribus suis Lanfrancus in suâ tenuerat ditio. Eâ verò conditione redduntur; ut in Ecclesiâ Roffensi, sicut jam Præsul uterque deliberaverat, Monachi ponantur. Audierant enim ibi quondam Monachos fuisse; unde ad antiqua statuta redeunt, Monachorum inibi ordinem statuere sanxerunt. Tempore ergo brevi elapso, Ecclesia nova, veteri destructâ, incipitur; officinarum ambitus convenienter disponuntur; opus omne intra paucos annos, Lanfranco pecunias subministrante multas, perficitur. Igitur perfectis omnibus quidam ex quinque tantum Clericis, qui ibi inventi sunt, ad Religionis habitum confluentes, associatis multis aliis, ad sexagenarium & amplius numerum in brevi sub doctrinâ patris Gundulfi succrevit Monachi. His Gundulfus vivendi speculum, his totius religionis factus est documentum. His virga puerilia districtè corrigendo; his baculus senilia misericorditer sustentando; his Martha necessaria procurando; his Maria intentæ se formam contemplationis præbendo. Noctu tamen & manè orandi Maria, horis verò aliis Martha specialiter erat. O quantis cum oraret lacrimis dominicos pedes rigabat! O quantâ prudentiâ cum exteriora disponderet se agebat! Quam largâ manu Monachorum vel pauperum necessaria procurabat! O quam dulcia oscula in cœlestium contemplatione orando figebat! O quam amaros singultus in peccatorum suorum recordatione trahebat! Quis ejus oculos vidit fletibus udos? Quis eum gementem audivit, & statim ipse non gemuit? Quis ejus vultum lacrimarum suffusione turbatum attendit, & diu aspicere potuit?

Perfectis igitur omnibus, sicut dictum est, quæ servis Dei apud Rovecestriam manentibus poterant esse necessaria, habito cum sapientibus consilio idem venerabilis Pater collecto Monachorum & Clericorum Conventu necnon & copiosâ multitudine plebis, cum magnâ solennitate accessit ad sepulchrum sanctissimi Confessoris Paulini, qui in veteri Ecclesiâ reconditus fuerat; & thesaurum sanctarum Reliquiarum ejus in novam Ecclesiam transferri & in loco decenter ad hoc præparato reponi fecit. Interim fuit ibi quædam matrona mentis & corporis infirmitate gravi detenta. Quæ promissione factâ, quoddam nunquam ulterius crimen quoddam quo turpiter premebatur iteraret, si sanitatem recipere posset, meritis B. Paulini sospitati reddita est; sed pactum promissum minimè servavit. Nam ut rediit corporis sanitas, subsequuta est citius in vitâ illius iterati criminis perversitas. Tempore denique sequenti pro necessitatibus quibusdam, quibus vir suus impeditus fuerat, cum oblatione suâ opem auxilii ab eo quæsitura Sanctum Dei adiit. Sed illa, quam interius conscientia turpis fœdabat, vi quadam divinæ indignationis quasi flatu vehementi repulsa, cum spreto munere multum verecunda domum rediit; & non multo post languore gravi percussa infelicitè diem expectabat extremum. Sed pius Dominus, qui nullum spernit, nullum à misericordiâ

suâ excludit, inspiravit ei gratiam suam; & advocato ad se venerabili Gundulfo Episcopo per humilem confessionem reatus sui turpitudinem pandit, perseverantiam enendationis integram in vitâ suâ ex magnâ cordis contritione pro mittit. Quid plura? In hac pollicitatione à pio Pontifice ovis morbida recipitur; antidotum salubris pœnitentiæ adhibetur; & sic demum perfectâ firmitate receptâ, cum oblatione suâ Sancto Dei Paulino humiliter se præsentavit; mentisque novitate ad munditiâ vitæ mutata, non est cum munere à Sancto repulsâ; sed gaudio sospitatis manente ad domum suam alacriter remeavit; gratias referens Deo & Pontifici Gundulfo, per cuius consilium à tanto periculo liberata fuit.

Hæc inter audiens suus dilector Anselmus illum Pontificio sublimatum esse, ad corroborandum cor illius & contra adversa, quæ interdum mentes Prælatorum à quiete internâ concutiendo evenire solent, illum volens esse munitum, illi misit Epistolam consolatoriam in hæc verba.

“Olim dilectissimo fratri nunc dulcissimo patri, olim & nunc reverendo Domino, venerabili Episcopo Gundulfo frater Anselmus semper suus, sic explere Episcopale officium ut æternum consequatur beneficium. Antequam mihi liceret dulcissimæ sanctitati vestræ literas exultationis pro vestra exaltatione mittere; audiivi quòd non ad requiem sed ad laborem, non ad jocunditatem sed ad tribulationem vobis profuerit Pontificalis electio. Ex unâ igitur parte volo vestræ paternitati congraudere, sicut illi cuius præteritam vitam divina gratia sibi placere ostendit, in hoc quòd vos inter principes Ecclesiæ suæ connumerare dignatur. Ex alterâ verò parte cogor vestræ fraternitati condolere, veluti illi qui eo ipso quo magis exaltatus est, majori tribulatione gravatur. Sed item cum considero quoniam teste divinâ Scripturâ de tribulatione nascitur patientia, quæ opus perfectum habet, & probatio quæ operatur spem quæ non confundit; utique intelligo non tantum condolendum esse vestræ sanctitati in tribulatione propter laborem quem ex illâ suscipitis, quantum congratulandum propter perfectionem & spem ad quas per illam proficitis. Gloria igitur in excelsis Deo; cui vita vestra sic placuit, ut eam ad exemplum exaltaret. Et gloria in excelsis Deo; qui sic vos dilexit, ut vos in igne tribulationis collocaret, quatinus opera vestra usque ad perfectionem & spem vestram usque ad debitum robur excoqueret. Nam si diligentibus Deum omnia cooperantur in bonum; cur diligentes eum non in omnibus exultantes, gratias agant pro bono? Sic tamen hoc agere debent; ut quoniam nescit homo utrùm amore dignus sit an odio, serviant Domino in timore, & exultent ei in tremore. Hoc tamen omnis servus Dei observare debet; ne tribulationem putet quod tribulatio non est. Ne cum quod nec sentire debet, tribulationem deputat; ibi judicandus sit eo ipso quòd dolet quod dolere non debet; & ex infirmitatis teneritudine succubuisse, ubi se putat per patientiæ fortitudinem superavisse. Sic enim existimando se esse aliquid cum nihil sit, ipse se seducit. Hortor itaque sanctitatem vestram; ut nullo modo tribulationem putetis, quod nec corpus nec animam lædit. Nec si adversitas earum rerum, quas servus Dei contemnere debet, vos contristat; præbetis vos plusquam oportet transitoria diligendo, minus quàm decet æterna diligere. Apertè enim unusquisque homo ostendit se ea diligere, quorum læsionem pati non potest sine tristitiâ. Nemo enim molestiam pati existimat, nisi in iis quæ diligit, cum adversitatem tolerat. Dilectum fratrem nostrum R. eâ qua possum caritativâ sollicitudine vestræ Paternitati commendo; quatinus non illi obfit quòd à nostrâ conversatione se jungitur, sed magis illi profit quòd vestræ familiaritati conjungitur.

Exstat inter  
Anselmi Epistolæ lib. I.  
ep. 69. P. 337.



Extat ibidem  
lib. 1. ep. 33.  
p. 324.

Item misit ei idem Pater sacræ dilectionis aliud indicium in hac Epistolâ. “Suo suus, amico amicus, fratri frater, Gundulfo Anselmus, pro amore  
“fœlicitatis perseverantiam in sanctitate, pro præmio sanctitatis aternitatem  
“in fœlicitate. En meus Gundulfus & tuus Anselmus est testis; quia ego  
“& tu nequaquam indigemus, ut mutuos nostros affectus per epistolas nobis  
“invicem indicemus. Quum enim anima tua & anima mea sese invicem  
“nequaquam esse patiuntur absentes, sed sunt indefinenter sese mutuò ample-  
“ctentes; nihil nobis invicem deest de nobis, nisi quia corpore non sumus  
“nobis præsentem. Cur autem tibi dilectionem meam describam in chartâ,  
“cum ejus veram imaginem assidue serves in cordis tui arcâ? Quid enim  
“aliud est dilectio tua erga me, quàm imago dilectionis meæ erga te? Invi-  
“tat igitur me nota mihi tua voluntas; ut propter corporalem nostram ab-  
“sentiam aliquid tibi scribam. Sed quia nobis noti sumus per animarum  
“præsentiam; nescio quid tibi dicam, nisi tibi faciat Deus quod scit ipse sibi  
“placere & tibi expedire.

Redeamus igitur ad hæc quæ incepimus de tanto Patre dicere. Laudabilis enim vira ejus omnibus Deum quærentibus potum cœlestis dulcedinis suavissimè propinat. Duas denique singulis ferè diebus celebrare solitus erat Missas, quas inter oculum vix sudum habebat. Primam quidem de Dominicâ aut de Commemoratione B. Mariæ vel B. Andreæ aut alicujus Sancti cujus memoriam specialius recolebat, sive pro familiaribus amicis; secundam verò pro defunctis, ad quam nullum præter Monachos suos & aliquos pueros adesse volebat cæteris recedentibus. Cum autem in directum absque cantu usque post Evangelium, quod ipse legebat, eadem Missa diceretur; dicto *Dominus vobiscum*, excelsa voce dicebat *Oremus*. Statim subsequerentur pueri, dulcisona modulatione cantantes offerendam *Domine Jesu Christe*, sive *O pie Deus*. Ipse verò interim in sedili suo sedens, & dulcedini cantûs intendens, totus in lacrimas suavitatis Dei solvebatur; & in amorem cœlestis patriæ animum figens, erectis ad cœlum luminibus plusquam dicere aliquis possit supernæ jocunditatis pabulo mirificè fovebatur. Et hæc prolixius agens, demum surgebat; & quod restabat de Missâ persolvebat. His autem expletis, locum petebat secretum, mœroris amicum, orationibus suis specialiter deputatum. Habebat in omnibus villis suis, in quibus manere solebat, cellulam oratoriam, ubi cum illuc veniret, cubicularius ejus libellum Orationum ejus ponebat. Ibi ergo diu orationi vacabat; sicut & ante Missas fecerat; nec ab hac orandi sive Missas celebrandi vicissitudine usquam vel unquam cessabat. Præterea consuetudo ejus erat, quando aliquam suavem modulationem aut sonitum alicujus dulciter sonantis campanæ sive aliquid hujusmodi [audiret] statim ex profundo cordis altè suspirans dicebat: O quantum est gaudium in cœlis, ubi laus Dei jugiter sine offensione aternaliter auditur? Quando humana manus vel lingua tantæ sonoritatis consonantiam suo ingenio exprimere potest. Hæc ille. Deinde velociter, si in secreto loco esset, assuetæ compunctionis regulam sequebatur.

Et quid dicemus? Quanta erat ei pura sanctæ venerationis sollicitudo in audiendo vel dicendo servitium Domini. Rarò quando dicebatur secundum nocturnum sedebat; nisi infirmitas gravis aut lassitudo multa coegisset; & similiter postquam incipiebant dicere *Laudate Dominum de cælis*, usque in finem Matutinorum, & hoc idem in laudibus de omnibus Sanctis. Cum quantâ etiam cordis diligentia & fervore divini amoris recolebat memoriam Dominicæ Passionis? Hanc assidue retinebat in mente. Hanc imitabatur, affligens & domans carnem suam jejuniis multis & interdum acri verberum maceratione. Dicebat etiam nobis: “Quid facimus, Fratres mei? Quid  
“dicemus, cum venerit Dominus? Scimus certè quòd Dominus noster Jesus  
“Christus ex solâ pietatis suæ misericordiâ nullis nostris præcedentibus  
“meritis,

“meritis, per passionem Crucis à morte æternâ nos redemit. Hoc ille nobis;  
 “& nos quid illi? Quas vices tanti honoris illi recompensamus? Vulnera  
 “quinque pro nobis moriens pertulit: quinquies & nos hoc dulcissimè in  
 “memoriâ cordis recolendo cotidie flere deberemus; et si pro fragilitate no-  
 “strâ, quæ nos multipliciter corrumpit, toties non possumus; saltem  
 “ad minus in commemoratione illius quinque lacrimas per singulos dies  
 “fundamus.

In istis laudandus Pontifex ducebat dies suos. Pro his ergo omnibus ad-  
 mirabilis, omnibus habebatur amabilis. Dabant ei multa multi; sed &  
 multa dabat & ipse multis. Majora tamen quandoque minoribus pro neces-  
 situdine, minora verò majoribus pro caritudine. Minores siquidem ejus  
 munere ditiores, majores verò se fore credebant tutiores. Quis enim annu-  
 lum vel parvum sibi ab eo collatum digito portavit, & se tutiorem non  
 esse credidit? Quis se illius orationibus commendavit, & non ab eo securus  
 abscessit?

Lanfrancus igitur Dei servum virtutibus audiens succrescere tantis, & de ejus  
 sanctitate famam ad usque sidera tolli, gaudio replebatur non modico; quòd  
 de ejus contubernio tantum Ecclesiæ decus processisset; ejusque ad se sapiùs  
 evocati vel sponte venientis libens fruebatur colloquio. Vix autem eum  
 remittebat vacuum; sed nunc cappis, nunc candelabris pretiosis, nunc aliis  
 ecclesiastici decoris ornamentis donatum. Aliquando verò cum eum vacuum  
 dimisisset, & ob hoc commotum timeret; Timeo, ait suis, ne à nobis Epif-  
 copus commotus discesserit. Aliquid itaque est ei mittendum, quòd illi esse  
 possit acceptum. Paratis igitur magnis quibusdam donis ornatu Ecclesiæ  
 dignis, ei acceleravit transmittere; mandans humiliter, ut B. Andream,  
 cujus vicarius erat, pro eo dignaretur orare. Magnam siquidem in Apostolo  
 illo habebat fiduciam; adeò ut cum per Episcopum aliqua dona præcipua  
 mitteret; eum supplex exoraret, ut ante altare ejusdem Apostoli Orationem  
 semel Dominicam pro eo cantaret. Ditabatur itaque valde Rofensis Ecclesia  
 tum præcipuè ipsius Archipræsulis donis tum & aliorum oblationibus  
 multis.

Cum autem postmodum tot esset possessionibus ditata, ut earum pars qui-  
 dem Episcopo, pars verò Monachis sufficere posset; placuit Episcopo, placuit  
 & Lanfranco, ut Episcopus res suas seorsim, Monachi verò & ipsi possessiones  
 suas haberent seorsim. Hoc autem ideo maxime factum est; ne quis Epif-  
 copus superventuro tempore esset, qui Monachos non adeò diligens, res eis  
 divisas minuere posset. Quia verò Monachi pluribus utpote jam multi indi-  
 gebant, tum quidem pro eorum victûs necessitudine & vestitûs, tum verò  
 pro hospitum susceprione; sapienter rursus provisum est, ut Monachi plura,  
 Episcopus verò possideret pauciora. Quæ verò plura sint illa, satis evidentè  
 distinctum est chartâ in Ecclesiâ Rofensi repositâ, Regum & Procerum necnon  
 & Episcoporum Angliæ auctoritate confirmatâ. Hoc enim ab omnibus ob-  
 tinere viro Dei facillimum fuit. Nam nullus Regum ejus temporibus in  
 Angliâ regnandi potestatem habuit, qui non eum offendere timuisset.

Defuncto igitur apud Rotomagum nobilissimo Rege Anglorum Willelmo,  
 successit filius ejus Guillelmus in regnum. Hic accepto regno cum multis ob-  
 insolitas quasdam infestationes & rerum multarum gravedines onerosus &  
 minus amabilis esset; hunc præ omnibus Episcopis venerationi habuit; au-  
 diens multorum relatione vitam hominis Dei in studio supernæ dilectionis diu  
 esse probatam. Et si alias quibusdam angariis perturbavit; patri Gundulfo  
 & Ecclesiæ Rofensi omnibus diebus suis benignè pepercit. Et non solum  
 pepercit, sed & largâ manu possessiones Episcopi multum liberaliter auxit.  
 Hujus speciali amore Maneria duo, Hædreham videlicet & Lambetham, pri-  
 mum quidem ut donaretur concessit, alterum verò propriâ munificentia



donavit. Nam Hædreham Lanfrancus Archiepiscopus proprio labore & pecuniis adquisitam, non enim ex antiquis possessionibus Archiepiscopatus eadem villa erat, favente hoc Rege Gundulfo Episcopo & Ecclesiæ suæ omni post tempore ex integro possidendam concessit. Lambetham verò idem Rex donavit ex propriâ voluntate sua pro restauratione damni, quod Ecclesiæ Rofensis perpeſſa est in obſidione, quæ in eodem loco facta est contra Baiocensem Episcopum Odonem.

Rex itaque cum eundem Odonem in ipsa urbe cum aliis maximæ potentie viris obsideret; quod in eum plusquam civilia bella Comiti Roberto favendo movisset; virum Dei tamen & licenter exire & licenter cum volebat urbem permittebat intrare. Tantâ siquidem ille prudentiâ inter utrosque medium se agebat; ut & obsidentibus placeret, & obsessis suspectus non esset. Cur hoc autem, nisi quia tantæ sanctitatis esse credebatur, quæ nec obsessis nocitura esset nec obsidentibus? Immo verò familiaris utrisque, profuturus pro suâ religione credebatur utrisque.

Devictis igitur inimicis suis, idem Princeps & ceteri Nobiles regni eum nimia veneratione coluerunt; attendentes in eo præcipuè nunc Mariæ lacrimosâ suspiria, nunc Marthæ laboriosâ officia. Quis enim sollicitior fuit post quietem Mariæ & Marthæ laborem exercere? Quis studiosior in membris suis Christum cibo & potu atque vestitu fovere? Sæpe sedens ad mensam, quæ dulciora noverat, tangere nolebat; sed iis quos magis indigere didicisset sine morâ mittebat. Inquirebat autem studiosius qui essent pauperiores, qui in villa vel extra inveniri possent debiliores. Talis in mensâ collocutio, talis de pauperum necessitatibus disputatio. His cibum esurientibus, illis potum mittebat sitientibus. Indigentibus verò utroque misericorditer mittebat utrumque. Propriam sæpe scutellam, cum in eâ cibum modicè degustando sensisset lautioſiorem, mittere festinabat cuiuspiam languenti; dicens illum edulio tali se esse digniorem. Quod si qua paupercula prægnans vel recens enixa ei nunciabatur; iis impensius quod necesse erat eorum plangendo miseras largiebatur. Faciebat autem & in aula sua cum pranderet singulis diebus pauperes ad minus tredecim refici, præter Prabendarios illos quos locis semper alebat diversis. Erat ei & maxima cura nudos vestire, immo ne nudi essent brumali maximè tempore procurare. Multimoda itaque indumentorum genera comparari jubebat, & pro singulorum necessitatibus sexus utriusque pauperibus erogabat. In tantum etiam eorum miseriis compassus est; ut quodam tempore non longè à Roveceſtra progrediens viderit terram spaciosam ferendis messibus aptam, sed arboribus & vepribus occupatam. Hanc cum esset in possessione Monasterii sui, ad utilitatem servorum Dei de infructuosâ fructuosâ adhibito labore facere disposuit. Et ne expers & quasi vacuus à mercede hujus exercitii apud Deum esse videretur; statutâ die illuc cum suis veniens, fossorium manibus propriis, quas multâ abstinentiâ satis tenues fecerat, humiliter accepit; & primum laborem suscipiens, primos tribulos & spinas pius agricola evulsit. Deinde exhortans familiam suam & alios operatores, in brevi per manum ipsorum desiderii sui effectum complevit; sicque ipsam culturam per curam Eleemosynarii sui pauperibus semper in posterum possidendam contradidit. Hæc & plurima pietatis opera sedulus custos domus Domini sui inopiam patientibus jugiter impendebat.

Igitur temporibus hujus Principis, Guillelmi scilicet Junioris, secundo post obſidionem Rofensem anno, Lanfrancus egregius Ecclesiæ Christi Doctor quinto Kalendas Junii de hac vitâ sublarus, multos & maximè patrem Gundulfum de sua morte tristes & graviter desolatos reliquit. Suscepit igitur ex præcepto Regis & consuetudine Ecclesiæ Rofensis curam Archiepiscopatus in iis quæ ad Deum pertinent nominandus Præsul; quam etiam Lanfranco vivente ex jussione ipsius, & gratiâ habuerat. Raro enim per semetipsum aut dedica-

tiones

iones ecclesiarum aut Clericorum ordinationes seu collectas puerorum confirmationes faciebat; sed dilectum suum Gundulfum mittens pro se hoc fieri amicabiliter præcipiebat.

In illis diebus præerat Monasterio S. Augustini Anglorum Apostoli vir strenuus Abbas Guido. Huic, constructâ ex plurimâ parte Ecclesiâ quam antecessor ejus inchoaverat, placuit ut corpora Sanctorum Augustini sociorumque ejus ad excelsiora loca de antiquâ Ecclesiâ transferrentur. Qui paratis omnibus, quæ tanto ministerio necessaria esse videbantur, plures summæ probitatis viros & specialiter patrem Gundulfum ad se vocavit; & per ejus sanctitatis operationem quod dispositum fuerat cum maximo tripudio & summâ devotione complevit. Hoc tunc temporis in Angliâ quasi consuetudinarium erat; ut cum aliquæ præcipuè dedicationes aut sanctarum mutationes Reliquiarum alicubi fieri deberent, velociter Gundulfus vocabatur; ut per mundiciam manuum ipsius tantarum rerum celsitudo tractaretur. Et cum alii Pontifices in iis vocationibus vocantium datis muneribus quasi pro gratiarum actione lætificarentur; ipse hoc omni conamine respuens, versâ vice vocantium animos suâ sæpe munificentia lætificabat.

Post hæc autem spatio quasi quatuor annorum post mortem Lanfranci transacto, Rex Guillelmus gravi infirmitate detentus, omnem serè populum Angliæ desperandâ salute vitæ suæ ambiguum reddidit. Venerat eadem tempestate in Angliam, urgentibus quibusdam necessitatibus, pater Anselmus, de quo superius mentionem fecimus, qui tunc Abbas S. Mariæ Becci erat. Videntes igitur Episcopi & Principes regni periculum imminens Regi, & desolationem necnon & oppressionem Ecclesiarum & maximè Cantuariensis; ut eis in tanto discrimine Primatem constituat, humiliter implorant. Factum est autem. Audit Rex eorum consilium; & ipso annuente omnes pariter providente gratiâ Dei Anselmum eligunt, electum advocant, vocatum licet totis viribus renitentem Archiepiscopum statuunt. Gundulfus itaque, qui hujus rei voluntarius cooperatore extitit, desideratam dilecti sui dilectoris in gremio sanctæ suavitatis ardentè amplectens, refrigerium consolationis intimæ, quam multo tempore pro morte Lanfranci perdiderat, corde exhilaratus recepit. Quæ autem fuerit vita Anselmi ante Episcopatum & in Episcopatu, aut quas adversitates vel exilia pro libertate sanctæ Ecclesiæ acquirendâ ut robustissimus miles Domini in tempore suo sustinuerit, quicunque perfectè dinoscere cupit, in scriptis, quæ de ejus vitâ & admirabili doctrinâ & sanctitate edita sunt, satis lucidè reperire poterit. Nos autem ad propositum redeamus.

Isti igitur Gundulfus & Anselmus gloriosi Principes terræ quomodo in vitâ suâ in principio conversionis suæ Becci dilexerunt se, ita in finibus terræ per supernam clementiam junctis Episcopatibus suis non sunt separati. Recedentibus enim aliis Episcopis à communione Anselmi propter quasdam discordiarum occasiones, quæ inter ipsum & regni Principes ortæ fuerant, Gundulfus dulci obsequio illi semper & firmiter & fideliter adhæsit; & inter utroque prudenter se moderans in causis eorum, & Archiepiscopo omnino fidem servavit, & adversarios ejus nequaquam offendit. Consolatione itaque antiquæ dilectionis perceptâ isti supernæ patriæ amatores, quos multo tempore terræ marisque spatia separaverant, in unum conjuncti, dulcibus vitæ æternæ colloquiis, quibus se soliti fuerant refovere adhuc in clauetro Monachi, iisdem se refovere non distulerunt jam in Angliâ venerandi Episcopi. Sæpius enim in diversis locis convenientes, mutuis se verbis in Dei succendebant amorem; Archiepiscopo tamen divini amoris ignem frequentius accendente loquendo, Episcopo verò se ad ignem illum accensum propius calefaciente tacendo. Quæsiuit tamen Episcopus aliquando, utrùm omnibus quæ in Ecclesiâ dicebantur animum Archiepiscopus æqualiter intenderet æqualiterve retineret.

At



At ille. Ego, inquit, omnibus quæ audio hæc retinere volens intendo; sed sæpius iugium mentem meam, dum simul omnia capere volo. Cui Episcopus. Jure utique, inquit, ille amittit omnia, qui omnia concupiscendo amplectitur. Hoc quasi alludens dicebat. Deinde subinferebat: Ego autem non omnibus quæ audio æqualiter intendo; sed ex omnibus unum quod mihi magis est cordi eligo, eique studiosius inhærens aliquam ex eo superni amoris mihi dulcedinem elicio. Quemadmodum si cui ægroto plura ciborum genera offerantur; ille autem non omnia sed ex omnibus unum sibi magis gratum veluti pomum eligat, quod degustando remedium aliquod suæ infirmitatis capere valeat. Et hæc quidem ille. Nos autem qui ejus vitam usu & auditu satis cognovimus, hanc illi semper fuisse consuetudinem frequenter experti sumus. Aliquando enim cum in Ecclesiâ illud decantari audiret; *Affl. est pro peccatis nostris affluere cum lacrimis expectamus finem nostrum*: vel illud; *Dies illa dies iræ*: vel aliud simile compunctioni amicum; illico cæteris omnibus omissis ei, quod sibi magis acceptum audierat, solummodo intendebat; oculisque in cælum erectis bis illud terve vel quater suspirando repetebat; totumque se in gemitus vocesque lacrimosas resolvebat. Videbamus, & in lacrimas vel gemitus saltem solvi & ipsi cogebamur. Quid cum ad populum sermonem faceret? Aliquando interruptentibus lacrimis loqui & ipse non poterat; nec populus quicquam aliud quam flere vel gemere illum attendens poterat. Cessabant verba, lacrimæ sermonem explebant. Hoc autem maxime fiebat, cum in festivitate B. Mariæ Magdalænæ de ejus pœnitentiâ vel lacrimis sermonem ad populum faciebat. Loquens quippe de ejus pœnitentiâ, populum ad pœnitentiam provocabat. Recitans illius lacrimas, lacrimans & ipse cæteros ad lacrimas succendebat. Hanc quippe speciali quodam diligebat amore; hujus memoriam & cotidianâ commemoratione & annuâ semper facere satagebat solennitate. Quia enim multum peccatorem se esse credebatur, eam quæ multum peccatrix fuerat, quid multum peccatori magis necessarium esset, magis nosse dicebat, & magis velle misereri credebatur. Hanc igitur assiduabat precibus, interpellabat fletibus, cæteris sequendam proponebat, quantum sequenda esset in semetipso præferebat. O Doctorem sequendum, qui quod cæteros faciendum docebat, prius ipse ut cæteri eum sequerentur faciebat! O Episcopum dignum, non pecuniis sed lacrimis Episcopatum adeptum! Fiunt Episcopi quidam simulationem sub velamine religionis nonnunquam minus cautè ostendendo: factus est iste Episcopus lacrimas multas ex corde profundendo. Hoc tamen ipsum materiam lacrimarum sibi ipsi proponebat; quod videlicet quandam religionis speciem ostentando factus Episcopus fuerat. Væ inquit mihi peccatori; quia sicut quidam Episcopatum emunt pecuniarum distractione, sic & ego sanctitatis cujusdam minus cautâ ostentatione. O gloria inanis, quid mihi & tibi? Quid quod non est meum, me ostentare suggeris quasi meum? Immo quod est nihil, cur mihi suades ut ostendam quasi aliquid? Quid est quod in me invenire queas, quo me jure attollere valeas? Ubi materiam attollendi non invenis, cur me attollere quaris? Lanfrancum Archiepiscopum dum viveret adire potuisti, & alios nunc summæ probitatis viros, si homines vis invenire dignos attolli. Ibi sapientiam cum scientiâ, ibi divitias invenis cum potentiâ. Ibi invenis viros instrumentis sanctarum virtutum multipliciter ornatos, & tuis fraudulentâ plenis machinationibus robustissimè resistere valentes. Me peccatorem & nihil horum habentem relinque, in quo nonnisi peccatum potes invenire. Addebat & se admodum vereri, ne ei eveniret quod cuidam evenisse audierat; qui ad extremum veniens, cum jam ultimum efflare spiritum deberet, dixit: O gloria inanis, quantos perdidisti, quorum ego unus sum. Gloriam ergo inanem & studiosè vitabat, & minus studiosè eam se vitare timebat. Altercabatur itaque cum illâ sæpe, ut dictum est, velut cum adversario quodam, ut à se eam repelleret;

repelleret ; ne cum pro merito laudabilis vitæ ab omnibus laudabatur, ei undecunque surrepere posset. Quem enim extolentia non tangeret aliqua, cum Proceres regni aliis Episcopis ipsum præferentes, ipsum adeuntes, ipsius familiaritatem appeterent ; propria ei peccata familiariter denudantes, se per eum absolutiores fieri non dubitarent ; tutiores denique eo se crederent die, quo vel ejus osculari manus vel saltem eum videre valerent. Et certè audivi à quodam boni testimonii Episcopo & veritatis amatore referri, se cum gravissimis carnis suæ stimulis & tentationibus in adolescentiâ suâ, ut interdum evenire solet, urgeretur ; Gundulfo passionum suarum nebulas corde puro ex integro manifestasse, & omni post tempore ab hujusmodi criminum impedimentis consilio & orationibus ejus liberiores esse. Hæc quippe dicebantur de illo. Ipse tamen non se in hominum ore quærebat ; sed in se quid esset à se attentius disquirebat. Illi eum efferebant, ejus attollendo merita ; ipse seipsum deprimebat, sua ad memoriam reducendo peccata. Si quando verò inaniter raperetur extra se ; cotidianâ contemplatione se quærens & inveniens, per custodiam humilitatis citius se reducebat ad se. Dictis itaque quibusdam de moribus ejus, nunc ad exequendum operum ejus ordinem calammum convertamus.

Habito igitur cum sapientibus consilio, & maximè favente & auxilium præbente in multis venerabili Anselmo Archiepiscopo, sicut in civitate Roffensi construxerat virorum, ita & sceminarum Cœnobium in possessione suâ, quam Mellingas dicunt, vir Dei ædificare curavit. Amabilis enim utrique sexui, ad religionis pietatem prodesse studuit & utrique sexui. In prædicto igitur loco Ecclesiâ in honorem B. Mariæ semper Virginis compositâ, compositis & officinis aliquibus pro temporis opportunitate quantâ potuit instantiâ ; Sanctimonialium inibi aggregavit Conventum ; eas doctrinâ instanti erudiens interius, eis industriâ solerti vitæ necessaria procurans exterius. Magnâ siquidem providebat curâ, ut & animæ profutura eis omnino semper adessent, & quæ corpori necessaria erant eis nunquam deessent. Matres igitur spirituales de aliis acceptas Monasteriis priores vel custodes eis præficiebat ; redditus vel terras undecunque poterat acquirebat, earum Ecclesiam ornatu vario decorare curabat. Unde & plures etiam nobiles illius magisterio subdere se gaudebant, sperantes se per illius obtinere sanctitatem, quod per propriam non poterant corporis fragilitatem. Abbatissam tamen eis primum præficere noluit ; sed eos per plures annos propriâ curâ regere curavit.

In illis diebus obortis propter libertatem Ecclesiæ inter patrem Anselmum & Regem magnis discordiarum querelis, idem Anselmus Angliam exiens apud Lugdunum exulabat. Contigit autem post aliquot annos, ut ipse Rex sagittâ percussus terribiliter occumberet, & frater ejus Henricus ad regni fastigia sublatus esset. Qui statim Anselmum ad patriam revocavit ; & laude dignum Gundulfum, sicut antecessores ejus fecerant, nimîâ veneratione coluit, attendens in eo vitæ diu probatæ sanctitatem & quam sibi exhibebat inter prospera & adversa magnæ devotionis & fidei securitatem. Turbatis enim rebus ob mutationem Regum, Principes quidam regni securitati novi Regis minus fidem servantes, imperium ejus in quantum poterant fraudulentis machinationibus titubare faciebant, illi subdi despicientes. At Gundulfus perspectis tantis perturbationibus multum elaboravit, ut pacis vincula inter Regem & adversarios ejusnectere posset. Unde & perturbatores pacis per semetipsum sapius adibat ; ostendens sacris admonitionibus, quanta mala ex abundantia discordiæ oriri solent ; & quid merentur mali qui hujus scandali sectatores existunt ; & quàm sunt proximi Deo & affinitate sanctis Angelis conjuncti, qui semina pacis in cordibus suis suscipiunt, & hæc in manifesto per operum executionem ostendunt. Istis auditis quidam ex ipsis innocentiam viri Dei & sanctimoniam considerantes, monita salutaria devotè suscipiunt, concordiam



concordiam cum Rege firmant, foedera pacis deinceps tenenda promittunt. Pro istis ergo amabilis factus est Regi & Principibus regni; & cum de aliis Nobilibus terræ in Palatio aut alibi in collationibus eorum fieret mentio; Gundulfus inter eos non ut socius sed ut superior & quasi pater reputabatur.

Videns itaque providus Pater congruam opportunitatem se habere & tempus, in quo utrisque Monasteriis suis in aliquo prodesse posset, redditus & possessiones Monachorum suorum à suis quondam separatas auctoritate Regis Henrici, & Nobilium regni, necnon & Archiepiscopi Anselmi & suâ propriâ & aliorum Episcoporum Angliæ corroboratione confirmatas, atque per cartam eorum sanctitas, eisdem filiis suis contradidit. Et quod tunc statutum est quisquis temerario ausu infregerit, nisi dignâ satisfactione correxerit, anathematis mucrone percussus sententiam damnationis cum Juda proditore fortiatur. Apud Mellingas verò, ubi Cœnobium scēminarum construxerat, cum eadem villa ab antiquis temporibus campestris esset & raro incoleretur habitatore, favente gratiâ Regis Henrici, satis popularem, & affluentibus undecunque turbis & sibi mansionem facientibus, in eodem loco sicut hodie apparet, vicum pergrandem & mercatoribus aptum ad utilitatem Sanctimonialium effecit.

Matildis præterea nobilis Anglorum Regina, uxor ejusdem Principis Henrici, cognitam habens reverentiam vitæ laudabilis & dignitatem bonorum operum viri Dei, ejus sanctitati valde familiaris effecta; eum ad se frequenter venire faciebat; ejusque salubri colloquio infatigabiliter satiari cupiebat. In tantum etiam amorem illius amplexata est; ut cum filium genuisset, ipsi specialiter baptizandum & de sacro fonte levandum eum commendaret. Quod & sic factum est. Carus itaque Regi & Reginæ, carus etiam omni populo Angliæ. Nam cum multi apud Regem seu Reginam aliquo impedimento obligati essent; ipse ab impeditis requisitus, pius interventor fiducialiter ad eos accedebat; & opem misericordiæ & sublevationis se requirentibus ab eis sæpius impetrabat.

Militavit autem Deo sub Regibus tribus, omnibus iis carus & acceptus. Rege nam Guillelmo primo Ecclesiam Rosensem Lanfranco suffragante construxit; regnante secundo terris aliquibus auxit. Rege Henrico filio prioris & fratre secundi res Monachorum à suis regiæ auctoritatis cartâ distinxit & confirmavit. Annuit autem Rex primus libens construenti, secundus adaugenti, tertius confirmanti; omnibus cooperari gaudentibus Dei homini quod bonum erat operanti. Quo verò modo sub Rege tertio Deus dilecto suo dederit, ut hinc ei inciperet hæreditas Domini, jam nunc narrare incipiam; ne multa adhuc dicenda dicendo fastidium Lectoris incurram. Quod ut nulli incredibile videatur; sciant omnes quicunque hæc audituri sunt, quòd multò ampliora iis sub testimonio veritatis fuerunt opera compunctionis & pietatis illius.

Anno igitur ante obitum suum plus minus uno verbere paterno corripitur, gravique infirmitate oppressus, viribus corporis indies magis magisque destitui cœpit. Tactus est autem & nimio capitis dolore, ex & nimia ut dicebant assiduâ lacrimarum effusione. Non itaque solita Missarum celebrare solennia, non lacrimarum effundere flumina, non orationum solitum reddere pensum poterat. Nitebatur tamen infirmitatem vincere ex bonâ quantumcunque poterat consuetudine. Primò igitur quia non, ut prius, duas poterat, unam saltem quamdiu potuit Missam celebrare satagebat. Orationum quoque etiam non totum, reddebat tamen cum lacrimis quod poterat pensum. Eleemosynarum verò largitiones multas per villas suas fieri jussit; quod tamen suo successor diu sufficere posset, ut prudens dispensator faciens reservari. Qui cum audisset suum dilectum dilectorem præcipuum Cantuariensem Archiepiscopum

episcopum Anselmum dixisse, quia non erat Episcopi morientis res ecclesiasticas sibi commissas ex toto dividere, sed successoris sui usibus aliqua reservare: Deo, inquit, gratias ago; quia mihi facultas suppeditat tanta, quæ pauperum indigentiam relevare, & successoris meo secum homines etiam habenti triginta novos ad usque redditus terræ copiam possit præstare. Pauperum igitur, ut cœperat, mortem ad usque curam paternam egit; nec tamen Episcopium suum pauperum miserendo pauperavit. Domus siquidem fidelis dispensator & prudens, & in præsentis Domini sui servis quod necessarium erat distribuit; & in futurum quod distribui abunde posset sapienter reservavit. Cujus prudentiâ Pontifex venerandus cognitâ, ejus distributionis pium desiderium & discretum exultans laudavit; & de instanti ejus perseverantiâ in bono Deo gratias egit. Et verè laudanda erat ejus in operibus justis perseverans devotio; quia cum tantæ esset debilitatis, ut nec etiam equo insidere posset; sed vehiculo duobus equis parato, cum ratio poscebat, de villâ ad villam transferretur; statim cum illo pervenisset, memoria pauperum ad mentem reducebatur, & maximè Præbendariorum suorum, quorum procuratori studiosius invigilabat. Non credens itaque ex toto ministris suis, quod se absente secundum libitum suum procurati essent; sibi vim faciens, & infirmitatis gravedine postpositâ, ut magis solitarius quod disponebat explere potuisset, circa vespere ne ab hominibus agnosceretur, nobis mirantibus, manibus suorum super equum levabatur; & assumpto uno tantum Monacho & duobus famulis secum, cellulas debiliū & eorum etiam qui podagrico & elephantioso languore dissipabantur per semetipsum visitabat; & intus progrediens, & ante cubiculum eorum residens, inquisitis attentius necessitatibus eorum, lacrimas oculis fundentibus, eorum miseriis compatiens, secundum modum uniuscujusque in victu & vestitu eis quod opus erat ministrabat.

Et quid dicemus de custodiâ humilitatis ejus? In secretis denique filiæ Regis, cujus omnis gloria est, ab intus thesauros virtutum suarum sub clavi humilitatis reponens, ut fructus eorum in die necessitatis recipere posset, nolbat extollere se super se. Et ut unum de multis proferamus: in ipso anno in solennitate Omnium Sanctorum cum in Ecclesiâ majori apud Roveestram Missam festivam celebrasset, & pro re qualibet sibi ingrâtâ aliquantum quasi iratus turbaretur; astitit ei quidam de fratribus sibi familiariter dicens. Et quid est pater? Unde hæc perturbatio? Et quare commovetur serenitas cordis vestri? Totus populus istius civitatis summo tripudio pro recuperatione vigoris vestri, sicut sperant, quia insonuit hodie vox vestra diu desiderata in auribus eorum, non mediocriter exultat: & vos turbamini? Ad hæc ille. Pro me, inquit, plaudit populus? Et hoc frequentius iterans, interrumpentibus vocem singultibus & lacrimis, iis intentus diutius siluit. Et dixit: O quis est, qui pro me gaudere debeat? Ecce infirmitate gravi detentus morior; & quid laude dignum in omni vitâ meâ egi? Nec etiam unquam scintillulam unam fervoris & amoris Dei, ut dignum esset, tamdiu vivens apprehendere potui. Hæc prolixius exequens, vitam suam armis justitiæ & pietatis usque in finem providentissimè munire non destitit.

Ingravescente postmodum infirmitatis suæ molestiâ, venit ad eum dulcis amicus ejus pater Anselmus; & videns eum viam universæ carnis quasi incipientem ingredi, factâ prius purâ & simplici confessione, ab omnibus peccatis vice B. Petri eum absolvit, & ex more sacræ unctionis oleo devotissimè livit. Commisit autem Episcopus in ejus venerandas manus & se & suos quos aggregaverat filios; ut & eum, qui de hoc mundo recedebat, suis Deo precibus commendaret; & nos, quos in hoc sæculo relinquebat, curâ pastoralis vice suâ custodiret. Obortæ igitur lacrimæ piis sermonibus patris fluunt ab utroque; madent filiorum circumstantium genæ. Longa trahuntur suspiria; intolera-



randa præcogitatur orbitas. Peracto denique sacrae unctionis officio discedit Archiepiscopus, quibusdam advertens indiciis quod aliquamdiu esset ille victurus.

At verò Episcopus cum mortem postmodum jam affuturam timeret, nec ut Episcopus in domo sublimiorum, sed ut Monachus & inter Monachos in loco humiliori mori mallet; inter manus ministrorum se jussit attolli, & in Ecclesiam B. Andreae Apostoli, cujus Vicarius erat, deferri. Ibi ergo in lacrimas gemirusque resolutus, orabat Apostolum Dei pium, ut piè miseretur illius, prorsus ignorantis utrum ad ejus Ecclesiam jam ulterius esset rediturus: Eum itaque à peccatis suis absolveret; benedictione datâ licentiam abeundi concederet; locum illum & Monachos in ejus obsequium congregatos curâ pervigili custodiret. His igitur similibus mente devotâ profusis, in domum Infirmorum, ut inter Monachorum manus spiritum redderet, se deferri fecit; ubi tamen aliquanto post tempore in magnâ cordis & corporis contritione supervixit.

Quibus etiam diebus, cum ei lecto decumbenti à quibusdam instaretur, ut Mellingenſis Cœnobii Priorem cæteris Abbatissam præficeret, ne eo defuncto locus ille sine regimine remaneret, aliussve cujus non interesset super locum illum dominationem sibi usurparet: Quid, inquit, compellitis me facere, qui ecce morior, quod utrum placeat Deo prorsus ignoro? Ostensâ tamen justæ rationis necessitate, & consilium dantibus ex hoc Rege & Archiepiscopo per literarum suarum in præsentiam ejus recitatam auctoritatem, astantibus circa lectum ipsius multis, accipiens Baculum pastora em illi Priori contradidit, & ejusdem loci primam Abbatissam eam constituit; ipsâ deinde jurante obedientiam & subjectionem canonicam Episcopo & Ecclesiæ Rofensi, & quia nec per se nec per alium idem Cœnobium subtrahere conaretur subjectioni Rofensi.

Deinde omni circumspectione providus, vestes suas & quæque habebat parva & vilia indumenta usque ad caligas, utpote liber Monachus, se levigans ab omni ignominioso proprietatis pondere, fratribus & egenis scienter distribuit. Annulum quoque Episcopalem gestare formidans, eum cuidam Fratri sibi assidue ministranti commendavit. Cumque à quibusdam rogaretur, ut cuidam viro religioso Abbati scilicet de Bello, qui in expectatione finis illius apud eum morabatur, eundem annulum daret; respondit: Monachus est; nihil sibi & annulo.

Erat in Angliâ in illis diebus vir magni nominis & religione famosus, Radulfus nomine Abbas Sagii; qui infestatione cujusdam Tyranni de Monasterio suo expulsus, apud patrem Anselmum non quasi exul sed quasi compatriota manebat, ipsi Gundulfo notissimus. Hic audiens amicum suum infirmari, venit ad eum jam inter infirmos diem expectantem extremum. Cumque ille post dulcia cœlestis vitæ colloquia, acceptâ ultimæ separationis & abeundi licentiâ, effusis hinc inde copiosis lacrimarum fluminibus, usque ad ostium domûs recedens processisset; vocato Episcopus fratre interim cui commiserat annulum suum, accepit illum ab eo, & statim subjunxit: Vocate, inquit, Abbatem. Qui vocatus rediit; & ex præcepto Episcopi recedentibus cunctis, tenens manum Abbatis immisit annulum. Qui expavescens & ad rei novitatem obstupefactus: Quid est hoc, inquit, Domine Pater? non est mei ordinis annulum habere; sum enim habitu Monachus etsi non vitâ: unde mihi re non necessariâ onerari formido. Ad hæc Episcopus. Sume, inquit, illum; erit enim tibi necessarius; & ne inobediens in recipiendo persistas, quia expedit ut fiat quod volo. Tunc ille satis admirans, & latentem hujus rei causam prorsus ignorans, accepto annulo recessit. Claruit tamen ipso defuncto hujus actionis obscuritas; sicut paulò post in ordine suo scribendo patebit.

Quadam

Quadam autem die posthac Congregationem convenire iussit; & ut in omnium conspectu pro omnibus peccatis suis corporalis ei fieret disciplina, postulavit. Sed cum hoc Fratres multam debilitatem illius considerantes, factu horrendum putarent; responderunt hoc se de illo quidem facere non posse, de seipsis verò pro illo hoc idem omnes facere velle. Factum est igitur. Et ecce in sequenti Sabbato venerandus Pater vicinitate mortis oppressus multum debilitari coepit; tamen aliqua pietatis opera indigentibus ipsa die fieri precepit; & ad Missam, quæ in Capellâ Infirmorum ipso audiente dicebatur, intentionem devotissime dirigens, cum Evangelium legeretur, ad reverentiam tanti mysterii sese erigi fecit. Vespere facto commutuit, & usque ad horam mediæ noctis expectans sine voce sed non sine sensu jacuit; & dictis Matutinis in præsentia ejus ad diem pertinentibus, & omnibus Horis de S. Mariâ, tunc demum spiritum extremum trahere coepit. Tabulâ igitur de more percussâ, ipsoque super cilicium posito, Monachi summâ cum festinatione accurrunt; Symbolo fidei præmissis Psalmos Lamentationumque cantantes, animæ commendationem incipiunt; lacrimis & orationibus animam Patris egredientem & ad Creatorem suum revertentem conducunt. Cumque in hac tremendâ expectatione aliqua mora fieret; atque orantibus Fratribus & psallentibus, ad septuagesimum nonum Psalmum perventum fuisset dicendo circa illud: *Deus virtutum, convertere, respice de celo, & vide, & visita vineam istam*: Spiritus Patris oriente aurorâ de corpore egreditur; vineam quam ipse plantaverat, sc. congregationem Ecclesiæ suæ, quam in studio coelestis disciplinæ multipliciter erudierat, custodiæ & visitationi summi creatoris relinquens. Corpus autem attendentes relictum, mirum dictu, vident albescere miri candoris splendore; quod natum semper nigrum soliti erant videre. Imputant ergo elemosynarum largitioni, quod albescent manus; imputant & lacrimarum effusioni & sanctæ vitæ illius, quod totum etiam albescit corpus. Lotum itaque cum reverentiâ debiti honoris indumentis Pontificalibus induunt; & in Ecclesiam B. Andrea Apostoli cum fletu & cantu ante ipsius altare deponunt. Mittitur & sine morâ qui Cantuarino Archiepiscopo Anselmo cari sui obitum nunciet; & ut ad extremum amicitia munus corpori ejus persolvendum veniat, roget. Qui nuncio accepto quantocius Rovecestram accedit; & amici exequias debitâ fatis veneratione, prout Episcopalem decebat dignitatem, per omnia exequens, eum ante altare Crucifixi Ecclesiæ, quam ipse a fundamentis construxerat, tumulavit.

O quantus interim Monachorum luctus, quos ipse aggregaverat! O quantus Sanctimonialium fletus, quas & ipsas mundo subduxerat! O quantus populi planctus, super quem benedictionem suam toties fuderat! O quantus pauperum gemitus, quos paterno affectu paverat! O quantus dolor omnium, quos Pastor bonus annis jam triginta & uno sine querelâ rexerat! Obiit siquidem venerandus hic Pater octavo Idus Martii, Dominicâ tertiâ Quadragesimæ in qua canitur Officium, *Oculi mei semper ad Dominum*. Et idem cantatum est in Consecratione ipsius; ut etiam per hoc Dominus cunctis innueret, quibus studiis ejus vita in præsentî sæculo dedita fuit. Bene enim ipsa die transiit de hoc mundo; quia secundum quod dictum est, ex compuncti-  
onis gratiâ oculi ejus assidue intenti fuerunt ad Dominum. Et ideo, ut credendum est, ad retributionem bonorum actuum ipsius *evulsi sunt pedes ejus de laqueo miseriarum*, quibus abundat præsens vita. Fuit autem tunc Incarnationis Dominicæ annus millesimus centesimus octavus, regni verò Regis Anglorum Henrici octavi, ætatis autem suæ plus minus octogesimus quintus, Monachatus verò quinquagesimus primus, Episcopatus autem ut dictum est tricesimus primus.

<sup>a</sup> Psal. XXIV.

<sup>15.</sup>

<sup>b</sup> Psal. XXIV.

<sup>15.</sup>

Aliquanto post obitum Patris nostri elapso tempore, coepit Archiepiscopus Anselmus tractare, quem in loco ejus posset Episcopum substituere. Et ha-

†

[ P p 24 ] bene



bens consilium, quod sicut credimus de vultu Dei prodiit, de quo superius diximus venerandum Radulphum Abbatem Sagii faventibus omnibus ad Episcopatum Rosensem elegit, & electum ex more latantibus cunctis ejusdem loci Pontificem devote consecravit. Qui factus Episcopus tunc primum intellexit, quam in se haberet significantiam illa occulta annuli datio, quem Gundulfus adhuc vivens alteri negatum sibi specialiter designavit. Unde apparere videtur illum præscientiam in vitâ sua habuisse quis post eum in loco suo Pontificio deberet sublimari. Sed & hic Radulfus cum ferè sex annis Rosensem rexisset Ecclesiam, defuncto Anselmo ad Archiepiscopatum translatus, Ernulfum virum laude dignissimum, in scientia literali & religione diu probatum, olim quidem Priorem Cantuariensem, sed tunc Abbatem Burgensem, post se constituit Episcopum. Qui omni favore à suis receptus, ipso die electionis suæ dixit nobis: Sciebam, inquit, Fratres ante paucos dies me licet indignum ad celsitudinem hujus ordinis in proximo promovendum. Apparuit enim mihi dormienti, cum adhuc essem in loco meo, pater Gundulfus anulum magni ponderis mihi offerens. Cumque ad gravedinem ipsius imbecillitas mea non sufficere videretur; me ad onus ejus stupidum & accipere renuentem increpavit, & post increpationem anulum me recipere coegit; deinde non apparuit. Hæc ille. Nos autem qui præsentem ab eo hæc audivimus, intelleximus postea non fantasticam esse illusionem, quam vir sanctus in somnis viderat; quia postmodum factus Rosensis Pontifex eundem anulum recepit, quem Gundulfus Episcopus vivens Rodulfo adhuc Abbati sed futuro Episcopo dederat.

Hæc de vitâ patris Gundulfi nunc quidem prosâ latius disseruimus; sed paucis antehac versibus Heroicis breviter comprehendimus. Placuit autem eos ipsos & hîc subnectere; quia metricam vim prosâ gratiorem quibusdam novimus esse. Sunt igitur bis deni, ordine subscripto dispositi.

Te Gundulfe pater peperit Normannia mater.  
Mundum spreveristi, claustrum Beccense petisti.  
Te Monachi texit vestis, te regula rexit.  
Rexit & erexit; nec te via prava reflexit.  
Primò Beccenses juvisti, post Cadomenses.  
Hinc mare transisti, Lanfranco complacuisti,  
Summo Doctorum Doctorum præcipuorum.  
Hoc donante datum rexisti Pontificatum.  
Templum fundasti, donis illud decorasti.  
Tu collegisti Monachos, quos hîc posuisti.  
Tu pater illorum vixisti, tu populorum.  
Te tam majores quàm dilexere minores.  
Tu peccatorum solamen, tu miserorum.  
Pauperibus largus vivebas, & tibi parvus.  
Orando flebas, suspiria longa trahebas.  
Dum sic lugebas, Missas celebrare solebas.  
Te prope multarum cæcavit fons lacrimarum.  
Ante diem mortis dolor adveniens tibi fortis,  
Anno dante moram, postremam traxit ad horam.  
Te mors bis quartâ tulit Idus Martis adorta.

Versibus ergo & prosâ venerabilis Patris nostri vitam posteris ad exemplum vivendi transmittimus: & si quanta gesserit non quantâ debuimus dictandi venustate depinximus; fecimus tamen alienâ potius petitione quàm nostrâ præsumptione quod potuimus, ad laudem & honorem illius, qui & ei quod fecit facere & nobis quod scripsimus concessit scribere: qui vivit & regnat in sæcula sæculorum, Amen.

†

WILLELMI

---

---

WILLELMI de WYCUMBA

Prioris LANTHONIENSIS

LIBRI II.

DE VITA

ROBERTI BETUN,

Episcopi HEREFORDENSIS.

ACCEDIT

Successio Priorum Ecclesiæ LANTHONIENSIS.

---

---



THE NEW YORK PUBLIC LIBRARY

ASTEN LENOX TILDEN FOUNDATION

1891

1891

ROBERTI BETUN

1891

1891

1891

V I T A  
Domini Roberti de Betune,  
HEREFORDENSIS EPISCOPI.

## P R O L O G U S.

HENRICO Divinâ Gratiâ Episcopo Wintoniensi  
WILLELMUS Prior Lanthoniensis.

**S**uscipe Præfulum specimen exspectabile, vir amicorum egregie; suscipe dignanter munus exiguum servi tui; dico autem monumentum vitæ sinceri dilectoris & dilecti tui piæ memoriæ Roberti Herefordensis Episcopi tibi conscriptum; quod inter magnificentiæ tuæ studia multimoda illius tibi memoriam penitus obliterari non sinat. Quod scribo, poterat alter elegantius, veracius nemo: quippe cum mihi & præfato viro fuerit locus nativitatis conterminus, procursus ætatis ferè continuus, secunda satis & familiaris amicitia, ab annis denique maturitatis accedentibus societas individua. Nec omnia tamen ejus prædicabilia mihi compilanda polliceor. Quis enim sufficiat? Adeò multa famæ notitiæ furari procurabat. Sed amor apud modestas mentes citius invenit præsumptionis indulgentiam. — Hoc igitur habeo defectus mei in me quidem solatium, penes te autem veniæ fiduciam; quia si prædicabilis vitæ ejus laudibus quicquam per ignorantiam detraxero, nihil tamen omnino sanctitatis ejus mæritis adimere potero, sed neque invidia.

P R O L O -



## PROLOGUS ALTER.

**C**Oegit me, Reginalde Prior, vis amoris tui, ut & ego desiperem, & communis amici nostri meritis injuriam facerem. Quid enim aliud dixerim quàm desipere eos, qui quod arduum sit, quod supra vires, impudenter præsumpserunt. Quid autem aliud quàm honorandum nobis patrem irreverenter & injustè defraudaverunt; si dignissimis ejus meritis exiles & inæquabiles laudes indignè scribendo reddidero? Sed quid ego sum, seu quis ego; ut incomparabilis sæculis nostris viri Roberti Herefordensis Episcopi vitam stilarum officio elucidare sufficiam? Quod si temptavero; quid aliud quàm lucernam mundi sub modio coarctare velle videbor? Vide quid feceris: ne dum alteri amicorum præstare quæris officium, ambobus ingeras injuriam non officium. Sed instantiæ tuæ rationibus allegas; quod licet alius elegantius, veriùs tamen alius non posset prosequi vel explicare quod exis. Et hoc adjicis argumentum; quod mihi & præfato viro locus fuerit nativitatibus conterminus, <sup>a</sup> prima notitia, familiaris amicitia, & ab annis juvenilibus societas individua. Ideoque notitiæ meæ nulla ejus esse acta, quæ alienis esse possint, ignota. Satis instas, acriùs urges . . . me impulerit voluntas tua, tu videris. Meritis tuis debitorem me fateor, illius autem permaximè, cujus dignitati si respuerem, non poterit justitia mea: vel hoc habeo solatium; quia si laudabilis vitæ ejus laudibus quicquam per ignorantiam detraxero; tamen non sanctitatis ejus meritis adimere potero.

<sup>a</sup>f. plurima.

Capitula

## Capitula in Speculum Vitæ ROBERTI Venerabilis Episcopi Herefordiensis.

- CAPITULUM I.** **D**e primordiis ejus & profectibus cotidianis gradus  
etatis præcurrentibus.
- CAP. II.** De nutriturâ ejus & studio literarum sub fratre  
suo magistro Gunfrido, & de iudiciis futura reli-  
gionis.
- CAP. III.** Quomodo se habuerit in regimine scholarum, & quod impedi-  
mentum habuerit in proposito religionis, quaque deliberatione  
renuntiavit liberalibus artibus, & contulit se ad divinas Scri-  
pturas.
- CAP. IV.** Quos magistros elegerit, & quomodo deinceps vitam suam in-  
stituerit, & qua occasione secundo distulerit conversionem  
suam.
- CAP. V.** Quomodo tandem dilationes suas increpaverit, & definito consilio  
omnia vincula carnalia ruperit.
- CAP. VI.** Quas difficultates pertulerit in eundo Lanthoniam, & quàm gau-  
denter susceptus sit.
- CAP. VII.** Quàm religiosè & quàm obedienter se habuit postquam susceptus  
& professus est.
- CAP. VIII.** Quàm solícite quàmque sanctissimè se habuit postquam Prior fa-  
ctus est.
- CAP. IX.** Quàm humilis, quàm providus, quàm perspicax fuerit in officio re-  
giminis.
- CAP. X.** Quantam virtutem divinitus habuerit contra temptationes  
Diaboli.
- CAP. XI.** Quantâ difficultate tractus sit ad Episcopatum, & cum quantâ  
pietate recesserit à Lanthonia.
- CAP. XII.** Quàm invitatus & quàm hesitans perductus sit ad Curiam, etiam  
post præceptum Domini Papæ.
- CAP. XIII.** Quomodo tandem factus sit Episcopus, & quali gaudio Herefor-  
diæ susceptus.
- CAP. XIV.** Qualem se exhibuit in ordine Episcopali erga singulos & justitiâ  
& opibus misericordiæ.
- CAP. XV.** Quomodo domum suam disposuerat; quàm lapsilis aliis, quàm  
parcus sibi fuerit.
- CAP. XVI.** Quantam habuit curam & prudentiam castitatis servanda.
- CAP. XVII.** Item quàm devotus esset in divinis officiis & orationibus, quàm  
strenuus & providus in ministerio.
- CAP. XVIII.** Quanta fuit humilitatis, quanta caritatis, quàm timora-  
tus.
- CAP. XIX.** De quatuor gestis ejus memorabilibus in itineribus suis.
- CAP. XX.** Quantas tribulationes pertulerit à domesticis suis.
- CAP. XXI.** De angustiis ejus in communi desolatione regni; item quantâ ca-  
ritate succurrerit fratribus Lanthonia.



- CAP. XXII. *Quod quedam propter cautelam supprimuntur, quæ breviter tamen sub diverticulo perstringuntur.*
- CAP. XXIII. *Quomodo post expulsionem suam reversus ad opera caritatis redierit.*
- CAP. XXIV. *Item quàm obediens inventus sit usque ad mortem, quamque solenniter visitatus sit Remis ante finem suum.*
- CAP. XXV. *De provisione & præparatione finis ejus ante Pasca sub distinctione dierum senariâ.*
- CAP. XXVI. *Quanta dissensio facta est de corpore ejus inter Clericos suos & Monachos Remenses.*
- CAP. XXVII. *De primo miraculo ejus ad portum maris, & quàm felix sit Anglia tanto thesauro ditata.*
- CAP. XXVIII. *Quanto honore susceptus sit ubique, & de singulari planctu ejus apud Lundoniam.*
- CAP. XXIX. *De contracto puero per contactum feretri ejus & pallii restituto.*
- CAP. XXX. *De planctu ejus apud Herefordiam & sepulturâ.*
- CAP. XXXI. *De consequentibus miraculis.*

Speculum Vitæ Viri Venerabilis

R O T B E R T I

E P I S C O P I H E R E F O R D I Æ.

L I B E R I.

C A P U T I.

**V** Ir igitur venerabilis & acceptus Domino Robertus Betunensis ex illustri satis ordine militari duxit originem. Qui quanto parentibus suis tenerius dilectus erat, tanto tenerius educatus. Et quod conferre solet natura primogenitis privilegium amoris, contulit ei gratia sine invidiâ, cum esset fratrum novissimus. Cum autem vir iste de infantiâ transisset in puerum; puerile nihil habebat, nisi quod nomen sonat, ætatis puerilem puritatem. Nec errâsse me putaveris, quod virum in puero nominavi. Sic enim antecedentes maturitatis profectus gradus anticipabant ætatis consequentes; ut in puero virum invenires, in viro seniore, in seniore geruntam.

CAP. II. Porro puer elegantior factus, studiis literarum à parentibus traditus est. Jam enim specimen quoddam religionis in eo relucere videbatur; sicut candor matutinalis præluce solet auroram. Curam ejus & disciplinam suscepit primogenitus ejus frater Gunfridus, diebus suis magister emeritus; literalibus rudimentis, prout ætas postulat, imbuit; moribus instituit; & ne quid præter honestum lubricis annis ut assolet subolescat, cautiùs observavit: sed meliori viâ supernâ perfusus gratiâ puer ingreditur. In hoc enim fefellit alumnus pædagogum, discipulus magistrum; quoniam furtivis jejuniis præmaturè cœpit tenerum corpusculum macerare, ciboque castigato præsentem necessitatem edomare, imitator fieri volens Nicholai, cujus ab incunabulis non vires sed virtutem audierat. Sed deprehensus & objurgatus, propositum non omisit, sed coactus in tempus distulit. Cum autem liberior ætas accessisset; jejuniis addidit vigiliis & orationes frequentes, unde & *Pater noster* cognomentum accepit, auspicato tamen nomine qui tantorum filiorum pater futurus erat non geniturâ sed prolatione.

CAP. III. Proficiente autem ingenio docili cum ætate, coætaneos suos scientiâ literarum sic præcucurrit; ut brevi tempore magistros summos æquiparet. Cum igitur vires suas explorare volens, Scholarum regimen suscepisset; affluentibus discipulis doctrinâ se magistrum, comitate socium exhibuit. Nulli se per arrogantiam prætulit; omnibus in commune prodesse sine venalitate studuit, à pauperioribus nihil exigens vel accipiens, à ditioribus si quid sponte obtulissent, gratanter & tanquam immeritum accipiens. De collatis quod in sumptus suos necessarium esse providebat sibi retinuit; cætera siqua supererant in usus honestos prudenter erogavit. Indumenta ejus & lectisternia



ex moderato & competenti habitu complacebant, non quæ superbiam vel avaritiæ forent argumentum, sed quæ modestiæ præberent exemplum. Si feriatis diebus ad relevandum tedium discipuli foras exissent; ipse comes erat & cussos aliorum, ne quid ineptum vel inhonestum licentia soluta ludis se admisceret; sed dum talibus exercitiis tempus insumeret, aliud maturius verlabat in pectore. Fecissetque satis cogitationibus occultis, nisi novum venisset impedimentum. Contigit namque ut præfatus frater ejus & nutricius Gunfridus vitæ suæ finem faceret. Cogitans igitur vir pius, quia nemo unquam carnem suam odio habuit, simulque reminiscens fraternæ dilectionis & impensæ beneficii, præcavit ne degener & ingratus inveniretur. Suscepit igitur fraternam sarcinam sustinendam, filios & filias quos ille de conjugio susceperat. Expectatis autem sub custodiâ nubilibus annis, neptes suas nuptum tradidit, nepotes religioni mancipavit. Inter hæc attendere cœpit in quo vitæ suæ dies expendisset, quàmque inania forent figmenta Poetarum, quàm inutilia scrutinia Philosophorum, quantus labor, quàm exilis fructus foret in Artibus Renuntians igitur his, hæcenus animum convertit ad agiographa; fructum deinceps quaeriturus, non folia.

CAP. IV. Parvi pendens autem quid de suo sensu garrere cœpisset in divinâ paginâ, quid disputare novella subtilitas, contulit se ad viros Catholicos Willelmum Capellensem, Anselmum Laudunensem, magistros emeritos quos documenta sanctorum Patrum veraciter instituerant quid in divinis Scripturis sentire, quid prædicare vel venerari deberent. His igitur studiosis auditis, cœpit mentem cotidie roborare, carnem in contemptum ducere, vitam celestibus doctrinis affirmare. Cùmque prædicabilem se vitâ & moribus exhiberet; vanam tamen gloriam, quam semper oderat, præcipuè devitabat: nocturnis vigiliis & orationibus abundantius solito studium adhibebat; hoc sedulo divinam exorans clementiam, ut vitam ejus in viam salutis æternæ dirigeret. Cùm igitur divinis literis imbutus esset uberius; noluit se publicis conventiculis exponere, lectionem venditare, sed circa religiosos conventus habitare, cum paucis sociis hisque maturis eloquia divina tractare, ubi videlicet quietius & contemplativos fructus colligeret, & quis singulis in locis ordo religionis haberetur cautius exploraret. Eo siquidem rationis intuitu maturabat propositi sui consilium, ne quid subito vel improvidus arriperet. Suspicionem tamen torquebatur anxius, ne qua forte demorandi propositi suboriretur occasio. Nec eum fefellit opinio; fraterni nempe sanguinis soboles, cùm ad tertiam usque generationem tanquam seges succrevisset opima, cœpit denuo virum dei sollicitare, paupertatem suam ingerere, & tanquam debitam ex jure naturæ sui curam exigere. Turbatur homo misericors; distrahitur animus; dumque deliberat quid primum expediat, pietate carnis & sanguinis movetur, juxta quod dicitur *Si furcâ naturam expuleris, sponte recurrit*. Distulit igitur interim, quod expedire non potuit; donec expediret quod differre non potuit: denique mentem usque ad cunabula nova inclinat, nutrices renovat & nutritios pro sexu, pro ætate necessarios: sumptus interim quaerit & providet facultate qua prævalet.

CAP. V. His ita pro tempore dispositis, rediit ad se. Jamque censor suis factus, ipse rigidior, inertiam suam fatetur & increpat. Et merito, inquit, tibi contingit homo repide languens & torpide; quousque pallias socordiam tuam falsâ specie pietatis? Quamdiu pones consilium in animâ tuâ, dolorem in corde tuo per diem? Ecce quo magis expectas, minus & minus utilis astas. Docuisse te poterant olim Poetarum argumenta fabulosa sed vera. An non legeras quomodo invidiâ novercali labores Herculei multiplicati sunt? An non legeras quomodo succis Hydræ capitibus singulis trina succrescebant? Crede  
jam

jam vel expertus, Labor hic tuus infinitus est, Opus inexplicabile, onus importabile. Tempus residuum incertum & fluxile; vita tua non est vita sed funus miserabile; si sic vivens sepeliaris in carne: & si dimidiare poteris dies tuos elapsos & insumptos; quis tibi reduxerit? Hæc dicens flebat amarissime. Surgens igitur, ruptisque tandem vinculis naturæ, sibi liber redditur. Cœpit deinceps ruminare, quis modus aptior, quis esset ordo religionis accommodatior ad ambulandum in viâ Domini; in qua alius sic, alius sic iret. Cùmque definitioni suæ minus crederet; rapuit se ad Ricardum Abbatem de consiliariis suis unum, fidelem virum religionis & discretionis eximium. Effundit ei propositum intentionis suæ; sed fluctuationibus suis fixam quærit audire sententiam. Vir autem prudens, cùm satis audisset, deliberans paulisper in se, Frater, inquit, utinam meruissem in domo Dei societatem tuam; sed quia consultis tuis responsum debeo; indica mihi quæ domus, quis ordo trahat animum tuum. Nulli, inquit, ordini præjudicare præsumo. Ordo tamen Canonicus me amplius trahit, domusque Lanthoniensis. Et Abbas; surge, inquit, frater, nec moreris; ambula securus in nomine Domini nihil hæsitans. Dominus tecum, qui locum religionis & salutis tibi providit accommodum, & fortè studio tuo promovendum.

CAP. VI. Confirmatus ilico tanquam voce lapsâ de cœlo, surrexit, Lanthoniam properavit, desiderium suum indicavit, petitionem fecit, cum gaudio impetravit, Terminum statuit, quo se plenius expediret, diem certum quo rediret; sed quantas difficultates, quanta remoramina innectat invidus adversarius desertoribus suis, ipse brevi temporis articulo certius expertus & propter cautelam de suo docere postmodum solebat exemplo. Novissima tamen fugæ suæ persecutio digna relatu videtur. Ultimâ die, qua reditum suum pepigerat, venit ad radicem montis quem Hatiram dicunt. Jam nox caeca clauserat diem, nix hiemalis vias operuerat. Reliquit ibi vir fervidus animo comites suos & equos longo itinere defessos, nec transitum montis permittentes; misit se in pedes, calceamenta detracta projicit, eâ sicut æstimabant ratione quo in lubricis gradibus pedes fortiùs figeret, revera autem quoniam ad viventium martyrum habitacula sine martyrio venire nolebat. Callis erat angustus, anfractuosus, saxis asperatus, nivibus oppletus. Ascendit Helisæus noster baculo prætemptans iter. A dextris prominent rupes sublimes & arbores proruentibus similes. A sinistris patet Abyssi cæca vorago, de qua non sit lapsis spes ulla resurgendi. Quotiens igitur fallente nive pes alter exorbitabat; ruebat in pessum fessus viator, rotans & volutans donec arboreis obicibus retentabatur. Et cum toto corpore conquassatus putari potuisset; resumpto post modicum spiritu surgebat, & porrectis ad instar natantis brachiis, niviumque mole disjectâ, reptabat manibus ad superiora donec perditum callem reperiret. Sic semel, sic sæpius datus est in ruinam & resurrectionem. Jamque montis apicem attigerat; ubi statera crucis fixa fatigatis requiem offerebat. Ubi paulisper respirare volens, residuo labori renovandus resedit cruci annixus: sed non defuit invidus temptator. Dum enim arreptis auribus captat, si fortè comites sequentes audiret; audit à sinistris tanquam lenem serpentis sibilum & tanquam vocem in cogitatione susurrantem. *Quid voluit homo liber sic facere? Quid voluit magnus magister tam indignum laborem gratis assumere? Potuit aliud fecisse, unde gloriam consequeretur & premium. Eo tamen citius de nostris erit quo præmatarius ineptâ morte perierit.* Sed ubi cautus diabolicas advertens insidias, surgit ociùs, & signans sibi frontem & pectus: abite, inquit, recedite cogitationes pessimæ. Dominus mihi adjutor est, non timebo, quid suggerat mihi fraudulentia Diabolica. Potui quidem aliud fecisse, sed melius non potui. Elegi abjectus esse in domo Domini, magis quàm habitare in tabernaculis principum, & gloriam mundi quærere vel præmium. Et præferens



<sup>a</sup> Rom. VIII.  
18.

ferens clypeum apostolicum adjecit, <sup>a</sup> *Non sunt condigna passionēs hujus temporis ad futuram gloriam quæ revelabitur in nobis.* His dictis omnis tempratio tanquam fumus evanuit. Procedit igitur vir indefatigabilis, descensum montis invenit ascensu graviolem. Nam alternantibus lapsibus nunc in dorsum nunc in frontem, miserandum, poterat, si quis videret, præbere spectaculum. Cum tamen pervenisset ad metam, ubi clivus jacentior prærupti montis ardua relinquit, animæquior factus est. Unde cum audisset signorum classicum in ecclesia subjacente; tunc demum tanquam cœlestis harmoniæ modulamine recreatus, residuum itineris indefessus peregit, signatis in nive sanguine vestigiis. Pulsat januam antelucanus hospes, agnitus introducit, nuntiatur fratribus, cum lanternis occurritur. Mirantur incomitatum & tanquam spoliatum. De manibus latronum suspicantur elapsum. Quid tamen actum sit differunt interrogare, videntes quoniam opus sit consolatione potius quàm rumore. Serenato quantocius igne, deprehendunt pedes cruciatos, ruderibus laceratos. Lavant & foveant, nec sine lacrimis: positâ denique mensâ omni humanitatis studio refocillant. Post cibos confortatus, ne fratres diu suspensos teneat, narrat ex ordine quomodo venerit, & quanta impedimenta pertulerit. Spinas autem & tribulos, quos incurrerit, pro rosis reputabat & liliis. Mœror omnis convertitur in gaudium; & residuum noctis datur in requiem. Manè autem providus vir timoratus & prudens, ne quid impedimentum afferret votis suis dilatio, convocavit tres quos noverat in Conventu majores, Ernesium Priorem, Willelmum, & Robertum; & in manibus eorum trium in nomine Trinitatis tradidit se societati sanctorum fratrum ad Ordinem Canonicum.

CAP. VII. Cum igitur ordinatus esset, & obedientiam professus secundum regulam & vitam sub sanctis Apostolis constitutam: cœpit regulam ordinis & constitutiones diligenter ediscere, memoriæ commendare, actibus adimplere; nec se magistrum ulterius passus est appellari, sed discipulum & subiectum in omnibus studuit exhibere; communes observantias Conventus irreprehensibiliter custodire, privatas tamen religionis hostias quantum fas erat occultius adjicere. Vigil in orationibus, profusus in lacrimis, devotus in divinis obsequiis, in cibo & potu parcissimus, in confessionibus coridianis purissimus, in disciplinis privatis districtissimus: Nocturnæ delusionis fantasias uberibus lacrimis puniens, ultra quàm alius etiam actus turpitudinis punire curaret. In omni morum honestate & virtutum ornamento conspicuus; ita ut conversationem ejus tam singularem quàm sacram nullus sufficeret admirari, nullus imitari, profectibus ejus omnes congauderent, nullus invideret. Inter hæc Hugo de Laceio, vir nobilis, fundator & patronus Ecclesiæ Lanthoniensis, cum vitæ suæ finem fecisset, sepultus est apud Wibeileiam in parte fundi quam in extremis agens Ecclesiæ donaverat. Cum igitur definissent fratres locum religionis ibi fundare; missus est præfatus Robertus cum Willelmo tanquam operis dispositor, custos & procurator. Videres philosophum antiquum factum novum operarium. Videres lathomum inusitatum marras, picos, sculcas, bajulantem, terram fodientem, lapides scindentem, scissos eruentem, erutos comportantem. Sed cum nec sibi parceret; nec corpus imbecille fervorem mentis æquaret: de consilio revocatur in claustrum. Cum autem intercurrente tempore pater Ernesium ad intermissam dudum vitam anchoriticam respirasset, & inexorabilis desiderium suum obtinisset; communicato fratres consilio præfatum virum Robertum Priorem suum constituerunt.

CAP. VIII.

CAP. VIII. In quo ministerio quàm strenuum se exhiberet, quàm sollicitum, exemplo perdoceri non potest. Quid enim singulis utile, quid necessarium esset, diligentius explorabat. Quod domi non erat, foris quæritabat, & quasi apud argumentosa reportabat. Redditiu necessarios callidus conquisitor sine notâ cupiditatis paulatim attrahebat. Nec corporum tantum procurator sed animarum, quicquid ordinis vel religionis uspiam indagare potuisset, compilabat; & cautâ suggestionem primitivis usibus sensim adjungebat. Crescebat igitur in dies numerus Fratrum & religio. Optima quoque longè latèquè pro veritate religionis fragrabat opinio. Nec silendum puto, quàm sanctam, quàm laboriosam sibi consuetudinem indixerit; ut cessante diurno Marthæ ministerio nocte resideret ad pedes Domini suspensus cum Mariâ. Cum enim vespere factò Conventum in Dormitorio conclusisset; expectabat donec omnes soporatos æstimaret, tractans interim & conferens in corde suo, in quibus utilitatibus aut forte negligentis diem expendisset; qualem rationem pro se pro sibi commissis reddere potuisset; quale iudicium subire dignus esset. Tum deinde reminiscens, quanta sollicitudo fuisset beato Job pro filiis suis, pro quibus cotidie post epulas holocausta per singulos obtulisset; *ne forte benedixerint Domino in cordibus suis.* Post hæc surgens pastor bonus clanculum exibat in oratorium, pro grege sibi commissò de se ipso facturò holocaustum. Flexis igitur genibus centies aut eo amplius cum lacrimis & orationibus detractò cilicio, quo ad carnem utebatur, seipsum diris flagellationibus afficiebat. Videres, te putares Dei filium ante Pilati tribunal flagellatum luere peccata totius mundi. Dubitas an palam hoc faciebat: aut si occultè, unde nosse potuerim? Fateor curiositatem meam; quoniam egredientem è vestigio sæpe prosequabar, exploraturus quid faceret; & in tormentis ejus anxius ipse torquebar; nec cessavi furtim prosequi sanctum Domini, donec nocte unâ tenebrosâ radiante super eum coelesti lumine deprehensus sum latitans. Sed increpatus sum, & admonitus, ne curiositatem hanc ulterius præsumerem: Adjuratus insuper, ne quid viderim eo superstitè cuiquam indicarem.

CAP. IX. Porro in cæteris quæ ad officium regiminis pertinebant, omnibus incomparabilis inventus est temporis nostri Pastoribus. Quique præfectus erat omnibus, factus omnium servus, non se reputans potestate dominante, sed caritate serviente felicem: Verus imitator Jesu Christi, qui non venerat ministrari sed ministrare, & dare animam suam pro ovibus suis. Officium tamen in se retinebat pastoris, qualem format Apostolus, qualem imitatur Augustinus. Corripuens inquietos, consolans pusillanimos, suscipiens infirmos, patiens ad omnes; Disciplinam libenter habens, metuendus imponentis: Et cum utrumque sit necessarium, plùs tamen appetens amari quàm timeri. Hoc tamen prudenter utens discretionis temperamento, ne remissior plùs amaretur, rigidior plùs timeretur. Quod si appeteret; sua sibi videretur quærere, non quæ Jesu Christi; nec pastor esset sed mercenarius. Porro in confessionibus suscipiendis quàm discretus fuerit, noverint qui experti sunt. Habebat frater aliquis in conscientia quod hæsitabat confiteri. Deliberans tamen diutius, vicit tandem erubescèntiam; ut securam faceret conscientiam. Cumque coram sancto viro aperiret os in confessione ambagibus utens, alia quædam leviora quàm quæ proposuerat elocutus; & acceptâ absolutione recedere parabat; tunc vir sanctus, Attende, inquit, tibi frater, & glorifica Deum. Attende fallacias seductoris tui; os tuum aperuisti in confessione; sed quicquid proposueras abstulit tibi ne diceres. Frater autem obstupescens cecidit ad pedes ejus; & verum esse quod dicebat confessus est; & quod dicturus fuerat purius emendavit.



emendavit. Alius missus in obedientiam, cum redisset de itinere, confessionem suam fecit ex consuetudine, quod in multis offendisset. Cumque verbis finem fecisset; ait ei vir sanctus: Et quomodo, frater, subtrahis quod deterius est? nonne tibi prohibueram, ne ad parentes tuos diverteres; & transgressus es præceptum Domini? Erubuit frater, & admirans ait: Et quomodo innotuit tibi pater? At ille tanquam ludens respondit: An nesciebas quod haberem Angelum meum, quem ego mitto cum his qui foris exeunt, ut observet & renuntiet mihi quid agatur in viâ? Et procidens frater indulgentiam impetravit. Sic & aliorum secreta cordis sæpe deprehendit; ut eum etiam occulta cordium videre non dubitarent.

CAP. X. Vim autem virtutis suæ, quam acceperat vir sanctus à Domino, in multis adverti potest argumentis. Frater quidam occultè temptatus, cum directus esset, in itinere moram fecit; dum locum sibi remansionis dolose perquireret. Cumque tandem rediisset & propositum malum explere temptaret; quasi vit fallaciter occasiones exeundi, figmenta quædam proponens. Sed dolus ejus Priori jam innotuerat & fratribus. Admonitus igitur sæpius de purâ confessione & stabilitate servandâ, obstinatâ mente mendaciis se diutius redemit. Tandem cum in Capitulo coram fratribus publicè moneretur, & machinationes ejus sibi ex ordine opponerentur; surrexit responsurus; sed Prior anticipavit responsum ejus, adjurans eum in nomine Domini, quod si spiritus veritatis esset cum eo, loqueretur; sin autem in spiritu mendacii cogitasset eos fallere, in virtute Spiritûs Sancti non haberet potestatem verbum unum proferre. At ille statim tanquam elinguis factus prorsus ommutuit, & recessit. Alius frater nocturnis fatigatus illusionibus, cotidie cum lachrimis confessionem faciebat. Et cum die una luctuosus & erubescens redisset ad patrem; ait: Credo, pater, quod si meruisssem orationum tuarum suffragia; liberari possem ab istâ molestiâ. Et ait ei vir sanctus cum fiducia: Et ego rogo Dominum meum, ne te infestet ulterius supra naturam ista spurcitia. Frater igitur recedens cum fiduciâ, delusoris sui vires confutatas expertus est. Item frater alius spiritu fornicationis gravius impugnatus, de consilio sancti viri carnem suam domuerat jeuniis & abstinentiâ escæ, quanta valetudo permittebat; nec pacem invenerat. Desperatus igitur rediit turbulentus ad virum Dei, dicens: ecce necesse tandem habeo discedere, quia pacem vel salutem hoc loco mihi destinatam ultra despero. Servus autem Domini blanditur, amplexatum consolatur; absit, inquiens, frater, ut tam leviter de te triumphet adversarius noster, qui tanquam leo rugiens circuit quærens quem devoret. Hoc nempe primum quærit, ut eliminare te possit à caulis summi pastoris, quo liberiùs rapiat ad devorandum. Sed apprehende arma Scripturarum; stæto in acie, viriliter age, confortetur cor tuum, & sustine Dominum. Crede Propheta dictum. <sup>1</sup> Cum te consumptum putaveris; eris ut Lucifer. Et ego præcipio incentori tuo in virtute Spiritûs sancti, ut discedat à te. Dixi, & sanatus est frater ex illâ horâ. Talibus studiis intentus pastor providus & Domino plenus consueverat agnos sibi commissos de ore leonis eripere.

CAP. XI. Contigit eodem tempore, ut Ecclesia Herefordensis pastore destituta jam diebus multis miserrimè laborasset. Ex condicto igitur primarii duo diebus illis, Paganus filius Johannis & Milo Constabularius, suggererunt regi Henrico; quo præfata Ecclesia tandem post annos quinque pastorem provideret. Quæsit quem laudarent, aut si quem providerint. Nominat Priorem Lanthoniensem. Assensit Rex; & utinam, inquit, vel una  
radix

<sup>1</sup> 1 Pet. V. 8.

<sup>2</sup> Job. XI. 17.

radix bona relinquatur post dies nostros in ecclesiâ. Consulitur Archiepiscopus. Laudat consilium, & assensit libens: sed providendum est, inquit, quomodo cautius agatis. Nam homo ille quantum potest prælationis fugitans, cum ante annum præteritum ad Archiepiscopatum quæreretur, & mandatus esset ad curiam, delituit, & consilium vestrum frustravit. Exiit tamen consilii verbum in publicum. Quod cum Prior persentisceret; ter-  
ritus est, & mente prælagâ consternatus. Et accelerans ad Episcopum Lan-  
davensem Urbanum, cuius professus erat, præmunivit eum rogans & obse-  
crans, ne eum absolvat; adjiciens non illi expedire, ut de filio suo privig-  
num faciat. Sensit Episcopus, quò vergeret verbum hoc; & libenter pro-  
misit operam. Cum igitur mandatum Regis & Archiepiscopi, ut personam  
memoratam absolveret & ad Episcopatum Herefordiæ liberam faceret; distu-  
lit rem ut potuit. Hoc secundo, hoc sæpenumerò. Dum sic callidis ar-  
tibus opera luditur instantium; annus emensus est. Mittunt igitur ad Pa-  
pam Innocentium; & super postulatis accipiunt mandatum obedientiæ:  
Unum ad Urbanum Episcopum, ut personam memoratam absolvat; al-  
terum ad ipsam personam, ne vocationi suæ ulterius reniti præsumat. Con-  
venientibus igitur utrinque in Capitulo Lanthoniensi Legatis, præsentem Epi-  
scopo Urbano, leguntur Apostolica præcepta, Regis & Archiepiscopi man-  
data. Facit Episcopus quod præcipitur; patitur Prior quod cogitur. Se-  
questeratis autem procul in partem Legatis, Prior Conventum breviter alloqui-  
tur. Videtis, fratres, quàm violenter à vobis revellor, membrum à membris  
meis; ni fortè rationem habetis, quæ me retinere sufficiat. Si minùs, ma-  
turi consilii tempus est; quia potestas imminens moram non patitur. Re-  
spondent fratres. Utinam pater suppeteret nobis te retinendi ratio suffici-  
ens! Sed quia non est sapientia, non est consilium contra Dominum; con-  
siliium nostrum est facere de necessitate virtutem, & æquanimiter tolerare  
quod mutare non possis. Surgit in hæc verba lacrymans uberrimè. Petit  
licentiam eorum & benedictionem. Petit & veniam & absolutionem eorum  
de omnibus quæ se fatetur in omnibus & in singulis offendisse. Et nuda-  
tus pedibus singulorum advolvitur cum flagello, postulans disciplinam.  
Deus bone, Jesu pie, quanti singultus, quanta suspiria quatiebant corda  
singulorum? Quanta fuit concertatio pietatis cum obedientiâ? Ubi pii  
filii reverebantur, & cogeantur piissimi patris dorâ flagellare. Cum igi-  
tur resumpisset indumenta sua, & valedixisset omnibus; accedentibus  
Legatis rapitur, revellitur, reducitur. Prosequimur, quantum permitti-  
mur. Videres tanquam Heliam raptum per aera: Videres Helisæum non  
unum sed multos circumstantes extensis manibus inclamantes. *Pater mi,* 4 Reg. II. 12;  
*pater mi, currus Israel & auriga ejus.* Et iterum. Cur nos, pater, deseris;  
aut cui nos desolatos relinquis? Invadent enim gregem tuum lupi ra-  
paces. Ego quoque impatientius ferens desolationem meam: Quò, in-  
quam, progredieris sine filio, pater; quò, sacerdos sancte, sine ministro pro-  
peras? Et respiciens in me cum lacrymis, petiit & impetravit à fratri-  
bus; ut comes itineris, solatium laboris, minister in obsequiis sibi com-  
mendarer.

CAP. XII. Recedimus tandem luctuosi quidem & suspirantes; sed cum  
verticem Hattiræ montis vir sanctus attigisset, & locum sanctum post se respex-  
isset; tum demum lacrymis & singultibus temperare non potuit, visus sibi tan-  
quam Adam de paradiso pulsus in exilio. Vix loco abstrahitur, vix conquie-  
scit; sed inductis de industriâ variis consultationibus, commeantes mentem  
occupant, donec montem transivisset. Primam mansionem viantibus Rossa  
nobis obtulit. Ibi eadem noctis horâ visiones singulas vidimus; quibus territi  
[ R r ] eodem



eodem temporis momento nos horrendis clamoribus pariter excitavimus. Ma-  
 nè factò promovimus. Cùmque in itinere debitum pensum horarum persol-  
 vissemus; in publica verba redimus. Rogat me vir Dei, quid habuerim in nocte,  
 qui sic clamaverim? Et ego: Somnium, inquam, meum terruit me. Et  
 me, inquit, meum similiter. Retulimus invicem, quid viderimus. Sed  
 cùm audisset visionem; contulit in corde suo, nec jam opus habebat Joseph  
 aut Danielem interpretes. Intellexit enim spiritualis homo, quid visa por-  
 tenderent, & quomodo ad caput unum concurrerent. Evanuit tandem spes  
 ejus evadendi, quam nec dum projecerat. Suspiravit ab intimis, rediit in  
 lacrymas, succutitur singultibus. Et cùm processisset gressibus paucis; sub-  
 stitit nutabundus, & ait; Quò feror infœlix? Quò me rapit cæcaræ mentis  
 impetus? Ecce dum liber & meus sum; quid me tanquam videns & volens  
 ingero in servitutem & tormenta? Ad hæc ego impatienter commotus; quid,  
 inquam, quid agimus? Cuid est quòd cotidie morimur? Non sic mihi  
 constat liberum esse, quem Apostolicæ auctoritatis cathena constringit. Quòd  
 si minor est obedientia quàm voluntas; quid cunctamur quod melius est eli-  
 gere? Ecce patet è sinistris planities ad fugam, Nemus à dextris ad latibulum.  
 His dictis illico percussi cor meum, dicens: Ignosce, mi pater; quia commo-  
 tus verba delira protuli. Quin potius tu tecum delibera, quid potius expediat,  
 qui virtutem obedientiæ tociens nobis prædicasti. Vacillantes confirmaverunt  
 sermones tui; & genua trementia roborasti. Si voluntas est hominum quæ  
 tractatur; dicit nobis Psalmista: *Domine dissipat consilia gentium, respuit  
 autem consilia populi, respuit consilia principum.* Quòd si voluntas Domini est,  
 quæ operatur circa te; *Quis est qui resistere possit ejus voluntati?* Unum dicit  
 idem Psalmista. *Quò ibo à spiritu tuo, & quò à facie tuâ fugiam? Si ascendero  
 in cælum, tu illic es; si descendero ad inferos, ades. Facta igitur in Domino  
 curam tuam; & ipse te enutriet. Non dabit in æternum fluctuationem justo.* Sub-  
 ditus esto Domino; & ora eum. Dicit quod sæpe soles. *Dirige Domine  
 Deus meus in conspectu tuo viam meam.* Et iterum. *Deduc me, deduc me, Domi-  
 ne, in viâ tuâ, & dirige me in semitâ rectâ.* Et iterum. Fiat à me & in me &  
 de me tua voluntas non mea. Adquievit tandem vir humilis & mitis; nec  
 præsumptuosam habuit consolationem meam, cujus noverat dilectionem. Re-  
 spondit tamen, & dixit. Ne mireris, charissime frater, sed misereare potius  
 angustias meas. Præsentio namque, quæ cruces, quæ tormenta me maneant.  
 Ad bestias habebò pugnare ferocissimas. De amicis meis facturus sum hostes  
 meos. Absit enim, ut pacem aut fallacem gratiam malignantium tanti faci-  
 am; ut pro pastore mercenarium me constituam. Absit ne pastoralis honor  
 in personâ meâ meritò blasphemetur. Hic est enim amor meus, fortè præ-  
 sumptivus, fortè supervacuus. Potens est enim Deus de omnibus his eruere  
 animam meam. Sed novi, nec quisquam me melius, imbecilitatem meam;  
 & quàm impar sim tantis congressibus, qui in pace & quiete delegeram in do-  
 mo Domini expectare finem meum. Coactus igitur obedientiæ virtute, vix  
 extorsit ab animo suo, ut cœptum promoveret iter: dieque teritiâ pervenit ad  
 Curiam. Nec tardavit meliores amicos suos anticipare, singulis supplicare  
 cum lacrymis; ne consulerent aut consentirent, quòd amicus eorum homo pu-  
 sillanimis & infirmior prælationis oneri subiceretur. Primarios autem supra  
 fatos, qui de dominiis Herefordensis Ecclesiæ villas tenebant, qui consilium  
 prætractaverant & persequabantur, acrius aggreditur; rogans instantius,  
 comminans, & præmunens; ut si pacem suam diligerent, ab incepto de-  
 sisterent.

• Psal. XXXII.  
10.

• Rom. IX. 19.

• Psal.

CXXXVIII. 7.

• Psal. LIV. 23.

• Psal. V. 9.

• Psal.

LXXXV. 11.

CAP. XIII. Fecit homo quod potuit, Deus quod voluit. Habito namque tractatu persona vocatur in Episcopatum, eligitur renitens, qua licuit, assumitur ad altare, & divinis laudibus offertur; & cum postera die sacratu\* esset, ad cathedram mittitur Episcopalem. Hic intueri licet, quanta fuerit in religioso viro modestiae discretio; qui noverat de gestis filiorum alienorum imitationis exempla traducere. Legerat nempe regem David cinerato capite in terrâ jacuisse, septem diebus cibos abdicasse, quamdiu parvulus sibi natus mortem praematuram promittebat.\* Cum autem accepisset puerum jam obisse; surrexit de terrâ, & adorato Domino in templo, lavit faciem suam & manus, & cibos sumpsit: tali scilicet indicans exemplo, quamdiu gravis praesidentis sententia suspensa tenetur & mutari poterit, modis omnibus humilitatis annitendum esse quo redimatur: Cum autem definita fuerit, continendum esse, prout tempus & ratio postulaverit. Hoc igitur Episcopus prudens usus documento, sic actus posteros modificavit; ut & lacrimis ultra non valituris temperaret, & onus in pactum, quod abicere nequireret, æquanimiter toleraret; & quæ de cætero facienda restarent, prudenter provideret. Cum igitur perductus esset Herefordiam; solenni gaudio, tanquam Angelus à Domino missus, suscipitur; procedentibus in obviam ac stipantibus supra numerum turbis tam cleri quam populi, laudantium Dominum ac dicentium: <sup>h</sup> *Benedictus qui venit in nomine Domine.* Sic positus <sup>h</sup> Matth. XXI. in cathedrâ sedit mensibus tribus minus ab annis XVII. Quam autem vitam <sup>9</sup> post hæc duxerit, quid egerit, quid pertulerit; quam gloriosus obierit; si prosequi voluero, immensus mihi pelagus aperitur; & mihi fortasse prius aura deficiet quam materia. Aggredior tamen, si quid potero, quia sic vultis, fretus meritis ejus & precibus, quibus optanda nobis apud Deum impetrari posse confidimus.

Explicit Liber Primus.

\* Consecratus est Oxenfordiæ à Wilhelmo Doroberniæ Archiepiscopo anno 1131. die 3. Kal. Julii. Sic Monachus contemporaneus Wigorniensis, qui Florentii Chronicon ad annum 1141. continuavit. In Ecclesiâ tamen Roffensi consecratum dicit Gervasius in Actis Pontif.

Cant. p. 1663. Quarto potius Cal. Julii consecratum puto. Is enim dies illo anno Dominicus fuit. Crassius erravit Waverleiensis Chronographus, qui Robertum anno 1133. ad Pascha à Rege designatum scribit.



## Incipit Liber Secundus.

## CAPUT XIV.

**P**ostquam igitur Venerabilis vir & à Domino benedictus Rotbertus pontificali honore sullimatus esset; nihil ut assolet bonis moribus, nihil proposito religionis imminuit. Providens namque quod de vitâ & actibus suis Domino redditurus esset rationem, sedens distinxit in corde suo; quid deberet ordinis sui officio, quid domesticis suis, quid alienis, quid omnibus in commune; quid opibus misericordiæ. Secundum hoc vitam suam instituit; ita ut servatâ regulâ justitiæ simul & ordine quæ Dei sunt Deo redderet, & quæ hominum hominibus exhiberet. Emergentibus igitur occasionibus, pro loco, pro tempore, pro personis, singula singulis congruentia dispensabat moderamina; & quantum in ipso erat omnibus secundum Apostolum placere studuit; bonis tamen in bonum: <sup>Psalm. LII. 6.</sup> cautiùs observans quod de corruptis scribitur in Psalmo <sup>a</sup> *quoniam Deus dissipavit ossa eorum, qui hominibus placent: confusi sunt, quoniam Deus sprevit eos.* Bonos & modestos honore præveniebat, in bono suo confovebat, ad meliora provocabat. Perversos autem & discipulos admonebat, corripiebat; mansuetudinem amans, rigorem non negligens. Discordantes in pacem & misericordiam revocabat. Latronum & raptorum pœnale iudicium non abhorrebat, aut lenire curabat. Oppressorum & desolatorum causam tanquam patronus suscipiebat. Religiosorum adventum hospitaliter suscipiebat, necessitates audiebat, penuriam misericorditer relevabat. Si quos gyrovagos & dissolutos in ordine deprehendebat; sic privatim increpabat, ut in publico non minùs honoraret. Porro inclusorum & Heremitarum, Cœnobitarum conversionem diligentius inquirebat. Et quos in viâ Domini bene currere didicisset, affectuosius amabat, frequentius visitabat vel in personâ suâ vel in benedictionibus caritatis. Scolariū, Clericorum indigentiam explorabat; & secundum rationis differentiam consolari curabat. Viduarum pauperiem, languidorum vel debiliū impotentiam miseratione paternâ sustentabat; quorum nomina vel hospitia singulis in locis quo veniebat perquiri faciebat. Reliquorum pauperum discursantium non personalem numerum sed turmas pro loco, pro tempore concurrentes resocillabat; quos cum major erat numerus multitudinis, ante suum prandium refici constituerat. Si qui tardiùs supervenissent, coram mensâ suâ ministrari faciebat. Habebat autem ministros idoneos Deumque timentes super hoc officium constitutos. In singulis nihilominus mansionibus suis habebat numerum pauperum definitum; quibus non prabendam tantum diurnam, sed indumenta & calceamenta per annum necessaria procurabat. Singula si referrem, diceres Johannem Eleemona vel revixisse, vel alium pro eo surrexisse. Unde non immerito posset cum beato Job sine inani gloriâ gloriari dicens: <sup>b</sup> *Pater eram pauperum, oculus cecorum, pes claudorum.* Et quod in consequentibus additur: <sup>c</sup> *Si negavi quod volebant pauperibus; & oculos viduæ expectare feci. Si comedi buccellam meam solus, & non comedit pupillus ex eâ. Quia ab infantiâ meâ crevit mecum misratio, & de utero matris meæ egressa est mecum.* Quoniam autem necessarium agnoverat conservare conscientiam sibi, famam proximo suo; inter honestum & utile sic metiebatur, sic angusto calle transibat; ut nihil honestum quod inutile, nihil utile

<sup>a</sup> Job XXIX.

15.

<sup>b</sup> Job XXXI.

15.

utile quod inhonestum reputaret. Hoc igitur observans, domum habebat ordinatam & bene dispositam, copiosius abundantem sine prodigalitate; Familiam & clientelam disciplinam, non tumultuantem aut populari loquacitate dissolutam, sed cum modestiâ & honestate ministrare institutam. Cantores, mimos, histriones, turpiloquos, & hoc genus omne vanitantium nec videre curabat nec prorsus audire.

CAP. XV. Mensam habebat frugalem sine avaritiæ notâ, religiosi personis aut aliis summis confessoribus adornatam. Lectionem utilium Scripturarum ad mensam audire consueverat; de quibus inter epulandum aut cum literatis breviter & modestissime conferebat, aut illiteratis assidentibus aliquid edificatorium utiliter exponebat. In camerâ privatè comedere sine magnâ necessitate nunquam consuevit. Ubiunque tamen comederet, satiram habebat coram se capacissimam; quam de apposis sibi cibis in eleemosynam infirmorum cumulabat. Hora refectionis ejus erat prandium; vel si opus diei exigebat, prandium translatum in cœnam. Et cum aliis hilariter dapilis esset & largus; sibi tamen erat pro consuetudine parcissimus. Hoc autem erat mirabile; quomodo quotiens exemplo beati Augustini carnes in mensâ ejus apponebantur propter hospites; ipse magno quodam apparatu & fantasticâ manuum agilitate oculos fallebat convivantium, carnes incidens & in orâ parapsidis ordinans, buccellis tamen panis intersertis, quas cum acciperet, carnem edere putaretur. Sic cum alios saginabat; ipse siccus permanebat. Siquando tamen domi vel foris propter vitandam hospitum molestiam carnem gustabat; nocte sequenti lacrimis, in crastino abstinentiâ escæ tanquam reatum aliquem expiabat. Nec hoc quidem quoddam votum haberet super se; sed quoddam devotione gauderet abstinentiæ. Pisces raro tangebatur nisi fortè viliores. Cibus erat pro temporum congruentiâ, lac, caseus, butyrum, nascentia leguminum, fructus arborum, olera herbarum. In potu non minùs erat abstemius; ut nec bibisse facile possit adverti; sed cum Paulum imitari vellet dicentem: <sup>1</sup> *castigo corpus meum, & in servitutem redigo*: itemque Augustinum docentem, *carnem vestram domate jejuniis & abstinentiâ escæ, quantum valetudo permittit*; excessit medicina modum. Nam incidit in morbum, quem syncopin vocant. Cum autem ex necessitate reddere vellet sua jura naturæ; præmortuâ jam appetitivâ virtute refutabat accipere. Non segniùs tamen, quod mirandum est, corpus effœtum laboribus subigebat.

<sup>1</sup> 1 Cor. IX. 27

CAP. XVI. Proinde quod ad custodiam & argumentum pudiciæ pertinere dinoscitur; nunquam oculum in fœminam figere consuevit. Legerat enim quomodo *abominatio est Domino defigens oculum*. Nusquam solus cum solâ sedere vel loqui nisi coram positis arbitris præsumsit, nec de confessione quidem vel quolibet arcano. Quid igitur de mundiciâ carnis ejus sentiendum sit, cito dixerim. Quod scire potui, virgo senex obiit.

CAP. XVII. Porro quàm sedulus, quàm devotus fuerat in divinis officiis, docere per singula perlongum est, persuadere difficile. Quotiens enim Missam celebrabat, & ad sumendum Dominicum sacramentum venerat; non erat modus singultibus, non cruentis lacrimis; donec seipsum tanquam mactatum holocaustum obtulisset. Hunc usum etiam in privatis orationibus suis observabat. Sæpiùs etiam cum attentius oraret, aut etiam meditaretur, sive sedens sive procumbens; rapiebatur in ecstasi mens ejus, ut sopitus videri potuisset. Cum autem hauriret spiritum cum impetu redeuntem; quasi de gravi somno excitatus, semilanguidus apparebat. In exequendo ministerio suo tam promptus, tam strenuus erat; ut quotiens ad Basilicas dedicandas sive Oratoria, sive Cœmeteria sacrandâ peteretur; non excusabat, non inducias quærebat; sed quæcunque



quæcunque intemperies inhorruisset, statuto die alacer occurrebat. Et cum in divinis sacramentis & verbo Domini seminando caterisque causis emergentibus diem expendisset; ad propria jejunos redibat. Quod si fortè tardius erat, aut alia necessitas urgebat; vix precibus adduci poterat, ut hospitium vel cibum acciperet alienum. Ordinationes Clericorum exquisitissime faciebat; præcavens & præminitans, ne qua venalitas intervenisset aut indignitas contradiceret. Per singulos gradus sermonem de more faciebat instructorium; quo discerent singuli, quâ ratione, qua vitâ ordinem suum honorare deberent & ministerium. Gyrovagos, acephalos, notabiles, alienos, servos penitus refutabat. Clericulos nili provectiores & libertatis testimonium habentes, quibusque in ecclesiâ locus & victus provisorius fuisset, coronare devitabat. In omnibus denique Pulum imitari satagebat dicentem: <sup>b</sup> *Honorificabo ministerium meum.* Unde cum in omnibus generaliter, in Clero tamen propensius execrabatur & persequeretur omnigenæ fornicationis immunditias, & quæ harum occasiones sunt, ebrietates & comestiones, cæterasque turpes dissolutiones.

<sup>a</sup> Rom. XI. 13.

<sup>a</sup> Psal. CXXX.

CAP. XVIII. Humilitatis ejus virtus quanta fuit, paucis plenius innuit. Quam vir prudens in officio regiminis sic modificabat; ut nec rigor humilitatem, nec humilitas destitueret rigorem necessarium. Non enim ignorabat, quomodo inter regendos si nimia fervaretur humilitas, regendi frangeretur autoritas. Cum autem ad privatum rediisset conscientie judicium; dicere poterat secure cum Psalmista: <sup>c</sup> *Domine non est exultatum cor meum, neque elati sunt oculi mei: &c.* Astruere poteram unum pro multis nec modicum humilitatis ejus documentum: sed vereor, ne si audierit Phariseus, indigne-  
tur, sumatque sibi scandalum de bono alterius. Quomodo tamen silere potero veritatem, quæ sancti viri nobis commendat humilitatem, viderit humilis, qui imitari voluerit: Viderit superbus, qui humilitatem abhorruerit. In Cœnâ Domini quotannis cum sacramenta diurna peregisset: & pauperibus Christi propriis manibus necessaria ministrasset; facto vespere Salvatoris exemplum in abluendis pedibus discipulorum in choro reverenter exhibebat. Deinde domi præparatis pauperibus aliis, idem humilitatis exemplum repetebat: Addens caritatis opus in eleemosynis consolatoriis. Denique facto noctis crepusculo, nudis pedibus & aperto capite assumpto uno comite fidelissimo, altero præmissio præparare quæ necessaria forent, procedebat ad habitacula lepro-  
forum. Ibi præcinctus lintheo pedes singulorum humiliter lavabat, lacrimis rigabat, capillis tergebat, osculabatur dulciter. Postremò vestes & calceamenta dividebat per singulos; sicut cuique opus esse præquisierat. Quo facto de nocte redibat in sua. Si quis discretor es censorque meritorum; tibi relinquo in hac parte judicium. Audisti factum Mariæ Magdalene scriptum in Evangelio, quod prædicatur in universo mundo. Audis simile factum humilitatis Antistitis sancti cum veritatis testimonio. Lavit mulier peccatrix pedes Salvatoris, lacrimis rigavit, capillis extersit, & oscula junxit. Pedes inquam Salvatoris, sed pedes mundissimos, pedes sanctissimos. Lavit Antistes humillimus pedes pauperum, in quibus erat Christus; sed pedes leprosos, ulcerosos, cœnulentos. Sed & hos lacrimis rigavit, capillis extersit, & oscula fixit. Confer opus humilitatis & devotionem amborum; Et si de sententiâ meritorum hæsitās; divino committe judicio. Nos cœptam viam prosequimur: sanctissimi viri caritatem admirantes, qua sic fraternis negociis expositus erat, communia propriis anteponens; uti nec laboribus suis parceret nec impensæ. Cavebat enim provide, ne si rogatus veniens fratrem vel amicum gravasset in aliquo, gratiam & meritum perdidisset, tanquam si caritatis officium vendidisset. Quotiens autem ad publicos conventus evocatus accederet, quotquot ad eum undique confluxissent viri religionis, in eo inveniebant negociis suis consilium, in hospitio humanitatis solatium, in  
conventu

conventu patrociniū. Porro tantæ charitatis ejus meritis tanta succrevit & gratia ; ut in publicis tractatibus si qua dubietas si qua difficultas oriretur, Robertus Episcopus tanquam senior tanquam discretus & religiosus consulere-  
tur ; & quod ipse definisset ratum haberetur. Si quem autem vel ignorantia vel voluntate à tramite justitiæ deprehendisset exorbitare ; nullius persona nul-  
lius potestas à puncto veritatis eum dimovere prævalebat. Unde & hic subse-  
cutus est honor, sed onerosus labor ; ut quicumque à Domino Papâ causam  
suam in Angliâ terminandam retulisset, Robertum Episcopum patronum  
habere postularet & obtinere gauderet. Nec hoc silendum, quomodo quoti-  
ens infirmabatur vir iste timoratus, festinabat ministris suis solidos totius anni  
de integro reddere, & gratuita donaria singulis superaddere : Dein quod ad  
manum habebat, pauperibus erogare ; si quid alibi haberet, testamentum fa-  
cere. Cum autem convaluisset ; nihil eorum quæ in eleemosynam denomi-  
nasset, rehabere volebat, nisi alia pro aliis redimeret. Si quis verò in obsequio  
ejus infirmabatur ; omnem humanitatis sollicitudinem erga eum exhiberi  
faciebat. Quod si moriebatur ; quicquid de rebus suis disposuisset, ratum  
haberi præcipiebat. Nisi forte ad majorem salutis ejus profectum aliquid  
demutandum pervidisset.

CAP. XIX. Plura satis sunt quàm quæ memoria signaverit humanitatis  
ejus indicia, sanctitatis argumenta foris scintillantia. Ex quibus quæ ipse  
videre non potui, sollicitus fui ab aliis qui viderunt certiùs indagare, piorum  
thesaurum exemplorum conferens in corde meo. Quæ apud pias mentes parvi  
pendenda non æstimo ; si exilis stili macilentâ brevitate coartantur. Agebat  
iter aliquando vir sanctus vocante negotio ; & præmissis comitatu ad transitum  
pontis præjacentis ipse novissimus sequebatur, uno comitatus Canonico, psal-  
mocinantes invicem secundum consuetudinem. Cumque post alios pontem  
ascendisset Canonicus ; incautiùs allateratus Episcopo cecidit foras & equus  
super eum inversus in gurgite rapidissimo. Vir autem impiger reminiscens,  
quia majorem charitatem nemo habet quàm ut animam suam ponat quis pro  
fratribus suis, descendens insiluit in profundum. Et reversans equum supinatum,  
apprehendens fratrem extulit caput ejus supra aquam donec respirasset ; sed  
dum eum tollere vel à sellâ revellere frustra luctaretur ; accelerantes comites  
certatim insiliunt gurgitem. Alii rapiunt Episcopum ; Alii circumjectis capi-  
stris equum extrahunt hærentem in limo profundi. Cum igitur ruinam repa-  
rassent, & timor redisset in securitatem ; ascensis equis promovent iter. Inte-  
rea juvenus levior & garrula turba puerorum insultant Canonico, vocantes  
eum militem nimis delicatum, qui nec in expeditione uno die balneo carere  
potuisset. Maturiores autem quæritabant inter se, quomodo cecidisset Epi-  
scopus. At ille, ut erat auribus vigil, subaudiens : non cecidi, inquit, sed  
calui fratris perituri subveniendum putavi ; ut vel vivus vivum liberarem, vel  
mors socialis individuos socios inveniret. Mirantur audientes, & strenuitatem  
viri prædicant, charitatem autem & humanitatem quàm maximè. [*Sequuntur*  
*Miracula bina ; quæ Lectoris fastidium veritus rejeci.*]

Alio tempore exigente necessitate homo Dei movit iter antematutinum,  
cumque devenissent in solitudinem, offenderunt mulierculam jacentem secus  
viam & puellulam parvulam juxta eam plorantem. Substitit homo pius ; ut  
sciret quid esset. Interrogat puellam. At illa : Væ, inquit, mihi misellæ,  
væ mihi. Hæc est mater mea, quæ hoc loco serò obdormuit ; & in totâ nocte  
non possum eam excitare. Et timeo lupos ne me cum illâ devorent. De-  
scendentes & tractantes deprehendunt mulierem esse mortuam. Quam fecit  
Episcopus in palefridum suum levare : Puellulam verò post clientem deferri.  
Et convocans Clericos, coepit commendationem animæ & totum cursum qui  
sequitur in agendis mortuorum. Cumque elucescente die ecclesia comparu-  
isset,



isset ; à dextris divertunt illuc : Et dato pretio fecit eam sepeliri. Puellulam verò portatam longius ad aliam villam, ubi notos habebat, quæsitâ nutrice datoque pretio commisit alendam.

<sup>a</sup> Isa. I. 12.

CAP. XX. Fœlix homo, si in talibus exercitiis vitam in pace finire licuisset. Longè tamen fœliciores dixerim, cui de tribulationibus consequentibus indubitata martyrii corona constat adaucta. Sed hæc est hostis invidi seducta calliditas ; ut quem in pace seducere nequit, victorem perdat in prælio. Primam igitur persecutionem à domesticis suis pertulit ; de quibus dicere posset. <sup>a</sup> *Filios enutrivit & exaltavi ; ipsi autem spreverunt me.* Hoc nempe bonæ intentionis studium vir sibi sanctus indixerat ; ut ad decorem Ecclesiæ sibi commissæ si quas personas idoneas literatas alicubi vacantes acciperet, eas ad se vocaret, ordinaret, & beneficiis ecclesiasticis vel honoribus sullimaret. Sed nescit malitia beneficiis respondere. Unde factum est, ut Radulphus quidam, quem alienum asciverat, & Decanum constituerat, primus contra eum levaret calcaneum. Nec prius eum destitit indignis tribulationibus vexare ; donec compelleret Romanum Pontificem adire. Cui cum angustias indicasset, & vexationes, quas à Decano suo patiebatur tam indignas quàm injustas ; decreto Curia cum pace suâ remissus est. Sed pacem reportans, pacem domi non invenit. Agebat enim invidia Diaboli ; ut quo amplius terrenis perturbationibus vexaretur, spiritualibus lucris minùs intenderet. Sed noverat Dominus, quibus tormentis Martyrem suum ad coronam præpararet. unde cum deposito per Dominum Papam Innocentium vexatore suo Decano redisset ad sua ; novos invenit ex filiis suis vexatores, alterum post primum, tertium post secundum. Quorum non tolerans vir sanctus tam immunditiam quàm impieratem, laboribus & impensis primis similibus eorum debellavit insolentiam : metuens ne sibi cederet in periculum, si pestilentes non eliminaret, quos Ecclesiæ deceptus induxerat.

CAP. XXI. Cum sic laboribus indignis atteritur ; contigit ut Henricus Rex pacificus finem faceret vitæ suæ. Turbatum est regnum ; recessit è medio pax & justitia ; & in millibus multis etiam fides Christiana. Et ne quid rēsiduum foret Ecclesiæ consolationis ; paucis post obitum Regis evolutis diebus defungitur etiam Archiepiscopus Cantuariæ. Revelantur statim ex multis cordibus feritates & insanie. Rapiunt invicem, cadunt, incendunt. Grassantur in subversionem religionis & ecclesiarum, quos ante antehac regalis justitiæ rigor coercuerat. Et quantæ putamus cruces & frixuræ torquebant & torrebant totam substantiam zelantis ecclesiam Dei Pontificis ? Fuerunt igitur inter hæc mala pio viro lacrymæ suæ panes die ac nocte ; nec erat quod amplius in hoc articulo desideraret, quàm cum pace Ecclesiæ funerata & ipsum funerari. Singulariter autem succurrebat animo graviusque torquebat Conventus Lanthoniæ inter barbaras gentes deprehensus. Audit spoliatus semel & secundo. Audit victualia jejunis defecisse, nec alia jam posse tutò convectari. Dolet, anxiatur, luget ; tanquam omnes trucidasset. Poenitet enim sed serò ; quòd dum potuit & consilium habuit, hujus horæ necessitatem non prævenit ; quòd diebus pacis locum refugii non providit. Sed homo Dei spiritu fervens diebus illis sic affectus erat ; ut optaret se cum cæteris omnibus unâ die martyrio consummari. Nunc autem expertus, quia non est in manu hominis vita ejus ; fecit tandem pro tempore quod potuit. Ascivit ad se Conventum. Tradidit eis domos suas, capellam, horrea, cellaria, cæterasque necessarias officinas, redditus insuper Episcopales, quantum necessitatibus eorum sufficere possit. Interim quæsit & invenit eis locum habitationis apud Glocestram sub Milone Constabulario. Expensas dedit ad ædificandum. Secundo anno transu-

lit

lit \* illuc Conventum. Ad supplementum quoque subsidii dedit eis Ecclesias duas Frome & Presteberie. Ipsam insuper villam Presteberie cum omnibus proventibus ejus præstitit usque ad finem vitæ suæ. Dum talibus studiis invigilat; invaluit peramplius doloris miseranda materia: unde requiem non admittebat pii pastoris corpus neque anima. Videns nempe mala jam undique crebescencia, discurrebat anxius inter furentes. Execrabatur cades mutuas, rapinas & incendia. Pacem obtinebat, ubi poterat; vel induci s saltem aliquos propositis furoribus procurare satagebat.

CAP. XXII. Transeo multa nec ignarus hoc loco magnifici viri certamina; quæ tam gloriose perexiit quàm strenue percucurrit. Quæ † mihi quidem diebus meis stilo prosequi nec satis tutum erat sed neque necessarium. Quippe quæ fama celebris in memoriam sine litterâ transmisit æternam; ex quibus plurima satis filii qui nascentur & exurgent enarrabunt filiis suis. Siquidem post obitum pacifici Regis Henrici, sicut brevius prælibatum est, cum Stephanus Rex jam obtinuisset regnum, & cognata ejus Imperatrix supervenisset; exorta est simultas inter alterutrum & feralis de regni jure calumnia, singulis pro se rationibus satis validis innitentibus, sed nullo interveniente judicio dissentio tanta nec finem accepit, nec conceptis malis pacis sequester quispiam inducias obtinuit. Divisis itaque contra invicem Principibus regni desolatio dolenda subsequuta est juxta sententiam Dominicam: <sup>b</sup> *Quia omne regnum in seipsum divisum desolabitur, & domus supra de-* <sup>b</sup> Luc. XI. 17. *num cadet.* Et in primordiis quidem tantorum malorum res acta est inter pares compugnantes invicem, affligentes invicem, rapientes. Sed consumptis altrinsecus universis, quæ furor ambitiosus invenerat, irruptum est latius in sanctuarium Domini, nec locatim in parte sed passim in toto. Ecclesias invadunt; minores spoliunt & incendunt, majores & firmiores in munimenta sibi castellorum usurpant. Satagebat igitur sæpessatus Episcopus saltem pro domo pro populo sibi commisso murum protectionis opponere; precibus, pretio modisque omnibus agens, quibus solet feritas humana leniri. Sed prævaluit flagellum inundans & respectus iræ desuper. Pergrassante igitur latius & tanquam cancro more hostili serpente vesaniâ, factum est ut Episcopatum Herefordensem communis pestis involveret: (†) Episcopus ejus domibus suis & possessionibus spoliaretur. Sed eorum quidem quæ ad proprios usus pertinebant, direptionem æquanimiùs interim toleravit; Ecclesiæ autem captivitatem & divinorum officiorum silentium altiùs indoluit. Quoniam igitur quid utilius faceret non occurrebat; in spiritu humilitatis & in animo contrito cum precibus & lacrimis ad Dominum convertitur, supernam sustinens promissionem; qua dicitur. <sup>c</sup> *Mihi vindictam, ego retribuam, dicit Dominus.* Inter- <sup>c</sup> Heb. X. 30.

\* Narrat Historia Lanthoniensis (in Monastico Tom. II. p. 63.) Milonem Constabularium Herefordiæ Comitem Canonicis à Lantoniâ fugientibus dedisse locum quendam extra urbem Glocestriæ qui Hyda dicebatur. Ubi Ecclesiam admirabili celeritate construxerunt; quæ à Simone Wigornienfi & Roberto Herefordensi Episcopis anno 1136. consecrata est, & nomine prioris Ecclesiæ suæ Lanthonia appellata.

† Innuit puto tyrannidem Milonis Constabularii; qui (ut in Historiâ Lanthoni-

ensi legitur p. 65.) tempore aliquo Ecclesiam & Ecclesiasticas personas acerbissimè insectabatur, & Ecclesiasticâ sententiâ sub horribili austeritate proinde plectebatur. Hujus tyrannidem actusque detestabiles probrosamque à grege Dominico sequestrationem, tanquam æternæ mandans memoria, in libello quodam Wilhelmus digesserat; Prioratu Lanthoniensi à Rogero Milonis filio ideo deturbatus.

(†) Factum id annis 1138. & 1139. refert Florentii Wigornienfis Continuator.



dum tamen ne quid minus faceret, temptavit & hoc quod docetur per Apostolum Timotheus : <sup>d</sup> *Argue, obsecra, increpa in Domini patientiâ & doctrinâ.* Sed cum talis diligentia pacis oblitus nondum leniret, quin insuper ad deteriora provocaret ; nec haberet jam in suis vir pius ubi tutus caput inclinaret ; cessit ad modicum, fidelium suorum usus consilio, imo Salvatoris exemplo simul & documento. Nec ad exterarum gentes exul demigravit ; sed contulit se ad Cœnobîa Religiosorum, ad castella parochialibus suis circumjecta terminis ; ubi cum pietate & reverentiâ ab omnibus susceptus est, ut qui omnibus carissimus erat & reverendus. Gaudebat autem & Domino gratias agebat ipse pro se, qui hospitio & cibo jam indigebat alieno, nec minùs tamen pro illis quorum non tam datum querebat quam fructum pietatis, quibus dicturus esset in fine filius hominis : <sup>e</sup> *Hospes fui, & collegistis me : surivi, & sitivi ; & ministrastis mihi.*

\* Matth. XXV.  
35.

CAP. XXIII. Respexit post modicum justus Dominus lacrimas servi sui, piasque preces exaudivit ; compungens corda persecutorum ejus ; ut ab illius oppressione desisterent, Ecclesiam occupatam liberam redderent, super ablatis compositione receptibili satisfacerent. Episcopus igitur cum pace restituta in sua redisset ; Ecclesiam suam reformavit, hostica de foris munimenta diruit & complanavit ; spurcicias de intus eliminavit ; Clerum dispersum revocavit ; divinum officium innovavit ; ad cœtera religionis & pietatis opera recurrit ; habitus ab omnibus in gloriâ & magnificentiâ. Redeunt ad januam ejus pauperes Christi, ad hospitium viri religiosi, ad consilium in negotiis ambigui, ad patrociniû solatio destituti. Omnibus seipsum exhibet, miseretur, suffragatur ; & quod de Catone legitur, non se sibi sed toti mundo natum esse profitetur. Inter hæc silentio prætereundum esse non æstimo speciale caritatis opus. Venit ad eum Conventus unus fratrum desolatorum numero XX. quos maledictio sterilis terræ de secessu nemoris post quinquennium expulerat ; & quia totum definitionis & consolationis suæ pondus in consilio & caritate tanti Pontificis rejecerunt ; egit studiosius ut in Lanthoniensi Collegio omnes unâ die reciperentur. Ne autem domus supra vires gravaretur, addidit ad suprafatam Ecclesiarum donationem terram unam quam Moram vocant. Quas elemosinas à Domino Papâ confirmari fratribus imperavit.

CAP. XXIV. Plura sunt ejus quàm quæ stilo prosequi possum opera misericordiæ. Inter cœtera tamen virtutum ejus insignia, nihil erat quod ejus obedientiæ præjudicari possit. Verus siquidem imitator Jesu Christi debitam patribus suis servavit obedientiam usque ad mortem. Unde factum est ; ut cum ad Concilium Remense sub Eugenio Papâ summonitus esset occurrere ; licet diebus illis infirmitatem corporis veraciter possit obtendere ; noluit tamen excusare, præoptans in obedientiâ mori quàm sine illâ vitæ suæ spatium protegere. Cum igitur Remis pervenisset ; die tertiâ Concilii ingravescente morbo decidit in lectum.

Hic liquidò potest adverti, quàm grata Domino fuisset vita ejus ; ad cujus transitum totus ferè mundus concurrerat. Ne mireris tamen æqua divinæ justitiæ libramina ; ut qui multigenarum odore virtutum tantos circumquaque perfuderat, tantorum haberet undiquaque confluos in novissimis suis consolatores & coram positos apud Dominum intercessores. Sic enim promiserat verus ac verax omnipotens. <sup>f</sup> *Glorificantes me glorificabo ; & qui contemnunt me erunt ignobiles.* Sed qualis fuerit circa novissima transitus sui præperatio, sicut pium est audire, sic impium videtur negligere. Hanc autem præparationis diligentiam intra passionem & resurrectionem Domini senariâ dierum distinctione optabili eventu digessit ; ut quo dierum numero machinam mundi constabat

Reg. II. 30.

stabat esse perornatam, eodem se cum mundo in sanguine redemptoris spe fideli præparet innovandum & cum Christo resurgendum.

CAP. XXV. Apud Abbatem Remensem Odonem habebat hospitium; ubi sicut summâ veneratione habitus esset, sic omni humanitate in infirmitate suâ tractatus est. Venerat feria quarta, pridie videlicet Cænæ Dominicæ. Sensit vir Dei morbum ingravescentem; & petit inunctionis sacramentum; nec moram patitur. Abbas igitur præmonitus totusque Conventus ordinatâ processione solenni cameram ingrediuntur, in qua jacebat. Videntes autem lectum vacuum, nutibus quærunt ubinam sit. Et respicientes vident eum longius à lectulo in terrâ nudâ prostratum. Hortantur ut ad lectum referatur; sed renuit. Tollere volunt, sed non permittit. Præoccupans autem voces eorum in confessione; Nescitis, inquit, fratres & domini, nescitis quem visitare venistis: Hominem utique peccatorem, nec vitâ dignum, Episcopum illum falsum sed hypocritam verum, populi seductorem qui cum nihil esset aliquid se esse simulabat. Non pastor ovium sed mercenarius infidelis, lac colligans & lanam, sed salutem negligens animarum. Arbor sterilis terram hæctenus occupans, & frugum proventum umbrâ præpediens. Miseremini ergo mei fratres & amici Dei, sinite me hominem terreum atque terrenum in terrâ pœnitentiam agere, pœnitentiæ sacramentum in terrâ suscipere; & quia nec illâ gratiâ dignus sum, ostendite mihi misericordiam, vindicate injurias Dei in tormentis rei sui. Et proferens virgas, quas habere ad manum consueverat, obtulit Abbati; flagitans disciplinam à singulis. Non erat qui lacrimis possit temperare; graviusque torquentur in mente, quàm vapulatus in carne. Sed dolet ipse anxius in mente: quia dolorem non sentiat in carne. Unde ab ultimo fratrum rapit ipse virgas. Et quid est, inquit, fratres quod facitis? Quæ est hæc pietas parcere peccatori, quo minùs parcatur ei, sed gravius puniatur in futuro? Hæc dicens, cœpit seipsum pro more suo flagellare sine modo, sine misericordia; donec de suis unus accurrens impatienti pietate extorsit ei flagellum è manibus. Postremò cum omni humilitate & religionis affectione completum est inunctionis officium. Et cum accepisset Dominici corporis & sanguinis sacramentum; paulisper conquievit; sentiens in se quod de inunctionis efficaciam per Jacobum Apostolum asseritur dicentem; quomodo <sup>s</sup> si à sacerdotibus ungatur infirmus; oratio fidei salvabit infirmum; <sup>s</sup> Jac.V. 14. & allevabit eum Dominus; & si in peccatis sit, dimittentur ei. Ab eâ horâ plus elegit silentium, tumultu carere, de rebus forinsecis nihil audire, totus in se redire, totum se sibi vacare, passionem Domini piâ mente tractare, de qua eâ die in consilio Pontificum & Phariseorum impiè consiliatum sit atque tractatum. Hanc enim noveram ego consuetudinem ejus; ut pro temporis accursu & Dominicarum sullimitate solennitatum feriatâ mente totus in eâ materiâ versaretur. Quod eum hoc loco peramplius fecisse non dubitant qui viderunt, qui ejus omnia tanquam seduli assessores scire potuerunt. Sub hac ergo disciplinâ diem transegit noctemque sequentem, in timore Domini & patientiâ Christi perseverans.

Illuxerat dies crastina: volvere cœpit in mente quod dudum tractare solebat in concione, quanta scilicet sit illius diei solemnitatis, quàm magnifica sacramenta, quæ autoritate divinâ instituta sunt & ab Ecclesiâ catholicâ venerantur recolenda. Memorat & miratur quanta sit hujus diei gratia, in qua sacri Ordinis ministerio post lamenta pœnitentiæ fit pœnitentium reconciliatio, peccatorum remissio, membrorum Ecclesiæ præcisorum redintegratio. In qua die trimoda fiat olei consecratio in totius Ecclesiæ generale sacramentum; cujus confectio Episcoporum solum expectat officium. Miratur & memorat, quantum nobis inditum sit in hac die sacramentum, & humilitatis exemplum in ablutione pedum discipulorum Christi manibus ejus filii patris altissimi.



Memorat & miratur, quàm stupendum sit quàm mirabile sacramentum, quod hujus diei vespere agnus Dei verus agnum typicum comedens cum discipulis suis, terminatis omnibus Veteris Testamenti sacrificiis, unum pro omnibus majus omnibus instituit, conferens corporis & sanguinis sui veritatem & virtutem in panis & vini speciem divinâ virtute consecratam. Quam fidem astruxit discipulis suis, cum ait; <sup>a</sup> *Accipite & manducate ex hoc omnes, Hoc est corpus meum, quod pro vobis tradetur.* Et iterum <sup>b</sup> *Hic est sanguis meus novi Testamenti, qui pro vobis & pro multis effunditur in remissionem peccatorum.* Talibus secum pertractatis vir Deo plenus exultavit in spiritu, gratias agens; & postulavit afferri sibi Dominici corporis sacramentum. Dum præparant, reminiscitur vir timoratus Apostoli sententiam de hoc sacramento dicentis: quomodo <sup>c</sup> *qui manducat & bibit indigne, judicium sibi manducat & bibit.* Ideo mente percussus rediit in lacrymas, & fonte pœnitentiali rigat faciem, lavat conscientiam. Cum igitur obtulisset corpus Dominicum; veneranter ut solebat adoratum suscepit. Et cum iterum gratias egisset; paululum se fatigatus reclinavit. Post modicum cum accessisset hora, quam ipse diligentius observaverat; convocans Clericos suos, interrogat quando faceret mandatum suum? Et obstupescientes responderunt. Propitius esto tibi pater. Scitur quia dum potuisti, devotè fecisti. Nunc autem pro necessitatis ratione nos tui pro te humilitatis hujus supplebimus officium. Absit, inquit; sed parate mihi: Et ego faciam saltem hac vice. Paraverunt igitur pauperes ante lectum suum in subsellis; & erexit se in cubitum, deinde in genua; & præcinctus lintheo lavit pedes omnium, lacrymis rigavit, capillis extersit; eleemosynam per singulos distribuit. Et cum lavisset manus; reclinaverunt eum in lecto spiritu fatiscentem. Sic itaque permanfit nocte sequenti pervigil; tam carnis sui passione quàm Christi compassione gratanter delectatus.

Successit feria sexta, quæ de passionis Domini piâ recordatione annuâ devotione fidelium recolitur. In hac die manum Domini propensius aggravavit super eum; ut carnis disciplinam non prætermitteret sed augeret, lacrymarum intemperans. In hac die factus est in agoniâ tanquam raptus extra se: totus positus in passione Christi. Tantam recolens & mente revolvens divinæ pietatis dignationem, quæ sic redimere delegerit genus humanum. Ne quid autem deforet passionum Christi in carne suâ in se transferebat devorione, qua poterat, opprobria, convicia, tormenta: ut Christo morienti commoriens, resurgenti conresurgere meruisset. Dum in his commoratur, & tanquam in frixorio totus confrigitur; accedit hora qua per ecclesias fideles Christi crucem ejus venerantes adorant. Expletis igitur horis & cæteris diei statutis officiis, postulat sibi crucem afferri. Quam cum vidisset à longè; incurvatus quantum potuit pronus in terram adoravit, & dixit: Salve crux pretiosa, crux benedicta, quæ in corpore Christi dedicata es, & ex membris ejus tanquam margaritis ornata. Post hæc extensis manibus apprehendit eam, deosculans reverenter, & lacrymis rigans uberrimis. Et adjecit. O crux, ave spes unica post passionis tempora, te adoro in Domino Jesu meo; sed in te adoro speciale illud crucis signaculum, in quo Christus pependit & morte suâ de mortis auctore triumphavit. In honore ejus ac tuo Jesu Christe in memoriâ beatæ passionis tuæ adoro crucis tuæ signaculum, non tanquam opus manuum hominum, nec eo puro adorationis intellectu quo tu solus Deus adorandus es, sed tanquam passionis tuæ patibulum, mortis tuæ instrumentum, redemptionis nostræ adminiculum, conversationis novæ ministerium, quo scilicet mortificantes & cruefigentes tecum membra nostra quæ sunt supra terram cum viciis & concupiscentiis, nobis absit ultra gloriari nisi in cruce tuâ Domine. Te igitur, Christe, te principaliter, te singulariter adoro, te benedico; quia per crucem tuam redemisti mundum. Te adoro pro me incarnatum, natum & passum, mortuum & sepultum, tanquam hominem verum. Te adoro à mortuis resurgentem,

gentem, coelos ascendentem, tanquam Dominum vivum & verum. Miserere nostri, qui passus es pro nobis. Et astringens crucem artius ad pectus suum, adjecit: Domine Jesu Christe, creator ac redemptor meus, non est in coelo vel in terrâ medicus aut medicina languentis animæ præter sanguinem, tuum pretiosum. Ideo pono passionem tuam & crucem tanquam malagma salutis unicum super cor meum & corpus meum. Ideo pono sanguinem tuum super vulnera mea; immo totam substantiam meam involvo sanguine tuo; ut qui de cœnulentâ mundi voragine te vocante sordidatus egredior, lavari merear & emaculari in sanguine tuo, salvator mundi. Et cum addidisset: <sup>d</sup> *In manus tuas* <sup>dpal. XXX. 6.</sup> Domine commendo spiritum meum; redemisti me Domine Deus veritatis: conticescens elanguit. Accedentes igitur qui assistebant, laxatis amplexibus amoverunt ab eo crucem. Et cum accepisset communionis sacramentum; reclinaverunt eum in lecto, anxius observantes cum Christo spiritum emitteret. Sed cum soporatus jacuisset ad modicum; reviguit paulisper & resumpsit spiritum. In eâ tamen constantiâ mentis totâ die permansit, quæ de Annâ prædicatur, & vultus ejus non sunt amplius in diversâ mutati. Paucis pauca loquebatur, intra se multò pluriora. Sed cum se continere non possit cordis incendium; erumpebant per vices voces exiles, in quibus scintillabat foris quid intus pertractaret. Plenus enim Domino jam soli Domino loquebatur aut de Deo, misericordias ejus recolens, & gratias agens. Unde & hoc dixisse subintellectus est. Quid est Deus bone, Jesu pie, quid est quod fecisti nobis, quod pertulisti pro nobis? Regem coelorum & Dominum quis appendit in patibulo? Utique Judæorum impietas invida, sed certe misericors pietas tua & pia misericordia. Vita vivens in te, in quo vita essent quæcunq; facta sunt. Quis vitam tuam tulit in cruce? Utique inolita tibi pietas & misericordia. Lumen indeficiens, splendor patris, & sol justitiæ, quis obtexit caligine radios tuos in cruce? Utique voluntas & misericordia tua, potestatem habens ponendi animam tuam & iterum sumendi eam. Et quia raptabatur mens ejus per singulas Dominicæ passionis actiones; variabat in contemplatione vocum prolationes. Unde tanquam à dextris respiciens: Ohe, inquit, quàm bene venisti Joseph ab Arimatheâ, vir bone, vir juste, quàm bene venisti obsequium præstare Deo in coelo regnanti & in cruce perempto? Tolle de cruce, tolle Jesum meum. Tolle talentum mundi pretiumque pretiosum, in quo redempta sunt & restaurata universa. Involve reverenter, sepeli diligenter, absconde thesaurum apud te lapidem pretiosum in exciso lapide. Absconde lucernam mundi ab oculis cœcorum; ut videntes non videant. Age securus, ne doleas, ne diffidas. Ponat Pilatus custodes ad ostium monumenti. Signent lapidem advolutum. Expecta modicum; venit hora, & videbis mirabilia. Resurget mortuus noster ex mortuis; lumen prorumpet è tenebris, quo lux veræ fidei convalescat, & paulatim impleat orbem terrarum. Quis dubitet in his verbis quid vir sanctus voveret in abscondito mentis? Cum in talibus diem exegisset; vespere facto dixit cum Christo. <sup>e</sup> *In pace in id ipsum dormiam & requiescam.* Et resolutus est in somnium. Paucis igitur undique sociis, quos labor & dolor aggravaverat, post horam unam invalescens morbi stimulus bisacutus soporem ejus excussit; & cœpit anxius plangere. Appropriantes igitur qui lectulo præsidebant, expectabant si quid vellet vel aliquid diceret. Cohibuit autem planctum, parcens fatigatis. Cubicularii autem intuentes eum oculis clausis labia moventem, appositis auribus captant lene susurrium vocis exilis: Ait namque, Gloriam tibi Domine, quàm bene quàm justè fecisti somnolentiam meam excitare, qui non potui unâ horâ vigilare tecum. Nec decebat, ut servus empticius sterteret in lecto; dum redemptor ejus jaceret mortuus in sepulchro. Hactenus talia; deinceps verò quantum sentire datum est, quod facere solebat corporaliter cogitatu mentis qua potest devotus exequitur. Circa sepulchrum Domini versatur & excubat; vulnera ejus & mortem luctuosus adorat. Contuetur  
mulieres



mulieres pias sedentes contra sepulchrum lamentantes & flentes Dominum, & collacrymatur. Cogitat discipulos latitantes, & contristatur. Inter hæc tamen exultat in spe, sperat in fide; securus quod redemptor noster descendat ad inferos, vectes inferni confringat, mortis principem debellet, captivitatem suam potenter eripiat, & ad carnem suam victoriosus redeat, in qua tertiâ die immortalis à mortuis resurgat. Sub hoc solatio residuum noctis soporatus exegit.

\* Psal.  
XXXVIII. 6.

Cum autem illuxisset Sabbatum, quod dicitur Sanctum; nec morbus cessaret viri sancti corpus decoquere, vires adimere; redit ad se, intrat in cor suum, scrupulosius scrutatur conscientiam suam. Et anxius ingemiscens & suspirans secum ait. <sup>f</sup> *Putruerunt & corruptæ sunt cicatrices meæ.* Et advocans Priorem de Weneloc Reginaldum & David Diaconum, officiosos & familiares præ cæteris, ait illis: quid est quod facitis fideles amici mei? Quomodo neglexistis necessitates meas novissimas & majores, quas fidei vestræ commiseram? stupent & se mutuo contuentes hæsitant, quid intelligat. Et addidit. Nonne vos obnixius rogaverim; ut offensas meas memorantes ad memoriam mihi reduceretis tanquam negligenti nimis & obliuio? Fecimus, inquiunt, pater ut potuimus. Et nescitis, inquit, aut parvipenditis, quodd habebam in domo canem nigrum albipedem curialem quidem sed tamen canem; quodd habebam cervum domesticum, arietem quadricornem, grues & pavones, vanitantium oblectamenta; quibus omnibus ego miser panem, quem ipse benedixeram, in mensâ projicere vel manibus meis porrigere consueveram: surreptor pauperum & languentium, quibus mensæ meæ reliquiæ debebantur. In quo factò culpâ meâ transgressus sum, & contempsi documentum evangelicum: <sup>g</sup> *quia non bonum est sumere panem filiorum & mittere canibus ad edendum.* Exemplum malum reliqui confessoribus meis, quos vel corrigere habebam vel edificare. Ordinis mei honestati derogavi tantæ vanitatis & levitatis indicio. In hæc verba nudatus protulit virgas, dicens: Vindicate contemptum Dei; vindicate pauperes Christi, quibus fraudem feci. Vindicate fideles Christi, quos exemplo pravo destruxi. Cum igitur disciplinam fecissent parcius quàm ipse voluit. Parcitis, inquit, virgis, dum mihi malè parcatis. Nec pietas ista temporis hujus erat. Et corripens virgas propriis manibus supplevit, quod alienis non poterat. Cum igitur talibus medicamentis assiduatis non solum carni defectæ sed & ossibus & medullis dolorem inflixisset; angustias suas ultra suppressere non poterat; sed planctu gravi compassionem movit audientium; & dissolutionem sui corporis non solum exoptavit, sed quantum licere putabat, Dominum gemitibus exoravit. Sed cum accepisset, ut consueverat pro diebus sacris & ordinis instituto, communionem; modicum alleviatus repausavit. Venit vespere; redit iterum in se, recolens & pertractans sacratissimæ illius noctis beatitudinem, quæ sola meruit scire tempus & horam quando ab inferis Christus resurrexit. Gaudenter contemplatur devotas mulieres aromata portantes, obsequium pietatis sepulto Domino præstituras. Parat & ipse quæ potest in conscientia puritatis & orationum aromata; & cum procedentibus mente procedit. Angelos si liceat optat videre cum videntibus, testes resurrectionis audire cum audientibus.

\* Matth. XV.  
26.

Refulsit tandem dies Resurrectionis almiflua. Resonant undique in laudem Dei triumphatæ mortis gaudia. Hilarescit, quantum valetudo permittit, vir devotus; & exultat spiritus ejus in Domino salutari suo. Agnoscit veridicam magistri promissionem. <sup>h</sup> *Mundus gaudebit; vos autem contristabimini; sed tristitia vestra vertetur in gaudium.* Expletis igitur qua poterant novæ solennitatis officiis, percipit glorificati corporis sacramentum, plenâ fide creditus & credens se Christo veraciter incorporari. Deinceps securior expectat finem suum; jam solum metuens, ne longius differatur; <sup>i</sup> *Cui vivere quidem Christus erat, sed mori lucrum.* Comites igitur ejus tam providi quàm solliciti projectâ jam spe convalescendi, accedunt ad eum, quærentes quid de corpore suo faciendum

\* Joan. XVI.  
20.

\* Philip. I. 21.

faciendum decerneret. At ille humiliter indignatus. Obruite, inquit, ubilibet in scroben depressam cadaver indignum; & restituite vermibus hereditatem suam. Quo dicto videns eos confusos magisque contristatos, mutavit responsum & ait. Habetis ad manum Archiepiscopum nostrum; per illum definite quod à me requiritis. Consultus igitur Archiepiscopus hortatur; quod si quo modo possent, tollerent corpus ejus & redderent Ecclesiæ suæ. Redeunt certiores, & provident quæ necessaria fore perspiciunt, nihil suspicantes de imminente contradictione. Feriâ secundâ visitatus est à Domino Papâ Eugenio, qui lectulo ejus assedit in terram, manus ejus & pectus attrectavit. Flevit super eum, quasi pia mater super unicum filium suum. Consolatus est eum in verbo Dei. Elemosinarum ejus dispositionem & testamentum confirmavit. Postremò confessionem ejus suscepit, auctoritate Apostolicâ absolvit & benedixit. Cùm igitur intra spatium XLVIII dierum ægritudinis ejus visitatus esset frequentius & absolutus ab Archiepiscopis, Episcopis cæterisque sacri Ordinis personis; plenus dierum obdormivit in Domino Anno ab incarnatione Domini MCXLVIII. XVI Kalendarum Maii.

CAP. XXVI. Cùm autem vir sanctus pretiosam Deo reddidisset animam; facta est dissensio non modica inter Clericos Episcopi & Monachos Remenses de corpore tanti Pontificis, quibus thesaurus ille tantus justius obveniret. Magnis autem utrinque rationibus justitiam suam tuebantur; nec tam turpe quàm dampnosum vinci pars quæque reputabat. Nimirum pretiosas in corpore reliquias haberi non dubitabant; cujus vita tam sancta, tam gloriosus exitus fuisset. Unde non facile sedata lis tanta fuisset; nisi quia strenuos & devotos comites vir sanctus habuerat, qui per Cardinales Episcopos evicerunt; ut per Apostolicam jussionem ejus corpus asportandum cederetur. Cùm igitur aromatibus conditum tolleretur è civitate corpus almificum; incredibile fortasse videbitur quanto luctu quantâ gloriâ prosequeretur non civitas sola Remensis, sed totus penè confluus orbis. Sed & hoc mirabile dictu, quia quacunque transiret in die, quocunque locorum vespere perveniret, corpus ejus venerabile prævolante famâ tanto planctu & exequiarum impensâ suscipiebatur; ac si omnium pater fuisset & Episcopus, & omnes in unius transitu orbatifuerant.

CAP. XXVII. Cùm igitur corpus perlatum esset ad portum maris, & in Ecclesiâ Sancti Nicolai in feretro compositum; affuit mulier de finibus illis egressa filiam bajulans ægrotam. [*Succedit miraculum de sanata puellâ.*] Hæ sunt primitiæ signorum, quibus Dominus Sanctum suum mirificavit. Mane factò navique paratâ corpus sanctum imposuerunt; & flante pro voto aurâ captatâ libero cursu Doroberiam applicuerunt. Suscipe fœlix Anglia sinu lato thesaurum tuum impretiabilem; & magnifica Deum, qui te tanto deposito beatificavit. Noluit enim justus judex; ut quem educaveras, quem in viâ justitiæ lucernam hæcenus habueras, ejus præsentiam corporali privareris. Neque enim parvum ex eo sperandum est tibi patrocinium, à quo tantarum accipere meruisti exempla virtutum. Crede secura, prædica, venerare sanctitatis ejus merita gloriosa; quibus ne dubites contestantur vera miraculorum testimonia. Quæ ne posteris surripere possit antiquata veritas; operæ pretium duximus in consequentibus litterarum commendare monumentis, in quibus nova semper vivit & allabentibus sæculis reparatur antiquitas.



CAP. XXVIII. Crebrescente igitur undique famâ tanti obitûs Pontificis & recentis miraculi, factus est concursus populorum, in quorum mentibus formavit pietas secundum geminam materiam diversos affectus, dolorem & gaudium, planctum & plausum. Præcurrente perinde famâ celeberrimâ magno processionum apparatu & pietatis affectu susceptum est ubique corpus almidicum, Cantuariæ, Rossæ, Lundoniis, sicque toto tractu restantis itineris usque Herefordiam. Nec se hominem æstimaret humanum, quicquid in toto itinere vel Nobilis vel Episcopus occurrisset; si non feretro humeris subiecto pietatis officium præstitisset. Ad evidentiam tamen meritorum ejus singulariter memorandum puto singularem planctum; quem fecit super eum Lundonia civitas Angliæ major & populosissima, in qua Regis & Optimatum fieri solet conventus frequentior. Die qua venerabile corpus ejus apportabatur, erat Lundoniis Henricus Wintoniensis Episcopus frater Stephani Regis, vir illustris atque magnificus. Hic præfatum Episcopum intimo dilexerat amore; & sicut honorabilem agnoverat, sic honoratum in omnibus habebat. Cum audisset igitur, quod dilecti dilectoris sui corpus afferretur, quem jam nuper obisse deflexerat; exiit foras longius in obviam. Et cum appropinquasset; misit se in pedes, & comitatus ejus cum eo. Et cum suscepto debitâ veneratione corpore absolutionis officium incepisset; tanto spiritus impetu compunctus est, ut quatiente singultu vix verba dimidiata proferre potuerit. Expleto tandem quod competebat officio, convertitur ad planctum. Dolet & dolendum prædicat virum tantum sullatum è medio. Et heu, inquit, quomodo perdidimus florem ordinis nostri, virum sanctum, virum prudentem, virum amicorum, sine dolo, sine venalitate, strenuum Ecclesiæ propugnatorem, & columnam immobilem, exemplum totius honestatis & constantiæ, puritatis & castimoniæ. Revera peccatis nostris exigentibus tetigit nos manus Domini, nec pepercit. In hac lamenta procedit pedibus usque Lundoniam; pertransit pedibus Lundoniæ latitudinem, quàm spetiosa est, usque templum Domini. Ingredientibus civitatem circumtonant undique classica tanto fragore concrepantia; ut aures obsurdæ vix possent terrificum sustinere mugitum. Occurrunt undique processionibus cuiusque ordinis flentes & psallentes. Augent planctum turbæ civium concurrentes, & complois manibus lamentantes virum quem noverant, quem amaverant, cujus honestatem, munificentiam & religionem agnoverant. Cumque viderent Episcopum Wintoniensem virum nobilem & sullimem pedibus incedentem, lacrimis affluentibus faciem & barbam irrorantem; duplicant lacrimas pietatis, & dicunt. <sup>a</sup> *Ecce quomodo amabat eum?* Postulantibus autem benedictionem respondebat: Benedictionem fratris non habeo. Hoc autem dicebat, deferens sanctitati ejus qui defunctus ferebatur. Benedictionem, inquit, non habeo; sed hic quem <sup>b</sup> *bajulamur.* <sup>c</sup> *Hic est qui accepit benedictionem à Domino, & misericordiam à Deo salutari suo.* Orate pro eo; & impetrabit vobis benedictionem à Domino. Tali venerationis obsequio perlatum est corpus ad templum Domini. Dum feretrum collocant, luminaria provident, vigilias ordinant; Regina tumultu civitatis attonita cum occasionem didicisset, descendit de folio lugubris & neglectior. Egreditur visitare corpus Episcopi, quem viventem sinceriter amaverat. Rex itidem, qui foris agebat in rebus, audito corporis adventu relictis negociis imperfectis equo citato festinus accelerat. Convenientibus igitur in templum, innovatus est dolor & planctus. Sedentes è diverso mutuis lamentis plus excitantur. Effluunt lacrimis, singultibus succutiuntur; & tanquam obliti regię dignitatis & modestiæ, eluctatis ejulatibus inconsolabiliter irrugiant. Recordatio surreptæ probitatis stimulos instaurat conceptis doloribus. Aiunt namque, Heu quomodo mutilati sumus in morte viri incomparabilis, irreparabilis, maturi consilii, fidelis amici? Ubi relictus est nobis similis

<sup>a</sup> Joan. XI. 36.<sup>b</sup> Psal. XXIV. 5.

similis consiliarius, non acceptor personarum, sed examinador causarum, libram tenens iustitiæ, nec refragator misericordiæ? Videres hinc regem David cooperto capite lugentem filium suum Absalon: Videres illinc Rachelem plorantem filios suos & nolentem consolari, quia non sunt. Videns tandem Episcopus regium planctum modum excedere, accessit; & inconsolatus ipse consolans eos prudenter egit; ut tandem discederent: quia magna restarent circa corpus obsequia. Ille autem, sicut præordinaverat, collectam præter numerum pauperum multitudinem cibus & potu copiose refecit. Diluculo celebratis Missarum solenniis, tollunt corpus & recedunt. Nec cessavit in itinere viri sancti meritum gratiam sanitarum impendere; quæ portitorum & comitantium festinantia minus advertit, sed debilius sanitas restituta veriùs comprobavit.

CAP. XXIX. *Miraculum de puero Eveshamensi sanato.*

CAP. XXX. Denique cum planctu prosequente miserabili, corpus sanctum susceptum esset in Ecclesiâ Herefordiensi; factus est etiam concursus pauperum ejulantium atque c' amantium: Heu, heu, pater orphanorum, sustentator pauperum, quomodo dereliquisti nos? Quis consolabitur nos post te? Quis eripiet de famis angustia? Comites igitur fideles in finem emptis in foro cibariis consolati sunt lugentes die illâ & crastinâ; donec pio patri debitum impenderetur sepeliendi officium.

Sepultus est in Ecclesiâ suâ matrice, quam ipse multâ impensâ & sollicitudine consummavit; ipse Solomonis exemplo solemnissimè dedicavit, adhibitorum secum septimus Episcoporum; & tam reliquiis Sanctorum quàm ornamentis & vasis pretiosis adornavit: ut dicere veraciter possit cum Psalmistâ.

<sup>a</sup> Domine, dilexi decorem domus tue, & locum habitationis gloriæ tue. Sed quoniam humanis laudibus divina contestatio fidem comparat invincibilem, juxta Psalmistæ vocem. <sup>b</sup> Testimonia tua credibilia facta sunt nimis; operæ pretium duximus litteris prosequi; quæ viri sancti gloriosum finem miracula subsecuta sint; ut cum defecerit vel siluerit lingua dolosa, littera loquatur omnem veritatem. Veritatis enim præconia etiam adjuratus tacere non possum.

<sup>a</sup>Psal. XXIII. 8

<sup>b</sup>Psal. XCII. 5.

CAP. XXXI. *Miracula, qua subtexuntur, fastidium magis quàm fidem paritura, prætermisi.*

Successio Priorum Lanthoniæ ex Historiâ Prioratûs Lanthoniæ MS. in Bibliothecâ Cottonianâ.

*Julius D. II.*

**W**illelmus miles Hugonis de Laci, & Ernisius Capellanus Matildis Reginae, sæculo relicto vitam Heremiticam simul apud Lanthoniam ducere cœperunt anno MCIII. & Ecclesiam ibi construxerunt, quæ in honore S. Johannis Baptistæ dedicata est ab Urbano diocesano Episcopo & Ramelino Herefordensi anno MCVIII. Paulò post suadente potissimùm Ernisius plurimum fodalitium sibi asciverunt, & consentiente Anselmo Archiepiscopo Canonico Regularium Cœnobium instituerunt. Cœnobio recens fundato Ernisius Prior electus est, & à Diocesano Episcopo confirmatus.

Ernisius defuncto successit Robertus de Betun; qui aliquanto post tempore ad Episcopatum Herefordensem translatus est.

Robertus de Braci successit, qui Conventum Lanthoniensem à Walensibus graviter



graviter infestatum transtulit à Lanthoniâ ad locum quendam extra urbem Glocestriæ, qui Hyda dicebatur, à Milone Constabulario Comite Herefordiæ donatum; ibique Cœnobium & Ecclesiam admirabili celeritate constructa nomine prioris sedis *Lanthoniam* appellavit. Ecclesiam dedicârunt Simon Wigorniensis & Robertus Herefordensis Episcopi anno MCXXXVI. in honore beatæ Dei genitricis Mariæ.

Roberto defuncto Willelmus de Wycumbâ, Roberti Episcopi Capellanus, canonicâ electione substitutus est; qui post annos aliquot Rogero Comiti Herefordiæ, Cœnobii Patrono, ob vellicatam peculiari scripto Milonis patris famam, & Monachis suis ob austeritatem nimiam exosus factus, Prioratu cedere compulsus est; & residuum vitæ apud Fremam unci Canonici sodalitis contentus exegit.

Clemens Supprior, in Willel. locum electus, magistratum pluribus annis tenuit.

Rogerus de Norwich, loci Subprior, successit. Iste in extremâ ætate paralisi correptus quendam Clericum magni nominis apud Bristoliam in obsequio Roberti Hardingham temporis degentem & Medicinæ scientiâ celebrem, cui nomen erat Galfridus de Henelawe, sibi accivit, donis amplissimis cumulavit; & ad obitum usque, qui die XVII. Cal. Novembr. contigit, penes se retinens, carissimum habuit; & in extremis agens successorem sibi designavit.

Galfridus de Henelawe post Rogeri obitum Prioratum sortitus est.

Episcopus Menevensis factus est anno MCCIII. Qui sequuntur Priores, à recentiore manu additi sunt.

Martinus, Prior octavus.

Rogerus de Godestre, Prior nonus.

Walterus, Prior decimus.

Stephanus, Prior undecimus.

Philippus, Prior duodecimus.

David, Prior decimus tertius.

Thomas, Prior decimus quartus.

*Suspecta est mihi Successio Priorum Lanthon. post Galfridum. In aliis enim historiis & monumentis occurrunt nonnulla de Prioribus Lanthon. quæ cum hisce minime conciliari possunt. Ad illustrandam itaque Historiam Lanthon. & ista & alia quæ de Prioribus Lanthon. invenire potui, visum est subicere.*

Prior Lantonix ad Abbatiam Bardeniensem promotus est anno MCCXIV.

*Annal. Dunstaple.*

Johannes Prior obiit anno MCCXL die XXIX. Decembr. *Annal. Teokesbir.*

Prior Lanthoniæ resignavit anno MCCLI. cui successit

Everardus, ejusdem loci Canonicus, *Annal. Teokesbir.*

Petrus Prior depositus est ab Abbate Cluniacensi. Illi successit

Reginaldus de Jor, qui præfuit anno MCCXCIII. *Clasf. 21. E. 1. m. 29.*

Willelmus Prior fuit anno MCCXCVII. *Pryn. collect. vol. 3. p. 707.*

Thomas de Gloucestriâ Prior resignavit ineunte anno MCCC. *Regist. Wincelsy.*

Willelmus Prior anno MCCCLVIII. *Regist. Islip.*

Thomas de Elinham Prior, scripsit anno MCCCCXV. Chronicon à Bruto ad sua tempora, MS. in Bibliothecâ Cottonianâ, *Claudius E. 4.* Item Historiam metricam carmine Elegiaco de gestis Henrici V. Angliæ Regis, MS. in Bibliothecâ Regiâ Westmonasteriensi.

Henricus Dean, ex Priore Episcopus Bangorensis factus ann. MCCCCXCVI. Prioratum simul tenuisse videtur. Anno enim MCCCCXCVIII. Henricus quidam Prior Lanthoniensis in Registro *Morton* memoratur.

RICHARDI

---

---

**RICHARDI**  
**MONACHI BARDENIENSIS**  
**LIBER**  
**DE VITA**  
**ROBERTI GROSTHED**  
**EPISCOPI LINCOLNIENSIS.**

ACCEDUNT,

Vita ejusdem ex Annalibus de Lanercost.

Epistola Decani & Capituli S. Pauli London. ad Clementem V. Papam de Canonizando ROBERTO GROSTHED.

Epistola Giraldi Cambrensis de laudibus ROBERTI GROSTHED.

Indiculus Scriptorum ROBERTI GROSTHED.

---

---





## V I T A

## Roberti Grosthed ,

EPISCOPI LINCOLNIENSIS.

Authore RICHARDO Monacho BARDENIENSI.

Epistola ad Reverendum in Christo Patrem Willelmum  
Smyth, Dei Gratiâ Lincolnensem Episcopum, de  
vitâ & actibus dicti Pontificis Roberti Grosthede.

## CAPITULUM I.

**L** Incolniensis apex Præsul Salveto Wilelme,  
Clara sacerdotum gemma, lucerna gregis.  
Est tua vita decens; tibi sit jocunda senectus,  
Jugis prosperitas, continuata salus.  
Te Deus elegit vas nobile, vas in honorem,  
Vas speciale sibi, vas generale suis.  
Jam precor, o præsul, quem coelica fama venustat,  
Suscipe quod scribo Bardeniensis ego.  
Nullus ad authorem respectus fiat honore  
Thematis; hoc Lector experiatur opus.  
Sum Monachus. Pater aspira metro; quia pennâ  
A te correctâ scandala nulla timet.  
Thema sacrum festinat opus non author; honestas  
Materiæ celebris materiata juvat.  
Dive vale, decus Ecclesiæ, dispone precanti  
Portum, naufragium tolle, faveto rati.

## CAPITULUM II.

**G** Audeat orbis ovans, latetur floris odore;  
Quem colit in pratis Anglia læta suis.  
Continet in gremio florem Lincolnia sponsa,  
Cujus odore novo jam juvenescit homo.  
Montibus excelsis Domino Lincolnia laudes  
Det, jubar Angelicum qua nitet ecce novum.

Sponsa



Sponsa novas laudes Lincolnia sumpsit ab ore  
 Roberti Grosbed Præfulis egregii  
 Ut rosa flos florum, Cleri flos sic fuit ille,  
 Lincolnienſis apex, quem colit orbis ovans.  
 Quique Deum coluit exemplo, dogmate vocis,  
 Laude ; relativo gaudet honore coli.

### C A P. III. De Somnio matris suæ prægnantis.

**Q**UI qualis quantus Præful foret ille futurus,  
 Judicium gratum partus erat pueri.  
 Imprægnata parens patitur per somnia multum ;  
 Quodd nihil in ventre sit nisi grande caput ;  
 Et tam grande caput ac tanto robore forte,  
 Quodd puer ex utero fultus abit baculo.

### C A P. IV. Præſaga futurorum in puero.

**Q**uid sibi vult uterus pariens, Ecclesia dicat,  
 Fœcundata suâ prole placente Deo.  
 Quid caput in ventre, nisi quodd puer ille paratus  
 A Domino dante fit caput Ecclesiæ ?  
 Grande caput fuit hoc ; quia grandiloquus nitet iste.  
 Hinc *Caput* hunc *Grossum* plebs vocat historicè.  
 Robore vir fortis, fidei radicibus hærens.  
 Sic bene Robertus nomine reque valet.  
 Quid sibi vult baculus, quam matris somnia præstant ?  
 Nam Deus elegit hunc sibi Pontificem.  
 Hunc Deus elegit ; ut ovilia dogmate pascat,  
 Exemplo foveat, commoditate juvet.

### C A P. V. De loco ubi natus fuit.

**P**Rimavis tunicis rosa dedignata teneri  
 Exiit florigero cortice spirat odor.  
 Ex agro veteri virtutum semina, morum  
 Plantula, justiciæ pullulat ampla seges.  
 Nascitur in Stoia, quasi sanguine clarior arte.  
 Quod natura negat, moribus accumulatur.  
 Pullulat in flores natura labore ministro.  
 Egregios mores condidit abs tenebris.  
 Militat in puero gravitas matura, stupeſcit  
 Pauca dies tenerum tempore, mente senem.  
 Gente suâ minor est annis, sed major honesto  
 Proposito, merito, simplicitate puer.

CAP. VI. Quòd mater ejus agens in extremis,  
instruxit eum bonos mores.

**D**UM mater genitum videt & præcordia vitæ  
Indolis; emergunt gaudia, vita placet.  
Non sibi sed nato mater vult vivere; quamvis  
Amplius esse negat, non negat esse parens.  
Ergo vocat puerum, qui gloria fit speculumque  
Matris supernæ sollicitudo frequens.  
Sic ait ad natum. Jubeo conamine toto,  
Ex animâ totâ dilige corde Deum.  
Atque precor mea jussa libens intellige matris.  
Expedit in morte fructificare preces.  
Nunquam crede gulæ, cui crapula servit, obedit  
Gustus, adulatur suavis in ore sapor.  
Non sis sollicitus animæ quid detur in escam.  
Sed debet tolli cura timorque tibi.  
Nulla laborat avis, nec mandat semina terræ;  
Attamen à Domini pascitur illa manu.  
Quære Dei regnum prius, & præcepta sequaris  
Ejus; & addentu à Patre cuncta tibi.  
Paupertas si læta venit, lætissima fiet.  
Inter delicias munera sumpta ligant.  
Vive puer, valeas; benedictio plurima summi  
Patris te patriâ sedulitate regat.

CAP. VII. De loco ubi nutritus fuit Grosthede.

**P**AUPERIBUS trabeatus avis puer iste parentis  
Post obitum, panem vendicat ore suum.  
Tandem quem Stoia lavit, Lincolnia pavit.  
Ac tenuem victum dat nova terra sibi.  
Est habitu vilis, & vultu sordet, amictu  
Pauper & incultus, pallidus, esuriens.  
Sed bonus in Domino teneris puer inclitus annis,  
Pastor erat pecudum, qui fuit hinc hominum.  
Angelus ingenio, pecudes per devia minans  
Rithmicare solet, quùm nihil artis habet.  
Quùm nihil artis habet, metris simul ille scolares  
Omnes præcellit, Anglica verba sonans.



C A P. VIII. Quomodo Grosthed adolescens fame captus mendicabat.

**E**Surit interea mendicus, & hostia pulsat  
 Cujusdam civis, qui Prior urbis erat.  
 Vir cernens inopem, deformem crine, corosum  
 Vestibus, hæc loquitur ridiculosa fatis.  
 Gustus edax, ventris venator, prædo crumenæ,  
 Irato vacuas increpat ore minas.  
 Est *Rogo* vox miseri, vox importuna pudoris,  
 Prodiga mœroris, plena favoris egens.  
 Est *Dare* lætitiæ vox, verbum nobile, verbum  
 Mellifluum, dantis gloria, dantis honor.  
 Ridens alloquitur deformans ora cachinno.  
 Sic ait ad juvenem! Accipe quod dabitur.  
 Fœderis hoc pacto fructum tibi sume caponis:  
 Quod nunquam Præsul istius urbis eris.

C A P. IX Sed noluit iste Grosthed Dei gratiam vendere.

**V**Ix homo perversam poterat finire loquelam,  
 Et recolit Juvenis verba resperfa gulæ.  
 Est, ait, O Domine, cibus aspidis iste peremptus;  
 Quem renuo, matris cœlica jussa sequens.  
 Pestiferos non gusto cibos; me gratia pascet  
 Deliciis, poru, veste, sapore, cibus.  
 Spe lucri nolo Dominum tentare; videtur  
 Gratia venialis, emolumenta petens.  
 Est cibus iste tuus capo; sed gratia nobis.  
 Omnipotens redimat prosperitate malum.  
 Do Domino grates in paupertate famescens  
 Faucibus; & celebrosospire mente Deum.  
 Est preciosa fames, sequitur quam gratia Christi,  
 Quem cōlo, quem veneror. Munera sumpta ligant, &c.

C A P. X Quomodo Major Lincoln. remisit pro insigni Grosthed.

**G**Audet, abit juvenis, jejunos corpore panis.  
 Comprimit inde famem, depulit unda sitim.  
 Ad Juvenis reditum Major respirat, amicat  
 Blanditiis; verba non meminisse nequit.  
 Dum recolit dicta; dolor excitat, ungue capillos  
 Fulgurat, & famulum convenit; ista jubet.  
 Vade, voca juvenem; comedat, bibat & requiescat.  
 Militat in Juvene (spe comitante) Deus.

Mente suâ minor est nobis, sed major honore,  
Sobrius & justus, officiosus, amans.  
Hunc Deus elegit vas nobile, vas honorandum,  
Vas speciale suum, vas generale suis.

C A P. XI. Ad instantiam Majoris redit  
Grosthed.

**M**ajoris famulus abiens percircuit urbem,  
Explorans vicos; invenit & Juvenem, &c.

C A P. XII. Quomodo Major eum benignè  
suscepit.

**H**is dictis rediit Juvenis, comitis celebrator,  
Mente Deum grates accumulare studens.  
Hospitium pulsat, simul intrat tecta, salutat.  
Occurrit Major, & ruit in lacrimas, &c.  
Offert delicias Major, juvenisque resignat;  
Marris consilii degener esse negat.  
Partitur pietas Majoris prandia multa.  
Dat festina dapes mensa, lagena merum.  
Sic ait; O Juvenis vinum bibe fronte benignâ  
Quod dabitur. Redolent dantis amore dapes.

C A P. XIII. Delicias respuit, exhibitionem  
petendo.

**A**lloquitur Juvenis Majorem: prandia nolo.  
Consilium matris nunc meminisse juvat, &c.  
Non epulas tales sumam vel pocula. Quæso,  
Des mihi subsidium, unde studere queam.  
Pauperies quod nostra nequit, tua nempe facultas  
Suppleat. Aggrediar, te miserante, Scholas.

C A P. XIV. Hic Major Lincoln. con-  
cedit illi exhibitionem.

**A**udit eum Major, nec tardat mittere servum  
Usque Scholas: Doctor cursitet inde citò.  
Doctor adest; & ei juvenem committit honestum;  
Ut doctrinetur moribus arte simul.  
Ne dubites, ait, ipse dabo condigna laboris  
Præmia; tu juveni consule, confer opem, &c!



C A P. XV. Præ cæteris Groshed in Grammaticâ Lincolniz viget.

**N**E lateat jubar angelicum ; Lincolniz floret  
 Roberti titulus, nomine Grande Caput.  
 Mira patent. Juvenis novitas oblita dierum,  
 Obstupet in juvene delituisse senem, &c.  
 Grammaticæ præcepta capit, superando coævus,  
 Qui regitur fragili cortice, spirat odor.  
 Quomodo diversas species vox indicat una ;  
 Indulgens studio scripsit & hoc docuit, &c.

C A P. XVI. Postea Cantabrigiz scientias  
 studuit liberales studiosissimè.

**D**Octrinæ titulo florens, sensu juvenili  
 Inclitus & docilis, alta colit studia.  
 Doctrinam cupiens, quæ Cantabrigia dicitur ;  
 Ut Gallus vigili præcinit ore diem.  
 Sollicitatque manum, mentem manusexcitat, urget  
 Ingenium ; sensus applicat ille suos.  
 Ut granum de messe sibi, de fonte salubri  
 Pocula, de doctis dogmata mente legit.  
 Infomnes animi motus vigilemque Minervam  
 Excitat in studiis sedulitate suâ.  
 Latius inquirens intrat penetralia mentis,  
 Principio clarus, clarior ecce studet.  
 Subtilis multum prætenditur ille sophista ;  
 Prodigis tentans vendere falsa suis.  
 Monstrat Elenchorum pugnans Logicæque duellum,  
 Falsa negans : verus ille fuit Logicus.  
 Qualiter ars Logicæ tanquam via dogmata clausis  
 Ostendit, reseat ; & legit & docuit.  
 Rhetoricus bonus egregius fuit iste Robertus.  
 Excitat atque monet, instruit in brevibus.  
 Argumenta notat, probat, exprimit, astruit, insert.  
 Sermonis claudit singula laude suâ.  
 Destruit, informat, dissolvit, dissipat, urget.  
 Orator grandis, Rhetor erat rigidus, &c.

C A P. XVII. Hic Episcopus Sarum conducit Grosthe de ad nonam Lectionem Romæ in Festo S. Petri legendam; qui in unâ nocte Romam adiit & revenit.

**R**Es miranda nimis : Præsul Saresburienſis  
Multum debilitat, sed sacra pacta timet.  
Antea promisit Papæ solennia Romæ  
In propriis per se conceleberrare Petri.  
Sic ait, nec meminit senio confectus & æger.  
Flevit promissa ; tempus adinstat ei.  
Præsulis adventum veneratur Lectio nona :  
Et festum Petri prævenit una dies.  
Quid moror ? Hic Præsul Robertum convocat istum ;  
Munera promittens ; foedera narrat ei.  
Novi quod Papa numerat mihi tempus & horam ;  
Ut sibi promissâ laude salute feram.  
Tempus adest ; nec quid faciam scio. Pande, precamur,  
Ad decus Anglorum dogmata quæ tua sunt.  
Sic ait ; & precibus assensum præbuit ille.  
Ne laus Anglorum claudicet orba fide.  
Ne timeas, O Præsul, ait ; vos arbiter alti  
Consilii mecum concomitatur iter.  
Ducet & adducet citò me : sospes remeabo,  
Omnia consummans prosperiore gradu.  
Quomodo nescitur aut qualiter, iste Robertus,  
Ad talem cursum prosperè frænât equum.  
Nox venit, & instat celebrata Vigilia Petri.  
Tunc maturat iter Clericus iste suum.  
Digressurus ave geminat, tonat Anglia tota.  
Procedunt comites Clericus atque Beal.  
Ætheream lucem superans, jam ponit in altum  
Gressus ille suos ; & via prima placet.  
Alius aggreditur spatium, quo splendor & ignis  
Jura tenent celsis ; arbiter implet opus.  
Pungit equum sessor ; & concitò tendit in illud,  
Sol ubi jura tenet, pullulat unde salus.  
Tandem cautelæ studio regione ponitur,  
Quam Venus & Stibion oscula dando colunt.  
De qua progreditur flammata palatia Martis ;  
Stupet & insultus quos paret ille locus.  
Tunc Jovis innocuos ignes lucisque serenæ  
Lætitiâ tentant ; exhilaratur homo.  
Saturni latebras tractans sessor volente  
Sorte suos gressus dirigit ad superos.  
Lucis inoffensæ spatium fontemque nitoris  
Ingreditur promptus. Arbiter ille fremit :  
Sessori loquitur ; Benedic tibi, vel morieris.  
Ad mare submersus imprime signa tua.



Vade Beal, ait iste studens, iter istud in ævum  
 Talia signa timet; siste gradum jubeo.  
 Verbum pondus habet Jubeo: paret Arbiter, intrat  
 Ima petens Romam, Clericus Ecclesiam.  
 Hospitis adventum miratur Lectio. Caprat  
 A papâ Benedic; mos velut est patriæ.  
 Nec mora; distinctè legit, sed mente sepulcrâ  
 Nidi pro vidi; risit & ille chorus.  
 Nidi pro vidi, Lecturam non bene vidi;  
 Clericus ingeminat, Angelus ingenio.  
 Alloquio suavis redolet dulcedine vocis.  
 Mirantur omnes, qualis & ille fuit.  
 Dum legit, inter eos mirantes quæstio vergit.  
 Discutiatur enim Spiritus est an homo.  
 Non potuit, dicunt, sic voce loqui malus hospes.  
 Absit, ut Angelico peccet in ore labor.  
 Lectio finitur; abscondit cuspide cultri  
 Quod legerat folium: nec mora, cingit equum.  
 Sessor equum stringit sine fræno. Clericus iste  
 Ad patriam subitum præmeditatur iter.  
 Accelerat, natalis humi dulcedine gaudet  
 Clericus, ad manes currere cogit equum.  
 Præfulis hospitium videt, intrat tecta, salutat  
 Patrem progrediens exiguosque lares, &c.

C A P. XVIII. Præsul Sarisburiensis Grosthede  
 remunerat ei valedicens.

**D**um nullis Præsul precibus nec amore teneri,  
 Sentit eum, mœstâ sedulitate faver.  
 Aureolam donat, simul oscula porrigit, ornat.  
 Obsequiis, onerat rebus, honorat ope, &c.

C A P. XIX. De Studiis Grosthede in Oxoniâ.

**O**xoniæ studia noviter colit iste Johannes  
 Clericus humanâ laude nitescit homo.  
 Plaudit & Oxonia, collum ligat, oscula jungit.  
 Fœlicem laudat nobilitas studii.  
 Præcellens studiis omnes ratione peritos,  
 Plus aliis sensu clarus in urbe fuit.  
 Quicquid in arboribus, virgultis, floribus, herbis,  
 Seminibusque later, præcinit iste studens.  
 Omnes naturas pecudum cognovit, & omnis  
 Reptilis, & vermis omnis, & omnis avis.  
 Invenit voces, quibus allevare solebat  
 Ægrorum morbos, subsidiumque dabat.  
 Obvia spiritibus invenit verba malignis.  
 Inde fugabat eos, nec remeare fovens.

Deque Characteribus fuit Author, quos pretiosis  
Inscripsit gemmis, mira potenter agens.  
Utilis Anglorum fuit ista scientia genti.  
Oporcista fuit; perficit inde bonum.

C A P. XX. De æneo capite, quod Oxoniæ  
fecit Grosthe de ad dubia quæque determi-  
nanda.

Solus naturæ studii quæ singula sparsim  
Munera contrulerat, colligit iste studens.  
Carus, amans, docilis, & in omni floruit arte,  
Ut patuit, quando fecit ab ære caput.  
Indulgens operi, mentem deducit in actum  
Quod mens intus habet, prædicat exterius.  
Fabricat ære caput, dum claruit arte Magister,  
Quod coluere simul tempus & ordo, locus.  
Tempore Saturni loquitur Saturnia proles  
Corrigit errores, consulit in dubiis.  
Sic vis naturæ sapientis vincitur arte.  
Quodd pictura loquens dogmata multa ferit.  
Sed gravis eventus, casus miser: ordine quodam  
Dum caput erigitur, corrui ima petens.  
Infra se patitur, nec sese sustinet; immo  
Pondere sub proprio mole suâ premitur.  
Scinditur in cineres: plangit Saturnea proles.  
Nec manet ulterius forma recens capitis.  
Dicunt vulgares, quodd adhuc Lincolnia mater  
In voltâ capitis fragmina servat ea.

C A P. XXI. Quomodo pœnituit Grosthe de  
studii scientiarum inhibitorum.

His monitis subpressa viri prudentia magni  
Respuit hæc studia, dum cupit inde nova, &c.  
Acclamat vulgus, ut in ordine Presbiteratus  
Gaudeat alta studens; sed negat ille timeas.  
Rex jubet, hoc sentit; sic gens generosa, fidelis  
Urget eum Clerus. Presbyter efficitur.  
Dat tibi Præbendam primam Lincolnia mater;  
Quam bene Cliftona solvit in Ecclesiâ.

C A P.



C A P. XXII. Quomodo Magister Grosthede  
Doctor efficitur Theologiae.

**L**etitia studia, quibus ardet grata juvenus,  
Omnia deponit nobilis iste studens.  
Sic ait. In fragili ludit mea pagina mente.  
Mens lasciva nitens in sua damna volat.  
Majorem nunc tendo liram; studium renovabo.  
Cœlesti Musæ plectra parat cithara, &c.  
Sic Scripturarum mustum bibit atque propinat;  
Quod doctus fuerat, & decus orbis erat.  
Doctrinâ probitate simul vir nobilis iste  
Robertus Grosthed Doctor in orbe nitet.

C A P. XXIII. Grosthede reipublicæ multum  
utilis ab omnibus amatur; in negotio saltem  
regio occupatus.

**D**um floreret adhuc studiis ætate virili  
Clericus, ad Regis cogitur obsequia.  
Mente senex, ætate virens, sine fraude fidelis,  
Dogmate præcellens, Regis amicus erat.  
In Regis mensâ prior inter Regis amicos  
Efficitur. Probitas emerat illud ei.  
Secretarius hic Regi, Custosque Sigilli  
Postea Privati, Rege jubente, fuit.  
Ejus consilium, doctrinam Rex veneratur.  
Prudens & verus & vir honestus erat, &c.

C A P. XXIV. Quomodo eligitur Episcopus  
Lincolniensis.

**O**rba suo sponso plangens Lincolnia sponsa,  
Hunc sibi Robertum clamat, amore calens, &c.  
Hunc plebs, hunc procures, hunc plurima turba potentum,  
Robertum dignum Præsulis arce ferunt.  
Fama citat laudem, laus præmia, præmia mentem,  
Mens studium, studium dogmata, dogma decus.  
Sponsa decora nimis Lincolnia languet amore  
Illius, & Regi supplicat absque morâ.  
Audit eam Rex, & ad amatam mittit amatum.  
In mediis precibus Præsul & efficitur.  
Per vicos populus canit, Alleluia plateæ  
Præsulis adventum flore, favore, colunt, &c.

C A P. XXV. Quomodo se habuit in Episcopatu.

**P**ræful & ille pater miratur nobile Templum ;  
 Et congaudet ei, quam beat omnis homo.  
 Hæret in hanc oculo ; sed nec minus hæret amore.  
 Totum prædatur sponsa venusta virum.  
 Dedicat Ecclesias, pueros confirmat ; & omne  
 Præfulis officium dissimulare negat.  
 Desudat virtutis agro cœleste talentum.  
 Multiplicans patris horrea messe replet.  
 Quadrata virtute ratus præcepta salutis  
 Prædicat ; & geminat proximitatis opem.  
 Et linguæ cognata manus documenta maritat.  
 Rebus honestatis conjugatoris opes.  
 Sic mentes recreat & corpora, dogmate mentem,  
 Corpora subsidio ; pascit utroque Deum.  
 Defunctos sepelit, vivos sustentat ; & omni  
 Obsequio pietas officiosa viget.  
 Obsequitur legi ; castigat turpia prolem ;  
 Instruit exemplis ; religione docet.  
 Increpat elatos ; iratos mitigat ; ægris  
 Compatitur ; miseros visitat ore, manu.  
 Seminatur, auget, alit, exterminat, arguit, arcet,  
 Dogmata, jura, decus, scismata, probra, dolos.  
 Visitat infirmos, tristes solatur, egenis  
 Condolet, in membris gaudet amare caput.  
 Regis in aspectu placet ; huic extendit habenas  
 Præ reliquis Regis gratia ; Regis amor.  
 Hoc doctore Deum colit & beat Anglia tota.  
 Virtus adest, rectum militat, error abest.

C A P. XXVI. Comes Cestriæ promotioni invidens, scripsit illi Epistolam invektivam.

**P**ontificis laudem Rex, plebs & patria fundunt.  
 Sed Comitem quendam comprimit invidia.  
 Fulgurat interius Comes is quem Cestria ditat ;  
 Intonat exterius ; scripsit & ista sibi.  
 Plaude pater Præfuli caput es & origo parentum ;  
 Rusticus in primo, nunc generosus homo.  
 Sordescit mundo foetens tua tota propago.  
 Dives opum probus es, non tua progenies.  
 Solus habes abs te, quo stas in Præfulis arce.  
 Orbe nitens clarus, optimus es generis.  
 O furor, O rabies, porcos per devia minans,  
 Qui fuerat pastor, incipit esse pater.

Porcorum



Porcorum custos ascendit culmina Cleri.  
 Præfulis officium rusticus aggreditur.  
 Vale, vale, decus Ecclesiæ, nunc maxima moles.  
 Insequitur truncum virgula fronde suum.

C A P. XXVII. Responsio ad Epistolam.

**P**Lange Comes Coridon, onus es & cauda parentum ;  
 Ingenuus primò, rusticus ecce modò.  
 Clarefcit mundo florens tua tota propago.  
 Pauper, inops, miser es ; non tua progenies, &c.

C A P. XXVIII. Quomodo Nobiles regni Angliæ liberos eorum ad illum miserunt ad mores & literas erudiendos.

**T**Ot dotes animæ, tot munera digna favore  
 Præful habet sanctus, quòd sibi fama nitet.  
 Munere divino, donis cœlestibus ardet.  
 In cuius speculo gratia quæque nitet, &c.  
 Regnorum Proceres ad eum sermone docendos  
 Transmittunt pueros, moribus ut niteant.  
 Præful & ille vigil ter dena volumina scripsit  
 Altioris studii ; litera scripta manet.

C A P. XXIX. Quomodo Magus de Æthiopiâ venit ad disceptandum cum Lincolnensi.

**Æ**Thiopem magicum de finibus orbis ad urbem  
 Præfulis istius fama stupenda movet.  
 Plurimus huic cœtus sociatur ; aromata, gemmas,  
 Ornatus, auri pondera multa ferens.  
 Quæ Magus iste sibi proponit, ænigmata solvit, &c.

C A P. XXX. Quomodo Lincolnensis Papa subsidium negavit, quod ab Angliâ exigebat.

**H**Actenus arrisit Roberto gratia Regis.  
 Præfulis in populo floruit omnis honor.  
 O nova res ! Papa Legatum dirigit Anglis ;  
 Ut sibi subsidia solveret Ecclesia.

Legatus tentat, ut maxima ſumma daretur  
 A Clero ; ſic plebs non oneretur eâ.  
 Rex ſentit ſimul & Proceres ; negat iſte Beatus  
 Omne datum Præſul. Rex tacet, inde bonum.  
 Quid ſero plura ? nihil, ait almus Præſul, in ævum  
 Solvere debemus, ſit niſi vaſta fides.  
 Quæ dabimus ? quare ? quis ſcit ? Lincolnia ſponſa  
 Solvere nil valeat ; irruat Eccleſia.  
 Supplicat eclypſin Papæ Romana facultas.  
 Gaudeat in rebus Anglia læta ſuis.  
 Conſenſit Clerus ; Legatus concipit iras  
 Et maturat iter limen adire Petri.  
 Aggreditur Papam feſtinus, & omnia narrat.  
 Miratur Papa Præſulis acta ſui.

CAP. XXXI. Quomodo Lincolnienſis à Papâ citatus Romam  
 adiit intrepidus.

REM geſtam cernens citò Papa remittit ad Anglos  
 Præſulis in urbem ſcripta citatoria.  
 Nec mora ; Præſul abit, Romam colit hoſpes amœnus.  
 Viſitat & Papam pace, ſalute, fide.  
 Accedunt comites, ac in medio ſeniorum  
 Hunc ſiſtunt. Papa tunc ait iſta ſibi.  
 O Leo crudelis, mordens, o tigris inique ;  
 Ut pungens aſpis, inſtimulans ut apis.  
 Ex bonitate meâ tibi gratus eram, tibi lenis,  
 Mitis & affeci. Te tua culpa gravat.  
 Teſtis Roma meæ pietatis, teſtis & orbis ;  
 Terrarum Princeps teſtis & Anglicus eſt.  
 Arbitrè ille mei cordis teſtatur amorem.  
 Vox tua firmabit iudiciumque tuum.

CAP. XXXII. Reſponſio Lincolnienſis Domino Papæ.

Sulcipe, ſancte Pater, reſponſum Præſulis oro.  
 Utere nunc illo ; fiat ut inde ſalus.  
 Porro quid illud erat, quod me compellere poſſit  
 Ad ſcelus, ad fraudes, ad mea danda ſimul.  
 Non cogeſat ad hoc me Romæ dira cupido,  
 Non formido mei, juiſſa ſequendo Dei.  
 Non me cogeſat mala ſuſpicio metuendi  
 Rancoris fateor, quo tibi gratus eram.  
 Non me cogeſat injuſti cauſa doloris.  
 Scis quia prælatus omnibus unus eram.  
 Non Leo crudelis, nec Tigridis ore remordens  
 Sum : decet hîc Papam dulcia verba loqui.  
 Sum mortalis homo, pater, & Deitatis imago ;  
 Clericus Anglorum Præſul in officio, &c.  
 Æra negare tibi non dira coegit egeſtas.  
 Copia quippe mihi plena fluebat opum.



Vistibi depingi brevius nunc omnia, Papa?  
 Quærit habens, inhiat copia, plenus eget.  
 Te non excruciet censûs fitis ebria : cujus  
 Pullulat ex gustu multiplicata fames.  
 Heu quid opes opibus cumulas ! quid propria quæris?  
 Quum se nemo queat appropriare sibi?  
 Ut quæras loculos nummis emungere Cleri,  
 Legatos mittis, deficiuntque tibi.  
 Curant non aras sed aras, non vera sed æra,  
 Non æquum sed equos, non inopes sed opes.  
 Verbis frondescunt non fructibus ; immò sequuntur  
 Utres seu ventres, dolia sive dolos.  
 Hærent seu vinis, seu vanis, sive venenis.  
 Quærunt vana, colunt vina, venena vomunt.  
 Libras non libros relegunt ; parentque monetis  
 Non monitis ; precio non prece quemque juvant, &c.  
 Est nova res Anglis, solvant subsidia Papæ.  
 Ut magis absolvas, postulo, quæro, peto.  
 Libera fiet enim mea nunc Lincolnia sponsa.  
 Est codex cordis arbiter iste mei, &c.

CAP. XXXIII. Quomodo Lincolnienfis à Domino Papâ excommunicatur.

**P**apa videns hominem fortemque petita negantem,  
 Testibus adductis templa beata subit.  
 Primi Pontificum simul & populi seniores  
 Ad Papam properant, Conciliumque tenent.  
 Concilium post concilium firmare laborant ;  
 Ut capiant, teneant Præfulis acta nova.  
 Terria facta dies est ; summus honore sacerdos  
 Progreditur ; sequitur cœtus Apostolicus.  
 Ne sacra Romana pereant, loquitur sibi Papa ;  
 Anglorum terris tu maledictus eris.  
 Lincolnienfis apex Præsul Roberte salutes  
 Has tibi de Roma stillat ab ore meo.  
 Hoc sermone nova sententia clauditur ; immo  
 Non alio potui te superare modo.

CAP. XXXIV. Quomodo Lincolnienfis à Papâ excommunicatus ad Deum iudicem appellavit.

**P**ræfulis ardorem non flexit flebile verbum.  
 Alloquitur Papam frans probus ista loquens.  
 Me velut incertum rerum dubiumque futuri  
 Naufragio tradis, dum pater ista jubes.  
 Anglia libera sit, mea sit Lincolnia conjux.  
 Carcere solus ego non mea fata luo.  
 Me polus absolvat ; quia non sua fulmina misit :  
 Nec nocuere mihi grando, procella, lapis.  
 Me simul absolvat, quem non absorbit, aquor.  
 Quem non immerisit undaque tutus ero.

Ipſa mei cordis elementa fatentur honeſtè.  
 Atque rei teſtes ſunt mare, terra, polus.  
 Per mare, per terras redeam nil paſſus acerbi.  
 Puniri merui ; ſi Romecida fuit.  
 O modò ſi præſens iudex fuerit mihi Chriſtus !  
 Proh dolor, & procul es Chriſte tuuſque thronus.  
 Nunc ſine te præſens adjudicor à patre ; præſens  
 Es tamen in cunctis iudicioque potens.  
 Sunt tua iudicia, juſtiſſime rector, abiffus  
 Multa, nec humanæ cognitionis egent.  
 Scrutaris renes & corda Deus ; patet omne  
 Cor tibi, mens loquitur, notificatur opus.  
 Affligor, miſerere precor, defende, laboro,  
 Subvenias, crucior, protege, lædor, ades, &c.  
 Scis me, ſumme pater, immunem criminis, abs quo  
 Papæ iudicia pernicioſa feram.  
 Appello cœlos & ſummi Iudicis arcem.  
 Ni patiar, Papa, nunc tua iudicia.  
 Si reus, ad pœnam damnor ; ſi non reus, inde  
 Tu malediceris & maledictus eris, &c.  
 Filiolis lætare tuis Romæ pater alme.  
 Clericus Anglorum, filius ibo Dei.  
 Vale Papa ; redeam citò vide morte ſecurâ,  
 Iudicis uſque thronum te revocans miſerum, &c.

C A P. XXXV. Quomodo Lincolnienſis à Papâ revenit Angliam.

**V**Ela dabat ventis ; fulcabat & æquoris alta  
 Puppis ; maturat Præſul & illud iter.  
 Præſulis adventum ridet, colit Anglia tota.  
 Quum ſibi congaudent Rex, proceres, populus.  
 Occurrit Clerus ; famoſi Præſulis acta  
 Libera nunc facta præcinit Eccleſia.  
 Ad ſponſum properat urbs & Lincolnia cantat.  
 Amplexatum eam, porrigit ora ſimul.  
 O decus orbis, ait, honor Anglis, nobile templum,  
 Splendida præcellens virginis Eccleſia.  
 Evolat ad nubes paries, ad ſidera teſtum.  
 Montibus arridet urbs nova Jeruſalem.  
 Sit tibi laus ; quo vivo, loquor, nunc libera gaude.  
 Ecce tuum teneor concelebrare diem.

C A P. XXXVI. Lincolnienſis ex itinere fatigatus, fratribus valedicens, migravit ad Dominum.

**T**unc Pater & Præſul intrando palatia feſſus.  
 Canonicos omnes convenit ille ſuos.  
 Oſcula dat cunctis, pacem jubet, omnia narrat.  
 Explicat inde citò, quòd moriturus erat :  
 Digreſſurus Ave geminat pater, ac benedicit  
 Fratribus, & cunctis degenerare negans,  
 Clamat. Sit Dominus vobiſcum, vos comitetur, &c.



His dictis iteratur Ave ; dans oscula pacis,  
 Dormit cum patribus, cœlicus astra tenet.  
 Anno milleno Domini duo C. quoque terno  
 Cum quingenteno clauditur ista dies.

CAP. XXXVII. De citatione Papæ ad iudicium Dei.

**D**UM jubar Angelicum dormit, canit Angelus unde.  
 Spiritus ad Romam corpore cepit iter.  
 Intrat secretè thalamum, Papamque salutans,  
 Surge miser, dicit, jam moriturus eris.  
 Præfulis hinc baculus penetravit cuspide cordis  
 Intima ; tunc Papam iudicis ira movet.  
 Surge miser ; surge, Præful fert tempus in horâ  
 Non videas ; properant nunc tua iudicia.  
 Surge citò ; cernes, quum veneris ante tribunal,  
 An bona sive mala sint tua iudicia.  
 Clamat in extremis Summus tunc ille Sacerdos.  
 Conveniunt homines flebiliore modo.  
 Clericus Anglorum baculo percussit habenas  
 Cordis, ait ; Morior ; hic præit, ipse sequar.  
 Me vocat usque tronum supremi Iudicis ; ecce  
 Est hæc vita brevis, lubrica, pœna, dolor.  
 Sic ait & moritur : stant insimul ante tribunal  
 Iudicis & Papa Præful &, acta probant.  
 Ambo boni ; titulos amborum prosperet ipse,  
 Qui præstat justis cœlica lucra via.

CAP. XXXVIII. De sepulturâ & miraculorum ostensione Lincoln.

**U**T legis præcepta volunt, sepelire laborant  
 Canonicique chorus nomine mente patrem.  
 Patri compatitur Lincolnia, mœsta querelis  
 Ampliat, imbre rigat uberiore genas.  
 Conveniunt Procères regni ; mors unica, damno  
 Pluralis, patriam patre jacente premit.  
 Rex dolet ac regnum gemit & flent Anglia tota ;  
 Plebs plangit, gemitus ingeminare studet.  
 Quippe tenor patriæ, speculum virtutis, azilum  
 Justitiæ, Regis anchora, Præful erat, &c.  
 Nunc Deus in mundo miracula multa per ipsum  
 Perficit & præstat, qui dedit omne bonum.  
 Loripides saluunt ; mutos facundia laxat :  
 Obtusas aures arcuit iste sacer.  
 Languoris florescit hyems ; vesania pacem  
 Induit, & rurgens laxa redire datur.  
 Qui Dominum coluit exemplo, dogmate, votis,  
 Laude ; relativo gaudet honore coli.

Conclusio Operis

**E**xPLICIT istud opus. Precor, O pater alme Roberte,  
 Sis pius omnigenis qui tua dona petunt.  
 Ut mihi præsertim, qui te precor, effero, laudo,  
 Cujus amore ligor, Bardeniensis ego.  
 Fige ratem, qua portus adest : jam trinus in uno,  
 Unicus in trino, sit benedictus. Amen.

Finit Vita Roberti Grosthed, Lincolnensis Episcopi metrificata per Magistrum Richardum de Monasterio Bardeniensi Monachum, anno Dom. MDIII.

Vita *Roberti Grosthed*, ex Annalibus de Lanercost, in  
 Bibliothecâ Cottonianâ, *Claudius D. 7.*

**A**NNO MCCXXXV. vir laudabilis Robertus Grostest Electus Lincoln. consecratus est in Festo S. Michaelis, genere quidem infimus, sed scientiâ clarissimus, & vitæ honestissimus, qui similiter Pastoris officium exhibebat Laicis & Clericis. Nam & Psalterium legendo postillavit usque ad medium; nec ulterius licuit propter vitæ terminum; & alia plurima scribendo & interpretando fecit. Hic tantæ fertur continentiæ; quod dixit semel se nolle pro toto mundo unâ nocte cum propriâ sorore solus morari in una æde. Tantæ verò eloquentiæ exitit; quod sibi parem postea Anglia hucusque non invenit. Tanti zeli justitiæ, quod ad Curiam Romanam evocatus in præsentiam Papæ & omnium confratrum in libertate spiritûs & facundiæ publicè prædicaverit & redarguit cupidos mores Curiae; ac curam itidem pastorem resignaverit, nec pro eâ recipiendâ aliquid juxta morem corruptum fratribus Curiae offerre voluerit. Unde & Gloriosum Anglicum avari illi eum vocaverunt. Extant adhuc ejus Sermones & Literæ epistolares ad Curiam directæ. Denique quod noluit in periculum proprii capitis Ecclesias viduare & vacuare fructibus conferendo Romanorum filiis, in ultimis diebus suis à Curia excommunicatus est. Quam sententiam ipse justitiæ tenax patienter sustinuit ac confirmavit, necnon ad tribunal summi Judicis appellavit. Animarum verò curæ tantum incubuit; quod excubiis longis orationum vigiliisque reconciliabat Deum peccantibus. Non cessabat circuire visitando, & in vulgari populo prædicando, vel quando sibi non vacabat Fratres Minores subrogando, quos continuè secum propter animarum salutem detinebat. Consulenti se cuidam semel Fratri, utrumne salubre esset animæ in foro pœnitentiæ pro aliorum animabus expiandis turpia audire & conceptionibus scetidis quasi quibusdam stercorebus congestis animam propriam foedare; respondit parabolicè sic: Si quis suum regnum, castrum vel curiam obortis incendiis adverteret destruenda, ac armigeris & aliis juberet fortiter agere nec sibi parcere, ut excitatas flammæ extinguerent; videret quoque quosdam de labore semiustos redire, quosdam fuligine & fumo denigratos; non propter hoc minùs eos gratos sibi reputaret, si indumenta ab eo recepta pro ejus honore salvando corrumpere vel foedarent. Sic Salvator facilè animæ suam restituit decorem, quæ deturpata fuit propter suum honorem. De ejus frugalitate ac urbanitate restantur aula quam extruxit, & mensa quam tenuit. Dixit quidem Procuratori mensæ in Quadragesimâ



mâ semel, quòd non erat sufficienter provisâ. Ille obtendebat piscium raritatem & maris tempestatem. E contra Episcopus intulit: Nolo, ut per mare excusetur, sed quòd ipsum me sequatur. Accidit aliquoties, ut adveniente ad se Comite Gloverniæ, curialis Præsul mensas profusus ob amorem & tanti hospitis personam juberet. In accubitu verò Episcopus Comitem ad sui dextram præposuit; de omnibus ante se illi exhiberi servitium voluit. Ventum est verò, ut erat dies piscium, quando lupi aquatici electi apponerentur in cibum. Dapiferi verò Domino suo propitii egregium hujus generis natatile ponunt ante Episcopum, minoris quantitatis ante Comitem. Quem non placido vultu intuens vir prudens, Aut, inquit, istum piscem abstrahite, aut æqualem apponite Comiti. Inficiantibus omnibus quòd consimilem non possent apponere; Et hunc, inquit, integrum eleemosinæ assignate, & mihi minorem cæteris cœqualem date. Illustris vir invitatus alto corde imbibit & pertractat, quod in viro scolastico viderat. Excussâ tandem mensâ, & cameram more Curialium intrantes, non differt dives sæcularis problema proponere quod conceperat. Si licet, inquit, Domine Episcope, unum sine offensâ quærerem: Unde tanta curialitas posset oriri? Nam te simplici progenie accepimus ortum, & tamen ita facetæ facta tua exequentem, ut sæpè de te in sæculo sermonem conferamus. Verissimè, ait, Domine Comes, humili de patre & matre sum natus in orbe; sed tamen inter præcipuos virtuosæ vitæ viros ac rectores orbis alitus sum à juventute. Audiens hæc alter altiori attonitus est stupore; & quomodo, inquit, hoc sit, gratularer scire. A principio, ait, quo S. Scripturam cœpi revolvere & legere, virorum fide dignorum qui ab inchoato mundo nunc usque homines prudentes, modesti, liberales, & casti, cæterisque virtutibus pollentes, in suis gestis & moribus velut in suis verbis & vultibus, me informare possent, reperi; & eorum actibus me conformare studui. Gratum habuit responsum generosus herus; & deinceps Episcopum in corde tenuit gratiorem. Vir iste primus cathedram scholarum Fratrum Minorum rexit Oxoniæ; unde & assumptus fuit ad cathedram Prælatiæ. Quo tempore contigit inter Fratres, ut quidam novicius ætate juvenis infirmitate superveniente tandem ad exitum videretur properare. Properatis sibi secundum morem animæ stipendiis, circumstantibus omnibus fratribus quasi valefacturus ait; Viri sancti & honesti, Deo gratias ago & vobis de conversione meâ, insuper vobis specialiter de doctrinâ, exemplo & consortio mihi jam per XII. hebdomadas præstitis. His dictis, introrsus rediens diu siluit; fratribusque simplicibus mirantibus & exultantibus & rei eventum expectantibus, is qui profecturus erat, cum passione letali vexaretur, voce altâ clamavit: Domine nunquid punis? nunquid percutis? Immò percutis ut parcas, punis ut non punias. Accurrentes fratres, & eum alienatum putantes, surripuerunt ei talia, & alia auribus ejus inculcaverunt: & sic innocens anima ad vitam æternam abscessit. Adeuntes fratres Robertum utpote pædagogum, exposuit quid eveniret; supplicat ut dicat quid senserit. Ego, inquit, reputo vos temerariè egisse; quoniam ille legebat in libro vitæ; & vos docuisset, si continuâset, multa Dei secreta.

Anno MCCLIII. VI. Idus Novembris solemnis columbia Ecclesiæ ex hac luce subtrahitur Robertus Grosseteste Episcopus Lincoln. qui inter moriendum reum se Domino Deo conclamavit de Ecclesiis suo sanguine acquisitis, quas malè ut homo deceptus erogavit. Et tamen ipsum judicem Deum testem adhibuit, quòd in conferendo semper sanam & sanctam intentionem habuit. Ipsum prosecutus est quasi evestigio eodem fatali anno Fr. Adam de Marisco, sibi super cæteros condilectus; qui primus post ipsum de Ordine Minorum cathedram rexit Oxoniæ. De quo unum ad instructionem posterorum memoria tradam. Fuerat is vir vitâ & scientiâ clarus ante mutationem sui statûs, Rector Ecclesiæ solemnis per triennium tantum in Diocesi Dunelmensi loco Wir-

mouthe

mouthe nomine. Qui cùm fastidio haberet sæculum, & volenter mutâſſet vitam & habitum; tandem communi ſorte omnium, ut dicitur, diem clauſit extremum, ſepultuſque eſt, ob dolorem quem conceperat, Lincolnia inter Episcopum & parietem australem; Deo providente, ut ſicut in vitâ erant amabiles & decori, ita non eſſent in morte diviſi.

Epistoła Decani & Capituli Eccleſiæ S. Pauli London ad Clementem V. Papam, de canonizando Roberto Groſthead Episcopopo Lincolnienſi. *Ex Autographo.*

**S**anctiſſimo in Chriſto Patri & Domino noſtro, Domino divinâ providentiâ Clementi ſancroſanctæ Romanæ ac univerſalis Eccleſiæ ſummo Pontifici ſuum ſubjectum & minimum Eccleſiæ London. Capitulum ſalutationem verbali ex humilitate tacitâ non mentali devota pedum oſcula beatorum. Scribitur in Job, quod filii ejus faciebant convivium per domos. In diſtinctis verò domibus tunc fit quaſi gaudium convivale, dum virtutes ſingulæ alios quaſi propriæ recreant atque paſcunt: Hoc Auguſtini teſtante eloquio, ubi dicit, Gaudium eſt alienæ virtutis velut fons gaudii in propriâ domo naſcens. Sanè à veſtrâ Lincoln. Eccleſiâ quidam recolendæ memoriæ Robertus Groſſeteſte nomine vir memorabilis & præclarus, tanquam lucerna non ſub modio poſita, ſed ſuper candelabrum prodiit, atque lampas cujus oleum ad illuminandum immittente Altiffimo nunquam deeſt; quem primitus filium & poſt patrem ipſius Eccleſiæ patrona edidit virgo mater; qui in hujus mundi ergaſtulo à vitæ ſuæ primævo certamine acri & ſedulo carnis domuit incentiva; & quanto ſuper cunctos ejus temporis eminebat Philoſophos, & in Dei ſcientiâ & doctrinâ anteibat Theologos, quod teſtantibus ſuorum ſcriptorum famoſiſſimorum opusculis modernos non latet Scholaſticos, adeò ejus aucto ex gratiâ divinâ ingenio quodd unicuſ dixiſſe potuit cum Pſalmiſtâ, <sup>a</sup> *Super omnes docentes me intellexi;* <sup>a</sup> Pſal. CXVIII. 99. tanto humilior, ſimplicior & ſanctior, ut innocens atque mundus in vitæ deguit puritate. Cujus ſanctitatis opinio longe lateque percrebeſcebat & fama. Qui funditus terrena deſpiciens, toto niſu mentis ad ſola aſpirabat cœleſtia & flagrabat. Quem demum paſtorali ut dignum veſtigio creator omnium Deus ad Præſulatus officium in dictâ Eccleſiâ cenſuit evocandum; eumque quaſi alterum Joſeph conſtituit Dominum domûs ſuæ; ubi in ſpectaculum poſitus & exemplum, verbo ædificationis inſiſtens, quod verbis docebat operibus exhibebat. Cujus nondum ſui oblitus famuli auctor ille nedum poſt mortem veraciter ſed in vitâ eſt in eo virtutes & miracula operatus immenſa, quaſi ſub quadam viciffitudinis ſui meriti repenſivâ; quæ ſigna, miracula & virtutes apud nos per uſum ſunt vetera, & per augmentum quotidie ſunt recentia atque nova. Quorum ſignorum intuitu & virtutum in gaudio cum Lincolnienſi noſtra communicat Eccleſia Sancti Pauli; & paulò minùs lætatur cum eâ quàm ſi pignus illud tam honorabile eſſet ſacrarium domûs noſtræ, cùm in ipſius virtutum eminentiâ & ſignorum frequentiâ dictæ quoque Eccleſiæ ob id laude & gloriâ non ſolùm noſtra, ſed tota Eccleſia fulgeat Anglicana. De quo dici poteſt quod ſcribitur ad Timotheum, <sup>b</sup> *Quod manifeſtatum eſt in carne, juſtificatum eſt in ſpiritu.* <sup>b</sup> I Tim. III. 16. Qualis autem erat in carne, & eſt modò in ſpiritu; quia ſanctus, per virtutes & miracula limpidè eſt oſtenſus. Decet igitur hunc tam venerandum Patrem in Eccleſiâ militante Sanctorum aggregari collegio, & in eorum veneratione & laudibus numerari; cùm in Eccleſiâ triumphante ut in cœleſti ſolio inter Sanctos indubitanter ſedeat & locetur, tanquam eis non abſimilis in merito ſive diſpar. Qua propter veſtram Paternitatem ſanctiſſimam flexis genibus



genibus exoramus; quatenus vestra memor ejus quod scribitur ad Hebræos, Heb. XIII. 16. *Beneficentia & communio nolite oblivisci*, dignetur Clementia præfatum virum, ejus attentis meritis, signis & miraculis, quæ ex Deo procedere probabuntur dilucidè, Sanctorum ascribere cathalogo Confessorum, Christum in hoc munere tam placabili imitantes, eum in humanis laudibus extollendo in terris, quem divina providentia cum cæteris Sanctis qui æqualis sunt meriti jam sublimem voluit in excelsis; ut sic ratio quæ movet delegantem, id est omnium conditorem, moveat delegatum, utpote vos hîc Vicarium Jesu Christi. In regimine universalis Ecclesiæ Domini & prosperè vos dirigat Altissimus & conservet. Datum in nostro Capitulo antedicto, Non. Julii, Anno Domini Millesimo trecentesimo septimo.

Epistola Giraldi, Archidiaconi Menevensis, ad Willelmum de Ver, Episcopum Herefordensem, commendans illi Robertum Grosseteste. Ex Simbolo Electorum MS. Epist. XIX.

**P**RO bonis viris, ut ait Simmachus, quisquis intervenit, non magis eorum videtur juvare commodum quàm suum commendare judicium. Hinc est quòd pro Magistro Roberto Grosseteste, quem nuper sicut audiavi & granter accepi in familiam & familiaritatem suscepisti, vestram id solum efflagito discretionem, ut viri merita æquiparent præmia. Scio enim quòd ejus opera tam in negotiis vestris variis & causarum decisionibus quàm in corporis vestri conferendæ sanitatis & conservandæ curis, cum in horum peritiâ fideliter præstet, vobis dupliciter fiet immò multipliciter pernecessaria. Præcipue quidem cum facultates illas, quæ his nostris diebus fructuosæ præ cæteris in temporalibus esse solent, super liberalium artium & literaturæ copiosæ fundamenta stabiliter erectas egregii mores adjuncti laudabiliter illuminent & exornent. Cum enim prædictarum facultatum artifices fide plerumque vacillare solent; præter cæteras virtutes & animi dotes quibus excellit, fide noveritis ipsum & fidelitate conspicuum. Et ut brevi eloquio ad cumulum commendationis multa concludam; talis hunc naturæ pariter & industriæ novi; quòd virum in eo juxta cor vestrum, si non fallor, & in quo plurimùm quiescet spiritus vester, invenietis.

#### Indiculus scriptorum Roberti Grosthed Episcopi Lincolnienfis.

**R**obertum Episcopum Lincolniensem omnes sui temporis eruditione, & omnes quotquot fuerunt Anglos librorum à se scriptorum numero superasse notum est. Scriptorum ejus catalogum, imperfectum tamen (neq; enim omnia Lincolnienfis scripta ad manus nostras devenerunt) congesimus. Doctrinæ testis erit omni exceptione major Rogerus Baconus, vir itidem omnium Anglorum sæculo sequenti doctissimus; qui in libro MS. *De laude S. Scripturæ* ad Clementem Papam; ista habet, cap. 27. *Vulgus Philosophorum semper est imperfectum; & pauci sapientissimi fuerunt in perfectione Philosophia, ut Solomon, & deinde Aristoteles pro tempore suo; in diebus nostris Robertus nuper Episcopus Lincolnienfis, & Fr. Adam de Marisco; quia hi fuerunt perfectissimæ sapientiæ.* Cap. 28. *Dominus noster Robertus Episcopus Lincolnienfis, & Fr. Adam de Marisco, majores Clerici de mundo, & perfecti in sapientiâ divinâ & humanâ.* Cap. 31. *Nam omnes sancti Philosophi Latini & Poeta studuerunt de linguis alienis,*

alienis, & omnes sapientes antiqui; quorum multos vidimus durare usque ad nostrum tempus; ut duos Episcopus Lincolnensem & Sancti David, & Fratrem Adam, & multos viros; & adhuc aliqui senes perdurant, qui student multum.

EDITA.

Sermo coram Innocentio IV. Papâ in Concilio Lugdunensi habitus, anno 1250.

3 Idus Maii, de corruptelis Ecclesiæ.

Sermo ad Clerum, in Sap. VI. 26. Rex sapiens stabilimentum, &c.

Sermo ad Clerum, in Johan. X. 11. Ego sum Pastor bonus.

Sermo ad Clerum, in Ezech. XXXIV. 2, 3, 4. Væ pastoribus Israel, &c.

Sermo ad Clerum in Synodo, in Gen. I. 17. Posuit stellas in firmamento cœli.

Sermo in celebratione Ordinum, in Luc. XII. 13. Sint lumbi vestri præcincti, &c.

Dictum de bono Judice, in Psal. LVII. 1. Rectè judicate filii hominum.

Dictum de Prophetis veris & falsis.

Dictum de Fide & ejus articulis.

Dictum de Gratiâ & Justificatione hominis.

Dicta II. de Oratione.

Dictum de Superbia.

Dictum de Detractione & ejus malis.

Dicta III. de Humilitate.

Dictum de Patientiâ.

Dictum de Misericordiâ & Justitiâ.

Sermo ad Clerum, in 1 Tim. IV. 12. Exemplum esto fidelium, &c.

Sermo ad Clerum, in Psalm. CXXXII. 9. Sacerdotes tui induantur justitiam.

Epistola CI. quarum ultima, omnium maximè insignis, exstat etiam apud Matthæum Paris, pag. 870. & Annales Burtonenses, p. 326.

Constitutiones XXXIX. Dioceſeos ſua Clericis directæ. Scripta omnia hæcenus enumerata evulgata sunt ab M. Edoardo Brown in Appendice ad Fasciculum rerum expetend. Londini 1690. f.

Liber de Cessatione Legalium. Prodiit Londini 1652, 4<sup>o</sup> sed mutilus. Extat enim in Codice MS. Trin. Coll. Cant. plùs duplo auctior.

Commentarius in Dionysii Areopagita librum de Mysticâ Theologiâ. Excusus est inter Opera Dionysii, Argentina, 1502. f.

Compendium Sphæræ mundi. Venetiis 1508.

Commentarius in libros Posteriorum Aristotelis. Venetiis 1504. 1537. 1552.

Testamentum XII. Patriarcharum ab eo Latine conversum, prodiit Paris. 1549. 12<sup>o</sup>.

& in Bibliothecâ Patrum, ac Orthodoxographis Basil. p. 861. Latine id transtulit Lincolnensis anno 1242. juxta Annales Londinenses MSS. Sic & nota vetusta ad calcem exemplaris ipsius MS. in Trin. Coll. Cant. quæ sic habet. *Nostris temporibus venerabilis Lincolnensis Episcopus Robertus II. anno Dominicæ Incarnationis MCCXLII. illud scriptum, à Græco in Latinum, in quibus idiomatibus fuisse perhibetur peritissimus, assistente ei Clerico Elichero ab Ecclesia B. Albani beneficiato, natione & conversatione Græco, diligenter transtulit ac fideliter.*

Inedita MSS. in Bibliothecâ Ecclesiæ Westmonasteriensis.

Epistola CXXVIII. in unum volumen digestæ, & Indice uberi auctæ. Codex ex Bibliothecâ Cottonianâ olim mutuo sumptus est; & ex eodem Epistolæ CI. supra memoratæ sunt editæ. Epistola 127. (quæ adhuc manet inedita) justî Tractatûs molem habet; agitque contra exemptionem Capituli Lincolnensis à subjectione Episcopali. Incipit *Moses qui tradente Domino.* In Codice MS. Trin. Coll. Cant. seorsim ponitur, isto insignitus titulo *De Curâ collocata.*

[Y y]

Ista omnia ex Bibliothecâ Westm. in Cottonianam possimino nū. per sunt reventâ, & sub Othonis effigie collocata.



*Curâ Pastoralis.* Aliud exemplar Epistolarum ejusdem in Collegio Corporis Christi asservatur.

*Summa Philosophiæ.* Apographum recens.

*Dicta CXLVII.* cum Indice. Sunt [si Sermones demas numero XIX. qui in his locum habent] quasi totidem Prælectiones breves de variis articulis Theologicis & S. Scripturæ locis in Scholis maximam partem habitæ. Totidem etiam Dicta reperiuntur in Codice Collegii S. Trinitatis Cantab. In alio quidem ejusdem Collegii Codice numerantur GLXVI. Verum in his plures iusti Tractatus & Sermones loco non suo reperiuntur.

*Sermones, Propositiones, & Themata* ferè centum.

*Summa Theologiæ.*

*Commentarius in Epistolam ad Galatas.*

*Tractatus de septem Sacramentis.*

*De modo confitendi.*

*Regule Agricultura per menses digesta.* Gallicè.

*Tractatus breves* quamplurimi ad frontem & calcem *Dictorum* in alio quodam Codice congesti 72. viz. *De Oculo morali, De Veneno & peccato morali, Sermones XXV. Qualiter homo factus est ad Imaginem Dei, Morales Expositiones in Operibus sex dierum, Meditationes VII. in dicta seu facta quedam S. Anselmi. De libero Arbitrio, De sex Differentiis. Quod Deus est forma prima omnium; De Intelligentiis, De Veritate, De Veritate futurorum contingentium, De ordine emanandi causarum à Deo, De impressione aeris, De iride & speculo, De statu causarum, De luce & colore ejusdem, De generationibus impressionum humidarum, Quod motus simpliciter sit in formâ primâ, De motu circulari, Descriptio figuræ machine mundi, De conceptione & excellentiâ B. Mariæ secundum Anselmum Meditationes II. Expositio Prologi S. Jeronimi super Bibliam, De sapientiâ & scientiâ; Expositio (prolixa admodum) in primum caput Geneseos seu in Hexaëmeron, De decem Præceptis, De Confessione, Quomodo Christus est Virga de radice Jesse, Expositio in ista verba Cantic. Unguentum effusum est nomen tuum; Expositio in ista verba Cant. Nigra sum, sed formosa; De acceptione manûs pro executione operis in S. Scripturâ; Quare Spiritus S. descendit super Christum in specie columba; Quomodo Spiritus ubi vult spirat; De Levitis, ex libro Numerorum; Qualem Episcopum esse oportet ex instructione Pauli ad Titum, De signis in Sole & Luna in die Judicii; Sermo de laude B. Martini; De Incarnatione Christi; Expositio in hac verba Luca, Exiit edictum à Cæsare; De beatitudine Pauperum in Spiritu, De mutui colatione Antiquorum.*

*Constitutiones datæ Priori & Conventui de Newenham.*

#### In Bibliothecâ Lambethanâ.

*De Curâ Pastoralis Tractatus,* qui incipit *Scriptum est de Levitis.*

*De Pœnis Purgatorii.*

*Tractatus bene prolixus, De Articulis Fidei,* linguâ Gallica.

#### In Bibliothecâ Publicâ Cantabrigiensi.

*De Summâ Justitiæ.* Opus ingens.

*Sermones & Tractatus plures,* Anglicè.

*Moralitates super IV. Evangelia.*

*De linguâ & corde moraliter.*

*Scala voluptatis.*

*Templum Domini.*

*De Conjugio.*

Alia Oxoniæ asservata memorat Jamesius in *Eclogâ Oxon. Cantab.* & in his *Versionem Latinam & Commentarium* in omnia Dionysii Areopagitæ, exceptis Epistolis, Opera. Pluræ Baleus sibi visâ memorat Cent. IV. cap. 18. Mihi ea tantummodo recensere in animo fuit, quæ oculis ipsemet perlustravi; de reliquis parum certus. His apponam quæ de Lincolnienfi habet Johannes Tinmuthensis in *Historiâ Aurâ MS.* lib. 22. cap. 210.

“Anno MCCLIII. Robertus dictus Grossum-Caput, Lincolnienfis Episcopus, obiit. Hic Doctor in Theologiâ, in triplici linguâ eruditus, Latinâ, Hebræâ & Græcâ, multa de Glossis Hebræorum extraxit, & de Græco multum transferri fecit, utpote Testamenta XII. Patriarcharum, & libros Dionysii, quorum novam translationem perlucidè commentavit. In fine libros suos Fratribus Minoribus Oxoniæ legavit ob affectionem Fratris Adæ Doctoris in Theologiâ secum jugiter permanentis. Hic Robertus præcipuè in Logicâ & Astrologiâ florens, in cunctis tamen liberalibus artibus excellenter eruditus, plurima commentatus est. Ad Innocentium quoque Papam misit Epistolam invektivam satis & tonantem, pro eo quòd Ecclesias Angliæ exactionibus indebitis vexare videretur. Hac de causâ Robertus ad Curiam vocatus est; & cum ibi molestaretur, appellavit constanter à curiâ Innocentii ad tribunal Christi. Unde contigit, quòd Roberto in Angliâ obente, audita est vox in curiâ Papæ: *Veni miser ad iudicium.* Repertus est in crastino Papa exanimis, quasi cuspide baculi in latere percussus. His de causis licet perspicuis effulserit Robertus miraculis; transferri tamen aut in Sanctorum catalogo poni non est à Curia permissus.

## Propositio Roberti Grosthed de Visitatione Diocesis suæ.

Anno Domini MCCL. coram Papâ & Cardinalibus sic proposuit Venerabilis Pater Robertus Lincolnienfis Episcopus verbotenus.

Episcopi Lincolnienfes omnibus retro temporibus consueverunt visitare Domos Religiosas illius Diocesis sibi subjectas, & Visitationis ratione procuraciones ab eisdem domibus suscipere. Sed de his consuetis & ex longâ consuetudine approbatis & tolerabilibus non est modò intentio. De inconsuetis autem pauca, si placet, benignius audiantur. Ego post meam in Episcopum creationem consideravi me esse Episcopum & Pastorem animarum; & ideo necesse habere, ne sanguis ovium in districto iudicio de manu meâ requiratur, cum diligentia, sicut disponit & præcipit Scriptura, oves mihi commissas visitare. Unde Episcopatum meum cœpi circuire per singulos Archidiaconatus, & in singulis Archidiaconatibus per singulos Decanatus rurales, faciens Clerum cujusque Decanatus per ordinem certis die & loco convocari; populum præmuniri, ut eisdem die & loco adesset cum parvulis confirmandis ad audiendum verbum Dei & ad confitendum. Congregatis autem Clero & populo, ego met ut pluries proponebam verbum Dei Clero, & aliquis Frater Prædicator vel Minor populo; & quatuor Fratres consequenter audiebant confessiones, & injungebant pœnitentias; & confirmatis pueris eodem die & sequente, ego cum Clericis meis intendebarus inquisitionibus, correctionibus & reformationibus, secundum quod pertinet ad officium inquisitionis. In primo autem ejusmodi circuitu meo venerunt ad me quidam, dicentes mihi, quasi super prædictis me increpando; Domine, novum facis & inconsuetum. Quibus respondi, Omne novum, quod hominem instituit, promovet, consummat, benedictum novum est, &c. Nec potuit tunc temporis ascendere in cor meum; quòd occasione



casione prædictæ meæ Visitationis acciderit in posterum aliquod gravamen meis subditis. Nunc autem ex multis quæ video tanquam pro certo habeo; quòd nisi apponat remedium hæc sacra Sedes, Successores mei ratione Visitationis exigent & extorquebunt novas & inconsuetas Procuraciones, opprimentes, affligentes, usque ad intima scandalizantes, Evangelio Dei summum offendiculum præstantes. Trahet enim eos ad hoc, nisi sint viri omnino spirituales, cupiditas; & omnino potuerint de suis Procuracionibus vivere, & omnes proventus Episcopales in thesaurum reponere. Si verò dicat quis, quòd absque procuracione pigritabuntur in Visitationis officio; respondeo, quòd ex cupiditate Procuracionis visitantes, aut omisso Visitationis officio solum intendunt Procuracionibus accipiendis; aut fient firmarii peccatorum, ex eadem videlicet cupiditate accipientes ab inventis in peccatis certam quantitatem pecuniæ, & per hoc dimittentes eos in peccatis suis liberè sordere. Quantò autem ego Episcopus Lincolnienfis magis sum pastor ovium Lincolnienfis Diocesis quàm Dominus Archiepiscopus; qui etiam, ut creditur à multis, earum pastor non est; & quantò Dominus Archiepiscopus magis sibi sufficit ad peragendum officium Archiepiscopale, quàm ego Episcopus ad peragendum consimiliter meum Episcopale officium; tantò prædictæ rationes scriptæ fortius arguunt, quòd nullo modo debet Archiepiscopus exigere Procuraciones inconsuetas.

---

VITÆ

---

---

---

V I T Æ

HUGONIS NONANT, Episcopi Coventrensis & Lichfieldensis, Authore *Giraldo Cambrensi*.

WILLELMI WICKHAM, Episcopi Wintoniensis, Authore *Thoma Chaundlero*.

THOMÆ BEKINTON, Episcopi Bathonensis & Welfensis, Authore eodem.

HENRICI SPENSER, Episcopi Norwicensis, Authore *Johanne Capgravo*.

Articuli RICARDI SCROPE, Archiepiscopi Eboracensis.

Martyrium ejusdem, Authore *Clemente Maydestone*.

---

---



AT

THE UNIVERSITY OF CHICAGO  
LIBRARY

1000  
1000

1000  
1000

1000  
1000

1000  
1000

1000  
1000

1000  
1000

1000  
1000

1000  
1000

Vita HUGONIS NONANT, Episcopi Coventrensis & Lichfeldensis, ex *Giraldi Cambrensis Speculo Ecclesiæ* MS. Distinct. II. Cap. XXIII, XXIV.

**E**piscopus autem acceptâ contumeliâ & injuriâ tantâ, sicut potuit, abinde gravi cum confusione recessit; & Londoniis ubi totus prope-modum Angliæ Clerus proter ardua Ecclesiæ negotia nuper emerſa tunc fortè convenerat, se Co-Episcopis suis & Archiepiscopo bonæ memoriæ tum præſidenti Baldewino lugubrî tam voce quàm vultu præſentavit. Et sicut erat vir singularis eloquentiæ & admirandæ facundiæ; causam suam in publicâ audientiâ cœpit ab exordio declarare, & usque in finem acceptæ injuriæ persuasoriè propalare; livores etiam ictuum & tumores in corpore suo recentes adhuc & patentes, necnon & Clericorum suorum vulnera cum lacrimis denudavit; asserens quoque & sacramento confirmans, quoddam mallet eo die quo ei hoc accidit verè confessus ab hac vitâ cum honore migrâſſe, quàm se tantum dedecus Monachorum manibus, præſertimque in tanto Cleri populique conventu pariter & conspectu perpeſſum fuisse. Cùmque sermonibus his & hujusmodi longè disertius atque discretius, quàm sub hoc compendio comprehendî valuerit, lingua facundissima perorâſſet; multosque assistentium & audientium, Co-Episcopos autem quos specialiùs res tangebatur ferè cunctos, ad lacrimas provocâſſet; procedens in publicum, coram Archiepiscopo & fratribus ad terram, formam Crucis amplectens & faciens, humiliter se prostravit; rogans & supplicans, quatinus non suæ personæ exili quidem & modicæ, Episcopali tamen dignitate præditæ quanquam indignè, sed honori Dei & Ecclesiæ ipsius sanctæ, in cujus injuriam principaliter facinus hoc redundabat, suoque honori proprio ad quos specialiùs hoc spectabat, in hoc facto consulere fatagant & providere. Cùmque Præſul à fratribus protinus erectus fuisset; statim Episcopalis Archiepiscopus & Episcopi cuncti solenniter induti, candelis accensis, tam fautores dicti facinoris omnes quàm factores ipsos excommunicationis sententiâ communiter involverunt; tribusque diebus proximis aut quatuor super his præcipuè cæterisque negotiis Ecclesiæ magnis & arduis pro posse corrigendis, in consiliis & deliberatione fuerunt.

\* Narrationis pars prior, excisis in Giraldi Codice foliis nonnullis, desideratur. Jactura sanè perquam dolenda, quæ rerum scitu dignissimarum notitiam nobis abstulit. Superſunt tantùm Summaria Capitum desideratorum in Indiculo præmissis: quæ sic habent. Caput XVIII. De Habitu Monachali Clerico cui-dam per pravam cupiditatem violentè injecto. Caput XIX. De Cantuariensi S. Trinitatis Monasterio, & Monachorum loci ejusdem supercilio. Caput XX. De Capellâ Lammetæ in Cleri injuriam gravem per Monachorum invidiam atque superbiam solo tenus eversâ, &c. Caput XXI. De Monachis Coventrenſibus à Monasterio suo per Episcopum Hugonem ejectis, & postea per Archiepiscopum Hubertum revocatis. Caput XXII. De duobus Archiepiscopis in Angliâ coætaneis

noſtrisque diebus dignè promotis. Caput XXIII. De Coventrenſi Episcopo ab Ecclesiâ suâ per Monachos turpiter ejecto, & divinâ postmodum ultione ſecutâ.

In medio circiter hujusce Capituli lacuna deſinit. In priore parte rixæ gravissimæ quin & pugnæ inter Hugonem Episcopum Clericosque suos Lichfeldenses & Monachos Coventrenſes in ipsâ Ecclesiâ conſertæ narrationem texuisse Giraldus videtur. Johannes enim Tinmuthensis, qui Litis Historiam brevem dedit in Historiâ Auræ MS. lib. 22. cap. 95. refert Hugonem in Concilio coram Archiepiscopo, anno 1190. querelam deposuisse; quod Monachi Coventriæ sanguinem suum coram altari fudiſſent.



Coventrensis autem ex contingentibus interim nihil omittens, coram patre & fratribus aperte proposuit, etiam quod evidens satis & notum antea fuerat, eis ad mentem revocando inculcavit; qualiter per universum ferè fidelium orbem Pontificales Ecclesias Clerici tenent & regunt, præterquam in Angliâ solâ, quam Augustinus Anglorum Episcopus ad fidem convertit; qui quoniam Monachus fuit, in sensu suo vir sanctus abundans in Sedibus Episcopalibus<sup>a</sup> Monachos collocavit. Sed quanquam zelum Dei in hoc habens, fortè tamen vel non plenè secundum scientiam aut regularem institutionis Ecclesiasticæ disciplinam id processit. Ut enim salvâ tam veniâ viri sancti quàm reverentiâ loquamur; longè convenientius Clerici loca regiminum tenent. Sic enim Clerici in numero regentium continentur & rectorum; sic Monachi numerum & ordinem tenent regendorum. Quoniam ut ait Jeronimus, qui & Monachus fuit; sic se habent Monachi respectu Clericorum, sicut grex respectu pastorum. Clerici itaque regant, & loca regiminum teneant; Monachi verò regantur & pascantur, & nisi in Clerum fortè assumpti fuerint, soli sedeant & taceant, & vel se vel mundum plangent ac lugeant. Ignorari quoque non debet sed magis ad mentem revocari; quia B. Jeronimus & nobilis Martyr Cyprianus, quanquam tamen ambo viri sancti & in Scripturis sacris eruditissimi, uterque tamen, ille in quæstionum circa bigamiam solutionibus, ille verò ob vehemens odium in Schismaticos & Hæreticos habitum asserendo sacramenta ecclesiastica dari ab his quamvis etiam in formâ Ecclesiæ nullatenus posse, dormitasse nonnunquam est visus. Sic & dictum Augustinum quanquam virum sanctitate conspicuum, cum nichil humanum omni ex parte perfectum, quandoque dormitasse discredere non debet.

Demum autem Episcopus ad propositi sui finem accedens, monuit & fratribus suis in fide consuluit; quatinus duo millia Marcarum omnes qui Monachos in sedibus suis habebant simul inter se colligerent, Romamque secum per suos transmitterent, Cantuariensis sc. & Rossensis, Wintoniensis, Bathoniensis, Wigorniensis, Eliensis, & Norwicensis, necnon & dives ille Eboracensis Provinciae & deliciis affluens Dunelmensis. Et ipse pro se Ecclesiâque suâ paupere Coventrensi liberandâ mille marcas apponeret; quatinus tria millia marcarum in summâ forent; & insuper ipse pro cæteris omnibus in propriâ personâ laborans Curiam adiret, operamque simul & diligentiam per Dei gratiam adhiberet, ut Monachis ubique à Sedibus ipsorum amotis juxta dispositionem propriam Clericos ibidem instituere possent. Cum autem consilium istud cunctis propemodum fratribus multum animo sedisset & placuisset; solus Archiepiscopus, quia Monachus fuit, quanquam Ordinis alterius & habitûs, ne tanta Monachis in Angliâ suo in tempore permutatio tantaque cum honoris detrimento molestia fieret, id fieri quidem non sustinuit. Talis

<sup>a</sup> Nil mirum Hugonem Episcopum, qui pro more sæculi in rebus Anglicis ante Conquestum gestis planè cæcutiit, Augustino crimen illi sæculo ignotum impegisse. Non enim Augustinus Monachos in sedibus Cathedralibus collocavit: sed Monachi Canonicis exturbatis post 400 vel 500 circiter annos sedes obtinuerunt. Ecclesias Cathedralibus à Monachis usurpatas Hugo paulò inferiùs recenset; sc. Cantuariensem, Rossensem, Wintoniensem, Bathoniensem, Wigornensem, Eliensem, Norwicensem, Dunelmensem, & Coventrensem suam. Ex Cantuariensi Ecclesiâ Canonicos Sæculares deturbavit Lanfrancus Archiepiscopus, ex Rossensi Gundulphus Episcopus, ex Dunelmensi Willelmus de S. Karilefo circa eadem

tempora. Ex Wintoniensi Ethelwoldus, ex Wigornensi Oswaldus sub Edgardo Rege. Norwici sedem Cathedralis & in sede Monachos Herbertus Episcopus posuit. Sedes Episcopales à Lichfeldiâ & Cestriâ ad Coventriam Robertus de Lymefy, à Wellis ad Bathoniam Johannes de Villulâ paulò ante transtulerant. Istic Conventus Monachorum ante sæculum, illic ante semisæculum institutus fuerat. Hac autem occasione arreptâ, Monachi exinde æqua cum Canonicis Lichfeldensibus & Wellensibus in electione Episcopi suffragia vendicârunt. Episcopatus denique Eliensis ex Abbatiâ, isto sæculo, fundatus fuerat; quamvis & istud Cænobi-um Canonici Sæculares olim infederint, ab Ethelwoldo Episcopo Wintoniensi ejecti.

eni n

enim vir ille naturæ pariter & industriæ fuit, literaturæ quidem grandis, religiositatis immensæ simul & honestatis, sed vivacitatis omnino nullius aut animositatis. Vir nempe benignus & bonus, parique magis injuriam per omnia quàm cuiquam inferre paratus. Ideoque Monachos suos patientiâ & liberalitate vincere proposuit, sed non prævaluit. Sicut enim albedo & nigredo sunt primâ fronte contraria: sic Monachi exteriori nigredine fucati, & utinam non interiore contaminati, benignitate ipsius & liberalitate semper abutentes, contrarii per omnia ei fuerunt & discordes.

Videns igitur Episcopus, quòd non proficere poterat, non ad plenum voti compos esse valebat, sumptis Co-episcoporum literis tam testimonialibus quàm supplicatoriis quoque, quatenus honori Ecclesiæ contra dedecus illorum à Domino Papâ provideretur, iter incunctanter arripiens, & Romam veniens injuriam sibi & Ecclesiæ suæ irrogatam, Monachis à sede suâ, sicut dictum est, ejiciendis & Clericis substituendis, vindicari cum honore procuravit.

Unde cum per Castrum Coventrense transitum quandoque faceremus tempore quo Clerici Monachis amotis eodem in loco plantati fuere; deque statu Ecclesiæ illius, qualis sc. antea fuisset & qualis tunc esset, diligentius inquiremus; assertionem cunctorum accepimus quos inde convenimus, fœlicem fuisse mutationem illam & dexteræ Excelsi proculdubio dispositione factam. Et licet incolæ quamplurimi Monachis sanguine juncti fuissent, quia tamen laudari potuit tantus in hôte decor, Deum in hoc facto benedicebant & laudabant; communiter asseverantes, quia locum habitationis suæ tam primitus incultum & tam obscurum, tunc autem tam luminosum effectum & tam clarum, necnon & mansuetudine pariter & humanitate, curialitate similiter & affabilitate, caritate quoque & hospitalitate multum in omnibus emendatum, Dominus per gratiam suam magnam diebus ipsorum visitare dignatus est & illustrare.

Qui<sup>a</sup> ergo Congregationem talem & tam idoneam & Clericale Collegium tam laudabile dissipare curavit & delere, nonne digno Dei judicio qui tam bona quàm mala retribuit, talionem paulò post in Clericorum suorum dissipatione suscepit.

#### CAP. XXIV. De Coventrensis Antistitis Hugonis fine fœlici & exitu commendabili.

**D**E memorato verò memoriæque laudabilis Coventrensi Episcopo Hugone de Nunant cognominato quiddam memoratu dignum hîc adjiciendum nec superfluum quidem nec inutile duxi. Cùm enim in natali sui Normanniæ solo vir ille venerabilis, miseræ conditionis humanæ fragilitati morem gerens, demum gravi correptus morbo decubuisset; & in Monasterio quodam Cluniacensis Ordinis eisdem in finibus per hiemem totam ægrotando laborasset; inter febriles angustias gratiâ co-operante salutis propriæ non immemor existens, & ut spiritum salvum faceret carni minimè parcens, iteratis pœnitentialibus singularum propemodum hebdomadarum confessionibus & disciplinis ferè cotidianis, orationibus quoque continuis, vigiliis, jejniis & abstinentiis corpus afflixit. Et cùm virgis asperis flagellisque nodosis dorsum cotidie totum usque ad sanguinis fluxum exponeret, minutis virgulis diligenter ad hoc confertis, os proprium quoties privatus extiterat ipse contundens & flagellans,

<sup>a</sup> Vult Hubertum Cant. Archiepiscopum; qui Clericorum collegium primo Hakingtonæ postea Lamethæ magno molimine instituit.

Utrobique autem Monachi Cantuarienses factâ ad Papam appellatione post diuturnam litem funditus demoliri fecerunt.



quicquid ore deliquerat vel mentiendo vel detrahendo vel otiosa verba loquendo vel eloquentiæ suæ tam lepidæ suavissimo lepore delectando, totum hoc revera pœnitendo, deslendo, compungendo propriæque manu percutiendo, jugi flagello purgare curavit. Item & in caritatis operibus tam profluus extiterat; ut in eleemosinarum largitionibus & pauperum refectionibus substantiam suam adeo ferè totam effunderet, quod præter cotidianam necessitatem sibi familiæque suæ modicæ vix quicquam in crastinum reservaret.

Cùm igitur hiemali tempore necnon & quadragesimali subsecuto morbus incessanter institisset; sub moderamine tamen tanto per gratiam desuper datam indulto, quod sensim solum de die in diem paulatim adauctus, nec subitus & duris insultibus, quod acrius afflictis accidere solet, fuerit aggravatus; adeo ut per morbi molestiam tam gratiosè ut dictum est modificatam nec ei discretio fuisset in aliquo diminuta neque memoria vel in modico debilitata. Sed secum totus existens, nec animus ob diutinam languoris instantiam in quoquam alienatus, se tanquam hostiam vivam Deo mactare jugiter & dicare, seque non sacrificium Deo, sed holocaustum, non partialiter sed totaliter Domino vovere, dictisque modis & molestiis unà cum morbo carnem affligere, spiritumque totis roborare nisibus & salubriter expiare curavit. Quamcitus autem ad sacros jejunalis abstinentiæ dies attigerat; statim toto devotionis & intentionis affectu petere à Domino cum lacrymis & implorare noctu diæque non cessavit; quatinus si divinâ providentiâ sacro quadragesimali tempore dies obitûs ejus immineret; eo die quo Christus in cruce positus patri suo spiritum reddidit, & ipse Deo spiritum suum reddere prævaleret. Cùm autem hebdomadis elapsis & diebus effluxis jam Pascha propius accessisset, viribusque totis vir ille bonus destitui cœpisset, diemque suæ dissolutionis sibi jam certius imminere sensisset; precibus assiduis, præsumptione majore, sed pietate propensiore & devotione vigilantiore suffultus, petere lacrimosis singultibus & vocibus anhelis implorare non cessavit; quatenus non solum eodem die, verum etiam eadem horâ, quâ Christus ligno crucis affixus caput inclinans expiravit, ut spiritum suum tunc exhalare posset, hanc sibi quoque Christi pietas gratiam indulgeret.

Demum itaque die Parasceues illucescente, cùm Monachi in Ecclesiâ more diei illius horâ debitâ divina ministrarent; ipse in lecto suo residens cum Clericis suis, demissis ut potuit vocibus devotè divinis indulgit obsequiis; & horâ Dominicæ Passionis legendæ passionem Levitæ ministerio distinctè & apertè pronuntiari fecit. Sed cùm eâ perlectâ spiritus adhuc ejus in corpore superstes extiterit; iteratò Passionem ab exordio legi jussit. Quo facto cùm ad locum perventum esset quo Christus inclinato capite spiritum emisit; & ipse quoque spiritum suum verbis eisdem, quæ Christus morte imminente protulit, sc. *In manus tuas*, &c. tanquam verus Christi discipulus, magistrum etiam moriendo sequi desiderans, fœliciter emisit. Fertur autem & famâ divulgante memoriæ commendatur: quod vir iste bonus in lecto supremæ ægritudinis, ut dictum est, & desperatæ constitutus multoties in orationibus suis lacrimosis suspiriis à Domino petere consuevit; quatinus anima sua, postquam corpus exsangue relinqueret, in igne expiabili & remediabili usque ad districti examinis diem, nisi mitius & misericordius agi cum ipsâ possit, purgatoriis suppliciis, quatinus vel tunc salva fieri posset, deputaretur. Veruntamen verisimile videtur & valde credibile; quatinus qui in finalis affectûs appetitu tam misericorditer à Domino fuit exauditus, ab eodem fonte pietatis & benignitatis longè majorem, quàm ausus implorare fuisset aut sperare, misericordiam fuerit & gratiam consecutus.

*Vita WILLELMI WICKHAM, Episcopi Wintoniensis, Authore Thoma Chaundlero, Cancellario Oxoniensi.*

Cronica brevis de ortu, vita ac gestis nobilibus reverendi Domini Willelmi de Wykham olim Episcopi Wintoniensis.

**P**Ræmissa meditatione internâ pensante memoriâ occurrit digna recordatio Reverendi Patris & Domini Domini Willelmi de Wykham, nuper Episcopi Wintoniensis. Cujus probitas, actus & merita eximia hoc brevi compendio annoranda sunt. Fuit autem prædictus Pater apud oppidum de Wykham in Comitatu Suthamptonshire foelici momento enixus anno Domini MCCCXXIV. & anno XVIII. regni Regis Edwardi II. Crevit autem puer Willelmus, & confortatus est; fuitque Dominus cum eo, & omnia opera ejus dirigebat. Parentes ejus Johannes & Sibilla nomine, licet honesti genere, opibus tamen non affluebant. Unde filius non ex eorum Patrimonio, sed aliorum Patrocinio nutritus literis secularibus parvulus primitivis scientiis traditur imbuendus. Postquam animi maturitas adesset, probis & præclaris viris adhærens, prudentiæ sæculari se commisit; & officium Marthæ in se suscipiens, panem otiosè non comedit. Unde vice tabellionis Constabulario Castri Wintoniensis adhærebat. Exinde cœpit in florem sæcularis prudentiæ pubescere, & fructu discretionis pollere; propter quos translatus est in Curiam Domini Regis Edwardi III. qui promerente ejus bonitate gratis, sc. suffragantibus obsequiis, inter primos & præcipuos Regis familiares in brevi est admissus. Illius igitur prudentiam attendens Rex Edwardus ditavit eundem peramplis beneficiis; ac procedente tempore expertâ illius ingenti discretionem suum Privatum Sigillum fecerat deportare. Hunc enim secundum utrumque hominem multiplici naturalium gratiâ donorum bonitas divina ditavit; ut in ministerium magnum vas videretur excisum, & ex naturæ beneficiis futurus prædicaretur Antistes. Nam anno Domini MCCCLXVI. anno verò regni Regis Edwardi tertii XXXIX. & ætatis dicti Willelmi Wykham XLII. civitas Wyntonix privata fuerat suo Antistite. In cujus quidem Ecclesiæ Episcopum divinâ disponente gratia procuratore Domini Regis Willelmus sæpe dictus canonicè electus est. Consecratur igitur in Episcopum Wintoniensem anno Domini MCCCLXVII. & anno regni Regis Edwardi tertii XL. ætatis verò dicti Willelmi XLIII. Ut cum sacramento rem sacramenti consequeretur; veterem hominem renovare disposuit; consideransque se patrem multarum gentium constitutum, æstimavit rectum renovationis progressum à seipso incipere, & tunc de recto aliis dominari posse, si sibi ipsi prius didicisset imperare. Corpus igitur divinæ servituti subjiciens docuit ancillari & spiritui servire; sciensque quod charitas non quærit quæ sua sunt, non solum in se sed in proximo venari cœpit. Nam lares ægrorum & debiliū per suos scrutabatur, & beneficiis visitabat, victu vestituque sustentabat quamplurimos. In omnis enim agendis Deum ante oculos habebat. Ecclesiæ Anglicanæ, in quantum potuit, & præcipuè Ecclesiæ suæ Cathedrali Wintoniensi, per omnia patrocinabatur. Consultus erat in ambiguis, in responsis promptus, alacer & affabilis. Nec erat ejus sermo sterilis nec otiosus; quem commendabat verborum & operum comitatus. Tandem non post multos hos dies, suæ sc. dignitatis sic adeptæ, prosperis sibi alludentibus ad vorum, dictus Pater volens sibi divini favoris gratiam misericordiis pauperum conciliari, propensius cogitans recogitansque quanta sibi



sibi fecerit Dominus, qui ditavit egenum & sublimavit humilem, apertis thesauris suis, duo Collegia Clericorum ad laudem Dei & gloriosissimæ Virginis matris ejus in Ecclesiæ sanctæ profectum divinique cultûs augmentum proposuit ordinare. Erexit enim titulum, & posuit primum lapidem in Collegio Wintoniensi in Oxoniâ anno Domini MCCCLXXIX. horâ quartâ ante meridiem quintæ diei mensis Martii, qui fuit dies Lunæ tertiæ septimanæ Quadragesimæ, anno regni Regis Ricardi secundi tertio, ætatis verò dicti Patris anno LV. & consecrationis suæ anno XII. In quo quidem Collegio constituit idem Pater numerum centum personarum, viz. unius Custodis & LXX. Sclolarium in diversis scientiis & facultatibus studere debentium, & X. Capellanorum, & III. Clericorum, & XVI. Choristarum pro divinis officiis in Capellâ prædicti Collegii quotidie per eosdem solenniter celebrandis. Quorum, viz. Custodis, Sclolarium. cæterorumque prædictorum primus ingressus in idem Collegium ad inibi habitandum fuerat horâ tertiâ ante meridiem XIV. die mensis Aprilis, die Sabbati proximò præcedente Dominicam in Ramis Palmarum, anno Domini MCCCLXXXVI. Collegii verò B. Mariæ prope Civitatem Wintoniæ primi lapidis positio facta fuerat XXVI. die mensis Martii, horâ tertiâ ante meridiem anno Domini MCCCLXXXVII. & regni Regis Ricardi secundi anno XI. ac consecrationis dicti Patris anno XX. ætatis verò suæ anno LXVIII. In quo quidem Collegio constitutus est per eundem Patrem numerus CV. personarum, viz. unius Custodis, decem Sociorum & Capellanorum & trium aliorum conductitiorum & trium Clericorum, XVI. Choristarum puerorum pro divinis obsequiis in Capellâ suâ quotidie solenniter celebrandis, necnon LXX. Sclolarium parvulorum Grammaticam addiscere debentium, unius Magistri in Grammaticâ, & Ostiarii sub ipso eis intendere debentium propter instructionem eorum in moribus & scientiâ. Primus autem ingressus omnium prædictorum post constructionem dicti Collegii erat hora tertia ante meridiem XXVIII. die mensis Martii anno Domini MCCCXCIII. regni Regis Ricardi secundi XVII. ætatis autem dicti Patris LXXIX. & consecrationis suæ anno XXVI. Cæterum non immeritò memoriæ tradendum est, quòd prædictus Pater ultra magnifica opera istorum Collegiorum prædictorum sic per eundem sumptuosè discretèque fundatorum & dotatorum, plura memoriis digna Ecclesiæ suæ Cathedrali Wintoniensi aliisque pluribus locis fecit. Nam Ecclesiam illam pluribus donis, viz. vestimentis de pannis auri aliisque jocalibus quàm hîc inferi possint, mirificè decoravit; corpusque dictæ Ecclesiæ cum duabus alis & omnibus fenestris vitreis à magnâ Occidentali fenestrâ capitali usque ad campanile à fundo usque ad summum de novo reparavit, & voluntas in eisdem opere curioso constituit. Omnibus supradictis & pluribus aliis quàm hîc inferuntur per eundem Patrem foeliciter perpetratis, juxta dispositionem divinamque honorabiliter completis, idem Antistes, qui cùm plenus esset dierum, octogenarius sc. & ultra, totum se Deo commendans in fide Christi sub sacramentis Ecclesiæ foeliciter obdormivit in Domino, anno Domini MCCCCIV. & anno consecrationis suæ XXXVII. in Festo SS. Cosmæ & Damiani. Cujus corpus jacet tumulatum in Oratorio B. Mariæ Virginis in navi Ecclesiæ Cathedralis Wintoniensis, quod ipse superstes ad honorem ejusdem Virginis fieri ordinavit. Cujus laudem pulchrè ostendit Epitaphium, quod metricè inscribitur. Unde pars illius à me dicenda est.

Hunc docet esse pium fundatio Collegiorum.  
 Oxoniæ primum stat, Wintoniæque secundum.  
 Subtrahitur, sed non moritur, quod semper habetur,  
 Ipsius egregium nomen in orbe novum.

Vita THOMÆ DE BECKINTONÆ, Episcopi Batho-  
nensis & Wellensis, ex principio Collucutionum  
*Thomæ Chaundleri* Cancellarii Oxoniensis de laudibus  
Willelmi Wickham Episcopi Wintoniensis desumpta.

**F***Errandus.* Peragratiss montibus atque illis quæ luto & cœno plenæ sunt val-  
libus, ab almâ & præclarâ Universitate Oxoniensis Studii in hanc villam  
parvam introimus, consors Panesti dilectissime. Utinam tam longo itinere  
lassos artus, quos nisi baculo quem manu meâ gesto sustentarem in humum  
dilabi haud dubitem, concederetur ad tempus paululum recreari. *Panestius.*  
Civitatem appellare venustiùs potuisses quàm villam; quod profectò luce  
clariùs intelligeres, si omnem qui intro est nitorem ac pulchritudinem con-  
spiceres. Speciosissima namque Ecclesia ista, quam adhuc procul cernimus,  
piissimo immortalis Dei Andrea Apostolo consecrata intus habet digni Præ-  
sulis Episcopalem cathedram. Habet insuper adjunctum ingens Palatium,  
miro splendore decorum, fluentibus aquis undique vallatum, & delectabili  
murorum turrillarumque serie coronatum; in quo præsidet dignissimus ac  
literatissimus Præsul Thomas hujus nominis primus. Hic nempe suâ indu-  
striâ & impensis tantum isti splendorem civitati contulit, tum Ecclesiam por-  
tis, turribus & muris tutissimè muniendo, tum Palatium in quo residet cæ-  
teraque circumstantia ædificia amplissimè construendo; ut non fundator,  
immò potius decus ac splendor Ecclesiæ meritò debeat appellari. Quid putas  
honoris, quid liberalitatis & cuiusvis honestatis genus in nobili ac facero  
Decano cæterisque Prælatibus ipsis quos Canonicos vocant reperies? Moribus  
itaque religiosos, vitâ & honestate Clericos, hospitalitate illustres, gratos ad-  
venis atque affabiles, cunctis benevolos, primo discernes intuitu, ac deinde  
experientiâ docente id senties. Solent enim advenis & peregrinis tanto huma-  
nitatis officio obsequi; ut contendere videantur quis quem iavitet, in hospitii-  
umque eum trahat. Cæterum cum his ipsa quæ in inferioribus Clericis est  
urbanitas, quos dicunt Vicarios, ordo atque civium unitas, justissimæ leges,  
optimæ politiæ, delectabilis loci situs, munditia platearum, habitationis nitor,  
intrinsecus prudens populus; ornatus, pulchritudo, decor & suavitas omni-  
um, civitatem conficiunt ritèque condecorant. Huic vocabulum est Fontana  
civitas, à fontibus inibi scaturientibus sic à priscis incolis nuncupata. *Ferran-  
dus.* Aiebas huic Ecclesiæ præsidere dignissimum quendam & literatissimum  
Præsulem Thomam: quibus precor literis eruditum? *Panestius.* In teneris  
annis bonæ indolis puer Wintoniæ traditur Grammaticis imbuendus. Cui in  
ipsis primordiis tanta inerat in sermone facundia, corporis elegantia, inge-  
nii perspicacitas, & gravitas morum; ut qui eum viderant, omnes esse futu-  
rum Pontificem prædicerent. Ac cum demum ille piissimus & prudentissimus  
dispensator Willelmus de Wykham ducentorum fundator Clericorum, in eum  
oculos convertisset; mirâ Dei dispensatione prævidens quantæ dignitatis fu-  
turus erat puer, quantaque utilitas per eundem Collegiis suis accresceret; nullis  
intermediantibus instantiis, mero suo motu ac solo nutu mandavit in Colle-  
gium suum prope Wintoniam assumi; ubi per aliquod tempus Grammaticis  
& Rhetoricis intendens, anteriores & coætaneos superabat; suoque merito  
dehinc in Collegium translatus Oxoniense, in florenti & juvenili ætate seniores  
tempore studio antecellens, egregius & in Anglorum gente facundissimus Le-  
gum Doctor Oxoniæ creatus est. Ita nihilo minùs nunc senex ingenio pollet,  
memo.



memoriâ viget ; quod ipsa Logicæ principia, quæ adolescens ante Jura Civilia didicerat, ac Philosophiam, quam audiendo ac legendo acquisierat, omnia ita memoriter tenet ; ut si eum differentem audires, putes te doctissimorum Philosophorum gymnasiis interesse. Sic plantatus est, sic irrigatus liberalium artium ac jurium imbribus, sed & Scripturæ divinæ adeò fructifer, ut quicquid arduum, quicquid difficile videatur opponi, mirâ quadem vel ingenii perspicuitate, vel suæ artis & scientiæ diligentia facile præbeat dissolvi. Quem si in privatis locis aut publicis loquentem audires ; mixtam cum ejus sermone eloquentiam delectaberis advertere. Nec perpendi quenquam ejus lassum eloquiis ; adeò nempe suaviter & argutè concludit omnia. O certè foelicem hanc patriam, cui præcitur dignus Præsul, natus educatusque in eadem, cognomen à suâ vilâ sortitus, ut Thomas de Bekingtona communiter appellatur. Pauperum & Clericorum amator ; super afflictis pia semper gestans viscera. Quàm foelix Antistes ! Multorum enim terfit lacrimas, quorum oculos non vidit. Ipse Philosophos & quocunque literarum genere peritos valde habet acceptos. In illius hospitium jam declinemus. Ego enim ejus humanitatem expertus quatuor annis, quibus Oxoniæ regebat Cancellarius, nescio qua industriâ potitus, aut veriùs gratiâ, cum sit vir magnæ benignitatis ac pietatis eximia. Ita fuerat in gerendis rebus strenuus ; ut solo nutu primâ facie antequam ortæ essent in gente ac tempore tam ferocibus maximas pessimasque discordias pacificaret. Omnibus amabilem se præbuit ; ab omnibus amari sibi vehemens cura ac studium semper fuit ; ita ut quantum alii unquam honores, quantum divitias ambiebant ; tantum iste ab ineunte ætate amores hominum : atque sic ipsos homines lucrari summopere conatus est sapiens ac prudens pacis amator. *Ferrandus*. Si tuti domum ejus ingredimur ; an ipse nos læto animo suspiciet ? *Panestius*. Profectò lætissimo corde suscipiet. Ego enim sum hujus humanitatem expertus ; ego præibo : periculo meo veni. *Ferrandus*. Quid ei muneris offeremus ? *Panestius*. Non est honoris cupidus, nec muneris ab inope libens acceptor. Quid hæsitās introire ? Audendo virtus crescit, tardando timor. *Ferrandus*. Licet admodum pauperes fuerimus ; carmina tamen, quæ divitiis præfert, & linguæ officium offeramus digna suæ laudis perpetua monumenta.

*Ferr.* Natus in hac urbe Fontanâ, grammata discens  
Wintoniæ Thomas, inibi qui substitit olim  
Inter centenos tanquam scintillula candens.

*Panest.* Inde loco nostro velut ardens lampada luxit.  
Oxoniæ quippe fociis præsentibus, illo  
Tempore quo pressus obiit præ morte Robertus.  
Wintoniæ Custos præponitur ordine miro.  
Nescio quo jure texuntur fata virorum.  
Hoc scio quod Thomas, si sic bene contigit aut sic,  
Disponente Deo sociorum voce suorum  
Unâ, saltem non contradicentibus ullis,  
Fit Custos, operante reor sic flamine sacro.

*Ferr.* Oxoniæ demum centum præponitur, illic  
Electus Custos Thomas lucerna refulgens,  
Otia vitavit, studuit, docuit, vigilavit,  
Vepres prostravit, Domini Sabaoth reparavit  
Vitem. Divinæ legis venerabilis iste  
Doctor erat, Thoma Gascoing Doctore creante.

*Panest.* Præficitur Clero bis Cancellarius; ac sic  
Fit Studii splendor vitâ & virtute coruscans,  
Discretus, prudens; rexit per quatuor annos  
Clerum; sub quo pax, studium virtusque vigeat.

*Ferr.* Wellensis rursus fit Cancellarius; illum  
Præsule Fontano Thoma sic præficiente  
Suscipit officium: Deus illud prosperet illi.

*Panest.* Inter eos patres, nostrum quos pertulit unum  
Collegium; nemo sibi Præsule carior isto.

*Vita* HENRICI LE SPENSER, Episcopi Norwicensis,  
Authore *Johanne Capgravo*, Provinciali Ordinis Ere-  
mitarum S. Augustini in Angliâ.

**H**ENRICUS igitur iste de genere Dispensatorum ortus est, miles in omnibus strenuus, & qui in robore juventutis sola bella finire visus est. Quoniam autem tunc Anglia summâ pace gaudebat; ad Romam festinans, ibi pro Apostolico jure reluctans, rebelles Ecclesiæ vi & vindictâ oppressit. Multis igitur annis in hac militiâ perseverans, vacante Ecclesiâ Norwicensi, Papa huic viro illam contulit, specialissimis literis eum Regi commendans. Adepto igitur Pontificali gradu, multis annis populum suum pace gubernans, omnium subditorum corda retinuit. Largus erat in dandis, latus in consolandis; & pauperum omnium optimus pater effectus, eorum vota in amorem suum retorfit. In rumore populi, quando Ribaldi per totam Angliam debacchati sunt, ipse non mediocriter se habebat. Dominis Militibus & aliis Nobilibus se propter timorem abscondentibus, ipse palam processit. Audierat enim dum cum Rege esset circa partes Londoniarum, quosdam infimæ fortunæ homines ingrege suo insurrexisse & sibi titulos dominationis assumpsisse; qui & equitabant cum turbâ multâ, quærentes Magnates ut occiderentur. Quorum principales erant hi: Jek Lister, & alii tres, Sceth, Trunch, & Cubith. Condolens igitur pius Pastor gregem suum tot luporum morsibus laceratum, Londonias deferens venit, sicut decuit, in adiutorium populo suo. Et primò apud Cantabriggiam quosdam de hac sceleratâ turbâ inveniens, alios trucidavit, alios incarceravit, alios verò ad propria remisit, recepto prius juramento, quod de cætero ad talia non exirent. Deinde cum venisset apud Hiklyngham, ubi unum molendinum viam strictiorem reddit inter Cantabriggiam & Thetfordiam; obviam habuit Domino Thomæ Morle & altero Militi dicto Brews. Illi autem præsentaverunt sibi ibidem tres dictos malefactores, Sceth, Trunch, & Cubith. Non enim audebant sine speciali jussione Regis morti eos tradere. Sed iste optimus vir zelum Phinees habens in pectore, populique periculum considerans, duxit eos secum apud Wymundham; ubi confessos fecit decollari. In dicto enim loco plures malefactores extiterunt; qui metu mortis territi, ulteriùs insurgere non sunt ausi. Veniensque bonus Pastor ad principalem civitatem suæ Diocesis sc. Norwycum, vidit domorum & locorum scissuram per dictum populum furiosum, dum sic agitentur, factam, & condoluit.



condoluit. Nam in absentia suâ unus principalis Capitaneus eorum, nomine Jekke Lister, adjuncto sibi multo populo invitis civibus civitatem intrans multa horrenda fecit, specialiter in dilapidatione domorum & locorum, in quibus aliqui Nobiles vel Legis vel Regis familiares habitabant. Consimili modo fecit adjunctâ sibi urbem unus Ribaldus de Cantia dictus Wat Tyler in civitate Londoniarum. Sed Henricus iste Episcopus & Pastor bonus, qui videns lupum non aufugit sed posuit se discrimini, sciscitatus est à civibus, ubi caput totius malis & totius hujus infamiae inveniretur. At illi dixerunt eum circa Walsingham-market & circa Gymyngham circumvagare; ubi maximas vires rusticorum & ribaldorum habebat. Tunc demum jubet Episcopus domesticos suos ad partes illas se transferre, cum quibus & ipse semper primus fuit. Dixit enim his qui secum erant Episcopus. Melius est ut unus malus & sceleratus moriatur, quam tota gens pereat; quæ licentiâ ab eo obtentâ latrocinatur & furefcit, occidendo eos qui criminis conscii non sunt. Et hæc dicens venit ad villam dictam Felmyngham, ubi idem Capitaneus mansionem habebat. Interrogati verò hii qui illic habitabant ubi esset, dixerunt ipsum pridie fuisse apud Thorp-market, ubi proclamari publicè fecerat, ut omnes qui volebant bonum regni & communitalis ipsum sequerentur usque ad Walsingham; ubi intendebat, ut dixit, contra tyrannidem supervenientis Episcopi militari acie populum defendere. Et super hac re omnes robusti villarum adjacentium ipsum secuti sunt, & ibi sunt. Ad referentem ait Episcopus. Benedicaris fili, quoniam non immiscuisti te malis hominibus nec populo pestilenti. Sic usque ad Walsingham properans, invenit exitus viarum lignis, turribusque ac aliis impedimentis præoccupatum. Sed bono tractatu Episcopi & aliorum virorum qui convenerant, populus universus se reddidit, gaudentes quod redirent cum pace. Ipse Jekke Lister murum transfiliens abscondit se in segete. Quod videns quispiam de populo nunciavit Episcopo. Quæritur traditor & invenitur, captus decollatur, in quatuor partes divisus per provinciam mittitur ad Norwicum, Jernemurham, Linnam, & locum mansionis suæ; ut discant rebelles & contra pacem surgentes, quo fine terminabunt. Hæc sunt acta hujus venerabilis Episcopi. Et posthæc jussu Papæ contra Schismaticos in Flandriâ cruce signatus, signa desolationis ibidem dereliquit; & plura fecisset, nisi fraude & deceptione quorundam militum Helmham & Tryveth non fuisset impeditus. Semper enim ad punitionem malorum promptus erat; nullus Hæreticus tempore suo inter populum habitare potuit. Nec regnaverunt in diebus suis perjuratores in quæstis & assis sicut nunc; quippe qui potenter opprimebat eos & diligenter inquirebat.

Si sit alicui dubium, an Episcopus five persona Ecclesiastica poterit in quibusdam casibus arma ferre & populum ad bellum animare; & quoniam multi de hac re conscientiam faciunt; allego hîc processum Decretorum XXIII. Quæstione VIII. *Si in morte.* Ubi sub paragrafo sic continetur. Ecce quod Nicholaus Papa prohibet Episcopos sæculari militiâ occupari, & nec etiam contra maritimos Piratas permittit eos ad pugnam accedere. Quomodo ergo Leo Papa adversus Saracenos urbem egreditur; & ut eos procul à littore arceat, populum undique convocat, & eorum injurias præsentialiter vindicat; atque Gregorius milites ad arma invitat? Sed notandum est quosdam Episcopos Leviticâ tantum portione esse contentos; qui sicut in Dei sorte tantum numerantur, sic ipsum Deum solummodo in hæreditatem accipiunt dicentes:

<sup>a</sup> Psal. XV. 5. *Dominus pars hereditatis meæ.* His nihil est verè cum Principibus hujus sæculi; quia temporalia penitus abjiciunt, ne eorum occasione legibus Imperatorum obnoxii teneantur. Talibus nulla occasio relinquitur occupationis sæcularis militiæ; quia cum de decimis & primitiis vivunt, tanquam filii summi Regis in omni regno à terrenis exactionibus liberi sunt, ita ut dicere valeant:

<sup>b</sup> Joan. XIV. *Venit Princeps mundi hujus, & in me non habet quicquam.* Porro sunt alii, qui

qui non contenti decimis & primitiis, prædia, villas, castella & civitates possident; ex quibus Cæsari debent tributa, nisi Imperiali dignitate immunitatem ab huiusmodi promeruerint. Quibus à Domino dicitur: <sup>c</sup> *Reddite quæ sunt* <sup>c</sup>Matth. XXII. *Cæsaris Cæsari, & quæ sunt Dei Deo.* Quibus & Apostolus ait: <sup>d</sup> *Reddite* <sup>d</sup>21. *omnibus debita, cui tributum tributum, cui vectigal vectigal.* <sup>d</sup>Rom. XII. 7. Et quidam Doctor compendiosè hunc processum sic declarat dicens. Qui ergo tantum de elemosinis & decimis vivunt, præliis interesse prohibentur; quia cum eis nihil commune Principibus. Qui verò castra & huiusmodi regalia à Principibus habent, præliis interesse permittuntur, non tantum contra Paganos vel Saracenos, sed etiam contra falsos Christianos alios opprimentes. Propriâ tamen manu nullâ causâ cuiquam Clericorum in sacris Ordinibus constitutorum arripere licet arma. Hæc dicta sunt in excusationem vel magis confirmationem factorum huius venerabilis Episcopi; qui contra Schismaticos & pacis perturbatores sive fidei inimicos solum militavit.

Obiit autem in Vigiliâ S. Bartholomæi, sub anno Domini MCCCCVI. sepultus apud Norwycum. Cujus Epitaphium hoc est.

Henricus natus le Spenser miles amatus,  
Præsul sacratu hinc Norwycensis humatus.  
Florens progenie regali virgo putatur,  
Et pugil Ecclesiæ, per eum quia scisma fugatur.  
Lollardi mores damnavit deteriores.  
Insurrectores perimens necat & proditores.  
Spirat ad astra boni Pastoris mens matutinis.  
Dicendo <sup>c</sup> *Domini est terra* fuit sibi finis.  
M. quadringeno vigili sex Bartholomæi,  
Christo sereno Regi peragrat requiei.

• Psal. XXIII.  
I.

[ A a a ]

RICHARDI



RICHARDI SCROPE, Archiepiscopi Eboracensis,

# ARTICULI

ADVERSUS

HENRICUM IV. Angliæ Regem.

Articuli venerabilis Domini Richardi Scrope, Archiepiscopi Eboracensis, contra Henricum quartum, intrusorem Regni Angliæ, anno Domini millesimo trecentesimo nonagesimo nono.

Collati cum  
Articulis in  
Continuatio-  
ne Historiæ  
Petri de Ick-  
ham MS. in  
Bibliothecâ  
Lambethanâ.

**I**N Dei nomine Amen. Coram Domino Deo nostro Jesu Christo, iudice vivorum & mortuorum, à Domino Deo patre suo constituto, ordinato, & præelecto, & coram intemeratâ & benedictâ sua matre & Virgine Mariâ, & Beato Georgio Martyre & Milite speciali Regni Angliæ Protectore & Advocato; quorum vexilla jam in testimonium narrandorum expanduntur sive extenduntur: Nos A. B. C. D. &c. olim metuendissimo & gloriosissimo Domino nostro sc. Ricardo nuper Regi Angliæ & Franciæ, ut sibi & suis hæredibus regni Angliæ & Franciæ futuris Regibus, & justo titulo, lineâ rectâ & mero jure secundum leges, statuta & consuetudines regni prædicti post ipsius mortem in regnum succedentibus, nostram fidem, fidelitatem & veram ligeantiam, quamdiu vivemus, servaremus indempnem, illibatam pariter & illæsâ, coram multis Prælatiis & regni Proceribus & Magnatibus regni manuali juramento tactoque & osculato sacrosancti Evangelii libro fecimus jurati, astricti pariter & obligati. Vigore & virtute cujus juramenti ac aliorum juramentorum per nos præstitorum tam in Romanâ Curia, quam in Oxoniâ quicquid vitiosum adnullatim & destructim contra prædicta juramenta probatâ fide videremus insurgere & surgendo suum malitiosum affectum ad finem optatum deducere, quamvis injuste, interesse habemus & debemus secundum conscientiam nobis à Deo datam, nos & nostra dare & opponere, nec gladium vel mortem expavescere vel timere cujuscunque, sub pœnâ fractionis juramentorum, quæ pœna est damnatio perpetua & æterna. Quapropter nos videntes, scientes & intelligentes plura enormia patrata invisâ & maledicta scelera atque delicta à filiis Dæmonum & Satanæ satellitum, primò contra principatum Ecclesiæ Romanæ, contra libertatem Ecclesiæ Anglicanæ, contra jura Regni, personam Regis Ricardi & hæredum suorum, contra Prælatos, Proceres, Religiosos, Communitates & totam rempublicam Regni Angliæ prædicti indies ab eisdem satellitibus indefinenter & absque cessatione perpetrari; quæ omnia divinæ majestatis oculos continuè offendunt, & ad vindictam faciendam in regno & populo excitant, provocant & compellunt. Idcirco nos A. B. C. D. &c. procuratores antedicti, timentes divinam vindictam & iram in proximo adesse, destructionem Ecclesiæ tam Romanæ quam Anglicanæ nostri regni & cleri & populi instanter imminere & adesse; solum Deum

Deum, ejus regnum & justitiam habendo præ oculis, invocato quoque nomine Jesu in quo omne genu flectitur quod movetur, confidentes de ejus misericordiâ, clementiâ & potentiâ, qui dividit singulis prout vult; assumimus nobis certos & in formâ subscriptos Articulos proponendos, propalandos, prosequendos & probandos coram judice nostro Domino Jesu Christo superius memorato ac toto mundo, ad ipsius honorem, Ecclesiæ, Cleri & populi liberationem, & in reipublicæ utilitatem & commodum. Quod si, quod absit, fortitudine, formidine vel hominum malignorum <sup>a</sup> proditorum in carceribus vel vinculis fuerimus detenti, vel morte violentâ præventi fuerimus, quo minis prædictos articulos probare poterimus in hoc mundo, prout cupimus; ad summum Judicem nostrum & supremum Jesum Christum superius nominatum, ut ipse de eisdem articulis in suo extremo judicio judicet & decernat, in his scriptis provocamus & appellamus. Quorum articulorum prosequendorum & ut præmittitur probandorum sequitur primus in hunc modum.

Primò ponimus, dicimus, excipimus, & probare intendimus nos reipublicæ procuratores & defensores coram judice nostro Domino Jesu Christo contra quendam Dominum, sc. Henricum Derby filium Domini Johannis de Gaunt, nuper Ducis Lancaster vulgariter in regno nostro Angliæ nuncupatum, & se Regem Angliæ jam dicentem & prætendentem, licet nullum jus vel titulum prout <sup>b</sup> habeatur ad eundem; contraque cæteros complices suos, adherentes & fautores; Ecclesiæ Dei, scilicet Romanæ ac Anglicanæ, Wallicanæ, & Hibernicæ, Regis Domini nostri Ricardi nuper Angliæ, suorum hæredum, regni, & reipublicæ ejusdem invasores, destructores & proditores fuisse, fore & esse: ut <sup>c</sup> pateat in sequentibus manifestè.

Secundò ponimus, dicimus, & probare intendimus iidem procuratores & reipublicæ defensores contra eundem Dominum Henricum; quòd idem Dominus Henricus tum propter crimina enormia & delicta proditoria contra Dominum Regem suum Dominum Ricardum ejusque statum præconcepta, præcogitata, conjectata & conspirata, ut toti patuit regno, & claruit <sup>d</sup> cum duellum inter dictum Dominum Henricum & Dominum Thomam Ducem Norfolkiciæ apud Coventre fuit initum & conceptum, sed non perfecte consummatum, erat idem Dominus Henricus per sententiam dicti Domini Regis Ricardi, Domini Johannis Ducis Lancastriæ patris sui, populorumque Dominorum temporalium & regni Procerum voluntatem & consensum suum, saltem verbotenus ab eisdem Dominis expressatum, ad certum terminum & tempus extra Regnum Angliæ missus, juratusque de non redeundo vel remeando in Regnum Angliæ prædictum, priusquam gratiam Regiam obtinisset & habuisset. Sed eodem Domino Rege Ricardo in Hibernia existente pro reformatione dictæ terræ Hiberniæ ad coronam Regiam pertinentis & spectantis; sed tunc aliquantulum contra dictam coronam rebellantis, & recalcitrantis, idem Dominus Henricus contra juramentum suum pristinum & voluntarie præstitum & infra tempus ejusdem, cum prædictis suis fautoribus & Regni invasoribus, Regnum prædictum Angliæ clam & secretè est ingressus; voce publicâ & omnino jurans & protestans se ob nullam aliquam causam quamcunque in absentia Domini nostri Regis Ricardi Angliam intrasse, nisi ut hæreditatem paternam jure hæreditario post mortem sui patris sibi debitam, & hoc cum consensu & voluntate Domini sui Regis Ricardi & aliorum Regni Dominorum tam Spiritualium quàm Temporalium, humiliter peteret & haberet; quod quasi omnibus placuit ita clamantibus & dicentibus *Benedictus qui venit in nomine Domini.* Sed qualiter hæc benedictio versa est in maledictionem, patebit in sequentibus; ex quibus patet ejus mira & nefanda ac omnibus stupenda conspiratio in destructionem & mortem Domini nostri Regis Ricardi & plurimorum Domi-



norum aliorum tam Spiritualium quàm Temporalium, & ejus manifestum perjurium ; & sic non solum stat & est perjurus contraveniens voluntariè suo proprio juramento, verùm etiam excommunicatus propter machinationem & conspirationem in mortem Principis sui & nostri Regis. Unde ipsum pro præmissis tam perjurum quàm excommunicatum in his scriptis pronunciamus.

Tertiò ponimus, excipimus, dicimus & probare intendimus nos reipublicæ procuratores coram judice nostro superiùs memorato contra prædictum Dominum Henricum Derby ; quòd cum idem Dominus Henricus per suas machinationes & verba dolosa immediate post suum ingressum in Angliam palam populo propalata, & publicè per regnum proclamando nullas de cætero decimationes Ecclesiasticas in Clero, quintam decimam in populo, sigillationem panni, diminutionem lanæ & vini, solutiones & extortiones vel exactiones aliquas de cætero in regno fieri ; ut sic Prælatorum Spiritualium, Dominorum Temporalium, Clericorum promotorum, Mercatorum, & quasi omnium Regni communitatum voluntatem, vocem & favorem sibi & suis acquireret ; statim castra regia manu forti recepit ac tenuit, bona regia ubicunq; fuerant inventa vastavit, & clamando *Harok* fideles homines tam spirituales quàm temporales quosdam spoliavit, quosdam captivavit & incarceravit, quosdam miserabili & incessabili & turpissimâ morte condemnavit & occidit ; quorum quidam fuerunt Pontifices, Prælati, Sacerdotes & Religiosi. Ex quo patet ipsum Dominum Henricum non solum fore & esse perjurum, promittendo & jurando nullas in populo exactiones, solutiones & extortiones de cætero in regno fieri ; verùm etiam excommunicatum propter violentiam & injuriam prædictis Prælati & Sacerdotibus factam pariter & illatam. Unde ipsum, ut supra, pro præmissis tam perjurum quàm excommunicatum in his scriptis denunciamus.

Quartò ponimus, dicimus, excipimus & probare intendimus iidem procuratores, ut supra, contra prædictum Dominum Henricum ; quòd idem Dominus Henricus, postquam audivit quòd Dominus noster Rex Ricardus de Hiberniâ in Walliam adveniret, cum multis millibus hominum armatorum idem Henricus dicto Domino Regi occurrit ; & usque ad Castrum de Flynte in Walliâ cum eodem suo exercitu properavit ; ibique suum Regem cepit ac tenuit ; & quod dolenter ac flebiliter referimus, quia sanguis ejus super nos & super filios nostros, eundem usque ad Leicestriam secum tanquam proditorem duxit ; & sic captivatum iter versus London arripuit ; & per viam sic inductus \* infinitas injurias & inaudita opprobria ab eo & suis passus est & sustinuit ; eumque in Turri London posuit ; & eodem Rege sic incarcerato & absente, Parlamentum tenuit, in quo eundem Dominum Regem Ricardum resignare jus regni & coronæ regiae per merum mortis compulit & artavit. Qua resignatione sic factâ quamvis nullâ, nec de jure nec de facto, idem Dominus Henricus coram Parlamento surgens superbè & pompaticè coram omnibus dicens & asserens, Regnum Angliæ & coronam regiam ejusdem & regalia ejusdem, immediate ad se, & ad nullum alium, nunc temporis de jure pertinere ; quod falsum fuit, est & erit in æternum. Quia omni jure quod habuit vel habere potest vel potuit, per facta sua præcedentia & subsequencia in perpetuum est privatus. Sed tamen per fas & nefas seipsum in Regem promovit & exaltavit ; à quo tempore Regnum nostrum nunquam viguit nec prosperavit, sed omnibus virtutibus caruit ; quia Clerus defecit, militia recessit, & exaruit caristia, inolevit cupiditas, ac miseria accessit. Et quid plura ? gratia vestra breviter est sublata, & vindicta est parata. Ex quibus patet eundem Dominum Henricum non solum fore & esse perjurum & falsum, usurpando sibi, ut præmittitur,

\* plurimas.

præmittitur, alterius scilicet regnum & regni dominium & regalia; verum etiam & excommunicatum propter Regis sui violentam captionem & injustam incarcerationem & falsissimam à regno suo privationem & direptionem. Unde hîc, sicut in aliis nostris articulis superius memoratis, eundem Henricum pronunciamus & denunciamus fore & esse perjurum & excommunicatum.

Quintò ponimus, dicimus & excipimus & probare intendimus iidem procuratores qui supra contra prædictum Dominum Henricum; quòd idem Dominus Henricus cum cæteris suis fautoribus, mala malis & pejora pejoribus semper accumulantes, nefandissimum & sceleratissimum & à sæculis retroactis inauditum perpetrarunt facinus, & expleverunt factum. Nam postquam, ut superius diximus, prædictum nostrum Regem Ricardum diu tenuerunt & incarceraverunt, & regno suo privaverunt & deposuerunt; his malis, damnis & injuriis sibi inhumaniter, & contra naturam illatis & irrogatis, iis non solum contentis, verumetiam ad Castrum de Pomfret eum deduxerunt, & in eodem posuerunt & incarceraverunt; ubi breviter, ut vulgariter dicitur, quindecim dies & totidem noctes in fame, siti ac frigore vexaverunt & crucifixerunt, & tandem morte turpissimâ adhuc regno nostro Angliæ penitus incognitâ sed gratiâ divinâ diutius non celandâ interemerunt & occiderunt. Quis quæso unquam audivit factum tale? aut quis vidit huic simile? Tu qui Anglicus es & audis, obstupesce: tu qui vides & Anglicus es, tibi plorare est necesse! Tu qui hoc cogitas, & Anglicus es, infreme & ingemisce! O Domine Jesu Christe! quis timebit occidere communem vel pauperem; cum isti non timebunt occidere tam nobilem & generosum Principem? Quis quæso de cætero timebit occidere cujuscunque ordinis vel statûs hominem; cum isti non timebunt interficere verum suum Regem, sacrorumque sancto crismate unctum & consecratum? Aut quis de cætero verebitur mutilare alicujus filium simplicis; cum isti non confundebantur mutilare filium Edwardi tam nobilis Principis Walliæ? Surge igitur Anglia in causam, sanguinem, injuriam & mortem Regis tui, & injuriam in tuâ personâ celeriter vindicare? Quod si non feceris; scito quòd verus Deus & justus per alienas gentes & <sup>f</sup>exterarum nationes, puta <sup>f</sup>extraneas Wallicanas, Scoticanas, & Hibernicanas, destruet tuam linguam & gentem; & sic in irâ suâ vindicabit se de te pro hac nefandâ re: Ex quo patet non solum ejus perjurium, verumetiam ejus execrabilis excommunicatio. Ideo prædictum Henricum pro præmissis denunciamus, ut supra, non solum perjurum, sed etiam excommunicatum.

Sextò ponimus, dicimus, excipimus, & probare intendimus iidem procuratores qui supra contra prædictum Dominum Henricum; quòd postquam coronam & regalia regni de facto ut præmittitur, licet non de jure, est affectus & sortitus, plures <sup>q</sup>Dominos Spirituales, Præsules & Pontifices, Abbates <sup>q</sup>inter & Priores, Clericos Sæculares, Clericos promotos & non promotos, Regulares, Religiosos, quos capi fecit per manum laicalem & arestari, incarcerari & vinculari, ad vetitum examen & prohibitum, & ad sæculare judicium protrahi, stare, & condemnari fecit; non parcendo Pontificibus vel eorum corporibus sacrosancto crismate unctis & consecratis; aliosque Sæculares Presbyteros & Religiosos quamplures per sæculare examen & judicium temporale condemnari, protrahi, suspendi, decapitari fecit, jussit & permisit; non obstante sacrosanctæ Ecclesiæ privilegio, eorum Sacerdotio, caput rasurâ, manuum consecratione, infinitarum Missarum celebratione, & habituum benedictione. Quæ omnia revereri & venerari debuisset, si verus Rex & justus fuisset; Quia primum & præcipuum in coronatione veri Regis est juramentum libertates & jura Ecclesiæ inviolabiter custodire, defendere & tueri debere. Quorum ju-  
rium



rium & libertatum est, nullum Sacerdotem, Religiosum, vel Clericum trahere ad sæculare iudicium, nisi hæreticum & post degradationem ab Ecclesia factam. Cujus contrarium fecit hic Dominus Henricus, facit & continuat. Ideo ex isto articulo, sicut in omnibus aliis præcedentibus, patet ipsum non solum esse perjurum, sed etiam excommunicatum.

Septimò ponimus, dicimus & probare intendimus nos procuratores antedicti contra prædictum Dominum Henricum; quòd idem Dominus Henricus non solum Dominos Spirituales, Pontifices, Prælatos, Presbyteros, & ut præmittitur, Religiosos, suspendi & decapitari fecit & iussit; verumetiam & Dominos Temporales & Regni Proceres quamplurimos, & fere omnes pro justitiâ regni insudantes & laborantes, crudeliter occidit & nequiter interfecit; & plures nititur infra breve confundere & extinguere, nisi suæ malitiæ & nequitie per Dei misericordiam & gratiam citius obvietur. Inter quos Dominos Regni Proceres & Magnates, primo sc. Dominum Comitem Sarum, Dominum Comitem Huntington, Dominum Comitem Glocestriæ, Dominum Rogerum Clarendon, fratrem Domini Regis, & quasi <sup>h</sup> infinitos alios Milites & Armigeros. Novissimè verò, quod dolenter referimus, nobiles Dominos existentes Milites Dominum Thomam Percy Comitem Wigorniam, & Dominum Henricum Percy, primogenitum Comitis Northumbriæ, quem Henricum Percy non solum semel occidit, sed quantum in ipso est bis & ter interfecit; Quia postquam fuit semel occisus, & Domino de Furnyvale ad sepeliendum traditus & liberatus, qui ipsum Ecclesiasticæ sepulturæ, prout moris erat Christianorum, cum honore quo tunc potuit tradidit, & cum suffragiis mortuorum, Missarum & aliarum orationum ipsius animam apud Deum commendavit; idem Dominus Henricus, ut cruenta <sup>i</sup> bestia, ejus sanguinem denuofitiens, & ejus corpus de tumulo exhumari & extrahi præcepit, & inter duas molas asinarias in quodam vico de Shrewsbury juxta collistrigium reponi & <sup>k</sup> sedere fecit, ac cum armatis hominibus custodiri, postmodum decollari, & membratim dividi & quarterisari, & caput & ejus quarterias ad regni certas civitates transmitti iussit. Hæc enormia & quamplura alia fecit. Propter quod factum detestabile, à sæculis retroactis de aliquo tyranno vel Christiano inauditum est. Unde sententiâ majoris excommunicationis est <sup>l</sup> involutus. Ideo hîc, sicut in superioribus nostris articulis, ipsum Henricum in his scriptis excommunicatum esse pronunciamus.

Octavò ponimus, dicimus, excipimus & probare intendimus iidem procuratores qui supra contra eundem Dominum Henricum; quòd idem <sup>m</sup> Dominus Henricus, postquam regnum & coronam ejusdem regni regaliam de facto ut præmittitur & non de jure est adeptus & sortitus, quoddam statutum nefandissimum promulgatum & renovatum in Parlamento apud Wintoniam celebrato anno Domini Regis . . . . . scienter approbat, ratificat & sustinet, nec aliud remedium quàm illud ordinat vel opponit: quod quidem statutum est directè contra Curiam Romanam, ejus potestatem ac principatum à Domino nostro Jesu Christo, Beato Petro ejusque successoribus Romanis Pontificibus traditam & collatam; quibus omnium beneficiorum Ecclesiasticorum tam superiorum quàm inferiorum plena & libera dispositio, ordinatio & collatio ex eorum potestatis plenitudine deberet ut noscitur pertinere. Quod statutum nefandum est causa efficiens multorum scelerum & peccaminum, videlicet, Simonie, Perjurii, Adulterii, Incestûs, Irregularitatis & Inobedientiæ. Quia plures Episcopi, Abbates, Priores & Prælati, non dicimus virtute, sed errore istius statuti, vacantia Beneficia conferunt juvenibus & illiteratis & indignis personis, qui secum communicaverunt in his peccatis & enormibus delictis. Et vix reperitur aliquis Prælatus taliter Beneficium conferens; quin ex convention-

<sup>h</sup> plures.

<sup>i</sup> bellua.

<sup>k</sup> reponi.

<sup>l</sup> innodatus.

<sup>m</sup> ipse.

ventionem ac pacto vult habere singulis annis tertiam<sup>n</sup> vel dimidiam partem Beneficii sic collati. Et sic his diebus non promovent aliquos, nisi suos filios spurios & cognatos, secum in peccatis enormibus laborantes, & commensales. Ita quod per istud statutum destruitur Clerus Universitatum. Quia Milites & Armigeri, Mercatores & tota regni communitas potius eligunt filios suos & cognatos apprenticios facere vel constituere in aliqua arte temporali vel faculari, quam ad aliquam Universitatem pro Clericis fiendis mittere vel destinare; & sic istud statutum nefandum non solum est derogativum juris Sancti Petri, Ecclesie Romanae & Anglicanae; verumetiam & destructivum Cleri & Universitatum Oxoniae & Cantabrigiae, & per consequens regni militiae & reipublicae; quod ex uno semper sequitur aliud. Et ideo praedictum Henricum, tanquam principalem, omnesque alios hoc statutum concedentes, excommunicatos dicimus fore ipso jure; & excommunicatos in his scriptis denunciamus.

Nonò ponimus, dicimus, excipimus, & probare intendimus nos procuratores antedicti contra Dominum Henricum; quod postquam idem Henricus malitiose & tyranniter sibi, ut praemittitur, usurpavit regimen regni, regiam & coronam, nunquam vixit Anglia, nec vigeat nec prosperabitur in Clero nec in populo; & omnia nobilissima & divitissima per foelices Reges Angliae praecedentes gratia divina & armis militaribus per conquestum eidem regno & coronae acquisita, ut puta generosa terra Aquitania, nobilis terra Wallia, & fertilis terra Hibernia, suo tempore sunt totaliter perdita & reversa. Et quod pejus est, terra nostra quasi tota in semetipsa est divisa & destructa; cum exactiones & destructiones plurimae, innumerabiles collectiones pecuniae in Clero & in populo, annuatim in tempore suo & quasi sine cessatione sint extortae & collectae: nec scitur à Dominis regni, sed penitus ignoratur, quo praedictae pecuniae sic nequiter per ipsum extortae devenerunt aut quò vadunt. Quia Militibus & Armigeris pro eorum laboribus & expensis nihil, ut asserunt, eis datur; populis<sup>o</sup> non ruralibus & mediocribus personis pro eorum victualibus<sup>o</sup> etiam parum vel nihil solvitur. Et tamen infelix & miser Clerus, & infelicior & miserrimus populus semper ad solvendum per minas & poenas compellitur & artatur. Tales solutiones injustas & exactas & vexationes indebitae, tam spirituales in Clero quam temporales in populo, tempore quo sibi coronam usurpavit, de cetero publice juravit in regno non fiendas. Ex quibus non solum patet ejus manifestum & continuatum perjurium; verumetiam propter ejus indebitam & injustam Ecclesiae Dei vexationem incurrisse excommunicationem manifestam. Unde hinc, sicut in ceteris omnibus articulis superius memoratis, ipsum denunciamus non solum fore perjurum verumetiam excommunicatum.

Decimò & ultimò ponimus, dicimus & publice in his scriptis protestamus nos procuratores supradicti, pro nobis & vobis in hac causa Romanae Ecclesiae & Anglicanae, Domini Regis Ricardi, suorum haeredum, Cleri & populi & totius reipublicae regni nostri Angliae assistentibus & adherere volentibus; quod non fuit, est nec erit intentionis aliquid dicere vel facere quod debet offendere aliquem statum Praelatorum, Spiritualium Procerum, Dominorum Temporalium, vel communitatum hujus regni. Sed quia prodicionem & destructionem hujus regni praedicti Angliae appropinquare & imminere videmus; hos articulos eandem destructionem causantes & excitantes universitati omnium Dominorum tam Spiritualium quam Temporalium ac communitati fidelium Anglicorum duximus intimandos & conscribendos; obsecrantes vos omnes in visceribus Jesu Christi Dei & judicis nostri & per me-  
rita



rita beatæ Mariæ matris ejusdem, & Sancti Georgii nostri Protectoris, sub quorum vexillis tam expansis sive protensis vivere volumus, & sub pœnâ perditionis & damnationis animarum vestrarum; ut huic causæ & nobis favorabiles sitis & benigni in nostris agendis actionibus; quæ causæ sunt tres tantum in numero. Intendimus primò cum Christi auxilio justum & verum hæredem nostri Regni Angliæ & Regem sublimare & in suo regali folio Regis diademate coronare: Secundò Wallenses, Hibernenses, & omnes regni nostri inimicos ad nostram perpetuam pacem & concordiam revocare: Et tertio regnum nostrum Angliæ ab omni exactione, extortione & injustâ solutione liberare & finaliter liberum facere. Ideò omnibus in isto pio, ut credimus, meritorio negotio nobis assistentibus & juxta suum posse juvantibus, Dei & Domini nostri Jesu Christi benedictionem, peccatorum suorum omnium veniam, & vitam in scriptis <sup>p</sup>promittimus sempiternam. Et nobis verò contradicentibus maledictionem Dei omnipotentis <sup>q</sup>damus autoritate nobis commissâ à Deo & Ecclesiâ suâ, & in his scriptis excommunicamus eosdem. Fiat, fiat.

<sup>p</sup> dari.  
<sup>q</sup> comminamur.

---

CLEMENTIS

---

# CLEMENTIS MAYDESTONE

## Historia de Martyrio

RICARDI SCROPE, Archiepiscopi Eboracensis.

Hæ fuerunt causæ, quare decollatus est Archiepiscopus  
RICARDUS SCROPE.

**P**rima causa fuit, quòd consuluit Regi ad pœnitendum & ad satisfaciendum pro perjurio quo iuravit in villâ de Chestriâ per sacramentum corporis Dominici, quòd non rebellaret nec deponi consentiret Regem Ricardum; cuius contrarium fecit cogendo Regem Ricardum resignare coronam in Parlamento in crastino Sancti Michaelis, anno Domini MCCCLXXXIX. per attornatum, & eodem Rege Ricardo in Turri London inclusò medio tempore; & tamen fidelitatem ante eidem Regi Ricardo iuravit in præsentiâ Domini Thomæ Arundell Archiepiscopi Cantuariensis, & multorum Nobilium.

Item optavit idem Archiepiscopus Ricardus Scrope; quòd corona regni restitueretur rectæ lineæ vel cursui; & Ecclesia Anglicana haberet suas libertates, privilegia & consuetudines secundùm justas leges regni Angliæ ab antiquo usitatas.

Item quòd Domini Regni & Magnates judicarentur per Pares suos cum deliberatione iustâ aliorum Dominorum illis æqualium.

Item quòd Clerus & communitas regni non sint oppressi per exactiones & taxas decimarum, quintadecimarum & subsidiorum, nec per alias impositiones iniquas, eo modo quo jam opprimuntur. Anno post coronationem suam idem Rex habuit unam decimam, & aliquando duas in uno anno; licet in primo introitu iuravit idem Rex, quòd in tempore vitæ suæ, in quantum impedire possit, quòd nunquam solveret Ecclesia Anglicana decimam nec populus taxam: & illud iuravit in Castro de Knarèsburgh juxta Eboracum.

Item quòd coronâ restitutâ rectæ lineæ, certi sapientes qui sciunt honores & haberent scientiam, assignarentur; & alii cupidi & avari ac ambitiosi, qui volunt dicere & facere quæ Regi placent & non Deo, sed ut ipsi nec dirantur, amoverentur.

Item quòd Vicecomites in quolibet Comitatu liberè eligerentur absque coactione Domini Regis seu Baronum.

Item quòd Barones, Nobiles & communitas regni in suis causis haberent in Parlamento liberam disponendi facultatem.

Hic incipit Martyrium prædicti Ricardi Archiepiscopi.

**A**Nno Domini MCCCCV. VIII. die mensis Junii, scilicet in die Sancti Willelmi Confessoris, quæ tunc fuit feria secunda Pentecostes, Magister Ricardus Scrope, Baccalarius Oxoniæ Artium, Doctor utriusque Juris Cantabrigiæ, Advocatus pauperum nuper in Curiâ Romanâ, & deinde Lychfeldæ Episcopus, & postea Archiepiscopus Eboracensis, decollatus est extra muros prope Eboracum. Henricus enim quartus Rex Angliæ in camerâ Manerii dicti Archiepiscopi, quod vocatur Bishopsthorp juxta Eboracum, mandavit

[ B b b ]

Willelmo



Willelmo Gascoyne Armigero ad tunc Justiciario principali Angliæ ; ut sententiam mortis de præfato Archiepiscopo proferret tanquam de proditore Regis ; qui hoc recusavit, & sic sibi respondit. Nec vos Domine mi Rex, nec aliquis nomine vestro vester ligeus, potestis licitè secundum jura Regni aliquem Episcopum ad mortem judicare. Unde præfatum Archiepiscopum judicare omnino renuit. Quare idem Rex irâ vehementi exarsit versus eundem Judicem, cujus memoria sit in benedictionem in sæcula sæculi. Et statim mandavit Domino Willelmo Fulthorp Militi & non Judici ; ut eodem die, scilicet feriâ secundâ hebdomadis Pentecostes, qui fuit dies octavus mensis Junii, sententiam mortis in aulâ præfati Manerii in Archiepiscopum, quem vocavit proditorem, proferret. Et cum prædictus Willelmus Gascoyne Judex principalis Angliæ omnino renuit ; prædictus Dominus Willelmus Fulthorp in loco Judicis sedit, & Archiepiscopum adduci præceperat. Quo Archiepiscopo coram ipso nudo capite stante, hanc sententiam ipso accedente & omnibus circumstantibus protulit. *Te Ricardum proditorem Regis ad mortem judicamus ; & ex præcepto Regis decollari mandamus.* Hæc audiens Archiepiscopus, hanc orationem publicè dixit. *Deus justus & verus scit me nunquam intendisse malum contra personam Regis nunc Henrici quarti.* Quibus verbis Archiepiscopi patet communem famam tunc fuisse ubique ; intentio tamen Archiepiscopi fuit adire Regem cum cæteris Dominis, qui ad hoc congregarentur, ut peteret à Rege reformationem malorum in Regno tunc existentium ; quia tunc erant dissentiones inter Dominos, specialiter inter Dominum Nevil & Comitem Marefcallum. Quare Archiepiscopus dixit populo suo se ipsum equitare cum multitudine. Et post prædicta verba dixit sæpius circumstantibus : *Oretis, ut Deus omnipotens non vindictam mortem meam in Rege nec in suis.* Quæ verba sæpe repetiit, deprecando simul Protomartyri Stephano, qui pro lapidantibus deprecatus est. Et postea eadem die circa meridiem ductus est super equum valoris XL. denariorum sine fellâ ; & gratias agens, dixit quod nunquam placuit mihi melius equus quam iste placet. Et Psalmum *Exaudi* secundum decantavit, sic equitando cum capistro & in blodiâ chimarâ & manicis chimaræ ejusdem coloris existentibus. Vestem tamen lineam, qua utuntur Episcopi, non sinebant Archiepiscopum uti. Et sic cum caputio jacinthi coloris sive consimili colore circa humeros suos pendente ductus est, sicut ovis ad victimam, qui verò non aperuit os suum nec ad vindictam nec ad excommunicationis sententiam. Qui cum ad locum decollationis pervenisset, dixit, *Omnipotens Deus, tibi offero meipsum & causas pro quibus patior ; & veniam à te peto pro omnibus peccatis & indulgentiam à me commissis sive omissis ;* & tunc capucium & tunicam ad terram deposuit ; & suo decollatori Thomæ Alman nuncupato dixit ; *Fili, mortem meam Deus tibi remittat, & ego tibi remitto ; tamen deprecor, ut Deus mihi cum gladio tuo quinque vulnera in collo meo, quæ sustinere cupio pro amore Domini mei Jesu Christi, qui pro nobis obediens patri usque ad mortem quinque vulnera principalia sustinuit.* Et tribus vicibus osculatus est eum ; & positis genibus orabat dicens, *In manus tuas, dulcissime Jesu, commendo spiritum meum :* junctis manibus, & elevatis oculis in cælum ; & mox extendit collum genuflectendo, & cancellatis manibus super pectus suum, Decollator cum gladio eum quinquies in collo percussit unâ & eadem carnis divisione. Et in quintâ percussione caput ad terram cadit, corpus super dexterum latus. Erant enim ibi quinque seliones cum ordeo ubi fuit Archipræsul decollatus ; qui erant pedibus conculcantium in die decollationis suæ penitus destructi, sed tamen in autumno absque aliquo opere Deus ex suâ gratiâ tale incrementum dedit supra communem usum ; ut aliqui calami quinque, aliqui quatuor spicas ordeï produxerunt ; & qui pauciores, minus tamen quam duas spicas non produxerunt. Eo tempore quo fuit decollatus, idem Rex horribili leprâ percussus est equitando versus Ripon ; & videbatur, quod quidam

dam percussit Episcopum sensibilibiter ; & hac de causâ pernoctabat in villâ de Hamerton per VII. miliaria ab Eboraco distante ; & nocte eâdem sequente horribiliter idem Rex vexabatur, in tantum quòd clamore magno Camerarios suos excitavit, qui surgentes omnia luminaria in camerâ & aulâ sine lumine & sine igne invenerunt ; & Regi theriacum in vino vocato *Vernage* dederunt : & in crastino ad Ripon equitavit valde infirmus ; ubi permansit per VII. dies. Et quùm Georgius Plumpton, qui Regem VIII. die decollationis prædictæ vidit, quòd in facie & in manibus prædicti Regis magnæ pustulæ leprosæ crescebant & præminebant quasi capita mamillarum. Et qui ista vidit & audivit, testimonium perhibuit, Stephanus Cotinham alias Palmer ; qui hæc Magistro Thomæ Gascoyne Sacræ Theologiæ Professori retulit.

In nocte verò tertiâ post prædictam decollationem aparuit idem Archiepiscopus Johanni Sibson in domo suâ apud Roclyfe, præciens eidem ut peccatum suum de cogitatione homicidii Pœnitentiario Eboracensi confiteretur ; Quia, inquit, triginta annis elapsis de dicto proposito indies infidias parâsti ad occidendum talem hominem. Sed quia in opere non complevisti, peccatum non esse putasti, nec confessus es. Ideò pœnitere, & confitere ; ne fortè damneris. Hoc idem Johannes Simpson narravit in audientiâ plurimorum ; & præcepit ei, ut offeret candelam ceream super sepulchrum ejus ; & quòd asportaret truncos, quos homines super sepulchrum ejus posuerunt ne homines ibidem adorarent vel offerrent. Quæ idem Johannes solus & senex dierum asportavit & removit ; licet & aliqua ipsorum vix tres fortes homines levare potuerunt ; & coram altari Beatæ Virginis Mariæ ibidem in Ecclesia deposuit ; ac per XIV. vices eidem Johanni idem Sanctus Archipræsul aparuit. Et virgo moriebatur idem Archiepiscopus ; ut per confessionem ejusdem cognitum est.

Anno Dominicæ Incarnationis MCCCCV. decollatus est fœlicis recordationis Dominus Ricardus Scrope, Legum Doct̃or, ex præcepto & consensu Henrici quarti Regis Angliæ ; post cujus fœlicem mortem multimodâ miraculorum gloriâ declaratam, idem Rex saniori consilio quorundam sibi assistentium ad se reversus, pœnitundinem quandam assumpsisse videbatur ; misitque ad Sedem Apostolicam nuncios solennes pro absolutione obtinendâ, scilicet tam pro injuriâ Christi Ecclesiæ illatâ, quam pro reatu quem contraxit præciendo mortem prædicti sanctissimi Præsulis, necnon contra omnia jura sibi nequiter procurata. Cùm verò Romanus Pontifex nunciorum verba audisset ; ingemuit, & plurimas effundens lacrimas cum maximo mœrore dixit : *Heu ! heu ! quòd in diebus meis tanto scelere Christi sponsa sit impiorum manibus tam turpiter obscurata.* Et his dictis recessit. Cùmque dicti nuncii dicti Regis nudis pedibus, capitibus discoopertis, & vestibus tantummodo lineis induti, veniam, indulgentiam & absolutionem postulâssent, & nullatenus profecissent ; tandem preces precibus immergentes, & pretiosa munera Cardinalibus & Cubiculariis distribuentes, sub hac tantummodo conditione plenariam indulgentiam eidem Regi obtinuerunt ; ut idem Rex tactis sacrosanctis reliquiis Sanctorum juraret tria nova Monasteria construere acrioris observantiæ totius Christianitatis in honore trium Fæstorum principalium ; Et quòd dotaret ipsa Monasteria absque ullâ oneris impositione ; ut Religiosi in eisdem degentes cum omnium pace & animorum quiete Deo gratuitis obsequiis deservirent. Reversi Nuncii omnia referunt, Regique præcepta Apostolica & salutis æternæ januam sibi apertam. Quæ omnia libentissime suscepit, & ipse juravit fideliter completurum. Sed quid proficit in infirmo sua detegere vulnera ; nisi sanitatis remedia voluerit adhibere ? Nam usque ad extremam vitæ suæ horam idem Rex Henricus quartus & propriæ animæ remedium & publicum juramentum & Apostolicum neglexit mandatum, & mortuus est.



Post mortem ejusdem Regis accidit quoddam mirabile ad prædicti Domini Ricardi Archipræsulis gloriam declarandam & æternæ memoriæ commendandam. Nam infra triginta dies post mortem dicti Regis Henrici quarti venit quidam vir de familiâ ejusdem ad domum sanctæ Trinitatis de Howndesflow vescendi causâ ; & cum in prandio sermocinarentur circumstantes de probitate morum ipsius Regis ; respondit prædictus vir cuidam Armigero vocato Thomæ Maydestone in eadem mensâ tunc sedenti. Si fuerit vir bonus, novit Deus ; sed hoc verissime scio, quod cum à Westmonasteriâ corpus ejus versûs Cantuariam in parvâ naviculâ portaretur ibidem sepeliendum, ego fui unus de tribus personis qui projecerunt corpus ipsius in mare inter Berkingum & Gravesend. Et addidit cum juramento ; tanta tempestas ventorum & fluctuum irruit super nos, quod multi Nobiles sequentes nos in naviculis octo in numero dispersi sunt, ut vix mortis periculum evaserunt. Nos verò qui eramus cum corpore, in desperatione vitæ nostræ positi, cum assensu projecimus illud in mare ; & facta est tranquillitas magna. Cistam verò, in qua jacebat, panno deaurato coopertam cum maximo honore Cantuariam deportavimus, & sepelivimus eam. Dicant ergo Monachi Cantuariæ, quod sepulchrum Regis Henrici quarti est apud nos, non corpus : sicut dixit Petrus de Sancto David Act. 2<sup>o</sup> Deus omnipotens est testis & iudex ; quod ego Clemens Maydestone vidi virum illum, & audiivi ipsum jurantem patri meo Thomæ Maydestone omnia prædicta fore vera.

---

---

# Giraldi Cambrensis,

Archidiaconi & Episcopi Electi Menevensis,

Vita GALFRIDI Archiepiscopi Eboracensis.

Vitæ Episcoporum Lincolnensium.

Vitæ Sex Episcoporum coætaneorum.

Epistola ad STEPHANUM LANGTON Archiepiscopum Cantuariensem.

De Libris à se scriptis.

De Descriptione Walliæ Liber Secundus.

Retractiones.

De Rebus à se Gestis Libri III.

De jure & statu Menevensis Ecclesiæ Distinctiones VII.

Vita S. DÁVIDIS Archiepiscopi Menevensis.

---

---



*Quo major sequentia Giraldi Opera lecturis lux adesset, visum est præmittere rerum à Giraldo gestarum Chronologiam, qualem ex scriptis ipsius expiscari potuimus.*

- A** Nno circiter 1150. Giraldus natus est.  
 Anno circiter 1170. metricam Cosmographiam scripsit.  
 Anno 1172. ab Academiâ Parisiensi, ubi per plures annos bonis literis operam dederat, in Angliam reversus est.  
 Anno 1175. à Ricardo Archiep. Cant. Legatus in Walliâ constitutus, brevi post Archidiaconatum Brecheniensem obtinuit.  
 Anno 1176. mense circiter Maio Episcopus Menevensis electus est. Sub exitum ejusdem anni Parisios repetiit.  
 Anno 1179. **Juris Canonici** Professor publicus in Academiâ Parisiensi electus, provinciam recusavit. Eodem anno **Canonici Menevenses** Ecclesiæ suæ jus Metropoliticum in Concilio Lateranensi protestati sunt.  
 Anno circiter 1180. in patriam reversus, administrator Episcopatus Menevensis à Petro Episcopo constitutus est.  
 Anno ciriter 1184. ab Henrico Rege in Curiam accitus, unâ cum Rege in Norman. transit.  
 Anno 1185. **Johanni Henrici Regis filio** in Hiberniam missus comes & consiliarius datus est. Eodem anno Fernensem & Lechelinensem Episcopatus sibi oblatos recusavit.  
 Anno 1186. mediâ Quadragesimâ in Concilio Dublinensi peroravit ; & post Pascha in Walliam rediit.  
 Anno 1187. Topographiam & Expugnationem Hibernicam scripsit.  
 Anno 1188. Baldwinum Archiepiscopum Cant. in Walliâ itinerantem comitatus est.  
 Anno 1189. ex Galliâ legatus est à Ricardo Rege ad tutandas Walliæ partes.  
 Eodem anno Willelmo Episcopo Eliensi summo Angliæ Justiciario coadjutor datus est.  
 Anno circiter 1190. Episcopatum Bangorensem sibi oblatum recusavit.  
 Anno circiter 1191. Episcopatum Landavensem sibi oblatum recusavit.  
 Anno 1192. Aulâ relictâ Lincolniam studii Theologici gratiâ se contulit ; ibique per septennium moratus est.  
 Anno 1193. scripsit Vitam Galfridi Archiepiscopi Eboracensis.  
 Anno circiter 1197. Gemmam Ecclesiasticam scripsit.  
 Anno 1198. mense Septembri Episcopus à Capitulo Menevensi inter alios tres postulatus est.  
 Anno 1199. ineunte, solus à Capitulo Menevensi in Episcopum postulatus, die 29. Junii electus est.  
 Eodem anno die 30 Junii in Hiberniam transvectus, post tres septimanas remeavit ; & Romam profectus, circa Festum S. Andreae urbem intravit.  
 Anno 1200. mense Maio administrator Episcopatus Menevensis tam in temporalibus quàm spiritualibus pendente lite ab Innocentio III. Papâ constitutus, Angliam brevi post rediit.  
 Anno 1201. Romam reversus mediâ Quadragesimâ intravit ; medio anno ad Angliam rediit.  
 Anno 1202. ferè integro in placitis variis coram delegatis Judicibus exacto, die 2. Novembris versùs Romam iter ineuns transfretravit, urbem ingressus die 4. Januarii sequentis.  
 Anno 1203. die 15. Aprilis sententiâ definitivâ ab Innocentio Pontifice latâ, mense Augusto repatriavit.  
 Anno eodem, die 10. Novembris electo Gaufrido in Episcopum Menevensem, litem ulteriùs prosequi destitit ; & paulò post Archidiaconatum Willelmo nepoti suo resignavit.  
 Annos inter 1204, & 1205. scripsit Descriptionem Walliæ, Symbolum Electorum, Speculum duorum, Invectiones, Legendam S. Remigii, & de Gestis suis.  
 Anno circiter 1215. Episcopatum Menevensem iniquis sibi conditionibus oblatum recusavit.  
 Anno circiter 1218. Dialogos de jure Menevensis Ecclesiæ conscripsit.  
 Anno circiter 1220. scripsit librum de Principis instructione, & Speculum Ecclesiæ ; & editionem Dialogorum secundam concinnavit.

# Giraldi Cambrensis

## L I B. II.

De Vitâ G A L F R I D I Archiepiscopi Eboracensis :

S I V E

Certamina G A L F R I D I Eboracensis Archiepiscopi.

Introitus primus.

**V**arias rerum humanarum vices, motus incertos & mutationes dum oculo mentis diligentius inspicio ; illa mihi quæ plerosque movere solet in mentem obrepit ambiguitas ; utrùm scilicet res hominum cæca vagis volitans pennis fortuna regat , an pro meritis cuique reddente providentiâ potius & ratione gubernentur. Cùm enim malos & malè meritos subito in altum extolli video, dignitate & honore sublimari, & è diverso viros egregios & virtute conspicuos crebris adversitatibus angi, tribulationibus atque doloribus excruciarî ; fortunæ libramine multa moveri non possum penitus non arbitrari. Porro quoties mundani cursûs ordinem intueor, Solis Lunæque labores continuos, mensis & anni terminos, oceani metas, fluxus ejusdem atque refluxus, indefinites æstus, & brumæ, lucis & umbræ tempora invariabili varietate distincta : Qualiter id solum, cujus hæc omnia constat causâ patrata, in incertum agi, sorte & non arte regi credere quis præsumet ? Sed justo Dei judicio quanquam occulto prædictas accedere varietates non sit ambiguum. Mali namque & reprobi, si quid boni in hac vita gesserunt, hîc remunerantur ; Boni verò & electi, in quibus deliquerunt, hîc puniuntur. Ut in futuro, ubi incomparabiliter & illa gravior & istud gratius invenitur, nec illis pœna nec istis præmium minuatur. Illi quoque ut qui in sordibus sunt sordescant amplius, florere in tempore & extolli permittantur. Istis verò, quia flagellat Deus omnem filium quem recipit, ne & cor apponant & intellectum mutent, bona temporalia subtrahuntur. In horum autem consideratione se aliquando motum esse Psalmista dicens testatur : *Penè moti sunt pedes mei : vidi impium a PC. XXXVI superexaltatum & elevatum sicut cedros Libani ; & transivi, & ecce non erat, & 35. non est inventus locus ejus.* Unde & Augustinus : Nihil est infœlicius fœlicitate peccantium, qua pœnalis nutritur impunitas, & mala voluntas velut interior hostis roboratur. Gregorius autem super utroque plenius & brevius differens ait, Tauri mactandi largioribus pastibus relinquuntur ; reservandi verò jugo supponuntur. Idem in Moralibus : Cùm occulta sint Dei judicia in eo, quodd malis hîc dantur bona & bonis mala ; multo occultiora sunt & ab humano intellectu remotiora, cùm bonis hîc dantur bona, & malis mala. De quodam igitur nostri temporis viro Gaufrido sc. Eboracensi Archiepiscopo, in quo pro meritorum exigentiâ retributionis honor non respondit, præfens tractatus exemplificat. Unde & quemadmodum à barbarico Scottorum impetu boreales regni fines Lincolnienfis adhuc Electus strenuâ virtute liberavit ; Qualiter contra Francos contraque fratres pro patre circa extrema quæ ei imminebant



imminebant incommoda jam Cancellarius egregie militavit; Quantam patre extincto difficultatem in electione & circa electionem indebite sustinuit; Quantam in ordinatione & circiter eandem; Quantam in consecratione & paulo post in Angliam navigatione, Liber de promotionibus ejusdem & persecutionibus, quem præ manibus habemus, explicabit. In quo & rerum vicissitudines, & rotæ volubilitates; & nec in tempore ad plenum & vitiosa retundi & virtutes remunerari; Lector poterit experiri. Sed quum historiæ cursus quosdam magnos in oculis hominum viros tangere videtur & notare; rarique sunt hodie Scriptorum remuneratores, & promptissimi ubique injuriarum ultores; inter Apocrypha potius annumerari & sub incerti autoris titulo latere noster ex industria Libellus elegit. Satiùs enimvero & longè securius esse videbatur præmium omittere laboris incertum, quàm periculum incurrere de professione certissimum.

Explicit Prologus.

### Incipiunt Capitula.

- P**rimus Liber continet de ortu Gaufridi Eboracensis Archiepiscopi, educatione & promotione. Cap. I.  
 Qualiter Lincolnienſis jam Electus Insulæ castellum expugnando, & Lincolnia partes pacificando, patri egregiè militavit. II.  
 Qualiter castellum de Malesharth suppeditando, & Scottorum Regem ab Eboraci finibus profugando, boreales Regni partes pacificavit. III.  
 Qualiter Ecclesiam Lincolnia sponte resignando, & patris Cancellariam suscipiendo, eidem circa extrema strenuè militavit. IV.  
 Qualiter patri afflicto & in ægritudine posito inseparabiliter affuit, eumque usque ad obitum non dereliquit. V.  
 Qualiter patre extincto fratri adhæsit; eumque in Angliam secutus, multas circa electionem adversitates sustinuit. VI.  
 De ordinatione ejusdem. VII.  
 De adversitatibus, quas Scottorum Regem ad curiam ducendo Cantuariæ & Dovoræ in fratris transfretatione suscepit. VIII.  
 Qualiter ad fratrem transfretando, eumque de loco ad locum sequendo, gravem ejusdem indignationem, quia vacuus venerat, incurrit. IX.  
 Qualiter Turonis demum fratris gratiam & pacem recuperavit. X.  
 Qualiter nunciis de Curia Romanâ reversis, contra tantos adversarios electionis suæ confirmationem & pallium impetravit. XI.  
 Qualiter nunciis iterum ad Curiam transmissis, cum aliis privilegiis magnis Dunelmensis exemptionem evacuavit. XII.  
 De consecratione ipsius, & qualiter Turonis ab Archiepiscopo loci ejusdem cum multâ solemnitate est sublimatus. XIII.

- S**ecundus Liber continet de transfretatione Gaufridi Eboracensis Archiepiscopi in Angliam, obsessione ejusdem, captione, & in castello Dovenſi retrusione. Cap. I.  
 De famâ eventûs hujus, & totius Angliæ in Cancellarium commotione II.  
 De persuasione Coventrenſis Episcopi Hugonis, & Comitſ Moritonii per ipsum ad vindictam animatione. III.  
 De liberatione Archiepiscopi. IV.  
 De conventu Procerum & Pontificum apud Radinges V.  
 De colloquio inter Windesforam & Radinges. VI.  
 De solemnî apud Radinges sententiæ prolatione. VII.  
De

De fugâ Cancellarii & confectiione	VIII.
De obfessione ejusdem, depositione & dejectione.	IX.
De Archiepiscopi Rothomagensis Galterii in Justiciarium electione.	X.
De Eboracensis completâ victoriâ, celebri & solemni inthronizatione.	XI.
De Eliensis Episcopi apud Dovoriam in habitu muliebri captione, vapulatione & incarcerationi.	XII.
De liberatione ejusdem & transfretatione.	XIII.
Qualiter iterum apud Dovoriam sub prætextu Legationis applicuit.	XIV.
De Concilio contra ipsum Londoniis convocato, & secundâ ejusdem expulsion.	XV.
De morâ ipsius & infidiosâ transmarinis in partibus expectatione.	XVI.
Descriptio Beluæ multiformis.	XVII.

Introitus secundus.

**M**OS erat antiquis majorum imagines & picturas, quibus eorundem memoria in ævum efferretur, honore quamplurimo venerari. Quanto magis autem & modernis cura propensior esse tenetur, inditas suorum historias scripto commendatas tanto desiderantiùs amplexari, quanto eosdem evidentiùs & diligentius perpetuo constat literarum munimine declarari. Veruntamen si majorum memoria laudabilis tantopere delectare solet; quanto sua cujusve historia dignè recitata, cum propriis insonat auribus, plus longè delectaret. Vitæ igitur anteaetæ & quasi lustra per octo ab ætatis humanæ perfectione jam dimidiatæ cuncta ferè magis inclyta memoratuque magis accommoda hoc opusculo quasi speculo quodam dilucido, cui propinavimus, utinam persuasum esse valeat; ut residuum vitæ ab historiâ non discrepet exaratâ populique per ora manusque jam celebratâ. Quinimo proficiat potius, & meritis crescat, seseque virtutum studiis quotidie vincat, & hac solum victoriâ gloriatur. Illud itaque Hieronymi ad Nepotianum & ad hujus instructionem cum effectu dirigi possit. Crescat in te cum annis gratia; crescat cum ætate justitia; & fidesquo antiquior, eo profectior esse videatur. Sicut enim maximus laudis profectus est, quoties sequentibus bonis priora vincuntur; sic indolis egregiæ merita depereunt, si laudem fortè maturioris ætatis enormia demerentur. Infœlix etenim, in quem illud Poetæ meritorum exigentiâ refundi poterit: *Cæpisti melius quàm desinis: ultima primis Cedunt. Dissimiles hic vir & ille puer.* Maturans igitur providæ mentis industria mores induere maturiores, Maturans inquam ipsius jam nunc imminentis fructum assequi maturitatis, canos de cætero non canes attendat; avos quoque plûs quàm aves respiciat. *Sed quoniam virtute decet non sanguine niti;* plus animi tui quàm atavi nobilitate lætetur. Et sicut in dignitatum honores ab Archidiacono in Electum, ab Electo in Cancellarium, à Cancellario in Archiepiscopum, non longis ab invicem temporum intervallis gradatim ascendit; sic per ætatum gradus singulos virtutum suscipiat incrementa; justitiâ, prudentiâ, largitate laudabilis & liberalitate.

*Explicit.*



Incipit Liber primus, de Promotionibus GAUFRIDI  
Eboracensis Archiepiscopi.

C A P. I. De ortu Gaufridi Eboracensis Archiepiscopi, edu-  
catione & promotione.

**G**Alfridus itaque Anglorum Regis Henrici secundi filius, & ab avo nobili Andegavorum Comite nomen adeptus, inter fratres legitimos Henricum tertium, Piſtaviensium quoque & Britonum Comites, naturalis ipse natuque major, non minori diligentia est & dilectione nutritus. Literarum verò studiis & liberalibus disciplinis à pueritiâ datus, & in sortem Christi electus, per ordinum dignitatumque gradus seriatim ascendens, in Clero statim ut regium decebat sanguinem, non indebitè est sublimatus. Inter varios igitur, ad quos juvenilibus annis rapiebatur honores, Archidiaconus Lincolnienſis existens, quoniam Cæsaribus virtus competit ante diem, cum adhuc quartum ætatis suæ vix lustrum impleſſet, patris assensu unanimique fratrum concordia, vacante sede Lincolnienſi in ejusdem loci Episcopatum est electus. Revolutis itaque perpaucis annorum curriculis, fortunâ variante vices & semper latis tristitia miscente, cum prænotari tres filii pravorum consilio in patrem arma sumentes eum capitaliter persequerentur, primævi focerum Ludovicum Francorum Regem, necnon & Guillelmum Scottorum Principem, Comites quoque tam Cestriæ quam Leicestriæ & Hugonem Bigod, cum aliis Baronibus multis tam Anglicanis quàm transmarinis complices habentes & fautores; hic solus paternas injurias atque molestias tanquam proprias anxie ferens, ad tuendum ejus honorem à filii naturâ non degenerans omnimodas erigit intentiones. Statuens igitur imprimis ad monita Eliensis Cancellarii, qui & postea Episcopus Londonienſis extiterat, patri in pecuniâ subvenire, per totam Diocesis Lincolnienſis amplitudinem collectam fieri fecit immoderatam. Postmodum autem colligens secum deliberansque propensius, quia *Non habet eventus sordida præda bonos*; & quoniam populi favore potius benedictione pariter & benevolentia opus hinc erat quàm exactione; revocatis denuo Capitulis, quamquam ad summam excreverit immensam, animo excelso restitui fecit universa.

C A P. II. Qualiter Lincolnienſis jam Electus Insulæ Castellum  
expugnavit.

**S**ED cum facilius est ardentes favillas ore comprimere, quam innatae strenuitatis audaciam imminente necessitatis articulo dissimulare; vacillantibus jam fere cunctis, & à fidelitate & clam & palam recedentibus, contra suorum omnium monita ad armatam militiam se proripiens, pro patre simul & patriâ dimicare, seque pro populo discrimini opponere laudabili animositate decrevit. Convocatis itaque militibus, multis & stipendiariis undique confluentibus, ad castellum Rogeri de Mumbrai, qui inter boreales regni Barones non modicus extiterat. & inter primos filiis contra patrem adhæserat, circa XX. millia ab urbe Lincolnienſi distans, totamque Provinciam cædibus, incendiis & deprædationibus vastans, primò vexilla convertit. Erat autem oppidi

oppidi nomen Insula<sup>a</sup>, eo quod aquis ex omni latere complecteretur, & valde inexpugnabile haecenus haberetur. Veruntamen quia subito nimis & inopinatus advenerat; castrenses, qui praeter nimiam securitatem & negligentiam nil tale timentes sibi in alimoniis non providerant, statim ad deditionem sunt compulsi. Unde patet, quia incauta est semper nimia praesumptio & sui negligens. Timor autem prospicere futuris admonet, & diligentiam docet in prosperis & providentiam. Destructa igitur & deleta penitus praedonum spelunca, provinciam egregie pacificata, victor ad propria remeavit.

CAP. III. Qualiter Castellum de Malesharth suppeditavit; Scottorum Regem ab Eboraci finibus profugavit.

**N**EC mora, ecce Ranulphus de Glanvilla, qui tunc Vicecomes Eboracensis existens, nec longè post Angliae totius Justiciarius erat, ex parte Eboracensis Archiepiscopi Rogeri, necnon & cunctorum partium illarum Regis & Regni fidelium transmissus, devotè postulans, & ad Electi genua provolutus humiliter deplorans, quatinus eis contra Scottorum Regem Guillelmum, qui boreales Angliae fines cum barbarorum multitudine jam hostiliter invaserat, in manu forti subveniret. Ipse verò licet priore plurimum labore fatigatus, puta cujus à gravamine vix respiraverat, tamen animo invicto, quamquam Ranulpho sine spe certâ jam reverso, plenius prosequens quam promittens, validam armatorum manum in brevi conjunxit. Iter igitur incunctanter arripuens, & cum exercitu pulchro ad Eboraci fines accelerans, cum per decem adhuc millia ab urbe distaret, nuncios Archipraefulis ei obviam missos suscepit, ex parte Domini sui obnixè postulantibus, quatinus pro caritate Dei loco beneficii magni ac remunerationis ad ipsum eâ nocte hospitandi gratiam declinaret. Archiepiscopus autem quasi quatuor ab urbe passuum millibus ei in propriam personam obviam venit, rogans attentius & efflagitans, ut quod nunciis impetrare non poterat, per se saltem impetrare valeret. Quod tandem Electus importunitate victus & instantiâ, de suorum quoque consilio, ut per hoc ipsum patris sui servitio fortius atque fidelius infereret, ei concessit. Maturans itaque reditum Archiepiscopus voti compos & hilaris, cum processione Ecclesiae suae pulcherrimâ ei usque ad urbis medium obviam venit. Plebs autem clipeum ejus tanquam patriae liberatorem, populi quoque salutem & pacis signaculum passim deosculari contendebant; clamantes alii, *Beati pedes pacem portantes*; Alii verò dicentes, *Benedictus qui venit in nomine Domini*. Et sic cum hymnis & canticis usque in Ecclesiam Cathedralem perductus est, à toto communiter tam Clero quam populo cum gaudio magno atque tripudio susceptus. In crastino verò rumoribus susceptis, quod Rex Scotiae audito Electi eventu statim ad sua remeasset, quamquam multorum consilium fuisset ut hoc ad praesens contentus honore reverteretur; tamen vir magnanimus fortunam urgens, & semper successibus instans, nil credens actum cum quid superesset agendum, ad castellum Rogeri de Mumbrai, cui nomen Malesharth, ab Eboraco quasi per XX. millia distans, per quod Provincia tota in praedam data fue-

<sup>a</sup> Insula sc. de Axholm; in qua Castellum Rogeri de Munbrai à Lincolnienlibus anno 1174. 3 Non. Maii expugnatum esse Radulphus de Diceto memorat in *Imag. Hist.* p. 574. Idem castrum Malesart eodem anno ab Eboracensibus duce Gaufrido ad deditionem coactum refert p. 577. Gaufridum ad Episcopatum Lincolniensem antea fuisse electum

uterque Historicus confirmat. Electio autem confirmata est demum anno 1175. in Octavis S. Johannis Baptistae in Concilio apud Wodestok; quando & Galfridus Turones à patre missus fuit, ut ibi scholas exerceret & disceret. Ex fide Benedicti in *Historiâ MS. de gestis Henrici II.*



rat & deprædationem per novum castellum non procul inde nuper exstructam, victoris palmæ vexilla convertit. Cùm igitur ad opidum jam pervenisset, & tentoriis undique circumpositis id obsedisset; castrenses eadem nocte cingulum exterius quo claudebantur, fossatis altis & forri sepe munitum, igne appposito combusserunt; & se protinus intra muros ex diffidentiâ retraxerunt. Electus autem positus circa exercitum vigiliis & excubiis armatis, propter nocturnos Scottorum impetus quos formidabant, per machinas bellicas quas attrahi fecerat tam subterraneas quàm balistas acriter insultus continuando, non absque labore plurimo atque periculo, eos infra dies paucos ad deditionem coartavit; castrumque delevit, captis in eo militibus XXX. & sagittariis armatis LX. Episcopum quoque Dunelmensem Hugonem de Pusatio, qui à fide jam vacillare & fidelitate, Regis in partem adversam declinare videbatur, quamquam invitum ad se venire fideique pariter ac fidelitati stare coegit. Quibus ad vota completis, accepto quoque rumore quòd Rex Albanix castrum quoddam quasi per millia duodecim à Richemunt distans, cui nomen Beoves, jam obsederat, statim ad ipsum inde removendum invictus labore vexilla direxit. Sed cùm aliquantulum versùs partes illas processisset; audito iterum Regem adventum ejus non expectando reversum fuisse, Eboracensi Provinciâ tam à proditorum & prædonum infestatione quàm à barbarorum irruptione liberatâ, cum duplici immò multiplici victoriâ remeavit. Quinimo ut brevi eloquio laudis ad cumulum multa concludam; nullum in regno grave periculum, nullum urgens instabat incommodum, in quo viri virtus innatâ strenuitate non eniteret. Ubique nimirum, sicut in Regis Scottorum apud Alnwicenses castrum non longè post interceptione, & in aliis multis per se & per suos, fideliter ut decebat & naturaliter patri filius assistebat; adeò quidem ut apud Huntendunnesse municipium, quod paulò post deletum fuit, cùm patri septies XX. militum agmine septus præter alios armatos quamplurimos occurrisset, Rex gavisus in multorum audientia dixisse memoratur: Alii filii mei se revera bastardos, iste verò solus se legitimum & verum esse probavit.

CAP. IV. Qualiter Ecclesiam Lincolnix sponte resignando & patris Cancellariam suscipiendo eidem circa extrema strenuè militavit.

**H**IS ita peractis, quoniam adolescentem se novit, & animo excelsò ad majora spiravit, nec Ordines adhuc majores & consecrationem suscipere voluit; nec his sine Episcopatum ampliùs detinere sustinuit. Electioni, qua promotus fuerat, ultroneâ voluntate renunciavit; & Episcopatum resignavit; patre ipsius, quoniam ipsum in guerris quæ ei tam à filiis quàm Rege Francorum circa extrema crebriùs imminabant sibi pernecessarium fore sciebat, assensum præbente, eique Cancellariam suam cum castellis duobus Beaugi, scilicet in Andegaviâ & Langeis in Turoniâ, necnon & castellis aliis terrisque quamplurimis tam in Angliâ quàm transmarinis, & præter hoc Archidiaconatum Rothomagensis, Thesaurariam quoque Eboracensem, & tam Ecclesias quàm Præbendas variis in locis varias conferente. Cùm igitur in omnibus guerris tam contra fratres quàm Regem Franciæ se ubique pro patre fideliter opposuit; tandem in Guerrâ illâ ultimâ patri per Comitem Pictavensem à Rege Franciæ factâ, ubi non solum ab aliis verum & à juniore filio Johanne, quem præ omnibus adeò dilexerat, ut & aliorum iram ob hoc & indignationem sibi suscitavit & comparaverit, in fine relictus, qui ubique se verum antea probaverat, in hoc extremo negotio & quasi mortis articulo se per omnia verissimum comprobavit. In urbis igitur Cenomannensis incendio, quamdiu locum habebat defensio, inter primos & præcipuos animositate conspicuus,

spicius, igni & hostibus resistebat. Demum verò Rege jam ob ignis instantiam exire compulso, & Comite Ricardo cum Francis patrem è vestigio persequente, hic ei in cunctis periculis, ubi multi in viâ versùs Frenellas præ calore nimio & festinatione extincti passim occubuerunt, individuus assistebat. Et cum in villâ quadam modicâ extra castrum eâ nocte quasi inter hostes & patrem hospitari voluisset & se periculis in omnibus exponere; patre non permittente, intra municipium adductus est. Ubi Rex ei, quoniam Cenomannis sua ferè cuncta perdiderat, interulam propriam & vestimenta donavit. Et cum cœnâ sumptâ Rex in strato decumbens præ confusione & irâ nequaquam vestibus exui voluisset; vix tandem filii sui pallio se sustinuit operiri. In crastino verò contra suorum ferè omnium consilia cum comitatu perpauco versùs Andegaviam Rege properante, fidei tamen sacramentique vinculis Senescallo Normanniæ Guillelmo Radulphi filio & Comite Guillelmo de Mandevilla ante constrictis de munitionibus Normanniæ cunctis, siquid de ipso sinistrum forte contigerit, filio suo juniore Johanni reddendis, quamquam tamen & ipse ab eodem, proh do'or! paulò post discesserit, Cancellarius cum exercitu ferè toto versùs Aleconam divertit. Unde statim cum centum militibus bene paratis & electis patrem non absque periculo sequens, cunctis nimirum interjacentibus viis jam propemodum ab hoste occupatis, rebus in afflictis cum gaudio magno à patre susceptus, se ei apud Savigniacum fideliter adjunxit.

CAP. V. Qualiter patri afflicto, & in ægritudine posito inseparabiliter affuit, eumque usque ad obitum non dereliquit.

CAPTâ verò urbe Tironensi post colloquium de Atai, accedens ad patrem in viâ cum lacrimis rogare cœpit & efflagitare, ut crastino colloquio, ubi se misericordiæ Regis Francorum supponere omnino deberet, ei non interesse liceret. Dicebat enim se nullatenus sufferre posse, ut dominum & patrem suum tam arumnosam pacem facere videret. Et sic ab invicem eâ vice cum singultibus magnis & largis lacrimarum fontibus discesserunt; pace vero in crastino factâ, cum ibidem Rex gravi morbo decubisset, irâ videlicet & indignatione tantæ confusionis suæ morbo materiam ministrante, Cancellarius quum eidem ab Atai lecticâ delato pro pietate pariter atque dolore assistere non potuit, apud Chinonem jam constituto inseparabiliter adhæsit; & quem sanum delixerat & in prosperis, adversis afflictum & in ægritudinis lecto positum non reliquit. Sedens igitur aliquando, patrisque caput & humeros sinu fulciendo, milite quodam pedes ejusdem gremio sustinente, dum flabello muscas à facie patris abigeret, oculos quos diu clausos præ morbi anxietate tenuerat tandem Rex aperiens, filiumque respiciens, cum gravi suspirio in hæc verba prorupit. Fili, inquit, carissime, quia quicquid patri filius fidelitatis & gratitudinis in vitâ conferre potuit, mihi semper conferre studuisti; si ab hac ægritudine Deo propitiantе convaluero, tibi patris optimi proculdubio vices rependam, & inter maximos potentesque meæ ditionis viros te constituam. Quod si fortè nunc occumbendo tibi retribuere non potuero; Deus qui bonorum omnium retributor est & auctor, tibi retribuatur, quòd in omni fortuna mea te mihi tam naturalem patri filium exhibuisti. Cui statim ille respondit. Sufficit mihi sanitas, pater, & prosperitas tua; quam si Deus & fortuna secunda conferre & conservare voluerit, nihil mihi ad desiderii cumulum deesse fatebor. Eoque dicto surgens, & abinde cum magno ululatu fletuque recedens, ibi moram amplius facere præ nimio dolore non sustinuit. Demum verò die critico, septimo scilicet à quo decuberat, febre jam vincente, audiens patrem in extremis agentem, luctuosus & lamentabilis accessit. Ad cujus lamenta lumina jamdiu clausa Rex aperiens, eumque recognoscens, in hæc verba



verba tenui voce prorupit. Desiderium meum, fili carissime, foret ut Wintoniensis Ecclesiæ aut potius Eboracensis cathedralem honorem per Dei gratiam obtineres. Et accipiens annulum aureum optimum cum panterâ, quem valde carum habebat, quem & Regi Hispaniæ genero suo mittere proposuerat, ei cum benedictione suâ porrexit. Alium quoque annulum suum insignem saphiro præditum preciosissimo ac virtuosissimo, quem pro magno diu thesauro habuerat, eidem dari præcepit. Sed quanquam testamenti favorabilis sit antiquitas & irrefragabilis de jure auctoritas; sicut in aliis multis, liberum in hoc nequaquam fuit quod item non redit arbitrium. Quo factò, quoniam pallida mors æquo pulsât pede pauperum tabernas Regumque turres; Rex denique morbo succumbens spiritum exhalavit.

Qualiter autem inter tot tantasque divitias egenus extiterit; qualiter annulo, sceptro, coronâ, cunctisque fere quæ regias decebant exequias, in fine caruerit; aliaque plurima, quæ cunctis ad exemplum induci poterunt; Liber de Principis instructione, quem ad posterorum doctrinam pariter & cautelam studiosus animus edere proposuit, diligentius exsequetur. Corpus autem Regis apud Fontem Everardi delatum, filio funus in viâ pedite tam procurante quàm prosequente, cùm in Ecclesiâ jam positum fuisset; ecce Comes Pictavenis Ricardus legitimorum extantium primævus & hæres quantocius advenit. Qui cùm Ecclesiâ intraret, & ad corpus accederet; facies patris in ejus adventu sudario quo cooperta fuerat nudata comparuit. Quæ tanquam colorata & solitâ feritate non exuta cum omnibus appareret; Comes non absque fremitu carnis & horrore coram corpore genua ponens in oratione modicum & tanquam orationis Dominicæ per horam vix remansit; sed statim cum intrâisset Ecclesiâ, sicut perhibent qui præsentés fuerunt, Regis utraque naris sanguineas guttas emisit; adeò ut affidentes & funus servantes os & faciem sudario detergere & purgare aliquotiens oportuerit. Cujus autem rei signum sive portentum hoc esse potuerit, quoniam expressa nocent, diligens per se lector advertat. His ita peractis cùm claustrum & capitulum jam Comes intrasset; turbâ ut assolet plûs prædam quàm hominem sequente, Cancellarius in Ecclesiâ cum Monialibus ferè solus funeri paterno individuus assidebat. In craftino verò cùm exequiis & sepulturæ paternæ filius uterque devote satis & reverenter interfuisset; Cancellarius Comitem reddito eidem patris sigillo, quod in ejusdem statim obitu sub sigillis Baronum qui tunc aderant fideliter signaverat, per aliquot dies secutus est, ab eo ut videbatur fraternâ dilectione susceptus. Comes autem cùm in Normanniam ire properâisset; Cancellario post ipsum aliquantulum in Turoniâ & Andegaviâ partibus moram faciente, cùm ad ipsum postea in Normanniâ venisset, vultum ejusdem à se per invidorum malitiam valde inversum invenit.

CAP. VI. Qualiter patre extincto fratri adhæsit, eumque in Angliam secutus, multas circa electionem adversitates sustinuit.

**T**Empore verò parum procedente, paucis post fratris transfretationem diebus, cùm ipse quoque in Angliam transfret. flet; ecce personæ & Canonici Eboracensis Ecclesiæ, Abbates quoque & Priores Provinciæ illius, ei in partibus Londoniæ occurrerunt, obnixè supplicantes & efflagitantes, ut electioni ipsorum, quam in ejus absentia de ipso fecerant, efficaciter assentiret. Statim enim ex quo tam Regis voluntas extrema quam & Comitæ assensus eis innotuit, ipsum unanimiter elegerunt. Ipse vero renuens omnino & refusans, honorem oblatum tam verbo quàm voluntate recusavit. Certum est enim quòd nunquam ei dignitas illa inter hæc initialia aut animo sedit aut place-re potuit; nisi quòd paternæ voluntati solum primâ fronte resistere nolens, quoquo

quoquo modo renitens & invitus acquievit. Prædictæ namque personæ, quum alias assensum ab ipso extorquere non poterant, canum & avium cursu volatue, quibus tam naturâ quàm nutriturâ delectabatur, uti posse interdum ex industriâ consenserunt: Dum tamen alias Episcopali officio propensius indulgendo, justitiam & æquitatem observaret. Quo factò, vix tandem assensum præbens, & ad fratrem apud Windesoram veniens, totum iterum tam animum ipsius quàm vultum à se alienatum invenit. Decanus enim Eboracensis Ecclesiæ cui nomen Hubertus Walterus, qui & paulò post Salisburienſis Episcopus effectus est, se ejusdem Eboracensis Ecclesiæ tunc Electum gerens, Reginam matrem Comitis novercali fortè naturâ ad malum pro more [proclivem] sibi jam allexerat, & per ipsam Rannulphum quoq; de Glanvilla similiter & Comitem Ricardum, qui omnes unâ tanquam ex condicito parati fuerant Cancellarii promotionem impedire. Sed quoniam vexatio dabit intellectum, & virtus plerumque in infirmitate & adversitate perficitur; tandem multis altercationibus & appellationibus hinc inde factis, post Comitis coronationem apud Peperſwell, ubi electiones Episcoporum & Abbatum factæ fuerunt, ejus electio communi omnium assensu renovata fuit, & per os etiam Hugonis Dunelmensis Episcopi, suffraganei sui & Provinciæ totius sub ipso personæ dignioris, solemniter est pronunciata.

C A P. VI. De ordinatione ejusdem.

**H**IS ita completis ecce nuncii semel & secundo, primò Milites, deinde Clerici & Episcopi, à Rege transmissi, nunciantes ei, & ex parte Regis firmiter præcipientes, quatinus ad sacerdotis gradum sine cunctatione promoveretur; alioquin acriter interminantes totius Archiepiscopatus regalia in fiscales abusus quantoties convertenda. Ipsi verò mandatum ob hoc valde displicuit. Sperabat enim si de Rege fratre suo in peregrinatione tam periculosâ quicquid fortè sinistrè contigerit, se Regnum universum & Regni partem non modicam assecuturum. Dum autem super hoc cum Clericis & personis Ecclesiæ suæ diutius & diligentius deliberasset; demum ad instantiam & supplicationem omnium quamplurimam, quamquam invitus & dolens, se ordinari velle consensit: propositum enim & animo fixum habuerat, se non ab alio quàm Summo Pontifice & ordinari velle & consecrari. Victus tamen suorum instantiâ, per manûs impositionem Suffraganei sui Johannis Galwedienſis Episcopi Sacerdotii gradum suscepit: à principali Suffraganeo suo & ferè singulari Hugoni videlicet Dunelmensi Episcopo, quoniam promotionem suam pro posse impedierat eique in cunctis ferè agendis adversarius hætenus extiterat, illud fieri omnino recusans. Qua occasione magna inter eos postmodum orta contentio fuit; sicut in sequentibus palàm erit. Rex autem auditâ fratris sui ordinatione, & quòd in Sacerdotem jam promotus fuisset, respondisse memoratur, Ex hac parte jam securi sumus; & hinc de cætero cura nobis sopita est & cogitatio. Senſerat enim in multis conflictibus, quibus ipse contra patrem, hic verò pro patre dimicaverat, viri virtutem & innatæ strenuitatis animositatem. Ideoque ex abundantia cordis os pronuncians, conceptum animi coram privatis denudavit. Contigit autem, ut hoc factò Rex injustas ei petitiones per litteras suas & nuncios persæpe fecisset; quibus contra jus & æquitatem obtemperare confidenter abnegabat. Unde nonnunquam regiis in hunc modum crebrescentibus exactionibus, verbum animosum & memoratu dignum emisit, In regalibus, inquit, & his quæ ad Regem spectant, regiis mandatis justum est ut acquiescam. Super ecclesiasticis rebus autem & his quæ ad ordiuem & dignitatem meam pertinent, duos Apostolicos non habeo. Sufficit enim unum habere; cui utinam in justis ac necessariis digne valeam



valeam obedire. Quod verbum ad Regem sinistre delatum & pravè interpretatum, qua nihil adeò bene dictum quod non possit malignitas depravare, animum ejus erga Electum non mediocriter exasperavit.

CAP. VIII. De adversitatibus, quas Cantuariæ & Dovoræ in fratris transfretatione suscepit.

**I**Nterea cum Rex Angliæ Regem Scotiæ propter distentionum causas non modicas, quæ de regnorum finibus olim emerferant, litteris & nunciis ad Curiam vocasset; ipse nisi Eboracensem Electum prævium haberet & deductorem, omnino venire recusavit. Cum itaque de mandato Regis Electus eum non absque labore sumptuoso primò Londonias dein Cantuariam deduxisset; Rex interim frater ejus ipsum de duobus castellis prænominationis in partibus transmarinis, Beugi scilicet & Langeis, aliisque terris, quas in finibus illis ex patris donatione habuerat, subito destitui fecit & privari. Quo audito, Electus Regi Scotiæ significavit; ut quoniam in hoc quem sibi fecerat conductu illud ei damnum accidit & dispendium, à fratre suo ut ejus gratiâ restitueretur, modis omnibus impetraret. Ipse verò licet se prius hoc quam sua facturum firmiter pollicitus, propriis ad vota peractis, quoniam altius descendunt injuriæ quam beneficia, pristinas forsân altâ mente repostas recolens atque revolvens confusiones, super Electi negotio nullam prorsus faciens mentionem, à Cantuariâ quantocius versus Scotiam repatriavit. Sed quoniam nunquam sola veniunt scandala, & quoniam varias versat fortuna vices, & semper latis tristitia miscet, malis tanquam agmine facto mala cumulando; cum Legatus Curie Romanæ Johannes Anagninus, qui apud Dovoriam pridie applicuerat, Cantuariam jam venisset; & omnes fere Episcopi Angliæ & personæ majores illuc confluxissent, tum propter Regis transfretationem, tum & ut unâ cum Rege Cantuariensem Archiepiscopum Baldewinum & Monachos suos scilicet Sanctæ Trinitatis, qui diu ab invicem gravi discordiâ dissenserant, ad concordiam & pacem revocarent: Rex missis Episcopis, Dunelmensi scilicet & Coventrensi, Electis quoque Eliensi scilicet Guillelmo qui & tunc Cancellarius erat, & tam Wintoniensi Godefrido quam Salisburienfi Huberto cum aliis personis quamplurimis, nunciavit Electo nostro fratri suo, Coventrensi Episcopo Hugone de Nunant verbi duce & quasi Mercurio sive Ulixæ secundo sermonem proferente, quatinus electioni citra juris ordinem factæ renunciaret; quam & penitus injustam fuisse, nec stare aliquatenus posse, multis ex causis quanquam non convenientibus assignare contendebant. Quarum una & quasi præcipua esse videbatur, quòd voce Eboracensis tunc Decani scilicet Huberti Galteri, quam primam esse constabat, pronuntiata non fuit: quinimo contradicente potius & reclamante & contra eandem appellante. Electus verò se iis, quæ ab ipsis ei objiciebantur, non respondere teneri constanti animo proponebat. Quoniam Suffraganei Ecclesiæ Cantuariensis sibi & Ecclesiæ suæ semper adversantes extiterant; nequaquam de electione sua ad ipsos pertinebat, sed ad Dominum Papam solum & ejus Legatum; & sic in protectione summi Pontificis se & electionem suam, statum & dignitatem Ecclesiæ suæ & personæ ponens, ad ipsum appellavit. Rex autem his auditis, instinctu Hugonis Dunelmensis Episcopi, qui Justiciarius per Angliam nuper creatus fuerat, & qui pecuniæ interventu quæ nimis copiose scaturiebat & obsequiorum gratiâ Buchardum nepotem suum in Eboracensis Ecclesiæ Thesaurariam paulò ante intrusum & si non rectè, quocunque modo in Archiepiscopum ut ferebatur promoveri satagebat; cunctis regalibus Electum illico privavit, & in manu Dunelmensis ea constituit. Unde & Episcopus ille tunc temporis scribendo dicere consuevit. *Hugo Dei gratiâ Dunelmensis Episcopus, Comes Northumbria,*

& Eboracensis Ecclesia custos. Coram suis & in talamis & conclavi quasi in opprobrium & improprium dicere solebat : *Galfridus Presbyter hoc fecit, & hoc dixit*, simplicem eum Presbyterum jam notans, ut nullo dignitatis honore subnixum. Sed hæc ejus insultatio & præconiorum exaggeratio vix per triduum ei duravit. Electus enim eâdem nocte ad Legatum accedens, ratam electionis suæ confirmationem impetravit ; & cum eodem Regem in crastino Dovoriam usque secutus est. Rex autem audito horum adventu , continuo misit ad eos Gualterum Rothomagensis Archiepiscopum & prædictos Episcopos duos, Dunelmensem scilicet & Coventrensem, Electos quoque Eliensem & Salisburiensem, in Prioratum in quem hospitandi gratiâ declinaverant. Qui primo Legatum ex parte Regis convenientes, interrogare cœperunt acriter & inquirere ; utrum electionem Eboracensis Electi contra dignitatem Regis & honorem regni coronam, sicut ferebatur, confirmasset. Quibus constanter ille respondit ; quia confirmavi & adhuc confirmo, non contra Regis tamen dignitatem & honorem, sed ad petitiones ipsius, quas ut promotioni fratris sui intenderem jam plures suscepi. Ipsi verò è contra asseriebant nullatenus Regi placere, ut Archiepiscopus fiat ; causas assignando varias, appellantes quoque & reclamantes. Inter quos surgens Salisburienfis Electus Hubertus Gualterus se prius ad eandem Ecclesiam, in qua Decanus fuerat, communi fratrum assensu electum fuisse proponebat ; Ideoque electionem hujus secundam, priori adhuc pendente, quasi pro nulla habendam. Cui Legatus : Tace frater, quia ad aliam Ecclesiam vocatus es ; cui si dignè præesse potueris, satis abundeque tibi sufficere debet. Quo dicto Coventrensis Episcopus & Eliensis Electus Eboracensem seorsum ducentes, ex parte Regis ei secretò proposuerunt ; quòd nullo modo permissurus erat eum Archiepiscopum fore, quia prius Romæ ad ejus electionem cassandam XX. milia marcarum expenderet. Veruntamen in terris & honoribus sæcularibus tam in Angliâ quàm partibus transmarinis, quoniam in militiâ strenuum eum & noverat & senserat, tam amplâ manu ei conferret, unde honorificè & copiosissimè sustentari possit. Quibus in continenti ipse respondit ; quòd honorem, quem per Dei gratiam & postremam sui patris voluntatem adeptus fuerat, se nulli hominum cedere velle, neque personæ suæ generique toti tantum dedecus ut suâ voluntate fieri permetteret, ab ullo persuaderi posse. Quibus auditis, iterum proposuerunt ei ; quia Rex moram ipsius in Angliâ in ejus absentiâ suspectam habebat ; & proinde volebat, ut tempore peregrinationis suæ, per triennium scilicet, in partibus transmarinis perhendinaret. Cùmque ipse statim de suorum consilio acquievit ; proposuerunt ei, quòd Rex tantam peregrinationem aggressurus, auxilio ipsius sicut & aliorum magnorum de regno suo indigebat. Unde & post varias altercationes & consilia multa, demum inter eos ita convenit ; quòd Rex Eboracensi Ecclesiæ libertatem de silvestri exactione, quam Curiales Forestam vocant, per provinciam de Notingham evacuandâ penitus atque delendâ concessit. Tandemque Ecclesiam ad statum libertatis, quo tempore Regis Henrici primi aliquando fuerat qui eam quoque ab hac servitute liberaverat, redigendam firmiter pepigit, & cartâ suâ confirmavit, & per annulum investivit. Electus verò fratri suo ob tanti tamque sumptuosi conaminis aggressum se duo milia marcarum in auxilium terminis idoneis daturum spondidit. Quibus in hunc modum concessis, & in scripta sigillis corroborata utrinque redactis, ad Regem Electus in Castellum usque vocatus accessit. Cui Rex post varia colloquia demum inter cætera hoc ei coram paucis & in privato proposuit ; quòd solebat Electus coram suis & secretò cooperculum crateris aurei capiti suo imponere, dicens : *Nonne caput hoc aptum esset Regia corona portanda?* Et quòd Regis imaginem in membranâ depictam sub pedes projicere & calcare solebat, inquiens : *Sic suppeditari & sic subjici debet Rex pessimum.* De quibus cùm Regi indubitâtâ veritate cautum & constans esse cœpisset

[ D d d ]

quòd,



quod per invidiam sibi & falso relata fuissent; coepit fratrem in osculo & quasi in gratiam recipere. Cum autem in crastino accepta licentia & tanquam re bene gesta cum toto comitatu suo latus & alacer reverteretur; ecce Vicecancellarius, cui nomen Johannes de Aleſcun, ipsum e vestigio sequens, ei ex parte Regis acriter exposuit; ut super duobus milibus librarum, in quibus ei tenebatur, sine cunctatione reddendis cum effectu cogitaret; cum tamen duo tantum marcarum milia pepigisset. Ad quod iterum non absque ira & indignatione plurimam reversus, post multas altercationes & graves tam dissensiones quam absque amicitia ferè & pace ab invicem discessionem, demum compulſus a suis, Regis voluntatem fieri vix concessit.

CAP. IX. Qualiter ad fratrem transfretando, eumque de loco ad locum sequendo, gravem ejusdem indignationem, quia vacuus venerat, incurrit.

Post tot itaque procellas & fortunæ insultus averſa plurimum & perversa, reversus Eboracum, nec ibidem adhuc tranquillitatis portum potuit obtinere. Cum enim ad præscriptam pecuniam reddendam per totam Archiepiscopatus Provinciam auxilium ei non modicum promissum fuisset; adversarius ejus Dunelmensis Episcopus, qui & eam tempeſtate Justiciarius extiterat, quo minus redderetur penitus impedivit. Electus autem his auditis & visis, ad Regem ilico transfretare curavit; & inveniens eum apud Lyons in Normanniâ, primum ab ipso dum sperabatur solvendo fuisse, satis honorifice ut decuit susceptus est. In crastino verò cognoscens Rex quia vacuus venisset, quamquam tamen causas prætenderet, & culpas in Dunelmensem non injustè refunderet; statim verſa est in nebulam præmissa ferenitas; Regisque rancorem magnum incurrit & indignationem; adeo ut totius Archiepiscopatus bona regio mandato confiscata, & possessiones in damnum & dispendium non mediocre statim fuerint dissipatae.

CAP. X. Qualiter nunciis de Curia reversis, contra tantos adversarios electionis suæ confirmationem & Pallium impetravit.

UT autem eidem longè gravius incommodaret; ad cassandam ejusdem electionem misit ad Curiam Romanam Bathoniensem Episcopum Reginaldum & Decanum Cenomanni & Buchardum Dunelmensis nepotem. Sed si Clericos Electi nostri, quos ex industria præmiserat & cautela, a Curia redeuntes obvios habuerunt cum Pallio quod impetraverant & electionis a summo Pontifice indulta confirmatione. Obrulerat autem Electus fratri suo universos rotius Archiepiscopatus sui redditus, ut annuatim susciperet donec debitum foret persolutum; ipso tamen cum Clericis paucis tenuiter exhibitionem habente, & moram interim alicubi satis singulariter faciente. Quod tamen totum Rex animo obstinato recusavit.

CAP. XI. Qualiter Turonis demum fratris gratiam & pacem recuperavit.

CUM itaque Regem de loco in loco tardiosè nimis & sumptuosè diu secutus fuisset, nec gratiam ullam penitus invenire potuisset; quoniam multa ex tempore remedia provenire solent juxta illud Sapientis: *Tempore mitescunt*

*mitescunt posita feritate leones: Tempore leniri tygris & ursa solent:* tandem Turonis, ubi Rex in signum peregrinationis statim arripiendæ baculum & peram suscepit, bonorum virorum interventu sub hoc tenore Principis ira resedit; quod Electus ei mille libras præ manibus perquirere debuit, aliis mille libris quæ in debito fuerant regali munificentia condonatis. Secutus itaque Regem usque Vergiliacum, ubi ipse & Rex Franciæ convenerant, tam laboriosum peregrinationis iter abinde pariter arrepturi, super DCCC. ibidem marci pacem fecit, de residuo debiti usque ad Scaccarium in Angliâ respectum habens. Quibus ita completis, cum iter duorum dierum ultra Vergiliacum Regem fraterno affectu jam conviasset; sumptâ tandem revertendi licentiâ & osculo dato, hæc ultima tunc à Rege verba suscepit. Frater quod ego diligo illud & diligas; & quod odio habuero id similiter exosum habeas; & sic unum cor erimus & una anima. Cum his itaque verbis & quasi cum summâ fratris gratiâ reversus est; litteris quoque à Rege impetratis de revertendo in Angliam quando voluerit cum ejus licentiâ pariter & benevolentia, & in majoribus regni negotiis cum Justiciariis suis & iis quibus rerum gerendarum cura principaliter commissa fuerat ut interesset ubique, quamdiu fratri suo Regi fidelis ut decebat inventus fuerit. Reversus igitur ad urbem Turonensem, cum ibidem ab Archiepiscopo loci ejusdem Bartholomæo se consecrandum ilico speraret; Rex frater suus tam illi quàm cæteris cunctis terræ suæ Archiepiscopis litteris & nunciis secretis ne manum ei consecrationis imponerent jam districtè prohibuerat: Quamquam tamen generale mandatum Domini Papæ Electus habuerit, quod à quocunque Archiepiscopo consecrari elegerit, manum ei licitè consecrationis imponeret.

CAP. XII. Qualiter nunciis iterum ad Curiam transmissis, cum aliis privilegiis magnis Dunelmensis exemptionem evacuavit.

**A**ccidit & aliud incommodum longè gravius sæpeditis. Enimvero Dunelmensis Episcopus, quamquam unicus fere Suffraganeus ejus existeret, quoniam ordinari ab eo ut dictum est renuerat, ex superbiâ nimia, quam & gazarum copia & generis profapia gignit, Romam mittens, & magnam, ut ibi mos est negotia magna gerentibus, pecuniam profundens, privilegium exemptionis impetravit. Quibus auditis, Electus quendam Clericum suum, virum bonum & liberalem, copiosè litteratum & Juris peritum, magistrum Simonem scilicet Calabriâ ortum, qui pluribus jam annis ei in omni fortunâ suâ fideliter astiterat, & Regi quoque patri suo valde carus & familiaris extiterat, ad Curiam Romanam transmisit, & unâ cum ipso Hamonem Cantorem Eboracensem & Archidiaconum de Notingham Guillelmum Testardum & Randulfum de Wigetoe Canonicum de Rippun; qui demum ibidem non inutili labore Dunelmensis exemptionem, quæ secretò in camerâ & non de fratrum consensu neque debitâ solemnitate facta fuerat, prorsus in irritum revocârunt, Privilegio solitæ & per omnia debitæ subjectionis impetrato. Aliud quoque privilegium Eboracensi Ecclesiæ valde accommodum impetrârunt super eximendâ Ecclesiâ eadem cum Provinciâ suâ totâ ab omni jurisdictione Legati cujuslibet nisi fortè Cardinalis in Curia residentis & à latere summi Pontificis in Angliam transmissi. Præterea litteras Domini Papæ attulerunt Turonensi Archiepiscopo districtè injungentes, quatinus Eboracensi omni contradictione & appellatione cessante munus consecrationis impenderet.



CAP. XIII. De consecratione ipsius, & qualiter Turonis ab Archiepiscopo loci ejusdem cum multâ solemnitate est sublimatus.

Quibus in hunc modum egregiè completis, Turonensis Archiepiscopus convocatis Episcopis octo & Abbatibus aliisque personis Ecclesiasticis quamplurimis, in urbe Turonensi & Ecclesiâ S. Mauritiî circa Kal. Septembris Eboracensem cum multâ solemnitate & debitâ celebritate consecravit. Quæ peractâ oblatum est ei Pallium à Majoris Monasterii Abbate, cui transmissum est à Domino Papâ illi tradendum quamcitò fuisset consecratus. Hoc autem rarissimè contingit, quòd die consecrationis suæ Metropolitanus pallium obtrineat, nisi fortè à Summo Pontifice & in ejus præsentia consecratus. His ita completis, celebraverunt duo Archiepiscopi simul in eodem Altari, consecrator scilicet & consecratus, consecrator altâ voce, & consecratus demissâ eadem verba proferentes, & simul signacula facientes, uno existente calice & illo coram Turonensi, & duobus oblatis, illo solo levante calicem & hostiam usque ad perceptionem; & tunc ipse percepit unam hostiam cum sanguine, & consecrat alteram cum vino communi, quia totum in utroque percipitur. Facta est autem hæc consecratio anno ætatis consecrati XL. Anno ab obitu patris ejusdem, Regis scilicet Henrici secundi secundo, Anno à desolatione terræ Hierosolymitanæ per Saladinum factâ quarto, Anno postquam Philippus Rex Franciæ & Ricardus Rex Angliæ versus Jerosolymam iter arripuere primo, anno ab incarnatione Domini MCXCI. Tunc impleta est visio, quam vidit Archidiaconus quidam de eo, priusquam ad Ecclesiam alterutram vocatus fuisset. Videbatur enim videre ipsum unum pedem tenere super Ecclesiam Lincolniensem & alterum extendere super Eboracensem, & sic unum post alterum ad se retrahendo in Eboracensi Ecclesiâ residere. Impleta est & illa, quam vidit Presbyter quidam vitæ bonæ & conversationis apud Norhampruniam, ipso ibidem pueriles annos agente & liberalibus studiis indulgente. Videbat enim ei clericaliter & albis induto & tonsorato in coronam amplam & nuper rasam tres guttas olei magnas quasi de cœlo descendere, totumque caput ejus irrigare.

*Explicit liber primus de Promotionibus.*

*Incipit*

Incipit Liber Secundus, de Persecutionibus GALFRIDI  
Archiepiscopi Eboracensis.

P R O O G U S.

S E D ut metricis cujusdam versibus Sapientis ad hæc utamur !

*Semper adest homini quo pectoris ima gemiscant,  
Ne possit plenâ prosperitate frui.  
Gaudia nunc luctu, nunc mutat amara secundis,  
Versans humanas fors inopina vices.  
Sola venire solent & vix & serò secunda.  
Et simul & subito semper amara fluunt.*

Omnes adversitates post adeptæ dignitatis honorem in adeundo Ecclesiam suam illico sustinuit. Qualiter ille qui cornu Christi sui occulto judicio aliquatenus humiliari permisit, protinus idem egregio per orbem exemplo voluit exaltari; suamque & Ecclesiæ suæ injuriam is qui sibi vindictam clamat, in continenti terribili cunctis animadversione vindicandam esse decrevit; sequens operis partitio declarabit. Ubi & frangi superbum omne proclivique ab alto ruinâ descendere, neque prosperitatem stabilem, nec ærumnam in tempore pertinacem esse comperietur. Sic etenim nihil hîc stabile, nihil hîc permanens placuit conditor ille; ut & eo vanitatis indicio mentes hominum, quoniam varium & mutabile quicquid cernimus, ad vera perpetuaque bona efficacius provocet & invitet.

*Explicit.*

C A P. I. De transfretatione Gaufridi in Angliam, obsessione ejusdem, captione, & in Castello Dovorenfi retrusione.

P Ræmissis itaque ritè peractis, versus Angliam Archiepiscopus iter arripens, & apud Wirsfordiam in Boloniâ transfretare proponens, quoniam promotiones magnas majores plerumque sequuntur persecutiones, difficilem ex inopinato transitum & aditum ad propria gravem invenit. Eliensis enim Episcopus Willelmus de Longo-campo, qui Cancellarius antè, Justiciarius autem Angliæ nuper creatus fuerat, à Comitissâ Flandriæ necnon & Boloniæ fraudulenter & falsò impetraverat; ut ei transitus ibi non pateret, mentiens eum contra Regis honorem & regni pacem advenire. Hoc autem ex invidiâ pariter fecerat & timore. Audierat enim ipsum multis privilegiis munitum accedere, exemptumque penitus à Legati jurisdictione, qua per Angliam paulo anteungebatur, & se in brevi iterum functurum sperabat. Verebatur & adventum ejus; quoniam terras suas per Archiepiscopatum ferè omnes funditus destruxerat, & possessiones universas diripuerat. Et ut plenius imo penitus in fiscales abusus cuncta consumeret; per tres menses & quatuor, postquam litteras Regis de restituendis omnibus acceperat, in manu suâ occupata retinuit. Propter hos igitur & alios hujusmodi, quibus in illum graviter deliquerat, excessus, animositatem ejusdem ei non incognitam plurimum reformidans, ipsum à Regno modis omnibus excludere satagebat. Et tamen Willelmus



mus iste Clericus ejusdem de mensâ suâ diu ante juratus quoque ipse, ne dicam perjurus extiterat; qui & homagii pariter & fidelitatis vinculo eidem astrictus fuerat. Præfecerat enim eum Officiale per Archidiaconatum suum Rothomagensē; unde & Regis Henrici patris sui nonnunquam indignationem & iram ferè incurrit. Improperabat enim eidem pluries, quòd proditorem suum & proditoris hæredem ex utroque parente familiarem habebat. Cæterum ipse apud castrum de Ginnes existens, & audiens per partes illas & portus se transfretare non posse, ad Comitissam Flandriæ nuncios dirigens diligentius inquirere cœpit; utrum ejus mandato factum fuisset, & facti causam. Quæ respondit, quòd ad instantiam Cancellarii Angliæ & Justiciarii hoc fecerat; cujus mandatis tanquam unius ipsorum ex utriusque præcepto tam Regis Angliæ scilicet quam Comitis Flandriæ mariti sui obtemperare tenebatur. Veruntamen licentiam dedit, ut omnes de comitatu suo tam Clerici quam Laici cum equis saginariis & clitellis cunctisque rebus præter corpus suum licitè transfretarent, dum tamen non alibi quam apud Dovoriam applicarent. Præmissis itaque Clericis suis & Magistro Simone, qui sextâ feriâ apud Dovoriam applicuerunt, & statim fide astricti fuerunt, quòd ab eo Castro sine licentia non discederent; Ipse in crastino die Sabbati in naviculâ quadam non Bolicâ sed Anglicâ, paucis comitatus atque privatus, in eodem Dovoriarum portu applicuit. Hic autem mihi notabile videtur, quòd sicut Thomas Cantuariensis patriam fugiendo exiliumque petendo eodem maris littore nec procul abinde navē modicâ insularem tyrannidem vix evasit; sic e diverso Eboracensis iste patriam petendo Ecclesiamque suam devotus adeundo simili tyrannide vexabatur. Cùm itaque manè parum ante tertiam applicuisset; statim occurrerunt ei Castellani, qui adventum ejus in littore observaverant, præcipientes acriter, ut ad Dominam suam Castellanam scilicet sororem Cancellarii, cui nomen Richeut, in castellum veniret. Ipse verò verba eorum respuens, versus Prioratum equitabat. Et cùm unus ex Castrensibus in equo forti scelus accelerans, ut eum freno retineret, manum extenderet; ipse solitâ nondum exutus audaciâ, & militaris disciplinæ quam frequentaverat exercitium quamque innatam habebat animositatem dissimulare non prævalens, latronis illius equum adeò in latere à se propellendo dextro pede percussit, ut utrumque fere ad terram prostratum reddidisset: Et sic amplius intactus & illæsus Ecclesiam intravit.

Cancellarius verò, cùm *Asperius nihil est humili, cùm surgit in altum*, Nec bellua terrior ulla est; & cum audito ejusdem versùs Angliam adventu per omnes orientales Angliæ portus litteras præmiserat in hunc tenorem. "Willelmus Dei gratiâ Eliensis Episcopus, Apostolicæ sedis Legatus, & Domini Regis Cancellarius, Vicecomiti Suthsexiæ salutem. Præcipimus tibi, "ut quòd si Eboracensis Electus applicuerit in aliquem portum in Ballivâ tuâ, "aut aliquis nunciorum ejus; eum retineri facias, donec mandatum nostrum "inde receperis. Et similiter præcipimus, quòd litteras Domini Papæ aut ali- "cujus magni viri, quæ illuc venerint, retineri facias. Teste meipso apud "Preston. xxx. die Julii.

Missa igitur auditâ, cùm se obsessum undique jam Archiepiscopus audisset, rei eventum Castellana nunciavit; quærens & scire volens, utrum huic facinori auctoritatem adhibuisset. Ipsa verò in continenti Cancellarium fratrem suum laudavit auctorem; dicens & asserens, quoniam si Castrum illud totum & etiam urbem Londoniensem comburi jussisset, indubitanter obtemperaret. Venerunt itaque imprimis milites de provinciâ, Willelmus scilicet Auberville & alii cum Castellanis, monentes & ex parte Cancellarii præcipientes, quatinus fidelitatem Domino Regi & Cancellario sub cautione juratoriâ statim præstaret. Quibus ilico respondit; quòd Regi fratri suo fidelitatem antea fecerat, & quòd aliam propter illos non faceret. Cancellario vero se  
nihil

nihil aliud facturum, nisi quod proditori Regis & Regni & suo faciendum erat. Quibus auditis cum indignatione reversi, statim armatâ manu obsederunt eum, & posuerunt ubique custodes ad hostia cuncta & exitus omnes; nec eum etiam permiserunt cibos in villâ habere venales. Cûmque intrâisset cameram quandam à latere claustrî intra Ecclesiam; & ante cameram illam protinus armatos posuerunt. Sed manè Dominicâ exiens à camerâ coram ipsis Ecclesiam intravit intactus ab ipsis & illæsus, ejus vestigia sequens, qui <sup>b</sup> *transiens per medium ipsorum ibat, quia nondum venit hora ejus.* Cûm itaque Missæ solemnîa ipso celebrante peracta fuissent; publicè candelis accensis excommunicavit Castellanam nominatim, & omnes alios generaliter tam armatos quàm inermes qui violentiam illam faciebant & per quos fiebant. Quò facto adeò aggravari cœpit obsessio; quòd extra Ecclesiam eum ire non permiserunt, sed intra ipsam Ecclesiam custodes suos posuerunt. Cûmque ibidem fuisset usque ad vesperam jejuniis: tandem advenit Constabularius, cui nomen Matheus de Clara, Cancellarii sororius, rogans & monens præcipiensque, ut Regi & Cancellario fidelitatem exhiberet. Qui statim responsum accepit simile priori, hoc addito tamen, quòd cum coram Episcopis & Baronibus Regni Regisque fratris sui fidelibus veniret, se consilio eorundem, si Regi plus quàm fecerat facere deberet, libenter obtemperaturum, salvo in omnibus ordine suo & dignitate. Constabularius autem his auditis permisit eum ab Ecclesiâ exire in cameram, ubi prius extiterat, & cibos habere venales; custodiâ tamen circa Ecclesiam habitâ & in nullo prorsus diminutâ. Cûm itaque solus ibi mansisset usque ad feriam quintam; nunciatum est ei contra vesperam milites armatos à Cancellario transmissos ut eum caperent jam venisse. Et cûm sui vix compulissent eum Ecclesiam intrare; ecce armati sub capis xv. & plures tam milites quàm servientes ad ostium Ecclesiæ jam plusabant, clamantes acriter & comminantes, nisi eis ocius ostia paterent, se statim eadem confracturos. Asserentes igitur & affirmantes se cum Archiepiscopo locuturos, cum pace & pro pace intrare velle; apertis januis intraverunt capati circa x. super loricas; & hi Bragmanni erant & Coterelli Flandrenses conducti. Cûmque ipsum in cathedrâ iuxta altare sedentem invenirent stolâ albâ indutum, mariumque habentem in collo, & crucem bajulantem in manibus auro & ebore distinctam, eum in hæc verba convenerunt. Mandat tibi Cancellarius, quoniam contra prohibitionem Regis & suam hanc terram intrâsti, navem ut intres, & retro transfretare festines. Quibus cûm responsum dedisset se nihil pro Cancellario facturum, sed se pacificè in regnum venisse; quòd inde apparuit, quòd neque Bragmannos neque Flandrenses, quorum copiam habere potuerat, secum adduxit; sed cum licentiâ & bono amore Regis fratris sui in regnum venerat, sicut ex literis ipsius, quas & Cancellario super hoc transmisserat, palàm fuit. Cui illi. Si nihil aliud dicere volueris; oportet quòd impleamus, quòd nobis imunctum est. Et sic ipso eis amplius non respondente, exeuntes abjectis capis armati reversi sunt.

Sed quoniam <sup>c</sup> *omnia quæcunque fecisti nobis, Domine, in vero iudicio fecisti; quia peccavimus tibi, & mandatis tuis non obedivimus;* ut uno eodemque facto & intollerabilem illius arrogantiam, qui frangis omne superbum, evacuares, & generosam hujus celsitudinem, quâ vexatio dabit intellectum, per tribulationes humiliares; venientes ministri nequitiae ad nefas omne parati, & invenientes sedentem adhuc intrepidum & immotum, iterum monuerunt & præceperunt; ut mandato Cancellarii obtemperaret, & aliud jam videret. Et cûm nullum aliud responsum habere potuissent; primo ponentes genua coram altari & percutientes pectora sua, postea surgentes ipsumque per humeros & brachia tenentes extraxerunt. Sed cûm ad ostium venissent, & jam exire voluissent; ille renitens retro cecidit; sed ipsi renitentem & reluctantem per pedes & brachia portantes extraxerunt, ita quòd caput ejus super pavimentum Ecclesiæ graviter



graviter illideretur. Et cum extra Ecclesiam ei equum adducerent, in quo equitaret; ascendere noluit; sed pedes ibat, crucem semper in manu portans; & sic per aquas & loca limosa usque in Castellum perductus est, & Constabulario traditus; qui statim genibus positus coram ipso cum lacrimis, & dolens ut videbatur, eum suscepit, & in turre principali retrudi fecit. Hoc autem mihi notabile nec sub silentio prætereundum videtur; quod cum dies illa serena fuisset, tanta facta est eadem nocte in mari & in terrâ tam importuna procella tantaque ventorum rabies & violentia, quanta multis ante temporibus nec visâ in partibus illis nec audita fuisset: Adeo ut pro miro à multis & potius pro miraculo duceretur, tanquam elementa tanti facinoris conscia novi & exquisiti sceleris honorem novâ præter solitum concussione pronunciarent. Clausus igitur ibidem atque retentus octo diebus, duobus primis in turre, & aliis sex in castro inferius, cum tribus Clericis tantum & servientibus quatuor, quos secum habere vix permissus fuerat, in nullo castellanis communicare volebat, nec etiam aquâ & igne; sed quotidie in villâ inferius cibos suos ministri sui faciebant, & usque ad eum in castrum deferebant cum aquâ & igne, & tum ad vesperam quotidie manducabant: Nec unquam ibi super calcitram jacere volebat. Tertio verò captionis suæ die equi sui omnes ad Cancellarium adducti sunt; in quorum adventu quasi re bene gestâ & tanquam victore exultare coepit capta prædâ quando dividit spolia. Interim autem quotidie ferè venerunt nuncii de Cancellario, nunc ei nunciantes quod si reverti vellet & transfretare, naves ei invenirentur; nunc ut fidelitatem Domino Regi & Cancellario cautione præstitâ exhiberet: Quorum ipse verba omnia atque mandata animo constanti respuebat. Constabularius autem prænominatus saniori fretus consilio, & poenitentiam ductus, quamquam tamen ab initio invitus ei & non ex animo molestus fuisset, ad pedes ipsius se provolvens, semel & sæpius cum lacrimis & humilitate veniam imploravit; eique, sicut in tali loco potuit talique casu quantum valuit, honorem exhibuit. Unde & tantam in oculis Archiepiscopi gratiam invenit; quod ipsum inter excommunicatos & obstinatos, poenitentiam attendens & compunctionem, clementer absolvit; Illius vestigia secutus, qui pro persecutoribus suis exoravit.

Cap. II. De famâ eventûs hujus, & totius Angliæ in Cancellarium commotione.

**F**ama vero tam horrendi facinoris cunctos per regni amplitudinem tam in populo quam clero constitutos adeo in Cancellarium jam concitaverat; ut vix unum de tot modò milibus invenire valeas, qui hanc injuriam quasi propriam omni conamine vindicandam non judicaret. Episcopi quoque per regnum fratris & Co. Episcopi sui ærumnis anxie condolentes in tali casu & tam inopinato nihil ex contingentibus omiserunt. Lincolnienfis enim Episcopus Hugo statim audito rumore, in prædictum Castellum & Castellanam nominatim, in cunctos autem autores sceleris hujus & fautores generaliter, candelis accensis apud Oxoniam palam & publice sententiam dedit. Londonienfis verò Ricardus, qui Suffraganeorum Cantuariensis Ecclesiæ Decanus extiterat, & ad quem specialius pertinebat, ob administrationis regiæ qua fungebatur reverentiam mitius in eum ne dicam remissius agens, in partibus de Norwic ad ipsum accessit; monens attentius, & sub interdicti demum interminatione firmiter injungens, quatinus Archiepiscopum cum suis universis absque dilatione liberaret. Norwicensis quoque Johannes, quamquam valetudinarius, non invalidè tamen apud Norwic ad ipsum accedens, non tepidè, non trepidè, sed acriter & acutè super eodem ipsum casu convenit.

Cap. III.

C A P. III. De persuasione Coventrensis Episcopi Hugonis, & Comitum Moritonii per ipsum ad vindictam animatione.

Coventrensis autem Episcopus Hugo, vir eloquentiæ singularis, vir prudentiâ pariter & animositate conspicuus, non solum spirituali verum & materiali in tantâ cunctorum offensâ gladio utendum putans, Comitum Moritonii Johannem apud Lencastrum incunctanter adivit; casumque fratris sui & capturam in injuriam suam suorumque maxime redundantem evidenter asperiens, tam animum ejusdem ad ulciscendum viriliter exacuit, quam agressionis audaciam efficaciter incussit.

C A P. IV. De liberatione Archiepiscopi.

Videns autem Cancellarius totum ferè Regnum & tam clerum quam populum in ipsum nec immeritò commoveri, susceptis jam nunciis tam à Comite Moritonii quam à majoribus Regni cunctis tam Episcopis quam Baronibus super Archiepiscopi liberatione, & hoc sub acri à plerisque despiciatâ inimicitia comminatione, misso Hamelino Comite de Warrennâ Archiepiscopi patruo, ut Eboracensis libertati suæ restitueretur, nunciavit. Ita tamen quod in verbo Domini promitteret sicut Episcopus & sacerdos, se Londonias venturum, ibique coram Episcopis Regni atque Baronibus super cautione quam exigebat Regi faciendâ, & iis quæ ibidem ei proponerentur eorum consiliis obtemperaturum. Quo concesso, salvo tamen in omnibus ordine suo & dignitate, equis adductis ei in quibus equitaret, respondit se eodem modo exire velle quo intravit; & ita pedes stolâ albâ indutus & orario, & crucem in manu bajulans, in Prioratum descendit, populo ei obviam currente & præ gaudio liberationis suæ ei cum lacrymis, quas exultatio gignit, applaudente; sicut & antea, cum captus in castrum duceretur, è contra fleverant præ dolore. Prius tamen duo milites à Comite Moritonii venerant, cum festinatione transmissi, rogantes & ex parte Comitum acriter præcipientes; ut frater suus Archiepiscopus absque omni dilatione liberaretur; & si in aliquo deliquit, saltem ei plegiaretur. Quo non impetrato, cum magnâ indignatione & comminatione recesserunt. Archiepiscopus autem liberatus demum & libertati suæ plenè restitutus, Cantuariam venit; & cum Ecclesiam Sanctæ Trinitatis intrando ad tumbam Martyris egregii profusiùs orâset, apud Sanctum Augustinum, ubi hospitatus fuerat, inde divertens, à Monachis loci ejusdem cum processione pulcherrimâ susceptus est. Venerunt autem ibidem ad eum à Cancellario transmissi Comes de Arundell Willelmus scilicet de Aubingni filius Willelmi, & Henricus de Cornhull, nunciantes se ex parte Cancellarii venisse; ut eum Londonias salvè & honorificè conducerent, sub cautione tamen & promissione simili priori. Quo facto ad nobilem Londoniarum urbem profectus est. Interim autem Comes Moritonii Johannes, instinctu Coventrensis & efficaci persuasione, à borealibus Regni partibus Merlebergiam accelerans, quoscunque sibi necessarios ad hujus ultionis aggressum consilio Episcopi esse putabat, ad se vocando vivaciter allexit. Et primò militem egregium Willelmum Marescallum qui partibus Gloverniæ præerat, deinde Willelmum Briware qui partibus Oxoniæ, & Galfridum filium Petri qui partibus Northamptoniæ; Rothomagensem quoque Archiepiscopum Walterum, quem Rex à Sicilia ad regni regimen parem Cancellario & etiam majorem remiserat, & Episcopum Wintoniæ Godefridum. Quos omnes aliosque plurimos regni Magnates ipsum injuriæ ge-



nus tantique excessûs enormitas de facili ad vindictam provocârunt. Bathoniensis autem Episcopus Reginaldus cum aliis vocatus accedens, & Comitem fortè in sylvâ venantem inveniens, ab eo salutatus, quasi cum irâ & indignatione respondit; Quid hîc venaris, ô miser, & in ferarum persecutione delectaris? si quam in corde scintillam animositatis haberes, solam illam bestiam venari deberes, quæ Regi fratri tuo & tibi totique stirpi regiæ, & quod plus est, Deo pariter Ecclesiæque suæ sanctæ in Eboracensis captione tantum dedecus irrogavit.

#### C A P. V. De conventu Procerum & Pontificum apud Radinges.

**H**IS ita completis, de Merlebergiâ recedentes cuncti Oxoniam conveniunt; ubi & Lincolnensem Episcopum Hugonem obvium & ex animo consortem habuerunt. Et inde Radingam, propter colloquium, quod inter ipsos & Cancellarium super præscripto facinore inter Radingam & Windesorum nominatum jam fuerat, accesserunt. Præmiserant enim nuncios singuli ad Cancellarium versûs Norwic, ubi tunc erat, super Eboracensis liberatione, & ut tanto super excessu in loco prædicto ad diem nominatum regni iudicio venire stare paratus. Quibus ipse imprimis cum tanto fastu & comminatione respondit, citans Proceres super Baronias suas, Episcopos verò super Regalia, ut Comitem Moritonii, qui regnum sibi usurpare parabat, relinquerent, & sibi qui ad regni regimen eis à Rege præfectus fuerat adhærent; Proditores vocans, & factiosos, adeò ut in se cunctorum animos eo ipso longè gravius atque molestius exasperaret. Quoniam ut ait Solomon in Proverbiis, <sup>d</sup> *Responsio mollis frangit iram, sermo durus suscitât furorem.* Eboracensis autem, cum per aliquot dies Londoniæ moram fecisset, & Cancellarius quoque jam illuc venisset; ecce duo milites nunciantes Eboracensi ex parte Comitis Moritonii fratris sui, quatinus ad eum apud Radingam, ubi Episcoporum atque Baronum conventus extiterat, in continenti venire non postponeret. Ipse verò statim à Cancellario impetratâ licentiâ propter prædictas de Londoniis non exeundo sponsones, apud Radingam profectus est, sub eo tamen conventionis tenore, quòd se Londonias reversurum die tertiâ post colloquium, quod futurum erat ut sperabatur in Sabbato proximo sequente, firmiter promissit. Cum itaque Radingam pervenisset; Comes frater ejus ad ipsum statim accessit; ubi & inter oscula cum multis lacrimis & singultibus convenerunt. In crastino verò manè post Missam coadunati sunt omnes tam Archiepiscopi & Episcopi quàm Comites & Barones. Et cum intrâssent cameram quandam solum viri majores & honoratiores; surgens ad eos Eboracensis causam suam & casum eis exposuit; tandem coram eis genua ponens, cum lacrimis humiliter imploravit, ut ipsi & Ecclesiæ suæ injuriam in ipso factam vindicarent. At ipsi statim e contra genua ponentes, neque absque lacrimis, se illud promptâ voluntate facturos omnes unanimiter protestantur.

<sup>d</sup> Prov. XV. 1.

#### C A P. VI. De Colloquio inter Windesoriam & Radingam.

**P**ost hac autem properantes statim ad Colloquium versûs pontem de Lodenâ, qui quasi per milia v. a Radingâ versûs Windesoram distat, conveniunt. Cancellarius autem de Windesorâ, quia eis apud pontem illum obviare debuerat, cum per quatuor miliaria jam venisset; ulterius procedere præ timore non ausus, præmissis qui cum ipso venerant, Londoniensi videlicet Episcopo Ricardo, & Comitibus de Arundel scilicet Willelmo, de Warenniâ Hamelino, & Rogero Bigod, cum aliis non paucis, ipse sub infirmitatis obtentu metum

metum pallians, se ibi præstolari velle professus est. Convenientibus igitur apud pontem prædictum omnibus in prato quodam, Archiepiscopis duobus Rothomagensi scilicet & Eboracensi, Episcopis quinque Londoniensi, Wintoniensi, Bathoniensi, Coventrensi, Lincolnensi, necnon & Comite Moritonii, cum aliis tam Comitibus & Baronibus, quàm regni fere majoribus cunctis, turbis in coronam confertis, Eboracensis in medio consistens legi fecit in publicâ audientiâ litteras Regis; quarum testimonio cum licentiâ ipsius gratiâque & bonâ amicitâ in regnum advenerat, & in cunctis majoribus regni negotiis cum Justiciariis suis tanquam frater & fidelis suis assisteret. Rothomagensis quoque varia literarum transcripta, quas à Rege reportavit, & quorum testimonio ad Regni regimen remissus est, & ut nihil de regni negotiis ipso inconsulto tractetur, super electione quoque Cantuariensis Archiepiscopi, quod præcipuam ei curam injunxerat, utpote cui totum super hoc cordis sui secretum denudaverat, Coventrensi ad Proceres cuncta fideliter interpretante, in publicâ audientiâ legi fecit. Ostendit etiam coram omnibus, qualiter super hæc omnia Londoniam veniens, & Cantuariam peregre proficisci volens, à Cancellario ne ulterius procederet, neve Tamisîæ pontem transiret, mandatum suscepit. Continebatur & in litteris, quas ei super hoc misit, hujusmodi comminatio: Quia si transire præsumpseritis, indignationem & animi rancorem, quem erga vos habemus, dissimulare non poterimus. Erant autem litteræ in hæc verba transmissæ.

“Venerabili & dilecto in Christo Patri & amico Waltero Dei gratiâ Rothomagensi Archiepiscopo Willelmus eadem gratiâ Eliensis Episcopus & Domini Regis Cancellarius, salutem & debitam cum omni devotione reverentiam. Convenimus vos apud Londoniam, quâ occasione Cantuariam adire valetis; & id à vobis in responsis accepisse meminimus, quod cum Monachos Cantuarienses audieratis vobis offensos, ut scilicet de causis offensionis si quæ essent inquireretis, & de Prioris depositione certitudinem haberetis. Verùm datum est nobis intelligi vos aliâ consideratione Cantuariam festinare, videlicet ut cum Monachis illis de Archiepiscopo eligendo tractetis. Et valde, nec mirum, admirati sumus; quod quasi captatâ absentîâ nostrâ velitis id facere; cum sine nobis fieri nec possit nec debeat, qui & toti regno vice regiâ præsidemus, & jure Cancellariæ nostræ Archiepiscopatum illum in manu nostrâ cum omnibus Ecclesiæ pertinentiis habemus. Cum igitur super tam magno & arduo negotio, à quo summopere totius regni pendet dispositio, sine Domini Regis aut nostrâ nunc temporis præsentîâ tractari non debeat; discretionî & honorî vestro consulimus, & mandamus ex parte Domini Regis districtiùs inhibentes; ne propter hanc aut propter aliam quamcunque causam Cantuariensem Ecclesiam adeatis, donec vobiscum loqui possimus. Non enim cum patientia & rancoris dissimulatione hoc perferremus. Teste meipso apud Releiam xxv. die Augusti.”

Præterea publicè professus est Archiepiscopus; quia postquam in regnum advenit, nunquam Cancellarius ejus consilium in aliquo expetiit & expectavit. Similiter & alii Justiciarii, quos ei socios & coadjutores à principio Rex adjunxerat, publicè proclamârunt; quia nihil omnino eorum consiliis actum est; Willelmus scilicet Marescallus, Willelmus Briware, Galfridus filius Petri. Comes autem de Arundel, quia solus cum Cancellario propter affinitatem inter eos nuper contractam claudicare videbatur, sub silentio præterivit. His itaque propalatis, præcepit Rothomagensis omnibus tam Comiti Mortonii quam aliis ex parte Regis; ut in Cancellarium unanimiter insurgerent, & eum tanquam inutilem Regi & regno à potestate dejicerent, aliumque magis accommodum communi consilio instituerent. Litteras quoque Domini Regis, quarum autoritate hoc præcepit, coram cunctis ostendit & legi feci, in hæc verba.



“Ricardus Dei gratiâ Rex Angliæ, Dux Normanniæ & Aquitaniæ, & Comes Andegaviæ, caro & fidei suo Willelmo Marefcallo salutem. Mittimus ad te venerabilem patrem nostrum Walterum Rothomagenfem Archiepiscopum, virum prudentem & discretum, de cuius fidelitate & prudentiâ plenè confidimus, ficut & ad Cancellarium nostrum & Willelmum Briware, & Hugonem Bardulf & Galfridum filium Petri, quibus negotia regni nostri commiffimus tractanda; præcipientes ut absque prædicti Archiepiscopi assensu & consilio nihil facere præsumas. Et si fortè Cancellarius noster negotia regni nostri juxta consilium prædicti Archiepiscopi & tuum & aliorum prædictorum, quibus curam regni nostri commiffimus, fideliter non tractaverit; Præcipimus ut secundum prædicti Archiepiscopi dispositionem tuam & prænominati socii tui de omnibus agendis regni nostri tam de castellis quàm de eschaetis absque omni occasione facias. Nos enim ei cor nostrum aperuimus, & secreta nostra ei commiffimus. Teste meipso apud Messanam xx. die Februarii”. In eadem quoque formâ scripsit Rex singulis Justiciariis & quibusdam aliis Comitibus, Baronibus & fidelibus suis. Quibus in audientiâ propositis, miserunt ad Cancellarium in continenti Episcopos Lincolnensem, Wintonensem, Coventrensem, cum Baronibus quibusdam; ut ipsum securè procedere facerent & ad colloquium venire. Sed cum aliquantulum processissent; obvios habuerunt nuncios, qui Cancellarium sub ægritudinis obtentu Windesoram jam reversum afferrebant.

#### CAP. VII. De solemni apud Radingam sententiæ prolatione.

**I**N crastino verò, Dominicâ scilicet post, convenerunt omnes apud Radingam in Ecclesiâ majore; & Bathoniensi Episcopo Missam celebrante, aliisque tam Archiepiscopis quàm Episcopis ad altare astantibus cum mitris & baculis, candelis accensis, omnes præscripti sceleris tam factores quàm fautores anathematis sententiâ perculerunt, Coventrensi Episcopo verbum proferente & palam ad populum exponente. Eodem autem die summo manè missi sunt à Cancellario Radinges milites de familiâ suâ Petrus scilicet de Campis, Cardo, alique nonnulli de Franciâ & Flandriâ viri stipendiarii. Missus est & Willelmus de Breusâ junior, qui affinitatis quoque gratiâ Cancellario nuper adhaferat, jus suum quanquam inaniter protestari. Missi sunt & alii à latere & in occulto Comiti Moritonii supplicantes, & multis munera multa licet in vacuum offerentes. Cum quibus versùs Windesoram contra vesperam reversi venerunt milites duo ad Cancellarium à Comite Moritonii & Baronibus transmissi, nunciantes quatinus eis in crastino ad colloquium modis omnibus obviam veniret, super his quæ ibidem ei objecta fuerint regni judicio stare paratus. Alioquin nullam in ipsis de cætero fiduciam habere posset. Instabant autem milites ipso dubitante, quatinus si ad Colloquium venire veller, illud ore suo palam profiteretur. Quod tandem post multas alterationes variaque consilia se facturum admisit.

#### CAP. VIII. De fugâ Cancellarii & confectiōe.

**M**ANÈ verò feriâ secundâ Episcopi & Barones de Radingâ exeuntes, cum pontem de Lodena jam transissent; missis saginariis & clitellariis cum redis & impedimentis omnibus viâ per sylvam à dextris versùs Stanes, non absque tamen tutelâ militari, ipsi publicâ ad colloquium versùs Windesoram stratâ venerunt. Profecti sunt autem hoc ordine, Episcopi cum Clero populoque imbelli & pacifico quasi per passuum milia præcesserunt, ad pacem cuncta redigere

gere atque concordiam iustitiâ cum misericordiâ mediante parati. Sed quoniam arma tenenti omnia dat qui iusta negat; Barones in armis & manu forti eodemque comitatu Archiepiscopi duo temperato incessu sublequuntur. Cancellarius autem cum suis vix tandem ab oppido exeuntes, versûs colloquium armati venerunt. Sed quoniam visâ veriûs quàm audita narrantur, non minûs ad risum atque derisum casûs hujus eventum contemplantes, & beluam istam stipendiariis stipatam militibus qualiter arma decerent considerantes, rei ipsius tam deformitas quam enormitas movit universos, quàm si simia ibidem equitare armata communiter ab omnibus inspiceretur. Cum autem parum à Castro & quasi per duo passuum milia versûs colloquium processisset, nuncios suscepit & exploratores; quòd ordine præscripto tam Pontifices quàm regni Proceres advenirent, rectoque tramite ad urbem Londoniæ accedere proposuissent. Quo audito consternatus animo, festinato consilio lora regirans, ad castrum de Windesora unde exierat, nec equo parcens nec calcaribus, concito cursu reversus est; & munitionem intrando breviter satis & trepidè magis quam providè super ejusdem castri custodiam disponendo, quum parum ibidem in tam nobili scilicet castro se tutum esse putabat, meticolosæ nimirum menti ti nor est ipsa securitas, pontem ilico sub castello Tamisæque fluvium transiens, præproperam valde cum suis & confusione plenam versûs Londoniam fugam arripuit. Qui clitellas inordinatè præ nimia festinatione saginariis impositas, qui saginarios ipsos cum oneribus ob turbam condensam à ponte passim præcipitari videret; miræ confectionis & confusionis de cætero non immemor esse valeret. Pontifices autem & Proceres ad colloquium venientes, rei eventum & Cancellarii reversionem non statim audierunt; sed Episcopi qui processerant, susceptis demum nunciis certis & fide dignis, primùm in admirationem versi sunt, deinde ad consilium conversi. Statim autem audito rumore, inquit Bathoniensis, Et nos quid faciemus? Nonne revertemur? Cui Coventrensis in publicâ audientia solitâ verbi facetiâ respondit. Non utique, sed incontinenti Londoniam ibimus, contra imminentem hyemis algorem vestium remedia comparare. Et statim reversi ad Proceres communicato consilio, Coventrensi quoque persuadente, Londonias omnes per viam de Stanes incunctanter profecti sunt. Sed vide quantam, peccatis exigentibus nutuque divino superbiam frangente, datus sit in confusionem. Quoniam si ad colloquium eo die venisset, tantam proculdubio in oculis eorum gratiam invenisset; quòd ob Regis reverentiam regiæque dispositionis honorem ipsum emendatum Procerumque consiliis & Pontificum, quibus assignatus fuerat & associatus, deditum magis & devotum in potestate dimisissent. Sed *fugit impius nemine persequente*; & juxta illud aliud authenticum *Tumultus susurri semper in auribus impii*; & *cum pax sit, ille insidias suspicatur*. Multis igitur in direptionem datis tam profugorum sarcinis quàm vecturis, non procul à suburbio Londoniensi factus est militum conflictus & equorum strages; ubi & captis hinc inde nonnullis & vulneratis, miles egregius de familiâ Comitis Moritonæ, cui nomen Rogerus de Planis, fugitivos inter primos acriter persequendo ictu lanceæ letali confossus est. Convocatâ vero civium multitudine in aulâ publicâ, quæ à potiorum conventu nomen accepit, per Henricum de Cornhull, qui & unus eorum extiterat & ad hoc à Cancellario manè præmissus, statim ut urbem Cancellarius intravit, ad illos ibidem accessit; eosque coram ipsis publicè prostratus super fide Regi debitâ conveniens ut secum firmiter starent, & urbis ingressus Comiti Moritonæ regnum, ut aiebat, occupare volenti viriliter defenderent, verbis suasoriis nec persuasoriis admonebat. Ipso verò responsum præ timore non exspectante, sed ad castrum & turrim ilico cum suis accelerante, magnâ cives inter se altercatione dissidebant. Duo namque tunc principales, Ricardus scilicet filius Reinerii & prædictus Henricus, quorum alter Comiti al-

ter



ter verò Cancellario favere videbatur, ad contraria contendebant. Henricus enim, ut Comiti januæ patefacto prius veniendi animo non paterent, modis omnibus suadere nitebatur. Ricardus verò injuriosum hoc esse & in damnum urbis & detrimentum vergi posse, si Regis filio Regisque fratri & hæredi sine causâ januæ clauderetur. Allegans ei potius extra urbem obviâ eundem, & animum ejus prætentandum, cum universitatis assensu persuadet. Quo factò quum se pacificè venire & ob urbis regnique totius honorem & commodum profitebatur; honorifice ut decuit intra murorum ambitum cum universo comitatu susceptus est.

#### CAP. IX. De obsessiōe ejusdem, depositione & dejectione.

**I**N crastino verò convocatis in unum civibus, communione, & ut Latine minùs, vulgariter magis loquamur, communâ seu communiâ eis concessâ & communiter juratâ, propositis in publicum excessibus atque injuriis multis in Regni dedecus & detrimentum intolerabiliter redundantibus, publicè in Cancellarium tanquam hostem Regis & regni Coventrensi persuadente ab urbis civibus regnique Proceribus conclamatum est; & statim turris, in quam se susceperat, armatâ manu obsessa est. Quartâ verò feriâ ad petitiones Cancellarii multas accesserunt ad eum intra munitionem Episcopi Londoniensis, Lincolnensis, Wintoniensis, & Coventrensis. Quibus ipse humiliter & cum lacrimis supplicando, demum quoque ad pedes eorum bis ut videbatur sincopicâ passione prostratus, ne tanto dedecori sui & dejectioni assensum præberent, multis suasit verbis nec persuasit. Et cum inter alia proposuisset, si municipia Regni alii quàm Regi traderet, se non immeritò proditiōis argui posse, nec unquam genus suum ulla proditiōe fuisse notatum; respondit Coventrensis. De genere tuo nobiscum non differas neque discutias; sed quod fieri oportet, id facias. Quodque vitari non potest, id non differas. Generis namque tui proditiō à te nunc inchoare non potest. In genus ipsius, qua prius ipse verbis exui volebat, cautè & facètè notam proditiōis intorquens. Eodem autem die per intercessores multa promittendo & non pauca præmittendo, Comitem Moritonie adeò ab incepto fere Cancellarius avertit; ut & ab urbe discedere infecto negotio, nisi Coventrensis suasio & Eboracensis iterum supplicatio eum ad propositum revocassent, jam parasset. Tandem itaque circa vesperam Osbertum fratrem suum germanum & Matthæum Camerarium, quòd regni judicio pariturus in publicum manè prodiret, Cancellarius obsides dedit. In crastino verò egressis tam Pontificum quàm Procerum turbis in campo orientali ex parte ab urbis & castris muralibus non remoto exiens quoque, tanquam vulpes à foveâ, Cancellarius à castro ad eos, tandem judiciale subiurus examen, vix & valde invitatus accessit. Meticulosa nimirum res est, quoniam ambigua sunt semper fata causarum, judicem adire, nedum judices tot & tantos in turpi causâ offensos.

Post varias igitur altercationes & consilia multa, tandem communi omnium censurâ sententia prodiit diffinitiva; ut ab utrâque potestate Cancellarii scilicet & Justiciarii, qua nimis enormiter abusus fuerat, exueretur: & municipiis omnibus quæ post Regis transfretationem sibi usurpaverat privaretur; tantum tribus, de Dovorâ videlicet, Cantebrugia & Herefordiâ, quorum custodiam antè habuerat, ei relictis. Dum tamen hæc eadem fidelibus Domini Regis & per assensum Justiciariorum ejusdem committerentur. Super hac autem ultimâ, castrorum scilicet privatione, vehementius dolebat. Proposuerat enim per munitiones, quas possederat, & affinitates, quas cum multis & magnis regni viris ex industriâ contraxerat, usurpatam sibi potestatem inconvulsè radicare. Quo factò & in publicum propalato, fide pro Cancellario datâ firmatum

tum est & cautum, se nihil unquam contra dispositionem istam machinaturum nec absque licentia transfretaturum. Sextâ vero feriâ Castrum relinquens & Tamisiam navigio transiens, apud Bermundesciam se suscepit. Sabbato verò cum iter apud Dovoriam arripuisset, & per quinque & sex miliaria versùs urbem Roffensem quasi completâ persecutione & in suâ libertate susceptus jam properasset; ecce nunciis è vestigio sequentibus ipsum subitò redire, & quia nunquam sola veniunt scandala, Henricum de Longo campo fratrem suum uterinum pro reddendis absque scrupulo Regni municipiis quæ restabant obsidem dare compulsus est. Qui & longo post tempore apud Kairdis in Walliâ in vinculis & carcere tentus est iusto Dei iudicio; ut qui fraternam tyrannidem intolerabili suâ arrogantia atque superbiâ crudeliter in omnibus augmentâset, & ipse pœnam suâ ex parte non immeritò sustineret. Notandum autem videtur Pontificum nostrorum apud Radingam data quantæ efficacis sententia fuerit. Primâ feriâ promulgata fuit; Secundâ fugatus ille & confectus; Tertiâ obsessus; Quartâ obsides dare compulsus; Quintâ ab omni potestate depositus & dejectus; Sextâ a castro & urbe quæ caput est regni expulsus; Sabbato à viâ vi-revocatus & cautionem ampliorem dare compulsus. Et sic rotius Ebdomadæ dies plenæ & non penè ordine suo in cumulum pœnæ & confusionis suæ dati sunt.

C A P. X. De Archiepiscopi Rothomagensis in Justiciarium electione.

**H**I S ita completis, & Eliensi Episcopo solùm Cancellarii jam nomen inane portante, vix tandem Dovoriam dilapso & in castello suscepto, Rothomagensis Archiepiscopus Galterius communi omnium assensu & electione in Justiciarium solemniter est sublimatus. Galterius iste àb antiquâ & authenticâ Britonum prosapiâ Trojanæ nobilitatis apicem præferente originem trahens, ab Archidiacono Oxoniensi, Thesaurario Rothomagensi, & Anglorum Regis Henrici secundi Archisigillario, in Episcopatum Lincolnæ & inde in Archiepiscopatum Rothomagensis meritorum exigentiâ gradatim ascendit. Qui tamen quanquam tanti nominis & ominis extiterit, adeò modestum & minus arrogantem se in omnibus exhibuit; ut nec proprio sigillo in regiis negotiis, verùm Regis ipsius apud Scaccarium residentis uti voluisset. Adeò igitur accuratè & circumspèctè cuncta disposuit, adeò nihil omnino de regni negotiis absque fidelium Domini Regis, qui ei advincti fuerant, consiliis agere volebat; adeò inquam injuncti regiminis citra rigidum longèque trans remissum tanto moderamine strinxit habenas; ut Anglia aliquandiu vi tempestatis & turbinis graviter concussa, jam quasi è naufragio elapsa in gratissimum tranquillitatis portum se suscepit. Turbatio namque, quæ inter ipsa regiminis hujus initia super Archiepiscopi Cantuariensis electione se subitò ingessit, per Monachorum Sedis ejusdem & Bathoniensis Episcopi ut videbatur collusionem contra Regis honorem & authenticam Episcoporum Regni dignitatem hinc ambitu inde superbiâ factam, solutâ in brevi per interemptionem quæstione, divinâ providentiâ conquievit.

Intestina vero illa & detestanda discordia, cui tandem ausu nefario contra jus & honestum, contra fidem & sacramentum, contra naturam & merita bona prava regnandi cupido occasionem dedit, quem finem sortiri debeat ille viderit, qui iniquitates in virgâ visitare novit, & in verberibus sceleratorum excessus vindicare. Contrigit autem feriâ quartâurbationis hujus, die videlicet qua Cancellarius publice Londoniis deponi meruit, quòd Archiepiscopus Rothomagensis cum multis & magnis ut assolet viris secum convivantibus, cum in mensâ



mensâ federet, & cœnâ jam finitâ hymnoque dicto benedictionis eulogium dextrâ porrectâ donaret; Grus domestica stans coram mensâ cunctis admirantibus genua posuerit, & quasi ad benedictionem cernuo capite se inclinaverit. Unde & quidam dicebant, quia gratias agit Archiepiscopo super tyranni dejectione. Alii verò dicebant pronosticum esse jam imminentis & proximo futuræ potestatis. Accidit eidem quoque de Siciliâ redeunti apud Lugdunum super Rodanum res haud dissimilis. Cùm enim à digniore Ecclesiæ Metropolitana post Archiepiscopum personâ, quem Senescallum vocant, die Pentecostes cerva domestica ei mitteretur; & clamarent omnes, ut mos est, ad coquinam; illa sola caput Archiepiscopo semper inclinando mortem, quam alii minabantur, mutâ persuasione deprecabatur. Unde & Archiepiscopus, puta vir bonus & pius, eandem cum metricis his versibus à collo in scedulâ suspensis illâsam & indemnem ilico remisit.

*Cerva quasi faris vitam sine voce precari:  
Ergo revertaris tribuenti retribuari.*

Sed hæc hætenus. Ad Eboracensem autem, cujus hæc causâ & vindictæ gratiâ gesta videntur, revertamur. Vindicat enim Dominus interdum ob meriti gratiam, interdum ob sacramenti reverentiam. Non enim meritorum qualitatem sed potius sacramentalem delibutionem attendit; cùm Sauli nequissimo Regi suoque persecutori pertinacissimo David parcendum esse decrevit, dicens,

<sup>f</sup> 1 Reg.  
XXVI. 11.

<sup>f</sup> *Absit à me, ut manum mittam in Christum Domini.*

#### C A P. XI. De Eboracensis completâ victoriâ, celebri atque solemnithronizatione.

**E**boracensis igitur hoste fugato & confecto, deposito pariter & dejecto, versùs propria victoriosus accedens, apud Northamtuniam, quoniam ibidem liberalibus olim disciplinis aliquandiu studuerat, Clero & populo obviam ei veniente cùm processione pulcherrimâ susceptus est; & inde ad Provinciam parrochiamq; propriam accelerans, ubique debito veneratus honore, tandem Eboracum perveniens, cum magno Cleri populique concursu processione rite celebratâ solemnithronizatione die solemniter & magnificè suâ in sede est collocatus. Ubi & eundem, utinam pontificaliter in omnibus agentem, longâ laudabilique vitâ degentem, gregi commisso verbo & exemplo proficientem, de cætero relinquentes, magnis Scriptoribus majora ejusdem & maturioris ætatis insignia materiam reservantes; ad Cancellati nostri nondum finitam ærumnam, quia nec dum extinctam nequitiam, revertamur.

#### C A P. XII. De Eliensis Episcopi apud Dovoriam in habitu muliebri captione, vapulatione & incarceratione.

**E**liensis igitur cùm aliquot diebus in castro Dovorenfi, quò diverterat, moram fecisset; miram metaphoram & exquisitam fraudem excogitans, se foeminam simulavit; & vestem sacerdotis in habitum convertit meretricis; fideique pariter immemor & honesti, & potius contemptor, quàm aperte non poterat, sub habitu foemineo transfretare parabat & occultè, Assumens itaque peplum in capite, & tunicam viridem enormiter longam, & capam ejusdem coloris manicatam, pedes ad littus à castro descendit. Ut autem efficacius assumpto hujuscemodi sub fuco lateret, lineam telam in lavâ, virgam insti-

toris

toris dextrâ præferens, mulierem mercatricem ne dicam meretricem se simulavit. Tunicam itaque fœmineam indutus pro tunicâ sacerdotis jacinthînâ, capam habens manicatam pro planetâ, peplum in capite pro mitrâ, virgam menforiam pro baculo pastorali, telam pro textu Evangelico seu potius manipulo portans, Talibus ornatus Antistes ad mare descendit. Et cum in littore residens, Euro ad vota spirante, horam navigandi præstolaretur; ecce piscator qui nudus fortè de mari jam venerat retiaque siccanda per littus exposuerat, videns eum & eam solam sedentem, reputans scortum esse, caleferi cupiens, celerius accurrit; & statim lævâ collum ejus amplectens, dextrâ cœpit inferiora rimari. Sed protinus ministri ejusdem & servi, qui non procul astabant, dolum non ignorantes, accesserunt; & modestâ quadam violentiâ eum repellentes, increpaverunt etiam ut taceret. Interim autem exiens è villâ mulier quædam ad littus, & videns lineum pannum quem gestabat, propius accessit; & putans venalem esse, cœpit de pretio diligenter inquirere. Et cum ille non respondisset, quoniam Anglicæ linguæ peritiam non habebat; continuo supervenit & alia mulier, cum instantiâ magnâ illud idem inquirens. Cum autem nullum eis responsum dedisset, sed potius subrideret, sicut semper in dolo consueverat; cœperunt inter se mulieres admirari, & querere quidnam esset; & tandem dolum suspicantes, extenderunt manus ad peplum quo facies tota usque in oculos velabatur, & submittentes à naso usque deorsum, viderunt faciem hominis nigram noviterque rasam; & conterritæ præ admiratione muliebriter vociferare & proclamare cœperunt. Venite, videte monstrum, quod deformavit utrumque sexum, virum scilicet sub muliere latentem. Et statim factus est concursus virorum ac mulierum magnus, avellentium peplum de capite, ipsumque prostratum ad terram per caputium & manicas turpiter trahentium, coronâ simul & fraude detectâ. Servientes autem sui bis & ter impetum fecerunt in turbam, ut eum liberarent; sed prævalente populo non potuerunt. Ipse verò coronam, quam paulo antè tegebat, palam ostendens, altâ voce clamabat se Presbyterum esse & Episcopum, rogans & supplicans, ut cum ipso ordinis & dignitatis intuitu mitius ageretur. Illi verò nihilominus ipsum verbis dehonestantes, spittis, alapis & verberibus afflictum, lapidatum, perque plateas omnes tractum turpiter, & sic tractatum tandem eum in cellario tenebroso quasi sub carcerali custodiâ concluderunt. Tractus est igitur qui traxerat, captus qui ceperat, ligatus qui ligaverat, incarceratus qui incarceraverat; dignâ Dei compensatione eandem quam mensus est mensuram suscipiens, & irrogatas aliis injurias in seipso recognoscens. Mirum igitur & inauditum hætenus vindictæ genus. Quamquam etenim fugatus fuisset, & confectus, depositus viliter & dejectus; parum hoc ad vindictam esse videbatur, nisi eodem in littore & eodem die per aliquot Hebdomadarum revolutionem, quo Christo Domini injuriam irrogare præsumpsit, & ipse in veste muliebri, quam ante abhorruerat, à mulieribus quarum semper sexum exosum habuerat, exquisitâ divinitus ultione confunderetur.

### C A P. XIII. De liberatione ejusdem & transfretatione.

CUM itaque diebus aliquot clausus in hunc modum teneretur; nunciato Rothomagensi Archiepiscopo, qui tunc regiminis lora tenebat, rei eventui, provido præcepto statim est absolutus & transfretare permissus. Nullâ nimirum indignatione, nullius iracundiæ motu ad talionem provocatus, Ordini deferendum duxit & dignitati. Verebatur etiam, quia providæ mentis est futuris prospicere, si Comes Moritonix in eundem sic captum manus injecerit, ne castella quædam quæ spretis obsidum & sacramentorum cautionibus nondum reddiderat, sibi ab ipso eâ occasione extorqueret. Elapso igitur hyemali tem-



pore, & Cancellario nostro clàm mare transmenſo, advenerunt nuncii ejusdem de Curiâ Romanâ, Legatione ſibi per litteras Episcoporum Angliæ, qui pro ipſo dum adhuc in poteſtate fuerat ſummo Pontifici ſcripſerant, cum aliis illis quæ condimentum in Curiâ facere & gratiam comparare ſolent copioſè præmiſſis, jam renovatâ. Quamquam tamen poſt præmiſſam, quæ Clemente extincto expiraverat, Legationem ſe nihilominus Legatum gerens in præjudicium Eccleſiæ Romanæ & detrimentum Anglicanæ non modicum, per dimidium ferè anni ſpatium crucem ſibi indebitè præferri ex nimia tam præſumptione quàm ſuperbiâ non formidâſſet.

C A P. XIV. Qualiter iterum apud Dovoriam ſub prætextu Legationis applicuit.

Circa Kalendas igitur Aprilis, ubi tanto cum dedecore circa præmiſſas Kalendas Octobris expelli meruerat, comparato ſibi ut fertur Reginæ, quæ circa id ipſum temporis in Angliam venit, filiiſque ſui Comitſ Moritonix favore cum magno apparatu in portu Dovorico auſus eſt applicare, in Anglorum gentem ſolitam tyrannidem & etiam cauſâ vindictæ longè graviorem exercere paratus. Præmiſerat etiam quibuſdam familiaribus ſuis transcripta litterarum Domini Papæ; quibus quorſdam de majoribus tam Episcopis Angliæ quàm Baronibus ob illatas ſibi injurias excommunicaverat: Alios etiam excommunicatos jam denunciaverat; præfixerat quoque diem & locum, citationibus emiſſis, quo ſibi Angliæ majores præſentari præcepit. Sed quoniam Præſes, priuſquam Provinciam intraverit, juridiſtionem non habet; tam ipſe quàm ſententiæ ipſius, omnes comminationes pariter & mandata contempta ſunt.

C A P. XV. De Concilio contra ipſum Londoniæ convocato, & ſecundâ ejusdem expulſione.

Audito tamen adventu ejusdem, convocato Londoniis Concilio, præſentibus Reginâ & Comite Moritonix cum Regni primoribus cunctis, contra Legationem ipſius à Clero communiter eſt appellatum. A populo verò & Clero pariter, præmiſſis ad hoc majorum nunciis tam Episcoporum quàm Baronum, quo minùs accederet repulſam paſſus, verſus Normanniam, quam natione fœdaverat & converſatione, confuſione plenam & ignominiâ navigio fugam attemptavit. Veruntamen ne nil penitus in Angliâ egiſſe, neve poteſtate vacans ab omni ſine vindictâ qualibet reverti videretur; Episcopatum ſuum Elienſem, ordinario ſaltem fungens rigore, ſub interdicto concluſit. Juſticiarii namque proventibus ejusdem in compensationem ſiſcalis ærarii, quod per biennium illud quo præerat in proprios abuſus evacuaverat, nihil in ſcriniis illis præter claves relinquens, ipſum poſt primam ſtatim expulſionem ſpoliaverat. Quos tamen proventus vix tandem interventu Reginæ, quæ ſola miſerias ejus, caſus & calamitates miſereri videbatur, recuperavit.

C A P. XVI. De morâ ipsius & insidiosâ transmarinis in partibus expectatione.

**I**N transmarinis itaque partibus & Aquitannicâ Galliâ finibus in insidiis expectans, & Anglorum Regno regiisque ministris & terris adjacentibus pro posse ingratus, viriumque modulo molestus existens, Francorum Regi Philippo necnon & Curia Romanâ ejusdemque Legatis ab illa transmissis sinistra suggerendo, tanquam vipera latebris excussa, totum in vindictam virus evomit. Porro quoniam non principaliter sed quasi per excursum & accidentaliter in hominis hujus ineptias incidimus; ad posterorum doctrinam pariter & exemplum collectam quasi sub epilogo earundem hic summam Lector reperiatur. Et quoniam legitur, *O faciles dare summa Deos, eademque tueri Difficiles. Summisque negatum Stare diu: Et Qui stat, videat ne cadat: Et Qui se exaltat humiliabitur: Et quia ante ruinam bos exaltatur:* In hoc exemplari semper invenire valeat & humilitas quod speret, & superbia quod formidet; quum ut ait Jeronimus: Lætetur ad ascensum, timeamus ad lapsum; non est tanti gaudii excelsa tenuisse, quanti mœroris de excelsis corruisse.

C A P. XVII. De tertiâ ejusdem ab Angliâ plenâ ærumnis discessione.

**D**Emum autem audiens Anglorum Regem Ricardum in Alemanniâ partibus, ut satis notum est, iniquè nimis & injuriôsè detentum, ad ipsum occultè transiens, & operas suas ingerens, ut erat immoderatæ vir ambitionis & arrogantia, semper audiens & aggrediens aliquid novum Giaris & carcere dignum; se ad obsidum exactionem in Angliam à Rege remitti toto conamine procuravit. Veniens igitur in Angliam apud Sanctum Albanum, ubi Regina, Rothomagensis Archiepiscopus & alii quidam Regis regnique fideles convenerant, quoniam Londonienses urbem nobilem ejus ampliùs adventu scœdari non permiserant, coram eis constitutus, quanto magis ibi gloriam appetiit, victoriam pariter atque vindictam, tanto minùs eam assequi potuit. Quinimo spe fraudatus & desiderio, multis ibidem confusionibus tabescere meruit. Quoniam, ut ait Hieronymus, Gloria virtutes quasi umbra sequitur; & appetitores sui deferens, diligit contemptores. Prima namque confusio fuit, quòd Archiepiscopus ad ipsum in osculo suscipiendum nullâ potuit Regina nullâ Procerum & Pontificum instantiâ flecti. Dicebat tamen regia quæ per ipsum præponerentur negotia nullum in hoc penitus impedimentum habitura & defectum. Secunda verò, quia cùm domos Coventrensis Episcopi, quas in urbe Londoniæ habebat, ei auferri aliique dari damno perjurii in publicâ audientiâ præcepisset; adeò in se omnium indignationem adauxit & provocavit, ut sibi ipsi statim contradicere nullumque præceptum se aut fecisse aut facturum esse palàm pronunciare oportuerit. Juraverat enim coram Episcopis magnisque viris ei cùm applicuit ad hoc præmissis, se nihil in regno novum, nihil imperiosum, nihil prorsus nisi quod ad liberationem Domini Regis pertineret, propositurum. Tertia verò, quòd cùm obsides instanter efflagitaret ad exemplum Regina, cui præcipue tamen inniti videbatur, quia nepotem suum ex filiâ Willelmi scilicet Ducis Saxonie filium statim ei dare recusavit, & omnes alii suos tam filios quàm nepotes se nullatenus ei committere velle proclamarunt. Dicebant autem quidam: Filios quidem nequaquam, filias autem ejus custodiæ si voluerit securè commitemus: Vitium illud detestabile, quo tam infamis extiterat, facietis ei sermonibus impropèrantes. In ipso verò Con-



ventus hujus discessu Monachus quidam loci ejusdem, audito quod ille sic vacuus & confusus recederet, subjecit: Abeat igitur, abeat, & non reverfurus abscedat. In hoc enim Scaccario, in quo jam tertio succubuit, de cætero locum non habet. Aut tres istas, quas hic descripsimus, notans confusiones, aut trimam potius ejusdem ab Angliâ ancipiti verborum ænigmate designans expulsionem. Rex etenim saniori fretus consilio, timens ob Eliensis adventum Regni Proceres, quibus exosus fuerat, potius offendi quam ad obsequia provocari, directis ilico post ipsum nunciis ac literis, eundem ad se cum festinatione revocavit. Quoniam, ut ait Ambrosius, cum is qui displicet ad intercedendum mittitur; irati animus proculdubio ad deteriora provocatur.

CAP. XVIII. De innatâ ejusdem malitiâ & originali naturâ.

**L**icet autem expulsus à Regno totiens & exul effectus, penitiores tamen tam Almaniâ quàm Franciâ partes sub prætextu obsequii intus & in circuitu impiè perlustrando, in Anglorum Regnum & nobiles regni viros, tanquam Parthicus utens à tergo sagittis, innatam malitiam & vindicis animi nequitiam occasione sigilli regii, cujus iterum officium ut magis officere posset sibi usurpaverat exercere non cessavit. Inter quos Hugonem Coventrensem Episcopum, virum magnificum & disertum, in Cantia partibus per nocturnas fuorum irruptiones, qui in castello Dovorâ in insidiis adhuc latitabant, equis & thesauris quos versus Almanniam Regi deducebat ausu sacrilego spoliavit. Stephanum quoque Ridellum Comitis Moritoniâ Cancellarium, virum liberalitate & ingenuitate conspicuum, Ecclesiasticis Beneficiis quibus in Eliensi Episcopatu abundabat, citra omnem juris ordinem, non citatum, non convictum aut confessum, non criminibus ullis irretitum, spoliavit. Nec beneficio solum quinimo & officio Ordinisque canonice adepti executione, quia de jure non potuit, de facto tamen privare præsumsit; nullam in literis suis aliam rationem assignans, nisi quod de assensu Domini Regis se id fecisse dicebat. Quem tamen assensum, si quis fuerat, non de proprio Regis arbitrio elicuit; sed pravis potius suggestionibus extorsit. In fine vero mandati tanquam pro validiori ratione subjunxit; quia nepotibus suis redditus eisdem assignaverat. Præterea quatuor municipia validissima & inter electiora Normanniâ & Aquitanniâ Galliâ munitissima in perditionem perpetuam, ut creditur, totiusque terræ transmarinæ quæ Anglorum Reges contingere solet periculum grave, Francorum Regi suo consilio & machinatione tradi fecit. Nec mirum, sic homo natus ut hic, aliter agere potuit, quàm hic? Primus etenim abavorum hujus qui Normanniam intravit rusticus obscuri nominis & servilis conditionis, à Franciâ propter prodicionem expulsus & profugus, circa Longi campi fines in Normanniâ se suscepit. Ubi in processu temporis compertâ viri naturâ, ut in sylvestribus exactionibus nequitiam animi liberiùs exercere posset, in partibus illis forestæ præfectus est. Cui originali ejusdem nativitati bene concordat illud de <sup>a</sup>Scripto, quod *Clericus sine nomine* intitulatur, de eodem emissio his verbis, cum de aculeo agitur, quo pueros nobiles ad mensam pungere consueverat, *memor piæ recordationis avi sui, qui servilis conditionis in pago Belvacensi & aratrum ducere & boves aculeo castigare solebat. Qui tandem ob remedium libertatis ad fines Normannorum transvolavit.*

<sup>a</sup> Verba reperiuntur in Epistolâ Hugonis Nonant Episcopi Coventrensis de *ejectione Willelmi Episcopi Eliensis*; ex qua Giraldus nonnulla etiam superius acceperat. Habetur illa apud Hovedenum fol. 400. & in *Memo-* *riali* MS. Henrici Spencer Episcopi Norwicensis. Illam Author dissimulato nomine evulgasse videtur. Scriptam autem fuisse à Magnate quodam, qui rei gestæ interfuit, ipsius Epistolæ verba edocent.

Subitam igitur ejus electionem & inopinatam & ab exili origine in altum provectam consecrationis ejus pronosticum satis aperte declaravit in hunc modum: *Videntibus ille elevatus est. Et quoniam O faciles dare summa Deos, eademque tueri Difficiles. Et iterum Tolluntur in altum, Ut lapsu graviore ruant.* Subitam quoque ruinam ipsius finis pronostici ejusdem non minus aperte propalavit. *Et nubes suscepit eum ab oculis eorum.* Unde & à quodam sapiente dictum est: *Plus gravitatis habent res, quæ cum tempore crescunt. Rara solet subitis rebus inesse fides.* Quotiens autem præter præscripta tam Legationis quam Prælationis officia, ambitionis pariter & vindicis animi vitio frustra perquisierit; paginæ nostræ compendium singula revolvere recusavit.

<sup>a</sup> Aët. i. 9.

<sup>b</sup> Ibid.

C A P. XIX. Descriptio Beluæ multiformis<sup>i</sup>.

<sup>i</sup> Viz. Willelmi Episc. Eliens.

**E**Jus autem, cujus insolentiam & intolerabilem arrogantiam atque tyrannidem Anglia aliquandiu lugubris & gemebunda sustinuit, sicut in superiori tractatu tantâ diligentia prosecuti sumus, tam interioris hominis quam exterioris proprietatem in calce libelli literis exprimere, subitosque ejusdem tam ascensus quam descensus & inauditos enormitatis accessus summatim perstringere calamique officio compilare & tanquam in fasciculum connectere, non inutile reputavi. Ut quamquam fieri nequeat de præterito medela; fiat tamen hæc audientibus pagina præsens & de futuro cautela. Quoniam ut ait Ennodius, Ruina præcedentium posteros docet; & cautio est semper in reliquo lapsus anterior. Erat itaque staturâ exiguâ despectâque, & clune claudus utroque. Capite grosso, & tanquam simiam simulans usque ad alia ferè, fronte pilosâ, colore nigerrimus, nigris ocellis & confossis, naribus simis, facie caninâ, barbâ comâque infra supraque lumine tenus hispidâ totâ: Mento reflexo, simulatoque risui & ficto continuoque ferè oris rictui, quem in dolo præterebat, valde accommodo; collo contracto, pectore gibboso, ventre præambulo, renibus retrogradis, tibiis tortis, & in modico corpore pes immensus. Quid plura? Tanquam toto nisu experiendo probans, quantum semel in turpitudine posset, deformiorem in humanâ figurâ beluam edere natura non prævaluit. Præterea proditore parente prodiit ex utroque. Unde & Anglorum Regi Henrico secundo fidelibusque suis ac familiaribus cunctis adeo infestus fuerat & exosus; ut tanquam à Regno profugus & comparere non ausus, ad Pictavensium Comitem Ricardum circa extremas, quæ inter ipsum & patrem peccatis urgentibus emersere, discordias pauper inopsque se transferre curaret. Ubi malorum incentor effectus, malitiæque totius pro posse machinator, quum meritorum exigentiâ directè non poterat, per rerum vicissitudines & casus varios, qui inopinatis eventibus in Regum mutationibus accidere solent, revolutis interea perversæque reversis fortunæ curriculum, tentare disposuit ambitiosis ascendere gradibus & indirectè: similis illi, qui quum virtutum titulis extolli non potuit, Dianæ templum incendit; ut & sic agnitus quocunque modo nominis sui memoriam protelaret. Extincto autem Henrico secundo, & filio ejusdem Comite Ricardo in Regni solium sublimato, primum à Rege Cancellarius est constitutus: demum eodem procurante in Episcopum Eliensem electus: postmodum autem in Regni totius Justiciarium est creatus. Sed quoniam semper successus augment auiditatem: Fecit enim avidos, ut ait Seneca, nimia foelicitas; nec tam temperatæ cupiditates unquam sunt, ut in eo quod contingit desinant: Gradus à magnis ad majora fit, & spes improbißimas amplectuntur insperata assecuti: Nunciis ad Curiam Romanam cum festinatione transmissis, non absque multâ, ut mos erat, impensâ totius Angliæ, Walliæ, Scotiæ, & Hiberniæ Legationem impetravit. Singulis autem qualiter statim abusus est officiis, quantoque fastu omnia cœpit opprimere, qui diligentius prosequi vellet, nulla narranti dies, nulla scribenti pagina sufficere



cereposset. Veruntamen ut plurima paucis absolvam; quos in Regni totius amplitudine sua præteriit immunes malitia? Quos à tantâ tam multiformi tyrannide sua nequitia reliquit indemnes? De personâ namque in personam, de potestate in potestatem, tanquam Proteus alter, tam variè versutèque se transferre & transformare curavit; ut quod una forte potentia non poterat, altera nihilominus adimpleret, effectuique quod volebat modis omnibus manciparet. Unde & quasi pro miraculo per orbem personare potest; quòd inter tam multas & tam egregias Angliæ personas nostris diebus in personam nullissimam tot personæ convenerant. Sub personâ quippe Cancellarii, litteris & cartis ad contraria prostitutis; sub personâ Justiciarii talliis crebris & scutagiis indebitè tempore pacis extortis, & justitiâ nullâ nisi venali; sub personâ Legati hospiciorum per Cænobia & sedes Cathedralis enormi gravamine magnorumque munerum & obsequiorum exactio- nibus immoderatis adeò in brevi totam ferè Regni gloriam extinxit, pecuniæque puteum hætenus inexhaustum Angliam penè funditus exhaustit; ut ad pristinum vix unquam dignitatis statum regio redire, vix ullo valeat ab hujus cladis exitio longi temporis beneficio respirare. Et quoniam *Non habet unde suum paupertas pascat amorem; Divitiis alitur luxuriosus amor*: inter varias delicias ne nihil illi quod collibuisse deesse valeret, tanto luxu rerum atque libidine cœpit involvi; ut quicquid turpius, quicquid enormius, quicquid inhonestius in usu venereo excogitari possit, id ei jocundius, id acceptius, id appetibilius esse videretur.

Nefandum igitur illud & enorme nimis Normannorum crimen, quod olim à Francis mutuati nunc sibi velut proprium vendicant & speciale, adeò in hoc Normanno & aliorum omnium illo in abusu quasi signifero jam invaluit; ut detestandâ ejus in Curiâ solus ille pro vili haberetur cui naturalis copula non vilesceret. Adeo quidem in peiores petulans libido proclivior usus in tantam excreverat impudicitiam pariter & impudentiam; ut ad invicem hac in Curiâ dicere consueverint: *Si ea quæ sunt Curia non agis; quid in Curiâ queris?* In Angliâ quoque ab eâ tempestate usque in hodiernum quasi in proverbium versum videtur; ut de familiâ Cancellarii ille dicatur, quisquis præscripti criminis & utinam proscripti culpam notabilem incurrisse putatur. Sed taceo quod ruminare solet, nunc clamat Anglia tota, qualiter puella matris industriâ tam comâ quàm cultu puerum professa simulansque virum verbis & vultu, ad cubiculum beluæ istius est perducta. Sed statim ut exosi illius est sexûs inventa, quanquam in se pulcherrima, thalamique thorique deliciis valde idonea, repudiata tamen est & abjecta. Unde & in crastino matri filia tam flagitiosi facinoris conscia cum petitionis effectu terrisque non modicis eandem jure hæreditario contingentibus virgo ut venerat est restituta. Tantæ nimirum intemperantiæ, & petulantia fuerat tam immoderata; quòd quotidie in prandio circa finem preciosis tam potionibus quàm cibariis ventre distento, virgâ aliquantulum longâ in capite aculeum præferente pueros nobiles ad mensam ministrantes eique propter multimodam quaungebatur potestatem in omnibus ad nutum obsequentes pungere vicissim consueverit; Ut eo indicio quasi signo quodam secretiore quem fortiùs inter alios atque frequentius sic quasi ludicro pungebat, alio à se nocte eadem sive meridie pungendum aculeo denotaret. Ad hæc etiam nullum ei jusjurandum, nulla fides, nulla religio. Puta cui falsitatibus atque fallaciis funditus addicto nihil minus menti quàm non mentiri, nihil fas nisi nefas, nihil æquum præter iniquum videbatur. Anglos autem cum totâ Curiâ suâ tanto & tam exorabili est odio persecutus; ut usuali verbo in eorum opprobrium & improprium dicere consueverint: *Anglicus fiam, si hoc fecero. Pejor sum Anglico, si illud admisero.* Ad injuriarum quoque cumulum & dedecoris argumentum, cum ad exquisita naturæ pergere parabant, dicere solebant: *Eamus facere Anglicum.* Ipse verò quoties ad populum sermonem faciebat, quod præ arrogantiâ pariter & Normannicæ verbositatis jactantiâ frequentius facere solebat, in

Anglorum

Anglorum populum, cui sermo fiebat, insolenter invehi consueverat; dicens Anglos aliquando tam militiâ quàm literaturâ laudabiles fuisse, nunc verò propter luxuriam & ebriositatem in neutrà præstantes existere. Allegabat decretum ad hoc Gregorii, quod Anglis nuper ad fidem conversis quarto & quinto gradu copulandis dispensativè datum fuerat, ubi inter cætera subiungitur. *Sed experimento didicimus ex tali conjugio sobolem non posse succrescere.* Et contra dicebat etiam, quod & auribus ipsè aliquoties audivi & me vix continui, in prædicto casu palam & publicè loquens: *Ubi, inquit, evanuit, ubi migravit utraque gloria?* ubi quò ponere deberet, ubi adverbium ponens; & inter adverbia loci motum & statum designantia male distinguens, & grammaticos literatosque viros non minùs impudenter quàm imprudenter male grammatizando contemnens, & damnabilis ipse latrando quidem sed non mordendo molestans.

Reperiuntur eadem in Giraldi Gemmæ Ecclesiasticâ, cap. 2. par. 36.

Præterea quia *Luxuriant animi rebus plerumque secundis, Nec facile est equâ commoda mente pati:* qui paulo antè cum duobus & tribus vix circumrepererat equis, mox in potestate positus cum mille & quingentis per Abbatis Angliæ sub prætextu Legationis circumibat. Milites enimvero multos tam Francigenas quàm Flandrenses ad cadaver suum custodiendum & naturales Regni Proceres opprimendum, non tanquam minister sed quasi propriis utens non alienis, præ timore pariter & præsumptione, regiis thesauris fiscalibusque stipendiis conducebat. Necesse est enim, ut multos timeat quem multi timeant, & qui multos offendit à multis exosus habeatur. Quoniam, ut ait Agellius, cunctorum meretur odium, qui omnium in commune se approbat inimicum. Nobiles quoque Regni viros, quos ei socios & coadjutores in regni regimine Rex adjunxit, in nullâ secum societate seu potestate nisi umbratili solum admisit. Quinimo cùm potestatem sibi minus provide, soli quippe & sine teste primitus indultam, saniori consilio revocatam audisset & mutilatam; multis audientibus respondisse memoratur: *Parcius agat Rex, si sapiat; nec me invidorum meorum consiliis ullatenus offendant.* Animadvertat potius & deliberet, quia in manu meâ Angliæ regnum teneo; & sibi & hæredibus suis valde alienum fiet, si voluero. Solebat etenim à privatis suis multoties inquirere, utrùm audissent de aliquo qui simul Rex fuerat & sacerdos; & tunc exemplum eis de Presbytero Johanne, qui Orientalium Rex erat atque sacerdos, proponere consueverat, arroganter in hunc modum innuens idem de se fore futurum; de Bretechem quoque Presbytero, qui nostris diebus Norwagiæ regnum & coronam viribus & armis viriliter obtinuit, loqui libenter & loquentes audire consueverat. Proinde & super matrimoniis, super honoribus & dignitatibus tam Ecclesiasticis quàm sæcularibus, pro animi sui motu ad libitum & nutum cuncta disponebat. Res amplas & excelsas nobilitate & honore dignissimas absque delectu non absque delicto suo extollendo, vilibus conferens & indignis. Rothomagensis Archiepiscopus Galterium, virum providum & prudentem, cùm à Messanâ Siciliæ ad regni regimen parem ei & potius majorem Rex remisisset, ad eò unà cum regio mandato utroque sigillo tam majore scilicet quàm minore munito contempsit; ut eundem etiam Cantuariam peregre proficisci volentem, cùm Londonias itinerando jam pervenisset, ulterius ire Tamisiæque pontem transire horrido præconis imperio prohibuisset. Demum verò tanquam modis omnibus tentans, quantum transgredi & excedere impune valeret, in Regis filium, Regisque fratrem Eboracensem Archiepiscopus Galfridum apud Dovoriam manus misit violentas, in Ecclesiâ clausit & obsedit, ab Ecclesiâ irreverenter extraxit, & in castello retrusit. Unde & effectum est; ut qui ad instar hostis antiqui in humanum genus tam inhumaniter hætenus desævire permissus fuisset, quàm cito in Christum Domini sacrilegas manus extendit, eâ qua nimis enormiter præsumpsit abuti meruisset ilico potestate privari. Multa quippe & horribilia ejusdem peccata, quæ præcesserant, ut qui in sordibus fuerat sordesceret amplius, eum ad hoc perpetrandum tam horrendum, &c. *Desunt pauca.* Giraldi



# Giraldi Cambrensis

## LEGENDA S. REMIGII.

*Dua proximè sequentes Giraldi Historia ex uno eodemque decerptæ sunt Opere, quod ipse Legendam S. Remigii inscripsit. Idem tamen alibi pluries historiam suam De Vitis Episcoporum Lincolnienſum, & Tractatum de Copulâ terge-minâ, seu sex Episcopis sui temporis, laudavit; adeò ut hi tituli Historiis Giraldi præ manibus Authore non invito apponi possint. Reliqua Operis memorati Capitula, utpote mirè fabulosa, rejeci; integrum tamen eorundem indiculum, qualis Codici MS. præfixus comparet, exhibere consultum duxi.*

### Summaria Capitulorum Legendæ S. Remigii.

- C A P. I. **D**E electione Remigii & consecratione, vitæque & morum ejusdem institutione.
- II. Quòd inter universas quibus emicuit virtutes præcipuè caritate præfulgebat.
- III. Quòd prædicationi jugiter innitendo enormes plebis excessus pontificaliter extirpavit.
- IV. Quòd Episcopalem sedem Lincolniam usque transposuit, totamque diocesi suæ Lindesiam adjecit.
- V. Quòd Ecclesiam consecrare paratus, morte præventus occubuit.
- VI. De miraculis, & primò de contracto ad tumbam viri sancti curato.
- VII. De muliere talos in tergo fixos habente ibidem curatâ.
- VIII. De adolescente, qui per annos quatuordecim contractus exstiterit, in integrum datâ sanitate restituto.
- IX. De Judeâ mutâ & surdâ sanâ ibidem effectâ.
- X. De corpore viri sancti ad latus altaris sanctæ Crucis aquilonare translato, & post triginta duos annos integro invento.
- XI. De puellâ quadam Alvevâ dictâ, à nervorum contractione curatâ.
- XII. De aliâ muliere similiter à simili morbo curatâ.
- XIII. De furdo ficique morbo graviter afflicto hîc curato.
- XIV. De muliere à Beato Thoma Cantuariensi huc transmissâ, quæ visum suscepit.
- XV. De muliere à dolore capitis decennali curatâ.
- XVI. De puero claudò & contracto ibidem erecto.
- XVII. De muliere hydropicâ simul & paralyticâ ad tumbam curatâ.
- XVIII. De frenetico & dæmoniaco sanitatem ibidem affecuto.
- XIX. De Monacho & Presbytero à febris vexatione curatis.
- XX. De puellâ contractâ poplitibus extensis ad tumbam erectâ, & viro quodam eodem ibi die visum recuperante.
- XXI. De Successoribus ejusdem, & primò de Roberto Bloeth.
- XXII. De Alexandro.
- XXIII. De Roberto de Cheineto seu Querceto.
- XXIV. De Electo Galfrido.

XXV. De

CA P. XXV. De Waltero Conſtantienſi.

XXVI. De Hugone Burgundienſi.

XXVII. De Episcopis Angliæ tergeminiſ, & primò de Thoma Can-  
tuarienſi & Henrico Winthonienſi.

XXVIII. De Bartholomæo Exonienſi & Rogero Wigornienſi.

XXIX. De Baldewino Ciftercienſi & Hugone Carthufenſi.

Incipiunt ſecundæ Diſtinctionis capitula.

I. Secunda Diſtinctio continet de corpore viri ab urbe Londoniæ Lin-  
colniam uſque tranſlato, & ibidem glorioſe ſuſcepto, multiſque miri-  
ficis actibus & tanquam miraculoſis declarato.

II. De milite de Lindeſiâ, quem ad tumbam viri ſancti primò tranſitûs  
ejuſdem anno gutta feſtra reliquit.

III. De Decano de Marnam à gravi apoſtemate curato, & filio ipſius à  
morte liberato.

IV. De muliere de Kele manibus contractâ ad tumbam viri ſancti curatâ.

V. De muliere hydropicâ ad tumbam viri ſancti curatâ.

VI. De juvene, qui viſum quo diu jam caruerat ad tumbam viri ſancti  
recuperavit.

VII. De juvene quodam de Anecaſtro in amentiam verſo, ad tumbam  
viri ſancti ſanitati reſtituto.

VIII. De viro quodam de Stubetre, qui ad tumbam viri ſancti viſum  
recuperavit.

IX. De puellâ de Wikeford tibiis totis & poplitibus contractâ, ad tum-  
bam viri ſancti curatâ.

X. De puero in Wikeford muto & ad tumbam viri ſancti curato.

XI. De puero de Potergate ſimiliter muto & ad tumbam viri ſancti cu-  
rato.

Tertia Diſtinctio.

I. Tranſitus de ſignis ante Interdictum, ad ſigna divinitus in ipſo In-  
terdicto data.

II. De Johanne Burdet milite à paralytico morbo curato.

III. De Matilde cæcâ ad tumbam viri ſancti curatâ.

IV. De Johanne de Plumgard à guttâ feſtrâ curato.

V. De milite Milone à brachii tumore pariter & dolore curato.

VI. De juvene paralytico & contracto ad tumbam ſancti viri curato.



# Giraldi Cambrensis

## LIBER

### De Vitis Episcoporum Lincolnienſium.

#### P R Æ F A T I O.

**R**everendo patri & Domino Stephano Dei gratiâ Cantuarienſi Archiepiſcopo totius Angliæ Primati & Sanctæ Romanæ Eccleſiæ Cardinali G. de Barri dictus Archidiaconus Sancti David cum ſalutatione devotâ & ſalute perpetuâ libellum ſuum. Volumen hoc bipertitum, duorum quippe virorum illuſtrium vitas exemplo præclaras & memoratu digniſſimas principaliter & præcipuè complectens, veſtræ celſitudini deſtinare curavi, quamquam tantæ majeſtati triplicique per Dei gratiam in unâ perſonâ dignitati munus indignum, digno tamen cui digna donentur præſentatum. In quo quidem luculentiffimas unius Eccleſiæ lampades duas, nubilos hos dies & finalia mundi tempora caliginofa lumine ſuæ claritatis irradiantes, cum cæteris quibuſdam non incompetenter aut inutiliter adjectis, non abſque admiratione pariter & exultatione, necnon & laudabili zelo caritatis ac ſanctitatis æmulatione conſiderare poteritis. Reperietis hîc etenim inter Lincolnienſis Eccleſiæ lilia duo niveo nitore fulgentia; quorum tamen annis aliquot præceſſit & præfloruit unum nec emarcuit, alterum autem haud diſſimiliter perpeti candore conſpicuum ſuo in tempore ſubſecutum: roſam in medio Cantuarienſem quaſi picturâ decenti purpureo colore, qui marceſcere nequit, rubricatam dignis quoque laudum præconiis brevi quidem eloquio ſed dilucido venuſtatam.

Invenietis & hîc Episcoporum Angliæ præcipuâ noſtris diebus laude dignorum Copulam tergeminam; ubi & reperire poteritis, ſi tamen lectioni interdum vacare volueritis aut valueritis, quæ animo veſtro quamquam admiſſo & quaſi currenti ac ferventi calcar adjungant, imitabilia nonnulla & laudabilia. Nam ſicut in Legendâ quadam Eccleſiaſtica de Sanctis legi ſolet: Qui Sanctorum merita religioſâ caritate miratur, quique juſtorum glorias frequenti laude colloquitur, eorum mores ſanctos atque virtutes imitetur; quoniam quem delectat alicujus Sancti meritum, delectabile eſt ei proculdubio & imitabile par circa cultum Dei obſequium. Nec enim difficile eſt nobis quod ab ipsis geritur imitari; cùm ſine præcedenti exemplo ab antiquis talia geſta conſpicimus, ut non ipſi aliorum æmuli redderentur, ſed æmulandæ virtutis ſeipſos nobis præberent exemplum. Quatinus dum nos ex ipsis, & ex nobis alii proficiunt, ſic Chriſtus in ſuis ſemper magnificetur, & angelica ruina completo maturiùs electorum numero reſtauretur.

Præſertim autem illis hoc perſacile eſt & perſpicuum, quos viam virtutis ac vitæ ſæliciter ingreſſos & victorioſos. n. pro Chriſti Eccleſiâ contra ſæculares nequitias jam conſtat certamen aggreſſos. Ad cujus appetitum etiam mentem bene inſtitutam & tam naturæ quàm indiſtriæ donis ac dotibus informatam plurimùm invitare debent non ſolum præmia patriæ, verùm & laus & gloria grandis hinc proculdubio proventura; dum tamen non hæc affectentur, vitæ ſcilicet iſtius ac viæ. Gloria namque virtutes ac virtuofos tanquam umbra ſequitur vel

vel invitos ; & appetitores ſui deſerens, laus ſæcularis & popularis applauſus diligit & appetit contemptores. Mirumque in modum res dum deſideratur amittitur, eademque dum vitatur acquiritur. Verè itaque laus umbræ ſimilis, quam non fugiendo fugabis. Si fugis en ſequitur ; fugit aſpernata ſequentem.

Pretium igitur eſt mihi laboris & præmium ; ſi libellum vobis exaratum ſaltem ſemel oculo vel aure percurratis, & poſtmodum eundem venerabili Lincolnienſi Epifcopo Hugoni ſecundo, filioque veſtro primogenito & haſtenus unigenito, ad tempus interdum precariò concedatis ; quatinus lectione reſcillatus plurimùm & delectatus, præter egregiam Remigii vitam imitatione digniſſimam, Hugonem primum Hugo ſubſequens ſequatur ; & virtutem ac vitæ ſanctitatem, quas in ipſo fuiſſe perpenderit, totis in ſe deſideriis amplectatur ; quatinus ejusdem ſicut nominis & dignitatis, ſic & ominis ac felicitàtis valeat ſucceſſor haberi. Idem conſideret ibidem deceſſores ſuos cum titulis & deſcriptionibus ſuis fere cunctos præter ultimum ſolum per ordinem omnes ; in quibus tanquam ſpeculo quodam perlucido, quæ ſibi imitanda fuerint, evidenter attendere poterit, & quæ vitanda. Non igitur aliam ab ipſo vel alio laboris hujus vel expeto vel expecto remunerationem ; niſi quodd duplicato beneficio unico tamen ad Curiam labore complendo, ſed multiplici quidem & non unicâ mercede retribuendo, Beatum Remigium nobilem Lincolnienſem Antiftitem primum ſimul cum Hugone primo, opere quidem & operâ laudatiſſimis, Romæ canonici ſatagat, Lincolniaque transferri ; quatinus qui magni meritis & gratiâ ſuis ambo temporibus & prope modum in eadem Eccleſia præſidendo pares extiterant, magno ſimul in terris dignoque parique donentur honore. Magnam quippe Beato Remigio præter merita ipſius maxima & caritatis opera quibus affluebat pene incomparabilia, ſicut præſens ejusdem Legenda declarat, gratiam & gloriam adjicere debet ; quodd Sedem ſuam Cathedralem à loco nimis incongruo & obſcuro ad urbem præclaram & locum competentem ſcilicet Lincolniam transferre curavit. Necnon & hoc quoque, quodd Lindeſciam totam ab Humbro marino uſque Withemam fluvium, qui Lincolniam permeat & penetrat per tanta terrarum ſpatia, contra adverſarium tantum tamque potentem Metropolitanum ſcilicet Eboracenſem, innatâ quippe prudentiâ præditus, & gratiâ quoque deſuper & divinitus adjutus, quoniam diligentibus Deum omnia cooperantur & prosperantur in bonum, tam Provinciæ Cantuarienſi quàm & Dioceſi Lincolnienſi ſtabiliter atque potenter adjecit.

Honorem igitur ab Eccleſiâ recipiat & in Eccleſiâ, quam tanto tamque decenti beare decrevit honore ; quatinus & eadem tanquam gemina columna in altum erecta gaudeat & exulter, fideliter ac firmiter eſſe ſubnixa, duplicique theſauro ſimul ac ſemel ſœliciter effoſſo & in aures publicas atque in commune deducto Lincolnia lætetur & ditetur ; tertiumque theſaurum pretioſiſſimum ſuo ſimiliter in tempore ſublimandum brevique dierum ſpatio propitiante Domino ſperet & expectet exaltandum, purpuream ſcilicet puniceamque Cantuariæ gemmam incomparabilem, non quidem ſub modio ponendam aut in occulto diutiùs dimittendam, ſed ut pulchriùs eluceſcat exponendam potiùs & extollendam. Cujus ſplendore non Anglia ſolùm & Britannia tota, verùm & orbis fidelium climata cuncta, quaſi ſole quodam nubibus & nebulis expulſis recenter emerſo & ſereniùs irradiato, ſignis quoque repullulantibus & virtutibus crebris renovatis, undique gaudiis illuſtrata clareſcent, & lætitudinis vocibus ac votis in laudum præconia communiter & confidenter exurgent. Hoc igitur ordine tractando proceſſimus. Præmiſimus utrique Legendæ capitula primùm, & poſtea præmium ; quatinus ex ipſis quaſi luminariſus quibuſdam commodè præmiſſis cuncta ſequentia clariùs eniteſcant,



escant, & Lectoris animo longe evidentiùs atque efficaciùs singula per partes congruas & distinctiones innotescant.

*Valeat in Domino Dominus meus.*

### Incipit Proemium.

**V**itas virorum virtute prædita legere libenter & mente tenere laudabilis est operæ diligenti: Eorumque præcipue juvat acta recolere, qui nubilos hos dies & caliginosas finalis temporis hujus & mundi vespere tenebras nobiscum conversando lumine suæ claritatis irradiant. Mundo nimirum in maligno posito fidei fervor olim intepuit; & quasi rivulo procul ab origine longâ derivatione producto, nativum fontis saporem unda deposuit. Unde & quanto magis multorum hodie caritas quasi contagiis infectorum morefque formantium à convictu jam refrixit; tanto propensius ipsam variis tam lectionum remediis & exhortationum quàm etiam sanctæ conversationis exemplis, tanquam incitatoriis quibusdam & auram provocantibus, opus est exsuscitare. Cogunt enim nos, ut ait Gelasius, multas invenire medicinas multorum experimenta morborum. Quid autem cor hominis ad caritatem & correctionem magis accendit, quàm homines in terris attendere nil animo profus terrenum sapientes, verùm totis cœlo nifibus fixos, terram carne cœlum corde tenentes, vitamque beatam quæ non auferetur hîc jam sceleriter inchoantes? Isti, ut ait Augustinus, sunt sancti qui lucent in medio hujus nationis pravæ & perversæ sine querelâ, fixi in cœlo; quibus dicit Apostolus, <sup>a</sup> *Omnia facite sine murmuratione, positi in medio nationis prava; ut luceatis tanquam luminaria in mundo.* Horum autem conversatio in cœlis est; unde despiciunt quæ in terra fiunt, quasi non curent quæ hîc gerantur; & sicut luminaria placide peragunt cursus suos, quicquid in terris agatur; lectioni & orationi, labori manuum & abstinentiæ dati, angustiiati, afflicti, quibus dignus non erat mundus. Hi sunt igitur alios tam vitâ quàm verbis ædificantes, seque vivendi tanquam exemplaria mundo donantes; qui juxta illud Angeli in Daniele, <sup>b</sup> *Quoniam ad justitiam erudiunt multos, quasi stella fulgent in perpetuas aternitates.* Hi nempe ad laudabilem meliorum æmulationem bonos accendunt; malos autem ad conversationem virtutumque quas in ipsis vident imitationem tam monitis quàm bonorum operum exemplis vocant, vel saltem ad earundem admirationem pariter & approbationem efficaciter invitant. Virtus enim vero est virtutem diligere vel in altero; & magnum bonæ indolis indicium, immo quasi quoddam bonitatis ipsius initium, bonum quod nondum mens ad plenum tenet in proximo diligere & approbare. Quoniam, ut ait Augustinus, Qui in alio amat bonum, quod ipse non habet, imputatur ei tanquam haberet. Hi sunt enim, qui affectus carnis ex toto superant, & potenter Dalidam suam domant; qui non terram sapiunt, sed quæ sursum sunt, qui in carne quidem ambulant sed non secundum carnem militant, qui mundi delicias omnes & divitias tanquam lutum calcantes altâ mente contemnunt, nec quicquam præter Deum cogitare dignum ducunt. Hi sunt, ut ait Ambrosius, in quibus non est corporalium possessionum ulla cupiditas, quos non inflamat libido, non stimulat avaritia, non effæminat lascivia, non decolorat luxuria, non stermit ambitio, non macerat invidia, non aliqua negotiorum sæcularium cura sollicitat. Quorum aliqui si ad mundanas fortè dignitates & rerum culmina quandoque rapti fuerint; paupertatem spiritûs & humilitatem non exuentes, spontaneam inter opes inopiam & inter escas inediam patiuntur. Aurum enim & algam æquiparantes divitiis, cum affluunt, quæ pusillanimes quidem & terrenâ

<sup>a</sup> Phil. ii. 15.

<sup>b</sup> Dan. xii. 3.

terrenâ fæce defixos à viâ veritatis avertere ſolent; cor non apponunt; ſed potius eiſdem in caritatis operâ bene utendo viam ſibi per hæc materiamque augment & ampliant ad coronam, juxta illud Philoſophi: *Magnus ille eſt, qui in divitiis pauper eſt*: Et illud Pfalmiſtæ; *Simul in uno dives & pauper*. Inter hos autem electos & electorum electiſſimos non longè ante hæc noſtra extabat tempora mundus à mundi contagio, qui & noſtro nunc cauſam calamo dedit, ſanctæ memoriæ vir Remigius Lincolnienſis Antiſtes primus; qui Anglicani ſuis diebus lux & gemma ſacerdotii, totam incomparabili ſplendore Inſulam lumine ſuæ ſanctiſſimæ converſationis illuſtravit. In quatuor itaque particulas Libellus iſte diſtinguitur. Prima viri ſancti vitam ſingulariter & geſta complectitur. Secunda virtutes ipſius & ſigna proſequitur. Tertia ſucceſſorum ejusdem ſex proprias ſeriatim exprimit actiones. Quarta præ-electorum Angliæ noſtri temporis Antiſtitum ter geminorum mores & modos comprehendit.

*c* Pfal. xlix. 1.

*Explicit.*

#### CAP. I. De electione Remigii & conſecratione, vitæque & morum ejusdem institutione.

**R**emigius ergo tempore Anglorum Regis Willelmi primi agnomine Baſtardi, regno ſibi armatis viribus & animoſitate ſubacto, circa initialia quoque regni ejusdem tempora ad ſedem Dorkeceſtrenſem à Clero loci illius canonicè in Episcopatum eſt electus, & à viro venerabili ac Sancto Archipræſule Cantuarienſi Lanfranco ſolemniſter apud Doroberniam conſecratus. Erat quippe vir prudens & providus, & copioſè literatus, de Normanniâ oriundus, & Fiſcamnenſis Monafterii Monachus profeſſus. Et quoniam *Principibus placuiſſe viris non ultima laus eſt*; Regis notitiam, quamplurimam familiaritatem atque favorem habens, putà qui cum ipſo in Regnum venerat, & decem militibus quos in ejus auxilium & obſequium Abbas ejus miſerat quaſi Decurio nobilis in neceſſariorum miniſtratione præſectus. Illud autem officium quamquam invitè ſuſceptum quoniam à Monaſticâ quiete longè alienum, ſed per obedientiam tamen à ſuis ſibi primoribus injunctum, cum tantâ induſtriâ atque modeſtiâ geſſerat; ut tanquam omnibus omnia factus, nec ſæcularem militiam in tanto tumultu ac populari ſtrepitu auſteritate nimîâ vel ſingularitate religionis oſtenderet, nec ordinis aut habitûs dignitatem ullius nævo maculæ per mundi contagia denigraverit.

Religionem igitur, humilitatem, manſuetudinem & pietatem, ac præcipuè caritatem quaſi præcipuam & primam, radicas olim in ſe virtutes in ſublimitate non deſerens, ſed magis exemplo docens, quia non mutant mores, ut dici ſolent, ſed potius monſtrant & revelant honores, tantam in cunctorum oculis gratiam obtinuit; ut ſolus inter Anglorum Antiſtites præcipuus & verus orphanorum & pupillorum deſenſor, necnôn & afflictorum ſuſtentator eſſe videretur; adeò ut ore & opere moribus egregiis & vitâ laudabili canonicam illam paſtoralis viri deſcriptionem, quod raris accidere ſolet, plenè adimpleſſe videretur.

CAP.



C A P. II. Quod inter universas, quibus emicuit, virtutes præcipuè caritate præfulgebat.

<sup>d</sup> 2 Cor. viii.

13.

<sup>e</sup> Gal. iv. 15.

<sup>f</sup> Joan. iii. 17.

<sup>g</sup> Eccl. xiv. 13.

<sup>h</sup> Eccl. xvii. 18.

<sup>i</sup> Tob. iv. 7.

<sup>k</sup> Prov. xix. 17.

<sup>l</sup> Prov. xx. 13.

**I**Nter cetera verò virtutum ejusdem insignia adeò caritatis titulos præferbat; ut in Christi pauperes se totum exhauriendo tam proprias si quæ fuerant quàm Ecclesiæ suæ facultates eisdem non pro posse solum sed quasi Martinus alter ultra posse plerumque largiretur: Illud Pauli ad Galathas se legisse dissimulans; <sup>d</sup> *Nolo ut aliis sit refrigerium, vobis autem tribulatio.* Sciebat enim & eundem ad Galathas eisdem scripsisse; <sup>e</sup> *Si fieri posset, oculos vestros eruissetis, & dedissetis mihi.* Et Johannes in Epistolâ canonica primâ. <sup>f</sup> *Qui habuerit substantiam mundi, & viderit fratrem suum necessitatem habere & clausit viscera sua ab eo; quomodo caritas Dei manet in eo?* Præmiserat autem *In hoc cognovimus caritatem Dei; quoniam ille pro nobis animam suam deposuit; & nos debemus pro fratribus animas nostras ponere.* Sed si animas, quanto magis & pecunias? Item & illud Ambrosii: *Necessitates aliorum, quantum possumus, juvemus; & plus interdum quàm possumus: Licet tamen paulò post subjunxerit: Misericordiæ verò modus servetur; ut non sibi quisque totum eripiat, sed quæ habet cum paupere partiatur.* Sed & idem alibi. *Non minus est criminis habenti tollere quàm cum possis & abundes indigentibus denegare.* Et alibi: *Tantum te scias invadere bona, quantis possis præstare si velis.* Item Beda: *Frustra manus suas ad Deum orando expandit, qui eas ad pauperes pro posse non expandit.* Item Hieronymus: *Pars sacrilegii est rem pauperum pauperibus non dare.* Item in Ecclesiastico: <sup>g</sup> *Ante mortem benefac amico, & secundum vires tuas exporrigens da pauperi.* Et paulò post, <sup>h</sup> *Conclude eleemosynam in sinu pauperis; & hæc pro te exorabit ab omni malo.* *Eleemosyna viri quasi sacculus cum ipso; & gratiam hominis quasi pupillam conservabit.* Item Tobias ad filium; <sup>i</sup> *Ex substantiâ tuâ fac eleemosynas; & noli avertere faciem tuam ab ullo paupere.* *Ita enim fiat, ut nec à te avertatur facies Domini?* *Quomodo poteris, ita esto misericors; si multum tibi fuerit, abundanter tribue; si exiguum fuerit, & exiguum libenter impertire stude.* Item Salomon in Parabolis: <sup>k</sup> *Domino fâneratur, qui pauperi miseretur.* Et in eisdem; <sup>l</sup> *Qui obturat aurem suam ad clamorem pauperis, & ipse clamabit & non audietur.* Item Albinus: *Tria sunt genera eleemosynarum; una corporalis egenti dare quicquid poteris, altera spiritualis dimittere à quo læsus fueris, tertia delinquentem corrigere & errantes ad viam veritatis reducere.* In quibus omnibus incomparabiliter Remigius emicuit.

C A P. III. Quod prædicationi jugiter insistendo enormes plebis excessus pontificaliter extirpavit.

**H**IS igitur & similibus vir Deo plenus ad caritatis opera non mediocriter allectus, longè tamen plus ad hæc internæ pietatis & dilectionis ardore compulsus, quolibet ætivo tempore à Kalendis Maii usque ad Kalendas Augusti præter opera misericordiæ, quæ in cunctos ferè quos videbat egenos misericorditer exercebat, mille ex more pauperibus alimenta præbebat ac præterea cæcos, claudos, languidos, & variis incommodis debiles & imbecilles, qui ad victum quærendum se movere non poterant, centum sexaginta vestibus annuatim & cibariis sustentabat. Item quolibet die cum ad prandium sedebat, mensæ suæ xiii. ex consuetudine pauperes adhibebat; omnique feriâ vii. mandatum cum summâ humilitate ac devotione celebrabat. Ad hæc etenim primus

mus hic juxta verbum Lincolniaſe leproſis habitaculum lapideum conſtruxit, & ad uſum vitæ neceſſaria quæque ſuppeditavit; adeò ut cẽtum eis & perpetuum XIII. marcarum redditum assignaret. Quos & crebrâ viſitatione confortando & tam animæ cibum quàm corporis largiendo, ad patientiam & longanimitatem verbo prædicationis inſtruebat; docens carnis martyrium tale patienter & purè ſufferentibus Deoque jugiter & devotè ſupplicantibus ipſumque ex toto corde diligentibus & gratias ei in cunctis agentibus ad ſalutis animarum remedia divinâ miſeratione collatum.

C A P. IV. Quòd Episcopalem ſedem Lincolniam uſque tranſpoſuit, totamque Dioceſi ſuâ Lindefeiam adjecit.

**H**IS itaque Remigius & moribus ornatus, & operum meritis imitabile bonis omnibus exemplar datus, de Sedis ſuæ Lincolniam uſque locum longè Cathedrali Eccleſiæ competentiorẽ tranſlatione, quod olim mente conceperat, non abſque labore grandi & operâ erga Regem & Archiepiſcopum excambium Eboracenſi pro Lindefeia donantes prudenter effectui Deo coöperante mancipavit. Et ſic Lindefeiam terramque totam Widhemam ſcilicet Lincolniaſe fluvium & Humbriam [interjacentem] Dioceſi ſuâ Provinciæque Cantuarienſi viriliter adjecit. Utque firmiori quod geſtum fuerat ſtabilitate conſtaret, Cathedralẽ Eccleſiam ſuam in ſummo apud Lincolniam montis vertice trans Widhemam in honore beatæ Virginis fundari egregièque in brevi conſummarĩ procuravit; ſicut longè ante miraculis quibuſdam, ſignis & prodigiis multiſque ſanctorum tam virorum quàm mulierum viſionibus præter ſpem futurum eſſe divinitus fuerat declaratum. Conſtitutâ verò Eccleſiâ & ſtabiliter collocatâ juxta ritum Rothomagenſis Eccleſiæ, quam ſibi in ſingulis quaſi exemplar elegerat & præfecerat, Canonicos viginti & unum ſtatim adhibuit, datis Præbendis & assignatis cunctorum etiam altarium totius Eccleſiæ oblationibus Canonicis eiſdem perpetuâ largitione conceſſis.

C A P. V. Quòd Eccleſiam conſecrare paratus, morte præventus occubuit.

**H**IS itaque completis, quum gregem commiſſum gravibus olim involutum criminibus invenit; prolem enim propriam quam genuerat, nepotes etiam & neptes, alienigenis in ſervitutem deſtandâ avaritiâ venalem ex conſuetudine prostitutebant; perjurium, adulterium, inceſtum pro modico, vagum verò concubitum & illegitimum pro nihilo reputabant; cœpit prædicationi & inſtructioni tanquam ſtrenuus paſtor & impiger vitiorum eliminador inſiſtere, totamque Dioceſim de fine ad finem fortiter attingens, ſuaviterque diſponens, tam circumeundo quàm penetrando non ceſſavit; donec præſcriptas enormitates & alias quaſcunque reperiebat pro poſſe funditus eradicâſſet, & extirpatis vitiis more boni paſtoris & non mercenarii undique virtutes pontificaliter inſeruiſſet. Quibus egregiè peractis, vir magnanimus & Deo plenus nil credens actum cùm quid ſuper'eſſet agendum, manum Eccleſiæ ſuæ conſummationis & ſacræ munus dedicationis adhibere totâ mentis intentione propoſuit. Convocatis autem ad hoc tam Episcopis quàm Abbatibus infinitis, ſumptuum quoque in tantorum & tot virorum adventu ad exhibitionis honorem ſufficientiâ longâ & largâ proviſione congeſtâ, vir ſanctus quod tantopere deſideraverat morte præventus effectui non mancipavit. Quarto namque die



ante dedicationis diem, quia semper extrema gaudii luctus occupat, in mœorem versâ lœtitiâ rebus humanis exemptus est. Erant autem Dominicæ dies Ascensionis & dies Sancti Johannis ante portam Latinam concurrentes; quum vir sanctus tanquam unâ cum Domino cœlos ascendit, & exultantibus Angelis Empiræ palatii portas æternales foeliciter intravit. Unde & à quodam dictum est.

*Festa Johannis erant portam simul ante Latinam,  
Et Domini ascensus; cū pater hic obiit.*

Occulta sunt ergo judicia Dei; cū ferè in omnibus ad votum antè successerat, hoc illi desiderium suum tam laudabile tam honestum non est consummare concessum. Ergo nec velle volentis nec currere currentis, sed totum est Dei miserentis. Exequiis autem ut tantum virum decuit solemniter & rite peractis, sepultus est à fratribus in eadem Ecclesia in prospectu altaris sanctæ Crucis pridie Nonas Maii.

C A P. X. De corpore viri sancti ad latus Altaris sanctæ Crucis aquilonare translato, & post triginta duos annos integro invento.

**P**ROCESSU verò temporis Cathedralem Beatæ Virginis Ecclesiam casuali contigit igne consumi; & ipso incendio cū fortiùs ingrueret tecti materiâ in aream corruente, petra corpori superposita per medium confracta partes in geminas & separata. Cujus eventus occasione à Canonicis loci ejusdem inito consilio, quatinus ad locum secretiorem communique à transitu remotiorem corpus transferretur, sapienter est decretum. Jejuniis igitur, orationibus & confessione communiter purgati & mundati, effossum corpus & discoopertum, cum annis jam XXXII. in terrâ jacuisset, adeò integrum ut ibi positum fuerat est inventum; nullâ etiam in veste ipsius vel in modico læsione repertâ. Quidam autem nomine Ricardus, similiter natione Normannus, videns & admirans corporis integritatem barbæque, quæ prolixa aliquantulum tanquam excrevisset extiterat, temerariâ præsumptione tentare volens an pili firmis carni radicibus inhærent, vellere manu fortiter cœpit, sed nec unum avellere potuit. Qui continuò domum remeans, tam plectibilis præsumptionis audaciam divinâ statim ultione secutâ, gravi morbo correptus, per annum integrum lectum tenuit & languorem. Translatum est ergo reverentiâ magnâ, sicut tantum decuit thesaurum, corpus usque ad altare sanctæ Crucis, ibique ab Aquilonari latere debiti honoris exhibitione reconditum. Annulus autem à digito ipsius extractus & aquis intinctus potum febricitantibus variisque languoribus ægrotantibus salubrem dedit.

C A P. XXI. De Successoribus ejusdem, & primò de Roberto Bloeth.

**I**GITUR vitâ Beati Remigii sub stili brevitate transcursâ, subsequen-  
tium nomina summatim & acta perstringere non incongruum reputavi. Successit itaque Remigio Robertus Bloeth, similiter natione Normannus, prudentiâ & probitate conspicuus. Hic palliis olofericis, capis auro intextis, phylateriis, phialis, crucibus & textis aureis & argenteis, artificum diligentiam mirifice fabricatis, Ecclesiam suam laudabiliter adornavit. Terras plurimas & maneriâ perquisivit; Præbendas quoque in duplum multiplicavit. Cū enim  
viginti

viginti & unum tantum inveniffet ; totidem adjiciens XLII, adimplevit. Controverſiam magnam ab Archiepiſcopo Eboracenſi Thoma ſuper Lindeſciâ recuperandâ totâque terrâ ex parte illâ uſque Windhemam Eccleſiæ ſuæ reſarciendâ ſuæque Dioceſi redintegrandâ ſumptuoſis litibus ſuſcitata à Rege Willelmo Willelmi filio, cujus Cancellarius extiterat, fiſcalibus facultatibus & excambiis perpetuâ ſedari tranſactione curavit. Monachos quoque de Stowa uſque ad Egneſham laudabili commutatione & Eccleſiæ Lincolnienſi tam propter manerii propinquitatem & amœnitatem quàm & Præbendarum vicinitatem valde accommodâ providè tranſpoſuit ; baculique paſtoralis donationem & principalis diſpoſitionis & proviſionis honorem ſibi & ſucceſſoribus ſuis reſervavit. Sed hujus tempore Elienſis Eccleſia per regiam voluntatem & violentiam deſiit eſſe Lincolnienſis filia ; & facta eſt cathedraliter principalis, quæ fuerat antea ſubjugalis. Spaudewic tamen cum pertinentiis ſuis XL. librarum manerium à monaſterio Elienſi in excambium ſuſcepit. Et quia ſtultitiam patiuntur opes, & proſperitas ſtultorum perdet eos ; inter alia ſui deliramenta, quamquam in multis tamen ſuæ Eccleſiæ periculis, centum librarum pallium peregrinis ſabellinarum pellibus nigris admodum arque interjectâ canitie reſperſis & exquisitiſſimo panno conſertum Regi Henrico primo dedit ; & inconfideratâ largitione ad donaria ſimilia ſucceſſores ſuos obligavit.

C A P. XXII. De Alexandro.

Huic ſucceſſit Alexander, de Normanniâ ſimiliter oriundus. Hic Præbendas aliquot adjecit ; terras etiam aliquas & maneria perquiſivit. Sed quatuor ex terris Eccleſiæ ſuæ & redditibus, tanquam unum altare ſpoliando & alia veſtiendo, Monaſteria conſtruxit. Tria quoque Caſtella in terris Eccleſiæ ſuæ magnis ſumptibus erexit, hoſtili quidem quod tunc inſtabat tempore perneceſſaria. Pallium, quod deceſſor ſuus primò dedit, & ipſe quoque ſine contradictione perſolvit. Eccleſiam tamen Lincolnienſem caſuali igne conſumptam egregiè reparando lapideis firmiter voltis primus involvit.

C A P. XXIII. De Roberto de Cheinto.

Succeſſit Alexandro Robertus de Cheineto ſeu Querceto, vir generoſus, natione quidem Anglicus, ſed cognatione Normannus. Hic terras quaſdam alienavit, quaſdam neptibus ſuis nuptui dandis cum ſcandali notâ donavit. Ad hæc etiam Eccleſias de maneriis ſuis quatuor, quas deceſſores ſui Clericis Capellæ ſuæ dabant, & unam Præbendam Ordini de Semplingeham in perpetuum donando, Eccleſiam Lincolnienſem & ſucceſſores ſuos non mediocriter damniſicavit. Item Sanctum Albanum amiſit ; cum tamen tantâ familiaritate Monaſterium illud Eccleſiæ Lincolnienſi junctum fuiſſet, quod Abbates ejusdem plerique in Eccleſiâ Lincolnienſi Præbendati extiterant. Manerium tamen X. librarum, cui nomen Stanrige, à Monaſterio Sancti Albani quaſi in compenſatione ſuſcepit. Idem etiam in trecentis libris erga Aaron Judæum Eccleſiam ſuam obligavit. Crevit ergo Dioceſis Lincolnienſis per Remigium ; ſed decrevit enormiter per Robertum & Robertum. Cunctas tamen Cathedrales adhuc regni totius Eccleſias, VII. Comitatus & dimidium in ſe continens terræ populofa, & præter varios perſonatus alios ſeptem vel octo Archidiaconatus habens, longè latèque Dioceſis amplitudine vincit. Ergo non dormitabit deſes neque dormiet, qui bene cuſtodiet illam. Mercatus tamen nonnullos & munditias perutiles hic acquiſivit ; & unam Præbendam adjecit. Domos quoque



que de veteri Templo Londoniis Ecclesiæ suæ comparavit ; & domos Episcopales cum terris quoque ubi fixæ fuerant comparatis sumptibus magnis Lincolnæ fecit.

#### C A P. XXIV. De Electo Gaufrido.

**H**UIC autem ad regimen Ecclesiæ Lincolnienfis, multis Episcopio prius annis in fiscales abusus enormiter usurpato, successit Gaufridus electus Regis, Henrici secundi filius, de Archidiacono Lincolnienfi patre procurante ad ejusdem sedis cathedram sublimatus. Hic autem inter ipsa initia ornamenta Ecclesiæ suæ, quæ in libris argenti trecentis apud Aaron Judæum decessor suus obligaverat, redimendo statim adquietavit ; & ipse quoque ornatus Ecclesiæ suæ plurimum propriis donariis amplificavit. Cui & inter cætera quoque campanas duas grandes egregias atque sonoras devotâ largitione donavit. Nobiles quoque personas litteratosque viros in Ecclesiâ suâ plerosque plantavit ; terras quoque nonnullas antea perditas viriliter recuperavit. Idem in Werrâ illâ magnâ, quam Regi Henrico filii legitimi pravorum consilio suscitaverant, verè filius naturalis, quoniam patri naturaliter adhærens & fideliter assistens, castella Rogeri de Mumbrai fortiter expugnando, Scotorumque Regem Willelmum à borealibus Regni finibus refugando viriliter & repellendo, remotiores Northumbriæ fines egregiè pacificavit. Unde & quoniam innatâ strenuitate patri circa dies extremos pernecessarius videbatur ; ipso procurante Lincolniensem Ecclesiam sponte resignavit, & Cancellariam Regis cum terris magnis tam in Angliâ quàm transmarinis à patre suscepit. Et sic ingruentibus circa finalia tempora per legitimos incommodis multis, contra Francos contraque fratres patri usque ad extremum ejusdem obitum egregiè militavit. Quo defuncto, in metropolitanam Eboracensis Ecclesiæ sedem est sublimatus.

#### C A P. XXV. De Waltero Constantienfi.

**S**UCCESSEIT autem Walterus Electo, de Constanciis dictus, sed revera de Cornubiâque natus, & nobili Britonum gente ac Trojanâ stirpe originaliter propagatus. Vir affabilis & liberalis, litterarumque studiis affatim eruditus, & in sæcularibus Curiaque negotiis prudens admodum & discretus ; unde & Regis aliquamdiu tam Consiliarius quàm Archisigillarius existens, eodem procurante ad sedem Lincolniensem est vocatus ; ubi tantum annuus existens, iterum Rege procurante, ut in consiliis suis & arduis negotiis propius eidem assisteret, ad principalem Normanniæ cathedram & Metropolitanam Rothomagensis Ecclesiæ sedem est translatus. In uno tamen Lincolniensem Ecclesiam graviter læsit, totumque Capitulum non mediocriter offendit ; unde & vir præclarus magnam in gloriâ suâ maculam posuit : quodd Ecclesias illas, quas prædecessor ejusdem Robertus de Querceto quondam ut diximus alienaverat, in ipso discessu suo Ordini de Semplingeham, quacunque gratiâ seu beneficio præveniente vel subsequente, cartarum suarum & sigilli munimine perpetuâ stabilitate roboravit.

## C A P. XXVI. De Hugone Burgundienſi.

Successit autem Waltero Hugo, de Burgundiâ natus, ingenuis de ordine militari natalibus ortus. Hic à juvenilibus annis honestati & religioni datus, ne per lubricum ætatis in lapsum rueret, archiepiscopis Cantuariensis observantiæ regulis se mancipavit. Unde transmissus postmodum Prior in Angliam, in cellulâ de Witham Regis Henrici secundi, qui forestam ubi sita est cellula venandi studio frequentare, locumque eâ occasione arque Priorem visitare consueverat, familiaritatem in brevi & favorem adeptus, in Lincolnienſi Ecclesiâ est sublimatus. Hic igitur in primis justitiæ cultor rigidus existens, nec aulicis vel curialibus aut publicis officialibus in Ecclesiam aut Clerum grassantibus, ut solent, vel in modico deferebat. Quicquid honestati, quicquid religioni, quicquid Ecclesiæ suæ proficuo vel honori prodesse videbat, totum effectui mancipare totisque nisibus adimplere curabat. Communam Ecclesiæ suæ egregiis largitionibus amplificavit. Canonicas in certis perpetuisque beneficiis, terris videlicet & Ecclesiis olim amissis quas recuperavit, duas adjecit; Aliasque duas à decessoribus olim in denariis ex camerâ constitutas cancellavit. Item Monasterium de Eghesham olim perditum iri regiâ potestate paratum viriliter retinuit; baculique pastoralis donationem sumptuosos laboribus sed efficacibus & fructuosos ad Ecclesiam Lincolnienſem revocavit. Item Ecclesiæ suæ Capitulum Pariis lapidibus marmoreisque columnis miro artificio renovavit, & totum à fundamento opere sumptuosissimo novum erexit. Similiter & domos Episcopales egregias construere cœpit, Dominoque cooperante longè prioribus ampliores & nobiliores spe certâ consummare proposuit. Item pallium illud Bloetinum & Alexandrinum, minus providè minusque circumspicte semel datum, & ob hæc perpetuo debitum, saniori consilio depilavit; & tam interminabilem tantæ servitutis exactionem per cartas regio sigillo munitas, Lincolnienſis Ecclesiæ libertatem ac perpetuam, si regnet in terris fides, immunitatem protestantes, unicâ largitione delevit. Item personas egregias, literaturâ & honestate præclaras, per regni amplitudinem quasi studio quodam ad hoc electas, fideles Ecclesiæ suæ columnas erexit; non sanguinem imprimis ut cæteri, non sobolem carnaliter sapiens, sed duce spiritu ac ratione præviâ litteras potius & merita pensans. Item cupiditatis omnis & ambitionis expers, ab omni munere, subjectorum gravamine & exactione potenter manus excutens, adeo Simonix laqueos, quibus cuncti hodie ferè majores irretiuntur, exhorruit; ut sponte oblata plerumque donaria, ne sinistra suspitionis ulla suboriri nota valeret, ex consuetudine recusaret, etiam ad antidora teneri & vel mentaliter ac naturaliter obligari plurimum cavens. Sed quid per singula curro? Tot bonitatis & probitatis ejusdem, tot virtutis & honestatis indiciis tam insignis enituit; ut tanquam unica suis diebus Anglicanæ Ecclesiæ columna, singulareque speculum divinæ repercussione luminis elucescens, & propemodum in omnibus non petere exemplum sed dare dignus existens, inter Lincolnienſes Antistites usque ad sua jam tempora post Beatum Remigium meritò primus & præcipuus, si principio finis assenserit, habeatur. Utinam ergo talarem indutus tunicam, quæ tam laudabiliter inchoavit felici fine concludat, & in anteriora se constanter extendens & non respiciens, operam adhibeat, opemque divinam ad hoc exposcat; quatinus vitæ commendabilis cursûs Primo ne medium, medio ne discrepat imum. Sed quanto fini affinior, tanto ad finem Christum amplioribus virtutum passibus & elegantioribus bonorum operum studiis fervente caritate non frigescente de die in diem magis accedat.



## Giraldi Cambrensis

## COPULA TERGEMINA:

S E U

## De Vitis Sex Episcoporum Coætaneorum.

CAP. XXVII. De Episcopis Angliæ ter-geminis ; & primò de  
Thoma Cantuariensi & Henrico Wintoniensi.

**Q**uoniam autem de Lincolnæ Prælati nullum prætereundo per ordinem differuimus ; de Anglicanis consequente nostri temporis Episcopis, non omnibus quidem, quia dispendiosum & longum esset, sed paucis ad modum & potioribus, aliqua forsitan memoratu digna dicemus. Singulorum autem, quos novimus & vidimus, dum mores & modos mente recolimus propensiore, certatim occurrere videntur tergemini quasi sub copulâ triplici, longè præ cæteris omnibus præconiali laude dignissimi. In hoc autem senario per triplicem binarium ordinatè distincto duo concurrunt, sicut tempore primi, sic & præ cæteris moribus & sanctitate conspicui : Thomas Cantuariensis, & Henricus Wintoniensis. Erant enim hi duo contemporanei, sed non coævi ; ultima namque Wintoniensis tempora Cantuariensis incathedrati videre prima & doluere postrema. Unde auditâ morte Martyris & modo mortis, sacrum os statim in hæc verba resolvit. Per ordines, inquit, Dei verè Martyr, & verus ac magnus Martyr est iste ; sed ecce quemadmodum juvenes cælum rapiunt ; & nos miseri senes quid hîc moramur inutiles ? Et tamen cum ille in fine Decembris, sicut notum est satis, gladiis impiorum occubuerit imò veriùs ad cæli palatia transvolaverit ; *⁊ Justus enim si cecideret, non collidetur, quia Dominus supponit manum suam* : Iste Septembri sequente plenus dierum & bonorum rebus humanis exemptus est, tanquam sine socio diutiùs in terris subsistere tedium ducens, & absque compari stella ampliùs in tenebris lucere recusans. Ut autem specialiter aliquid de ipso dicamus ; illud imprimis, quod ad utrumque tam ipsum scilicet quàm Cantuariensem illum æque pro parte referri potest, explicabimus. Quùm ergo Wintoniensis inter Episcopos Angliæ quasi Subdecanus existens, Decanò Episcoporum Londoniensi scilicet ante promotionem Thomæ Cantuariensis rebus humanis exempto, munus ei consecrationis impendit ; & statim hoc completo dixisse memoratur : Frater charissime, duorum optionem nunc tibi do, & tanquam ludum partitum tibi constituo, aut summi Regis gratiam proculdubio perdes, aut terreni. Noverat enim Regis Henrici secundi naturam Ecclesiasticæ libertati ex toto contrariam. Quo dicto, sic ilico Thomas oculos & manus ad cælum levando subjunxit. Et ego Deo opitulante viresque mihi ministrante, hanc partem firmiter eligo ; quod nunquam pro terreni Regis amore seu favore gratiam & favorem summi Regis amittam. Hanc etiam optionem pariter & sponsionem uterque lacrimarum profusione & consecrator quoque dextrâ manus benedictione confirmavit.

Proinde

• Psal. xxxvi.  
24.

Proinde & audito transitu Martyris tam eximio & tam insigni: Deo, inquit, summo patri gratias intimas ago; quod datum est mihi tanto viro manus consecrationis imposuisse. Item Henricus iste merito magnus ac magnificandus, & tam animi quam atavi nobilitate præclarus, Anglorum quippe Regis Henrici primi ex sorore nepos extiterat, & nobilissimi Blæsenfis illius Theobaldi frater, & Stephani filius, Stephanique Regis Angliæ frater tam iterinus quam germanus; hic inquam quicquid in bestiis, quicquid in avibus, quicquid in monstris terrarum variis peregrinum magis & præ oculis hominum vehementius obstupendum & admirandum, audire vel excogitare potuerat, tanquam innatæ nobilitatis indicia congererat. Præterea opera mira, palatia sumptuosissima, stagna grandia, ductus aquarum difficiles, ipogeosque varia per loca meatus, denique ea quæ Regibus terrarum magnis difficillima factu visa sunt hæcenus & quasi desperata, effectui mancipari tanquam facillima miræ magnanimitate procurabat. Ad hæc etiam in manu ipsius regni tranquillitas & turbatio fuit. Fratrem ejusdem Regem Stephanum ab ejus gratiâ quandoque desertum statim fortuna deseruit, & captum apud Lincolniam in publico conflictu carceri retrudendum dedit. Qui tamen in brevi restitutus, ad gratiam continuo nobilis Antistitis, fratris afflictæ naturali pietate miserti, armis & animositate liberatus, miro commercii commutandique modo Rege pro Comite dato, cum plenâ pristini honoris integritate regnum simul & sceptrum recuperavit. Unde Papa Eugenius de hoc Antistite dicere consueverat. Hic ille est ille, qui potuit linguâ suâ duo regna corrumpere: In cujus erat potestate ad nutum creare potentes & evertere. Et tamen à Curia Romanâ Angliæ totius Legationem adeptus, Archipræsulum aliquamdiu supercilia premens & dejiciens, cunctorumque ferè majorum in Insulâ superbiam calcans, regniq; colles incurvans & tumorem explodens, Ecclesiasticæ dignitatis honorem justitiæque rigorem tam indultâ desuper potestate quam & innatâ nobilitate conservavit. Domos regias apud Wintoniam Ecclesiæ ipsius atrio nimis enormiter imminentes, regiæ Londoniensi nec qualitate nec quantitate secundas, quoniam Cathedrali Ecclesiæ cui præerat nimium vicinæ fuerant & honorosæ, vir animosus & audax funditus in brevi raptim & subito noctâ solum temporis opportunitate dejecit; & in majorem publicæ potestatis offensam ex dirutis ædificiis & abstractis domos Episcopales egregias sibi in eadem urbe construxit.

Licet autem mundano fastu rerumque sæcularium vanitate pariter & curiositate tantum, prout videbatur, implicitus & involutus existeret; nihil tamen in mente superbum, nihil in vultu superciliosum, nihil in habitu vel gestu varium aut religioni dissonum, circa postrema sui præsertim tempora, præferebat. Quinimo Cluniacensis à puerilibus annis Monachus existens, humilitatem Ordini competentem, religionem, sanctitatem, & quo præcipue centesimi fructus coronam meruit, in tantâ tam potestate quam sanguinis & stirpis nobilitate carnis virginitatem quo ad interiora & mentis secretiora conservavit.

Item Cathedrali Ecclesiæ suam palliis purpureis & olofericis cortinis & aulæis preciosissimis, textis, philateriis, crucibus aureis massatis & argenteis, miro & exquisito artificio longè materiam exsuperante fabricatis & gemmatis, incomparabiliter & inestimabiliter usque ad Regum invidiam exornavit. Item cum audisset Presbyteros per Diocesim suam post multas commotiones & præceptiones de calicibus argenteis habendis in stagnis passim celebrare, convocatis omnibus tanquam ad auxilium postulandum, dederat enim paulò ante quingentas marcas Regi Henrico ad expeditionem Tholosanam, significavit eis quod in calicibus argenteis, quibus restaurare vel ex parte damna possit Ecclesiis olim per Werras suas irrogata, petebat sibi auxilium ferri. Quo promptissimâ à cunctis voluntate concesso, cum ad diem statutum singuli de singulis Ecclesiis ad minus calices congeruntur, de plerisque nimirum Ecclesiis optimis plures allati fuerant; consecratis omnibus



omnibus & benedictis, ad Ecclesias unde venerant cunctos remisit, dicens : Quæ Deo & officio suo dare noluitis, mihi Monacho minimo & peccatori miserimo dare parati fuistis. Nunc autem saniori consilio Deo donentur, & ejus obsequiis in perpetuum mancipientur. Item aliis cæteris per Angliam Episcopis Clericis & subditos suos creberrimis talliis & exactionibus præter modum honerantibus, convocatis Clericis suis tanquam aliquid quod pecuniarum acervum augeret petiturus, post publicam & ultroneam communiter omnium concessionem, nihil aliud ab ipsis quàm orationum & Missarum munus exegit.

Item hoc etiam sub silentio nequaquam prætereundum, sed quasi pro miraculo recitandum censui ; quòd Ordines hoc Patre apud Wintoniam celebrante, Clericus quidam furtivè inter alios accedens ad ordinem Diaconii se impudenter ingessit ; cum tamen publice sub anathematis interminatione prohibitum esset, ne quis nisi ascriptus & intitulatus accedere præsumeret. Qui cum die statuto primum solemniter Evangelium apud Geldefordiam legere deberet ; quasi passione percussus obmutuit. Quòd cum ei etiam secundo contigisset ; ad Episcopum accedens, & ad pedes ejus die Pentecostes apud Wintoniam in processione se provolvens, cum lacrimis multis & singultibus rem gestam ei confessus est. Ipse verò eum ad pulpitem secum ducens, toti populo quod acciderat palam exposuit ; & sic ei pœnitentiâ injunctâ ibidem de compunctione ipsius plurimum confisus, populique totius ad hoc orationibus adjutus, Ordinis executionem divinitus ademptam misericorditer illi Præsul indulgit. Unde & die statim in eadem urbe à Præsule statuto, & confluyente urbis ad hoc spectaculum ferè populo toto, facultas ei legendi Evangelium est restituta. Et sic pii patris officio propriæque compunctionis merito, populi quidem supplicationibus adjuto, linguam ejus ad legendum sanctumque Evangelium Christi distinctè pronunciandum virtus quæ ligavit absolvit. Præterea in senectute bonâ jam constitutus, biennio ante obitum sanctum, nihil omnino proprium retinens, cunctas fere possessiones suas in caritatis opera largiendo disperferat ; quotidianam tantùm refectiorem, tenuem admodum & exilem, vix sibi cum paucis suscipiendo. Terras tamen Ecclesiæ suæ & maneria cuncta, tanquam bonus & fidelis dispensator, non supervacuum dissipator, posteris exemplum præbens, plena bonis & usque ad summum instaurata reliquit. Et sic in orationibus continuis, disciplinis quotidianis, & crebris confessionibus & pœnitentiis vitam hanc terminans, Cantuariensem qui paulò antè præcesserat, rubris indutum roseisque coronis puniceis coccineisque decenter ornatibus purpuratum, nive nitidior longèque lacte candidior, liliorum sertis undique septus, Wintoniensis fœliciter est secutus.

#### De Thoma Cantuariensi.

**M**artyris autem nostri gloriam novis extollere titulis post tanta ipsius & tam egregia à magnis viris scripta præconia, eique cujus orbem lumen irradiat laudibus irradiat, ut plùs luceat lucem præferre, præsumptuosum esset & superfluum. Quoniam, ut ait Symmacus, supervacanei laboris est commendare conspicuos ; ut si in sole positus facem præferas, & accensu luminum claritudinem diei gestias adjuvare. Et alibi : Probitate & honore pollentibus viris nihil aliena addit oratio. Suâ enim luce conspicui, precariis testimoniis non juvantur. Ne tamen in tantâ materiâ penitus elingues reperiamur ; quæ specialia magis ejus insignia & ab aliis intacta memoratuque digna magis occurrunt, sub compendio perstringemus. Viro igitur Deo plenissimo, & ob hoc in Ecclesiâ ipsius cui præerat dignitate ac libertate tuendâ constantissimo, præter multiplex illud septennalis ferè exilii martyrium in multo mœrore,

rore, cilicio scilicet duplici tam femorali quàm corporali, in lectione & oratione continuâ, & omnium angustiarum gravissimâ nec ætati parcente nec sexui tam miserabili sanguinis universi proscriptione, ad consummabilem totius martyrii gloriam id totum accessit; quod ultroneus ipse furibundis hostibus templi fores aperuit, & aperto vertice gladiis occurrens, sacram vulneribus coronam obtendit. Quod in ecclesiâ matre & metropolitânâ & coram altari; Quod à quatuor aulicis canibus rabie plusquam caninâ furentibus in coronâ, quæ Clero potius signum protectionis esse solebat, quatuor vulnera suscepit, & nullum extra; Quod eâ solum in parte, quæ passionem Christi significat, Christi miles & martyr insignis intrepidè passus emicuit, foelici commercio incorruptibilem pro corruptâ coronam adeptus; Quod sacram Dominici Natalis hebdomadam suo quoque sanguine consecravit. Et sicut primus Thomas quintâ natalem lucē prævenit, sic iste secundus sacris ex nomine jam cessantibus, eundem numerum subsequenter implevit. Quod ille Orientis lampas fuit, hic Occidentis; quod ille nascenti Ecclesiæ lumen dedit, hic senescenti. Et sicut ille surgentis Ecclesiæ fundamenta suo sanguine cæmetavit; sic iste suo diu fundatæ & tanquam ruinosa & tam senio confectæ quàm vi tempestatum crebrò concussæ pristinum statum reformavit. Et sicut ille fervens erat fide fervente; sic iste non tantum fervens sed & plusquam fervor fuit jam refrigerante. Et sicut ille, ut Ecclesiæ substantiam erigeret, tortoribus & cruciatibus se crucientis exposuit; sic iste, ut ejusdem formam conservaret illasam, gladiis occumbere non formidabat. Cujus quoque triumphales tantæ gloriæ titulos hi duo versiculi sub compendio satis egregiè comprehendunt.

*Pro Christi sponsa Christi sub tempore Christi  
In templo Christi verus amator obit.*

De quo inter varias ejusdem virtutes illud præcipuè spectabile memoriæque dignum occurrit; quod separatis membris & projectis inaudito more nova reposuit, & hac suæ novitate virtutis verè novus Martyr apparuit. Unde quidam:

*Miratur rediisse virum neutratus ocelli,  
Succedunt oculis albus hic, ille niger.*

Quia ne causari malignitas posset eosdem oculos fuisse, quos prius habuerant non erutos ad plenum sed læsos; dati sunt minores & diversi coloris, miraculoque majori, quibus non minus in tenebris & nocte obscurâ quàm clarâ luce videbant. Unde & pauca, quæ circiter finem Martyris insignis notabilia valde cognovi, & aliorum scriptis quæ legi nondum expressa repperi, hic apponere dignum duxi.

Apud Pontiacum, ubi diutius exulans perhendiavit, die quodam cum Missam celebrasset, in qua more consueto se totum in lacrimis effuderat; coram altari prostratus, ut orationi vacaret, audivit vocem ei dicentem: *Thome Ecclesia mea gloriabitur in sanguine tuo.* Cui ille. *Tu quis es Domine?* Et iterum audivit: *Ego sum Iesus Christus pater tuus.* At ille: *Utinam Domine sic fiat; ut Ecclesia tua glorificetur in sanguine meo.* Et ex illâ semper horâ mortem impavidus expectavit.

Unde paulò antequam perimeretur, in crastino videlicet Innocentium, cœnanti eidem & ex ave phasidos avidè comedenti, dixit ei Monachus quidam commensalis ejus: Domine per Dei gratiam libentiâ solito & hylarius vos hodie prandere videmus. Cui ille sub modicâ quasi risus significantiâ: Sic, inquit, decet virum, qui ad dominum suum vadit, lætum esse. Et statim circa vespertinam ejusdem diei horam curiam Archiepiscopi ministri Belial & cruenti carnifices intrârunt, Primo quidem quasi pacifici & inermes sed minaces, postea verò quia viri constantiam minis acerrimis & terroribus flectere non



non poterant, armati statim cum multâ licitorum sequelâ furore repleti, ad tam enorme facinus perpetrandum sunt reversi. Item nocte proximâ præcedente martyrium cum Archiepiscopus nocturnas horas & matutinas cum Clericis suis & Monachis cubiculariis in camerâ suâ compleisset, & ad fenestram qaandam quam aperiri fecerat extra prospiciendo diutius in oratione pariter & meditatione steterisset; tandem conversus ad suos, quæsit ab eis quanta pars noctis adhuc restaret; & utrûm ad portum de Santwich per vii. inde miliaria distantem ante diem perveniri posset. Et cum responsum acciperet, quod magna pars noctis adhuc restabat atque longè plus viæ ante diluculum ire quis posset; subjunxit vir firmus & constans; Fiat autem de me voluntas Dei; quia Thomas in Ecclesiâ cui præest divinæ dispositionis eventum expectabit. Audierat enim milites illos à Rege transmissos minaciter applicuisse; ideoque præsumi potuit magnum in mente viri sancti inter rationem & sensualitatem conflictum fuisse. Suggestit enim sensualitas tam imminens mortis periculum, quamdiu facultas foret, modis omnibus declinandum. Sed è diverso non amplius fugiendum, quinimo pro domo Domini se murum opponendum usque ad sanguinis etiam effusionem animæque pro ovibus donationem, ratio efficaciter persuasit. Vir etenim sanctus septennali ferè tam clibano decoctus quàm camino purgatus, adeò in fide Christi & dilectione firmatus extiterat; quod vitam hanc in tædio, & mortem habebat in desiderio.

Item Hierosolimitanis Palestinæ finibus nocte eadem Monachus quidam vidit in somnis se quasi in cælum raptum; ibique virum cum maximo torius Curia cœlestis gaudio susceptum vidit & tripudio; cui cum ad dexteram suam cathedram insignem apponi Christus jussisset, Dominus ipse capiti suo coronam apposuit miro gemmarum & auri fulgore rutilantem. Monachus autem quasi ab Angelo ductore cum quæsisset, quisnam esset ille, cui tantus honor exhibebatur; responsum accepit, quod Thomas erat Cantuariensis Archiepiscopus, qui pro Christi Ecclesiâ mortem perpeffus in terris, cum tantâ victoriæ palmâ nunc triumphat in cœlis, & pro coronâ fractâ in terris & corruptâ tam gloriosam & incorruptibilem in cœlis per hanc figuratam jam suscepit. Cum autem hoc manè multis revelâisset; notatus est dies, & nox scripto certæ notitiæ data: Et non longè post cum primis peregrinis de Angliâ venientibus veritas eventûs eidem & aliis qui hæc audierant tempori & horæ conveniens est declarata. Item vespere eadem quâ vir sanctus sceleratorum gladiis occubuit, in remotis Insulæ Anglicanæ partibus scilicet Devonix finibus Militè quodam, cui nomen Wido de Brionnâ, cum familiâ suâ ad obsonium sedente & epulante, puer quidam quasi septennis herilis filius, qui coram mensâ ludebat, ad patrem subito conversus in hæc verba prorupit. Ignoras pater, quod bonus Sacerdos jamjam morietur? Ipse verò & alii qui hoc audiebant de Capellano curiæ, qui cum aliis ad mensam sedebat, pueriliter dictum esse putabant. Et post pusillum quasi circa medium prandii recurrens puer ad patrem eadem verba pronuntiavit, secuto omnium riu & ad Capellanium præsentem verba jocosa referentium. Tertiò quoque statim cœnâ finitâ ad genua patris puer occurrens, eisq; cum lacrymis incumbens, Pater inquit bone, mortuus est Sacerdos optimus & jam nunc occisus. Nonne dolendum omnibus & lugendum? Major autem audientium pars jocandi adhuc cum Capellano materiam inde fumebant. Pater verò & mater propter verbum toties à puero jam repetitum rem taciti considerabant; & de singulis secum cum admiratione conferebant. Licet autem à Cantuariâ remota plurimum sit hæc Provincia; fama tamen perniciosius alis infra septimum diem vel octavum eo usque transvolavit. Unde statim à cunctis, qui hæc audierant, magnificatus est Deus, qui pueri junioris & innocentis spiritum ad hæc revelandum eadem horâ tam magnificè suscitavit.

Item die secundo vel tertio post facinus perpetratum tam horribile, ad manerium Archiepiscopi, quod Maulinges dicitur, tanquam re bene gestâ hospitandi

tandi causâ diverterunt. Qui cùm ad ignem post cœnam confedisent ; mensa principalis, ubi Archiepiscopi comedere solent, ad eò se subito excutere cœpit ; quòd heresum eorum totum fellas scilicet & clitellas & cætera supposita ad terram cum magno fragore dejecerat. Cùmque servientes cum lumine statim accederent ; valde admirati sunt de excussione tali ; cùm tabula grandis fuerat & spissa & firmiter etiam, sicut solent mensæ dormientes, & immobiliter defixa. Post horam autem modicam iterum mensa eadem cum excussione longè majore & fragore necnon & terrore audientium superposita cuncta deiecit. Quo facto proficientes ilico cum luminaribus tam milites quàm ministri scrutati sunt cum diligentia ; utrùm aliquid sub mensâ quod hoc fecisset latitare valeret. Sed cùm nihil invenirent ; dixit unus militum illorum quatuor : tollite ab hinc sarcinas istas, quas ipsa quidem mensa sibi apponi reputare videtur indignas. In quo perpendere possumus, quale jam opus perpetravimus. Item hoc quoque pro miraculo habendum est magno ; quòd quatuor illi Sathanæ satellites cruentissimi cum totâ sequelâ suâ ad facinus hoc perpetrandum, sicut & omnes ferè Martyris persecutores, morte in brevi sunt consumpti ; & plerique eorum morte turpi & tanquam ultione divinâ subitâ passione percussi. Ille verò, qui totius facinoris auctor fuisse creditur & machinator, non multò post tempore miserum cum dedecore spiritum exhalavit.

Occidit autem hoc tritici granum, & in terram cadens multum fructum attulit, anno videlicet ortûs sui XLVIII. Consecrationis octavo, exilii septimo, in fine Decembris, foelici bravio cursum finiens, veteremque vitam cum anno terminans & novam inchoans, ab incarnatione verò Domini MCLXXI. præsidente Romæ Alexandro III. imperante Fretherico, regnante in Franciâ Ludovico, in Angliâ Henrico II. Unde Norwicensis Turbo :

*Annus millenus centenus septuagenus  
Primus erat, Primas quo ruit ense Thomas.*

## CAP. XXVIII. De Bartholomæo Exoniensi, & Rogero Wigornienfi.

Fuerunt etiam eisdem temporibus duo in Angliâ magni nominis Episcopi, Bartholomæus Exoniensis, & Rogerus Wigornienfi, Ecclesiasticæ zelo justitiæ non immeritò parificandi, religione quoque & honestate præclari. Erant enim quasi gemina candelabra Britanniam totam fulgore suæ claritatis irradiantia. Unde & Papa Alexander tertius duo magna luminaria Anglicanæ Ecclesiæ dicebat hos esse : Quibus & omnium ferè causarum per delegationem in Angliam suo in tempore transmissarum, de probitate ipsorum & bonitate confusus, commissiones faciebat. Erant enim præter alia virtutum insignia, alter inter eruditos litterarum disciplinis & eloquentiâ præclarus, alter autem inter generosos & regni primos utrâque gentis scilicet & mentis nobilitate conspicuus. Exoniensis autem cuidam, qui se sciolum in Decretis esse jactabat, unde & Canones extollens, Leges in quibus plùs præcellebat Episcopus, verbis quasi parvi pendendo contemnebat, satis curialiter inquit : Tanquam ex æquo dividamus, ego Leges, tu Decreta ; citiùs mihi auferrem Leges, quàm tibi concederem Decreta. Alludens illi Ciceronianæ in Ermagoram invectioni, qui materiam rhetoricæ orationis usque ad philosophicas etiam quæstiones, sicut in principio rhetoricæ de inventionibus legitur, nimis insolenter extendebat ; per quod non quid ars sed quid ipse potuisset exposuisse videretur. Nunc autem, ut ait Cicero, ea vis est in homine ; ut ei multò citiùs Rhetoricam quis ademerit, quàm Philosophiam concefferit. Item in Concilio Cantuariensis



tuariensis Archiepiscopi Ricardi apud Westmonasterium idem Sermonem faciens, totum de statuis manu hominum factis sæpius idipsum inculcando thema produxit. Similiter & Landoniensis Gilbertus Foliot de montibus virtutum ibidem loquens & montibus vitiorum; In illis dicebat, quia quo plius ascenditur, & plius merito scandens sublimatur; in his verò quo plius proficit, eo plius deficit; quo plus ascenditur, plus descenditur, & longe deorsum ascensor in deteriora dejicitur. Quoniam enimvero Ricardus ille tantis in regno personis & tam validis longè non litteraturâ solùm sed industriæ pariter & naturæ dotibus, ut videbatur, inferior, regiâ potestate præfectus fuerat; tactus utroque sermone subtiliter erat atque notatus. O quot hodie tales in Ecclesiâ statuas erectas videmus, manibus hominum factas, & violentâ quadam principum arte fabricatas! Sicut enim prius de causâ cognoscendum quàm judicandum; sic primo cognoscendus esset ad unguem, & post eligendus. Hodie verò ordine præpostero solâ voluntate non ratione vel necessitate commutato, statim proponitur eligendus, post electionem autem & consecrationem cognoscendus.

Olim autem fiebat electio Pontificis expressâ Dei vocatione aut miraculi ostentatione, sicut Aaron, qui non sibi sumpsit honorem, sed vocatus à Deo & miraculosè approbatus indicio virgæ florentis & incendio æmulatorum ut Choræ & complicum ejus; Nicholaus voce delapsâ de cœlo declaratus; Matthias jactu sortium Apostolus est institutus. Hodie loco omnium istorum successit Canonica electio; cùm scilicet Deo autore magis literatum & honestum eligit Ecclesia ministerio. Unde Dominus <sup>p</sup> *Faciam, inquit, vos fieri pisces hominum*: quasi Ego faciam autoritate. Unde quem constituit Dominus super familiam suam, hos fieri canonicâ scilicet electione ministerio Ecclesiæ pisces hominum, qui laxent retia in capturam animarum non pecuniarum. Hodie vero loco canonicæ electionis in plerisque partibus successit intrusio Principis, sub voce tamen electionis vanâ & umbratili pronuntiatione; ubi vox quidem solùm auditur, nec voluntas attenditur.

Item in continenti post Sermones recitante decreta Concilii Monacho quodam Benedicto nomine, qui tunc Cancellarius erat Archiepiscopi & post Abbas de Burgo, cùm Exoniensis quædam corrigenda monstraret, & ille obloqueretur & obstreperet, puta qui superciliosus suo modulo & arrogans erat, indignanter ad ipsum sermonem dirigens Episcopus: Minimus, inquit, gubernator es ad tantam navem regendam, quanta est tota Ecclesia Anglicana; manum ad hæc circumducens, & tot nobiles personas ibi utroque ex latere per ordinem sedentes ostendens. Et sic ad illum verba direxit; pro Archiepiscopo tamen dicta satis intelligendum dedit.

Item accidit, ut hac tempestate quartus satellitum Sathanæ prædictorum, & quatuor illorum primus, cui nomen Willelmus de Traci, statim cæde perpetrâtâ tam sacrilegâ ad Exoniensem Episcopum Bartholomæum, in cujus Diocesi terras amplas habebat, accelerans, confessus est ei; quod ipse & socii sui tres, Reginaldus scilicet filius Ursi, & Ricardus Brito & Hugo de Norwic, artati fuerunt à Rege sacramento corporaliter præstito, quod de Archiepiscopo Thoma modis omnibus id efficerent quod postea perpetrârunt. Facit ad hoc etiam & argumentum inducit; quod prostrato trium illorum iectibus coram altari corpore sacro, quartum qui nondum manum apposuit, acriter increpare tres cœperunt, ac si apertè dicentes; fac & tu, quod facere debes, & ad quod sicut & nos ex promisso firmiter & cōdicto teneris. Ille verò statim longè crudelius cæteris in jam mortuum sæviens, gladii mucrone à capite cerebrum extrahere & per pavementum spargere non abhorruit. Rex tamen in scrutinio de morte Martyris à Cardinalibus Alberto scilicet & Theodino paulò post facto sub sacramento asseruit; quod licet propter ipsum de Archiepiscopo id factum fortè fuerit, per ipsum tamen & voluntate ipsius nullatenus id factum fuisse. Verùm quo-

quomodo res gesta fuerit, & tam actionis quàm & passionis circumstantias, illo teste & conscio qui non irridetur, finis utriusque hinc gloriosus inde ignominiosus evidentissimè declaravit. Dictus autem Episcopus Exoniensis in illà opinione diu, sicut alii plerique prius, extiterat; quòd dicti milites illi absque omni mandato præciso malitiam tantam exercendi à Rege discesserant. Sed ex quo dictus miles & locutus, ut dictum est, & confessus fuerat; quoties inde postmodum sermo fiebat, præcisum super hoc mandatum emanasse. . . . .

Item accidit eadem temporis urgente procellâ, quòd Rex à facie Cardinalium fugiens de Normanniâ in Angliam, de Angliâ in Walliam accelerans, in finibus Sancti David apud Penbroc Milverdico scilicet portu classe coactâ, ut in Hiberniam transfretaret, solum auram prosperam & Eurum expectavit. Ubi Bartholomæus Episcopus transverso Sabrini maris brachio non modico, quod Walliam atque Devoniam interfuit, ad Regem accessit; ibique manerium de Boreham sibi & Ecclesiæ suæ longè ante sublatum acquisivit. Ubi & inter cætera Rex Episcopo dixit: huc usque Cardinales vestri de Româ missi me transfugârunt; adhuc ulterius, quoniam in Hiberniam si mecum loqui voluerint ad me venient; tanquam non in Hiberniâ, sicut & in Angliâ vel Normanniâ, divina veletiam Romana potestas dominetur. Porro illo providente, qui subannat impios & irridet irrisores, & irridendos ac ridiculos reddit, in hoc fugâ & hiemali in Hiberniâ morâ tanta est Regi à filiis & familiaribus necnon & Baronibus suis interim in transmarinis orta seditio; quæ ipsum usque ad obitum ejusdem ærumnosum continuè fere persequi non cessavit. Unde & cursu præpropere longè magis quàm cum fugitivus abscesserat, remensis terris plurimis & æquore duplici, Hibernico scilicet & Gallico seu Normannico, transnavigato, propter dicta pericula propriasque causas in Normanniam est reversus; ubi statim in primis Cardinalibus, tanquam solum ob hæc adveniens, satisfactorius occurrit; quamquam tamen simulatoriè magis ex parte ipsius quàm verè, sicut ex post facto claruit, totum ageretur. Verumtamen, sicut Scriptura testatur, <sup>9</sup> *Non est sapientia, non est prudentia, non est consilium contra Dominum.* Præterea in Concilio Hugucionis Cardinalis in Angliam Legationis vice transmissi apud Westmonasterium convocato & fere inchoato, sed tamen abortivo, cum inter Archiepiscopos Cantuariæ Ricardum & Eboracensem Rogerum in Capellâ sanctæ Katerinæ de primatiæ dignitate & primo cathedralis sedis honore virgis, baculis & pugnis allegatum fuisset; demum quum Eboracensis, cujus in hoc conflictu pars debilior esse videbatur, Regis ad genua prostratus in lacrimis ei querimoniam fecit; Rege erga Cantuariensem & Suffraganeos ejus irâ præter modum ut videbatur accenso, Wigorniensis audacter in hæc verba prorupit. Unde conqueritur ille? portatus enim, sicut Archiepiscopus, & in altum undiq; subvectus erat. Cui Rex malè, inquit portatus fuit; cum capa ejus tota fuerit ibi discissa. Et Episcopus illi. Domine capa illa proculdubio decennalis fuerat, vel etiam temporis diuturnioris. Unde si in turbâ consertâ dilacerata fuit, non mirandum; quæ per se de cætero didicua proculdubio foret & defectiva: parcitatis in Archiepiscopum vel etiam avaritiæ notam intorquens. Et sic ob elegantium verborum urbanitatem Rege in risum converso, in brevi subsequenter indignatio tota resedit.

Item accusatis quibusdam in præsentia Domini Regis, quòd indecentia de ipso & inhonesta dixissent, ad suggestionem Episcopi ejusdem, unus eorum facetè subintulit: Ea forsân diximus; & illa quidem minima respectu illorum erant, quæ nisi vim defecisset dicturi eramus. Ad quos conversis in risum omnibus, & Rege cum aliis in gaudium resolutis, imputatis ebrietati cunctis, immunes relictis sunt illi tam ab accusatione quàm suspicione. Nullum enim misericordia magis & modestia quàm Principem decet. Unde & in jure humano sub Principis personâ scriptum est. "Si quis modestiæ nescius & pudicitia ignarus improbo petulantique maledicto nomina nostra lacescenda cre-



“diderit, ac temulentia turbulentus obrectator nostrorum temporum fuerit; poenae nolumus subrogari, neque durum aliquid nec asperum sustinere; quoniam si id ex levitate processit, contemnendum est; & si ex infania, miseratione dignissimum; si ab injuria, remittendum. Unde integris omnibus hoc ad nostram scientiam referatur; ut ex personis hominum dicta pensemus; & utrum praetermitti an recte exquiri debeant censeamus”. Item contigit aliquando Praefule Rogero apud Gloverniam in Monasterio S. Petri coram principali altari Missam celebrante, turrem Ecclesiae amplam & altam vitio fundamenti subito ad terram ipsa consecrationis hora corruisse. Et cum tantus fragor & tam terribilis tantusque terramotus propinque fuerit, quantus in finibus illis nunquam antea vel visus fuerat vel auditus; adeo ut vix Monachi perpauci in choro remansissent vix ministri ad altare stetissent, fugientibus ferè cunctis & latebras quarentibus, nihilque praeter ruinam totius Ecclesiae certissimam expectantibus; pius Pater raptus interim ad aram illam sublimem, totusque suspensus in altum, tanquam nihil omnino ex his audisset, stetit intrepidus & immotus. Ad majorem etiam constantiae virilis experientiam & expertae gloriam, tantus illico pulvis & tam densus ex caemate lapidibusque contritis Ecclesiam aliquandiu totam implevit; quod nemo nedum videre vel oculos etiam aperire praevallisset. Hoc etiam pro miraculo haberi potuit; quod cum multus sexus utriusque populus ad audiendum Praefulis Missam convenisset, nemo tamen ex tanta ruina ibi lationem ullam incurrit. Cum enim turris illa in ultimam & occiduam Ecclesiae parte stetisset; omnes ea hora tam mulieres quam mares versus altare principale propter benedictionem principalem appropinquaverant; sicut pia fuerat Salvatoris dispositione provisum. Hujus etenim diebus & Episcopatu in vico videlicet, cui nomen Straneweie, quasi miliaribus duobus à Monasterio de Winchelcumbe distante, cum Presbyter parochialis, cui nomen Rogerus, vigiliam Ascensionis celebraret; in prolatione istorum verborum *Qui pridie & cetera*, crux quaedam Crucifixi vultum & imaginem praefrens, major aliquantulum quam portatilis, ligno quod post altare se in utrumque parietem extendebat cuheis firmiter infixa, se subito evel lens & in volatum erigens, acuto ligni capite, quod sub pede Crucifixi se porrigebat, quae demissior prius extiterat parum supportata, parte inferiori praecuta caput & coronam Presbyteri tetigit. Et cum ad medium Presbyterii pervenisset; versus altare se vertens retro ad terram cecidit cum magno fragore resupina, capite versus introitum Presbyterii & pedibus ad altare porrectis. Celebrata vero Missa, Diaconus crucem elevans, eam in loco suo reposuit. Presbyter autem statim Episcopum adiens rei eventum aperuit. Ipse verò, ut plurimorum testimonio certius super hoc instrueretur, quosdam de suis ad Ecclesiam illam misit; quorum unus magister Sylvester dictus erat. Et inquisita veritate totius Parrochiae testimonio hoc verum fuisse didicerunt. Testati sunt & Presbyter & Diaconus; quia tertia nocte post casum illum iterum cum summo diluculo ad Ecclesiam venissent, crucem in eodem loco prostratam invenerunt. Quid autem hoc portendere debuerit, Deo quidem notum sed hominibus haecenus ignotum extitit; nisi forte quia parum ante martyrium Beati Thomae Cantuariensis Antistitis illud acciderat, tantam Christi Ecclesiae tam imminuentem contumeliam & Crucifixi injuriam crux illa sic volans miraculose declaraverit. Hoc etiam de ipso notabile censui; quia cum circiter annos viginti Ecclesiae Wigornensi vel electus vel consecratus feliciter praesuisset, nullos omnino redditus aut in terris aut ecclesiasticis beneficiis ulli consanguineorum suorum dedit. Thomae Cantuariensis in hoc vestigia sequens, qui in tanta sui tam Cancellariae potestate quam Metropolitanæ dignitatis sublimitate; non Syon aedificans in sanguinibus, i. e. Ecclesiam in consanguineis, illos solum quos dignos reputabat in his praecipue quae Dei sunt beneficiare dignum duxit: Illud Hieronimi super Leviticum non ignorans: Multa

nos facere cogit affectus ; & dum corporum propinquitates respicimus, corporis & animæ creatorem offendimus ; & illud Papæ Alexandri tertii : Filios Episcopis Dominus abstulit ; nepotes verò Diabolus dedit.

Item hi duo soli inter Anglicanos Antistites, Exoniensis scilicet & Wigorniensis, tempore exilii Beati Thomæ gratiam ipsius obtinuerunt. Wigorniensis enim patri compatiens, spontaneum interim in regno Francorum urbe Turonensi, ubi & postmodum diem clausit extremum, exilium sustinuit. Qui nisi patre reconciliato prius ac restituto, si multis etiam vixisset annis, repatriare non proposuit. Exoniensis quoque patrem ilico sequi parans, assensu ejusdem & voluntate potius in regno moram fecit ; quatinus aulicorum & curialium impetum atque furorem in familiares ejusdem Clericos & cognatos, quoad posset, mitigaret, & ipsum etiam exulantem de facultatibus suis clandestinâ nonnunquam largitione sublevaret.

#### CAP. XXIX. De Baldewino Cisterciensi, & Hugone Cartusienfi.

Fuerunt autem in Angliâ non longè post horum tempora duo de Ordine Monastico, alter Cisterciensi, alter verò Cartusienfi, in Episcopos Rege procurante Wigorniensem qui & post Cantuariensis, & Lincolniensem assumpti. Alter Hugo Abbas fuerat Fordensis, & alter Prior Wittamensis. Circa extrema namque sui tempora Rex Henricus Secundus duorum Ordinum viris prædictorum ad redimendum vel sic famam suam, quia multos ante indignos episcopaverat, plùs opinionis amore & ostentationis, sicut videbatur, quàm devotionis, Sedes dare Cathedrales disposuerat. Fuerat autem his duobus, ut videbatur, bonitas propemodum & religio par, sed via virtutum valde dispar. Litteratus affatim erat uterque, sed alter litteratissimus. Ille sermone serus & parcus, hic verborum urbanitate facetus. Ille quasi subtristis semper & pavidus, hic quasi continuâ cordis hilaritate & mentis securitate jocundus. Ille Diogenes, hic Democritus. Ille ad iram sicut ferè ad omnia tardus & temperatus, hic autem facili satis occasione movendus. Ille lenis, hic asper. Ille tepidus, hic calidus. Ille remissus, hic rigidus. Unde & Papa Urbanus tertius Archiepiscopo quandoque scripsisse recolitur. *Urbanus Episcopus, servus servorum Dei, Monacho ferventissimo, Abbati calido, Episcopo tepido, Archiepiscopo remisso salutem, & cetera.* Alexander autem Archidiaconus Bangornensis, vir sermone facetus & facundus, qui Beato Thomæ familiaris extiterat, dicere consueverat. Archiepiscopus Thomas ausus irasci fuerat ob injurias Ecclesiæ, & iram effectui per justitiæ rigorem mancipare ; Ricardus autem illi succedens ad iras quidem & minas acerrimus, citra opus tamen omne vel ultionem, facile moveri solet, illius Ecclesiastici vel dissimulator vel immemor. *Noli citatus esse in linguâ tuâ, & inutilis ac remissus in operibus tuis.* Baldewinus autem tertius à Thoma ne dum operari, nunquam etiam vel semel irasci. Dicebat etiam, quia Thomas de equitatu ad villam veniens statim aulam petebat, Ricardus grangiam, Baldewinus Ecclesiam. Duo namque sequentes habitu religionem præferabant, quamquam diverso ; Thomas actu, illi in ore ; hic in opere ; Illi in cucullis, hic medullis. Sicut enim sub Clerico Monachum occultavit, sic bona sua tam naturalia quàm gratuita, arrogantiam & apparentiam, supercilium atque superbiam per omnia vitans, nisi tunc solum cum opus erat operibus opem & operam adhibere, modis omnibus celare curavit. Cum autem Festo Beati Thomæ primo, quod apud Cantuariam publicè celebratum fuerat, biennio videlicet post martyrium jam elapso, cui & Deo dante interest, multi Barones regni illuc piâ devotione confluxissent ; in audientiâ communi cum post prandium in cameram intrassent, conquestus est Archiepiscopus de publicæ potestatis officialibus sibi & ministris suis contra Ecclesiæ dignitatem nimis præter solitum nuper injuriantibus ; dicens & jurans, se nul-

latenus



latenus hæc passurum, manum quoque ad caput extendens, se prius hoc gladiis expositurum, quam hæc pateretur, cum juramento firmavit. Respondens autem vir nobilis & magnanimus, qui cum aliis advenerat, Hugo de Laci; Non oportet, inquit, O Archiepiscopo, quoddam caput ad hoc vel etiam pedem ponatis. Securè jus vestrum tueri & Ecclesiasticam justitiam exercere potestis. Tantum operatus est Deus pro Martyre sancto decessore vestro: quoddam non inveniret Rex Ribaldum aliquem in terrâ suâ, etiam si vellet, qui ausus esset in vos manum extendere. Finitum est bellum; manu tenete si vultis quod Martyr evicit. Item cum circa id ipsum temporis in præsentia Ricardi Wintoniensis Episcopi de miraculis quæ tunc creberrimè fiebant quidam colloquerentur; inquit Episcopus, qui quasi de persecutoribus Martyris unus extiterat; Multum decepti fuimus de homine illo per habitum illum & fastum, quem exterius ut videbatur præferebat; interius autem, sicut ex post facto patuit & quotidie patet, longè dissimilis. Et cum dixisset quidam: Mirum autem, quod de articulis illis pro quibus Martyr occubuit, nullum Ecclesia prorsus obtinuit: Et Episcopus, qui plus sensatus erat quàm litteratus, plus in secularibus actibus astutus quàm liberalibus artibus imbutus, sic respondit. Totum revera, quantum in ipso fuit, Martyr obtinuit; quia si successor ejus decimam partem bonitatis & probitatis ejus habuisset, nullum Ecclesia de articulis illis amisisset. Sed quod ille per strenuitatem eximiam tam laudabiliter acquisivit, iste per ignaviam peccatis urgentibus totum amisit.

Item cum Norvicensis Episcopus Johannes Comitem Willelmum de Arundel filium Willelmi propter terras ejus quasdam quas occupaverat apud Len... excommunicasset; & Comes in querimoniam suam Regi detulisset, Henrico secundo scilicet qui Laicorum semper contra Clerum fautor extiterat; ait Episcopo Rex in multorum audientia: parcius agite vos Episcopi, parcius contra Barones Regni; nec eos tam præcipitanter excommunicetis; quia si uni ex vobis bene inde accidit & ex tali fortè præsumptione successit, non omnibus hoc continget; nec omnes qui propter ausus temerarios interfici poterunt, statim ob hoc Martyres fient. Sed ecce quanta Martyris nostri gloria, cujus etiam ab autore facinoris ipso, sicut & antè à fautore, poterant laudis præconia non taceri. Ergo nec immerito laudari potuit tantus ab hoste decor. Sed hæc hæcenus.

Baldewinus autem litterarum studiis à puerilibus annis affatim imbutus, & jugum Domini ab adolescentiâ portans, moribus & vitâ eminens in populo lucerna fuit. Unde & Archilevitæ, quem canonicè adeptus fuerat, cedens honorem & sponte deferens, mundique pompas altâ mente despiciens, Cisterciensis Ordinis habitum sacrâ cum devotione suscepit. Et quoniam moribus olim plusquàm Monachus extiterat; infra anni terminum Abbas effectus, & intra paucos postmodum annos in Episcopum, deinde in Archiepiscopum est sublimatus; tanquam super pauca fidelis inventus, & ob hoc supra multa constitutus. Cæterum quoniam, ut ait Tullius, nihil simplici in genere omni ex parte perfectum natura expolivit; innatæ benignitatis mansuetudinem, quam privatus exercuerat, in potestate non exuens, tanquam baculo sustentans & non virgâ castigans, tanquam ubera dans matris & non verbera patris, remissionis in publico gravi cum scandalo notam incurrit. Adeo nempe lenitatis in ipso tepor ac torpor pastorem penitus rigorem absumpsit; ut melior Monachus simplex quàm Abbas, melior Abbas quàm Episcopus, melior Episcopus quàm Archiepiscopus fuisse videretur. Sanè quum in Anglicanis finibus inter Regnum & Sacerdotium frequens esse solet altercatio & ferè continua, insulari tyrannide semper ingruente; tantò notabilior lenitatis hujus eminet excessus, quantò Beatum Thomam ejusdem sedis Antistitem pro Ecclesiæ libertate usque ad martyrii palmam dimicando nostris diebus constat gloriosius triumphasse. Quod itaque Martyr insignis pravas regni con-

consuetudines in Ecclesia Dei pullulantes extirpando, multis prius allegatis, demum caput allegando feliciter evicit; hoc ille, cujus occulta quidem iudicia sed nunquam injusta, per Martyris ejusdem primi successoris remissam liberalitatem ne dicam ignaviam, recidivo jam morbo redivivaque malitiâ, quod non absque dolore dicendum vel audiendum, in Ecclesiâ suâ damnum enorme perditum ire permisit. Quod utique secundi istius tempore contra obstinatam nequitiam non lenitate, non patientiâ dissimulandum, sed cum rigore potius & austeritate usque ad sanguinis etiam, si opus fuisset, effusionem denuo fuerat recuperandum. Unde cum primus ille Martyris successor morbo decumberet, quo paulò post occubuit; noctu in somno vocem hanc terribilem cœlitus emissam audivit. *Dissipasti Ecclesiam meam, & ego eradicabo te de terrâ.* Sed utinam de terrâ morientium & non viventium, de terrâ quam terimus non terrâ quam quærimus, de terrâ laboris & sudoris non de terra dulcoris & decoris.

Inter primos tamen Martyris successor hic secundus, auditâ Salvatoris & salutiferæ Crucis injuriâ nostris proh dolor diebus per Saladinum irrogatâ, cruce signatus in ejusdem obsequiis tam remotis finibus quàm propinquis prædicationis officium viriliter assumpsit. Et postmodum iter arripiens navigioque fungens, apud Marsiliam transcurso tandem pelagi profundo in portu Tyrensi incolumis applicuit; & inde ad exercitum nostrum Acaronem transivit. Ubi multos ex nostris inveniens & ferè cunctos Principum defectu in summâ desolatione jam positos & desperatione, alios quidem longâ expectatione fatigatos, alios fame & inopiâ graviter afflictos, quosdam verò aeris inclementiâ distemperatos, cum singulos pro posse vinculo caritatis amplectens, sumptibus & impensis, verbis & vitæ meritis aliquandiu confirmasset; morbo letali correptus, infra paucos dies, ut erat diætæ tenuis & abstinentiæ grandis, usque ad spiritûs exhalationem afflictus, fidelis depositi custos commissumque à Domino fœnore cum multo talentum reddens, diem feliciter in terrâ Sacrà clausit extremum.

Ut autem ad Lincolniensem revertamur; & illud de ipso, quod quasi in signum aliquod & prognosticalis eventûs indicium absque dubio datum videtur, sub silentio quidem prætereundum non putavi. Eo namque die vel circiter illum proximo, quo apud Lincolniam primò susceptus fuit Episcopus Hugo & incathedratus, apud manerium ipsius quasi per octo miliaria ab urbe Lincolnensi distans juxta Stowam sylvis & stagnis delectabiliter oblitum, olor novus & nunquam ibi antea visus advolavit; qui infra paucos dies cignos, quos ibidem plures repperit, mole suæ magnitudinis omnes oppressit & interemit, uno tamen fœminei sexûs ad societatis solatium non fœcunditatis argumentum reservato. Erat enim tantò ferè cigno robustior, quantò cignus ansere major: Cigno tamen in omnibus & præcipuè in colore & candore simillimus; præter quantitatem etiam hoc distante, quòd tumorem in rostro atque nigredinem more cignorum non præferbat, quinimo locum eundem rostri planum croceoque decenter colore una cum capite & colli parte superiore distinctum habebat. Avis hæc autem regia & tam qualitate quàm quantitate conspicua in primo ad locum illum Præsulis adventu quasi sponte & absque difficultate domestica facta, ad ipsum in camerâ suâ propter admirationem est adducta; quæ statim à manu ipsius panem sumens & comedens, eique quàm familiariter adhærens, omnem sylvestrem interim ut videbatur exuta naturam, nec ejus attractus nec astantium undique turbarum & intuentium accessus sive tumultus abhorrebat. Consueverat etiam interdum, cum ab Episcopo pascebatur, caput cum colli longitudine totâ in manicam ipsius largam & peramplam inque sinum interiorem avis extendere, ibique aliquandiu cum sollicitudine quadam modò suo Domino congratulans atque præludens, tanquam aliquid quæritando maffitare.

Item



Item sicut asserabant ministri & custodes manerii, contra Præfulis adventum ad locum illum, cum forte aliquandiu absens fuisset tribus diebus vel quatuor, solebat se solito alacris avis agitare, volitando videlicet in amnis superficie & aquas alis verberando altaque voce clamando, interdum etiam a stagno exundo, nunc ad aulam nunc etiam ad portam ulteriorem, tanquam advenienti Domino obviam pergens, magnis passibus deambulabat. Credibile satis est, quod imminente apparatu & instante fervorum frequentia maiore atque discursu, cum subtiles sint & aerea volucres natura, a quarum etiam gestibus pronostica temporum multa sumuntur; & ista forsan ex eadem natura avis hæc perpendere potuit. Mirum hoc etiam, quod nemini præterquam Episcopo soli se familiarem vel ex toto tractabilem exhibebat; quin potius astans Domino ab aliorum eundem accessu, sicut aliquoties cum admiratione conspexi, clamando alis & rostro minando voceque altisona juxta naturæ suæ modulum citando defendere solet, tanquam se propriam ejus esse demonstrans, eique solum signum fuisse transmissam manifeste declarans. Non enim mysterio carere potuit; quæ avis candida imminenti interitus cantu nuncia viro innocenti pio ac puro mortisque minas, quia Sancti mortem habent in desiderio & vitam in patientia, nil formidanti divino tanquam oraculo destinata transmittitur. Quemadmodum enim avis ista candore spectabilis mortis discrimina docet non dolenda; & imminente letali articulo tanquam de necessitate virtutem faciens, funebria fata canendo contemnit: sic viri virtutum meritis candidati ab ærumnis hujus sæculi læti discedunt; solumque Deum fontem vivum sitientes, a corpore mortis hujus liberari dissolvique cupiunt & esse cum Christo. Absit autem, ut de nitore pennarum exteriori nigredineque carnis & corporis interiore misterium hinc quispiam assignare præsumat. Item & illud quoque, quod viri sancti præelectionem quodammodo & pudicitæ calibisque vitæ præparationem insinuasse videtur, similiter & notabile duxi. Hic enim, cum juvenilibus annis Monachus effectus repugnantes carnis & spiritus in se conflictus non absque molestia gravi sæpe pertulerit, tandem ei in visu vir angelicus apparuit; qui & forcipe, quem manu gestabat, statim virilia visus est illi resecurisse: foelici quidem remedio eique divinitus indulto; quoniam ab illa nunquam hora, licet Episcopus post creatus ad Anglicanæ copiarum superfluitates in ferventi ætate transplantatus fuisset, ullos carnalis illecebræ, vel quod majus miraculum erat, primorum vix motuum sensit insultus. Unde Augustinus: Cuicumque rationali creaturæ præstatur, ut peccare non possit: hoc non est naturæ propriæ, sed gratiæ.

Simile reperies in libro, qui *Paradisus* inscribitur, de Helia Monacho; qui cum Monasterium immane magnis sumptibus construxisset, in quo Conventum ad trecentarum numerum foeminarum reclusisset, quibus & provisor erat & ordinator, juvenis adhuc existens, temptatus est subito corporali desiderio voluptatis. Qui relicto statim Monasterio cum per solitudines jam biduo jejunus errasset, & crebras ad Dominum orationes fudisset, ut vel vitam ejus vel hanc temptationem eriperet; nocte in somnis visum est ei, quod tres Angeli ipsum arripientes genitalia ipsius novacula præciderint, & ad regimen iterum foeminarum illarum eundem transmiserunt. Qui manè reversus, cum XL. annorum tunc existens alios XL. in illarum frequentia & habitaculo proximo post vixerit annos; nunquam ultra in cor ipsius cogitatio talis ascendit.

Lincolniensis tamen, quem juxta primum in Episcopatu statum calidum diximus & rigidum, secum attendens & considerans, quia caput Ecclesiæ in terris languidum, & quod nec parem haberet in regno de cujus vel societate solatium vel virtute vires sumeret, nec superiorem aliquem de cujus ad plenum posset autoritate fulciri, processu temporis patriæ paulatim morem genere; & quia turpis est omnis pars suo universo non congruens, Coepiscoporum cæui patientia

tientiâ pariter atque modestiâ se conformare satius & securius duxit. Unde  
 & violento dominatui potius in plerisque per industriam cedere, quam solus  
 aperte obviando, seque suosque, quos in regni bonis jam radicaverat, in peri-  
 culum dare saniori consilio prælegit. Quoniam, ut ait Rabanus super To-  
 biam, non debemus nos in pericula præcipitare vel Deum tentare, dum rati-  
 one possumus agere. Unde, <sup>f</sup> *Si persecuti vos fuerint in unâ civitate; fugite in*  
*aliâ.* Et alibi, <sup>e</sup> *Jesus autem abscondit se, & exiit de templo.* Et Paulus,  
<sup>u</sup> *In sporta dimissus per murum; & Jesus fugit in Ægyptum, & erat ibi usque ad*  
*obitum Herodis.* Item in Tobia, <sup>y</sup> *Arguebant eum omnes proximi sui dicentes;*  
*Jam hujus rei causa interfici jussus es, & vix effugisti mortis imperium; & iterum*  
*sepelis mortuos. Sed Tobias plus timens Deum quam Regem, rapiebat corpora occi-*  
*forum, & occultabat in domo suâ; & mediis noctibus sepeliebat ea.* Super quod  
 Expositor: Ut nec ab humanitatis officio cessaret, nec etiam indiscretè Re-  
 gem offenderet. Quòd enim potestati sit deferendum, habebatur ex Judith;  
 Quæ cum in faciem Holofernus intendisset, adoravit eum prosternens se super  
 terram. Super quòd Expositor: Non perturbatione timoris, sed observatione  
 ordinis. Unde <sup>z</sup> *subditi estote in omni timore Domini: & a Deum time, Regem*  
*honorificate.* Præmittitur tamen hic & præfertur honori regio timor Domini.  
 Et Apostolus: <sup>b</sup> *Qui potestati resistit, Dei ordinationi resistit.* Unde Helias Re-  
 gem impium Achaz adorasse legitur. Unde & Paulus apud Agrippam Regem  
 & Sextum Præsidem causam suam agens verba mansueta protulit: Similiter  
 & apud Holofernem Judith. Item in Ecclesiastico, <sup>c</sup> *Noli resistere contra fa-*  
*ciem potentis; nec coneris contra ictum fluvii.* Si enim cum multitudine est  
 dispensandum, juxta illud Augustini: Ubi non hujus aut illius hominis sed  
 totius populi strages jacet, detrahendum est aliquid severitati; ut majoribus  
 malis sanandis caritas sincera subveniat: & cum illo quoque, qui sociam ha-  
 bet multitudinem, proculdubio est dispensandum. Illud tamen Ecclesiastici  
 Expositor sic determinat. Obediendum est majoribus, si veritati concordant  
 & justitiæ; nec aliter scilicet pro rectâ fide & verâ religione, in quibus est  
 salus animæ, decertandum est. Unde & in Ecclesiastico subsequenter <sup>d</sup> *Pro*  
*justitiâ agonizare pro animâ tuâ; & usque ad mortem certa pro justitiâ: &*  
*Deus expugnabit pro te inimicos tuos. Noli citatus esse in linguâ tuâ, & inutilis*  
*ac remissus in operibus tuis.* Hanc autem egregius Martyr noster Thomas sen-  
 tentiam sequens imo adimplens, nostris diebus pro justitiâ usque ad mortem  
 martyriique coronam dimicavit; & Deus in conspectu populi totius inimicos  
 ejus in brevi potenter expugnavit, ipsumque in cœlestibus egregiè remunera-  
 vit; ipse qui ait: <sup>e</sup> *Beati qui persecutionem patiuntur propter justitiam; quoniam*  
*ipsorum est regnum cœlorum.* Item Origenes super Numeros: Non legimus an-  
 tea quòd obtexerit nubes tabernaculum, & apparuerit majestas Domini, & rece-  
 perit intra nubem Moysen & Aaron; nisi cum populus in eos surrexit & lapi-  
 dare voluit. Discamus ex his, quanta sit utilitas in perfectione Christianis,  
 quomodo protegat eos Deus, & infundatur Spiritus Sanctus. Tunc enim  
 maxime adest Domini gloria, cum hominum sævitia concitatur: & tunc pa-  
 cem habemus apud Deum, cum ab hominibus propter justitiam expugnamur.  
<sup>f</sup> *Ubi enim abundat peccatum, superabundat & gratia.* Tamen ad diversa re-  
 lata..... Lincolniensis igitur, si vero illo deliciarum orto florigeroque  
 supernarum sedium campo, ubi juxta merita plerumque & præmia variantur  
 & ferta, purpuream roseamque coronam non obtinuerit; niveam saltem lilii-  
 que candore venustatam, gratiâ desuper inspirante favorem, sceleriter assequa-  
 tur. Sed quoniam incoelix operis summa est, quæ apponere finem nescit;  
 Libellus vitam Sancti Remigii cum aliis quibusdam non incompetenter appo-  
 sitis succinctâ brevitate præstringens, sub hoc compendio terminetur.

*Explicit.*

<sup>f</sup> Matth. x. 23.  
<sup>e</sup> Joan. viii. 59.  
<sup>u</sup> Act. ix. 25.  
<sup>x</sup> Mat. ii. 15.  
<sup>y</sup> Tob. ii. 8.

<sup>z</sup> Coloss. iii. 21.  
<sup>a</sup> 1 Pet. xi. 17.

<sup>b</sup> Rom. xiii. 3.

<sup>c</sup> Eccles. iv.  
 32.

<sup>d</sup> Eccles. iv.  
 33.

<sup>e</sup> Mat. v. 10.

<sup>f</sup> Rom. v. 20.



## LIBER TERTIUS.

## CAP. I. Transitus de signis ante Interdictum ad signa divinitus in ipso Interdicto data.

**Q**Uamquam autem huic operi & delicioso labori finem hîc ponere promissimus; cùm tamen nihil honestum verè valeat aut debeat amicitia denegari, ad instantiam viri venerabilis Rogeri Decani Lincolnia, & ea miracula, quibus nubiloso nihilominus Interdicti tempore divina bonitas, tanquam luculentam in tenebris lucernam accendens, Sanctum suum clarificari in terris voluit & magnificari, scolastico quoque digerere stilo cæterisque non incompetenter adjicere dignum duximus.

*Ad implendam hanc paginam, Carmina bina ex Giraldi libro Epigrammatum descripsi.*

Carmen Giraldi in laudem Innocentii III. cùm primò Romam advenit, emissum.

**P**AR jubar in terris stellæ mirantur, & ima  
Sol novus irradiat, Sole stupente poli.  
Urbis & orbis apex, animarum rector habenas  
Hujus & hujus habens, Rex in utroque potens.  
Imperiale decus & Cleri culmen adeptus:  
Mitior ad Christum cuncta referre cupit.  
Sicut Alexander, sic tempora nostra beavit  
Tertius Innocuus, laudis honore pares.  
Omnia cùm possit, qui præminet omnibus Inno-  
centius, innocuus est tamen atque pius.  
Ergo Petri navem rector non forte sed arte,  
Et vigil & validus protegit atque regit.  
Concutitur, sed non quatitur, rectore sub isto.  
Navigat in portu; navita Christus adest.

Carmen ejusdem, quando Curia Romanæ valedixit, emissum.

**M**Irum quæ Romæ modicos sententia Papæ  
Non mover, hîc Regum sceptrâ movere potest!  
Quæ minimos minimè censura coercet in urbe,  
Sævît in orbe fremens, cellaque loca premens.  
Cui malè sublatu Romæ non cederet hortus,  
Nititur ad nutum flectere regna suum.

# Giraldi Cambrensis

## EPISTOLA

A D

STEPHANUM LANGTON, Archiepiscopum Cantuariensem.

Postquam apud Gildefordiam dulci colloquio vestro nos ultimò refocillati plurimùm fuimus; in viâ versùs Cantuariam auribus nostris rumor insonuit, qui spiritum nostrum valde conturbavit & contristavit. Relationibus namque quasi plurium accepimus, vos circa Festum S. Michaelis proximò futurum versùs Curiam Romanam iter arrepturos, & incunctanter Apostolorum limina visitaturos; quatinus resignatâ dignitatē, quod absit, quâ præeminetis tam utiliter & præsidetis, anachoriticam solitudinem aut hereticam, aut Cartusienfis etiam carceris austeritatem, vobis finaliter eligeretis. Verùm quia notum est satis, quòd ad Ecclesiam, cui fœlici regimine præesse noscimini; diutiùs male tractatam & tyrannicis oppressiōibus graviter afflictam, quatinus per vos demum vestramque prudentiam & inflexibilem pontificalis curæ diligentiam respirare possit, debitâque libertate gaudere, divinæ miserationis & dispositionis gratiâ vocati fuistis: nonne sic illam nunc tam subitò deserere, denuoque prostremæ desolationi dare: iterumque luporum dentibus gregem Anglicanum, quod Deus avertat, exponere; nonne magis acediæ vel etiam ignaviæ detestabilis, quàm bonæ prudentiæ vel laudabilis industriæ; quia revera non dextræ Excelli factâ mutatione, signum foret evidentissimum? Nonne laborem tam utilem fugere, tantoque animarum lucro, per quod Prælatis egregiis centenarius fructus accrescit, duplexque corona, tam aurea sc. quàm aureola, pro communi commodo simul ac proprio fœliciter acquiritur, vitam ociosam, sibi que solum proficuam & non aliis, antepone? Si quid enim in statu vestro quod vobis displiceat, quodve gloriam vestram & dignitatis apicem in aliquo minuat, nuper emerfit; æquanimiter illud sustinendum; & donec aurâ flante purgaminis & prosperitatis, expulsis nubibus adversitatis & nebulis, dies illucescant sereniores, patientibus animis expectandum. Illud quoque poeticum ad mentem vestrum revocandum. *Quod malè fers, assuesce, feres: mala cuncta vetustis Lenit.* Et illud quoque moralis Philosophi. *Fors fiet, ut dies longa quandoque ebetet laxatum dolorem; siquidem malum ferè cunctis, finis de tempore venit.* Interim autem dum recens est anxietas, frigent fortè verba solantium; nec aures applicat consiliis & bonis, surdus ex multis injuriis animus. Unde Poeta:

*Dum furor in cursu est; currenti cede furori.  
Quis matrem nisi mentis inops in funere nati  
Flere vetat? Non hoc illa monenda loco est.  
Accedes melius, tunc cum sua vulnera tangi  
Jam sinet; & veris vocibus aptus eris.*



Sanè si tam Clero Anglicano quàm populo gravamen indebitum & onus insolitum vestris fors inopina diebus adjecit ; non hoc vestræ quidem innocentia, sed potius principis ignavia, & principali Curia oblatum honorem non recusanti, est imputandum. *Quod itaque fors fert, a quo, ut ait Philosophus, ferendum est animo.* Nulla nimirum in terris, ubi semper prosperis adversa, dulcibus amara miscentur, absoluta felicitas. Non enim viæ sed patriæ, non viatoribus sed perfunctoribus, & in aulâ cœlesti triumphatoribus, plenæ beatitudinis ex omni parte perfectionem ordinatio divina reservavit. Quamvis non habentes hîc stabilem felicitatem, solidam quoque prosperitatem aut mansionem permanentem, futuram totis nisibus inquiramus & æternam. Poterit quoque versibus his pentametris non incompetenter eadem sententia sic declarari.

Giraldum auctorem habent isti versus, in libro Epigrammatum ipsius reperi.

*Semper adest homini, quo pectoris ima gemiscat ;  
Ne possit plenâ prosperitate frui.  
Gaudia nunc luctu, nunc mutat amara secundis,  
Versans humanas fors inopina vices.  
Sola venire solent, & vix, & serò, secunda.  
Sed simul & subito, & semper, amara fluunt.  
Ergo ubi nil varium, nil vanum, nilve nocivum :  
Sint ibi fixa tibi spes, amor, atque fides.*

Novit enim ad unguem prudens & pia discretio vestra ; utrum sint cariores Christo Prælati egregii, an Heremitæ solivagi, aut Anachorita conclusi. Illi namque regunt ; isti reguntur. Illi pascunt ; isti pascuntur. Sunt etiam isti respectu illorum, tanquam grex respectu pastorum. Illi nempe talenta commissa Domino cum scœnore multo restitunt ; & lucrum animarum, pro quibus lucrands animam suam posuit Christus, multum facere non desistunt. Isti verò quodammodo talentum commissum abscondunt ; dum suæ salutis penè solum intendunt. Illi tanquam grana tritici vera non paleæ, multum in horrea Domini fructum afferunt : Isti verè sicut solitarii sic & soli sine fructu multiplicando subsistunt. Nonne plùs igitur in excolendâ Christi vineâ, longèque plùs profecit Basilus Episcopus, quàm heremita Macharius ? Nonne plùs etiam Papa Gregorius, Doctor eximius & Anglorum Apostolus, quàm vel heremitarum Paulus primus vel Anthony ; quanquam tamen uterque vitâ fuerit & sanctitate conspicuus ? Licet ergo securior existat, ut nôstis, multoque tranquillior vita contemplativa ; longè tamen utilior, quia multos ad salutem perficit multumque lucrum Christo facit, ideoque longè strenuior & gloriosior, est activa. Non itaque gloriam vestram alii dare ; nec opus & honorem Pontificalem tam bene & tam commodè, vobisque divinâ dispositione commissum, alii minùs ad hoc idoneo, Deoque minùs accepto, & minùs forsân in literis proficuo vel in commune bono, cedere velle præsumatis. Malè namque dolorem suum vindicat ; qui recente dolore superaddito, tanquam vulnera vulneribus adjiciendo, priorem augmentat. Sed dignitate Metropolitica primæque regni Anglicani & primatiali cathedrâ vobis à Deo donatâ cum lucro animarum multo, tam ore quàm opere, tam verbis sc. quàm vitæ meritis faciendo, fructuque centesimo, sicut martiribus & virginibus, sic & Prælati electis & bonis, indulto divinitus & approbato, finaliter atque feliciter uti satagatis. Interque patronos Ecclesiæ vestræ gloriosissimos, tam Confessores sc. quàm Martirio coronatos, coronam per Dei gratiam similiter adepturus immarcescibilem, liliis nempe sive ro-

sis delectabiliter atque decemter ornatam, & non solum vernis verum-  
etiam floribus & fructibus æternis inenarrabili tam decore quam suavita-  
tis odore confertam & venustatam, cum aliis virtuosissimis Ecclesiæ Do-  
robernicæ, quibus miro fulgore perradiat, gemmis & orbem illustrat, &  
vos eidem loco sanctissimo cui præsidetis, tam in morte quam in vitâ  
preciosum & perpetuum præstare patrocinium non desistatis. Ad hæc  
etiam quatinus in epistolaris tanquam calce sermonis, salvâ Monacho-  
rum pacē, vestraque potissimum veniâ petita, pauca loquamur; quod  
Monachus vester cubicularius pariter & commensalis, exteriore nigredine  
fucatus, & utinam non interiore contraminatus, nos cum Libro nostro  
vobis præsentato, tanquam scripto famoso, pravo iudicio, quia sicut ve-  
ritatis sic & caritatis expertissimo, dignos incendio multis audientibus as-  
severaverit; Necnon & librum eundem supercilio Pharisaico fastuque Do-  
robernico se propriis in ignem manibus missurum minis acerrimis ocu-  
lisque torvis & verbis non minus vultuosis quam tumultuosis constan-  
ter affirmavit: Piæ paternitati vestræ preces porrigere dignum duximus;  
rogantes quatinus comminator ille, plus acerbitalis in se quam humili-  
tatis vel caritatis habens, dicti libri vestri & nostri, ne vel nostrum  
abradendo, vel suum nequiter inferendo, scripta corrumpat, copiam nul-  
latenus habeat aut custodiam. Nichil enim, ut nostis, tam bene dictum aut  
scriptum est, quod non possit malignitas depravare. Veruntamen lectas  
ab alio libri sententias audire si velit, non prohibeatur; quatinus iustas  
audiendo sibi similibus correptiones, zelo revera rectitudinis ad corrigen-  
dum & non amaritudinis ad rodendum emissas, ipse corrigatur; aut si  
fortè incorrigibilis auditor inventus fuerit, tetro livore tabescat. Discat &  
hoc quoque, quod nondum didicisse videtur; quia scripta famosa dicun-  
tur, quibus viri probi ac virtuosi pravâ falsâque delatione diffamantur.  
Cujusmodi delatoribus linguam capulandam aut caput amputandum lex  
Imperialis dignè decrevit. Non illa verò famosa reputanda sunt, sed veriùs  
officiosa; quæ causâ correctionis & emendationis amici vel proximi sunt  
emissa. De quibus & illud Ambrosianum audiatur elogium. Correpti-  
ones quidem in amicitia gratæ sunt; aculeos habent, dolores non ha-  
ant. Unde Jeronimus. Multoties bona parantur invitis; dum eorum  
potius utilitati consulitur quam voluntati. Nam & qui freneticum ligat,  
& qui letargicum excitat, ambobus molestus, ambos amat. Haud dissi-  
militer ad ægroti vulnera sanandum chirurgus accedit; & calibatâ manu  
nunc carnes putridas refecat, nunc vulnera ligat, & fomenta coaptat;  
nunc ossa incidit & separat; crudelisque simul ac clemens, non parcat  
medicus, ut parcat; & sævit, ut misereatur. Noscat igitur delator ille,  
quod notum est satis; & supercilium Dorobernicum quandoque deponat;  
quasi plerique, quos adeò vicia sua delectant; quod ea malunt finaliter at-  
que poenaliter occultari, quam remediabili confessione propria vel correpti-  
one alienâ foeliciter atque salubriter propalari. Ut autem paulisper ad pri-  
ora revertamur; & dicta delatoris nostri plenius adhuc retundamus; den-  
tesque caninos tanquam marculo ferreo sive malleo confringamus: si dicta  
qualibet aut scripta mordacia, quanquam zelo caritatis & pietatis emissa,  
quoniam ingenua ingenia magis reverâ verba timent aspera quam verba dura;  
propter quod plerisque, quos non corrigit timor, emendat pudor; censet  
esse famosa: Epistolas quoque Pauli, quibus insensatos Galathas vocat, &  
quibus etiam masculos cum masculis & mulieres cum mulieribus turpitudi-  
nem agentes palam enarrat, ut corrigat; quoniam fas est interdum, ut  
materie verba sint cognata: scriptaque Jeronimi ferè cuncta caritativâ qui-  
dem & correctivâ reprehensione repleta, temerariâ censurâ condempnet;  
necnon

Vult Librum  
suum contra  
Ordines Mo-  
nasticos, *Spe-  
culum Ecclesiæ*  
dictum.



necnon & verba Christi scriptaque, quibus Judæos ypochritas vocat, ut corrigat, dicens: <sup>a</sup> *Quid me tentatis ypocrita?* & alibi de eisdem: <sup>b</sup> *Generatio prava signum quarit*, &c. Item & Archisinagogum, indignantem quòd paraliticum Sabbato curâisset, coram omnibus <sup>c</sup> *ypocritam* vocat; incendio digna, non minùs fatuo judicio quàm falso, confirmet. Nec mirum quòd sic decernit, qui sic cernit; sic quoque deliberat, qui ad oculum judicat. Utinam igitur illi, qui verba viciorum reprehensiva tantis detestantur nisibus & abhorrent, non minùs ipsa viciosa facinora tam publicis actibus quàm secretis abhorrent. Valeat in Domino multis profutura per ævum, gregemque commissum nullatenus desertura, quinimo lupis rapacibus fiducialiter atque fortiter atque finaliter baculo pastoris vocibusque clamoris occurrura, prudens & pia Paternitas vestra. *Explicit Epistola à Giraldo digesta.*

# Giraldi Cambrensis

## EPISTOLA

A D

### Capitulum Herefordense de Libris à se Scriptis.

**A**D illos tutum habet accessum iusta petitio, quorum non ignoratur discretio pariter & eruditio. Rogo itaque, quatinus librum nostrum, sc. *Ecclesia Speculum*, Beato<sup>d</sup> Æthelberto anno jam ferè præterito datum, mihi per hunc Clericum præsentium latorem, ad corrigendum adhuc plenius & utilia quædam locis competentibus adjiciendum, remittere velitis. Memorialem autem interim vobis *Topographiam Hybernica*, & *Vaticinalem Hybernica expugnationis Historiam*, Opera duos. & diversa, sed uno volumine conferta, per eundem destinavi; quem cum melioratum susceperitis, quod in proximo fiet, & emendatum; alium, si placet, remitteritis. Peto similiter & illud, quatinus in *Topographiâ* nunc missâ, in Distinctione primâ, quasi juxta principia, tractatum de avibus earumque naturis in allegoriis etiam adaptatis, percurrere legendo non postponatis. Pretium namque laboris & præmium fore michi noveritis; quotiens eruditus oculis aut auribus se fortè subicere scripta mea contigerit. Nosse vos enim pro certo volui; quod transactis annorum curriculis triginta vel pluribus, cum circiter editionem dictæ *Topographiæ* primam & libri recitationem in publicâ Cleri audientiâ per triduum solempniter Oxoniæ factam, cum Archiepiscopus Cantuariensis Baldewinus, vir quidem valdè literatus & in Sacris Scripturis affatim eruditus, dictum de avibus earumque naturis & allegoriis assignatis tractatum coram se lectum quandoque relectumque diligenter audisset; quæsit, utrùm evidentiam aliquam ad allegorias illas sic assignandum ab agiographis & expositoribus nostris habuissem: Cumque responsum accepisset, quod reverâ penitus nullam, nisi quod solum gratia divina concessit; subjecit vir ille bonus atque benignus: Nec mirum, quia certe eodem spiritu, quo & ipsi. Scire vos etiam & hoc cupio, quoniam juvenili tempore, cum per lustra ferè sex artibus indulssem trivialibus, quibus præcipuè studiis vehementer animum applicueram, Parisiisque tum propter exercitium, tum propter etiam rationis humanæ utilitatem, Scholas aliquamdiu publice rexerim; tandem maturiori consilio Magistrorum limina Theologicorum auditor & amator avidus per triennium integrum & amplius terere cœpi nec cessavi; & super artium ac literaturæ fundamenta superædificare stabiliter per Dei gratiam tam Theologicam quàm canonicas statui disciplinas. Egressus itaque tenore sub isto de scholarum tunc gignasio, demum reversus in Patriam, scienſque quoniam juxta Philosophi sententiam, Animus si remittitur, amittitur; ne fortè quiete torpescerem aut desidiâ, dictam Hiberniæ *Topographiam* cum abditis suis & archanis, aliisque regnis per orbem universis, valde diversis & prorsus alienis, opus ab alio non attemptatum, ad tractandum aggressus fui. Postmodum autem aliquot annis evolutis theologica repetens studia, per quinquennium spacium & ultra litteris sacris animum incunctanter & incessanter applicui. Præter hæc etiam non minùs in hospitiiis alibi, quàm

<sup>d</sup> Sc. Ecclesiæ  
Herefordensi.

ſcolarum



scolarum exercitiis oculisque literalibus, quoniam ut ait Philosophus, Ocium sine literis mors est, & tanquam hominis vivi sepultura; tam luculentis studiis diurnis, quam lucubrationibus quoque nocturnis, studiosum continuare laborem, & mentis aciem vel legendo vel scribendo jugiter exercere constitui. Consideret itaque ratio provida mensque discreta; cum vir ille tam eruditione quam dignitatis honore præditus & præclarus, primos labores nostros, & quasi præludia quædam ad experiendum ingenii vires & exercendum attemptata, tantâ commendatione digna censuerit; ut dictum est supra: utrum commendari debeant & digne laudari, quæ provectior ætas & eruditior emiserit; an malicioso lividorum iudicio reprobari? Illud quoque palam & in propatulo cunctis esse desidero; qualiter vir ille magnus & meritò magnificandus completâ Legatione suâ tam devotâ per horridos & hispidos Walliæ fines in Crucis obsequium & Crucifixi negotium, quia tunc fortè cum dictæ Topographiæ sibi presentatæ lectio, quam libenter audiebat, à nobis coram ipso cotidie facta completa similiter erat; sermonem ad me dirigens, & os sacrum in verba resolvens, ait: Opus tuum, Archidiacone, quod jam perlectum audivimus; quoniam uniformiter tam verborum flosculis quam sententiarum medullis adeò convenienter & competenter cunctis ex partibus exornatur; quod nec primum medio, medium nec discrepet imo; dignum commendatione plurimâ judicamus. Gratiâque stili talem tibi collatam à Domino, quam plus opibus cunctis terrenis & transitoriis proculdubio diligere debes & approbare, nullo vacare tempore finas aut permittas; tibi quoque in fide consulimus, & tanquam nostræ prælationis officio firmiter injungimus; quatinus litterati ingenii tui gloriam, gratiâque stili tam egregii desuper datam, in aliquo literali studio, quod multis in posterum proficere queat, semper exerceas, & in caritatis opere tali vitalia complere tempora non desistas. Propter hæc igitur monita, quinnimo præcepta, quibus obedire necesse fuit, animum antea studiis obnoxium longè propensius solito curis literalibus applicare dignum duxi. Adeò quidem ut veluti modum in hiis atque modestiam omnem minùs servantem non solum æmuli, verum etiam amici nonnulli, tanquam me senem penitus infatuatum reputaverunt ac delirum, sæcularibus negotiis minùs intentum, & in hiis quæ mundi sunt promotum longè segniùs & sublimatum. Verumptamen ut dicti Prælati tanti monitis adquiescam, & præceptis obediam; & cum præsentibus propter invidiam placere non valeam, saltem posteritatis favorem & gratiâ, si litteraturæ decus quandoque resurgat, nisibus totis michi perquiram; dictas contumelias & convicia pati satis tolerabile duxi. Quinimo non propter applausum in futuro laudis humanæ, quod vanitati reverà subiacet apertæ, sed propter spem potiùs retributionis æternæ, quia literalia studia, quibus adeò perseveranter mens intenta, multos in posterum ædificare per Dei gratiâ & informare valebunt, dictas sustinere contumelias & obprobria valde concupiscibile judicavi. Porro quatinus ad priora revertamur, post commendationem dicti libelli tantam ab Archiepiscopo Cantuariensi factam, duas commendationes ejusdem à duobus viris litteratissimis, Waltero Mapo sc. Oxoniensi Archidiacono, & Magistro Roberto de Bello-foco, Salesburiensis Ecclesiæ Canonico, similiter emissas, & hæc apponere præter rem non putavi. Lecto namque libello primùm eodem ab Archidiacono, sicut & aliis quibusdam de juvenilibus laboribus nostris, quos libenter audiebat & inspiciebat, ait: Et si fortè scripta Giraldi non propter aliud digna commendatione fuissent, nisi propter præmia sola tam egregia; dicerem ea proculdubio laude non indigna. Eoque dicto rogavit, quatinus *Libellum de præmiis operum nostrorum* variis in unum confertis ei donarem. Sed cum alii vel antea vel post similiter efflagitaverant, quidam metrica carmina mea juvenilis ætatis, quidam Epistolas & dictamina ad varias personas variis temporibus destinata: nonnulli quoque rethoricas orationes persuasibiles per opuscula nostra varia dispersas, quibus movebantur

movebantur, in unum congestas; & magnorum quoque virorum descri-  
priunculas congruè & competenter adaptatas, de dono nostro mero sibi lar-  
giri postulabant. Verùm quia laborem honestum fugere non consuevi;  
quatinus uno beneficio quamquam laborioso singulis petitionibus illis omni-  
bus plenè & habunde satisfacerem, *de Dignis quæ non per totidem distin-*  
*ctas particulas artificiosè confectas, sicut delectabile sic & opus non inu-*  
*tile compaginare curavi.* Ut tanquam pluribus ex ortulis & pictis ar-  
vorum pratis mens studiosa præcipuos eligere flosculos tam salutiferos  
quàm odoriferos queat; & quasi marinas inter harenas, aliquas fortè  
virtuosas valeat gemmas excerpere. Et ut etiam dicti Canonici Salef-  
buriensis præmissa commendatio non prætermittatur sciendum quòd di-  
cta Topographia postquam apud Oxoniàm solempniter recitata per tri-  
dum fuerat, per varia loca se diffudit, & ad manus dicti Canonici li-  
teralibus in studiis laudatissimi fortè devenit. Quem cum legeret & re-  
legeret, satiarique legendo seu fatigari vix valeret; quæsit tandem ab  
eo familiaris quidam Clericus ejus & comensalis; quid in illo libello  
dignum lectione suâ tam continuâ tamque libenter & toriens reperit  
tunc reperiret; qui sacris Scripturis, tam arduis atque subtilibus studiis  
affiduis animum applicare solebat. Cui respondens statim ait, & asser-  
tivè proposuit; quòd ideo librum illum inspectione tam affectuosâ, nec  
fastidiosâ, dignum judicabat; quia si viginti Clerici litteratiores & lau-  
dabiliores totius Angliæ, ubi tot sunt boni, super eadem materiâ sibi  
commisâ per triennale spatium, quo completum est istud, communi  
labore studioque continuo tam eximium opus emisissent; dicerem ipsos  
praconali laude dignissimos. Præscriptis etiam adjicere curavi; quòd an-  
te monita viri sancti tam salubria ex propriæ motus industriæ, juvenili  
conamine scripta nonnulla compegeram, animis reverâ studiis literalibus  
addictis non inutilia. In primis videlicet *Cronographiam metricam, & Mun-*  
*di nascentis descripiunculam.* Et *Cosmographiam* Pentametris versibus ex-  
ornatam. Deinde *Topographiam Hybernicam; & Vaticinalem* postea re-  
gionis ejusdem *expugnationis Historiam.* Item & laboriosum per hispi-  
da & inæqualia Walliæ loca postmodum *Itinerarium;* & succinctam *Kam-*  
*bria descriptionem,* gentisque Britannicæ naturam expressam & propieta-  
tem ab aliis nationibus longè diversam & prorsus alienam, studiosis  
absque dubio mentibus opus commodum & compendiosum. Item *Sym-*  
*bolum Electorum, & librum de Invectionibus* intitulatum; ad præmissas in-  
jurias multas vice talionis animo vindice nec inimico responsalem. Item  
*Speculum duorum commonitorium ac consolatorium;* & quod sola peperit in-  
dignatio, cum *Epistolis* paucis ad injurias illatas respondentibus ac re-  
mordentibus, quasi querulum carmen emissum. Item librum *de Promo-*  
*tionibus & Persecutionibus Gaufridi Eboracensis Archiepiscopi;* quòd nec  
incunabulis aut celsitudine generis, nec in divitiis aut fortunæ blandiciis  
spes ponenda, exemplum præbendo. Item ad natale solum plenius illu-  
strandum, ingeniumque variis exercendum studiis & exacuendum, otium  
que per omnia desidiosum fugiendum attentius atque cavendum; expres-  
sam *Kambria totius Mappam;* cum montanis arduis & silvis horridis, aquis  
& fluviis & castellis electis, Cathedralibus etiam Ecclesiis & Monaste-  
riis multis, maximèque Cisterciensis Ordinis, copiosâ pariter & artifi-  
ci-osa sumptuositate constructis, arto folio, strictoque valde locello & spa-  
tio brevissimo, distinctè tamen & apertè declaravi. Post monita verò  
suscepta, grata plurimum & accepta, maturioribus studiis atque majo-  
ribus animum applicando; librum *de Principis Instructione;* multis au-  
toritatibus tam Philosophicis quàm Theologicis per exempla pariter &



præcepta studioso labore compaginatam, longisque lucubrationibus elaboratum, edere curavi. Item & *Gemmam Ecclesiasticam* subsequenter, de sacramentis ecclesiasticis salutis animarum pernecessariis, necnon & de Clericali continentia, conversationem honestam per capitula plurima & tam exempla congrua quam præcepta doctrinaliter insinuantia. Item de Monasticis Ordinibus & Ecclesiasticis Religionibus variis, Librum inter labores grandes ferè postremum continuoque triennali studio laboriosius editum; cui *Speculum Ecclesie* titulus non incongruè nomen imposuit; quia quæ vitanda fuerint, & quæ propensius imitanda, quasi speculo dilucido discerni in eo poterunt & perpendi; cum gratiæ bonorum & dilectione, odio verò malorum & indignatione, digessi. Item & *Dyalogum*, librumque de gestis Giraldi laboriosissimis, Menevensi Ecclesiæ futuris fortè diebus pernecessarios. Ex quibus nimirum, etsi conferri non possit de casu præterito medela, plurima tamen elici poterit de futuro cautela. Ad hæc etiam præter dicta maturioris & provectoris ætatis conamina, minora quædam nec inutilia, quæ mixtim & alternatim, prout res exigebat, tam Epistolaria stilo prosaico varia, quam metrica quoque compegi carmina. Ad magnorum quoque virorum & auctentorum instantiam plurimam, legendas Sanctorum Vitas emisi. *Vitam* videlicet *Sancti Aedelberti*, Martiris Herefordensis egregii. *Vitam Sancti David*, Menevensis Archiepiscopi. *Vitam* quoque *Sancti Karadoci*, loci ejusdem Heremite nobilis & Presbyteri. Item *Vitam Sancti Remigii*, Lincolnienfis Episcopi primi. *Vitamque* similiter *Sancti Hugonis*, Sedis ejusdem Episcopi, de Cartusienfis Ordinis carcere feliciter assumpti. Verùm ne parvipendantur hæc Opuscula minora, si interdum emergant inter majora; sciendum quia signa sunt hæc saltem & argumenta certissima; quòd mens, quæ non minora passim loco & tempore recusat opera, sicut nec majora, meritò censeretur debet laude non indigna. Beatus Ambrosius eodem stilo studioque, quo sacras Scripturas tam arduas exposuit & explanavit, *Vitam* quoque Sanctæ Agnetis Virginis & Martiris explicare dignum duxit. Sanctus quoque Bernardus Clarewallensis *Vitam Sancti Malachie Præfultis Hybernienfis* solitæ stili sui elegantiam tractare curavit; eique super altare Clarewallensis Ecclesiæ principale, à latere sc. orientali, sepulturam fieri fecit; cui & corpus suum proprium non longè post simili structurâ lapideâ decenter adjungi procuravit. Adjiciendum hoc etiam, & notâ non indignum arbitror; quòd tam Origenes, quam Jeronimus, & Augustinus, quamquam in sacris Scripturis transferendis pariter & exponendis tam utili labore defudaverint; historias tamen temporis sui plurimas, tam ecclesiasticas sc. quam & alias quoque memoratu dignas, tractare non omiserunt. Libros etiam Epistolares egregios suis temporibus, qui adhuc extant & multos informant, emisit. Lucas etiam Evangelista, postquam Evangelium ediderat, Actus Apostolorum & tanquam Itinerarium eorum dilucidè pertractando declaravit. Sic & non solum Evangelia, verùm etiam Epistolaria scripta, salutiferæ fidelium doctrinæ, necnon & Apocalypsis visione prophetica in inspiratione divina, curis Apostolorum & studiis emanarunt. Quædam igitur oportet facere, veluti sacris utriusque Instrumenti paginis, præsertim autem medullis evangelicis, principaliter atque finaliter nîsibus totis attentius invigilare. Et alia tamen, sicut prælibavimus, tam epistolaria, cum res exegerit, quam cætera cuncta quoque variis ex causis pernecessaria, nullatenus omittere. Quanquam medullæ carniū interiores, cum ossibus effractis eliciuntur, dulcius sapiant, & fortius enutrient; carnes tamen exteriores sumptæ similiter & consumptæ tam ad usum quam ad esum necessariae, non inutiles esse reputari

putari debent. Ad historicorum namque commendationem Moralis iste Philosophus, Seneca sc. historiae descriptionem talem non inelegantem emisit. *Historia est antiquitatis auctoritas, testis temporum, lux veritatis, vita memoria, magistra vite, nuntia vetustatis.* Sciant itaque lividi nostri; quod non vitam hactenus vel desidiosam duxi vel otiosam; nec ullo tempore per Dei gratiam, dum superesse valueram, ducam. Unde securè me senem fatuum atque delirum æmuli vocent, rodant, & lacerent, & latrare non cessent. Ego juxta viri Sancti totiens dicti monita præceptaque salubria, gratiam stili desuper datam vacuum Deo dante non relinquam: propter quod in litteralibus studiis, & tam Theologicis quam Philosophicis & Historicis, variis vicibus, sicut hactenus feci & consuevi, studiosum animum indefinenter exercens. non solum in hiis ad posterorum eruditionem zelo caritatis maximo diuciùs immorari, verum etiam mori, in talem quoque spiritum, cum hora super venerit, exalare, desiderabile duxi. Periculosum tamen est hodie, sicut & olim, & calumniosis æmulorum undique depravationibus expositum, scribentis maximeque nova cudentis, officium. Unde moralis ille Philosophus egregius, Seneca: *Lividi Lectoris malitia dictionem sanam & insanam puri revolvit appetitu; non amplius concupiscens electa quæ laudet, quàm despecta, quæ videat.* Item & Poeta.

*Discit enim citius, meminitque libentius illud,  
Quod quis deridet, quàm quod probat & veneratur.*

Sanè quum duplex esse constat doctrinae genus: aliud enim linguæ labiorumque labore cathedraliter emissum, auribus se applicat auditorum: aliud mentis manusque ministerio, studio videlicet stilique vicissim & calami officio, litterarum nexibus coagulatum, oculis se subijcit inspectorum. Ideoque postremum hoc, tum propter dicta viri Sancti monita, quibus resisti ullatenus non decuit nec debuit, tum etiam quoniam istud utilius & diuturnius, quia communius & longevius, mihi doctrinae genus elegi. Vox enim emittitur, & verba pertranseunt: scriptum verò semel editum & approbatum tenaci longævitate transmittitur ad posteros, & notariorum operâ successivâ renovatione perpetuatur. Unde cum Origenes & Jeronimus cæterique Agiographi nostri & Doctores ecclesiastici multum Christi sponsam modis utrisque, longè plus tamen libris quàm linguis, litterisque quàm labiis, ipsam illustrarunt. Nam Patribus nostris, Ecclesiæque rectoribus atque Doctoribus, nisi tanta studendi scribendique cura fuisset, conceptumque corde thesaurum in scripta redactum posteris præsentandi; in quo nunc Ecclesiâ vel metricè psalleret vel melicè jubilaret? in quo vel Scismaticis resisteret, vel Hæreticis aut etiam inimicis crucis Christi plenè & perfectè responderet? Item nisi auctores linguæque Latinæ moderatores tantâ diligentia studiis scriptisque suis orbem universum illustrassent; professionis hodie litteratoriæ tam celebri frequentia vulgi per ora quid volitaret? Aut etiam quid haberet quod legeret teneretque viritim publicus usus? Sicut in præmio *Gemma nostræ Ecclesiæ* primo plenius super hiis disputatur. Virilis igitur est animi, mentisque à naturâ bene dispositæ & industriæ claræ; ut quemadmodum à patribus atque prioribus nostris affatim omnes accepimus; sic & nos jam decessorum nostrorum sicut & præsentium quasi & posterorum quoque studiis aliquid adjiciamus: & saltem cum Viduâ evangelicâ in Gazophylacium Domini duo minuta mittamus: Quatinus tam rectè vivendo quàm rectè scribendo, nostram memoriam longis in ævum spatiis extendamus. Et quod satius est



est longéque sanius atque salubrius, plùs per opera bona quàm per opuscula vana, præsertim si plausûs popularis aucupativa fuerint & appetitiva, de luctu in lucem, de viâ in patriam, de morte in vitam doloris ignaram & finis nesciam, fœlici mutatione gratiæque supernæ benigno favore transferamur. Habeat igitur in studiis librisque nostris, multis absque dubio lucubrationibus ad posterorum utilitatem elaboratis; quatinus æmulis nostris ylia rumpantur, & præsens tempus quod laceret, & posteritas quod laudet. Habeat hoc quod lædat, illa quod legat. Habeat hoc quod dampnet, illa quod amer. Habeat hoc quod reprobet, illa quod probeat. Valeat in Domino cara nobis Fraternitas vestra.

In canes & æmulos suos morem Jeronimo Giraldus gerens ad renovata convitia iteratâ responsione remordet.

**E** Legi rudibus Elegis non carmine picto  
 Versibus insipidis suppeditare vices.  
 Rodere Giraldum qui tentas dente canino,  
 Latras non mordēs, velle nocere doces.  
 Corriperis, sed te non corrigis; immo medentis  
 Et tua curantis vulnera spernis opem.  
 Non detractoris vicio sed commonitoris  
 Officio condi carmina nostra scias.  
 Livide delator, tua fundis toxica; sed dum  
 Quæris obesse mihi, plùs tibi livor obest.  
 Zelo consimili vitiis virtute rebellem  
 Jeronimum rodas, atra venena vomens.  
 Temporis ille sui quòd mores arguit; exul  
 Pulsus ab urbe fuit, regna remota petens.  
 Si potes, ostendas Giraldum Jeronimumve  
 Falsigraphum; veris aut adhibeto fidem.  
 Et potius mores emendes; inque monentem  
 Pleniùs ut sapias, ne maledicta feras.  
 Evome quicquid habes; quòd te tua putrida tabes  
 Torquet, nec propriæ verba salutis ames.  
 O mendice miser, Monachari qui properasti,  
 Ut ventrem pascas, pabula mentis ama.  
 Æmule detractor, quòd pergis dicere quæ vis,  
 Audis quod non vis: ergo quiesce, file.

Giraldi

# Giraldi Cambrensis

## Catalogus brevior Librorum suorum.

Sequitur de Catalogo & numero Librorum à Giraldo compositorum.

Occurrit hîc igitur in primis tempore tenerior *Cronographia* nostra, & *Mundi Cosmographia*, annis adolescentiæ versibus Hexametris Pentametrisque metricè composita; plus Philosophicum quàm Theologicum nonnullis in locis dogma secuta.

Item *Topographia Hybernica*, liber sc. de situ terræ illius & mirabilibus ejusdem multis exaratus, apud Oxoniam per tres dies continuos in publicâ Cleri audientiâ recitatus.

Item Liber de *Expugnatione Hybernica*, & hac ultimâ Insulæ illius per Anglos subactiōe.

Item Liber de *Legendis Sanctorum*, Vita sc. *S. Davidis* Menevensis Archiepiscopi, Vita *S. Caradoci* nobilis loci ejusdem Confessoris, Vita *S. Ethelberti* Martyris Herefordensis egregii, Vita *S. Remigii* Lincolnienfis Episcopi primi, Vita *S. Hugonis* quinti post Remigium loci ejusdem Antistitis.

Item Liber de *promotionibus & persecutionibus Gaufredi Eboracensis Archiepiscopi*; quod nec in cunabulis aut celsitudine generis nec in divitiis aut fortunæ blanditiis spes ponenda, exemplum præbens. Et quoniam non sub certi Auctoris nomine liber editus est, merito dicitur Apocriphus.

Item *Symbolum Electorum*, ad varia complendum diversorum desideria, sicut ex Proæmio libri ejusdem patet, compaginatū.

Item Liber *Invectionum*, Romæ in Giraldum acriter inchoatus, & ibidem ab ipso, Papâ monente, in pleno Consistorio ad injurias respondente & objecta crimina non incompetenter evacuante pariter & refundente, necnon & utilia quædam adjiciente consummatus.

Item *Speculum duorum Commonitorium & Consolatorium*, & quod sola peperit indignatio, cum *Epistolis* paucis ad injurias illatas respondentibus ac remordentibus, quasi querulum carmen emissum.

Item Liber de Cleri Ecclesiastici circa Sacramenta majora magisque necessaria instructione & persuasibili valde per exempla pariter & præcepta ad vitæ honestatem inductione; Cui *Gemma Ecclesiastica* titulus nomen imposuit.

Item *Itinerarium Giraldi*, & laboriosa Baldwini Cantuariensis Archiepiscopi Legatio, devotaque per Walliam in Crucis obsequium prædicatio.

Item *Kambriæ Topographia* & tam terræ quàm morum gentis illius brevis & compendiosa descriptio. Cujus in fine satis succinctus ac dilucidus tam *Retractionum Tractatus*, quàm *Librorum nostrorum Catalogus* non incompetenter est appositus.

Item circiter id ipsum temporis, quo *Kambriæ Descriptionem* stilo perstrinximus, *Mappam* ejusdem expressam, quatenus & natale solum non tantum literis verum etiam protractionibus quibusdam & quasi picturis variis nec incompetentibus aut indecentibus nostrâ foret ad unguem operâ declaratum, breve in loco



culo arctoque folio loca quamplurima complectentes, eademque tamen dilucidè satis & distinctè disponentes, non absque studioso labore propalavimus.

Item Liber *de Fidei fructu Fideique defectu*; quanta ferventem præmia, quanta frigentem supplicia manent, succinctâ brevitate declarans; labor sc. diligenti Lectori non inutilis.

Item Liber *de Principis instructione*, toties promissus; ferè inter primos inchoatus, inter ultimos autem propalatus, diu nimium clausus & sopitus, quando tutè prodire posset plurimis annorum curriculis tempus expectans; liberaliter quidem & non lividè legenti labor suâ quoque laude non indignus.

Item Liber *de Gestis Giraldi* laboriosis Menevensis Ecclesiæ, de cuius dignitate multa complectitur; quanquam ad præterita minimè medelam, magnam tamen ad futura cautelam præstans. Labor non infructuosus; ubi perpendi evidentissimè poterit, quòd Ecclesia militans per surreptiones varias, instructorum ac testium falsitates, plerumque decipitur aut corrumpitur; triumphans verò non irridetur. Et quòd non semper ad merita æquè respondent in terris præmia; vel cecâ in incertum aberrante, ut solet, & exorbitante fortunâ, vel certè benigniore clementiâ juxta cordis desideria, si piè, purè, legitimèque certatum fuerit, ad æternam felicitatem coronâ repositâ & mercede servatâ.

# Giraldi Cambrensis

## LIBER SECUNDUS

### De Descriptione Walliæ,

#### S E U

#### Liber de Illaudabilibus WALLIÆ.

Quoniam in priori Libro gentis Britannicæ naturam, mores & modos satis evidenter explicuimus, eaque præcipue quæ virtuti consona & in unum collecta ad laudem ejus & honorem verè poterant explanari; de cætero competens ordo deposcit, ut in sequenti Operis partitione more historico ad ea quoque quæ virtutis & laudis lineam egredi videntur, calamus vertamus. Impetratâ tamen veritatis explicandæ veniâ, citra quam omnis Historia non solum auctoritatem sed & meritò nomen Historiæ demeretur. Naturam enimvero imitari arte professus, auctoritatem Pictor amittit; si diligentius apta dum protrahit, minus idonea verecundè prætermittit. Unde etiam quoniam vitiis sine nemo nascitur, Optimus ille est qui minimis urgetur; nichil humanum à se alienum sapiens putet. Semper enim mundanis in rebus quasi nulla sub cælo perfecta fælicitas, & mala sunt vicina bonis, & vitia virtutibus distinguuntur. Sicut ergo sive naturæ sive industriæ bona mentem bene compositam audita delectant; sic recitata bonis contraria non offendant. Corrupti nimirum ex longo exilio & paupertate pejoresque ad usus gentis hujus natura perverti potuit. Sicut enim multa paupertas extinguere vitia solet; sic nonnulla interdum ex eadem contraria virtutibus adolescunt.

#### C A P. I. De Inconstantiâ Gentis hujus & instabilitate, fidei quoque Sacramentique reverentiâ nullâ.

Gens igitur hæc gens <sup>a</sup> tenuissimæ fidei; nec minus animo levis quàm corpore. Gens ad facinus quodlibet sicut facillimè impellitur; sic à proposito seu jam incœpto eadem facilitate revocatur. Gens in omni quidem mobilis actione, semper tamen in malo pertinacior; nullius nempe rei præter inconstantiæ solius constantiam habens. Nullum eis jusjurandum, nulla fidei, nulla veritatis reverentia. Adeò namque fidei fœdus aliis inviolabile gentibus parvipendere solent; ut non in seriis solum & necessariis, verum in ludicris omni-que ferè firmando verbo dextræ manûs, ut mos est, porrectione signo usuali dato fidem gratis effundere consueverint. Præterea quicquid commodi, quicquid temporalis emolumenti sacramenti transgressione provenire potest, passim perjurio parant; adeò quidem ut in causis <sup>b</sup> foro-que civili tam excipiendo quàm explicando, puta quicquid ad præsens expedire videtur, jurare parati, pars utraque semper agere semper probare nitatur. Quanquam tamen venerandæ leges, ubi sacramenta sacra putantur, ubi reverentia veris & honor exhibetur

<sup>a</sup> Tenerrimæ  
Cod. Cotton.

<sup>b</sup> Tam Ecclesiasticis quàm forensibus, nunc excipiendo nunc replicando.  
Cod. Cotton.



hibetur honestis, in rei favorem & odium actoris probationem actori tanquam onus imponant; porro populo versuto & versipelli jugum hoc suave & onus leve videtur.

C A P. II. Quòd de rapto vivunt; & pacis amicitiaque foedera non custodiunt.

**A**D hæc etiam rapinis insistere raptoque vivere furto & latrocinio, non solum ad externos & hostiles populos verum etiam inter se proprium habent. Pacis quoque & amicitia foedera visâ nocendi opportunitate non respiciunt; fidei sacramentique religionem turpi lucro postponentes. Quod & Gildas olim in libro de *Excidio Britonum* more historico suæ gentis vitia veritatis amore non suppressens, his verbis declaravit. *Nec in bello fortes, nec in pace fideles.* Sed quando Julius Cæsar, qui tantus erat quantus & orbis, sub Cassibelliano duce *Territa quasitis ostendit terga Britannis*; nunquid non fortes fuere? Quid & quando Belinus & Brennus Romanum Imperium suis addidere victoriis? Quid Helenæ nostræ filii Imperatoris tempore Constantini? Quid Aurelii Ambrosii regno? quem etiam laudibus Eutropius effert. Et Arturi nostri famosi, ne dicam fabulosi, tempore quanti fuere? Sed è diverso quia Scotis & Pictis populisque tam vilibus ferè debellari, auxiliatrices Romanas toties vexarunt legiones, dicentes: sicut ex Gilda colligimus, *Barbari vos ad mare, mare autem ad Barbaros impellit. Hinc subjugamur, hinc submergimur, hinc trucidamur.* Nunquid tunc fortes, inquit, & laudabiles fuere? A Saxonibus quoque in auxilium vocatis & stipendiario munere locatis quando expugnati & subacti; nunquid fortes? Et quod omnium istorum validius ignaviae eorum argumentum est; quod Gildas, qui vir sanctus erat & de gente eadem, in cunctis quas de gente ipsorum scripsit Historiis nichil usquam egregium de ipsis posteritati reliquit. Hujus autem contrarii solutionem Deo dante vitæque comite in Britannicâ promittimus Topographiâ.

<sup>c</sup> Deest in Cod. Cotton.

<sup>d</sup> Defunt omnia ad finem usque capitis in Codice Westmonast.

<sup>d</sup> Id tamen hic tantillum ad majorem evidentiam addere sufficiat; quòd ex quo maximus ille Britonum Princeps, cujus in capite libelli mentionem fecimus, totum armatae juventutis Britannia in transmarina ducendo robur exhausserat; multis postmodum annis vacua viris & viribus Insula piratis & prædonibus mansit exposita; quæ quidem antea incomparabili strenuitatis gloriâ flourerat. Adeo quidem ut per ejus alumnos præclarus ille Tyrannus totam ferè Cisalpinam Galliam subjugaverit, ipsumque Romanum Imperium armis attemptare præsumperit. Processu quoque temporis longâ demum propagatione multiplicata & armis instructa in pristinae probitatis audaciam Britannica juvenus excrevit. Distinguantur igitur in hunc modum tempora; & concordabunt scripta. De Gilda verò, qui adeo in gentem suam acriter invehitur, dicunt Britones; quòd propter fratrem suum Albania Principem, quem Rex Arthurus occiderat, offensus hæc scripsit. Unde & libros egregios, quos de Gestis Arthuri & gentis suæ laudibus multos scripserat, auditâ fratris sui nece omnes, ut asserunt, in mare projecit. Cujus rei causâ nichil de tanto Principe in scriptis authenticis expressum invenies.

## CAP. III. De Martio conflictu invalido, turpique fugâ &amp; illaudabili.

**I**N bellico conflictu primò impetu acrimoniâ, voce, vultu terribiles effecti tam clamore horrendo cœlum replente tubarumque prælongarum clangore altifono quàm cursu pernici pariter ac præcipiti, crebris quoque jaculorum ictibus gens asperissima. Porro si suscepta viriliter passa fuerit primò repulsam; confusioni facillimè data statim ut terga dederint, solùm fugæ præsidio nullique penitus confidunt rebellioni. Quod tamen in Martiis conflictibus reprehensibile Poeta non ignoravit, dicens. *Ignavam scelus est tantum fuga.* Et alibi. *In vicium culpa ducit fuga, si caret arte.* Sicut ergo de Teutonicis in Romanâ Historiâ legitur; sic & istis idem assignari potest. In primo impetu majores sunt viris, in secundo verò minores mulieribus. In fugâ nimirum & confectioe crebrò revertens & tanquam Parthicis à tergo sagittis fugiendo repugnans animosa virilitas magis apparet. Et tamen sicut in bellicis successibus ac victoriis etiam ignavi de virtute gloriantur; sic & in peiori fortunâ vix etiam viris sua virtus conceditur. Totum itaque vel fugando vel fugiendo certamen eorum. De plano namque configere deque victoriâ comminus contendere diuque viriliter dimicare: cujus modi conflictum Poeta describit dicens; *Jam clypeo clypeus, umbone repellitur umbo, Ense minax ensis, pede pes, & cuspide cuspis:* Gens leviter armata & agilitati potius quàm robustis viribus confisa sustinere non potest. Veruntamen hodie confecta & cruentam in fugam turpiter conversa, cras nihilominus expeditionem parat; nec damno nec dedecore retardata. Etsi apertis congressibus belloque indicto fortè non prævalet; insidiis saltem & nocturnis irruptionibus hostem gravat. Unde & quoniam nec fame nec frigore gravata, nec Martio labore fatigata, nec casibus adversis in desperationem data, sed post lapsum statim resurgere prompta, bellicæ discrimina denuo subire parata; sicut prælio facilè sic bello difficilè vinci solet. Unde & Claudianus de gentis ejusdem naturâ loqui videtur dicens.

*Dum pereunt, meminere mali: si corda parumper  
Respirare sinas, nullo tot funera censu  
Prætereunt, tantique levis jactura cruoris.*

## CAP. IV. De ambitiosâ terrarum occupatione &amp; inter fratres divisione.

**F**inales autem fossas effodere, terminos transponere & metas transcurrere, terrasque modis omnibus vel occupare vel dilatare gens præ gentibus aliis ambitiosa. Adèd quidem hoc ambitionis vitio communi labe laboravit; quòd terras quascunque seu precario seu commodato locationis, conductionis, emphyteusos vel alio quocunque titulo semel possidere contigerit, sacramentis etiam vero domino proprietario super indemnitate ac securitate palàm interpositis, nichilominus tamen easdem tanquam proprias & hæreditarias sibi jure perpetuo vendicabunt. Hinc itaque lites in curiâ & contentiones, hinc cædes & incendia, hinc crebra fratricidia. Ad hæc etiam quòd fratres inter se pro hereditariis terris portione dividunt & distinguunt, antiquus in hac gente mos obtinuit. Accessit & aliud incommodum grave; quòd Principes filios suos generosis de terrâ suâ viris diversis diversos alendos tradunt; quorum quilibet alumnum

[ M m m ]

suum



suum post patris obitum extollere aliisque præferre toto conamine nititur & machinatur. Per quod graves toties terris eorum, nec sine cædibus injustis & fratricidiis seu fratrum exoculationibus crebris, virium quoque omnium & successuum experienciâ facilè fœdabiles emergere solent turbationes. Unde & inter fratres collataneos quàm naturales longè veriores invenies amicitias. Hoc etiam in his notabile, quòd fratres plùs mortuos diligunt quàm vivos. Vivos enim ad mortem persequuntur; mortuos autem & ab aliis interemptos totis viribus ulciscuntur.

#### CAP. V. De gravi eorum exactiōe & immoderantiâ.

**U**BI autem copiam inveniunt & potestatem exercere possunt, exactores improbißimi. Cibo namque potuque præsertim inebriante extra briam omnem poni cupientes, modum & modestiam minùs observant; dicentes cum <sup>a Phil. iv. 12.</sup> Apostolo: *Scimus abundare; scimus & penuriam pati.* Sed non cum eodem, <sup>b 1 Cor. ix. 22.</sup> *Omnibus omnia facti, ut omnia lucrifaciant Deo.* Sicut enim ingruente necessitate nimix sunt abstinentiæ & parsimoniæ; sic post longam esuriem lupis in hoc & aquilæ similes, quia sicut & illi raptò vivunt & rarò reficiuntur, ad alienam præcipuè positi mensam, immoderatam appetunt saturitatem. Sunt igitur in penuriâ parci, in copiâ superflui. Suam tamen nemo substantiam, sicut in Anglorum gente videmus, ob gulæ propriæ, crapulæque vitium fœnori donat. In sumptibus autem & honore volunt omnes omnibus, quoniam facinus quos inquinat æquat, pravâ consuetudine parificari.

#### CAP. VI. De Incestûs crimine, Ecclesiarum quoque per successionem & participes abusione.

**C**Rimen autem incestûs adeò apud omnes tam minores in populo quàm etiam majores enormiter invaluit; quòd in quarto gradu & quinto passim, in tertio quoque plerumque, quòd non est timor Dei ante oculos eorum, consanguineas ducere nec verecundantur nec verentur. Ad sedandas quippe inimicitias, quas inter se toties, quia veloces pedes eorum ad effundendum sanguinem, hostiliter incurrunt, hujuscemodi per se dispensationibus passim abutuntur. Ob generositatis etiam amorem, quam tantopere cupiunt & affectant, suæ genti se jungentes, alienis omnibus, tanquam sanguine & origine juxta innatæ præsumptionis arrogantiam longè disparibus, modis omnibus copulari recusant. Matrimoniorum autem onera, nisi expertis antea cohabitatione, commixtione, morum qualitate & præcipuè fœcunditate, subire non solent. Proinde & puellas sub certo parentibus pecuniæ precio & resipiscendi pœnâ statutâ non ducere quidem in primis sed quasi conducere antiquus in hac gente mos obtinuit. Ecclesiæ verò istorum omnes ferè tot Personas & participes habent, quot capitalium virorum in Parochia genera fuerint. Successivè quoque & post patres filii Ecclesias obtinent non electivè, hæreditate possidentes & polluentes sanctuarium Dei. Quèd si Prælatus alium eligere & instituere fortè præsumpserit, in instituentem proculdubio vel institutum genus injuriam vindicaret. De duobus autem his excessibus, incestûs videlicet & successionis, radicatis olim in Armorica Britannia necdum eradicatis, scribit in quadam Epistolâ suâ Ildebertus Centomannensis Episcopus, dicens etiam se Concilio interfuisse cum Clero Britannia ob has enormitates gentis illius extirpandas convocato. Ex quibus constare potest utrumque vitium huic genti tam cismarinæ quàm transmarinæ ab antiquo commune fuisse. Unde & illud Psalmistæ David

vid non incompetenter huic populo adaptari posse videtur. <sup>c</sup> *Corrupti sunt, & abominabiles facti sunt in studiis suis. Non est qui faciat bonum; non est usque ad unum. Omnes declinaverunt; simul inutiles facti sunt, &c.* <sup>e</sup> Psal. xiii. 1.

C A P. VII. De peccatis eorum, & tam Britannia quam Trojæ meritis urgentibus amissione.

**P**Ræterea peccatis urgentibus & præcipuè detestabili illo & nefando Sodomitico, divinâ ultione tam olim Trojam quam postea Britanniam amiserunt. Legitur enim in Romanâ Historiâ, quod Constantinus Imperator Occidentali Imperio B. Silvestro & successoribus suis cum Urbe relicto Trojam reedificare proponens, ibique Orientalis Imperii caput erigere volens, audit hanc vocem: *Vadis reedificare Sodomam.* Et statim mutato consilio versus Bizantium vela pariter & vexilla convertit; ibique imperii surcaput constituens, urbem eandem scilicet suo nomine decoravit. De Mailgone quoque Britonum Rege aliisque plurimis in Historiâ Britonum legitur eodem vitiò laborantibus. Veruntamen multo jam tempore adeò à Britonibus enormitas illa prorsus evanuit; ut ejus etiam memoria jam apud eos vix habeatur. Proinde quasi poenitentia jam ferè peractâ, & quoniam numero præter solitum & multitudinem, viribus & armis, bellorum quoque successibus & terrarum incrementis, nostris plurimum diebus adaucti sunt; gloriantur ad invicem, prædicant & confidentissime jactant, toto (quod mirum est) in hac spe populo manente, quoniam in brevi cives in Insulam revertentur, & juxta Merlini sui vaticinia exterorum tam natione pereunte quam nuncupatione antiquâ in Insulâ tam nomine quam omine Britones exultabunt. Sed mihi longè aliter visum est. Quoniam enimvero *Luxuriant autem rebus plerumque secundis. Nec facile est aquâ comoda mente pati.* Et quia *Non habet unde suam paupertas pascat amorem. Divitiis alitur luxuriosus amor.* Ut paupertati potiùs in hoc exilio, quo extorres ferè facti sunt à regno, attribuenda sit vicii illius, quo in divitiis carere nescierant, illa carentia quam virtuti.

<sup>a</sup> Qualiter enim poenitentiam nedum peregrisse dicentur, quos tot peccatis vitiorumque voragini datos, perjuriis puta, furtis, latrociniiis, rapinis, homicidiis, & fratricidiis, adulteriis & incestibus, obstinatâ de die in diem amplius malitiâ implicitos videmus & irretitos. Adeò quidem ut verbis Osæ Prophetæ in ipsos uti verè quis possit. <sup>c</sup> *Non est veritas, non est misericordia, &c.*

<sup>a</sup> Deest ista periodus in Codice West.

<sup>c</sup> Osæ iv. 1.

Alia quoque de quibus jactant, operosis Regum Normannorum curis, quibus Francorum superbiæ in transmarinis tantò præindulgent, longè veriùs quam vel eorum viribus magnis vel potentiis sunt assignanda. Hujus autem rei si certitudinem quæris; respice Reges Anglicos Normannis priores. Qui quàm hac solam Insulâ Britannicâ contenti fuerant, & tantum his debellandis operam dabant; eosdem penè penitus sæpe deleverant. Sicut Rex Offa suo in tempore, qui & fossâ finali in longum extensâ exclusit Britones ab Anglis. Ethelfridus quoque, qui nobilem Legionum Urbem destruxit, & egregii illius Bangornensis Monachos Monasterii in auxilium orando vocatos gladiis interemit. Et sicut longè pleniùs Haroldus ultimus; qui pedes ipse cumque pedestri turmâ & levibus armis victuque patriæ conformi tam validè totam Cambriam & circumivit & transpenetravit; ut in eadem ferè mingentem ad parietem non reliquerit. In cujus victoriæ signum perpetuamque memoriam lapides in Walliâ more antiquo in titulum erectos locis, in quibus victor extiterat, literas hujuscemodi insculptas habentes plurimos invenies; **HIC FUIT VICTOR HAROLDUS.** Ob has igitur tam cruentas tamque recentes Anglorum de hac gente victorias primi tres Normannorum Reges in tanrâ-



subjectione tamque pacificam suis diebus Walliam tenere. Quorum temporibus gens hæc in numero plurimum adaucta, armis etiam & equis à Normannis & Anglis, quos & Curiam sequendo & obsides dando jam frequentaverant, edocta paulatim, & assueta, trium sequentium tempore propter majores, ut diximus, quibus transmarinas ad partes tenebantur, curas, cervicem erigentes & terras occupantes, pristinum ferre jugum omnino respuerunt.

#### C A P. VIII. Qualiter Gens ista sit expugnanda.

**P**ORRò qui gentem hanc subjugare pacificamque tenere voluerit, hac arte utatur. In primis operam ad minus annuam operosamque curam & assiduam huic adhibere negotio Princeps in animo fixum habeat. Gens etenim, quæ nec in campo contra exercitum armatum consertis viribus aperte congruitur, nec in castellis obsidionem expectat, non impetu primo sed per moram diligentem & vacationem est expugnanda. Deinde vires eorum dividat, & quosdam ex ipsis ad alios confundendum, quod se invicem odio & invidia prosequi solent, donariis alliciat tam præmissis quàm promissis. Et sic autumnali in tempore non solum Marchia sed etiam terra interior locis idoneis, castellis, alimentis & familiis bonis bene muniatur. Interim autem cuncta mercimonia frumenti, panni, salis & bladi, quibus ex Anglicanâ copiâ sustentari solent, arctius eis inhiuantur. Naves quoque validis plenæ viris, ne per Hyberniam vel Sabrinum mare eis prædicta navigio deferri possint, aliquot ad tutelam adhibeantur, quibus & ab hostibus arceantur & suis victualia deferantur. Subsequenter autem hyeme ingruente majore, cum foliis silvæ & pascuis montana caruerint, prædis abductis ipsisque jam per familias & crebros undique Castrensiū impetus plurimum afflictis, cum exercitu pedestri valido mediocriter & non ad onus armato, usque ad eorum latibula silvarumque condensa arborum confraga viriliter transpenetretur. Semper autem pedestribus turmis è vestigio sequentes ad fortitudinem & refugium milites aliquot adjiciantur. Et sic per crebras configentium mutationes, ut fatigatis semper turmis novæ succedant, per cædes quoque & strages multas, si casus obtulerit, expugnentur. Non enim his sine nec absque periculo multorum & damno gens poterit inimica debellari. Sed licet hodie de Anglorum exercitu stipendiarii multi ceciderint; cras nihilominus ad eadem discrimina totidem vel plures moneta dabit. De Kambrensis autem, quoniam nec alienigenas nec stipendiarios habent, quicumque ceciderint; damnum eis impræsentiarum irreparabile fiet. In hoc itaque negotio sicut artifici credendum est in suâ facultate; sic horum præcipue standum est consilio, qui circa similia patriæ negotia conversari diutius & usitati mores gentis & modos agnoscunt; quorumque magnopere refert, ut gens inimica, quacum ex crebris belli diutini conflictibus hostilitatem plurimam & odium implacabile contraxerunt, eorundem operâ vel debilitari possit vel deleri. Foelices dixerim Kambriæ fines, quos Anglorum gens inhabitat; si Reges eorundem in partibus illis gubernandis & propulsandis inimicæ gentis injuriis plùs Marchionum & Baronum patriæ quàm Andegavorum & Normannorum consiliis & dispositionibus olim usi fuissent. In hac autem expeditione, sicut in aliâ qualibet sive Hybernicâ sive Kambricâ, gens in Kambriæ Marchiâ nutrita, gens hostilibus partium illarum conflictibus exercitata, competentissima putata formati à convictu moribus audax & expedita; cum alea Martis exegerit, nunc equis habilis nunc pedibus agilis inventa; cibo potuque non delicata, tam Cerere quàm Baccho causis urgentibus abstinere parata. Talibus tam Hyberniâ quàm Kambria viris initium habuit expugnationis: Talibus quoque vel nullis consummabilis finem habitura conquisitionis. Flandrenses quippe Normanni, Coterelli, & Bragmanni, quanquam suis in terris milites egregii

gii sint & armis instructissimi; Gallica tamen militia à Kambricâ, sicut & ab Hybernicâ, distare dinoscitur. Ibi namque plana petuntur, hîc aspera; ibi campestria, hîc silvestria. Ibi arma honori, hîc oneri. Ibi stabilitate vincitur, hîc agilitate. Ibi capiuntur milites, hîc decapitantur. Ibi redimuntur, hîc perimuntur. Sicut igitur ubi militares acies de plano conveniunt; gravis illa & multiplex armatura tam linea sc. quàm ferrea milites egregiè munit & ornat; sic ubi solum in arcto configitur seu loco silvestri seu palustri, ubi pedes potiùs quàm equites locum habent; longè levis armatura præstantior. Contra inermes namque viros, quibus semper in primo ferè impetu vel parta est statim vel perdita victoria, expeditiora satis arma sufficiunt; ubi fugitivam vel agilem per arcta vel aspera gentem sola necesse est gravi quadam & armatâ mediocriter agilitate confundi. Cum illa nimirum armaturâ multiplici sellisque recurvis & altis difficilè descenditur, difficiliùs ascenditur, difficillimè cum opus est pedibus itur. Ut igitur singula quæque locum teneant sortita decenter; contra graves & armatos solum virium robore & armorum ope confisos, de plano dimicare victoriamque vi obtinere contententes, armatis quoque viris & viribus opus ibi esse proculdubio protestamur. Contra leves autem & agiles & aspera petentes levis armaturæ viri taliumque præsertim exercitati congressibus adhibendi. Urbes autem & castra, quæ Sabrina perlabitur, totaque terra ab Occiduâ ejusdem parte versùs Walliam ab Anglis occupata, necnon & Slopesburia Provincia & Cestria tota, communiter viribus & armis, vel alio quovis speciali libertatis honore providâ Principis largitione latentur. Ubi & annis singulis per viros probos & discretos ad hoc deputatos, qui patriæ tutelæ & defensionis non rapinis intendunt & destructioni, bellici apparatus, armorum sc. & equorum visio fiat; quatinus ibidem tam militibus & civibus quàm servientibus populòque toto armis instructis & assuetis, & libertati in hunc modum libertas opponatur, & per superbiam superbia retundatur. Kambri nimirum, quod nec laboriosis oneribus atteruntur, nec Dominorum exactionibus ullis molestantur; hinc eis ad propulsandas iniurias cervix erecta, hinc ad patriæ tutelam audacia tanta, hinc armis semper & rebellionibus gens promptissima. Nichil etenim quod adeò corda virorum ad probitatem excitet erigatque & invitet, ut libertatis hilaritas; nichil adeò deprimit & deterret, ut servitutis oppressio. Poterit etiam hæc regni particula armis & animositate munita non solum in finibus istis verùm etiam alibi in necessitatis articulis tam remotis partibus quàm propinquis egregiè Principi militare. Et si fortè à provinciis istis annuis vectigalibus fiscali minus ærario proveniat; regni pace & regis honore plenè & abunde defectus iste compensetur. Præsertim etiam cum expeditionis unius ad Walliam gravis partes admodum & periculosa sumptuositas multorum soleat armorum fiscales finium illorum redditus æquiparare.

## CAP. XI. Qualiter expugnata sit gubernanda.

**G**ens igitur hæc sicut per industriam prædicto tenore est expugnanda; sic expugnata moderato in hunc modum regimine est gubernanda. Constantis & vindicis animi viris cura regiminis committatur: Qui & pacis tempore dum legibus obtemperat & servire non recusat, ipsam interim stabili conventionione deliniat & honore præveniat. Gens etenim hæc, sicut & barbara gens quævis, quanquam honorem nesciant, honorari tamen super omnia querunt; & veritatem, quam in se non habent, in aliis approbant & venerantur. Cum autem<sup>a</sup> usitata levitatis indicio à pace resilire præsumpserint; dissimulata prorsus mansuetudine continuò vitium vindictæ sequatur. Cum iterum ad pacem reversi fuerint; condignâ delicti satisfactione secuta, quoniam post inimicitias iræ meminisse malorum, quamdiu fideliter steterint dissimulata prorsus

<sup>a</sup> Innata Cod. Cassin.



sus injuriâ pristinâ statim tam securitate gaudeant quàm honore; quatenus tam ad obsequendum quàm ad pacis bona sequendum & præmium inviter, & à temerariis ausibus securura semper pœna deterreat. Porro qui ista confundunt, in delictis deferendo, in obsequiis deprimendo, in guerrâ blandiendo in pace depradando, imbelles spoliando, rebelles venerando; sicut plerisque vidimus; hi confusa sub se cuncta reddentes, demum & ipsi confunduntur. Præterea quia minùs ea lædere solent quæ prævidentur; & quia scilicet illa civitas quæ in pace bellum cogitat; pacis tempore contra imminetia Martis incommoda tam castrorum constructione quàm silvestrium viarum ampliatio-  
ne necnon & familiæ bonæ retentione vir prudens præmuniatur & præparetur. Qui enim in pace soventur & sustentantur, hi longè promptius, securius atque fidelius urgentibus incommodis ad bella vocantur. Et quoniam semper infidias sub amicitie fuco gens insubacta molitur; Princeps vel Præfectus nunquam eorum caput suum aut castrum <sup>b</sup> fidelitati donet. Quoniam enim vero insignium virorum exemplis, quorum quosdam crudeliter extinctos, alios autem castris & honore privatos per incuriam vidimus & negligentiam, nationis subdolæ & subactæ longè fortius timenda est ars quàm Mars, pax quàm fax, mel quàm fel, malitia quàm militia, proditio quàm expeditio, amicitia præfucata quàm inimicitia despiciata. Expedit itaque viro prudenti ac provido alienis in malis fugienda contemplari. Indempnis est enim castigatio, qua prædocent exemplaria; quoniam ut ait Ennodius: Ruina præcedentium posteros docet, & cautio est semper in reliquum lapsus anterior. <sup>c</sup> Citra conflictum autem & sanguinis effusionem tanta expedire negotia pius Princeps si præelegerit; Marchiâ, ut diximus, per omnia latera bene munitâ, commerciis quoque per mare per terras districte prohibitis, quidam Kambrensiū in alios stipendiis datis, terrisque aliorum in alios collatis, lethalibus exitiis excitentur; ut sic demum tam fame & inedia cunctorumque ferè ingruente penuriâ necessariorum quàm cædibus inter se creberrimis & inimicitiis implacabilibus demum afflicti, infra non longum tempus ad deditionem proculdubio compellantur. Tria sunt enim quæ gentem hanc destruunt, & fructuosæ propaginis gaudia percipere non permittunt. Quod paternam hæreditatem filii inter se tam naturales quàm legitimi herili portione dividere contendunt: propter quod fratricidia, ut diximus, crebra contingunt. Et quòd fortibus & generosis provincie viris filii traduntur alendi; quorum quilibet defunctis patribus suum modis omnibus (unde cædes & incendia tot Patriæque destructio tota) antepone conatur alumnum. Et hoc præcipue, quòd aliarum gentium more, quæ scilicet vivunt, unius Regis consilio unique subijci Domino obstinatâ pariter & elatâ mente recusant.

<sup>b</sup> Fidei Cod.  
Cor.

<sup>c</sup> Defunt reliqua hujusce Capituli in Cod. Westm.

#### CAP. X. Qualiter eadem resistere valeat & rebellare.

**S**ED quoniam pro Anglis hætenus diligenter admodum & exquisitè disseruimus; sicut autem de utraque gente originem duximus, sic æquè pro utraque disputandum ratio dicitur; ad Kambros denuo in calce Libelli stilum vertamus, eosque de arte rebellandi breviter sed tamen efficaciter instruamus. Si ergo armaturâ Gallicâ Kambri plenius & communius uti assueverint, stabili-  
que magis pugne quàm agilitati dimicando considerint; item si Principes eorum unanimes in defensione & inseparabiles esse voluerint; vel potius si uno gauderent Principe & illo bono; in terrâ tam hispidâ tam munitissimâ gens prævalida vinci ad plenum vix valeret. Si igitur inseparabiles esse vellent; & insuperabiles valde fieri possent, præcipue tribus adjuti, terrâ in se munitâ, parvoque vivere gente tam consuetâ quàm contentâ, & plebe totâ sicut & Nobilibus armis instructâ; præsertim etiam cum Angli pro cupiditate certent, Kambri pro libertate; illi de lucro captando, isti de damno vitando; Stipendiarii

diarii illorum pro pecuniâ, isti pro patriâ: illi, inquam, ut hos ab Insulâ prorsus expellant totamque terræ faciem simul obtineant; isti vero ut qui universo soli regno tamdiu præsidebant, in hac saltem ejusdem angulo pessimo silvis & paludibus delitescant & quasi pro delictis huc relegati, præscriptisque divitiarum excessibus usque ad præfinitum tempus in paupertate & inediâ penitentiam agant. Plurimam quippe animositatis scintillam exprimere, plurimam rebellionis audaciam imprimere potest continua pristinæ nobilitatis memoria, & non solum Trojanæ generositatis verum etiam regni Britannici tantæ & tam diuturnæ Regiæ Majestatis recordatio. Unde & Anglorum Rege Henrico II. in Australem Walliam apud Pencader, quod *Caput Cathedra* sonat, nostris diebus in hanc gentem expeditionem agente, consultus ab eo senior quidam de gente Kambrorum, qui contra alios tamen vitio gentis eidem adhæserat, super exercitu Regio populoque rebelli si resistere posset, quid ei videretur, bellicique eventus suam ut ei declararet opinionem; respondit: Gravari quidem plurimâque ex parte destrui & debilitari vestris, Rex, aliorumque viribus nunc ut olim & pluries meritorum exigentiâ gens ista valebit; ad plenum autem propter hominis iram, nisi & ira Dei concurrerit, non delebitur. Nec alia, ut arbitror, gens quam hæc Kambrica aliave lingua in die districti examinis coram Judice supremo, quicquid de ampliori contingat, pro hoc terrarum angulo respondebit.

# Giraldi Cambrensis

## RETRACTATIONES.

*Prologus.* **T**Ractatum Retractationum & Catalogum Librorum diligentiam Giraldi compositorum in calce Libelli de Kambriæ Descriptione dignè duximus adjiciendum.

**Q**uoniam itaque cunctorum habere notitiam, ut ait Imperator, & in nullo peccare potius divinitatis est quam humanitatis: quoniam Tullio testante, nihil rebus in humanis simplicique in genere omni ex parte perfectum natura expolivit; ea quæ in Opusculis nostris retractanda decrevimus, quatinus & Lector caveat & præ cæteris incerta non habeat, hæc proponere dignum duximus. Quoniam, ut ait Jeronimus, errores adolescentiæ ætas matura condemnat. Item & Boethius: Res quidem teneris auribus accommodatas senior Philosophiæ tractatus eliminat.

Imprimis igitur de *Topographiâ Hybernicâ*, labore sc. nostro primævo ferè nec ignobili, ubi multa nova aliisque regionibus prorsus incognita ideoque magis admiranda scribuntur; hoc pro certo sciendum, quod quorundam quinimo & quamplurium per diligentem & certam indagationem a magnis terræ illius & authenticis viris notitiam elicuimus. De cæteris autem publicam potius terræ famam secuti fuimus. De quibus cum Augustino sentimus, qui in libro de Civitate Dei de talibus, quæ solum fama celebrat nec certâ veritate fulciuntur loquens, nec ea affirmanda plurimum nec prorsus abneganda decrevit.

Item in *Symbolo Electorum*, inter versus nostros metricos, duos appositos de Duelli descriptione, & duos de dolenti missâ consolatione, & quatuor de renuentis solatia responsione, alienos noverit esse Lector & non nostros.

Item



Item in *Libello Invectionum*; ubi de Ecclesiastica Historia Britannica Chronographia tractatur, præter illa quæ ex tomis Anacleti Papæ & Historiis Bedæ eliciuntur, cætera ferè cuncta, veluti de enumeratione Sedium Episcopaliū antiquitus Menevensi Ecclesiæ Suffraganearum & subjectarum, necnon & de dignitate ejusdem Ecclesiæ ac libertate tempore Wilfridi Episcopi, sicut & de Sedibus Metropoliticiis Britannia Majoris per Faganum & Duvianum olim, longè scilicet ante adventum Saxonum in Britanniam, depositis, magis famam publicam & opinionem quàm Historiæ cujuscumque certitudinem sunt secuta. Item & super his quæ in eodem Libello de Archiepiscopo Huberto potius amaritudinis quàm rectitudinis zelo magisque vindictæ intuitu quàm justitiæ scripta noscuntur, plus operata est fama & opinio quàm aliqua per visum vel auditum certitudo; veluti de versu metrico parasito responso, de Sermonibus tam in Synodo quàm alibi in publicâ audientiâ factis, verbisque Latinis tam literaturæ quàm etiam sanæ doctrinæ defectum redolentibus, de mercaturis variisque mensuris, de Monialibus, & Sigilli Regii cui præfuit abusu. De his inquam omnibus ac similibus magis absque dubio credendum, quòd ea famæ malignæ confectio quàm ulla rei gestæ perpetratio publicare præsumpserit.

Similiter & si in libro de *Gestis Giraldi* hæc fortè aut his similia reperiantur, eadem habenda est consideratio. Ut autem ea quæ de ipso verè dici & scribi poterant, paucis aperiam. Erat utique vir ille animosus & strenuus, & inter virtutes varias incomparabiliter dapfilitate conspicuus. Unde ut ad animi amplitudinem res ei suppeterent & facultates; trans modestiam fuit in acquirendo modis omnibus sollicitus nimis & curiosus. Et utinam adeò spiritualia sapiens sicut & sæcularia, adeò divinitatis amator sicut & vanitatis aucupator, adeò caritate fervidus sicut & cupiditate repletus, adeò inquam supernam sitiens gratiam, sicut & terrenam appetens pompam & mundi gloriam. Erat hic autem Principis frænum & tyrannidis obstaculum, populi pax & solatium, majorum pariter & minorum suis diebus contra publicæ potestatis oppressiones in necessitate refugium; sicut ex post factis palàm fuit. Ipso namque defuncto statim in regno tyrannis invaluit, & tanquam rupto repagulo non solum in humanas verum etiam res divinas impudens & improvidens contumacia crevit. Unde & ultricem non longo pòst tempore potentiæ cui non resistitur dextram, & cujus animadversio in pertinaciter obstinatos etsi aliquamdiu differtur non tamen aufertur aut evitatur, præsumptuosa superbia sensit. Poterant igitur, quantum ad humanum spectat examen, decessoris ejusdem ultimi literatura pariter & religio, necnon & hujus animositas, rigor & strenuitas, si in unâ fortè personâ circumscriptis vitiis hæc violentibus, conjuncta fuissent; dignum Martyris egregii Cantuariensis constituere successorem. Sancta quippe rusticitas sibi solum valet; & quantum exemplo prodest, tantum silentio obest. Strenua verò simul & devota prælatio tanquam tuba vocem exaltat, & scelera sua populo dei confidenter annuntiat; seque pro domo Domini murum opponens, animam suam dare pro ovibus suis imminente gregis periculo in necessitatis articulo non formidat.

## Giraldi Cambrensis

## LIBRI III.

## De Rebus a se gestis.

## P R O L O G U S.

**I**nclitorum gesta virorum quondam Grai veteres primò per imagines deinde per scripta tenaciùs & expressiùs memoriæ commendabant ; quatinus exacti temporis virtutum extantium æmula posteritas posset imitatione laudabili ad similia provocari. Fabulosis enim seu relationibus seu lectionibus, quibus hyperbolica promuntur & impossibilia, ad imitationem nullus accenditur. Sed ubi vera viri virtus emicat ; ibi ad imitandum & virilia complexandum mens virtuosa confurgit. Unde viri cujusdam nostri temporis inclitè gesta, quæ vel oculis conspexi vel ipso referente notavi, scolastico stilo, simplici tamen & non exquisito, perpetuæ memoriæ [commendare] curavi. Quatinus non in pauca sed plurima Operis hujus diffundantur utilia, in laudabilem actionem, & actionis æmulationem, in fidei duplicis Ecclesiæ videlicet tam Italicæ quàm Walensicæ per experimenta cognitionem, & facillimam utriusque are operante corruptionem ; in Menevensi Ecclesiâ firmam atque fidelem suæ dignitatis instructionem, & perpetuam in posterum contra incommoda similia præmunitionem. Quanquam ex his instrumentis elici nequeat de præterito medela ; contrahi tamen per hæc eadem poterit, quod non mediocriter expedit, de futuro cautela. Et sicut super fundamentum à Bernardo positum egregiè Giraldus ædificavit ; sic super hanc Giraldi struem si quis unquam in Menevensi Ecclesiâ de cætero probus emerferit, & fidem in fratribus invenire valuerit ; ad Ecclesiæ suæ dignitatem & Kambriæ totius honorem suis & ipse diebus ædificare ac strenuè dimicare contendat, suisque posteris materiale arcem apperiat. Magnum quippe est & laude dignissimum fundamentum quod firmiter ædificari queat fideliter extruere, & scalam per quam sublimiter ascendi possit in altum erigere. Pars igitur Operis hujus prima de ortu Giraldi, pueritiæ gestis atque adolescentiæ ; Secunda verò de gestis virilis ætatis ejusdem & robustæ : Tertia verò de gestis provectoris ætatis & maturæ, laboribus immensis atque periculis & persecutionibus plena.

## Indiculus Capitulorum totius Operis.

## LIBER PRIMUS.

CAP.

- I.** De ortu Giraldi, pueritiæ gestis & adolescentiæ.  
**II.** De disciplinæ defectu in primis, & postea profectu.  
**III.** De zelo quem in ecclesiasticos profectus statim exercuit.

[ N n n ]

IV. De



- IV. De Giraldis legatione & in Archidiaconum promotione.
- V. De initialibus suæ promotionis actionibus.
- VI. Qualiter Episcopo Lanevensi apud Keri restitit; & Ecclesias terræ illius omnes viriliter retinuit.
- VII. Qualiter ad Regem facti illius fama pervenerat.
- VIII. Qualiter Canonici Menevenses tam Regem quam Legatum Hugutionem super Ecclesiæ suæ dignitate convenerunt.
- IX. De David Episcopo paulò post defuncto, & Giraldo principaliter nominato.
- X. De Giraldis coram Rege commendatione.
- XI. De Petri in Episcopum promotione, & Giraldis ne jus Ecclesiæ Menevensis abjuraret dissuasionem.

## LIBER SECUNDUS.

## CAP.

- I. **D**E gestis virilis ætatis & robustæ.
- II. Principium & quasi præmium causæ Giraldis primæ.
- III. Quòd Canonici Menevenses in Lateranensi Concilio jus dignitatis Ecclesiæ suæ sunt protestati.
- IV. De reversione Giraldis post studium diutinum, & his quæ interim & obiter acciderunt.
- V. Qualiter Cantuariensis veniens ea quæ apud Conventum principalis Ecclesiæ vidit, correctione digna vocavit.
- VI. Qualiter in Walliam veniens, expulso paulò post Episcopo regimen Episcopatus per Archiepiscopum suscepit; & qualiter illud ob favorem Capituli Menevensis sponte resignavit.
- VII. Qualiter Archidiaconus Curia sequela effectus fuit.
- VIII. De Resi filii Griffini & Archidiaconi Giraldis coram viris magnis altercatione.
- IX. De discordiâ inter Episcopum & Archidiaconum Giraldum motâ, & pace tam Capituli quam Archidiaconi per Archidiaconum factâ.
- X. Qualiter Patriarcha in Angliam venit; & cum Johanne filio suo Giraldum Rex Henricus in Hiberniam misit.
- XI. De privilegio Adriani Papæ.
- XII. De visione Giraldis.
- XIII. Qualiter duos Episcopatus in Hiberniâ Giraldo Comes Johannes obtulit; & qualiter utrumque recusavit.
- XIV. De Sermone Giraldis in Concilio Dublinensi.
- XV. De Cleri Hibernici confusione & nostratium exultatione.
- XVI. De Topographiæ Hibernicæ compositione & apud Oxoniam in Angliâ recitatione.
- XVII. De generali in Angliâ crucis assumptione, & tam Petro Menevensi Episcopo quam Giraldo Archidiacono cruce signato.
- XVIII. De Baldwino Cant. Archiepiscopo crucem per Walliam prædicante, & Giraldo Archidiacono comite sibi ad prædicandum fidei adjuncto.
- XIX. Qualiter Archiepiscopus Archidiacono apud Meneviam prædicationis officium injunxit: & his quæ apud Kemmeis & Kerdigaun, Venedociam quoque & Powisiam acta sunt.
- XX. Tam de Giraldis ab Archiepiscopo quam stili ipsius commendatione.
- XXI. Qualiter à Comite Ricardo post patris obitum Archidiaconus in Angliam & Walliam missus est.
- XXII. De literis & Cardinalibus absolutiois.

XXIII. Qua-

XXIII. Qualiter Comiti Johanni, ne tempore communis peregrinationis desidiosus in Angliâ remaneret, suasit Archiepiscopus, nec persuasit.

XXIV. Qualiter dignitates ecclesiasticas sibi oblatas Archidiaconus amore studii recusavit.

LIBER TERTIUS.

CAP.

I. De gestis provectioris ætatis & maturæ.

II. Qualiter amicum suum Anachoritam de Lotheis adiit, ejusque licentiam scholas adeundi & benedictionem expetiit.

III. Qualiter quia Parisiis propter guerras ire non potuit, Lincolniam divertit.

IV. Qualiter defuncto interim Petro Menevensi Episcopo, & Giraldo Archidiacono principaliter petito, multi propter Cathedram illam laboraverunt.

V. De literis ab Archidiacono Cantuariensi Archiepiscopo directis.

VI. De Huberti Cantuariensis Archiepiscopi responsione.

VII. De literis Archidiaconi de rato Archiepiscopo directis.

VIII. Literæ Regis Ricardi Capitulo Menevensi directæ.

IX. Literæ Justiciarii Angliæ Capitulo Menevensi directæ.

X. Literæ Capituli Menevensis Giraldo directæ.

Et Qualiter Rege Ricardo defuncto, per literas Comitis Johannis Giraldus est vocatus.

XI. Literæ Capituli Menevensis Comiti Johanni pro Giraldo directæ.

XII. Qualiter fixum Giraldi propositum subito & inopinato est jam mutatum.

XIII. Decretum Capituli Papæ pro Archidiacono directum.

XIV. Literæ Capituli Menevensis Papæ contra Priorem Lanthoniensem missæ.

XV. Consilium & solatium à fratre suo susceptum.

XVI. De primo Giraldi labore versùs Curiam Romanam, & fortunæ statim & quasi præ foribus insultu.

XVII. Qualiter ad Papam veniens, libros ei suos & non libras præsentavit.

XVIII. Literæ Archiepiscopi contra Archidiaconum missæ.

XIX. De Archidiaconi responsione.

XX. Papæ & Cardinalium deliberatio.

XXI. Qualiter in Registro Eugenii literas invenit; per quas in causâ Status citationem obtinuit.

XXII. Literæ Eugenii Papæ Theobaldo Cant. Archiepiscopo missæ.

XXIII. Commissio tam super statu Menevensis Ecclesiæ quàm super Archidiaconi electione.

XXIV. Qualiter Archidiaconum ad se nocte venientem nomine Archiepiscopi Papa salutavit; & quod eâ statim occasione Registrum suum diligenter inspexit.

XXV. Literæ super custodiâ Menevensis Ecclesiæ Giraldo commissæ.

XXVI. Literæ commendatoriæ Principibus Walliæ directæ.

XXVII. Literæ similes Abbatibus Walliæ super Ecclesiæ Menevensis commendatione.

XXVIII. Literæ Clero & populo Walliæ directæ.

XXIX. Literæ commendatoriæ pariter & ad pacem commonitoriæ.

XXX. Literæ Papæ super inquisitione sanctitatis B. Karadoci per operam Giraldi in Walliam missæ.

XXXI. De reditu Archidiaconi ab Italiâ versùs Franciam.

XXXII. Modus eligendi & promovendi Abbatem S. Dogmaelis.

XXXIII. Literæ Justiciarii & Archiepiscopi Capitulo Menevensi missæ.



- XXXIV. Literæ ad decipiendum & deterrendum Capitulo missæ.  
 XXXV. Literæ Willelmi de Breusâ ad terrendum missæ.  
 XXXVI. Literæ Justiciarii terribiles.  
 XXXVII. Qualiter Archidiaconus in ultimâ ferè desperatione constitutus à Domino demum est visiratus.  
 XXXVIII. Literæ Papæ excusatoriæ.  
 XXXIX. Literæ Cardinalium excusatoriæ.  
 XL. Qualiter Archiepiscopus per Meilerium Hiberniæ tunc Justiciarium animum Archidiaconi ad concordiam minùs honestam frustra flectere tentavit.  
 XLI. De verbis inter Archiepiscopum & Meilerium super Archidiacono & Abbate de Kemmeis confertis; & qualiter Abbas de Alba Landa obiter Archidiacono obviavit.  
 XLII. De minis Regis in Archidiaconum acriter emissis.  
 XLIII. Decretum Capituli Menevensis Judicibus pro Giraldo directum.  
 XLIV. Literæ Elyensis Episcopi Archidiacono directæ.  
 XLV. De obitu fratris optimi, & Abbate de Alba Landa exploratore; literis quoque tam Eugenii Papæ quàm Lucii per industriam Archidiaconi repertis.  
 XLVI. Literæ Eugenii Papæ clero & populo Sancti David directæ.  
 XLVII. Responsio Lucii Papæ Bernardo Episcopo facta.  
 XLVIII. Modus electionis Abbatis Albæ Domûs, vel potiùs deceptionis & dejectionis.  
 XLIX. Qualiter Meneviam corruptam Archidiaconus reliquit, & fratris defuncti tumbam adivit.  
 L. Literæ Cardinalis responsales & absolutoriæ Philippo de Barri directæ.  
 LI. De Presbytero per arboris casum obruto, literis Regis cum ipso inventis.  
 LII. Literæ Regis contra Giraldum missæ.  
 LIII. Literæ Regis propter Archidiaconum missæ.  
 LIV. De secundo versùs Curiam Giraldi labore.  
 LV. Literæ Willelmi de Breusâ Menevensi Capitulo missæ.  
 LVI. Qualiter Archidiacono Rex super causâ statûs promovendâ auxilium promissit; sed statim Archiepiscopo sibi pacificato sententiam mutavit.  
 LVII. Qualiter Archiepiscopus per G. Roffensem Episcopum Archidiacono, causâ Statûs extinctâ vel etiam ad tempus sopitâ, pacificari frustra tentavit.  
 LVIII. De examinatione præsumptuosâ Gloucestriæ factâ.  
 LIX. Literæ Domino Episcopo Roffensi Gilleberto ab Archidiacono missæ.  
 LX. Abbati Waltero Giraldus Archidiaconus.  
 LXI. Qualiter ad transfretandum properans, statim fortunæ sensit insultus.  
 LXII. Qualiter laboriosè pariter & periculose Romam veniens, ad Papam accessit; & literas Meneviæ repertas tam Eugenii Papæ quàm Lucii coram Papâ & Cardinalibus legi fecit.  
 LXIII. Literæ Conventus Cantuariensis contra Giraldum missæ.  
 LXIV. Relatio prima.  
 LXV. Qualiter factum utrumque tam Abbatis S. Dogmaelis quàm Archidiaconi coram Auditoribus & verbo & scripto propositum fuit; & qualiter Foliotus variavit.  
 LXVI. Qualiter ad instantiam Bangorensis Electi Archidiaconus Andræ respondit.  
 LXVII. Responsio contra Foliotum inter alios oblatrantem.  
 LXVIII. Sententia super causâ statûs.  
 LXIX. Sententia super causâ electionis.  
 LXX. Papæ & Curie versùs Signiam recessio.

- LXXI. Commissio super Statu secunda.  
LXXII. Commissio super Electione secunda.  
LXXIII. Literæ protectionis patentes.  
LXXIV. Literæ commendationis pariter & protectionis clausæ.  
LXXV. Super custodiâ Menevensis Ecclesiæ & perceptorum restitutione literæ Cantuariensi directæ.  
LXXVI. Literæ Abbati S. Dogmaelis super ablatorum restitutione directæ.  
LXXVII. Commissio super spoliatione per Abbatem S. Dogmaelis & Foliotum factâ, & [ Abbatis dicti ] illiteraturâ.  
LXXVIII. Literæ super custodiâ Menevensis Ecclesiæ Archidiacono iteratò commissâ.  
LXXIX. Qualiter revertens Archidiaconus socios suos ferè cunctos amisit ; & de Andrea Signiæ defuncto.  
LXXX. Qualiter ad Regem in Normanniâ veniens, varium ipsum fortunâ variante vices invenit.  
LXXXI. De citationibus variis Londoniis à Judicibus impetratis & missis.  
LXXXII. De grandi inter Archiepiscopum & Archidiaconum apud Lameiam altercatione, & Crucis demum ab Archidiacono resumptione.  
LXXXIII. Qualiter in Walliam tendens, & Meneviam veniens, Canonicos omnes corruptos invenit.  
LXXXIV. De literis S. Karadoci per invidiam suppressis.  
LXXXV. Literæ ad impediendum ab Osberto Archidiacono missæ.  
LXXXVI. Qualiter Archidiaconus in Norwalliam transiens, Electum Bangorensem reconciliavit & honori restituit.  
LXXXVII. Sermo Giraldi die Natalis in Moniâ.  
LXXXIX. Sermo ejusdem exquisitior.  
XC. De honore Giraldo in Venedociâ facto.  
XCI. Sermo Giraldi apud Bangoriam.  
XCII. Sermo Giraldi apud Aberconowe.  
XCIII. Sermo Archidiaconi apud Stratmarchel.  
XCIV. Sermo Archidiaconi apud Vallem Crucis.  
XCV. Qualiter in vespiliones incidit ; & tandem Meneviam veniens, fidem in fratribus nullam invenit.  
XCVI. Quodd caput corruptionis & exorbitationis Abbas Albæ Domûs erat.  
XCVII. De terribilibus, quibus tamen terreri non potuit, Archidiacono rumoribus allatis.  
XCVIII. De causis tantæ contra Archidiaconum commotionis.  
XCIX. Literæ Regis contra Giraldum missæ.  
C. Literæ Justiciarii contra Giraldum missæ.  
CI. Qualiter Abbas Albæ Domûs modis omnibus nocere præsumpsit, & nocuumentum majus ipse suscepit.  
CII. Qualiter post rumores terribiles literæ sunt ei terribiliores oblatae.  
CIII. Qualiter Archidiaconus Wigorniam adveniens, Priorem S. Trinitatis & Clericos Archiepiscopi obvios habuit.  
CIV. Literæ Justiciarii Giraldo directæ.  
CV. Literæ Giraldi Justiciario directæ.  
CVI. Qualiter Justiciarium post tot minas in Cantiam sequens, familiare cum ipso colloquium habuit.  
CVII. Qualiter Monachi Cantuarienses Archidiaconum sunt admirati, & alis duabus quibus ferebatur, & aliis ad laudem ipsius pertinentibus.  
CVIII. De nunciis Archidiaconi in Normanniam missis, & frustratoriâ Archiepiscopi responsione.

CIX. Qua-



CIX. Qualiter Meneviam veniens Archidiaconus in Festo S. Davidis clero & populo Sermonem in publico fecit ; & sacramentum fidelitatis in crastino à Canonicis suscepit.

<sup>a</sup> Archiepisc. CX. Qualiter hoc <sup>a</sup> Archidiacono sinistrè significato, literas contra Archidiaconum terribiles variis personis mitti fecit.

CXI. Literæ Regis Johannis contra Archidiaconum Capitulo Menevensi directæ.

CXII. Literæ Archiepiscopi contra Archidiaconum missæ.

CXIII. Literæ Willelmi Marefcalli contra Archidiaconum missæ.

CXIV. Literæ Justiciarii contra Archidiaconum missæ.

CXV. Literæ Judicum ad Archidiaconum undique vexandum missæ.

CXVI. De appellatione ab Archidiaconi Clericis legitimè interpositâ, & Judicibus ob favorem Archiepiscopi nihilominus procedentibus.

CXVII. Literæ Justiciarii contra Archidiaconum Capitulo Menevensi missæ.

CXVIII. De Synodo variis in locis ab Archidiacono convocatâ, & semper per publicam potestatem revocatâ.

CXIX. Archidiaconus Abbati S. Dogmaelis.

CXX. Literæ ab Officiali Archiepiscopi per Archidiaconum impetratæ.

CXXI. Literæ Archidiaconi tam Capitulo Menevensi quàm variis personis directæ.

CXXII. Qualiter Synodus etiam apud Brecheniam convocata ferè impedita fuerat & annullata.

CXXIII. De Synodo Archidiaconi apud Brecheniam celebratâ, & literis Archiepiscopi ad Clerum avertendum transmissis.

CXXIV. De literis excusatoriis variis ad Synodum missis, & literis Archiepiscopi patentibus illuc transmissis ab Archidiacono retentis.

CXXV. Qualiter divisus dupliciter immo multipliciter Archidiaconus coram quibusdam Judicibus impetebat, & coram aliis respondebat.

CXXVI. Literæ Archidiaconi Judicibus missæ.

CXXVII. Citatio Judicum Archidiacono missa.

CXXVIII. Literæ Archiepiscopi Capitulo Menevensi contra Archidiaconum missæ.

CXXIX. De manu publicæ potestatis aggravatâ, & Canonicis Menevensibus Archidiacono faventibus exspoliatis.

CXXX. Qualiter apud Brakelegam Archidiaconus coram Judicibus apparuit, & Canonicos Menevenses ex parte Capituli sibi pariter & Ecclesiæ suæ contrarios invenit.

CXXXI. De Canonicorum Menevensium perplexitate & quasi dilemmate, Folio in cuncta facto.

CXXXII. Quòd Giraldu beneficiu libertatis conferre parabat invitis, & de Walensibus qui libertatem recusabant magis admirandum.

CXXXIII. Qualiter aggravatâ jam persecutione, nec etiam hospitio Giraldu in Menevensibus partibus recipi potuit ; & terribili Judicum majorum ad eum citatione porrectâ.

CXXXIV. Citatio Judicum & editio.

CXXXV. Literæ Papæ Giraldo directæ.

CXXXVI. Qualiter Archidiaconus adversitatibus frangi non potuit ; & de Canonicis Menevensibus cunctis apud S. Albanum ire compulsis.

CXXXVII. Qualiter Archidiaconus contra diem illum se præparavit ; sed prius ne quid per pigritiam amitteret, in Venedociam ire non tardavit.

CXXXVIII. Literæ Giraldu amicis & consanguineis suis in Hiberniam missæ.

CXXXIX. Literæ

- CXXXIX. Literæ Lewelini Giraldo directæ.  
 CXL. Literæ Madoci Principis Powisiæ Giraldo directæ.  
 CXLI. Literæ Reginæ Norwalliæ Giraldo directæ.  
 CXLII. Qualiter in Slopesburia finibus Angliam intrando aggravatam in suos persecutionem per nuncios accepit ; in se quoque id ipsum ibidem invenit.  
 CXLIII. Quodd exceptionem spoliationis suorum opponere proposuit.  
 CXLIV. Quid apud S. Albanum die causarum quinto actum fuit ; & qualiter Archiepiscopus ad pacem ineundam per suos laboravit.  
 CXLV. Oblatus ab Archidiacono concordia modus, & in manus Judicum scripto datus.  
 CXLVI. Qualiter Archiepiscopus de tribus confisus concordia tali non ad-  
 quievit.  
 CXLVII. Literæ Wigorniensis Episcopi Malgeri super hoc Giraldo directæ.  
 CXLVIII. Qualiter in literis initio Elyensis Episcopus verba jocosa proposuit ; quibus Archidiaconus serio respondit.  
 CXLIX. Qualiter Canonici Menevenses certatim ad pejerandum profilierunt.  
 CL. De literis Archidiaconi, quas Canonici omnes timore compulsi falsas esse dicebant ; falsi tamen eas accusare ausi non erant.  
 CLI. Qui fuerunt juratores illi tam contra Electum suum quàm etiam Ecclesiasticam liberratem, & quibus nominibus censebantur.  
 CLII. De Abbate S. Dogmaelis tunc primò comparente, & solum literas Justificarii prohibitorias allegante.  
 CLIII. De examinatione Abbatis S. Dogmaelis, & qualiter tam legere quàm exponere coram Judicibus recusavit.  
 CLIV. Qualiter propter spoliationem nuper factam Archidiaconus novos Archiepiscopi conatus per appellationem elusit, & tot adversarios suos vacuos remisit.  
 CLV. Qualiter Willelmum filium Martini & Nicholaum Avenel spoliatores suos coram Judicibus sententiâ anathematis innodavit, & Archiepiscopo ut eam confirmaret denuntiavit.  
 CLVI. Literæ Archiepiscopi pro spoliatis, ut aliquid facere videretur, Judicibus missæ.  
 CLVII. Quodd tanta Capituli Menevensis corruptio facta fuit, ut propter prædictam spoliationem cessare divinis detractarent.  
 CLVIII. Qualiter minuti Marchiæ Judices appellationi non deferentes, in summam pecuniæ grandem Archidiaconum frustra condemnârunt.  
 CLIX. De tertio Giraldi versùs Curiam labore.  
 CLX. Qualiter apud Exfessiam navigium quærens & non inveniens, in Cantiam reversus apud Dovoriam transfretavit.  
 CLXI. Qualiter in spoliatores incidit, & ad Ecclesiæ refugium vix evasit.  
 CLXII. Qualiter obsessus in Ecclesiâ sub conductu tandem exivit, & se pecuniâ suosque redemit.  
 CLXIII. Qualiter apud Trecas Canonicos Menevenses tres obvios habuit ; ubi & Ivorum Landavensem perjurii pariter & furti convicit.  
 CLXIV. Qualiter apud Claræ vallem Abbati Albæ Domûs quem meruerat locum renuit ; & qualiter cum Archiepiscopo Lugdunensi ibidem locutus fuit.  
 CLXV. Indulgentia Domini Papæ Bangorensi Electo concessa.  
 CLXVI. Qualiter Alpes transcendens Italiam intraverit ; & per Parmæ Bononiæque pericula Placentiam contra Natale vix pervenit.  
 CLXVII. Quàm modicam in socio & quàm magnam in extraneo Faventiæ liberalitatem invenit.

CLXVIII. Qua-



- CLXVIII. Qualiter ad Curiam veniens à Papâ in osculo & cum honore susceptus, Bangorensē Electum quoque in osculo suscipi fecit.
- CLXIX. Qualiter in primo Consistorio Giraldus coram Papâ proposuit; & post propalatas injurias Ecclesiæ suæ jura non tacuit.
- CLXX. Literæ Principum Walliæ Papæ directæ.
- CLXXI. Judicum relatio secunda.
- CLXXII. De attestationibus S. Albani in alio consistorio utrinque datis, & Auditoribus eisdem assignatis.
- CLXXIII. Qualiter adversarii ad criminales objectiones conversi sunt, & testes utrinque suscepti.
- CLXXIV. Qualiter equum suum in Curiâ contra falsam trutanni venditionem per industriam & cautelam exquisitam Giraldus obtinuit.
- CLXXV. De Papæ & Archidiaconi ad Fontem Virginum collatione.
- CLXXVI. Qualiter publicatis attestationibus utrisque cum disputare cœpissent, Tinemudus per Papæ inquisitionem ore proprio convictus confusionem incurrit.
- CLXXVII. Allegationes contra objecta pro Archidiacono facta.
- CLXXVIII. Qualiter in proximo Consistorio ad sui defensionem & adversariorum confusionem Archidiaconus exorsus est.
- CLXXIX. Pro Bangorensi Electo Giraldi oratio.
- CLXXX. Qualiter ad collirium efficax in Curiâ pars adversa se convertit, & totam contra Giraldum Curiam per hoc corrumpit.
- CLXXXI. Qualiter productioni testium contra testes circumventus Archidiaconus renunciavit.
- CLXXXII. De Giraldi scrupulo & conscientiâ læsâ, remedioque contra salubriter provisio.
- CLXXXIII. Qualiter in septimanâ Paschali animum suum Archidiacono Papa ex parte denudavit.
- CLXXXIV. Qualiter feriâ secundâ post clausum Pascha electionem utramque tam Archidiaconi sc. quàm Abbatis Papa sententiando cassavit.
- CLXXXV. Qualiter in crastino Giraldus processum causæ Statûs petiit; & post deliberationem inde factam Commissionem impetravit.
- CLXXXVI. De partis adversæ gravi per hoc confusione.
- CLXXXVII. Qualiter Archidiaconum in secreto quasi post offensam Papa verbis placare paravit.
- CLXXXVIII. Literæ Cardinalium pro Giraldo directæ.
- CLXXXIX. Literæ Cardinalium iterum ob Archidiaconi favorem missæ.
- CXC. De seditione civium, propter quam urbem Papa reliquit; & Archidiacono per Hostiensis auxilium ipsum sequente.
- CXCI. Qualiter Præneste veniens mutuum à Papâ sicut antea ab Hostiensi Romæ Giraldus impetravit.
- CXCII. Qualiter à Cruce resumptâ per Papam est absolutus.
- CXCIII. Allegationes Archidiaconi contra Tinemudum super expensarum repetitione.
- CXCIV. Qualiter expensæ Giraldo reddendæ per sententiam sunt adjudicatæ.
- CXCV. Qualiter iterum Curiâ corruptâ forma Commissionis in causâ Statûs mutata est & vitiata, & de rationibus contra collectis.
- CXCVI. Literæ super electione à Menevensi Capitulo de novo faciendâ Judicibus directæ.
- CXCVII. Literæ super Statu Menevensis Ecclesiæ Judicibus directæ.
- CXCVIII. Literæ super expensis Judicibus directæ.
- CXCIX. Literæ super Crucis & peregrinationis absolutione.
- CC. Literæ revocatoriæ Judicibus directæ.
- CCI. Literæ contra spoliatores & excommunicatos Laicos Judicibus directæ.
- CCII. Li.

- CCII. Literæ contra spoliatores suos Clericos, & de administratione Menevensis Ecclesiæ tertio concessa.
- CCIII. Literæ confirmationis Clericis suis perquisitæ.
- CCIV. De Bangorensi Electro spoliato, & Archidiacono per pueri visionem confortato.
- CCV. De Archidiaconi reversione & cum Papâ prius confabulatione & ab angustis Bononiæ liberatione.
- CCVI. De Archidiaconi apud Castellionem captione & Deo opitulante præter spem liberatione.
- CLXXVII. Allegationes contra objecta pro Archidiacono factæ.
- CCVIII. Qualiter Archidiaconus Cantuariensis properans appellationem coram Eliensi Episcopo in Normanniâ factam etiam coram Suffraganeis Episcopis renovavit.
- CCIX. Literæ Giraldi Archidiaconi Cantuariensis Archiepiscopo missæ.
- CCX. Qualiter Archidiaconus in Walliam veniens rerum suarum & reddituum turbationem inventam prudenter elusit.
- CCXI. Literæ Judicum Archidiaconi citatorie.
- CCXII. Qualiter Archidiaconus Meneviam tendens de turbatione ibidem factâ & graviore in brevifaciendâ præmunitus per visionem fuit.
- CCXIII. Qualiter contumeliis affectus & spoliatus, nec tamen his omnibus à proposito revocatus.
- CCXIV. Qualiter Archidiaconus laborem prosequens & in Angliam tendens, se contra persecutiones quodâ potuit præmunivit, Deo & Sancto David totum commisit.
- CCXV. Qualiter apud Westmonasterium Electio facta fuit; & inter Archiepiscopum & Archidiaconum concordie dies & compositionis assignatus.
- CCXVI. Qualiter & quibus ex causis Archidiaconatum suum cum Præbendâ resignavit, & in utroque nepotem suum institui procuravit.
- CCXVII. Quod fata causarum ambigua, & quia præter spem multa contingunt.
- CCXVIII. De Visionibus, & earum expositionibus.
- CCXIX. Visio prima, & Visionis expositio.
- CCXX. Visio secunda, & Visionis expositio.
- CCXXI. Visio tertia, & Visionis expositio.
- CCXXII. Visio quarta, & Visionis expositio.
- CCXXIII. Visio quinta, & Visionis expositio.
- CCXXIV. Visiones tres, VII. sc. & VIII. & IX. quoniam eandem habent expositionem, hinc conjunctæ.
- CCXXV. Visio decima, & Visionis expositio.
- CCXXVI. Visio undecima, & Visionis expositio.
- CCXXVII. Visiones XII. & XIII. sub eadem expositione conjunctæ.
- CCXXVIII. Visiones tres, XVI. & XVII. & XVIII. sub eadem expositione conjunctæ.
- CCXXIX. Visio XIX. & Visionis expositio pariter & concordantia.
- CCXXX. Visiones XXI. & XXII. & XXIII. similiter eandem vel similem habentes expositionem.
- CCXXXI. Visio XXIV. & Visionis expositio.
- CCXXXII. Visiones XXV. & XXVI. sub eadem similiter expositione.
- CCXXXIII. Visio XXVII. sc. de Anachoritâ de Locheis, & Visio XXVIII. similiter similem habentes expositionem.
- CCXXXIV. Visio XXIX. & Visionis expositio.
- CCXXXV. Visio XXX. & Visionis expositio.
- CCXXXVI. De literis Anachoritæ de Niwegal consolatoriis & vaticinalibus, ac veris ejusdem prædictionibus.



## Giraldi Cambrensis

## LIBER PRIMUS

## De Rebus a se gestis.

## CAP. I.

• f. erigere.

**G**iraldus itaque de Kambriâ oriundus & Australi ejusdem parte maritimâ. que Demetia finibus non procul ab oppido principali de Penbroc, Castello sc, de Mainarpir, ingenuis natalibus profapiam duxit. Ex matre namque Angareth filiâ Nestâ nobilis filiâ Resi Principis Sudwalliâ sc. filii Theodori, viro egregio Willelmode Barri matrimonialiter copulatâ, processit. Qui cum ex fratribus quatuor germanis pariter & uterinis natu minor existeret, tribus aliis nunc castra nunc oppida nunc palatia puerilibus, ut solet hæc ætas, præludiis in sabulo vel pulvere protrahentibus ac construendis modulo suo, solus hic simili præludio semper Ecclesias • eligere & Monasteria construere totâ intentione satagebat. Quod dum pater ejus sæpius intuendo cum admiratione considerasset; ductus ad hoc quasi prognostico quodam, ipsum literis & liberalibus disciplinis applicandum prælagâ mente decrevit; eumque ludendo & applaudendo suum Episcopum vocare consuevit. Accidit autem, ut nocte quadam hostili invasione terrâ turbatâ & juventute castri totâ certatim ad arma profiliante, puer hoc intuens & tumultum audiens cum fletu proclamaret, quærens quonam declinare deberet, & petens quatenus ad Ecclesiam portaretur; miro prælagio pacem Ecclesiasticam & immunitatem domûs Deo dicatæ firmissimam atque securam esse debere declarando. Cuncti verò qui hoc audierant cessante tumultu verbum illud puerile secum cogitando & inter se conferendo cum admiratione relegebant; quod majorem sc. sibi securitatem in Ecclesiâ remotâ ventis & fortuitis eventibus expositâ, quàm in oppido viris & armis referto, turribus & muris munitissimo, promittebat. Id etiam quoties super dignitate ecclesiasticâ & libertate, quoties de jure fori & poli inter clerum & populum altercationes audiebat; Ecclesiâ se pro posse protectorem & advocatum etiam puer opponebat: Zelo eodem Deo inspirante & gratiam de die in diem augmentante, per omnem ætatem & usque in finem ei perdurante. Nihil enim adeò in terris sicut Ecclesiâ Christi gloriam amplam, profectum in omnibus & honorem, quolibet ævo statuque suo cupiebat.

## CAP. II.

**P**uer autem imprimis fratrum consortio festivis diebus colludentium & militaria suæ professionis negotia summopere collaudantium, quoniam à convictu mores formantur, non mediocriter impeditus, longè segnis in propositâ disciplinâ profecit. Cæterum tandem à Menevensi Episcopo piæ memoriæ Davide tunc præsidente, qui & avunculus ejus extiterat, correptus quidem & statim correctus, Clericorumque duorum ejusdem Episcopi, quorum alter in  
suggilla-

suggillationem ipsius declinabat *durus, durior, durissimus*, & alter, *stultus, stultior, stultissimus*, insultatione plurimum adjutus, plùs verecundiâ deinde quàm virgâ plusque pudore quàm præceptore sive timore quovis proficere cœpit. Tantâ namque studium vehementiâ postmodum est amplexatus; ut cœtaneos omnes & conscolares terræ suæ infra modicum tempus longè transcenderet. Processu verò temporis causâ studii majoris atque profectûs ter in Franciam transfretando, tresque status annorum plurium Parisiis in liberalibus disciplinis faciendo<sup>b</sup>, summosque præceptores demum æqui parando, trivium ibidem egregiè docuit, & præcipuam in arte rhetoricâ laudem obtinuit. Adeò. que studiis ex toto addictus fuerat, nil levitatis aut scurrilitatis actibus aut animo gerens; ut quoties de bonis Scolaribus Doctores Artium exemplificare vellent, Giraldum præ cæteris omnibus nominarent. Sicque scolastici officii præcellentis & prælecti in primâ ætate meritis id exigentibus bonis & annis adolescentiæ non petere exemplum sed dare dignus erat.

## C A P. III.

**R**everfus autem à studio, statim in Ecclesiis & ecclesiasticis beneficiis tam in Angliâ quàm Walliâ provehi cœpit plurimum & prosperari. Tempore quoque succedente non sibi sed patriæ natus & in commune bonus totis nifibus esse proponens, circiter Ecclesiæ profectus ejusque supplendos pro posse defectus indolem egregiam exercere curavit. Videns itaque per totam ferè Diocesin Menevensem, præcipuè ejus Demeticam regionem & Kereticam, ex Prælatorum incuriâ nec lanæ decimas dari nec caseorum, accedens Cantuariam, cui tunc temporis Menevensis Ecclesia sicut & Wallia tota de facto suberat lege provinciali, & Archiepiscopo Ricardo tunc præsidenti, qui & Primas Angliæ totius & Curia Romanæ Legatus extiterat, defectus istos ostendens, statim remissus est ab ipso in Walliam Legatus sc. à Legato, ad hos excessus & alios, quos ibi invenerit, emendandos. Monuit etiam Archiepiscopus literis suis, & in remissionem peccatorum injunxit omnibus, à quibus hætenus decimæ prædictæ datæ non fuerant, ut darentur. Quibus etiam ad monita sua dare volentibus tertiam partem injunctæ poenitentia relaxavit. Obstinosos autem & dare renuentes præcepit per ecclesiasticam districtè censuram coerceri. Statim verò Walenses omnes monitis salubribus obtemperantes, decimas illas dandas concesserunt; cunctique patriæ totius præter Flandrenses de Ros & complices suos. Qui cùm tempore non modico sub interdicto conclusi fuissent; per Regis Anglorum Henrici II. quem ad hoc adierunt, instantiam sententiæ datæ relaxationem ab Archiepiscopo prædicto ad instantiam pariter & instantis damnationem ad tempus impetrârunt. Unde non multo post tempore Rege defuncto & minùs honestè rebus humanis exempto, Walenses qui lanæ decimam ad monita viri boni sponte dederunt, Rosensem provinciam deprædantes, ovesque lanigeras cum reliquâ prædâ his qui Deo & Ecclesiæ suæ lanæ decimam dare renuebant, omnes abstulerunt & abduxerunt. Ubi & illud Augustini in decimarum & rerum ecclesiasticarum detentores dictum & hîc completum esse videtur. Hoc aufert fiscus, quod non accipit Christus. Dabis impio militi, quod dare non vis sacerdoti. Accidit autem diebus eisdem, quod & notabile censui, virum quendam partium illarum, cui nomen Rogerius agnomen Bechet, tempore tonsionis creditori suo X. lapides lanæ debere. Qui cùm non plures haberet, decimum lapidem uxore suâ dissuadente Ecclesiæ suæ ba-

<sup>b</sup> Se Petri Comestoris Parisiis Theologiam publice prælegentis auditorem fuisse Giraldus | prodit in *Gemmâ Ecclesiasticâ* MS. Dist. 2. cap. 6.



prismali sc. de Kaeru misit, & reliquos novem creditori suo apud Penbroch, rogans ut patientiam haberet, quia super defectu decimi lapidis eidem in brevi satisfaceret. Creditor autem cum lanam acceptam ponderaret, decem lapides invenit; & cum iterum & iterum ponderaret, semper decem lapides integros invenit; & sic debitori suo sibi ad plenum satisfactum esse renuntiavit. Hoc igitur exemplo & ad instar olei Elisai lanâ miraculosè multiplicatâ, multi in partibus illis ad decimarum illarum præstationem tam conversi sunt quàm confirmati. Mirum autem, sicut Giraldus frequenter dicere consueverat & hunc versum recitare,

*Nititur in vetitum semper, cupimusque negata;*

quoddam tam obstinata semper in illicitum nititur mens humana. Mirum etiam, quoddam excessu tam temerario tamque nefario & tanquam hæreditario ea quæ Dei sunt quæque sibi in signum dominationis ipse reservavit, sicut primi parentes fructum arboris, sic sequaces eorum naturâ consimili decimam Domini, quam in signum dominationis & ministrorum quoque suorum sustentationis reservari voluit, in propriam & perpetuam damnationem usurpare nituntur. Cum autem legatione fungens eadem, in Prioratu de Penbroc, quod propinquum erat, & Vicecomes provincie cui nomen Willelmus Karquit, ob invidiam adventus ipsius in tali potestate, quoddam nemo propheta susceptus in patriâ suâ, juga bonum octo de Prioratu in ipso ejus adventu tanquam ad dedecus suum & confusionem per ministros & apparitores suos rapi jussit & in castellum retrudi. Sed cum tertio requisitus ea prorsus reddere renueret, & etiam deteriora promitteret; mandavit ei Giraldus, quoddam nisi boves remitteret, excommunicationis sententiâ statim involveretur. Et cum responderet ille, puto qui superbus erat & nequam, quoddam non tam audax foret, ut Constabularium Regis de proprio castello suo excommunicaret; renuntiavit ei, quoddam quando audiret omnes totius Cœnobii campanas trino intervallo pulsari, tunc se quidem excommunicari proculdubio scire posset. Statim reversis nunciis, astantibus tam Monachis loci illius quàm Clericis patriæ qui convenerant multis, solemniter in ipsum & candelis accensis auctoritate legationis quaungebatur excommunicationis sententiam dedit; & continuo campanas omnes similiter ut fieri solet vel ad sententiæ confirmationem vel potius ad facti denuntiationem pulsari fecit. In crastino verò versus castellum de Lamwadein prædo properans, coram Diocesano Episcopo David & tam Giraldo qui jam advenerat quàm Magistro Michaele collegâ ipsius, qui comes ei ab Archiepiscopo adjunctus fuerat, restitutione factâ & satisfactione secutâ virgis verberari meruit & absolvi. In proximo verò Comitatu de Penbroc, quoddam Vicecomes & Constabularius prædictus est in publico se excommunicatum à Giraldo fuisse; conquesti sunt & alii, quoddam investituram Ecclesiæ de Talachar Giraldus in manu forti & viris ac viribus armatis accipere venerat. Audiens hæc Ricardus filius Tancardi, qui tunc temporis in partibus illis magnus habebatur, & qui Giraldo totique generi suo semper invidebat, coepit in ipsum & illos qui cum ipso versus Talachar profecti fuerant, si præscius & præmunitus fuisset, minas acerrimas emittere & mortem crudelissimam interminare. Cumque magna ibidem inter magnos contentio super his facta fuisset; Odo de Kerreu consobrinus Giraldi & Philippus de Barri frater ejusdem Giraldi, qui viri probi & magni fuerunt in finibus illis, licet generi prædicti Ricardi, sc. filias suas habentes uxores, tamen acerbè dixerunt ei, quoddam taceret & stultiloquio temperaret; quia non tanta vindicta sumpta fuit de alio Giraldo, fratre sc. Odonis primævo, pro quo dudum à Rosensibus interempto ducenti viri & plures de eisdem uno die corruerunt, quanta quàmque crudelis & cruenta de hoc Giraldo, si per ipsum aut suos fortè caderet, fumeretur.

## CAP. IV.

**H**OC etiam non prætereundum puto ; quod cum intrasset apud Breche-  
niauc Giraldus Diocesin Menevensem cum legatione sibi injunctâ, inve-  
niens ibi veteranum quendam Archidiaconum terræ illius concubinam suam  
secum in domo publicè tenentem ; primò monuit eum diligenter ; deinde cum  
monitis non adquiesceret, præcepit ei auctoritate Archiepiscopi Primatis &  
Legati, ut ipsam abjiceret & à se removeret, nec his quibus præerat, quos cor-  
ripere ac corrigere magis deberet, ipsam tenendo malè se habendi & minùs ho-  
neste vivendi exemplum daret. Qui non solum hoc renuit, sed etiam in vi-  
rum tantum, personam scilicet Archiepiscopi, turpia verba & contumeliosa  
præferre fatuè nimis & temere præsumpsit. Quibus auditis, statim eum Giral-  
dus ab omni Beneficio ecclesiastico suspendit ; & Archidiaconatum suum cum  
Præbendâ in manu Archiepiscopi, cujus auctoritatem spreverat & in quem con-  
tumeliosus extiterat, suscepit. Unde legatione completâ cum reversus esset  
ad Archiepiscopum simul cum Episcopo Menevensi quem secum duxit ; Epi-  
scopus idem ad instantiam Archiepiscopi prædictum Archidiaconatum & Præ-  
bendam Giraldo contulit, & inveterato dierum ( sed utinam bonorum ) Ar-  
chidiacono priori, unde quietè & absque vexatione vivere posset, redditus alios  
assignavit. His autem hoc ordine completis, videns Giraldus propter manda-  
tum Regis & Archiepiscopi Rosensibus ad tempus relaxandis totam fere pa-  
triam eâ occasione corruptam ; quod Flandrenses ubicunque in finibus illis fue-  
rant, tam extra Ros quàm intra eadem immunitate gaudere volebant ; & sic  
laborem suum mancum fuisse considerans, impetravit ab Archiepiscopo literas  
ad Episcopum Sancti David continentes, quod tantum habitantes in cantaredo  
de Ros & non alios ab interdicto relaxaverat, & illos ad tempus propter Regis  
instantiam ; & quod reliquos omnes decimas lanæ & caseorum dare renuentes  
sub interdicto priori firmiter concluderet. Quo facto, revocati sunt sub inter-  
dicti sententiam habitantes in cantaredo de Dugledu & illi de Angulo ; qui li-  
cèt habitantes in provinciâ de Penbroc, tamen quod Flandrenses erant, & si-  
militer cum Rosensibus sicut & illi de Dugledu, ad immunitatem quærendam  
sumptus fecerant, simili libertate gaudere volebant. Revocati sunt & illi de  
Talachar ; qui quoniam Flandrenses ex parte fuerant, & ovibus longè præ-  
cæteris abundabant, magis rebelles & renitentes existerant. Postmodum non-  
nisi speciali mandato Domini Papæ postmodum à Giraldo perquisito domari ad  
plenum poterant & informari. Facta est igitur in patriâ turbatio magna, &  
Flandrensi in Giraldo exacerbatio ; Clericorum autem è contra, quorum  
honori & commodis invigilabat, dilectio grandis & affectio. Præterea initium  
& allectorium & ad hæc decimandum in Demeticâ longè antè datum fuerat  
per Giraldo. Dùm enim adolescens in scholis Parisiis fuerat ; consanguinei  
ipsum, sc. Willelmus filius Hay, Odo de Kerreu, & Philippus de Barri frater  
ejusdem decimas suas de lanis & molendinis, quoniam indolis ipsum bonæ scie-  
bant, ei tanquam ex condicto longè antè contulerant. Unde postmodum au-  
ditâ prædicatione quæ per ipsum venerat & pontificali remissione, ad dandas  
decimas prædictas Ecclesiis suis tam ipsi quàm alii exemplo ipsorum longè pro-  
niores erant & procliviores. Multum itaque contulit, qui & principium de-  
dit, & negotium totum opere sequente non mediocriter augmentando promo-  
vit. Contigit autem Parochianos de Angelo, quorum Ecclesia Giraldi fuerat,  
non solum interdictos propter hanc rebellionem sed etiam excommunicatos ad  
diem certum absolutionis gratiam & Giraldi præsentiam expetere pariter & ex-  
pectare. Nocte verò præcedente diem illum proximâ jacens simul cum Epi-  
scopo Sancti David apud Kerreu, cum manè ad iter se præpararet, licèt tempe-  
state



state maximâ ingruente ventoque pervalido, pluvîâ in grandine permixto profecturo directè in faciem & oculos perflante ; dixit ei Episcopus, à cujus thoro non longè jacebat, quòd propter procellam imminentem nimis diem proterminaret & quiesceret. Qui respondens periculofam in hoc casu moram existere ; quoniam qui excommunicati fuerant absolutionem expetebant & correctionem promittebant ; sicque cum ejus licentiâ & benedictione iter incunctanter aggressus est. Præsul autem cum eodem die ad prandium sederet, procellâ pluviosâ fortius inflante & flatus horribiles eructante, videns & circumspiciendo notans, ut erat vir prudens ac providus, alios epulis ac poculis, quosdam verò puellarum ac foeminarum affatibus licentiùs atque lasciviùs indulgere, tam unius ad laudem quàm aliorum correctionem dixit. Ille qui hodie iter arripuit, & tale tempus non abhorruit, nec propter gulam nec propter lasciviam aut desidiam ullam infecta negotia sua prætermittit. Dicere namque Giraldus assueverat, quòd non erat animi virilis auram ad agenda vel aggredienda negotia aut temporis tranquillitatem in terris observare. Solum enim mare transeuntibus tolerabilem esse dicebat observantiam talem.

## CAP. V.

**I**Nter ipsa verò suæ promotionis in Archidiaconum initialia inveniens in Ecclesiâ de Haia, quæ finalis est versùs Angliam Diocesis Menevensis, Militem quendam fratrem Personæ tam oblationes ad altare quàm decimas exteriores & obventiones omnes cum Personâ dimidiantem & ex æquo participantem, statim enormitatem illam, sed non tamen absque difficultate & Militis multâ ac comminatione, delevit. Et sic Ecclesiâ Personæ redintegratâ, Militem prorsus expertem fecit. Item cum ad visitandum quasdam Archidiaconatûs sui finales & remotas inter Vagam & Sabrinam fluvios, de Elvein sc. & Melenith, partes accederet ; occurrerunt ei Clerici duo, nunciantes ex parte Decani & Capituli finium illorum, quòd eorum Ecclesias in propriâ personâ visitare non deberet sed per nuncios & officiales suos, præcipuè verò per Decanum, quem & Archidiaconum secum vocabant, quæ agenda fuerint apud ipsos more prædecessorum suorum agere quidem & effectui mancipare caveret. A quo cum responsum acciperent, quòd segnitiam aliorum sive ignaviam sequi, si qua fuerat, noller ; sed potius jure suo & officio se plenius uti velle ; prohibuerunt ei ex parte Cleri totius & populi necnon & Principum patriæ, ne adveniret ; crucem quoque Domini more gentis illius, ne procederet, ei proponentes. Cum autem à cœpto itinere propter hæc nullatenus retardari posset ; in silvæ cujusdam grandis ingressu occurrunt alii, denuntiantes ei capitales inimicitias hostilitatis antiquæ inter genus suum & quosdam generosos terræ illius viros olim ortas fuisse ; & quoniam ea, quæ quasi sopita jamdiu fuerant, nunc propter famam adventûs ipsius ad memoriam sunt revocata, viros fortes de hostibus illis & armis munitos insidias ad mortem sibi & suis in eadem silvâ si processerint proculdubio posuisse. Quod licet iteratis rumoribus crebriùs ei nunciatum esset ; dissuadentibus suis omnibus totâque sequelâ valde timente, tanquam nihil audiens aut penitus audita contemnens, iter agere non tardabat. Præsensit enim & prædixit per Clericorum illorum adventum ipsius reformidantium fraudulentam malitiam totum hoc confectum aut confictum fuisse. Unde si sic inprimis & tam faciliè per minas ipsorum absterri possent ; semper in posterum minoris apud ipsos auctoritatis ac reverentiæ foret. Cum igitur hispidâ trans Vagam & silvis confertâ provinciâ de Elevein transcursâ, Ecclesiæ partium de Melenith, ubi Capitulum tenere & eâ nocte jacere decreverat, quasi per milliare tantum adhuc distans appropinquaret ; familiam suam, quàm simul cum saginariis, cocis & clitellariis ante præmiserat, fugitivam

vam & formidine plenam obviam habuit, lanceis quippe longis & sagittis acutis acriter à villâ propulsatam. Quo viso quanquam omnes tam obviantes quàm commeantes ut ociùs rediret hortarentur; improperantes etiam pulchriùs & honestiùs ipsum consilio suorum id antè fecisse, virumque discretum ausu præpopero seu temerario se suosque tam magnis & manifestis exponere periculis non debere: Ipse quidem hæc omnia respuens, tantoque animosius versùs Ecclesiàm iter accelerans, aliosque sequi præcipiens, cunctis ei villæ totius hostiis clausis & seratis, in Ecclesiâ quam fortè aptam invenit, quòd nec alibi tunc potuit, hospitium suscepit, & equos in cœmiterio stabiliri fecit. His autem in hunc modum vel potius præter modum actis, duos Clericos illico mittens, nunciavit Principi terræ illius Cadwallano filio Madoci, cui sanguine junctus fuerat, adventum suum suosque repulso seque in Ecclesiâ circumseptum & obsessum indicavit. Ipse verò statim hoc audiens, Archidiacono victualia ad sufficientiam misit, mandans etiam se ad ipsum in crastino venturum & iniurias ipsius tanquam proprias acriter ulturum. Quibus auditis soluta est statim obsessio; & Clerici sex vel septem more Walensium participes Ecclesiæ illius unus post alterum ad pedes Archidiaconi humiliter accesserunt, veniam petentes & impetrantes; dignâ tamen inobedientiæ quinimo contumeliæ tantæ satisfactione secutâ. In crastino verò Princeps advenit cum uxore suâ filiâ Principis Powisæ cui nomen Eva & filiis duobus, Mailgone sc. & Howelo, seque suæque cuncta, terras & oppida, res & possessiones offerens, Archidiacono & exponens, filiumque suum juniorem & qui ipsum tueretur dum in patriâ foret, adjunxit; quòd primævum illi nutrierant quos Clerici in ipsum concitaverant.

## CAP. VI.

**P**ERACTIS igitur his quæ ibi agenda videbantur, versùs Brecheniauc lora regnans ad domicilium suum de Landou reversus est. Ubi cum paucis diebus quasi tantùm tribus aut quatuor moram fecisset; venerunt Clerici duo missi à Decano & Capitulo partium prædictarum cum festinatione, nuntiantes ei Laneluensem Episcopum Adam ad Ecclesiàm de Keri, quæ finalis erat inter Episcopatus, sed tamen de eorum Capitulo & Capitulo Menevenni ab antiquo fuerat, proximâ Dominicâ proculdubio venturum, ipsamque eodem die, ut eam sic cum totâ provinciâ occupare posset, dedicaturum; asserentes quoque nullatenus ipsum ab hoc impediri posse, nisi occurrens ei in propriâ personâ Archidiaconus adventaret. Asseverabant etiam, quòd si provinciâ illam sic occupare permissus fuerit, totam quoque terram usque Vagam sc. Meilenith & Elevein tanquam ad Ecclesiàm suam de S. Asaph pertinentem firmiter occupare proposuit. Quo audito quanquam fessus adhuc labore priori, cunctisque suis constanter dissuadentibus & his præcipuè qui secum antea fuerant, plus præ timore tamen quàm labore, cum ipso tunc ire recusantibus, in crastino sc. feriâ sextâ cum his quos secum ducere poterat, iter iterum incunctanter arripuit, & Vagæ fluvium transpenetrando in confinio de Melenith pernoctavit. Surgens autem Sabbato manè, post Matutarum & Missarum solemnias nuncios qui Clericos undique convocarent eumque sequi facerent, varias ad partes destinavit; alios etiam ad Principes & fratres sc. Æneam Clut & Cadwallanum misit; rogans quatinus de familiis suis viros probos cum equis & armis, qui ei si opus esset assisterent & jura Sancti David cum ipso defenderent, post ipsum mitterent; quoniam in manu forti cum Powisensibus & de Kaddewein Episcopus ille venturus esse dicebatur. Et sic Melenith transcurrendo apud Ecclesiàm de Lanbist non procul à Keri nocte illâ moram fecit. Et cum manè Dominicâ ad Ecclesiàm S. Michaelis de Keri veniret Archidiaconus; Clerici duo par-



participes Ecclesiæ, qui obviam Episcopo perrexerant, cuius etiam adventui consenserunt, Ecclesiæ claves absconderant. Sed quæsitis illis diligenter & tandem inventis, Archidiaconus intravit; & statim pulsatis campanis tanquam in investituræ signum & possessionis, Missam solemnius inchoari & celebrari fecit. Interim autem veniunt nuncii Episcopi cum Personâ Ecclesiæ, præcipientes Ecclesiam statim ad dedicandum præparari; ac si satis pro imperio fieri debere nec resisti posse constaret. Archidiaconus autem hoc audito post Missam completam misit quosdam de Clericis suis discretos simul cum Decano Provincia obviam Episcopo nuntiantes ei ex parte ipsius, quod si pacifice veniret & tanquam amicus & vicinus, hospitio libenter cum omni honore susciperetur; sed alio modo non accederet. Quod cum ei dixissent; diligenter inquirens si Archidiaconus in propriâ personâ jam advenit, & admirans, cum paulo ante de provinciâ recessisset; tandem inito cum suis consilio, ne vinci videretur, quia superciliosus erat valde & præsumptuosus, suæ morem gerens arrogantia, respondit se non hospitem & vicinum sed tanquam Episcopum loci illius & ad dedicandum Ecclesiam illam & officium Episcopale in parochiâ suâ faciendum continenter accessurum. Decanus autem & Clerici missi hoc audientes, sicut edocti fuerant, ne in hunc modum propius accederet, neque in alienâ parochiâ dedicationem non vocatus ad hoc nec invitatus facere præsumeret, constanter inhibuerunt, & ad Summum Pontificem appellaverunt. Sed quoniam ipsum per hoc tardare non poterant; quosdam ex suis in equis fortioribus, sicut præmuniti fuerant, hoc Archidiacono nuntiantes cum festinatione præmiserunt. Qui cum venissent; relictis in Ecclesiâ de comitatu suo quibusdam, qui eam servarent interiùs & ostia serarent; statim exivit Archidiaconus obviam Episcopo venienti ad introitum cœmeterii. Episcopus autem, ut venit, præcepit Archidiacono; quatinus cum suis festinanter abiret, Ecclesiamque suam & cœmeterium ad faciendum quod disposuit ei relinqueret. Alioquin ipsum, licet invitus, quod Parisiis olim socii fuerant & conscolares, excommunicaret. Archidiaconus autem è contra rogavit Episcopum; quatenus causâ amicitia & societatis antiquæ in pace discederet, & nichil in injuriam suam suæque detrimentum jurisdictionis attemperaret. Quod cum facere penitus recusaret; ne dedicationem vel aliquod officium Episcopale ibi faciendo falcem mitteret in messem alienam, ex parte Dei Dominique Papæ & Archiepiscopi necnon & Regis Angliæ, in cuius manu & custodia tunc erat Ecclesia S. Davidis paulo ante orbata Pastore, firmiter inhibuit & appellavit. Episcopus autem his auditis literas Archiepiscopi Cantuariensis, à quo non longè ante consecratus fuerat, produxit, & legi fecit; quibus Episcopatum Lanelum cum cunctis pertinentiis suis ei confirmavit, & omnes qui aliquid ei injustè auferrent excommunicavit. Quibus perlectis subjunxit Episcopus Ecclesiam de Keri, sicut & omnes Ecclesias inter Vagam & Sabrinam, ad Ecclesiam suam Laneluensem jure parochiali pertinere; & in ejus rei testimonium librum produxit antiquum, in cuius id sine contineri dicebat; quod & legi fecit; dicens & asserens, quod nisi Archidiaconus citò desisteret, incontinenti ipsum & suos excommunicaret. Archidiaconus autem ad hæc respondit Ecclesiam de Keri & alias inter Vagam & Sabrinam, de Elevein sc. & Melenith & Warthrenniaun, nec ad Diocesin Laneluensem nec ad Archiepiscopi confirmationem illam ullatenus pertinere; puta quas trecentis annis & pluribus intra Diocesin Menevensensem contentas fuisse dinoscitur. In libro autem suo scribere poterat quod volebat. Sed si cartam inde haberet cum authentico sigillo vel privilegium, ostenderet; & cum hoc non haberet, si ipsum excommunicare vellet, quod pro Ecclesiæ suæ stabat defensione, & ipse in eum sententiam simili temeritate præcipitaret. Respondit ille se Episcopum esse, nec licere Archidiacono Episcopum excommunicare. Cui Archidiaconus. Si Episcopus, inquit, es; non es Episcopus meus; nec potestatem ullam habes sentiendi in me, sicut nec ego in te. Ideoque

Ideoque valeat sententia quantum valere poterit, utrique temerè & indebitè data. Episcopus autem his auditis se parumper retrahendo, statim equo dilapsus, capiti suo mitram imponi fecit; & sic mitratus baculumque pastorem nudatum manu bajulans, ut majoris auctoritatis ejus sententia fore videretur, cum turbâ suorum pedes accessit. Archidiaconus autem è contra Sacerdotes & Clericos plures albis stolis ac superpelliciis & sacerdotalibus cæteris indutos cum cereis accensis & cruce bajulâ ac præambulâ in modum Processionis de Ecclesiâ exeuntes in faciem procedere jussit. Noverat enim hominis naturam; quod præceps erat in actibus suis & præsumptuosus. Ideoque dum verbis contendebant, quod garrulus erat ille & verbosus, hæc præparari cautè curaverat Archidiaconus. Quos cum videret Episcopus, quæsit quidnam hoc esset, & ad quid illi sic venirent. Cui Archidiaconus. Ad hoc, inquit, ut si in nos & ipsos sententiam dare præsumpseritis; & ipsi non minùs audacter in vos & vestros vice versâ sententiam donent. Episcopus autem, hoc audiens ait. Propter amicitiam quæ inter nos olim fuerat & scolasticam societatem, parcemus nunc personæ vestræ & his qui vobiscum sunt; nec nominatim in quenquam vestrum sententiam dabimus. Generaliter autem sicut Archiepiscopus in literis suis, omnes, qui jura Sancti Asaph patroni nostri nobis auferre & sibi usurpare nituntur, sententiâ excommunicationis involvemus. Ad hæc Archidiaconus. Si talem, inquit, sententiam generalem dederitis in montibus illis, ostendens montes in parochiâ Laneluensi non procul inde distantes, à mane usque ad vesperam; quoniam in nullo nos tangeret qui tantum jura nostra tuemur, nichil omnino curaremus. Sed propter populum astantem qui non intelligeret; sed potius putaret sententiam vestram, si hîc daretur sub hac quacunque formâ, in hos quidem aut præjudicium nostrum datam esse; nolumus quod hic aliquatenus fiat. Et cum Episcopus juraret se prædicto modo sibi statim excommunicare velle; & Archidiaconus se sub formâ consimili sententiam daturum asseveravit. Cumque Episcopus in genere, ne nichil egisse videretur, excommunicare hostes & adversarios Sancti Asaph altâ voce cœpisset; & Archidiaconus altiori voce cum suis in cœmiterio omnes qui jura Sancti David præripere vel perturbare præsumerent excommunicavit; & respiciens campanas, quæ juxta ipsos ab alto pendebant, præcepit quatinus in ignominiam adversariorum & quasi sententiæ suæ confirmationem simul omnes trino intervallo pulsarentur. Quod cum fieret, quoniam Walenses sonum hujusmodi campanarum, cum in ipsos pulsantur, multum abhorrent; confestim Episcopus & sui equos scandentes interruptâ sententiâ quam citius poterant abscesserunt. Populi verò qui ad hoc spectaculum undique concurrerant, clamorem magnum, ut mos est gentis illius, post ipsos extollentes glebis etiam & lignis ac lapidibus fugientes à tergo sunt persecuti. Cumque versùs Cadwallanum, cujus assensum habuerat, apud Melenith Episcopus iter ageret; turbam magnam Clericorum in equis bonis, lanceis etiam & sagittis, qui Archidiaconum sequebantur, obviam habuit. A quibus cum quæreretur quid apud Keri actum fuisset; respondit Episcopus, quia non securus erat, se contra Archidiaconum, qui bonus olim socius suus & amicus extiterat, nichil agere velle; & quod ad Cadwallanum, ut ei loqueretur, pacificus ibat. Archidiaconus autem coram Decano & Clericis qui jam advenerant Personas Ecclesiæ super facto suo, quod Episcopum illum adduxerant, acriter arguere cœpit. Qui responderunt, jurantes de voluntate suâ nunquam id provenisse; sed veniam petentes, se de cætero firmos ac fideles fore promiserunt. Accepto igitur ab ipsis fidelitatis sacramento, scilicet Ecclesiæ Menevensi & sibi ne non & Episcopo futuro; audiens per Clericos suos, qui Episcopo obviaverant, ipsum ad Cadwallanum ivisse in Archidiaconatu suo, statim ad partes illas iter arripuit; & in Ecclesiâ proximâ loco ubi Cadwallanus Episcopum susceperat, hospitium accepit; & horâ cœnæ sc. in vesperâ, sicut Walensibus mos est, misit Episcopo



scopo de pane proprio & potu peroptimo, quos secum tulerat, causâ curialitatis exenium pulchrum; quod & verbis adornans mandavit; quod ei in suâ potestate & iurisdictione reperto præcipueque pacifico omnem honorem & reverentiam exhiberet; seque in domo suâ propriâ, si fors obtulerit, eum libentissimè & honestissimè suscepturum. Rogavit etiam, quod sicut olim in Franciâ socii fuerant boni, quando pauperiores erant & privati; sic & nunc vicini boni & amici forent in potestate constituti. Episcopus autem licet dissuadentibus suis propter dedecus ei factum perpeffamque repulsam quod non susceperet, tamen saniori consilio cum gratiarum actione suscepit; dicens se propter hoc factum non minùs Archidiaconum appreciari, quinimo magis ab omnibus fore laudandum, quod Ecclesiæ suæ jura pro posse tueri satagebat; nec ob hoc se dilectionem ipsius & vicinitatem bonam velle aliquatenus recusare. Cadwallanus verò cum Proceribus & bonis viris suis animositatem Archidiaconi & virilitatem multis laudibus efferebant; dicentes & asserentes virum talem honore pariter & potestate dignissimum. In crastino verò cum recessisset Episcopus, Cadwallanus ab Archidiacono conventus, quod Episcopo veniendi licentiam & occupandi parochiam suam assensum præbuisset, negavit cum juramento: ne sc. Archidiaconi offensam incurreret; seque de cætero Sancto David & Ecclesiæ suæ fidelem fore sacramento firmavit. Tria igitur istud aggrediendi Episcopo occasionem dederunt: quod Ecclesia Menevensis pastore carebat; quod Archidiaconum [ob] hostilitatem sibi oppositam patriam reliquisse nec amplius reversurum esse pro certo audierat; quod etiam Principis illius, licet in contrarium juraverit, assensum occultum habuerat, propter metum sc. divortii celebrandi inter ipsum & uxorem suam Evam sub prætextu tam affinitatis quàm consanguinitatis, cujus rei se iudicem fore ab Archiepiscopo Cantuariensi constitutum per cautelam Episcopus procuraverat. Archidiaconus autem è diverso, ne Menevensis Ecclesia propter Episcopi defectum in suâ iurisdictione lationem incurreret vel Diocesis decisionem, neve Archidiaconatus de Brechinia suo mutilationem tempore seque præsidente susceperet aut diminutionem, sub periculo pariter atque labore efficacem operam adhibere curavit.

## CAP. VII.

**H**IS igitur ita peractis, confestim Archidiaconus & absque morâ quam alicubi faceret ullâ ad Regem accessit, à quo dies eligendi Episcopum in præsentia suâ sibi & Ecclesiæ suæ fuerat constitutus. Quem inveniens in partibus de Norhamtune, in primis impetum Episcopi illius in Diocesim Menevensensem ei indicavit, & qualiter parochiam Ecclesiæ S. David, quæ in manu & custodia Regis ipsius erat Sede vacante, occupare volebat. Propter quod Regem monuit & rogavit; quatinus Episcopum illum literis suis & nunciis à tali præsumptione coerceret. Subjunxit etiam ventam quam circumstantes ad risum commovit, quod sicut Laici & populi Walliæ fures & raptores erant rerum aliarum, sic & Episcopi Walenses Ecclesiarum. Cui Rex ita respondit. Revera Episcopus hoc facere voluit; sed tu viriliter ei restitisti, & Ecclesiam tuam contra ipsum optime defendisti. Advocansque magnates suos qui tunc aderant, cœpit referre qualiter Episcopus ille Ecclesiam de Episcopatu S. David occupare volebat & dedicare, & qualiter Archidiaconum istum sibi resistentem Episcopus excommunicavit, & Archidiaconus incontinenti Episcopum non minus audacter; omnium sc. qui in Curia tunc erant & hæc audierant risu maximo subsecuto. Sic enim Regi relatum fuerat, quod uterque eorum alterum nominatim excommunicaverat. Unde admiratus est Archidiaconus vehementer, quod rei illius notitiam Rex jam habuisset; & quod ad eum quisquam citius ipso, qui celerrimè venerat, pervenisset; nisi quoniam revera fama volat & ad Reges

Locus corruptus.

ac Principes, quos nichil ferè latere potest, semper rerum eventus notabiles sub celeritate feruntur. Sed hæc hæctenus. Prius autem, quàm vel de obitu Menevensis Episcopi David, vel electione aut alterius substitutione dicamus; quædam quæ paulò antè acciderant non reticenda prosequamur.

## C A P. VIII.

CUM circiter clausum Pascha Hugutio Cardinalis titulo S. Angeli, fungens in Angliâ legatione, Concilium generale regni totius apud Londoniam convocasset; Archidiaconi Menevenses & Canonici discretiores ad protestandum pariter & prosequendum, si liceret, jus dignitatis Ecclesiæ suæ Metropoliticum coram Cardinali Londonias advenerunt. Episcopus enim ipsorum, quoniam in consecratione suâ controversiam illam abjuraverat, contra sacramentum suum licet extortum venire nolebat. Præemptantes autem primò Regis animum; utrum inclinari posset ad consensum, pecuniamque non modicam tam ipsi quàm consiliariis suis ad hoc offerentes, cum plurimum circiter hæc laborassent, quia Rex ille sc. Henricus II. morosus erat in responsionibus, tandem responsum hoc acceperunt; quòd nunquam id tempore suo Rex permetteret, nec caput Walliæ dando Walensibus Archiepiscopum contra Angliam erigeret. Quo audito, fecerunt quod potuerunt, jus Ecclesiæ suæ & pristinam dignitatem coram Legato, cujus tamen Concilium per contentiones & pugnas inter Archiepiscopos duos sc. Cantuariensem Ricardum & Eboracensem Rogerum de primâ sede & primatiæ dignitate aborsum fecit, in publicâ audientiâ sunt protestati.

## C A P. IX.

PARumper autem postea defuncto Episcopo suo quasi XV. diebus ante Pentecosten, convenerunt Canonici apud Meneviam; ut super electione & Pastoris subrogatione communiter tractarent. Intrantes igitur Ecclesiam suam & Capitulum clausis ostiis & feratis, post diutinum consilium & tractatum prolixiorum, tandem in quatuor Archidiaconorum suorum nominationem, quia non plures Ecclesia illa neque majores personatus habebat, unanimiter consenserunt; ita ut quem illorum Rex vellet assumeret, & ille singulariter postmodum atque solemniter eligeretur. Et continenter tanquam unius electione legitime factâ in Canticum laudis impetu magis quàm consilio proruperunt. Quanquam enim ut regio deferrent honori plures nominarent; de uno tamen præ cæteris assumendo sc. Magistro Giraldo, quoniam alii famæ obscuræ fuerant & fortunæ, id solum intendentes, id attendentes, spem singularem atque fiduciam omnes habebant. Populique stantes exterius & Canticum audientes, Giraldum solum inter alios electum solumque præ cæteris electione dignissimum, cum necdum tricesimum ætatis ageret annum, conclamabant. Eâdem autem nocte cogitans Giraldus secum & considerans circa <sup>a</sup> Festum istud præpopere nimis & inconsulte processum fuisse, cum in Regno Anglicano neque nominatio fieri soleat nec electio nisi Rege prius adito vel ejus Justiciario & obitu Episcopi ei nunciato, suoque assensu requisito, manè Capitulum intrans, coram omnibus nominationi de se factæ cum admiratione cunctorum & dissuasionem renunciavit; dicens tamen & asserens, quòd Ecclesiæ suæ quo minores electionem liberam haberet & legitimam, dum quidem ordine fieret competent, nullatenus deesse volebat. Nec mora: fama facti istius ad Regem in Angliâ convolvit; nuncians ei electionem factam, & Giraldum Archidiaconum proculdubio electum esse. Rex autem hoc audito, quia contra regni



sui consuetudinem & in injuriam ipsius magnam id actum videbatur, multum excanduit, & statim Canonicos omnes terris suis & redditibus destitui jussit. Juravit etiam, quod sicut ipsum expertem fecerunt electionis seu nominationis, sic eos omnes expertes & exsortes faceret promotionis. Iram tamen præcipuam & indignationem in Giraldum Archidiaconum convertebat; tum quod pro Electo ab omnibus habebatur, tum etiam quod rebellionem in Ecclesiâ Menevensi aut reclamationem à nullo fieri timebat nisi ab ipso, tam propter Clericatum ejus quo præcellebat & animositatem, quam etiam propter generositatem ipsius magnam qua Principes omnes & Magnates Walliæ continebat.

## CAP. X.

**I**Nterim autem Archiepiscopo Ricardo Cantuariensi cum Suffraganeis suis ferè cunctis coram Rege constitutis, consuluit eos Rex super Episcopo Menevensi Ecclesiæ præficiendo. Qui cum inquirerent inter se, utrum aliquis in Ecclesiâ illâ posset idoneus inveniri; quia hoc ordine procedendum, ut de ipsâ Ecclesiâ sumatur si fuerit in eâ dignus inventus; tandem omnes Episcopi in Giraldum Archidiaconum ejusdem Ecclesiæ, quod literatus egregie & legitime natus fuerat, concordabant. Archiepiscopus autem auditis aliis suum similiter assensum in eundem adhibuit; & hoc etiam adjecit, quod simul cum Clericatu eximio vir erat animositatis & strenuitatis immensæ. Rex autem, qui alios omnes tacite & patienter audierat, ad hæc Archiepiscopi verba, quippe quibus vim majorem & pondus inesse putabat, sic respondit. Nec Regi nec Archiepiscopo opus est aut expediens nimis probum aut strenuum, ne vel Angliæ corona vel Cantix cathedra detrimentum sentiat, in Ecclesiâ Sancti David Episcopum esse. Et sic dissoluto Concilio, Rex Archiepiscopo & paucis, quibus fidem majorem habebat, secretius revelavit non esse tutum Archidiaconum illum, quia Reso Principi Suthwalliæ & aliis ferè cunctis Walliæ majoribus sanguine propinquus erat, in cathedrâ Menevensi collocari; nec expedire per talis viri promotionem præcipueque tam probi simul & tam generosi Walensibus vires dare eorumque superbiam augmentare. Hæc autem cum vir bonæ & laudabilis memoriæ Rogerus Wigorniensis Episcopus Archidiacono secreto referret ac revelaret; dixit & asseruit plus ipsum honorem tanti testimonii in tantâ audientiâ dati quam Episcopatum optimum, nedum pauperem illum, diligere debere & approbare.

## CAP. XI.

**C**UM itaque Canonici sui cuncti & Archidiaconi propter redditus suos recuperandos & in pace tenendos se regiæ voluntati omnino supponerent; & fiscalia stipendia, ut de loco ad locum propter electionem faciendam ad nutum Regis ipsum sequerentur, in commune susciperent; solus Giraldus tanquam timens Danaos & dona ferentes, nichil accipere volebat; sed nunc Archiepiscopum nunc Legatum adeundo pro Ecclesiæ suæ libertate laboravit; ut si non de corpore Ecclesiæ suæ, de membris saltem cum Regis assensu virum probum & non ignotum nec linguæ patriæ ignarum obtinere valerent. Tandem verò Legato, qui sibi imprimis auxilium promiserat, ei ex toto deficiente, Ecclesiâque suâ totâ per ignaviâ succumbente, constitutis demum coram Rege Canonicis apud Wintoniam, nominatus est eis & oblatus ex parte Regis Monachus Ordinis Cluniacensis sc. Prior de Wenelac, omnibus & singulis tam famâ quam facie prorsus ignotus, & tamen ab ipsis ibidem sc. in camerâ Regis coram

coram lecto suo ipso præsente cum stipatoribus suis & præcipiente more Anglicanæ tyrannidis cum cantico laudis tremulo satis & tremebundo est electus. Cumque Londonias ut consecraretur Electus ille & sic electus, cui nomen Petrus, ad diem statutum accederet; Giralduſ nil ex contingentibus omittens, ad honorem & securitatem quod potuit fecit. Illi Electo, cujus nondum faciem viderat, ne contra Ecclesiæ dignitatem, ad quam magis assignatus fuerat quam vocatus, professionem aliquam aut subjectionem nisi in formâ communi facere præsumeret, literis & nunciis dissuasit; præcipuè verò ne sacramentum aliquod super abjurando jure Ecclesiæ suæ faceret, ex parte Dei Sanctique David prohibere curavit. Ipse tamen, quoniam Regis plantatio fuerat & creatio, regiæ voluntati in nullo contraire disponens, super jure dignitatis Ecclesiæ Menevensis contra Cantuariensem non prosequendo sacramentum dedit, & sic consecrationem suscepit.

## LIBER SECUNDUS

## De Gestis GIRALDI.

## CAP. I.

**H**IS ita completis, Giralduſ nil credens actum cum quid superesset agendum, nec retro respiciens sed semper se in anteriora protendens atque gradum incunctanter ascendens, causâ majoris & maturioris sententiæ congestis librorum thesauris in Franciam transfretare seque Parisiis denuo studiis elegantioribus totis desideriis applicare curavit: quatenus super Artium & literaturæ fundamentum Legum & Canonum parietes in altum erigere, & sacrum scripturæ Theologicæ tectum à superiori concludere, & sic ædificium triplici structurâ connexum firmissimis stabilire juncturis prævaleret. Cum igitur annis plurimis ibidem primum Imperialibus Constitutionibus deinde Pontificalibus demum verò sacris apicibus studiosum animum applicuisset; tantam in causis Decretalibus, quæ Dominicis diebus tractari consueverant, gratiam optinuit, quod die quo ipsum causari velle notum in urbe fuerat, tantus ad vocem ejus jocundam Doctorum omnium serè cum Scolaribus suis concursus extiterat, quod vix domus amplissima capere poterat auditores. Adeo namque vivas legum & canonum rationes introductas rhetoricis persuasionibus adjuvabat; adeoque tam verborum scematibus atque coloribus quam sententiarum medullis causas adornabat, dictaque Philosophorum & Auctorum miro artificio inserta locis congruis adaptabat; ut quanto scientiores & eruditiores accederent, tanto avidius & attentius ad audiendum memoriæque figendum aures & animos applicarent. Tantâ nempe verborum dulcedine ducti fuerant & deliniti; ut dicentis ab ore tanquam penduli & suspensi longo licet eloquio & prolixo, cujusmodi tædium multis asserre solet, nec fatigari possent hunc audiendo nec satiari. Unde & Causas ejus omnes verbo ad verbum, sicut ab ore ipsius emanaverant, passim scribere Scholares & amplecti magno desiderio contendebant. Quadam autem die cum fieret ad ipsum audiendum concursus undique magnus, finito sermone ipsius & murmure multitudinis cum fa-

voro



vore cunctorum & laude subsecuto, Doctor quidam egregius, qui & Parisiis in Artibus legerat & diu Bononiæ in Legibus studuerat, cuius nuncupatio Magister Rogerus Normannus, qui & postea Rothomagensis Ecclesiæ Decanus extitit, palam in huiuscemodi verba prorupit. Non est sub Sole scientia, si fuerit Parisios fortè delata, quæ incomparabiliter ibi & longè excellentiùs quàm usquam alibi proculdubio non prævaleat. Principium autem Causæ illius & quasi præmium hîc apponere præter rem non putavi. Sic igitur inchoavit.

## C A P. II.

**P**ROPOSUERAM prius audire quàm audiri, prius discere quàm dicere, prius dubitare quàm disputare. Eruditis enim auribus summæque eloquentiæ viris & minùs medullata sententiis oratio & jejuna verborum macies propinabitur. Supervacaneum enim est & omnino superfluum tam inter eloquentes arida quàm inter scientes & sapientes usitata proferre. Unde moralis Seneca noster, & ab ipso Sidonius. *Donec scientiam natura combiberit, non est major gloria dixisse quod scias quàm siluisse quod nescias.* Verumtamen quoniam Augustino testante *turpis est cunctis pars suo universo non congruens*; ne solus inter vos anomalus videar, neve solus loquentibus aliis taciturnitate præ cæteris Pythagoricus discipulus inveniar; elegi potius loquendo ridiculus quàm tacendo discolor inveniri. Quam igitur vocem inter oleres canoros clamoros anser emittet? Nova nimirum an nota proponet? Frequentata & trita fastidium generant; auctoritatem nova non habent. Quoniam, ut ait Plinius, *Ardua res est vetustis novitatem dare, novis auctoritatem, obsoletis nitorem, fastiditis gratiam, obscuris lucem, & dubiis fidem, & omnibus naturam.* Questio, quam præ manibus habemus, vetus est, sed nondum inveterata: lis dudum ventilata, sed adhuc sub iudice.

Fuerat enim Questio proposita: *Utrum Iudex secundum allegata judicare debeat, an juxta conscientiam?* Ad ultimam autem hanc quasi disjunctè particulam longèque magis improbabilem tam urgentes Legum & Canonum rationes induxit; ut cum omnium admiratione, utrum ornatui verborum an efficaciæ sententiarum & rationum major attribui laus deberet, cunctis in dubium verteretur. Adeo quidem ut vir nobilis, Canonicus Parisiensis Ecclesiæ, filius sc. Castellani de Monte Mauricii, qui & paulò post in Decanum ejusdem Ecclesiæ promotus fuit, quod vir docilis erat & literalis eruditionis appetitor, in discessu ab Auditorio ubi ipse cum aliis multis intererat, Giraldum secretò conveniens quæsit ab eo, quot annis apud Bononiam Legibus & Canonibus studium impendisset. Et cum responsum acciperet, quod nunquam Bononiæ fuerat; quæsit iterum, ubinam in Jure studuerit; & cum ab ipso audiret, quod Parisiis tantum operam huic studio per triennium indulserit, cum admiratione recessit. Præceptor autem ejusdem in eâ Facultate, quem post prandium visitavit, tanquam applaudens & discipuli tanti gloriæ congratulans, hoc ei in audientiâ verbum emisit. Nollem revera pro placito centum solidorum, idioma namque Bononicum erat, quin hodie in tanto Consistorio tantoque Salarium conventu tam egregiè locutus fuisses. Quoniam, ut ait Jeronimus, profectus discipulorum laus est & gloria præceptorum. Contigit etiam quod Magister Matthæus Andegavensis, quem in Legibus & Decretis tunc audiebat, vocatus à Papâ Alexandro III. ad Lateranensè Concilium ut Cardinalis fieret, à sociis in Auditorio suo licentiam accipiens, quatinus Magistrum Giraldum loco ipsius auditorem & præceptorem haberent, cum multà ipsius commendatione monuit attentius & suadendo consuluit. Quod cum Scholares omnes appeterent & postularent; tamen ipse, quoniam in proximo Bononiam causâ majoris in eâ facultate profectus ire proposuit, huic petitioni [non] adquevit. Lectiones

ctiones tamen duas in hospitio suo sociis de Decretis Gratiani, unam in Distinctionibus, & alteram in Causis, ad instantiam ipsorum cotidie legit.

## C A P. III.

**H**O C autem & hîc inferere dignum duxi ; quòd in Lateranensi Concilio circiter eadem tempora celebrato Canonici Menevenses, quùm Episcopus eorum licèt præsens existens propter sacramentum illud abjuratæ pessi-  
mum & perniciosum obmutuit, jus Ecclesiæ suæ Metropoliticum, Synodalem in tantâ audientiâ facientes proclamationem, palam & publicè sunt protestari. Unde Magister Gerardus, cui cognomen Puella, qui postmodum Coventrensis Episcopus erat, reversus in Franciam & urbem Parisiensem à Concilio, cui Romæ missus ab Archiepiscopo Cantuariensi Ricardo intererat, Magistro Giraldo inter cætera quæ ei de Concilio retulit, & hoc subjunxit : quòd valde arroganter & audacter locuti sunt ibi Canonici Menevenses, Metropolitica dignitatem sibi & Ecclesiæ suæ de jure debitam in tantâ audientiâ protestantes & proclamantes, Judicesque sibi super hoc dari & Commissionem fieri cum magnâ instantiâ postulantes. Sed quoniam Episcopus eorum qui fuit præsens nullam inde mentionem fecit, negotium tunc non processit.

## C A P. IV.

**U**T autem ad rem pariter & materiæ cursum revertamur ; Giraldu post diuturnam in studiis moram repatriandum ducens, cùm nuncios suos longè trans terminos veniendi & pecuniam ibi ferendi constitutos inaniter expectasset ; & creditores, quibus obligatus in multis extiterat, importuni & impatientes de die in diem acrius instarent ; dolens & anxius & quasi in extrema jam desperatione constitutus, ad Capellam S. Thomæ Cantuariensis apud S. Germanum Autissiodorensē ab Archiepiscopo Remensi Regis Ludovici fratre nomine ipsius inter ipsa martyrii sui initialia constructam & dedicatam tanquam ad ultimum refugium cum sociis suis Martyris auxilium devotè deprecaturus & imploraturus accessit. Sciens quippe, quoniam ut ait Philo sapiens, quando deficit humanum auxilium, tunc recurrendum est ad divinum. Missa igitur de Martyre solemniter auditâ & oblatione factâ, præmio devotionis suæ statim & incontinenti divinitus dato, nuncios suos eadem horâ cum hilaritate pariter & prosperitate suscepit : mirâ Dei dispositione, qui de rebus mundanis suo cursu provenientibus Sanctis suis elicit, & quod ex gratia suâ merâ dari dinoscitur, vult tamen tanquam precibus & meritis obtineri. Giraldo itaque versùs Angliam iter agente, cùm Attrebatum veniret in septimanâ Pentecostes, & juxta forum hospitatus esset ; factus est tumultus in urbe magnus. Comes enim Flandriæ Philippus, qui tantus erat in hac urbe suâ, tunc existens in Foro, quòd tanquam in urbis medio spatium magnum in quadranguli modum obtinebat, quintanam erigi fecerat, clypeum videlicet fortem positi firmiter appensum, ubi tyrones & robusti juvenes equis admissis militaria negotia præludendo, lanceas frangendo vel obstaculum transpenetrando, vires suas experirentur. Giraldu etiam ab alto hospitii sui solio cuncta prospiciens, & utinam tanquam vana despiciere valens, vidit Comitem ipsum tor-  
que cum iplo viros nobiles, tot Milites atque Barones sericis indutos, tot equos egregios admitti, tot lanceas frangi ; ut cum diligentia magnâ considerans singula, vix satis admirari posset universa. Sed cùm hoc quasi per horam unam durasset, totumque illud spatium grande tantâ Nobilitate repletum esset ; Comite Philippo subito discedente cunctisque dilapsis, ubi tanta pompositas paulò



paulò antè visà fuerat, nec homo nec bestia jam comparuit, nec quicquam nisi forum omnino vacuum videretis. Argumentum quidem & indicium magnum, sicut ipse de his & similibus loquens dicere solet; omnia sub Sole vanitati subiecta & quasi phantasmata celerrimè prætereuntia & tanquam momentanea sæcularia cuncta.

## C A P. V.

**P**ROcedens itaque & mari Flandriæ transnavigato, <sup>a</sup> Cantuariam veniens, in die S. Trinitatis cum Monachis loci ejusdem & in Refectorio requisitus à Priore comedit. Ubi sedens cum Priore & majoribus in disco principali duobus, sicut ipse referre consueverat, ibi notavit, signorum sc. superfluitatem nimiam, & ferculorum numerositatem. Tot etenim Prior ad Monachos servientes, & illi è contra ad mensas inferiores exenia ferendo, & hi quibus ferebantur gratias referendo, digitorum & manuum ac brachiorum gestulationibus & sibilis ore pro sermonibus longè levius atque licentiùs quàm deceret effluebant; ut quasi ad ludos scenicos aut inter histriones & joculariores sibi videretur constitutus. Esset itaque magis ordini consonum & honestati verbis humanis cum modestià loqui quàm mutà in hunc modum garrulitate signis & sibilis tam joculariter uti. De ferculis & eorum numerositate quid dicam; nisi quod ipsum multoties dicentem audiui; quia sedecim aut plura per ordinem, ne præter ordinem dicatur, sunt apposita valde sumptuosa. Ad ultimum quoque loco generalis olera per omnes mensas sunt allata, sed parum gustata. Tot enim videas piscium genera, assa quidem & elixa, farta & frixa, tot ovis & pipere cibaria cocorum arte confecta, tot sapes & salsamenta ad gulam irritandam & appetitum excitandum eorundem arte composita. Ad hæc etiam in tantà abundantia vinum hîc videas & siceram, pigmentum & claretum, mustum & medonem atque moretum & omne quod inebriare potest; adeò ut cerevisia, qualis in Anglià fieri solet optima & præcipuè in Cantia, locum inter cætera non haberet. Sed hoc ibi cerevisia inter pocula, quod olus inter fercula. Tot inquam videas in cibis & potibus superflua nimis & sumptuosa; quòd non solum hæc fastidium sumentis sed etiam tædium parere possent intuenti. Quid autem ad hæc Paulus Eremita diceret? quid Antonius? quid monasticæ vitæ pater & institutor Benedictus? Ut etiam longè propius exempla petamus; quid noster Jeronimus, qui in *Vitas Patrum* primitivæ Ecclesiæ parsimoniam & abstinentiam atque modestiam tantis laudibus effert; dicens ibidem inter cætera Ecclesiam quidem, ex quo crevit possessionibus, multum decrevisse virtutibus. Referebat etiam quandoque Giraldus, quòd & hîc apponere præter rem non putavi; qualiter Monachi S. Swithuni Wintoniæ cum Priore suo coram Anglorum Rege Henrico II. ad terram in luto prostrati, cum lacrimis ac luctu conquesti sunt ei; quòd eorum [Episcopus] Ricardus, quem & loco Abbatis habebant, tria eis fercula subtraxerat. Et cum Rege inquirente quot eis remanserant, responderent decem, quoniam ab antiquo tredecim habere consueverant. Et ego, inquit Rex, in Cutrià meà tribus ferculis contentus sum. Pereat Episcopus vester, nisi ad hunc numerum ferculorum meorum redigat fercula vestra. <sup>b</sup> *Ut quid ergo perditio hæc? præcipuè in viris religionem profitentibus & habitu præferentibus. Poterant enim venundari hæc superflua, & dari pauperibus.* Hanc autem rationem assignant,

<sup>a</sup> Mat. xxvi. 8.

<sup>a</sup> Effusam Monachorum & præcipuè Cantuariensium luxuriam Giraldus in *Speculo Ecclesiæ* MS. Dist. 2. cap. 4. acriùs insectatur; ubi istius convivii historiam ex hoc libro de-

scriptam inseruit; addens se alià post vice eorundem Refectorio die S. Trinitatis interfuisse; & Prioris mensæ adhibitum fercula septemdecim ordine imposita notasse.

& factum suum sic colorant ; quod propter eleemosinam ampliandam & augmentandam tantâ in ordine ipsorum inventa & admissa est ferculorum numerositas. Melius tamen atque consultius & scandalum vitari & honestati eorum atque modestiæ provideri posset ; si paucioribus ferculis contenti forent, & de superfluis illis pauperes Christi reficerent ; sicque gulam temperarent, & scandalum refecarent, & eleemosinam suam longè satius atque salubrius augmentarent.

Profectus autem hinc versùs Londonias, invenit Archiepiscopum Cantuariensem Ricardum in quadam terrâ suâ non procul ab urbe Londoniæ distante ; à quo, quùm ei familiaris atque dilectus extiterat, fuit hospitio eâ nocte receptus & cum honore receptus. Manè verò nuncio suscepto quod eadem die Londonias Wintoniensis Episcopus Ricardus quandam sororem suam in Episcopatu Wintoniensi maritatum à viro suo ecclesiasticâ censurâ separare volebat ; consulens super hoc Archiepiscopum, statim literas suas impetravit ; quibus ipsum affectuose rogavit, quatinus divortium illud tunc differret, & virum cum uxore suâ concordari, si fieri posset, non impediret. Et sic Londonias incunctanter accelerans, invenit ibi apud Sutwerche in Capitulo grandi ad hoc convocato sororem suam & virum suum jam coram Episcopo stantes, & divortium, quod eis statim imminabat, expectantes. Episcopus autem videns ipsum intrantem, cujus notitiam satis habuerat, & socios suos cum signaculis B. Thomæ à collo suspensis ; admirans quoque subitum ejus adventum, quem in Franciâ tanto tempore fuisse cognoverat & adhuc esse putabat, ipsum in osculo suscipiens ad latus suum apposuit, sociosque suos recipi jussit ; & cum literas Archiepiscopi porrectas inspexisset, respondit quod si per se Archidiaconus advenisset, & eum absque literis omnibus fors obtulisset ; ipsum in hac petitione libenter audiret, tantòque libentiùs tamen quod Archiepiscopi mandatum inde susceperat. Sicque soluto Capitulo per inopinatum ejus adventum & insperatum hunc eventum vir & mulier super gravi discordiâ & ferè implacabili, unde pecuniam grandem Episcopo propter divortium dare debuerant, per operam Giraldi paulò post sunt pacificati. Argumentum quod prope est Deus in angustiis, & quia nemini fideli in Deo confidenti in quocunque articulo seu puncto constituto, nisi merita repugnent, de divinâ misericordiâ est diffidendum ; & quod plerumque *Grata superveniet, quæ non sperabitur, hora.*

## C A P. VI.

Cum igitur Angliâ transcursâ demum in Walliam pervenisset ; contigit in brevi postea Petrum Menevensem Episcopum, qui propter discordiam inter Episcopum & Walenses exortam à Walliâ expulsus fuerat, vel se potius expulsam simulaverat, consilio Cantuariensis Archiepiscopi Magistro Girardo Archidiacono suo generalem totius Episcopatus curam & custodiam commisisse ; adeò ut per ipsum omnia tam in temporalibus quàm spiritualibus, præter sacramenta solis Episcopis concessa, disponderentur. Cum igitur Ecclesiam Menevensem sic aliquamdiu sapienter & modestè gubernasset ; Episcopus ab Angliâ, ubi in quodam Monasterio moram faciebat, per literas suas & nuncios Canonicos Sancti David & Archidiaconos non vocatos aut citatos, non convictos aut confessos, imperuôsè & inconsultè quosdam suspendere & alios excommunicare præsumpsit. Quæ cum Giraldus corrigere vellet nec posset, sed contra consilium suum & dissuasionem crebram de die in diem acrius in ipsos desaviret ; condolens & compatiens Ecclesiæ suæ, cûram & custodiam sibi commissam Episcopo resignavit ; & Capitulo suo firmiter adhærendo citra juris ordinem excommunicatos & suspensos justè per Archiepiscopum absolvi fecit ;



fecit; & Ecclesiam suam contra extraordinaria & imperuosa Episcopi gravamina providè pariter & discretè defendit. Novum etiam Officiale ad Ecclesiam Menevensis & Clericorum patriæ gravamen ab Episcopo missum penitus à Clero repelli fecit & cum dedecore recusari. Argumentum dilectionis & devotionis, quam erga Ecclesiam suam habuit maximè, qui maluit ei assistere eamque defendere privatus, quam ipsam opprimere vel opprimenti consentire in potestate constitutus.

## C A P. VII.

**P**rocesso verò temporis & non longè post discordiâ inter Episcopum & Archidiaconum ortâ pergrandi, adeò ut Romam mittendo & Episcopum criminaliter accusando totis ad ejus depositionem intendere nisibus Archidiaconus appeteret & affectaret, tamen cum de pace inter ipsos formandâ magni viri laborent; ipse pacem Menevensis Ecclesie præferendo, absque illius pace se verbum pacis in eundem nullum prorsus admissurum constanter proponerebat. Demum verò die ad hoc assignato tam Archidiacono quam Capitulo apud Meneviam in Synodo, quam tenuit ultimam Episcopus Petrus circa Pentecosten, per operam Archidiaconi tunc ibidem effectum est; ut omnium quæ vel Episcopus Capitulo, vel Capitulo Episcopo, seu Canonicis Concanonico suo injustè abstulerat, per sacramenta undique data statim fieret restitutio. Quo facto Episcopus, ut inter Episcopum & Archidiaconum pax firmior & stabilis concordia foret, tam terras apud Landu occupatas, sc. in partibus de Brechemiaut, quam etiam terras quasdam ad Præbendam de Martra spectantes, ei tunc restituit. Pontius autem dictus Archidiaconus de Penbroc nondum hoc effectui mancipato secretius Archidiaconum Giraldum conveniens solum, fratre ipsius Archidiaconi viro probo & prudenti Philippo de Barri teste adhibito, cœpit ei ostendere mensis Episcopalis in hoc facto, si processerit, lationem non modicam & reddituum mutilationem. Proinde ut sibi provideret in hoc & præveneret, monuit & in bonâ fide consuluit. Adjecit enim, quod de nemine spes tanta fuit succedendi in cathedram Menevensensem post Episcopum istum, sicut de personâ ipsius. Archidiaconus autem ad hæc respondit; quod propter spem istam quod tam utiliter & rectè provisum fuerat, per ipsum non remaneret. Pertinax enim in hoc & constans erat; dissuadente tamen utroque, tam Archidiacono Pontio, quam etiam fratre suo Philippo. Adeò quidem quod quædam Ecclesia sua bona sc. de Lanwadas tunc inter alia Capitulo fuit adunata, sed tamen ad ejus instantiam cuidam Clerico suo Martino sc. de Lanwadein, Capitulo consentiente & Episcopo instituyente, in Canonicam data fuit, processu temporis ad usus communes reversura. Afferuit etiam, quod si jam consecratus Episcopus esset, hoc ipsum facere non prætermitteret. Quoniam in iacturam propriam licet acciderit, communibus commodis longè postponeret. Argumentum igitur & indicium hinc certissimum; quod zelum habuit Giraldus Archidiaconus rectitudinis magnum & valde incensum ecclesiasticæ tranquillitatis affectum.

## C A P. VIII.

**C**rescente igitur fama Giraldi & de die in diem amplius innotescente, ab Anglorum Rege Henrico II. in Marchie finibus ad Walliam pacificandam tunc agente consilio Magnatum suorum est vocatus; & per Regis instantiam magnam, promissiones etiam & præceptiones, quanquam invitum plurimum & renitens, quod sicut Sclavinum vitam præ aliis appreciari sic Curialium quoque detestari solet, demum Curia sequela & Clericus Regis est effectus.

Cùm

Cum ergo pluribus annis Curiam sequendo fideliter servisset, & ad Walliam pacificandam & in pace tenendam plurimum profecisset; tamen propter parentelam qua Resum filium Griffini & alios Walliæ Principes contingebat, nichil à Rege qui tot ditabat & promovebat indignos, præter vacua veris promissa suscepit. Valde tamen in secreto coram Consiliariis suis ipsum Rex commendabat; mores ejus modum & modestiam ac fidelitatem quam expertus fuerat approbabat; dicens & asserens, quòd nisi de Walliâ natus esset, & Walliæ Magnatibus præcipuè quidem Reso sanguine tam propinquus existeret, [dignitatibus] ecclesiasticis & redditibus amplis copiosè quidem ipsum extolleret, & in regno suo magnum efficeret.

## C A P. IX.

Contigit autem circiter hæc tempora Resum filium Griffini Principem Suthwalliæ nunciis Regis Baldwino Cantuariensi Archiepiscopo, qui jam successerat Ricardo, & Ranulfo de Glanvilla Justiciario Angliæ ad colloquium apud Herefordiam obviam venisse. Qui cum sederet ad prandium in domo Episcopi Herefordensis sc. Willelmi de Ver, à quo cum honore magno susceptus hospitio fuerat & exhibitus; inter ipsum sc. & Walterum filium Roberti Baronem nobilem, qui de genere Clarensum erat sicut & Episcopus, accedens Giraldus Archidiaconus & astans coram ipsis mensâ tantum interpositâ Resum in hæc verba satis curialiter & facetè convenit. Caudere pores ô Rese, & lætus existere; quòd inter duos Clarenses, quorum hæreditatem testes, & de majoribus duos, in hoc prandio sedes. Tenebat enim tunc terram de Kerdigan totam; quam super Comitem de Clara Rogerum recuperaverat. Resus autem, ut erat optimi vir ingenii & præcipuè promptulus in responsionibus bonis, incontinenti respondens: Verum est, inquit, quòd hæreditatem nostram per Clarenses multo tempore perdidimus; sed ex quo perdere debuimus, læti sumus & esse debemus, quòd non per ignavos aliquos & obscuros, sed per viros tam claros & tam illustres terras nostras tamdiu perdidimus. Subjecit etiam Episcopus. Et nobis quoque multum placet, ex quo terras quas tanto tempore possedimus, perdere debuimus; quòd vir tam probus & tam nobilis ut Resus ipsas nunc tenet. Post somnum verò meridianum die jam inclinatâ cum viridarium quoddam intrâssent Episcopus & viri magni, Resum secum ducentes; factò ibidem confesso, & Giraldo Archidiacono intrante cum aliis & sedente, Resus resolutus in verba jocosa & ludicra, deque Giraldo loquendi materiam sumens, & tanquam ei de sermone in prandio dicto vicem reddere volens, ait. Archidiaconus iste & illi de genere suo qui Giraldini dicuntur, de amitâ meâ Nestâ sc. sorore Griffini patris mei descenderunt; & viri magni quidem & probi sunt, sed nonnisi in angulo quodam Walliæ cantaredo sc. de Pembroc. Quinimo septem cantaredos Demetiæ filii Nestæ in Walliâ obtinuerunt. Primævus sc. Willelmus filius Giraldi Penbroc & Ginelin, Robertus filius Stephani Kerdigan & Kemmeis, Henricus filius Regis Nerberd & Penbidiauc, Mauricius Landesteffan, Willelmus Hay Sanctum Clarum, Hælus & Walterus Lanpeter & Swelfrei cum terris aliis. Duæ verò filiæ Nestæ, sc. Hangaret mater mea & Gladewis, duobus Baronibus de Ros & Penbroc nuptæ fuerant. Præter hos sex aut septem Barones, David Menevensis Episcopus, qui toti ferè Suthwalliæ pontificali jure præsidebat, filium habuit. Præterea licèt de Walliâ tantas portiones & tam largas habuissent; tamen crescente propagine & pullulante progenie, filii Nestæ Robertus & Mauricius cum nepotibus suis Remundo & Meilero necnon & filiis atque cognatis mare Hibernicum transvolantes conquestui regni illius suâ principium dederunt animositate; & xxx. cantaredos vel plures sibi & suis de regno Hibernico retinuerunt;



<sup>a</sup> Tantum.

runt ; cunctarumque terrarum, quæ ab Anglicis ibidem possidentur, per ag-  
gressum suum occasio fuerunt. Cum igitur vii. ferè cantaredos Nestæ successio  
de Walliâ habuerit, præter Kerdigan quoque cuius partem maiorem quando-  
que possedit ; cumque triginta vel plures in Hiberniâ conquiescit ; nec verè  
dici potest nec seriò dici debet, quòd proles Nestæ nisi in angulo de Penbroc  
vivere non possit. Sed verissimè dici potest filios Griffini extra Suthwalliæ  
portuiculam modicam nullatenus vivere posse videri ; de qua cum vii. can-  
taredos vel octo <sup>a</sup> tamen adhuc obtineant, totum sibi residuum quasi jure hæ-  
reditario vendicantes nec ad exterarum regiones transeunt nec hæreditatem suam  
conquirunt. Refus autem quoniam in magnâ audientia hæc dicta fuerant ;  
quia coram Archiepiscopo & Justiciario necnon & Episcopis atque Baronibus  
qui jam supervenerant non paucis, verecundiâ parumper & rubore perfusus,  
quia tamen vir sapiens erat & discretus, satis modestè respondit in hunc modum  
dicens. Quòd revera viri probi & strenui fuerunt & sunt qui de Nestâ prove-  
nerunt ; & quòd conquestum magnum in Hiberniâ fecerant, si tamen eis re-  
manere posset. Propter hoc autem istud adjecit ; quòd nationes hæc duæ, Wa-  
lensica sc. & Hibernica, terras omnes ab Anglicis sibi ablatas semper recupe-  
randi spe pascuntur. Nunciis igitur ad Regem reversis, cum inter cætera ver-  
ba tam prandii quàm viridarii responsa ei fideliter relata fuissent ; risu grandi  
secuto cœpit Rex coram omnibus personam Giraldi Archidiaconi, probitatem  
ejus atque prudentiam commendare plurimis & magnificare ; dicens nisi Wa-  
lensis esset, excellenti dignum honore. Sed quoniam probitas landatur & al-  
get, licet exercitus Resi plurimos præter alia servitia magna à terrâ Regis,  
quam impetere parabat, ipse solus per operam suam & diligentiam avertisset ;  
nichil tamen à Rege præter laudes hujusmodi vanas & adulationes cum pro-  
missis magnis accepit. Sicut ergo à pluribus ei dictum fuerat Consiliariis Re-  
gis in vitâ ipsius & post mortem à plurioribus ; nichil illi impedimento fuit pro-  
motionis magnæ, nisi solùm natio ipsius & cognatio.

### C A P. X.

**H**IS autem diebus Patriarcha Heraclius de Jerosolimis in Angliæ fines ad-  
venit, & claves urbis Jerosolimitanæ Regi optulit ; postulans humiliter  
sed non impetrans, ut vel ipse ad terræ Jerosolimitanæ defensionem veniret,  
vel unum filiorum suorum (quoniam adhuc tres extabant) illuc mitteret.  
Ipse verò nec hoc nec illud faciens, sed nuncium tantum spernens, & spretus  
ob hoc ipse, Deumque deserens & desertus à Deo, quia quæ semper hæcenus  
creverat ex tunc versa est in ignominiam gloria ipsius, filium suum natu mi-  
norem Johannem cum magno apparatu in Hiberniam misit ; Magistrum quo-  
que Giraldum, quòd de primis expugnatoribus gentis illius magnum in Hi-  
berniâ genus habebat, & quòd probus ipse ac prudens extiterat, cum ipso  
transmittens. Cum ergo Paschali tempore de Penbroc in Walliâ & portu  
Milverdico classe solutâ Johannes in Hiberniam transfretando apud Waterfor-  
diam applicuisset ; propter causas in *libro Expugnationis Hibernicæ* à Giraldo  
conscriptas non profecit. Quarum etiam tres urgentissimas & hic inferere  
dignum duxi. Prima fuit, quòd cum in Saracenos potiùs ad Terræ Sacræ sub-  
ventionem mitti deberet, missus est in Christianos. Secunda quòd juvenis &  
puer ipse juvenum quos secum duxit, qui ibi ignoti fuerant penitus & ignari,  
consiliis utens, probos viros & discretos ibi repertos, qui mores & modos gentis  
& patriæ cognoscebant, tanquam extraneos & indignos repellebat. Tertia ve-  
rò, quæ quidem omnium pessima fuerat, quòd Deo & Ecclesiæ suæ nullum in  
partibus honorem facere disponebat ; Sicut ex Visione, quam tunc vidit Giral-  
dus & in prædicto *Expugnationis Hibernicæ* libro posuit, palam apparuit.

Quan-

Quamquam propter hoc præcipuè, ut Ecclesiam Hibernicam extolleret & exaltaret, & denarium S. Petri sicut in Angliâ sic in Hiberniâ dari faceret, pater ipsius intrandi Hiberniam sibi subjugandi ab Ecclesiâ Romana licentiam impetravit: Quemadmodum ex privilegio Adriani Papæ super hoc obtento aperte declaratur. Cujus transcriptum, sicut in *Expugnationis* libro illius est positum, simul cum Visione illâ verbis eisdem hîc apponere præter rem non putavi. Hoc autem privilegium fuit.

## CAP. XI.

“**A**drianus Episcopus, servus servorum Dei, carissimo in Christo filio  
 “illustri Anglorum Regi salutem & Apostolicam benedictionem.  
 “Laudabiliter & fructuosè de glorioso nomine propagando in terris & æternæ  
 “felicitatis præmio cumulando in cœlis tua magnificentia cogitat: dum ad  
 “dilatandos Ecclesiæ terminos, ad declarandam indoctis & rudibus populis  
 “Christianæ fidei veritatem, & vitiorum plantaria de agro Dominico extir-  
 “panda, sicut Catholicus Princeps intendis; ad id convenientius exequendum  
 “consilium Apostolicæ Sedis exis & favorem. In quo facto quanto a tiori  
 “discretionem procedis, tantò in eo feliciorem progressum te præstante Domi-  
 “no confidimus habiturum, eo quòd ad bonum exitum semper & finem so-  
 “leant attingere, quæ de ardore fidei & religionis amore principium accepe-  
 “runt. Sanè Hiberniam & omnes Insulas, quibus Sol Justitiæ Christus il-  
 “luxit & quæ documenta fidei Christianæ ceperunt, ad jus B. Petri & S. R. E.  
 “quod tua etiam nobilitas recognoscit, non est dubium pertinere. Unde  
 “tantò in eis libentius plantationem fidelem & germen gratum Deo inferi-  
 “mus; quantò id à nobis interno examine districtius prospicimus exigendum.  
 “Significasti nobis siquidem, fili in Christo carissime, te Hiberniæ Insulam ad  
 “subdendum populum illum legibus, & vitiorum plantaria inde extirpanda  
 “velle intrare, & de singulis domibus annuam unius denarii B. Petro velle sol-  
 “vere pensionem, & jura Ecclesiarum terræ illius illibata & integra conser-  
 “vare. Nos itaque pium & laudabile desiderium tuum cum favore congruo  
 “prosequentes, & petitioni tuæ benignum impendentes assensum, gratum &  
 “acceptum habemus, ut pro dilatandis Ecclesiæ terminis, pro vitiorum re-  
 “stringendo decursu, pro corrigendis moribus & virtutibus inferendis, pro  
 “Christianæ religionis augmento, Insulam illam aggrediaris, & quæ ad ho-  
 “norem & salutem illius terræ spectaverint exequaris. Et illius terræ popu-  
 “lus honorificè te recipiat, & sicut Dominum veneretur. Jure nimirum è  
 “contrario illibato & integro permanente, & salvâ B. Petro & S. R. E. de  
 “singulis domibus unius denarii pensione. Si ergo quod concepisti animo,  
 “effectum duxeris prosequente complendum; stude gentem illam bonis moribus  
 “informare. Et agas tam per te quàm per illos, quos ad hoc fide, verbo &  
 “vitâ idoneos esse prospexeris; ut decoretur ibi Ecclesia, planteretur & crescat  
 “fidei Christianæ religio; & quæ ad honorem Dei & salutem pertinent ani-  
 “marum, taliter ordinentur; ut à Deo sempiternæ mercedis cumulum conse-  
 “qui merearis, & in terris gloriosum nomen valeas & in sæculis obtinere.

Visionem quoque Giraldi cum quibusdam ab ipso præmissis, ut evidentior Visio fiat, suis ipsius verbis hîc apposui. Cùm enim causas incommodi & infortunii, quas dolens ipse notaverat, plurimas assignasset; tandem & hanc quasi validiorem aliis & urgentiorem assignavit. Accessit & incommodum omnium majus; quòd Ecclesiæ in novo Principatu nostro nichil de novo conferentes, non tantum principali largitione debitoque dignam honore non judicavimus; quinimo terris statim sublati & possessionibus, pristinas eidem dignitates & antiqua privilegia vel mutilare contendimus vel abrogare.

CAP.



## CAP. XII.

Hibern. Ex-  
pugn. lib. 2.  
cap. 35.

CUM igitur super universis quæ nobis acciderant, mecum non medio-  
“criter anxius extiterim; & præcipuè super hâc Salvatoris injuriâ  
“suspiriosa mihi multoties cogitationes in animum ascenderint; nocte qua-  
“dam in somnis ex reliquiis fortè cogitationum Visionem vidi, quam & in  
“crastino statim Venerabili Dublinensium Archipræsuli Johanni non absque  
“utriusque admiratione propalavi. Visus sum enim mihi videre filium Regis  
“Johannem in viridi quadam planicie tanquam Ecclesiam fundaturum. Cum.  
“que metantium more cespitem undique signando terræ faciem linealiter ape-  
“ruisset; fabricam archetipam sensili quodam modo circumponens, tandem  
“corporis Ecclesiæ signatio posterior aliquantulum capax, Presbyterium au-  
“tem enormiter arctum aparuit & informe; tanquam Laicorum in Insulâ  
“partem non modicam Cleri verò minimam efficere disposuisset. Cumque  
“satis ibidem ut videbatur super eidem adjiciendâ tam amplitudine majore  
“quam formâ digniore frustra tamen disputaverim; ipsa tandem contentionis  
“anxietas exporrecto somnum extorsit. Sicut autem is somnis ex abundantia  
cordis imaginariè, sic multoties non somniando sed vigilando Comitum licet  
incassum simili suasionem convenit.

## CAP. XIII.

PROcessu vero temporis duorum Episcopatum, qui tunc vacabant, Wese-  
fordiensis, sc. qui & Fernensis dicitur, & Lechelinsis, Archidiacono  
Comes optionem dedit; & cum utramque recusaret, obtulit illi duas Ecclesi-  
as illas & Dioceses in unum convertendas, si regimen ipsarum suscipere vellet.  
Ad quod respondit; quod si animum ipsius ad hoc datum videret, ut Ecclesi-  
am Hibernicam extollere vellet & sublimare; se forsân ut ad hoc cooperari &  
quo adjuvare posset oblatum honorem suscepturum. Sed quoniam hoc non  
attendit; maluit esse privatus, quàm inutiliter in potestate constitutus; nec  
aliquatenus ibi præesse voluit, ubi prodesse non potuit. Videns ergo quod  
Comes ibi nil proficeret, sed de die in diem deteriorem per ejus adventum terra  
statum haberet; considerans etiam multa ibidem nova & notabilia, aliis aliena  
regnis & prorsus incognita; ut vel ipse quæstum aliquem vel conquestum suo  
saltem labore faceret; primò *Topographiæ* suæ, deinde *Expugnationis Hibernicæ*  
materiam ibi colligere studio grandi & diligenti inquisitione curavit. Cum ita-  
que Comes per æstatem totam & hiemis partem morâ in Hiberniâ inutili factâ,  
remenso pelago in Walliam & Angliam remearet; Giraldus cum Senescallo  
Hiberniæ Bertranno de Verdun socius & rerum gerendarum testis relictus, ut  
studio prædicto plenius indulgeret, non solum congerendo sed etiam digerendo  
usque ad Pascha sequens moram in Insulâ fecit.

Accidit autem cum in mediâ Quadragesimâ, sc. ad *Latere Jerusalem*, Jo-  
hannes Dublinensis Archiepiscopus convocatis Suffraganeis Episcopis Dubli-  
nensibus in Ecclesiâ S. Trinitatis Concilium teneret; primo die sermonem fe-  
cit ipse de sacramentis Ecclesiæ. Secundo die Abbas de Balkinglas Albinus,  
qui & postea Fernensis Episcopus erat, de continentia Clericorum sermonem  
texens prolixior, totam in Clerum qui de Walliâ & Angliâ in Hiberniam  
advenerant denique culpam refudit; docens munditiam Cleri Hybernici quan-  
ta fuerit, donec ex contagio advenarum, quâ in convictu mores formantur,  
& qui picem tangit coinquinabitur ab eâ, corruptelam contraxerunt. Ad cu-  
mulum quoque confusionis finito sermone ipsius, Clerici nostrates de Wesefor-  
diæ

die finibus se invicem super concubinis publicè ductis domumque traductis & nuptiis solemniter factis coram Archiepiscopo & universo Concilio constanter accusarunt, & accusatos incontinenti testimonium productione pariter & susceptione, instigante ad hoc Archiepiscopo Giraldi consilio, ut statim publicè iustitia sequeretur, cum magnâ Cleri Hibernici tam irrisione quàm insultatione convicerunt. Archiepiscopus autem, ut Hibernicorum insultationem reprimeret, sibi que tales immunditias & enormitates displicere probaret, in convictos illico sententiam dedit, & ipsos omni tam officio ecclesiastico quàm beneficio suspendit. Die verò tertio Archiepiscopus Giraldo Archidiacono sermonem in iunxit; qui de pastoralis officii materiam sumens, imprimis quæ ad laudem Cleri Hibernici verè dici poterant non suppressit, deinde de vitiis eorum & excessibus præcipue verò de ebriositatis incommodo cunctos in commune notando; demum ad Prælatos ipsorum se convertens, eos super incuriâ & negligentia Pastoralis irrefragabili ratione convicit. Unde & Sermonis ejusdem partem hæc continentem verbis eisdem, quæ etiam in *Topographiâ Hibernicâ* ultima Distinctione reperies, hic interfere præter rem non putavi.

C A P. XIV.

**E**ST autem terræ istius Clerus satis religione commendabilis; & inter varias, quibus pollet, virtutes castitatis prærogativâ præminet & præcellit. Item Psalmis & horis, lectioni & orationi vigilanter inserviunt; & inter Ecclesiæ septa se continentes, à divinis quibus deputati sunt officiis non recedunt. Abstinencia quoque & parsimonie ciborum non mediocriter indulgent; ita ut pars maxima cotidie ferè, donec cuncta diei compleverint horarum officia, usque ad crepusculum jejunent. Sed utinam post longa jejunia tam sobrii fuerint quàm feri, tam veri quàm severi, tam puri quàm duri, tam existentes quàm apparentes. Inter tot enim millia vix unum invenies, qui post jugem tam jejuniorum quàm orationum instantiam vino variisque potionibus diurnos labores enormius quàm deceret nocte non redimat. Diem itaque naturalem tanquam ex æquo dividentes, lucidaque spiritui tempora, nocturna quoque carni dedicantes, sicut de luce lucis operibus indulgent, sic & in tenebris ad tenebrarum opera convertuntur. Unde & hoc pro miraculo duci potest; quod ubi vina dominantur, Venus non regnat. Vix autem hoc Jeronimo persuaderi posset dicenti; quod venter mero æstuans facilè despumat in libidinem. Vix & Paulo, qui ait. <sup>a</sup> *Nolite inebriari vino, in quo est luxuria.* <sup>a</sup> Ephes. v. 18. Sunt tamen nonnulli inter hos optimi, & sine fermento sincerissimi. Est enim gens hæc cunctis ferè in actibus immoderata, & in omnes affectus vehemensissima. Unde & sicut mali deterrimi sunt & nusquam pejores; ita & bonis laudabiliores non reperies. Sed inter avenas & lolia triticum rarum. Multos nimirum vocatos invenies, paucos electos: grana rarissima, paleas multas. In Episcopis verò & Prælati hoc præcipue reprehensione dignum invenio; quod in populi tam enormiter delinquentis correctione desides nimis sunt & negligentes. Quod igitur nec prædicant nec corripunt; hinc ipsos prædico corripiendos. Quod non arguunt, hinc arguo. Quod reprehendere negligunt, hinc reprehendo. Quoniam, ut ait Gregorius, præconis officium suscipit quisquis ad sacerdotii gradum ascendit. Sacerdos ergo si prædicationis est nescius; quam clamoris vocem daturus est præco mutus? Si enim Prælati à tempore Patricii per tot annorum curricula prædicationi & instructioni, item increpationi & correptioni pro officii debito viriliter institissent; & enormitates gentis nimias aliquatenus extirpassent, & aliquam in eis proculdubio formam honestatis & religionis impressissent; præcipue quidem ubi adeo Prælati bonis & prædicatoribus opus esset. Ut enim de perjuriis eorum & proditiis, de furtis



furtis & latrocinis, quibus totus hic populus propemodum immo præter modum indulget, de vitiis variis & immunditiis nimis enormibus, quas *Topographia* declarat, ex toto non omittamus; gens hæc gens spurcissima, gens vitiis involutissima, gens omnium gentium in fidei rudimentis incultissima. Nondum enim decimas vel primitias solvunt; nondum matrimonia contrahunt. Non incæstus vitant; non Ecclesiam Dei cum debitâ reverentiâ frequentant. Nec infantes ante fores Ecclesiæ sacerdotes eorum more debito cætecizant; nec mortuorum corpora ad ecclesiasticam sepulturam debitis obsequiis prosequuntur. Quinimo quod detestabile valde est, & non tantum fidei sed & cuilibet honestati valde contrarium; fratres pluribus per Hyberniam locis fratrum defunctorum uxores non dico ducunt sed traducunt, immo verius seducunt, dum turpiter eas & incestuosè cognoscunt: Veteris in hoc Testamento non medullæ sed cortici adhærentes; veteresque libentiùs in vitiis quam virtutibus imitari volentes. Non ergo Prælatus in ipsis fuerat, qui tanquam tuba vocem exaltaret; non fuit qui ex adverso ascenderet, & murum pro domo Israel opponeret; non fuit qui usque ad exilium nedum usque ad sanguinem pro Ecclesiâ Christi dimicaret, quam ipse sibi suo pretioso sanguine adquisivit. Unde & omnes Sancti terræ istius Confessores sunt, & nullus Martyr; quod in alio regno Christiano difficile erit invenire. Mirum itaque quòd ubi gens crudelissima & sanguinis sitibunda, fides ab antiquo fundata & semper tepidissima, pro Ecclesiâ Christi corona Martyrii nulla. Non igitur inventus est in partibus illis, qui Ecclesiæ surgentis fundamenta sanguinis effusione cœmentaret; non fuit qui faceret hoc bonum, non fuit usque ad unum. Sunt enim pastores, qui non pascere quærunt sed pasci. Sunt Prælati, qui non prodesse cupiunt sed præesse. Sunt Episcopi, qui non om̃en sed nomen, non onus sed honorem amplectuntur. Hujus itaque terræ Prælati intra Ecclesiarum septa de antiquâ consuetudine se continentes, contemplationi solum ferè semper indulgent; ubi & Rachelis pulchritudine sic delectantur, ut Liæ lippitudinem fastidio ducant. Unde accidit, ut nec verbum Domini populo prædicent, nec scelera eorum eis annuntient, nec in grege commisso vel extirpent vitia vel inserant virtutes. Cum enim omnes ferè Hiberniæ Prælati de Monasteriis in Clerum electi sint; quæ Monachi sunt sollicitè complent omnia, quæ verò Clerici vel Prælati ferè prætermittunt universa. Sin autem tantam curam agentes & tanquam sibi solliciti pro grege commisso sollicitari negligenter omittunt & postponunt; illud Jeronimi ad Rusticum Monachum vel potius ignorantes vel dissimulantes: *Sic vive in Monasterio, ut Clericus esse merearis: longo tempore disce, quod postmodum doceas; & inter bonos semper sectare meliores; & cum in Clerum electus fueris, age ea quæ Clerici sunt.* Et illud ad eundem. *Si Clericatus titillat desiderium; disce prius quod possis docere; ne sis miles antequam tiro, ne magister antequam discipulus.* Sed malè sibi provident, malè sui curam agunt; cum his, quorum custodiæ ex suscepti regiminis officio sunt deputati, per incuriam & negligentiam, curam & providentiam subtrahunt & subducunt. Seipsos enim multò gravius quam illos & damnabiliùs seducunt. Scire igitur debent, quòd sicut Jeronimus ad Eleutherium testatur, Cum alia sit causa Monachi, alia Clerici; & Clerici oves pascant, Monachi pascantur: Sic se habent Monachi respectu Clericorum, tanquam [grex] respectu pastorum. Monachus enim tanquam unius custos vel singularis dictus five solius curam agit. Clericus verò circa multorum curam sollicitari tenetur. Est itaque Monachus tanquam granum tritici solum manens. Est autem Clericus tanquam granum germinans, & in horrea Domini multum fructum afferens. Bipertiti ergo hujusmodi Prælati quædam contrahant ex Monacho & quædam ex Clerico. Ex Monacho contrahant columbinam simplicitatem, ex Clerico verò serpentinam prudentiam; hinc sapientiam, inde eloquentiam; hinc verba, inde opera; hinc conscientiam, inde scientiam; hinc fecundi fiant,

fiat, inde facundi: & sic utrumque compleant officium, ut inter sacerdotes ingredientiæ tabernaculum eorum vestimenta tintinnabulis ambiantur; & in ore ipsorum tam instructionis quàm increpationis verbum resonans audiat. Fatuos enim & elingues Prælatos & plus Monachi quàm Clerici præferentes manifestè redarguit Jeronimus dicens. Innocens & absque sermone conversatio quantum exemplo prodest, tantum silentio obest. Latratu namque canum & baculo pastorum lupi sunt arcendi. Similiter & in primo Bibliothecæ Prologo. Sancta quippe rusticitas sibi solum prodest; & quantum ex vitæ merito ædificat Ecclesiam Dei, tantum nocet, cum destruentibus non resistit. Error enim, ut ait Innocentius, cui non resistitur, approbatur; & veritas, cum minimè defensatur, opprimitur. Item Eleutherius. Negligere cum possis perturbare perversos, nichil est aliud quàm fovere; nec caret scrupulo societatis occultæ, qui manifesto facinori desinit obviare; præsertim cum ad hoc ex officio teneatur. Mirum autem cum omnino tam desides officii tam subditorum salutis negligentes semper extiterint; quòd tot ex ipsis in terrâ pro Sanctis habentur, & ab accolis tanquam Sancti tam devotè coluntur & venerantur. Unde & unum duorum inevitabile est non evitari. Aut enim ab Agiographis nostris tam circa pastoralis officii debita quàm aliarum quarumlibet rerum instructionem multa ad terrorem constat emissa; & quoniam <sup>b</sup> *miseri-* cordiâ Domini plena est terra, magis sperandum de clementiâ quàm timendum de iusticiâ; aut potius Ecclesia militans in multis decipitur, triumphans verò non irridetur. Unde & nonnullos quos recipit hæc, despicit illa; quos prædicat hæc, abdicat illa; & è diverso. Illa quoque inter electos non immeritò multos honorat, quos ista tamen prorsus ignorat. Quidam enim intus esse videntur, qui foras missi sunt; & quidam foras mitti, qui tamen intus existunt, Quia quod altum est hominibus, abominabile est apud Deum; sicut & è diverso plerumque contingit.

<sup>a</sup> Psal. xxxiii. 5.

## CAP. XV.

Finito verò Sermone, & favorabili nostratium murmure subsecuto, non hodie quod heri sed vice versâ grandi Clero Hibernico confusione perfuso, multâ in adversarios insultatione pariter & exultatione capita nostrates erexerunt. Eodem die cænante cum Archiepiscopo Ossiriensi Episcopo Fælice, qui Monachus erat mutilatus, ut videbatur, & eunucatus; cum quæsisset ab eo Archiepiscopus quid ei visum fuisset de Archidiaconi sermone, respondit ille, quia multum bene dixit mala. Vocavit, inquit, nos potores. Certè vix me continui, quòd statim in ipsum non involavi, vel saltem quòd verbis talionem reddendo quòd acriter ei non responderim.

## CAP. XVI.

CUM itaque magni nominis in Insulâ tunc Giraldus extiterit & famæ præclaræ; inter Pascha & Pentecosten de Hiberniâ in Walliam transfretavit; ubi & *Topographiæ* suæ, cujus tractatum jam inchoaverat, consummationi studiosam ex toto mentem applicuit. Processu verò temporis opere completo & correcto, lucernam accensam non sub modio ponere, sed super candelabrum ut luceret erigere cupiens, apud Oxoniam, ubi Clerus in Angliâ magis vigeat & Clericatu præcellebat, Opus suum in tantâ audientiâ recitare disposuit. Et quoniam tres erant in libro suo Distinctiones, qualibet recitata die tribus diebus continuis retractatio duravit; primoque die pauperes omnes oppidi totius ad hoc convocatos hospitio suscepit & exhibuit. In crastino

[ Rrr ]

verò



verò Doctores diversarum Facultatum omnes & discipulos famæ majoris & notitiæ. Tertio die reliquos Scholares cum Militibus oppidanis & Burgenſibus multis. Sumptuoſa quidem res & nobilis; quia renovata ſunt quodammodo autentica & antiqua in hoc factò Poetarum tempora; nec rem ſimilem in Angliâ factam vel præſens ætas vel ulla recolit antiquitas.

## CAP. XVII.

**C**irca dies iſtoſ terrâ Jerolimitanâ peccatis urgentibus Paganis & Parthis Saladino Duce ſubactâ, Rex Henricus exemplo Ricardi filii ſui Comitis Piſtaviæ Ciſalpinorum Principum primo cruce ſignati unâ cum Philippo Francorum Rege apud Giortium, præſente Tirenſium Archiepiſcopo & perſuadente, crucem ſuſceperat; de Normanniâ, ubi moram diutinam fecerat, circa Kalendas Februarii in Angliam venit; & ſtatim convocato in Norhamtunæ partibus apud Garcedune quaſi Concilio, prædicante Baldewino Cantuarienſi Archiepiſcopo & Crucis ſignum præferente, necnon & Gilleberto Roſſenſi Epicoſcopo ſermonem ad huiusfaciente, ipſo quoque Rege operam ad hoc præbente, majores Angliæ tam de Clero quàm de populo Crucem ibidem in humeris aſſumpſerunt. Ut autem Walliæ ſicut & Angliæ probos viros ad Crucis obſequium rex alliceret & obligaret; Cantuarienſem Archiepiſcopum Baldewinum ad Walliæ fines tranſmiſit. Qui cum circa caput Jejunii ſimul cum Ranulfo de Glanvilla ei adjuncto Herefordiam veniret, & apud Radenouram Walliam intraret, ibique Reſum filium Griffini & principales Walliæ viros plures obvios haberet; factò ab Archiepiſcopo ſermone de Crucifixi negotio, primus omnium Giraldus Archidiaconus aliis exemplum præbens ad inſtantiâ Regis quæ præceſſerat magnam & Archiepiſcopi quoque ac Juſticiarii ex parte ipſius plurimam, tam devotione propriâ quàm tantorum virorum exhortatione Archiepiſcopo imponente Crucem ſuſcepit. Et ſtatim Menevenſis Antiſtes Petrus, Archidiaconum tam ſequendo quàm imitando, cum aliis multis ſigno Crucis humeris aſſuto & aſſumpto, Crucifixi obſequiis ſunt aſtricti. Sicut in *Itinerario* Giraldi, quod ipſe conſcripſit, ſingulorum geſta dierum per Walliæ circuitum & rerum eventus tam antiqui quàm moderni luculento relatu depromuntur.

## CAP. XVIII.

**P**rocedens igitur Archiepiſcopus, & Archidiaconum Giraldum individuum ſibi ad prædicationis officium comitem aſſumens, Walliam quaſi laterando & per Auſtralem maritimam & Epicoſpatum Landavenſem verſus Meneviam tendendo, Crucem & Crucifixi obſequium ubique locis congruis prædicabat. Demum verò cum jam Demetiam intrâſſet, & Meneviæ partibus appropinquâſſet; apud Haverfordiam tanquam in medio provinciæ ſitam convocato partium illarum Clero & populo, primùm ipſe ſermonem fecit, deinde Giraldus Archidiacono verbum Domini faciendum injunxit. Cui tantam loquendi & perſuadendi gratiam eâdem horâ contulit Deus; quòd totius terræ illius de ordine militari juventutis electæ pars potiſſima crucem ſuſciperet, de populo verò non numerati. Cum autem Archiepiſcopus ad verbum ſuum de tantâ multitudine paucos crucem ſumpſiſſe videret; quaſi condolens & admirans ait. Deus quàm dura gens eſt hæc? Cumque crucem ſuam portatilem ad tenendum eique innitendum Archidiacono tradi juberet; & Archidiaconus Epicoſcopo ſuo Petro, qui ad latus Archiepiſcopi ſedebat, verbum injungi moneret; ſubjunxit Archiepiſcopus, quia non attendi dignitas ad hoc debet, ſed cui

cui gratiam dederit Deus. Distinxerat autem sermonem suum Archidiaconus in tres particulas, tanquam vim violentam persuasionis in fine singularum constituendo. Unde & ter tanta venientium & Crucem rapientium pressura fiebat, ut vix Archiepiscopus ab impressione turbarum nimia defendi posset, & Archidiaconum loquentem filere diutius & pausare præ tumultu singulis vicibus illis oporteret. Miles autem, cui nomen Philippus Mangunellus, qui & cognatus erat Archidiaconi, eidem pridie dixerat serio quidem & non ludicro coram multis; quod nullus vir probus patriæ propter suam vel Archiepiscopi prædicationem crucem sumeret, & quia sic pro nihilo venerunt. Cui Archidiaconus paucis sic respondit: quoniam in Deo erat hoc & non in homine. Accidit autem ut Militem illum in prospectu ipsius sedentem, quoties sic pausando silebat, totum flendo lacrimis effluere videret. Qui postea finito sermone cum quinque vel sex commilitonibus viris probis ac strenuis ad Archiepiscopum accelerantes, crucis signaculo sunt insigniti. Ex quo patet, quod Spiritus ubi vult spirat & quando vult spirat. Unde & Archiepiscopus pluries in illo itinere dicebat nusquam se tot lacrimas, quantas apud Haverfordiam viderat, uno die vidisse. Jeronimus autem in libro Epistolari dicit, quod lacrimæ populorum laudes sunt prædicatorum. Præterea pro re mirandâ multi ducebant & obstupebant; cum Archidiaconus linguâ tantum Gallicâ loqueretur & Latinâ; quod non minus vulgares qui neutram linguam noverant, quam cæteri ad verbum ipsius flebant innumeri; & ad Crucis signaculum plures quam ducenti concurrebant. Simile contigit in Alemanniâ de B. Bernardo; qui verbum Domini Teutonicis faciens linguâ Gallicâ, quam penitus ignorabant, tantam eis devotionem incussit & compunctionem; ut & ab oculis eorum lacrimarum affluentiam, & ad cuncta quæ suadebat vel facienda vel credenda facillimè cordium eorum duritiam emolliret; cum tamen ad interpretis sermonem eis linguâ suâ singula fideliter exponentis nichil omnino moti fuissent. Ex quo patet virtute divinâ Spiritu interiùs operante & corda perlustrante tam hîc quam ibi rebus quoque plus quam verbis actum fuisse. Unde & finito sermone, cum Archidiaconus, qui stando locutus fuerat, se in sessione reciperet; vir quidam Hospitalaris qui prope confederat, dixit ei verbum istud. Verè Spiritus Sanctus hodie manifestè locutus est ore vestro. Comes verò Moritonix Johannes, qui fratri Ricardo postea successit in regnum; quia tunc temporis Comitatum de Penbroc donatione patris habebat, quam citò postea Giraldum Archidiaconum in Angliâ vidit; acriter ei coram multis improperavit, quod terram suam toto robore suo totisque viribus, per quas contra Walenses se tuebatur, per suam prædicationem evacuaverat; & quia non adeò propter terræ Jerosolimitanæ subventionem sicut propter terræ suæ destructionem, ut eam sc. sic viris vacuum parentibus suis Walensibus tradere posset, istud fecerat. Ad quod Archidiaconus breviter respondit, in hunc modum; quod intentionem suam in hoc facto scrutator cordium & intentionum novit Deus; & ille dijudicet.

## C A P. XIX.

**P**Rocedens autem Archiepiscopus, & inde Meneviam veniens, quoniam ad Resum Principem Suthwalliæ ipsum apud Aberteini expectantem iter accelerabat, Giraldus Archidiacono super verbo Domini ibidem seminando vires suas injunxit. Ubi multi quidem ipsum audientes ad Crucis signaculum cum magnâ devotione accurrerunt; multo verò plures ad verbum ipsius valde moti, certumque propositum suscipiendi Crucem habentes, ad interpretis vocem, quæ non adeò ordinatè vel gratiosè processit, statim à voto suscepto recesserunt. Quoniam, ut ait Rhetor Apollonius, lacrimâ nichil arefcit citius. In crastino verò apud Kenmeis non procul tamen à ponte de Aberteini, convocato



populo partium illarum coram Principe Reso, primum ad Archiepiscopi deinde ad Archidiaconi verbum virorum allecta est copia multa. Unde & eodem die vir quidam jocosus, qui simulatâ stultitiâ & linguâ dicaci magnum Curia solatium præstare solet, cui nomen Johannes Spang, dixit Reso. Multum diligere debes, ô Rese, cognatum hunc tuum Archidiaconum; quia centum homines vestros vel plures ad Christi obsequium hodie misit; & si linguâ Walensicâ locutus fuisset, non credo quod unus vobis de totâ multitudine vestra remansisset. Contigit autem eodem die, quod viro quodam Cruce signato, quanquam unico filio & unico matris senio jam confectæ solatio, eundem statim mater intuita & divinitus ut videbatur inspirata, subjecit. Gratias tibi, carissime Domine Christe, intimas ago; quod talem mihi filium, quem tuo dignareris obsequio, parere concessisti. Fuit & alia ibidem mulier, matrona sc. de Abertheini, animo à priore longè dissimili; quæ virum suum, ne ad Archiepiscopum iret neque crucem fusciperet, per pallium & zonam firmiter tenens coram cunctis imprudenter retrahebat. Sed eadem tertiâ post nocte terribilem hanc in somnis vocem audivit. Servientem meum mihi abstulisti; quamobrem & à te quoque quod plurimum diligis auferetur. Qua visione viro cum utriusque tam admiratione quàm terrore relatâ, cum iterum obdormisset, filium puerulum, quem secum in thoro maternâ plùs dilectione quàm diligentia jacentem habebat, non minùs infœliciter quàm insuaviter oppressit. Et statim vir Diocesano Episcopo tam visionem referens quàm vindictam, crucem suscepit uxore favente, ipsâque signum sponte propriis manibus armo virili inferente. Post hæc autem per amplam de Kerdigaun Provinciam euntes, & trans fluvium Devi Venedociam intrantes, cum toto Quadragesimale tempore Crucis obsequiis indulgerent; ubique sermo Giraldi incomparabiliter gratiofus extiterat. Tandem verò cum apud Album Monasterium & Osewaldestre Powisiam lateraliter ambientes, Paschalibus diebus Slopesburiam pervenerunt; cum ad Archiepiscopi cæterorumque verba perpauci, ad suavisilem Giraldi sermonem allecta virorum fuit copia multa. Unde cum finitis sermonibus turbæ quæ convenerant dissolverentur; dixit matrona quædam ad convicaneas & matres suas in discessu, audientibus Clericis Archiepiscopi, ipsoque Giraldo, qui tunc eas e vestigio fortè sequebatur. Nisi Archidiaconus ille (loquens sc. de Giraldo) tam lenibus verbis & tam simplici vultu viros nostros circumvenisset & incantasset; bene propter omnes alios evasissem. Dixit etiam vir quidam, qui intererat, oppidi illius. Non est huic Archidiacono curandum, in quo loco aut coram quibus loqui debeat.

## C A P. XX.

**F**initâ sic igitur Legatione laudabili, cum ad Angliam de Walliæ finibus tenderet Archiepiscopus; quidam de Clericis suis pariter iter agentes, & de peregrinatione Jerosolimitanâ coram ipso loquentes, interrogabant eum quis nobilem historiam illam de terrâ Palestinæ per Principes nostros restauratione, & Saladini ac Saracenorum per eosdem expugnatione dignè tractare posset. Quibus ipse respondens ait, se bene providisse ac promptum habere qui Historiam illam egregiè tractaret. Et cum instarent illi quærendo quisnam esset; vertens se ad Archidiaconum Giraldum, qui ad latus ipsius equitabat, Hic est, inquit, qui profaicè tractabit; & nepos meus<sup>a</sup> Joseph me-

<sup>a</sup> Josephum Iscanum à Baldwino hinc laudari arbitror. Claruit is isthoc circiter tempore, arte Poeticâ insignis; qui inter alia ingenii sui monumenta scripsit metricè Belli Trojani Historiam, sub Daretis Phrygii nomi-

ne vulgatam. Illi patronus erat Baldwinus Archiepiscopus, referente Lelando apud Baleum de Scriptor. Cent. 3. cap. 60. Baldwini nepotem fuisse non alius ante Giraldum indicavit.

tricè ; quem & Archidiacono adjungam, ut ei serviat & inseparabiliter adhæreat. Sperabat enim Archidiaconum promovendum à Rege plurimum & sublimandum. Coepit etiam Librum Archidiaconi, quem ei in introitu Walliæ dederat, & quem ipse jam legerat & perlegerat, sc. *Topographiam Hibernicam*, valde commendare, & stilum ipsius tractandique modum multis laudibus extollere. Potuit autem in hoc Archiepiscopi tam modestia notari quàm prudentia ; quòd nichil in laudem Libri istius aut vituperium, donec totum audisset, pronuntiare volebat. Sciens quippe, quòd plerumque Principium medio, medium quoque discrepat imò. Quæsierat etiam Archiepiscopus ab ipso, utrùm evidentiam aliquam ab Agiographis & expositoribus nostris habuisset super allegoriis circa avium naturas assignatis in primâ *Topographiæ* distinctione. Et cùm responderet quòd nullam ; subjecit Archiepiscopus, quia revera spiritu eodem quo & illi scripserunt scripta sunt ista. Ad hæc autem injunxit ei Archiepiscopus ; ut gratiam stili egregii sibi à Deo collati vacuum esse non permetteret ; sed eâ semper utendo & aliquid scribendo tempus otio non amitteret, sed studio continuo laudabiliq; labore nominis sui memoriam in ævum extenderet, & perpetuam sibi tam præsentium livore carentium quàm futurorum gratiam & favorem compararet : dicens etiam & asserens, ipsum longè plusquam divitias aliquas terrenas in brevi perituras aut sæculares dignitates citò prætereuntes talem stili gratiam à Deo datam diligere debere, & valde gratus existere : cujus quippe nec præterire possunt opera nec perire, sed quantò longæviora fuerint & antiquiora, tanto per ævum omne cunctis cariora & pretiosiora futura.

## C A P. XXI.

**I**Nterea verrâ inter Reges transmarinis in partibus ortâ prægrandi, Pictavensium Comite Ricardo occasionem præstante, transfretantibus quoque Cantuariensi Archiepiscopo & Ranulfo de Glanvilla regni Justiciario, consilio eorundem & Archidiaconus transfretavit. Sed Rege Henrico brevi post defuncto, filioque suo Comite Ricardo ei subrogato, missus est ab eo consilio Cantuariensis Archiepiscopi ad servandam pacem in Walliæ finibus propter Regum mutationem Giraldus Archidiaconus cum literis multis. Contigit autem ; cùm apud Depam transfretaturus accederet, nec vento in contrarium flante transfretare posset ; relictis ibi saginariis & oneribus suis, ipse & milites quidam, quorum similiter erant acceleranda negotia, iter versus Flandriam per maritimam, ut ociùs ibi transnavigare possent, expeditè & absque sarcinis arripuerunt. Unde quiddam, quod Archidiaconus, quando de variis casibus & fortuitis eventibus suis loquebatur, referre consueverat, hîc interferere præter rem non putavi. Accidit enim, quòd per generalem illam temporis intemperiem, quæ tunc imminebat, qua non solum de populo innumeri, verum etiam Rex ipse cum Baronibus multis rebus humanis exempti fuerant, servientes Archidiaconi ferè cuncti vel ægroti repatriâssent vel in partibus illis morbo decubuissent. Unde puero quodam, qui solus illi de suis sanus & superstes extiterat, cum saginario clitelisque apud Depam relictis, de quodam extraneo quem nunquam antea viderat Camerarium suum fecit ; eique rerum suarum, quas cariores habebat, & quas secum tunc ferebat, custodiam dedit. Manè verò fluvio Depensi à boreali latere transvadato, de quo mare influens portum facit, cùm in colle quodam, à quo villam à tergo relictam & classem in portu prospicere poterant, se recepissent & stetissent, quærentes ad invicem, ut viatores solent, utrùm socios suos omnes & res quas tunc ferre volebant secum haberent ; defuit novus ille Archidiaconi cliens. Cùmque diutiùs ibidem ipsum expectâssent, & nusquam compareret ; coepit Archidiaconus (nec mirum) de



de ipso hæsitare ; utpote qui ignotus omnino fuerat, & de quo securitatem nullam habebat : recolens etiam ipsum aliquando dixisse, quòd si nisi ei tunc adhæsisset, ad quendam fratrem suum qui in Ungariâ fuerat quærendum irer. Audientes autem milites qui in comitatu fuerant quòd extraneus esset, & quia pecuniam non modicam ferebat, Archidiacono ut rediret, eumque tam apud Depam quàm etiam Rothomagum, ubi ad ipsum primò venit, sollicitè quæreret, consuluerunt. Archidiaconus autem, quia solus erat & absque sequaci, de inventione illius diffidens omnino si aufugisset, potiùs unâ cum illis iter agere quod jam cœperat totumque Deo committere prælegit. Cùm igitur Augum transiret in Marchiâ Normanniæ versùs Flandriam constitutum, & in colle quodam iterum diu expectantes eumque non videntes, omni spe destituti tunc fuerunt ; quoniam etsi sequeretur per terras de Vimmo & S. Walerico latronibus & vespilionibus plenas, cùm solus esset ; nullatenus evadere posset non spoliatus. Et cùm inquirentibus militibus summam eorum quæ ferebat, illis Archidiaconus exposuisset ; tunc instantiùs ut reverteretur adhuc & quæreret commonuerunt. Erat enim summa pecuniæ quam ferebat in auro & argento, ciphis & coclearibus marcarum quasi XL. præter palefridum quem equitabat bonum, & vestes Archidiaconi quas portabat, præter capsam quoque literis Comitum plenam, & præter tabulas grandes Itinerarium suum & laborem annum nusquam adhuc alibi scriptum continentes. Cùm igitur ipso reverti nolente sed totum Deo committente, iter accelerantes Abbevillam venissent & hospitati fuissent ; Archidiaconus cameram quandam solus intravit, super his quæ sibi acciderant sollicitè cogitans & contristans. Sicut enim ipse referre solebat, causæ cogitandi & contristandi cùm tres fuissent. Prima quidem de pecuniâ perditâ nonnulla fuit, sed respectu aliarum modica ; quòd pecuniam frequens est amittere & aliam recuperare. Secunda de literis Comitum perditis & primâ Legatione sibi ab eo injunctâ sic evacuata major. Sed quòd literarum tenorem noverat, per literas Justiciarii Angliæ similes remedium aliquod habere potuit. Tertia verò de tabulis perditis maxima ; quia de libro non edito sed edendo tabulis comprehenso & cum ipsis perditis damnum dicebat non recuperandum. Cùmque mœstus ibi plurimùm & anxius esset ; demum cogitans & recolens illud amanti remedium ; *Loca sola nocent, loca sola caveto* : statim ad Aulam se conferendo, nunc militum nunc servientium se turbis inseruit ; ut aliud & aliud audiendo, aliud interdum cogitare & doloris instantis vehementiam vel sic mitigare valeret. Nec mora, quoniam prope est Deus in angustiis ; ecce puer de foro veniens quæsit cuiusmodi equum haberet ille Archidiaconi cliens ; & cùm audiret quòd ferrandum, dixit se quendam talem equitantem in foro vidisse cum magno trussello, qui hospitium Archidiaconi quærebat ; & cùm illico missum esset propter illum, ad hospitium ductus est idem ille, & cum gaudio susceptus est ab universis. Et cùm quæreret Archidiaconus, utrùm salva essent omnia ; respondit, salva. Causam autem moræ, quia non nisi post prandium assignari milites permiserunt, tunc assignavit in hunc modum, dicens ; quòd fluvio transvadato descendens ad equum suum stringendum & involucrium suum quod grande fuerat æquandum & firmandum, comperit se corrigiam XX. marcarum aut plurium ab involucrio dilapsam amisisse. Unde reversus illico ad villam & hospitium unde exierat, quæsit undique diligenter intus & extra, nec invenit. Sicque revertens & aquam jam tertio transiens, ut sequeretur, ex toto spe fraudatus, oculos tamen viâ qua primum iverat in littore petroso deorsum trahens, vidit & invenit corrigiam suam inter lapides jacentem non extensam sed complicatam ut antea fuerat & constrictam. Casus igitur hic multiplex erat & multipliciter admirandus. Primus quòd corrigiam sic perditam invenit. Secundus quòd ipsâ inventâ occasione absentiae nostræ, qui tunc longè remoti fuimus, cum rebus omnibus quas gestabat, non recessit ; præsertim cùm extraneus esset. Tertius quòd sequens solus & tam onustus per viam vespi-

vespilionibus & pradonibus plenam integer & indemnus advenit. Patet ergo, quod graves interdum tribulationes & angustias his, quos diligit & dirigit, immitit Deus; & tamen majore urgente molestia, propinquum interdum se propitiumque demonstrat.

Venientibus igitur ipsis ad mare Flandriae & transfretantibus, Archidiaconus Londoniam accelerans, reperto ibidem puero suo cum saginario apud Depam relicto, traditisque literis Comitis Justiciario sibi directis, statim ad Walliae fines festinavit. Datisque literis Comitis quibus fuerant destinatae, patriam praemorte Regis valde turbatam plurimum adventu & interventu suo pacificavit. Comes vero Ricardus paulo post in Angliam veniens, Londoniis in Regem coronatus est. Sed [parvam in] Angliam moram faciens, ut una cum Philippo Francorum Rege Jerosolimitanam peregrinationem arriperet, in Normanniam transfretavit; Cancellario suo Wilhelmo de <sup>a</sup> Nunchamp, cui Archidiaconum adjunxit, Justiciario in Angliam relicto. Videns autem Archidiaconus Regem Henricum, ad cujus instantiam Crucem susceperat, jam defunctum, accedens ad Cardinalem & Legatum Johannem Anagninum, qui tunc recedens ab Angliam Davoriae fuerat, sibi & Episcopo suo senio confecto, nil tamen requisitus, ab illo absolutionis gratiam & Cartam talem impetravit.

<sup>a</sup> I. Iongchamp.

C A P. XXII.

**V**enerabili in Christo Patri Baldwino Dei gratia Cantuariensi Archiepiscopo & omnibus ad quos literae praesentes pervenerint, Johannes Anagninus eadem gratia titulo S. Marci Presbyter Cardinalis, Apostolicae Sedis Legatus, aeternam in Domino salutem. Veniens ad nos Giraldus de Sancto David Archidiaconus ex parte sua & venerabilis fratris nostri Petri Menevensis Episcopi nobis proposuit; quod cum eis ex parte Henrici Anglorum Regis spes si Jerosolimam secum vellent adire, in expensis quas in praedicta via facerent non modica facta esset; praedicto siquidem Rege sublato de medio, votum praconceptum, cum eis expensae non suppetant, peragere minimè possunt. Nos igitur paupertati tam praedictorum Episcopi & Archidiaconi quam aliorum Walensium, qui ad votum praconceptum peragendum per se non sufficiunt, taliter duximus consulendum; quod in propriis personis ire non possint, de bonis divinitus sibi collatis Jerosolimam euntibus tribuant, & ad reparationem Ecclesiae Menevensis operam impendant & auxilium. Praefatos quoque Episcopum & Archidiaconum propter aetatis defectum vel paupertatem à praetaxato itinere Jerosolimitano auctoritate nobis concessa sub eadem dispensatione duximus absolvendos, & penitus denuntiavimus absolutos: istam tamen [conditionem] quod Jerosolimam accedentibus auxilium praebeant & adjutorium. Illud item de populo sibi commissum facimus. Paucos autem Archidiaconos hodie videmus, qui non potius Episcoporum suorum quaererent aut appeterent elongationem. Argumentum itaque fuit & manifestum indicium Archidiaconum istum ad Episcopi sui parum anhelare vel aspirare successionem. Interim autem defuncto Bangorensi Episcopo Wiano, oblatum ei à Justiciario praedicto & Apostolicae quoque Sedis tunc Legato Episcopatum illum Archidiaconus omnino recusavit.



## CAP. XXIII.

**C**omes verò Johannes, qui fratri Regi juraverat priusquam discederet, quòd Angliam per triennium proximum non intraret; jactans Archidiacono quem familiarem habebat, clam tamen & secreto, quòd absolutus à sacramento tali per Cancellarium erat, dixit in hoc ei plurimum successisse, quòd Anglicanis deliciis & divitiis vacare non poterat. Cui Archidiaconus respondit, dicens magis honori ipsius & famæ competere, ut absens esset in fratris absentia quam præsens; ne Principibus aliis ferè cunctis in expeditionem Jerosolimitanam profectis, solus ipse domi residens desidia & ignavia dari videretur; potius autem in Hiberniam iret, & pleno conquestui regni illius interim & incastellationi viriliter indulgeret; multiplex inde commodum consecuturus; quòd imprimis rem suam sic emendaret, & non solus inter Principes ocio vacaret: quòd suspicionis notam vitaret, & laudem hominum multam acquireret; quòd fratris etiam revertentis gratiam sibi eo ipso plurimam compararet, nec ad successionem vel surreptionem aspirare videretur. Comes autem non gratanter verbum suscipiens, respondit; quòd non adeò Hiberniam sicut Archidiaconus diligebat; quia nec tantam in eà quantam & ipse cognationem habebat.

## CAP. XXIV.

**P**rocesso verò temporis Cancellario jam dejecto & ab Angliā per Comitem expulso, cū Comes ipse quasi vices Regis tunc obtineret; Episcopatum Landavensem, cujus Ecclesia Cathedralis cum majore parte Diocesis in terrā ipsius de Glatmorgan erat, obtulit Archidiacono; quem & simili solitaque constantia recusavit. Præter Ecclesiam itaque Sancti David, ad quam in adolescentiā suā nominatus fuerat & præcipuè vocatus, quatuor ei Episcopatus, duo in Hiberniā, & duo in Walliā, oblatis jam fuerant; quas tamen oblationes omnes, nil tale ambiendo, securā quidem & altā mente calcavit. Nichil enim tunc ambiebat, nichil amplius habere volebat; quod studium ipsius, in quo ferè semper assiduus & continuus erat, impediret. Mirum enim de ipso, quòd Curias sequendo nichilominus Historias scribebat; & post longas dietas more Curialium & laboriosas, ad lucem vigilabat & lucubrabat; noctesque diebus, tanquam in Scolis existens & nichil aliud agens, studendo continuabat. Legebat enim [illud] Plinii. *Nulla tibi temporis asperitas studii tempus eripiat; nam perit omne tempus quod studiis non impertitur.* Caput itaque desiderii sui fuerat, ut statum adhuc unum ad studii completionem & absolutam præcipuè Theologicæ disciplinæ consummationem in Scolis facere posset; & sufficientiam ad hoc faciendum & librorum ac scriptorum copiam, sicut expetit illa Facultas, perquirendum & tenendum honestam haberet. Talis enim, ut dicere consueverat ipse, studiosis est animis appetenda sufficientia, quæ studium nutriat, non impediat, quæ nobilis operæ diligentiam non opulentiā suffocet sed mediocritate sustentet.

# LIBER TERTIUS

## De Gestis GIRALDI.

### C A P. I.

**C**onsiderans autem Giraldus vanam ex toto Curia sequelam, vanas omnino promissiones, vanas & indignas nec juxta merita promotiones ; quod olim mente conceperat & paulatim jam incaperat, à Curia strepitu tanquam tempestuoso pelago penitus se retraxit ; & ad Scholas & studium tanquam portum quietum & tranquillum salubriori consilio se transferre curavit : illud Plinii Secundi sæpius ad animum revocando. *Strepitus inanesque discursus & ineptos labores, ut primum occasio fuerit, relinque ; teque studiis trade ; quia dulce honestumque otium ac penè omni negotio pulcrius est studere.* Et illud ejusdem. *Humiles & sordidas curas aliis manda ; ipse te in arduo sublimique secessu studiis asseras.*

### C A P. II.

**I**n hoc itaque proposito firmiter constitutus, ad amicum suum Anachoritam de Locheis apud Elevein in Archidiaconatu suo non procul à Vagæ fluvio, cui nomen Wecheleu, virum bonum & sanctum, licentiam ac benedictionem suam accepturus, accessit. Quem cum inter cætera rogaret attentius, ut oraret pro ipso, quatinus Sacram Scripturam, cui indulgere volebat, scire salubriter & intelligere posset ; respondit vir sanctus manum Archidiaconi manu suâ tenens & stringens : Oth, oth, noli dicere scire sed custodire : vana est scire nisi custodire. Talis enim erat ei loquendi modus semper per infinitivum, nec casus servabat ; & tamen satis intelligi poterat. Quare magis admirandum, unde viro simplici & idiotæ scientia talis, quod vana sit scientia non custodienti, quinetiam & periculosa ; quia qui sciens & prudens peccat, graviter peccat. Cui nimirum multum committitur, meritò & ab ipso plus exigitur. Quo enim quisq; melius sapit, eo deterius delinquit ; & ubi majus donum scientiæ, ibi transgressor majori subiacet culpæ. Unde Ysaïas. <sup>a</sup> *Qui vides multa, non custodies ?* <sup>a</sup> Isa. XLII. Non igitur ab homine ei sententia talis sive scientia, sed à Deo, cujus revera <sup>20.</sup> spiritu plenus erat. Archidiaconus autem hoc audito correctus plurimum & ad lacrimas commotus, supplicavit ei tunc attentius ; ut oraret, quatenus Sacram Scripturam divinam non solum scire sed etiam summopere custodire valeret. Requirenti verò Archidiacono unde ei verba Latina, cum non didicerit, respondit in hunc modum. Sua enim ipsius verba ponam ; sicut ea libenter Archidiaconus & frequenter retractare & recitare consueverat. “ Ego, inquit, ire Hierosolimam & visitare Sepulchrum Domini mei ; & quando redire, ego ponere me in hoc carcere pro amore Domini mei qui mori pro me. “ Et multum ego dolere, quod non posse intelligere Latinum neque Missam “ nec Evangelium ; & multoties flere & rogare Deum dare mihi Latinum intelligere. Tandem verò cum uno die horâ comedendi vocare ad fenestram “ servientem meum semel & iterum & pluries, & non venire ; propter tardium

[ S f f ]

“ simul



“ simul & famem ego dormire ; & quando vigilare , ego videre super altare  
 “ meum panem jacere . Et accedens benedicere panem & comedere ; & statim  
 “ ad Vesperas ego intelligere versus & verba Latina quæ dicere Sacerdos , &  
 “ mane similiter ad Missam sicut mihi videbatur . Et post Missam ego vocare  
 “ Presbyterum ad fenestram cum Missali ; & rogare ipsum legere Evangelium  
 “ illius diei . Et ipse legere , & ego exponere ; & dicere Sacerdos quod re-  
 “ cte ; & postea loqui cum Presbytero Latinum , & ipse mecum . Et ab illo  
 “ die ego sic loqui ; & Dominus meus , qui dedit mihi Latinam linguam , non  
 “ dedit eam mihi per Grammaticam vel per casus ; sed tantum ut intelligi pos-  
 “ sim & alios intelligere ” . Tale fuit & illud Esdræ Prophetæ , qui de se sic

<sup>b</sup> Esdr. XIV. scribit . <sup>b</sup> *Dixit Dominus mihi , Aperi os tuum ; & aperui os meum ; & ecce*  
 39. *calix plenus aqua , cuius color similis igni . Et cum bibissem ; eructavit cor meum*  
*intellctum ; & in pectus meum introiit sapientia .*

Contigit autem Walenses castellum Pagani in Elevein paulo ante constru-  
 ctum obsedisse ; & cum multitudo Anglicani exercitus apud Hajam & circa  
 partes illas collecta fuisset ; venit ad eos mulier quædam quasi sub specie Mo-  
 nialis & tanquam ab Anachorita prædicto transmissa , monens illos ex parte  
 ipsius & consulens , quatenus cum Walensibus secure congraderentur , certam  
 eis victoriam promittendo . Et quoniam fides habebatur ei tanquam viro  
 sancto , ita factum est : & ceciderunt uno die de Walensibus circiter tria mil-  
 lia . Cum autem divulgatum esset verbum istud per totam provinciam illam ;  
 venit Archidiaconus amicum suum Anachoritam visitare ; quod liberrime  
 nacta opportunitate faciebat ; qui statim inter cætera retulit ei de verbo illo .  
 Et quia multum dolebat tale verbum de ipso disseminatum fuisse ; iurans etiam  
 se nunquam tale quid Anglicis mandasse vel innuisse . Dicebat enim , sicut  
 & decebat , se potius talem conflictum inter Christianos , unde sanguinis ef-  
 fusio proveniret , dissuadere velle quam monere . Dicebat autem Diabolum  
 propter perditionem multorum , quam inde providit , & lucrum animarum  
 magnum sibi venturum ex hoc conflictu , tale mandatum tanquam ab ipso , cui  
 fides habebatur , Anglicis ut veniret procurasse , & ut ipsum etiam quasi  
 cadis auctorem & instigatorem diffamaret , Angelum Satanæ se tanquam  
 in lucis Angelum transformasse . Diligebat autem Archidiaconum tenerrime ;  
 adeo ut visiones suas & revelationes sibi divinitus factas & secretò proponeret ,  
 & cum absens atque remotus esset , grandi dilectionis affectu cuncta volens ei  
 communicare scriptas in rotulis destinaret . Multis itaque signis & virtutibus  
 in vitâ suâ multoque pluribus post obitum ipsius fuerat divinitus viri Deo di-  
 lecti & electi sanctitas atque felicitas declarata . Quæsierat autem aliquan-  
 do ab Archidiacono consilium ; utrum claudos & cacos variisque languoribus  
 affictos ad ipsum venientes , ut manus per fenestram eis imponeret & curaret ,  
 à se repelleret ; sicut Monachi quidam Cisterciensis Ordinis ei suasérant , necne ?  
 Qui responsum accepit ; quod gratiam curationum sibi à Deo datam non sup-  
 primeret , sed pétentibus & indigentibus eam caritativè potius impenderet .  
 Veruntamen ne quid inde sibi superbie surreperet aut arrogantia , summo opere  
 caveret . Illud etiam evangelicum ad mentem ei revocavit exemplum de Disci-  
 pulis revertentibus ad Jesum & gloriantibus dicendo , quod & Dæmonia eis fue-  
 rant subjecta ; quibus ad arrogantiam deprimentam respondit Jesus . <sup>c</sup> *Nolite*  
<sup>c</sup> Luc. X. 20. *gaudere , quod spiritus vobis subjiciuntur ; sed potius gaudete , quod nomina vestra*  
*scripta sunt in cælis .* Sed hæc hæcenus de viro sancto ; à quo difficile discedi-  
 mus ; sicut & Archidiaconus ipse de eo loquendo vix ab eâ materiâ discedebat .  
 Nunc autem ad rem revertamur .

## C A P. III.

**C**ollectis itaque librorum undique thesauris ad consummandam sacrorum apicum disciplinam, non solum in his morari verum etiam mori dulce dicebat & delectabile. Parisios iter incunctanter arripiendo tendebat. Sed mare appropinquans, quod werram inter Reges Philippum & Ricardum, quam per treugam quinquennalem sopitam ad tempus audierat, resuscitatam iterum certiùs suscepit; propter quod eundi in Franciam securitas ei nulla patebat: nec temporis jacturam, qua nulla gravior, amplius sustinere volebat. Ubi sanius atque salubrius in Angliâ Theologicam scientiam vigere cognovit, sub doctore peroptimo Magistro Willelmo de Monte dicto, quoniam in monte S. Genovesæ Parisiis legerat, quem etiam ibi Archidiaconus tunc noverat, studii causâ Lincolniam adivit. Ubi continuato plurium annorum studio, quoniam nil in terris stabile, nil in mundo non mutabile, nil in vitâ non variabile; Petro Menevensi Episcopo interim rebus humanis exempto, literis & nunciis crebris tam Capituli Menevensis quàm Baronum patriæ, quatinus Regem cujus patri & sibi multum servierat statim adiret; & quoniam favorem omnium & assensum habebat, Episcopatum S. David peteret & obtineret, sollicitatur. Sed quoniam ex toto studiis addictus fuerat, nec aliam in mundo vitam quantum istam affectabat; non semel sed sæpius & semper eis literis & nuntiis respondebat, virum Episcopalem non petere sed peti debere; quod eo ipso si Episcopatum peteret, indignum Episcopo se probaret; & quoniam sufficiebat ei quod habebat, à studio & statu optimo ac tranquillissimo, in quo tunc erat, ullatenus discedere nolebat. Accidit autem circiter eadem tempora fame ingruente in finibus illis validâ, cum Archidiaconus in camerâ suâ more solito studiis indulgeret; audivit pauperes & inopes ad fores & fenestras hospitii sui clamantes & eleemosinarum beneficia postulantes. Quorum misertus incontinenti, cum respiceret penulas in palliis & capis suis, ac pellicia de peregrinis murium pellibus nec non & cuniculorum perticis appensa; præcepit ut statim quicquid ibi de vario & griso at cuniculis inventum fuerit, venderetur & in usus pauperum partiretur. Quod & factum illico fuit. Ab illâ autem Archidiaconus horâ penulis agninis contentus erat.

Cancellarius  
Lincolniensis  
Ecclesiæ is  
fuit.

## C A P. IV.

**C**UM igitur Episcopus Menevensis quasi in principio Autumni defunctus fuisset; duo Archidiaconi & quatuor Canonici Menevenses parum ante Festum S. Michaelis ad Archiepiscopum Cantuariensem Hubertum tunc Angliæ Justiciarium per districtum ejusdem mandatum cum literis Capituli de rato ad Electionem faciendam accesserunt; & tres personas ei nominaverunt, has sc. principaliter & primo loco Giraldum Archidiaconum de Brechene, secundo Walterum Abbatem S. Dogmaelis, tertio Petrum Abbatem de Albâ Domo; quartum etiam, ut numerum augerent nominatorum, & Anglicos penitus excludere non viderentur, Reginaldum Foliot qui Anglicus fuit, & de quo tamen spes esse nulla potuit, quasi per cautelam adjecerunt. Sed ea quæ cautè & providè fieri creduntur, in contrarium vergere plerumque videntur; sicut ex sequentibus palàm erit. Archiepiscopus autem primò nominatum primò recusavit & constanter abnegavit. Et cum quærerent Canonici, quare virum discretum & literatum, generosum ac legitimè natum recusaret; respondit, quia Rex nullum Walensem, præsertim autem illum qui Principes Walliæ sanguine contingat, Episcopum in Walliâ habere volebat. Aliud tamen quàm

[ S f f 2 ]

prætenderet



prætenderet in causâ fuit. Verebatur enim de Archidiacono, cujus tam eruditionem quàm animositatem optimè noverat, quasi mente prælagâ quod postmodum accidit ei. Aliud etiam in causâ fuit. Circiter enim id ipsum temporis, quo defunctus erat Episcopus Petrus, Archiepiscopus in Marchiâ Walliæ tanquam Justiciarius existens cum exercitu Angliæ, quem contra Walenses in Elevelt inimisit, ubi strages illa grandis apud Castellum Pagani facta fuit, & de obitu Episcopi prædicti nuncium suscepit. Et cum inquireret, quisnam Ecclesiam & Episcopatum dum vacaret custodire posset; & responderent qui missi fuerant, quod Giraldus Archidiaconus qui tunc in scholis fuerat; statim Archiepiscopus in personam Giraldi Archidiaconi turpia verba proferens & inhonesta, dixit quodd nunquam ei vel Episcopatum vel Episcopatus custodiam in vitâ suâ committeret. Erat enim offensus Archidiacono tunc plurimum propter Abbatem de Bedledene sc. Willelmum Wibertum Monachum Cisterciensis Ordinis trutinissimum, per operam Archidiaconi, quem graviter offenderat, paulò antè depositum. Fuerat enim Archiepiscopo familiaris, & ut nuncius ejus tam in Walliam quàm in Scotiam fieret, & ad varias partes ipso mittente discurreret, se frequenter inferebat. Unde & literas, quas Archidiaconus Archiepiscopo super his inimisit, simul cum literis Archiepiscopi responsoriis, necnon & literas Archidiaconi de rati habitatione, hîc inserere dignum duxi.

## C A P. V.

“ **R**everendo Domino & Patri carissimo Huberto Dei gratiâ Cantuariensi  
 “ Archiepiscopo, totius Angliæ Primati, Giraldus Archidiaconus de  
 “ Sancto David salutem in auctore salutis. Benedictus Deus, qui docuit ma-  
 “ nus vestras & digitos vestros ad bellum. Benedictus Deus, qui tam glorio-  
 “ sam in manu Christi sui victoriam de hostili populo fecit. Et benedictum  
 “ nomen ejus sanctum, qui tam strenuâ Pontificis sui & Primatis industriâ, utrâ-  
 “ que militiâ vigente & utroque gladio dimicante, miro moderamine tempo-  
 “ rum vicissitudini se cooptante, regni amplitudinem & legibus regi statuit &  
 “ armis pacificari. A tempore namque quo Rex Haroldus Walliam pedestri  
 “ expeditione tam fortiter invasit, totamque ferè nationem illam in ore gladii  
 “ funditus delevit & exterminio dedit, tantam gentis inimicæ stragem per du-  
 “ cem aliquem aut principem uno congressu factam fuisse nullius antiquitatis  
 “ memoria tenet. Ergo ut Liber Sapientiæ docet, *Melior est sapientia quàm*  
 “ *virtus, & vir prudens melior quàm fortis.* Sed quoniam mundanis semper  
 “ mala sunt vicina bonis, semper amaro dulce respersum, semper mella mixta  
 “ venenis, semper tristitia lætis inhærent, & saltem extrema gaudia luctus occu-  
 “ pat; tam clari eventus serenitatem in pectore meo nubes incontinenti & ne-  
 “ bula sinistri rumoris abduxit. Significatum namque est mihi, quod non aqua-  
 “ nimiter ferre prævalui, gravem me Domini mei nuper offensam incurrisse; si-  
 “ cut quidam ex verbis vestris minùs circumspèctè, quàm vel famam meam  
 “ vel etiam vestram deceret magnificentiam, in [me] jaculatis perpenderunt.  
 “ Quod quidem tanto molestius tuli, tantoque majore admiratione dignum  
 “ æstimavi; quanto simpliciùs & innocentius elapsò jam biennio divinis ex toto  
 “ addictus studiis neminem in mundo vel dicto vel facto vel etiam scripto læ-  
 “ dens, me gessi per omnia sine querelâ. Cui igitur rei hanc imputem tantam  
 “ erga me, ut etiam conviciis in proximum & invectionibus sacrum os polluat,  
 “ præter merita Domini mei indignationem incurrerim, prorsus ignoro. Por-  
 “ rò cum causa non subsit nec culpa suppetat, fortè ut fieri solet, Incutiant  
 “ antiqua novum peccata pudorem. Graviùs enim vir bonus verbis læditur  
 “ quàm verberibus. Ingenia nimirum ingenua magis verba timent quàm ver-  
 “ bera; longèque molestius ferunt famam lacerari, quàm substantiam distrahi.  
 “ vel

" vel dissipari. <sup>b</sup> *Qua viderunt oculi tui, ne preferas in iurgio cito; ne postea*  
 " *emendare non possis, cum dehonestaveris amicum tuum.* Item in Ecclesiastico.  
 " <sup>c</sup> *Mittens lapidem in volatilia, dejicit illa; & qui conviciatur amico, dissolvit ami-*  
 " *citiam.* Et paulò pòst. *Homo assuetus in verbis improprietatis in omnibus diebus*  
 " *non erudietur.* Super quod Expositor. Cujus os sc. maledictione & amari-  
 " tudine plenum est, non prosperabitur. Magnos igitur & magnanimos talia  
 " non decent; modicos etiam & pusillos non promovent. Sed quoniam leporem  
 " persequi non est laus magna leoni; ira hæc quacunque occasione concepta,  
 " quoniam humiliari paratus sum in omnibus Domino meo, & si in aliquo de-  
 " liqui, cum tamen in nullo, Deum testem invoco, conscius mihi sim, ad nu-  
 " tum satisfacere, si nondum plenè resedit; utinam in brevi Deo dante resideat  
 " & evanescat. Et sicut placabilem tanti Pontificis animum atque modestum  
 " decet, indignatio Sole oriente exorta ante Solem occidat occidentem. Quo-  
 " niam ut ait Jeronimus; *Ira dei quidem hominis est; sed iracundia finem imponere*  
 " *Christiani.* Verùm si peccatis urgentibus nondum hanc animi placationem  
 " valeam obtinere quam opto; verbis parcat, in res ac redditus ultrix ira de-  
 " scendat; substantiam ad libitum distrahat, & famam non lædat. Igitur la-  
 " titare mihi & libris ac literis quod residuum est dierum absque molestia liceat  
 " indulgere. Nimium temporis, unde mihi plùs dolendum est, ambitioni  
 " hæcenus & perditioni dedi. Proinde & hanc Poetæ Horatii sententiam Deo  
 " annuente de cætero sequar. *Sit mihi quod nunc est, etiam mirus; ut mihi vi-*  
 " *vam.* Quod superest ævi, si quid superesse volunt Dii, *Sit mihi librorum &*  
 " *provida frugis in annum copia; ne dubia fluitem spe pendulus hora.* Et illud Ovi-  
 " dii. *Crede mihi; bene qui latuit, bene vixit.* Et infra. *Fortunam debet quis*  
 " *que manere suam.* Et illud ejusdem. *Usibus edocto si quicquam credis amico;*  
 " *Vive tibi, & longè nomina magna fuge.* Et illud Flacci. *Fuge magna, licet*  
 " *sub paupere tecto.* Unde si ad digniorem Cathedram Angliæ vel Franciæ va-  
 " cantem canonicam jam electione vocarer; novit Deus, qui scrutator est cordium  
 " & interiorum conscius secretorum, quem gravissimum etiam si mentior ul-  
 " torem habeam; tamen ut illam optinerem, sacrarum literarum studium,  
 " cui totis nisibus Deo vires impertiente deservio, non desererem imperfectum.  
 " *Majus est enim,* ut ait Jeronimus, *Episcopalem viram esse quàm Episcopum.*  
 " *Majus Episcopio dignum, quàm in Cathedra collocatum.* Illud enim virtutis est,  
 " *hoc fortune: illud bonorum tantum, hoc commune.* Unde in eodem Libro Epi-  
 " stolari. *Minus est tenere sacerdotium quàm mereri.* Ut quid igitur verbis  
 " roditur aut conviciis laceratur, qui nec amplius quærit nec plus appetit; &  
 " id etiam modicum quod habet, casibus adversis æquanimiter amittit? Juxta  
 " veterem statum, quo me mundus captivum tenuit & ambitus ejus, multa in  
 " me revera fuisse fateor reprehensione dignissima. Juxta præsentem autem  
 " statum, cui me per Dei gratiam nunc applicui, non me quidem à pecca-  
 " to, cum nemo sine crimine vivat, cum sæpius etiam in die cadat justus, &  
 " quoniam in multis offendimus omnes, immunem dixerim. Hoc tamen fidu-  
 " cialiter assero & securam veritate protestor; quod nullius tam enormis tam no-  
 " tabilis exessûs, unde tantam majestatem in tantum offendere debuerim, me  
 " conscium esse recorder. Secundum hunc itaque statum cum sibi sit sanæ  
 " mentis quilibet plusquàm aliis notus, si bene novi noti solitos, mihi subtilius  
 " & diligentius in me cuncta rimanti hujus tantæ causæ culpæ nequit occurre-  
 " re; nisi propter id fuero culpandus, quod vehementi sacræ doctrinæ studio  
 " datus. Ambiant igitur alii, Curiam sequantur; sicut & ego quandoque vi-  
 " tio laborans eodem Curiae sequela fui quanquam inutilis. Cupiant, inquam,  
 " & currant & Cathedras scandunt; mihi solum latere liceat & sacris apicibus  
 " indulgere: in quorum doctrinam non solum morari verum etiam salubriter  
 " mori desiderabile duxi. Præterea quanquam Principibus placuisse viris non  
 " ultima laus sit: satius tamen & longè satius esset potentis amici nunquam no-  
 " titiam

Prov. XXV

8

Ecc. XXII

25



"titiam habuisse, quàm ab ejusdem familiaritate semel habitâ faciliè & præter  
 "merita decidisse. Unde Demetrius. *Non opto, ut eos qui divites sunt amicos ha-*  
 "beam. Item Horatius. *Dulcis inexpertis cultura potentis amici. Expertus metues.*  
 "Item in Ecclesiastico. <sup>a</sup> *Longè abesto ab homine potestatem habente. Et in eo-*  
 "dem. <sup>b</sup> *Pondus super se extollit, qui honestiori se communicat. Et ditiori te*  
 "ne socius fueris, &c. Item Jeronimus. *Potentes amicos habere operosum est,*  
 "satis inimicos non habere. Utinam autem & hoc mihi detur; quòd si Domi-  
 "num meum amicum, ut solet, habere non possim, saltem non habeam ini-  
 "micum. Vices ergo potentum & vexationes satis olim & plusquam satis ex-  
 "pertus, sic apud illos esse nunc cupio, quasi non essem, tanquam exinanitus,  
 "sc. etiam incognitus, nec bonum ab illis sperans nec malum expectans. Der-  
 "itaque pius pater & misericors Deus, quatenus præteriti jacturam temporis  
 "redimendo utcunque & deflendo, procul à Curia curis & ambitionibus, quæ  
 "semper corda sauciant & nunquam fatiant, nunquam sanant, popularique  
 "strepitu cuncto, dulci quiete modicum id [quod] restat ævi ducere valeam;  
 "& alternis sacræ lectionis & orationis vicibus animum dividens & distin-  
 "guens, ad illam toto cursu vitam anhelem; ubi nec vices variant nec vicia  
 "vexant, ubi nec prælatio premit nec dominatio domat aut damnat, ubi  
 "quies & pax perpetua ac lux continua, ubi gaudia vera & finis ignara. Va-  
 "leat in Domino multis profutura per ævum & paucis nocitura pia & placa-  
 "bilis paternitas vestra; illi egregio Maronis ad Mæcenatem eulogio se con-  
 "formans. *Omnia cum posses tanto tam clarus amico: Te sensit nemo posse nocere*  
 "tamen.

#### C A P. VI. Huberti Archiepiscopi Responsio.

"HUBERTUS Dei gratiâ Cantuariensis Archiepiscopus, totius Angliæ Pri-  
 "mas, dilecto filio Magistro Giraldo Archidiacono de Sancto David  
 "salutem & benedictionem. Ascripsisti nobis destructionem Walensium,  
 "qui die alterâ per suam superbiam ceciderunt; cùm non nobis sed Deo po-  
 "tius, qui superbos dejicit & humiliat, eorum sit destructio ascribenda. Tan-  
 "tum enim obscuratum erat per superbiam insipiens cor eorum; ut cùm plu-  
 "rimùm & instanter, quòd à proposito suo desisterent & viam eligerent sanio-  
 "rem, à nobis & ab aliis magni nominis viris & religiosis rogati fuissent &  
 "commoniti; nec consilium salutis intelligere, nec suam possent stultitiam  
 "quæ eos ad perditionem trahebat prævidere. Et ex hoc quidem, quòd ma-  
 "nus solius Dei & non nostra sive alterius hominis hæc operata sit, poteris evi-  
 "denter attendere & intelligere; quòd cum ibi conflictus esset & congressio,  
 "hasta vel arcus eorum non potuit quenquam ex nostris lethaliter vulnerare.  
 "Super hoc verò quod dicis, quòd sacris literis intendis & de cætero omnino  
 "intendere decrevisti; valde te commendamus, attendentes ex hoc quòd tu-  
 "tius judicas & intelligis sedere & audire verbum Dei cum Mariâ quàm mini-  
 "strare cum Marthâ. Ad hoc autem quòd asseris te nullum læsisse nec aliquan-  
 "tum, ut ab alio lædereris & improprium sustineres, promeruisse; respon-  
 "demus, quòd tu nosti an id feceris quod te dicis non fecisse. Nos verò nec  
 "inde te accusamus, nec tibi vel alicui alii in quantum meminimus succense-  
 "mus. Valet." Hanc autem clausulam propter Abbatem prænotatum per  
 "operam Archidiaconi nuper, ut dictum est, depositum adjecit; per quam  
 "animi rancorem & conceptam amaritudinem declaravit.

## CAP. VII. Literæ Archidiaconi de rato Archiepiscopo missæ.

“**Q**uoniam morbo diutino & gravi nuper afflicti, & recidivum iteratò  
 “jam passus, nondum plenæ sanitatis vigore convalui; ad diem nobis  
 “in præsentia vestra comparendi præfixum venire non potui. Verum ne  
 “unius absentia tantam utilitatem & Ecclesiæ nostræ vacantis necessitatem  
 “impedire prævaleat; in quâcunque personam idoneam assensu unanimi  
 “Regis & vestro Capitulum nostrum Menevense canonicâ electione consen-  
 “serit, me proculdubio ratum & gratum Vestra noverit Sanctitas habiturum.  
 “Personam autem idoneam dicimus; si concurrentibus aliis quæ Pontificem  
 “decent, paupertati patriæ piæ & puræ voluntate condescendat, & gentis  
 “utriusque mores ac modos agnoscat, qui pastoralis officio pontificali-  
 “ter intendat, & non per Angliæ gremium in Ecclesiæ nostræ olim auten-  
 “ticæ licet nunc pauperulæ opprobrium non modicum & confusionem  
 “assidue mendicando discurrat; & qui ad Anglicanas etiam opulen-  
 “tias per translationem vel adjectionem jugiter aspirare vile & contempti-  
 “bile ducat. Excipimus autem omnem nigræ cucullæ belluam. A  
 “Monachis enim cunctis, & præcipue Nigris, omnique hujuscemodi peste vo-  
 “raci Ecclesiam nostram miseram, ne miserior immodò miserrima fiat, & fundi-  
 “tus evacuata depereat, in perpetuum amodo defendat Deus. *Injuriosè nimi-*  
 “*rum, ut ait Jeronimus, Neptunum accusat, qui iterum naufragium fecit. Va-*  
 “*leat in Domino cara nobis Paternitas vestra.*

Quoniam enim vero Episcopus, qui nunc ultimò decessit, Monachus erat  
 Ordinis Cluniacensis, nec Episcopalem auctoritatem Pontificaliter exercuerat,  
 nec Monachalem honestatem digne præulerat; Monachos omnes, & præcipue  
 Ordinis illius cunctos, excepit. Qui verò literas Domini Archidiaconi contra  
 Willelmum Wibertum Abbatem Cisterciensis missas & literas responsorias legere  
 voluerit, qui *Symbolum Electorum* inscribitur, Libellum quærat. Sed ad rem  
 revertamur.

Sicut autem Archidiaconum sic & Abbates duos necnon & omnes de  
 Walliâ oriundos Archiepiscopus tunc reconvit. Obtulit autem eis Angli-  
 cos duos, Monachum sc. Cisterciensis Ordinis Alexandrum nomine, qui  
 & commensalis & cubicularius ejus fuerat, & per operam ipsius paulò antè  
 in Abbatem promotus; & Priorem Lantoniæ Galfridum, qui propter ar-  
 tem Medicinalem qua præcellebat cum Archiepiscopo, cujus curam frequenter  
 agebat, & familiaritatem multam contraxerat: propter quod etiam custo-  
 dia Menevensis Episcopatus dum vacaret eidem postea per Archiepisco-  
 pum commissæ fuerat. Sed quoniam Canonici, qui missi fuerant, nec à suis  
 Nominatis discedere neque novos cirrà Capituli sui consensum admittere vole-  
 bant; neque de Regis assensu qui in Normanniâ fuerat, sino quæ negotium  
 juxta regni consuetudinem perfici non poterat, eis constabat; Archiepiscopo  
 per mandatum Regis ad ipsum transferrant, infecto negotio reversi sunt. Au-  
 diens autem hæc R. Foliot, qui Herefordensis Episcopi Willelmi de Ver No-  
 tarius erat, & se præter spem omnem inter alios nominatum, & Giraldum Ar-  
 chidiaconum, de quo spes major extiterat, sicut & alios omnes de Walliâ ori-  
 undos, recusatum; quoniam ex Anglicis erat, & tamen Menevensis Ecclesiæ  
 Canonicus, utpotè quem avunculus ejus sc. proximò defunctus Episcopus ca-  
 nonicaverat; ex his omnibus spem concipiens, & licet imberbis adhuc & im-  
 maturus & in nullo profus ad hoc idoneus jam cornua sumens vel in brevi su-  
 menda nimis præsumptuosè confidens, ad Regem Angliæ Ricardum in Aquit-  
 aniæ finibus tunc agentem, ut Clericus ejus & Curia sequela fieret, & hac  
 saltem viâ & hac scilicet cathedram avunculi scandere posset, alis ambitiosis  
 transvo-



transvolavit. Ad hæc etiam Abbas Adam de Dora, vir famæ non incognitæ, statim defuncto Episcopo statimque post stragem illam Walensium apud Elevein magnam, quæ circa id ipsum temporis facta fuerat, ut quasi recentes Regi super hoc rumores ferret & eo ipso ei gratus existeret, cum literis magnorum virorum & Baronum Marchiæ propter ejus promotionem in Ecclesiâ Menevensi Regi scribentium & suadentium, transfretavit. Qui ut Regi, quem cupidum & pecuniæ sitibundum noverat, per hoc placere & faciliorem ad vota complendum aditum habere posset, silvam Triverensem domui suæ proximam, quæ Regum foresta fuerat pulchra & tam proceris arboribus ad spectaculum usque speciosa quàm etiam ferarum copiâ sæcundissima, à Rege loci illius atque provinciæ prorsus ignaro ad extirpandum datâ pecuniâ grandi comparavit. Unde nisi Rex ille citius in transmarinis occubuisset, præsertim quòd facilis erat & præceps ad quævis pro lubitu complendum & præcipuè indignos promovendum; magna proculdubio Menevensi Ecclesiæ per duorum istorum ambitiones & altercationes tribulatio provenisset. Archiepiscopus autem quanquam in transmarinis partibus remotus existens, propter nominationem tamen prædictam plurimum timens eique præcavens, literas Regis Capitulo Sancti David sub hac formâ mitti procuravit.

## C A P. VIII.

**R**icardus Dei gratiâ Rex Angliæ, Dux Normanniæ & Aquitaniæ, Comes Andegaviæ, dilectis sibi Capitulo Menevensis Ecclesiæ salutem. Scitis quòd bonum animum & bonam voluntatem habemus consulendi Ecclesiæ vestræ, quæ pastore desolata est. Unde ad petitionem Domini Cantuariensis Archiepiscopi ei secundum Deum providere volumus. Et ideo vobis mandamus, quòd mittatis ad nos in Normanniam quatuor de discretioribus Capituli vestri; ita quòd sint ad nos in xv. die post Festum S. Andreæ cum literis de rato ad eligendum idoneum Pastorem secundum Deum & dignitatem Ecclesiæ vestræ. Teste meipso apud Rupem Andeleiæ ix. die Novembris." Sed quoniam hæc literæ propter impedimenta plurima tam maris quàm Marchiæ & asperioris per Walliam viæ tardiùs Meneviam venerunt; eodem procurante & stimulante, literas Justiciarii tales Canonici Menevenses circa Natale susceperunt.

## C A P. IX. Literæ Justiciarii Angliæ Capitulo Menevensi directæ.

**G**. Filius Petri dilecto sibi in Domino Menevensis Ecclesiæ Capitulo salutem. Noveritis quòd quoniam ad Dominum Regem in Normanniâ ad statutum terminum propter eligendum Pastorem Ecclesiæ vestræ non transfretastis; nobis dedit in mandatis, quòd vos citari faciamus quatenus ad hoc faciendum in partes transmarinas ad eum accedatis. Mandamus itaque vobis; quòd omni occasione postpositâ sitis apud Westmonasterium in Octavis S. Hilarii, parati transfretare ad Dominum Regem; vel quatuor sive sex de discretioribus Capituli vestri ad ipsum in Normanniam transmittere. Teste meipso apud Turrim Londoniensem xviii. die Decembris." Illi verò super hoc inito consilio quatuor Canonicos Londonias miserunt; mandantes etiam Giraldo Archidiacono literis & nunciis apud Lincolniam, eumque per fidem quam Ecclesiæ suæ debuit firmiter obtestantes & adjuvantes, quatinus Concanonicis suis ad Justiciarium missis Londoniis occurreret, & Ecclesiæ suæ in tali articulo tantoque negotio saltem non deesset. Citius tamen literas ei tales miserunt.

## C A P. X.

**D**omino & amico in Christo dilecto Giraldo Archidiacono de Brechene Capitulum Menevensis Ecclesiæ salutem in Domino. Hucusque per literas & internuntios locuti fuimus; amodo autem nos urget necessitas, ut præsentem loquamur; ut communicato consilio Ecclesiæ nostræ profectui pariter & honori intendamus. Inde est quod vobis mandamus & in fide consulimus; quatinus statim visis literis istis omni occasione & excusatione postpositâ ad Ecclesiam vestram veniatis. Consilium etiam omnium amicorum vestrorum est, ut veniatis. Valete in Domino.

Item & paulò post tales.

Dilecto in Domino fratri & amico Giraldo Archidiacono de Brechene Capitulum Menevensis Ecclesiæ salutem & amorem caritatis glutino conexum. Noverit discretio vestra, quod xii. Cal. Januarii, qua videlicet die literas vestras suscepimus, mandatum Domini Regis in hac formâ suscepimus. *Ricardus Dei gratiâ* [ &c. ut paulò antè. ] Item literas Justiciarii Angliæ circa Natale tales. *G. filius Petri* [ &c. ut antè. ] Super hujusmodi mandato tam expressò quid nobis agendum sit amodo, consilium vestrum expectamus. Consilium nostrum namque est, si vobis expedire videbitur, ne nimis Walenses aut rebelles videamur, mittere ad Dominum Regem tres de discretioribus Capituli vobiscum, ut pro quarto existatis; tres quidem cum literis de rato, qui vos constanter petant & eligant. Si verò Dominus Rex aliquo modo, quod absit, in hoc non consenserit. Et scia- tis pro certo, quod neque schismata neque dissensiones ortæ sunt inter nos; sed omnes concordemur & unanimemur, quantum in nobis est, ad vos eligendum; nihilque nobis deest, nisi expensarum facultas. Preces autem & petitiones sive ad Dominum Regem sive ad Justiciarium qualescunque idoneas noveritis, ad nos transmittite; & nos easdem sigillabimus. Valete, & faciat nos habere responsum consilii vestri in crastino S. Hilarii; quia tunc Deo volente generale Capitulum habituri sumus.

Ex his autem literis patet, quantum affectum ipsum præ cæteris habendi in Pastorem tunc habebant. Ipse verò hæc audiens, & secum recolens, quia non minus Ecclesiæ pauperulæ suæ debuit, quàm si Canonicus & Archidiaconus esset optimæ; ad diem statutum, parum sc. ante Quadragesimam, Londonias accessit. Justiciarius autem Canonicis, qui ante adventum Archidiaconi coram ipso fuerant, obtulit instanter duos illos, Abbatem sc. & Priorem, quos Archiepiscopus eis primitus obtulerat; ut utrum illorum vellent, in Episcopum suscipere. Prior tamen voluntas ejus in Priorem erat. Alioquin præcepit eis, quatinus ad Regem quantocius transfretarent. Ipsi verò responsum usque ad adventum Archidiaconi differentes, demum inito cum ipso consilio responderunt; quod à suis Nominatis discedere vel alios suscipere consilium à Capitulo suo non habebant: Et quod pauperes erant & de paupere Ecclesiâ ac remotâ, sibi ad transfretandum expensas non suppetere; nec unquam Ecclesiam suam vel aliquam Ecclesiam Walliæ propter Electionem faciendam transmarinas ad partes mittere consuevisse. Obtulerunt tamen ei; quod duos de Clericis suis cum literis ipsius si vellet ad Regem mitterent, propter assensum ipsius de Pastore sibi præficiendo expressè sciendum, & ut Electionem suam eis in Angliâ facere liceret. Quo concesso, tum quod Justiciarius pauperes eos noverat, tum etiam quoniam ipsis expensas quas petierant, si necessitas eis incumberet transfretandi, propter exemplum aliis Ecclesiis Cathedralibus de expensis petendis dandum invenire nolebat; unum ex illis quatuor Elyodorum nomine, filium Elyodori, cum Clerico quodam

[ T t t ]

Eccle-



Ecclesiæ suæ transmiserunt. Qui suscepto negotio transfretantes, & tam Normanniam quàm Andegaviam & Aquitaniæ partem transcurrentes, suscepto rumore de Regis obitu in Lemovicensi Provinciâ, ubi expeditionem agebat, interempti, statim post dietas longas non absque timore periculoque apud Chinonem castrum in Andegaviâ Comiti Johanni fratri suo super negotio Menevensis Ecclesiæ primò literas Justiciarii Angliæ, deinde Capituli Menevensis & tam Baronum patriæ quàm etiam Abbatum & Priorum multis sigillis appensis Giraldum Archidiaconum communiter postulantium in Pastorem, ei porrexerunt. Quibus susceptis & diligenter auditis, coram Reginâ Alienorâ matre suâ & Reginâ Berengariâ nuru suâ & Secretariis suis valde benignum Comes cum multâ quoque commendatione Giraldi Archidiaconi, dicens ipsam patri suo & sibi diu ac fideliter servisse, statim eis responsum dedit. Unde & in crastino, sc. feriâ tertiâ, literarum Comitis tria paria susceperunt; Literas sc. Giraldo Archidiacono, quibus ei mandavit, quòd petitionem Capituli Menevensis & consilium Baronum patriæ nec non & Cleri super ipso sibi in Pastorem præficiendo exaudierat; & quòd ad ipsum visis literis illis cum tribus Canonicis Ecclesiæ suæ vel quatuor, qui eum eligere possent, venire non tardaret. Et alias Capitulo Sancti David, continentes quòd petitionem suam benignè audierat; & quòd tres Canonicos suos vel quatuor cum literis de rati habitatione ad eligendum Giraldum Archidiaconum ei transmitterent. Literas quoque Justiciario Angliæ continentes, quòd Canonicos Menevenses super Electione faciendâ non vexaret; sed totum in<sup>a</sup> respectum poneret, quosque Giraldus Archidiaconus, quem propter hoc ad se vocaverat, ab ipso rediret.

<sup>a</sup> viz. differret.

## CAP. XI.

**I**N OCTAVIS itaque Paschæ sequentis apud Lincolniam literæ Comitis Archidiacono porrectæ sunt. Quibus demum susceptis & lectis, consilio magnorum virorum Lincolnienſis Ecclesiæ, à quibus dilectus erat, cum libris & sarcinis suis Scolam quidem sed non studium deferens, in quo continuus erat, cum duobus Canonicis Sancti David, præscripto sc. Elyodoro & Henrico Roberti filio, literas Capituli de rato Comiti juxta mandatum suum deferentibus, ad eundem ad ipsum se præparavit. Erant autem literæ tales.

## CAP. XII.

**C**arissimo ac desideratissimo Domino suo Johanni Domino Angliæ & “Hybernæ, Duci Normanniæ & Aquitaniæ, Comiti Andegaviæ, Capitulum Menevenſe salutem & orationes in Christo. Gratias vestræ sublimitati referimus tam cumulas quàm affectuosas; quòd petitionem nostram necnon & Baronum patriæ Clerique totius super Pastore nobis præficiendo tam benignè exaudistis. Noverit igitur Excellentia Vestra, quòd “Magistrum Giraldum Archidiaconum de Sancto David præcipuè & præ aliis cunctis postulamus, & eum per illos duos vel tres Canonicos nostros has literas nostras vobis præsentantes eligimus; & Electionem, quam ipsi pro nobis “de eo canonicè fecerint, ratam habemus & gratam.” Notandum hic autem, quòd quia nondum Rex fuerat, Dominum eum vocant; & ne fortè Canonici missi ad alium eligendum perverti possent, dicunt se Giraldum Archidiaconum jam elegisse. Per quod & affectus ipsorum ipsum sibi præficiendi in Pastorem maximus indicatur.

Comes autem interim citò ac subito in Angliam veniens, die Ascensionis in Regem Londoniis apud Westmonasterium coronatus est. Quo facto, cum

Conca-

Concanonicis suis ad Regem, sicut mandaverat, Archidiaconus accessit. Et audirâ voluntate ipsius, quam tamen propter Archiepiscopi Cantuariensis dissuasionem, cujus ad nutum tunc cuncta fiebant, in publicum propalare volebat; Archidiaconus Curiam & Angliam post terga relinquens, Walliam reversus est. Accedens itaque Meneviam, & Ecclesiam Sancti David visitans, quam annis antea non viderat plurimis, à Canonicis & Clericis totoque populo simul & clero cum gaudio magno susceptus est. Cum ergo super Pastore sibi præficiendo diutius & diligentius tractaretur, omniumque menti insideret ut Archidiaconus ipse præficeretur; tandem ut melius atque maturius cuncta procederent, usque ad Festum Apostolorum Petri & Pauli, quinto die sc. post Nativitatem S. Johannis Baptistæ, quasi per quindecim dies, ut omnes Canonici Ecclesiæ convocari possint, negotium Electionis est prothelatum. Cumque ad diem illum convenirent omnes per se vel literas ratihabitionis aut procuratores; post diutinos tractatus in Giraldum Archidiaconum cunctorum vota consenserunt; ipsumque statim unanimiter eligentes supplicaverunt obnixè, quatinus Romam adeundo & perniciosam illam juris Ecclesiastici abjuratorem evitando consecrationem suam à Summo Pontifice suscipere; & juxta singularem ac præcipuam, quam de ipso spem & fiduciam à primavâ ejusdem ætate & indole bonâ conceperant, dignitatem Ecclesiæ suæ Metropolitancam Romæ laudabili conamine vendicaret.

## C A P. XIII.

**C**ogitans igitur Archidiaconus gravem Ecclesiæ suæ ex pastoralis defectu desolationem, & ejusdem jus antiquum perpetuò ferè longâ taciturnitate deperditum; considerans quoque Cleri totius ac populi vota communiter in ipsum concurrentia; attendens etiam, quia vox populi vox Dei; & illud recolens, *Hoc velis, quod Deus vult; alioquin curvus es*; sciensque divinæ voluntati ac dispositioni suæque vocationi tam unanimi licet ad pauperculam Cathedram & sollicitudinem nimiam atque laborem animo virili non portabilem, resistere quidem tutum non esse: contra propositum, quod tam fixum mente conceperat, studii quoque statum electissimum, vix tandem & invitus acquievit. Statimque sibi in ipso aggressu tantum animositatis pariter & cordis accrevit; ut ad reformandum Ecclesiæ suæ statum pristinum patriæque totius honorem, tanquam propter hoc natus & à Domino datus, se totum indubitanter & incunctanter applicaret. Unde & in crastino, sc. proximâ post Electionem die, Euro flante navigioque parato in Hyberniam est transvectus; ubi cognatos suos Meilerium sc. tunc regni Justiciarium aliosque Proceres patriæ magnos consulens & conveniens, multam super aggressu suo laudem à cunctis & maximam manûs auxiliatricis in re tantâ promissionem suscepit. Tertiâ verò septimanâ post navigationem non completâ, remenso mari Hybernico Meneviam est reversus; & cum in crastino manè Capitulum intraret, accepit à Canonicis se literis Archiepiscopi & Justiciarii Angliæ mandatum interim suscepisse, ut proximâ Dominicâ post Assumptionem B. Mariæ coram ipsis venirent Electionem facturi, & Episcopum suum Priorem sc. Lantoniam suscepturi: Quem etsi non venirent, mitterent eis consecratum. Super hoc itaque deliberantes, miserunt literas Capituli ad diem præfixum, prohibentes Officialibus Archiepiscopi, Londoniensi sc. & Roffensi, quoniam Archiepiscopus ipse post Regem in Northmanniam transfretaverat, & appellantes, ne citra electionem canonicam quendam ipsis præficere vel consecrare præsumerent. Et alias Priori Lantoniam & Conventui, prohibentes eis tanquam membris Ecclesiæ Sancti David & intra ipsius Diocesis consistentibus, ne talibus & tam temerariis ausibus citra electionem omnem se immiscerent. Duo quoque Literarum paria tunc fecerunt



Summo Pontifici per Electum suum dirigenda, sc. decretum Capituli super Electione factâ in hunc modum.

## C A P. XIV.

**R**everentissimo Patri & Domino Innocentio Dei gratiâ Summo Pontifici  
 “Capitulum Sancti Andreae Sanctique David salutem & debitæ devo-  
 tionis obsequium. Sanctitati Vestræ notum facimus nos Magistrum Giral-  
 dum Archidiaconum nostrum post varias postulationes, quibus ipsum præ  
 aliis tam ab Anglorum Rege quàm ab Archiepiscopo Cantuariensi communi  
 assensu tam Cleri patriæ quàm populi totius postulavimus. tandem in Ec-  
 clesiâ nostrâ canonicè & concorditer elegisse. Unde quoniam prædictus Ar-  
 chiepiscopus cum Regis Officialibus nobis extraneum aliquem, linguæ nostræ  
 & morum patriæ prorsus ignarum, contra electionem nostram & privilegia  
 nostra violentâ intrusione præficere volebant; & quoniam voluntatem Ar-  
 chiepiscopi nobis omnino contrariam ex recusatis multoties postulationibus  
 nostris experti eramus; nec ad ipsum nobis propter insidias undique positas  
 patebat accessus; præcipuè verò ne illicitum sacramentum ab Electo nostro  
 in præjudicium juris Ecclesiæ nostræ, sicut aliquoties à Prælatibus nostris factum  
 fuerat, extorqueretur: præsentiam vestram appellantes, vobis prænomina-  
 tum Electum nostrum virum literatum, discretum & honestum, legitime  
 natum & generosum, Ecclesiæ nostræ tam in temporalibus quàm etiam spi-  
 ritualibus, sicut pro certo credimus, perutilem futurum, unanimi consensu  
 confirmandum transmisimus & consecrandum. Rogantes attentius & sup-  
 plicantes; quatinus manum ei consecrationis apponere dignantes, his quæ  
 tam ipse quàm Clerici nostri cum ipso transmissi super pristinâ dignitate &  
 libertate Ecclesiæ nostræ per laicam potestatem peccatis urgentibus olim de-  
 perditâ Vestræ Sanctitati ex parte nostrâ significaverint, fidem habeatis, &  
 remedia paternâ pietate adhibeatis. Valeat in Domino per tempora longa  
 Paternitas Vestra”. Idem propter comminationem Archiepiscopi de con-  
 secrando eis Priore prædicto, quod præceptum esse solebat in talibus, sicut & de  
 Roberto Bangorensi Episcopo patuit citra Electionem omnem ab eodem conse-  
 crato, Domino Papæ scripserunt ad cautelam sub hac formâ.

## C A P. XV.

**R**everentissimo Domino & Patri Innocentio Dei gratiâ Summo Pontifici  
 “Capitulum Menevense salutem & fidelitatis obsequium. Si fortè ad  
 audientiam vestram pervenire contigerit Priorem de Lantoniâ Episcopum  
 Ecclesiæ nostræ à Cantuariensi Archiepiscopo consecratum & præfectum  
 esse; contra electionem nostram omnem & voluntatem id proculdubio fa-  
 ctum esse noveritis. Ab initio namque Sede nostrâ vacante M. Giraldum  
 Archidiaconum nostrum, quem in Ecclesiâ nostrâ canonicè jam elegimus &  
 postulavimus, & adhuc à Paternitate Vestrâ postulamus consecrandum, In  
 nullum alium per Dei gratiam & vestram consentire volentes. Ne quid & in  
 præjudicium Ecclesiæ nostræ & Electionis communi tam populi patriæ quàm  
 Cleri assensu tam canonicè factæ fieri præsumeretur; præsentiam vestram,  
 sicut ab initio, sic continuè quidem & constanter appellavimus. Valeat in  
 Domino toti fidelium orbi profutura per ævum Paternitas Vestra.” Duos  
 etiam de ipso Ecclesiæ gremio, Magistrum sc. Martinum Canonicum & Ide-  
 nardum Decanum Provinciale & Vicecanonicum, Romam cum Archidiacono  
 & Electo suo tam propter Ecclesiæ suæ jus Metropoliticum quàm propter Ele-  
 ctionis negotium destinârunt.

C A P.

## CAP. XVI.

**H**IS ira dispositis, accedens ad fratrem suum virum probum & discretum Philippum de Barri, viamque suam & viæ causam, purè sc. & propter Deum Ecclesiæque suæ profectum, secretiùs eidem aperiens, verba huiusmodi ab ipso & monita suscepit. “Arduum est negotium quod, frater, aggredieris & laboriosum, sumptuosum quoque nimis & periculosum; quod non solum contra Archiepiscopum Cantuariensem sed etiam contra Regem & Angliam totam esse videtur. Si tamen Deus in causâ est, ut nobis asseris, & Ecclesiæ Sancti David dignitas, quam revocare contendis & intendis, & non terrenæ pompositatis ambitio; securè laborem hunc assumes; quod re vera vel hîc inde præmium assumes vel in futuro. Quanquam etiam bonâ intentione verferis & vexeris; ne credas quod omnia tibi statim ad vota succedant; quinimo multa tibi hostis ille antiquus, semper bonis votis invidens, impedimenta prætender; vel Deus id vel ad probationem tuam vel ad purificationem fieri permittet. Ideoque cum adversâ tibi multa concurrerint & occurrerint; ne desperes, sed potiùs ad animum revoces, qualiter Apostoli discipuli Domini, qui Christi fidem salutisque viam mundo prædicabant, tantis tamen adversitatibus afflicti fuerunt; vincula, verbera, carceres ac vulnera, mortem quoque demum pro Christo sustinentes”. Magnum itaque solatium ex verbis viri istius boni Laici prorsus & illiterati ex dilectione pariter & discretionem magnâ provenientius, suis crebris quas graves & grandes in hoc agone sustinuit, afflictionibus Archidiaconus se proculdubio suscepisse testari solebat.

## CAP. XVII.

**I**TER igitur Archidiaconus arripiens, & Deo se Sanctoque David, cui militabat, ex toto committens, Vigilâ Assumptionis B. Mariæ ad Monasterium Stratæ Floridæ cum sociis suis & sequelâ totâ pervenit; ibique librorum suorum & Bibliothecæ thesaurum de Angliâ apud Brechene & illuc inde extra potestatem Anglorum, quicquid contingeret, allatum eodem die suscepit. In crastino verò Assumptionis Ithenardus Decanus missus ab Archidiacono versùs Brechene cum parte pecuniæ suæ & equis qui libros portaverant, propter Anglorum insidias quas per Angliam timebat, in montanis de Ruella à Walensibus quos non timebat est spoliatus; vitansque Scillam quasi in Carybdin incidit, Non expectato vulnus ab hoste ferens. Et quia non sola venire solent incommoda, reversus Ithenardus sic spoliatus præ confusione forsan infortunii sui gravi statim morbo correptus occubuit. Sic itaque Giraldus illico & quasi præ foribus sc. in ipso viæ aggressu tam pecuniâ privatus quàm sequelâ, fortunæ didicit impetus & adversitatis insultus æquanimiter sustinere. Procedens autem de Stratâ Floridâ, & per montana de Elenit versùs Cumhir accelerans, & inde apud Keri Angliam intrans, properans apud Sandwich mare Flandricum transfretavit; & nuncios suos de nundinis Wintoniæ venturos per xv. dies & plures apud S. Audomarum expectavit: ubi & alterum socium suum, sc. Magistrum Martinum Menevensem Canonicum gravi morbo correptum secundo fortunæ insultu remittere oportuit. Duos autem juvenulos Ecclesiæ suæ, quorum & alter Canonicus Menevensis erat, in partibus illis Scholares inventos, qui saltem pro jure Ecclesiæ suæ Metropolitico cum ipso stare possent, secum duxit. Cum

\* Se Libris demum suis Monachorum, a- | defraudatum fuisse Giraldus acerbè conque-  
pud quos erant depositi, versutiâ ac perfidiâ | ritur, in *Speculo Ecclesiæ*, Dist. 3. cap. 5.



itaque propter werram grandem, quæ inter Regem Franciæ Philippum & Comitem Flandriæ Baldwinum, qui Regi Angliæ Johanni tunc adhæserat, orta fuit, rectâ viâ per Franciam ire non potuit; longo circuitu per Flandriam profundam à sinistris & Henoniam per Ardeniæ grandis silvas hispidas & horrendas Campaniam laterans & Purguniam penetrans, ad publicam demum stratam cum peregrinis & mercatoribus itinerando pervenit. Mirum autem, quod xxvi. annis antè provifus fuit à quodam in fomnis labor iste. Videbatur enim ei circa dies extremos David Menevensis Episcopi; quod processionem vidit Meneviæ magnam cum campanarum omnium pulsatione. Et cum inquireret quidnam hoc esset; dictum est ei, quod erat Electus Ardeniæ magnæ qui ad Ecclesiam veniebat. Et cum diligentius inspexisset; videbatur ei, quod Giraldus Archidiaconus esset, cum tanto ibi pro Electo Ardeniæ magnæ, qui ad Ecclesiam veniebat, & cum diligentius inspexisset, honore susceptus. Putabant autem aliqui visionem hanc audientes post obitum David Episcopi; quod Nominatorum primus & præcipuus erat Giraldus quidem, Ardenia magna vocata in visione Wallia fuerit, quia terra silvestris est ut illa. Sed veriùs tempus istud quo verè & præcisè electus fuerat, visio prospexit. Et quod per Ardeniam magnam viam inviam & indirectam vespilionibus & latronibus plenam tam periculose laborem tantum fuerat aggressurus; Ardeniæ Magnæ dictus Electus erat.

## C A P. XVIII.

**A**lpes itaque transcendens, & Italiam ac Tuscaniam transcurrens, circa Festum S. Andreæ Romam pervenit; & accedens ad pedes Papæ sc. Innocentii III. qui tunc præsidebat, & Papatûs ejus anno secundo, VI. libros suos, quos ipse studio magno compegerat, ei præsentavit; dicens etiam inter cætera: Præsentârunt vobis alii libras, sed nos libros. Libros autem illos Papa, quod copiose literatus erat & literaturam dilexit, circa lectum suum indivisos per mensem ferè secum tenuit; & elegantia ac sententiosa verba Cardinalibus advenientibus ostentabat: deinde verò singulis Cardinalibus singulos precario concessit. *Gemmam autem Sacerdotalem* præ cæteris dilectam à se separari non permisit. Nec mora: sed quasi xv. diebus ante Natale cursor quidam literas Archiepiscopi Cantuariensis ad Curiam portavit; quas Clericus quidam in eodem comitatu veniens & contra Giraldum missas esse præsentiens, furto sublatas ei secretò venales obtulit. Erant autem XII. paria tam Domino Papæ quàm Cardinalibus missa. Giraldus autem hæc audiens respondit Clerico; quod literas uni Cardinalium missas ei prius ostenderet, ut videre posset utrum pro se an contra missæ fuerint. Quo factò literas ostendit Petro Placentino missas; quas cum fracto sigillo Giraldus inspiceret, invenit eas invectionibus plenas, tam personam suam sc. quàm electionem graviter accusantes. Sciens itaque per hoc alias simili tenore compositas, accessit ad Dominum Albanensem Episcopum Johannem, quem præ cæteris tunc Cardinalibus magis familiarem habebat; ipsumque super hoc consulens, responsum accepit, quod nil propter illas literas daret, nec etiamsi gratis habere posset, acciperet; quod in injuriam Domini Papæ & Cardinalium, quibus literæ missæ fuerant, hoc fieret; potiusque velle debere quod adversarium haberet, quàm absque adversario diutina in Curia moram faceret. Clericus autem cum à Giraldo nihil habere posset; conversus ad cursorem, literas ei pretio dato restituit. Papa verò literas Archiepiscopi sibi porrectas Archidiacono Giraldo ad se vocato statim ostendi jussit; quibus perlectis respondit. Domine, scripsit magis ut Archiadversarius quàm ut Archiepiscopus. Homo iste quippe nec veritati parcens, ut lædere possit, nec verecundiæ. Cui Papa. Vis ergo literis istis respondere?

Et

Et ille. Volo, si placet Excellentia vestra. Et Papa. Placet utique; & literis ad literas post Natale respondeas. Imminebat enim jam dies Natalis, quibus abstinentes à Curiâ studio vacare volebant. In crastino verò Epiphaniæ, quòd non diutius ibi feriat, procedens Archidiaconus in pleno Consistorio proposuit se literis Archiepiscopi Cantuariensis contra se missis respondere paratum. Cui Papa. Legantur ergo literæ Archiepiscopi primum, & postea respondeas. Lectæ sunt igitur coram omnibus; quarum & tenorem h.c. inferere non superfluum reputavi.

## CAP. XIX.

SANCTISSIMO in Christo Patri ac Domino Innocentio Dei gratiâ Summo Pontifici Hubertus divinâ permissione Cantuariensis Ecclesiæ minister humilis salutem & tam devotam quàm debitam patri & Domino obedientiam & reverentiam. Ad hoc divinæ providentiæ dispositio vos super gentes & regna constituit; ut juxta merentium diversitatem discretio vestra sollicitudinis evellat, destruat, dissipet & disperdat, ædificet & plantet; ut omnem plantationem, quam non plâstravit Pater cœlestis, per vos, cui vices suas commisit in terris Altissimi filius, eradicet & explanter, & disperdat eos qui dispergunt, eo quòd cum ipso colligere non elaborent. Ideo namque vobis desuper data est plenitudo potestatis; ut quod per nos, qui in partem vocati sumus sollicitudinis, corrigi non potest, ad regulam redigat & reducat vestra, cui resisti non poterit, majestatis amplitudo. Non ignorare vos arbitror, Pater Sanctissime, quòd Menevensis Ecclesiæ & cæterarum Ecclesiarum totius Walliæ mater & Metropolis est Ecclesia Cantuariensis; sicut prædecessorum vestrorum piæ recordationis Adriani, Eugenii, Alexandri & Cœlestini confirmationes & scripta testantur, & nuper à vobis missa pagina vestra confirmationis ostendit. Nuper tamen, sicut certâ relatione didici, quidam Menevensis Ecclesiæ Archidiaconus, Giraldus nomine, natione Wallensis, plerosque Walliæ Magnates vel sanguine vel affinitate contingens, fiducia forsân sanguinis animatus, cum deceat virtute magis quàm sanguine niti, à tribus tantum Canonicis, quos ut dicitur, aliter quàm decebat vel debebat, ad consensum illexerat, in Menevensem se eligi Episcopum procuravit, aliis omnibus Canonicis nequaquam favorem præstantibus vel assensum. Ille tamen tali nominatione suffultus, confirmationis à me, ad quem primò recurrere debuerat, munus nec expetens nec expectans; sed mox Electi nomen pariter & auctoritatem usurpans, Canonicum qui sigillum Capituli Menevensis custodiebat, quoniam precibus inflectere non potuit, usque aded cruentis deterruit comminationibus; quòd idem Sigilli custos Sigillum prædictum super altare Episcopalis Ecclesiæ posuit; prius tamen appellaverat, ne quis præter communem Capituli consensum illud inde tollere vel asportare præsumeret. Ille tamen non magis appellationem reverens quàm horruerat intrusionem, sigillum sustulit & sic abstulit; ut quoties & qualia velit patrocinia vel testificationis possit instrumenta conficere. Novit Deus, ante quem sto, & quem nullum latet secretum; quòd si eum idoneum & ad tantæ dignitatis apicem canonicâ electione præeunte evocatum credidissem; munus confirmationis sed etiam consecrationis, si à me vel alterum vel utrumque petere voluisset, benignè impendissem. Veruntamen ille de Electionis qualitate minime confidens, me minus licite minusque canonicè neglecto, ad Sedem Apostolicam, sicut fama est, festinum iter arripuit; ut vos, cui nondum de formâ Electionis suæ innotuit, falsis circumveniat testimoniis. Sed nostis, Pater peritissime, quòd testibus non testimoniis credi oportet: præsertim cum plura efficere possint & soleant, quòd testimoniis eorum qui testes no-

“minantur



“ minantur voluntas non consonet ; sicut veri sigilli vel furtiva surreptio vel ab-  
 “ latio violenta, vel impressionis adulterinæ cum vero sigillo, sicut plerunque  
 “ fit expressâ similitudine. Hæc vobis, Sanctissime Pater, non odio personæ  
 “ novit Deus, sed zelo justitiæ castigatiùs forsan & temperantiùs ; quàm expe-  
 “ diret vel rei veritas exigeret, significanda duxi ; ne quoquo modo circum-  
 “ venti, veritate priùs non intellectâ, manum ei Consecrationis, si placet  
 “ Sanctitati Vestræ, vel imponatis vel faciatis imponi. Sed ex hoc vellemus  
 “ Vestræ innotescere Sanctitati ; quòd sæpeditus Archidiaconus obtento forsan  
 “ à vobis, quod absit, Consecrationis munere, non foret hoc sine contentus.

*Reliqua desunt in Codice MS. Superfunt solummodo Summaria Capitulorum, quæ in Operis fronte collocantur. In his recensentur plurimæ Johannis Regis contra Giraldum literæ & mandata. Hujusmodi quatuor ex Archivis Regiis descripta Wilhelmus Prynnæ in Collectione vernaculâ de Jurisdictione Ecclesiasticâ Regum Angliæ, Tom. II. p. 236. exhibuit. Ista nos proinde Giraldi Libro, in quo locum olim habuisse videntur, subnectenda duximus.*

Pat. 3. Johan.  
Regis, m. 7.  
n. 18.

Rex, &c. omnibus, &c. Audivimus, quòd Giraldus Archidiaconus de Brechunon in grave & manifestum dispendium dignitatis nostræ & Ecclesiæ Cant. in Episcopatu Menevensi nititur Archiepiscopum constituere ; & super hoc faciendo dicit se nostrum impetrâsse assensum. Unde scire vos volumus, quòd nunquam in hoc assensum præbuimus ; nec unquam ei consentiemus, sed ei in hoc penitus deficimus. Mandantes vobis, & in fide qua nobis tenemini præcipientes ; quatinus nullatenus ei in hoc temerario proposito suo assistatis, vel ei in hoc consilium vel auxilium præsteris ; sed viis omnibus quibus poteritis processum suum impediatis ; sicut dignitatem nostram diligitis. Teste meipso apud Vernol. VIII. Marcii.

Pat. 3. Johan.  
Reg. m. 2.

Rex, &c. omnibus, &c. Sciatis quòd Giraldus Archidiaconus de Brech. manifestè operatur contra coronam & dignitatem nostram ; qui se gerit Electum Menevensem, cum nos in eum eligendum nunquam præbuimus assensum. Et inde trahit in causam W. Abbatem S. Dogmaelis, in cujus electionem consensimus. Temporalia etiam Episcopatus Menevensis, quæ vacante Sede debent in nostrâ manu esse ex diuturnâ & approbatâ regni nostri consuetudine, contra coronam & dignitatem nostram sibi committi procuravit : hæc & alia contra nos impudenter perquirendo, qualia nullus alius post coronationem nostram contra nos attempravit. Et quoniam hæc nullâ ratione sustinebimus ; mandamus vobis, quòd sicut honorem nostrum & dignitatem diligitis, quam sicut fideles nostri fovere & manutenere tenemini ; prædicto Giraldum Archidiacono in nullo ad hoc consilium vel auxilium vel assensum præsteris ; sed prædictum Abbatem S. Dogmaelis quantum poteritis adjuvando, prædicto Giraldum Archidiacono in quantum poteritis resistatis. Quicumque autem aliter fecerit, manifestum erit ipsum nobis & dignitati nostræ adversari. Teste meipso apud Rupem Aurmall X. die Aprilis.

Pat. 3. Johan.  
Regis, m. 7.  
intus, n. 28.

Johannes Dei gratiâ, &c. omni Clero & populo Angliæ, &c. Universitatem vestram scimus non latere, quòd custodiæ Episcopatum & Abbatiarum vacantium in regno nostro in temporalibus omnibus Antecessoribus nostris & nobis hætenus ex diuturnâ & approbatâ consuetudine Regni nostri consueverunt competere. Verùm quia Galfridus Archidiaconus de Brechunon, qui se gerit Electum Menevensem, & cujus electioni non consentimus nec unquam consensimus, custodiam Temporalium Episcopatus Menevensis in damnum & dispendium dignitatis nostræ coronæ præsumit usurpare ; quod nos nullâ ratione salvâ dignitate nostrâ sustinere possumus aut debemus : Vobis mandamus & firmiter præcipimus ; ne quis vestrum prædicto G. in temporalibus, quæ ad dictam Ecclesiam spectant, respondere, vel ipsum ad ea obtinenda promoveri aut manutenere præsumat ; sicut nostram diligit fidelitatem & co-

ronæ

ronæ nostræ dignitatem. Sciatis enim, quòd si quisquam vestrùm in contrarium pro eodẽ G. aliquid attemptaret; pro manifesto habebimus ipsum dignitati nostræ & coronæ inimicari. Teste meipso apud Rothomagum xvii. die Decembris.

*Sub eadem formâ scribitur Capitulo Menevensi.*

Rex, &c. omnibus Baronibus & fidelibus per Episcopatum Menevensẽ constitutis, &c. Quot & quantis machinationibus & nos opprimere & regni nostri consuetudines ab antiquis temporibus in Electionibus Episcoporum obtentas G. Archidiaconus de Brechuno pro posse laboraverit extinguere tam in Curiâ Romanâ quàm alibi; satis nôrunt universi. Per eum enim non stetit; quòd pravis suggestionibus ejus & dilationibus malitiosis & venenosis non solum pax partium vestrarum, immo totius Regni nostri tranquillitas turbaretur; maximè cum inimicis nostris nequiter communicando talia confixerit, quæ nobis & regno nostro manifestum importarent dispendium, si iniquitas ejus prævaleret & pro voto processisset in actum. Unde non immerito ipsum inter inimicos nostros duximus numerandum: vobis & omnibus nos diligentibus mandantes & districtè prohibentes, ne ejus promotioni aliquo modo consentiatis; immo ejus promotionem pro posse impediatis. Non enim justum est, quòd ille fidelibus nostris diligatur vel promoveatur, qui in damnum & dispendium dignitatis Regis & juris Regni perturbationem anhelat. Teste meipso apud Taftnu xi. die Septembris.

Pat. 5. Johan.  
m. 7. incus.

[U u u]

Giraldi



# Giraldi Cambrensis

## Distinctiones VII.

### De jure & statu Menevensis Ecclesiæ.

#### Incipit Prologus Epistolaris.

**R**EVERENDO Patri & Domino Stephano Dei gratiâ Cantuariensi Archiepiscopo, totius Angliæ Primati, & Sanctæ Romanæ Ecclesiæ Cardinali, Auctor Operis sequentis vel adjutor cum salutatione devotâ & salute perpetuâ Libellum suum. Quoniam gregis cura Walensici ad pastorem vestri regiminis jure provinciali spectare dinoscitur provisionem; gentis ejusdem proprietates variasque diversitates, cæteris per orbem nationibus cunctis valdè contrarias, vestram non ignorare Discretionem nec inutile quidem nec incongruum aut etiam indebitum reputaverim. Verùm quòd sicut populi patriæ mores, modos atque maneries Libellus, qui de *Kambria descriptione* nomen accepit, vobis olim exaratus & præsentatus, expressè declarat; sic & Dialogus hic præsens nobis nunc editus, & renovato beneficio datus, Cleri Walliæ, maximè verò Cathedralium Ecclesiarum & Episcopaliū, tam residentis sc. quàm rure degentis, naturas ac nutrituras, usus & abusus, quòd qualis populus, talis hîc ferè sacerdos, evidentissimè vobis explanat. Quoniam igitur pecorum suorum vulgus agnoscere pastorem sollicitudinem decet; & non solum exteriores, verùm etiam quoad licuerit, & fas fuerit, longè propensius interiores; Libello priori populi Walensici faciem intimam & intestinam tanquam in speculo dilucido perspicere poteris; hoc autem Cleri formam moralem quidem ac mentalem ad unguem agnoscere prævalebitis; quatinus ex horum notiâ super utrosque pastoralis sit cura solertior. Et si qua fortè deceptio vel error in moderamine regiminis hætenus emerfit; licèt ex his elici nequeat de præterito medela, contrahi tamen non modica per hæc eadem possit de futuro cautela. Præter hæc etiam ex Giraldi labore propter Ecclesiæ suæ dignitatem assumptò, cujus in hoc Opusculo comprehenditur pars non modica, perpendi evidentissimè poterit; quibus adminiculis nitatur Ecclesia Menevensis ad jus obtinendum, quod tantopere cupit & optat; quatinus si futuris fortè diebus de Meneviæ finibus quis emerferit Ecclesiam suam diligens & cor habens, ejusque jura super fundamenta primùm à Bernardo, postmodum à Giraldo posita, contra Cantuariensem Ecclesiam prosequi volens; quod tamen de tam miseris tamque minutis hodie Menevensibus, potiùsque procacitati & lecacitati quàm probitati datis, de cætero vix eveniet; Cantuaria longè cautior, & quoniam jacula prævisa minùs lædere solent, longè præmunitior existere queat. Quoniam enimvero præter spem interdum pleraque contingunt; ad varios rerum eventus fortunæque volubilis insultus, tam imminentes quàm ex inopinato quoque provenientes, se præparat & armat mentis industria gnaræ. Sicut enim sælix est illa civitas & fortuata;

runata ; quæ pacis tempore & tranquillitatis seriè bellum cogitat ; sic & Ecclesia beata, quæ in summâ prosperitate constituta, mente plerumque providâ inter propria prospera meditatur adversa. Unde philosophus in ipsâ securitate se præparet animus ad difficilia ; & contra fortunæ injurias inter ipsa beneficia firmetur.

Porro clausulam quandam *de Itinerario* Giraldi sumptam, qua de dictis Ecclesiis duabus sermonem texens, suam exinde promit opinionem, hîc inferere Lib. 2. cap. 11. præter rem non putavi. Ait enim. "De duabus autem Sedibus istis, de quibus mentionem hîc fecimus, Cantuariensi sc. & Menevensi, quid mihi videtur juxta moderna tempora, paucis edisseram. Illinc hodie regum favor, opum affluentia, Suffraganeorum Antistitum opulenta numerositas, Literatorum & Juris peritorum copia multa. Hinc autem omnium istorum defectus, & jus remotum. Quapropter nisi per regnorum fortè mutationes rerumque vicissitudines magnas, quæ variis & inopinatis eventibus interdum accidere solent, difficilis erit juris antiqui recuperatio." Porro licet dictis his rationibus & aliis, immo etiam propter Cleri Menevensis vel inopiam vel ignaviam, tuta queat esse quoad judicem terrenum Cantuariensis Ecclesia ; timendus tamen quamplurimum est Judex ille supremus, qui speculator astat desuper acutissimè cuncta prospiciens ; cujus ante oculos universa quasi penetrant & perlustrant. Neque rei alienæ longava possessio neque diutina rei occupatæ detentio malæ fidei possessorem quicquam excusat. Quinimo quanto quis diutius rem alienam invito Domino detrectare præsumit ; tantò dictum speculatorem illum & Dominatorem omnium longè gravius offendit. Quare locus præscriptioni vel usucapioni non esse videtur ; quod non dimittitur peccatum, Ambrosio testante, nisi restituatur ablatum ; & nemo delicto suo meliorem conditionem suam facere debet. Sed qualiter ergo illud Gelasii Papæ intelligi debet ; *Jure sibi vendicet ; quod tricennalis l. x. conclusit, quod & filiorum nostrorum Principum ita emanavit auctoritas ;* ut Causâ XVI. Quæstione III. Cap. *Præfulum*, in fine. Sed licet tali exceptione se quis tueri possit, tamen scientiam habet rei alienæ. Dominium enim tali præscriptione, ubi bona fides & titulus desunt, non acquiritur, sed tantum possessionis & exceptionis commodum, nec habet talis detentor conscientiæ puritatem ; & quicquid contra conscientiam fit, ædificat ad gehennam.

Ut autem plenior super his discussio seu disputatio tanquam veniâ petitâ fieri possit : Sciendum, quod dicunt quidam, quod hoc distat inter Præscriptionem Legalem & Canonicam ; quod Legalis malâ fide inchoari potest & compleri : Canonica verò sine bonâ fide non currit nec completur. Si verò malam fidem aliquo tempore ante completionem habuerit ; tenentur eam etiam jam completâ præscriptione restituere. Sed si bonâ fide continuaverint & compleverint ; licet postea comperiant rem alienam esse, justè tamen detinent. Sed obviat eis apertè Augustinus, Causâ XXXIV. Quæstione II. dicens. Si virgo nesciens viro nupserit alieno ; hoc si semper nesciat, nunquam ex hoc erit adultera. Si autem sciat ; jam ex hoc esse adultera incipit, ex quo cum alieno sciens cubaverit. Sicut in jure prædiorum tamdiu quisque bonæ fidei possessor rectissimè dicitur, quamdiu se possidere ignorat alienum. Cum verò scierit, nec ab alienâ possessione recesserit ; tunc malæ fidei possessor perhibetur ; tunc justè injustus vocabitur. Proinde dicendum revera videtur, quod hujusmodi adquisitio nulli viro perfecto, nulli verè religioso & Catholico competere debet ; quia quàm citò scientiam habuerit rei alienæ, sive ante præscriptionem completam sive post, ex æquitate tenetur restituere ; & nisi restituat, peccat. Non ergo locum habet detentio ; quia peccat, nisi quatenus bonâ fide excusari poterit. Unde si semper rem alienam bonâ fide possideat ; ignorantia facti excusabitur, nisi crassa fuerit & supina. Quod si putaverit se detinere justè, quia auctoritate Legum & Canonum ; cum tamen jam alienam perceperit, ignorantia



rantia juris non excusabitur, præcipue in lucro captando. Sed obijcitur; quoniam sic nullus erit locus præscriptioni vel usucapioni; aut si fuerit, juris occasio trahi videtur ad iniquum compendium. Ad quid enim tam lege quam canone statutum est, quod sine peccato exerceri non potest? Dicunt autem Juris periti, quod in judiciis locum habet ad sedandas lites, & ne dominia rerum essent in incerto. Hac enim ratione & legibus hoc cautum est, & postea canonibus in hoc leges imitantibus confirmatum. Aliud est enim judicium causarum, aliud animarum. A causarum judice hoc permittitur; à judice animarum hoc punitur. Sicut in aliis plerisque videmus. Meretrici & histrioni quod ob turpem causam adquisivit impune possidere tam à Sæculari quam Ecclesiastico Judice permittitur; à Judice tamen animarum punitur. Similiter occulta voluntas seu cogitatio, quæ intra fines suos contenta est, jure humano non punitur; juxta illud Codicis, Tit. De Pænis Cogitationis poenam nemo patiatur; jure tamen divino punitur. Vetus enim Testamentum non cohibuit nisi manum; Novum autem cohibet etiam animum. Aliud ergo faciendum jure fori, aliud jure poli: quod alia est ratio divinarum causarum, alia sæcularium: ut de Consecratione Dist. IV. *Celebritatem*, in fine. Sed obijci potest adhuc. Quomodo Gelasius hoc permisit; si peccatum esse præscivit? Item aut justè aut injustè hoc permisit. Dici non debet; quod injustè. Si verò justè; ergo justè præscribitur. Non ergo præscribendo peccatur. Ad hoc autem dici potest, Gelasium intuitu causarum leges in hoc imitatum, ut lites compendiosius sedarentur, & pigritantium ignavia puniretur. Vigilantibus enim prodita sunt jura, & non juris sui contemptoribus. Vigilantibus quoque corona promissa est. Et quod dispensatione quadam usus est, & justè: Nec tamen justè præscribitur; & ita quod justè statutum est à Prælati, injustè exeroctur à subditis. Nonne Moyses justè concessit Libellum Repudii, dispensans propter homicidia vitanda: prævidit enim alias uxores à viris interficiendas. Injustè tamen ipsi dabant; quod pro minimis plerunque vel nullis causis. Item permittitur vir fidelis uxorem suam infidelem cohabitare volentem non recipere; peccat tamen nisi recipiat. Item justè permittitur causâ incontinentiæ quis uxorem suam cognoscere; & sic tamen cognoscendo peccat. Sicut ergo Moyses populi sui malitiâ in hoc statuendi necessitatem devenit; sic etiam Gelasius ob populi pigritantis ignaviam. Nec obijci denuo potest. Dicit Gelasius: *Jure sibi vendicet*, &c. Ergo jure possidetur. Et adhuc exquisitiùs, Jure Canonum, cui non est derogatum; ergo justè, & sic sine peccato. Concedi posset jure possideri; si jure nominaliter accipiatur, non adverbialiter; quod quodam jure, sed positivo; non tamen justè, quod non ex æquitate. Præscriptiones enim sicut & servitutes introductæ sunt pro bono publico contra naturalem æquitatem. Unde circumspectè dixit Gelasius. Jure sibi vendicet; & non justè. Simile haberi potest in prædictis. Jure dederunt libellum repudii, & cui non fuit tunc derogatum; ergo justè, vel ergo ex æquitate; vel in servitute, vel usuris, vel in proprietatis possessione. Quæ omnia contra æquitatem & naturalem justiciam pro bono publico sunt introducta. Qualiter cum æquitas ubique juri stricto, ubi contraire videntur, sit præferenda, Codice Tit. De Judiciis, declaratur in hunc modum. Placuit in omnibus rebus præcipuam esse justiciæ æquitatisque quam stricti juris rationem. Nemi- mini itaque perfectè religioso, nulli serenæ conscientiæ viro Præscriptio competit & rei alienæ detentio, nec in tempore brevissimo nedum perlongo. Qualiter enim de proximo diligendo tanquam seipso Decalogi mandatum observat; qui proximum possessione propriâ sponte spoliât & scienter appropiat, aut etiam rapinæ alterius ultroneus detentor existat?

Quamvis autem indecens esse proculdubio constet, ut Epistola longa Libellum æquiparet, prologique prolixitas tractatum exsuperet; verbosæ tamen ætatis vitio victus, seu potius vestræ dilectionis glutino vinctus, patri fortè profutura

profutura verba exuberantia filius exaggerat. Satius enim vero est atque securius longèque salubrius ac venialius de duobus incommodis; ut zelo plenitudinis & perfectionis aliqua nonnunquam, quod facile est remedium verbositatis, videantur apponi superflua; quàm favore breviloqui succinctique sermonis amore nonnulla necessaria supprimi. Audiat itaque pater exhortationem ex filialis affectus mero fonte manantem. Audiat & consilium modestiæ simul & saluti accommodum. Nam si juxta Poetam, *fas est & ab hoste doceri*, multò fortius ab amico; & quòd *Non nocet admissio subdere calcar equo*; zelo sinceræ caritatis ad monendum magis quàm docendum accenso.

Constet igitur imprimis juri Menevensis Ecclesiæ pristino quoad libertatem ejusdem & dignitatem totam, præter usum Pallii, non esse præscriptum; sicut ex colloquio secretius inter Papam & Giraldum habito manifestè patefcit Distinctione Libelli istius secundâ. Post violentiam enim, ut ibi veraciter astruitur, per Regem Henricum I. factam, interrupta imprimis per Bernardum Episcopum præscriptio fuit. Postea secundò tempore Successoris ejusdem primi per Canonicos Menevenses coram Hugucione Legato & Cardinali. Tertio verò per Canonicos eosdem in Lateranensi Concilio. Quarto verò per Giraldum post Lateranense Concilium anno quasi vicesimo sexto. Per hoc autem, ut in dictâ Distinctione evidenter ostenditur, quòd Cantuarienses à successoribus Bernardi proximis duobus sacramentum extorserunt abjuratæ juris Ecclesiæ suæ. Propter quod per Canonicos ipsorum & non per ipsos facta proclamatio & interruptio fuit; clarescere potest; quòd sicut ab initio malæ fidei possessores extiterunt, puta qui per violentiam possidere cœperunt, sic & adhuc quidem malâ fide eosdem possidere. Quare non in hac possessione se longi temporis præscriptione de jure tueri possent, etiamsi nulla interruptio secuta fuisset. Ad hæc etiam quòd ante tempora Regis illius Henrici I. Menevensis Ecclesia Cantuariensi subjecta non fuit; ex Literis primis & quasi investitis ab Archiepiscopo Huberto contra Giraldum Papæ directis argumentum sumi potest non improbable: quarum verba hoc exprimentia, simul cum responsione Giraldi in litteris responsalibus factâ, hîc apponere dignum duxi. Ait enim Hubertus, aut potius Huberti Notarius. “Non ignorare vos arbitror, Pater Sanctissime, quòd Menevensis Ecclesiæ & cæterarum Ecclesiarum totius Walliæ mater & metropolis est Ecclesia Cantuariensis; sicut prædecessorum vestrorum piæ recordationis, Eugenii, Adriani, Alexandri, & Cælestini confirmationes & scripta testantur; & nuper à vobis missa pagina vestræ confirmationis ostendit.” Ad hoc sic respondit Giraldus. “In verbis his notandum moneo; quòd non à remotis incipit, sed quasi à modernis; tamen quod & literis populi ac Cleri Walliæ, quas suscepistis, concordare videtur; qui asserunt tantum tres Episcopos Menevenses Cantuariensi Ecclesiæ subditos fuisse. Sed & hoc quoque dignum est notâ; quòd scripta illa confirmationes vocat non donationes. Videat autem ipse, viderint & decessores sui; ne conscientiam Sedis Apostolicæ suppressâ veritate circumvenerint.” Sed hæc sua desiderant tempora; & nos quod instat agamus; hoc tamen adjecto, quòd clausula modica, quæ confirmationibus adjici solet, sc. *sicut justè possidetur*, & in his quoque prætermissa non fuit. Ambæ verò literæ illæ in principio Libelli Invectionum poterunt inveniri. Inquirat itaque diligentissimè Cantuariensis Ecclesiæ Prælatus, & sollicitus indagator existat, tanquam securitati propriæ consulere cupiens & saluti; utrum ante tempora Regis illius Henrici I. qui violentiam illam fecisse dinoscitur; confirmationes aliquas subjectionis Ecclesiæ Walensicæ habuerit vel habeat Ecclesia sua. Quòd si hoc invenerit ab antiquis sc. & longis retro temporibus; Summis Romanæ sedis Episcopis longè securior esse poterit. Sin autem; habere absque dubio poterit, unde sibi timeat; præ oculis quoque manibusque tenebit, quod plurimum sibi cavendum, plurimumque timendum & corrigendum



gendum occurrat. Maxime verò, si tomos & divisiones Anacleti Papæ, sicut in Pontificalibus Romanorum gestis & Imperialibus continetur, Galliarum Episcopis directas, diligenter inspexerit; Registrumque Gregorii Papæ, præcipuè verò Capitulum illud ibi contentum, cum certum sit Augustino Anglorum Episcopo directum; necnon & Ecclesiasticam Bedæ Historiam, de qua cum plurima argumenta trahantur, sicut in dictâ Libelli istius distinctione evidenter ostenditur; tria tantum illorum hîc apponere dignum duximus. Imprimis quòd septem Episcopi Britonum Augustino in finibus suis occurrentes, post varias inter ipsos sermonum collationes, demum tam ipsum quam ejus mandata contempnentes, contumaciter recesserunt. Quod quidem si vel Legatus eis à Summo Pontifice missus fuisset vel prælatus; non hoc ausi fuissent, nec illud impune fecissent. Unde cum Augustino renuerunt prædicationis, quod postulabat, esse focii; multò minùs sibi vel successoribus suis vellent esse subiecti. Secundò quòd cum Theodorus, septimus ab Augustino Cantuariensis Archiepiscopus, primus fuisset qui Concilium Episcoporum Suffraganeorum convocaret; & cum duo convocasset; & singulorum qui intererant Episcoporum nomina Beda apposuerit; nullum omnino Britonum nominavit. Constat ergo, quòd nec interfuerint, nec ei subiecti fuerint. Tertiò verò quòd in totâ Anglicanæ Ecclesiæ Historiâ, quam Beda tractavit & diligenter explanavit, nunquam reperitur Walensicam Ecclesiam Anglicanæ fuisse subiectam, sicut nec Scoticam. Quòd si ita fuisset; non illud revera Beda, qui Anglicus erat, in Historiâ suâ tacuisset.

Sed obijcitur, vel obiici potest; quòd si tam periculosa fuisset rei alienæ diutina detentio; quomodo Cantuarienses Archiepiscopi boni & sancti, præcipuèque beatus Martir Thomas talem non abhorruerit detentionem? Cæteris igitur Archiepiscopis, qui tempore dicti Regis Henrici I. vel postea sederunt, sibi suæque conscientiæ relictis, ad Martirem Thomam, ubi vis major objectionis esse videtur, respondendo stilum vertemus. Hic etenim more aliorum possessioni tali incumbens, zelum revera Dei habebat, sed non secundum scientiam. Nec enim ignorantia facti potuit excusari; qui nimirum in controversiâ, quam Bernardus Menevensis Episcopus Theobaldo Cantuariensi Archiepiscopo super hoc movit, tam Ecclesiæ Cantuariensi quam Archiepiscopo, cujus Archidiaconus erat & Clericus familiaris, totis nisibus astiterat. Nec etiam ignorantia juris, præsertim in lucro captando; si sc. vel Archiepiscopum illum primò vel seipsum postea sic præscribendo justè possidere putavit; cum neuter tamen sic possidendo vel bonam fidem vel titulum justum habuerit. Veruntamen si Martir in his vel in aliis humanæ conditionis imperfectione malè operando perperam quid quandoque commisit, vel in aliquo fortè minus agendo deliquit; lavacro sanguinis maculam omnem indubitanter diluit & delevit. Notandum tamen, quòd à tempore Regis illius totiens dicti præscriptio non cucurrit; quòd pluries, ut dictum est, interrupta fuit; quæ si etiam integrè cucurrisset, apud districtum Judicem, ut dictum est, non excusasset.

Advertat itaque cor intelligens concordie modum, quem Archiepiscopo Huberto Giraldus obtulerat, & quem bonæ sanctæque memoriæ Eustachius Eliensis Episcopus, qui tam discretus erat tamque peritus, plurimum commendabat; dicens & asserens, quòd si Cathedræ præfesset ipse Cantuariensi, se malle Archiepiscopum in Walliâ cum Suffraganeis suis sub pace stabili perpetuæque subiectum habere, quam quatuor Ecclesias ibidem Cathedrales simplices sic pendulas semper & litigiosas, cumque cauteriatâ fortè conscientia, jure provinciali possidere. Quoniam & sic initium possidendi Cantuariensis Ecclesiæ vitiosum, quia violentum, ex parte purgari posset; cum de consensu ejusdem Ecclesiæ Menevensis pristino gauderet honore, etsi non pleno. Sic quoque Cantuariensis Ecclesia plus haberet honoris; loco sc. simplicis Episcopi Suffraganei Archiepiscopum subiectum habens; multoque minus oneris,  
& cum

& cum longè meliori conscientia ; terram sc. tam remotam, quod per XV. ferè diastas, & gentem divissas ab Angliâ prorsus atque diversas linguam, leges & consuetudines habentem, qui modos & mores patriæ non ignoraret, & qui propius residens ac diligens existeret, quasi per Vicarium regens ; & tunc non nomine solum sed & omine, non vocaliter tantum sed essentialiter & quasi substantialiter, Primatiæ sedes Cantuaria foret. Non enim Primas propriè vel Patriarcha dici potest, sicut notum est satis prudentiæ vestræ, nisi qui Archiepiscopum unum vel plures subjectos habuerit ; sicut infra Distinctione IV. palam ostenditur.

Interim autem donec dictis modis aut aliis conscientiam suam Cantuariensis Antistes plenè serenaverit ; quolibet anno secundo vel tertio per se vel per Legatos discretos & justos Walensicam Ecclesiam visitet ; & pastoralis sollicitudine barbaros mores eliminet. Præcipuèque Cathedrales Sedium Episcopaliū Ecclesiās à vitiis radicatis olim & tanquam innatis, publicis scilicet fornicationibus & successionibus, purget. Per universos quoque Walliæ fines incestuosos cognatarum amplexus & sanguine propinquarum à Laicis ; cujusmodi labe tota ferè illa gens laborat. Item quod gens indomita, gens inquieta, rapinis & rebellionem semper accommoda, cædis & sanguinis sitibunda ; quod verbi constantia nulla, fidei quoque sacramentique reverentia rara. Nec mirum ; cum gens naturaliter agilis & non mente minus quàm corpore levis ; gens quoque revera solâ instabilitate stabilis, solâ infidelitate fidelis ; sicut in dicto de *Kambria descriptione* libello, distinctione II. ubi de naturâ gentis hujus & moribus agitur, plenius explanatur. Committuntur autem à Clericis præcipuè vitia tria ; Concubinarum sc. cohabitationes, & Ecclesiarum participationes, enormes quoque filiorum post patres in Ecclesiæ bonis successiones. Tam hæc, inquam, in Clero, quàm prælibata in populo vitia viribus totis & nisibus Pontificaliter emendet ; & indecentia quæque potenter extirpet ; sicut in primâ Distinctione & postremâ, capite sc. Libelli istius & calce, super Ordinis utriusque delictis, & tam admissis & commissis quàm omisissis, tractatu diligenti est declaratum. Proh dolor ! de gente quanquam moribus olim & meritis sterili & ferè prorsus inutili, docili tamen valde doctrinæque capaci, si doctor adesset & eruditor omnino non deesset. Unde cum in libro de *Kambria descriptione*, distinctione primâ, ubi de gentis istius agitur religione & erga Deum cultumque divinum devotione, tanquam antiquitus insitâ & firmiter radicâtâ ; reverentiâque locis sacris & Ecclesiasticis viris, necnon & Sanctorum reliquiis, campanis bajulis & baculis, cæterisque similibus fideliter exhibitâ, dilucidè satis & exquisitè Geraldus disservisset, denique quasi sub Epilogo summam rei seriemque concludens, clausulas has finales adjecit. Heremitas & Anachoritas abstinentiæ majoris magisque spirituales alibi non videas. Gens etenim hæc in omni vehemens est intentione. Unde & sicut malis nusquam peiores ; sic bonis quoque meliores non reperies. Fœlix itaque gens & fortunata : Gens verè utrâque sorte beata ; si Prælatos haberent bonos & Pastores, uno gauderent Principe, & illo bono. Utinam igitur quod in Jeremiâ dictum est a Domino filiis Israel conversis & reversis, hoc istis similiter à Domino diceretur. <sup>a</sup> *Dabo vobis pastores juxta cor meum ; & pascunt vos scientiâ & doctrinâ.* Jer. III. 15.

Sic & eisdem Principes utinam daret eximios, non insimul tamen plurimos, sibi ad invicem solitâ semper infœlicitate contrarios ; sed potius unicum cæteris cunctis jure succedaneo præstitutum, justum in omnibus & pacificum, moribus & armis egregium, pietate pariter & probitate conspicuum. Præter hæc etiam provideat & hoc attentius totiens dictus Archipræsul & Primas ; quod vacantibus Ecclesiis Pontificalibus, convocatis Abbatibus & Prioribus Conventualibus cæterisque de confinio viris religiosis & discretis, Electio fiat ; cui etiam privilegium Menevense super eligendi libertate manifestè concordat. Alioquin modici miserieque & moribus incompoti Sedium illa-



illarum dicti Canonici, sed veriùs concubinariï, si liberas eligendi proprio arbitrio habenas habuerint; more solito moribus suis consentaneum eligent, & non Ecclesiæ suæ necessarium; consulentes absque dubio longè propensius propriæ juxta vitam enormem indemnitati, quàm Ecclesiarum suarum utilitati. Adeò itaque per singulos Cantuariensis Provinciæ angulos, tam remotos quàm propinquos, diligens & solers vigilet curæ pastoralis executio; quatinus vel iusti legitimique regiminis plenior exuberet, centesimum nempe fructum adæquans, Prælati egregiis sicut & virginibus & Martyribus debitum, digna retributio; vel saltem ut rei usurpatæ tolerabilior existat ipsa præsumptio.

Sed quoniam Historiæ cursus, quæ lege scribendi veniâ datâ veris insistere vereri non debet, quosdam magnos in oculis hominum viros tangere videtur & notare; rarique sunt hodie Scriptorum remuneratores, & promptissimi ubique injuriarum ultores; inter Apocripha potiùs annumerari & sub incerti auctoris titulo latere noster ex industriâ libellus elegit. Satiùs enimvero & longè securius esse videbatur præmium omittere laboris incertum, quàm odium incurere periculumque de professione certissimum. *Explicit Prologus.*

#### P R Æ F A T I O.

#### Brevis subsequentiū Explanatio.

**L**ECTIO certa prodest, varia delectat. Sic fastidientis est stomachi multa degustare, saltim in legendo non seriatim incedere. Qui ergo vel occupatione nimîâ vel negligenti incuriâ seu desidiâ literis & libris, lectionibus ac studiis mentis efficaciam applicare nequiverit; duas saltem Libelli istius Distinctionunculas primas duasque postremas ordine transcurrat. Per tres autem medias quasi per saltus quosdam campestremque planiciem, ubi Giraldi labores explicantur non illaudabiles, quotiens paginam prolixiorē mens delicata studioque nimis data fastidio duxerit; tunc gustando non satiando, liguriendo quoque non guttur implendo, quasi per saltus amplos & campos amarnos saltim Lector incedat. Verumptamen sicut in primis Opusculi partibus & imis mores hominum Ordinis utriusque, potiorisque potiùs & dignioris, plenè & abunde perpendi poterunt; quod præsidenti plurimùm rectorique spirituum expedire dinoscitur, necnon & cæteris cunctis tam privatis ad vitia vitandum virtutesque sequendum, horum notitia, quoniam erudiunt plerumque bonos exempla malorum; non parum prodesse noveritis. Virtus enimvero, ut ait Boethius, virtutem diligit, aspernaturque contraria; nec potest malum vitari nisi cognitum. Sic & mediarum haud dissimiliter Distinctionum Lectio quidem non fabulosa sed Historica, vera quippe per omnia non hyperbolica, proposito viri cujusdam nostri temporis exemplo virtuosissimo, ad virtutes amplectendum virtuososque labores aggrediendum viriles animos multùm animare valebit. Virtus nimirum est virtutem diligere vel in altero; & magnum innatæ bonitatis indicium, quinimo & quoddam bonitatis ipsius & imirabilis æmulationis tanquam initium, bona quæ nondum mens ad plenum tenet, in alio diligere & approbare. Quoniam, ut ait Augustinus, qui bonum in alio diligit, quod ipse non habet, imputabitur ei tanquam haberet.

## D I S T I N C T I O P R I M A ,

Incipit Dialogus duorum, seu Sermonis inter Quærentem & Solventem alternatio.

*Quærens.* Quoniam liberalem te plurimum & affabilem novi ; item & discretione pariter & eruditione spectabilem, item & illi, de quo mihi præcipue est sermo, persfamiliarem ; item & quoniam Cleri Menevensis Capitulique, de quorum hîc actibus agitur, mores & modos intus & in cute nosse dinosceris : te longè securius & confidentius super illis, unde moveor, alternis affatibus convenire disposui.

*Solvens.* Dic igitur audacter, dic confidenter ; quoniam eâ quæ novero tibi evidenter explicare, teque super his quibus hæret & hæsitat animus tuus, prout sensero, proculdubio certificare curabo.

*Quærens.* Imprimis ergo mihi mirandum occurrit, sicut & Provinciæ toti ; quod Præsule Menevensi Gaufrido nuper rebus humanis exempto, in electione Pontificis de Magistro Giraldo, quem moribus & scientiâ præditum & Præsulatu dignum dudum prætulit & præfert Wallia tota, nulla prorsus facta mentio fuit ; præsertim etiam cum juvenilibus ejusdem annis post David Episcopum Sede vacante Dewiorum, nominatus primus & præcipuus Giraldu extiterit. Iterumque robustioribus ipsius annis defuncto Antistite Petro præcisè à cunctis & solus electus ; nunc autem cum ætate provectior & maturior, nec tamen vel delirus adhuc vel decrepitu, sed in bonâ valetudine fortis ac firmus, & ætatis beneficio longioris ampliori scientiâ præditus, rerumque multarum experientiâ providus magis ac prudens effectus ; cumque tunc & tunc tam effectuosè fuerit electus ; nunc autem cum longè dignior extiterit & præstantior, non rememoratur ; nec ad dignitatis honorem præ cæteris, ut solet, debito de jure vocatur, satis admirari non possum.

*Solvens.* Tuam hanc, Fili dilecte, dubitationem & admirationem tibi satis evidenter, ut arbitror, & indubitanter absolvam. Tempore utroque, cum primò & secundò fuerat Giraldu electus, adeò in Anglorum regnò juxta antiquæ tyrannidis abusum, adversus ecclesiasticam potestatem regiæ potestatis rigor invaluit ; quod nonnisi ad Principis nutum ulla de facili fiebat electio. Proinde quum Clerus Menevensis pro certo sciebat, quod Rex Anglorum de gente sibi inimicissimâ, sc. Walensicâ, in principali Ecclesiâ Walliæ Prælatum fieri nullatenus admitteret ; pelli suæ timentes & possessioni, propter publicam, quam in Meneviæ Demetizque finibus nimis urgebat, potestatem, quoniam purum Walensem eligere non ausus fuerat ; quasi dispensativè mixtum, & ex utrâque gente oriundum, Britannicâ sc. & Normannicâ, Giraldu elegit. Quem non solum literali eruditione & clericali conversatione præ multis coætaneis & compatriotis suis fore conspicuum, verum etiam ampliore reddituum ad sumptus, si opus ingrueret, sufferendum juxta patriæ modulum facultate, & ad labores etiam aggrediendum & sustinendum animositate, magis idoneum novit. Et tamen utrâque vice quoniam electionem seu nominationem citra Regis assensum juxta temporis illius abusum facere præsumpserunt ; rebus & redditibus suis per regios ministeriales spoliati fuerunt. Eâ namque tempestate quasi regulare in Angliâ fuit ; quod nemo Walensicus vel etiam in Walliâ natus, quamvis Anglicus & dignitate dignissimus, propter mores, qui à convictu contrahi solent, Episcopus in Walliâ præficiendus ;

[ X x x ]

sed



sed magis de Angliâ oriundus, quanquam ibi vilissimus & quasi pro nullo reputatus, cuilibet in Walliâ nato & quantumlibet honesto & laudatissimo præferendus. Hæc etenim Anglorum opinio & quasi sententia rata; quod vilis & abjectus in Angliâ validus & acceptus in Walliâ. Unde juxta Augustini de talibus irrisionem, qui Monachos in religione Canonicis & Clericis præferre volebant; sicut, inquit, malus Choraula bonus Simphonicus est; ita & malus Monachus bonus Clericus. Sic quoque malus Anglicus bonus Wallicus; hoc est, malus in Angliâ bonus in Walliâ. Nunc autem<sup>a</sup> quum Ecclesia tam Anglicana quàm Walensica per Dei gratiam respirando, servitutis à se majori jam ex parte jugum excussit; & refranatâ plurimum publicæ potestatis oppressione, tam populum quàm clerum oculo benigniore pietas divina respexit; ad purum sibi Wallensem præficiendum, quoniam de talibus totum propemodum Menevense Capitulum est confertum, occasione temporis audaciam sumpsit.

Et ut exemplo posito evidentius & clarius quod asseveratur appareat; tempore Regis Stephani minoratâ non modicum fiscali potestate ex gravi, quæ tunc urgebat undique ferè, regni turbatione; defuncto Præsule Bernardo, quum Canonici Menevenses puta varii & diversi, diversis nimirum ex populis congregati, unanimes in eligendo esse non poterant, schismate in Ecclesiâ facto, Wallenses, quorum tunc quoque sicut & nunc numerositas major sed dignitas minor, in purum Wallensem consenserunt; eumque Theobaldo Cantuariensi Archiepiscopo tanquam Electum suum præsentaverunt. Franci verò & Anglici è diverso, quanquam numero potiores, merito tamen longè potiores & digniores, Canonicum suum & Archidiaconum de Keirdigaun, cui nomen David, virum ex utrâque gente ingenuis natalibus ortum, elegerunt; & coram dicto Archiepiscopo in Angliâ per sententiam obtinuerunt. Unde, sicut virum<sup>b</sup> quendam magnum & autenticum inque summo ac præclaro dignitatis apice constitutum, cum super Electionibus Anglicanæ Ecclesiæ in præsentia ipsius sermo fieret, dicentem audivimus; quod ubicunque Monachi in Cathedralibus Ecclesiis jus Electionis habent, si libere in eligendo procedere possent, nunquam præter Monachum quenpiam eligerent; nisi remedium desuper quandoque fuerit indultum, & à Curiâ Romanâ consilium remediabile datum. Sic etiam veraciter dici poterit; quod ubicunque Walenses liberas ad eligendum habenas habuerint, nunquam propter probitatem aliquem aut virtutem quenpiam præter Walensem sibi præficient; & illum gentibus aliis neque naturâ, nec nutriturâ nec natione, sed nec educatione permixtum. Proinde & de Monacho tali in casu à Monachis assumpto, quatinus de similibus similia conjectes, exemplum ponere præter rem non putavimus.

<sup>c</sup> Nobili Cantuariensium Martiri Thomæ Monachorum electione successit Monachus & Dovorix Prior Ricardus; tot bonis ac validis Angliæ personis in Clero constitutis & dignitate dignissimis, quasi pro nichilo apud ipsos reputatis. Rege nimirum Henrico II. propter guerram ejus gravissimam à filiis ejus & Rege Francorum motam transmarinis in partibus tunc temporis agente, & ad hoc solitâ efficaciam intendere non valente. Quid autem ex hac

<sup>a</sup> Anno enim 1215. Johannes Rex, Papæ in omnibus morem gerens, Ecclesiis Angliæ Cathedralibus liberam Præsulum eligendorum facultatem concesserat, & charta suâ confirmaverat. Charta extat apud Matthæum Paris. p. 263.

<sup>b</sup> Stephanum Cant. Archiepiscopum hunc fuisse indicat in *Speculo Ecclesiæ*, Dist. 2. cap. 19.

<sup>c</sup> Omnia usque ad finem hujus Sectionis Giraldus operi suo, cui *Speculum Ecclesiæ* titulus,

inseruit, istâ Præfatione præmissâ. *Dist. 2. c. 19.*  
*Quanta verò incommoda Anglicanæ Ecclesiæ nostris diebus per Monachorum electionem & eorundem in Pontificalibus Ecclesiis, & maxime in Cantuariensis Ecclesiæ sede principali, promotos acciderint, & utilitates è diverso quantæ & quàm honorificæ per Clericos ibidem assumptos evenerint; sicut in Dialogo nostro nuper edito & Archiepiscopo Cant. Stephano præsentato satis dilucidè est declaratum, quedam ex illis & hic apponere nec inutile quidem nec superfluum esse decrevimus.*

præsumptione contigerit, satis immo plusquam satis novit Anglia tota. Ecclesiasticam namque libertatem olim in regno perditam, quam dictus Martyr egregius, caput ad hoc gladiis exponens, cerebrumque cum sanguine fundendum & effodiendum præbens, tam laudabiliter evicit, succedens ei Monachus ille per ignaviam jus obtentum minimè defendens, quod tunc revera calente adhuc Martirii memoriâ tam recentis facillimè fieri potuisset, si vel in modico rigorem Ecclesiasticum exercuisset; totam, prohi dolor & damnum vix reparabile, continenter amisit. Unde & cum morbo decumberet, quo paulò post decessit; hanc vocem terribilem coelitus emissam audivit. *Dissipasti Ecclesiam meam; & ego eradicabo te de terra.* Sed utinam de terrâ morientium, non viventium; de terrâ quam cernimus, non illâ quam quærimus; de terrâ laboris & sudoris, non terrâ dulcoris atque decoris.

Ut autem de Cantuariensi Ecclesiâ sumamus adhuc exempla; successit ibidem Monacho Monachus, quod Ricardo Baldewinus, dissimilis quanquam habitus & eruditionis; vir utique literatissimus & religione probatissimus; sed adeò morum lenitate nimia, animique simplicitate præditus immoderatâ; quæ pastorem in ipso rigorem prorsus absumpsit; ut ob innatum sibi teporem nimium ac torporem, cum hoc ordine in Ecclesiâ gradatim ascenderit; melior Monachus simplex quàm Abbas, melior Abbas quàm Episcopus, melior Episcopus quàm Archiepiscopus, fuisse videretur. Unde & eidem Urbanus Papa quandoque scripsisse recolitur in hunc modum. "Urbanus Episcopus, servus servorum Dei, Monacho ferventissimo, Abbati calido, Episcopo tepido, Archiepiscopo remisso, salutem, &c." Propter hunc itaque vivacis naturæ defectum, quem noveris in Prælato non modicum, nec hujus quoque tempore vel ejus operâ, quanquam Martirii tunc memoria recens & Miraculorum gloria frequens, libertas Ecclesiæ prædicta fuit aut in modico recuperata. Sancta quippe rusticitas ut ait Jeronimus, sibi solum prodest; & quantum exemplo valet, tantum silentio nocet. Baculo namque pastorum & latratu canum lupi sunt arcendi.

Successit & huic Hubertus, vir vivacitate quidem & animositate conspicuus; sed quoniam nec literalis eruditionis copiâ præditus, nec intensioris forsân religionis gratiâ fecundatus; propter hos in ipso defectus maximos, neque ejus quoque diebus à servitutis incommodo Ecclesia Anglicana respiravit. Poterant autem, quantum ad humanum spectat examen, decessoris hujus ultimi literatura pariter & religio, necnon & hujus animositas, rigor & strenuitas, si in unâ fortè personâ circumscriptis vitiis hæc violantibus conjuncta fuissent, dignum Martiris egregii Cantuariæ constituere Successorem. Strenua namque simul & devota Prælatio tanquam tuba vocem exaltat, & scelera sua populo Dei confidenter annuntiat: seque pro domo Domini murum opponens, animamque suam dare pro ovibus suis, imminente gregis periculo & necessitatis articulo, non formidat.

Successit Huberto Stephanus, de Angliâ oriundus, sed in Curiâ Romanâ de Cardinali in Archipræsulem Cantuariensem electus & consecratus; qui post afflictiones & persecutiones Ecclesiæ multas occasione suæ promotionis exortas; libertatem ejusdem, quam Thomas tam viriliter evicit, quamque Successor ejusdem uterque tam ignaviter amisit; & quam tertius quoque plus per inscitiam & divini canonicique juris imperitiam quàm per ignaviam aut pigritiam non recuperavit; tandem<sup>d</sup> Stephanus caritate fervidus & animosi-

<sup>d</sup> Verius primævam Ecclesiæ Anglicanæ libertatem Thomas labefactavit, Stephanus autem funditus sustulit, Ecclesiam antea liberam Romani Pontificis jugo subjicientes. Ecclesiæ Anglicanæ libertatem ante Thomæ inimicitias cum Henrico Rege initas sic enar-

rat Monachus Cantuariensis in Vitâ ejus post biennium à morte scriptâ, quæ MS. habetur in Bibliothecâ Lambethanâ. Henricus Rex optabat & agebat, ut Ecclesiasticorum status in regno suo redigeretur ad avitum temporis modum. "Tunc autem nihil vel pa-  
[ X x x 2 ] rum



tate, calibatâ quippe religione præditus & eruditione probatâ per Dei gratiam sui que industriam, citra sanguinis effusionem, quod vix credi poterat aut sperari, foeliciter obtinuit: Utpote vir omni penitus tam industriæ quàm naturæ, quantum ad humanum spectat examen, defectu carens; Canonicamque pastoralis viri descriptionem plenè in suâ personâ vel propemodum adimplens.

Da mihi nunc quæso, & præmium accipito, Monachos nostri temporis duos his Clericis duobus, quorum unus libertatem Ecclesiasticam tyrannicè deprefam sub capitis discrimine tam viriliter evicit, alter eandem denuo deperditam & tanquam ex toto deformatam tam strenuè deformavit, dignè comparabiles. Monachos apertos dico, non opertos aut occultos, qui magis actu Monachi sunt quàm habitu, magis existentes sc. quàm apparentes. Horum autem secundi quidem fuit Electio purissima, nullâque penitus ex parte fermentata. Primi verò etsi non adeò ad initio pura, processu tamen temporis fuit ad ple-

rum in eo consueverat Romanæ sedis censura. Tunc enim magis ad Regis arbitrium etiam in Ecclesiasticis quæque gerebantur; præfidentibus tamen temporis illius Archiepiscopis, sed propriam tenentibus pro consuetudine regni mensuram. Hoc itaque iustè sibi vindicare credebat, quod sui decessores obtinuerant. Nihil enim, sicut ei suadebatur, contra legem Evangelii vel Apostolorum vel Prophetarum vel Sanctorum dignitatis suæ jura faciebant. Ideoque licitè zelandam credebat eorum observantiam, nec ob contrarias Imperatorum vel Episcoporum constitutiones abolendam. Sed & ad eadem subditos priores Archiepiscopos priores Reges habuerant; quorum etiam plures indubitata sanctitatis memoria veneratur. Non minus autem & salutis & honoris Archiepiscopo suo sicut dicebat & optabat & manere posse putabat. Voto quoque sibi multum fore jurans, ut sublimiùs & foeliciùs ipse eis præfideret, & ad hoc ope consilioque se pro viribus affuturum promittens. Gloriam quippe suam præcipue fore, si & is quem creaverat non minùs gratiam apud Deum & homines optineret, & in eo divinam sententiam electioni suæ concordare probaret. Præsertim enim detestans & declinare volens Romanæ Curie supercilium & ambitionem, Archiepiscopo soli suos ad iudicium subditos fieri nitebatur, consequenter & sibi subdendos esse metiens, & quosdam etiam de Clero discolos aut infidos pro arbitrio reprimendos conjiciens. Quis enim in regno præpedire posset, in quo Regis & Archiepiscopi nifus concurrerent? Paria ferè habet Henricus de Hertley, S. T. D. Cancellarius Academiae Oxoniensis in Concione habitâ solenniter in Universitate Oxon. anno 1313. de laudibus S. Thomæ Cant. MS. in Bibliothecâ Lambethanâ paulò ante finem. "S. Thomas confessus fuit se non habuisse canonicum ingressum; sed renunciavit in

manibus Papæ. Nam certè Thomas talem habuit ingressum in Archiepiscopatum, qualem alii ante eum etiam magni & sancti viri habuerunt, sicut Anselmus, Lanfrancus. Nam tunc fuit consuetudo Regum Angliæ, quòd dabant Episcopatus vacantes quibus vellent; & si fiebat electio, habebat in Capellâ Regis ipso Rege præfente cum aliis per eum vocatis, & reputabatur tunc temporis talis ingressus satis canonicus & legitimus. Sed Thomas istam consuetudinem in humili resignatione quam fecit in manus Papæ, de cætero abrogavit; in quo summè promovit Romanam & totam Universalem Ecclesiam, quantum ad illam libertatem. Ego puto, quòd si esset modò in regno Angliæ talis consuetudo quòd per illum modum Episcopi crearentur; non de facili aboleretur per potestatem Summi Pontificis. Et quidem cum Johannes Rex apud Northampton argueretur per Legatos Papæ, quòd usurpavit super libertatem Romanæ Ecclesiæ conferre Episcopatus, ipse respondendo allegavit rationem; quomodo S. Edwardus secundum consuetudinem suorum progenitorum tam Anglorum quàm Normannorum contulit Episcopatum Wigornensem S. Wilfrido; & quomodo postea Willelmus Dux Normannorum & Rex Anglorum voluit eum amovisse, quia nescivit Gallicum, sed postea eum in pace dimisit. Item quomodo idem Willelmus deposito Stigando Cant. Episcopo contulit Archiepiscopatum Lanfranco de Cadomo natione Lumbardo. Item quomodo pater suus Henricus II. contulit Archiepiscopatum Cant. S. Thomæ. Ad hæc omnia respondit Legatus nomine Pandulphus; quòd illa consuetudo fuit abolita per S. Thomam Cant. qui resignavit in manus Papæ totum suum jus quòd habuit: & ex eo tempore facta est Romana Ecclesia omnium aliarum hujus regni Domina ac Magistra.

num per ultroneam resignationem purificata. Quinetiam si maculam aliquam vel inde vel aliunde fortè contraxit; lavacro sanguinis, quod Martyribus statim gloria, diluta confestim ex toto fuerat & deleta. Sicut autem huic primo martyrium corporis occultum ad ampliorem purgationem viventi non defuit; sicut ex post facto claruit; sic & huic secundo simile martyrium per afflictionem occultam simul cum abstinentiâ à carniū esu publicâ valetudini humanæ valde inimicâ, deesse non crediderim. Et sicut primus ille periclitante Ecclesiâ caput suum ad ejus tuitionem gladiis impiorum exposuit; sic secundum istum, si causa, quod absit, urgens ingruerit, se pro domo Domini murum oppositurum, caputque simul & corpus totum pro Ecclesiâ tuendâ, si necessitas exegerit, persecutoribus & percussoribus expositurum, piâ satis probabilique præsumptione quasi certus extiterim. Non igitur in vestibus pullis; non in amplis cucullis, sed in cordibus puris intimisque medullis latitat religio vera. Propterea non juxta exterioris habitûs cultum, sed magis interioris habitûs animum pariter & actum, consideratis quoque præscriptis virtutum circumstantiis, dictos duos viros illustres tam gloriosè & tam insigniter exornantibus, non nationis intuitu vel cognationis, nec utilitatis obtentu propriæ, sed communis potiùs Ecclesiæ simul & patriæ, de gente vel ordine quovis, dum tamen dictis idoneus modis, ad curam pastorem est eligendus.

*Querens.* Placet mihi plurimum, præceptor & Domine, rationum tuarum assignatio: sed restat adhuc, unde moveri possum. Cum Menevensis Ecclesia ex utrisque populis, Anglicis sc. & Wallicis, sit confecta; longèque Francos & Anglos tam moralitate quàm scientiâ præcellere constet: quod sibi de gente Walensicâ prælatos præfici tantopere cupiant & affectent: cum potiùs Ecclesiæ suæ, sub cujus alis ab antiquo majori ex parte propaginaliter & parentaliter tam nati sunt quàm educati, de Pastore idoneo sibi præficiendo, qui & præesse noverit & prodesse; maximè verò cum non possit Ecclesiæ melius & utiliùs quàm in tali articulo provideri, præ rebus omnibus operam deberent propensio-  
riorem.

*Solvens.* Nosse te novi, quod notum in Walliâ nimis est atque notorium, Canonicos Menevenses ferè cunctos, maximè verò Walensicos, publicos fornicarios & concubenarios esse, sub alis Ecclesiæ Cathedralis & tanquam in ipso ejusdem gremio focarias suas cum obstetricibus & nutricibus atque cunabulis in laribus & penetralibus exhibentes. Paternarum nempe suarum traditionum præter modum æmulatores, & transgressionum enormium imitatores non minùs impudenter quàm imprudenter existentes: adeò quidem ut sicut patres eorum ipsos ibi genuerunt & promoverunt, sic & ipsi more consimili prolem ibi-

\* In Angliâ non minùs quàm Walliâ consuetudinem istam adhuc invaluisse Giraldus in *Speculo Ecclesiæ* MS. Dist. 3. cap. 8. fidem facit his verbis. *Exemplum de Presbytero, qui nostris diebus in Angliâ nec procul à Walliæ Marchiâ Ecclesiam filio suo cesserat; & per annos XX. vel plures liber ab animarum curâ & secularibus negotiis cunctis, assiduus in Ecclesiâ divinis obsequiis & orationibus intentus extiterat. Hic in eadem camerâ cum filio suo Presbytero lectum suum habebat. Filius autem more Sacerdotum Parochialium: Angliæ ferè cunctorum damnabili quidem & detestabili publicam secum habebat comitem individuatam & in foco focariam & in cubiculo concubinam. Contigit autem, quod ille vocatus ad Synodum procul inde remotam per dies aliquot absens existeret, concubinâ suâ nihilominus*

*more solito de nocte cubile tenente. Veteranus autem ille in angulo quodam domus ejusdem cubiculum habens, solum se cum solâ conspiciens, tantæq; opportunitatis occasionem captans, post lucem pectoris gravem tandem instigante Diabolo stuprum meditatus, noctu surgit, & ad mulieris lectum pergit. Illa venientem aspiciens statim exclamavit dicens. Errâstis, pater, errâstis; non hic est locus vester, &c. Et ille respondens. Erravi verè, filia, erravi; & ex toto mente captus exorbitavi, &c. Hinc clarissimè constat concubinam istam lege conjugali Presbytero conjunctam esse, quali & concubinas Presbyteris Walensibus conjunctas esse Giraldus dicit. Invisum quidem Concubinarum nomen Giraldus apponit. Verùm id partium studio deputandum est.*

dem



dem suscitant, tam in vitiis sibi quam Beneficiis succedaneam, Filiis namque suis statim, cum adulti fuerint & plenè pubertatis annos excefferint, Concanonicorum suorum filias, ut sic firmiori fœdere sanguinis sc. & affinitatis jure jungantur, quasi maritali copulâ dari procurant. Postmodum autem occasione captatâ vel ab obsequiis, impensis, vel aliis quibuscumque modis; quod per fas omne nefasque, ut id peragatur, invigilant, multiplicatis etiam ad hoc de Capitulo, cum locus affuerit, quoniam dicto modo cognati sunt omnes aut affines, intercessoribus, Canonicas suas filiis suis conferri per cessionem non inefficaciter elaborant; ipsis tamen nichilominus, ut antè, tam in Choro quam Capitulo locum dum vixerint & auctoritatem retinentibus. Unde & quoniam tum propter fornicationis & incontinentiæ crimen, quod inde contrahitur atque fovetur, tum etiam propter successionis in Clero maculam, quam Canones condemnant, morem istum apud bonos viros bene morigeratos & eruditos abominabilem & detestabilem norunt; ideo de gente suâ tales, qui neutrum, vel successionis sc. in Clero, vel fornicationis in populo ferè toto sicut & in Clero, crimen abhorrent; apud quem nempe spurii & nothi & contra legem nati & geniti, sicut & legitimi, hæreditatem consequuntur, Prælatos habere desiderant. Successionis quippe vitium non solum in Sedibus Cathedralibus, verum etiam adeo per totam in clero sicut & in populo Walliam pertinaciter invaluit; quod qualis ibi populus, talis & sacerdos; quod post patres filii passim Ecclesias & consequenter obtineant, tanquam hæreditate possidentes, & polluentes Sanctuarium Dei. Nam etsi Prælati alium eligere quenpiam & instituere fortè præsumpserint; in instituentes proculdubio vel institutos, quod generosis ob hoc ex industriâ se copulant, tanquam pro terrâ laicali violenter ablatâ, genus injuriam vindicaret. De duobus autem excessibus, incestus videlicet de sanguine propinquis tam in Clero quam populo copulatis, & successionis in Clero, radicatis olim in Armorica Gallia Britannia, necdum eradicatis, similiter scribit in quadam Epistolâ suâ Ildebertus Canomaniensis Episcopus, dicens se Concilio interfuisse cum Clero Britannia ob has enormitates gentis illius extirpandas convocato. Ex quibus constare potest utrumque vitium toti huic genti Britannicæ, tam transmarinæ sc. quam cismarinæ, ab antiquo commune fuisse. Hæc igitur est causa, quare quantopere de gente suâ Prælatos appetant; ut sc. innata sibi suæque genti vitia, & tanquam ex usu longævo seu veriùs abusu velut in naturam conversa Episcopi tales non abhorreant; ideoque facillimè prave consuetudini ipsorum morem gerant.

*Quærens.* De Prælatiis Walensicis promovendis satis factum ad præsens, satisque mihi dictum esse videtur. Sed de duobus ultimis Episcopis Anglicis regiâ huc potestate translatis, dictam successionem foventibus, filiosque post patres promoventibus, rationem constare non video.

*Solvens.* Ubi nulla est ratio, sed magis revera rationis abusio, rationem assignare non præsumo; Magistri tamen Marbodi versus hunc metricum tibi pro ratione commemorans. *Non esset vitium, si non ratione careret.* Dictum est autem per fas omne nefasque cessiones hujusmodi & successiones, ut fiant, procurari solere. Dicit enim Poeta. *Etsi non rectè possis, quocumque modo rem.* Et alibi quoque quasi temporis sui deridens avaritiam & describens ait. *Unde habes quarit nemo; sed oportet habere.* Ex his ergo conjectes lineari circiter hæc directoque procedere non omnia cursu. Exempla verò de multis aliqua, & de plurimis pauca tibi proponere præter rem non putavi. Sicut de terrâ Præbendæ de Brewdi carnalis affectus obtentu tam amplè collatâ, postmodum eidem perjurio fratrum sublatâ & militari feodo assignatâ; qui ut sibi invicem, maximè in terris adquirendis, vitio gentis suæ commoda parent, nullam fidei sacramentive transgressionem abhorrent. Ad facinus etiam hoc concinnandum rectori

oculos

oculos sed malè regentis, argenteo XX. Marcarum collirio liniente & demulcente lippientes. Similiterque de Landegof militaribus feodis duobus medicamento distractis. Sicut & de terrâ de Trallan pro bobus & vaccis prætereuntibus ferè & propemodum immo verius præter modum dimidiatâ & in perpetuum alienatâ. Quoniam igitur hos & hujusmodi tam in Prælatis quàm subditis excessus, veluti terrarum Ecclesiæ translationes & alienationes, non puras etiam aut gratuitas, provenientes in Clero successiones, sub alis quoque matris & matricis Ecclesiæ Menevensis publicas & scandalo plenas fornicationes, item Canonicarum & Ecclesiarum simoniacas empriones & Giezticas venditiones Giraldus plurimum ab ineunte ætate displicuisse noverunt; propter quod Episcopis loci illius Canonicæ commonitionis & correptionis Epistolas sæpius more debito destinavit, Canonicis quoque loci ejusdem præscripta relinquere vitia contrariasque sequi virtutes zelo caritatis & fraternæ dilectionis sæpe suasit nec persuasit; ipsum ob hæc valde suspectum, quia moribus suis omnino contrarium; & quoniam juxta Philosophi sententiam, Omnis amicitia ex morum concordia; & quoniam cum distant mores, ut dici solet, male conjunguntur amores; latenter exosum habuerunt. Quod & ei statim nactâ temporis occasione tranquillioris & libertatis Ecclesiasticæ serenioris, ut de gente suâ quenpiam ausi eligere forent, ostenderunt; suæ proculdubio juxta status in quo nunc sunt, & à quo ne discedant, dentibus & unguibus hærent, enormium quibus involvuntur abusuum potius indemnitati consulentes, quàm matris Ecclesiæ suæ præsentibus temporibus aut futuris utilitati vel honori providere curantes. Verumptamen Gaufreddo Episcopo letali morbo correpto; statim quidam ipsorum, & hi quoque qui majores in Capitulo partes habere videbantur, Giraldum in Angliâ literis & nunciis crebris sollicitârunt; moventes & consulentes, quatinus ad Cathedram Menevensem in brevi suscipiendam se præparare non tardaret; suum ad hoc suorumque consilium atque favorem, dum tamen consilio & prudentiâ regi vellet, absque dubio promittentes. Quendam etiam ex ipsis sibi familiarem magis & consanguineum ad ipsum, defuncto Gaufreddo, destinârunt, per quem inquirere possent & certi existere, si ad promissiones aliquas seu cautiones emittendas aut obligationes quomodolibet induci posset. Porro quum tam in primâ temptatione quàm secundâ firmum eum & inflexibilem invenerunt, dicentem & asseverantem; quoniam ad meliorem Angliæ Cathedram, nedum ad pauperulam illam & undique depilatam, cum scrupulo damnationis aut Simoniacæ contagionis assumi nullatenus vellet; aliud ab ipso responsum habere non valentes, ad aliud consilium se verterunt.

*Quærens.* Miror autem, si Giraldus centum Marcarum aut plurium annuos in Ecclesiis redditus habens, in illâ pauperulâ Ecclesiâ circiter XX. Marcarum certos annuatim redditus vix habente, inque terrâ hispidâ & horridâ, inquietudine plenâ & hostilitate repletâ, genteque barbarâ, cædis & sanguinis omni tempore sitibundâ, præfici vellet & præponi.

*Solvens.* Mentem in hoc Giraldi tibi, ut arbitror, dicere possum. Si vocatus ab omnibus unanimiter fuisset, & à nullo recusatus; nec Rege quoque nec Archiepiscopo dissentiente; quod vix revera fieri posset, tum propter generositatem ejus, qua principales Walliæ viros propinquâ consanguinitate contingit, cum propter quæstionem statûs Menevensis Ecclesiæ tam pertinaciter olim Dorobernensi Ecclesiæ motam. Si hoc, inquam, ita contingeret, quod nonnisi per miraculum Dei quæ dispositionem sic ordinantem contingere posset; tunc onerosam paupertatem illam non recusasset; illam sacræ Scripturæ sententiam ad animum revocans, & commemorans. *Hoc velis, quod Deus vult: alioquin curvus es.*

Quan-



Quamquam tamen periculosissimus sit Antistitum status; nisi moribus antestent, sicut & honoribus antecedunt: quod testante Jeronimo, vilissimus reputandus est Episcopus; si non præcellat scientiâ & sanctitate, qui est honore præstantior. Tales enim esse Prælati debent & Pastores, quorum respectu cæteri grex dicantur. Unde cum B. Martinus se longè minùs virtuosum, postquam in Archiepiscopum promotus fuit quàm antè, proculdubio comperit: quid aliis accidere poterit, ubi tanta Ecclesiæ columna defectum in hoc articulo sumsit? Quid enim faciet virgula deserti; ubi concutitur cedrus Libani? Verumptamen legitur de B. Bernardo Clara-valensi; quod multò appetierit zelo iusticiæ sedere per triennium, sicut & ipse nonnunquam assererat, in sede Papatus propter tria maxime; quatinus Episcopos Exemptos revocaret ad Archiepiscopos suos, & Abbates similiter Exemptos ad obediendum Episcopis suis; quatinus sic membra substracta capitibus suis redintegrentur. Secundum erat, ne quis in Ecclesiâ duas dignitates haberet, & biforme monstrum duorum capitum in se prætenderet. Tertium verò, ne Monachus seu Canonicus in Cellâ vel alibi extra Conventum degeret; ubi nimirum nec ordo servatur nec honestas. Sic & Giraldus zelo consimili propter jura ecclesiastica per incuriam præsentium & ignaviam olim perditâ, necnon & dignitatem Metropolitica Ecclesiæ suæ pro viribus totis recuperandâ, in Clero quoque propter fornicationes publicas & successiones & Ecclesiarum partitiones eradicandas, & enormitates has ac similes hæctenus incorrectas in normam & formam revocandas; sedere aliquamdiu in Sede pauperulâ totiens dictâ, dum tamen a Domino vocatus ut Aaron, & non intrusus ut Chore, concupisceret. Porro permittuntur interdum propter peccata populorum, sublati eisdem iracundicè Principibus bonis ac Prælati, tam Tyranni intronizari, quàm Trutanni & hypocritæ incathedrari.

Ut autem ad rei seriem revertamur; verè nimis onerosa viro suæ naturæ memoratæ pauperis illius Ecclesiæ multis ex causis cura fuisset. Inprimis quod nunquam angî cessaret animus ejus, nunquam respirare vel quiescere posset spiritus ejus; donec terras per pastorem incuriam aut avaritiam perditas olim & alienatas, cæteraque similiter Ecclesiæ suæ de jure competentia, pro viribus totis & nisibus in statum debitum ac pristinum revocaret. Unde & Archiepiscopus Hubertus, dum inter ipsum & Giraldum funus traheretur tam contentiosus, quandoque dixisse memoratur; quod citiùs atque faciliùs promotioni Giraldi in Wintoniensi Ecclesiâ, si vacaret, consentiret quàm Menevensi. Item etiam quoniam fixum animo Giraldus habuit firmumque propositum; quod ad justas Ecclesiæ suæ facultates & non undecunque congestas, si promotus fuisset, artaret expensas & aptaret; paupertati patriæ morem gerere paratus, suâque sorte contentus & non ingratus. Viderat enim quosdam Episcopos, sicut referre nonnunquam consueverat, duos sc. ultimos, ab Anglicanis Monasteriis Menevensem ad cathedram potestativè potiùs quàm electivè canonicè translatos; ut opulentiis affluere, sicut assueverant aut in Angliâ viderant, multasque sequelas & evectiones innumeras circumducere & pomposè incedere possent; ad pecuniam modis quibusslibet congerendam, tam Officiales suos undique rapidos, quàm etiam Ministeriales ubique rabidos, ad Clericorum pariter & Laicorum enorme gravamen, exacuere præter modum & instigare non cessabant. Horum autem gravamina quædam zelo revera rectitudinis & non amaritudinis, quoniam livor omnis & rancor post fata quiescit, in medium proponere non inutile duxi; quatinus hæc audientes sive legentes similia vitare vitia curent & virtutes imitari. Neminem itaque nomino, neminem expressè noto; quatinus & videntes non videant; & audientes quid de quo dictum fuerit, non advertant.

De Laicis igitur ut primò dicamus, qui per Senescallos & ministrorum manus, maximè verò per principalem illum de Pebidiauc aut Vicarium ejus, ad pecuniam extorquendam miseri finium illorum incolæ & indefensi, viduaque passim & orphani sive pupilli, quòd nulli omnino sexui, nulli parci aut deferri solet ætati, non solùm deplumari verùm & excoriari solent, nullà sibi vel suis per querelam quantumlibet flebilem & miserabilem restitutione factà seu consolatione. Præter hæc etiam de naufragis & naufragium passis, cujusmodi casus in finibus illis creberrimè propter mare Hybernicum præterfluens tempestuosissimum accidere solent, non hîc prætereundum. Per quos sc. casus non solùm naufragi & periculum passi, verùm etiam habitatores finium illorum cuncti per fallas impositiones & fraudulentas causationes & accusationes gravamen incurrere solent immoderatum, & judicium nullà prorsus misericordiâ temperatum, Sed nonne judicium sine misericordiâ fiet illi, qui non fecit misericordiam? Videas autem è diverso Jure cautum Imperiali; quòd Præsides revocandi à Provinciâ & removendi, sub novis Præsidibus eisque subrogandis cunctis querimoniam facturis per quinquaginta dies respondere tenebantur, cunctaque per impressionem ablata restituere; nec fiscalibus tamen usibus sed passis injuriam & oppressis singula proventura. Item etiam de naufragis cautum esse novimus in hunc modum. "Piorum Imperatorum emanavit auctoritas; ut etiam earum rerum, quæ in tempestate maris levandæ navis causâ ejiciuntur, dominium non amittatur. Non enim eas quis eo animo abjecit, quòd habere nolit, sed quòd periculum effugere possit. Unde & qui res ipsas lucrandi animo abstulerit, furtum committit. Quæ namque major impietas quàm affictos affligere, & quassatos confringere, & à vento marique vix ereptos crudeliorem mutis elementis hominum malitiam & avaritiam invenire". Porro si tanta pietas & æquitas Gentilium fuerat & Infidelium; quantò major esse deberet religiosorum & fide præditorum, Christi que Sacerdotum atque Pontificum?

Nunc autem ad Clericos revertamur; de quorum gravamine exempla proponere quædam, quæ Giraldus querulis plerumque verbis, miserorum condolens & compatiens oppressioni, detestari solet, præter rem non putavi. Cùm quendam Presbiterum suum porcis abundare pinguibus Episcopus explorasset; vocatum ad se sic convenit. Decem mihi porcos contra Natale, quod nunc imminet, dabis. Cui Presbiter. Domine, porcos non habeo nisi paucos, & illos mihi familiæque meæ pernecessarios. Subjecit autem Episcopus; quòd nunc dabis viginti. Cui Presbyter. Bonum est mihi, quòd porci mei ludendi jocandique materiam Domino meo dederunt. Cui Episcopus. Rem certè nunc agi seriam, non jocosam aut ludicram, priusquam à me discedas, indubitanter experieris: & nunc dabis triginta. Presbiter autem misericorditer secum agi, cùm in nullo deliquisset, postulavit. Episcopus autem è contra quadraginta porcos eum sibi daturum asseribat: affirmans etiam, quòd quotiens negaret aut donum differret, decem ei porci semper accrescerent. Presbyter autem videns verbum Episcopi mutari non posse vel modificari, quòd utinam in bonis tam stabile fuisset, consilio quorundam astantium, qui mores Episcopi noverant, ne mora majus periculum gigneret & nimium extorsionis incrementum adjiceret; quadraginta porcos pingues & pulchros se daturum Episcopo firmiter pepigit, & persolvit. Si causam quæris hujus extorsionis & rationem; aliam tibi non assignabo, quòd non alia fuit, nisi quòd porcis pinguibus Presbiter abundabat. Fuit & alius Presbiter in partibus eisdem, similiter porcis abundans; qui levi ex causâ vel nullâ, nisi quoniam Episcopus porcos habere volebat, in sexaginta porcos grandes & grossos est condemnatus. Unde & inter Episcopum & Archidiaconum suum grandis exorta contentio fuit; Archidiacono partem suam, tertiam sc. sibi de jure debitam, inde petente, Episcopo verò è contra negante & asseverante, sicut in majoribus semper proven-



tibus hac Archidiaconum arte deludere consueverat & exortem facere, non ex causâ aliquâ in Capitulo motâ, sed ex mero Presbyteri dono lucrum istud provenisse. Quomodolibet autem inter Episcopum & Archidiaconum præda partita fuerit; nec minima rapinæ portio tantæ ad Presbyterum miserum, quod misericordiam nullam consecutum, tot porcorum & tam pinguium portio reversa fuit.

Item Episcopo Capitulum tenenti nunciatum est Personam Ecclesiæ cuiusdam, cujus ipse patronus erat, decessisse. Ad quod, Deo gratias, inquit Episcopus. Hic surgit lucrum meum; quod revera qui plus mihi dederit, Ecclesiam illam obtinebit. Istud autem non in occulto sed in publico Capituli totius auditorio dictum fuit. Hoc autem audiens Personæ defunctæ filius, eodem die Episcopum cum effectu conveniens, datis ei xii. bobus magnis & pulchris, Ecclesiam illam obtinuit. Vespere verò cum exiens à camerâ Cartam Episcopi super Institutione suâ Clericus ille detulisset; obvians illi loci ejusdem Archidiaconus Cartam de manibus ejus eripuit; nec restituit, donec & ei quoque sex boves pulchros se daturum firmâ sponcione pepigisset.

Fuit & Episcopus loci ejusdem, qui cautiùs aliquantulum & verecundiùs contractus hujusmodi Simoniacos vel magis Gieзитicos peragebat. Cum enim propter Ecclesiam aliquam vel Canonicam obtinendam aliquis ei primò quicquam offerret; difficilem se præbendo, & asperè valde respondendo, acriter illum à se repellebat. Cum autem secundò vel tertio revertens, summæ majoris oblatione paulisper mentem Episcopi mitigasset; mitiùs ei respondendo, ad Capellanum cubicularium sc. Monachum vel Canonicum suum ipsum mittebat; qui mores quidem hominis plenius agnoscens, & Mediatoris vices assumens, deque puncto in punctum summam exaggerans, demum ad nutum Episcopi rem componebat.

Item cum inter Clericos duos Menevensis Diocesis causa diutiùs coram Judicibus à Domino Papâ delegatis diu actitata fuisset & ventilata; timens denique reus diffinitivum sententiæ calculum, præmissis plurimis & promissis Diocesani Episcopi gratiam ad ipsum in causâ juvandum, quamvis tamen non gratis datam, impetravit. Quo factò, Clericum actorem Episcopus ad se vocitatum, quatinus ad dictâ causâ pro amore suo desisteret, multis suasit verbis nec persuasit. Quod videns Episcopus, & modis omnibus vincere suæque avariciæ modum gerere volens, processum causæ, à superiori, quoniam à supremo interris Judice, commissæ fatuè nimis & indiscretè prohibere præsumpsit. Et quoniam Clericus ille à jure suo recedere nollet; Episcopus eum, quanquam appellantem & ex contingentibus nichil omittentem, primò suspendit, & postmodum excommunicavit. Quo factò, Clericus Episcopum sæpiùs adiens, & cautionem standi juri more debito suppliciter offerens, absolutionis gratiam impetrare non potuit. Quo viso, pastoralis sententiæ quomodolibet datæ periculum timens, juvenem quendam in Jure peritum & exercitarum secum ob hoc Clericus ille ad Episcopum de Angliâ duxit. Sed quoniam neque per ipsum, quanquam probum & expeditum atque discretum, legum etiam & canonum copiam ad hoc inducentem, proficere nullatenus potuit, nisi causæ suæ & juri renunciare vellet, & Bullam Domini Papæ in manu Episcopi resignare: recedentes ab ipso, per aliam sibi suæque indemnitati & securitati viam providerunt.

*Quærens.* Mirum autem, cum nec Domini existant nec Dominatores esse debeant; quòd tantam in Clero tyrannidem Episcopi exercere præsumant. Nunquid enim illud Apostoli, xiv. Dist. cap. ultimo, vel non legerunt, vel se legisse non meminerunt? *Episcopi non debent esse dominantes in Clero, sed formæ facti gregi ex animo.*

*Solvens.*

*Solvens.* Multa sunt & alia tyrannidem hujusmodi detestantia, quæ bonorum animos movere possunt; sicut etiam illud Jeronimi ad Nepotianum, Dist. xcv. "Episcopi sacerdotes se sciant esse non Dominos. Honorent Clericos quasi Clericos; ut ipsis Episcopis à Clericis quasi Episcopis honor deferatur. Scitum est illud Oratoris Domitii. Cur ego, inquit, te habeam ut principem; cum tu me non habeas ut Senatorem?" Quibus & illud Gregorii consonare videtur. "Admonendi sunt subditi; ne plus quam expedit sint subiecti; ne dum student plus quam necesse est hominibus subijci, commellantur eorum vicia venerari." Et non tantum vitia non venerari, quinimo viciosos Prælatos publicè reos deferre sub interminatione ibidem multis capitulis invitantur. Sicut ibidem Capitulum illud *Quapropter* manifestè declarat. Unde & Episcopus Papæ. Ubi non delinquimus, pares sumus. *Lex enim* Apostolo testante, *propter transgressores posita est; proinde & qui spiritu Dei ducuntur, non sunt sub lege.*

Præterea ad ampliora Cleri gravamina, generale per totum Episcopatum dicti Episcopi auxilium à Clericis quibuscumque anno secundo vel tertio Episcopi petere solent. Unde & alter \* eorum præ foribus, quod non longè à promotione suâ, sed protinus anno primo, Clericos Diocesis suæ convocatos, <sup>\* Galfridus is fuit</sup> tanquam ipsos salutando sed non lætificando, auxilium ab eis, quod tamen versum est in tallagium immoderatum vel etiam tolagium, postulavit. Qui tamen cum impositionis immoderantiam communiter omnes recusassent; promisit eis, quod si ad voluntatem suam se tunc gravarent, se de cætero, nisi necessitas Ecclesiæ vel utilitas evidens exposceret, auxilium ab eis non petiturum. Sed de hoc ipsorum auxilio se terras suas instaurare, & inde quidem non de exactionibus aut extorsionibus vivere velle promisit. Cum autem hoc denuo concesso Clerici verbis Episcopi fidem habentes, pacificè & quietè se postea diu degere posse sperarent; protinus anno proximo sequente convocatis Clericis, auxilium de ovibus ad terras suas instaurandum expetiit ab eis. Qui plurimum admirantes, promissionem anni præteriti & conventionem ipsum ad animum revocare velle nil proficiendo supplicarunt. Respondit enim & assessores sui, qui ad miserorum gravamen linguas suas acuerant sicut serpentes, quod illa anni præteriti promissio seu remissio de denariis facta fuit, non de ovibus vel de rebus aliis aut possessionibus. Et sic de miseris & indefensis ad nutum suum denuo tallagium extorserunt. Qui enim oves habebat, oves dabat, ad æquiparationem datorum anno præterito denariorum. Scriptum enim de singulis anno præterito datis, vel potius violenter, ne dicam fraudulenter, ablatis, secum præ manibus habebant & prætendebant; & ad formulam illam, quanquam informem nimis & enormem, cursum intentionis suæ dirigebant. Qui autem agnos habebat & non oves, ad valentiam ovium agnos dabat. Qui verò nec oves nec agnos habebat, sive Vicarius seu Persona, nec ob hoc potuit excusari. Denarios enim ad oves emendum, juxta quod anno præterito dederat, dare nunc iterum modis omnibus oportebat. Mirum autem, quod anno tertio de vaccis, quæ in partibus illis abundare solent, auxilium non extorsit. Item cum aliâ vice modicoque post tempore generale tallagium per Episcopatum faciens, Decanatus de Elevein quinque libras sibi reddendas & ad terminum brevem Episcopus imposuisset; tantumque gravamen se ferre nec velle nec posse Clerici communiter omnes proclamassent, nec ad hoc tolerandum ullatenus induci possent; Officiis simul & Beneficiis Episcopus omnes suspendit. Sed cum & hoc diutius pertulissent; adeò ut Provincia de Elevein tota non absque Laicorum, qui nichil in hoc deliquerant, querimoniâ magnâ per dimidium annum & amplius divinis caruisset; tandem quatinus etsi non rectè, quocumque tamen modo vincere & cupiditati magis quam caritati morem gerere posset; Clericorum familiam & præcipuè Concubinas



Patronis Ecclesiarum & potentibus patriæ viris ad diripiendum exposuit. Quo facto, cum propter suas redimendas & earum pacem, sine quibus miserrimi esse, quanquam non absque utroque tam corporis sc. quam animæ damno non modico, vel nolunt vel nesciunt, onus impositum admisissent; statim revocato mandato, & focariæ ad focum, auctore non dico Prætorē sed Pastore, & concubina ad cubiculum sunt reversæ. Sed ecce Prælati opera sancti! ecce sub religionis habitu non ficta quidem sed vera religio! Item sciens Episcopus & sentiens Clerum propter crebra & immoderata tallagia nimis esse gravatum, novum extorquendi modum, & cui resistere non possent, excogitavit. Coactis enim in unum Diocesis suæ Clericis, & tanquam ad Sinodum convocatis, quatinus vel semel justam petendi auxilii causam prætereundum posset, coram omnibus assertivè proposuit, se propter revocandam dignitatem Ecclesiæ suæ Metropolitice Romam iturum, & in brevi quidem iter arrepturum, seque super fundamentum à Bernardo Episcopo quondam egregiè positum, & postmodum his nostris diebus à Giraldo Archidiacono insigniter adauctum & roboratum, se totis per Dei gratiam visibus ædificare velle promisit. Propter quod exhilarati cuncti auxilium ei grande & cum gravamine multo tunc sponte & gratanter impenderunt; nec tamen ipsum à Curia Romanâ reversum aut iter etiam aggressum adhuc viderunt.

Ad hæc etiam præter jam dicta tallagiorum incommoda tanta, cupiditas crescens & mala semper adaugens, multiplex diebus nostris misero Menevensi Clero præter solitum gravamen adjecit. Maximum autem omnium gravaminum & urgentissimum esse constat in crebrâ per Episcopos Hospitiorum visitatione; quod verius quidem ad Archidiaconorum officia spectare dinoscitur, nisi quoniam niti in veritum aviditas solet, & sorte suâ minimè contenta, ardentius ad aliena semper anhelat. Fautores tamen Episcoporum sic fortè distringunt; ut Clericorum casas visitent Episcopi, Ecclesias autem Archidiaconi. Sed utinam & has & illas Magister & Minister cum effectu visitent; & ab omni maculâ, maximè mortali, plenariè purgent. Porro si lauta & splendida fuerit Episcopi mensa, & ferculis ac pigmentis plenè referta; præcipuè si munera sibi in discessu pulchra totique ferè familiæ, more Cardinalium & transmissorum à Curia Romanâ Legatorum, fuerint donaria data, quod revera novellæ adinventionis in Walliâ certum est esse, non dieimus tamen cuius, dicant qui conscii sunt & experti; si hæc, inquam, hoc ordine provenierint; tunc nulla prorsus macula vel menda, tunc nec in hospitibus nec in Ecclesiis disconvenientia notabitur ulla. Nec ad remota solum à terris & Maneriis suis Clericorum tecta divertere solebant, per quæ transire fortè necessitas urgebat; sed etiam ad propinqua valde, quasi per unum milliare tantum vel duobus distantia, tanquam sibi de jure debita, cum per injuriam solum esse constet extorta. In his autem hospitibus sic usurpatis & tanquam ad nutum debitis, ubi tamen, sicut pluries audivimus, dicere præsumebat ambitio; Eamus accipere hospitibus nostra, nichil Pontificale prorsus exercebant: sed crapulæ solum & castrimargiæ minùs honestè minùsque modestè quàm deceret indulgere, tanquam immunes aliena ad pabula fuci, non erubuerunt. Alibi namque in Episcopos Archidiaconi nonnunquam ascendere solent; hic è diverso Episcopus in Archidiaconos descendere facit aviditas & avaritia. Præter hæc etiam suæ Diocesis hospitibus sic usurpata, quibus non modicam temporis partem producere poterant, per Abbatis Angliæ, Templariosque & Hospitalarios, aliosque viros religiosos & caritate præditos, tres menses anni vel quatuor non absque scandalo grandi maculæque & mendæ Menevensis Ecclesiæ non modicâ, quæ nobilis olim & autentica fuit, circuiendo & hospitando consumere consueverant. Unde & Archidiaconus Oxoniensis Magister Walterus Mapus, vir linguæ dicacis & eloquentiæ grandis, illorum & similium fugillans avaritiam Episcoporum, dicere nonnunquam solet. Menevensis Ecclesia quando Metropolis

Metropolis erat, tribus Episcopis Suffraganeis tantum aut quatuor, ut dicitur, contenta fuit. Nunc autem cum Pallio careat & Cathedralis Ecclesia simplex existat; longè plures quàm Angliæ cunctos, nec solum Episcopos, verum etiam Abbates & Priores, Suffraganeos habet. Ut quid igitur ad ampliorem dignitatem aspirare deberet? Item & eundem quandoque dicentem audivimus; quod cum in omni gente, professione & ordine trutanicè vivere & more trutanico per emendicata suffragia vitam producere miserum esset & ignominiosum: in Episcopis autem & Episcopali dignitate præditis miserrimum hoc erat & miseratione simul & admiratione dignissimum. Ad hæc etiam audiens quidam Herefordensis Episcopus quendam Menevensem Episcopum per Herefordensem Diocesim in his nostris diebus hospitia tam trutanicè servientem & tam inverecundè circuientem, lepidam satis in ipsum sugillationem in multorum audientiâ super his loquentium sic contorsit. Nec mirum, inquit. Scriptum est enim & Poeticum emanans olim Proverbium, quod Pauper ubique jacet.

Propter dictas igitur tam spiritualium quàm temporalium distractiones, tam Simoniacas sc. emptiones quàm Gieciticas venditiones, propter indebitas etiam exactiones & suorum spoliaciones, propter crebras quoque & assiduas ferè tam suæ Diocesis quàm alienæ peragraciones, & per extranea pabula vel pascua circuitiões, totam in his & hujusmodi vivendi spem ponentes; nec dispersa revocare, nec pauca adhuc habita vixque retenta colere & instaurare; sed eadem mox ut emptorem invenerint, distrahere protinus & dilapidare curabant. Proinde nisi Prælati in posterum emerferint aliqui, qui de propriis vivere malint quàm alienis, quique rapinas abhorreant, & de suo sine querelâ degere desiderent & dignum ducant; unum duorum inevitabile est non evenire; vel quod ad dispersa revocandum, ut Pontificaliter vivere queant, totis si eor habuerint nisibus animos applicabunt; aut si pusillanimes forè & ignavi extiterint, pauperes in terris & inopes permanebunt.

*Sequentia duo Capita nonnisi Loca communia de curâ pastoralis habent.*

## DISTINCTIO SECUNDA.

*Quærens.* **N** Unquid autem omnes Episcopi Menevenses tales fuerunt, quales hi ultimi fuisse describuntur?

*Solvens.* Absit. Quonimo tam de numero & catalogo Archipræsulum<sup>a</sup>, qui primò per ordinem successivè sederunt XXV. quàm postea quoque Pontificum, qui ad hæc nostra tempora sederunt XXIV. plurimos credibile est sanctos fuisse, scientes quippe Deum & sitientes justitiam, abhorrentes iniquitatem omnem & impietatem. Veluti de primo Archipræsulum & ultimo, Davide videlicet & Samfone, quorum sanctitas sole clariùs elucescit. Tempore tamen Samsonis hujus Pallium in hunc modum est translatum. Ingruente per Kambriam isto præsidente peste quadam, qua catervatim plebs occubuit, quam flavam pestem vocabant, quam & Phisici ictericam dicunt passionem, Præsul quanquam sanctus & ad mortem intrepidus, tamen ad suorum instantiam na-

<sup>a</sup> Archiepiscopos Menevenses 25. & Episcopos 23. Giraldus in *Itinerario* l. 2. c. 1. recensuit. His adde Jorwerth Episcopum 24. qui tempore libri istius scripti præfedit. De

his autem & de Pallio a Samfone asportato consule Historiam nostram de Episcopis Menevensibus.



vem scandens, flante Circio cum suis indempnem in Armorica Britannia se suscepit. Ubi etiam vacante tunc forte sede Dolensi, statim ibidem in Episcopum est assumptus. Unde contigit, ut ob Pallii gratiam, quod Samson secum hinc illuc attulerat, succedentes ibi Episcopi usque ad hæc nostra ferè tempora, quibus prævalente Turonorum Archipræsule adventitia dignitas evanuit, Pallia semper obtinuerunt. Nostri verò vel propter ignaviam vel paupertatem, aut potius propter Anglorum adventum in Insulam, & Saxonicam interpositam hostilitatem, eà occasione continuè pristina caruerunt dignitate. Semper tamen usque ad plenam, quæ per Anglorum Regem Henricum I. facta est, Kambria subjectionem, Episcopi Wallia à Menevensi Antistite sunt consecrati; & ipse similiter ab aliis tanquam Suffraganeis est consecratus, nullâ penitus alii Ecclesiæ factâ professione vel subjectione.

Illorum autem, qui nostris apud Meneviam sedere diebus, aut qui parumper tempora nostra prævenerunt, de quorum actibus recens adhuc & calens hæsitare memoria non permittit, tibi mores & modos actusque bonos seu bono contrarios evidenter explicare curabo. In adventu Anglorum ad partes illas primoque Meneviæ Demetiaque finium conquestu, defuncto principe Reso Theodori filio, Regis Henrici I. regno, sedit apud Meneviam Episcopus nomine Wilfridus; qui hostiles advenarum acies & arma pertimescens, terras Ecclesiæ suæ plurimas, veluti Canarthmaur apud Emelin<sup>b</sup>, Lanrian, Llenreni, Uccerunam, & alias plerasque, quarum quasdam timore compulsus alienavit & terrore; alias quidem illicito, ut fertur, amore illectus & fervore. Quo defuncto, successit ei Bernardus, de transmarinis partibus oriundus, & primus ad hanc Sedem regiâ potestate translatus; vir quidem curialis atque facetus & copiosè literatus. Hic primus & solus inter tot Episcopos tantoque privatos honore, Ecclesiæ suæ jura proteſtans publicè, post multas sumptuosas & graves ad Curiam Romanam vexationes, demum nisi factæ professionis & subjectionis exhibitæ Cantuariensi Ecclesiæ veri aut falsi testes coram Eugenio Papâ Meldis in Franciâ palam prodissent; non ineffaciter, ut creditur, reclamasset. Tribus igitur fultus auxiliis, tam formidabiles tantæ causæ conflictus confidenter est aggressus. Regis videlicet Henrici I. familiaritate nonnunquam subnixus plurimâ & favore; tempore pacifico gaudens & pacis sequelâ sufficientiâ. Aded quidem ex nimia securitatis audaciâ debito de jure quandoque præsumpsit; ut & Crucem interdum sibi præferri per Kambria fines acceptasset. Bernardus iste quamquam in multis commendabilis, humanæ tamen imperfectionis maculam non evasit. Nichil nimirum simplici in genere, Cicerone testante, omni ex parte perfectum natura expolivit. Quoniam hic igitur de Curia exierat, & plantatio Regis exiterat; ad Anglicanas opulentias per translationem semper anhelans, quo morbo laborant ferè singuli ab Angliæ finibus hinc intrusi, terras Ecclesiæ suæ plurimas infructuosè penitus & inutiliter alienavit. Alias verò tam improvidè & tam indiscretè divisit; ut ubi militaribus officiis X. terræ carucatas, XX. vel XXX. manu amplissimâ largiretur; ibi divinis Sanctique David obsequiis & Canonicis ab ipso miserè nimis & infelicitè institutis, vix duas vel tres impertiret. Unam tamen solam, quam & nepoti suo contulit, quia nemo carnem suam odio habuit, XX. carucatis terræ amplificavit; quæ postea quidem, ut supra diximus, perjurio pariter & dicto collirio cooperantibus, in militares & laicales feodos Præbendâ spoliata, sunt conversæ. Menevensi enim Ecclesiam rudem hic prorsus & inordinatam invenit. Clerici namque loci illius, qui Glaswir, id est, viri Ecclesiastici, vocabantur, barbaris ritibus absque ordine & regulâ Ecclesiæ bonis enormiter incumbabant. Ca-

<sup>b</sup> Nota recenti manu addita. Post alienationem Wilfrid recuperata est Llanryan; & est Præbenda hodie Archidiaconi de Carmarthen, & suæ dignitati annexa.

nonicos hic igitur primus instituit, & Canonicas, quanquam miseras nimis & minutas, utpote plus militaris in multis quam Clericalis existens, ordinavit. Totum namque Cantaredum de Pepidiauc, quem Menevensi Ecclesiæ devotâ Principum Sudwalliæ largitione collatum invenit, sicut & alias terras plurimas, Comitibus, Baronibus, nobilibusque patriæ viris, quatinus magnum sibi per Magnatum hominia dominationis nomen & famam compararet, minimâ Præbendis terrarum portiunculâ datâ, modicâque mensæ Pontificali portione retentâ, dicto quippe Translationis ambitu, vitioque pariter pompositatis adjuncto, malum hoc totum operante, nimis indiscretè divisit. Tempore quoque Bernardi ipsius terra de Fissigart Provinciæ de Pebidiauc fuit abjurata. Terræ quoque per Wilfridum alienatæ, Maneriaque de Lansthewal & Sancto Ysmaele super Milverdici maris brachium non inamœna, per advenas & alienigenas occupata, minimè per ipsum aut etiam hætenus alium sunt revocata.

Successit Bernardo David, Menevensis Ecclesiæ Canonicus & de Keirdigan Archidiaconus. Orto quidem in electione scismate grandi, Canonicis nempe Walensicis modis omnibus purum Walensem & non intermixtum habere volentibus & talem exigentibus; Francis autem & Anglis è diverso dictum Archidiaconum, ingenuis de gente utrâque natalibus ortum, per Canonicam electionem obtinentibus. Vir erat hic modestus, vir suâ sorte contentus; terras Ecclesiæ suæ paucas & pauperulas sibi relictas diligenter excolere & instaurare curabat: de suo nempe vivere volens, non alieno, non rapinis, non exactionibus indebitis aut extorsionibus, non exquisitis & excogitatis per Angliam & Walliam hospitationibus, indulgebat. Nec enim ad Clericorum etiam suæ Diocesis hic hospitia divertebat: Archidiaconis quippe singulisque Canonicis & Clericis suis integrè sua jura relinquens. Unde vix semel in anno vel etiam biennio ad Clericum quempiam, & tunc ad multas ejusdem instantias & supplicationes plurimas divertebat; modestiam per omnia servans & parsimoniam. Unde cum etiam XXVII. aut pluribus annis sedisset; tantum semel à Clericis suis auxilium petiit; & tunc ob causam adeò justam & honestam; quod à Papâ Alexandro III. ad Turonensè Concilium vocatus fuerat. Et tunc quidem non per palpones Præsulum & assessores pecuniam augendam proterviter & immisericorditer insistentes; sed quod quisque primo verbo & sponte offerre volebat, eo Præsul cum gratiarum actione contentus erat. Terras hic tamen Ecclesiæ suæ, non ex toto immunis à maculâ, parcius tamen & verecundiùs quam vel decessores sui vel successores, quasdam alienavit; veluti <sup>b</sup> Trallan apud Brecheoniauc, & alias apud Dugledu vel Pepidiauc nonnullas. Terram quoque de Oisterlaf à viris magnis & magnatibus occupatam diebus istius, nec revocatam, Ecclesia Menevensis hætenus amisit. Porro circiter extremos ejusdem annos Canonici Menevenses coram Hugucione Cardinali tituli S. Angeli, in Angliâ legatione fungente, Cantuariensi Archiepiscopo Ricardo super jure Ecclesiæ suæ Metropolitico controversiam moverunt; & præscriptionem prius interruptam per Bernardum Episcopum tunc interruperunt; Episcopo suo propter sacramentum abjuratæ juris Ecclesiæ suæ Metropolitici in Consecratione suâ à Cantuariensibus extortum dissimulante.

Defuncto verò Episcopo Canonici Menevenses quatuor Archidiaconos suos juxta temporis illius abusum, quatinus quem vellet illorum Rex assumeret, nominaverunt; principaliter autem & quasi præcipuum, & cui specialius in-nitebantur, Giraldum, quanquam tunc temporis adolescentulum, nominandum duxerunt, & Regi in Angliam transmittendum. Rex autem, quoniam de Walliâ oriundi fuerant omnes, & maximè Giraldum, qui principalibus etiam Walliæ viris erat consanguinitate propinquus, recusavit; minis quoque

<sup>b</sup> Nota recens. Trallonge est restituta.



magnis inronans & acerrimis, quòd citra ipsius assensum ad nominandum vel etiam de electione tractandum processissent. Post multas itaque comminationes, & literarum quoque Regis super spoliandis Canonicis, si non desisterent, emissiones; tandem post plurimas in Angliam vocationes & vexationes, apud Wintoniam convocati & coacti in Castello & camerâ Regis coram lecto ipsius Monachum quendam sibi ex parte Regis oblatum & nominatum, quamquam omnibus & singulis prorsus ignotum, Priorem sc. de Weneloc nomine Petrum, timore compulsi, tremulis vocibus elegerunt. <sup>a</sup> Tales itaque fuerunt & tam umbratiles tempestatis illius Electiones; quòd longè verius tyrannicæ dici poterant intrusiones, & tanquam violentæ Choritarum impressiones, non in Ecclesiâ sed in Camerâ, non in Capitulo sed oppidulo, non juxta chorum sed ante thorum, non antea noti sed prorsus incogniti, vel etiam in malo plerumque non ignoti. De quadam autem Electione nimis curialiter, quoniam de Curiali factâ, non simplâ quidem sed duplâ & mirabiliter duplicatâ ac reiteratâ, exemplum ponere præter rem non putavi. Clericus <sup>\*</sup> quidam nostris diebus, Ecclesiâ Anglicanâ libertatis honorem nondum assecutâ, quinimo jugo adhuc pristinæ servitutis graviter oppressâ, in Capitulo Norwicensi Sede vacante, regio urgente mandato, consonâ Monachorum voce fuit electus. Qui statim cum literis electionis suæ in Normanniam transfretans, & inde usque Andegaviam ad Regem accelerans, nondum enim terra transmarina Regibus Anglorum fuit adempta, tanquam re bene gestâ Regi promotionis suæ modum exposuit. Rex autem super Electione tali non exhilaratus, revocatis ad se Monachis Norwicensibus quatuor cum literis de raro, de tribus nominatis aut quatuor, quorum dictus Clericus unus extiterat, cui & Rex assensum præbuit, illum denuò eligi fecit, electionem in Ecclesiâ factam & de unicâ personâ expressè nominatâ, quantum in se, reprobans & condemnans; factam autem in Camerâ suâ juxta pravæ consuetudinis abusum, & exturbatâ nominatâ, unâque de pluribus personâ ad nutum ejus assumptâ, more tyrannico roborans & confirmans. Quendam autem virum bonum & autenticum & in sacris Scripturis affatim eruditum, ecclesiasticis oppressiõibus condolentem, quandoque dicentem audivimus; quòd vocales erant tantum & non reales Electiones tales, vocibus quidem & non votis emissæ. Non enim Capitulum aut Conventus quatuor nominans & Principi offerens eligit; sed ille potius qui de nominatis & oblati quem vult assumit. Sicut qui quatuor aureos, ut unus eligatur exponit & offert; non ille quidem qui offert & optionem alii confert, sed

<sup>\*</sup> Johannes  
Grey is fuit.

<sup>a</sup> Eandem querelam Giraldus antea deposuerat in *Gemmâ Ecclesiasticâ* Dist. 2. cap. 34. iidemq; verbis Petrum, ut videtur, Episcopum perstringit. "Erat ille Episcopus Anglicana plantatio, Walliæ nec naturaliter nec adoptivæ sed violenter inserta. Ideoque in Episcopali officio nec gratiæ divinæ, prout videbatur, rigationem habuit, nec divinitus ad perfectum incrementa suscepit. Tales vidimus omnes ab Angliâ nostris diebus in Walliam transpositos, cupidos, rapaces, summam tamen semper inopiam simulantes, per Abbatis in Angliâ jugiter mendicantes, apud Scaccarium semper per translationem vel adjectionem majora queritantes, & ob hunc ambitum effectui mancipandum scurrarum officium inter Angliam & Walliam posthabito postorali penitus officio sibi assumentes, & causis ad hoc se frequenter immo fere semper in-

gerentes. Propter quæ tota eorum, si quæ fuerat, & Ecclesiæ suæ apud viros magnos, probos & discretos vilescit auctoritas. Et paulo post, Ideoque curias hodie omnes ferè ambiciosi sequuntur; quòd per has & per hipocrisin, quæ solet ex post patere factio, Sedes nunc scandi videmus Cathedralis. Unde omnes ferè moderni Episcopi Chorithæ sunt. Hodie nempe ferè omnes introducuntur & regiâ violentiâ in Ecclesias Cathedralis irrumpunt. Proponitur enim aliquis eligendus; qui nisi statim eligatur, bona confiscantur; rei majestatis, qui contradixerint, esse putantur & censentur. — Hodie loco Canonice Electionis in plerisque partibus sufficit Principis intrusio, sub voce tamen Electionis vanâ & umbratili pronuntiatione; ubi vox quidem solum auditur, nec voluntas attenditur.

ille

ille veriùs eligit, qui ex optione datâ quem vult assumit. In fraudem itaque divinæ legis hæc & similia fieri constat. Unde timendum est illud & valde timendum; qui Christi Ecclesiam jure suo tanto conamine fraudare nituntur in terris, ne & ipsi vindice dextrâ suo quoque terreno jure quandoque fraudentur & honore priventur. De Clerico verò geminâ, ut dictum est, Electione promotus, & de primâ quasi Canonicâ ad non Canonicam, quia tyrannicam, ineptè translato, miraculosè quidem accidisse videtur; quòd sicut instabilis fuit in electione, sic & in omni statu suo stabilis esse nequivit. De Episcopatu namque ad Episcopatum inaniter anhelans, & iterum ad Archiepiscopatum incassum & cum scandalo gravi pròterviter nimis & immoderanter aspirans; tertio verò in utroque deficiens & ab utrâque spe turpiter cadens, tertiam Cathedralem Ecclesiam & Episcopalem duabus primis uberiolem & pinguiorem appetens & ambiens, & ob hoc etiam Romam adiens Curiamque corrumpens; demum tamen inde reversus inanis & vacuus & ambitione plenus occubuit.

Ut autem à diverticulo res repetatur; qua conscientia & quàm cauteriatissimâ, qua præsumptionis audaciâ & quàm temerariâ, ausi sunt miseri ambitione cæcari, honores in hunc modum assumere, & non tanquam Aaron à Domino vocati, sed tanquam Chore violenter intrusi, Ecclesias præsertim Pontificales per parietes irrumpere, & non per ostium intrare? Horum quippe ingressus præsumptuosissimus; egressus verò, si finaliter in his perstiterint, sub certâ damnatione periculosissimus. Novit hoc noster Cantuariensis Martyr insignis; qui dignitatem Ecclesiasticam per temporale obsequium ac Principis favorem & impressionem adeptam in manu Domini Alexandri III. Papæ divinitus edoctus & inspiratus resignavit. Sic quoque Venerabilis Eliensis Ecclesiæ Præsul Romam adiens Eustachius. Sic quoque Roffensis per nuncium & Archidiaconum suum Romam ob hoc transmissum Gillebertus. Sic igitur eruditi, sic timorati. Longè aliter autem imperiti; quoniam à malè perquisitis & quomodolibet usurpatis malè vivendo pejùsque moriendo non recedunt. Verum est igitur illud Jeronimi in libro Epistolari. Imperitia audaciam, eruditio verò timorem creat. Et illud Solomonis in Parabolis. *Qui apponit scientiam, apponit laborem; & cor intelligens tinea est ossibus.*

<sup>a</sup> Eccles. I. 18.

Ut autem ad rem denuo revertamur; Monachus iste sic electus & promotus, cunctis Diocesis suæ Baronibus & Militibus, qui terras Ecclesiæ tenebant valde in initio terribilis fuit, tum sc. propter religionis habitum sub quo sperabant immo veriùs formidabant, & actum; tum etiam propter Regem, per quem promotus extiterat, cujus habere familiaritatem plurimam atque favorem credebatur. Inprimis hic etenim hominia ipsorum semel & iterum & pluries oblata cum multis supplicationibus suscipere constanter recusavit; quod & timorem eis plurimum adauxit. Demum autem de Angliâ venienti obviam ei Barones patriæ de terris Ecclesiæ feodati tanquam ex condicto venerunt, consilio definito penitus & ex deliberatione communiter inito, quòd summam ei pecuniæ grandem, inprimis ut ipsos audiret & exaudiret, offerrent: alioquin tertiam ei partem terrarum omnium remitterent. Quòd si nec sic placabilis foret sed inexorabilis adhuc prorsus existeret; tunc medietatem terrarum omnium cum molendinis omnibus & Ecclesiarum patrociniis ei remitterent, aliâ medietate de ipso & Ecclesiâ suâ tenendâ contenti. Episcopus autem se longè solito magis eis affabilem præstans, rogavit, ut secum Meneviam venirent, quatinus ibidem juxta desiderium suum responsum audirent. Quo factò cum inter edendum, ut fieri solet, inter fercula videlicet & pocula, nunc seria conferrent & nunc jocosa; tanta varietas in verbis Episcopi tantaque reperta est illis & comperta facilitas; quòd post prandium protinus sumptâ licentiâ nec expectato responso Barones ad propria sunt reversi: sumptâ quidem à quodam ipsorum securitatis audaciâ, cui nomen Ricardus Tancardi filius; qui major inter illos & animosior existens, verbum eis tale in discessu assertivè proposuit.

[ Z z z ]

Securi



Securi estote & confidentes. Sponsorem enim me vobis constituo, quòd de hoc Episcopo nil nobis timendum, nil ullo tempore formidandum. Securos itaque, quamdiu vixerit iste, carpite somnos. Accidit hinc igitur, ut hominia Baronum, quæ totiens antea suscipere recusavit, pluries Episcopus ut ei postmodum datâ solum relevatione legitimâ fierent, frustra diutius requisivit.

Patet hinc igitur; quòd comestationes, ut legitur in Job, & convivia comitari plerunque loquacitas solet & inconsulta verbositas. Proinde singula sapientum verba seria & sobria prius ad limam veniunt quàm ad linguam, prius eliminantur quàm eliminantur. Dictus autem Tancardi filius, qui vir prudens erat & providus, initiales Episcopi trium annorum vel quatuor actus considerans & observans, cum ipsum videret nec terris suis excolendis nec maneriis instaurandis indulgere; sed cuncta, quæ illi ad manus obvenerant, in natale solum Angliæ, sc. unde oriundus erat, transmittere, & tam modicam etiam in Walliâ moram facere; dicere consuevit, quòd non bonam nec qualem vellet de ipso spem conceperat, quòd gregi sibi commissio bonus & utilis pastor existeret; qui tam Ecclesiæ quàm Diocesis suæ rarus tantum visitator fieret & non habitator; non incola visus aut vineæ cultor, sed tanquam hospes intransitu sive viator.

Primus hic etenim Episcoporum Menevensium nostri temporis, qui per hospitia tam Anglicana quàm Walensica jugi ferè discursu circuiendo & circumvagando cum scandali notâ nàvoque non modico famæ denigrationem incurrit. Primus hic quoque, qui quolibet ad minus anno tertio Clericis suæ Diocesis grave tallagiorum onus adjecit. Qui utinam tam integræ famæ fuisset & tam honestæ, tam sinceræ conscientiæ & tam serenæ, tantæque constantiæ in dictis & factis & tam maturæ, quanquam Monachus; quantæ fuisse videbatur & credebatur post promotionem suam proximus decessor ejusdem, sed Clericus. Primus hic namque Menevensis Episcopus nostri temporis, qui per incontinentiæ maculam famam suam & opinionem gravi cum scandalo denigravit. Quoniam, ut ait Cæsar in oratione pro Catilinâ, *Qui in obscuro & demisso vitam agunt, fama eorum & fortuna par; in maximâ verò fortunâ minima licentia.* Unde & Poeta. *Omne animi vitium tantò conspectius in se Crimen habet, quantò qui peccat major habetur.* Et alibi. *O Coridon, Coridon, secretum divitis ullum Esse putas? taceant homines, jumenta loquentur.* In eminenti itaque speculâ constituti omnium oculos in se credant esse conversos.

Item hic etiam Episcopus super alienandis Ecclesiæ suæ terris notam suis diebus & mendam non evitavit. Terram namque de <sup>a</sup> Lancadauc cum molendino majori ex parte pro bobus & vaccis alienavit. Præposituras quoque Maneriorum suorum pluribus in locis magnis & potentibus viris Walensicis pro pretio distraxit, potestates revera dominicas & commoditates graviter enervantes. Terras etiam mensæ suæ dominicas & proprias, non steriles aut remotas, sed fertiles magis ac propinquas, tam de Landu sc. quàm de Lanwadein servientibus suis Anglicis dedit. Terram quoque mensalem Manerii de Lantefei propter argentum Anglicum malè mutilavit & detrectavit. Terram etiam Dominicam apud Meneviam, Sedem sc. suam, ubi sedere diutius & perhenninare deberet & deceret, propter aurum Hibernicum malè rutilans & resplendens ferè totam adnichilavit. Probans siquidem per hæc & similia nimis apertè, se parum Ecclesiam illam dilecturum, seque rarissimè Sedem suam visitaturum, & tunc modicam ibidem moram facturum, seque non stabilem ut stellam sed vagum potius veluti planetam appariturum. Verumptamen sic morigeratum Wigorniensis Episcopo Baldewino, viro revera moribus & scientiâ prædito, literaturâ simul & religione conspicuo, Monachi Cantuari-

<sup>a</sup> Nota recens. Llangadauc est iterum restituta.

enses Metropolitanâ post Ricardum Sede vacante longè præferre sibi que Prælaturum totis præficere nisibus contendebant ; ad exteriores solum tanquam extra se facti cultus atque colores, quum album & nigrum valde contrarios noverant, animos timore pariter & livore repletos applicantes.

Præterea diebus istis Canonici Menevenses in Lateranensi Concilio præsentate Papâ Alexandro III. sinodalem juris Ecclesiæ suæ Metropolitanici in tanto auditorio proclamationem emisunt, etiam nichil ex contingentibus omitentes, quasi quinto post litem Archiepiscopo Ricardo in Angliâ motam anni curriculo, præscriptionem interruperunt ; Episcopo suo præsentate, sed ob sacramentum illicitum abjurætionis juris Ecclesiæ suæ Metropolitanici, ab ipso in consecratione suâ à Cantuariensibus extortum, obmutescere.

Porro defuncto præfule Petro, cum XXVII. aut pluribus annis sedisset, Canonici Menevenses, quamvis nondum nactâ libertatem Ecclesiâ Anglicanâ seu Walensicâ, Magistrum Giraldum Archidiaconum suum, solum quidem & non cum cæteris sed præ cæteris nominatum, in Ecclesiâ suâ & Capitulo canonicè & concorditer elegerunt : ipsumque protinus ad Curiam Romanam, de probitate ipsius industriâ pariter & eruditione confidentes plurimum & præsumentes, propter dignitatem Ecclesiæ suæ Metropolitanicam, necnon & confirmationem suam & consecrationem ibidem obtinendam, transmiserunt.

*Quærens.* Quoniam de Electione Giraldi hac secundâ, sicut & antea de primâ, nos satis evidenter certificasti ; nunc super juris non sui solum sed & Ecclesiæ suæ prosecutione tam strenuâ, si placet annectere, non inutile reputaverim ; quatinus magnanimitatem ejusdem & inter adversâ constantiam & tolerantiam admirari Lector valeat & imitari ; necnon & de jure Menevensis Ecclesiæ Metropolitanico per ipsum enucleato & tam elucidè declarato majorem elicere certitudinem queat.

*Solvens.* Super hoc desiderio tuo, quod ex industriâ provenit & discretione, te certificare, causasque tanti laboris & tam pertinacis, longè utraque Giraldi vires, tibi satis evidenter explicare curabo. Auditâ Electione de Giraldio factâ, & Electione tali, quoniam in Ecclesiâ & non in camerâ, item de unicâ personâ per se quidem & expressè nominatâ, non cum turbâ ; item citra Regis assensum omnem, quod requisitum sed non habitum, immo Archiepiscopalis instinctu prorsus denegatum, consonè & canonicè celebratâ, modum insuetum & insolitum sibi que prorsus incognitum vehementer admirans & abhominans, se totis illico nisibus Archiepiscopus opposuit, & manifestum adversarium constituit ; ad morem eligendi, quem non in Scholâ didicerat sed in Curia, non apud Philosophicum studium sed apud Scaccarium, cuncta reducere volens ; quatinus ad Principis fierent omnia nutum. A quo nempe gymnasio cuncti ferè Anglicani Episcopi, tyrannici temporis urgente procellâ, passim assumi solent. Qui enim hîc bene computat, bene disputat ; qui bene ratiocinatur, bene philosophatur. Potuit & hæc quoque causa fuisse, quare se ei tam pertinaciter opposuit ; quoniam mente forsitan jam prælagâ, quod non ignotum Giraldum habuerat, quod postmodum accidit ei vereretur.

Versus itaque Curiam Giraldus iter incunctanter arripiens, qui jus Ecclesiæ suæ summatim solum & breviter exponere & non penitus intactum relinquere disposuerat, ob dicti Archiepiscopi protervitatem, qui tam acriter in cunctis adversandum ei decreverat, ad ampliora proponendum & proposita persequendum vindicem animum quasi provocatus erexit. Inprimis itaque cum aliquantam in Curia moram Giraldus exegerit ; dictus Archiepiscopus per curforem quendam literas contra ipsum tanquam invectionis Papæ direxit ; ad quas Papâ innuente & responsum audire volente, in proximo Consistorio Gi-



raldus singula repetens, & objecta retundens atque refundens, cum omnium qui aderant favore respondit. Unde & literas Responſionis suæ cunctis fere Cardinalibus & Notariis Curia majoribus ad instantiam ipsorum transcribi fecit. Ambæ verò Epistolæ tam Archiepiscopi sc. quàm Archidiaconi in principio Libelli *de Invectionibus* poterunt inveniri.

Accidit autem, ut vespérâ quadam, cùm ad Papam in Camerâ suâ Giraldus accessisset; cùm semper eum benignum satis & benevolum, ut videbatur, invenire consueverit; tunc fortè præter solitum amicabilem magis & affabilem ipsum invenit. Inter primos igitur affatus, cùm de jure Menevensis Ecclesiæ Metropolitico mentio facta fuisset; præcepit Papa Registrum afferri, ubi de universo fidelium orbe singulorum regnorum tam Metropoles per ordinem quàm earum quoque Suffraganeæ numerantur Ecclesiæ Pontificales. Et cùm verteretur ad regnum Anglorum; scriptum in hunc modum ibidem & lectum fuit. "*Canuariensis Metropolis Suffraganeas habet Ecclesias istas, Roffensem, Londoniensem,*" & cæteras per ordinem. Enumeratis autem singulis Suffraganeis Ecclesiasticis Angliæ; interpositâ Rubricâ tali, *De Walliâ*, prosequitur in hunc modum. "*In Walliâ Menevensis Ecclesia, Landavensis, Bangoriensis, & de Sancto Asaph.*" Quo audito, subjecit Papa quasi insultando & subridendo. Ecce Menevensis Ecclesia connumeratur. Respondit Giraldus. Sed non eo modo connumeratur illa vel aliæ de Walliâ, per accusativum scilicet, sicut Suffraganeæ de Angliâ. Quod si fieret, tunc revera reputari possent subjunctæ. Cui Papa. Bene, inquit, hoc notâsti. Sed est & aliud, quod similiter pro vobis & Ecclesiâ vestrâ facit, de Rubrica sc. interpositâ; quæ quidem in Registro nusquam apponitur, nisi ubi transitus fit, vel de regno ad regnum, vel de Metropoli ad Metropolin. Verum est, inquit Giraldus: Et Wallia quidem portio est regni Anglicani, & non per se regnum. Ad quod Papa. Unum sciatis, quod non est contra vos Registrum nostrum. Præterea cùm quæſisset Papa, an Privilegia haberet aliqua Menevensis Ecclesia super jure quod petit; Respondit Giraldus, quoniam olim privilegiis abundavit; sed quod super mare Hibernicum sita est Ecclesia & tanquam in angulo quodam terræ; frequenter à Piratis ab insulis Orcadum æstivo tempore longis illuc navibus advectis spoliari consuevit, & tam libris quàm privilegiis, textis quoque & filateariis cunctisque thesauris & ornatibus asportatis, Canonicis etiam & Clericis nonnunquam interemptis, funditus fere destructa sæpius & desolata relicta. Item quærente iterum Papâ, qualiter & ob quam causam dignitate pristinâ Menevensis fuerat Ecclesia privata, respondit Giraldus, exponens ei quomodo per ultimum Archiepiscopum Menevensem Sampsonem nomine, fugientem cladem icteritiam & ob hoc in Armoricam Britanniam transfretantem, Metropolitica dignitas evanuit: sicut supra in principio fere Distinctionis hujus secundæ plenius continetur. Quo audito, Papa respondit. Quinimo Eboracensis, ut fertur, fuerat Archiepiscopus Samson ille Dolensis. Ad quod Giraldus. Immo quod noster fuit, & non aliunde, <sup>b</sup> Samson ille salvâ, Pater, reverentiâ vestrâ, Dolenses etiam Historiæ contestantur. Unde & in eorum sequentiâ de Sampsonе sic reperitur. *Præsul ante Menevensis, dignitatis in Dolensis transfertur fastigium.* Eboracenses autem æquivocatio decepit; quoniam

<sup>b</sup> Alii binos Sampsones, Eboracensem alterum, alterum Menevensem, sibi invicem in sede Dolensi succedentes ponunt. Ita verbi gratiâ Florilegus; ex cujus sententiâ Samson senior Eboraci Archiepiscopus consecratus est anno 490. & post aliquot annos relicta sede suâ in Armoricam transiens, Dolensis Archiepiscopus factus est ante annum 520. Illi ibidem defuncto successit Samson junior

(antea Menevensis) anno 561. Sic quidem Florilegus; cui cæteri Historici in pluribus discordant, vix tamen certiora afferunt. Certè Giraldo præ omnibus pessimè successit in tradendis Samsonis Menevensis rebus gestis. Quem enim ille Gregorio cœvum ponit, Samson Archiepiscoporum Menevensium vicesimus quintus, post trecentos saltem à Gregorio annos sedem tenuit.

hoc eodem nomine quidam eorum Archiepiscopus nuncupatus extiterat. Item cum quærenti adhuc Papæ, quantum temporis effluerit à transitu seu transfretatione Sampsonis illius, responsum à Giraldo fuisse; quod tempore Gregorii Papæ Magni scilicet Doctoris, qui Augustinum & socios suos in Angliam transmisit, accidit illud: illico Papa subiecit. Tuti sunt ergo longâ præscriptione Cantuarienses. Ad quod Giraldu. Quantum quidem ad Pallii repetitionem vera est, Pater Sancte, objectio vestra. Quoad hoc enim, quod tunc translatum & postmodum usque ad Bernardi Episcopi tempora nec recuperatum fuerat nec repetitum, solam paternæ pietatis vestræ misericordiam petimus & non sententiam. Sed quantum ad Metropolitica dignitatis honorem totum, præter usum Pallii solum, si placet Excellentiæ vestræ, longè secus esse noveritis. Quoniam usque ad Anglorum Regem Henricum I. qui Walliam sibi subjugavit, & Ecclesiam Walensicam Ecclesiæ Anglicanæ supposuit, totam Metropolitica dignitatem præter usum Pallii Ecclesia Menevensis obtinuit; nulli Ecclesiæ prorsus nisi Romanæ tantum, & illi immediate, sicut nec Ecclesia Scotica, subjectionem debens. Ad quæ Papa paucis respondens ait. Non novum hoc esse, non inauditum Ecclesiam Episcopalem, quanquam simplicem, nulli Metropolitano subiectam, sicut & Lucensem, necnon & Papiensem; cujus etiam Antistes, cum simplex Præsul existat, Pallio tamen fungi & Crucem sibi præferri de Romanæ Ecclesiæ indulgentiâ gaudet. Et cum denuo Papa quæsisset, quot anni effluerint à tempore violentiæ per Regem illum, ut dicitur, factæ; respondit Giraldu, quod circiter annos LXX. vel plures. Veruntamen præscriptionem multipliciter interruptam asseruit; sicut primò per Bernardum Episcopum, qui quasi XXVII. suæ promotionis anno Theobaldo Cantuariensi Archiepiscopo super jure Ecclesiæ suæ Metropolitico coram Eugenio Papâ controversiam in Franciâ movit. Et postea circa finales Davidis Episcopi successoris Bernardi dies, cum annis quasi XXVII. vel pluribus sedisset, Canonici Menevenses Ricardo Cantuariensi Archiepiscopo coram Hugutione Cardinali titulo S. Angeli in Angliâ legatione fungente, eandem audacter controversiam moverunt. Tertiò verò in Lateranensi Romæ Concilio à Canonicis Ecclesiæ nostræ jus Ecclesiæ suæ coram Papâ Alexandro III. constanter in tantâ audientiâ protestantibus Sinodalis proclamatio facta fuit. Quartò verò nos in audientiâ vestrâ jus Ecclesiæ nostræ quasi XX. post Lateranense Concilium anno jam petimus, & Huberto Cantuariensi Archiepiscopo controversiam movendo cum effectu per Dei gratiam & vestram petituri sumus. Omnibus auditis, Papa subiecit, dicens. Quod si probari poterunt ea quæ proponitis; satis erit in expedito jus quod petitis. Ea ergo, per quæ jura Ecclesiæ vestræ magis evidenter declarari poterunt & probari, scribere curetis & nobis conscripta deferri.

His autem auditis, Giraldu more consueto nec piger nec deses existens, ad id faciendum quod Papa suggererat, studiosum animum incunctanter applicuit. Post paucos itaque dies scriptum hoc in manus Domini Papæ tradidit, quod & ipse satis benignè suscepit. Erat autem scriptum in hunc modum.

Ut evidentiora, Pater Sancte, quæ subscibentur existant; paulò remotiis atque prolixius veniâ petiâ, quoniam ab ortu pariter & processu fidei Christianæ in insulâ Britannicâ, tam juxta divisiones Anacleti Papæ & Epistolam Gregorii Augustino directam, quàm etiam Ecclesiasticæ Historiæ Anglicanæ à Bedâ digestæ seriem ordiemur. Ad instantiam itaque Lucii Regis Britonum missi sunt ab Eleutherio Papâ, qui quasi quartus decimus fuit à Beato Petro, duo nobiles Prædicatores in Britanniam majorem, Faganus sc. & Duvianus; qui fidem Christi per universam Insulam à mari usque ad mare plantaverunt, & juxta Provinciarum numerum, quas tempore Gentilitatis habuerat Insula, quinque Metropoles, singulas xii. urbes sicut olim habuerant, & Suffraganeas Ecclesias totidem subiectas habentes, ordine & numero competenti distinxe-

runt.



runt. Juxta tomum enim Anacleti Papæ, sicut in Pontificalibus Romanorum gestis & Imperialibus continetur, directam Galliarum Episcopis, juxta statum Gentilium ante Christi adventum Britannia habuit Provincias numero quinque, Britanniam Primam, Britanniam Secundam, Flaviam, Maximiam, Valentiam. Prima dicta est, Occidentalis pars Insulæ, quod primum in illâ Britones, Bruto & Corineo Ducibus applicuerunt; eaque primò à Corineo & suis occupata est & inhabitata. Britannia Secunda Cantia, quod secundo à Bruto & suis inhabitata fuerat. Tertia Flavia, hoc est, flava; quæ dicitur & Mercia, quasi mercibus abundans, caput cujus est Londonia. Quarta Maximia, i. e. Eboraca, ab Imperatore Maximo dicta. Quinta Valentia, ab Imperatore Valente nuncupata, Albania sc. quæ nunc abusivè Scotia dicitur. Sicque ordinatum à viris sanctis prædictis duobus fuerat; ut in Occidentali Insulæ parte, quæ & nunc adulterino vocabulo Wallia dicitur, propriè verò Kambria, à Kambro Bruti filio dicta, Urbs Legionum Metropolis fuerat, xii. Suffraganeos habens. Dorobernia, quæ nunc Cantuaria dicitur à Dur Britannico, quod est Aqua, quoniam aquis abundat, sic nuncupata, Metropolis ab Australi Thamilæ fluvii parte, xii. Suffraganeos habens. Eboraca, quæ nunc dicitur Eboracum, Metropolis xii. Suffraganeos habens. Et urbs, quæ nunc S. Andreae forsan dicitur, totidem Suffraganeos habens, olim Alba dicta; unde & Albania Provincia, vel potius ab Albano Bruti filio, nuncupata. Cumque hoc ordine distincta ducentis annis & pluribus Britannica Ecclesiastica florisset; superveniens gens Saxonica, quæ nunc Anglica dicitur, à Britonibus invitata, ut eis contra Pictos & Scotos, qui Boreales Insulæ partes occupaverant, Britonum stipendiis militarent. Tandem verò cum viribus & numero crevissent; juncto cum hostibus fœdere & ipsi quoque peiores hostes effecti, miris proditiionibus incolas usque ad occiduas partes Insulæ propulerunt; totamque terram residuam, quam & Angliam postea vocaverunt, à natali suo Saxoniarum solo, quod linguâ eorum *Engelont* vocabatur, i. e. Angularis, terram Britanniam occupatam sic nominantes, immo & Scotiarum partem non modicam destructis Ecclesiis ritu Gentilitatis, quoniam Gentiles erant, fœdaverunt: Britonibus nichilominus Christi fidem in Occiduis Insulæ partibus inconcussè servantibus. His autem usque ad tempora Gregorii Magni Doctoris sic se habentibus, missus est ab eo Augustinus Monachus in Angliam; qui Ethelberto Rege Cantiarum ad fidem cum gente Anglorum converso, duas tantum in Angliâ Metropoles constituit; Doroberniam sc. quæ nunc Cantuaria dicitur, & Eboracum. Doroberniæ, quam sibi sedem elegerat, totam Angliam ferè, quasi XII. vel XIII. Episcopatus amplius subiciens; Eboracensem autem Ecclesiam ferè monoculam relinquens: illud ad mentem, quanquam Monachus, revocando; *Maledictus, qui partem suam deteriore fecerit.* Sed hæc hæcenus. Ad Ecclesiam autem nostram Walensicam redeamus. Apud Urbem Legionum, ut diximus, ante adventum Saxonum per Faganum & Duvianum Walliarum Metropolis fuerat; & Archiepiscopo Sedis ejusdem Dubricio Davidi honorem cedente, & eodem Davide postea procurante, Sedes Metropolitana usque Meneviam est translata; quod à vate nostro Merlino longè fuerat in hunc modum ante prædictum. *Menevia Pallio Urbis Legionum induetur.* Habuimus autem apud Meneviam Urbis Legionum Archiepiscopos successivè XXV. quorum primus fuit Sanctus David, ultimus verò Sanctus Sampson, qui ingruente per Walliam icteritiâ clade in Armoricam Galliarum Britanniam navigio se transtulit cum Pallio nostro; sicut plenè superius dictum est. Nunc autem ad Anglicanam Historiam à Bedâ digestam transeamus; & inde argumenta ad enucleandum quod intendimus eliciamus. Sciendum igitur in primis, quod in dictâ Anglorum Historia, totâ ab eorundem Historico Bedâ digestâ, nusquam invenitur Walensicam Ecclesiam Anglicanæ in aliquo subjectam, sicut nec Scoticam, quæ usque in hodiernum diem in suâ libertate remansit. Eboracensis autem Ecclesia quandoque Can-

Cantuariæ subiecta fuit, quandoque verò in libertatem evasit. Item legitur etiam in eadem Historiâ ; quòd post conversionem Regis Ethelberti & quorundam Anglorum, multitudine tamen populi in suâ infidelitate adhuc manente; audiens Augustinus in Occidentali Insulæ parte Christianos esse, accedens ad fines illos, convocatis vii. Episcopis Britonum, cùm de termino Paschali, quem non more Ecclesiæ Romanæ colere videbantur, & aliis quibusdam corrigendis diutius disputatum esset; tantumque duo peteret Augustinus ab ipsis; ut in termino Paschali concordantes, ad prædicandum Gentili Saxonum populo ipsum juvarent; id facere omnino renuentes, responderunt quòd gentibus sibi commissis juxta gratiam desuper datam intendere volebant; ipse verò Anglorum instructioni & conversioni, ad quos missus fuerat, operam daret. Si ergo Augustini renuerunt esse socii; multò minùs sibi vel successoribus suis vellent esse subiecti. Item adjectum est etiam ibidem, quòd cùm vii. Episcopi venissent, quoniam Augustinus in sellâ sedens venientibus non assurrexit, eum superbix notantes, sumpto quidem à viro quodam Anachoritâ de gente suâ sanctissimo à cunctis habito experimenti illius documento, tam ipsum quàm ejus statuta statim reversi spreverunt. Nec ipsum pro Archiepiscopo suo se habituros publicè proclamabant; testantes ad invicem, quòd si nunc nobis assurgere noluit, quantò magis si ei subdici cœperimus, jam nos pro nichilo contemnet? Quòd autem vii. tunc erant Episcopi Britonum, cùm hodie nonnisi iv. hæc ratio assignari potest; quòd plures tunc fortè fuerant in hoc Walliæ spatio quàm nunc sunt Sedes Cathedrales; vel potius à se tunc ampliori Wallia fine quàm usque ad Sabrinæ fluvium dilatabat. Item successit Augustino Laurentius: qui non solum sui gregis, sed etiam Britonum, Hibernensium & Scotorum curam gerens, in termini Paschalis observantiâ eos literis admonuit, nec profecit. Simili enim modo Hibernici, Britones & Scoti à quartâ decimâ Lunâ antiquo more servabant. In eadem autem Epistolâ scribunt Laurentius, Melitus & Justus Episcopi; quòd Daganus Episcopus Hiberniæ ad ipsos veniens non solum cibum cum ipsis sumere sed nec in eodem hospitio quo vescebantur sumere voluit. Ubi notandum, quòd literas commonitorias Britonibus, sicut & Hibernicis vel Scotis, qui nichil ad eos pertinebant, miserunt. Sententiam autem nunquam in eos magis quàm in alios ullam dederunt vel suâ vel Domini Papæ auctoritate, quòd quidem fortè fecissent, si eis jure provinciali subiecti fuissent. Laurentio successit Justus, Rossensis Ecclesiæ Episcopus; cui scribens Bonifacius Papa Pallium ei ad Missarum solennia tantum & ordinandi Episcopos potestatem, ad evangelizandum genti quæ nondum fidem susceperat, indulgit. Ecce quòd gentem, quæ fidem susceperat, excludit. Theodorus successit Justo, septimus ab Augustino, vir literatus & bonus, de Ecclesiâ Romanâ missus, & de Siciliâ oriundus. Hic primus Archiepiscoporum Cantuariensium Concilium Episcoporum convocavit. Tenuit autem duo. Et cùm nomina singulorum apposuerit Episcoporum qui intererant; nullus omnino Britonum nominatur. Unde constat, quòd nec interfuerunt, nec ei subiecti fuerunt. Patet igitur ex his, quòd Walensica Ecclesia nequaquam Cantuariensi subiecta fuerit. Quòd quidem si fuisset; non illud Beda, qui Anglicus fuerat, in Historiâ suâ tacuisset. Ex Registro quoque Gregorii & Epistolâ Augustino transmissâ, quæ sic incipit, *Cum certum sit*, haberi potest; quòd si qua Eboracensis Ecclesiæ vel alterius Augustino subiectio concessa fuit; personale

\* Hovedenus itaque Giraldo consonus sedes Episcopales Archiepiscopatus Menevensis olim suffraganeas sic enumerat ad annum 1199. Landavensem, Lanpaternensem in Kerdigaun, Bangornensem, Asaphensem, Cestrensem, Herfordensem & Wigornensem. Septem quidem Episcopos Britonum

in colloquium cum Augustino descendisse Beda fidem facit l. 2. c. 2. Quibus autem isti sedibus præfuerint, aut cuinam Metropoli subiecti, id ne divinando quis assequi possit; si veritatem potius quàm inanes Historicorum sequiorum fabulas cordi habeat.



beneficium & non perpetuum erat. Cùm enim Eboracensi se Pallium datum Gregorius promiserit; subiecit; *Quem tamen tua volumus fraternitatis dispositioni subjacere*; statimque subnectit: *Post obitum verò tuum ita Episcopis, quos ordinaverit præsit; ut Londoniensis Episcopi Diocesi nullo modo subjaceat. Sit verò inter Londonia & Eboracæ civitatis Episcopos in posterum honoris ista distinctio; ut ille prior habeatur, qui prius fuerit ordinatus.* Proposuerat enim tunc Augustinus, sed postea fortè mutavit, Sedem suam Metropoliticam Londoniis, ubi caput est regni, facere. Walensica verò Ecclesia nunquam, sicut nec Scotica, Cantuariensi, præsertim verò post Augustini tempora, quemadmodum nec Beda testatur, subiecta fuerat; donec Rex Angliæ Henricus I. Walliam in manu forti subjugando, apposuit; ut Ecclesiam quoque Walensicam, quam liberam invenit, Ecclesiæ regni sui supponeret; sicut & terram regno suo subjecerat. Potuit igitur esse, si, ut ex dictâ Gregorii Epistolâ Augustino directâ manifestè colligitur, quòd omnes totius Insulæ Britannicæ Episcopos Augustino voluerit personaliter esse subiectos. Quòd autem Augustinus Walensicam Ecclesiam sibi, ut dictum est, rebellem invenit, propter novellam & teneram fidei in Insulâ Britannicâ plantationem sub dissimulatione transivit. Ex scriptis igitur authenticis hæc, Pater Sancte, constat, esse collecta. Et præter hæc, etiam senes & valetudinarii extant adhuc in Walliâ plurimi; qui Walensicam Ecclesiam sicut & scoticam, Romanæ tantum Ecclesiæ subiectam immediatè viderunt. Cùm autem tot rationibus pristinum jus Ecclesiæ nostræ clarescere possit; hic erit effectus causæ status, si cum effectu processerit; quòd in primis magnus erit honor Ecclesiæ Romanæ, si Ecclesia Walensica ei immediatè subiecta fuerit; sicut est Ecclesia Scotica, & sicut ipsa quoque olim fuerat & esse deberet. Hoc etiam emolumentum, quòd Wallia parata est dare Ecclesiæ Romanæ denarium S. Petri de singulis domibus, sicut datur in Angliâ; quod ascenderet ad summam ducentarum marcarum annuatim & plurimum. Et præterea dabunt magnam Decimam suam Ecclesiæ Romanæ. Hoc autem vocant Magnam Decimam, quando decimant omnia animalia sua tam pecora quàm armenta & equitia omnemque substantiam suam mobilem. Summa verò Decimæ istius per Walliam totam ad plusquam tria millia Marcarum ascenderet. Hoc etiam non sine pronostico creditur contigisse; quòd eodem anno, in cujus principio Dolensis Ecclesia per hanc Curiam Pallium amisit quod à nobis habuerat, & nos illud ejus omnino casus ignari in hac Curia ejusdem anni fine petivimus. Unde cùm omnia redire debeant ad sua initia; sicut Ecclesia Dolensis ad suum initium jam<sup>b</sup> rediit, sc. simplicem Episcopatum; sic & Menevensis Ecclesia ad suum initium, i. e. Sedem Metropolitanam, Deo dante diebus vestris redire debet.

Quibus auditis, Papa respondit; quoniam adversarius expectandus erat; qui cùm venerit, audientia tibi justitiaque non negabitur. His igitur ita completis, cùm favorabilis esse videretur tam causa Giraldi quàm persona in oculis Domini Papæ Curiaque totius; venienti vespere quâdam ad visitandum Papam in camerâ suâ, sicut fieri solet, vocans eum Papa ad latus suum, ait. Procede Menevensis Elécte, procede. Et ille hoc audito procidens, statim osculatus est pedem ejus, dicens. Domine vim confirmationis habere debet verbum hoc in ore tuo. Cui Papa quasi subridens. Quoniam, inquit, alii ita te vocant. Papa nimirum neminem ante confirmationem seriò Electum vocat. Cùm autem Giraldus, qui circa Festum Omnium Sanctorum ad Curiam venerat, jam usque ad *Latere Jerusalem* vel ultra moram in illâ fecisset; parum ante Pascha venit

<sup>b</sup> Ante plures enim annos mota fuerat controversia inter Antistites Turonenses & Dolenses de jure Metropolitico; hoc ipso demum anno ab Innocentio Papâ definita eâ |

lege, ut Dolensis Ecclesia Turonensi tanquam Metropolitanæ deinceps subjiceretur. Vide Hovedenum, p. 453.

ad Curiam quidam nomine Boniohannes, Lombardus sc. & Clericus Cantuariensis Archiepiscopi cum exeniis pulchris, ut creditur, ab Archiepiscopo more solito Papæ transmissis. Qui die quodam interrogatus à Papâ in Consistorio, utrum speciale mandatum aliquod haberet contra Archidiaconum Menevensem, qui diutinam jam in curiâ moram fecerat, respondit quod non: hoc tamen injunxerat ei Dominus suus Papæ dicendum, ut ait, si Archidiaconum illum in Curiâ fortè reperiret; quod quatuor erant nominati ad Ecclesiam illam, quorum unus erat Archidiaconus iste: sed ipso statim à Rege recusato, Canonici Menevenses Abbatem quendam cum Regis assensu Londoniis elegerunt. Et cum quæreretur Papa, quando hoc factum fuerat. Dixit ille, quod parum ante Natale. Cui Papa. Tunc autem erat Archidiaconus in Curiâ istâ. Et cum quæreretur Papa, utrum Dominus suus Electionem illam confirmasset; ille obmutuit. Et cum instaret Papa, ut responderet; tandem dixit, quod non erat ei injunctum ad hoc respondere. Credebat tamen id Domino suo non displicere. Ad quod Papa. Talia sunt, inquit, opera Domini tui; & nos quicquid actum est contra electionem Archidiaconi istius post iter ad nos arreptum & appellationem interpositam in irritum revocamus. Et conversus ad Archidiaconum ibidem astantem, ait illi. Et tu, Archidiacone, parum adhuc & patienter expectes; quod nisi aliud in brevi audierimus, aliud proculdubio facturi sumus. Putabant igitur omnes hæc audientes in proximo futuram Archidiaconi promotionem. Unde & Cardinales ipsi visitati postmodum, ut moris est, ab ipso tanquam ei applaudendo & congratulando dicebant; quod bene nunc expectaverat & bene jam ei successerat; quoniam in januis erat & quasi præ manibus sub certitudine quadam promotionis ejus imminebat effectus. Interim autem Papa considerans in Giraldo viri personalis idoneitatem, copiosam quoque scientiæ literalis eruditionem, necnon & ex literis Archiepiscopi ipsius sibi directis perpendens ingenuam viri ejusdem generositatem, ad ipsum in Ecclesiâ, ad quam vocatus fuerat, promovendum, & cui tantæ dignitatis honore privato & contra tantos adversarios tamque potentes & tam opimos adeo validus & eximius præsul & rector, pugil & propugnator foret absque dubio pernecessarius, pronus & proclivis extiterat. Unde & habitâ super hoc cum fratribus deliberatione, sic denique provisum & decretum fuit; sicut à Cardinali quodam amico Giraldi sibi secretò revelatum fuit; quod Papa de merito dono suo & non habito respectu ad electionem factam, cui Archiepiscopus eam accusando se palam opponebat, Ecclesiam Menevensis, quæ adeo in tam barbarâ & hostili terrâ bono indigebat gubernaculo, Giraldo conferret.

His igitur ita dispositis, dictus Archiepiscopi Clericus tam per verba Papæ & applausum Curie, quam per aliquos quoque Cardinalium Domini sui fautores, demum super hac re præmunitus, ad impediendum, sicut edoctus fuerat, Curiamque cautè & argutè pervertendum, illico se convertit. Injunxerat enim ei Archiepiscopus, utpote vir sæculari providentiâ et astutiâ plenus; quatinus si Giraldum tantum in Curiâ fortè favorem sentiret assecutum, quod ejus ibidem sperari promotio posset; statim per Cardinales ejus fautores literasque suas ad hoc directas Papæ suggereret; quatinus Nuncium aliquem de Capellanis suis & Clericis Curie ad auxilium à Clero patriæ petendum in Angliam destinarer; & ipse negotium tam dare incipiendo & cæteris exemplum dando, quam aliis id etiam persuadendo, cum effectu promoveret; adeo ut grandis pecuniæ summa Papæ per hoc consilium proveniret. Placuit itaque mandatum, placuit & consilium. Unde consequens esse videbatur, quod non offendendus erat in hoc articulo, non exasperandus ille, per quem potuit tam grande momentum Curie Romanæ provenire. Mutatum est itaque Curie consilium; quia promissum adeo placuit auxilium. Placandus quippe magis videbatur in hoc casu Archiepiscopus ille, quam per Giraldi seu cujusquam promotionem exacerbandus. Quapropter oblatâ Giraldo Judicibus in Angliâ commissione



super Electionis causâ, quendam Curia Subdiaconum Philippum nomine in Angliam illico destinavit; qui juxta promissum & præmissum Archiepiscopi verbum, tam ab ipso inprimis quam per ipsum quoque ab universo Angliæ Clero non mediocrem pecuniæ summam corrogavit.

Videns itaque Giraldus vices Curia, ut vitia dicamus, et variationes attendens, quod potuit fecit; Commissioni super electione suâ sibi oblata Commissionem quoque super causâ statûs Ecclesiæ suæ, propter quam principaliter & præcipue laborem hunc assumpsit, adjungi postulavit. Papa verò super hoc habito cum Fratribus consilio, quòd de tam arduâ causâ sicut de Archiepiscopatu & Pallio petendo, cum privilegia nulla prætenderentur, nec in Registris suis quicquam inde reperirent, vel causam antea motam audirent, Commissionem dari non posse respondit. Verùm ut Giraldum quasi post offensam quoquo modo placaret, administrationem Menevensis Ecclesiæ tam in Temporalibus quam Spiritualibus ei, quamdiu Sedes illa vacaverit, liberaliter indulgit. Archidiaconus autem de tali responso non exhilatus, immo verò valde contristatus, constanter respondit; quòd si Commissionem de statu Ecclesiæ Menevensis obtinere non posset, de aliâ revera non curaret. Adjecit tamen & supplicavit; quatinus registri Eugenii Papæ, coram quo causam statûs inter Bernardum Episcopum & Theobaldum Archiepiscopum in Franciâ actitatum audierat, copiam sibi parumper indulgeret. Quo impetrato, vertens ad gesta Eugenii in Franciâ coram Clerico Camerarii confidente & totum observante, confestim invenit, nec mediocriter exultans inspexit & legit literas istas; quas & hîc inferere dignum duximus. Eas enim Archidiaconus à Camerario licentiâ datâ statim transcribi fecit. Erant autem literæ tales, ex Registro Eugenii Papæ Theobaldo Cantuariensi Archiepiscopo directæ.

“ Venerabilis Frater noster Bernardus Episcopus Sancti Davidis, ad nostram  
 “ præsentiam veniens, Ecclesiam Sancti Davidis olim Metropolin fuisse vivâ  
 “ voce asseruit; & eandem dignitatem sibi à nobis restitui suppliciter postula-  
 “ vit. Cùm autem circa petitionem istam invigilans diu in Curia nostrâ com-  
 “ moratus esset; tu, frater Archiepiscope, tandem eo præsepte ex adverso con-  
 “ surgens, in præsentia nostrâ adversus eum querelam deposuisti, tanquam  
 “ proprio Metropolitano obedientiam subtraxisset, tibi inobediens & rebel-  
 “ lis existeret; cùm à prædecessore tuo tanquam à proprio Metropolitano con-  
 “ secratus esset, & vivâ voce & scripto Cantuariensi Ecclesiæ professionem fecisset  
 “ & in multis postea tanquam alii Suffraganei tibi obedisset & assistisset. Ille verò  
 “ consecrationem negare non potuit; sed professionem se fecisse & obedientiam  
 “ exhibuisse omnino negavit. Quod tu audiens, duos testes in medium pro-  
 “ duxisti testimonium perhibentes, quòd ipse illis videntibus & audientibus  
 “ post consecrationem suam & vivâ voce & scripto Cantuariensi Ecclesiæ pro-  
 “ fessionem fecisset. Nos igitur auditis utriusque partis rationibus & diligen-  
 “ ter inquisitis, & testibus tuis studiosè examinatis, communicato fratrum no-  
 “ strorum consilio juramenta eorum recepimus; & ut ipse Episcopus tibi tan-  
 “ quam proprio Metropolitano obedientiam & reverentiam exhibeat, justitiâ  
 “ dictante præcepimus. Verùm quoniam singulis Ecclesiis & Ecclesiasticis  
 “ personis suam dignitatem & justitiam volumus conservare; Beati Lucae fe-  
 “ stivitate proximi sequentis anni tibi & ipsi diem præfiximus; ut tunc præ-  
 “ sentibus partibus de dignitate Ecclesiæ Sancti Davidis & libertate suâ rei ve-  
 “ ritatem cognoscamus; & quod justum fuerit auctore Domino exinde statua-  
 “ mus. Datum Meldis III. Kalend. Julii.

His igitur in hunc modum ad vota completis, accessit inprimis Archidiaconus ad Hugolinum Cardinalem titulo S. Eustachii Diaconum, Domini Papæ consobrinum; qui & postea processu temporis Hostiensis Episcopus factus fuit, & Archidiacono videbatur amicus. Cui cùm scriptum illud ostenderet; congratulans

gratulans ei monuit, quod eadem nocte cum scripto eodem ad Papam accederet; seque præsentem ibi tunc fore, eique locum amici tenere velle promisit. Quo facto cum vespere eadem circa crepusculum ad Papam accessurus Cameram intraret; nomine Archiepiscopi ipsum, eo tamen hoc non intelligente, Papa salutavit, & ad latus suum eum vocavit. Hugolinus autem ex altero Papæ latere sedens ait. Nonne audistis quo nomine vos Papa vocavit? Respondit Giraldus, quod nomine Archidiaconi, sicut credebat, quemadmodum consueverat. Hoc etenim ipse putabat. Cardinalis autem è contra. Quinimo certe Archiepiscopi nomine vos salutavit. Quod audiens Giraldus ad Papæ pedes mox humiliter se prostravit, & osculum eis dedit; dicens, quod verbum propheticum per Dei gratiam & suam hoc erat & esse debuerat in ore tanti Pontificis. Porro quærenti Papæ utrum de statu Ecclesiæ suæ quicquam in Registro Eugenii reperisset; & respondisset quod sic, sicut & Cardinalis ei ante prædixerat; & cum transcriptum porrexisset, illud Papa in manus Cardinalis ad legendum dedit. Quo lecto & diligenter audito, respondit Papa, quod bene placuit ei; & tunc optatam & expectatam Archidiacono super causâ statûs Commissionem concessit, & Hugolino Cardinali faciendam ibidem continenter injunxit; literas sc. easdem super electione simul & statu continentes. Erant autem literæ tales. "Innocentius Episcopus, servus servorum Dei, Venerabilibus fratribus Lincolnienfi, Dunelmensi & Eliensi Episcopis salutem & Apostolicam benedictionem. Cum dilectus filius Giraldus Archidiaconus & "quidam Clerici Menevenses," &c. sicut in *Libro Invectionum* plenè continetur.

His autem tunc ita patratâ, Archidiaconus nil credens actum, cum quid superesset agendum, ad Papam iterum veniens, & commodis Ecclesiæ suæ pro viribus invigilans, Literas super Beato Karadoco nobili Heremita & Confessore nostro canonizando & Catalogo Sanctorum ascribendo, dum tamen de vitâ ipsius & conversatione primum inquisitio fieret, tales impetravit. "Innocentius Episcopus, servus servorum Dei, dilectis filiis, Abbatibus Albæ Domus, Stratæ Floridæ, & Sancti Dogmaelis, salutem & apostolicam benedictionem. Multa jamdudum de honestâ conversatione viri venerabilis Karadoci, dum vixit, & de Miraculis, quæ post ejus obitum dextera Domini fecit, ad audientiam Sedis Apostolicæ pervenerunt. Unde nuper à nobis etiam fuit suppliciter postulatum; ut quem Deus exaltavit in coelis, nos curaremus glorificare in terris, ipsum Sanctorum catalogo ascribendo. Verum quoniam in rebus ambiguis non est absolutum judicium proferendum; & in ipso præsentî articulo, qui plùs pertinet ad divinam inspectionem quàm humanam, inquisitionem hujusmodi vobis duximus committendam; per Apostolica scripta mandantes, quatinus qualis fuerit jam dicti viri vitâ præcedens, cujusmodi obitus, & quæ miracula ipsum fuerint subsequuta, diligentius inquirentes; quæ super his inveneritis, nobis per literas vestras fideliter intimetis; ut per vos veritate compertâ, quod statuendum fuerat statuatur; attentius provisuri, ut ita purè veritatem inquirere studeatis, ne fraus vel falsitas valeat admisceri. Quod si omnes his exequendis interesse nequiveritis; duo vestrum ea nichilominus exequantur. Datum Laterani viii. Idus Maii, Pontificatûs nostri anno iii. Literæ tamen istæ per invidiam atque malitiam duorum Abbatum, sc. de Albâ Domo Petri & de Sancto Dogmaele Galteri, in absentia Archidiaconi per corruptionem Archiepiscopi ex inopinato ad Cathedram Menevensem anhelantium, & ob hoc Giraldo gloriam hanc invidentium. suppressæ ab ipsis tunc ad effectum non pervenerunt. Qui tamen ambo spe ambitionis conceptâ reque dolosè promissâ defraudati, divinam S. Davidis ultionem non evaserunt; altero sc. vitâ postmodum in brevi, & altero quidem honore privato.



Cæterum cum peteret Giraldus literas super administratione Menevensis Ecclesiæ, sibi oblatâ sed imprimis ab ipso recusatâ; respondit Papa, quod Noluisti, quando potuisti; nec cum volueris, illud habebis. Ad quod Giraldus. Immo Domine, quod si pater filio panem obtulerit, & ille semel insolenter & fatuè oblatum recusaverit; nunquid ob hoc perpetuò est panis ei negandus? Et statim hoc dicto; quod sicut verbum exasperans iram excitat, sic verbum lene furorem mitigat & indignationem eliminat; mox Papa quæsit, utrùm Decanum haberet Menevensis Ecclesia. Et cum responderet Giraldus, quod personas non habebat Ecclesia illa præter Archidiaconos iv. injunxit Papa Notario qui præsens aderat, super administratione sibi concessâ literas fieri. Erant autem tales. "Innocentius Episcopus, servus servorum Dei, dilectis filiis Officialibus & universo Clero ac populo Diocesis Menevensis, salutem, &c." Ad hæc etiam literas impetravit varias commendationis Menevensis Ecclesiæ & ad promovendum commonitionis; primò Principibus Walliæ Lewelino sc. & aliis, secundò Abbatibus Walliæ, tertio verò Clero & populo Walliæ directas. Quæ quidem omnes in Libello de *Invectionibus* per ordinem continentur. Similes quoque magnis & nobilibus viris Hiberniæ, Meillerio tunc Justiciario & aliis de genere suo, per Giraldi diligentiam directæ fuerunt. Ex quibus revera duorum utrumque constare potuit; & quàm vigilans in commodis & profectibus Ecclesiæ suæ Giraldus extiterit, & quanto quoque tunc Papa studio proposuerit Menevensem Ecclesiam promovere.

Porro quoniam ad multorum fortè manus Libellus iste deveniet, ad quos non ille; Literas Principibus directas, ex quibus formam & tenorem aliæ susceperunt, hîc apponere præter rem non putavimus. Erant autem tales. "Innocentius Episcopus, servus servorum Dei, dilectis filiis, nobilibus viris, Lewelino & aliis Principibus Walliæ salutem & apostolicam benedictionem. "Accedentes ad præsentiam nostram dilectum filium Archidiaconum & quoddam Clericos Menevenses super negotio Menevensis Ecclesiæ, quam nobis per literas vestras commendastis, & consideratione ipsorum & precum vestrarum obtentu benignè recepimus; & quantum cum Deo potuimus, justis desideriis vestris studuimus favorem Apostolicum impertiri: Cum vos tantam devotos Ecclesiæ filios sincerâ diligamus in Domino caritate. Ut autem in diebus vestris spiritualiter & temporaliter proficere valeat jam dicta Ecclesia Menevensis, quam & nos versâ vice devotioni vestræ duximus commendandam; Nobilitatem vestram rogamus attentius & monemus, per Apostolica scripta mandantes; quatinus ad utilitatem ipsius filialem respectum habentes, ita ejus necessitatibus subvenire curetis, ipsiusque commodis & profectibus imminere; ut quam diligere verbis asseritis, vos amare per exhibitionem etiam operum demonstretis: pro certo scituri, quod obsequia Ecclesiis & earum ministris impensa & Altissimus acceptabit, cujus hæc intuitu conferuntur, & facientibus ad æternum præmium proficient obtinendum. Datum Laterani, iiii. Nonas Maii, Pontificatus nostri anno iiii." Item & Literas Papæ perquisivit ad Anglorum Regem tam commendationis quàm excusationis. Item & Literas Cantuariensi Archiepiscopo tam commendationis quàm ad pacem quoque commonitionis: quæ similiter omnes in Libello *Invectionum* continentur.

## DISTINCTIO TERTIA.

**H**IS itaque sub hoc tenore completis, demum Giraldus post longos labores ad Ecclesiam suam reversus, invenit eam Archiepiscopi machinatione per duorum Abbatum de Kenmeis sc. & de Albâ Landâ factam interim Electionem, unius apertam, alteriusque clandestinam ex toto ferè corruptam<sup>a</sup>. Ostensis igitur in Capitulo literis Commissionis tam super Electione quàm Statu, necnon & literis Eugenii Papæ in Registro ipsius inventis super causâ Statûs Theobaldo Archiepiscopo motâ, similiter & literis super inquisitione de S. Karadoco faciendâ, negotioque suo tam laborioso summatim exposito, quam fictis & falsis Fratribus ob Archiepiscopi corruptionem & frivolam promissionem neque profectui tanto congaudentibus neque labori compatiens. Nichilominus tamen Ecclesiæ suæ commodis invigilans, diligenter inquisivit, utrùm à tempore Bernardi Episcopi aliqua relictâ fuerint super statu Menevensis Ecclesiæ literarum monumenta. Et tandem Literas easdem super statu bullatas bullâ Eugenii Papæ, variato tamen principio, quia Clero & populo Menevensi directas; necnon & alias bullâ Lucii II. signatas & Bernardo Episcopo transmissas; ambas autem ferè obsoletas & obesas diuque deperditas, per curam & investigationem non modicam vix extraxit. Erant autem literæ Lucii tales.

“Lucius Episcopus, servus servorum Dei, venerabili fratri, Bernardo Episcopo Sancti Davidis salutem & apostolicam benedictionem. Fraternitatis tuæ literas debitâ benignitate suscepimus; & quod de dignitate Ecclesiæ tuæ tam in ipsis quàm in aliis, quæ super hoc ad Sedem Apostolicam missæ sunt, diligenter attendimus. Verùm quoniam peccatis exigentibus & pravorum hominum superabundante malitia ejusdem Ecclesiæ dignitas longo elapso tempore ab ipsâ alienata & ad alias Ecclesias translata est; certum quid inde statuere ad præsens consilium non habemus. Disponimus quidem per Dei gratiam Legatos nostros pro Ecclesiarum negotiis ad partes illas in proximo dirigere; quibus eandem causam per antiquos homines & autentica Ecclesiæ tuæ scripta indicare curabis. Et nos per eos veritate plenius cognitâ, quod ad honorem Dei statuendum fuerit, maturiori habito consilio statuemus. Datum Laterani II. Idus Maii.

Ad hæc etiam literas tunc Giraldus varias, in cunctis agendis Ecclesiæ suæ vigili & validus, antiquam dignitatem Metropolitancam redolentes, per incuriam olim & negligentiam ferè deperditas & oblivioni datas, verbi gratiâ, Bernardi Episcopi Papæ Innocentio, item Capituli Menevensis Papæ Eugenio, item Capituli Menevensis Papæ Honorio, Jem Bernardi Episcopi Simoni Archidiacono de Bangor, item Denei & Kadwaladri principum Norwalliæ Bernardo

<sup>a</sup> Post hæc verba in alio Codice MS. Cottoniano *Vitellius*, E. 5. sequuntur ista. “Et cætera, sicut hac Distinctione tertiâ & in tribus sequentibus de Giraldi labore non illaudabili, tam pro Ecclesiæ suæ quàm etiam jure proprio constanter assumpto, luculento tractatu declaratur. Quibus ex industriâ brevitatis causâ, quæ magnis viris & multum occupatis ad votum accedere solet, subtractis & non appositis, septimam & ultimam Distinctionunculam hic apponere nunc sufficiat.” Hinc constat

duplicem hujus Operis editionem à Giraldo factam esse. Prima, quæ uberior est, jam in lucem prodit. Secunda, quæ brevior est, manuscripta in Bibliothecâ dictâ habetur; quam quidem, missis tribus intermediis Distinctionibus, & Epilogo (quem exinde descriptum subnexui) in reliquis ne verbo à primâ diversam deprehendi. Ratio autem consilii fuit; quòd eadem, quæ in tertiâ, quartâ & quintâ hujus Operis Distinctionibus narravit, in libro tertio *de Rebus à se gestis* uberius tractaverat.



Episcopo directas. Quæ quidem omnes tam in libro *Invectionum* quam in libro quoque *de Gestis Giraldi* continentur.

His itaque sic Meneviæ gestis & congestis, ad iudices suos in Angliâ, Walliam post terga relinquens, Giraldus incunctanter accessit. Sed quoniam Rex Angliæ Johannes minis acerrimis in ipsum intonuit; Archiepiscopus literas ei Regis de salvo conductu patentes, sicut promiserat, obtinere vel noluit vel non potuit, sumptâ relatione Judicum iter versûs Curiam, & ad diem Dominicam, sc. qua cantatur *Latere Jerusalem* partibus præfixum, acceleravit.

Veniens itaque Romam, invenit ibi Clericos ab Archiepiscopo missos contra ipsum duos, unum à latere suo cui nomen Andreas, alterum verò Canonicum Menevensē, sc. Reginaldum Foliotum, inter corruptos corruptissimum, à Petro Episcopo & Monacho in Menevensi Ecclesiâ, carne non spiritu revelante, canonicatum. Huic autem blando & blâso moribus & ætate juvenulo, adeoque prorsus imberbi, ut utrū mas an fæmina nequiret nullatenus per exteriora perpendi, Cathedram Menevensē, quatenus contra Giraldum Romam eundo tam in causâ statûs quàm electionis coram Papâ stare curaret, firmâ spon- sione promisit. Ad Papam autem inprimis vesperâ quadam Giraldus accedens ostendit ei dictas Literas ambas tam Lucii Papæ quàm Eugenii super causâ statûs apud Meneviam per suam diligentiam nuper inventas. Quibus inspectis & auditis, bullisque notatis, præcepit ut in crastino convocatis ad hoc Cardinalibus cunctis coram illis in pleno Consistorio & publicâ audientiâ legerentur; quatenus de causâ statûs Menevensis Ecclesiæ pluries olim motâ toti de cætero Curie palam fieret; & non novum illud vel inauditum, sicut in primo Giraldi adventu visum fuerat, à modo videri posset. Postmodum autem processerunt in publicum Andreas & Foliotus, literas producentes Archiepiscopi Cantuariensis, quibus factus est Andreas procurator Archiepiscopi in causâ Electionis, Foliotus autem factus Procurator tam Abbatis Sancti Dogmaelis quàm & Capituli Menevensis per literas ipsorum, Capitulo sc. per dictam corruptionem & seductionem jam contra Giraldum prorsus abstracto. Lectis autem Literis illis, cum quæsitum fuisset, utrū Andreas vel alius Procurator esset Archiepiscopi in causâ Statûs; & cum responderet se super hoc Literas non habere; quod apud Parmam, ubi spoliatum se fuisse [dicebat] ei ablatae fuerant. Et cum quæsitum è contra fuisset, quare magis illæ literæ super Statu quàm literæ super Electione ablatae fuissent, causam assignare non potuit. Cum autem quosdam testes Giraldus produxisset, & pars adversa ad testes producendos in patriâ dilationem sibi dari petisset; quid super hoc actum fuerit aut statutum ex literis Domini Papæ Judicibus nostris in Angliam directis, quarum finalem hinc partem in hunc modum apponimus, palam fiet.

“ Archidiaconus autem coram Auditoribus sibi datis quosdam testes induxit;  
 “ & cum depositiones eorum posceret publicari; adversarius ejus ad testes pro-  
 “ ducendos in patriâ tam ad fundandam intentionem suam quàm repellendos  
 “ testes ex adverso productos dilationem sibi petiit indulgeri. Licet autem ex  
 “ multis præsumptionibus videretur Archidiaconus in quibusdam fuisse grava-  
 “ tus; volentes tamen juris ordinem observare, dilationem duximus conceden-  
 “ dam. Ideoque discretionis vestræ per Apostolica scripta mandamus; quati-  
 “ nus tam Archiepiscopo quàm prædicto Abbati S. Dogmaelis, immo etiam  
 “ cuilibet, qui super electione prædicto Archidiacono se duxerit opponendum,  
 “ ex parte nostrâ per nuncios & literas vestras districtius injungatis; ut à Festo  
 “ Omnium Sanctorum proximè venturo usque ad annum, quod pro peremp-  
 “ torio assignamus, paratus sufficienter & instructus per se vel per Responsa-  
 “ lem idoneum ad Apostolicam Sedem accedere non postponat. Quod si ve-  
 “ nire contempserit; nos ex tunc in eodem negotio procedemus. Verum quo-  
 “ niam Archiepiscopus tam super Electione quàm super quæstione Statûs ad  
 “ nostram

“nostram citatus præsentiam, ad alteram tantum sufficientem Procuratorem direxit, cum idem Archidiaconus utramque causam in personam propriam fuerit prosecutus; volumus & mandamus, ut Archiepiscopus ei saltem medietatem legitimarum restituat expensarum. Ad quod eum auctoritate nostram suffulti, remoto appellationis & contradictionis obstaculo, compellatis.

His autem in hunc modum exactis, iteratas super administratione Menevensis Ecclesiæ literas perquisivit; & quoniam spoliatus proventibus ejus fuerat, super restitutione sibi faciendâ & administratione de cætero quietè tenendâ Cantuariensi Archiepiscopo literas directas impetravit. Item & literas super eisdem clausas Abbati Sancti Dogmaelis spoliatori suo & tamen consobri-no. Item & literas Judicibus patentes super spoliatione factâ & restitutione faciendâ, necnon & super Abbatis spoliatoris illiteraturæ probatione faciendâ. Item & literas protectionis patentes: item & literas clausas super commendatione pariter & protectione Cantuariensi Archiepiscopo directas; quarum principium post salutationem tale. “Quamdiu & quantum dilectus filius Menevensis Archidiaconus super causâ suâ duxerit laborandum, qualiter nec personæ pepercerit nec expensis, inclementiam temporis, intemperiem aeris & viarum discrimina non evitans; tua Fraternitas plenè novit, &c.” Item & literas Præbendarum & Ecclesiasticorum Beneficiorum vacantium in Menevensi Ecclesiâ Giraldo donationem indulgentes. Item & tam literas Commissionis secundæ super Statu, quam etiam super Electione; quæ quidem omnes tam in libello *Invectionum*, quam in *Gestis* quoque *Giraldi* poterunt inveniri.

Cæterum cum die quodam coram Auditoribus sibi datis Cardinalibus duobus, sc. Domino Suffredo & Petro Capuano, factum Electionis suæ proponere pars utraque præciperetur; Archidiaconus autem Electionem suam & tempus & horam, quod in Festo Apostolorum Petri & Pauli quasi quinto post Festum S. Johannis Baptistæ die, cæterasque circumstantias cunctas cum multo audientium favore proposuit: postea surgens Reginaldus Foliot eorum præcepto factum Abbatis Sancti Dogmaelis, cujus se procuratorem gessit, proponere coepit. Et quoniam oportet mendaces memores esse; oblitus forte mendacii quo instructus fuerat, tempus Electionis Abbatis parum ante Natale, cum Archidiaconi ferè per dimidium prius annum celebrata fuisset, in cursu suæ narrationis expressit. Unde quoniam existentibus duabus Electionibus in Ecclesiâ eadem, semper in Curia Romanâ priore prævalente secunda cassari solet; omnes qui aderant & hæc audierant propter Archidiaconum, cujus tam causam quam personam sicut cuncti Curiam frequentantes favorabilem habebant, exultare & exclamare coeperunt. Andreas autem anxie suspirans, & contra cæteros omnes altâ voce proclamans, malè cunctos de tempore intellexisse nec ipsum ita dixisse, cuncta pervertere nitens, contendebat. Post magnas igitur altercationes Cardinalis Suffredus tandem contentioni finem imponens, jussit utrique, ut factum suum juxta seriem tunc factæ narrationis, cujus optimè memor fuerat, verbo ad verbum scriberet. Et ad Foliotum se convertens, ne mutaret in aliquo vel variaret, quod bene se memorem tam de tempore quam aliunde fore, nec posse in his decipi dicebat, sub anathematis interminatione præcepit.

Interim autem elapsâ Pentecostes hebdomadâ & sic mense ferè toto post ultimam audientiam excursu, denique partes coram Auditoribus apparuerunt; lectoque primùm factò Archidiaconi & concordî prorsus cum narratione reperto; factum Folioti quasi pro Abbate cunctis advertentibus valde dissonum est inventum. In hoc etenim spatio tanto per exquisitas Advocatorum subtilitates, ne dicamus falsitates, ut primam Electionem facerent novissimam & novissimam primam, duas Abbatis Electiones fuisse confinxerunt, unam ante Electionem Archidiaconi & alteram post. Unde & in hunc modum scriptum Abbatis factum fuit. “Cum defuncto Petro Menevensi Episcopo Archidiaconi



“coni & Canonici Ecclesiæ cum literis Capituli sui de rato propter Pastorem  
 “eligendum coram Archiepiscopo Cantuariensi circa Festum S. Michaelis con-  
 “stituti fuissent, & IV. personas nominassent, quod non constabat eis de Re-  
 “gis assensu qui in transmarinis agebat, in Archiepiscopum tunc ad Regem  
 “transfretare paratum vota eligendi contulerunt; ut quem ipse cum Regis as-  
 “sensu vice Capituli eligeret, illum pro Electo suo & Pastore susciperent.  
 “Unde & processu temporis Archiepiscopus apud Insulam Andeli in crastino  
 “Epiphaniæ proximæ Abbatem Sancti Dogmaelis cum assensu Regis elegit;  
 “& parum ante Natale sequens Capitulum Electionem ab Archiepiscopo fa-  
 “ctam solemnizavit.” Cum autem exclamarent omnes, qui priorem nar-  
 rationem audierant, manifestam in scripto variationem, id ipsum quoque Do-  
 minus Suffredus assereret; tamen adversariis è contra clamantibus & turbas  
 concitantibus, cum alter Cardinalis Archiepiscopi Cantuariensis fautor extite-  
 rat; & propter diutinum temporis spatium videbatur oblivio surrepere potu-  
 isse; scriptum susceptum fuit, nullâ falsitatis & inobedientiæ pœnâ secutâ. Ad  
 hoc itaque figmentum per falsos testes comprobandum totam usque in finem  
 intentionem pars adversa direxit. Testes igitur ad fundandam intentionem  
 suam & Electionem comprobandam produxit Archidiaconus Presbyteros tres  
 & Clericos duos. Et cum multi peregrini de Walliâ per turbas varias tunc  
 fortè Romam confluerent; omnes sponte coram Auditoribus comparentes, te-  
 stimonium electionis Archidiaconi primè & præcipuè de auditu & famâ patriæ  
 publicâ perhibuerunt; qui non minus, quàm illi de visu, suscepti, jurati &  
 examinati fuerunt. Multum enim validæ præsumptiones juvare solent pro-  
 bationes.

Interim autem vicissim & alternatim magnæ contentiones coram eisdem Au-  
 ditoribus erant inter R. Bangorensem Electum & Andream, qui se ei propter  
 Archiepiscopi favorem pro Roberto Bangorensi Episcopo totis nisibus oppone-  
 bat. Hic autem Electus Monachus erat Ordinis Cisterciensis & Subprior Mo-  
 nasterii de Abercone in Venedociâ, dicens se legitimum Electum de Bangor,  
 & Robertum ab Archiepiscopo superintrusum. Hunc autem & primâ vice  
 qua Romæ fuerat Archidiaconus & hâc secundâ Romæ inventum, tam in odi-  
 um Archiepiscopi, cujus factum Monachus etiam impugnabat, quàm etiam  
 quoniam ipse Walensis extiterat, & in causâ statûs & dignitatis Sancti Davi-  
 dis ei pro posse assisteret, totis juvare viribus intendebat. Cum itaque Mona-  
 chus ille supplicasset Archidiacono; quatinus Andreæ, qui toties in gentem  
 Walensicam publicis convitiis turpiter invehebatur, quandoque responderet;  
 die quodam coram Cardinalibus in magnâ audientiâ quoniam iterare verbum  
 hoc Andreas in cursu sermonis & crebrò repetere consueverat, *Audietis mira-*  
*abilia*: sic inchoavit, & in laudem Britonum Anglorumque confusionem ver-  
 bum produxit. “Magister Andreas promisit vobis & quotidie promittit mi-  
 “rabilia. Sed si ordine psallendi & non saliendi inceserit; prius ad <sup>a</sup> Defecit  
 “quàm ad <sup>b</sup> Mirabilia perveniet, &c.” Verbum autem istud propter hoc  
 magis notatum ab omnibus & quasi propheticum est reputatum; quod in brevi  
 post revera defecit Andreas, & letali morbo correptus apud Signiam expiravit.  
 Qui autem hanc Invectionem & alias anni illius contra Andream scriptas audire  
 gestiverit, libellum *Invectionum* quærat.

His itaque completis quasi XV. diebus post Pentecosten, super causâ statûs  
 Menevensis Ecclesiæ Papa sententiam dedit, Archiepiscopum, quoniam inde-  
 fensus extiterat quoad hanc causam, in expensas Archidiacono condemnando;  
 iterumque diem peremptorium, sc. Festum Omnium Sanctorum anni secun-  
 di, coram ipso partibus assignando. Ad instantiam quoque Archidiaconi  
 magnam, ad recipiendum testes senes & valedudinarios super jure Ec-  
 clesiæ suæ Metropolitico, ne tractu temporis pro defectu testium jus idem  
 deperire posset, Judices in Angliâ dedit. In favorem tamen Archiepiscopi

<sup>a</sup> Pf. CXVIII.

81.

<sup>b</sup> Pf. CXVIII.

129.

Cantuariensis & hoc adjectum fuit ; quòd si totum Capitulum Menevense vel pars major Archidiacono in causâ Statûs astiterit : tunc audietur in causâ Statûs, & non aliter. Sciebat enim pars adversa Capitulum Menevense facile corruptibile ; quinimo contra Archidiaconum non solum in causâ Electionis verum etiam in causâ Statûs Ecclesiæ propriæ minis & muneribus corruptum esse.

Elapsis autem post hæc quasi diebus octo, super causâ Electionis Papa in pleno Consistorio sententiavit. Et quoniam pars adversa ad testes suos producendum dilationem petiit ; diem eundem, quem & in causâ Statûs, coram ipso partibus dedit. In favorem autem Archidiaconi testes contrarios non nisi in Curiâ Romanâ recipi jussit ; sciens quippe Archiepiscopum in Angliâ testimonium copiam ad quidlibet asserendum habere posse, ex cautelâ & industriâ hoc statuendum esse. Et quoniam ad duas causas vocatus tantum in unâ defensor rem habuit ; in medietatem expensarum Archidiaconi Archiepiscopus est condemnatus. In cursu verò sermonis Papa quasi misertus laboris Archidiaconi, hæc verba proposuit. Si ex conscientia judicare possemus, & non secundum allegata ; nulla certè daretur dilatio. Et ad Archidiaconum se convertens ait. Et tu, frater, quanquam laboriosum tibi sit & sumptuosum, ad nos termino statuto revertaris ; quòd revera si ad nos redieris, nisi aliud audierimus & longè aliud, non consecrandus sed consecratus abibis.

Post Festum verò S. Johannis Baptistæ & Festum Apostolorum Petri & Pauli, Papa tanquam temporis intemperiem post terga relinquens, apud Signiam in Campaniâ quasi per directam unam ab Urbe distantem cum Curiâ totâ discessit. Archidiaconus autem propter literas suas Curiam sequens, cum apud Signiam moram ferè menstruam fecisset ; literas demum omnes tam Commissionis sc. quam etiam alias, Andreâ ibidem in extremis laborante & letaliter ægrotante, suscepit. Reversus igitur in Angliam, solo Bangorensi comitatus Electo & puero quodam extraneo, cunctis ferè sociis & servientibus utriusque defunctis, citationes statim Archiepiscopo fieri, & literas tam protectionis & commendationis quàm etiam restitutionis ablatorum eidem tradi fecit. Et sic in Walliam incunctanter accelerans, & ad Ecclesiam suam in Octavis S. Nicholai veniens, quam antè corruptam invenerat, nunc invenit corruptissimam ; adeò sc. quòd nec etiam in causâ statûs & dignitatis Ecclesiæ suæ ei vellent assistere. Osberto Archidiacono Anglico & falso Menevensis Ecclesiæ filio ex parte Regis & Archiepiscopi necnon & Justiciarii corruptoris pariter & cursoris officio fungente, & Folioti vices, qui his assueverat, in hoc assumente ; & Abbate de Albâ Landâ, quòd Walensis erat, utrumque per Walliam conducente. Foliotus enim, quoniam anno præterito contra Ecclesiam suam pro Archiepiscopo Romæ steterat, sciens se Walensibus ob hoc exosum, ad discurrendum per Walliam miserumque Menevense Capitulum tam minis deterrendum, ut solet, quàm muneribus præmissis pariter & promissis alliciendum, Osbertum similiter corruptum & perniciosum Ecclesiæ suæ filium sibi Vicarium fieri procuravit.

Post hæc autem qualiter Giraldus in Venedociam & Powisiam transiens, à Principibus partium illarum cum honore maximo susceptus fuit ; & de auxilio sibi liberaliter & largè promisso, liber *de Gestis Giraldi* manifestè declarat. Reversus igitur inde Giraldus & versùs Ecclesiam suam incunctanter accelerans, ad diem Canonicis Menevensibus, in Octavis sc. S. Hilarii, præfixum illuc advenit. Ubi collectis Canonicis & Clericis Ecclesiæ, convenit eos super verbo promissionis suæ, quam ei ab initio fecerant, monitis ipsorum & supplicationibus multis Romam ad hoc ituro ; rogans diligenter & monens, quatinus ad diem in crastino Conversionis S. Pauli sibi à Judicibus datum apud Wigorniam se cum ipso venire præpararent, & saltem in causâ statûs & dignitatis Ecclesiæ suæ sibi fideliter assisterent. Sumptus etiam de proprio venturis



obtulit & expensas. Principes quoque Sudwalliæ Mailgo & Refus filius Refi nunciis suis qui præsentēs erant & literis, quatinus cum Archidiacono Giraldo firmiter starent pro dignitate Sancti David, commonuerunt. Alioquin ipsos cunctosque probos terrarum suarum viros capitales in perpetuum hostes haberent. Lewelinus quoque Norwalliæ Princeps ad idem ipsos per nuncium suum, virum eloquentem, Laurentium Priorem de Insulâ Sanctorum, ad hoc destinatum invitavit, literis etiam suis patentibus id ipsum monendo; si quis Canonorum aut Clericorum Ecclesiæ quicquam ob hoc per Anglicos amiserit, in duplum ei se redditurum de suo; & expulsos ob hoc exilioque datos cum honore in terrâ suâ recepturum, & abundanter exhibiturum, certâ spon- sione concessit.

Porro Archiepiscopus è contra literas Regis & Justiciarii terribiles crebrò mitti Capitulo procuraverat. Ad hæc etiam annulos Londonienses aureos vel potiùs deauratos, zonas auro atque ebore distinctas, atque muranulas aureas vermiculatas argento, variaque munuscula hujusmodi, quibus abundat urbs illa deliciosa, per dictum Osbertum intra Capirulum sparfit. Quibus sic præmissis & longè amplioribus compromissis, quin & redivitibus etiam quibusdam eorum amplè collatis, omnes ferè majores in priori, quam ipse fecerat, corruptione solidavit. Adeò quidem ut blanditiis ac beneficiis sic deliniti, nec Deum respicientes, nec dedecus & infamiam formidantes, Archidiacono responderunt; quòd propter metum Regis & Justiciarii inhibentium ipsis ut in causâ Statûs, quam contra Regis coronam esse dicebant, ei nullatenus assisterent, timentes tam suam quàm Ecclesiæ suæ destructionem, cum ipso in hac causâ stare non ausi erant. Sciens autem Archidiaconus ipsos corruptionem anno præterito factam & nunc renovatam ac confirmatam sub metûs obtentu colorare, consilium eis quanquam incassum tale dedit; ut Ecclesiæ suæ fidelitatem debitam saltem in causâ statûs cum ipso stando conservarent; donec ipsum, qui caput erat controversiæ, & quem primitus atque propensius adversarii cuncti damnis & injuriis afficere vellent, redivitibus suis in Angliâ vel Walliâ privatum viderent; & tunc se tempestivè satis & cum minori dedecore retrahere possent. Multis quidem & multifariis eis in hunc modum suasit verbis, nec persuasit. Caput enim corruptionis hujus & corruptorum omnium post Archiepiscopum Abbas Albæ Domûs existens, totam Menevensem Ecclesiam pervertebat; cujus quippe Canonici Walenses ferè cuncti vel affines vel cognati, instinctu ipsius, & ut promotionem ejus cum aliis sic procurarent, ei carnaliter adhæserunt; & ob hoc non solum contra electionem Archidiaconi, verum etiam contra dignitatem Ecclesiæ suæ stare, tanquam filii spurii & ingrati tam exhæredatione quàm etiam extirpatione dignissimi, non erubuerunt. Abbas enim ille, qui anno præterito occultè nocuit, nunc se cum aliis evidenter opposuit. Abbate namque Sancti Dogmaelis quasi loco nichili finem expectante & tantum nominis umbram præferente, Abbas Albæ Domûs, albius exterius quàm interius, habitu quàm actu, nomine quàm omine, Capitulo Sancti Davidis malitiæ suæ virus infundens, & totius corruptionis glutinum atque ligamen existens, tam Capitulum inficiendo, quàm nuncios Archiepiscopi per Walliam antè retroque conducendo, & quod deterius omnium erat, infirma Ecclesiæ Menevensis atque secreta necnon & Baronum patriæ, qui Ecclesiam eandem diligebant, & ob hoc Archidiacono favebant, tam Archiepiscopo quàm Regi & Justiciario revelando, efficacem ad nocendum pestem tanquam domesticus hostis & familiaris se multipliciter exhibuit.

Archidiaconus autem nec sumptui parcens nec labori, per hispidas de Stratewi terras versùs Angliam iter agendo in montanis de Cantebrochan nuncium sibi à Decano suo de Brechen missum obviàm habuit; per quem ei nunciatum est terras omnes de Brechene tam apud Landu quàm alias ad Episcopatum pertinentes, quas ipse ratione custodiæ in manu suâ tenebat, præcepto Justiciarii in

in manu Regis per ministeriales Willelmi de Breusa resumptas esse. Apud Luel quoque nuncium alium sibi cum festinatione missum suscepit; per quem intimatum est ei non solum terras Episcopales verum & proprias omnes simul cum redditibus in proximo per Justiciarium auferendas: consiliumque fidelium suorum & amicorum omnium partium illarum esse, quod etiam ad tempus in propriâ personâ declinaret, & furorem persequentium dum in cursu fuerat & tam recens evitaret. Corpori namque suo totique sequelæ, si teneri possent, Curiales & Regis Officiales captiones & carceres minabantur. Procedens autem Archidiaconus, nec his perterritus, nec ab itinere retardatus, quasi per milliare de Landu inter Abereschin & Trallan Decanum suum, cui nomen Ricardus, quique rerum suarum in partibus illis procurator extiterat, pallidum & tremebundum obvium habuit; qui statim ei, quæ literis & nunciis significaverat, verbis & vivâ voce repetendo, singula quoque si terribilius poterat inculcando, quatenus ad præsens declinaret nec se minus circumspectè tam imminentibus periculis offerre præsumeret, modis omnibus suavit; sed persuadere non potuit. Archidiaconus enim ad hæc, ut erat vir firmus nec formidolosus, tanquam in verba jocosa conversus, ait. Nonne domi cerevisiam bonam habemus? Eamus ergo & bibamus eam, priusquam omnino fuerimus destituti. Veniens igitur ad domum suam, nichil ibi turbatum circa res suas domesticas & familiares invenit; nec quicquam præter minas terribiles per Reginaldum Foliot & complices suos, quos paucos habebat eosque viles & abjectos, in finibus illis per patriam totam ad deterrendum Archidiaconum, quod minus accederet, disseminatos.

Causa tamen tantæ commotionis hujus & insultationis adversariorum hæc fuit. Justiciarius enim Angliæ parum post Natale apud Slopesberiam cum Baronibus partium illarum existens, magnam ibidem audivit querimoniam ab Episcopo Bangorensi Roberto de G. Archidiacono, cum omnibus quos secum ad hoc inducere potuit. Ait enim ipsum adversarii sui, qui se gerebat electum per Walenses citra Regis assensum, fautorem existere; eumque nuper in Episcopatus custodiâ, quâ destitutus fuerat, restituisse: asserens etiam in publicâ audientiâ, quod non solum in hoc sed in omnibus quoque, quæ Regis honorem contingebant, se semper opponebat. Adjiciens etiam, quod ad hoc in Norwalliam nunc advenit, ut Lewelinum & Powisiæ Principes cum Sudwalliæ Principibus confederaret, totamque simul Walliam contra Regem excitaret. Talibus itaque verbis Episcopi, quæ quod vera non erant, pro sacrilegis habenda fuerant, commotus Justiciarius de terris Episcopalibus apud Brechene Archidiaconum destitui fecit; & transiens per Oxoniam, literas tales Archidiacono terræ istius misit.

“G. filius Petri, Comes Essexiæ, carissimo amico suo Archidiacono Oxoniæ salutem. Sciatis quod G. Archidiaconus de Brechene inimicus est Domini Regis: & ideo vobis mandamus, quatinus capiatis in manus vestras omnes redditus suos quos habet in Archidiaconatu vestro, teste meipso apud Gloverniam xx. die Januarii.” Ad Abbatis etiam Albæ Domûs suggestionem, qui Justiciario cum aliis apud Slopesberiam occurrerat, ut Abbatiarum Ordinis Cisterciensis per commoditates, ad quas gravius urgente persecutione præcipuum consueverat habere refugium & auxilium, Archidiacono auferre posset; eidem Abbati literas tales misit. “G. Filius Petri, Comes Essexiæ, Abbati de Albâ Landâ salutem. Significatum est nobis, quod vos & domus vestra & Abbatia vobis subiecta in Walliâ, G. Archidiaconum, inimicum Domini Regis & hostem, & contra coronæ dignitatem manifestè nitentem, & excitantem Walenses contra fidelitatem Domini Regis conjurare, vestris consiliis & auxiliis manu teneatis. Unde vobis ex parte Domini Regis præcipimus; quatinus nullum cum eo habeatis consilium vel assensum, sed eum teneatis pro inimico Domini Regis & coronæ impugnatore; sicut vestris vul-



“tis prospicere possessionibus & fidelitatem Domino Regi conservare. Alio-  
 “quin & domus vestras & catalla omni occupanti exponemus; & Angliæ vo-  
 “bis universis commeatum interdicemus. Teste meipso apud Slopesbe-  
 “riam, &c.

Abbas etiam idem ambitione cæcus & excæcatus, quoniam receptionem penitus Archidiacono interdicere non potuit, per Abbatis domui suæ subjectas, præsertim etiam apud Stratam Floridam, ubi thesaurum librorum suorum congefserat, & ubi urgente fortius persecutionis articulo frequentius se contulerat, statuendo præcepit; quatinus honor ei cum adventaret vel Archidiaconi vel Electi non exhiberetur; sed tantum in Aulâ publicâ inter hospites communes & strepitum popularem locaretur. Statuit etiam, quod inhumaniuserat, ut Archidiaconum nec Monachus nec Frater nec etiam garcio domus de loco ad locum quoquam deduceret, nec per ignota & avia desertaque & invia, quod etiam majoribus extraneis mansuetudo negare non solet, viam ostenderet. Porro Archidiaconus paulo post Abbati eidem vicem reddens & talionem, quinimo Deus injurias Sancti sui, cujus Ecclesiam ejusque propugnatorem tantis nisibus impugnabat, vindicans etiam in terris, per operam illius, quem opprimere quærebat, opprimi potius ipse & cum dedecore deponi ac potestate, quâ tam temerè præsumpsit abuti, iusto iudicio privari fecit: sicut in sequentibus palam erit.

Ut autem ad rem revertamur, peractis his quæ apud Brechene videbantur agenda, progressus in Angliam Archidiaconus & Herefordiam veniens; adeo cursor ille & præcursor Reginaldus Foliot urbem illam in adventu ipsius deterruerat; asserens ipsum tanquam hostem Regis & regni statim à Castellanis per literas Justiciarii, quas inde susceperat, capiendum & in carcerem trudendum; ut vix aliquis Canonorum vel amicorum suorum ob metum publicæ potestatis cum ipso loqui, vix aliquis civium ipsum hospitio suscipere ausus esset. Post tantas autem declamationes & terrores garcio missus à Folio tanquam à Justiciario, literas ei tales manè porrexit. “G. filius Petri, Comes Essexiæ, G. Archidiacono de Brechene quondam sibi dilecto salutem. “Miramur plurimum, quod tu tam temerariè propriâ auctoritate contra coronam & dignitatem Domini Regis præsumpsisti te intrudere in terras & res “pertinentes ad Episcopatum Menevensensem. Unde tibi consulimus & districte præcipimus; quod sicut te ipsum diligis & omnia tua, ab hac presumptione te retrahas, & de aliquibus ad prædictum Episcopatum pertinentibus te nullatenus de cætero intromittas. Alioquin scias, quod sævius in te animadvertemus; & omnia tua, quæ in potestate Domini Regis inventa fuerint, “faisiemus in manu Domini Regis; & corpus tuum, ubicunque inventum fuerit, in potestate Domini Regis capi & salvò custodiri facietis. Teste “meipso, &c.” Archidiaconus autem nichilominus iter arripiens, ad diem à Judicibus datum apud Wigorniam in crastino Conversionis S. Pauli tempestivè satis advenit. Sed nec principalem Judicem suum Eliensem Episcopum, qui cum Archiepiscopo ad Regem transfretaverat, nec substitutum ab ipso Archidiaconum Gloverniæ ibi invenit. Sed tantum Prior S. Mariæ tam à Decano Londoniensi quàm ab Archidiacono de Bokingeam ad diem istum per literas ipsorum subrogatus, solus in Camerâ quadam loco Judicis immo Judicum sedit. Advenit autem Prior S. Trinitatis Cantuariæ cum Monachorum turbâ. Occurrerat Archidiacono etiam ibidem Magister Simon de Sutwella, principalis tunc Archiepiscopi Clericus & generalis ejusdem Officialis in Angliâ relictus, cum Clericorum catervâ, magis autem ad ostensionem & pompositatem; ut ostenderetur Ecclesia Cantuariensis, licet absente Archiepiscopo, non absque defensoribus esse, ad primum absque necessitate diem in tantâ multitudine concurrerunt.

Facto itaque confesso, primus omnium Prior Cantuariæ Archidiaconum in publicâ

publicâ audientia convenit in hunc modum. "Mirum, inquit, quod vir  
"discretus & eruditus tanquam ad puteum exhauriendum, qui fundo caret,  
"accedere parat; & causam, cujus opratum attingere finem penitus est im-  
"possibile, temerariorum hominum impetu potius quàm consilio suscitare  
"contendit. Nam etsi Archiepiscopum Cantuariensem, qui tantæ opulen-  
"tiæ est & potentiæ, superare posses; cum Conventu S. Trinitatis tibi de novo  
"restaret congressio; qui certè terras & thesauros Ecclesiæ totos prius expo-  
"neret, quàm detrimentum ejusdem in hac causâ sustineret. — Sed esto, quod  
"utrumque viceris; tertius adhuc cum Suffraganeis Cantuariensis Ecclesiæ  
"cunctis tibi restaret conflictus. Ad hæc etiam licet de tribus istis victoriosè  
"triumphaveris; cum ipso Anglorum Rege, cujus coronam impugnas, quar-  
"tus tibi longè impar & importabilis supererit congressus." Paucis autem  
sic Archidiaconus ad hæc respondit. "Omnibus his me penitus imparem nec  
"in aliquo comparabilem esse fateor; quoniam, ut verbis poeticis utar: *Non*  
"*me nominibus furiosus comparo tantis.* Nisi tamen dignitatis Ecclesiæ nostræ  
"in hoc articulo jus pro posse prosequeretur; ingratum me filium ejusdem infi-  
"delem & illegitimum certissimis indiciis comprobarem. Sed qui nifus suos &  
"vires omnes ad quod de jure tenetur apponit, quicumque fuerit secutus effe-  
"ctus, argui non debet aut reprehendi; juxta illud Poetæ, *Careat successibus*  
"*opto, Quisquis ab eventu facta notanda putat.* Et illud ejusdem: *Si desint vires,*  
"*tamen est laudanda voluntas.* Hæc quoque contentos auguror esse Deos. Item &  
"illud Senecæ. *In arduis aggressibus etsi non sequatur effectus, laudabilis tamen*  
"*est ipse conatus.* Post bellum diutinum & duodenne discrimen tandem fatis  
"urgentibus aut sinistris eventibus Trojæ nobilis secuta ruina est; & tamen  
"Hæctor, quoniam in ejus defensione dum stetit propugnator erat egregius,  
"perpetuam nec immeritò laudem obtinuit. Unde Poeta. *Hæctora quis*  
"*nosset; sælix si Trojæ fuisset?* *Ardua per præceps gloria stravit iter.* Itaque qui  
"cum debili dimicat hoste, si victus fuerit, confusio grandis; si victor extite-  
"rit, gloria brevis. Et è diverso qui bello forti in justâ causâ congreditur,  
"dum bene pugnârit & ex contingentibus nil omiserit, fortuna belli & alea fati  
"quocumque se verterit, debitâ non debet laude privari. Contra fortes igitur  
"adversarios pro Ecclesiâ nostrâ fortiter pro posse dimicando; etsi victoriam  
"assequi non potero, tamen ignaviam effugere volo. Regiam verò coronam  
"non impugnare sed potius augmentare, tertiam in Regno Metropolin refor-  
"mando, magnis nifibus elaboro.

Cæterum quoniam nullus principalium Judicum affuerat, & primus inter  
alios Eliensis Episcopus in transmarinis agebat; amplius ad hunc diem pro-  
cessum non fuit. Prior autem S. Trinitatis secretius Archidiaconum conve-  
niendo, ut causæ Statûs renunciaret, & cum Archiepiscopo Ecclesiæque  
Cantuariensi se concordaret, multis suavit, nec persuasit. Procedens igitur  
inde versus Oxoniam Archidiaconus quendam ibi puerum suum, quem ad  
Justiciarium cum literis suis miserat, literas ejusdem tales ei deferentem obvi-  
um habuit. "G. filius Petri Comes Essexiæ, G. Archidiacono de Brechene  
salutem. Mandamus vobis, quod aliter quàm incipistis, vos habeatis erga  
Dominum Regem; & quod Sinodum nec Capitulum aliquod teneatis in  
terrâ Domini Regis, nisi in Archidiaconatu vestro; sicut omnia tua diligis  
& etiam corpus tuum. Si verò venire volueritis nobiscum locuturi; securè  
veniat. Teste &c." Literarum autem, quas Archidiaconus ei præmiserat,  
tenor hujusmodi fuit. "Nobili & magnifico viro G. filio Petri, Comiti Es-  
sexiæ, totius Angliæ Justiciario, G. Archidiaconus de Brechene tam corpo-  
ris quàm animæ salutem. Miror valde virum discretum & sapientem, prin-  
cipalem Regis Consiliarium & regni Justiciarium, verbis inimicorum in ab-  
sentiâ partis adversæ tam facilè fidem adhibuisse, & in iram aut indignatio-  
nem motum fuisse. Non enim ex unius partis assertione alterâ parte absente  
ju-



“ iudicium ut nostis fieri solet. Non igitur tam Silvester sum, sicut adversa-  
 “ rii mentiuntur ; quin & campester existere loco ac tempore sciam. Unde de  
 “ Walliâ in Angliam ad vos Deo dante in brevi veniam ; ea vobis, quæ de me  
 “ falsis suggestionibus cantata sunt, veris per Dei gratiam assertionibus discan-  
 “ tare paratus ; & Episcopi verba non omnia fore semper Evangelica , sed ubi  
 “ veritati contraria fuerint potius sacrilega, vobis ostensurus. Utinam diu &  
 “ bene valere possitis.

Justiciarium itaque sequendo Londoniam venit ; sed ulterius in Cantiam  
 progressum apud Cantuariam die Purificationis invenit. Contigerat autem  
 Nuncium quendam Lewelini Principis circa dies eosdem ad Curiam venisse.  
 Qui requisitus à Justiciario, quid actum in Walliâ fuerit à Giraldo, totum ei-  
 dem in veritate replicavit ; asserens eum Principem ipsum & proceres suos ad  
 obsequium Domini Regis & fidelitatem plurimum allexisse. Per quod  
 Justiciarius ab irâ, quam Slopesburix conceperat, placatus est multum &  
 mitigatus. In crastino verò summo diluculo simul cum Justiciario Missam au-  
 divit in Ecclesiâ S. Trinitatis ; ipsâque completâ, vocatus à Justiciario multis  
 ibidem de statu Walliæ verbis secretius est conventus. Cui cum ad singula  
 respondisset ; subiecit virum tantum & tam discretum adeò adversariorum  
 suorum ad verba moveri minimè debere, nec eorundem instinctu Sinodos  
 ipsius & Capitula, quod nichil ad laicam pertinet potestatem, prohibe-  
 re. Addens etiam & firmiter asseverans ; quòd licet ad tempus de Tem-  
 poralium custodiâ sibi sublatâ cum patientiâ sustineat ; ad Spiritualia  
 contra custodiam sibi commissam quicumque manum extenderit, se no-  
 verit proculdubio vinculo anathematis innodandum ; nec personæ cujusquam  
 præter Domini Regis & Capitalis Justiciarii sui deferendum. Ad quæ cum  
 responderet Justiciarius, ut erat vir mitis & mansuetus, se nullum præce-  
 ptum circiter hoc fecisse nisi per mandatum Domini Regis & literas ejusdem  
 transmarinas ei transmissas. Et Archidiaconus. “ Nec mirum, inquit, cum Ar-  
 “ chiepiscopus ibi sit, qui regio sigillo præest, si literas tales vobis mitti faciat,  
 “ taliaque per vos contra Dominum Papam omnemque justiciam fieri persuade-  
 “ at, quæ per se vel suos ausus nullatenus esset attemptare. Mirum etiam, quòd  
 “ Dominus Rex contra honorem proprium, de tertio sc. Archiepiscopatu in regno  
 “ suo reformando, ei ad nutum in omnibus sic assentit.” Ad quæ Justiciarius pau-  
 cis ita respondens ait. Credo quòd plus timor in his quàm amor operatur. Hoc  
 autem ideo dixit, quòd Rex propter werram, quam cum Rege Franciæ tunc  
 temporis grandem habebat, nec Archiepiscopum nec quenquam Magnatum suo-  
 rum ausus offendere fuit. Mirum etiam, quòd quoties contra Archiepiscopum Rex  
 commotus, vel etiam in pace ac prosperitate constitutus, profectum Meneven-  
 sis Ecclesiæ simul cum Archidiacono procurare studebat ; statim vel per concor-  
 diam cum Huberto, vel per discordiam cum Philippo, subito fuerat impeditus.

Confidentibus autem adhuc & conferentibus coram altari quodam à latere  
 dextro Justiciario & Archidiacono, ecce Monachi ejusdem Ecclesiæ ad Giral-  
 dum intuendum & quibusdam ab aliis ostendendum per turbas astiterunt.  
 Quod considerans Justiciarius Archidiacono, qui cum ipso loqui potius inten-  
 debat, illud ostendit, dicens. Nonne videtis, qualiter hi Monachi caterva-  
 tim huc concurrunt, & vos quasi monstrum aliquod cum admiratione conspi-  
 ciunt ? Credo vexationem, quam facitis Archiepiscopo, non multum eis di-  
 splicere. Sciebat enim non veram neque firmam inter Monachos & Archiepi-  
 scopum consistere dilectionem. Quoniam itaque pulchrum monstrari digito  
 & dicier, hic est : ad eos, qui laborem ipsius plangere solebant, & quòd cau-  
 sam tam difficilem & desperabilem contra tantos adversarios assumpserat, qua-  
 si patiundo dolere, sic Archidiaconus respondere consueverat. “ Duabus alis  
 “ in hoc agone sustentor & sublevor ; quæ mihi laborem hunc alleviant & de-  
 “ lectabilem reddunt. Ala dextra est intentio pura & conscientia sana ; qui-  
 “ bus

“bus propter honorem Sancti Davidis & Ecclesiæ nostræ dignitatem pium  
 “& meritorium absque dubio laborem assumpsi. Ala verò sinistra est laus  
 “& gloria; quam etiam in terris propter hunc tam nobilem ausum & tam  
 “strenuæ mentis aggressum me certum est & impræsentiarum & cuncta  
 “per sæcula consecuturum.” Ad hæc etiam cùm die quodam festo Lew-  
 linus Venedociæ Princeps, convocatis terræ suæ Magnatibus, Curiam teneret  
 magnam; processit in fine prandii coram omnibus vir quidam linguæ dicacis,  
 cujusmodi linguâ Britannicâ sicut & Latinâ Bardi dicuntur. Unde Lucanus.  
*Plurima concreti fuderunt carmina Bardi.* Et cùm sibi tam voce quàm manu  
 silentium indiceret; talem proposuit quæstionem. Quæro, inquit, utrùm  
 potius & honestius Electo Menevensi foret (sic enim Archidiaconus tunc ab  
 omnibus vocabatur; ipse tamen Archidiaconum & non Electum se vocabat)  
 an causam super dignitate Sancti Davidis tanto tempore sopitam non suscitasse,  
 si non datum ei fuerit optatum eandem ad finem perducere; an sic eam incho-  
 asse & effectum mancipare non posse? Cùm autem morâ non modicâ taciturni-  
 tas omnium cum murmure quodam subsecuta fuisset; primus omnium Princeps  
 ipse tale tandem responsum dedit. “Quid, inquit, super hoc mihi videtur,  
 “absque præjudicio vobis edisseram. Dico longè melius & laudabilius Electo  
 “fore jura S. Davidis, ne nimio silentio deperirent, contra tantos adversarios  
 “& Angliam totam vendicasse, quamvis tamen evincere non possit. Quod,  
 “quamdiu Wallia stabit, nobile factum hujus & per historias scriptas & per  
 “ora canentium dignis per tempora cuncta laudibus atque præconiis efferre-  
 “tur. Qui enim quicquid potest facit; & nihil probitatis aut vivacitatis omit-  
 “tit; fortè etsi contra votum evenerit, laudem nihilominus dignam prome-  
 “ruit. Non enim vel lusor in aleis bonus vel miles in bellis strenuus semper  
 “quod volet obtinebit. Item & quod jus Menevensis Ecclesiæ per ejus labores  
 “longè clarius & evidentius, quod antea obscurum fuerat, omni tempore fiet.”  
 Favor autem omnium & plausus dictum Principis est subsecutus. Item cùm  
 die quodam circa tempus idem Powisiæ Princeps atque Reveiliauc Wenonwen  
 proceres terræ suæ virosque majores in confessu quodam & consilio secum habe-  
 ret; & de labore Giraldi mentio fieret; sicut per Walliam & Angliam confa-  
 bulandi materiam multis tunc temporis dabat; ait ipse. “Magnas multoties  
 “werras Angliæ Wallia nostra movere solet. Sed nunquam tam grandem  
 “tamque gravem movit ei, sicut his nostris diebus per Electum Menevensem;  
 “qui Regem & Archiepiscopum totumque simul Angliæ clerum & populum  
 “propter honorem Walliæ tantis, tam diuturnis & continuis infestare nisibus &  
 “molestare non desistit. Nostræ nimirum werræ, si per æstatem durant, ad  
 “pacem hiemali tempore revertuntur; nec nisi per annum ad plus vel etiam  
 “dimidium durare solent. Hujus autem werra per quinquennium & amplius  
 “incessanter jam duravit.

#### DISTINCTIO QUARTA.

**R**Evertens igitur Archidiaconus, & tam Angliam primò quàm postea Wal-  
 liam penetrans, contra Festum S. Davidis, quod primo die Marcii &  
 circiter Jejunii caput celebrari solet, Meneviam accessit; ipsoque die solemni  
 verbum exhortationis ad populum faciens, ab hoc Isayæ verbo, <sup>2</sup> *Filios enu-* <sup>2</sup> *Isa. I. 2.*  
*trivi & exaltavi; ipsi verò spreverunt me:* thema suscepit, & verbum de po-  
 pulo Israelitico dictum, quem Deus enutrens multiplicavit in Ægypto, & per  
 desertum educens, & mare rubrum siccis vestigiis transire faciens, in manu  
 formi



forti transtulit in regna gentium & exaltavit : Ipsi verò spreverunt eum ejusque mandata, tam servos suos interficiendo, Prophetas sc. quàm filium quoque proprium videlicet Christum penitus contempserunt : Clero Menevensi convenienter adaptavit ; qui nutritus à patrono suo sc. Sancto David sub alis Ecclesiæ suæ, & sublimatus in Canonicos, Archidiaconos & Abbates, spreverunt ipsum & honorem suum ; servos ipsius & filios priusnam ejusdem dignitatem restaurare cupientes & enitentes totis impediendo viribus. Unde tanquam filii ingrati exhæredatione digni fuerant & extirpatione. Eodem autem die statim in fine, priusquam à pulpito descenderet, O. Archidiaconum de Kermerthin & R. Foliotum tanquam sibi rebelles & mandato Domini Papæ inobedientes publicè candelis accensis excommunicavit. Completâ verò diei solemnitate festivi, in crastino collectis coram Archidiacono Clericis & Canonicis Ecclesiæ qui tunc aderant cunctis, sacramenta fidelitatis à singulis tanquam procuratori Menevensis Ecclesiæ à Summo Pontifice constituto suscepit.

His igitur hoc tempore peractis, corrupti ex nostris & complices Archiepiscopi, qui scilicet ex nobis exierunt, sed nobiscum non steterunt, ista videntes & anxie gementes, dicebant ad invicem. Videte, quòd nichil proficimus, si dimittimus eum sic. Tota jam Ecclesia nostra post ipsum ibit. Et statim communi consilio nuncii duorum Abbatum ad Cathedram aspirantium in Normanniam ad Archiepiscopum Cantuariensem transfretantes, & de magnis, ut mos est, majora loquentes, suggesserunt ei totum ferè Menevensis Ecclesiæ Capitulum totumque Clerum Archidiacono Giraldo præcisè fidelitatem jurasse ; & quòd ei in utrâque causâ, tam Statûs sc. quàm Electionis, inseparabiliter assisterent, præstito super Reliquias Ecclesiæ preciosiores corporaliter sacramento firmasse. Ad quæ motus non mediocriter Archiepiscopus, & ultra quàm credi possit animo consternatus & perturbatus, Literas Regis, cujus sigillo præerat, terribiles tam Archidiacono quàm Capitulo & Baillivo de Pembroch clausas, universis autem aliis ad quos literæ pervenerint patentes, ad metum majorem mitti procuravit. Qui autem literas has tam undique terribiles videre voluerit, *de Gestis Giraldi* librum requirat.

Præterea ut nullâ ex parte vexatio Giraldo deesset ; citatus est interim per Judices à Domino Papâ delegatos, Abbatem sc. de Wigemora, & J. Priorem de Weneloc, & Magistrum A. de Bromfeld ; quatinus ad diem certum sibi præfixum veniat responsurus Abbati de Kenmeis & O. Archidiacono de Kermerthin & R. Folio. Istud autem rescriptum Archiepiscopi fuit machinatione quæsitum ; quatinus Archidiaconus sic undique vexatus, minùs ad principalem causam intendere posset. Archidiaconus autem nil inde permotus, ad secundum edictum & peremptorium primum, ubi & inserta fuit editio, grandem pecuniæ summam singulorum trium illorum petitione complectens, Clericos suos & procuratorem misit ; qui statim audientes principalem Judicem, sc. Abbatem de Wigemora, vices suas cuidam Canonico suo commisisse per literas, ut moris est, patentes, non retentâ sibi & conjugicibus suis sententiâ diffinitivâ, ad Curiam Romanam appellaverunt. Porro cùm Judices hoc audito subsistere vellent, & appellationi legitime interpositæ deferre, sicut & de jure deberent ; Prior de Weneloc in favorem Archiepiscopi, cujus creatio fuit, & ejusdem instinctu super hoc consulti, nichilominus in causâ procedendo, quoniam amplum & latum est Judicis officium, novas de die in diem citationes artas nimis & crebras ad Archidiaconi gravamen emittere non cessavit. Unde quoniam Archidiacono appellationi innitente & ob hoc ad dies plurimos nec per se nec per alium comparente Judices acriter & accuratè procedentes, in Archidiaconum tanquam contumacem sententiam dare jam paraverant : consultus super hoc Eliensis Episcopus, qui principalis ejusdem in magnis & arduis causis suis Judex extiterat, consuluit ei, quatinus ad singulos dies, quanquam grave fuerit ei & sumptuosum, Procuratores mittat & Advocatos, qui per juris re-

media

media causam teneant & sententiam differant; salvâ tamen Appellatione, quæ legitimè fuerit interposita, & eâdem singulis diebus renovatâ. Præsumserat enim Archidiaconus, & hoc Episcopo significavit; quod Archiepiscopi suggestionem tam acriter in causâ procedebant; auctoritate Domini Papæ quaungebantur etsi non justè tamen injuriôsè, etsi non rectè quocunque modo, sententiam excommunicationis in ipsum præcipitarent; ut vel sic in arduis causis, quas contra Archiepiscopum habebat, silentium ei imponere possent, & vocem ejus tanquam funestam suffocarent. Ad obviandum igitur huic malitiæ, & vitandum incommodum, quod machinati fuerant adversarii pariter & Judices injusti, tam Advocatos de Oxoniâ in Marchiam Walliæ crebrò mittendo quàm etiam testium copiam, magnos Archidiaconus sumptus fecit.

Elapso interim temporis spatio circa clausum Pascha per literas Regis transmarinas Archiepiscopo procurante directas literæ Justiciarii Baillivo de Pembroch tales missæ sunt. "G. filius Petri, Comes Essexiæ, Radulpho de Bende-  
"vill, Vicecomiti de Pembroch, salutem, Pro certo accepimus, quod Poncius  
"Archidiaconus & M. filius suus, & R. filius Jonæ, & H. filius suus, & Meiler,  
"& Samuel, & Affer, & G. Decanus de Pembroch, dicti Canonici Menevenses,  
"qui ad dedecus Domini Regis & contra dignitatem coronæ & regni sui G. Ar-  
"chidiacono assistunt & adhærent, & contra Dominum Regem ei sacramenta  
"fecerunt, ei sigillum Ecclesiæ suæ tradi permittentes ad operandum inde con-  
"tra Dominum Regem, prout ejus voluntati placuerit, Laica habent tene-  
"menta & terras & exchaetas, in quibus publicas suas fornicarias contra Deum  
"& Ordinem suum habent & exhibent; & potius debent dici Laici luxuriosi  
"quàm Clerici ordinati vel Canonici; & quod illi dum præfato G, adhæserint,  
"non minùs manifestè hostes regis & regni sunt quàm ipse Giraldus. Tibi  
"mandamus & firmiter præcipimus; quod sicut te ipsum & omnia tua diligis,  
"omnia laica tenementa sua & wardas & exchaetas & catalla in ipsis inventa  
"in manum Domini Regis capias & retineas. Corpora etiam fornicariarum  
"suarum capias & salvò custodiri facias, donec aliud à nobis inde habueris man-  
"datum. Teste meipso, &c., Per harum itaque tenorem duo perpendi po-  
"terunt & notari. Quod omnes isti, qui majores fuerunt Menevensis Ecclesiæ  
& pars sanior, si liberum eis esset, cum Archidiacono starent; & quod falsi  
fraterculi & infideles filii in firmâ Capituli sui & per quæ magis gravari solent,  
tam Archiadversario suo quàm & Justiciario ex abundanti malitia revelârunt.

Archidiaconus autem ad diem præfixum partibus, scilicet in crastino Inventi-  
onis S. Crucis apud Niweport incunctanter accessit. Sed quod Judice suo prin-  
cipali in transmarinis adhuc agente, & cum Judicibus substitutis tam pro ipso  
quàm pro Decano Londoniensi, tantùm tertius Judicium sc. principalium Ar-  
chidiaconus de Bukingeam præfens extiterat; parum eo die fuerat in causâ pro-  
cessum. Propter metum quoque publicæ potestatis; & propter literarum te-  
norem præscriptarum Canonorum Menevensium nullus accesserat. Citatio-  
nes igitur in singulis causis Archidiaconus accepit, diffuso sc. in crastino  
S. Borulfi apud Bracheleiam propter absentiam Judicis principalis sc. E-  
liensis Episcopi, ut interim redire posset, ex industriâ dato.

Interim autem cum generalem Sinodum totius Diocesis Menevensis auctorita-  
te sibi commissâ pluries Archidiaconus convocaverit, primò apud Keirmerthin,  
deinde apud Pembroch tertio apud Meneviam; & semper per literas Regis ad  
Justiciarium Archiepiscopo procurante & per literas Justiciarii ad Baillivum de  
Pembroch Sinodos prohibentes & Clericos absterrentes sunt impeditæ; demum  
apud Brechene in Octavis Pentecostes, sc. in crastino S. Trinitatis, generalem  
Sinodum convocavit; literasque tales Abbati S. Dogmaelis, quoniam & idi-  
ota fuit ideoque Temporalium Episcopatus contra dispositionem Domini Papæ  
spoliator extiterat, mitti fecit. "G. Archidiaconus de Brechene W. Abbati  
"Sancti Dogmaelis salutem. Quoniam propter rerum & temporum vicissitudi-  
nes



“nes & varietates negotia quoque nonnunquam variare necesse est; Sinodum  
 “nostram in Octavis Pentecostes solemniter apud Brechene Deo opitulante ce-  
 “lebrandam vobis denunciamus. Quapropter vobis mandamus & auctoritate  
 “Domini Papæ qua fungimur districtè præcipimus; quatinus tunc sicut de-  
 “cet, ibidem in præsentia nostrâ comparentes, omnia percepta de Episcopatu  
 “infra eundem terminum juxta mandatum Domini Papæ, quod inde susce-  
 “pistis, nobis restituatis. Præterea secundæ diei Sermonem Sinodalem &  
 “verbum exhortationis & instructionis tanquam personæ magnæ & autenti-  
 “cæ, quæ se Menevensem Electum gerit & nominat, vobis injungimus. Va-  
 “lete.

Cæterum quoniam Baillivus de Pembroch præcepto Domini Regis & Justici-  
 arii, quorum inde literas susceperat, clam universo Diocesis Menevensis Clero  
 in suâ potestate constituto firmiter inhibuerat, ne G. Archidiacono in quoque  
 obedirent, nec Sinodos ipsius aut Capitula frequentarent; Archidiaconus Ma-  
 gistrum S. de Sudwella, qui generalis erat Officialis Archiepiscopi in Angliâ  
 relictus, super hoc adiens & conveniens, literas ab ipso tales patentes reportavit.  
 “H. Dei gratiâ Cantuariensis Archiepiscopus, totius Angliæ Primas, dilectis  
 “in Christo filiis Capitulo & Clero Menevensis Ecclesiæ salutem, gratiam &  
 “benedictionem. Ex conquestione dilecti nobis in Christo filii G. Archidia-  
 “coni de Brechene accepimus; quòd quidam sæculari potestate utentes se op-  
 “ponunt & impediunt, quo minùs curam Spiritualium à Domino Papâ & à no-  
 “bis sibi ad tempus commissam valeat exercere, vobis prohibentes ne ei in ali-  
 “quo intendatis. Hinc est quòd quia jus ecclesiasticum sæcularibus legibus  
 “minimè constringi debet; vobis mandamus, quatinus occasione laicæ pro-  
 “hibitionis nullatenus omittatis, quin ei in curâ Spiritualium secundum teno-  
 “rem mandati Apostolici & nostri obtemperetis; salvis appellationibus ad nos  
 “vel Officiales nostros ritè interpositis sive interponendis. Si autem mandato  
 “in hac parte obedire contempseritis; vos ad hoc, sicut justum fuerit, com-  
 “pellemus. Valete.” Scribebat enim nomine Archiepiscopi in cunctis quæ  
 Archiepiscopum contingebant; & contra Sigillo ejusdem cum ipso relicto li-  
 teras signari faciebat. Literas etiam alias clausas ab eodem impetravit; qui-  
 bus Baillivo de Pembroch districtè prohibuit; ne Clerum Menevensem, quo  
 minùs Archidiacono G. intendant, impedire præsumat. Cùm igitur Abbates  
 duo spiratores ad cathedram cum cæteris complicitibus Archiepiscopi hæc audi-  
 rent, & quòd Vicecomes de Pembroch à Clero avertendo propter hoc man-  
 datum jam cessaret, & quòd Clerus patriæ ad Sinodum ire se jam pararet;  
 nuncios in Normanniam ad Archiepiscopum, ut mandatum Officialis ocniùs re-  
 vocaret, cum festinatione transmiserunt.

Archidiaconus autem nichil ex contingentibus omittendo, Sinodum toties &  
 tot locis convocata, semper autem per publicam potestatem impeditam, de-  
 mum apud Brechene solemniter & publicè celebravit. Verùm qualiter Sino-  
 dus ferè impedita fuit, & qualiter cursores Archiepiscopi cum R. Folio ad  
 oblatrandum & impediendum advenerunt, qualiterque vacui prorsus & confusi  
 recesserunt; liber *de Gestis Giraldi* evidenter explanat. Qualiter etiam dicti  
 Judices de Marchiâ ad gravamen Archidiaconi ob Archiepiscopi favorem per  
 fas omne nefasque de die in diem acriùs contenderunt; liber idem manifestè de-  
 clarat.

Interim autem imminente Festo S. Botulphi ad diem partibus datum, sc.  
 in crastino apud Brakelegam, septus Clericorum & Advocatorum cuneis non  
 Canonicorum Giraldus accessit; & inveniens ibi Judicem principalem, sc. Eli-  
 ensem Episcopum, qui jam in Angliam advenerat, & alios duos substitutos;  
 Clericos etiam Archiepiscopi Magistrum Simonem de Sudwella, & Magist-  
 rum Jo. de Tinemuda, quem Archiepiscopus literis suis patentibus Procurato-  
 rem suum constituit, & Magistrum Willelmum de Cauna; processit in medi-  
 um,

um, & quòd neminem de Ecclesiâ suâ sibi assistentem habebat, sic inchoando : " Solus in arma vocor ; nec tamen omnino dicendus solus, si cui astiterit Deus, " nec omnino est absque sequelâ, cui veritas suffragatur atque justitia : " literas Domini Papæ clausas protectionis pariter & commendationis Archiepiscopo directas legi fecit ; quibus prohibebatur Archiepiscopo, ne Clericos Menevenses vel blanditiis alliciat vel minis deterreat, aut damnis afficiat, vel per suos aut Regis Anglorum ministros aut Officiales quomodolibet impediât vel impediri permittat, quo minùs Archidiacono Menevensi in utrâque causâ tam Statûs quàm Electionis, si velint, assistere possint. Deinde persecutus est, qualiter munusculis primò sibi Capitulum allexit & blanditiis, postea minis & terroribus publicæ potestatis, prostemò quidem spoliationibus & rapinis ; adeò ut jurare compulsi sint & etiam sponsores dare, quòd Archidiacono Giraldo non solum non assisterent, sed etiam cum Rege & Archiepiscopo stantes ubique se Archidiacono in causis suis constanter opponerent. Sed ecce quàm obediens est Domino Papæ Archiepiscopus ; & tamen in literis suis omnibus ad ipsum directis se devotum ejusdem filium vocat. Postmodum autem ad cumulum injuriarum legi Archidiaconus literas Justiciarii Baillivo de Pembroch directas, quibus præcepit, ut laica tenementa & exchaetas Canonorum in manu suâ saisiet & etiam concubinas eorum capiat & custodiat, donec mandatum suum inde suscipiat. Has autem literas misit Justiciarius, sicut & alias terribiles multas, mandato Domini Regis de partibus transmarinis. Unde per Archiepiscopum hæc omnia fieri per vehementissimas constare potest præsumptiones. Prima, quòd assidue Regi in transmariis assistebat. Secunda, quòd ejus sigillo tanquam Archicancellarius præesse dinoscitur. Tertia cum aliis, quòd res ipsius hîc agitur. Quarta, quòd errata non corrigit, quinimo factus est evidens ecclesiasticæ libertatis oppressor, qui ordinis & officii debito deberet esse defensor. Error enim, ut ait Innocentius, cui non resistitur, approbatur ; & veritas cum minimè defensatur, opprimitur. Negligere cum possis perturbare perversos nichil aliud est quàm fovere. Nec caret scrupulo societatis occultæ, qui manifesto facinori desinit obviare, præsertim cum ad hoc ex officio teneatur.

Cum autem ad hæc Clerici Archiepiscopi alternatim, ut noverant, respondissent ; quæsito utrùm aliqui Canonici Menevenses adessent ; processerunt Anglici illi & anomali duo Osbertus & Foliotus, & duo Walenses Martinus frater Abbatis Albæ Domûs & Samuel ejusdem consanguineus. A quibus cum quæsitum esset per Judices, utrùm Archidiacono G. assistere vellent in causâ Statûs necne ; responderunt sicut edocti fuerant, quòd acephali erant ; ideoque tam arduam causam, donec caput haberent & Episcopum, suscitare vel suscitanti assistere vel assentire nolebant. Literas quoque Capituli sui de rato habendo, quod hi quatuor ibi dixerint aut egerint, porrexerunt. Alter autem Walensium, sc. Samuel, ne verbum omnino nullum pro Ecclesiâ suâ facere videretur, palam asseruit Ecclesiam S. Davidis revera Metropolim fuisse & esse debere, sed locum aut tempus huic quæstioni nondum existere. Ex abundanti quoque testati sunt, tanquam testes repentini & quidlibet asseverare parati, se nunquam G. Archidiaconum elegisse ; literasque Capituli sui id ipsum astruentes produxerunt.

Archidiaconus autem ad hæc respondit ; qui electioni suæ se opponere voluerint, longius ituros & Apostolorum limina visitaturos. Dictos etiam Anglicos duos à se excommunicatos asseruit. Ipsi verò se absolutos ab Archiepiscopo responderunt. Capitulum autem & Canonicos discretiores ac residentes ad ei non assistendum & in utrâque causâ sic scribendum per violentiam & bonorum spoliationem compulso esse ; & hoc se probaturum per testes, qui rapinis & deprædationibus intererant violentis, die proximo partibus præfigendo promisit. Quatuor autem Canonicos istos, ut Archiepiscopum, à quo seducti fuerant, placare per hoc possent, & Abbatum duorum ad Cathedram Spirantium



tium alterutrius promotionem vel sic procurarent, tam contra factum electionis proprium quam etiam Ecclesiæ suæ dignitatem pariter & libertatem stare, cum assertionem proposuit. Sed ecce in quantam perplexitatem peccatis urgentibus, & partis adversæ de die in diem atrocius instante malitiâ, sunt deducti; qui si steterint cum ecclesiâ suâ, sicut ipsos debere constat & decere, statim privati sunt bonis omnibus & spoliati. Sin autem è contra, perfidi sunt & perjuri? Mos enim est Ecclesiæ Menevensis; quòd quando canonicatur quispiam, priusquam installetur, fidelitatem jurat Ecclesiæ suæ super Reliquias Ecclesiæ Sacramento corporaliter præstito. Unde & Archidiaconus Romæ coram Cardinalibus Auditoribus suis in Consistorio Foliotum Sillogismo cornuto & quasi sub dilemmate sic constrinxit. Aut falsus fraterculus hic noster nobiscum stabit pro Ecclesiâ suâ in causâ Statûs, aut contra cum parte adversâ. Sed si contra; manifestè perjurus est Ecclesiæ suæ. Si nobiscum & pro Ecclesiâ suâ; perjurus est Archiepiscopo, cujus stipendiis & sumptibus cuique juratus ut pro Ecclesiâ Cantuariensi contra Menevensem in Curiâ Romanâ pro posse staret, huc accessit. Sunt igitur, ut prosecutus est coram Judicibus Archidiaconus, omnes Canonici Menevenses, qui contra Ecclesiam propriam & matrem suam pro lucro terreno seu damno stare præsumpserunt, perpetuò infames atque perjuri. Maximè verò Anglici illi duo, Foliotus sc. & Osbertus; qui ad hoc conducti atque jurati contra Ecclesiam suam non necessitate, ut alii plerique, sed voluntate nituntur.

Post varias igitur altercationes hinc inde factas secundo die soluto litigio datus est dies quartus in Octavis S. Jacobi apud Bedefordiam. Quò cum partes transcurso tempore coram Judicibus convenirent; produxit Archidiaconus testes duo Presbyteros & Clericum unum, qui spoliationi Canonorum intererant & violentiæ factæ; propter quam nec ipsi assistere ausi fuerant nec comparere. Canonici verò præscripti quatuor ad hunc etiam diem, quasi à Capitulo missi, Canonicos spoliatos aut ab Archidiacono per violentiam aversos tam literis Capituli quam vivâ voce negârunt. Archidiaconus autem hanc ipsam negationem propter metum publicæ potestatis, ne si querimoniam deponerent, ei deteriora contingerent, absque dubio factam esse proposuit. Literas quoque Capituli vel pro Ecclesiâ Menevensi vel pro Archidiacono facientes coram Judicibus in publicum productas eodem terrore negantes, vel surreptitias omnes vel falsas esse dicebant. Quærenti autem Eliensi Episcopo, quare invitis beneficium dare & ingratos à servitute ac subjectione eripere Giraldus tantis nisibus elaboraret; sub distinctione in publicâ audientiâ sic respondit. "Beneficium, ut nostis, aliud libertatis, aliud liberationis, aliud liberalitatis. Primum & secundum dari possunt invitis, tertium verò nequaquam. Possum enim servum meum emancipare & captivum meum à carcere liberare vel invitum. Codicem autem meum cuiquam dare non possum, nisi accipere voluerit. Induxit & illud Jeronimi. Multoties bona patrantur invitis; dum eorum potius utilitati consulitur quam voluntati. Et illud ejusdem. Et qui phreneticum ligat, & qui letargicum excitat, ambobus molestus, ambos amat. Adjecit & mirandum valde corruptionis hujus effectum; quòd Canonici Walenses, qui originali gaudebant libertatis honore, sicut & gens sua tota, à servitute & subjectione, qua tenentur, eripi recusant, vel etiam ab extraneo quocunque & quandoque, nedum à quodam fratrum suorum & de corpore Ecclesiæ suæ tantis ad hoc curis & laboribus enitente. De Anglicis enim, qui servi sunt olim atque subacti, & jam quasi naturaliter servi, si à longâ suæ servilis

\* Haud satis conjectari possum, quid sibi velit Giraldus, Anglos magis quam Wallos ad servitutem natos asserens. Puto illum subinnuere Anglos pariter ac Wallos (Angliæ jamdudum subactos) communi Regi magis servili conditione subdi, quam suis olim Principibus Walli subdebantur. Vel fortitan collimat ad servitutis consuetudinem à "con-

“conditionis consuetudine, quæ tanquam in naturam converti potuit, discere renuunt, non adeò quidem obstupendum. Unde & aures istorum, “quia servitute recedere nolunt subulâ perforari deberent more Judaico, “qui anno septimo servos suos manumittebant. Deserviebant enim Judæi, &c.” Judices autem testes Archidiaconi super spoliatione Canoniorum & violentiâ factâ suscipere differentes, quintum singulis causis apud Sanctum Albanum in octavis Nativitatis S. Mariæ diem dederunt.

Interim autem persecutionis gravius de die in diem urgente procellâ, præceptum & publico edicto, ne quis in Demetiæ vel Meneviæ finibus Giraldum hospitio susciperet; adeò ut ad partes illas accedens, propinquorum suorum atque nepotum hospitia, ne periculum incurrerent aut jacturam, evitaret. Et in festo Assumptionis B. Virginis Meneviam veniens, in Præbendâ suâ propriâ per sex inde milliaria distante, scilicet <sup>b</sup> Martru, nocte præcedente jaceret; & post Missam die Festo solemniter celebratam & exhortationem ad populum ab ipso factam, cum nec ipsum ibi quisquam suscipere ausus esset, nec ipse sui occasione quempiam lædi vellet, ad Præbendam iterum & hospitium proprium remearet.

Peractis igitur his quæ tunc in partibus illis agenda fuerant, reversus Archidiaconus apud Brechene, in Conventu Clericorum patriæ & Capitulo apud Aberhothene, ne nulla temporis aut terræ pars tribulatione careret; ecce adversarii Archidiaconi & scurræ Archiepiscopi duo. Osbertus sc & Foliotus, cum insultatione plurimâ procedentes, citationem Judicum cum literis Domini Papæ sibi directis, tenorem commissionis variatâ personâ contingentibus, Archidiacono porrexerunt. Sciens enim Archiepiscopus Menevensis Capitulum ex toto corruptum, ideoque tam minis allectum quàm muneribus, ad nutum suum contra Giraldum quidlibet testificaturum, per nuncios suos Romam solito cum effectu transmissos literas impetravit; quatinus testes tam de Capitulo Menevensi quàm aliunde, senes & valetudinarios, pauperes & inopes, contra Giraldum & ejus electionem admittantur: cum tamen in commissione Giraldi contineretur, ut qui contra electionem ejus agere vellet, Romam veniret. Qui autem citationem hanc videre voluerit & editiones varias cum nugis suis insertas, necnon & literas Papæ super hoc Giraldo directas; *de Gestis Giraldi* librum inspiciat.

Archidiaconus autem his omnibus nec frangi potuit animo nec desperanter affligi. Sed potius vultu erecto & corde securo spem præferens, omnes fortunæ adversæ sprevit insultus, & rotæ versatilis volubilitatem altâ mente calcavit; memor sapientis illius: *Tu ne cede malis, sed contra audaciùs ito, Dum tua te fortuna regit.* Multum quoque cunctis adjutus in angustiis sæpedito Fratris optimi consilio super adversis æquanimiter sufferendis. Missæ sunt igitur literæ Regis, Justiciarii & Marecalli, Archiepiscopo cuncta curante, tam Baillivo de Pembroch quàm Capitulo Menevensi, districtè præcipientes, quatinus omnes Canonici Menevenses, juvenes & senes, divites & pauperes, sicut honorem Domini Regis diligerent, apud S. Albanum die prænotato absque omni excusatione aut tergiversatione venirent. Alioquin corpora ipsorum cum concubinis & catallis omnibus tanquàm hostium Regis & Regni caperentur; ipsisque in carcerem detrusis, concubinæ prostituerentur, & bona ipso-

Normannis in Angliam introductam atque illo adhuc tempore retentam; qualis apud Walliam non obtinuit. De servorum Anglorum conditione ista habet Gervasius Tilberientis in libro M. S. de Scaccario nigro, paulò ante hæc tempora conscripto, cap. 36. *“Jam cohabitantes Anglicis & Normannis & alterutrum uxores ducentibus, sic permixtæ sunt*

*nationes; ut vix discerni possit hodie (de liberis loquor,) quis Anglicus quis Normannus sit genere; exceptis duntaxat ascriptitiis, qui Villani dicuntur, quibus non est liberum obstantibus Dominis suis à sui status conditione discedere.*

<sup>b</sup> Nota recenti manu addita. *Verus valor Præbendæ de Merthre est XXX. libr. per annum hodie.*

rum



rum omnia confiscarentur. Missæ sunt enim literæ Archiepiscopi simul cum aliis, more solito pungentes pariter & ungentes. Hoc autem terrore compulsi tam fideles & firmi, si fas esset, quàm corrupti, tam ad iter arripiendum quàm ad motum Regis & Archiepiscopi quidlibet asseverandum se præparaverunt universi. Sed ecce quanto discrimine contra potestatem hîc dimicatur utramque; quòd nisi regia sic jugiter instaret & urgeret violentia, parum quidem in utrâque causâ proficere posset pars adversa.

Archidiaconus autem novis super casibus novis utens consiliis, ad intentionem suam fundandam & electionem suam coram Judicibus astruendam, testes plurimos solitâ vivacitate præparavit. Quibus sub celeritate completis, quoniam pecuniam in Norwalliâ & Powisiâ collectam & ei promissam per nuncios fideles sæpius missos habere non potuit, Archiepiscopo partes etiam illas per Abbatem Albæ Domûs & alios quosdam corruptores inficiente darique promissa dissuadente, nec ignavus nec deses, per Elevein & Melenith per Keri & Kedewein versùs Venedociam iter incunctanter arripuit; penetransque Powisiam & terram Wenonwein silvis hispidam & munitissimam, ipsum in expeditione contra Lewelinum, cui tunc concordatus fuerat, invenit; à quo & cum honore susceptus est. Solus hic tamen inter Principes Walliæ tam propter invidiam, quòd Lewelinus hoc inchoaverat, quàm etiam avaritiam; necnon ut Anglicos, quibus contra Lewelinum adhærebat, & Archiepiscopum in hoc placaret, auxilium in terrâ suâ Sancto David facere recusavit. Unde & vindictâ divinitus paulò post secutâ, tantam in pede læsionem equo proprio calcante seu recalcitrante suscepit; ut claudicationem incurreret gravem & imbecillitatem vix curabilem. Venedociam igitur intrans Archidiaconus & ad Lewelinum accedens, simul cum Electo Bangorensi qui ei occurrerat, super pecuniâ---collectâ & penès Electum reservatâ Principem convenit. Ipse verò de adventu Archidiaconi lætus & hilaris, ut erat vir liberalis & lenis, si quam rubiginem ex infectione contraxerat, statim ut vultum amici vidit, totam abiciens, pecuniam Archidiacono reddi iussit. Erat autem summa pecuniæ collectæ, præter hoc quòd à Powisensibus habuit, quasi librarum XX. His itaque sic completis, per Albi Monasterii & Slopesburie fines Angliam intrando, quasi quarto postquam à Lewelino discesserat die apud Abbatiam de Hagemam pernoctavit. In crastino verò priusquam inde discederet, advenerunt ei nuncii duo de Meneviæ partibus, capellanus scilicet Præbendæ suæ de Martru, cui nomen Philippus, & Capellanus Ecclesiæ suæ de Lanwundaph, cui nomen Aidanus; nunciantes adeò nuper aggravatam in ipsum & suos omnes persecutorum manum, ut post minas multas jam in facta immo facinora ac sacrilegia prorumpentes, sc. Nicholas Avenel qui jam subrogatus fuerat Radulpho de Bendevilla in Ballivâ de Pembroch, ut atrocius ageret, quoniam crudelis extiterat, & nemini parceret, & Willelmus filius Martini, tam Præbendam Archidiaconi de Martru quàm Ecclesiam de Lanwundaph in cœmeteriis & extra spoliantes, & viros ac mulieres captivos ducentes & incarcerantes, ad redemptionem gravem coartarent. Archidiaconus autem his auditis, cum constantiâ respondit, sibi plurimum in hac spoliatione successisse, & novos Archiepiscopi nifus per hanc exceptionem elidi posse. Ducens itaque Capellanos illos secum in Angliam ad testificandum quod actum fuerat, eâ nocte in terrâ Baronis cujusdam, cui dilectus antea & familiaris extiterat, cui nomen Willelmus Alani filius, hospitio susceptus est. Porro vir ille de Wigornia, ubi cum Archiepiscopo circiter id ipsum temporis locutus fuerat & querimoniam ejusdem de Giraldo grandem audierat, ad terram eandem eodem die reversus, cum audiret Archidiaconum ibi esse, misit ad ipsum Camerarium suum, indicans ei secretò, quatinus cautè & incunctanter abscederet. Quosdam enim de comitatu suo, qui Archiepiscopum diligebant; si ipsum ibi invenirent, ab ejus molestatione &

rerum

rerum suarum direptione præpedire non poterat. Adjecit etiam se valde dolere, quod affectum dilectionis, quem erga ipsum habebat, ei ostendere eumque cum honore in terrâ suâ tunc suscipere non valebat. Quo audito, quod nec frangi potuit adversis nec consternari, hilari vultu & erecto monitis adquevit, illud ad mentem revocans. <sup>a</sup> *Si persecuti vos fuerint in una civitate; fugite in aliam.* Veniens igitur Oxoniam, Advocatos suos duos, sc. qui per totam æstatem singulis diebus causâ datis ei astiterant, & non gratis, secum apud S. Albanum ducere volens, aversos per Archiepiscopum ambos nec ipsos nec alios habere potuit, præter unum qui de partibus transmarinis nuper advenerat, famæ adhuc incognitæ, qui etiam præ timore publicæ potestatis urgentis ei vix & duris quoque conditionibus ausus fuerat adhærere.

<sup>a</sup> Matt. X. 23

Versus itaque S. Albanum Archidiaconus accelerans, in crastino Nativitatis S. Mariæ coram Judicibus, qui omnes in propriâ personâ tunc aderant, cum comitatu testium non modico tam Cleri quàm populi confidenter apparuit. Archiepiscopus autem Clericos suos & Advocatos omnes illuc transmittens, ipse non procul inde sed quasi per milliaria XII. accedens, ut crebrò nuncios suos suscipere & mittere posset ac remittere, apud Dunstaple quasi in insidiis moram fecit. Imprimis igitur Clerici Archiepiscopi scientes juxta Comici sententiam, *Omnia prius attemptanda quàm arma*, ex parte Domini sui amplissimos redditus Ecclesiasticos Archidiacono, ut utrique causæ renunciaret & ab Archiepiscopi vexatione cessaret, per Judices obtulerunt. Ipse verò non personæ suæ sed Ecclesiæ præ rebus omnibus profectum quærens, & ad statum ejusdem pristinum reformandum pro viribus enitens, pacis & concordie modum, ad quem induci potuit, exprimentem talem in manus Judicum demum Schedulam misit.

“ Quoniam Ecclesiam nostram Menevensem constat multo tempore Metro-  
 “ polin fuisse, & etiam in plenâ potestate Metropolitica præter usum Pallii  
 “ usque ad tempora Regis Angliæ Henrici I. permansisse, per cujus potesta-  
 “ tem ac violentiam Cantuariensi Ecclesiæ subjici cœpit cum aliis Ecclesiis  
 “ Walliæ; sicut ex scripto, quod de divisionibus Anacleti & Registro Gregorii  
 “ necnon & Ecclesiasticâ Bedæ historiâ fideliter extraximus, ex parte perpendi  
 “ potest; iterum, si placet, Metropolitica fiat, sed Ecclesiæ Cantuariensi  
 “ subiecta; sicut una Ecclesia Metropolis alii Metropoli jure Primatiæ sub-  
 “ jici solet; quemadmodum videlicet Burdegalensis Metropolis Bituricensi  
 “ tanquam Primatiæ sedi subiecta est. Primatiæ namque propriè sedes, ut  
 “ nostis, non est nisi quæ subditum sibi Archipræsulem habet. Verùm cum  
 “ Ecclesia Menevensis temporibus B. Davidis & XXV. successorum ejusdem  
 “ usque ad Samsonem Dolensem, qui Pallium nostrum asportavit, intra  
 “ Walliæ spatium ut nunc est, & V. Episcopatum Angliæ, Cestrensis sc.  
 “ seu Coventrensis, Herefordensis, Wigorniensis, Bathoniensis & Exoniensis,  
 “ sicut ex antiquissimis Historiis vel ex veterum relatione fidei & assertio-  
 “ ne colligitur, XII. Suffraganeos haberet; nunc tribus illistantum, qui in-  
 “ tra Walliæ fines continentur, contenta foret. Sic etenim initium possidendi  
 “ Cantuariensis Ecclesiæ vitiosum, quia violentum, ex parte purgari posset;  
 “ cum de consensu ejusdem Ecclesiæ Menevensis pristino gauderet honore, etsi  
 “ non pleno. Et quia jam aliquamdiu in subiectione fuerat, quanquam in-  
 “ justè, temporibus sc. trium Episcoporum nostrorum ultimorum, qui soli de  
 “ nostris à Cantuariensibus consecrationem susceperunt, subiecta remaneret.  
 “ Et sic Cantuariensis Archiepiscopus plus haberet honoris, sc. loco simplicis  
 “ Episcopi suffraganei Archiepiscopum subiectum habens. Et cum longè me-  
 “ liori conscientia multoque minùs oneris terram sc. tam remotam, quasi  
 “ per



“ per XV. ferè diætas, & gentem divisas ab Angliâ prorsus atque diversas  
 “ linguam, leges & consuetudines habentem, qui mores & modos patriæ non  
 “ ignoraret, & qui propius residens ac diligens existeret, quasi per Vicarium  
 “ regens. Cæterum ne videar personæ meæ hanc dignitatem appetiisse vel ap-  
 “ petere; Archiepiscopus Ecclesiæ nostræ fieret quicumque, dum tamen ido-  
 “ neus, juxta Domini Papæ & Regis & Archiepiscopi dispositionem. Sicque  
 “ perpetuò controversia tanta sopita foret. Alius concordiæ modus, si fortè  
 “ Domino Papæ, in cujus omnia ponimus dispositione, modus iste non sederit  
 “ vel etiam Archiepiscopo; quòd testes nostros valetudinarios Judices susci-  
 “ piant; & attestaciones sub sigillis suis Domino Papæ transmissæ & ibidem  
 “ bullatæ in scriniis ejusdem, ne tractu temporis jus depereat, reserventur;  
 “ & secundæ apud Cantuariam bullatæ, & tertiæ apud Meneviam reponantur;  
 “ & toto tempore vitæ Archiepiscopi istius, quam Deus ad honorem Ecclesiæ  
 “ suæ longam conservet; hæc controversia pro bono pacis sopita quiescat;  
 “ nisi fortè voluntate summi Pontificis vel etiam mandato Principis resuscite-  
 “ tur. Et ut liqueat omnibus me propter cathedram Menevensi mihi obtri-  
 “ nendam tantum nullatenus assumpsisse laborem; Electionem de me factam,  
 “ si qua fuit, in manu Domini Papæ resignabo; & ejus providentiâ Ecclesiæ  
 “ nostræ pauperi ac depilatæ & usque ad exterminium ferè dilapidatæ Pastor  
 “ vividus ac validus, qui dispersa revocet & reparet, provideatur. Sin au-  
 “ tem neutrum concordiæ modum vel Dominus Papa approbaverit vel Archi-  
 “ episcopus admiserit; nichil aliud restat, nisi ut lites suo Marte decur-  
 “ rant.

Scriptum hoc autem statim Archiepiscopo per suos missum fuerat. Quod  
 cum diligenter inspiceret & respiceret, quanquam plurimi suorum & discre-  
 tiores modum pacis & transactionis oblatum approbarent, & præcipuè Elien-  
 sis Episcopus, quid tam discretus erat & in jure peritus, asserens, si cathedræ  
 præset ipse Cantuariensi, se malle Archiepiscopum in Walliâ cum Suffraga-  
 neis suis sub pace stabili perpetuâque subjectum habere, quàm quatuor Ec-  
 clesias ibidem Cathedrales simplices sic pendulas semper & litigiosas jure pro-  
 vinciali possidere. Tamen Archiepiscopus de tribus confusus, de regiâ potesta-  
 te sc. quam vel amore ipsius vel timore magis propter verræ urgentis incom-  
 modum ad nutum habebat; de Capitulo Menevensi, quod ex toto corruperat;  
 & de Curiâ Romanâ, quam corrumpi, quod absit, posse putabat; oblata  
 concordia non adquevit; sed donec Suffraganeos suos omnes super hoc con-  
 suleret, responsum proterminavit. Unde & literas Domini Wigorniensis  
 Episcopi, cui nomen Malgerus, qui simul cum Eliensi ad pacem intendebat,  
 super hoc Archidiacono missas hic apponere præter rem non putavi. “ Ma-  
 “ gister M. Magistro G. salutem. Cum maximâ diligentia & sedulâ atten-  
 “ tione utrumque modum concordia & pacis inter Archiepiscopum & te, si-  
 “ cut in literis vestris continebatur, exposui. Et de illis duobus Anglicis  
 “ Canonicis, quòd pacem nollent sed Werram desiderarent, apertè signifi-  
 “ vi. Ipse autem post secreta consilia & tractatum cum prudentibus habi-  
 “ tum, respondit, quòd super hoc nichil ad præsens certum respondere po-  
 “ terat; quoniam causa non ipsum tantum sed omnes suffraganeos tangebat.  
 “ Sed me tibi fidejussorem constituit; quòd illud faceret, si suffraganei sui  
 “ consenserint, & Dominus Papa modum approbaverit & confirmare volu-  
 “ erit.

\* Mirum id toties ingerere Giraldum, illos | constat ipsum linguam VVallicam adeò  
 nempe VValensibus Episcopos dari debere, | nescivisse, ut plebi Latinè vel alienâ saltem  
 qui VValensium linguam calleant. Ex li- | linguâ concionari necesse habuerit.  
 bro enim 2<sup>o</sup> de gestis Giraldi cap. 18, 19.

Cum igitur ad lites & causarum ventilationes perventum esset; procedentibus Canonicis & Clericis Menevensis Ecclesiæ, senibus etiam & valerudinariis, qui residentes jugiter esse solebant, ferè cunctis per violentiam venire compulsis, & ad quidlibet testificandum contra Giraldum eodem terrore paratis, videns Eliensis Episcopus & attendens iniquitatem hanc maximam à senioribus progressam, inter cætera quæ proposuit, Archidiacono, quem de Scolarum olim in Franciâ societate notum habuerat & dilectum, quasi jocose in publicâ audientiâ dixit. Ecce qualiter gens tua & pontifices tui tradiderunt te nobis: respiciens Clerum Menevensem. Et risu universorum subsecuto, respondens Archidiaconus ait. "Scriptum est enim. <sup>a</sup> *Generatio* <sup>a</sup> Deut. XXII. *perversa atque infideles filii.* Quod nunc veraciter istis adaptari potest; qui <sup>20.</sup> "occasione quantalibet in matrem propriam armati & tanquam matricidæ "cruenti, juxta pœnam tanto facinori debitam & statutam culeo insuti cum "gallo gallinaceo, simiâ & serpente, projici deberent in profluentem. Tri- "plici namque gradu in hac sui damnatione procedunt. Quidam enim mi- "nis attoniti; quod etiam malum; alii muneribus allekti, sed hoc pejus; "quidam ambitu promotionis sui vel suorum in eadem Ecclesiâ quam im- "pugnant excœcati; quod pessimum: omnes simul à viâ veritatis exorbi- "tantes; etsi humanam ultionem fortè effugere prævaleant, divinam absque "dubio vindictam non evadent.

Interim autem lite super Electione per incuriam contestatâ, producti sunt ex utrâque parte testes plurimi. Sed ex parte adversâ Clerici Menevenses à corruptelâ non discedentes, ad testificandum contra Giraldum certatim omnes accurrerunt. Qui enim senes & valetudinarii non erant, pauperes se esse dicebant; qui licet respectu Anglicanæ opulentia pauperes quodam modo dici possent, non usque adeò tamen ut Romam propriis facultatibus ire non prævalerent. Quanquam etiam Archiepiscopus cunctis pro se contra Giraldum Romam ituris de suo sumptus sufficientes invenire paratus esset; sicut in sequentibus palam erit. Dictum autem fuerat adversæ partis astutiâ & publicis officialibus sub comminatione promulgatum; quòd qui hîc pro Rege & Archiepiscopo testimonium contra Giraldum non perhiberet, contra eundem testificaturus proculdubio Romam iret. Proinde & miseri vano hujusmodi timore perterriti, passim ad perjuriam profiluerunt. Quidam enim ut inter senes ad perjuriam reciperentur, se sexagenarios, cum non essent; alii verò ut inter pauperes pejerare possent, se XL. solidorum redditus aut facultates non habere falso jurabant. Dupliciter itaque perjuri sunt; dum falsum scienter & sponte jurant, ut illico jurati falsissimum testificentur; sicut ex attestacionibus eorum Romæ publicatis postmodum patuit, quibus asserebant, quòd Giraldum Archidiaconum nunquam elegerunt, nec aliquid quod Electio dici posset unquam de ipso fecerunt.

Super literaturâ verò cum examinari deberet Abbas S. Dogmaelis, qui tunc primò comparuit; obtulerunt ei Judices imprimis literas Domini Papæ legendas, commissionem ejusdem negotii sibi factam continentes. Sed cum responderent qui pro ipso loquebantur, Clerici sc. & complices Archiepiscopi, ipsum de literis talibus, quibus non assueverat, probari non debere sed potius de libris Ecclesiasticis; allatus est liber Missalis cum literâ legibili & grossâ; qui cum ei legendus offerretur à Judicibus & exponendus, de licentiâ Judicum, quam expetiit, causâ deliberandi cum Clericis Archiepiscopi secessit ad partem; & post moram longam ac tædiosam, tandem tam lectionem recusans quàm expositionem, cum responso relationi Judicum inserto recessit. Ad hæc etiam cum in causâ statûs Canonici Menevenses se Archidiacono Giraldum nec assistere velle nec assentire proponerent; Archidiaconus ad hoc ipsos sibi in eadem causâ assensum primò perhibuisse, sed postea per violentiam & rerum suarum adversâ parte procurante spoliacionem averfos fuisse. Et cum hoc quoque probare in continenti per testes idoneos Presbyteros & Clericos



Clericos paratus esset, dicens etiam Dominum Papam, si coram ipso bis ageretur, probationes istas admissurum; Judices tamen vel suo in sensu abundantes, vel Archiepiscopo, cui provincialiter subditi fuerant, in hoc articulo propitiantes, tandem nec se probationes Archidiaconi super hoc suscepturos; unde Papa postmodum ipsos in hoc errasse proposuit; nec in causa statûs, cum nullus ei Canonorum assisteret, processuros, sententialiter pronuntiârunt; sicut eorundem relatione postmodum insertum est. His autem sic completis, cum procederent adversarii plurimi, archiadversario cuncta procurante & machinante, super injuriis & gravaminibus sibi allatis ab Archidiacono, juxta editionem in citatione factâ per ultimas literas contra Giraldum impetratas comprehensam, querimoniam deponentes; Archidiaconus se nuper spoliatum conquerens per Archiepiscopi & aliorum adversariorum machinationem, qui nunc falsò de ipso conquerebantur; & Capellanos suos spoliatos in medium producens, se non responsurum, nisi prius fuerit restitutus, asseruit. Præposuit etiam se propter adversæ partis malitiam & concurrentem sæcularem simul justiciam cum ecclesiasticâ potentiâ, nec Advocatos, nec aliquam sequelam habere posse; sed tanquam publicos hostes Regis & regni seque suosque per forum & compita declamatos esse. Propter quæ gravamina ad Summum Pontificem appellavit.

In fine verò coram Judicibus in publicâ audientiâ, potestate sibi à summo Pontifice traditâ & auctoritate, spoliatores suos prædictos Nicholaum Avenel & Willelmum filium Martini, quòd Præbendam suam de Martru spoliaverant, sententiâ excommunicationis innodavit; & terras ipsorum sub interdicto conclusit. Ad hæc etiam ut undique vexatio vehemens exercitium pariter & intellectum daret; missis Clericis & nunciis ad diem in Marchiâ Walliæ datum à Judicibus prædictis, à quibus appellaverat, Archidiaconus per ipsos quasi Judicibus eisdem ultimum vale dicturos appellationem suam legitimè factam tam litteris præcisè renovare curavit quàm vivâ voce missorum. Judices tamen ob favorem Archiepiscopi ad gravamen Archidiaconi nichilominus procedentes, partium adversarum probationes super damno suscepto de die in diem processu temporis susceperunt; & Archidiaconum absentem versus Curiam proficiscentem adversariis in CLXX. Marcis per sententiam condempnaverunt: per cautelam etiam exquisitam sententiæ executionem iniquæ, ne Archidiacono dum esset in Curiâ id nunciaretur, usque Pascha sequens vel Pentecosten distulerunt. Totum hoc autem Archiepiscopi suorumque factum est instinctu; quatenus suæ condemnationis in expensas Archidiaconi per Curiam Romanam & hujus sic factæ per Judices tales fieri fortè compensatio posset.

\* Inavigium.

Archidiaconus autem machinationes adversas omnes atque malitias altâ mente contemnens & post terga relinquens, versus Curiam, unde cunctorum sibi remedia sperabat incommodorum, iter incunctanter arripuit; primòque Londonias ad se præparandum deinde Cantuariam ad transfretandum, sed in occulto non per stratum publicam, sed lateraliter atque latenter incescit. Veniens igitur ad S. Augustinum apud Cantuariam, & à Monachis qui Archiepiscopum similiter adversarium in multis immo ferè cunctis habebant, gratanter susceptus & fideliter occultatus, apud Sautwich clandestinum sibi parari \* naufragium fecit. Suave namque collegium & dulce consortium eorum habere solatium, quos simul delectat subire litigium. Sed cùm ferè per VIII. dies moram ibidem Euro in contrarium flante fecisset; ecce adveniunt nuncii Archiepiscopi & Justiciarii, qui versus partes illas profectum esse Giraldum audierant; publico præcipientes edicto, ne quis Clericus aut Laicus absque literis ipsorum transveheretur. Similiter & per portus omnes totamque maritimam præceptum fuit; præcipuè verò de Giraldo, ne transveheretur, edictum exiit; qui etiam per singulas domos de Santwich quæsitus, ut caperetur si reperiri posset, præceptum fuit. Unde & Judicibus suis, qui in crastino S. Lucæ Londoniis coram Archiepiscopo & Suf-

& Suffraganeis suis quamplurimis relationem suam partibus tradere debebant literas has misit, quæ & in publicâ audientiâ lectæ sunt.

“Venerabilibus viris & in Christo dilectis, E. Dei gratiâ Eliensi Episcopo, Decano London, & Archidiacono de Bukingham, Giraldus Archidiaconus de Brechene salutem in Domino. Vestræ discretioni notum facio, quod apud Santwich, ubi publicus est transitus omnium, prohibitus fui transfricare; & die veneris proximâ post Festum S. Dionisii per singulas domos ejusdem villæ, quæ propria est Cantuariensis Ecclesiæ, per ministros ejusdem quæsitus ut caperer; & me non invento, sicut Domino placuit, cum tamen procul inde non laterem; timens hominum malitiam publicè proclamatum fuit ibi & in Insulâ de Tenetham per Archiepiscopi & Justiciarii præcones, quatinus me vel meos nemo transportaret. Sed ecce quàm bene paritum est mandatis Domini Papæ; qui præcepit Archiepiscopo, quod me vel meos nullatenus impediatur, vel à quoquam impediri permittat; quo minus utramque causam tam electionis sc. quàm dignitatis Ecclesiæ nostræ securè prosequi possimus. Spoliati sunt autem Canonici Menevenses nobis assistere volentes. Spoliati sunt Clerici Præbendæ nostræ, & Laici adducti & compedibus constricti. Destitutus sum redditibus meis, Præbendâ sc. Herfordiæ & Ecclesiâ & Cestretune. Neque est qui corrigat; quod qui deberet esse corrector, pluries etiam requisitus, factus est oppressor & omnium istorum auctor; sicut suo loco & tempore per Dei gratiam docebitur. Vos autem quod ad vos spectat faciatis; & istud ad injuriarum Cumulum nunc tam acriter additum, relationi vestræ, si placet, super vi & metu interferere non postponatis. Valeat in Domino paternitas vestra.

Giraldus itaque nec his perterritus nec consternatus, sed solitâ constantiâ novis in fortunis novis obviando consiliis atque remediis, præmisso in Flandriam Clerico quodam cum parte pecuniæ suæ sub pauperis habitu transfretante, versus Feurisham lora regirans, & apud Tilleburiam Tamisæ fluvium navigio transiens, & Exlessiam penetrans & perlustrans circa maritimam S. Osithæ navigium quærendo se suscepit. Sed quoniam naves ibi magnæ ad equos transportandum inveniri non solent; consilium inivit, ut naviculam intrando & terram à dextris lateraliter ambiendo cum Clericis & carioribus rebus suis ad naves Flandriæ, quæ in portu de Santwich exteriori jacentes solum Zephiri beneficium expectabant, se transferret; & equis suis in Angliâ relictis, alios sibi in Flandriâ compararet. Firmato itaque consilio, cum cymbam intrasset, & tribus diebus ac noctibus cum suis in eâ, latitando frustra Circium & auram prosperam expectasset; super insidiis jam sibi paratis & captione præmunitus, ad equos suos, ubi absconditi fuerant, vix evadens, per aliam regrediens viam, & alibi Tamisiam transiens, per semitas insolitas & insuetas periculo tamen & dispendio plenas, iterum Cantix fines, ubi magis exosus fuerat minusque securus quoniam undique quæsitus atque observatus, intrare præsumpsit; & quoniam in maritimo Boloniæ latere propter werram inter Reges nulla fuit Anglis applicatio, ideoque nulla ex directo tunc apud Dovoriam transfretatio; ad partes illas, ubi minus credebatur, per industriam exquisitam accessit.

Fortunam igitur urgens, seque semper in anteriora protendens, quippe nil credens actum cum quid superesset agendum, cum in casâ modicâ non procul à Dovorîâ, se quod poterat transformando suamque sequelam segregando, per octo dies & plures jam latitasset; receptis ibidem nunciis suis cum relatione Judicum quam portaverant toti negotio pernecessaria, & nave longâ trans æquum gravique conditione conductâ, in crastino Omnium Sanctorum Zephîro flante clandestino navigio & indirecto apud Graveninges vix applicuit. Sed quoniam ibidem eadem horâ de Santwich, prædicto sc. Angliæ portu & Cantuariensis Ecclesiæ territorio directo cursu applicuerant; timens & ibi partis adversæ potentiam, quæ in partibus illis & portibus Flandriæ maritimis non



modica fuit, sub transtris navis & remis sub imo carinæ usque ad noctem ferè latitavit. Manè verò versùs S. Audomarum, quò partem pecuniæ suæ transfugerat, cum acceleraret; ut pars terræ nulla per quam transiret ei foret absque terrore, à peregrinis & aliis, quos obvios habuit pro certo accepit, quòd Anglici cuncti ibi inventi capiebantur & spoliati publicæ custodiæ tradebantur. Quibus auditis, mutato consilio simul & calle, in Castro de Challi à boreali latere quasi per sex inde milliaria distante se suscepit. In crastino verò veniens ad ipsum Canonicus S. Audomari, cui nomen Alexander & cui notus fuerat & dilectus, secum eum apud S. Audomarum securè conduxit. Cum igitur ibi cum amico, latenter tamen & non apertè pernoctasset; recepto Clerico suo quem præmiserat & pecuniâ, versusque Duniacum & Kameracum, quibus in finibus via commeantibus securior extiterat; Atrebarum, ubi capiebantur Anglici, longè à dextrâ relinquens, in crastino iter arripuit. Cum igitur duabus apud Duniacum noctibus jacens, societatem quam expectaverat nullam invenit; manè die tertio versùs Cameracum iter aggrediens, & se fortunæ committens, cum per duo milliaria jam processisset; ecce serviens quidam Nevelonis illius nequissimi custodis Atrebari, qui cunctos spoliabat Anglicos & nulli parcebat, præmissus à Domino suo ad Comitissam Flandriæ apud Valocenes, quò & ipse veniebat, Archidiaconum non directè obviando sed à dextro latere quasi ex transverso veniendo, sicut fors obtulit casusque sinister, offendit; qui statim intuens pueros qui sequebantur nuper vestitos, per habitus ipsorum & vestes Anglicos esse perpendens, Archidiaconum cum his qui præcedebant celerius est consecutus.

Porro qualiter nec fugæ præsidio tutus, nec Ecclesiæ refugio securus, ad gravem demum redemptionem est artatus. Item qualiter Parisios veniens, Bangoriensem Electum, qui apud Normanniam transfretaverat, ibi invenit. Item qualiter inde Trecas, & postea Claravalem & Cistercium adeundo, Abbatibus de Albâ Landâ depositionem non immeritò procuravit; Sanctique Davidis injurias tanquam minister ultionis assumptus, vindicare non tardavit; sicque Burgundiam longis diatris transmeriens, & Alpes transcendens, Italiam intravit. Item qualiter infidias adversariorum tam Parmiam vitando quam Bononiam subito transperterando præmunitus evasit. Et qualiter ibi duos Canonicos Landaveneses, quos secum adduxerat, adversariis furtim adherentes & fraudulentè Giraldu annisit. Item qualiter Faentiam tertio ante Natale die perveniens, XX. Marcas auri, quod in obolis Mutinis à civibus Bononiensibus in nudinis Trecentibus emerat, vix & cum difficultate recuperavit. Et qualiter etiam ibidem urgente necessitatis articulo, majorem in extraneo quam in compatriotâ & socio, Bangorienfi sc. Electo, cui tamen tam necessarius toties extiterat, liberalitatem invenit. Item qualiter tertio Natalis die per Balneum S. Mariæ sub Alpibus illis iter arripuit; & fortunæ manibus se tuosque committens, transmensis montibus arduis & præruptis, nivibus pariter & prædonibus perhorrendis & periculosis, demum in Valle Spoletanâ se suscepit; ubi mirabantur admodum & stupebant indigenæ, quì Alpes illas prædonibus & periculis plenas sic indemnis cum suis omnibus pertransivit: Liber de Gestis Giraldis totum explanat.

Profectus itaque per partes illas dietis aliquot assignatis, biduo ante Epiphaniam Romam pervenit. Electus autem Bangorienfis propter sententiam, qua separatus ab Ordine fuerat, quoniam id Abbas Cisterciensis Domino Papæ literis & nunciis significaverat, non statim urbem intrare, sed non procul ab urbe vel etiam in ipso suburbio, quousque per Archidiaconum animum Domini Papæ erga ipsum prætemptasset, latitare disposuerat; donec Archidiaconus ei vix animum adjiciens & audaciam, secum eundem ad Curiam duxit. Archidiaconum autem statim Papa more solito cum honore & osculo suscepit. Bangorienfi verò dixit. Frater, dicitur quòd excommunicatus sis. Cui Archidiaconus.

diaconus. Domine verbis adversariorum nisi Parte utrâque prius auditâ & veritate cognitâ, fides, si placet, adhiberi non debet. Et statim ipsum quoque palam in osculo suscepit, dicens. Ita dicunt & asserunt; vos videritis. Præveniant enim adversarii, qui cum literis Abbatis Cisterciensis id attestantibus sic ipsum in Curiam diffamaverant. Cum igitur apud Lateranum Archidiaconus hospitium non procul à Curia cepisset; Bangoriensis, qui pecuniosus erat, non jam cum ipso, ut solet, sed per se hospitium cepit. Noverat enim Archidiaconum in Flandriâ spoliatum, residuamque pecuniam suam sibi in proximo defecturam; ne mutuum ei faceret à cohabitando; sed ne causa sua periret, quæ desperata jam fuerat, ab auxilio petendo & consilio se non retraxit. Archidiaconus autem quanquam hæc ei perspicua forent cuncta; tamen sub dissimulatione præteriens, causam suam propter causas præscriptas non minus quam propriam promovere curabat.

In primo itaque post Epiphaniam Consistorio magno procedens Archidiaconus in medium cum turbâ suorum, sic exorsus est. "Supplico celsitudini vestræ, pie Pater & Domine, quatinus patienter & diligenter audire velitis paginam prolixiorē plenam nostrā injuriā & nostrā jacturā. Multoties mente prælagā malorum vaticinatur quis quod veretur. Sicut anno præterito quando placuit Sanctitati vestræ sic scribere Judicibus nostris super inquisitione consensūs nostri in questione Statūs; præsenſi statim & in publicā audientiā dixi; hoc nichil aliud fore, nisi occasionem dare patentem parti adversæ malignandi & corrumpendi Capitulum nostrum; quod & antea facile corrumpi posse satis compererat tam blanditiis & beneficiis quam promissionibus; & ubi his proficere non poterat, minis & terroribus ac bonorum spoliationibus. Remedium tamen ad hæc vestra putavit adhibuisse prudentia; scribens Archiepiscopo Cantuariensi in hunc modum. *Quamdiu & quantum dilectus filius Menevensis Archidiaconus super causā suā duxerit laborandum; qualiter nec personæ pepercerit nec expensis, inclementiam temporis, intemperiem aeris & viarum discrimina non evitans; tua fraternitas plenè novit, &c. ut supra. Quapropter fraternitati tuæ per Apostolica scripta mandamus atque precipimus; quatenus nec per te, nec per carissimum in Christo filium Johannem Regem Anglorum, aut tuos vel ejus Officiales, impedias aut permittas ab aliis impediri; quo minus tam supra questione Statūs quam causā Electionis ejusdem mandatum Apostolicum impleatur. Clericos etiam & Laicos Menevenses in alterutro prædictorum assistentes eidem nec officias damnis nec minis perterreas nec blanditiis revoces, quo minus testimonium perhibeant veritati; & eorum, quibus super hoc scripsimus, se conspectui representent.* Ipse verò Clericos Menevenses mecum in utrâque causā stare paratos nichilominus tam beneficiis & blanditiis alliciens, quam minis & terroribus necnon & bonorum spoliationibus absterrens, quā sit obediens mandatis vestris evidenter ostendit; literis tamen omnibus vestræ Celsitudini ab ipso destinatis se devotum filium vestrum vocitare præsumit. Sanè sincera devotio magis in factis quam dictis vel etiam scriptis, magis in opere quam in sermone vel in ore consistit. Probatio quippe tam devotionis quam dilectionis exhibitio est operis. Quod autem hæc vera sunt, & quod mandati vestri sic per omnia contemptor extiterit; & coram Judicibus nostris in Angliā probare parati fuimus, & hîc in præsentia vestrâ per testes exceptione majores probare parati sumus. Unde quoniam non solum in nos & nostros sed etiam in Clerum Angliæ ferè universum publicā regni potestate, quam ad nutum habet, sic deservire non cessat; ita rigor Apostolicus ejus insolentiam atque superbiam tantam reprimere curet; ut pœna unius multorum sit metus; & animadversionis hujus exemplo cæteri discant Prælati à temerariis ausibus hujusmodi temperare. Quoniam, ut ait Ambrosius, qui uni indulget indigno, ad prolapsionis contagium provocat universos. Facilitas enim veniæ incentivum tribuit delinquendi.

Post



Post hæc autem porrectæ sunt Papæ ab Archidiacono literæ Principum Walliæ cum sigillis appensis, communiter ei pro Ecclesiâ Walensicâ scribentium; quas non in Consistorio sed in camerâ coram Cardinalibus legi fecit. Erant autem literæ tales. "Reverendissimo Patri & Domino Innocentio Dei gratiâ Summo Pontifici, Lewelinus Princeps Norwalliæ, Wenunwen & Madocus Principes Powisiæ, Grifinus & Mailgo, Resus ac Mareducus filii Resi Principes Sutwalliæ, salutem & debitam per omnia subjectionem. Paternitati vestræ notificamus, quanta incommoda & animarum pericula Ecclesia Walensica sustinuit, postquam Anglicæ potestati & Cantuariensi per regiam violentiam, & non de ratione vel Apostolicæ Sedis auctoritate subiecta fuit. Inprimis itaque Cantuarienses Archiepiscopi ex consuetudine nobis & genti nostræ Episcopos præficiunt Anglicos, morum patriæ & linguæ nostræ prorsus ignaros; qui nec verbum Dei populo prædicare sciunt, nec confessiones nisi per interpretem suscipere. Illos etiam non per electionem Canonicam sed per intrusionem potius & violentiam in Ecclesiasticis constituunt; vel si Electionem quandoque sustineant, umbratilem illam & non veram faciunt; Clericos nostros in Angliam vocando, & ibi in cameris Regum quemcunque & quantumlibet vilem in partibus suis abjectum sibi eligere pastorem compellendo. Præterea Episcopi nostri sic nobis de Angliâ præfecti, quod nec terram nostram neque nos diligunt, sed sicut innato quodam odio corpora prosequuntur, ita nec etiam animarum lucra quærunt; præesse quidem nobis & non prodesse cupientes, pastorale officium minimè apud nos exercent; sed quæcunque à terrâ nostrâ, etsi non rectè, quocunque modo rapiunt, in Angliam asportant, ibique in Abbatiis & terris eis à Regibus Angliæ ad hoc concessis, ut quasi Parthicis a tergo & à longè sagittis, securè nos quotiens jubentur excommunicare possint, cuncta consumunt. Terras etiam ob hoc olim Ecclesiis Cathedralibus per Walliam à nostris prædecessoribus devotâ largitione collatas, quod patriam non diligunt, tam Clericis quàm Laicis vendunt, donant & alienant. Et nos ob hæc ex parte nostrâ terras Ecclesiarum, quoniam omnia quasi in direptionem data videmus, Ecclesiæ auferimus & occupamus. Unde ad summam miseriam & paupertatem Ecclesiæ Cathedralis in Walliâ redactæ sunt; quæ si bonis & idoneis gauderent Prælati, nobiles essent & optimæ. Ad hæc etiam quoties Anglici in terram nostram & nos insurgunt; statim Archiepiscopi Cantuarienses totam terram nostram sub interdicto concludunt; & nos, qui pro patriâ nostrâ solum & libertate tuendâ pugnamus, nominatim, & gentem nostram in genere sententiâ excommunicationis involvunt; & id ipsum Episcopis nostris, quos ipsi ad libitum suum nobis, ut diximus, creant, & qui eis in hoc libenter obediunt, faciendum injungunt. Unde accidit, ut quoties in bellicis conflictibus pro patriâ tuendâ cum gente inimicâ congredimur; quicunque ex parte nostrâ ceciderint, excommunicati cadunt. Contra hæc igitur incommoda & alia multa, quæ Canonici Menevenses cum Electo suo, Giraldo Archidiacono, viro venerabili & discreto, vobis vivâ voce plenius ostendent, à vestra Sanctitate, ad quam Ecclesiæ totius regimen spectat, cum lacrimis & singultibus remedia quærimus: rogantès & communiter supplicantes, quatinus filios vestros tantum trium Episcoporum Menevensium tempore ab Anglicanâ Ecclesiâ miserabiliter afflictos ab indebitâ servitute paternâ pietate relevare velitis. Quoniam ante illorum trium, qui nunc ultimò fuerunt, tempora, Ecclesia Menevensis primatiæ Walliæ totius sedes fuerat, sicut & antiquitus, Metropolitana, sanctæ Romanæ sc. Ecclesiæ solum obnoxia. Unde si oculo misericordiæ vestræ nos super his respicere dignum duxeritis; quodcunque servitium, quod ferre possimus, nobis & terris nostris vobis & Ecclesiæ B. Petri faciendum injunxeritis; promptâ & devotâ voluntate suscipiemus. Valeat in Domino cara nobis Paternitas vestra.

Deinde verò Judicum<sup>a</sup> relatione in medium totam negotii seriem continens, producta utrinque & in publicâ audientiâ lecta fuit. Quæ quoniam cum commissione insertâ longa nimis est & proluxa; hîc ipsam apponere superfluum duxi. Qualiter autem super attestationibus S. Albani in proximo Consistorio utrinque datis, necnon & novorum testium ibi productorum dictis, fuerit disputatum, & criminalibus etiam objectionibus tam vivis rationibus quàm legibus etiam & canonibus obviatum; Liber de *Gestis Giraldi* totum enarrat. Sanè quoniam adversarii conditionem suorum noverant testium, quippe qui tanquam vilissimi facilè repelli poterant; cùm de variis criminibus accusarent, præcipuè de Simoniâ, ubi passim omnes & absque delectu tales etiam quales fuerant ipsi, cujuscunque famæ, cujuscunque conditionis, aut condemnationis, in odium criminis suscipiuntur, ipsum per caurelam exquisitam accusare contendunt. Archidiaconus autem statim productis testibus illis coram Auditoribus ad jurandum, proposuit in singulorum personas se dicturum; in Canonicos Menevenses tanquam perjuros & excommunicatos, in Monachos tanquam trutannos & domorum suarum desertores, in ribaldos tanquam vilissimos & sicut cæteri cuncti, mercede conductos. Præterea prosequens & proponens de tribus eorum testibus, de Folio, de Philippo falso Diacono, qui se Diaconum gesserat & simulaverat cùm non esset; de Goluvono Monacho, qui agnominatus Follus; subjecit. Tales itaque testes contra nos produxerunt Falsos, Follus, & Folios. Item & de O, Archidiacono quem sicut & Foliotum reprobaverat tanquam excommunicatum suum & perjurum; quod per triiduum Auditores examinantes verbis frivolis & vanis scaturiendo detinuerat, & tantum de auditu loquendo coram Papâ in consistorio & Cardinalibus, ait. Ut argumentum etiam rhetoricum sumamus à nomine: Osbertus dicitur quas Ospertus, i. e. Os apertum. Nec mirum ergo si ore aperto multum evomuit. Item & de eodem. Gurgulio est vermis totus in gutture subsistens; qui facili attractu crepat & rumpitur, & fœtorem emittit. Facile est igitur istud huic nostro Gurgulioni adaptare.

Hoc quoque de *Gestis Giraldi* adjiciendum hîc putavi. Venerant nocte quadam ad Archidiaconum de multitudine partis adversæ Anglici duo fratres germani Presbyter & Clericus, à Folio ducti, & ab Huberto conducti; qui propter offensam inter ipsos casualiter nuper exortam de secretis ipsorum & machinamenti ei plurimum revelârunt. A quibus inter cætera revelatum est ei; quod quando recesserunt ab Archiepiscopo in Cantia Manerio suo quodam sc. apud Otofordiam in camerâ dedit Archiepiscopus universitati testium, quos contra Giraldum tam de Walliâ quàm Angliâ corrogaverat, ad sumptus & stipendia XLV. libras sterlingorum; sacramento tamen prius à singulis super Crucem suam præstito, quod Ecclesiæ Menevensi & Giraldo juxta consilium Clericorum suorum, cum quibus ituri fuerant, se fideliter opponerent; & quod V. vel VI. ex illis parati fuerunt testificari tam super Electione Archidiaconi quàm Abbatis, & dicturi se utrique Electioni interfuisse, qui nunquam Meneviam viderunt; quorum etiam quidam Walliam intraverunt; de quorum numero se Presbyter ipse unum esse dicebat. Præmunitus itaque per hæc Archidiaconus & cautior effectus, in schedulis examinationum datis Auditoribus in examinatione scripsit & has de stipendiis apud Otofordiam datis & sacramento; de situ quoque Menevensis Ecclesiæ, sc. ad illos qui nunquam ibi fuerunt, quorum etiam nomina ei fuerunt ab eisdem indicata. Unde cùm inter testes adversæ partis Osbertus Archidiaconus primus fuerit ad interrogationem super stipendiis apud Otofordiam datis & sacramento, respondit, sicut publicatis attestationibus postmodum apparuit; quod revera Archiepiscopus his qui pro ipso Romam ituri fuerant, quod pauperes erant, fecit in camerâ Otofordiæ numerari XLV. libras sterlingorum. Sed dixit se nescire utrum mutuo vel dono; & quod juraverunt, quod fideliter Clericis Domini Cantuariensis, cum quibus



quibus ibant, & Procuratori Menevensis Ecclesiæ assisterent. Proditor autem Landavenfis Ivorus primus de non Menevensibus examinatus, interrogatus de situ Menevensis Ecclesiæ, dixit, quod sita erat in colle quodam & procul a mari, & quod non habebat nisi unam turrim & campanas malas. Unde & hunc testem mendacem & subornatum fuisse quidem evidens erat. Sed quoniam hi duo primi fuerunt examinati, ille Menevensium, hic exterorum, suos statim omnes super interrogationibus huiusmodi factis & faciendis præmunierunt. Quare nullus eorum postea de stipendiis Oxfordiae datis quicquam dicere voluit. Dicebant autem, sicut postmodum edocti fuerant, se ibi iurasse, quod Procuratori Capituli Menevensis fideliter assisterent. De situ quoque Menevensis Ecclesiæ & circumstantiis cunctis statim exteri cuncti plenè sunt instituti. Proinde qui diligentiam debitam adhibent omnem examinatores & cautelam, examinatorum ad examinandos nisi completis omnibus non permittunt accessus.

Cum autem omne tulit punctum, qui miscuit utile dulci; qualiter equum suum in Curia contra falsam trutanni vendicationem per industriam & cautelam exquisitam Giraldus obtinuit, hic inferere præter rem ne putetur. Interim autem quidem Monachus falsus de Wallia oriundus, cui nomen Golwenus; quem quod domus suæ sc. de Sancto Dogmaele desertor fuerat, & falsus sc. absque auctoritate per Walliam propter quæstum prædicator, Archidiaconus excommunicaverat; & qui Romam contra eundem allectus ab adversariis cum similibus catervâ jam venerat; coram Camerario Domini Papæ singulis ferè diebus post meridiem quendam equum Archidiaconi vendicando acriter ipsum impetebat. Dicebat enim equum illum sibi per Archidiaconum in Wallia sublatum. Archidiaconus autem non negavit quendam equum modicum & debilem, quo vix circumferebatur trutannus ille, à quodam Decano suo, quoniam absque licentiâ & auctoritate, cum etiam excommunicatus esset, cum cæteris spoliis suis falsisque reliquiis sublatum fuisse; qui cum hoc ejus equo, qui grandis erat & fortis præciue non modici, nichil commune præter colorem habebat. Et hæc quidem rei veritas erat. Trutannus autem è contrario, puta quem nichil puduit, nichil turpe fuit, suum eundem esse constanter asserbat; & testium multitudinem de garcionibus & ribaldis partis adversæ, qui omnes jurare parati fuerant & testificari, quoniam ille idem erat quem etiam pullum se cum trutanno vidisse parati fuerant comprobare. Instinctu namque Clericorum Archiepiscopi, ut Archidiacono in Curia confusionem inferrent, trutannus ille vilissimus id totum faciebat; qui & ribaldos suos cunctos ad hoc probandum simul cum ipso mittebant. Trutannus autem tripliciter ad hoc accensus & accinctus erat. Primum ut partem adversam, cujus stipendiis militabat, per hoc placaret. Ut etiam de Archidiacono se vel sic vindicaret; & ut equum optimum evincendo lucrum sibi non modicum compararet. Proinde & ad pedes Camerarii, qui vir simplex erat & juris ignarus, puta cui nichil trutannicum<sup>a</sup> incognitum erat aut expertum, se cotidie coram omnibus cum fletibus magnis & singultibus provolvebat. Adeo ut vir ille fatuus & idiota, motus ad hæc & credulus nimis effectus, equum illum ad stabulum suum duci faciens, ipsum penes se quasi in sequestro posuerat. Videns igitur Archidiaconus ribaldos illos ad nutum Dominorum suorum quidlibet probare paratos; videns hæc, inquam, & propter dedecus & hostium si vicerint & sic evicerint insultationem longè magis quam propter damnum aut jacturam anxius existens, in partes divisus est plures, ideoque ad singula, nec mirum, minor effectus. Duplici namque causæ suæ, tam Statûs sc. quam Electionis, & longè plus Statûs, plurimum intentus; de causâ quoque Bangoriensis Electi non minùs quam de propriâ sollicitus ad frivolum hanc quoque controversiam & casualiter emerfam distractus plurimum & impeditus; omni ferè die manè coram Papâ in Consistorio, vespere verò coram Camerario vexabatur. Sciens itaque

<sup>a</sup>1. cogni-  
tum.

itaque si probatio ribaldica procederet, quòd tunc in eâ causâ proculdubio cum confusione succumberet; ut fraudem hanc & falsitatem detegere & artem adversam arte eludere posset; totius industriæ vires exercuit. Cum ergo vespere quodam constitutis coram Camerario partibus, jam ad testificandam pro trutanno ribaldica multitudo procederet; quidam ex Archidiaconi parte, sicut edoctus ab ipso fuerat, Camerarium in hæc verba convenit. Mirum quòd homo, quo nemo in mundo vilior, nemo trutannior, desertor ordinis & honestatis, vocem in hac Curia vexandi virum bonum & honestum habere potest. Equus enim ille, qui ei in Wallia propter trutanniam suam ablatu fuerat, & quem modò mentitur hunc esse, eunucatus fuerat; hic autem integer est & testiculos habens. Et statim trutannus ille profiluit in medium; & ut erat præceps & effrons, & ad quidlibet pro commodo vel affirmandum vel negandum promptulus ac paratus, ad illum, qui locutus fuerat, conversus ait. Certè mentiris planè. Immo ille meus equus testiculos habuit, & quicquid bonus equus habere debuit, & adhuc habet; quod & Dominus Camerarius nunc perpendere poterit; & statim si placeat, videri faciat & probari. Quo dicto, protinus Archidiaconus & sui petierunt, ut hæc contestatio verbo ad verbum annotaretur. Quod & factum est; sicut moris est in partibus illis; quia propter contradictiones & contentiones, quæ sequi solent, contractus omnes & conventiones, facti narrationes & contestationes, per cautelam exquisitam scripto traduntur. Camerarius autem quosdam illico servientes de suis simul cum nostris ad equum inspiciendum in stabulo suo misit; cum quibus, ut rem certius indicaret, & ipse trutannus concurrat. Quibus in brevi reversis, unus servientium Camerarii dixit. Domine, fecimus quod jussistis, & nichil ibi tale reperimus; sed nec Monachus ipse nobiscum veniens, quanquam propinquius aliis partes illas inspiciens, & oculis quidem ac manibus cuncta perscrutans ac perlustrans, quicquam ibi præter virgam inutilem & peram vacuum invenit. Cum itaque verbum hoc jocosum risus secutus esset universorum; negotium Camerarius usque in castinum post meridiem protelavit. Et cum nocte eadem rem gestam Domino Papæ replicaret; ipse resolutus in risum, equum Archidiacono reddi & trutanno silentium imponi jussit. Quod & in crastino cum maximâ partis adversæ confusione & grandi Curia totius hæc audientis lætitiâ pariter & exultatione factum fuit. Dicebant enim ferè cuncti per Curiam, & quasi pronosticum ex hoc eventu sumebant, conjectantes hanc victoriam Archidiaconi veluti præambulam, alias quoque victorias ejus in magnis negotiis consecutivas absque dubio prænuntiâsse. Quod revera, si Curia severa, si justitia mera, si falsitas fera, si fides sincera, si æqua statera, ubi vacua pera; juxta vaticinium & spem complurium provenisset.

Contigit autem his diebus Papam ad Fontem Virginum, quò spatiandi causâ loco & tempore competenti libenter atque frequenter ire consuevit, profectum esse. Erat autem fons ille fons pulcherrimus, à Laterano non longo intervallo meridionali ex latere distans, limpidas & frigidas aquas ex se fundens, Pariis lapidibus arte conclusus, & rivum amænum & amplum ad campos emittens. Sanè cum Papam exiisse tam campanâ Palatii motionis ei nunciâ quàm famâ testante compertum fuerat; paratis ad equitandum palafridis, cum Electo Bangoriensi & sociis suis Papam Archidiaconus euestigio secutus est. Qui cum ad fontem venisset, & paulò remotius in campo cum suis è regione confederit; Papa qui juxta fontis scaturiginem aliquantulum remotus ab aliis quasi in conclavi quodam præter semitam artam aquis & undis undique conclusus cum paucis de familiâ suâ secretiore sedebat, Archidiaconum ad se vocari jussit, & solum sine socio venire præcepit. Factus itaque confedentium unus, Papâ quærente qualiter in causâ inter ipsum & Monachum super equo petendo processum fuisset, paucis admodum verbis & apertis quod ipse à Camerario prius audierat ei replicavit; & qualiter artem illorum arte delusit, &

[ E e e e ]

quomodo



quomodo per subtilitatem acutam quasi per aquam modicam facile totius falsitatis illius explosa vesica concrepuit. Addidit etiam, quod si Monachus sic testibus careret ut equus, plus in religione & minus in causis & contentione proficere posset. Retulit etiam, qualiter unus Monachus quatuor conductorum cum trutannis aliis contra Giraldum, cui nomen Rogerus, publice in Golwenum non sales quidem sed ladoria sic contorsit. Multa tibi mala, Golwene, testes fecerunt. Testes à domo tuâ & fratrum consortio te turpiter ejecerunt. Testes tibi religionis & honestatis commodum ademerunt. Testes tibi nunc equum tuum & omnem hîc honorem abstulerunt. Diminutivum autem ubique posuit ipse non positivum. Ad hæc autem Papa resolutus in risum, ait Archidiacono. Suntne tales testes, quos contra te producant? Et Archidiaconus. Sunt utique; quia nunquam in hac Curia tam viles & tot fuerunt in uno negotio corrogati; quos utinam sic nosset intus & in cute vestra prudentia, sicut & à nobis cogniti sunt. Subjecit Papa. Si unquam scribere nosti vel tractare; tractatus illorum, quos in te facturi sunt, oportet te nunc cum diligentia magnâ retractare, & prudenter objectis respondere. Cui Archidiaconus. Domine, si gratiam in oculis vestris invenire poterimus & judicialis calculi justum examen; falsitates eorum omnes & frivola figmenta facile Deo dante veris assertionibus nostris evacuabimus. Unicum tantum refugium & solatium victoriæque titulum, si cætera cuncta defecerint, sibi de pecuniâ Domini sui, & ex puteo gazæ Cantuariensis inexhausto cornua sumunt. Hanc igitur allegationem solam, si opus fuerit, quasi peremptoriam & tanquam malleum, cui resisti non poterit, contra omnia adminicula nostra se jactitant in fine fiducialiter & efficaciter, quod absit, opposituros. Sed qui oblatum aurum calcat & suppeditat, immo qui aurum ut algam reputat & æquiparat, Anglicano ære vel argento nunquam ab æquitatis lineâ deviat, nunquam à viâ veritatis exorbitat. Ad hæc autem Papa. De jactantiâ ipsorum aut stultiloquio ne cures; sed causæ tuæ, ut diximus, diligenter invigiles. Curia namque Romanæ inflexibilis æquitas causarum meritis non personarum semper in fine clarescet. Sed nunc de<sup>a</sup> Archiepiscopi vestri Grammaticâ loquamur, & qualiter in Sinodo Sermonem inchoavit, & qualiter in Dominicâ Palmarum de trium personarum distinctione disseruit; nobis edisseras. Cum itaque nunc seriis, nunc jocosis & ludicris, ibidem Papa diutius indulisset; cunctis admirantibus, sed adversariis & æmulis livore tabescentibus, quod tam longum cum Archidiacono colloquium Papa tenuisset; soluto confesso, Romam reversi sunt. Qui verò prænominatos Archiepiscopi Sermones & Grammaticæ suæ figuras Rhetoricæque colores audire gestierit, quæ Papa libenter & Cardinales frequenter audire solebant, Libellum *Invectionum* Archidiaconi consulat & requirat.

Interea verò cum super attestationibus jam publicatis in Consistorio acrius utrinque disputaretur; Tinemudus verbo scaturiens & ore abundans, quum in multiloquio peccatum deesse non solet, inter cætera quibus Archidiaconum in administratione Menevensis Ecclesiæ nimiam in subditos crudelitatem exercuisse probare volebat, ideoque in Episcopum ibidem nullatenus assumendum palam asseruit, ipsum omnes Canonicos Menevenses, quoniam ei nec in causâ Statûs nec Electionis assistere vel assentire volebant, coram Judicibus apud S. Albanum excommunicasse proposuit. Papa verò, ut erat acutus & subtilis, quæsit statim à Canonicis, utrum verum hoc esset. Surgentes autem Osbertus & Foliotus & alii cum ipsis omnes, ita revera fuisse proclamârunt; pu-

<sup>a</sup> Huberti Archiepiscopi illiteraturam Giraldus in *Gemmâ Ecclesiasticâ* Dist. 2. cap. 36. tacito ejus nomine deridendam pluribus allatis exemplis proponit, & in his tandem verbis narrationem claudit. Unde à Clerico Curia Romanæ in Angliam transmissa quæsit

quidam, quare Dominus Papa toties literis & nuntiis Archiepiscopum ad se vocaret. Cui ille caput & humeros more suæ gentis avertendo respondit. Non sine causâ vocat illum; vult enim ipsum examinare in Donato.

tantes Archidiaconum illico condemnandum. Quibus & Papa. Cum igitur auctoritatem à nobis habuit & potestatem hoc faciendi; contra ipsum standi vel testificandi quam vocem habetis? Et obmutescantibus illis tanquam confusis, dixit Papa voce demissiore assessoribus suis Cardinalibus, audientibus etiam Capellanis qui ad pedes ejus sedebant, tanquam id Archidiacono per aliquem revelari vellet; meliorem exceptionem Canonicos omnes repellendi Archidiaconum habere non posse. Conversus autem ad Archidiaconum Papa quæsit & ab ipso, utrum verum esset, quod Canonicos Menevenses sic omnes excommunicasset. Archidiaconus autem nactâ occasione ex Domini Papæ disputatione & partis adversæ confusione, veram rei gestæ seriem longè confidentius sic propalavit. Revera, Pater Sancte, duos illos Archipiratas Archiepiscopi sc. Osbertum Archidiaconum & R. Foliotum, per quos totam Ecclesiam nostram corripit, rebelles ab initio mandato vestro & mihi in custodiâ Menevensis Ecclesiæ à vestrâ benignitate concessâ prorsus inobedientes & etiam spoliatores meos, nominatim excommunicavi. Et cum alii complices eorum de Ecclesiâ tam Canonici quam pro Canonicis habiti, necnon & Vicarii, post inhibitionem pluries sub anathematis interminatione factam passim eis & irreverenter communicarent, eos omnes rebelles tanquam & contumaces excommunicavi. Apud S. Albanum non, sicut mentitur pars adversa, nullum eorum excommunicavi; sed cum producerent pro nutu Regis & Archiepiscopi ad testificandum contra nos & Ecclesiam nostram, ipsos omnes excommunicatos à me Judicibus denunciavi. Et ad hæc Papa. Omnes ergo juxta hanc vestram narrationem sicut & suam ipsorum confessionem excommunicati sunt. Sicque soluto Consistorio, in cameram Papa recessit; & tumultuantibus adhuc in Palatio discedentium & descendentium turbis, accessit ad Archidiaconum qui cum sociis suis nondum à banco surrexerat, unus de Capellanis Domini Papæ, qui sedens ad pedes ipsius prænotatum ab ore ejus verbum audierat; præmonens ipsum & præmuniens, quatinus ab illâ exceptione, quâ meliorem contra adversarios habere non poteat, sc. Excommunicatione, non discederet.

Facta est itaque tam propter Fontis colloquium quam & hoc quoque Consistorium magna partis adversæ tam confusio quam desperatio; & è diverso Curia ferè totius, quoniam omnes Archidiaconi causam favorabilem habebant, exhilaratio pariter & exultatio. Unde & Hispanus quidam Advocatus in Curia peroptimus sæpius Archidiacono & suis quasi applaudendo & congratulando tunc dicere consuevit. Fortes estote, & confidenter agite; quod justitia vobis cum est & Dominus Papa. Pars autem adversa plùs de bursâ confidens quàm justitiâ, ducentas libras Camerario quasi salutando per hoc Papam eâdem nocte per hoc ipsum tanquam loco primitiarum ex parte placando numeravit. Singulis quoque Cardinalibus & majoribus in Curia singula donaria dedit; & si Dominus suus contra Archidiaconum obtinere potuerit, longè ampliora promisit.

Processu verò temporis videns Archidiaconus & attendens ex attestationibus falsissimis, quod Abbatis S. Dogmaelis electionem, quæ longè posterior fuerat, pars adversa primam facere modis omnibus niteretur; contra falsas probationes rhetoricas assumens præsumptiones necnon & quasdam probationes, coram Papâ sic proposuit. “Pater Sancte quod Abbatis Electio non fuerit prima, sicut nititur pars adversa, veris assertionibus & tam præsumptionibus plurimis quàm etiam probationibus nonnullis sic astruimus; & figmenta falsissima certissimis tam conjecturis quàm probationibus exsufflamus. In primo adventu nostro statim evestigio misit Archiepiscopus Cantuariensis post nos vobis per cursorem quendam literas Invectionis suæ; quibus & mandato vestro respondimus, quas & adhuc in promptu habemus; in quibus omnia quæ excogitare potuit nostræ promotionis impedimenta congeffit. Nullam autem in eis mentionem fecit de Electione aliquâ ante nostram factâ. Quæ quidem si facta fuisset, præsertim ab ipso; nec immemor fuisset nec tacuisset. Iterum in Quadagesimâ sequente parum ante Pascha venit ad Curiam quidam nomine



“Bonjohannes, Clericus Cantuariensis Archiepiscopi & ab ipso transmissus;  
 “qui interrogatus à vobis, utrùm speciale mandatum aliquod haberet à Do-  
 “mino suo contra me, qui diutinam jam in Curiâ Romanâ moram feceram,  
 “dixit quòd non. Tantùm tamen injunxerat ei Dominus suus vobis dicen-  
 “dum, ut ait, si me fortè in Curiâ reperiret; quòd quatuor erant nominati,  
 “quorum unus erat Archidiaconus; sed ipso statim à Rege recusato, Cano-  
 “nici Menevenses Abbatem quendam cum Regis assensu Londoniis ipso præ-  
 “sente coram Domino suo parum ante Natale tunc proximum elegerunt. Et  
 “cùm quæreretis, utrùm Dominus suus Electionem illam confirmâisset, quòd  
 “tunc eram ego in Curiâ istâ; ille obmutuit. Et cùm instaretis, ut respon-  
 “deret; tantùm dixit quòd non erat ei injunctum ad hoc respondere. Crede-  
 “bat tamen id Domino suo non displicere. Vos autem illico, si ta-  
 “men benè recolimus, quicquid actum fuerat contra Electionem meam post  
 “iter ad vos arreptam & appellationem interpositam, in irritum revocâstis.  
 “Unde si Archiepiscopus immemor fuisset Electionis ante nostram à se factæ  
 “mittendo cursorem; non immemor utique fuisset mittendo Clericum. Item  
 “in secundo adventu nostro ad Curiam, cùm coram Auditoribus nobis datis  
 “sc. Domino Sufredo & Petro Capuano narrâisset pars utraque præcepto ipso-  
 “rum factum suum coram ipsis; per narrationem R. Folioti, qui se Procura-  
 “torem gessit Abbatis S. Dogmaelis, palam fuit omnibus Abbatis ejusdem  
 “Electionem per dimidium annum vel ampliùs post Electionem nostram  
 “factam fuisse; sicut nonnulli, quos adhuc præsentis videmus, si memores  
 “sunt, audierunt. Ad hæc etiam in hebdomadâ Paschali proximâ post obitum  
 “Regis Ricardi reversus est Archiepiscopus in Angliam; ubi & Comitem Jo-  
 “hannem in die Ascensionis coronavit; & postea Rege statim in Normanniam  
 “reverso, & regno ex toto pacificato, Archiepiscopus per totam æstatem us-  
 “que in ipsum autumnum in Angliâ remansit. Sed quare hoc toto inter-  
 “vallo Abbatem suum, si electus antea fuisset, non confirmavit aut etiam  
 “consécravit, nullo prorsus resistente obstaculo, cùm nullius adhuc Electio  
 “processisset. Sed nec etiam Abbatem illum toto hoc tempore ad se vocavit,  
 “quòd quidem potuisset per cursorem, nec eum oculis suis vidit. Item  
 “consuetudo in Angliâ est, licet non approbanda; quòd quàm cito aliquis  
 “eligitur de assensu Principis, statim administrationem suscipit Temporali-  
 “um etiam ante confirmationem. Unde si Abbas electus fuisset in Epiphaniâ  
 “de Regis assensu; quàm cito nuncius inde redire posset, administrationem  
 “proculdubio recepisset. Sed non usque Natale recepit; quòd Prior Lantoni-  
 “ensis eam usque tunc habuit. Ergo non antè electus fuit. Item circa  
 “Festum S. Michaelis proximum post electionem Giraldi Archidiaconi Ar-  
 “chiepiscopus iterum de Normanniâ in Angliam reversus, statim mandavit,  
 “ut Canonici Menevenses ad ipsum venirent cum literis de rato, ut dicit O.  
 “Archidiaconus, pastorale solatium suscepturi. Ipsi verò tres Canonicos mi-  
 “serunt, sed absque literis de rato. Ad hæc enim verecundabantur & vere-  
 “bantur contra factum suum tam recens venire manifestè. Dicit enim O. Ar-  
 “chidiaconus, quòd quia literas de rato non habuerunt, non cantaverunt *Te*  
 “*Deum laudamus*, in Electione Abbatis apud Lameiam, nec Archiepiscopus  
 “consuluit. Constat autem, quòd si Archiepiscopus Abbatem antè ele-  
 “gisset, vicem in hoc Capituli gerens, nec literas de rato quæsisset, quòd nec  
 “eis indigeret; nec *Te Deum laudamus* cantari dissuasisset. Item ex literis  
 “Capituli nostri missis Archiepiscopo apud Gloucestriam in illâ examinatione  
 “præsumptuosâ ad petendam confirmationem Abbatis manifestè patet; quòd  
 “non contulerant vota eligendi in Archiepiscopum; sed tantùm ut super  
 “assensu Regis de uno illorum quatuor inquisito eos certificaret, ei supplica-  
 “verant. Unde, ut dicunt, intellecto tandem per literas Archiepiscopi &  
 “literas Justiciarii, quòd in Abbatem S. Dogmaelis Rex consensit; ipsum  
 “elegerunt

“elegerunt in Pastorem. Verecundiùs itaque tunc mentiebantur quàm  
 “postea. Nondum enim excogitata subtilitas illa fuerat, faciendi sc. primum  
 “novissimum & novissimum primum. Item in ipsâ Electione Giraldi Archi-  
 “diaconi & etiam post Priorem Lantonensem Canonicis Menevensibus ut eli-  
 “gerent, Archiepiscopus tam literis suis & nunciis quàm etiam Justiciarii  
 “districtè mandavit. Quòd si Abbatem antè elegisset; nullatenus Priorem  
 “illum tam impudenter illis tunc ingessisset. Unde timens Capitulum no-  
 “strum, ne citra Electionem omnem vel etiam nominationem Priorem illum  
 “Archiepiscopus ei mitteret consecratum; quòd præceps esse solet in talibus,  
 “sicut patet in Bangoriensi, literas suas contra eundem Priorem ad vos de-  
 “stinârunt. Unde si aliquod obstaculum de Abbate præscripto vel alio quoli-  
 “bet se credidissent tunc habituros; contra eundem absque dubio pro Electo  
 “sup & Ecclesiæ libertate scripsissent. Item quòd totum falsum & confictum  
 “fuerit de potestate in Archiepiscopum collarâ, ex hoc quoque patet eviden-  
 “ter; quòd nunquam aded mente capti fuissent Canonici Menevenses, quòd  
 “in archiadversarium Ecclesiæ suæ, qui nunquam eos bono & valido pastore  
 “gaudere voluit, potestatem eligendi sibi Episcopum contulerint. Quod etiam  
 “ex ipso Abbate, quem elegisse dicitur, sibi ipsi in Philosophiâ simillimo clares-  
 “cere potest. Nec mirum, quoniam ut ait Plautus: Ex insensibili ne credas  
 “sensile nasci. Item si Archiepiscopus Abbatem illum elegisset vice Capituli  
 “Menevensis in Epiphaniâ proximâ sequente post obitum Episcopi P. sicut ni-  
 “titur pars adversâ; constat quòd illam Electionem suam confirmâisset, cum  
 “nullum haberet impedimentum; quòd nisi per anni dimidii spatium & am-  
 “plius subsequenter elapsum, Festo sc. Apostolorum Petri & Pauli, Archi-  
 “diaconi electio facta fuit. Sed nec ante Archidiaconi electionem nec post  
 “Abbatis Electionem confirmavit. Ergo nec ipsum elegit. Sunt igitur ar-  
 “gumenta, Pater, ut nostis, hæc rhetorica, conjecturalia quidem & proba-  
 “bilis, præsumptiones sc. magis quàm probationes; quibus revera fides  
 “longè major adhiberi debet, quàm testium assertionibus vilissimorum.

“Veruntamen præter præsumptiones has tam validas tot & tantas, habemus  
 “ad hoc trium testium probationes, duorum sc. de nostris & unius de adversis.  
 “Sicut enim missi fuerant sex Canonici nostri ad Archiepiscopum contra Fe-  
 “stum S. Michaelis proximum post mortem Episcopi ad Electionem facien-  
 “dam; sic mandato Justiciarii & hoc per præceptum Regis & Archiepiscopi,  
 “de partibus cismarinis missi fuerunt quatuor Canonici nostri Londonias ad  
 “Justiciarium contra Quadragesimam ad Electionem faciendam vel ad Re-  
 “gem & Archiepiscopum transiretandum; quibus & adhuc Justiciarius Prio-  
 “rem de Lantoni constanter offerebat; quem quòd recipere volebant, de  
 “assensu ipsius miserunt unum ex ipsis cum Clerico quodam Ecclesiæ ad Re-  
 “gem Ricardum propter assensum ipsius requirendum de Giraldo Archidia-  
 “cono eligendo. Hoc autem probant testes nostri duo, Nicholaus Major & Hu-  
 “go serviens, & O. Archidiaconus testis contrarius. Dicit enim Nicholaus  
 “Major, quòd in comitatu fuit Clericorum Menevensium, qui missi erant ad  
 “Regem Ricardum propter assensum ejus requirendum de Giraldo Archidia-  
 “cono eligendo, & hoc usque in Normanniam; & inde ipsis Regem sequenti-  
 “bus, usque Pictaviam. Ipse in Franciam eundo scolas petiit; ubi paulò  
 “post audivit, quòd Rege Ricardo interempto Clerici Menevenses ad fratrem  
 “suum Comitem Johannem reversi sunt. Hugo verò serviens dicit, quòd  
 “cum Clericis Menevensibus tunc ivit, ut eis serviret; & cum ipsis fuit,  
 “quando reversi à Rege Ricardo interempto ad Comitem Johannem apud  
 “Chinonense castrum venerunt. Osbertus autem, qui totum ferè de auditu  
 “loquitur, dicit se audisse quatuor Canonicos iterum missos ad Justiciarium  
 “in Angliam propter electionem faciendam; & quòd inde miserunt duos Cle-  
 “ricos ad Regem Ricardum parum ante obitum suum. Et licet tempus  
 “non



“ non exprimatur missionis istius, quod nec forte interrogatum fuerat per in-  
 “ curiam aliquam ; tamen ex verbis singulorum testium ipsorum hoc colligi  
 “ potest, quòd circa Quadragesimam. Dicunt enim omnes, quòd quia Re-  
 “ gem Ricardum mortuum invenerunt, & priusquam ad ipsum pervenire pos-  
 “ sent, interemptum ; conversi sunt ad fratrem suum Johannem, qui ei suc-  
 “ cessit. Rex enim Ricardus quasi XV. diebus ante Pascha interfectus fuerat.  
 “ Unde patet, quòd si Archiepiscopus Abbatem elegisset in Epiphaniâ proxi-  
 “ mâ præcedente, vel etiam potestatem habuisset ei à Canonicis collatam ip-  
 “ sum eligendi ; non quidem Canonicos de Walliâ in Angliam, de Angliâ in  
 “ Normanniam aut Pictaviam, propter eligendum Episcopum vocari aut vex-  
 “ ari procuraret ; nec Capitulum Menevense Clericos suos ad transmarinas &  
 “ longinquas regiones inani labore transmississet. Sunt autem hæ probationes  
 “ apertæ, sicut & antea præsumptiones inductæ validæ satis & manifestæ. Quic-  
 “ quid igitur amodo in pronuntiatione contingat, in quamcunque partem a-  
 “ lea sententialis declinetur ; propalatâ tam evidenter veritatis serie æquanimi-  
 “ ter à nobis sufferendum noverit hæc Curia tota.

Videns itaque pars adversâ causam Archidiaconi de die in diem toti Curie  
 magis acceptam & favorabilem, sui que figmenti fraudem jam ferè detectam,  
 imminente jam Paschâ & Palmarum Dominicâ, ad remedium efficax & colli-  
 rium, quod oculos excæcat, & loculos hinc aggravat inde evacuat, tanquam  
 ad ultimum refugium, & qui ibi non fallit, arcum recurrendo, ut Archidi-  
 aconi cassetur electio ; primo Camerarios & Consiliarios, deinde Papam &  
 Cardinales æris nitebantur immensitate corrumpere. Erat tamen inter ipsos  
 in hujus rei deliberatione dissensio. Pars enim Cardinalium sanior electionem  
 Archidiaconi, cùm quòd veritas rei subpetere videbatur & ratio, tum etiam  
 quoniam ejus promotio propter causam Statûs, quam Ecclesiæ Cantuariensi  
 suscitabat, quamdiu duraverit ille, & perutilem fore sciebant & fructuosam,  
 confirmandam esse censebant. Alii verò sicut complices Archiepiscopi & ab  
 ipso corrupti pecuniam oblatam in tantâ quantitate nullatenus respuendam sen-  
 tiebant ; dicentes tantæ animositatis Archidiaconum esse, quòd etiam in statu,  
 quo tunc erat, Cantuariensem Ecclesiam super dignitate Ecclesiæ suæ vexare  
 non desineret. Archiepiscopus enim post concordiam inter ipsum & Archidi-  
 aconum factam pluries assertivè dicere consuevit ; quòd in controversiâ ei ab  
 Archidiacono motâ, præter Clericos suos bonos & servientes in Curia mortuos,  
 XI. milliâ Marcarum expenderat. Hanc enim quasi maximam Clericis suis  
 ad Curiam missis dederat ; quòd si viderent Archidiaconi promotionem pro-  
 cedere debere ; in profundendâ pecuniâ, quo minùs hoc fieret, modum & men-  
 suram, tanquam ad redimendam pacem & tranquillitatem suam & Ecclesiæ  
 Cantuariensis toto Giraldi tempore, non attenderent. Ideoque videntes causam  
 ipsius de die in diem ampliùs profecturam, juxta mandatum inde susceptum  
 immoderatam ad Curiam corrumpendum & à viâ veritatis avertendum pecu-  
 niam undique profuderunt.

Archidiaconus autem, quia cæca futuri mens hominum fati, ignorans hæc  
 omnia usque post sententiam datam, instabat, ut in personas testium dicere  
 posset, sibi Auditores dari. Et cùm pluries Papam super hoc jam convenis-  
 set ; & semper hoc ipse dissuassisset, dicens morosum fore negotium & immi-  
 nente temporis æstu personis etiam periculosum ; respondebat Archidiaconus  
 assiduè se malle negotia morari & æstuantia tempora sub dispendio sanitatis  
 expectare, quàm merita causarum justitiæ tam evidentis per testes vilissimos  
 periclitari. Noverant enim adversarii testium suorum conditionem ; & quia  
 reprobabiles cunctos esse cognoverant, præsertim etiam excommunicationis  
 exceptione Canonicos omnes exsufflante ; erga Papam & Cardinales dona  
 cumulando & promissiones augmentando, ut tolleretur articulus iste, toto  
 conamine laborabant. Sciebant enim ipsi, sicut & Curia tota, quòd si testes  
 contra Archidiaconum criminaliter excipientes objectu criminum reproba-  
 rentur ;

rentur; nil præter purgationem canonicam Archidiacono per sententiam injungi posset. Proinde ad dissuadendum hoc Archidiacono, quia remedium illud ei, si persistere vellet, de jure negari non poterat, familiares & sectarii Papæ ferè cuncti contendebant. Quidam enim ex ipsis & alii per ipsos dicebant; mirum esse virum discretum, qui Domini Papæ Curiaque totius favorem habebat, propriam promotionem proferre velle, & sententiam pro se dandam prolongare. Hugolinus quoque Cardinalis & Papæ consobrinus, qui hætenus Archidiaconi præcipuus in Curia fautor fuerat & amicus, nunc autem cum aliis ex toto corruptus, maximus ejusdem rei dissuasor extiterat; & quoniam efficax est hostis ad nocendum cui fides habetur, consuluit Papam super hoc secretius ab Archidiacono consulendum, ejusque consilio, à quo, ut assererat, dilectus erat, indubitanter obtemperandum. Archidiaconus autem, heu! credulus nimis, utpote tantæ corruptionis prorsus adhuc ignarus, Papam incontinenti, qui tantum sibi honorem exhibere seque tanquam advocatum ejusdem in causis omnibus gerere consuevit, super hoc confidenter adeundo convenit. Papa verò pronus similiter & promptus ad dissuadendum, ait. Si contra testes ipsorum dixeris, & ipsi contra similiter dicunt; & sic non erit litium finis; & supervenient æstuantia tempora vestra-ribus, ut nostis, periculosa. Sin autem renuntiare volueritis utrinque testi-um productioni & scripta reddere; citò per Dei gratiam expediemini. Nec vos timere oportet; quòd nunquam vobis in jure vestro deesse velimus. In crastino verò convocatis in thalamo Archidiacono & Tinemudo, qui totam hanc dissuasionem sicut & corruptionem procuraverat & comparaverat, Papa simili modo proposuit eis vel expeditionem accommodam vel moram pericu-losam. Archidiaconus autem, cui malè fuerat persuasum, Curia fallaci cre-dulus nimis effectus, se testibus renunciaturum statim & cunctis adminiculis ex toto concessit. Thinemudus autem id gavisus suà ex parte concessit; dum tamen Archidiaconus exceptioni unicæ super Canonicorum sc. excommunica-tione renuntiaret. Timebat enim exceptionem illam; quoniam efficax erat. Timebat & Dominum suum; quoniam de verbo ipsius, quod ore proprio in pleno Consistorio protulerat, data huic exceptioni occasio fuit. Papa verò quoniam huic exceptioni opponendo, ut dictum est, auctoritatem dedit; & ut etiam factum corruptionis per hoc utcunque dissimularet, illico subjunxit. Hoc itaque faciet, si & vos exceptionibus vestris, quibus ipsum criminofum reddere contenditis, renunciare volueritis. Hoc autem dicto, renunciatio utrinque simpliciter & absolutè facta fuit; & sic productioni testium pars utraque renunciavit.

Postmodum autem constitutis coram Papâ & Cardinalibus in Camerâ parti-bus propter criminales ei factas objectiones, Archidiaconus ad famæ suæ de-fensionem se pauca dicturum proposuit, & audientiam postulavit. Et cum Papa subjiceret, quòd non opus esset; ait Archidiaconus. Immo Domine, quòd revera longè plus diligo famam meam quàm cathedram illam. Papa verò ut ad finem negotii expeditius tendere posset, ait. Frater, ab initio no-titiæ personæ tuæ tuam commendavimus honestatem & commendamus; nec unquam aliud de te audivimus, præterquam ab adversariis, quibus fides haberi non debet. Quem nos ergo defendimus, non aliâ, ut credimus, opus est illi defensione. Instante itaque septimanâ pœnali & jam imminente Paschali, finis interim datus est causis, & ad transigendum ac deliberandum necnon & sententias formandum vacatio grata. Qui verò rhetoricam Archidiaconi in famæ suæ defensione videre voluerit Orationem, Libellum Invectionum in calce respiciat.

Paschalibus itaque diebus cum ad Papam Archidiaconus accederet; inter cætera dixit ei Papa, id quod animo conceperat ex parte denudans; quòd prop-ter Reges aut Principes seu Magnates, qui ipsi adversabantur, non oportuit ipsum



ipsum in aliquo timere; quia nichil ei, nisi per exceptionem aliquam partis adversæ repelli deberet, nocere poterat ad promotionem. Susceperat enim eisdem diebus, sicut & antea pluries, Archiepiscopo Cantuariensi procurante, literas tam Regis Angliæ Johannis, quàm etiam nepotis ejusdem Almannorum Regis Othonis, quem Papa tunc speciali amplexabatur dilectione, Archidiacono adversantes; qui ambo inter Principes terræ favorabiles in Curia nimis extiterant, unus propter Imperii spem obtinendi, alter propter auri & argenti tam rem quàm spem largiendi. Respondit ad hæc Archidiaconus; quod per tales testes, si fides eis adhiberetur, quibus nunquam similes neque tam viles in hac Curia producti fuerunt, non solum Archidiaconus unus aut Electus, verum etiam Archiepiscopi septem firmitus stantes & fortius quàm Cantuariensis, deponi possent & degradari; si fides falsitati præberetur. Per testium tamen illorum reprobationem, si licuisset & ei dissuasum non fuisset, ipsorum assertiones tanquam vilissimorum facile dixit evacuandas. Papa vero hoc audiens, Hugolinum qui ei assidebat respiciendo, cum capitis concussione subrisit.

Elapsis itaque diebus aliquot, feriâ tertiâ post clausum Pascha Papa in Consistorio sedens, præsentibus Cardinalibus & partibus assistentibus, velut absque morâ promissa perciperet, vel etiam dictos viros magnos plenius maturando negotium complacaret, ad sententiandum sic properavit. “Duo proponuntur Ecclesiæ Menevensis Electi, Abbas S. Dogmaelis & Giraldus Archidiaconus. Proponitur enim ex parte Abbatis; quod post obitum Episcopi P. missi sunt VI. Canonici Menevenses ad Archiepiscopum Cantuariensem cum literis Capituli sui de rato ad eligendum sibi pastorem. Sed quoniam de Regis assensu, qui in transmarinis agebat, non constabat; in Archiepiscopum ad Regem transfretaturum vota eligendi contulerunt. Ipse vero in Epiphaniâ sequente apud Insulam de Andeli in Normanniâ cum Regis assensu Abbatem elegit. Sed quoniam in literis de rato continebatur; quod eligere possent illi sex, non autem quod in alium hanc potestatem conferre possent; nulla fuit Electio ab Archiepiscopo sic facta. Contulerunt enim in ipsum quod conferre non potuerunt. Unde cassamus electionem illam tanquam nullam. Item proponitur ex parte Archidiaconi; quod in Festo Apostolorum Petri & Pauli post obitum Episcopi sui convenerunt Canonici Ecclesiæ Menevensis apud Meneviam ferè cuncti propter electionem faciendam; ibique communi & unanimi omnium assensu Giraldum Archidiaconum elegerunt, & statim ad nostram audientiam appellaverunt. Sed quoniam dubium adhuc esse poterat, utrùm Electio de Abbate illo ab Archiepiscopo facta teneri deberet; poterat enim de facto Archiepiscopi sui bene dubitare: (His enim verbis ipsis ad colorandum factum suum usus est Papa) & in illo dubio priusquam discussum esset, ad aliam Electionem faciendam processerunt; cassamus & illam.” Ecce qualiter sententiam hanc ex toto fundavit & formavit, è mendacio per partis astutiam adversæ conficta; tanquam constaret ei electionem Abbatis apud Insulam prius factam fuisse; sicut per testes perjuros & excommunicatos nostros ac veris rationibus & irrefragabilibus à nobis reprobatos fuerat astruendum; ubi nil veritatis omnino, sed conficta & falsa cuncta fuerunt. Patet itaque, quàm ambigua sunt valde fata causarum; quarum in aleâ cæca & incerta, vaga & erronea, multa quidem immerito, multa quoque ex insperato proveniunt; maxime verò ubi Principes magnos grandique viros potentiâ præditos necnon & in Curia favorabiles, totis adversantes nisibus, & in contrarium literis & nunciis crebris supplicantes, contingere causa videtur. Præsertim etiam, si dicere fas est, ubi forsân massa metalli tum rutili tum tinnuli, oculos & aures malè demulcens, trutinam ipsam æquâ librari lance non permittit. Unde quod Hyldebertus Cenomannensis Episcopus ad Curia fugillationem in libro suo Episto-

Epistolari inter cetera scripsit, & hinc apponere dignum duximus. "Nobis, inquit, Romam profecturis tempus hieme suspectum, nivibus Alpes, incrementis aquarum, vinculis Imperator, seditionibus civitas, exactio Palatium. Sanè omnia hæc orationibus evacuari posse credimus; solam verò exactio- nem nec oratione nec jejuniis temperari.

Facta est igitur adversæ partis exultatio grandis & insultatio: <sup>a</sup> sicut exul-<sup>a</sup> Isa. IX, tant victores captâ prædâ, quando dividunt spolia. De Abbatis enim illius Electione cassatâ nihil eis cordi fuerat. Gaudium enim exuberans super Archidiaconi Electione cassatâ, cujus adeò verebatur promotionem, ceteras eorundem curas omnes absorbit. Nec unquam Archiepiscopo menti fuerat aut proposito Abbatem illum vel alterum vel quenquam de Ecclesiâ illâ vel etiam patriâ ibi promovere. Sed tantum per promissiones varias & deceptiones & Electionum plurium confusiones schisma inter ipsos facere; & quia <sup>b</sup> omne regnum <sup>b</sup> Matt. XII in se divisum desolabitur; Archidiaconi solius, qui solus canonicè & legitime <sup>25</sup> electus fuerat, & quem solum verebatur, per hæc omnia promotionem impedire. Sicut ex post facto claruit, & sicut ex sequentibus palam erit. In crastino verò procedens Archidiaconus in pleno Consistorio, Papam in hujusmodi verba convenit. "Pater & Domine, duplex, ut nostis, causa laboris nostri fuit; causa videlicet Electionis, & causa Status Ecclesiæ nostræ. Unde si extincta est una, prout placuit arbitrio vestro; supplicamus Sanctitati vestræ, quatinus altera, propter quam præcipue toties ad Curiam istam laboravimus, sc. causa Status, suo cursu suoque Marte procedat." Et quis, inquit Papa, causam istam prosequeretur? Et Archidiaconus. "Ego, Pater, si vestræ placuerit providentiæ. Quod si Electus Ecclesiæ illius non sum, Archidiaconus tamen ejusdem sum & Canonicus filiusque legitimus & non spur- us; matrem & fratres ab indebitâ quidem eripere servitute pro posse paratus." Protinus autem Hostiensis Episcopus, liberalis ille & Curialis Octavianus, Cardinalis primus, & dextrum Papæ latus ubique tenens, ad hæc respondit. Nunc revera evidenter apparet; quod magis appetiit & appetit iste Ecclesiæ suæ profectum quam personam; & quia magis hunc caritas laborare quam cupiditas fecit. Hoc autem dicto, & favorabili multitudinis murmure subsecuto, Curia tota Giraldo etsi non voce, votis tamen applausit.

Papa verò surgens statim à Consistorio, causâ deliberandi super hoc cum Cardinalibus in cameram secessit; & post moram non magnam vocatus est in Cameram Archidiaconus; & commissionem ei fieri, juxta quod poposcerat, adjudicatum fuit. Erat enim tam petitio favorabilis quam petitionis evidens justitia; necnon & Curiae non modicum, si causa processerit, emolumentum. Erat autem forma Commissionis & summa; sicut Archidiacono juxta desiderium ipsius & præmissam toties antea postulationem tunc Papa proposuit; quod si probare posset Canonicos Menevenses sibi in causâ Status aliquando consensisse, & postea per violentiam aut bonorum spoliationem aversos fuisse; admitteretur agens, & juxta tenorem Commissionis anni præteriti causa procederet. Judices quoque in favorem Archidiaconi & ad ejus instantiam non de Suffraganeis Cantuariensibus, ut antea, sed de Eboracensi Provincia, ut placaretur utcunque super offensâ priore; & quoniam placuit hæc controversia tam fructuosa Curiae toti, Papa concessit. Audientes autem hoc adversarii, non hodie quod heri, sed tristes & consternati demissis vultibus & cernuis capitibus discesserunt. Speraverant enim, & ob hoc pecuniam in tantâ quantitate dederant; quod extinctâ Electionis causâ quæstio quoque Status, quam adeò verebatur & propter quam ne procederet Archidiaconi promotionem tantis nifibus impediarent, similiter extingueretur. Sed quoniam hac spe frustratos & desiderio suo fraudatos se conspexerunt; timentes offensam Domini sui & iram gravem, quem sc. hominem austum noverant, & cujus pecuniam tantam dederant, & pacem ei non obtinuerant; intimo dolore contabuerunt.



tabuerunt. Sicque digno Dei iudicio factum est; ut qui fraudi intendunt & deceptioni, fraudati doleant & decepti. Nec enim lex iustior ulla est, Quam sic artifices arte perire suâ. Curia verò hæc audiens & Clerici extranei ab orbe universo Curiam sequentes, dicebant; quod verè dignus honore foret & honorabili Cathedrâ Archidiaconus iste; & quod infœlix Ecclesia est illa, ad quam vocatus fuerat vir tantus, & pro cuius dignitate tam egregiè tamque devotè laboravit, & adhuc quoque laborare disponit, quod talem habere Prælatum non prævaluit.

His ita completis, cum secretiis ad Papam Archidiaconus accederet; ipsum quasi adulando & post offensam utcunque placare volendo sic Papa convenit. Frater, commendandus est valde labor tuus & animositas tua; quod contra Reges & Principes tantumque Pontificem & tam opimum pro jure tuo & Ecclesiæ tuæ tam strenuè dimicisti. Nec esse poterit, quin id tibi retribuatur Deus; si tamen talis fuit intentio tua, qualem nos fuisse putamus. Et nos tibi custodiam Menevensis Ecclesiæ committendo, pro te, quoties res expetebat, nunc acriter nunc affectuosè scribendo, benignè te satis per cunctos aggressus tuos sustentavimus. Respondens autem Archidiaconus ait, De intentione nostrâ iudicet ille, qui scrutator est cordium & animi conscius secretorum. Quod verò zelo Dei solùm & Ecclesiæ nostræ laborem hunc assumpserim, ex hoc patet, quod nunc & vacuus à spe Cathedræ illius, laborem eundem nichilominus aggressus sum. Et quoniam homo mihi laborem hunc non reddit; necesse est, ut ipsum, qui nullum bonum relinquit irremuneratum, reddat Deus. Et custodia quoque mihi commissâ, Archiepiscopo cuncta turbante, plus onerosa fuit quàm fructuosa. Subjecit autem Papa, nitens ad hoc, ut Archidiacono gratus adhuc vel in aliquo videri posset; ostendens, qualiter in modo sententiandi criminales objectiones omnes suppeditavit; & nullam prorsus de ipsis in pronuntiando mentionem faciens, tanquam viles & momenti nullius, nec repetitione dignas nec recordatione, ut nullo unquam tempore ei nocere possint, adnichilavit. Archidiaconus autem in omnibus gratias agens, respondit per suas & suorum responsiones objecta criminalia satis exsufflata & evacuata fuisse; & si in testes criminosos dixisse licuisset, & id ei dissuasum non fuisset, amplius & perfectius ex solis testium reprobationibus adnichilata fuissent. Qualiter autem Cardinales pro Giraldo scripserunt; & ut iterum eligeretur, cautè & occultè persuadere studuerunt: Qualiter etiam Octavianus Hostiensis Episcopus Cardinalis mutuam Giraldo Romæ habere fecit, & ipsum post Papam Præneste transmisit: Qualiter Præneste veniens, mutuam per Papam, sicut Romæ per Hostiensem, Giraldu impetravit: Qualiter à cruce, à qua per Cardinalem absolutus fuerat, & ad quam resumendam per Archiepiscopi protervitatem arctatus extiterat, demum à Papâ fuit absolutus; Et qualiter per hos tantos post adversa successus & Papæ tanquam favores exhibitos parti adversæ livor pariter & dolor accrevit: Qualiter expensæ per sententiam Archidiacono sunt adjudicatæ: Liber uterque, sc. tam *Investitionum* quàm *de Gestis Giraldi*, patenter explanat. Super expensis tamen adjudicatis & altercatione inter Archidiaconum & Tinemudum coram Auditore Cardinale super hoc habitâ hic inferere præter rem non putavi.

## DISTINCTIO V.

**I**nterim autem coram Hugelino Cardinali Auditore dato cum inter Archidiaconum & Tinemudum, quod *Os Claudens* Anglice sonare videtur, super expensarum condemnatione frequens fieret altercatio, isto petente expensas tanquam

tanquam sibi de jure debitas, illo verò non os claudente sed in contrarium acriter aperiente. Tandem utrinque renunciato allegationibus & scriptis in manu Cardinalis datis, Papæ sententia est à Cardinalibus reservata. Scriptum autem Archidiaconi Papæ præsentatum & coram ipso & Cardinalibus lectum, tale fuit. “In secundâ Commiſſione condemnatus est Archiepiſcopus in medietatem expenſarum Archidiaconi præciſe circa finem his verbis. *Verum quoniam Archiepiſcopus tam ſuper Electione quàm questione Statûs ad noſtram citatus præſentiam, ad alteram tantum ſufficientem procuratorem direxit, cum idem Archidiaconus utramque cauſam in propria perſonâ fuerit proſecutus; volumus & mandamus, ut Archiepiſcopus ei ſaltem medietatem legitimarum reſtituat expenſarum.* Sed dicit adverſarius nuncios Archiepiſcopi literas procuratoris in cauſâ Statûs perdiſſe Parmæ, ſicut credit, ubi Andreas captus fuit & detentus. Sed quare literæ illæ magis eſſent deperditæ quàm literæ procuratoris in cauſâ electionis, vel etiam excuſationis in cauſâ Statûs, quas ambas protulit Andreas anno præterito, nec unquam etiam illud allegavit. Ideoque frivolum eſt iſtud & fictitium. Item dicit adverſarius, quòd licet Archiepiſcopus quoad hoc fuerit indefenſus, non tamen debuit Archidiacono condemnari; quoniam Archidiaconus falſò ſe geſſit procuratorem Eccleſiæ Menevenſis. Ad quod reſpondemus, quòd neque verè neque falſò ſe geſſit Archidiaconus Procuratorem Eccleſiæ Menevenſis; quòd non nomine Eccleſiæ vel Capituli ſed nomine proprio, ſicut membrum Eccleſiæ, Commiſſionem illam impetravit vel citationem, ut pro Eccleſiæ ſuæ ſtaret & ageret libertate: ſicut ſatis patet ex ipſâ Commiſſione; ubi etiam interſeritur, & in Regiſtro Eugenii Papæ reperitur, de quodam Archiepiſcopo Cantuarienſi contra Menevenſem Episcopum ſuper eodem citatum, & coram Eugenio cauſam etiam actitatam. Ex hac occasione motus Dominus Papa citius & facilius Archidiacono nomine ſuo citationem indulſit. Item & propter hoc etiam, quòd eidem Archidiacono generalem contulerat totius Episcopatus adminiſtrationem. In ſecundo tamen adventu ſuo literas portavit de rato, non ut à priori formâ recederet, vel ut nomine Capituli agere vellet, ſed tantum ad cautelam; ut ſe ſc. non præter aſſenſum Capituli cauſam iſtam moviſſe palam eſſet. Item dicit adverſarius Archidiaconum confeſſum in jure ſe Procuratorem fuiſſe Eccleſiæ Menevenſis in cauſâ Statûs; & hoc ſe probaturum in patriâ ſuâ promittit. Ad quod reſpondemus, quòd non curaret, niſi ut negotium quocunque modo differret, & reſtes in Angliâ produceret, ubi quicquid vellet probare poſſet. Sed ſi per Judicum relationem hoc probare poſſet, probet. Item propter falſâ inſtrumenta, ſi probentur, ſententia retractatur; non propter falſam rationem aut allegationem, etiamſi hoc conſtaret. Item ſtatuerunt Judices, ſicut in relatione teſtantur, diem peremptorium Archiepiſcopo, inſtans ſc. Feſtum Omnium Sanctorum; ut coram Domino Papâ per ſe aut ſufficientem reſponſalem paratus eſſet id docere, Archidiaconum ſc. falſum procuratorem fuiſſe Menevenſis Eccleſiæ. Quòd ſi procurator Archiepiſcopi illud hîc probare völuerit; nos audiemus & admittemus. Ad hæc etiam procurator Archiepiſcopi probare nititur Archidiaconum egiſſe nomine Menevenſis Eccleſiæ, per id quod ponitur in primâ Commiſſione circiter finem, ubi dicitur ad hunc modum. *Archiepiſcopum ipſum citare curetis, &c. ut noſtro ſe conſpectui repræſentet tam ſuper Electione præmiſſâ quàm etiam ſuper ſtatu Menevenſis Eccleſiæ reſponſurus.* Ad quod reſpondemus. Ibant qua poterant, & qua non poterant non ibant. Ecce enim qualiter literam pervertendo genitivum convertere nititur in dativum propter dictionis abrenunciationem in Scripturâ. Nec mirum: Dominum namque ſuum in hoc imitatur, qui frequenter in Grammaticâ ſuâ figurâ illa, que Antithetiſis dicitur, utendo caſum pro caſu ponere conſuevit. Item dicit adverſarius, quòd Archie-



“piscopo quasi victori debet Archidiaconus quasi victus in causâ Electionis  
 “condemnari in expensis; & ita recompensationem fieri petit. Ad quod  
 “respondemus, quod non principaliter se opposuit Archiepiscopus in causâ  
 “Electionis sed obliquè, fovens sc. & promovens electionem Abbatis quem  
 “intrusit. Unde si petit expensas, quod cassata est electio Archidiaconi cui  
 “adversabatur; eâdem ratione petit Archidiaconus expensas ab eo, quod cassa-  
 “ta est electio Abbatis cui favebat. Petit igitur Archidiaconus interlocutio-  
 “nem Domini Papæ super expensis utriusque & coercionem.

Auditis igitur tam his quàm partis adversæ rationibus, Papa medietatem expensarum Archidiacono debitam adjudicavit. Et cum centum Marcas peteret Archidiaconus, & probare paratus esset; Papa taxavit LX. reddi jubens, & sic Judicibus executoribus scribens; sicut ex sequentibus palam erit. Multiplex igitur adversarios tunc angebat angustia. Præter hanc enim condemnationem, unde doluerunt & iram Domini sui incurrere valde timuerunt, inter cæteras anxietates, promissiones Curia factas, de quibus ad nundinas Franciæ terminos habere sperabant, gravissimis conditionibus reddere oportuit in continenti. Ad hæc etiam super omnes anxietates Tinemudum timor Domini sui propter causam Statûs, quæ processit, longè vehementiùs anxio. Unde & à Domino Papâ singulisque cardinalibus literas excusationis ad Archiepiscopum & commendationis operæ suæ, & quod per ipsum non steterit, quod causâ Statûs extincta non fuit, multis supplicationibus vix impetravit. Præterea in puncto quo majorem pecuniæ partem pars adversa persolvit, perflatis lucri odore Curia naribus, forma Commissionis in causâ Statûs, quæ jamdudum in notulâ fuerat, à priori conceptione per Tinemudi instantiam sic variata est & vitiata; quod hoc subtracto, *si probaverit Archidiaconus Canonicos Menevenses sibi aliquando in causâ Statûs assensum præbuisse, & postea per metum & bonorum spoliationem aversos fuisse*; hoc appositum fuit: *Nisi per legitimam exceptionem repelli possit ab agendo, in causâ Statûs agens Archidiaconus admittatur.* Sperabant enim adversarii, quod Capitulum Menevense facile corruptibile noverant; quod per exceptionem illam anni præteriti, quod solus sc. Capitulo suo sibi non assistente tantam causam agere non poterat, repelli posset.

Decepti tamen in hoc fuerant; & pecunia perdita, quam, ut id obtinerent, in augmentum addiderant. Multis enim rationibus, quas diligenter & sollicitè tam Romæ quàm Bononiæ collegerat Archidiaconus, si causâ Statûs fortè procederet, probari posset; quod unus de Capitulo, aliis ei non assistentibus immo contradicentibus, in causâ Statûs agere potest. Et primò quod unus de collegio servorum ad eripiendum se & alios à servitute, unus etiam fratrum in servitute constitutorum, ad eripiendum se simul & fratres necnon & patrem & matrem, ipsis etiam reclamantibus & renitentibus, ob favorem libertatis agere poterit: sicut in jure cautum est, Digestis, *de liberali causâ*, lege I. & II. & Codice *de liberali causâ*, lege *Principaliter* in fine legis. Sic & unus de Ecclesiæ collegio ad eripiendum se & fratres à subjectione indebitâ admitti debet. Expressum est enim argumentum. Item cum aliquis vendicat aliquem in servitutem, dicendo eum fore sibi & alii communem, cum bene possit agere sine altero, ut dicit Lex; multò fortius ubi de libertate contenditur. Item ubi multi possident aliquem in servitutem, & unus velit ei libertatem dare & alii velint contradicere; nichilominus eripietur in libertatem; sicut dicit lex Codicis *de communè servo manumisso*, Lex sc. *Una*. Item cum Ecclesia Menevensis sit quasi ad supplicium mortis ducta; servitutem enim ferè mortalitati comparat juris regula, Digestis *de regulis juris*; ad servitutem evacuandam admitti debet unus, etiam contradicente Capitulo; cum simile dicat alibi Lex in aliquo ducto ad supplicium mortis; Digestis *de Appellationibus non tantum*. Item cum turbata sit possessio libertatis Mene-

vensis

vensis Ecclesiæ laicali potentiâ, & sic quasi Canonicis absentibus: Tutor enim, qui per violentiam præsens est, absens intelligitur: admitti debet unus; cum in causâ consimili admittat lex servum, qui alias non habet caput standi in judicio, & libertum sine literis, sine omni cautione: ut Codex, *si per vim vel alio modo turbata sit absentis possessio*, Lege primâ. Item ad idem facit Lex, Digest. de liberali causâ, lege secundâ; ubi dicitur. *Quod si Titius, qui liber homo est, detineatur in servitute; sed de statu suo vel conditione suâ litigare non audet, ne sibi vel generi suo à detinente inferatur injuria; datur potestas filio ejus legitimo vel etiam naturali tantum petere eum in libertatem: Hac enim sunt verba Legis; ut patri invito succurratur. Non enim modica est filii ignominia habere parentem servum.* Idem autem de matre intelligi potest, Cod. de liberali causâ, L. Principaliter, in fine Legis. Ubi dicitur; quod si aliquis consentiat servituti; potest is, cujus interest, eum invitum trahere ad libertatem. Item interdictum de libero homine exhibendo cuilibet volenti competit; ut Digest. de libero homine exhibendo Lege tertiâ. Hoc interdum omnibus competit. Verba enim Legis sunt hæc. *Nemo prohibendus est libertatem fovere.* Ergo multò fortius admittitur, ut Ecclesia libera exhibeatur. Parum enim distat à servitute vel à servo, cui facultas recedendi non datur: ut Digest. de libero homine exhibendo, Lege secundâ dicitur. Sic & Menevensi Ecclesiæ recedere à Cantuariensi facultas non datur. Item Canonicis constat, vel constare debet vel potest, Ecclesiam suam esse liberam. Ergo eo ipso, quod non agunt, sunt negligentes. Ergo esse non videntur: ut causâ XII. qu. II. *Non liceat.* Ubi innuitur nullos esse Clericos in Ecclesiâ, quia mali & negligentes. Item dicitur Digest. *quod cujusque universitatis*, Lege primâ. Et quidem hæc sunt verba. Et quidem non esse actorem vel findicum tunc intelligimus; cum is absit vel valetudine impediatur, ut inhabilis sit ad agendum. Capitulum autem nunc videtur inhabile ad agendum, eo ipso quod vel in perpetuum vel ad tempus juri suo renunciaverunt. Ergo ad solum Magistrum Giraldum est jus Capituli, quantum ad hunc articulum, devolutum: ut Digest. *quod cujusque universitatis*, Lege Sicut. Ultimò ubi dicitur; Si universitas ad unum redit; agere potest & conveniri; quia jus omnium in unum recidit, & stat nomen universitatis in uno. Ad idem facit Decretum LXVI. Dist. cap. *Si fortè.* Item aut dicunt Canonici, Nolumus agere, quod nullum jus habemus; & tunc admitti Magister Giraldus debet etiam nomine illorum, quia jus Ecclesiæ periclitatur; aut dicunt, Nolumus agere ad præsens, non tamen renunciamus juri nostro; & in hoc casu potest agere nomine proprio, non nomine illorum; quia in hoc casu decretum Canonicorum exigeretur: ut in Extravaganti de Procuratoribus Cap. I. Proprio autem nomine potest; cum sit actio popularis: ut Digest. de Jurejurando cum qui, L. In popularibus. Item nunquid possunt Canonici agere nolentes Dominum Papam privare jure illo, quod Magister Giraldus sibi vult acquirere; ut sc. Ecclesia Menevensis & Metropolitana sit & Domino Papæ subsit immediate? Certè non. Item si Capitulum dicat aliquid, & unus de Capitulo rationabilius alleget; stabitur ei quod ab uno dictum est: ut dicit Concilium Lateranense in Extravaganti de his qua sunt à majore parte Capituli. Melius autem libertate gaudere quàm sub jugo quasi servitutis esse. Item quia partus ventrem sequitur, per ingenuitatem matris, i. e. Ecclesiæ Menevensis, probabit se Magister Giraldus ingenuum esse. Ergo cum pro suâ libertate ipsum stare & agere posse reclamantibus cæteris non sit dubium, & hanc per matris ingenuitatem probare intendat; utramque quidem, sed unam per aliam & propter aliam, probare poterit, suam sc. directè & Ecclesiæ matris indirectè. Et hoc quidem validum est argumentum & subtile. Item juxta Apostolum. <sup>a</sup> *Si revelatum fuerit minori melius aliquid; taceat major.* Et <sup>a</sup> 1 Cor. XIV. ita si revelatum fuerit Magistro Giraldo melius aliquid; taceat Capitulum. <sup>30.</sup>

Multis



Multis e iam aliis tam rationibus quàm juris constitutionibus per Giraldi diligentiam ad hoc congestis & collectis idem astrui potest ; quæ in utroque dictorum Librorum poterunt inveniri.

Præterea favorabiles odoris prædicti gratiâ literas super Electione à Capitulo Menevensi de novo faciendâ & prioribus cassatis clàm Tinemudus obtinuit ; atque per curforem Domino suo, quatinus absente Archidiacono ad nutum ejus Electio fieret, cum festinatione destinavit. Archidiaconus tamen hoc præsentens, & Papam illico super hoc conveniens, alias sibi committi sub eadem formâ impetravit. Judices etiam ei, quatinus ipsum in aliquo placaret, quales eligere voluit, Papa concesserat ; & penultimam clausulam ad ejusdem instantiam in Menevensis Ecclesiæ favorem adjecerat. Erant autem literæ tales. “Innocentius Episcopus, servus servorum Dei, venerabilibus fratribus Elyensi & Wigornienſi Episcopis salutem & Apostolicam benedictionem. “Causam, quæ vertebatur inter dilectos filios Abbatem S. Dogmaelis & Giraldum Archidiaconum de Brechene, quorum uterque se asserbat electum in “Episcopum Menevensem, coram delegatis à nobis Judicibus aliquamdiu “ventilatam, nos tandem in Consistorio nostro examinavimus diligenter. Auditis ergo & intellectis attestationibus & allegationibus partium, de communi fratrum nostrorum consilio electionem cassavimus utriusque. Ne verò “contingat Ecclesiam Menevensem ex iteratâ dissensione gravius perturbari ; “fraternitati vestræ per Apostolica scripta mandamus ; quatinus Canonicos “Menevenes ad Electionem concordem de personâ idoneâ infra duos menses “canonicè celebrandam monere ac inducere procuretis. Quæ si taliter facta “fuerit ; per Metropolitanum proprium confirmetur. Alioquin vos auctoritate “nostrâ suffulti, sublato cujuscunque contradictionis & appellationis obstaculo, “præficiatis eis personam idoneam in pastorem, & faciatis eam per Metropolitanum eundem in Episcopum consecrari : attentis provisuri, ne idem Archiepiscopus aliquam ab eo recipiat cautionem, per quam prosequi nequeat “causam Statûs Ecclesiæ Menevensis. Quòd si non ambo his exequendis potueritis interesse ; alter vestrum ea nichilominus exequatur. Datum Ferentini, VII. Kal. Junii. “Item literas super statu Menevensis Ecclesiæ jam tertio Judicibus directas, sed non intra Provinciam Cantuariensem impetratis, perquisivit. Erant autem literæ tales. “Innocentius Episcopus, servus servorum Dei, venerabili fratri Dunelmensi Episcopo, & dilectis filiis Decano & Priori Sanctæ Trinitatis Eboracensis, salutem & apostolicam benedictionem. Cum olim dilectus filius Giraldus Archidiaconus Menevensis adversus venerabilem fratrem nostrum Cantuariensem Archiepiscopum super statu Menevensis Ecclesiæ proposuisset in nostrâ & fratrum nostrorum audientia quæstionem : Archiepiscopo ipsi per literas nostras dedimus in mandatis, “ut per se vel procuratorem idoneum ad præsentiam nostram super hoc accederet responsurus. Verùm cum ipse nec venisset nec misisset propter hoc idoneum responsalem ; volentes Menevensi Ecclesiæ paternâ sollicitudine providere, causam super hoc venerabili fratri nostro Episcopo Eliensi & dilectis filiis Londonienſi Decano & Archidiacono de Buckingham sub certâ formâ duximus committendam ; à quibus non fuit hætenus juxta mandatum nostrum in ipsâ processum. Ne igitur causa ipsa remaneat indecisa ; discretionem vestræ per Apostolica scripta mandamus ; quatinus nisi pars adversa prædictum Archidiaconum per exceptionem legitimam repellere valeat ab agendo ; partibus, si fieri poterit, vel procuratoribus earum ad locum idoneum & securum per nuncios vestros & literas convocatis, & lite legitimè contestatâ, testes quos Archiepiscopus duxerit producendos in Angliâ, & Archidiaconus producere voluerit contra eum in Walliâ, recipere procuratis. Verùm si Archiepiscopus citatus legitimè, coram vobis per se vel procuratorem idoneum noluerit comparere aut litem etiam contestari ; vos nichilominus

"chilominus senes & valetudinarios, quos Archidiaconus per se vel procura-  
 "torem suum duxerit producendos, sublato cujuslibet contradictionis & ap-  
 "pellationis obstaculo, admittatis; & depositiones eorum conscriptas & ve-  
 "stris sigillis inclusas ad Sedem curetis Apostolicam destinare. Statuentes  
 "partibus peremptorium terminum competentem, quo per se vel responsales  
 "idoneos vestro se conspectui repræsentent justiciam recepturæ. Testes autem  
 "qui fuerint nominati, si se gratiâ, odio vel timore subtraxerint; per censu-  
 "ram Ecclesiasticam appellatione cessante cogatis veritati testimonium perhi-  
 "bere; nullis literis veritati & justitiæ præjudicantibus à Sede Apostolicâ im-  
 "petratis. Quòd si non omnes his exequendis potueritis interesse; tu ea fra-  
 "ter Episcopo cum eorum altero nichilominus exequaris. Datum Ferentini,  
 "XIV. Cal. Julii, Pontificatûs nostri anno VI." Item & literas super ex-  
 "pensis tales. "Innocentius Episcopus, servus servorum Dei, venerabili fra-  
 "tri Episcopo Dunelmensi, & dilectis filiis Decano & Priori S. Trinitatis E-  
 "boracensis, salutem & Apostolicam benedictionem. Quantum venerabili  
 "fratri nostro Cantuariensi Archiepiscopo super expensis, quas dilectus fili-  
 "us Archidiaconus Menevensis primâ & secundâ vice fecisse dinoscitur, defer-  
 "recuravimus, ignorare non debet prudentia vestra. Nuper enim cum CCXL.  
 "Marcas idem Archidiaconus se juraverit expendisse, ipse Archiepisco-  
 "pus ad solutionem medietatis illius pecuniæ teneatur; eum nonnisi in LX.  
 "Marcis duximus condemnandum. Propter quod ipsi dedimus in mandatis,  
 "monentes & hortantes attentius, ut in hac parte gratiam recognoscens sine  
 "dilatione qualibet mandatum nostrum super hoc adimplere non tarder, ei-  
 "dem Archidiacono LX. Marcas infra XL. dies post susceptionem præsentium  
 "pro expensis solvens. Ideoque discretionis vestræ per Apostolica scripta man-  
 "damus; quatinus dicto Archiepiscopo in executione mandati nostri cessante,  
 "voseum ad id per distractionem ecclesiasticam appellatione postpositâ com-  
 "pellatis. Quòd si non omnes his exequendis potueritis interesse; tu frater E-  
 "piscopo cum eorum altero ea nichilominus exequaris. Datum Ferentini  
 "XII. Cal. Julii, Pontificatûs nostri anno VI." Item & literas super Crucis  
 "& peregrinationis absolutione tales. "Innocentius Episcopus, servus servo-  
 "rum Dei, venerabilibus fratribus Eliensi & Wigornienſi Episcopis, & dilecto  
 "filio Archidiacono de Buckingham Lincolniensis Diocesis, salutem & Aposto-  
 "licam benedictionem. Dilectus filius Giraldus Archidiaconus Menevensis  
 "proposuit coram nobis, quòd cum olim signaculum Crucis assumpserit ad in-  
 "stantiam claræ memoriæ Henrici Regis Anglorum, qui spem ei dederat super  
 "subsidio expensarum, si cum eo Jerosolimam ire vellet; ipso Rege interim  
 "sublato de medio idem Archidiaconus spe frustratus votum suum, cum non  
 "competerent facultates, non potuit adimplere. Undæ bonæ memoriæ I. E-  
 "piscopus Prænестinus tunc titulo S. Marci Presbiter Cardinalis, cum in par-  
 "tibus illis Legationis officio fungeretur, ejusdem Archidiaconi compatiens  
 "paupertati, eum à labore peregrinationis absolvit, ita quòd euntibus in Ter-  
 "ræ Sanctæ subsidium subveniret, & ad reparationem Ecclesiæ Menevensis  
 "impenderet operam & auxilium opportunum. Cæterum cum postea emanâ-  
 "rit ab Apostolicâ Sede mandatum; ut ad recipiendum Crucis signaculum per  
 "excommunicationis sententiam cogerentur, quos illud absque prosecutione  
 "itineris deposuisse constaret, nisi Apostolicæ Sedis indulgentiam specialem  
 "haberent; idem Archidiaconus, ut causam liberius ageret, quam pro Eccle-  
 "siâ Menevensi tractabat, resumere Crucis signaculum est coactus. Unde hu-  
 "militer postulavit à nobis, ut senectuti compariens ipsius cum ipso miseri-  
 "corditer ageremus. Nos igitur attendentes senectutem ac debilitatem ipsius,  
 "& compariens per jam dicti Cardinalis eum super hoc absolutionis  
 "beneficium habuisse, ipsum à labore peregrinationis denunciavimus absolu-  
 "tum: injungentes eidem, ut juxta proprias facultates pro expensis, quas fu-  
 "isset



“isset in peregrinatione facturus, subsidium competens ab subventionem Terræ Sanctæ transmittat. Ideoque discretioni vestræ per Apostolica scripta mandamus; quatenus eundem Archidiaconum à labore peregrinationis denuntietis penitus absolutum; & pensatis facultatibus & redditibus ejus, congruam pecuniæ quantitatem faciatis ab eo ad subventionem Jerosolimitanæ Provinciæ destinare; eum ad hoc, si fortè præsumeret contraire, per districtiorem ecclesiasticam, appellatione postpositâ, compellatis. Datum Ferentinum, II. Non. Junii, Pontificatus nostri anno VI.” Item & literas revocatorias Judicibus ineptis directas. Item & literas contra spoliatores suos Clericos & de administratione Menevensis Ecclesiæ sibi tertio concessâ. Item & literas confirmationis Canoniarum duarum Menevensis Ecclesiæ & unius Ecclesiæ parochialis, quas Clericis suis in administratione concessâ contulerat. Quæ poterunt omnes in Librorum utroque totiens dictorum reperiri.

Ad literas igitur has eliciendas à Cancellariâ, quod non absque gravamine solito fieri poruit, ad debita solvendum tam Papæ quàm Hostiensi, nec non & ad sustentationem habendam & viaticum in redeundo, creditores Curia, quæ non modica est, inter angustias convenire restabat. Convenerat autem super hoc mutuatores Bononiæ; & jam inter ipsos de contractu convenisse speraverat; adeò ut nisi scribere & cautiones dare restaret. Ipsi verò per exquisitam malitiam semper de die in diem distulerunt; donec campsores tam de Româ quàm aliunde discesserant; & tunc quia soli jam fuerant illi, duris & gravissimis conditionibus & scœnore imposito ferè sortem adæquante, quia necessitas legem non habet, cum ipsis contractum inivit. Ubi inter cætera gravamina & illud accessit; quod terminus primò datus usque ad nundinas Trecentenses in Franciâ, usque Bononiam in Italiâ est artatus, & usuræ dilatata; adeò quòd infra XV. dies, postquam urbem illam intraremus, pecuniam acceptam reddi oportuit & usuram. Ad hæc etiam literas ejus omnes in pignus habuerunt, nec non & literas Papæ testimoniales: Item sacramentum Archidiaconi, quòd ab ipsis corpus ejus non nisi per licentiam ipsorum, aut solutâ pecuniâ simul & poenâ, non discederet. Poenam enim in partibus illis scœnatores palliato vocabulo veroque nimis usuras vocant. Præterea Monachus ille, qui se Bangoriensem gessit Electum, interim peractis negotiis ut tunc poterant, cum commissione discesserat; & cum pecuniosus esset, licet ab Archidiacono suffultus in tantum est & adjutus, ipsum tamen in Curia relictum curis afflictum & angustis in juvamine nullo respexerat. Talem ergo, qualem totum propemodum Walliæ Clerum, sibi reperit istum. In Laicis enim, ut dicere consueverat ipse, fidem invenit plurimam: In Clericis verò, quorum præcipuè negotia gerebat, ferè nullam. Porro quia plerunque ea quæ non vindicat homo, vindicat Deus; & sicut interdum opera bona retribuit etiam in tempore, sic & malis quandoque vices etiam in vitâ reddere solet: Monachus ille minus discretè atque comitatu silvam penetrans, incidit in latrones; & tam pecuniâ suâ, quam reportabat non modicam, sicut ipsemet postea confessus est, quàm literis suis & rebus omnibus spoliatus, infra biduum Curiam reversus est; & intrans hospitium Archidiaconi, fortunam suam exposuit & infortunium totum; asserens istud sibi non præter meritum accidisse, quia quod socio & amico bono Sanctoque Davidi Walliæ patrono mutuare noluit, hoc ultio divina totum sibi per vespiliones ademit. Porro per auxilium Monachi cujusdam Ordinis ejusdem, Pœnitentialis Domini Papæ, quem & ipse munusculis sibi sapius allexerat, literas alias & expensas in Franciam recuperavit. Adhæc etiam ut undique Giraldum molestiæ premerent & angustia; palefridus ejusdem bonus, quem solum de V. vel VI. adductis sibi reservaverat, subito mortuus in stabulo repertus fuerat. Qui casus quidem molestiis ob hoc emerfit; quòd una cum pecuniâ creditâ in procinctu tunc erat cum creditoribus suis, quos sequi necesse habebat, illico revertendi. Veruntamen Archidiaconus fortunæ injurias omnes

omnes altâ mente contemnens, & ex contingentibus nichil omittens, sed inter casus adversos Ecclesiæ suæ commodis tam futuris temporibus quàm præsentibus vigilanter intendens, literas Commissionis super causâ Statûs tam adventûs primi quàm secundi & tertii in Registro Domini Papæ, quatinus ibi perpetuò reperiri possint, ascribi fecit. In ultimis enim cum additione tenor comprehenditur secundarum.

His ita sic decursis, Archidiaconus quæsito quali quali ut poterat equo venali, licentiam accipiens, quasi sub his verbis Papam convenit. Tempus est, Pater, quodd de cætero repatriemus. Proinde nunc, ut consuevimus, sub spe revertendi licentiam non petimus, sed tanquam ultimum huic Curia vale dicturi, nec unquam amplius ad ipsam reversuri. Cui Papa. Absit, inquit: quid ergo fiet de Menevensis Ecclesiæ dignitate? Certi sumus, quodd causam Statûs non ita relinques. Et Archidiaconus. Qui nostræ causam Electionis evacuavit, quique formam Commissionis super statu primò conceptam ob partis adversæ favorem deteriorando mutavit, causam ille Statûs extinxit. Curia commodis hætenus intendimus; propriis autem à modo commodis & quietibus intendemus. Nunquam tamen nisi nos Curia prius deseruisset, causa Statûs à nobis deserta fuisset. Sed fracto podio nostro & fulcimine toto, nubibus adhærere non potuimus. Novit autem Deus, quodd in nostrâ promotione, si procedere posset, præcipuum Ecclesiæ nostræ, pauperculæ nimis & undique depilatæ solâque famâ & opinione solâque recordatione pristinae dignitatis optimæ, profectum affectavimus; personæ verò nostræ in reparatione ruinæ tantæ toto vitæ residuo laborem immensum & immoderatum martiriumque ferè continuum. Papa verò visus ad hæc aliquantulum motus, respondit. Frater, provisum est tibi à Deo magis, ut credimus, in hoc facto, quàm spes; qui ab inquietudine tantâ te clementer eripiens, forsân ad longè ampliora reservavit. Archidiaconus autem ad hæc. Scimus, inquit, & certi sumus; quodd tam pia & pura circiter Ecclesiæ nostræ profectum intentio nostra, si non retribuitur in tempore, à Deo tamen retribuetur in æternitate.

Sic itaque sumptâ licentiâ, de Ferentino Romam per dietam unam, de Româ verò Bononiam quasi per dietas sex, unâ cum ducibus & præviis creditoribus suis adventavit. Ubi de die in diem creditores urgentius ut eis pecunia solveretur instabant. Acciderat autem & ad gravamen accesserat, Clericos quosdam Hispanos, qui diebus eisdem pro fociis suis ibidem fide jusserant, non reddentibus illis nec istis reddere valentibus, captos à creditoribus & incarceratos. Unde Scholares Bononienses condixerant omnes & conjuraverant, quodd ibi pro nemine vades fierent aut sponsores. Proinde nichil aliud Archidiacono jam restare videbatur, cum sponsores de fociis & notis nullum propter incommodum invenire posset, nisi creditorum in custodiam se captivum dare. Inter omnes igitur angustias viæ totius una de majoribus ista fuit. Sciebat enim Archidiaconus, quantum sibi pecuniæ nuntii sui Treas portare deberent: & quodd vix ad id quodd tunc debebat absolvendum sufficere posset. Unde si per moram expectando nuncios à tam remotis sænus in futurum excresceret, tam impositum quàm gravius etiam imponendum. Præsertim cum exhausti jam essent per tot nimirum incommoda redditus ejus; cum pecunia tanta reddi non posset; tam negotia prorsus perdita quàm personam quoque perpetuæ captivitati & perditioni datam, secum anxie recolbat. Sed quoniam prope est Deus in angustiiis, qui non deserit sperantes in se; venit ad Archidiaconum secretò primus Creditorum suorum & principalior, & inveniens ipsum in extremâ desperatione jam constitutum, ait illi: Noli diffidere, vir bone. Visitavit te Deus hac nocte in visione quam vidi. In magno namque statu & excelsò gradu te conspexi. Unde securus sum per ea quæ mihi sunt data videre; quodd superatis angustiiis in bonâ & summâ tranquillitate senesces. Ideoque ad nundinas Trecentes te

[Gggg]

nunc



nunc mittimus. Tu verò nunc videas, quòd ex quo contra propositum nostrum & consilium totum in tuâ liberatione tam liberales erimus; tu nobis in debitis & pecuniis tam constitutis quàm constituendis cum effectu persolvendis providere non postponas. Et cùm Archidiaconus intimas ei super hoc gratias egisset; misso statim puero propter socios pariter & tabelliones, computatis in sortem pænis prioribus & novis trans modestiam constitutis, celebratus est contractus cum solemnitate, quàm in partibus illis adhibere solent, & securitate. Archidiaconus autem adeò de liberatione suâ tanquam de vita reditâ lætus existens, gravaminis omnis curas quanquam graves & grandes minimè in hoc articulo cordi apposuit; sed cum sociis ipsorum, quibus assignatus ab ipsis fuerat sub cautione juratoriâ quòd ab illis absque licentiâ non discederet, versùs Trecas iter arripuit.

Transmensis itaque primò Lombardiâ & postmodum Alpibus, longas & hispidas Burgundiæ diatras mensurantes cùm Franciæ finibus appropinquamus, quia nunquam sola venire solent sicut nec scandala sic nec infortunia, cunctis gravior cæterisque periculiosior casus accidit. Cùm enim Castellionem super Sequanam jam prope & in conspectu haberemus; exiens à Castello Præpositus cum sequelâ suâ, ut Ducis Burgundiæ Senescallum adiret, nos & palmiferos, in quorum comitatu fuimus, itinerantes fortè fortuitò ex directo obvios habuit: qui cùm peregrinos nostros præcedentes jam præterissent; Archidiaconum ultimò venientem, ut moris habebat, ultimus ipsorum juvenis, sc. uxoris Præpositi frater, sub filtro pluviali ipsum attentius intuens, quæsito statim nomine ipsius & audito, dixit ei, quòd parumper expectaret. Et revocatis sociis Præpositus accelerans, quæsivit quisnam esset. Et cùm responsum esset, quòd de Walliâ; quia de terrâ Regis Angliæ fuit qui Francorum Regem infestabat; iussit eum & alios omnes causâ ipsius capi & Castellionem duci; quòd & factum fuit. Anxius igitur existens Archidiaconus de captione suâ, magis etiam anxius, quòd ejus occasione capti fuerunt socii & impediti, qui pace gaudere deberent peregrini, gravi premebatur utrinque dolore. Erant autem omnes ferè Normanni & de partibus Rothomagi. Dicebant tamen se de Gisfortio & partibus illis esse, quos tunc temporis Rex Franciæ detinebat occupato; quoniam de terrâ Regis Angliæ nec peregrini nec Clerici nec Monachi vel Ordinis cujusquam præterquam Cisterciensis in Francorum regno propter guerram inter Reges pacem habebant. Fuit autem inter palmiferos Presbiter unus revera Francus & non Normanus. Hic audaciùs accedens ad Præpositum, & officioso propter sociorum liberationem utens mendacio, dixit & asseruit ipsos de Gisfortii partibus esse, & palmiferos omnes, & Sepulchri Dominici peregrinos; præter Archidiaconum solum, quem de Româ venientem Papiæ primò repererant. Quòd quidem postremò dictum verum fuerat. Hoc tamen absque mendacio præmisso nichil eis ad liberationem valuisset. Quibus auditis & fidem adhibens dictis, cunctos præter Archidiaconum & suos iussit Præpositus liberari. Sed cùm abscederent omnes præter Archidiaconum solum & puerum peditem unum; mirabantur prædones, dicentes hoc esse non posse; quòd Archidiaconus & vir tantus, qui ad Metropolim regendam pastor electus fuerat, incederet absque sequelâ. Unde & quosdam ex peregrinis pro servientibus Archidiaconi retinere volebant. Tandem verò cognitâ veritate per Presbiterum prædictum, dimissis aliis omnibus, Archidiaconum solum cum puero suo in domo Præpositi publicæ custodiæ commiserunt. Et cùm interrogarent eum, quem adversarium habuisset in Curia Romanâ; respondit quòd magnum sc. Cantuariensem Archiepiscopum, qui Clericos suos contra ipsum miserat. Et cùm inquirerent quos; nominavit Robertum Balbum & Johannem de Tinemuda. Qui cùm audirent Johannem nominatum; dixerunt. Johannem illum habemus; & illi grates scire potestis, quòd nunc detenti estis. Et cùm ille causam dicti inquireret; retulerunt ei, quemadmodum

modum cum captus ab ipsis esset, dixit se adversarium habuisse Archidiaconum ralem & Electum, nomen ipsius nobis indicans, & tam formam quam staturam. Dixit etiam, quod infra octo dies ipsum sequeretur. Subjecit autem juvenis ille Præpositi frater; quod per descriptionem sibi factam tam staturæ grandis quam superciliorum grandium quoque & hirsutorum ipsum recognovit, maxime verò per supercilia. Quo audito, Respondit Archidiaconus; satis Johanni sufficere debuisse, quod in Curia Romanâ ad cassandum Electionem suam tam per linguam suam quam per Domini sui pecuniam se adversarium exhibuit; licet etiam pauperem & undique depilatum nunc obiter capere non fecisset. Subjunxit etiam, unde ad risum cunctos commovit: quod si superciliorum suorum hispiditatem ad nocumentum sibi tantum provenire posse novisset; silvositatem illam & eminentiam ferro vel igne minorasset. Post hæc autem sacculum suum aperire & literas ac cuncta revolvere fecerunt. Literas autem hujus adventus & instantium negotiorum nullas invenerunt; quoniam ipsas mercatores Bononienses, qui eas in pignus habebant, per aliam ad nundinas viam deportaverant; nec denarios invenerunt præter octo duniones, qui sterlingos duos non valebant. Tradiderunt autem sacculum seratum cum contentis uxori Præpositi; & equum suum modicum ac macilentum stabulario custodiendum reliquerunt; & ipsum Archidiaconum custodiæ servientis cujusdam deputarunt. Contigit autem istud feriâ sextâ; & in crastino Senescalli adventus ibidem expectabatur; in cujus occursum Præpositus ibat.

Diem igitur illum totum duxit Archidiaconus absque cibo & noctem absque somno, in extremâ ferè desperatione constitutus; dum præ oculis haberet casus hujus periculum absque remedio & captivitatem suam atque miseriam absque suffragio humano vel solatio. Sciebat enim generositatem suam & de Principibus terræ suæ ductam originem prædonibus adversario suggerente non incognitam, mentionem quoque nullam de suâ vel de patriæ paupertate factam; majorem hosti mendaci quam sibi veracide se fidem habendam. Unicum autem ei solatium fuerat illud totiens dictum fratris optimi consilium, & Gregorianum illud toties quoque repetitum & repetendum eulogium. *Adversitas que bonis votis obijcitur, probatio virtutis est, non indicium reprobationis.* Quis enim nesciat, quam prosperum fuit, quod Paulus ad Italiam vergebat? Et tamen vehemens naufragium pertulit; sed navis cordis in maris fluctibus integra stetit. Illud quoque Philonis sapientis ad mentem revocabat. *Ubi deficit humanum auxilium, recurrendum est ad divinum.*

Fixum igitur in animo propositum habebat; quod si in crastino ad Ecclesiam ire propter divina percipienda permissus fuerit; ad ejus asilum atque refugium altari adhærendo atque Reliquiis se conferret. Manè itaque facto & Sole recens orto, de licentiâ custodis ad Canobium Canonicorum, quod in eodem oppido fuerat, perrexit; ibique cum devotione magnâ divina percepit; à Deo Sanctoque Davide consilium pariter & auxilium in hoc articulo tam arcto humiliter & in lacrimis petens. Porro quoniam Senescallus contra noctem venturus erat; statuit in animo, cum pulsaretur ad vesperras, tanquam propter horam illam Ecclesiam petere, ibique refugii causâ tunc remanere. Reversus igitur ad hospitium & quasi carcerem suum, sumpto demum cibo & somno postmodum meridiano, Deo Sanctoque Davidi totum committens, post meridiem accessit ad ipsum Domina domus, mulier bona & calamitatibus ipsius multam compassas;

\* Formam suam in ætate juvenili sic describit Giraldus in Speculo Ecclesie MS. Dist. 2. Cap. 27. Baldwinus Episcopus Wigorniensis apud Blokeslejam adii. Eram autem tunc adolescens, staturâ procerus, facie quoque fragilique ac momentaneo naturæ bono, formæ nitore præ-

clarus. Qui cum ad Episcopi latrunculo ipso vocante fuisset adjunctus; sedens ad alterum latrunculo Abbas quidam Cisterciensis Ordinis Serlo vocatus, cum me parumper fuisset intratus, ait. Putasne ullatenus mori posse tantum pulchrum juvenem?



& cum ipsa miles quidam veniens de Senescallo; qui dixit ei, quod Senescallus adversarium suum secum ducturus erat; & quod placuit ei multum, quod nunc sciebat ipsum esse Clericum Cantuariensis Archiepiscopi. Hoc enim hactenus celaverat. Unde cum suae libertati nunc relinquendus esset; pecuniâ secum inventâ, quæ non modica fuerat, & equis perditis; dixit, quod non credebatur ipsum ante Ducis adventum, qui cum Rege Francorum in Normanniae finibus expeditionem agebat, nunc liberandum; quinimo ad redemptionem non solum juxta suas sed magis juxta Domini sui facultates reservandum. Cum Archidiacono verò se credere dicebat Dominum suum misericorditer agere vellet. Quibus auditis, paulatim Archidiaconus cor resumens & audaciam, secum firmavit & certum statuit; quod ubi positus erat, nec aliud ibi refugium quaerens, Dei misericordiam expectaret.

Vespere verò Senescallus advenit, & Tinemudum secum adduxit; sed ipso in aliâ domo relicto, statim ad Archidiaconum venit; ipsumque primum in publico de statu ipsius, gente & patriâ, & quomodo cum Electus fuisset & vir magnus, tam pauper inventus esset, interpellavit. Et cum respondisset ei Archidiaconus, quod de paupere terrâ fuerat, & per opulentiam adversarii sui Romæ causas suas perdiderat: postea seorsim & secretius ipso vocato, de Tinemudo diligentius inquisivit, quisnam esset, & si dives an pauper & si Clericus Archiepiscopi Cantuariensis; obtestans etiam & adjurans, quatinus veritatem sibi per omnia revelaret. Archidiaconus autem ipsum revera Clericum Archiepiscopi illius esse & unum de carioribus sibi testatus est; & quod centum marcarum vel plurium in Ecclesiis & Præbendis redditus habebat. Sicque soluto colloquio Senescallus recessit; dicens, quoniam in crastino quid de ipsis agendum foret consilium haberet. In crastino verò, Dominicâ sc. divinis manè perceptis & obsoniis postea sumptis, propositum est Archidiacono, quod liber abiret; Tinemudo verò, quoniam Clericus erat illius, qui Consiliarius erat Regis Anglorum, hostis sc. & inimici Regis Franciæ, quod apud ipsos usque ad Ducis reditum ab expeditione remaneret. Et statim reddita sunt Archidiacono sua, equus sc. & sacculus nullo retento. Tinemudus autem in principalem turrim adductus est. Quem cum Archidiaconus liberè pertranseundo lamentantem cerneret & plangentem; ait illi: proverbialiter dici solet; quod male dolorem suum vindicat, qui dolori dolorem adjiciens ipsum augmentat. Insidias ut caperer mihi me describendo fecisti; & hæc captio mea, quam procurasti, facta est causa detentionis tuæ, & tibi quàm mihi deterior effecta. Scriptum est enim in Psalmo. <sup>a</sup> *Lacum aperuit & effodit eum; & incidit in foveam quam fecit.*

<sup>a</sup> Psal. vii. 16.

A lacrimis tamen temperare debes; quod Dominus tuus tam opulentus & tam potens te liberabit. Qui respondit. Immo si Dominum meum unquam novi; parum de meâ liberatione propter causam Statûs, quam suscitasti, cogitabit. Et Archidiaconus salibus insistens & lædoriis, seque ut poterat sic ulciscens: Consilium, inquit, meum est, quatenus pro perjuriis, quæ Dominus tuus tuo contra nos consilio, primo Gloverniæ, postea apud S. Albanum, deinde nunc Romæ, fieri fecit; quorum omnium etiam ipse reus est, qui sciens & prudens, quanquam non in hoc prudens, hoc fecit; & tu patienter hæc omnia & tanquam pœnitentialiter injuncta sustineas. Sic igitur Archidiaconus toties afflictus & non derelictus, toties expertus & non desertus, toties instructus & non destructus, ingratiarum actiones Deo Sanctoque Davidi ex toto resolvitur. Sic enim, ut ait Apostolus. <sup>b</sup> *In omnibus tribulationibus patimur, sed non angustiamur; apporiamur, sed non destituimur; persecutionem patimur, sed non derelinquimur; humiliamur, sed non confundimur; deijcitur, sed non perimus: semper mortificationem Jesu in corpore nostro circumferentes, ut & vita Jesu in corporibus nostris manifestetur.*

<sup>b</sup> 11 Cor. iv. 8, &c.

His ita decursis, ad nundinas Trecenses parum inde distantes, tanquam ad portum post naufragium, hilaris & lætus accessit. Ubi post nubilos quoque fortunæ

tunæ vultus forte serenius arridente, nunciis inventis, debitoque creditoribus Bononiensibus soluto, Parisios itinerando pervenit; ubi & virum venerabilem Dublinensem Archiepiscopum Johannem, à quo dilectus erat, perendinantem & propter Ecclesiæ suæ causas exultantem invenit. Quoniam autem Trecis pecuniam allatam in creditoribus exhauserat, per Archiepiscopum tam mutuum accipiens quam conductum, Normanniæ Marchiam propter guerram instantem dubiam nimis & periculofam indemnis usque Rothomagum Deo duce transpenetravit. Cum autem audiret Elyensem Episcopum, qui in partibus illis tunc erat, Rothomagum venisse diebus eisdem; accedens ad ipsum Archidiaconus circa vespere, ab ipso gaudenter & in osculo susceptus est. Ubi post varios sermones Curiaque rumores auditos, retulit Episcopus duos Canonicos Menevenses advenisse cum literis de rato Capituli sui propter electionem faciendam, ipsosque jam Regem super hoc convenisse; & quod Rex ad ipsum eos mittens, tanquam Judicem à Papâ super Electione constitutum, mandavit ei, quatenus ad ipsum quamcitiùs propter hoc faciendum & unum trium nominatorum assumendum adventaret. Unde & in crastino se propter hoc ad Regem apud Weldebof iturum dicebat.

Ut autem rei gestæ in Archidiaconi absentiâ series hîc texatur; sciendum quod Archiepiscopus Cantuariensis susceptis literis Domini Papæ, quas Tine mudus per cursorem transmiserat ociùs, convocatis illico Canonicis Menevensibus apud Norhamtum coram & Justiciario propter electionem de novo faciendam, ostensæ sunt eis literæ Domini Papæ super cassatis electionibus prius factis: & postea propositum est eis, quatinus personas aliquot juxta morem Anglicanæ Ecclesiæ primò nominent, & deinde cum assensu Regis vel Justiciarii sui unam illarum in Electum suum assumant. Ipsi verò post deliberationem super hoc habitam, responderunt se à priori nominatione duorum Abbatum & Giraldi Archidiaconi non recessuros. Quod audiens R. Foliotus, qui præsens aderat, profiliit in medium; dicens se inter alios nominatum fuisse in illâ Electione primâ; & cum illos eosdem nunc nominarent, se quidem excipi non debere. Et è contra Canonici dicebant istud aliud omnino factum esse quam illud, & aliam nominationem sive de illis eisdem sive de aliis faciendam; & quod nunquam ipsum in primâ nominatione tribus aliis nisi propter numerum augendum nominatorum, adjecerunt. Archiepiscopus autem & Justiciarius, quoniam Anglicus erat ille, quanquam aliàs nominari inter alios indignissimus, cæteri verò de Walliâ oriundi, nitebantur ad hoc, ut unus nominatorum esset ille. Quod cum obtinerent; apposuerunt etiam, ut Giraldum Archidiaconum tanquam exosum Regi & Archiepiscopo & turbatorem pacis & tranquillitatis, ut dicebant, Ecclesiæ Cantuariensis, exciperent à nominatione. Ad quod Canonici propter suorum, quàm magis appetebant promotionem quam Ecclesiæ suæ profectum, & præcipuè Abbatis Albæ Domus, cui ferè cuncti consanguinitate juncti fuerant vel affinitate, facillimè inducti fuerunt. Factâ igitur nominatione trium illorum, duorum sc. Abbatum & Foliori, statim electi sunt duo de Menevensi Ecclesiâ pro Canonicis habiti, unus Walensis, sc. Samuel, & alter Anglicus Wilhelmus Presbiter de Keirmerthin; qui cum literis Capituli de rato ad unum illorum trium eligendum, in quem Rex consentiret, in Normanniam ad ipsum transfretarent. Archiepiscopus enim totum hoc per industriam exquisitam, ut in Archidiaconi absentiâ fieret electio, procuravit; literasque suas simpliciter factum Nominationis hujus protestantes, literas quoque Justiciarii consulentes, quatenus non in Abbates illos Walenses sed potius in R. Foliorum qui Anglicus erat & ex nullâ parte Walensis, & qui bis Romam propter honorem ipsius & Cantuariensis Ecclesiæ securitatem laboraverat, sicut asseruit, per eosdem, quid ferrent nescios, mitti fecit. Propter Judices autem, quibus commissâ fuerat electionis cura, qui trans mare fuerunt, ad Regem ut coram ipso & Judicibus ante Giraldi Archidiaconi adventum electio fieret,



eret, missi fuerunt. Archiepiscopus autem priusquam iter arriperent, cum jam de voluntate suâ effectui mancipandâ quassilecurus existeret, sermone facto de tribus Nominatis in publicâ audientiâ dixit; quod nulli dubium esse debuit, neutrum Abbatum illorum, quorum unus illiteratus, alter illegitimè natus erat, in Episcopum assumi posse. Unde consternatis ex hoc dicto Canonico- rum Walensium animis, respondit unus eorum, sc. Samuel; quod juraret, si opus fuerit, cum XL. viris probatæ opinionis, quod Abbas Albæ Domûs de legitimo matrimonio natus fuerat. Respondit Clericus ad hoc Archiepiscopi, non ignorans Domini sui voluntatem, cujus nuncupatio Magister Simon, Quid valet hoc dictum; quia fama patriæ tota laborat in contrarium? Veruntamen ex hoc perpendi potest, quanta facilitas pejerandi pro lucro augendo sit nationis illius. Martinus autem frater Abbatis illius verbum illud Archiepiscopi gravius aliis ferens, Magistro Simoni aliisque Clericis Archiepiscopi seorsum ductis ait. Siccine nos decepit Dominus vester? Ubi nunc promissiones ejus? Ubi tot juratoriarum cautiones? & etiam manuum suarum ad crucem suam bajulam propter firmanda promissa toties extensiones? Fortè Giraldus adhuc vivit. Cerrè si locum adhuc viderimus; memores dicti istius, præmunitiones quidem & creduli minùs, & non adeò ad decipiendum faciles erimus. Proh dolor! Utilia satis Ecclesiæ suæ ratione temporis & terræ tam ingenio sc. quàm eruditione Martinus hic & Abbas frater ejus, nisi corrupti, ut dictum est, fuissent & vanâ promissione decepti, fidei solum stabilitate fundati, instrumenta futura. Sed hæc hæctenus.

Ad Missam autem Episcopi manè veniens Archidiaconus invenit ibi Clericos Menevenses; statimque post Missæ celebrationem & à Presbyterio descensionem, Episcopum in corpore Ecclesiæ sicut prælocuti vespere fuerant, ad confessum se recipientem in publicâ audientiâ sic convenit. "Audivimus Canonicos Menevenses de electione tractasse, & ad nominationem quoque faciendam nobis non expectatis, immo quasi captatâ absentiam nostrâ, pro- pere nimis & indiscretè processisse. Præsertim etiam cum priores Electiones cassatas fuisse, priusquam ad novam faciendam profilirent, debuisset eis per literas Domini Papæ vel saltem literas Judicum sibi directas constare. Verum quoniam minùs legitimè minùsque discretè actum esse dinoscitur, ne juxta nominationem sic factam procedatur ad electionem; appellamus. Item hi Clerici, quos hîc videmus paratos, ut dicunt, ad electionem pro Capitulo Menevensi faciendam, Canonici non sunt. Unus enim filio suo Præbendam cessit; & alter Præbendam à nobis auctoritate Apostolicâ datam per sæcularem potestatem violenter invasit. Item est etiam excommunicatus noster uterque. Quare electionem, si alia suppeterent, facere non possent. Item tantum unus Judicum adest, altero se non excusante nec vices suas committente. Item nullus trium illorum Nominatorum est ad eligendum idoneus. Quoniam unus eorum illiteratus, alter illegitimè natus, tertius autem criminum multorum enormitate reprobandus. Sic ergo ne vel isti eligant vel illi eligantur; prædictis rationibus appellamus." Respondit Eliensis. Bene nos servavit adventus vester & magnis à curis liberavit. Eo namque die statuerat Rex electionem de Folio to fieri debere in præsentia suâ & Episcopi tanquam Judicis & auctoritatem adhibentis.

Equis igitur adductis proficiscentem Episcopum ad Regem versùs rupem de Weldebof comitatus est Archidiaconus similiter & Clerici Menevenses duo. Qui cum illuc venirent; intravit Episcopus ad Regem, qui tunc in Capellâ Missam audiebat, & Archidiaconus cum ipso. Videns autem Rex Archidiaconum, ait Episcopo. Ecce qualiter vultu pallido & perduto negotio à Curia Romanâ reversus est Archidiaconus iste? Cui Episcopus. De pallore non mirum; qui tantos labores jam tertriò Romam adiens sustinuit; neque negotia perditâ repurat, dum causam dignitatis Ecclesiæ suæ in optimo statu

statu reportavit. Judices etiam extra Provinciam Cantuariensem, quod antea impetrare non potuit, nunc habet. Respondit Rex. In hac causâ, quæ ad honorem & augmentum coronæ meæ spectat, de tertio Archiepiscopatu in regno meo reformando, Archidiaconum juvare deberem. Ad quod Episcopus sub risûs modici significantiâ. In hac, inquit, causâ contra vos essemus omnes, qui Cantuariensis Ecclesiæ Suffraganei sumus. Et Rex. O, si meum adjutorium haberet, quantum proficeret; qui sic Archiepiscopum vestrum & vos omnes solus & absque juvamine vexat? Misiâ verò completâ, cæteris cunctis emissis, Rex tunc Episcopis duobus Eliensi sc. & Norwicensi paucisque sectariis suis secum in Capellâ retentis, cœpit Eliensem Episcopum super Electione statim faciendâ & Pastore Menevensi Ecclesiæ de uno trium illorum Nominatorum providendo arctius consulere; præcipuè verò immo præcisè de Folio juxta consilium Archiepiscopi, ad cujus nutum timore magis quàm amore tunc cuncta fiebant, promovendo Regis propositum fuit. Eliensis autem appellationes ab Archidiacono interpositas & justas appellandi causas replicans ac recitans, Electionem ad præsens fieri non posse certis rationibus aperuit. Unde deliberatum ibidem erat; quatenus Rex Archiepiscopo & Justiciario scriberet, quòd quia propter superveniens impedimentum negotium tunc compleri non potuit, injunxit hoc in Angliâ coram ipsis de uno trium Nominatorum, quem magis idoneum reputarent, vel alio quolibet bono quem Canonici Menevenses adjicere vellent nominationi, compleri debere. Eliensis autem scriberet eisdem; quòd in adventu Collegæ sui Wygorniensis Episcopo scriberent ambo Capituli Menevensi, quatinus juxta tenorem mandati Apostolici ad electionem procederent de novo faciendam. Sic quoque deliberatum fuit. Sed Eliensi reverso, Clerici Capellæ fautores Archiepiscopi & Sigillarius Regis, qui sub Archiepiscopo militabat, sic formam corruerunt; ut electionem facerent de uno trium Nominatorum vel alio quolibet idoneo dictæ nominationi addito, excepto tamen Giraldo Archidiacono & Walensi quolibet. Eâ verò nocte venientes Clerici Menevenses ad hospitium Eliensis, & Archidiaconum ibi invenientes, retulerunt Episcopo qualiter post ejus discessum mutata est forma. Quibus Episcopus ait, quòd ipso præsentè nulla fuit exceptio facta. Subjecit etiam, quòd multoties audierat de literis tam mari quàm terrâ perditis; innuens istas similiter vel simulatoriè perdi posse. Hoc autem propter Archidiaconum dicebat, cujus promotionem multum affectabat. Invenit autem Archidiaconus ibidem juvenem sc. Katwathlanum filium Ivori cognatum suum Regi militantem in guerrâ suâ; qui ipsum abunde, quamdiu in partibus illis extitit, sumptibus suis exhibuit; eique mutuum ad absolvenda debita, necnon etiam sumptus usque in Walliam invenit. Archiepiscopus quoque Rothomagensis Walterus de Constantiis, vir eximius, ipsum cum honore suscepit; & donans eum munere competenti, donarium suum verbis adornans ait. Archidiaconus iste per ignaviam aut desidiam de jure suo vel Ecclesiæ suæ nichil amitteret; sed contra violentiam seu potentiam nimiam & exuberantem pecuniam vix se probitas quantalibet vix etiam æquitas ulla tueretur.

## DISTINCTIO VI.

**P**Eractis igitur his, quæ in partibus illis tunc peragi poterant, audiens Archidiaconus quòd Dominicâ proximâ post Assumptionem B. Mariæ Lincolniensis Electus Cantuariæ fuerat consecrandus; & quoniam Archiepiscopus



\* 1. Subdeca-  
num.

piscopus eodem die R. Foliotum, si negotium juxta dispositionem suam coram Rege processisset, tanquam Menevensem Electum confirmare proposuerat; ad mare deproperans, transfretare quàm citius & die præscripto Cantuariam venire curavit. Cùm itaque Suffraganeorum plurimi convenissent, Archiepiscopo apud Maidestoun graviter ægrotante, qui etiam vices suas Suffraganeis tunc commiserat, post multam contentionem & altercationem inter Londoniensem Episcoporum Decanum & Roffensem Archiepiscopi Cantuariensis Capellanum sc. Gilbertum, necnon & Wintoniensem Godefridum Suffraganeorum \* Subdiaconum, tandem per concordiam amicabilem Lincolniensis Electus sc. Willelmus de Bleis à Londoniensi est consecratus. In ipsâ verò Consecratione confidentibus Episcopis coram altari principali Pontificaliter insignitis, cùm in publicâ audientiâ literæ legerentur Episcoporum Walliæ duorum Landavenfis Henrici & Laneluensis Reineri, quibus absentiam suam excusabant & assensum tamen Consecrationi dabant; dixit Roffensis Episcopus ad Giraldum Archidiaconum ibi cum aliis tunc sedentem. Palam & publicè nunc videre potestis, quid faciunt Episcopi Walliæ, & quòd se Cantuariensi Ecclesiæ subditos esse recognoscunt. Ad quod Archidiaconus. Non displicet nobis, si faciunt illi quod facere debent. Veruntamen hæc equidem vis est; & nos non quid fiat sed quid fieri debeat enucleare debemus. Ibidem etiam priusquam ab Ecclesiâ discederent; coram Episcopis cunctis & Officialibus Archiepiscopi totoque Clero Giraldus Archidiaconus appellationem suam coram Eliensi Episcopo factam in Normanniâ renovavit; rationes etiam replicando, & singulos tres Nominatos singulorum criminum objectione reprobando. Post hæc autem relictâ post tergum Cantiam, versùs Oxoniam & intimas Angliæ partes profectus, citatorias Judicum literas tam Eboracensium super statu & expensis, quàm Eliensis & Wigorniensis super electione & negotiis variis, nunciis illuc missis & aliis trans mare relictis, sumptuosius obtinere laboribus procuravit. Interim etiam audiens Archiepiscopum, qui jam convaluerat, Suffraganeos suos Londoniam convocasse; ad renovandum jam tertio coram ipso, quod coram Eliensi primò & coram Suffraganeis secundò factum fuerat, Clericos suos cum literis suis illuc transmissit; & ipse tum demum nichil ex contingentibus omittens & tamen amittens, versùs Walliam acceleravit.

“ Venerabili Domino & Patri Huberto Dei gratiâ Cantuariensi Archiepiscopo Giraldus Archidiaconus de Brechene salutem. Notum facimus vestræ Paternitati; quòd appellationem, quam in Normanniâ fecimus coram Domino Eliensi Episcopo Judice nostro, & postmodum Cantuariæ coram Episcopis & Suffraganeis & Officialibus vestris, qui consecrationi Domini Lincolniensis intererant, & nunc quoque coram vobis tam literis his præsentibus quàm & vivâ voce nostrorum palam & publicè renovamus: prohibentes & præsentiam Domini Papæ constanter appellantes; ne ad aliquam nominationem vel electionem procedatur; priusquam literæ Judicum, quibus electionis faciendæ commissæ est provisio juxta formam mandati Apostolici, Capitulo Menevensi transmissæ fuerint, vel etiam citra præsentiam nostram vel assensum, qui Canonicus sum Ecclesiæ illius & Archidiaconus & custos etiam à Domino Papâ constitutus. Præcipuè quidem appellamus; ne de quoquam illorum trium nunc nominatorum, cùm illegitimæ personæ sint ad eligendum, electio fiat. Abbas enim S. Dogmaelis illiteratus omnino est; sicut tam per Judicum relationem quàm per testes etiam suæ partis quinque vel sex Romæ probatum est; & ambitiosus, qui post electionem meam, quam non ignoravit, necdum cassatam se supereligi consensit & superintrudi. Administrationem etiam Episcopatus Laicâ manu suscepit nondum confirmatus; sicut etiam testes suæ partis plures probaverunt; & eum, qui ipsam auctoritate Domini Papæ possedit, inde spoliavit.

“avit. Abbas autem Albæ Domûs illegitimè natus & ambitiosissimus, & ob  
 “hoc Domûs suæ dilapidator & destructor effectus. R. verò Foliotus, qui  
 “paulò antè puer impurus, nunc adultus, in omnem libidinem pronus ac pro-  
 “fluus, & testè prole recente & adhuc in cunis vagiente sexûs utriusque cre-  
 “berrimâ incontinentissimus. Ad hæc etiam perjurus Ecclesiæ suæ & hostis  
 “publicus; quare nec in eâ promoveri debet ullatenus, nec etiam in aliquam  
 “beneficii ejus dein portionem dimitti; qui libertatem ipsius & dignitatem  
 “totis nuper impugnare nisibus non erubuit. Hæc autem singula probare pa-  
 “rati erimus locis & temporibus suis. Unde ne aliquis illorum eligatur; aut  
 “si eligi fortè præsumeretur, ne confirmatio vestra sequatur, appellamus.  
 “Valeat in Domino Paternitas vestra.

Thinemudus autem per auxilium Lugdunensis Archiepiscopi interim à capti-  
 vitate qua tenebatur & carcere, quanquam non absque gravamine & redemp-  
 tione gravi, vix elapsus, cum in Angliam veniret, indignationem Domini sui  
 propter pecuniam quam Romæ profuderat tantam, nec tamen causam Statûs  
 extinxerat, incurrit; adeò quòd per XV. dies vel plures coram ipso compare-  
 re non prævalens, virorum interventu denique magnorum vix reconciliari va-  
 luit & reformari.

Interim autem Archidiaconus in Walliam veniens, ne nusquam turbatione,  
 nusquam persecutione vacaret, invenit Archidiaconatum suum de Brechene  
 per Judices illos de Marchiâ toties nominatos & notatos & ob favorem Archie-  
 piscopi tam repentinos, valde turbatum. Ad sententiam enim suam effectui  
 mancipandam & executioni mandandam Priores de Lanthothi & Aberthothi  
 Executores dederant; qui procuratores Archidiaconi archiadversario insti-  
 gante per crebras citationes & edicta plurima jam peremptoriâ sic vexaverant;  
 quòd nullum sibi remedium, nullum defensionis adminiculum; quin redditus  
 Archidiaconi partium illarum omnes in manus adversariorum verterentur ad  
 summam pecuniæ prædictam CLXX. marcarum adquietandam noverant de  
 cætero providere. Archidiaconus autem, cujus intererat tum pro damno,  
 quod non modicum inde proveniret, tum propter dedecus quidem & hostilem  
 insultationem non mediocriter anxius existens, ad artem istam arte deluden-  
 dam totius ingenii totius industriæ vires exercuit. Primum itaque diem post  
 adventum suum, quoniam appellationis locus non erat, cum ab executione  
 non appelletur nisi modum executores exceßerint, per procuratores suos quos  
 deposuerat & novos qui citati non fuerant substituerat, delusit. Secundum  
 autem, quo Archidiaconum ipsum citaverant, totumque negotium ad nutum  
 Archiepiscopi consummare speraverant, sic delusit. Bladum Ecclesiæ de  
 Landu & omnes proventus Archidiaconatûs per triennale spatium duobus  
 Burgensibus de Aberthothi privilegio cruciferorum, quia priusquam iter arri-  
 puisset ad Curiam, Crucem humero resumpsit, se pervendidisse & denarios  
 propter Ecclesiæ suæ negotia præ manibus acceptos expendisse exquisitâ simu-  
 latione quasi pro certo proposuit. Interim autem mercatores bladum totum  
 exportârunt; adeò ut executores ad diem secundum venientes nichil præter  
 horrea vacua reperirent. Erant autem literæ citatoriæ tales.

“Viro venerabili Giraldo Archidiacono de Brechene G. de Lanthonei & I.  
 “de Brechene Priores salutem in Domino. Quia ad diem præfixum in Ca-  
 “pellâ S. Mariæ de Cruco-hel executioni faciendæ à viris venerabilibus Abba-  
 “te de Wigemore & Priore de Weneloch & Magistro A. de Brumfeldâ nobis  
 “comissæ de centum Marcis, in quibus auctoritate Apostolicâ Abbati de Sancto  
 “Domuele, & XL. Marcis O. Archidiacono de Kermerthin, & de XXX.  
 “Marcis Magistro R. Foliot, vos condemnauerunt, præsentiam vestram ex-  
 “hibere non curastis; licet non minùs in executione processisse potuissemus;  
 “tamen de benignitate vos duximus commonere; quatinus quàm celerius  
 “præfatis petitoribus plenius satisfaciatis: scituri, quòd nisi feceritis, nos  
 [ H h h h ] “auctoritate



“ auctoritate præfatorum Judicum in Vigiliâ S. Matthæi Apostoli in Ecclesiâ  
 “ de Landu, quod nobis ab eis injunctum est, plenius exequemur. Valete.

Sed mercatores cartas & munimenta triennalis conventionis, quibus præmuniti fuerant, prætendentes, cum viris discretis & viris peritis sibi adjunctis; quoniam in contractibus hujusmodi qui prior est tempore, prior erit & jure; tam executores quàm adversarios vacuos & confusos remisissent. Et paulò post Judices illi repentini literas susceperunt à principalibus Judicibus Archidiaconi directas, potestatem ipsorum revocantes & quod actum ab ipsis perperam fuerat irritantes. Tunc etiam singuli adversarii majores tam excommunicatos quàm spoliatores Archidiaconi literas citatorias non absque labore quasitas susceperunt.

Archidiaconus autem per montana de Buelth & Kerdigaun versus Meneviâ interim tendens, O. Archidiaconum de Keirmerthin missum ab Archiepiscopo præcursorem ad impediendum literis cum ejus & Justiciarii Baillivo de Pembroch, sc. N. Avenel, directis accepit. Quibus ille susceptis, Meneviâ præveniendo feriâ sextâ concito cursu properavit. Dominicâ namque sequente, ut coram Archidiacono Meneviæ comparerent, Canonici Menevenses mandatum susceperant. Unde cum nocte Sabbati præcedente apud Haverfordiam hospitatus esset; ibidem parum ante diem visum est in somno Capellano de Leurrenni Wilhelmo viro bono & honesto, cui rerum suarum in partibus illis Archidiaconus curam commiserat; quòd puer quidam extra parietem domus hunc sermonem quasi sub cantûs modulo ingeminabat. *Videris mirabilia, mirabilia videatis.* Et cum Presbiter corrigere vellet; clamans è contra, *Mirabilia videbitis*, puer impatiens correctionis semper repetebat ut ante, *Mirabilia videatis.* Tandem etiam hanc orationem altâ voce modulando pronuntiavit. *Ecclesiam tuam Domine miseratione continuata mundet & muniat; & quia sine te non potest salva consistere, tuo semper munere gubernetur.* In crastino verò cum iter ageret versùs Meneviâ Archidiaconus; retulit in publicâ comitantium audientiâ visionem suam Presbiter ille. Et statim Archidiaconus exponens ait. Aliquid fortè turbatum apud Meneviâ per Ballivum illum prævenientem inveniemus: Unde mirabimur. Priusquàm etiam à patriâ discefferimus; aliquid fortè magis admirandum nobis occurret. Quòd autem quasi subjunctivè *Videatis* dixit & non *Videbitis*; ac si diceret, hoc videndo tanquam meritorium sustineatis. Oratio verò, quam in fine cantilenæ subjunxit, satis Ecclesiæ Menevensi juxta statum temporis illius competere videtur; quia multum quidem ut muniretur indiguit & mundaretur.

Cum itaque transcursâ Rosinâ provinciâ non roseâ, saxosam de Pepidiauc patriam Archidiaconus & sui vario viam sermone levando jam intrâssent; ecce filius Samuelis præscripti missus à patre rogavit Archidiaconum; ut fratrem suum, quem Scolarem de Franciâ secum assumpserat, patri remitteret. Quia si in comitatu suo Meneviâ eum duceret, statim pater suus & proximi cuncti à publicis Officialibus spoliarentur. Retulit autem, qualiter Ballivus de Pembroch Canonicis ex parte Regis & Justiciarii pridie præceperat; quòd nullus eorum apud Meneviâ Archidiaconum expectaret. Cui mandato pronius & promptius ob hoc paruerunt; quòd priorem offensam subsequens beneficium, ut videbatur, complacavit. Cum enim nunciis suis à Rege reversis literas sub formâ præscriptâ nominationis & electionis de novo faciendæ & exceptione de quolibet Walensi factâ suscepissent; mœsti fuerant & anxii valde; adeò ut Giraldum Archidiaconum & ejus adventum tunc omnes desiderarent; palàm asserentes, quòd ipsum, quàm citò veniret, iterum eligerent. Dignum enim præ cæteris omnibus eum honore tunc prædicabant & promotione, in illâ præsertim Ecclesiâ, pro cujus dignitate sub tanto discrimine laboraverat, & quam à tanto incommodo tantâque peste sc. à Folio contra Regem & Archiepiscopum ac Justiciarium tam strenuè nuper in Norman-

niâ liberaverat. Hoc tamen non ideo dicebant, quòd vel Ecclesiæ suæ profectum appeterent vel Archidiaconi promotionem; sed ut hæc verba ipsorum ad Archiepiscopum per complices ipsius deferrentur; quatenus mandato fortè per hoc mutato vel temperato, suorum alicujus carnali, quo solo movebantur affectu, curare vel sic utcunque possent promotionem. Archiepiscopus autem de verbis ipsorum præmunitus & ut videbatur voluntate, literas eisdem tam suas quàm Justiciarii per O. Archidiaconum, & ipse per Ballivum de Pembroch destinavit; mandans quòd securè procederent ad electionem de quacunque personâ idoneâ cujuscunque nationis sive Walensicæ sive Hibernicæ sive alius cujuscunque, solâ exceptâ Giraldis personâ. Canonici autem ad hæc gavisi plurimum propter suorum, ad quam anhelabant, promotionem, devotè mandatis obtemperantes, ne coram Archidiacono in Capitulo comparerent, villam & Ecclesiam illico reliquerunt. Archidiaconus autem per filium Samuelis obiter, ut diximus, his auditis, alterum ejusdem filium, ne occasione ipsius damnum incurreret, patri remisit; & continuò comites ipsius de partibus illis ferè cuncti, præter Willelmum de Leurrenni, sc. Magistri Walterus & Galfridus de Haverfordiâ & alii, publicam timentes potestatem & imminentem persecutionem tantam, sumptâ licentiâ recesserunt. Archidiaconus autem eis in discessu dixit. Ecce somnium socii nostri; quia jam mirabilia videmus, & mirabiliora in brevi visuri sumus.

Accedens ergo ad Meneviam Archidiaconus, tanquam solo de partibus illis comitatus Acate, tantum in Ecclesiâ Vicarios invenit & Samuelem Excanonicum ab aliis relictum ad audiendum quæ proponeret Archidiaconus & respondendum. Jam enim solito gravius contra eundem conspiraverant omnes. Erat quippe quasi ibi partita de Wallensibus Menevensis Ecclesia, duos habens parietes valde diversos & etiam olim hostilitate contrarios, Jonæ sc. posteritatem & Johannis. Parietes autem duo; quorum unus à Johanne descendens propter Abbatem Albæ Domûs, qui ex ipsis erat, cujus carnaliter appetebant promotionem, Archidiacono se totis nisibus opponebat; & alter à Jonâ, qui hætenus Archidiaconi fautor extiterat. Post literas prædictas fraude plenas & deceptione transmissas de quolibet eligendo præter Giraldum Archidiaconum solum, facti sunt sub hoc tenore concordēs & amici; quòd Roberto Jonæ filio in nominatione tribus illis adjuncto tantum in alterutrum duorum eligendum, Abbatem sc. Albæ Domûs Petrum jam tunc apud Cistercium per operam Archidiaconi depositum, vel prædictum Robertum quanquam senio affectum & ferè decrepitum, sub sacramenti religione consentirent. Ob hoc igitur omnes tunc ibi residentes Archidiacono unanimiter & ex corde resistentes, quoniam coercionem timebant ejusdem propter auctoritatem sibi commissam & potestatem, per Samuelem & Vicarios ibi relictos appellârunt.

Archidiaconus autem jussit, quòd in ejus absentia & donec literas Judicum super hoc suscepissent, nominationem aut electionem nullam facerent; quoniam in statu, quo tunc erant, non poterat ipsos appellatio ulla tueri. Erant enim sui quotquot erant Excommunicati, & eo ipso ad electionem faciendam seu nominationem minus idonei. Eâ verò nocte propter publicæ potestatis prohibitionem, qui ipsum ibi hospitio susciperet, aut etiam qui loqui cum ipso extra Ecclesiam ausus esset, præter viduam pauperulam, quæ quia bonis vacua fuerat audacior erat, non invenit. Unde & in urbis introitu cum versùs Ecclesiam pedes descenderet; obvians ei matrona dixit. Multi Meneviæ dolentes sunt hodie, de Laicis loquens, quòd vos sicut decet & desiderant suscipere non possunt. Hoc itaque, sicut visio præmonuit, mirabile videri potuit; quòd tantam Menevensis Ecclesiæ columnam, qui propter ejusdem dignitatem patriæque totius honorem egregiè dimicabat, nec cives hospitio nec Canonici alloquio susciperent.

Recedens igitur in crastino Archidiaconus in finibus de Pembroch se suscepit. Cumque diebus aliquot moram ibi fecisset; convocato partium illarum Clero



feriâ quintâ ante Festum S. Michaelis in Ecclesiâ de Karreu generale Provinciæ illius Capitulum tenuit. Ubi inter ipsa statim initialia Presbiter quidam somnium suum, quod eâdem nocte viderat, propalavit. Videbatur enim ei; quodd cum Archidiaconus ibidem Capitulum teneret; venit quidam nuncians, quodd lupus equos suos in cœmeterio strangulabat. Nec mora: vidit lupum eundem Ecclesiam intrantem & ore aperto impetum in Archidiaconum facientem. Archidiaconus autem obviam illico procedens, primò capiti camum, postmodum ori frænum imposuit; deinde dorso sellam imponeus & frimter stringens, insiliit; & calcaribus urgens acutis, toto sequente Capitulo, lupum usque Meneviam equitavit. Nec mora. Ecce hora eâdem supervenit vir quidam inter proceres patriæ non modicus, cui nomen Robertus Ricardi filius; qui solus inter magnates terræ illius Archidiaconum nec sanguine nec affinitate contingebat. Hic statim ut canis rabidus Ecclesiam intrare præsumens, Archidiaconum ore sacrilego contumeliis & convitiis afficere, & perditorem Regis ac regni vocitando minis acerrimis interminari præsumpsit; & tanquam furiosus ac mente captus protinus exiliens, hostium domûs in ipso cœmeterio effringendo, equos Archidiaconi duos, quia non plures ibidem invenit, cum suis omnibus ibi repertis violenter abduxit. Archidiaconus autem ipsum illico auctoritate Domini Papæ, quaungebatur, publicè coram Capitulo vinculo anathematis innodavit. Sed ecce quàm citò visio de lupo & quàm evidenter evenit. Excommunicationis etenim onus camum & frænum & sellam attendas. Item visio quoque præmissa de mirabilibus visis & mirabilioribus videndis jam in hoc facto quoque completa fuit; cum ille contumeliis affectus fuerit & rebus spoliatus in patriâ, pro cuius honore se tantis laboribus tantisque periculis exponebat; & in illis quoque patriæ finibus, unde originem duxit, & ubi minùs etiam id ei accidere posse credi potuit. Locum autem & occasionem facinori dedit amicorum & proximorum partium illarum, qui viri magni fuerant, fortè fortuitu tunc absentia. Causam autem Archiepiscopi simul & Justiciarii petitio pariter & promissio.

Archiepiscopus enim propter tantam pecuniæ summam Romæ inutiliter effusam, cum causâ Statûs in statu fuerit statuque bono, dolens & præter modum anxius existens, adeò manum publicæ potestatis, quam ad nutum habebat, in Giraldum & suos solito sic durius aggravari fecerat; ut ubicunque repertus esset in regno, rebus omnibus & equitaturis literisque præcipuè tanquam publicus hostis spoliaretur, totaque sequela ipsius tam peditum quàm equitum, Clericorum pariter & servientium publicæ custodiæ traderetur, corpore Giraldi solum intacto & illæso sed non indemni relicto. Ubi autem in Angliâ conflatum hoc fuerat ac statutum; ibi facinorosum istum tunc casus advexerat; ibique statim id se facturum in Walliâ pepigit; qui nunquam facinus aliquod abhorruit, nunquam turpitudinem ullam evitavit. Unde cum Archidiaconi de cœmeterio equos abstraxit; homines ipsius & literas valde sollicitè quæsit. Sed fortuna, quæ Giraldi negotia pervertere solet & non ex toto tamen evertere, Clericis suis secum in Ecclesiâ tunc existentibus, servientes omnes cum saginariis & sarcinis ac literis per aliquot inde miliaria, ubi versûs Meneviam eâ nocte jacere disposuit, prædone hoc ignorante, præmiserat. Tunc etiam Ballivo patriæ contra Giraldum & suos mandata plurima maliciosus ille portavit. Quorum unum fuit; quodd omnes amici Giraldi, familiares & proximi variis gravaminibus vexarentur & bonorum spoliationibus affligerentur: quodd utique de minoribus ordinis utriusque viris illico factum fuit; majoribus, ut fieri solet, ac præpotentibus intactis penitus & illæsis. Nec mirum. Nam parcens corvis, vexat censura columbas. Diebus eisdem Miles quidam & vir linguæ dicacis, qui Devonix de partibus illuc nuper advenerat, in contumeliam Sancti Davidis & favorem Archidiaconi verba huiusmodi in publicâ audientiâ proferre præsumpsit. Archidiaconus iste miles esset bonus & strenuus;

nuus; si serviret Domino bono. Pugil hic egregius & propugnator; si validus ei patronus esset & protector. Porro fatuè magis quàm discretè locutus est vir iste, tanquam ignorans quòd ille, qui vindictam sibi reservari jubet & retributionem, longanimis est expectator sed gravissimus ultor; suosque quos recipit & quorum operas acceptat & opera, nunc ad probandum nunc ad purgandum graviter interdum vexat; ut intellectum adaugeat.

Interim autem literæ venerunt Judicum Eliensis & Wigorniensis Capitulo Menevensi directæ super Electione de novo faciendâ tam per nuncios Archidiaconi de partibus transmarinis, quàm etiam Archiepiscopi, qui totis nîsibus negotium accelerare contendit; quatenus infra duos menses post literarum susceptionem à Capitulo, quod ex toto corruerat ac deceperat, electio fieret. Alioquin sciens à Judicibus juxta mndati formam Apostolici pastorem Menevensi Ecclesiæ Judicium arbitrio præficiendum, proinde & per literas tam Justiciarii quàm suas Capitulo diem eligendi coram ipsis in Angliâ brevem admodum & arctum valde præfixit; & ut ipsos etiam animaret ad veniendum, per literas deceptorias tam Justiciarii quàm suas promissiones antea factas super Electione de quolibet sive de gremio Ecclesiæ suæ sive aliunde, excepto Giraldo Archidiacono solo, renovare curavit. Ut etiam Capitulum efficacius totum averteret à Giraldo, quinque vel sex tam de membris Ecclesiæ quàm ipso corpore, per quos in Ecclesiâ se melius partes & scismata facere posse cognoverat, cathedram Menevensi, si Giraldum amovere posset, sub firmâ sponsonem & certâ cautione Clero promiserat. Unde quoniam ad proprios singuli profectus carnali prorsus affectione tendebant, factum est utique, ut ad communem Ecclesiæ patriæque totius utilitatem intentionis aciem non dirigerent. Unicam tamen Ecclesiæ personam excipimus, meritò tam impræsenti- arum quàm in posterum laude dignissimam, sc. Henricum Roberti filium; qui utinam tam corpore sanus ac validus quàm mente & corde fuisset. Hic etenim inter residentes solus zelo Ecclesiæ suæ ab initio & usque in finem Giraldo firmiter & inseparabiliter adhæsit; nec unquam blanditiis ab ipso vel promissionibus, unquam minis aut terroribus seu rerum quoque spoliationibus, animo potuit alienari.

Videns itaque Giraldus Capitulum suum per astutiam Archiepiscopi corruptum penitus & in devium datum, illo solùm excepto; videns etiam & attendens, quòd nisi objectum ab ipso fuerit, Ecclesiæ Menevensi pastor inutilis præficeretur; zelo Ecclesiæ suæ & honoris patriæ, quibus revera magis quàm sibi se natum esse credebat, laborandum adhuc & viriliter decertandum sub quocunque discrimine disponebat. Accedens igitur ad nepotem suum & filium fratris optimi, Willelmum de Barri, juvenem indolis egregiæ & à paternâ virtute non degenerem, equis ab ipso sumptis & viæ necessariis, versus Angliam iter accelerans, tam silvestria Demetiæ penetrans quàm Kereticæ montana solita vivacitate transcendens, per provinciam de Buelth usque Brecheniauc absque cunctatione descendit. Ubi quanquam rumores persecutionis in Angliâ & quasi conspirationis nuper in se suosque graviter adauctæ crebros ac certos cotidie susciperet; quoniam adversis frangi non potuit, animum ad difficilia præparans & obdurans, iter suum in Angliam & per Angliam in hunc modum ordinavit. Literas & originalia scripta per nuncium fidelem & paucis tamen cognitum ante faciem suam omni manè quasi per duo vel tria passuum millia præmittebat, & alium similiter cum pecuniâ suâ quasi per simile spatium illum evestigio subsequenter: quatinus ipso intercepto, si sic accideret, raptores argentum & plumbum non reperirent. Item publicas stratas & urbes populosas, quoad licuit, evitavit. Item per exquisitam industriam ac providentiam Clericum promptum habuit & præparatum; qui statim audiens captionem suam & detentionem, cum simplicibus necessariis ac literis ipsius jam paratis, ac si res accidisset, ad Curiam Romanam propter ejusdem liberationem festi-  
num



num iter arriperet. Hac etiam oratione crebrius dicta & devotius repetita se prae munire curavit. *Omnipotens & misericors Deus, universa nobis adversantia propitiatus exclude; ut mente ac corpore pariter expediti quae tua sunt liberis actibus exequamur.* Sic itaque Giraldus contra casus adversos tali providentiâ prae munitus & armatus, de Walliâ in Angliam usque Londonias & Exessiam longis diæris & continuis acceleravit; ubi & Archiepiscopum inveniens apud Waltam & Canonicos Menevenses illuc convocatos, audacter intravit; & appellationem toties literis & nunciis factam, ne citra assensum ipsius ullatenus aut de quoquam trium illorum nominatorum Electio fieret, in publicâ audientiâ renovavit. Rogavit etiam Archiepiscopum; quatenus sententiam in spoliatorum suum Robertum filium Ricardi datam confirmaret. Ipse verò conscius rei tanquam instinctu ipsius atque favore perpetratae, cavillationes quærens, & ne faceret quod petebatur & ad quod tenebatur, defensiones præ tendit; & legi fecit literas adversariunculi cujusdam Archidiaconi, Prioris sc. de Pembroch Fullonis, testificantes prædictum prædonem in Capitulo coram ipso & aliis ante sententiam datam appellasse. Verum autem hoc fuit, quod facinorosus ille, quem nichil unquam puduit quod vel bonos mores vel etiam jura naturæ violaret, appellationis abutens remedio, statim intrans Ecclesiam appellavit; & continuo, tanquam de indemnitate per hoc securus, sacrilegium perpetravit. Archidiaconus autem Archiepiscopo respondit; quod prædones publicos, sicut jure cautum est, nulla tueretur appellatio, quod ipse quoque ignorare non debuit; & quod sententia auctoritate Domini Papæ data, etsi nulla minoris fulta fuerit confirmatione, nichilominus plenum sortitur effectum.

Interim autem cum post dies octo ad electionem faciendam Londoniis Canonici convenirent; nichil ex contingentibus omittens Archidiaconus, quanquam suo suorumque periculo gravi, Deo sanctoque Davidi, pro quorum laborabat honore, totum committens, propriâ interesse personâ curavit. Feria itaque quartâ ante Festum S. Martini manè ad Archiepiscopum accedens apud Lameiam, præter appellationes super electione præter assensum ipsius atque præsentiam non faciendâ publicè renovavit: postmodum ad Justiciarium apud Westmonasterium ex alterâ ripæ parte transnavigavit: qui ut Archidiaconum aspexit, statim minis intonare cœpit. Sed tamen, quia vir modestus erat & moderatus: verum quoniam, ut ait Solomon; <sup>a</sup> *Verbum exasperans suscitatur furem: responsio mollis frangit iram:* prudenti sermone mitigatus, procedens à Scaccario ad Capellam S. Caterinæ, ubi Canonici Menevenses propter electionem faciendam simul cum Clericis Archiepiscopi collecti fuerant, Archidiaconum secum adduxit. Juxta morem enim Anglicanæ tyrannidis, quia coram Rege vel ejus Capitali Justiciario fieri solent Electiones, tam Canonicos quàm Clericos suos Archiepiscopus illuc mittens, se per industriam absentavit; quatenus quod extraordinariè facere parabant, sibi ascribi non posset; cum tamen per ejus omnia fierent machinationem. Inter cæteras enim, quibus abundabat, astutias, maximè in hoc abundavit; ut cum omnia per ipsum fierent; mirâ tamen simulatione pariter & dissimulatione nichil facere videretur.

Inprimis itaque Justiciarius Archidiaconum seorsim ad se vocatum eum secretiùs convenit, dissuadens ei modis omnibus; ne in quenquam de Ecclesiâ suâ vel terrâ, qui proditores sui fuerant & perjuri, consentiret; sed sicut ipsi nec fidem Ecclesiæ suæ vel patriæ respicientes utilitatem ei & Ecclesiæ suæ defecerunt, ipsum excludentes à nominatione; sic talionem ipsis reddens, eos omnes excluderet ab electione. Et quoniam ei tam Ecclesia sua quàm etiam Curia Romana defecerat; aliquem nominaret extraneum virum probum & in nullo sibi contrarium, in quem consentiret; & perfidos illos adversarios suos prorsus excluderet. Archidiaconus autem quoniam id ipsum intus agebat, facile ad hanc suasionem aurem accommodans, & ne personæ suæ magis quàm Ecclesiæ

<sup>a</sup> Prov. XV. 1.

Ecclesie profectui studere videretur, duas ei personas de Normannia, quæ nostra majori ex parte adhuc fuerat, Decanum sc. Rothomagensẽ Ricardum, & Archidiaconum ejusdem Ecclesie Augensẽ Philippum, quorum uterque vir probus erat & discretus, & ex Trojano sanguine, sicut & nostrates, originaliter propagatus. Justiciarius autem, quia neutrum illorum se nosse dicebat, petiit; ut alias in Angliã personas idoneas & sibi notas, quas nominare vellet, excogitaret. Post hæc autem, sumptã de Justiciario licentiã, Canonici Menevenses quinque vel sex, qui missi fuerant, Archidiaconum seorsim duxerunt; ipsum inducere nitentes, quatinus in aliquem de corpore Ecclesie suæ vel saltem de membris simul cum ipsis consentiret. Et cum plures Archidiacono nominassent, primò Canonicos, dehinc Abbates, postremò Priores; ipse memor nominationis quam fecerant apud Normanniam, à qua tam facile ipsum excluderant, nec unquam cum ipso vel etiam cum Ecclesia fideliter steterant, omnes recusavit; rationes etiam ac causas irrefragabiles contra singulos assignavit. Tandem verò Priorem Lantonie Galfridum tanquam Menevensis Ecclesie membrum ei obtulerunt. Quem nichilominus recusavit, duas assignans causas; quòd Cathedram hanc ambierat ab initio, & quòd commensalis erat Archiepiscopi & tanquam ipsius de familiã, Unde quæstionem super statu & dignitate Menevensis Ecclesie nunquam ab ipso suscitandam poterat esse perspicuum.

In crastino die sc. Dominicã convenientibus illis ibidem coram Justiciario, temptavit adhuc animum ipse Archidiaconi, monens secretius, quatinus aliquos de Angliã viros bonos nominaret, & nullos de Walliã, quos proditores ejus esse dicebat & deceptores. Archidiaconus autem tunc ei duos, Decanum sc. Lincolnie Rogerum & Archidiaconum Oxoniensẽ Walterum Map, nominavit, quos ipse viros bonos & honestos esse dicebat; sed aliquos, qui de Angliã essent oriundi & Wallie tamen magis intimi, morum gentis utriusque non ignari, ipsum nominare suadebat. Ipse verò duos alios, Decanum sc. Herefordensẽ M. Hugonem de Mapenor, & ejusdem Ecclesie Præcentorem Willelmum Foliot, tunc ei nominavit. Quos commendans ille, quæsit quare Priorem Lantonie, qui vir probus erat & honestus, recusaret; cui præscriptas causas assignavit; illamque præcipue, quòd quasi de familiã fuit Archiepiscopi & ejus commensalis, ideoque nunquam ei quæstionem statûs Menevensis Ecclesie suscitaret. Cum itaque multis ei verbis, ut Priorem illum nominaret, suassisset, nec persuassisset; negotium totum usque in crastinum est protelatum. Manẽ verò feriã secundã & S. Martini vigiliã cum loco præscripto convenissent; Justiciarius iterum Priorem Lantonie nominandum totis suadere nisibus non cessavit. In hunc etenim promovendum Archiepiscopi simul & Justiciarii tunc vota concurrerant. Ille namque medicum suum promoveri, iste verò Prioratum Lantonie genero suo Henrico de Boum vacantem reddere contendebat. Porro quoniam Archidiaconus ad consensum induci non potuit; ceteri Canonici Menevenses spe fraudati ad postulandum virum prædictum tam prece quàm pretio, præmiis quoque tam præmissis quàm promissis, sunt allecti. Quo facto, & à Justiciario, sicut moris est in Angliã, concesso, quanquam Archidiacono contradicente & appellante, ceteri vocibus altis in canticum laudis eruperunt. Pauci tamen ibidem de corpore Menevensis Ecclesie vel nulli fuerant, quorum vota verè cum vocibus consonarunt. Archidiaconus autem Giraldus, finito cantico sedatoque tumultu, in hujuscemodi verba prorupit. Vocalia quidem vel mentalia cantata est hîc cantilena; quæ proculdubio discantabitur. Appellavimus enim contra personam istam, causas præscriptas assignando; & adhuc appellamus.

Cum itaque Justiciarius per Capellam & Clausum Monachorum versùs Capitulum, ubi ipsum Archiepiscopus expectabat, cum turbâ sequaci incederet



deret multâ; Archidiaconus, qui cum certo proposito contradicendi quoque coram Archiepiscopo & appellandi, ne vel Electionem talem confirmaret, vel sic Electum præsumeret ullatenus consecrare, cum aliis euestigio sequebatur, subito secum eundo recolere cœpit Curia Romanæ vices & vitia, cui nemo contra pecuniam inniti potest; cœpit & miserrimi Menevensis Capituli mores detestabiles, inconstantiam sc. & impudicitiam, falsitatem & fraudulentiam, animo revolvere; & quod pro tali collegio seu consortio fortunæ pericula tanta viro prudenti & toties hæc experto minimè fuerant ampliùs attemptanda. Considerans quoque personam Electi, quod nunquam, sicut alii, palam sibi præsumperat adversari, & quod membrum fuit Ecclesiæ suæ; satisque pro victoriâ reputans adversarios omnes suo desiderio defraudasse: subito mutatus, palam in Capitulo sic proposuit aut proponere potuit. "Satis hætenus  
 "certavi; satis & sufficienter nec inutiliter laboravi; qui jus Ecclesiæ nostræ  
 "tanto sopitum quinimo quasi sepultum tempore in tantâ audientiâ resuscitavi; jusque proprium nec segniter nec ignaviter contra tot obstacula sum  
 "prosecutus. Unde & huic Electioni à quibusdam ex nostris factæ de viro,  
 "ut creditur, bono, ne pertinax & perpes contradictor inveniar, assensum  
 "præbeo; si tamen focii & complices nostri, sc. Archidiaconus de Keirdigaun Mauricius & Canonici nostri, quorum nunc in Hiberniâ est conversatio, tres vel quatuor, consentire voluerint. Archiepiscopus autem & Justiciarius cum universo cœtu valde sunt admirati quidem & exhilarati; quod voluntati ipsorum tam subito & ex insperato condescendit; gratias referentes & rogantes, quatinus ad prætaxatos plenius alliciendum & quod bene cœperat jam optime perficiendum operam adhiberet.

Hic itaque concione pariter & urbe relictâ, versùs Oxoniam Archidiaconus iter incunctanter arripuit. Nec mora: sed quasi per mille jam passus à Londoniis elongatus, duos ab Archiepiscopo missos euestigio sequentes, Honorium sc. Archidiaconum Rechemontanum & Johannem Tinemudum suscepit; qui ad pacis bonum & concordia plenè sc. & perfectè inter Archidiaconum & Dominum suum fideliter laborantes, tandem ad hoc pervenerunt; quod super duos Episcopos, Eliensem sc. Eustachium ab Archidiacono electum, & Londoniensem Willelmum ab Archiepiscopo, tanquam arbitros tota inter ipsos controversia termino statuto sedanda poneretur, tam de statu Menevensis Ecclesiæ sc. quàm expensis; de quorum utroque citationem jam susceperat Archiepiscopus, necnon & super Electi sui confirmatione non impediendâ vel consecratione. Cùm ergo ad hoc die statuto, sc. in crastino S. Nicholai, Londoniis convenirent; quò tunc non solum prænominati Episcopi duo sed & cuncti ferè Suffraganei propter Electum Menevensensem consecrandum fuerant convocati; inprimis ad pacem formandam inter Archiepiscopum & Archidiaconum prædicti Episcopi duo sunt conversi. Post varias itaque deliberationes & consilia multa, demum quoniam in quæstione status solus extiterat, quia nec Ecclesia sua cum ipso stabat, nec Curia Romanæ, sicut expertus jam fuerat, inniti poterat; ad supersedendum huic causæ, quamdiu vixerit Archiepiscopus iste tam pecuniosus & tam potens, Archidiaconum induxerunt. Archiepiscopum autem prætaxatam à Papâ pecuniam expensarum nomine Archidiacono solvere compulerunt. Ad hæc etiam ut obligator ei foret Archidiaconus, & ob hoc ipse de illo securior; LX. Marcarum redditus ecclesiasticos ut ei conferret, in fide consuluerunt. Quorum monitis obtemperans & consiliis, partem quidem fideliter absolvit; partem verò non longè post morte præventus persolvere non potuit. His igitur ita peractis, cùm ad consecrandum Electum suum Archiepiscopus accederet; primò convocatis Suffraganeis & Archidiacono Giraldo à Judicibus super Electione de novo faciendâ à Domino Papâ constitutis, Eliensi sc. Eustachio & Wigornienti Malgero, porrectæ sunt literæ, quæ superius inter alias postremò impetratas poterunt

inveniri. In clausulâ quasi penultimâ per operam Giraldi appositâ præcepit Papa Judicibus; quatinus provideant, ne ab Electo Menevensi cautio præstetur, quo minùs Ecclesiæ jura prosequi possit. Lectis autem literis ex parte Domini Papæ, Judices præceperunt tam Archiepiscopo ne talem cautionem exigeret, quàm etiam Electo quòd non exhiberet. Quibus ita completis, rite & absque impedimento celebrata est Consecratio.

Videns igitur & attendens per tot experimenta fidem in fratribus & Concanonicis suis ferè nullam, & honestatem minimam, de talium consortio, qui præter cæteros excessus multos toties tam Ecclesiæ suæ quàm sibi perjuri sunt, se de cætero fore, indecens esse dum cogitat; accedens ad Archiepiscopum, hunc animi sui conceptum, quem decoctâ sibi maturitate firmaverat, secretiùs eidem revelavit; rogans quatinus erga Episcopum Menevensem, qui nichil ei in hac novitate negaret, ut nepoti suo tunc adolescentulo, quem secum ad hoc duxerat, Archidiaconatus suus cum Præbendâ conferretur, diligentiam adhiberet. Adjiciens etiam, ut melius ad hoc induci possit, quòd securior hoc factò, cùm ipse de corpore Menevensis Ecclesiæ non fuerit, fieri posset; quòd controversiam ei super Statu de cætero non moveret. Archiepiscopus autem quanquam in primis hæsitans & circumventionem timens, tandem communicato cum suis consilio, se facturum id concessit: Dum tamen & de nepote, quòd nec ipse quæstionem Statûs ei suo in tempore suscitaret, securus existeret. Sic ergo factâ primùm ab Archidiacono resignatione, Menevensis Episcopus ad petitionem Archiepiscopi nepotem Archidiaconi de Præbendâ de Martru canonicavit, & de Brecheniauc Archidiaconum instituit. Consequenter etiam per nepotis præsentationem & petitionem Magistrum Giraldum ad perpetuam & liberam utriusque redditûs administrationem Episcopus suscepit; Archiepiscopo quidem id totum procurante & auctoritatem suam adhibente.

Plures autem facti istius causæ fuerant. Prima est assignata. Secunda verò quòd nunquam propositi ipsius fuerat in tali officio, ubi tot exactiones tot delinquendi emergunt occasiones, finalem mortis malleum expectare. Tertia est quæ superiùs est assignata; quòd illi veterano Archidiacono priori & prædecessori, quanquam non immeritò, dignitas illa quasi per violentiam, quia per Legationis potentiam, est sublata. Quarta verò, quòd in generali illâ Crucis signatione, priusquam ipse Regis ad instantiam & Archiepiscopi necnon & Justiciarii humero signum assumeret, Ecclesias suas & Præbendas, quas per amicorum operam vel per Curix sequelam non absque conscientix scrupulo adeptus fuerat in Angliâ sc. & Walliâ, in manu Archiepiscopi Baldwini resignavit. Et ipse custodiam earundem usque ad reditum ipsorum de Jerosolimis Archidiacono quasi per manum suam & indulgentiam permissivam assignavit. Unde revera custos earum tantum & non rector exinde fuit. Urgens igitur inter alios hæc quoque causâ videri potuit. Quinta verò nonnulla fuit, quòd ille Archidiaconi totiens præsignatus frater optimus, cùm primum Romanum iter arriperet, in ipso deductu & ultimo discessu non absque lacrimis ei supplicavit; quatinus hunc filium suum natu juniorem, cui & in baptismo nomen patrium dederat, & ejusdem intuitu ipsum literis addictum Clericatu assignaverat, in redditibus Ecclesiasticis, præcipuè quidem Archidiaconatu suo & Præbendâ, loco & tempore promovere curaret; eique dilectionem redderet, quam ab ineunte ætate erga fratrem frater habuerat. Pluries igitur ad nepotem hunc suum, quem quasi creavit & amplis redditibus beneficiavit, versibus his Virgilianis, quibus Æneas ad filium loquens introducit, apostrophare solebat.

*Disce puer virtutem ex me verumque laborem,  
Fortunam ex aliis.*



## DISTINCTIO VII.

Quærens. **L**ongo nos sermone, sed à materiâ nec elongato nec tædioſo, quia bonorum verborum, ut ait Symmachus, difficilis est ſa-  
tietas, nec quicquam durius ſumitur quàm orationis placitæ citus tranſitus,  
de Giraldi laboribus & rerum gerendarum proſecutionibus juxta deſiderium  
noſtrum & petitionis affectum plenè recitâſtis. Sed ſicut ab initio diximus  
& admirati fuimus; ſic & nunc quoque poſt audita Giraldi propter Eccleſiæ  
ſuæ dignitatem certamina tanta, longè majori jam ſtupore percuſſi ſumus;  
quòd miſeri Menevenſes Canonici virum talem, tam egregium, Eccleſiæ ſuæ  
patriæque toti tam proficuum, Sedē vacante, non elegerunt; quinimo quòd  
invitum proſus & renitentem totis viribus & niſibus non aſſumpſerunt.

Solvens. Hoc proculdubio feciſſent, quod vos aliiſque multi & magni viri  
ipſos non feciſſe mirantur; ſi Eccleſiam ſuam jure debito dilexiſſent. Porro  
putaſne quòd Eccleſiam Menevenſem diligant? Eccleſiæ bona, quibus alun-  
tur, illa quidem diligunt; Eccleſiam ipſam minimè, licèt ſub aliſ ejus nati &  
bonis ipſius educati. Res etenim non principales ſed acceſſorias, non ſubſtan-  
tias ipſas ſed ſubſtantiarum circumſtantias totis affectibus amplectuntur. Ad  
hoc autem argumentum ex hoc aſſumere poſes; quòd poſt corruptionem & ſe-  
ductionem ab Archiepiſcopo factam, quoties coram ipſo ſuper quæſtione Sta-  
tûs mentio fiebat; ut Archiepiſcopum dictis ſicut & factis placare poſſent,  
& ut Cantuarienſes exinde non Menevenſes apparerent; dicere in publica au-  
dientiâ conſueverunt, quòd deliratio fuit Archidiaconi Giraldi petitio & vana  
vexatio. Quod enim olim de jure Menevenſis Eccleſiæ Metropolitico dici ſo-  
let, fabuloſum omnino fuerat & non historicum: unde & inter fabulas de  
Arturo connumerandum. Verùm animadverſio divina injurias Sancti ſui ſic  
in brevi poſtmodum vindicavit; quòd ferè majores cunctos tam Archidiaconoſ  
quàm Abbates necnon & Canonicos ſimplices Eccleſiæ Sancti Davidis pro-  
terviter adverſantes infra modicum tempus vel honore vel vitâ, quemadmo-  
dum ſatis eſt notum, virtus divina privavit. Nec mirum quidem, ſi miſeros  
illos & perpeti miſeriâ digniſſimos ultio divina conſumpſit; qui contra Ec-  
cleſiæ ſuæ Sanctique Davidis honorem & dignitatem tam irreverenter & im-  
pudenter ex adverſo ſtare præſumpſerunt; & humanam inſultationem & irri-  
ſionem aut divinam etiam ob hoc vindictam gravem incurrere nec veriti qui-  
dem nec verecundati fuerunt; propter quod & illum, quem præcipuum in  
diſtincto examine, ſi non demeruiſſent, patronum habere deberent & deſenſo-  
rem, adverſarium fortem & aſperum ibi invenire meruerunt accuſatorem.  
Quiſque Electum ſuum & talem Electum, pugilem ſc. Menevenſis Eccleſiæ  
validum & propugnatorem egregium, ob partis adverſæ favorem publicis  
perjuriis abjuraverunt; & adulterinam Abbatis electionem longè poſterius  
factam priorem fuiſſe Sacramentis execrabilibus aſſeruerunt, & ſic ſpirituale  
matrimonium inter Electum & Eccleſiam eligentem legitime contractum  
quoad Eccleſiam militantem, quæ falli plerunque ſolet, per falſa inſtrumenta  
& teſtimonia frivola dirimi facientes; pœnalis adulterii quoad triumphantem,  
quæ nec decipi poteſt nec irrideri, proculdubio rei tenentur.

Miſeri itaque Menevenſes immo miſerrimi, quia miſeriâ digniſſimi, paſ-  
ſimque perjuri, & perpetuò infames effecti; nec Clerici dicendi, quia nec  
ordinem Clericalem nec Ordinum etiam ipſorum characterem digne ſortiti;  
& quoniam abſque regulâ proſus & normâ ſine lege degentes, & ſœdis con-  
cubinis ſuis turpiter adhærentes; non Canonici quidem ſed Concubinarij ſunt  
dicendi.

dicendi. Veruntamen eorundem Ecclesiam, circumscriptis dictis laboribus cunctisque propter Statum ejusdem factis, personali praesentia sua & tam eruditione probabili quam etiam libris suis egregiis toties ei gratuita liberalitate collatis Giraldus, in omnibus his ingratus quod non more ipsorum morigeratus, multis variisque modis tam his quam aliis pluries adornavit & honoravit. Ut quid autem haec iterare & Giraldi merita, quae longe ampliora sunt quam ut explicari per nos queant, recitare curamus? Non enim honori Ecclesiae suae intendunt miseri illi nec miserandi, non libris, non ornatibus, aut etiam dignitatibus; sed propriis tantum utilitatibus, filiis sc. & familiis atque focariis, totis indulgent affectibus. Non ergo libris intendunt sed liberis, non foliis sed filiis, non librorum lectioni sed liberorum dilectioni pariter & promotioni.

Propterea revocatis ad memoriam Giraldi gestis memoratu dignissimis, meritisque suis erga Menevensem Ecclesiam tantis & tam immensis, quod Romae post cassatas Electiones, sicut supra dictum est, duas, & causam super statu Menevensis Ecclesiae nichilominus in crastino contra spem omnium valdeque super hoc obstupentium denuo motam, & commissionem ad Judices extra Provinciam Cantuariensem & in formam laudabili constanter impetratam, palam à multis & magnis in Curiam viris dictum fuit; sic & adhuc & perpetim dici potest: quod verè dignus honore foret & honorabili cathedra Archidiaconus iste; & quod infelix Ecclesia est illa, ad quam vocatus fuerat vir tantus, & pro cuius dignitate tam egregie tamque devotè laboravit & adhuc quoque laborare disponit; quod talem habere Praelatum non praevaluit. Miseri tamen Menevenses illa scientes, apud multos & magnos tam in Angliam quam Walliam viros, se in hoc facto culpae grandi & reprehensioni obnoxios, quatinus hoc factum suum saltem fucò falsitatis utcunque colorare possint, dicunt Giraldum malè morigeratum, & ob hoc ad Ecclesiae suae regimen impraesentiarum non vocatum. Sed ob hoc revera censent ipsum malè morigeratum, quia moribus ipsorum omnino contrarium. Item dicunt eundem esse severum rigidumque nimis & austum. Unde & confingere solent ipsum quandoque cum comminatione dixisse vel scripsisse; quod generationem illam pravam à loco sacro, si Praefulus ipsorum esset, extirparet, & gremium Menevensis Ecclesiae sordibus ejectis mundificaret. Item & hoc ipsum quoque quandoque dixisse confingunt; quod si cathedra Menevensi praesesset, Ecclesiam illam Canonicis concubinariis malè sadata & nimis enormiter dehonestatam in regulare Canonicorum consortium honestumque collegium totis convertere nitibus elaboraret. Sed id in utroque, quod vaticinando fortè futurum fore veluti mente praesagà veriti fuerunt, hoc quasi jam comminando prolatum verbo fuisse confinxerunt.

Constat ex his igitur, quam ob causam Giraldus recusato talem ejus coercionem & rigorem non vererentur, quia corrigi nolentes sordibus suis dentibus & unguibus haerent, assumpserunt: tanquam hoc <sup>a</sup> Isaiae verbum contra <sup>a</sup> Sap. XI. 12: Giraldum proponentes. *Auferamus justum; quoniam inutilis est nobis.* Item inter cetera plurima Giraldus ad colorandum factum suum & culpam naturali vitio refundendum objecta, dicunt Giraldum malum os habere, detractionibus nempe & delationibus nimis obnoxium & assuetum. Hujus autem oblocutionis & objectionis exinde nacti sunt occasionem; quod ipse tam dictis Episcopis quam Canonicis quoque Menevensibus scribere nonnunquam & epistolas canonicæ commonitionis & caritativæ correptionis mittere consuevit. Unde quia juxta veridicam Comici sententiam, *Obsequium amicos, veritas odium parit*; quod olim Jeronimum vitia Curiae corripientem Romae reddidit exosum, hoc absque dubio Meneviae Giraldum. Et sicut Jeronimus Romam fugiens transmarinam studio suo Bethleemicae solitudinis regionem elegit; sic quoque Giraldus Meneviam miseram cum vitiis & vitiosis suis longè post terga



relinquens, terras alienas & longinquas sibi studiisque suis juxta ingenii sui modulos magis accommodas, quoniam in patriâ nemo propheta suâ, de cætero frequentare disposuit.

Ut autem ad Jeronimum respiciamus, & à magnis ad modica pro modulo similitudinis exempla sumamus; quod in Vitâ ipsius atque Legendâ reperitur, in medium hîc producere dignum duximus. Est autem clausula talis. "Hic itaque Romanæ Ecclesiæ Presbyter existens, dum per triennium jam Damasô Papæ carus totique populo Romano valde venerabilis haberetur, omniumque judicio dignus esse summo sacerdotio decerneretur; quidam Clericorum Monachorumque, quorum ipse vitia descripserat, ad effugandum ipsum ex urbe insidias paraverunt. Quod planè ad ineffabilem, ut perpetuò claret, utilitatem provenit; ut sic Ecclesia Christi Jeronimo liberiori studio desudante, tam Hebraicam ad unguem & absque scrupulo dubietatis ullo veritatem, quàm etiam in Sacris Scripturis omnibus interpretationem egregiam & explanationem sortiretur." Haud aliter Giraldus scribens & miserorum Menevensium, quanquam caritative zeloque revera rectitudinis & non amaritudinis, vicia corripiens, factus est illis invisus; & ob hoc quoque quia moribus ipsorum, ut dictum est, omnino contrarius, non mediocriter exosus. Sicut ergo Jeronimus æmulum quorundam invidiâ, quorum vitia corripiendo vitam corrigere voluit nec potuit, cum esset dignitate dignissimus, simul ab urbe fuit & à promotione remotus; & ob hoc studium ejus universali Ecclesiæ tam proficuum: Sic & Giraldus pravorum nequitia correctionem omnem aspernantium, ideoque bonorum regimen exhortantium, studii perutilis occasio fuit. Vacans enim à curâ pastorali; & à malorum consortio longè remotus, & in plenam animi libertatem elapsus, lectioni deditus & otio nobili, ad posteritatis gratiam sibi comparandam legendo, scribendo, totum mentis acumen applicuit.

Unde & juventutis suæ laboribus primis finales orbis occidui terras, nativitati suæ conterminas, Hiberniam sc. per *Topographiam Hibernicam*, & *Vaticinalem Expugnationis ejusdem Historiam*; Walliam quoque per *Itinerarium*, & *Kambriæ Descriptionem* illustravit. Nec enim inter Auctores & Scriptores egregios ultimum Historici locum tenent. Ad Historiarum nempe commendationem audiatur illa Senecæ tanquam hujus operæ descriptio. *Historia, inquit, est antiquitatis autoritas, testis temporum, via vite, vita memoria, nuncia vetustatis, lux veritatis.* Præter hæc etiam historica volumina quatuor; *Mundi Cronographiam* metricè scriptam, & *Symbolum* edidit *Electorum*, ad varia complendum diversorum desideria, sicut ex proæmio libri ejusdem patet, compaginatum. Necnon & *Legendas Sanctorum* multas; inter quas *Vitam Sancti Davidis*, & *Vitam Sancti Karadoci* egregiè tractavit. Et ad S. Karadocum canonizandum Sanctorumque catalogo connumerandum apud Curiam Romanam laudabili devotione laboravit. Item & *Libellum Invectionum* Romæ in Giraldum acriter inchoatum, & ibidem ab ipso respondente & Papâ monente completum. Item & *Speculum duorum*, opus commonitorium & consolatorium & quod sola peperit indignatio quasi querulum carmen emissum. Item & *Librum de Cleri Ecclesiastici circa Sacramenta majora magisque necessaria instructione* perutili & persuasibili, per exempla pariter & præcepta tam Philosophica quàm Theologica sive Canonica; cui *Gemma Ecclesiastica* titulus nomen imposuit exaratum. Item & *Librum de fidei orthodoxe fructu fideique defectu*, quanta ferventem præmia, quanta frigentem supplicia manent, succinctâ dilucidâque brevitate declarantem. Item & *Librum de Principis instructione* toties promissum, ferè inter primos inchoatum, inter ultimos autem propalatum; diu nempe clausum & quasi sopitum, quando tutò prodire in publicum posset, tempora longa præstolatum. Item & præter hos etiam

etiam libros plurimos edidit in hoc Catalogo non expressos; veluti *de Magni viri cujusdam promotionibus & persecutionibus*; quoniam semper extrema gaudii luctus occupat, & quoniam omnis mundana dulcedo multâ amaritudine respersa est; quatinus & timeatur in prosperis, & speretur in adversis, docens Opusculum non inutiliter elaboratum. Item sicut & *Librum de Gestis propriis*, necnon & *Dialogum*, inter ultimos ferè labores ipsomet auctore vel adiutore conscriptos.

Ad hæc etiam viri sancti & literatissimi Cantuariensis Archiepiscopi Baldewini monitis obtemperans, cotidie nova cudere novisque laboribus invigilare jugiter & insudare non cessavit: posteris lectionem, præsentibus livorem; illis delectationem, istis detractionem; illis laudandi, istis verò lædendi materiam præbens. Dictus enim vir ille memoriæ sanctæ & literaturæ tam eximie, cum in primâ *Topographiæ* Distinctione, ubi de Avibus agitur earumque naturis, allegorias & moralitates assignatas coram se lectas audisset; quæsitit à Giraldo, utrùm aliquam ab Expositoribus & Agiographis nostris evidentiam ad hæc habuisset. Et cum responsum acciperet, quòd omnino nullam, nisi quemadmodum ei Deus indulserat; statim adjunxit: certè eodem spiritu quo & ipsi. Et cum *Topographiam* totam sibi lectam audisset, cujus lectione delectatus admodum vix eâ satiari poterat aut fatigari; monuit & suavit, demumque Giraldo fideliter injunxit; quatinus gratiam stili talis tam elegantis, quam ex dono Dei revera magno perceperat, & quam omni terrenæ dignitatis honore transitorio longè cariorem habere debuerat, cujus nimirum effectus præterire non possunt seu perire, quinimo cum mundi ipsius perpetuitate contendunt, nullo vacuum tempore nullâ vacantem fore diei vel noctis horâ permitteret. Hæc itaque causâ mentem antea docilem & à teneris annis literalibus studiis aptabilem valde & applicabilem, ad ampliùs studendum continuoque labore scribendum non mediocriter exacuit & instigavit.

Ad hujus autem Libelli, sc. *Topographiæ*, laudem licet viri tanti sufficere commendatio posset; tamen ea quæ viri duo literati plurimùm & in Scripturis affatim eruditi super eodem senserunt & dixerunt; sc. Magister Robertus de Bello-fago Canonicus Salesbiriensis & Magister Galterus Mapus Archidiaconus Oxoniensis, hîc apponemus. Robertus enim, cum in ejus præsentia de *Topographiâ* Hibernicâ nuper editâ, & paulò antè apud Oxoniam à Giraldo solemniter recitatâ, sermo fieret, ait. "Quod de hoc libro mihi videtur, paucis & palam edisseram; quòd si de cunctis Angliæ Clericis, ubi multi sunt boni, viginti meliores electi fuissent, quibus materia libri illius ad tractandum commissa fuisset, & per triennii spatium, quoniam tantum temporis se ad hoc Giraldu adhibuisse testatur, talem communi labore librum edidissent; dicerem eos revera laudabiliter & egregiè laborasse." Rectè ergo inter meliores Angliæ numerari debuit, cujus labor solius viginti meliorum laboribus dignè potuit æquiparari. Galterus autem Mapus circiter id ipsum temporis de illo Giraldu labore dicere consuevit; quòd circumscripto residuo toto, inspecta proæmia sola & dignè pensata opus & operam commendatione dignissima reddere poterant. Unde & de proæmiis operum suorum folis, si simul conferta per ordinem essent, opus egregium fieri posse dicebat. Quòd si tantam à viris magnis viridis ætatis Opuscula laudem mereri poterant; quantò magis ea, quæ maturior ætas & instructior edidit & edit, sunt laude dignissima? Proinde cum sex libros suos variis de materiis exaratos & editos sub his verbis, ut referre quandoque solebat, Papæ præsentaret. *Pater & Domine, cateri præsentant vobis libras, & nos libros*: cum alios quinque per mensem integrum juxta lectum suum ad inspiciendum Papa, cum vacaret, habitos, sed postea Cardinalibus cum singulorum commendatione precariò concessos; *Gemmam Ecclesiasticam* solam præ aliis dilectam & commendatam à se discedere non permisit. Ad laudis autem cumulum tam laborantis quam



quàm laborum, tam operantis quàm & operum illud accessit; quòd nullam ætatem ad disciplinam amplectendum seram reputans, nullam ad perdiscendum longævitatē sufficientem existimans, non minùs in itinere quàm quiete, vel secum agendo vel cum aliis conferendo, nec ob corporis laborem animi exercitium excludendo, sed tam æstate quàm hieme lucubrando noctesque diebus continuando, quicquid temporis rebus agendis supererat urgentissimis, id totum usque in senium quoque vel legendo vel scribendo, tam in hospitiiis quàm in scholis, studio dabat.

Ut autem ad rei seriem revertamur; plurimum sibi successisse Giraldus multumque à Deo provisum fuisse dicebat; quòd ad curam hanc pastorem Ecclesiæ pauperulæ nimis & undique depilatæ, homini suæ naturæ qui dispersa totis revocare nisibus vellet, & inter barbaros moribus bonis ex toto contrarios, martirio plenam vocatus non fuit. Unde & illud Jeronimi in libro Epistolari sapius ad mentem revocare solebat; quòd satius est & majus Episcopalem virum esse quàm Episcopum, magis Episcopo dignum quàm in cathedrâ collocatum. Illud enim virtutis est, hoc fortunæ; illud bonorum tantum, hoc commune. Item & illud Augustini, &c. Proinde dicere Giraldus pluries assertivè solebat, se malle propter Ecclesiæ suæ dignitatem tam strenuè, carens ejusdem cathedrâ, laborasse, & jura ipsius hæctenus quasi sopita sive sepulta tam dilucidè suo labore declarasse, & scalam ad ascendendum, si quis à modo Meneviæ validus emerferit, erexisse; quàm simpliciter, ut alii, & ignaviter ac prorsus inutiliter, veluti canes non latrantes sed tanquam in ore calamitum habentes, Ecclesiæ bonis incubare, nedum etiam eadem bona damnabiliter more aliorum dissipare.

Potuisset autem Giraldus, si per Principum potentiam promoveri voluisset, dudum inter alios cornutus incedere. Oblati nempe sunt ei Episcopatus in Walliâ duo, & ambo recusati; & in Hiberniâ tres Episcopatus & Archiepiscopatus unus; quos similiter omnes recusavit: sicut in libro, qui *de Invectionibus* intitulus est, plenius continetur. Ecclesiam quoque Menevensē, si causæ dignitatis renunciare voluisset, pluries eidem oblatam fuisse satis est notum. Unde & eisdem diebus Clericus quidam mentis alienatæ, qui curiam Justiciarii Hiberniæ sequi solebat juventutem curiæ lubricis & ludicris verbis delectando, crebrò in audientiâ publicâ tanquam ad Magistrum Giraldum apostrophando, & pro ipso quoque statim respondendo, sermonem hujuscemodi proferebat. Magister Giralde, vis Episcopatum Gveisfordensem? Nolo. Vis Ossiriensē? Nolo. Vis Leclerlinensē? Nolo. Vis Archiepiscopatum Cassiliensē? Nolo. Demum autem subiciebat. Vis Episcopatum Menevensē? Et in continenti altâ voce & clamorâ respondebat, Volo. Et tunc in magnum se risum magnumque cachinnum resolvebat. Porro quoniam interdum respondendum est stulto, ne sibi sapiens videatur; vel potius ad verba indiscreta, quoniam à discretis audita; alia prorsus & alia in his & in aliis ratio pactum reformat; sicut in sequentibus perspicuè declaratur. Omnes enim tam Walliæ quàm Hiberniæ oblatos honores diversis ex causis constanter recusavit. Primos sc. tum quòd adolescens adhuc fuerat, tum quòd pauperes erant & inter barbaros; cum etiam quòd liberalibus adhuc disciplinis & maxime Theologicis studiis amplius indulgere volebat. Alios autem & ultimò præsertim oblatos, quòd nunquam ab Hibernicis vel etiam Walensicis alienigena quivis, quantumlibet bonus & idoneus, nisi per publicæ potestatis violentiam eligeretur. Sic autem promoti Choritæ sunt omnes & intrusores. Non enim in Angliâ vel terris adjacentibus eligere solet hodie Clerus, non Capitulum, non Conventus. Cum enim ad Ecclesiam aliquam tres vel quatuor nominantur; ille revera solum eligit, ut dictum est supra, quisquis canticum laudis tremulâ voce pronuntiet; Princeps sc. qui quem voluerit nominatorum illorum assumit. Umbratiles enim tantum & non substantiales nec etiam spirituales esse solebant

solebant in finibus istis Electiones, usque ad finales sc. hos nostri temporis dies, quibus Anglicanam Ecclesiam oculo benigniore pietas divina respexit.

Proinde quoniam ad Menevensem Ecclesiam quamvis pauperulam vocatio ipsius & electio canonica prorsus fuerat & non coacta, sicut prædictum est; ad illam animum suum post multas & multorum instantias denique totaliter inclinavit; nec honestum quippe nec tutum reputans tali, prout videbatur, divinæ dispositioni resistendum. Scriptum enim noverat. Hoc velis, quod Deus vult; alioquin curvus es. In hac etenim opinione quanquam erroneâ & deceptoriam non solum ipse sed & patria ferè tota propter circumstantias multas & causas quibus falli poterant, tunc temporis erat. Quod autem Choritæ sunt & non Aaronitæ dicto umbraculi modo nutu Principum assumpti, novit vir ille bonus & sanctus Cantuariensis Archiepiscopus Thomas; qui ob obsequium Curia Regisque potentiam se promotum attendens, in manu Papæ Alexandri III. dignitatem sic adeptam ultroneâ voluntate resignavit, dicens promotionem suam talem tam suæ persecutioni quàm ecclesiasticæ quoque perturbationi causam revera dedisse. Papa verò viri constantiam videns & religionem, factamque in ipso repente tantam dexteræ Excelsi mutationem, qui contra tyrannidem tantam se pro domo Domini Ecclesiæque libertate tuendâ sub tanto discrimine murum opposuit; de auctoritate suâ & gratiâ merâ quod resignaverat, totum ei cum integritate restituit. Quod nisi factum fuisset, frustra quidem super viciosum fundamentum ædificasset.

Ut autem ad Giraldum his interpositis revertamur; sciendum quòd vacante Sede Lincolnensi post obitum sanctæ memoriæ Hugonis Episcopi primi, nonnulli de personis Ecclesiæ majoribus necnon & Canonicis de Giraldo sibi pastorem assumendo, si liberas eligendi habenas habere possent, pluries inter se animi sui desiderium exprimentes, mentionem tractando fecerunt. Item super Giraldo Romæ sublimando & in Cardinalem etiam assumendo, tam propter personæ idoneitatem quàm etiam literalis eruditionis copiam, memoratum nonnunquam in Curia fuit. Porro inter plurima de Giraldo miranda memoriâque dignissima & hoc quoque memorandum adjicio; quòd licet ad Pontificatus apicem dictis ex causis non attigerit; cum tamen redditus ecclesiasticos ducenarum marcarum aut plurium obtinisset; tam amplâ manu & tanquam prodigâ Clericis & familiaribus suis eos dispergere & passim conferre curavit; quòd vix ad usus proprios & necessarios mediam illorum omnium partem sibi retinuit. Præsertim etiam illud ob hoc magis admirandum & approbandum occurrit; quòd longè majoris liberalitatis est signum & largitatis indicium ea profundere quæ ad usus proprios licitè possunt reservari, quàm illa quæ necessariò danda sunt & quæ ad usus proprios retineri nullatenus possunt. In summâ verò sciendum & indubitatâ veritate tenendum; quòd summa præcipuaque causa, quare Giraldus ad summos dignitatis gradus in regno Anglicano juxta personæ dignitatem & meritorum qualitatem promotus non erat, ista fuit; quòd principales Walliæ viros sanguinis propinquitate contingebat. Semper enim ipsum ob hoc Reges Angliæ suspectum habentes & latenter exosum, promotioni ipsius nequaquam assensum adhibere volebant. Hæc igitur causa simul cum illâ, quam diximus, quòd non nisi rectâ & regiâ viâ legitimâque semitâ & canonicâ incedere voluit, promotionis ejusdem impedimenta fuerunt.

Quærens. De Duobus Episcopis Menevensibus nostri temporis cæterisque duobus parum tempora nostra prævenientibus, de Giraldi quoque Electionibus duabus, & quamobrem tertia non provenit, causis evidentissimis, item de Giraldi laboribus egregiis, & juris utriusque tam Ecclesiæ suæ quàm personæ propriæ prosecutionibus, necnon & promotionem suarum impedimentis variis, nos satis apertè certificare curastis. Nunc autem de duobus Episcopis subsequen-



quentibus nostrisque diebus assumptis, eorumque tam electionis modum quam regiminis morem & officii pastoralis executionem, duplicato beneficio quin verius etiam multiplicato, solitâ nobis liberalitate propalare velitis.

Solvens. Desiderio tuo laudabili & ingenio docili facillimum præbens assensum, sicut ab initio iustis petitionibus tuis obtemperavi; sic & finales affectus tuos Deo dante plenè satis adimplere curabo. Summatim ergo superius penultimi Menevensis Episcopi nostris diebus præsentis Gaufredi electionem tanquam in cursu sermonis explicuimus; nunc autem eandem evidentius & plenius evolvere & enodare curabimus. Hoc autem notum imprimis esse volumus & nulli dubium; quòd longè magis per Regis & Archiepiscopi potestatem quam per meram & ultroneam Cleri Menevensis voluntatem assumptus fuit. Prior enim Gloverniæ Lantonienfis existens, quia per artem Medicinalem, quam profitebatur, Archiepiscopi Huberti, cujus nonnunquam ægrotantis curam gesserat, notitiam & familiaritatem sibi quamplurimam comparaverat; defuncto Menevensi Episcopo Petro, custodia Menevensis Episcopatus ab Archiepiscopo statim ei commissa fuit; quatenus consensum Canonicorum & Cleri Menevensis ad ipsum, cum locus affuerit, eligendum in Episcopum, per hoc facilius allicere posset. Hic tamen quam citò Giraldum accepit apud Meneviam electum fuisse; ne cathedram illam inaniter ambire videretur, custodiam sibi commissam illico resignavit.

Porro videns postea Giraldi promotionem propter lites inter ipsum & Archiepiscopum grandes per commissiones ad Iudices multipliciter datas dilationem sumere non modicam, aleamque sententialem propter adversarios tot & tantos tamque potentes jam in dubium vergi posse; spem denuo resumens, ut & cornutus incedere quandoque valeret, nisibus totis anhelans, tunc operas suas medicinales ingerendo, tunc pixides pigmentarias crebrius offerendo, Curiam Archiepiscopi, quatenus finem causæ videret, & fortè suæ promotionis eventum expectaret, assidue ferè jam frequentavit. Cum autem desiderii sui de die in diem spem conciperet ampliores; lite diutius inter Archiepiscopum & Giraldum quasi per quinquennium & amplius perdurante; Monachus quidam de Meneviæ & Walliæ finibus Gloverniam veniens, dictum Lantoniam Priorem in hunc modum convenit. "Mirum, inquit, si pauperulam Menevensis Ecclesiæ cathedram cupis, ut fertur, & ambis, præsertim etiam in terra barbarâ & gente hostili, qui Prior es domus hujus tam nobilis & in loco tam pulchro & pacifico ædificiis egregiis munito, vineisque feracibus, viridariis ac pomariis amænè conferto; maxime verò cum in Episcopatu Menevensi toto vix una sit domus ad Episcopum spectans; ubi vir probus, licet privatus, nedum Episcopus aut Prælatus, honestè descendere queat." Ad quod Prior ille paucis ambitionem suam animumque singularem ac sæcularem respondendo declarans ait. Quicquid de domorum defectu dicas, quicquid de terrâ hostili & barbarâ nos terreas; longè tamen plus mecum valere quam nostrum scias. Sed ecce verbum canonicæ professioni sive Monasticæ, quæ proprietatem omnem abhorreere tenetur, valde contrarium. Ex quo patet & hoc apertè, quòd is qui opus & officium Episcopale desideravit, parum advertit quid vel Episcopum deceat, vel quid ad ipsum de jure pertingat. Episcopus enim, ut dictum est supra, juxta Leonem Papam, Caus. XII. Quæst. II. rebus Ecclesiæ tanquam commendatis non tanquam propriis uti debet. Unde nec etiam testamentum juxta Canones Apostolorum de rebus Ecclesiæ condere potest. Qua igitur fronte, qua temeritate plectibili perenniter atque pænali nec verecundantur Episcopi nec verentur talia præsumere, rerum ecclesiasticarum, quarum dispensatores sunt tantum, earum se gerere dominatores. Quinimo quam longè gravius & ultione perenni dignius; quòd rerum Dominicarum Deoque

Deoque sacratarum non solum ordinatorum esse præsumunt sed etiam dissipatores? Mirum igitur, immo stupore dignissimum; quod Abbates & Priores omnes Monasteriorum in Angliâ grandium & opimorum, si per regiam, ut fieri solet, voluntatem ac violentiam ad cathedram Episcopalem Hiberniæ vel Walliæ miseram & macilentam per electionem umbratilem assumpti fuerint; tanquam ad ardua canonicè vocati, in paupertatem talem intrusi, promptis statim affectibus acquiescunt. Et ut propius exempla sumantur; sicut de duobus ultimis Episcopis Menevensibus, qui de Prioratibus in Angliâ copiosè dotatis & dotatis, quingentarum sc. Marcarum aut plurium, ad pauperculam Ecclesiam viginti Marcarum redditus annuos vix habentem & inter barbaras nationes & linguæ prorsus incognitæ, longèque cum curâ majori & quæstu minori statuque valde periculoser, gratantibus animis translati fuerunt. Causam autem tam fatuæ translationis ambitus talis, de bono sc. in malum, seu fortè de malo in pejus & periculosius, hanc proculdubio certam esse noveritis; quod mitrati incedere, baculati quoque & annulati, saluari in foro, Dominumque vocari ac Rabbi, venerarique à populo & veluti vivi quodam modo Sancti in terris adorari, & ad benedictionem expeti, trans modestiam omnem & modum affectant, &c.

Processu verò temporis cum per concordiam inter Archiepiscopum & Archidiaconum dictus Prior electus fuisset & confirmatus; tandem cum ad consecrationem perventum fuisset; Eliensis Episcopus Eustachius & Wigorniensis Malgerus, quibus electionis illius & consecrationis, ut canonicè procederent, commissa provisio fuit, præsentibus cum aliis Suffraganeis existentes, literas Domini Papæ sibi super hoc directas in publicâ audientiâ legi fecerunt; quarum antepenultima clausula per Archidiaconi diligentiam talis fuit apposta. *Attentiùs provisuri, ne idem Archiepiscopus aliquam ab Electo Menevensi recipiat cautionem, propter quam prosequi nequeat causam statûs Ecclesiæ suæ.* Quibus in publico lectis, præceperunt Episcopi illi auctoritate sibi commissâ tam Archiepiscopo ne dictam cautionem exigeret, quàm Electo ne talem nullatenus exhiberet. Dicebatur autem à multis, & inter majores etiam curiæ Archiepiscopi murmur exierat; quod dicta cautio à Papâ inhibita ante Prioris electionem aut confirmationem Archiepiscopo curante clam fuit exhibita. Argumentum autem ad hoc erat & manifestum indicium; quod quoties de quæstione Statûs à Giraldo motâ coram Episcopo sermo fiebat, suadentes causam prosequendam, tanquam exacerbatus fronteque in rugas illico contractâ torvo lumine respiciebat; dissuadentibus autem vultum placabilem atque serenum ex consuetudine prætendebat. Item immurmurabatur etiam in Curiâ; quod de illis in Clero Menevensi cunctis, quos per reddituum promissionem contra Giraldum Ecclesiamque suam propriam Archiepiscopus allexerat, ipsum super his adquietare dictus Prior ante electionem suam vel confirmationem sub firmâ cautione pepigerat. Hujus etiam indicium rei fuit evidentissimum, quod quatuor archiepiscopalis Ecclesiæ Menevensis, quibus tenebatur Archiepiscopus, & verè filiis spuris nec adoptivè nec naturaliter insertis & quasi prorsus ingratissimis, quoniam in matrem propriam atrociter armatis, absque dubio vel hîc vel alibi, temporaliter sc. aut æternaliter, coercendis & extirpandis, primos ille Prior factus Episcopus redditus sibi vacantes juxta promissam conventionem conferre curavit; puerum sc. prorsus indigno & immaturo Martini filio Canonicam, non canonicè quidem sed conventionem collatam; item Folio de perfido foliisque caducis assimilando Ecclesiam de Landestephan; item Gutturnoso de Keirmerthin gurgulioni Episcopale manerium de Landewi apud Goer sibi & successoribus suis perpetuò collatum & confirmatum; item ventricosa de Landu beluæ contra spem omnium, quoniam in omnibus indignissimæ, Præbendam Meneviæ. Postea quidem ad vehementiorem omnium admirationem atque stuporem Archilewiticam



contulit eidem dignitatem; ostendens apertè, qualem erga Menevensem Ecclesiam affectum habebat, talem in eâ columnam constituendo. Sicut & aliam paulò post tanquam imaginem suam, quoniam filius imago patris, Ecclesiæ suæ relinquendo; & ipsam non minùs inhonestè quàm inutiliter inter statuas alias, camque præ cæteris tanquam in eminenti speculâ, quatinus à cunctis ejus imago prospici possit, exaltando. Duas itaque statuas istas fictiles & fragiles & prorsus inutiles in Ecclesiâ suâ tanquam manu hominum factas, carne nimirum revelante non spiritu, præsumpsit erigere; unam sc. ad imaginem suam, alteram autem ad indagem; istam ad explendam si fieri posset, & satiandam avaritiam suam & aviditatem; illam verò ad manifestandam apertis indiciis & ostentandam impudicitiam & carnalitatem suam. Porro quàm sit illicitum & quàm inhibitum pactionem fieri ut quis eligatur, aut cautionem quamlibet emittere, in Decretis Gratiani, Caus. VIII. Qu. III. palàm aperitur. &c.

Sic itaque promotus, sed à verâ canonicâque promotione valde remotus, simulans in primis rigorem nimium & austeritatem, Baronibus & viris militariis de terris Ecclesiæ suæ feodatis hominia sua semel & iterum immo pluries offerentibus se prorsus inexorabilem exhibebat. Demum autem, cùm speraretur ab omnibus, quòd ipse terras ab aliis alienatas esset revocaturus, & indemnitate Menevensis Ecclesiæ summo opere curaturus; demum ex insperato longè secius evenit. A singulis enim propter pecuniæ summam grandem multo cum gravamine datam non solum hominia suscepit, verum etiam ipsis cartas confirmatorias sigillo suo signatas indulgit; & ut majori in quantitate necnon & iniquitate pecuniam eliceret; detestabili damnabilique mercimonio, ne terras in perpetuum alienatas unquam Ecclesia repetere posset, simul cum confirmatione Capituli Bullas etiam Papæ singulis singulas super hoc certâ sub cautione promisit.

Item quicquid animi cupiditatem adimplere potuit aut avaritiæ morem gerere, totum hoc ardor insatiabilis perquirere per fas omne nefasque non cessavit. Simoniacas igitur actiones aut pactiones, quas per se vel canonicum suum Cubicularium, quo mediante dolos concinnabat, palliato vocabulo sub sequestrationis nomine componebat. Cùm enim sequestrationes fieri non debeant, præterquam in casibus jure expressis; quoties Ecclesias aliquas litigiosas esse noverat, aut non solum Personis decedentibus verum etiam Vicariis, statim Ecclesias in manu suâ sequestrabat; nec sequestrationem talem quanquam illegitimè factam nisi prius unctis ad nutum manibus relaxabat. Novit hoc Eustachius de Stakepole in Pembrochiæ finibus; qui Ecclesiam, cujus personarum gessit apertè, Vicario tantum defuncto, sic sequestratam per X. marcas extortas relaxavit & vix tandem ad manus suas revocavit. Item Philippus quoque de Warthreniaun Ecclesiam suam, procuratore suo & progenitore rebus humanis exempto, similiter sequestratam, post longas vexationes & obventionum Ecclesiæ distractiones, centum solidorum profusione vix redemit. Multos etiam alios per Episcopatum, quos longum esset enumerare, modis similibus damnificavit.

Item super Institutionibus novis in Personarum damna priorum malè perpetratis, & cartis novis in veterum præjudicia tam suarum quàm decessorum quoque suorum justè & legitimè præmissarum emissis seu prece seu pretio seu favore five timore: Sicut de Clerico Falconis apud Lanpatern-Maur super Ecclesiâ Canonicos superstites instituto: inter Menevenses Episcopos se novum hic atque notabilem in his & similibus reddere non erubuit. Item tam Clericos Diocesis suæ plerosque quàm Laicos, qui Religionis habitum sumpserant & aliquamdiu portaverant, ad laicales tam habitus quàm actus redire, quosdam ex pastoralis negligentia, quosdam autem non absque scandalo gravi turpi venalita-

te permittit. Quid plura? Quicquid pecuniam accumulare quocunque discrimine potuit, id totis efficere nisibus non verebatur. Unde & dilapidationibus rerum ac terrarum Ecclesiæ suæ crebris & auditu horrendis ac miserandis insistere non cessavit. Veluti de terrâ de Landegoph, militaribus sc. feodis duobus aut tribus Nicolao Avenello prædicto superius XX. marcarum collirio cupidè distractis. Item & de feodo Præbendæ de <sup>a</sup> Breudi in laicale & militare obsequium pro simili collirio totidem argenteis marcis confecto, notâ nimis & inhonestâ causâ converso. Item & de Manerio de Landewi apud Goer, & Ecclesiâ de Langavelack ibidem Menevensium Antistitem propriâ & tanquam eorundem Sede secundâ, filio suo carnali fatuè nimis & fatuo collatis. Item & de villis de Lancadouch & Landegewith Menevensi Ecclesiæ propriis; quas propter pecuniam aut pecuniæ materiam alienavit. Nec non & terris aliis de Stratewi cunctis non infructuosis, quas nunquam post promotionem suam semel intravit aut visitavit; ideoque per incuriam talem & negligentiam amissis & à potentibus patriæ viris penè irrevocabiler occupatis. Item & de Manerio de Trullan apud Brechene in terrâ pacificâ constituto, potenti partium illarum viro pro bobus & vaccis ferè dimidiato. Sed nonne lapidatione digni forent tales rerum ecclesiasticarum dilapidatores? Num etiam stercore bovino, ut ad duriora prorumpat indignatio & veritati non pareat, lapidari deberent & dehonestari, qui terras ecclesiasticas fertiles & utiles, sibi commendatas tantum & non appropriatas, pro bobus & vaccis venundare & in perpetuum alienare nec verecundantur nec verentur <sup>b</sup>.

Item & de Clericis Diocesis suæ multifariâ per ipsum pecuniarum extorsione gravatis, & eisdem quoque duplici tribulatione surgente per laicalem undique spoliationem afflicti, & à Pastore dissimulante luposque rapientes non arcente minimè defensis. Item & super excessibus aliis multis & magnis ac detestandis ad pecunias exaggerandum perpetratis notabilem se præbuit; sicut in Epistolâ canonicæ commonitionis tertiâ ei a Giraldo caritative directâ continetur. Præterea secundus hic Menevensis Episcopus; qui Clericos suæ Diocesis nostris diebus tallagiis crebris, ne & tollagiis dicamus, gravandos instituit; decessoris sui proximi nimis expressè vestigia sequens; sed Monachum tamen Canonicus in actibus hujusmodi vincere volens. Ille namque quolibet anno tertio Clerum Menevensem deplumabat. Hic verò crebrius atque crudelius, quia quolibet anno secundo, ad nutum & absque misericordiâ Clericos exco-  
abat. Item secundus hic quoque Menevensis Antistes; qui circuitiois & hospitatiois per Angliam & Walliam nimis assiduæ gravem cum scandalo notam incurrit. Et ut Monachum vincere per omnia posset; ut sibi suisque per suam Diocesin hospitio susceptis pulchra in discessu dona darentur, hospitibus suis onus adjecit. Sed ecce quantæ modestiæ sunt Monachi sive Canonici de Monasteriis in Prælatos assumpti; ex his & similibus evidens esse potest. Qualiter autem ex Clero Menevensi quidam assumptus in Præsulem Archidiaconus de Keirdigaun nec hospitando nec talliando maculam meruit; superius dicta declarant.

Ad hæc etiam tanta de die in diem crevit in eo avaritia pariter & aviditas; quod non solum erga minores seu mediocres sive minutos Diocesis suæ Clericos, verum etiam erga majores circa finalia tanquam delirans tempora cupiditatem suam exercere præsumpsit. Unde & erga Magistrum Giraldum, qui tantæ auctoritatis & opinionis tam in Angliâ quàm Walliâ fuerat, invidiam olim con-

<sup>a</sup> Nota recens. *Præbenda de Browdy bodie* est Episcopali dignitati subiecta.

<sup>b</sup> Nota recens. *Quid dixisset hic Author, si* sub anno Domini 1546. vixisset; quo tempore

*Episcopus Barlo cognomine manerium de Lamffey, in quo Episcopus residebat, cum saltibus & nemoribus adjacentibus, donavit seu vendidit Magistro Devereux?*



ceptam atque malitiam ampliùs occultare non prævalens, nepotem suum Archidiaconum de Brechene, quem in bonis ecclesiasticis tam amplè beneficiari procuraverat, ab ejus consilio pravis abstraxit suggestionibus; & juvenilibus auribus senile venenum infundens, non absque nàvo & notà infamix perpetuæ innaturalem simul & ingratum effecit. Dupliciter itaque juvenem senex damnificavit; dum maculam ei tenaciter nimis hærentem & vix separabilem, quia Pœna potest demi, culpa perennis erit; malè susurrans infixit; & literaturæ fundamentum liberalibus doctrinis cunctis tam necessarium, quod si patruo sicut deceret adhæsisset, copiosè quidem adeptus fuisset, funditus ei damno irreparabili senex seductor ademit. Item & corporalem ejusdem Giraldi possessionem Ecclesiæ de Thinebech, quam canonicè adeptus fuerat, ecclesiasticâ nempe sub nubilo <sup>c</sup> Interdicti tempore censurâ sopitâ & inde audaciâ sumptâ, per tres annos aut quatuor lividè pariter & cupidè distulit; & avaritiæ suæ morem gerendo fructus interim cunctos & obventiones usurpavit. Unde & quoniam pisces, qui in portu illo marino abundare solent, absque falsamentis debitis avidè devorare solebat; Giraldus aliquoties ei scribere consuevit; promittens quòd sole serenius orbem per Dei gratiam illustrante, piscibus sic usurpatis & absque sapore voratis debita proculdubio falsamenta sibi quandoque pararet; & per histeron proteron cum legitimis confecta receptionibus in Angliâ distemperaret. Quod quidem juxta promissa, relaxato demum Interdicti incommodo, facere cum effectu curavit; & ablata universâ cum dedecore injuriantis reddi compulit & pudore.

Sciendum hoc quoque, quòd vacante dictâ de <sup>d</sup> Thinebech Ecclesiâ, statim Episcopus hic Priorem de Pembroch, cui nomen Philippus, semel & iterum & sæpius & anxie sollicitavit; rogans attentius & modis omnibus efflagitans, quatenus Ecclesiam illam cuidam Clerico suo conferret; ut sic piscibus illis per medium ad nutum suum uti posset. Et cum Prior constanter ei responderet, se Magistro Giraldo ad primam conferendum Ecclesiam suam vacantem sub firmâ sponcione teneri; ille è contra periculum totum & onus expensarum, si Ecclesiam illam Giraldus fortè repeteret, in se suscepturum & subiturum sub certâ securitate promisit; & præter hoc etiam mediam partem Decimarum omnium ejusdem Ecclesiæ de piscibus, qui ibi abundare solebant, Priori quamdiu viveret & Monachis ibidem secum degentibus ad usum proprium percipiendam sub firmâ cautione spondidit. Sed ecce quàm manifestam, qui Simoniacos in aliis reprimere deberet excessus, ut avaritiæ pariter & gulæ satisfaceret, solita & assueta minus abhorrens, Simoniam committere paratus fuit? Proinde quoniam quod malè appetiit, assequi non potuit, Rectorem Ecclesiæ præpediendo & debitam ejusdem investituram differendo, piscibus ejus & fructibus, quamdiu quidem ausus fuit, non minùs impudenter quàm imprudenter incubuit; quod ei tamen ad rumen pariter atque ruborem non longo post tempore venit. Item adeò infatuatus & quasi mente captus ex morbi paralitici vehementia parum ante obitum fuit; quòd in magnos quosdam & autenticos viros, citra judicarium ordinem omnem, sententiam excommunicationis intorsit; quod quidem, si compos tam corporis quàm mentis fuisset, attemptare nullatenus ausus fuisset; qui statim ad confusionem grandem ipsius & correptionem à Judice superiori per operam Giraldi sunt absoluti.

<sup>c</sup> Vult Interdictum celebre tempore Johanne Regis ab Innocentio Papâ toti Angliæ denunciatum: quod ab anno 1208. die 10. Cal. April duravit annis 6. mensibus 3. diebus 14. teste Matthæo Paris.

<sup>d</sup> Nota recens. *Jus Patronatus Ecclesiæ de Tynby spectat hodie ad Monasterium S. Albani, primò verò ad Priorem de Pembroch.*

Interim autem ex gulæ vitio irâque vindici divinâ, quæ temporalem interdum vinolentis & vitiosis poenam infligit, subito morbum paraliticum gravissimèque non solum medietatem verum etiam totum corpus inutile reddentem incurrit. Unde magis hoc admirandum ac miserandum; quod quanto membrorum & corporis afflictio durior & diuturnior; tantò mentis & cordis ambitio immoderantior & ardentior: adeò sc. ut quo plùs crescebat in eo infirmitas, plùs eo ipso de die in diem augmentata videbatur aviditas. Unde & multorum ex hoc mentes stupor invasit; quod ubi locus moderantiæ magis & poenitentiae foret quàm aviditatis & avaritiæ, potiùsque parcendi tempus existeret quàm opprimendi; discurrentes undique tam Officiales quàm Ministeriales, modicitatem temporis & horæ potentiae suæ tanquam uberiori rapacitate compensantes, quia non parcit populis regnum breve, rapinis atrocibus & pauperum oppressionibus insistere non cessabant. Verum in hoc casu simul cum Cicerone dicere poterimus. *Qua major amentia, quàm quo minus via restat, plus viatici quærere?*

Utinam autem cuidam Episcopo nostri temporis Wintoniensi, sc. Henrico, tam animi quàm atavi nobilitate conspicuo, similes essent Episcopi nostri; qui in senectute bonâ & sanctâ constitutus, biennio ante obitum suum integro, nichil omnino proprium penès se retinens, cunctas propemodum possessiones suas in caritatis opera largiendo disperferat; cotidianam tantum refectioem suam tenuem admodum & exilem vix sibi cum paucis cubiculariis Monachis ac Clericis suis sive ministris suscipiendo, terras tamen Ecclesiae suæ atque maneria cuncta, tanquam bonus & fidelis dispensator, posteris exemplum præbens, plena bonis & usque ad summum instaurata reliquit. Et sic in orationibus continuis, disciplinis cotidianis & crebris ac confessionibus & poenitentiis, vitam hanc terminans, Cantuariensem qui paulò ante præcesserat rubris indutum roseisque coronis, puniceis coccineisque decenter ornatibus purpuratum, nive nitidior longèque lacte candidior, liliorum fertis undique septus, Wintoniensis foeliciter est secutus.

Ut autem ad priora revertamur; ingruente fortiùs & sæviente dicto morbi incommodo, revocans Episcopus ad memoriam, quod Cisterciensis Ordinis habitum quandoque susceperat, eoque rejecto & ad sæculum ipso reverso post annos aliquot ad Canonicum regularis disciplinæ Monasterium de Lanthorneiâ apud Gloveriam procul à partibus suis natalique solo remotum convolvit, vitam corrigere volens; conscientiam serenare proponens, nuncios suos ad Legatum Angliæ tunc temporis Tusculanensem Episcopum & Ordinis Cisterciensis Monachum nomine Nicholaum destinavit, consulens ipsum & quærens, utrùm Ordinem priorem & habitum resumere posset, salvâ sibi nichilominus dignitate Pontificali. Quod cum licitum fore responsum acciperet & salubre consilium; denuo per nuncios suos literas ipsius patentes super hoc facto authenticando & approbando postulavit. Sed quoniam ipsas impetrare non potuit; maluit periculum & poenam Prælatus expectare, quàm privatus absque omni periculo securus existere. Mirum autem, quod vir copiosè literatus & discretus, si non & cupiditate nimîa fuisset excæcatus, & morbi vehementiâ jam insatuatus, tam Ordinis malè mutati quàm Cathedræ malè quæsitæ cauteriatam undique conscientiam habens, cum absque utroque salus esse nequiverit, nec ad Ordinem redire priorem nec Cathedram resignare voluit, præsertim etiam urgenter instante lethali articulo, damnabiliter usurpata. O quàm duro commercio Pontificalis hæc in terris tam desiderata pompositas, tam malè quæsitæ, pejùsque ministrata, & baculi illius mitræque minacitas, & tamen hæc tota tam parum duratura potestas, sibi tragædicum exitum cum gehennali poenâ sine carente comparabit. O quàm dissimilis hic memoratis nostris temporis Episcopis tribus & memoratu dignissimis; qui



conscientiam serenantes & scrupulum omnem eliminantes & maculam abstergentes, adeptas per obsequium Curia dignitates finali felicitate resignarunt.

Ut autem non à remotis & antiquis sanctitate præclaris, quorum copia major, verum à modernis & tanquam nostri temporis Episcopis virtute conspicuis, quorum quidem turba longè tenuior, præcipueque duobus, dicto sc. Wintoniensi & Thoma Cantuariensi, exempla petantur : audiant Episcopi nostri, qui tallagiis insistant & tolagiis, factum Wintoniensis illius. Cum audisset vir ille bonus & sanctus Presbyteros per Diocesin suam post multas commonitiones & præceptiones de calicibus argenteis habendis, in stagnis passim celebrare; convocatis omnibus tanquam ad auxilium postulandum, dederat enim paulò ante quintas marcas Regi Henrico ad expeditionem Tholosanam, significavit eis quòd in calicibus argenteis, quibus restaurare vel ex parte damna posset Ecclesiis olim per verras suas irrogata, petebat sibi auxilium ferri. Quo promptissimà à cunctis voluntate concesso; cum ad diem statutum singuli de singulis Ecclesiis ad minus calices congererentur : de plerisque nimirum Ecclesiis optimis plures allati fuerant, consecratis omnibus & benedictis, ad Ecclesias unde venerant cunctos remisit ; dicens : Quæ Deo & officio suo dare noluitis, mihi Monacho minimo & peccatori miserrimo dare parati fuistis. Nunc autem saniori consilio Deo donentur, & ejus obsequiis in perpetuum mancipentur. Idem etiam convocatis alià vice Clericis suis, tanquam aliquid quod pecuniarium acervum augeret petiturus, post publicam & ultroneam communiter omnium concessionem, nichil aliud ab ipsis quàm Orationum & Missarum munus exegit. Noverat enim vir ille bonus ; quantum valeat multitudinis exoratio : &c.

Ut autem aliquid nunc in commune dicatur, quod ad utrumque pro parte referri possit, Cantuariensem sc. & Wintoniensem ; sciendum quòd cum Wintoniensis Henricus inter Episcopos Angliæ Cantuariensis Ecclesiæ Suffraganeos quasi Subdecanus existens, Decano Episcoporum Londoniensi sc. ante promotionem Thomæ Cantuariensis rebus humanis exempto, consecrationis munus ei impenderet ; statim hoc completo dixisse memoratur. Frater carissime, duorum optionem nunc tibi do, & tanquam ludum partitum tibi constituo. Aut summi Regis gratiam proculdubio perdes aut terreni. Noverat enim Regis Henrici II. naturam Ecclesiasticæ libertati ex toto contrariam. Quo dicto, sic illico Thomas oculos & manus ad cælum levando subjunxit. Et ego Deo opitulante viresque mihi ministrante hanc partem firmiter eligo ; quòd nunquam pro terreni Regis amore gratiam & favorem summi Regis amittam. Hanc etiam optionem pariter & sponsonem uterque lacrimarum profusione, & Consecrator quoque dextræ manus benedictione, confirmavit. Proinde & audito transitu Martiris tam eximio & tam insigni : Deo, inquit, summo patri gratias intimas ago ; quòd datum est mihi tanto viro manus Consecrationis imposuisse. Ad hæc etiam illud quoque quasi in commune de tam felici copulâ adjici poterit ; quòd hi duo contemporanei fuerunt sed non coævi. Ultimi namque Wintoniensis tempora Cantuariensis incathedrati videre prima & dolere postrema. Unde auditâ morte Martyris & modo mortis, sacrum os statim in hæc verba resolvit. Per ordines, inquit, Dei verè Martyr, & verus ac magnus Martyr est iste. Sed ecce quemadmodum juvenes cælum rapiunt ; & nos miseri senes quid hic moramur inutiles ? Et tamen cum ille in fine Decembris, sicut notum est satis, gladiis impiorum occubuerit, immo verius ad cœli palatia transvolaverit : iste Septembri sequente plenus dierum & bonorum rebus humanis exemptus est ; tanquam sine socio diutius in terris subsistere tadium ducens, & absque compari stellâ amplius in tenebris lucere recusans. De beato verò Martyre Thoma, cujus gloria Sole lucidiùs orbem irradiat, aliquid etiam

etiam exempli causâ post tot nobiles Scriptores scribendo proponere præsumptuosum videri posset & superfluum. Qui tamen ea de Martyris illius laudibus & titulis, quæ quasi specialia quidem & nova Giraldi stilo paucis perstricta sunt verbis sed dilucidis videre voluerit; Tractatum ejusdem *de Copulâ tergemina*, in *Legendâ S. Remigii* Lincolnienfis Episcopi primi requirat.

*Quærens.* De penultimo nostri temporis Menevensi Episcopo satis nobis plenè & apertè disseruistis; nunc autem super hoc postremo ibi promotum & promotionis modo solitâ si placet benignitate nos certificare velitis.

*Solvens.* In principio Tractatus istius & circiter ipsa statim initia super hoc unde quæris summam & succinctè, nemine tamen tunc nominato vel expressè notato, pertransivimus. Verùm quatinus ad evidentiam majorem nonnulla dictis dicenda nunc adjiciamus. Sciendum quòd Præsule Gaufrido rebus humanis exempto, cum pluries Canonici Menevenses in Ecclesiâ suâ super Pastore sibi præficiendo tractatum habuissent; tandem ex dictâ superiùs temporis occasione nacti audaciam; quoniam & publicam potestatem tunc plurimum enervatam & ecclesiasticam libertatem per Dei gratiam viderant augmentatam; licèt ipsos tam literis suis Rex pro Anglico quodam quàm etiam vivâ voce rogâisset, necnon & Archiepiscopus illis pro Rege in justis suis petitionibus exaudiendo scripsisset; tamen in purum Walensem eligendum, Abbatem sc. pauperis Cænobii cujusdam in Menevensi Diocesi de ordine Canonico & Prato-monstrato, consenserunt. Quem quidem quia virum bonum & simplicem noverant & de gente suâ oriundum, cæterisque nationibus neque naturâ nec nutriturâ permixtum, quique ad nutum ipsorum omnia faceret, & morem patriæ gerens nec Clericorum in patrum Beneficia successiones nec concubinarum in eorundem hospitibus cohabitationem abhorreret. Cujus etiam, ob innatam simplicitatem & quasi remissam liberalitatem, nec correptionem in delictis expavescerent nec coercionem.

Sed utinam fraudati desiderio suo, non juxta opinionem suam & pravam voluntatem tepidum eundem, sed aut calidum potiùs aut frigidum inveniant; talemque in ipso simplicitatem præter spem reperiant & obstupescant, qualis fuerat in Job. Cujus quidem simplicitas non fatua fuit sed recta magis & justa, & absque dubietatis & fallaciæ plicâ. Erat enim Job, sicut scriptum est, <sup>a</sup> *vir simplex & rectus & timens Deum.* Unde si talis fuerit viri simplicitas, <sup>a</sup> Job 1. 1. de quo nunc loquimur; tunc erit recta Deumque timens & pavens omnia opera sua. Scriptum est enim, <sup>b</sup> *Beatus, qui semper est pavidus.* Non itaque dubium, quin <sup>b</sup> Prov. 21. 14. omnis animo ipsius fœditas, omnis enormitas, omnis in Clero, si talis existat, turpitudine displiceat. Publicas igitur in Clero & maximè in Ecclesiæ suæ gremio fornicationes, salutis pariter & honestati tam contrarias & tam inimicas, necnon & successiones quas tantopere condemnant Canones, debito de jure falce pastoralis totis nisibus extirpabit. Quid enim turpius, quid inhonestius, aut quid indecentius, quàm in circuitu Ecclesiæ matris & quandoque Metropolitanæ, ubi sanctorum virorum habitatio, ubi & eorundem adhuc reliquiarum sancta repositio, ubi & Angelica spirituum bonorum frequens visitatio; ibi nutricum & obstetricum, ne & meretricum dicamus, habitacula, partuumque recentium & puerorum vagientium jugis incontinentiæ testium crebra & crepitantia cunabula? Quid plura? per cellas cælibum in loco sacro quasi lenonum & levium lupanaria fæda. Quid etiam horribilius aut damnabilius, quàm nocte torâ in cubiculo jacere concubinario, & manè factò astare in Ecclesiæ choro, tanquam re bene gestâ, in veste Canonicâ sc. & honestâ, pullâ qui-



quidem exterius mundi contemptum & viciorum mortificationem falso prætendente, & subtus stolâ candidâ munditiâ in ipsis & pudicitiam mentiente. Unde ut paucis plurima concludam. Quid foedius, quid detestabilius, quàm à turpi quotidie thoro & tanquam fornice tristi plectibili perpetim præsumptione ausos accedere, nec confessione compunctos nec corde purgatos, ad mensam sacram & fercula Christi; quæ revera fumentem vel sanctificant vel condemnant? Qua igitur fronte gregem intuens letali morbo correptum, curam adhibere pastorem, animæque Medicus manum apponere medicinalem, per inscitiam aut incuriam dissimulabit? Si annuncianda populo Domini scelera ipsius Propheta testatur, alioquin sanguinem ejus de manu negligentis requirendum esse Pastoris; quantò magis verenda est hæc comminatio, ubi non solam in populo & vulgo, verum etiam in Clero defectus hic reperitur? Præsertim etiam Clero in ipso Cathedralis Ecclesiæ gremio constituto, & tanquam sub alis ipsius enormiter & enormius educato, paternaque scelera expressè imitato, & ab inquinamenti avitis in nullo mutato. Non hîc igitur in re tam apertâ vel dissimulationi locus est vel excusationi. Error etenim, cui non resistitur, approbatur. &c.

*Quærens.* Causas, cur hunc præ cæteris elegerint satis, evidentes assignastis. Ex quibus revera clarescere potest, quod magis electores suas suorumque commoditates proprias & juxta morum suorum abusus enormes indemnitates, quàm Ecclesiæ suæ præsentibus temporibus aut futuris utilitates, attendebant. Nunc autem utrùm pura fuerit, quantum ad personam Electi, nullâque ex parte fermentata promotio, declarare velitis.

*Solvens.* Quantum ad humanum spectat examen, nichil apertè probabile; quanquam aliquid fortè notabile, præsumptionem quippe pariens non probationem, huic Electioni mendam infixit. Absit enim, quod statim defuncto Episcopo Gaufredo vel etiam in extremis agente, capam holosericam, sicut fama fortè confinxit, aurifrigio ut fertur electo undique fimbriatam & vasculis aureis artificiosè confibulatam, Londoniis emerit & Ecclesiæ Menevensi præsentaverit. Donum quippe est in se pulchrum, preciosum & præclarum; temporis tamen ratione suspectum; & tunc solùm & præter solitum evidentissimum videri potuit ambitionis indicium, & ut doni gratiâ dator in Pastorem citiùs assumeretur, efficax allectorium. Item quoniam sincera debet esse & pura, sicut dictum est supra, ex parte factionali Electio: Absit, quod Canonicis Walensicis ante Electionem suam succedendi jus sub firmâ cautione . . . . . filiorum suorum pollicitus sit promotionem. Argumentum tamen ad hoc, ut fertur & fama dispergit, unde dolendum, jam emerit, quod Martini filium puerulum, qui cunctos Ecclesiæ Wallensicos tam Vicarios ferè quàm Canonicos sanguine sibi vel affinitate conjunctos habere dinoscitur, per patris cessionem pariter & intercessionem statim præ foribus & inter opera sua prima, spem certam cæteris ad impetranda similia præbens, Canonicare non erubuit. Ob causam similem alteri Martini ejusdem filio annis & ætate . . . . . gogo, primam post promotionem suam Gaufredus Episcopus Canonicam . . . . . suspicionis & conventionis notam malè vitando, conferre . . . . . corum & affinium cuneis in Ecclesiâ septus, ideoque novis Episcopis miris . . . . . Quod si ad hoc efficaciter eniti non poterit; ad aliud remedium absque dubio recurreret; quoniam ipsas Canonicis Ecclesiæ, quatinus vel bonis Ecclesiasticis alantur & sustententur, firmiorique foedere sic more solito jungantur, concubinariis amplexibus copulare curabit.

Abfit quoque quòd Canonicis Anglicis maximè verò duobus illis plus cæteris in Angliâ circa confirmationem ipsius & consecrationem laborantibus, Archileviticis, cùm vacaverint, promiserit dignitates. Quàm sit autem Simoniacum, quàm illicitum & quàm inhibitum, Electioni cuilibet factionalem præmittere cautionem; paulò antè in tractatu de promotione Gaufridi Episcopi per Canones expressos est declaratum. Verùm sicut dictum est ibidem, de quatuor illis, inquam, Archipiratis contra Giraldum & Ecclesiam suam allectis quibus Archiepiscopus Hubertus tenebatur, ex hoc pactum præcessisse revera patebat; quòd ipsos statim de primis redditibus vacantibus Gaufridus Episcopus beneficiaverit; qui nec obsequiis antè præstitis, nec ullâ sibi fuerunt familiaritate vel etiam consanguinitate juncti. Nec credat hoc etiam aliquis, quòd tam præpropere fuissent hi redditus ipsis vel propter mores eorum egregios vel propter Clericatus eximios, sc. ex merâ caritate, collati.

Caveat itaque qui nunc præest; quòd si filios Canonorum suorum in Præbendis patrum immediatè ritu barbaro, ne & barbarissimo dicamus, canonizare præsumperit; aut si dictos Anglicos duos, tam initialiter officiosos & ad obsequendum promptulos, processu temporis Archilevitas effecerit; quòd pactio prava præcesserit, vehemens absque dubio præsumptio surget. Caveat & hoc etiam gubernator & non direptor & excoriator: sit rerum ecclesiasticarum dispensator non dissipator, congregator non disgregator, dilator non dilapidator; & ut brevi eloquio multa concludam; sit compilando Prælatus, non depilando Pilatus; & juxta salutarem Pauli doctrinam non dominator in Clero, sed forma factus & tanquam imitabile cunctis exemplar datus. Item Pontificali per omnia pudiciâ præditus & munditiâ verbiq; constantiâ, necnon & avaritiâ carens & cupiditatis intemperantiâ, tam Simoniacam quàm Gieзитicam pravitatem tamquam pestem abhorreat; & decessoribus suis nostri temporis ferè cunctis valde dissonus in hoc & diversus existat. Illamque præcipuè Gieзитicam pravitatem vilissimam de Ecclesiarum ornatibus cunctis post dedicationem illico spoliandis, stauroque fervientibus extorquendo summopere vitet. Alioquin post consecrationis eulogium suspensionis maledictum, sicut locis quibusdam vidimus, consequenter immo & continenter intorquendum, maledictionem sc. statim dandam post benedictionem. Item & Gieзитicam detestabilem ac turpissimam caritarum & literarum fieri in Curiâ suâ venalitatem evitet. Vidimus enim & abhorruimus duorum decessorum suorum propinquorum Notarios tam Monachos quàm Canonicos non solum Cartas verùm etiam literas de simplici justiciâ cunctas pauperibus & egenis passim & absque delectu venditare nec verecundantes nec verentes. O quàm dissimiles hi beato Cantuariensi Martyri Thomæ; qui ut curiam suam ab hac ex toto peste purgaret, tam Cancellarium suum quàm Notarios cunctos sacramento constrinxit; quòd valens cnipulum Anglicum propter literas vel etiam cartas conficiendas aut consignandas à nemine reciperent? Non enim ignorabat, &c.

Item & juxta Apostoli doctrinam nemini citò manum imponat; nec absque examinatione canonicâ & perscrutatione debitâ quenquam ad Ordines admittat. Et sic Episcoporum Walliæ, Hiberniæ & Scotiæ, qui reprobos in Angliâ & pro indignis habitos & ubique recusatos, passim & absque delectu, non autem absque delicto, cunctos ordinare præsumunt, opprobrium vitet. Propter hoc etenim quoniam & absque titulo sustentationis & absque testimonio natalium & conditionis, nec non & vitæ ac conversationis; item & absque scrutinio literaturæ sufficientis & eruditionis, tanquam sal-



cem in messem alienam fatuè mittendo. Neque suorum nec alienorum dignè meritorum qualitatem attendendo, æquè ad Ordines dignos & indignos omnes admittunt, tanquam in Ordinatorum multitudine laudem sibi multam acquirentes: accidit absque dubio, quòd in Parochialibus Ecclesiis tot inveniuntur Pastores inscii & penitus imperiti, verè mercenarii & per omnia minùs idonei, ideoque in iacturam animorum inæstimabilem duces cæci & cæcorum, prohi dolor, duces effecti. Unde si dignis tantum & bene morigeratis, decenter eruditis & literatis, manus imponerentur Episcopales; certè ut moribus & vitâ commendabiles essent necnon & literaturâ præstabiles, tam bonorum consortia ad mores informandum propensius appeterent, quàm Magistrorum quoque limina terere crebrius non negligerent; scolasque & studia, ut eruditores existerent, amplius absque dubio Clerici frequentare curarent. Constat itaque tantum tamque dolendum in grave animarum discrimen dictum in Clero defectum in Episcoporum incuriam maximam plectibilemque perpetim injuriam redundare.

Item paupertati tam Ecclesiæ suæ quàm patriæ se conformet; & ad justas solummodo facultates, non undecunque congeffas, impensas suas & sumptus adaptet. Scriptum est enim &c. Item terras Ecclesiæ suæ Walensicas suis cultoribus non infructuosas, ab Anglicis Episcopis montana & silvestria Walliæ perhorrentibus & incolas etiam ipsos exosos habentibus tanquam pro derelictis habitas, Wallensis Episcopus colat & diligat; & tam armentis quàm equitiis, pecoribus etiam & pecudibus, morem patriæ gerens, ipsas instaurando, fructus exinde pro terræ modulo, tanquam ex auri vel argenti proventibus, sufficienter eliciat. Quoniam quod auri massam ad usum æquiparat, auri valorem plenè & abundè repræsentat. Et sic usurpatos ex horum & similium defectibus dictos rerum damnabilium enormes abusus, licitis his providè ac prudenter utendo, foeliciter evitare valebit. Habeant igitur opulenti regionum opimarum Episcopi copiosas opulentias suas, & tam rhedas longas lateralesque clitellas quàm vecturas innumeras & familias multas & magnas, fortunæ suæ pinguissimæ morem gerendo, circumducant; & tantæ sequelæ suæ multitudinem pascant. <sup>a</sup> *Ubi nempe multa divitiæ, Ecclesiæ teste testante, multi sunt qui comedunt eas.* Opus nimirum est &c. Pauperis autem Ecclesiæ & in terrâ paupere Præsul existens, modicus ipse modicamque familiam habens, modicis ipsam atque modestis alere prævalet impensis; & si modicitate suâ ac mediocritate contentus fuerit, satis habebit dapis, & curæ multo minus. Juxta moralem namque Poetæ doctrinam, Metiri se quemque suo modulo decet &c.

<sup>a</sup> Eccles. V.  
10.

Audiat hæc igitur ille, de quo nobis nunc sermo confertur. Audiat, inquam, & exaudiat, doctrinamque salubrem ex mero caritatis fonte manantem mentis cubile fideliter reponat, cum effectu custodiat; nec solum enim corde custodiat, verum etiam operum prohibitione sequentium verè custoditam efficaciter ostendat. Ad illud itaque documentum hæc sequendo roto conamine tendat; ut auream sc. & aureolam gemmeamque coronam, pro talento exhibito proque lucro reportato Prælati egregiis dupliciter debitam, foeliciter obtineat, &c.

Sciendum hoc autem, & finaliter hîc etiam adjiciendum; quòd *Metrica Cosmographia nostra* juvenilibus annis edita prodiit anno ætatis meæ quasi vicesimo. *Hibernica verò Topographia & Vaticinalis Expugnationis Historia* anno quasi tricesimo. *Itinerarium* autem nostrum & viri sancti Cantuariensis Archiepiscopi Baldwyni per hispida Walliæ loca, & de Cambria descriptione Libellus, anno quasi quadragesimo. *Symbolum* autem *Eleorum*, & de Gestis Giraldi libri, simul

simul cum *Invectionum Libello*, & *Duorum Speculo*, vindicis animi digestis studio, anno quasi quinquagesimo. *Legenda* verò Sanctorum variis temporibus variæ; sed ultimæ duæ, de duobus sc. Episcopis Lincolnienfibus, signis & miraculis & vitæ sanctitate conspicuis, simul cum *Gemmâ Ecclesiasticâ* sacramentalis doctrinæ perutili pariter ac præclarâ, anno quasi septuagesimo. *Dialogus* autem præfens, unâ cum libello *de Principis Institutione* toties promisso, diu nimirum valde diligenter atque latenter hyemalibus lucubrationibus crebris juxta veritatem historicam & quæ veris parcere non novit severitatem elaborato, ideoque tam serò prodire in publicum & proferre caput denique vix auso; tanquam anno ætatis meæ septuagesimo. Et circiter id ipsum temporis liber *de Ecclesiasticis Ordinibus* ex variis nostri temporis religionibus emanavit. Abhinc autem & annis etiam antea plurimis potius operibus bonis quàm opusculis mensque manusque totis per Dei gratiam nîsibus invigilare propensius & indulgere curavit.



# Giraldi Cambrensis HISTORIA

DE

Vitâ S. DAVIDIS Archiepiscopi Menevensis.

Proæmium in Vitam S. DAVID Archiepiscopi Menevensis à  
Giraldo digestam.

**V**itam S. David Archiepiscopi, quem vulgares Dewi dicunt, scolastico declarare stilo, quanquam aliis occupatus plurimum & detentus literarum studiis, Fratrum tamen & Concanonicorum victus instantiâ, vix tandem & invitus adquievi. Quoniam verò nec cursûs istius plana est via, nec materialis ad unguem area limâ veritatis videbatur exculpta; mihi quidem rerum ista expolitio valde fuisset importuna; nisi quoniam ipsis plurimum, immò præter modum, visa est opportuna. Læctionis igitur antiquæ & propemodum jam antiquatæ, sicut nec verba, sic neque rerum hæc series, nec continentia requiratur. Correctionis quippe lege servata, Domino inspirante, qui interdum quæ abscondit à sapientibus, revelat parvulis; & superflua rescindi, & defectiva suppleri, & minùs exquisitè dicta mutari, in hac præsentî paginâ Lector inveniet. Hoc autem mihi scribendi fiduciam præstare potuit; quia cum tribus in rebus à naturâ virtus videatur inserta; sicut non lapidum, non herbarum ita nec verborum, bajuli vitio virtus amittitur. Quòd etiam in Scevæ filiis infidelibus, sicut in Actibus Apostolorum legitur, per Jesum quem Paulus prædicavit adjurantibus & Spiritus malos ab obsessis ejicientibus est compertum.

## LECTIO I. De miraculoso Viri Sancti conceptu.

**B**eatissimus itaque David ingenuis natalibus ortus, Kereticæ Provinciæ Principis filius, cui nomen Sanctus, Arthuri verò Regis avunculus, fuisse perhibetur. Cujus generatio sic erat. Prædictus enim verò Sanctus Keritici Regis filius, à quo & Keretica regio nomen accepit, regales interdum curas alternâ recreatione distinguens, saltibus feras excire, venantiumque studio delectari, ex industriâ disposuerat. Sed ipsa qua hoc anno nocte conceperat, in somnis angelica in hunc modum monita suscepit. Craftino die  
venatum

venatum ituro tria tibi divinitus occurrent munera ; Cervus, quem canum odorâ narium sagacitate persequeris ; & eodem in loco, prope fluvium sc. ubi cervus cæsus erit, piscem invenies, & apum examen cum melle congesto. Quæ quidem tria filii tibi nascituri naturam præfagiunt & proprietatem. Hæc Angelus. Et in craftino futuri eventus verba prænuntia statim veritas est subsecuta. Cervus autem, sicut sumpto serpente & consumpto, resumptâ quasi juventute totus renovari videtur. Sic iste de cujus hæc agimus vitâ, calcatâ serpentis antiqui versutiâ, veterem ex toto exutus est hominem & indutus novum. Piscis verò aquaticam ejusdem vitam designare potuit. Sicut enim piscis aquâ vivit ; sic iste vinum & siceram & omne quod inebriare potest respuens, magnumque Baptistam & Christi præcurso-rem laudabili æmulatione in hoc sicut in aliis multis imitari statuens, beatam Deo vitam in parte tantum & aquâ perduxit. Unde & Britannicè Dewi Deverur, hoc est, David vir aquaticus, est appellatus. Mel autem sapientiam ejus declaravit. Sicut enim ex favo mel elicitur ; ita spiritalem sensum historico cepit instrumento. Elapsis igitur annis postea tridenis, prædictæ Kereticæ regionis Princeps in Demeticam divertens Provinciam, ad partes de Pebidiauc declinaverat. Ubi secum perlustrando & à comitantium turbis aliquantulum segregatus, obviam fortè puellam invenit pulchram & amabilem valde, cui nomen Nonnita. In quam ut oculos injecit, in cupidinem ejus medullitus exardens, statim equo dilapsus, virginis ibidem amplexibus est delectatus. Ipsâ verò conceptus horâ duo lapides magni, alter ad pedes, alter ad caput emerferunt. Tantæ nimirum genituræ terra congaudens, tanquam sinum aperiendo, lapides ibidem illos emisit ; ut & puellæ verecundiam pro velamine conservaret, & prolis nascituræ solidam sanctamque constantiam designaret.

**Lectio II.** De Patricio qui triginta annis antè sedem sibi apud Meneviam elegerat, Angelo monente, in Hiberniam inde transmissio.

**C**ontigerat autem annis ante XXX. Patricium natione Britannum, Romanis disciplinis eruditum, virum virtutum meritis affatim insignitum, cum ab Italiæ partibus, ubi diutinam moram fecerat, in natale Britannia solum reversus fuisset, ad Kereticam fortè regionem divertisse. In qua per aliquantulum temporis conversatus, Demeticam postmodum Provinciam petiit. Ubi demum perlustrando angularem de Pebidiauc terram intravit. Veniens igitur ad locum, qui Vallis Rosina vocatur, videns consideransque locum ab omni populari strepitu longè remotum, locum amœnâ solitudine super Hibernicum mare religioni & contemplationi idoneum, corde concepit, fixumque in animo ratumque devovit, se Deo ibidem usque ad extremum spiritus halitum devotis obsequiis mancipandum. Sed cum ista secum propensius meditando revolveret ; hæc in contrarium Angelo proponente suscepit. Hanc tibi sedem, ô Patrici, non providit Deus, immo viro nondum nato nec nisi tridenis post hæc annis elapsis nascituro. Quibus auditis, vir sanctus vehementer admiratus, & ultra quàm credi potest animo consternatus & anxie contristatus, ingemuit : Hæc secum deliberans & desperatâ mente proponens. Frustra diutinis abstinentiæ tædiis corpus affixi ; frustra jejuniis olim, frustra vigiliis & orationibus vexor ; ex quo tot meritis nihil adhuc meritis ; quia nondum natus antefertur. Sed hæc & hujusmodi animo revolvens, consolationis ab Angelo in hunc modum verba suscepit. Parce Patrici, parce mœrori. Spem potius erige, spem



spem resume. Magna tibi in insulâ Hibernicâ reposita est corona. Nondum enim hæc natio salutis monita, nondum vitæ verba suscepit. Gentis hujus Apostolum, gentis hujus prædicatorem & principem summum te constituit Deus. Ibi proficere debes, ibi sedes à Domino tibi parata. Ibi signis & virtutibus radiabis, totamque gentem illam Deo subjugabis. Ego tecum ero; & hoc tibi signum. Totam Insulam, quam intrabis, tibi ex hoc prospectu statim ostendo. Et continuò in Zephyrum oculos vertens, totam Insulam ex loco, qui hodie sedes Patricii dicitur, trans maris & montium tam interstitia quàm obstacula tanta, miraculosè prospexit. Nec mora; paratis omnibus juxta monita navem scandens, resuscitato tamen prius ibidem mortuo quodam, cui nomen Dunaudus<sup>a</sup>, euro ad vota spirante, promissam foeliciter patriam intravit. Cætera verò vitæ ipsius insignia qui audire gestierint, Hibernica scripta requirant; & nos ad cæpta redeamus.

De Gilda Doctore ob præsentiam Nonnitæ prægnantis  
obmutescente.

**C**rescente igitur utero prænotatæ puellæ & naturaliter intumescente, contigit ut Ecclesiam quandam in loco sitam, cui nomen Kanmorva, i. e. urbs maritima vel castrum, orandi gratiâ more consueto mulier intrasset, in qua Doctor egregius Gildas<sup>b</sup> sermonem ad populum tunc fortè faciebat. Qua ingressâ statim obmutuit, adeò ut nec unum prædicationis verbum amplius enuntiare valuerit. Interrogatus autem à populo, cur ita diutius interrupto sermone taceret, respondit. Ego quidem communi loquelâ vos alloqui possum; prædicare verò, nescio quo eventu, nullatenus possum. Sed vos extra egredientes, me solum hîc relinquit; ut si vel sic pristinum prædicationis officium recuperare possim, agnoscam. Egressâ igitur foras plebe, Nonnita sola in angulo quodam Ecclesiæ, ut erat verecunda simul ac devota, remansit, verba salutis & avidè audire sitiens, & ab orationum instantiâ vix recedens. Ipse verò loqui temptans, sicut primò sic & secundò elinguis inventus non profecit. Tunc magis exterritus animoque consternatus, in hæc verba prorumpens exclamavit. Adjuro, inquit, & per Dei virtutem omnipotentis obtestor; ut si quis hîc latitat, in medium procedens appareat. Tunc ipsa capite demisso vultuque venusto, respondit. Ego, mi præceptor & Domine, ancilla vestra in hoc angulo latui, vestræ sanctitatis veniam petens. At ipse divinâ, ut videbatur, providentiâ fretus: Et tu, inquit, foras egredere; populus autem totus Ecclesiam intret. Quo facto, statim ex more prædicat, linguâ solutâ. Interrogatâ verò muliere, an prægnans existeret, verumque professâ, statim viro sancto populoque per ipsum propatulo claruit; quodd scilicet paritura foret, qui honoris privilegio, sapientiæ fulgore, sermonis facundiâ cunctos Britannix Doctores incomparabiliter antecelleret. Sicut ex viri egregii vitâ subsequente veritas eventum declaravit.

<sup>a</sup> Illum Ricemarus in Davidis *Vitâ* Crimther appellat; additque ipsum per 12. annos juxta littus istud sepultum fuisse, & à Patricio resuscitatum in Hiberniam unâ

cum illo navigasse, ac Episcopum demum evasisse.

<sup>b</sup> Gildas filius Can, qui prædicabat in tempore Regis Triphthmi & filiorum ejus. Sic Ricemarus.

Lectio III. De ortu ejusdem miraculoso & eruditione.

**I**Nterea quidam in confinio Tyrannus habebatur, qui ex Magorum præstigiis audierat puerum in finibus illis nasciturum, cujus potestas totam patriam occuparet. Unde & statim quia terrenis tantum inhiabat; puta qui solum in infimis, tanquam Herodes alter, spem posuerat, magnis cepit invidiæ stimulis exagitari. Notato itaque ex Magorum præstigiis & loco tanti partus & tempore, singulisque diligenter observatis, urgente pariendi articulo prædictum Nonnita locum petente, tanta pluviarum inundatio tantaque fulgurum & coruscationum tempestas invaluit, quanta multis ante temporibus in partibus illis visa non fuerat. Locus autem, in quo mulier parturire parabat, tantâ lucis serenitate præfulgebat, quantâ solet amœna dies clarissimis æstivi solis radiis illustrata. Mulier verò inter ipsas parturiendi angustias, cum in petra quadam, quæ propius astabat, urgente dolore manibus innixa fuisset; ipsa statim in medium divisa dolemi quodammodo matri condoluit. In eodem itaque loco Ecclesia sita est; in cujus altari hæc petra tanquam tabulæ vicem præfixa tenet, digitorum vestigiis tanquam in cerâ pressorum usque in hodiernum comparentibus. Nato itaque pæro & in lucem emisso, statim divina non defuere Miracula. Ad baptizandi namque ministerium aquæ limpidissimæ fons illico prorupit; qui usque hodie in loco, qui Porteleis appellatur, cernentibus apparet. Igitur ab Elveo Menevensium Episcopo qui divinâ providentiâ eadem illuc horâ de Hiberniâ venerat, baptizatus, cæci cujusdam oculis, cui nomen Movi, qui eum sub undâ tenebat, cum sacro fonte respersi fuissent, pristina videndi facultas est restituta. Puer autem nutritus est in loco, qui Vetus Rubus dicitur, qui & Kambricè Honmèneul, Latine verò Vetus Menevia vocatur. Sortitus est autem locus hic nomen ab Hybernico Muni, quod & Rubus sonat. Unde & Kilmuni Hybernicè adhuc hodie Ecclesia Menevensis appellatur. Puer itaque crescebat gratiâ plenus, literarumque addictus studiis, supra cœtaneos perspicacis ingenii velocitate proficiebat. Adeoque gratiâ desuper perfusus fuerat; ut condiscipuli ejusdem niveam columbam tanquam eum docentem atque monentem se multotiens vidisse testarentur. Succedente verò tempore crescentibus quoque virtutum meritis, ad centesimum summopere fructum aspirans, carnemque ab omni libidine servans immunem, ad sacros gradatim Ordines provectus, tandem Sacerdotali dignitate est sublimatus. Exin profectus est in Vectam Insulam; ubi Paulinus Germani discipulus, discipulus ex toto mancipatus officiis, gratam Deo vitam agebat; ut præceptoris ejusdem tam doctrinis instructus quam exemplis informatus, longè efficacius & divinis Scripturis imbueretur, & ad patriam à viâ felici cursu transveheretur.

*Belue dicitur in Hist. Gloucest. Helue apud Ricemarum.*

De Paulino præceptore illius signo Crucis ab eodem illuminato.

**C**ontigit autem eodem tempore, ut Paulino tam lætatis ingruentiâ quam lacrimarum quibus abundabat affluentia oculorum penitus acie fraudato, convocatis in unum ex Magistri præcepto discipulis, singulisque ex ejusdem rogatu oculos ipsius Crucis impressione signantibus ac benedictibus, tandem ab aliis omnibus hoc per ordinem completo, ad David usque perventum est. Qui adeo veretundus ac simplex naturaliter extiterat; ut cum decennale studium ibidem jam compleisset, vix Magistri faciem vel semel defixo lumine intueretur. Demum tamen cum ad cunctorum instantiam



stantiam præceptoris oculos Crucis signaculo tangens ac benedicens consignaret; statim Paulinus pristinae lucis gaudia recuperavit. Tunc Dei virtus, quæ potestatem talem dedit hominibus, digne ab omnibus commendatur. Tunc David venerari cœpit à cunctis & magnus haberi, dicentibus ad invicem & cum admiratione conferentibus. Quis putas iste erit? Etenim manus Domini erat cum eo. Nec multo post tempore Angelus Domini Paulino apparuit, dicens. Tempus est, inquit, ut David commissum sibi talentum non in terram fodiat nec abscondat; sed acceptam Domini sui pecuniam laudabili potius sœnore multiplicatam in medium producat. Neque lucernam sub modio ponat, sed super candelabrum; ut luceat omnibus, & vitæ viam aperiatur universis. Abhinc ergo David ad salutaria Magistri monita, reversus à studio, verbum Domini cum effectu seminare, radicare cœpit & plantare; derivatisque foras fontibus in plateas aquas spargens, multum in horrea Domini tempore messis fructum afferebat. Præter enim salutarem quam in populo doctrinam tam verbis quam vitæ meritis infatiganter exercebat, duodecim admodum Cœnobيا fecit. Primum apud Glastoniam; deinde Baduni, ubi calidos inveniētes fontes, inutiles hactenus ac pestilentes, suâ lavandis corporibus benedictione reddidit acceptos. Postea Croulan, & Reptum; Colvan, & Glascom. Ex hinc Leonis Monasterium; Ragalan quoque in Wintâ; & Langevelach apud Goer, ubi & altare missum à Domino postea suscepit. Circa hæc eadem quoque tempora Regi Ergin cui nomen proprius, quibus caruerat, lucis beneficia restauravit. His ita patris, post longa tam discendi primò quam postea quoque docendi tempora, ad locum unde discesserat, Meneviam scilicet, demum vir sanctus repatriavit. Erat autem eodem tempore ibidem Episcopus avunculus ejus, vir venerabilis, cui nomen Gistlianus. Huic igitur Angelica, quæ jam susceperat, monita nepos in hunc modum recitavit. Locus, inquit Angelus, in quo Deo servire proponis, non est ei acceptus. Modicum enim vel nullum sibi futurum fructum inde providit. Veruntamen est alius non procul hinc locus, ostendens Vallem Rosinam\*, ubi sacrum hodie Cimiterium extat, longè religioni & sanctæ congregationi competentior. 2 Ex hoc nempe maximos sibi divina providentia fidelium animarum thesauros elegit.

<sup>a</sup> Repetun Ricemarus le-  
<sup>b</sup> Colguan. Id.  
<sup>c</sup> Leumini-  
<sup>d</sup> stre. Id.  
<sup>e</sup> Raglan in  
regione  
<sup>f</sup> Guent. Id.  
<sup>g</sup> Guhir. Id.  
<sup>h</sup> Pepian re-  
gem Erging.  
Id.  
<sup>i</sup> Veterem  
Rubum Id.  
<sup>j</sup> Giustilianus  
fratruelis ejus  
Id.

#### Lectio IV. De Boia Tyranno sanctæ Congregationi invidente, & Patre David Fratres confirmante.

Quodam igitur die tres fidelissimi discipuli David ad ipsum veniunt; Aidanus scilicet, qui & Hybernicè Maidaucus; Eliud, qui & hodie Teliu dicitur; & Ysmael. Qui statim multâ condiscipulorum comitante catervâ, Magistrum ad locum perducunt prædestinatum: Accensoque ibidem in nomine Domini rogo, fumus incontinenti tantus emerfit; ut totam Insulam Britannicam necnon & Hybernicam circumgirans adimplere videretur. Quidam autem ex loci vicinia vir præpotens, cui nomen Boia, viso tali signo summâ qua residebat ab arce, zelo invidiæ statim accensus, tantâ turbatus est irâ & indignatione; ut & requiem respueret & refectorem. Ad quem uxor ejus accedens, tantæ turbationis causas inquirere cœpit attentius & investigare. Ad quem ille. Vidi, inquit, fumum ex Rosinâ Valle surgentem; qui totam illico patriam circuiendo & implendo adumbrabat. Quo pronostico certum teneo, quod ejus incensor famæ gloriâ, quæ per fumum designatur,

<sup>i</sup> Baia vocatus Scottus. Id.

1 Hic loci Ricemarus ista interponit. Duo quoque Sancti Boducat & Mairun in provincia Cetgueli dederunt sibi manus.

\* Addit Ricemarus. Quem vulgari nomine Hoduan Britones vocitant.

2 Ricemarus. Omnis enim qui in cimiterio illius loci sanctâ fide sepultus fuerit, misericordiam consequetur.

omnes

omnes Insulanos incomparabiliter antecellet. Cui conjux : Vade ergo, & fervorum septus agmine, incensorem illum cunctosque ei adhærentes in gladio perimere non formides. Quod vir stolidus aggredi temptans, & effectui mancipare velle præsumens, statim cum suis universis febrium igne correptus, à conceptâ nequitia temperavit. Verbis tamen, minis & opprobriis, quia viribus non poterat, sanctam societatem impugnavit. Revertens igitur, & facultate nocendi privatus non voluntate, conjugem obiter obviam habuit vociferantem & clamantem. Væ, væ, quia morte subitanâ jam pecora nostra cuncta periere. Virum itaque Sanctum statim adeuntes, humili devotione deploremus ; ut & nostri simul & pecorum misereatur. Quo factò, terrâque, quam possidebat Vir Sanctus, ei in perpetuum relictâ immuni, quæ mortua videbantur pecora, vitæ inventa sunt restituta. Per pecora nimirum & bestias, in quibus signa sunt data, bestiales temporis illius homines, & de besti-  
arum amissione plus æquo dolentes, sunt designati.

Nec sic tamen invidia quievit, nec sic malitia cessavit. Mulier enim muliebri non degenerans à naturâ, semper in nequitiam prona, semper in malum pertinax & obstinata, missis puellarum turbis, sanctam cohortem muliebriter demulcendo, crebris insultibus adeò molestare cœpit & fatigare ; ut à loco discedere locumque deserere penitus Fratres unanimi consilio jam parâssent : Scientes quippe, quoniam hujusmodi genus hostis melius fugiendo vincitur quàm resistendo. Et quoniam juxta Jeronimi sententiam nulla securitas est vicino serpente dormire ; quia etsi non percutit, certè sollicitare non desistit. Sanctus autem Pater titubantes in hunc modum discipulorum animos piâ consolatione confirmavit : docens & monens, quoniam per tribulationes & angustias artâ, quæ ducit ad vitam, incedendum est viâ : nec nisi per viâ laborem ad patriæ requiem pervenitur. Quis enim Israeliticæ plebis ad Terram Promissionis per Egypti deserta tendentis longos & periculis plenos labores ignorat ? Quis Pauli ad Italiam vergentis, quanquam divinis afflati monitis, naufragosa pericula non advertit ? Sed navis cordis in maris fluctibus integra & inconcussa permansit. Adversitas itaque, quæ bonis votis objicitur, probatio virtutis est, non indicium reprobationis. Virtus enim vero in infirmitate perficitur. Et sicut aurum igne probatur ; sic fidei constantia tribulationibus frangi nescia, more sinapis, plus excrescit ; & inter angustias pressa diutius, nec oppressa, in robur perfectæ consummationis fortius exurgit. Debemus itaque non vinci à malo, sed vincere potius in bono malum. Quia si Christus pro nobis ; quis contra nos ? Sedatis igitur ad patris monita discipulis, mulier paulò post in insaniam versa, privignam innocuam interemit. Et sic divinâ indignatione percussa, debacchato discurrens impetu in brevi non comparuit. Boia quoque ab hoste interemptus, cui nomen Leshi, turreque ipsius misso cœlitus igne consumptâ, divinam ultionem non evasit.

Cessantibus itaque demum Deo propitio malignantibus insidiis, sancta Societas in loco divinitus ostensò Monasterium insigne construxit. In quo divinis ex toto mancipati obsequiis, à populari frequentia in angulari quadam solitudine super Hybernicum mare longè remoti ; quatuor his curis, manuum scilicet labore, lectione, & oratione, & pauperum refectione, vitam foeliciter exegere. Unde & tanta tamque laudabilis Congregationis hujus longè latèque crevit opinio ; ut nominis ejusdem, tanquam effusi olei, fragrantia multos per Insulam ad similia sanctæ conversationis opera efficaci exemplo provocaret. Multi quoque viri magnifici & terrenâ facultate præpotentes, inter quos nominatissimus extiterat \* Dux Cornubiæ Constantinus, relictis \* Regem vocat Ricemarus, omnibus ad locum hunc se conferentes, vitam in sanctâ societate finire foelici-  
ter elegerunt.



Lectio V. De Fonte limpidissimo Discipulorum instantiâ ad sacramen-  
tales usus à Patre David non procul ab Ecclesiâ dato.

Quodam verò die convenientes in unum Fratres communiter conquerun-  
tur: quòd prope Monasterium ad Missarum solennia Dominicique corporis  
sacramenta lucidi limpidique fontis copiam non haberent. Aluni namque  
fluvius per vallis ima decurrens aquâ turbidâ fuerat & cœnulentâ & frequen-  
ter in æstate defectivâ. Quo Pater audito, ad locum Cœmiterii, ubi frequen-  
tiùs Angelicis frui consueverat alloquiis, statim accessit. Cùmque ibidem  
aliquamdiu devotis ad Dominum orationibus institisset; limpidissimæ fons  
aquæ eodem in loco subito prorupit. Qui sacramentalibus ad plenum usibus  
idoneus & officiis, usque in hodiernum ibidem emanat: Antiquis aliquando  
vinum temporibus, nostris autem aliquotiens lac stillare diebus, indubitatâ  
veritate compertus. Sed & alias quoque fontium scaturigines circiter locum  
eundem discipulorum meritis ad Patris imitationem datas constat quampluri-  
mas. Ubi Breudi quoque, ubi Ecclesia in honore S. David, quasi per milli-  
aria quatuor à Meneviâ distans, fundata dinoscitur, ad instantiam viri cujus-  
dam, cui nomen Terdi, pulcherrimum dulcis aquæ fontem piis similiter sup-  
plicationibus Pater emisit.

De Aidano discipulo, qui boves præcipites signo Crucis reduxit incolumes; &  
Swithuno ab Hybernicâ Meneviam ab eodem miraculosè transmissio.

Sed quoniam quicquid gratiæ spiritalis discipulis impenditur, in patris ac  
præceptoris proculdubio redundat gloriam; nonnulla Discipulorum insignia  
interdum interserere præter rem non putandum. Aidanus igitur divinis e-  
ruditus disciplinis, tantoque dignus præceptore discipulus, cùm lectioni quan-  
doque propensius intenderet, ex Præpositi præcepto lectionem relinquens,  
cum duobus bobus ad ligna deportanda perrexit. Erat autem silva, quam  
petebat, quasi milliaribus distans à Monasterio duobus, scilicet in valle de  
Saleuuach. Cùm itaque vehiculo impleto per prærupta montis latera rever-  
teretur; bobus fortè cum rhedâ & sarcinâ totâ in præcipitium datis, vir San-  
ctus elevatâ manu signo Crucis & vehiculum integrum & boves illæsos mirâ  
virtute reduxit. Accessit & illud ad signorum cumulum; quòd cùm nubes  
interim in pluviam magnam resolutæ fuissent; librum tamen, quem præceptis  
obediendo nimiam ob festinationem apertum sub divo reliquerat, ab omni ma-  
dore repperit prorsus immunem. Sanctus autem Aidanus, qui & Hybernicæ  
Maidocus dicitur, virtutibus insignis, & divinis affatim eruditus disciplinis,  
exin licentiâ primùm à Patre dein Fratribus acceptâ, cum omni benedictione  
Hyberniam petit. Ubi cùm aliquamdiu signis & virtutibus claruisset; de-  
mum apud † Fernas nobile Monasterium construxit. In quo ad formam &  
regulam, quam apud Meneviam à pio Patre didicerat, collectis in unum  
Fratribus Domino deservire devovit. Processu temporis cùm nocte Paschali  
orationibus consueto more vir Sanctus insisteret; astitit ei Angelus dicens:  
Nescis Aidane, quòd patri tuo David crastinâ die à Fratribus quibusdam ve-  
nenum ad prandium apponetur? At ille respondens, Nescio, inquit. Cui  
iterum Angelus: Mitte ocius unum ex discipulis ad indicandum ei. At il-  
le: Nec navem, inquit, paratam habeo; nec aura concordat. Et Angelus:  
Discipulum tuum Swithunum ad mare quàm citiùs mitte; & ego ei tam ven-  
tum quàm vehiculum ministrabo. Quo facto, cùm Swithunus ad mare per-  
veniens usque ad genua jam intrâisset; assumptus à marinâ belluâ & miracu-  
losè transvectus, Patri periculum indicavit. Cùmque die Paschali completis  
Missarum Solennitatibus in Refectorio ad cœnam confedissent, Diacono ex  
more

† Guerwin. *Id.*

more ministrante panemque veneno confectum Patri apponente, surgens || Scutinus. Id.  
 || Swithunus, qui & Scolanus dictus est, & postmodum \* in Wintoniensi, ut \* De Episco-  
 perhibent, cathedrâ sublimatus; Diacono cum confusione repulso; Ego, patu Winton.  
 inquit, hodie ministrabo. Sanctus autem Pater panem oblatum in tres divi- Ricemarus ta-  
 cet.  
 di portiones fecit; & unam partem cani & alteram corvo tradi præcepit.  
 Quibus devoratis, cernentibus cunctis statim expiravit uterque. Ipse autem  
 Pater tertiam sumens partem, coram omnibus benedicendo comedit, intre-  
 pidus pariter & illæsus.

Lectio VI. De Libro Evangelico imperfecto.

Contigit autem die quodam, cum Evangelio Johannis manibus propriis Nil de hoc li-  
 scribendo operam daret; quod campanâ pulsante statim ad horam exiliit; bro Ricemarus  
 & ad Ecclesiam nec clauso quaterno nec folio completo festinavit. Mos enim habet.  
 erat Congregationi ibidem Deo militanti, cuicumque insisterent operi, quod  
 eodem illico ad campanæ pulsus non completo, communiter ad horam ac-  
 celerarent; divina sic indicantes obsequia cunctis officiis anteponenda. Com-  
 pletâ autem horâ, cum ad scriptorium suum locumque laboris vir Sanctus  
 juxta consuetudinem remeasset; invenit columnam inchoatam aureis literis  
 Angelico ministerio consummatam. Quo viso Pater, quoad potuit, Mira-  
 culum suppressit; & ab humanis librum aspectibus clausum nil penitus ad-  
 dendo removit. Unde & usque in hodiernum in textum auro & argento de-  
 center insignitum conclusus, humanis interioribus aspectibus non præsentatur.  
 Nec legitur quisquam à tempore Sancti usque ad moderna fere tempora au-  
 sus inspicere vel libri signaculum aperire. Quidam etenim novissimis his die-  
 bus id attemptare præsumserunt; quia semper caritas refrigescit, & devoti-  
 onis de die in diem amplius amor ac fidei fervor Deique timor evanescit; sed  
 incontinenti subitâ divinitus passione percussi, à temerariis ausibus sunt revo-  
 cati. Vocatur autem à Comprovincialibus Textus iste Evangelium Imper-  
 fectum; qui usque in hodiernum signis clarus & virtutibus, in maximâ non  
 immeritò reverentiâ à cunctis habetur.

De S. Barroco super mare equitante, & Brendano super marinum ce-  
 tum eidem obviantem.

Mos erat illis diebus Hybernensibus Romam peregrè proficiscendo, Apo-  
 stolorum limina præ locis omnibus magis frequenter devoto labore visitare.  
 Inter quos Abbas † Barroco de Corcagiæ finibus ab eadem peregrinatione † Barre. Id.  
 Meneviam usque reversus, ibidem venti & navigii tempora præstolabatur.  
 In consuetudine nimirum viri boni de Hyberniâ & autentici habebant; quod  
 peregrè profecti vel in eundo vel redeundo B. David alloquiis frui, quoniam  
 oleum effusum erat nomen ejus, votivo desiderio affectarent. Cum itaque  
 Barroco circa Patrem David divinis alloquiis & sanctâ contemplatione ali-  
 quamdiu moram fecisset; tandem de patriâ cogitans, gregisque sine pastore  
 pericula timens, quia navigationem ejusdem aura contraria præpediebat;  
 equum Patris David, cui ad ecclesiasticas utilitates insidere consueverat, de  
 meritis viri Sancti valde præsumens, fiducialiter expetiit & obtinuit. Li-  
 centiam igitur à Patre suscipiens cum benedictione, & equo viri Dei pro ve-  
 hiculo pariter & navigio fungens, super æquoreas absque remo & velis trans-  
 vectus undas, solo fidei gubernaculo sustentatur. Cumque longius in mare  
 sic equitando progressus fuisset; apparuit ei S. Brendanus super marinum ce-  
 tum obviam veniens. Qui salutatione præmissâ, quæsit humiliter, & quis  
 esset, qui super aquas sic equitabat, & unde venisset. Cui Barroco cum  
 longæ peregrinationis tædia, Sanctique Patris David apud Meneviam solatia,  
 [ M m m m 2 ] equique



¶ Psal. lxxvi.  
20.

\* Abacuc. iii.  
15.

equique sui cum benedictione vehiculum exposuisset; Brendanus acceptâ licentiâ prateriit; dicens, ad visitandum similiter virum Sanctum se suo quoque vehiculo divinitus indulto deproperare. Barroculus autem illæsus & indemnis trans mare vectus, Corcagiam venit; & Fratribus quæ gesta fuerant per ordinem narravit. Qui & equum in Cellæ ministerio usque ad obitum ejusdem tenuerunt. Post obitum verò ad tanti tam inauditi Miraculi perpetuam memoriam, equum fusilem modicum & portabilem virumque infidentem auro & argento egregiè distinctum fecerunt. Qui usque in hodiernum Corcagiæ in Ecclesiâ S. Barroci, signis clarus & virtutibus, in maximâ nimirum reverentiâ à Comprovincialibus haberi solet. His autem vehiculorum miraculis illud in Psalmo consonare potest. ¶ *In mari via tua, & semita tua in aquis multis; & vestigia tua non cognoscuntur.* Item & illud in Cantico Abacuc. \* *Viam fecisti in mari equis tuis, in luto aquarum multarum.* Mirabilis itaque Deus in Sanctis suis, & magnus in omnibus operibus suis. Nec detestari debet, sed admirari, sed venerari, creatoris opera, quavis creatura. Multa nimirum, ut ait Jeronimus incredibilia reperies nec verisimilia, quæ nichilominus tamen vera sunt. Nichil enim contra naturæ Dominum prævalet natura.

Lectio VII. De Mandabnauco discipulo signo Crucis liberato, & apibus ab eodem in Hiberniam miraculosè transvectis.

¶ Modomnoc  
Ricemarus ap-  
pellat.

Quodam autem die cum quidam sancti Patris discipulus, cui nomen ¶ Mandabnaucus, non procul à Monasterio unâ cum Fratribus devexa montis cuiusdam latera ferro cavaret & complanaret; quatinus viantibus ad deferenda necessitatum onera facilius foret accessus; quidam aliquoties increpatus ab ipso, quod nimis segniter laborasset, iracundiæ furore succensus, ferrum, quod manu tenebat, in altum elevans, illud in viri verticem contorquere parabat. Quod videns à longè S. Pater David sacro Crucis signo dextræ manûs ad illos elevatione & ictum tenuit, & manum cum brachio ferire volentis arefcere fecit.

Cum autem Discipulus idem post annos plurimos circa Patrem & obedientiæ regulis instructus fuisset, & vitæ meritis illustratus, cum Hyberniam Insulam de Patris licentiâ petere jam parasset, mare ingressum cuncta apum examina, quæ Meneviæ vel in ejusdem confinio fuerant, ipsum usque in navem ipsam sunt secuta. Ipse enim inter Fratres huic specialiter operi indulgebat; quod alvearia ad enutriendos apum foetus per examina disponebat. Quo viso, nolens Fratres possessionis suæ damno fraudare, ad terram rediit, patremque David revisitavit, apibus ad sedes suas undequaque reversis. Ad navem autem secundo reversus, apes eum undique sequentes denuo conspexit. Iterumque ad terram revertentem sicut primò sic & secundo sunt secutæ. Patrem autem & Fratres jam tertio repetens, quoniam suis eos utilitatibus nullatenus sponte fraudare, sed ipsos potius indemnes esse volebat; tandem piis Fratrum orationibus & Patris benedictione Deo commendatus, transfre-tandi licentiam unâ cum apibus communiter accepit. Ex quo factum est, ut apes, quæ nunquam antea in Hyberniâ, ut fertur, (a) visæ fuerant, ab eo quo tam miraculosè per ipsum transvectæ sunt tempore ibidem abundare, in Meneviâ verò ab illâ semper horâ deficere consueverunt.

(a) Rationem exhibet Ricemarus. In Hiberniâ nunquam ad illud tempus apes vivere poterant. Nam si Hiberniensem humum aut lapidem mediis apibus immitteres; disperse atque fugaces nimium devitarent.

De Beato David Jerosolimam Angelicis monitis peregre profecto, & ibidem à Patriarchâ in Episcopum consecrato.

Processu verò temporis crescentibus cum ætate virtutum meritis, nocte quadam in somnis astitit Angelus patri David, dicens & firmiter injungens, ut in crastino manè iter Jerosolimitanum incunctanter arriperet, duosque sibi socios & participes tanti laboris adjungeret; Eliud scilicet, qui nunc Teliaus vulgò vocatur, & Paternum; quorum amborum conversatio satis eidem nota fuerat. David autem admirans imperii maturationem, respondit. Quantum in me est, paratus sum in omnibus obedire; sed quos mihi comites tam festinos adjungis, trium dierum spatio & à nobis & ab invicem distant. Cui Angelus. Ne sollicitus, inquit, super eorum adventu; quia sine difficultate tibi cras obiter occurrent. David autem summo manè parens imperiis, dispositis statim Fratrum necessitatibus, acceptâque eorundem benedictione, non magno apparatu non sumptuoso, continenter iter arripuit: Et non longo progressus itinere, præmissos socios ad eundem secum laborem promptos invenit. Ibant itaque gaudentes, Angelicis fulti solatiis; ibant & unanimes; puta quibus omnino fuerat tribus in corporibus tanquam animus unus. Nulla inter eos contentio, nulla disparitas, nulla discordia. Tantùm in Psalmis, Hymnis & Canticis spiritualibus divinisque colloquiis dies & noctes consummabant. Cùm autem primò trans mare Gallicum & postea Mediterraneum navigio vecti, diversas nationum linguas audirent; more Apostolico omnium notitiam gratiâ divinitus indultâ omnes habuerunt; quatinus inter alienigenas Interprete non indigerent, & fide vacillantes verbo pariter & opere confirmarent. Appropinquantibus autem urbi Jerosolimitanæ, nocte proximâ ante eorum adventum apparuit Patriarchæ in somnis Angelus dicens. Tres tibi viri ab occiduis finibus Catholici & amici Dei cras advenient. Quos cum gaudio magno & hospitalitatis gratiâ benignè suscipias; & Abbatem ipsorum, cui nomen David, Christo in Episcopum & fidei fundatorem consecrabis. Patriarcha verò post hanc visionem tres sedes honoratissimas summo manè parari jussit; quibus tres personas honore dignissimas honorificè suscepit. Quos cùm diebus aliquot gratulanter secum & decentissimè tenuisset; Patrem David divinitus electum statim consecrando in Episcopum debitâ solennitate provexit. Quibus in hunc modum ritè peractis, quoniam eâ tempestate || Gentilium furor in Christianitatem nimis invaluerat; Patriarcha || Judæorum. Ricemar. monuit, & monitis obtinuit; ut secum in Orientis aliquamdiu partibus verbum Domini seminarent; quatinus & fidei domesticos in fide confirmarent, & infideles atque rebelles ab erroris sui pertinaciâ revocarent. His igitur omnibus juxta Patriarchæ monita aliquantis gratiosè temporibus & valde efficaciter exactis, cùm redeundi denique licentiam vix obtinuissent; quatuor eos muneribus Patriarcha donavit; Altari videlicet portatili consecrato, Campanâ bajulâ, Baculo insigni, & Tunicâ ex auro contextâ. Sed quoniam tam onerosâ quanquam honorificâ tam longo labore ferre recusabant; reversi in patriam Angelico ministerio sua quisque dona miraculosè recepit. David quidem in Monasterio, cui nomen Langevelach, nolam & altare; quæ ambo usque in hodiernum virtutibus clarent. Paternus autem & Eliud sua suis Monasteriis munera, signis quoque clarentia, susceperunt. Unde & in perpetuam tanti Miraculi memoriam hæc Donaria de cœlo venientia vulgò vocantur.



Lectio VIII. De Synodo apud Breui contra Pelagianam Hæresin convocata, & patre David ibidem in Archiepiscopum fullimato.

Non longis autem post hæc temporibus Pelagiana labes & Hæresis detestanda per B. Germanum Antisiodorensē & Lupum Trecentem in Insulam transmissos olim extincta, recidivo morbo redivivâque malitiâ in fidei Catholicæ perniciem jam resuscitata, universali totius Kambriæ Synodo colligendæ occasionem dedit. Unde & collectis in Kereticâ regione apud Breui Episcopis & Abbatibus virisque Religiosis diversorum Ordinum multis, necnon & Laicis Principibus ac populis de universâ regione collectis; cum à pluribus in publicâ audientiâ sermo factus populum Hæreticâ pravitate penè irrevocabiliter infectum ad fidei reducere tramitem non prævaluisset; tandem Paulinus Episcopus, cum quo David olim liberalibus disciplinis in pueritiâ studuerat, ut propter Episcopum nuper à Patriarchâ consecratum, virum sanctum, discretum pariter & disertum, qui nondum advenerat, communiter ab omnibus ad tantum Ecclesiæ discrimen mitteretur, verbis quidem suavoriis peroravit. Mittuntur itaque nuncii semel & secundo, nil proficientes. Erat enim vir Sanctus contemplationi deditus; de temporalibus rebus aut secularibus, nisi necessitate urgentiore compulsus, aut nichil aut parum curans. Tandem verò duo mittuntur viri sanctissimi ac fidelissimi, Daniel videlicet & Dubricius. David autem eorum adventum in spiritu prævidens, magnos ad se viros in crastino venturos Fratribus prædixit. Advenerunt itaque manè viri prædicti, sicut & vir Sanctus præviderat; hospitio pro facultatibus honorificè suscepti & exhibiti. Quorum ob sanctitatem & Synodi pariter auctoritatem demum monitis obtemperans, unâ cum ipsis die sequente versùs Sinodum iter arripuit. Illis itaque proficiscentibus, cum ad loca jam pervenissent à Sinodo non remota; matrem invenerunt orbatam filio, quæ juvenculi corpus extincti luctuosa servabat. At ubi adventum viri tanti mater audierat; ad pedes ipsius se quantociùs toto corpore prosterneudo, pro filii salute virum Sanctum sollicitavit. David autem, ut erat pietate spectabilis & humanitate, matris miseriæ condolens & lamentationi, confestim ad funus accedens, faciemque defuncti lacrimis rigans, invocato Christi nomine coram omnibus & puerum miraculosè suscitavit, & matri redivivum restauravit. Quæ statim salubri freta consilio, filium suscitatum Patri sancto ad Christi obsequia fideliter assignavit. David autem Evangelii textum, quem semper in pectore gestare consueverat, humeris pueri continenter imposuit; & secum ad Sinodum portare præcepit. Quo facto, Congregationem adeunt, cum gaudio suscepti maximo & gratulatione. Prædicationis igitur officium patri David ab omnibus iungitur. Qui stans in terræ planitie, cum alii tamen ante prædicantes ibidem congestarum cumulum vestium ascendere consueverint; tam clarâ voce & gratiosâ cunctorum pariter tam remotissimorum quàm propè positorum auribus intonuit; ut omnes eum communiter in tantâ concione & salubriter audirent. Juxta illud. † *Aperi os tuum; & ego adimplebo illud.* Et alibi. ‖ *Cùm steteritis ante Reges & Præsides; nolite cogitare, quomodo aut quid loquamini. Dabitur enim vobis in illâ horâ quid loquamini.* Et subsequenter. *Non enim vos estis, qui loquamini; sed Spiritus Patris vestri, qui loquitur in vobis.* Ubi & duo signa manifestis illico toti populo clauerunt indiciis. Quia nivea columba cœlitus emissa, quamdiu sermonem faciebat, dextro ejusdem insedit humero. Et terra sub pedibus prædicantis, ut præco veritatis cunctis evidentius præmineret, in collem excrevit. In cujus etiam vertice cacuminis Ecclesia postmodum sita fuit; quæ usque in hodiernum diem nomine Sancti David illustratur. Quibus ita patrat, sermone completo, tota cooperante gratiâ Hæresis evanuit, discussa penitus & deleta.

† Psal. lxxx.

II.

‖ Marc. xiii. 9.

deleta. Pater autem David communi omnium, tam Cleri scilicet quàm populi, electione pariter & acclamatione, cui & honorem antea destinatione Dubricius cesserat: in Kambriæ totius Archiepiscopum est sublimatus.

Lectio IX.

Processu verò temporis & alia Synodus collecta est, cui nomen Victoriæ; in qua convocato denuo totius Kambriæ Clero, ea quæ in priori Synodo firmata fuerant, adjectis quoque quibusdam super Ecclesiæ commoditatibus, firmo rigoris examine sunt renovata. Ex his itaque duabus Sinodis omnes Kambriæ totius Ecclesiæ modum & regulam, Ecclesiâ quoque Romanâ auctoritatem adhibente & confirmante, susceperunt. Quarum Decreta, quæ ore promulgaverat, Præsul David suâ quoque sanctâ manu literis mandavit; suæque Ecclesiæ aliisque per Kambriam pluribus reservanda commendavit. Quæ quidem, sicut & alii quamplurimi nobilis Bibliothecæ thesauri egregii, tam vetustate quàm incuriâ, Piratarum quoque crebris insultibus, qui de Orcadum Insulis æstivo tempore longis navibus advecti maritimas Kambriæ provincias vastare consueverant, evanuerunt.

Prædictis itaque temporibus in Kambriæ finibus Ecclesia Dei floruit insignis, & multis de die in diem fructibus adolevit. Multis passim in locis Monasteria sunt constructa; multæ fidelium congregationes in variis ordinibus ad Christi obsequia sanctâ devotione collectæ. Cunctis autem pater David, tanquam in speculâ positus eminentissimâ, vitæ speculum erat & exemplar. Instruebat subditos verbo, instruebat & exemplo; efficacissimus ore prædicator, sed opere major. Erat enim audientibus doctrina, religiosi forma, egentibus vita, orphanis munimen, viduis fulcrum, pupillis pater, Monachis regula, sæcularibus via; omnibus omnia factus, ut omnia lucrificeret Deo.

Lectio X. De Morte ipsius, quam prædixerat, & tam Angelicâ quàm etiam Dominicâ visitatione.

His itaque virtutum meritis, longèque amplioribus quàm pagina nostra valeat exprimere, cum ad senium usque sæliciter perductus fuisset; centumque & quadraginta septem annorum curricula jam complevisset; à viâ tandem ad patriam tendens, & humanæ fragilitati morem gerens, morbo demum decubuit letali correptus. Multas autem Angelorum voces & visitationes tam in Ecclesiâ ipso præsentem, quàm in ægritudinis lecto jam constituto, Fratres audierunt dicentium & canentium, diem suæ resolutionis imminere, & tempus instare, quo finito sæliciter temporalis vitæ cursu brævium susciperet; & de mundo gloriôsè triumphans, ad palmam victoriosus perveniret. Se tamen mortem non visurum, priusquam videret Sanctum Domini ad se venientem, promiserunt. Fama verò delibationis ejus & ægritudinis extremæ tam visionibus quàm Angelicis revelationibus, variis tam Britannia quàm etiam Hyberniæ locis, multis viris sanctis innotescens, eosdem ad patris David visitationem advocavit. Adveniente verò die Dominicâ, validâ tam populum quàm Clerum prædicatione confirmans, participato coram omnibus corpore Dominico, quod & ipse consecraverat, finitâ divini obsequii solennitate & benedictione datâ, quasi populo valedicens, se tertiâ post feriâ ad Dominum à sæculo migraturum palam prædixit. O quantus luctus omnium! & quanta præcipuè lamenta Fratrum tunc & Clericorum! Plangunt enim populi Patrem, Clerus Pontificem, pauperes sustentatorem, omnes vitæ ducem & doctorem.

Ab hac igitur horâ usque ad terminum præfixum, totum id residuum temporis Angelicis continuè ferè visitationibus & divinis solatiis consummavit; pa-

rum



|| Luc. ii. 29.

rum autem ante obitum horam Dominus Jesus fidelem suum juxta promissa sua quoque ipsius visitatione dignatus est. In cujus adventu non mediocri Pater exultans gaudio, cum lacrimis tamen quas letitia gignit, hac confidenter ingeminans verba. Domine tolle me post te. Et quasi Simeonis Cantico psallens: || *Nunc dimittis*, inquit, *Domine servum tuum secundum verbum tuum in pace. Quia viderunt oculi mei salutare tuum, &c.* In his itaque verbis & similibus primo Kalendarum Martii vir Sanctus Deo spiritum reddidit; & talari indutus tunicâ, vitæ temporalis cursum sceleriter complevit; & ad æternam palmam mundo pariter & hoste triumphato victoriosus ascendit; vocante Domino N. J. Christo; cui cum Patre & Spiritu Sancto honor, virtus & gloria in sempiterna sæcula. Amen.

Sepulcrum est itaque corpus ejus, & sicut tantum decebat thesaurum, ibidem à Fratribus honorifice reconditum. Ubi usque in hodiernâ tempora se Dominus in Sancto suo signis & prodigiis mirabilem ostendit. Quæ quidem alicujus in posterum forte diligentia prioribus addita, renovato beneficio, nostrum quandoque volumen extendent.

### Responsio.

Gloriose Præsul Christi David, suscipe vota fervorum tuorum, & pro nobis intercede ad Dominum Magnum.

Deus, qui Ecclesiæ tuæ Præsum David Pontificem tuum mirabilem tribuisti Doctorem, concede, ut hunc apud te semper pium habere mereamur intercessorem, & nostrum Jesum Christum. Amen.

### CARMEN

## C A R M E N

M. SIMONIS DE FRAXINO

Canonici Herefordensis,

M. Giraldo transmissum.

**F**ONS sine fine fluens, flos Cleri, gemma sophiæ;  
 Wallia cui debet, quicquid honoris habet.  
 Cum meritis operum magno sis major Homero;  
 Fert animus tanto mittere metra viro, &c.  
 Sume tamen mea scripta libens; quod cum tibi scribo,  
 Sis licet absque pari, par tibi scribit amans.  
 Mente piâ zeloque bono peto, consulo, ne sis  
 Mente vagus, ne plus esse planeta velis.  
 Ut sopor insomni, sitienti potus, egeno  
 Victus, ut est agro sola petenda salus.  
 Sic tibi currenti per septem climata mundi,  
 Grata fatigatis, est cupienda quies.  
 Linque tuum natale solum: dolet Anglia dives,  
 Quod speculum mundi Wallia pauper habet.  
 Sol apud Antipodes si lucet, quid juvat? & quid  
 Wallia si fuerit lucida luce tua?  
 Sol aliquid juvat, illa nichil: Sol sæpe relucet,  
 Lux tua te solo prætereunte perit.  
 Flos & honor Cleri, nostram te transfer ad urbem,  
 Sunt ubi Philosophi, summus habendus ibi.  
 Urbs Herefordensis multum tibi competit, in qua  
 Proprius est trivii quadriviique locus.  
 Floruit, & floret, & in hac specialiter urbe  
 Artis septenæ prædominatur honos.  
 Hunc, ubi tot radiant artes, de jure teneris,  
 Cum sis artis honos, artis amare locum.  
 Huc ergo venias; toti dominaberis urbi.  
 Serviet urbs flexo poplite tota tibi.  
 Philosophi sunt hîc; quorum tu gloria solus,  
 Solus & urbigenæ gloria gentis eris.  
 Forsitan eveniet, quod honorem Pontificalem,  
 Qui tibi raptus erat, conferet hora brevis.  
 Sed quid honor prodest, cui cum sit nomen honoris,  
 Non honor est sed onus, re sine nomen habens.  
 Non super hoc te cura premat, non excitet ira.  
 Quærere non debet exoneratus honus.  
 Si tibi Pontificis nondum datur infula; non est  
 Hanc meruisse minus quàm tenuisse decus.  
 Si nondum tibi mitra datur; tibi maxima laus est  
 Hanc meruisse, nec est hac caruisse pudor.

[ N n n n ]

Hîc



Hic igitur vivas ; sic vitans gaudia vitæ,  
Mortuus ut possis vivere morte carens.  
Hic poteris servire Deo regnumque mereri,  
Quo sine defectu gloria semper erit.

Ejusdem Conquestio & Compassio pro Amico læso,  
& in conviciantem Detestatio.

**M**agistrorum omnium flos Archilevita,  
Cui nullus hominum par est in hac vitâ,  
Qui famoso carmine te dampnavit ita,  
Precor, ut letifera bibat aconita.

Te perstrinxit Monachus oculo liventi.  
Nec ob hoc sis anxius : perflant alta venti.  
Illi precor accidat turpia scribenti,  
Parvo quod juraverat rustica deflenti, &c.

Pungitivam Monachus secum gerens acum,  
A quo nunquam exeat, incidat in lacum,  
Exul inops fugiat apud Eboracum,  
Ubi nunquam videat Cererem vel Bacchum.

Est furor, est facinus, est fraus, est virus iniquum,  
Non æquum reprobum te reprobare virum.  
Nescio quis Monachus furtivo lædere morfu  
Et te mordaci carpere dente studet.  
Hostis honestatis, sceleris fons, criminis auctor,  
Non poterit laudes obtenebrare tuas.  
Nulla potest labes Solem privare nitore ;  
Invida nec poterit lingua nocere tibi.  
Vix referam Monachi mores ; est ambitiosus,  
Est & avarus, & est fictus, & absque fide, &c.  
Est homicida volens, qui te vivum sepelire,  
Qui voluit mortis anticipare diem.  
Tu juvenis, tu mente senex, quem Nestoris annos  
Ante diem virtus præripuisse probat.  
Cum sis Sol mundi, fieret fors invida mundo,  
Si fineret mundum Sole carere suo, &c.

Addita-

Additamenta ad Legendam S. DAVI-  
DIS ex Vitâ ejusdem per RICE-  
MAR CHUM Episcopum Mene-  
vensem scriptâ.

Annales breves Ecclesiæ MENEVENNIS ab An-  
glorum adventu ad annum MCCLXXVIII. au-  
thore Canonico Menevensi.

Vita DAVIDIS II. Episcopi Menevensis, authore  
Anonymo coætaneo.

Vita S. DUBRICII Archiepiscopi Urbis Legio-  
num, authore BENEDICTO Monacho Clau-  
diocestrensi.

Vita S. TELIAVI Episcopi Landavenfis, authore  
GALFRIDO aliàs STEPHANO Landa-  
venfi.

Historiola de fundatione & dotatione LANDA-  
VENSIS Ecclesiæ, ex antiquo ejusdem Ecclesiæ  
Registro.

Requisitio URBANI Landavenfis Episcopi ad Ca-  
lixtum II. Papam in Concilio Remensi.

Decretum HONORII II. Papæ de causâ Urbani  
Landavenfis Episcopi.





## ADDITAMENTA

A D

## Legendam S. Davidis,

Ex Vitâ ejusdem per RICEMARCHUM Episcopum  
Menevensem scriptâ.

*Ad finem Lektionis IV.*

**E**Xpulsâ igitur Deo propitio inimicorum malitiâ, Monastica in Domino classis in loco quem Angelus præmonuerat, insigne construxit Monasterium. Perfectisque omnibus talem Cœnobialis propositi fervere rigorem sanctus decrevit Pater; ut Monachorum quisque cotidiano desudans operi manuum labore suam in commune transigeret vitam. *Qui enim non laborat, ait Apostolus \*, non manducet.* Noscens enim \*<sup>2</sup> Theff. iii. quoddam secunda quies vitiorum fames & mater esset, Monachorum humeros divinis fatigationibus subjugavit. Nam qui sub otii quiete tempora mentesque summittunt, instabilem accidiæ spiritum libidinisque stimulos sine quiete parturiunt. Igitur impensiori studio pede manuque laborant. Jugum ponunt in humeris; suffossoria vangasque invicto brachio terræ defigunt; sarculos ferasque ad succidendum sanctis ferunt manibus. Cuncta congregationis necessaria propriis expendunt viribus. Possessiones respuunt; iniquorum dona reprobant; divitias detestantur. Boum nulla ad arandum cura introducitur. Quisque sibi & fratribus divitiæ, quisque est bos. Acto opere nullum audiebatur murmur, nullum præter necessarium habebatur colloquium. Sed quisque aut orando aut recte cogitando injectum peragebat opus. Peracto autem rurali opere, ad Monasterii claustra revertentes, aut legendo aut scribendo aut orando totam ad vesperum peragebant diem. Veniente autem vespere, cum nolæ pulsus audiebatur, quisque studium deserebat. Si enim in auribus cujuscunque pulsus resonaret, scripto literæ apice vel etiam dimidiâ ejusdem literæ figurâ; citius assurgentes sua sinebant officia, sicque cum silentio sine ullâ colloquii fabulositatē Ecclesiam petunt. Expletis Psalmorum canticis consonâ cordis & vocis intentione, genuflexionibus inserviunt, quoadusque sidera cœlo visa finitum clauderent diem. Solus autem Pater egressis omnibus secretam Deo pro Ecclesiæ statu fundebat orationem. Tandem ad mensam conveniunt; quique fessos artus acceptæ cœnæ refectioe relevant, nec tamen ad saturitatem. Nimia enim satietas quamvis solius panis luxuriam gignit. Sed tunc pro impari corporum vel ætatum statu quisque cœnam capit. Non diverforum fercula saporum, non esculentiores pastus apponunt; sed pane & oleribus sale conditis pasti ardentem sitim temperato potionis genere restringunt. Infirmis tamen vel ætate proVectis vel etiam longo itinere fatigatis aliqua suavioris cibi oblectamenta procurant. Non enim omnibus æquali mensurâ pensandum est. Peractâ autem gratiarum actione, Ecclesiam canonicâ cum pulsione adeunt; ibique quasi per tres horas vigiliis, orationibus, genuflexionibus insistent. Quamdiu



diu autem in Ecclesiâ orarent, nullus oscitare, nullus sternutationem facere, nullus salivam foras jacere licenter audebat. His ita gestis, sopori membra componunt. Pullorum verò cantu expergefatti, orationi, genuflexioni dediti, totam deinceps diem insomnem à manè usque perducunt noctem. Sicque per ceteras noctes inserviunt. A nocte Sabbati quousque primò diluculum primâ diei Dominicæ horâ eluxerit, vigiliis, orationibus, genuflexionibus sese impendunt, exceptâ unâ tantum horâ post Sabbati matutinas. Cogitationes Patri propalant; Patris licentiam etiam vel ad naturæ requisita adquirunt. Omnia communia; nichil meum vel tuum. Quisquis enim aut meum librum aut aliquid aliud pronuntiaret, protinus duræ subdetur pœnitentiæ. Vilibus induebantur vestibus, maximè pellinis. Indeficiens obedientia ad Patris imperium, nimia perseverantia in agendis actibus, probitas in omnibus. Nam qui sancti propositi conversationem desiderans, fratrum inire consortium postularer, prius decem diebus præ foribus Monasterii quasi reprobatus necnon & verborum opprobriis confutatus remaneret. Si autem bene utens patientiâ ad decimum perstaret diem; acceptus prius sub seniore qui portæ præfesset constitutus serviebat, ibique per multum temporis defudans, fractusque multis animi adversitatibus, tandem fratrum merebatur inire consortium. Nichil habebatur superfluum; voluntaria diligebatur paupertas. Nam quicumque eorum conversationem cupiebat, nichil ejus substantiæ, quam mundo renuntians dimisisset, vel unum ut ita dicam denarium in usum Monasterii Pater acciperet sanctus; sed nudus veluti è naufragio evadens receptus, nequaquam inter fratres extollens sese elevaret, vel suâ fultus substantiâ æqualem fratribus non iniret laborem, aut religionis habitum aporians vi extorqueret quæ Monasterio reliquit, & fratrum patientiam commoveat in iram. Ipse autem Pater cotidianis lacrimarum fontibus exundans, thurificatis orationum holocaustomatibus redolens, geminæ caritatis ardore flagrans, debitam Dominici corporis oblationem puris sacrabat manibus, sicque ad Angelicum solus post matutinas horas pergebat alloquium. Hinc protinus frigidam petebat aquam; in qua diutius morando, rigans omnem carnis ardorem domitabat. Totam deinceps diem docendo, orando, genuflectendo, curam fratrum faciendo, necnon & orphanorum, pupillorum, viduarum, egentium, debilium, infirmantium, peregrinorum multitudinem pascendo immobilis & indefessus ducebat. Sicque incœpit, peregit, finivit. Reliquum autem ejus disciplinæ rigoris, quamvis ad imitandum necessariæ, proposita compendii brevitatis vetat nos exponere. Sed Ægyptios Monachos imitatus, similem eis duxit vitam.

*Ad Lektionem IX.*

Expulsa igitur hæresi, Catholicæ & Ecclesiasticæ regulæ decreta firmanantur; quæ crebrâ atque crudeli hostium irruptione exinanita ac penè oblivioni data evanuerunt. Ex quibus quasi gravi somno expergefatti, bella Domini certatim quique peregere; quæ in vetustissimis Patris scriptis suâ sanctâ manu mandata ex parte inveniuntur. Deinde succedente temporum serie alia colligitur Synodus, cui nomen Victoriæ. In qua collectâ Episcoporum, Sacerdotum, Abbatum turbâ, ea quæ in priori firmaverant, adjectis etiam de aliquantis utilitatibus, firmo rigoris examine renovant. Ex his igitur duabus Synodis omnes nostræ patriæ Ecclesiæ modum & regulam Romanâ auctoritate acceperunt; quarum decreta, quæ ore firmaverat, solus ipse Episcopus suâ sanctâ manu literis mandavit. Per cuncta igitur totius patriæ loca Monasteria fratres construxerunt. Passim Ecclesiarum signa audiuntur, passim orationum voces ad sidera elevantur; passim virtutes ad Ecclesiæ sinum indefessis humeris reportantur; passim caritatis vota patienti manu egenis participantur. Sanctus autem David Episcopus cunctorum summus speculator, summus

summus protector, summus prædicator, à quo omnes normam atque formam recto vivendi itinere acceperunt, effectus est. Ipse cunctis ordo, ipse dedicatio, ipse benedictio, ipse absolutio, correctio; legentibus doctrina, egentibus vita, orphanis nutrimentum, viduis fulcimentum, patriæ caput; Monachis regula, Sæcularibus via, omnibus omnia; quanta Monachorum examina seminavit? quantâ cunctis utilitate profuit? quantâ virtutum gloriâ clauit? Dederuntque universi Episcopi manus, & monarchiam atque bragmationem David agio; & consenserunt omnes licitum esse refugium ejus, ut daret illud omni stuproso & homicidæ & peccatori omnique maligno fugienti de loco ad locum, præ omni Sancto ac Regibus & hominibus totius Britannicæ Insulæ, in omni regno & in unâquaque regione, in qua sit ager consecratus David agio. Et nulli Reges nec seniores neque Satrapæ sed neque Episcopi, Principesve ac Sancti audeant præ David agio refugium dare. Ipse verò refugium ducit ante unumquemque hominem, & nemo ante ipsum; quod ipse est † cephal & prævius ac || bragmaticus omnibus Britonibus. Et statuerunt omnes Sancti anathema esse & maledictum, quisquis non servaverit illud decretum, scilicet refugium Sancti David. Sicque ad senium perductus, omnis Britannicæ gentis caput & patriæ honor canebatur; quod senium centum quadraginta septem admodum annis complevit.

† i. e. Caput.  
Glossa interline-  
aris in Codice.  
|| i. e. Princeps.  
Eadem.

ANNA.



# ANNALLES

## Ecclesiæ Menevensis,

Authore Canonico Menevensi.

**A**Nno CCCCXXXVIII. adventus Anglorum in Angliam sub Hōrs & Hengist, Gurtheirno existente Rege Britonum.

Anno DXLII. ultimo Leonis Imp. anno Arthurus pugnavit contra Mordredum nepotem suum juxta fluvium Cabulan, & eum cum omnibus interfecit. Sed ipse Arthurus graviter vulneratus ad sananda vulnera sua in insulam Avallonis perrexit; & Constantino cognato suo Britanniam regendam dimisit.

Anastasius Imp. annis xxiv. regnavit. De Episcopo Daniele Bangor. Dunaud Rex moritur.

Synodus Urbis Legionum ordinata à S. David Menevensi Archiepiscopo. S. David Menevensis Archiepiscopus in Domino quievit.

Anno DCLXXXIX. Cadwalladrus Rex Britanniae misit Ivor filium suum cum xii. navibus ad regendas Britonum reliquias; & ipse Romam perrexit, ubi xii. Cal. Maii viam universæ carnis ingressus est anno ab Incarnatione Domini DCLXXXIX.

Anno DCCXXXVII. Beda Presbyter mortuus, qui hunc librum Croni-  
corum annuatim composuit.

Anno DCCLXX. Pascha mutatur apud Britones, emendante Elbodū homine Dei.

Anno DCCXCVIII. Offa Rex moritur. Mareduud Rex Demetorum obiit. Bellum Rudlan.

Anno DCCCXI. Ellodu Episcopus Venedociae obiit.

Anno DCCCXII. Combustio Meneviae.

Anno DCCCXXXII. Sadurnen Episcopus Menevensis moritur.

Anno DCCCXLI. Novis est Episcopus Menevensis.

Anno DCCCLXXIII. Novis Episcopus moritur.

Anno DCCCCIX. Affer Episcopus Britanniae fit.

Anno DCCCCXL. Adelstan Rex Saxonum obiit.

Anno DCCCCXLIV. Luvert Episcopus Menevensis moritur.

Anno DCCCCXLV. Morcleis Episcopus moritur.

Anno DCCCCXLVI. Eneuris Episcopus moritur.

Anno DCCCCXLVII. Eadmundus Rex Saxonum occiditur.

Anno DCCCCLXXXVI. Godisfric filius Harald cum nigris gentibus vastavit Meneviam.

Anno M. Mareduc filius Owein moritur. Menevia vastatur à Gentilibus; & Morgeneu Episcopus occiditur.

Anno MXI. Menevia vastatur à Saxonibus, sc. Edrich & Umbrich.

Anno MXXXIV. Cnut filius Sveyn Rex Anglorum moritur.

Anno MXXXIX. Herbin Episcopus Menevensis moritur.

Anno MLXI. Grifut filius Leuuelin Britonum Rex cecidit. Joseph Episcopus Menevensis moritur.

Anno

Anno MLXV. Haroldus Rex Gothorum cum magno exercitu invasit regiones Angliæ; cui obviavit alius Haroldus filius Godwini, & eum interfecit. Sed iterum supervenit Willelmus quidam Normannorum Dux; & Haroldum Anglorum Regem vitâ & regno privavit.

Anno MLXXI. Franci vastaverunt Keredigiaun. Menevia vastatur à Gentilibus, & Bangor similiter. Bledud Episcopus Menevensis moritur. Sulgenius Episcopatum accepit.

Anno MLXXVI. Bellum Pullgudic, in quo Traharn Rex Venedociæ victor fuit, & tota familia Rees cecidit. In fine verò hujus anni Rees & Howel ejus frater à Cerdauc filio Grifud occiduntur. Sulgenus Episcopatum deserit; & Abraham accepit.

Anno MLXXVIII. Menevia à Gentilibus vastatur; & Abraham à Gentilibus occiditur. Sulgenus iterum Episcopatum accepit.

Anno MLXXIX. Willelmus Rex ad Sanctum David orationis causâ perrexit.

Anno MLXXXVI. Scrinium Sancti David de Ecclesiâ suâ furatur, & juxta civitatem ex toto spoliatur. Terræ motus ingens per totam Britanniam fuit.

Anno MLXXXVIII. Sulgenus Episcopus lxxv. ætatis suæ anno moritur. Menevia frangitur & destruitur à Gentilibus.

Anno MXCVI. Rikemarth filius Sulien Episcopus moritur.

Anno MXCVII. Willelmus Rex Anglorum improvise ictu sagittæ à quodam Milite in venatu percussus occubuit. Thomas Archiepiscopus Eboraci, i. e. Catyr Ebranc, moritur.

Anno MCXVI. Wilfridus Episcopus Menevensis moritur; cui successit quidam Normannus Bernardus nomine.

Anno MCXVII. Gelasius Papa obiit; Calixtus successit.

Anno MCXXVII. Daniel filius Sulgeni Episcopi moritur.

Anno MCXXXI. Dedicatio Ecclesiæ Sancti David.

Anno MCXXXII. Rex Henricus mare transiit, non ultra visurus Angliam. Robertus frater ejus obiit.

Anno MCXXXV. Henricus Rex Angliæ moritur.

Anno MCXLIII. Ducti sunt Monachi Ordinis Cisterciensis, qui modo sunt apud Albam Landam, in Westwalliam per Bernardum Episcopum; qui dedit eis locum apud Trefgarn in Denglethes.

Anno MCXLIX. Bernardus Episcopus Menevensis xxxiii. Episcopatus sui anno mortuus est. Cui David Geraldi filius in Episcopatum successit. Uch-drit Landavenensis Episcopus moritur. Robertus Herefordiæ Episcopus moritur. Cui Gilbertus Foliot successit.

Anno MCLIV. Stephanus Anglorum Rex obiit.

Anno MCLXVI. Robertus de Mulun Herefordiæ Episcopus Anglorum sapientissimus obiit iv. Cal. Marci.

Anno MCLXXIII. Henricus Rex Angliæ de Hiberniâ redeuns orandi causâ venit ad Sanctum David xv. Cal. Maii. Ricardus Cant. Archiepiscopus electus est.

Anno MCLXXVI. David Menev. Episcopus obiit; cui successit Petrus.

Anno MCLXXVIII. Willelmus Rex Siciliae duxit filiam Regis Angliæ. Petrus suscepit Episcopatum Menevensem.

Anno MCLXXX. Ecclesia Menevensis diruitur; & novum opus inchoatur.

Anno MCXCVIII. Ricardus Rex obiit. Resus filius Grifut Sutwalliæ Princeps moritur iv. Cal. Maii; cujus corpus apud Sanctum David honorifice humatum est.

Anno MCXCIX. Petrus Episcopus Menevensis obiit; qui opus novum Ecclesiæ Menevensis incepit. Vixit autem Episcopus xxii. annis, mensibus vii. diebus xv. cui successit Gaufredus.



Anno MCCIV. Galfridus Menevensis Episcopus in Octavis S. Andreae Apostoli Londoniæ consecratur ab Huberto Cant. Archiepiscopo. Nam sex præcedentibus annis Sedes vacaverat propter controversiam Electionis inter Cantuariensem Archiepiscopum & Abbatem S. Dogmaelis, lite ad ultimum determinatâ in Curiâ Romanâ.

Anno MCCXI. Johannes Rex cum magno exercitu Nortwalliam adivit; & Lewelino Principi Venedociæ, cui Annam filiam suam in uxorem dederat, munitiones & oppida sua abstulit; & vix pacificatus Lewelin xxx. obsides Regi dedit, & ut perhibent septem millia averia cum equibus pluribus & canibus & avibus promisit. Episcopum autem Bangornensem, quod ad eum venire noluit, in Ecclesiâ Bangornensi ante altare Episcopalibus indutum capi præcepit. Qui datâ pecuniâ vitam & membra, prout melius potuit, redemit. Rex factâ pace in Angliam rediit.

Anno MCCXIV. Relaxatio Interdicti per totam Angliam v. Non. Junii. Galfridus Menevensis Episcopus obiit; cui successit Gervasius. Johannes Rex transfretavit in Pictaviam. Consecratus est Gervasius Menevensis Episcopus.

Anno MCCXX. Translatio S. Thomæ Martyris Id. Julii. Nova Turris Menevensis Ecclesiæ die Lunæ ante Festum S. Martini, nemine mortuo vel læso, statim post Vesperas in ruinam improvisam versâ est.

Anno MCCXXV. Primò constitutus est Præcentor in Ecclesiâ Menevensi. Et incæptum fuit novum opus majoris Ecclesiæ S. Thomæ Haverfordiæ.

Anno MCCXXIX. Gervasius Episcopus Menevensis obiit; cui successit Anselmus Crassus, Thesaurarius Exoniensis.

Anno MCCXXX. Anselmus Crassus consecratus est Episcopus Menev.

Anno MCCXLVIII. Terræ motus magnus fuit in Britannia & Hyberniâ; quo terræ motu magna pars Ecclesiæ Menevensis corruit, & plura ædificia in patriâ, & rupes scissæ sunt, xi. Cal. Marcii. Anselmus Menevensis Episcopus obiit; cui successit Magister Thomas Wallensis. Fur quidam intravit Ecclesiam Menevensi; & eam vestibus, ornamentis, & cæteris rebus spoliavit; & spolia in rupibus maritimis abscondit. Custodes verò Ecclesiæ super hoc dolentes (impingebatur enim eis à quibusdam) Deum Beatumque David patronum loci suppliciter oraverunt; ut eos sicut erant innocentes demonstrarent. Quadam autem die non multum post, cum post prandium Sacrista nomine Madauc de hospitio suo ad Ecclesiam iret, ostium Ecclesiæ aperuit, & locum in quo ornamenta erant intrans, furem in medio ornamentorum stantem & calicem aureum in manu tenentem invenit. Sacrista verò super hoc admirans ait: O fur infœlix, quid hîc facis? quod te infortunium huc adduxit? Tu vasa & ornamenta istius Ecclesiæ nuper amissa furtivè rapuisti. Fur confitens & non negans ait: Ego verè rapui. Profiliens Sacrista abripuit ei cultellum, quem ad corrigiam suam habebat; & eum captum coram Clero & populo deduxit. Clerus & populus pro tanto miraculo plaudentes, Deum & Sanctum David hymnis & canticis collaudârunt.

Anno MCCXLIX. Consecratus fuit Thomas Wallensis Menevensis Episcopus viii. Kal. Augusti.

Anno MCCLV. Thomas Wallensis Menevensis Episcopus die Translationis S. Benedicti obiit. Cui successit Magister Ricardus de Karreu Theologus & Philosophus optimus.

Anno MCCLVI. Consecratus fuit Ricardus Menevensis Episcopus apud Romam à Domino Papâ.

Anno MCCLXXI. Ricardus de Carreu Episcopus Menevensis ivit in Franciam incontinenti post Pascha; & perendinavit apud Rungy prope civitatem Parisiensem.

Anno MCCLXXII. Rediit Ricardus Episcopus in Walliam circa Ascensionem Domini.

Anno

Anno MCCLXXIII. Henricus Rex Angliæ obiit. Cui Edwardus filius suus successit.

Anno MCCLXXIV. celebratum fuit Concilium Generale apud Lugdunum. Magister Johannes de Fekeham Archidiaconus Brechoniæ obiit; cui successit Magister Henricus de Villamlof. Coronatus est Edwardus Rex Angliæ.

Anno MCCLXXV. Incœptum fuit Feretrum Beati David in Ecclesiâ Menevensi.

Anno MCCLXXVIII. Magister Henricus de Villamlof Archidiaconus Brechoniæ obiit; cui successit Magister Adam Bareth Thesaurarius Menevensis. Cui Adæ successit in Thesaurariâ Robertus de Haverford Rector Ecclesiæ de Lanvenyth; & fuit installatus viii. Id. Septembris.

Anno MCCLXXX. Ricardus de Carreu Episcopus Menevensis Kalendis Aprilis obiit, & sepultus est in Ecclesiâ Menevensi prope altare S. Crucis à parte Australi die S. Ambrosii. Electus fuit Magister Thomas Bek iii. Non. Junii, & confirmatus prid. Non. Julii per Johannem de Pecham de Ordine Minorum in Abbatîâ de Stanlowe prope Cestriam, & consecratus pridie Non. Octobr. apud Lyncolniam.

Eodem anno electus est Magister Petrus de Exoniâ Archidiaconus Menevensis in Episcopum Exoniensem. Cui successit in Archidiaconatu Robertus Thesaurarius Menevensis. Cui Roberto successit in Thesaurariâ Willelmus de Burreche Canonicus Menevensis.

Anno MCCLXXXII. Willelmus de Burreche Thesaurarius Menevensis obiit iv. Kalend. Aprilis: cui successit Johannes de Barry.

Anno MCCLXXXIII. Mareduc filius Gurward Archidiaconus de Kermerdyn obiit. Cui successit Magister Johannes de Alderby. Ecclesia de Langadauc facta est Collegiata.

Anno MCCLXXXIV. Visitavit Johannes de Pecham Archiepiscopus Cant. Dioceses Menevensem, Landavensem, Bangorem, Afaphensem. Incœpit autem visitare in Ecclesiâ Menevensi vi. Idus Julii. Eodem anno Dominus Rex Edwardus venit causâ peregrinationis apud Sanctum David unâ cum Dominâ Reginâ Angliæ nomine Elianorâ die Dominicâ in crastino B. Katerinæ virginis.

Anno MCCLXXXVI. in crastino Annuntiationis Dominicæ concessum fuit subsidium magnum Thomæ Becke Episcopo Menevensi de totâ Diocesi suâ ad expedienda quædam negotia tangencia Clerum erga Magistrum Giffard nuncium Domini Papæ in regno Angliæ.



# V I T A

## D A V I D I S II.

### Episcopi Menevensis.

Authore (ut videtur) Canonico Menevensi coætaneo.

**C**UM circa dignitatem Pallii Ecclesiæ Cathedralis Menevensis postulandum in Curiâ Romanâ diu laborâssent Bernardus Episcopus Menevensis temporibus Honorii, Lucii & Innocentii Paparum, quorum scripta adhuc in Menevensi continentur Ecclesiâ; ante diem à Papâ Eugenio præfixum diem clausit supremum. Vixit autem in Episcopatu xxxiii. annis & mensibus vi.

Successit ei in Episcopatu David, sed & ipse minùs canonicè electus. Cum enim seniores Ecclesiæ & major & sanior pars Capituli alium virum discretum & honestum elegissent; venientes ad Archiepiscopum Theobaldum paucos de Capitulo seduxit, ut supra memoratum David eligerent; & tam ipse quàm sui corrupti pecuniâ Electionem canonicè factam cassarunt; & eum sub quo securos posset carpere somnos in Episcopatum consecravit, sumptâ ab eo sufficienti cautione, ne quæstionem de dignitate Ecclesiæ Menevensis in vitâ suâ moveret. Quid mirum si hoc procuravit? Procuraverat autem ante contra Bernardum Episcopum duos falsos testes, donando Papæ Eugenio xl. marcas ut eos reciperet. Quorum unus erat Monachus falsus, alter verò Laicus. Et cum Bernardus Episcopus eos refutâssent, & allegâssent hujusmodi testes non esse recipiendos contra Episcopum; Papa Eugenius tale ei responsum dedit. Frater, inquit, non tibi quæro testes sed mihi. Sed cum audientes caput tangere vel ei contradicere non auderent; inter se referebant Dominum Papam malè respondisse, & pejùs fecisse.

David igitur in Episcopatum veniens, nec in vitâ suâ quæstionem movit de dignitate, vel dispersa studuit revocare. Sed pauca quæ Prædecessor suus reliquerat, & ipse distribuit filiis & nepotibus & filiabus eas maritando. Waltero filio Wysonis dedit filiam suam; & terram juxta Lanwadeyn, propter quam pater suus excommunicatus fuerat, quietam clamavit. Ricardo filio Tancardi dedit feudum duorum Militum; & ille statim unum feudum Roberto nepoti suo dedit, & Episcopus filiam suam & feudum quod fuerat Hugonis de Wallyngford; & in augmentum dedit Broghes & Trefhennan. Aliud feudum dedit Arnaldo Dru cognatu suo, videlicet Castelkennan; quod quidem tenebat Bernardus Episcopus in die qua obiit in dominico. Dedit Mauricio fratri suo feudum Archeboldi & terram Aeyain filii Seisilf & terram de S. Dogmaele. Concessit etiam ei feudum de Lanrian; & Walterum Luugt seduxit, ut homagium faceret fratri suo Mauricio de feudo suo quod de Episcopis tenuerat. Fecit etiam eundem fratrem suum Senescallum de totâ terrâ suâ. Caducano avunculo suo dedit feudum, quod dicitur feudum Caducani. Et hæc omnia distribuit Canonicis contradicentibus & reclamantibus.

mantibus. Sed ut hæc liberiùs ageret; Sancto Thomâ Archiepiscopo in exilium detruso, à custodibus Capituli sigillum abstulit & librum possessionum, quod Graffium appellatur; & plura alia contra Capitulum in hunc modum injuriosè egit.

Cùm igitur post martyrium S. Thomæ Archipræsulis venerabilis Ricardus Archiepiscopatum obtinuisset; convocatis omnibus Cant. Ecclesiæ Suffraganeis, & Episcopus Menevensis supramemoratus, qui apud Archipræsulem valde diffamatus fuerat, evocatus ad Concilium iter arripuit. Archilevitæ autem & Canonici non immemores dilapidationis & oppressionis, quas ipsis & Ecclesiis fecerat, quatuor de discretioribus Capituli ad Concilium destinârunt, ut ipsum in præsentia Archipræsulis accusarent; & xxvii. capitula, quæ nunc longum est enumerare, contra ipsum in hunc modum proponerent, & maxime quòd sigillum & librum possessionum eis violenter abstulit, & quæ voluit & sicut voluit sigillo sigillari fecit absque assensu Capituli, appellatione ad Summum Pontificem & ad Archipræsulem ritè interpositâ. Sed cùm ei significatum esset à suis, quòd jam nuncii Capituli contra ipsum transmissi essent; statim reducens ad memoriam conscientiam cauteriatam, antequam venissent ad Archipræsulem, eis Londoniæ occurrit; & provolutus ad ipsorum genua, anxius orabat ne ampliùs procederent, sed quæcunque volebant proponerent, & se eis daturum & facturum promisit; & tactis sacro sanctis Reliquiis & fide confirmavit, ut infra quintum decimum diem post adventum suum ad Episcopalem Sedem omnia ablata eis restitueret. Nuncii autem Canonorum redeuntes, convocatâ multitudine quæ gesta fuerant narraverunt; & habito Sigillo in possessione illud minutatim fregerunt; & quæ sigillo sigillata fuerunt, irrita in perpetuum sanxerunt. Librum possessionum cum omnibus Ecclesiæ privilegiis in thesauris suis reposuerunt. Totam Parochiam ad Ecclesiam Beati Andreæ redire fecerunt, cujus ostia clausa fuerant per Episcopum penè omnibus diebus vitæ suæ.

Redeunte autem Episcopo de Concilio, vi febrium correptus aliisque infirmitatibus, infra breve spatium intestatus decessit. Ministri autem pauci, qui circa ipsum conversabantur, omnimodam pecuniam tam in auro quàm in argento, quam tunc secum habebat, inter se diviserunt. Ministri autem Regis advenientes, omnes per wadium & per plegium posuerunt; & transcurrentes ad Ecclesiam Menevensem, inter Reliquias Sanctorum in quadam cistâ, cujus clavem idem Episcopus portabat, fractâ eâdem cistâ invenerunt ibidem ducentas marcas vel ampliùs malè repositas, sicut malè adquisitas, Canonicis nescientibus pecuniam ibidem esse repositam. Et quia ipse intestatus decessit; pecuniam in usus Ecclesiæ redire neque per Regem neque per Archiepiscopum facere potuerunt. Vixit autem in Episcopatu xxvii. annis. Eo autem de sæculo sublato, convenerunt omnes Ecclesiæ Clerici, ut tractarent de Electione faciendâ.



# V I T A

## S. DUBRICII

### Archiepiscopi Urbis Legionum.

Authore BENEDICTO Monacho Claudiocestrensi.

Incipit Prologus in Vitam S. Dubricii Archiepiscopi.

**S**anctorum Patrum conversationes & gesta ideo memoriæ pluribus antiquiorum editionibus traduntur; quatinus eorundem præclaris exemplis animati, mores illorum & vitam actuum & devotionum gressionibus totis nisibus imitemur. Quippe cum illorum digna laudum merita spiritus eorum in supernis vigere, & in Christo vivere & Christum in illis crebris præclarisque miraculis testificantur. Quibus ego Benedictus habitu Cœnobii Apostoli Petri Claudiocestriæ Monachus adhortatus, orationibus quoque & meritis beatissimi Dubritii Archipræsulis confisus, operæ pretium duxi lucubrationi insistere, ipsiusque actus vel rudi stilo digerere; quo indocti etiam edita intellectu prout gnari perciperent; peccatoresque mei pares nullatenus infcitiam patrociniis tanti patroni carerent; cæterum ejus apud Dominum præclara merita cognoscentes ipsius suffragium obtinerent. Nam cum in gestis Sanctorum Patrum diutius operam studio dedissem, Sanctumque Dubricium omnium Sanctorum tunc temporis in Britannia degentium meritis & vitam præstantissimum, signis necnon & gratia sanitarum celeberrimum; ægre tuli ipsius gesta nesciri, cujus præ omnibus veterum præceptorum testimonio cognovi apud Dominum interventionis patrocinium prævalere. Quocirca quæ in authenticis Patrum digestis super eodem Patre reperi, compilare & coadunare stilo non erubui.

Vita S. Dubritii Archiepiscopi.

\* Ercychi. legit Epitome istius Vitæ antiqua.

**Caput I.** Igitur quidam Regulus \* Ertici regionis Pepiau vocatus, Britannie verò Clavorauc cognominatus, quod Latine Reumaticus sive Spumofus interpretatur. Hic dudum adversus hostes in expeditionem profectus, atque cum trophæo ad propria regressus, præcepit filia suæ nomine Eurdil præ labore peractæ pugnae caput ipsius abluere. Verum enimvero ubi jussu patris eadem conaretur perficere; ex ipsius gravitate genitor animadvertit prægnantem existere. Quamobrem Rex nimis irâ succensus, jussit eam in quodam utre includi & in flumen præcipitari; ut quocunque fors eam ageret, in alto fluvii demergeretur. Quod quia Deo minimè placuit, fieri nequivit. Jam priusquam proles, quam in utero habebat, nasceretur; dignatus est Dominus misericordiam & protectionem exhibendo, cujus meriti foret ostendere: cum genitrix ejusdem nullo modo potuit undis submergi. Nam quoties ponebatur in flumine, toties ad ripam illæsa denuo terebatur. Unde pater indignans, quod illam minus compos esset fluctibus immergere, decrevit eam igne comburi. Cujus ad præceptum rogos illico præparatur ad ipsius interitum

interitum & ad aliarum terrorem puellarum; in quem prælibati Regis nata Eurdil viva flagrantibus incendiis mittitur. In crastino autem manè dum funditus rebatur focus exusta, missis à patre legatis scitum si quid ossium genitræ inustum remaneret, invenerunt eam incolumem, filiumque quem in medio piræ pepererat tenentem in gremio, vestibus illius atque capillis ab omni combustione illæsis. Pergrande namque saxum juxta quod enixa est filium in ostensionem nativitatis pueri ibidem positum est. Locus autem in quo puer ortus est, Britannicè Maile appellatus est; quod in eo natus extitit beatus homuncio; qui modò per corruptionem Anglici idiomatis † Meddelega nominatur. Puer autem ut lavacrum regenerationis nactus est, Dubricius vocatur; Spiritûsque Sancti gratiâ statim repletur. Quis verò ejus genitor exstiterit, hujus temporis hominibus omninò constat ignotum. Atque iccirco nempe quidam erronei eum fabulosè patre carere mentiuntur.

† Ab aliis vocatur Maismail Lochou. Epi-tome.

Cap. II. Cùm itaque pater præmissæ puellæ miranda beneficia & signa, quæ Dominus erga illam & ipsum natum patraverat, à suis apparitoribus acceperat, quinimo mirandam pueri tantilli speciem atque decorem Deique gratiam in eo præfulgidam, illos nimium intueri desiderans, filiam cum nuper natâ prole confestim ad se adducere præcepit. Quibus sibi præsentatis, infantulum paterno affectu continuo complectens; de cætero quidem super omnes liberos & nepotes illum exorsus est diligere; illiusque fundi in quo natus est effecit hæredem, qui Maile ab indigenis i. e. Bonus Locus vocitatur; eò quòd bonus seu beatus homo ibi satus fuerat. Porro transactis paucis annorum curriculis, præfatus Rex Pepiau totius illius Insulæ Dubricium constituit hæredem; ipsamque à genitricis ejus nomine sc. Eurdil jussit Miserbdil exini nuncupari. Puerulus exinde diatim proficiebat ætate & sapientiâ; opportunumque tempus discendi nactus, literis erudiendus traditur; qui paulò post prudentiâ quidem unâ cum divinatorum dogmatum scientiâ magnanimitè claruit. Et licèt annis adolescens, vir tamen sensu & doctrinæ virtute canus in brevi effectus, eloquentiâ pariter & utriusque Testamenti peritiâ, per universam Britanniam adeò celebris famâ præconabatur; ut ex omnibus ferè totius regni provinciis non modò rudes sed etiam gnari diverso dogmate informandi ædificandique gratiâ ad eum confluerent. Quorum primarii constant, sc. S. Theliauus, Samson discipulus ejus, Ubelinus, atq; Aidanus, cum aliis xvi. quorum (b) nomina huic historiæ inferere ineptum duximus; exceptis aliis mille Clericis, quos vii. annorum curriculis liberalibus disciplinis instituentes in territorio quod Hentlan vocatur, quod situm est secus littus Gui fluminis i. e. Waia, secum detinuerat, formam eis præbens in semetipso religiosæ vitæ & caritatis perfectæ. Rursus nempe Doctor itidem in nativitatis suæ solo, videlicet in insulâ Miserbdil, juxta ripam amnis qui Waia nuncupatur, aptam sibi multitudinique discipulorum suorum sedem silvis & piscibus opulentam eligens, pluribus Studium illud regendo mansit, imponens loco nomen || Mothros, i. e. Locus Porcorum. Ibi multis dierum decursibus sanctissimè deguit; prædicans, docensque Clerum & populum, ejus prælucente doctrinâ per totam Britanniam, prout lucerna super candelabrum, remotâ qua-

|| Moch-ros. Epitome.

(b) Extat in eodem Codice MS. Vita S. Dubricii contractior, Historiolæ de primo statu Landavenis subjecta; quàm à Galfrido Landaveni scriptam conjicio. Illam Benedictus præ oculis suis habuisse videtur, & exinde præcipuam operis sui materiam desumpsisse. Iisdem enim plerunque verbis, sæpe & eisdem sententiis u-

titur. Inibi sedecim Dubricii discipulorum nomina reperiuntur, quæ Benedictus rejicienda duxit, viz. Merchiguinus, Elguredus, Gunnuinus, Congual, Aitbody, Congur, Arguistil, Jnnabin, Conbran, Gorvan, Guernabin, Jonan, Elhenarn, Judnon, Curocui, Cinuarch.



que pravi dogmatis superstitione. Cuncto quoque tempore, quo verbum vitæ Brittonibus prædicavit, sinceram fidem catholicamque eadem gens conservavit.

Cap. III. Cum igitur B. Dubricius in doctrinâ simul & potenti facundiâ floreret, illustrissimorumque natalium suorum largitionibus locupletaretur; paradisi introitus insignis viri categoriis unâ cum exemplis magis ac magis fidei populo patefcens, indies dilatabatur. Nam cum labor amplius crescebat in corpore; plus gaudebat pro tanto onere, manens retributionem cœlestis patriæ. Quippe manûs ejusdem impositione diversarum valetudinum languores crebrius fugabantur; quicumque verò debiles & anxii ad eum veniebant, læti ac incolumes repedabant. Propterea non dubiæ fama sanctitatis illius & religiosæ in divinis mandatis devotionis prius celebrem postea verò per universam Britanniam celeberrimum citò reddidit. Quamobrem ut orbita priscorum annorum ad id temporis volvendo pervenit, quo Pelagiana Hæresis totum penè viroso dogmate contaminaverat orbem; ad eam delendam S. Germanus Autifiodorensis & Lupus Trecacensis Episcopus ab Antistibus Galliæ destinantur; quo verbum Dei Brittonibus prædicarent, fidemque Catholicam letiferam Hæresin penitus extirpando redintegrarent. Corrupta namque fuerat Christianitas eorum, tum propter Paganos Saxones quos Rex Vortigernus illis associaverat, tum propter Pelagianam hæresin cujus venenum in ipsis pluribus serpserrat diebus. Namque Brittones multoties directis internunciis à Galliæ Præsulibus patrocinium flagitabant; quia nec pravo dogmati Hæreticorum adquiescebant, nec illud tamen suis allegationibus tergiversatione pravorum renitente omnino abolere valebant.

Cap. IV. Verùm ut prænotati dogmatistæ eandem Hæresin funditus eradicaverant; Episcopos ad roborandam orthodoxam fidem in pluribus regionibus consecraverunt. Super omnes utique dextralis Britanniæ fines B. Dubricium Metropolitanum Archipræsulem ab Ambrosio Aurelio Rege totius Brittonum Monarchiæ, filio Constantini, fratre quoque Uther patris Arthurii Magni, necnon & ab omni Clero & populo illius Archidioceos canonicè delectum consecraverunt. Supradictus itaque Rex Ambrosius dapilis erat in dandis, sedulus in divinis obsequiis, modestus in cunctis, & super omnia mendacium vitans, mitis, pius atque benignus, fortis pede, fortior equo, & ad exercitum regendum eruditissimus. Defuncto igitur Tremorino Urbis Legionum Metropolitanæ tunc temporis Archiepiscopo; isdem Rex quo memoriale Procerum Britannæ, quos Hengistus Saxonesque sui complices nefandâ prodicione in monte Ambrii, qui nunc vulgò Stanhenges dicitur, trucidaverat, sc. cccclxxx. Consulatumque Baronum æternum fieret; pergrandes lapides, qui ibidem in horum memoriam usque in præsens positi sunt, ab Hiberniâ cum magnâ manu germano suo Uther illuc transmissis fecit illinc deportari. Qui cum allati fuissent; nonnullos per diversas Britannæ partes nuncios direxit, edixitque universis regni Magnatibus cum Clero pariter apud montem Ambrii in pago qui nunc Salesberia dicitur convenire; quod cum magno honore præmemoratorum virorum sepulturam repararent. Ad editum ergo hujusmodi convenerunt Pontifices atque Abbates ex unoquoque ordine; prout illis indictum fuerat. Cùmque cuncti congregarentur, instante die præfinitâ, imposuit Aurelius diadema capiti suo, Festumque regio more celebravit, ac tribus sequentibus diebus celebritati vacavit. Destituta siquidem fuerunt hac tempestate duæ Metropolitanæ Sedes Pastoribus suis, Eboraci videlicet atque Urbis Legionum, quæ vulgò Caerligion nominatur. Quibus Rex communi consilio rectores restituere gestiens, Eboracum Samsoni illustri viro sanctitateque famoso contulit; Urbis verò Legionum Archipræsulum

præsulatum inclito Dubricio, quem divina providentia eidem Sedi præle-  
gerat. Cumque hæc & alia in regno suo ritè disposuisset ; præcepit Merli-  
no vati saxa circa sepulturam erigere, quæ de Hiberniâ navigio attulerat ;  
quod & factum est.

Cap. V. Igitur paucis annorum cursibus evolutis, insignis Rex Ambro-  
sius Aurelius veneno perimitur. Huic itaque Uther cognomento Pendragon,  
i. e. caput draconis, ejusdem germanus in regno successit ; nec ipse diu de-  
gens, in exitium penè totius Britannia leto debitum pendidit. Quo de-  
functo, convenerunt ex diversis Provinciis Magnates Brittonum in urbe Sil-  
cestriae, Dubricio Urbis Legionum Archiepiscopo suggerentes, quatinus Ar-  
tutum filium Uther Pendragon in Regem coronaret. Urgebat enim arcta  
necessitas ; quodd prædicti Regis accepto obitu Saxones concives suos ex Ger-  
maniâ conciverant, Brittonesque à patriâ radicitus evellere moliebantur.  
Subjugaverant enim sibi totam partem Insulæ, quæ à flumine Humbri usque  
ad Katanensium æquor protenditur. Venerabilis igitur Dubricius calamita-  
tem patriæ dolens, associatis sibi Episcopis, Artutum Regem diademate in-  
signivit. Erat autem Arthurus xv. annorum, juvenis inaudita virtutis at-  
que largitatis. In quo quippe tantam gratiam divina bonitas præstiterat ;  
ut à cunctis ferè gentibus amaretur. In sinibus itaque regiis initiatus, ex  
more largitati indulgit. Qui ut regiâ potestate potitus est, Saxones audacter  
pluribus præliis aggreditur ; nec tamen illos à regno funditus extirpare va-  
luit. Eapropter convocato Clero primatibusque regni sui, consuluit eos quid  
potissimum contra Paganorum Saxonum irruptionem faceret. Comuni  
tandem consilio mittuntur Armoricam, i. e. Minorem Britanniam, à Rege  
nuncii ad Hoelum Regulum illius patriæ, qui ei calamitatem Britannia no-  
tificarent. Unde postquam supradictus Regulus agnovit, cum xv. millibus  
armatorum classem intravit, prosperisque ventorum flatibus in portu Hamo-  
nis, qui nunc Hantonia vocatur, applicuit. Qui honorificè ab Arthuro sus-  
ceptus, communicatoque S. Dubricii consultu ad urbem Lincolniam tunc  
temporis à Saxonibus obsessam cum magnâ manu proficiscentes, ibidem cum  
illis prælium commiserunt. Eâdem nempe die ceciderunt ex Saxonibus sex  
millia virorum ; qui partim fluminibus submersi, partim telis percussi occu-  
buerunt. Unde cæteri perterriti terga fugientes verterunt ; donec in nemus  
Colidonis perventum fuisset ; illoque à Britannis obsessi, tandem inedia sunt  
in deditionem coacti. Arthurus autem trophæo potitus, omni auro eorum  
ac argento sublato, obsidibus susceptis ut sibimet . . . . . annuatim persolve-  
rent, fœderatos cum solis navibus repatriare permisit. His ita gestis, paucis  
interim diebus intervenientibus peractæ pactionis Saxones puduit ; atque vi-  
ribus associatis ab inchoatâ profectioe regressi, fœdus suum irritum fecerunt,  
urbemque Badonis obsidione vallant. Quibus ab Arthuro compertis, dimissâ  
Pictorum & Scottorum oppressione obsidionem dispergere festinavit. Postre-  
mò conspectis comminus hostium castris, hujuscemodi [oratione] suosest  
adorfus. Quoniam quidem impiissimi Saxones fidem mihi dedignati sunt ex-  
hibere ; ego fidem Deo meo servans, sanguinem civium meorum ulcisci co-  
nabor. Armate vos viri, armate ; & proditores istos viriliter aggredimini,  
quos proculdubio suffragante Christo triumphabimus. Hæc illo prosequente,  
S. Dubricius Urbis Legionum Archiepiscopus ascenso cujusdam montis ca-  
cumine, excelsâ voce exercitum sic affatur. Viri Christianâ professione in-  
signiti, maneat in vobis concivium vestrorum pietas & patriæ, qui proditi-  
one Paganorum exterminati vobis in sempiternum cedent opprobrium, nisi  
ipsum totis nisibus defendatis. Pugnate pro patriâ vestrâ ; & mortem si su-  
pervenerit, ultro pro eâdem patimini. Ipsa enim victoria est & animæ ré-  
medium. Quicumque etenim pro fratribus suis mortem inierit, vivam hosti-



am se præstat Deo; Christumque sequi haud ambigitur, qui pro fratribus suis animam dignatus est ponere. Igitur si quis vestrum in hoc bello letum subierit; sit ei mors illa omnium delictorum suorum pœnitentia & remissio, dum eam hoc modo recipere non diffugerit. Nec mora: beati viri benedictione hilarati maturavit quisque armari se & ejus præceptis parere. Ipse quidem Arthurus loricâ tanto viro dignâ indutus, auream galeam simulachro draconis insculptam capiti adaptat; humeros etiam suos clipeo protegit, quo imago S. Mariæ Dei genitricis depicta constitit, quam sibi crebrius in auxilium invocavit. Exin certè quasi leo cum suis in Saxonum cuneos irruens, adjutus B. Dubricii suffragiis eos debellavit; nomenque beatæ Dei Genitricis exorando multa millia prostravit; demum quoque Principibus & Ducibus eorum omnibus interfectis, miserabili modo paucos qui stragem evaserant, in deditionem compulit. Hoc utique modo isdem Rex almi Dubricii precibus & meritis in cunctis præliis victor extiterat; necnon & universa regna, quæ singulorum vocabulis indicare tædiosum foret, sc. ab Alpibus cum adjacentibus regionibus & insulis usque ad ultima Tile i. e. Islandiam obtinuerat; Regesque illorum & Principes aut suæ ditioni subegerat aut atrociter trucidaverat.

Cap. VI. Igitur quoniam ad ostendendum viri Dei meritum aliquantisper ab incœptâ recitatione digressi sumus; nunc ad propositam narrationem calamum infligamus. Beatus ergo Dubricius non modò Metropolitanam sedem Ecclesiæ Urbis Legionum copiosis possessionibus amplificavit; verum etiam Landavensem Ecclesiam in honore S. Petri Apostoli consecratam prædiis & pluribus territoriis atque fertilibus agris, silvis utique & piscosis amnis locupletavit. Patronus itaque isdem Cœnobium venerabilis Iltuti Abbatis, quod in Glamorcanti Provinciâ constructum est, Quadragesimali tempore visitavit, ut corrigenda corrigeret, ordinem verò sacrosanctæ religionis corroboraret. Ibidem namque nonnulli sanctissimi viri conversabantur; plures quoque & deteriores livore. Inter quos insignis Samson filius Amon morabatur; qui à B. Dubricio meruit ad sacros Ordines i. e. Diaconatus atque Sacerdotii apicem provehi, ad ultimum verò divinâ revelatione in Episcopum consecrari. Quoties itaque sacris Ordinibus benedictionibus inolitis promovebatur; toties à beato Præfule ac S. Iltuto Abbate visa est columba candidissima cœlitus in capite ejus descendere, illicque dum sacrum compleretur officium absque discessu consistere. Ministeria nempe Cœnobii almi patris Iltuti diversa diversis fratribus congregationis ex more committuntur, quemadmodum res exigebat. Administratio siquidem promptuarii Samsoni venerabili viro pro præpollente Dei præ cæteris in illo gratiâ licet renitenti vellet nollet injungitur. Qui die noctuque Cœnobitis atque hospitibus cum egenis ministrans, communi populo complacebat. *Sequitur miraculum de vasis Samsonis curâ commissis; quæ vino ab hospitibus evacuata, iterum sunt divinitus repleta.*

Cap. VII. *Miraculum de filiâ Guidguetanai energumenâ à Dubricio sanatâ.*

Cap. VIII. Igitur cùm Basileus Arthurus totius patriæ statum in pristinam dignitatem restaurâset; duxit uxorem Guenwaram ex nobili genere Romanorum progenitam. Exin ubi Norwegiam, Daciam, Galliam, Aquitaniam, necnon & Andegaviam cæterasque provincias universas unâ cum Estrusiâ i. e. Normanniâ suo dominio armis subjugâset; denuo reversus est Parisiis, tenuitque curiam illic. Quò convocato Clero & populo, pacem regni legitimo ritu confirmavit. De cætero quidem pacificatis ibidem civitatibus & populis, incipiente vere Britanniam reversus est. Cùm verò solemnitatis Pentecostes appropinquâset; post tantum triumphum oppidò exhilaratus affectavit

affectavit illico Curiam tenere seque diademate redimiri: Reges utique ac Duces sibi subditos ad ipsam Festivitatem invitare, ut & illam honorificentius celebraret & inter proceres suos pacem firmaret. Idcirco namque consilium cepit, ut in Urbe Legionum suum exequeretur propositum. In Glamorgan-tiâ etenim super Oſcam amnem amœno situ locata, præ cæteris civitatibus abundans opibus, tantæ solemnitati congruebat. Duabus quippe eminebat Ecclesiis, quarum una in honore Julii Martyris consecrata virgineo Deo dicatarum choro perpulcrè decorabatur: Alia planè in Beati Aaron ejus socii constructa nomine, Canonicorum conventu subnixâ; tertia primariam metropolitanamque sedem habebat. Omnibus denique in Urbe Legionum congregatis, instante festivitate Archipræsules ad Palatium ducuntur, qui Basileum diademate regali laurearent. Beatus ergo Dubricius, quoniam in suâ Diocesi Curia tenebatur, paratus divinorum celebrationi regalibusque obsequiis, hujusce rei curam suscepit. Tandem verò Rex caput laureatus ad templum Metropolitanæ Sedis regio cultu decoratus conducitur. A dextrâ quippe lævâque bini Archipontifices ipsum tenentes agebant. Quatuor quoque Reguli, Albanæ videlicet atque Cornubiæ, Demeticæ & Venedociæ, quorum jus id fuerat, quatuor aureos gladios manibus ferentes illum præcedebant. Conventus etiam multimodorum ordinatorum miris modulationibus præcinebat. Ex aliâ siquidem parte Reginam suis nichilominus insignibus diademateque redimitam Archiepiscopi atque Pontifices ad Cœnobium velatarum virginum adducebant. Porro peractâ processione, tot cantus in utrisque fiunt templis; ut præ nimîâ dulcedine milites qui aderant nescirent quod templorum potius prius peterent. Catervatim ergo nunc ad hoc nunc ad illud ruebant; nec si totus dies celebrationi vacaret, tædium aliquod generaret. Primis denique tribus diebus Pentecostes inter colendum decurlis, quartâ asciscuntur cuncti qui Regi pro adipiscendis honoribus obsequium præstabant; singulique singulis possessionibus, civitatibus videlicet atque castellis locupletantur. Clerus verò se decentibus Ecclesiarum pastoribus vacantium infulis quisque quod sibi competebat donantur.

Cap. IX. Beatus igitur Dubricius ad heremiticam vitam totis viribus anhelans, Archiepiscopali fasce gliscens absolvi, pristinæ dignitatis sede se sponte deposuit. Cui successit in Archiepiscopatum agius David avunculus Regis; cujus vita virtutibus & miraculis claruit, ac totius bonitatis exemplum fuit. In loco verò S. Samsonis Dolensis Antistitis Theliauus illustis Presbyter Landaviæ consecratur, Hoelo Rege Armoricanorum Britonum annitente; cujus doctrina & mores illum commendabant. Episcopatus quoque Silcestriæ Maugennio, Wintoniæ verò Duuiano, laudabilibus viris decernuntur.

Cap. X. Silentio namque non est prætereundum, quoniam dum reverendæ memoriæ Dubricius in Archiepiscopali administratione perstitit, ejus consultu & orationibus adjutus Rex Arthurus prosperè in cunctis agebat, ac in omnibus bellis jugiter triumphabat; illiusque Monarchia in summâ pace consistebat. At ubi sanctissimi Dubricii patrocínio destituitur; quoad vixit nunquam à pugnarum vexatione quievit, donec & ipse bello occubuit. Eâdem quippe die qua S. Dubricius Archipræsulatus curam deseruit, xii. Legati Lucii Cæsaris venerunt, vectigal Britannæ minaciter exigentes, epistolam Imperatoris ampullosis verbis refertam Regi deferentes. Quibus Arthurus oppidò in iram laceffit, consultu primitus habito, ad congregiendum cum Imperatore non modicum animatur. Quocirca ab omnibus Regibus, Ducibus, Consulibus atque Baronibus ibi congregatis ad expugnandos Romanos auxilium rogat. Collectis inde equitibus clxxxiii. millibus ac ducentis, ex-



ceptis peditibus qui innumerabiles existerant, prostremo cum omni transfretavit exercitu Augustodunum proficiscens; ibique Imperatori necnon & immani exercitui illius occurrens, praelium mutuo commiserunt. Arthurus tamen quamvis suis omnibus fere interemptis Magnatibus, excepto Walwano & Hoelo Rege nepotibus ac paucis aliis, triumphavit, Lucio Cæsare cum cunctis bellatoribus ejus enectis. Istis explicitis, festinantibus nunciis Arthuro innotuit Modredum nepotem suum, cui curam Britanniae commiserat, diadema nequiter sumpsisse, Gannumaramque Reginam nefarie sibi nupsisse. Quo audito Rex Arthurus furoris bile commotus, cum insularis qui eadem evaserant Regibus continuo non minimum angustiatu repatriavit. Regressus namque tribus praeliis inter se & Modredum nonnullam strage gestis, ad ultimum vero confertis gladiis Arthurus à Modredo letaliter fauciatur. At ille robustius in Modredum irruens extemplo prostravit, atque cum multis suorum in Cocitum direxit: Sicque mutuis occubere vulneribus. Hæc itaque de Arthuro prosecutus sum; ut cunctis liquido pateat, quantis sceleratibus fortunatus extiterit, quamdiu B. Dubricii suffragiis suffultus extitit; quantisque cladibus & infortuniis ab eo desertus quoad vixit pessundatus subiacuit.

Cap. XI. Perspiciens igitur vir Dei Dubricius hujus sæculi curam cæleste regnum desiderantibus magnum generare detrimentum, quatinus expeditius ad beatam vitam à fallaci transiret, cunctis illecebris & curis sæcularibus exutus, anachoreticam vitam Archiepiscopali dignitate sponte depositus operæ pretium agere duxit. Unde cum pluribus sanctis viris & discipulis laboribus manuum suarum viventibus in insula Enli nonnullis annis à sæculo procul remotus deguit; & ad ultimum veram beatitudinem ærumnosam egestate commutavit. Senio quidem confectus, Sanctique Spiritus gratia repletus, diutius optatum perhene gaudium uranicque regni præmium xviii. Cal. Decembris adipisci promeruit. Nam eâ die vinculis carnis absolutus, talentum sibi traditum Domino suo cum lucro reportavit. Prælibata ergo Enli insula, qua B. Dubricius ultimo dierum suorum tempore sanctæ religionis religiosæque sanctitatis vitam duxit, in extremitate regni sita propter longinquitatem & periculosum freti transitum antiquitus Roma Britannicè nominabatur ob loci sanctitatem; cum inibi xx. millia & eo amplius, ut fertur, tam Martirum quàm Confessorum corpora humata requiescant, operiendo beatam immortalitatem & immortalis beatitudinis resurrectionem. Eadem quippe insula undique Thetide circumfusa orientali plagâ licet eminenti promontorio, occidentali verò regione plana, arvi cespitem dulcisflui fontis lactice opima. Salum insuper illic delphinis abundans; fundus serpente, buffone, ranâque carens; & quod commendabilius omnium extat, quia nullus illò juvenis defungitur, ast in senectam vivit. Porro pauca de multis enucleavimus miracula; quippe cum gesta sanctissimæ conversationis viri Dei membris impressa vel ignibus hostium exusta seu civium exilio fuissent deportata. Quod verò postmodum diligenti studio antiquorum patrum sive Historiographorum editionibus de B. Dubricio reperimus, vel quorsum constat tumultus infra sepulturam agiorum virorum Enli, quove sit inde postea translatus; necnon & quemadmodum seu à quo, quorum immo Principum diebus, Landaviam sit advectus; operam dedimus apicibus insinuare; quatinus meritis ipsius & precibus mereamur illius gloriæ participes existere; præstante Domino nostro Jesu Christo, qui cum Patre & Spiritu Sancto vivit & regnat Deus per omnia sæcula sæculorum.

Cap. XII. (c) Igitur anno Dominicæ Incarnationis DCXII. S. Dubricius olim Landavenfis Episcopus sive Ecclesiæ Urbis Legionum, quæ nunc appellatur Caerleon, Archiepiscopus xviii. Cal. Decembris migravit ad Dominum. Anno verò MCXX. anno bissextili, sextâ feriâ, Nônis Maii, ex insulâ Enli, ab Urbano Landavenfi Antistite translatus, favente Radulfo Cantuariensi Metropolitano, assensu quoque David Bangornensis Pontificis atque Griffudi Reguli Guinedociæ, quæ Anglicè Spauduna dicitur, totiusque Cleri & vulgi consultu, x. Calend. Junii, Dominicâ die, in suam Ecclesiam Landaviæ cum decenti processione sanctis Reliquiis ejusdem obviâ factâ honorificè receptus est, & in eâdem Basilicâ venerabiliter busto reconditus. Eodem verò tempore tota Glatmorgantia nimîâ siccitate afficiebatur. Nequaquam enim pluerat viii. septimanis in illâ provinciâ. Et in adventu sanctarum Reliquiarum beatissimi Dubricii pluvia copiosa valdeque populo salutaris effunditur. Demum iv. Non. Junii, quartâ feriâ, piæ memoriæ Urbanus Landavenfis Episcopus prægrandis itineris labore paululum quiete refo-cillatus, atque pro tanti patroni Reliquiis indeptis non nihil gavisus, facto primùm jejuniò deprecationibus insistendo \*, convocatis Clericis suis, Elni scilicet Decano magnæ prudentiæ viro & Ysaac præstantis probitatis Capellano suo, cæterisque sancti altaris officialibus, sacrosanctas eximii Dubricii reliquias solo tenus deposuerunt. Quæ dum diligenter manibus præscriptorum Præsulum Urbani scilicet ac Davidis in tribus pelvibus limphâ coram arâ Petri Apostoli & Sanctorum Confessorum Dubricii, Theliaui, Odocei lavarentur; mirum in modum extemplo pignoribus almis undâ intinctis, eadem ebullire cœpit, ac si lapis oppidò ignitus immitteretur. Nec modò prodigium ebullientis aquæ admirati sunt; immò etiam cum algida fuisset, repente admodum calidam stupentes persensere. Quinimo quamdiu ossa ab illis ab-luebantur, calor laticis multiplicabatur, sonusque ferventis aquæ audiebatur. Verè mirabilis Deus in Sanctis suis. Tandem Episcopus unum os brachii exhilaratus remisit in aquam; & illapsum fundo tenus nullo se tangente quasi per unam horam huc illucque divinitus haud sine admiratione cunctorum movendo natavit. Quod cum primùm prælibatus Præsul inspexisset; Decano protinus cum Capellano præmemorato ascitis, contemplari commotionem ossis jubentur; ut in ore duorum vel trium testium stet omne verbum; intuen-doque miraculum Deo gratias agant, qui suâ ineffabili pietate Sanctos suos mirabiliter glorificat. His ita peractis ad honorem & utilitatem Ecclesiæ Dei, S. Dubricii reliquiæ pariter in veteri Monasterio mausoleo reponuntur ante aram sanctæ Dei Genitricis ad Aquilonem. Postea planè Urbanus Antistes Monasterii angustam brevitatem perpendens tantis Patronis incongruam, decrevit illud dilatari. Quapropter Monasterio veteri diruto, majus construi cœpit in honore Apostoli Petri & sanctorum Confessorum Dubricii, Theliaui, Odocei anno MCXXI. Dominicæ Incarnationis, xviii. Cal. Maii, quartâ feriâ, acceptis sibi & Ecclesiæ suæ literis Domini Archiepiscopi cum impressâ benedictione & injunctæ pœnitentiæ condonatione cunctis ad in-cœptum opus beneficia & suppetias præstantibus.

(c) Narrationem de Translatione Reliquiarum S. Dubricii Vita brevior ejusdem supra memorata non minùs ubertim quàm ipse Benedictus tractavit. Utriusque narrationes ita concordant; ut alter alterum descripsisse, levi tantummodo stili immutatione factâ, facîle videatur. Ista solummodo omisit Benedictus. Et prædictus Antistes vir bonæ memoriæ videns loci parvisatam in longitudine xxviii. pedum in latisudi-

ne xii. altitudine xx. & cum duabus aliis ex utrâque parte admodum parvæ quantitatis & altitudinis, & cum porticu xv. pedum longitudinis & latitudinis, rotunda molis; consilio Radulfi Cant. Ecclesiæ Archiepiscopi & totius Cleri & populi ejusdem cœpit Monasterium majus construere. Narrationem istam Dugdalius in Monasticon suum transtulit; numeris autem alicubi transpositis vitiatam dedit.

\* Advocavit Canonicos suos, fratrem scilicet Elni Decanum ejusdem Ecclesiæ Epitome.



# V I T A

## S. T E L I A V I

### Episcopi Landavenfis

Authore Galfrido aliàs Stephano Landavenfi.

Incipit Vita S. Teliavi Episcopi, à Magistro Galfrido (i. e. Stephano) fratre Urbani Landavenfis Ecclesiæ Episcopi dictata.

**S**anctus iste, fratres carissimi, ab infantia Dei cultor extitit : nec mirum ; cum ante infantiam eum futurum sibi servum Deus prædestinasset. Prædestinavit quem elegit, & elegit quem dilexit, dilectumque veræ confessionis palmâ coronavit. Militavit itaque vir Dei Deo, orationibus insistendo, & omnia quæ possidebat indigentibus erogando. Quid amplius ? Sex opera misericordiæ diligenter executus ; & nunquam Dei famulus ab ecclesiasticis vacabat institutis. Omnia sua non faciebat sua ; & quæ non erant sua faciebat sua. Nichil enim reliqui sibi de suo relinquens, bene caduca pro æternis cambiebat. Talia equidem constat sancti viri fuisse rudimenta ; in quibus perseverabat sine intermissione usque in consummationem vitæ. Egregius igitur Confessor fuit, qui præter virtutes quid confiteretur non habuit. Quippe in infantia bonus, in juventute melior, in senectute optimus. Sed ne tanti viri genus taceatur quasi nescitum ; ex nobilibus illum parentibus credimus fuisse ortum ; ut carnis nobilitas honestaret eum inter homines, qui jam animi nobilitate apud Deum erat acceptabilis. Post incrementum autem ætatis, virtutum & sapientiæ, congruo nomine Helios à sapientibus nuncupatus est. *Helios* autem Græcè, Latine *Sol* interpretatur. Fulgebat enim ut Sol ejus doctrina, fidelium illustrando corda. Sed illiteratis hominibus extremum vocabuli corruptè proferentibus, adolevit quòd non Helios sed Heliud appellatus est.

A Sancto autem Dubricio Archipræsule, cujus proximus successor extitit, legimus illum in pueritiâ in sacris Scripturis fuisse eruditum ; donec eum tandem vidit tantæ indolis puerum, ut non solum illum crederet seipso in scientiâ non esse inferiorem, sed Spiritu Sancto cooperante Scripturarum nodos melius per se quàm aliquo sibi magistrante expediebat. Quo viso S. Dubricius, qui hucusque fuerat suus præceptor, quique jam intelligebat se non posse sibi magistrari, voluit ut sibi succederet in magisterio, cum eum excederet doctrinâ & ingenio. Sed tanta eum gratia comitabatur, tantusque eum studii sacre lectionis fervor incendebat ; ut ille qui jam aliis magistrari poterat, etiam magistrum adhuc quærebat. Sed non more stultorum Philosophorum ut alios confunderet, immo ut Hæreticorum errores confundere posset. Confudit itaque multorum hæreses, multorumque correxit errores. Plusque simpliciter & catholicè tamen argumentando profuit fidelibus, quàm suis subtilibus

libus argumentis fecisset unquam aliquis Philosophus. Illi enim viam quærentes semper deviabant; ille verò viam veritatis nunquam præteribat, sed per eam gradens quasi lucernâ præeunte nullo eum impediante ad eum qui est verum lumen tendebat. Quippe per eum gradiebatur qui est via; & ab eo docebatur qui est sapientia.

Beatus Theliawus auditâ sibi Paulini cujusdam sapientis viri famâ, eum adivit; & apud eundem aliquamdiu moratus, si qua eum Scripturarum secreta prius laterent, conferendo ad invicem omnia sanè exposita intelligebant; ibique Sanctum David perfectissimæ vitæ hominem sibi associavit. Quos tanta conjunxit dilectio & Spiritûs Sancti gratiâ; quòd in agendis & non agendis rebus idem velle & idem nolle esset ambobus. In istorum autem Sanctorum diebus quidam populi de Scithiâ, qui sive à pictis vestibus sive propter oculorum stigmata Picti dicebantur, innumerâ classe ad Britanniam devenerunt; & capti amore terræ potiundæ, propter bonarum rerum copiam, qua super omnes insulas tunc temporis pollebat, magis fraude quàm viribus Britannos invaserunt, & in eos miram tyrannidem ad tempus exercuerunt. Nec mirum istam superari ab illâ. Nam Picta gens erat subdola & multis confliktionibus terrâ & mari exercitata. Ista autem quamvis viribus corporis esset prædita, tamen simplex & pacifica; & quia nondum esset à quoquam tentata, quasi bellandi nescia levius subjugari potuit. Siquis autem inde plenius scire desiderat; in historiâ Gylde Britannorum Historiographi reperiet. Cùmque quidam illius nefariæ gentis Princeps trucidando miseris incolas & comburendo ædes & templa Sanctorum à navalibus ubi appulerant usque Mynuensē civitatem processisset; ibi constitit, ibique suum palatium construxit. Qui videns Sancti David & Eliud aliorumque servorum Dei qui cum illis degebant vitæ probabilitatem, sicut pravorum semper consuetudo est bonis invidere, non solum illis invidebat; sed etiam quòd illos tam attentos in Dei servitio videret, multa eis opprobria sæpe dicebat, ut sic eos à Christo separaret. Sed quia minis & verbis turpibus quod volebat efficere non potuit, multis machinationibus eos tentare conatus, vidit se nullo modo commodius quàm per muliebres blanditias illud efficere posse. Præcepit itaque mulieri suæ, ut ad Sanctos suas pedissequas dirigeret, & Sanctorum visibus se offerrent; ut fatuis motibus sui corporis & meritriciis blandimentis Sanctorum mentes à sancto proposito conarentur pervertere. Quæ dum dominæ suæ exequendo mandata se quasi insanas esse simularent; insanæ factæ sunt. Quo viso prædictus persecutor & domus sua tota fidem susceperunt, & ab eisdem in Christi nomine baptizati sunt.

Postquam Deus prædictas mulieres tali immedicabili opprobrio deturpavit; eosdem Sanctos per aliud opus mirabile & dignum memoriâ decoravit. Nam cùm Beatus Eliud & Maydocus in atrio Monasterii non figmenta Poetarum nec veterum Historias, immo Jeremiæ Prophetæ Lamentationes, ut amore cœlestis patriæ magis accenderentur, discuterent; supervenit quidam famulus, dicens ligna deesse quibus cœna fratrum præparari posset, &c. *Sequuntur nonnulla miracula.*

Videns Deus Sanctos suos tot decoratos esse virtutibus, indicavit eos promovendos esse ecclesiasticis dignitatibus. Misit enim Angelum suum ad Sanctos, qui nuntiaret eundem eis esse ad sanctam civitatem Jerusalem, ut ibi suæ militiæ donativa reciperent. Sancti verò, Eliud videlicet & David, Deo suo per omnia obediētes, non sunt ausi resistere divino nutui; sed Paternum virum Deo carum sibi associantes, & tres in Trinitatis nomine inunctum sibi iter incœperunt, sed non ut multi peregrinorum faciunt, multâ adunatâ pecuniâ, immo sine baculo & perâ, sperantes potius in illum, qui dat jumentis escam ipsorum & pullis corvorum invocantibus eum. Nec frustra sperantes:

Deus



Deus enim per fideles suos cuncta eis necessaria ministrabat in tempore. Illustrati siquidem erant luce cœlestis gratiæ; ita ut eorum adventus cunctis esset acceptabilis, & præsentia sanitatem præberet infirmis. Reliquerunt itaque per diversas provincias suæ sanctitatis vestigia, cunctorum sibi obviantium alleviando dolores. Cumque persecutores in viâ obfisterent; non tantum spolia illis pacificè concedebant, sed siquid prædæ ipsi immemores relinquerent, prædatoribus hilari vultu porrigebant. Illi autem videntes Sanctorum bonam simplicitatem, veniam supplicando commissorum, non tantum reddebant eis sua, sed eos conducebant usque dum pervenirent ad tuta. Consummato tandem itineris cursu, Jerosolimam pervenerunt. Quibus civitatem introeuntibus, occurrit omnis populus psallendo in canticis & hymnis super adventu eorum; & ita cum celebri pompâ conducti sunt in templum Domini. Qui quamvis tanto itinere defatigati fuissent, non mollia strata quaesierunt ubi quiescerent; sed in nudo templi pavimento prostrati, triduo preces suas continuaverunt, adeò cœlestia contemplantes quòd terrenorum penitus essent immemores. Interea totus Clerus attentè expectabat, qui Sanctorum quam sedem oratione finitâ sibi eligerent; ut in electione sedium notarent, sicut cœlitus per Angelum præmoniti fuerant, quem illorum cæteris prælatum constituerent.

Erant in templo ab antiquis temporibus tres cathedræ senioribus constitutæ. Duæ diversis metallis & miro artificio fabricatæ, tertia cedrina nihil ornati habens extrinsecus præter hoc quod natura dederat. Quam humilem humilis Eliud elegit sibi in sedem, preciosiores concedens fratribus propter reverentiam. Quò viso omnes illi qui aderant ceciderunt in facies suas ante Sanctum Eliud, dicentes: Salve Sancte Dei Teliawe; & concede ut valeant nobis tuæ preces apud Dominum; quia hodie præ cæteris sublimatus es confratribus tuis, residens in sede Domini nostri Iesu Christi, in qua patribus nostris prædicabat regnum Dei. Et rogaverunt eum, quatinus ad instructionem virtutum parabolam eis diceret de Christo; ut sicut illum imitatus fuerat in cathedrâ residendo, eundem imitaretur in prædicando. Qui videns amorem divini verbi flagrare in cordibus eorum, miro modo sollicitabatur; non quòd nesciret quod doceret, sed dubitabat quod rogaverant qualiter eis expediret, cum linguæ illorum penitus expers fuisset. Incœpit tamen Sanctus sacras Scripturas exponere, ut satisfaceret supplicanti populo; ita ut unusquisque circumstantium audirent illum suâ linguâ loquentem. Omnes autem qui eum audiebant prædicantem, tantâ dulcedine sermonis illius sunt affecti; quòd in quantum eum diutius audirent, magis magisque illum audire desiderarent. Sed tandem postquam resecti sunt universi saporiferâ illius doctrinâ; ne prædicandi officium videretur præsumere, si solus prædicasset, ait populo: Audite jam à fratribus meis verba vitæ, qui me perfectiores sunt in vitâ & diligentiores in doctrinâ. Surrexerunt itaque Sanctus David & humillimus Dei servus Paternus, & prædicaverunt populo. Sic Sancti alternâ suâ prædicatione quasi diversis ferculis audientium mentes reficiebant; ut si qui eorum prius in fide vacillarent, sanctæ Trinitatis fidem per gratiam prædicationis Sanctorum perfectissimè tenerent.

Post hæc, sicut nuntiatum fuerat per Angelum, ab universâ plebe electi, sublimati sunt Pontificali dignitate. Et quasi gratiæ in testimonium, quam ibi Domino largiente susceperant, data sunt eis tria munera preciosa, prout unicuique competeat. Paterno baculus & choralis cappa pretiosissimo serico contexta, eò quòd illum egregium cantorem videbant. Sancto autem David altare mirificum, nulli bene notum de qua materiâ fuerat compositum. Novissimè autem beato Pontifici Theliawo non extremum tamen donorum accessit Cimbalum, magis famosum quàm sit magnum, magis pretiosum quàm sit

fit pulchrum, & dulci sono videtur excellere omne organum. Perjuros damnat, infirmos curat; & quod magis videtur mirabile, singulis horis nullo movente sonabat, donec peccato hominum præpediente, qui illud pollutis manibus temere tractabant, à tam dulci obsequio cessavit.

Sancti Dei supradictis donati muneribus, & utriusque benedictione acceptâ, cum summâ prosperitate reversi sunt in regionem suam. In qua non diu commorari potuerunt propter pestilentiam, quæ ferè totam gentem deleverat. Pestis autem illa Flava vocabatur, eò quòd flavos & exangues efficiebat universos quos persequabatur. Interea dum ista pestis sæviret non tantum in hominibus, sed etiam in feris & in reptilibus; Sanctus Eliud in jejuniis & planctu clamabat ad Dominum, dicens: Parce Domine, parce populo tuo, qui non vis mortem peccatoris sed vitam; & ne des hæreditatem tuam in perditionem. Deinde irâ Dei ad tempus pacatâ oratione ejus aliorumque Sanctorum, cœlitus admonitus cum his qui residui fuerant de gente, recessit (d) in longinquas regiones, donec Deus eis innueret reditum in patriam. Et factum est ita. Deus autem, cujus misericordiâ plena sunt universa, non tantum gentis respiciens miseriam, quantum respiciebat Sanctum pro gente laborantem, concessit eis de exilio reverti, & ab ejusmodi periculo in perpetuum liberari. Qua concessione fidelis ductor Eliud non modicum exhilaratus, reliquias gentis diligenter recolligens, natalem solum repetivit, & habitavit ibi usq; in consummationem vitæ; principatum tenens super omnes Ecclesias totius Occidentalis Britanniae secundum traditionem patrum, qui eum Jerosolimæ consecraverant, sicut prædictum est. Sed gens citissimè crevit, quamvis de paucis, in magnam multitudinem. Et hoc nimirum fiebat, quia jam obediens facta est ad omne Sancti edictum. Sic sancta Ecclesia, quæ multo tempore fuerat dispersa, interveniente Theliawo Sanctorum sanctissimo fuit exaltata.

In nocte autem depositionis ejus magna dissensio orta est inter tres Cleros trium Ecclesiarum illius, singulis prætendentibus suas auctoritates & privilegia de habendo corpore. Sed tandem consilio discretorum hominum acquiescentes, institerunt jejuniis & orationibus; ut summus arbiter Christus, qui est vera auctoritas & Sanctorum privilegium, evidenti signo innueret, cui illorum Sancti sanctum corpus dignius esset committendum. Manè autem facto, quidam Senior respiciens ubi erat corpus, clamavit voce magnâ, dicens: Exaudita est, fratres mei, oratio nostra à Domino, qui neminem privat pro merito. Surgite & respicite quæ facta sunt à mediatore Dei & hominum Christo, ut nostra dissensio sedaretur, & ut in beati Confessoris Theliawi vitâ sic & in ejus morte fierent miracula. Ecce enim vident ibi tria corpora, quibus par erat quantitas in corpore, idem decor in facie. Quid amplius? In nullo discrepantia habebant totius compaginis lineamenta. Sic sedatâ lite, singuli cum suo corpore remeaverunt ad sua; & diversa in illis di-

(d) Author Vitæ S. Teliavi Registro Landavenfi insertæ (ab Usserio citatus, Antiqu. Britann. cap. 5. p. 40.) refert Teliavum Archiepiscopum tunc Landavensem, peste coactum, ad Armoricas gentes concessisse, & apud Samsonem Archiepiscopum Dolensem annis septem men-

sibusque totidem commoratum, Landaviam demum repatriasse; pestem autem contigisse sub Mailgono Rege; qui juxta antiquissimum de Britannorum Legibus librum ab Humphredo Lhuydo citatum regnare incœpit anno circiter 560.



versis locis cum summâ reverentiâ sepelierunt. Ad cuius summi Pontificis tumbam frequentissimè ab omnibus suis languoribus curantur infirmi, cæcis illustrando visum & surdis largiendo auditum. Hæc & his plurima, fratres carissimi, operata est divina virtus pro sanctissimo Confessore Theliawo. Quare tanti viri Festivitatem cum toto mentis affectu celebrate, ecclesiam frequentate, & secundum uniuscujusque facultatem de vestrà substantiâ pauperibus erogate, in ejus nomine qui, &c.

Explicit Vita venerabilis Confessoris Theliawi ; cuius memoria celebratur v. Idus Februarii.

HISTO-

# HISTORIOLA

## DE PRIMO STATU

### Landavenfis Ecclesiæ,

S E U

De fundatione &amp; dotatione ejusdem.

Ex antiquo Ecclesiæ Landavenfis Registro, quod TEILO appellatur.

De primo statu Landavenfis Ecclesiæ, &amp; Vita Archiepiscopi Dubricii.

**A**Nno ab Incarnatione Domini \*CLVI. Lucius Britannorum Rex ad \*CLVII. *Cod. alter.* Eleutherium duodecimum Sedis Apostolicæ Papam Legatos suos scilicet Elvanum & Meduvinum misit, implorans ut juxta ammonitionem ejus Christianus fieret; quod ab eo impetravit. Nam gratias agens Deo, quod illa gens [quæ] à primo regionis inhabitatore Bruto Gentilis fuerat, tam ardentem ad fidem Christi festinabat, consilio seniorum urbis Romæ placuit eisdem Legatos baptizari, & catholicâ fide susceptâ ordinari, Elvanum in Episcopum, Meduvinum autem in Doctorem. Et propter loquentiam & scientiam quam in sacris habebant Scripturis, prædicatores ad Lucium in Britanniam reversi sunt. Quorum prædicatione Lucius & totius Britanniae primates baptismum susceperunt; & secundum jussu B. Eleutherii Papæ Ecclesiasticum ordinem constituit, Episcopos ordinavit, & bene vivendi normam docuit.

Quam Christianæ religionis fidem sine aliqua pravi dogmatis maculâ sinceram conservaverunt, usquedum Pelagiana Hæresis orta est. Ad quam confutandam S. Germanus & Lupus à Galliæ Antistibus ad Britannos missi sunt. Sæpe tamen antè missis Legatis à Britannis ad eos implorantibus auxilium contra tam execrabile periculum; quia pravæ doctrinæ Hæreticorum non adquiescebant, neque tamen confundere valebant. Postquam prædicti Seniores Pelagianam Hæresin extirpaverant; Episcopos in pluribus locis Britanniae insulæ consecraverunt. Super omnes autem Britannos dextralis partis Britanniae B. Dubricium summum Doctorem à Rege & ab omni parochiâ electum Archiepiscopum consecraverunt.

Hac dignitate à Germano & Lupo datâ, constituerunt ei Episcopalem sedem concessu Mourici Regis, Principum, Cleri & Populi apud † Podium † Pagum. Sic Glossa interlinear. Lantaf, in honore S. Petri Apostoli fundatam, & cum finibus istis || Ariugunua || Declivo. usque ad \* Riufinion & à Gungleis usque ad mare, totum infra Taf & Elei \* Declivum. cum piscibus & † Coretibus suis omnibus & cum omni suâ dignitate liberè † Piscariis. ab omni regali & sæculari servitio, nisi tantum oratione cotidianâ & ecclesiastico servitio pro animâ illius & pro animabus parentum suorum Regum & Principum Britanniae & omnium fidelium defunctorum. Et cum isto privilegio, sine Consule sine Proconsule, sine Conventu, intus & extra, sine expeditione,

[ Qqqq 2 ]



ditione, sine vigilandâ regione intus nec extra, & cum liberâ communione totius Episcopatus in campo & in silvis, in aquâ & in pascuis, & cum totâ suâ curiâ in se plenariâ, liberâ & integrâ, ut regia, & cum suo refugio, non ad finitum tempus, sed sine termino, i. e. quamdiu voluerit, profugus maneat tutus sub ejus asilo, & cum datis corporibus & commendatis Regum totius provinciae Landaviae in perpetuo.

Parochiam verò quingentas tribus Sabariae, Erting & Anertyc à Mochros super ripam Gui usque ad insulam Theithi. Et propter sanctitatem suam & praedicationem praeclaram beati Pastoris & regalem parentelam suam plures Ecclesiae cum suis decimis, dotibus, oblationibus, sepulturis, territoriis & liberâ communione eorum datae sunt sibi & Ecclesiae Landaviae & successoribus suis omnibus à Regibus & Principibus totius regni dextralis Britanniae & cum praedictâ dignitate.

Statutum est enim Apostolicâ auctoritate istius Ecclesiae privilegium; ut cum suâ dignitate ab omni saecularis servitii gravamine libera in posterum maneat & quiescat. Quaecunque verò concessione Pontificum, liberalitate Principum, oblatione fidelium vel aliis justis modis eidem pertinebunt; ei firma in posterum & integra conserventur. Quaecunque praeterea in futurum largiente Deo justè atque canonicè poterit adipisci; quiescat ei semper & illibata permaneant.

Decretum est itaque, ut nulli hominum omnino liceat praedictam Ecclesiam temerè perturbare aut ejus possessiones auferre vel ablatas retinere, minuere vel temerariis vexationibus fatigare; sed omnia ei cum parochiae finibus conserventur. Si qua igitur in futurum ecclesiastica saecularisve persona contra hanc temere venire temptaverit; secundo tertiove commonita, si non satisfactione congruâ emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat; & à sacratissimo corpore ac sanguine Domini redemptoris nostri Iesu Christi aliena fiat; atque in extremo examine districtae ultioni subiaceat. Cunctis autem eidem Ecclesiae iuxta servantibus fiat pax Domini nostri Iesu Christi; quatinus & hic fructum bonae actionis percipiant, & apud dictum Judicem praemia aeternae pacis inveniant.

Post hæc surrexit Rex circueiens totum territorium, & portans Evangelium in dorso, cum Clericis ferentibus cruces in manibus simul & reliquias; & aspersâ aquâ benedictâ simul cum pulvere pavimenti Ecclesiae, in omnibus finibus territorii perambulavit; per totum datâ benedictione omnibus conservaturis eleemosinam cum omni praedictâ dignitate privilegii & refugii; maledictione autem incusâ violaturis in magno aut in modico, ut praedictum est.

Videns autem S. Dubricius largifluam potentum manum erga sibi commissam Ecclesiam, partitus est discipulos, mittens quosdam discipulorum suorum per Ecclesias sibi datas; & quasdam fundavit Ecclesias; & Episcopos per dextralem Britanniam coadjutores sibi ordinatis parochiis suis consecravit; Daniele in Episcopum Bangorensi civitati, & plures alios Abbates & Presbyteros cum inferioribus Ordinibus, Illud in Abbatem apud \* Podum vocatum ab eo Lannildut.

\* i. e. Pagum.  
Glossa.

Locus Mocros super ripam Gui, quem priori tempore beatus vir Dubricius prius inhabitaverat, dono & concessione Mourici Regis & Principum datus est Ecclesiae Landaviae & pastoribus suis in perpetuo; & ut ille prior locus posteriora semper servaret cum omni suo territorio & omni libertate libere ab omni regali servitio in perpetuo.

Sciendum est nobis, quod Pepiau Rex filius Erb largitus est Mainaur Garthpenni usque ad paludem nigram inter silvam & campum & aquam & jaculum Constantini Regis foci sui trans Gui amnem, Deo & Dubricio Archiepiscopo sedis Landaviae & Junapeio consobrino suo, pro anima suâ & pro consecri-

conscriptioe nominis sui in libro vitæ, &c. *Sequuntur plures donationes factæ Ecclesiæ Landavensi; quæ in Monastico reperiuntur Tom. iii. pag. 189, &c. quibus locum in Collectione nostrâ dare nolui; pauca solummodo majoris momenti, quæ in Monastico desiderantur, apposuisse contentus.*

Privilegium Oudocei Episcopi Landavensis.

Privilegium Sancti Odocei alias Odothei Episcopi & Ecclesiæ suæ Landavensis, datum sibi & omnibus suis successoribus in perpetuum à Rege Mourico cum duobus filiis suis & uxore suâ filiâ Gurganti magni, cum omnibus Principibus totius regni sui, autoritate apostolicâ confirmatum, ut idem privilegium datum antea Sancto Dubricio Sanctoque Theliauo & suis succedentibus, cum omni dignitate suâ & libertate; & circuierunt omnes cum Rege quatuor Evangelia in manu suâ tenentes & Sanctæ Ecclesiæ quasi dotem confirmantes, sanctâ cruce præcedente, & sancto choro sequente cum summo Pastore psallente, *Fiat pax in virtute tuâ, & abundantia in turribus, Gloria & divitiæ in domo ejus; & justitia ejus manet in seculum seculi, &c.* & cum aspersione aquæ benedictæ per totum confinium, & confirmando idem privilegium datum antea Sancto Dubricio, id est, sine consule, sine proconsule, sine conventu intus nec extra, sine expeditione, sine vigilandâ regione infra nec extra, & cum totâ curiâ suâ plenariâ & liberâ & integrâ ut regia, & cum suo refugio non ad tempus sed sine termino, quamdiu voluerit. Profugus maneat tutus sine protegente clypeo humano sub ejus asylo, & cum datis corporibus & commendatis Regum dextralis Britanniæ Landaviæ in perpetuo. Et sicut Romana Ecclesia excedit dignitatem omnium Ecclesiarum catholicæ fidei; ita Ecclesia illa Landavia excedit omnes Ecclesias totius dextralis Britanniæ in dignitate & in privilegio & in excellentiâ, & cum totâ communione pervia incolis & habitaturis in campo & in aquis in sylvis & in pascuis cæteris & in aliis.

Privilegium Joseph Episcopi Landavensis.

Rytherch filius Jestyn Rex Morgannuc immò totius Gwalliæ, exceptâ tantum Insulâ Enoniæ quam Jacob filius Idgwal per se tenebat, Ritherch dico virum pacificum & mansuetum, omnibus totius Regni tam Clericis quàm laicis, viduis & orphanis, jura sua & hæreditates divinâ lege & humanâ concedentem, & maxime Ecclesiæ Dei & gubernatoribus suis, Episcopis videlicet, & omnibus de inferioribus gradibus; In cujus tempore nulla desolatio in montibus nec in plano, nisi tantum tribus villis per totam Gwalliam in solitario, Landaviæ quidem & Sanctis ejus Dubricio, Theliavo & Oudoceo ac Joseph Episcopo ejusdem concessit Ecclesias suas & earum territoria per omnia in pace quietâ tenenda, & cum suâ dignitate & omni privilegio consolidata, & libertate totâ datâ incolis & habitaturis, & communione perviâ in campo & in aquis & in pascuis, & ob reverentiam catholicæ fidei & jurejurando & manum mittendo, præsentem Joseph Episcopo & confirmante super quatuor Evangelia antepositis sacris reliquiis, & ita ut nunquam glebam unam sciens ablaturus est aliqua in laicali aut tyrannico furore aut in alio ingenio aut fraude subdolâ de territoriis Landaviæ; & cum toto privilegio dato sibi a tempore Sanctorum Dubricii, Theliavi & Odothei, hoc est sine ullo censu magno vel modico, ulli homini terreno, nisi tantum oratione quotidianâ & Ecclesiastico servitio diurno, sine consule, sine proconsule, sine conventu infra patriam nec extra, sine expeditione, & cum omni dignitate curiæ suæ plenariâ, & ut sic dicam in omnibus ut regia; & vovens Deo & Sanctis Dubricio, Theliavo, Oudoceo, & in manu Joseph Episcopi consolidans & promittens omnibus successoribus suis in perpetuo, ut nunquam dominaretur in aliqua



aliquâ re Ecclesiasticâ aut ejus possessionibus, nec etiam refugium violaturus, immò conservaturus in omnibus, & concessio eodem refugio territorii omnibus ejusdem, & confirmato ab eo tali quale fuit Sancti Dubricii in priori tempore, videlicet quamdiu voluerit profugus Landaviæ, & eorum omnium maneat tutus sine protegente clypeo, nisi divino & sanctorum protectione, in ejus asylo & sine termino, &c. *ut supra*. Quicumque custodierit, custodiat illum Deus. Quicumque violaverit, maledictus sit Amen. *Sequitur Privilegium non absimile, Berthgwinio Episcopo Landavenfi ab Indhays filio Morcant Rege indultum; quod apud Monasticon habes pag. 204.*

Privilegium concessum Herwaldo Episcopo Landavenfi per Griffidum Principem.

Pater & Filius & Spiritus Sanctus, tres in personis, unus in Deitate & essentia, creator & gubernator totius creaturæ visibilis & invisibilis & super omnia, formavit hominem ad imaginem & ad similitudinem suam, dividens prout vult singula, & cui omnia serviunt, in præsentiarum quibusdam tribuens regna & potestates cum septiformi dono sapientiæ & intellectûs, consilii & fortitudinis, scientiæ & pietatis & timoris, inspiravit cor lapideum ingruente quadam infirmitate corporis Griffidi Regis Britannia, & ut sic dicam totius Gwalliæ de fine ad finem, & calefactum Sancti Spiritûs fervore. Videns igitur Rex, quod potestas ejus, sicut flos sæni, & caro ut cinis, conatus pro transitoriâ substantiâ conquirere regnum floridum sine casurâ, & cœleste gaudium sine mœrore & tristitiâ, semotâ omni penuriâ, semetipsum tribuens sub jugo pœnitentiæ, & pœnitens fecisse quæ fecerat contra præcepta divina, promisit se emendaturum jejunio & oratione & eleemosynis cum diversis metallis pretiosis largitis ab illo Deo egenis viduis & orphanis, & non degenerans à prædecessorum nobilitate pietate & largitate, immo imitans & præcellens, rigorem & fortitudinem tum contra Anglos, tum contra Hibernenses occidentales, tum contra indigenas solito more bellicosos, tum contra Danos marinos, tum contra Insularum Orcadum habitatores, & semper versis dorsis in fugam & firmato fœdere ad libitum suum pacificatos, clamavit territoria omnia Landaviæ Ecclesiæ Petri Apostoli & sanctorum confessorum Dubricii, Teliai & Odocei de omni parochiâ ejusdem cum toto privilegio, ut melius fuit in tempore prædecessorum suorum, quieta & tranquilla ab omni regali servitio, nisi tantum oratione quotidianâ pro animabus Regum & Principum Britannia, & firmata missis manibus super quatuor Evangelia, & in manu Herowaldi Episcopi consolidata, & coram omni populo suo in die Nativitatis Domini apud Ystum Gwy; & oblatâ villâ Penros in manu Episcopi & omnibus Præsulibus Landaviæ in perpetuo, & cum totâ communionem omnibus incolis terrarum Ecclesiæ Landaviæ in campis & in sylvis, in aquâ & in pascuis, &c. *ut supra*.

..... In capite *venerabili* habetur, quod à tempore antiquorum patrum Ecclesia Landaviæ in honore Sancti Petri Apostoli fundata, omnium aliarum Ecclesiarum Gwalliæ semper magistra existit in dignitate & omni privilegio; donec tandem per seditiones & tot bellorum flagitia & inveterato Herwaldo ibidem Episcopo & inde debilitato, & cœpit debilitari & ferè viduata pastore & annihilata indigenarum crudelitate & invasione supervenientis gentis Normannicæ. Semper tamen religiosi viri ad serviendum in eâ hæserunt, tum propter Anglorum viciniam, à quibus in Ecclesiastico quidem ministerio nihil discrepabant; quia apud eosdem fuerant nutriti & eruditi; tum etiam quod ab antiquis temporibus, id est, à tempore Eleutherii, Episcopi illius loci, & post adventum Augustini in Britanniam insulam Dorobernensis Ecclesiæ Metropolitano ejusdem Archiepiscopo simul & Regi Anglorum

Anglorum semper fuerat subditus & per omnia obediens. Novissime autem Willelmo Rege regnante maximâ Cleri parte jam deletâ, xxiv. tamen Canonicis Ecclesia erat munita. Et tunc postea Episcopatus tam laicali potestate, quàm Monachorum & Episcoporum Herfordiæ & sancti Dewi invasione grandi, desolatus & dispoliatus fuit.

Supradictus Rex Ergic, Peipiau nomine, fuit pater Sancti Dubricii; prout habetur in Chronicis apud Collegium de Warwick; & supra nomen dicti Regis patris Sancti Dubricii prius recte scribebatur antiquâ manu; & quidam novellus voluit corrigere, sed scripturam antiquam corripit & malefecit. Additamentum recentius.

#### De Terrâ Ercig.

Tempore Etgwardi Regis Angliæ & Griffidi Regis Gwalliæ, consecravat Hergualdus Episcopus Landaviæ Henullam Dubric & Lantilio in uno cimiterio; & ordinavit Enianum filium Cincen in Presbyterum, hæredibus persistentibus territorii illarum Ecclesiarum sub Episcopo Hergualdo; & mortuo Eninan Presbytero, Joseph filium suum ordinavit in sacerdotem. Tempore Etguardi Regis consecravat Lantinoi; & in eo ordinavit Joseph filium Brein & sub titulo de Lansfullug in sacerdotem. Tempore Haraldi Regis consecravat simili modo Lansanbregit; & in eâ ordinavit Goullgumis in sacerdotem, & post illum filium suum Jovanu.

Tempore Willelmi Regis & Willelmi Comitis & Walteri de Laci & Raul Debernai Vicecomitis Herfordiæ, antequam castellum de Minguy factum est, consecravat Lantiduic, & Ris in Presbyterum ordinavit; & mortuo illo filios suos Gurvil & Dumerth ordinavit. Eodem tempore consecravat Cilpedec, & Morcenovi in Presbyterum ordinavit; & mortuo illo filium suum Ennianu ordinavit tempore Catgen du- & Regis filii Moriddic. Tempore Willelmi Regis & Comitis Willelmi & Walteri de Laci & Raul Debernai Vicecomitis Herfordiæ factum est castellum de Minguy; & dedit Comes Wilhelmus medietatem castelli tribus Baronibus suis Hunfrai & Osberno & Willelmo scriptori; & eo mortuo successit ei Rogerius Comes, & per traditionem captus est à Rege cum suis traditoribus: illi tres cum multis aliis exhæreditati sunt. Posthæc datum est castellum Gueithnauco; & in tempore illius Hergualdus Episcopus consecravat Ecclesiam de castello Minguy; cui interfuit Caradocus Rex; & postquam Monachus effectus est, successit ei Wilhelmus filius Batrim. Terra Ercig, quæ istas Ecclesias & alias quamplures in se continet, semper subiecta fuit Ecclesiæ Landaviæ in omni subiectione & in tempore Sanctorum, qui prius Episcopatus per Britanniam constituerunt, usque ad tempus Episcopi Hergualdi; & idem Hergwaldus seiscitus fuit de illâ parochiâ in omni Episcopali subiectione, in Synodo, in chrismate, in consecratione, in ordinatione, & tempore Regum Angliæ Etguardi & Haraldi & Willelmi, Regum Gualliæ Gruffudi filii Luielin, Gruffudi filii Rydderch, Caradoci fratris ejus, & Rys similiter, necnon Caradoci filii Gruffudi, & Rydderch filii Caradauc, qui duo Reges fuerunt in tempore Willelmi Regis, & ita sine aliqua calumniâ, donec per infirmitatem suam & discordiam fuit ab eo elongata; & ab illâ die semper per calumniam & injustè ab Ecclesiâ Herfordiæ retenta.

Quando Rex Wilhelmus conquistavit Angliam, tenebat Hergualdus Episcopus Episcopatum Landavenfis Ecclesiæ ab ostio Gwy usque ad flumen Tynoi, cum omni Episcopali dignitate & subiectione. In cujus tempore regnabat Catgucaun filius Mourici Regis in Gladmorgant usque vadum trunci super Tywi. Caradocus vero Rex regnabat in ystratyw Gwent ynych Coed gwenulyng. Rydderch vero in Enyas & Gwent ystoed. Qui Reges prænominati servierunt Willelmo Regi, & in tempore illius fuerunt defuncti; quorum terras



terras prædictas cum parochiâ Ergcyg tenuit Hergualdus Episcopus in Episcopali subjectione; & in ejus tempore Sandefs Presbyter celebrabat in Ecclesiâ Lanuharden, post illum Daniel filius suus. In Lancaduc celebrabat Salurit Presbyter, post illum Clud in Penubre. Quas prædictas Ecclesias cum multis aliis consecravit Herwaldus Episcopus, simul & Clericos prædictos ordinavit; & in pago Guhir & Cetweli & Cantrof Dyhan dominatus est Rex Catgucaun per multos annos usque ad mortem. Unde obsides accepit Ceti-mor, Torranc, Asser mab Rydderch, Garnufelum mab Well, Gollgun mab Lymarch, Auel mab Trystaun, Gulbrit mab Macchan, Mor mab Credic. In Ystradtyw consecravit Ecclesiam Sancti Michaelis, & Ecclesiam Lanucet-gwin, & Lanbeder, & Methur yssui; & curam Ecclesiarum illarum commendavit Matgueith, & Isaac post illum, & Beato Presbytero, quos ipse Episcopus ordinaverat in Presbyteros, & quos tenuit in omni Episcopali subjectione tempore Regis & Comitis Willelmi & Walteri de Laci.

REQUI-

## REQUISITIO

URBANI Landavenfis Episcopi

versùs Calixtum II. Papam apud Remis.

**V**enerabili Calixto Apostolico & totius Christianitatis summo patrono Urbanus Landavenfis Ecclesiæ Episcopus fidele servitium & orationes debitas. Ecclesia Dei nostraque sub Deo & vobis vestrae misericordiæ & pietati hanc dirigit epistolam, & suppliciter rogat, ut pro summo Rege Christo eam præcipiatis diligenter vobis recitari & à vobis misericorditer exaudiri. A tempore antiquorum patrum, dilectissime Pater & Domine, sicut chirographum sancti patroni nostri Teiliavi testatur, hæc Ecclesia prædicta, prius fundata in honore S. Petri Apostoli, aliarum omnium Ecclesiarum Gualliaæ semper magistra extitit in dignitate & in omni privilegio; donec tandem per seditiones & tot bellorum flagitia, & inveterato antecessore meo Herwaldo, & inde debilitata Ecclesia cœpit debilitari; & ferè viduata pastore, & annihilata indigenarum crudelitate & invasione supervenientis gentis Normannicæ. Semper tamen religiosi viri ad serviendum in eâ hæserunt, tum propter Anglorum viciniam, à quibus in Ecclesiastico quidem ministerio nichil discrepabant; quia apud eosdem fuerant tam nutriti quam eruditi; tum etiam quòd ab antiquis temporibus, id est à tempore Eleutherii Papæ sedis Romanæ, Episcopus illius loci, & post adventum Augustini in Britanniam insulam Dorobernensis Ecclesiæ Metropolitanæ, ejusdem Archiepiscopo simul & Regi Anglorum semper fuerat deditus & per omnia obediens. Novissime autem Willelmo Rege regnante, maximâ Cleri parte jam deletâ, xxiv. tamen Canonicis Ecclesia fuerat munita: quorum in præsentī nulli præter duos in eâ remanent; & in dominio Ecclesiæ iv. carucæ & quatuor libræ; nec tantum in territoriis oblatis nunc Ecclesia desolata & dispoliata, verum etiam in decimis ablatis sibi & Clericis omnibus totius Episcopatus tam Laicali potestate quàm Monachorum invasione, quàm etiam fratrum nostrorum Episcoporum, Herefordiæ videlicet & Sancti Dewi, territorii simul & parochiæ grandi invasione. Nunc precor vos, ut patrem, velut inermis armatum & debilis fortem; quatinus Ecclesiæ nostræ vobis commissæ succurratis; ut qui vos fecit, ipse vos manuteneat, & post laboris terminum perducatur vos ad perenne solatium. Amen.

Facta in Remensi Concilio  
anno 1119.

[ Rrrr ]

EPI-



## E P I S T O L A

HONORII II. Papæ

de causâ Urbani Landavenſis Episcopi.

**H**onorius Episcopus, servus servorum Dei, venerabilibus fratribus Wilhelmo Cantuariensi Archiepiscopo & Apostolicæ Sedis Legato & omnibus Episcopis per Angliam constitutis salutem & Apostolicam benedictionem. Frater noster Urbanus Landavenſis Episcopus ad Sedis Apostolicæ clementiam veniens, se in conventu & ante vestram præsentiam super Episcopis Bernardo Sancti Dewi & Ricardo Herefordensi de parochiâ Episcopatus sui ab eis detentâ querelam deposuisse asseruit. Cæterum fratres ipsi nullum eidem querimoniæ suæ responſum reddentes, ordine transposito, eundem super aliis cœperunt impetere. Quod tam sacrorum statutis Canonum quàm legalibus sanctionibus obvium esse non extat ambiguum. In iudicio namque & unius disceptatione negotii reus nisi per exceptionem actor effici nequaquam potest. Ipse verò ordine iudicii postulans, ut prius de his quæ objecerat sibi rationabiliter responſum daretur, à tuâ discretionem, frater Archiepiscope qui pro iudice residebas, expetiit. Quia verò quod optabat obtinere non potuit; magnum sibi gravamen sentiens irrogari, Romanam audientiam, quæ oppressis commune suffragium est, appellavit; & prænominatos Episcopos Bernardum & Ricardum, ut in nostrâ præsentia mediante Quadragesimâ suis responderent querimoniis, invitavit. Verum ipse nobiscum aliquamdiu moratus est; invitati verò præfixo termino nec venerunt, nec responſales miserunt. Nos igitur ex communi fratrum nostrorum & Episcoporum & Cardinalium deliberatione, auditâ super hoc duorum testium assertionem, eum de parochiâ unde conquestio fuerat, videlicet Herigin, Hlstratewi, Goher, Cadweli, Cantrebocan, salvâ iustitiâ Ecclesiarum Herefordensis & Sancti Dewi, investimus. Terminum verò tam Urbano Landavenſi quàm Bernardo & Ricardo Episcopis proximam Quadragesimam statuimus: & tunc utraque pars expositis suis querimoniis in nostrâ præsentia rationibus, quod iustitiæ ratio dictaverit obtinebit. Interim autem præcipimus; ut frater Urbanus parochiam illam, de qua disceptatio fuerat, integrè, quietè & absque alicujus contradictione obtineat. Tu ergo, frater Archiepiscope, supradictos Episcopos Bernardum & Ricardum parochiam ipsam occupare aut pervadere vel se vel Officiales suos nullo modo permittas. Datum Laterani xiii. Kal. Maii.

RADUL-

RADULPHI DE DICETO

Decani Londinensis

HISTORIA

DE

Archiepiscopis Cantuariensibus

A primâ Sedis fundatione ad Annum MCC.

---

HENRICI

Archidiaconi Huntindoniensis

EPISTOLA

DE

Episcopis & viris illustribus sui temporis.



THE END OF THE WORLD

THE END OF THE WORLD

# RADULPHI DE DICETO HISTORIA

DE

## Archiepiscopis Cantuariensibus

A primâ Sedis fundatione ad Annum MCC.

**I**N primis sciendum est, quod temporibus Britonum tres fuerunt Archiepiscopatus in Angliâ; unus in urbe Londoniensi, cui subjacuit Loegria, Cornubia; alius in Eboraco, cui subjacuit Deira & Albania; tertius in urbe Legionum, id est, Kirlyim, quæ nunc dicitur Sancti David, cui subjacuit Kambria. Quorum nomina ad plenum non habemus; sed aliqua sunt suprâ (a) posita in Cathalogo Regum; de quibus aliqui subnectuntur.

Archiepiscopi Londonienses. Archiepiscopi Eboracenses. Archiepiscopi Urbis Legionum.  
Guitelinus, supra 10. Samson, supra 12. Dubricius, supra 12.  
Theonus, supra 13. Pirus, supra 12. S. David, supra 13.  
Cadiocenus, supra 13.

Temporibus autem Anglorum, qui conversi fuerunt per B. Augustinum, Sedes Metropolitana posita est apud Doroberniam, i. e. Cantuariam. Cui subjacent xvii. Episcopi. Eboracensis verò tantum habet sub se tres; sicut dictum est, supra 5. Tum Archiepiscopatus Londoniæ, qui fuit tempore Britonum, & Urbis Legionum, subjecti sunt Archiepiscopo Cantuariensi, & de Archiepiscopatibus facti sunt Episcopatus.

De Archiepiscopis Cantuariensibus.

**A**ugustinus Anglorum temporibus à S. Gregorio Papâ directus in Angliam † anno Domini DXCVI. primus est consecratus Archiepiscopus Cantuariensis. Iste Ethelbertum Regem Cantia ad fidem Christi convertit; qui dedit ei Sedem Episcopalem in Doroberniâ, i. e. Cantuariâ Metropoli suâ. Qui regio fultus amminiculo Ecclesiam ibi Romanorum fidelium anti-

† Codex malè habuit 569. transposito sc. numero 596.

(a) Author Lectorem remittit ad Historiam quandam à semetipso conscriptam, in qua de Britonum rebus agebatur. Nil de ejusmodi rebus habent quæ hætenus divulgata sunt Radulphi Opera. In Codice autem nostro MS. primum locum tenet Historia Anonymi de Regibus Britonum. In eâ reperiuntur omnia; quæ à se superius dicta Radulphus hîc loci memorat. Verba

isthuc transferre nolui; ideo quod singula ferè ex Galfredo Monumethensi mutuata fuerint. Id tantum adnotaverim, Archiepiscopum Eboracensem, quem Cadioceum Radulphus vocat, Thadioceum à Galfredo appellari. Numeros puto denotare Historiæ suæ paginas; quæ quidem in Codice nostro minus conveniunt.

quo



quo opere tempore Britonum factam recuperavit, & in nomine S. Salvatoris consecravit. Gregorius autem hoc audiens, eidem scripsit congratulando de illius gentis conversione. Scripsit || etiam idem Papa Theodorico Regi Francorum, regradando ei de bonis, quæ impendit B. Augustino & focis suis, cum ad gentem Anglorum proficiscerentur. Interea \* vir Dei Augustinus ivit Arelas; & ab Etheo ejusdem civitatis Episcopo genti Anglorum Episcopus consecratus est. Reversusque Britanniam, misit continuo Romam Laurentium Presbyterum & Petrum Monachum; qui B. Gregorio gentem Anglorum fidem Christi suscepisse, ac se Episcopum factum esse referrent. Beatus vero Gregorius misit † cum præfatis Legatariis plures cooperatores ac verbi Dei Ministros. Inter quos primi & præcipui erant Mellitus & Justus, Paulinus & Ruphinianus. Misit etiam literas; in quibus significat se ei Pallium undecimo anno Papatûs sui [direxisse.] Simul & insinuat; qualiter Episcopos in Britannia instituere debuisset, scribens in hæc verba. 'Quia || vana Anglia Ecclesia ad omnipotentis Dei gratiam, eodem Domino largiente, & te laborante, perducta est; usum tibi Pallii in eâ ad sola Missarum sollempnia agenda concedimus; ita ut per loca singula xii. Episcopos ordines, \* quæ tuæ subiaceant ditioni; quatinus Londoniensis civitatis Episcopus semper in posterum à Synodo propriâ debeat consecrari; atque honoris Pallium ab hac sanctâ & Apostolicâ, cui Deo auctore deservimus, Sede recipiat. Ad Eboracum civitatem te volumus Episcopum mittere, quem ipse judicaveris ordinare; ita duntaxat, ut si eadem Civitas cum finitimis suis verbum Dei receperit, ipse quoque xii. Episcopos ordinet, & Metropolitana honore perfruatur; quem tuæ fraternitatis volumus dispositioni subjacere. Post obitum vero tuum [† ita Episcopis, quos ordinaverit, præsit; ut Londoniensis Episcopi nullo modo ditioni] subjaceat. Sit vero inter Londoniæ & Eboracæ civitatis Episcopos in posterum honoris ista distinctio; ut ipse prior habeatur, qui prius fuerit ordinatus. Tua vero fraternitas Episcopos, quos ordinaveris, vel qui per Episcopum Eboracensem fuerint ordinati, sacerdotes etiam totius Britanniae subjectos habeat. Hucusque Gregorius. Augustinus || vero Archiepiscopus ordinavit Mellitum Episcopum in civitate Londoniæ, Justum in civitate Roffensi, & pro se Laurentium; ne se defuncto status Ecclesiæ tam rudis vel ad horam pastore destitutus vacillare inciperet; sequens Apostolum Petrum, qui Clementem [successorem] suum constituit. Defunctus est autem, cum sedisset xvi. annis; sepultusque juxta Ecclesiam Petri & Pauli, quæ nondum perfecta nec dedicata erat. Ut vero dedicata est à successore suo Laurentio; in porticu illius Aquilonari decenter translatus est; in quo Archiepiscoporum corpora usque ad Theodorum sunt posita.

|| Registr. lib.  
11. cap. 34.

\* Beda lib. 1.  
cap. 27.

† Id. l. 1. c. 29.

|| 1. *nota Anglorum*, ex Bedâ.

\* 1. *Qui*.

† Verba unci  
inclusa, in Co-  
dice MS. defi-  
derata, ex Bedâ  
restitui.

|| Beda, l. 2. c.  
3. 4.

\* 1. *Hic*.

† Vide Bedam  
l. 2. c. 5. 6.  
|| Verba ista ex  
Radulphi Ab-  
breviat. Chron.  
p. 437. restitui.  
\* Beda, l. 2. c. 7.

*Laurentius* missus à B. Gregorio cum B. Augustino ad convertendum gentem Anglorum, consecratus est à B. Augustino dum viveret. Beatus autem Gregorius Papa misit eidem Pallium, sicut & Prædecessori suo Augustino, & etiam successori suo Mellito; secundum quod habetur in Cronicis: quod in facto dicimus impossibile; cum uterque sc. Laurentius & Mellitus, sedit annis v. & Augustinus xvi. annis. Et pro certo constat, quod Gregorius tantum sedit annis xiii. mensibus vi. diebus x. \* Hinc Laurentius consuluit Mellitum & Justum, quos Edbaldus filius Ethelberti ab Episcopatibus suis ejecerat; ut Galliæ partes adirent; † quos [|| sequi volentem] Petrus Apostolus flagellis affecit. Supra 15. de hoc. Obiit autem Laurentius, cum sedisset annis v. tempore supradicti Edbaldi Regis.

*Mellitus* primò Londoniensis Episcopus. Hic laborat podagrâ. \* Obiit autem, cum sedisset annis v. & diebus xvi. Hujus Festum est viii. Cal. Maii.  
*Justus,*

*Justus*, primò Roffensis. Huic Bonifacius Papa scripsit in hæc verba. 'Auctoritate B. Petri præcipimus; ut in civitate Doroberniæ semper in posterum Metropolitanus totius Britanniae locus habeatur; omnesque Provinciae regni Anglorum præfati loci Metropolitanae Ecclesiae subjiciantur. Idemque Bonifacius eidem misit Pallium. Obiit autem, cum sedisset annis iii. Hujus Festum iv. Idus Novembris.

*Honorius* || consecratus est à Paulino Eboracensi Archiepiscopo in urbe || Beda, l. 2. c. 18. Lincolniæ in Ecclesiâ, quæ modò dicitur S. Pauli, sed temporibus Anglorum dicebatur S. Paulini. Ad quos Honorius I. Papa scripsit in hæc verba. 'Cum Dorobernensis Antistes vel Eboracensis de hac vitâ transferir; is qui superest, habeat potestatem alterum ordinandi. Scripsit & idem Papa sibi, huic Archiepiscopo mittens Pallium in hæc verba. 'Tuæ jurisdictioni subjici præcipimus omnes Angliæ Ecclesias & regiones; & ut in civitate Doroberniâ Metropolitanus locus & honor Archiepiscopatus & caput omnium Ecclesiarum Anglorum semper in posterum reservetur. Obiit autem, cum sedisset annis xxvi. & dies lv. \* Vacavit autem Sedes Archiepiscopatus post mortem suam anno uno & mensibus sex. Hujus Festum pridie Calendas Octobris. \* Beda, l. 3. c. 20.

*Deusdedit* consecratus est ab Itamaro Roffensi Episcopo. Effet autem hoc Archiepiscopi Eboracensis; sed hostili violentiâ Paulino pulso & Cantiam reverso, nullus ei ibidem in Pontificali jure successit. Huic Honorius I. Papa pallium misit. Obiit autem, cum sedisset annos x. Alii habent annos ix. menses iv. dies ii. Vacavit autem Sedes post mortem ejus annos iii. Hujus Festum pridie Idus Julii.

*Theodorus*, Tharso Ciliciæ natus, sæculari & ecclesiasticâ Philosophiâ præditus, Græcè & Latine sufficienter instructus, ordinatus est Romæ à Papâ Vitaliano. Cui etiam tradidit Pallium; scripsitque ei in hæc verba. 'Comendamus tuæ sagacissimæ Sanctitati omnes Ecclesias in Insulâ Britanniae positas. Sicque Cantiam venit. Is verò primus in Archiepiscopis Dorobernensibus erat: cui omnis Ecclesia Anglorum obedire consentiebat. Itaque perlustrans universa, ordinavit locis opportunis Episcopos; & ea quæ minus perfecta reperit, his quoque juvantibus corripiebat. Hic Theodorus congregavit Synodum in Angliâ; ubi multa Ecclesiae utilia constituit. Scripsit etiam Provinciam librum, mirabili & tantâ discretione distinguens modum singularum culparum. In || loco autem, qui dicitur Heorford, Episcoporum congregavit Concilium; in quo Wilfridus Northumbrorum Episcopus per proprios Legatarios fuit: & etiam alii Anglorum Episcopi de termino Paschæ & aliis necessariis Ecclesiae negotiis tractaturi. Hic Merciorum Provinciam in quinque Parochias divisit, sc. in Wygorniensem, Lichefeldensem, Leogorenssem, Dorcestrensem; unicuique ordinans Episcopum proprium. Sicut autem testatur Beda, lib. 4. cap. 17. Iste Theodorus Concilium coegit centum Episcoporum & Doctorum plurimorum in loco qui dicitur \* Helesfeld: ut cujus essent fidei singuli, sciret. Interfuerunt Concilio illi Egfridus Rex Northanimbrorum, Ædelredus Rex Merciorum, Aldulphus vel Wlfus Rex Estanglorum, Clotarius Rex Cantuariorum. Obiit autem, postquam sedisset annis xxii. Vacavit autem Sedes post mortem suam annum unum. Translatio supradictorum Archiepiscoporum, sc. Augustini, Laurentii, Melliti, Justi, Honorii, Deusdedit & Theodori, & S. Adriani Abbatis, & S. Mildritæ, Idibus Septembris. Beda, l. 4. c. 1, 2. † L. cantâ, ex Radulphi Ab. brev. Chron. p. 440. || Beda, l. 2. c. 5. \* L. Hethfeld. Beda, l. 5. c. 8.



Beda, l. 5. c. 9. *Brictwaldus*, primò Monachus Glasconia, & Abbas de Raculf, consecratus est à Bregwino, aliàs Godwino, Metropolitano Walliarum. Huic Vitalianus Papa Pallium dedit. Sergius autem Papa successor suus de eo scripsit universis Episcopis Britannia. 'Vobis insinuamus, quò dilectissimus frater 'Brictwaldus Cantuariorum Provincia Præsul, juxta ritum priscæ consuetudinis Primatum totius Britannia sortitus, cum sacro Pallii usu ac venerabilis 'Dalmaticæ, illic demandatus est; mandantes, ut eidem Archiepiscopo Primatum gerenti efficaciter obediat. Obiit autem, postquam sedisset annis † L. xxxvii. & † xxvii. (aliter penè xxviii.) mensibus vi. Et nota, quò usque ad hoc tempus fuerunt Cantuarienses Archiepiscopi Romani; sed exinde fuerunt Angli.

Beda, l. 5. c. 24. *Tadwinus*, qui fuerat Presbyter apud Brendene in Provincia Merciorum, consecratus est ab Hingwaldo Londoniensi Episcopo & Daniele Wintoniensi & || Ardulfo Roffensi & Aldewyno Lichefeldensi. Huic Gregorius Papa dedit Pallium, scribens ei in hæc verba: 'Præcipimus, ut omnis homo totius Angliæ tibi obediat, & sciat te Primatem totius Insulæ. Obiit autem, cum sedisset annis iii. Hujus tempore Beda obiit.

\* *Relius tertio.*  
† L. Cicestræ.  
|| Librarii incuria Nothelmi & Cuthberti res gestæ erant invicem permixtæ, & omissum Cuthberti nomen.  
\* *Notelmus*, Londoniensis Presbyter, Romæ consecratus est à Gregorio Papâ secundo, ab eodemque suscepit Pallium. Qui Wilfredo cum pace domum reverso, Australibus Saxonibus, sc. † Cestriæ Edritum præfecit Episcopum ||, [Cuthbertus,] ..... Obiit autem cum sedisset annis xvii. Hic autem primus in Ecclesiâ suâ sepultus fuit, & omnes Successores sui præter Jambertum.

*Bregwinus*, hic suscepit Pallium à Paulo Papâ. Obiit autem post annos iii.

*Jambertus*, primò Abbas S. Augustini Cantuariensis, Romæ consecratus à Paulo Papâ, etiam ab eodem Pallium suscepit. Tempore autem suo Offa Rex Merciorum contraxit inimicitias cum Cantuaritis; prædictum Jambertum Primatu spoliare, regnumque Merciorum Archiepiscopatu insignire affectans. Unde Epistolis ad Adrianum directis, hoc egit; ut Pallio Aldulphum Lichefeldensem efferret, ei subjugando sex Episcopos. Stetit autem hæc perversitas toto istius Jamberti tempore. Sed [obiit,] postquam sedisset annis xxvii. aliis xxviii.

*Adelardus*, primò Wyntonienfis Episcopus, suscepit Pallium ab Adriano Papâ. Impetravit autem à Papâ Leone tertio successore Adriani; ut Ecclesia Cantuariensis eodem privilegio gauderet, quo & solebat; sibi que subicerentur illi Episcopi, quos Offa Rex Merciorum voluit subjici Archiepiscopo Lichefeldensi. Scripsit autem Leo Papa sic. 'Tibi ô Adelarde tuisque successoribus omnes Anglorum Ecclesias, sicut à priscis temporibus fuere, in ipsâ tuâ Metropolitanâ Sede per tuæ subjectionis cognitionem irrefragabili jure concedimus obtinendas. Si quis contra hanc diffinitionis nostræ auctoritatem venire temptaverit; ex Apostolicâ autoritate statuimus; ut si Archiepiscopus vel Episcopus fuerit, ex ordine Præsulatûs sit dejectus. Similiter Presbyter vel Diaconus vel alius quilibet minister sacri ministerii si fuerit; ab ordine sit depositus. Si autem ex numero Laicorum fuerit, tam Rex quàm Princeps aut quælibet magna sive parva sit persona; sacra communionis se noverit alienum. Obiit autem Adelardus, cum sedisset annis xiii.

*Wlfredus*, Romæ consecratus est à Leone Papâ III. Obiit autem, postquam sedisset annis xxxviii. aliis xxviii.

*Feologildus*, i. e. *Sundredus*, suscepit Pallium à Johanne Papâ. Obiit autem, cum sedisset \* annis iii. Vacavitque Sedes anno uno. <sup>\* l. Mensibus.</sup>

*Cenodus*, vel *Chelnorhus*, suscepit Pallium à Gregorio VI. & ab eo consecratus est Romæ. Obiit autem, postquam sedisset annis xli.

*Erhelredus*, Romæ consecratus est ab Adriano Papâ secundo. Obiit autem, postquam sedisset annos xviii. Vacavitque Sedes post mortem suam duobus annis.

*Pleymundus*, Romæ consecratus est à Formoso Papâ. Hic consecravit Edwardum filium Aluredi in Regem Angliæ. Iste Pleymundus præsidebat Concilio, quod congregavit ibidem Rex Edwardus; in quo decretum fuit; quod omnis regio Gewiseorum, i. e. Westsaxonum, quæ per vii. annos Episcopis fuerat destituta, iterum foret restituta; & quod olim duo habuerunt, in quinque diviserunt. Acto autem Concilio, Archiepiscopus Romam honorificis muneribus adiit; Papamque magnâ humilitate † placuit; Decreta aut Regis recitavit; quod Papæ summè placuit. Rediensque ad patriam, in urbe Cantuariensi uno die vii. Episcopos Ecclesiis ordinavit; sicut habitum est (a) supra. Hoc autem totum firmavit Papa; ut dampnaretur in perpetuum; qui hoc infirmaret edictum. Scripsit autem idem Papa Formosus super privilegiis Ecclesiæ Cantuariensis Episcopis Angliæ in hunc modum. 'Sicut ex rescriptis B. Gregorii Papæ ejusque Successoribus tenemus; in Dorobernâ civitate Metropolitani Sedemque primam Episcopalem esse constat. 'Et sicut Papa Gregorius primo vestræ gentis Episcopo Augustino omnes Anglorum Episcopos esse subjectos constituit: Sic nos Pleymundo Archiepiscopo Cantuariensi ejusque Successoribus legitimis eandem dignitatem || confirmamus. Obiit autem Pleymundus, postquam sedisset annos xxxiv. <sup>† Placavit.</sup> <sup>|| l. Confirmamus.</sup>

*Athelmus*, primò Monachus Glastoniæ, & post Wellensis primus Episcopus, suscepit Pallium à Johanne. Hic consecravit Athelstanum in Regem Angliæ. Obiit autem, cum sedisset annis x.

*Wlfelmus*, primò Wellensis Episcopus, suscepit Pallium à Johanne Papâ. Obiit autem, postquam sedisset annis x.

*Odo*, primus Episcopus (b) Saresburiensis, i. e. Malmesbiriæ, suscepit pallium ab \* Agapite Papâ. Ille verò, quod Monachus non erat, constanter cœpit reniti. Nullum enim viderat ad illud tempus Archiepiscopum fuisse, nisi Monachali scemate indutum. Sed cum voluntati Regis Adelstani Episcoporum omnium assensus accederet; tandem propositi sui rigore edomito, [mari] transito Monachalia indumenta suscepit. Et Angliam rediens; in Cantuariensi Archiepiscopatu apud Athelstanum & Edmundum & Edredum, <sup>\* l. Agapeto.</sup>

(a) Id supra retulerat in libro MS. ejusdem Codicis inscripto, *De Monarchis Angliæ*, f. 109.

(b) Non Scireburnensis, sed Wiltoniensis Episcopus, qui Sedem Ramesburiæ tenuit; & partem alteram Dioceſeos, quæ

nunc Saresburiensis vocatur, rexit. Odo autem non primus sed secundus fuit Episcopus Wiltoniensis juxta Malmesburiensem, f. 141. qui Ethelstanum illi priorem memorat. Sic etiam Florentius.



magnam gratiam optinuit. Edmundus verò frater Adelstani & Edredus similiter ab eo diversis temporibus in Reges consecrati sunt. Iste Odo in Northanimbrios profectus, patris Wilfridi Episcopi Reliquias à Ripensi Ecclesiâ transtulit Cantuariam. Iste Odo vocatur Sanctus. Consecravit etiam Edwinum filium Edmundi in Regem. Iste Odo erat clarus ingenio, & virtute laudabilis. (c) Qui cùm sedisset annis xxiv. mortuus est.

† *Elfinus* aliis dictus.

*Gliso* †, primò Wintoniensis Episcopus; qui dum Romam pro petendo Pallio tenderet, in Alpibus gelu constrictus defecit.

*Brictelmus*, primò Wellensis Episcopus, eligitur ad Archiepiscopatum. Sed Sedi propriæ restituitur communi consensu; eò [quòd] minus utilis videretur; Dunstano ad illum vocato.

*Dunstanus*, tunc temporis [Abbas Glastoniensis, dum Regem Edwinum] ab erroribus revocaret, à Rege proscriptus mare transiit. A Rege autem Edgaro successore suo de exilio revocatus, Ecclesiæ Wigorniensis suscepit Præfulatum. Rex etiam Edgarus Londoniensem Ecclesiam proprio Pastore viduatam sibi commisit regendam. Et sic S. Dunstanus Londoniensem Ecclesiam commendatam habuit, & non titulatam. Et tandem fuit Archiepiscopus Cantuariæ; ut dictum est. Hic etiam consecravit eundem Edgarum in Regem, & Edwardum Martyrem filium suum, & Egelredum filium Edgari ex aliâ uxore. De consilio autem S. Dunstani Rex Edgarus ditavit Ecclesiam Glesconia multis & magnis possessionibus; & à majoribus Ecclesiis Angliæ Clericos expulit & Monachos induxit. Johannes autem Papa XVI. scripsit Dunstano in hunc modum. 'Primum tuum, in quo tibi ex more antecessorum vices Apostolicæ Sedis exercere convenit, ita ad plenum confirmamus; sicut B. Augustinum ejusque successores Dorobernensis Ecclesiæ Pontifices habuisse dignoscitur. Nota multa notabilia de eo supra, ubi (d) agitur de Regibus. Iste Dunstanus fuit nepos Athelmi Cantuariensis Archiepiscopi; de quo habitum est supra. Obiit autem S. Dunstanus, cùm sedisset annis xxvii.

*Ethelgarus*, primò Monachus Glastoniæ, & post Novi Monasterii Wintoniæ Abbas primus, & tandem Selisensis, i. e. Cicestrensis Episcopus, suscepit Pallium à Johanne. Sedit autem tantum anno uno & mensibus tribus.

*Siricius*, primò Wiltuniensis, i. e. Saresbirienensis Episcopus, suscepit Pallium à Johanne Papâ. Hic primò Monachus Glesconia fuit; qui factus Archiepiscopus, nutricula suâ septem dedit Pallia; de quibus in Anniverfario

(c) Minus sibi concordat Radulphus in supputandis Odonis & Prædecessorum annis. In Abbrev. Chron. enim Athelmum anno 914. Plegmundo successisse, Odonem anno 963. obiisse narrat; adeò ut Athelmus, Wlfelmus & Odo simul sederint 49. annos. In Indiculo Archiepiscoporum Cant. nonnisi 35. annos hisce tribus simul concedit. In hoc demum loco annos 44. iis tribuit. Medius quidem calculus veritatem attigit. Alii verò sibimet ipsis repugnant. Sive Odo enim anno 963. obierit, quod vult Radulphus, seu anno 958. quod veritas confirmat; Odo pallium ab

Agapeto Papâ (qui Sedem iniit anno 946.) accipere nequaquam potuit, quod Radulphus prodit; modò ex ipsius calculo ille Sedem Cantuariensem annis 24. tenuerit. Sic enim Odo Archiepiscopatum inibit seu anno 939. seu 934. Et isto quidem anno inierit, necesse est; si Athelmus ab anno 914. exorsus federit annos 10. & totidem Wlfelmus successor ejus. Quibus si annos 24. Odonis addas; iste anno 958. defunctus erit.

(d) Vult Librum modò citatum de *Monarchis Angliæ*.

ejus tota antiqua ornatur Ecclesia. Obiit autem, cum sedisset annos v. Hic expulsis à Cantuariâ Clericis, Monachos induxit.

*Aluricus*, suscepit Pallium à Johanne Papâ. Hic primò erat Wiltunienfis, i. e. Saresburiensis Episcopus. Obiit autem, postquam sedisset annos xi.

*Elphegus*, primò Prior Glesconia, pòst primus Abbas Bathonia, & deinde Episcopus Wyntonian. Suscepit Pallium à Johanne Papâ. Interfectus est à Danis Archiepiscopatus sui anno septimo; cum sedisset annis vi. & mensibus vii. Cujus corpus die sequenti Londoniam defertur; & ab Episcopis Londonia & Lincolnia in Ecclesiâ S. Pauli sepelitur. Postmodum verò tempore Cnutonis Regis Cantuariam translatus est.

*Livingus*, qui & *Ethelstanus*, Wellensis Episcopus primò fuit. Hic suscepit Pallium à Benedicto IX. Papâ. Hic consecravit Edmundum Ferreum-latus, & postmodum Cnutonem Regem Dacia. Obiit autem, cum sedisset vii. annis.

*Ethelnodus*, aliàs *Egelnothus*, filius Egelmari Comitis, Decanus in Ecclesiâ quæ dicitur Cristelchirche in Hanteschire; & pòst, ut dicitur, Lincolnia Episcopus fuit. Hic Ethelnodus *Bonus* appellatur. Romam verò ivit; quem Benedictus IX. Papa cum honore suscepit, & Pallium ei dedit. Iste fuit primò Monachus Glesconia. Rex autem Cnuto de consilio suo ad transmarinas Ecclesias multas pecunias misit; inter quas maximè Carnotum ditavit. Hic etiam consecravit Haraldum filium Cnutonis, & Hardecanutum similiter in Regem Angliæ. Obiit autem iv. Calend. Novembr. cum sedisset annis xviii. Cujus obitus die etiam Ethelricus Suthsexia Episcopus obiit. Petierat enim à Deo; ne post mortem patris Ethelnodi diu viveret.

*Edsius* vel *Elsius*, Regis Haraldi Capellanus, Wyntonienfis Episcopus, Pallium suscepit [ab Alexandro Papâ.] Hic consecravit Edwardum Sanctum filium Egelredi in Regem Angliæ. Idem Edsius posteriori anno in miserabilem morbum incidens, successorem suum Siwardum Abendonia [Abbatem] constituit; antè tamen cum Rege & Comite Godwino communicato consilio, ne ad tantum fastigium aspirare videretur indignus vel prece vel pretio. Sed ille Siwardus non (b) obtinuit. Obiit autem, cum sedisset annis xi.

|| Ista ex ejusdem Indiculo Archiepiscoporum Cant. supplevi.

*Robertus*, primò Londonienfis Episcopus. Hic fuit primò Monachus & Abbas Gemeticensis, & postmodum Episcopus Londonienfis, & genere Normannus. Iste suscepit Pallium ab Alexandro. Hunc Anglici moderni \* vituperatum, dicentes eum fuisse delatorem Godwini & filiorum ejus, & discordia seminatore inter Regem & principes, & Archiepiscopatus emptorem. Unde & ipse Robertus cum cæteris Normannis expulsus est ab Angliâ. Romam verò profectus, & de causâ suâ Sedem appellans Apostolicam, cum per Gemeticum reverteretur, defunctus est, ibique sepultus in Ecclesiâ Beata Virginis, quam ipse sumptuoso opere construxerat. Sedit autem tantum annis duobus.

\* I. Vituperant.

*Stigandus*, Haraldi Capellanus, primò Estanglorum Episcopus, & postmodum ejectus, & pòst Suthsaxonum, i. e. Cicetria Episcopus, & tandem Wyntonienfis Episcopus, Roberto adhuc vivente & ab Angliâ exulante, simplicitatem Regis Edwardi circumveniens, invasit Archiepiscopatum. Primò enim erat Episcopus Australium Saxonum; & spe excellentioris troni il-

(b) sc. Archiepiscopatum, in Chorepiscopatu ante Edsium defunctus.



lam Sedem deferuit, & Wyntonienſem inſedit, illamque cum Archiepiſcopatu tenuit. Quapropter nunquam ab Apoſtolicâ Sede accipere Pallium meruit; niſi quòd Benedictus X. quidam pervaſor Apoſtolatûs ſibi illud miſit, ſcilicet pecuniâ ad concedendum corruptus; vel quòd mali gratificantur ſimilibus. Unde & tempore Regis Willelmi primi per Cardinales Romæ degradatus, & perpetuis vinculis innodatus, inexplibilis aviditatis nec moriens finem fecit. Sed quidem eo mortuo, reperta eſt clavicula in ſecretis; quæ ſeræ cubicularis ſcrinii appoſita innumerabilium theſaurorum dedit indicium. Unde anno Domini MLXX. in Oâtavîs Paſchæ Concilium magnum Wyntonix celebratum, jubente & præſente Willelmo Rege, & Alexandro II. Papâ conſentiente; ubi iſte prædictus Stigandus degradatur tribus de cauſis. Primò quòd Episcopatum Wyntonix cum Archiepiſcopatu injuſtè poſſidebat. Et quòd Archiepiſcopo Roberto vivente non ſolum Archiepiſcopatum ſumpſit; ſed ejus Pallio, quod Cantuariæ remanſit, dum injuſtè expulſus eſt ab Angliâ, in Miſſarum celebratione uſus eſt; & poſt à Benedicto X. quem Romana Eccleſia excommunicavit, eò quòd pecuniis Sedem Apoſtolicam invaſit, Pallium ſuſcepit. In hoc Concilio Wlſtanus Wigornix Episcopus fuit, querelam deponens pro poſſeſſionibus Eccleſiæ ſuæ retentis ab Archiepiſcopo Eboracenſi. Stigandus autem ab eodem Rege in carcere poſitus eſt, ibique defunctus. In S. Edwardi Regis (i) Vitâ ſive Legendâ legitur; quòd venter ejus crepuit, & diſſuſa ſunt omnia viſcera ejus. Hic primus in habitu Clericali Archiepiſcopatu functus eſt. Obiit autem, poſtquam ſediſſet annos xvii. Vacavit autem ſedes poſt deſiſtitionem ſuam per duos annos.

*Lanfrancus*, genere Longobardus, vir undecunque doctiſſimus, omnium liberalium artium divinarumque ſimul ac ſæcularium literarum ſcientiâ peritiſſimus, conſiliis quoque ac gubernatione rerum mundialium æquè prudentiſſimus. Primò Beccenſis Monachus, & poſtea Cadomenſis Abbas, conſecratus eſt à Giſone Wellenſi & Waltero Herefordenſi Episcopis Cantuariæ in Feſto S. Johannis Baptiſtæ. Pro Pallio Romam adiens, Thomam Archiepiſcopum Eboracenſem, quem ipſe factâ ſibi ſubjectionis ſuæ Canonicâ profeſſione Cantuariæ conſecraverat, & Remigium Lincolnienſem Episcopum, comites itineris [habuit.] Quòd perveniens, Alexandro II. Papæ præſentatur. Cui Papa ad ſe intranti aſurgens, eum ut greſſum figeret, dulciter hortatus eſt, ac deinde ſubdens: 'Honorem exhibuimus tibi, non quem Archiepiſcopatui tuo ſed quem Magiſtro debuimus, cujus ſtudio ſumus in illis quæ ſumus imbuti. Huic quod ad te pertinet, ob reverentiam B. Petri te exequi par eſt. Reſidente igitur illo, Lanfrancus progreſſus humiliat ſe ad pedes ejus; ſed mox ab eo ad oſculum erigitur. Demum in Angliam cum ſociis reverſus, Primas totius regni confirmatus. Cujus tempore religio per totam terram quamplurimum aucta eſt in novis Monafteriorum ædificiis; quorum ſtructoribus ipſe primum exemplum præbens, Eccleſiam Chriſti Cantuarienſem cum omnibus officiis, quæ infra murum ipſius Curix ſunt, cum ipſo muro ædificavit. Poſtmodum anno Domini MLXXII. Papatûs Alexandri xi°. regni Willelmi vii°. generale Concilium habitum eſt; & ventilata eſt cauſa de Primatu Cantuarienſis Eccleſiæ ſuper Eboracenſem. Et tandem diverſis Scripturarum autoritatibus probatum atque oſenſum eſt; quòd Eboracenſis Eccleſia Cantuarienſi debeat ſubjacere, ejusque Archiepiſcopi ut Primatis totius Britannix diſpoſitionibus in his quæ ad Chriſtianam religionem, in omnibus obedire. Sed quicquid ultra Humbram fluvium eſt & Dunelmenniſis Episcopii ſubjectionem, Eboraci Archiepiſcopo ejusque ſucceſſoribus Ar-

(i) Reperiuntur iſtâ in Ailredi Rievallenſis libro i°. de Vitâ S. Edwardi, p.400.

chiepiscopus Cantuariensis in perpetuum optinere concessit. Ita ut si Cantuariensis Archiepiscopus velit Concilium cogere, ubicunque ei visum fuerit; Eboracensis Archiepiscopus sui præsentiam cum omnibus sibi subiectis ad nuntium ejus exhibeat, & ejus Canonicis dispositionibus obediens existat. Quod autem professionem suam Archiepiscopo Cantuariensi facere cum sacramento debeat, Lanfrancus ex antiquâ consuetudine ostendit; Sed amore Regis, Thomæ sacramentum relaxavit; scriptamque tantum professionem suam recepit, non in hoc præjudicando Successoribus suis. Si autem Archiepiscopus Cantuariensis obierit; Archiepiscopus Eboracensis veniet, & Electum cum cæteris Episcopis proprio jure consecrabit. Quod si Archiepiscopus Eboracensis [obierit,] qui successurus ei eligitur, accepto à Rege Archiepiscopatus dono, ad Archiepiscopum Cantuariensem accedet, & ab ipso ordinationem suscipiet. Huic Constitutioni consenserunt Rex Wilhelmus, & Hubertus Domini Papæ Legatus, & omnes qui interfuerunt. Ventilata est hæc causa prius apud Wintoniam in Paschâ in Capellâ Regiâ, quæ sita est in Castello; sed postea apud Wyndeshoram finem accepit in præsentiâ Regis & Episcoporum & Abbatum, qui congregati erant apud Curiam in Festivitate Pentecostes. Hic Lanfrancus consecravit Willelmum Rufum filium Willelmi primi in Regem. Inter autem alia bona sua, xxv. Maneria Ecclesiæ Cantuariensi restituit; & Ecclesiam Roffensem instauravit; & Hernostum Monachum Beccensem in eâ Episcopum ordinavit. Abbatiam quoque S. Albani restituit in primum statum; in qua posuit Abbatem Paulum; qui ibi ordinem Becchi instituit, sicut est usque hodie. Obiit autem ix. Calend. Junii, cum sedisset annis xix. Vacavitque Sedes post obitum suum iv. annis, Rege Wilhelmo Rufo Ecclesiam Anglicanam opprimente.

*Anselmus*, primò Abbas Beccensis, suscepit Archiepiscopatum quarto anno oppressionis Anglicanæ Ecclesiæ anno Domini MXCIII. primâ Dominicâ Quadragesimæ, pridie Nonas Martii. Iste erat genere Longobardus, Augustæ civitatis indigena; patrem Gundulphum habuit, matrem verò Hermenbergam; literas edoctus à puero, Alpes transcendit, invigilans per triennium liberalibus disciplinis in Galliâ. Transiens autem in Normanniam, adhæsit [Lanfranco] Priori Beccensi, qui Scholas publicas jussu Abbatis Herlewini, velut præmissum, tunc temporis regebat. Cujus consilio habitum Monachalem suscepit, xxvii. ætatis suæ anno. Sed ipso Lanfranco in Cadomensis Cœnobii regimine assumpto ibidem factò Abbate, ipse Prior effectus est Becchi infra triennium quo habitum suscepit. Postmodum defuncto Abbate Herlewino, ipse in Abbatem Becchi consecratus est. Postremò Rex Angliæ Wilhelmus II. anno iv. post obitum Lanfranci ad extrema ferè perductus [est.] A suis igitur eidem suadet; ut cogitet de Ecclesiâ Cantuariensi jamdiu viduatâ. Qui super hoc tractatum habens cum suis, consilio Procerum Abbatem Anselmum à Normanniâ celerius evocatum procuravit in Archiepiscopum sublimari. Ipse igitur licet invitus concurrentibus Suffraganeorum votis consecratus est Archiepiscopus Cantuariensis pridie Nonas Decembris, ætatis suæ anno lx. à Walkelino Wintoniensi Episcopo vice Mauricii Londoniensis Episcopi. Postmodum Rex convalescens, instinctu malorum hominum concitatur contra eum; eò quod Archiepiscopus spoliatis hominibus suis mille libras pro agendis munificentia suâ gratis ei dare noluit, sc. quod consecrationi suæ præbuisset assensum. Unde potius elegit indignationem Regis incurrere quàm periculum animæ ad confusionem in posterum & imprecationem multorum in Ecclesiâ Dei subire. Sed ad officium suum exequendum, à Rege licentiam petiit adeundi Papam Urbanum pro Pallio. At Rex ad nomen Urbani turbatus, dixit se illum pro Papâ non [habere;] nec suæ consuetudinis esse, ut absque suâ electione alicui liceret in regno suo Papam nominare.



Vid. Malmshur.  
de gest. Pontif.  
lib. 1. f. 125.

re. Scisma enim fuit tunc in Romanâ Ecclesiâ, Wiberto Ravennate Archiepiscopo per violentiam Imperatoris Henrici intruso. Hinc orta gravis dissensio inter Regem & Sacerdotium; & ita ut omnes Episcopi, excepto Gundulfo Roffensi, ex parte Regis tenentes, illi subjectionem & obedientiam denegarent. Denunciatum fuit igitur Archiepiscopo per internuncios; quod nullam securitatem sibi & suis habere poterit, nisi protestaretur in medium, quod Urbani Papæ non amplecteretur mandatum. Aliquot autem diebus elapsis, Walterus Albanensis Episcopus afferens Pallium Archiepiscopo iv. Idus Junii, Papam Urbanum & Regem reconciliavit. [Rex] Anselmum in amicitiam specie tenus recepit. Verum post aliquantum tempus à Gualis Rex victor [rediens,] revocatâ irâ propter Milites, quos sicut falsò à malignis dicebatur, [paucos & inertes] in expeditionem Anselmus direxerat, contra eum conturbatus. Unde Anselmus considerans talia pro nichilo posse oriri, eundi Romam à Rege tunc apud Windeshoram extante licentiam petiit; ut super his, quæ in animo gerebat, Sedem B. Petri consuleret. Rex autem eum licentiare noluit. Discedens autem à Curiâ venit Cantuariam, quid reportaret manifestans. Ascensuro Archiepiscopo Anselmo navem apud Doveram, Willelmus de Warwast familiarissimus Regis omnia sua spe recipiendæ pecuniæ perscrutatus est; nichilque eorum quæ credebatur reperiens, eum cum suis abire permisit. Archiepiscopus autem nec verbum amaritudinis nec signum offensionis ei ostendit. Cum autem transisset; Rex confestim præcepit cuncta quæ illius erant ex quo venit in Archiepiscopatum Cantuariensem, in suum transcribi dominium; & irrita omnia fieri, quæ per eum statuta erant, ex quo venit in Archiepiscopatum. Cum autem Romam venisset; ab Urbano Papâ maximo cum honore susceptus est. Profectus est autem postmodum cum Papâ ad Concilium Barensē, quod idem Papa ibidem Calendis Octobris erat celebraturus. Ubi Græcorum negantium Spiritum Sanctum procedere à Patre & Filio idem Anselmus confutavit errorem. Postmodum aliud Concilium sub eodem Papâ habitum est Romæ; ubi ipse interfuit, tertiâ ebdomadâ Paschæ; in quo Papa excommunicavit omnes Laicos Investituras Ecclesiarum dantes, & ab eis accipientes, & taliter post adeptum honorem munus Consecrationis impendere præsumentes. Soluta Concilio, Archiepiscopus Lugdunum rediit, exilii sui anno tertio. Rex Willelmus obiit; cui frater suus Henricus successit, qui statim revocavit Archiepiscopum, & liberam rerum suarum administrationem habere permisit. Quum autem de consilio vacantium Ecclesiarum per Angliam ab exilii sui tempore primo tractaretur; regni Majores contendebant Investituram Ecclesiarum pertinere ad Regem. In contrarium sentiebat Archiepiscopus, statuta supradicti Concilii recensens. Unde ex hoc turbatus est Rex; [&] per duos annos & dimidium eum in multis afflixit. Tandem ut Regis iram mitigaret in aliquo; sicut petebatur, consensit, ut cum Nunciis Regis Romam proficisceretur; & Regni negotia, quæ libertatem Ecclesiæ non opprimerent, procuraret cum eis. Romam igitur perrexit, habens secum Willelmum Wyntoniæ Electum; & Abbates depositos Ricardum Elyensem & Aldwinum Ramesiensem. Qui venientes Romam, invenerunt Urbano successisse Paschalem. Qui cum adventum Archiepiscopi & Nunciorum Regis audisset; & causam intellexisset; nec Investituram Ecclesiarum nec quicquam aliud, quod Deum offenderet, Henrico Regi concessit. Contigit autem ibi Anselmum quædam contra Regem eloqui; in quibus Ricardum sibi suffragaturum existimabat. Ricardus verò pro Rege agens, omnes Archiepiscopi calumpnias refellebat. Cujus rei rumor adventum ejus in Angliam præveniens, Regis gratiam plenissimè ei restauravit. Infecto negotio, dum Lugdunum in redeundo attigisset; præfatus Willelmus de Warwast, unus de Nunciis Domini [Regis] ex parte Domini sui inhibuit Archiepiscopo, ne rediret in Angliam, nisi vel-

let

let ad instituta supradicti Concilii [non] respicere, [sed] secundum consuetudinem \* antiquitatis introductam modis omnibus conservare. Moratur \* f. Antiquitas. igitur Lugduni; & Rex mox Archiepiscopatum in suum dominium redegit; & bonis suis denuo confiscatis, annus elapsus est & dimidius; postmodum à Rege rogatus, venit Normanniam. Cum autem simul Becci convenissent; sub audientiâ virorum illustrium professus est Rex se nichil juris vel sibi vel hæredibus suis in posterum in Ecclesiarum Investituris vendicaturum, nec in Electionibus faciendis aliquod jus aliud quàm solum assensum; sicut Canonum censura præscribit. Quibus in hunc modum pacificatis, Anselmus rediit in Angliam. Prius autem antequam Rex & Archiepiscopus reconciliati essent, Paschalis Papa scripsit literas increpatorias [Gerardo Eboracensi Archiepiscopo] eò quòd tenuit ex parte Regis contra Archiepiscopum Anselmum; & alias literas eidem, ut professionem suam eidem faciat; sicut & prædecessores sui fecerunt prædecessoribus nostris. Anselmus autem Archiepiscopus cum omnibus Episcopis Angliæ Concilium Londoniæ tenuit anno Domini MCII. ac plures Abbates tam Francigenas quàm Anglos, qui in honestate se non habuerunt, degradavit; sc. Abbates de Persore, de Tavestoke, de Rameseye, de Burgh, de Cernel, de Mideltoun. Prohibuit etiam Presbyteris diutius habere uxores. Quia verò Rex Henricus die Consecrationis suæ dederat Abbatiam Sancti [Edmundi] Roberto filio Hugonis Comitis Cestriæ † Monachos S. Ebrulfi, renitentibus Monachis S. Edmundi; Et idem Robertus eandem Abbatiam absque electione contra privilegia Monasterii accipere præsumperat; in eodem Concilio ab eodem Anselmo dejectus [est.] Et Robertus Prior Monasterii, vir magnæ religionis, Abbatiam suscepit; & annis iv. transactis obiit. Cui successit Aleboldus Prior S. Nigasi de Mellente; qui perinde plusquam iv. annos vixit. Huic successit nepos S. Anselmi; & post xxvi. annos tempore Regis Stephani obiit pridie Calend. Augusti. In magno Concilio Londoniæ habito annuit Rex & statuit; ut ab eo tempore in reliquum nunquam per || devotionem baculi pastoralis vel annuli quisquam de Abbatiâ vel Episcopatu per Regem vel per quamlibet Laicam manum in Angliâ investiretur: concedente quoque Anselmo, ut nullus in prælatione electus pro homagio, quod Regi faceret, consecratione suscepti honoris privaretur. Girardus etiam Archiepiscopus pollicitus est sibi & successoribus suis tunc illam \* [subjectionem & obedientiam ipsi & successoribus ejus in Archiepiscopatu exhibiturum] quam Herefordensis Episcopus sacrandus illi promiserat. Obiit autem Anselmus Archiepiscopus, cum sedisset annis xvi. anno Domini MCIX. Et vacavit Sedes Archiepiscopatus post mortem suam annis v.

Vide Radulfi  
Abbreviat.  
Chron. p. 497.

Vide Malmf.  
bur. f. 129.  
† l. Monacho.

|| l. Donatio-  
nem.

\* Verba uncis  
inclusa restitui  
ex Radulphi  
Abbrev. Chron.  
p. 500.

*Radulphus*, primò Rossensis Episcopus, vi. Calend. Maii eligitur apud Windeshoram; & v. Calend. Julii suscepit Pallium ab Anselmo Domini Papæ Legato; & ipso die Theolphum Wigornensem Episcopum apud Cantuariam consecravat. Obiit autem, cum sedisset annis viii. & mensibus vi. Vacavit autem Sedes post mortem suam iv. mensibus. Iste Radulphus consecravat † Adoli in Reginam Angliæ apud Windeshoram.

† l. Adalam.

*Willelmus de Turbine* (g), Prior S. Osithæ de Chiche, electus apud Gloveriam in Purificatione B. Virginis. Consecratus est autem apud Cantuariam à Willelmo Wintoniensi Episcopo die xiv. Calend. Martii, vice Londoniensis Episcopi; quia Ricardus Londoniensis Episcopus laborabat Paralysi. Willelmus autem Archiepiscopus pro petendo Pallio Romam ivit; ducens secum

(g) Sic etiam à Johanne Bromtono cognominatur p. 1043. ab aliis *de Carboil* dictus.



|| I. Coronatur.

Thurstanum Eboracensem Archiepiscopum & Bernardum Menevensensem; qui Pallium à Kalixto Papâ accepit. In reditu autem suo in Angliam duos Episcopos consecravit, sc. Lincolniensem & Bathoniensem; Episcopatum autem Roucestriæ dedit Archidiacono suo. Iste Willelmus congregavit Concilium apud Westmonasterium; ubi Thurstanus Eboracensis Archiepiscopus per nuncios & literas ostendit se interesse non posse rationabili causâ. Iste dedicavit Ecclesiam S. Trinitatis Cantuariæ præsentem Rege Henrico. Iste Willelmus consecravit Stephanum nepotem Regis Henrici in Regem; licet ipse primus fidelitatem fecisset Matildi filiæ Regis Henrici supradicti; ut filius suus Henricus II. post Henricum I. || coronatur in Regem. (b) De hoc supra. Obiit autem Willelmus Archiepiscopus, cum sedisset annis xiii. & mensibus ix. Vacavit autem Sedes post mortem suam annis duobus, mense uno, diebus xiii.

*Theobaldus*, Abbas Beccensis, vir honestus & literatus, ab Episcopis electus est. Consecratus est ab Alberico Hostiensi Episcopo & Apostolicæ Sedis Legato; qui Romam proficiscens Pallium suscepit ab Innocentio II. Papâ in Concilio Romæ habito. Cum verò postmodum ad Concilium, quod Eugenius Papa Remis celebravit, sine licentiâ Regis Stephani profectus fuisset; bonis omnibus spoliatus est. Postmodum verò mediante illo Rex Stephanus & Henricus Dux Normanniæ, qui postmodum Rex Angliæ, concordēs effecti sunt, qui prius discordes erant ab invicem. Obiit autem, cum sedisset annis xxii. & mensibus iv. anno Domini MCLXI. & vacavit Sedes anno uno, diebus xvi. Hic etiam consecravit Henricum filium Matildis Imperatricis in Regem Angliæ.

*Thomas*, Regis Cancellarius, Cantuariensis Archidiaconus, Beverlaci Præpositus, in diversis Ecclesiis per Angliam Canonicus ascriptus, à totius Provinciæ Clero generaliter Londoniæ convocato apud Westmonasterium, præsentem Henrico filio Regis & Regni Justiciariis, nemine reclamante electus est quartâ feriâ ante Pentecosten. Et Sabbato Pentecostes ordinatus in Presbyterum in Ecclesiâ Cantuariensi à Waltero Roffensi Episcopo, sequente die Dominicâ consecratus est ab Henrico Wintoniensi Episcopo vice Londoniensis Ecclesiæ tunc vacantis, Ricardo II. tunc defuncto. Pallium autem misit sibi Alexander III. Papa per nuncios quos sibi direxerat. Postmodum autem nuncium in Normanniam Regi direxit; renunciâns Cancellariæ, & Sigillum resignans. Quod Rex graviter accepit; eò quod audierat Archiepiscopum Moguntinum sub Rege in Teutoniâ & Coloniensem in Italiâ sub Imperatore nomen sibi Cancellarii vindicare. Cum autem Rex rediret in Angliam; obviam Regi veniens, receptus est in osculum, sed non in plenitudine gratiæ; sicut vultus statim conversus omnibus qui convenerant patenter ostendit. Alexandro Papâ celebrante Turonense Concilium, Thomas cum Suffraganeis suis sedit ad dextram in Concilio. Comes de Clarâ Rogerus vocatus ab Archiepiscopo xi. Calend. Augusti ad homagium sibi faciendum de Castello de Tunebrig & aliis pertinentibus ad Castellum, ei restitit; respondens, totum id Feodum in servitio militari persolvendo Regem potius attendisse quàm Archiepiscopum. Archiepiscopus vacantem Ecclesiâ de Heynesford contulit Laurentio. Willelmus villæ Dominus venditans sibi jus patronatûs in eadem Ecclesiâ, Laurentium expulit: unde Archiepiscopus eum excommunicavit. Quod quia minimè certiorato Rege fecisset; maximam Regis indignationem incurrit. Afferit namque Rex juxta dignitatem Regni; quod

(b) De illo supra egerat in libro de Regibus Normannorum, f. 131.

nullus Capitaneorum, nullus militans Regi, nullus minister Regis; nullus sc. ut vulgariter loquar, de Rege tenens in Capite castellum, villam, vel prædium; citra conscientiam Regis esset excommunicandus aliquo [modo;] ne si super hoc certioratus non fuerit, ignorantia lapsus communicet excommunicato, Capitaneum suum venientem ad se vel invitans ad osculum vel recipiens in consilium. Unde Rex Angliæ nuncios ad Dominum Papam direxit; petens, ut confirmaret consuetudines Regni; sed non optinuit Archiepiscopo resistente. Anno MCLXIV. Rex Concilium apud Clarendonam [convocavit] viii. Calend. Februarii; ubi ad hoc animos Prælatorum inflexit, ut Regni consuetudines Archiepiscoporum & Episcoporum auctoritate firmarentur & scriptis. Quod Thomas Cantuariensis Archiepiscopus, dum Papæ innotuisset, ab obligatione, quam inierat, absolutionem petiit & impetravit. Volens etiam, ut dicebat, maleficia cum debita severitate punire, & Ordinis dignitatem ad iniquum trahi compendium; & congruum esse considerans Clericos à suis Justiciariis in publico flagitio deprehensos Episcopis loci reddendos decreverat; ut quos Episcopus inveniret obnoxios, præsentem Justiciario Regis exauctorarent, à manu Laicali contendebant protegere: Alioqui bis judicaretur in idipsum. Huic controversiæ præstitit occasionem Philippus de Broc, Canonicus de Bedeford; qui tractus in Curiam propter homicidium, in Justiciarium Regis protulit verbum contumeliosum. Quod cum coram Archiepiscopo negare non posset; Præbendam suam multatus est, [&] pulsus à regno per biennium. Archiepiscopus autem Romam profecturus, incio [Rege] navem ascendit, in quo plurimum Regis offensam incurrit; sed vento contrario ejectus est in Angliam. Demum anno Domini MCLXV. tractus est Archiepiscopus in causam super actu, quem egerat in Cancellaria. Præsentiam suam exhibuit apud Northamptonam iii. Idus Octobris. Decreverant enim hi qui convenerant, quod à capite incipiens de omnibus rationem redderet: licet ante Consecrationem suam liber & absolutus fuisset ab omni ratiocinatione de voluntate Regis & mandato. Sed cum hoc probari non posset; adversum Episcopos, ne eum injusto dampnarent iudicio, appellavit; & ab eis itidem † appellatus est. Proceres autem Regni in eum nec confessum nec convictum, sed Privilegium Ecclesiæ protestantem & suum, sententiam extorserunt. Sic Archiepiscopus in arcto positus, multis affectus injuriis & obprobriis, & Episcoporum destitutus consilio; Crucem, quam manu tenebat, in altum erigens, discessit à Curia. Nocte frequenti Villam latenter egrediens, ab aspectibus hominum diebus se subtrahens, & noctibus iter peragens, post dies aliquot ad portum Sandvicum venit; naviculam fragili subvectus in Flandriam. Statim enim Domino Papæ Senonis directi sunt Nuncii plures tam Episcopi quam Comites ex parte Domini Regis; qui nichil ad votum vel propositum peregerunt. Cum autem per dies plurimos moram fecisset apud Pontiniacum; transiens inde venit Viceliatum repente. Et die Ascensionis ascendens in pulpitum, observatores & defensores ac instigatores Consuetudinum prædictarum accensis candelis excommunicavit; sc. Ricardum de Luci, Ricardum Pictavensem Archidiaconum, Jocelinum de Bailliul, Alanum de Nevilla, & plures alios. Isti absentes & non vocati & indefensi, sicut dicebant, missis ad Archiepiscopum nunciis, appellaverunt; & intraverunt Ecclesiam. Qui postmodum mandato Cardinalium Johannis Neopolitani & Willelmi Papiensis absoluti à Godofrido Episcopo S. Asaph. Alanum Londoniensis absolvit Episcopus, præstito juramento, quod in eundo Jerusalem transiret per Dominum Papam, & staret ejus mandato. Dicti autem Cardinales à latere Papæ missi Regem & Archiepiscopum convenerunt apud Munmirail; & licet Archiepiscopus eos in partem Regis inclinatiores sensisset, rem tamen in iudicium ratione illis publice residentibus concessit deduci; ut secundum ordinem Ecclesiasticum tam



sibi quàm suis priùs fieret restitutio. Nec enim spoliatus subire iudicium voluit ; nec cogi potuit aliqua ratione. Quod cùm illi non vellent nec possent ; infecto negotio redierunt ad Curiam. Rex interim Francorum Lodowicus in expensis providit ei per iv. annos. Anno autem Domini MCLXVIII. Thomas Archiepiscopus excommunicavit Alanum de Neville ; quòd Willhelmum Capellanum Archiepiscopi tenebat in vinculis. Anno autem Domini MCLXIX. excommunicavit Gilbertum Londoniensem Episcopum ; scripsitque Decano & Archidiacono & Capitulo Londoniensi, ne communicarent cum eo. Postmodum verò apud Baiocas duo Legati missi pro pace reformandâ, sc. Vivianus & Gratianus. Quorum alter partem Archiepiscopi, alter partem Regis, modis omnibus fovere proponebant. Sed sicut penès Regem Gratianus gratiam non invenit ; sic nec penès Archiepiscopum aliqua vivit in memoriâ Vivianus. Inde infecto negotio à Curia Regis, qui apud Baiocas erat, recesserunt. Consilio autem Regis Franciæ Archiepiscopus scripsit Regi Angliæ, petens ut recipiat eum in gratiam. Unde Rex Angliæ & Archiepiscopus in quali [quali] convenissent concordia ; nisi quòd Rex Archiepiscopo dare signum pacis osculo denegasset & jurasset ; omnem aliam securitatem arbitrio boni viri paratus offerre, paratus præstare. Anno autem Domini MCLXX. Rogerus Eboracensis Archiepiscopus, contra hoc quod priùs acceperat in mandatis, coronavit Henricum filium Regis. Postmodum habitum est colloquium apud Muntmirail inter Regem & Archiepiscopum ; ubi præsens fuit Rex Franciæ & Bernardus de Corilo, Prior etiam de Monte Dei. Post multa cùm perventum esset ad osculum ; quia dixit Archiepiscopus : In honore Dei vos osculor : ab osculo quasi conditionaliter involuto recessit Rex. Nam semper Rex in verbis Archiepiscopi conscientiam [habentis] purissimam quasdam clausulas causabatur : sc. nunc *Salvo ordine meo* : nunc *Salvo honore Dei* : nunc *Salvâ fide Dei*. Apud autem Ambazium singulis ad simplicem intellectum reductis, Rex & Archiepiscopus concordiam inierunt die S. Mariæ Magdalena, procurante pacem Rothrodo Rothomagensi Archiepiscopo. Et hac securitate rediens in Angliam, appulit Kalendis Novembris ad Sandvicum portum, exilii sui anno vii. Rex autem scripsit filio suo Henrico ; quòd pax inter ipsum & Archiepiscopum facta fuit ad voluntatem suam ; & præcepit, quòd ipse & sui pacem haberent. Porro cùm Rogerus Eboracensis Archiepiscopus & Gilbertus Londoniensis & Jocelinus Sarum apud Doveram constituti essent, & ventum transfretandi expectarent ; ecce in Vigiliâ S. Andreæ Apostoli subito venit Nuncius Domini Papæ ferens his tribus singulas literas ; quibus Interdictionis & Suspensionis virgâ percussi sunt. Cùm autem Archiepiscopus transfretasset ; Reginaldus de Warrennâ & Gervasius de Cormell Vicecomes Cantia & Rahulphus de Broks & plures armati acceleraverunt ad navigium ; ut adventantibus vim inferrent. Sed Johannes Decanus Sarum conductus cum Archiepiscopo ex mandato Regis redundaret, obviam eis processit ; denunciando eis ex parte Regis, ne eos in aliquo læderent ; quòd hoc esset ipsum Regem notam perditionis incurrere. Cùm autem ad Ecclesiam Cantuariensem venisset, & ibi cum magnâ devotione Cleri & populi susceptus esset ; Officiales novi Regis ad eum venerunt, denunciando ei ex parte Regis, ut ipsos suspensos & excommunicatos absolveret. Quibus respondit ; quòd si Londoniensis & Sarum Episcopi jurarent secundum forum Ecclesiæ se suo mandato parituros ; ipsos pro pace Ecclesiæ & reverentiâ Regis absolveret. Quòd cùm Episcopis referretur ; responderunt iuramentum huiusmodi non debere præstari nisi ex voluntate Regis. Hæc omnia scripsit Archiepiscopus statim Summo Pontifici. Cùm autem Archiepiscopus tenderet ad videndum novum Regem apud Wodstok ; honorificè susceptus est à Londoniensibus. Et cùm hospitatus esset apud Suthwerk ; xv. Calend. Januarii venerunt ad eum nuncii novi Regis, interdicentes

ex

ex parte ejus, ne progrediretur ad eum videndum, sed ad suam reverteretur Ecclesiam. Revertebatur igitur Cantuariam. Die autem Nativitatis Domini sermonem habiturus ad populum, ascendit ad pulpitum. Sermone completo, orationibus consuetis, sc. pro Papâ & pro Rege & pro pace & pro populi salute, fufis ad Deum, accensis candelis solempniter excommunicavit Nigellum de Satbeville violentum incubatorem Ecclesiæ de Herges & Vicarium ejusdem Ecclesiæ; Robertum quoque de Broks, qui equum quendam ipsius Archiepiscopi victualia deferentem ad ignominiam ejus decurtaverat. In crastino autem Sanctorum Innocentium circa horam vespertinam, dum cum Clericis suis resideret in thalamo; Willelmus de Tracy, Reginaldus filius Urli, Hugo de Morvile, Ricardus Brito, de Normanniâ venientes, subito thalamum irrumpunt; denunciante ex parte Regis in Normanniâ moram facientis, ut Episcopos suspensos officio restitueret, excommunicatos absolveret. Quibus respondit, non esse Judicis inferioris ut superioris sententiam solvat; & quod nulli hominum licet infirmare, quod Apostolica Sedes decrevit. Attamen si Londoniensis & Sarum Episcopi suo se mandato parituros jurarent; eos pro pace Ecclesiæ & reverentiâ Domini Regis absolveret. Illi irâ incandescentes, cum impetu recesserunt. Archiepiscopus verò cum Clericis suis intravit Ecclesiam, Vesperas decantaturus. Illi igitur quatuor interim militaribus armis induti, evestigio subsecuti sunt Archiepiscopum; Ecclesiamque irreverenter ingressi, cœperunt clamare: Ubi est proditor Regis? Ubi est proditor Regis? Ubi est Archiepiscopus? Cùm autem audisset nomen Archiepiscopi; à tertio gradu Presbiterii, quem jam conscenderat, eis obviâ egressus est, dicens: Si quæritis Archiepiscopum, ecce me in promptu habetis. Quibus acerrima proponentibus, ait: Ego mori paratus sum; vitæ præferens assertionem justitiæ & libertatem Ecclesiæ. Rogo tamen, ut mei non sint obnoxii pœnæ; sicut nec fuerunt imitatores culpæ. Letale igitur vulnus ab eis accipiens eâ corporis parte, sc. in coronâ capitis, quam olei sacri profusio Domino consecravit, inclinato capite percussus occubuit; cùm sedisset annis viii. mensibus vi. diebus xxviii. Et vacavit Sedes anno uno, (n) mensibus vi. & diebus iv. Anno autem Domini MLXXI. circa Pascha cœperunt irradiare Miracula B. Thomæ. Propter hoc autem nephandum opus anno uno exceptis novem diebus Cantuariensis Ecclesia cessavit à divinis. Sed in Festo B. Thomæ Apostoli, juxta mandatum Summi Pontificis, in statum pristinum est reformata per ejusdem Ecclesiæ Suffraganeos. Kalendis autem Septembris convocato Clero apud Wyndeshoram, actum est de consilio Cantuariensis Ecclesiæ; sed quibusdam cautis intervenientibus suspensum. Sed postmodum vi. Nonas Martii apud Lamedam convenientes, in Rogerum Beccensem Abbatem concordaverunt. Sed Abbas electus hoc intelligens penitus contradixit.

*Ricardus*, primò Prior Doverensis, anno Domini MLXXI. electus est ab Episcopis Angliæ pridie Nonas Junii apud Westminster in Capellâ S. Katerinæ, Monachis Cantuariensibus Odonem Priorem suum habere volentibus.

(n) Parum sibi constat Radulphus & hic & alibi. Si enim Ricardus electus fuerit anno 1171. prid. Non. Junii; Sedes vacavit duntaxat mensibus 5. diebus 5. Sin verò (quod in Abbrev. Chron. tradit p. 568.) Ricardus electus fuerit anno 1173. prid. Non. Junii; Sedes vacaverit annis 2. mensibus 5. diebus 5. Utrobique autem erravit; dum Ricardum Cantuariam 6. Id.

Junii advenisse scribit in crastino consecrandum. Dies enim 6. Idus Junii in Sabbatum non incidit anno 1173. nec anno 1171. neque etiam anno 1172. quem Radulphum potius velle suaderet assignatum ab eo vacationis tempus. Magis igitur credendum Gervasio; qui electum anno 1173. 3. Nonas Junii, Cantuariam appulisse die Sabbati sequenti prodit.



Et ipso die lectæ sunt literæ Summi Pontificis de Canonizatione S. Thomæ. Cum autem vi. Idus Junii Cantuariam venisset, ut ibi in crastino consecraretur; literæ Regis filii directæ sunt, in quibus continebatur, quod citra assensum ejus & conscientiam Electiones & Consecrationes in regno fieri non debeant. Sic intermissis Consecrationibus Archiepiscopi & aliorum, sc. Wyntonienſis, & Bathonienſis, & Elienſis, & Lincolnienſis Electorum, quique redierunt ad sua: quamvis non [sine] licentiâ Regis Henrici patris hoc fecissent. Anno autem Domini MCLXXIII. Electus Cantuarienſis Ricardus, habens in comitatu Wyntonienſem Electum, Romam profectus est. Quo cum venisset; ejus Electio iv. Nonas Aprilis confirmata est à Summo Pontifice Alexandro; & ab eodem consecratus est Anagninæ. Anno autem Domini MCLXXIV. rediens in Angliam, venit Londoniam iii. Nonas Septembris. Sed sub ipso reditu suo Cantuarienſis Ecclesia conflagravit incendio Nonis Septembris. Electos autem supradictos consecravit iii. Non. Octobris apud Cantuariam. Postmodum visitans Ecclesiam de Waltham, Guidonem Decanum ejusdem loci suspendit. Veniens autem Gloucestriam, S. Oswaldi Clericos, quod [se] asseriebant à suâ jurisdictione exemptos, propter rebellionem suam gravi animadversione percellebat. Inde graviter offensus Rogerus Eboracenſis Archiepiscopus ipsum per internuncios ad Sedem Apostolicam appellavit. Anno autem Domini MCLXXV. Archiepiscopus Cantuarienſis congregavit Concilium Londoniæ apud Westmonasterium xv. Calend. Junii; in quo literæ Henrici Regis patris lectæ sunt de pace factâ inter ipsum & filium suum. Rogerus autem Eboracenſis non interfuit, nec misit qui ejus absentiam excusaret. Quod verò Diocesis Cantuariorum tantum unum habuit Archidiaconatum ab antiquis patribus; iste ibi tres instituit Archidiaconos. Anno Domini MCLXXVIII. controversia diu habita inter Archiepiscopum Cantuarienſem & Abbatem S. Augustini ita terminata est ab Alexandro Papâ; quod Cantuarienſis Archiepiscopus ipsum & successores suos in Monasterio S. Augustini absque exactione obedientiæ benedicat. Sed anno Domini MCLXXIX. Abbas ejusdem loci ab eodem Papâ mitram, chirothecas & anulum suscepit apud Tusculanum in signum emancipationis indultæ. Anno autem Domini MCLXXXIV. obiit Cantuarienſis Archiepiscopus xiii. Cal. Martii apud Hallinges, villam Roffenſis Episcopi; cum sedisset annis ix. & xlv. septimanis, & v. diebus, ab Intronizatione vel Consecratione suâ. Et vacavit Sedes anno uno.

*Baldewinus*, primò Episcopus Wigornia, & Monachus Cisterciensis, electus est anno Domini MCLXXXIV. de assensu Suffraganeorum & etiam Monachorum Cantuariensium apud Westminster in Dominicâ tertiâ Adventus. Huic Lucius Papa misit Pallium. Intronizatus est autem in Sede suâ in Festo S. Dunstani anno Domini MCLXXXVI. Rursus cum sollempni recipitur Processione apud S. Augustinum; familiaritasque à diebus multis emortua revixit inter Ecclesias Cantuarienses. Huic Urbanus Papa concessit Legationem; ut vice ejus fungeretur tanquam Legatus ab eo missus per omnes Ecclesias Cantuarienſis Dioceſeos. Huic Conradus filius Marchionis scripsit anno Domini MCLXXXIX. ut miseretur Terræ Jerosolymitanæ, populos commovendo, ut eidem terræ velint succurrere, quæ jam data erat in manus Paganorum. Iste etiam consecravit Regem Ricardum in Regem Angliæ anno Domini MCXC. Profectus est jam dictus Archiepiscopus in Terram [Sanctam] tempore quo Rex Ricardus iter arripuit; qui vices suas Ricardo Londonienſi Episcopo commisit de communi consilio Suffraganeorum. Habuit etiam in comitatu Hubertum Saresburiensem Episcopum, & Ranulphum de Glanvil quondam regni Angliæ Justiciarium; qui itineri recte intendentes versùs Jerosolimam, à sinistrâ reliquerunt Siciliam; & post pericula multa apud

apud Cyprum applicuerunt circa Festum S. Michaelis. Dùm autem in Terrâ illâ ageret in extremis apud Acon; Hubertum Saresburiensem testamenti sui constituit executorem. Et sic mortuus est, cùm sedisset annis vi. & mensibus vi. & diebus xvii. Et vacavit Sedes annis iii. minùs xvi. diebus.

*Hubertus Wauter* ||, primò Saresburiensis Episcopus, de assensu Suffraganeorum & etiam Monachorum Cantuariensium electus est apud Westminster iii. Kalend. Junii. Huic Cœlestinus Papa misit Pallium per quendam Episcopellum nomine. Nonis autem Novembris sollempniter intronizatus [est.] Iste Hubertus anno Domini MCXCV. plenitudinem potestatis in officio Legationis communi favore omnium Cardinalium affectus est ab eodem Cœlestino tam in Archiepiscopatu Eboracensi quàm proprio: Quod quidem predecessori Baldewino non fuit collatum. Hic autem consecravit Johannem in Regem Angliæ. Obiit autem anno Domini MCCV. cùm sedisset annis xii. & vacavit Sedes annis tribus.

*Stephanus de Langetoun* \*, Romanæ Ecclesiæ Presbyter Cardinalis titulo S. Crisogoni, suscepit Pallium à Papâ Innocentio III. anno Domini MCCVIII. Hujus tempore interdicta est Anglia tempore Regis Johannis. Cum verò Monachi Cantuarienses sine consilio Suffraganeorum † eorum Cantuariensis Ecclesiæ primò elegissent suum Priorem, & iidem Suffraganei elegissent Episcopum Norwicensem, sc. || Johannem II. sine consensu Monachorum; tandem causâ ad Sedem Apostolicam deductâ, convenerunt unanimiter in prædictum Stephanum Cardinalem de Angliâ oriundum. Unde & Papa scripsit Johanni Regi Anglorum; ut ipsum reciperet, & alioquin terram suam interdicto feriret. Quod & factum est; fuitque eodem anno sc. MCCVIII. generale Interdictum in Angliâ; & duravit usque ad annum MCCXIII. quo Archiepiscopus cum Legato venit in Angliam. Concessit etiam prædictus Papa Monachis Cantuariensibus; ut de cætero possent eligere Archiepiscopum sine Suffraganeis ejusdem Ecclesiæ. Anno autem Domini MCCXXII. celebravit Concilium apud Oxenford tempore Henrici Regis filii Johannis; ubi quidam Diaconus combustus fuit, & quidam rusticus qui se crucifixerat. Obiit autem, cùm sedisset annis xxi.

*Richardus II. Grant* dictus Magister, consecratus est iv. Idus Junii anno Domini MCCXXIX. Obiit autem, cùm sedisset annis ii. & vacavit Sedes annis ii.

*Edmundus de Abendoniâ*, consecratus est in Archiepiscopum anno Domini MCCXXXIV. Iste sanctissimus fuit. Ortâ autem inter ipsum & Regem Henricum gravi dissensione super jure & libertatibus Ecclesiæ Cantuariensis, Monachisque suis alias commoventibus, post intolerabiles injurias, habitò super hoc Suffraganeorum consilio, excommunicavit occupatores injuste & perturbatores juris & libertatum Ecclesiæ Cantuariensis generaliter; & quosdam, de quibus legitime constabat, specialiter. Nolens autem cum Rege contendere, sed magis maliciis cedere, mare transivit. Obiit autem ibidem, cùm sedisset sex annis; requiescitque apud Pontiniacum, anno Domini MCCXL.



## HENRICI,

Archidiaconi Huntindoniensis,

## Epistola ad Walterum

De Mundi \* Contemptu :

Sive de Episcopis &amp; viris illustribus sui temporis.

\* Codex alter legit Appetitu.

† Languore.

|| Amorem.

\* Et.

† Sic.  
|| Inter quæ.

\* Conditur.

† Omnes.

|| Deus.

**W**Altere quondam decus juvenum, quondam delitiæ rerum, nunc (proh dolor!) diutino † dolore decoqueris, nunc lamentabili dolore consumeris. In ætatis nostræ jocundabili flore librum tibi Epigrammaton poeticè composui; carmen etiam in || amore acceptabile contexui. Juvenis autem juveni juvenilia, nunc senex seni senilia destino. De contemptu igitur Mundi quædam tibi & mihi scripsi; in quibus te languens exerceas, & ipse potissimum sæpe legendo recurram, nec differendo rhetoricè, nec tractando philosophicè: \* id unum omnis pagina divina intonat, omnia Philosophorum ingenia desudant: sed loquendo omnino simpliciter, ut pateat pluribus, i. e. minùs doctis, & de his quæ tu & ego vidimus, hinc jam senes contemnere contemptibilia discamus. Nihil igitur de Historiis, nihil de antè relatis, sed quæ videndo scimus, quia tale testimonium nec aliud lex admittit, apponimus. Quòd si temporis nostri posteris nomina barbara videantur; vel quia tot apponuntur, asper & obliquus tædeat tractatus; nonne saltem mihi & tibi proderit?

† Sit igitur primum Capitulum de his quæ in Ecclesiâ nostrâ contigerunt. Igitur à pueritiâ omnia ferè vitia præter luxuriam pullulant || hinc, quia cacumen erigit rigidissimum, & principatum nimius amor præsentium. Cùm autem ætatis naturali bono mala multa pueritiâ vacuentur, velut in scientiâ levitas, mutabilitas, & alia; hoc prædictum, quod jocundius est cæteris & melle venenato \* conditius, remanet & crescit. Ætatis tamen magno processu pungere videntur quæ mulcebant, & amaricare quæ indulcabant. Usu tamen mali velut hamo inextricabili captæ mentes divitiis & deliciis fugientibus retinentur. Quod à meipso didici. Cùm namque puerulus, cùm adolescens, cùm juvenis, Roberti Præsulis nostri gloriam conspicerem; sc. equites decentissimos, adolescentes nobilissimos, equos pretiosissimos, vasa aurea & deaurata, ferculorum numerum ferentium splendorem, vestes purpureas & bislinas; nihil nimirum beatius æstimare potui. Cùm igitur † omnis, & ipsi etiam qui de mundi contemptu legebant in Scolis, ei obsequerentur; & ipse quasi pater & || dominus omnium æstimatus, mundum valde deligeret & amplexaretur; si quis tunc mihi hæc pulcherrima, quæ omnes admirabamur, contemnenda diceret; quo vultu, quo animo ferrem? Infaniorum Oreste, importuniorum Thersite judicâsem. Nihil tanti viri tantæ beatitudini obesse posse puta-

putabam, Vir tamen effectus, narrationem audiui de turpissimis omnino conviciis ad eum dictis; quæ si mihi nihil habenti in tantâ audientiâ dictâ fuissent, semimortuum me ducerem. Cœpi ergo illam inæstimabilem beatitudinem minoris pendere. Quia verò multis sæcularibus solent ante mortem acerbissima contingere; quid ante finem ei contigerit, edisseram. Qui Justiciarius totius Angliæ, & ab omnibus summè formidatus fuerat, in ultimo vitæ suæ anno bis implacitatus est à Rege per quendam Justiciarium ignobilem, & damno gravissimo cum dedecore bis afflictus. Unde tanto stupore mentis angariatus est; ut cum ego jam Archidiaconus ejus inter prandium juxta eum recumberem, lacrimas eum fuisse viderim. Causam quæsitus, Quondam, inquit, astantes mihi pretiosis induebantur. Nunc multæ Regis, cujus semper gratiæ studui \*, compegerunt eos ag-  
\* Adde maxi-  
mè.  
 ninis vestiri. Tantâ verò post hæc desperatione de Regis amicitia usus est; ut cum laudes egregiæ, quas Rex de eo absente dixerat, ei recitarentur; suspirans † dixit: Non laudat Rex quempiam suorum, nisi quem voluerit † Dixit.  
 funditus † lædere. Rex namque Henricus, si dicere fas est, summæ simul- † Delere.  
 tatis erat, & \* nimis inscrutabilis. Post paucos exhinc dies apud Wodestoc, \* Meutis.  
 ubi Rex conventum hominum & ferarum statuerat, cum Episcopus loqueretur cum Rege & Episcopo Salesburiensi, qui summi erant in regno, percussus est apoplexiâ. Vivus tamen, sed elinguis, in hospitium suum deportatus, præsentē Rege mox expiravit. Rex magnus, cui semper servierat, quem valde dilexerat & metuerat, quem tanti ducebat, in quem adeo confidebat, nihil pluris in necessitate summâ fuit † mendico. Animad- † Adde ei.  
 vertite igitur non frustra dictum: || *Maledictus, qui confidit in homine, &* || Jer. xvii. 5.  
*qui ponit carnem brachium suum.* Dum igitur puer vel adolescens vel juvenis conspiciunt beatos, † percogitent quàm sit eorum finis ambiguus, † Percogitent.  
 & in hoc etiam mundo marcescere incepturi sint in miseriis. Fuit autem Robertus Præsul mitis & humilis, multos erigens, nullum deprimens, pater orphanorum, deliciæ suorum; hoc tamen usus est sine. Tractandum autem erat de præcessore ejus Remigio, qui cum Willelmo Rege in Angliam venit, & bello interfuit: qui postea Episcopatum || Dorcestriæ || Dorcestriæ.  
 prædicto Rege largiente suscepit; qui demum sedem Episcopatus à \* Dorece- \* Dorcece-  
 striâ in Lincolniam transtulit; qui Ecclesiam nostram fundavit, fundatam pos-  
 sessionibus variis ditavit, ditatam personis honestissimis infloravit. Sc. non loquimur nisi de auditis & visis: eum autem non vidimus; Clericos au-  
 tem venerabiles, quos in Ecclesiâ primos imposuit, omnes vidimus. † Ra-  
 dulfum igitur sacerdotem reverendum constituit Decanum. Reinerum ve-  
 rò, in cujus loco Gaufridus nepos ejus adhuc degit, Thesaurarium exhibuit. Reinerus vir adeo religiosus fuit; ut sæpe in tumulto quem morti suæ præparaverat, Psalmodiam exerceret & domui æternitatis || se assues-  
 cens diutius orabat: ut cum orare non posset, ibidem recumbens à Dei pietate visitaretur. Fœlix exemplum viri clarissimi. Nec tacendus est Hugo sacerdos, vir memoriâ dignus, principium & quasi fundamentum Ecclesiæ. Cui succedit Osbertus, vir omnino comis & desiderabilis. In quorum loco jam Willelmus extat, juvenis magnæ indolis. Guerno verò Cantor effectus est. Hujus in loco Radulfus impræsentiarum Cantor degit. Nec prætereo Albinum Andegavensem, magistrum quippe meum. Cujus fratres honestissimi & consocii mei; qui trino pollebant habitu, scientiâ profundissimâ, castitate clarissimâ, innocentia summâ: occulto tamen Dei judicio leprâ percussi sunt; sed jam purgamento mortis mundati sunt. Septem autem Archidiaconos septem provinciis, quibus præerat, Remigius imposuit, Ricardum Archidiaconum Lincolniæ, cui successit Albertus Longobardus, cui etiam successit Willelmus Baiocensis, & nunc Robertus junior, omnium Archidiaconorum, qui in Angliâ sunt, ditissimus. Cante-  
 brigienfi



brigiensi & Huntendonensi & Hertfordensi Nicolaum : Quo nullus erat corpore formosior ; nec moribus corpori multum absimilis erat. Cujus circa transitum cum Cantebriensis provincia ab Episcopatu nostro separata, novum Episcopum suscepisset, duabus reliquis provinciis Archidiaconus & ipse successi. Nigellum verò Archidiaconum Hamtoniæ præposuit, cui successit Robertus ; quibus modò Willelmus nepos Alexandri Episcopi nostri \* egregius. Leicestriæ verò Radulfum ; cui successit Godefridus : Quibus Walterus vir omnino laudandus. Nunc verò Robertus de Querce-  
† Alwredum. to, vir famâ dignus. Oxenfordiæ quidem præposuit † Alwredum. Cui successit Walterus superlativè rethoricus. Buchingeham præposuit Aluredum parvum ; cui successit Gislebertus, versibus & prosâ & habitu curialissimus. Quibus successit Rogerus, jam Cestrensis Episcopus effectus. Postea Ricardus, nunc verò David frater Alexandri venerabilis Episcopi, à primo quintus. Septimum verò Archidiaconum Bedefordiæ præposuit Osbertum. Cui successit Radulfus, miserandè occisus. Quibus Hugo, || nunc verò Nicholaus, à primo quartus. Cæteri verò Clerici honestissimi, ne prolixitatis arguar, taceantur. \* Cogita igitur, quomodo prædictæ personæ venerabiles exinanitæ sunt, & mox oblivione etiam † absorbendæ sint. Immo mente revolve omnes, quos in choro dextro, omnes quos in choro sinistro prius vidimus. Nec unus quidem || superest. Amabant quæ amamus ; optabant quæ optamus ; sperabant quæ speramus : mors omnes dedit oblivioni. Cogitemus igitur, quia & nos similiter eadem manet oblivio. Curemus omni nisu quærere, quod duret, quod stabile sit, quod differat à somno ; immò quod aliquid sit, quia hæc nichil sunt.

Secundum Capitulum ad contemptum mundi est de his, quos in summis deliciis educatos vidimus summis miseriis tandem deletos. Ideo autem per capitula tibi scribo ; ut quia diversorum nomina & gesta \* ubique dispersa intermiscantur, hinc † aptior & dilucidior fiat tractatus. Vidimus igitur Willelmum filium Regis, vestibus sêricis & auro confutis indutum, famulorum & custodum turbâ confertum, gloriâ quasi cœlesti coruscantem. Ipse unicus erat Regis & Reginæ filius ; nec dubitabat se diademate sublimandum. Enimvero nescio quid magis afferebat ei certa spes in futurum regnandi, quàm patri suo ipsâ essentia regni : quia pater magnam regnandi spatium jam præterierat, filio verò totum adhuc reservabatur. Pater etiam jam de amissione cum mentis angariâ cogitabat ; filius verò tantum ad habendum cum gaudio totus inhiabat. Displicebat autem mihi, & in animo || cladem futuram portendebat nimius circa eum cultus & nimius in ipso fastus ; & dicebat animus meus : Hic adeò delicatus, \* nutritus in cibum ignis. Ille autem semper de regno futuro de fastigio superbo tumidus cogitabat. Deus autem dicebat : Non sic impii, non sic. Contigit igitur ei, quòd pro coronâ auri rupibus marinis capite scinderetur ; pro vestibus deauratis nudus in mari volutaretur ; pro celsitudine regni maris in fundo piscium ventribus sepeliretur. Hæc fuit mutatio dexteræ excelsi. Ricardus etiam Cestrensis Consul, filius unicus Hugonis Consulis, summo splendore nutritus, summâ expectatione patris hæres eximius, adhuc imberbis, in eadem nave deperiit, & eandem sepulturam habuit. Ricardus quoque filius Regis nothus, ab Episcopo nostro Roberto festivè nutritus, & in eadem quâ degebam familiâ à me & aliis celebriter honoratus ; cujus indolem mirabamur, & magna quæque expectabamus, in eadem navi cautibus illisâ, cum mare ventis careret, subitâ morte raptus est, & à mari voratus est. Cum igitur Willelmus Regis nepos, filius sc. Roberti Ducis Normannorum, jam solus regius esset hæres, & omnium expectatione dignus judicaretur ; & probitate ineffabili

Cor-

Consulatum Flandriæ adeptus esset, & vigore inexterminali Theodoricum signis collatis superasset; parvo ictu sanciatu<sup>†</sup> deperiit. Omnes <sup>† In manu.</sup> qui eum regem futurum securi expectabant, & quosvis ad lubitum præjudicabant, illusi sunt. Si singula sequeretur exempla; fieret Epistola codex magnus. Nunc autem Decanum nostrum Symonem non prætereo, qui filius Roberti Præfulis nostri fuit; quem genuerat dum Cancellarius Wilhelmi magni Regis esset. Qui, ut decebat, regaler nutritus, & adhuc impubes, Decanus noster effectus, in summam Regis amicitiam & curiales dignitates mox provectus est. Erat autem celer ingenio, clarus eloquio, formâ venustus, gratiâ choruscus, ætate junior, prudentiâ senilis, sed superbiæ vitio resperius. Ex superbiâ crevit invidia, ex invidiâ odium, ex odio detractiones, jurgia, delationes. Bene igitur prophetavit de se dicens. Ego curialibus interponor, quasi sal anguillis viventibus. Sicut enim sal anguillas excruciat; sic delationibus suis omnes Regi famulantes distorsit. Sicut sal anguillarum destruitur humore, sic ipse omnium aspiratione || adnullatur. <sup>|| Adnullatus est.</sup> Hujus tamen prophetiæ partem priorem intellexit, alteram non prævidit. Verum tamen de se dixit nescius. Summus igitur in fastigio curiæ & regni, post dies in summum Regis odium devolutus est; & in carcerem positus, per latrinam aufugisse dicitur; & in exilium & miseriam juvenis intravit. Bene igitur in illo illud propheticum patuit: Qui in croceis nutriebantur, amplexati sunt stercora. Non igitur magni æstimemus, cum nobiles pueros vel juvenes viderimus, tam formâ quàm divitiis & favoribus perradiare; cum sæpenumero in summas misérias redigantur. \* Nunc omnis expectatio stultorum dissoluta est; & quod <sup>\* Tunc.</sup> nichili erat, ad nichilum <sup>† Redigitur.</sup> † redigetur.

Tertius erit Tractatus ad hujus vitæ labentis despectum; quæ utinam despici posset à me, quantum animus optat meus, & dignitas exigit sua; de sapientiâ hujus mundi, sc. de hoc quod potissimum est in mundo. Illa namque pretiosior est cunctis opibus terræ; & omnia, quæ in mundo desiderantur, huic non valent comparari. Scriptum est tamen, || *Sapientia hujus mundi, stultitia* \* *apud Deum.* Quod Apostoli signaculum visis || <sup>|| 1 Cor. iii. 19.</sup> prosequitur exemplis. Fuit igitur Robertus Consul de Mellend in rebus sæcularibus sapientissimus omnium hinc usque in Jerusalem degentium. Fuit scientiâ clarus, eloquio blandus, astutiâ perspicax, providentiâ sagax, ingenio versipellis, prudentiâ insuperabilis, consilio profundus, sapientiâ magnus. Possessiones igitur magnas & varias, quas vulgò vocant honores, † & urbes & castella, vicos & villas, flumina & silvas, prædictis adquisi- <sup>† Dicit.</sup> erat instrumentis. Erant autem honores ejus non solum in Angliâ, || <sup>|| Verum &</sup> sed etiam in Normanniâ \* Franciâ. Pro lubitu suo igitur Reges Francorum & <sup>\* In.</sup> Anglorum nunc concordēs uniebantur, nunc discordēs præliabantur. Si adversus aliquem insurgebat; contritus humiliabatur. Si prodesse volebat; gloriosus exaltabatur. Hinc thesauri copia, sc. auri & argenti, gemmarum & palliorum, incredibiliter ei confluit. Cum igitur in summo statu gloriæ suæ degeret; contigit quendam alium Consulem sponsam ei tam factione quàm dolosis viribus arripuisse. Unde & in senectute suâ mente turbatus & angariâ obnubilatus, in tenebras mœroris incidit; nec usque ad mortem se lætum vel hilarem sensit. Cum igitur post dies dolori dedicatos † & in infirmitatem mortis prænuntiam incidisset; rogatus est ab Ar- <sup>† Dicit.</sup>chiepiscopo & sacerdotibus, cum ei confessionis purgatorium impenderent officium; ut terras quas vi vel arte multis abstulerat, pœnitens redderet, & erratum lacrimis lavaret. Quibus respondens ait. Si terras quas aggregavi, multiphariam diviserò; quid miser filiis meis relinquam? Cui contra



tra ministri Domini. Sufficiens filiis tuis hereditates pristinae, & quas iuste terras adquisisti. Cetera redde. Alioquin animam devovisti gehennae. Respondit autem Consul. Filiis omnia tradam: ipsi pro salute defuncti misericorditer agant. Eo defuncto filii ejus magis iniuste congregata iniuste studuerunt augere, quam aliquid pro salute || patriâ distribuere. Li-  
 || Paternâ. quet igitur summam viri sapientiam in fine, quò laus canitur, non solum in summam stultitiam, sed in cæcam devenisse insaniam. Quid memorem Gislebertum cognomine Universalem, Episcopum Lundoniensem? Non fuit ad usque Romam par ei scientiâ. Artibus erat eruditissimus, theoriâ singularis & unicus: Famâ igitur celebris & splendidus. Quapropter dum scholas regeret in Nivernis Galliâ, ad summum Lundoniæ sacerdotium vocatus est, & exoratus \* accessit. Qui magnâ expectatione susceptus, cœpit avaritiæ crimini deservire: multa perquirens, pauca largiens. Moriens si-  
 \* Concessit. quidem nichil divisit. Sed infinitam thesauri copiam Rex Henricus in ejus † delitiis invenit. Ocreæ etiam Episcopi auro & argento refertæ in fiscum regium allatæ sunt. Unde vir summæ scientiæ ab omni populo ha-  
 † Delitiis. bitus est pro stultissimo. Quid etiam de || Randulfo Regis Cancellario? Qui cum esset vir sagacissimus, astutus & callidus; omnem vim sapientiæ  
 || Randulfo. suæ convertit ad simplices \* deheritandos & pecunias eradendas. Sed inter agendum decidit in languores interminabiles. Tunc verò quasi Deo reni-  
 \* Deheredit. tens & naturæ victor, facinus cumulare, quos poterat devorare non destitit. Crescebat autem cum cruciatu cupiditas, cum infirmitate impietas, cum  
 † Doloribus. † dolore dolus; donec cum ex equo || quo rueret super eum Monachus e-  
 || Corrueret. quitavit; & insolitâ morte demolitus est. Ex infinitorum silvâ exemplo- rum ad mundi sapientiam immò fallaciam discernendam jam dicta suffi- ciant.

Quarto subdetur loco virorum magni nominis felicitas; quam sc. se de-  
 \* Suo. disse Regi \* David Dominus ipse pronuntiat his verbis: † Feci quoque tibi  
 † 2 Reg. ii. 9. nomen grande juxta nomen magnorum qui sunt in terris. Ille igitur hanc fœ-  
 || Psal. cxvi. 3. licitatem fœliciter habuit; nostri autem infœliciter. His namque tempo-  
 || Thomæ. ribus non pervenitur ad magnum nomen nisi summis sceleribus. Thomas princeps magnus juxta Laudunum in Galliâ principans, magnus erat no-  
 † Referebatur. mine; quia summus erat scelere. Ecclesiis igitur circumjacentibus hosti-  
 || Ergo omnes. lis, omnes in fiscum suum redegerat. Si aliquem vi vel dolo in captione suâ tenebat; non fallò dicere poterat: || Dolores inferni circumdederunt me. Cæ-  
 \* Ei. des humana, voluptas ejus & gloria. Comitissam contra solitum in car-  
 † Carcerem. cere posuit. Cui crudelis & spurcus, compedes & supplicia diebus, ut pe-  
 || Extraxit. cuniam extorqueret, stuprum noctibus inferebât, ut eam derideret. A carcere in lectum \* homines crudelissimi quaquâ nocte ferebant. A lecto  
 quaquâ die in carcerem † referebant. Pacificè loquens proximum, in corde non sine risu gladio transpungebat. Unde gladium sæpius sub clamide nudum ferebat, quàm vaginatum. Hunc igitur || homines timebant, ve-  
 nerabantur, adorabant. Fama omnis Galliæ circa illum. Crescebat in-  
 dies \* ejus possessio: crescebat thesaurus; crescebat servitus. Audire fi-  
 nem scelerati desideras? Gladio letaliter percussus, pœnitentiam recusans, & à corpore Domini collum retorquens, sic periit; ut bene dici posset: Conveniens vitæ mors fuit ista tuâ. Vidisti Robertum de Belesme: qui princeps Normannensis in † carcere positus, erat Pluto, Megara, Cerbe-  
 rus, vel si aliquid horrendius scribi potest. Nec curabat captos redimere sed interimere. Filioli sui oculos sub clamide positi quasi ludens pollicibus || extinxit; homines utriusque sexûs ab ano usque in ora palis transforabat. Erat ei cædes horribilis hominum cibus jocundus animæ. Erat igitur in ore

ore omnium positus, ut diceretur in proverbiiis mirabilia Roberti de Belesme. Tandem veniamus ad finem; sc. ad rem optabilem. Qui ceteros carcere vexaverat, in carcere perhenni à Rege Henrico positus, longo supplicio sceleratus deperiit. Quem tantopere fama coluerat, dum viveret; in carcere utrùm viveret vel obisset, nescivit: diemque mortis ejus obmutescens ignoravit. Hos igitur duos inter multos descripsi. Nec jam amplius de gente \* ipsius demonibus horrenda loquendum duxi.

\* Ipsis.

Quintò tractabitur de summis hominum, qui sic sunt in rebus humanis, ut generalissima in prædicamentis. Reges verò gentium subditis suis quasi Deus sunt. Quibus omnes juramento se devoverunt, quibus stellæ cœli deservire videntur. Horum igitur cacuminum mundi tanta sublimitas est; ut in eos videndo ceteri non satientur, ut eis cohabitantes super homines æstimentur. Nec mirandum est, si ad eos inspiciendos mulierum turba † vel † Desunt. juvenum, vel etiam viri levitatis prosiliunt. Sed etiam sapientes & discretionem graves ad videndum sæpe visos nescio quâ gratiâ mulcente impelluntur. Quid igitur est? Quid jocundius? Quid beatius esse potest? Vellem tamen unum ex eis tibi colloqui, & mentis suæ secreta funditus revelare. Longè aliter judicares. Cum eos alii beatos judicent: ipsi dolore decoquantur, timore detorquentur. Nemo in regno eorum par eis miseriis || par † Nemo: sceleribus. Unde dicitur: Regia res scelus est. Rex Henricus fratrem suum & dominum Robertum in carcerem perhennem posuit, & usque dum moreretur detinuit. Neptium suarum oculos erui fecit, & multos proditione cepit, multos \* dolose & subdole interfecit, multa contra † sacramentum egit. \* Desunt. Semper cupiditati & avariciæ deservivit. Quos terrores sensit, dum frater † Sacramenta: ejus Robertus in eum exercitus à Normanniâ in Angliam duceret? Concordiam quidem territus cum eo instituit; sed in eâ procerum optimos perjurare fecit; quia pacem fregit & fratrem cœpit. Quos terrores habuit, dum Consul Andegavensis castella ejus diriperet, nec ipse procedere auderet? Quos terrores || habuit, dum Baldwinus Consul Flandrensis Normanniam ipso præsentem inflammaret; nec ipse procedere auderet? Quomodo mente contribulatus est, cum filii ejus & filiæ & proceres pelago devorati sunt? Quibus curis \* demollitus est, dum nepote suo Wilhelmo Flandriam \* Demollitus: adipiscente, se diadema regni amissurum pro certo putaret? Hic tamen beatissimus Regum habitus est. Sed certè miserrimus est. Quid de Philippo Rege Francorum & Lodoveo filio ejus, qui temporibus nostris regnaverunt; quorum Deus fuit venter, immò funestus hostis fuit. Adeò namque voraverunt, ut seipsum pinguedine amitterent, nec sustinere se possent. Philippus olim pinguedine defunctus est. Lodoveus adhuc juvenis; pinguedine tamen jam mortuus est. Quid autem de felicitate eorum? Nonne Philippus à suis sæpe victus est? Et à personis vilissimis sæpe fugatus est. Nonne Lodovicus per Regem Henricum à Marcio campo expulsus est; & à suis, ut patet, sæpenumero fugatus est? Rex verò Norwagensis fratrem suum Regem nuper bello cepit, oculos capto eruit, mentulam abscidit, pedem dextrum ademit, filium ejus lactentem excapitavit, Pontificem ejus laqueo suspendit. Infelix æquè Rex uterque. Sed oppones: Cur igitur Regem Henricum in Historiâ tuâ tantis laudibus extollis; quem hic tantis criminibus subvertis? Ad † quos respondeo. Regem sapientiâ magnum dixi, con- † Quod: filio profundum, providentiâ clarum, armis insignem, gestis sublimem, divitiis singularem: & tamen omnia quæ hic apposui, vera nimis sunt, & utinam falsa essent. Sed forsitan adhuc dices. Triginta & quinque annis jam regnavit, & multò plura, si numeres, prospera sensit quàm adversa. Contra quod ego. Immò nec millesima pars fortunæ ejus prosperitati potest adhi-



beri. Ea namque quæ prospera videbantur, doloribus semper immixta erant. Cum Regem Franciæ prælio vicit; quàm longâ turbatione mentis breve illud gaudium adeptus est? Breve dico: quia mox alius exercitus insurgens mentis febribus aliis eum conturbavit. Quod si diuturnitatem vitæ & regni miraris, jam non per biennium regnaturum vir Dei prædixit. Nuper itaque videbis miseræ vitæ miserum finem. Quod utinam, si fieri potest, absit: sed tamen non aberit. Non igitur mireris Reges istos infelices; sed Deum solum foelicem, & regna foelicia suis dantem.

Sextus autem, qui & ultimus erit, Tractatus de regni Regis Proceribus habeatur, qui nuper potentissimi fuerunt, nec jam impotentes sunt. Jam  
 ¶ Enim. ¶ verò nichil sunt, nusquam sunt; & per excessum penè dici potest, nunquam fuerunt. Nunc etenim ferè nemo eorum recordatur. Omnis memoria eorum interire incœpit; mox nulla erit: ad nichilum devenient tanquam aqua decurrens. Audi igitur Waltere consors karissime fermocinationem de viris illustribus, sed tamen in audiendo tædiosum: licet eos oculis nostris \* inspeximus. Splenduit igitur temporibus nostris Lanfrancus Archiepiscopus, vir philosophus, vir perspicuus. Cui successit Anselmus, philosophus & sanctissimus. Vidimus post eos Radulfum, dignum tantâ celsitudine habitum. Postea verò sedet Cantuariæ Willelmus, cujus laudes dici nequeunt; quia non sunt. Impræsentiarum Tedbaldus, vir omni laude dignus. Fuit etiam temporibus nostris † Walchelinus Wintoniensis Episcopus; cui successit Willelmus Giffardus, vir nobilissimus. Hii quoque exinaniti sunt, & ad nichilum devenerunt. Nunc autem sedet in loco illorum ¶ Henricus, nepos Henrici Regis; qui futurus est novum quoddam monstrum ex integro & corrupto compositum; sc. Monachus & Miles. Fuit etiam tempore nostro Ingulfus Præsul Rovecestrensis; post quem Radulfus; post quem \* Arnulfus: deinde Johannes. Hii omnes exinaniti sunt. Nunc autem sedet † mox periturus. Tempore nostro Episcopus Lundoniensis Mauricius decessit; post quem Ricardus; post quem Gislebertus magnus philosophus. Nunc verò Robertus, vir animo magnus. Et hii exinaniti sunt. ¶ Badoniæ verò Johannes medicus, & Godefridus. Nunc verò sedet ibidem Robertus: & hii jam nichil sunt. Wirecestriæ Samsonem vidi clarissimum: post hunc \* Leulfum. Nunc autem ibidem Simonem videmus. Cestriæ verò vidimus Robertum Pontificem: deinde alium Robertum, qui cognominatus est Peccatum. Nunc autem sedet Rogerius, mox nichilum futurus. Norwiciæ sedet Herbertus, vir benignus & doctus; cujus extant scripta. Cui successit Everardus, vir crudelissimus, & ob hoc jam depositus. Nunc verò sedet ibidem Willelmus. Heliensis Episcopus primus fuit Herveus; cui successit Nigellus. Salesberiensis Episcopus fuit Osmundus; cui successit Rogerius, vir magnus in sæcularibus; nunc verò Regis † Justiciarius. Excestriæ verò sedet Robertus nuper mortuus, & pridem cæcus; nunc verò nepos ejus ¶. In † Sicestriâ verò sedet Radulfus; in cujus loco sedet Pelochin, vir Gnatonicus, & ob hoc jam depositus. Dunelmæ verò sedet Willelmus, qui occisus est; post quem Randulfus, qui totam raptor Angliam succendit. Quibus successit Gaufridus: impræsentiarum verò Willelmus. Vidimus autem Gerardum Archiepiscopum Eboracensem; post eum Thomam, post eos Turstanum omnino laudandum: sed nunc Willelmum ejusdem Ecclesiæ Thesaurarium. Lincolliæ verò tempore nostro Remigius deguit Episcopus. Cui successit Robertus, vir clementissimus. Quibus successit Alexander, vir fidelis & munificus. Hactenus de Episcopis. Nonne vidisti Hugonem Consulem Cestriæ, & Ricardum filium ejus, & Randulfum successorem eorum, & nunc alium Randulfum? & hii omnes exinaniti sunt. Vidisti virum nequissimum & sapientissimum

\* Inspexerimus.

† Walkelinus.

¶ Diss.

\* Ernulfus.

† Ascelinus.

¶ Badæ.

\* Teulfum.

† Jocelinus.

¶ Item Robertus

† Siceastriâ.

simum in sæcularibus, de quo prædixi, sc. Robertum Consulem de \* Mellend, \* Mellent.  
 & nunc filium ejus Robertum laude parvum. Nonne vidisti Henricum Con-  
 sulem de Warewic, & filium ejus Rogerum, qui nunc degit, animis ignobi-  
 lem? Vidisti Willelmum Consulem Warenniæ, & Robertum Consulem de  
 Belesme, & Robertum Consulem de Moretpil: de quibus in Historiâ Anglo-  
 rum locuti sumus; & Symonem Consulem Huntendonæ, & Eustachium †  
 Bononiæ, & alios multos. Et ipsa memoria tædiosa est. Qui cum potentif-  
 simi & aspectu intento dignissimi viderentur; nunc nec pronuntiatione digni  
 sunt. Sed & pellis ovina, in quâ depinguntur eorum nomina, perdita vide-  
 tur omnino. Nec invenimus oculos, qui eam perlegere velint. Testis est  
 hæc Epistola, quam pro nominibus potentissimorum & omnium assurrectio-  
 ne dignissimorum nemo tamen vel vix aliquis potest perlegere. Quid me-  
 morem Aldvinum dominum meum Abbatem Ramefeia, & successorem || ejus || Des.  
 Bernardum, & postea Remaldum virum callidum sed inclementem, nunc  
 Walterum \* virum elegantem? Et hii † ubi sunt? Turaldus Abbas Burgen- \* Autem.  
 sis, & Ernulfus, & Mathias, & Godricus, & Johannes, & Martinus, quos † Desunt.  
 omnes vidimus, exinaniti sunt, & ad nichilum devenerunt. Quæris autem,  
 cur post mortuos & in fine vivos interponam, & jam ad nichilum devenisse  
 dicam? Cujus causa hæc est. Sicut enim mortui ad nichilum devenerunt;  
 ita & isti mox devenient: immo ut liberiùs dicam, jam devenerunt. No-  
 stra namque, quæ dicitur, vita, ut Tullius ait, mors est. Ex quo incipis  
 vivere, incipis mori. Prætereo viros clarissimos, sc. Radulfum || Basseth, & || Basseth.  
 filium ejus Ricardum, Justiciarios totius Angliæ, \* & alios absque numero; \* Et Galfridum  
 quibus jamdudum magni † custamenti servitium impendere jocundum || esse || Ridet, Justicia-  
 mihi videbatur: nunc autem mortuis brevissimam scribendi operam vile vi-  
 detur impendere. Cogita igitur Waltere, quàm nichil sit hæc præsens vita. || Constamenti.  
 Cum namque videamus potentissimos, qui ejus divitias plenariè adepti sunt, || Des.  
 nichil effecisse; ne & nos nichil efficiamus, quæramus aliud iter vitæ, in  
 quâ beatitudinem speremus & adipiscamur. Surge frater, surge & quære;  
 quia in hac vitâ quod quæstisti, nunquam invenisti. Nonne Rex Alexander,  
 vir, ut ita dicam, plusquam potentissimus, parvo tandem veneno demolitus  
 est? Non invenit quod quæstivit. Nonne & Julius Cæsar, vir æquè vel ma-  
 gis potens, cum omnia subjugasset, stilis exinanitus est? Quod quæstivit, non  
 invenit. Quære igitur quod invenias; quære vitam post vitam: quia vita  
 non est in hac vitâ. O Deus magne, quàm justè mortales \* dicimus? Mors \* Dicimur.  
 enim nostra, ex quo vivimus, continua est. Illa autem quæ dicitur mors,  
 finis nostræ mortis est. Quicquid enim agimus, quicquid dicimus, ex quo  
 actum est vel dictum, statim moritur. Memoria quidem eorum, ut circa  
 mortuum, aliquamdiu vivit. Cum autem & illa deperierit, jam quasi se-  
 cunda mors facta omnia & dicta nostra omnimodè adnichilavit. Ubi est  
 quod heri feci? ubi quod dixi? Ad nichilum devenerunt. Ubi & quod præ-  
 terito anno, hodiernâ die feci vel dixi? Æternâ morte oblivionis absorpta  
 sunt. Optemus igitur in hac morte mortem; quia non evademus hanc vi-  
 vendi mortem, nisi corporis † mortem; quæ sc. medius terminus est mortis † Mor-  
 & vitæ. Sed antequam Epistolam hanc perfinierim; nunciatum est amicū  
 meum, cui scribebam, mortis legibus concessisse. O mortalium fors abjecta  
 nascendi, misera vivendi, dura moriendi. O mors, quàm citò prorsus?  
 quàm || inopinatè irruis? quàm magnificè subruis? Ille igitur qui post mor- || Inopinatè.  
 tem est medicus, donet tibi Waltere, antidotum suæ pietatis ad capescendam  
 vitam continuæ sanitatis. Jam tibi quidem Epistola mitti non potest, sed  
 Epitaphium; breve sc. monumentum cum lacrimis scribendum est.

Henricus



\* Gramina.

Henricus tibi ferta gerens, epigrammata primum,  
Prælia mox Veneris, \* germina deinde tuli.

Nunc Waltere tibi fero carmen funebre totus.

Alter ab Henrico qui tria ferta tulit.

Dimidius perii : periit meus & decor & lux ;

Formaque mensque viri, mens caritate pari.

† Viri.

|| Pudibundè.

Mens assueta † viris dare magna, tamen || pudibunda ;

Mente minora suâ se tribuisse videns.

Mens assueta viri quantumlibet alta parare ;

Sed cum multa paret, xenia parva timet.

Mens assueta viri festivo tradere vultu,

Læticiâque pari congeminare datum.

Mens assueta viri dare sic, ne danda rogentur,

Præveniens vocem, bina ferente, manu.

Nil medium nil par magnis vir summus habebat.

Summa Dei sit ei gratia, grata quies.

**FINIS.**

**INDEX**

Archiepiscoporum & Episcoporum,

## Pag.

Ed





<i>Josephus Landav.</i>	Pag. 669	<i>Oudocus Landav.</i>	Pag. 669
<i>Josephus Menev.</i>	648		
<i>Iustus Roff. &amp; Cant.</i>	62,70,543,678	P	
K		<i>Pandulphus Norwic.</i>	524
<i>Kenulphus Winton.</i>	130	<i>Paternus Abrincatenfis,</i>	30,637,663
<i>Kineardus Winton.</i>	25		664,665
<i>Kinfi Lichfeld.</i>	32	<i>Patricius Armach.</i>	629,92
<i>Kinsius Ebor.</i>	250	<i>Paulinus Ebor. &amp; Roff.</i>	62,234,280,
L			679
<i>Lambertus Cant. vide Jambertus.</i>		<i>Petrus Quivil Exon.</i>	651
<i>Lanfrancus Cant.</i>	43,77,122,155,	<i>Petrus de Wenloc Menev.</i>	476,477,
	156,162,188,222,256,275,&c.		481,&c. 490,495,499,
	684,700		526,&c. 536,&c. 649
<i>Laurentius Cant.</i>	62,64,70,543,678	<i>Philippus Dunelm.</i>	590,591
<i>Letardus S. Martini Cant.</i>	61	<i>Plectelmus Wittern.</i>	235
<i>Leutherius Winton.</i>	3,9	<i>Plegmundus Cant.</i>	77,189,681
<i>Livingus Well. &amp; Cant.</i>	683	<i>Pyramus Ebor.</i>	677
<i>Livinus Archiepiscopus Scotorum,</i>	69,70	R	
<i>Luvvert Menev.</i>	648	<i>Radulphus Cicestr.</i>	700
M		<i>Radulphus Orcadenfis,</i>	237
<i>Maidocus Wallensis,</i>	634,663	<i>Radulphus Roff. &amp; Cant.</i>	182,188,
<i>Malgerus Wigorn.</i>	568,590,591,		290,292,661,687,700
	608,617	<i>Ramelinus Hereford.</i>	321
<i>Mellitus London. &amp; Cant.</i>	62,70,670	<i>Randulphus Flambard Dunelm.</i>	700
<i>Maugennius Silcestr.</i>	659	<i>Reginaldus Well. &amp; Cant.</i>	386,
<i>Mauricius London.</i>	685,700		394,&c. 399
<i>Menalchius Archiepiscopus Scotorum,</i>	69	<i>Remigius Lincoln.</i>	413,&c. 684,695
	648	<i>Ricardus Belmeis I. London.</i>	687,700
<i>Morcleis Menev.</i>	ibid.	<i>Ricardus I. Cant.</i>	467,476,522,649,
<i>Morgenen Menev.</i>			691,692,653
N		<i>Ricardus II. Cant.</i>	693
<i>Nigellus Elien.</i>	700	<i>Ricardus Carreu Menev.</i>	650,651
<i>Ninianus Wittern.</i>	235,236	<i>Ricardus de Ely London.</i>	378,392
<i>Nothelmus Cant.</i>	71,75,185,680	<i>Ricardus I. Hereford.</i>	673,674
<i>Novis Menev.</i>	648	<i>Ricardus de Ivelcestria Winton.</i>	480
O			481,692
<i>Odo Wilton. &amp; Cant.</i>	32,50,78,&c.	<i>Ricardus Pauper Sarum &amp; Dunelm.</i>	331
	109,192,193,216,681,682.	<i>Ricardus Scrope Lichfeld. &amp; Ebor.</i>	362,&c.
<i>Oskitellus Dorcestr. &amp; Ebor.</i>	197,203	<i>Ricemarchus Menev.</i>	649
<i>Osmundus Sarum,</i>	43,700	<i>Robertus Betun Hereford.</i>	295,&c. 649
<i>Oswaldus Wigorn. &amp; Ebor.</i>	33,191,&c.	<i>Robertus Bloet Lincoln.</i>	416,&c. 694,
	213,262,293		695,700
		<i>Robertus Chesney Lincoln.</i>	417,418,
			696
		<i>Robertus I. Exon.</i>	700
		<i>Robertus II. Exon.</i>	ibid.
		<i>Robertus Grosthead Lincoln.</i>	325,&c.
		<i>Robertus Lymesy Lichfeld.</i>	700
		[ X x x x ]	Rober-



	Pag.		Pag.
<i>Robertus Peche</i> Lichfeld.	700	<i>Thomas I.</i> Ebor.	255,256,649,684
<i>Robertus I.</i> Hereford.	267,268	<i>Thomas II.</i> Ebor.	172,417,700
<i>Robertus</i> London. & Cant.	683	<i>Thomas Wallensis</i> Menev.	650
<i>Robertus Melun</i> Hereford.	649	<i>Tilferdus</i> Hagustald.	235
<i>Robertus Salopiensis</i> Bangor.	552,555,572,592,650	<i>Tremorinus</i> Caerleon.	656
<i>Robertus I.</i> Santandr.	236,237	<i>Turgotus</i> Santandr.	234
<i>Robertus de Sigillo</i> London.	700	<i>Turstinus</i> Ebor.	236,237,688,700
<i>Robertus I.</i> Well.	700		
<i>Rogerus</i> Ebor.	427,692,690		U
<i>Rogerus</i> Lichfeld.	696,700	<i>Uetredus</i> Landav.	649
<i>Rogerus Magnus</i> Sarum.	700	<i>Urbanus</i> Landav.	305,321,661,673,674
<i>Rogerus I.</i> Wigorn.	425,&c. 476		W
	S		
<i>Sadurnven</i> Menev.	648	<i>Walkelinus</i> Winton.	256,685,700
<i>Sampson</i> Ebor.	540,656,677	<i>Walterus de Constantiis</i> Lincoln. & Rothomag.	385,393,&c. 399,&c. 418,599
<i>Samson</i> Menev. & Dolenfis,	30,533,534,540,542,655,658,659	<i>Walterus</i> Hereford.	684
<i>Samson</i> Wigorn.	700	<i>Walterus I.</i> Roff.	688
<i>Sefridus</i> Cicestr.	ibid.	<i>Wilfridus I.</i> Ebor.	5,24,50,205,206,235,679
<i>Sephelmus</i> Lindisfarn.	32	<i>Wilfridus II.</i> Ebor.	206,235
<i>Sexulfus</i> Lichfeld.	11	<i>Wilfridus</i> Menev.	534,649
<i>Simon</i> Wigorn.	238,700	<i>Willemus de S. Barbarâ</i> Dunelm.	700
<i>Siricius</i> Wilton. & Cant.	682	<i>Willemus Barlow</i> Aflav. Menev. Well. & Cicestr.	619
<i>Siwardus</i> Chorepisc. Cant.	683	<i>Willemus Blesensis</i> Lincoln.	599,600,615
<i>Siwardus</i> Roff.	279	<i>Willemus Carilefus</i> Dunelm.	700
<i>Stephanus Langton</i> Cant.	410,435,&c. 514,523,693	<i>Willemus Corboil</i> Cant.	687,700
<i>Stigandus</i> Helmam. Seoles. Winton. & Cant.	683,684	<i>Willemus I.</i> Ebor.	700
<i>Sulgemus</i> Menev.	649	<i>Willemus Giffard</i> Winton.	172,687,700
<i>Swithunus</i> Winton.	26,27,634	<i>Willemus Longchamp</i> Eli.	385,389,&c. 400,&c.
	T	<i>Willemus de S. Mariâ</i> London.	600,608
<i>Tatwynus</i> Cant.	71,75,185,680	<i>Willemus Smith</i> Lincoln.	325
<i>Teliavus</i> Landav.	637,655,659,662,&c.	<i>Willemus Turbus</i> Norwic.	700
<i>Thadiocens</i> Ebor.	677	<i>Willemus Vere</i> Hereford.	344,483
<i>Theobaldus</i> Cant.	652,688,700	<i>Willemus Warham</i> Cant.	227,&c.
<i>Theodorus</i> Cant.	11,185,518,543,679	<i>Willemus de Warlewast</i> Exon.	163,170,171,686
<i>Theodredus</i> London.	32	<i>Willemus Wickham</i> Winton.	355,&c.
<i>Theolphus</i> Wigorn.	687,700	<i>Winf</i> Legecestr.	32
<i>Theonus</i> London.	677	<i>Wifelmus</i> Well. & Cant.	32,80,681
<i>Tidelmus</i> Hereford.	32	<i>Wifelmus II.</i> Well.	32
<i>Thomas Beck</i> Menev.	651	<i>Wifredus</i> Cant.	681
<i>Thomas Becket</i> Cant.	625,177,420,&c. 518,523,525,537,615,622,688,&c.	<i>Wolstanus I.</i> Ebor.	32
<i>Thomas Bekinton</i> Well.	357,358	<i>Wolstanus II.</i> Wigorn.	241,&c. 524,684





*Prostant Venales apud Ric. Chiswell.*

**D**E Legibus Hebræorum ritualibus & earum rationibus, Libri tres, Authore Joanne Spencero, S. T. D. fol.  
De Sacrificiis Lib. duo. Quorum altero explicantur omnia Judæorum, nonnulla Gentium Prophana-  
rum Sacrificia. Altero Sacrificium Christi, utroque Ecclesiæ Cathol. his de rebus Sententia contra Faustum  
Socinum, ejusque Sectatores defenditur. Authore Guil. Outramo, S. T. P. 4°.

Herodoti Halicarn. Historiarum Libri IX. Ejusdem narratio de Vita Homeri excerpta è Ctesia libris de Re-  
bus Persicis & Judaicis, Gr. Lat. Et Hen. Stephani Apologia pro Herodoto. Accesserunt huic editioni Chro-  
nologia Historiæ, & Tabulæ Geographiæ Herodoteæ; nec non Variantes Lectiones & Notæ ex pluribus MSS.  
Cod. & Antiquis Scriptoribus collectæ, unâ cum Indice Gr. Lat. fol.

Bibliotheca Norfolciana, five Catalogus Libr. MSS. & Impress. in omni Arte & Lingua, quos Hen. Dux Nor-  
folciæ Regiæ Societati Londinensi pro Scientiâ naturali promovendâ donavit. 4°.

Gul. Ten Rhyne, Med. Doct. Dissertationes de Arthritide, Mantissâ Schematicâ, & de Acupuncturâ. Item  
Orationes tres de Chemiæ & Botanici antiquit. & dignitate; de Physiognomiâ, & de Monstris, cum Figuris &  
Authoris Notis illustratæ. 8°.

Disquisitiones Criticæ de variis per diversa loca & tempora Bibliorum editionibus. Quibus accedunt Ca-  
stigationes Theologi cujusdam Parisiensis ad Opusculum Is. Vossii de Sibyllinis Oraculis, & ejusdem Responso-  
nem ad Objectiones nuperæ Criticæ Sacræ. 4°.

Pharmacopœiæ Collegii Regalis Londini remedia succinctè descripta, atque serie alphabetica ita digesta, ut  
singula promptius primo intuitu investigari possint. Editio altera. In Calce annexus est Catalogus Simplici-  
um. Cura Ja. Shipton, Pharmac. Lond.

Marcelli Malpighii Philos. & Med. Bononiensis è Regiâ Societate Anglicanâ De Structurâ Glandularum con-  
globatarum confimiliumque Partium Epistola. Regiæ Societ. Londini ad Scientiam naturalem promovendam  
dicata. 4°.

Præcipuæ & elegantiss. sexaginta Æsopi Fabulæ nova per Metaphrasin & Periphrasim interpretatione Latine  
donatæ: Phrasibus Græcis & sententiis è Textu excerptis locupletatæ: notis passim illustratæ ac ab omni  
difficultate & obscuritate vindicatæ. Operâ & studio Geor. Sylvani. 12°.

_____Plutarchus de Liberorum educatione._____	} Omnia eodem modo per Eundem.	12°.
_____Luciani Dialogi selecti._____		
_____Theocriti Idyllia._____		
_____Isocratis Orationes ad Dæmonicum & Nicoclem._____		
_____Ejusdem Epistolæ quæ extant._____		

Lingua Latinæ Liber Dictionarius quadripartitus, Authore Adamo Littleton. 4°.

Scriptorum Ecclesiasticorum Historia Literaria à Christo nato usque ad Sæculum XIV. facili methodo dige-  
sta. Qua de Vita illorum ac rebus gestis, de Secta, Dogmatibus, Elogio, Stylo; de Scriptis genuinis, dubi-  
is, supposititiis, ineditis, deperditis, Fragmentis; deque variis Operum Editionibus perspicue agitur. Ac-  
cedunt Scriptores Gentiles, Christianæ Religionis Oppugnatores; & cujusvis Sæculi Breviarium. Inferuntur  
suis locis veterum aliquot Opuscula & Fragmenta, tum Græca, tum Latina hætenus inedita. Præmissa deniq;  
Prolegomena, quibus plurima ad Antiquitatis Ecclesiasticæ studium spectantia traduntur. Opus Indicibus ne-  
cessariis instructum, Authore Guiljelmo Cave, SS. Theol. Profes. Canonico Windesoriensi. Accedit ab aliâ  
Manu Appendix ab ineunte Sæculo XIV. ad annum usque MDXVII.

Jacobi Usserii Armachani Archiepiscopi Historia Dogmatica Controversiæ inter Orthodoxos & Pontificios de  
Scripturis & Sacris Vernaculis: Nunc primum edita. Accesserunt Ejusdem Dissertationes duæ de Pseudo-Dio-  
nyssii scriptis & de Epistolâ ad Laodicenos antehac inedita. Descripsit, digessit, & notis atq; Auctario locuple-  
tavit Henricus Wharton, A. M. Rev. in Christo Pat. ac Dom. Archiepisc. Cantuariensi à Sacris Domesticis. 4°.

Censura celebriorum Authorum, five Tractatus in Quo varia Virorum doctorum de clarissimis cujusque Sæ-  
culi Scriptoribus judicia traduntur. Unde facillimo negotio Lector dignoscere queat quid in singulis quibusque  
istorum Authorum maximè memorabile sit, & quonam in pretio apud Eruditos semper habiti fuerint. Om-  
nia in studioforum gratiam collegit, & in ordinem digessit secundum seriem Temporis quo ipsi Authores flo-  
ruerunt, Thomas Pope-Blount Anglo-Britannus Baronettus. fol.

ANGLIA SACRA, five Collectio Historiarum, partim antiquitus partim recenter scriptarum, de Archie-  
piscopis & Episcopis Angliæ, à primâ Fidei Christianæ susceptione ad annum 1540. Nunc primum in lucem  
editarum. PARS PRIMA, de Archiepiscopis & Episcopis Ecclesiarum Cathedralium quas Monachi posside-  
runt. Opera Henrici Whartoni. fol.

Guilielmi Camdeni & illustrium Virorum ad G. Camdenum Epistolæ cum Appendice varii Argumenti.  
Accesserunt Annalium Regni Regis Jacobi primi Apparatus & Commentarius de antiquitate, dignitate & offi-  
cio Comitum Marescalli Angliæ. Præmittitur Camdeni Vita Scriptore Thomâ Smitho S. T. D. 4°.

